






“বই মনের খাদ্য।  
বেশি বেশি বই পড়ুন,  
মনকে সুস্থ রাখুন।।”



মোঃ কবিরুল ইসলাম  
(DME K-69)

















বিচিত্র

কাল্পনিক, ১৩৩৭

বন্দিনী সীতা

শিল্পী—শ্রীযুক্ত প্রমোদ চট্টোপ



Banga

531.445

3583

# বিচিত্রা

তুর্থ বর্ষ, ২য় খণ্ড	ফাল্গুন, ১৩৩৭	তৃতীয় সংখ্যা
----------------------	---------------	---------------

শাস্তি

ASIATIC SOCIETY  
CALCUTTA.

আমি ওহি মর মর ওহাও কি আমি  
যাহার লম্বা আর লম্বা,  
যাহার চন্দ্রা আর চন্দ্রা,  
আমার হৃদয়ে যার চন্দ্রা,  
যার মুখ যেন উজ্জ্বল আর মার মার  
মুখে মুখে দিক দিক চিহ্নিত এ আমার মরম।  
ভেবেছিলুম আমারে সে মরম,  
এ প্রাণের যে আমার মরম  
যদি দিলে আর মরম  
দ্বিগুণে ওহাও আর মরম যেমন মর মর।  
ভেবেছিলুম যে ~~আমার~~ আম  
আমার মরম যেন আমার মরম যার মরম।  
ওহে মর মর মর, বিচিত্র মরম  
আমার মরম মরম

87598

১৩৫







## পত্রলেখা

### শ্রীযুক্ত প্রমথ চৌধুরী

১

জনরব যে পাঠিকারা প্রায়ই কাব্যের নায়কদের সঙ্গে ভালবাসায় পড়ে যান। এর কারণও স্পষ্ট। স্বীজাতি সব জিনিষই যাচাই করে নেয় হৃদয় দিয়ে, মন দিয়ে নয়। কাব্য হিসাবে Hamlet যে Romeo Juliet এর অপেক্ষা শতগুণে শ্রেষ্ঠ, এ কথা কোনও স্বীলোক মুখে স্বীকার করলেও মনে মানবে না। এর কারণ, Romeoর সঙ্গে সহজেই ভালবাসায় পড়া যায়, এমন কি গুরুজনের অমত উপেক্ষা করেও; কিন্তু কোনও প্রকৃতিস্থ কিশোরী, গুরুজনের আজ্ঞাতেও প্রসন্নমনে Hamlet এর গলায় মালা দিতে সম্মত হবে না, অবশ্য সে যদি Opheliar মত মতিচ্ছন্ন না হয়। Juliet এর সঙ্গে Romeoর প্রেমালাপের সঙ্গে Opheliar সঙ্গে Hamlet এর নন্দীলাপের তুলনা করলেই, সহজেই বুঝতে পারবেন যে এর কারণ কি?

কাব্যের মনগড়া মানুষের প্রতি মনের টান কিন্তু স্বীজাতির একচেটে নয়। কাব্যরাজ্যের কোনও কোনও নায়িকাও কখনো কখনো কোনো কোনো পাঠকেরও মনকে পেয়ে বসে। আর ভালবাসা শব্দের, আর যে অলৌকিক অর্থই থাক না কেন, মনকে পেয়ে বসা যে তার একটি অভ্রান্ত লক্ষণ, সে বিষয়ে বিন্দুমাত্র সন্দেহ নেই। যার কথা দিনে একবার মনে হয় না, যার মুখ যখন তখন চোখের স্রুমুখে ভেসে ওঠে না, তাকে যে ভালবাসি, এমন কথা সেই বলতে পারে, যার কথা শুকের মুখের বাণী, অর্থাৎ মুখেরই কথা মনের কথা নয়।

তবে এ ক্ষেত্রে, পাঠিকাদের ভালবাসার সঙ্গে আমাদের ভালবাসার একটু তফাৎ আছে। তাঁরা শুনতে পাই, কাব্যে য মনোমত নায়কের সাক্ষাৎ পান, জীবনে তাঁর সাক্ষাৎ লাভ করবার অলীক আশা মনে পোষণ করেন। Romeoর সাক্ষাৎ না হোক, অংশাবতারের সঙ্গে কোন শুভ পূর্ণিমার

রাত্রে যে দেখা হবে এ বিশ্বাস তাঁদের মনে বদ্ধমূল; আর যদি নাহয় ত চন্দ্রালোকও বৃথা, জীবনও বৃথা।

আমরা কিন্তু জানি যে, আর্টের রাজ্যে অর্থাৎ রূপলোকে যার সাক্ষাৎ পেয়েছি, জীবনে অর্থাৎ কামলোকে তার সাক্ষাৎ কখনও মিলবে না। আমরা জীবনে তাই তাদের খুঁজি স্বপ্নের সংসার-ভাবনা থেকে মুক্ত হলেই, মনের আকাশে তাঁদের প্রত্যক্ষ করি। যে সুর, যে রূপ মানুষের মনকে হঠাৎ পেয়ে বসে সে সুর সে রূপ সব সময়ে যে খুব উচুদরের তা অবশ্য নয়

সকলেই জানেন, এক-একটা গানের সুর অত টুকরো, কি কারণে জানিনে, মনে এমননি বসে যায় কিছুদিন ধরে তা কানের কাছে যখন তখন গুনগুন করে এবং হাজার ইচ্ছা করলেও, সেটিকে মন কিম্বা কান থেকে তাড়ানো যায় না। একটু অগ্ন্যম্নস্ক হলেই দেখা যায় আবার কানের কাছে গুনগুন করছে। যদিও তা দরবা কানাড়া নয় ছিবলে পিলু, রেখাব-পঞ্চমের স্পর্শমুক্ত পি মালকোষ নয়; কড়িমধ্যম স্পৃষ্ট ভৈরবীর একটা টুকরো

কানের মত 'চোখেরও এ রকম অযথা পক্ষপাতি আছে। এক জায়গায় এক সঙ্গে একশ'টি রূপসী রং দেখলে তাদের মধ্যে হয় ত একজনের মুখ, আমাদের চোখ এঁকে যায়, যদিচ তার মুখ দস্তর-মত সুগঠিত নয়, অথ তার চোখটি একটু ছোট অথবা নাকটি একটু বড়। অশাস্ত্রীয় মুখটি যখন তখন চোখের স্রুমুখে এসে হাজির হয় আর তার রূপ চোখ থেকে আলাগা করা অসম্ভব হয়ে পড়ে।

কেন যে এক-একটা বিশেষ সুর, এক-একটা বিশেষ রূপ আমাদের মনকে স্পর্শ করে ও বিচলিত করে, এর কাণ্ড আমি জানিনে। সম্ভবতঃ সে সুর সে রূপের অন্তর্নিহিত



গ আমাদের প্রাণকে গোপনে স্পর্শ করে। এর চাইতে ষ্ট ব্যাধা হয় ত দেহাত্তিকরা অথবা মনস্তত্ত্ববিদরা দিতে রেন কিন্তু আমি পারিনে। তবে এ ঘটনা যে ঘটে তার গাণ আমি এ জীবনে একাধিকবার প্রত্যক্ষ করেছি। র আমার বিশ্বাস যে, চোখ কাননামক মনের দু'টি দুরোর থোলা আছে তিনিই তা করেছেন।

কাব্যরাজ্যও এই একই নিয়মের অধীন। কবিতার এক টি পদ বা বাক্য আমাদের মনে হঠাৎ এমনি বিধে যায় যে, কথাটি সময়ে অসময়ে আমাদের মনে গৌচা দেয়। বর আঁকা কোনও কোনও ছবিও যখন তখন আমাদের ত্রপথে উদয় হয়। কবি-কল্পিত নাম রূপের মায়াও আমরা বনে কাটিয়ে উঠতে পারি নে। সংস্কৃত কবিদের কল্পিত নসকুমারীদের মধ্যে একটি কুমারী আমার মনের পটে দিনের জন্ত অঙ্কিত হয়ে রয়েছে। তার নাম পত্রলেখা।

৩

প্রথমতঃ হয় ত ঐ নামের গুণেই পত্রলেখা আমার কানের তর দিয়ে মর্মে প্রবেশ করেছিল। নামেরও যে একটা হিনী শক্তি আছে সে কথা রবীন্দ্রনাথ আমাদের স্পষ্ট র বুঝিয়ে দিয়েছেন। এ নাম সংস্কৃত সাহিত্যে অপূর্ণ। রায়ণ মহাভারতে এ জাতীয় নাম নেই। এ নামের গায়ে ষ্ট আর্ধ্য মার্কা নেই। একদিকে পত্রলেখা যেমন উর্দ্ধিলা ওবী শ্রুতকীর্তির সগোত্র নয়, অপর দিকে অর্ধাচীন যুগের লিকা, মদনিকা, তমালিকারও স্বজাতি নন। এ নামের য যেমন আর্ধ্য রূপ নেই, তেমনি অনাৰ্য্য গন্ধও নেই।

তারপর বাণভট্ট পত্রলেখার যে ছবি এঁকেছেন, সে ব যার চোখ আছে, তার চোখ কখনও এড়িয়ে যায় না। ততঃ রবীন্দ্রনাথের যে যায় নি, 'কাব্যের উপেক্ষিতার' সঙ্গে পরিচয় আছে তিনিই তা জানেন। রবীন্দ্রনাথ লেখার যে ছবি বাঙলা পাঠকদের কাছে ধরে দিয়েছেন ছবিটি এই :—

“যুবরাজ চন্দ্রাপীড় যখন অধ্যয়ন সম্পূর্ণ করিয়া প্রাসাদে রিয়া আসিলেন, তখন একদিন প্রভাতকালে তাঁহার গৃহে শাস নামে একটি কঙ্কী প্রবেশ করিল—তাহার পশ্চাতে

একটি কণ্ঠা অনতিযৌবনা, মস্তকে ইন্দ্রগোপকীটের মত রক্তাধর অবগুণ্ঠন, ললাটে চন্দন তিলক, কটিতে হেম-মেথলা, কোমল তমূলতার প্রত্যেক রেখাটি যেন সত্ত্ব অঙ্কিত—এই তরুণী লাবণ্যপ্রভা প্রভাবে ভবন পূর্ণ করিয়া কনিত নুপুরাকলিত চরণে কঙ্কীর অমুগমন করিল।”

এ হচ্ছে পত্রলেখার রূপের চমৎকারিত্বের first impression।

৪

সংস্কৃত কাব্যের কোন নায়িকারই নাম শোনবামাত্র তার বিশেষ রূপ আমাদের চোখের স্মৃথে আবির্ভূত হয় না। আমরা এই পর্য্যন্ত জানি যে, তাঁরা প্রত্যেকেই সর্বললামভূতা অনবদ্য সুন্দরী। সকলেই এক ছাঁচে ঢালাই হয়েছেন। তাই এঁদের একজনের রূপ আর একজনের রূপ থেকে স্বতন্ত্র নয়।

বাণভট্ট হচ্ছেন একমাত্র কবি যার কাব্যে আমরা নানা রূপের স্ত্রীলোকের সাক্ষাৎ পাই, কারণ তিনি নানা জাতির নানা শ্রেণীর, এমন কি অস্পৃশ্য রমণীরও ছবি এঁকেছেন। মাতঙ্গকুমারী যে গন্ধর্ষকুমারীর সর্বর্ণ নয়, এ কথা বাণভট্ট ভোলেন নি। একটি ফরাসী কবি বলেছেন যে, এ জগতটা যে দৃশ্য জগৎ তা এতই প্রত্যক্ষ যে এই স্পষ্ট সত্যকে তিনি উপেক্ষা করতে পারেন নি। এ বিষয়ে বাণভট্টও Theophile Gautierএর সমধর্মী।

স্ত্রীজাতির স্ত্রীত্বের অতিরিক্ত রূপ বলে যে একটি বিশিষ্ট ও একমাত্র নয়নগোচর গুণ আছে, বাণভট্টের চোখ সে বিষয়ে খোলা ছিল। তাই তিনি কোন কোন রমণীকে একমাত্র ছবি হিসেবে দেখেছেন এবং আমাদেরও দেখিয়েছেন। পত্রলেখার চিত্র তাঁর masterpiece, অতএব এই অপূর্ণ চিত্রটি আর একটু খুঁটিয়ে দেখা দাক। বিশেষ পরিচয়ে এ চিত্রের first impression স্নান হয় না বরং তার মর্ম আরও ফুটে ওঠে।

এ রূপ দেখে আমাদের চোখ বলসে যায় না, কেননা পত্রলেখা মহাশ্বেতা নয়। সে চন্দ্রমণ্ডল থেকে রাহুভরে ভুবনে অবতীর্ণ একখণ্ড জ্যোৎস্না মাত্র, জমাট জ্যোৎস্নার পরিচ্ছিন্ন আকৃতি; প্রথমেই চোখে পড়ে তার মুখে



মেরুদণ্ড, অর্থাৎ নাসিকা, সম স্তূপ ও তুঙ্গ। তারপর  
চৈতন্য পড়ে তার দেহ। সে দেহ লতানো নয়, ত্রয়ীর মত  
চরণের উপরে সুপ্রতিষ্ঠিত। সখী আমার ধরো ধরো, এমন কথা  
তার মুখ দিয়ে কখনও বেরয় না। সে অবশু চরণের উপর  
সুপ্রতিষ্ঠিত হ'লেও চিত্র-পুস্তলিকার মত আড়ষ্ট হ'য়ে  
দাঁড়িয়ে ছিলনা, কঙ্কীকে অনুগমন করছিল, মন্দ মন্দ  
বাহুবিক্ষেপের দ্বারা দেহের লাবণ্য ছহাতে চারিপাশে  
ছড়িয়ে দিয়ে। এ মেয়ে যে পরে অবলীলাক্রমে লাফিয়ে  
ঘোড়ায় চড়ে যুবরাজ চন্দ্রাপীড়ের পার্শ্বে, তার ইঙ্গিত তার  
সকল অঙ্গে ছিল। বাণভট্ট দুটি চারটি ছোটখাটো  
জিনিষের উল্লেখ করছেন যাতে করে এ স্ত্রী মূর্তি একেবারে  
জীবন্ত হয়ে উঠেছে। কবি একটি কথায় পত্রলেখার  
দেহমনের সৌন্দর্যের বর্ণনা করেছেন। সে রূপ পূর্ণ  
মুকুলিত নয় স্ফুটোন্মুখ। পত্রলেখার পয়োধর নাতি  
নির্ভরোদ্ভিন্ন। এর থেকে আমরা অনুমান করতে পারি  
তার মনও তার স্তনের অনুরূপ নাতিনির্ভরোদ্ভিন্ন।  
অতিমাত্রায় তাম্বুল চর্বণের ফলে তার অধররেখা ঈষৎ  
কৃষ্ণবর্ণ, দেখতে মনে হয় যেন জ্যোৎস্নার প্রাস্তদেশে ঈষৎ  
অন্ধকার লেগে আছে। তার চরিত্রও তার দেহবস্তির  
অনুরূপ সরল। প্রমাণ তার তিলক আগের দিন  
পরা চন্দনের, অতএব ধূসর। সে সেজেগুজে মুখধুয়ে যুব-  
রাজ চন্দ্রাপীড়ের কাছে উপস্থিত হয় নি। তাই তার কপালে  
বাসি চন্দনের তিলক, রাঙা ঠোঁটে পানের কালো দাগ।

পত্রলেখার কি দেহে কি মনে হাবভাব বিলাস বিভ্রমের  
ইঙ্গিত মাত্রও নেই। এখনও সে নারীমূলভ ছলকলা শেখে  
নি। লজ্জা এখনও তার শরীর মনকে অভিভূত করে নি।  
সে প্রগল্ভ অথচ অবিদ্যা নয়, মিতভাষী নয় কিন্তু মিষ্টভাষী।  
সে অনর্গল বকে কিন্তু যা খুসি তা বলে না। এক কথায়  
তার চলাফেরা বলাকওয়া সব যেমন সপ্রাণ তেমনি সুন্দর;  
রাগী বিলাসবতী চন্দ্রাপীড়কে আদেশ করিতেছিলেন যে  
পত্রলেখার চাপল্য নিজের চিত্তবৃত্তির মত দমন করে।

পত্রলেখা “প্রথমে বয়সি বর্তমান” উপরন্তু  
রাজার নন্দিনী, রাজনন্দিনী হ'লেও রাজকুলের আহু-  
মেয়ে। তাই তার প্রাণের ক্ষুধা অব্যাহত।

পত্রলেখার কোন ইতিহাস নেই কারণ তা  
দেহ মনে যৌবনের সূচনা মাত্র আছে পরিণতি  
নেই। “দিনে দিনে অঙ্গ উথারয়ে অঙ্গ” বিজ্ঞাপি  
ঠাকুরের এ উক্তি রক্তমাংসে গড়া নারীর পক্ষে সত্য কি  
ছবির পক্ষে নয়। চিত্রকরের তুলিকা বা লেখনি একা  
অনিতা মুহূর্তকে নিত্য করে। চিত্র হাসবুদ্ধির নিয়মে  
অধীন নয়। তাই পত্র লেখা যে একদিন দ্বিতীয় কাদম্বরী  
হয়ে উঠবে, এ পরিণাম আমি কল্পনাও করতে পারি  
নে। পত্র লেখা সংস্কৃত সাহিত্যে একমাত্র চিরসুন্দরী।

চণ্ডীদাস বলেছেন,

রজকিনী রূপ      কিশোরী স্বরূপ  
কামগন্ধ নাহি তায়।

সংস্কৃত সাহিত্যে যদি কোনও কিশোরী এ হেন কিশো-  
রস্বরূপ হয় ত সে পত্রলেখা।

চন্দ্রাপীড় যখন বিজয়ালয় হইতে মুক্তিলাভ কা-  
প্রথমে এ জীবন্ত ছবি প্রত্যক্ষ করেন তখন তি  
নির্নিমেষ নয়নে পত্রলেখার প্রতি অনেকক্ষণ চেয়েছিলে-  
তার পর তিনি পত্রলেখাকে একদিনের জগৎও চো-  
অন্তরাল করেন নি এমন কি কাদম্বরীর নেশায় য  
তিনি বিভোর তখনও নয়। এ তরফের তার ব  
মনোবীণায় চিরদিনই চড়ানো ছিল।

আমিও যখন কলেজ থেকে বেরিয়ে পত্রলেখাকে প্র-  
দেখি তখন আমিও তারদিকে নির্নিমেষ নয়নে চেয়েছি  
এবং আজ পর্যন্ত তাকে চোখের অন্তরাল করতে প  
নি। এর কারণ, পত্রলেখা কামলোকের নয়,  
লোকের একটি অপূর্ণ সৃষ্টি।

শ্রীপ্রমথ চৌ



## ক্ষণিকা

### শ্রীযুক্ত সোমনাথ মৈত্রী এম-এ

“ক্ষণিকা” যখন প্রথম পড়ি সে আজ বহুদিনের কথা।  
। তখন নবীন, প্রতিদিনের জগত তখন প্রতিদিনের  
স্বপ্নের ও আনন্দের খনি। বাইরের পৃথিবী, মানুষের  
লা, কাব্যলোক—সবই নূতন, সবই বিচিত্র রঙে রঙীন।  
স্বপ্ন মন যখন সকল ডাকে সাড়া দিল, সব জিনিষকে জানতে  
হতে, উপভোগ করতে, অনুভব করতে ব্যাকুল, এই  
তিপুরাতন ধরনী আর এই চিরন্তন মানবপ্রকৃতি যখন একটি  
কাশোন্মুখ জীবনের কাছে নিতান্তই আশ্চর্যের বিষয়,  
খন মনের বে বরাদ্দ মাফিক নিত্যখোরাক বিছালয়ে বা  
মাজিক আবেষ্টনের মধ্যে জুটল তাতে প্রাণমন শুষ্ক, তিক্ত,  
তৃপ্ত, নিরানন্দ ক’রে তোলার সব উপাদানই ছিল।  
ছালয়ে শুধু বস্তা বস্তা বিদেশী ভাব বিদেশী ভাষার ভাঙ্গা  
গোকো ক’রে সরবরাহ করা হত, আমাদের কাছে পৌছতে  
পৌছতে সে সব হয়ে আসত বস্তাপচা। সমাজব্যবস্থায়ও  
মাথাও আনন্দের সন্ধান পাওয়া যেতনা। চারিদিকে যারা  
নী, গুলী, গুরুজন তাঁরা শূন্য জীবনের জীর্ণ পুঁথি বেড়ে  
তেন শুধু গোটাকয়েক শুকনো উপদেশ—ব্যবহারিক জীবনে  
ক বেঠিক সফলতা বিফলতা যাতে সম্মে চলি। আর  
বন ব’লে কোন বালাই ত আমাদের দেশে বড়-একটা  
কৈই না, কাজেই জীবনের সত্ত্ব স্পর্শে যে নিজেকে সজীব  
ধব সে উপায়ও ছিল না।

চারিদিকে এই জরার অচলায়তনে প্রাণ যখন একান্ত ক্লিষ্ট,  
মন সময়ে কোন্ শুভলগ্নে পড়লাম :—

শুধু অকারণ পুলকে  
নদীজলে পড়া আলোর মতন  
ছুটে যা ঝলকে ঝলকে !  
ধরণীর পরে শিথিল-বাঁধন  
ঝলমল প্রাণ করিস যাপন  
ছুঁয়ে থেকে ছলে শিশির যেমন  
শিরীষ ফুলের অলকে !

মর্ম্মরতানে ভরে ওঠ গানে

শুধু অকারণ পুলকে !

মুক্ত প্রাণের দমকা হাওয়ায় যেন জীর্ণ প্রাচীর ভেদে  
ধুলিসাং হল, রুদ্ধদ্বার খুলে গেল। এতদিন যা খুঁজেছিলাম  
অতি সহজে হাতের কাছেই তা পেয়ে গেলাম। যে  
“অকারণ পুলক” চেপে যাওয়াই ছুঁই প্রকৃতিকে শিষ্ট করার  
উপায় শুনেছিলাম এ যে তারই জয়গান ! সংসারের বাঁধা  
রাস্তায় হুঁসিয়ার হয়ে, ট্যাংকের কড়ি সামলে চলার সত্বপদেশে  
বুক বোঝাই হয়ে উঠেছিল, সে পাথরের বোঝা হাক্কা হয়ে  
গেল। কুটিল দ্বিধা যত সব সিধা হল, বুঝলাম অকারণে  
অকাজ নিয়ে অসময়ে অপথ দিয়ে যাওয়ার ইচ্ছাও মহাজন  
অনুমোদিত।

কত কালের কত মন্দ ভাল

বসে বসে কেবল জমা করি

ফেলা-ছড়া ভাঙ্গা-ছেঁড়ার বোঝা

বুকের মাঝে উঠছে ভরি ভরি,

গুঁড়িয়ে সে সব উড়িয়ে ফেলে দিক

দিক-বিদিকে তোদের ঝোড়ো হাওয়া !

বুঝেছি ভাই স্মৃতির মধ্যে স্মৃতি

মাতাল হয়ে পাতাল পানে ধাওয়া !

সংসারেতে সংসারী ত ঢের

কাজের হাটে অনেক আছে কেজো,

মেলাই আছে মস্ত বড় লোক,

সঙ্গে তাদের অনেক সেজো মেজো,

থাকুন তাঁরা ভবের কাজে লেগে ;—

লাগুক মোরে সৃষ্টি ছাড়া হাওয়া !

বুঝেছি ভাই কাজের মধ্যে কাজ

মাতাল হয়ে পাতাল পানে ধাওয়া !



জীবনের অতিপরিচিত প্রতিদিনের গঞ্জীর মধ্যে দূর  
বনানীর মন্দিরধ্বনি শোনা গেল, অর্থহীন তুচ্ছ কাজের দাসত্ব  
শৃঙ্খল খসে গেল।

ঘরের মধ্যে বকাবকি  
নানান মুখে নানা কথা,  
হাজার লোকে নজর পাড়ে,  
একটুকু নাই বিরলতা ;  
সময় অল্প ফুরায় তাও  
অরসিকের আনা গোনায়ে ;  
ঘণ্টা ধরে থাকেন তিনি  
সংপ্রসঙ্গ আলোচনায় ;  
হতভাগ্য নবীন যুবা  
কাজেই থাকে বনের খোঁজে  
ঘরের মধ্যে মুক্তি যে নেই  
একথা সে বিশেষ বোঝে !

এই কথাটাই এতদিন শুনে এসেছিলাম যে যৌবন বড়  
বিষম কাল, এবং একলক্ষ্যে বাল্য থেকে বার্লুকো পৌঁছতে  
পারলেই মোটের ওপর সুবিধে, কারণ তাতে অনেক ঝঞ্ঝা  
এড়িয়ে নিরাপদ নিশ্চিন্ত নিয়মিত জীবনের বন্দরেতে আসা  
যায়। “কণিকার” পড়লাম কবির কাব্য তরুণের জন্তে, বসন্তের  
পুষ্পসম্ভার তরুণ-আখির প্রসাদ যাচে, বনে কোকিল গেয়ে  
মরে তরুণ শুনবে বলে, বানপ্রস্থ যৌবনেতেই ভাল চলে,  
তপশ্চর্য্য তখনই সার্থক হয় যখন নবীন তপস্বী মধুর বাতাসে  
বিচঞ্চল নীলাঞ্চলের সন্ধান পায় আর কঁাকন মলের  
রিগিক্সিগি শুনতে থাকে। অজানা জগতের সন্ধান  
নব নব অভিজ্ঞতার মধ্যে দিয়ে তরুণই সুদূরের, সুন্দরের স্বপ্ন  
দেখে চলতে থাকে। সে যে-বাণিজ্যের মহাজনী করে  
তার জন্তে সে অকুলের মাঝে তরী ভাসিয়ে অজানায়  
চলে যায়।

সাজিয়ে নিয়ে জাহাজ খানি  
বসিয়ে হাজার দাঁড়ি,  
কোন্ নগরে যাব, দিয়ে  
কোন্ সাগরে পাড়ি

কোন তারকা লক্ষ্য করি :  
কুলকিনারা পরিহারি  
কোন দিকে রে বাইব তরী  
অকুল কালো নীরে !  
মরবনা আর ব্যর্থ আশায়  
বালু মরুর তীরে !  
সাগর উঠে তরঙ্গিয়া,  
বাতাস বহে বেগে  
সূর্য্য যেথায় অস্তে নাগে  
ঝিলিক মারে মেঘে।  
দক্ষিণে চাই উত্তরে চাই  
ফেণায় ফেণা, আর কিছু নাই,  
যদি কোথাও কুল নাহি পাই  
তল পাবত তবু  
ভিটার কোণে হতাশ মনে  
রৈবনা আর কভু !

যৌবনের সকল রঙীন কল্পনার, তার আশা আকাঙ্ক্ষার  
তার বিচিত্র অনুভূতির এমন অপূর্ণ প্রকাশ যখন কাহ্নে  
পেলাম তখন যেন পায়ের তলায় মাটি ফিরে পেলাম। শঙ্কন  
সংশয় দূর হল, নিজের যা, তাই হবার সাহস পেলাম  
দেশের সঙ্গে নিজের প্রভেদ অস্বাভাবিক মনে করে তা  
জন্তে লজ্জা পেয়ে সে সব ঘষে মেজে সবার সঙ্গে একাকা  
হবার ব্যর্থপ্রয়াসে প্রাণপাত করার আর কোন দরকা  
রইল না। বুঝলাম নিজের যে অনুভূতি সত্য, যা সূকুমার  
তা অবজ্ঞার সামগ্রী নয়, তার মূল্য অসীম, তাকে ছেঁটা  
বাদ দিলে জীবনও পঙ্গু হয়ে পড়ে।

কণিকা পাঠে অনেকদিন আগেকার সে যৌবনস্মৃতি  
চঞ্চল আনন্দ-হিল্লোল এখন অনেকটা হারিয়ে গেছে, স্মৃতি  
সাহায্যে মাঝে মাঝে তাকে খানিকটা ফিরে পাই। তখনকার  
মনোভাবের সঙ্গে যে কবিতাগুলির ভাবের বিশেষ ঐক্য  
পেয়েছিলাম সেইগুলিই তখন বেশী করে ভাল লেগেছিল  
কিন্তু বয়সের কোঠায় যতই এগিয়ে যাচ্ছি ততই “কণিকার”  
সৌন্দর্য্য ও বৈচিত্র্য আরও বেশি করে বুঝছি। কবি যখন  
“কণিকা” লেখেন তখন তিনি যৌবনের প্রাস্তে এ



পড়েছেন। যৌবনের উদ্দাম প্রবল বাসনা শাস্ত হয়ে আসছে, জগৎটাকে একটা বৃহৎ ভোগপাত্র মনে করে নিঃশেষে তার সকল সুখ পান করার ইচ্ছা তখন অন্তর্হিত। যা পাওয়া যায় ভাল, অনেক পাওয়া অনেক চাওয়ায় আর প্রবৃত্তি নেই। সব জিনিষ আগলা মুঠিতে ধরছেন, থাকে থাকুক, থসে যায় যাক। জীবনের যত জটিল কুটিল ব্যাপা, মায়্যা-ঘেরা যত নিষ্ফল ব্যকুলতা, সব ছেড়ে ছেড়ে প্রাণের উৎস মুখে এগিয়ে চলেছেন। তাঁর মনের ভাবকে ইবরাগ্য বলা চলে না, Cynicism বা world-weariness ত একেবারেই নয়। জীবনের পথে একটা বাঁকে এসে উপীছে তিনি থেমেছেন; যে পথ অতিক্রম করেছেন এবং যা এখনও সম্মুখে রয়েছে তা একবার চেয়ে দেখে নিতে চাইছেন। যে আশা আকাঙ্ক্ষা যে হৃদয়াবেগ যৌবনের যে হাজার আকুল বাসনা, যে অসংখ্য অক্ষুট কল্পনা নিয়ে পথে বরিয়েছিলেন, চলতে চলতে তার অনেক থসে গেছে, যা অবশিষ্ট আছে বুঝেছেন যে তাও এবার পথপ্রান্তে ফেলে দিতে হবে। জীবনের একটা পর্ব শেষ হয়ে আসছে, তার কাছ থেকে কবি বিদায় নিচ্ছেন। অনেক দেখেছেন, অনেক শুনেছেন, অনেক বুঝেছেন। নানা অভিজ্ঞতার মধ্যে দিয়ে নানা লোকের সঙ্গে মিশে মানুষের মনের কিছুই যেন তাঁর অজানা নেই। মানুষের কোথায় দুর্বলতা, কোথায় তার মহত্ত্ব সবই জানেন। কারো প্রতি ঘৃণা নেই, অবজ্ঞা নেই, রাগ নেই। জীবনে অনেক পেয়েছেন, আবার অনেক এসে জটিলও নি। তার জন্তে কোন খেদ নেই। আধার আলোর, শাদায় কালোর, দিনটা মোটের ওপরভালই কটেছে, কারো সঙ্গে কোন তাঁর ঝগড়া নেই। এটা কিন্তু ভালই বুঝেছেন যে জীবনের এক নূতন স্তরে তিনি চলেছেন, কোথায়, তা তাঁর ঠিক জানা নেই। দীর্ঘ পথের অন্ত ঠিক দেখাতে পাচ্ছেন না, কিন্তু পথ বেকেছে। এত দিনের সাধা যন্ত্রে তাঁর একটি তন্ত্রী বিকল বাজছে, কেন তা জানেন না, জানেন শুধু এই যে মনের মধ্যে যেটা শুনচেন হাতে সেটা আসচে না। বাইরের জগত এবং মানুষের মন এত ভাল চিনেছেন যে সবেই সত্যরূপটি দেখতে পাচ্ছেন, তাদের নানান অলীক মায়ায় ঘিরে আত্ম-বঞ্চনা করা আর তাঁর

সম্ভব নয়। কিন্তু জানের এই গভীরতার জন্তে কি নিয়ে দৃষ্টির সূক্ষ্মতা অনুভব করে' কোথাও আত্ম-গরিমা আত্মপ্রসাদ নেই। বরঞ্চ একটু দুঃখ আছে যে সে সবই কেটে গেল। এখনও যেন দু'চারটিও অবশিষ্ট থাকে দু'চারটি মিথ্যাও যেন জীবনকে মধুর রাখে—এই ইচ্ছা প্রকাশ করবেন। সব জিনিষ সুস্পষ্ট আর সংগি আর সারবান নাই বা হল, থাকলই বা চারিদিকে এ বেনী, একটু উপরন্তু, একটু আতিশয্য। দেখচি ত সাদা চোখে; কিন্তু বছরে একটা দিন যদি আসেই য দ্বার মুক্ত পেয়ে সাধুবুদ্ধি বহির্গতা হন, না হয় সেদিন ক ওজন হারিয়ে ফেলে একটু অতিবাদই করলাম! ভাগ্য রূপণ হয়ে আসচে অনেক দিকেই, একদিনের জন্তে না ভাঙারে অজস্র দুই বিরাজ করল!

সত্য থাকুন ধরিত্রীতে  
শুষ্ক রুক্ষ ঋষির চিতে  
জ্যামিতি আর বীজগণিতে,  
কারো ইথে আপত্তি নেই,  
কিন্তু আমার প্রিয়র কানে,  
এবং আমার কবির গানে,  
পঞ্চশরের পুষ্পবাণে,  
মিথ্যে থাকুন রাত্রিদিনেই!

\* \* \*

ওগো সত্য বেঁটেখাটো,  
বীণার তন্ত্রী যতই ছাঁটো,  
কণ্ট আমার যতই আঁটো,  
বলবো তবু উচ্চস্বরে—  
আমার প্রিয়র মুগ্ধ দৃষ্টি  
করচে ভুবন নূতন সৃষ্টি  
মুচ্চি হাসি সুধার বৃষ্টি  
চলচে আজি জগৎ জুড়ে।



যদি বল আর বছরে  
এই কথাটাই এমনি করে'  
বলেছিলি, কিন্তু ওরে  
                    শুনেছিলেন আরেকজনে—  
জেনো তবে মৃত মৃত্ত  
আর বসন্তে সেটাই সত্য,  
এবারো সেই প্রাচীন তত্ত্ব,  
                    ফুটল নূতন চোখের কোণে !

\*                      \*                      \*

আজ বসন্তে বকুল ফুলে  
যে গান বায়ু বেড়ায় বলে,  
কাল সকালে যাবে ভুলে,  
                    কোথায় বাতাস, কোথায় সে ফুল !  
হে স্মরনী তেমনি কবে  
এসব কথা ভুলব যবে  
মনে রেখো আমার তবে,—  
                    ক্ষমা কোরো আমার সে ভুল !  
চিত্ত ছদ্মার মুক্ত রেখে সাধুবুদ্ধি বহির্গতা,  
আজকে আমি কোন মতেই বলবনাক সত্যকথা !

কিন্তু বসন্তে প্রকৃতির আতিশয্যের অমুকরণে কবিরও  
যে এই অতিবাদ তার সুযোগও কমে আসচে। জীবনের  
বসন্তকে বিদায় দেবার ক্ষণ এসেছে। শেব-বসন্তের শূন্য  
হাওয়া শূন্য-শূন্য মাঠে হাহা করে উঠেছে। অনেক তরঙ্গের  
মাতে হাল-ভাঙা, পাল-ছেঁড়া তাঁর জীবনতরীকে ক্ষান্ত  
হয়ে এবার আনাগোনা বন্ধ করতে বলচেন। এখন আর  
কুল কালো নীরে ভেসে যাওয়া নয়,

এবার ঘুমো কুলের কোলে  
বটের ছায়াতলে  
ঘটের পাশে রহি';  
ঘটের ঘায়ে যেটুকু ঢেউ  
উঠে তটের জলে,  
তারি আঝাত সহি !

ইচ্ছা যদি করিস তবে  
এপার হতে পারে  
যাসরে খেয়া বেয়ে !  
আনবে বহি গ্রামের বোঝা  
ক্ষুদ্র ভারে ভারে  
পাড়ার ছেলে মেয়ে।  
ওপারেতে ধানের খোলা  
এই পারেতে হাট,  
মাঝে শীর্ণ নদী,  
সন্ধ্যা সকাল করবি শুধু  
এঘাট ওঘাট,  
ইচ্ছা করিস যদি !

এতদিনের যে সর্ব্বনেশে স্বভাব সে মাঝে মাঝে এ নূর  
বন্দোবস্তের বিরুদ্ধে বিদ্রোহী হয়ে ওঠে, ঝড়ের নেশা  
চেউয়ের নেশায়, আবার মাতাল হয়ে মরণ-লুপ্তি হতে ছোটে  
কিন্তু ধীরে ধীরে দেখি মনের সঙ্গে একটা বোঝাপড়া হ  
এল, উত্তমের উল্লাস ক্রমে বিরতির শান্তিতে পরিণত হ  
ফাল্গুনের সে দখিন হাওয়ার হাক্কা হিল্লোল যখন নে  
আকাশ যখন মেঘে জোড়া, পূবে হাওয়ায় তখন দখি  
হাওয়ার ফুল ধরে' না দিয়ে কবি গাইলেন,—

এখন এল অম্ল সুরে  
                    অম্ল গানের পালা,  
এখন গাঁথ অম্ল ফুলে  
                    অম্ল ছাঁদের মালা !

এই অম্ল গানের সুর নিতান্তই সহজ। 'কবির মন এ  
শান্ত, তাতে মানান ভাবের নানান প্রবৃত্তির সংঘাত এ  
স্তব্ধ। কোনো গভীর অতৃপ্তি, কি বিরাট আকাঙ্ক্ষা, কি বিপ্লু  
প্রয়াস কবির বীণাকে উত্তাল তুমুল ছন্দে ঝঙ্কত করছেন  
মনের ভাবটী যেমন নিতান্ত সরল ও ম্লিন, তার প্রকাশ  
তেমনি একান্ত সহজ ও মধুর। সকল জিনিষকে স্পষ্ট ক  
সত্য করে' দেখছেন, কিন্তু সে চাহনির মধ্যে অশেষ করুণা  
মনের ভাব এত সরস, অমৃভূতি এত গাঁটি, যে তার প্রকাশে  
শ্রেষ্ঠ কাব্য করে তুলতে কোনো প্রয়াস কোনো অলঙ্কারে



যোজন নেই। এরকম একান্ত প্রাঞ্জল, অনাড়ম্বর, সকল ছন্দাবল্লীভিত কবিতা কাব্যের ইতিহাসে ভুলভ। কবির পাঁচটি সেই শিখরে পৌছেছে যেখানে ভাব, ভাষা, ছন্দ এক হয়ে একটি অনার্যাস পরিপূর্ণ রূপসৃষ্টি করে। জীবনের টিল গ্রন্থিগুলি খুলে জীবনকে মুক্ত, অবাধ, সরল করতে তিনি বারে বারে বলছেন। সকল অসাধ্য সাধন চুকিয়ে দিয়ে, ছিন্ন মালার ভট্ট কুমুদ কুড়িয়ে নেবার চেষ্টামাত্র না করে, সহজ সমুখে রয়েছে তাকে আদরে বুকে তুলে নিচ্ছেন। হবে তর্ক বিবাদ করে, মান নিয়ে, প্রাণ নিয়ে কাড়াকাড়ি রে? যদি ক্ষতি হয়ে থাকে, ফাঁকি যদি লোকে দিয়ে থাকে, মনে করলেই ত হয় যে ভবের এই গতিক; কতক আসে, কতক যায়; কতক ধরা দেয়, কতক নাগালের ইরেই থেকে যায়। মাথা খুঁড়ে ত কারো মন পাওয়া লাগে না, আবার অযাচিত কেউ বিকিয়ে রইল! কামনার দ্বিধা যখন হল ব'লে, হঠাৎ হয়ত সব আশা চূর্ণ হয়ে ব্যর্থ হয় গেল; বন্দরের কাছে জাহাজডুবী এমনই কি বিচিত্র! সব সত্ত্বও কিন্তু

আকাশ তবু সুনীল থাকে  
মধুর ঠেকে ভোরের আলো,  
মরণ এলে হঠাৎ দেখি  
মরার চেয়ে বাঁচাই ভালো!

! বিশ্বভুবন এতই ডাগর যে অনেক বাদ দিলেও তার অনেক বাকি থাকে। ক্ষতিক্রম সব সহো জীবন সরস নন্দন থাকতে পারে। জীবনের আলো যদি আঁধার হয়ে যায় বুঝতে হবে সেটা নিজেরই দোষে। বেশি আশা করতে মই, বেশি জানী জানতে নেই। কিন্তু জীবনকে এড়িয়ে লা'র কথা কোথাও নেই। কবি যে ডাঙ্গায় দাঁড়িয়ে জীবন-তরঙ্গে তরল মানুষের হাবু-ডুবু খাওয়া দেখছেন তা আটেই নয়। তিনি জলেই নেমেছেন, তবে শ্রোতে গা গসিয়েছেন, টানের বিপরীতে সাঁতার কাটেন নি, তাই মাথা তুলে রেখেছেন। দুটি হৃদয়ের প্রেমে যে মিলন তার ভিতর বিশেষ কোনো তাৎপর্য তিনি খোঁজেন নি কারণ স ত নিতান্তই সোজাসুজি ব্যাপার, বসন্তে ফুল ফোটান মত। তার মধ্যে গভীর তত্ত্ব কি অসীম রহস্যের সন্ধান করতে

গেলে এই সোজা কাহিনীটির স্বাভাবিক সৌন্দর্যটুকু মাটি করা হবে, আর যে কিছু বড় লাভ হবে তা নয়—

মধুমাসের মিলন মাঝে  
মহান্ কোন রহস্য নেই,  
অসম কোন অবোধ কথা  
যায় না বেধে মনে-মনেই!  
আমাদের এই স্মৃতির পিছু  
ছায়ার মত নাইক কিছু,  
দৌহার মুখে দৌছে চেয়ে  
নাই হৃদয়ের গোঁজাখুঁজি!

\* \* \*

ভাষার মধ্যে তলিয়ে গিয়ে  
খুঁজিনে ভাই ভাষাতীত,  
আকাশপানে বাহু তুলে  
চাহিনে ভাই আশাতীত।  
ঘেটুকু দিই, ঘেটুকু পাই,  
তাহার বেশি আর কিছু নাই,  
স্মৃতির বক্ষ চেপে ধরে,  
করিনে কেউ যোঝাঘুঝি।  
মধুমাসে মোদের মিলন  
নিতান্তই এ সোজাসুজি!

এই ভোগবিরত অনাসক্ত মনের কাছে সমাজের হিতসাধন বা দেশোদ্ধারের প্রবল চেষ্টা শুধু ক্লাস্তি আর মানি আনে। হাজার তুচ্ছ কাজের বাঁধনে নিজেকে বাঁধাই যদি সুসভ্যতা হয় ত তেমন সুসভ্যতার আলোক তিনি চান না। অর্থহীন কাজের নাগপাশ থেকে মুক্তি পাচ্ছেন তিনি ভারতের সুদূর অতীত যুগের কল্পনায়; কখনো বৃন্দাবনের রাখাল বালকদের গোষ্ঠীলীলার মধুর ছবি আঁকছেন, কখনো কালিদাসের কালের প্রসন্ন, আনন্দোজ্জ্বল মন্থরগতি জীবনের সঙ্গে আমাদের নিবিড় পরিচয় ঘটাতে রেবার তটে চাপার তলে আমাদের নিয়ে যাচ্ছেন। কোনো মতেই তিনি ঠেলেঠেলে এগিয়ে গিয়ে নিজেকে দশের চোখে বড় করতে চান না। জানী গুণী কর্মী বলে প্রতিপত্তি, একেলে বা ভাবীকেলে



কোনো কীর্তিকলাপেরই তিনি ধার ধারেন না। নেতা হয়ে নবযুগের চালক বলে কোনো নামই চান না, তার চেয়ে বরং অশোকনীপের ছায়ে আবার সেই ব্রজের রাখাল বালক হতে পারলে তাঁর জীবন সার্থক হত। কালিদাসের যুগে যদি জন্মাতেন, তাও নবব্রজের সভার মাঝে একটেরে রইতেন। দেশের এক হয়ে খ্যাতি প্রতিপত্তিই যদি তাঁর লক্ষ্য হত তাহলে কি আর মহাকাব্য না লিখে গীতিকাব্য লিখতেন, না লোকের মনের সিংহাসনের চেয়ে প্রিয়ার মনো-গৃহের চাবী মূল্যবান মনে করতেন!

এই নিতান্ত হালকা লঘু মনোভাব নিয়ে তিনি অবলীলায় রসসৃষ্টি করছেন তার মধ্যে গভীর তত্ত্ব প্রকাশের চেষ্টা মাত্র না করেও তিনি সকল অমুভূতির সব পদাঙ্গলি বাজিয়ে চলেছেন। মানুষের মনের সর্বত্রই তাঁর অবাধ গতিবিধি, তাই বিশেষ করেই যেখানে বলে রাখছেন যে গভীর সুরে গভীর কথা তিনি বলতে চান না, সেখানেও হালকা সুরেই গভীরতম কথা প্রকাশ করছেন। প্রিয়জনের উদাসীন্দের সম্ভাবনা মাত্র কল্পনা করেই হৃদয় যে কতদূর সঙ্কুচিত হয়ে পড়ে তা একটি অপূর্ণ কবিতায় বলেছেন :—

গভীর সুরে গভীর কথা  
শুনিয়ে দিতে তোরে  
সাহস নাহি পাই।

মনে মনে হাসবি কিনা  
বুঝব কেমন করে ?  
আপনি হেসে তাই

শুনিয়ে দিয়ে যাই ;  
ঠাট্টা ফরে ওড়াই সখি  
নিজের কথাটাই।

হালকা তুমি কর পাছে  
হালকা করি ভাই  
আপন ব্যথাটাই।

সোহাগভরা প্রাণের কথা  
শুনিয়ে দিতে তোরে  
সাহস নাহি পাই।

সোহাগ ফিরে পাব কিনা  
বুঝব কেমন করে ?  
কঠিন কথা তাই

শুনিয়ে দিয়ে যাই ;  
গর্জ ছলে দীর্ঘ করি  
নিজের কথাটাই।

ব্যথা পাছে না পাও তুমি  
লুকিয়ে রাখি তাই  
নিজের ব্যথাটাই।

ইচ্ছা করে নীরব হ'য়ে,  
রহিব তোমার কাছে,  
সাহস নাহি পাই।

মুখের পরে বুকের কথা  
উথলে ওঠে পাছে,  
অনেক কথা তাই

শুনিয়ে দিয়ে যাই,  
কথার আড়ে আড়াল থাকে  
মনের কথাটাই।

তোমার ব্যথা লাগিয়ে শুধু  
জাগিয়ে তুলি ভাই  
আপন ব্যথাটাই

ইচ্ছা করি সুদূরে যাই  
না আসি তোমার কাছে,  
সাহস নাহি পাই।

তোমার কাছে ভীকতা মোর  
প্রকাশ হয়রে পাছে,  
কেবল এসে তাই

দেখা দিয়ে যাই,  
স্পর্কাতলে গোপন করি  
মনের কথাটাই

নিত্য তব নেত্রপাতে  
জালিয়ে রাখি ভাই  
আপন ব্যথাটাই।



এই ত চরম আর্ট, যেখানে সরলতা সরসতায় মিশে একটি  
এয়োনার্যের পূর্ণতা সৃষ্টি করচে। “ক্ষণিকা”র কবিতার পর কবি-  
বৃত্ত এই একান্ত ছলিত একটি নিরাভরণ নিশ্চল শ্রী দেখতে  
পেই। শেষের দিকের কবিতাগুলিতে কবি মনের গভীরতম  
প্রাণাই প্রকাশ করেছেন, কিন্তু সেগুলিতেও এই একই প্রয়াস-  
খুরো স্বচ্ছ সৌন্দর্য। গুরুগম্ভীর বিষয় আর মেঘমন্দ্র ধ্বনি

তাহলে কাব্য হয় না যাঁরা মনে করেন তাঁরা হয়ত “ক্ষণিকা”র  
ভ্রষ্টতা উল্টে কবিতাগুলিকে “superficial” বলে অবজ্ঞা  
রুরছেন। কিন্তু যাঁরা যথার্থ রসগাহী, বংশীর চেয়ে যাঁরা  
হাঁকে বেশি মূল্যবান মনে করেন না, তাঁরা বুঝবেন ভাব,  
ত বা, ও ছন্দের এই মুক্ত, স্বচ্ছন্দ, আনন্দিত গতি কি  
লক্ষ্যে প্রতিভার ফল। আর প্রথম দিকের কয়েকটি  
র বৈতার বিষয়ের লঘুত্বের বিরুদ্ধে যদি কোন অভিযোগ  
হয় সে তাহলে উত্তরে একথা বলা চলে যে কবি একটি সৃষ্টি-  
মন্ডা বিশেষ উদ্ভট জীব নন, তাঁর সহজ মানুষ হওয়া  
‘ছে বিচিত্র নয়। তাঁর জীবনে যে খালি একের পর এক  
রাম মুহূর্তই আসতে থাকে তা নয়, লঘু গুরু হাজারো ভাব  
কল্পনার লীলায় তাঁর প্রাণমন তরঙ্গায়িত। গভীর ব্যথাই  
ত তাঁর সকল গানের উৎস তা মোটেই নয় এমন কি  
sweetest songs এরও নয়। আর-সকলের মতই ছোট-  
লটা হাসি দুঃখ, রাগ অনুরাগের ভিতর দিয়েই তাঁর  
মন প্রবাহিত হচ্ছে। অবশ্য এটা ঠিক জনসাধারণের কবি  
হিসে ধারণার সঙ্গে খাপ না খেতে পারে। যাঁরা মনে  
করেন তাঁদের পানে চক্ষু তুলে নদীর কূলে পড়ে থেকে  
ব্যো একটি বিপুল দীর্ঘশ্বাস না ধ্বনিত করে তুললে আর  
দে কি হল, তাঁদের কথা ভেবেই সম্ভবতঃ “ক্ষণিকার”  
র পরম কোতূকে লিখেছেন :—

সুখে আছি লিপ্তে গেলে  
লোকে বলে প্রাণটা ক্ষুদ্র !  
আশাটা এর নয়ক বিরাট  
পিপাসা এর নয়ক রুদ্র !  
পাঠক দলে তুচ্ছ করে,  
অনেক কথা বলে কঠোর ;

বলে, একটু হেসে পোলেই  
ভরে’ যায় এর মনের জঠর !  
সেই কারণে গভীর ভাবে  
খুঁজে খুঁজে গভীর চিতে  
বেরিয়ে পড়ে গভীর ব্যথা  
স্মৃতি কিম্বা বিস্মৃতিতে !

কিন্তু যেহেতু মানুষ মানুষের কাছে একান্ত interesting  
সেইজন্তে একজনের জীবনের পরমমুহূর্তগুলির প্রকাশই যে  
অন্তের কাছে আদরের সামগ্রী তা নয়। ছোট ছোট  
অভিজ্ঞতা, হালকা ভারী সকল সত্য অনুভূতি, দৈনিক  
জীবনের পথ চলার ছোটখাট সুখ দুঃখ, আদর অপমান—  
এ সকলই কাব্যে প্রকাশের সার্থকতা আছে। তাতে পুরাণ  
চিত্র বীর চরিত্র না দেখান যেতে পারে, কিন্তু মহাকাব্যই ত  
একমাত্র কাব্য নয়। কবির পোষাকী চেহারা যদি লজ্জিত  
হয়ে তাঁর আটপোরে চেহারাকে শুধু ঢাকতেই চায় তাহলে  
তাঁর কাব্যে একটা বড় রকমের গলদ থেকে যাবে—  
sincerity’র অভাব। মোট কথা যিনি প্রকৃত কবি তিনি  
বোঝেন যে জীবনই সবার বড় কাব্য-ভিত্তি, সুতরাং সেই  
জীবনের সকল কথাই কাব্য কথা হতে পারে। “ক্ষণিকার”  
প্রথমার্শে বিশেষ করেই জীবনের সেই unheroic অথচ  
একান্ত সত্য অনুভূতিগুলিকে চিরন্তন করা হয়েছে অপূর্ব  
কাব্যরূপ দিয়ে। এর সত্যতা যেমন চমকে দেয় এর প্রকাশ-  
নৈপুণ্য তেমনি পুলকিত করে। রবীন্দ্রনাথও তাঁর অল্প  
কোনো কাব্যে এমন অবাধে ধরা দিয়েছেন কিনা, এমন  
পরিপূর্ণ আত্মপরিচয় দিয়েছেন কিনা সন্দেহ। কাব্যে এরূপ  
একান্ত স্পষ্টবাদ এরূপ মাধুর্য্যে নিষিক্ত করার দৃষ্টান্ত নিতান্তই  
বিরল।

এমনই হালকা সুরে সরস একটা হাসিঠাট্টা প্রথমদিকের  
অনেক কবিতায় ফুটে উঠেছে। এতে শ্লেষ বিদ্রূপ নেই,  
কাউকে কোন খোঁচা নেই। নিজেকে নিয়েই ঠাট্টা করছেন,  
কখনও বা সে হাস্যরস হঠাৎ করুণ হয়ে উঠে। জীবন  
এতই ক্ষণিক যে কিছু হারালে, তা সে ধনই হোক আর  
প্রিয়র মনই হোক, দীর্ঘবিলাপের কোন অবসর নেই; এই  
নিশ্চয় সত্য কথাটা যখন কবি হাসতে হাসতে বললেন তখন



প্রথমে মনে হল এ হাসি নিষ্ঠুর, তারপর বুঝলাম যে সত্যটা  
আরো নিষ্ঠুর বলেই তার ব্যথায় কৈদে ভাসিয়ে দেওয়ার চেয়ে  
সেটা হেসে উড়িয়ে দেওয়াই কবি ভাল মনে করেছেন :—

ছেড়ে গেলে হে চঞ্চলা,  
হে পুরাতন সহচরী !  
ইচ্ছা বটে বছর কতক  
তোমার জন্তে বিলাপ করি—  
সোনার স্মৃতি গড়িয়ে তোমার  
বসিয়ে রাখি চিত্ত তলে,  
একলা ঘরে সাজাই তোমায়  
মাল্য গৌথে অশ্রু জলে,  
নিদেন কঁাদি মাসেক-খানেক  
তোমায় চির আপন জেনেই—  
হায়রে আমার হতভাগ্য !  
সময় যে নেই,—সময় যে নেই !  
বর্ষে বর্ষে বয়স কাটে,  
বসন্ত যায় কথায় কথায়,  
বকুলগুলো দেখতে দেখতে  
ঝরে পড়ে যথায় তথায়,  
মাসের মধ্যে বারেক এসে  
অস্ত্রে পালায় পূর্ণ ইন্দু,  
শাস্ত্রে শাসায় জীবন শুধু  
পদ্মপত্রে শিশির-বিন্দু,—  
তাদের পানে তাকাব না  
তোমায় শুধু আপন জেনেই  
সেটা বড়ই বর্করতা,—  
সময় যে নেই,—সময় যে নেই !

কালিদাসের কালের মন্দালিকা, মঞ্জুলিকা, মঞ্জুরিণীদের  
সঙ্গে কবির মিলন হয়নি বলে যখন তিনি বিচ্ছেদে অন্তমনা  
হচ্ছেন তখন মনকে প্রবোধ দিচ্ছেন এই ভেবে যে সে সব  
বরাদ্দনা এখন হয়ত অন্তনামে মর্ত্যলোকে আছেন। কালের  
গতিকে তাঁদের যে সব পরিবর্তন হয়েছে তার বর্ণনায় কবি  
ঠাট্টার সঙ্গে প্রশংসার স্ননিপুণ ভাবে মিশিয়েছেন :—

এখন যারা বর্তমানে,  
আছেন মর্ত্যলোকে,  
মন্দ তারা লাগতনা কেউ  
কালিদাসের চোখে !

পরেন বটে জুতা মোজা,  
চলেন বটে সোজা সোজা,  
বলেন বটে কথাবার্তা  
অন্ত দেশীর চালে,  
তবু দেখ সেই কটাক্ষ,  
আঁখির কোনে দিচ্ছে সাক্ষ্য  
যেমনটি ঠিক দেখা দিত  
কালিদাসের কালে !

বিভূষী এই আছেন যিনি  
আমার কালের বিনোদিনী  
মহাকবির কল্পনাতে  
ছিলনা তাঁর ছবি !

মরবনা ভাই নিপুণিকা  
চতুরিকার শোকে,  
তাঁরা সবাই অত্ন নামে  
আছেন মর্ত্যলোকে !

কাজের যখন কোন তাগিদ নেই, কোনোদিকেই হস্ত  
হাতে ফললাভের কোন বাসনা নেই, কোন স্থির লক্ষ্য ধরে  
জীবন যখন চলছেন তখন মনের সেই অগ্ন্যধাপ্ত অবস  
নিয়ে কবি বাঙলার শান্ত, নির্জন গ্রামের মধ্য বাসা বাঁধছেন  
গ্রামের প্রকৃতির ও সরল জীবন যাত্রার সকল সৌন্দর্য্য মনে  
মধ্যে গ্রহণ করছেন। দিন শেষে গাঁয়ের পথে অকারে  
বেরিয়ে পড়ে যা দেখছেন তার ছবি এঁকে দিচ্ছেন :

দীঘির জলে ঝলক্ ঝলে  
মাণিক হীরা  
শর্ষে ক্ষেতে উঠছে মেতে  
মৌমাছির।



এ পথ গেছে কত গাঁয়ে  
কত গাছের ছায়ে ছায়ে  
কত নাঠের গায়ে গায়ে  
কত বনে !  
আমি শুধু হেথায় এলেন  
অকারণে !  
আরেক দিন সে ফাগুন মাসে  
বহু আগে  
চলেছিলেন এই পথে, সেই  
মনে জাগে ।  
আমের বোলে গন্ধে অবশ  
বাতাস ছিল উদাস অলস,  
ঘাটের শব্দে বাজবে কলস  
ক্ষণে ক্ষণে !  
সে সব কথা ভাবচি বসে  
অকারণে ।

দীর্ঘ হয়ে পড়চে পথে  
বাঁকা ছায়া,  
গোষ্ঠ ঘরে ফিরচে ধেনু  
শ্রান্তকায়া ।  
গোধূলিতে ক্ষেতের পরে  
ধূসর আলো ধূ ধূ করে,  
বসে' আছে থেয়ার তরে  
পাশ্বে জনে ।  
• আবার ধীরে চলচি ফিরে  
• অকারণে !

বাঙলার গ্রামের এই স্নিগ্ধ পটভূমিতে দুটি হৃদয়ের পর-  
স্পরের প্রতি আকর্ষণের নিতান্ত সোজাসুজি কাহিনী কবি  
একটি মধুর pastoral এ বলেছেন—

আমরা দুজন একটি গাঁয়ে থাকি  
সেই আমাদের একটিমাত্র সূত্র ।  
তাদের গাছে গায় যে দোয়েল পাখী  
তাহার গানে নাচে আমার বুক !

তাহার ছুটি পালন করা ভেড়া  
চরে বেড়ায় মোদের বট-মূলে,  
যদি ভাঙে আমার ক্ষেতের বেড়া,  
কোলের পরে নিই তাহারে তুলে !  
আমাদের এই গ্রামের নামটি খজনা  
আমাদের এই নদীর নামটি অজনা,  
আমার নাম ত জানে গাঁয়ের পাঁচজনে,  
আমাদের সেই তাহার নামটি রজনা ।  
আমাদের এই গ্রামের গলিপরে  
আমের বোলে ভরে আমের বন ।  
তাদের ক্ষেতে যখন তিসি ধরে,  
মোদের ক্ষেতে তখন ফোটে শন ।  
তাদের ছাদে যখন ওঠে তারা  
আমার ছাদে দখিন হাওয়া ছোটে ।  
তাদের বনে ঝরে শ্রাবণ ধারা  
আমার বনে কদম ফুটে ওঠে ।  
আমাদের এই, ইত্যাদি ।

চারিদিকের কোন সৌন্দর্য্যই কবির চোখ এড়িয়ে যাচ্ছেনা ;  
তাদের আহরণের বাসনা যেদিন ছেড়েছেন আপনি এসে  
সেদিন তারা ধরা দিল । যেদিন চরনে ব্যস্ত ছিলেন সেদিন  
চোখে পড়েনি বসন্ত কত ফুল নিয়ে আসে ; বকুল-শয়নে  
নিলীন হয়ে যখন শুধু বকুল দলিত করেছেন, কুসুম-কান্তি  
তখন দেখেন নি । এখন না-চাইতেই হাতের নাগালে সব্বারে  
পেলেন । এ পাওয়াতে তাঁর লোভ বা বাসনা ফিরে এলনা  
কিন্তু সকলের সঙ্গে তাঁর একটি আনন্দের যোগ তিনি উপ-  
লব্ধি করলেন । নিরাসক্ত, নিরলস মন একটি অচঞ্চল আশ্র-  
য়ের সন্ধান পেল । বুঝলেন যে সবাই যদি তাঁকে ছেড়েও  
থাকে তবু জনশূন্য বিশাল ভবে হাজার সুরে তাঁর বিশ্ব তাঁকে  
উদার রবে ডাকতে থাকবে । এ জগতে অনেক দিন থেকেও  
অনেক কিছুই মিললনা বলে পরকালের মুক্তির আশায় মনকে  
আশ্রয় খুঁজতে হল না । চারিদিকের সঙ্গে নিজের যোগ  
যেই অনুভব করলেন তখন পাড়ার যত ছেলে এবং বুড়োকেও  
নিজের একান্ত অন্তরঙ্গ সমবয়সী বলে চিনলেন ; আর পর-  
কালের ভালমন্দ গণার চেয়ে তাদের মনের কথা নিজের বীণার



তারে ধ্বনিত করে তোলায় কবিজীবনের পরম সার্থকতা পেলেন। বুক-ভাঙা বোঝা শুদ্ধ সারা মনকেই ফেলে আর তাঁর ছুটে পালাতে হলনা। মনের সকল আনন্দ উল্লাস তিনি আবার পরিপূর্ণ ভাবে ফিরে পেলেন। নববর্ষায় হৃদয় তাঁর ময়ূরের মত নেচে উঠল, আবার শত-বরণের ভাব-উচ্ছ্বাস কলাপের মত বিকশিত হয়ে উঠল, তাঁর আনন্দিত মন সারা বিশ্বে তিনি প্রসারিত করে দিলেন। আশ্বিনের প্রথম দিবসে যখন নব কদম্বের মন্দির গন্ধে চারিদিক আকুল, তখন বিছাৎ-চমকের মত, বাতাসের ছরস্তুপনার মত, নবীন পাতার মর্ম্মরের মত, তাঁর সারা দেহ মন আনন্দ-রস-ধারার কলকল্লোলে উত্তরোল হল। এমনটা যে ফের হবে তা তিনি আশাই করেন নি; হৃদয় তাঁর যে আবার এমন করে খুলে যাবে, বিপুল বিশ্ব যে তাঁর প্রাণমনকে এমন করে আবার প্রচণ্ডবেগে নাড়া দেবে এ যে অপ্রত্যাশিত! বহুদিন হল কোন ফাস্তুনে তিনি যে ভরসা জলাঞ্জলি দিয়েছিলেন ঘন বরষায় তিনি আবার তা ফিরে পেলেন। যার অস্পষ্ট ধারণায় তাঁর মন একদিন ব্যাকুল হয়েছিল, আজ যখন তাকে কাছে দেখলেন তখন দেখলেন তার অভিনব রূপ। যৌবনস্বপ্নে তিনি যা চেয়েছিলেন এ তাই, কিন্তু আরও অনেক বেশী। এ অভাব-নীয় দান তিনি কি ভাবে গ্রহণ করবেন তা জানেন না। তিনি এতদিন ধরে যে ক্ষণিকের পর্ণকুটীর রচনা করেছেন, এতবড় আগমনের পক্ষে তা যে নিতান্তই অনুপযুক্ত! তাই কবি তাঁর এই আয়োজনহীন পরমাদের জন্ত লজ্জিত, কুণ্ঠিত। তিনি বুঝলেন যে তাঁর পরাণ ভরে এবার যে নূতন গান বেজে উঠবে তা আর এই ক্ষণিকের পাতার কুটীরে বেতসের বাশিতে বাজানো যাবে না।

এইখানে কবির জীবনের এবং তাঁর কাব্য পরিণতির এক পর্যায় শেষ এবং নূতনের পর্বের সূচনা। জীবনের প্রভাতে

যে অজানার উদ্দেশে সকল রসারসি কেটে মাতাল হয়ে তিনি বেরিয়ে পড়েছিলেন, মধ্যাহ্নে শান্ত হয়ে তার অন্বেষণে বিরত হলেন; চিরস্তুনকে চিরদিন না খুঁজে শান্ত মনে ক্ষণিকের মধ্যে সাস্থ্যনা খুঁজলেন। কিন্তু এর মধ্যে তিনি তৃপ্তির সম্পূর্ণত পেলেন না। জীবন-অপরাজে যে পরমাশ্রয়ের আত্মবাহু তিনি পুনরায় দুর্গমবন্ধুর পথে বেরিয়ে পড়লেন পথশেষে তাঁর সঙ্গে গিলনের আভাস পাই সর্কশেষ কবিতাটিতে—

কখন যে পথ আপনি ফুরাল,  
সন্ধ্যা হ'ল যে কবে,  
পিছনে চাহিয়া দেগিছু, কখন  
চলিয়া গিয়াছে সবে!  
তোমার নীরব নিভৃত ভবনে  
জানিনা কখন পশিছু কেমনে!  
অবাক রহিছু আপন প্রাণের  
নূতন গানের রবে!  
কখন যে পথ আপনি ফুরাল,  
সন্ধ্যা হল যে কবে!

চিহ্ন কি আছে শান্ত নয়নে  
অশ্রুজালের রেখা?  
বিপুল পথের বিবিধ কাহিনী  
আছে কি ললাটে লেখা?  
রুধিয়া দিয়াছ তব বাতায়ন,  
বিছানো রয়েছে শীতল শয়ন,  
তোমার সন্ধ্যাপ্রদীপ-আলোকে  
তুমি আর আমি একা!  
নয়নে আমার অশ্রুজলের  
চিহ্ন কি যায় দেখা?

শ্রীসোমনাথ মৈত্র



## যুগান্তরের কথা

—উপন্যাস—

—শ্রীযুক্তা নিরুপমা দেবী

১১

বনে

হে বৈরাগী কর শান্তি পাঠ !

উদার উদাস কণ্ঠ যাক্ ছুটে দক্ষিণে ও বামে,  
যাক নদী পার হয়ে যাক্ চলি গ্রাম হতে গ্রামে,  
পূর্ণ করি মাঠ !

সকরণ তব মঙ্গ সাগে

মর্মভেদি যত দুঃখ বিস্তারিয়া যাক্ বিশ্বপরে  
ক্লান্ত কপোতের কণ্ঠে, ক্ষীণ জাহ্নবীর শ্রান্তস্বরে,  
অশ্রু ছায়াতে, সকরণ তব মঙ্গসাথে ।

চারিদিকে বিস্তীর্ণ মাঠ ধূস্র করিতেছে, কোথাও বা এক  
একটা বৃহচ্ছায়া বট বা অশ্বথ তাহাদের ডালপালা বিস্তার  
করিয়া দাঁড়াইয়া আছে। দূরে শ্রাম বনরেখার মধ্যে বিলীন  
গ্রামের নিকটে কতকগুলি চষা জমি, কোথাও বা রাখালের  
দল গরু চরাইতেছে, দূরত্বের জন্ত সেগুলিকে যেন ছবিতে  
আকার মত গতিচাক্ষুস্যহীন দেখাইতেছে।

মাঝখানে একটা ঘন বন খানিকটা স্থান ব্যাপিয়া মাঠের  
দবুজ সমুদ্রে যেন দ্বীপের মত দাঁড়াইয়া ; তাহার এক পাশে  
একটা নয়া বিল, বুকের স্থানে স্থানে ঘন ঘাস এবং শৈবাল  
ভরা সামান্ত জল লইয়া নিজের অস্তিত্ব জ্ঞাপন করিতেছে।  
সেই ‘বিলেন জনি’তে কৃষকেরা স্থানে স্থানে আশু ধান্য রোপন  
করিয়া সেই বিলের “লক্ষ্মী জোলা” নামটি ঈষৎ সার্থক করিবার  
চেষ্টা করিয়াছে। বনের মধ্যে ঢুকিলে বুঝা যায় সেটি বন  
বহে, পরিত্যক্ত ক্ষুদ্র একটি গ্রাম। ইদানীং বসতি  
বোধ হয় খুব কমিয়াই আসিয়াছিল তাই সেই দীর্ঘবৃক্ষসমি-

বেশের নিম্নে আগাছার ক্ষুদ্র ক্ষুদ্র জঙ্গলের মধ্যে কয়েকখানি  
চালহীন মাটির ভিটা তাহাদের বক্ষপঞ্জর উন্মুক্ত করিয়া  
পড়িয়া আছে। সমস্ত বনটি খুঁজিলে এইরূপ দুই তিন  
জায়গায় মাত্র দেখা যায়, তাহাদের অধিবাসীরা বোধ হয় অল্প  
দিন চলিয়া গিয়াছে। বাকি সমস্ত গ্রামের চিহ্ন বনে ঢাকিয়া  
গিয়াছে, কদাচিৎ কোথাও একটা ইষ্টক স্তূপ, তাহারই এক  
স্থানে ক্ষুদ্র একটা মন্দির। অনতিবৃহৎ এক অশ্বথ বৃক্ষ  
মন্দিরটিকে প্রায় নিজের কুক্ষিগত করিয়া লইয়া মন্দিরের  
মাথার উপরে মহাকাল দেবতার বিজয়-নিশানের মত নিজের  
সবুজ শাখার পত পত শব্দ তুলিয়া দাঁড়াইয়া আছে। মন্দিরের  
কপাট নাই, অভ্যন্তরের দেবতার মূর্তিও বাহির হইতে অস্পষ্ট।  
কতকগুলি দেবদর্শনার্থী যাত্রী অথ সেই মন্দিরের সম্মুখের  
ভগ্ন রোয়াকটির সম্মুখে আসিয়া দাঁড়াইল।

দেবতার উদ্দেশে সকলে প্রথমে সেই ভগ্ন রোয়াকেই  
মস্তক স্পর্শ করাইয়া প্রণাম করিল। তারপরে একজন বাক্য  
উচ্চারণ করিল “কই কিছুই দেখা যায় না যে।” দলের কণ্ঠা  
আমাদের বৃদ্ধ রায় মহাশয় বলিলেন “মাঠের রোদ থেকে সচ  
বনে ঢোকা গেছে, গাছের ছায়ায় চোখ এখনো অন্ধকারই  
দেখচে কিনা। রোয়াকের ওপর ওঠা যাক্।” জুতা নীচে  
রাখিয়া কোনরূপে তিনি প্রায় ইষ্টকস্তূপেই পরিণত সেই ক্ষুদ্র  
রোয়াকে উঠিলেন। দলের সকলেই তাঁহার অনুসরণ করিল।

“ঐতো গোরনিতাই দেবের যুগল মূর্তি! বেশ স্পষ্টই  
দেখা যাচ্ছে।” আবার তাঁহারা একবার সকলে প্রণত হইয়া  
দৃষ্ট বিষয়ের আলোচনা আরম্ভ করিলেন। ঠাকুর তো বেশ  
পরিষ্কারই আছেন, মন্দিরের মধ্যেও বেশ পরিষ্কার, বোঝা



যাচ্ছে এখনো নিতাই পূজা হয়। ঐতো বাইরে ফুলপাতাও পড়ে রয়েছে। এখানা দুয়ারে দেবার ঝাঁপ বোধ হচ্ছে, দুয়ারের অভাবে তৈরী করা হয়েছে। এই জঙ্গলের মধ্যে যতখানি সম্ভব চারিদিক বেশ পরিষ্কারও দেখাচ্ছে। লোক জন যাওয়া আসা করে নিশ্চয়।” দলের মধ্যে আমাদের চপলা কিশোরীও ছিল, সে চারিদিক চাহিয়া দেখিতে দেখিতে বলিল “এ বনে বাঘ থাকে, না ঠাকুর দাদা?” অনেকে যেভাবে “চুপ চুপ” করিয়া উঠিলেন তাহাতে বোঝা গেল তাঁহাদেরও মনে সে কথাটা উদয় হইয়াছে। রায় মহাশয়ও মৃদুস্বরে বলিলেন “সেটা এমন অসম্ভবই বা কি?” কয়েক জন নারী অস্ফুটে কয়েক বার “বন মধ্যে বরাহঞ্চ” বলিয়া বিষ্ণু-যোড়শ নামের এক নাম স্মরণ করিলেন। কেবল রাধা প্রতিবাদ করিল “এ রকম জায়গায় সে ভয় খুব কমই থাকে। দেখছনা এখানে মানুষ চলাচলের চিহ্ন রয়েছে।” তাহার কথায় সকলে যেন একটু ভরসা পাইলেন। অসহিষ্ণু কিশোরী উঠিয়া দাঁড়াইয়া বলিল “চলনা পিসি, একটু এদিক্ ওদিক্ ঘুরে দেখি—” “বাঘ আছে কিনা?” রায় মহাশয় নাতিশীর্ণ উদ্দেশে একটি মধুর সম্পর্কের সম্বোধন প্রয়োগ করিয়া বলিলেন—“তোমরা একটা বুনো বাঘের সঙ্গে বিয়ে দিয়ে গেলেই ঠিক হয়! যেমন তুই তেমনি বর হয়।” ঠাকুরমাতাও স্বামীর রহস্যে যোগ দিয়া বলিলেন “যে বর ওর জন্তে ঠিক হচ্ছে সেতো ওকে ‘মেনা বেনা’। সেই যে কোন নোহল্গান দুর্গা ঠাকুর দেখতে এসে নাকি বলেছিল যে ওপরের চাল চিত্তিরের আঁকা ঐ ঠাণ্ডা বুড়োটি দুর্গির খসম? ও খসম তো দুর্গিকে মানায় নি! দুর্গি যেমন দজ্জাল্‌নি আমাদের হান্‌ফে চাচা যদি ওর খসম হ’ত তবেই ম্যানাতো। ওরও তাই হবে বড় বোমা।” খুড়শুন্‌র ও শ্বশুরীর রহস্যে বড় বোঁ মৃদু হাস্য করিলেন, কিন্তু কিশোরী মনে মনে বিলক্ষণ চট্টয়া উঠিয়াছিল। সন্ধ্যা সেই ভগ্ন রোয়াক হইতে নিম্নে অবতরণ করিয়া “তোমরা বসে বসে এইখানে সন্মাজ কর ঠাকুনা তোমার হান্‌ফে চাচার সঙ্গে, আমি বাঘ খুঁজতে যাচ্ছি” বলিয়া বনের মধ্যের সেই লুপ্তপ্রায় পথেরখা ধরিয়া প্রায় লাফাইতে লাফাইতে একদিকে দ্রুত অগ্রসর হইল। সকলে হাসির সঙ্গে শঙ্কিত হইয়া উঠিয়া আবার বরাহ দেবকে স্মরণ করিতে করিতে বলিল “এ দৃষ্টি মেয়ে একটা

ঘটাবে দেখছি! রাধা তুই তোর মেয়ে সামলা। যেমন সং করেছিস, বল্লাম ওটাকে লুকিয়ে ঘাই আমরা, তা ঠুঁর হ’লনা।’ রাধা ততক্ষণে কিশোরীর পশ্চাতে পশ্চাতে চলিয়া উভয়ে কয়েকটা গাছের অন্তরালে চলিয়া গিয়াছে। শঙ্কিতা বড় বেঁ বলিলেন “ওকে কি ফাঁকি দিয়ে আসবার জো ছিল বাছা? তিনি ভীত নয়নে তাহাদের গতি-পথ নিরীক্ষণ করিতে করিতে বলিলেন “আমিও ঘাই খুড়ীমা, কোনদিকে যাবে আবার?”

“ওটাকি পিসি? ঐ যে গাছের ডালে বসে আছে! ও বাব ছোটো যে! কি গোল্‌ গোল্‌ চোখ, কি বিস্তী চেহারা! প্যাঁচা! হ্যাঁ প্যাঁচা নাকি অতবড় হয়? হতোম প্যাঁচা? “তুই থুলি মুই থুলি” আবার নাম হয় নাকি? কই ওরা তো তা বলছে না! বাবা কি হুম্‌ হুম্‌ শব্দ! হ্যাঁ, আমার মনে পড়ছে একদিন জোচ্ছনা রাতে যখন তোমাদের দেশের মেক্‌রা পাখি ঠক্‌ ঠক্‌ ক’রে কেবলই গয়না গড়াচ্ছিল, —সেও এক রকম প্যাঁচা? সব পাখিই ত প্যাঁচা তাহলে বাপু, তোমাদের দেশে! সেই রাতে জানালার ধারে দাঁড়িয়েছিলাম, প্রকাণ্ড একটা কি চিলে? ছাদের ওপর বসে ছিল আর এই রকম হুম্‌ হুম্‌ শব্দ আসছিল। অন্ধকার রাত্রি হলে বাপু ভয় করত কিছ। কেমন মজা দেখছ পিসি? একবার গলা ফুলিয়ে এটা ডাকছে আর একবার ওট ডাকছে! ওরাই সেই “তুই থুলি” পাখি যারা টাকা লুকিয়ে রেখে ঝগড়া করতে করতে নরৈই গেল? তারপরে নরৈও এই রকম ধেড়ে ধেড়ে পাখি হয়ে দুজনে দুজনকে বলে “তুই থুলি, তুই থুলি”! আমাদের দেখে আরও কোপের মধ্যে লুক্কো দেখছ পিসি? কাক যদি আসে তো বাছাদনরা টের পান এখনি! ও পিসি, শেয়াল শেয়াল! ওমা, কেনন ছোট ছোট তিন চারটে বাছা সঙ্গে! আমি ধরব একটু—হ্যাঁ—কেন—কামড়ে দেবে না আরও কিছু? বাঃ পালিয়ে গেল তুমিও একটু দৌড়ুলে না কেন তাহলে ধরা যেত! হ্যাঁ যাও!”

কিশোরীর কলকণ্ঠ বনের দিকে বাজিতে লাগিল শুনিয়া মাতা আর তাহাদের পশ্চাতে অগ্রসর হইলেন না। মন্দিরের অদূরেই দাঁড়াইয়া ছোট জায়ের সঙ্গে বন ও বনের ঠাকুরটার সম্বন্ধে আলোচনা করিতে লাগিলেন। অপারিসর স্থানে শ্বশুরের ছায় গুরুজনের অতি নিকটে তাঁহারা এতক্ষণ স্বাচ্ছন্দ্য পাইতেছিলেন না, একটু আড়ালে আসিয়া বাঁচিলেন।



“অবধৌত”! অস্পষ্ট গম্ভীর শব্দে সকলে সচকিত হইয়া পশ্চাতে চাহিয়া দেখিল মলিন ধূলী-ধূসরিত ছিন্ন কন্যার আলংকার্য সর্বাঙ্গ আচ্ছাদিত, রুদ্ধ শ্বেত শ্মশ্রু ও জটায় মস্তক এবং মুখ সমাচ্ছন্ন এক বৃদ্ধ বান্ধিকোর চাপে যেন কুজা-কার হইয়া সেইদিকে আসিতেছে। সেই নির্জন বনের মধ্যে সেই কুদর্শন অদ্ভুত বেশধারী ব্যক্তির আগমনে সকলেই যেন ঈষৎ শঙ্কিত নৈত্রে তাহাকে দেখিতে লাগিলেন। বৃদ্ধ কিন্তু সেখানে তাঁহাদের দেখিয়াও কোন ভাবান্তর প্রকাশ করিল না। রোগাক্রান্ত অদূরে সহসা জাহ্নু পাতিয়া বসিয়া কাহার উদ্দেশে যেন প্রণাম করিল এবং নত মস্তকে নিস্তব্ধে বসিয়া রহিল। রায় মহাশয় ভিজ্ঞাসা করিলেন “বাবাজী কি সাধু মহাত্মকে দর্শন করতে এসেছেন?” আগন্তুক কোনই উত্তর দিল না। “আমরাও তাঁকে দর্শন করতে এসেছি, তিনি এই বনের ঠিক কোনখানটায় থাকেন জানো কি?” আগন্তুক নীরব—যেন সে মূক বা বধির। কিন্তু সে সেখানে আসার সময়ে যে একটা গম্ভীর শব্দ সকলের কাণে গিয়াছিল তাহাতে সকলেই বুঝিল লোকটা অন্ততঃ বোবা নয়। ইহার নিকটেও কোন সন্ধানের আশা নাই বুঝিয়া সকলে একটু যেন কিংকর্তব্যবিমূঢ় হইলেন।

“ঠাকুর্দা—ঠাকুর্দা, দেখুন এসে, কাকে খুঁজে বার করেছি। আপনারা তো নমাজ করতে লাগলেন, আমরা এই দিকে গিয়ে দেখি—কেমন ডালপালার ছাউনিতে কুঁড়ে ঘরের মতন রয়েছে, তার মধ্যে তিনি চোখ বুজে বসে রয়েছেন। দেখেই চোঁচিয়ে ‘মগ্নিষ্ঠি ঠাকুর, আনরা তোমাকে যে দেখতে এসেছি; ঠাকুর্দা এসেছেন’ বলতেই তিনি চোখ চাইলেন আর ‘আমি ছুটে পালিয়ে এলাম’ বলিতে বলিতে হাঁপাইতে হাঁপাইতে কিশোরী ছুটিয়া আসিতেছিল, পথিমধ্যে উপবিষ্ট সেই বৃদ্ধ ভিক্ষুককে দেখিয়া সহসা তাহার গতিরোধ হইয়া গেল। ঈষ্পিতলাভের সম্ভাবনার সংবাদে আনন্দিত হইয়া সকলে রোগাক্রান্ত হইতে নামিতে লাগিলেন। রায় মহাশয় হর্ষোচ্ছ্বাসের সহিত “কইরে কোন দিকে—কোন দিকে” বলিতে বলিতে নামিয়া নাতিনীকে অকস্মাৎ সেই বৃদ্ধ দর্শনে বাক্শক্তিহীন দেখিয়া রহস্তেচ্ছা সম্বরণ করিতে পারিলেন না; বলিলেন “এইবার বাঘ দেখতে পেলি ত?” সেই বনতলে

উপবিষ্ট চিত্রিত ছিন্ন কন্যার কুজপৃষ্ঠ বৃদ্ধকে একটা ভীতিপ্রদ বস্তু জন্মের মতই দেখাইতেছিল বটে।

তাঁহাদের আর অগ্রসর হইতে হইল না—একখানা কঞ্চল হস্তে পূর্বপরিচিত সেই উদাসীন প্রসন্ন হস্তে তাঁহাদের দিকেই আসিতেছিলেন, পশ্চাতে জোড় হস্তে বাধা। “আমুন—আমুন, কতক্ষণ এসেছেন?” সকলে প্রণাম করিবার পূর্বেই উদাসীন দূর হইতেই সুদীর্ঘ দেহ অর্দ্ধ-অবনত করিয়া বন্ধাজলী ভাবে সকলকে অভিবাদনমূলক নমস্কার করিলেন। সকলে তখন বনের সেই আগাছা জঙ্গলের মধ্যেই হাঁটু পাতিয়া বসিতেছিল, উদাসীন প্রায় ছুটিয়া আসিয়াই সকলকে একরূপ ভাবে বাধা দিলেন যে কেহই আর ইচ্ছানুরূপ কার্য্যটি করিতে সাহস পেল না। তাহাদেরও মস্তক নত করিয়াই প্রণাম সারিতে হইল। সেই ভগ্ন রোগাক্রান্ত উপরে কঞ্চলটি বিস্তৃত করিয়া উদাসীন তাঁহাদের বসিতে আহ্বান করিলেন।

রায় মহাশয় এইবার সাহস করিয়া প্রতিবাদ করিলেন “আপনার বিছানো আসনেও বসতে হবে?” “আপনারা আজ গৌরনিতাই দেবের অতিথি যে!” উদাসীনের শিথল কণ্ঠস্বরের আহ্বানে আবার সকলে রোগাক্রান্ত উপরে উঠিলেন কিন্তু কঞ্চলে বসিলেন না। রায় মহাশয় কঞ্চলটি গুটাইয়া নাথায় ঠেকাইতে গেলে যখন উদাসীন তাঁহার হস্ত ধরিয়া শান্ত অনুরোধের স্বরে বলিলেন “আমার কর্তব্য আমাকে করতে দেন দয়া করে” তখন তাঁহাকে কিংকর্তব্য-বিমূঢ় হইতে মুক্তি দিতে রাধাদাসী অগ্রসর হইয়া কঞ্চল-খানি আবার একবার পাতিয়া দিল। তখনো উদাসীনের অনুরোধে সকলকে প্রথমে বসিতে হইল; পরে তিনি মন্দিরের ভিতর হইতে একটু ছিন্ন আসন বাহির করিলেন।

বৃদ্ধ ভিক্ষুক এতক্ষণ জোড় হস্তে দাঁড়াইয়াই ছিল, তাহার দিকে মস্তক হেলাইয়া অভিবাদনাস্ত্রে সাধু বলিলেন “অবধূত, তুমি কখন? এঁদের সঙ্গেই নাকি?” ভিক্ষুক নতমস্তক একটু চালনা করিল মাত্র। রায় মহাশয়ই উত্তর দিলেন “না, উনি এই কতক্ষণ এসেছেন!” “তুমিতো মন্দিরেও উঠবে না, আমার আসনও নেবেনা, ব’স!” বৃদ্ধ আবার প্রণামের ভাবেই সেইখানে হাঁটু পাতিয়া বসিল। সাধুও সেই ছিন্ন আসন টুকু পাতিয়া রোগাক্রান্ত একদিকে উপবেশন করিতে করিতে



রায় মহাশয়ের দিকে চাহিয়া বলিলেন “একাদশস্কন্ধে ভগবান উদ্ধবকে যে-সমস্ত উপদেশ দিয়েছিলেন, যার নাম “উদ্ধব গীতা” তার মধ্যে “ভিক্ষুগীত” একটি উৎকৃষ্ট বস্তু! সেই অবন্তীদেশের ব্রাহ্মণের মত এই বৃদ্ধটোও বহুকাল ‘অবধূত’ পন্থা নিয়েছে। কিন্তু এতকালেও শান্তি পায়নি। এর মন এখনো একে কৰ্ম্মপাকের স্মৃতিতে অশান্ত রেখেছে, তাই মাঝে মাঝে এখানে আসে।”

এতক্ষণে ভিক্ষুক নিজমনে একটু একটু যেন মাথা নাড়িল—চক্ষু-কোটর হইতে যেন দুই এক বিন্দু অশ্রু মুছিয়া ফেলিল, তারপরে মৃদুস্বরে বলিল “তুমি এসে দর্শন পাইনি!” তাহার সেই বার্কাকা-জড়িত কণ্ঠস্বর যেন একটা জন্তুর গর্জনের মত গৌঁ গৌঁ শব্দ করিল মাত্র। উদাসীন কিন্তু বুঝিলেন, মৃদুস্বরে বলিলেন “আমিও সেকথা ভেবেছি যে অবধূত হয়ত ফিরে গেছেন।” আবার সকলের দিকে ফিরিয়া বলিলেন “এঁকে এইদিকে ভিক্ষা করতে অনেকেই হয়ত দেখেছেন?”

রায় মহাশয় কুণ্ঠিতভাবে “আমিতো গ্রামে থাকি না, বহুদিন পরে এবার এসেছি, আমি” এইটুকু বলিতেই রাধাদাসী জোড় হাতে সকলের হইয়া উত্তর দিল, “হাঁ, ঠুঁকে গ্রামে ভিক্ষা করতে আমরা ছোটবেলায় দেখেছি। কখনো কথা কইতে শুনিনি। বহুদিন পূর্বে একজন সঙ্গিনীও ঠুঁর সঙ্গে থাকতেন, শুনেছি তিনি ঠুঁর স্ত্রী ছিলেন। দুজনেই কথা কইতেন না, একদিকে বেশী দিন থাকতেনও না। দুচার বৎসর পরে পরে আসতেন ব’লে মনে পড়ে। ছেলেরা ধুলো দিয়ে ঢিল ছুঁড়ে বড় জ্বালাতন করত।”

রাধাদাসী নীরব হইলে সাধু মেহপূর্ণ দৃষ্টিতে ভিখারীর দিকে চাহিয়া বলিলেন “তারপরে?” ভিক্ষুক আবার মাথা নাড়িয়া এবার একটু স্পষ্ট করিয়া বলিল “অনেক দিন কিছু পাইনি বাবা!” রায় মহাশয় উদাসীনের পানে চাহিলেন, ভিক্ষুকের প্রার্থনার বস্তুটি কি তিনি যেন বুঝিতে পারিতেছিলেন না। উদাসীন এতক্ষণ যেন একটু অশ্রুমনভাবে একদিকে চাহিয়া ছিলেন, ভিক্ষুকের কণ্ঠস্বরে দৃষ্টি ফিরাইতেই রায় মহাশয়ের প্রশ্ন বুঝিয়া বলিলেন, “কিছু শুনতে ইচ্ছুক। লোকটি কৰ্ম্ম-বিপাকে আর্ন্ত,—তাই আখ্যায়িকার মধ্যেই তার মনঃশান্তির উপায় খুঁজতে ভাগবত আলোচনাই মাঝে মাঝে করা যায়। আপনি—”

রায় মহাশয় সবিনয়ে জোড় হস্তে বলিলেন, “আমরাও আজ তাহ’লে কিছু লাভ করব। কিন্তু আমিও কৰ্ম্ম-বিপাকে আমাদের শাস্ত্র পুরাণে একেবারে অন-ভিজ্ঞ, কিছুই জানি না,”—উদাসীন সহাস্ত্রে বলিলেন “সেদিন আপনার গৃহের মহিলাদের ভাগবতে যে রকম অভিজ্ঞতা দেখেছি তাতে আপনি একথা বললে মানতে তো পারি না।” “আমি তো আপনাকে সেদিন সেকথা বলেছি। একদিন আমাদের গৃহে তাই ছিল বটে কিন্তু আজ ঐ মহিলারাই যদি কিছু মনে মনে সঞ্চিত বা কাজেও কিছু কিছু রেখে থাকেন। কিন্তু কৃষ্ণপ্রিয়া ছাড়া তাই বা কে আছেন? আমার এই ভ্রাতৃপুত্রীটির জীবনও ভয়ানক ঘটনা-বিপাকের সমষ্টি। তাঁরও—” অবান্তর কথা আসিয়া পড়িতেছে দেখিয়া রায় মহাশয় নিজের কথা ফিরাইয়া বলিলেন, “তিনি আজ আমাদের সঙ্গে আসেন নি, এলে হয়ত আপনার কথার একজন যোগা শ্রোতা হতেন। তিনি নিজের সাধনা নিয়েই দিনের বেশীর ভাগ আমাদের গ্রামের কালীতলার বনে কাটান। অপরাহ্নে ঘরে এসে হবিষ্য গ্রহণ করেন, সেইজন্য তাঁকে আন্তে আমরাও তেমন চেষ্টা করিনি। তিনি তো কোথাও যেতে ইচ্ছা করেন না।” উদাসীন মৃদুকণ্ঠে বলিলেন, “সাধনা-গৃহ নির্জন স্থানেই হওয়া উচিত।” “তাঁর গৃহও তো বনের মতই নির্জন। বৃদ্ধ এক পিশি আর এই দাসী, এইমাত্র লোক। সেজন্য নয় বোধ হয়। তাঁর শক্তিমত্তে সাধনা, তাই ঐ দেবীর স্থানেই জপ করার আগ্রহ তাঁর পক্ষে স্বাভাবিক।”

উদাসীন তাঁর অর্ধ-নিম্নলিতনেত্র উন্মীলন করিয়া পূর্ণ-দৃষ্টিতে রায় মহাশয়ের প্রতি চাহিলেন। দ্বিধার সহিত উচ্চারণ করিলেন “শক্তিমত্ত? আপনাদের গৃহদেবী রাধাবল্লভই কি আপনাদের বংশের ইষ্টদেব নন? আপনারা বৈষ্ণব বলিয়াই”—তাঁহার স্বর ক্রমে অস্পষ্ট হইল। রায় মহাশয় বলিলেন, “হাঁ, আমাদের স্বর্গীয় পূর্বপুরুষরা স্বর্গীয় ভ্রাতারা সকলেই পরম বৈষ্ণব ছিলেন কিন্তু তিনি আমাদের কত্ম। শঙ্করকুলের রীতিই তাঁর আচরণীয়।” উদাসীন ক্ষণেক স্তব্ধভাবে থাকিয়া আবার মৃদুকণ্ঠে উচ্চারণ করিলেন “কিন্তু বৈষ্ণব শাস্ত্রে তাঁর বিশেষ দক্ষতা আছে বলেই মনে হয়েছিল।”



“তঁার জীবনে ঘটনা-বিপাকের মত ধর্ম-বিপাকেরও মহা ন্দ্র ঘটে গিয়েছে। শ্বশুররা তাঁকে তাঁদের কুলোচিত দীক্ষা দেন, আবার স্বর্গীয় কর্তারাও তাঁকে নিজেদের রুচি ও ারণা মত বৈষ্ণব মন্ত্রে দীক্ষিত করেন, সেই সময়েই তাঁকে ছ বৈষ্ণব শাস্ত্র পুরাণ শিক্ষা দেওয়া হয়, কিন্তু তিনি শেষে র্গগত স্বামীর ধর্মই গ্রহণ করেছেন।” বৈরাগী নিস্তর্র-গবে চক্ষু মুদ্রিত করায় রায় মহাশয় থামিয়া গেলেন, াধুর স্তব্ধ সনাক্ত ভাবে আর বাক্যশব্দের দ্বারা বিচলিত রিতে সাহস পাইলেন না।

ক্ষণপরেই সাধু নয়ন মেলিয়া পূর্ণ দৃষ্টিতে রোয়াকের নিম্নে জানু পাতিয়া উপবিষ্ট ভিক্ষুকের পানে চাহিয়া গম্ভীর উদাস্ত কণ্ঠে গাহিয়া উঠিলেন—

“নায়ে জনো মে সুখহুঃখহেতুর্ন দেবতাস্মা গ্রহকর্মকামাঃ ।  
মনঃ পরং কারণ মাননন্তি সংসারচক্রং পরিবর্তয়েদ্যৎ ।  
দানং স্বধর্মো নিয়মো বমশ্চ শ্রুতঞ্চ কর্ম্মাণি চ সমুতানি ।  
নর্কে মনো নিগ্রহলক্ষণাস্তাঃ পরোহি যোগো মনসঃ সমাধিঃ ।”

ভিক্ষুক নতমস্তকে জোড়হস্তে যেন মূর্তিমান শুশ্রূষুর মত শুনিতেন। সাধু সহসা তাঁহার কণ্ঠ থামাইয়া রায় মহা-শয়ের দিকে দৃষ্টি ফিরাইয়া বলিলেন,—“এই অবধূত। এঁর কথা আমাদের মত সাধারণ সুখহুঃখভোগী জীবের পক্ষে বচনেরও অতীত! যারা এ গ্রামে বাস করেন তাঁরা কেউ কেউ কিছু জানেন হয়ত!” বলিতে বলিতে সাধু সম্মুখের দিকে চাহিতেই দেখিলেন একটি নারী সেই বনপথের মধ্যে একভাবে দাঁড়াইয়া স্তব্ধদৃষ্টিতে তাঁহার পানে চাহিয়া আছে, আর তাহার নিকটে সেই কিশোরী বালিকা, যে ইতিপূর্বে তাঁহাকে খুঁজিয়া বাহির করিয়াছিল, সেই চঞ্চলা বালিকাও স্থানকালপাত্রের প্রভাবে তেমনি অভিভূত হইয়া দাঁড়াইয়া আছে। সাধু তখন দৃষ্টি নত করিলেন। ক্ষণপরে ধীরে বলিলেন “কেহ কেহ হয়ত এঁকে জানেন! ইনি এখন কিছুক্ষণ এইখানেই থাকবেন। আপনাদের কিন্তু অনেকটা পথ যেতে হবে, সঙ্গে বালিকা ও মহিলারা রয়েছেন, এপথে সন্ধ্যা না হওয়াই উচিত।”

সকলে একে একে উদাসীনকে প্রণাম করিয়া গাত্ৰোত্থান করিলেন। রায় মহাশয় হুঃখপূর্ণকণ্ঠে বলিলেন “ভাগ্যে আর হয়ত দর্শন ঘটবে না, এইবার আমার যথাস্থানে

চলে যেতে হবে!” উদাসীন গম্ভীর মুখে সকলকে প্রত্যভি-বাদন করিয়া রায় মহাশয়কে যেন সান্থনা দিবার জন্যই বলি-লেন “কে বলতে পারে আর ঘটবে না! এই যে ঘটনা এও তো অবটন ঘটনই! এই রকম ভাবে হয়ত আবারও ঘটতে পারে।” রায় মহাশয় সহসা একটা আশায় উচ্ছ্বসিত হইয়া বলিয়া উঠিলেন, “আবার হয়ত ছয়মাসের ভেতরই আসার সম্ভাবনা আছে! সেই যে যুবকটিকে দেখেছিলেন আমার বধুমাতার ভ্রাতা, সেই যতীনকে সঙ্গে আমাদের এই নাতিনীটির বিবাহের সম্বন্ধ হচ্ছে। আপনি যে অবটন ঘটনের কথা বল্লেন এবারে সত্যই আমরা অনবরত যেন তাই প্রত্যক্ষ করছি! যাদের সঙ্গে সম্পর্কের স্মৃতি আমাদের বংশে কেবল জালাই আনত তাদেরই সঙ্গে পুনঃ পুনঃ এই অমৃতসংযোগের ব্যবস্থা কিসে হচ্ছে জানিনা! যতীন ছেলেটি আপনাকে আর একবার দর্শন করতে বড়ই ইচ্ছুক ছিল কিন্তু এই সব ব্যাপারেই বোধ হয় আর সে এখন এদিকে আসতে পারছেন না। আমরা এ শুভ বিবাহটিও এইবারেই সেরে যেতে ইচ্ছুক ছিলাম, সকলেরই সেই ইচ্ছা, কিন্তু মাতৃপিতৃহীনা কন্যার একমাত্র অভিভাবিকা পিসির অনিচ্ছাতেই ঘটতে পারছেন না।” উদাসীন যেন অনিচ্ছাতেও উচ্চারণ করিলেন, “তাহলে একাধা না ঘটাই উচিত।” “না, তাঁর এই বিবাহেই অনিচ্ছা যে তা নয়! যতীনও তাঁর বংশধর, কন্যাটিও ভ্রাতৃকন্যা, এ যোগাযোগ সুখেরই! তবুও তিনি এতশীঘ্র একাজটি সমাধা করতে চান না! বলেন, যদিই এরপরে উভয় পক্ষের কোন মনোমালিগ্ন ঘটে তখন আর উপায় থাকবে না। এই প্রস্তাব কিছুদিন এইভাবে থাকতে যদি দুই দিকের কোন মতপরিবর্তন না ঘটে তবেই একাজ করা ঘটবে।” সাধু যুহুস্বরে বলিলেন “যুক্তিতে বিচক্ষণত্ব আছে।” তারপরে কিশোরীর পানে দৃষ্টি ফিরাইয়া বলিলেন, “এই বালিকাটি?” “হ্যাঁ, কিন্তু প্রণাম কর।” ধীরভাবে কিশোরী সাধুর চরণে আবার প্রণতা হইল এবং তাহার পশ্চাতে কিছু দূরে থাকিয়া রাধাদাসীও আর একবার সাধুর উদ্দেশে প্রণাম করিল।

সকলে অবধূতের উদ্দেশেও মস্তক অবনত করিয়া যখন বিদায় হইয়া ক্রমশঃ বাহিরে আসিয়া পড়িলেন,







# প্রাচীন ভারতের ভাস্কর-শিল্প

শ্রীযুক্ত নীহাররঞ্জন রায় এম্-এ, পি-আর্-এস্

## ভূমিকা

ভারত-ইতিহাসের সবচেয়ে বড় সম্পদ তাহার ধর্ম, তাহার গান-বিজ্ঞান, তাহার ললিত-কলা। সেই আদি যুগ হইতে আরম্ভ করিয়া আজ পর্যন্ত সিন্ধু নর্মদা গঙ্গা গোদাবরীর তীরে কত রাজ্য গড়িয়াছে, কত রাজ্য তাড়িয়াছে, কত রাজ-সিংহাসন ধূলায় লুটাইয়াছে, ইতিহাসে সে-সব কাহিনী রচিত হইয়া আছে, কিন্তু মানুষের চিত্তপট হইতে কবে তাহা মুছিয়া যাইয়াছে। এমন-যে দিগ্বিজয়ী বীর আলেকজান্ডার, তাঁহার মনে আছে শুধু পুঁথির পাতায়; এমন বিস্তৃত মৌর্যসাম্রাজ্য, এমন বীর সমুদ্রগুপ্ত, হর্ষবর্দ্ধন, দেবপাল, মহীপাল, রাজেন্দ্র-চোল, এমন স-সাগরা ভারতের সম্রাট আকবর ঔরংজেব, ইতিহাস ইহাদের স্মৃতি বুলে করিয়া রাখিয়াছে শুধু কাহিনী সাবে, শুধু ঘটনার পর ঘটনা একটির সঙ্গে আর একটি করিয়া গাঁথা হইয়া পড়িয়াছে, তাহারই একটা চিত্র সাবে। কিন্তু যে-সম্পদ ও ঐশ্বর্যের দীপ্তিতে ইতিহাসের পাতা আলোকিত হইয়া উঠে, যাহার মধ্যে একটা দেশ, কাল, জাতি ভাষা এবং রূপ পায়, এবং যাহার নিঃশব্দ পদসঞ্চারে স্তম্ভ মুক অতীত শতকণ্ঠে মুখর হইয়া উঠে, সে-সম্পদ ও ঐশ্বর্যের পরিচয় এই দিগ্বিজয়ী সম্রাট ও তাঁহাদের আসমুদ্র-মাচল সাম্রাজ্য-বিস্তৃতির মধ্যে পাওয়া যায় না। এমন যাহাদের কূট রাষ্ট্রবুদ্ধি সমস্ত যুদ্ধবিগ্রহ বিপ্লব আবর্তনের চোটে থাকিয়া রাজ্য ভাঙে গড়ে, রাষ্ট্র ও সমাজের গতি পরিদ্রষ্ট করে, সেই বৃহস্পতি-চাণক্য-শুক্লাচার্য্য-মানসিংহ-দীরাও-ফারনবিশের বুদ্ধি কৌশলের মধ্যেও নয়। আসল তাহা, অন্তর্দেশে যাহাই হউক, ভারতবর্ষের সত্যকার পরিচয় ভারতবর্ষের রাষ্ট্রীয় ইতিহাসের মধ্যে নাই। আছে তাহার ললিত কলা ও সংস্কৃতির মধ্যে, যে সংস্কৃতির স্পর্শ ও পরিচয় আমরা ইতিহাসের ধর্ম ও সাহিত্যে, জ্ঞানে ও বিজ্ঞানে, শিল্পে ও

কথায়। এই সংস্কৃতিই ভারতের ও ভারত-ইতিহাসের একমাত্র সম্পদ, একমাত্র ঐশ্বর্য্য; এই ঐশ্বর্য্যই ভারতবর্ষকে জগতের অন্ততম তীর্থভূমি করিয়া তুলিয়াছে, এবং ইহারই দীপ্তি যুগে যুগে সর্বদেশের সর্বলোকের সপ্রশংস দৃষ্টি আকর্ষণ করিয়াছে। ভারত-ইতিহাসের সর্বজনীন বীর তাই বুদ্ধদেব আর আমাদের চিত্তপটে অনন্তকালের জন্য বাঁচিয়া আছেন সম্রাট অশোক, কুমারজীব, গুণবর্ষণ-শঙ্করাচার্য্য-শ্রীচৈতন্য-নানক-কবীর-রামানুজ। তাই শতাব্দীর সমুদ্র পার হইয়া রামায়ণ ও মহাভারত আজও আমাদের কাছে নিত্যকালের জীবন্ত বাণী বহন করিতেছে, আর কালিদাস আজও আমাদের নিকট হইতে পাদ্য অর্ঘ্য গ্রহণ করিতেছেন। তাই, কুরুক্ষেত্র পাণিপথ কোনদিনই জাতির তীর্থ হইতে পারিল না, হইল সাঁচি, অমরাবতী, সারনাথ, কোনারক, ভুবনেশ্বর, খাজুরাহো, মহারথীপুর, তাঞ্জোর, অজন্তা, নাগিক এবং আরও কত গুহা, পর্বত, যেখানে নীরস পাথর লীলায়িত ছন্দে নাচিয়াছে অযুত কণ্ঠে কথা কহিয়াছে, গান গাহিয়াছে। কবে কোন্ অতীতে ভারতবর্ষে কোন্ জাতি আসিয়া প্রথম ঘর বাঁধিয়াছিল, সেই সময় হইতে ভারতবর্ষ যখন যাহা ভাবিয়াছে, মনে তাহার যে-কথা জাগিয়াছে, অনুভূতিতে যে-স্বর বাজিয়াছে, তখনই সে তাহাকে ধর্ম ও জ্ঞানে, শিল্পে ও সাহিত্যে ভাষা ও রূপ দিতে চেষ্টা করিয়াছে। আজ তাই শত শত শতাব্দীর পর বৃদ্ধ ভারতবর্ষের ভাঙারে যত ধর্ম যত জ্ঞান, যত শিল্প যত সাহিত্য জমা হইয়াছে, তাহারা সকলে মিলিয়া ভারতবর্ষের একটি পরিপূর্ণ বাণীকে রূপদান করিতেছে। এই বাণীই ভারতবর্ষের সংস্কৃতি, এই সংস্কৃতিই ভারতবর্ষের যথার্থ ইতিহাস, যথার্থ পরিচয়।

ধর্ম ও সাহিত্যে যেমন, জ্ঞানে ও বিজ্ঞানে যেমন, তেমনি ললিত কলার বিভিন্ন ক্ষেত্রেও ভারতীয় সংস্কৃতি এক একটি বিশেষ রূপ পাইয়াছে। নৃত্যে তাহা এক রূপে, সঙ্গীতে অন্তরূপে,



তুলির রঙে ও রেখার এক রূপে, পাথরের উপর ভিন্ন রূপে তাহা ভাষা ও রূপ লাভ করিয়াছে। এই ভাষা ও ভঙ্গির রূপবৈচিত্র্য সকলের চেয়ে বেশী ফুটিয়াছে ভাস্কর-শিল্পে, এবং তাহার ভাঙারের সমৃদ্ধিও অন্য সকল ভাঙারের সমৃদ্ধিকে অতিক্রম করিয়াছে। যেদিন হইতে ভারতবর্ষের একটা অপেক্ষাকৃত সুনির্দিষ্ট ইতিহাস আমাদের কাছে ধরা পড়ে, প্রায় সেই সময় হইতেই স্বাধীন ভারতের ভাস্কর-শিল্পের একটি অবিচ্ছিন্ন ধারা শতাব্দীর পর শতাব্দী বহিয়া মুসলমানী আমল পর্যন্ত চলিয়া আসিয়াছে, এবং সেইখানে আসিয়া হঠাৎ যেন নিজকে মরুবাণিরামির মধ্যে হারাইয়া ফেলিয়াছে। মহামুভব অশোকের বিরাট মৌর্যসাম্রাজ্য প্রতিষ্ঠার সময় হইতে প্রায় দেড়হাজার বৎসর ধরিয়া ভারতবর্ষে প্রায় সর্বত্র এই শিল্পের কত যে অপূর্ণ বিকাশ ঘটিয়াছিল, আর মহা-দেশের মতন বিশাল এই দেশে কত যে বিভিন্ন শিল্পীগোষ্ঠী, শিল্পকেন্দ্র এই দেড় হাজার বৎসর ধরিয়া গড়িয়া উঠিয়াছিল, তাহার হিসাবও আমরা করিতে পারি না। এক এক শিল্পীগোষ্ঠীর, এক এক শিল্পকেন্দ্রের যুগে যুগে ভিন্ন ভিন্ন রূপ; এক এক বিশিষ্ট রূপভঙ্গির আবার বিভিন্ন বিকার। প্রাচীন ভারতের ভাস্কর-শিল্পের এই রূপ-বৈচিত্র্য পৃথিবীর সৌন্দর্যের ভাঙারে অক্ষয় অমূল্য সম্পদ দান করিয়াছে; কত নূতন বিষয়বস্তু, কত নূতন শিল্পভঙ্গিমা, কত বিচিত্র মণ্ডনরূপ ও রীতি, কত অপূর্ণ ছন্দভঙ্গি, কত অভিনব বিজ্ঞান-কৌশল, সর্বোপরি কত নূতন ভাব-দৃষ্টি-যে তাহার নূতন আবিষ্কার, তাহার ইয়ত্তা নাই। কিন্তু শুধু শিল্প ও সৌন্দর্য-সৃষ্টির দিক্ হইতেই নয়, ইতিহাসের দিক্ হইতেও ভারতের ভাস্কর-শিল্প অমূল্য সম্পদ। যে-কথা, যে-কাহিনী পুঁথিতে নাই, শিলালেখ-তে নাই, তাম্র-ফলকে নাই, কিংবদন্তীতে নাই, সে কথা সে কাহিনী যুগে যুগে লেখা পড়িয়াছে এই অগণিত শিল্প-সৃষ্টিগুলিতে—তাহার সত্যতা সম্বন্ধে সন্দিহান হইবার কোনো উপায় নাই। বিচিত্র এই দেশের বিভিন্ন যুগের বিচিত্র বেশভূষা, অলঙ্কার আভরণ, বিচিত্র ধর্ম, অসংখ্য দেবদেবীর অসংখ্যাতর রূপ, বিচিত্র প্রকৃতি—সমস্ত কিছুর ছায়া পড়িয়াছে ইহাদের উপর; ভাব ও কল্পনার মায়াস্পর্শে, অপূর্ণ শিল্পকৌশলে ভারতবর্ষের প্রাচীন ইতিহাস যেন ইহাদের

মধ্যে চিরদিনের জন্ত সঞ্জীবিত হইয়া আছে। বন্ধুরূপে শত্রুরূপে কত জাতি বিভিন্ন দেশ হইতে বিভিন্ন শিক্ষা ও সংস্কৃতি লইয়া এই দেশের বুকে বিলীন হইয়া গিয়াছে,—ন হয়, তাহার বুকের উপর তাণ্ডব নাচিয়া নিজের দেশেই ফিরিয়া গিয়াছে—ইতিহাসে তাহার উল্লেখ আছে মাত্র, কিন্তু তাহার অমোঘ ও অব্যর্থ চিত্র অঁকা পড়িয়াছে দেশের এই অপূর্ণ শিল্প অবদানের মধ্যে। যে সংস্কৃতির অমূল্য সম্পদ লইয়া তাহারা আসিয়াছিল, ভারতবর্ষ রাষ্ট্রীয় স্বন্দের কোলাহলে তাহাকে তুচ্ছ করে নাই, তাহাকে ব্যর্থ হইতে দেয় নাই তাই, কত বিভিন্ন ও বিচিত্র সাধনা এবং সংস্কৃতির স্পর্শ ও প্রভাব যে প্রাচীন ভারতের ভাস্কর শিল্পের উপর আছে তাহার ইয়ত্তা নাই। পারসীক আসিয়াছে, গ্রীক, রোম আসিয়াছে, শক হুন আসিয়াছে; সকলের আগমনের পরিচয় ইহার ইতিহাসে আছে। ভারতের সংস্কৃতি তাই এত বিচিত্র এমন অপূর্ণ; ভারতের ভাস্কর-শিল্পের ইতিহাস তাই এত সুন্দর, এত মূল্যবান।

এই অপূর্ণ ভাস্কর-শিল্পের বিচিত্র ও অসংখ্য নিদর্শন ভারতবর্ষের সর্বত্র ছড়াইয়া আছে—মাটির নীচে, পাহাড়ের গায়ে ও গুহায়, মন্দিরের বেদীতে, দেয়ালে ও প্রাচীরে নদীর গর্ভে, জনবিরল পথে ঘাটে জঙ্গলে। এই অপূর্ণ ঐশ্বর্যের কতকাংশ বিজয়ী মুসলমানের মুঘলের আঘাতে চূর্ণ বিচূর্ণ হইয়াছে, কতকাংশ পরদেশী সৌন্দর্যালোভীদের কবলে পড়িয়া দেশান্তরিত হইয়াছে, এবং অধিকাংশই এখনও মাটির নীচে অথবা লোকলোচনের অন্তরালে আত্মগোপন করিয়া আছে অবশ্য কোনো কোনো প্রতিষ্ঠানের চেষ্টায় ও উদ্যোগে আজকাল অল্প অল্প করিয়া এই লুপ্ত ঐশ্বর্যের উদ্ধার-সাধা হইতেছে, অনেক গুহা ও মন্দির সংস্কৃত হইতেছে, এবং তাহা হইতেছে বলিয়াই আজ এতদিনে ভারতীয় স্থাপত্য ও ভাস্কর্য্যে একটা সুসমৃদ্ধ পরিচয় পাওয়া অনেকটা সহজ হইয়াছে।

## সূচনা

### ১। প্রাগৈতিহাসিক যুগ

অশোক কর্তৃক আসমুদ্র-হিমাচল মৌর্য-সাম্রাজ্য প্রতিষ্ঠা সঙ্গে সঙ্গেই ভারতের ভাস্কর শিল্পের সুদীর্ঘ ইতিহাসের সূচনা




কিন্তু কয়েক বৎসর হইল, আমাদের বাঙলা দেশেরই এক অকালমৃত অদ্বুত প্রতিভাসম্পন্ন মনীষী, শ্রীযুক্ত রাখালদাস বন্দ্যোপাধ্যায়, উত্তর ভারতের সিন্ধুদেশে জনবিরল মরুভূমিতে—বর্তমান মহেন্-জো-দাড়ো নামক স্থানে—প্রাগৈতিহাসিক যুগের আনুমানিক (খৃষ্টপূর্ব ৪০০০-৩০০০ বৎসরের) এক বিরাট নগর-পত্তনের ধ্বংসাবশেষ আবিষ্কার করিয়াছেন। এই ধ্বংসাবশেষের মধ্যে দুই চারিটি মনুষ্যমূর্তি, পোড়ামাটিতে খোদাইকরা কয়েকটি নারী ও পশুমূর্তি, অসংখ্য মাটির বাসন, প্রসাধন দ্রব্য ও অলঙ্কার এবং অনেকগুলি শিলমোহর পাওয়া গিয়াছে। এই শিল-মোহর গুলি প্রায়ই চতুষ্কোণ, এবং হাতীর দাঁত, অথবা এক প্রকার মিশ্র পাথরে তৈরী। মহেন্-জো দাড়ো ও মণ্টোগোমেরি জেলার হরপ্পা নামক স্থানে প্রাক-বৈদিক ও প্রাক-ঐতিহাসিক যুগের যে ভারতীয় সভ্যতা ও সংস্কৃতির পরিচয় পাওয়া যায়, তাহার সঙ্গে মোটামুটি ভাবে, একদিকে মেসোপটেমিয়া, কিস, ও সুসার সুমের সভ্যতা ও সংস্কৃতি, এবং অত্রদিকে বেলুচিস্তান ও দক্ষিণ ভারতের দ্রাবিড় সংস্কৃতির সঙ্গে একটা ঘনিষ্ঠ ঐক্য আছে, পণ্ডিতেরা এইরূপ অনুমান করেন। অবশ্য এই অনুমানের যথেষ্ট কারণও আছে। মহেন্-জো-দাড়োতে যে অসংখ্য মাটির বাসন ইত্যাদি পাওয়া গিয়াছে, তাহাদের আকৃতি ও গড়ন এবং

তবে এই অক্ষরগুলি যে চিত্রাঙ্কন এবং সেই হিসাবে ইহাদের সঙ্গে সুমের লিপির নিকট সম্বন্ধ আছে, সে সম্বন্ধে সন্দেহ নাই। তাহা ছাড়া ক্ষোদিত ষাঁড় গণ্ডার ও হাতীর মূর্তি-গুলির শিল্প-ভঙ্গীর সঙ্গে সুমের শিলমোহরের উপর ক্ষোদিত এই জাতীয় মূর্তির শিল্প-ভঙ্গিরও অদ্বুত সৌসাদৃশ্য দেখা যায়। জন্তুগুলির দাঁড়াইবার ভঙ্গিতে, মাংসপেশীর গড়নে এবং মোটামুটি আকৃতিতে যে বিশিষ্ট শিল্প-রীতির পরিচয় আছে, সেই পরিচয় মেসোপটেমিয়ায় প্রাপ্ত সুমের শিলমোহরের জন্তুগুলিতেও পাওয়া যায়, এবং পরে আসীরীয়, বাবিলনীয় ও একিমিনিয় শিল্পেও ইহার প্রভাব অত্যন্ত সুস্পষ্ট। দেহের মাংসপেশীগুলিকে প্রধান করিয়া দেখাইবার চেষ্টা, দেহের বস্তুরূপটির উপরই বিশেষ করিয়া মনোযোগের প্রয়াস, শিল্পের এই দৃষ্টি-ভঙ্গী মহেন্-জো-দাড়ো হইতে আরম্ভ করিয়া সুমের, এবং পরে পশ্চিম এশিয়ার সমস্ত শিল্পরীতির মধ্যেই কোনো না কোনো রূপে দেখা যায়। এই সব ও অন্যান্য প্রমাণ দেখিয়া শুনিয়া মনে হয়, এই বিশিষ্ট শিল্পরীতি যে-সভ্যতা ও সংস্কৃতির বিকাশ, সেই সভ্যতা ও সংস্কৃতি এই ভারতবর্ষে সিন্ধুনদীর তীরে মহেন্-জো-দাড়ো-হরপ্পাকে কেন্দ্র করিয়াই গড়িয়া উঠিয়াছিল, পরে ক্রমে পশ্চিমদিকে সুমের দেশে বিস্তৃত হইয়া পড়িয়াছিল; এবং আরও পরবর্তীকালে পশ্চিম এশিয়ার আসীরীয়, বাবিলনীয় সভ্যতার ও সংস্কৃতির সূচনাতেও ইহার প্রভাব ছিল।

কিন্তু শিল্পের যে বিশেষ দৃষ্টিভঙ্গি এই শিলমোহরগুলির মধ্যে দেখিলাম মহেন্-জো-দাড়োয় প্রাপ্ত মনুষ্যমূর্তিগুলিতে ঠিক এই দৃষ্টি-ভঙ্গির পরিচয় আমরা পাই না। প্রায় সবগুলি মূর্তিই ভগ্নাবস্থাতেই পাওয়া গিয়াছে, তবু উপর্যুক্ত হইতেই ইহাদের শিল্পভঙ্গীর পরিচয় পাওয়া কঠিন নয় (২নং চিত্র)। ইহাদের মধ্যে শ্মশ্রু ও সুবিন্যস্ত কেশ মণ্ডিত একটা দীর্ঘাকৃতি

পুরুষের আবক্ষ মূর্তি আছে। মূর্তিটি চূনাপাথরের তৈরী এবং উপরে বালির প্রলেপ দেওয়া। ছটীরই দেহভঙ্গী স্থির ও উন্নত, কিন্তু আড়ষ্ট। মুখ ও দেহের দৃষ্টি ঠিক সম্মুখ-স্থানক নয় (frontal) বরং কতকটা



১নং চিত্র—মহেন্-জো-দাড়োয় প্রাপ্ত শিলমোহর

তাহাদের উপর রেখাঙ্কনের নমুনার সঙ্গে মেসোপটেমীয় গড়ন ও নমুনার আশ্চর্য্য মিল আছে। কিন্তু এই ঐক্যের দাব চেয়ে বড় পরিচয় আছে শিলমোহরগুলিতে (১নং চিত্র)। ইহাদের উপর ক্ষোদিত লিপির পাঠোদ্ধার এখনও হয় নাই;




ত্রিকোণ ও অর্ধ-স্থানক (three-quarter profile and profile)। ছুটি মূর্তিরই চুল ও দাড়ির বিস্তার-ভঙ্গী একটু অভূত; প্রত্যেকটি চুলের গুচ্ছকে পৃথক করিয়া দেখাইবার চেষ্টা ইহার মধ্যে পরিস্ফুট। সমগ্র মুখটির একটা সহজ সমগ্র দৃষ্টি লইবার প্রয়াস শিল্পীর ছিল না। নাক, মুখ, চোখের পাতা, চোখ, ঠোঁট, কপাল, সমগ্র দাড়িটি, এমন কি প্রত্যেকটি চুলের গুচ্ছও তাহাদের প্রত্যেকের নিজ নিজ স্নানিষ্ঠ সীমার মধ্যে আবদ্ধ; একটি অঙ্গের গড়ন সহজ-ভাবে আর একটি অঙ্গের গড়নের মধ্যে আসিয়া মিলিত হয় নাই। মূর্তিটিতে উন্নত নাসিকা, প্রশস্ত ললাট, অর্ধমুদিত দৃষ্টি এবং পুরু ভারী ঠোঁট খুবই লক্ষ্য করিবার। হাজার হাজার বৎসর পরেও ভারতীয় ভাস্কর্যের কোন কোন বিশেষ শিল্পভঙ্গির হিন্দু, বৌদ্ধ ও জৈন মূর্তিতে অবিকল এইরূপ অর্ধমুদিত যোগ-দৃষ্টি এবং এইরূপ ভারী পুরু ঠোঁট দেখিতে পাওয়া যায়। আর একটি বিষয়েও হাজার বৎসর পরের খাঁটি ভারতীয় ভাস্কর্যে দৃষ্টিভঙ্গির সঙ্গে মহেন-জো-দাড়োর এই ভাস্করশিল্পের দৃষ্টি-ভঙ্গির মিল আছে। মূর্তিটির মুখ-মণ্ডলের গড়ন ও অপর একটির দেহাংশের গড়ন হইতে বেশ বুঝা যায়, শিল্পী কোথাও দেহের কোনো অংশবিশেষকে, তাহার ঋণ ও পেশীগুলিকে প্রধান করিয়া দেখাইতে, কিংবা দেহের বস্তুরূপটাকেই একান্ত করিয়া তুলিতে চেষ্টা করেন নাই। প্রত্যেকটি দেহাংশই অল্প দেহাংশ হইতে পৃথক; তৎসঙ্গেও পৃথক পৃথক অঙ্গ প্রত্যঙ্গ বা দেহাংশের মধ্যে অপ্রয়োজনীয় জিনিসগুলি বাদ দেওয়া হইয়াছে; দেহের ও মুখমণ্ডলের গড়নের গতিটি সহজ ও অব্যাহত রাখিবার জন্য দেহের কোনো অংশবিশেষের গড়নের উপর অধিক মনোযোগ দেওয়া হয় নাই। এই মূর্তিগুলির এই বিশেষ দৃষ্টি-ভঙ্গির সঙ্গে শিগমোহরে খোদিত পশ্চিমমূর্তিগুলির শিল্পের দৃষ্টিভঙ্গির সেই জন্তই একটা পার্থক্য আছে।

## ২। মৌর্য-পূর্ব-যুগ

মহেন-জো-দাড়োর প্রাগৈতিহাসিক যুগের পর হইতে মৌর্য রাজত্বের যুগ (খৃষ্টপূর্ব ৩০০ অব্দ) পর্য্যন্ত হাজার হাজার বৎসরের মধ্যে ভারতবর্ষে ভাস্করশিল্পের খুব কম

নিদর্শনই আগাদের জানা আছে। এই হাজার হাজার বৎসরের কোন স্নানিষ্ঠ ইতিহাসও আমাদের জানা নাই। মৌর্য-পূর্ব-যুগের অর্থাৎ শিশুনাগ ও নন্দবংশীয় রাজাদের রাজত্বকালের হিন্দু ও বৌদ্ধ সাহিত্যে নানা প্রকার শিল্প শিল্পীগোষ্ঠীর প্রচুর উল্লেখ আছে, কিন্তু শিল্প-নিদর্শন কম



২নং চিত্র—মহেন-জো-দাড়োর প্রাপ্ত পূর্ব-মূর্তি

পাওয়া যায়। লোড়ীয়া নন্দনগড়ে একটি বৈদিক শ্মশান-স্থল-খননাবিষ্কারের ফলে সোনার পাতে ঢালাই করা একটি নগ্ন নারী মূর্তি পাওয়া গিয়াছে, বোধ হয় পৃথিবী-দেবীর (৩নং চিত্র)। ঠিক এই ধরনেরই আর একটি পোড়া মাটির



পাওয়া গিয়াছে তক্ষশীলায়, ভিন্ন স্থানের ধ্বংসাবশেষের মধ্যে। তাহা ছাড়া অনুরূপ পোড়ামাটির মূর্তি নগদী, ভীটা, বসার, এবং



৩নং চিত্র—লৌড়িয়া-নন্দনগড়ে বৈদিক যুগের পিত্তল হইতে প্রাপ্ত  
স্বর্ণপাতের উপর মূর্তি (অবিকল আয়তন)

পাটলীপুত্রের ধ্বংসাবশেষের মধ্যেও আবিষ্কৃত হইয়াছে (৪নং চিত্র)। নন্দনগড়ের সোণার পাতের মূর্তিটিতে এবং পোড়ামাটির মূর্তিগুলিতে যে শিল্পরীতির পরিচয় পাওয়া যায় তাহাকে আমরা ঠিক ভারতীয় ভাস্কর্য-রীতির প্রথম সূচনা মিয়া ধরিয়া লইতে পারি। মহেঞ্জোদাড়োর যে শিল্পরীতির কথা আগে বলিয়াছি, তাহা ভারতীয় ভাস্কর্যের একতম এবং প্রথমতম রূপ সন্দেহ নাই; কিন্তু যে-সভ্যতা ও সংস্কৃতির এবং সেই সঙ্গে যে-শিল্পের পরিচয় আমরা প্রাগৈতিহাসিক যুগের সিদ্ধদেশে পাই, হাজার হাজার বৎসর অতিক্রম করিয়া তাহার সঙ্গে পরবর্তী ঐতিহাসিক যুগের খাঁটি ভারতীয় ভাস্কর্যের কটা সত্য ও ঘনিষ্ঠ সম্বন্ধ স্থাপন করা খুব সহজ নহে। কিন্তু মৌর্যপূর্ব-যুগের যে কয়টি শিল্প নিদর্শন আমাদের জানা আছে, তাহার মধ্যে এই সত্য ও ঘনিষ্ঠ সম্বন্ধের আভাস পাওয়া অপেক্ষাকৃত অনেক সহজ। এই মূর্তিগুলির মধ্যে কয়টি বিশেষ মুখ ও দেহাকৃতির পরিচয় আছে। মুখমণ্ডলটি গোল ও চ্যাপ্টা ধরণের, তাহারই উপর একটি ভারী চ্যাপ্টা ক, ভারী পুরু এক জোড়া চোঁট; মুখমণ্ডলটির গড়ন একটু বড় ও স্তূভোল, উঁচু মাংসল গাল দুটির এবং চিবুকের স্তূভোল দুটি যেন একটি অর্ধমণ্ডলাকৃতির মতন, এবং তাহা যেন মেটালু হইয়া নাক ও চোঁটদুটির কোণ পর্যন্ত নামিয়া সিঁদাছে। নারীমূর্তিগুলিতে গোল ভারী স্তনযুগ্ম, ভারী ও সুপ্রশস্ত নিতম্বদেশ বিশেষভাবে দৃষ্টি আকর্ষণ করে; গোল ভারী কর্ণকুণ্ডল, মেথলার অলঙ্কার এবং বিশিষ্ট

কেশ-বিন্যাসের রীতিও লক্ষ্য করিবার। এই বিশেষ মুখ ও দেহাকৃতি, গড়ন-ভঙ্গি এবং কেশ ও অলঙ্কার বিন্যাসের মধ্যে যে শিল্পরীতি ও ভঙ্গির পরিচয় পাওয়া যায়, তাহার সঙ্গে মথুরা, ভাজা ও বরহুতের স্তূপ এবং অন্ধ বংশের রাজত্বকালের ভাস্কর্যের খুব নিকট সম্বন্ধ আছে। মুখ ও দেহাকৃতি এবং গড়নভঙ্গির মধ্যে পার্থক্য খুব বেশী নাই; কেশ ও অলঙ্কার বিন্যাসের রীতির মধ্যে পার্থক্য থাকিলেও দুই রীতির মধ্যে একটা সম্বন্ধ সহজেই চোখে ধরা পড়ে। সোণার পাতের পৃথিবী দেবীর মূর্তিটি সম্মুখ-স্থানক, কিন্তু তাহার পা ও পায়ের



৪নং চিত্র—বসার হইতে প্রাপ্ত পোড়ামাটির মূর্তি (অবিকল আয়তন)

পাতা দুটি দেখাইবার ভাব একটু অদ্ভুত; সে দুটিকে সহজ ভাবে সম্মুখের দিকে না রাখিয়া পাশের দিকে ঘুরাইয়া রাখা হইয়াছে। দেখিয়া মনে হয় সহজভাবে সম্মুখের দিকে রাখিয়া দেখাইবার শিল্পকৌশলটি তখনও শিল্পীর আয়ত্ত হয় নাই। মথুরা-মূর্তির দাঁড়াইবার এই বিশেষ ভঙ্গিটি পরবর্তী স্তূপ যুগের বরহুত স্তূপের প্রাচীর গাত্রে ক্ষোদিত মূর্তিগুলির মধ্যেও দেখা যায়। এই সব সাদৃশ্য হইতে মনে হয়, মৌর্য-পূর্ব-যুগের



এই শিল্প নিদর্শনগুলিকে ভারতীয় ভাস্কর্যের প্রথম সূচনার পরিচয় বলিয়া ধরিয়া লইলে খুব ভুল করা হইবে না।

ভাস্কর্যের এই কয়েকটি নমুনা ছাড়া এই যুগের অলঙ্কার, চিত্রাঙ্কিত মাটির বাসন ইত্যাদি আরও দুই চারি প্রকারের শিল্প-নিদর্শন আমাদের জানা আছে। কিন্তু পরবর্তী মৌর্য-যুগের ভাস্কর্য, স্থাপত্য ও অন্যান্য শিল্প-নিদর্শনের প্রাচুর্য্য এবং ভাস্কর্যের বিচিত্র রীতি ও ভঙ্গি, মণ্ডন-শিল্পের নমুনা ইত্যাদি দেখিয়া মনে হয় মৌর্য-পূর্ব-যুগেও এই নানাজাতীয় শিল্পের এই বিচিত্র রীতি, ভঙ্গি ও নমুনা ইত্যাদির সমৃদ্ধি কিছু কম ছিল না, এবং ভারতীয় শিল্পীরা তাহাতে অভ্যস্তও ছিল। তাহা না হইলে হঠাৎ মৌর্য বংশীয় রাজাদের রাজত্বকালের এমন একটা শিল্প-সমৃদ্ধির পরিচয় পাওয়া সম্ভব হইত না। বস্তুতঃ মৌর্য ও স্তম্ভ ভাস্কর্যে এমন কতকগুলি রূপবস্তুর ও মণ্ডন-বস্তুর নমুনা আমরা পাই, যেগুলির উদ্ভব হঠাৎ হইতে পারে না; বহু বৎসর, বহু যুগ ধরিয়া সেইসব রীতি ও নমুনায় শিল্পীর হাত ও মন অভ্যস্ত না হইলে, জাতীয় সংস্কার ও সংস্কৃতির সঙ্গে তাহা মিশিয়া না গেলে মৌর্য অথবা স্তম্ভ যুগে হঠাৎ সেগুলি পাথরের উপর নানান বিচিত্ররূপে বিকশিত হইয়া উঠিতে পারিত না। সেইজন্যই একথা অনুমান করা বৈ স্বাভাবিক যে মৌর্য-পূর্ব-যুগেও ভারতবর্ষে, বিশেষ করিয়া উত্তর ভারতে, অন্যান্য শিল্পের মত ভাস্কর শিল্পেরও একটা সমৃদ্ধিলাভ ঘটিয়াছিল; কিন্তু আজ যে সে-সমৃদ্ধির খুব কম পরিচয়ই আমরা পাই, তাহার একমাত্র কারণ পাথর লইয়া কাজ করিতে শিল্পীরা তখনও ভাল করিয়া শেখে নাই, পাথর খুদিয়া বস্তুকে, মণ্ডন-নমুনাকে রূপায়িত করিবার রীতি তখনও সুপ্রচলিত হয় নাই, কিংবা সে ক্ষমতা তখনও আয়ত্ত হয় নাই। মাটি লইয়া, কাঠ লইয়াই ছিল শিল্পীর কারবার; ফাদা মাটি গড়িয়া পিটিয়া এবং পরে তাহাকে পোড়াইয়া কাঠ খুদিয়াই সে তাহার শিল্প-বোধ ও বুদ্ধিকে রূপদান করিত। আজ সেই পোড়া মাটির শিল্প-নিদর্শন যদিই বা কিছু কিছু পাওয়া যায়, সেই কাঠের চিহ্নও আর নাই; হাজার বৎসরের মাটির চাপে তাহা মাটির সঙ্গেই মিশিয়া গিয়াছে।

বাহা হউক, মৌর্য ও স্তম্ভ যুগের ভাস্কর্যে কতকগুলি

বিশিষ্ট মণ্ডন-রূপ ও নমুনার পরিচয় আমরা পাই, এবং এগুলি একান্তভাবে মৌর্য অথবা স্তম্ভ ভাস্কর্যেরই নিজস্ব বস্তু নয়। এই মণ্ডনরূপ ও নমুনাগুলি পশ্চিম এশিয়ার সুপ্রাচীন বাবিলনীয় ও পারস্যের ভাস্কর্যেও সমানভাবে দেখা যায়, এবং পরবর্তী যুগের ভারতীয় ভাস্কর্যেও তাহার পরিচয় কম নয়। মৌর্যযুগে অশোকের রাজত্বের ভাস্কর্য-নিদর্শনের উপর এই পশ্চিম-এশীয় ভাস্কর্যের প্রভাব খুব স্পষ্ট বলিয়া, এবং এই যুগেই উল্লিখিত মণ্ডনরূপ ও নমুনার প্রথম পরিচয় পাওয়া যায় বলিয়া পণ্ডিতেরা অনুমান করেন, সম্রাট অশোকই পশ্চিম এশিয়ার পারসীক শিল্পীকূলকে আমন্ত্রণ করিয়া আনেন, এবং তাহাদেরই প্রভাবে মৌর্য ও পরবর্তী স্তম্ভ ভাস্কর্যে পশ্চিম-এশীয় শিল্পের প্রভাব এবং তাহার সঙ্গে এই সকল মণ্ডনরূপ ও নমুনা বিস্তৃত হইয়া পড়ে। কিন্তু একজন রাজা অথবা সম্রাটের রাজত্বে তাহার ইচ্ছায় অপর একটা শিল্পের প্রভাব অথবা একটা শিল্পরীতি ও সংস্কারের উপর হঠাৎ এমন ভাবে স্রবিস্তৃত হইয়া পড়া, এবং জাতীয় শিল্প সংস্কারের সঙ্গে এত শীঘ্র এক হইয়া যাওয়া একটু বিস্ময়কর! ধীরে ধীরে বহুদিন ধরিয়া একটু একটু করিয়া তাহা স্বীকার করিয়া না লইলে অথবা একটা শিল্প-রীতি ও সংস্কার সহজে এক হইয়া যাইতে পারে না; কোনো যুগের কোনো দেশের শিল্প-ইতিহাসে তাহা হয় না। সেই জন্যই মনে হয়, মৌর্য-পূর্ববর্তী যুগের ভারতীয় ভাস্কর্যের সঙ্গে পশ্চিম-এশীয় শিল্পের একটা ঘনিষ্ঠ সম্বন্ধ ছিল, এবং ক্রমে পরবর্তী কালে সেই সম্বন্ধ নিকট হইতে নিকটতর হইয়া পড়ে। একথাও অনুমান করা স্বাভাবিক যে পশ্চিম-এশীয় শিল্পের এই ধারা শুধু বাবিলনীয় অথবা পারসীক শিল্পেরই একান্ত নিজস্ব ধারা নয়; কতকটা প্রাচীন ভারতীয় শিল্পেরও ধারা বটে, এবং পরবর্তী কালের ভারতীয় ভাস্কর্য এই সুপ্রাচীন ধারার উপরে প্রতিষ্ঠিত; সেই ধারারই পরিচয় পরে মৌর্য ও স্তম্ভ ভাস্কর্যে ফুটিয়া উঠিয়াছে। এ অনুমান খুব মিথ্যা নয়, কারণ প্রাচীন ভারত ও প্রাচীন পারস্য একই সাধনা ও সংস্কৃতি সম্ভান, একথা বহুদিনই প্রমাণিত হইয়াছে; তাহাদের শিল্প রীতি ও সংস্কারও বে সেই হিসাবে গোড়ায় এক এবং অভিন্ন ছিল, তাহাও সন্দেহ করবার কারণ নাই। পরবর্তী কালে



ভারতীয় ও পারস্য-শিল্পের বিকাশ বিভিন্ন পথে বিভিন্ন রূপে  
হইয়াছে, একথা সত্য ; কিন্তু কতকগুলি মণ্ডন-রীতি ও নমুনা  
একই রকম থাকিয়া গিয়াছে, দুই শিল্পেই তাহার রূপ ও  
বিকাশ প্রায় একই রকম ।

ভারতীয় ভাস্কর্যের সঙ্গে পরিচয় করিতে হইলে গোড়ায়  
এই কথাটি জানিয়া রাখা ভাল ; কারণ, তাহার প্রথম  
অধ্যায়েই অর্থাৎ মৌর্য-ভাস্কর্যেই পারস্য শিল্পের প্রভাব

অত্যন্ত সুস্পষ্ট, এবং সেই সঙ্গে সঙ্গে আরো পশ্চিমের কোণে  
বিশেষ শিল্পরীতির স্পর্শের পরিচয়ও তাহার মধ্যে নিতান্ত  
অস্পষ্ট নহে । মৌর্য-ভাস্কর্যের আলোচনায় এই স্পর্শ  
প্রভাবের পরিচয় আমরা পাইব। সে পরিচয় ভারতবর্ষে  
রাষ্ট্রীয় ইতিহাসে নাই ।

(ক্রেমশঃ)

শ্রীনীহাররঞ্জন রায়

## রাজার ছলল বৈরাগী হ'ল

শ্রীযুক্ত মনোজ বসু

গাঙের কিনারে বেলা ডুবু ডুবু ! ঝরা কামিনীর বাসে  
হায় অবেলার রাজ-ঝিরারীর তন্দ্রা নামিয়া আসে !  
আঁধার ঘনালো ঘন বাঁশবনে, বনছেড়ে সে আঁধার  
দাঁড়ালো নিরালো শেষে বটছায়ে শ্মশান ঘাটার পার ।  
শেষে সে আঁধার চুপি চুপি হায়, পশে গিয়ে কার প্রাণে ?  
রাজার পুত্র কঁাদিল না, শুধু ছললীর আঁখি টানে ।  
রাজার ছেলে সে রাজকন্যার টানিছে নলিন-আঁখি  
আর বলিতেছে—“আমারে একেলা ফেলিয়া পালালে নাকি ?”  
“যে ছ’ চোখে হাসি নাচিত সদাই—হায়, চোখ খুলিল না ।  
শ্মশান ঘাটার বেলা ডুবু’ বার, ছড়িয়ে রোদের সোণা !

রাজার পুত্র কঁাদিল না, বলে—“অনিব সোণার কাঠি  
আমার সোণার পুতলী আবার জিয়াইব পরিপাটী—।”  
দিশা নাই—ছুটে শাওনের যেঘ সারা ভুবনের মাঝ—  
মনের কথার সাক্ষী কেবল শ্মশানের বটগাছ ।  
রাজার ছলল মাটির ধূলায় সব ছেড়ে বৈরাগী,  
হায়, হৃদয় একি তপস্বী ঘুমন্ত প্রিয়া লাগি !  
এ কেমন ধারা ! তবু সে কঁাদে না—বিশুদ্ধ ছ’নয়ান  
বড় ব্যথা বৃকে বাজে তাই আরো জোরে জোরে গায় গান ।

আজি সে সোণার কাঠি পাইয়াছে, কিন্তু সেজন নাই—  
সোণার বরণী শ্মশানের ঘাটে কবে হয়ে’ গেছে ছাই ।  
প্রিয়া নাই, তবু ঐ সে ছুটেছে সোণার কাঠিটি হাতে  
কোথা ? সব খানে ! পথ ঠিক নাই, ঘুম নাই আঁখি-পাত্রে  
কত গাঁয়ে গাঁয়ে বিলে আলপথে উলুর কুটীর মাঝ  
আর দীঘি-পাড়ে দীঘল ছায়ায় ছুটিছে রাজাধিরাজ ।  
প্রিয়া মরিয়াছে, আর সে দেখিল বাংলার ঘরে ঘরে  
নারী মরিয়াছে—নারী-কঙ্কাল সারি সারি আছে পড়ে ।  
বারে পায় তারে ছোঁয়ায় সে তার হাতের সোণার কাঠি  
সোণার সীতার উঠিয়া দাঁড়ালো বাংলার মাটি ফাটি ।  
এক নারী গেল, তাহারি ধ্যানের কোটি নারী পায় প্রাণ  
রাজার পুত্র শোকেতে কঁাদে না শুধু গেয়ে’ চলে গান ।

মড়া-জিয়াবার নেশায় পাগল, তার কি নজর আছে  
কোটি নারীদের মাঝখানে কবে তারো প্রিয়া জাগিয়াছে ?  
তিনি বেঁচেছেন ।—সতীর মুরতি দেখে এমু দূর গাঁয়ে  
গোঁয়ো মেয়েদের সঙ্গে মিতালি খন বন প্রছায়ে ।  
তোমার প্রিয়ারে চোখে দেখে এমু, শব-সাধনের ঋষি !  
পাতার কুঁড়ের পাশে ঝিঁঝিঁ ডাকে—আঁধার নিশুতি নিশি—



পিদিস আলোর পল্লীর বধু সেলাই করিছে কাঁথা  
 আর মনে মনে গুণ গুণ করে তোমাদের প্রেম-গাঁথা ।  
 আমি দেখে এমু, গাঁয়ে সাঁঝ নামে—শাঁখ বাজে ঘরে ঘরে  
 তোমার প্রিয়তার ছবিটিকে আগে মেয়েরা প্রদীপ ধরে ।  
 এক বিধবারে হাসিতে দেখিনি, ছ'চোখ রহিত ভরি'—  
 তব প্রিয়া তার চোখ মুছালেন, সে যে তাঁর সহচরী ।  
 তোমার হিয়ার কমল আজিকে একেলা তোমার নয়,  
 আমি দূর গাঁয়ে কুটীরে কুটীরে পেয়ে এমু পরিচয় ।  
 সতী-হারা শিব, তুমি ছড়ালে যে বরতমু প্রেমসীর  
 সারা বাংলায় ছড়াইয়া উহা রচিয়াছে মন্দির ।  
 দেখে আসিলাম, যেখানে পড়েছে সতীদেহ এক কুটি ;  
 অপরূপ রূপ শতদল হয়ে অমনি উঠেছে কুটি'  
 আজি দেখে এমু দেশ জুড়ে তব বিরহের গাঙ চলে  
 তার দুই কুলে কত কত ফুল ফুটিয়াছে দলে দলে !

আমি দেখি আর বিশ্বাস মানি, উল্লাসে নাচে প্রাণ—  
 একি অপরূপ তাজ গড়িয়াছ হে বিরহী শাজাহান ?  
 নীলাকাশ চিরে শির তুলে নাহি দন্তের ভঙ্গিমা  
 শব্দ পাথরে ঘিরে চারিধার গড়ো নাই কোন সীমা ।  
 এ তাজের কোলে চূপে চূপে যেই অশ্রু-যমুনা বয়,  
 তার ক্ষীণধারা যাত্রীরা কেহ দেখেনাক নিশ্চয় ।  
 তোমার মতন বুক হ'লো যায়' ব্যথার আগুনে থাঁক,  
 তব মন্দিরে আনুক অভাগা, আসিয়া হাসিয়া যাক  
 এসে দেখে যাক বুক শোক নিরা হাসা যায় মন ধুলে  
 অশ্রু-পিচ্ছল শশান-ঘাটাও ঢাকা যায় ফুলে ফুলে ।  
 হে মমত, তুমি শাওনের মেঘ—বক্ষে বাদলরাশি  
 বাদল কখনো ঝরিতে দেখিনি, দেখি ঝিলিকের হাসি ।

শ্রীমনোজ বসু

পরলোকগতা সরোজমলিনীর স্মৃতিতে

শ্রীযুক্ত গুরু সদয় দত্তের প্রতি—



# বিচিত্রা




ধরিত্রীর দুহিতা ( Daugh'ers of the Soil )

[ মাদ্রাজ ফাইন আর্ট সোসাইটির ১৯৩০ সালের প্রদর্শনীতে ভাস্কর্যে প্রথম পুরস্কার প্রাপ্ত ]



শিল্পী শ্রীযুক্ত সুধীররঞ্জন খাস্তগীর গঠিত  
কয়েকটি মূর্তির প্রতিলিপি—



[ মাদ্রাজ ফাইন্‌ আর্ট সোসাইটির ১৯৩০ সালের প্রদর্শনীতে ভাস্কর্যে প্রথম পুরস্কার প্রাপ্ত ]



চিত্রশিল্পী

একটি সাঁওতাল রমণীর উচ্চাচ পরিচিহ্ন (শান্তিনিকেতন)



একটি সাঁওতাল রমণীর উচ্চাচ পরিচিহ্ন (শান্তিনিকেতন)

(চিত্রশিল্পী) চিত্রশিল্পী

একটি সাঁওতাল রমণীর উচ্চাচ পরিচিহ্ন (শান্তিনিকেতন)





প্রগতি



মাদ্রাজের জনৈক শিল্পী-বন্ধু



শান্তিনিকেতনের জনৈক ভাস্কর-বন্ধু



## বৃহত্তর—মহত্তর

—বড় গল্প—

শ্রীযুক্ত মাণিক বন্দ্যোপাধ্যায়

আমাদের পাড়া থেকে উঠে যাওয়ার তিন বছর পরে এক দিন নগেনের সঙ্গে পথে দেখা হল। লোকটার চেহারা না' হোক, পোষাকের খুব উন্নতি হয়েছে দেখলাম। মাথায় চকচকে টেরি, গায়ে শিল্পের পাজ্রাবী, পরণে কৌচানো শান্তি-পুরে ধুতি, পায়ে চকচকে ডার্কি। হাতে আবার একটা রিষ্টওয়াচ বাঁধা!

একগাল হেসে পরমাত্মীর মত বলল, রেষ্টুর্যাণ্টে চুকতে যাচ্ছিলাম, পকেটে হাত দিয়ে দেখি মানিব্যাগটা ভুলে এসেছি। এমন ক্ষিদে পেয়েছে ভায়া!

আশে পাশে রেস্টুরাঁর নাম গন্ধ ছিল না, দেশী খাবারের দোকান ছিল; বললাম, খাবার খাবেন?

অগত্যা! ব'লে সে একটা বিড়ি ধরাল। সঙ্গে ক'রে তাকে খাবারের দোকানে নিয়ে গিয়ে বসলাম। সে নিজেই এটা ওটা ফরমাস করল, আমি তাড়াতাড়ি পকেটে হাত দিয়ে টাকা তিনটে আর একবার গুণলাম। জিজ্ঞাসা করলাম দিদি কেমন আছে?

জানি না, ব'লে সে একটা বসগোলা গিলে ফেলল।

জানেন না মানে?

মানে আমার কলা দেখিয়ে শালী ভেগেছে চার মাস!

আমি নীরবে উঠে দাড়ালাম যাবার জন্তু পা বাড়াতেই সে ব্যাকুল হ'য়ে বলল, চললেন যে?

সে কৈফিয়তে আপনার প্রয়োজন?

এহেং, চটেন কেন! খাবারের দামটা দিয়ে যান। আমার কাছে একটাও পয়সা নেই। মাইরি বলছি। কালীর দিব্যি।

দাম? দাম আমি জানি না, ব'লে পা বাড়ালাম।

সে উঠে এসে কঁাদ' কঁাদ' হয়ে বলল, এ কোন দেশী ঠাট্টা ভাই? বিপদে ফেলে পালাতে চান কি রকম?

প্রতিজ্ঞা করছি আর খারাপ কথা বলব না। খুব সম্মান ক'রে কথা কইব। কি জালা, আপনার পায়ে পড়চি দাদা, হ'ল?

আমি ফিরলাম। সে আবার খেতে আরম্ভ ক'রে অনুযোগের সুরে বলল, রাগের মাথায় একটা বেকাঁস কথা বার হয়ে গেছে ব'লে কি এমন করতে হয় রে দাদা! মাইরি আমার বুক কাঁপছে এখনো।

কাঁপুক। চট ক'রে বলুন দ্বিদির কি হয়েছে।

সে অনেকক্ষণ ধরে যা বলল তার সংক্ষিপ্ত মর্ম এই মাস চারেক আগে একদিন সকালে উঠেই মমতাদি বলল আমি বিদায় হলাম। এ জীবনের ক্ষুদ্রতা আমার সইতে না আমি মহত্তর বৃহত্তর জীবনে সার্থকতা খুঁজতে চললাম ব'লে নগেনকে কথাটি কইবার (মানে, চুলের মুঠি ধরে আটকাবার) সুযোগ না দিয়েই ফস্ ক'রে চ'লে গেল নগেন প্রথমটা ভাবল সে বুঝি আমার ভর ক'রে অকুণ্ঠ ভাসল। (এইখানে সে হাত জোড় করল, পাছে আমি রা' করি) শেষে শুনল, তা নয়, কি একটা নারী-সমিতিতে যোগ দিয়ে সে দেশের কাজে গেগেছে। চরকা ঘোরায়, ছোঁ ছেলে মেয়েদের পড়ায়, বাড়ী বাড়ী মেয়েদের কাছে স্বদেশ প্রচার করে। একথা জেনে আমাকে মিথ্যা সন্দেহ করা করার জন্তু দুঃখে লজ্জায় অনুতাপে—

আমি চুপ ক'রে ব'সে রইলাম, সে আমার কানের কাছে দুঃখ-লজ্জা অনুতাপের জলন্ত বর্ণনা ক'রে চলল। আ' খানিক শুনলাম, খানিক শুনলাম না। শেষটা কিছু শুনলাম না।

উদগারের শব্দে সচেতন হয়ে দেখলাম তার খাওয়া বক্তৃতা শেষ হয়েছে। পুনরায় উদগার তুলে বলল, আ' খাব না, দামটা দিয়ে দিন।

দিচ্ছি। এত ঘটনা ক'রে সাজ করেছেন কেন বলুন ত



দিদির শোকে না কি? কালো দাঁত বার ক'রে হাসল, মারে রাগো, সে বৃহত্তর মহত্তর জীবনে সার্থক হতে গেছে গর জন্তে শোক কি! আবার বিয়ে ক'রে ফেলেছি কি না— ঝলেন না? ছোটো পরসাদ দিন ত, পান কিনব।

আমার হঠাৎ ইচ্ছা হল খাবারের দাম না দিয়ে চ'লে যাই; দাকানীর হাতের অনেক মিষ্টি খেয়েছে, একটু প্রহারও পাক। কষ্টে সে সঙ্গত ইচ্ছা সংবত ক'রে খাবারের দাম মিটিয়ে গেলাম। পান খাবার পরসাদ দিয়ে নারী-সমিতির নাম টুকে নিয়ে পথে নেমে গেলাম। পথে মানুষের ভিড়। আমার নেই হল, একই পথ বেয়ে আনিও চলেছি এত লোকও লেছে কিন্তু প্রত্যেকের মনোবেদনার উৎস কত বিভিন্ন! তগুলি চিন্তা-জগতের একটিতেও কি মমতাদির মত কেউ আরব দুঃখের পদচিহ্ন এঁকে চলেছে?

নারীসমিতির খোঁজ করে সম্পাদিকার সঙ্গে দেখা গেলাম! তিনি জানালেন মমতাদি মাঝে একমাস জেল খেটেছে এবং আবার জেলে যাবার জন্য বাড়াবাড়ি আরম্ভ হয় তাকে মফস্বলে কাজ করতে পাঠান হয়েছে। এই মিতির কাজ গঠনমূলক, ধ্বংস এর কর্মীদের ব্রত নয়, মতাদিকে নিয়ে সম্পাদিকার বড় মুস্কিল।

পরদিন আমি মমতাদি যে গ্রামে ছিল সেখানে গেলাম। লকাতা থেকে চার পাঁচ ঘণ্টার পথ।

বেশ বড় গ্রাম। গ্রামের পাশে একটা নদী। খোঁজ করে, শোভার প্রাচুর্য্যে নদীতীর যেখানে আপনাতে আপনি ঝুঁকিয়ে আছে সেইখানে একটি ছোট টিনের বাড়ীতে মতাদির দেখা পেলাম। মমতাদি এবং তার সঙ্গীদের সন্ত গ্রামের কেন্দ্রসদাশয় ব্যক্তি এই বাড়ীখানা ছেড়ে দিয়ে-ইলেন।

তখন দুপুর। শরতের প্রথম হলোও রোদের তেজ ছিল। দরের বারান্দায় উঠে দাঁড়াতে চার পাঁচটা চরকার শব্দ শুনতে পেলাম। মমতাদিকে ডাকতে চরকা থেমে গেল, দ বেরিয়ে এল।

হেসে বলল, এসেচ? আমি জানতাম খোঁজ পেলে তুমি আসবেই, দু'এক ঘণ্টা তর্ক করবেই। তোমার প্রতীক্ষা গরছিলাম আমি।

তর্ক করব নিশ্চিত জান?

জানি। যে কাণ্ড করেচি, তর্ক না ক'রে তুমি ছাড়বে? যদি না করি তর্ক?

বিস্মিত হবো! ভেবে পাবনা বাঙ্গালী হয়েও তর্কের এমন স্রুযোগ কি ক'রে ত্যাগ করলে। কিন্তু তুমি করবে। তোমার চোখে মুখে তর্ক উকি মারচে। অন্ততঃ আলোচনা।

নদীতে নেমে মুখ হাত ধুয়ে আমি বারান্দায় মাদুরে বসলাম। সেও বসল—অর্ধেক মাদুরে অর্ধেক মাটিতে। মেয়েরা অমনি ভাবে বসে, বিনয়ের লক্ষণ ওটা। কথা আরম্ভ হওয়ার আগে আমি একবার ভাল ক'রে তার মুখ দেখে বুঝবার চেষ্টা করলাম এজীবনে সে সুখী হয়েছে কিনা। কিছুই স্পষ্ট বোঝা গেল না। আগের জীবনে সে অসুখী ছিল কিন্তু মুখের একটু স্নানিমা দেখে তার অসুখের পরিমাণ স্থির করা যেমন সম্ভব ছিল না, আজ সেই স্নানিমার অন্তর্দান এবং দেহে স্বাস্থ্য ও চোখে মুখে একটা শান্ত-জ্যোতির আবির্ভাব দেখে বোঝা গেল না সে কতখানি সুখী হয়েছে। বিশেষ, মাঝে মাঝে তার দৃষ্টিতে ব্যথার বিকাশ দেখা যেতে লাগল।

সে প্রশ্ন করল, তুমি কি আগাকে সমর্থন কর না?

আমি বললাম, ঠিক জানি না। ইচ্ছা হয় সমর্থন করি, কিন্তু বাধা পাই। তোমার সিদ্ধান্তে অনেক জটিলতা, সহজে মেনে নেওয়া কঠিন। তোমায় আমি চোখ বুজে সমর্থন করতাম যদি—

যদি?

যদি তোমার দেশ-প্রেম নিজের তেজে স্বামী-পুত্রের প্রেমকে ছাপিয়ে যেত, যদি রাগ আর অভিমানের ভেজাল না থাকত।

সে হাসল! তাপসী নই, মন নির্বিকার নয়। ভেজাল হয়ত আছে। কিন্তু তুমি যে রাগ আর অভিমানের কথা ভাবচ তার ভেজাল নেই। তুমি ভাবচ আমি ঝগড়া ক'রে ঝাঁকের মাথায় চ'লে এসেচি। তা সত্যি নয়। সে ভয় আমারও ছিল। কতদিন ধরে চেষ্টা ক'রে আমি বাড়ী ছাড়তে পেরেছি জান? ছ'সাত মাসের বেশী। রাগের মাথায় চ'লে এসেচি ভেবে পরে পাছে আমার অমুতাপ হয়



এই ভয়ে বখনি সে বেশী রকম থারাপ ব্যবহার করত আমি গৃহত্যাগের সময় পনের দিন পিছিয়ে দিতাম। প্রতিজ্ঞা করেছিলাম যে অন্ততঃ পনেরটা দিন বখনি রাগের কোন কারণ উপস্থিত হবে না তখন বাড়ী ছাড়ব, তার আগে নয়। এই প্রতিজ্ঞা বজায় রাখতে যাবার জন্য পা বাড়িয়ে থেকেও ছ'সাত মাস যেতে পারি নি। শেষের দিকে তো হতাশ হয়েই পড়েছিলাম যে একবারও খিটিমিটি বাধবে না এমন পনেরটা দিন এ জীবনে আসবে না। কিন্তু হঠাৎ তার কঠিন অসুখ হল—

সেই সন্ধ্যোগে চলে এলে !

সে হাসল। শোনই আগে, পরে মন্তব্য প্রকাশ করবে। তার ত অসুখ হ'ল, আমি নাওয়া খাওয়া ঘুম সব ছেড়ে দিয়ে এমন সেবাটাই করলাম যে অসুখ ভাল হওয়ার সঙ্গে সেও কিছুকালের জন্য ভাল হয়ে গেল। ঠিক বিয়ের দিনগুলি বেন ফিরে এল—এত আদর এত সোহাগ এত ভালবাসা ! পনের দিন হঠাৎ সদয় অদৃষ্টের দান ভোগ ক'রে নিজেকে ছিনিয়ে নিয়ে আমি চ'লে এলাম। রাগ ক'রে এসেচি আমি ? ঝগড়া ক'রে এসেচি ? তা আর বলতে হয় না।

তবে এলে কেন ?

না এলে চলে না তাই।

তার মানেই তুমি হার নেনেচ। নগেন বাবুর সঙ্গে যে বাজী রেখেছিলে তাতে তোমার হার হয়েছে।

কিসের বাজী ?

মনে নেই ? একদিন বলেছিলে সে নিছক স্বামী ; বিধাতা নয়। চোখ বোজার আগে তোমায় বাড়ীছাড়া করার সাধ্য তার নেই, নেই নেই !

নেই তো ! আনায় কেউ বাড়ীছাড়া করে নি, আমি নিজে এসেচি। শুধু স্বামীকে সহিতে না পেরে চ'লে আসব আমি কি তেমন মেয়ে ? নই, নই, নই। এগার বছর ধরে তার অবিচার অত্যাচার অভ্যাস হয়ে গিয়েছিল—সে জন্য নালিশ করতেও আমি ভুলে গিয়েছিলাম। তা ছাড়া স্বামী কি সারাদিন অত্যাচার করে ? চব্বিশ ঘণ্টায় দিন ক'ঘণ্টা মানুষের নিষ্ঠুরতায় ধৈর্য থাকে ? যদি কোন বই-এ প'ড়ে থাক অত্যাচারী স্বামীর কথা, জানবে লেখক শুধু

চব্বিশ ঘণ্টা দিনের আধ ঘণ্টার হিসাব দিয়েচে, বাকী সময়টা চালাকী ক'রে নেপথ্যে রেখে দিয়েচে ! অবশ্য ঐ বাকী সময়টা স্নেহ ভালবাসায় বোঝাই না হ'য়ে একদম ফাঁকা হ'তে পারে—কিন্তু ওসব ফাঁক সংসারী মেয়েমানুষের নয়। শুধু স্বামী যার অবলম্বন, সপ্তাহে একটিও মিষ্টি কথা না শুনে তার অসহ্য ঠেকতে পারে, আমার তো একমাত্র স্বামীই ছিল না জীবনে অবলম্বন ! শুধু স্বামীর হিসাবে অভাগিনী হলে অভাগিনী হয়েই আমি থাকতাম ভাই। তার হীনতা যদি শুধু আমার প্রতি অত্যাচার ক'রে নিরস্ত থাকত, যদি আমার বর্তমান জীবনও ভবিষ্যতে যে-জীবন পৃথিবীতে রেখে যাব সমস্ত গ্লান না করত আমি মুখ বুজে তার সংসার খাড়ে ক'রে মরতাম। সুখ শান্তির অভাব আমায় কাতর করত না, অনাহার অনিদ্রা প্রহার নির্ঘাতন উপেক্ষা কিছুই মুছে নিতে পারত না মুখের হাসি। জীবনের আংশিক সফলতা পেলেই আমি তুষ্ট থাকতাম। কিন্তু তা হল না। কতক স্বামী ? জন্মে কতক পারিপার্শ্বিক অবস্থার অভিধানে সমগ্রভাবে আমি ব্যর্থ হয়ে গেলান—সম্পূর্ণ ভাবে আমার জীবন হল অকারণ, অর্থহীন। স্বামী নয়, দুখ দুর্দশা নয়—ব্যর্থ বেঁচে থাকাটা আমার সহিল না। আমার আত্মা আর্তনাদ আরহ ক'রে দিল।

সতীনের ভয়ে ?—ব'লে আমি খোঁচা দিলাম।

সে চমকে উঠল। সতীনের ভয়ে আত্মার আর্তনাদ সতীন ? সতীন হয়েছে না কি এর মধ্যে ! স্বী ছাড়া তা চলবে না জানতাম, কিন্তু এত শীগগির ! আমার পায়ের আলতার দাগ এখনো বোধ হয় ঘরের মেঝে থেকে মুছে যা নি। আমি কি তার ঘরের এতখানি স্থান জুড়ে ছিলাম যে বিশাল ফাঁকটা সহিল না, তাড়াতাড়ি পূর্ণ করিতে হল ?

নালিশ ! ক্ষুধ ক্ষুধ অভিযোগ ! মনে হল, অভিনয় জেগেছে—ঈর্ষার বসন-পর্য্যাবৃত্ত অভিনয়। মুখে একা কালো ছায়া ভেসে এসেছে, দুচোখে মানিয়েছে ব্যথা। দেহ আমার বিশেষ ভাল লাগল না। মুখে সমর্থন করি আর : করি মনে মনে তার নানবীজ ঘুচিয়ে দেবীর মত জ্যোতির্শক্তি ক'রে তুলেছিলাম—দধীচি থেকে আরম্ভ ক'রেই আজ পর্য্যন্ত সংখ্যাহীন জ্যোতিষ্ক যে-জ্যোতির সঙ্গে পরিচয় করিয়ে



মানুষের। মানবতার গায় ছায়াপাতে মনতাদির সে ভাস্বর  
মুষ্টি কল্লনার নেপথ্যে হঠাৎ যেন ম্লান হয়ে গেল।

বললাম, এবার আমার পুরো অসমর্থন মনতাদি! ছলনা  
করেচ নিজেকে। ভেবেচ কর্তব্য ত্যাগ বুঝি সত্যি ত্যাগ।  
ছুঃখের কাছে হার মেনে তুমি পালিয়েচ কর্তব্য পিছনে  
দেলে! সে বলল, কর্তব্য নানে? স্বামীসেবা? তন্ময়ন  
দিয়ে তম্বু পরিচর্যা? শিক্ষা তোমায় উদার করে নি দেখচি!  
এই নারী-বিদ্রোহের যুগে ওকি কথা বলচ তরুণ? কোন  
যুগের মানুষ তুমি?

এ যুগের। আমার টেনো না। আমার শিক্ষা অতি  
অনুদার। উদার শিক্ষা কোথায় পাব? নাচিকের মত  
যমের বাড়ী না গেলে আর সে শিক্ষা জুটচে না। ছুঃখ এই  
যে যম আমার বাড়ী ফেরার জন্ত ছেড়ে দেবে না। কিন্তু  
তম্বু-পরিচর্যার নালিশ পুরোণো, পচা। নিজেই বলেচ ও  
জন্ত বাড়ী ছাড় নি। একটা অনাভূষের মঙ্গল যে করতে  
পারল না, নিজের লোকের অত্যাচার সহিতে পারল না, লক্ষ  
মানুষের মঙ্গল করার শক্তি সে কোথায় পাবে, পরের  
অত্যাচার সহ্যে কি করে ব্রতরক্ষা করবে?

লাখ মানুষের আশীর্বাদের জোরে। কিন্তু তোমার  
যুক্তিটা বেশ! লজিকের সেই ফ্যালাসির মত—মানুষ অমর  
নয়, বানর অমর নয় অতএব মানুষ বানর। একের সঙ্গে  
লাখের তুলনা চলে? যে বক আঁকতে পারল না, সাহিত্যিক  
হয়ে সে মানুষ সৃষ্টি করতে পারবে না এ কথা বলা যায়?  
একটি মাত্র বলাকরের মঙ্গল ক'রে গেলে সে একদিন  
বান্দ্যকি হয়ে উঠবে এমন আশা করা বোকামী। কিন্তু এ  
আশা অনায়াসেই করা যায় লাখের মধ্যে হাজার বান্দ্যকি  
যুগ্মিয়ে আছে! গুণী ছোট হলেই যে ভাল কাব করা যাবে  
তার মানে নেই। বাড়ীর বৌ সমস্ত বাড়ী পরিস্কার পরিচ্ছন্ন  
রাখতে পারে—কিন্তু বাড়ীর সব চেয়ে ছোট ঘরটি পরিস্কার  
করার জন্ত ডাকতে হয় মেথরকে? আমি চেষ্টা করি নি  
ভেবেচ? এগার বছর চেষ্টা করেচি। কিন্তু ঘরের পাকা  
মেঝেতে আমার চেষ্টার লাঙ্গল আঁচড় কাটতে পারে নি—  
ফসল ফলাব কি! তাই এসে দাড়িয়েচি এই বিস্তীর্ণ মাঠে।  
মত আগাছা থাক, মাটি যত শক্ত হোক, অল্প একটু স্থান

পরিস্কার ক'রে আবাদ করতে পারব না? বাকী জীবনে  
চেষ্টায় একটু সোনা ফলবে না? পারব—ফলবে।  
থামল। একটু ভেবে বলল, এই কথাটা আমি ভাবতাম  
রাত্রিদিন ভাবতাম। স্বামী আমার কাছে ছোট নয় তুমি  
নয়—কিন্তু পর। সব স্বামীই পর—নিজের চেয়ে মানুষের  
আপনার কেউ নয়—প্রেমে নয়, মেহে নয়। প্রেম ছাড়া  
আত্মাকে কাছে আনে কিন্তু আত্মগত আত্মার চেয়ে কাছে  
আসা আত্মার দূরত্ব বেশী। তাই আমি ভাবতাম যে, শু  
পরের কল্যাণেই বেঁচে থাকব, আমার আত্মার কল্যাণ নেই  
আমার জীবন তাদের কল্যাণে ব্যর্থ হবে যাদের কল্যাণ হ  
না? সবাই পরের জন্তেই অবশ্য বেঁচে থাকে, কিন্তু নিজে  
জন্ত আহরণ ক'রে ওই বেঁচে থাকার সার্থকতাটুকু। ও  
নাম নিজের আত্মার কল্যাণ। নিজেকে দিলাম কিন্তু দেওয়া  
মিথ্যা হল না, এই টুকু। অত্যাচারের বিনাশের জন্ত দধীচি  
আত্মদান—ইন্দ্র বজ্র নিয়ে খেলা করবে বলে নয়। আ  
দধীচির মেয়ে নই। যদি হইও দধীচির মেয়ে, আমার অহি  
বজ্র নিভে গেছে। একটু তাপ শুধু আছে নেভা বড়  
ভস্মে। সেইটুকু যদি বরফের ঘর গরম রাখতে ব্যয় ক'  
যেতাম মরবার সময় অপচয়ের স্মৃতিতে আমার আত্মা দ  
হত। আজীবন স্বামী সেবার পুণ্যও পুড়ে হত ভস্ম! কার  
সারাজীবন চোখ বুজে কাটিয়ে মরবার সময় আমি চোখ মো  
দেখতাম দুর্লভ জীবন কার পূজায় কাটল। তখন জীবনব্যাপ  
দানব-পূজার আপশোষ নিয়ে আমায় পরলোকে যেতে হ'ত  
আপশোষ নিয়ে মানুষ কোন পরলোকে যায় জান? নরকে।

আমি বললাম, এটুকু বুঝলাম। কিন্তু আসল ক  
এখনো বলি নি। তোমার তো শুধু স্বামী নয়, দুটি ছেলে  
সে সংশোধন ক'রে বলল, দুটি নয়, ছ'টি। চারটি স্ব  
গেচে। দুটি গর্ভের অন্ধকার থেকে, দুটি পৃথিবীর আ  
দেখে। না, দুটিই আলো দেখে নয়, একটি অন্ধ হ  
জন্মেছিল।

এ বারতায় ব্যথা ছিল, আঘাত ছিল। আমাদের শি  
জগতে স্থায়ী মড়ক আছে সে কথা শুনেছিলাম। শুনেছিল  
মানে দৈনিক অথবা মাসিকে পড়েছিলাম। শুধু পড়েছিলাম  
কখনো ভেবে দেখি নি শিশুর মরণের শেষ শিশুর মরণে ন



মনতাদির মত অসংখ্য মাতার মর্ম-বেদনার। জগতে যার বাড়ি মর্ম-বেদনা নেই।

সে বলল, তুমি ভাবচ এতক্ষণ ব্রহ্মাণ্ড তুলে রেখেছিলে, ছলে দুটির কথা তুলে আমাকে কারু করবে। ছেলেই বটে! ড় ছেলের বয়স বার—মনের বিকৃতিতে বার শ'। সে চোর, গাড়িখোর, কুটিল, রাগী, বোকা, অলস। ছোটটিও ওমনি ভাবে গ'ড়ে উঠচে—দুজনেই একদিন বাপের মত হবে।

অত খারাপ? ব'লে আমি জিভ কাটলাম।

সে বলল, জিভ কেটোনা। সারা জীবন কথা কইতে যে এখন জিভ কাটা গেলে মুক্তি। নিজেই স্বামী নিন্দে ড়েচি, তোমার কথায় আর কত ব্যথা পাব? আমার হলে দুটি বাপের মত অত খারাপ যদি নাও হয়, যেটুকু বে তাতেই প্রকাণ্ড অমানুষ হবে। সদৃশ্যে বোঝাই হয়ে রবে ত্রিশ টাকার কেরানীগিরি—তাতেই অধিকারী হবে া-পুত্র সংসারের। দশ বছরে দশটা কুকুর ছানার বাপ বে—আকাল মৃত্যু এড়াতে পারলে যারা বড় হয়ে দশ শে একশটা শূকর ছানা পৃথিবীকে উপহার দেবে। বিশ্বাস করচ? পৃথিবী এমনি ক'রে ভারাক্রান্ত হয় তাই একটা গলিত আত্মায় হাজার হাজার গলিত আত্মার জি কিলবিল করে। এই জন্তে যিশু বলেছিলেন, একটি পাপী স্বর্গের দিকে মুখ ফেরালে স্বর্গরাজ্যে আনন্দের সাড়া 'ড়ে যায়। একটা মানুষ থেকে মানব জাতি হয়েছে—কে মতে পারে একটি পাপী থেকে একদিন একটা বিরাট পীর জাতি পৃথিবীতে দেখা দেবে না? একটি অমানুষের ধ্য সমগ্র মানব জাতির ভবিষ্যৎ ধ্বংসের সম্ভাবনা নিহিত াছে। ওমনি অমানুষ হয়ে উঠচে আমার ছেলেরা! া মাস দেহের মধ্যে ব'য়ে বেড়িয়েচি, নিজের রক্তে পুষ্ট রেচি, দিনের পর দিন বুকে নিয়ে পালন করেচি, স্নেহ রেচি ভালবেসেচি জগতের দুটি অভিষাপকে। জ্ঞানের লোর নিজের এই মহৎ দৃষ্টি চিনে আমি পালিয়ে সচি। পাপে আমার বিরাগ, ব্যর্থতার অরুচি। প্রাণ-ত সেবার দেশের বুকের পাথরকে পাহাড় ক'রে তোলা প।...তোমার ছুচোখে প্রতিবাদ কেন? সংসার কি গমায় পাপ আর ব্যর্থতার স্বরূপ ভুলিয়ে দিচ্ছে?

আমি বললাম, না। তোমার কথাগুলি এত ছোট বড় কথার চুম্বক যে হঠাৎ শুনে ঠিক মত ধারণা ক'রে উঠতে পারছি না।

সে বলল, সেটা অশ্চর্য নয়। বিয়ের পর থেকে এগার বছর শুধু ত জলিনি—তিল তিল ক'রে চিন্তার হিমালয় সৃষ্টি করেচি। আমার কথা তোমার চিন্তাশক্তিকে পীড়ন তো করবেই। এগার বছরের ভাবনা কি ছ মিনিটে ভাবা যায়? আমি বললাম, বুদ্ধি থাকলে যায়, বোকা হলে যায় না। আমি সময়মত ভাবব। তুমি বলে যাও, আমি আরও কিছু ভাবনার খোরাক সংগ্রহ করি।

সে বলল, ভেবে। ভেবে দেখো আমি বাড়িয়ে বলিনি, অবস্থা বিশেষে মা হওয়া সত্যিই মহাপাপ, মহৎ ব্যর্থতা। তুচ্ছ পরসা দিয়ে কেনা দুধ কলা দিয়ে সাপ পোষা, অন্তায়, দুর্ভাগ্য;—শরীরের রক্ত খাইয়ে সাপ পোষা কতবড় অন্তায়, কতবড় দুর্ভাগ্য? আবার, এই শোচনীয় কৌতুক একমাত্র নায়ের অদৃষ্টে! স্বামীর কাছে জীবনের একটি ক্ষুদ্র শিক্ষা পেয়ে তিল তিল ক'রে বাড়িয়ে জননীকেই জেলে দিতে হবে একটি সম্পূর্ণ জীবনের চুল্লী—যদি সে চুল্লীতে জগতের কল্যাণে বন্ধ করা যায় গোরব জননী, যদি তার আগুণে গৃহদাহ হয় কলঙ্কও জননী। মায়ের দায়িত্ব এতবড় তাই! তাই পৃথিবীর দুটি গলগ্রহ সৃষ্টি ক'রে আজ আমার অসীম অন্ততাপ। আমার মাঝে মাঝে ভয় হয় দেশ আমার সেবা নেবে না। অসুস্থ দেশের মুখে যে ছ ফোঁটা বিষ ঢেলে দিয়েচি সে অপরাধ ভুলবে না। এ চিন্তার দাহে আমার শুধু ক্ষেপে যাওয়া বাকী আছে। ভগবান আজ যদি ওদের কাছে টেনে নেন, তবে বোধ হয়—তবে বোধ হয়—

ভগবানের নাম নিয়ে মার মুখে সন্তানের মৃত্যু কামনা! এই অস্বাভাবিক ভীষণ মহত্বে আমি চমকে গেলাম। নিজের অসমাপ্ত উক্তির প্রহারে সেও কঁদে ফেলল। আমি বৃদ্ধান এ কান্নার অর্থ কী। অভিষাপের প্রত্যাহার। মূখের কথা নয়, ভগবান যেন মনের কপাটাই কাণে তোলেন এই নিবেদন।

স্বর্ধ্যালোকে নদীতে ঢেউগুলি চমকাচ্ছিল, তীর ঘেঁসে চলেছিল একটি পানসী। বুড়ো মাঝি লগি ঠেলছে, ছেলে



কোলে একটি মেয়ে তীরের শোভায় মুগ্ধ হয়ে ব'সে আছে, একটি ছরস্তু ছেলের হাত শক্ত ক'রে ধ'রে। কিছু দূরে নদীর দাঁক, সে পর্যাস্ত আমি নৌকার জননীটিকে অনুসরণ করলাম। ততক্ষণ কাছের জননী শান্ত হয়েছে।

বললাম, এভাবে চরমে উঠলে আমাদের আলোচনা আপনা থেকে বন্ধ হয়ে যাবে।

সে শ্রান হেসে বলল, চরম কীর্তির আলোচনায় চরমে না উঠে উপায়?

বললাম, তুমি শুধু ইঙ্গিত কর, বাকীটা আমি অনুমান করব। নরকের অন্ধকার আর স্বর্গের জ্যোতি টেনে আনলে দুটোই চোখকে পৌঁচা দেবে, অস্বস্থ করবে। আমরা পৃথিবীর মানুষ আমাদের মাঝামাঝি রকম হওয়াই ভাল।

ভীক! ব'লে সে হাসবার চেষ্টা করল।

আমি বললাম, নিঃসন্দেহ। কিন্তু আর সমালোচনা নয়। বত রেখে ঢেকেই বল অপমানিত হব। তোমার কথাই হোক। তুমি বা বললে তাতে একটা প্রকাণ্ড মুস্কিল আছে। বোধ হয় সে মুস্কিলের অবসানও নেই।

কি মুস্কিল?

আমার মত ভীক অকস্মাৎ থেকে আরম্ভ ক'রে তোমার ছেলেদের মত চোর ছাঁচোরকে জন্ম দিতে সবাই যদি তোমার মত অস্বীকার করে, দেশের স্মৃতিকাবরের সাড়ে তিন দিকের দেয়াল ভেঙে পড়বে। দেশটা তখন জন্মাবে কোথায়?

জন্মাবে না!

শুনে আমি থ থেয়ে গেলান। সে বলল, ভড়কে গেলে দেখছি। দুর্ভাবনার কারণ নেই। দেশের স্মৃতিকাবরের সাড়ে তিনদিকের দেয়াল কি আমার মত মায়েরা? দেশ কি জন্মায় কেরাণী আর অপদার্থ ধনীর ঘরে? সহরের বিষপান ক'রে যে কটি মানুষ জ্ঞান হারিয়েছে তাদের বাড়ীতে? কলকাতাতেই অগুপ্তি ডালিম বেদানা, আইন ক'রে তাদের সকলকে হত্যা করলে কলকাতার নারী-সমাজের কি আসবে যাবে? বরং লাভ হবে—ক্ষতি নয়। আমার মত মায়েরা মা হতে অস্বীকার করলে স্মৃতিকাবরের অনাবশ্যক ভিড় কমবে, দেশের উপকার হবে। গান্ধারীর সংঘর্ষে কুরুক্ষেত্রের

কলঙ্ক রদ হবে। ঘরের মানুষের সঙ্গে লড়াই ক'রে ধর্ম ও কর্মের শক্তিক্ষয় হবে না;—জগতের মধ্যে শ্রেষ্ঠ ধর্ম জগতে ছড়িয়ে পড়ার সময় পাবে, জগতের মধ্যে শ্রেষ্ঠ কর্মী জগতের স্বাধীনতা মুহূর্তে অর্জন করবে। দুর্ধোধনকে সজুত রাখতেই যুধিষ্ঠির আর অর্জুনের সময় ও শক্তি ব্যয়িত হলে গান্ধারীর কি লজ্জা ভাই? সহজ লজ্জায় কি মা হয়ে ছেলেকে বলেছিল, তোমার নয়, ধর্মের জয় হোক।

আমি বললাম, তবে বললে কেন—দেশ জন্মাবে না? কথার সুরে মনে হল দেশ না জন্মালে ক্ষতি নেই। সে বলল, ও যদিও কথা। আমরা মা না হলে যদি দেশের স্মৃতিকা ঘরের সাড়ে তিনদিকের দেয়াল সত্যি ভেঙ্গে পড়ে। জন্মানো-টাই কি দেশের চরম মোভাগ্য? না জন্মানোটা দুর্ভাগ্য? কত দেশ গেছে সমুদ্রের তলে, কত জাতির চিহ্ন লুপ্ত হয়েছে। সে জন্তু কে তাদের দোষ দেয়? অবসানে দুঃখ কি? মৃত্যু যদি মানুষের লজ্জা না হয়, মানুষ-গড়া জাতির মৃত্যুতেও লজ্জা নেই। ক্রমাগত রোগে ভোগার চেয়ে বরং মরণ ভাল।

আমি বললাম, এ সব হতাশার বাণী, ভুল কথা। মৃত্যুতে মানুষের লজ্জা নেই, কারণ মৃত্যু যবনিকা নয়, পটপরিবর্তন। নিজের জীবন মানুষ পৃথিবীর মানুষের মধ্যে জমা ক'রে রেখে যায়, স্বর্গে নিয়ে যায় না।

জমা করা জীবন যখন প'চে যায়? একমাত্র Noahকে বাঁচিয়ে প্রলয়ের মধ্য দিয়ে যখন ভগবান ভ্রম সংশোধন করতে বাধ্য হন?

তখন ভগবান অত্যাচারী থেয়ালী। প্রলয় যে এনে দিতে পারে সে সংস্কারে অক্ষম হবে কেন? জীবনের রোগ আছে, ফাঁসি ছাড়া আরোগ্য নেই? ক্রমাগত রোগে ভোগার চেয়ে মরণ ভাল, কিন্তু রোগ সারিয়ে বেঁচে থাকা আরও ভাল।

সে মুহূ হাসল, তোমার হল কি? আমি পূর্বে পা বাড়ানি, তুমি হাঁকচ পশ্চিমে যাত্রা নাস্তি। সুস্থ সবল হয়ে বাঁচা মন্দ আমি তা বলিনি। বলেছি, লয় অপরাধ নয়, লয়ে লজ্জা নেই। এটা আমাদের আলোচনা-গণ্ডীর বাইরের অতিরিক্ত সত্য। আমার সমস্তার সঙ্গে খাপ খাওয়াতে



গিয়ে ব্যাকুল হয়ে না। পাগল! হাজার হাজার মানুষের দেহের রক্ত আর জীবনের দিন দিয়ে অসুস্থ দেশের জন্তে ওষুধ তৈরী হচ্ছে, আমি করব তার প্রতিবাদ? স্পর্ধায় ধুলো হয়ে যাবো যে! অতিরিক্ত দার্শনিক তত্ত্বকথা থাক, আমার কথাটা নিয়ে আলোচনা চলুক। আমি বলেছি, অসুস্থ দেশের ওষুধের উপযুক্ত জীবন সৃষ্টি হোক, কিন্তু কুপথ্য আর বিষের সৃষ্টি যেন না হয়। তুমি প্রতিবাদ কর?

আমি বললাম, ঠিক প্রতিবাদ নয়। বলতে চাই, সে তো তোমাদেরি হাতে!

মানে?

নানে, সব শিশুই আরম্ভ—পরিণতি নয়। জীবনের ভিত্তির মিস্ত্রীও তোমরা। তুমি ছেলে ছটিকে মানুষ ক'রে গড়ে তুললে না কেন? স্বামীর মঙ্গল করতে পারলে না, তার কারণ বুঝতে পারি, তার শিক্ষা দীক্ষা সমাপ্ত হয়ে গিয়েছিল তোমার সঙ্গে পরিচয়ের আগে। কিন্তু তোমার ছেলেরা ভাল মন্দ কোন শিক্ষা নিয়েই জন্মায়নি। তাদের তুমি মানুষ ক'রে গড়ে তুললে না কেন? নিজেই বললে তোমার শক্তি সামান্য। সামান্য শক্তি এত বড় দেশে ছড়িয়ে দিয়ে কি লাভ হবে? ছুটি যুগন্ত দেশ-সেবককে জাগাতে পারলে সব চেয়ে বড় দেশসেবা হত না? কেন তা করলে না?

কেন করলাম না? পারলাম কই? খাঁচার শিকে শিকে বাধা পেলাম। কোলের ছেলে যখন এক বছরেরও নয়, গর্ভে ছেলে এলো। সকাল সন্ধ্যা রান্নাবরে কাটল, বাকী সময় নানা কাজে। অভাবের খোঁচার মাথায় বা হয়ে গেল, চিন্তার বিষে অবসন্নতা ও অবহেলা এল। যেটুকু সময় ও সাধ্য হাতে রইল, স্বার্থপর স্বামী ছিনিয়ে নিল। তবু আমি পারতাম। অতিমানুষ না করতে পারি অমানুষ হতে দিতাম না, যদি ওদের জীবন বিষাক্ত আবহাওয়ার বিষিয়ে না যেত। চব্বিশ ঘণ্টা পলে পলে যাদের জীবন বিকৃত হয়, পাঁচ মিনিটের চেষ্টায় আমি তাদের কি করতে পারি? জন্ম থেকেই ওরা অভিশপ্ত। বাপের অসংযমে জন্মাল রুগ্ন হয়ে, খাত্তের অপ্রাচুর্য্যে দেহ মন কঁকড়ে গেল বিকাশ হল না, জীবনীশক্তির অভাবে ক্রমাগত রোগে ভুগল, দোষে বিনা দোষে বাপের খোঁচা খেয়ে কুটিলতা শিখল, শিশুমনের তুচ্ছতম

আকাঙ্ক্ষাটি অতৃপ্ত থাকায় চুরি শিখল, বাড়ীর ভয় ও নিঃসন্দের আবহাওয়ায় মন না টেকে বৈশী সময় বাইরে কাটা ভালবাসল, বার তার সঙ্গে মিশে অসংস্কার অশেষ দে সঞ্চয় করল, পয়সা আর খাবারের লোভে বজ্জাত লোভে কাছে কামুকতার দীক্ষা পেল। এতো সংক্ষিপ্ত হিসা আরও কত আছে! এবার বুঝলে কেন পারলাম না?

আমি কতকক্ষণ কথা বলতে পারলাম না। একি বর্ণন একি নালিশ! মনের জালা কি শব্দের রূপ নিতে পারে অত্যাক্তি মনে করার চেষ্টায় আমি ব্যর্থ হলাম, আমার কে সাহসনা রইল না। শুধু মুখের কথা তো নয় যে, শোন সঙ্গে হৃদয়ের যোগাযোগ কম বেশী ক'রে বতটুকু মানা মনের স্বস্তি ততটুকু মানব। সন্তানহারা মা আমার সামনে বসেছিল। অত্যাক্তি যদি, ও কেন ছেলে ফেল এল সন্তান হারানোর চরম প্রনাণেই যে ও প্রমাণ করেছে অবিযোগ বাড়িয়ে বলা নয়!

সে বলল, অনেক দুঃখেই বাড়ী ছেড়েছি ভাই। আ অভিশপ্তা স্ত্রী ও জননী, আমার সন্তান দেশের অভিশা জীবনের এগন অসামঞ্জস্য বরদাস্ত হলনা। আমি মুক্তি নিলাম এ মুক্তি সময় সময় পীড়া দেয়, এগার বছরের চেনা খাঁচ ডাক আমি শুনতে পাই। আমার বুক ফেটে যায়। আ যাতনায় ছটফট করি। কতক্ষণের জন্ত দেশের সেবায় দাবি বিরাগ জন্মে। মনে হয়, হুজ্জ হয়ে পথের ধুলোয় চে বুলিয়ে চলতে দেশের মানুষ যদি ভালবাসে, ভালবাস্ত্ব সোজা হয়ে দাঁড়িয়ে মুক্ত নীলাকাশের দিকে না তাকাতে চ না চাক;—আমার কি? আমি কেন মাতৃস্বের আশ্রয় দিয়ে এগন নির্ধুর পূজা ক'রে চলি? কিন্তু এ দুর্বলতা কে যায়, মুক্তির পীড়ন গর্ষ ও আনন্দ হয়ে ওঠে।

আমি বললাম, দেশে অসংখ্য পুরুষ দিদি। তব তরুণীতে দেশ ভরা। তোমার মত তারা নাটিতে শিকড় ব তরু নয়। নিজেকে উপড়ে তুলে এই অস্বাভাবিক তা তোমার করতে হবে কেন? তুমি ফিরে যাও।

সে হাসল, সংখ্যার গর্ষে দেখি ফেটে পড়ছ! প্রমাণ কই তুমি আমায় বুঝিয়ে দিতে পারবে যে আমি অনাবশ্য অতিরিক্ত বাহুল্য? যদি পার, এখনি ফিরে যাব। সতীনে



পর্যন্ত ভয় করব না ! একটু থেমে বলল, তুমিও তো পুরুষ, না ভাই ? শিকড়হীন তরুণ পুরুষ ! কেবল কলেজ ডিগ্রিয়ে শিকড় গাড়বার জন্ত ব্যাকুল হয়ে আছ, এই বা আপশোষ । একটি বাড়ী, টুকটুকে একটি বৌ, তাঁদের টুকরো একটি ছেলে । থামা শিকড় । না ? লোভী !

আমি ক্ষুধ হয়ে বললাম, অনেক আগে ঘাট মেনেচি, গোঁচাচ্ছ কেন ?

গোঁচাচ্ছি ? মাইরি না । কালীর দিবা । স্বামীর ভাষাতে প্রতিবাদ করলাম, আর রাগ কোরো না । বলে সে হাসল । আমি গম্ভীর হয়ে ভাবতে লাগলাম ।

সেও গম্ভীর হয়ে বলল, সত্যি গোঁচাই নি ভাই । গোঁচাবার অধিকার কোথা পাব ? যার সে অধিকার নেই সে তা করলে ভেবে নিতে হয় ঠাট্টা করেছে ।

গোঁচাবার অধিকার তোমার আছে ।

নেই ! আমার দেশ-সেবা যে বাধ্যতা-মূলক ।

সে সবারি । অধীনতা বাধ্য করে ।

করে কি ? অধীনতার ঙ্খ না স্বাধীনতার লোভ করে কি ক'রে জানলে ? না ভাই, জবাব চাই নি । একথার জবাব মানে আধ ঘণ্টা ধ'রে তোমার বক্তৃতা । আমি জানি জবাব । দুই কারণেই । কিন্তু ওরকম দেশ-সেবা বাধ্যতা-মূলক নয় ভাই । তা হলে মাতৃস্নেহকেও বাধ্যতা মূলক-মূল্যে হয় । আমার এই সেবা কিন্তু সত্যি বাধ্যতামূলক । সে জীবন সইল না বলে আমি এ জীবনে আশ্রয় নিরেছি—মুড়ে ভাঙ্গা তরী এসেচি বন্দরে । বেশী নয়, একটা ছেলেকেও যদি মানুষ করতে পারতাম আমি সেখানকার মাটি কামড়ে থাকতাম । আকর্ষণ নয়, ব্যর্থতায় একেবারে তলিয়ে গিয়ে সে আটকায় ব'লেই না এখানে নিশ্বাস ফেলতে এসেছি ! আমি আজ সুখী দুঃখী দুই, কিন্তু এগার বছর যে দেয়ালের মস্তুরালে ছিলাম সেখানে থেকে সম্ভ্রানের মধ্য দিয়ে দেশের সেবা করতে পারলে আরও সুখী হতাম । কিন্তু এ কথাটাও মিলি, আমার এ জীবন আমার ব্যক্তিগত সুখ দুঃখের বহু ঊর্ধ্বে—আমার এ জীবন তুলনাহীন । ছিলাম যন্ত্র—আজ আমি মানবী, যার আত্মা আছে, যার জীবনের অনেক মূল্য,

অনেক প্রয়োজন, অনেক মানে । বেশী কি, আমি আ তোমার প্রণয় !

আমি নীরবে তাকে প্রণাম করলাম, পেলাম আশীর্বাদ তারপর চুপ ক'রে ব'সে রইলাম । সূর্য তখন নদীর অপ তীরে, তরু শ্রেণীর খানিক উর্ধ্বে । নদী দিয়ে একটা ষ্ট্রিমা চ'লে গেল, তীরে আছড়ানো ঢেউএর শব্দ যত্নভাবে কাে এল । কয়েকটা বক নদী তীরে ব'সে ছিল, হঠাৎ উে গেল ।

মমতাদি বোধ হয় ভাবে নি এত নীগগির আমি তাে রেহাই দেব । স্পষ্ট অনুভব করলাম সে আমার কথা বলা প্রতীক্ষা করছে । কিন্তু আমি আর মুখ খুললাম না । ক কথা তো বললাম, কিন্তু কথা ব'লে লাভ কি ? সংসারে জ্ঞানায় কত মানুষ গেরুয়া প'রে পালিয়েছে, কত মানুষ ক্ষেে গেছে, কত মানুষ আত্মহত্যা করেছে,—মমতাদি যদি জগতে মধ্যে মহত্তম কর্ম-বৈরাগ্যে আধ-পোড়া মনের আগু নেভাতে চায়, কথার বিনিময়ে কোন কিছুর এদিক ওদিক হে না । পরিণয়ের বজ্রভস্মে যি ঢেলে চলা যত বড় কর্তব্য হোক সেটা ঘিরের অপচয় নিশ্চয়ই ; সে অপচয় বন্ধ করা যত ব অকর্তব্য হোক, স্বাধীনতার হোমানলে যি ঢেলে চলা যে ঘিরে সবচেয়ে সদ্ব্যবহার তাও নিশ্চয়ই । সুতরাং নানাবিধ ধারণ ও সংসারে বোঝাই মন নিয়ে তর্ক করা কথারই অপচয় ।

অতএব কথা বন্ধ ক'রে আমি ভাবতে লাগলাম অধুন পরিত্যক্ত স্বামী পুত্রের কলাণে এই নারীটি একদিন আমাদে বাড়ী রাঁধুনী হয়েছিল,—গভীর রাত্রে ঘুমের কবল থেে ছিনিয়ে-নেওয়া কয়েক ঘণ্টা সময় ছাড়া এগারটি বছর এ টানা বেঁচেছিল শুধু স্বামী পুত্রের জন্ত ।

স্নেহ, প্রেম, মমতা মানুষের নাগপাশ । নাগপাশে মুচ্ছা তন্দ্রা । সে নাগপাশে আবদ্ধা থেকেও যে মোহনিদ্রা টুটিে দিল, বাঁধন-শুদ্ধ যে বেড়িয়ে পড়ল পাণে, পাশবদ্ধ কর্মশক্তি নিয়ে যে সকলের জন্ত যে-বিপুল কাজ পড়ে আছে তার নিজ ভাগটুকু শেষ করতে প্রবৃত্ত হল তাকে বোঝা যায় না । ে দুর্কোধ্য ; তাকে ঘিরে রহন্ত । মমতাদির শাস্ত ও গম্ভীর মুখ দেখে আমার মনে হল, রাঁধুণীর কাজ নিতে এসে ে আমার শেষ শৈশবে স্নেহ-করার শক্তিতে রহন্তময়ী হে



উঠেছিল, আজ আমার প্রথম যৌবনে সে আবার মেহ  
অস্বীকার করার শক্তিতে রহস্যময়ী হয়ে উঠেছে।

সন্ধ্যার সময় বিদায় নিলাম—প্রদীপ জ্বালার আগে। সে  
বলল, তোমায় একটা কাজ দেব।

কি কাজ?

সপ্তাহে একখানা কার্ড লিখে ওদের খবর দেবে।

কি খবর? কুশল?

হুঁ, ব'লে সে চোখ মুছতে মুছতে হাসল।

বলচ ওদের। ওদের মানে কি তোমার স্বামীরও?

নিশ্চয়। আপখানা কুশল সংবাদ নিয়ে করব কি?

স্বামী-ভাগ একেবারে আপখানা! একটা স্পষ্ট

কথা জিজ্ঞেস করচি। স্বামীকে তুমি ভালবাসতে?—  
বাস?

সে একটু ভাবল, ভালবাসা? প্রেম? কি জানি ভাই  
ওসব বুঝিনা। এইটুকু বুঝি যে না দেখলে মন কেমন  
করে, খবর জানতে ইচ্ছা হয়। এগার বছর যার ঘর কা-  
বায় তার হীনতা বোধ হয় মেহ মমতাকে ঠেকিয়ে রাখতে  
পারে না।

প্রেম নয়—মেহ এবং মমতা। এই তিনটি মনো-  
আমার কাছে এমন একরূপ প্রতিভাত হয় যে আজও টি-  
করতে পারি না তার স্বামীপ্রেম ছিল কি ছিল না।

মারা কি নিছক অভ্যাস? প্রেম নয়?

সমাপ্ত

শ্রীমানিক বন্দ্যোপাধ্যায়

## ফাগুন-বিলাস

শ্রীযুক্ত অচ্যুত চট্টোপাধ্যায়

মনে রং ধরিয়াছে সবুজের,  
কথা ভাই কই বত অবুঝের!

চোখে নীল লাগিয়াছে আকাশের;  
কানে শুনি যেন গান বাতাসের;

পুরাতনে দেখি ছায়া নবীনের;  
চেনা চেনা লাগে মুখ অচিনের;

পাশে যবে বসি মোর প্রেমসীর  
কঁপে কঁপে উঠে কেন এ শরীর?

মুকুরেতে দেখি মুখ আপনার,  
দিনে রাতে ঘুরে-ফিরে লাগোবার!

আঙ্গুলের পরশনে ফাগুনের,  
ভাগি জলি যেন শিখা আগুনের!

কাঁটে দিন দোলে দিবা-স্বপনের;

জাগে নবদ্বন্দ্ব বৃকে গগনের!



## সন্ধ্যা-তারা

শ্রীযুক্ত ব্রতীন্দ্রনাথ ঠাকুর

### চেনা সুর

প্রতিবেশিনীর পায়ের নূপুর রোজই বাজে সকালে—  
দাঁঝে। আমার ঘরের এই ছোট জগৎটির বাতাসকে  
তার ঐ নূপুরের ধ্বনি ক্ষণে ক্ষণে চঞ্চল কোরে দেয়।

তার প্রতি পদক্ষেপে যে সুর বেজে ওঠে কেবল সেইটুকুই  
জানিয়ে দেয় যে সে এই জগতেরই মানুষ। সে যে আছে  
এই বার্তা বহন করে আনে এই মৃদু আওয়াজটুকু।

ছুই বাড়ির মাঝে ছোট নালাটার উপর দিয়ে দিনে  
গাতে যে সুরের সেতু গড়া হয়—তাই দিয়ে আমার মন  
তার পাশে গিয়ে পৌঁছায়। তার সারাদিনের কাজ আমার  
চাছে ধরা দেয় ঐ নূপুরের সুরের রূপে।

সকালে নূপুর বেজে ওঠে—বুঝি সে চলেছে জানে।  
তারপরে নূপুর বাজতে থাকে দ্রুত তালে এবারে ওঘরে,  
বুঝি সে ব্যস্ত ঘরের কাজে।

ছপুরে ছাদের কোণে সেই সকালের চেনা সুর ডাক দেয়  
আমার মনকে—ছাদের পাঁচিলে হেলান দিয়ে সে চুল  
শুকোতে রত।

বিকলে আবার নূপুর ব্যস্ত ভাবে বেজে বেড়ায় এবারে  
ওঘরে।

পড়সীনীদেব কল-কঠোর সাথে তার নূপুরের আওয়াজ  
সন্ধ্যাবেলা থেকে শোনা যায়। রাত্রে তার নূপুর আর  
বাজে না।

বছর কেটে গেছে; প্রতিবেশিনী হোয়েছে আমারই  
গৃহবাসিনী। তার নূপুর এখন আমারই ঘরের মাঝে দিনে  
রাত্রে বাজে। কিন্তু তেমন সুরে আর বাজে না; কেন  
যে তা বোলতে পারিনা। তাই তো থেকে থেকে গিয়ে বসি  
সেই পুরোনো জানলাটার পাশে।

### গান

সেদিন দেবমন্দিরে যে ছেলেটি গান গাইতে এল তাকে  
আগে কেউ দেখিনি।

তার চন্দ্র-কলার মত কপালটিতে চন্দন। গলায় কুন্দ  
ফুলের মালা। কানে কুণ্ডল।

আশ্চর্য্য তার গান। ধূপের ধোঁয়ায় মত্ত হাওয়া সুরের  
আধাতে চঞ্চল হোয়ে উঠলো।

গভীর রাতে গান থামলো। তখন চাঁদ উঠেছে। সবাই  
ফিরে চল ঘরের পথে। কেবল যে মেয়েটি দেবমন্দিরে  
মন্দিরা বাজাত সে শুক হোয়ে দাঁড়িয়ে রইল অন্ধকার  
আঙিনায়।

নবীন গায়কের স্মৃতি ছড়িয়ে পড়লো দেশ-বিদেশে।

রাজা তাকে ডেকে পাঠালেন, রাজসভায় গান গাইবার

জন্তে। তা'তে সবাই হোল খুসী। কেবল যে মেয়েটি  
মন্দিরা বাজাত, সে বল্ল “যেওনা।”

ছেলে জিজ্ঞাসা করলে “কেন?”

“তোমার গান তো রাজ-সভার গান নয়।”

শুনে ছেলেটি হেসে চলে গেল। মেয়েটি সন্ধ্যা-তারা  
পানে ছুই চোখ মেলে স্থির হোয়ে দাঁড়িয়ে রইল।

রাজার সভায় ছেলেটি গান করে, কিন্তু মন ভরে না  
কোথায় যেন ফাঁক পড়ে। কেবলই মনে হয় যেন গান শোনা  
এই রাজ-আয়োজনের মাঝে কোথায় একটা ফাঁক রো  
গেছে। সভাসদের দল গভীর মুখে বসে তার গান শোনে  
মনের চারিপাশে রাজনৈতিক বুদ্ধির পাথর দিয়ে গাঁথা  
প্রকাণ্ড পাঁচিল তারই গায়ে তার সুর মাথা খুঁড়ে খুঁড়ে মরে



উৎসব রাত্রে রাজপ্রাসাদের হাজার দীপালোকে যখন সে ইমন-ভূপালীতে গান ধরতো, তখন তার মনে পড়তো সেই জীর্ণ মন্দিরের আঁধার ভরা কোণে সেই মাটির প্রদীপটির কথা। আর মনে পড়তো সেই দীপশিখার ক্ষীণালোকে কার চাঁপার কগির মতো আঙ্গুল মন্দির বাজাচ্ছে।

সেদিন শরতের প্রথম প্রভাতে মন্দিরের পথ শিউলি

ফুলে ঢাকা পড়েছে। যে মেয়েটি মন্দির বাজাতো তার মন আজ কেবলই বলছে ‘সে আসবে, আসবে, আসবে’।

ভাঙ্গা প্রাচীরের ফাঁকে যখন সূর্যের আলো দেবতার পায়ের কাছে এসে পড়েছে—তখন তরুণ গায়ক প্রাঙ্গণে এসে দাঁড়ালো।

মেয়েটির চঞ্চল হাতে মন্দিরার তালে তালে ছেলেটি ভৈরবীতে মাদুলিক গান ধরলে।

### দান

১

রাজার দ্বারে এসে সকলেই অন্ন নিয়ে যায়। ভোরের আলোর সাথে সাথেই রাজার অতিথ-শালায় লোকের ভিড় জমে। কত দেশের কত পথিক আসে যায়, কেবল একটি মানুষ রোজই আসে দ্বারের পাশে কিন্তু অন্ন নেয় না।

জিজ্ঞাসা করলে বলে “তোমাদের হাতের অন্নে আমার কাজ নেই। আমার অন্ন স্বয়ং রাজকুমারী দেবেন। তিনি যে মূর্তিমতী অন্নপূর্ণা”।

সে রোজই শূন্য হাতে উষার স্নান আলোয় আসে, আবার সন্ধ্যার মলিন আলোয় ফিরে চলে শূন্য হাতে।

২

রাজার দ্বার হোতে শূন্য হাতে অতিথি ফিরে যায়, এ খবর রাজকুমারীর কানে উঠলো।

সেদিন বেলা দ্বিপ্রহর, পথিক আপন জায়গায় বসে এক তারাতে সুর ধরেছে। এমন সময় রাজকুমারী এলেন সোনার থালায় অন্ন সাজিয়ে।

পথিক হেসে বলে “ওগো অন্নপূর্ণা, ভুল কোরেছ, ও অন্নে আমার দরকার কি? আমার রাজার রাজ্যে কি অন্নের অভাব? ভুল করেছ দেবী, কাল এসো।”

রাজকুমারী লজ্জা পেলেন, ফিরে চলেন অবনত মুখে।

৩

পরের দিন রাজকুমারী সোনার থালায় সাজিয়ে আনলেন ধন, রতন, মণি, মুক্তা।

পথিক হাতে কোরে থালা সরিয়ে দিয়ে বলে “আমার রাজার রাজ্যে বাস কোরে আমি কি গরীব?”

রাজকুমারী ফিরে গেলেন আঁচলে মুখ ঢেকে। পরের দিন পথিক এলো রাজার দ্বারে ভোরের আকাশকে গানের সুরে চঞ্চল কোরে দিয়ে।

তারপর রাজার অতিথ-শালায় কত লোকই এলো কত লোকই গেলো। বেলা বাড়তে লাগল।

সেদিন রাজকুমারী এলেন শূন্য হাতে। পথিক হেসে বলে “দেবী, আজ আমার শেষ দিন। আমি যে-পথে মানুষ সেই পথ আনাকে ডাক দিয়েছে। যাবার আবেগ তোমার হাতের দান সাথে কোরে নিয়ে যেতে চাই।”


রাজকুমারী আপন চুলের মাঝে লুকিয়ে রাখা শ্বেত করবীর গুচ্ছ নিয়ে পথিকের হাতে দিলেন।

পথিক আপন একতারাটির তারের সাথে ফুলের গুঁবে নিয়ে মাঠের পথে ফিরে চলল।

রাজকুমারীর আঁচল চোখের জলে ভিজে উঠলো।

শ্রীব্রতীন্দ্রনাথ ঠাকুর





মিলন রাস্তি পোহালো বাতি

নেভার বেলা এলো,

ফুলের পালা ফুরালে ডালা

উজাড় ক'রে ফেলো ।

শ্রুতির ছবি মিলাবে যবে

বাথার তাপ কিছু তো রবে,

সেটুকু নিয়ে গুনগুনিয়ে

সুরের খেলা খেলো ।

ফুলের পালা ফুরালে ডালা

উজাড় ক'রে ফেলো ॥

ফাগুনের মাধবীলীলা

কুঞ্জ ছিল ঘিরে,

চৈতন্যে বেদনা তারি

মগ্নরিয়া ফিবে ।

হয়েছে শেষ তবুও বাকি,

কিছু তো গান গিয়েছি রাখি,

সেটুকু নিয়ে গুনগুনিয়ে

সুরের খেলা খেলো ।

ফুলের পালা ফুরালে ডালা

উজাড় ক'রে ফেলো ।

কথা ও সুর—শ্রীযুক্ত রবীন্দ্রনাথ ঠাকুর

স্বরলিপি—শ্রীযুক্ত দীনেন্দ্রনাথ ঠাকুর

II না সাঁ । গাঁ ধাঁ -া I সাঁ -দা । না না সাঁ I -া -া । -া সমা মা I মা মা । -া মা মা I  
মি ল ন রা • তি • পো হা লো • • • বা তি নে ভা র্ বে লা

I মা মপা । -মা - গা -া । মা মা । মা গা গা I মা দমা । দা না সাঁ I না সাঁ । -গাঁ ধাঁ সাঁ I  
এ লো • • • ফু লে র পা লা ফু রা লে ডা লা উ জা ড় ক রে

I না দা । না না -দা II  
ফে লো ফে লো •

II গাঁ গাঁ । গাঁ মা পাঁ I গাঁ মা । গাঁ ধাঁ সাঁ I নসাঁ দা । দা না -সাঁ I সর্গাঁ গাঁ । গাঁ ধাঁ সাঁ I  
শ্রু তি র ছ বি মি লা বে য বে বা থা র তা প কি ছু তো র বে



। সর্গা গা। গা ঋা সী। সা - মা। মা মা মা। মা মা। -া মা মা। না মপা। -মা- গা -া।  
সে টু কু নি য়ে শু ন্ শু নি য়ে হু রে র্ থে লা থে লো . . .

। মা মা। মা গা গা। মা দমা। দা না সী। না সী। -গা ঋা সী। না নদা। না না -দা।  
ফু লে র পা লা ফু রা লে ডা লা উ জা ড্ ক রে ফে লো ফে লো .

। সী -না। সী ঋা সী। সনা সী। না দা -পক্ষা। পা -ণা। গা দা পক্ষা। পা দা। -া -া -া।  
ফা ল্ শু নে র মা ধ বী লী লা কু ন্ জ ছি ল দি রে . . .

। পা -ণা। গা দা পা। মা পা। পদা মপা মজ্জা। পা -া। পণা জ্জমা মজ্জা। থা সা। -া -া -া।  
চে . . . ত্র ব নে বে দ না তা রি ম র্ ম রি য়া ফি রে . . .

। দা দা। দা না -সী। সর্গা ঋা। সী না সী। সর্গা গা। গা ঋা -সী। না সী। ঋা সী নদা সী।  
হ য়ে ছে শে য্ ত বু ও বা কি কি ছু ত গা ন্ দি য়ে ছি রা থি

। গা গা। গা ঋা সী। সা -মা। মা মা মা। মা মা। -া মা মা। মপা মগা। -া -া -া।  
সে টু কু নি য়ে শু ন্ শু নি য়ে হু রে র্ থে লা থে লো . . .

। মা মা। মা গা গা। মা দমা। দা না সী। না সী। -গা ঋা সী। না দা। না না -দা।  
ফু লে র পা লা ফু রা লে ডা লা উ জা ড্ ক রে ফে লো ফে লো .

### ভ্রম-সংশোধন

মাঘ সংখ্যা বিচিত্রার স্বরলিপিতে কয়েকটি ভুল রহিয়া গিয়াছে। স্বরলিপি ব্যবহারের পূর্বে সেগুলি সংশোধিত করিয়া লওয়া আবশ্যিক।

- ১। স্বরলিপির তৃতীয় ছত্রে সপ্তম স্বর 'ঝা' -র পরিবর্তে 'জা' হইবে।
- ২। ঐ অষ্টম ছত্রে তৃতীয় স্বর 'ঝা' -র পরিবর্তে 'ঝা' হইবে।
- ৩। ঐ নবম ছত্রে দ্বিতীয় স্বর 'া' -র পরিবর্তে 'পা' হইবে।
- ৪। ঐ দ্বাদশ ছত্রে দ্বিতীয় স্বর 'ঝা' -র পরিবর্তে 'ঝা' হইবে।
- ৫। ঐ ঐ ঐ তৃতীয় স্বর 'ঝা' -র পরিবর্তে 'ঝা' হইবে।

বিঃ সং



# কুর্কিহারের আবিষ্কার

কুমারী অশোকা চট্টোপাধ্যায়

কুর্কিহার গরার সতের মাইল পূর্বে একটি বিখ্যাত ঐতিহাসিক স্থান। বুদ্ধদেবের জীবনীসহিত এই স্থানটির ঘনিষ্ঠ সম্পর্ক আছে। ইহার পুরাতন নাম “কুকুট পাদ”। নিকটস্থ কুকুট পাদ গিরি হইতেই স্থানটির এইরূপ নামকরণ হইয়াছে।

বিখ্যাত চৈন পরিব্রাজক হি ওয়েন সাঙ্গ খৃঃ সপ্তম শতাব্দীর প্রথম ভাগে এই স্থানটি পরিদর্শন করিয়াছিলেন। তাঁহার অমূল্য ভ্রমণবৃত্তান্তে ‘কুকুট পাদ’ গিরি ও তৎসম্বন্ধিত কুকুট পাদ বিহারের এক নাতিবিস্তৃত বিবরণ দিয়াছেন।

সম্প্রতি এই প্রাচীন ঐতিহাসিক স্থতি বিজড়িত মনোরম স্থানটি দর্শন করিবার আমার সুযোগ ঘটিয়াছিল। আমার শ্রদ্ধেয় মাতুল বরোদা রাজ্যের প্রাচ্যবিজ্ঞা বিভাগের অধ্যক্ষ শ্রীযুক্ত বিনয়তোষ ভট্টাচার্য মহাশয় পাটনায় বস্তু প্রাচ্যবিজ্ঞা মহাসম্মিলন হইতে গরায় আসিয়াছিলেন, তাঁহার সহিত উক্ত স্থানে যাইবার সৌভাগ্য আমার ঘটিয়াছিল। সম্প্রতি কুর্কিহারের মাননীয় জমিদার রায় হরিপ্রসাদলাল কুকুট পাদ বিহারের ধ্বংসাবশেষ হইতে অনূন দুইশত মূর্তি আবিষ্কার করিয়াছেন। আবিষ্কারের ইতিহাস এইরূপ। একটি গোশালা নির্মাণ করিবার নিমিত্ত হরিপ্রসাদ বাবুর ইষ্টকের প্রয়োজন হয়। তাঁহার বাটীর সংলগ্ন একটি স্থানে পুরাতন ধ্বংসাবশেষের প্রচুর ইষ্টক প্রোথিত ছিল, তিনি ঐ ইষ্টক খনন করাইয়া বাহির করিতে থাকেন। দুই একদিন খনন করাইবার পর তিনি প্রাচীর-বেষ্টিত একটি নাতিবিস্তৃত ঘর দেখিতে পান। ক্রমশঃ সেই ঘরের ভিতর দুই একটি মূর্তিও দেখা গেল। তখন জমিদার মহাশয় ইষ্টক খননে মনোযোগ না দিয়া সেই ঘরের ভিতর হইতে মূর্তি বাহির করিতে সচেষ্ট হইলেন। সেই ঘর খুঁড়িয়া একটি একটি করিয়া প্রায় দুই শত মূর্তি বাহির হইয়া পড়িল।

মূর্তিগুলির অবিকাংশই অষ্টধাতু নির্মিত দেব-দেবীর, তাহার মধ্যে কতকগুলি প্রস্তরনির্মিত। ইহার মধ্যে একটি মূর্তি বিশেষ উল্লেখযোগ্য। মূর্তিটি বৌদ্ধদেবতা অবলোকিতেশ্বরের। মূর্তিটির ভিতরদিক অষ্টধাতু নির্মিত, বহির্ভাগে পুরু সোনার পাতে মোড়া। দেবতা ললিতাসনে উপবিষ্ট, বাম পদ পদ্মাসনে স্থাপিত, দক্ষিণ পদ নিম্নে লম্বান, এবং পদতলে একটি অতি সুন্দর কারুকার্যশোভিত পদ্ম। দুই পার্শ্বে দুই হস্তে পদ্ম স্থাপিত। ইহা বোধ হয় নগধ শিল্পের অতুৎকৃষ্ট নিদর্শন। ইহার কারুকার্যের তুলনা নাই। ইহার মুণের ভাব, শরীরের ললিত ভঙ্গী দর্শকের ননে এক নিরুপম ভাব আনয়ন করে। অবলোকিতেশ্বরের করুণার দেবতা। ইহার অঙ্গ-প্রত্যঙ্গে ভঙ্গীতে ভাবে সর্বত্রই যেন করুণা বিজড়িত রহিয়াছে।

অবশিষ্ট মূর্তিগুলির মধ্যে একটি হরগোরীর মূর্তি ছাড়া বাকী সমস্তই বৌদ্ধ। সর্বাপেক্ষা বড় যেটা সেটা প্রায় তিন ফুট উচ্চ। এই বৌদ্ধ মূর্তিগুলি অনেকটা মথুরা শিল্পের ধাঁচে তৈয়ারী। মাঝারি মাপের মূর্তিগুলি বৌদ্ধমূর্তি। এইগুলি অপেক্ষা ছোট মূর্তিগুলি বৌদ্ধদের সজ্জের নানা দেব-দেবীর। সমস্তই নগধ শিল্পের অভ্যুদয় কালের তৈয়ারী। খৃষ্টীয় অষ্টম শতাব্দী হইতে খৃঃ দ্বাদশ শতাব্দীর মধ্যে পাল রাজাদিগের রাজত্বকালীন বলিয়া প্রতীয়মান হয়। বেশীর ভাগ মূর্তি নগধ শিল্পের উৎকৃষ্ট নিদর্শন।

ইহার ভিতর কতকগুলি মূর্তি একেবারে ছুপ্পাপ্য বলিলেও অত্যুক্তি হয় না। তন্মধ্যে কুকুল্লার মূর্তি বিশেষ উল্লেখযোগ্য। এই দেবীর চারিটা মূর্তি পাওয়া গিয়াছে। চারিটিতেই দেবী চতুর্ভূজা, এবং পদ্মাসনস্থ। দক্ষিণ দুইটী হস্তের একটীতে বাণ, অপরটীতে অভয়মুদ্রা প্রদর্শিত, দুইটী বাম হস্তে ধা এবং পদ্ম ধারণ করিয়াছেন। ইহা ছাড়া লোকনাথ, মঞ্জুশ্রী



তারা, অষ্টভূজা তারা, ধ্যানিবুদ্ধ, বজ্রাসন, মঞ্জুষ্য, বাগীশ্বর ইত্যাদি বহু দেবদেবীর মূর্তি পাওয়া গিয়াছে।

কুর্কিহারের জমিদার মহাশয় মূর্তিগুলি রক্ষার নিমিত্ত একটি মন্দির নির্মাণ করাইয়াছেন। নির্মাণের এক মাসের মধ্যেই নিকটস্থ হিন্দুরা মূর্তিগুলির পূজা আরম্ভ করিয়াছে, এবং মন্দিরে ফুল ও পয়সা অনেক পড়িয়া আছে দেখিলাম। কুর্কিহার মূর্তির একটি মিউজিয়াম বলিলেও অত্যুক্তি হয় না। উপরিকথিত জমিদারবাটীর নিকটে একটি কালী মন্দির আছে, এই মন্দিরের চাতালের পার্শ্বস্থ প্রাচীরে অসংখ্য বৌদ্ধ মূর্তি গাঁথা আছে। মন্দিরের গর্ভাগারে প্রাচীর-গাত্রেও প্রচুর বৌদ্ধমূর্তি গাঁথা, বাহিরে অসংখ্য মূর্তি ছড়ান।

কিন্তু আশ্চর্যের বিষয় সকলগুলিই অক্ষত শরীরে বর্তমান।

ইহাতে বুঝা যায় আততায়ীর ক্রুর দৃষ্টি মূর্তিগুলির উপর কখনও পতিত হয় নাই।

মন্দিরের গর্ভাগারের প্রধান মূর্তিটি যদিও কাপড়ে ঢাকা ছিলো তথাপি উহা যে দুর্গার মূর্তি তাহা চিনিতে বিসম্ব হয় নাই; কারণ, দেবীর পদযুগল সিংহের উপর স্থাপিত, নিকটে মহিষ, তাহার মস্তক বিছিন্ন, কতিত মহিষের দেহ ইহাতে মহিষাসুর অর্দ্ধ-বহির্গত—দেবীর পাদপীঠে।


মন্দিরস্থ অপর মূর্তিগুলির ভিতর লম্বোদর, জাম্বোল, মঞ্জুশ্রী, চুন্দা,—এই মূর্তিগুলি দেখিবার যোগ্য।

বাঁহারা মূর্তিতত্ত্ব লইয়া চর্চা করিতেছেন তাঁহাদের পক্ষে কুর্কিহার তীর্থস্থান স্বরূপ।

এই নূতন আবিষ্কার মগধ-শিল্পের উপর যে নূতন আলোক

প্রদান করিবে তাহাতে সংশয় নাই।

কুমারী অশোকা চট্টোপাধ্যায়





## সত্যাসত্য

—উপন্যাস—

শ্রীমুক্ত লীলাময় রায়

৪৬

বীণা মেয়েটির নান। বেশ নামটি তো। উজ্জয়িনী একটা জবড়জং নাম, ও নাম ধরে কেউ কাউকে ডেকে সুখ পাবে না। কেমন আদরের নাম বীণা। বীণা, বীণু, বীণি!

উজ্জয়িনী মনে মনে বীণার সঙ্গে অন্তরঙ্গ হতে লাগল। তার বয়সে স্ত্রী পুরুষ নাহেই কিছু স্বজাতিবৎসল হয়ে থাকে। বিয়ে করলেও এর ব্যতিক্রম হওয়া শক্ত। বীণাকে দেখে উজ্জয়িনী প্রথম অনুভব করল যে তার একটি সখী চাই। যেই অনুভব করল অমনি আশ্চর্য্য হলো ভেবে যে এত বড় অভাবটা আগে কেন অনুভব করেনি। ছোট ছেলেরা যেমন থাকে থাকে ইঠাং ক্ষুধার তাড়নায় অস্থির হয়ে অনর্থ বাধায় উজ্জয়িনীও তেমনি বীণার সঙ্গে সখ্য পাতাবার জন্যে একাগ্র হয়ে উঠল। রোজ তার বীণাকে দর্শন করা চাইই। সেকালের বাদশারা বাতায়নে দাঁড়ালে প্রতীক্ষমান ভক্তরা দর্শন পেয়ে দিন সার্থক করতেন। আমাদের উজ্জয়িনীর কিন্তু উল্টো ব্যাপার। সে বাতায়নে দাঁড়িয়ে দর্শন দেয় না, দর্শন করে।

চুরি করে দর্শন করতে করতে একদিন উজ্জয়িনী ধরা পড়ে গেল। বীণার সঙ্গে চোখোচোখি হতেই বীণা ফিক করে হেসে মাথার কাপড়টা তুলে দিল। তার সময় ছিল না যে দাঁড়ায়। স্বামীর কলেজের বেলা হলো। তিনি প্রাইভেট টিউশনি করতে গেছেন, এখনি এসে আরাম কেরারায় গড়িয়ে পড়বেন। ভাবটা এই যে, আজ নাই বা গেলেম কলেজে। একথানা ছুটির দরখাস্ত করে দিয়ে প্রিয়্যার সঙ্গে ছুটো কথা কই। স্বামীটি জানে প্রিন্সিপাল যদি বা সে দরখাস্ত মঞ্জুর করবে স্ত্রী সে দরখাস্ত লিখতে দেবে না। অতএব অত্যাঁচ দিনের মতো আজকে রাশি

রাশি কথা কইতে হবে, দিস্তা খানেক নোট লেখাতে হবে। এই ভাবতে ভাবতে তার আরাম কেরারায় বসার মেয়াদ ফুরিয়ে যাবে।

বীণা ফিক করে হেসে রান্নাঘরে পিড়ি পেতে বসল। উজ্জয়িনী সম্বন্ধে সে কি মনে করছিল কে জানে! উজ্জয়িনী সটান দৌড় দিল তার পড়ার ঘরে অর্থাৎ বাদলের ষ্টাডি'তে। তার যেমন হাদি পাচ্ছিল তেমনি কান্নাও পাচ্ছিল। হাতে নাতে ধরা পড়ে গেছে। তাও বীণার কাছে। পরে যখন বীণার সঙ্গে ঘনিষ্ঠতা হবে তখন এই নিয়ে বীণা রঙ্গ করবে। এত বড় উচ্চ শ্রেণীর মেয়ে উজ্জয়িনী, সেও গুপ্তচরবৃত্তি করে, বীণা হয় তো এজন্তে তাকে অশ্রদ্ধাও করতে পারে।

বাদলের ষ্টাডি'র দেয়ালে কোনোরকম ছবি টাঙানো ছিল না, তাতে বিদ্যার্থীর চিত্তবিক্ষেপ ঘটায়। ছিল একটি মটো। “Repentance is a sin.” উজ্জয়িনী তার মানে বোঝবার চেষ্টা করল। পৃথিবীতে এত কথা থাকতে বাদলের ঐ একটি কথা মনে ধরল কোন গুণে? সবাই তো ওর উল্টাটাই বলে। অনুতাপ করলে পাপক্ষয় হয় বলেও তার জানা ছিল, বাদলের মতে অনুতাপ করলে পাপ হয়। এ সম্বন্ধে সুধীন্দ্রবাবুকে চিঠি লিখলে মন্দ হয় না। ভালো কথা সুধীন্দ্রবাবুর একথানা চিঠি এসেছে কাল, একবারের বেশী পড়া হয়নি, অথচ বহুবার না পড়লে ঠিক ঠিক অর্থবোধ হয় না। উজ্জয়িনী সুধীর চিঠি বের করে পড়তে বসল।

সুধী লিখেছে :—

প্রীতিভাজনাম্,

বাদলের সংবাদ জানিবার জন্যে আপনার স্বাভাবিক আগ্রহ থাকিবে বলিয়াও বটে, আবার দেশভাষায় কথা



কহিয়া আমিও কিঞ্চিৎ তৃপ্তি লাভ করিব, এই বিবেচনার ফলে এই পত্রক্ষেপ। ভাবিতেছি আমার এ পত্রখানি যখন ক্ষুধার্ত দুর্দাসার মতো প্রোষিত-ভর্তৃকার পুরপ্রাপ্তে দাঁড়াইয়া আশ্ব-পরিচয় ঘোষণা করিতে করিতে ক্ষীণকণ্ঠ হইবে তখনো কি তাঁহার ধ্যানভঙ্গ হইবে না, তিনি উত্তর দিতে একান্ত বিলম্ব করিবেন ?

দেশে থাকিতে আমরা থার্ডক্লাস্ গাড়ীর যুগল পক্ষিরাজ ছিলাম। দেশের গতির ছন্দে মিল দিয়া আমরা দুই বন্ধুও ধীরে সুষ্টে হাঁটিতাম ও আস্তাবলের বাহিরে বন্ধু খুঁজিতাম না। তবে ঠিক অসামাজিকও ছিলাম না। বিলাত দেশটা মাটির হইলেও মাটির গুণে ফসলের বাড় বেশী বা কম। দেখিতেছি বিলাতে আসিয়া বিলাতের গতিচ্ছন্দ আয়ত্ত না করিলে মরণং ধ্রুবম্। বাদল বুদ্ধিমানের মতো গাড়ীটানা ঘোড়ার কাজে ইস্তফা দিয়া ঘোড়দৌড়ের ঘোড়া বনিতোছে। আমিও মোটর গাড়ীর সঙ্গে প্রতিযোগিতায় নামিয়া খোঁড়া হইয়া মরি কেন, পিঁজরাপোলে আশ্রয় লইয়াছি। ব্রিটিশ মিউজিয়মে এদেশের অনেক সংখ্যক না-মঞ্জুর ঘোড়ার সঙ্গে আমিও জাবর কাটিতেছি।

এদানীং খাঁচার পাখীর সঙ্গে বনের পাখীর মোলাকাৎ হয় ব্রিটিশ মিউজিয়মে প্রতি বুধবার। বাদলকে আপনার হইয়া বহু অনুরোধ উপরোধ করি, সে কি কথা শোনে? সনস্তক্ষণ অন্তমনস্ক। গভীর আলোচনার মাঝখানে হঠাৎ সুষ্পোখিতের মতো প্রশ্ন করে, “এ্যা, কী বলছিলে?” আপনার কথা পাড়িলে বলে, “ওঁকে কিছু নতুন প্রকাশিত বই পাঠিয়ে দিতে রোজই ভুলে যাই, তবু মহিলাকে প্রতিশ্রুতি দিয়েছিলুম।”

বাদল অসাধ্য সাধনে প্রবৃত্ত হইয়াছে। ইংরাজের ছেলে ইংলণ্ডে জন্মগ্রহণ করিয়া বিশ বৎসর বয়সে যাহা হইয়া উঠে বাদল বিশ সপ্তাহে তাহা হইতে চায়। অথচ বিশ বৎসরেও তাহা হইবার উপায় নাই, কারণ ততদিনে ইংরাজ সন্তান চল্লিশ বৎসর বাঁচিয়াছে আর ইংলণ্ডবাসী বাদল বাঁচিয়াছে বিশবৎসর। অন্য কথায়, ইংলণ্ডে জন্মাইয়া বাদলের সম-বয়সীরা বিশ বৎসর ষ্টার্ট পাইয়া গেছে এবং সে ষ্টার্ট কোনো মতে হ্রস্ব হইবার নয়। তথাচ বাদল উঠিয়া পড়িয়া দৌড়াই-

তেছে, ইংলণ্ডের বিগত বিশ বৎসরের দৈনন্দিন ইতিহাস সে সংবাদপত্র হইতে বিপুল অধ্যবসায়ের সহিত স্মৃতিসাৎ করিতেছে, ইংলণ্ডের তৎকালীন ভাবস্রোতে বাদল উজান বাহিয়া চলিয়াছে। ইংরাজশিশু জন্মলাভ করিয়া দেখে উহার জন্ত একটি মাতা ও একটি পিতা অপেক্ষা করিয়া আছেন। ভ্রাতা ও ভগিনী, সঙ্গী ও সতীর্থ, প্রতিবেশী ও দৃষ্টিপথারূঢ় বহুবিধ ব্যক্তি উহাকে নানা সূত্রে শিক্ষায় সংস্কারে ভাষায় বাবহারে স্বভাবে ও স্মৃতিতে ইংরাজ করিয়া তুলিতেছে। কিছুটা সে কাণে শুনিয়া শেখে, কিছুটা আবার চোখে দেখিয়া ও অবস্থায় পড়িয়া। একটি শিশুর মানসিক জীবনের উপর উহার দেশ ও জাতির রূপ গুণ কেমন ধীরে অথচ অমোঘভাবে মুদ্রিত হইয়া থাকে আপনি নিশ্চয়ই নিজের অভিজ্ঞতা হইতে জানেন। টাকাকে গলাইয়া নতুন ছাঁচে ঢালাই করা যায়, কাগজের উপরিস্থ লেখাকে মুছিয়া আরেক দফা লেখাও সম্ভব, স্তদক্ষ স্থপতি একটা বাড়ীকে বেমানানভাবে আরেকটা বাড়ীতে পরিণত করিতে পারেন। কিন্তু পুনর্জন্মের পূর্বে বাঙালী কখনো ইংরাজ কিম্বা ইংরাজ কখনো বাঙালী হইতে পারে না। বেশভূষায় আদবকায়দায় সহানুভূতিতে বৈবাহিক সম্বন্ধ পাতাইয়া বা বহুদিন হইতে একত্র থাকিয়া আইন অনুসারে এক দেশের মানুষ আর এক দেশের মানুষ হইতে পারে সত্য। কিন্তু বাদল যে স্মৃতিতে ও প্রকৃতিতে ইংরাজ হইতে চাহিতেছে। সে যদি ইঙ্গবঙ্গদের মতো আমার সঙ্গে ইংরাজীতে কথা কহিত তবে দুঃখিত হইলেও বিস্মিত হইতাম না, কিন্তু কোন দিন সে বলিয়া বসিবে, “তুমি আমার ভারত-বর্ষীয় বন্ধু, যখন ভারতপ্রবাসী ছিলাম তখন থেকে তোমার সঙ্গে আমার পরিচয়।”

থাক্ ও কথা। বাদলের বদলে বরফের বর্ণনা করি, অবধান করুন। শুভ্র আকাশ হইতে রাশি রাশি শেফালী অতীব ধীর মন্থর ভাবে ঝরিতেছে! জানালা দিয়া হাত বাড়াইয়া দিলে মুঠার মধ্যে পাই। কিন্তু হাত কন কন করে না। ইংলণ্ডের বর্ষা বর্ষার ফলার মতো বেধে। বৃষ্টির ফোঁটা যে ভয়ানক ঠাণ্ডা হইতে পারে অল্পভব করেন নাই। কিন্তু বরফের খোপা বড় মোলায়েম ও স্নেহময় শীতল-স্পর্শ।



যে বরফ খান সে বরফের কুচি জমাট ও কঠিন। এ বরফের পাউডার ফুঁ দিলে উড়িয়া যায়।

এ বাড়ীতে একটি শিষ্ট বালিকা থাকে, তাহার নাম মার্সেল। বোধ করি তাহার পরিচয় দিয়াছি। লক্ষ্মীকে স্বচক্ষে দেখিতে চান তো মার্সেলকে দেখিয়া যান। আজ রবিবার, আজ আনাকে বাহিরে যাইতে দিবে না, আমাকে তাহার ঘোড়া সাজাইবে। খার্ডক্লাশ ঘোড়াকে সহজেই চেনা যায়, মেয়েদের স্বাভাবিক ইন্টুইশন বশত মার্সেল আরো সহজে চিনিয়াছে। চিঠিখানাকে আরেকটু দীর্ঘ করিয়া সেই অশ্বারূঢ়া ঝাঁসীর রাণীর মসীচিত্র আঁকিয়া দেখাইব ভাবিয়া-ছিলাম। কিন্তু লাগামে টান লাগিতেছে। অগত্যা উঠিতে হইল। ননস্কার জানাই। ইতি। বিনীত

শ্রীসুধীন্দ্র নাথ।

• ৪৭

মার্সেলের কাণ্ড পড়ে উজ্জয়িনীর কৌতুক বোধ হচ্ছিল। ইংলণ্ডের মেয়েগুলোও কম বাদর নয়। সুধীবাবুর মতো একজন দার্শনিক নান্নুকে হামাগুড়ি দেওয়ায়। দেয় সপাং করে এক চাবুক। সুধী না হয়ে বাদল হলে কেমন জন্ম হতো! (মার্সেল নয়, বাদল জন্ম হতো!)

কিন্তু বাদল থাকে দূরে, বীণা থাকে অদূরে। বীণার টানই প্রবল। উজ্জয়িনী সুধীবাবুকে কী লিখবে ভেবে তাঁর চিঠিখানা খুলেছিল ভুলে গেল। একবার বীণাকে দেখে এলে হয় না? এবার কিন্তু খুব সন্তপূর্ণে, বীণা যাতে টের না পায়। শুধু বীণা নয়। বীণার স্বামীও এতক্ষণে ফিরেছেন, তিনিও টের পাবেন আর মুচ্কি হাসবেন। ভারি লাজুক ভদ্রলোকটি। সুন্দর চেহারা, ঝড় ও তনু গড়ন, সুকুমার স্বভাব। বীণার স্বামী না হয় বীণার স্ত্রী হলেন না কেন? অসাধারণ ফরসা, তবু প্রসাধনের পারিপাট্য নেই, নব্বতর অবতার। মৌনতারও। কলেজে বেশী বক্তৃতা হয় বলে বাড়ীতে শক্তি সঞ্চয় করেন।

উজ্জয়িনীকে বীণার আকর্ষণ কি কমলের আকর্ষণ কোনটাতে টানলে বলা যায় না। উজ্জয়িনী এবার সযত্নে

নিজেকে গোপন করল। দেখল স্বামীটি পাছে আর স্ত্রীটি এমন ভাবে তার খালার দিকে হাতের দিকে মুখের দিকে অনবচ্ছিন্ন ভাবে তাকাচ্ছে যেন একটি সূর্য্যমুখী ফুল ধীরে ধীরে পশ্চিমমুখী হচ্ছে। যেন স্বামীর আহারলীলা নিরীক্ষণ করার মধ্যে স্ত্রীর নিজের আহার-ক্রিয়া উহা রয়েছে। বাদল উজ্জয়িনীকে কোনো দিন এমন সুযোগ দেবে কি? যদি দেশে ফেরে তবে দুর্দর্শ জনবুল হয়ে ফিরবে, স্ত্রীর সেটিমেণ্টের মর্যাদা বুঝবে কি? এমনি করে দিনের তুচ্ছ কাজগুলির ভিতর দিয়ে স্বামীর কাছে স্ত্রী আত্ম-নিবেদন করবার ছল খুঁজবে, কিন্তু পাবে না। উজ্জয়িনী না হয়ে বীণা হয়ে জন্মালেও বীণার ভাগ্য পেলে বুঝি উজ্জয়িনীর ক্ষোভ থাকত না।

বীণার সঙ্গে বাক্যালাপের জন্যে উজ্জয়িনী উদ্গ্রীব হয়ে উঠল, কিন্তু সে কেনন করে সম্ভব? উজ্জয়িনীদের সমাজের রীতি এই যে ছ'পক্ষেরই কোনো একজন বন্ধু বা আত্মীয় বা পরিচিত লোকে ছ'জনকে আলাপ করিয়ে দেবেন। গায়ে পড়ে আলাপ করা অসিদ্ধ এবং আকস্মিক আলাপ পরে অস্বীকার্য। উজ্জয়িনী মহিমচন্দ্রকে একদিন জিজ্ঞাসা করল, “বাবা, ও বাড়ীর কেউ আমাদের এখানে আসেন না কেন?”

মহিম বল্লেন, “কমল বাবুদের কথা বলছ? কই কোনো দিন তো আসেন না। ছোকরা কিসের যেন লোকচারার শুনেছি, কিন্তু স্বভাবটি তাঁর মুখচোরার।”—এই বলে খানিক অটুহাস্ত করে নিলেন।

কিন্তু তাতে উজ্জয়িনীর কার্য্য সিদ্ধ হলো না। তার সঙ্গে মহিমচন্দ্র পাড়ার ছ' পাঁচজন ডেপুটী মুন্সেফ ও উকীলের পরিচয় করে দিয়েছেন এবং গুঁরাও গুঁদের “গুঁদেরকে” একদিন পাঠিয়ে দেবেন বলে আপুনা থেকেই প্রস্তাব করেছেন। সাহেব-কত্তাকে নিমন্ত্রণ করে ছঃসাহসের কাজ করেন নি। উজ্জয়িনীর একমাত্র আশা যদি গুঁদের কারো “গুঁরা” একদিন আসেন ও দৈবাৎ বীণার সঙ্গে পরিচিতা থাকেন।

সেদিনের প্রত্যাশায় উজ্জয়িনী ব্যাকুল হয়ে উঠল। ইতিমধ্যে বীণার সঙ্গে ঘটে থাকা বারম্বার দৃষ্টি-বিনিময়। বারম্বার বা ঘটে তার মধ্যে আকস্মিক কতখানি, কতখানিই



। চিন্তিতপূর্ণ? দৃষ্টি-বিনিময় মাঝে যে হাশু-বিনিময়টুকু  
র সেটাও কি আকস্মিক?

সংকোচ কেটে যেতে লাগল। উজ্জয়িনী জানালার থেকে  
পারে যায় না, বীণা অস্ত্র কেশের উপর কাপড় তুলে দেয় না।  
আহা, উভয়ের বয়স যদি আরো কম হতো! তখন হয় তো  
হ'জনে একই ইস্কুলে যেত, একই জায়গায় খেলা করত।  
ইস্কুলের কথা মনে পড়ায় উজ্জয়িনীর আশ্রয় হতে লাগল,  
কেন অবস্থার মতো অকালে ইস্কুল ছাড়ল। তখন কী  
ভয়ানক লাজুক ও অসামাজিক ছিল সে, কোনো মেয়ের  
সঙ্গে তার বসত না, ওরা তাকে মারত কিম্বা ফ্যাপাত অথচ  
সে কারো গায়ে হাতটি তুলত না কিম্বা মুখ ফুটে প্রতিবাদ  
করত না। একদিন বাবাকে বলল, “আর ইস্কুলে যাব না।”  
বাবাও বাধা করলেন না, নিজে কতবার ইস্কুল-মাষ্টারি করতে  
শুরু করে দিলেন। তার ফলে উজ্জয়িনী অল্প বয়সে অনেক  
শিখেছে। কিন্তু সমবয়সিনীদের সঙ্গে হারিয়ে তাদের জগতে  
প্রবেশের পথ পাচ্ছে না। তাদের সঙ্গে পড়লে পড়াশুনা  
হতো না, কিন্তু পড়াশুনার চাইতে যা চের বেশী লোভনীয়  
তাই হতো—হতো সখা, হতো অন্তরঙ্গতা।

উজ্জয়িনীর মনে হলো বাদলকে যে সে নিজের প্রতি  
আকৃষ্ট করতে পারল না এর প্রধান কারণ তার বিচার স্বল্পতা  
নয়—একটা বড় কারণ বটে, কিন্তু প্রধান কারণ নয়। বীণা  
বিজ্ঞী কি না জানে না, কিন্তু উজ্জয়িনী জোর করে  
বলতে পারে বীণা বাদলকে এমন করে আপনার করে নিত  
যে বাদল তাকে চিঠি না লিখে পারত না। বীণার সে  
নিপুণ হাত যাহু জানে। বীণার স্বভাবে যে মাধুর্য আছে  
উজ্জয়িনীতে তা কই? বীণাকে পেলে বোধ করি বাদল  
এত একাগ্রভাবে ইংরেজ হবার তপস্যা করত না। তার  
তপশ্চর্যায় বীণার মুখখানি হতো ইন্দ্রপ্রেরিত বিম্ব। হয়  
তো তার জীবনের ব্রত হতো বীণাকে স্মৃতি করা, বীণাই  
হতো তার ধন ও মান, যশ ও কীর্তি।

কিন্তু বেচারী কমলের তা হলে কী দশা হতো! সে যে  
বড় বেচারী মানুষ। খুব সম্ভব বিধবা মায়ের একমাত্র সন্তান,  
একান্ত স্নেহলালিত পোষা প্রাণীটি, এখন মা'র হাতে থেকে  
স্বীয় হাতে ছুঁতে হয়েছে। নাঃ, বীণা বলেই পারে,

উজ্জয়িনী কিছুতেই সহিতে পারত না। বাদল যদি কমল  
হয়ে থাকত তবে উজ্জয়িনীর ক্ষোভ দূর হতো না, এক  
ক্ষোভের স্থান অপর ক্ষোভ নিতো। স্বামীর ভালবাসা  
পাওয়ার থেকে বড় কথা স্বামীকে শ্রদ্ধা করতে পারা।  
উজ্জয়িনী বীণার তুলনায় ভাগ্যবতী।

কিন্তু বীণার সঙ্গে প্রাণথুলে এসব কথা না কইলে কাকে  
কইবে, কেমন করে প্রাণের নিঃসঙ্গতা লাঘব করবে?  
বাবাকে যখন চিঠি লেখে তখন এসব কথার ধার মাড়ায় না।  
বাবা তার মনের সাথী, প্রাণের নয়। একটি সখী তার চাই-ই  
চাই। এ যে অভাব, এর মতো অভাব বৃদ্ধি আর নেই।

উজ্জয়িনীর সংস্কার বিদ্রোহী হলেও সে ঠিক করল বীণার  
সঙ্গে যেচে আলাপ করবে। বীণা যদি তার বন্ধু প্রত্যাখ্যান  
করে তা হলে যে সে কী ভয়ঙ্কর লজ্জা পাবে সেকথা ভাবতে  
তার মাথা ঘোরে, সেকথাকে সে বলপূর্বক চাপা দিল  
না, না, মরে যাবে না, মরার কথাই ওঠে না। কিন্তু আর  
কখনো এই জানালা খুলবে না এবং আর কখনো  
কারো সঙ্গে সখীসঙ্গত পাতাবে না। জানবে যে তাবে  
পৃথিবীতে কেউ ভালোবাসে না, এক তার বাবা ছাড়া  
পৃথিবীর কারো কাছে কোনো প্রত্যাশা না রেখে সে মীর  
বাইয়ের মতো ভগবানের চরণে আত্মসমর্পণ করবে এবং  
হিমালয়ের কোনো গুহায় আত্মগোপন করবার জন্যে সংসার  
তাগ করবে। তার বাবা ছাড়া অল্প সকলে ক্রমশঃ ভুলে  
যাবে যে উজ্জয়িনী বলে কেউ ছিল।

৪৮

সম্পূর্ণ অপ্রত্যাশিত দিক থেকে সৌভাগ্য এলো। বীণা  
নয়, মলিনা মেয়েটির নাম। একদিন মা'র সঙ্গে মহিমচন্দ্রে  
বৌনাকে দেখতে এসে বলে গেল, “আমি আবার তে  
আসবই, এলে আপনাদের লাইব্রেরী থেকে নড়ব  
দেখবেন।” (ইংরেজীতে)

পরিচয়ের ইতিবৃত্ত দেওয়া যাক।

মহিমচন্দ্রের উকীলবন্ধু সুবল একদিন ছপুরবেলা তাঁ  
স্বীকে ও কতাদয়কে উজ্জয়িনীর সঙ্গে আলাপ করে আসব



অনুমতি দিলেন। গিল্লীটি বড় ভাল মানুষ। এসেই বলেন, “মা, রোজ আসি আসি করে আসা হয়ে ওঠে না, জানোই তো বৃহৎ পরিবারের অসুবিধে। নইলে তোমার এখানে মা নেই, বোন নেই, শ্বশুর নেই শুনে অবধি প্রাণে যে উন্মাদনা বোধ করছি, মা, সে আর কি বলব? তুমি আমার মেয়ের মতো, তুমি তো সব বোঝো।” এক নিঃশ্বাসে এই পরিমাণ কথা বলে ধুকতে লাগলেন। উজ্জয়িনী চট করে একখানা পাখা ও এক গ্লাস জল আনিয়ে দিল।

কিছুক্ষণ বিশ্রাম নিয়ে নিম্ন স্বরে বলেন, “বাবা সিবিল সার্জন?”

উজ্জয়িনী ঘাড় নেড়ে সম্মতি জানাল।

“ভাই বোন কটি?”

“ভাই নেই, বোন দুটি।”

“আহা, ভাই নেই! একেবারেই নেই!”—ভদ্রমহিলার চুপস্বর থেকে মনে হলো তিনি পরম উন্মাদনা বোধ করছেন। উজ্জয়িনীও যেন এই প্রথম একটি ভাইয়ের অভাব বোধ করল। তার চোখ ছল ছল করল।

মলিনা ও মিনতি মা’র কথাবার্তার সেকেলে ধরনে মনে নে চটে গেছে। মা’কে থামাতেও পারে না। অত্যন্ত মসহায় অথচ অপ্রসন্নভাবে তারা শুনতে লাগল মা বলছেন, বেশ মেয়ে, খাসা মেয়ে, রাজার মেয়ে। দেখে প্রাণ প্রফুল্লিত লো। আর আমার মেয়ে দুটোর ছিরি ছাখো। এখনো ই-এ পাস করতে পারল না। হাঁ মা, তুমি তো এম-এ পাড়া মেয়ে—

উজ্জয়িনী ঝুঁপা দিয়ে বলল, “আজ্ঞে না, আমি ম্যাট্রিকও ডিনি। সত্যি কথা বলতে কি, আমার বিচার দৌড় বক্স্ ক্লাস পর্য্যন্ত।”

মলিনাদের মা টিপ্পনি কাটলেন, “গাখ তোরা, দেখে শেখ, নয় কাকে বলে। কত জ্ঞান আহরণ করলে তবে বলতে পারা যায় আমার বিচার দৌড় লাষ্ট ক্লাস পর্য্যন্ত। কে যেন রেজ কবি বলে গেছেন, আমি বেলা-ভূমিতে বালুকাথও গ্রহ করেছি?”—

মিনতি মা’র মুখের কথা কেড়ে নিয়ে বলল, “কবি নয় মা,

scientist। শুর আইজাক নিউটন, যিনি Laws of Gravitation আবিষ্কার করেন।”

মলিনা উজ্জয়িনীর দিকে অর্থপূর্ণ দৃষ্টি ফেপণ করে বলল, “আবিষ্কার করে কি result হলো; আজ তো আইনষ্টাইন এসে সব explode করে দিলেন?”

উজ্জয়িনী সবিনয়ে বলল, “না, ঠিক উন্টে দেননি। দেখুন, এ সম্বন্ধে বড় বড় বৈজ্ঞানিকরাও এত কম বোঝেন যে আমাদের এ-পক্ষে বা ও-পক্ষে কোনো রায় দেওয়া মাজে না।”— বলেই উজ্জয়িনী রেঙে উঠল।

মলিনার মা বলেন, ঠিক বলেছ মা। ছ’পাতা ইংরেজী পড়ে আমাদের বড্ড বাড় বেড়েছে। ঐ যে বলে, ‘হাতী ঘোড়া গেল তল, মশা বলে কত জল,’ ওই হয়েছে আমাদের দশা। A little knowledge is a dangerous thing.

মিনতি চোখ টিপে উজ্জয়িনীকে বলল, “She is a living proof of that saying.”

মলিনা বলল, “I should call her a veteran example and a warning.”

মা কিম্বা মেয়ে কারকেই উজ্জয়িনীর মনে ধরছিল না। সে টের পেয়েছিল যে মা’তে মেয়েতে বিরাট সংক্রান্ত ঈর্ষা ও অভিমান থেকে তাদের সম্বন্ধের স্বাভাবিক মধুরতাকে পরের পক্ষে অনুপভোগ্য করছে, যেমন চিনির মধ্যে কাঁকর। মেয়েরা উজ্জয়িনীকে মা’র চেয়েও আপন মনে করছে—কিন্তু কেন? সমবয়সীদের মধ্যে একটা দলগত চক্রান্ত আছে অসমবয়সীদের বিরুদ্ধে—তাই কি? প্রাচীন ও নবীন, একের গর্ভে অপরের জন্ম, তবু উভয়ে উভয়ের শত্রু। কথাটা সে কোন্ বইয়ে পড়েছিল স্মরণ করতে চেষ্টা করল।

উজ্জয়িনী তাঁদের কিছু জলযোগ করিয়ে বাড়ীর নানা অংশ দেখিয়ে বিদায় দিল। তাঁরা বাদলকে ভালো করেই চিন্তেন, সুধীকেও। সুধী ও বাদল কেমন আছে, কি পড়ছে, কবে ফিরবে ইত্যাদি প্রশ্ন করলেন। উজ্জয়িনীর ইচ্ছা করছিল বীণা সম্বন্ধে জিজ্ঞাসা করে। কিন্তু না প্রথম দিনে অতটা ভালো দেখায় না।

মলিনা ও মিনতি এই দুজনের মধ্যে মলিনাকেই তার যা কিছু ভালো লাগল। দুই বোনেরই প্রধান দোষ তারা



উজ্জয়িনীর উপর নিজেদের ইংরেজী ভাষাজ্ঞান প্রয়োগ করতে উৎসুক। তারা নিজেরাই নিজেদের শিক্ষার বিবরণী দিল। মলিনা বি-এ দিচ্ছে আগামী বৎসর, মিনতি এইবার আই-এ দেবে। দুজনেই বাড়ীতে মাষ্টার রেখে পড়ে। পার্টনার নেয়েদের কলেজ নেই। মলিনার মধ্যে কিছু গভীরতা আছে। সে উজ্জয়িনীর লাইব্রেরী দেখে বল্ল, “আপনার সঙ্গে আমার রুচি খাপ খাবে। আমিও বিজ্ঞান ভালোবাসি কিন্তু শেখার কে? সম্ভাব্য মাষ্টার পাওয়া যায় বলে দু’জনেই হিষ্ট্রী ও সংস্কৃত পড়ি।” (ইংরেজীতে)

মিনতি বল্ল, “আচ্ছা, আপনার কাছে এল্ মুখাজীর ইংলিশ্ হিষ্ট্রীর নোট আছে? নেই? আহা, ভুলে গেছলুম আপনি কলেজে পড়েননি। আমি কিন্তু এইবার কল্কাতা গিয়ে ডাইওসিসানে ভর্তি হবোই।” (ইংরাজী)

এমনি করে সুবলবাবুর দুই কন্ঠার সঙ্গে উজ্জয়িনীর আলাপ পরিচয় হলো। এবং মলিনা আশা দিয়ে গেল যে সে শীঘ্রই একদিন আসছে। মিনতির ভাব দেখে বোধ হলো সে উজ্জয়িনীকে দেখে নিরাশ হয়ে ফিরল। বিলেত-ফেরতের মেয়ে, অন্ততঃ ইংরেজীটা বলতে পারা তার পক্ষে মাতৃভাষার মতো হওয়া উচিত ছিল, কিন্তু মিনতির বতবার চার ফেলে নাছটি কোনোবার ধরা দেয় না। উজ্জয়িনী একটিও ইংরেজী কথা ব্যবহার না করে শুদ্ধ বাংলায় বাক্যালাপ করল। মিনতি বোধ হয় ভাবছিল যে বাদলটা যাকে তাকে বিয়ে করে ঠকে গেছে, বিশেষ যখন এক পাড়াতেই মিনতির মতো মেয়ে রয়েছিল। কেন, উজ্জয়িনীর চাইতে সে কিসে কম যায়? উজ্জয়িনীকে সে বার বার স্মরণ করিয়ে দিচ্ছিল যে তার বাবা হাইকোর্টের ভকিল ও ইউনিভার্সিটির সিণ্ডিক। মেয়েকে তিনি বিলেত পাঠাতেও পারেন। তবে মা’কে রাজি করানো শক্ত। মিনতি বতক্ষণ বক্ বক্ করছিল মলিনা ততক্ষণ তন্ময় হয়ে যোগানন্দ-প্রেরিত “Jesting Pilate” এর পাতা ওল্টাচ্ছিল ও মুখ টিপে টিপে হাসছিল। উজ্জয়িনী যে এ জাতীয় বই পড়ে বুঝতে পারে এ বিষয়ে তার হয় তো সন্দেহ ছিল, তবু স্থানে স্থানে সমঝদারের মতো লাল পেন্সিলের দাগ দেওয়া ও প্রশ্নসূচক চিহ্ন দেখে সে উজ্জয়িনীর বিজ্ঞার প্রতি মোটের উপর শ্রদ্ধান্বিত হয়ে

ছিল। অন্ততঃ তার ভাব থেকে উজ্জয়িনীর তেমন অনুমানের কারণ ছিল।

ওরা চলে গেলে উজ্জয়িনী কতকটা আশ্বস্ত হলো। মলিনা বীণা নয়, বীণা বলতে যত কিছু বোঝায় মলিনার মধ্যে তার অল্পই আছে, তবু মনের ভালো। বীণা যদি উজ্জয়িনীকে প্রত্যাখ্যান করে তবে মলিনা তার অবলম্বন। আর কিছু না হক্ মলিনার সঙ্গে বিগাচর্চা তো করা যেতে পারে। যদিও উজ্জয়িনীর মনটা সম্প্রতি জ্ঞানমার্গ ছেড়ে ভক্তিমার্গের প্রতি ঝুঁকে রয়েছে। উজ্জয়িনীর বাল্যকাল হতে অভিলাষ ছিল সিষ্টার নিবেদিতার মতো কোনোরূপ লোকহিতকর কাজে আত্ম-নিয়োগ করবে। হঠাৎ ভ্রাস্তুর মতো বিয়ে করে বসল। বিয়ের স্বরূপ তো এই। উজ্জয়িনী তপস্বিনী হবে লোক চক্ষুর অন্তরালে। এত শীঘ্র নয় অবশ্য। বছর তিন চার স্বামীর প্রতীক্ষা করবে। তার পরে একদিন অদৃশ্য হয়ে যাবে, যদি স্বামী না ফেরে কিম্বা না ডাক দেয়।

যদি ফেরে কিম্বা ডাক দেয় তবে?—ভাবতে উজ্জয়িনী লজ্জায় থর থর করে কাঁপে। না, সে সুখের তুলনা নেই উজ্জয়িনী ধরা হয়ে যাবে। বীণার মতো চক্ৰিশ ঘণ্ট পাগ্লামি করবে। বাদল যা ভাবে ভাবুক।

কিন্তু দূর হক্ এ সব বাজে চিন্তা। বাদল হয় তে এতদিনে কোনো ‘স্বদেশিনীর’ প্রেমে পড়েছে।

মেল্-ডের একদিন আগে মহিমচন্দ্র বল্লেন, “বাদলকে কিছু লিখবে, না? অবশ্য জবাব পাবে সুশীল।”

উজ্জয়িনী বল্ল, “থাক্, বাবা। তাঁর ধ্যানভঙ্গ করব না সোজা সুধীবাবুকেই কিছু লেখবার আছে তাঁর পত্রে উত্তরে।”

মহিম খুশীই হলেন। বাদলের এটা বন্ধচর্যের বয়স গার্হস্থ্যের দেবী আছে। তিনি বর্ণাশ্রম বিশ্বাসবান। যদি নিজে বানপ্রস্থ অবলম্বন করেননি। তবু গৃহিণীর অভাবে তাঁর গার্হস্থ্যও তো অসিদ্ধ। তাঁর চিন্তে ভোগৈশ্বর্যের প্রীতি কিছুমাত্র আসক্তি নেই। পুত্রের শিক্ষার কাক্ষনমূল্য সংগ্রহ



করতে হচ্ছে কলির অধ্যাপকরা নিজস্ব দাবী করছে বলে।

‘নতুবা কামিনী কিম্বা কাঞ্চন কোনটাই বা তাঁর প্রেয় ?

উজ্জয়িনী বাদলের চিত্তবিক্ষেপ ঘটাতে চায় না, এজন্তে যোগানন্দের প্রতি তাঁর কৃতজ্ঞতা জাত হলো। কথাকে বিছাশিক্ষা তো বহু পিতা দিয়ে থাকেন, এমন চরিত্রশিক্ষা এ যুগে বিরল।

উজ্জয়িনী স্মৃধীকে লিখল :—

“আমি পাটনা এসেছি, খবর রাখেন ? যে সে সহর নয়, পাটলীপুত্র। তিনটি হাজার বছর এর বয়স। তার থেকে একটি হাজার বছর এ নগরী বিশাল ভারতের রাজচক্রবর্তীদের রাজধানী ছিল। আপনাদের লগনের এত দীর্ঘকাল এরূপ সৌভাগ্য হয়নি।

এর মাটি মাড়িয়ে চিরকালের জন্তে পবিত্র করে দিয়ে গেছেন স্বয়ং গৌতম বুদ্ধ, আর রাজর্ষি অশোক। বিদ্বিসার, অজাতশত্রু, চন্দ্রগুপ্ত, চাণক্য, পুষ্যমিত্র, অগ্নিমিত্র, সমুদ্রগুপ্ত, বিক্রমাদিত্য ইত্যাদি কত পরাক্রান্ত পুরুষ, কত দার্শনিক কত কবি, কত জ্যোতির্বিদ, এবং হিউয়েনৎ সাং ফাহিয়েনের মতো কত তীর্থযাত্রী। কল্পনাও পরাস্ত হয়, ইতিহাস তো স্মৃতির কঙ্কাল মাত্র। আমি অবসর সময়ে বতবার এই নগরীর অতীত চিহ্নহীন সিন্দূরকঙ্কণহীন বিধবা মাটির দিকে তাকাই ততবার আমার সমগ্র সত্তা এর পারে সাষ্টাঙ্গ প্রণিপাত করে। এর গায়ে পা ঠেকেছে, সেই কি কম অপরাধ ? মথচ এমন কুংসিং সহর আমি অল্পই দেখছি। যারা একে কুংসিং করে রেখেছে তারাই কুংসিং। এই সব বালখিল্যের ফলনা অল্প একটুখানি বর্তমান ও অদূর ভবিষ্যৎ অবধি মারগের মতো ওড়বার ভাণ করে। হয় তো এই পুণ্যভূমির কোনো অদৃশ্য স্থানে কোনো শাক্যসিংহ তপস্যা করছেন। কিন্তু বাইরে থেকে আমরা যাদের হাঁক ডাক শুনি তাঁরা গণজন্মা নন, ক্ষণজীবী। আমার স্বপ্নের সঙ্গ যারা গল্প করতে আসেন তাঁদের হয় তো অল্প সমস্ত গুণ আছে, কিন্তু গাঁদের স্মৃতি আশা ও কল্পনা তাঁদের পূর্বপুরুষদের মতুল নয়।

এত অল্প দেখে এত বড় বিষয়ে মত জাহির করতে আমার সাহস হয় না, তবু আমার যা সত্য ধারণা তাই

আপনাকে বলুম। ক্ষমা করবেন তো ? দয়া করে দোষ ধরবেন না।

আপনার বন্ধুর অসাধ্য সাধন তাঁর প্রতি আমাকে সশ্রদ্ধ করেছে। কিন্তু কিসে যেন আমাকে পীড়া দিচ্ছে। প্রত্যেকের জীবন তার নিজের হাত খরচের টাকা, তার উপর অন্যের হাত খাটানো অত্যাচার। বিবাহসূত্রেও এক জনের হাত খরচের টাকা অন্য জনের হয় না, হওয়া অনুচিত। কাজেই তিনি তাঁর জীবনের যেমন খুসী বিলি ব্যবস্থা করলে আমার একটি কথা বলবার অধিকার নেই।

আমার বিয়ে আমার জীবনের সমস্ত ওলট পালট করে দিয়েছে। আগে আমি ঠিক করে রেখেছিলুম লোকসেবার আত্মোৎসর্গ করব, যেমন সিষ্টার নিবেদিতা করেছিলেন। সে আদর্শ কোথায় উঠে গেছে। আমাকে টান্ছে নামপরিচয়-হীন ভগবদ্ভক্তের জীবন। কিন্তু আপনার বন্ধুর প্রতি কী একটা কর্তব্য আমার আছে—এ আমার সংস্কার থেকে বল্ছে। যুক্তি এক্ষেত্রে খাটছে না। একটি প্রতিবেশিনী মেয়েকে রোজ দেখি, আপনি হয়তো তার স্বামীকে চেনেন। থাক, নাম করবো না। তার স্বামীই তার ভগবান। শাস্ত্রে লিখ্ছে শুধু তার কেন, সব মেয়ের পক্ষে তাই। এত বড় একটা কথা কি কখনো মিথ্যা হতে পারে ? আমার সাহস হয় না ভাবতে।

পড়েছি দোটানায়। যদি স্বামীর জন্তেই প্রস্তুত হই—যা আমার পিতা, আমার স্বশুর, আমাদের সমাজ আশা করেন—তা হলে একদিন নিরাশ হবো। স্বামী হয়তো ফিরবেন না এবং তাঁর সন্ধান বেরিয়ে দেখব তিনি আমাকে চেনেন না ও চান না। পক্ষান্তরে যদি নিজের আদর্শ অনুসরণ করে পারমাণবিক জীবনে মনোনিবেশ করি তা হলেও একদিন বিপন্ন হবো। স্বামী ফিরবেন ও জিজ্ঞাসা করবেন কেন আমি তাঁর জন্য লৌকিক আদর্শ অনুযায়ী প্রস্তুত থাকিনি।

এই সব ভাবি কিন্তু কাউকে বলতে পারিনি। আপনাকে বলে মনটা হালকা হলোও বটে, আবার এই সম্ভাবনাও থাকল যে আপনি প্রসঙ্গটা আপনার বন্ধুর কাণে তুলবেন। বাবাকে লিখেছিলুম কেন এতদিন তিনি আমাকে ভগবান ও ভাগবত-উপলব্ধির কথা বলেন নি। তিনি তার উত্তরে



একখানি চট্টল ও চাতুর্ধ্যপূর্ণ বই পাঠিয়েছেন—“Jesting Pilate”. এবং লিখেছেন, ‘তোমার শব্দের বয়সে যা স্বাভাবিক তোমার বয়সে তা morbid. ভূত ছাড়ানোর জন্তে হয় যেমন রোজার দরকার হয় ভগবানকে ছাড়ানোর জন্তে হয় বৈজ্ঞানিকের। এই লেখকটি বৈজ্ঞানিকের পোত্র ও নিজেও বৈজ্ঞানিকমণা। ইনি যদি বিফল হন তবে আমাকে Sthethoscope নিয়ে পাটনা রওনা হতে হবে। তোমার শব্দের নানা জাতীয় সাত্ত্বিক আহাৰ্যের সঙ্গে তোমার মস্তিষ্কটিতেও দস্ত-প্রয়োগ করছেন নাকি? এই তো সেদিন এখান থেকে গেলি। এর মধ্যে ভগবানে পেয়েছে! চলে আয়, চলে আয়।’

বা কোনো দিন আশঙ্কা করি নি তাই ঘটতে যাচ্ছে। পিতাপুত্রীর মতভেদ। আমার বাবা যে আমার কী ছিলেন কেমন করে তা বোঝাবো? আমি শুধু তাঁর দেহের সৃষ্টি নই মনের সৃষ্টিও। তবু দেখছি তাঁর কাছে আমাকে বিদ্রোহী হতে হবে।”

কুশল প্রার্থনা করে ও মাসেল সম্বন্ধে কৌতুহল প্রকাশ করে পরিশেষে উজ্জয়িনী লিখল, “চিঠিখানা বড়ই গুরু গম্ভীর হয়ে উঠল এবং আমার বয়স স্মরণ করে আপনি এতে পাকামির গন্ধও পাবেন। কিন্তু জানেন, অল্প বয়স থেকে আমি সঙ্গীমাত্রহীনভাবে একা থেকেছি, তাই আনন্দ প্রমোদে ও হাস্যপরিহাসে সময়ক্ষেপ না করে কেবল পড়েছি ও ভেবেছি। অন্ত্যন্ত অবয়বের তুলনায় মস্তিষ্ক যদি কিছু বেশী পরিণতি পেয়ে থাকে তবে সেটা হয়তো আপনার চোখে বিসদৃশ ঠেকতেও পারে। তা বলে ভাববেন না যে আমার অঙ্গপ্রত্যঙ্গ কিছুমাত্র শীর্ণ শুষ্ক খর্ষ ক্ষীণ। মাগো, দিনকের দিন এমন মোটা হতে লেগেছি যে আপনার বন্ধু দেখলে হয় তো এই এক দোষে চিন্তে দ্বিধাবোধ করবেন।”

তাড়াতাড়ি ডাকে না দিলে সে সপ্তাহে যেত না। ডাকে দেবার পর একে একে কত ক্রটি উজ্জয়িনী স্মৃতিসমুদ্রে নেমে ডুবুরির মতো উপরে তুলল। তাই নিয়ে তার অনুশোচনার অবধি রইল না। নিজের লেখার নিজেই যত কদর্থ করল সব গুলি যে সুধী বাবুও করবেন তার আর সন্দেহ কী!

এই সময় বাদলের মতো তার চোখের ভিতরে দিয়ে মর্শে

প্রবেশ করল। “Repentance is a Sin”. বটে? উজ্জয়িনী তা হলে পাপ করছে? শাস্ত্রেও বলেছে গতশ্রু শোচনা নাস্তি। তবু এ দোষ উজ্জয়িনীর স্বভাব থেকে যায় না কেন?

বাদলের দেওয়া বীজমন্ত্রটিকে সে এখন থেকে জীবনের মূলধন স্বরূপ খাটাবে। বাদল তার দীক্ষাগুরু। সে পশ্চাতে ক্রক্ষেপ না করে দ্বিধাহীনভাবে এগোতে থাকবে প্রতিদিন প্রতি মুহূর্ত। কে কী মনে করবে সে কথা মনে করাই তো অনুশোচনার গোড়ার কথা? আচ্ছা যে যা মনে করে করুক। উজ্জয়িনী যদি ভুলও করে ফেলে তবু অনুশোচনা করবে না, শুধু ভুলটার সংশোধন যদি সম্ভব হয় তবে করবে এবং ভবিষ্যতে বাতে অমন ভুল না হয় সেদিকে দৃষ্টি রাখবে।

৫০

উজ্জয়িনী শব্দরকে বলল, “বাবা, আমি এখন থেকে নিরামিষ খাবো।”

মহিমচন্দ্র কিছুক্ষণ অবাক হয়ে রইলেন। এ মেয়ের মুখে এমন কথা! দৈত্যকুলের প্রজ্ঞাদ! এর রক্ত মাংস খুঁড়লে কত রকম অখ্যাত বংশাত্মকমিকভাবে স্তরকে স্তর উদ্ধার করা যায়। এ কিনা বলে নিরামিষ খাবো।

মহিম বলেন, “হা হা হা হা! কে তোমাকে ও নতি দিল, মা? তোমার বয়সে আমরা কী খেতে বাকী রেখেছি? যে বয়সের যেটা। ও সব পাগলানি আরো তিরিশ বছর তুলে রাখো, মা।”

উজ্জয়িনী তার জেদ ছাড়ল না। সে জীবহিংসা করতে পারবে না, তাতে অপোকেস স্মৃতির প্রতি অপমান হয়, বুদ্ধদেবের মহাবোধি-লাভের মর্যাদা থাকে না।

মহিমচন্দ্র প্রমাদ গল্লেন। সাহেব স্নানোকে বাড়িতে ডাকার সৌভাগ্য খটে উঠবে না। স্বয়ং হোস্টেস্ হলেন ভেজিটেরিয়ান। এ মেয়েকে কেউ খেতেও ডাকবে না। সবাই টিটকারী দেবে। বলবে, আই-সি-এসের এমন বো? যোগানন্দই বা কী ভাববেন! ভাববেন, মহিমের কুশিক্ষা।



স্বাস্থ্যও খারাপ হয়ে যেতে পারে। বাঘ যদি হঠাৎ নিরামিষাণী হয় তবে কি তার শরীর থাকে ?

তবু তিনি মনে মনে খুসীও হলেন। এখন থেকে তাঁকে আর লুকিয়ে সাত্ত্বিক আহার সার্বতে হবে না।

বল্লেন, “আচ্ছা থাকে খাও, কিন্তু গৌড়ামি কোরো না। কাউকে খেতে ডাকলে তার সঙ্গে আমিষ খেতে হবে।”

উজ্জয়িনী কথা দিতে না পেরে চুপ করে থাকল। মহিন ভাবলেন ওটা সম্মতির লক্ষণ।

নিরামিষ আরম্ভ করে উজ্জয়িনীর খাওয়া কমে গেল। মুখরোচক হয় না। মোটা হয়ে যাবার ভয়ে ভুখ বা মিষ্টান্নও খায় না। সেই সময়টা ইন্ফ্লুয়েঞ্জা হচ্ছিল, উজ্জয়িনীর শারীরিক শক্তিস্রবের ছিদ্র পেয়ে উজ্জয়িনীও হলো।

সর্বদা বেদনা। মাথা বাথা। অকারণ শীতে গা কাঁপা। উজ্জয়িনী বিছানায় পড়ে না পারে কিছু পড়তে না পারে গুছিয়ে ভাবতে। ডাক্তার দেখে যায়। মহিন বলেন, “নিরামিষ খাওয়া তোমার বয়সে নিরাপদ নয়। এখন থেকে আমি একাই থাকো।”

উজ্জয়িনী চোখ বুজে বাতনায় ছটফট করছিল। বারম্বার পাশ ফিরছিল, গায়ের লেপ পা দিয়ে ঠেলে ফেলছিল ও হাত দিয়ে টেনে তুলছিল। ঝি-রা পা টিপে দিতে আসে, উজ্জয়িনী তাদের ফিরিয়ে দেয়। পরের সেবা নিতে তার প্রবৃত্তি হয় না। আত্মীয়ের সেবা তবু সহ হয়।

কে এসে তার শিয়রে বসল ও তার কপালে হাত রেখে উত্তাপের পরিমাপ করল। উজ্জয়িনী চমকে উঠে বলে, “কে ?” কিন্তু মাথার যন্ত্রণায় চোখ মেলেতে পারল না।

“কে ?”

“আমি।”—সলজ্জ কণ্ঠস্বর।

“কে আপনি ? মাফ করবেন, চিন্তে পারছি নে। মলিনা ?”

“বীণা।”

উত্তেজনার আতিশয্যে উজ্জয়িনী এক উদ্বিগ্নে উঠে বসল। কিন্তু এত দুর্বল হয়ে পড়েছিল যে ছিন্নমূল তরুর মতো ভেঙে পড়ল। সেই সূযোগে বীণা তার মাথাটি নিজের কোলের উপর অতি ধীরে তুলে নিল। উজ্জয়িনী বিনা দ্বিধায় আত্ম-

সমর্পণ করল এবং আবেশে তার শরীর অসাড় হয়ে এলো। তার চুলগুলিকে একত্র করতে করতে বীণা তার মনের কথা নিজের আঙ্গুলের ডগা দিয়ে শুনতে পাচ্ছিল এবং সেই সূত্রে নিজের মনের কথা শুনিয়ে দিচ্ছিল। কোনোপক্ষে বাক্য-বায়ের প্রয়োজন ছিল না। ঘণ্টার পর ঘণ্টা চলে গেল। স্বামীর বাড়ী ফেরার সময় হলে বীণা উজ্জয়িনীর কাণের কাছে মুখ নিয়ে তেমনি সলজ্জ স্বরে বলল, “কাল আসব।”

উজ্জয়িনীর প্রাণ চাইছিল বীণাকে চিরকালের মতো আটকে রাখতে। বীণার জন্মেই তো তার এই দশা। এ কথা এখনো বীণাকে শোনানো হয় নি। কাল ? কালের কত দেবী ! সন্ধ্যা হবে, রাত পোহাবে, ভোর হবে, স্বামী স্বশুরকে খাইয়ে তার পরে বীণা আসবে। অসহ। তবু উজ্জয়িনী নির্কির্বাদে মাথা সরিয়ে নিল। বলল, “বহু ধন্যবাদ।”

বীণা এই হৃদয়হীন ভদ্রতাটুকুর জন্ত প্রস্তুত ছিল না। এর উত্তরে যে কী বলতে হয় তাও তার জানা ছিল না। তার শিক্ষা দীক্ষা স্বল্প। কখনো উজ্জয়িনীদের সমাজে মেশেনি। সে ভারি অপ্রস্তুত বোধ করে অনেকক্ষণ নিঃশব্দে বসে রইল। অবশেষে উজ্জয়িনীর মাথার বালিশটা ও গায়ের লেপটা সাজিয়ে দিয়ে মুদিত-নয়নার কাছে করুণনয়নে বিদায় নিল।

পরদিন উজ্জয়িনীর অসুখ অনেকটা সেরে যাওয়ার উজ্জয়িনী বিছানা ছেড়ে শোবার ঘরেই পায়চারি করছিল। হঠাৎ ঘরের কপাট ঠেলে বীণার প্রবেশ। কপাটে টোকা দিয়ে “আসতে পারি কি ?” বলতে হয় একথা বীণার জানা ছিল না। উজ্জয়িনীর সঙ্গে একেবারে মুখোমুখি হয়ে যাওয়ার সে বিষয় অপদস্থ হয়ে চোখ নামালো।

উজ্জয়িনী বলল, “বসুন।”

বীণা সংকুচিত হয়ে কোথায় বসবে ঠিক বুঝতে না পেরে উজ্জয়িনীর বিছানার উপর ধপ করে বসে পড়ল। বসে একথানা ধর্মগ্রন্থের পাতা উন্টাতে লাগল। ছ’একটা জায়গা অত্যন্ত মনোযোগের সহিত পড়েও ফেলল। কিন্তু একটিও কথা বলতে পারল না। “আপনি আজ কেমন বোধ করছেন” পর্য্যন্ত না।

উজ্জয়িনীও কি বলবে ভেবে পেল না। অতিথি



এসেছেন। কিছু খেতে বলবে কি? বসবার ঘরে নিয়ে যাবে? কাল এই অপরিচিতার কাছে একান্ত স্বাভাবিক ভাবে সেবা নিয়েছিল, ভালো ক'রে ধন্যবাদ জানাবে কি? অভাবনীয় ভাবে পরিচয়। কার কাছে খবর পেলেন যে আমার অসুখ করেছে?—কিন্তু এমনি কিছু প্রশ্ন। কিন্তু জিজ্ঞাসা করতে ভরসা পেল না। উজ্জয়িনী ঘেমে উঠল।

অবশেষে বীণাই কথা পাড়ল। বলল, “আপনি বাংলা বই পড়েন?”

উজ্জয়িনী বলল, “কেন ও কথা জিজ্ঞাসা করলেন?”

বীণা অপরাধীর মতো কুণ্ঠিত হয়ে মৌন রইল।

উজ্জয়িনী বলল, “বাংলা আমারও মাতৃভাষা।”

তবু বীণা কথা বলল না। উজ্জয়িনী দেখল বীণা আঘাত পেয়েছে। লজ্জিত হয়ে বলল, “আপনি বুঝি মনে করেছিলেন আমরা খুব সাহেবীভাবাপন্ন?”

বীণা বলল, “লোকে তো তাই বলে।”

“এবার যখন বলবে তখন বিশ্বাস করবেন না। কেমন?”

“বলুন আমি বলব, উনি ‘যোগ ও সাধন রহস্য’ পড়েন।”

“না, না, ছি, ছি। ও কথা ফাঁস করে দেবেন না আমি বড় লজ্জিত হবো।”

“কেন, লজ্জা কিসের? আমিও তো এই রকম বই পড়তে ভালোবাসি। কতগুলো বাজে নাটক নভেল পড়ে লাভ কী!”

“তবে সব নাটক নভেল বাজে নয়। আপনি কি ডিকেন্সের কোনো বই পড়েছেন?”

“আমি ইংরেজী তেমন বুঝতে পারি নে, ভাই। থার্ড ক্লাশ অবদি পড়েছিলাম।”

“তবে তো আমার চেয়ে বেশীই পড়েছেন—আমি সিন্ধু থ ক্লাশ অবদি।”—উজ্জয়িনী ভাবল এইবার বীণা তাকে সমান ভেবে আত্মীয়তা করবে।

বীণা বলল, “তা হলেও ইংরেজী আপনার পরিবারে কুকুর বেড়ালেও ভালো জানে। উনি জানেন কি না আপনার বাবাকে।”

“সত্যি? বাবাকে লিখব আমি এ কথা।”

এর পরে দু'জনাতে অনেকক্ষণ ধরে কত যে কথানান্তা।

(ক্রমশঃ)

শ্রীলীলাময় রায়

## ফাগুনে

শ্রীযুক্ত নবেন্দু বসু

এসেছে ফাগুন গোপনচরণে স্বপনের সম চূপে,  
নয়নের পথে ঘিরে এলো সে যে অপরূপ নব রূপে।  
আজ বরণের শত শত ধার  
ছড়ায়ে পড়েছে ভরি চারি ধার,  
সহসা নিখর বনভূমি আজ সচকিত পাখীগানে,  
মৌন ছপূর নয়ন মেলেছে মৌমাছিদের তানে।  
মানবের মাঝে যদি বা রিক্ত, ননি তো জগতে নিঃস্ব—  
আছে ফুলভরা শ্রামল ধরণী আলোভরা আছে বিশ্ব।

নদী বহে যায় রূপালী ধারায় আজি পূর্ণিমা সন্ধ্যা,  
আজিকে পেতেছি চন্দ্রবাসর আঁধার হিয়ার মাঝে।

ভেসে আসে কত স্বপ্ন সূদূর,  
কত স্মৃতিকথা গন্ধবিধুর,  
আমের মুকুল সৌরভে কত অতীতের কলরোল,  
পলাশের বনে আজিকে লেগেছে ফাগুনের কুঁসদোল।  
মর্মে আমার দোল দিয়ে গেছে উতল বিভোল হাওয়া,  
চেয়ে থাকতেই শেব হ'ল আজ যত ছিল চাওয়া-পাওয়া।  
দৃষ্টি হারায় ঘন নীলিমায়,—  
মন ভেসে যায় প্রাণ ভেসে যায়,—



# সাহিত্যে নোবেল প্রাইজ

( পূর্বসূরিত্তি )

শ্রীযুক্তা অমিয়া দত্ত

কার্ল স্পিটলার ( Carl spitteler )

জন্ম--১৮৪৫; মৃত্যু ১৯২৫; প্রাইজলাভ--১৯১৯

১৯১৮ সালে সাহিত্যে কাহাকেও নোবেল প্রাইজ দেওয়া হয় নাই। ১৯১৯ সালের নোবেল পুরস্কার সুইটজারল্যান্ডের কবি কার্ল স্পিটলার প্রায় ৭৫ বৎসর বয়সে লাভ করেন। লিথোনে ইহার জন্ম। ইহার পিতা রাজকর্মচারী ছিলেন। জাতিতে সুইস্ হইলেও ইহার সমস্ত লেখাই জার্মান ভাষায়।



কার্ল স্পিটলার

অল্প বয়সেই সঙ্গীতে ও চিত্রকলায় তাঁহার প্রতিভার পরিচয় পাওয়া যায়। তাঁহার নিজের চিত্রকর হইবার একান্ত ইচ্ছা থাকিলেও পিতার আপত্তিতে তাহা ঘটয়া উঠে নাই। বৃদ্ধ বয়স পর্য্যন্ত তিনি একান্ত ছুঃখিত ছিলেন। পড়াশুনা

শেষ করিয়া স্পিটলার প্রায় আট বৎসর রুশিয়া ও ফিনল্যান্ডে দুইটি রুষ পরিবারে গৃহ শিক্ষকের কার্য্য করেন। এই সময়ে তিনি তাঁহার অন্ততম শ্রেষ্ঠ কাব্য “প্রমিথিয়ুস ও এপিমিথিয়ুস” রচনা করেন ও প্রথমে তাহা ছদ্মনামে প্রকাশ করেন। প্রমিথিয়ুস একটি মহান্ আত্মার কাহিনী। আদর্শ ও ত্রায়ের জন্ম সে আত্মা সর্বপ্রকার ছুঃখ সহ করিতে প্রস্তুত। ভাবের গভীরতায় সৌন্দর্য্যে ও মাধুর্য্যে এই কাব্য অতুলনীয়। অনেকের মতে ইহাতে তিনি প্রসিদ্ধ জার্মান দার্শনিক নীট্শের Thus Spake Zarathustra গ্রন্থখানির অনুকরণ করিয়াছেন। কিন্তু স্পিটলার একখানি পুস্তিকা লিখিয়া ইহার প্রতিবাদ করেন ও বলেন যে প্রমিথিয়ুস লিখিবার পূর্বে তিনি নীট্শের উপরোক্ত পুস্তকখানি পড়েন নাই।

১৮৮৩ সালে স্পিটলার বিবাহ করেন। ইহার অল্পদিন পরেই “প্রজাপতি” নামে তাঁহার একখানি গীতি-কবিতার পুস্তক প্রকাশিত হয়। ইহার ছন্দ-বৈচিত্র্য ও প্রকৃতির প্রতি ভালবাসা উল্লেখযোগ্য। বিবাহের বৎসর দুই পূর্বে স্পিটলার টাকাকড়ি সম্বন্ধে স্বাধীন হন ও চাকরী ছাড়িয়া ল্যাজারে স্থায়ী ভাবে বাস করিতে থাকেন। এখানকার রমণীয় দৃশ্য তাঁহার কবিচিত্তে নূতন প্রেরণা আনে। “Laughing Truth” এই সময়ের লেখা। ইহা কতকগুলি প্রবন্ধের সমষ্টি। ইহাতে নানাবিষয়ের সমালোচনা আছে। সত্য কথাকে তিনি ব্যঙ্গ ও বিজ্রপের আবরণে ঢাকিয়া বলিয়াছেন। বিখ্যাত দার্শনিক নীট্শে প্রবন্ধগুলির যথেষ্ট প্রশংসা করিয়াছিলেন।

স্পিটলারের রচনাবলীর ভিতর “অলিম্পিয়ার বসন্ত” (Olympian Spring) সর্বশ্রেষ্ঠ। ইহা ১৯১০ সালে প্রকাশিত হয়। এই সুবৃহৎ মহাকাব্যে পাঁচটি খণ্ড ও ত্রিশটি কাণ্ড আছে। ইহাতে পৌরাণিক কাহিনীর সহিত



আধুনিক ভাব ও রূপ, সমস্তা ও ব্যঙ্গ একত্রে মিলিয়াছে। ছঃখ, কষ্ট ও নির্যাতনের ভিতর দিয়া আত্মার বিজয় কাহিনী কাব্যগুলির মূল বর্ণনীয় বিষয়। সমালোচকগণ “অলিম্পিয়ার বসন্ত”কে “নবযুগের ডিভাইন কমেডী” নামে অভিহিত করিয়াছেন।

গল্পরচনার ভিতর তাঁহার “লেপ্টেজাণ্ট কন্রাড” ও “ইন্যাগো” সর্দাপেক্ষা প্রসিদ্ধ। জীবনের শেষভাগে তিনি পুনরায় “প্রিথিবী” নামে একখানি কাব্য লেখেন। মূল বিষয় এক হইলেও ইহা তাঁহার শেষ গ্রন্থ।

“বাল্যস্মৃতি” শিশুমনস্তত্ত্বের সুন্দর ও সম্পূর্ণ বিশ্লেষণযোগ্য চিত্র। তাঁহার পাঁচ বৎসর বয়সের সঙ্গেই গ্রন্থের সমাপ্তি। একপুস্তক বিশ্বসাহিত্যে অতি অল্পই আছে।

ফ্রান্সে ও জার্মানীতে স্পিটলার যথেষ্ট সমাদৃত ছিলেন। তবে গত ইউরোপীয় মহাসমরের সময়ে বেলজিয়ামের নিরপেক্ষতা ভঙ্গ করায় তিনি জার্মানীর বিপক্ষে ছঃখার কথা বলেন, ও সেজন্য জার্মানরা তাঁহার উপর অত্যন্ত বিরূপ হইয়া উঠে। কিন্তু স্পিটলার ইহাতে বিচলিত হন নাই। নিন্দা ও প্রশংসায় সমান ভাবে অবিচলিত থাকিতেন।

তিনি নির্জ্ঞানতাপ্রিয় ছিলেন। রাজনীতি, সাহিত্য বা ধর্ম কোন দলের সঙ্গেই তাঁহার কোন যোগ ছিল না। ছই কল্প ও পল্লীর সহিত তাঁহার দিনগুলি আনন্দেই কাটিত। তিনি গম্ভীর-প্রকৃতি ও গিষ্টভাবী ছিলেন। নারীগাতিকে অত্যন্ত শ্রদ্ধার চক্ষে দেখিতেন। তাঁহার পুস্তকের অনুবাদ অতি অল্প ভাষাতেই হইয়াছে। ইংরাজীতে তাঁহার মাত্র ছঃতিনখানি পুস্তকের তর্জমা পাওয়া যায়। অসাধারণ প্রতিভাশালী হইলেও তাঁহার রচনার সহিত বেশী লোকের পরিচয় না থাকার ইহাই প্রধান কারণ।

১৯২৪ সালের ২৮শে ডিসেম্বর স্পিটলারের মৃত্যু হয়। মনীষী রোম্যা রোল। বলেন “স্পিটলার বর্তমান ইউরোপের শ্রেষ্ঠ কবি। জার্মান সাহিত্যে গায়টের পর একপুস্তক প্রতিভাবান কবি কেহই জন্ম গ্রহণ করেন নাই। ইংরাজ কবি মিল্টনের সহিত তিনি একাসন পাইবার অধিকারী।”

## কুট হাম্জুন (Knut Hamsun)

জন্ম—১৮৬০; প্রাইজলাভ—১৯২০

নরওয়ের শ্রেষ্ঠ কথাসিদ্ধী কুট হাম্জুনের নাম বিশ্ব-সাহিত্যে সুপরিচিত। ইনি কৃষকপুত্র। ইহার পিতামহ কৃষককারের কার্য করিতেন পিতার অবস্থা অত্যন্ত অসচ্ছল থাকায় অল্প বয়সেই পড়াশুনা ছাড়িয়া হাম্জুন জুতার দোকানে শিক্ষানবিশী করিবার জন্য ভর্তি হন। সাহিত্যের উপর তাঁহার প্রবল অনুরাগ ছিল। তিনি গোপনে কবিতা ও গল্প লিখিতেন। ১৮৭৮ সালে তাঁহার প্রথম উপন্যাস ও কবিতার বই প্রকাশিত হয়।

অল্পদিন পরেই মুচীর কাজ তাঁহার ভালো না লাগায় তিনি দেশ ছাড়িয়া আমেরিকা যাত্রা করেন। তাঁহার আশা ছিল যে আমেরিকায় তিনি সাহিত্য-সাধনার সুযোগ ও সুবিধা পাইবেন। সেখানে তিনি ট্রানের কণ্ঠাঙ্কিত, ক্ষেতের মজুর, মাংসের দোকানের কেবলী প্রভৃতি বিভিন্ন কার্যের দ্বারা জীবিকা নির্বাহ করিতে বাধ্য হন। এই সময়ের অভিজ্ঞতার কিছু কিছু পরিচয় তাঁহার “Wanderer” নামক পুস্তকখানিতে পওয়া যায়।

১৮৮৫ সালে বার্থ-মনোরথ হইয়া তিনি স্বদেশে ফিরিয়া আসেন। কিন্তু অর্থের অভাবে একপুস্তক বিপন্ন হইয়া পড়েন যে আত্মহত্যারও চেষ্টা করিয়াছিলেন! পরিশেষে সাহিত্যকে উপজীবিকা স্বরূপ গ্রহণ করেন। কোপেনহেগেনের এক-খানি সংবাদ পত্রে তাঁহার আত্মজীবনী মূলক উপন্যাস “ক্ষুধা” (Hunger) প্রকাশিত হইবার সঙ্গে সঙ্গেই তাঁহার যশ চারিদিকে ছড়াইয়া পড়ে। খ্রিষ্টীয়ানিয়ার একটি যুবকের দারুণ অভাব ও কষ্টের বিরুদ্ধে প্রাণপণ সংগ্রাম এই গল্পের বর্ণনীয় বিষয়।

Growth of the Soil হাম্জুনের সর্গশ্রেষ্ঠ উপন্যাস। ইহা লিখিয়াই তিনি নোবেল পুরস্কার লাভ করেন। “পল্লীতে ফিরিয়া যাও” ইহাই এই অনুপন নরওয়েজিয়ান উপন্যাসের মূল কথা। আইজ্যাকের চরিত্র সম্পূর্ণ স্বাভাবিক ও নিপুণ ভাবে চিত্রিত হইয়াছে। বিরূপে একটি জনমানবশূন্য অমর্যুর জায়গায় একটি পুরুষ ও একটি নারী কেবলমাত্র



অক্লান্ত পরিশ্রমের দ্বারা সমৃদ্ধিশালী হইয়া সেখানে লোক-বসতির সূত্রপাত করিল, তাহার বিবরণ পড়িয়া মুগ্ধ হইতে হয়। ইহা কৃষক-জীবনের অমর চিত্র !

তাহার অন্যতম প্রধান উপন্যাস “Mysteries”এর নায়ক জোহান নাভেল এক পাদ্রীর তরুণী কন্যার প্রেমে পড়ে। নানারূপ দুঃখ ও কষ্ট ভোগের পর সে অবশেষে আত্মহত্যা করিয়া সকল জ্বালা জুড়ায়। মানুষ অপেক্ষা প্রকৃতির নিকটেই সে বেশী শান্তি পাইত। হাম্জুনের মত সেও



কুট হাম্জুন

সমাজের সহিত নিজেকে খাপ খাওয়াইবার চেষ্টা করিয়াছিল। কিন্তু বিফল-প্রবৃত্তি হইয়া অসুখী হয়।

“প্যান” একটি মধুর ও করুণ প্রেমের গল্প। ইহার নায়ক নিজের কুটীরে ও নির্জন অরণ্যে সুখী থাকিলেও মানুষের সংস্পর্শে আসিলেই দুঃখ পায়। নায়িকা এড্‌ভারডা চঞ্চল প্রকৃতির নারী। কিন্তু তাহা সত্ত্বেও পাঠকের সহানুভূতি উদ্বেক করে।

নাটক রচনাতেও হাম্জুন যথেষ্ট কৃতিত্ব দেখাইয়াছেন।

তাঁহার “রাণী তামারা” “ধনীর দূয়ারে” “Munken Vendt” প্রভৃতি নাটক দেশবিদেশে সমাদৃত হইয়াছে। কিন্তু নাট্য-কলার উপর তাঁহার বিশেষ অনুরাগ নাই।

১৯০৯ সালে প্রকাশিত তাঁহার “Childern of the Age” বিশেষ জনপ্রিয় হয়। অবসর প্রাপ্ত লেপ্টেণ্ট-Willatyএর চরিত্র ও ধনীকন্যা নিজের পত্নীর সহিত তাহার সম্বন্ধ অত্যন্ত স্বাভাবিক। শেষ দিনগুলির দুর্দম গর্বি ও নিঃসঙ্গতা উচ্চঅঙ্গের কলা নৈপুণ্যের পরিচায়ক।

হাম্জুনের উপন্যাসের ভিতর বাস্তবের সহিত ভাবপ্রবণতা ও অজানা রহস্যের মিলন দেখা যায়। মনস্তত্ত্ব-বিশ্লেষণ ও আধুনিক জীবনের দোষ-ত্রুটি নির্দেশ করিতে তিনি যথেষ্ট বিচারশক্তির পরিচয় দিয়াছেন। ব্যঙ্গ বিদ্রোপও তাঁহার ক্ষমতা কম নয়। দোষের মধ্যে তাঁহার রচনা অত্যন্ত নম্র গতিতে চলে। একজন সমালোচক বলেন “প্রথম হইতেই হাম্জুনের রক্তে শিল্পী ও ভাববুরের প্রভাব সমান প্রবল” কিন্তু ভাববুরে হইলেও তাঁহার স্বদেশপ্রেম ও দেশবাসীদিগের উপর মমতা অত্যন্ত গভীর। তিনি আশাবাদী নহেন কিন্তু তাঁহার মতে একাগ্রচিত্তে কাজ করিয়া বাওয়া এক অধ্যাত্মিক স্বাধীনতা ও সাহস অক্ষুন্ন রাখা প্রত্যেক মানুষের কর্তব্য।

সর্বসম্মত হাম্জুন প্রায় চল্লিশখানি পুস্তক লিখিয়াছেন। তাঁহার গ্রন্থাবলী নানা ভাষায় অনূদিত ও বহুলভাবে আলোচিত হইয়াছে। তাঁহার পঞ্চাশত জন্ম দিনে নরওয়ের লোব তাঁহাকে ঋষি ও জীবিত লেখকদিগের ভিতর সর্বশ্রেষ্ঠ বলিয়া অভিনন্দিত করে। বিশ্ব-সাহিত্যে তিনি একজন প্রতিভাবান শিল্পী।

হাম্জুনের ব্যক্তিত্ব, রচনা ও দর্শন সম্বন্ধে অধ্যাপক J. Wiehr এর ‘Knut Hamsun ; His Personality and his Outlook upon Life’ নামক পুস্তকখানি উল্লেখযোগ্য।


আনাতোল ফ্রাঁস (Anatole France)

জন্ম—১৮৪৪ ; মৃত্যু—১৯২৪ ; আইজলাত—১৯২১।

জগদ্বিখ্যাত ফরাসী সাহিত্যিক আনাতোল ফ্রাঁসের স্থান বিশ্ব-সাহিত্যে সুপ্রতিষ্ঠিত। ১৮৪৪ সালের ১৬ই এপ্রিল



প্যারী সহরে তাঁহার জন্ম। তাঁহার প্রকৃত নাম জ্যাক আনাতোল তিবো। দেশপ্ৰীতির জন্ম তিনি ফ্রাঁস নাম গ্রহণ করেন। তাঁহার পিতা পুস্তকব্যবসায়ী ছিলেন। কিন্তু তিনি পুস্তক-বিক্রয় অপেক্ষা পুস্তক-পাঠেই বেশী মনোযোগ দিতেন বলিয়া ব্যবসায়ে সেরূপ উন্নতি করিতে সক্ষম হন নাই। তিনি রাজতন্ত্রের পক্ষপাতী ও ভক্ত ক্যাথলিক ছিলেন। তাঁহার দোকানে গ্রন্থকার, পণ্ডিত, দার্শনিক প্রভৃতি বহুবিধ লোকের সমাগম হইত। বালক আনাতোল



আনাতোল ফ্রাঁস

এই আবহাওয়ার মধ্যেই বার্কিত হন। পুস্তকের উপর তাঁহার প্রবল অনুরাগ ছিল। তাঁহার অনেক উপন্যাসে তিনি বাল্যকালের ও তাঁহার পিতার পুস্তকালয়ের বর্ণনা করিয়াছেন।

ধনী না হইলেও ফ্রাঁসের পিতামাতা তাঁহাকে উচ্চশিক্ষিত করিয়াছিলেন। অল্প বয়স হইতেই তিনি সাহিত্য-অনুরাগী। ১৮৬৮ সালে ২৪ বৎসর বয়সে তাঁহার প্রথম পুস্তক প্রকাশিত হয়। ইহাতে তিনি কবি অ্যালফ্রেড ডি ভিঙ্‌নির জীবনী ও রচনা সম্বন্ধে আলোচনা করেন। কথিত

আছে যে ইহার দুই বৎসর পরে তিনি যখন সৈনিক হইয়া যুদ্ধে যান, তখন রণক্ষেত্রে অজস্র গোলাগুলিবর্ষণের মধ্যেও ভার্জিলের কাব্যপাঠে মগ্ন থাকিতেন। মাঝে মাঝে বাঁশীও বাজাইতেন।

ফ্রান্সিয়া যুদ্ধের পর তাঁহার একখানি কাব্যগ্রন্থ প্রকাশিত হয়। কিন্তু ইহা বিশেষ কাহারও দৃষ্টি আকর্ষণ করিতে পারে নাই। ১৮৮১ সালে তাঁহার প্রথম প্রসিদ্ধ উপন্যাস “সিলভেস্তার বনার্ডের অপরাধ” প্রকাশিত হয় ও অত্যন্ত জনপ্রিয় হয়। ইহা হইতেই তাঁহার পৃথিবীব্যাপী খ্যাতির সূত্রপাত। উক্ত উপন্যাসের আখ্যান-বস্তু অল্প, প্রকাশ ও সাধাসিধা, কিন্তু অত্যন্ত মধুর ও মনোমুগ্ধকর। সুপণ্ডিত, নিঃসন্দেহ ও বুদ্ধ বনার্ডের চরিত্র অতি সুন্দরভাবে চিত্রিত হইয়াছে। তাঁহার সহিত একবার পরিচয় সাধন করিলে তাঁহাকে ভ্রাতা না বাসিয়া থাকা অসম্ভব। যৌবনের নানসী ফ্রেমেন্টাইন তখনও তাঁহার মনের উপর আধিপত্য করিতেছে। তাঁহার কণ্ঠের জন্ম তাঁহার মেহ ও আত্মত্যাগ উজ্জলভাবে দৃষ্টিয়া উঠিয়াছে। বহু সমালোচকের মতে এখানি তাঁহার শ্রেষ্ঠ উপন্যাস। নানবয়স্কের উচ্চতম বৃত্তিগুলি ইহাতে নিপুণতার সহিত প্রদর্শিত হইয়াছে।

তাঁহার পরবর্তী উপন্যাস “Phais”এ আত্মা ও বিষয়-বুদ্ধির চিরন্তন সংগ্রাম বর্ণিত হইয়াছে। গ্রন্থকার স্বয়ং একবার বলিয়াছিলেন যে প্রণোক্ত উপন্যাসখানি তিনি জনসাধারণের ভুষ্টির জন্ম লিখিয়াছেন, কিন্তু শেষোক্তটি তাঁহার নিজের সমৃদ্ধির জন্ম রচিত হইয়াছে।

ফ্রাঁসের অন্যান্য প্রসিদ্ধ উপন্যাসের ভিতর “Penguin Island” “The Opinions of Jerome Coignard” “The White Stone” “The Revolt of the Angels” প্রভৃতি পুস্তকগুলির নাম উল্লেখযোগ্য।

উপন্যাস ব্যতীত ফ্রাঁস কতকগুলি উচ্চাঙ্গের সমালোচনা-পুস্তক লিখিয়াছেন। তিনি একজন সুদক্ষ সমালোচক। ইংরাজীতে তাঁহার চার খণ্ড সমালোচনার পুস্তক “সাহিত্য ও জীবন” (On Life and Letters) নামে অনূদিত হইয়াছে। এগুলি একরূপ সরস ও সুন্দরভাবে লেখা যে পড়বার সময় মনে হয় কোন ঘনিষ্ঠ বন্ধুর সহিত আলোচনা



করিতেছি। ফরাসী-সাহিত্য-সমালোচক হিসাবে সাঁ বুভের পরেই তাঁহার স্থান বলিলে অত্যুক্তি করা হয় না।

ইতিহাসের ক্ষেত্রেও ফ্রাঁসের দান অল্প নয়। অনেক তাঁহাকে রেনাঁর শিষ্য ও উত্তরাধিকারী বলিয়া অভিহিত করেন। তাঁহার “জোয়ান অব্ আর্কের জীবনী” নানাভাষায় অনূদিত ও প্রশংসিত হইয়াছে। তাঁহার শ্রেষ্ঠ পুস্তকগুলির ভিতর ইহা অন্যতম।

ফ্রাঁসের জীবনে তাঁহার মাতার পরেই প্যারী সহরের প্রভাব অত্যন্ত প্রবল। অল্প বয়স হইতেই তিনি প্যারীর ছোট বড় রাস্তা, দোকান, উৎসব, সমাজ ও দারিদ্র্য প্রভৃতির সহিত পরিচিত হন। তাঁহার লেখায় প্যারী সহরের কটোগ্রাফের মত সুন্দর চিত্র পাওয়া যায়।

তিনি যুক্তিবাদী ছিলেন। জীবনে তিনি জ্ঞান ও যুক্তিকেই সর্বাপেক্ষা বেশী সন্ধান করিতেন। কোতুকপ্রিয়তা এবং বাঙ্গ ও বিদ্রূপে তাঁহার অসাধারণ ক্ষমতা। তিনি সৌন্দর্যের পূজারী। ভাণ্ডারী ও কপটতাকে একান্তভাবে ঘৃণা করিতেন। কিন্তু তাঁহার ঘৃণা মৃদুভংসনা ও পরিহাসেই

পর্যাবসিত, ক্রোধে উত্তেজিত নয়। তাঁহার প্রতিভা সমালোচকের ও তত্ত্বাধিকারীর। উপন্যাসগুলিকে তিনি সুকৌশলে তাঁহার চিন্তা ও মতামত ব্যক্ত করিবার উপায়-স্বরূপ ব্যবহার করিয়াছেন। তাঁহার ভাষা প্রাঞ্জল এবং লিখিবার ভঙ্গী মনোরম। নিশ্চল মন, অগাধ পাণ্ডিত্য, দীপ্তিশীল কল্পনা, মনোজ্ঞ দর্শন প্রভৃতি গুণ তাঁহার রচনাকে চিরন্তন করিয়াছে। বহুদিন ধরিয়া তিনি পাশ্চাত্য সাহিত্য-জগতে নিজের প্রভাব বিস্তার করেন।

পরিণত বয়সে তিনি রাজনীতিক্ষেত্রে গণতন্ত্রের সমর্থন করিতেন। নোবেল পুরস্কারে প্রাপ্ত সনস্ত টাকাই তিনি ক্রমীয় ছুর্ভিক্ষ নিবারণার্থ দান করেন; রুস প্রজাদের উপর তাঁহার অসাধারণ সহানুভূতির ইহা উজ্জল দৃষ্টান্ত।


আনাতোল্ ফ্রাঁসের জীবন ও রচনা সম্বন্ধে ইংরাজ লেখক J. Lewis May লিখিত ‘Anatole France’ উল্লেখযোগ্য। ফরাসী ভাষায় তাঁহার সম্বন্ধে বহু পুস্তক আছে। তন্মধ্যে কয়েকখানির ইংরাজী অনুবাদও পাওয়া যায়।

(ক্রমশঃ)

শ্রীঅমিয়া দত্ত







বিচিত্র

ফাল্গুন, ১৩৩৭

শের-সাহ  
[ প্রাচীন মোগল চিত্র ]

শ্রীযুক্ত অজিত ঘোষের সংগ্রহ হইতে







## সম্রাট অশোকের গিরিলিপি

শ্রীযুক্ত অম্বুজনাথ বন্দ্যোপাধ্যায়, এম-এ, বি-এল, পি-আর-এস

( অপ্রধান লিপি )

কিছুকাল পূর্বে বিচিত্রায় প্রকাশিত একটি প্রবন্ধে সম্রাট অশোকের গিরিলিপিগুলির কথা বলিয়াছি। তাহাতে আটটি আবিষ্কৃত এবং একটি অনাবিষ্কৃত শিলা-লিপির পরিচয় দিয়াছি। ঐগুলি মূল বা প্রধান গিরিলিপি নামে পণ্ডিত সমাজে পরিচিত। এবারে ক্ষুদ্র বা অপ্রধান লিপি নামে পরিচিত অনুশাসন গুলির ( Minor Rock Edicts ) কথা বলা যাইতেছে। এগুলি সংখ্যাতে দুইটি; তদ্বিন্ন ভাবরা লিপি নামে খ্যাত আর একটি অনুশাসনকে এই পর্যায়ে ধরা যাইতে পারে। অপ্রধান লিপিগুলি নিম্নকথিত সাতটি বিভিন্ন স্থান হইতে আবিষ্কৃত হইয়াছে,— জয়পুর রাজ্যে বৈরাট, সাহাবাদ জেলায় সাসেরাম, জব্বল-পুর জেলায় রূপনাথ, মহীশূর রাজ্যে ব্রহ্মগিরি, সিদ্ধপুর ও জটিকা-রামেশ্বর এবং নিজাম রাজ্যে মন্দি। নাম হইতেই প্রকাশ, ভাবরা অনুশাসন ভাবরা ( বা বৈরাট ) নামক স্থানে আবিষ্কৃত। প্রথমে এইটির কথাই বলা যাইতেছে।

**ভাবরা :—**বৈরাট নগরে অশোকের দুইটি অনুশাসন আবিষ্কৃত হইয়াছে। একটি প্রথম অপ্রধানলিপির অন্ততম সংস্করণ এবং দ্বিতীয়টি অপর এক স্বতন্ত্র অনুশাসন। শেষের-টাই প্রথম পাওয়া গিয়াছিল এবং প্রথমটি হইতে পার্থক্য বুঝাইবার জন্য ইহা ভাবরা অনুশাসন নামে অভিহিত।

রাজপুতানার জয়পুর রাজ্যে তোড়বাটি তালুকে বৈরাট নামে একটি প্রাচীন নগর আছে। জয়পুর হইতে ৪১ মাইল উত্তরে এবং আলোয়ার হইতে ২৫ মাইল পশ্চিমে ইহার অবস্থান। ভাবর ( ভাবরা নামটি চলিয়া গেলেও প্রকৃত নাম ভাবর ) ছাউনী হইতে ইহার দূরত্ব ১২ মাইল। তাই ঐ নামেই এখানে প্রাপ্ত প্রথম লেখাটি পরিচিত। ইতিহাসজ্ঞ পাঠকের নিকট এ কথা অজানা নয় যে, রাজ-

পুতানার এতদঞ্চলই প্রাচীন মৎশ্রদেশ। আধুনিক যুগের এই বৈরাট নগরকেই প্রাচীন মৎশ্ররাজধানী বিরাটপুরীর বর্তমান নিদর্শন বলিয়া পণ্ডিতগণ নিরূপণ করিয়াছেন। প্রাচীন বিরাট নগরীর যে ধ্বংসাবশেষ এখন দৃষ্ট হয় তাহা দৈর্ঘ্যে এক মাইল, প্রস্থে অর্দ্ধ মাইল এবং পরিধিতে প্রায় আড়াই মাইল হইবে। ইহার চতুর্থাংশ পরিমিত স্থানে বর্তমান নগর অবস্থিত। তাহার চতুর্দিকস্থ ভূমি ভগ্ন মৃৎপাত্র, ইষ্টক খণ্ড, ও তাম্রপাত্রের ভগ্ন খণ্ডসমূহে পরি-ব্যাপ্ত। উপত্যকার সাধারণ দৃশ্য রক্তাভ তাম্রবর্ণ। এখান-কার মাটিতে তাহার অস্তিত্ব সহজেই অবগত হওয়া যায়। কিম্বদন্তী অনুসারে প্রাচীন বিরাট নগরী বহুকাল পূর্বে বিনষ্ট হইয়াছিল। দীর্ঘকাল জনশূন্য থাকার পর আবার আকবর সাহেব আগলে এখানে মনুষ্যবসতি আরম্ভ হইয়াছে। “আইন-ই-আকবরী”তে বিরাটনগরের এবং তত্রস্থ তাম্রখনির উল্লেখ পাওয়া যায়।

খৃষ্টীয় সপ্তম শতকের মধ্যভাগে প্রসিদ্ধ চীনদেশীয় পর্যটক হিউয়েন সঙ্গ বিরাট নগরে আসিয়াছিলেন। তাঁহার ভ্রমণ বিবরণ হইতে বৈরাটের তৎকালীন অবস্থা জানা যায়। তাহার পর বৈরাটের নাম পাওয়া যায় গজনীর সুলতান নামুদের সময়ে। তাঁহারই সময়ে এই সুপ্রাচীন নগরের ধ্বংস সাধিত হয়। নামুদের অমৃতন সেনানায়ক আমীর আলি কর্তৃক এই নগর অধিকৃত ও লুণ্ঠিত হয় এবং অধিবাসীরা নগর ছাড়িয়া পলায়ন করে। আবু রিহান বা অল্-বেকরী ও উৎবী নামক দুইজন খ্যাতনামা সমসাময়িক মুসলমান ঐতিহাসিকের রচিত বিবরণ হইতে জানা যায় যে, নগর লুণ্ঠনকালে আমীর আলি একটি পুরাতন শিলালিপি দেখিয়াছিলেন। আবু রিহান বলেন তাহাতে লেখা ছিল।



যে, ঐ নগরে অবস্থিত নারায়ণদেবের মন্দির চল্লিশ সহস্র বৎসর পূর্বে প্রতিষ্ঠিত হইয়াছিল। বলা বাহুল্য তখন ঐ প্রাচীনলিপি কেহই পড়িতে পারিত না—আমীর আলি যাহাকে উহার অর্থ জিজ্ঞাসা করিয়াছিলেন সে একটা মন-গড়া ব্যাথা করিয়া দিয়াছিল। বৈরাটে প্রাপ্ত অশোক অনুশাসন দুইটির কোনটাই আমীর আলি-দৃষ্ট শিলালিপি কিনা তাহা সঠিক বলিবার কোনই উপায় নাই। দেব-বিগ্রহ ও মন্দিরধ্বংসরতী মুসলমান সেনার হস্ত হইতে ঐ পুরাতন লিপিটা রক্ষা পাইয়াছিল কিনা তাহাও জানা যায়না।

বৈরাট নগরের দক্ষিণ পশ্চিম দিকে প্রায় একমাইল দূরে “বিজক পাহাড়” নামে একটি ছোট পাহাড় আছে—তাহার উচ্চতা প্রায় দুইশত ফুট হইবে। “বিজক” কথাটির অর্থ লেখা-যুক্ত। এই পাহাড়েই অশোকের প্রথম লিপিটা আবিষ্কৃত হইয়াছিল, তাই ইহার এরূপ সংজ্ঞা হইয়াছে। ধূসর বর্ণের স্মৃহৎ গ্রানাইট প্রস্তরের চাপড়ে এই পাহাড়টি গঠিত, মধ্যে মধ্যে ঈষৎ লালভ বর্ণের অপেক্ষাকৃত ছোট প্রস্তরখণ্ডও দেখা যায়। পাহাড়ের উপরে দুইটি বিস্তীর্ণ ইষ্টকচত্বরের ভগ্ন নিদর্শন দেখা যায়। চত্বর দুইটিই দৈর্ঘ্যে প্রায় একশত হস্ত হইবে, ইষ্টকখণ্ড এবং প্রাচীরের ভগ্ন-বশেষে চত্বর দুটি সমাকীর্ণ। দেখিলে স্বতঃই এতটুকু কোন বিশাল হর্ম্যের ভগ্নাবশেষ বলিয়া মনে হয়। ইষ্টক-গুলিও খুব বড়, প্রায় ১০ ইঞ্চি দীর্ঘ এবং ৪ ইঞ্চি পুরু হইবে। ইহাও ইহাদের প্রাচীনত্বের অন্ততম নিদর্শন। পর্বতগাত্রে এখনও সোপানশ্রেণী এবং প্রবেশপথের চিহ্ন দেখা যায়। একটি চত্বর অপরটি অপেক্ষা প্রায় ২০ হস্ত উর্দ্ধে পর্বত-পৃষ্ঠে অবস্থিত। পাহাড়ের উপরে नीচে চারিদিকই ইষ্টকখণ্ড এবং ভগ্ন প্রাচীরাদির ধ্বংসাবশেষে সমাচ্ছন্ন। তাই মনে হয় এককালে এখানে বহুসংখ্যক সৌধহর্ম্যাদি ছিল। হিউয়েনসঙ্গ বিরাট নগরে আটটি সজ্জারাম দেখিয়াছিলেন বলিয়া লিখিয়া গিয়াছেন। বিজক পাহাড়ের উপরের ধ্বংসরাশি তাহারই দুইটির নিদর্শন বলিয়া বোধ হয়।

পূর্বদিকে অবস্থিত বা অপেক্ষাকৃত নিম্নের চত্বরটির উপরে স্থাপিত রক্তাভ ধূসর বর্ণের একখণ্ড গ্রানাইট পাথরে

উৎকীর্ণ এই অনুশাসনটি ১৮৩৭ খৃষ্টাব্দে মেজর বাট নামক ভূনৈক সামরিক কর্মচারী কর্তৃক আবিষ্কৃত হইয়াছিল। তাঁহার গৃহীত প্রতিলিপি হইতে বগুফ এবং উইলসন উভয়ে ইহার পাঠোদ্ধার করিয়াছিলেন; বর্তমানে তাহার অনেকাংশ ভ্রান্ত বলিয়া পরিত্যক্ত হইয়াছে।

ভাবরা অনুশাসনটি অত্যাশ্চর্য অশোক-অনুশাসনের ত্রায় পর্বত বা গওশৈলগাত্রে উৎকীর্ণ নহে; একখণ্ড প্রস্তরপৃষ্ঠে ইহা ক্ষোদিত হইয়াছিল। জয়পুরের মহারাজা বঙ্গীয় এসিয়াটিক সোসাইটিকে ঐ প্রস্তরখণ্ড উপহার প্রদান করেন; বর্তমানে উহা এসিয়াটিক সোসাইটির কলিকাতায় পার্কস্ট্রীটস্থ ভবনে রক্ষিত আছে। এ কারণ ডাঃ হলজ্ সম্পাদিত আধুনিকতম “অশোক অনুশাসন” গ্রন্থে (১৯২৬ খৃষ্টাব্দে প্রকাশিত) ভাবরা অনুশাসন নাম পরিত্যক্ত হইয়াছে এবং উহা “কলিকাতা বৈরাট শিলালিপি” নামে অভিহিত হইয়াছে। পূর্বেই বলিয়াছি ভাবরা কথাটি অশুদ্ধ এবং বৈরাট হইতে ভাবক অনেকদূরে অবস্থিত। এইজন্য ভাবরার নামে অনুশাসনটি পরিচিত হওয়া অমুচিত হইলেও, প্রায় শতবর্ষ ধরিয়াই যে নাম চলিয়া আসিতেছে বর্তমান প্রবন্ধে ইহার সেই নামই প্রদত্ত হইল।

আর এক বিষয়েও ভাবরা লিপির অভিনবত্ব আছে; অত্যাশ্চর্য্য অপর কোন স্থান হইতে ইহার আর এক সংস্করণ বাহির হয় নাই। এটি সম্রাট অশোকের প্রথম ক্ষুদ্র বা অপ্রধান গিরিলিপির সমসাময়িক। সে হিসাবে রাজত্বের ত্রয়োদশবর্ষ ইহার প্রচারকাল। অশোক প্রথম ক্ষুদ্র গিরিলিপিতে স্বকীয় ধর্ম-জীবনের ইতিহাস এবং ভাবরার অনুশাসনে শ্রমণগণের পরিচালনের বিধিব্যবস্থা প্রচার করিয়াছিলেন। ভগবান বুদ্ধদেবের তথা তাঁহার প্রবর্তিত ধর্মের প্রতি অশোকের যে কিরূপ ঐকান্তিক ভক্তি ও অনুরাগ ছিল, ভাবরালিপিই তাহার প্রকৃষ্ট প্রমাণ। অশোকের মতামতও ইহাতে বেশ পরিস্ফুট। বৌদ্ধধর্ম অশোকের হৃদয়ে যে কিরূপ প্রাধান্য স্থাপন করিয়াছিল এবং ভগবান তথাগতের উপদেশবাহীই যে তাঁহার জীবনের মূলমন্ত্র ছিল তাহা ভাবরা অনুশাসন পাঠে বেশ বুঝা যায়। এই অনুশাসনে অশোক বুদ্ধদেবের সুভাবিত, ধর্মের সোপান



বলিয়া উল্লিখিত, বৌদ্ধশাস্ত্রের কয়েকটি পাঠ ভিক্ষু ও ভিক্ষুণী, উপাসক এবং উপাসিকাগণের পর্যালোচনা ও তদ্বং আচরণের জন্য নির্দেশ করিয়াছেন। যে ভক্তি এবং বিশ্বাসের সহিত অশোক বুদ্ধদেব এবং তাঁহার বাণীর উল্লেখ করিয়াছেন জগতের ইতিহাসে তাহা একান্তই চুল্লভ। বর্তমানে পণ্ডিতগণ অশোক নির্দিষ্ট শাস্ত্রসমূহের স্বরূপ এইরূপে নির্ণয় করেন।

**বিনয়সমূহকসে**—পণ্ডিতগণ প্রথমে কোন বিশেষ শাস্ত্রাংশ অশোক এই পদটি দ্বারা নির্দেশ করিতেছেন তাহা নিরূপণ করিতে পারেন নাই। প্রসিদ্ধ পণ্ডিত রীজ ডেভিডসের মতে বিনয়সমূহকসে কথাটি কোন ধর্মগ্রন্থের অংশবিশেষের নামরূপে অথবা কোন বিশেষ অর্থে ব্যবহৃত হইয়াছে কি না তাহা ঠিক করিয়া বলা কঠিন। অত্যাধিক আবার ভিক্ষু ও ভিক্ষুণীগণের জন্য নিয়মাবলীযুক্ত বিনয়পিটকের অন্তর্গত কোন সূত্র অশোক নির্দেশ করিয়াছেন বলিয়া মনে করিতেন। কিন্তু বর্তমানে “তুর্বট্টক সূত্র” বিনয়সমূহকসের নামান্তর বলিয়া স্থির হইয়াছে।

অলিয়বসানি—অম্বুতার নিকায় ২.২৭

অনাগতভয়ানি—অম্বুতারনিকায় ৩.১০৩

মুনিগাথা—সূত্রনিপাৎ—২০৬-২২০ শ্লোক

মোনেয়সূত্রে—সূত্রনিপাৎ ১৩১-৩৪

উপতিসপসিন—মব্ঝিমনিকায় ১.১৪৬-১৫১

লাঘুলোবাদ—রাহুলোবাদসূত্র—মব্ঝিমনিকায়

১.৪১৮-২০.

পূর্বে পণ্ডিতগণ অশোকনির্দিষ্ট শাস্ত্রাংশগুলিকে নানারূপে নির্ণয় করিতেন। কিন্তু সে সকল সিদ্ধান্ত পরিত্যক্ত হইয়া বর্তমানে যে মত প্রতিষ্ঠিত হইয়াছে তাহারই কথা শুধু এখানে বলা গেল।

অশোক-অম্বুশাসন মধ্যে এই সকল বৌদ্ধ শাস্ত্রগ্রন্থের নাম দেখিয়া পূর্বতন পণ্ডিতসমাজ বড় বিপদেই পড়িয়াছিলেন। তখনকার দিনে পণ্ডিতেরা বৌদ্ধশাস্ত্রগ্রন্থ-সমূহকে অতটা প্রাচীনত্ব দিতে কুষ্ঠিত ছিলেন—অথচ এরূপ স্পষ্ট প্রমাণকে অস্বীকার করাও শক্ত ছিল। তাঁহাদের বড়ই বিপদ তখন হইয়াছিল। এক্ষণে আর কেহ একথা বলিতে

সাহস করে না যে অশোকের সময়ে বৌদ্ধশাস্ত্রগ্রন্থসমূহ রচিত হয় নাই। ভাবরা লিপিত তাহার প্রকৃষ্ট প্রমাণ।

মগধদেশীয় সম্রাজ্যকে অভিবাদন করিয়া প্রচারিত এই অম্বুশাসন হইতে কোন কোন ঐতিহাসিক পণ্ডিত মনে করেন সাম্রাজ্যের প্রধান প্রধান সকল সম্রাজ্যই বুদ্ধপ্রবর্তিত মার্গে অশোকের দৃঢ়ভক্তির পরিচায়ক এই অম্বুশাসনের এক একটি প্রতিলিপি রক্ষিত হইয়াছিল। কালক্রমে হয়ত অপর কোন স্থান হইতে এই অম্বুশাসনের অপর এক সংস্করণ বাহির হইতেও পারে; কিন্তু বর্তমানে শুধু ভাবরার অম্বুশাসনটাই আবিষ্কৃত হইয়াছে। এই লেখাটি সম্রাজ্ঞে পরলোকগত ঐতিহাসিক ভিনসেন্ট স্মিথেরও নিজস্ব একটি মত ছিল। তাঁহার মতে বৌদ্ধভিক্ষুর পক্ষে সংসারে আবার ফিরিয়া যাওয়া খুবই সহজ; রাজকার্য পরিচালনের জন্য যথোপযুক্ত ব্যবস্থা করিয়া সম্রাট অশোক মধ্যে মধ্যে সম্রাজ্ঞে প্রবেশ করিতেন এবং কিছুকাল পরে রাজদণ্ড পুনর্গ্রহণ করিতেন। ভিনসেন্ট স্মিথের মতে এইরূপ কোন এক সময়ে ভাবরার বিহারে অবস্থানকালে অশোক প্রথম অপ্রধান গিরিলিপিতে নিজ ধর্মজীবনের বিবরণ এবং ভাবরালিপিতে শ্রমণগণের পরিচালনের বিধিব্যবস্থা প্রচার করিয়াছিলেন। বলা বাহুল্য বৈরাটের ধর্মসম্বন্ধে মধ্য উভয় অম্বুশাসনের আবিষ্কার এবং ভাবরার লেখামধ্যে মগধসম্রাজ্ঞের উল্লেখ ব্যতীত এই প্রকার অম্বুশাসনের স্বপক্ষে অপর কোন বলবৎ প্রমাণ দেখা যায় না।

এবারে বৈরাটে প্রাপ্ত অশোকের দ্বিতীয় লিপির কথা বলিব। এটি অশোকের প্রথম ক্ষুদ্র বা অপ্রধান গিরিলিপির অন্ততম সংস্করণ। এ ধরনের লেখা সামারাম, রূপনাথ প্রভৃতি আরও অনেক স্থানে আবিষ্কৃত হইয়াছে। বিরাট নগরের এক মাইল উত্তরে “হিম্মগিরি” নামে অভিহিত দীর্ঘ অম্বুচ্চ একটি গুপ্তশৈল আছে। পাহাড়ে বৃক্ষলতার অস্তিত্ব দেখা যায় না। নিতান্ত ভীষণদর্শন ঘন কুম্ভবর্ণ কঠিন প্রস্তরের স্তূপসমূহ খণ্ডসমূহ স্তরে স্তরে স্তূপ দেখিলেই মনে হয় যেন কোন অতিকায় দৈত্যশিশু ক্রীড়াচ্ছলে এই পাহাড় নির্মাণ করিয়াছে। সাধারণের নিকট পাহাড়টি পাণ্ডবগণের অজ্ঞাতবাস-কাহিনীর সহিত সংশ্লিষ্ট। পাহাড়ে প্রকাণ্ড



একটি কৃত্রিম গুহা আছে, তাহা “ভীম কা গোফা” নামে পরিচিত। অপরাপর পাণ্ডবভ্রাতৃগণের নামে অভিহিত অপেক্ষাকৃত ছোট আরও কয়েকটি গুহা এখানে ছিল বলিয়া শুনা যায়।

১৮৬৪ খৃষ্টাব্দের নবেম্বর মাসে প্রত্নতত্ত্ববিভাগের তদানীন্তন ডাইরেক্টর জেনারেল সার আলেকজান্ডার কানিংহাম অপর কোন প্রাচীনলিপি এখানে আছে কি না দেখিবার জন্ত এই পাহাড়ের উপরের প্রত্যেকটি প্রস্তরখণ্ড বিশেষ যত্নসহকারে পরীক্ষা করিয়া দেখিয়াছিলেন। কিন্তু তাঁহার অন্ততম সহকারী কারলাইল সাহেবের ভাগ্য তাঁহার অপেক্ষা ভাল। পাহাড়ের দক্ষিণস্থিত বৃহৎ এক প্রস্তরখণ্ডের গাত্রে উৎকীর্ণ অশোকের এই অনুশাসনটি আবিষ্কারের যশোলাভ তাঁহারই অদৃষ্টে ঘটে। প্রস্তরখণ্ডটি খুব বড়; উহা দৈর্ঘ্যে ১৬ হাত, উচ্চতায় প্রায় ১২ হাত এবং বিস্তারে ১০ হাত হইবে। উহার দক্ষিণগাত্রে আট লাইনে লেখাটী উৎকীর্ণ। অক্ষরগুলি বেশ বড় বড়, প্রায় ২১০ ইঞ্চি দীর্ঘ হইবে। দীর্ঘ দ্বিসহস্রবর্ষেরও অধিক কাল ধরিয়া রৌদ্রবৃষ্টিতে পড়িয়া থাকার ফলে প্রস্তরগাত্রে বহুলাংশে ক্ষতি হইয়াছে। তজ্জন্ত লেখাটির মধ্যভাগের প্রায় একফুট পরিমাণ অংশ একেবারে বিলুপ্ত হইয়া গিয়াছে। ইষ্ঠাৎ দেখিলে মনে হয় একই প্রস্তরখণ্ডে দুইটি বিভিন্ন অনুশাসন ক্ষোদিত রহিয়াছে। প্রথম আবিষ্কারকালে কারলাইলও তাহাই মনে করিয়াছিলেন। কিন্তু পাঠোদ্ধার করিতে গিয়া কানিংহাম বুঝিতে পারিলেন যে তাহা নহে, একই লেখার মধ্যদেশ নষ্ট হওয়ায় এরূপ দাঁড়াইয়াছে; এবং এই নবাবিক্ষিত অনুশাসন সাসারাম ও রূপনাথ লিপিরই মূলতঃ অপর এক সংক্ষিপ্ত সংস্করণ মাত্র; পদবিন্যাসে কিছু কিছু পার্থক্য থাকিলেও তজ্জন্ত তাৎপর্য গ্রহণে কোনই বাধা বা অসুবিধা হয় না।

**সাসারাম:**—বিহার প্রদেশের অন্তর্গত সাহাবাদ জেলার সাসারাম মহকুমার সনর ষ্টেশনের নামও সাসারাম। গয়া হইতে মোগলসরায় ঘাইবার পথে গ্রাণ্ড কর্ড লাইনে সাসারাম একটি ষ্টেশন। গ্রাণ্ডট্রাঙ্করোডও সাসারাম হইয়া গিয়াছে। সাসারামে পাঠানকুলতিলক সুপ্রসিদ্ধ সম্রাট সের সাহের সমাধিসৌধ অবস্থিত বলিয়া অনেকেই জানেন।

সেরসাহ এখানকার এক সামান্য জায়গীরদারের পুত্র ছিলেন। নিজ অলোকসামান্য প্রতিভা এবং অধ্যবসায়গুণে তিনি দিল্লীর রাজসিংহাসনে বসিলেও, বাণ্যলীলাভূমি সাসারামের কথা বিস্মৃত হন নাই। সাসারামেই তিনি জীবদ্দশায় নিজ সমাধি-নির্মাণের ব্যবস্থা করিয়াছিলেন, যাহাতে মৃত্যুর পর তাঁহার দেহও তাঁহার অপরাপর আত্মীয়পরিজনবর্গের শেষশয়নস্থানের অদূরেই আশ্রয়লাভ করিতে পারে। বিশাল এক জলাশয়ের মধ্যে নির্মিত সেরসাহের সমাধি-সৌধটি পাঠানস্থাপত্যের অন্ততম সুন্দর নিদর্শন। গ্রাণ্ডট্রাঙ্ক রোডে এবং গ্রাণ্ড কর্ড লাইনে ভ্রমণকারিদিগের মধ্যে অনেকেরই নয়নপথে এই সমাধিভবনটি পতিত হইয়া থাকিবে।

কিন্তু সাসারামে যে আরও একটি বহু পুরাতন যুগের কীর্তি—মৌর্যাকুলতিলক অশোকের কীর্তি—আছে সে কথা বোধ হয় অনেকেই অবগত নহেন। সাসারামের সন্নিকটে যে গণ্ডশৈলশ্রেণী দেখা যায়, তাহা কাইমুর গিরিমালার সর্ব উত্তরপূর্ব প্রান্ত। সহরের এক ক্রোশ দক্ষিণে চন্দনপীর পাহাড়। চূড়াদেশে পীরচন্দন সহিদ নামক এক মুসলমান ফকিরের কবর থাকায় উহার এই প্রকার নামকরণ হইয়াছে। চূড়ার কিছু নিম্নে গিরিগাত্রে একটি গুহা দেখা যায়; গুহাটি মনুঘৃহস্ত ক্ষোদিত এবং সাধারণের নিকট “পীরসাহেবের চিরাগদান” নামে পরিচিত। গুহাটির প্রবেশপথ পশ্চিমমুখী এবং চার ফুট উচ্চ। অশোকের লেখাটি এইস্থানে উৎকীর্ণ। দীর্ঘ এক প্রস্তরখণ্ড উপরে বিস্তৃত থাকিয়া গুহাটির সম্মুখবর্তী স্থানে ছাদের কার্য্য করিতেছে। এ কারণ রৌদ্রবৃষ্টি হইতে রক্ষা পাওয়ার ফলে লেখাটি অনেকটা ভাল অবস্থাতেই আছে। বিগত পঞ্চাশ বৎসরের মধ্যে পাথরের চটা-উঠার ফলে ইহার শেষাংশের কতকটা ক্ষতি হইয়াছে। ১৮৭৭ খৃষ্টাব্দে প্রকাশিত কানিংহামের “অশোক অনুশাসন” সম্বন্ধীয় গ্রন্থের জন্ত গৃহীত এবং উক্তপুস্তকে প্রদত্ত ইহার প্রতিলিপি ও ফটোর সহিত মদ্যষ্ট অনুশাসনের পাঠ মিলাইতে গিয়া তাহা সহজেই বুঝিতে পারা গেল। লেখাটি আট লাইনে সম্পূর্ণ।

সাসারাম অনুশাসনের অস্তিত্ব অনেককাল হইতেই জানা ছিল। কিন্তু প্রথমটায় এদিকে কেহই মনোযোগী হয়েন



এই। সামারামে একটি পুরাতন শিলালিপি আছে শুধু এইটুকুই জানা ছিল। প্রিন্সেপ কর্তৃক ব্রাহ্মী বর্ণমালার পাঠোদ্ধারের পর এই লেখাটির প্রতি সকলের দৃষ্টি আকৃষ্ট হয়। সাহ কবিরুদ্দিন নামক জনৈক স্থানীয় কর্মচারীর নিকট হইতে নকল পাইয়া E. L. Ravenshaw ১৮৩৯ খ্রষ্টাব্দে সর্বপ্রথম এসিয়াটিক সোসাইটির পত্রে এই প্রাচীন লিপির কথা সাধারণের গোচরীভূত করেন। তিনি লিখিয়াছিলেন “সামারামের নিকট চন্দন সহিদ পাহাড়ের চূড়ায় লেখাটি ক্ষোদিত। বেতিয়া এবং এলাহাবাদ শ্রমের গাত্রে যেরূপ অক্ষর দেখা যায়, ইহার গাত্রেও সেই ধরণের অক্ষর আছে। লেখাটি এত অসম্পূর্ণ এবং গোলমেলে যে পণ্ডিত কমলাকান্ত ইহার তাৎপর্য্য অবগত হইতে সক্ষম হইয়াছেন নাই।” (J. A. S. B., Vol. IX. p. 354)।

পণ্ডিত কমলাকান্তের পাণ্ডিত্যের অপর কোন পরিচয় পাওয়া যায় না। তখনকার দিনে প্রাচীন বর্ণমালা এবং পালি-প্রাকৃত ভাষায় তিনি সম্ভবতঃ কতকটা অভিজ্ঞ ছিলেন। কিন্তু সুপ্রাচীন ব্রাহ্মীলিপির পাঠোদ্ধারের জ্ঞান তাঁহার ছিল বলিয়া মনে হয় না। যাহা হউক পণ্ডিত কমলাকান্ত না পারিলেও অপরাপর পণ্ডিতরা লেখাটির পাঠোদ্ধার করিয়া গিয়াছেন, এটিও সম্রাট প্রিয়দর্শী অশোকের প্রচারিত অনুশাসনসমূহের অন্ততম, কারণ ইহার প্রথমেই আছে “দেবানংপিয়ে হেবং আই”—“দেবপ্রিয় এইরূপ বলেন।”

সামারামের স্থানে স্থানে এখনও প্রাচীন বৌদ্ধকীর্তির ধ্বংসনিদর্শন দেখা যায়। তাই মনে হয় বৌদ্ধযুগে এইস্থান এতদঞ্চলে একটি প্রধানকেন্দ্র ছিল এবং সম্ভবতঃ সামারাম সহস্রারামেরই অপভ্রংশ।

**রূপনাথ :**—মধ্যপ্রদেশের জব্বলপুর জেলায় সিহোরা তহসিলে সীমানাবাদ রেলস্টেশনের ১৪ মাইল পশ্চিমে রূপনাথ নামে একটি হিন্দু তীর্থস্থান আছে। তীর্থস্থান বলাতে কেহ যেন কাশী, গয়া, পুরী, প্রয়াগ, মথুরার মত বলিয়া মনে না করিয়া বসেন এই অনুরোধ। তীর্থস্থানটি ছোট,—উহার হাওয়া এতদঞ্চলের মধ্যেই সীমাবদ্ধ, অধিকদূরে আর হইতে পারে নাই। রূপনাথ জব্বলপুর সহরের প্রায় ৩৫ মাইল উত্তরে হইবে। রূপনাথের নিকটে যে সকল গাওঁশৈল

আছে তাহা কাইমুর গিরিমালার সর্ব দক্ষিণ-পশ্চিম প্রান্ত। পাহাড়ের উপর হইতে একটি ঝরণা নামিয়াছে, তিন বিভিন্ন স্থানে তাহার জল ভগিয়া তিনটি পৃথক কুণ্ডের সৃষ্টি করিয়াছে। ঐ তিনটি যথাক্রমে রামচন্দ্র, লক্ষণ ও সীতদেবীর নামে পরিচিত এবং সাতিশয় পবিত্র বলিয়া বিবেচিত হইয়া থাকে। গীতাকুণ্ডটিই সর্বদক্ষিণে অবস্থিত। তাহার সম্মুখে পাহাড়ের গায়ে এক ফাটলে রক্ষিত একটি শিবলিঙ্গ আছে। তাহার নাম “রূপনাথেশ্বর মহাদেব”। কুণ্ডের বামপার্শ্বে অবস্থিত ঘোর রক্তবর্ণ এক বৃহৎ প্রস্তর খণ্ডের গাত্রে অশোকের অনুশাসনটি উৎকীর্ণ। পূর্বে প্রতিবৎসর শিব-রাত্রির দিন এখানে একটি মেলা বসিত। সেই সময় কুণ্ডে স্নান করিতে এবং রূপনাথেশ্বর শিবলিঙ্গ দর্শন করিতে বহু লোক-সমাগম হইত। কিন্তু বিগত ৭০ বৎসরের মধ্যে মেলাটি আর হয় নাই। শিবরাত্রির দিন কিছু যাত্রী সমাগম এখনও হইয়া থাকে বটে, কিন্তু মেলাটি বন্ধ হইয়া গিয়াছে।

পাথরখানার উপর পৃষ্ঠে লেখাটি উৎকীর্ণ হইয়াছিল। বহু শতাব্দীর রৌদ্রবৃষ্টির প্রভাবে এবং মেলার সময়ে সমাগত লোকদের ইহার উপরে বসার ফলে লিপির সমূহ ক্ষতি হইয়াছে; স্থানে স্থানে অক্ষর একেবারেই বিলুপ্ত হইয়াছে। প্রস্তরখণ্ডটি ভাল করিয়া মসৃণ করাও হয় নাই। গাত্রে স্বাভাবিক দাগের জন্য পংক্তিগুলি সরল বা পরস্পর সমান্তরাল নহে। অনুশাসনযুক্ত অংশটি দৈর্ঘ্যে ৩ হাত এবং প্রস্থে প্রায় এক হস্ত হইবে। লেখাটি ছয় লাইনে সম্পূর্ণ। সামারাম অনুশাসনের মত ইহার ভাষা মাগধী নহে; গির্গার, সাঁচি, ভরহত প্রভৃতি পশ্চিম এবং মধ্যভারতের স্থান সমূহে প্রাপ্ত অন্যান্য প্রাচীনলিপিতে যেমন, রূপনাথেও তেমনই “র” অক্ষরের প্রচলন দেখা যায়। ভাষাতত্ত্ববিদ পাঠকের নিকট একথা অজানা নহে যে “মাগধী প্রাকৃতে” ‘র’ এর স্থানে ‘ল’ এর প্রয়োগ আছে। মাগধীর সহিত এই ভাষার ব্যাকরণগতও কতকটা পার্থক্য দেখা যায়। কানিংহাম এই ভাষাকে (dialect) “উজ্জৈনীয়” ভাষা আপ্যাদিয়াছিলেন।

কর্ণেল এলিস নামক জনৈক সামরিক কর্মচারীর এক



ভূত কৰ্ত্তৃক লেখাটি সৰ্ব্বপ্রথম আবিষ্কৃত হইয়াছিল। উক্ত কৰ্ণেল লেখাটির এক নকল এসিয়াটিক সোসাইটিকে পাঠাইয়া দিয়াছিলেন। তাহা এতই ভ্রমপ্রমাদ-পরিপূর্ণ এবং কদৰ্ঘ্য হইয়াছিল যে পড়িবার কোনই উপায় ছিল না। সলিমাবাদ পরগণার রূপনাথ উহা পাওয়া গিয়াছে, শুধু এইটুকু পরিচয় তাহার সহিত দেওয়া ছিল। বহুকাল পরে এসিয়াটিক সোসাইটির মিউজিয়মে অব্যবহৃত দ্রব্যাদি পূর্ণ একটা বাক্সের মধ্যে ঐ প্রতিলিপিটি দেখিতে পাইয়া কানিংহাম এ বিষয়ে কৌতুহলী হইলেন এবং এ সম্বন্ধে অনুসন্ধান আরম্ভ করেন।

পরগণা সলিমাবাদ কোথায় তাহা উক্ত প্রতিলিপির পরিচয়পত্রে বলা ছিল না। গয়া এবং মুন্সেরের মধ্যে ঐ নামে এক পরগণা আছে। এ কারণ কানিংহাম মনে করিয়াছিলেন যে বিহার সরিফের অদূরে কোন স্থান হইতে উহা বাহির হইবে এবং সেজন্য তিনি প্রথম ঐ স্থানেই সন্ধান আরম্ভ করেন। বলা বাহুল্য তাঁহার চেষ্টা সফল হয় নাই। তখন হঠাৎ একদিন তাঁহার মনে হইল যে জব্বলপুরের “সীমানাবাদ” সাধারণ লোকের মুখে ‘সলিমাবাদ’ দাঁড়াইয়াছে, —সুতরাং রূপনাথ ঐ দিকে হওয়াই সম্ভব। এই কথা মনে পড়ায় কানিংহাম তাঁহার অন্ততম সহকারী বেগলারকে ঐ স্থানে সন্ধান করিতে পাঠাইলেন। এবারে অল্প অশেষণের পরই অনুশাসনটি বাহির হইল।

দক্ষিণ ভারতবর্ষে আবিষ্কৃত অনুশাসনগুলি সর্বশেষ বাহির হইয়াছে। মহিশুর রাজ্যে অবস্থিত তিনটি অনুশাসন ১৮৯২ এবং নিজামরাজ্যে প্রাপ্ত লেখাটি ১৯১৫ খৃষ্টাব্দে পাওয়া গিয়াছে। উত্তর ভারতবর্ষে বিভিন্ন স্থান হইতে অশোকের অনুশাসন আবিষ্কৃত হইবার পর সুদীর্ঘ ষষ্টিবর্ষের মধ্যেও দক্ষিণ ভারতবর্ষের কোন স্থান হইতে তাঁহার লিপি বাহির না হওয়ায় পূর্বে সকলেই মনে করিতেন দক্ষিণাপথে অশোকের আধিপত্য ছিল না, তাঁহার সাম্রাজ্য শুধু উত্তরাপথেই সীমাবদ্ধ ছিল। উদাহরণস্বরূপ পরলোকগত ঐতিহাসিক পণ্ডিতবর সার রামকৃষ্ণ গোপাল ভাণ্ডারকরের কথা বলা যাইতেছে। তাঁহার Early History of the Deccan গ্রন্থ সর্বপ্রথম ১৮৮৪ খৃষ্টাব্দে প্রকাশিত হয়।

তিনি লিখিয়াছিলেন “সাম্রাজ্যের সীমান্ত প্রদেশে অবস্থিত লিপিগুলি হইতে দেখা যায় পূর্বদিকে কলিঙ্গ বা উত্তর সরকার প্রদেশ এবং পশ্চিমদিকে কাথিয়াবার প্রদেশ অবধি অশোকের সাম্রাজ্য বিস্তৃত ছিল। ইহার দক্ষিণে তাঁহার আধিপত্য বিস্তৃত ছিল বলিয়া বোধ হয় না। কারণ অনুশাসনসমূহে অশোকের সাম্রাজ্য ‘বিজিত দেশ’ নামে অভিহিত হইয়াছে; পক্ষান্তরে যে সকল জনপদে তাঁহার আধিপত্য ছিল না তাহাদের নাম ধরিয়াই উল্লেখ দেখা যায়। অতএব রাষ্ট্রিক, ভোজ, পেতেনিক, চোল, পাণ্ড্য প্রভৃতি জনপদ তাঁহার অধীন ছিল না। মহারাষ্ট্র বা ডেকানদেশে তাঁহার আধিপত্য থাকিলে নিশ্চয়ই কোন না কোন স্থান হইতে তাঁহার একখানি ঘোষণা পত্র বাহির হইত।” (পৃঃ ১১)

ভাণ্ডারকর এই কথা লিখিবার অল্প পরেই, এমন কি তাঁহার গ্রন্থের সম্পূর্ণ হইবার পূর্বেই, ক্যাম্বেল এবং পণ্ডিত ভগবানলাল ইন্ডজী সোপারা গ্রামে অষ্টম গিরিলিপির অংশ-বিশেষ আবিষ্কার করেন। ইহাতে ভাণ্ডারকর অশোকের সাম্রাজ্য সোপারা অবধি বিস্তৃত ছিল গানিগা লইতে বাধা হইলেও মহারাষ্ট্রদেশ সম্বন্ধে তাঁহার সিদ্ধান্ত অক্ষুণ্ণ রহিল বলিয়া মনে করেন।—(পৃঃ ১২, ফুটনোট)

সুতরাং ১৮৯২ খৃষ্টাব্দে মহিশুর রাজ্যে জরীপকার্যের সময় পরস্পর সন্নিবিষ্ট তিনটি বিভিন্ন স্থান হইতে যখন অশোকের অপ্রধান গিরিলিপির তিনটি বিভিন্ন সংস্করণ বাহির হইল এবং আরও দেখা গেল যে সম্পূর্ণ নূতন আর একটা অনুশাসনও তাহার সহিত সন্নিবিষ্ট রহিয়াছে, তখন সকলেই নিরতিশয় বিস্মিত হইয়াছিলেন। অশোকের সাম্রাজ্য যে দক্ষিণ ভারতের প্রায় সর্বদক্ষিণ প্রান্ত পর্যন্ত বিস্তৃত ছিল তাহা তখন কেঁহই মনে করিতে পারেন নাই। কেহ কেহ মনে করিতেন যে, অশোকের গিরিলিপিতে দাক্ষিণাত্যের জাতিবৃন্দের এবং জনপদসমূহের যে উল্লেখ দেখা যায় তাহা শুধুই সম্রাটের আত্মপ্রশংসার ফল। আসলে ঐগুলির সহিত তাঁহার কোনই নিকট-সম্বন্ধ ছিল না, কারণ তাঁহার রাজ্যসীমা উহাদের নিকট হইতে বহুদূর দিয়াই গিয়াছিল।



অশোক যে শুধু দর্পভরেই দাক্ষিণাত্যের জনপদসমূহের  
শাসন করেন নাই তাহা তখন সকলেই দেখিতে পাইলেন।  
ইরূপে ভারতেতিহাসের একটি পরম মূল্যবান তথ্য সং-  
গৃহীত হইল। তাই ১৯১৫ খৃষ্টাব্দে যখন নিজাম রাজ্যে  
দক্ষিণ নামক স্থানে এবং ১৯২৯ খৃষ্টাব্দে মাদ্রাজ প্রদেশের  
চেন্নাই জেলায় অশোকের অনুশাসন আবিষ্কৃত হইবার সংবাদ  
পাওয়া গেল তখন আর কেহই ততটা বিস্মিত হন নাই।

যাহা হউক এবারে দক্ষিণাপথে আবিষ্কৃত অনুশাসন  
গুলির কথা বলা যাইতেছে। পূর্বেই বলিয়াছি মহিশুর  
রাজ্যে তিনটি বিভিন্ন স্থান হইতে অপ্রধান গিরিলিপি  
ছইটির তিনটি বিভিন্ন সংস্করণ বাহির হইয়াছে। মহিশুর  
রাজ্যের উত্তরাংশে চিত্তলদ্রগ জেলা; তন্মধ্যে “নোলকালমুরু”  
নামে একটি তালুক আছে। উক্ত তালুকের মধ্য দিয়া  
পশ্চিম হইতে পূর্বাভিমুখে “জনগিহল্ল” নদী বহিয়া গিয়াছে।  
নদীর উভয় পার্শ্বে কতকগুলি গণ্ডশৈল দেখিতে পাওয়া যায়।  
তন্মধ্যে পরস্পরের অনতিদূরে অবস্থিত তিনটি গিরিগাত্রে  
অশোকের অনুশাসন ছইটি উৎকীর্ণ হইয়াছিল। ১৮৯২  
খৃষ্টাব্দে মহিশুর রাজ্যে জরীপ কার্যের সময় ঐগুলি I. B.  
Rice কর্তৃক আবিষ্কৃত হয়। তিনিই প্রথম এ গুলির  
পরিচয় সাধারণের গোচরীভূত করেন। প্রথম পাঠোদ্ধারের  
পর দেখা গেল যে বৈরাট, সাসেরাম এবং রূপনাথের লিপি  
এবং নবাবিস্কৃত লেখত্রয়ের ভাষা ও বলিবার ধরণে কিঞ্চিৎ  
প্রভেদ থাকিলেও মূলতঃ উহাদের প্রতিপাত্ত বিষয় একই।  
আরও একটি সম্পূর্ণ নূতন অনুশাসন মহিশুরে দেখা যায়,  
তাহা পূর্বে আর কোথাও আবিষ্কৃত হয় নাই। ইহা  
ঐতিহাসিক মহলে অশোকের দ্বিতীয় সংখ্যক অপ্রধান  
গিরিলিপি নামে পরিচিত। ইহাতে অশোকের ধর্মবিধির  
সংক্ষিপ্তসার প্রদত্ত হইয়াছে। অশোকের প্রধান চতুর্দশ  
গিরিলিপির তৃতীয়, চতুর্থ, নবম ও একাদশ সংখ্যক  
অনুশাসনে এবং সপ্তম সংখ্যক স্তম্ভলিপিতে যে কথা বলা  
হইয়াছে, ইহাতে সেই ভাবেরই সার সঙ্কলিত দেখা যায়।

মহিশুরে আবিষ্কৃত লিপিত্রয়ের আরম্ভভঙ্গীতেও কত-  
কটা স্বাতন্ত্র্য দেখা যায়। অন্যান্য স্থানের লিপিগুলির  
আরম্ভ অনেকটা সাধাসিধা ধরণের,—“দেবানং পিয়ে

হেবং আহ” অর্থাৎ “দেবপ্রিয় এইরূপ বলিলেন।” ইহা  
অশোকের নিজের মুখের বাণী, স্বয়ং সম্রাট নিজ ধর্মজীবনের  
ইতিহাস সর্বসাধারণের নিকট প্রকাশ করিতেছেন।  
প্রথমোক্তগুলির আরম্ভ অল্প ধরণের। উহা হইতে জানা  
যায় যে, ইমিলার রাজকর্মচারিদিগের উদ্দেশ্যে প্রেরিত  
সম্রাটের অনুজ্ঞা সূবর্ণগিরির রাজপুত্র এবং তাঁহার কর্মচারি-  
বৃন্দের নিকট প্রথম প্রেরিত হইয়াছিল এবং তাঁহারা উহা যথা  
স্থানে পাঠাইয়া দিয়াছিলেন। অর্থাৎ ইমিলার রাজকর্মচারি-  
দিগের সরাসরি ভাবে সম্রাটের সহিত পত্রব্যবহারের অধিকার  
ছিল না—সূবর্ণগিরিতে অবস্থিত রাজপুত্র এবং তাঁহার  
কর্মচারিগণের সহযোগিতায় তাঁহা তাঁহাদের করিতে হইত।  
ইহা হইতে জানা যায় যে, ইমিলার কর্মচারিগণ সূবর্ণগিরির  
রাজপ্রতিনিধির অধীনস্থ ছিলেন। তাহা হইলে উভয়  
নগর একই অঞ্চলে—অর্থাৎ দক্ষিণাপথে—অবস্থিত ছিল  
এবং সে ক্ষেত্রে বলিতে হয় যে, সূবর্ণগিরিই মৌর্যসাম্রাজ্যের  
এতদঞ্চলের প্রধান কেন্দ্র ছিল। অনুশাসনসমূহ হইতে  
জানা যায় যে, শাসনকার্যের সৌকর্য্যার্থে অশোকের সাম্রাজ্য  
পাচটি বিভিন্ন প্রদেশে বিভক্ত ছিল। তন্মধ্যে রাজধানী  
পাটলিপুত্র হইতে স্বয়ং সম্রাট কেন্দ্র বা মধ্য বিভাগের  
শাসনদণ্ড পরিচালন করিতেন। অপরাপর চারিটি  
প্রদেশের শাসনভার রাজবংশ হইতে নির্বাচিত কুমার বা  
আধাপুত্র অর্থাৎ রাজপ্রতিনিধির উপর ত্যক্ত ছিল। ঐ চারিটি  
প্রদেশ যথাক্রমে উত্তর (প্রধান নগর তক্ষশিলা), পশ্চিম  
(প্রধান নগর উজ্জয়িনী), দক্ষিণ (প্রধান নগর সূবর্ণগিরি)  
এবং পূর্ব (প্রধান নগর তোমলি) প্রদেশ নামে অভিহিত  
হইতে পারে। পিতা বিন্দুসারের জীবদ্দশায় অশোক  
ক্রমান্বয়ে উজ্জয়িনী এবং তক্ষশিলার রাজপ্রতিনিধিত্ব  
করিয়াছিলেন সে কথা ইতিহাসজ্ঞ পাঠকের অজানা নহে।  
সূবর্ণগিরির অবস্থান সম্বন্ধে পরে বলা যাইবে, এবারে  
লেখা তিনটি সম্বন্ধে কিছু বলা যাইতেছে।

**ব্রহ্মগিরি ৪—** মহিশুরে আবিষ্কৃত লিপিত্রয়ের মধ্যে  
ব্রহ্মগিরি নামক স্থানে প্রাপ্ত লেখাটিই সর্বাপেক্ষা আবিষ্কৃত  
অবস্থায় পাওয়া গিয়াছে। একারণ প্রথমে তাহার কথাই  
বলা গেল। ব্রহ্মগিরি পাহাড়ের উত্তর পশ্চিম কোণের



পাদমূলে অবস্থিত সুবৃহৎ এক প্রস্তরখণ্ডের উপরপৃষ্ঠে লেখাটী উৎকীর্ণ। ঐ প্রস্তর দীর্ঘকাল হইতে স্থানীয় অধিবাসিদের নিকট “অক্ষরগুপ্ত” (কানাড়ী ভাষায় গুপ্ত অর্থে প্রস্তর বুঝায়) নামে পরিচিত। উহার নানা কঠিন ছুরারোগ্য রোগ আরাম করিবার দৈবশক্তি আছে বলিয়া গ্রামবাসিদের বিশ্বাস। কারণ মনুষ্য বা গবাদি পশুর সকল প্রকার রোগেই প্রথমে ঐ পাথর ধোওয়া জল তাহারা রোগীকে পান করিতে দিয়া থাকে। দিবসের আতপতাপ হইতে রক্ষা পাইবার জন্য পর্বতের ছায়াশীতল কোলে অবস্থিত সুবিশাল এই প্রস্তরখণ্ড দীর্ঘকাল হইতেই গোমেষ-চারণকারী রাখালগণের এবং নিকটবর্তী ক্ষেত্রসমূহের শস্য রক্ষানিরত কৃষককুলের প্রিয় বিশ্রামস্থানরূপে ব্যবহৃত হইয়া আসিতেছে। তাহার ফলে প্রস্তর গাত্রে উৎকীর্ণ লেখাটীর বহুলাংশে ক্ষতি হইয়াছে। ক্ষোদাই করিবার পূর্বে বন্ধুর প্রস্তর গাত্র ভালরূপে মসৃণ করিয়া লওয়া হয় নাই, তাহার ফলে পংক্তিগুলি পরস্পর সমান্তরাল বা ঋজু ভাবে উৎকীর্ণ হয় নাই। বানদিকে প্রস্তর গাত্রে একটা ফাটল থাকার জন্য তন্মধ্যে বর্ষার জল সঞ্চিত হইয়া ষষ্ঠ ও সপ্তম পংক্তির আরম্ভের কয়েকটা অক্ষর একেবারে বিনষ্ট করিয়াছে। ত্রয়োদশ লাইনে সম্পূর্ণ অনুশাসনটী প্রস্তর খণ্ডের প্রায় দশহাত দীর্ঘ এবং আটহাত আয়ত স্থান জুড়িয়া উৎকীর্ণ।

**সিদ্ধপুরঃ**—ব্রহ্মগিরির প্রায় এক মাইল পশ্চিমে সিদ্ধপুর “যেবমন তিস্ময়ান গুপ্ত” অর্থাৎ মহিষপালক তিস্ম-য্যার পাহাড় নামে অভিহিত এক গওশৈল গাত্রে লেখাটী উৎকীর্ণ। প্রায় নয় হাত দীর্ঘ এবং ছয় হাত বিস্তৃত জায়-গায় বাইশ লাইনে লেখাটী সম্পূর্ণ। বন্ধুর প্রস্তরগাত্রের জন্য পংক্তিগুলি পরস্পর সমান বা সরল নহে। সুবিশাল এক প্রস্তরখণ্ড উত্তরদিক হইতে লেখাটীর উপর ছাতের স্তায় হেলিয়া থাকার ফলে স্থানটী বেশ ছায়াশীতল, তজ্জন্য মনুষ্য এবং গবাদি পশুর রোদ্র বৃষ্টি হইতে আশ্রয় লওয়ার ফলে লেখাটীর সবিশেষ ক্ষতি হইয়াছে।

সিদ্ধপুরার অবস্থান অনুমান ১৪°৪৭' এবং ৭৬°৫১' রেখা মধ্যে। ইহার অদূরে ভূগর্ভে প্রোথিত এক প্রাচীন

নগরের ধ্বংসনিদর্শন আজও বিদ্যমান। প্রচলিত প্রবাদানুসারে ঐ নগরের নাম ছিল “চন্দ্রাবলী”। বহুকাল হইতেই এখানকার কৃষকেরা ভূমিকর্ষণকালে পুরাতন মুদ্রা ও শিল মোহর, অস্থিখণ্ড, ইষ্টকাদি এবং স্বর্ণালঙ্কারখণ্ড প্রভৃতি পাইয়া থাকে। পরে নগর হইতে প্রায় এক মাইল দূরে খননের ফলে বিস্তৃত প্রাচীর ও গৃহাদির ভগ্ননিদর্শন, বহু সংখ্যক পুরাতন যুগের শিলমোহর ও মুদ্রা বাহির হইয়া পড়িল। মুদ্রাগুলির মধ্যে অন্ধুরাজগণের এবং রৌমক সম্রাট অগষ্টস সিজারের মুদ্রাও দেখা যায়। বিশ্বস্ত নগরীর এক মাইল পশ্চিমে গিরিগাত্রে খোদিত এবং ভূগর্ভে স্থিত কতকগুলি গুফা বা গুহা আছে। বৌদ্ধ যতিগণের নির্জ্ঞন বাসের জন্য ঐগুলি তাত্‌কালীন ধর্মপ্রাণ নৃপতিবৃন্দ কর্তৃক নিশ্চিত হইয়াছিল। ঐ গুলিতে এককালে মনুষ্য-বাসের বহু নিদর্শন আজও দেখা যায়। ঐ প্রাচীন নগরী-টার নিদর্শনকেই অনুশাসনোক্ত ইসিলার ধ্বংসাবশেষ বলিয়াই মনে হয়।

**জটিকা-রামেশ্বরঃ**—ব্রহ্মগিরির প্রায় তিন মাইল উত্তর-পশ্চিমে জটিকা-রামেশ্বর পর্বত। প্রবাদ এইখানেই সীতাহরণকালে বাধা দিতে গিয়া রাবণের হস্তে জটায়ু প্রাণ-বিসর্জন দিয়াছিল। পাহাড়ের উপরে জটিকা-রামেশ্বর মহাদেবের এক মন্দির। যে চত্বরে অশোকের অনুশাসনটী উৎকীর্ণ তাহা মন্দিরে উঠিবার সোপানশ্রেণীর ঠিক সম্মুখেই পাহাড়ের পশ্চিম চূড়ার প্রান্তভাগে অবস্থিত। লেখাটীর দক্ষিণে বিশাল এক পাষণখণ্ড ছাতের স্তায় উপর হইতে লম্বমান রহিয়া রোদ্র জল হইতে লেখাটীকে রক্ষা করিতেছে। যে প্রস্তরে লেখাটী উৎকীর্ণ তাহার বহুলাংশ অতীতে গ্রামবাসিগণ ভাঙ্গিয়া লইয়া গিয়াছে। চারিদিকেই প্রস্তর-গাত্রে এখনও কারিগরের লোহাস্থের দাগ দেখা যায়। মন্দিরে যাইবার সোপানশ্রেণীর ঠিক সম্মুখে উৎকীর্ণ থাকার ফলে শতাব্দীর পর শতাব্দী ধরিয়াই যাত্রিগণ অনুশাসনটার উপর দিয়া গিয়াছে। তাহার ফলে লেখাটীর বহুলাংশে ক্ষতি হইয়াছে। তদ্বিষ উপরে লম্বমান প্রস্তরখণ্ডের প্রদত্ত ছায়ার জন্য ঠিক এই স্থানটীতেই প্রতি বৎসর মেলায় সমগ্র বাল্য-বিক্রেতাগণ নিজ নিজ মাল সাজাইয়া বসিবার জন্য নির্বাচন



করিত। এ কারণ সাধারণের নিকট ঐ শিলাখণ্ডটি “বালগার গুণ্ডু” (বাল্যবিক্রেতার পাথর) নামে পরিচিত। প্রস্তরখণ্ডের বিভিন্ন অংশে উহার নিজ নিজ সামিয়ানা ও আটচালা টাঙ্গাইবার বংশদণ্ড পুঁতিবার গঠন করিয়াছে। এই সকল কারণে লেখাটির আজ নিতান্তই চরম দশা। উহার প্রায় সবটাই নষ্ট হইয়া গিয়াছে, অতি সামান্য পরিমাণ অংশমাত্র পাঠযোগ্য আছে; এমন কি পংক্তিগুলি কোথা হইতে আরম্ভ এবং কোথায় শেষ হইয়াছিল তাহাও নিঃসন্দেহে বলিবার উপায় নাই। তবে যতদূর মনে হয় লেখাটি আটশ গাইনে সম্পূর্ণ ছিল।

ইতিহাসানুরাগী পাঠক শুনিয়া তৃপ্ত হইবেন, বৎসর কয়েক ইল লিপিত্রয়ের সংরক্ষণ সম্বন্ধে মহিশুর দরবার অবস্থিত হইয়াছেন। স্বাভাবিক এবং কৃত্রিম সর্পিপ্রকার ধ্বংস-চেষ্টা হইতে রক্ষার জন্য ঐগুলির উপরে ছোটছোট কুঠরী নিৰ্ম্মাণ করিয়া দেওয়া হইয়াছে। গ্রামের মোড়লের উপর উহাদের ক্ষণাবেক্ষণের ভার লাগে—তাহারই নিকট কুঠরীতে প্রবেশ করণের চাবী রক্ষিত থাকে।

**মন্দির ২**—এতদিন পর্য্যন্ত এইটিই সর্বশেষ আবিষ্কৃত অশোক অনুশাসন বলিয়া গণ্য হইত, কিন্তু প্রায় দুই বৎসর ইল মাদ্রাজ প্রদেশের কুণ্ডল জেলায় অশোক অনুশাসন হির হওয়ার ফলে ইহার সে গৌরব গিয়াছে।

নিজাম রাজ্যের দক্ষিণাংশে রায়চুড় নামে একটি জেলা আছে। উক্ত জেলার লিঙ্গসুগুর তালুকে মন্দির নামে একটি গ্রাম আছে। রায়চুড় সহর হইতে ইহার দূরত্ব দক্ষিণ-পশ্চিম দিকে প্রায় ৪৬ মাইল হইবে। মন্দির অতি প্রাচীন স্থান। থানে অনেকগুলি পুরাতন যুগের শিলালেখ আবিষ্কৃত হইয়াছে। ইহার অদূরে ছটির পুরাতন স্বর্ণখনির খাতসমূহ বস্তুত। অতি প্রাচীন কাল হইতেই এতদঞ্চল স্বর্ণোত্ত-নের জন্য প্রসিদ্ধ ছিল।

১৯১৫ খৃষ্টাব্দের ২৭শে জানুয়ারী তারিখে M. C. Eadon নামক জনৈক খনিজ-ভূতত্ত্ববিদ কর্তৃক এই প্রাচীন লেখাটি আবিষ্কৃত হইয়াছিল। তিনি তখন সন্নিকটবর্তী লিঙ্গসুগুর স্বর্ণখনির সন্ধানে ফিরিতেছিলেন। একটি গুহা-খ অবস্থিত বিশাল একখণ্ড পাষাণগাত্রে কতকগুলি অক্ষুত

ধরনের চিহ্ন তিনি দেখিতে পান। তাঁহার মনে হয় সম্ভবতঃ ঐগুলি প্রাচীনযুগের কোনপ্রকার বর্ণমালার অক্ষর হইবে। সন্দেহ নিরাকরণের জন্য কতকগুলি অক্ষরের নকল লইয়া তিনি ভারতগভর্নমেন্টের প্রাচীনলিপিপাঠকের নিকট পাঠাইয়া দেন। তখন পণ্ডিত কৃষ্ণশাস্ত্রী ঐ পদে অধিষ্ঠিত ছিলেন। বলা বাহুল্য তিনি দেখিবামাত্র ঐগুলিকে সুপ্রাচীন ব্রাহ্মী বর্ণমালার অশোকযুগের অক্ষর বলিয়া বুঝিতে পারিলেন। কালবিলম্ব ব্যতিরেকে অতঃপর তিনি মাদ্রাজ ও নিজাম সরকারের অনুমতি লইয়া মন্দিরে আগমন করিলেন। লেখাটি পরীক্ষা করিয়া তাঁহার পূর্বকৃত সিদ্ধান্ত দৃঢ়ীকৃত হইল। এটিও যেমৌর্য সম্রাট অশোকের অপর একটি অনুশাসন এবং অপ্রধান গিরিলিপি পর্য্যায়ের দ্বিতীয় তাহার অপরাপর লেখের সহিত ইহা যে সমশ্রেণীর সে বিষয়ে তিনি নিঃসন্দেহ হইলেন।

মন্দির গ্রামের অনতিদূরে অবস্থিত একটি গণ্ডশৈলগাত্রে স্বাভাবিক একটি গুহাব দক্ষিণাভিমুখী প্রবেশপথে রক্ষিত ধূসরবর্ণের একটি গ্রানাইট প্রস্তরখণ্ডের ভিতরের পৃষ্ঠে অশোকের লেখাটি উৎকীর্ণ। ঐ প্রস্তরখণ্ডটি ৮ ফুট ৯ ইঞ্চি দীর্ঘ এবং ৫ ফুট আয়ত। স্থানে স্থানে প্রস্তরগাত্র বারিলা যাওয়ার ফলে লেখাটির কতকাংশ বিনষ্ট হইয়াছে।

পূর্বে বলিয়াছি মন্দিরগ্রাম সাম্প্রদায়িক কতকগুলি পুরাতন শিলালেখ দেখা যায়। এগুলি মধ্যযুগের। উহাতে মন্দির নামেরও উল্লেখ আছে। মন্দির প্রকৃত নান লইয়া এখানকার অধিবাসীদের মধ্যে বর্ণেতে মতভেদ দেখা যায়। বিভিন্ন শ্রেণীর লোকে ভিন্ন ভিন্ন আখ্যায় এই গ্রামকে অভিহিত করে। অজ্ঞ কবিজীবীদের ‘মন্দিগি’, বা ‘মন্দিগি’, স্থানীয় ব্রাহ্মণদের ‘মন্দি’ এবং মুসলমানদের ‘মসগি’ এই স্থানেরই নাম। চালুক্যরাজ জগদেকমল্লের এক লিপিতে (৯৪৯শক— ১০২৭ খৃষ্টাব্দ) এই স্থানের “রাজধানী পিরিয় মোসঙ্গি” আখ্যা দেখা যায়। গ্রাম মধ্যে আবিষ্কৃত উক্ত নৃপতির আর একটি শিলালিপিতে ঐ অঞ্চলকে “মোসঙ্গির ব্রহ্মপুরী” বলিয়া উল্লেখ দেখা যায়। মন্দিরে প্রাপ্ত অচ্যুতরায় এবং সদাশিব রায়ের দুইটি লেখে “মোসগে নাড়ু”র (নাড়ু অর্থে, তামিল ভাষায় দেশ) প্রধান নগর “মোসগে”র উল্লেখ



আছে। এখানে বলা বোধ হয় অপ্রাসঙ্গিক হইবে না যে, তামিল প্রাচীনলিপি হইতে জানা যায় চোলরাজ প্রথম রাজেন্দ্র চোল চানুক্যরাজ দ্বিতীয় জয়সিংহকে “মুশংগি” যুদ্ধক্ষেত্রে পরাজিত করিয়াছিলেন (Epigraphia Indica, Vol. IX, P. 230)। সেই মুশংগিও বর্তমান মন্দির সহিতই অভিন্ন বলিয়া মনে হয়। এই সকল পুরাতন লিপি হইতে বেশ বুঝা যায় যে প্রাচীন মৌর্যযুগ হইতে অপেক্ষাকৃত আধুনিক যুগ পর্য্যন্তই মন্দির এতদঞ্চলের এক সমৃদ্ধ জনপদের কেন্দ্রস্থল ছিল।

মন্দির লিপি হইতে কয়েকটি নূতনতর তথ্য অবগত হওয়া যায় যাহা পূর্ববর্তী অনুশাসনসমূহ হইতে সুপরিষ্কৃত হয় নাই। সমগ্র অশোক অনুশাসন মধ্যে শুধু এইটিতেই তাঁহার নিজ নাম ব্যবহার দেখা যায়। আশ্চর্য্যের বিষয় হইলেও, এ কথা সত্য যে, সমগ্র অনুশাসন মধ্যে কুত্রাপি অশোকের নিজ নাম দেখা যায় না। সর্ব্বত্রই ‘দেবপ্রিয় প্রিয়দর্শী’ নামে অশোক নিজ পরিচয় দিয়া গিয়াছেন। এ কারণ অনুশাসনোক্ত প্রিয়দর্শী এবং সংস্কৃত ও পালিসাহিত্য বর্ণিত অশোক নৃপতির অভিন্নতা প্রতিপন্ন করিবার জন্য পণ্ডিতগণকে যথেষ্ট আগ্রাস স্বীকার করিতে হইত। কিন্তু মন্দিরলিপি আবিষ্কারের পর হইতে তাহা নিস্প্রয়োজন হইয়া পড়িয়াছে, কারণ ইহাতে স্পষ্টই লিখিত দেখা যায় “দেবানং পিয়স অসোকস।”

এবারে অশোকের অনুশাসনগুলির সম্বন্ধে কিছু বলা প্রয়োজন, নচেৎ প্রবন্ধটি অসম্পূর্ণ থাকিয়া যায়। ভাবনা অনুশাসন এবং দ্বিতীয় অপ্রধান গিরিলিপির প্রতিপাত্ত বিষয় সম্বন্ধে পূর্বেই বলা গিয়াছে। একারণ এখানে শুধু প্রথম লিপিটির পরিচয় দিব এবং ইহা হইতে যে সকল ঐতিহাসিক তথ্য অবগত হওয়া যায় সে সম্বন্ধে কিছু বলিব। পূর্বেই বলিয়াছি ঐতিহাসিকের নিকট এই অনুশাসনটি সবিশেষ মূল্যবান। ইহা অশোকের ধর্ম্মজীবনের ইতিহাস। এ বিষয়ে কিছু বলিবার পূর্বে নমুনাস্বরূপ একটি লিপির অনুবাদ দেওয়া বোধ হয় অপ্রাসঙ্গিক হইবে না। নানা-

কারণে লিপিসমূহের মধ্যে সাদারামে আবিষ্কৃত পাঠের অনুবাদ প্রদত্ত হইল।

“দেবপ্রিয় এইরূপ বলেন—আড়াই বৎসরের অধিক কাল হইল আমি উপাসক হইয়াছি। বিশেষ কিছু করি নাই। এক বৎসরের অধিক হইল (কিছু কার্য্য করি য়াছি)। ইহার মধ্যে জম্বুদ্বীপে যে-সকল অমিশ্র (অপ্রচলিত দেবতা ছিলেন, তাঁহাদিগকে মনুষ্যের সহিত মিশ্রিত (অর্থাৎ প্রচলিত) করিয়াছি। ইহা চেষ্টার ফল। ইহা যে কেবল মহৎগণের প্রাপ্তব্য তাহা নহে। ক্ষুদ্র ও চেষ্টার দ্বারা বিপুল স্বর্গস্বর্থ লাভ করিতে (সক্ষম হয়)। এতদুদ্দেশ্যে এইরূপ ঘোষণা করা যাইতেছে—ক্ষুদ্র ও মহৎ সকলেই চেষ্টা করিতে থাকুন। পার্শ্ববর্তী (জনপদসমূহের অধিবাসীরাও) জানুক। এই চেষ্টা চিরস্থায়ী হউক। এই উদ্দেশ্য বদ্ধিত হইতে থাকুক, ইহার বিপুল বৃদ্ধি হউক। অন্ততঃপক্ষে দেড়গুণ বৃদ্ধি হউক। এই ঘোষণা (আমার) প্রবাসের (ব্যাখ্যন) দ্বিশত ষটপঞ্চাশৎ (২৫৬) রাত্রে প্রচার হইল। এই অর্থ পর্কতে লেখান হউক। যেখানে যেখানে শিলাস্তম্ভ আছে। তাহাতেও লেখান হউক।”

অত্যাশ্চর্য্য অনুশাসনে ঐ ২৫৬ সংখ্যাটি শুধু অঙ্কচিহ্ন দ্বারা স্মৃতিত হইয়াছে, কিন্তু কেবল সাদারামেই অঙ্কচিহ্ন ব্যতীত বাক্যদ্বারাও ঐ সংখ্যা নির্দেশ করা হইয়াছে দেখা যায়। এই ২৫৬ সংখ্যার প্রকৃত তাৎপর্য্য লইয়া দীর্ঘকাল ধরিয়া পণ্ডিতমণ্ডলীর মধ্যে বহুপ্রকার মতবাদ প্রচলিত আছে, এবং অত্যাধিক এ সম্বন্ধে সকল রহস্যের সমাধান হয় নাই। পূর্বে জার্মান পণ্ডিত ডাক্তার বুলার বুদ্ধদেবের দেহত্যাগের ২৫৬ বর্ষপরে এই অনুশাসন প্রচার হইয়াছিল এইভাবে ঐ অংশের ব্যাখ্যা করিয়াছিলেন এবং দীর্ঘকাল যাবৎ পণ্ডিত সমাজে তাঁহার কৃত অর্থই গৃহীত হইত। তদনুসারে নানাভাবে নানাভাবে বুদ্ধদেবের দেহত্যাগের এবং এই অনুশাসন প্রচারের অব্যবসায়ের প্রয়াস পাইতেন। কেহ কেহ বা ইহার অন্তরূপ ব্যাখ্যা করিতেন। Senart ইহাতে ২৫৬ জন প্রচারের প্রেরণের সংবাদ পাইয়াছিলেন। Boyer-এর মতে বুদ্ধদেবের গৃহপরিত্যাগের পর ২৫৬ বর্ষ অতীত হওয়ার বৃত্তা



ইহাতে পরিস্ফুট। কিন্তু ১৯১০ খৃষ্টাব্দে ডাক্তার টমাসই সর্বপ্রথম ইহার প্রকৃত অর্থভেদ করেন। সাধারণ লিপিতে “দ্রবেসপংনা”র পর “লাতি” (রাত্রি) শব্দের অস্তিত্বের প্রতি তিনি সকলের দৃষ্টি আকর্ষণ করেন। আশ্চর্যের বিষয় এতকাল ধরিয়া কেহই ঐ শব্দের অস্তিত্ব লক্ষ্য করেন নাই। প্রাচীন সংস্কৃত ভাষাতেও যে “দে ষটপঞ্চাশে রাত্রি শতে” (এখানে ‘শতে’ কথাটির প্রয়োগ পুনরুক্তি দোষভূত হইলেও) ইত্যাকার পদের প্রচলন একেবারেই অজানা নহে তাহাও তিনি দেখান। “ব্যুত্থেন” বা প্রয়াত কথাটি মৃত বুদ্ধদেবের নির্দেশক এ অর্থে গ্রহণ করা অপেক্ষা বিবাসিত বা প্রবাস-যাত্রায় গত স্বয়ং সম্রাট অশোকের ছোটক এই ব্যাখ্যাই যে অধিকতর সঙ্গত তাহাও তিনি সেই সময়ে সবিশেষ যুক্তি সহকারে প্রতিপন্ন করিয়াছিলেন। এখানে বলা ভাল যে অধুনাতন বিদ্বৎ-সমাজে টমাসকৃত ব্যাখ্যাই গৃহীত হইয়াছে।

এই লিপিটির আর একস্থলেও পূর্বতন ব্যাখ্যা পরিত্যক্ত হইয়াছে। প্রথমে সকলে মনে করিতেন যে ব্রাহ্মণ্যধর্ম এবং ব্রাহ্মণগণের প্রতি কটাক্ষ করিয়াই অশোক এই আদেশবাণী প্রচার করিয়াছিলেন। “জম্বুদীপে যাঁহারা এতদিন সত্য-দেবতা বলিয়া গৃহীত হইতেন তাঁহাদিগকে আমি মিথ্যা ও মনুষ্যসমান করিয়াছি,” এইরূপে দীর্ঘকাল যেখানে জম্বুদীপ কথাটির প্রয়োগ আছে সেই অংশের ব্যাখ্যা করা হইত। কিন্তু এক্ষণে সে ব্যাখ্যা পরিত্যক্ত হইয়াছে। কি কারণে সে কথা বলিতে গেলে পালি প্রাকৃত ব্যাকরণের নিয়ম সম্বন্ধে অনেক কথা বলিতে হয়। সাধারণ পাঠকের তাহা ভাল লাগিবে না বলিয়া সে চেষ্টা হইতে বিরত হইতে হইল।

অশোকের বৌদ্ধধর্মগ্রহণের কালনির্ণয় লইয়া পণ্ডিত-গণের মধ্যে ষথেষ্ট মতভেদ পরিদৃষ্ট হয়। একমতে রাজত্বের নবমবর্ষে কলিঙ্গবিজয়ের পর তিনি বৌদ্ধধর্ম গ্রহণ করেন; সে হিসাবে রাজত্বের ত্রয়োদশ বর্ষে (৯ + ২১০ + ১) প্রথম অপ্রধান গিরিলিপির প্রচারকালে তিনি রীতি-মত বৌদ্ধ। আর একমতে রাজত্বের শেষভাগে বা অন্ততঃ ৩০-৩২ বৎসর পরে অশোক বৌদ্ধ হন। ডাক্তার বুলার

এবং ডাক্তার ফ্লীট এই মত পোষণ করিতেন। বুলারের মতে অশোক বরাবর বৌদ্ধ ছিলেন না। কলিঙ্গ-বিজয়ের পর ব্যথিত হইয়া তিনি বৌদ্ধধর্ম গ্রহণ করিয়াছিলেন বটে, কিন্তু কয়েক বৎসর পরেই রাজত্বের ২৯শ বর্ষে তিনি আবার উহা পরিত্যাগ করেন। সাড়ে তিন বৎসর পরে অর্থাৎ রাজত্বের ৩২১০ বর্ষে তিনি বৌদ্ধধর্ম পুনর্গ্রহণ করেন। বলাবাহুল্য এ সিদ্ধান্তের স্বপক্ষে কোন বলবৎ যুক্তিই দেখা যায় না।

ডাক্তার ফ্লীটের ক্ষুদ্র গিরিলিপি সম্বন্ধে এক নিজস্ব মত ছিল। এবং তাহা তিনি বহু বিভিন্ন প্রবন্ধে সবিশেষ যুক্তি সহকারে প্রতিপন্ন করিবার চেষ্টা করিতেন। তাঁহার মতে, খৃষ্টপূর্ব ৪৮২ অব্দে বুদ্ধদেবের দেহাবসান হওয়ার ২৫৬ বৎসর পরে এই অনুশাসন প্রচার হয়। অশোকের রাজ্যাভিষেকের আটত্রিশেরও অধিক বৎসর পরে উহা উৎকীর্ণ হইয়াছিল—তখন তিনি রাজ্যভার পরিত্যাগ করিয়া বৌদ্ধসঙ্ঘে প্রবেশ করতঃ সুবর্ণগিরিতে পূর্ণ বৌদ্ধভিক্ষুজীবন যাপন করিতে-ছিলেন। রাজগৃহ বা রাজগিরিকে বেঞ্জন করিয়া অবস্থিত শৈলপঞ্চকের অন্ততম, বর্তমান সেনেগিরি পাহাড়ই সেই সুবর্ণগিরি বলিয়া ফ্লীট মনে করিতেন।\* নানা কারণে ফ্লীটের এ সিদ্ধান্ত সনীচীন বলিয়া মনে হয় না। অশোক রাজ্যভার পরিত্যাগ করিয়া প্রব্রজ্যাগ্রহণ ও ভিক্ষুজীবন যাপন করিয়াছিলেন তাহার স্বতন্ত্র কোন প্রমাণ নাই। এত বড় একটা ঘটনা ঘটয়া থাকিলে দ্বীপবংশ, মহাবংশ, দিব্যাবদান, অশোকাবদান প্রভৃতি পালি ও সংস্কৃত সাহিত্যের গ্রন্থগুলির মধ্যে কোনটীতে কি তাহার প্রসঙ্গক্রমেও আভাস থাকিত না? স্বতন্ত্র কোন দৃঢ় প্রমাণ ব্যতিরেকে শুধু এই অনুশাসনের “সুবর্ণগিরির রাজপুত্র” এই কথা দুইটির জোরে গঠিত ফ্লীটের সিদ্ধান্ত শুধুই কষ্টকল্পনা ব্যতীত আর কিছুই নহে বলিয়াই আশঙ্কা মনে হয়। রাজগৃহের অন্ততম নগণ্য সোণগিরি পাহাড়কে এতটা প্রাধান্য দিবার কোনই কারণ খুঁজিয়া পাওয়া যায় না। অশোকের কালে বর্তমান সোণ-

\* ফ্লীটের অভিমতের ইচ্ছা নিম্নলিখিত গ্রন্থগুলি দ্রষ্টব্য, Imperial Gazetteer of India, Vol. II, pp. 42, 435; J. R. A. S., 1904; p. 355.




গির যে সুবর্ণগিরি নামে অভিহিত হইত, তাহাও প্রমাণ-সাপেক্ষ। জৈন, বৌদ্ধ এবং ব্রাহ্মণ্য সাহিত্যের নানাগ্রন্থে রাজগৃহের শৈলপঞ্চকের বিভিন্ন যুগে প্রচলিত বিভিন্ন নাম দেখা যায় না। ফ্লীটের সিদ্ধান্ত যদি সত্যই হয় তাহা হইলে অনুশাসনে অশোক সুবর্ণগিরির পরিবর্তে রাজগৃহের নামোল্লেখ করিতেন বলিয়াই মনে হয়। রাজগৃহের সোণগিরি যদি নামসাদৃশ্যবশতঃ সুবর্ণগিরি হইতে চাহে তবে সে দাবী করিবার অধিকার আরও অনেক স্থানেরই আছে। ধীর-ভাবে সকল কথাই আলোচনা করিলে দেখা যাইবে যে, ফ্লীটের সিদ্ধান্তের স্বপক্ষে কোনই বলবৎ যুক্তি নাই।

সুবর্ণগিরি অশোকের সাম্রাজ্যের দক্ষিণাঞ্চলের রাজধানী ছিল সে কথা পূর্বে একবার বলিয়াছি। উত্তর ভারতবর্ষে আবিষ্কৃত এবং স্বয়ং সম্রাট অশোক কর্তৃক প্রচারিত লেখ-গুলিতে সুবর্ণগিরির নাম নাই। আর দাক্ষিণাত্যে মহিশুর রাজ্যে আবিষ্কৃত এবং অশোকের আদেশে সুবর্ণগিরির রাজ-পুত্রের সহযোগিতায় ইসিলার রাজকর্মচারিবৃন্দের উদ্দেশ্যে প্রচারিত লিপিগুলিতে সুবর্ণগিরির উল্লেখ আছে। ইহাই কি সুবর্ণগিরির দাক্ষিণাত্যে অবস্থানের যথেষ্ট প্রমাণ নহে? সত্য বটে দাক্ষিণাত্যে সুবর্ণগিরির প্রকৃত অবস্থান এখনও

সঠিকভাবে নির্ণীত হয় নাই। সিদ্ধপুর এবং মন্দির এতদ-ঞ্চলের মধ্যে কোন স্থানে উহা সম্ভবতঃ ছিল। প্রথমোক্ত-স্থানের সন্নিকটে ইসিলার অবস্থান নির্দিষ্ট হইয়াছে। মন্দির অনুশাসনে সুবর্ণগিরির রাজপুত্রের বা ইসিলা অথবা অপর কোন স্থানের মহাসাত্রগণের কোন প্রসঙ্গ নাই; উহা স্বয়ং “দেবানং পিয়স অসোকস” বাণী। এ কারণ সিদ্ধপুরের স্থায়ী মৌর্য সাম্রাজ্যের দক্ষিণ সীমানার সন্নিকটবর্তী স্থান অপেক্ষা কতকটা উত্তর অঞ্চলে মন্দির স্থায়ী স্থানেই দক্ষিণপ্রদেশের শাসনকেন্দ্র সুবর্ণগিরির অবস্থিত থাকার সম্ভাবনা অধিক বলিয়াই মনে হয়। মন্দির নিকটে নানাস্থানে স্বর্ণখনি আছে। বহুপ্রাচীন কালেও যে এখানকার সুবর্ণের অস্তিত্ব লোকেরা অবগত ছিল তাহার প্রমাণস্বরূপ এতদঞ্চলে নানাস্থানে এখনও অনেক পুরাতন অবাবহৃত খাত দৃষ্ট হয়। পূর্বোক্ত ছটির খনিই পৃথিবীতে গভীরতম স্বর্ণখনি। সুবর্ণগিরি নামেও ঐস্থানে সুবর্ণের অস্তিত্বের কথা জানা যায়। তাই মনে হয় অশোকের সাম্রাজ্যের দক্ষিণপ্রদেশের রাজধানী সুবর্ণগিরি বর্তমান মন্দির সমীপেই কোনস্থানে অবস্থিত ছিল।

শ্রীঅম্বুজনাথ বন্দ্যোপাধ্যায়





## যুগসন্ধি

—উপন্যাস—

—শ্রীযুক্ত যোগেশচন্দ্র চৌধুরী এম্-এ, বি-এল্

পঞ্চম খণ্ড

কর্তব্য-সংঘাত

প্রথম স্তবক

বিজয়ান্তের সংগ্রাম

১

ল্যান্ডিনেক ধৃত হইল।

শ্রেন-দৃষ্টি সিমুথানের তত্ত্বাবধানে লাটুর্গের নিম্নতলস্থ অন্ধকূপের দ্বার উদ্ঘাটিত হইল, এবং মার্কুইস্ তথায় নীত হইলেন। একটা ল্যাম্প, এক ক্লসী জল ও একটি রসদের রুটি কক্ষমধ্যে রাখিত হইল। ভূমিতলে এক বোঝা খড় ছড়াইয়া দেওয়া হইল। পনের মিনিটেরও কম সময়ের মধ্যে এই সকল ব্যাপার সমাধা হইল, এবং অন্ধকূপের দ্বার পুনরায় সশব্দে বন্ধ হইল।

অতঃপর সিমুথান গভেনের সন্ধানে চলিলেন। দূরে প্যারিসের গির্জার ঘড়িতে এই সময়ে ১১টা বাজিয়া গেল। সিমুথান তাহার ভূতপূর্ব ছাত্রকে বলিলেন, “আমি কোর্ট-মার্শাল (সামরিক বিচার আদালত) আহ্বান কর্তে যাই; তুমি তাংতে থাকবে না। তুমি গভেন বংশের সন্তান, ল্যান্ডিনেকও সেই বংশীয়। তুমি তা’র অতি নিকটতম আত্মীয়, সুতরাং তোমার পক্ষে তা’র বিচারক হওয়াটা বাঞ্ছনীয় নয়। ক্যাপিটেলের প্রাণ দণ্ডের আত্মকুল্যে ভোট দিয়েছিল বলে’ ইগ্যালিটের আমি নিন্দা করি। কোর্ট-মার্শালে তিনজন বিচারক থাকবে:—একজন উচ্চপদস্থ সামরিক কর্মচারী,—সে পদে থাকবে গেচাম্প; একজন নিম্নপদস্থ কর্মচারী, সার্জেন্ট রাডুবকে নিলেই চলবে; আর আমি। সভাপতির কাজ আমিই করব। এতে তোমার কোনো সংশয় আর এখন রইল না। আমরা কনভেনসনের

ব্যবস্থানুসারে কাজ করব; আমরা কেবল ভূতপূর্ব মার্কুইস্ ডি ল্যান্ডিনেকের সনাক্ত সংঘর্ষে প্রমাণ নেব। আগামী কাল কোর্ট-মার্শাল, তারপর দিন গিলোটিন। এই বার ভেঙে মরল।”

গভেন একটি কথাও কহিল না। প্রারম্ভ কর্ত্তের সমাপ্তির চিন্তায় সিমুথানও ব্যস্ত ছিল। গভেনকে একাকী রাখিয়া তিনি চলিয়া গেলেন। কখন কোন্ স্থানে শেষ কার্যটি নিষ্পন্ন হইবে, সিমুথানকে তাহার নির্ধারণ ও বন্দোবস্ত করিতে হইবে। তখনকার কালে বধ্যভূমিতে উপস্থিত থাকিয়া জল্লাদের কার্যকলাপ পর্যবেক্ষণ করা এবং তৎসম্বন্ধে সহায়তা করা বিচারকের পক্ষে সদৃষ্টান্ত বলিয়া গণ্য হইত। সিমুথানেরও সে অভ্যাস ছিল। ফ্রান্সের পার্লামেন্ট ও “স্প্যানিশ ইনকুইজিসন” হইতে তিরনকরই সালের “বিভীষিকার রাজত্বও” এই প্রথাটি চলিয়া আসিয়াছিল।

গভেন অন্তমনস্ক।

অরণ্য হইতে একটা শীতল হাওয়া শন্ শন্ করিয়া কাঁদিয়া কাঁদিয়া ফিরিতেছিল; কার্যভার গেচাম্পের হস্তে সমর্পণ করিয়া গভেন লাটুর্গের পাদমূলে কানন-পার্শ্বস্থ বিস্তীর্ণ প্রান্তরের মধ্যে আপনার শিবিরে প্রবেশ করিল। সেনাপতির পদ-মর্যাদা-সূচক একটা ওভারকোট সর্কাজ ও মস্তক আবৃত করিয়া গভেন সেই রক্তাক্ত প্রান্তরে একাকী পাদচারণা করিতে লাগিল। এইখানেই যুদ্ধ হইয়াছিল; তখনও আগুন জলিতেছে, কিন্তু সেদিকে আর কাহারও লক্ষ্য নাই। রাডুব শিশুগণ ও তাহাদের জননীর



নিকট দাঁড়াইয়াছিল—তাহারও বক্ষ সেই জননীর বক্ষেরই মতো মাতৃ-স্নেহে উদ্বেল। সেতু-প্রাসাদ প্রায় ভস্মীভূত। সৈনিকগণ মৃতদেহ সমাহিত করিবার জন্য গর্ত খুঁড়িতেছিল; আহতদের শুশ্রূষা করা হইতেছে; প্রতিরোধ-প্রাচীর ভগ্ন করা হইয়াছে; কক্ষ ও সোপান হইতে মৃতদেহগুলি অপসারিত হইয়াছে; যুদ্ধকালীন ক্ষিপ্ততার সহিত যুদ্ধান্তে সব সুশৃঙ্খল ও সুবিহীন করা হইতেছিল। এই সব কিছুই কিন্তু গভেনের দৃষ্টি আকর্ষণ করিল না।

গভীর চিন্তায় গভেন এতই তন্ময় ছিল যে, সিমুথান্নের আদেশে দুর্গরক্ষী সৈন্যগণের সংখ্যা যে দ্বিগুণ করা হইয়াছিল তাহাও তাহার নজরে পড়িল না।

অন্ধকারের মধ্যে বোধ হয় দুইশত ফুট দূরে গভেন দেখিতে পাইল সেই দুর্গ-প্রাচীরের ভাঙনটা, যাহার কালো মুখের ভিতর দিয়া সে কারাদুর্গের অভ্যন্তরে প্রবেশ করিয়াছিল। ঐ সেই ভূতলস্থ কক্ষ, ঐখানে প্রতিরোধ-প্রাচীর নির্মিত হইয়াছিল। মার্কুইসের কারাকক্ষের দ্বারও এই তলে। ভাঙনের নিকটে দাঁড়াইয়া সশস্ত্র প্রহরী ঐ দ্বারে চৌকি দিতেছিল।

এই রকম অন্তমনস্ক ভাবে মাঠের দিকে চাহিয়া থাকিতে থাকিতে তাহার কাণের ভিতর মৃত্যু-ঘোষী ঘণ্টা-ধ্বনির মতই এই কয়টি কথা বাজিতে লাগিল :—“আগামী কল্যা কোর্ট-মারশাল, তারপর দিন গিলোটিন।”

অগ্নি তখনও সম্পূর্ণ নির্বাপিত হয় নাই। সমবেত জনমণ্ডলী বতটা জল সংগ্রহ করিতে পারিয়াছিল তাহা উহার উপর ঢালিতেছিল। তবু থাকিয়া থাকিয়া বহিঃ তাহার শিখা বিস্তার করিতেছিল। মাঝে মাঝে এক একটা তল সশব্দে ধসিয়া পড়িয়া চূর্ণ বিচূর্ণ হইতেছিল, আর যেন প্রলয়-দেবতার তাণ্ডব নৃত্যে আলোড়িত বিরাট মশাল হইতে অসংখ্য ফুলিঙ্গের ঘূর্ণিবৃষ্টি ব্যোমপথে ঝরিয়া পড়িতেছিল। বিছাচ্ছটার মতো তীব্র জ্যোতিতে দূরতম দিক্‌প্রান্ত আলোকিত হইয়া উঠিতেছিল, এবং তন্মধ্যে লাটুর্গের ছায়ামূর্তি অকস্মাৎ অতিকায় দৈত্যের মতো কানন-প্রান্ত পর্ধ্যন্ত বিস্তৃত দেখাইতেছিল। সেই ভাঙনের সম্মুখে অস্পষ্ট অন্ধকারে গভেন ধীরে ধীরে পাদচারণা করিতেছিল। সময়

সময় সে দুই হাতে মাথার পশ্চাদ্ভাগ চাপিয়া ধরিতেছিল। গভেন ভাবিতেছিল।

২

### গভেনের আত্ম-জিজ্ঞাসা।

অতলস্পর্শ চিন্তাসাগরে সে মগ্ন। একটা সম্পূর্ণ অবিশ্বাস্ত পরিবর্তন ইতিমধ্যে ঘটিয়াছে।

মার্কুইস ডি ল্যান্টিনেকের এ কি রূপান্তর!

অথচ এই পরিবর্তন গভেন স্বচক্ষেই প্রত্যক্ষ করিয়াছে। জটিল ঘটনাজালের পরিণতি যে এমন অদ্ভুত হইয়া দাঁড়াইবে সে তাহা কখনো কল্পনাও করিতে পারে নাই। সে স্বপ্নেও ভাবে নাই যে, এমন ব্যাপার সম্ভব।

কিন্তু অসম্ভব আজ সম্ভব হইয়াছে। শুধু তাই নয়, তাহা আজ নিতান্তই প্রত্যক্ষ, সুস্পষ্ট, অপরিহার্য সত্যরূপে সম্মুখে উপস্থিত।

ইহাকে এড়াইবার যো নাই। সঙ্কল্প এখন স্থির করিতে হইবে। যে প্রশ্ন উত্থাপিত হইয়াছে তাহার উত্তর না দিয়া উপায় নাই। কে এই প্রশ্ন উত্থাপন করিল?—ঘটনা-চক্র।

কেবল ঘটনা-চক্রই বা বলি কেন? ঘটনা পরিবর্তনশীল কিন্তু বিবেক অপরিবর্তনীয়। ঘটনা-চক্র যখন আমাদের অন্তরাত্মার নিকট কোন প্রশ্ন উপস্থিত করে, আমাদের অন্তরস্থ চিরজাগ্রত বিবেক তখন আমাদের আদিগকে তাহার উত্তর দিতে বাধ্য করে।

আকাশের মেঘ আমাদের ছায়ায় আবৃত করে, কিন্তু মেঘের উপর হইতে নক্ষত্র-নিচয় তাহাদের কিরণরেখা আমাদের দিকে প্রেরণ করে। ছায়া কিংবা আলো—ইহাদের কোনটাকেই আমরা অস্বীকার করিতে পারি না।

গভেন যেন আসামীর কাঠগড়ায় দাঁড়াইয়া; নির্দয় বিচারকের কঠোর প্রশ্নের জবাবদিহি করিতেছে। বিচারক—তাহার নিজেরই বিবেক।

গভেন অনুভব করিল তাহার অন্তরাত্মা বিচলিত হইয়া উঠিয়াছে। তাহার স্মৃদ সঙ্কল্প, পবিত্র শপথ, স্মৃতিস্তিত



সিদ্ধান্ত—সমস্তই তাহার অন্তরস্থ এই ভীষণ ভূমিকম্পে ভাঙ্গিয়া চুরিয়া গিয়াছে। এই মাত্র সে বাহা দেখিয়াছে যতই সে তাহা চিন্তা করিতে লাগিল ততই তাহার মস্তিষ্কের মধ্যে সমস্ত ওলট পালট হইয়া যাইতে লাগিল।

গুরুতর সমস্যা! আর গভেন তাহার সহিত সংশ্লিষ্ট। সিমুদ্যান যতই কেন বলুন না, “এর সঙ্গে তোমার আর কোন সংস্বব নাই,” গভেন কিছুতেই এ ব্যাপার হইতে নিজেকে সরাইয়া রাখিতে পারিল না। প্রভঞ্নের বেগে মহান্ মহীকূহ যখন সমূলে উৎপাটিত হয় তখন তাহার বক্ষে যে বেদনা বাজে গভেনও বুকের মধ্যে সেইরূপ বেদনা অনুভব করিল।

মনুষ্য-চরিত্র মাত্রেরই একটা ভিত্তিভূমি থাকে। তাহা টলিয়া উঠিলে বড়ই বিপদ। গভেনের এখন সেই দারুণ বিপদ সমুপস্থিত। দুই হাতে মাথা চাপিয়া সে এই সমস্যার মধ্যে সত্যের সন্ধান পাইবার জন্য চেষ্টা করিতেছিল। এই রকম একটা ব্যাপার বিশ্লেষণ করিয়া দেখা সহজ নহে; মানসিক যন্ত্রণা তাহাতে খুবই বেশী। তাহার সম্মুখে যেন রাশীকৃত অন্ধ সংখ্যা, সে গুলির সমষ্টি তাহাকে করিতে হইবে। গণিতের নিয়মে যেন মানুষের অদৃষ্টকে কবিতা দেখিতে হইবে। গভেনের মাথা ঘুরিতে লাগিল। বিষয়টা সে ভাবিয়া দেখিতে বিশেষ চেষ্টা করিল; চিন্তা-সূত্র একত্রিত করিয়া ব্যাপারটার গুরুত্ব অনুধাবন করিতে করিতে অন্তরমধ্যে উদ্ভূত বিদ্রোহ-ভাবকে সংযত করিতে প্রয়াস পাইল; মনের সম্মুখে সমস্ত ঘটনাবলী সে যেন শ্রেণীবদ্ধ করিয়া সজ্জিত করিল।

এই রকম প্রশ্ন সময় সময় কাহার না মনোমধ্যে উদ্ভিত হয় যখন জীবন-পথে অগ্রসর হওয়া কি পশ্চাৎপদ হওয়া—ইহাই সমস্যা হইয়া দাঁড়ায়?

গভেন এইমাত্র এক অলৌকিক ব্যাপ্যার প্রত্যক্ষ করিয়াছে। পার্থিব সংগ্রামের সমাপ্তি হইতে না হইতেই এক স্বর্গীয় সংগ্রামের সূচনা—সু ও কু-এর দ্বন্দ্ব। অবশেষে পাষণ্ড হৃদয় পরাস্ত হইয়াছে।

সমস্ত অনর্থের মূল—সমস্ত অকল্যাণের আশ্রয়, হিংস্র, ভ্রাস্ত, অন্ধ, গর্বিত, আত্মস্তরী, একগুঁয়ে এই লোকটার অকস্মাৎ একি আশ্চর্য্য পরিবর্তন! মানব-প্রেম মানবত্বকে

ছাপাইয়া উঠিল। কিরূপে ইহা সম্ভব হইল? ক্রোধ ও জিঘাংসার অভ্রংশিহ পর্বতশৃঙ্গ কিরূপে ভূমিসাৎ হইল? কোন্ অস্ত্রে কোন্ যুদ্ধোপকরণের সাহায্যে? সে যে শিশুর দোলনা শয্যা।

গভেনের চোখে ধাঁধা লাগিল। সামাজিক বিরোধের সংঘর্ষ যখন দুর্ব্বার হইয়া উঠিয়াছে, বিদ্বেষ ও প্রতিহিংসার ক্রম মূর্ত্তি যখন পৈশাচিক উল্লাসে অটহাস্ত করিতে করিতে দারুণ বিষ উদগীরণ করিতেছে, যখন প্রতিদ্বন্দ্বীগণের প্রত্যেকটি প্রযুক্তি কানানের গোলায় মতো প্রতিপক্ষকে আঘাত করিতেছে, আর ত্যায় সাধুতা ও সত্যের ধারণাও একেবারে তাহাদের চিত্তপট হইতে মুছিয়া গিয়াছে, সেই মুহূর্ত্তেই কিনা অজ্ঞেয় সর্বশক্তিমান্ পরমেশ্বরের অদৃশ্য অঙ্গুলি-সঙ্কেতে চিরন্তন সত্যের মহতী জ্যোতিতে চারিদিকে উদ্ভাসিত হইয়া উঠিল!

মিথ্যা ও আপেক্ষিক সত্যের অন্ধ দ্বন্দ্বের মধ্যে সহসা যেন সার সত্যের শাস্ত মূর্ত্তি ফুটিয়া উঠিল। দুর্ব্বলের অকথিত আবেদনই যেন সন্ধি স্থাপনের সুযোগ ঘটাইল।

অতি অল্পকালের মধ্যে গভেন পর পর কত চিত্রই না দেখিল। সে দেখিল, তিনটি অসহায় জীব—সত্য, প্রসূত বলিলেই হয়—অনাথ, পরিত্যক্ত অনুন্মোষিত-বিচারবুদ্ধি, এখনও ভাল করিয়া কথা বলিতে পারে না, মহাবিপদের মুহূর্ত্তেও হাস্যময়—এইরূপ তিনটি শিশুও প্রতিহিংসা, ক্রোধ, বিদ্বেষ, ভ্রাতৃহত্যা প্রভৃতি গৃহ-যুদ্ধের সর্বপ্রকার ভীষণ অত্যাচারের বিরুদ্ধে জয়ী হইল। সে দেখিল পাপ-যজ্ঞের আহুতির জন্য প্রজ্বলিত ভীষণ নরকাগ্নিও অবশেষে নির্ব্বাপিত হইল এবং সমস্ত সাংঘাতিক যড়যন্ত্রই নিষ্ফল হইল। সে আরও দেখিল, প্রাচীন আভিজাত্যের দুর্দমনীয় অহঙ্কার ও নিষ্ঠুরতা, দীর্ঘকালের সামরিক অভিজ্ঞতা—বাহা রাষ্ট্রের প্রয়োজনে সকল প্রকার অত্যাচারই সমর্থন করে, বৃদ্ধ বয়সের পাষণ্ড-কঠিন কূট রাজনীতি—সমস্তই শিশুর সরল দৃষ্টির সম্মুখে অন্তর্হিত হইয়া গেল। সত্য, ত্যায়, পবিত্রতা—শিশু যে এই সকলের সমষ্টি। শিশু-আত্মাকে ঘিরিয়া দেববালাগণ বুঝি নিঃশব্দ-চরণপাতে নৃত্য করিয়া বেড়ায়।

যুদ্ধের ভৈরব হুঙ্কার, হত্যার গুপ্ত মন্ত্রণা, বজ্রপাণি হত্যার তাণ্ডব নৃত্য—এই সকলের মধ্যে সহসা শিশুর



শুভ্র নির্মলতা। পুঞ্জীভূত পাপরাশিকে পদদলিত করিয়া সগর্বে শির উন্নত করিয়া দাঁড়াইল, আর সেই শিরে বিজয় মুকুট।

তখনকার মতো মনে হইতেছিল বুঝি অন্তর্বিপ্লব আর নাই; বর্ধরতা নাই; বিদ্বেষ নাই; পাপ নাই; অন্ধকার নাই। শিশুহাস্যের উষালোকে এইসব বিকট প্রেতছায়া বুঝি মহাশূন্যে বিলীন হইয়া গিয়াছে।

এই দ্বন্দ্ব ভগবান ও শরতানের উভয়েরই হস্ত যেন মূল্যপূর্ণ পরিলাক্ষিত হইল, ইতিপূর্বে বুঝি আর তেনন হয় নাই। মাহুষের বিবেকেই এই দ্বন্দ্বের সংগ্রামের ক্ষেত্র। এতক্ষণ সংগ্রাম চলিয়াছিল ল্যাণ্টিনেকের বিবেকে। এখন আবার সেইরূপ সংগ্রাম—বুঝি তদপেক্ষাও গুরুতর তদপেক্ষাও কঠিনতর সংগ্রাম—আরম্ভ হইল আর এক বিবেকে। তাহা গভেনের।

গভেন ভাবিতে লাগিল।

শত্রু-পরিবেষ্টিত, দণ্ডিত, আইনের আশ্রয়বঞ্চিত মার্কুইস সার্কাসের বহু জন্তুর মতো পিঞ্জরাবদ্ধ হইয়াও লৌহ ও অগ্নি-বেষ্টনী অতিক্রম করিয়া পলায়ন করিতে সমর্থ হইয়াছিলেন। এ যে অলৌকিক ব্যাপার। একরূপ সংগ্রামে সর্বাপেক্ষা কঠিন কাজ যে-পলায়ন তিনি তাহাতে রূতকার্য্য হইয়াছিলেন। অরণ্য আবার তাহার অধিকারের মধ্যে আসিয়াছিল, কাননের নিভৃত নেপথ্যে অদৃশ্য হইয়া যাইবার তাহার সুযোগ ঘটিয়াছিল; অরণ্যের ভূমিতে আত্মগোপন করিয়া আবার নবশক্তিতে যুদ্ধারম্ভ তাহার পক্ষে সম্ভব হইয়া উঠিয়াছিল। বিজয়লক্ষী গভেনকে বরণ করিয়া থাকিলেও ল্যাণ্টিনেকের স্বাধীনতা অক্ষুণ্ণ ছিল। তিনি অচিরেই পুনরায় অসংখ্য-দুর্গ-স্বামী, অসীম-কান্তার-বিহারী, অদৃশ্য, অনভিগম্য, দুর্দান্ত, দুর্দর্শ দস্যু-দলপতি হইয়া দাঁড়াইতে পারিতেন। পিঞ্জরাবদ্ধ সিংহ জাল ছিন্ন করিয়া পলায়ন করিয়াছিল। কিন্তু আশ্চর্য্য, মুক্ত পশুরাজ আবার জালের ভিতর ফিরিয়া আসিয়াছে। মার্কুইস ডি ল্যাণ্টিনেক স্বেচ্ছায় বিপদকে পুনরায় বরণ করিয়া লইয়াছেন।

তিনি যখন অগ্নি-সমুদ্রে ঝাঁপ দিলেন, তখন গভেন লক্ষ্য করিয়াছিল, তিনি কী নির্ভীক। নিজে পুড়িয়া মরিতে

পারেন, কিন্তু সেদিকে তাঁহার ক্রক্ষেপ নাই। আবার যখন কাঠের মই দিয়া নামিয়া আসিয়া কোনো দিকে দৃকপাত না করিয়া শত্রুহস্তে আত্ম সমর্পণ করিলেন তখনও তিনি কেমন নির্ভীক।

কেন তিনি একরূপ করিলেন? তিনটি শিশুকে বাঁচাইবার জন্ত। তাহারা—সাধারণত্বের দল—তাহারা এই লোকটার সম্বন্ধে কি করিতে যাইতেছে? গিলোটিনে তাহাকে হত্যা করিতে?

এই শিশুজয় কি মার্কুইসের নিজের সম্মান? না। তাহার বংশের ছল্লাল? না। তাহার সমাজের? তাও নয়। অজ্ঞাত-কুলশীল, জীর্ণচীর-পরিহিত, নগ্নপদ, কুড়িয়ে-পাওয়া, তিনটি ভিখারী ছেলেমেয়ের জন্ত এই অভিজাত বংশীয় বৃদ্ধ সামন্তরাজ বিপশ্রুত, স্বাধীন নিরাপদ হইয়াও আপনাকে নিঃশেষে বিসর্জন দিয়াছেন! শিশুদিগকে বাঁচাইতে গিয়া তিনি আপনার গর্ব্বোন্নত শির—যাহা এতাব্দ কাল জনগণের ভীতিস্থল ছিল, কিন্তু অধুনা আত্মত্যাগে মহান, সেই শির—অনায়াসে শত্রুর উচ্চত খড়্গাতলে পাতিয়া দিলেন। তার তাহারা সেই বলি গ্রহণ করিতেই প্রস্তুত হইয়াছে।

আত্মরক্ষা ও অপরের জন্ত আত্মবিসর্জন, এই দুইএর মধ্যে বাছাই করিয়া লইবার সমস্তা যখন উপস্থিত হইল তখন মহাপ্রাণ মার্কুইস ডি ল্যাণ্টিনেক স্বেচ্ছায় মৃত্যুকে বরণ করিয়া লইলেন। আর তাঁহার এই উদার নির্বাচনই বিনা দ্বিধায় মঞ্জুর করিয়া তাহাকে বধ করা হইবে। বীর-দ্বের কি অদ্ভুত পুরস্কার! মহত্বের প্রতিদান বর্ধরতায়! রাষ্ট্রবিপ্লবের পক্ষে কি কলঙ্কের কথা! সাধারণত্বের কি মহাপতন!

কুসংস্কারপূর্ণ, দাস-মনোভাবাপন্ন এই লোকটা সহসা যেন রূপান্তরিত হইয়া মহামুগ্ধসমাজে ফিরিয়া আসিল; আর জগতের মুক্তি ও স্বাধীনতাকামীরা এখন ভ্রাতৃবিরোধ, রক্তপাত প্রভৃতি গৃহযুদ্ধের মলিন পক্ষেই ডুবিয়া থাকিবে? ক্ষমা, ত্যাগ, আত্মবিসর্জন প্রভৃতি স্বর্গীয় গুণাবলীর দৃষ্টান্ত দেখাইতেছে ভ্রাতৃত্বের পক্ষীয়েরা, কিন্তু সত্যের সৈনিকগণের নিকট তৎসমুদয়ের আদর নাই!



তবে এই পরাজয়কেই মানিয়া লইতে হইবে? মহাপ্রাণ-তার প্রতিদ্বন্দিতায় জগতের চক্ষে প্রবলতর পক্ষই কি নিজেদের দুর্বল বলিয়া প্রতিপন্ন করিবে? বিজয়-গৌরব-দীপ্ত ললাট কি হত্যাপরাধে কলঙ্কিত হইবে? লোকে বলাবলি করিবে, রাজপক্ষীরে শিশুদের রক্ষা করিল, আর সাধারণতদ্বীরা বৃদ্ধদের প্রাণসংহার করিল!

মুগ্ধ জগৎ চাহিয়া দেখিবে,—এই বীর, অশীতিবর্ষীয় শক্তিমান বৃদ্ধ, এই নিরস্ত্র যোদ্ধাপুরুষ, যাহাকে শৌধ্যাভিভূত করিয়া ধৃত করা যায় নাই, পরন্তু কাপুরুষসুলভ পছা-বলম্বনে আটক করা হইয়াছে, একটা স্তম্ভং কার্য সমাপনের পরক্ষণে বিনি স্বেচ্ছায় আত্মসমর্পণ করিয়াছেন,—জগৎ দেখিবে—নির্ভীক পাদক্ষেপে বধ্যমঞ্চের সোপান আরোহণ করিতে করিতে তিনি কোন্ মহিমাশোভিত জ্যোতির্লোকে মহাপ্রস্থান করিতেছেন। সেই শির, যাহাকে ঘিরিয়া হত্যাশনের কবল হইতে সত্তরক্ষিত শিশুত্রয়ের সক্রতজ্ঞ মুক আবেদন নিঃশব্দে ব্যক্ত হইবে, কোন্ প্রাণে তাহারা সেই শির যাতকের কুঠার নিম্নে স্থাপন করিবে! কসাইয়ের পক্ষেও নিন্দনীয় এইরূপ শাস্তিতে মাকুঁইসের বদনমণ্ডল হাত্তোজ্জ্বল, আর সাধারণতদের মুখ লজ্জায় আরক্ত হইয়া উঠিবে! পরি-তাপের কথা আরও এই যে, এমন একটা নৃশংস কাণ্ড সাধারণতদের সেনাপতি গভেনের সম্মুখেই অনুষ্ঠিত হইবে!—যে ইহা বারণ করিতে পারিত, সে-ই চুপ করিয়া থাকিবে। “ইহাতে তোমার আর কোনও সংশয় নাই”—এই সদস্ত অভয়বাণীতেই সে কি নিজেকে পাপমুক্ত মনে করিয়া সন্তুষ্ট থাকিবে? একরূপ স্থলে স্বীয় ক্ষমতার অব্যবহারই কি তুষ্কার্যের সহায়তা নহে? গভেনের মনে এই কথা না উঠিয়া পারিলনা যে, এই পৈশাচিক কার্যে লিপ্ত যাহারা তাহাদের মধ্যে অনুষ্ঠানকারী অপেক্ষাও যে বিনা আপত্তিতে উহা অনুষ্ঠিত হইতে দিতেছে, তাহার আচরণই অধিকতর ঘৃণ্য, কারণ সে ত কাপুরুষ!

কিন্তু এই প্রাণদণ্ড—সে নিজেই কি এই প্রাণদণ্ডের ভয় দেখায় নাই? গভেন, দয়ালীল গভেনই কি ঘোষণা করে নাই যে, ল্যাটিনেকের প্রতি কোনো দয়া দেখানো হইবে না—যে, ল্যাটিনেক ধৃত হইলে সে নিজেই তাঁহাকে

সির্মুদ্যানের হস্তে সমর্পণ করিবে? গভেন তো সেই মস্তক সির্মুদ্যানকে দিতে বাধ্য। তাই হোক। কিন্তু,—বাস্তবিক, ইহা কি সেই মস্তক?

এতদিন গভেন ল্যাটিনেকের কেবল একটা দিকই দেখিয়া আসিয়াছে। সে নিষ্ঠুর যোদ্ধা, রাজ-কেন্দ্রীয় সামন্ত-প্রথার উন্মাদ ভক্ত, বন্দীর হত্যাকারী, রক্তপিপাসু হৃদাস্ত নরপিপাচ। একরূপ লোককে গভেন ভয় করে নাই। তাহার প্রাণদণ্ড ঘোষণা করিতে গভেনের কিছুমাত্র দ্বিধা হয় নাই। হৃদাস্তের প্রতি সেও কঠোর হইতে পারিত। যাহারা হত্যা করে, সেও তাহাদিগকে হত্যা করিতে কুণ্ঠিত হইত না। পথ সরল ও সুনির্দিষ্ট ছিল, তাহার অনুসরণ করা কিছুমাত্র কঠিন হইত না। কিন্তু সহসা সম্পূর্ণ অতর্কিতভাবে পথের স্বভাবেরা ভগ্ন হইয়া গিয়াছে। সম্মুখে একটা বাঁক,—ঘুরিবামাত্র চক্ষে নূতন জগৎ, দৃশ্যপটের আমূল পরিবর্তন, রক্ষমঞ্চে ল্যাটিনেকের এক অপরিচিত মূর্তির আবির্ভাব। রাক্ষসের স্থলে বীরপুরুষ, তাহার চেয়েও বেশী, মানুষ—হৃদয়বান্ মানুষ। আর এ তো হত্যাকারী নহে, এবে রক্ষক। স্বর্গীয় জ্যোতিতে গভেনের চক্ষু ঝলসিয়া গেল। মহানু-ভবতার বজ্রাঘাতে গভেন আহত হইল।

এই আলোকের আঘাত কি আলোকের প্রতিঘাত উৎপন্ন করিবেনা? অতীতের প্রতিনিধি কি ভবিষ্যতের প্রতিনিধিকে পশ্চাতে রাখিয়া অগ্রসর হইয়া যাইবে? বর্ধরতা ও কুসংস্কার-যুগের মনুষ্য সহসা দিব্যপক্ষ বিস্তার করিয়া উর্দ্ধব্যোমে উড়িয়া যাইবে, আর দেখিবে যে, আদর্শের পূজারী নিয়ে তনুমাচ্ছন্ন পঙ্কিল ভূপৃষ্ঠে হামাগুড়ি দিয়া বেড়াইতেছে! অতীতের শোণিতার্দ্র পক্ষে গভেন গড়াগড়ি দিবে, আর ল্যাটিনেক মহান্ ভবিষ্য-নবজীবনের অরুণ-কিরণে গণ্ডিত হইয়া সগর্বে দণ্ডায়মান রহিবে!

আর একটা কথা—বংশের দাবী! সে যে রক্তপাত করিতে যাইতেছে—রক্তপাত হইতে দেওয়া এবং রক্তপাত করা একই কথা—তাহা কি তাহার নিজেরই রক্ত নহে? গভেন বংশেরই রক্ত নহে? তাহার পিতামহ মৃত কিন্তু তাহার খুল্ল-পিতামহ এখনও জীবিত। মাকুঁইস ডি ল্যাটিনেকই সেই খুল্ল-পিতামহ। গভেনের মনে হইল,



যেন তাহার পিতামহের প্রেতাঙ্গী সমাধিগর্ভ হইতে উঠিয়া আসিয়া স্বীয় ভ্রাতার এই যে বলপূর্বক সমাধির ব্যবস্থা হইতেছে, তাহার প্রতিবাদ করিতেছে। যেন তিনি দিব্য-জ্যোতির্মণ্ডিত স্বীয় মস্তকের অনুরূপ সেই শুভ্র শিরের সম্মান করিতে গভেনকে আদেশ করিতেছেন। গভেন ও ল্যাটিনেকের মাঝখানে যেন এক অশরীরী মূর্তি দাঁড়াইয়া—সঙ্গে তাহার তিরস্কারসূচক সরোষ দৃষ্টি।

মানুষকে অমানুষ করাই কি রাষ্ট্রবিপ্লবের লক্ষ্য? সর্বপ্রকার পারিবারিক বন্ধন ছেদন করা এবং অন্তর্নিহিত মনুষ্যত্বের স্বাভাবিক সংস্কারকে গলা টিপিয়া মারিয়া ফেলা—এই করিতেই কি রাষ্ট্রবিপ্লবের উৎপত্তি? কখনই নহে। এই সকল চিরন্তন সত্যকে অস্বীকার করিবার জন্ত নহে, পরন্তু সুপ্রতিষ্ঠ করিবার জন্তই '৯৯ সালের অভ্যুদয়। ল্যাটিন-ধ্বংস মানব জাতির মুক্তিরই সূচনা করিয়াছে; গামন্ত-প্রথার উচ্ছেদ বংশ প্রতিষ্ঠার সহায় হইয়াছে।

প্রশ্ন এই, ল্যাটিনেক যখন পরিবারের গণ্ডী অতিক্রম করিয়া উদার মানব-প্রেমের প্রশস্ত ভিত্তিতে আসিয়া দাঁড়াইল, গভেন কি তখন সেই সঙ্কীর্ণ গণ্ডীতে ফিরিয়া গাইবে? খুল্ল-পিতামহের অগ্রগতি কি ভ্রাতৃস্পোন্ডের পশ্চাদ-গমন দ্বারা প্রতিরুদ্ধ হইবে? না, উভয়েই আসিয়া আলোকের ঐচ্ছন্তরে মিলিত হইবে?

স্বীয় বিবেকের সহিত লড়াই করিতে করিতে এই প্রশ্নই এখন গভেনের মনের মধ্যে জাগিয়া উঠিয়াছে এবং তাহার ঈশ্বরটাও যেন মন হইতে স্বতঃই বাহির হইয়া আসিল, ল্যাটিনেককে বাঁচাইতেই হইবে। হ্যাঁ, তা তো বটেই; কিন্তু—কিন্তু ফ্রান্স?

সমস্তা এইখানে। ভাবিতে গেলে মাথা ঘুরিয়া যায়। ফ্রান্সের মহাবিপদ উপস্থিত—জার্মানী রাইন নদী অতিক্রম করিয়া আসিতেছে; ইটালী আল্পসের এবং স্পেন পিরেনীজের গিরিশিখর উল্লঙ্ঘন করিয়া ফ্রান্সের উপর ঝাঁপাইয়া পড়িতে উত্তত। একমাত্র ভরসা—সাগর। পরিখীকৃত-সাগর। ফ্রান্সীভূমি সমগ্র পৃথিবীর বিরুদ্ধেও দাঁড়াইতে পারিত, কিন্তু সেই সাগর এখন আর তাহার আয়ত্বের মধ্যে নহে। সন্ধান ইংলণ্ডেরই প্রভুত্ব। সত্য, ইংলণ্ড এই সাগর উত্তীর্ণ

হইতে পারিতেছে না। কিন্তু একজন ইংলণ্ডের জন্ত এই সমুদ্রে সেতুবন্ধনের উদ্যোগী; সে আপনার অনুকূল হস্ত ইংলণ্ডের দিকে প্রসারিত করিয়াছে; পিট, ক্রেগ, কর্ণওয়ালিশ, ডাঙাস প্রভৃতি ডলদস্যাগণকে সে সাদর আহ্বান জানাইয়া বলিতেছে, “এসো ইংলণ্ড, ফ্রান্সকে আসিয়া অধিকার কর।” এই ব্যক্তিই মার্কুইস্ ডি ল্যাটিনেক।

সে এখন ধরা পড়িয়াছে। তিন মাসের উন্নত প্রচেষ্টা ও অনুসরণের ফলে অবশেষে শিকার জালে পড়িয়াছে। রাষ্ট্রবিপ্লবের হস্ত এই মাত্র এই দেশ-বৈরীকে ধরিতে পারিয়াছে; '৯৩ সালের বঙ্গমুষ্টি এই মাত্র এই রাজপক্ষীয় হত্যাকারীর গলা টিপিয়া ধরিয়াছে। বিধাতার রহস্যময় অমোঘ বিধান—দেশমাতৃকার এই কুসন্তান এখন স্ববংশেরই অঙ্কুশে আবদ্ধ হইয়া শাস্তির প্রতীক্ষা করিতেছে। স্বদেশের শত্রুতাসাধন করিতে যাইয়া এই কুলাসার এক্ষণে স্ব-বাসের পাষণ্ড কারায় নিজেই বন্দী। ইহাতে সর্বনিয়ন্তা পরমেশ্বরের হস্ত স্পষ্টই পরিলক্ষিত হইতেছে। কালের ঘণ্টা বাজিয়া উঠিয়াছে। রাষ্ট্রবিপ্লবের মহাশত্রুনিপাতের সন্ধিক্ষণ সমুপস্থিত। এত হত্যা, এত রক্তপাতের পর সে এখন শৃঙ্খলিত। আর তাহার যুঝিবার শক্তি নাই, আর সে কোন অনিষ্ট করিতে পারিবে না, তাহার সঙ্গে সঙ্গে এইবার তাহারই বুদ্ধিতে পরিচালিত ভেড়ির বিদ্রোহানল চিরতরে নির্বাসিত হইবে। যে এতদিন নির্দয় ভাবে নরহত্যা করিয়া আসিয়াছে,—এইবার তাহার মরিবার পালা উপস্থিত। এমন লোককেও কি কেহ বাঁচাইতে চেষ্টা করে?

সিমুর্দ্যান অর্থাৎ '৯৩ সাল, ল্যাটিনেক অর্থাৎ রাজতন্ত্রকে অঁকড়াইয়া ধরিয়াছে। কে তাহার বঙ্গমুষ্টি হইতে শিকার ছিনাইয়া লইবে? সর্বপ্রকার অস্ত্র ও অবিচারের জীবন্ত প্রতিমূর্তি ল্যাটিনেক আজ স্বেচ্ছায় মৃত্যুর মন্দিরে। বাহির হইতে কেহ আসিয়া সেই দ্বার অর্গলমুক্ত করিবে কি? এই সমাজদ্রোহী অাজ মৃত—তাহার সঙ্গে সঙ্গে ভ্রাতৃবিরোধ, জিঘাংসা ও গৃহবিবাদে অবসান হইয়াছে। তাহাকে পুনর্জীবিত করা কি সম্ভব হইবে? মৃতমুখে ক্রুর হাসি কি তাহা হইলে পুনরায় ফুটিয়া উঠিয়া বিজ্ঞপ করিবে না, “বেশ তো আবার বাঁচিয়া উঠিলাম, —ওরা কি নির্বোধ?”



আবার সে দ্বিগুণ উৎসাহে তাহার পৈশাচিক কার্যে প্রবৃত্ত হইবে, আবার গৃহদাহ, গ্রাম ধ্বংস, নরহত্যা, নারী-হত্যা, শিশুহত্যা অবাধে চলিতে থাকিবে।

তারপর, ল্যাটিনেকের যে কার্য্য গভেনকে এত মুগ্ধ করিয়াছে বাস্তবিক বলিতে গেলে গভেন সেটাকে একটু বেশী বাড়াইয়া দেখিতেছে নাকি? তিনটি শিশুকে ল্যাটিনেক ভীষণ অপমৃত্যু হইতে উদ্ধার করিয়াছে। কিন্তু সেই সঙ্কটের মুখে কে তাহাদিগকে নিষ্কোপ করিয়াছিল? ল্যাটিনেক নিজেই নয় কি? সজ্জিত ইন্ধনের মাঝখানে শিশু-শয্যাগুলিকে স্থাপন করিয়াছিল কে? ইমানুস্ নয় কি? আর সেই ইমানুস্ কে? সে তো মাকুইসেরই তাঁবেদার। তাহার কার্য্যের জন্ত তাহার প্রভু মাকুইসই তো দায়ী। ল্যাটিনেকই অগ্নিদ্র এবং হত্যাকারী। কি এমন বাহাদুরীর কাজ সে করিয়াছে? তাহার দুই অভিসন্ধি সে শেষ পর্য্যন্ত কার্য্যে পরিণত করে নাই—এই মাত্র। নিজেরই অনুষ্ঠিত কর্ম্মের ভীষণ পরিণামে শেষটায় সে নিজেই শিহরিয়া উঠিয়াছিল। মহাপাপীরও অন্তরে কিছু না কিছু করুণার লেশ প্রচ্ছন্ন থাকে—আতঙ্কিতা জননীর মর্ম্মস্থদ ক্রন্দনে ক্ষণেকের জন্ত মাকুইসের অন্তরে সেই সুকুমার বৃত্তিটি জাগিয়া উঠিয়াছিল, এবং তাহারই প্ররোচনায় সে অন্ধকারের গর্ত হইতে আলোকে ফিরিয়া আসে, প্রারব্ধ অপকর্ম্মের সমাপ্তি ঘটিতে দেয় নাই। শেষ পর্য্যন্ত সে রাফসের কাজ করে নাই—এইটুকুই তাহার স্বপক্ষে বলিবার। এই যৎসামান্য কর্ম্মের প্রতিদানে তাহাকে সব ফিরাইয়া দিতে হইবে? জীবন, মুক্তি, অরণ্যের আধিপত্য, প্রান্তরের অবাধগতি, শস্ত্রক্ষেত্রের প্রাচুর্য্য সব তাহাকে দিতে হইবে? আর সে তৎপরিবর্তে দাসত্বের ভিত্তির দৃঢ়তা সম্পাদনে এবং ধ্বংস ও মৃত্যুর বিস্তারে তাহার সমগ্র শক্তির প্রয়োগ করিতে থাকিবে?

এই উদ্ধত লোকটার সঙ্গে কোনো আপোষ নীনাংসা, বোঝাপড়াও হইতে পারেনা। আর সে বিদ্রোহ করিবে না এবং সকল প্রকার দুর্কার্য্য হইতে বিরত হইবে এইরূপ সর্ব্বোচ্চ যদি তাহার নিকট মুক্তির প্রস্তাব উপস্থিত করা যায়, তাহা হইলে নিশ্চয়ই সে স্বগাভরে উহা প্রত্যাখ্যান করিয়া

প্রস্তাবকারীর মুখের উপরই বলিবে—“এরূপ লজ্জা তোমাদেরই থাক, আমাকে হত্যা কর।”

এক কথায়, উহাকে বধ করা কিংবা মুক্তি দেওয়া ভিন্ন আর তৃতীয় পন্থা নাই। সে যেন এক উত্তুঙ্গ গিরিশৃঙ্গে দণ্ডায়মান—উর্দ্ধে উড়িয়া যাইতে কিংবা নিম্নে ঝম্প প্রদান করিতে সে সর্ব্বদাই সমান প্রস্তুত। অদ্ভুত লোক! তাহার প্রাণ নেওয়া?—ইহাতে কত না উদ্বেগ! তাহাকে ছেড়ে দেওয়া?—কত বড় দায়িত্ব! ল্যাটিনেক রক্ষা পাইলে ভেড়ির সংগ্রাম আবার নূতন করিয়া আরম্ভ হইবে; নির্দোষ অগ্নি মুহূর্ত্তমধ্যে পুনঃপ্রজ্জ্বলিত হইয়া দিকে দিকে পরিব্যাপ্ত হইবে। সাধারণ-তন্ত্রের ধ্বংসাবশেষের উপর রাজতন্ত্রের পুনঃপ্রতিষ্ঠা না করিয়া, ফ্রান্সের বুকের উপর ইংলণ্ডের আসন না পাতিয়া ল্যাটিনেক নিরস্ত হইবে না। সুতরাং ল্যাটিনেকের প্রাণরক্ষা মানে ফ্রান্সের বলিদান—নিদোষ নরনারী, বালকবালিকার জীবন-বিনাশ, রাষ্ট্র-বিপ্লবের সংহার! পরস্পর-বিরোধী চিন্তাসংঘর্ষের অনিশ্চিতা-লাকে গভেন দেখিল, তাহার সম্মুখে এই দুর্লভ সমগ্রা—শোণিতলোলুপ ব্যাঘ্রের মুক্তিদান!

ঘুরিয়া ফিরিয়া আবার সেই প্রথম প্রশ্ন তখন গভেনের মনে উথিত হইল,—বস্তুতঃই কি ল্যাটিনেক এক হিংস্র ব্যাঘ্র? হয় তো সে ইতিপূর্বে সেইরূপ ছিল কিন্তু এখন? কি তাই? গভেনের উদ্ভাস্ত মস্তিষ্কে চিন্তার ধারা ওলা পালট হইয়া গেল। বিবেকের সহিত বুদ্ধির আভ্যন্তরিক সংগ্রামে তাহার আত্মা ক্ষতবিক্ষত হইয়া পড়িয়াছে পুঞ্জানুপুঞ্জরূপে বিবেচনা করিয়া দেখিলে ল্যাটিনেকের অবিচলিত কর্ত্তব্যনিষ্ঠা, মহান আত্মত্যাগ, এবং অসাধারণ নিঃস্বার্থপরতা অস্বীকার করা যায় না। এই গুলিই আসল সত্য। রাজত্ব, রাষ্ট্রবিপ্লব, পার্থিব সকল ব্যাপারের বস্তু উর্দ্ধে মানবতার মহাসিংহাসন প্রতিষ্ঠিত, সবলনাত্রই দুর্ব্বলে আশ্রয়স্থল, পিতার নতো শিশুদিগকে রক্ষা করা সকল বয়স ব্যক্তিরই কর্ত্তব্য—ল্যাটিনেক নিজের জীবন বলিদান দিয়া তাহাই প্রমাণিত করিয়াছে। সে একজন সমরকুশল সেনাপতি হইয়াও উপস্থিত-প্রতিহিংসার স্বযোগ হেলা পরিত্যাগ করিয়াছে। রাজতন্ত্রের এক বিশাল শুভ হইয়া



সে তিনটি অজ্ঞাতকুলশীল কৃষকশিশুর তুলনায় দেড় হাজার বৎসরের রাজতন্ত্র তুচ্ছ জ্ঞান করিয়াছে। ইহার পরেও কি তাহাকে ব্যাঘ্র বলা চলে? এখনও তাহার প্রতিহংস পশুবৎ ব্যবহার করা কি সম্ভব হইবে? গৃহযুদ্ধের তমসাচ্ছন্ন গহ্বরতল যে স্নমহৎ আত্মতাগের দিব্যালোকে আলোকিত করিয়াছে, সে রাক্ষস নহে। রূপাণপাণি নরঘাতক এখন দেবত্বের জ্যোতিতে মণ্ডিত। স্বর্গদ্রষ্ট শরতান আবার অমরায় প্রবেশাধিকার প্রাপ্ত হইয়াছে। একটি মাত্র ত্যাগের কার্যদ্বারা ল্যান্টিনেক তাহার সকল পাপের প্রায়শ্চিত্ত করিয়াছে। পার্থিব জগতে হারিয়া গিয়া সে অধ্যাত্ম জগতে জয়ী হইয়াছে। সে আজ নিষ্পাপ, সে আজ মুক্ত। এখন হইতে সে সকলের শ্রদ্ধার পাত্র।

সাধারণ মানুষ বাহ্য করিতে পারে না ল্যান্টিনেক এইমাত্র তাহাই করিয়া আপনার অসাধারণত্ব সপ্রমাণ করিয়াছে। এইবার গভেনের পালা। এই যাতপ্রতিযাতময় যুগসন্ধির অন্ধ উচ্ছ্বল নিদারুণ নিষ্পেষণ হইতে ল্যান্টিনেক মানব-শিশুকে রক্ষা করিয়াছে। এখন সেই স্ববংশীয়কে রক্ষা করিবার দায়িত্ব গভেনের। এমন অবস্থায় তাহার কর্তব্য কি? বিধাতা তাহার উপর যে ভার অর্পণ করিয়াছেন সে কি সেই ভার-রক্ষায় পশ্চাৎপদ হইবে? কখনই নহে। তাহার মুখ হইতে অনুচ্চস্বরে এই কথা বাহির হইল, “ল্যান্টিনেককে বাঁচাইতেই হইবে।” অগনি তাহার মনের ভিতর কে যেন বলিয়া উঠিল,—“বেশ, ভাল। তাই কর। ইংরেজদের তাহাতে খুব সুবিধা হইবে। শত্রুর সহায় হও। ল্যান্টিনেককে বাঁচাও, আর ফ্রান্সের সর্বনাশ কর।” গভেন কাঁপিয়া উঠিল। “হায়, স্বপ্নমুগ্ধ! তুমি যেক্ষণে সমস্তার সমাধান করিতে চাও, তাহা কোনো কাজের সমাধানই নয়।”

অন্ধকারে গভেন দেখিল, দুর্জয়ের মহাকালের আননে যেন বিজ্রপের হাসি। সে তখন এক সঙ্কটময় ত্রি-পথে উপস্থিত—একদিকে মানবপ্রেম, একদিকে গোত্র, একদিকে স্বদেশ। প্রত্যেকেই সত্য—অথচ সকলেই পরস্পরের বিরোধী, এখানে এইটে কর, ও বলে, এইটে কর। সে কি করিবে? যুক্তি বলে এক, হৃদয় বলে আর। এ যেন দুই প্রতিপক্ষ কৌশলির বক্তৃতা। তর্কশাস্ত্র যুক্তির উপর

প্রতিষ্ঠিত; ভাবাবেগ বিবেকের উপর। যুক্তি আসে মানুষের মন হইতে; অগ্নি—আরও গভীরতর উৎস হইতে। এইজন্য ভাবাবেগ যুক্তি অপেক্ষা অস্পষ্ট হইলেও অধিকতর ক্ষমতালব্ধী।

তবুও নিরৈক যুক্তির প্রভাব কম নহে। গভেন দ্বিধায় আন্দোলিত হইতে লাগিল। সে কি পাগল হইয়া যাইবে? দুইটি অতলম্পর্শ গহ্বর তাহার সম্মুখে। সে কি মাকুঁইসকে মরিতে দিবে? না তাহাকে বাঁচাইবে? হয় এই, না হয় ওই গহ্বরে তাহাকে বাষ্প প্রদান করিতে হইবে। কে বলিবে, ইহার কোনটির ভিতর দিয়া কর্তব্যের পথ?

৩.

### সৈন্যাদ্যক্ষের শিরচ্ছদ

এই বিজ্ঞেতৃগণকে এখন ‘কর্তব্য’ লইয়াই বুঝাপড়া করিতে হইতেছিল। কর্তব্যটি সিমুর্দ্যানের চক্ষে কঠোর মাত্র; কিন্তু গভেনের চক্ষে ভয়ঙ্কর। একজনের নিকট উহা সহজ; অপরের নিকটে জটিল, বক্র, বিভিন্নমুখী।

রাত বারোটা বাজিয়া গেল; তারপর একটা।

নিজের অজ্ঞাতসারে গভেন ক্রমে ক্রমে দুর্গ প্রাচীরের ভাঙনের দিকে অগ্রসর হইল। নির্দাসিতপ্রায় অগ্নি থাকিয়া থাকিয়া আলোকের বলক নিক্ষেপ করিতেছিল। সেই আলোকে কারাদুর্গের অপর পার্শ্বস্থ ভূমি ক্ষণে ক্ষণে পরিদৃশ্যমান হইয়া উঠিতেছিল, আবার ধূমে আবৃত হইয়া যাইতেছিল। এই আলো আধারের সংমিশ্রণে শান্তীগণকে ছায়ামূর্তির মতো দেখাইতেছিল। চিন্তামগ্ন গভেন পুতলিবেৎ দাঁড়াইয়া এই ধূম ও অগ্নিশিখার লড়াই দেখিতেছিল। তাহার মনের ভিতর যে সংগ্রাম চলিতেছিল, উহা তাহারই অনুরূপ।

নিভস্ত চুল্লী হইতে সহসা একটি দীর্ঘ বহ্নিশিখা বহির্গত হইয়া মালভূমির শীর্ষদেশ আলোকিত করিয়া তুলিল, এবং তাহাতে সিন্দুর-রাগরক্ত পটের উপর একটা মালগাড়ীর কৃষ্ণ ছায়া ফুটিয়া উঠিল।



গভেন বিস্ফারিতনেত্রে ইহার দিকে চাহিয়া রহিল। একটের চতুর্পার্শ্বে অশ্বারোহী—তাহাদের মস্তকে মিলিটারী গুলিশের শিরস্ত্রাণ। সূর্যাস্তকালে গেচাম্পের দূরবীণ দিয়া সে দূরদিগন্তে যে শকট লক্ষ্য করিয়াছিল ইহা তাহাই মিলিয়া গভেনের অনুমান হইল। কেহ কেহ গাড়ীতে উঠিয়া ইহা হইতে একটা বোঝা নামাইতেছে। বোঝাটা খুব ভারী বাধ হয়। মাঝে মাঝে লৌহবনংকার শব্দ শোনা হইতেছিল। জিনিষটা কি ঠিক ঠাহর করা কঠিন। পাঠের ফ্রেমের মতো যেন কি। দুইজন লোক একটা বাক্স নামাইল, তন্মধ্যে, যতদূর দেখা যায়, একটা ত্রিকোণ পদার্থ।

আলোকরেখা মিলাইয়া গেল। আবার সব গাঢ় অন্ধকারে আচ্ছন্ন হইল। গভেন সেই আধারে ঢাকা দাখটার দিকে চাহিয়া চিন্তায় ডুবিয়া গেল।

লণ্ডন জালা হইল। মালভূমির উপর লোক সকল ঘানাগোনা করিতে লাগিল। গভেন যেখানে দাঁড়াইয়াছিল, সেখানে হইতে সব স্পষ্ট দেখা যায় না। কণ্ঠস্বর শোনা যাইতেছে, কিন্তু কথা বুঝা যায় না। কখনো যেন কাঠে কাঠে টাকটুকি হইতেছে, এরূপ শব্দ শোনা যায়। কান্ডে ধার দওয়ার মতো ধাতবপদার্থের ঘর্ষণজনিত এক প্রকার শব্দও মাঝে মাঝে তাহার কাণে আসিয়া পৌছিবেছিল।

তুইটা বাজিল।

ধীরে ধীরে, অনিচ্ছা সত্ত্বেও যেন কোনো অদৃশ্য শক্তিরিচালিত হইয়া গভেন সেই ভাঙনের নিকট উপস্থিত হইল। অন্ধকারের মধ্যেও সৈন্যাদ্যক্ষের ওভার-কোট চিনিতে

পারিয়া শাদী তাহাকে সামরিক অভিবাদন জানাইল। গভেন কারাগৃহের নিয়ন্ত্রে প্রবেশ করিল। উহা এখন রক্ষীগৃহে পরিণত হইয়াছে। ছাদ হইতে একটা লণ্ডন ঝুলিতেছে। তাহার ক্ষীণালোকে তৃণাবৃত মেঝের উপরে শয়ান সৈনিকগণকে না মাড়াইয়া কোনরূপে কক্ষতল অতিক্রম করা যায়।

ইহাদের অধিকাংশই নিদ্রিত। মাত্র কয়েক ঘণ্টা পূর্বে ইহারা লড়াই করিতেছিল; এখন ক্লান্ত হইয়া যেখানে সেখানে শুইয়া পড়িয়াছে। এই কক্ষে কি প্রচণ্ড যুদ্ধ চলিয়াছিল—ভীষণ আক্রমণ ও সংঘর্ষ! কত আঘাত, কত প্রতিঘাত; কত ছুস্কার, কত আর্ন্তনাদ। এখন সব শেষ হইয়াছে। এই সৈনিকগণের কত সাথী এখানে অস্তিন-নিঃশ্বাস পরিত্যাগ করিয়াছে; আর এখন তাহারা সেইখানেই স্তম্ভিমগ্ন। এই ত যুদ্ধ! আগামী কল্য হয়তো আবার স্তম্ভ ও মৃত একই নিদ্রায় নিদ্রিত হইবে।

গভেন প্রবেশ করিলে কয়েকজন উঠিয়া দাঁড়াইল—তাহাদের মধ্যে একজন সেখানকার ভারপ্রাপ্ত অফিসার। গভেন অন্ধকূপের দ্বারের দিকে অঙ্গুলি নির্দেশ করিয়া তাহাকে বলিল, “খোলো”।

অর্গল অপসারিত হইল; দ্বার উদ্বাটিত হইল।

গভেন সেই কারাকক্ষে প্রবেশ করিল।

তাহার পশ্চাতে দ্বার আবার রুদ্ধ হইল।

( ক্রমশঃ )

শ্রীযোগেশচন্দ্র চৌধুরী





## পঞ্চাগ্নিতত্ত্বে ক্ষরাক্ষর প্রসঙ্গ

শ্রীযুক্ত ভূপেন্দ্র চন্দ্র চক্রবর্তী এম্-এ

ব্রহ্মগতপ্রাণ ঋষিদের মনোবীণায় অনিশ দীপক রাগিণীর ঝঙ্কার উঠিত—তঁাহারা ভোগ-বিলাসের সংসারে হোমানল-শিখা জালিয়া নিত্য কামনার মুখাঘ্নি করিতেন, ইন্দ্রিয় লালসাকে ভস্মীভূত করিয়া যজ্ঞের অঙ্গারে পরিণত করিতেন এবং আহিতাঘ্নি হইয়া জীবন-অধ্বরে মূর্ত্ত পাবকের তায় প্রজ্জ্বলিত হইতেন। অগ্নি তঁাহাদের জীবনের কতখানি নির্ভর হইয়াছিল, অগ্নিতে তঁাহাদের প্রাণের মন্ত্ৰ কিরূপ নিপুণতার সহিত লেখা হইয়াছিল তাহা ছান্দোগ্যের রহস্তময় পঞ্চাগ্নিতত্ত্বে 'স্বব্যাক্ত'। বেদে যেরূপ তিন অগ্নির কল্পনা বেদায়তন জুড়িয়া আছে, ছান্দোগ্যে তেমনি পাঁচটি অগ্নির পরিকল্পনা সৃষ্টিরহস্তটিকে একটি অপকৃপ রূপ দিয়াছে। ইতিহাসে পড়িয়াছিলাম, Napoleon - a name that deserves a volume to itself, নেপোলিয়নের নাম লইতে যদি volume লিখিতে হয় তবে নেপোলিয়নের যিনি স্রষ্টা, তাঁর সৃষ্টির রহস্ত বর্ণনা করিতে কত volume এর প্রয়োজন যটিবে ইহা ত সহজ চিন্তার বিষয়। কিন্তু ছান্দোগ্য কি অতুলনীয়, কি অচিন্ত্যনীয় শক্তির প্রভাবে এই আকাশের মত মহাবিশাল বিষয়টিকে কয়েকটি মাত্র মন্ত্ৰের মধ্যে নিবদ্ধ করিয়াছেন! ধন্য সেই ঋষির তপোবল—যাঁহার মানস-সরোবরে এই অপরাজয় সৃষ্টিরহস্তটি কমলের তায় দল মেলিয়া ফুটিয়া উঠিয়াছিল। ইহার সহিত তুলনায় মানুষের সাহিত্য মানুষের ভাষা কত দুর্বল, ভাববহনে কত অপারগ।

আরুণির পুত্র আরুণেয় ঋতকেতু পাঞ্চালদেশের সুপ্রসিদ্ধ প্রবাহণের নিকট গমন করিয়াছিলেন। ব্রহ্মবিদ্যায় ঋতকেতুর অধিকার জন্মিয়াছিল বলিয়া তাঁহার বিশ্বাস; তাই যখন ব্রহ্মজ্ঞ রাঙাষি জীবননন্দন প্রবাহণ, কুমারকে প্রশ্ন করিলেন 'কুমারাসু হাশিষ্য পিতেতি'—পিতা তোমাকে উপদেশ দিয়াছেন কি? কুমার উত্তর করিলেন, 'অনু হি ভগব ইতি'—ভগবন্ অনু, অর্থাৎ হাঁ অনুশাসন করিয়াছেন।

কুমারের এই উত্তরে জৈবলি প্রবাহণ তখন তাঁহাকে পল্লব লোক বিষয়ক পাঁচটি প্রশ্ন করিলেন—

১। বেথ যদিতোহধি প্রজাঃ প্রযন্তীতি?—মৃত্যুর পূর্বে কোথায় প্রাণিগণ গমন করে জান কি?

২। বেথ যথা পুনরাবর্তন্ত ইতি—ইহলোকে কিরূপে ফিরিয়া আইসে?

৩। বেথ পথোদেবানস্ত পিতৃযাণস্ত চ ব্যবর্তনা-দেবান পিতৃযানের বিয়োগস্থান কোথায়?

৪। বেথ যথাসৌ লোকো ন সম্পূর্য্যত ইতি—পিতৃযাণস্ত প্রাণিদের দ্বারা সেই চন্দ্রলোক কেন পূর্ণ হয় না?

৫। বেথ যথা পঞ্চম্যামাহতাবাপঃ পুরুষবচসো ভ তীতি,—তুমি জান কি পঞ্চমী আহতিতে আহত জল কিরূপে পুরুষরূপে পরিণত হয়? এই পাঁচটির উত্তর একই হইল—'ন ভগব' ইতি।' প্রবাহণ এই উত্তর পাইয়া বুদ্ধিতে এমন প্রয়োজনীয় তত্ত্বের খবর না-জানা ব্রহ্মবিদ্যার নিকট কক্ষটিকে দেখিতে না-পাওয়া—তাই বলিলেন,—

অথানু কিমনুশিষ্টোহবোচথাঃ, যো হীমানি ন বিজাং ক সোহনুশিষ্টো ব্রবীতেতি।

প্রবাহণ-বাক্যে পঞ্চাগ্নিবিদ্যার আসন কত উর্দ্ধে তাহ প্রমাণিত হইল। চক্ষু থাকিয়া যদি কেহ আকাশ ও তদা সূর্য্যচন্দ্রতারকার দীপাবলী দেখিতে না পায়, তাহার দর্শন শক্তির সার্থকতা যেমন অত্যন্ত পরিমিত হইয়া পুড়ে, ব্রহ্মা সন্ধিস্থ কাহারও চক্ষু তেমনি পঞ্চাগ্নির আকাশভূব জোড়া পঞ্চশিখা দেখিতে না পাইলে, তাহার ব্রহ্মদৃষ্টিও অত্যন্ত সঙ্কুচিত হইয়া পড়িল তাহা বলাই বাহুল্য। প্রবাহণ এমনি করিয়া ঋতকেতুকে চক্ষুহীন প্রমাণ করিয়া তাঁহার পিতার নিকট পাঠাইয়া দিলেন। যে-বিষয়টিকে জানি ব্রহ্মতত্ত্বে চক্ষুশ্রাব্য হওয়া যায় এবং যাহার প্রয়োগ জীব উপর ফলাইতে পারিলে 'পরশু পাথর' পাওয়া যটে তাহা



মালোচনা সাধকের মনে 'পরশ পাথর' ছুঁয়াইতে পারে সত্য, কিন্তু পাঠকের মনে একটুকু হইলেও তাহার ঝিলিক লাগিতে পারে, কেননা লেখকের মন ইহার চমকে সজাগ হইয়া উঠিয়াছে।

পিতা প্রবাহণ-সমীপে সমাগত হইয়া সেই প্রশ্নের পুনরাবলম্বন করিলেন এবং যে-বিজ্ঞা এতাবৎকাল পর্যন্ত ক্ষত্রিয়-জ্ঞানের বিষয়ীভূত ছিল তাহার বিবৃতি প্রার্থনা করিলেন। রাজা তখন সেই বিজ্ঞা দান করিলেন। পাঁচটি প্রশ্নের মধ্যে ষষ্ঠোক্তটির প্রাধান্যই সুপরিষ্কৃত। ইহার সহিত বাকী চারিটির শাখা-সম্বন্ধ রহিয়াছে। তাই প্রথমে মূল ধরিয়াই মালোচনা শুরু হইল। পূর্বে বলিয়াছি ইহার মধ্যে সৃষ্টির গোপন সঙ্কেত ও অজ্ঞাত সৃষ্টিপরিচালনার সকল তথ্য নিহিত রহিয়াছে। দৃকপাতেই প্রশ্নোত্তরটি একটি যজ্ঞের ফটোগ্রাফ লিয়া অনেকের নিকট প্রতীয়মান হইবে এবং নীরস যজ্ঞীয় সকেলে করণকারণ জ্ঞানে ইহাকে হয়ত অনেকে anachronism ভাবিয়া ঠেলিয়া ফেলিতে চাহিবেন। কিন্তু লেখকের যত্নময় প্রার্থনা এই যে, মানুষের সহিত মানুষের যেমন যুগ-প্ৰান্তব্যাপী একই সম্বন্ধ, বর্তমান ঋষিপ্রবচনের সহিতও বিংশ শতাব্দীর আগাদের সেই একই সম্বন্ধ। যজ্ঞের আবরণ উন্মোচন করিলে আমরা দেখিতে পাইব শুধু মানুষের কথাই বলা হইয়াছে। যে-নিয়মপদ্ধতি হোমধূমের মধ্যে যজ্ঞাঙ্গের স্থায়ীভূত দেখা যায় উহার বাহিরের রূপটি হুবহু যজ্ঞীয় হইলেও ইহার ভিতরের কথাটি অতি সরল ও সত্য—সেই কথাটি হইতেছে এইঃ—প্রতি মানুষের জীবন একটি যজ্ঞের মননের স্থায়ী জলিতেছে, তাই সহজ কথায় বলা চলে প্রতি মানুষের জীবনই একটি যজ্ঞ বিশেষ, তাহার আশে পাশে হুড়ান উপাদানে তাহারি জীবন-যজ্ঞের নিত্যকার অনুষ্ঠান চলিতেছে। এই ব্যক্তিগত জীবন-যজ্ঞের ছবিটি মনে আঁকিয়া যেন নিতান্ত বিশ্বাস পাঠকও পাঠে মনোযোগী হয়েন ইহাই প্রকাস্তিক অনুরোধ।

পুরাকালে ঋষিরা যজ্ঞ-গত প্রাণ ছিলেন—তঁাহাদের প্রতি নিশ্বাস প্রশ্বাস যেন হোম করিত, হবন ক্রিয়া দ্বারা তঁাহারা এমনি মণ্ডিত হইয়াছিলেন যে আহুতি যেন তঁাহাদের প্রাণ স্বরূপ হইয়াছিল। যে দেবতার উদ্দেশে তঁাহারা হোম

করিতেন সেই দেবতার নিকট যেন তঁাহাদের আহুতি তন্মুহূর্ত্তেই পৌছিত। সেই সেই দেব সমীপে আহুতির পৌছান যে-কথা, সেখানে তঁাহাদের শরীরে পৌছানও সেই কথা, কারণ আহুতি ছিল তঁাহাদের অভিন্ন অভিব্যক্তি। আচার্য্য শঙ্কর পঞ্চন প্রশ্নোত্তর সম্পর্কে বাজসনেয়কের উক্তি উদ্ধৃত করিয়া দেখাইতে চান,—জীবনব্যাপী যজ্ঞমানের যে যজ্ঞাহুতি তাহারই ঠিক অনুকরণে তঁাহার নিজেরও জীবন দেহান্তে উর্দ্ধলোকচারী হয়।

অগ্নিহোত্রাহুত্যাঃ কায্যারম্ভো যঃ, স উক্তো বাজস-  
নেয়কে—‘তং প্রতি প্রশ্নাঃ। উৎক্রান্তিরাহুত্যাগতিঃ প্রতিষ্ঠা  
তৃপ্তিঃ পুনরাবৃতির্দোকং প্রত্যাশাসী ইতি।

আহুতির গতি কোন্ কোন্ লোকে পৌছিত এবং কি ভাবে তথা হইতে প্রত্যাবৃত্ত হইত তৎসম্বন্ধে বাজসনেয়ক একটি নির্দেশ আঁকিয়া দিতেছেন—

‘তে বা এতে আহুতী ভূতে উৎক্রামতঃ, তেহস্তরিক্ষমা-  
বিশতঃ, তেহস্তরিক্ষমেবাহবনীয়ং কুর্ক্বাতে.....তে অস্তরিক্ষং  
তর্পয়তঃ, তে তত উৎক্রামতঃ.....এবমেব পূর্বাদিবং তর্পয়-  
তস্তে ততঃ আবর্ত্তন্তে।’

বাজসনেয়কের উক্তি এতৎপ্রসঙ্গের পূর্বাভাস রূপে দাঁড় করাইয়া আচার্য্য শঙ্কর ইহার সহিত ছান্দোগ্য বর্ণিত বিজ্ঞার এই পার্থক্য করিতেছেন—

ইহ তু তং কায্যারম্ভমগ্নিহোত্রাপূর্ববিপরিণামলক্ষণং পঞ্চদা  
প্রবিভজ্য.....বাজসনেয়কে বিশেষ ভাবে বর্ণিত হইয়াছে  
আহুতিদ্বয়ের কায্যারম্ভ আর এখানে সেই আহুতি-  
দ্বয়ের পরিণাম স্পষ্টরূপে দৃষ্টাইবার জন্য সেই কায্যারম্ভকেই  
পাঁচ প্রকারে বিভক্ত করিয়া পাঁচ অগ্নি রূপে ক্ষলনা করা  
হইয়াছে। তাই ছান্দোগ্যের মন্ত এইরূপ আরম্ভ হইয়াছে—

অসৌ বাব লোকো গৌতম্যগ্নিস্তসাদিত্য এব সামদ্র  
রশ্ময়ো ধূমোহহরচ্চিচ্চন্দ্রনা অঙ্গারা নক্ষত্রানি বিশ্বলিঙ্গাঃ,  
৫. ৪. ১

যজ্ঞমানের প্রাতঃসন্ধ্যায় ‘অগ্নিহোত্র’ নামক যজ্ঞানুষ্ঠানে যে  
অগ্নি প্রজলিত হয়, উহাই আহবনীয় অগ্নি—উহাতে যজ্ঞমান  
হোম করেন। মর্ত্যের অগ্নির স্বরূপ হইতেছে ত্র্যলোকের  
আদিত্য—এ অগ্নিতে হবনাদি ক্রিয়া চলিলে ইহার বিস্তৃতি



ততদূর পর্যন্ত পৌছে। ভুলোকে অগ্নির যেমন সনিং, ধূম, অর্চ্চিঃ, অঙ্গার ও স্কুলিঙ্গাদি থাকে, ছালোকের সূর্যোরও সেই সব আছে। আচার্য্য শঙ্কর এই উপমানস্থ উদ্ভগরূপে প্রতিপন্ন করিতেছেন।

তস্তাথেছ্যলোকাখ্যাত আদিত্য এব সনিং, তেন হি ইন্ধোহসৌ লোকা দীপতে.....রশ্ময়ো ধূমঃ, তত্থানাং, সনিধৌ হি ধূমো উত্তিষ্ঠতি। অহরর্চ্চিঃ, প্রকাশসামাগ্রাৎ... চন্দ্রমা অঙ্গারাঃ অহঃ প্রশমেহভিব্যাক্তেঃ, অর্চ্চিষৌ হি প্রশনে অঙ্গারা অভিব্যাক্তান্তে। নক্ষত্রাণি বিস্কুলিঙ্গাঃ চন্দ্রমসোহবয়বা ইব.....ইহাতে স্ননিপুণ কবিত্বই প্রকাশিত হইয়াছে— আদিত্য জলন্ত কাষ্ঠের ন্যায় জলিতেছে, অগ্নি হইতে ধূমের ন্যায় সূর্য্যরশ্মি নির্গত হইতেছে, অগ্নির প্রকাশবৎ সূর্য্যের প্রকাশ হইল দিবা, অগ্নি নিভিলে যেমন অঙ্গার প্রকাশ করে তেমনি সূর্য্যাস্তে চন্দ্র প্রকাশমান হয় এবং নক্ষত্রগুলি অঙ্গারের স্কুলিঙ্গবৎ দিগদিগন্ত ছড়াইয়া পড়ে। অতি সুষ্ঠু উপমা।

এইরূপে ভুলোক ও ছালোকে দুই অগ্নি পাইলাম, ইহার দুই এ এক। যজমান যখন মর্ত্য্যগ্নিতে হোম করিবে ইহা তখনি উপরি-উক্ত দিব্যাগ্নিতে অর্পিত হইবে। সূতরাং এখানেই পঞ্চাশিত্ত প্রথমটিকে পাইলাম। যজমান এই অগ্নিতে হোম করেন—

তস্মিন্নেতস্মিন্নগ্নৌ দেবাঃ শ্রদ্ধাং জুহ্বতি, তস্তা আহতেঃ সোমো রাজা সম্ভবতি।

এই অগ্নিতে যজমান (দেবাঃ) শ্রদ্ধাকে আহতি স্বরূপ প্রদান করেন। শ্রদ্ধা কাহাকে বলি?—‘অগ্নিহোত্রাহতি-পরিণামাবস্থারূপাঃ সূক্ষ্মা আপঃ শ্রদ্ধাভাবিতাঃ শ্রদ্ধা উচ্যন্তে।’ আহতির সাধীন স্বরূপ সোমঘৃতাди সংযুক্ত জলই শ্রদ্ধা শব্দে অভিহিত। তাহা হইলে দাঁড়াইল—দেবগণ বা যজমানেরা জলরূপ শ্রদ্ধার হোম করিয়া থাকেন, ‘তাং শ্রদ্ধাং অবরূপাং জুহ্বতি’। পাঠকের দৃষ্টি ‘সূক্ষ্ম অপ্’ কথাটির প্রতি আকর্ষিত করিতেছি, কারণ আত্মস্থ ‘অপের’ মধ্যে সমগ্র পঞ্চাশিত্তকটি নিহিত রহিয়াছে। শ্রদ্ধাখ্যা এই অপেরই ক্রমিক পরিণতি দেখান শ্রুতির অভিপ্রেত।

শ্রদ্ধাখ্যা অপ্ আহত হইলে ইহার ফল কি হইল? সোমো রাজা সম্ভবতি। ইহার অর্থ কি? সোম হইল

চন্দ্র, যজমানগণ এই সংসারে থাকিয়া কিরূপে চন্দ্রলোকে ঝাইবে? পূর্ব্বভাষ্যাংশে দেখিয়াছি আহতির গতি ইত্যাদি আলোচনার বিষয়, যজমানের স্বয়ং উৎক্রান্তি নহে। এখানে শঙ্কর তাহা পরিষ্কার করিয়া কহিতেছেন—‘ন যজমানানাঃ গতিঃ।’ তবে চন্দ্রলোকে কে যায়? ‘ঋগ্বেদাদিপুষ্পরসা ঋগাদিমধুকরোপনীতাঃ তে আদিত্যে যশ আদি কাখ্যঃ রোহিতাদিরাপলক্ষণমারভন্তে’ ইত্যুক্তম—ঋগ্বেদ পৃথিবীতে প্রচারিত অবস্থায় যেমন উহার জ্যোতিঃ আদিত্যলোকে জন জল করে সেইরূপ এখানে কৃত আহতি ও চন্দ্রলোকে দীপ্তি জাগায়—তথা ইমা অগ্নিহোত্রাহতিসমবায়িতাঃ সূক্ষ্মাঃ শ্রদ্ধা-শব্দবাচ্যা আপঃ ছালোকমমুপ্রবিশ্য চান্দ্রং কার্য্যমারভন্তে...।

আহতিকে আমরা পূর্বে যজমানের স্বরূপ বলিয়াছি। যদি আহতি সূক্ষ্মভাবে চন্দ্রমণ্ডলে পৌছিতে পারে তবে যজমানের মনেও সেই স্বর্গলোকের বাক্সার উঠিবে। শঙ্কর কহিতেছেন—‘যজমানাশ্চ তৎকর্তারঃ আহতিময়া আহতিভাবনাব্যবিতা আহতিরূপেণ কৰ্ম্মণা আকৃষ্টাঃ শ্রদ্ধাপ্রসবায়িনো ছালোকমমুপ্রবিশ্য সোমভূতা ভবন্তি।’ যজমান মর্ত্য্যধামে থাকিলেও তাঁহার মন আহতি সহযোগে চন্দ্রলোকে অনুপ্রবিষ্ট হয় এবং তিনি চন্দ্রহ্যতিসম্পন্ন হইবেন। শঙ্কর এই যাহা বলিলেন ‘যজমান আহতিভাবব্যবিত হইয়া.....সোমস্বরূপ হন....’ কিন্তু যজমান প্রত্যুত চন্দ্রলোকে গমন করেন না—“অত্র তু আহতিপরিণাম এব পঞ্চাশিত্তসম্বন্ধক্রমেণ বিবক্ষিত, উপাসনার্গম্, ন যজমানানাঃ গতিঃ।’ এখানে শুধু আহতির পরিণাম দেখানই লক্ষ্য।

আমরা জানি মনের অধিদৈব চন্দ্র, মন আহতি দ্বারা চন্দ্রময় ‘সোমভূত’ হয়—ইহার তাৎপর্য্য কি? ইহার অর্থ এইরূপ হইতে পারে যে আহতি ক্রিয়া দ্বারা যজমানের মন অধিদৈব চন্দ্রের পূর্ণাধিষ্ঠানে যায় অর্থাৎ মন যজ্ঞসম্বন্ধময় হয়—যথা ‘ক্রতুময়ঃ পুরুষ।’ ক্রতু যজ্ঞবোধক, যেমন শতক্রতু। সেই জ্ঞাত শ্রুতি বলিয়াছেন—‘অথ খলু ক্রতুময়ঃ পুরুষঃ, যথা ক্রতুরস্মিন্ লোকে তথৈতঃ প্রেত্য ভবতি।’ শ্রদ্ধাখ্যা অপ্কে হোম করিলে যজমানের মন ক্রতুময় হয়, ইহাই ‘সোমো রাজা সম্ভবতি।’

প্রথমগ্নিতে হোম করার ফলে আহতির পরিণাম কি



দেখাইতে হইলে আর একটি রসাত্মক শব্দ আনা প্রয়োজন, ধূমো রাত্রিরচ্চির্দিশোহঙ্গারা অবান্তর দিশো বিষ্ফু-  
অথচ যজ্ঞের অর্থও যেন তাহাতে স্ফুট থাকে। সোমরস-লিঙ্গাঃ।

যজ্ঞের সেরূপ অপরিহার্য অঙ্গ বাঞ্ছনা আছে—১ম ব্যাপক  
বক্তার্থ, ২য় অপজনিত রসের বিশেষার্থ। সর্বোপরি ওষধীশ-  
রূপে সোম ত চন্দ্র হইবেই।

এক্ষণে আমরা দ্বিতীয় অগ্নির স্মরণ করিতে পারি।  
ছান্দোগ্যোক্ত মন্ত্রটি এইরূপ :—

পর্জন্তোবাব গৌতম্যগ্নিস্তস্ত বায়ুরেব সমিদ-প্রাণো ধূমো  
বিদ্বাদর্চ্চিরশনিরঙ্গারা হ্রাদয়ো বিষ্ফুলিঙ্গাঃ।

আচার্য্য ইহার উপর লিখিতেছেন—‘পর্জন্তো নাম বৃষ্ট্যুপকর-  
ণাভিমাত্রী দেবতা বিশেষঃ, বায়ুনা হি পর্জন্তোহগ্নিঃ  
সমিধ্যতে.....’ পর্জন্ত প্রসিদ্ধ বৈদিক দেবতা, ইহা দ্বিতীয়  
অগ্নি, বায়ু, সমিধের ত্রায় কার্য্য করে; ঝড়ের সময়ের চিত্র মনে  
আনিলেই ইহার উত্তম প্রতীতি জন্মে। জমকাল মেঘের  
কোণে যে পাতলা মেঘ খেলে ইহা যেন পর্জন্তরূপ অগ্নির ধূম  
বিশেষ—আর যে বিদ্যৎ বলসায় উহা যেন পর্জন্তের প্রভা,  
ঝড়ে কড়্ কড়্ যে বাজ পড়ে উহা হইল কিনা অঙ্গার এবং  
ছস্কারটি হইল বিষ্ফুলিঙ্গ।

অগ্নি দেখা গেল—এখন আহুতির পালা।

তস্মিন্নেতস্মিন্নগ্নৌ দেবাঃ সোমঃ রাজানং জুহ্বতি, তস্তাহুতে  
কর্ষঃ সম্ভবতি।

ভাষ্যঃ—‘শ্রদ্ধাখ্যা আপঃ সোমকারিপরিণতাঃ দ্বিতীয়ে  
পর্য্যয়ে পর্জন্ত্যাগ্নিং প্রোপ্য বৃষ্টিভেন পরিণমন্তে।’

পূর্বে শঙ্কর কহিয়াছেন—‘শ্রদ্ধাই জলস্বরূপা এবং অপ্ ই  
শ্রদ্ধাবলম্বনে সংস্কার সম্পন্ন হইয়া গমন করে।’—‘শ্রদ্ধা বা  
আপঃ শ্রদ্ধামেবারভ্য প্রণীয় প্রচরন্তি।’ ইহার ফল স্বরূপ  
দাঁড়াইল ক্রতুময় মন; সেই মনকে ক্রতুশীল যজমান পর্জন্তে  
হোম করেন। সে কিরূপ? যজমান অচঞ্চল মহামন লইয়া  
পর্জন্তে হবন করেন। সহজ সরল কথায় ইহার অর্থ বৃষ্টির  
জন্ত পর্জন্তদেবকে তপস্তা করা। শ্রদ্ধাসংজ্ঞক জলের পরিণাম  
হইল ‘সৌম্য’ বা ক্রতুময় মন—সেই সোমের পরিণাম হইল  
‘বৃষ্টি’।

তৃতীয় অগ্নির স্মরণ লইতেছি—

পৃথিবী বাব গৌতম্যগ্নিস্তস্তাঃ সংবৎসর এব সমিদাকাশো

পৃথিবী অগ্নি, সংবৎসর তাহার কাষ্ঠ, আকাশ তাহার ধূম,  
রাত্রি হইল অচ্চি, দিকসকল অঙ্গার এবং অবান্তর দিক  
সমূহ (কোণ সমূহ) যেন বিষ্ফুলিঙ্গ। সংবৎসর কিরূপে  
সমিৎ হইতে পারে তদ্ব্যক্ত শঙ্কর নির্দেশ করিতেছেন—  
‘সংবৎসরেণ হি কালেন সমিদ্ধা পৃথিবী ব্রীহাদিনিপাত্তয়ে  
ভবতি’—সমিৎ দ্বারা যেরূপ অগ্নি জলে, সময় দ্বারাও সেইরূপ  
শস্ত্র জন্মায় ও আহারযোগ্য হয়। আর আকাশ?—  
‘পৃথিব্যা ইবোপিত আকাশো দৃশ্যতে যথা অগ্নেধূমঃ’ আগুণ  
হইতে যেমন ধূম উপর ছাইয়া যায় আকাশও যেন ঠিক  
তেননি পৃথিবী হইতে উঠিয়াছে মনে হয়। কি অপরূপ  
কবিত্ব! এই পৃথিবীরূপ অগ্নিতে ক্রতুশীল যজমান বৃষ্টিকে  
আহুতি দেন। শ্রদ্ধাখ্যা অপ্ ই ক্রমে বৃষ্টিতে পরিণত হইল।  
ছালোকে শ্রদ্ধা আহুত হইয়া ফল প্রদব করিল ‘সোম,’  
আবার সোম পর্জন্তে আহুত হইয়া প্রদব করিল—এইবার  
বৃষ্টিকেও আহুতি দেওয়া হইল মৃত্তিকাতে।

তস্মিন্নেতস্মিন্নগ্নৌ দেবা বর্ষং জুহ্বতি, তস্তা আহুতেরন্নং  
সম্ভবতি।

চতুর্থ অগ্নি হইতেছে পুরুষ—

পুরুষো বাব গৌতম্যগ্নিস্তস্ত বাগেব সমিৎ, প্রাণো ধূমো  
জিহ্বার্চ্চি শঙ্করঙ্গারাঃ শ্রোত্রং বিষ্ফুলিঙ্গাঃ। এই অগ্নিতে  
অন্নকে আহুতি দেওয়া হয়—তস্মিন্নেতস্মিন্নগ্নৌ দেবা অন্নং  
জুহ্বতি, তস্তা আহুতেঃ রেতঃ সম্ভবতি।

সেই অন্ন পুরুষাগ্নিতে আহুত হইলে উহার ফলে রেতঃ  
সঞ্চার ঘটে। ক্রমে আমরা শ্রদ্ধাখ্যা অপ্ কে রেতোরূপে  
পরিণত হইতে দেখিলাম। ইহার পরে পঞ্চমাগ্নি আসিতেছে  
যোবা।

যোব বাব গৌতম্যগ্নিস্তস্ত উপহ এব সমিদ, যত্নপনয়নতে  
স ধূমো যোনিরচ্চির্দন্তঃ করোতি তেহঙ্গরা অভিনন্দং  
বিষ্ফুলিঙ্গাঃ॥ এই সর্দশেব অগ্নিতে যজমান রেতকে আহুতি  
দেন,—তস্মিন্নেতস্মিন্নগ্নৌ দেবা রেতো জুহ্বতি, তস্তা আহুতে  
গর্ভঃ সম্ভবতি।’ আচার্য্য শঙ্কর ইহার উপর ভাষ্য করিতেছেন—

‘এবং শ্রদ্ধা-সোমবর্ষায়রেতোহবন পর্য্যায়ক্রমেন আপ এব



গভীভূতাস্তাঃ।’ শ্রদ্ধাপদবাচ্য্য অপ এমনি করিয়া অবশেষে গভীভূত হইল—তবেই পঞ্চম প্রশ্নটি ‘ইতি তু পঞ্চম্যামাহতা-  
বাপঃ পুরুষবচসো ভবতি’—সুগীর্ভাসিত হইল।

গীতায় শ্রীভগবান পঞ্চাগ্নিকে অতি সংক্ষেপে বিবৃত করিতেছেন :—

অগ্নাদ্ভবতি ভূতানি পর্জন্তাদম্ভসন্তবঃ।  
যজ্ঞাদ্ভবতি পর্জন্তো যজ্ঞঃ কস্ম্যসমৃদ্ধবঃ।  
কস্ম্য ব্রহ্মোদ্ভবং বিদ্ধি... ..  
তস্মাৎ সর্বগতং ব্রহ্ম নিত্যং যজ্ঞে প্রতিষ্ঠিতম্ ॥

৩, ১৪, ১৫।

সমস্ত ব্যাপার যজ্ঞটি হইতে উদ্ভূত বলিয়া গীতা নির্দেশ করিতেছেন, যজ্ঞ অর্থে সেই ক্রতুশীল মন বা সোম—ইহা আসিতেছে কোথা হইতে—‘কস্ম্য’ হইতে। ছান্দোগ্যে পাইয়াছি শ্রদ্ধা হইতে। সূতরাং উভয়ে এক। শ্রদ্ধা বা কস্ম্য আসিতেছে কোথা হইতে—এই প্রেরণা শ্রীভগবান্ জীবব্রহ্মে জাগাইয়াছেন—

সহযজ্ঞাঃ প্রজাঃ সৃষ্টা পুরোবাচ প্রজাপতিঃ  
অনেন প্রসবিত্বধ্বমেব বোহস্তিষ্টকামধুক্।

শ্রীভগবান্ প্রাণাদি করণ সমন্বিত করিয়া জীবকে তাহার কল্যাণকর যজ্ঞে প্রেরণা দিয়াছেন—এই ভগবৎদত্ত প্রেরণাই শ্রদ্ধা বা কস্ম্য—‘যজ্ঞার্থাৎ কস্ম্যগোহত্নত্র লোকোহয়ং কস্ম্য-  
বন্ধনঃ।’ সূতরাং মানুষের প্রধান কর্তব্য দেবোদ্দেশে যজ্ঞানুষ্ঠান করা। কেননা ‘দেবান্ ভাবয়তানেন তে দেবা ভাবয়ন্ত বঃ’—যজ্ঞদ্বারা দেবগণকে সংবর্দ্ধন কর, দেবগণও তোমাদের কল্যাণ বিধান করুন। ‘ইষ্টান্ ভোগান্ হি বো দেবা দাস্তন্তে যজ্ঞভাবিতাঃ’—যজ্ঞাহুতির দ্বারা প্রীত হইয়া পর্জন্তদেব বৃষ্টি বর্ষণ করেন ইহা ত পূর্বেই আলোচিত হইয়াছে।

ক্রমে ক্রমে পাঁচটি অগ্নিই জালা হইল এবং পাঁচটি আহুতিই সমর্পিত হইল—সেই সর্বপ্রথম আহুতির অপই রেতোরূপে পরিণত হইয়া নূতন জন্মের কারণ ঘটাইল। ইহার উদ্দেশ্য বোধ করি এইটুকু দেখান যে যজ্ঞ হইতেই সন্তান উদ্ভূত হয়, যেমন যাজ্ঞসেনী। ঋষিরা

এইরূপে সন্তানলাভটিকে কাম্যাত্মক না করিয়া ইহাকে যজ্ঞার্থক প্রতিপন্ন করিয়াছিলেন—কাজেই জন্মটি ছিল পবিত্র এবং ফলেও সন্তানসন্ততিতে ব্রহ্মনিষ্ঠা জাগিত। এখন যদি কেহ প্রশ্ন তুলেন—বর্তমান জগতে ত যজ্ঞ নাই—হোমধূম নাই তবে পর্জন্তদেব কুপাই বা কেন করেন, কেনই বা অন্ন হয় এবং সন্তান উৎপাদনে কেনই বা বাধা ঘটে না! ইহার উত্তরে উপরি লিখিত মন্ত্যাসুসারে এই মাত্র বলা যায় যে জন্মের সে ব্যাখ্যা যেমন লুপ্ত-প্রায়, জন্মের ফলাফলও যোর ক্ষুদ্রপ্রীতি দ্বারা সমাচ্ছন্ন—এখন আর সে মানুষ প্রায় জন্মের নাই যদি কেহ তবু বলিতে চান—‘ও হরি’—এই ইহা হইল ছান্দোগ্যের অতি বিখ্যাত পঞ্চাগ্নিবিজ্ঞা—ইহার অসারকরণই মনি সিদ্ধ হয় যখনই না চাইতেই বর্ষার ধারা আসিয়া পড়িয়া আইসে! ইহার উত্তরে আমি শুধু এই বলিতে পারি—বর্ষণানুকূল ফসল কি অম্নি হয়, প্রতি মানুষের প্রাণের কুতূহল নাই এবং সেই কুতূহলিত প্রাণের অজ্ঞানত্ব দান কি বিধাতৃচরণে পৌছে না?—ক্ৰীষ্ণিয়ানেরা আমাদেরকে—  
‘O Lord, Give us our daily bread’—এই কথাওয়া তাহাদের মুখ ফুটিয়া বাহির হইয়াছে—কিন্তু আমরা প্রতি জীরের মর্মে গোপনে ধ্বনিত হইতেছে।  
মিলে এবং স্ত্রীপুরুষে মিলিয়া সংসার রচনা সম্ভব হইল ইহাকে অস্বীকার করা অসম্ভব—সংসারের সকল কস্ম্য-প্রচেষ্টার মূল আহাৰ্য্য, ইহা মুখ্য; অতঃপর গোণ হইল যোনাহার। আজ যে ভারতবর্ষ লইয়া অত টানাটানি চলিতেছে ইহার মূল কথাটি ‘অম্নম্’। তবেই দেখা যাইতেছে মানুষের জীবনটি একটি রাজস্বয় যজ্ঞের স্থায় অম্নস্বয় যজ্ঞ। ক্ৰীষ্ণিয়ানেরা ইহাকে prayer এ ছ’ কথায় নিবেদন করিয়াছে আর ছান্দোগ্যে ইহা সৃষ্টির মানদণ্ড স্বরূপ হইয়াছে। আমরা এখন সেই সৃষ্টিবৃহত্ত্বের পরম দার্শনিক তত্ত্বের প্রতি মনোনিবেশ করিতেছি।


তৈত্তিরীয় উপনিষদের ব্রহ্মানন্দবল্লী হইতে সৃষ্টির মন্ত্রটি উদ্ধৃত করিতেছি :—

তস্মাদ্বা এতস্মাদাঅন আকাশঃ সমুতঃ। আকাশা-  
দায়ুঃ। বায়োরগ্নিঃ অগ্নেরাপঃ। অন্ত্যঃ পৃথিবী। পৃথিব্যা ওষ-



ধমঃ । ওষধিতোহমম্ । অন্নাদ্রেতঃ । রেতসঃ পুরুষঃ । স  
বা এষ পুরুষঃ অন্নরসময়ঃ ॥ ৩

ইহার দিকে এক চক্ষু রাখিয়া অপর চক্ষু যদি পঞ্চাগ্নির  
উপর ধরা যায় তবে আমাদের মনে ইহাদের উভয়ের  
অন্তর্নিহিত একই সুর বাজিয়া উঠিবে। তৈত্তিরীয় যে  
তত্ত্ব প্রকাশ করিতেছে, পঞ্চাগ্নিও যে সেই তত্ত্বেরই সালস্কার  
অবতারণা ইহাতে কোন সন্দেহ নাই। উভয়ের উদ্দেশ্য  
এক—পাঞ্চভৌতিক দেহে জীবের জন্মপ্রদর্শন। তবে  
উভয়ের ছন্দ একরূপ নহে—তৈত্তিরীয় দেখাইতেছেন সৃষ্টির  
ক্রম আর পঞ্চাগ্নি দেখাইতেছে আত্মতিক্রম; কিন্তু শেষ  
কথা উভয়েরই এক—জন্ম। আমরা উহাদের একাধিকতা  
এইভাবে সাজাইতে চাই :—



উপরিউক্ত সজ্জানুসারে দেখা যায় তৈত্তিরীয় আদর্শ এই  
পঞ্চাগ্নিতেও অবিকল রহিয়াছে। ছান্দোগ্য শুধু 'পর্জনা'  
দ্বারা যে কথা ব্যক্ত করিয়াছেন এখানে বায়ু, অগ্নি, আপঃ  
মিলিয়া সেইটি হইয়াছে। তৈত্তির পৃথিবী পর্য্যন্ত আমরা  
ছান্দোগ্য পৃথিবীও ঠিক সমান তাগে পাইতেছি। তৈত্তিতে  
অতঃপর 'পৃথিব্যা ওষধয়ঃ.....পুরুষঃ অন্নরসময়ঃ;—এই  
অংশটুকুতে পুরুষ ও যোষাকে যদিচ লুপ্ত রাখা হইয়াছে  
তথাপি যৌন প্রক্রিয়াকে অতি পরিষ্কার ইঙ্গিত করা  
হইয়াছে। এই ইঙ্গিত এত সহজবোধ্য যে সৃষ্টিতত্ত্ব বুঝাইতে  
ইহাকে ভাঙ্গিয়া বলা একেবারেই অনাবশ্যক—তাই তৈত্তিরীয়ে  
ইহার উল্লেখ নাই। পাঞ্চভৌতিক পারস্পর্য্য সাজাইতে  
রেতঃ পর্য্যন্ত ফুটাইলেই কার্য্য সমাধা হইল, কিন্তু ছান্দোগ্যের  
উদ্দেশ্য আত্মতিক্রম ফুটান, সুতরাং যোষাকে আহবনীয়  
করিয়া ইহাতে রেতঃসেক প্রদর্শন করান হইয়াছে।  
কাজেই ছান্দোগ্যের পৃথিবী পর্য্যন্ত পঞ্চভূতের সকলগুলিই  
বলা হইয়াছে—ইহার পরে পুরুষ ও যোষা আসিতেছে শুধু  
হবণ ক্রিয়ার সম্যক নির্দেশ করিবার জন্ত। ছান্দোগ্যে যেখানে

পাঞ্চভৌতিক সৃষ্টির ক্রমিক বর্ণনা দেখা যায় সেখানে  
প্রথমেই বলা হইয়াছে—'তত্ত্বোহসৃজত' (৬.২)। তৈত্তির  
আকাশ ও বায়ুকে ডিঙাইয়া একেবারে প্রথমেই কেন তেজে  
(অর্থাৎ অগ্নিতে) পৌছিল, ইহা লইয়া গোল দাঁড়াইয়াছে।  
প্রশ্ন উঠা খুবই স্বাভাবিক পাঁচ ভূতের মধ্যে তৃতীয়টি হইতে  
সুরু কেন করান হইল! আচার্য্য শঙ্কর দেখাইয়াছেন যে  
তেজের অন্তর্ভাবরূপ,—রূপাশ্রকং জগৎ, তাই রূপটিকে প্রথম  
ফুটাইয়া সৃষ্টিক্রম বর্ণিত হইয়াছে। 'অন্তর্ভাবতত্ত্ব'টি বেশ  
একটু জটিল—যাঁহারা ইহার বিশদ আলোচনার পক্ষপাতী  
তাঁহারা দয়া করিয়া বেন ১৩৩৬ পৌষ সংখ্যা 'বিচিত্রা'র  
লেখকের 'পঞ্চপানপাত্র' পাঠ করেন। সুতরাং বর্তমান ক্ষেত্রে  
আমরা সৃষ্টিতত্ত্বের ত্রি-ধারা পাইতেছি—তৈত্তিরীয় দেখাই-

তেছেন সৃষ্টিক্রম, পঞ্চাগ্নি হইতেছে আত্মতিক্রম আর ছান্দোগ্য  
ফুটাইতেছেন অন্তর্ভাব-ক্রম। কিন্তু এ-তিনেরই লক্ষ্যস্থল  
জন্ম।

তারপর? নূতন অতিথি বজমানের গৃহে শুভাগমন  
করিল। সেও সমস্ত জীবন ভরিয়া পঞ্চাগ্নিতপ করিল, তাহার  
মরণ ঘটিল। তখন?—'তৎ প্রেতং দিষ্টমিতোহগ্নয় এব হরন্তি,  
যত এবৈতো যতঃ সমুতো ভবতি'—শঙ্কর ভাষ্য যথা—'যত এব  
ইত আগতোহগ্নেঃ সকাশাৎ শ্রাদ্ধাদ্যাভিতিক্রমেণ...তস্মৈ এব  
অগ্নয়ে হরন্তি।' 'যে অগ্নি হইতে শ্রাদ্ধাদি আত্মতি পরম্পরায়  
আগত হইয়াছে সেই অগ্নির উদ্দেশ্যেই লইয়া যায়।' পূর্বেই  
বলা হইয়াছে 'অগ্নিহোত্র' বস্তু এখানেই রূত হয়, ইহার ফল  
ছান্দোগ্যাদি পর্য্যন্ত পৌছায়—সেই বস্তুই অনন্ম হইতেই  
তাহার দেহের উৎপত্তি, এই অনন্মেই তাহার দেহের শেষ  
বিসর্জন ঘটে। এইবার প্রথম প্রশ্নটির উত্তর দেওয়া  
হইতেছে। বর্তমান ক্ষেত্রে আমরা পঞ্চাগ্নির প্রতি বিশেষ-  
রূপে দৃষ্টি রাখিব—তাই অল্প প্রশ্নগুলির উত্তর দেওয়া  
এখানে সম্ভব হইবে না। আচার্য্য শঙ্কর বলিতেছেন :—



অন্ত্যায়াক্ষ শরীরাহতাবধৌ হতায়ামগ্নিনা দহ্যমানে শরীরে তদুপা আপোধুনেন সহোর্ধ্বং যজমানমাবেষ্ট্য.....। শরীর ভস্মসাৎ হইলে শরীরোপিত জল সমূহ যজমানকে বেষ্টন করিয়া ধূমের সহিত উর্দ্ধে যায়। সেই শ্রদ্ধাখ্যা অপসম্ভূত দেহের পরিণামস্বরূপ এই জল ও সেই শ্রদ্ধাযুক্ত অপ্ এক জিনিষ। তাহার দেহযোনি অগ্নি যেমন শ্মশানাগ্নির সহিত এক তেমনি এক্ষেত্রেও এ দুই অপেও একতা। বেদান্ত দর্শনের তৃতীয় অধ্যায়ের ১ম পাদে এই প্রশ্নগুলির উত্তর সম্যক্ আলোচিত হইয়াছে, আমরা একটু চক্ষু বুলাইয়া যাইব মাত্র। ‘তদন্তর প্রতিপত্তৌ রংহতি সম্পরিষক্তঃ; প্রশ্ন নিরূপ-ণাভ্যাম।১’। পরলোকযাত্রায় যে অপ্ যজমানকে বেষ্টন করিয়া উর্দ্ধলোকে যায় তাহাতে অপের বাহুল্য থাকিলেও ইহাতে অপরাপর ভূত অন্ন পরিমাণে থাকে—‘ত্র্যত্মকাত্মত্ব ভূয়স্বাৎ।২’ যজমানের আহুতি যেমন উর্দ্ধে চন্দ্রলোকে যায় দেহান্তে যজমানও তেমনি ঐ লোকে যায়। আমরা বাজসনেয়ক ও পঞ্চাগ্নিপ্রসঙ্গে দেখিয়াছি সেখানে থাকে ঠিক ততকাল যাবৎ তদুপযোগী কর্মের হ্রাস না ঘটে—কৃতাহত্যেহনুশয়বান্ দৃষ্টস্মৃতিভ্যাম্ যথৈতমনেবং চ।৮

কর্মক্ষয়ে সে পথে গমন সে পথেই পুনঃ প্রত্যাবর্তন ঘটে। ছান্দোগ্য বলিতেছেন—‘তস্মিন্ যাবৎ সম্পাতমুদ্বিগ্ধাণৈতম-ধ্বানং পুনর্নিবর্তন্তে।’ কিরূপে—‘যথৈতমাকাশম্ আকাশাদ-বায়ুং বায়ুভূত্যা ধূমোভবতি ধূমোভূত্যা অন্নং ভবতি।’ তৎপর ?—‘অন্নং ভূত্যা মেঘো ভবতি মেঘো ভূত্যা প্রবর্ষতি ত ইহ ত্রীহিববা ওষধিবনস্পত্যস্তিলমাষা ইতি জায়ন্তে.....যো যো হুমগতি যো রেতঃ সিঞ্চতি তদুয় এব ভবতি।’ চন্দ্র-মণ্ডলে জীবের পূণ্যভোগান্তে তাহাকে return ticket করিয়া আবার সেই পথেই মর্ত্যলোকে চলিয়া আসিতে হইবে। পঞ্চাগ্নির আহুতি-ক্রম দ্বারা এই পথের নিশানা পাইয়াছি, তবে সেখানে কোনও জীব যে পর্জন্যদেবের সহিত মিশিয়া বর্ষণযোগে পৃথিবীতে নামিতেছে এবং আহাৰ্য্য শাক-সব্জীতে যুক্ত হইয়া পুরুষের দেহে উৎপত্ত হইয়া রেতঃ সহযোগে মাতৃগর্ভে প্রবেশ করিতেছে, সে তথ্য আমরা সেখানে পাই নাই। সেখানে দেখিয়াছিলাম জীবন-চক্রের অর্ধেক, এখানে পাইলাম বাকী অর্ধেক, উভয়ে মিলিয়া পূরা

চক্রটি পাইলাম। ইহারই অনুরূপে বোধ করি বুদ্ধদেবের জীবন-চক্রটি কল্পিত হইয়াছিল।

Rhys Davids ‘Wheel of life’ নামক অধ্যায়ে ( Buddhism ) জীবন চক্রটির যে আলেখ্য উপস্থাপিত করিয়াছেন উহা সাংখ্যের পঞ্চবিংশতিতত্ত্বেরই যেন একটি সজীব ছবি। জীবনচক্রটির প্রথম আবর্তন অবিজ্ঞা হইতে, তৎপরের অর হইতেছে সংস্কার ( মহতত্ত্ব ), তৃতীয়-চতুর্থ বিজ্ঞান ও নামরূপ ( অহঙ্কার ), তৎপরের অরগুলি পঞ্চতন্মাত্র ও ইন্দ্রিয়নিচয়, এবং তৎসাহচর্য্যেই সম্ভোগে জীবের জন্ম। জন্ম হইল সেই প্রথম অর হইতে। এইরূপে এক একটি অর ছুঁইয়া যখন জন্ম লইল তখন আবার তাহাকে প্রথম ‘অর’ অবিজ্ঞায় ফিরাইয়া দিল। ১,২,৩, ৪,৫ একটি চক্রে লিখিয়া দিলে তৎপরের অরগুলি যেমন ১ আরম্ভ হয়—এও ঠিক তেমনি, এই সঙ্কল্পেই জীবন-চক্র হইতে রেহাই পাওয়া কখনই সম্ভব নয়। অবিজ্ঞা অর অগণিত জন্মের কর্মরাশি। ইহাই, সেই কালচক্র উপর জীবকে আকৃষ্ট করাইয়াছে—‘ব্রাহ্মণ্য সর্বভূত-কৃতানি মায়য়া’। এই কালচক্রটিকে বুদ্ধদেব সাংখ্যের দৃষ্টান্তে দেখিয়াছেন কিন্তু পঞ্চাগ্নিতত্ত্বটিও সেই কালচক্রের উপর প্রতিষ্ঠিত—উহার সার্বভৌমত্বই ইহার বিশেষত্ব। বিশ্বব্রহ্মাণ্ডে কাল যতদূর ছ ছ করিয়া ঠেলিয়া উঠিয়াছে ততদূরই পঞ্চাগ্নি-বিজ্ঞা আপনার কেন্দ্র স্থাপন করিয়াছে, কারণ কাল দ্বারা সূর্য্য চন্দ্র সকলি বিধৃত রহিয়াছে। এই কালচক্রেই জীব অনিশ্চয় ঘূর্ণিত হইতেছে—ইহার অর্ধেক ঘোরা ইহলোকে, বাকী অর্ধেক পরলোকে। তাই মানুষের সম্বন্ধে বলা হয় ইহ-কাল পরকাল—কাল ব্যতিরিক্ত তাহার থাকিবার যো নাই সে যে কালচক্রে সমাক্রান্ত। ‘চক্রবৎ পরিবর্তন্তে’—চাকাটি যখন ইহকালে ঘুরিতেছে তখন সে ইহলোকে, আর চাকার নিম্নভাগ যখন উর্দ্ধে উঠিতেছে তখন সে পরলোকে।

এখন আমরা শেষ অঙ্কে শেষ কথা বলিতে চাই। পঞ্চাগ্নি-তত্ত্ব সম্বন্ধে উপোদ্বাতে দেখিয়াছি ইহা সকল মানুষেরই জীবনের নক্সা আঁকিয়া রাখিয়াছে; মানুষ জন্মায়, অন্নাশ্বেষী হইয়া জীবন সংগ্রামে ব্রতী হয় এবং ইন্দ্রিয়াহারে যৌনকুণ্ঠা



মিটার ও সঙ্গে সঙ্গে সন্তান লাভ করে। এ কয়েকটি কথা পৃথিবীর প্রায় পোণে ঘোল আনা লোকের জীবনের সারাংশ। কাজেই ইহার পাঠে সকলেরই দাবী আছে, যজ্ঞার্থ না বুঝিলেও যে পঞ্চাগ্নি বুঝা যাইবে না এমন নয়। তবে আমরা যজ্ঞীয় যজ্ঞনা পরিহার করিয়া শাস্ত্রচর্চা করিতে পারি না। এই প্রকারে যে উপাসনা, শাস্ত্র ইহাকে সকাম বলেন; ইহাকে সকাম বলার হেতু কি? সেইটি একটু প্রনিধানযোগ্য। অন্নধন পুরুষাণিতে প্রাপ্ত হয় তখন আহুতির ফল হইল বেতঃ, এই বেতঃ মন যৌনমিলনের ফলে যৌনিং উপস্থিত হইত হয় তখন কামের উদ্দীপনায় নির্গত হয় বলিয়া এবং ক্রিয়ায় প্রবৃত্তি বলা যায়। রেতঃসেক বাপারটি তাহা হইলেই দাঁড়াইল, কেননা ইহাই হইল অন্ত্যাহুতি এবং ইহা স্বরূপ অন্ন কাণ্ড করে, যেহেতু অন্ন না থাকিলেই কাম সম্ভবপর নয়। তাই সমস্ত সাধনটি কামেরই প্রসঙ্গ হইয়া পড়ে। শাস্ত্র ভাষ্যে এতৎসম্পর্কে শাস্ত্রের প্রসঙ্গ করা হইয়াছে। তথাচ পৌরাণিকাঃ—

প্রজানীমিরেহদীরাশ্বে শশানানি ভেজিরে।  
যে প্রজাঃ নেধিরে ঘীরাশ্বেহনৃতঙ্গং হি ভেজিরে ॥

যৌনিংসঙ্গকারী রেতঃসেকের ফলে শশানগতি লাভ করে, অর্থাৎ পুনঃ পুনঃ জন্মায়, কিন্তু রেতঃসঙ্গরী অন্তলোক প্রাপ্ত হয়। তাহা হইলে প্রতীত হয় জীবের সম্মুখে দুই পথ খোলা রহিয়াছে, রেতঃসিঞ্চনের পথে গেলে সে কালচক্রে ‘বহুক্রুটানি’ হইয়া সৃষ্টজগতের মধ্যে বাধা পড়িয়া গেল! কেন বাধা পড়িল? রেতঃক্রিয়াকে জীবনের সহিত মিশান আর পঞ্চ-ভূতায়ক বিশ্বসৃষ্টিকে নিজের জীবনে সূতার জায় পাক নাওয়ান একই কথা। রেতঃ পদার্থটি কি?—রেতঃ হইল বিশ্বজগতের একটি অনুপ্রমাণসংস্করণ—শ্রদ্ধাখ্যা অপ-পূর্ণজগতপৃথিবীগতা হইয়া রেতোরূপে পরিণত হয়, সুতরাং রেতঃ হইল দ্যলৌকিকভুবলৌক, ভূলৌকিকের একখানি ক্ষুদ্র আলেখ্য—উহারা যে যে উপাদানে প্রস্তুত ইহাও সেই সেই উপাদানভূত! রেতঃক্রীড়া জীবনে প্রবেশ করিলে জীবের অন্নরাজ্য প্রাণে জড়ের ছাপ জরার ছাপ মৃত্যুর ছাপ খাইতে লাগিল। কাদার মধ্যে হীরার গড়াগড়ি দিলে যে

অবস্থা ‘অতানচ্ছংবপু’তে ‘স্বয়ংস্বেচ্ছর’ রতিতেও সেই অবস্থা। রেতঃ ক্রীড়ার ফলে যে অনচ্ছ প্রলেপ প্রাণের পাশে লাগিয়া গেল—ঐগুলিই পুনর্জন্মের হেতুভূত। সহজ সরল ভাবেও যদি চিন্তা করা যায় তবে দেখা যায় জীবদেহ একটি চলন্ত ভগ্ন—‘তিলেবু তৈলন্’বং, দেহজ রেতঃও দেহের অর্থাৎ পঞ্চভূতের সার বিশেষ। এই রেতঃ সম্ভোগের অর্থ যে পঞ্চভূতে ডুবু দিয়া থাকা, ইহাতে আর কি মন্দেহ? ইহাতে সংযুক্ত থাকা আর বিশ্বজগতে আটক থাকা একই কথা। এবং এই আটক এক জন্মের জন্ম নয়, জন্ম-জন্মান্তরের জন্ম। শোণাক্রটিকে modern interpretation বলা চলে, ইহা সাধারণ দৃষ্টিতে rationalও।

যদি জীবদেহে কান না থাকিত তবে রেতঃ কখনো পরিজ্ঞাত হইত না, কিন্তু ‘কুড়ির ভিতর কাঁদিছে গন্ধ অন্ধ হয়ে’—দেহের মধ্যে কামের আলোড়ন জাগে, তাই যৌনিংসঙ্গে বেতঃ নির্গত হয়, ইহার পরিচয় মানুষ্য পাইয়াছে। পঞ্চভূতের অন্তর্ভাব পঞ্চতন্মাত্রের মধ্যে, অনঙ্গের অঙ্গ ভাগ ভাগ রাখা হইয়াছে—সময়ে কামের সুরণ ঘটে। যদি বিধাতা কানকে সৃষ্টি না করিতেন তবে দেহী অঙ্গের পুরুষকে ধ্যান করিয়া দেহান্তে অনায়াসে নিঃশ্রেয়স লাভ করিত। কিন্তু কান হইল দেহের cement স্বরূপ, ইহাই দেহীকে দেহের সহিত সংযুক্ত করিয়া রাখে। দেহ হইল একটি ছোট ব্রহ্মাণ্ড—ইহাতে বাধা পড়িয়া বাধা অর্থে কালচক্রেরা বিশ্ব-ব্রহ্মাণ্ডে ভ্রাময়ন্ সন্দভূতানি বহুক্রুটানি নাযয়। এবং তাহাও জন্ম-জন্মান্তরের জন্ম।

আমরা পৌরাণিক প্রবচনের এক পথ দেখিলান—ইহা মৃত্যুর পথ। যে পথে গেলে মৃত্যুর অধিকার আক্রমণ করে সেই পথ হইতেছে রেতঃসিঞ্চনে। প্রশ্ন উঠিতে পারে রেতঃসেক যদি না করাই বিধি হয় তবে রেতঃসৃষ্টি কেন বিধাতা করিলেন? রেতঃ তবে কোন্ কামে লাগিলে? এই কথাটিকে বুঝানই বোধ করি পঞ্চাগ্নিবিজ্ঞার গৃঢ় উদ্দেশ্য। রেতঃক্রীড়া আমরা দেখিয়াছি পাঞ্চভৌতিক ভোগ-লীলা—পঞ্চাগ্নির অন্তরালে পঞ্চভূতেরই পঞ্চদীপ জলিতেছে। এই ভোগ-প্রদীপে রেতের আহুতি দিলে মৃত্যুকেই বরমালা দেওয়া হয়। তবে কোথায়—আর কোন্ অগ্নিতে রেতঃ সমর্পণ



করা যায়? বেদান্ত বলিতেছেন—‘গুণাদ্বালোকবৎ’—  
( ২, ৩, ২৫ ) গৃহ যেরূপে গৃহস্থ দীপ দ্বারা আলোকিত হয়,  
দেহ-গেহেও তেমনি এক আলোক-দীপ জলিতেছে। গীতাও  
সেই জড়াভীত দীপকে বুঝাইতেছেন—

যথা প্রকাশয়ত্যেকঃ কৃৎস্নং লোকমিমং রবিঃ ।

ক্ষেত্রং ক্ষেত্রী তথা কৃৎস্নং প্রকাশয়তি ভারত ॥ ১৩, ৩৩ ॥

সেই দীপাগ্নিতে রेतঃ আহত হইলে মৃত্যুর পথ রোধ  
করিয়া অমৃতের পথ আপনি খুলিতে থাকে। এই অগ্নিতে  
রेतঃ সিঞ্চন করিতে হইলে সমস্ত ইন্দ্রিয়কে ‘সংযমাগ্নিষু  
জুহ্বতি’ ( গীতা ৪, ২৬ )। ফলে তাহাকে ‘উদ্ধরেতস্মু চ  
শব্দে হি’ ( বেদান্ত—৩, ৪, ১৭ ) উদ্ধরেতা হইতে হয়।  
রेतঃ হইল ‘ব্রহ্ম-হবি’—যজ্ঞ করিতে ‘অগ্নয়ে স্বাহা’ বলিয়া  
যে হবি আহুতি দিতে হয়, তাহা হইল ‘গব্য-হবি’। যজ্ঞার্থে  
যে-যজমান লক্ষ কলস গব্য-হবি ব্যয় করে অথচ তাহার ‘ব্রহ্ম-  
হবি’কে ইন্দ্রিয় সেবায় উৎসর্গ করে, তাহার যজ্ঞের সার্থকতা  
কোথায়? অথচ যে যজমান শ্রব বা চমস ধারী নহে এবং  
যজ্ঞাগ্নি জালিয়া তাহাতে কিঞ্চিন্নাত্রও ঘৃত প্রক্ষেপ করে না  
কিন্তু জীবনযজ্ঞের অন্তরাগ্নিতে অনিশ রेत উৎসর্গ করে,

তাহার তপস্তার হোমানল ব্রহ্মলোক পর্যন্ত দীপ্তি ছড়ায়।  
এমন যে তপস্বী, গীতা তাহাকে ছবির স্থায় আঁকিতেছেন—

ব্রহ্মার্পণং ব্রহ্ম হবি ব্রহ্মাগ্নৌ ব্রহ্মণা হৃতম্ ।

ব্রহ্মৈব তেন গন্তব্যং ব্রহ্মকর্মসমাধিনা । ( ৪, ২৪ )

সূতা যখন পাক খাইয়া যায় তখন তাহাকে প্যাচ খুলিবার  
জন্তু বিপরীত দিকে চালাইতে হয়। আমাদের ক্ষেত্রেও সেই  
একই কথা। অগণিত জন্ম ধারণ করিতে করিতে আমরা  
দেহের তথা কালচক্র-ঘেরা বিশ্বজগতের সহিত এমনি পাক  
খাইয়া গিয়াছি যে সে প্যাচ খুলিতে হইলে ইন্দ্রিয়ের দেহান্ত-  
কুলতাকে প্রনিকূলে চালাইতে হইবে এবং এমনি ভাবে  
চালাইতে চালাইতে দেখিতে পাওয়া যাইবে দেহাভীত এক  
অভিনায়ক অক্ষর রহিয়াছেন যাহার সহিত আমরা অ-ভিন্ন  
এবং বাহাকে চিনিতে না পারিয়া আমরা এক অত্যনচ্ছঃ  
বপু’কে স্বস্বরূপত্বের একমাত্র আশ্রয় বলিয়া জানিয়া বসিয়া  
আছি। আপনার আসল ‘আমিত্ব’কে জানিতে হইলে  
প্রথমে পঞ্চাগ্নির পঞ্চপ্রদীপে নিজকে ভাল করিয়া স্ফুর্ণ করা  
ভাল। তারপর নকল হীরা ধরা পড়িবে এবং সঙ্গে সঙ্গে আসল  
হীরার অজর অমর আলো চোখে ঠেকিবে।

শ্রীভূপেন্দ্রচন্দ্র চক্রবর্তী





## চক্রবাক

—গল্প—

—শ্রীযুক্ত জগৎ মিত্র

প্রকাশ বিয়েতে রাজি হয়েছে। বৃদ্ধ অবিনাশবাবুর মনে তৃপ্তির আর শেষ নেই। যাক, তাহ'লে রাণী একবারে তাঁর চোখের আড়ালে চ'লে যাবে না। তাঁর বার্থ জীবনের শেষ সম্মত ঐ রাণী—তঁার প্রাণের 'রাহু' তাকেও যদি হারাতে হয় বৃদ্ধ তাহ'লে যাকি দিনগুলি কা'কে অবলম্বন ক'রে কাটাবেন? অবিনাশবাবুর বন্ধনায় তাঁর শেষের শান্তিময় দিনগুলি বটে উজ্জ্বল। সুখস্বপ্নের মতো! অবিনাশ বাবু ভবিষ্যতের জন্য আশ্বহারা হ'য়ে পড়লেন। তিনি তখন কল্পা মণিমালাকে এই সম্মতির সংবাদটা দিতে ছুটলেন।

এই শুভসংবাদে মণিমালা মনে মনে ঈশ্বরকে প্রণাম করলো, হেসে বললো—কিন্তু বাবা, আশ্চর্য্য এই যে, প্রকাশ যে আমাদের ঘরের ছেলেরই মতো, অথচ ওর কথা সকলের আগে তো আমাদের মনে ওঠেনি। হাতের কাছে এমন একটি সুন্দর পাত্র থাকতে আমরা মিছিমিছি বাইরে খুঁজ-ছিলাম, আর সব চেয়ে মজা এই যে, রাণুর জন্তে পাত্র খোঁজার সমস্ত ভার প্রকাশের ওপরই তুমি দিয়েছিলে।

অবিনাশ বাবু হেসে বললেন—প্রকাশের কথা মনে যে একেবারে ওঠেনি তা' নয় মা, কিন্তু বাইরে তা' প্রকাশ করতে সঙ্কোচ বোধ করেছি; কেননা গরীবের হা'তে মেয়ে দিতে পাছে তুমি রাজি না হও। তা' ছাড়া প্রকাশ বেশ উপার্জনক্ষম না হয়ে বিয়ে করবেনা, এ কথা ওর মুখে আমি আগেই শুনেছি।

—বাবা, প্রকাশ কেন এখন থেকেই অত ক'রে টাকার কথা ভাবছে? আমার বা তোমার যা কিছু ক্ষুদ-কুঁড়ো আছে সে তো ওদেরই হবে। তুমি কেন প্রকাশকে সে কথা বললে না?

অবিনাশবাবু মাথা নেড়ে বললেন—না মা, প্রকাশকে সে

কথা বলা যায় না, ওর মধ্যে বেশ আত্মসম্মান-বোধ আছে। তা' ছাড়া আমাদের যা-কিছু সে তো প্রকাশের নামে থাকবে না, রাণীরই নামে থাকবে,—সুতরাং বিষয়ের কথা তুললে ওকে ছোট করাই হবে—প্রকাশ তা'তে ভ্রুংখ পাবে। আরো একটা কারণে ওকে আমি অনুরোধ করতে সঙ্কোচ বোধ করেছি মণি,—পাছে ও মনে করে, আমরা যে ওকে মেহ করি তার মধ্যে আমাদের কোন গোপন স্বার্থ আছে। কিন্তু ওকে আমি কি ব'লে রাজি করলাম জান মা? বললাম—তোমার প্রতি রাণুর শ্রদ্ধা আছে প্রকাশ, ওকে তো তুমি ছেলেবেলা থেকেই জান? টাকার কথা যদি বল, তুমি ভাল ছেলে, সচ্চরিত্র, পাঁচ জনের সঙ্গে জানা শোনাও আছে, সুতরাং তুমি আইন পাশ করে বেরলে তোমার যে উন্নতি হবেনা তাই বা কে বললে? যাক, প্রকাশকে যখন রাজি করানো গেছে তখন শুভকাজটা যতো শীঘ্র হয় ততোই ভাল।

অবিনাশবাবু তৃপ্তির হাসি হাসলেন। বিধবা মেয়ে মণিমালা, তারই একমাত্র ঘোড়শা মেয়ে রাণী এবং অনেক কালের দাসী শান্তকে নিয়ে অবিনাশবাবুর সংসার। স্ত্রী, দুই ছেলে এবং জামাই একে একে ইহলোক থেকে বিদায় নিয়েছে। রাণীর বাবা যখন মারা যান তখন তাঁর বয়স মাত্র এক বৎসর। বিধবা হ'য়ে মণিমালা বাবার কাছেই আছে।

প্রকাশও অতি শৈশবেই পিতৃহীন হয়। মামার কাছে সে বরাবর মানুষ হয়েছে। অবিনাশবাবু তাঁর মামার বিশেষ বন্ধু। সেই সূত্রে প্রকাশ এ বাড়ীতে প্রায়ই যাতায়াত করে, সকলেই ঐ প্রিয়দর্শন মিষ্টভাবী ছেলেটিকে ভালবাসে। প্রকাশের মামার কিন্তু অবস্থা মোটেই ভাল নয়। তাই পড়াশুনায় প্রকাশের যথেষ্ট যত্ন থাকলেও অর্থভাবে হয়তো তার উচ্চশিক্ষা হ'ত না যদি-না অবিনাশবাবু নিজের থেকে



প্রকাশের পড়ার ভার নিতেন। কলেজে ঢুকেই প্রকাশ সম্পূর্ণরূপে এ বাড়ীর ছেলে হ'য়ে গেল। কাজে কর্মে অসুখে বিস্মুখে সর্বদাই সে এ বাড়ীতে হাজির থাকত। অবিনাশ বাবুর প্রতি তার শ্রদ্ধা ও কৃতজ্ঞতার শেষ ছিল না।

রাণীকে প্রকাশ ছোটটি থেকেই দেখেছে। প্রকাশদা'কে পেয়ে রাণীর ভাই-এর সাধ মিটেছিল। ভাইদ্বিতীয়ার দিনে প্রকাশদা'র কপালে ফোঁটা দেবার তার কি উৎসাহ! পড়ানোর ভার প্রকাশের উপরেই। অবিনাশবাবু যখন প্রকাশকে রাণীর জন্তে একটি মাটির দেখতে বললেন তখন সে নিজেই এই কাজে ভর্তি হ'য়ে গেল। মাসের শেষে অবিনাশবাবু প্রকাশকে মাইনে দিতে এসে নিজেই অপ্রস্তুত হয়ে টাকাগুলি পকেটে রাখলেন।

প্রকাশ বলেছিল—রাণী আনার নিজের বোনেরই মতো, একে একটু পড়ানোর জন্তে যদি আপনার কাছে মাইনে নিতে হয় তা'হলে আনাকে মেনে ক'রে আপনি ভয়েষে ঘি ঢেলেছেন দাদামশাই।

সেই রাণীর সঙ্গে আজ প্রকাশের বিয়ের কথা। এর চেয়ে শুভসংবাদ আর কি হ'তে পারে? বিশেষ ক'রে হিন্দুর ঘরে, যেখানে পাত্রপাত্রীর মধ্যে আলাপ-পরিচয় তো দূরের কথা, বিয়ের আগে একবার চোখের দেখাও হয়তো থাকে না। প্রকাশের মা বা মামা তা'র এ সৌভাগ্যের কথা অবিশ্রিত কখনো কল্পনাও করতে পারেন নি। রাণী তাঁদের বাড়ির বৌ হয়ে আসবে একি কখনো আশা করা যায়? কিন্তু কথাটা যখন সত্যি, তখন প্রকাশের মামা বিশ্বাস তো করলেনই বরং বন্ধুর কাছে ঘন ঘন যাতায়াত শুরু করলেন পাজি নিয়ে।

বিয়ের কথা উঠবার পর ওবাড়ীতে প্রতাহ বাওয়া প্রকাশের পক্ষে একটু শক্ত হ'য়ে উঠলো। রাণীর সঙ্গে তা'র বিয়ে, সে যে স্বপ্নেও কখনো একথা ভাবেনি! রাণীর সঙ্গে দেখা হ'লে প্রকাশ হয়তো মুখ তুলতে পারবে না লজ্জায়!

কল্পনাকে সঙ্গী ক'রে প্রকাশ দিন কতক পার্কে মাঠে সন্ধ্যাটা কাটালো। মনের মধ্যে খোঁজ ক'রে দেখলো

রাণীকে সে বহুদিন থেকেই ভালবেসেছে, কিন্তু দারিদ্র্যের কুণ্ঠায় কোনদিন তা'র অমুভূতি বাইরে ফুটতে পারে নি। কিন্তু রাণীর মনের খবরটাই বা কি? সেও কি প্রকাশকে ভালবাসে? তা'র মতো গরীব স্বামীর ঘরে সে কি সুখী হবে?

ছোট বোনটির আদর আদার ঝগড়া নালাশ নিয়ে রাণী প্রকাশের কাছে এমনি সহজ এবং স্পষ্ট ছিল যে আজ তা'কে সলজ্জগুণ্ঠনবতী প্রেমসীর রূপে কল্পনা করা প্রকাশের পক্ষে শক্ত ঠেকছে। রাণীর তৈরী একখানা কাজকরা রুমাল তা'র পকেটে রয়েছে, সেইখানা বার করে প্রকাশ নিবিষ্টচিত্তে দেখতে লাগলো—যদি রুমালের ফুলগুলির মধ্যে রাণীর আসল রূপটি ধরা পড়ে যায়।

\* \* \*

কথাটা সকলের মতো রাণীও শুনলো। প্রকাশের সঙ্গে তা'র বিয়ে! পরিহাস মনে করে প্রথমে সে কথাটা বিশ্বাস করলে না। শেষে তা'র বিমা অর্থাৎ বৃদ্ধা দাসী যখন তাই নিয়ে রসিকতা করতে এলো তখন রাণীকে বিশ্বাস করতেই হোল, কিন্তু মুখে সে অবিশ্বাস জানালো; বললো—বাঃ, সব মিথো, এ কখনই হোতে পারে না।

শান্ত বললো, হ্যাঁ লো হ্যাঁ, তুই সেই থুকীটেই আছিস কিনা তাই তোর বিয়ে নিয়ে সবাই তোর সাথে ঠাট্টা করছে! ধেড়ে মেয়ে কোথাকার, এত ঢংও জানিস! তাইতো বলি প্রকাশদা' যে চট্ ক'রে রাজি হ'য়ে গেল। ভেতরে ভেতরে তোদের সব ঠিক ছেল, না লা?

শান্ত আদর ক'রে রাণীর মুখে চুমু খেলো। হাতে ক'রে সে-ই রাণীকে মানুষ করেছে। রাণীর মঙ্গল কামনায় বিমা প্রতিদিন ভগবানের কাছে প্রার্থনা করে। কিন্তু শান্ত ঠাট্টায় রাণীর মুখে হাসি দেখা গেল না। কোন উত্তর না দিয়ে রাণী গম্ভীর মুখে তা'র ঘরে চলে গেলো।

প্রকাশ সেদিন সন্ধ্যায় এ বাড়ী এল। কতদিন তা'র লুকিয়ে বেড়াবে? বিয়ের কথা উঠেছে বলেই কি পালিয়ে বেড়াতে হবে? অবিনাশ বাবু বলবেন কি? তা'ছাড়া রাণী মনের ভাবটাও প্রকাশ একবার জানতে চায়। অমুপস্থিতি



কারণ দেখাতে গিয়ে বল্লো—তা'র কোন বন্ধুর হঠাৎ ভয়ানক অসুখ করেছিল তাই সে আসতে পারেনি।

এ বাড়ীতে এসে রাণীর সঙ্গে দেখা না ক'রে যাওয়াটা ভারি বিশ্রী দেখায়, তাই প্রকাশ নিজেকে যতদূর সম্ভব আগেকার মতোই সহজ ক'রে নিয়ে রাণীর পড়বার ঘরে গেলো। দেখলো রাণী পড়ছে না, টেবিলে মাথা রেখে ব'সে রয়েছে।

—হ্যাঁরে, রাণী পড়ছি না যে বড়? রাণী চমকে উঠে দাঁড়ালো। প্রকাশ চেয়ারে ব'সে সোচ্ছ্রাসে বললো—রাণী, তুই আমাকে সেদিন একটা বুদ্ধির আঁক দিয়েছিলি না? ক'দিন চেষ্টা ক'রে সেটা পারছিলাম না, আজ হঠাৎ আঁকটা হয়ে গেলো। দে, একটা খাতা দে দিকি, দেখিয়ে দি।

প্রকাশ নিজেই একটা খাতা টেনে নিয়ে অঙ্কটা করতে লাগলো কিন্তু একবার রাণীর মুখের দিকে চেয়েই সে বুঝলো রাণী অঙ্ক দেখছে না, প্রকাশের দিকে স্থিরদৃষ্টিতে চেয়ে রয়েছে। মুখে তা'র হাসি নেই।

রাণী গম্ভীর কণ্ঠে ডাকলো—প্রকাশদা! প্রকাশ চমকে রাণীর দিকে চাইলো। রাণী বল্লো—মা বা দাত্তর বিষয়কড়ি তো খুব বেশী নেই; ওতো সামান্যই হবে প্রকাশদা।

একি অদ্ভুত কথা! প্রকাশ বুঝতে না পেরে বল্লো—কি বল্ছ রাণী?

প্রকাশ রাণীকে আজ অনেক দিন পরে 'তুমি' বল্লো। রাণী বল্লো—বল্ছি যা' তা' স্পষ্টই। বল্ছি আমাকে বিয়ে ক'রে তুমি তো খুব বেশী বড়লোক হ'তে পারবে না—টাকা কড়ি তোমার নামেও কিছু থাকবে না? তবু তুমি রাজি হলে?

রাণীর ঈর্ষিত এতো তীব্র এবং নিষ্ঠুর যে, প্রকাশের সর্পশরীর শিউরে উঠলো। ছিঃ ছিঃ, রাণী তা'কে এমনই মনে করে? শুধু বিষয়ের লোভেই রাণীকে সে বিয়ে করতে চায়? রাণীর আজ এ কি রূপ? এই রাণীকেই সে এতদিন ভাল বেসেছিল, এই রাণীরই কথা ভেবে তার কয় রাত্রি বিনিদ্র কেটেছে? রাণীর মন এত নীচু?

রাণী পুনরায় বল্লো, তা'র কণ্ঠস্বরে তেমনি উগ্রতা, তুমিই

না ব'লেছিলে উপার্জনক্ষম না হ'য়ে বিয়ে করবে না? আজ হঠাৎ তোমার ক্ষমতা হোল কোথা থেকে? শেষে স্বীর টাকার ওপর নির্ভর ক'রে তুমি বিয়ে করবে?

প্রকাশ তখনো আবেগে কাঁপছে। চেষ্টা করেও সে কিছু বলতে পারলো না—জিব্ জড়িয়ে গেছে। সে কিইবা বলবে। যেখানে তার আসন এমনি ভাবে ধূলিশায়ী হয়েছে সেখানে মুখের কথায় কি ক'রে তা'কে পুনঃপ্রতিষ্ঠিত করবে? প্রকাশ ধীরে ধীরে ঘর থেকে বেড়িয়ে গেলো। চোখে তা'র জল এসেছিল কিন্তু রাণী তা দেখেনি।

প্রকাশ চ'লে যাবার পর রাণী শুকনভাবে ব'সে রইলো। সে রাতে তার চোখে ঘুম এলো না। কেন সে প্রকাশকে আঘাত দিলো? সত্যি কি প্রকাশ এমনি হীন? সত্যি কি টাকার লোভেই সে রাণীকে বিয়ে করতে চায়? তাই যদি হয় তবে রাণীর পাত্র খোঁজবার ভার প্রকাশ নিজে নিয়েছিল কেন? হায়! প্রকাশকে সে কি বস্তুতে কি ব'লে ফেলেছে? রাণী কঁদে ফেল্লো, তা'র ইচ্ছে হচ্ছিল তখনি প্রকাশের কাছে ছুটে গিয়ে ক্ষমা চায়। প্রকাশকে যে সে কখন ছোট ভাবতে পারে না। রাণী সারারাত্রি কাঁদলো, শেষে ভাবলো কাল প্রকাশ এলে সে তার পায়ে ধরবে।

কিন্তু প্রকাশ পরদিন এলনা, তারপরের দিনেও না। প্রতীক্ষার শেষ সীমায় এসে রাণী কঠিন হ'য়ে উঠলো।—বেশ তোমার সঙ্গে আনিও কোন সম্পর্ক রাখতে চাই না। রাণী মাকে গিয়ে বল্লো—মা, প্রকাশদার সঙ্গে নাকি আমার বিয়ে? ছিঃ ছিঃ, ওকে যে আমি দাদা ব'লে জানি তোমরা কি পাগল হ'লে না?

মণিমালা বল্লো—সে কি কথা রে রাত্ত? কিমা শান্ত? কানে কথাটা যাওয়ায় সে এসে বল্লো—বিয়ের কথা বি বল্ছিলি না?

রাণী বল্লো—এই দেখ না কিমা, যাকে রোজ দেখছি যাকে খুব চিনি, সে নাকি আবার বর হয়?



শান্ত মুখ নেড়ে বল্লো—এত বিত্তেও জানিস, ধন্তি মেয়ে বাবা তুই। মেয়ে-মানুষের আবার পছন্দ কি লা?

কিন্তু মুখে যা'ই বলুক, শান্তর মনে কথাটা লেগেছে। হিন্দু মেয়ের কাছে বিয়েটা একটা সুখ-স্বপ্নের মতো। বর হয়ে যে আসে সে সেই স্বপ্নলোকেরই মানুষ—ধানের মধ্যোই তা'র অস্তিত্ব। বর হয়ে যে আসছে তাকে সে জানে না, চেনে না, তাকে সে শুধু কল্পনা ক'রেছে। তা'র বর আসবে চতুর্দোলায় চোড়ে, আগে পিছে তা'র বাজনা বাজবে। .....কিন্তু রাণীর কাছে প্রকাশ একেবারে জানা, ভয়ানক আটপোরে। তাই বোধকরি প্রকাশকে ওর মনে ধরেনি। শান্ত সেই কথাই ভাবলো কিন্তু মুখে বল্লো—ওসব পাগলামি রাখলো রাণ, অমন বর ভাগ্যে জুটলে হয়।

প্রায় এক সপ্তাহ পরে প্রকাশ অবিনাশ বাবুর সঙ্গে একদিন দেখা করলো। মুখ তা'র শুকনো ফ্যাকাশে, দেখে মনে হয় রাত্রে সে ঘুমোয় না। অবিনাশ বাবু উদ্বেগ প্রকাশ করলেন, কিন্তু স্বাস্থ্যের কথা এড়িয়ে প্রকাশ বল্লো—আপনাকে একটা শুভ-সংবাদ জানাতে এসেছি।

—কি খবর প্রকাশ?

—রাণীর জন্তে একটি খুব ভাল পাত্র পাওয়া গেছে।

অবিনাশবাবু বল্লেন—সেকি কথা প্রকাশ, তুমি না সেদিন মত দিয়ে গেছলে?

প্রকাশ অল্প দিকে দৃষ্টি ফিরিয়ে বল্লো—আমাকে ক্ষমা করুন দাদামশাই। আমি এ কদিন অনেক ভেবেছি, কিন্তু মনের মধ্যে 'সাড়া পেলাম না—উপার্জনক্ষম না হয়ে বিয়ে করাটা আমার পক্ষে ভারি অন্ডায় হবে।

অবিনাশবাবু অধীর হ'য়ে বল্লেন—টাকার কথা কেন ভাবছ প্রকাশ? আমার যা' কিছু আছে সে তো তোমাদেরই হ'বে, তুমি কি তা' জান না?

প্রকাশ স্তব্ধ হ'য়ে অবিনাশবাবুর মুখের দিকে চাইলো। এ'র মুখেও বিষয়ের কথা! ইনিও কি ভাবেন, বিষয়ের লোভেই প্রকাশ রাজি হয়েছিল?

—না দাদামশাই, পরের ওপর নির্ভর ক'রে বিয়ে ক'রলে

আমার আর লজ্জার শেষ থাকবে না। আমি যে পাত্রটির কথা বলছিলাম, সে খুব ভাল ছেলে, কলেজে দু'বছর একসঙ্গে পড়েছি, এখন সে প্রফেসারি করছে। ইচ্ছে হ'লে তা'দের ওখানে লোক পাঠিয়ে জানতে পারেন সব। আমাকে কিন্তু ভুল বুঝবেন না দাদামশাই। আপনার স্নেহের ঋণ আমি কখনই ভুলবো না।

প্রকাশ অবিনাশ বাবুকে প্রণাম ক'রে বিদায় নিল। অবিনাশ বাবু ক্ষুব্ধ হ'লেন বটে, কিন্তু প্রকাশের দৃঢ়-চিত্ততাকে ভুল বুঝলেন না। তখন এমন একটি সুন্দর ছেলে কেবল গরীব বলেই দূরে ঠেলে দেয়া গেল! এদিকে রাণীর আপত্তিও তিনি শুনেছিলেন সেটা ছেলে-মানুষী বলে তিনি হেসে উড়িয়েছিলেন। এখন দেখলেন প্রকাশ ও রাণী উভয়ের মধ্যোই সঙ্কোচ তখন তিনি ভাবলেন এ মিলন না হওয়াই বাঞ্ছনীয়।

প্রকাশের নির্দেশ মত অবিনাশ বাবু পাত্রটির সন্ধান ক'রে দেখলেন ছেলোট ভালই। প্রকাশের সাহায্যে কথাবার্তা সব পাকাপাকি হ'য়ে গেল। কিন্তু বাড়ী কাছাকাছির মধ্যে, স্ততরাং মণিমালাও বিশেষ দুঃখিত হ'য়ে গেল না। মেয়েকে মাঝে মাঝে দেখতে পেলেই তা'র যথেষ্ট।

প্রকাশ নিজেকে সান্ত্বনা দিলো—যাই হোক, নিজেকে সে ছোট করে নি, কিন্তু অন্তরের অন্তরতন স্থলে কি জানি কি একটা কাঁটা বিধেই রইলো। যখন রাণী রাণীই ছিল তখন তা'র সম্বন্ধে চিন্তাও সহজ ছিল—এখন রাণীর রূপ বদলেছে, তা'র কথা ভেবে প্রকাশ এখন ব্যথাই পায়। যে রাণীকে সে এতখানি স্নেহ করেছিল, যার কাছে তা'র কিছুই গোপন ছিল না, সেই রাণী তা'কে এতখানি হীন মনে করতে পারল কি ক'রে?

রাণীর বিয়ের ব্যাপারে প্রকাশ দূরে থাকবার চেষ্টা করেছে কিন্তু অবিনাশ বাবু একদিন তা'র হাত ছুটি ধ'রে বল্লেন—দাদা, তুমি বাড়ীর ছেলের মতো, তুমি যদি রাণীর বিয়েতে না খাটো তা'হলে আমি বুড়োমানুষ তো পেরে উঠিনে, তাই!



সুতরাং প্রকাশকে অনেক কাজের ভার নিতে হোল।  
দুদিন হঠাৎ রাণীর সঙ্গে তার চোখোচোখী হ'য়ে গেল।  
প্রকাশ একটু শ্রান হাসি হেসে বললে—ভাল আছ তো  
রাণী?

রাণী হাসলো না, বললো—হ্যাঁ, তুমি যখন আমার মঙ্গল  
কাম্য উঠে প'ড়ে লেগেছ তখন ভাল থাকব বৈকি। আচ্ছা  
প্রকাশ দা, তুমিই বা হঠাৎ গায়ে প'ড়ে আমার ভাল করতে  
কি করলে কেন?.....

রাণীর চোখ দুটি জলে ভ'রে এল, সে ধরা গলায়  
বললো—কেন তুমি আমাকে এ বাড়ী থেকে তাড়াতে চাও?

প্রকাশ বিস্মিত হ'য়ে রাণীর দিকে চাইলো। তা'র  
মস্ত কাজই বি রাণী এমন ক'রে ভুল বুঝবে! প্রকাশ  
চোখে তীর ব্যাথা নিয়ে বললো—রাণী, কেন তুমি আমার সঙ্গে  
গড়া করতে চাও? আমি তো তোমার প্রতি কোনই  
অত্যাচার করি নি। তোমার দাদামশাই থাকতে আমি তোমার  
ঘরে দেবার কে? এটুকু মনে রেখো রাণী, এ সংসারে  
আমি সত্যি তোমার মঙ্গল প্রার্থনা ক'রছেন আমিও তা'দেরি  
একজন। গরীব ব'লে আমাকে তুমি যত ছোট মনে ক'রে  
থাক, আমি কিন্তু ততো ছোট নই।.....

প্রকাশ দেখা হ'য়ে গেল। বিয়েরও আর মাত্র দিন পাঁচ  
হয় বাকি। সময় অল্প ব'লে গায়ে হলুদ এবং বিয়ে এক  
কেনেই হবে। প্রকাশকে বেশ খাটতে হচ্ছে। অন্তরে তা'র  
এই থাকে অবিনাশ বাবুকে সে দুঃখ দিতে চায় না। প্রকাশের  
মস্ত চৈতন্য ঘিরে একটি নির্মল অশ্রুসজল দুঃখ। প্রতিটি  
নিশ্বাস তা'র ভারি হাল্কা। একটি লঘু উদাস বৈরাগ্য তা'র  
মুখানিকে কমনীয় ক'রে তুলেছে। তাকে দেখলে  
মনে হয় সংসারের কারুর প্রতিই তা'র অভিমান নেই, নিঃস্বের  
অরিদ্র্যের প্রতিও না। তা'র যেন কিছু চাইবার নেই  
পাবার নেই, কেবল পরের জন্তে খাটতেই যেন এ পৃথিবীতে  
সে এসেছে।

বিয়ের আগের দিন কিন্তু প্রকাশের জীবনে এক অভূত-  
কাল কাণ্ড ঘটে গেলো। রাণী প্রকাশকে নিজের ঘরে ডেকে

পাঠালো। প্রকাশ যখন এলো রাণী তা'র পা দুটি ধ'রে  
কঁদে ফেললো—প্রকাশ দা, এ বিয়ে তুমি ভেঙ্গে দাও,  
তোমার পায়ে পড়ি আমাকে দূরে তাড়িয়ে দিও না।.....

প্রকাশ পা সরিয়ে নিয়ে রাণীর মাথায় হাত দিয়ে বললো  
—সে কি? এ বিয়েতে তোমার আপত্তি কিসের রাণী?  
তোমার যিনি স্বামী হবেন তিনি তো খুব ভাল লোক, তবে  
তুমি এসব কি বলছ? ওঠো চোখ মোছ, ছিঃ লোকে  
শুনলে কি বলবে বল তো?—তুমি তো আর ছেলেমানুষ  
নও?

রাণী অধীর হ'য়ে বললো—না, প্রকাশ দা এ বিয়ে তুমি  
বন্ধ করো লক্ষীটি। তুমি পুরুষ মানুষ, তুমি নেয়েদের কথা  
বুঝবে কি ক'রে? তা'ই আমি তোমায় সেদিন কটু কথা  
বলেছি এইটুকুই জানলে আর কিছু জানলে না। বেশ  
জেনো না, কিন্তু এ বিয়ে তোমায় বন্ধ করতেই হবে। আর  
সত্যি যদি তোমাকে হীন ভেবে থাকি তা'র জন্তে তোমার  
পা ছুঁয়ে ক্ষমা চাইছি প্রকাশদা, বলো ক্ষমা করলে.....

প্রকাশের বিষয় বাড়তে লাগলো। রাণী আজ এ সব  
কি বলছে? এই কি সেদিনকার সেই গর্জিতা রাণী?  
প্রকাশ বললো—তোমার ওপর আমার কোন দুঃখ নেই  
রাণী, তোমাকে আমি আমার সেই ছোট বোনটি ব'লেই জানি,  
কিন্তু এ বিয়ে আমি ভাববো কি ক'রে? কাল বিয়ে, আজ  
কি ক'রেই বা তা' সম্ভব? পাঁচজনেই বা বলবে কি?

রাণী কাতর কণ্ঠে বললো—তবে কি হবে প্রকাশদা?  
একটা ভুলের জন্তে কি সারাজীবন এমনি ক'রে দুঃখ করতে  
হবে? প্রকাশদা, কেন তুমি সেদিন চুপ ক'রে রইলে,  
নিজেকে লুকোলে? কেন তুমি বললে না ভালবাসার  
জোরেই বিয়ে করতে চেয়েছিলে, টাকার লোভে নয়! কেন  
তুমি আমায় কিছু জানতে দিলে না, কেন তুমি বললে  
না, রাণী আমি গরীব—গরীবের মতোই আমার ঘরে  
এসো....

প্রকাশের চোখে দাঁদা লাগলো। তা'র সর্বশরীর  
কাঁপছে। মনে হোল তা'র ব্রহ্মতল বুঝি এখনি ফেটে  
যাবে। রাণীর মুখে আজ সে কি শুনলো? রাণী তাকে  
হৃদয়াক্য বলেছে হীন ভেবে নয়, শ্রদ্ধা করে ব'লেই! অসহ



পুলক ও ব্যথায় প্রকাশের বৃকে রক্ত তোলপাড় করতে লাগলো। কিন্তু হায়! এই আশার আলো যে ক্ষণস্থায়ী বিছাতের মতো—মেঘাচ্ছন্ন ঘনাকারকে চকিতে ঝলসে দিয়ে এয়ে তা'কে আরো ভীষণ ভয়াবহ ক'রে তোলে। প্রকাশের জীবনে দুঃখব্যথার একটি ম্লান অশ্রুসজল ছায়া ছিল কিন্তু আজ রাণীর প্রকাশোক্তিতে তা' গাঢ় কালিমায়া পর্যাবসিত হোল।

প্রকাশ চীৎকার ক'রে বল্লো - রাণী, এ তুমি কি করলে, বা আড়ালে ছিল তা'কে আড়ালেই রাখলে না কেন? এখন আমি কি করতে পারি? জান ত কিছুই করার নেই। কেন তুমি আমায় কঁদাতে চাও? বা হয়ে গেছে ভুলে যাও, নতুন যিনি আসছেন তাঁকেই মেনে নাও.....প্রকাশ-দা'কে ভুলে যাও রাণী.....

প্রকাশ দ্রুতপদে ঘর থেকে বেরিয়ে গেলো। সমস্ত দিন সে পাগলের মতো রাস্তায় রাস্তায় ঘুরলো, এর কোন কি উপায় নেই? সামান্য ভুলের জন্ত সত্যি কি এতখানি শাস্তি মাথায় পেতে নিতে হবে? পাত্র তো প্রকাশের বন্ধু, তবে তা'কে গিয়ে সব খুলে বললে হয় না? ছিঃ ছিঃ,..... প্রকাশ লজ্জায় সঙ্কুচিত হ'য়ে পড়লো। সে কি পাগল হোল? এ সংসারে প্রেমের মূল্য ক'টা লোকেই বা বোঝে? আর অবিনাশ বাবু—তিনি কি প্রকাশকে তা'হলে ক্ষমা করতে পারবেন?

\* \* \* \* \*

বিয়ের দিনে প্রকাশের দেখা নেই। অবিনাশ বাবু বার বার লোক পাঠিয়ে জানলেন, প্রকাশ আগের দিনে বাড়ী থেকে বেরিয়েছে এখনো ফেরে নি। রাণী কৈঁদে কৈঁদে চোখ ফুলিয়েছে। তা'র কান্নার কারণ কেউ জানলে না, তবে অনেকে অনুমান করলো; কিন্তু বল্লো, এও ছেলেমানুষী—এরও কোন মানে হয় না।

বিয়ে হয়ে গেলো। রাণী ভেবেছিলো বিয়ের পরদিনও প্রকাশ একবার এসে শেষ দেখা দিয়ে যাবে - তা'কে আশীর্বাদ ক'রে যাবে। রাণী পথের দিকে চেয়ে বসে আছে কখন প্রকাশ আসবে, কিন্তু কোথায় প্রকাশ!

বিদায়ের ক্ষণে শাস্ত'র কাঁধে মাথা রেখে রাণী আড়ালে অনেক কঁদলো। বিমা সব জেনেছে, সেও কঁদলো।

রাণী তা'র হাতে এক টুকরো চিঠি এবং একখানি ক্রমাল দিয়ে বল্লো—এগুলো তো'র কাছে রাখ বিমা, প্রকাশদার সঙ্গে দেখা হলে তা'কে দিস।...

রাণী চ'লে যাবার পর শাস্ত সন্ধ্যায় প্রকাশদের বাড়ী গেলো। দেখলো প্রকাশ ফিরেছে—নিজের ঘরে শুয়ে আছে। শাস্ত'র ডাকে প্রকাশ উঠলো—তার মুখ শীর্ণ বিবর্ণ। শাস্ত সে মূর্তির দিকে চেয়ে কিছুতে পারলো না। রাণীর জিনিস প্রকাশের হাতে দিয়েছিলো—আড়াতাড়ি ঘর থেকে বেরিয়ে গেলো।

ক্রমালটিতে হরেক রকমের ছুঁচের কাঁচের পাতা-ফুলের মধ্যে প্রকাশের নাম লেখা। একটি ছোট ছোট অক্ষরে 'রাণী' লেখা। অনেকগুলি পাতা কাঁচের দ্বারা সহজে লোকের চোখে পড়বে না। প্রকাশ সেই কাঁচের দিকে চেয়ে অনেকক্ষণ বসে রইলো।

তারপর চিঠিটি আস্তে আস্তে খুলে সে পড়লো,—মুঠ দু'তিনটি লাইন।

প্রণাম নাও। শাস্তি আমরা দুজনেই পেয়েছি তা' যদি সত্যি হয় দুঃখকে আমি স্মৃতির মতোই উপভোগ করতে পারব। তাহলে এ জীবনের পথচল আমার সহজ হবে। যদি জন্মান্তর থাকে তোমাকেই যেন বারে বারে পাই—এবারের মতো ক্ষমা করো...ইতি।

প্রণতা রাণী

প্রকাশ কঁদলো না। চোখে তা'র বাদল নাগেনি, তবে কাল বৈশাখীর প্রচণ্ড গতিবেগ তা'র দৃষ্টিকে বিভ্রান্ত ক'রে তুলেছে। সেই ভীষণ ঘনায়মান সংহত শক্তি-প্রবাহ কখন যে আকুল বর্ষণে ভেঙে পড়বে তা'কে বলতে পারে?

শ্রীজগৎ মিত্র



## দুদিনে

শ্রীযুক্তা কল্পনা দেবী

সহসা নিঃসঙ্গ হইয়া নিঃশব্দ চিত্তে !  
ছিল নিঃসঙ্গ হইয়া, ছিন্ন নিঃসঙ্গ,  
জানি মিত্র কত তৃপ্ত কত যে নির্ভয়  
করেছ আশ্রয় তুমি ; প্রতি পদে পদে  
হাতে ধরে ফিরায়েছ ; সম্পদে বিপদে  
কখনো করনি ত্যাগ । আমি যদি কভু  
ভুলিয়াছি মনে মনে, ভোলনিক' তবু,  
আপনি কঠিন করে দিয়েছ চেতনা—  
আঘাতে তুলেছ সাড়া, পাছে অন্তমনা  
আপন কর্তব্যে ভুলি ।

কত কাঁদিয়াছি,  
করিয়াছি অনুযোগ—“কেমনে যে বাঁচি  
এত যদি ব্যথা দাও ?”

তুমি শুনে হেসে  
আরো কাছে নেছ টেনে—কত ভালবেসে  
মুছিয়েছ সিক্ত আঁখি, বলেছ মধুরে—  
“ওরে সে আঘাত নয়, অজ্ঞান বিধুরে  
সে শুধু জাগিয়ে তোলা”—

তাই অসংশয়ে  
কাটে রাত্রি কাটে দিন—নিশ্চিন্তে নির্ভয়ে  
বিশ্বাসে স্মৃদু চিত্ত । কাল অকস্মাৎ  
কে তাতে দিয়েছে সাড়া, কেন সে আঘাত  
আমারি বুকেতে এল !

হে চিত্তাহরণ,  
কেন কাল আগ্নিতে দিলে না শরণ ?  
আলো, আলো কই ?  
যে মন জানিত নাক' শুধু তোমা বই,  
সে কেন নিঃসঙ্গ আজ ? কেন সে লুটায়  
ধূলি-স্নান গৃহতলে—ক্ষুদ্র বেদনায়  
সহসা অদীর হোল ! ওই আন্তর  
ছুটে তা'র দিকে দিকে ভেদি চরাচর—  
“আলো কোথা—আলো কই ?”

কই কোথা আলো—  
পাখীর মূখর কণ্ঠ আজি কি ভুলিলো  
সমস্ত সঙ্গীত তার ? শুষ্কিত আকাশ  
কি যেন অজানা হয়ে, আজি কি বাতাস  
থেমে গেল একেবারে ?

আলো—আলো কই ?  
তুমি যার চিত্তে রাজ আদার-বিজয়ী  
সে আজও আলোক গোঁজে—এও মতা হোলো  
হে নিত্য হে সনাতন, তুমিও কি ভোলো  
একান্ত আশ্রিত জনে ? চপল, নিশ্চয়  
ধরণীর ধূলিস্নান ক্ষুদ্র চিত্ত মন  
তোনারো বিচার যদি, তবে কিবা দিয়ে  
ভোলাব এ আন্ত প্রাণ—বাঁচিব কি নিয়ে ?

শ্রীকল্পনা দেবী



## রাগ রাগিনীর ভাব

শ্রীযুক্ত মণিলাল সেন

১

পুরাণে আছে দেবাদিদেব মহাদেবই আমাদের সঙ্গীতের সৃষ্টিকর্তা। মহাদেবের নিকট গৌরী কণ্ঠ-স্বর কি ভাবে উৎপন্ন হয় তাহা শুনিবার ইচ্ছা প্রকাশ করেন; ইহাতে মহাদেব বলেন --

“স্বরজ্ঞানাং পরং মিত্রং স্বরজ্ঞানাং পরম্ ধনম্  
স্বরজ্ঞানাং পরং গুহ্যং ন বা দৃষ্টং ন চ শ্রুতম্।”

“হে দেবি! স্বর-জ্ঞানের অপেক্ষা প্রধান মিত্র, শ্রেষ্ঠ ধন অথবা গুপ্ত বিষয় আর দৃষ্টিগোচর বা শ্রুতিগোচর হয় না।” অতএব কণ্ঠ-স্বর কি ভাবে উৎপন্ন হয় তাহা আমাদের সকলেরই প্রথমে জানা উচিত।

প্রতীচ্যের বৈজ্ঞানিকগণ স্বর উৎপত্তি সম্বন্ধে কি বলিয়াছেন সেই সম্বন্ধে ও অতীত অনেক বিষয়ে প্রকৃত অধ্যাপক ডক্টর শিশিরকুমার মিত্র মহাশয় গত ১৩৩৬ সালের অগ্রহায়ণ মাসের ‘বিচিত্রায়’ বিশদভাবে লিখিয়া সঙ্গীত-আলোচক-দিগের বিশেষ ধন্যভাজন হইয়াছেন। প্রতীচ্যের পণ্ডিতগণ বলেন যে, বাক্ত-স্তর (vocal chord) কম্পন (vibration) হইতেই স্বরের উৎপত্তি হয় এবং দাঁত, গাল ও তালুতে প্রতিধ্বনিত হইয়া স্বর প্রবল হয়। যেমন—

“It has been proved by observations on living subjects, by means of the laryngoscope,

as well as by experiments on the larynx taken from the dead body, that the sound of the human voice is the result of the inferior laryngeal ligaments, or true vocal chords which bound the glottis, being thrown into vibration by currents of expired air impelled over their edges” (Hand Book of Physiology by William Sclater Kirkes, M.D.)

“জীবিত ব্যক্তির কণ্ঠনালী পরিদর্শন করিয়া ও মৃতদেহের গলনালী পরীক্ষা করিয়া প্রমাণ পাওয়া গিয়াছে যে, মুখ-গহ্বরে নিবদ্ধ স্বরোৎপাদক কণ্ঠনালীর স্তম্ভ তন্তুপ্রাপ্তে ফুস্ ফুস্ হইতে নিঃসৃত বায়ু আহত এবং কম্পিত হইয়া ধ্বনি উৎপাদিত করে।”

এই গেল ঐ দিক্কার কথা। আমাদের সঙ্গীত শাস্ত্রকারগণ বলিয়াছেন—

“আত্মাবিবক্ষণাগোহয়ং মনঃ প্রেরয়তে মনঃ।  
দেহস্য বহিঃসাহিত্যি স প্রেরয়তি মাক্রতম্ ॥  
ব্রহ্মগ্রন্থিস্থিতঃ সোহথ ক্রমাদুর্দ্ধপথে চরণ।  
নাভিহুংকণ্ঠমূর্দ্ধাশ্চেষ্টাবিভাবয়তি ধ্বনিঃ ॥”

(সঙ্গীত রত্নাকর)



“কোনরূপ ধ্বনি করিবার ইচ্ছা করিলে মন দেহস্থিত অগ্নিকে আঘাত করে। শরীরে ব্রহ্মগ্রন্থি নামে যে গ্রন্থি আছে এবং তাহাতে যে বায়ু থাকে দেহাগ্নি গিয়া সেই চক্রকে ক্রমশঃ উর্দ্ধদিকে চালনা করে। সেই বায়ু ক্রমে উর্দ্ধদিকে আসিয়া যথাক্রমে নাভি, হৃদয়, কণ্ঠ, মস্তক ও মনে ধ্বনি উৎপন্ন করে।”

নাভি এবং হৃদয়ও (বক্ষ) যে স্বর-উৎপত্তির সহায়তা করে তাহা প্রতীচ্যের পণ্ডিতগণ বলেন না। আমরা কিন্তু প্রাচীন ঋষিগণের সহিত একমত হইতে পারি। কারণ যখন সুর গাহিবার সময় বুকের উপর হাত রাখিলে বক্ষের কম্পন বিশেষভাবে টের পাওয়া যায়। তাহাতে মনে হয় বক্ষ স্বর-উৎপত্তিতে সহায়তা করে। অতি-খাদ সুর গাহিতে নাভিও সূক্ষ্মভাবে কম্পিত হয় এবং স্বর-উৎপত্তিতে সহায়তা করে এইরূপ মনে করিতে পারি।

২

আমাদের গীত ভাবপ্রধান এবং তাহা বিভিন্ন ভাবে ব্যক্ত করে। কিন্তু কি ভাবে তাহা ব্যক্ত করে এবং কি গাহার রীতি তাহা জানিবার প্রয়োজন আমাদের হয়। কারণ গান বাজনা শুনিতে আরম্ভ করিলে তখন যে সব ভাবিবার কথা কাহারও মনেই থাকে না। কিন্তু একটা কথা মনের কোণে উঁকি দেয়, আমাদের কানে যখন একটু সুরের রেশ বা এক টুকরা সুর ভাসিয়া আসে তখন আমরা কান পাতিয়া শুনি কেন? কি রহস্য ইহাতে আছে? কোথায় কোন্ তেপান্তরের মাঠ হইতে একটা অজানা অজানা গানের সুর কাণে পৌছিতেই আমাদের মনে সেইদিকে আকৃষ্ট হয় কেন? প্রতীচ্য বলে যে, আমাদের মনে স্বভাবতঃ মিষ্ট ধ্বনি অনুকরণ করিয়া থাকে; অর্থাৎ তাহা কাণের স্বভাবিক ধর্ম। আমরাও পূর্বে অল্প প্রবন্ধে লিখিয়াছি যে, সুরের মিল যে যে সুরে আছে মানুষ সেই সেই সুরের একত্র না পাশাপাশি সমাবেশ শুনিতে ভালবাসে ও তাহাতে সুখানুভব করে। কিন্তু কেন এইরূপ সুখানুভব হয়? আমাদের শরীরে এমন কী আছে বাহ্যতে এরূপ হইতে

পারে? সুরের দূরত্ব, সুরের মিল ও অনুপাত, কি কি অনুপাতের ধ্বনিত সুরের রেশ আমাদের কাণে মিষ্ট লাগে, কানে কি আছে বাহ্যতে আমরা শুনিতে পাই, এই সব ব্যাপারে পাশ্চাত্য মনীষীগণ অনেক তথ্য আবিষ্কার করিয়াছেন। কিন্তু সুর কেন মিষ্ট লাগে, এক এক সুর কি ভাব ব্যক্ত করে, সে সম্বন্ধে তাঁহারা কিছু আবিষ্কার করিয়াছেন কি না তাহা আমরা অবগত নহি। যাহা হউক, প্রাচীন ঋষিগণ বলিয়া গিয়াছেন যে, মানুষের শরীরের স্থানে স্থানে এমন সব সূক্ষ্মতন্ত্রী আছে যাহার আন্দোলনে মানব-প্রকৃতির সঙ্গে প্রাকৃতিক ভাবের মিলন হয়। কাণ সম্বন্ধে যখন প্রতীচ্যের বৈজ্ঞানিকগণ বলিয়াছেন যে, আমাদের কাণের ভিতর অসংখ্য সূক্ষ্ম তন্ত্রী আছে, বাহিরের ধ্বনির কম্পন সেই সব তন্ত্রীকে কাঁপাইয়া দেয় ও আমরা শুনিতে পাই,—সেইরূপ তন্ত্রশাস্ত্র মতে বলিতে গেলে আমাদের মাথা-মণ্ডলীতে ছয়টা চক্র আছে, সেই সকল চক্রে কতকগুলি সূক্ষ্ম তন্ত্রী আছে, বাহিরের প্রকৃতির ভাব সেই সকল তন্ত্রীতে আঘাত করে ও আমাদের দেহে অনুরূপ ভাবের সৃষ্টি হয়।

স্বর-উৎপত্তি সম্বন্ধে আমাদের গ্রন্থে লেখা আছে যে, ব্রহ্মগ্রন্থির বায়ু উর্দ্ধদিকে চালিত হয়, সেইখানেই মূলাধার নামে এক চক্র আছে, তাহা অধোভাগে coccyx-এ অবস্থিত। সেই চক্রে চারিটি পদ (বর্ণ) আছে। সেই চক্রে ‘স’ সুর উৎপন্ন করিবার মত তন্ত্রী আছে, তাহা রক্তবর্ণ ও তাহার তত্ত্বের নাম পৃথিবী। এর উপরে এবং প্রজনন স্থানের নিম্নে (lumbar-এ) স্বাধিষ্ঠান নামে চক্র অবস্থিত। সেই চক্রে ছয়টি পদ (বর্ণ), সেখানে ‘র’ সুর উৎপন্ন করিবার তন্ত্রী আছে, তাহার তত্ত্বের নাম বারি। কারণ ইহা বরুণের (জল) স্থান।

তন্ত্রশাস্ত্র হইতে প্রক্টর মঙ্গীতাচায়া রায় বাহাদুর সুরেন্দ্রনাথ মজুমদার মহাশয় যে তালিকা করিয়াছেন তাহা তাঁহার লিখিত “রাগরাগিণীর নাদুখ্য” নামক প্রবন্ধ হইতে এখানে উদ্ধৃত করিতেছি। তিনিই প্রথমে হিন্দু মঙ্গীতের নাদুখ্য কোথায় ও তাহার বিজ্ঞান কি তাহা লিপিয়া মঙ্গীত আলোচকদের বথার্থ উপকার করিয়াছেন।



তালিকাটি এই—

চক্র	পদ্যের সংখ্যা	স্থিতির ক্ষেত্র	তত্ত্বের নাম	আহত স্বরের নাম
মূলাধার	৪	অধোভাগ (Coceyx)	পৃথিবী	ষড়্জ—সা
স্বাধিষ্ঠান	৬	প্রজনন স্থানের নিম্নে (Lumbar)	বারি (রস)	স্বাধ—রে
নগিপুর	১০	নাভি (Dorsal)	অগ্নি (রূপ)	গান্ধার—গা
অনাহত	১২	হৃদয় (Cervical)	বায়ু (স্পর্শ)	মধ্যম—মা
বিশুদ্ধ	১৬	কণ্ঠ (Thoracic)	আকাশ (শব্দ)	পঞ্চম—পা
আজ্ঞা	২	কুর্মাখা (Medulla)	—	ধৈবত—ধা
সহস্রার	—	মন, মস্তিষ্ক (Cerebrum, Brain)	—	নিষাদ—নি

“সঙ্গীতশাস্ত্র বলে যে, সঙ্গীতের ভিত্তি ‘নাদ’ (ধ্বনি বা শব্দ)। মূলাধারস্থিত নাদরূপা কুণ্ডলিনী শক্তিকে যোগ-দ্বারা সহস্রারস্থিত বিন্দুরূপ পরম শিবের সহিত সংযোগ করিতে পারিলেই যোগে সিদ্ধিলাভ হয়। এইজন্য কেহ প্রাণায়াম দ্বারা কেহ বা স্বরসাধনা দ্বারা ষট্চক্রভেদ করিয়া কুণ্ডলিনীকে পরম শিবে সংযোগ করিতে সিদ্ধ হইলেন।” সঙ্গীতের চরম লক্ষ্য ভগবৎপ্রেম লাভ। সহস্রার স্থিত পরম শিবের সহিত (সা) কণ্ঠ মিলাইয়া সুর, মন ও ভাবসম্পদ তাঁহার উদ্দেশ্যে উৎসর্গ করিতে পারিলেই তৃপ্তি।

যেন এইখানেই সুরের, কথার ও ভাবের চিরসমাপ্তি। আমরা ভগবৎপ্রেম লাভ করিবার জন্য ভিখারী। ভিখারী মাত্রেরই করুণ বা ব্যাকুল ভাবে ভিক্ষা পাইবার অপেক্ষা করে। এইজন্য সঙ্গীত মাত্রেরই অর্থাৎ সকল দেশের সঙ্গীতই ব্যাকুলতাপূর্ণ। আমাদের সঙ্গীতও ব্যাকুলতার সুর।

সঙ্গীতের মধ্যে তিনটি বস্তু আবশ্যিক,—কথা, সুর ও ভাব। কথার ভাবের সহিত সুরের ভাবের ঐক্য হইলেই গায়কের মুক্তি। কিন্তু আমাদের এই তিনটিরই অভাব রহিয়াছে।





বিচিত্র

“কোথা আশ্রয়-শাখা” ?

জানুয়ারি, ১৩৩৭

শিল্পী—শ্রীযুক্ত বিশ্বনাথ চট্টোপাধ্যায়







এই সম্বন্ধে শ্রদ্ধেয় সঙ্গীতাচার্য্য রায় বাহাদুর সুরেন্দ্রনাথ মজুমদার মহাশয় লিখিয়াছেন—“যতই চিন্তা করিয়া দেখিবেন ততই বুঝিতে পারিবেন যে আগাদের তিনটিরই অভাব। সুরের শেষ নাই; কথারও শেষ নাই; ভাবেরও শেষ নাই। ভাবগ্রাহী বলেন ভাবই অবলম্বন কর; কবি বলেন কথাই অবলম্বন কর, ছন্দের সহিত; সঙ্গীতাচার্য্য বলেন সুর অবলম্বন কর, কেন না প্রথম বর্ণিই ঔকার, তাহারই মধ্যে কথা ও ভাব। যোগী বলেন প্রাণ সংযত কর নচেৎ তোমার সুর, কথা ও ভাব

স্বরবিষ্ঠাস—

রা	মা	মা	মা	মা	পা	পা	পা	মা	পা
এ	স	হে	এ	স	স	জ	ল	ঘ	ন

ধা	সাঁ	নসাঁ	ধা	পা	মা	ধপা	মা	-া	-া
বা	দ	ল	ব	রি	ম	০	নে	০	০

রা	গা	মা	ধা	পা	মা	গা	মা	রা	সা
দি	পু	ল	ত	ব	শ্রা	ন	ল	মে	হে

সা	রা	রা	রা	রা	গা	রা	গমা	-মা	-গা
এ	স	হে	এ	জী	ব	০	নে	০	০

সুর ভাব—

সজল ও ঘন বাদলকে তাহার বিপুল ও শ্রামল মেঘ উড়া এই জীবনে অর্থাৎ হৃদয়ে আসিতে আহ্বান করা হইতেছে, ব্যাকুলতার সুরে বা ব্যাকুল ভাবে।

সুরের ভাব—

পূর্বে লেখা হইয়াছে যে, মধ্যম ( মা ) হৃদয়ে অবস্থিত ও সুরের নাম বায়ু; ঋষভ ( রে ) বারির স্থানে অর্থাৎ জলে; তার ( গা ) অগ্নিতে ( তড়িৎ বুঝায় )। স্বরবিষ্ঠাসের

তিনটিই বিক্ষিপ্ত হইয়া পড়িবে। অতএব মাত্রা ও ছন্দ কিংবা তালের দরকার।”

৩

এখন কথার ভাব ও সুরের ভাবের ঐক্য কিরূপ দেখা যাক।

কথা—

“এস হে এস, সজল-ঘন বাদল-বরিষণে  
বিপুল তব শ্রামল মেঘে এস হে এ জীবনে।”

রবীন্দ্রনাথ

প্রথমেই আরম্ভ হইতেছে—রা না না না না। এস হে এস; কিন্তু কোথায়? হৃদয়ে। অর্থাৎ সুরের কথায় মধ্যমে—সাতটি সুরের হৃদয় মধ্যমে, অর্থাৎ ‘না’তে। ‘এস হে এস’ গাওয়াতেই সঙ্গে সঙ্গে সুরের ভাব বুঝাইয়া দিতেছে যে, সুরের হৃদয় ( ‘না’ ) ডাকিতেছে জলকে ( ‘রে’ ) ‘এস হে এস’। যেমন—রা না না না না।

পা পা পা না পা ধা সাঁ সাঁ ধা পা না ধা পা না না। সজল ঘন বাদল বরিষণে। আরম্ভ পা সুর হইতে, সমাপ্ত মা সুর পর্য্যন্ত। অর্থাৎ আকাশ ( পা ) বা উর্দ্ধ পথ হইতে



হে সজল ঘন বাদল, বার বার ধারে হৃদয় (মা) পর্যাস্ত  
'এস হে এস'।

রা গা মা পা ধা পা মা গা মা রা সা সা রা রা রা রা  
গা রা গা মা মা গা। বিপুল তব শ্রামল স্নেহে এস হে এ  
জীবনে। "এস হে এস" রা গা মা পা ধা পা হইতে। অর্থাৎ  
রা (জল) গা (তড়িৎ) মা (বায়ু) সাহায্যে পা ধা পা  
(আকাশ) হইতে তুমি এস। সঙ্গীত শাস্ত্রে বলে র সুর  
করণ-রসাত্মক। এখানে শেষের 'এস হে' কথাটিতে একটু  
বিশেষ করণভাব প্রকাশ পাইতেছে। স্বর-বিত্তাসে র সুরই  
ধ্বনিত হইতেছে,—যেনন সা রা রা রা রা।

এখানে কথার ভাবের এবং সুরের ভাবের মিলন হইতেছে  
অপূর্ণভাবে। গানের কথা বর্ষা ঋতুর প্রারম্ভের ভাব  
আনিতেছে। গ্রীষ্মকালের অগ্নিসম-রৌদ্র-দগ্ধ হৃদয় বাদলকে  
আহ্বান করিতেছে। ইহাতে মল্লার রাগিণীর স্বর-বিত্তাস  
সংযোজন করা হইয়াছে। এখন ভাবিয়া দেখুন মল্লার  
রাগিণীতে বর্ষার ভাব আসিতেছে কিনা।

## ৪

ভাবের সঙ্গে সঙ্গে বর্ণেরও পরিবর্তন হয়। লজ্জায় মুখ-  
মণ্ডল লাল হয়, ভয়ে কাল হয়, ক্রোধেও লাল হয়, কাম  
ভাব রক্ত হইতে পীত পর্যাস্ত অধিকার করে। এই সবের  
আভাস আমরা মুখের বাহ্য ভাবেও দেখিতে পাই। প্রাকৃতিক  
দৃশ্যের সঙ্গেও বর্ণের পরিবর্তন হয়। বসন্তে নানা রঙের ফুল  
ফুটে। বর্ষার প্রারম্ভে পৃথিবী সবুজ হইয়া যায়। কাজেই,  
প্রাকৃতিক ভাবের সঙ্গে বর্ণে যেনন যোগস্থত্র রহিয়াছে তেমনি  
আবার মানুষ্যের ভাবের সঙ্গেও বর্ণের সঙ্গ রহিয়া গিয়াছে।  
প্রতি সুরেও যে এক একটা বর্ণের মিল আছে তাহা ১৩৩৬  
সালের 'বিচিত্রা'র চৈত্র সংখ্যায় "হিন্দু সঙ্গীতের মাদুর্য্য" নামক  
প্রবন্ধে বিস্তারিতভাবে দেখান হইয়াছে। কাজেই এখানে  
সংক্ষেপে লিখিতেছি।

সা = রক্ত (লাল)

রে = কমলা (গোলাপী)

গা = পীত

মা = সবুজ

পা = নীল

ধা = অতি নীল (কাল)

নি = বেগুনী

পূর্বের মল্লার রাগিণীর স্বর-বিত্তাসটি লইয়া দেখা বাক  
উহাতে ভাবের সঙ্গে বর্ণের মিলন হয় কিনা। কথার ভাব—  
বর্ষার প্রারম্ভে বাদলকে আহ্বান। স্বর-বিত্তাস—রা মা মা  
মা মা এস হে এস।

এখানে আমরা মা সুরই প্রবলতর দেখিতেছি। মা  
সুর সবুজ বর্ণ। এই ধরাতল সবুজ করিয়া হে বাদল এই  
হৃদয়ে (মা) এস, অথবা হে বাদল তুমি আমার সিয়া ধরাতল  
সবুজ কর। মা গা মা রা সা—শ্রামল স্নেহে এস হে এস  
মা প্রবলতর ও সা-তে বিশ্রাম। মা শ্রামল (স্নেহ) স্নেহে  
পৃথিবীতে (সা) এস। কথায়, সুরে এবং বর্ণের মিল আরও  
সূচনা করিতেছেন।

## ৫

সঙ্গীতাচার্য্যগণ বলেন যে, এক একটা সুর এক একটা  
ভাব প্রকাশ করে। যেনন—

“মূলং রসানাং ষড়্-ভাষা ঋষভঃ করুণাত্মকঃ।

গান্ধার্য্যস্তথা শান্তায়া ভয়ানকোহস্তি নদ্যমঃ ॥

বীরাশ্বকঃ পঞ্চমস্তু দৈবতঃ করুণাত্মকঃ।

নিষাদো রৌদ্র বীরায়া গন্ধর্বাভিজ্ঞসম্ভতঃ ॥”

(সঙ্গীত-মহাদেশ)

অর্থাৎ—

মা = সকল রসের মূল

রে = করুণ রসাত্মক

গা = শান্ত রসাত্মক

মা = ভয়ানক

পা = বীর

ধা = করুণ

নি = রৌদ্র ও বীর



পূর্বের মল্লার রাগিণীর স্বর-বিশ্বাসটিতে আমরা রে, মা ও বা এই কয়টিই প্রবল সুর পাইতেছি। রে সুর প্রবল-তম। নি, পা ও গা সুর অল্প ব্যবহৃত হইতেছে। রে—করুণ, না—ভয়, ও বা—করুণ। এই প্রবল সুরগুলিতে ভয় ও করুণ ভাব পাইতেছি; করুণভাবই বেশী। নি—রোদ্র ও বীর, পা—বীর, আর গা—শান্তরসসূচক। মল্লারে বীর ও শান্তভাবের অভাব। ভয় ও করুণ ভাবের আধিক্য বীর ও শান্তভাব নাই। ভয়ে মন চঞ্চল। আর সা সুর সকল ভাবের মূল; যে কোন ভাব সা হইতে উপর হইতে পারে। মল্লারে নি সুর অতি অল্প ব্যবহৃত হয়। স্বর-বিশ্বাসে তাহাই আছে। নি সুরের ব্যবহার নাহি বলিলেও অতুক্তি হয় না। নি—রোদ্র সুর, সুরের আর রোদ্র ভাব ভাল লাগিতেছে না, গ্রীষ্মের প্রচণ্ড রোদ্রে দগ্ধপ্রায় হইয়া আর প্রাণ রোদ্র চায় না। তাই রোদ্র-ভয়ে ভীত সুর করুণভাবে জলের জল ও সবুজ নাইয়ের আশায় বাদলকে আহ্বান করিতেছে। এই ভল্লই মল্লার করুণ রাগিণী। মল্লার রাগিণীতে যেমন আকাশ ছাইয়া বাদল আসে, হৃদয়েও সঙ্গ সঙ্গ ভয় ও করুণ সুর মিলিয়া বাদল আসে। প্রকৃতির বাদল হইতে যেমন ঝর ঝর বরিষণ হয়, মনের বাদল হইতেও ক্রন্দন আসে এবং নয়নের বাদল ঝর ঝর ধারে বরিষণ হয়।

## ৬

উপরে লিখিত কথাগুলির প্রমাণ পাশ্চাত্য সঙ্গীতজ্ঞেরা এখনও পাইয়াছেন বলিয়া মনে হয় না। তাঁহারা যে বিষয়টুকুর উপরে বেশী ঝোঁক দেন তাহা সুরের harmony (স্বরসম্বাদ)। কম্পনের অনুপাতে যে যে সুরে অধিকতর মিল আছে সেই সেই সুরগুলির একত্র ধ্বনি মিষ্ট লাগে। তাহাই harmony। তাঁহাদের সঙ্গীত harmonyর কড়া গভীর হুতরে। আমাদের সঙ্গীতে স্বর-সম্বাদ আইনের বাঁধাবাধি নাই বেশী নাই। অর্থাৎ পশ্চিম দেশের মত নাই। তবে

আমাদের সঙ্গীতেও স্বর-সম্বাদের মিলন আছে। অবশ্য আমরা ইহার উপর বেশী ঝোঁক দিই না।

আমাদের সঙ্গীতে একটা সংজ্ঞা আছে ‘বাদী সংবাদী সুর’। প্রাচীন সঙ্গীতমহারথীগণ লিখিয়া গিয়াছেন যে, রাগের স্বরূপ প্রকাশক স্বর-বিশ্বাসের বাদী সুর রাজার জায় ও সংবাদী সুর মন্ত্রীর জায়।

হিন্দুস্থানী কথায় বাদী সুরকে ‘জান্’ বলে। জান্ অর্থ প্রাণ। বাদী সুরই রাগের প্রাণস্বরূপ এইরূপ বুঝায়। জান্ সুর ব্যতীত রাগের রূপ প্রকাশ করা অসম্ভব। রূপ প্রকাশ করিতে সংবাদী সুর বাদী সুরকে সাহায্য করে।

আমাদের বাদী সংবাদীর মিলনই প্রকৃত স্বর-সম্বাদ (harmony)। সাধারণতঃ, যে সুর বাদী হইবে তাহার পঞ্চম সুর সংবাদী হয়। গা বাদী হইলে নি সংবাদী হয়। কারণ গা-কে সা ধরিলে তাহার পঞ্চম সুর অর্থাৎ পা সুর নি হইবে। কম্পনের অনুপাতে কোন্ কোন্ সুরের সঙ্গে কোন্ কোন্ সুরের মিল আছে ও আমাদের সঙ্গীতে তাহা কিরূপ সুন্দরভাবে প্রকাশিত এবং আমাদের সঙ্গীত সুরের মিল অমূল্যবান কিরূপ শৃঙ্খলাবদ্ধ তাহা ‘হিন্দু-সঙ্গীতের মাদুগা’ নামক প্রবন্ধে একবার লেখা হইয়াছে। এখানে পুনরায় ইহার আলোচনা করিতে ক্ষান্ত রহিলাম।

মল্লার রাগিণীর স্বর-বিশ্বাস লইয়া দেখা যাক তাহার বাদী সংবাদী কি ভাব প্রকাশ করে। মল্লার রাগিণীর রে সুর বাদী ও তাহার পঞ্চম বা সুর সংবাদী। রে সুর করুণ রসায়ক, বা সুরও করুণ রসায়ক। মল্লার এই ভল্লই খুব করুণ রাগিণী। ইহা শান্ত ও বীর রসে গাওয়া যায় না।

## ৭

দেখা যাক এই গানটির ‘অন্তরা’ কি ভাব বাক্ত করে, এবং কথায়, ভাবে ও সুরে মিলন কতটুকু হয়।

কথা—

‘এস হে, গিরিশিখর চূনি’ ছায়ায় গিরি কাননভূমি,  
গগন ছেয়ে এস হে তুমি গভীর গরজনে।



## স্বরবিজ্ঞাস

পা	পা	পা	নধা	না	সাঁ	সাঁ	সাঁ	সাঁ	সাঁ	সাঁ	সাঁ
এ	স	হে,	গি	রি	শি	খ	র	চু	মি	ছা	য়া
না	সাঁ	রাঁ	সাঁ	না	সাঁ	ধা	পা	মা	মা	মা	মা
য়	যি	রি	কা	ন	ন	ভ	মি	গ	গ	ন	ছে
রা	পা	মা	পা	পা	ধা	সাঁ	নসাঁ	ধা	পা	মা	মা
এ	স	হে,	তু	মি	গ	ভী	র	গ	র	গ	র
পা	মা	ধা	পা	মগা	রা	গা	মা	ধা	পা	মা	গা
জ	০	নে	০	০	বি	পু	ল	ত	ব	শ্রা	ম
মা	রা	সা	সা	রা	রা	রা	রা	রা	রা	মা	মগা
ল	মে	হে	এ	স	হে,	এ	ভী	ব	০	নে	০

গিরি-শিখর অনেক উচু। কথায় বলিতেছে—এস হে গিরি-শিখর চুমি। কিন্তু গিরি-শিখর চুম্বন করিতে হইলে অনেক উচ্চ আরোহণ করিতে হইবে। স্বর বিজ্ঞাসেও ঐরূপই আছে—পা পা পা নধা না সাঁ সাঁ সাঁ সাঁ সাঁ সাঁ।

সা-ই মূলধার স্বর। এক তারার সা স্বরে স্বর মিলাইতে পড়িলেই আগাদের তৃপ্তি। এখানে সা স্বরে বা পরম-শিবে স্বর মিলিতেছে। এইজন্য আমরা এইটুকু স্বর-বিজ্ঞাসেই বিশেষ আনন্দ পাইতেছি। গিরি-শিখর বা স্বরের শিখরে আরোহণ করিয়া আবার ফিরিতে হইবে। যেমন তেমন করিয়া ফিরিলে চলিবে না, কাননভূমি ছায়ায় ঘিরিয়া তবে ফিরিতে হইবে। স্বরও চড়া সাঁ হইতে অবরোহণ করিতেছে—যেমন সাঁ সাঁ ধা না সাঁ রাঁ

সাঁ না সাঁ ধা পা। এই কয়টি স্বরের মধ্যে ধা স্বরে ঝোঁক পড়িতেছে বেশী। সা স্বরও বেশী ব্যবহৃত হইতেছে কারণ সা মূলধার স্বর। ধা স্বরই এখানে বিশেষভাবে ফুটিয়া উঠিয়াছে। ধা—কালবর্ণ। বাদল কুম্ভবর্ণ হইবে না আসিলে কাননভূমি ছায়ায় ঢাকা পড়িতে পারে না স্বরই তাহা বুঝাইয়া দিতেছে। এই স্বর-বিজ্ঞাসটুকুর সা পা স্বরে সমাপ্ত। পা স্বর পর্যন্ত আসিয়াই অর্থাৎ আকা পর্যন্ত আসিয়াই সমাপ্ত। এই ধরাতল ছায়ায় ঢাকা দিবে হইলে কুম্ভবর্ণ বাদলের আকাশেই পরিভ্রমণ করিতে হইবে তারপর—গগন ছেয়ে এসে হে তুমি গভীর গরজনে। বাদ গগন ছেয়ে আসে আবার হৃদয় ছেয়েও আসে। গগন এখানে হৃদয়ের গগনও হইতে পারে। স্বর বিজ্ঞাসে আছে—

মা	মা	মা	মা	মগা	রা	পা	মা	পা	পা
গ	গ	ন	ছে	য়ে	এ	স	হে	তু	মি



স্বর-বিজ্ঞাসে মা সুরের প্রাধান্য ও পা সুরে সমাপ্ত।  
মা সুর হৃদয়। হৃদয়েও বাদলের ভাব আসুক তাহাই  
এখানে সুরে বুঝাইতেছে। 'গগনে বাদল' এখানে হৃদয়ের  
বাদল। সুর পা সুরে সমাপ্ত। যেন পা সুর ধ্বনিত হইয়া  
বলিতেছে, হে বাদল, হৃদয় ছেয়ে তুমি এস আকাশ  
(পা) হইতে। কান্তর স্বরে যেন আকাশের দিকে চাহিয়া  
বলিতেছে ও তাহাই বুঝাইতেছে। গর্জন এবং গভীর  
গর্জন হইলেই সুর চড়ায় উঠিবে। স্বর-বিজ্ঞাসের সুরও  
চড়া হইয়া গিয়াছে। যেমন—ধা সঁ নসঁ ধা পা পা মা  
ধা পা নগা :

উপরে বিজ্ঞাসে রে-না, ধা-সঁ, মা-ধা, সঁ-ধা,  
মা রে, রে-পা প্রভৃতি সুরের মিল বহুল পরিমাণে  
ব্যবহৃত। কম্পনের অনুপাতে উপরোক্ত সুরের  
বিশেষত্ব দেখা যায়। কাজেই স্বর-বিজ্ঞাসের সুর  
'হারমনি' বর্জিত এইরূপ বলা যায় না। সুরের চলনভঙ্গী অতি  
স্বাভাবিক, অস্বাভাবিক ভাবে কোথায়ও সুর চলাফেরা করে  
না। কাজেই স্বর-বিজ্ঞাসে সুরের মিল নাই বা স্বর-বিজ্ঞাস  
নেহাং 'হারমনি' বর্জিত এ কথা বলা যায় না।

হিন্দী গানেই কথার, সুরের ও ভাবের মিলন বিশেষভাবে  
দেখা যায়। আমাদের যত উৎকৃষ্ট গান সবই প্রায় হিন্দী  
ভাষায় রচিত। সব দেশের ওস্তাদগণই হিন্দী গানগুলি শিক্ষা  
করেন ও তাহাই গান করেন। Hindu classical music

বলিতে আমরা এখনও হিন্দী গানকেই বুঝি। বাংলা ভাষায়  
হিন্দীর অনুকরণে মাত্র সামান্য কয়েকটি গান আছে।  
এখানে একটি হিন্দী গানের সামান্য পরিচয় দিয়া তাহার  
শ্রেষ্ঠত্ব প্রমাণ করিতেছি। এ গানটিতে পূর্বোক্ত গানটির  
পরবর্তী সময়ের ভাব।

কথা—

পাতুরা সম নিরতত  
বিজরী সঘন গরজে গরজে।  
আইরে পাওয়াসদল সাজে  
বরখত কোটি কোটি শিল।  
পূরবাইয়াঁ চলত পবন  
কঠিন সঘন দলত জম,  
অতি আদিয়ারী রহনা একেলি  
পিয়া দিন ডর লাগে মুঝে।

ভাব—

নর্তকীর মত নৃত্যশীলা বিজলী ঘন ঘন গর্জন করিতেছে ;  
আর আকাশে সাজ-সজ্জা করিয়া মেঘরাশি আসিতেছে  
এবং কোটি কোটি শিল বর্ষণ করিতেছে।

পূর্বের হাওয়া বহিতেছে এবং গাছপালা কঠিনভাবে  
দলিত হইতেছে। এই অতি ঘন দটা ও অন্ধকারে—পিয়া  
ছাড়া আমি একা--আনার ভয় করিতেছে।

স্বর-বিজ্ঞাস—

ধা	ধা	ধা	ধা	ধা	ধা	নসঁ	ধা	পা	মা	মা	মা
পা	০	০	০	০	০	০	তু	রা	০	০	০
মা	মা	মা	রা	পা	পা	পা	পা	মা	পা	ধা	সঁ
ম	ম	নি	০	০	র	ত	০	বি	জ	রী	স
নসঁ	ধপা	মা	মা	গা	মা	মা	মা	রা	রা	রা	রা
ন	ন	গ	র	০	জে	গ	র	আ	ই	রে	পা



বিচিত্রা

৩৯৪

রাগ রাগিণীর ভাব

ফাল্গুন

রা রা | সা সা | রা রা | সা সা | সা সা || ধা ধা |  
ওয়া স | দ . | . ল | সা . | জে . || ব র |

ধা নসা | ধা পা | মা মা | গা না | মা মা | মা রা |  
. . | থ ত | কো . | . টি | কো . | . টি |

মা গা | রা রা | রা সা ||  
শি . | . . | . ল ||

+  
পা পা | সা ধা | সা সা | সা সা | সা সা  
পূ র | বা . | ই রা | চ ল | . ত

সা সা | সা সা || মা পা | ধা সা | রা রা | সা সা | না সা  
প . | ব ন || ক টি | ন স | ব ন | দ ল | . ত

সা সা | নসা ধপা || মা পা | ধা সা | ধা পা | মা মা  
ক্র . | . ম || অ তি | আ দি | রা রী | র এ

মা মা | মা মা | মা মরা || মা মরা | পা পা | পা পা  
. না | এ কে | . লি || পি রা | . . | বি না

মা মা | মা মা | মা মা | মা মা || মা মা | রা রা  
ড . | র . | লা . | গি . || মু . | . .

রা সা ||  
. বে ||



কথার ভাবে—

নর্তকীর মত বিজলীর চমক ও গর্জন, ধারাবাহী  
বাহন ও শিলা-বর্ষণ, পূর্বের হাওয়ার কঠিনভাবে গাছপালা  
দলন, প্রকৃতির ঘনঘটায় ও অতি অন্ধকারে পিয়া  
ছাড়া একা নারীর কাতর উক্তি ও ভয়ই প্রকাশ  
পাইতেছে।

না পা | ধা সা | ধা পা | না না | না না | না না |  
অ তি | আ ধি | যা রী | র এ | ০ না | এ কে | ০ লি |

না পা পা | পা পা | না না | না না | না না | না না |  
না ০ ০ | না ড ০ | র ০ | লা ০ | গে ০ |

এখানে না সুর অতি প্রবল। না সুর ভয় সূচক। না  
সুর ধ্বনিত হইয়া ‘ডর লাগে’ (ভয় করে) গীত হইতেছে।  
কথার ও সুরের কি অপূর্ণ মিলন! এই ‘ডর লাগে’  
কথাটি অল্প যে কোনরূপে গীত হউক না কেন এমন মধুর  
হইবে না।

সুর-বিচ্ছাদের প্রতি চরণে বা আওয়ার না ধা ও রে  
সুর বহুল পরিমাণে ব্যবহৃত হওয়াতে ভয় ও করুণভাব প্রকাশ  
করিতেছে। কথাতেও বর্ষা, ভয় এবং করুণভাব। সুরেও  
বাহাই। ইহা মল্লার রাগিণীর গান। এখন দেখুন গানে  
কথার ভাব আসে কিনা। এই গানটি আর যে কোন  
রাগিণীতেই গীত হউক না কেন, এমন ভাব কথা ও  
সুরের মিল হইবে না।

৮

পাশ্চাত্য কম্পনের অনুপাতে মিল অনুযায়ী সুরের  
একর ধ্বনি করিয়া আনন্দ পায়। কিন্তু আনাদের আনন্দ  
আসে কথার ভাবের সঙ্গে সুরের ভাবের মিলনে। সুরের  
মিল বাদী-সংবাদী ইত্যাদি গীতের ভাব প্রকাশের সহায়তা  
করে মাত্র। সুরের মিল বা বাদী-সংবাদী, কম্পন, অনুপাত

সুরের ভাবে—

সেইরূপ নর্তকীর মত সুরের এক সুর হইতে অন্য সুরে  
নৃত্য, ধারাবাহী সুরের রেশ পা ধা সা ধা পা ইত্যাদি  
আকাশে সুরের দলন; সর্গশেষে ব্যাকুলতার সুর রহিয়াছে।  
ব্যাকুলতার ও ভয়ের সুর মিলিয়া ইহা অতি করুণ রাগিণীতে  
রূপান্তরিত হইয়াছে। এই গানে ভয়টুকু বিশেষভাবে  
প্রকাশ পাইয়াছে। যেমন—

না না | না না | না না | না না | না না | না না |  
এ ০ না | এ কে | ০ লি |

না না | না না | না না | না না | না না | না না |  
০ র ০ | লা ০ | গে ০ |

ইত্যাদি আনাদের সঙ্গীত শিক্ষায় বর্ণপরিচয়ের ভায়। এই  
সব প্রথমেই শিক্ষা করিতে হয়। প্রকৃতির ভাবের সঙ্গে  
সুরের ভাবের ঐক্য করিবার ও সহস্রারস্থিত পরম শিবে  
মনের সুরের মিলন করিবার মত মনের অবস্থা পরে আসে।  
পাশ্চাত্যের সঙ্গীত কিন্তু বর্ণ পরিচয় লইয়াই বাস্তব। এই  
জন্মই তাহাদের গান আনাদের গীতের মত ভাবনয় নয়। খ্যাত-  
নামা গ্রন্থকার এডওয়ার্ড ম্যুর সাহেব ‘হিন্দু প্যানথিয়ন’ নামক  
তঁাহার প্রসিদ্ধ গ্রন্থের একস্থলে হিন্দু ও বিলাতী সঙ্গীতের  
প্রভাব সম্বন্ধে অল্প কথায় এইরূপ বাক্য করিয়াছেন—

“কতকটা আত্মগীত বোধ, কতকটা লজ্জার সহিত  
আমি স্বীকার করিতেছি যে, ললিত মধুর সঙ্গ সহকারে  
বীণা কিংবা সারঙ্গ যন্ত্র হইতে একধারাবাহী যে সরল স্বরলহরী  
সমুৎপত্ত হয় উহা আমার হৃদয়কে যেরূপ স্পর্শ করে ‘ক্যাশা-  
নেবল্’ কণ্ঠগীতি সহযোগে ইতালীয় বাজনাও বিনিঃসৃত  
বহুবিস্তৃত জটিল স্বরসমূহের ঐক্যতান আমার নিকট সেরূপ  
মর্ম্মস্পর্শী বলিয়া মনে হয় না। হিন্দুসঙ্গীত শ্রবণে শ্রোতার  
মনে লেশমাত্র বিষ্ময় উৎপন্ন হয় না সত্য, কিন্তু কি জানি কেন,  
একপ্রকার আত্মহারা ভাব উপস্থিত হয়, হৃদয় উদ্বেলিত হয়,  
চক্ষু জলে ভরিয়া উঠে। ইতালীয় অর্থাৎ ‘ক্যাশানেবল্’



যুরোপীয় সঙ্গীতের আভ্যন্তরিক জটিলতা উপলব্ধি করিয়া  
বিস্মিত ও স্তম্ভিত হইতে হয় সত্য কিন্তু উহার দ্বারা অত্যন্ত  
উচ্চতর প্রীতিকর রসভাবের উদ্বেক হয় না।”

আমাদের সঙ্গীত কি কি ভাবে দেখিলে তাহার রসের  
সম্পূর্ণ বিচার করা যায় তাহারই ইঙ্গিতে এই প্রবন্ধ লেখা  
হইল। আমাদের সঙ্গীত সার্বজনীন ভাব ব্যক্ত করে কি না ও  
তাহাতে কাল অনুযায়ী ভাব আসে কি না তাহার মধ্যে বোধহয়

তর্কের স্থান নাই। বসন্তরাগে বসন্তের ভাব, মল্লারে বর্ষার ভাব  
ও ভৈরবে শরতের ভাব আসে এ সব কথা নেহাৎ অসম্ভব  
নয়। আমাদের সঙ্গীত ভাব প্রধান। প্রকৃতির ভাবের  
সঙ্গে সুরের ভাবের মিলন হইলেই গায়কের মন তৃপ্তিতে  
ভরিয়া উঠে। তবে আমাদের সঙ্গীতও অভাবের সুর।  
আমাদের সুরেরও শেষ নাই, কথারও শেষ নাই, ভাবেরও  
শেষ নাই।

শ্রীমণিলাল সেন

## জোনাকী

শ্রীযুক্ত অনিলকৃষ্ণ বন্দ্যোপাধ্যায়

জোনাকী, তোমার বুক-ভরা ঐ আলো—

না জানি এমন সহজ সাধনে কেমন করিয়া জালো।

আঁধার যে তোরে পারে না ত্রাসিতে, প্রবেশিতে তোরে প্রাণে,

প্রাণের ছায়ায় জাগে উৎসব আঁধার জয়ের গানে ॥

বনের আঁধারে, কিল্লীর ডাকে, আঁধার ঘুমায়ে চলে,—

তুমি তারি বুক খেলো উল্লাসে জয়ের পতাকা তুলে ॥

সারা নিশি ধরি আলোক মেলিয়া কোথায় লুকাস্ ভোরে ?

প্রভাত-অরুণ সে আলো চুমিয়া তুলে নিল বুকি তোরে ?



## “উদিতা”

শ্রীযুক্ত বিশ্বপতি চৌধুরী এম্-এ

প্রত্যেক রসসৃষ্টির মূলে দুটি জিনিষ আছে, চিত্র এবং সঙ্গীত। এই দুটি উপাদানের একটিকে বাদ দিয়া কখনো প্রথম শ্রেণীর কবিতা রচিত হইতে পারে না। চিত্র আনিয়া দেয় বস্তুর চোখে-দেখা রূপ, সঙ্গীত তাহাতে যোগ করিয়া দেয় অপূর্ণতা।

শিল্পীর নিকট বস্তুজগতের মত চিন্তার জগতেও এই উপাদানই বর্তমান। চিন্তারও রূপ এবং ধ্বনি দুইই আছে। কারণ শিল্পীর চিন্তা যুক্তির ঘাত প্রতিঘাত হইতেই উৎপন্ন হয় না—তাহা উচ্ছিন্ন হইয়া উঠে বস্তুজগতেরও অসংখ্য সৌন্দর্য্যানুভূতির ব্যঞ্জনারূপে। কবির চিন্তা রূপবান চিন্তা—এহা concrete, এই রূপটিকে বাদ দিয়া নিছক চিন্তা যেখানে আত্মপ্রকাশ করিতে চেষ্টা করিয়াছে সেইখানেই কবিতা তত্ত্ব হইয়া দাঁড়াইয়াছে—রসসৃষ্টি হইয়া উঠিতে পারে নাই। আবার শুধু কেবল রূপ দিয়া চিন্তাকে প্রকাশ করিলেও তাহা প্রথম শ্রেণীর কবিতা হইয়া উঠিতে পারে না। তাহার সহিত চাই সঙ্গীত। তাই দেখা যায় চিত্রহীন ভাব একদিকে যেমন তত্ত্ব হইয়া উঠে, সঙ্গীতহীন ভাব অপর দিকে তেমনি স্থূল এবং সঙ্কীর্ণ হইয়া পড়ে।

শ্রীমতী মৈত্রেয়ী দেবীর ‘উদিতা’ নামক কাব্য গ্রন্থখানি পড়িয়া এই কথাটাই বার বার মনে পড়িয়া গিয়াছে। ইনি তত্ত্বের জগতেই ঘুরুন আর রূপের জগতেই ঘুরুন, ইহার মধ্যে শিল্পীর সেই রস-দৃষ্টিটি পূর্ণ মাত্রায় রহিয়াছে যাহা তাঁহাকে বার বার করিয়া এই গোপন সত্যটি জানাইয়া দিয়াছে যে এই তত্ত্বটি জগতের মূলে একই উপাদান বর্তমান,—চিত্র এবং সঙ্গীত, রেখা এবং রং।

‘উদিতার’ মধ্যে আমরা দুই শ্রেণীর কবিতা পাই,—তত্ত্ব-প্রাণী এবং রূপাশ্রয়ী, কিন্তু কবির রসবোধ এই উভয়কেই একটি বৃহত্তর সমন্বয়ের মধ্যে মিলাইয়া দিয়াছে।

তাই কবি যেদিন অন্তরে অন্তরে অনুভব করিলেন—

“নাই কোনো অবসান শেষ নাই হেরি,  
ক্ষণে ক্ষণে সৃষ্টি নাচে পুরাতনে ঘেরি”

তখন দেখি এই তত্ত্বটি রূপ-জগতের বাহিরের তত্ত্ব নয়,— একেবারে অন্তরের। এ তত্ত্ব খণ্ড খণ্ড চিন্তার ঘাত-প্রতিঘাত হইতে উৎপন্ন নয়,—এ তত্ত্ব উৎপন্ন হইয়াছে খণ্ড খণ্ড রূপ-দৃশ্যের ব্যঞ্জনা রূপে। ইহার মূলে যে সকল উপাদান রহিয়াছে তাহা চিন্তা-জগতের অশরীরী মালমসলা নয়, তাহা বস্তুজগতের ইন্দ্রিয়-গ্রাহ্য শব্দ-গন্ধ-স্পর্শময় রূপবস্তু। ইহার মূলে রূপজগতের যে অপূর্ণ ক্ষণটুকু বর্তমান, কবি তাহাকে তাঁহার কবিতার মধ্যে কি চমৎকার করিয়া ফুটাইয়া তুলিয়াছেন—

পত্রহীন শুষ্ক বৃক্ষ আছিল দাঁড়ারে,  
সে আজিকে আপনারে ফেলিল হারারে  
সবুজের রঙ্গিন আভাতে,  
লাল হ’ল কৃষ্ণচূড়া  
যেন কার হৃদিরক্তপাতে।”

এমন দিনে প্রকৃতির পানে চাহিয়া মুগ্ধ কবি বলিতেছেন—

“আজ পার্শ্বে চেয়ে দেখি শুধু মনে হয়  
এ বিপুল ধরণী যে মহাপ্রাণময়।”

ধরণী যে মহাপ্রাণময়, তাহার মধ্যে যে মৃত্যু নাই, অবসান নাই—সৃষ্টি যে নিত্য নতুন জন্মলীলার চিরনবীনতার মধ্যে বারে বারে আপনাকে রূপান্তরিত করিয়া লীলা করিতেছে, এই তত্ত্বটি কবির গবেষণার ফল নয়। সৃষ্টি নিজেই এই তত্ত্বটি জীবনের পর্যায় পর্যায় রূপে রসে শব্দে গন্ধে মূর্ত্ত করিয়া তুলিতেছে,—মুগ্ধ কবি তাহাই উপভোগ করিয়াছেন, এবং তাঁহার কবিতা সেই উপভোগেরই বহিঃপ্রকাশ। কবি



এই তত্ত্বটিকে সন্ধান করিতে বসেন নাই,—সৃষ্টির মধ্যে যাহার সন্ধান আপনা হইতেই হইয়া গিয়াছে তাহাকেই উপভোগ করিয়াছেন। এক কথায় এই তত্ত্বটি কবির নিকট সৃষ্টির একটি বিশেষ রূপ ছাড়া আর কিছুই নয়,—শব্দ গন্ধ স্পর্শের মতই concrete। এই কথাটি অনেক শিল্পী ভুলিয়া যান, তাই তাঁহারা তত্ত্বকে যখন কবিতার জগতে আনিয়া ফেলিতে চেষ্টা করেন তখন তত্ত্বও হাঁপাইয়া উঠে কবিতারও প্রাণান্ত হয়। কবিতার মধ্যে তত্ত্বও যে একটা রূপবস্তুর একখাটি অনেক নামজাদা কবিকেও ভুলিতে দেখা যায়;—কিন্তু ‘উদিতার’ কবির মধ্যে এমন একটি সত্যাকারের রসগ্রাহীর সন্ধান পাওয়া যায়,—যিনি তত্ত্বকে রূপের বাহির হইতে ভাড়া করিয়া আনেন না,—তাকে রূপের বাজনার হিসাবে রূপের ভিতর হইতেই উচ্ছিত করিয়া তুলেন। তাই ‘উদিতার’ তাত্ত্বিক কবিতাগুলি রূপজগতকে ছাড়াইয়া গেলেও তাহার বৃত্তটি রূপজগতের মাটি হইতেই রস শোষণ করিয়া নিজেই পুষ্ট করিয়া তুলিয়াছে।

সৃষ্টির এই চিরনবীনতা, সৃষ্টির অন্তরের এই নিত্য জন্ম-লীলা,—সৃষ্টির প্রথম দিনের সেই জীবন-স্পন্দন কবি যেদিন রূপজগতের অগুণে পরমাগুণে অনুভব করিলেন সেদিন তাঁর কি উচ্ছ্বাস!—কবি তখন বলিতেছেন—

“আজ মনে হয়

যারে শেষ মনে করি সে ত শেষ নয়।

সে ত শুধু জনমের নানা মুখ ছল

আপন প্রকাশ লাগি নূতন কোশল,

চারিদিক হতে এসে নানা সৃষ্টি ধারা

এ জন্ম জলধি তলে হল আত্মহারা।”

চিত্র দিয়া যে কবিতার আরম্ভ হইয়াছিল সঙ্গীতে তাহা সম্পূর্ণ হইল। রূপের মধ্য দিয়া যাহা যাত্রা করিয়াছিল অরূপের মধ্যে আসিয়া তাহা অপূর্ণ হইয়া উঠিল। ইহাকেই বলে সার্থক রস-সৃষ্টি। এমন সর্বাঙ্গসুন্দর কবিতা খুব বেশী পড়িয়াছি বলিয়া স্মরণ হয় না।

‘উদিতার’ অন্তর্গত তত্ত্বাশ্রয়ী কবিতার একটি মাত্র নমুনা দিলাম। এই শ্রেণীর আরও অনেক কবিতা গ্রন্থখানির মধ্যে আছে। পাঠকগণ নিজেরা সেগুলি পড়িয়া রসগ্রহণ

করুন ইহাই আমার ইচ্ছা, বিশ্লেষণ করিয়া তাহাদের সনগ্রহতার সুরটিকে ক্ষতিগ্রস্ত করিতে চাই না।

পূর্বেই বলিয়াছি ‘উদিতার’ মধ্যে আর এক শ্রেণীর কবিতা আছে যাহা সম্পূর্ণরূপে রূপাশ্রয়ী। এই সকল কবিতার ভিতর দিয়া কবি রূপজগতকেই উপভোগ করিয়াছেন—কোন তত্ত্বকে নয়। এই কবিতাগুলি আমার নিকট অপূর্ণ বলিয়া মনে হইয়াছে। যেমন ভাণা, তেমনি ছন্দ, তেমনি বলিবার ভঙ্গি। এই কবিতাগুলির ভিতর দিয়া কবির রসপিপাসু অন্তরের কি আন্তরিক একটি দরদ অনাগ্রাসে ফুটিয়া উঠিয়াছে। ‘বর্ষার আয়োজন’ কবিতাটি যখন প্রথম পড়িলাম তখন সত্য সত্যই মনে হইয়াছিল আমার অন্তরলোকেও কোথায় যেন অসম বর্ষার আয়োজন চলিতেছে, তার মজল মিল্ক হাওয়া যেন হৃদয়ের কোন্ খোলা বাতায়ন-পথে প্রবেশ করিয়া চিত্তলোকে একটি নবমায়ার সৃষ্টি করিয়াছে। এমন চমৎকার নিসর্গ কবিতা আমি খুব কম পড়িয়াছি। কবিতাটির কতকাংশ উদ্ধৃত করিবার লোভ সম্বরণ করিতে পারিলাম না।

“বিজলী থেকে থেকে চমকি যায় মন,

বর্ষা নাই, তার রয়েছে আয়োজন।

গভীর কালো মেঘে আকাশ গেছে ঢেকে

এ জল নাহি জানি কাহার অভিষেকে।

ছয়ার খুলে রেখে বসিনু তারি পাশে,

ও ধারে ছেয়ে গেছে সবুজ ঘন ঘাসে।

একটি পাশে জমী এসেছে নীচু নেমে,

সকাল হতে জল রয়েছে থেমে থেমে।

আকাশ কালো হোলো গভীর ব্যথা লয়ে,

তাহারি ছায়া জলে পড়িল কালো হয়ে।

অশথতলে গরু গোয়াল গেল বেঁধে,

বাছুর কোথা ওর ফিরিছে কৈদে কৈদে,

সবুজ কচুবন জলের বুকে বুকে

তুধারে হেলে হেলে পড়িছে ঝুঁকে ঝুঁকে।

মলিন রঙ্গে আজ মেলেছে নবমায়,

আমার বুকে তার ফেলেছে ঘন ছায়া॥”

কি চমৎকার একটি চিত্র! পড়িতে পড়িতে মনে



মন হঠাৎ চারিদিক অন্ধকার হইয়া আসিতেছে। প্রকৃতির প্রতি কি আন্তরিক একটি অনুরাগ কবিতাটির ছত্রে ছত্রে মূর্তি হইয়া উঠিয়াছে!

‘সম্পূর্ণ’ কবিতাটির মধ্য দিয়াও প্রকৃতির প্রতি কবির আন্তরিক দরদটুকু কি চমৎকার ফুটিয়া উঠিয়াছে! কবি সম্ভবতঃ প্রবাসে কোথাও একটি ‘সম্পূর্ণ’ বৃক্ষের সহিত পরিচিত হইয়া উঠেন; তারপর একদিন বিদায়ের ক্ষণটি যখন আসন্ন হইয়া আসিল তখন কবি বড় দুঃখে বলিতেছেন :—

“আজকে যাবার কালে  
সেই প্রেমেরি পরশ ছড়াক তোমার ডালে ডালে,  
সেই দিনেরি গন্ধখানি ভোরের আলোর মাগি  
আনি আমার বক্ষে নেব আঁকি।  
তোরও কিরে পাতার নীচে  
কঠিন মর্মতল  
আমার স্মৃতির বেদন ভরে  
করবে না টল মল?”

সকলের চেয়ে আশ্চর্য্য হইলান একটি জিনিষ লক্ষ্য করিয়া। ‘উদিতার’ কবি যখন তাঁর কবিতাকে তত্ত্বাগ্রয়ী করিয়া তুলিয়াছেন তখন তাঁর কাবোর মধ্যে একদিকে যেমন নামভৌমিক বিরাট একটি সুর ধ্বনিত হইয়া উঠিয়াছে, তেমনি আবার অপরদিকে তিনি যখন শুধু কেবল রূপকে হুটাইয়া তুলিতে চাহিয়াছেন তখন তিনি তাঁর দৃষ্টিকে কি অদ্ভুত ধার সীমাবদ্ধ এবং সঙ্কীর্ণ করিয়া তুলিয়াছেন! তখন অতিবড় দুটিনাটি ব্যাপারটি পর্য্যন্ত কবির দৃষ্টি এড়াইয়া যাইতে পারে নাই। আসল কথা কবির মধ্যে চিত্র এবং সঙ্গীত—দুই সমান তালে ফেলিয়া চলিয়াছে। অথবা এক কথায় কবি জ্ঞাতসারে হটক অজ্ঞাতসারে হটক বুঝিয়া ফেলিয়াছেন চিত্র এবং সঙ্গীত, রেখা এবং রং ইহারা একই সত্তার বিভিন্ন প্রকাশ মাত্র। তাই রূপের প্রত্যেকটি খুঁটিনাটি তাঁহার নিকট অপূর্ণ বোধিয়া মনে হয়; তাই রূপকে যখন তিনি ভোগ করিতে যান তখন রেখাকে বত সঙ্কীর্ণ করিয়া তুলেন তার ব্যঞ্জনা এই বাড়িয়া যায়,—রূপের ধর্ম্মই যে তাই। কবি যখন রূপের পানে চাহিয়াছেন তখন একেবারে চিত্রকরের

দৃষ্টি লইয়া চাহিয়াছেন;—তাই প্রকৃতির যেখানটিতে তিনি দৃষ্টিপাত করিয়াছেন সেখানটি সুনির্দিষ্ট একটি ছবি হইয়া ফুটিয়া উঠিয়াছে।

এইস্থানে কবির ভাষা-চিত্রের গুটি কয়েক উদাহরণ না দিয়া থাকিতে পারিলাম না।

“যেখানে বটগাছে দুইটি জটা নেমে  
কে জানে কবে হতে ভড়িয়ে আছে থেমে।”  
কি চমৎকার একটি ছবি!  
আবার একস্থলে পাই—

“ছড়ান সাদা কাল মেঘের ফাঁকে ফাঁকে  
আকাশ থেকে থেকে প্রকাশে আপনাকে।”  
একবারে চমৎকার!

আবার এক স্থলে কবি লিখিতেছেন :—

“একটা বটগাছ একটা ডোবা আছে  
তাদের গাঝখানে ধানের ক্ষেত নাচে,”  
অথবা—

“শুক্ল পক্ষ শুক্ল আকাশ ছেয়েছিল ছেঁড়া মেঘে  
খন কাশ বন করে শন্ শন্ উত্তর বায়ু লেগে।”

শুক্ল পক্ষের আকাশের বর্ণনা করিতে বসিয়া কবির সাধারণতঃ নির্মণ গগনকেই পছন্দ করেন। ‘উদিতা’র কবি কিন্তু তাহা করিলেন না, তিনি আকাশে গুটিকতক ছেঁড়া মেঘ ছড়াইয়া দিবার লোভ সামলাইতে পারিলেন না। এইখানেই বোঝা যায় কবির মধ্যে একটি চিত্রকর লুকাইয়া আছে, যে চিত্রকরটি তাঁহাকে দিয়া শুধু লেখায় না—ছবি আঁকাইয়া লয়। অর্থ এবং সঙ্গীতের দিক দিয়া পূর্ণিমা রাত্রে সহিত ছিন্নমেঘের সম্পর্ক বতই দূর হউক না কেন রূপের দিক হইতে, চিত্রের দিক হইতে জ্যোৎস্নার সহিত ছিন্ন মেঘের সম্পর্ক যে কত নিকট তাহা চিত্রকর ভিন্ন অন্ত কেহই জানে না। এইখানেই ‘উদিতার’ কবির বিশেষত্ব। তিনি যে সৌন্দর্য্য-সৃষ্টির সনয় চিত্রাচারিত সংস্কার মানিয়া চলেন না—নিজের চোখ দিয়া রূপকে উপভোগ করেন, এই সকল টুকরা চিত্রগুলি তাহারই প্রকৃষ্ট প্রমাণ। এ গুণটি বড় কম কবির মধ্যেই পাওয়া যায়।

শ্রীবিশ্বপতি চৌধুরী



## বিচিত্রার দপ্তর

[ বিশ্বামিত্র ]

### সনাতন সমস্যা

স্বী-চরিত্র বুকিয়া উঠা ছন্দর, নারী-মনের অস্ত্র পাওয়া ভার—এই পুরাতন তথ্যে নতুন বেশবিন্যাস করিয়াছেন জনৈক চিকিৎসক। লণ্ডন রঞ্জন-রশ্মি হাসপাতালের ডাঃ জর্জ ভিল্ডগর্ড তাঁহারই এক বক্তাকে প্রতিষ্ঠানের সকল ব্যাপার তন্ন তন্ন করিয়া দেখাইয়া বলেন—হাসপাতালটি চিকিৎসা-বিজ্ঞানের চরমোৎকর্ষ, এখানে রঞ্জন-রশ্মির সহায়তায় সকলই চাক্ষুস দেখিতে পাইবেন, বাদ শুধুই রমণীর মন!

### এক গানের ধনকুবের

মিঃ জোস্ পাউলো স্পেনদেশীয় সঙ্গীত-রচয়িতা। ‘Valencia’ নামক একটি সঙ্গীত-রচনায় ও তাহারই সুর সংযোগে অর্জন করিয়াছেন ২৫ লক্ষ মুদ্রা! গানটির রচনায় মাত্র ১২ মিনিট সময় লাগে। সম্প্রতি ইনি কলিসিয়াম থিয়েটারে আবির্ভূত হইতেছেন। তাঁহার স্ত্রী শ্রীমতী লিডিয়া এখানে পুতির রচিত আরও কয়েকটি গান গাহিয়া শ্রোতৃমণ্ডলীকে পরিতৃপ্ত করিতেছেন।

### জাপানের সর্বশ্রেষ্ঠ জনপ্রিয় ব্যক্তি কে?

কাগুওয়া এই ভাগ্যবান পুরুষ। তিনি একাধারে কবি, ঔপন্যাসিক, সমাজসংস্কারক ও ধর্মপ্রচারক। তাঁহার একখানি গ্রন্থ—‘মৃত্যু-পারে’ তিন মাসে দুই লক্ষ বিক্রীত হইয়াছে। দুই বৎসরে তাঁহার গ্রন্থাবলী অন্ততঃ ৫০ লক্ষ বিক্রয় হইবে, বিশেষজ্ঞরা ভবিষ্যদ্বাণী করিতেছেন। জাপানী সরকার কিন্তু বহুকাল ইঁহাকে আদৌ আমল দেন নাই। মার্কিনের কোন বিশ্ববিদ্যালয় কর্তৃক ইঁহাকে ‘ডক্টর’ উপাধি প্রদত্ত হয়। তখন স্বদেশীয় গবর্নমেন্টের টনক নড়িল—নানা

সম্মানে তাঁহাকে ভূষিত করিতে লাগিলেন। স্বদেশে মনীষীর দুর্দশা এমনই হয়। নোবেল-প্রাইজ লাভের পর রবীন্দ্রনাথেরও আদর ভারতে—এমন কি বাংলায় ঐ ভাবে বাড়ে। ইহাতে সেই পুরাণো কথাই মনে জাগে—‘A prophet is not honoured in his own country’.

### বাস্তব কুমীর

বাস্তব সাপ চলিত কথা। কিন্তু বাস্তব কুমীর—নূতন জিনিস। কুমীরটি যে অতি বৃহৎ তাহা নয়, দৈর্ঘ্যে ৮ হাত, বয়সে বৃদ্ধ, নাম লুতেশ্বি, ভিক্টোরিয়া হ্রদে বাস। নাম ধরিয়া ডাকিলেই ভাসিয়া উঠে, তটের দিকে দ্রুত আসিতে থাকে—প্রকাণ্ড মুখ হাঁ করিয়া। একটা মাছ কেহ দেখাইলে মাছ খাইবার লোভে তীরে হাজির হয়। মুখের কাছ হইতে দুই হাত দূরে দাঁড়াইলেও নরনারীকে আক্রমণের কোন চেষ্টাই করে না। অধ্যাপক জুলিয়ন হান্সলি সঙ্গীক অতি সন্নিহিতে খাড়া হইয়া নির্বিঘ্নে উহার আলোক-চিত্র উঠান।

ঐ অঞ্চলে কেহ কোন অপরাধ করিলে তাহাকে হ্রদের তটে লইয়া যাওয়া হয়, লুতেশ্বিকে ডাকিয়া তাহার মুখ-বিবরের সম্মুখে দাঁড় করাইয়া দেওয়া হয়, অভিযুক্তকে যদি সে কামড়ায় সাব্যস্ত হয় যে লোকটা দোষী, নহিলে নির্দোষ বিবেচনায় তাহাকে নিষ্কৃতি দেওয়া হয়। ইহাই ঐ প্রদেশের প্রথা। দুই বৎসর পূর্বে চুরির অপরাধে অপরাধী সন্দেহ করিয়া একজনকে ঐভাবে খাড়া করা হইলে লুতেশ্বি তাহার এক বাছ কাটিয়া লয়।

আইন আদালত, বিচার বিতর্ক, সকলই বরখাস্ত করিয়া বিচারমূলক সেকালের সহজ পন্থা অধিবাসীরা আঁকড়িয়া আছে, আর সেই সঙ্গে কুমীরের মত কদাকার বিকট জন্তুকে ‘বাস্তব’রূপে পরিণত করিয়াছে—দুইই সমান অদ্ভুত।



### বেশ বিখ্যাত বাহাদুর

বেশ বিখ্যাত সভাপতি একটি নাপকাঠি। বেশের নাপকাঠি পৃথিবীর সকলকে অধুনা টেকা মারিরাছেন নিম্নের কয়েকজন। মেই নামে এক বিশেষজ্ঞ এই তালিকা তৈয়ারী করিরাছেন, সারা বিশ্বে অবশ্যই সাড়া পড়িয়া গিয়াছে।

- ১। প্রিন্স অফ ওয়েলস—আনাদের যুবরাজ। ২। এম. কেরিগ—প্যারি সহরের বিনানা প্রস্তুতকারক ধনকুবের। ৩। ডগ্লাম্ ফেরারব্যাক্স—বিখ্যাত বায়োস্কোপ অভিনেতা। ৪। ইতালি নেপল্‌স্ সহরের কাউন্ট ক্যারা কিন্তলো। ৫। ফ্রান্স ইলিয়ট—ইংরাজ অভিনেতা। ৬। উইলিয়াম ব্র্যাট—মার্কিন নিউইয়র্ক নগরবাসী। ৭। ক্লাইভ ব্রড। ৮। এডামল্‌ফ্‌ রিন্‌ গৌজ—ব্রেজিল বাসী। ৯। জন হারি মোর। ১০। ডিউক অফ্‌ কনাট—রাজভ্রাতা। ১১। হেনরি লেতোলিয়র—প্যারি সহরের অধিবাসী। ১২। জেনি মার্কি—ছোট গল্প লেখক ও নাট্যকার। ১৩। মার্কুইস্‌ ডি পোটেগো। ১৪। কর্পরথালার মহারাজা।

### নর্তকী পাভলোভার স্থলে মেরি উইগম্যান

পরলোকগতা বিখ্যাত নর্তকী আনা পাভলোভার স্থান অধিকার করিবেন কে? বিশেষজ্ঞরা একবাক্যে বলিতেছেন মেরি উইগম্যান। ইনি জাতিতে জার্মান মোটেই সুন্দরী নন—চোখালের হাড় উঁচু, চোক বসা, মুখ প্রকাণ্ড, নোটা নাসিকা, কেশহীন ক্র—এই তাঁহার আকৃতি। নর্তনকালে অঙ্গের সকল গ্রন্থি যেন খুলিয়া গেল এমনই মনে হয়। নৃত্যকলার ধাঁজ ধরণ, লীলায়িত অঙ্গভঙ্গী অরসিককেও চমকিত করে, অঙ্গেরা উর্ধ্বশীকে নাকি স্মরণ করাইয়া দেয়।

### বেবিলনের ইতিহাস উদ্ধার

বাবলদের নিকটে খনন কার্যের ফলে ভূগর্ভপ্রোথিত এক নগরী আবিষ্কৃত হইয়াছে—ছ'হাজার বৎসরের পুরাতন। নরককাল বালুকা রাশির নিম্নে বৈজ্ঞানিকেরা একটি নরককাল পাইয়াছেন। বিবিধ প্রমাণ বলে ইহা সাব্যস্ত হইয়াছে যে, ইহা একটি ক্রীতদাসের। জীবন্ত অবস্থায় কক্ষের তলদেশে পুত্রা পুত্র্য গাঁথিয়া উহাকে হত্যা করা হয়। জানলা-

বিহীন একটি কক্ষে এই হতাকাণ্ড ঘটে এবং ঐ কক্ষেরই এক স্থানে বহুমুলা নেক্লেস্‌ রেস্‌লেট চিরলী প্রভৃতি পাওয়া যায়। অনুমান করা হইতেছে যে, ঐ অলঙ্কারের মালিক কোন সম্ভ্রান্ত মহিলার আদেশক্রমেই এই পৈশাচিক হত্যা অনুষ্ঠিত হয় এবং যখন অভাগা মৃত্যুমুখায় ছটফট করিতেছিল নিষ্ঠুর নারী তাহাকে বিদ্রূপ করিতে থাকে।

মানাত্ম কারণেই ক্রীতদাসের নৃশংস হত্যা সংঘটিত হইত, বেবিলনের ইতিহাসে তাহার দৃষ্টান্ত বিরল নয়। বর্তমান নরককালটির আবিষ্কার নৃশংসতারই চূড়ান্ত নিদর্শন।

### দীর্ঘায়ু কিম্‌সে হয়?

অনাড়ম্বর জীবন বাপন ও চিন্তার পোষণ ( Plain living and high thinking ) দীর্ঘায়ু পক্ষে সহায়ক বলিয়া প্রবাদ প্রচলিত। প্রকৃতই কি তাই? জাপান টোকিয়ার স্বাস্থ্য-বিশেষজ্ঞেরা ৮০ হইতে ১০০ বৎসরের অধিক বয়স্ক উনিশ হাজার লোকের জীবনের ইতিহাস আলোচনা করিতেছেন। গবেষণার ফলে নির্ণয় করিয়াছেন যে, (ক) উহাদের অধিকাংশই দীর্ঘজীবীর বংশ হইতে জাত ও মধ্যবিত্ত পরিবার ভুক্ত, (খ) শতকরা পঞ্চাশজনের প্রধান খাদ্য চাউলের অন্ন, প্রধানতঃ নিরামিষ আহার—কতকংশ আনিম, (গ) শতকরা পঞ্চাশজন পুরুষ এবং নব্বই জন স্ত্রীলোক জীবনে কখনও মাদক দ্রব্য ব্যবহার করেন নাই বলা চলে, তবে ধাতুজাত সুরা স্বল্প পরিমাণে পানের অভ্যাস কাহারও কাহারও আছে। এই জন্যই নাকি জাপানে পৃথিবীর সর্ব দেশ অপেক্ষা দীর্ঘজীবীর সংখ্যা অধিক এবং শিশু-মৃত্যু বিরল। জাপানের পরেই বুল্‌গেরিয়ার খ্যাতি। জাপানীদের আহার শাক-সব্জি ও মৎস্য। বুল্‌গেরিয়ার অধিবাসীরাও বিশেষ মাংসাশী নহে, বিলাসিতার পক্ষপাতীও নহে। অধিকাংশই মাদক-দ্রব্য স্পর্শ করে না। এক-তৃতীয়াংশ ব্যক্তি মাত্র ধূমপান করে। ইহাদেরও প্রধান খাদ্য তরকারী, দুধ রুটি ও পানীয়।

বর্তমানে বুল্‌গেরিয়ায় এক শত বৎসরের অধিক বয়স্ক ৩১৩৯ জনের সন্ধান মিলিয়াছে। বুল্‌গেরিয়া অপেক্ষা গ্রেট-ব্রিটেনের লোক সংখ্যা অনেক অধিক। এখানে কিন্তু ১৪৫



জনের অধিক লোক পাওয়া যায় না। আইরিশ ফ্রি ষ্টেটের লোক সংখ্যা গ্রেট ব্রিটেনের এক-পঞ্চমাংশ, অথচ এখানে ১১৬ জন শতাব্দিক বর্ষ বয়স্ক লোক আছে। বুলগেরিয়ার পরেই এ বিষয়ে স্পেন দেশের গৌরব—এখানে ৩৫৫ জন শতাব্দিক বর্ষ বয়স্ক লোক পাওয়া গিয়াছে। বুলগেরিয়ার ৩১-৩৯ শতাব্দিক বর্ষ বয়স্ক লোকের মধ্যে মাত্র ১৪ জন এ পর্যন্ত চিকিৎসকের সংস্পর্শে আসিয়াছেন। বাকি ৩১২৫ জন কখনও কোন ব্যাধিগ্রস্ত হন নাই।

উপরোক্ত বিবরণ হইতে এই সিদ্ধান্তই অনিবার্য যে সুরা ও অন্যান্য মাদকদ্রব্য বর্জন, মাংসাদি-আহার পরিহার, নিত্যচার, শাকসব্জী ভক্ষণ ও বিলাসিতাবিহীন জীবন-যাপন দীর্ঘায়ু কারণ। পুরাকালে হিন্দুরা এই ভাবেই জীবন অতিবাহিত করিতেন, স্ত্রীরাও বল বুদ্ধি ভরসা চল্লিশেই যে ফর্সা হইত না তাহাতে বিচিত্রতা কিছুই নাই, ইহা অবশ্য স্বীকার্য।

### দশ লক্ষ বর্ষ পূর্বে নর-বানরের সাদৃশ্য

নরের আদি পুরুষ বানর—মনীষী ডারউইনের সিদ্ধান্ত এই। ইহার মূলে প্রত্যক্ষ প্রমাণ বৈজ্ঞানিকেরা সন্ধান করিয়া আসিতেছেন। এ পর্যন্ত দুইটি মাত্র প্রাগৈতিহাসিক যুগের মনুষ্যের মাথার খুলি পাওয়া যায়—জাভার ও সাসেক্সে, কিন্তু এই দুইটির কোনটিই পূরা নয়—ভগ্নাংশ মাত্র। চীন দেশের পিকিনে মিলিয়াছে শিলীভূত সম্পূর্ণ একটি খুলি। বানরের খুলির সহিত ইহার সাদৃশ্য চমৎকার অথচ প্রকৃতপক্ষে ইহা মামুল্যেরই। লণ্ডন বিশ্ববিদ্যালয়ের শরীরবিজ্ঞান প্রসিদ্ধ অধ্যাপক ডাঃ ইলিয়ট স্মিথ পিকিনে উহা দেখিয়া আসিয়া স্বীয় অভিমত প্রকাশ করিয়াছেন। বলিতেছেন—“আমার স্থির বিশ্বাস অতাবধি যে যে খুলি আকিঞ্চত হইয়াছে তাহার মধ্যে পিকিনের এইটি সর্বাপেক্ষা প্রাচীন।”

পিকিন নগরের সম্মুখে চাউ কাউটিয়েন নামক গুহায় খুলি পাওয়া গিয়াছে। দশ লক্ষ বর্ষের প্রাচীন মানবের মাথার খুলি উহা, এইরূপ অনুমান করা হইতেছে। বানরের সহিত সাদৃশ্য ক্রমশঃ কিরূপে কমিয়া গেল এবং কত কত বৎসর বাবধানে কিরূপ পরিবর্তন সাধিত হইয়া উভয়ের বর্তমান

অবস্থা দাঁড়াইয়াছে তাহার নির্ণয়ে বৈজ্ঞানিকেরা এইবার আরও উद्यোগী হইবেন। ইতিমধ্যেই মাজ-মাজ ক পড়িয়া গিয়াছে।

### বরাহ অবতার

বিগত মে মাসে বগুড়া-সেলিমপুর নিবাসী সেখ নজম আলি মণ্ডল একটি বহু প্রাচীন পুষ্করিণীর পক্ষোদ্ধার করিতে ছিলেন। খননকালে অতি সুন্দর বরাহ-অবতারের মূর্তি প্রাপ্ত হন। দৈর্ঘ্যে ইহা দুই হস্ত পরিমিত, প্রস্থে প্রায় দেড় হাত। বিশেষজ্ঞেরা বলিতেছেন, ইহা দশন বা একাদশ শতাব্দীতে নির্মিত, অর্থাৎ প্রায় সহস্র বৎসর পূর্বেকার। পরিষ্কার পরিচ্ছন্ন করার পর দেখা গেল যে কাল উহার বিশেষ হানি করিতে পারে নাই। রাজসাহীর বরেন্দ্র অনুসন্ধান সমিতিতে বাঙ্গালা সরকার উহার আপাততঃ রক্ষার ভার দিয়াছেন।

### সূর্য্য-কিরণ হইতে বিদ্যুত

সূর্য্যকিরণ হইতে সিধা বিদ্যুৎ প্রস্তুতের চেষ্টা চলিতেছে। জার্মান বৈজ্ঞানিক ডাঃ ক্রনো লঙ্গী বিবিধ পরীক্ষা-কাণ্ড পরিচালনা করিতেছেন। রৌদ্রজাত বিজলী ব্যবসা-বাণিজ্যের কার্যে নিয়োগ করাই তাঁহার উদ্দেশ্য। বায়োস্কোপের ফিল্ম তুলিবার যন্ত্রে ফটো টেলিগ্রাফি ও টেলিভিশন প্রভৃতিতে এই বিদ্যুতের ব্যবহার বিশেষ কার্যকরী হইবে। পরীক্ষা কাণ্ড সম্পূর্ণ সফলতা লাভ করিলে বিজ্ঞান জগতে যুগান্তর উপস্থিত হইবে ইহাই বৃদ্ধগণের দৃঢ় বিশ্বাস।

### সারা পৃথিবীতে এক ভাষা

সারা দুনিয়ায় একই ভাষা প্রচলনের বহু চেষ্টা বহুকাল হইতে চলিয়া আসিতেছে। নূতন ভাষা তৈয়ারের প্রচেষ্টাই প্রধানতঃ হইয়াছে—সম্পূর্ণ বার্থপ্রয়াস না হইলেও বহু আশাভুরূপ ফলপ্রসূ হয় নাই। কৃত্রিম ভাষা যে কখনও সজীব ও সর্বত্র প্রচলিত হইবে সে আশা সুদূরপরায়ত। পৃথিবীতে যদি একটি ভাষা সত্যি কখন চলিত হয় তাহার সুবিধা অবশ্য প্রচুর। ব্যবসা বাণিজ্যের পক্ষে, জাতিগত



ভিত্তে নান্নুয়ে নান্নুয়ে ভাবের আদান প্রদানের দিক দিয়া ভিত্তে অশেষ কল্যাণ সাধিত হইবে। একথানা বই বা কল্যাণ সাময়িক পত্র সেই ভাষায় মুদ্রিত হইলে বিশ্বের সকল দেশে একই সময়ে প্রচারিত ও পঠিত হইবে এই কথা ভাবিলেও নব অপরূপ আনন্দের সঞ্চার হয়।

অন্যাপক ভাক্সনের মতে ইংরাজী ভাষার কতকগুলি উপদ্রব দূরীভূত করিলে এবং ভাষাটিকে আরো সহজ করিলে বিশ্বের ভাষা রূপে ইহা অনায়াসে গণ্য হইবে। কারণ দেখিতেছেন যে, ইংরাজী ব্যাকরণ অপর সকল ভাষার ব্যাকরণ অপেক্ষা সহজ—দৃষ্টান্ত যথা—পুরুষ পুংলিঙ্গ, স্ত্রী স্ত্রীলিঙ্গ, পদার্থ ক্রীতলিঙ্গ; কিন্তু জায়াণ ভাষায় ‘ভলো বিড়াল’ (cat) লিঙ্গ, স্ত্রীলোক ক্রীতলিঙ্গ, আবার ফরাসী ভাষায় প্রহরী (sentry) বা নবসংগৃহীত সৈনিক (recruit) স্ত্রী লিঙ্গ।

অন্যাপক সহজীকৃত ইংরাজী ভাষার খসড়া প্রস্তুত করিয়াছেন। কুড়িটি নাত্র পাঠে উহা সমাপ্ত। উহা এতই সহজ হইয়াছে যে, ছাত্র-ছাত্রীরা দেড় ঘণ্টা নাত্র সময়ে এক একটি পাঠ সমাপ্ত করিতেছে এবং কুড়িটি নাত্র পাঠ সমাপ্ত করিবার পরেই অনর্গল ঐ ভাষার কথা কহিতে ও প্রচলিত বস্তুমানের পুস্তকও সহজে পড়িতে শিখে। এই নূতন ইংরাজী ভাষার দীঘ বা জটিল বাক্য বা পদ নাই, বানান ব্যাকরণ ও ব্যাক্যের গঠন অতি সহজ। নিম্নে একটি উদাহরণ দেওয়া যেন—

“Heer iz æ spesimen sentens in Anglie so that yue mae see for yuerself how simpl the spelling iz; any forjner is not puz'ed by wurdz spelt in won wae and pronounsed in another.”

ভাষার নাম দেওয়া হইয়াছে Anglie। গ্রেট ব্রিটনে,

উত্তর আমেরিকার সর্বত্র, অষ্ট্রেলিয়া, নিউ জিল্যান্ড, এশিয়া ও আফ্রিকার বহু স্থানে ইংরাজী ভাষা পঠিত ও ব্যবহৃত। পৃথিবীর মোট অধিবাসী ১৮০ কোটি তন্মধ্যে ২০ কোটি লোকের ভাষা ইংরাজী, অর্থাৎ অপর যে কোন একটি ভাষা অপেক্ষা ইংরাজী ভাষাবিদ্বিগুণ।

### প্রেমের দায়ে

প্রিন্স লেনাট সুইডেনের নৃপতির পৌত্র—রাজসিংহাসনের ভবিষ্যৎ উত্তরাধিকারী। আইন অনুসারে অভিভূত বংশেই তাঁহাকে বিবাহ করিতে হয়; প্রিন্স কিম্ব স্বদেশীয় এক ব্যবসাদারের কন্যার পাণিগ্রহণে দৃঢ়সংকল্প। ধনদৌলত, রাজতন্ত্র তাঁহার কাছে তুচ্ছ। তাঁহার বয়স ২১, ভাবী পত্নীর ২০। হিতৈষীরা সত্বপদেশ দানের চূড়াস্থি করিয়াছেন, সকলই নিষ্ফল। প্রিন্স বলেন—সম্বন্ধ পাকা, তবে ২ বৎসর পরে বিবাহ-ক্রিয়া সম্পন্ন হইবে; ইতিমধ্যে জাম্বাণীতে খাইয়া কৃষিবিজ্ঞা শিখিব, ভাবী ভাষাও দেশান্তরে তাহাই করিবেন, কারণ কৃষিকার্যে উভয়ে জীবনব্যাপন করিব এই অভিলাষ।

প্রেমের দায়ে অনেকেই ঠেকে। কিম্ব দায়ে ঠেকিয়া দুই বৎসর অপেক্ষা করে, রাজতন্ত্র হেলায় হারাইয়া চাষা বনিতে চায়, নূতন নিশ্চয়ই।

### বাঙ্গলার লোক সংখ্যা

সম্প্রতি যে লোক-গণনা হইয়া গেল তাহার বিবরণে প্রকাশ যে, সারা বাঙ্গলার মোট লোক সংখ্যা এক কোটি বিশ লক্ষ। দশ বৎসর পূর্বে যে গণনা হয় তাহার তুলনায় শতকরা প্রায় ৮ জন বেশী। শিশু-মৃত্যু, মাদিবাছল্য, দুর্ভিক্ষের প্রকোপ সত্ত্বেও।



## রাজপুতানা ভ্রমণ


শ্রীযুক্ত পাঁচকড়ি সরকার এম্-এ, বি-এল্

**কাঁকরোলী**—নাথদ্বার হইতে দশ মাইল উত্তরে কাঁকরোলী—বেলা প্রায় চারিটার সময় আমরা রওনা হইলাম। নাথদ্বার ছাড়িয়াই বানাশ নদী (পুল নাই) পার হইতে হইল। বানাশ মেবারের সব চেয়ে বড় নদী, আরাবল্লী পর্বত হইতে বাহির হইয়া পূর্বে চম্বল নদের সহিত মিশিয়াছে। আমাদের এই ভ্রমণপথে বানাশের সহিত অনেকবার সাক্ষাৎ হইয়াছে—এই প্রথম সাক্ষাৎ। নদী-গর্ভ গভীর নয়, প্রায় সবটাই বালুকারাশি—এক-দিকে একটু অগভীর জলশ্রোত ছোট ছোট উপলথণ্ডের উপর দিয়া বহিয়া যাইতেছে। তার পরে রাস্তা অতি সুন্দর, প্রায় সমতল, মোটর হু হু শব্দে ছুটিল। কাঁকরোলী পৌছিতে যখন আরও দু'তিন মাইল আছে তখন দূরে তার মোহস্তের প্রাসাদ এবং ঘরবাড়ীগুলি ছবির মত চোখের সামনে ভাসিয়া উঠিল। বাদিকে দুটি পাহাড়—একটির উপর এক প্রাচীন জৈনমন্দির আর একটির উপর রাণা রাজসিংহের প্রাসাদ, এখন ভগ্নাবশেষ মাত্র। বারী নামে আর একটি নদী পার হইয়া আমরা সন্ধ্যার পূর্বেই কাঁকরোলী পৌছিলাম।

কাঁকরোলীও বৈষ্ণবদের এক তীর্থস্থান। এখানকার বিগ্রহ দ্বারকানাথ বা দ্বারকাধীশকেও নাকি রাজসিংহের আমলে বৃন্দাবন হইতে আনা হয়। এখানেও এক মোহস্ত আছে—খুব বড় দরের না হইলেও তাঁর সম্পত্তির আয়

লক্ষ টাকার উপর। তাঁরও নিজের আপিস আদা আছে, সাইনবোর্ড দেওয়া আদালত-গৃহ মন্দিরের পা-চোখে পড়ে।

রাজসমন্দ হ্রদের তীরে পূর্বদিকের প্রকাণ্ড বাধের উ-কাঁকরোলী গ্রাম। এখানে দুটি ধর্মশালা আছে, তার এ-দ্বিতল একেবারে হ্রদের উপরেই, আমরা সেখানে আ-লইলাম। ধর্মশালাটি একজন গুজরাটির। তাঁর আর




জয়সমুদ্র

হোক সৌন্দর্য্যজ্ঞান আছে। হীরালাল মাণিকলাল নানে এ-পাণ্ডা (নামটি তার অনুরোধেই প্রকাশ করিতে হইল) ধর্ম-শালার রক্ষক—তার অবিশ্রান্ত বক্তৃতার জ্বালায় আমরা বাতিবাস্ত হইয়া উঠিলেও সে আমাদের আদর ঘরের ভ্র-করে নাই। এখানে বোধ হয় আমাদের মত বাত্নী বড় আ-না—আমরা পৌছিবামাত্রই তাই সমস্ত গ্রামে একটা সা-পড়িয়া গিয়াছিল। মাণিকলালের 'ভিজিটাস' বুক' দে-



দল যে দুই বৎসর পূর্বে আর এক দল বাঙ্গালী হাওড়া হইতে এখানে আসিয়াছিলেন—তার পরেই বোধ হয় আমরা। সন্ধ্যা আমাদের পরিচিত—কাঁকরোলীর খবর আমরা তাঁদের নিকট হইতেই সংগ্রহ করিয়াছিলাম। ধর্মশালার দ্বিতলে একটি সুন্দর বড় হলঘর আমরা দখল করিলাম, হ্রদের দিকে এর বারান্দা, সমস্ত হ্রদটি সেখান হইতে চমৎকার দেখা যায়। দেবসাগরের তীর হইতে আশ্রয়ভাবে পাঁচ মাইল রাস্তা পাঁচখা পলাইতে হইয়াছিল, জয়সমুদ্রের তীরে বাজরার কুটি আর অড়হর কি দালের সন্ধান লইতে হইয়াছিল, আর রাজসমুদ্রের তীরে হঠাৎ এমন প্রাসাদ আর তত্ত্বপূজ্য খাতির হ্রদে মিলিলে তা একবারও মনে করি নাই।



রাজনগর ঘাট

আহারাদির আয়োজনও প্রাসাদের অনুরূপই হইয়াছিল। নিকলালের রূপায় এ হেন স্থানেও বন্ধুদের চায়ের মোতা-তির বন্দোবস্তে ক্রটি হয় নাই। দ্বারকানাথজীরও ভোগ হয়, এবং কাঁকরোলীর অতিথিরা তা হইতে বঞ্চিত হন না। সাহসের গদীতে টাকা জমা দিয়া আমরা প্রাসাদের পাকা স্নানস্ত করিয়া লইলাম। আরও দুই তিনটি ছোটখাট দিওতা—ছোট দ্বারকাধীশ, মথুরাধীশ ইত্যাদি এখানে আছেন, আমাদের মত যাত্রীদের তাঁরাও উপেক্ষা করিতে পারিলেন না। রাত্রে তাঁদের মন্দির হইতে অবাচিত ভাবে বড় বড়

প্রাসাদের থালা আসিয়াছিল। এর জন্ত শেষে অবশ্য আমাদের সব মন্দিরেই কিছু কিছু প্রণামী দিতে হইয়াছিল, তবু অবাচিত সম্মানের একটা মূল্য আছে। তিন মন্দিরের ভোগের উপকরণ একত্র করিয়া আমাদের সে রাত্রেই ভোজ মন্দ হয় নাই।

দ্বারকানাথের মন্দিরেও আমাদের অভ্যাগণীর ক্রটি হয় নাই। মন্দির বলিয়া অবশ্য আলাদা কিছু নাই—মোহন্ত মহারাজের প্রাসাদের মধ্যেই দ্বারকানাথের আস্তানা। আমরা যখন প্রাসাদে গেলাম তখনও মন্দিরদ্বার খোলে নাই, এই অবসরে মোহন্তজীর দেওয়ানের রূপায় প্রাসাদটি দেখা হইয়া গেল। প্রাসাদটি না কি সম্পূর্ণ, আমরা উপরের তিনটি

তল দেখিলাম। একটি তলে ভোগের এবং ফুলের ঘর—প্রথমটিতে শুপাকার খাবারের রাশি, দ্বিতীয়টিতে তেমনি শুপাকার পুষ্পের শুবকা প্রাসাদের ছাদ হইতে চতুর্দিকের দৃশ্য অতি সুন্দর দেখা যায়।

দ্বারকানাথজীর আরতিটিও বেশ। দেওয়ালীর আসন্ন উৎসব-উপলক্ষে দেবমূর্তি মন্দির হইতে বাহির করিয়া এক খোলা ছাদে রাখা হইয়াছিল। ছাদের উপর চক্ৰাতপয়েরা বড় একটি ছোট রূপায় সিংহাসনে

দেবমূর্তি জমকালো বেশ-ভূষায় সজ্জিত। মূর্তি চতুর্ভুজ। শুনিলাম দেওয়ালীর কয়দিন রোজই সিংহাসন এবং বেশ বদলান হয়—যেমন কোনও দিন বা রূপায়, কোনও দিন কাচের, কোনও দিন হাতীর দাঁতের, কোনও দিন বা পাথরের সিংহাসন বাহির করা হয়। দেওয়ালীতে নাথদ্বারে অন্নকুটের খুব বটা হয়, তখন আগে নাকি রাজবারার বেখানে বেখানে শ্রীকৃষ্ণের সপ্তমূর্তি আছে সে সমস্তই নাথদ্বারে একত্র করা হইত, এখন নাত্র দ্বারকা-নাথের নিমন্ত্রণ হয়। সুসজ্জিত চতুর্দোলার নস্ত শোভাবাত্রা



করিয়া তিনি ভ্রাতৃভবনে নিমন্ত্রণ রক্ষা করিতে বান, কিন্তু সন্ধ্যায় আবার ফিরিয়া আসেন। মাণিকলালের মতে রাধিকাকে ছাড়িয়া রাজীবাস দ্বারকানাথ বড় পছন্দ করেন না। রাধামূর্তি এখানে কোনও মন্দিরেই নাই কারণ তিনি পদ্মনাথ—অর্থাৎ তাঁকে বাহিরে আনার প্রথা নাই। দ্বারকানাথের আরতি আগাদের খুবই ভাল লাগিয়াছিল, খোলা আকাশের তলে দেবপূজার পরি-কল্পনাটিও অতি সুন্দর মনে হইল।


কাঁকরোলী সম্বন্ধে শেষ কথা—রাজসমুদ্র হ্রদ। উদয়-সাগর বা জয়সমুদ্রের চেয়ে আগাদের রাজসমুদ্রই বেশী ভাল লাগিয়াছিল, তার একটা কারণ ঐ ছুইটি হ্রদের অনেকটাই পাহাড়ের আড়ালে ঢাকা থাকে, কোনটিরই বিশাল জলরাশির শেষ দেখা যায় না, কিন্তু রাজসমুদ্রের মাঝখানে কোনও পাহাড় না থাকায় সমস্ত হ্রদবক্ষটিই এক দৃষ্টিতে চোখে পড়ে; বাধান তটভূমি হইতে দূরে দিক্ চক্রবালে যেখানে নীল জলরেখা নীল আকাশের নীচে মিশিয়াছে হ্রদের সেই শেষ প্রান্তটি পর্যন্ত কোথাও দৃষ্টি রুদ্ধ হয় না। পাহাড়ের অভাবে জয়সমুদ্রের অপরূপ সৌন্দর্য ইহাতে নাই, কিন্তু দেখার একটা তৃপ্তি

আছে। আর একটা কারণ এমন করিয়া দিনে রাত্রে সকাল সন্ধ্যায় আর কোনও হ্রদ দেখিবার অবসর পাই নাই।

রাজসমুদ্রের পরিধি প্রায় বার মাইল, আর বাধটি লম্বায় প্রায় তিন মাইল—, দক্ষিণ হইতে আরম্ভ করিয়া উত্তর দিক পর্যন্ত অর্ধবৃত্তাকারে হ্রদ বেষ্টিত করিয়া গিয়াছে। বাধের সমস্তটাই মন্মথের বাধান, বরাবর সুবিস্তৃত মোপানশ্রেণী জলের নীচে পর্যন্ত নামিয়া গিয়াছে। দক্ষিণ দিকের বাধের উপর রাজসিংহের প্রতিষ্ঠিত রাজনগর প্রাসাদ এবং দুর্গ, আর পূর্ব

দিকের বাধের উপর কাঁকরোলী গ্রাম। কাঁকরোলী ঘাট নোহন্তের প্রাসাদ, ধর্মশালা এবং আর কয়েকটি বড় বড় অট্টালিকায় ঘেরা; ঘাটের নীচের দিকে ছোট ছোট চবুতরা আছে। জয়সমুদ্র বা উদয়সাগরের তীরে লোকালয়ে অভাব, এখানে তা পূরণ হইয়াছে কিন্তু তাতে হ্রদের নির্জন বা সৌন্দর্য্য একটুও ক্ষুণ্ণ হয় নাই।

রাণা রাজসিংহ যখন সবে রাজ্যভার গ্রহণ করিয়াছে তখন মেবারে এক ভীষণ দুর্ভিক্ষ দেখা দেয়। সেই দুর্ভিক্ষে সনয় প্রজাদের কাজ যোগাইবার জন্য ( অর্থাৎ relief work হিসাবে ) রাণা এই হ্রদসৃষ্টি আরম্ভ করেন। এখানে গোমতী নামে একটি ক্ষুদ্র স্রোতস্বিনী ছিল, তার স্রোত এ



রাজনগর ঘাট—চবুতরা

বাধ দিয়া রুদ্ধ করা হয়। সাত বৎসর বাধিয়া এক কোটি টাকা বায়ে হ্রদের কাজ শেষ হয়। রাজসমুদ্রের সৃষ্টির মধ্যে প্রজার কল্যাণও নিহিত আছে, তাই রাজসিংহ শুধু শিল্পী মাত্র ন'ন মানব-প্রেমিকও বটেন। এইটুকু রাজসমুদ্রের সঠিক ইতিহাস, কিন্তু জনপ্রবাদ তাতে সঙ্গতি নয়। মাণিকলালের কাছে শোনা গেল সাত বৎসরের পরিশ্রমেও রাজসিংহ হ্রদ জলে ভরাইতে পারেন নাই, অবশেষে কোন এক 'বিওর মাতার' প্রসাদে হ্রদ ভরিয়া উঠে। রাজনগরে একটি ছোট মন্দিরে 'বিওর মাতার' বাস—এখন তাঁরই দুর্ভিক্ষ-প্রদীড়িত



রহস্য, মাণিক্যালের এই বস্তুতার পরও আগরা তাঁর অনশন-  
ক্লেশ দূর করিবার কোনও চেষ্টা করি নাই।

রাজসমুদ্রের গভীরতা খুব বেশী; আর একটা জিনিস  
দেখিলাম—ঘাটের কাছে এবং দূরে নানারকমের অসংখ্য  
বৃক্ষের নির্ভয় বিচরণ। এখানে মাছ মারা নিষেধ তাই  
বৃক্ষকুলের বংশবৃদ্ধিতে কোনও বাধা নাই। সন্ধ্যার পূর্বে  
দেবেড়াইবার জন্য নৌকার অনুসন্ধান করিয়া জানা গেল  
কাকরোলীতে নৌকা রাখার 'ছকুম নেহি'। ছকুমের অভাবে  
কাকরোলীর লোকের কোনও ভ্রুংখও নাই। তাই মনে হয়  
যেন সব হুদ ঘাদের দেশে, তারা এর মধ্যদা কিছুই বুঝিল  
না।

জয়সমুদ্র বা উদয়সাগরের  
একদিকে বুঝিবার মানুষই নাই,  
এখানে মানুষ আছে কিন্তু  
এদের দৃষ্টি নাই। হুদের এমন  
মধ্যম-বাধান ঘাট, তা ধূলিমলিন,  
অন্ধকারে পূর্ণ। গোমতী-সলিল  
অসামান্যর নত পবিত্র, হুদের  
জলে গানে গঙ্গামানের পুণ্য—  
এ কথা অনেকবার শুনিলাম,  
কিন্তু এর অতীত যে রাজসমুদ্রের  
কোনও মূল্য আছে তা কেউ  
জানে না।


মন্দিরের আরতি শেষ  
হইয়া গেলে আমরা ধর্মশালার

দিক্‌কার বারান্দায় আসিয়া বসিলাম। সেদিন কৃষ্ণপক্ষের  
অষ্টমীর রাত্রি, আকাশে চাঁদ ছিল না। নক্ষত্রপুঞ্জের যুগ্ম  
আলোকে হুদবক্ষ অস্পষ্ট দেখা যাইতেছিল, দুই চারিটি  
নক্ষত্রের আলো হুদের জলে প্রতিফলিত হইয়া জলিয়া উঠিতে-  
ছিল। দূরে হুদের জলরেখা দিক্‌জবালে অন্ধকারের সঙ্গে  
মিশিয়া গিয়াছিল। চারিদিক নির্জন নিস্তর, শুধু হুদের যুগ্ম  
আলোকে লটুকে শোনা যায়; রাত্রে যতবার ঘুম ভাঙ্গিয়াছে  
ততবারই সেই শব্দ শুনিতে পাইয়াছি। রাজসমুদ্রের তীরে  
এই এক রাত্রি বাস অনেক দিন স্বপ্নে থাকিবে।

রাজনগর—পরদিন (২৬শে) প্রত্যাবর্তনের পালা—

কাকরোলী হইতে নাথদ্বার, তার পর নাথদ্বার রোড ষ্টেশনে  
ট্রেন ধরা। সকালে উঠিয়াই আমি আর বিজয়দা গোমতী-  
মানের পুণ্য অর্জন করিয়া লইলাম, তার পর সকলে  
রাজনগর যাত্রা করা গেল।

রাজনগর হুদের তীরেই কিন্তু মোটরে খানিকটা ঘুরিয়া  
বাইতে হয়। পথে হুদের জল ছোট ছোট নালা দিয়া ক্ষেতের  
মধ্যে লইয়া যাওয়া হইতেছে দেখিলাম। রাজনগরের ধারে  
ছোট ছোট কয়েকটি পাহাড়—তার একটির উপর এক জৈন-  
মন্দির, আর একটির উপর রাজসিংহের দুর্গ বা প্রাসাদ, সে  
কথা আগেই বলা হইয়াছে। রাজসিংহের সময়ে রাজনগর



কাকরোলী হইতে নাথদ্বারের পথে বানান নদী

হয় ত নগরই ছিল—এখন দুই চারিটা কুটির মাত্র তার পূর্ব  
গৌরবের সাক্ষী, আর নুতনের মধ্যে দেখিলাম একটি দাতব্য  
চিকিৎসালয়। এখানকার প্রসিদ্ধ কীর্তি 'নচৌকি'—  
সেটি একটি ঘাট। প্রাচীরে ঘেরা একটা বাগানবাড়ীর মত  
—বাগানের কোনও চিহ্ন নাই—তার গেট দিয়া ঢুকিতে  
হইল। ঘাটটি খুব চওড়া, সুন্দর; ঘাটের এক সোপান-  
বক্ষে কয়েকটি সুদৃশ্য কাজ-করা মন্দির-তোরণ, আর নীচে  
একেবারে জলের উপরে—তিনটি বড় বড় মন্দির চবুতরা।  
চবুতরা তিনটি বাস্তবিকই দেখিবার জিনিস—তাদের গুপ্তে,  
ছাদে, গিলানে যা কারুকার্য দেখিলাম তা স্বপ্ন তক্ষণশিল্পের



অপূর্ণ নিদর্শন। চবুতরার ভিতর সমস্তটাই পাথরে উৎকীর্ণ মূর্তি এবং চিত্রে ভরা, পাথরবক্ষে এমন ফুল ফোটান, ছবি সাজান বড় সাগাণ শক্তির কথা নয়। চিত্তোরের জয়শ্বেত যে শক্তির উন্মেষ, এখানে তার পরিণতি। নাগিকলালের মতে, জলের নীচে আরও ছ'টি এরকম 'চৌকি' বা চবুতরা আছে—তাই ইহার নাম 'নচৌকি'। জায়শাস্ত্রে নাগিকলালের দখল আছে বোঝা গেল।

রাজনগর দেখিয়া নাথদ্বারের পথে ফেরা গেল। বানাশ নদীতে পৌছিয়া আমাদের মোটর বালি এবং পাথরের মধ্যে আটকাইয়া গেল। তখন বেলা দশটা—বন্ধুরা এই অবসরে নদীর শীর্ণ জলধারায় স্নান সারিয়া লইলেন। আমি গোমতী-সলিলস্পৃক্ত সূতরাং দাঁড়াইয়া দেখিলাম, কিন্তু মনে হইতেছিল গোমতী-তীরের অবমাননা করিয়াও এখানে একবার নাগিয়া পড়ি।

নাথদ্বারে পৌছিয়া আর একবার শ্রীনাথজীর প্রসাদ থাইয়া তিনটার সময় নাথদ্বার রোডের বাসে উঠিলাম, তার পর সন্ধ্যায় ট্রেন ধরিয়া আবু পাহাড়ের পথে আজমীর রওনা হইলাম।

### আবু পাহাড়

পরদিন (২৭শে) আজমীরে যখন গাড়ী হইতে নাগিলাম তখন ভোর ছ'টা। এখানে গাড়ী বদল করিয়া বোম্বাই মেল ট্রেন ধরিতে হইবে—তার তখনও তিন ঘণ্টা বাকী। আজমীর আমাদের সকলেরই পূর্বে দেখা ছিল, একজনের শুধু ছিল না; যার ছিল না তাকে এই ক'ঘণ্টার মধ্যে সহরটা দেখাইয়া আনিবার জন্য আমরা একদল তাড়াতাড়ি বাহির হইয়া গেলাম।

আজমীরেও একটি চমৎকার হ্রদ আছে—নাম অনাসাগর,

প্রাকৃতিক হ্রদ নয়, অনাসিং নামে এক রাজপুত রাজার কীর্তি। সহরের প্রান্তে মোগল বাদশাহদের আমলের দৌলতাবাগ উদ্যান, তার নীচেই এই হ্রদ। হ্রদের তীরে উদ্যানের যেটুকু তা শ্বেতপাথরে বাঁধান রেলিং ঘেরা, তার উপর সাজাহানের তৈরী তিন-চারিটি মন্দিরের সুন্দর বিশ্রাম-কক্ষ আছে। হ্রদের তিন দিকে পাহাড়; একদিকে তারাগড় পাহাড়, তার উঁচু শৃঙ্গের উপর আজমীরের চীফ কমিশনারের বিরাট প্রাসাদ, আর সামনে অপর পারে স্তরবিশিষ্ট গিরিশ্রেণী—তার গায়ে পুষ্পের যাইবার শুভ্র পথটি যেন একটি সরু সূতার মত ঝুলিতেছে দেখা যায়। সেবার অনাসাগর দেখিয়া



নাকি হ্রদ—মাউন্ট আবু

মুগ্ধ হইয়াছিলাম, এবার কিন্তু তা চোখেই লাগিল না। মনে পড়িল—সেবার বায়ুহিল্লোলে হ্রদবক্ষ উদ্বেল হইয়া উঠিয়াছিল, তার উচ্ছলিত জলরাশি যেন এক চঞ্চল কলহাস্ত্রময় শিশুর মত ও পাহাড়ের কোল হইতে এ পাহাড়ের কোল পর্য্যন্ত ছুটিয়া বেড়াইতেছিল। এবার দেখিলাম হ্রদের জল শান্ত—হ্রদবক্ষ নিস্তরঙ্গ—পাহাড়ের কোলে সে শিশু ঘুমন্ত। তার ঘুম ভাঙ্গিলেই বা কি; অনাসাগর তাই-ই আছে, কিন্তু জয়সমুদ্র রাজসমুদ্রের মোহ যাদের চোখে তাদের কাছে এর বিশ্বাস আর কতটুকু।

তার পর জৈনমন্দির, সেলিম চিন্তীর দরগা, 'আঢ়াই দিন



কা কোপরা' প্রভৃতি দেখিয়া ষ্টেশনে ফিরিলাম। মান্দারিয়া প্রস্তুত হইতেই গাড়ী আসিয়া পড়িল—আমরাও উপিয়া বসিলাম। আজমীরের মীনা পার হইয়া নাড়বার রাজ্যের মরুপ্রান্তর ভেদ করিয়া ট্রেন ছুটিল; নাড়বার আমাদের প্রথম প্রোগ্রামের অন্তর্ভুক্ত ছিল, কিন্তু এখন সকলেই মন ভ্রমণশান্ত, আবু পাহাড়ে দুই চারিদিন বিশ্রাম করিবার জন্য সকলেই ব্যস্ত, তাই রাজপুতানা-ভ্রমণের অঙ্গহানি করিয়াও এ যাত্রা আমাদের নাড়বার বাদ দিতে হইল।



দিলবারা মন্দিরের মণ্ডপ এবং দালান

আবুরোড ষ্টেশনে যখন পৌছিলাম তখন অপরাহ্ন। এখান হইতে মাউন্ট আবু ১৭ মাইল রাস্তা—নোটর সানিশ আছে। প্রথম তিন মাইল সমতল—তার মধ্যে আমাদের পূর্ব-পরিচিত বানাশ নদী পার হইতে হইল। তার পর হ্রদের চড়াই। মাউন্ট আবু প্রায় চার হাজার ফিট উচু, তার মর্যাদা শুধু গুরুশিখর সাড়ে পাঁচ হাজার। রাজপুতানার

পাহাড়ও তার মরুভূমির মত—কেবল শুষ্ক কঠিন স্তূপ। গাছপালা, জঙ্গল আছে বটে—কিন্তু তার মধ্যে হিমালয়ের গিরি-অরণ্যের সে গ্রানলিমা নাই, তেমন বড় বড় বন্যপাতির শ্রেণী নাই, পাহাড়ের গায়ে সে ফার্ম বা মসের গ্রাম শোভা নাই, তার বুকে সাদা সাদা মেঘের সে খেলাও নাই। এক জাগরায় খুব ঘন জঙ্গল দেখা গেল—তার অপর প্রান্তে এক সুবিস্তৃত পর্বত শ্রেণী পশ্চিম দিগন্ত পয্যন্ত সব আড়াল করিয়া রাখিয়াছে। আর এক মজা দেখা গেল—সন্ধ্যা সাতটার সময়েও গোধূলির আলো রহিল, আবুতে সন্ধ্যাবাতি জালিবার অনেক আগে তার নীচের আলো নিবিয়া গিয়াছিল।

এখানে এক গুজরাটী হোটেলে উঠিতে হইয়াছিল—সেটি মোটর-ষ্টেশনের পাশেই—তার সম্মুখে অরণ্যের তার খাওয়া-দাওয়ার চমৎকার ব্যবস্থা। ঘর বাড়ীগুলি ভাল কিন্তু যত গোল খাওয়া-দাওয়ার বেলায়। হোটেলে নাছ মাংসের প্রবেশ নিষিদ্ধ; আমাদের তাতে আপত্তি ছিল না, যদি অন্য উপায়ে অভাব পূরণ হইত। মাউন্ট আবুর বাজারে আনাজ তরকারীর অভাব নাই কিন্তু হোটেলের 'মেনুতে' নেহেতু এক রকমের বেশী 'শাক' লেখে না আমাদের পক্ষে তরকারীর প্রাচুর্য্য তাই কোনও কাজের হয় নাই। তিন দিন বকাবকির পর শেষে বন্ধুরা নিজেদের বন্দোবস্ত করিয়া লইয়াছিলেন।

রাজপুতনার এজেন্ট জেনারেল এখানে বাস করেন—সুতরাং আবু রাজধানী। আবার তিনি থাকেন বলিয়া সমস্ত রাজপুত সরকারের এখানে এক একটা 'ভকালত' বা দপ্তরখানা আছে, তার কতক এক একজন 'ওয়ার্কিং' বা ভকিল সাহেব। প্রত্যেক রাজার আবার এক একটা প্রাসাদও আছে—নাই কেবল মেবার রাণার। তার একটা কারণ বোধ হয় এই যে মেবারের ভূতপূর্ব মহারাণা কতেসিংহের আবু পাহাড়ে আসিবার সম্বন্ধ কোন কালেই ছিল না, আর একটা বোধ হয় এই যে আবু আগে মেবার রাজ্যের অন্তর্ভুক্ত ছিল, এখন সিরোহী রাজ্যের মধ্যে। এই পাহাড়ে রাণা কুন্তের অনেক কীর্তি আছে—কোণায় তা জানিতে পারি নাই।

এত রাজত্ব-অধ্যুষিত আবু নগরী কিন্তু নিরান, জনবিরল,




প্রাণহীন। রাজাদের প্রাসাদ ছাড়া বড় বড় বাড়ী কম, এক আছে রাজপুতানা হোটেল আর সেনানিবাস বা অস্থায়ী সৈন্যদের জন্য sanatorium। সহরে রাস্তা অনেক, কিন্তু বাড়ীগুলি ছাড়া ছাড়া। বাজারে লোকের ভিড় নাই, রাস্তার জনকোলাহল নাই, হিলষ্টেশনের শোভা সৌন্দর্য্য সমৃদ্ধি সবেমাত্র এখানে অভাব।

হ্রদ ছাড়া রাজপুতানার কোনও সহর হয় না, আবুতেও এক হ্রদ আছে তার নাম নাকী। তার এক কোণে পাহাড়ের উপর এডেণ্টের প্রাসাদ আর এক কোণে জয়পুর-রাজের প্রাসাদ। এক দিকের পাহাড় খালি, তার মাথায় লক্ষ-

খাড়া চড়াই যে উঠিবার কথা আমরা মনে স্থানও দিলাম না।

দিলবারা মন্দিরগুলির তত্ত্বাবধান করেন সিরোহীরাজ, তার জন্য একজন কর্মচারী এখানে থাকে। শুনিয়াছিলাম এখানে নাকি নোটিশ দেওয়া আছে যে ইউরোপীয় আর ময়্যাসী ছাড়া আর সকলকে পাঁচশিকা করিয়া মন্দিরদর্শনী দিতে হয়। নোটিশ আমরা দেখি নাই, কিন্তু দর্শনী দিতে হইয়াছিল। তা' লওয়াও যেন মন্দির কর্তৃপক্ষের অনুগ্রহ এমনি ভাব। নোটিশে কেবল আছে, মন্দির দর্শনের জন্য আবু ন্যাজিষ্ট্রেটের কাছে পাশের দরখাস্ত করিতে হয়। দর্শকদের



একটি গম্বুজের অভ্যন্তর—দিলবারা

প্রদানোদ্ধত ভেকের আকারে একটি পাথর খাড়া। হ্রদে একটি ঘাটও আছে—তার উপর দুই তিনটি ছোট মন্দির। নৌকাভাড়া পাওয়া যায়—আমরাও সকালে (২৮শে) ঘণ্টাখানেক বেড়াইলাম। জল অপরিষ্কার—শৈবালে ভরা।

আবুর প্রসিদ্ধ কীর্তি জৈনদের দিলবারা মন্দির, খাওয়া-দাওয়ার পর সেখানে যাওয়া গেল। দুই মাইল রাস্তা হাঁটিতে হইল—মোটর পাওয়া যায় কিন্তু চার্জ ভয়ানক। পথে বিকানীর এবং আলোয়ার রাজের প্রাসাদ দেখা গেল—দেখিবার মত বাড়ী বটে। রাস্তার বাঁ-পাশে উঁচু পাহাড়ের উপর অধর দেবীর মন্দির—৪৬০০ ফিট উঁচু, আর এমন

বিধি-নিষেধের মধ্যে আছে চামড়ার জুতা পরা থাকিলে খুলিতে হইবে, মন্দির-কর্তৃপক্ষ তার বদলে অন্য পাতৃকা ব্যবস্থা করিবেন। আমরা জুতা অবশ্য খুলিয়াছিলাম কিন্তু অন্য পাতৃকা সরবরাহের জন্য কারও আগ্রহ দেখি নাই। জুতার পর আমাদের সঙ্গে আর কোনও চামড়ার জিনিষ আছে কিনা তার খোঁজ শুরু হইল এবং অবশেষে যখন বন্ধুদের বেন্ট ধরিয়া টানাটানি চলিল—আমরা হাফপ্যান্ট-পর্য্য ছিল—তখন আর ধৈর্য্যরক্ষা করা কঠিন হইল; এর উপর রাজ-কর্মচারীটির মেজাজ এবং ভাষা—হিন্দি ভাষার ভদ্রতা সূচক পদগুলি যে আবুর পাহাড়ে অপ্রচলিত তা' আগে জানা



ছিল না। নোটশের দোহাই দিয়া শুনিতে হইল এ সব বিধান কালা আদমীর জন্ত নয়। অতঃপর আনাদের ভাষা এবং মেজাজও আর নরম রহিল না, সিরোহীরাজকে নিছক সাড়ে সাত টাকা দান করিয়া শেষে আমরা মন্দির না দেখিয়াই ফিরিলাম।


অতঃপর কি করা উচিত রাত্রে তার জল্পনা চলিল। মন্দিরে এক নোটশে আছে যে মন্দির-কর্তৃপক্ষ যদি কোনও দুর্ব্যবহার করেন তা যেন ম্যাজিষ্ট্রেট সাহেবকে জানান হয়। একদল বলেন জানানই উচিত, আর একদল বলেন তা নিষ্ফল। প্রথম দলেরই জিত হইল এবং পরদিন সকালে তাঁরা ম্যাজিষ্ট্রেট সন্দর্শনে গেলেন। ম্যাজিষ্ট্রেট অল্প ভাল ব্যবহারই করিয়াছিলেন, সিরোহীরাজের ‘ওয়া-কিল’কে ডাকাইয়া এতকাল বকিয়া দিবেম বলিয়াছিলেন এবং আনাদের সেদিনের জন্ত এক-খানা পাশও দিয়াছিলেন।

২৯শে অক্টোবর—অপরাত্রে দরবার মন্দিরে যাওয়া গেল। সঙ্গে মন্দিরের সেই কক্ষ-মন্দিরকে সাননে দেখিলাম—আনাদের দেখিয়া পাশ কাটা-ইয়া অল্প পথে গেলেন। বেশ বোকা গেল তিনি ‘ওয়াকিল’

দরবার দরবার হইতে ফিরিতেছেন এবং সেখানে তার অভ্যর্থনাটা সুখের হয় নাই। মন্দিরে আজ এর ব্যবস্থা—কানাকানি শুনিলাম যে আমরা ম্যাজি-স্ট্রেট ‘সাহেবের ‘আদনী’ সুতরাং সম্মানার্থ। কর্মচারীরা শয়র আগেই পৌছিয়া সব বলিয়া কহিয়া রাখিয়াছিলেন—আনাদের আর দর্শন দিলেন না। আজ জুতা খুলিতেই সকলে সম্মুখে, একজন আগাইয়া আসিয়া গাইড্ হইলেন। আর আনাদের নেটিভ ষ্টেট!

দিলবারায় মন্দির অনেকগুলি। সমস্ত চত্বরটা প্রাচীরে ঘেরা। বাহির হইতে মন্দিরগুলি কিছুই নয়—নূতন চূণকাম-

করা, মন্দির-শিখরের মধ্যে কোনও কারুকাষা নাই, অতি সাধারণ রকমের। ভিতরে ঢুকিয়া কিন্তু বিস্ময়ে অবাক হইতে হয়। দুইটি মন্দির প্রধান—একটির নিশাণ-তারিখ ১০৩১ খৃষ্টাব্দ, নিশাণ-রাজা ভীমদেবের বিমল নামে এক অমাত্য, আর একটির ১২৩০ খৃষ্টাব্দ, নিশাণ-তেজপাল—বোধ হয় একজন শ্রেষ্ঠী। এ সব কথা শিলালেখে লেখা আছে—তাতে পরচের বা অক্ষ দেওয়া আছে তা ভয়ানক—হয়ত অতিরঞ্জিত—৩০ কোটি টাকার উপর। একটি মন্দির তীর্থঙ্কর নেমিনাথের, আর একটি—যেটি বড়—আদিনাথের বা শ্যামনাথের। যেখানে তীর্থঙ্কর মূর্তি প্রতিষ্ঠিত—তাকে



দিলবারায় মন্দির গর্ভগৃহের সমুপ

মন্দিরের গর্ভগৃহ বলা যাইতে পারে—তা স্বল্পালোকিত, কাচের দরজা দেওয়া, মূর্তি অস্পষ্ট দেখা যায়। গর্ভগৃহের সামনে মণ্ডপ, তার পরে দালান—বড় বড় থানের উপর প্রতিষ্ঠিত—সমস্ত শ্বেত মার্বেল পাথরে নির্মিত।

মন্দির প্রাঙ্গণ ঘেরিয়া চারিপাশে প্রাচীরের গায়ে আবার ছোট ছোট কক্ষ। বড় মন্দিরটিতে এই রকম ৫২টি কক্ষ আছে—তার সামনে দুটো সারি করিয়া থানওয়াল দালান। প্রত্যেক কক্ষে এক একটি শ্বেত পাথরের জিন মূর্তি বসান—সব মূর্তিগুলিই প্রায় একরকম। একদিকে কক্ষ শেষ হইবার পর কয়েকটি বেশ বড় প্রকোষ্ঠ, তার মধ্যে কতকগুলি



দণ্ডায়মান শ্বেত হস্তীমূর্তি। মন্দিরের এবং এই সব কক্ষের দালানে—তার ছাদে, খিলানে এবং থানের গায়ে—পাথরের উপর খুদিয়া যে কারুকার্য ফোটান হইয়াছে তা এক অপূর্ণ



দিলবারা মন্দিরের শ্বেতহস্তী মূর্তি

বিস্ময়। দালানের ছাদ গম্বুজের আকারে গঠিত, তার নীচে কত রকমের ফুল, কতরকমের কাজ যে আছে তার তুলনা নাই। কোথাও অসংখ্য পাপড়িযুক্ত পদ্ম ফুটিয়া আছে,

কোথাও বা অল্প ফুল, কোথাও ফুল নয় অন্তরকমের আর কিছু। দুই থাকের মধ্যে ঢেউ-খেলান খিলান—তার কাজ এত সূক্ষ্ম যেন হাতীর দাঁতের বলিয়া মনে হয়। থানের কোণে আবার সূক্ষ্ম আস্তরণের মত পাথরের কাজ—তার সৌন্দর্য্যও অপূর্ণ। থানের গায়ে এবং ছাদে নানা মূর্তির লীলাও আছে—যেমন নৃত্যপরায়ণা নারীর চিত্র। অত্যাশ্চর্য আখ্যানের ছবিও আছে, তবে মূর্তির মুখে তেমন ভাবের ব্যঞ্জনা নাই। পাথানের কঠিন বক্ষ চিরিয়া যে শিল্পী ফুল ফোটাইয়াছেন—ছবি তুলিয়াছেন, যার সূক্ষ্ম বস্ত্রের বাত্পর্শে পাষণ প্রাণ পাইয়াছে তাঁর অসাধারণ শক্তিকে আনন্দ অভিনন্দন জানাইয়া ফিরিয়া আসিলাম।

তার পর দিন (৩০শে) ভাঙ্গনের পাল। আমার ছুটি ফুরাইয়া আসিতেছিল, আরও কয়েকজন ফিরিবার জন্য ব্যস্ত হইয়াছিলেন। আবুর পাহাড়ে আমাদের দল ভাঙ্গিয়া দুই দল হইল, দুই জন রহিয়া গেলেন—চারজন ফিরিলাম। দশটার সময় মোটর ধরিয়া বেলা একটার আবুরোড ষ্টেশনে ট্রেন ধরিলাম। আমি দিল্লী চলিয়া গেলাম, বন্ধুরা নাগিলেন জয়পুরে। পিছনের বন্ধুরাও পরে জয়পুরে নামিয়াছিলেন এবং ভোপালের ঘোষাল মহাশয়ের চিঠির খাতিরে রাজ-অতিথির সম্মান পাইয়াছিলেন। আমার জয়পুর আগেই দেখা ছিল, এ যাত্রা আর হইল না। দিল্লীতে একদিন কাটাইয়া পয়লা নভেম্বর ফেরা গেল—পথে আগ্রার জয়পুরের বন্ধুরা আসিয়া মিলিত হইলেন।

(সমাপ্ত)

শ্রীপাঁচকড়ি সরকার



## শান্তিহারা

৬ উমা দেবী

শান্তি যবে ম্লান হেসে, ছল ছল চোখে,  
কহিল স্বামীরে তার—“বৃথা মোর শোকে  
হয়োনা কাতর তুমি, হে আমার প্রিয়,  
তুচ্ছ এ জীবন গম—নহে স্মরণীয়  
চির জন্ম কারো কাছে ; নাহি কোনো দুখ  
আমারে ভুলিয়া তুমি পাও যদি সুখ ।”  
অসহ ব্যথার শমী মুখ চাপি কহে—  
“বলিতে দিবনা ইহা ; এ হৃদয় দহে  
অন্তহীন যাতনায় ; তুমি যাও যদি,  
মৃত্যু শুধু কাম্য করি, রব নিরবধি ।”  
প্রিয়া হাসে, সোহাগেতে চলি পড়ে বুক,  
বলে—“ছি, ছি হেন কথা নাহি এনো মুখে ।”  
অবশেষে একদিন মৃত্যু এল দ্বারে,  
সমস্ত উপেক্ষা করি নিয়ে গেল তারে ।

“কিছুই চাহিনা আর, দেহ অমুমতি  
তোমার করিতে সেবা”—কহিল আরতি  
ছারের কাছে এসে । শমী তারে কয়,  
“প্রয়োজন নাই কিছু”—অসীম বিষয়  
দেখে তবু দূর হতে—নীরব সেবায়  
সমস্ত বেদনা ওর মুছে নিতে চায় ।  
বিরক্ত চিন্তিত মনে বোঠানেরে ডেকে  
বলে শমী, “বোনটিরে কেন গেছ রেখে  
আমার সেবার লাগি ? অতিথি হেথায়  
সমাদর কর তারে যতনে সেবায়,  
আমারে বাঁচাও তুমি”—বউঠান হেসে  
বলে—“আমি মরি কেন মাঝখানে এসে ?”  
কর্ম শেষে সন্ধ্যা বেলা, আপনার মনে  
আরতি একেলা বসি ছিল গৃহ কোণে

সহসা প্রবেশি’ সেথা শমী তারে বলে  
“সুখী হই, এইবার যাও যদি চলে—

আপনার গৃহে ফিরে”—হাসিয়া যুবতী  
বলে, “আমি বাঁচিলাম, দিলে অমুমতি ।”  
সত্যই গেল সে চলি ; শমী চমকিয়া  
দেখে কবে অজানিতে ভরেছিল হিয়া,  
শান্তি-হারা শূন্যতার এক বিন্দু সুখ  
আপন অজ্ঞাতে আসি জুড়েছিল বুক !  
অধীর হইয়া উঠে বলে, “ওগো প্রিয়া  
সত্যি কি গেছ চলে সবটুকু নিয়া ?”  
মনে পড়ে—শেষ ক্ষণে উঠেছিল ভাসি  
শান্তির প্রশান্ত মুখে তৃপ্তিভরা হাসি ।

বহুদিন লাগি শেষে চলিল প্রবাসে,  
চিন্ত যদি শান্ত হয়—একান্ত এ আশে  
গুরিল সে দেশে দেশে, কত মত কাজে,  
আপনারে সঁপি দিল নূতনের মাঝে ।  
একদা ফিরিল ঘরে, পুলকিত মন  
নূতন জীবনে আজি সাথী প্রয়োজন ;  
আরতিরে দিল চিটি—বহু অমুনয়ে  
মার্জনা মাগিয়া লয়ে, অতি ভয়ে ভয়ে  
জানালো বাসনা তার । ভূই দিন পরে  
উত্তর আসিল এক সুস্পষ্ট আখরে—  
“বৈশাখের শেষে বিয়ে ; আপন ইচ্ছায়  
বরণ করেছি তাঁরে । একদা বিদায়  
করেছিলে বি’না দোষে যারে অনাদরে  
আশীর্বাদ মাগে সেই আজি জোড় করে ।”



# স্বপ্ন


## স্বপ্নসংসার

### অষ্টম পরিচ্ছেদ

সুহাসিনী কি ভাবিতেছিল? ভাবিতেছিল, নারীসৃষ্টি  
গল্পের কথা, আর ভাবিতেছিল গল্পরচয়িতার কথা।

গল্প কেন এত ভাল লাগিল প্রথমতঃ তাহাই মনে হইল।

তাহার প্রাণে রেখাপাত কেন? কারণ আর যাহা হউক,  
রূপতৃষ্ণা নয়—হেমচন্দ্র যে সুশ্রী, সুপুরুষ। কারণ ভালবাসার  
অভাবজনিত ক্ষুধা নয়—হেমচন্দ্র স্ত্রীগতপ্রাণ। তবে কারণ  
কি? জটিল স্ত্রী-হৃদয় যিনি গড়িয়াছেন তিনিই বলিতে পারেন।



নিদ্রিত শিশুকে শয্যায় শোয়াইয়া সুহাসিনী হাঁক ছাড়িতে যেমন জানালার নিকট আসিয়া দাঁড়াইল, প্রিয়নাথও ঠিক সেই সময়ে ফুলগাহগুলি বাজ  
ভরে কেমন সুন্দর ছলিতেছে দেখিবার জন্য মুখ ফিরাইল—দুইজনেই চিত্রাঙ্গিত।

নারীচরিত্রে সত্যই কি তবে সাগরশূন্য নাই, আছে কেবল  
সৌন্দর্য্য ও কদর্য্যতা গাঢ় আলিঙ্গনে আবদ্ধ? হয়ত, কে  
জানে! নহিলে সুহাসিনী—স্বামী-সোহাগে মোহাগিনী

হইতে পারে, একটা কারণ—সোভাগ্যের আতিশয়  
সম্ভোগ-বাহল্য।  
মায়াব ভয় করে তৎথকে, গালি পাড়ে ছঃখের প্রতি-



থের কথাযাত যে বড়ই নির্দয়। এই অভিশপ্ত ছুঃখই কিন্তু বনের কেন্দ্র; ছুঃখ আছে তাই সুখের সম্মান। নিরবচ্ছিন্ন—সুখ এবং সম্ভোগ মানুষ সহিতে পারে না, বিরক্ত হয়, যা হারায়, কি চায় জানে না, নূতন কিছু খুঁজিয়া মরে।

সুহাসিনীও মোভাগ্য সম্ভোগের একটা স্রোতে পড়িয়া তন কিছু খুঁজিতেছিল কিনা কে বলিবে? স্পষ্ট করিয়া জিতে না পারে, কিন্তু অন্তরে অন্তরে অজ্ঞাতসারে হয়ত এমনই একটা বিরক্তির ধুনেকেতু দেখা দিয়াছিল। চাহিবার দার কিছু নাই, চাহিবানার বাহার অভাব ঘোল কলা পূর্ণ র সে বড় গরীব—ছুঃখের অভাবে!


সুহাসিনীর এত সুখ—চাহিবার কিছু নাই! তবে কি সুহাসিনী রাজ-রাণী? রাজরাণী!—হাঁ, পতির আদরে বা আদরিণী, সে রাজরাণী বৈ কি! রাজল্য বাহার সঙ্গিনী, বসনভূষণাদির পাচুয়া বাহাকে আকাঙ্ক্ষার অবকাশ দয় না, রাজরাণী নয়ত সে কি!

রাজরাণী হইলেও সুহাসিনী এখন প্রার্থিণী, নূতনত্বের কাঙ্গালিনী। প্রিয়নাথের স্ত্রী-বিচ্ছেদ-ঘটিত সকল কথাই সে স্বামীর নিকট শুনিয়াছিল, কোলীর পেয়াল বলিয়াই উড়াইয়া দিয়াছিল। রচনা বর্ণ বৈচিত্র্যে বিবাদের হৃদয় নম্রা আঁকিয়া দিল! সুহাসিনী এই প্রথম অনুভব করিল—ছুঃখের কথাযাত; পরের বুকের বাথা নিজের প্রাণে স্থান দিল। ভাবিল, বিশ্লেষণ কামোচ্চনে বাহার এমন শক্তি, অন্তর্দৃষ্টি এত প্রবল, বিদাতা তাহাকেও নিয়ম অক্ষুণ্ণভাবে সংস্কৃত করেন কেন? কণ্টকাধীর্ণ হৃদয়ের একটা কণ্টকও উপাটন করিবার উপায় কি নাই? আহা! সহানুভূতি সহানুভূতিনী হইয়া অবলার সরল প্রাণ ঘেরিয়া ফেলিল। এমন রোম প্রতিমার উপর পড়িল। ভাবুক, প্রেমিক, এমন প্রেমকেও সে সুখী করিতে পারে নাই! ধিক্ তাহার

নারী-জন্মে! তাহার পর পতির প্রতিও কষ্ট হইল—এমন বন্ধুর প্রীতিবন্ধনের জন্য ঐকান্তিক যত্ন কৈ? স্ত্রীপুত্র লইয়া আত্মসুখে মগ্ন—অপরের স্থান বুঝি নাই! ছিঃ!

পরের ছুঃখে সুহাসিনী প্রাণ ঢালিল। অভাবহীনতার প্রাণে অভাব দেখা দিল অপরের জন্য। কাঙালিনী 'সাত রাজার ধন মানিক রতন' কুড়াইয়া পাইলে যেমন উত্তেজিত হয়, সুহাসিনী তেমনই আবেগ অনুভব করিল।

তখন শিশু ঘুমাইয়াছে। তাহাকে শয্যায় শোয়াইয়া হাঁফ ছাড়িতে যেমন জানালার নিকটে আসিয়া দাঁড়াইল, প্রিয়নাথও ঠিক সেই সময় বায়ুভরে ফুলগাছগুলি কেমন সুন্দর ছলিতেছে



প্রিয়নাথের চিত্রই পূর্ণভাবে হৃদয় অধিকার করিয়া রহিল। প্রাণের অবাধ্যতায় বিরক্ত হইয়া সরমে সঙ্কোচে সুহাসিনী মরমে মরিয়া গেল।

দেখিবার জন্য মুখ ফিরাইল—তাইজনেই চিত্রার্পিত। প্রিয়নাথ সৌন্দর্য্য-বিমুক্ত, সুহাসিনী সহানুভূতি-আকৃষ্টা, কোতুহলাবিষ্টা!

মুহূর্ত্তে চারিচক্ষের নিলন। পরমুহূর্ত্তেই চৈতন্যোদয়—স্ত্রী-সুলভ সরম সঙ্কোচে সুহাসিনী দ্রুত পলায়িতা।

পরবর্ত্তী ঘটনা—প্রিয়নাথের মনোবিকারাদি ডায়েরিতেই সুপ্রকাশ।



নবম পরিচ্ছেদ

ফাকি আঁখির ছল—প্রাণের নয়। পলাইয়া চোখের আড়াল হইলেও সুহাসিনী মনের অন্তরালে আপনাকে নিয়োগ করিতে পারিল না। গৃহকর্মে, শিশুর হাসি খেলায়, সুদূর পল্লীগ্রামস্থ আত্মীয় স্বজনের ভাবনায় সুহাসিনী মন নিবিষ্ট করিতে প্রয়াস পাইল। বৃণা চেষ্টা। প্রিয়নাথের চিত্রই পূর্ণভাবে হৃদয় অধিকার করিয়া রহিল। প্রাণের অবাধ্যতায় বিরক্ত হইয়া সরমে সন্কোচে সুহাসিনী মরমে মরিয়া গেল।

প্রিয়নাথ কোথাকার কে? তাহার জন্ত কাহার দুঃখ, কেন দুঃখ? এ দুঃখে ফলই বা কি? সম্ভাপ লাঘবের উপায়ও নাই!

না যাক্! একি বিড়ম্বনা! ঐ ভাবনা, ঐ ছবি—দূর হোক, বিস্মৃতির অভাব জলে ডুবিয়া যাক্ না কেন?

কিস্তি যায় কৈ? যাহা ভুলিতে চাও তাহাই মানসপটে

জলন্ত অক্ষরে ফুটিয়া উঠে, যাহা চির-জাগরুক রাখিতে চাও তাহারই উদ্দেশ্য মিলা ভার। একি জটিল রহস্য!

সুহাসিনী যত ভুলিতে চায়, ভাবনা ততই নানা বর্ণে নানা মূর্তিতে ঘুরিয়া ফিরিয়া মনোমন্দিরে 'উকি' মারে।


সুহাসিনী অগত্যা বুকিল, নিস্তার নাই, অনাছত যে আসে ছুটিয়া পলাইবার উদ্দেশে সে আসে না। বটবৃক্ষের হার শাখা-প্রশাখা বিস্তার করিয়া মাটির ভিতর শিকড়ের পর শিকড় চালাইয়া দাঁড়াইতে চায়।

সুহাসিনী অগত্যা রণে ভঙ্গ দিল, অবুঝ মনকে বুঝাইতে না, পারিয়া স্রোতের টানে তুণের মত ভাসিয়া গেল।

সুহাসিনী নিত্য সন্ধ্যায় জানালার ধারে আসিয়া দাঁড়ায়। প্রিয়নাথও অনিমেমনয়নে চাহিয়া থাকে। সুহাসিনী কেন আসে, কেন কিছুক্ষণ দাঁড়ায়, তাহার কিছুই বুঝিতে পারে না, আবার কেনই বা দ্রুত পালায় তাহাও স্থির করিতে পারে না। প্রিয়নাথেরও অবস্থা ঠিক তাই।

( ক্রমশঃ )

শ্রীকালীচরণ মিত্র





## যাছুকর

শ্রীযুক্ত তারাপদ সাহা এম্-এ

১

তিন দিন আগে স্বামী-স্ত্রীতে বগড়া হইয়া গিয়াছে।

চন্দা বলে—“ডাম ইয়োর মুন্সেফী, এমন জায়গায় মান্‌সে থাকে! না আছে সিনেনা, না আছে থিয়েটার, ছোটো কথা বলব যে এমন একটি লোক নেই। এর চাইতে কলকাতায় এক গরীব কেরানীর বউ হওয়া ঢের ভালো ছিল।”

রজত চায়ের পেয়ালায় এক চুমুক বসাইয়া বলিলেন—“দাঁট দি বাই,—তুমি সেদিন ছুঃখু করছিলে না—কিছু দেখতে পাও না বলে? এক সার্কাস পার্টী এসেচে এখানে, যাবে দেখতে? প্রোফেসার বাগ্‌চীর ম্যাজিক নাকি তার মাঝে দেখবার জিনিস।”

চন্দা কোন কথা না বলিয়া একটু কেঙ্ক ভাঙ্গিয়া মুখে দিলেন।

রজত চন্দার ডানায় একটা ঝাঁকুনী দিয়া বলিলেন—“হ্যালো,—তোমার অভিমান এখনও ভাঙেনি দেখচি।”

“কি জানি,—তোমার যদি আবার মান যায়, আমার বগড়া ঠিক হবে কিনা কি করে বলব?”

রজত হো হো করিয়া হাসিয়া বলিলেন—“এই দেখ, ঠিক ধরছি, অভিমান এখনও ভাঙেনি তোমার।” তারপর একটু গভীর হইয়া বলিলেন—“না, আমরা যেতে পারি এতে, ডেপুটি বাবু মেয়েরাও যাচ্ছে কিনা।”

সেদিন সন্ধ্যায় ডেপুটি বাবুর ছইপেট গাড়ীখানা মুন্সেফ বাবুর ফটকের সামনে আসিয়া দাঁড়াইল। একখানা স্বার-লিফ্ট রেড্‌ বেনারসী পরিয়া চন্দা যখন গাড়ীতে উঠিয়া বসিল, তখন ডেপুটি-পত্নী তার বাঁ হাতে একটা ঝাঁকুনী দিয়া বলিয়া উঠিলেন—“বাঃ—কি চমৎকার মানিয়েচে আপনাকে—ঠিক তেনে একটি দীপশিখা!”

লজ্জায় চন্দার মুখখানা আরও একটু লাল হইয়া উঠিল। ওঁরা যখন তাঁবুতে পৌঁছিলেন, তখন খেলা আরম্ভ হইয়া গিয়াছে। একটা আঠারো বছরের মেয়ে সর্কাসে গেঞ্জির পোষাক আঁটিয়া দড়ির উপর খেলা করিতেছে। কলিকাতায় সার্কাসে চন্দা বহুবার এ সব খেলা দেখিয়াছে, সুতরাং এ খেলা তাহার তেমন দৃষ্টি আকর্ষণ করিল না, সে ডেপুটি-পত্নী বিভা দেবীর সঙ্গে গল্প করিয়া চলিল।

তাহাদের গল্পের মাঝে দড়ির খেলা কখন যে শেষ হইয়া গিয়াছে, চন্দা তার খোঁজ রাখে না। সে শুনি দলপতি আসিয়া বলিতেছেন—“এইবার প্রোফেসার বাগ্‌চী তাঁর অদ্ভুত ইলুজাল দেখাবেন। প্রোফেসার হিপনোটিক্‌ম্‌ দেখাবার সময় তাঁর নিজের মিডিয়মই ব্যবহার করবেন,—তবে তাঁর শক্তি পরীক্ষা করতে আপনারা কেউ যদি মিডিয়ম্‌ হতে চান তা’হলে সানন্দচিত্তে তাঁকে গ্রহণ করবেন।” অসংখ্য করতালির মধ্যে দলপতি প্রস্থান করিলেন।

সাজঘরের কালো পর্দাটা সরিয়া গেল। যাছুকরকে দেখিয়াই চারিদিকে আবার বন করতালি পড়িল। দীর্ঘাকার গৌরবর্ণ যুবক, মাথায় লম্বা চুল, লাল রঙের সিল্কের আল-পেল্লায় সর্কাস ঢাকা। ললাটে সুন্দরীর সিঁদুরটীপের মত একটা রক্তটীকা। স্ত্রীলব্ধ চক্ষু দুইটিতে অতলম্পর্শ দৃষ্টি। যাছুকর ডান হাতে আয়নার মত স্বচ্ছ একখানা তরবারি লইয়া প্রবেশ করিলেন। তারপর দর্শক মণ্ডলীর চারিদিকে একবার তাকাইয়া লইলেন। সেই শ্বেনদৃষ্টির সম্মুখে সকলের বুকই একবার কাঁপিয়া উঠিয়াছিল। চন্দা ত চেয়ার হইতে পড়িতে পড়িতে কোনরূপে সামলাইয়া লইল। যাছুকরের রূপের সঙ্গে চন্দার যেন কোনখানে সাদৃশ্য ছিল। বিভাদেবী চন্দার গা টিপিয়া বলিলেন—“তুমি ও যাছু জানো



না কি ভাই, পোনা কে যে অবিকল মিলে গেছে—  
ঠিক যেন যাছুকরী।”

চন্দ্রার বুকটা এক অজানিত আশঙ্কায় কাঁপিয়া উঠিল।

যাছুকর দ্রুত-পদক্ষেপে রঙ্গভূমির মাঝখানে আসিয়া  
দাঁড়াইলেন। তাহার পায়ের নীচে একখানা মস্তবড় রুমাল  
পড়িয়াছিল; যাছুকর তাহাতে পদাঘাত করিতেই—এক  
স্বন্দরী যুবতী বাহির হইয়া আসিল—মাথায় এলোচুল, লাল  
রঙের একটা জ্যাকেট গায়। যাছুকর তাহার দিকে  
তাকাইতেই সে একবার প্রদীপের শিখার মত কাঁপিয়া  
উঠিল।

যাছুকর তাহার দিকে তীক্ষ্ণদৃষ্টি ফেলিয়া—গম্ভীর স্বরে  
জিজ্ঞাসা করিলেন—“রাজী?”

“হাঁ, রাজী।”

দর্শকেরা বুঝিলেন এ মৃন্ময়ী প্রতিমা নয়—জীবন্ত।

যাছুকর তরবারি ঘুরাইয়া বা দিকে লইলেন, দর্শকেরা  
কেহ কেহ হয়ত চোক বুজিল,—কিন্তু পরমুহূর্তে চোখ  
মেলিয়াই দেখিল স্বীলোকটির ছিন্নদেহ মাটিতে ছট্ফট  
করিতেছে, আর যাছুকর তার ছিন্নমুণ্ডটা চুল ধরিয়া  
ঝুলাইয়া রাখিয়াছেন—এবং তাহা হইতে ফোঁটা ফোঁটা  
রক্ত গড়াইয়া পড়িতেছে। এক দারুণ ভয়ে সক-  
লের দম্ আটকাইয়া আসিতেছিল। চন্দ্রার মাথা ঘুরিয়া  
গায়ে বিন্দু বিন্দু ঘাম ঝরিতে লাগিল।

যাছুকর ছিন্নমুণ্ডটা দেহের পাশে রাখিয়া তাড়াতাড়ি বড়  
রুমালখানা চাপা দিয়া ঢাকিয়া দিলেন। এইবার তিনি  
চন্দ্রার দিকে ফিরিলেন। চন্দ্রার সারা শরীরের ভিতর দিয়া  
যেন একটা বিদ্যুৎ-প্রবাহ চলিয়া গেল। যাছুকরের চোখছুটি  
যেন অত্যধিক উজ্জ্বল হইয়া উঠিল। দর্শকদের ক্ষণকাল  
চিন্তার অবসর না দিয়া যাছুকর বা হাতে রুমালটা ধরিয়া  
টান দিতেই সেই ছিন্নমুণ্ড মেয়েটা সশরীরে বাহির হইয়া  
আসিল।

ইহার পর পাঁচখানা উন্মুক্ত তরবারির উপর যাছুকরকে  
চিৎ করিয়া শোয়াইয়া দেওয়া হইল। তারপর তাঁর  
বুকের উপর একখানা দশমণি পাথর রাখিয়া চারজন লোক  
লোহার হাতুড়ি দিয়া পিটাইয়া ভাঙিল। যাছুকর

অক্ষত দেহে বাহির হইয়া আসিলেন। চারিদিকে ঘন  
করতালি পড়িল।

ইহার পর যাছুকরের নির্দেশ মত দলপতি আসিয়া  
বলিলেন—“প্রোফেসার বাগ্‌দী একসঙ্গে দশজনকে হিপনো-  
টাইজ্‌ড্‌ করতে চান। দর্শক-মণ্ডলীর মধ্যে যারা ইচ্ছা করেন  
আসতে পারেন।”

দশজন তরুণ যুবক পরস্পর গা টেপাটেপি করিয়া হাসিয়া  
সামনের বেঞ্চে আসিয়া বসিল। প্রোফেসার তাহাদের দিকে  
তীক্ষ্ণদৃষ্টিতে তাকাইয়া বলিলেন—“আমার এ বাণীর স্বর  
শুনলেই আপনারা চেষ্টা করে দেখতে পারেন, কিন্তু কিছুতেই  
জেগে থাকতে পারবেন না।”

যাছুকর একটি কালো নিশামিশে বাণী লইয়া ফুঁ দিলেন।  
কি রাগিণী বাজিল,—বুঝা যায় না, কিন্তু বড় করুণ, বড়  
মর্ম্মস্পর্শী; শুনিলে ভয় হয়। দেখিতে দেখিতে দশটি  
মিডিয়ামের চক্ষু ঘুমে ঢুলিয়া পড়িল, সঙ্গে সঙ্গে চন্দ্রার মনটা  
আতঙ্কে শিহরিয়া উঠিল। এখনই হয়ত কত বীভৎস দৃশ্য  
দেখিতে হইবে, হয়ত এই দশটি তরুণের মুণ্ড লইয়া ভাঁটা  
খেলা শুরু হইবে। তারপর যদি সেই ছিন্নমুণ্ড জোড়া না  
লাগে? চন্দ্রা আর ভাবিতে পারিল না, উঠিয়া বাহিরে  
চলিল। বিভাদেবী সঙ্গে সঙ্গে বাহিরে আসিয়া শুধাইলেন—  
“কি ভাই, উঠে এলে যে?”

“আর পারছি না—বাড়ী যেতে চাই।”

বলিতে বলিতে রক্তত রায় আসিয়া দাঁড়াইলেন,—সঙ্গে  
সঙ্গে তাঁর বেয়ারাটাও।

পাঁচমিনিটের মধ্যে ডেপুটী বাবুর হুইপেট্‌ গাড়ীখানা  
মুন্সেফ বাবুর ফটকের সামনে আসিয়া থামিল।

২

চন্দ্রা বিছানায় ছট্ফট করিতেছে। পাশে রক্তত  
অকাতরে ঘুমাইতেছে। চন্দ্রা স্বকর্ণে শুনিয়াছে এই  
কিছুক্ষণ আগে তাহাদের বড় কুকুটা ঢংঢং করিয়া হুইটা  
বাজাইয়া দিয়াছে। একরাশ চাদের আলো জানালার ফাঁকে  
আসিয়া তাহাদের শত্রু বিছানায় ছড়াইয়া পড়িয়াছে।  
হয়ত জোছনার আলো চোখে লাগিয়া ঘুম আসিতেছে না—  
চন্দ্রা জানালা বন্ধ করিয়া আসিল। কিন্তু অন্ধকারে ভয় করে—



পাশের আলনা থেকে তার লাল বেনারসী সাড়ীখানা যেন  
যাছুকর হইয়া সামনে দাঁড়ায়। চন্দ্রা জানালা খুলিয়া দিয়া  
চক্ষু বুজিয়া পড়িয়া রহিল।

...ঐ সেই বাঁশীর সুর না? অনেক দূরে। চন্দ্রার  
বুকটা যেন একটু কাঁপিয়া উঠিল। বাঁশীর সুর যেন ক্রমেই  
স্পষ্ট হইয়া উঠিতেছে। বনশীওরালা হয়ত ক্রমেই কাছে  
আসিতেছে। সেই যাছুকর নয় ত? ভাবিতেই চন্দ্রার গা  
খামিয়া উঠিল। সলিলদা নয় ত? চন্দ্রার কেমন কান্না  
পাইতে লাগিল। সলিলদা...! ভয়ে চন্দ্রার সর্কাদ্দ আড়ষ্ট  
হইয়া উঠিল। এই যাছুকর যদি সলিলদা হয়! বাঁশীর শব্দ  
ক্রমেই কাছে আসিতেছে। সামনে গেটের মালতী ঝোপের  
পাশে কি যেন নড়িয়া উঠিল। চন্দ্রা সভয়ে চক্ষু মুদিল। বংশী-  
রব খামিয়া গিয়াছে। চন্দ্রা ভয়ে চক্ষু মেলিতে পারিতেছে  
না—পাছে দেখে জানালার পাশে যাছুকর দাঁড়াইয়া আছে।  
চন্দ্রা তবুও ভয়ে ভয়ে একবার চোখ মেলিল, ...ঐ...ঐ যে  
পদ্মার পাশে ঐ যে দুটি চোখ জল জল করিতেছে। হাজার  
চেষ্টা করিয়াও চন্দ্রা চোখ ফিরাইতে পারিল না। হাতে  
শক্তি নাই—স্বামীকে জাগাইয়া দেয়, কণ্ঠে স্বর নাই যে চেষ্টায়।

পদ্মা সরিয়া গেল। সেই যাছুকর—পরিধানে সেই রক্ত  
বসন, কপালে সেই রক্তটীকা। চন্দ্রার সর্কাদ্দ অবশ হইল।

পদ্মার পাশে ঐ প্রভাতের শুকতারার মত উজ্জ্বল চক্ষুটী  
কি এক নিষ্ঠুর আকর্ষণে যেন টানিতেছে। চন্দ্রা কিছু বুঝিল  
না, ভাবিল না—দোর খুলিয়া বাহিরে আসিল। হাঁ—এই  
ত সেই যাছুকর; বা হাতে সেই কালো বাঁশীটা, কটীতে খাপ  
যমত একখানা ভোজালী ঝুলানো। যাছুকর তীক্ষ্ণ দৃষ্টিতে  
চন্দ্রার আপাদমস্তক নিরীক্ষণ করিতে লাগিল। চন্দ্রার মনে  
হইল—যাছুকর যেন বলিতেছে ‘ঐ রক্তবর্ণ সাড়ীখানা পরে  
দে’। চন্দ্রা লাল রঙের সাড়ীখানা পরিয়া বাহিরে আসিল।  
যাছুকর তাহার দিকে তাকাইয়া অঙ্গুলি সঙ্কেতে তাহাকে  
স্বত্বসরণ করিতে বলিল। চন্দ্রা তাহার পিছু পিছু চলিল।

ছোট আদালতের ধার দিয়া নদীর ধার, তারপর বাঁশের  
আঁকোটা পার হইয়া ডিষ্টিক্ট-বোর্ডের রাস্তা ধরিয়া যাছু-  
কর চলিয়াছে, পশ্চাতে চন্দ্রা। ছ’দিকে কেবল মাঠ  
খুঁজিতেছে—মাঝে মাঝে ছ’একটি বিরাটকায়

বটগাছ কালো দৈত্যের মত দাঁড়াইয়া আছে। চন্দ্রা অতি  
কষ্টে সাহস সঞ্চয় করিয়া বলিতে চেষ্টা করিল—‘আর কতদূরে  
আমায় নিয়ে যাবে’—কিন্তু মুখে কথা সরিল না।

যাছুকর তাহার দিকে ফিরিয়া তাকাইয়া বলিল—‘ঐ যে  
ডাইনে ভবানী মায়ের মন্দির—ঐখানে’। চন্দ্রার কত শোনা  
গল্প মনে পড়িল—তবে কি যাছুকর আমার বলি দিতে চায়?  
এ কি তান্ত্রিক? ভয়ে তার সারা গা পাথর হইয়া গেল। কিন্তু  
বাধা দিবার শক্তি নাই—চন্দ্রা যাছুকরের পিছু পিছু চলিল।

লোকের বিশ্বাস ভবানী না ভাগ্য দেবতা। চন্দ্রা  
স্বামীর সঙ্গে একবার এখানে আসিয়াছিল। মন্দিরের  
সেবাইতেরা অচেতন ঘুমাইতেছে। একটা কুঁদুর দেউ দেউ  
করিয়া ডাকিয়া সামনে আসিতেছিল, যাছুকর তাহার দিকে  
তাকাইতেই সে চুপ করিল। মন্দিরের সামনেই একটা  
পুষ্করিণী; বাধা ঘাট—তারই ছপাশে দুটা বকুল গাছ পত্রবহুল  
দুটা নাখা তুলিয়া দাঁড়াইয়া আছে। গাছ দুটার নীচে দু’খানি  
বেঞ্চ পাতি, তারই একখানিতে যাছুকর গিয়া বসিল এবং  
চন্দ্রাকে পাশে বসিতে ইঙ্গিত করিল।

যাছুকর চন্দ্রার দিকে তাকাইয়া তার গীতা হইতে আরম্ভ  
করিয়া তর্জনী পর্য্যন্ত কয়েকবার অঙ্গুলি চালনা করিয়া মুছ  
গম্ভীর স্বরে ডাকিলেন—“চন্দ্রা”।

চন্দ্রা ক্যাল-ক্যাল করিয়া তাকাইয়া রহিল। এ যাছুকর  
যে—সলিলদা! যাছুকর লালরঙের আঁড়রাখাটা খুলিয়া  
ফেলিয়া বলিলেন—“ত্যাখো,—এবার চিন্তে পেরেচ?”

চন্দ্রার দুই চোখে অশ্রুর বান ডাকিল। দুই হাতে চোখ  
ঢাকিতে চেষ্টা করিয়া সে ফোঁপাইয়া ফোঁপাইয়া বলিতে  
লাগিল—“তুমি আবার কেন এলে সলিলদা, এইতিন বছর  
ধরে.....আমি আর বাঁচব না, তোমার পায়ে পড়ি, তুমি চলে  
যাও, আমায় বাঁচাও—আমি আর সানলাতে পারছি না।”

যাছুকর ধীরে চন্দ্রার নাখাটা নিজের কোলে তুলিয়া লইল।  
ভাবের আবেশে চন্দ্রা তখনও ফোঁপাইতেছিল। যাছুকর  
তাহার দিকে একদৃষ্টে তাকাইয়া ডাকিল—“চন্দ্রা, আমার  
চন্দ্রা—আমার...”

চন্দ্রা দুই হাতে যাছুকরের মুখ আটকাইয়া ধরিয়া বলিল—  
“বলো না, আর বলো না—চুপ”।



যাহ্নকর জোরে চন্দ্রার হাত সরাইয়া বলিল—“কেন বলব না? আজ তিন বছর ধরে মনের কথা বলতে না পেরে আমার দম্ আটকে এসেছে, পাগলের মত এই তিন বছর দেশে বিদেশে ঘুরে বেড়িয়েছি, সে কার জন্তে? তোমাকে ফিরে পাবার বিত্তা লাভ করতে আমি কামরূপ গিয়েছি, হিমালয়ে গিয়েছি, আসন প্রাণায়াম মুদ্রা করে আমার হাড়গোড় জরজর হয়ে গেছে, ম্যাজিক শিখতে আমি সাগর পাড়ি দিয়ে আমেরিকায় গিয়েছি। সাগর পারের শত শত সুন্দরী আমাকে তোমায় ভোলাতে পারে নি। দেশে ফিরে তোমার খোঁজে তোমাদের বাড়ীতে গেলাম, কেউ তোমার ঠিকানা দিলে না—তাই ত সার্কাসে চুকে দেশে বিদেশে তোমায় খুঁজে বেড়াচ্ছি। আর তোমায় ছাড়ব না চন্দ্রা—বলো তুমি আমার হবে। বিয়ের আগে তুমি আমায় যে কথা দিয়েছিলে—বলো তাই সত্যি, সমাজ সংসার সব নিছে, বলো—বলো।”

চন্দ্রা কঁাদিতে কঁাদিতে পদ্মের পাপড়ির মত করতলে যাহ্নকরের মুখ আটকাইয়া বলিল,—“আর বলো না সলিল দা, আমায় বাঁচাও,—তুমি এখান থেকে চলে যাও—আমি যে এখনও তোমায় ভালবাসি—।”

“ওরে হতভাগী, তবে কি হবে আর মিথ্যার অভিনয় করে—চলে আয়! তাঁবুর ধারে আমার আরাব ঘোড়া সাজানো আছে, তুই আমায় আঁকড়ে ধরে থাকবি। এই ত চার মাইল গেলেই স্টেশন, রাত থাকতেই আমরা পৌঁছে যাব।”

চন্দ্রার বুকের ভিতর হাহাকার করিয়া উঠিল। স্বামী? তিনি যখন সকালে উঠিয়া দেখিবেন চন্দ্রা পাশে নাই, আর শুনিবেন সার্কাসের দলে যাহ্নকর নাই—তখন? হয়ত বা স্টেশন-ফেরতা কোন যাত্রী আসিয়া বলিবে যাহ্নকর চন্দ্রাকে লইয়া ট্রেনে উঠিল। ছ্যা-ছ্যা, ছ্যা,—না, সে ইহা পারিবে না। সে সাহস সঞ্চয় করিয়া একটু তেজের সঙ্গে কহিল, “আমি পারবো না সলিল দা। আমি তোমায় ভালবাসি বলে তুমি আমায় এমনি করে অপমান করতে পারো না,—আমি যাবো না। রাত ভোর হরে এল, আমায় বাসায় রেখে এস।”

মুহূর্তে যাহ্নকরের মুখ কঠোর হইয়া উঠিল; লাল সিন্ধের আঙুরাখাটী গায়ে পরিয়া যাহ্নকর একদৃষ্টে চন্দ্রার দিকে তাকাইল। চন্দ্রার সমস্ত শরীর ভয়ে আড়ষ্ট হইয়া উঠিল, ক্রমে সে সংজ্ঞা হারাইল।

যখন আবার জ্ঞান হইল—সে দেখিল তাহাদের বাসার সম্মুখে সেই গালতী-বিতানের পাশে সেই রক্তাশ্রু যাহ্নকর তাহার দিকে একদৃষ্টে তাকাইয়া আছে। নিজের কোন ইচ্ছা বা শক্তি আছে বলিয়া তাহার বোধ হইল না। যাহ্নকর তাহাকে দৃঢ় কণ্ঠে বলিল—“আমি বলছি—তুমি এই ভোজালী তোমার ঘুমন্ত স্বামীর বুকে বসিয়ে দিয়ে আমার সঙ্গে চলে আসবে। তুমি ইচ্ছা করলেও এর অন্যথা করতে পারবে না।”

চন্দ্রার দক্ষিণ হস্ত চন্দ্রার অজ্ঞাতে সেই ভোজালী গ্রহণ করিল, তাহার পর ধীরে ধীরে সে ঘরে প্রবেশ করিয়া স্বামীর বুকের উপর ঝুঁকিয়া পড়িল। স্বামীর মুখের দিকে তাকাই-তেই দারুণ ঘৃণায় চন্দ্রার মুখ বিকৃত হইয়া উঠিল।...এ-ই ত সলিলদার হাত থেকে তাকে ছিনিয়ে নিয়েচে.....এই তার উপযুক্ত শাস্তি। এক হাতে রূপার মত চক্চকে ভোজালী-খানা সে রজতের বুকে বসাইয়া দিল। রজত একটা ঝাঁকুনি দিয়া আর্তনাদ করিয়া উঠিল। পাশের ঘর হইতে একটা ভীতিহৃৎক শব্দ ও সঙ্গে সঙ্গে হড়কো খোলার শব্দও বোধ হয় চন্দ্রার কানে আসিয়া পৌঁছিল, তারপর একদৌড়ে সে যাহ্নকরের পাশে আসিয়া দাঁড়াইল। যাহ্নকর তাহার হাত ধরিয়া বলিল—

“খতম?”

“খতম।”

“তবে এইবার চলে এস আমার সঙ্গে।”

কিছুদূর আসিয়া চন্দ্রা চোখে অন্ধকার দেখিল। যখন আবার সে চোখ মেলিল;—দেখিল যাহ্নকর নাই। চন্দ্রা নিজের সঙ্গী যেন ফিরিয়া পাইয়াছে। তার বুকের ভিতর যেন একটা প্রলয় হইয়া গেল। সে কি করিয়াছে! নিজের হাতে দেবতার মত স্বামীকে সে বধ করিয়াছে। চন্দ্রা আর্তনাদ করিয়া কঁাদিয়া উঠিল। কঁাদার শব্দে জাগিয়া রজত স্ত্রীর গায়ে হাত বুলাইয়া বলিলেন, “ভ্রূঃস্বপ্ন দেখেছ চন্দ্রা? ভয় নেই, এই যে আমি রয়েছি।”

পূর্বাকাশ থেকে এক ঝলক সোনালী আভা বিছানায় আসিয়া পড়িয়াছিল। চন্দ্রা তার হারানো মানিক বুক আঁকড়াইয়া ধরিল।

জীতারামদ রায়



## নানা কথা

### পণ্ডিত মতিলাল নেহরু

পণ্ডিত মতিলাল নেহরুর মত একজন সর্বভাগী বিচক্ষণ এবং নির্ভীক নেতার মৃত্যু দেশের যে কোনো অবস্থার ক্ষেই দুর্ঘটনা,—কিন্তু দেশপ্রীতির দুর্দারতার সহিত বিবেচনার স্বল্প দৃষ্টিকে যুক্ত করিয়া যখন কিসকর্তব্য নির্ণয় করিবার সঙ্কটকাল উপস্থিত, তখন তাঁহার স্থায় বিচক্ষণ নেতার মৃত্যুর মত গুরুতর দুর্ঘটনা আর নাই।

গান্ধী-আরউইন্ সন্ধি দেশের লোকের মনে সার্বজনীন স্তোষ উৎপন্ন করিতে পারে নাই। কোনো কোনো যোগ্য সভা সমিতি করিয়া ইহার প্রতি অসন্তোষ প্রকাশ করা হইতেছে,—একজন নেতা এ কথাও বলিয়াছেন যে, প্রয়োজন হইলে মহাত্মা গান্ধীর বিরুদ্ধেও নির্ভীক ডিসো-ডিয়েন্সের কল চালাইতে হইবে। অর্থাৎ অসম্মুখে অজিগণ মহাত্মাজীর স্থির বুদ্ধি এবং বিবেচনা-শক্তির উপর সম্পূর্ণ আস্থা রাখেন, তাঁহাদের মতে মহাত্মাজী হইলে অব্যবহার্য কাজ করিয়াছেন।

এ কথা অবশ্যই স্বীকার্য যে, নিজের বুদ্ধিকে আঁচলে রাখিয়া রাখা বুদ্ধিমানের কাজ নয়;—কিন্তু সময় বিশেষে, বিশেষতঃ সামরিক কারকারবারের সময়ে, সেই কার্য করা উচিত। যুদ্ধের চরম অবস্থায় সৈনিকেরা যদি সন্তোষাঙ্কের আদেশের সমীচীনতায় সন্দেহান হইয়া নিজ নিজ মত ব্যক্ত করিতে আরম্ভ করে তাহা হইলে যুদ্ধক্ষেত্র তর্ক-সভায় পরিণত হইয়া সর্বনাশ সাধন করে। ভারত-ইতিহাসের যুগসন্ধিক্ষেত্রে সেই প্রকারের গোলযোগের সময়ে পণ্ডিত মতিলালের বর্তমানতা ইতিকর্তব্য নির্ণয়ের পক্ষে বিশেষ সহায়ক হইত তাহাতে সন্দেহ নাই।

পারিপার্শ্বিক অবস্থা বিবেচনা করিয়া এবং ইষ্টানিষ্ট সুবিধা-অসুবিধা ওজন করিয়া নিজের অকপট মত, এবং

প্রয়োজন স্থলে পরিবর্তিত মত, ব্যক্ত করিবার সাহস এবং সাধুতা মতিলালের মধ্যে ঘেঁষে ছিল। বার তের বৎসর পূর্বেও তিনি একজন পাকা মডারেট ছিলেন—এলাহাবাদের মধ্যপন্থী



পণ্ডিত মতিলাল নেহরু

সংবাদপত্র লীডারের তিনি ছিলেন পরিচালক। কিন্তু হোম রুল আন্দোলনে যোগ দিয়া তাঁহার যখন মতের পরিবর্তন হইল তৎক্ষণাৎ তিনি লীডারের সংশ্রব ত্যাগ



করিয়া নব-প্রকাশিত জাতীয় সংবাদপত্র ‘ইণ্ডিপেন্ডেন্ট’র পরিচালক সমিতির অধ্যক্ষ হইলেন। ১৯২৮ সালের শেষের দিকে দেশ যখন পূর্ণ স্বাধীনতা লাভের জন্য উন্নত হইয়া উঠিয়াছিল পণ্ডিত মতিলাল সমস্ত দিক বিবেচনা করিয়া ডোমিনিয়ন্ ষ্ট্যাটসের উপযোগী একটি শাসন-প্রণালীর খসড়া প্রস্তুত করিলেন, এবং বহু বাদানুবাদের পর ১৯২৮ সালে ডিসেম্বর মাসে কলিকাতা কংগ্রেসে উক্ত খসড়া—“নেহেরু রিপোর্ট”—এই সৰ্ত্তে গৃহীত হইল যে, এক বৎসরের মধ্যে ব্রিটিশ গভর্নমেন্ট যদি ভারতবর্ষকে উক্ত প্রণালী অনুযায়ী ডোমিনিয়ন্ ষ্ট্যাটস্ না দেন তাহা হইলে পূর্ণ স্বাধীনতা লাভের জন্য সিভিল ডিস্‌ওবিডিয়েন্স্ পন্থা অবলম্বন করা হইবে। এক বৎসরের মধ্যে গভর্নমেন্ট ডোমিনিয়ন্ ষ্ট্যাটস্ না দেওয়ায় পর বৎসর লাহোর কংগ্রেসে “নেহেরু রিপোর্ট” বর্জন করা হইয়া পূর্ণ স্বাধীনতার প্রস্তাব গৃহীত হইল। পণ্ডিত মতিলালও অবিলম্বে সদলে লেজিস্লেটিভ্ অ্যাসেম্ব্লি হইতে বাহির হইয়া আসিয়া মহাত্মা গান্ধী প্রবর্তিত আইন-অমাত্য ব্যাপারে নিজের সমস্ত শক্তি নিয়োজিত করিলেন। অথচ গয়া কংগ্রেসে কার্ডিনাল্ প্রবেশের প্রস্তাব স্বয়ং পণ্ডিত মতিলালই করিয়াছিলেন, এবং সে প্রস্তাব কংগ্রেস কর্তৃক অগ্রাহ্য হইলে কংগ্রেসের মীমাংসায় অসন্তুষ্ট হইয়া দেশবন্ধু চিত্তরঞ্জনের সহিত মিলিত হইয়া তিনি স্বরাজ্য দলের সৃষ্টি করেন।

মতিলালের জীবনী স্মরণ করিলে চিত্তরঞ্জনকে মনে পড়ে। ত্যাগে, তেজে কর্মপরায়ণতায় উভয়েই উভয়ের সমতুল্য;—বিপুল ঐশ্বর্য্য এবং সম্পদের বন্ধন ছিন্ন করিয়া উভয়ে ক্ষেপসেবার কঠোর ব্রত গ্রহণ করিয়াছিলেন। তাহার সাক্ষ্য বহুকাল ধরিয়া দিবে বিলাস-বৈভব হইতে মুক্ত দেশের কার্য্যে নিয়োজিত সেবা-সদন এবং আনন্দ-ভবন। যে মতিলালের পরিধেয় বস্ত্রাদি প্রতি মেলে প্যারিস্ হইতে ধোত হইয়া আসিত—যাহার সর্ব্বদা-ব্যবহৃত বিদেশী বস্ত্রের মূল্য দশ হাজার টাকা ছিল, তিনি সামান্ত ধন্দর পরিধান করিয়া আনন্দ-ভবনের আরাম-কক্ষ হইতে নিজস্ব হইয়া গ্রামে গ্রামে নগরে নগরে দেশ-প্ৰীতি প্রচার করিয়া বেড়াইতেন, এ কথা উপজ্ঞাসের মধ্যেও বিস্ময়কর!

চরিত্র-মাধুর্য্যে এবং সত্যের প্রতি ঐকান্তিক নিষ্ঠা প্রতিপক্ষের মনেও পণ্ডিত মতিলাল শ্রদ্ধা এবং প্ৰীতি উদ্ভূত করিতেন। গত ৯ই ফেব্রুয়ারী লেজিস্লেটিভ্ অ্যাসেম্ব্লি স্তার্ জর্জ রেণী তাঁহার মৃত্যুতে শোক প্রকাশ করিয়া কালে বলেন— \* \* \* However the value of his work may be assessed, no one will question his whole-hearted devotion to the interests of India as he conceived them or impute to him any motive other than an unsparing desire to serve his country. \* \* \* He had a personality which impressed itself on the most unobservant. \* \* \* An endearing courtesy ready sense of humour, freedom from malice and bitterness and a wide and deep culture rendered him unrivalled as a host and the most charming of companions.

স্বভাবতঃ কোমল এবং মধুর প্রকৃতির হইলেও চরিত্র এবং বিশ্বাসের দৃঢ়তায় পণ্ডিত মতিলাল অনন্তসাধারণ ছিলেন। গত দশ বৎসর তিনি একজন অতি পরিপূর্ণ যোদ্ধার মত দেশোদ্ধারের মহাযুদ্ধে কায়মনোবাক্যে আর সমর্পণ করিয়াছিলেন—এবং এই সর্ব্বসম্পদ-করা যুদ্ধ পণ্ডিত নয়, ইহার পরিণামে ভারতবর্ষে স্বরাজ্য প্রতিষ্ঠা হইবেই—সে বিষয়ে তাঁহার অবিচল বিশ্বাস ছিল। মৃত্যুর পূর্ব্ব দিনে মহাত্মা গান্ধী মতিলালকে বলেন, “আপনি যদি স্বাস্থ্য ফিরে পান, তা হ’লে আমি আমার স্বরাজ্য পাবই।” মৃত্যু হাসিয়া পণ্ডিত মতিলাল উত্তর দেন, “স্বরাজ্য ত’ পাওয়াই গেছে। ষাট হাজার পুরুষ, নারী আর ছেলে-মেয়েরা যখন এত বড় আত্মোৎসর্গ করেচে, লোকে যখন ধৈর্য্যসহকারে লাঠি এবং গুলি সহ্য করেচে, তখন তার পরিণাম স্বরাজ্য ভিন্ন আর কি হ’তে পারে?”

আমরাও বলি, হে আত্মোৎসর্গ মহাপুরুষ, তোমার উক্তি সফল হউক। যে উদ্দেশ্য সাধনের জন্য সমস্ত ঐশ্বর্য্য সম্পদ হইতে রিক্ত হইয়া অবশেষে তোমার জীবন পর্য্য উৎসর্গ করিলে তাহা যেন সফল হয়।



মতিলাল শক্তিশালী কন্ঠী ছিলেন—অথচ শক্তিকে সুষমের দ্বারা, বিচক্ষণতার দ্বারা সুপরিচালিত করিয়া প্রবল অশ্বের মত কেমন করিয়া ব্যবহার করিতে হয়, সে রহস্যও তাঁহার অবিদিত ছিল না। এ শক্তি শুধু রাজনীতি ক্ষেত্রেই নয়, সর্বদিকেই প্রকাশ পাইত। সামাজিক কুসংস্কার নষ্টনে তিনি অকুতোভয় ছিলেন। কাশ্মীরী সারস্বত-বান্ধবকুলে জন্মগ্রহণ করিয়াও প্রথম জীবনেই তিনি তাঁহার আশ্রয়বর্গের গোঁড়ামীর বিরুদ্ধে তাঁহার শিক্ষক Principal Harrison-এর সহিত একত্রে ভোজন করিয়াছিলেন।

সত্তর বৎসর পূর্বে ১৮৬১ সালের ৬ই মে তারিখে দিল্লী মহরে মতিলাল নেহরু জন্মগ্রহণ করেন। ঐ বৎসরে ঠিক ঐ তারিখেই বাংলা দেশের কলিকাতা মহরে আর একজন মহা-মনীষীর জন্ম হয়;—তিনি আমাদের কবিবর রবীন্দ্রনাথ। পরস্পর-বিরুদ্ধ খাত-প্রতিখাতের দ্বারা গঠিত এবং উন্মীষিত উভয়ের জীবনধারা পর্যালোচনা করিলে দেখা যায় যে পরিণতি একই ভাবে হইয়াছে,—শুধু একজনের কল্পজগতে এবং আর একজনের চিন্তাজগতে। সে কি একই গ্রহ-নক্ষত্রের প্রভাবের ফলে?

### পরলোকগতা উমা দেবী

বিগত ১০ই ফাল্গুন, রবিবার সুবিখ্যাত সাহিত্যিক ও কবি উমা দেবী পরলোকগমন করিয়াছেন। মৃত্যুকালে তাঁহার বয়স হইয়াছিল মাত্র ২৬ বৎসর। আমরা গভীর দুঃখ ও বেদনার সহিত এই মর্মান্বদ সংবাদ বিচিত্রার পাঠকপাঠিকা সমীপে বহন করিতেছি।

মৃত্যু ত সংসারের প্রতিদ্বন্দ্বের ঘটনা, জীবনের অনিবার্য পরিণতি—তাঁহার অনতিক্রমণীয়তাকে না মানিয়া লইয়া উপায় নাই—কিন্তু তাই বলিয়া ২৬ বৎসর বয়সে?—জীবন-পুষ্প যখন তাঁহার দলগুলি মেলিয়া পূর্ণতা লাভের দিকে অগ্রসর হইতেছে, তখন? যাহারা উমা দেবীর সহিত সাক্ষাৎ ভাবে পরিচিত ছিলেন তাঁহাদের মনে বিশেষ করিয়া বেদনার এই স্মৃতি বাজিতেছে। বাঙলার সাহিত্যভাণ্ডারে তিনি যে সম্পদ রাখিয়া গেলেন তাহার পরিমাপে তাঁহার অকাল

মৃত্যুতে যে ক্ষতি হইল সে দুঃখ ত সর্বসাধারণের,—কিন্তু তাঁহার প্রকৃতির অমায়িকতা, সৌজন্য, বন্ধু-বাৎসল্য, অতিথি-পরায়ণতা স্মরণ করিয়া তাঁহার বান্ধব-বান্ধবী আশ্রয়-স্বজনেরা বিষাদে বিমূঢ় হইয়াছেন।

বিচিত্রার প্রারম্ভ হইতে উমা দেবী বিচিত্রার একজন হিতৈষিনী ছিলেন। বিচিত্রাকে তিনি ভালবাসিতেন এবং সে ভালবাসার অভিব্যক্তি শুধু মূখের কথাতাই প্রকাশ পাইত না, মূল যেমন অন্তরালে থাকিয়া বৃক্ষকে রস যোগায়, তিনি তেমনি অগোচরে অল্পপরোপে বিচিত্রার উপকার-সাধন করি-



পরলোকগতা উমা দেবী

তেন। তাঁহার রচিত অনেকগুলি কবিতা এবং কাব্যলী নামে একটি ধারাবাহিক উপন্যাস বিচিত্রায় প্রকাশিত হইয়াছিল, সে কথা বিচিত্রার পাঠকপাঠিকাগণের নিশ্চয়ই মনে আছে।

‘বাতায়ন’ নামে একটি কবিতার পুস্তক কিছুদিন পূর্বে তিনি প্রকাশিত করিয়াছিলেন। বাতায়নের কবিরূপে তিনি বাঙলা সাহিত্যের মহিলা-কবিদের মধ্যে একটি বিশিষ্ট স্থান অধিকার করিয়া গিয়াছেন।

শুধু স্মলৈখিকা হিসাবেই নহে, অন্ত বহুবিধ গুণেরও তিনি



অধিকারিণী ছিলেন। কণ্ঠসঙ্গীতে তিনি স্ননিপুণা ছিলেন এবং অভিনয়কলাতেও তাঁহার পারদর্শিতা কম ছিল না। সুর ও ভাবের বৈশিষ্ট্য বজায় রাখিয়া রবীন্দ্রনাথের গানগুলি গাহিবার শক্তি তাঁহার অসাধারণ ছিল, এবং তাহার মধ্যে স্বকীয় বাঞ্জনা প্রয়োগ করিয়া অপূর্ণ রসসৃষ্টি করিতে পারিতেন। এই সকল গুণের জন্য উমা দেবী রবীন্দ্রনাথের বিশেষ প্রিয়পাত্রী ছিলেন।

সামান্য একটু দুর্বলতা ভিন্ন রবিবার সকালেও তাঁহার কোনো প্রকার অসুস্থতা ছিল না। ঘণ্টা দুয়েক অসুস্থ হইয়া বেলা দুইটা আন্দাজ সহসা হৃদস্পন্দন বন্ধ হইয়া যায়। মৃত্যুর অব্যবহিত পূর্বে পর্য্যন্ত চৈতন্য বিলুপ্ত হয় নাই, এবং মৃত্যু তাঁহার মুখমণ্ডলে যন্ত্রণার কোনো চিহ্ন অঙ্কিত করিতে পারে নাই। বাঙলা দেশের একটা কোমলহৃদয়া মহিলা কবির অদীর্ঘ জীবনের এই সক্রমণ পরিসমাপ্তি।

স্বর্গীয়া উমা দেবী প্রথিতনামা অধ্যাপক ৮ মোহিত-কুমার সেনের কন্যা এবং বার্ড কোম্পানীর এঞ্জিনিয়ার শ্রীযুক্ত শিশিরকুমার গুপ্তের পত্নী ছিলেন। অল্পবয়স্কা একটি কন্যা রাখিয়া তিনি পরলোকগমন করিয়াছেন।

আমরা শোক-সন্তপ্ত চিত্তে শ্রীযুক্ত শিশিরকুমারকে ও কন্যাটিকে আনাদের গভীর সমবেদনা জ্ঞাপন করিতেছি।

### গান্ধী আর্কুইন সংবাদ—

শুধু ভারতবর্ষের নয়, পৃথিবীর ইতিহাসেই গান্ধী-আর্কুইন সংবাদটো একটা স্মরণীয় ঘটনা। মনে হয়, এইখান থেকে ভারতবর্ষের ইতিহাসের একটা নূতন পর্য্যায় আরম্ভ হইল। ইহার ফলাফল যে কী হইবে,—এখনো সে সম্বন্ধে নিশ্চয় করিয়া কিছু বলা যায় না। কিন্তু একথা ঠিক, যে সারা পৃথিবীর লোক আজ আকুল আগ্রহে যাহার জন্য প্রতীক্ষা করিয়া আছে, তাহা অভূতপূর্ব, পৃথিবীর ইতিহাসে আজ পর্য্যন্ত কোনো দেশে কোনো দিন তাহা ঘটে নাই। এই যে আমাদের দেশের ইতিহাসের একটা নূতন পরিচ্ছেদ লিখিত হইতে চলিল,—না জানি, তাহাতে থাকিবে, পূর্ব-পশ্চিমের মহামিলনের কী অমর বাণী, রাষ্ট্রীয় সংঘর্ষে ও

বাণিজ্যের প্রতিযোগিতায় কী নূতন আলো এবং কোন্ নূতন মন্ত্র, মানুষের সেই এক চির-জাগ্রত, চিরন্তন মন্থ চির-নবীন মহান্ আদর্শের প্রতি কেমন নূতন অভিমান! বস্তুতঃ ভারতবর্ষের ইতিহাস তাহার পর্য্যয়ে পর্য্যয়ে এই এক বিরাট সন্মিলনের ধারায় অবিচ্ছিন্ন; যুগে যুগে ভারতের মাটিতে কত বিভিন্ন জাতি আসিয়া কলহ করিয়াছে আর মিলিয়াছে,—সেজন্য এই হিন্দুস্থান কত আঘাত সহিয়াছে; তবুও নিবিড় বেদনা বহন করিয়া কখনো বলিতে ছাড়ে নাই,—আয়ত্ব সর্ব্বতঃ স্বাহা। আজও ভারতের কবি সেই কথাই বলিতেছেন,—

“সেই সাধনার, সে আরাধনার  
যজ্ঞশালায় খোলা আজি দ্বার,  
হেথায় সবারে হ’বে মিলিবারে,  
আনত শিরে,  
এই ভারতের মহামানবের  
মাগরতীরে” ॥

আজও ভারতের কর্ম্মীর মধ্যে সেই অনুপ্রেরণা। চিরদিন ভারতের কর্ম্ম, ভারতের সাধনা সেই অনুপ্রেরণায় নিয়ন্ত্রিত হইয়াছে। যুগে যুগে ভারতবর্ষ তাহার জ্ঞানের আলো দেশে দেশে ছড়াইয়া দিয়াছে। আজ যদি সে তাহার শান্তি-মন্ত্র সারা বিশ্বে ছড়াইয়া দিতে পারে, তবে মুক্ত কণ্ঠে বলিব,—যে আমাদের এই সহস্রবর্ষব্যাপী পরাধীনতার দুঃখও সার্থক।

তবুও একথা গোপন করিয়া কোনো ফল নাই যে যে-সঙ্গে মহাত্মা গান্ধী সরকারের সঙ্গে সন্ধি-স্থাপন করিয়া গোল টেবিল বৈঠকের আগামী অধিবেশনে কংগ্রেসের যোগ দেওয়া সিদ্ধান্ত করিলেন, তাহাতে দেশের অন্যান্য নেতাদের মধ্যে কেহ কেহ মনে-প্রাণে সায় দিতে পারেন নাই। এমন কি প্রয়োজন হইলে, মহাত্মা গান্ধীর বিরুদ্ধেও সত্যগ্রহের অস্ত্র পরিচালনা করিতে হইবে,—এমন রবও কোথাও কোথাও উঠিতেছে। আমরা অবশ্য এ ইঙ্গিতের বেশী মূল্য দিই না। যদি ইহার কোনো মূল্য থাকে, তবে তাহা এই যে, দেশ যে আজ সত্যসত্যই জাগিয়াছে, এই কথাটা ইহা হইতে আমরা



বেশ মর্মে মর্মে উপলব্ধি করিতে পারি। মনে হয় ইহার ভিতরে প্রকৃত তেজ অপেক্ষা যৌবন-সুলভ অধৈর্য্য ও চাকল্যের অনুপ্রেরণাই বেশী। সত্যের শ্রেষ্ঠতম পূজারী যে মহাত্মা গান্ধী, তাঁহার বিরুদ্ধে অস্ত্র-চালনা শেষ পর্যন্ত কি দাঁড়াইবে, —সত্যগ্রহ না অসত্যগ্রহ,—সে বিষয়ে আমাদের যথেষ্ট সন্দেহ আছে। যাহা হউক, এ সম্বন্ধে মাথা ঘামাইবার প্রয়োজন এখন ত নাই-ই,—ভবিষ্যতেও যে কোনো দিন হইবে না,—এমন কথা কোনো দ্বিধা না করিয়াই বলা যাইতে পারে। তবে কথা হইতেছে যে, এই যে বিরুদ্ধ মনোভাব—ইহার কি কোনো গভীরতর তাৎপর্য্য নাই? ভারতের বঙ্গশালায় মহামিলনের বাজারের মধ্যে ইহা কি বেমুরো বাজিত হইছে না? হয়-ত বাজিত হইছে,—কিন্তু ইহাও ঠিক যে এই বেমুর ভারতের গোপনতম অন্তরাঙ্গার নয়,—ইহা চেতনার সেই উপরিতলের জিনিস, যেখানে কি ব্যক্তি-বিশেষের মধ্যে, কি দেশাত্মের মধ্যে নানাবিধ বিরুদ্ধ ভাব নিরন্তর ক্রমাগতই বা প্রয়ত করিতে থাকে। বস্তুতঃ যাহা কিছু মহান্, আমরা তাহার সন্ধান পাই, বিরুদ্ধতা অতিক্রম করিয়াই। মিথ্যাও এ জগতে একটা সার্থকতা আছে, সত্যের পথ আমাদের সেই দেখায়। অথবা এই নিত্য-গতি-শীল জগতে কোনো কিছুই বৃদ্ধি-বা নিছক সত্য বা নিছক মিথ্যা নয়। মহাত্মা গান্ধীও তাঁহার রাষ্ট্রীয় কর্ম আরম্ভ করিয়াছিলেন সহযোগিতা দিয়া,—তারপর এই দীর্ঘ দ্বাদশ বর্ষ অসহযোগিতার পথ অতিক্রম করিয়া আবার এই যে আজ সহযোগিতার মন্ত্র গ্রহণ করিলেন,—এ মন্ত্র নিশ্চয়ই নবলব্ধ অভিজ্ঞতায় সমৃদ্ধতর, বেদনায় গভীরতর, আশায় প্রবলতর। তাঁহার কর্মজীবনের বিভিন্ন স্তরে,—যে মতই তিনি পোষণ করুন না কেন, যে পথেই তাঁহার রথ চালনা করুন না কেন,—সকল সময়েই তাঁহার অন্তরের সত্যের আলোক-সম্পাতে সেই পথ যে উজ্জ্বল হইয়া সমস্ত দেশের লোককে আকর্ষণ করিয়াছে, দীর্ঘনিদ্রাজনিত আড়ষ্টতা দূর করিয়া সেই সত্য যে তাহার রহস্যময় স্পর্শে নিজীব দেশবাসীর মধ্যে আবার জীবনোশক্তির দ্রুত স্পন্দন জাগাইয়া দিয়াছে,—একথা ত কোনো গান্ধী-বিরোধীই,—কি ইংরাজ, কি ভারতবাসী, কেহই অস্বীকার করিতে পারিবেন না। কি ব্যক্তি-বিশেষে, কি দেশাত্মে,—সত্য, সৌন্দর্য্য, কল্যাণ

বিরাজ করে তাহার পারিপার্শ্বিক আবহাওয়ার সহিত সামঞ্জস্যের মধ্যে,—অর্থাৎ অন্তর-বাহিরের পরিপূর্ণ সঙ্গতির মধ্যে,—একথা স্বতঃসিদ্ধ। দেশের রাষ্ট্র পরিচালনার পদ্ধতির মধ্যে আমাদের অন্তরের গভীরতম আকাঙ্ক্ষার কোনো পরি-তৃপ্তির সন্ধান এতদিন পাওয়া যাইতেছিল না,—তাই মহাত্মা এতদিন দেশের মধ্যে অসহযোগের আন্দোলন বহাইয়াছেন। আজ সেই পদ্ধতির পরিবর্তনের সূচনা হইয়াছে,—হউক ইহা সূচনা মাত্র,—তবুও এই যে নূতন হাওয়া বহিতে আরম্ভ করিয়াছে, ইহা আমাদের অন্তরে মনয়ের শীতল স্পর্শ বুলাইয়া দেয় কিনা, অন্ততঃ সেইটুকু দেখিবার জন্যও সেই হাওয়াতে আমাদের মনপ্রাণ মেলিয়া দিতে হইবে,—দরজা জানালা বন্ধ করিয়া বসিয়া থাকিলে চলিবে না। আজ মহাত্মা গান্ধীর বিরুদ্ধে যাহারা প্রতিবাদ আরম্ভ করিয়াছেন,—তাঁহারাও বোধ হয় অস্বীকার করিবেন না যে তাঁহাদের এই প্রতিবাদ মহাত্মারই প্রজ্জ্বলিত আলোকের শেষ বিলীয়মান রশ্মি; হয়ত এ আলোক আবার প্রজ্জ্বলিত করিতে হইবে, হয়ত বা হইবে না;—কিন্তু তাহা ভবিষ্যতের কথা, মানুষের এখন হইতে তাহা জানা সম্ভব নয়। আপাততঃ এইটুকু দেখিতেছি যে জ্যোৎস্না উঠিয়াছে, হাওয়া দিতেছে,—এখন এই হাওয়ায় এই জ্যোৎস্নায় তন্মগ্ন মেলিয়া দিয়া প্রভাতের জন্ম কিয়ৎকাল প্রতীক্ষা করিতে হইবে। যদি প্রভাত হয় ভালই, যদি না হয়, যদি এই দীর্ঘরাত্রির ঘন অন্ধকারের মধ্যেই এই ক্ষীণ জ্যোৎস্নাটুকু আবার নিলাইয়া যায়, তবে আবার আগুন জ্বলাইতে হইবে।

মহাত্মার বিরুদ্ধে প্রধান অভিযোগ হইতেছে এই যে, দেশের যে-সকল তথা-কথিত হিংসা-পন্থী রাজবন্দীদের বিনা বিচারে অনির্দিষ্ট কালের জন্য আটক রাখা হইয়াছে,—তাঁহাদের দিকে তিনি তেমন দৃষ্টিপাত করেন নাই। তাহাদের কেন মুক্তি দেওয়া হইল না? অবশ্য একথা ঠিক যে তাহাদের মুক্তি দিলে দেশের শান্তি আরও নিবিড়তর হইত, এবং গোল টেবিল বৈঠকের অধিবেশনে সুবিধা ছাড়া কোনো অসুবিধা হইত না, কিন্তু এই মুক্তি-দান ত মহাত্মার হাতে নহে। বলা যাইতে পারে যে এই মুক্তির স্বপ্ন গ্রহণ না করিয়া তিনি কেন সন্ধি-স্থাপন করিলেন। ইহার উত্তর সহজ। এই যে



মহাত্মা পুনরায় সহযোগিতার মন্ত্র গ্রহণ করিলেন,—ইহা ত ক্ষণিকের বিবেচনা-হীন প্রযুক্তির জন্তও নয়, কিংবা দুঃখ-ভোগের ভ্রান্তির জন্তও নয়। লর্ড আর্কইনের সহিত দীর্ঘ আলোচনার ফলে তিনি অন্তরের মধ্যে যে নূতন বিশ্বাসের আলোক লাভ করিয়াছেন, সেই আলোকেই তিনি আপনাকে আবার নূতন মস্ত্রে দীক্ষিত করিলেন। এ আলোক মহাত্মার অন্তরেরই আলোক,—মধ্যে নিভিয়া গিয়াছিল,—লর্ড আর্কইন আবার তাহা জালিয়া দিয়াছেন,—হয় ত ক্রমশঃ তাহা উজ্জ্বল-তর হইয়া জালিয়া উঠিবে। কিন্তু যে সকল দেশপ্রাণ যুবকেরা হিংস-পদ্ধতির দ্বারা দেশোদ্ধারের স্বপ্ন দেখেন, তাঁহাদের নিকট মহাত্মার অন্তরের এই আলোক ত কোনোদিনই পৌছায় নাই; গত দশবৎসরের নিবিড় অন্ধকারের মধ্যে অসহযোগ আন্দোলনের আকাশ-বাপী অনল-শিখাও না। বস্তুতঃ এই হিংস-পদ্ধতি ভারতবর্ষের জিনিষই নয়,—ইহা বিদেশ হইতে আমদানী,—এখনো ভারতবর্ষের শিক্ষা দীক্ষা সংস্কৃতির সঙ্গে মিশিয়া যায় নাই,—বোধ হয় কোনো দিনই যাইবে না,—ভারতবর্ষের পূর্ণ উদ্বোধনের সঙ্গে সঙ্গে ইহা বিনুপ্ত হইয়া যাইবে। একই উদ্দেশ্য সাধনের জন্ত প্রযুক্ত হইলেও হিংস পদ্ধতি এবং অহিংস পদ্ধতির মধ্যে কেমন একটা দূর-পন্থ্য ব্যবধান আছে; লর্ড আর্কইনের সহিত আলোচনার মহাত্মার পক্ষে সেই ব্যবধান লঙ্ঘন করা সম্ভব হয় নাই; কেন-না তাঁহার অন্তর যে প্রেম, সমবেদনা, সত্যগ্রহ—শত্রু-মিত্র নির্বিশেষে বিশ্বের কল্যাণ-কামনা। অতি মহৎ উদ্দেশ্যের জন্ত সাক্ষিত হইলেও অসংকাজ সেই উদ্দেশ্যকে একটু কলুষিত না করিয়া যায় না। অন্তরে প্রবল ইচ্ছা থাকিলেও মহাত্মা যে হিংসা-পন্থী রাজবন্দীদের মুক্তি দান করাইতে পারেন নাই,—এইখানেই,—তাঁহার এই মূলমন্ত্রের মধ্যেই তাহার কারণ নিহিত রহিয়াছে। এই প্রসঙ্গে মহাত্মা হিংসাপন্থীদের ঐ উপদেশ দিয়াছেন তাহা প্রণিধান যোগ্য : “Let them preserve their precious lives for the service of Motherland to which all will be presently called and let them give the Congress an opportunity of securing release of all other political prisoners and may be, even rescue from the gallows those

who are condemned to the gallows being guilty of murder.”

বস্তুতঃ বর্তমান ভারতের রাষ্ট্রীয় সমস্যাটাই যদি চ ছিল গান্ধী-আর্কইন সংবাদের আলোচ্য বিষয়,—মূলতঃ কিন্তু ইহার অনুপ্রেরণাট অनेক বেশী ব্যাপক ও অনেক গভীরতর। বিজ্ঞানের কণ্যাণে জগতের বিভিন্ন জাতির মধ্যে ভৌগলিক ব্যবধান আর নাই, সকল জাতিই আজ ক্রমশঃই পরস্পরের সহিত নিবিড়তর সংস্পর্শে আসিতেছে। পূর্ব-পশ্চিম আজ মিলিয়াছে প্রধানতঃ ভারতীয় রাষ্ট্রক্ষেত্রে। পূর্বের প্রতিনিধি মহাত্মা আর পশ্চিমের প্রতিনিধি আর্কইন এই যে দিনের পর দিন আহার নিদ্রা ত্যাগ করিয়া গভীর নিশীথিনী পর্য্যন্ত বসিয়া বসিয়া পরস্পরের প্রতি বিশ্বাস, শ্রদ্ধা ও প্রেমের মধ্যে পূর্ব-পশ্চিমের মধ্যে একটা মৈত্রীর সূচনা করিলেন,—মনে হয় যেন বিংশ শতাব্দীর নূতন বিশ্ব-রচনার বীজমন্ত্রটি এইখানেই নিহিত রহিয়াছে। তাই বলিতে ছিলাম গান্ধী-আর্কইন সংবাদটি শুধু ভারতবর্ষের ইতিহাসে নয়, পৃথিবীর ইতিহাসেই একটি অরলীয় ঘটনা।

### জয়ন্তী উৎসব

আগামী ১৩৩৮ সালের ২৫শে বৈশাখ কবিবর শ্রীযুক্ত রবীন্দ্রনাথের ৭০ বৎসর বয়স পূর্ণ হইবে। তদুপলক্ষে শান্তি-নিকেতনে আশ্রমবাসীগণ একটি জয়ন্তী উৎসব করিবেন স্থির করিয়াছেন। এ সংবাদে বাঙালী মাত্রেই আনন্দিত হইবেন সন্দেহ নাই। আমরা সর্বান্তঃকরণে সঙ্কল্পিত উৎসবটির পরিপূর্ণ সাফল্য কামনা করি।

উৎসবটি যাহাতে যথোপযুক্ত সৌষ্ঠবের সহিত সম্পন্ন হইতে পারে তজ্জন্ত আশ্রমবাসীগণ রবীন্দ্রনাথের প্রতি অনু-রাগী ব্যক্তিগণের সহায়তা পাইতে চাহেন। তদুদ্দেশ্যে সর্ব-সাধারণকে সন্মোদন করিয়া বিচিত্রায় প্রকাশের জন্ত তাঁহারা যে পত্রখানি আমাদিগকে পাঠাইয়াছেন আমরা তাহা নিয়ে মুদ্রিত করিলাম। আশা করি এমন একটি শুভ এবং আন-ন্দের অনুষ্ঠানকে সাফল্যমণ্ডিত করিতে কেহই অবহেলা করিবেন না।



## শান্তিনিকেতন

বর্ষাযোগ্য সন্তোষপূর্বক নিবেদন,

আগামী ১৩৩৮ সনের ২৫শে বৈশাখ পূজাপাদ শ্রীযুক্ত রবীন্দ্রনাথ ঠাকুরের সত্তর বৎসর বয়স পূর্ণ হইবে তদুপলক্ষে আমরা শান্তিনিকেতনে স্মারকভাবে একটি জয়ন্তী উৎসব অনুষ্ঠান করিবার সঙ্কল্প করিয়াছি। ইহাতে কবি এবং তাঁহার অনুষ্ঠানের প্রতি প্রীতিযুক্ত সহৃদয়বর্গের শুভেচ্ছা ও সহযোগ লাভ করিব, ইহাই আমাদের একান্ত বাসনা।

এই সময় বিশেষভাবে আশ্রমের প্রাক্তন ছাত্র, অধ্যাপক কর্মী, অথবা যাহারা যেকোনোভাবে আশ্রমের সঙ্গে মনে মনে যোগযুক্ত, তাঁহারা তাঁহাদের বর্তমান ঠিকানা জানাইলে আমরা অত্যন্ত আনন্দিত হইব।

প্রাক্তন আশ্রমবাসীদের ঠিকানা, এবং জন্মোৎসব সম্পর্কে চিঠিপত্রাদি শান্তিনিকেতনে শ্রীযুক্ত ক্ষিতিমোহন সেন মহাশয়ের নিকট পাঠাইলে তাহা সাদরে গৃহীত হইবে। ইতি,— ১৩ই ফাল্গুন ১৩৩৭ সন।

## নিবেদক

শ্রীবিধুশেখর ভট্টাচার্য্য  
শ্রীক্ষিতিমোহন সেন  
শ্রীনলিনচন্দ্র গঙ্গোপাধ্যায়  
শ্রীনেপালচন্দ্র রায়  
শ্রীনন্দলাল বসু  
শ্রীপ্রমোদরঞ্জন ঘোষ  
শ্রীগৌরগোপাল ঘোষ  
শ্রীআশা অধিকারী  
শ্রীহেমবালা সেন

## আকবরের আমলে গ্রন্থকার-হত্যা

কাল্পনিক কাহিনী অপেক্ষাও বাস্তব ঘটনা যে অদ্ভুত নিয়ের বিবরণে তাহা প্রকট।, মোগল যুগে কলাবিদ্যার উৎকর্ষও ইহাতে স্পষ্টীকৃত। সম্রাট আকবরের আমলে

হিন্দু-মুসলমানের মধ্যে যে ভেদ-জ্ঞান ছিল না তাহারও পরিচয় ইহাতে বিদ্যমান।

“তারিখ-ই-অল্ ফি” সুপ্রাচীন ইতিবৃত্ত। নামের অর্থ—“আমাদের সহস্র বর্ষের ইতিহাস।” প্রকৃতই ইহা আরবীয় ও পারস্য-দেশীয় ইতিহাসের সার-সংগ্রহ। হজরৎ মহম্মদের মৃত্যুর পর অর্থাৎ ৬৩২ হইতে ১০০০ খৃষ্টাব্দের ইহা নিখুঁৎ ও সুলিখিত ইতিহাস—অতি সুন্দর বহু চিত্র সম্বলিত। মৌলিক পাণ্ডুলিপির কিয়দংশ মাত্র সম্প্রতি উদ্ধার করিয়াছেন শ্রীযুক্ত অজিত ঘোষ। পাণ্ডুলিপি অবশ্যই পারস্য ভাষায় রচিত। কলিকাতা প্রেসিডেন্সি কলেজের অধ্যাপক মহাফজ্জ-উল্-হক্ এমিরাটিক সোসাইটির অধিবেশনে সম্প্রতি এ বিষয়ে আলোচনা করেন।

এই মূল্যবান অথচ স্বল্প-পরিচিত ঐতিহাসিক গ্রন্থের সম্পূর্ণ পাণ্ডুলিপি ভারতবর্ষে বা ইউরোপে কোথাও নাই, অথচ ইহা সম্রাট আকবরের অনুজ্ঞাক্রমে প্রণীত হইয়াছিল। নিজ পরিষদের সাতজন বিখ্যাত পাণ্ডিতের হস্তে প্রথমতঃ তিনি এই গ্রন্থ রচনার ভার দেন। কিছুদিন পরে মোল্লা আনেদ নামক অপর একজন শিয়ারাম্প্রদায় ভুক্ত গ্রন্থকারের উপর ইহার সম্পূর্ণ ভার হস্তান্তর হয়।

মোল্লা উৎসাহের সহিত এই গুরুভার সম্পাদন করিতে থাকেন। অতি অল্প সময়ের মধ্যেই পুস্তকের প্রায় হাজার পৃষ্ঠা রচনা করেন, কিন্তু বিধি বাম, ইহা সম্পূর্ণ করিয়া বাইতে পারিলেন না। রাত্রিকালে কোন ছর্তু তাঁহাকে বাড়ীতে গিয়া ডাকিল, রাজপথে আনিয়া নির্দয়ভাবে হত্যা করিল। লাহোর সহরে এই নৃশংস হত্যাকাণ্ড ঘটে। হত্যাকারী মুন্সি-শ্রেণীভুক্ত ও ধর্মোন্মত্ত। পুস্তকে বর্ণিত যুতানতের সহিত লোকটার বিরোধ ছিল, ইহাই হত্যার মূল কারণ। খুনের সংবাদ সহরনয় রাষ্ট্র হইলে হত্যাকারীকে মুসলমানের ‘গাজী’ নামে অভিহিত করিল এবং বাহাতে তাহার প্রাণদণ্ড না হয় বিধিনতে তাহার চেষ্টা করিতে লাগিল। রাজপরিষদে ওমরাহেরা ও অন্তঃপুরের মহিলারা পঞ্চাঙ্গ সম্রাটকে নানাভাবে অনুরোধ ও উপরোধ করিতে লাগিলেন, কিন্তু তিনি কাহার কথায় কর্ণপাত করিলেন না, অবিলম্বে প্রাণদণ্ডের আদেশ দিলেন। হত্যাকারীকে তখন হস্তীর পদাঙ্গুলে বাধিয়া



লাহোর নগরের সারা রাজপথে ঘষড়াইয়া লইয়া যাওয়া হয় — তাহাতেই তাহার মৃত্যু ঘটে।

প্রারম্ভ ইতিহাসের বাকি অংশ রচনার ভার অতঃপর অর্পিত হয় আর একজন মনীষীর উপর। ইহার নাম নকীব খাঁ। ১৫৯৩ খৃষ্টাব্দে ইনি গ্রন্থ রচনা সমাপ্ত করেন।

গ্রন্থকারের স্বহস্তলিখিত পাণ্ডুলিপি রাজকীয় চিত্রগ্রন্থে প্রেরিত হইলে বহুলোকে মিলিয়া ইহা নকল করে। তাহার পর চিত্রশোভিত করিবার পক্ষ সুরু হইল। সুদক্ষ চিত্রশিল্পীরা অতি সুন্দর সুন্দর ছবি আঁকিলেন। শ্রীযুক্ত ঘোষের নিকট যে পুস্তকখানা রক্ষিত তাহা রাজচিত্রশালায় অঙ্কিত মৌলিক পাণ্ডুলিপির অংশনিশেষ। ইহার লিপিকর্ম যেমন চমৎকার বর্ণবৈচিত্র্যাদিও তেমনই মনোমদ। রাজ-পরিষদের চিত্রকরগণের শিল্পনৈপুণ্যে প্রকৃতই মুগ্ধ হইতে হয়। কালবশে চিত্রগুলির কোন বৈলক্ষণ্য সাধিত হয় নাই। মোগল কলাকুশলতার বিশিষ্টতা উহাতে সুপরিষ্কৃত।


ছঃখের বিষয়, পাণ্ডুলিপির শেষাংশ নষ্ট হইয়া গিয়াছে। চিত্রকরগণের নামের তালিকা অবশ্য ঐখানেই সম্মিলিত ছিল। দপ্তরীর দোষেই তালিকা অসম্পূর্ণ। শুধু পাঁচজন চিত্রকরের নাম পরিদৃষ্ট হয়, যথা—শঙ্কর, গুজরাতি, সারোয়ান, দ্রিঘিয়া, সুরদাস ও বৃহস্পতি। মুসলমানী পাণ্ডুলিপিতে হিন্দু নামের উল্লেখে বিস্ময়ের কারণ কিছুই নাই, কারণ সম্রাট আকবরের রাজসভায় বহু হিন্দু চিত্রকর নিযুক্ত ছিলেন—প্রকৃতপক্ষে

প্রতি দশজন হিন্দু চিত্রকরের ভিতর একজন করিয়া মুসলমান। ইহার মুসলমান চিত্রকরের শিষ্যত্ব গ্রহণ করিয়া চিত্রবিজ্ঞা শিক্ষা করেন, কিন্তু পরে দক্ষতায় গুরুকেও ছাড়াইয়া উঠেন। হিন্দু ও মুসলমান এই দুই জাতির চিত্রকরের একত্র সম্মিলনেই চিত্রবিজ্ঞার পরাকাষ্ঠা লক্ষিত হয়। মোগল যুগের চিত্রকলা যুগযুগান্তর মানবচিত্তে বিস্ময় উদ্বেক করিবে, ইহা নিঃসন্দেহ।

### অধ্যাপক শ্রীযুক্ত রাধাকৃষ্ণ

কলিকাতা বিশ্ববিদ্যালয়ের দর্শনের পঞ্চম জর্জ অধ্যাপক শ্রীযুক্ত রাধাকৃষ্ণ অঙ্ক বিশ্ববিদ্যালয়ের ভাইস্-চ্যান্সেলর নির্বাচিত হইয়াছেন। তাঁহার প্রতিযোগী ছিলেন শ্রীযুক্ত বেনেট রামচন্দ্র রাও এবং দেওয়ান বাহাদুর শ্রী ভেকটনন্ নাইডু। উপযুক্ত ব্যক্তিকে নির্বাচিত করিয়া অঙ্ক বিশ্ববিদ্যালয় গুণগ্রাহিতার পরিচয় দিয়াছেন। গুণীর যথোচিত সম্মাননায় আমরাও সন্তুষ্ট হইয়াছি।

১৯২৭ সালে বোম্বাই সহরে Indian Philosophical Congress-এর তৃতীয় অধিবেশনে শ্রীযুক্ত রাধাকৃষ্ণ সাধারণ সভাপতির পদে বৃত্ত হইয়াছিলেন। দর্শন বিষয়ে বক্তৃতা দানের জন্য ইয়োরোপ এবং আমেরিকার কয়েকটি বিশ্ববিদ্যালয় কর্তৃক কয়েকবার আমন্ত্রিত হইয়া তিনি প্রভূত খ্যাতি অর্জন করেন।





উদয়ন-জ্যৈষ্ঠ, ১৩৪০



শ্রী অচল দেবী







## ଆନ୍ତରୀକ୍ଷ

ଫେବୃଆରୀ ୧୯୫୫ ମସିହା  
ଆମେରିକା ଉପକୂଳରେ। ଆମେରିକା  
ଏହି ଲବଣିଆ ମାଟିରେ ଫେବୃଆରୀ  
ମାସରେ ଗଢ଼ାଯାଇ, ଏହି ଗଢ଼ାଯାଇ  
ମାଟିରେ ଗଢ଼ାଯାଇ ଗଢ଼ାଯାଇ  
ଫେବୃଆରୀ ୧୯୫୫ ମସିହା  
ମାଟିରେ ଗଢ଼ାଯାଇ।

ଶ୍ରୀ ରାମଚନ୍ଦ୍ର

୧୯୫୫ ମସିହା

୧୯୫୫









## সংস্কৃত কাব্যের অনুবাদ

শ্রীরবীন্দ্রনাথ ঠাকুর

...সংস্কৃত কাব্য অনুবাদ সম্বন্ধে আমার মত এই যে, কাব্যধ্বনিময় গণ্ডে ছাড়া বাংলা পণ্ডিতদের তার গাভীরা ও রস রক্ষা করা সহজ নয়। দুটি চারটি শ্লোক কোনো মতে বানানো যেতে পারে, কিন্তু দীর্ঘ কাব্যের অনুবাদকে সুখপাঠ্য ও সহজবোধ্য করা দুঃসাধ্য। নিতান্ত সরল পথেরে তার অর্থটিকে প্রাঞ্জল করা যেতে পারে, কিন্তু তাতে ধ্বনিসঙ্গীত মারা যায়—অথচ সংস্কৃত কাব্যে এই ধ্বনিসঙ্গীত অর্থসম্পদের চেয়ে বেশি বই কম নয়।

...বাঙালীর কান ব'লে কোনো বিশেষ পদার্থ আছে ব'লে আমি মানিনে। মানুষের স্বাভাবিক কানের দাবী অনুসরণ করলে দেখা যায়, মন্দাক্রান্তা হৃন্দের চার পক্ষ, যথা—

মেঘালোকে। ভবতি স্মৃতিনো। পাত্তথারুৎ। তি চেতঃ—

মাত্রা হিসাবে ৮-৭-৭-৪। শেষের চারকে ঠিক চার বলা চলে না। কারণ, লাইনের শেষে একমাত্রা আন্দাজের যতি বিরামের পক্ষে অনিবার্য। এই ছন্দকে বাংলায় আনতে গেলে এই রকম দাঁড়ায় :—

দূরে ফেলে গেছ জানি,  
স্মৃতির বীণাখানি  
বাজায় তব বাণী

মধুরতম।

অনুপমা, জেনো অগ্নি,  
বিরহ চিরজয়ী  
করেছে মধুময়ী

বেদনা মম।

সংস্কৃতের অমিত্রাঙ্কর-রীতি অনুবর্তন করা যেতে পারে, যথা—

অভাগা যক্ষ কবে করিল কাজে তেলা কুবের তাই তারে  
দিলেন শাপ,  
নির্কাসনে সে রহি' প্রেমসী-বিচ্ছেদে বর্ষ ভরি' স'বে  
দারুণ জালা।

গেল চলি' রামগিরি শিখর-আশ্রমে তারায়ে সহজাত  
মহিমা তার,  
সেখানে পাদপরাজি স্নিগ্ধ ছায়াবৃত সীতার স্নানে পুত  
সলিল-ধারা ॥



## ছোটগল্প\*

শ্রী প্রমথ চৌধুরী

(১)

ছোটগল্প, ভাষান্তরে উপকথা, হচ্ছে পৃথিবীর আদি গল্প। এই উপকথাই বাঙালীর মুখে রূপকথা আকার ধারণ করেছে। আর রূপকথাই যে আদি ছোটগল্প, তা' কে না জানে? এবং সম্ভবতঃ ভারতবর্ষই হচ্ছে উপকথার জন্মভূমি; অন্ততঃ এ কথা অবিসংবাদী যে, সংস্কৃত ও প্রাকৃত সাহিত্যে যত উপকথা আছে, পৃথিবীর অপর কোন সাহিত্যে তার শতাংশের এক অংশও নেই।

বৌদ্ধ-জাতক অসংখ্য। মহাভারত আর পুরাণেও অসংখ্য উপকথা আছে। সেগুলি যদি সব একত্র সংগ্রহ করা যায়, তাহলে বৌদ্ধ-জাতকের চাইতেও পরিমাণে বেশি হবে। আর এই উপকথার ভিত্তির উপরেই সংস্কৃত কাব্য-সাহিত্য গড়ে উঠেছে। তারপর 'কথাসরিৎসাগরে'র নামেই পরিচয় যে, তাতে কত কথা সংগৃহীত হয়েছে। আর পশুপক্ষীর চরিত্র ও ব্যবহার অবলম্বন করে যে কত উপকথার সৃষ্টি হয়েছে, তার পরিচয় পাওয়া যায় 'পঞ্চতন্ত্রে'।

এই অসংখ্য উপকথার সৃষ্টি করেছে নিরক্ষর লোক-সমাজ, শিক্ষিত সাহিত্য-সমাজ নয়। দণ্ডী বলেছেন যে, “কথা হি সর্বভাষাভিঃ সংস্কৃতেন চ বধ্যতে।” এর থেকে অনুমান করা যায় যে, দণ্ডীর কালে বেশির ভাগ উপকথাই মানুষের মুখে শুনে সেকালের কবিরা তা' লোক-ভাষায়, আর কোন কোন গল্প সংস্কৃত ভাষায় লিপিবদ্ধ করতেন। এই বিপুল সাহিত্যের জন্ম লেখনী দেয়নি, দিয়েছে রসনা।

বৌদ্ধ-জাতক মূলতঃ পালি ভাষাতেই লিখিত, পরে

তা' সংস্কৃত ভাষাতেও প্রমোদন পেয়েছে। 'বৃহৎ-কথা' পৈশাচী নামক কোনও অনির্দিষ্ট-প্রাকৃত নাকি প্রথমে রচিত হয়েছিল, তারপর তা' 'কথাসরিৎসাগরে' রূপান্তরিত হয়েছে। এর থেকে মনে হয় ভারতবর্ষই হচ্ছে যথার্থ ছোটগল্পের দেশ।

(২)

সেকালের সাহিত্যিকগণ এ-সব উপকথা নিজের মাথা থেকে বার করেননি, কেবলমাত্র লোক-কথা সংগ্রহ করেছিলেন, এবং অল্পবিস্তর রূপান্তরিত করেছিলেন। মহাভারত-পুরাণের উপাখ্যানাবলী, 'বৃহৎ কথার' উপকথাসমূহ, জাতকের ও 'পঞ্চতন্ত্রে'র গল্পগুলি, সবই লোক-কথার সাহিত্যিক সংস্করণ মাত্র।

এই জনসমাজের সৃষ্ট উপকথাগুলি মানব-সমাজের যে চির আনন্দের সামগ্রী, সেকালের সাহিত্যিকগণ তা' বুঝতে পেরেছিলেন; আর ঐ সব উপকথা অবলম্বনে যে লোক-সমাজকে শিক্ষাদান করা যেতে পারে, তা' তাঁদের চোখ এড়িয়ে যায়নি। তাই জাতকের গল্পগুলি বৌদ্ধধর্মের লোকায়ত text-book; 'পঞ্চতন্ত্রে'র গল্পগুলি রাজধর্মের text-book; এবং মহাভারত ও পুরাণের গল্পগুলি হিন্দু ধর্ম ও আচারের প্রচারের কার্যে ব্যবহৃত হয়েছিল।

কিন্তু এ-সব ধর্ম লক্ষ্যে ধারা উদাসীন, আজ পর্যন্ত এর অধিকাংশ গল্প তাঁদেরও আনন্দের সামগ্রী—কারণ “কথারস অবিধাতেন” এ শিক্ষা দান করা হয়েছে।

এর পর আরব্য ভাষায় একটি অপূর্ণ গল্পসংগ্রহ

\* প্রকাশোন্মুখ কথাক্ষেত্র ভূমিকাধরপ লিখিত।



প্রকাশিত হয়। এবং এ আরব্য-উপাখ্যাস যে বিশ্ব-মানবের অতি প্রিয় বস্তু, তা' কে না জানে? অনেক পণ্ডিতের বিশ্বাস যে, আরব্য-উপাখ্যাসের গল্পসমূহ ভারতীয় উপকথার ভাণ্ডার হ'তে সংগৃহীত। এ অসুমান আমি সহজেই গ্রাহ্য করি। কেননা, 'কথাসরিংসাগরে' এমন গুটিকতক গল্প আছে, যা' আরব্য উপাখ্যাসে বেমানান পূরে দেওয়া যায়। আর 'পঞ্চতন্ত্র'র গল্প যে ইউরোপে অনুবাদের মারফৎ ছড়িয়ে পড়ে, তার প্রমাণ আছে। সুতরাং আমাদের জাতিই যে ছোটগল্পের প্রধান কৰ্ত্তা ও ভোক্তা—সে-বিষয়ে সন্দেহ নেই।

(৩)

এখন ইউরোপের দিকে তাকানো যাক। গ্রীসের বিশ্ববিখ্যাত সাহিত্য এ-ক্ষেত্রে অমূল্য। গ্রীক ভাষা আমি জানিনে, কিন্তু গ্রীক সাহিত্য যদি উপকথায় সমৃদ্ধ হ'ত, তবে সে সংবাদ আমাদের কাছেও পৌঁছত। গ্রীসেও দেবদেবীর বহু উপাখ্যান আছে, কিন্তু সেগুলি ছোটগল্পের পর্যায়ভুক্ত নয়। ও ভাষায় 'পঞ্চতন্ত্র'র অনুরূপ 'Aesop's Fables' আছে, যা' 'কথামালা'র প্রসাদে আমরা সকলেই জানি। এ 'কথামালা'র রূপ অতি চমৎকার। এত অল্প কথায় এমন সুগঠিত এ-জাতীয় গল্প আর কেউ বলতে পেরেছেন ব'লে জানিনে। এবং এই artistic গুণেই এ গল্পগুলি বিশ্ব-মানবের কাছে এত প্রিয় হয়েছে। এ গল্পগুলির স্রষ্টা লোক-সমাজই হ'ক আর যিনিই হ'ন, তিনি সাহিত্য-জগতের একটি প্রধান গুণী।

ইউরোপের প্রাচীন সাহিত্য সম্বন্ধে আমি বিশেষজ্ঞ নই, সুতরাং যে-সব গল্প-লেখকের নাম আমরা সকলেই শুনেছি, তাঁদেরই নাম করব।

গ্রীকো-রোমান সভ্যতার অধঃপতনের পর ইউরোপে কোনও অমর কথা-সাহিত্য জন্মলাভ করেনি, সম্ভবতঃ এক রূপকথা ব্যতীত—যে-সব রূপকথা Grimm অষ্টাদশ শতাব্দীতে সংগ্রহ ক'রে, সাহিত্যের অস্তিত্ব কর্ত্তা করেন।

এর পূর্বে Renaissance-এর যুগে ইতালিতে আবার নব-উপকথা-সাহিত্য জন্মলাভ করে। ঐ যুগে ইতালির কথা-শিল্পীদের মধ্যে Boccaccio সৰ্ব্বশ্রেষ্ঠ। Boccaccio-র রচিত গল্পের ভিতর সুরচিও নেই, সুনীতিও নেই—এবং তিনি কোনরূপ ধর্মপ্রচারের উপকরণস্বরূপ এ সব গল্প লেখেননি। কিন্তু এ-সব গল্পের ভিতর ধর্ম ও নীতি না থাক, আট আছে। সর্ব-প্রকার ideality-র দিকে পিঠ ফিরিয়েও যে রক্তমাংসে-গড়া মানুষ নিয়ে চমৎকার গল্প লেখা যায়—এ সত্যের আবিষ্কার বোধহয় Boccaccio প্রথম করেন। এর ফলে ইউরোপের সকল ভাষায় এ'র গল্পগুলি অনূদিত হয়েছে, আর সেগুলি বহুলোকের নিকট পরিচিত। মানুষের হাসি-কান্নার মূল যে তার অন্তর্নিহিত, এবং কোনও দৈবশক্তির অনুগ্রহ বা নিগ্রহের উপর নির্ভর করে না—এই হচ্ছে বকাচিওর ফিলজফি। আর এই ফিলজফিই ইউরোপের নব-উপকথার অন্তরে রয়েছে।

(৪)

এর পর ইউরোপে নানা ভাষায় অবশ্য Boccaccio-র অনুকরণে নানা গল্প লিখিত হয়েছে, কিন্তু সে-সব লেখকেরা প্রতিভায় বঞ্চিত ছিলেন ব'লে তাঁরা কেউই সাহিত্য-সমাজে Boccaccio-র গায় প্রতিষ্ঠা লাভ করেননি; সুতরাং তাঁরা সাহিত্য-জগতে সুপরিচিত নন।

তারপর ইউরোপে নভেল নামক নব-কথা-সাহিত্য জন্মলাভ করলে—এবং দিন দিন এই নব সাহিত্য এমন বৃদ্ধি পেতে লাগল যে, আজকের দিনে এ-জাতীয় সাহিত্যের তুল্য বিপুল সাহিত্য আর দ্বিতীয় নেই। সাহিত্য-ক্ষেত্রেও বিভিন্ন যুগে বিভিন্ন ফসলের চাষ মানুষী হ'য়ে ওঠে।

এর ফলে উপকথা আওতায় প'ড়ে গেল। লেখক ও পাঠক এ-জাতীয় সাহিত্যকে উপেক্ষা করতে লাগলেন। ফলে ছোটগল্প ছোট-সাহিত্য ব'লে গণ্য হ'তে লাগল।

উনবিংশ শতাব্দীর ইউরোপে প্রধান গল্প-লেখকেরা



প্রায় সকলেই নভেল-লেখক। Scott, Dickens, Thackeray, George Eliot, Balzac, Tolstoy-এর নাম কে না জানেন?

উপরোক্ত বড় ইংরাজ নভেলিষ্টরা কেউ ভাল ছোট-গল্প লেখেননি; কিংবা লিখতে পারেননি। অবশ্য নভেলের ভিতরও একটি গল্প থাকে; কিন্তু সে-গল্প নভেলের প্রাণ নয়। অপরপক্ষে গল্পই হচ্ছে ছোটগল্প ওরফে উপকথার প্রাণ। সুতরাং যারা নভেল-লেখক, তাঁরা ছোটগল্প লেখার মনোনিবেশ করতে পারেন না।

অবশ্য এমন লেখকও আছেন, যারা এ উভয় জাতীয় সাহিত্যে সিদ্ধহস্ত—যথা ফরাসী দেশে Balzac এবং রুশিয়ায় Tolstoy। কিন্তু সচরাচর এ দুই শক্তি একই লেখকের দেহে থাকে না।

(৫)

আমি পূর্বে বলেছি যে, প্রাচীন ভারতবর্ষ হচ্ছে উপকথার দেশ, আর বর্তমান ইউরোপ হচ্ছে উপন্যাসের দেশ। সুধু তাই নয়, ঊনবিংশ শতাব্দীতে ইউরোপে উপকথা একরকম উপ-সাহিত্য হয়ে পড়েছিল।

ইঠাং Maupassant নামক জনৈক ফরাসী সাহিত্যিক ছোটগল্পকে আবার সাহিত্য-রাজ্যে উচ্চপদে প্রতিষ্ঠিত করেন। এর কারণ, Maupassant-র গল্পের নূতনত্ব ও বৈচিত্র্য, তাঁর ভাষার শক্তি ও সৌন্দর্য্য, ইউরোপের পাঠক-সমাজকে যুগপৎ মুগ্ধ ও চমৎকৃত করে। ইউরোপের সাধারণ পাঠক-সমাজ এবং শ্রেষ্ঠ সাহিত্যিকেরা একবাক্যে Maupassant-কে একজন অদ্বিতীয় সাহিত্যিক বলে অবিলম্বে স্বীকার করেন। স্বয়ং Tolstoy ত' তাঁকে ঊনবিংশ শতাব্দীর একমাত্র প্রতিভাসম্পন্ন কথাশিল্পী বলেন। এর ফলে তাঁর গল্পসমূহ নানা ভাষায় অনূদিত হয়ে পৃথিবীময় ছড়িয়ে পড়ে।

আমি যখন কলেজে পড়ি, তখন গল্প-সাহিত্যে Maupassant রাজ। এবং আমরা যারা সেকালে ইউরোপীয় সাহিত্যের চর্চা করতুম, অনেকেই তাঁর

গল্প-সাহিত্যের সঙ্গে অল্পবিস্তর পরিচিত ছিলাম। ফলে, এ-যুগের বাঙালার ছোটগল্প Maupassant-র ছোটগল্পের দ্বারা অনুপ্রাণিত হয়েছে। কি হিসেবে, তা' পরে বলছি। এখানে শুধু একটি কথা বলতে চাই। ইংলণ্ডের এ-যুগের শ্রেষ্ঠ ছোটগল্পলেখক Kipling-এর কোনরূপ প্রভাব বঙ্গ-সাহিত্যের উপর নেই। এর কারণ, Kipling-এর কথা-সাহিত্য আমাদের কাছে প্রিয়ও নয়, অতএব পরিচিতও নয়। এ-ক্ষেত্রে আমরা ইংরাজী সাহিত্যের কাছে ঋণী নই।

(৬)

তখনকার অনেক লেখক যে Maupassant-র কথাবলীর সঙ্গে পরিচিত ছিলেন, আর সে সাহিত্য যে তাঁদের প্রিয় ছিল—তার প্রমাণ Maupassant-র কতকগুলি গল্প বাঙলা ভাষায় বহুবার অনূদিত হয়েছে। কিন্তু কেউ তাঁর গল্পের অনুকরণ করেছেন কিংবা তাঁর গল্প চুরি করেছেন বলে ত' জানিনে। কারণ তাঁর গল্পের বিষয় চুরি করা যায়, কিন্তু তার রূপ চুরি করা যায় না। আর Maupassant-র অনেক কথার রূপ বাদ দিলে—তার বিষয় নিতান্ত অকিঞ্চিৎকর এবং অপ্রিয় হয়ে পড়ে।

তবে তাঁর গল্প-সাহিত্যের দ্বারা আমাদের গল্প-সাহিত্য যে অনুপ্রাণিত, এ কথার মানে কি?

Maupassant-র উপকথা প্রাচীন উপকথার স্বজাত নয়। তাঁর কথা রূপকথাও নয়, 'একাধিক সহস্র রজনী'র কথাও নয়, 'পঞ্চতন্ত্রের' কথাও নয়। এ-সব কথা, লোক-কথার সাহিত্যিক সংস্করণও নয়, অনুকরণও নয়। তাঁর সকল কথার স্রষ্টাই তিনি নিজে। তিনি নিজের অভিজ্ঞতা ও নিজের প্রকৃতি থেকেই এ-সব গল্পের মাল-মসলা সংগ্রহ করেছেন।

এর থেকে এই ভরসা পাওয়া যায় যে, এ-যুগে আমরা নিজের অভিজ্ঞতা ও নিজের প্রকৃতির সাহায্যেই নব-কথা সৃষ্টি করতে পারি। উপরন্তু তিনি প্রমাণ করেছেন যে, ছোটগল্পও উচ্চশ্রেণীর সাহিত্যের মধ্যে গণ্য। গল্পের মর্যাদা, তার পরিমাণ নয়, তার গুণের



উপর নির্ভর করে। আমরা যদি যথার্থই গুণী হই ত' আমাদের গুণপনার পরিচয় ছোটগল্প রচনা ক'রেও দিতে পারি। আর ছোটগল্পেরও কোন নির্দিষ্ট বিষয় নেই; যে-কোন বিষয় হ'ক না কেন, গুণীর হাতের সোনার কাঠির স্পর্শে তা' জীবন্ত হ'য়ে ওঠে। 'আর্টে' Content-এর মূল্যের চাইতে Form-এর মূল্য ঢের বেশি।

( ৭ )

বাঙলার এ-যুগের গল্প-লেখকরা কেউই রূপকথা লেখেন না, আরব্য-উপতাসও লেখেন না; সকলেই গল্প লেখবার নব পন্থা অবলম্বন করেছেন। কারও কারও বিশ্বাস, এ-পথ প্রথমে আমিই দেখাই। কিন্তু তাঁদের সে ধারণা ভুল।

আমি প্রথমে কলম ধ'রেই, “ফুলদানী” নামক একটি গল্প ফরাসী থেকে অনুবাদ করি। সে গল্প যে পুনর্মুদ্রিত করিনি, তার কারণ, গল্পটি একটি প্রসিদ্ধ গল্প হ'লেও, আমার কাঁচা হাতের স্পর্শে তার যথার্থ রূপ নষ্ট হ'য়ে গিয়েছিল। গল্পটির লেখক Maupassant নন—Merimée নামক তাঁর পূর্ববর্তী জনৈক খ্যাতনামা সাহিত্যিক।

এর পর বাঙালী লেখকরা Maupassant-র বহু গল্প বাঙলায় অনুবাদ করেন। আমি যদি এ-ক্ষেত্রে কোনও পথ দেখিয়ে থাকি, তবে তা' অনুবাদের পথ। কিন্তু এই অনূদিত বিলেতি গল্পগুলি বঙ্গসাহিত্যের অঙ্গ ব'লে গ্রাহ্য হয়নি।

বঙ্গসাহিত্যের অপর নানা ক্ষেত্রেও যেমন, এ ক্ষেত্রেও তেমনি রবীন্দ্রনাথ হচ্ছেন আদি লেখক। আমার বিশ্বাস, তিনি সর্বপ্রথম “হিতবাদী” পত্রিকায় ছোট ছোট গল্প লিখতে শুরু করেন; তারপর “সাধনায়” তাঁর বহু গল্প প্রকাশিত হয়। তিনিই হচ্ছেন বঙ্গসাহিত্যে ছোট-গল্পের আদিপ্রস্টা; এবং এ-ক্ষেত্রে তাঁর সৃষ্টি অফুরন্ত। অথচ রবীন্দ্রনাথের গল্প Maupassant-র প্রভাব হ'তে সম্পূর্ণ মুক্ত। আর রবীন্দ্রনাথের প্রভাব বাঙলার

অধিকাংশ লেখকের গল্পে স্পষ্ট লক্ষিত হয়। এর কারণ, কি ভাবে, কি ভাষায়, রবীন্দ্রনাথের প্রভাব থেকে মুক্ত হওয়া এ-যুগের বাঙালী লেখকদের পক্ষে একরকম অসম্ভব।

( ৮ )

আমি পূর্বে যা' লিখেছি, তা' ছোটগল্পের ইভলিউশানের সংক্ষিপ্ত ইতিহাস নয়; কারণ সে ইতিহাস লেখা আমার স্বল্প বিদ্যায় কুলোয় না। সেকালে ও একেলে অনেক গল্পের সঙ্গে আমার পরিচয় আছে একমাত্র পাঠক হিসেবে—ঐতিহাসিক হিসেবে নয়। এই ক্ষেত্রে আমার এই জ্ঞান জন্মেছে যে, ভারতবর্ষ হচ্ছে ছোটগল্পের আদি জন্মভূমি। এবং সেকালে এ-দেশে গল্প জন্মেছে ঢের—অথচ সে-সব গল্প সকালে জ'ন্মে বিকেলে মরেনি। প্রাচীন ভারতবর্ষের অনেক গল্প অমর। ভারতবর্ষের কোনও ধারাবাহিক ইতিহাস নেই। এ ইতিহাসের পরিবর্তন ইভলিউশানের কোঠায় ফেলা যায় না; কারণ, ভারত-বর্ষের সভ্যতার ইতিহাস মূল থেকে ফুল পর্য্যন্ত ক্রমবিকাশের ইতিহাস নয়,—যুগে যুগে উত্থান-পতনের ইতিহাস।

আমরা আজও বেঁচে আছি, এবং মন নামক জিনিষটি আজও আমাদের দেহে আছে। আর মানুষের যা'কে সাহিত্য বলে,—তা এই মনেরই সৃষ্টি অথবা লীলা। আমার বিশ্বাস যে, এ-যুগে এই সাহিত্যিক মনের স্পষ্ট প্রকাশ বাঙলাদেশেই বিশেষ ক'রে দেখা যায়।

ছোটগল্প যখন সাহিত্যের একটি সনাতন ও প্রধান অঙ্গ—তখন বর্তমান বাঙলায় সে তা' ফুটে উঠবে, এতে আর আশ্চর্য্য কি?

আর একটি কথা ব'লেই ছোটগল্পের এই পরিচয়-পত্র শেষ করি। ছোটগল্প বলবারও একটা আর্ট আছে, এবং আমার বিশ্বাস এ আর্ট নভেল লেখার আর্টের চাইতেও কঠিন। কারণ এ-জাতীয়



গল্পের উপাদানকে আগে মনে সাকার ক'রে নিতে হয়, পরে ভাষায় মূর্ত করতে হয়। নভেলের মত এতে নানা কথা বন্বার অবসর নেই।

তবে এ আর্ট কেউ কাউকেও শেখাতে পারে না। নিজের কল্পনাকে কি উপায়ে সাকার করা যায়, তা' লেখক স্বয়ংই আবিষ্কার করবেন। ছোটগল্পের বিষয়ও যেমন বিচিত্র, তার আর্টও তেমনি বিভিন্ন।

ছোটগল্প যে গানও হ'তে পারে, ছবিও হ'তে পারে, তার পরিচয় আমাদের গল্প-সংগ্রহেই পাবেন; এবং বলা বাহুল্য যে, গান গাইবার আর্ট ও ছবি আঁকার আর্ট সম্পূর্ণ বিভিন্ন। উপকথা সম্বন্ধে প্রথম কথাও যা, শেষ কথাও তাই। উপকথা মাত্রেরই রূপকথা—ও-শব্দের সংস্কৃত অর্থ।

৩০-৪-৩৩

### “উদয়ন” ‘পোষ্টার’ ( Poster ) প্রতিযোগিতা

রাস্তার ধারের দেওয়ালে “উদয়ন”-এর বিজ্ঞাপন দিবার উপযুক্ত একটি ভাল রঙ্গীন চিত্রের (চার রঙে আঁকা) জন্ত উপরোক্ত প্রতিযোগিতায় ১৫০৮ টাকা পুরস্কার ঘোষণা করা হইয়াছিল। প্রতিযোগিতার ছবি পাঠাইবার শেষ দিন ছিল ৩০শে এপ্রিল।

প্রতিযোগিতার বিচারকগণ (চিত্রকর শ্রীযুক্ত যতীন্দ্রকুমার সেন মহাশয়ের নেতৃত্বে) শ্রীযুক্ত শচীন্দ্রনারায়ণ দাস মহাশয়ের অঙ্কিত চিত্রটি পুরস্কারের যোগ্য স্থির করিয়াছেন।

পুরস্কার সম্বন্ধে বিচারের সময় চিত্রের মৌলিকতা, আঁকার উৎকর্ষ এবং রঙের সমাবেশের দিকে বিশেষ লক্ষ্য রাখা হইয়াছে।

ছবিটির একটি ছোট এক-রঙা রক এবার ছাপা হইল। বলা বাহুল্য, মূল রঙ্গীন চিত্রটির সৌন্দর্য্য এই ছবিতে পাওয়া সম্ভবপর নহে। মূল চিত্রটি ২০×৩০ ইঞ্চি আকারে চার রঙে অঙ্কিত। শীঘ্রই ইহার পূর্ণাকার ছাপা ‘পোষ্টার’ কলিকাতা এবং মফঃস্বলের রাস্তার দেওয়ালে দেখিতে পাওয়া যাইবে।

প্রতিযোগিতায় আরও কয়েকটি ভাল ছবি আসিয়াছিল; পুরস্কৃত নানা হইলেও সেগুলি উল্লেখ-যোগ্য। সম্ভব হইলে তাহাদেরও ছোট রক আমরা ভবিষ্যতে ছাপিব।



উদয়ন-ডেস্ট, ১৩৪০



শিল্পী — শ্রীযুক্ত শচীন্দ্রনাথ রায়

[এই চিত্রখানি উদয়নের প্রাচীর-চিত্র প্রতিযোগিতায় সর্বশ্রেষ্ঠ বিবেচিত হয় ও শিল্পীকে দেড়শত







# সর্বানী

( উপন্যাস )

শ্রীমতী অনুরূপা দেবী

[ পূর্বানুসৃতি ]

( ২ )

সুরঞ্জনের বয়স কত তা' আমাদের ঠিক জানা নাই ; রঙটি বেশ হরিতাল-ফলানো, চুলগুলি সাদা ধবধবে, এক সময় হয়ত চুলে কলপ পড়িত, এখন আর পড়ে না ; দাড়ি-গোঁফ কামানো, দোহারা গড়ন, উচু নাক, চোখেরও টান আছে, বয়সেও তার জ্যোতি হারায় নাই, দাঁতগুলি বেশ সাজানো ও ঝকঝকে, যদিও সেগুলি এখন আর নিজের নয়—বাঁধানো। পরণে পরিষ্কার সাদা ধুতি-পিরাম, পায়ে বোধকরি মেয়েরই হাতে বোনা রেশমী কাজকরা শ্রিপার ; সকালবেলা যখন বাগানে বেড়াইতে যান, হাতে একগাছি রূপার মুখ-বাঁধানো সৌখীন ছড়ি থাকে, জুতাটাও বদলাইয়া পরেন, আর সবই ঠিক থাকে। পাকা চুলগুলি সকল সময়েই পরিপাটী করিয়া আঁচড়ানো। জন্মকাল হইতেই যে ভোগে, সুখে, সম্ভোগে কাল কাটাইয়া গিয়াছেন, তাহার সকল-কিছু চিহ্নই এই যাত্নবটির সমস্ত দেহে-মনে ব্যাপ্ত হইয়া থাকিতে দেখা যায় ; চলিত ভাষায় যাকে বলে সৌখীন।

কিন্তু হঠাৎ কিছুদিন হইতে তাঁহার একটা পরিবর্তন আসিয়াছে। সাজপোষাক অবশ্য ঠিকই আছে, চেহারাও কিছুমাত্র বদলায় নাই ; কিন্তু পরিবর্তিত হইতে আরম্ভ করিয়াছে যেন এই সুন্দর এবং সুসজ্জ রক ব্যক্তির মন। অবশ্য চিরদিনকার অভ্যাসে অভ্যস্ত পাকা বিষয়ী মন সহজে যে বাগ মানিতে পারে, তা নয় ; কিন্তু সে যে আজ তার চিরাত্মান্ত পথে আর শান্তি পায় না, সাধনা খুঁজিয়া ফেরে, এ সত্য কথা। অভ্যাসমত তিনি করিয়া যান সবই,

এমনকি স্নানের জলে টয়লেট ভিনিগার দেওয়া আছে জানিয়াও তা'তে আপত্তি করেন না, স্নানের পর নিত্য-কার মতই ঘরে-তোলা মাখম মাখিয়া পেশোয়ারি চালের ভাত সমান পরিমাণেই মুখে তোলেন ; ভাপা দই, আঙ্গুরের পায়ের, বাদশাক্তোগ বা রাজভোগ যেমন বরাবর ঘরেই তৈরি হইত, আজও হয় ; রূপার ঢাকাই কাজ-করা রেকাবে তা' সামনে আসে, শেষও হয়, কিন্তু স্বাদ-গ্রহণ হয়ত বা আর ঠিক তেমনটি করিয়া হয় না। মন যেন উদাস উড়ন্ত হইয়া থাকে ; সর-বসান ঘন দুধের বাটীতে চিনির মুড়কি ফেলা আছে, ভাত যে তা'তে পড়ে নাই অথচ আঙ্গুল দিয়া ভাত মাখার একটা মিথ্যা অভিনয় গভীর অন্ত-মনস্তায় চলিতেছে, একথাটা আবার আর-একজনকে জঁষৎ একটুখানি দুঃখের মান হাসি হাসিয়া স্মরণ করাইয়া দিতে হয় ; দিতে গিয়া যে দেয় তার জন্ম মথিত করিয়া একটা সযত্নে চাপিয়া রাখা দীর্ঘকালের একটুখানি গলার কাছে ভাসিয়া আসে ; সেটাকে সামলাইতে তাহাকে জঁষৎ নত হইয়া পাখার হাওয়ায় একটা কল্লিত মাছিকে তাড়াইবার জন্ত ব্যতিব্যস্ত হইতে হয়। আবার নিজের অন্তর্নিহিত গভীর বিষাদাচ্ছন্ন উন্নততা দ্রষ্টার নিকট উচ্চ রাখার ব্যর্থ চেষ্টায় কোনমতে একটুখানি দেতো হাসি হাসিয়া তিন আঙ্গুলে চারটি ভাতের দানা তুলিয়া লইয়া উহাকেও জবাব দিতে হয়, “ক্ষিধে নেই ব'লেই নিইনি রে ; আচ্ছা দু'টি নেওয়াই যাক্।”

শুনিয়া পাখার বাতাস দিতে দিতে সে শোনে তার



বুক একটুখানি ভারি হইয়া উঠে, দীর্ঘশ্বাস চাপিতে আরও একবার চেষ্টা করিতে হয়। এমনি করিয়াই তাদের দু'জনকার মধ্যে লুকোচুরির প্রয়াস চলিতে থাকে, ফলে কে কতখানি যে সফল হইতে পারে বলা যায় না, কিন্তু এটুকু বলা যায়, সকল বিষয়ের মতই এক্ষেত্রেও সেই তরুণীর বিজয়লাভ হয়ত বা কণক্ষিৎ ঘটে; প্রবীণটির আত্মসম্মান রক্ষা বৃদ্ধি আর হয় না, এমনিই তাঁর অবস্থাটা হইয়া দাঁড়াইতেছিল। যে-কোন দীর্ঘকাল-স্থায়ী বাপা রোগেরই মত, যতই দিন যায় অবনতির দিকে ততই নামিয়া আসে; উন্নতির লক্ষণ কিছুমাত্র দেখা যায় না, লক্ষ্যও থাকে না। যে একজনই শুধু লক্ষ্য করে, এবং কে যে ইহার উপলক্ষ্য তাও জানে, তারই প্রাণের ভিতরে শুধু পুঞ্জীকৃত হইয়া দীর্ঘশ্বাসের পর দীর্ঘশ্বাসগুলি জমিয়া উঠে, বুকখানা পাথরের মত ভারি হয়, চোখে জল পড়ে না, সমস্ত মনটা শুধু গুমটে-ভরা ব্যাপ্তমেঘ বিরহিত-বর্ষণ দিবসের মতই থমথমে হইয়া থাকে, যে অবস্থায় আকাশকে বর্ষণমুখর জলধারে অবনত সমাচ্ছন্ন করিয়া দেয়, অথচ তার বিন্দুটি পর্য্যন্ত বায় করিতে দেয় না,—সে সর্দাগী—সে এই সুরঞ্জনেরই মেয়ে।

বাপে-মেয়েতে বয়সের যে রকম তফাৎ, তাতে পিতামহ-পৌত্রীর সম্পর্ক মনে করাও বিচিত্র ছিল না, অনেকে হয়ত করেনও। সর্দাগী এঁর অনেক বয়সের মেয়ে; তার মা বোধ করি তার বাপের দ্বিতীয় কি তৃতীয় বারের বিবাহ-করা স্ত্রী, সেইজন্মই হয়ত পিতা-পুত্রীতে বয়সের এতটা প্রভেদ। তার মা কোথায়? জীবিত কি মৃত—সে-কথা আমাদের জানা নাই; বাড়ীর বাহিরের লোকে এ-সম্বন্ধে কি বলে না বলে সে-সব কথা আমরা স্পষ্ট শুনিতে পাই না, তবে কি যেন সব বলে। ভদ্রঘরের মেয়েদের সম্বন্ধে কোন অভদ্র কথা আমরা সহজে বিশ্বাস করি না, নিন্দুকের সংখ্যাও এদেশে একটু বেশী, তাই এ সম্পর্কে কোন কথা আমাদের না তোলাই ভাল; আমরা জানি সর্দাগীর মা নাই। কবে গিয়াছেন, কিসে গিয়াছেন—এই সব কুট প্রশ্নের উত্তর দিতে পারিব না, নাই—এই

পর্য্যন্ত জানিলেই হইল; তবে এইটুকুই বলিতে পারি—সে-ঘটনা ঘটয়াছিল অনেক কাল আগেই, এই সর্দাগী—ষোড়শী সর্দাগী তখন প্রায় শিশু, আর সে-ঘটনা এদেশে থাকিয়াও ঘটে নাই। সে-ঘটনা ঘটয়াছিল সুরঞ্জনের কর্মভূমিতে সুদূর উত্তর-পশ্চিম প্রদেশের একটা সুপ্রসিদ্ধ সহরে; যে-সহরে এই নিম্নত বঙ্গপাল্লী-নিবাসী আজিকার দিনের এই দিন শেষের সীমানা-রেখায় সমুপস্থিতপ্রায় বৃদ্ধ সুরঞ্জন একদিন তাঁর সিবিল জজের কর্মোপলক্ষ্যে কিছু দিনের জগুও বসবাস করিয়াছিলেন, যেখানকার সুপ্রশস্ত জাহ্নবীতীরে- তাঁর একটি উদ্যান-বেষ্টিত সুন্দর বাঙলো-বাড়ী ছিল, যে-বাড়ীখানি তিনি নিজের হাতে মনের মত করিয়া সাজাইয়া নাম দিয়াছিলেন “প্যারাডাইস”; বলা উচিত, তখন ইংরেজীমানার দিকেই তাঁর মনটা কিছু বেশী রকম ঝুঁকিয়াছিল, এবং সেই বাড়ীতে থাকিতে থাকিতেই তিনি “প্যারাডাইস-লষ্ট” হন। তারপর তিনি আরজী পাঠাইয়া সে-দেশ ছাড়িয়া দেশান্তরে যান, তারপর আরও কত দেশ-দেশান্তর ঘোরাঘুরি। আজ পাঁচ বৎসর হইল পেন্সন লইয়া নিজের পৈত্রিক বাসভূমে—নিজের পিতৃ-পিতামহের প্রতিষ্ঠিত গৃহে ফিরিয়া আসিয়াছেন। তাঁদের আরও কয়েকজন সরিব ছিল। সুরঞ্জনের জ্যেষ্ঠামহাশয়ের পাঁচ ছেলে, পাঁচ বউ, বৃহৎ গোষ্ঠী; এই বাড়ীতেই থাকিত; বাড়ীর অংশ এখন তারা সবাই মিলিয়া সুরঞ্জনের কাছে বেচিয়া দিয়াছে। পিতামহের উইলেই নাকি একথা বলা আছে যে, বাড়ী কোন দিন পাচিল তুলিয়া ভাগ করা চলিবে না, একজনকে কিনিয়া লইতে হইবে, বরাবর এ নিয়ম না চলে তো বরং অপর লোককেও বেচায় আপত্তি নাই; কিন্তু এক বাড়ীতে বসিয়া খাওয়া-খাওঁই করিতে-করিতে এখানে-সেখানে পাচিল দিয়া বাড়ীর হাওয়া-বাতাস বন্ধ করা অসহ্য। যিনি এই বাড়ী গাঁথাইয়াছিলেন, মরণের পরে আরও এ-দৃশ্য তাঁর সহ্য হয় নাই।



তাই সুরজনই আজ এই মস্তবড় বাড়ীটির একমাত্র উত্তরাধিকারী, আর তা' হওয়ার তাঁরই পক্ষে সুবিধা ছিল। এক তো উহার পাঁচ জনে অর্ধেক, আর তিনি একাই অপর অর্ধেকের মালিক ছিলেনই, তার উপর মোটা মাহিনার চাকুরী তিনিই করিয়া আসিয়াছেন ; এদিকে আবার পোশাকও কম, হাতে যথেষ্ট নগদ টাকাও ছিল, এঁদের কারও টাকা দিয়া এ-বাড়ী রাখা সম্ভব নয় ; বরঞ্চ নগদ টাকা হাতে পাইয়া ছোট-খাট বাড়ী কেনা, অথবা মেয়ের বিয়ের ধার শোধ দিয়া ভাড়া-বাড়ীতে বাস করা—এই রকম যার যেদিক হইতে সুবিধা সেই মতন ব্যবস্থা করিয়া লওয়া—সে ভালই হইয়াছিল। সুরজন অবশ্য কাহাকেও উঠিয়া যাইতে বলেন নাই, এত বড় বাড়ীটিতে তাঁরা থাকিয়া অনায়াসেই আরও অনেকেই এর মধ্যে বসবাস করিতে পারিতেন, তবে যার যেমন মজ্জি ! লোকে তো নিজের দিকের সুবিধা-অসুবিধা খতাইয়া দেখিবে ! কারও ছেলের পড়ার জন্ত সহরে থাকা নেহাৎ দরকার, কারও চাকুরীর খাতিরে শীতবর্ণা-নির্বিশেষে ‘ডেলি পোস্‌জারী’ করিতে করিতে প্রাণ যায়, ঘরের লোকেরও ভোর সকালে উঠিয়া নিতাই ভাত জোগানোর ছড়াছড়ি,—তার চাইতে সহরে গিয়া বসাই ভাল, মেয়ে দু'টিও তো ডাগর হইয়া উঠিতেছে, বরের বাজারও কিছু সস্তা হয় নাই, খোঁজ-তল্লাস তো এখন হইতেই করিতে হইবে, এত দূরে বসিয়া সে-সব করে কে ? একজন স্পষ্ট বলিলেন, “নিজের ঘরেই যার পরবাসী হ'তে পারব না, দাদা ! তার চাইতে ভাড়া দিয়ে থাকব, সে তবু আপন ভাবতে পারব। ভাড়া যদি নাও তো থাকি।”

সুরজন এ-প্রস্তাবে রাজি হন নাই, হইলেই হইত—গ' হইলে সারা বাড়ীটা ভূতের বাড়ীর মত অমন করিয়া খাঁ খাঁ করিত না ; কিন্তু হাজার হউক, হাকিমী মেজাজ, ছোট ভায়ের প্রস্তাবে কাঁ করিয়া রক্ত গরম হইয়া গেল। তার আত্মসম্মান-বোধে তুষ্ট না হইয়া এবং কষ্ট হাস্যে উষ্ণ স্বরে জবাব দিলেন,—

“বাপ-পিতামোর বাড়ীতে ব'সে তাঁদের রক্ত যাদের গায়ে রয়েছে তাদের কাছ থেকে সেই বাড়ীরই ভাড়া গুণবো, এতটা ছোটলোক বোধ হয় এখনও হ'তে পারিনি। তার চাইতে তুমি না থাক, সেও বরং সহিবে।”

ছোট ভাইও সমান মুখে জবাব দিল, “বেশ।” তারপর একদিন শুভদিন দেখিয়া সে সপরিবারে চলিয়া গেল। তার দীটি কিন্তু তার চাইতে হিসাবী, বলিল, “ভাস্করঠাকুরের তো ছেলে নেই, কাছে থেকে সেবা-যত্ন করলে হয়ত এর পর এ বাড়ী-ঘর সবই আমাদের নেপালের হ'লেও হ'তে পারত ; থাকতে বলছেন, থেকে গেলেই হ'ত না ?”

কিন্তু কলিকাতায় নিজের মেজ ভাই-এর সঙ্গে এক বাড়ীতে বাসা লইলে তাদের নাকি যথেষ্ট সুবিধা হইবে ; সেইজন্য সেদিক হইতে বিস্তর প্ররোচনা আসিতেছিল। বুদ্ধি একটু মোটা যাদের তারা দূর ভবিষ্যতের পানে তাকাইতে চায় না, চোখে তাদের ‘স্টে সাইট’, কবে কি হইবে বা কইতে পারে, তার জন্ত বর্তমানের নুতনদের লোভ এবং লাভ সে ত্যাগ করিতে প্রস্তুত নয়। কলিকাতার বাসা ছোট, ঘর সঙ্কীর্ণ, তা হইলই বা ! সেখানে রোজ বায়োস্কোপ দেখায় না ? ওপায় তিনটি দিন থিয়েটার হয় যে ! চেষ্টা-চরিত্র করিলে ডিরেক্টর অথবা অভিনেতাদের সম্পর্ক বা নামচেনা সম্পর্ক ধরিয়াও পাশ যোগাড় তো হয়ই, আবার একলা গেলে পয়সাই বা কত লাগে ? বরফ, লেমনেড, আইসক্রিম সোডা, কেক, চপ্ কাটলেট কত কি তার হিসাব আছে ? দূরতেরি বড় বাড়ী আর তার গাওয়াখেলা বড় ঘর ! ওঁর ইট কামড়াইয়া কি চাকোলেটের স্বাদ মিলিবে ? যার খুসী হয় সে থাকে যেন, তাহার দ্বারা হইবে না। তা ছাড়া কথায় বলে, ‘পরভাতি হ'য়ে তবু পরগরি হ'য়ে না।’ এবাড়ী তো সেই পরের ছাড়া কিছুই নয় ; এখান হইতে ‘দূর’ বলিলে তো তখনই দূর হইয়া যাইতে হইবে, না ? তা' না গেলেই পুঁজি দিয়া বাহির করিবার ওঁর ‘রাইট’ নাই নাকি ? মনে ভাবে ?



যুক্তিগুলি অবশ্য ভালই। বউটি বাক্স গুছাইয়া, বিছানা বাঁধিয়া, ছেলেদের পথে বাহির হওয়ার মত করিয়া কাপড় পরাইল; তারপর নিজের সাজ-গোছ করিয়া লইয়া সর্কাণীকে বলিল, “চল, তোমার বাবাকে প্রণাম ক’রে আসি।”

সর্কাণী সমস্তক্ষণ স্নানমুখে ছোট-খড়ির কাছে-কাছে থাকিয়া তার যাওয়ার সাহায্য করিতেছিল, অথচ তার। দু’জনেই জানে, এ চলিয়া-যাওয়ায় তাদের দু’জনকারই মত নাই। মধ্য-মধ্যে যখন ছুটিছাটায় সর্কাণীর। বাড়ী আসিত, তা’ ছাড়া নেপালের ম্যালেরিয়ায় স্থান-পরিবর্তনের জন্ত মাসকতক একবার সর্কাণীদের পশ্চিমের বাসায় কাটাইয়া আসাতে এই খুড়িমা’টির সঙ্গে তার বেশ একটুখানি হৃদয়তা জন্মিয়াছিল। বয়সে দু’জনের তফাৎ ছিল, কিন্তু সে খুব বেশী নয়।

স্বরজনকে প্রণাম করিলে তিনি আশীর্বাদ করিয়া কহিলেন, “থাক, থাক মা, যখনই কিছু দরকার মনে করবে, সবুকে পত্র লিখে আমায় জানিও।”

বউটি ফিস্‌ফিস্‌ করিয়া সর্কাণীকে উপলক্ষ্য রাখিয়া কহিল, “সে তো জানাতেই হবে; আমার শ্বশুর নেই, শ্বাশুড়ী নেই; আপনাকেই তো জানি, আপনি ছাড়া আমাদের আর কে আছে?”

বউটি চলিয়া গেলে স্বরজন একটি দীর্ঘনিঃশ্বাস ফেলিয়া খানিকক্ষণ যেন বড়ই অগ্রমনস্ক হইয়া এক দিক্‌ পানে চাহিয়া রহিলেন; তারপর যখন পড়িতে পড়িতে নামাইয়া রাখা বইখানা তুলিয়া লইয়া আবার তাহাতে মনঃসংযোগ করিলেন, তখন আরও একটা দীর্ঘনিঃশ্বাস তাঁর নাসারন্ধ্র হইতে ধীরে ধীরে বাহির হইয়া বাহিরের মুক্ত বায়ু-তরঙ্গে মিশ্রিত হইয়া গেল। এ-লোকটির স্বভাবই যেন এমনি। উজ্জ্বল বড় একটা কোন বিষয়েই নাই, অথচ মনের মধ্যে যে বড়-রকমেরই একটা ব্যথা লাগে তা’ ঐ উষ্ণ বাষ্পাচ্ছন্ন দীর্ঘশ্বাসটুকু হইতেই ধরা পড়ে। সবাই অবশ্য এ’ও জানিতে পারে না, জানে শুধু সর্কাণী। আর তা’ জানে বলিয়াই ঐটুকু কাটাইয়া চলিবার জন্ত চেষ্টাও বুঝি সে বড় কম

করে না; অথচ বিধিলিপি কি যে বলবে! সেই তাকে উপলক্ষ্য করিয়াই কি না চিরকৌতুক-প্রিয় নিশ্চয় বিধাতা তাঁর জন্ত এমনই এক কঠিন অবস্থার সৃষ্টি করিয়া তুলিলেন যে, সেই দুর্ভেদ্য ব্যাহের মধ্যে পড়িয়া দু’জনকারই প্রাণান্ত হওয়ার উপক্রম হইলেও তার জটিলতার অন্ত হইল না, বুঝি কোনদিনেই তা’ হইবেও না। এমনই করিয়া দু’জনকার সঙ্গে দু’জনকে লুকোচুরি-খেলা করিয়াই বুঝি জীবনান্ত করিতে চাইবে, অথবা—না; এর কোন কুল-কিনারা খুঁজিয়া মেলে না। গভীর মেঘাঙ্ককারে দিগ্‌ভ্রান্ত নাবিকের মতই তাদের দু’খানি জীবন-তরণী আজ স্রোতের মুখে ভাসিয়া চলিয়াছে, কোন্‌ স্রুদূরের পথে—কোন্‌ অনির্দেশের উদ্দেশ্যে যে তা’ বহিয়া চলিয়াছে, তার কি কোন হিসাব আছে? না, না, নাই, নাই—মনে হয় যেন অসীম কালস্রোতে এমনই করিয়া তাদের চিরযুগ-যুগান্তরাবধিই ভাসিতে হইবে, কুল হারাইলে কুলকে আর তার। যেন এই অকূলের মধ্যে কোথাও খুঁজিয়া পাইবে না।

ফাল্গুন-সন্ধ্যায় আশ্রমকুল চারিদিকে গন্ধ বিলাস, কত মধুলুঙ্গ মধুকরকে সে তার যোজনবিসারী মন্দির স্নগন্ধে আমোদিত করিয়া নিজের কাছে টানিয়া আনে; কাল-বৈশাখীর প্রবল ঝড়ে উর্দ্ধশির তমাল-পিয়ালের উচ্চ শাখা খসিয়া পড়ে, ভ্রষ্টনীড় বিহঙ্গের মরণার্থ উচ্চ রব ঝটিকার ভৈরব গর্জনে ডুবিয়া যায়; বর্ষার জলধারে শুষ্ক তৃণ পুনরুজ্জ্বলিত হয়; কিন্তু ছন্দোভ্রষ্ট জীবনের হারানো স্রুটুকু ফিরিয়া আসে না। ছিন্নতন্ত্রী বীণার মত তাহা কি চির-বেসুরাই রহিয়া গেল? এমনই করিয়া জীবনের দিন ক্ষয় হইতেছিল ঐ পিতা এবং পুত্রীর, অর্থাৎ স্বরজন এবং সর্কাণীর।

কিসের জন্ত? তার অনেকে অনেক রকম অনুমান করে, কোনটাকেই কিন্তু সমীচীন ঠেকে না। কেহ বলে ক্লপণ, কেহ বলে অহঙ্কারী, আবার বেশীর-ভাগ লোকেই বলে খেয়ালী। হয় যেন এর একটাও না।

(ক্রমশঃ)



## আদর্শ-স্বাস্থ্য

ডাঃ শ্রীবিজেন্দ্রনাথ মৈত্র



[ডাঃ ডি, এন্, মৈত্র মহাশয়ের নাম ভারতের বহুস্থানে ও যুরোপের বহুলোকের মধ্যে সুপরিচিত। তিনি শুধু যে একজন অভিজ্ঞ চিকিৎসক ও শল-শাস্ত্রের অধ্যাপক তাহা নহেন : 'বঙ্গীয় সমাজ সেবক সমিতি'র (Bengal Social Service Leagueএর) প্রতিষ্ঠাতা ও কর্ণধাররূপে ছায়াচিহ্ন যোগে বক্তৃতা ও পাত্তাপ্রদর্শনীর দ্বারা জনসাধারণ মধ্যে শিক্ষা বিস্তারের ব্যবস্থা করিয়া তিনি সমাজের যথেষ্ট হিতসাধন করিতেছেন। সম্প্রতি রাশিয়া প্রভৃতি যুরোপের বহুস্থানে ভ্রমণ করিয়া তিনি যে প্রচুর জ্ঞান ও অভিজ্ঞতা সংগ্ৰহ করিয়া আসিয়াছেন, আলোক-চিত্র ও চলচ্চিত্র যোগে বক্তৃতা এবং প্রবন্ধাদির দ্বারা তিনি দেশমধ্যে তাহা প্রচার করিতেছেন।

পাত্তা-তত্ত্ব সম্বন্ধে ডাঃ মৈত্র মহাশয় একজন বিশেষজ্ঞ। তিনি আমাদের এই পত্রিকায় ধারাবাহিক ভাবে পাত্তা উত্তাদি নানা বিষয়ে প্রবন্ধ লিপিতে স্বাক্ষরিত হইয়া আমাদের কৃতজ্ঞতাপাশে বদ্ধ করিয়াছেন। —ডঃ স:]

### প্রথম অধ্যায়

#### নূতন স্বাস্থ্য-তত্ত্ব

কোনও তথ্য বা তত্ত্বকে একাঙ্গীণ বা আংশিক ভাবে দেখিলে তাহার পূর্ণ বা অখণ্ড সত্যরূপটী আমাদের সম্মুখে প্রতিভাত হয় না। আর কোনও বিষয়কে যথাসম্ভব সর্বাঙ্গীণ ভাবে দেখি না বলিয়াই আমাদের মতে-মতে হয় বিরোধ, আর প্রচেষ্টাসমূহ হয় না তেমন সার্থক। “অন্ধের হস্তীদর্শন”এর গল্প এদেশে কাহারও নিকট প্রায় অবিদিত নাই। যে ‘দেখিয়াছে’ কাণ, সে বলিয়াছে হাতী কুলোর মতন ; যে ছুঁইয়াছে পা, তার কাছে হাতী থামের মতন, আর হাতী যে এক-গাছি দড়ির মতন সে-বিষয়ে আর কোনও সন্দেহ থাকিতে পারে না তার কাছে, যার হাতে পড়িয়াছে কেবল তা’র লেজ। আমরাও সেইরূপ নিজ-নিজ শিক্ষা

ও সংস্কারের ‘নল’ বা প্রণালীর ভিতর দিয়া যেটুকু দেখি বা দেখিতে পাই, সেইটুকুই আমাদের কাছে সত্য বোধ হয়, তাহার বাহিরে যেন আর কিছু নাই। ইহাও অবশ্য স্বীকার করিতেই হইবে যে, কোনও বিশেষ সাধনার সময় আমরা অঙ্গ বা ক্ষেত্র বিশেষের উপর দৃষ্টি ও মনোযোগ অপেক্ষাকৃত বেশী পরিমাণেই প্রয়োগ করি ; করিলেও সেই অংশের সঠিত পূর্ণের যে যোগ বা সম্বন্ধ, তাহা যদি বিস্মৃত হই, তাহা হইলে আমাদের দৃষ্টি তেমন সম্যক ও সমগ্র হয় না, সাধনাও তেমন সিদ্ধ হইতে পারে না।

#### আদর্শ জীবন

জ্ঞাতসারেই হোক, আর অজ্ঞাতসারেই হোক,



আমরা সকলেই বোধহয় চাই যে আমাদের জীবন সুন্দর হোক, নিখুঁত হোক বা সকল দিক দিয়া পূর্ণ হোক। এইরূপ **সর্বাত্মসুন্দর জীবন** কাহাকে বলি? না, যে জীবন—

**সুস্থ**—শরীরে ও মনে সমভাবে সুস্থ, পবিত্র ও চরিত্রবান্;

**সুখী**—জ্ঞানের দ্বারা আত্মজয়ে ও প্রেমে স্বার্থ-তাগের দ্বারা সুখকে আয়ত্বাধীন করিয়াছে;

**কর্মশীল (ও কর্মঠ)**—সেবায় ও দানে—যে সেবা মানুষ ও সমাজকে গড়িয়া তুলিতে চায়; যে দান কেবল অর্থের নয়—জ্ঞানের, ভাবের এবং চিন্তারও;

**ও দীর্ঘায়ু**—জীবনমৃত ভাবে নয়—সজীব ও সক্রিয় অবস্থায়।

আদর্শ জীবনের ইহাই যদি সংজ্ঞা হয়, তাহা হইলে দেখিতে পাই যে, এই সকল সংজ্ঞার মূলেই স্বাস্থ্য। শরীর ও মনে সুস্থ না হইলে মানুষ সুখী হইতে পারে না, কর্মরত হইতে পারে না, দীর্ঘজীবীও হয় না।

শরীরের স্বাস্থ্যের সহিত মানসিক স্বাস্থ্যের কথা বারংবার বলিতেছি এই জগুই যে, দৈহিক স্বাস্থ্যের সহিত মনের স্বাস্থ্যের যোগ না হইলে স্বাস্থ্য পূর্ণাঙ্গ হইতে পারে না। এই মানসিক স্বাস্থ্যের কথা পরে আলোচনা করিব।

### স্বাস্থ্য ও জাতীয় প্রগতি

বহুলোকে বহুদেশে বহুকালে বহুবার এই কথাই বহুপ্রকারে বলিয়া আসিয়াছেন যে, **স্বাস্থ্য ব্যতিরেকে কোনও জাতির প্রকৃত উন্নতি সম্ভবপর নহে**। আজ আমরা জাতীয় প্রগতির বিরাট অভিযানের পথে সকলে জাগ্রত ও প্রস্তুত হইতেছি। কিন্তু এই দীর্ঘ ও তুর্গম যাত্রা-পথের জগু কি পাথের সঞ্চয় করিয়া সঙ্গে লইতেছি?

একটি ছোট গল্প মনে পড়িল। মাঘের শীত; ভোর বেলা; ঠাণ্ডা কনকনে হাওয়ায় নৃদীর গা

শিহরিত; একখানি নৌকা ভাসিয়া চলিয়াছে। গঙ্গার ধারে এক তিমতলা বাড়ীর বারান্দায় বসিয়া বাবু বালাপোষ মুড়ি দিয়া ফুঁ দিয়া-দিয়া গরম-গরম চা পান করিতেছেন। হালের মাঝি বসিয়া-বসিয়া শীতে কাঁপিতে-কাঁপিতে দাঁড়ীকে বলিতেছে, “বড় সখ হয়, অমনি ক’রে ব’সে কোনও একদিন গরম-গরম চা ফুঁ দিয়ে-দিয়ে খাই!” দাঁড়ী জিজ্ঞাসা করিল, “তোমার কী সম্বল আছে যে অমন কম্বল মুড়ি দিয়ে আরামে গরমে ব’সে চা খাবে?” উত্তরে মাঝি বলিল, “কেন ভাই, আছে সখ আর ফুঁ।”

এই দীর্ঘ সংগ্রামের পথে আমাদের পাথের হইবে কি কেবল মাত্র ইচ্ছা ও উচ্ছ্বাস? না, স্বাস্থ্যকেই প্রধান পাথের করিতে হইবে। পুরুষ ও নারী সকলকেই সমভাবে এই পাথের সংগ্রহে সচেতন ও তৎপর হইতে হইবে; এই স্বাস্থ্য-ধর্ম সাধনে একান্ত ভাবে প্রবৃত্ত হইতে হইবে।

### আদর্শ-স্বাস্থ্যের লক্ষণ

#### (ক) শারীরিক

এখন, স্বাস্থ্য বলিতে কি বুঝি? স্বাস্থ্যের আদর্শ কি? স্বাস্থ্যবান্ বা সুস্থ মানুষের লক্ষণ কি? আদর্শের দিক দিয়া শারীরিক স্বাস্থ্যের লক্ষণ ছয়টি।

১। **রোগহীনতা**। দেখিতে এমনি কোনও রোগ নাই, শুধু তাহা নহে; উপযুক্ত পরীক্ষা দ্বারা যদি দেখিতে পাই যে, শরীরের প্রত্যেক অঙ্গ, ইন্দ্রিয় ঠিক আছে ও ঠিক চলিতেছে, তবেই শরীরকে রোগহীন বলা যাইতে পারে।

২। শুধু রোগহীনতাও নয়, **রোগপ্রতিষেধক ক্ষমতা** থাকা চাই। স্বাস্থ্যের ইহাই এক প্রধান লক্ষণ। একই স্থানে, একই আবহাওয়ায় ও আবেষ্টনের মধ্যে একজন সহজেই রোগের বীজ দ্বারা আক্রান্ত হয়, আর একজন হয় না; কাহারও সহজেই ‘ঠাণ্ডা লাগে’, কাহারও লাগে না;—এই সকলের মূলে দেহের **জমির** কথা। যেমন ভিন্ন



ভিন্ন গাছের বিভিন্ন বীজ আছে, সেইরূপ বিভিন্ন রোগের বিভিন্ন ও স্বতন্ত্র বীজাণু বা জীবাণু আছে। বৃক্ষের বীজ যেমন সকল ভূমিতে সমভাবে অঙ্কুরিত ও বর্দ্ধিত হয় না, সেইরূপ রোগবীজাণুসমূহ, যাহারা অল্লাধিক পরিমাণে প্রায় সর্বত্রই পরিব্যাপ্ত, তাহারা সকল শরীরেই সহজে “দাঁত বসাইতে” বা “শিকড় গাড়িতে” পারে না। যাহার রোগ-প্রতিষেধক ক্ষমতা কম, তাহাবই শরীর মধ্যে রোগবীজাণু সহজে বৃদ্ধিপ্রাপ্ত হয় : রোগ ফুটিয়া উঠে।

৩। স্বাস্থ্যের তৃতীয় লক্ষণ, **শক্তি**। পেশীসমূহের শক্তি। শুধু হস্তপদ প্রভৃতি অঙ্গাদির নয়, সকল ভিতরের ও বহিরিক্রিয়েরও। শক্তি বলিতে সাধারণতঃ কোনও পেশী বা পেশীসমূহের এককালীন বলপ্রয়োগেরই ক্ষমতা বুঝায়। একজন কত মণ ভারী বোঝা তুলিতে পারে, বা, আর একজনকে কি পরিমাণে টানিয়া বা ঠেলিয়া পরাস্ত করিতে পারে, প্রশ্বাস-ক্রিয়াসংস্থ পেশীসমূহের বা ‘কু’-এর বা কুস্কুসের জোর কত বেশী, ইত্যাদি জিয়ার শক্তির পরিচয় পাওয়া যায়।

৪। কিন্তু আবার ইহাও দেখিতে পাই, যে ব্যক্তির পেশীসমূহ খুব মাংসল ও শক্ত, বা যে তাহাদের খুব নাচাইতে-খেলাইতে পারে, সে ব্যক্তি উল্লিখিত প্রথম দুই লক্ষণে হীন হইতে তো পারেই, এমন কি বহুক্ষণ ধরিয়া পরিশ্রম করিতেও হয়ত বা অসমর্থ। অতএব স্বাস্থ্যের আর একটা লক্ষণ হইতেছে—**সামর্থ্য** অর্থাৎ বহুক্ষণব্যাপী অক্লান্তভাবে পেশীসমূহের কর্ম-ক্ষমতা (পরিশ্রম)। যথা, একজন কত মাইল একটানায় হাঁটিতে বা দৌড়াইতে বা কতক্ষণ সাঁতার দিতে পারে; কত উঁচু পাহাড়ে উঠিতে বা কতক্ষণ দাঁড় টানিতে পারে, ইত্যাদি।

৫। যে মানুষ বা জাতি স্বাস্থ্যে আদর্শ হইবে, তাহার এই সকল লক্ষণাক্রান্ত হওয়ার সঙ্গেই আরও হওয়া চাই—**সুশ্রী**, দীর্ঘায়তন, **অঙ্গাদির গঠনে সুপরিমিত ও সৌষ্ঠবসম্পন্ন**। আমরা যেন

গৌরব করিয়া বলিতে পারি যে, বাঙ্গালী জাতি, দেহের আয়তন ও গঠনের সৌন্দর্য ও সৌষ্ঠবে, শুধু ভারতবর্ষের মধ্যে কেন, পৃথিবীর মধ্যে উচ্চস্থান লাভ করিবার অধিকারী।

৬। আদর্শ স্বাস্থ্যের আর একটা লক্ষণ :—**স্বাস্থ্যক্ষুর্তিবোধ**। ইংরাজীতে যাহাকে বলা যায় Vital surplus। যে ব্যক্তির ‘যত্র আয় তত্র ব্যয়’, সময়-অসময়ের জ্ঞতা হাতে ছ’পরসাও থাকে না, তাহাকে যেমন ঠিক সঙ্গতিসম্পন্ন বা স্বচ্ছলাবস্থাপন্ন ব্যক্তি বলা যায় না, সেইরূপ প্রকৃত সুস্থ ও সামর্থ্য সম্পন্ন ব্যক্তির স্বাস্থ্যের কিছু মূলধন থাকা আবশ্যক। যেরূপে আসিলে বা সাফাৎ হইলে যেন দেখিতে পাই, সে ব্যক্তি হইতে স্বাস্থ্যের ও শক্তির একটা আভা বা প্রভাব ক্ষুরিত ও বিকীর্ণ হইতেছে। সে-সম্পন্ন অতীত ও সন্তোষ ও সক্রিয় করিয়া তোলে।

### (খ) মানসিক স্বাস্থ্য

আদর্শ শারীরিক স্বাস্থ্যের এই যে বড়বিধ গুণলক্ষণ, যথা, রোগহীনতা, শক্তি, সামর্থ্য, রোগ-প্রতিষেধক ক্ষমতা, সৌন্দর্য ও স্বাস্থ্যক্ষুর্তিবোধ—ঠিক এইগুলিকেই আবার মানসিক স্বাস্থ্যের লক্ষণ বলিয়া ধরা যাইতে পারে।

শরীর ও মন এতই ঘনিষ্ঠ ভাবে যুক্ত, একের প্রভাব আনন্দের উপরে এতই বেশী যে, বর্তমান জটিল, চঞ্চল, কল্পবল, রাজসিক ও তামসিক বৃত্তিপ্রবণ জীবনযাত্রার দিনে, ভাবোচ্ছ্বাসকে সংযত, বুদ্ধিকে স্থির, বিচারকে আয়স্ফুট ও মনকে অপরের দিকটাও বিষ্ণিবার ক্ষমতাপন্ন করিতে হইলে মানসিক স্বাস্থ্যের একান্ত আবশ্যক; নিজে সুখী হইতে হইলে এবং পরিবারে, সমাজে ও রাষ্ট্রে সুখ ও শান্তি লাভের জন্ত মানসিক স্বাস্থ্যরক্ষা শারীরিক স্বাস্থ্যরক্ষা অপেক্ষা কোনও অংশে কম প্রয়োজনীয় নহে।

এখন ঐ বড়বিধ লক্ষণ মিলাইয়া দেখা যাক। যিনি আদর্শ সুস্থ ব্যক্তি হইবেন—(১) তাহার মধ্যে কাম



ক্রোধ, লোভ, হিংসার আধিক্য থাকিবে না ; তিনি নীচতা, সঙ্কীর্ণতা, মিথ্যাপরায়ণতা প্রভৃতি **মানসিক রোগ বর্জিত** হইবেন।

(২) শুধু তাহা নহে, (ধর্ম) সাধনা দ্বারা তাঁহার মনকে একরূপ সজীব ও দৃঢ় করিয়া রাখিতে হইবে যে, নানা প্রকার রিপুর বীজ তাঁহার মনোমধ্যে প্রবেশ করিয়া বৃদ্ধিপ্রাপ্ত না হয় অর্থাৎ তাঁহার **রিপু-প্রতিষেধক ক্ষমতা** থাকিবে।

(৩) শোকে, বিপদে, লোভে, উত্তেজনায় ও প্রলোভনে তাঁহার মনের **শক্তি** তাঁহাকে স্থির ও সংযত রাখিবে।

(৪) আবার সেই সঙ্গে কোনও একটা কাজে হাত দিলে তাহা ধরিয়া থাকা, তাহাকে সার্থক করিবার জন্ত সচেष्ट হওয়া, বহুক্ষণ ধরিয়া মনঃসংযোগ করিবার ক্ষমতা, বা হুঃখ ও দারিদ্র্য, অপবাদ, অবহেলা অসহনুভূতি, বিরুদ্ধাচরণ প্রভৃতি প্রতিকূল অবস্থার সহিত সংগ্রাম করিবার ধৈর্য বা **সামর্থ্য** থাকা চাই।

(৫) দয়া-দাক্ষিণ্য, সৌজন্য-ভদ্রতায়, সহনুভূতি ও ব্যবহারের মিষ্টতায় ও সংযমে চরিত্র **সুন্দর ও মধুর** হইবে।

(৬) যশঃ তাঁহার চিত্তের **প্রফুল্লতা ও উৎসাহক্ষুণ্ণিত** মূলধন তাঁহাকে অসময়ে রক্ষা করিবে ও তাঁহার চারিদিকে ব্যাপ্ত ও উজ্জ্বলিত হইয়া সকলের মনকে উজ্জ্বল ও প্রদীপ্ত করিবে।

এই হইল **ব্যক্তিগত** পূর্ণাঙ্গ স্বাস্থ্যের রূপ।

### স্বাস্থ্যের ব্যাপক রূপ

এই স্বাস্থ্য দেখিতে চাই প্রতি ঘরে ও পরিবারে—  
শ্রদ্ধা ও প্রীতির যোগের মিষ্টতায় ও নিঃস্বার্থতায় ;  
সময় ও নিয়মের অমুর্বর্তিতায়, পরিষ্কার-পরিচ্ছন্নতায়

ও ঘরের জিনিষপত্রের সাজানো-গোছানয় ; আনন্দের মধ্যে ও পরস্পরকে সর্বদা বৃদ্ধিবার চেষ্টায়।

এই স্বাস্থ্য দেখিতে চাই **সমাজে**,—একতা ও সজ্জবদ্ধতায়, বিশ্বাসযোগ্যতায়, চরিত্রে—অর্থাৎ খাঁটি হওয়ায়, বা মনে, কথায় ও কার্যে এক হওয়ায়, সত্য ব্যবহারে ও বাক্য-রক্ষায় ; হুর্নীতি সকলের সংস্কার-চেষ্টায় ; অপরের দিক্‌টা বৃদ্ধিবার ক্ষমতায় ও অপরের কুৎসা-রটানোর কু-প্রবৃত্তি হইতে আত্মসংযমে ; ও দেশহিত ও লোকহিতরূপে ব্রতী হওয়ায়।

**রাষ্ট্রেও** এই স্বাস্থ্যের প্রকাশ,—নিন্দা-প্রশংসা-নিরপেক্ষ হইয়া যখন যাহা সত্য বলিয়া বৃদ্ধি, তখন তাহাই ধরিয়া থাকায়, সুবিধা ও প্রলোভনের পাকে ও প্রভাবে আত্মবিক্রয় বা মতপরিবর্তনে নয় ; নিঃস্বার্থতায়, ধর্মবুদ্ধিতে ও বিপদে অপরের দিক্‌টাও বৃদ্ধিবার চেষ্টায় এবং দেশ ও লোকহিত ব্রতে।

### এক কথায়

যিনি আদর্শ সুস্থ ব্যক্তি হইবেন, তিনি আদর্শ জীবনের রূপ সমুখে রাখিয়া নিজ দেহ ও মনে সম্পূর্ণ ও সর্বাঙ্গীন ভাবে সুস্থ হইতে সচেष्ट ও সক্রিয় হইবেন তো বটেই ; তহপরি ও তৎসঙ্গে, তাঁহার এই সাধনা ও প্রভাব পরিবারে, সমাজে ও রাষ্ট্রে ব্যাপ্ত করিয়া দেশকে সুস্থ, সমর্থ, সুন্দর ও শক্তিশালী করিয়া তুলিবেন।

ইহা যেন কি নারী, কি পুরুষ আমাদের প্রত্যেকের সাধনার বস্তু হয়।

“নায়মায়া বলহীনেন লভ্যঃ।”

[কি করিলে এই স্বাস্থ্য লাভ ও রক্ষা হয় পরের প্রবন্ধাদিতে তাহার সচিত্র আলোচনা করিবার ইচ্ছা রহিল।]



# অরুণোদয়

(উপন্যাস)

শ্রীশৈলজানন্দ মুখোপাধ্যায়

[পূর্বাত্মক]

সেদিন রবিবার।

বেলা তখন প্রায় পাঁচটা বাজিয়াছে। কলে জল  
রিয়া সংসারের ছোট-খাটো কাজকর্ম সারিয়া দেওয়ালে-  
মাথানো আঁশীটির স্রুখে দাঁড়াইয়া নারায়ণী তাহার  
ল অঁচড়াইতেছিল। কালে। কৌকড়ানো একপিঠ  
ল। দেহের সৌন্দর্য্য তাহার স্নান হইয়াছে সত্য, কিন্তু  
লের সৌন্দর্য্য যেমন ছিল ঠিক তেমনি আছে।  
রিয়া ফিরিয়া একাকিনী ঘরের মধ্যে নারায়ণী তাহার  
নেত্রের চুল নিজেই দেখিতেছে, আর বহুকাল পূর্বে  
বে একদিন সন্ধ্যাবেলায় স্বামী তাহার এই চুলেরই  
শংসা করিয়াছিল সেই কথা তাহার মনে পড়িতেছে।  
কাল হইতে বীরেন বাড়ী ফিরে নাই, আজ রাত্রে  
স নিশ্চয়ই ফিরিবে। নারায়ণী তাই চুল বাঁধিয়া  
বাজিতে বসিল।

এমন সময় মাসি ডাকিল, ‘বোমা!’

চিকণী হাতে লইয়াই নারায়ণী দরজার কাছে  
গিয়া দাঁড়াইল। বলিল, ‘আমার ডাকছেন, মা?’

‘হ্যাঁ, মা, ডাকছি। বীরেন কি এখনও আসেনি,  
বোমা?’

নারায়ণী একটা ঢোক গিলিয়া বলিল, ‘না।’

মাসি বলিল, ‘প্রায়ই ত’ দেখি সে শনিবার  
রাতিরে আসে না, রবিবার আসে না, কোথায়  
কে সে?’

নারায়ণী মহাবিপদে পড়িল। কোথায় থাকে সে  
জানে না। এত চেষ্টা করিয়াও তাহা সে আজও  
জানিতে পারে নাই। কিন্তু যা হোক কিছু একটা  
তাহাকে বলিতেই হইবে। না বলিলে মাসি যাহা

ভাবিবে তাহা বিশেষ গৌরবের নয়, অথচ মিথ্যা কথা  
বানাইয়া বলিতে গেলেই কণ্ঠ তাহার রুদ্ধ হইয়া আসে।  
শেষ পর্য্যন্ত কি আর করে, জবাব তাহাকে দিতেই হয়।

নারায়ণী বলে, ‘হুপ্তার মধ্যে ওই এক রবিবারটি  
ছাড়া ত’ আর ছুটি পায় না, মা, তাই ওরা সব বন্ধুবান্ধব  
মিলে শনিবার রাত্তিরটা খায়-দায় আমোদ-আহ্লাদ  
করে, রবিবার দিনের বেলাটা সেইখানেই ঘুমিয়ে  
কাটায়। টাকা টাকা ক’রে...আপিসের খাটুনি  
খেটে খেটে...আমি বলি...’

কথাটা তাহাকে শেষ করিতে না দিয়াই মাসি  
আগাইয়া আসে। বলে, ‘না বাছা, তুমি ভুল বুঝছ।  
বীরেনের ভাব-গতিক দেখে আমার ত’ ভাল ব’লে  
মনে হয় না।’

নারায়ণী হাত নাড়িয়া প্রতিবাদ করে। বলে,  
‘না, মা, সে-সব কিছু নয় আমি জানি। সম্ভাব-  
চরিত্রের খুব ভাল।’

মাসি বলে, ‘ভাল হ’লে তোমারই ভাল, মা, আমি  
তোমার জগেই বলছি।’

এই বলিয়া দেবুকে সেইখানে নামাইয়া দিয়া মাসি  
চলিয়া যাইতেছিল, নারায়ণী জিজ্ঞাসা করিল, ‘আপনি  
ওকে কি জগে খুঁজছিলেন, মা?’

‘কি জগে?’ বলিয়া ঈশ্বর হাসিয়া মাসি আবার  
ফিরিয়া দাঁড়াইল। বলিল, ‘এখনও বুঝতে পারিসনি,  
বোকা মেয়ে? দু’মাস হ’য়ে গেল, ভাড়ার দরুন একটা  
পরসাপ আমি এখনও পাইনি। এইবার ছেলের  
কাছে কিছু চাইব, বাছা, আর আমি পারছিনি, বড়  
টানাটানি পড়েছে।’



নারায়ণী একটুখানি লজ্জিত হইয়া উঠিল। দু'মাস কি তাহারও বেশি তাহারা এখানে আসিয়াছে, অথচ ভাড়ার দরুন মাসিকে কিছুই এখনও দেওয়া হয় নাই। লজ্জিত হইবারই কথা। বলিল, 'আজ এলেই আমি ওর কাছে চেয়ে রাখব, মা।'

মাসি বলিল, 'আমার হ'য়ে তুই কেন চাইবি, বাছা? বীরেন এলে আমায় জানাস, আমি নিজেই চেয়ে নেবো।'

'দু'মাসে আপনার কত টাকা হয়েছে, মা?'

মাসি বলিল, 'আমি কি আর বাড়ীভাড়া কখনও দিয়েছি, বাছা, যে জানুব কত হয়েছে! ছেলে আমার যা দেবে তাই আমি হাত পেতে নেবো।'

কলিকাতা শহরে একটির পর একটি অনেক বাড়ীতেই তাহারা ভাড়া দিয়া বাস করিয়া আসিয়াছে, কিন্তু বাড়ীর মালিকের মুখে এমন কথা সে কখনও শোনে নাই। ভাড়াটে যাহা দিবে হাত পাতিয়া তাহাই লওয়া দূরে থাক, পুরা ভাড়ার একটি পাই-পয়সা কম হইলে কিংবা ভাড়া দিতে দু'চারদিন দেরি হইয়া গেলে অনেক বাড়ীওয়ালার অনেক অপমান স্বামীকে তাহার নীরবে সহ্য করিতে হইয়াছে। যাই হোক, নারায়ণী ভাবিল, এতদিন পরে ভগবান বোধকরি তাহাদের দিকে একটুখানি মুখ তুলিয়া চাহিয়াছেন। সেদিন তাহার আর ভাল করিয়া চুল বাঁধা হইল না। চুলগুলো কোনো রকমে এলো খোঁপা করিয়া পিন দিয়া আটকাইয়া, সিঁথিতে সিঁথুর লইয়া সে কলতলায় গা ধুইতে গেল। তাড়াতাড়ি ফিরিয়া আসিয়া ভাল একখানি কাপড় পরিয়া জামা গায়ে দিয়া আশীর স্রুক্ষে দাঁড়াইয়া মনের আনন্দে গুন্ গুন্ করিয়া কি যেন একটা গান গাহিতে গাহিতে সে তাহার কপালে সিঁথুর-কোটা লইতেছে, এমন সময় বাহিরে সদর দরজার কাছে স্বামীর কণ্ঠস্বর শুনিতে পাইল। যাক, আজ সে ঠিক সময়েই আসিয়াছে! সিঁথুরভক্তি ছোট হোমিওপ্যাথী ঔষধের শিশিট সে তাকের উপর তুলিয়া রাখিয়া

দরজার কাছে আগাইয়া গেল। শুনিল, স্বামী তাহার গান গাহিতে গাহিতে ঘরে ঢুকিতেছে—

'আজ ফাগুনের প্রথম দিনে—'

সেইখান হইতেই হাতের ইসারায় নারায়ণী তাহাকে চূপ করিবার ইঙ্গিত করিল।

কাছে আসিয়াই বীরেন তাহাকে একহাত দিয়া জড়াইয়া ধরিয়া বলিল, 'কেন? চূপ করব কেন শুনি?'

পা টলিতেছে, কথা জড়াইয়া যাইতেছে, সর্বনাশ! মদ খাইয়া আসিয়াছে।

ঘরে একটা সস্তা টিনের চেয়ার ছিল, তাহারই উপর নারায়ণী তাহাকে বসাইয়া দিয়া বলিল, 'ওগো চূপ করো, তোমার দু'টি পায়ে পড়ি। মা একুনি ভাড়া চাইতে আসবে।'

'ভাড়া! অল রাইট! মাইনে পেলে বীরেন গান্ধুলী লাট সায়েবকে খাতির করে না, তা জানো?' বলিয়া তৎক্ষণাৎ সে তাহার পকেট হইতে দশটাকার একখানি নোট বাহির করিয়া নারায়ণীর হাতে দিয়া বলিল, 'আজ এই দশ টাকা দাও, বাকিটা এর পর দেবো। মাসে কত করে' দিতে হবে? পনেরো টাকা—না?'

নারায়ণী তাহার মুখের কাছে মুখ লইয়া গিয়া চুপিচুপি বলিল, 'না গো না, দশটাকা করে' দিলেই হবে। তোমায় জিজ্ঞেস করলে বলো—এর বেশি আমি আর দিতে পারব না, মা, কোথায় পাব বলুন!—কেমন? উনি বড় ভাল মানুষ, এমন মানুষ আর হয় না।'

এই বলিয়াই সে সোজা হইয়া দাঁড়াইয়া বলিল, 'তুমি একটু চূপ করে' বোসো, আমি এই টাকাটা দিয়ে আসি আর খোঁকাকে নিয়ে আসি।—আর জ্বাখো, তুমি এই যে মদ-টদ খাও, একথা উনি যেন না জানতে পারেন। বুঝলে?'

টাকা দিবার জন্ত নারায়ণী বাহির হইয়া যাইতেছিল, এমন সময় দেখিল, মাসি নিজেই দরজায় আসিয়া দাঁড়াইয়াছে।—'কই বাবা বীরেন, আমার—'



নারায়ণী কথাটা তাহাকে শেষ করিতে দিল না, ছুটিয়া একেবারে দরজার কাছে আসিয়া দশটাকার নোটখানি মাসির হাতে একরকম গুঁজিয়া দিয়া বলিল, ‘এই যে, মা, উনি ঠিক ক’রেই রেখেছিলেন।’

বীরেনের কিন্তু ওদিকে আর চূপ করিয়া বসিয়া থাক। চলিল না। টলিতে টলিতে সে চেয়ার ছাড়িয়া উঠিয়া দাঁড়াইল এবং বোধকরি মাসির কাছেই আগাইয়া যাইতে যাইতে বলিল, ‘মাসির চারটি পায়ের ধুলো আজ আমি নেবোই।’

কিন্তু মাসির কাছ পর্য্যন্ত তাহাকে আর পৌছিতে হইল না। নারায়ণী তাহার পূর্বেই ভয়ে লজ্জায় একেবারে ঘিরমাণ হইয়া গিয়া কি যে করিবে কিছুই বুঝিতে না পারিয়া একেবারে ঠিক ছেলেমানুষের মত গরের দরজাটা মাসির মুখের উপরেই হড়াম্ করিয়া হ’হাত দিয়া বন্ধ করিয়া চাপিয়া ধরিল।

ব্যাপারটা মাসিও প্রথমে ঠিক বুঝিতে পারে নাই। জিজ্ঞাসা করিল, ‘ওকি লা! দরজা বন্ধ করলি কেন?’

কিন্তু প্রশ্ন করিয়াই সে বুঝিল, কেন বন্ধ করিয়াছে; এবং বুঝিবামাত্র মাসি আর সেখানে এক মুহূর্ত্ত বিলম্ব না করিয়া বলিয়া উঠিল, ‘যাই, বাবা, যাই!’

বলিয়াই সে তাড়াতাড়ি উপরে উঠিয়া গেল। এমন ভাণ করিল যেন দেবু তাহাকে ডাকিতেছে।

এদিকে ঘরের মধ্যে নারায়ণী তখন দরজার গায়ে পিঠ রাখিয়া লজ্জায় ঘামিয়া উঠিয়া রাগে ভ্রুংখে কাঁপিতে কাঁপিতে বলিল, ‘তুমি মদ খাও, রাত্রে বাড়ী ফেরো না একথা কি তোমার না জানালেই চলছিল না? তোমায়-না আমি চূপ করে’ বসে’ থাকতে বললাম!’

বীরেন বলিল, ‘তাতে হয়েছে কি?’

নারায়ণীর চোখ দুইটা ছলছল করিয়া আসিল।—‘তোমার কিছু হয়নি, কিন্তু আমার—’ বলিতে গিয়া নাচেকার ঠোঁটটা তাহার থর থর করিয়া কাঁপিয়া উঠিল। কথাটা সে আর শেষ করিতে পারিল না।

বীরেন হাসিতে লাগিল।—‘ও কি তোমায় কিছু

দেবে ভেবেছ, না কী? ও কেউ কিছু দেয় না, বাবা, আমার জানতে কিছু বাকী নেই। এই বয়সে অনেক দেখলাম।’

স্বামীকে হাসিতে দেখিয়া নারায়ণী রাগিয়া উঠিল। বলিল, ‘হাসুছ কোন্ লজ্জায়! হাসতে তোমার লজ্জা করে না?’

‘ওরে বাবা! এ যে এখানে এসে কথা ফুটল দেখছি।’

নারায়ণী বলিল, ‘তা মানুষ আর কতদিন চূপ করে’ থাকবে শুনি!’

গম্ভীর কণ্ঠে বীরেন কহিল, ‘তাই বলে’ তুমি কি আমায় শাসন করবে নাকি?’

নারায়ণী যাহা কখনও বলে নাই তাহাই সে আজ বলিয়া ফেলিল। বলিল, ‘হ্যাঁ করব এবার থেকে।’

ঠাসু করিয়া বীরেন তাহার গালের উপর সজোরে এক চড় মারিয়া বসিল। বলিল, ‘চোপ্ রও!’

যদুনার অস্তির হইয়া গালে হাত দিয়া নারায়ণী সরিয়া দাঁড়াইতেই দরজাটা খুলিবার জন্য বীরেন হাত বাড়াইল। রাগ করিয়া বোধকরি সে পুনরায় বাহির হইয়া যাইবার ব্যবস্থাই করিতেছিল, কিন্তু পিছনে টান পড়িতেই ফিরিয়া দেখিল, নারায়ণী তাহার জামার একপ্রান্ত চাপিয়া ধরিয়াছে। মুখে কথা নাই, চোখ দিয়া শুধু টপ্ টপ্ করিয়া জল ঝরিতেছে।

সেই একটা গল্প আছে—কোনও এক ভদ্রলোকের অবস্থা খারাপ হইয়া যাইতেই একদিন সে তাহার এক বন্ধুর বাড়ী চুরি করিতেছিল। বন্ধুর হঠাৎ ঘুম ভাঙ্গিয়া গেল। দেখিল, ভদ্রলোক তাহার আলমারি খুলিয়া মনিবাগ বাহির করিয়াছে। চোর-বন্ধু পাছে লজ্জিত হয় ভাবিয়া নিরতিশয় লজ্জায় গৃহস্থ বন্ধু তৎক্ষণাৎ চোখ বুজিয়া ঘুমাইবার ভাণ করিয়া পড়িয়া রহিল।

যে চুরি করিতেছে তাহার লজ্জা হইল না, যাহার চুরি করিতেছে লজ্জা হইল তাহার।



মাসির অবস্থা হইয়াছে ঠিক সেই রকম।

পরদিন হইতে মাসি আর লজ্জায় নারায়ণীর সঙ্গে দেখা করিতে পারে না, কথা কহিতে পারে না, এমন ভাবে দেবুকে লইয়া চোরের মত পাশ কাটিয়া কাটিয়া ঘুরিয়া বেড়ায়—দেখিয়া মনে হয় যেন সে নারায়ণীর কাছে কতই না অপরাধ করিয়া ফেলিয়াছে।

কিন্তু এক ঘরে ঘর করিতে গেলে এমন চুরি করিয়া বেশিক্ষণ লুকাইয়া থাকা চলে না। একসময় তাহাকে ধরা পড়িতেই হয়।

হইলও তাই।

ছেলেটা অনেকক্ষণ হইতে বায়না ধরিয়াছিল—বৌমার কাছে যাইবে।

মাসি বলিতেছিল, ‘যা না, বাপু, কচি ছেলে ত’ নোস, যা না!’

কিন্তু দেবু জিদ ধরিয়া বসিয়াছে,—‘না তুমি দিয়ে আস্বে চলো।’

মাসি তাহাকে অনেকক্ষণ ধরিয়া অনেক রকম করিয়া বুঝাইল, বলিল, ‘এই ত’ বাপু তোকে আমার মানুষ করার লাভ! আমার কাছে থাকতে ভাল লাগ্ছে না, মা’র কাছে যাবার জন্তে ঝোঁক ধরেছিস, তা বেশ ত’ যা না, আমি ত’ আর ধরে’ রাখিনি তোকে।’

কিন্তু কিছুতেই কিছু হইল না। শেষ পর্যন্ত দেবুকে দিয়া আসিবার জন্ত মাসিকে নীচে নামিতে হইল। ভাবিয়াছিল, সিঁড়ির নীচে তাহাকে ছাড়িয়া দিয়া আসিবে, কিন্তু ঠিক সেই সময়েই নারায়ণী যাইতেছিল কলঘরে বোধকরি জল আনিবার জন্ত, মাসির সঙ্গে তাহার চোখোচোখি দেখা হইতেই সে থমকিয়া দাঁড়াইয়া পড়িল।

মাসিও একটুখানি অপ্রস্তুত হইয়া গিয়া একটা ঢোক গিলিয়া একবার ইতস্ততঃ করিয়া দেবুকে দেখাইয়া দিয়া বলিল, ‘এই নে, মা, তোর ছেলে নে। মা’র কাছে আস্বার জন্তে ঝোঁক ধরেছে সেই কখন থেকে তার ঠিক নেই। তাই ত’ বলি বাছা পরের ছেলে ভালবাস্লেই কি আর আপন হয় কখনও!’

দেবু ছুটিয়া মা’র কাছে গিয়া দাঁড়াইল। নারায়ণী বলিল, ‘কেন রে, থাক না গিয়ে মা’র কাছে। আমি ততক্ষণ আমার কাজগুলো সেরে নিই।’

কিন্তু ছেলে তাহার আঁচলের কাপড়টা টানিয়া ধরিয়া দাঁড়াইয়া রহিল, মাসির কাছে কিছুতেই যাইতে চাহিল না। নারায়ণী লজ্জিত হইয়া উঠিল। এ যেন তাহার মস্ত অপরাধ। তাই সে ছেলের হইয়া কৈফিয়ৎ দিবার জন্ত মাসির মুখের পানে তাকাইয়া বলিল, ‘ও! বুঝেছি ও কেন এমন করছে, মা। আজ সকালে ওর বাবার সঙ্গে ঝগড়া করছিলাম, সেই সময় কোথেকে ও ছুটতে ছুটতে এসে আমার গায়ের ওপর ঝাঁপিয়ে পড়ল। ঝাঁপিয়ে পড়ে’ এমন বিরক্ত করতে লাগল যে, খুব জোরে একটা চড় মেরে দিলাম ওকে কাঁদিয়ে বিদেয় করে’। বললাম এমন যদি করবি ত’ আমার আর দেখতে পাবি না, যাব কোন্ দিক দিয়ে পালিয়ে। সেই থেকে ও আপনার কাছেই ছিল। তারপর এতক্ষণ পরে হঠাৎ হয়ত আমার কথা ওর মনে পড়েছে। তা নইলে কেন থাকবে না, মা, আপনার কাছে ত’ ও বেশ থাকে।’

যাক, দেবুর কল্যাণে লজ্জাটা তাহাদের কাটিয়া গেল। নারায়ণী ভাবিল তাহার স্বামীর মদ খাওয়ার ব্যাপারটা মাসি বোধ হয় বুঝিতে পারে নাই, পারিলে নিশ্চয়ই তাহাকে জিজ্ঞাসা করিত। কিন্তু এমন করিয়া কতদিন তাহাকে আড়াল করিয়া রাখিবে কে জানে।

দিনকয়েক পরে, আপিস হইতে বীরেন সেদিন বাড়ী ফিরিয়াই বলিল, ‘ওগো ওন্টু?’

নারায়ণী ফিরিয়া দাঁড়াইল।

বীরেন জিজ্ঞাসা করিল, ‘দেবু কোথায়?’

নারায়ণী জবাব হাসিয়া বলিল, ‘তাও ভাল। আজ এসেই যে ছেলের খোঁজ পড়ল, কেন?’

‘বাড়ীউলী বুড়ীর কাছে আছে বুঝি?’

‘হ্যাঁ, সেইখানেই ত’ থাকে।’



বীরেন বলিল, 'থাকে ত' বুঝলাম। কিন্তু বুড়ীর মতলবটা কিরকম বুঝ বল দেখি? বাড়ীটা ত' বুড়ীর নিজের, এছাড়া টাকাকড়ি কিছু আছে বলতে পার?'

নারায়ণী বলিল, 'তা আমি কেমন করে জানব?'

বীরেন বলিল, 'একেবারে নীরেট বোকা মেয়ে কিনা! চালাক মেয়ে হ'লে বুড়ীর নাড়ী-নক্ষত্র এতদিন সে জেনে নিতে পারত।'

নারায়ণী বলিল, 'তা বাপু আমি পারি না। তাতে তুমি আমাকে বোকাই বল আর যাই বল।'

'হাঁ' বলিয়া একটা দীর্ঘনিঃশ্বাস ফেলিয়া বীরেন কি যেন ভাবিতে লাগিল।

নারায়ণী বলিল, 'কিন্তু বড় ভাল মানুষ উনি। থোকাকে আমাদের সত্যিই ভালবাসেন।'

বীরেন বলিল, 'গাথো ওরকম শুকনো ভালবাসার কোন দাম নেই। দেবুর নামে এই বাড়ীখানা লিখে দিতে পারে যদি ত' বুঝি—হাঁ ভালবাসে।—দাঁড়াও, মুখ ফুটে একদিন ব'লেই ফেলব।'

নারায়ণী হাতজোড় করিয়া বলিল, 'দোহাই তোমার, তা যেন কোনদিন বোলো না। ছি!'

'বা-রে! কুলীন বামুনের ছেলে, বুড়ীর ধম্ম হবে কত!'

নারায়ণী বলিল, 'তার ধম্ম তোমায় দেখতে হ'বে না। থাক, দেবুকে ডাকব? খুঁজছিলে যে? আচ্ছা বাপ হয়েছ কিন্তু। ছেলেকে একবার আদরও কর না! অথচ তোমার অমন ছেলে—দেশছনিয়ার লোক কত আদর করে' যায়।'

এই বলিয়া বোধকরি সে দেবুকে ডাকিবার জন্তই গাহির হইয়া যাইতেছিল, বীরেন বলিল, 'দাঁড়াও, তোমায় আজ একটা সুখবর দেবো।'

সুখবরের নামে নারায়ণী খুলী হইয়া তাহার কাছে আসিয়া দাঁড়াইল। বলিল, 'কি খবর গো?'

বীরেন বলিল, 'দেবুর জন্তে কিছু করলে না করলে না বল, তাই আজ একটা 'লাইফ ইন্সিওর' করে' এলাম।'

লাইফ ইন্সিওর ব্যাপারটা কি নারায়ণী তাহা জানে না। বলিল, 'সে আবার কি?'

'তাও জানো না?' বলিয়া বীরেন তাহাকে লাইফ ইন্সিওরের মানে বুঝাইতে বসিল। বলিল, 'এখন মাসে মাসে কিছু কিছু করে' টাকা আমি কোম্পানীকে দিয়ে যাব, তারপর আমি মারা গেলে দেবু এক হাজার টাকা পাবে। এই মাসের মধ্যে যদি মারা যাই তাহ'লেও পাবে।'

বীরেন ভাবিয়াছিল খবরটা শুনিয়া নারায়ণী উল্লসিত হইয়া উঠিবে, কিন্তু তাহাকে চুপ করিয়া দাঁড়াইয়া থাকিতে দেখিয়া বীরেন তাহার মুখের পানে তাকাইয়া বলিল, 'খুলী হ'লে নু?'

নারায়ণী বলিল, 'না বাপু, ও-সব কেন তুমি করতে গেলে বলত? তোমার ওই মন্দ চেয়ে বসে' থাকতে হবে? না না না না, তুমিই যদি না থাকলে ত' টাকা পেয়ে কি হবে?'

বীরেন বলিল, 'আরে তখনই ত' টাকার দরকার। এখন ত' আমি যতদিন বেঁচে আছি ততদিন যেমন করে' হোক—'

কথাটা নারায়ণী তাহাকে শেষ করিতে দিল না। বলিল, 'থামো বাপু, চুপ কর। ও-সব কথা আমার ভাল লাগে না। হে মা কালী, হে ভগবান!'

বলিয়া সে তাহার হাত দুইটি কপালে ঠেকাইয়া বলিল, 'তার আগেই যেন আমি তোমার পায়ে মাথা রেখে চলে' যেতে পারি।—বোসো, ডাকি দেবুকে।'

'শোনো, শোনো।'

নারায়ণী ঈষৎ হাসিয়া বলিল, 'আজ আমি কার মুখ দেখে উঠেছি কে জানে। এত ভাল করে' কথা ত' তুমি কোনদিনই বল না।'

বীরেন বলিল, 'শোনো, আরও ভাল কথা আছে। আজ আমি প্রতিজ্ঞা করেছি—মদ আমি আর খাব না।'

এতক্ষণ পরে নারায়ণীর মুখখানি উজ্জল হইয়া উঠিল। বলিল, 'সত্যি বলছ?'



ঘাড় নাড়িয়া বীরেন বলিল, 'হ্যাঁ, সত্যি বলছি।'

'আমার কিন্তু বিশ্বাস হয় না। এমনি তুমি ও-বাড়ীতে থাকতে আর-একবার বলেছিলে।'

'এবার কিন্তু এই তোমার গা ছুঁয়ে শপথ করছি।' বলিয়া হাত বাড়াইয়া বীরেন নারায়ণীর হাতখানা স্পর্শ করিল।

নারায়ণী বলিল, 'দেবুর গা ছুঁয়ে বলতে পার?'

'কেন পারব না? আনো তাকে।'

দেবুকে আনিবার জন্ত নারায়ণী অনেকক্ষণ হইতে প্রস্তুত হইয়াই ছিল, এইবার বীরেনও তাহাকে আর বাধা দিল না।

কিন্তু উপরে উঠিবার জন্ত সিঁড়ির প্রথম ধাপে পা দিয়াই নারায়ণীর মনে হইল, না, কাজ নাই তাহার ছেলের গায়ে হাত দিয়া শপথ করিয়া। ঝোঁকের মাথায় হয়ত আজ সে তাহাই করিবে, কিন্তু দু'দিন যাইতে না যাইতেই আবার হয়ত সে তাহার শপথের কথা বেমানম ভুলিয়া গিয়া খুব খানিকটা মদ গিলিয়া টলিতে টলিতে বাড়ী ঢুকিবে। তাহার চেয়ে মুখে বলিতেছে সেই ভাল, তাহার গায়ে হাত দিয়া শপথ করিয়াছে সেই ভাল, ইহার মধ্যে ছেলেকে আর টানিয়া আনিয়া লাভ নাই। গায়ে হাত দিয়া শপথ করিয়া সে-শপথ রাখিতে না পারিলে না জানি ছেলের হয়ত অমঙ্গল ঘটতেও পারে।

স্বামী আজ তাহার অনেকদিন পরে এমন ভাল করিয়া কথা বলিতেছে, ছেলের জন্ত কি-সব এক হাজার টাকার করিয়া আসিয়াছে, মদ খাইবে না বলিয়া প্রতিজ্ঞা করিতেছে—ব্যাপার কি!

ব্যাপার যাই হোক, নারায়ণীর মুখে আজ হাসি ফুটিয়াছে। সে-হাসির মধ্যে অনিশ্চয়তার আশঙ্কাও যে নাই তাহা নয়, তবে হাসিতে যাহাকে বড় একটা দেখা যায় না, দুঃখ-দুর্ভাবনা লইয়াই যাহার জীবন কাটে, ওই একটুখানি হাসিতেও তাহাকে বড় সুন্দর দেখায়।

মাসি তাই তাহাকে দেখিবামাত্র জিজ্ঞাসা করিয়া বলিল, 'কিরে, আজ যে বড় তোর হাসি-হাসি মুখ?'

নারায়ণী বলিল, 'কেন, মা, আমার কি হাসতে নেই?'

মাসি বলিল, 'ছি বাছা, ও কি কথা! কেন হাসবি, মা, এই ত' তোদের হাসবার বয়েস। হেসে খেলে আনন্দ করে' দুটিতে কুঁড়ি করে' থাকবি,—আমাদের দেখে কত সুখ হবে।'

নারায়ণী জিজ্ঞাসা করিল, 'দেবু কোথায় মা, কই তাকে ত' দেখছিনি।'

মাসি একবার চোখ টিপিয়া ইসারায় খাটের নীচেটা দেখাইয়া দিয়া গম্ভীরকণ্ঠে কহিলেন, 'কই, মা, অনেকক্ষণ তাকে দেখতে ত' পাচ্ছিনি। আমার পর্ব্বার কাপড় ছিঁড়ে গেছে, বললে, দাও দু'আনা পয়সা, বাজার থেকে নিয়ে আসি। তাই বোধ হয় বাজার থেকে সে কাপড় আনতে গেছে।'

বহুশ্রুটা নারায়ণী বুঝিল। বুঝিয়াও তাহা ফাঁস না করিয়া সেও তেমনি গম্ভীরভাবে বলিতে লাগিল, 'আমারও ত' কাপড় ছিঁড়েছে, মা, আমারও পর্ব্বার কাপড় নেই। কি যে করি তাই ভাবছি।'

দেবু আর চুপ করিয়া থাকিতে পারিল না। খাটের তলা হইতে বাহির হইয়া আসিয়া বলিল, 'আমি এনে দেবো।'

'এই যে আমার দেবু গো! কোথায় গিয়েছিলে, বাবা? কাপড় আনতে?'

'না, যাইনি এখনও, যাব।' বলিয়া সে তাহার হাতের মুঠা খুলিয়া সত্য-সত্যই একটি দু'আনি দেখাইল। বলিল, 'তুমিও দাও। তোমারও এনে দেবো।'

নারায়ণী সেইখানেই বসিয়া পড়িয়া দেবুকে তাহার কোলের কাছে টানিয়া আনিয়া বলিল, 'আমি পয়সা কোথায় পাব, বাবা, আমার ত' পয়সা নেই। আমার কাপড়ের দাম তোমাকেই দিতে হবে।'

দেবু ঘাড় নাড়িয়া বলিল, 'দেবো।'

ঐ অতটুকু ছেলে তাহার কাপড় আনিয়া দিবে—পয়সা না দিলেও আনিয়া দিবে ওনিয়া আনন্দে নারায়ণীর দু'চোখ ভরিয়া জল আসিয়া পড়িল।



তাড়াতাড়ি চোখ মুছিয়া মাসির দিকে তাকাইয়া বলিল, 'শুনলেন, মা? দেবু নিজের পয়সা দিয়ে আমার কাপড় এনে দেবে।'

মাসি বলিল, 'আর আমার বেলা বুঝি নিজের পয়সা দিবিনি, হাঁ রে নিমক্‌হারাম!'

দেবু বলিল, 'বৌমার পয়সা ত' নেই। আর তোমার অনেক পয়সা—সেই যে আমি দেখেছি।'

'শোন, নারায়ণী, ছেলের কথা শোন।' বলিয়া মাসি হাসিতে লাগিল।

দেবু তখনও নারায়ণীর গলা জড়াইয়া ধরিয়া দাঁড়াইয়া ছিল; নারায়ণী তাহার কানে-কানে চুপি চুপি বলিল, 'বাবা যে তোমার ডাকছে রে, যা শুনে আস কি বলছে।'

দেবু তাহার চোখ দুইটা বড় বড় করিয়া জিজ্ঞাসা করিল, 'বাবারও কাপড় আনতে হবে?'

নারায়ণী বলিল, 'হ্যাঁ বাবা, তোমার বাবারও কাপড় ছিঁড়ে গেছে।'

দেবু তাড়াতাড়ি নীচে নামিয়া বোধকরি তাহার বাবার কাছেই চলিয়া গেল। নারায়ণী একবার ভাবিল সেও যায়, কিন্তু গেলেই হয়ত এখনই দেবুর মাথায় হাত দিয়া সে তাহার মদ খাওয়ার অভ্যাস ছাড়িবে বলিয়া মিথ্যা একটা শপথ করিয়া বসিবে, এই ভয়ে সে উঠি-উঠি করিয়াও আর উঠিল না, মাসির কাছেই বসিয়া রহিল।

মাসি জিজ্ঞাসা করিল, 'বীরেন এসেছে বুঝি? সাড়াশব্দ না করে' ত' সে আসে না; আজ এমন চুপি-চুপি এল যে?'

সাড়াশব্দ করিয়া আসিবার অর্থটা যে কি, নারায়ণী তাহা বেশ ভালই বুঝে। মাসিও ঠিক তাহারই ইঙ্গিত করিতেছেন কিনা তাই বা কে জানে! তাই সে মগ্নীতিকর প্রসঙ্গটাকে তাড়াতাড়ি চাপা দিবার জন্তই বোধকরি নারায়ণী অল্প কথা পাড়িয়া বসিল। বলিল,—

'দেবুর অন্তে ওর বাবা আজ সেই কি-একটা করে'

এসেছে, মা, মাসে মাসে কোম্পানীর ঘরে কত টাকা যেন দিতে হবে, তারপর—'

বলিয়া একটা ঢোক গিলিয়া নারায়ণী বলিল, 'তারপর আমি মরে' গেলে দেবু একসঙ্গে অনেকগুলো টাকা পেয়ে যাবে। কত হাজার টাকা বললে, মা, দাঁড়াও আমার ঠিক মনে হচ্ছে না।'

নারায়ণী মিছামিছি চোখ বুজিয়া টাকার অঙ্কটা ভাবিতে লাগিল।

মাসি জিজ্ঞাসা করিল, 'জীবন বীমা করেছে বুঝি? তা' তুই ম'লে কেন পাবে?'

স্বামীর মৃত্যুর কথাটা সে মুখ দিয়া উচ্চারণ করিতে পারে নাই, তাই সে নিজের মৃত্যুর কথাটা বলিয়াছে।

নারায়ণী বলিল, 'ঐ একই কথা, মা, মা-বাপ ম'লে পাবে আর-কি! আমি কিন্তু মা আগেই মরব।'

মাসি বোধকরি তাহার নিজের কথাটা ভাবিয়াই একটা দীর্ঘ নিঃশ্বাস ফেলিল। বলিল, 'সেকথা কি আর বলবার জো আছে, মা! মরা-বাঁচা ভগবানের হাত। উনি যখন বেঁচে ছিলেন, আমি দিবারান্তির ঠাকুরদের কাছে জানাতাম, 'হে ঠাকুর, আমায় যেন ওঁর পায়ে মাথা রেখে মরতে দিও।' কিন্তু কি হ'ল? পারলাম মরতে? যিনি চ'লে যাবার তিনি চ'লে গেলেন, আর এই সুখভোগ করবার জন্তে আমি রইলাম প'ড়ে।'

কথাটা নারায়ণীর ভাল লাগিল না। বাঁচা-মরা মানুষের হাত নয়, তাহা সে জানে, তবু ভগবানের বিচার বলিয়া কিছু একটা ত' আছে! স্বামীর অবর্তমানে একেবারে নিঃসহায় নিরবলম্ব অবস্থায় নাবালক ছেলেটির হাত ধরিয়া পথের ভিখারিণী হইয়া বাঁচিয়া থাকিবার কল্পনাও সে করিতে পারে না। ভাবিতে গিয়া নারায়ণী শিহরিয়া উঠিল। —না না, জীবনে এমন কিছু পাপ সে করে নাই যাহার জন্ত এ শাস্তি তাহাকে ভোগ করিতে হইবে। হে ভগবান, তাহার মৃত্যুই যেন আগে হয়।

নারায়ণী উঠিয়া দাঁড়াইল।—'বাই আবার রান্না চড়াতে হবে।'



এই বলিয়া সে নীচে নামিয়া আসিয়া পা টিপিয়া-  
 টিপিয়া জানালার পাশটিতে গিয়া চূপ করিয়া দাঁড়াইল  
 এবং জানালার একটি কপাট হাত দিয়া ঠেলিয়া ঈষৎ  
 উন্মুক্ত করিয়া দেখিল, ঘরের মধ্যে পিতাপুত্রের আলাপ  
 চলিতেছে।

দূর হইতে লুকাইয়া লুকাইয়া প্রাণ ভরিয়া সে-দৃশ্য  
 দেখিবার জন্ত নারায়ণী তাহার রান্নার কথা ভুলিয়া  
 গিয়া সহজে আর সেখান হইতে নড়িতে চাহিল  
 না।

(ক্রমশঃ)

## অসময়ে

### শ্রীহাসিরাশি দেবী

অতিথি আমার !

সাজাইয়া শত উপচার

যেদিন বসিয়াছিহু খুলি' দ্বার, হিয়া,  
 আরতি-প্রদীপ সম নয়ন তুলিয়া,  
 মঞ্জুরিত কুঞ্জে মোর মেলি' বাহুশাখা,—

তুলিয়া পতাকা

সেদিন আসনি তুমি রাজ-অধিরাজ,

আসিয়াছ আজ।

দিগন্তের ধুম্রাকাশে রাগরেখা ধীরে ফুটি' উঠি'  
 ধরার শ্রামল বক্ষে ছড়াইছে ফাগ মুঠি মুঠি ;  
 তারি সাথে তল্লাবেশে বিভোর নয়ন।

সে কোন্ স্বপন,

তাহা নাহি জানি ;

শুধু মেলি' শীর্ণ বাহুখানি

তোমারে বাঁধিতে চাই বাহু-কারা মাঝে ;

কর্ম্মক্লান্ত দিবসের অবসন্ন সাঁঝে

নবমুরে বাঁধিতে আবার

চাহি আজ জীবনের তার ॥

দেবতা আমার !

সাজাইতে চাহি আরবার

আরতির দীপ-দানি,—বরণের ডালা  
 নব উপচারে ; গাঁথিবারে চাহি ফুলমালা  
 কাননে কুসুম খুঁজি' লতিকা-বিতান।

তব জয় গান

গাহিবারে চাহি পুন' ভগ্ন কণ্ঠে আজ,

মনে মানি' লাজ।

শত বেদনায় জীর্ণ হৃদয়ের এ বার্থ মন্দিরে,  
 তোমারে চেয়েছি কেঁদে, ডাকিয়াছি কত ফিরে ফিরে,  
 কত রুদ্ধ দ্বারে দ্বারে ; কত রুদ্ধ তোরণে তোরণে

তব অন্বেষণে

ভুলিয়াছি সব।

কর্ম্মের অশান্ত কলরব

শান্ত ঐ ; নিম্নাতুর আমার হৃদয়

তাজি' তার অবসাদভার নিঃশব্দ নির্ভয়

জাগরণ চাহিছে আবার ;

দেবতা আমার !



# বাংলায় আৰ্য্যসভ্যতা-বিস্তার

অধ্যাপক শ্রীপ্রবোধচন্দ্র সেন, এম্-এ

বৈদিক সাহিত্য, মহাভারত ও অন্যান্য প্রাচীন সংস্কৃত গ্রন্থ হইতে আমরা জানিতে পারি যে, ইতিহাসের আদিযুগে বাংলা দেশে কয়েকটি আদিম জাতি বা ‘জন’ অর্থাৎ tribe বাস করিত এবং সমগ্র দেশটি কয়েকটি জনপদে বিভক্ত ছিল। জনপদগুলি অধিবাসীদের নামেই অভিহিত হইত। বাংলার ঐ সমস্ত প্রাচীন জনপদগুলির মধ্যে সাত আটটির নাম এখানে উল্লেখযোগ্য। যথা—অঙ্গ (ভাগলপুর ও মুন্সের জেলা), বঙ্গ (আধুনিক বাংলার দক্ষিণাংশ, ভাগীরথীর পূর্ববর্তী ভূখণ্ড), কলিঙ্গ (আধুনিক উড়িষ্যার দক্ষিণ ভাগ), উড় (উড়িষ্যার উত্তর-পশ্চিমাংশ), পুণ্ড্র (রাজসাহী বিভাগ, মতান্তরে আধুনিক ছোটনাগপুর বিভাগ), সূক্ষ (রাঢ় বা বর্তমান বিভাগের দক্ষিণাংশ), ব্রহ্ম (উত্তর-রাঢ়) এবং কপিল (বর্তমান বিভাগেরই কোন অংশে ইহাদের বাস ছিল; ইহার চেয়ে নিশ্চিততর নির্দেশ করিবার উপায় নাই)। লক্ষ্য করা প্রয়োজন যে, এই জনগুলির সমস্তই পশ্চিম, দক্ষিণ এবং হয়ত উত্তর বঙ্গেও বাস করিত। সেই আদিযুগে পূর্ববঙ্গে কাহারো বাস করিত বলা যায় না। তবে আমরা এইটুকু জানি যে, অপেক্ষাকৃত পরবর্তী যুগে পূর্ববঙ্গেই (বর্তমান ঢাকা-বিভাগ) বঙ্গ নামে অভিহিত হইত এবং ব্রহ্মপুত্রের পূর্ববর্তী ভূ-খণ্ডের নাম ছিল সমতট। তা’ছাড়া, আধুনিক চট্টগ্রাম অঞ্চলের নাম ছিল হরিকেল, একথা মনে করিবার কারণ আছে।

যাহা হোক, এখন দেখা যাক অঙ্গ-বঙ্গ-কলিঙ্গ প্রভৃতি বাংলার এই প্রাচীন অধিবাসীদের সঙ্গে উত্তরভারতের বৈদিক আৰ্য্যদের কি সম্বন্ধ ছিল। বৈদিক-সাহিত্যে ইহাদের উল্লেখ আছে অতি সামান্যই। কিন্তু যে কয়েকবার ইহাদের উল্লেখ করা হইয়াছে, সেই কয়বারই

ইহাদের প্রতি বৈদিক আৰ্য্যদের অপরিমিত ঘৃণাই প্রকাশ পাইয়াছে। অথর্ববেদে (৫।২২।১৪) অঙ্গদিগকে আৰ্য্যবাসভূমির বহির্ভুক্ত ঘৃণ্য জাতিকপেই গণ্য করা হইয়াছে। ঐতরেয় ব্রাহ্মণে (৭।১৮) পুণ্ড্রদিগকে বলা হইয়াছে দম্ব্য অর্থাৎ অনাৰ্য্য। আর বঙ্গদিগকে ঐতরেয় আরণ্যকে (২।১।১৫) পাখী (বয়াংসি) বলিয়া নির্দেশ করা আছে। বোধায়নের ধর্ম্মশূত্রে (১।২।১৪) বিধান আছে, পুণ্ড্র এবং বঙ্গ-কলিঙ্গদের দেশে গেলে আৰ্য্যদের পক্ষে প্রত্যাভর্জন করিয়া পুনঃস্ত্রাম বা সর্ষপৃষ্ঠা নামক প্রায়শ্চিত্ত করা কর্তব্য। তা’ছাড়া, উক্ত ধর্ম্মশূত্রে (১।২।১৫) কলিঙ্গ দেশে যাওয়া-রূপ পাপের জন্য বৈশ্বানর নামক একটি অতিরিক্ত প্রায়শ্চিত্তের ব্যবস্থা আছে। শ্রীমদ্ভাগবতে (২।৪।১৮) কিরাত, হুণ, অঙ্গ, পুলিন্দ প্রভৃতি জাতির ত্রায় সূক্ষদিগকেও ‘পাপ’-জাতি বলিয়া গণ্য করা হইয়াছে। ঐতরেয় ব্রাহ্মণে অঙ্গ ও পুলিন্দদিগকে বলা হইয়াছে দম্ব্য। সুতরাং দেখিতেছি, অঙ্গ, বঙ্গ, কলিঙ্গ, পুণ্ড্র, সূক্ষ প্রভৃতি বাংলার প্রাচীন অধিবাসীরা বৈদিক আৰ্য্যদের নিকট ঘৃণিত অনাৰ্য্য বা দম্ব্য বলিয়াই গণ্য হইত।

এখন স্বভাবতই এই প্রশ্ন মনে জাগে, বাংলার এই প্রাচীনতম অধিবাসীরা কোন্ অনাৰ্য্য মহাজাতি বা race-এর অন্তর্গত ছিল। বাংলা ও বিহারের প্রাচীন জন বা tribeগুলিকে উত্তরভারতের বৈদিক আৰ্য্যরা সমষ্টিগতভাবে ‘প্রাচ্য’ বলিয়া অভিহিত করিত। আমরা শতপথ ব্রাহ্মণে (১।৩।৮।১৫) দেখিতে পাই, প্রাচ্যদিগকে বলা হইয়াছে ‘অসুর’ (আসুর্য্যাঃ প্রাচ্যাঃ) এবং তাহাদের শ্মশান-নির্মাণপদ্ধতি ছিল আৰ্য্যদের পদ্ধতি হইতে স্বতন্ত্র। আৰ্য্যদের শ্মশান ছিল চতুষ্কোণ, আর প্রাচ্য অসুরদের শ্মশান গোলাকৃতি (পরিমণ্ডল)। শতপথ ব্রাহ্মণে আৰ্য্য ও অসুরদের মধ্যে দীর্ঘকালব্যাপী



সংগ্রামের আভাসও পাওয়া যায়। মহাভারতে (১।১০৪) অঙ্গ, বঙ্গ, কলিঙ্গ, পুণ্ড্র ও সুক্ষকে গঙ্গাতীরবর্তী দেশের অধিপতি 'অসুর'-রাজ বলীর মহিষী সুদেষ্ণার গর্ভজাত ক্ষেত্রজ সন্তান বলিয়া বর্ণনা করা হইয়াছে এবং বলা হইয়াছে, এই পাঁচ ভ্রাতার নাম অসুরেরই উক্ত পাঁচটি জন ও জনপদের উৎপত্তি হইয়াছে। যাহা হোক, মহাভারতের এই উপাখ্যানটি হইতেও মনে হয়, বাংলার প্রাচীন জনগুলি, অসুর-বংশজাত বলিয়াই গণ্য হইত। মঞ্জুশ্রীমূলকল্প নামক প্রাচীন বৌদ্ধগ্রন্থে (প্রথমভাগ, পৃষ্ঠা ২৩২) দেখিতে পাই গোড়, পৌণ্ড্র, বঙ্গ, সমতট প্রভৃতি জনপদের ভাষাকে আসুরী ভাষা বলিয়া বর্ণনা করা হইয়াছে। যথা—“অসুরাণাং ভবেদ্ বাচা গোড়-পৌণ্ড্রাদ্ভবা সদা \* \* \* সর্কেষামসুরপক্ষাণাং বঙ্গ-সামতটাপ্রয়াং”। আধুনিক কালেও ছোটনাগপুরে মুণ্ডা বা কোল জাতীয় অধিবাসীদের কথিত ভাষা-সমূহের মধ্যে “আসুরী” নামে একটি উপভাষা বর্তমান আছে (Pre-Aryan and Pre-Dravidian in India, Introduction, p. vi, by P. C. Bagchi)। সম্ভবত' প্রাচীনকালের সমগ্র প্রাচ্যদেশের কথিত ভাষাগুলির সাধারণ “আসুরী” নামটি এখন একটি ছোট উপভাষার নামে মাত্র পর্যাবসিত হইয়াছে।

অঙ্গ-বঙ্গ প্রভৃতি সমস্ত প্রাচ্য জনগুলিকে সাধারণ-ভাবে অসুর বলিয়া অভিহিত করার যথার্থ তাৎপর্য্য কি, তাহা এখনও নিশ্চিতরূপে বলা যায় না। কিন্তু ইহা যে প্রাচীন ভারতের গুরুতর ঐতিহাসিক সমস্যা-সমূহের অগ্রতম সে-বিষয়ে কোনো সন্দেহ নাই। আশ্চর্য্যের বিষয় এই যে, মহাভারতে (আদি, ৬৭।১৩-১৪) অশোককেও মহাসুর বলিয়া বর্ণনা করা হইয়াছে এবং মার্কণ্ডেয় পুরাণে (৮৮।৫) মৌর্যাদিগকেই অসুর বলিয়া গণ্য করা হইয়াছে। যাহা হোক, এখন দেখা যাক, আধুনিক ঐতিহাসিক বিচারে অঙ্গ-বঙ্গ প্রভৃতি প্রাচীন জনগুলিকে কোন্ race বা মহাজাতির অন্তর্ভুক্ত করা যায়। আমরা জানি, আর্য্যদের ভারতবর্ষে আগমনের পূর্বে ভারতবর্ষে দুইটি প্রধান অন্-আর্য্য বা প্রাক্-আর্য্য

জাতি বাস করিত। তাহাদের মধ্যে একটিকে দ্রাবি় ও অন্টিকে মুণ্ডা বা কোল নামে অভিহিত কর হইয়াছে। ইহাদের মধ্যে কোন্টি প্রাচীনতর এবং তাহাদের পরস্পরের মধ্যে কিরূপ সম্বন্ধ বিद्यমান ছিল, তাহা এখন নিঃসন্দেহরূপে বলা যায় না। সম্ভবত' মুণ্ডা বা কোলরাই প্রাচীনতর। ইদানীং সিন্ধুদেশের অন্তর্গত মোহেঞ্জোদড়ো এবং দক্ষিণ পঞ্জাবের অন্তর্গত হরপ্পা নামক স্থানে একটি অতি প্রাচীন ভারতীয় সভ্যতার বিস্ময়কর নিদর্শন-সমূহ আবিষ্কৃত হইয়াছে। এই সভ্যতার সহিত প্রাক্-আর্য্য-দ্রাবিড় এবং কোল বা মুণ্ডাদের কি সম্বন্ধ, তাহা এখনও নিশ্চয় করিয়া বলা যায় না। তাই আপাতত' এই সভ্যতাকে সিন্ধু-সভ্যতা বলিয়া অভিহিত করা হইয়াছে। কেহ কেহ মনে করেন, এই সভ্যতা দ্রাবিড়দেরই কীর্ত্তি। আবার কোনো কোনো পণ্ডিত মনে করেন, ঐ নিদর্শনগুলি আর্য্যদেরই সৃষ্টি। অপর মতে এই সভ্যতার সঙ্গে কোল-মুণ্ডাদের সম্পর্ক থাকাও বিচিত্র নয়। যাহা হোক, দ্রাবিড়, কোল-মুণ্ডা এবং সিন্ধু-সভ্যতার স্রষ্টা ভারতের এই প্রাচীনতম তিন জাতির সহিত প্রাচীন বাংলার অঙ্গ-বঙ্গ প্রভৃতি জাতিগুলির কোনো সম্পর্ক ছিল কি না এবং থাকিলে কাহার সহিত ছিল তাহা নির্ণয় করা বাংলার ইতিহাসের একটি প্রধানতম সমস্যা। আমরা এস্থলে সে-সমস্যার আলোচনায় প্রবৃত্ত হইব না। আমাদের পক্ষে শুধু এইটুকু বলিলেই যথেষ্ট হইবে যে, অনেক পণ্ডিত আজকাল মনে করেন, দৈহিক গঠন-বৈশিষ্ট্য দেখিয়া জাতি (race) নির্ণয় করা সম্ভব নয়। কারণ, বহুকালব্যাপী রক্তসংশ্লিষ্টতার ফলে জাতিগত দৈহিক বৈশিষ্ট্য একেবারে বিলুপ্ত হইয়া গিয়াছে। এমন-কি, আধুনিক ভারতীয় দ্রাবিড় ও কোল-মুণ্ডাদের দেহগঠনগত কোনো প্রকার পার্থক্য নৃতাত্ত্বিক পণ্ডিতরা নির্দেশ করিতে পারেন না। তাই দৈহিক বৈশিষ্ট্যের চেয়ে ভাষাগত বৈশিষ্ট্যই জাতিনির্ণয়-কার্য্যে পণ্ডিতদের প্রধান অবলম্বন হইয়াছে। ভাষাগত যুগ্ম বিশ্লেষণ করিয়া আধুনিক বিশেষজ্ঞরা মনে করেন, বাংলার



আদি ভাষাগুলি ছিল Austrie বা Austro-Asiatic ভাষাগোষ্ঠীর অন্তর্ভুক্ত। এই অষ্ট্রিক্ ভাষাগোষ্ঠীর অন্তর্ভুক্ত অগ্ৰাণ্ড ভাষার মধ্যে আধুনিক কোল, মুণ্ডা, সাঁওতাল, খাসিয়া প্রভৃতি জাতিগুলির কথিত ভাষা বিশেষ উল্লেখযোগ্য। নিকোবর দ্বীপপুঞ্জ, মালয় উপদ্বীপ, ইন্দোচীনের কোনো কোনো স্থান এবং ভারত-মহাসাগরের দ্বীপপুঞ্জের অনেক জাতির কথিত ভাষাও এই অষ্ট্রিক্ ভাষার অন্তর্গত। এই সব নানা বিষয় বিবেচনা করিয়া বিশেষজ্ঞরা সিদ্ধান্ত করিয়াছেন, অঙ্গ-বঙ্গ প্রভৃতি বাংলার প্রাচীন অধিবাসীরা ভারত-মহাসাগরের দ্বীপপুঞ্জ হইতে জলপথে এদেশে আগমন করিয়াছিল। অঙ্গ, বঙ্গ, কলিঙ্গ, পুণ্ড্র প্রভৃতি প্রাচীন নামগুলিও অষ্ট্রিক্ ভাষারই শব্দ। আমরা পূর্বে দেখিয়াছি—বঙ্গ প্রভৃতি দেশের ভাষাকে মঞ্জুশ্রীমূলকল্প নামক গ্রন্থে আসুরী ভাষা নামে অভিহিত করা হইয়াছে এবং আধুনিক ছোটনাগপুরের মুণ্ডাজাতীয় অধিবাসীদের মধ্যে এখনও আসুরী নামে একটি উপভাষা বিद्यমান আছে। প্রাচ্যদেশীয় অসুরদের ভাষা যে আৰ্য্যভাষা হইতে বিভিন্ন ছিল তাহা শতপথ ব্রাহ্মণ এবং পতঞ্জলির মহাভাষ্য হইতেও জানা যায়। ইহা হইতেও অনুমান হয় যে, অঙ্গ-বঙ্গ প্রভৃতি বাংলার প্রাচীন জনগুলির কথিত আসুরী ভাষা মুণ্ডাদের ভাষা অর্থাৎ অষ্ট্রিক্ জাতীয় ভাষার গোষ্ঠীভুক্তই ছিল।

যাহা হোক, আমরা দেখিলাম যে, অঙ্গ-বঙ্গ প্রভৃতি বাংলার অধিবাসীরা খুব সম্ভবত' অষ্ট্রিক্-ভাষী অনার্য্য ছিল। তাহাদের ধর্ম্ম এবং সামাজিক রীতি-নীতিও যে বৈদিক আৰ্য্যদের থেকে বিভিন্ন ছিল, সে-বিষয়েও কোনো সন্দেহ নাই। কিন্তু বর্ত্তমান কালে বাংলাদেশে আৰ্য্য-ভাষা, আৰ্য্য-ধর্ম্ম, আৰ্য্য সামাজিক বিধান, এক কথায় আৰ্য্যসভ্যতা, পূর্ণরূপেই প্রতিষ্ঠালাভ করিয়াছে; তাহা আমরা নিতাই প্রত্যক্ষ করিতেছি। দক্ষিণ ভারতের শ্রবিড়রা আৰ্য্যসভ্যতা যতখানি গ্রহণ করিয়াছে বাংলা-দেশ তাহার চেয়েও বেশী গ্রহণ করিয়াছে, তাহাতে সন্দেহ নাই। অনু-আৰ্য্য বাংলাদেশে আৰ্য্যসভ্যতা কোন্

সময় এবং কিরূপে প্রতিষ্ঠালাভ করিল, তাহাই আমাদের আলোচ্য বিষয়।

আৰ্য্য-সভ্যতা বাংলাদেশে প্রথম কোন্ সময়ে প্রবেশ করিল তাহাই প্রথমে বিচার করা যাক। শতপথ ব্রাহ্মণ এবং কালিদাসের রঘুবংশকে বাংলায় আৰ্য্য-সভ্যতা বিস্তারের দুই সীমা বলিয়া গ্রহণ করা যায়। শতপথ ব্রাহ্মণে বিদেহ মাথব সম্বন্ধে যে-উপাখ্যানটি আছে তাহা হইতে নিঃসন্দেহরূপেই প্রমাণিত হয় যে, ঐ ব্রাহ্মণ গ্রন্থটি রচিত হইবার পূর্বে বিদেহ বা মিথিলায় আৰ্য্য-সভ্যতা বিস্তার লাভ করিয়াছিল। কিন্তু এই শতপথ ব্রাহ্মণেই প্রাচ্য অসুরজাতিদিগকে শশান-নিম্মাণ-পদ্ধতি এবং ভাষা সম্বন্ধে আৰ্য্য হইতে স্বতন্ত্র বলিয়া বর্ণনা করা হইয়াছে। আৰ্য্য ও অসুরদের মধ্যে চিরন্তন বিরোধের কথাও এই গ্রন্থেই দেখা যায়। সুতরাং বিদেহে আৰ্য্য-আগমনের সময় এবং সম্ভবত' শতপথ ব্রাহ্মণ রচিত হইবার সময়েও মগধ, বঙ্গ প্রভৃতি প্রাচ্য অসুরভূমিতে আৰ্য্যপ্রভাব প্রসারিত হয় নাই। শতপথ ব্রাহ্মণ রচনার সময় নিঃসংশয়রূপে নির্দেশ করা সম্ভব নয়। মোটামুটি ভাবে খ্রীষ্ট-পূর্ব অষ্টম বা সপ্তম শতাব্দীতে এই গ্রন্থ রচনার কাল বলিয়া ধরিয়া লইতে পারি।

পক্ষান্তরে, কালিদাসের রঘুবংশের চতুর্থ সর্গে রঘুর দিগ্বিজয়-প্রসঙ্গে বাংলা দেশের যে বর্ণনা দেখিতে পাই তাহাতে স্পষ্টই প্রমাণিত হয় যে, কালিদাসের সময়ে বাংলা দেশে এবং এমন কি কামরূপেও আৰ্য্য-সভ্যতা পরিপূর্ণরূপেই প্রতিষ্ঠা লাভ করিয়াছিল। কালিদাস গুপ্তসম্রাট চন্দ্রগুপ্ত বিক্রমাদিত্যের (খ্রীঃ ৩৮০-৪১৩) সময়ে বিद्यমান ছিলেন বলিয়া মনে করিবার হেতু আছে। কা-হিয়ানের (৪০৫-৪১১) বিবরণ হইতেও এই সিদ্ধান্ত সমর্থিত হয়। কা-হিয়ান খুব সম্ভবত' কালিদাসের সমসাময়িক। এই চৈনিক পরিব্রাজক বলিয়া গিয়াছেন, তাঁহার ভারত-ভ্রমণের সময় বাংলার প্রধান বন্দর ছিল তাম্রলিপ্তি; তাম্রলিপ্তি হইতে বাণিজ্যপোত সমুদ্রপথে সিংহল, যবদ্বীপ প্রভৃতি স্থানে



যাতায়াত করিত এবং সে সময়ে যবদ্বীপেও ব্রাহ্মণ্যধর্ম পূর্ণপ্রভাবে বিद्यমান ছিল (Legge's Fa-hien, p. 100, 113)। খ্রীষ্টীয় পঞ্চম শতকের প্রারম্ভেই যখন সুদূর যবদ্বীপেও ভারতীয় আর্য্য-সভ্যতার এতটা প্রসার ছিল তখন বাংলা দেশ যে তার বহুপূর্বেই আর্য্য-সভ্যতার অন্তর্ভুক্ত হইয়াছিল সে-বিষয়ে কোনো সন্দেহ থাকিতে পারে না। খ্রীষ্টীয় তৃতীয়-চতুর্থ শতকেও বাংলায় আর্য্যসভ্যতা বিद्यমান ছিল, তার প্রমাণ পাই মল্লনাগ বাংল্যায়নের কামসূত্রে এবং মহাকবি ভাসের 'প্রতিজ্ঞাযোগকরায়ণ' নামক নাটকে। উক্ত নাটকের দ্বিতীয় অঙ্কে উজ্জয়িনী-রাজ প্রাচ্যোতের একটি উক্তি হইতে স্পষ্টই বোঝা যায়, ভাস কবির সময়ে বঙ্গের রাজবংশ মর্যাদায় কাশী, সুরাষ্ট্র, মিথিলা, মথুরা এবং অবন্তীর রাজবংশসমূহের সমকক্ষ বলিয়া গণ্য হইত। চক্রস্বামীর উপাসক পুষ্করণরাজ চন্দ্রবর্ম্মার গুণনিয়া (বাঁকুড়া) গিরিলিপি হইতে এই সিদ্ধান্তই সমর্থিত হয়। খ্রীষ্টীয় চতুর্থ শতাব্দীতে বাংলার শেষ প্রান্ত পর্য্যন্ত আর্য্যপ্রভাব বিস্তৃত হইয়াছিল, তার নিঃসংশয় প্রমাণ পাই গুপ্তসম্রাট সমুদ্রগুপ্তের প্রয়াগ-স্তম্ভলিপিতে। ঐ লিপি হইতে জানা যায়, সমতট (বর্তমান ত্রিপুরা ও শ্রীহট্ট জিলা), ডবাক (আসামের অন্তর্গত নওগড় জিলা) এবং কামরূপের প্রত্যন্ত নৃপতির। কর এবং উপঢৌকনাদি দান করিয়া সমুদ্রগুপ্তের সন্তোষ সাধন করিয়াছিলেন। তাহা হইতে সহজেই অনুমান হয়, সমগ্র বাংলা দেশই তৎকালে গুপ্ত সাম্রাজ্যের অন্তর্ভুক্ত হইয়া গিয়াছিল।

মহাসংহিতায় দেখিতে পাই—হিমালয়, বিদ্যাপর্ব্বত এবং পূর্ব ও পশ্চিম সমুদ্রের মধ্যবর্তী সমগ্র উত্তর ভারতকেই 'আর্য্যাবর্ত' সংজ্ঞা দেওয়া হইয়াছে। আর্য্যাবর্তের এই সংজ্ঞা হইতে স্পষ্টই বোঝা যায়, মহাসংহিতার সময়ে বাংলাদেশকেও আর্য্যাবর্তের অন্তর্গত বলিয়া গণ্য করা হইত। কিন্তু দুঃখের বিষয়, নিঃসন্দেহরূপে মহাসংহিতার কালনির্ণয় করা সম্ভব নয়। কিন্তু খ্রীষ্টীয় দ্বিতীয় শতকের মধ্যভাগেও যে

আর্য্যপ্রভাব বাংলাদেশকে অতিক্রম করিয়া সুদূর যবদ্বীপ পর্য্যন্ত প্রসারিত হইয়াছিল তার প্রমাণ পাই গ্রীক ভৌগোলিক টলেমির গ্রন্থে। টলেমি সুদূর মিশর দেশে বসিয়া তাঁহার ভৌগোলিক গ্রন্থখানি রচনা করিয়াছিলেন। অথচ তাহাতে বাংলাদেশ সম্বন্ধেও বিশদ জ্ঞানের পরিচয় পাই। তিনি গঙ্গানদীর পাচটি বিভিন্ন মোহনার নাম এবং ঐগুলির তীরে অবস্থিত শহরগুলির নামও উল্লেখ করিয়াছেন। এই মোহনাগুলি যে-ভূখণ্ডে অবস্থিত ছিল সেই ভূখণ্ডকে তিনি Gangaridai নামে অভিহিত করিয়াছেন এবং এই দেশের রাজা যে-নগরীতে বাস করিতেন তাহার নাম Gange বলিয়া উল্লেখ করিয়াছেন। ভারতীয় সাহিত্যে 'গঙ্গরিডই' নামে কোনো রাজ্য বা দেশের উল্লেখ পাওয়া যায় না, 'গঙ্গে' নামে কোনো নগরীরও পরিচয় জানা যায় না। খুব সম্ভবত' ইহার। সংস্কৃত সাহিত্যে অগ্ন নামে পরিচিত ছিল। রঘুবংশের চতুর্থ সর্গে "নৌসাধনোত্ত" বঙ্গদিগকে "গঙ্গাস্রোতোহস্তরেণ" অবস্থিত বলিয়া বর্ণনা করা হইয়াছে। সুতরাং টলেমির গঙ্গরিডই রাজ্য প্রাচীন বঙ্গরাজ্য হইতে অভিন্ন বলিয়াই মনে করিতে হয়। আমরা সিংহলের মহাবংশ নামক গ্রন্থে বঙ্গ-দেশে বঙ্গ-নগরে এক বঙ্গ-রাজার উল্লেখ পাই। অনুমান হয়, মহাবংশের বঙ্গ-রাজ্য টলেমির গঙ্গরিডই রাজ্য হইতে অভিন্ন এবং টলেমির 'গঙ্গে-নগর' মহাবংশের বঙ্গ-নগরেরই নামান্তর মাত্র। যদি তাই হয়, তবে বলিতে হইবে, মহাবংশের বঙ্গরাজ্য পূর্বোক্ত গঙ্গরিডই রাজ্যেরই রাজ্য এবং ভাস কবির উক্ত 'বঙ্গ' রাজবংশও এই গঙ্গরিডই রাজ্যেরই রাজবংশ। দিল্লীর লৌহস্তম্ভলিপিতে (তৃতীয় শতাব্দী) উল্লিখিত আছে, চন্দ্রনামে কোনো নৃপতি এই বঙ্গের অধিবাসীদের সঙ্গে প্রবল সংগ্রাম করিয়াছিলেন। যাহা হোক, টলেমির গ্রন্থ হইতে নিঃসংশয়রূপেই প্রমাণিত হয় যে, খ্রীষ্টীয় দ্বিতীয় শতকের মধ্যভাগে বঙ্গরাজ্য এবং বঙ্গনগরের নাম মিশর দেশ পর্য্যন্ত প্রসার



লাভ করিয়াছিল। সুতরাং ঐ সময়ে যে বাংলাদেশের সঙ্গে উত্তর ভারতের অত্যাণ্ট দেশের সভ্যতার আদান-প্রদান চলিতেছিল তাহা বলাই বাহুল্য। শুধু তাই নয়, টলেমির সময়ে ভারতীয় সভ্যতা যবদ্বীপেও প্রতিষ্ঠিত ছিল বলিয়া মনে করা যায়। কারণ তাঁহার, গ্রন্থে এই দ্বীপটিকে Iabadio নামে অভিহিত করা হইয়াছে। শুধু তাই নয়, তিনি “island of barley” বলিয়া এই নামটির ব্যাখ্যাও করিয়াছেন। সুতরাং Iabadio যে সংস্কৃত যবদ্বীপেরই রূপান্তর সে-বিষয়ে কোনো সন্দেহ থাকিতে পারে না। সুতরাং দেখা যাইতেছে, খ্রীষ্টীয় দ্বিতীয় শতকে ঐ দ্বীপটি শুধু যে ভারতীয় সভ্যতা লাভ করিয়াছিল তা’ নয়, উহার নাম পর্য্যন্ত সংস্কৃত রূপ ধারণ করিয়াছিল এবং সেই সংস্কৃত নাম মিশরের গ্রীক ভৌগোলিকের নিকটও অবিদিত ছিল না।

এবার দেখা যাক, খ্রীষ্টীয় প্রথম শতকে বাংলা দেশ সম্বন্ধে কি কি তথ্য জানা যায়। এই শতাব্দীর মধ্যভাগে একজন গ্রীক নাবিক সমস্ত দক্ষিণ এশিয়া ভ্রমণ করিয়া নানাদেশের বাণিজ্য বিষয়ক এবং প্রসঙ্গ-ক্রমে অত্যাণ্ট বিবরণও লিখিয়া গিয়াছেন। চুড়াগাক্রমে তাঁহার নাম জানা যায় নাই। এই যজ্ঞাতনামা গ্রীক নাবিক জলপথে বাংলা দেশেও আসিয়াছিলেন এবং তাঁহার বিবরণ হইতেই খ্রীষ্টীয় প্রথম শতাব্দীতে বাংলা দেশের অবস্থা সম্বন্ধে কিছু কিছু তথ্য জানা যায়; ভৌগোলিক টলেমির ন্যায় এই গ্রীক নাবিকও বঙ্গকে ‘গঙ্গা’-দেশ এবং ইহার প্রধান নগরীকে ‘গঙ্গা’-নগরী নামে অভিহিত করিয়াছেন। আমরা পূর্বেই দেখিয়াছি, এই গঙ্গা-রাজ্য বঙ্গদেশ হইতে অভিন্ন এবং গঙ্গা-নগরী মহাবংশের বঙ্গ-নগরেরই নামান্তর। এস্থলে গঙ্গাদেশ ও বঙ্গদেশের অভিন্নতা সম্বন্ধে আরেকটি প্রমাণ দেওয়া যাইতে পারে। উক্ত গ্রীক নাবিক বলিয়াছেন, তৎকালে গঙ্গা-নগরী হইতে সর্বোৎকৃষ্ট মসলিন-বস্ত্র (muslins of the finest sort) বিদেশে রপ্তানী হইত এবং

এই মসলিনের নাম Gangetic অর্থাৎ গাঙ্গেয় (Periplus, p. 47), কোটিলীয় অর্থশাস্ত্রেও (২।১১) আমরা দেখিতে পাই, বস্ত্রের তুকুল এবং কার্পাস-বস্ত্র রত্নতুলা মূল্যবান্ দ্রব্য বলিয়া গণ্য হইত। এই গ্রন্থে বলা হইয়াছে “বাস্ককং শ্বেতং শিঙ্কং তুকুলম্”। অত্যাণ্ট আছে “মাধুরমপরাস্তকং কালিন্সকং কাশিকং বাস্ককং বাৎসকং মাহিনকং চ কার্পাসিকং শ্রেষ্ঠম্”। এই বাস্কক তুকুল ও কার্পাস-বস্ত্র Periplus-এর Gangetic muslin হইতে অভিন্ন বলিয়াই মনে হয়। বিশেষতঃ, কোটিলীয় অর্থশাস্ত্রকে যখন খ্রীষ্টীয় প্রথম শতাব্দী বা তৎসমীপবর্তী কালের গ্রন্থ বলিয়া মনে করিবার হেতু আছে (Roy Chaudhuri's Political History, pp. 7-8), তখন Periplus-এর Gangetic এবং অর্থশাস্ত্রের বাস্কক-কে অভিন্ন মনে করাই সম্ভব বোধ হয়। যদি ইহা সত্য হয় তাহা হইলে গ্রীক লেখকদের গঙ্গারাজ্য ও গঙ্গানগরী যে বঙ্গরাজ্য ও বঙ্গনগর হইতে অভিন্ন সে-বিষয়ে কোনো সন্দেহ থাকে না। যাহা হোক, উক্ত গ্রীক নাবিকের বর্ণনা হইতেই আমরা জানিতে পারি, তৎকালে উৎকৃষ্ট মসলিন ছাড়া বাংলা দেশ হইতে প্রচুর মুক্তা, তেজপাতা (malabathrum) এবং জটামাংসি (Gangetic spikenard) রপ্তানী হইত। এই সমস্ত দ্রব্য সাধারণত, বাংলাদেশ হইতে জলপথে দক্ষিণ ভারতে যাইত এবং সেখান হইতে রোম-সাম্রাজ্যে বহুমূল্যে বিক্রীত হইত। যে-সমস্ত বহু বাণিজ্যপোত দক্ষিণ ভারত ও বাংলা দেশের মধ্যে যাতায়াত করিত সেগুলিকে উক্ত নাবিক Colandia নামে অভিহিত করিয়াছেন। তিনি আরও বলিয়াছেন, তৎকালে বাংলাদেশে Caltis নামে এক প্রকার স্বর্ণ-মুদ্রাও প্রচলিত ছিল এবং বাংলাদেশে কয়েকটা সোনার খনিও অবস্থিত ছিল। এই সমস্ত বর্ণনা হইতে সহজেই মনে হয়, খ্রীষ্টীয় প্রথম শতকেও বঙ্গের অধিবাসীরা নৌসাধনপটু ছিল। আর, এমন সমৃদ্ধি-সম্পন্ন ও দেশদেশান্তরের সহিত বাণিজ্যপরায়ণ বঙ্গ যে



তখনও আৰ্য্য-সভ্যতার বহির্ভূতই ছিল, একথা কিছুতেই মনে করা যায় না।

খ্রীষ্টীয় প্রথম শতাব্দীতে ভারতবর্ষের ইতিহাসের আরও দুয়েকটি তথ্য আলোচনা করিলে আমাদের উক্ত সিদ্ধান্তেরই সমর্থন পাই। আমরা জানি, এই শতাব্দীতেই কাশ্মপ মাতঙ্গ (খ্রীঃ ৬২) চীনদেশে গিয়া তথ্য বৌদ্ধধর্ম প্রচার করিয়াছিলেন। আর, ভৌগোলিক টলেমি যখন দ্বিতীয় শতকের মধ্যভাগেই যবদ্বীপের সংস্কৃত নাম অবগত ছিলেন তখন অন্তত প্রথম শতাব্দী কিংবা তাহারও পূর্বেই ঐ দ্বীপে ভারতীয় সভ্যতা প্রবেশ করিয়াছিল, সন্দেহ নাই। যে-সময়ে ভারতীয় সভ্যতা একদিকে চীন ও অপর দিকে যবদ্বীপে প্রতিষ্ঠা লাভ করিতেছিল সে-সময় ভারতবর্ষেরই অন্তর্গত বাংলা দেশ ঐ সভ্যতার বাহিরে থাকিতে পারে না, ইহা অতি সহজেই বোঝা যায়।

তারপর দেখিতে পাই, এই শতাব্দীতেই কলিঙ্গ দেশের জৈন সম্রাট খারবেল উত্তরে মথুরা হইতে দক্ষিণে পাণ্ডাদেশ পর্য্যন্ত সাম্রাজ্য বিস্তার করিয়াছিলেন এবং পূর্বভারতে মগধের অন্তর্গত রাজগৃহেও সমরভিযান করিয়াছিলেন। আমরা পূর্বেই দেখিয়াছি, মহাভারতের উপাখ্যানে অঙ্গ-বঙ্গ-কলিঙ্গদিগকে অশুর-রাজ বলির বংশজাত বলিয়া বর্ণনা করা হইয়াছে। ইহারা যে পরস্পর জাতিভ্রাতৃত্বে আবদ্ধ ছিল, ইহা মনে করিবার অনেক কারণ আছে। শুধু তাই নয়। ইহাদের মধ্যে রাষ্ট্রীয় সম্বন্ধও খুব ঘনিষ্ঠ ছিল বলিয়া অনুমান করিবার পক্ষে যথেষ্ট হেতু আছে। এস্থলে ঐরূপ দু'য়েকটি প্রমাণের উল্লেখ করিতেছি। মহাভারতের সভাপর্বে (৪৪।৭) অঙ্গ ও বঙ্গকে একই 'বিষয়' বা রাজ্য বলিয়া বর্ণনা করা হইয়াছে এবং মহাবীর কর্ণকে ঐ রাজ্যের অধিপতি (বঙ্গাঙ্গবিষয়াধিপতি) বলা হইয়াছে। আবার, বোধায়নের ধর্ম্মসূত্রে (১।২।১৪) বঙ্গ ও কলিঙ্গদিগকে (বঙ্গকলিঙ্গান্) এমন ভাবে একসঙ্গে উল্লেখ করা হইয়াছে, বাহাতে মনে

হয় তাহারা তৎকালে একই রাজ্যভুক্ত ছিল। ল্যাটিন লেখক সুবিখ্যাত প্লিনি (Pliny the Elder, খ্রীঃ ২৩-৭৯) তাহার Historia Naturalis নামক গ্রন্থে ভারতবর্ষের ভৌগোলিক বর্ণনা-প্রসঙ্গে একস্থলে বলিয়াছেন, গঙ্গানদীর শেষ অংশ Gangarides-Calingae দের রাজ্যের ভিতর দিয়া প্রবাহিত হইয়াছে; ঐ দেশের রাজধানী Parthalis এবং সে দেশের অধিপতির সেনাদলে ষাট হাজার পদাতিক, এক হাজার অশ্ব এবং সাত শত হস্তী ছিল (Monahan's Early History, pp. 4—5)। তিনি আরও বলিয়াছেন যে, পূর্বভারত হইতে জলপথে তাম্রপর্ণী (Taprobane) অর্থাৎ সিংহলদ্বীপে যাইতে সাত দিন লাগিত। এই বর্ণনা হইতে ঐ দেশের সামরিক শক্তি ও বাণিজ্য সম্বন্ধে কিঞ্চিৎ ধারণা করা যায়। কিন্তু আমাদের আলোচ্য প্রসঙ্গের পক্ষে সবচেয়ে প্রয়োজনীয় কথা এই যে, প্লিনিও Gangarides ও Calingae-দিগকে একই রাজ্যভুক্ত বলিয়া বর্ণনা করিয়াছেন। আমরা পূর্বেই দেখিয়াছি, পাশ্চাত্য লেখকদের গঙ্গারাজ্য এবং সংস্কৃত সাহিত্যের বঙ্গরাজ্য একই। সুতরাং প্লিনীর Gangarides-Calingae এবং বোধায়নের "বঙ্গ-কলিঙ্গাঃ"-কে অভিন্ন বলিয়া মনে করাই সম্ভব বোধ হইতেছে। বঙ্গ ও কলিঙ্গের মধ্যে ঘনিষ্ঠ রাষ্ট্রীয় সম্বন্ধ থাকার তৃতীয় প্রমাণ পাই সিংহলের মহাবংশ নামক গ্রন্থে (ষষ্ঠ অধ্যায়)। এই গ্রন্থ হইতে জানা যায়, কলিঙ্গ রাজবংশ এবং বঙ্গ রাজবংশের মধ্যে বৈবাহিক আদান-প্রদানও হইত। বিজয়সিংহের পিতা সিংহবাহুর মাতামহী ছিলেন কলিঙ্গ-রাজকন্যা এবং সিংহবাহুর পিতার (বঙ্গরাজের) রাজত্বকালে কলিঙ্গ-রাজপৌত্র (বঙ্গরাজের শ্যালক-পুত্র) ছিলেন বঙ্গীয় সেনাদলের সেনাপতি। শুধু তাই নয়, সিংহবাহুর পিতার মৃত্যুর পর উক্ত কলিঙ্গ-রাজপৌত্রই বঙ্গের সিংহাসনে আরোহণ করেন। এই উপাখ্যানটির ঐতিহাসিক মূল্য বাহাই হোক না কেন, ইহা হইতেও বোধায়নের বঙ্গকলিঙ্গাঃ এবং প্লিনীর Gangarides-Calingae-দের



বুদ্ধরাজ্যের অস্তিত্বের সমর্থক প্রমাণ পাওয়া যাইতেছে। সুতরাং যে-সময়ে কলিঙ্গের জৈন সম্রাট খারবেলের সাম্রাজ্য আৰ্য্যাবর্তে বিস্তৃতি লাভ করিয়াছিল সে-সময়ে বঙ্গরাজ্যেও যে আৰ্য্যসভ্যতা প্রতিষ্ঠিত হইয়াছিল তাহা সহজেই অনুমেয়। কলিঙ্গ-সম্রাট খারবেল ছিলেন জৈনধর্মাবলম্বী। বাংলাদেশেও যে জৈন ধর্মের যথেষ্ট প্রভাব ছিল তাহার যথেষ্ট প্রমাণ আছে।

খ্রীষ্ট-পূর্ব প্রথম শতাব্দীতে বাংলাদেশের অবস্থা কিরূপ ছিল, সে-সম্বন্ধে বিশেষ কিছু জানা যায় না। ঝাবোর একটি উক্তি হইতে মনে হয়, এই সময়েই গ্রীক নাবিকরা বাণিজ্য উপলক্ষ্যে মিশর হইতে বাংলাদেশ পর্য্যন্ত আসিতে আরম্ভ করিয়াছিল। মনুসংহিতা গ্রন্থখানিও যে এই সময়েই বর্তমান রূপ ধারণ করিয়াছিল একরূপ মনে করিবার কিছু হেতু আছে। এই গ্রন্থে (২।২২) আৰ্য্যাবর্তকে পূর্ব সমুদ্র পর্য্যন্ত বিস্তৃত বলিয়া বর্ণনা করা হইয়াছে। তাহাতে বাংলাদেশও আৰ্য্যাবর্তের মধ্যেই পড়ে। অথচ এই গ্রন্থেই অগ্ন্যত্র (১০।৪৩-৪৪) বলা হইয়াছে—পৌণ্ড্র, উড্র, দ্রাবিড়, কাশ্যজ, যবন, শক, পারদ, পল্লব, চীন, কিরাত প্রভৃতি ক্ষত্রিয় জাতিরা “ব্রাহ্মণাদর্শন”-হেতু অর্থাৎ আৰ্য্য সমাজে অনুষ্ঠিত উপনয়ন প্রভৃতি সামাজিক ক্রিয়ালোপ হেতু বৃষল হইয়াছে। বলা বাহুল্য, পৌণ্ড্র এবং উড্ররা প্রাচীন বাংলার অধিবাসী জন-সমূহের মধ্যে অগ্ন্যত্র। মনুসংহিতার এই দুইটি উক্তি হইতে মনে হয়, পৌণ্ড্র ও উড্ররা যবন, শক, পল্লব, চীন, কিরাত প্রভৃতির দ্বারা আৰ্য্যসমাজ-বহির্ভূত হইয়াছিল। কিন্তু তাহারা ক্রমে ক্রমে আৰ্য্য প্রভাব লাভ করিতেছিল। তাই তাহারা মনুসংহিতা গ্রন্থে পতিত ক্ষত্রিয় বলিয়া গণ্য হইয়াছে। কিন্তু লক্ষ্য করার বিষয়, মনুসংহিতার পৌণ্ড্র, উড্র প্রভৃতি পতিত ক্ষত্রিয়দের তালিকায় অঙ্গ-বঙ্গ-কলিঙ্গ প্রভৃতি জনগুলির উল্লেখ নাই। সুতরাং মনুসংহিতার সময়ে অঙ্গ-বঙ্গ প্রভৃতি জনপদ আৰ্য্যসমাজ এবং আৰ্য্যাবর্তভূমির অন্তর্ভুক্ত হইয়া গিয়াছিল বলিয়াই মনে হয়।

খ্রীষ্টপূর্ব দ্বিতীয় শতকে শুঙ্গসম্রাট পুষ্যমিত্রের রাজত্ব-কালে (খ্রীঃ পূঃ ১৮৫-১৪৯) বিখ্যাত বৈয়াকরণিক পতঞ্জলি তাঁহার ‘মহাভাষ্য’ রচনা করেন। এই গ্রন্থে আৰ্য্যাবর্ত ভূ-খণ্ডকে ‘কালকবন’ নামক অরণ্যের পশ্চিমে (প্রত্যক্ কালকবনাং) অবস্থিত বলিয়া বর্ণনা করা হইয়াছে। এই কালকবনের অবস্থিতি সম্বন্ধে সংশয় আছে। তবে সিংহলের মহাবংশ গ্রন্থে রাঢ় অর্থাৎ পশ্চিম বঙ্গের নিকটে সম্ভবত’ ঝাড়খণ্ডে শতযোজনব্যাপী একটা গভীর অরণ্যের উল্লেখ দেখিতে পাই। পূর্ব সম্ভবত’ এই অরণ্য ও মহাভাষ্যের কালকবন অভিন্ন। যাহা হোক, বঙ্গদেশ যে এই কালকবনের পূর্বে অবস্থিত ছিল সে-বিষয়ে কোনো সন্দেহ নাই। সুতরাং পতঞ্জলির মতে বাংলাদেশ আৰ্য্যাবর্তের বাহিরেই ছিল। কিন্তু তিনি অগ্ন্যত্র অঙ্গের রাজা অঙ্গ, বঙ্গের রাজা বাঙ্গ প্রভৃতি শব্দের যেকোনো বৈয়াকরণিক ব্যাখ্যা করিয়াছেন তাহাতে মনে হয় অঙ্গ, বঙ্গ, কলিঙ্গ প্রভৃতি জনপদের রাজারা তৎকালে, ক্ষত্রিয় বলিয়াই গণ্য হইতেন।

খ্রীষ্টপূর্ব তৃতীয় শতকে প্রায় সমগ্র ভারতের একচ্ছত্র অধিপতি ছিলেন মোর্য্যবংশীয় সম্রাট অশোক (২৭২-২৩২)। তাঁহার রাজত্বকালে বঙ্গদেশ মোর্য্য-সাম্রাজ্যের অন্তর্ভুক্ত ছিল কিনা সে-বিষয়ে কোনো প্রত্যক্ষ প্রমাণ এখনও আবিষ্কৃত হয় নাই। কিন্তু বঙ্গদেশ যে তাঁহার সাম্রাজ্যভুক্ত ছিল একরূপ অনুমানের অনুকূল যথেষ্ট পরোক্ষ প্রমাণ হিউ-এন্ট-সাঙের ভারতবিবরণ ও মহাবংশ, দিব্যাবদান ও প্লিনির Historia Naturalis প্রভৃতি গ্রন্থে পাওয়া যায়। তা’ছাড়া যে-সাম্রাজ্য দক্ষিণে চোল, পাণ্ড্য প্রভৃতি দেশ এবং পশ্চিমে পারশ্ব-রাজ্যের সীমা পর্য্যন্ত বিস্তার লাভ করিয়াছিল, বঙ্গদেশ মগধের অব্যবহিত সীমান্তবর্তী হইয়াও যে সে-সাম্রাজ্যের অন্তর্ভুক্ত ছিল না, একথা বিশ্বাস করা কঠিন। ‘তৃতীয়ত’, যে কলিঙ্গদেশের সঙ্গে বঙ্গদেশ অনেক সময়েই যুক্ত থাকিত বলিয়া প্রমাণ পাওয়া যায়, সেই কলিঙ্গদেশ যখন বোরতর সংগ্রামের



পর মৌর্য সাম্রাজ্যভুক্ত হইয়া গেল তখনও বাংলাদেশের পক্ষে স্বাভাবিক রক্ষা করা সম্ভবপর বলিয়া মনে হয় না। চতুর্থত, আমরা জানি—অশোক চোল, চের, পাণ্ডা, তাম্রপর্ণী (সিংহল) পর্য্যন্ত সমগ্র জম্বুদ্বীপে অর্থাৎ ভারতবর্ষে এবং ভারতবর্ষের বাহিরে ইউরোপে গ্রীস ও আফ্রিকায় মিশর পর্য্যন্ত ভারতীয় ধর্মপ্রচারক পাঠাইয়াছিলেন। সুতরাং তাঁহার ধর্মপ্রচারকগণ বাংলাদেশেও ধর্মপ্রচার করিয়াছিলেন, এবিষয়ে কোনো সন্দেহ করা চলে না। অতএব তাঁহার রাজত্বকালে খ্রীষ্টপূর্ব তৃতীয় শতকেও বাংলাদেশে উত্তর ভারতীয় সভ্যতা যথেষ্ট স্থায়িত্ব অর্জন করিয়াছিল, একথা অনায়াসেই মনে করা যাইতে পারে। এই অনুমান অপেক্ষাও দৃঢ়তর প্রমাণ রহিয়াছে অশোকের প্রচারিত ও প্রস্তরগাত্রে খোদিত ধর্ম্মানুশাসনে। তাঁহার একটি ধর্ম্মানুশাসন (Rock Edict, XIII) হইতে স্পষ্টই জানা যায়, ঐ সময়ে কলিঙ্গ রাজ্যে বহু ব্রাহ্মণের বসতি ছিল। অতএব অশোকের রাজত্বের বেশ কিছুকাল পূর্বেই যে কলিঙ্গে আর্য্য-সভ্যতা প্রবেশ করিয়াছিল তাহাতে সন্দেহ নাই। লক্ষ্য করার বিষয়, খারবেলের হাতিগুম্ফা-লিপিতে সংস্কৃত সাহিত্যের পূর্ণ প্রভাব বিद्यমান, অথচ ‘খারবেল’ নামটি যে অনার্য্য শব্দ তাহাতে সন্দেহ নাই। আর যে-সময়ে কলিঙ্গ জনপদ আর্য্য-সভ্যতার গভীর মধ্যে আসিয়াছিল বঙ্গ-জনপদও প্রায় সেই সময়েই ঐ সভ্যতা লাভ করিয়াছিল, একথা নিঃসংশয়েই মনে করা যাইতে পারে। ইহার চেয়েও স্পষ্টতর প্রমাণ আছে। পূর্বোক্ত ধর্ম্মানুশাসনেই অশোক বলিতেছেন, একমাত্র যবনদের (অর্থাৎ গ্রীকদের) জনপদ ছাড়া ভারতবর্ষে এমন কোনো জনপদ নাই যেখানে ব্রাহ্মণ ও শ্রমণ (বৌদ্ধ বা জৈন ভিক্ষু) নাই। অশোকের এই উক্তি হইতেই প্রমাণিত হয় যে, তৎকালে সমগ্র ভারতবর্ষেই আর্য্য-সভ্যতা প্রসার লাভ করিয়াছিল। সুতরাং কলিঙ্গের স্থায় বঙ্গ জনপদেও ব্রাহ্মণ এবং শ্রমণদের বসতি ছিল, সে-বিষয়ে সন্দেহের কারণ নাই। পূর্বে দেখিয়াছি,

মহাসংহিতার সময়েও যবন, শক, পল্লব, পৌণ্ড্র, উড় প্রভৃতি কতকগুলি জনপদ ছাড়া আর সর্বত্রই ব্রাহ্মণের এবং ব্রাহ্মণ্য ধর্ম ও সমাজের প্রভাব বিद्यমান ছিল। সুতরাং দেখিতেছি, অশোকের অনুশাসন (Rock Edict, XIII) এবং মহাসংহিতার উক্তি (১০।৪৩-৪৪) আর্য্যসভ্যতার প্রসার সম্বন্ধে একই অবস্থার প্রতি ইঙ্গিত করিতেছে।

খ্রীষ্টপূর্ব চতুর্থ শতকের শেষভাগে মৌর্য সাম্রাজ্যের প্রতিষ্ঠাতা সম্রাট চন্দ্রগুপ্তের রাজত্বকালেও (৩২২-২৯৮) বঙ্গদেশ মগধের অধীন ছিল মনে করিবার হেতু আছে। যে বীরের প্রতাপ মগধ হইতে গুজরাট এবং গুজরাট হইতে পারস্য দেশের সীমান্ত পর্য্যন্ত অক্ষুর ছিল, যাহার শক্তির নিকট আলেকজান্ডারের পরাক্রান্ত সেনাপতি সেলিউকস্কেও পরাজয় স্বীকার করিতে হইয়াছিল, তিনি যে মগধের সীমান্তবর্তী বাংলাদেশে স্বীয় আধিপত্য বিস্তার করিতে পারেন নাই, তাহা মনে হয় না। প্লিনির একটি উক্তি হইতে মনে হয়, গঙ্গার শেষ অংশ পর্য্যন্ত সমগ্র ভূ-ভাগেই (the whole tract along the Ganges) মগধের আধিপত্য স্বীকৃত হইত। মহাবংশের একটি উপাখ্যান হইতে মনে হয়, অশোকের সময়ে মগধের রাজশক্তি সমুদ্রতীরবর্তী তাম্রলিপ্তিতেও অব্যাহত ছিল। তিব্বতের লামা তারনাথ লিখিয়াছেন, চন্দ্রগুপ্ত পুত্র বিন্দুসার “ভঙ্গল” (অর্থাৎ বাংলা) দেশের অন্তর্গত গোড়দেশে জন্মগ্রহণ করিয়াছিলেন। পক্ষান্তরে, চন্দ্রগুপ্ত যে বঙ্গের সহিত ঘনিষ্ঠত্রে আবদ্ধ কলিঙ্গ-রাজ্য জয় করিতে পারেন নাই সে-বিষয়ে সন্দেহ নাই। এই তথ্যটি হইতেই চন্দ্রগুপ্ত বাংলাদেশেও রাজত্ব করিয়াছিলেন কিনা এ বিষয়ে একটু সন্দেহ হয়।

খ্রীষ্টপূর্ব চতুর্থ শতকের মধ্যভাগে মগধের নন্দ-রাজ-বংশের প্রতিষ্ঠাতা ‘সর্বক্ষত্রান্তক’, ‘একরাট’ মহাপদ্ম নন্দ (আনুমানিক ৩৬২—৩৩৪) একটি বৃহৎ সাম্রাজ্য স্থাপন করিয়াছিলেন। তিনি উত্তর ভারতের অনেকগুলি স্বতন্ত্র রাজ্যকেই মগধ রাজ্যের অন্তর্ভুক্ত করিয়া লইয়াছিলেন। প্রকৃতপক্ষে, তিনিই ভারতের ইতিহাসে



সর্বপ্রথম সম্রাট এবং তাঁহার স্থাপিত মগধ সাম্রাজ্যই ভারতবর্ষের প্রথম সাম্রাজ্য। এইজন্যই পুরাণগুলিতে তাকে ‘সর্বক্ষত্রান্তক’ ও ‘একরাট’ বলিয়া বর্ণনা করা হয়েছে। যাহা হোক, তাঁহার বিজিত রাজ্যগুলির মধ্যে কলিঙ্গ অন্ততম। কলিঙ্গাধিপতি “খারবেলে”র প্রতিশ্রুতি-লিপিতেও নন্দরাজ কর্তৃক কলিঙ্গ-বিজয়ের উল্লেখ আছে। কিন্তু মহাপদ্ম কর্তৃক বঙ্গদেশ-বিজয়ের কোনো প্রত্যক্ষ বা সংশয়াতীত প্রমাণ নাই। নন্দরাজ-ংশের শেষ সময়ে দিগ্বিজয়ী আলেকজান্ডার ভারতবর্ষ আক্রমণ করেন (৩২৭—৩২৫)। তিনি যখন বিপাশা (Hyphasis) নদীর তীর পর্যন্ত অগ্রসর হইলেন তখন তিনি ‘ভগল’ (Phegelas or Phegeus) নামক জনৈক স্থানীয় ক্ষত্রিয় রাজার নিকট Prasii এবং Gangaridaeদের সামরিক শক্তির বিষয় অবগত হইলেন। কুইন্টাস্ কাটিয়াসের লিখিত বিবরণ হইতে বোঝা যায়, Prasii ও Gangaridae দুইটি স্বতন্ত্র জাতির নাম, কিন্তু তাহারা একই (নন্দবংশীয়) রাজার অধীন ছিল। Prasii সংস্কৃত ‘প্রাচ্য’ শব্দের রূপান্তর মাত্র এবং এস্থলে প্রাচ্য শব্দের দ্বারা মগধকেই বুঝায়; কারণ, পাশ্চাত্য লেখকরা Palibothra অর্থাৎ পাটলিপুত্রকে এই রাজ্যের রাজধানী বলিয়া নির্দেশ করিয়াছেন। আর, প্লিনি ও টলেমির বর্ণনা হইতে দেখা যায়, গঙ্গার শাখাসমূহের দ্বারা বিধৌত বর্তমান বাংলার দক্ষিণ অংশকেই গঙ্গারাজ্য বলিয়া অভিহিত করা হইয়াছে। কিন্তু ‘গঙ্গরিডি’ কথার সংস্কৃত প্রতিক্রম কি তাহা এখনও পণ্ডিতরা নির্ণয় করিতে পারেন নাই। অথচ গ্রীকরাই যে সর্বপ্রথমে এই নাম ব্যবহার করিয়াছিলেন তাও বলা যায় না। কারণ, ভারতীয় ক্ষত্রিয় রাজা ভগলই আলেকজান্ডারের নিকট ঐ নামে গঙ্গাবিধৌত রাজ্যের পরিচয় দিয়াছিলেন। সুতরাং আমার মনে হয়, আরও অনুসন্ধান করিলে সংস্কৃত সাহিত্যেও ঐ নামের আসল প্রতিক্রমের সন্ধান পাওয়া যাইবে। ‘বোধিসত্ত্বাবদানকল্পলতা’ নামক বৌদ্ধ সংস্কৃত গ্রন্থে

‘গঙ্গাধিপত্যের’ রাজা মেকুর নাম পাওয়া যায় (Buddhist Literature of Nepal—by R. L. Mitra, p. 76)। এই গঙ্গাধিপত্য বা গঙ্গারাজ্য যে গ্রীক ঐতিহাসিকদের ‘গঙ্গরিডি’ হইতে অভিগ্র একথা মনে করা যাইতে পারে। আমরা পূর্বে রঘুবংশ, মহাবংশ, টলেমির ভূগোল, Periplus এবং অর্ণশানের প্রমাণ উদ্ধৃত করিয়া দেখাইতে চেষ্টা করিয়াছি, ‘গঙ্গরিডি’ বলিতে বঙ্গদেশকেই বুঝায়। আর, এখন দেখিলাম গঙ্গাধিপত্য বা গঙ্গারাজ্য নাম সংস্কৃত সাহিত্যেও পাওয়া যায়। সুতরাং বুঝা যাইতেছে, বঙ্গ ও গঙ্গারাজ্য একই দেশের দুইটি নাম মাত্র। এক দেশের দুই নামে পরিচয় থাকা বিচিত্র নয়। একটু পূর্বেই আমরা দেখিয়াছি, গ্রীকরা মগধকেই ‘প্রাচ্য’ নামে জানিতেন; গ্রীকরা যেমন মগধকে সর্বদাই Prasii বলিয়াছেন, মগধ নাম কখনও ব্যবহার করেন নাই, তেমনি বঙ্গকেও তাহারা সর্বদাই শুধু ‘গঙ্গরিডি’ নামেই অভিহিত করিয়াছেন। সুদূর বিপাশাতীরবর্তী ক্ষত্রিয় রাজা ভগল মগধ এবং বঙ্গকেই আলেকজান্ডারের নিকট প্রাচ্য ও গঙ্গারাজ্য নামে পরিচয় দিয়াছিলেন, সন্দেহ নাই।

যাহা হোক, আমরা দেখিয়াছি বঙ্গ বা গঙ্গারাজ্যকে কাটিয়াস্ মগধ রাজ্যের অন্তর্ভুক্ত বলিয়াই বর্ণনা করিয়াছেন। কিন্তু অতীত পাশ্চাত্য লেখকদের রচনায় ভিন্ন রকমের উক্তিও দেখা যায়। যথা, ডিওডোরাসের উক্তি হইতে মনে হয় মগধই গঙ্গারাজ্যের অন্তর্ভুক্ত ছিল; আবার, প্লুটাক্ গঙ্গারাজ্য ও মগধকে দুই জন স্বতন্ত্র রাজার অধীন বলিয়া বর্ণনা করিয়াছেন। আমাদের পক্ষে এস্থলে এই সমস্তার মীমাংসায় প্রবৃত্ত না হইয়া শুধু এইটুকু বলিলেই যথেষ্ট হইবে যে, আলেকজান্ডারের ভারত-আক্রমণের সময় অর্থাৎ খ্রীষ্টপূর্ব চতুর্থ শতকের শেষ ভাগে বঙ্গদেশ উত্তর-ভারতব্যাপী সুবিস্তৃত মগধ সাম্রাজ্যের অন্তর্ভুক্ত ছিল বলিয়া মনে করিবার পক্ষে অনেক হেতু আছে।



সুতরাং ঐ সময় কিংবা তাহারও পূর্বে বাংলায় আৰ্য্য প্রভাব প্রবেশ করিয়াছিল।

শতপথ ব্রাহ্মণে বিদেহ বা মিথিলায় আৰ্য্য-সভ্যতা বিস্তারের সুস্পষ্ট প্রমাণ রহিয়াছে। আর ঐতরেয় ব্রাহ্মণেও (৮।২২) অঙ্গদেশে অতি প্রাচীন কালেই আৰ্য্যধর্ম প্রবেশের প্রমাণ আছে। এই দুইটি ব্রাহ্মণ গ্রন্থ খ্রীষ্টপূর্ব অষ্টম শতকে রচিত হইয়াছিল বলিয়া মোটামুটি ভাবে ধরা যাইতে পারে। সুতরাং শতপথ এবং ঐতরেয় ব্রাহ্মণ রচনার সময় হইতে মহাপদ্ম নন্দের রাজত্ব-কালের (৩৬২-৩৪) মধ্যবর্তী সময়ে বাংলাদেশে আৰ্য্য-সভ্যতা প্রতিষ্ঠা লাভ করিয়াছিল বলিয়া সিদ্ধান্ত করিতে হয়।

বোধায়নের ধর্ম্মশূত্র হইতেও এই সিদ্ধান্তেরই সমর্থন পাওয়া যায়। এই গ্রন্থখানি খ্রীষ্টপূর্ব চতুর্থ বা পঞ্চম শতকে রচিত হইয়াছিল বলিয়া মনে করা যাইতে পারে। এই গ্রন্থে অঙ্গ ও মগধের অধিবাসীদিগকে ‘সংকীর্ণ’ অর্থাৎ মিশ্র জাতি বলিয়া বর্ণনা করা হইয়াছে (১।২।১৩)। ইহা হইতে স্পষ্টই বুঝা যায়, ঐ সময়ে এই দুইটি জনপদে বৈদিক সভ্যতা কতকটা প্রতিষ্ঠা লাভ করিয়াছিল, কিন্তু প্রাধাত্য লাভ করিতে পারে নাই। কিন্তু অঙ্গ ও কলিঙ্গ সম্বন্ধে বলা হইয়াছে, ঐ দুই জনপদে গেলে আৰ্য্যাবর্তে প্রত্যাবর্তন করিয়া পুনস্তোম বা সর্কপৃষ্ঠা প্রায়শ্চিত্ত করিয়া শুদ্ধ হইতে হইবে এবং কলিঙ্গে যাওয়ার জন্ত বৈশ্বানর নামক অপর একটি বিশেষ প্রায়শ্চিত্তের বিধান দেওয়া হইয়াছে। ইহা হইতে সহজেই বুঝা যায়, ঐ সময়েও বঙ্গ এবং কলিঙ্গ আৰ্য্যভূমির বহির্ভুক্ত বলিয়া গণ্য হইত, অথচ বৈদিক আৰ্য্যরা ঐ দুই জনপদে যাতায়াত করিত। নতুবা প্রায়শ্চিত্তের বিধানই দেওয়া হইত না। আর-একটি স্থিতির বিধানে বলা হইয়াছে—

অঙ্গবঙ্গকলিঙ্গেষু সুরাষ্ট্রে মগধেষু চ

তীর্থ-যাত্রাং বিনা গচ্ছন্ পুনঃ সংস্কারমর্হতি ॥

এই শ্লোকটিতে বোধায়নের যুগের পরবর্তী অবস্থা

স্থিতি হইতেছে। কারণ, ইহাতেও প্রায়শ্চিত্তের বিধান আছে বটে, কিন্তু এই সময়ে বৈদিক আৰ্য্যরা অঙ্গ-বঙ্গ প্রভৃতি জনপদে অধিক সংখ্যায় যাইতে শুরু করিয়াছিল এবং ঐসব জনপদে বৈদিক আৰ্য্যদের তীর্থস্থানাди পর্য্যন্ত স্থাপিত হইয়াছিল। মহাভারতের বনপর্বে পূর্ব-ভারতের কয়েকটি তীর্থের উল্লেখ আছে। তার মধ্যে এ স্থলে কামাখ্যা, লৌহিত্য, করতোয়া, বৈতরণী এবং গঙ্গা-সাগর-সঙ্গম তীর্থের নাম করিলেই যথেষ্ট। গঙ্গা-সাগর-সঙ্গম সম্বন্ধে বলা হইয়াছে, এই তীর্থে স্নান করিলে অশ্বমেধ যজ্ঞের দশগুণ ফল পাওয়া যায়। আরও আছে ত্রিরাত্র উপবাসী থাকিয়া গঙ্গার পশ্চিমপারে গিয়া স্নান করিলে সর্ব প্রকার পাপ হইতে বিমুক্ত হওয়া যায়। এই দুটি স্থান বঙ্গদেশে অবস্থিত। আর বৈতরণী-তীর্থ কলিঙ্গ দেশে অবস্থিত। মহাভারতে তীর্থযাত্রা ছাড়াও পূর্বভারতে গমনের দৃষ্টান্ত আছে। যথা, পাণ্ডুর দিগ্বিজয়-বর্ণনায় আছে, তিনি পুণ্ড্র, সূক্ষ প্রভৃতি দেশ জয় করিয়াছিলেন (আদি, ১১৩ অধ্যায়)। পাণ্ডুর পুত্র ভীমও দিগ্বিজয়-কালে পুণ্ড্র, সূক্ষ, বঙ্গ, তাম্রলিপ্ত প্রভৃতি জয় করিয়াছিলেন (সভা, ২৯ অধ্যায়)। বোধায়নের বিধান অনুসারে পাণ্ডু বা ভীমকে কোনো প্রকার প্রায়শ্চিত্ত করিতে হইয়াছিল বলিয়া মনে হয় না। শুধু তাই নয়, মহাভারতের বহু স্থানে আৰ্য্য ও অঙ্গ-বঙ্গ প্রভৃতির পারস্পরিক সংস্রবের উল্লেখ আছে; কিন্তু কোথাও প্রায়শ্চিত্তের উল্লেখ নাই। তারপর হরিবংশে দেখিতে পাই, তীর্থযাত্রা কিংবা দিগ্বিজয় ছাড়া আর-একটি তৃতীয় এবং প্রবলতর কারণেও আৰ্য্যরা অঙ্গ-বঙ্গ প্রভৃতি স্বেচ্ছ জনপদে শুধু আগমন নয়, স্থায়ী ভাবে বাস করিতেও আরম্ভ করিয়াছিল। সে কারণটি হইতেছে—ক্ষুধা ও ভয়ের তাড়না। এই গ্রন্থে আছে, আৰ্য্যরা ক্ষুধার তাড়নায় বিদেহের পূর্ব সীমান্তিত কোশিকী নদী অতিক্রম করিয়া অঙ্গ-বঙ্গ-কলিঙ্গ প্রভৃতি দেশে আশ্রয় গ্রহণ করিবে এবং স্বেচ্ছগণের সহিত বাস করিবে।—কোশিকীং প্রতরিষ্যন্তি নরাঃ ক্ষুধয়শ্চিড়িতাঃ। অঙ্গান্ বঙ্গান্ কলিঙ্গান্শ্চ



\* \* \* সংশ্রয়িষ্ণুস্তি মানবাঃ ॥ \* \* \* নিবংশুস্তি  
নরাঃ শ্লেচ্ছগণৈঃ সহ ॥ সুতরাং মোৰ্য্য সম্রাট অশোকের  
রাজত্বকালে কলিঙ্গে এবং অন্যান্য জনপদেও যে বহু  
ব্রাহ্মণ ও শ্রমণ স্থায়ী ভাবে বাস করিতেছিল, তাহা  
কিছুমাত্র বিচিত্র নয়। আমরা এই প্রবন্ধে বঙ্গ  
প্রভৃতি জনপদে শুধু ব্রাহ্মণ অর্থাৎ বৈদিক সমাজভুক্ত  
আর্যাদের প্রবেশ ও প্রভাব বিস্তারের বিষয়ই আলোচনা  
করিতেছি। সুতরাং এখানে এই সব জনপদে বৌদ্ধ ও  
জৈন ধর্মের বিস্তারের প্রসঙ্গ উত্থাপন করিব না।

বৈদিক আৰ্য্যারা যে বঙ্গ প্রভৃতি জনপদে আগমন  
করিয়া অনার্য্য, অসুর বা শ্লেচ্ছগণের সহিত বাস  
করিতে লাগিলেন শুধু তাহাই নয়, পরন্তু কালক্রমে  
এই সব শ্লেচ্ছগণকেও আৰ্য্যভাবাপন্ন করিয়া তুলিলেন।  
এই প্রক্রিয়াটিও শতপথ প্রভৃতি ব্রাহ্মণ গ্রন্থের সময়  
হইতেই আরম্ভ হইয়াছিল। শতপথ ব্রাহ্মণে প্রাচ্যদিগকে  
আসুৰ্য্য বলা হইয়াছে বটে, কিন্তু সঙ্গে-সঙ্গে এমন  
কথাও বলা হইয়াছে যে, তাহারা আৰ্য্যগণের দ্বারা  
একই প্রজাপতি হইতে উৎপন্ন। তাহাদের ভাষা  
আৰ্য্যভাষা হইতে বিভিন্ন হইলেও তাহারা বিকৃতভাবে  
আৰ্য্যভাষা উচ্চারণ করিতে পারিত। ঐতরেয় ব্রাহ্মণেও  
দক্ষ্য পুণ্ড্রদিগকে পতিত আৰ্য্য বলিয়া গণ্য করা  
হইয়াছে। মহাভারতের মতে অঙ্গ-বঙ্গ প্রভৃতি অসুর-  
রাজ বলির বংশধর বটে, কিন্তু তাহাদিগকে বেদ-  
বেদাঙ্গ-পারগ মহর্ষি দীর্ঘতমার স্পর্শজাত সন্তান এবং  
অসুররাজ বলিকেও গঙ্গাস্নানপরায়ণ পরম দাম্বিক  
বলিয়া বর্ণনা করা হইয়াছে। পরবর্তী কালে

অসুররাজ বলির বংশধরদিগকে ‘বালেয় ক্ষত্রিয়’ এবং  
‘বালেয় ব্রাহ্মণ’ বলিয়া গণ্য করা হইয়াছিল। যথা—

মহাযোগী স তু বলি বভূব নৃপতিঃ পুরা ।  
পুত্রানুৎপাদয়ামাস পঞ্চ বংশকরান্ ভূবি ॥  
অঙ্গঃ প্রথমতো জজ্ঞে বঙ্গঃ সুক্সন্তৈব চ ।  
পুণ্ড্রঃ কলিঙ্গশ্চ তথা বালেয়ঃ ক্ষত্রমুচ্যতে ॥  
বালেয়া ব্রাহ্মণাশ্চৈব তস্মৈ বংশকরা ভূবি ।  
( হরিবংশ, ৩১ অধ্যায় )

আমরা পূর্বে দেখিয়াছি যে পুণ্ড্রদিগকে ঐতরেয় ব্রাহ্মণে  
দক্ষ্য বা অনার্য্য বলা হইয়াছে সেই পুণ্ড্রদিগকেই  
মহাসংহিতায় ব্রাহ্মণাদর্শন হেতু পতিত ক্ষত্রিয় বা বৃষল  
বলিয়া গণ্য করা হইয়াছে এবং মহাসংহিতার সময়  
অঙ্গ-বঙ্গ প্রভৃতি অন্য জনরা সম্ভবতঃ পূর্ণ ক্ষত্রিয় বলিয়াই  
গণ্য হইত।

এইরূপে শতপথ ও ঐতরেয় ব্রাহ্মণের সময় হইতে  
তিন চার শত বৎসর ব্যাপী সময়ের মধ্যে বঙ্গ প্রভৃতি  
প্রাচ্য-ভারতীয় জনপদে একদিকে ক্রমে ক্রমে আৰ্য্য-  
সমাগম হইতেছিল, অপরদিকে প্রাচ্য-ভারতীয় অনার্য্যরা  
কালক্রমে আৰ্য্যভাবাপন্ন ও আৰ্য্যসমাজভুক্ত হইয়া গেল  
এবং অনেকে ক্ষত্রিয় ও ব্রাহ্মণ বলিয়া গণ্য হইতে লাগিল।  
অবশেষে আনুমানিক মহারাজ অশোকের সময়ে  
বাংলার জন-সম্প্রদায় প্রায় সম্পূর্ণরূপেই আৰ্য্য-সভ্যতা  
লাভ করিল ও কালক্রমে সমগ্র বাংলা দেশটিই  
আৰ্য্যাবর্তের অন্তর্ভুক্ত হইয়া গেল।





# চাঁপা

শ্রীরবীন্দ্রনাথ বন্দ্যোপাধ্যায়, বি-এ

এক দেশের এক রাজা—রূপে-গুণে সত্যি কান্তিক।  
রাজা এখনো বিয়ে করেননি।

তারি রাজ্যে এক বনে পাতার ঘরে থাকত মা  
আর মেয়ে চাঁপা। কে তার নাম রেখেছিল চাঁপা  
জানিনে। চাঁপার গায়ে রূপ আর ধরে না।

বুড়ী-মা ম'রবার আগে কেঁদে খুন—“আমি ম'লে  
আমার চাঁপাকে কে দেখবে?”

চন্দনের দিকে চাইতেই চন্দন বুক ফুলিয়ে বললে—  
“আমি দেখব”। বুড়ী খুসী হ'য়ে চোখ বুজল।  
বছর কাটল। চন্দন বললে, “চাঁপা, এবার আমায়  
বিয়ে কর।”

চন্দন কাঠুরে; গরীব, কিন্তু গায়ে অশ্বরের জোর।  
চাঁপাকে এক হাতে উঁচুতে তুলে পুতুলের মতো  
নাচায়; গাছের মস্ত মোটা ডাল একটানে মড়মড়  
ক'রে ভেঙে ফেলে। বছর পঁচিশ বয়স চন্দনের।

চন্দনের কথা শুনে চাঁপা বললে—“দাঁড়াও, বসন্ত  
আসুক—”

চাঁপার সংসারে অনটন নেই কিছু। মালা গাঁথে,  
ময়ূরের পাখার মুকুট তৈরী করে, রঙিন কাপড়  
বোনে। চন্দন এসে বনের ফল, ঝরণার জল তুলে  
দিয়ে যায়। সকলেই জানে চাঁপা-চন্দনের বিয়ে হ'বে।

চাঁপার ছ'টি বন্ধু ছিল, মিনি আর চন্দন। মিনি  
খালি মি'য়াও করত। আর চন্দন তাকে ভালবাসত।

দিন যায়—

শীতে-মরা গাছে আবার নতুন পাতা গজা'তে  
সুরু ক'রেছে। চন্দনের আর তর্সয় না।

চাঁপা বলে,—“সবু-সবু; গাছে-গাছে ফুল ফুটুক—  
তবে তো?”

সে-দিন চাঁপা গেল সরোবরে নাইতে। রাজা  
বেরিয়েছেন মৃগয়ায়। চাঁপার সঙ্গে দেখা। রাজার

চোখে আর পলক পড়ে না। তিনি জিজ্ঞাস্ করলেন—  
“তুমি কে?”

চাঁপা বললে—“আমি চাঁপা।”

রাজা বললেন, “তুমি রাণী হ'বে?”

“কেমন ক'রে?”

রাজা হেসে বললেন, “আমায় বিয়ে ক'রে।”

চাঁপা মুখ লাল ক'রে পালিয়ে গেল। রাত্তিরে  
খড়ের বিছানায় শুয়ে চাঁপা স্বপ্ন দেখলে, সে সোনার  
পালঙ্কে শুয়ে আছে; কাছে দাঁড়িয়ে রাজপুত্র—  
লাল-পোষাক-পরা, মাথায় হীরার মুকুট, গলায় মৃত্তার  
মালা। চাঁপা উঠে বসল।

ভোর হ'ল। লাল শাড়ীখানা প'রে—মাথায়  
ময়ূরের পাখার মুকুট প'রে চাঁপা জল আন্তে-চন্দন  
সরোবরে। রাজার সঙ্গে দেখা—

ঘোড়ায় চ'ড়ে চাঁপা রাণী হ'তে চলল।

চন্দন এসে দেখে মিনি বেড়াল বাঁধা; ঘরের কাঁপ  
বন্ধ; চাঁপা ঘরে নেই, বকুল-তলায় নেই, সরোবরে  
নেই—কোথায় তবে চাঁপা!

এদিকে চাঁপা হ'ল রাণী। কত দাস-দাসী লোক-  
লক্ষর হীরা-জহরৎ মাণিক-মুক্তা! চাঁপার গরব আর  
ধরে না। রাত্তিরে সোনার পালঙ্কে চাঁপা ঘুমিয়ে  
আছে; ঘুমের ঘোরে শুন্লে, রাজার বাগানে কে  
“চাঁপা” “চাঁপা” ক'রে কাঁদছে। চাঁপা ঘুম ভেঙে উঠে  
বসল। জানলায় দাঁড়িয়ে শুন্লে, কে কেঁদে কেঁদে  
ডাকছে—“চাঁপা-চাঁপা-চাঁপা”—চাঁপা চিন্তা চন্দনের  
গলা। পরদিন চাঁপা রাজাকে বললে—“সারারাত একটা  
লোকের কান্নায় আমার চোখে ঘুম আসেনি;  
লোকটাকে তোমার রাজ্য থেকে দূর ক'রে দাও।”  
চন্দনকে দূর ক'রে দেওয়া হ'ল। দিন গেল।

রাত্তিরে চাঁপার চোখ ঘুমে ভারী হ'য়ে



উঠেছে—এমন সময় শুন্লে রাজার বাগানে মিনি বেড়াল ডাক্ছে—“চাঁপা-চাঁপা-চাঁপা”! চাঁপা মুখে আঁচল জড়িয়ে ঘুমুতে চাইল, কিন্তু ঘুম কিছুতেই আসে না। পরদিন রাজার কাছে বন্লে,—“একটা বেড়ালের জালায় আমি ঘুমুতে পারিনে; ওটাকে জলে ডুবিয়ে মারো।”

মিনিকে জলে ডুবিয়ে মারা হ'ল। কিন্তু তবু রাতিরে চাঁপা ঘুমুতে পারলে না। বকুল-কুল এসে বন্লে, “আমি এসেছি, মালা গাঁথো।” ময়ূরের পালক এসে বন্লে, “কই মুকুট?” কলসী এসে বন্লে, “কই নাইতে যাবে না?” চাঁপা উঠে বন্ল। কেউ কোথাও জেগে নেই। অন্ধকারে চুপি-চুপি গিয়ে চাঁপা পাতার ঘরে আগুন ধরিয়ে দিল।

পাতার ঘর পুড়ে গেল; আর গেল চড়াই পাখীর দামী ছেলে-পুলে নিয়ে। চড়াইয়ের বৌ পুড়ল না, পালিয়ে গেল।

আর পুড়ল চাঁপার কপাল।


পরের রাতিরে চাঁপা ঘুমবে—কানের কাছে চড়াই-মা ডেকে উঠল—“চাঁপা-চাঁপা-চাঁপা”—চাঁপা চমকে উঠে সোনার পালঙ্গে ব'সে রইল।

রাণী হ'য়েও চাঁপার স্বথ নেই। না ঘুমিয়ে চাঁপার অমন সোনার বরণ কালি হ'য়ে গেল। পরদিন চড়াই-মাকে মারতে সৈন্য ছুটল, সেনাপতি ছুটল, স্বয়ং রাজা ছুটলেন। চাঁপা তার সঙ্গত পণ করলে—যে মাঝবে চড়াইকে—

কিন্তু কেউ পারল না। চড়াই পাখী পালিয়ে পালিয়ে বেড়ায়। আর রাতিরে চাঁপা চোখ বজ্লেই বলে, “চাঁপা-চাঁপা-চাঁপা—আমার ছেলে কই, মেয়ে কই?—”

চড়াই-মাও মরে না—চাঁপার চোখে ঘুমও আর আসে না।

‘ব্রাসে রশোর বেলজিয়ান্ গল্প অবলম্বনে’





# জলাঙ্গী

শ্রীহেমচন্দ্র বাগচী

দেখিলাম শ্রামা মেয়ে প্রান্তরের বটতরুমূলে  
শিথিল কবরী বন্ধ; গুহু দুই গুহু ভাঁট ফুলে  
রচিয়া সীমন্ত-শোভা, তরঙ্গিত সুদীর্ঘ অঞ্চল  
প্রসারিয়া চৈত্র-রোদে একাকিনী শান্ত অচপল  
চেয়ে আছে দূর শূণ্যপানে। মেঘ সম নীল শাড়ী  
আলিঙ্গিয়া সর্বতনু চ'লে গেছে দেহসীমা ছাড়ি'  
দিগন্তে স্বপ্নের মত—শূন্যহীন ক্ষুধাতুর দেশ,  
ক্লান্তকণ্ঠে ডাকে ঘুঘু, নেত্রের নামে তন্দ্রার আবেশ!  
তরুচ্ছায়াতলে আসি' মনে হ'ল চিনি যেন তা'রে,  
তাহার মুখের রেখা জন্ম-জন্মান্তরের অন্ধকারে  
অন্ধ-বিশ্বতির দীপে উদ্ভাসিয়া উঠিল হৃদয়ে—  
স্নেহস্বরে সস্তাষিয়া কহিলাম, 'অগ্নি অবিস্ময়ে,  
ভুলেছি তোমার নাম—বহুদূর আসিয়াছি চলি'!  
'জলাঙ্গী—গঙ্গার সখী'—স্নিগ্ধহাস্তে কহিল শ্রামলী।

সহসা পড়িল মনে, পুরাতন পরিচয়-পথে  
একটি মালার মত দিনগুলি গাঁথা এর স্রোতে।  
এর জল-কলধ্বনি, শ্রাবণের ঘন-সমারোহ,  
উদয়-অস্তের লীলা, দিনান্তের সন্ধ্যারাগমোহ,  
আমার কাব্যের মাঝে এর লঘু গোপন সঞ্চার  
প্রথম করিহু অমৃতব। হৃদয়ের গুরুভার  
দূরে গেল, কহিলাম, 'চিনিয়াছি, হে শ্রামলী মেয়ে,  
কিশোর-স্বপ্নের সাথী, কতদিন মৃৎগান গেয়ে  
ফিরেছি তোমার পাশে। তুমি ছিলে অদূরবর্তিনী  
তটপ্রান্তলীনদেহ। বহুদূর-দিগন্ত-সঙ্গিনী—  
ঋতুর বিশ্বয়ঘেরা মূর্ত্ত স্বপ্নসম ছায়াময়ী;  
আজ দেখি নদী নহ, নারী তুমি কবি-চিত্ত মোহি'  
ব'সে আছ একাকিনী প্রান্তরের পথতরুমূলে।  
শুনিছ কি সেই বাঁশী বাজিত যা' তব কূলে কূলে?'

'বঙ্গের যমুনা তুমি মেঘকক্ষা অগ্নি অপরূপে,—  
বৈষ্ণবী রসের ধারা সুরভিত অমুরাগ-ধূপে।  
তব ঘন কালো জলে পলে পলে লহরে লহরে  
আত্মবিসর্জনী গান বাজিতেছে তরলিত স্বরে  
উদার বঙ্গের মাঠে। শুনি গোড়-সারঙের সুরে  
অপূর্ণ সন্ন্যাস-কথা—সে কাহিনী আসে ঘুরে ঘুরে  
স্বপ্নশেষ শতাব্দীর রুঢ় রোদে, অগ্নি উদাসিনি!  
তুমি ত' জানো না নিজে উঠিছে কি বিশ্বিত রাগিনী  
অবিশ্রাম গতির ভঙ্গীতে!' জলাঙ্গী উঠিল হাসি—  
মল্লিকা-বকুল-কুন্দ গুহু ফুল যেন রাশি রাশি  
নিঃশব্দে ঝরিয়া গেল—'সে কাহিনী পড়ে না ত' মনে,  
আমার নূতন জন্ম, নব স্রোত, নূতন প্লাবনে  
সে স্মৃতি ফেলেছি দূরে; নারী নহি;—নিত্যগতিশীলা  
কালস্রোতে ছুটে চলি—ভুলে যাই—এই মোর লীলা।'

'হে নদী, দেখেছি আমি মানবীর মুহূর্ত্ত-বিলাস;  
সে-ও ত' তোমারি মত ভুলে যায় স্নিগ্ধ অবকাশ!  
কত কাব্য, কত গান বৃথা রচে চরণ-শৃঙ্খল!  
গতির গভীর বেগে বিচ্ছেদের ধ্বনি অবিরল  
বাজিছে গভীর মস্ত্রে! একরূপ—নদী আর নারী  
নিশিদিন চেয়ে আছি—সে রহস্ত বুঝিতে না পারি;  
বেগস্থির জলদেহ, তলহীন পরিণামহীন—  
অজ্ঞাত ইঙ্গিতে ছুটে, চেয়ে আছি মুগ্ধ নিশিদিন!'  
দিন শেষ হ'য়ে এল; শৈবালের ঘন গন্ধ সনে  
আসন্ন গোধূলি-ছায়া;—মোহমগ্ন পশিল শ্রবণে!  
কম্পমান পল্লবের প্রাক্ষেপে দেখিলাম চেয়ে  
অক্ষুট ছায়ার মত নেমে গেল শ্রামলী সে মেয়ে,—  
মিশে গেল নীল জলে; স্রোতাবেগ উঠিল উচ্ছলি—  
'আপনারে ভালোবাসি—নদী আমি!'—কহিল শ্রামলী!



# সতী

## শ্রীসীতা দেবী

সমস্ত বাড়ীটা কেমন যেন শুষ্ক হইয়া আছে। যেন প্রলয়-ঝড়ের আগের আকাশ, যেন অগ্ন্যুৎপাতের পূর্বের আগ্নেয় গিরি। মানুষ কয়টা পা টিপিয়া টিপিয়া হাঁটিতেছে, কথা পারতপক্ষে কেহই বলিতেছে না। এমন কি ছেলে-মেয়ে তিনটাও গোলমাল করিতে বা কাঁদিতে ভরসা পাইতেছে না। পাড়ার মানুষ দুই চারি জন সারাফণই রহিয়াছে, কেহ ডাক্তারের বাড়ী যাইতেছে, কেহ পাশের বাড়ী গিয়া টেলিফোন করিতেছে, কেহ বা রোকুদ্যমানা ছোট থুঁকীকে সামলাইয়া রাখিবার চেষ্টা করিতেছে।

খাইবার মত অবস্থা বা উৎসাহ কাহারো নাই, তবু গৃহস্থের বাড়ী হাঁড়ি না-চড়া অলক্ষণ, বামুন ঠাকুরণ অতি বিষমভাবে নিজের কাজ করিয়া যাইতেছে। সে এ বাড়ীতে আছে দশ বৎসর, পরিবারের একজনেরই মত, ইহাদের বিপদ-আপদ যেন তাহার নিজের বিপদের মতই বোধ করে।

বহর বারোর একটি মেয়ে অতি স্নান মুখে রাগা-যরের দরজায় আসিয়া দাঁড়াইল। বামুন ঠাকুরণ জিজ্ঞাসা করিল, “কি গো, বেলা দিদি? ডাক্তারবাবু এলেন?”

বেলা বলিল, “না, তাঁর এখনও আস্তে ঘণ্টা-খানেক দেরি হবে। ‘কলে’ বেরিয়ে গেছেন, তাঁকে বাড়ীতে মোটে পাওয়াই গেল না। দুধ জাল হয়েছে?”

“হয়েছে”, বলিয়া পিতলের কড়া হইতে ঝকঝকে একটা কাঁসার বাটিতে খানিকটা দুধ সে ঢালিয়া দিল। বেলা আঁচলের খুঁটটা হাতের উপর পাতিয়া তাহার উপর বাটি বসাইয়া দুধ লইয়া চলিয়া গেল। বামুন ঠাকুরণ, মাছের কড়াটা আবার উত্তরের উপর চাপাইয়া দিয়া আপন মনেই যেন বলিল, “কি গতি হবে, মা জগাই জানেন। আহা কচি-কাচা নিয়ে ঘর করছিল, তাও পোড়া দেবতার সইল না।”

বাড়ীতে মানুষ নিতান্ত কম নয়। বৃদ্ধা মা আছেন, বিধবা দিদিও শ্বশুরবাড়ীর উৎপাত বেশী সহ্য করিতে পারেন না, নাবালক পুত্রটিকে লইয়া ভাইয়ের সংসারেই বছরের দশটা মাস কাটাইয়া দেন। তাহার পর ভবতোষ নিজে, পত্নী কল্যাণী, ছেলে-মেয়ে তিনটি; আরও একটির আগমনের সম্ভাবনা জানা গিয়াছে। বড় মেয়ে বেলা, বহর বারো বয়স, তাহার পর একটি সম্ভান মারা গিয়াছে, খোকা কল্যাণের বয়স আট বৎসর হইবে, তাহার পরও শোকের ব্যবধান, ছোট থুঁকি রত্নমালা তিন বৎসরের।

সুখে দুঃখে দিন একরকম কাটিয়া যাইতেছিল। ভবতোষ চাকুরি মন্দ করে না—সওয়া দুশো টাকা মাহিনা। আজকালকার বাজারে কয়টা মানুষ আনিতে পারে? তাহার উপর বাড়ীখানা তাহার নিজের। ছোট হইলে কি হয়, মাথা গুঁজিয়া থাকা ত’ চলিতেছে? একমাস ভাড়া গুণিতে না পারিলেই পথে গিয়া দাঁড়াইতে হইবে না।

দিন দশ বারো আগে হঠাৎ আফিস হইতে ফিরিয়া ভবতোষ কিছু খাইতে চাহিল না। কল্যাণীকে বলিল, “বেশ কড়া ক’রে এক পেয়লা চা ক’রে দাও ত’; আর কিছু খাব না।”

কল্যাণী উদ্বিগ্ন হইয়া বলিল, “কেন গা, কি হ’ল? কিছু খাবে না কেন?”

ভবতোষ বলিল, “গা-টা কেমন যেন গুলছে, এখন ভর-জারি না হ’লেই বাঁচি। এই গেল-মাসে খোকার অসুখে তিন দিন কামাই করতে হ’ল। রোজ রোজ এমনি হ’লে সায়েবই বা মনে করবে কি?”

কল্যাণী চা করিয়া আনিল। কিন্তু চা ভবতোষের সহ্য হইল না। খাওয়া মাত্র সমস্তটা বমি করিয়া সে শুইয়া পড়িল। সমস্তা কল্যাণী গায়ে হাত দিয়া দেখিল, গা একেবারে পুড়িয়া যাইতেছে।



সেই জ্বর এখন অবধি সমানে চলিয়াছে; বরং বাড়িয়াছে বই কমে নাই। ডাক্তার দেখিতেছেন, তিনি নিজেই গরজ করিয়া একজন বড় ডাক্তার গুরু আনিয়া দেখাইয়াছেন, সকলেরই এক অভিমত—টাইফয়েড। চৌদ্দ দিনের দিন জ্বর ত' ছাড়িল না, একুশ দিনের দিন যদি ছাড়ে, সেই আশায় সকলে পথ চাহিয়াছিল; ইতিমধ্যে কাল হইতে রোগের আর-এক উপসর্গ জুটিয়াছে। ডাক্তার বলিতেছেন, নিউমোনিয়াতে দাঁড়ানও বিচিত্র নয়।

মা ত' আহার-নিদ্রা ত্যাগ করিয়া মাটিতে পড়িয়া আছেন। তিনি সকল কাজের বাহির, তাঁহার কাছে কেহ কিছু কাজ অবশ্য প্রত্যাশাও করিতেছে না। সবাই আড়ালে বলাবলি করিতেছে, “বুড়ীর কি কপাল গা! এই দেখবার জন্যে এতকাল বসেছিল? বুড়ো মানুষের রোগ হ'য়ে সারতে নেই, সেবার পুরীতে অমন কঠিন রোগ হ'ল, গেলেই পারত? তা' না এখন কাণ্ড দেখ! যমদূত কখনও এমনি ফিরবে না, কাউকে না কাউকে নিয়েই যাবে।”

দিদি সংসার দেখিতেছেন, ছেলেমেয়েদের খানিক খানিক সামলাইতেছেন, আবার প্রতিবেশিনীদের সঙ্গে জুটিয়া হা-হতাশ করিতেছেন। কল্যাণীকে ডাক্তার অন্তঃসত্ত্বা অবস্থায় রোগীর ঘরে যাওয়া-আসা করিতে বারণ করিয়াছিল, সে কথা শোনে নাই। স্বামীর সেবা সে দিনরাত অবিশ্রান্ত করিতেছে, ছোট মেয়েটাকে ননদের হাতে সঁপিয়া দিয়াছে, পাছে ছোঁয়াচ লাগে বলিয়া তাহাকে আর স্পর্শও করে না। স্নানাহারের জন্ত কেহ যখন তাহাকে রোগীর ঘর হইতে বাহিরে টানিয়া আনে, তখন নাওয়া-খাওয়ার বদলে সে ঠাকুর-ঘরে গিয়া মাথা কোটে। কপালের যা চেহারা হইয়াছে, মানুষটির মুখের দিকে আর চাওয়া যায় না।

আজ সকাল হইতেই ভবতোষের অবস্থা আশঙ্কাজনক হইয়া উঠিয়াছে। পাড়ার লোক আসি জুটিয়াছে, বাড়ীতে পুরুষ অভিভাবক হইবা

মত কেহই নাই, তাই টেলিগ্রাম করিয়া কল্যাণীর খুড়তুতো ভাইকে আনান হইয়াছে। বিপদের উপর বিপদ, যে ডাক্তারবাবু এতদিন দেখিতেছিলেন, তাঁহাকে সকাল হইতে পাওয়াই যাইতেছে না, আর এক কোন্ মরণাপন্ন রোগীর বাড়ী গিয়া বসিয়া আছেন। অথচ এমন সময় হট করিয়া ডাক্তার বদল করাও চলে না। টেলিফোন করিয়া, লোক পাঠাইয়া বিশেষ কোনই ফল হইতেছে না।

ভবতোষের কাছে এখন দিদি বসিয়া আছেন। খুকিকে কখনও বেলা আগ্লাইতেছে, কখনও পাশের বাড়ীর একটি বউ আসিয়া কোলে করিয়া লইয়া যাইতেছে। কল্যাণী ঠাকুর-ঘরে দরজা বন্ধ করিয়া কি যে করিতেছে, তাহা সে-ই জানে। ছেলেমেয়েদের খাওয়া একরকম করিয়া হইয়া গিয়াছে, বড়রা কেহই খায় নাই। বামুন ঠাকুরণ বেলা দুইটা অবধি হেঁসেল আগ্লাইয়া বসিয়া ছিল, তাহার পর সেও হাঁড়ি তুলিয়া দিয়া, দুইটা মুখে গুঁজিয়া আঁচল পাতিয়া রান্নাঘরে গুইয়া পড়িয়াছে।

এমন সময় সদর দরজার কাছে ডাক্তারের গাড়ী থামিবার শব্দ শোনা গেল। কল্যাণী আর খুকি বাদে সবাই প্রায় দৌড়িয়া রোগীর ঘরের দরজায় হাজির হইল। ডাক্তার ভবতোষের অবস্থার কথা জানিয়াই আসিয়াছিলেন, কোনদিকে না তাকাইয়া গট্ গট্ করিয়া সোজা ভবতোষের ঘরে ঢুকিয়া গেলেন।

অনেকক্ষণ ধরিয়া পরীক্ষা করা, রোগীর অবস্থার বর্ণনা শোনা, জরের ‘চাট’ দেখা চলিতে লাগিল। তাহার পর ডাক্তার তেমনি গম্ভীর মুখে বাহির হইয়া আসিলেন।

ভবতোষের মা একেবারে তাঁহার সামনে আসিয়া আছাড় খাইয়া পড়িলেন, “ও বাবা, একটু কিছু ভরসা দিয়ে যাও। কেমন দেখলে আমার বাছাকে?”

ডাক্তার খমকিয়া দাঁড়াইয়া গেলেন। তাহার প



বলিলেন, “দেখুন, এটা মানুষের ত’ হাত নয়, যথাসাধ্য চেষ্টা মাত্র আমরা করতে পারি। ‘তা’ আপনারা এখনই এত বাস্তব কেন হচ্ছেন? এর চেয়ে কত খারাপ ‘কেস্’ ভাল হয়েছে। ভগবানের ইচ্ছা হ’লে কি না হ’তে পারে?”

বৃদ্ধা আকুল হইয়া কাঁদিতে লাগিলেন। তাঁহার কথা একরকম জোর করিয়াই তাঁহাকে সরাইয়া লইয়া গেল। বেলা বেচারীও কাঁদিতে কাঁদিতে ঠাকুরমার পিছন পিছন চলিয়া গেল।

সিঁড়ি দিয়া নামিতে নামিতে কল্যাণীর ভাই সরোজ জিজ্ঞাসা করিল, “কি রকম বুঝছেন? ‘কেস্’ কি খুব ‘সিরিয়াস্’?”

ডাক্তার বলিলেন, “সিরিয়াস্ বৈ কি? টাইফয়েডের উপর নিউমোনিয়া দাঁড়ান, সাংঘাতিক ব্যাপার।”

সরোজের মুখ শুকাইয়া গেল। জিজ্ঞাসা করিল, “একেবারে সার্বার chance নেই?”

ডাক্তার জোর করিয়া হাসিয়া বলিলেন, “এই দেখুন, অত ভয় পেলে চলে কখনও? Chance থাকবে না কেন? তবে আপনারা ইচ্ছা করেন ত’ আবার কাউকে consultationএর জন্তে ডাকা যেতে পারে।”

তাঁহারা যেখানে দাঁড়াইয়া কথা বলিতেছিলেন সেটা দোতলা ও একতলার ঠিক মাঝামাঝি স্থান। এইখানে একটি ছোট নীচু ঘর, বাড়ীর লোকে বলে দেড়তলা। ইহাই ঠাকুরঘর।

ডাক্তারের কথা শেষ হইতে না হইতে ঠাকুরঘরের দরজাটা খুলিয়া গেল। দেখা গেল, কল্যাণী সেখানে দাঁড়াইয়া আছে। পরণে ময়লা লালপেড়ে শাড়ী, চুল রুক্ষ, অবিবৃন্ত, চোখ দুইটী রক্ত-জবার মত লাল, তাহা হইতে দর্ দর্ করিয়া জল ঝরিতেছে। কপালটা ফুলিয়া উঠিয়াছে, রক্ত জমিয়া আধখান। কপাল জুড়িয়া কালশিরা।

ডাক্তার তাহার দিকে চাহিয়া শিহরিয়া উঠিলেন। কল্যাণীকে সম্বোধন করিয়া বলিলেন, “আপনি এ

করছেন কি? শেষে কি একটা প্রাণীহত্যা করবেন, না নিজে মারা যাবেন? ছেলেমেয়েদের কথা একবার ভাবুন। সংসারে থাকতে গেলে শোক-দুঃখ ত’ আছেই, তাই ব’লে একেবারে হাল ছেড়ে দিতে হবে?”

কল্যাণী ভাঙা গলায় বলিল, “ঠাকুর দয়া ক’রে তাঁকে রাখেন ত’ সবাই থাকবে, নয়ত তিন জনেই যাব।”

ডাক্তার সরোজকে বলিলেন, “আপনারা একে neglect করবেন না। এর অবস্থাও খুব আশঙ্কাজনক। আমি আপনাদের সাবধান ক’রে দিয়ে যাচ্ছি, এই ভাবে চললে ‘সিরিয়াস্’ ব্যাপার ঘটবে।”

সরোজ বলিল, “কি যে করা যায়, আমরা যেন বেড়া-আঙুনের মধ্যে পড়েছি। একে কে-ই বা দেখে, আর কে-ই বা বোঝায়? উণ্টে ও দিন নেই, রাত নেই, রোগীর সেবা করছে।”

ডাক্তার গাড়ীতে উঠিতে উঠিতে বলিলেন, “আপনারা বরং নাস’ রেখে দিন, এই অবস্থায় ঠুঁকে ও রকম ক’রে খাটতে দেওয়া criminal folly.”

ডাক্তারের গাড়ী চলিয়া গেল। সরোজ উপরে উঠিতে গিয়া দেখিল, কল্যাণী তখনও ঠাকুরঘরের চৌকাঠের উপর চুপ করিয়া বসিয়া আছে। সরোজ জিজ্ঞাসা করিল, “তুই খেয়েছিস্ কিছ?”

কল্যাণী বলিল, “সকালে দুধ খেয়েছিলাম।” সরোজ রাগ করিয়া বলিল, “কাণ্ডখানা কি বল্ দেখি? একে ত’ এই বিপদ, তা’র উপর তুই একটা অনর্থ বাধাতে চাস্? ছেলেমেয়েগুলো কোথায় দাঁড়াবে?”

কল্যাণী পাগলের মত চীৎকার করিয়া কাঁদিয়া উঠিল। বলিল, “ও দাদা, তোমাদের পায়ে পড়ি, তোমরা আমাকে আর জালিও না। আমার বেঁচে কি হবে? পোড়া কপাল নিয়ে আমি বাঁচতে চাইনে। তার আগে এ কপাল আমি পাথর দিয়ে ছেঁচে ফেলব। ছেলেমেয়েকে যে পারে সে দেখবে।”

সরোজ উঠিয়া চলিয়া গেল। এই অন্ধ-উন্মাদিনীকে



কি সে বুঝাইবে? স্বামী ভিন্ন জগৎ-সংসার ইহার কাছে অর্থহীন। স্বামীকে হারাইবার আশঙ্কায় পৃথিবী ইহার কাছে বিভীষিকাময় হইয়া উঠিয়াছে, তাহার বুদ্ধি-বিবেচনা, কাণ্ডজ্ঞান কিছুই আর অবশিষ্ট নাই। এমন কি সম্মান-স্নেহও এই মহাভয়ের কাছে পরাভব মানিয়াছে।

কল্যাণী নিজে শৈশবে মাতৃহীনা, তবু মাতৃহীন শিশুর দুর্ভাগ্যের কথা আজ সে ভাবিতে পারিতেছে না। দারুণ আশঙ্কা তাহাকে গ্রাস করিতেছে, পায়ের তলার সমস্ত আশ্রয় তাহার হঠাৎ খসিয়া যাইবার উপক্রম করিয়াছে। অশিক্ষিতা, অবরোধবাসিনী, বাংলার মেয়ে সে। তাহার স্বতন্ত্র কোনো অস্তিত্ব নাই, সে আর-এক জীবন-তরুর পরগাছা মাত্র। সেই বৃক্ষমূলেই যদি আজ শমনের কুঠারাঘাত বাজিয়া উঠে, তবে কল্যাণী বাঁচিয়া থাকিবার সাহস কোথা হইতে সংগ্রহ করিবে?

সমস্ত দিনটা একই ভাবে কাটিয়া গেল। কল্যাণী আবার স্বামীর ঘরে আসিয়া বসিয়াছে। তাহার শাণ্ডী দরজার কাছে আঁচল পাতিয়া শুইয়া আছেন। সরোজ নাস' আনার কথা বলিতে গিয়াছিল; কল্যাণী, তাহার নন্দ এবং শাণ্ডী একসঙ্গে ঝঙ্কার দিয়া উঠিলেন,—তাঁহারা বাঁচিয়া থাকিতে কোনো খ্রীষ্টানীকে আসিয়া ভবতোষের সেবা করিতে হইবে না।

নীচের তলায় বেলা রান্নাঘরে বসিয়া চিঁড়ি ভিজান খাইতেছে। কল্যাণের ওসব বাজে জিনিস পছন্দ না, সে নিজেই মোড়ের দোকান হইতে হিঙের কচুরি কিনিয়া আনিয়াছে, দরজার আড়ালে লুকাইয়া তাহাই খাইতেছে। লুকানর প্রয়োজন এইজন্ত যে, দেখিতে পাইলে মামাবাবু শুধু যে বকিবে তাহা নয়, কচুরি কাড়িয়া লইয়া ফেলিয়া দিবে। ছোট খুকী সম্প্রতি একলাই ঘুরিতেছে, পিসীমা কাপড় কাটিতে ঢুকিয়াছেন, বেলাকে বলিয়া গিয়াছেন খুকীকে দেখিতে। বেলা খাইতে ব্যস্ত, কথাটা বিশেষ কানে নেয় নাই। খুকী দাওয়া হইতে কয়েকটা মুড়ির দানা কুড়াইয়া পরম তৃপ্তির সহিত আহার করিতেছে।

বামুন ঠাকুরণ উপরে গিয়াছিল বার্লির জল পৌছাইয়া দিতে। কল্যাণীকে ডাকিয়া বলিল, “অ বোমা, এধারে একটু শুনে যাও, বাছা।”

কল্যাণী বাহির হইয়া আসিয়া জিজ্ঞাসা করিল, “কি?”

বামুন ঠাকুরণ বলিল, “কাতী বলছিল কি যে, গলির মোড়ে শেঠদের বাড়ী ভারি একজন সাধু মহাত্মা এসেছেন; এপাড়া-ওপাড়া ঝেঁটিয়ে সব তাঁর দর্শনে আসছে। আমি বলি তুমি একবার যাও না, মা? তাঁদের দয়া হ'লে কি না হ'তে পারে?”

কল্যাণী অল্পক্ষণ চুপ করিয়া কি ভাবিল, তাহার পর বলিল, “আচ্ছা, সন্দের সময় যাব।”

ডাক্তারবাবু সন্ধ্যার সময় আর একজন ডাক্তার লইয়া আসিয়া উপস্থিত হইলেন। ডাক্তারবাবুকে দেখিলেই কল্যাণী পলায়ন করিত। তাঁহার উপদেশ-গুলি তাহার গায়ে যেন তপ্তজলের ছড়ার মত লাগিত। পুরুষের জাত, কি করিয়া বুকিবে কল্যাণীর বুক কি চিতার আগুন জ্বলিতেছে? স্মরণে ডাক্তারের সাড়া পাইয়াই সে কলের ঘরে গিয়া দরজা বন্ধ করিল।

ডাক্তারেরা আধঘণ্টা থাকিয়া, ঔষধ-পথ্যাদির খানিক খানিক বদল করিয়া প্রস্থান করিলেন। কল্যাণী তখন বাহির হইল। গা ধুইয়াছে বটে, তবে চুলের অবস্থা আগেরই মত, একখানা ময়লা শাড়ী বদলাইয়া আর একখানা পরিয়াছে।

কাতী-ঝিকে ডাকিয়া বলিল, “তুই হারিকেনটা নিয়ে আমাকে একটু শেঠদের বাড়ী পৌছে দিবি চল।”

কাতী হারিকেন আনিতে ভাঁড়ার-ঘরে গিয়া ঢুকিল। কল্যাণী বামুন ঠাকুরণকে ডাকিয়া বলিল, “মা কি ঠাকুরঝি যদি খোঁজে ব'লে দিও কোথা গেছি। দাদা এখন ওপরের ঘরে আছে, সে-ই দেখবে।” কাতী লঠন লইয়া আসিল, দুই জনে গলির পথে বাহির হইয়া গেল।

কিন্তু জগতে আজ কল্যাণীর জন্ত কোথাও সাহায্য নাই। প্রেমানন্দ স্বামীর কাছেও সে কোনো আশ্বাস



পাইল না। শোকাক্তকে, দুঃখীকে পথ দেখাইবার কাজই তাঁহারা গ্রহণ করিয়াছেন, যমের সঙ্গে যুদ্ধ করিবার কোনো পরোয়ানা তাঁহারা লাভ করেন নাই। কল্যাণী অল্পক্ষণ পরেই কঁাদিতে কঁাদিতে ফিরিয়া আসিল। সরোজ তাহাকে বকিতে আসিয়াছিল, কান্না দেখিয়া ফিরিয়া চলিয়া গেল।

ভোর হইতে না হইতে কল্যাণী নীচে নামিয়া আসিয়াছে। রাত্রে দুই এক ঘণ্টার বেশী সে ঘুমায় না, যদিও সরোজ এবং পাড়ার একটি ছেলে পালা করিয়া বেশীর ভাগ রাত্রি জাগিয়া থাকে। বামুন ঠাকুর সবে তখন রান্নাঘর ঝাঁট দিতেছে। কল্যাণীকে দেখিয়া জিজ্ঞাসা করিল, “কি বোমা, এত সকালে নেমে এলে যে? দাদাবাবু কেমন?”

কল্যাণী বলিল, “তেমনই। আমি একবার কালীঘাটে যাব, বামুন-মা, আমার সঙ্গে যাবে কে?”

বামুন-মা বলিল, “তাই ত’ কে যায় এখন? সকাল-বেলাটা সবাই কাজে ব্যস্ত থাকে। তা’ তুমি না হয় লাটুর পিসীর সঙ্গে যাও, চল তাদের দরজা অবধি আমি পৌছে দিয়ে আসি।”

কল্যাণী তেমনই মলিন বস্ত্রে, মুখ-হাতে জল পর্য্যন্ত না দিয়া বামুন ঠাকুরের সঙ্গে বাহির হইয়া গেল।

খানিক বাদে রোগীর গোড়ানীতে সরোজের ঘুম ভাঙিয়া গেল। সে ধড়মড় করিয়া ক্যাম্প খাটের উপর উঠিয়া বসিয়া বলিল, “বাস্! কলি গেল কোথায়? এই না আমাকে জোর ক’রে শুইয়ে দিল, যে এর পর সে দেখবে, বাতাস করবে। ওষুধটাও খাওয়ায়নি দেখছি। এদের সেবা করতে আসা মানে খালি নিজেদের হিষ্টিরিয়াকে চরিতার্থ করা।” বিরক্তমুখে উঠিয়া-বসিয়া সে কল্যাণীর ক্রটিগুলি সারিতে প্রবৃত্ত হইল।

কল্যাণী যখন ফিরিল, তখন প্রায় বেলা দশটা। ভবতোষের অবস্থা ভাল ত’ কিছু নয়ই, বরং হয়ত বা আরও একটু খারাপ। কিন্তু কল্যাণীর মুখের ভাব বদলাইয়া গিয়াছে। কোথায় কি যেন অবলম্বন

সে পাইয়াছে। এই মহাবিভীষিকার অন্ধকারের ভিতর কে তাহাকে পথ দেখাইয়া দিল?

স্বামীর ঘরে আর সে বসিতে চায় না। পঞ্চাশ বার খালি ঠাকুরঘরে গিয়াই দরজা বন্ধ করে। মাটিতে উপুড় হইয়া পড়িয়া অশ্রুটকণ্ঠে কি সব বলিতে থাকে, পাষাণের দেবতা হয়ত বা শোনে, মানুষের কর্ণগোচর কিছুই হয় না। কল্যাণী রোগীর ঘর ছাড়াতে সরোজ বরং খুসিই হইয়াছে, সে কল্যাণীকে আর একবারও ডাকে নাই। পাড়ার দুই একটি ছেলে-ছোকা আসিয়া জুটিয়াছে, তাহাদের সাহায্যে সে কাজ চালাইয়া লইতেছে। কাজ ভালই চলিতেছে, কারণ ইদানীং কল্যাণীর অবস্থা হইয়া উঠিয়াছিল তন্দ্রাবিষ্টের মত, সে কি যে করিত, আর কি যে না করিত, তাহার ঠিকানা ছিল না।

সরোজ একবার বাহিরে গিয়া কল্যাণীর খোঁজ করিল, সে ঠাকুরঘরেই আছে। কল্যাণীর ননদকে সামনে দেখিয়া সরোজ বলিল, “কলিকে একটু ঘুমিয়ে নিতে বলুন না, এখন যখন এদিকে আসছেই না, একটু বিশ্রাম করুক।”

ভবতোষের দিদি বিরক্তভাবে বলিলেন, “হ্যাঁ, ঘুমবারই তার এখন সময় বটে! তার যা হচ্ছে সে-ই জানে। আর আমি ডাকলেই সে শুতে আসবে কিনা; সে ত’ এখন ঠাকুরঘরে।”

সরোজ চলিয়া আসিল। কল্যাণীরই বা দোষ কি? বাংলাদেশের মেয়ের জীবনের মূল্য অথ কাহারও কাছে যখন নাই, তখন তাহার নিজের কাছেই বা থাকিবে কেন?

কল্যাণী সেই যে দশটায় ঠাকুরঘরে দরজা বন্ধ করিল, আর সে বাহির হইল না। এদিকে ভবতোষের অবস্থা ক্রমেই মন্দের দিকে গড়াইয়া চলিল। বিকালে ডাক্তার আসিয়া মুখ একেবারে গম্ভীর করিয়া ফেলিলেন। খানিকক্ষণ এটা-ওটা নাড়া-চাড়া করিয়া বলিলেন, “আপনারা আর যদি কাউকে দেখাতে চান, দেখাতে পারেন। আত্মীয়-স্বজন কেউ যদি বিদেশে থাকেন ত’ wire ক’রে দিন।”



মা আর দিদি ডাক্তার আসিলেই দরজার কাছে আসিয়া দাঁড়াইতেন, আজও দাঁড়াইয়া ছিলেন। দরজাটা ছাড়িয়া ইঞ্চি-দুই পাশে সরিয়া আসিয়া তাঁহারা এমন বুক-ফাটা আন্তনাদ করিয়া উঠিলেন যে, মোহাবিষ্ট রোগী পর্যন্ত খাটের উপর নড়িয়া উঠিল। ডাক্তার এবং সরোজ মিলিয়া তাড়াতাড়ি তাঁহাদিগকে টানিয়া অন্তর ঘরে লইয়া গেল। ডাক্তার বলিলেন, “আপনাদের একটু ধৈর্য্য ধ’রে থাকা উচিত। ঔর এখনও জ্ঞান রয়েছে, আপনাদের এরকম কান্নাকাটি শুনলে মনে কষ্ট পাবেন যে?”

মা ও দিদি সমানে কাঁদিতে লাগিলেন, নীচের থেকে বেলা এবং কল্যাণ উপরে আসিয়া তাঁহাদের সঙ্গে যোগ দিল। সরোজ রোগীর ঘরে ছুটিয়া গিয়া দরজাটা ভাল করিয়া ভেজাইয়া দিল। তাহার সহকারী ছেলেটিকে বিখ্যাত এক হোমিওপ্যাথি চিকিৎসককে ডাকিবার জন্ত ট্যাক্সি করিয়া পাঠাইয়া দিল।

কান্নাকাটির মধ্যে ঠাকুরঘরের দরজা খুলিয়া কল্যাণী বাহির হইয়া আসিল। একজন প্রতিবেশিনী বসিয়া মাকে সান্ত্বনা দিবার বৃথা চেষ্টা করিতেছিল, তাহাকে বিরক্তকণ্ঠে জিজ্ঞাসা করিল, “কি হ’ল গা? আমার কপাল পুড়েছে?”

প্রতিবেশিনী দাঁতে জিব কাটিয়া বলিল, “এখনই ওকি কথা, বেলার-মা? যতক্ষণ শ্বাস, ততক্ষণ আশ। কত মানুষ মরতে মরতে টাল সামলে যায়।”

কল্যাণী দ্রুতপদে স্বামীর ঘরের কাছে গিয়া দাঁড়াইল। দরজা ভেজান, ঠেলিয়া খুলিয়া ফেলিল। সরোজ উঠিয়া আসিয়া বলিল, “তুই যা দেখি এখান থেকে। এখানে থেকে কোনো দরকার নেই। ছেলে মেয়েদের কাছে যা।”

কল্যাণী নীচে নামিয়া চলিল। ছেলেমেয়েরা কোথায়? বেলা ঠাকুরমার মাথার কাছে বসিয়া কাঁদিতেছে, কল্যাণ গলিতে দাঁড়াইয়া আছে। ছোট খুকিটা কলতলায় বসিয়া জল-কাদা ঝাটিতেছে। কল্যাণী

চাহিয়া দেখিল মাত্র, তাহার পর ঠাকুরঘরে গিয়া দরজা বন্ধ করিল।

বামুন ঠাকুরগণের চীৎকারে বাড়ীর লোক, পাড়ার লোক একসঙ্গে আসিয়া ঠাকুরঘরের দরজায় জড় হইল। দরজা ভিতর হইতে বন্ধ, কিন্তু বিকট পোড়া গন্ধে সিঁড়িতে পর্যন্ত দাঁড়ান যায় না।

চঁচামেচি হাঁকাহাঁকিতে কোনো ফল হইল না, শেষে কুড়াল দিয়া দরজা ভাঙিয়া ফেলা হইল। সরোজ দুই হাতে মুখ ঢাকিয়া পলায়ন করিল। পাড়া-প্রতিবেশী ছেলে-মেয়েদের সরাইয়া লইল। যাক্ কল্যাণীর ভয়ের অবসান হইল, তাহার শাঁখা সিঁধুর অক্ষয় হইয়া রহিল।

তাহার পর কয়েক বন্টার ইতিহাস উহা থাকাই ভাল। কল্যাণীর শ্মশান-যাত্রায় শহরের লোক ভাসিয়া পড়িল। খাটের উপর আপাদ-মস্তক চাদর ঢাকা দিয়া কল্যাণী শুইয়া আছে। দেখা যাইতেছে, আলতা-পরা ছোট দুইটা পা, আর চাদরের উপর রাশি রাশি সিঁধুর। কলি-যুগের ধন্য সতী! যমের মুখে যেন লাথি মারিয়া নিজের এয়োতি বজায় রাখিয়া চলিয়া গেল। সরকার বাহাদুর সতীদাহ উঠাইয়া দিলে হইবে কি? বাংলার মেয়ের মন হইতে ত’ ইহা উঠে নাই? সেই সিঁধুরের এক কণার জন্ত শ্মশানঘাটে যেন কাড়াকাড়ি বাধিয়া গেল। কল্যাণীর খবর বাহিরের লোকে এই প্রথম বড় বেঁধা করিয়া গুনিল এবং এই শেষ।

আশ্চর্য্যের বিষয় এই যে, ভবতোষ বাঁচিয়াই রহিল! কল্যাণীর অপমৃত্যুর পরদিন হইতেই তাহার অবস্থার উন্নতি হইতে লাগিল, এবং ক্রমে ক্রমে সে সারিয়াই উঠিল। কল্যাণীর সুখ্যাতি প্রতিবেশিনী মহলে অক্ষয় হইয়া রহিল। ভবতোষের বাঁচিবার কোনো সম্ভাবনাই ছিল না, বাঁচিল কেবল কল্যাণীর আশু পাইয়া। নিজের জীবন বিসর্জন দিয়া, আর-একটা অশ্রুট জীবনকলিকাকে ধ্বংস করিয়া কল্যাণী যমের খোরাক জুটাইয়া দিয়া গিয়াছে—ভবতোষকে আর মৃত্যু-দেবতার প্রয়োজন নাই।

\*

\*

\*



মাস আট পরের কথা। ছোট খুকীটা মেঝেতে শুইয়া আছে ছেঁড়া কাঁথার উপর। তাহার হাত-পা কাঠির মত, মুখের রং ছাইএর মত, পেটটা খালি মস্ত বড়। বড় যেন দুর্বল, হাত-পা নাড়িবারও ক্ষমতা নাই।

ভবতোষ বিকালে অফিস হইতে ফিরিয়া আসিল। ঘর-দোর বিশৃঙ্খল, বিপর্যাস্ত, শ্রীহীন। ঠিক সময় চা পাওয়া যায় না, জলখাবার পাওয়া যায় না, ঘরের শ্রী দেখিলে শেয়াল-কুকুর কাঁদিয়া যায়।

নিজের জুতা-জামা খুলিয়া রাখিয়া, চাদর ঘুরাইয়া ভবতোষ বাতাস খাইতে লাগিল। বাড়ীশুদ্ধ সবাই যেন মরিয়াছে, কাহারও আর সাড়া-শব্দ নাই। মানুষটা সারাদিন যে তাতিয়া-পুড়িয়া ফিরিয়া আসিল, তাহাকে এক গেলাস জল পর্য্যন্ত দিবার লোক নাই। একখানা হাত-পাখাও কি রাখা যায় না? ডাকাডাকি হাঁকাহাঁকির পর বেলা আসিয়া হাজির হইল। বলিল, “বামুন চাকরণ চা আনছে, চা ছিল না কিনা, কাতী বাজারে গিয়ে আনল তবে—”

ভবতোষ বিরক্ত হইয়া বলিল, “আরো ঘণ্টা দুই পরে আনলেই হ’ত! চা নেই ত’ ছ’দিন থেকে শুনিছি, আনান হয় নি কেন?”

বেলা উত্তর দিবার আগেই বৃদ্ধা মা খোঁড়াইতে খোঁড়াইতে আসিয়া বলিলেন, “বুড়ো মানুষ, অত কথা কি মনে থাকে? তা’ রাগ করলে চলবে কেন? এক ত’ তোমার মেয়ের জালায় সারারাত ঘুম নেই তোখে, ট্যা ট্যা লেগেই আছে। এমন মেয়েও আর কারো ঘরে নেই।”

খুকীর দিকে ভবতোষের চোখ পড়িল, বলিল, “ওটা আছে কেমন?”

মা বলিলেন, “একই রকম। একটা লোকজন না রাখলে আর ত’ চলে না, বাছা। আমিই বা কত রাত জাগি, আর সতুই বা কত জাগে? আর নাইতে নাইতে ত’ প্রাণ গেল, সদি আর হাড়ে না। তোমার মেয়ের নোংরা কাচবার আর বাটবার ক্ষমতা কি এ বুড়ো হাড়ে আছে?”

বেলা খুকীর কাছে গিয়া বুঁকিয়া দেখিয়া বলিল, “আবার ভিজিয়েছে।”

ঠাকুর-মা ছোট উন্টাইয়া বলিলেন, “কেতখ করেছেন। আমি সব কাপড় কেচে এসেছি, এখনই নরক বাটতে বসতে পারব না”—বলিয়া খোঁড়াইতে খোঁড়াইতে নিজের ঘরে চলিয়া গেলেন।

ভবতোষ রাগিয়া আগুন হইয়া উঠিল। সারাদিন খাটিয়া সে এই কুঁড়ের পালের অন্ন জুটাইবে, আর তাহার তাহাকে বাধিত করিবেন গিলিয়া? বেলাকে জিজ্ঞাসা করিল, “কতক্ষণ ও ভিজের প’ড়ে আছে শুনি? তোর পিসীও কি ওকে একটু দেখতে পারে না?”

বেলা বলিল, “পিসী ত’ জপে বসেছে, এক ঘণ্টার আগে উঠবে না।”

ভবতোষ নিজেই খুকীর কাপা বদলাইতে অগ্রসর হইল। বেলাকে বলিল, “একে এই অসুস্থ মেয়ে, তাকে মেঝেতে ফেল রেখেছে কেন? তন্তুপোষে ওর জায়গা হয় না?”

বেলা বলিল, “পিসী বলে, রোজ কি তন্তুপোষ ধোব নাকি? তার চেয়ে মাটিতেই থাক।”

ভবতোষ বলিল, “তা বেশ, একেবারে রাস্তায় ফেল দিলেই হয়, আর পরিষ্কার করার হাজাম থাকে না। দে একখানা শুকনো কাপা; আর আমার গায়ে দেবার কললটা নিয়ে আয়।”

বেলা বলিল, “কাঁথাগুলো অবৈলায় কাটা হয়েছে, এখনও শুকোয় নি।”

ভবতোষ এক লাফে উঠিয়া গিয়া নিজের একটা শান্তিপু্রে ধুতি টানিয়া আনিয়া। গায়ে দিবার কললটা দুই ভাঁজ করিয়া পাতিয়া, তাহার উপর ধুতি পাট করিয়া পাতিয়া খুকীকে শোয়াইল, বলিল, “এটাও যাবে, যা অবস্থ হচ্ছে।”

ভবতোষের দিদি সিঁড়ি দিয়া উঠিতে উঠিতে বলিলেন, “একটা মানুষ আর ক’দিক্ সামলাব শুনি?”



ওমা ওকি, ভাল কলখানা দিলি কেন? এখন মুণ্ডপাত হবে।”

ভবতোষ বলিল, “তা হোক, যা’ ক’রে প’ড়ে আছে, এ আর চোখে দেখা যায় না।”

দিদি বলিলেন, “যা’ খুসি কর, বাপু। একটা লোক-টোক দেখ। আমিও ত’ আর চিরকাল তোমার সংসার আগলে ব’সে থাকব না, আমার নিজের ঘর-সংসার আছে ত’?”

অত্যন্ত কঠিন উত্তর একটা ভবতোষের মুখে আসিল; সেটা কোনোমতে চাপিয়া সে বলিল, “তাই দেখা যাবে। বেলা বোস্ ত’ খুকীর কাছে, আমি চা-টা খেয়ে আসি।”

দিন কতক কাটিল। খুকী যেন মায়ের অভাব সহিতে পারে না। মায়ের কাছেই সে যাইতে চায়। তাহার নধর কচি দেহের সব লাবণ্য ঝরিয়া গিয়াছে, তাহাকে এখন শুকনো কাঠের পুতুলের মত দেখায়।

ভবতোষ একদিন রবিবার সারাটা দুপুর কোথায় কাটাইয়া আসিল। মা জিজ্ঞাসা করিলেন, “কোথায় ছিলি সারাটা দিন? ছেলেটা প’ড়ে গিয়ে মাথা ফাটিয়ে এক কাণ্ডই করল! আমি বুড়ো মানুষ এত ভাল সামলাতে পারি?”

ভবতোষ বলিল, “ভাল সামলাবার লোকের ব্যবস্থাই করতে গিয়েছিলাম। খোকা কোথায়?”

মা বলিলেন, “সহর ঘরে শুয়ে আছে। কি লোকের ব্যবস্থা করলি?”

ভবতোষ বলিল, “লোক আর কি? তোমায় আর একটা বৌ এনে দেবো, শিথিয়ে পড়িয়ে চালিয়ে নিও, বাপু। যা’ অবস্থা হয়েছে সংসারের, এ আর চোখে দেখা যায় না”—বলিয়া সে নীচে চলিয়া গেল।

আবার বৌ আসিল। পাড়া-প্রতিবেশী ভীড় করিয়া বৌ দেখিতে দাঁড়াইল। কল্যাণীর লোহা-গাছি নতুন বোয়ের হাতে পরান হইল। এক প্রোচা প্রতিবেশিনী বলিলেন, “এ লোহার মান রেখ, নতুন বোমা। সতী-সাবিত্রীর লোহা এ। নিজের প্রাণ দিয়ে ঘরের মুখ থেকে স্বামীকে ছিনিয়ে এনেছে।”

আর সকলে সমস্বরে বলিল, “আহা সতী-লক্ষ্মী ছিল গো! এমনটা এ পাপ কলিকালে দেখা যায় না।”

ঘোমটার ভিতর নতুন বধূর মুখ ঝকুটি-কুটিল হইয়া উঠিল।

ঠাকুর-মা নাতি-নাতিনীদের কাছে বৌকে লইয়া গিয়া বলিলেন, “ওরে, তোদের নতুন মা দেখ; ভাব ক’রে নে।”

কিন্তু ছোট খুকী ভাব করিল না। কয়েক দিন বাদে সে রোগজীর্ণ যন্ত্রণা-কাতর ক্ষুদ্র দেহ ফেলিয়া দিয়া নিজের মায়ের কাছে চলিয়া গেল।

“ফুল আপনার জন্ম ফুটে না। পরের জন্ম তোমার হৃদয়-কুসুমকে প্রস্ফুটিত করিও।”

—বঙ্কিমচন্দ্র





## দেশীয় ফিল্মের ভবিষ্যৎ

শ্রীবিলাস

দেশীয় ফিল্ম-শিল্পের শৈশব অবস্থা এখনও পার হয়নি, তবে স্মৃতিকাগার থেকে বা'র হয়েছে। কিন্তু এই অল্পদিনেই দেশী ফিল্মগুলি এমন অবস্থায় এসে পৌঁছেছে যে, এসময়কে আলোচনা করা চলে। একথা সত্য যে, এগুলি জনসাধারণের প্রীতি অর্জন করেছে। কেবল এই প্রীতির কতখানি স্ব স্ব কৃতিত্বের জোরে অর্জন করা, আর কতখানি জনসাধারণের কাছ থেকে স্বতঃই উৎসারিত হ'য়ে এসেছে তাই নিয়ে সন্দেহ করা চলে।

প্রথম দেশী ছবি যখন দেখি তখন সূর্য্যো হ'তে পারিনি, তার মধ্যে কোন আশার আলোও দেখতে পাইনি। তখন শুধু এই দেখে বিস্মিত হয়েছিলাম যে, এমন অপকৃষ্ট ছবি দেখবার জন্তেও দর্শকের ভীড়ের আর শেষ নেই। তার পরে ক্রমে ক্রমে আরও অনেকগুলি ছবি বেরল। তাতে কিছু উন্নতির আভাস দেখা গেলেও সে এমন বিশেষ কিছু নয়। তবু যতদূরই গেছি, দেখেছি দর্শকের ভীড় ক্রমে বেড়েই যাচ্ছে। সুতরাং ছবি যেমনই হোক ছবি দ্বারা তুলেছেন

তাদের লাভের অঙ্ক বেড়ে যেতে লাগল। দেখা গেল, ফিল্ম-শিল্প লাভজনক। তখন ধনিকদের দৃষ্টি এদিকে পড়ল, এবং একটির পর একটি ক'রে সিনেমা-গৃহের সংখ্যা বাড়তে লাগল। ক্রমশঃ গতিতে সিনেমা-গৃহের সংখ্যা বেড়েছে একটা হিসাব দিলেই বোঝা যাবে—১৯১১ সালে সিনেমা-গৃহের সংখ্যা ছিল ১৪৮; ১৯১২-এ হ'ল ১৭১; ১৯১৩-এ ১৮৮; ১৯১৪-এ ২১৯; ১৯১৫-এ ২৮৬; ১৯১৬-এ ৩০৯; ১৯১৭-এ ৩৪৬ আর ১৯১৮-এ প্রায় ৫০০। যে সংখ্যা দিলাম তা' সমস্ত ভারতবর্ষ ও ব্রহ্মদেশ মিলিয়ে। এবং এর পরে আরও বেড়েছে।

এই জনপ্রীতির কারণ কি? প্রথম প্রথম যে-সব ছবি তোলা হয়েছে সেগুলোর কথা ছেড়েই দিলাম। এখন যে-সমস্ত ছবি দেখান হচ্ছে, বিদেশী ছবির তুলনায় সেগুলোও কিছুই নয়। আমাদের দেশে বিদেশী ছবি কম দেখান হয় না, এবং ভাল ভাল ছবিই দেখান হয়। এগুলো দেখলে দেশী ছবির সামনে ব'সে



থাকাও কষ্টকর মনে হয়। তবু দেশী ছবির ঘরে যে ভীড় জমে, তেমন ভীড় বিদেশী প্রথম শ্রেণীর ছবি দেখতেও জমে না। এক-একটা দেশী ছবি একাদিক্রমে যতদিন দেখান হয় কোন বিদেশী ছবিই ততদিন দেখান সম্ভব হয় না। কতকগুলি সিনেমা-গৃহে নিছক দেশী ছবি দেখান হয়। যখন দেশী ছবি পাওয়া যায় না, মাত্র তখনই তারা বিদেশী ছবি দেখাতে বাধ্য হয়। ১৯২৭-২৮ সালে সিনেমাটোগ্রাফ কমিটির রিপোর্টে আছে —

“There are some cinemas which show Indian films almost exclusively, and only resort to Western films when they cannot obtain Indian. The fact is that the supply of Indian films is not equal to the demand.”

এবং “Exhibitors cannot always obtain Indian films, as the demand is greater than the supply. In particular, there is some difficulty in obtaining the better products, which command relatively high prices as compared with the ordinary Western film.”

এর থেকে এই কথাই বোঝা যায় যে, দেশী ছবির শুধু যে চাহিদা আছে তাই নয়, যে পরিমাণ চাহিদা সে পরিমাণ তৈরী হয় না। এবং “As regards the relative popularity of Indian and Western films, there is no doubt that the great majority of the Indian audience prefer Indian films. Generally, an Indian film draws much larger audience than a Western film.” — Report of The Indian Cinematograph Committee, 1927-28.

যদিও দেশী ফিল্ম-কোম্পানীর কল্যাণে বেকার-সমগ্র সমাধানের একটা পথ খুলেছে, এই শিল্পের বিভিন্ন বিভাগে দেশের হাজার হাজার লোক অন্ন-সংস্থানের উপায় খুঁজে পেয়েছে, এবং দেশের অর্থ দেশেই থাকছে, তবু এই জনপ্রীতির মূলে যে একমাত্র দেশাভিব্যোধ তাও সত্য নয়; বিদেশী শিল্পের সঙ্গে দেশীয় শিল্পের প্রতিযোগিতায় সাধারণতঃ

জনসাধারণের দেশপ্রীতিই কাজ করে। এবং দেশী ছবির দর্শকসংখ্যা বৃদ্ধির জন্তে সাধারণের দেশাভিব্যোধ জাগ্রত করার প্রয়োজনও হয়নি। ভীড় এমনি জুটেছে দেশীয় গল্প-কথা দেশীয় ভাষায় সহজেই লোকের ভাল লাগে।

এর কারণ এই যে, আমাদের দেশে শিক্ষিতের সংখ্যা এমনিতেই অতি সামান্য। ইংরেজী-জানা লোকের সংখ্যা আরও কম, এবং ইংরেজীতে সবাক্ ছবি বোঝবার লোকের সংখ্যা তার চেয়েও কম। সুতরাং ছবি দেখার আনন্দ পেতে হ’লে দেশী ছবি-প্রদর্শনীতে যাওয়া ছাড়া উপায় নেই। কারণ, ইংরেজী যার জানে না, অথবা ইংরেজী জানলেও সবাক্ ছবির কথা বুঝতে যাদের কষ্ট হয় তারা সর্বোৎকৃষ্ট বিদেশী ছবির চেয়ে যে-কোন দেশী ছবি দেখে আনন্দ পাবে বেশী। দেশী সবাক্ ছবির একটা মত বড় সুবিধা এই যে, সম্পূর্ণ নিরক্ষর লোকের পক্ষেও তা বুঝতে কোন কষ্ট হয় না। এর একটি সুবিধা এই যে, শুধু জনসাধারণের দেশাভিব্যোধের উপর নির্ভর ক’রে কোন ব্যবসা দীর্ঘ দিন চলে না। স্বদেশী শিল্পের উন্নতির জন্তে মানুষ কিছুদিন ত্যাগ স্বীকার করতে পারে। কিন্তু তারও একটা সীমা আছে। মানুষ বেশীদিন ক্ষতি স্বীকার করতে পারে না, এবং ভাবপ্রবণতাও কখন চিরস্থায়ী হয় না। সেই জন্তে যে-সমস্ত শিল্প শুধু মানুষের স্বাদেশিকতাকে অবলম্বন ক’রে দাঁড়ায়, ভাবপ্রবণতা ক’মে এলে বিদেশী প্রতিযোগিতার সংঘাতে সেগুলি ধূলিসাৎ হ’তে দেবী হয় না। ফিল্ম-শিল্পের সেই ভয় নেই।

সেদিকে ভয় নেই বটে, কিন্তু অতৃদিকে রয়েছে। পূর্বেই দেখিয়েছি, দেশী ছবিঘরের সংখ্যা বেশ দ্রুতগতিতেই বেড়ে যাচ্ছে। কিন্তু অতৃদেশের তুলনায় সে বৃদ্ধি কিছুই নয়। মার্কিন যুক্তরাষ্ট্রে প্রতি ৫৭৬০ লোকের জন্তে একটি ক’রে ছবিঘর আছে। গ্রেট ব্রিটেনেও প্রতি ১২৫০০ জন লোকের জন্তে একটি ক’রে ছবিঘর আছে। আর ভারতবর্ষে আছে



প্রতি দশলক্ষ লোকের জন্তে একটি। সুতরাং এখনও অনেক ছবিষরই এদেশে বাড়বে। এবং নিজেদের মধ্যে প্রতিযোগিতা শুরু হবে। দেশী ছবির প্রযোজক-গণকে এখন থেকেই সেজন্তে সতর্ক হ'তে হবে।

এখন পর্য্যন্ত যে সমস্ত দেশী ছবি দেখান হয়েছে তার মধ্যে অধিকাংশেরই উপাখ্যান পৌরাণিক ঘটনা থেকে নেওয়া। আর কতকগুলি, প্রথিত-যশা: সাহিত্যিকের সর্বজনপরিচিত উপাখ্যান অবলম্বন করে। আধুনিক কালের রস-রচনা ছবিতে খুব কমই স্থান পেয়েছে। এই ব্যাপারে প্রযোজকদের অন্তর্দৃষ্টির আমরা প্রশংসা করি। আমাদের দেশের ফোটোগ্রাফি এখনও অপরিণত। বিদেশী অভিনেতৃ-গণের অর্ধেক দক্ষতাও এখানে তুল'ভ। সেই কথা উপলব্ধি করে তাঁরা সহজ পথে পা বাড়িয়েছেন। পৌরাণিক ঘটনার প্রতি আমাদের সহজাত শ্রদ্ধা আছে। অভিনয় যত কদর্যই হ'ক, ছবি যতই বিকী উঠুক, পৌরাণিক ছবি আমরা দিনের পর দিন সশ্রদ্ধ ভাবে দেখে যেতে পারি—একদিনও কান্দি আসবে না। এই স্বভাব আমরা জন্মের থেকে অর্জন করেছি। দেশীয় ফিল্ম-ব্যবসায়ীগণ সাধারণের এই ধর্মনিষ্ঠাকে মূলধন করে ব্যবসা চালাচ্ছেন। ফোটোগ্রাফির ক্রটি তাঁরা গান দিয়ে ঢাকবার চেষ্টা করেছেন। বিদেশী ছবির যত গুণই থাক বিদেশী গান দেশী গানের মত মিষ্টি নয়, মানে আমাদের কাছে নয়। সুতরাং এইদিক দিয়ে দেশী কোম্পানীর সুবিধা আছে। এই সত্য প্রথম যারা উপলব্ধি করলেন তাঁদের ছবি হৈ-হৈ করে লোক টানতে লাগল। কিন্তু তাঁদের দেখাদেখি আরও যারা সবাক্ চিত্রে গান জুড়ে দিলেন, বিপদ ঘটালেন তাঁরাই। গান ভাল জিনিষ, এবং ছবির সঙ্গে দু-চারটে গান মন্দও লাগে না। কিন্তু যদি রাজা থেকে আরম্ভ করে কামাল বালক পর্য্যন্ত সকলেই ছবিতে সঙ্গীত-চর্চা আরম্ভ করে, অশ্রু সম্বরণ করা কঠিন হয়।

ফোটোগ্রাফির ক্রটি দেখে আমরা ক্ষুব্ধ হই, কিন্তু

লজ্জিত হই না। আধুনিকতম ফোটো-যন্ত্র রাখবার সামর্থ্য দেশীয় ব্যবসায়ীদের যদি না থাকে তা সে অর্থের অভাবে। বস্তুতঃপক্ষে ওদেশে একখানি ছবি তুলতে যে অর্থব্যয় করা হয় এদেশে তা কোনদিন ব্যয় করা সম্ভব হবে ব'লে কল্পনাও করতে পারি না। এই দারিদ্র্য আমাদের পক্ষে ক্ষোভের বিষয়, লজ্জার নয়। লজ্জিত হই তখনই, যখন প্রযোজকদের প্রযোজনা আমাদের কুটি-বোধে আঘাত করে। অর্থের অভাব আমাদের আছে। অদূর ভবিষ্যতে এই অভাব যে দূর করতে পারা যাবে, এমন সম্ভাবনাও আপাততঃ দৃষ্টিগোচর হচ্ছে না। এসকল কথা জানার পর কেউই বহুবায়-সাপেক্ষ দেশী ছবি দেখার প্রত্যাশা করি না। কিন্তু অর্থের অভাব আছে ব'লে রূপবোধের দারিদ্র্য থাকবে কেন? তাই প্রযোজকদের রূপবোধের অভাব এবং কুটির দৈন্ত্য দেখে আমরা লজ্জিত হই। এখন পর্য্যন্ত ভাল ছবি তোলার চেয়ে সাধারণ দর্শকের মন ভোলাবার চেষ্টাই হচ্ছে বেশী। এবং এই কাকি যদি আরও কিছুকাল চলে তা হ'লে দেশীয় ফিল্ম-শিল্প যেমন তাড়াতাড়ি উঠছে অদূর ভবিষ্যতে তেমনি তাড়াতাড়ি নেমে পড়বে, এ আশঙ্কা করা অমূলক হবে না।

শ্রীকৃষ্ণের বৃন্দাবন-লীলা, বৈষ্ণব কবিদের উপাখ্যান অথবা পৌরাণিক কাহিনীগুলি যে আমাদের মনকে স্পর্শ করে তার কারণ, এই সমস্ত কাহিনীর মূলে আছে একটি অপকৃপ রস-মাধুর্য্য। বিশেষ করে প্রথমতঃ ছুটি কাহিনীর মধ্যে এমন একটি মাধুর্য্য আছে যা গীতি-কবিতার মত সুন্দর। তাই বহুবার শুনেও এগুলি কিছুতে যেন পুরোনো হ'তে চায় না—‘নব রে নব নিতুই নব, যখনই শুন তখনই নব’। দেশী ছবিতে এই মাধুর্য্যের চিহ্নমাত্রও আমরা পেলাম না—না কথায়, না অভিনয়ে। শুধু কতকগুলি ঘটনার কঙ্কালকে অত্যন্ত বিগৃহ্মল ভাবে একত্র করা হয়েছে। এর চেয়ে ঢের নিম্নশ্রেণীর প্লট, বিদেশী প্রযোজকদের হাতে বহুগুণে সুন্দর হ'য়ে ফুটে ওঠে। এই রস-সৃষ্টির



জন্তে অর্থের প্রয়োজন নেই, এমন কথা বলি না। কিন্তু তার চেয়েও বেশী প্রয়োজন কবি-মনের। আমাদের প্রযোজকদের অভাব ঘটেছে বোধ করি সেই কবি-মনের।

তবু যে এই সব ছবি দেখার জন্তে দর্শকের ভীড় হয় কেন, সে প্রশ্নের উত্তর আগেই দিয়েছি। বিদেশী ছবি বুঝতে যাদের কষ্ট হয়, ছবি দেখতে গেলে তাদের পক্ষে দেশী ছবি দেখা ছাড়া আর উপায় নেই। কিন্তু এইটেই শুধু একমাত্র কারণ নয়। এই সমস্ত ছবি দেখতে গিয়ে প্রত্যক্ষ করেছি মাঝে মাঝে দর্শকদের চোখ অশ্রুতে ভারাক্রান্ত হ'য়ে ওঠে। তার কারণ এই যে, ছবি দর্শকদের মনকে স্পর্শ করেছে, তার ভাবকে উদ্ভিক্ত করেছে। কিন্তু সে গুণ ছবির নয়। আখ্যান-বস্তুর এমন একটি নিজস্ব রস আছে, যা বহুদিন আগে থেকেই আমাদের স্বপ্নের মধ্যে মাধুর্য্য বিস্তার করেছে। আমাদের চোখ যা দেখে, মন তার চেয়ে অনেক বেশী দেখে। আমাদের কল্পনা ছুটে চলে স্বপ্ন-লোকে।

এতে ফিল্ম-ব্যবসায়ীদের আপাততঃ কাজ চলতে পারে বটে, কিন্তু বেশীদিন চলবে না। ফিল্ম-শিল্প শুধুই একটা ব্যবসা নয়, এতে জাতির রস-বোধের পরিচয় পাওয়া যায়। এই রস-বোধের অভাব ঘটেছে সর্বত্র—প্রযোজকদের মধ্যেও বটে, অভিনেতাদের মধ্যেও বটে। সকলের কথা বলছি না; আমাদের দেশের অধিকাংশ অভিনেতাই চৈতান খুব, লাফান আরও বেশী, এবং অঙ্গ-প্রত্যঙ্গ সঞ্চালনেও ক্রটি করেন না। সবই করেন, কেবল অভিনয় করতে পারেন না। চোখের চাওয়ায়, মুখের ভঙ্গিতে কি ক'রে বিনাবাক্য-ব্যয়ে কথা বলা যেতে পারে, সে কৌশল এখনও তাঁরা আয়ত্ত্ব করতে পারেন নি। এঁদের দিয়ে দেশীয় শিল্পের কতখানি উন্নতি হ'তে পারে সে-বিষয়ে আজ অনেকের মনে সন্দেহ দেখা দিয়েছে।

দেশীয় ফিল্ম-শিল্পের এই হ'ল সত্যকার অবস্থা। এর চাহিদা আছে যথেষ্ট। যত ছবি বৎসরে তোলা হয়

তার চেয়ে আরও অনেক বেশী ছবি তুললে তবে এই চাহিদা মেটে। ব্যবসা হিসাবে এর চেয়ে বড় আশার কথা আর কিছুই হ'তে পারে না। বিদেশী ছবির সঙ্গেও এর কোন প্রতিযোগিতা নেই,—এমন নিরঙ্কুশ এর গতি। ফিল্ম-শিল্প যদি বঙ্গ-শিল্প কিংবা অথবা কোন শিল্পের মত শুধুই একটা ব্যবসা হ'ত, যদি অথাত্ত ব্যবসার মত Demand and Supply এবং Competition নীতির ওপর এর ভাড়া এবং ভবিষ্যৎ নির্ভর করত তা হ'লে নিঃসন্দেহে বলা যে'ত, এই ব্যবসার মার নেই। কিন্তু পূর্বেই বলেছি, এটা শুধু একটা ব্যবসা নয়। রস-সৃষ্টির দিক দিয়ে এই শিল্প আজ এতই পিছনে প'ড়ে রয়েছে যে, আশা করবার মাত্রটুকুও পাওয়া কঠিন বোধ হচ্ছে।

## বেকারের ন্যনন্দ

### বেকার-বান্ধব

পৃথিবীর প্রায় সকল সভ্য দেশেই আজকাল বেকার-সমস্যা বিরাট আকারে দেখা দিয়াছে। আমাদের দেশেও বেকার-সমস্যা বহুকাল হইতেই আছে; কিন্তু, অথাত্ত দেশের সমস্যা ও আমাদের সমস্যার মধ্যে প্রভেদ এই যে, বহুকাল ধরিয়া সমস্যা চক্ষের সম্মুখে দেখিয়াও আমরা তাহার সম্বন্ধে ব্যবস্থা করিবার ভালরূপ চেষ্টা করি নাই। চাকুরি জুটিবার আশায় বি-এ, এম্-এ পাশ করিয়া সহস্র সহস্র যুবক বেকার বসিয়া থাকা সঙ্গেও এতকাল আমাদের চক্ষু ফুটে নাই। আচার্য্য প্রফুল্লচন্দ্র বহুকাল হইতে বাঙ্গালী জাতিকে সাবধান করিয়া আসিতেছেন। বহুকাল হইতে তিনি আমাদের চাকুরির মোহ হইতে বাঁচাইবার জন্ত নানারূপ সংপরামর্শ দিয়াছেন, প্রকাশ্য সভায় বক্তৃতা দিয়াছেন, পত্রিকায় লিখিয়াছেন, এবিষয়ে কত আলোচনা করিয়াছেন। এতকাল আমরা সে-পরামর্শ গুলিয়াও গুলি নাই।



আজ বেকার-সমগ্র। যে ভীষণ আকার ধারণ করিয়াছে, তাহা দেখিয়া আর স্থির থাকা চলে না। চাকুরির বাজার যতদূর খারাপ হইতে পারে এখন তাহাই হইয়াছে। ব্যবসায়ের অবস্থা খারাপ, কাজেই আফিসের চাকুরির অবস্থাও শোচনীয়। ব্যবসায়ের অবস্থা খারাপ হইলে সরকারী আয়েরও অবস্থা খারাপ হয়; কাজেই, সরকারী চাকুরির অবস্থাও খারাপ। চাকুরী-প্রিয় বাঙ্গালী যায় কোথায়? উকিলের রোজগার মন্দা;—তিনি কোম্পানীর সেক্রেটারীগিরি করিয়া, দালালী করিয়া, প্রাইভেট টিউশনি করিয়া কায়ক্রেমে সংসার চালান; বি-এ, এম্-এ পাশ বেকার যুবক ২৫/১০০ টাকা মাহিনার চাকুরির জন্ত আজ লালায়িত;—‘অত্রে পরে কা কথা’? এই সময়ে যাহাদের চাকুরি গিয়াছে, তাহাদের কথা একবার ভাবিয়া দেখুন। যে সকল নবীন যুবক চাকুরি খুঁজিতেছে তাহাদের অধিকাংশের কথা একবার ভাবিয়া দেখুন। যাহারা বিশ্ববিদ্যালয়ের পরীক্ষা দিয়া চাকুরির ভীষণ অবস্থার কথা ভাবিয়া ভ্রমোত্তম হইতেছে, তাহাদের কথাই একবার ভাবিয়া দেখুন। সকলেরই ভবিষ্যৎ অন্ধকারময়।

কিন্তু, এই সমগ্র। এখন এত গুরুতর হইয়া দাড়াইয়াছে যে, এখন আর হুঃখ করিয়া ক্ষান্ত হইলে চলে না। বেকার যুবক কি করিতে পারে এবং কি ভাবে তাহা করিতে পারে সে-বিষয়ে এখন স্থির ভাবে চিন্তা করিবার সময় আসিয়াছে। ‘বেকার বান্ধব সমিতি’, ‘Unemployed Youths’ Association’ প্রতিষ্ঠা স্থাপিত হইয়াছে—একুপ আরও অনেক সমিতি হওয়া আবশ্যিক। কিন্তু এই সকল সমিতি কি ভাবে কাজ করিতে পারে, তাহাও ভাবিয়া দেখা উচিত।

বেকারের টাকা কোথায়? সমিতির কাজ চালাইতে হইলে কিছু টাকার প্রয়োজন। সহৃদয় ব্যক্তির দ্বারা উপর নির্ভর করিয়া থাকা অত্যন্ত অনিশ্চিত ব্যাপার। উৎসাহী বেকারগণ ইচ্ছা করিলে নানারূপ আমোদ-প্রমোদের (Charity Entertainment বা Performance) আয়োজন করিয়া সাধারণের

নিকট কিছু টাকা পাইতে পারেন। বড় বড় হুঁ-একটি ফুটবল বা হকি মাচের ‘দশনী’র টাকা (Gate-money) পাইলে তো বিস্তর টাকা সংগ্রহ হইয়া যায়। এ প্রণালীতে টাকা পাওয়াও সহজ। আরো অনেক প্রকারে—ভিক্ষার ঝুলি না ধরিয়াও—টাকা পাওয়া যাইতে পারে।

কিছু টাকা সংগ্রহ হইলে সমিতির কাজ রীতিমত চলিতে পারে। সমিতি একটি পুস্তকাগার স্থাপন করিয়া নানারূপ শিল্পদ্রব্য ও আবশ্যিক জিনিস প্রস্তুতের প্রণালী যাহাতে আছে একুপ পুস্তক বা পত্রিকাদি সংগ্রহ করিয়া রাখিতে পারেন। যে বিষয়ে যিনি বিশেষজ্ঞ তাঁহার দ্বারা মাঝে মাঝে উপদেশ দেওয়াইতেও পারেন। সমিতির একটি ঘর থাকা আবশ্যিক এবং সেখানে বেকারের কাজে লাগিতে পারে একুপ খবর সংগ্রহ করিয়া রাখা যাইতে পারে; যেমন—

(১) ওমুক জায়গায় ওমুক জিনিস পাওয়া যায়; তাহা কলিকাতায় বা অত্র কোন জায়গায় আনিয়া বেচিতে পারিলে যথেষ্ট লাভে বেচা যায় (যেমন ফল, তরকারী, মসলা, বেত, ডিম ইত্যাদি)।

(২) ওমুক জায়গায় ওমুক জিনিস পাওয়া যায়, তাহা দিয়া সহজেই ওমুক জিনিস প্রস্তুত করিয়া বাজারে যথেষ্ট লাভে বিক্রয় করা যায়।

(৩) কলিকাতার বাজারে ওমুক ওমুক জিনিস যথেষ্ট পরিমাণে বিক্রয় হয়। তাহার সবই বিদেশ হইতে আমদানী। ইহার কোন কোনটি এখানে অল্প মূলধনে বানান যাইতে পারে (যেমন বোর্ডের, কাঠের ও কাপড়ের খেলনা, বেতের ছোট ছোট জিনিস; মোজার Suspender, রবার-ষ্ট্যাম্পের Self-inking pad, ফিতা ও Twine, Safety-razor blades, ইত্যাদি)।

(৪) ওমুক জায়গায় ওমুক ফল যথেষ্ট পরিমাণে জন্মায়। ভাল করিয়া পাক করিয়া চালান দেওয়া হয় না বলিয়া অনেক ফল পাঠাইবার সময় রাস্তাতেই পচিয়া নষ্ট হইয়া যায়। ঐ সকল ফল ভাল করিয়া



আধুনিক প্রণালী অনুসারে প্যাক করিয়া পাঠাইতে পারিলে, প্যাকিং খরচ উঠিয়াও ফল বিক্রয়ে যথেষ্ট লাভ থাকিতে পারে (যথা, কমলা লেবু, আনারস প্রভৃতি)।

(৫) ওমুক জায়গায় ওমুক ফলের ফসল প্রতি-বৎসর পোকাকার অত্যাচারে নষ্ট হইয়া যায়। ইহার একটা বিহিত করিতে পারিলে ফসল রক্ষা পায় এবং সেই ফসল বেচিয়া যথেষ্ট লাভ করা যায় (যথা, পূর্ববঙ্গের ঢাকা, ময়মনসিংহ প্রভৃতি জেলার আম)।

(৬) যৌথ-কৃষিক্ষেত্র, হাঁস-মুরগী পালনের ব্যবসায়, ডেয়ারি-ফার্ম, ফলের ও ফুলের চাষ, তরকারীর চাষ, এ সকল উন্নত প্রণালীতে ও অল্প মূলধনে করিতে হইলে কি ভাবে, কত মূলধনে, কিরূপ স্থানে আরম্ভ করা যায়, সে-বিষয়ের সুবিধা-অসুবিধা কি ইত্যাদি বিবরণ সংগ্রহ করা যাইতে পারে। কো-অপারেটিভ্ যৌথ-কারবার সম্বন্ধে সকল প্রকার খবরও সংগ্রহ করিয়া রাখা যাইতে পারে।

এই সকল খবর সংগ্রহ করিয়া যাহাতে কাজে লাগান যাইতে পারে তাহারও ব্যবস্থা সমিতি করিতে পারেন। খবর সংগ্রহের জন্ত যাহারা খাটিবেন তাঁহাদের জন্ত কিছু কিছু পারিশ্রমিকের ব্যবস্থা করা আবশ্যিক। খবরগুলি এমনভাবে রাখিতে হইবে, যাহাতে আবশ্যক-মত বাহির করা যায়। একজন সম্পাদকের হাতে ইহার ভার দেওয়া যাইতে পারে।

কে কোন্ কাজটি করিতে ইচ্ছুক জানিতে পারিলে সমিতি তাহাকে সে বিষয়ে পরামর্শ দিয়া, বা বিশেষজ্ঞের মত জানাইয়া সাহায্য করিতে পারেন। একজনে যাহা করা সম্ভব নয়, তাহার জন্ত ছোট কো-অপারেটিভ্ যৌথ কারবার স্থাপনের ব্যবস্থা সমিতি করিতে বা করাইতে পারেন। ছোট ছোট জিনিস (খেলনা প্রভৃতি) প্রস্তুতের প্রথম পরীক্ষা সমিতির গৃহেই হইতে পারে এবং এই ‘পরীক্ষা’র খরচ সমিতি বহন করিতে পারেন। সমিতির টাকায় কুলাইলে একটা ছোটখাট পরীক্ষাগার (Experimental Laboratory) স্থাপন করিতেও পারেন।

সমিতির সভোরা সামান্য কিছু টাকা দিতে পারিলে সমিতির মাসিক খরচ চালান কিছু কঠিন হয় না। মাসিক ৮/০ আনা দিবেন এরূপ ৫০০ সভা হইলেও মাসিক ৬২৥০ টাকা টাকা আদায় হয়। অনেকে বলিবেন, “বেকার টাকা দিবে কেমন করিয়া?” উহাদের মধ্যে অনেকেই হয়ত মাসিক ৮/০ আনা দিতে পারিবেন; যাহারা না পারিবেন তাঁহাদের নিকট টাকা লওয়া হইবে না। সমিতি এরূপ নিয়ম করিতে পারেন যে, “শতকরা ১০, বা ১৫, বা ২০ জনের নিকট টাকা লওয়া হইবে না।” বেকার ছাড়া অল্পেও সভা হইতে পারেন, তাহাতে বেকারেরই উপকার।

মফঃস্বলের সভাদের জন্ত সমিতি হইতে মাসিক বা ঐমাসিক পত্রিকা প্রকাশ করিয়া আবশ্যক খবর সকল জানান যাইতে পারে। সম্পাদকের নিকট তাঁহারা অগ্ৰাণ্য সকল খবরও জানিতে পারেন।

এই ক্ষুদ্র প্রবন্ধে সকল বিষয় বিশদভাবে আলোচনা করা সম্ভব নহে। বেকারেরা একত্র হইলে কাজ করার সুবিধা কিরূপে হইতে পারে তাহার সামান্য আভাস মাত্র দিলাম। আশা করি, ভবিষ্যতে এবিষয়ে নানারূপ আবশ্যক খবর প্রকাশ করা যাইতে পারিবে। বেকারের বক্তব্যও কিছু কিছু প্রকাশ করিতে পারিলে ভাল হয়। সর্বদাই যেন আমরা মনে রাখি —

“অল্পানামপি বস্তুনাং সংহতিঃ কার্যসাধিকা।

তুণৈর্গুণত্বমাপন্নৈঃ বধ্যন্তে মনুদন্তিনঃ॥”

## চট্টের আসন বোনা

### শ্রীতুষারমালা দেবী

তৈয়ারী চট্টের আসন ও কার্পেটের আসন দেখিতে প্রায় একরকম। এমন ভাল ভাল চট্টের আসন দেখিতে পাওয়া যায়, যাহা কার্পেটের আসন হইতেও সুন্দর। বাজারে আসনের চট বা ভাল ক্যাশিস্ কাপড় পাওয়া



ায়। ঐ কাপড় খুব ঘেঁস্ ঘেঁস্ বোনা ও পুরু অথচ মিহি হওয়া চাই। পাতলা জালতি চটের আসন ভাল হয় না। প্রথমে একখানি আসনের উপযুক্ত পরিকোণ করিয়া চট কাটিয়া লইবে। পরে খড়ি অথবা পেন্সিল দিয়া তাহার উপর যথাস্থানের সোজা ও বাঁকা লাইন এবং ফুল অথবা চৌখুপি ঘর আঁকিয়া লইবে। এ সাবধানতা খালি প্রথম শিক্ষার্থীদের জন্য। দুই একবার করিয়া হাত অভ্যস্ত হইলে পরে নাগ দিয়া না করিলেও চলে। কার্পেটের আসনে যেমন বাঁকা ভাবে একটার পর একটা করিয়া ফোঁড় তুলিয়া ঘর ভর্তি করিয়া যাইতে হয় (যাহাকে কার্পেট-ষ্টিচ বলে) চটের তেমন নহে। চটের আসনে প্রথমে বাঁ দিকের একটী ঘরে স্ট্রুচ ডুবাইয়া তাহার দুই ঘর দূরে (সেই লাইনেই) স্ট্রুচ উঠাইবে। পরে ঐ স্ট্রুচ বাঁ দিকের লাইনের গোড়াতে ডুবাইয়া মধ্য দিয়া উঠাইবে। এইরূপে বাঁ দিকে দুই ঘর ও ডানদিকে দুই ঘর তুলিতে তুলিতে বাঁ দিক হইতে ডানদিকে আসিবে। ফুল বা অক্ষর, লতা-পাতা প্রভৃতি যাহাই তোলা না কেন, ফোঁড় এই একরূপই তুলিতে হইবে। তবে পূর্বে কাপড়ের উপর যে ড্রয়িং করিয়াছ, সেই অনুসারে ফোঁড় তুলিতে হইবে। সূতা বা নানা রঙের পশম যাহা ইচ্ছা ব্যবহার করা যাইতে পারে, তবে চটের আসনের সূতা খুব মোটা অর্থাৎ তিন চার ‘খি’ সূতা একসঙ্গে লইবে। পশম হইলে, তাহা না

চিরিয়া গোটা লইলেই ভাল হয়। অনেকে আবার কাপড়ের লাল বা কাল পাড়ের সূতা ব্যবহার করেন। প্রথম শিক্ষার্থীর পক্ষে pattern দেখিয়া করাই উচিত।

আসনে বা কার্পেটে ইংরেজীতে নাম বা অক্ষর তোলাই সহজ। তবে বাংলা অক্ষর তুলিতে chain stitch দিলেই দেখিতে সুন্দর হয়। অক্ষর-তোলা উল বা পশম দিয়া কার্পেটের স্ট্রুচে কার্পেটের উপর করিলেই ভাল হইবে। পূর্বে যেমন বলিয়াছি, বাঁকাভাবে একটির পর একটি ফোঁড় দিয়া সেলাই করিতে হইবে। বড় বড় করিয়া অক্ষর তুলিতে হইলে ৩৪টি সূতা লইয়া এক একটী ঘরের মাঝখান হইতে একবার লম্বা ভাবে, একবার এড়োভাবে আবার একবার ষ্টিচ দিবে; তাহা হইলেই দেখিতে সুন্দর হইবে। কাপড়ে নাম তুলিতে গেলে নামের অক্ষর খুব ছোট করিয়া লিখিবে। চটের আসন বুনিতে বা অক্ষর তুলিতে কার্পেটের স্ট্রুচই ব্যবহার করা উচিত।

আসনের ভিতর অর্থাৎ জমিটা তৈয়ার হইয়া গেলে চটের ধারগুলি সাদা বা রঙ্গিন ফিতা দ্বারা মুড়িয়া দিবে এবং তলাটা একখানা সাদা কাপড়ের উপর লাগাইয়া দিবে। পূর্বে আসন সম্বন্ধে একটা কথা বলিতে ভুলিয়াছি; চটের আসনের ভিতরের ফুল, লতা, পাতা ভিন্ন স্থানটা পশম বা সূতা দ্বারা ভরাট করিয়া দিবে, যেন কোন স্থান বাহির হইয়া না থাকে।





# অনাগতা প্রিয়া

শ্রীরামেন্দু দত্ত

কার তরে ওঠে বুক  
ওঠে নিঃশ্বসিয়া,  
কোথা গো সে প্রিয়া মোর  
বাতায়নে বসিয়া !

কোন্ আলো-ঝলমল  
উজ্জ্বল কক্ষে  
আছে প্রিয়া ঢল ঢল  
জল-ভরা চক্ষে !

রেশমের গেছে রাঙা  
আঙুরাখা খুলিয়া—  
উদাস নয়নে ব'সে  
ত্রিভুবন ভুলিয়া !

বুড়িদার বেনারসী  
নামিয়াছে কোমরে,  
ফোটা ফুল ব'লে ভুল  
ক'রে ফেলে ভোমরে ।

এলানো চুলের হাওয়া  
অতুলন গন্ধে,  
মধুময় গান গায়  
ষাটময় ছন্দে !

তারি মাঝে ফুটে আছে  
রাঙা ঠোঁট রসিয়া,  
হিয়া ওঠে তারি তরে  
ওঠে নিঃশ্বসিয়া !

সোনার বরণ তার,  
নিটোল সে অঙ্গে  
কাঁকন করিছে খেলা  
কণ কণ রঙ্গে ।

দোলে তার বুক দোলে  
মেঘ দেখে গগনে,  
উদাস করিল আহা  
কে তারে এ লগনে !


বাতায়নে ব'সে প্রিয়া  
কার কথা ভাবে গো,  
অর্থের ডালি নিয়া  
কা'র কাছে যাবে গো ।

এস এস এইখানে,  
এস হেথা প্রিয়া হে,  
বিরহের মসীময়  
দীপশিখা নিভায়ে !

কেন মিছা আনমনে  
বাতায়নে বসিয়া,  
আমিও যে রহি' রহি'  
উঠি নিঃশ্বসিয়া !



উদয়ন, — জ্যৈষ্ঠ, ১৩৪০



মায়াকানন

[ শিল্পী শ্রীযুক্ত গগনেন্দ্রনাথ ঠাকুরের সৌজন্যে ]







## চণ্ডীদাসের প্রেমসাধনা

শ্রীসত্যেন্দ্রকুমার বসু

চণ্ডীদাস বাঙ্গালার খাটী বাঙ্গালী কবি—তিনি বাঙ্গালার সারস্বতকুঞ্জের কোকিল—তাঁহার মত মধুর কণ্ঠে আর কোনও কবি বাঙ্গালীর প্রেমের গান—বাঙ্গালীর প্রাণের গান গাহিয়াছেন কিনা, জানি না। চণ্ডীদাস প্রেমের কবি—প্রেমের গানে তাঁহার সমতুল জগতের আর কোনও জাতির আর কোনও কবি আছেন কিনা, জানি না। যে প্রেম পার্শ্বিক প্রেমের বহু উল্লেখ—যাহা আপনাকে রিক্ত করিয়া, সর্বস্বহারা করিয়া প্রেমের সিদ্ধিতে বিন্দুকে মিলাইয়া দেয়, যে প্রেমে এক ব্যতীত দুই-এর সত্তা থাকে না,—চণ্ডীদাস সেই প্রেমের কবি।

“স। পরানুরক্তিরাগে”—এই পরানুরক্তির স্বরূপ যদি কোনও কবির কাব্য-সাধনার মধ্যে মূর্ত হইয়া উঠিয়া থাকে, তবে তিনি চণ্ডীদাস। ইংরাজীতে একটা কথা আছে, The Sublime and the Beautiful. গল্পের বা রূপকথার রাজ্যসীর প্রাণ যেমন সম্পূর্ণের অভ্যন্তরে ভ্রমরের মধ্যে নিহিত, গীতি-কবিতার প্রাণ যেমনই এই Sublime and the Beautifulএর ভিতরে সযত্নে সংগোপনে সংরক্ষিত। চিত্রকলা-কৌশলী চিত্রশিল্পীর দুই একটি Brushes বা ঝাঁচড়ের মত মহাকবি দুই একটি শব্দযোজনায় বা পদসমাবেশে আপনার কাব্যে ঐ Sublime and the Beautifulকে রূপ দিয়া থাকেন। চণ্ডীদাস এবিষয়ে সিদ্ধহস্ত। তাঁহার কাব্যরত্নাকরের অপার অপরিমেয় অনন্ত ভাণ্ডারে সেই অমূল্য রত্নরাজি ধরে ধরে সজ্জিত আছে। কাব্যরস-পিপাসুর অন্তরে আগ্রহ থাকিলে—সাধনা ও ভক্তি থাকিলে তাহা আহৃত হইতে পারে। কাব্যরস-রসিক ভক্ত সাধকের অন্তরের অন্তঃস্থলে তিনি সেই গাঢ় রস কি অদ্ভুত রচনাকৌশলে ঢালিয়া দিয়া গিয়াছেন, তাহা ভাবিলে বিশ্বসে পুলকে আত্মহারা

হইতে হয়। সেই কৌশল অমূল্যলানে আয়ত্ত হয় না, উহা সাধনাসাপেক্ষ। যাহা সুন্দর, যাহা মহান,—কাব্যরস-সমাবেশে তাহা একই আধারে মিশ্রিত করিয়া চণ্ডীদাস তাঁহার মানস পুত্রকন্ঠার অপূর্ণ পূর্ণরাগ, অভিসার, মান, বিরহ, মাথুর ও মিলনের গান গাহিয়া গিয়াছেন। সেই অপূর্ণ রসসমাবেশে পাঠকের মনে অভূতপূর্ণ, অনাস্বাদিতপূর্ণ, অনমুভূতপূর্ণ ঘন আনন্দের সঞ্চার হয়, প্রগাঢ় হর্ষবিশ্ময়ে ও ভক্তিপ্রদায় হৃদয় ভরিয়া উঠে, রসস্রষ্টার সহিত মন কেন্ এক অজানা অচেনা উচ্চস্তরের কল্পনা-লোকে চলিয়া যায়।

চণ্ডীদাসের “তড়িতবরণী হরিণনয়নী” নায়িকা যখন আঙ্গিনা মাঝে দেখা দেন, তখন রসগ্রাহী ভাবুক “চাহিতে চাহিতে পশিলেক চিতে” অবস্থায় আপনাতে আর আপনি থাকেন না, সেই রূপ-সায়রে ডুবিয়া তাহার সহিত এক হইয়া যান। তাঁহার নায়িকা “চাহে যাহা পানে, বধয়ে পরাণে, দারুণ চাহনি তার”! সে চাহনি “হিয়ার ভিতরে পোজর কাটিয়া” বসে, সে চাহনি শুধু চোখের নেশা, নহে! তাঁহার নায়িকা যখন “যমুনা-সিনান” অশ্রু বরে ফিরিয়া যান, তখন তাঁহার “চলে নীল শাড়ী, নিঙ্গাড়ি নিঙ্গাড়ি, পরাণ সহিত মোরা।” সে কি যে-সে রূপ, সে কি যে-সে প্রেম? তাহার তুলনা কোথায় খুঁজিয়া পাওয়া যাইবে?

চণ্ডীদাসের প্রেম—সে অতি অদ্ভুত—সে যেন এ জগতের নয়—সে প্রেম,—

“কানুর পীরতি, চন্দনের রীতি,  
বসিতে সৌরভময়।

বসিয়া আনিয়া, হিয়ায় লইতে,  
দহন দ্বিগুণ হয় ॥”

আশ্চর্য্য এই প্রেম! চন্দন বসিতে সৌরভময়,—শীতল,



হৃদয় জুড়াইয়া দেয়। কিন্তু এই প্রেম বসিয়া আনিয়া  
হৃদয়ে ধারণ করিলে দহনের জ্বালা দ্বিগুণ বাড়িয়া যায়।  
সে এমন প্রেম যে, নায়িকা কাদিয়া বলেন—

“জাতি কুল শীল, সকলি ডুবিল,  
ছাড়িলে না ছাড়ে কাল।”

এ প্রেমে যেমন সুখ, তেমনই দুঃখ। এ প্রেমে,—  
“দুঃখ কোরে দুঃখ কাদে  
বিচ্ছেদ ভাবিয়া।”

প্রেমিক-প্রেমিকার মিলন হইয়াছে, উভয়ে উভয়কে  
পাইয়াছেন, তথাপি পূর্ণ শান্তি, পূর্ণ তৃপ্তি নাই, তখনও  
উভয়ে ভাবিতেছেন, যদি বিচ্ছেদ হয়।

তাই চণ্ডীদাস বলিতেছেন,—

“শুন বিনোদিনী, সুখ দুখ দুটি ভাই,  
সুখের লাগিয়া যে করে পীরিতি  
দুখ যায় তার ঠাকুর।”

এত দুঃখ, তথাপি এই পীরিতির এমনই রীতি যে,—

“পরাণ ছাড়িলে, পীরিতি না ছাড়ে  
পীরিতি গড়ল কে?”

এত জ্বালা, এত দুঃখ, তবুও চণ্ডীদাস বলিতেছেন,—

“পীরিতি রসের রসিক নহিলে  
কি ছার-পরাণ তার?”

কারণ, চণ্ডীদাস জানেন,—

“পীরিতি লাগিয়া, পরাণ ছাড়িলে,  
পীরিতি মিলয়ে তথা।”

এ পীরিতি এমন সর্বনাশা যে,—

“হারে সেই গুনি যবে বাঁশীর নিশান  
গৃহকাজ ভুলি প্রাণ করে আনচান।  
সতী ভুলে নিজ পতি, মুনি ভুলে মৌন  
গুনি পুলকিত হয় তরুণতাগণ॥”

এমনই সেই বাঁশীর ডাকের আকর্ষণ! স্বাবর  
জগন্ম বিশ্বচরাচরের কাহারও নিস্তার নাই সেই  
আকর্ষণ হইতে! ইহাই এই পীরিতির চরম। এই  
প্রেমে সুখের মাঝেও দুঃখের আশঙ্কা, মিলনের মাঝেও  
বিরহের ভয়। অথচ এই পীরিতির রীতিও অদ্ভুত—

“নিতিই নূতন, পীরিতি ছজন,  
তিলে তিলে বাড়ি যায়।”

ইহা,—

“ঠাকুর নাহি পায়, তথাপি বাড়য়,  
পরিণামে নাহি খায়।  
সখি! অদভুত দুঃখ প্রেম।”

অদ্ভুতই বটে! কেবল অদ্ভুত কেন, অতুলনীয়,  
অনির্দেচনীয়। সে প্রেমের সৌন্দর্য্য, মাধুর্য্য ও মহত্ত্ব  
যে ভাগ্যবান হৃদয়ে ধারণ করিতে পারে, সে ধন্য হয়।  
সে ভক্তসাধক কবিকুলশ্রেষ্ঠ চণ্ডীদাসের চরণে মাথা  
লুটাইয়া বলে,—প্রভু! তুমি যাহা দিয়া গিয়াছ, তাহা  
বাঙ্গালীর নিজস্ব প্রাণের জিনিস,—তাহার তর্জমা  
কোন ভাষায় হয় না, কোন বিদেশী তাহার রসাস্বাদ  
করিতে পারে না, তাহা মনে অনুভবও করিতে  
পারে না।

চণ্ডীদাসের নায়িকা সেই প্রেমের আশ্বাদ কি  
ভাবে পাইয়াছেন, তাহা বুঝাইতেছেন,—

“আমার বঁধুয়া আন বাড়ী যায়  
আমার আঙ্গিনা দিয়া।  
সে বঁধু কালিয়া, না চায় ফিরিয়া,  
এমত করিল কে?”

এ দুঃখ, এ জ্বালা বুঝিবে কে? কিন্তু নায়িকা  
ইহার শান্তি বিধান করিতে চাহেন, কিন্তু কি সুন্দর, কি  
হৃদয়দ্রাবী ভাষায়,—

“আমার অন্তর যেমন করিছে,  
তেমতি হউক সে।”



কত মহান্! কত গভীর! রসজ্ঞ পাঠক ইহা  
ইহেই বুঝিয়া দেখুন, রাধার অন্তরে কি ইহিতেছে।  
ইহার অধিক দহনের শাস্তি শ্রীরাধা দিতে  
জানেন না।

শ্রীমতী তাঁহার নামককেও এই শাস্তি ইহিতে  
প্রদান করেন নাই,—

“বধু! কি আর বলিব তোরে!

অলপ বয়সে, পীরিতি করিয়া  
রহিতে না দিলি ঘরে ॥

কামনা করিয়া, সাগরে মরিব  
সাধিব মনের সাধা।

মরিয়া ইহিব, শ্রীনন্দের নন্দন  
তোমারে করিব রাধা ॥

পীরিতি করিয়া, ছাড়িয়া যাইব,  
রহিব কদম্বতলে।

ত্রিভঙ্গ হইয়া, মুরলী বাজাব,  
যখন যাইবে জলে ॥

মুরলী শুনিয়া, মোহিত হইয়া,  
সহজ কুলের বালা।

চণ্ডীদাস কয়, তখন জানিবে,  
পীরিতি কেমন জালা ॥”

কত বড় অভিমান, কত বড় অভিষাপ! আমি  
শ্রীনন্দের নন্দন হইয়া নন্দের বাধা বহিব, আর  
তোমারে করিব রাধা। শচীর ছলল গোরা-রূপে  
রজস্রোত তুমি রাধাভাবে আমার জন্ত ‘হা কৃষ্ণ!’  
‘হা কৃষ্ণ!’ করিয়া কাঁদিবে, তখন বুঝিবে পীরিতি  
কমন জালা!

এই যে আপনার অন্তর দিয়া পরের স্নেহদুঃখের  
মান অনুভূতি, ইহাই মহান্, ইহাই প্রেমের  
রাক্ষাস। রাধার প্রেম সেই সর্বোচ্চ স্তরের, বাহাতে  
খ, জালা, অভিমান, অভিষাপ অন্তরে গুমরিয়া উঠে  
খচ নাটিকা বলিতে পারেন,—

“প্রাণপতি তুমি, কি বলিব আমি,  
আনের অনেক আছে।

আমার কেবল, তুমি সে নয়ন,  
দাঁড়াব কাহার কাছে ॥”

যে প্রেমিক দুঃখ-জালা সহিয়াও অন্তরে ভূমানন্দ  
লাভ করেন, আর সেই পরম রসাস্বাদ করিয়া  
বলিতে পারেন,—

“সই! পীরিতি না জানে যারা।

এ তিন ভুবনে, জনমে জনমে,  
কি স্নেহ জানয়ে তারা ॥”

তাই রাধার—

“খাইতে পীরিতি, শুইতে পীরিতি,  
পীরিতি স্বপনে দেখি।”

পীরিতির জালা কি সামান্য? রাধার মুখেই  
তাঁহার স্বরূপ প্রকাশ পাইতেছে—

“কেবা নিরমিল, প্রেম-সরোবর,  
নিরমল তার জল।

দুঃখের মকর, ফিরে নিরন্তর  
প্রাণ করে টলমল ॥

গুরুজন জালা, জলের শিহালা,  
পড়শী জীয়াই মাছে।

কূল পানিকল, কাঁটা যে সকল,  
সলিল বেড়িয়া আছে ॥

কলঙ্গ পানায়, সদা লাগে গায়,  
ছাঁকিয়া খাইল যদি।

অন্তরে বাহিরে, কটু কটু করে,  
স্নেহে দুঃখ দিল বিধি ॥”

কিন্তু তথাপি রাধা এই দুঃখকেই ভালবাসেন।  
কেন? যদি এতই দুঃখ, এতই জালা, তবে ওনাম  
ত’ মুখে না আনিলেই হয়, ওরূপ ত’ নয়নে না  
দেখিলেই হয়। রাধা কি সে চেষ্টা করেন নাই?  
বিলক্ষণ করিয়াছেন,—







“সাগরে পশিব,  
নাহি স্ন্যত্ব ক্লেব ।”

সেই প্রেম-সমাধির অবস্থায় সাধক স্ন্যত্ব ক্লেব  
ক্লেব, সকলের অতীত,—তিনি তখন বলিবার  
অধিকারী,—

“একত্র থাকিব,  
ভাবিনী ভাবের দেহা ।”

ধন্য আমরা, ধন্য বাঙ্গালা ও বাঙ্গালী জাতি  
যে, আমাদেরই বাঙ্গালী সাধক কবির অমর লেখনী  
হইতে এই চরম আদর্শ প্রেমের অভিব্যক্তি  
হইয়াছে। এই প্রেমসাধনার বলেই চণ্ডীদাস বলিতে  
পারিয়াছেন,—

“শুন রজকিনী রামি !  
ও দুটি চরণ,  
শরণ লইলু আমি ॥  
তুমি বেদবাগিনী,  
হরের বরণী  
তুমি সে নয়নের তারা ।  
তোমার ভজনে,  
ত্রিসন্ধ্যা বাজনে,  
তুমি সে গলার হারা ॥  
রজকিনী রূপ,  
কিশোরী স্বরূপ  
কাম-গন্ধ নাহি তার ।  
রজকিনী প্রেম,  
নিকবিত হেম  
বড় চণ্ডীদাস গায় ॥”

এ প্রেম কোথায় গিয়া কাহার চরণে পৌছিতেছে ?  
প্রেমিকার এই সর্বস্ব বিলাইয়া দেওয়া চরম প্রেমের  
প্রতিদানে প্রেমিক জগৎস্বামী বলিতেছেন,—

“উঠিতে কিশোরী,  
বসিতে কিশোরী,  
কিশোরী নয়ন তারা ।  
কিশোরী ভজন,  
কিশোরী পূজন,  
কিশোরী গলার হারা ॥  
রাধে ! ভিন না ভাবিহ তুমি ।  
সব ত্যাগিয়া,  
ও রাজ্য চরণে  
শরণ লইলু আমি ॥

শয়নে স্বপনে,  
ঘুমে জাগরণে,  
কভু না পাসরি তোমা ।

তুয়া পদাশ্রিত,  
করিয়ে মিনতি,  
সকলি করিবে ক্ষমা ॥”

বিন্দু সিদ্ধিতে, জীবাত্মা পরমাত্মাতে এমনই  
মিশ্রামিশ্রি বটে! ইহার রসাস্বাদ করিয়া মহাকবি  
চণ্ডীদাস ত্রীরাধাকে বলিতেছেন,—

“পুল্ল-পরিজন,  
সংসার আপন,  
সকলি ত্যজিয়া লেখ ।  
পীরিত করিলে,  
তাহারে পাইবে,  
মনেতে ভাবিয়া দেখ ॥”

চণ্ডীদাস এই মহাপ্রেমের কবি, তাঁহার সাধনা  
সার্থক। এমন প্রেম-পাগল কবি আর কোন দেশে  
আছে? তাঁহার প্রেম কি সে-সে প্রেম? সে প্রেম  
কিরূপ?—

“পীরিত পীরিত,  
সব জন কহে,  
পীরিত সহজ কথা ?  
বিরিখের ফল,  
নহে ত পীরিত,  
নাহি মিলে যথা তথা ॥  
পীরিত অন্তরে,  
পীরিত মন্তরে,  
পীরিত সাধিল যে ।  
পীরিত রতন,  
লভিল যে জন,  
বড় ভাগ্যবান সে ॥”

বাঙ্গালীর কত বড় সৌভাগ্যে, কত মহাপুণ্যে  
এই পীরিত-পাগল মহাকবিকে সে বক্ষে ধারণ  
করিতে পারিয়াছে? সেই কবির চরণরেণুস্পর্শে  
কি আর একবার বাঙ্গালার মাটি, বাঙ্গালার জল  
পবিত্র হইবে না?

কত বড় আনন্দের ও গর্বের কথা যে,  
বাঙ্গালীর প্রাণের এই প্রেম-পাগল সাধক কবির  
মুখেই বাঙ্গালার আকাশ-বাতাস ধ্বনিত হইয়াছিল,—



“পীরিতি লাগিয়া,                      আপনা ভুলিয়া  
পরেতে মিশিতে পারে।  
পরকে আপন,                      করিতে পারিলে  
পীরিতি মিলয়ে তারে ॥”

কে বলে, বাঙ্গালী ভূতলে অধম জাতি? বাঙ্গালীর আর কিছুও যদি না থাকে, তাহা হইলেও বাঙ্গালীর চণ্ডীদাস আছে। সে চণ্ডীদাসের তুলনা চণ্ডীদাস, তাঁহার তুলনা জগতে নাই। গভীর অন্তর্দৃষ্টি, উদার বিখ্যোড়া অনুভূতি, মহান আদর্শ,—এসকল ত’ চণ্ডীদাসের রচনার ছত্রে ছত্রে সুপ্রকাশ, কিন্তু তাহারও উপরে তাঁহার বহু পদাবলীর অন্তর্নিহিত গভীর আধ্যাত্মিক অর্থ আমাদের মত সাধারণ মানুষের বুঝিবার সাধা নাই, শক্তি নাই, অধিকারও বুঝি নাই। যে কয়জন ভাগ্যবান

বাঙ্গালী সাধনা করিয়া সাধনামার্গে অগ্রসর হইতে সমর্থ হইয়াছেন, গুনিয়াছি, তাঁহারা ই সে রসাস্বাদ করিতে সমর্থ হইয়াছেন।

মাটির মানুষ চণ্ডীদাস-ভক্ত বাঙ্গালী আমরা কেবল এই প্রার্থনা করি, যেন বাঙ্গালী তাহার জাতীয় মহাকবি চণ্ডীদাসের কণ্ঠে কণ্ঠ মিলাইয়া গাহিতে পারে,—

“এছন পীরিতি জগতে আর কি হয়?

এমত পীরিতি না দেখি কখন, কখন হবার নয় ॥”

আর সেই গান তাহার কানের ভিতর দিয়া মরমে পশিয়া প্রাণ আকুল করে, যেন সেই অমর সঙ্গীত গুনিয়া যুগে যুগে তাহার নয়নে ধারা নামিয়া আসে!

“যিনি ( বঙ্কিমচন্দ্র ) আমাদের মাতৃভাষাকে সর্বপ্রকার ভাবপ্রকাশের অনুকূল করিয়া গিয়াছেন তিনি এই হতভাগ্য দরিদ্র দেশকে একটা অমূল্য চিরসম্পদ দান করিয়াছেন। তিনি স্থায়ী জাতীয় উন্নতির একমাত্র মূল উপায় স্থাপন করিয়া গিয়াছেন। তিনিই আমাদের নিকট যথার্থ শোকের মধ্যে সান্ত্বনা, অবনতির মধ্যে আশা, শ্রান্তির মধ্যে উৎসাহ এবং দারিদ্র্যের শূন্যতার মধ্যে চিরসৌন্দর্যের অক্ষয় আকর উদ্ঘাটিত করিয়া দিয়াছেন। আমাদের মধ্যে যাহা কিছু অমর এবং আমাদেরকে যাহা কিছু অমর করিবে সেই সকল মহাশক্তিকে ধারণ করিবার, পোষণ করিবার, প্রকাশ করিবার এবং সর্বত্র প্রচার করিবার একমাত্র উপায় যে মাতৃভাষা তাহাকেই তিনি বলবতী এবং মহীয়সী করিয়াছেন।”

—রবীন্দ্রনাথ



# বাংলা ও বাঙালী শক্তির অভিব্যক্তি

শ্রীহরিদাস পালিত

## উপক্রম

বৈদিক-সাহিত্য পাঠে অবগত হওয়া যায়, ভারতবর্ষে কেবলমাত্র দুইপ্রকার জাতি বিদ্যমান ছিল বা আছে। তথাকথিত জাতির মধ্যে,—একটি অ-আর্য্য (অনার্য্য) এবং অণ্ডটি আর্য্য-জাতি। আর্য্যগণ, অ-আর্য্য-দিগকে—নিন্দা এবং ঘৃণা করিতেন এবং বর্তমানেও সভ্য জাতিরা, অসভ্য, বর্কর বলেন যে গণ-জাতিকে, গাংরাই নীচজাতি—ছোটলোক।

বৈদিক-সাহিত্যে, জাতিগত বিভেদ ধরা যায় না। কেননা উৎপত্তির মূল একই। এক আদি পিতামাতা হইতে,—জজ্জীবনীয় মানব-বংশের বিকাশ হইয়াছে। একই বংশ,—একই পিতামাতার সন্তান। একই বংশের বিস্তার বা প্রবাহ। আর্য্য-অনার্য্য জাতির হিসাবে—ভ্রাতা-ভগিনী সম্বন্ধ বিদ্যমান।

## সর্গাদি পিতা-মাতা

সম্বন্ধে বৈদিক-সাহিত্যে যে উপাখ্যান রহিয়াছে, ইহাতে দৃষ্ট হয় যে,—আদিপুরুষ-দেহে প্রকৃতি লীনা ছিলেন। একই—দ্বিধা বিভক্ত হইয়া, দু'টি পৃথক হইলেন। দ্বিধা বিভক্তের পূর্বে, তথাকথিত পুরুষটি, শ্রেষ্ঠ এক আদিপুরুষ হইতে,—অভিব্যক্ত হইয়াছিলেন,—আত্মজ, অযোনিজ রূপে,—তাঁহার মাতা ছিলেন না। ভারতের ভগবান ব্রহ্মা—তথাকথিত পুরুষ। সেই পুরুষের শরীর হইতে,—এক নারীমূর্তির বিকাশ হইল, তিনি—শতরূপা, তাঁহাকেই বাণী, সরস্বতী, গায়ত্রী, ওম্ প্রভৃতি নাম দেওয়া হইয়াছে ; ইহারা দেবতা বলিয়া খ্যাত। ব্রহ্মা দেবতা কিন্তু ব্রহ্ম নহেন।

## বেদান্তমতে

ব্রহ্ম তিনিই,—যাহা হইতে জগতের উৎপত্তি, স্থিতি এবং ভঙ্গ হয়। “জন্মান্তর্য যতঃ” সূত্র (১।১।২) হইতে

ইহাই ব্যাখ্যাত হইয়াছে। ইহাই একের তটস্থ-লক্ষণ। পণ্ডিতেরা বলেন—বেদান্তের কোন কোন সূত্রে, বৌদ্ধধর্মের প্রসঙ্গ পরিলক্ষিত হয় (২অ। ২এর ২৮, ২৯, ৩০ সূত্রাদি)। ইহা যদি সত্য হয়, তাহা হইলে, বেদান্তের সূত্র বিশেষ,—গীষ্টপূর্ব্ব ষষ্ঠ শতকের মধ্যভাগের পরবর্ত্তী কালের রচিত হওয়া অসম্ভব নয়।

সাংখ্য—অবস্তু হইতে বস্তুর উৎপত্তি হয় না ৫৭।

## বিষ্ম-মানবের আদি পিতা-মাতা

সম্পর্কে, পরবর্ত্তীকালে অনুসন্ধান যখন আরম্ভ হয়, তখন দর্শনচর্চা সবেমাত্র প্রবর্ত্তিত হইয়া থাকিবে। লৌকিক বাস্তব বিষয় চর্চা হইতে, ক্রমশঃ কল্পনাবলে, অবাস্তব জগতের দ্বার উদঘাটিত হইয়া, ব্রহ্মা-সাবিত্রীর উপাখ্যান সংরচিত হয়। ইহা ইতিহাসের হিসাবে বলা চলে। এই প্রকার বৈদিক-সাহিত্যের দেব-তত্ত্ববাদ—বাস্তব, প্রকৃত শরীরবিশিষ্ট কিছুই কল্পনা নয়। মীমাংসা দর্শনে—এই মত ব্যক্ত হইয়াছে দেখা যায়।

শরীর স্বামীর ভাষ্যে, কুমারিলের বার্ত্তিকে, এবং অন্যান্য দার্শনিকগণের মতে,—যাবতীয় দেবতা, মন্তরূপী,—শরীরী নহেন। দার্শনিক ব্যাপার,—এই প্রকারে অদৃশ্য শক্তি বা শক্তিমান কিছু হইতে—নরজাতির অভ্যুদয় কল্পনা ব্যতীত, অণ্ড উপায় নাই। অনিশ্চিত বিষয়ের, একটা কুল-কিনারা করাকেই—সিদ্ধান্ত বলা হয়। মানবের আদি পিতা-মাতা ছিলেনই, কিন্তু অজ্ঞাত বিষয়ের ‘মীমাংসা’, তথাকথিত উপায়ে করা হইয়া থাকিবে। ইহাকে ‘সাহিত্যিক-নৃত্য’ বলা যাইতে পারে।

## মতসাম্য—

পৃথিবীর বিভিন্ন সাম্প্রদায়িক ধর্ম-শাস্ত্রে, নৃত্য



সম্বন্ধে আলোচনা আছে। পবিত্র বাইবেল শাস্ত্রে—  
আদি নরমিথুন প্রকটের বিবরণ বা উপাখ্যান মধ্যে,  
নরদেহ হইতেই নারীর আবির্ভাব বর্ণিত হইয়াছে।  
ভারতীয় ‘ভাব-সাম্য’ বিদ্যমান আছে। গ্রীক-পৌরাণিক  
ব্যাপারগত—‘দি হিস্টরি অব্ এমরীশ্’ নামক  
প্রেমের ইতিহাসে দেখা যায়—পূর্বকালে নর-নারী  
এক-দেহী ছিল, তখন অসীম-শক্তি সেই দেহে বিদ্যমান  
ছিল। যথাকালে—দুইটি পৃথক হইয়া পড়ে এবং  
শক্তিও কমিয়া যায়। নারী—নৃ-প্রেমের মূর্ত রূপায়ন।  
প্রেম—মূর্ত রূপায়ন লাভ করিয়া, প্রেমময়ী-নারী  
হইয়াছেন।

#### মন্ত্র-রূপী দেবতার রূপলাভ

মানুষেরই কল্পনা; অরূপকে রূপান্বিত করিয়াছে  
মানুষে। ‘অভিমানী-দেবতা’ হইতেছেন, একাদি  
সাধারণ দেবতাগণ। ‘অভিমানী-দেবতা’ বলিতে বুঝায়,  
—মন্ত্ররূপী বাজ্র দেবতার বাস্তব রূপে অর্থাৎ ব্যক্তিত্বে  
রূপের আরোপ মাত্র। কল্পনা করা হইল,—নিরাকার  
দেবতার সাকার রূপ। এই সাকার একাদি (অভিমানী  
দেবতার) হৃদয়স্থ প্রেম—মূর্তরূপে প্রকট লাভ করিয়া,  
ব্যক্তিত্বে আরোপিত হইয়া, হইলেন—সাকার। শতরূপা  
দেবী সাবিত্রী।

অবস্তু হইতে বস্তুর উৎপত্তি হয় না।

এই দার্শনিক মতটি,—সাংখ্যদর্শনের। নর-নারী  
বাস্তব রূপায়ন। সম্ভবতঃ সাংখ্যমতাবলম্বী সম্প্রদায়গণের  
মতবাদ যখন আদৃত এবং প্রচারিত হইয়াছিল, তখন  
অবাস্তব কিছু হইতে পদার্থ বিষয়ক প্রকটন করার  
কথা, উত্থাপন করা সম্ভব হয় নাই। তথাকথিত  
আন্ত-দার্শনিক কালে মন্ত্ররূপী দেবতাদিগকে, ‘অভিমানী-  
দেবতা’রূপে কল্পনা করিয়া, সাকার রূপে প্রবর্তিত করা  
হইয়া থাকিবে। এইরূপে যদি বাস্তবতায় দেবতাবর্গকে  
আনয়ন করা হইয়া থাকে, তাহা হইলে, শরীরবিশিষ্ট  
ব্রহ্ম-সাবিত্রী হইতে—বাস্তব নর-নারীর অভিব্যক্তিতে  
কোনই বাধা হয় না। মানবীয় চিন্তা-প্রবাহ, এই

পর্যন্ত অগ্রসর হইয়া, দার্শনিক প্রণালীতে বিশ্ব-মানবের  
আদি নর-মিথুনের প্রকট বর্ণনা করা হইয়াছে। ইহাও  
অসম্ভব বাস্তব অথ কিছু নয়। গ্রীক দার্শনিক  
পিথাগোরস, এরিস্টটল প্রভৃতির মতও প্রায় সাংখ্যের  
অনুরূপ।

#### আরম্ভ—

যে প্রকারেই হউক, আদি নর-মিথুনের উদয়  
পৃথিবীতে হইয়াছিল,—এসকল দার্শনিক মতবাদের  
কাল গত হইলে, প্রত্যক্ষগোচর মানবের অভিব্যক্তি  
বিষয়ক বর্ণনার আরম্ভ হয়। বৈদিক-সাহিত্য বলেন,  
ভারতে আদি নর-মিথুনের সুপ্রকট হইয়া—এই বিশ্ব-  
মানবের প্রকট হইয়াছে। বিশ্ব-মানব মূলে একই  
বংশধারাক্রমে পরিব্যাপ্ত হইয়াছে। এ মতবাদটি  
‘একজানি’ (মনোজেনেটিক) মতবাদ। সাম্প্রদায়িক  
ধর্ম-শাস্ত্র মতে,—ইহাই সর্বত্র পরিব্যাপ্ত হইয়াছে।  
নৃ-তত্ত্ব বিজ্ঞাবিদ পণ্ডিতগণের ধারণা—‘বহুজানি’ (পলি-  
জেনেটিক) মতবাদের অভিমুখে। এই হেতু—সাম্প্রদায়িক  
ধর্ম-মতবাদীদের সহিত এবং বৈজ্ঞানিক পণ্ডিতগণের  
মধ্যে বিতণ্ডা চলিতেছে। বহুজানি মতবাদটি—  
সাম্প্রদায়িক ধর্মীরা স্বীকার করিতে পারেন না, কেননা  
তাহা হইলে তাঁহাদের শাস্ত্রীয় মতের অনশন হইয়া যায়।  
নৃ-তত্ত্ববিদেরা, প্রমাণ-গ্রাহ্য বিষয় অবলম্বনে, স্বমত ব্যক্ত  
করেন, তাঁহারা শাস্ত্রীয় মতবাদ গ্রাহ্য করেন না।

#### সাম্প্রদায়িক ঐতিহাসিক মতবাদ

অবলম্বনে, বৈদিক-সাহিত্য-পুরাণ অবলম্বনে, একজানি  
মতেই, আদি নর-নারী অভিব্যক্তি ব্যক্ত হইয়া  
থাকে। পবিত্র বাইবেল শাস্ত্রের মত, ভারতীয়  
পৌরাণিক মত হইতে বিভিন্ন নহে। তত্রাচ পৌরাণিক  
মত, বর্তমানে বৈজ্ঞানিকগণ স্বীকার করিতেছেন না।  
বাইবেল মতে গড্—বিশ্বসৃষ্টি করিয়াছিলেন, ঐষ্টপূর্ব  
চারি হাজার (১) বৎসরের কিছু পূর্বে, ঐতিহাসিকগণ

১। আমেরিকান বাইবেল সোসাইটি প্রকাশিত পবিত্র  
বাইবেল জটব্য।



দেখিতেছেন, খ্রীষ্টপূর্ব, (বিশ্বযুগের পূর্ব) ইজিপ্ট দেশে, মিনেশ নামা জনৈক রাজা প্রজাবর্গসহ রাজত্ব করিতেন। ভারতে সম্প্রতি মহেন্দ্ৰজাদাডো, হরপ্রাদি সিদ্ধনন্দ উপত্যকা দেশে যে প্রত্নতাত্ত্বিক আবিষ্কার হইয়াছে, উহার আদি বিকাশ-কাল, বিশেষজ্ঞগণের মতে খ্রীষ্টপূর্ব পাঁচ হাজার বর্ষের কম নহে। সুতরাং বাইবেলের বিখ্যাত কালের সত্যতায় সন্দেহ উপস্থিত হইয়াছে।

#### সেমেটিক জাতিতত্ত্ব মত-বাদ

প্রাচীন খ্রীষ্টধর্মী ইতিহাসিকগণ, তাঁহাদের ইতিহাসে,—‘সেমেটিক জাতি’ বলিয়া কৃষ্ণবর্ণ বহু জাতির উল্লেখ করিয়া থাকেন। তথাকথিত ‘সেমেটিক জাতি’-গণের উৎপত্তির বিবরণ তাঁহাদের বাইবেলে আছে। নায়া (নুহ) ঋষির সময়ে, মহাজলপ্লাবন হইয়া, পৃথিবীর সমস্ত স্থলচর জীব ধ্বংস হইয়া যায়। কেবল ঋষি নোয়ার পরিবারবর্গ রক্ষা পাইয়াছিলেন। জলপ্লাবনের কিছুকাল পরে, তাঁহার সেম, হেমাদি নামে পুত্র জন্মলাভ করেন। সেই সেমবংশই—‘সেমেটিক জাতি’ বলিয়া খ্যাত হয়। তথাকথিত বাইবেল মতে,—মহাজলপ্লাবন সংঘটিত হইয়াছিল, খ্রীষ্টপূর্ব ২৩৪৯ অব্দে, সুতরাং তথাকথিত কালের পরে, সেমেটিক জাতির প্রকাশ-আগতকাল। সুতরাং ভারত, জিপ্ট, চালদীয়, বাবিলনাদি দেশে—তৎপূর্ববর্তী য সকল জাতি বিদ্যমান ছিল, তাহারা সেমেটিক জাতি কখনই নয়। তত্পরি খ্রীষ্টপূর্ব চারি হাজার বৎসর পূর্ব হইতে, জলপ্লাবনের সময় ও পরবর্তী কালেও, তথাকথিত জনপদে,—প্রজা এবং রাজার বভাব আদৌ হয় নাই। সুতরাং তথাকথিত দেশে, খ্রীষ্ট-উক্ত কালে জলপ্লাবন হয় নাই—প্রমাণিত হইতেছে।

#### বাইবেলের জেনিসিস্-নাম পৌরাণিক

বিবরণ,—সত্য কিনা, সন্দেহের কারণ উপস্থিত হইয়াছে। প্রত্ন-তত্ত্ববিদগণের খনন ব্যাপারে, প্রাচীন চালদীয় নগরের ভূ-মধ্য হইতে, যে সকল লিপি-মালা আবিষ্কৃত হইয়াছে, উহার মধ্যে একখণ্ড লিপি

আবিষ্কৃত হইয়াছে। সেখানিতে জলপ্লাবনের বিবরণ অক্ষর-মালায় খোদিত আছে; পণ্ডিতেরা সেই লিপি-ফলকের নাম রাখিয়াছেন—‘ডেলিউজ্-ট্যাব্লেট’। উহাতে উৎকীর্ণ আছে, চালদিয়ার রাজা উবরনুতু ও তাঁহার পুত্র সিঙথাসর সময়ে জলপ্লাবন হইয়াছিল। তাহাদের প্রধান দেবতার ক্রোধে,—মানবের অবাধ্যতা হেতু, জলপ্লাবন ঘটয়াছিল। এবং সেই প্লাবনে—রাজপরিবারবর্গ এবং বন্ধুবান্ধবেরা, নৌকার সাহায্যে, দেবতার কৃপায় রক্ষা পাইয়াছিলেন। এই ঘটনা খ্রীষ্টপূর্ব পাঁচ হাজার বৎসরের বহুপূর্ব সংঘটিত হইয়াছিল। এই ‘ডেলিউজ্-ট্যাব্লেট’র আক্ষরিক অনুবাদ, বাইবেলের জেনিসিস্ অধ্যায়ে হিব্রু-ভাষায় অনূদিত হইয়াছিল। কেবল রাজার নাম এবং দেবতার নামের পরিবর্তন করা হইয়াছে। দেবতার স্থলে—দেবদূত (এঞ্জেল) লিখিত হইয়াছে। রগোজিন্ চালদিয়া পাঠে একথা অবগত হওয়া যায়, ‘ডেলিউজ্-ট্যাব্লেট’র চিত্রও ইহাতে দেওয়া হইয়াছে। কোন্টি আসল এবং কোন্টি নকল, এ বিচারের প্রয়োজন লেখক করিতে ইচ্ছুক নহেন।

#### বৈদেশিক খ্রীষ্ট-ধর্মীর ভাবতের ইতিহাস

লিখিয়াছেন, সেই ইতিহাস পাঠন-পাঠন দ্বারা শিখিয়াছি; সর্কাদি প্রাচীন ভারতবর্ষে, মানব বলিয়া কোন জীব বিদ্যমান ছিল না। তাঁহারা কল্পনামাত্রের স্ব-দর্শন-ভাবে ভাবিত হইয়া, ইতিহাসে লিখিয়াছেন যে, ‘কোলারিয়ান’ নামে এক গণ-জাতি, ভারতের বহির্ভাগ হইতে, সর্কাসে ভারতে প্রবেশ করে, এবং বিস্তারিত হয়, ইহারা অবশ্য সেমেটিক জাতি। এই কৃষ্ণকায় সেমেটিক কোলারিয়ানদের ভারত প্রবেশের পূর্বে, ভারত মানব-শূন্য অরণ্য-জীবে পরিব্যাপ্ত ছিল। এই অনৈতিহাসিক উক্তির কোন প্রমাণ তাঁহারা কোথাও দেন নাই। কেবল প্রাগৈতিহাসিক কল্পনা (ফিগুরি)-বলেই, ভারতকে অর্কটীন প্রতিপন্ন করিতে প্রয়াস পাইয়াছেন মাত্র। তাঁহারা বাইবেলের ‘একজানি’ মতবাদী, ইহাই ব্যক্ত করিয়াছেন।



বাইবেল ধর্ম গ্রন্থ বলিয়া মাঝ হইতে পারে, প্রকৃত ইতিহাসরূপে নয়।

তার বহুকাল পরে, তথাকথিত ঐতিহাসিকেরা, কল্পনাবলে বলিয়াছেন, ভারতের বহির্ভাগ হইতে, অত্র এক উন্নত ধরণের জাতি, ভারতে প্রবেশ করে— তাহারা 'ড্রাভিডিয়ান' গণ-জাতি। কিন্তু—এই ব্যাপারের কোন ঐতিহাসিক প্রমাণ প্রদান করেন নাই। ইহারা ভারতে বিস্তারিত হয়।

তারপরে, তাঁহারা লিখিলেন, এক শ্বেতকায় অর্কসভা বা অসভা বর্করপ্রায় জাতি, ভারতে প্রবেশ করে, তাহারা—'এরিয়ান' জাতি নামে খ্যাত। এ সম্বন্ধে শ্বেতকায় বৈদেশিক জাতির ভারত-প্রবেশ সম্বন্ধে কোন সিদ্ধ-মতবাদের উল্লেখ তাঁহারা করেন নাই। অথচ আশ্চর্য্যের বিষয় এই যে, ভারতকে অবনত মস্তকে, তথাকথিত উপাখ্যান স্বীকার করিয়া লইতে হইয়াছে। শিক্ষার্থীদিগকে প্রশ্নের উত্তর, তথাকথিত ঐতিহাসিক উপাখ্যানই—উত্তর স্বরূপ দিতেই হইবে! সুতরাং শিক্ষক এবং ছাত্র উভয়কেই, তথাকথিত 'এরিয়ান উপাখ্যান'—পড়াইতে ও পড়িতে বাধ্য হইতে হয়। ভারতকে হীন প্রতিপন্ন করা, এবং এই ধারণা বদ্ধমূল করিয়া ভারতীয় জাতিত্বের বিকৃতি সাধন করা, সম্ভবতঃ মৌলিক উদ্দেশ্য হইতে পারে। এ সম্বন্ধে একটি প্রমাণ প্রদর্শিত হইল।—শ্রীযুক্ত নলিনীমোহন সাহালা ভাষাতত্ত্বরত্ন, এম-এ, মহাশয় তাঁহার 'বৈদিক ও পৌরাণিক আলোচনা' নামক পুস্তকের ১৬ পৃষ্ঠায় লিখিয়াছেন, "এখন তাঁহাদের কেবল এই চেষ্টা— ভারতীয় প্রাচীন ঘটনাগুলিকে যথাসম্ভব আধুনিক বলিয়া প্রতিপন্ন করা, এবং সাহিত্যে যে সকল উক্তি পাওয়া যায়, তাহাদের প্রতি অবিশ্বাস জ্ঞাপন করা। এ কথা উইন্টার্জ সাহেব ১৯২৩ সালের আগষ্ট মাসে কলিকাতা বিশ্ববিদ্যালয়ে যে বক্তৃতা করিয়াছিলেন, তাহাতে স্পষ্টই বলিয়াছেন (ক্যালকাটা রিভিউ, নভেম্বর ১৯২৩—এজ্ অব্ দি বেদ বাই

ডাঃ এম, উইন্টার্জ), প্রতীচ্যেরা বলেন যে, ভারতবাসী কেহই ভারতীয় সাহিত্য-সম্বন্ধে প্রকৃত তথ্যের আবিষ্কার করিতে সমর্থ নহে। যদি একারণে কাহারও দ্বারা সম্ভব হয়, তাহা হইলে সে ভারতের দেশবাসী। তাঁহারা চাহেন যে, বিদেশীয়েরা ভারতীয় সাহিত্য যেরূপ ভাবে গঠিত করিয়া দিবেন, আমাদিগকে তাহাই শিরোধার্য্য করিয়া লইতে হইবে।" ইহার উপর আর কথা নাই। আমাদের শিক্ষিত যুবকগণকে ইহার উত্তর দিতে হইবে। বৈদেশিক 'এরিয়ান'-আগমন উপাখ্যানটি, তাঁহারা ভারতে প্রচার করিয়াছেন। আমরা তাহাই শিরোধার্য্য করিয়া লইয়াছি। ইহা যে একটা ভ্রান্ত কল্পনা, তাহা ভারতীয় প্রাচীন-সাহিত্যেই অবগত হই। ভারতীয় সাহিত্য এ কথা স্বীকার করে নাই। অথচ আমরা মোহবশে, ভারতীয় সাহিত্য হইতে প্রমাণ সংগ্রহ করিয়া, ভ্রান্ত প্রতীচ্য মতবাদের সমর্থন করিয়া থাকি।

ভারত সর্বাদি সভ্য-জনপদ, এই ভারতবাসী অতীত কালে—যুরোপাদি জনপদে বিজয়-যাত্রা করিয়া, তথাকথিত দেশকে সভ্যতা শিক্ষা প্রদান করিয়াছিল, লেখা-পড়া শিক্ষা দিয়াছিল, একথা এখন আর খিষ্টান শ্বেতকায় পণ্ডিতগণের অবিদিত নাই। ঐতিহাসিক এইচ, আর, হল তাঁহার—'এনসিয়েন্ট হিস্টরি অব্ দি নিয়ার ইষ্ট' পুস্তকের ১৭২—১৭৪ পৃষ্ঠায় যাহা লিখিয়াছেন সেই অংশ পাঠ করা আবশ্যক। তিনিও শ্বেতকায় পণ্ডিত। তিনি লিখিয়াছেন—"ভারত আদিমতম মানব-সভ্যতার কেন্দ্র মধ্যে অগ্রতম, এবং স্বাভাবিক ভাবেই বিবেচিত হয়—আশ্চর্য্য এই যে,— অ-সেমিটিক, অ-আর্য্য লোকগণ, যাহারা পূর্বদেশ হইতে পশ্চিম জনপদকে সভ্যতা দান করিয়াছিল— তাহারা মূলতঃ ভারতীয়।\* সূমারীয় জাতি ভারতের।"

এই সূমার জাতির পরিচয়, ভারতের প্রাচীন সাহিত্যে বিদ্যমান রহিয়াছে। ভারতের এই জাতিও সূমার (সংস্কৃত—সৌমার), রামায়ণাদি পৌরাণিক কাব্যাদি সাহিত্যে, এই জাতির বিবরণ আছে, পূর্ণ



বিবরণ—যোগিনী-তন্ত্রে উজ্জলরূপে চিত্রিত রহিয়াছে। “দেশের যোগী ভিক্ষু পায় না।” বর্তমানে (যোগিনী-তন্ত্র ২১৪৪ পাঠ করুন) দেখিতে পাই—আসাম অঞ্চলে এখন—সুমার ও আকা (আকাদ্) নামে দুইটি প্রাচীন জনপদ বিद्यমান রহিয়াছে,—এই দেশের সম্বন্ধে, ‘গ্রেটস্-আসাম’—নামক ইতিহাসে কিছু আছে (ই,এ, গ্রেটস্ হিস্টরি অব আসাম, ১৯০৬) এবং কিছু তথ্য আছে—‘ডল্টনস্ এথনোলজি অব বেংগল’ নামক পুস্তকে, এবং জার্নাল অব দি এসিয়াটিক সোসাইটি অব বেংগল, সংখ্যা ১, ১৮৫৫ অব্দ। হল সাহেবের মতে, সুমার-আকাদীয়গণ অবশ্য ভারত হইতে গিয়া,—মেসোপটেমিয়ার উত্তর ও দক্ষিণে, মাতৃভূমির নামেই, সুমার ও আকাড্ রাজ্য প্রতিষ্ঠা করিয়াছিল। চালদীয়গণের প্রাচীন ইতিহাস-লেখক—রগোজিন, তাঁহার ইতিহাসে,—ভারতীয় সিদ্ধীরবাসী কৃষ্ণকায় গণ-জাতিদিগকে—হিন্দুকুশের উপর দিয়া লইয়া গিয়া—চালদিয়ার গোড়া পত্তন করিয়াছেন। বাবিলনের, ইজিপ্টের ইতিহাসে—ভারতীয় কালী জাতিদের সম্বন্ধে কিছু আছে। এসকল নব্য-আবিষ্কৃত মতবাদ, এখনও শ্বেতকায় ঐতিহাসিকগণ স্বীকার করিতে পারেন নাই। ঐতিহাসিক হল, স্বীকার করিয়াছেন, সুমার-আকাদীরা, ‘অ-সেমেটিক,’ সুতরাং হাইবেল-উক্ত সেমেটিক জাতি নয়। বর্তমান কালের ইতিহাসবিদগণ বিশেষ আলোচনা এবং আবিষ্কার হেতু যাইতে পারে যে, হিমালয়ের দক্ষিণে—বর্তমান ভারত-সীমায় আদি নর-মিথুনেরও অভ্যুদয় হইয়াছে।

#### কোল-জাতি সম্বন্ধে প্রাথমিক অনুসন্ধান

দ্বিতীয় ত্রী হইবার কারণ এখানে কিছু বলা আবশ্যিক,—ইতিহাস (প্রাচীন্তর) এবং ভারতীয় প্রাচীন সাহিত্যের মধ্যে যেন একটি তথ্য লুক্কায়িত

রহিয়াছে দেখা যায়। বর্তমান স্বদেশী-বিদেশী ঐতিহাসিকগণ, যখন ‘কোলারিয়ান’ নামক গণ-জাতিকে ভারতে আনয়ন করিয়া, অভিনয় আরম্ভ করিয়াছেন, তখন বুদ্ধিতে পারা যাইতেছে যে, ভারতীয় গণ-জাতি ‘কোল’দিগের বর্তমান অবস্থা দেখিয়া তাঁহারা ইহাদিগকে, আত্ম-জাতি বলিয়া অনুমান করিয়াছেন, এবং বাইবেলের মত সমর্থন করিয়া ভারতের বহির্ভাগ (পশ্চিম) হইতে ভারত-প্রবেশের গল্প আরম্ভ করিয়াছেন। সুতরাং কোল-জাতি সম্বন্ধে অনুসন্ধান প্রথমেই আরম্ভ করা আবশ্যিক। সম্ভবতঃ, ইহাদের বংশ-পরম্পরাগত ঋতিমধ্যে ইহাদের প্রাথমিক অবস্থার কিছু পরিচয় পাওয়া যাইতে পারে—এই আশা করিয়া অনুসন্ধান আরম্ভ করি। প্রথম বাধা ইহাদের কথিত ভাষা, বর্তমান-প্রচলিত কোন প্রকারের বাংলা ভাষা নহে। এই বাধা দূর করিতে প্রথম অবলম্বন হইল—‘গ্রামার অব দি কোল ল্যাংগুয়েজ,’ কিন্তু ইহাতে বিশেষ কিছু ফল ফলিল না। দুই এক বৎসরের মধ্যে এ বাধা অতিক্রম করিয়া, ছোটনাগপুরের কোল-জাতির তথ্য সংগ্রহ কালে, আসানসোল অঞ্চলে কমলা খাদের মহিমায় কোলগণের পরিচয়-প্রাপ্তির সুযোগ উপস্থিত হইল। ইহারা নিরক্ষর জাতি (খৃষ্টান কোল বাদে), তব্বাচ ইহাদের মধ্যে বয়োবৃদ্ধগণের জাতীয়-ঋতি-জ্ঞান বিলক্ষণ রহিয়াছে। বুক্‌ল্যাম, কোলজাতি সাঁওতাল জাতির অগ্ৰতম শাখা-বিশেষ। সুতরাং কোল সম্বন্ধে অনুসন্ধান স্থগিত রাখিয়া, সাঁওতাল (সমেতাল বা হড় জাতি) জাতির তথ্য সংগ্রহে ব্যাপৃত হইলাম। প্রথম বাধা—হড় ভাষায় অনভিজ্ঞতা। এক বৎসরে এ বাধা দূর হইল। সুযোগ-ক্রমে বুদ্ধিমান জনৈক সমেতাল মাঝির (মণ্ডলবৎ) সহিত বন্ধুত্ব হইল। সেই ব্যক্তির নাম ‘মাতাল-মাঝি’, দেখিতে ভীমাকৃতি। তিনিই হইলেন আমার সখা—গুরু। তাঁহার অনুগ্রহে, সাঁওতাল (হড়) জাতির ঋতি সম্বন্ধে পরিচয়-প্রাপ্তি ঘটিয়াছে। তব্বাচ এক ব্যক্তির কথিত ঋতির উপর পূর্ণ বিশ্বাস করিয়া জাতীয়-তথ্য সংগ্রহ করা উচিত



নহে বিবেচনায়, তাঁহারই সাহায্যে, বিভিন্ন পল্লীবাসী কয়েকজন হড়-জাতীয় মণ্ডলের ( মাঝির ) সহিত আলাপ পরিচয় করিলাম। আমার বন্ধু যে সকল শ্রুতি বলিয়াছেন, সেগুলির সত্যতার পরিচয় বিভিন্ন ব্যক্তির কথিত বিবরণের সহিত মিলাইয়া দেখি, সকল শ্রুতিই এক।

সাঁওতাল বা সাঁস্তাল—

এ জাতির প্রকৃত নাম নয়, ইহাদের জাতীয় উপাধি ‘হড়’। হড় অর্থে দেহী-মানব—অর্থাৎ ‘আদি-মানব’। ইহারা সমেত-শেখরবাসী আদি-জাতি। সমেত ক্ষেত্রের বর্তমান নাম,—পরেশনাথ পাহাড় শ্রেণী। হড় অর্থে মানুষ। মানুষ জাতিকে ইহারা বলে—মানুষী। হড় জাতিরা, হিন্দুদিগকে বলে—দেকো। নিম্ন শ্রেণীর হিন্দু-দিগকে বলে—ডেংকে। মুসলমানকে বলে—তুডুক্। ইংরাজকে বলে—জেটে। ব্রাহ্মণকে বলে—বাব্‌ডে’।

হড়-ছাচ্‌তোর

বলিয়া ইহাদের শ্রুতি-শাস্ত্র আছে, শ্রুতির ভাষাকে ইহারা বলে,—‘পারসী’ ( হড়-পারসী ); যে-ভাষায় ইহারা পরস্পর কথা-বার্তা চালায়, ইহার নাম—হড়-রড় ( রড়-ভাষা ), মোটের উপর সাঁওতালী ভাষার নাম—‘হড়-রড়-ভাকা’।

প্রথম-শ্রুতিতে

উক্ত হইয়াছে, কি প্রকারে ভূমি ( ধার্তী ) প্রকটিত হইল। আদি নর-মিথুনের অভিব্যক্তির কথা, এই শ্রুতিতেই পাওয়া যায়। পৃথিবী-সৃষ্টির কথা ইহারা বলে না। ইহারা বলে—প্রথমে যে ভূ-খণ্ডে তাহাদের সর্কাদি পিতা-মাতা জন্মলাভ করিয়াছিলেন, যথায় তাহারা বাস করিত বা করে, সেই ভূভাগকেই ইহারা ‘ধার্তী’ ( ধরিত্রী ) বলিয়া থাকে।

প্রথম মূল-শ্রুতি ( হড়-শ্রুতি )

“সেদায় সানাম্‌ এখেন্‌ দাঃ গি তাঁহেকানা। সেরমা খন্‌ ‘মারাং-বুরু’ তোড়ে স্তাম্‌তে ঢিলউ আং,— আঁড়গো লেনায়। আর দাঃ চেতান্‌রে, সেনেগর্-মাচি বেল্‌ কাতে এ ছুপ্প্‌ এনায়। উনি আ বারেআ

মাইলাখন্‌, হাঁস-হাঁসিল্‌ চ্যাড়ে—কিন্‌ জানাম্‌ এনা মারাং-বুরুআ হকুম্‌তে, ওনা সেনেগর্-মাচি, পয়রাণি বাহা দারে এনা। ওনা পয়রাণি-বাহা-স্তাকাম্‌ চেতান্‌রে উন্‌কিন্‌ বারেয়া-চ্যাড়ে কিন্‌ বেল্‌ কেদা। উন্‌রে ধার্তী বেনাও লাগিৎ মারাং-বুরু, আডি আদি রাজ্‌কয়, মেতাং কো আ। তায়ান্‌ রাজ্‌ কাট্‌কোম রাজ্‌, ইচাঃ রাজ্‌, গোংহা রাজ্‌, এমান্‌ বাংকো দাড়ে আদা; মেন্‌খান্‌ হর্রাজ্‌ আর কেঁচুআ রাজ্‌, কিন্‌ দাড়ে আদা। কেঁচুআ রাজ্‌ পয়রাণি-বাহা ডার্‌ ভিৎরি ভিৎরিতে বল্‌অ কাতে হাসা এ বুরজ্‌ রাকাব্‌ কেদা। আর হর্রাজ্‌ দেয়া চেতান্‌রে ওন হাসাকয় আতাং কেদা। নোংকাতে ধার্তী বেনাও এনা। ওনা বারেআ বেল্‌ খন্‌—‘পিল্‌চু-হাডাম্‌’ আর—‘পিল্‌চু বুড়হি’ কিন্‌ জানাম্‌ এনা। মুকিন্‌গি সানাম্‌ হড়্‌রেন্‌ আগিল্‌ এংগা-আপা। চাবাএনা।

প্রথম শ্রুতির ( স্মৃতির ) ব্যাখ্যান—

সৃষ্টির প্রথমে—আদিতে ( সেদায় ) সমুদয় কেবল জলময় ছিল। স্বর্গ হইতে ( সেরমা খন্‌ ) শ্রেষ্ঠ-প্রভু— ( ধরম্‌-গুরু ) বা আদি-দেব, রেশমী সূতা অবলম্বিত সোনার সিংহাসনে বসিয়া নামিয়া আসেন, এবং জলের উপর সিংহাসন স্থাপন করেন। তাঁহার দেহের দুইটি ময়লা ( মলা ) হইতে, রাজহংস এবং রাজহংসী পক্ষী প্রকট লাভ করে। মারাং বুরু ( আদি-প্রভুর, অমুজ্জায়, স্বর্গ-সিংহাসন পদ্ম-ফুলের ঝাড়ে ( গাছে ) পরিবর্তিত হইয়াছিল। ঐ পদ্ম-পাতার উপরে পাখী—দুইটি ডিম পাড়ে। এই কালে, আধার—স্তান ( ধরিত্রী ) নির্মাণের জন্ত, অনেক অনেক ( আডি আডি ) রাজাকে বলিয়াছিলেন। কুমীর ( তায়ান্‌ -রাজা, কাকড়া-রাজা, শামুক-রাজা, চিংড়ী-রাজা ( ইচাঃ ইত্যাদি কেহ পারে মাই; কিন্তু কচ্ছপ-রাজা ( হর ) এবং কেঁচো ( কেঁচুয়া, সং—কিঞ্চলুক ) রাজা, এই দুইজনে পারিয়াছিল। কেঁচুয়া-রাজা পদ্মের নাল ( মৃণাল ) মধ্য দিয়া, মাটি ( হাসা ) তুলিয়াছিল, এবং কাছিম-রাজা তার দেহে—পিঠের উপরে ( দেয়া চেতান্‌রে ) মাটি



ধারণা করিয়াছিল। এইরূপে ভূ-ভাগ নির্মিত হয়।  
ঐ দু'টি ডিম হইতে,—পিলচু হাড়াম ও পিলচু বুড়ি  
জন্মলাভ করেন। ইহারাই সকল মানুষের (হড়রেন্)  
আদি (আগিল) পিতা-মাতা। সমাপ্ত।

হড়-ঋতিতে পাওয়া গেল, কি প্রকারে আদি-প্রভু  
ধরিত্রী সৃজন করিয়াছিলেন। এই কল্পনা কেবল  
সমেতালী পরিকল্পনা নয়,—সমগ্র বংগের বাংগালী  
জাতিরও ধারণা। মালদহে গম্ভীরা উৎসবে, 'শিব-গড়া'  
বন্দনাতে দেখা যায়—

(১)

“না ছিল জলস্থল দেবের মণ্ডল।  
কোনরূপে ছিল ধর্ম হয়ে শূণ্যকার ॥  
কাঁকড়াকে পাঠালেন মৃত্তিকার তরে।

\* \* \* \*

কুর্শের পৃষ্ঠে পৃথিবী করিল সৃজন ॥  
কহন ত গুরুগোঁসাই সরস্বতীর বরে।  
পৃথিবীর জন্ম-কথা কহি সভার ভিতরে ॥”

—আন্তর গম্ভীরা, ১৯ পৃঃ।

২য়-বন্দনা।

সৃষ্টি

বাংগালীর আদি সৃষ্টি-কল্পনা—

“জলময় সংসার চিস্তিত ভগবান।  
কি মতে ছিলে হে প্রভু হইয়া শূণ্যকার ॥

\* \* \*

সেই ডিম্ব হইল দুইখান ॥  
কি মতে পৃথিবী সৃজন করিল ভগবান।”  
—গম্ভীরা, ২৪ পৃঃ।

“মাটি মাটি মাটি সৃজন করিল কে।  
ব্রহ্মা বিষ্ণু মহেশ্বর তিনে মাটি সৃজন করিল যে ॥”  
—ঐ।

প্রাচীন বাংগালীর নিরঞ্জন—

“ধবল খাটে ধবল পাটে ধবল সিংহাসন।  
ধবল খাটে বসে আছেন ধর্ম-নিরঞ্জন ॥”  
—ঐ, ২৫ পৃঃ।

“জলেতে আসন গোঁসাই জলেতে বৈসন।

জল ভর করিঞা ভাসেন নিরঞ্জন ॥”

—ঐ, ৩৪ পৃঃ।

আদি-প্রভুর দেহ-মলা সম্বন্ধে, বাংগালীর শূণ্যপুরাণে  
দেখা যায়—

“তিলেক পরমাণ মলা\* নিল নারায়ণ।”

—শূঃ পৃঃ, ১০৭।

“ছিটির সাজন পরভু কৈল হেনমতে ॥”

—ঐ, ১০৮।

ধর্মের আসন পদ্মপুষ্পের সৃষ্টি—

“সম্মুখে রচিল গোঁসাই পদ্মফুল।

তাহাতে বসিঞা গোঁসাই জপে আশু মূল ॥”

—গম্ভীরা, ৩৬ পৃঃ।

“আপনে ধর্ম গোঁসাই কুম্ব রূপ হৈল।

কুর্শের উপরে প্রিথিবী রাখিল ॥”

—গম্ভীরা, ৩৭ পৃঃ।

শূণ্য-পুরাণে—

“পদ্মহস্ত দিআ পরভু বোলে থির থির।

পদ্মহস্তে জনমিল জে কুর্শের সরীর ॥”

—৭২।

হড়-ঋতিতে পাওয়া গিয়াছে, ধর্ম-গুরুর (মারাং বুরু)  
দেহ হইতে মলা দ্বারা হংস-হংসীর জন্ম হয় এবং  
আদি-প্রভু, তাহাদের অবস্থান জগাই যেন, সূত্র সমেত  
সিংহাসনটি—একঝাড় পদ্মগাছে পরিবস্তিত করেন।  
এই ব্যাপারটি,—বাংলার গম্ভীরা পূজা-উৎসবেও গীত  
হইয়া থাকে।—“আমি জাকে জন্ম দিব তাকে দিই  
ঠাই ॥”—গম্ভীরা, ৩৮ পৃঃ। এ পর্যন্ত যাহা কিছু লিখিত  
হইল,—এ সকল ব্যাপার প্রাচীন বাংলার। হড়-  
ঋতিতে—আদি-প্রভু হংস-হংসী সৃষ্টি করিয়া, তাহাদের  
আশ্রয়ের জগু ধরিত্রী নির্মাণ করিয়াছিলেন।

\*মহাপ্রভু—“আপনি সিরজিল পরভু আপনার কায়া,”—  
“তৎপরে গায়ের মলা হইতে বহুমতীর রূপ বিকাশ হইল। এই  
প্রকার উপাখ্যান—মাণিক দত্তের চণ্ডী, বিবহরীর গান, ও গম্ভীরার  
বন্দনা মধ্যে দৃষ্ট হয়।”—আন্তর গম্ভীরা, ২৫৬ পৃঃ।



# আকাশে ও ধরায়

শ্রীপ্যারীমোহন সেনগুপ্ত

চিত্ত ধায়, নিত্য ছুটে যায় আকাশের মৌন নীলিমায়,  
দূর দূরান্তের ঐ স্বপ্নভরা দিক্‌চক্র পানে,  
সারি সারি তরুশ্রেণী যেথা মিশে যায়  
নীলে আর ধূসর কালোয়,  
সেইখানে এ হৃদয় করে আনাগোনা।  
সাঁঝের আঁধারে যবে বিশাল প্রান্তর  
ধোঁয়ার চাদর গায়ে ঢেকে  
ঘুমাবার করে আয়োজন,  
সুদূর পল্লীর বৃকে জলে ক্ষীণ আলো  
তরুশাখা-ছায়া ভেদি', ভেদি' ধূসরতা—  
প্রান্তর-বধূর ভালে যেন এক চন্দন-তিলক—  
সে আঁধারে, সেই দীপ্ত তিলকের মোহে  
টুলে টুলে নেচে ধায় এ চিত্ত আমার।  
মধ্যাহ্নের রৌদ্রদীপ্ত রজত-শোভায়  
চিত্ত ধায় অনিবার।  
বরষার আকাশের ছিদ্রহীন জমাট সে মেঘ-আবরণ,  
তাও ভেদি' বারংবার চিত্ত চাহে হেরিবারে  
এই বিশ্বজীবনের কল্লোলিত উৎস সে উদ্দাম।  
পশ্চিম আকাশে পুন' সূর্যাস্তের স্বর্ণ-পারাবারে  
স্নান করে চিত্ত বারংবার।  
পাখী হ'য়ে মাখি' লয় প্রভাত-সূর্যের ফাগ ডানায় ডানায়।  
এমনি যে নিশিদিন অবিরাম গমন আমার  
অসীমের অন্তর আলোড়ি'।  
তবু তবু তৃপ্তি নাই,  
মন প্রাণ তবু বুদ্ধি  
জানি না কি গুপ্ত পিপাসায়।  
মর্ত্যে পুন' ফিরে আসি।  
বিছাইয়া দিই এ হিয়ারে  
সুশ্রামল সুকোমল তৃণ-শয্যা'পরে।  
সুঘন-সবুজ পাতা-ভরা তরুদের শাখায় শাখায়

চিত্ত ওঠে জড়ায় জড়ায়।  
শৈবালে ও হেলা শাখে আহত যে ক্ষীণা ক্ষুদ্রা  
তটিনীর জল,  
তারি স্বচ্ছ মস্তুর ধারায় প্রাণ মোর ধায়  
অতি ধীর এঁকে বঁেকে শিশুর সমান।  
ক্ষুদ্র-পল্লী-জননীর আঙিনায় আঙিনায় ঘোরে এই হিয়া;  
ফেরে যেথা নত নেত্রে চুমা দেন জননী শিশুরে;  
ফেরে যেথা লাজনম্রা মরাল-গমনা,  
কপালে সিন্দূর-বিন্দু  
রক্তবাসে গোর কৃশ তনুটির ঢেকে  
আধেক গুণ্ঠনে আর লাল পাড়ে মুখপদ্ম ঘিরে,  
বাঙ্গালীর অতি স্নিগ্ধা বধু  
প্রিয় সাথে স্বল্প ভাষে করে আলাপন।  
চিত্ত ফেরে শিশু যেথা করিছে নর্তন  
আপনার অহেতুক প্রাণের উল্লাসে,  
অবোধ্য ভাষায় তার প্রকাশি' উল্লাস।  
চিত্ত ফেরে বন্ধু যেথা রোগশয্যা-শায়িত বন্ধুরে  
নিদ্রাহীন যত্নে শ্রমে সেবিছে কঠোর।  
চিত্ত ফেরে অবাধ্য শিশুটি যেথা পিতার শাসনে  
ভীত-ত্রস্ত ছুটে এসে লুকাইছে জননীর অঞ্চলের কোণে।  
হে ধরণী, এই মোর স্থান—  
এই মোর প্রিয় প্রিয়তর প্রিয়তম সুন্দর আবাস।  
হে মাটি, হে দুঃখ-সুখে নিত্য দোলায়িতা  
ক্রন্দনে মুখর কভু, আনন্দেতে কভু উচ্ছলিতা,  
তুমি মোর তুমি মোর পরম আশ্রয়  
চিরদিনকার আর চিরকীমনার।  
শূন্তে শূন্তে প্রান্তরের ওদাস্তে, আকাশে  
ঘোরে বটে চিত্ত-পাখী,  
তবু তার আরামের নীড় আর পরম শরণ  
এই মাটি, এই ধরা, এই তৃণ-খুলি-ভরা দেশ।



হে জননী পৃথিবী মৃগয়ী,  
আমারে ভুল না তুমি।  
আমি নাহি ভুলিব তোমায়।  
জীবনে তোমার বক্ষে করি বিচরণ,  
মরণে তোমারি গর্ভে অনন্ত শয়ন  
দিও দিও যুগ যুগ কোটী যুগ ধরি'।  
অসীমের সন্তান মানুষ—  
জানি তাহা।  
কিন্তু তব সীমার আগার,  
মধুর মধুর অতি বেদনে হরষে।  
তুখ মাঝে বৃষ্টি হেথা স্নেহের স্বরূপ,  
শোকে লভি চিত্ত-বল,  
প্রেমে পাই স্বর্গের অমৃত-আনন্দ।

হৃৎখময়ী, সুখাময়ী, হে ধরা জননী,  
তোমারে ছাড়িতে নাহি চাই  
\* \* \*  
শূন্যে নয়, শূন্যে নয়,  
আকাশের নীলিমায় নহে—  
আমার আবাস নহে নীল নভস্তল।  
আমার আবাস এই মাটির ধরণী।  
রে কবি, রে ক্ষিপ্ত-চিত্ত,  
রে উদ্দাম আকাশ-বিলাসী,  
ফিরে আয়, ফিরে আয়, মাটির ভবনে।  
মাটিই জননী তোর,  
মাটি তোর সত্য দেশ, পরম আশ্রয়।

### আলোকচিত্র-প্রতিযোগিতা নিয়মাবলী

- ১। প্রাকৃতিক দৃশ্য বাদে অন্য যে-কোন প্রকার ভাল ছবি যথা— আকৃতি (Portrait, subject study), খেলা, কোন বিশিষ্ট ঘটনা, গুল কারুকার্য বা ভাস্কর্য-শিল্প প্রভৃতি সকল প্রকার চিত্রই প্রতিযোগিতার জন্য দেওয়া চলিবে।
- ২। ছবি কোয়ার্টার প্লেটের ছোট বা ফুল প্লেটের বড় হইলে চলিবে না।
- ৩। বিচারের সময় ছবি তুলিবার কৌশল, প্রিন্টের উৎকর্ষ এবং সাধারণ সৌন্দর্যের দিকে দৃষ্টি রাখা হইবে।
- ৪। 'মাউন্ট' করিয়া অথবা মোটা বোর্ডের উপরে ভরিয়া ছবি পাঠাইতে হইবে।
- ৫। এই প্রতিযোগিতায় পুরস্কৃত ভাল ছবি গণপিতার সম্পূর্ণ অধিকার "উদয়ন"-সম্পাদকের থাকিবে।
- ৬। সঙ্গে যথোচিত ডাকটিকিট পাঠাইলে সম্মাননীয় ছবি ফেরত দেওয়া হইবে।

- ৭। ডাকে ছবি পাঠাইবার সময় ভাল করিয়া মোটা বোর্ড দিয়া প্যাক করিয়া পাঠাইবেন। কভারের উপরে "আলোক-চিত্র প্রতিযোগিতা" লিখিয়া দিবেন।
  - ৮। প্রেরিত চিত্রের সঙ্গে প্রতিযোগিতার কুপন পাঠাইতে ভুলিবেন না। কুপনের উপরে নিজের নাম ও ঠিকানা স্পষ্ট করিয়া লিখিবেন।
  - ৯। প্রেরিত ফোটা অন্তত পুরস্কার পাইয়া থাকিলে সে-কথার উল্লেখ করা আবশ্যিক।
  - ১০। পুরস্কার বিষয়ে সম্পাদকের বিচারই চূড়ান্ত বলিয়া মানিতে হইবে।
  - ১১। আগামী ১৫ই জ্যৈষ্ঠের মধ্যে ছবি উদয়ন-কার্যালয়ে পৌঁছান দরকার।
- |             |     |          |
|-------------|-----|----------|
| ১ম পুরস্কার | ... | ৩০০ টাকা |
| ২য়         | "   | ২০০ "    |
| ৩য়         | "   | ১৫০ "    |
- ইহা ভিন্ন আরও ৫ খানি ভাল ছবির জন্য Consolation পুরস্কার দেওয়া হইবে।



## পদব্রজে ভারতবর্ষ

শ্রীহুগাপদ ভট্টাচার্য্য

প্রথম মাস

মামুষের পায়ে-চলা এই যে অনন্ত পথ, এর ওপর দিয়েই কত পথিক অনন্তকাল ধরে তাঁদের পদচিহ্ন রেখে গেছেন। এই সব পদচিহ্ন অনুসরণ করে ভাটপাড়া “টুরিষ্ট-ক্লাব” থেকে বছর দু’য়েক আগে কনকনে এক শীতের ভোরে দু’টা মাত্র দরদীর সজল চোখ, মলিন মুখ ও উদ্বেগ-মৌন বিদায়-বাণী ভারাক্রান্ত হৃদয়ে বহন করে যে-দিন অনিশ্চিত যাত্রার যাত্রী হয়েছিলুম—সে-দিন এ আশা অল্পই ছিল যে, সঙ্কলিত পর্যটন শেষ করে শরীরে আবার জন্ম-পল্লীটিতে ফিরতে পারব, বা জনাকীর্ণ অভ্যর্থনা-সভার উৎসাহ-গর্ভ আশীর্ষচনে স্নাত হ’য়ে সেই ভ্রমণের দিন-লিপি সাধারণ্যে উপহার দেবার সুযোগ পাব।

“টুরিষ্ট-ক্লাব” নামে কোনো বনেদী ভবনবুরের আড্ডা না থাকলেও স্থানীয় জমীদার শ্রীযুক্ত অজ্ঞপ্রকাশ হালদার মহাশয়কে কেন্দ্র করে জনকতক ভ্রমণ-রস-পিপাসুতে মিলে আমরা একটা দলের সৃষ্টি করেছিলুম; আর, সে-দল থেকে সভ্যগণের পথ-যাত্রা এই প্রথম নয়। আরও কয়েকবার বর্ধমান, কাশী, সিংহল হ’তে কুমারিকা ও পঞ্জাবের জলন্ধর ঘুরে আসা এই দলের মধ্যে সম্ভব হয়েছিল—তবে সে যাতায়াত ছিল দ্বি-চক্রযান-যোগে, সদলবলে এবং পকেটে পাথের রেখে। এবারকার প্রস্তাবের নূতনত্ব ছিল এই যে, যান-বাহনের শরণাপন্ন না হ’য়ে, সকল মাটি মাড়িয়ে চলার স্বাদ গ্রহণের সঙ্গে-সঙ্গে পথের খোরাক পথেই সংগ্রহ করে চলতে হবে। তবে ক্লাবের সেক্রেটারী “হুঁচাকায় হুঁহাজার মাইলে”র অন্ততম পথিক শ্রীযুক্ত হরনাথ ভট্টাচার্য্য একটা “রিজার্ভ ফাণ্ড” “প্রিজার্ভ” করার চেষ্টায় থাকবেন।

এবারও কথা ছিল তিনজনে একসঙ্গে বেরবার এবং আয়োজনও হয়েছিল তত্পরযোগী; কিন্তু যাত্রা পূর্বে অপর সঙ্গীদ্বয়ের সামনে “বাড়ীর অমত” বাধা হ’লে দাঁড়াল। এ ঘটনায় মন মুষ্ড়ে পড়লেও নিজে পেছনে পারলুম না,—কারণ, ম্যাজিষ্ট্রেট প্রভৃতির কাছে দলে অগ্রণী হ’য়ে দরবার করে যথাযোগ্য অনুমতি-পত্রাঙ্গী সংগ্রহের পর মত বদলাবার সঙ্কোচ অতিক্রম কর আমার পক্ষে সহজ হ’ল না।



শ্রীহুগাপদ ভট্টাচার্য্য

“ভারত-ভ্রমণ” প্রস্তাবের প্রাথমিক সাহায্য-করে গ্রামের জনকয়েকের স্বাক্ষর-সংবলিত এক নিবেদন-পত্র প্রচারিত হয়; ফলে ৪২টা টাকা চাঁদা সংগৃহীত হয়েছিল। ঐ পুঁজিতেই তিন জনের উপযোগী পোষাক ও আবহুযজিক উপকরণ আহৃত হয়, কিন্তু কাছে লাগে শুধু নিজেরগুলিই। তারাপদ ও গিরিশ



তাদের সঙ্কল্প বজায় রাখতে পারছিল না, তা মাগেই বলেছি।

১৯৩০ সালের ৩রা ডিসেম্বর। শেষরাত্রি।  
চাটপাড়া চট্টকলের প্রথম বাঁশী নিদ্রাকাতর শ্রমিকদের  
উদ্দেশ্যে জানাচ্ছে—

“উঠে পড় সব, জাগা কলরব  
আয় গুটি গুটি কাজে;  
আর ঘুম নয়, হয়েছে সময়—  
হাজিরার বাঁশী বাজে।”

কলের বাঁশীর নিমন্ত্রণ এতকাল আমাকেও নিয়ন্ত্রিত  
করে এসেছে—আজ কিন্তু কানে বাজছিল কবি-বাঁশীর  
মামন্ত্রণ-বাণী —

“হের—উষার আলোকে জাগে শুকভারা  
উদয়-অচল-পথে,

কনক-কিরীট তরুণ তপন উঠিছে অরুণ-রথে ;—”

শুধু কবির বিধিই নয়, “খনা”র বিধানও নাকি  
সময়ে যাত্রা করার কথা আছে। কেননা,  
মঙ্গলের উষাও সেই সূলগ্নে “বুধে” চরণ-স্থাপনার  
পক্রম ক’রেছিলেন! তখন খেয়াল করিনি, কিন্তু  
পরে পণ্ডিতদের মুখে শুনেছি—উত্তরকালে বাঘের  
পাটে যেতে যেতেও যে যাইনি, বা অরণ্য-পথে  
যা হস্তীর গুঁড় থেকেও যে পরিভ্রাণ পেয়েছি, তা’ শুধু  
জ্ঞাতসারেও “খনা”কে মাণ্ড করার জ্ঞে। “অজ্ঞাত-  
তারে” বলছি এই কারণে যে, প্রথমে যাত্রার দিন স্থির  
য়েছিল ৩০শে নভেম্বর; কিন্তু এক নূতন “লাইট-পোষ্টের”  
মালোহীন থামের “কাটা-তারে” পায়ের আঙ্গুল বিষম  
খম হওয়ায় দিনটিকে কিছু পেছিয়েই দিতে হয়।  
এাদিনেও যে সে-ক্ষত নিরাময় হয়েছিল তা নয়;  
বু কোন এক পরম গুভার্থীর “নিষেধ”ই যে সেদিন  
রণে আঘাত হ’য়ে বেজে, আজ “খনা”র বিধিতে মুক্তি  
য়ে গেল, এমন একটা ধারণা করাও অসম্ভব নয়।

একটু পরেই নিঃশব্দে ঘরে এসে দাঁড়াল ছুঁচী  
লোক—দেবপ্রসাদ হালদার ও সীতারাম পাণ্ডে—পূর্ব  
ক্ষার ব্যবস্থাসূচ্যরী আমাকে বিদায় দিতে। এদেরই

হাতে ঘরের চাবিটা ‘মেজ-দা’কে দেবার ভার চাপিয়ে  
রাজপথে এসে যখন দাঁড়ালুম, তখন কলের অভিমুখে  
লোক-চলাচল অল্পে অল্পে শুরু হচ্ছে।

১১৫ পাউণ্ড ওজনের দেহের ওপর ৩০ পাউণ্ড  
ওজনের বোঝা চাপিয়ে রওনা হ’লুম কলকাতার  
দিকে। অঙ্গের মধ্যে রইল, লাইসেন্স-করা ছোরা ও  
বর্শা; আর বোঝার আধার “হোল্ড-অলের” মধ্যে  
হাফ-প্যান্ট, হাফ-সার্ট, টর্জ-লাইট, ছুরি, কঞ্চল, চাদর,  
জামা-কাপড়, ছোট ব্যাগ-বন্দী রোড-ম্যাপ, সার্টিফিকেট-  
গুলো, চাঁদার খাতা, খারমোফ্রাস্ক, প্রসাধনের  
দ্রব্যাদি এবং প্রাথমিক চিকিৎসার কিছু কিছু উপকরণ।

কলকাতা পর্য্যন্ত চেনা-পথ, যাতায়াত অনেক বারই  
হয়েছে—তবু আঙ্গুল-কাটা খালি-পায়ে অনভ্যাসের বোঝা  
ঘাড় ক’রে চলতে চলতে ক্রমেই অবসন্নতা অমুভূত  
হ’তে লাগল। নিরিবিলি দেখে খড়দহে কিছু খেয়ে  
নেওয়া গেল, এবং আগড়পাড়ায় সাগর দত্তের বাগানে  
আধ-ঘণ্টাটুকু বিশ্রাম করারও দরকার হ’ল।

বিশ্রামের ফলে পা বঙ্গ বেঁকে—তবু সমস্ত শক্তি  
দিয়ে তাদের খাড়া ক’রে লজ্জার খাতিরে আবার  
বোঝাটাকে ঘাড় তুললুম এবং পুরো দমে চলতে আরম্ভ  
করলুম।

বেলা একটায় টাঙ্গার পুল পার হ’য়ে বাগবাজারের  
ডাক্তার শ্রীযুক্ত কৃষ্ণগোপাল ভট্টাচার্য্য মহাশয়ের বাড়ীতে  
যখন উপস্থিত হ’লুম, তখন তাঁর স্নান হ’য়ে গিয়েছে।  
বাইরের ঘরে বোঝা নামিয়ে হাফ ছেড়ে বসলুম।

ডাক্তার-বাবু আমাদের গ্রামের লোক, আত্মীয়,  
সর্বজনপ্রিয়,—তবু ক্ষুধা-তৃষ্ণার প্রাবল্য সত্ত্বেও এই  
অসময়ে মনের অভিপ্রায় প্রকাশ করতে দারুণ লজ্জা  
বোধ হ’তে লাগল। আরও মনে হ’তে লাগল—প্রথম  
দিনেই যখন এত কষ্ট হচ্ছে, তখন ভারত-পরিভ্রমণ  
আমার দ্বারা অসম্ভব।

ডাক্তার-বাবুর ছেলে মুরারির সঙ্গে কথোপকথনের  
ছলে ক্ষণকাল শ্রান্তি দূর করার পর, এক অবকাশে,  
তার অজ্ঞাতে পাড়ি দিলুম—অতিকষ্টে—হরিতকী



বাগান। এখানে আমার ভগিনীপতি শ্রীযুক্ত নারায়ণ-চন্দ্র ভট্টাচার্য্যের বাসায় এসে স্নান ও জলযোগ হ'ল; ভগিনী তখন কাশীতে রোগশয্যায়। মাও ছিলেন তাঁর কাছে। সন্ধ্যায় ভগিনীপতি ও তাঁর দাদারা এলেন। ব'ল্‌লুম, হেঁটে এসে একটু ক্লান্ত; বিশেষ কোন কথা তখন ভাঙ্গ'লুম না। যা' কিছু কথা হ'ল পরে শুধু ভগিনীপতির সঙ্গে। রাত্রে আহাৰ সেৱে একটী ঘুম; বাস, পৰদিন বেলা ৮টা! ভাটপাড়া থেকে কলকাতা এই ২৩ মাইলই প্রথম দিনের মুখবন্ধ।

ভগিনীপতি ডাক্তার-মানুষ—কাজেই শরীরের ব্যথা যাবার ওষুধ দিলেন হোমিওপ্যাথি। কতকটা উপকার হ'ল; কিন্তু পায়ের তলার যা অবস্থা, তাতে খালি পায়ে মাটি মাড়ান দায় হ'য়ে উঠ'ল।

বিকালে গেলুম ঠনঠনে। এক জোড়া খড়পা কিনে, পাশের এক মুচীকে দিয়ে বেশ ক'রে পেরেক লাগিয়ে নিলুম। পায়ে দিয়ে চলতে একটু আরামই হ'ল।

আজ শুক্রবার ৫ই ডিসেম্বর। সকলেই কাজে গেল বেলা ১০টার মধ্যে; আমিও আহাৰাদি সেৱে স্নযোগের প্রতীক্ষায় রইলুম। যখন দেখা গেল বাধা দিতে আর কেউ নেই, তখন বোঝা কমানার কাজে মন দিলুম। পরলুম কাপড়, জামা; বোঝার মধ্যে রইল—কম্বল, চাদর, ছুরি, টর্ক-লাইট, পটু, গরমের মোজা, গাম্‌ছা, নোট-বই, ছোট ব্যাগ, টুপি ও ধারমোজাস্ক। বোঝাও হ'ল অনেক হাল্কা। বক্সী অস্থাবরগুলো বাসায় রেখে ও একখানা চিঠিতে ওগুলো বাড়ীতে পাঠাবার অনুরোধ জানিয়ে বোঝাটা কাঁধে ঝুলিয়ে বেরিয়ে পড়া গেল মেটেবুরুজের দিকে। পথে একজন জিজ্ঞাসা করলেন, “হকির ম্যাচ্‌ বুঝি?”

কলকাতার জনাকীর্ণ পথে কেমন একটা লজ্জা বোধ হ'তে লাগ'ল—যেন কত অপরাধী; কোন প্রকারে শহর পার হ'তে পারলে বাঁচি! এই ভাবে, চৌরঙ্গী থেকে ভবানীপুর হ'য়ে মেটেবুরুজের পথ ধরলুম। নবাবের বাড়ীর ধার দিয়ে, কিং-জর্জের ডকের পাশ

দিয়ে গঙ্গাতীরে পৌছে প্রাণটা যেন হাঁফ ছেড়ে বাঁচ'ল। এক আনা ভাড়ায় নৌকায় উঠ'লুম রাজগঞ্জের বাট লক্ষ্য ক'রে। যাত্রীও ছিল অনেক। তীরে পৌছে বি-এন রেলের পথ ধরলুম। পাড়ার ভিতর দিয়ে যেতে দেখা হ'ল একজন পরিচিত ভদ্রলোকের সঙ্গে, তাঁর বাড়ীর দরজায়; নাম শ্রীযুক্ত যতীন্দ্রনাথ বসু, কাছ করতেন ভাটপাড়ার চটকলে। তাঁর বাড়ীতে বৈকালিক চা পান করা গেল; আর জানা গেল যে, বালেশ্বরের সাব-ডিভিসন্যাল ম্যাজিস্ট্রেট শ্রীযুক্ত জ্ঞানচন্দ্র ব্রহ্ম মহাশয় তাঁর ভগিনীপতি। উলুবেড়ের পথ জেনে নিয়ে এখান থেকে বিদায় নিলুম, এবং সাঁকরেলের ষ্টেশনের কাছে রেল-লাইন পেরিয়ে লাইনের পাশে-পাশেই মেটে পথ পাওয়া গেল। ক্ষিদে পেয়েছিল খুব, পথে ভাস্‌বার ভাবনায় ভাল খাওয়া হয়নি; শরীরটাও অবসন্ন, তাই আবার খড়পার ফোঁকা। এক “চা ও খাবারের দোকানে” দুটো রসগোল্লা ও চা খেয়ে পথ চলতে চলতে কতকটা আরাম বোধ হ'তে লাগ'ল। রাত্রি আটটায় প্রায় ১৮ মাইল পথ চলার পরে এগুম বাউড়িয়া ষ্টেশনে। অজানা পথ, তাই বিদেশ; অন্ধকার মেঠো রাস্তায় দুর্বল বাঙ্গালী একলা; মনটায় কেমন যেন একটু ভয় হ'তে লাগ'ল। ষ্টেশনে আস্তেই সে ভাবটা কেটেছিল বটে, কিন্তু শরীর প্রথম দিনের অবস্থায় দাঁড়াল। সারা দেহ পাকা কোঁড়ার মত; পায়ের তলা হ'তে মাথার চুলে পর্য্যন্ত ব্যথা। কাছেই ছিল দোকান; খেলুম কিছু কিনে; পয়সা বাকী রইল মাত্র দশটী।

ষ্টেশনে এসে কোথায় শোব তাই ভাবছি। একে শীত, তাই ষ্টেশনে কত রঙ-বেরঙের লোক; ভয়, পাছে হারায় পথের সম্বল—সরকারী কাগজগুলো। বিনা সরকারী অনুমোদনে এই ভাবে পথ চলা যে কত বিপজ্জনক, তা বোধ হয় ভারতবাসী সকলেরই বিশেষ ভাবে জানা আছে। ষ্টেশন-মাষ্টারকে আবেদন করায় তিনি তৃতীয় শ্রেণীর খোলা বারান্দা দেখালেন। ছুঃখ হ'ল মনে; প্রথম দিনেই এই, না



জানি আরও কত লাঞ্ছনা ভাগ্যে আছে। ভাববার সময় কম, শরীর ভেঙ্গে পড়ছে, কাজেই কখন ও চাদর বের ক'রে, খড়পাটাকে বোঝায় রেখে মাথায় দিয়ে একটা বেঞ্চে কাৎ হ'লুম। মাঝ রাত্রে একজন এসে ডেকে বললেন, “ওঠো।” ভারী রাগ হ'ল; বললুম, “কারণ?”—উত্তর হ'ল, “আমি এখানে রোজ শুই।” দেখলুম রেলের বাবু, রাতের কাজ শেষ ক'রে এইখানেই থাকেন; রাগ হ'লেও তা দমন ক'রে বেঞ্চ ছেড়ে দিয়ে শু'লুম মাটিতে মেঝের ওপর। ভাবলুম, আমি তো কষ্ট করতেই বেরিয়েছি, তখন আর কেন এই একশো-আট-গাধা-মরা কেরানীর অদৃষ্টে বাদ সাধি!

রাতের ঘুম ফাঁকা জায়গায় যেমন হয়, তেমনি হ'ল। পরদিন শনিবার ফর্সা হ'তেই উঠে, মুখ ধুয়ে, বোঝা-বাঁধা শেষ ক'রে যাত্রার যোগাড় করলুম। শরীরটা দুর্বল মনে হ'তে লাগল। পাশেই চায়ের দোকান, কিন্তু খরিদার কম; শীতের ভোর, কাজেই তখনও দোকান খোলেনি। একটু অপেক্ষা করলুম, চা না খেয়ে আর পথ চলতে যেন মন সরছিল না। ডেকে দোকানদারকে তুলে পানতুয়া ও চায়ের ব্যবস্থা করা গেল।

বেলা প্রায় চটায় মেঠো পথ ধ'রে উলুবেড়ের দিকে রওনা হ'লুম আশাবরীর সুরের সাথে। ছ'মাইল যেতে হবে; শীতের শিশিরে ভেজা অল্প অল্প বাসের ওপর দিয়ে খড়পা-পায়ে চলা দায় হ'য়েই পড়তে লাগল; সুরের ও চলার তাল কেটে যেতে লাগল। আন্দাজ ৯০টায় উলুবেড়ের পাকা রাস্তায় প'ড়ে বাজারের একজন ডাক্তারকে জিজ্ঞাসা করতে তিনি কালীবাড়ীর নাম করলেন ও জানালেন যে, থাকবার ও খাবার ব্যবস্থা হবে, যদি শ্রীযুক্ত শরৎচন্দ্র ধাড়া মহাশয়ের কাছে যাই। এ নাম পূর্ন-পরিচিত, কেননা স্বনামধন্য কন্ট্রাক্টর (contractor) জে, সি, বানার্জীর অধীনে চাকরী নিয়ে ছ'মাস এই উলুবেড়তে এক সময়ে থাকতে হয়েছিল। সে

পরিচয় গোপন ক'রে উপস্থিত পরিচয়েই আশ্রয়-প্রার্থী হ'লুম। একবেলা খাবার ব্যবস্থা হওয়ায়, কালীবাড়ীর একটা ঘরে জিনিসপত্র রেখে এবং গঙ্গান্নান সেরে, বাকী দুটি পয়সায় চা পান ক'রে সম্বল শেষ করলুম।

মধ্যাহ্নে আহারের পর একটু বিশ্রাম-বাসনা কখন ভেতর থেকে মনটা অধিকার ক'রেছিল ঠিক বোঝা না গেলেও,—পথ চলতে পা পিছলে প'ড়ে যাবার ভয়ে, যখন চেতনা হ'ল, তখন চিন্তা হ'ল পয়সার। কার কাছে যাই? কি বলি? মাত্র এই-টুকু পথ এসে, কেমন ক'রেই বা সাহায্য চাই? পারব কি না জানি না, তবে কি ক'রে বলি যে, হেঁটে ভারত ঘুরতে বেরিয়েছি? নানা চিন্তায় মনের দৌর্যল্য ফুটে উঠতে লাগল। অবশেষে ব্যাগ-বন্দী কাগজ সমেত, চক্ষুলাজ্জার মাথা খেয়ে দু'এক জনের কাছে গিয়ে প্রস্তাব করলুম। এভাবে চাওয়া যে কী ভীষণ ও মর্মান্তিক—তা ভুক্তভোগী ছাড়া অপরে আর কি বুঝবে!

কিন্তু যে-কাজটী হ'বার, দেখা গেল তার উপায় ঠিক আপনা হ'তে কলের মতই হ'য়ে যায়। আমারও জুটে গেল এক দরদী; নেশা আছে ঘুরে বেড়াবার; পুরী পর্য্যন্ত সাইকেলেও গেছেন; নাম শ্রীযুক্ত নীলরতন চ্যাটার্জী, শরৎ-বাবুর অধীনস্থ চাকুরে। ভ্রমণ-পথে প্রথম বাইরের সাহায্য পাই এঁর কাছে, একটা টাকা; নদীগুলি পার হ'বার ও সামান্য চা-পানের মত খরচা। পথে যিনি যা দিয়েছেন তার হিসাব ও দাতার নাম, স্থান, তারিখ টাঁদার খাতায় যথাস্থানে লিপিবদ্ধ রয়ে গিয়েছে ভারতবর্ষ যে বিনা-পয়সায় ঘোরা যায় তার সাক্ষ্য দিয়ে।

সন্ধ্যায় নীলরতন-বাবুর দৌলতে আর এক অজানা অপরিচিতের সাক্ষাৎ মিলল, ইনি উলুবেড়ে থানার সাব-ইন্সপেক্টর এবং ২৪ পরগণার গোয়েন্দা বিভাগের শ্রীযুক্ত শশিভূষণ ভট্টাচার্য্য



মহাশয়ের পুত্র। রাতের খাওয়া তাঁদের হোটেলেরই একসঙ্গে শেষ ক'রে, নিঃসঙ্গ যাত্রার কথা উঠতে তিনি বললেন, “কেন একটা আত্মরক্ষার ব্যবস্থা করেননি, যখন সবই পরিচিত রয়েছেন? যদি বেরুলেন-ই, তবে ভাল ব্যবস্থা ক'রে বেরুনই উচিত ছিল।” কিন্তু তিনি জানতেন না যে, সে-চেষ্টা লালবাজার পুলিশ অফিসে আমার বন্ধু কবিরাজ হরকুমার গুপ্তের মাতুলের কাছে গিয়ে, দেখা ক'রে, সরকারী অনুমোদিত পত্রাদি দেখিয়েও সময়ের অভাববশতঃ কৃতকার্য হওয়া আমার পক্ষে সম্ভব হয়নি। তা'ছাড়া সঙ্কল্প-সিদ্ধি সম্বন্ধেও মনের দৌর্বল্য থাকায় চেষ্টায় জোর পৌঁছায়নি। আর ঐ একই কারণে, কতকটা অগ্রসর না হওয়া পর্য্যন্ত কাগজেও খবর দিতে মানা করেছিলুম। মনে হয়েছিল যে, ঢাক বাজিয়ে ফেরার চেয়ে মৃত্যু ভাল।

বিদায় নিয়ে গঙ্গাতীরে কালীবাড়ীর সেই ঘরের মধ্যেই কঞ্চলখানা বিছিয়ে রাত কাটালুম।

৭ই তারিখের সকাল-বেলায় মুখ-হাত ধুয়ে খালের পুল পার হ'য়ে এসে ধরলুম উড়িষ্যা ট্রান্স রোড। মেটেবুরুজ দিয়ে না এসে বজ্রবজ্র দিয়ে আসাই ছিল সুবিধাজনক; কিন্তু পথের শেষ যেখানে স্মূর—সেখানে এরকমের একটু-আধটু ভুলে কিছু যায়-আসে না। উলুবেড়ে থেকে পথটা কতকটা খালের ধার দিয়ে গেছে; দেখলে মনে হয়—অনেক দিন সংস্কার হয়নি। এই পথে ৮ মাইল এসে দামোদর নদ খেয়ায় পার হ'লুম। পারে এসে স্থির করা গেল, একদিন পথ চলব, আর একদিন বিশ্রাম। সারা ভারত ঘোরা এত' আর যা-তা নয়; শরীর ঠিক রেখে চলতে হবে; আর থাকতে হবে এমন জায়গায় যেখানে বিপদ না' হতে পারে, খাই আর না খাই। তারপর অদৃষ্ট। যখন বেরিয়েছি, তখন হয় সফলতা, না হয় মরণ; মাঝামাঝি কিছু চাই না। হিসাব ক'রে দেখা গেল ৩০ মাইল পথ চ'লে তবে ভাল জায়গা “পাচকুড়া”য় উপস্থিত হ'তে পারব। সেখানে থাকবার

ঠিকানা পেয়েছিলুম আমার বন্ধু ঠাকুরদাসের কাছে; তার বাবা এ তল্লাটে বহুদিন ছিলেন। নীলরতন-বাবুর দেওয়া ঠিকানা ছিল ১২ মাইল পথের পারে “দেউলটী” গ্রামের জমীদার শ্রীযুক্ত মোহিনীমোহন ঘোষাল মহাশয়ের বাড়ীর। সোজা পথ থেকে সে প্রায় মাইলখানেক দূরে। দেউলটী আসতে পথ ভুলে আর একটা গ্রামের মধ্যে গিয়ে পড়ি—পরে আবার বড় রাস্তায় এসে মোহিনী-বাবুর বাড়ী যাই। পথটা মাঝে মাঝে নির্জন। মাথায় টুপি থাকায় গ্রাম্য বে-সরকারী পাহারাদার কুকুরগুলার অযাচিত পাহারা গ্রামবাসীদের সতর্ক করার চেয়ে আমাকেই বেশী শঙ্কিত ক'রে তুলছিল; কারণ, তাদের গুকনো দেহের সারবস্তু দাঁতগুলোকে নিতান্ত অবহেলার যোগ্য মনে করা চলেনি।

গাঁয়ের লোকদের জিজ্ঞাসা ক'রে ক'রে প্রায় খাবার সময় হাজির হ'লুম মোহিনী-বাবুর গৃহে, গ্রামের পায়ে-চলা পথের দাগ ধ'রে। নিজের দুঃখের কাহিনীর উল্লেখ ও উলুবেড়ের নাম করায় তিনি ভরসা দিলেন এবং জানালেন যে, ভাটপাড়ায় তাঁর গুরুদেবের বাড়ী।

বাড়ীর কাছেই পুকুর থাকা সত্ত্বেও স্নান করলুম না; কারণ এক-কাপড়ে নীতে কষ্ট পাবার সম্ভাবনা ছিল,—তা'ছাড়া খেয়ে উঠেই পথ চলার এবং “একা নদী বিশ ক্রোশ” পার হওয়ারও তাগিদ ছিল। আহার সমাপ্ত হ'ল; এতটা পথ ছরমুস্ ক'রে আসার ফলে ক্ষুধারও অন্ত ছিল না। বেলা প্রায় ২টায় দেউলটী হ'তে রওনা হ'লুম। অল্প পথ চলার পরেই দেখা দিলেন “রূপনারায়ণ”; বাঁ দিকে চাইতেই দেখা গেল যে, রেলওয়ে-সেতুর স্তম্ভ ভগুর চরণের মত এঁর বুকেও নেমে এসেছে—তবু ধৈর্য্যচ্যুতি ঘটতে পারিনি। দেউলটীর আগে শীর্ণকার দামোদর পার হ'তে বিশেষ বেগ পেতে হয়নি। রূপনারায়ণের তীরে এসে দেখি নৌকা দূরের কথা, জন-প্রাণীর সাড়া পর্য্যন্ত নেই।



নৌকার অভাবে ঐ সেতু-পথে নদী পার হ'বার অভিপ্রায়ে প্রায় আধ মাইল চ'লে এলুম, কিন্তু বাধা পেলাম পুলিশের হাতে—যেহেতু গবর্ণর আসছিলেন। দ্বিভুক্ত বাধা হ'লুম আবার সেই নৌকার চিহ্নহীন খেয়াঘাটে। ইতিমধ্যে দু'একজন পারের যাত্রী এসে মাঝির অপেক্ষা করছিলেন। ওপারে হচ্ছে সেই ইতিহাস-প্রসিদ্ধ সমরক্ষেত্র “কোলাঘাট,” তবে আজ ঐ নাম ও রূপনারায়ণ নদ ছাড়া যুদ্ধের অণু চিহ্ন কিছুই নেই। দূরের যাত্রী নিয়ে বেগে ধাবমান দু'একখানি বাষ্পীয় পোট খেয়াঘাটে ব'সে ব'সেই দেখতে পাওয়া গেল।

শুনলুম, মাঝির দেবী হচ্ছে, তার কারণ এই যে, মাঝে-মাঝে একটু-আধটু “রসস্থ” হওয়া বেচারার অভ্যাস। অনেক ডাকাডাকি ও ছাতি-কাপড়-নাড়ার পর ওপার থেকে যাত্রী-ওঠার আভাস পাওয়া গেল; এবং প্রায় ঘণ্টা দুয়েক আমাদের প্রতীক্ষায় রাখার পর, নাবিকপ্রবর তাঁর নৌকা নিয়ে ঘাটে ভিড়লেন। উঠলুম সকলে নৌকায় একটু কাদা ভেসে; কারণ মেটে ঘাট, তার জল গিয়েছিল নেমে। বেলা প্রায় চারটেয় কোলাঘাটে কোলাহল করতে করতে নামা গেল; পারানি দিতে হ'ল দুটী পয়সা। ওপরেই ছিল দু'একখানা দোকান, খড়ের গাদা, ব্যবসাদার জনকয়েকের বাসা আর দু'একটা চা'ল-কল; এখানে কালবিলম্ব না ক'রে “পাঁচকুড়া” পৌছাবার অভিপ্রায়ে পথ চলতে লাগলুম।

পথেই সন্ধ্যা এসে উত্তীর্ণ হ'য়ে গেল, ক্রমে পল্লী-পথের তরুচ্ছায়া-মসী-ঘন অন্ধকার যেন গ্রাস করতে ছুটে এল; টর্চ-লাইটের সাহায্যে বাকী পথ চ'লে, আন্দাজ পাঁচটায় এলাম পাঁচকুড়ার বাজারে। দেখি শীতের প্রকোপে দোকান-বাজার প্রায়ই বন্ধ হ'য়ে গেছে,—ওরি মধ্যে একটা দোকান খোলা পাওয়ায় জিলাপী ও বেগুনী জাতীয় কিছু খেয়ে নিয়ে কাছেই অবস্থিত খালের পুলের পারে ডাক-বাংলায় উপস্থিত হ'লুম। এই খাল সেই উলুবেড়েরই খাল। মেদিনীপুর পর্য্যন্ত

গেছে। রেল হ'বার পূর্বে নৌকাযোগে যাত্রীগণ যাওয়া-আসা করতেন। খানিকক্ষণ ডাকা-ডাকির পর, চৌকীদার দোর খুলেই আমায় দেখে সহাস্তে বললে, “আরে বাবু যে, নমস্কার! আশুন আশুন”। আমি তো অবাক! জিজ্ঞাসা করলুম—“তুমি আমায় চেন?” সে কিছুমাত্র দ্বিধা না ক'রে উত্তর দিলে, “আজ্ঞে হ্যাঁ, চিনি বই কি; আপনি যে আমার বাবা” তার কথার জড়তা লক্ষ্য ক'রে বললুম, তার ভুলের যথার্থ হেতুটি কি। প্রকাশে বললুম, “দেখ হে, আমি তোমার বাবু নই, পথিক মাত্র, রাতটা থাকতে চাই। হাতে পয়সা নেই যে সুবিধাজনক জায়গা জোগাড় করি; অথচ এই অচেনা জায়গায়, অন্ধকারে, আশ্রয়ও আর খুঁজতে পারা যায় না।” কি ভেবে সঙ্গে একটা আলো নিয়ে কাছেই তার মনিব ওভারসিয়ারের বাড়ী আমাকে নিয়ে গেল। তাকে ঢেকে সব কথা ব'লে রাত কাটাবার অমুমতি পেলাম। তবে কথা রইল যে, সকালেই যেন অণু আশ্রয় দেখি; অফিসার কেউ এলে তাঁর চাকরীর বিপদ অনিবার্য। ধন্যবাদ ও নমস্কার জানিয়ে ডাক-বাংলায় ফিরে এলুম।

আরাম-চেয়ারে কবল ও চাদরের অন্তরালে “লম্বা” হ'লেও, সারা দেহের বেদনা, পায়ের ফোঁস ও অতিরিক্ত পরিশ্রমের জন্ত যুগ্মের ব্যাঘাত ঘটতে লাগল। শীতের প্রাবল্য ও জায়গার নূতনত্ব হয়ত তার কতকটা কারণ।

সকালে উঠে চৌকীদারের জিম্মায় জিনিসপত্র রেখে চা-পানান্তে কাগজ-বন্দী ব্যাগটী সঙ্গে ক'রে ৫ মাইল পথের অন্তে অবস্থিত রঘুনাথ-বাড়ীর উদ্দেশে রওনা হ'লুম। শরীরের অবস্থা ভাল ছিল না এবং সুনিদ্রার অভাবে দৌর্বল্যও অনুভূত হ'ছিল। পাঁচকুড়া স্টেশনের পাশ দিয়ে যেতে দেখি, পাড়ারগায়ের পুলিশ, ঝোলায় কাপড়-চোপড় নিয়ে দাঁড়িয়ে আছে রেল-লাইনের ধারে। মনে পড়ল গবর্ণরের আসার কথা। তাঁর স্পেশাল ট্রেন, শনিবার থেকে পাহারা দিয়ে, রবিবার যাবার কথা; আজ সোমবার তবুও দেখা নেই। পাহারা-ওয়ালাদের মুখ-চোখ রাত জেগে জেগে শুকিয়ে গিয়েছে;



সময়ে না নেয়ে-খেয়ে মেজাজও হ'য়ে গেছে কড়া ; তার ওপর ম্যালেরিয়া-ভোগ। দেহগুলিকে প্রচণ্ড শৈত্যের সঙ্গেও যুক্ত হ'য়েছে। পথে-পাওয়া অল্প লোককে পথ জিজ্ঞাসা করলুম, যখন পাহারাদার পুলিশের বিরক্তিরূপে “জানি না, বাবু” উত্তর কানে বাজল।

রঘুনাথ-বাড়ীর মোহান্ত শ্রীঅচ্যুতানুজ দাস মহাশয়ের গৃহে এসে নিজের ও বন্ধুর নাম ক'রে পরিচয় দেবার পর ম্যানেজারের সহিত আলাপ হ'ল; ইনি বেশ ভদ্রলোক। এ সব অঞ্চলে তখন নাকি গুণ্ডগোল চলছিল ব'লে প্রথমে কে, কোথা হ'তে আসছে, এসব না জেনে ভাল ক'রে কথা বলতে ভয় পাচ্ছিলেন। পরে শুনলুম, লবণ-তৈরী-করা স্বদেশী ছেলেদের জালায় গ্রামবাসী পর্য্যন্ত অতিষ্ঠ হ'য়ে উঠেছে। তখন মনে পড়ল,—পথে আসতে রিজার্ভ মোটর-বাসে, মোট-ঘাট সমেত, অনেক বিদেশীকে আসতে দেখেছি গ্রামের মধ্যে সরকার পক্ষের দু'একটা ছোট ছাউনিতে।

মধ্যাহ্নে শ্রীশ্রীরঘুনাথ জীউর প্রসাদ পাওয়ার পর চারিধার ঘুরে ফিরে দেখা গেল। প্রকাণ্ড বাড়ী, বাগান, পুকুর, মন্দির, স্কুল, লাইব্রেরী, জমিদারী। মোহান্ত মহারাজকেও দেখলুম সুশ্রী, সুকৃতিসম্পন্ন,

এক নবীন সাধুবেশধারী রাজকুমার। বেশ ভাল লাগল তাঁর এই “সব-পাওয়া” “সব-ছাড়া” বেশ, ও রাত কাটল আরামে লেপের মধ্যে।

এই শান্তিময় স্থানে থেকে দেহের ও মনের শান্তি ফিরে এল এবং দেশ ছাড়ার বিরহও যেন কতকটা ভুলে গেলুম।

সকালে উঠে মোহান্ত মহারাজ সকলের তত্ত্বানুসন্ধানের রত; আমিও তাড়াতাড়ি সকালের কাজ ও চায়ের পাল। শেষ ক'রে ৫ টাকা পাথেয় খাতায় লিখিয়ে নিয়ে কৃতজ্ঞতা জানিয়ে বেরিয়ে পড়লুম। শরীরটাও ভাল বোধ হচ্ছিল—বেদনা যা একটু ছিল তা পায়ের।

বেলা প্রায় ১০টায় পাঁচকুড়োর বাজার থেকে আরও কিছু খেয়ে বেরিয়ে পড়লুম বোঝা পিঠে। বাজার, দোকান সবই খোলা এবং খরিদার ও লোকের বেশ ভরাটি ভাব চলেছে। পেছু থেকে একটা কোতুহলী কোলাহলের আওয়াজ এল অস্পষ্ট স্বর নিয়ে; আমার অদ্ভুত পোষাকই বোধ হয় তার কারণ। বড় রাস্তায় এসে, একটু পথ যেতেই এক নদী পড়ল—নাম “কাঁসাই” বা “কংসাবতী”। নদীটা খালের মত হ'লেও পারাপারের ব্যবস্থা নৌকাযোগেই ঘটল। পারানি লাগল এক পয়সা।

(ক্রমশঃ)

British Medical Journal চিকিৎসা-বিজ্ঞানের নবতম আবিষ্কারের সংবাদ দিয়াছেন—  
বহুবৎসর গবেষণার পর চিকিৎসা-বিজ্ঞানে ৬০ সেকেন্ডের মধ্যে শিরঃপীড়া সৃষ্টি করিবার  
উপায় উদ্ভাবিত হইয়াছে; Histamine acid Phosphate সামান্য পরিমাণে ভক্ষণ করিলে  
২০ সেকেন্ডে মুখে তীব্র কষায় স্বাদ লাগিবে এবং ক্রিয়া আরম্ভ হইবে। অধিকন্তু বিজ্ঞাপিত  
হইয়াছে যে, গবেষণার কার্য্য গভীর মনঃসংযোগের সহিত অগ্রসর হইতেছে।



## খেলাধূলায় বাঙ্গালী

বাঙ্গালী জাতি খেলাধূলায় উচ্চ স্থান অধিকার করিতে পারে নাই। মানসিক উন্নতিতে বাঙ্গালী আজ যে-স্থান অধিকার করিয়াছে, শারীরিক উন্নতির দিক দিয়া দেখিতে গেলে ঠিক তার বিপরীত অবস্থা দেখি। শারীরিক উন্নতি না হইলে খেলাধূলায়ও উন্নতি করা সম্ভবপর হয় না।

আমরা ‘ভাত’ বেচারার ঘাড়েই সকল দোষ চাপাইয়া বলি, ‘ভেতো বাঙ্গালীর আর কত উন্নতি হবে?’ সত্য বটে, আমাদের খাদ্য শারীরিক অবনতির জন্ত কতক পরিমাণে দায়ী; কিন্তু, আমাদের আরাম প্রিয়তা ও চেষ্টার অভাবও এই অবস্থার জন্ত ততোধিক দায়ী।

স্থলের বিষয়, খাদ্য, ব্যায়াম ও খেলাধূলার প্রতি বাঙ্গালীর আজ নজর পড়িয়াছে। তাই আজ বাঙ্গালীরও খাঞ্চে ও ব্যায়ামে পুষ্ট বলিষ্ঠ চেহারা দেখিতে পাওয়া যায় এবং খেলাধূলায় অত্যাশু ভারতীয় ও বিদেশীয় জাতির সহিত বাঙ্গালী প্রতিযোগিতায়

উচ্চস্থান অধিকার করিবার প্রয়াসী হইয়াছে। “প্রয়াসী হইয়াছে” বলিলাম, কারণ অনেকস্থলে বাঙ্গালী জয়লাভের কাছাকাছি গিয়াও সফল হইতে পারে নাই। বিগত

“ওলিম্পিক প্রতিযোগিতা” তাহার একটি দৃষ্টান্ত। এই প্রতিযোগিতার জন্ত একজনও বাঙ্গালী নির্বাচিত হয় নাই। গত বৎসর যে ভারতীয় খেলোয়াড়ের দল বিলাতে ক্রিকেট খেলিতে গিয়াছিলেন, তাহার মধ্যেও একজনও বাঙ্গালীর স্থান হয় নাই।

নির্বাচনের প্রতিযোগিতা — খেলায় তিনজন বাঙ্গালীকে খেলিবার সুযোগ দেওয়া হইয়াছিল বটে, কিন্তু তাঁহাদিগকে দলভুক্ত করা হয় নাই। আন্তর্জাতিক টেনিস-প্রতিযোগিতা Davis Cup খেলায় ভারতীয় দলে বাঙ্গালীর স্থান আজও হয় নাই। একমাত্র ফুটবল খেলায় বাঙ্গালী বেশ উচ্চ স্থান পাইয়াছে। সম্প্রতি এক দল বাঙ্গালী ফুটবল খেলোয়াড় সিংহলে গিয়া তথাকার সম্মিলিত (ইউরোপীয় ও দেশীয়) ফুটবল দলকে পরাস্ত করিয়া উচ্চ-প্রশংসা লাভ করিয়াছেন। কয়েক বৎসর পূর্বে একদল বাঙ্গালী খেলোয়াড় যবদ্বীপে গিয়া তথাকার সকল দলকে



সারদারঞ্জন রায় (এন্ রায়)

পরাজিত করেন।

ভাল খেলোয়াড়ের আদর সর্বত্র;—এমন কি, চাকুরীর বাজারেও খেলোয়াড় হইলে সুবিধা হয়।



রেল, টেলিগ্রাফ, কাস্টম্‌স্, পোর্ট কমিসনার্স প্রভৃতিতে খেলোয়াড়দের চাকুরির সুবিধা ত' আছেই ; এমন কি, বড় বড় আপিসেও খেলোয়াড়ের চাকুরির সুবিধা হয়। তাই, চাকুরির এই দুর্দিনে আজ খেলাধুলার প্রতি বাঙ্গালীর আরও অধিক নজর পড়িয়াছে।

বাঙ্গালীর খেলাধুলার কথা মনে করিলেই, এ বিষয়ে যাঁহার অগ্রগামী এবং উদাহরণ-স্বরূপ তাঁহাদের কথা সর্বাগ্রে মনে পড়ে। সকলের আগে মনে পড়ে, পরলোকগত প্রিন্সিপ্যাল সারদারঞ্জন রায়ের কথা। যে-সময়ের কথা বলিতেছি, সে সময়ে দেশীয় কোন অধ্যাপকের ক্রিকেট বা অন্য কিছু খেলা 'ছেলেমানুষী'—এমন-কি, হাস্যকর ব্যাপারও মনে হইত। তিনিই এ বিষয়ে পথ প্রদর্শন করিয়া, বহু বৎসরব্যাপী চেষ্ঠা ও যত্নের ফলে, ক্রিকেট খেলা বাঙ্গালীর মধ্যে—বিশেষতঃ, কলেজের ছাত্রদের মধ্যে প্রতিষ্ঠিত করিয়াছেন। নিজে তিনি ভাল খেলোয়াড় হইয়াই সমৃদ্ধ হন নাই; ছাত্রদিগের সহিত খেলায় যোগ দিয়া এবং খেলার কায়দা-কানুন শিক্ষা দিয়া তাহাদিগকে সর্বদাই উৎসাহিত করিয়াছেন। কলেজের ছাত্রদের জন্ত Harrison Shield ও Lansdowne Shield নামে যে ক্রিকেট-প্রতিযোগিতা হয়, তাহা ইঁহারই চেষ্ঠায়। বৃদ্ধ বয়সেও তিনি যুবকের ন্যায় উৎসাহে ক্রিকেট খেলায়

রীতিমত যোগ দিয়াছেন ;—এমন কি, মৃত্যুর এক বৎসর পূর্বেও তিনি নিয়ম-মত খেলিয়াছেন। বিদ্যাসাগর কলেজ তাঁহারই চেষ্ঠায় ও যত্নে ক্রিকেট খেলায় অত্যন্ত সকল কলেজকে—এমন কি, বড় বড় ইউরোপীয় ক্রিকেট-দলকে,—পরাজিত করিয়া কলেজ-সমূহের মধ্যে ক্রিকেট খেলায় প্রথম স্থান অধিকার করিয়াছিল।

তাঁহাকে “Father of Bengali Cricket” বলা হইত ; বাস্তবিকই তিনি তাহাই ছিলেন। ইংলণ্ডের বিখ্যাত ক্রিকেট-খেলোয়াড়, পরলোকগত ডাক্তার ডব্লিউ, জি, গ্রেসের সহিত তাঁহার চেহারার আশ্চর্য্য সাদৃশ্য থাকায় তাঁহাকে অনেক সাহেব “W. G. of Bengal” নাম দিয়াছিলেন। তিনি বিশ্বাস করিতেন, অত্যন্ত কাজ যেমন মন দিয়া সাধনা করিতে হয়, খেলাও সেইরূপ মন দিয়া সাধনা করা আবশ্যক। অন্য কাজে বাধা না দিয়া বা অন্য কাজ ফেলিয়া না রাখিয়া খেলা আবশ্যক এবং খেলাকেও বাদ না দিয়া কাজ করা আবশ্যক। “Mens sana in corpore sano,” অর্থাৎ—“সুস্থ শরীরে সুস্থ মন”—তাঁহার মধ্যে মূর্তিমান ছিল। বাঙ্গালী যদি তাঁহার দৃষ্টান্ত অনুসরণ করিয়া খেলাধুলায় যোগ দিতে পারে, তাহা হইলে তাহার ভবিষ্যৎ আশাশ্রিত হইবে বলা যায়।







## খুঁ টিনাটি

### দাগ উঠান—

[অভাবের দিনে ব্যবহারের জিনিষের যত্নও বাড়ে। কাপড়-চোপড় বা কাজের জিনিষ দাগ প'ড়ে নষ্ট হ'লে দুদিনে তা'র জন্ত আপশোষ হয়ও বেশী। তাই এ বিষয়ের কিছু ফিকির জানা থাকলে এ সময়ে তা' দরকারে বলা দরকার। দাগ উঠাবার কয়েকটি উপায় এবার লিখছি। বলা বাহুল্য, দাগ লাগলে যত শীগগির দ্রুত সে দাগ উঠাবার চেষ্টা করতে হয়। দেরি করলে অনেক সময় কৃতকার্য হ'তে পারা যায় না; —অর্থাৎ, দাগটা তখন পাকা রংএর মত স্থায়ী হয়ে যায়। দাগ উঠাবার জন্ত যে-সব জিনিষের আবশ্যক, সব সময় সে-জিনিষ ঘরে থাকে না। কাপড়ে দাগ পড়লে, তৎক্ষণাৎ কাপড়টির উপর জল ঢেলে ধুয়ে ফেলা দরকার। দাগ তখনই অনেকটা হালকা হ'য়ে যায়। গরপর সে দাগ ছুটাবার ব্যবস্থা করা যেতে পারে।]

(১) কালীর দাগ—সুতার কাপড়ে পড়লে Oxalic Acid (অক্স্যালিক এসিড) জলে গুলে লাগাতে হবে। আগে Acetic Acid (এ্যাসিটিক এসিড) দিয়ে, পরে Oxalic Acid দিলে আরও ভাল হয়। রেশমী ও পশমী কাপড় থেকেও এই পাত্রেই দাগ উঠান যায়।

(২) চা, কফি বা ফলের রস—সুতার কাপড়ে পড়লে, তখনই সাবান দিয়ে ধুয়ে ফেলতে লাগলে উঠে যায়; না হ'লে একটু সাধারণ 'ব্লিচিং পাউডার' দিয়ে ধুলেও উঠে যায়। রেশমী বা পশমী কাপড়ে হাইড্রোজেন পারক্সাইড দিলে কাজ হয়। ফলের রসের দাগ গ্লিসারিনে ভিজিয়ে সাবান দিয়ে ধুলেও ওঠে।

(৩) রবর ফ্যাম্পের বেগুণী কালী—এর কাপড়ে পড়লে কষ্টিক সোডার জল দিয়ে ধুলে উঠে যায়। দামী কাপড় হ'লে স্পিরিট আর

এ্যামোনিয়া দিয়ে ধুয়ে ফেলা যায়। রেশমী বা পশমী কাপড়েও স্পিরিট আর এ্যামোনিয়া দেওয়া যায়।

(৪) চর্নির রস, সিরিষ ইত্যাদি—জল দিয়ে ধুলেই যায়। সিরিষের দাগ গরম জলে সহজেই উঠে যায়।

(৫) গালার দাগ—স্পিরিট দিয়ে ভিজিয়ে রাখলে উঠে যায়। বেশী বড় দাগ হ'লে ২৪ বার স্পিরিট বদলিয়ে দিলে আশু আশু সবটা গালা স্পিরিটে গুলে যাবে।

(৬) বার্গিশের দাগ—উপরের লেখা উপায়ে বার্গিশের দাগও উঠাতে হয়। বার্গিশ স্পিরিটে-গোলা গালা বৈ আর কিছু নয়।

(৭) রক্তের দাগ—জল দিয়ে ধুয়ে একটু ব্লিচিং পাউডারের জলে ধুলে একটুও দাগ থাকবে না। রেশমী কাপড়ে জল আর সাবান দিলেই হবে।

(৮) আল্কাট্রার দাগ—বেঞ্জিন বা পেট্রোল দিয়ে ধুলে উঠে যাবে। এ কাজটি খুব সাবধানে করতে হবে, কাছে যেন কোন আগুন না থাকে; কারণ এই দুটিই দাহ জিনিষ, অতি সহজে জ্বলে ওঠে।

(৯) রং বা এনামেলের দাগ—এ্যাসেটোন, নাইট্রোবেঞ্জিন বা কার্বন টেট্রাক্লোরাইড দিয়ে ধুলে উঠে যাবে। এই জিনিষগুলি বড় বড় ডাক্তার খানায় পাওয়া যেতে পারে। বেশী পুরানো হয়ে গেলে রং-এর দাগ ছুটান দায়।

(১০) কচি ঘাসের দাগ—সাবান আর স্পিরিট মিলিয়ে জল দিয়ে ধুলে উঠে যাবে।

(১১) পোড়া দাগ—বেশী পুড়ে গেলে দাগ যায় না। অল্প-স্বল্প হ'লে হাইড্রোজেন পারক্সাইড বা ব্লিচিং পাউডারে উঠে যায়।



(১২) তেল, ঘি, মোমের দাগ—পেট্রোল বা বেজিনে ওঠে। সাদা কাপড়ে ঘি বা চর্কি জাতীয় জিনিষের দাগ অনেক সময়, কাপড়ের নীচে ব্লটিং কাগজ রেখে ইস্তিরি করলে উঠে যায়। ইস্তিরির টানে আর গরমে ঘি বা চর্কি গ'লে যায় আর ব্লটিং কাগজে সেটা গুষে নেয়।

(১৩) ঘামের দাগ—দাগের উপর গ্লিসারিন

লাগিয়ে ষণ্টাখানেক রেখে, গরম জলে সাবান গুলে ধুলেই উঠে যায়।

(১৪) ছাংলা-ধরা দাগ—সুতার কাপড়ে ছাংলা-ধরা দাগ পড়লে কাপড়টিকে মেলে ধ'রে গুলে গুঁড়ো দাগের উপর ছিটাতে হবে। তারপর, লে দিয়ে ষষ্ভতে হবে। কিছুক্ষণ বাদে ধুয়ে ফেলতে হবে। আবশ্যক হ'লে ২১৩ বার এরকম করতে হবে।

## বৈশাখ-তুপুর \*

শ্রীলতিকা দে

আকাশ চিরে বর্ছে আশুন,  
ঝিমিয়ে আসে বনের আঁখি।  
শুভ্র-ফসল মাঠের বুকে  
ঘুর্ছে তৃষা-কাতর পাখী।  
দূর বনের ঐ শ্রামল পাতা  
রৌদ্রে রূপার চুম্বকি-পরা,  
দম্কা হাওয়ায় আস্ছে ধেষে  
অগ্নি-ধারা দহনভরা।  
আকাশ-গায়ের টুকরা মেঘে  
পথিক-চোখে লাগায় ধাঁধা;

ঝোপের মাঝে কোন্ গোপনে  
ঘুঘুর প্রিয়ার কাতর কাঁদা।  
কুঁড়ের পাশে অশথ-ছায়ে  
ছাগল-শিশু ঘুমায় স্নেহে;  
রাখাল-শিশু বড়ই খুসী  
কচি আমের গন্ধ গুঁকে।  
রৌদ্র-নেশায় মাতাল ব'শেখ  
রক্ত-আঁখির দৃষ্টি হানে;  
তপ্ত তুপুর নিঝুম নীরব,  
মুঁড়ে আছে অগ্নিবাণে।

\* লেপিকার বয়স মাত্র ১৫ বৎসর।



## পথরূপা

### শ্রীহরেকৃষ্ণ মুখোপাধ্যায়

বাঁকুড়া জেলার সদর (বাঁকুড়া) হইতে প্রায় ছয় ক্রোশ উত্তর-পশ্চিমে “শুশুনিয়া” পাহাড়। সমুদ্রতীর হইতে এই পাহাড়ের উচ্চতা প্রায় সাড়ে চৌদ্দ শত ফুট। এই পাহাড়ে বিভিন্ন অক্ষরের কয়েকটা ক্ষুদ্র ক্ষুদ্র লিপি উৎকীর্ণ আছে। তন্মধ্যে সর্বপ্রাচীন বলিয়া পরিচিত যে লিপিটার পাঠোদ্ধার হইয়াছে, তাহা এই—

- (১) চক্রস্বামিনো দাসাগ্রোণাতিমৃষ্টঃ
- (২) পুষ্করণাধিপতিমহারাজশ্রীসিঙ্হবর্মানঃ পুত্রশ্চ
- (৩) মহারাজ শ্রীচন্দ্রবর্মানঃ কৃতিঃ

পাহাড়ের উত্তরাংশে

ভূমি হইতে কিয়দূর উচ্চে পাহাড়ের গায়ে বহু গরখুড় একটি চক্র ক্ষোদিত আছে; (ঘূর্ণায়মান) চক্রের কেন্দ্রস্থলে (গতিবেগে উদ্ভূত) অলস্ত অগ্নিশিখা নির্গত হইতেছে। প্রথম পর্ণিত লিপি-চক্রের দক্ষিণ-ভাগে এবং দ্বিতীয় ও তৃতীয় পংক্তি চক্রের নীচে উৎকীর্ণ রহিয়াছে।

এই লিপির ‘পুষ্করণা’ এবং তাহার অধিপতি ‘মহারাজ চন্দ্রবর্মা’কে লইয়া ঐতিহাসিকগণ নানারূপ গবেষণা করিয়াছেন। সেই গবেষণা সম্বন্ধে কিছু বলিবার জুতাই আমাদের এই ক্ষুদ্র প্রবন্ধের অবতারণা।

প্রাচ্যবিজ্ঞানমহর্ষি শ্রীযুক্ত নগেন্দ্রনাথ বসু মহাশয়ের নিকট শুনিয়াছি, তিনিই সর্বপ্রথম সাধারণের নিকট এই লিপির কথা প্রকাশ করেন। বোধহয় ১৮৯৫ খ্রীষ্টাব্দের এপ্রিলাটিক-সোসাইটীর কার্য-বিবরণীতে তাঁহার লেখা এই বিষয়ক একটি প্রবন্ধ প্রকাশিত হইয়াছিল।

যতদূর স্মরণ হয়, ১৯০৩ সালের বঙ্গীয়-সাহিত্য-পরিষৎ পত্রিকায় “মহারাজ চন্দ্রবর্মা” শীর্ষক তাঁহার লেখা বাঙ্গলা প্রবন্ধও দেখিয়াছি। বসু মহাশয়ের মতে “শুশুনিয়ার চন্দ্রবর্মা এবং দিল্লী লৌহস্তম্ভের চন্দ্র ও এলাহাবাদের অশোকস্তম্ভে উৎকীর্ণ সমুদ্রগুপ্তের প্রশস্তিলিখিত চন্দ্রবর্মা একই ব্যক্তি।”

অতঃপর ভারতবিখ্যাত ঐতিহাসিক স্বর্ণগত মহামহোপাধ্যায় হরপ্রসাদ শাস্ত্রী এবং রাখালদাস বন্দ্যোপাধ্যায় মহাশয় এই বিষয়ে আলোচনা করেন।

শাস্ত্রী মহাশয়ের অনুমতি লইয়া রাখালদাস ১৯০০ সালের ফাল্গুন-সংখ্যা “প্রবাসী” পত্রে “শুশুনিয়ার পূর্বত-লিপি” নামে একটি প্রবন্ধ প্রকাশ করিয়াছিলেন। শাস্ত্রী মহাশয়ের মতে, “মালবের অন্তর্গত দণপুর—বর্তমান মান্দাসোরে প্রাপ্ত লিপির সিংহবর্মা, শুশুনিয়া পাহাড়ের চন্দ্রবর্মার পিতা



গণেশমূর্তি ও অশ্বাশ্ব মূর্তির অংশ

সিঙ্হ বর্মা হইতে অভিন্ন। শুশুনিয়ার চন্দ্রবর্মাই দিল্লীর লৌহস্তম্ভের চন্দ্র, এলাহাবাদে সমুদ্র-গুপ্তের প্রশস্তি মধ্যে এই চন্দ্রবর্মার নামই উৎকীর্ণ আছে।” মান্দাসোর লিপির সিংহবর্মার পিতার নাম জয়বর্মা, পুত্রের নাম নরবর্মা। শাস্ত্রী মহাশয়ের মতের প্রতিবাদ করিয়া গত গ্রীষ্ম ১৯১৯ সালের “ইণ্ডিয়ান এ্যান্টিকোয়ারী”তে অধ্যাপক শ্রীযুক্ত রাধাগোবিন্দ বসাক একটি প্রবন্ধ লিখিয়াছিলেন। তাহার কোন উত্তর প্রকাশিত হইয়াছিল কিনা জানি না। শাস্ত্রী



মহাশয় অনুমান করিয়াছিলেন, রাজপুতানার যোধপুর রাজ্যস্থিত “পোখরণ” নগরই শুশুনিয়া-লিপির পুস্করণ।

আমাদের ধারণা অতরূপ। শুশুনিয়া-লিপির চন্দ্রবর্মার সঙ্গে দিল্লীর লোহস্তম্ভের চন্দ্রের অথবা সমুদ্র-স্তম্ভের প্রশস্তি-লিখিত চন্দ্রবর্মার কোনো সম্বন্ধ আছে বলিয়া আমরা মনে করি না। আমাদের মতে বাঁকুড়া জেলার “পখরণ”ই শুশুনিয়া-লিপির “পুস্করণ”। বঙ্গ মহাশয় “বীরভূম-অনুসন্ধান-সমিতির” সভাপতি ছিলেন। “বীরভূম-বিবরণ” সঙ্কলনকালে শুশুনিয়া-লিপির আলোচনা প্রসঙ্গে

বঙ্গ মহাশয়কে আমাদের মতের কথা জানাইয়াছিলাম। বাল্যকাল হইতেই “পখরণা—পলাশডাঙ্গা”র (হুটী পাশাপাশি গ্রামের) নাম শুনিয়া আসিতেছি। স্বর্গগত শাস্ত্রী মহাশয়কে সে কথা নিবেদন করিয়া তাঁহার নিকট পখরণা

পরিদর্শনের প্রার্থনা জানাইয়াছিলাম। নানা কারণে তাহা ঘটয়া উঠে নাই। অতঃপর স্বর্গীয় নিখিলনাথ রায় মহাশয়ের সঙ্গে শুশুনিয়া-লিপি লইয়া আমাদের আলোচনা হয়। ফলে শুশুনিয়া দেখিয়া আসিয়া তিনি গত ১৩৩০ সালের জ্যৈষ্ঠ-সংখ্যা “ভারতবর্ষে” “শুশুনিয়া শৈলে” নাম দিয়া একটি প্রবন্ধ প্রকাশ করেন। এই প্রবন্ধে তিনি, শাস্ত্রী মহাশয় ও রাখালদাসের মতের প্রতিবাদ করিয়াছিলেন বটে, কিন্তু পখরণা না দেখিয়া সাহস করিয়া সে সম্বন্ধে কিছু বলিতে পারেন নাই। পখরণায় যাওয়া ঘটে নাই বলিয়া আমরাও এতাবৎ এ বিষয়ে বিশেষ কিছু বলিতে পারি নাই, আমাদের সম্পাদিত গীতগোবিন্দে বৈষ্ণব-ধর্মের ইতিহাস আলোচনায় প্রসঙ্গতঃ পখরণার কথা উল্লেখ করিয়াছি মাত্র। সম্ভ্রতি চণ্ডীদাস-পদাবলীর সম্পাদন ব্যাপদেশে পুণ্ডির সন্ধানে বাঁকুড়া ভ্রমণকালে প্রথিতযশা অধ্যাপক বঙ্কুবর ডাক্তর শ্রীযুক্ত

সুনীতিকুমার চট্টোপাধ্যায়ের সঙ্গে আমি পখরণা দেখিয়া আসিয়াছি। সাহিত্যিক ও সাহিত্য-বন্ধু শ্রীযুক্ত সত্যকিঙ্কর সাহান্না মহাশয়ের সৌজন্যে শুশুনিয়া দেখিবার সৌভাগ্যও ঘটিয়াছে। সুতরাং আমরা এইবার আমাদের মতের কথা সাধারণ্যে প্রকাশ করা কর্তব্য বলিয়া মনে করিতেছি। সুনীতিবাবু ইতিমধ্যেই তাঁহার সংক্ষিপ্ত মন্তব্য “বঙ্গশ্রী” দাষ্টন-সংখ্যায় প্রকাশ করিয়াছেন। আমাদের বলিবার কথা মোটামুটি এইরূপ—

(১) আমরা শুশুনিয়ার

সিংহবর্মার ও মান্দাসোরের সিংহবর্মাকে এক ব্যক্তি বলিয়া মনে করি না। শুশুনিয়ার সিংহবর্মার পুস্করণের অধিপতি ছিলেন। মান্দাসোর-লিপির সিংহবর্মার পুত্র নরবর্মার আপনাদিগকে—



সিংহমূর্তি ও অন্যান্য মূর্তির ভগ্নাংশ

“(সিদ্ধম্) সহস্রশিরসে তৈশ্চ পুরুষায় মিতাশ্রনে  
চতুস্‌সমুদ্র-পর্যাক্ত-তোয়-পিড়ালবোপমঃ  
শ্রীশ্রীলবগণান্নাতে প্রশস্তে কৃতসম্বৃতি ॥”

“মালবগণান্নাতে” বলিয়া উল্লেখ করিয়াছেন। যোধপুরের পোখরণ নগর যে ইহাদের রাজধানী ছিল, মান্দাসোর-লিপিতে তাহার কোন প্রমাণই নাই। সর্বাপেক্ষা উল্লেখযোগ্য বিষয়, এই লিপিতে চন্দ্রবর্মার কোন প্রসঙ্গ নাই। সুতরাং কে বলিবে যে, মালবের সিংহবর্মার চন্দ্রবর্মার নামধেয় অপর এক পুত্র ছিল? এই লিপির অষ্টম শ্লোকে—

“বাসুদেবং জগদ্ধামমপ্রমেয়মজং বিভূম্  
মিত্রভৃত্তান্ত সৎকর্তা স্বকুলশ্রুত চন্দ্রমাঃ  
যশ বিত্তং চ প্রাণাশ্চ দেব ব্রাহ্মণে সাগতা ॥”

এই যে চন্দ্রমার উল্লেখ, ইহা হইতে যদি কেহ চন্দ্রবর্মাকে উদ্ধার করিতে চাহেন, আমাদের বলিবার কোন কথা



নাই। মালবের সিংহবর্মার পুত্র নরবর্মার ৪৬১ বিক্রমাব্দে, ৪০৪ খ্রীষ্টাব্দে, বোধ হয় দশপুরের (মান্দাসোরের) রাজা ছিলেন।

প্রশ্ন উঠিতে পারে, শুভনিয়ার চন্দ্রবর্মার পিতা সিংহবর্মার বৈষ্ণব (?) এবং মালবের সিংহবর্মারও বৈষ্ণব ছিলেন, অতএব ইহাদের মধ্যে ঐক্য থাকিতে পারে। কিন্তু মাত্র নাম-সাদৃশ্য ও ধর্ম-সাদৃশ্য দেখিয়াই ঐতিহাসিক ঐক্য স্থিরীকৃত হইবে না। ভারতে বৈষ্ণব-



পথরূপার মহিম-মন্দির

ধর্মের আন্দোলন খ্রীঃ-পূর্বাব্দ হইতেই বেশ প্রবলরূপে দেখা দিয়াছিল। মালবের রাজা ভাগভদ্রের নিকট সমাগত যবনরাজদূত হেলিওদোরসের বৈষ্ণব ধর্মের বিদ্যা ও গুরুভ্রমজ-প্রতিষ্ঠা (বেসনগর-লিপি) নানাঘাট ও যোমুণ্ডির লিপি, শক সম্রাটগণের বাসুদেব নাম গ্রহণ ও বহু কীর্তি পরিচয় প্রভৃতি নানাবিধ আবিষ্কারে তাহা প্রমাণিত হইয়াছে। গুপ্ত সম্রাটগণের সময়ে রাজধর্মরূপে বৈষ্ণবধর্ম ভারতে আরো ব্যাপকভাবে প্রসারলাভ করিয়াছিল। অতএব নামসাদৃশ্য বা ধর্ম-

সাদৃশ্য ঐতিহাসিক প্রমাণ রূপে গ্রহণ করা চলিবে না।

(২) আমরা দিল্লী-লৌহস্তম্ভের চন্দ্র এবং শুভনিয়ার চন্দ্রবর্মাকে এক ব্যক্তি বলিয়া মনে করি না।

লৌহস্তম্ভের লিপি এইরূপ—

“যশোদ্বত্তয়তঃ প্রতীপমুরসা শত্রুন্ সমেতাগতান্  
বস্বেষ্যাহববহ্নিনোভিলিখিতা যজ্ঞেন কাণ্ডিভূজে  
তীত্তা সপ্তমুখানি যেন সমরে সিন্ধোজ্জিতা বাহ্লিকাঃ  
যশ্রাথাপাধিবাস্ততে জলনিধিবীয্যানিলৈদক্ষিণা  
খিলন্তেব বিষ্ণুজাসাং নরপতেগমাশিত্তেতরাং  
মূর্তা কাম্যজিতাবনীং গতবতঃ কীর্ত্যাশিত্তা ক্ষিতৌ  
শান্তন্তেব মহাবনে ততভূজো যশ্রা প্রতাপো মহান্  
নাথাপূত্ৰস্বর্জিত প্রণাশিত রিপোয়স্বত্ৰ শেখঃ ক্ষিতিম্  
প্রাপ্তেন স্বভূজাজিতক স্বচিরং চৈন্দ্রাদিরাজাঃ ক্ষিতৌ  
চন্দ্রাজেন সমগ্র চন্দ্র সদৃশীং বহুশ্রিয়ং বিপ্রতা  
তেনাযং প্রণিধায় ভূমিপতিনা দাবেন বিম্বৌ মতিম্  
প্রাংশু বিষ্ণুপদে গিরৌ ভগবতো বিম্বোদ্বজঃ স্থাপিতঃ”

এই লিপি হইতে বুঝিতে পারা যায়, চন্দ্রের মৃত্যুর পর অপর কাহারো দ্বারা এই লিপি উৎকীর্ণ হইয়াছিল। এই ব্যক্তি যে কে তাহা জানা যায় নাই। এই চন্দ্রের উপনাম “বাব” ছিল বলিয়া সন্দেহ হয়। এই চন্দ্র বঙ্গ জয় পূর্বক সিন্ধুর সপ্তমুখ পার হইয়া বাহ্লিকগণকে পরাস্ত করিয়াছিলেন। এই চন্দ্র বিষ্ণুপাদগিরিতে বিষ্ণুর ক্ষত্র প্রার্থনা করিয়াছিলেন। শুভনিয়া-লিপির চন্দ্র নিজেকে পুন্ডরবাদিপতি এবং মহারাজ নামে পরিচিত করিয়াছেন। তিনি বঙ্গ হইতে বাহ্লিক পর্যাণ্ত জয় করিয়াছেন, তিনি কোনও দেশের নামে পরিচয় না দিয়া মাত্র রাজধানীর নামে, মহারাজাদিরাজ, পরম ভট্টারক ইত্যাদি না লিখিয়া মাত্র “মহারাজ”—এই পদবীতে কেন নিজের পরিচয় দিবেন, কেহ তাহা বুঝাইবার চেষ্টা করেন নাই। বিষ্ণুপাদগিরি বলিতে গয়ার বিষ্ণুপাদ মন্দির যেখানে অবস্থিত সেই স্থানকেই বুঝায়। শুভনিয়া কখনো বিষ্ণুপাদগিরি নামে পরিচিত ছিল না। যদি ধরিয়া লওয়া যায় যে, লৌহস্তম্ভটি যেখানে প্রতিষ্ঠিত




আছে, ঐ স্থানই বিষ্ণুপাদগিরি নামে পরিচিত, স্তম্ভটি চন্দ্রেরই প্রতিষ্ঠিত, তাহা হইলে শুশুনিয়ার চন্দ্রের স্বর্গারোহণের পর কে দিল্লীতে এই লিপি উৎকীর্ণ করিয়াছিলেন তাহারও ত' একটি পরিচয় চাই। কিন্তু সে কথাও কেহ বলিতে পারেন না। আমাদের মতে লৌহস্তম্ভের চন্দ্র গুপ্তবংশীয় প্রথম চন্দ্রগুপ্ত। তাঁহার মৃত্যুর পর সমুদ্রগুপ্তের আদেশে পিতার স্মৃতিস্তম্ভে এই স্মারক-লিপি উৎকীর্ণ হইয়াছিল। প্রথম চন্দ্রগুপ্ত বঙ্গদেশ জয় করিয়াছিলেন বলিয়া সমুদ্রগুপ্তের এলাহাবাদ-প্রশস্তিতে দ্বিতীয়বার বঙ্গ-জয়ের উল্লেখ নাই। ঐতিহাসিকগণ অনুমান করেন, সমুদ্রগুপ্ত পিতামাতার স্মরণার্থ মুদ্রা প্রস্তুত করাইয়াছিলেন। সুতরাং পিতার স্মৃতি রক্ষার্থ দিল্লীর লৌহস্তম্ভে লিপি উৎকীর্ণ করানোর অনুমানও বোধ হয় চলিতে পারে। শুশুনিয়ার চন্দ্রবর্ম্মা বৈষ্ণব (?) এবং দিল্লীর লৌহস্তম্ভের চন্দ্রও বৈষ্ণব (?)। কিন্তু পূর্বেই বলিয়াছি ইহাতে ইতিহাসের কিছু যায় আসে না।

(৩) সমুদ্রগুপ্তের এলাহাবাদ-প্রশস্তির চন্দ্রবর্ম্মা এবং শুশুনিয়া-লিপির চন্দ্রবর্ম্মা যে একই ব্যক্তি, জোর করিয়া তাহা বলা চলে না।

সমুদ্রগুপ্ত আর্য্যাবর্তের যে কয়জন রাজাকে পরাজিত করেন—তাঁহাদের মধ্যে রুদ্রদেব, মতিলা, নাগদত্ত, চন্দ্রবর্ম্মা, গণপতি নাগ, নাগসেন, অচ্যুত নন্দী ও বলবর্ম্মার নাম প্রশস্তিতে উল্লিখিত হইয়াছে। স্বর্গগত শাস্ত্রী মহাশয় প্রভৃতির মতে প্রশস্তিলিখিত উক্ত চন্দ্রবর্ম্মা ও শুশুনিয়া পাহাড়ের চন্দ্রবর্ম্মা অভিন্ন। কিন্তু ভারতের পূর্ব প্রান্তে অবস্থিত রাঢ়ের বনময় প্রদেশস্থিত পুষ্করণার মহারাজ চন্দ্রবর্ম্মা কি আর্য্যাবর্তের রাজত্ব-তালিকায় স্থান পাইবার যোগ্য? আর্য্যাবর্ত বলিতে সাধারণতঃ উত্তর-ভারতই বুঝায়। অতি পূর্বকালে রাঢ়দেশ সূক্ষ দেশ নামে পরিচিত ছিল। পরবর্ত্তী কালে ইহার উত্তরাংশ কঙ্কভুক্তি ও দক্ষিণাংশ বর্দ্ধমান-ভুক্তিরূপে আখ্যাত হইত। একদিকে রুদ্রদেব, মতিলা ও নাগদত্ত এবং অত্মদিকে গণপতিনাগ, নাগসেন,

অচ্যুতনন্দী ও বলবর্ম্মার রাজ্যের ভৌগোলিক সংস্থান নির্ণীত হইলে প্রশস্তির চন্দ্রবর্ম্মার অধিষ্ঠান-ভূমির সন্ধান মিলিতে পারে। আর্য্যাবর্ত বিজিত হইলে সমুদ্রগুপ্ত আটবিক অর্থাৎ বনময় প্রদেশের রাজগণকে জয় করিয়াছিলেন। এই আটবিক ভূমির মধ্যে রাঢ়ের সংস্থিতি ধরিয়া লওয়া চলে। দাক্ষিণাত্য-অভিযানের পথে সমুদ্রগুপ্ত যে দুইজন আটবিক ভূমিপতিকে জয় করিয়াছিলেন তাঁহাদের একজন দক্ষিণ-কোশল-পা:




জিন-মূর্তি-চতুষ্টয়-যুক্ত শৃঙ্গাকার শিলা

মহেন্দ্র, অত্মজন মহাকান্তারপতি ব্যাঘ্ররাজ। মগধ ও উড়িষ্যার মধ্যেই ইহাদের রাজ্য ছিল। এলাহাবাদ-প্রশস্তিতে সীমাস্ত নরপতিরূপে সমতট (পূর্ববঙ্গ), ডবাক, কামরূপ, নেপাল ও কর্ণপুরের রাজার নাম পাওয়া যায়। এই সমস্ত আলোচনা করিয়া বুঝিতে পারি যে, বঙ্গ-কলিঙ্গাদির সঙ্গে রাঢ় দেশও গুপ্তসাম্রাজ্যের অধিকারভুক্ত হইয়াছিল। বাঙ্গালার নানা স্থানে গুপ্তরাজাদের মুদ্রা ও তাম্রশাসন আবিষ্কৃত হওয়ায়



ইহা ঐতিহাসিক সত্যরূপে গৃহীত হইয়াছে। সে সময় রাঢ়দেশে এমন কোন প্রবলপ্রতাপ নরপতি ছিলেন না, যিনি গুপ্তসম্রাটগণের কবল হইতে আপনার স্বাধীনতা রক্ষা করিতে সমর্থ হইয়াছিলেন। তথাপি পথরগাধিপতি চন্দ্রবর্মাই যে সমুদ্রগুপ্তের প্রশস্তির



পথরগায় প্রাপ্ত কুমাণ (বা প্রাক্-কুমাণ) যুগের বৃক্ষমূর্তি চন্দ্রবর্মাই, একথা বলিবার মত ঐতিহাসিক প্রমাণ আজিও আবিষ্কৃত হয় নাই।

(৪) আমাদের মতে গুপ্তনিয়া-লিপির চন্দ্রবর্মাই হুইটা জেলার বর্তমান পথরগারই অধিপতি ছিলেন।

চন্দ্রবর্মার সময় সম্বন্ধে জোর করিয়া কিছু বলা যাইতে না। লিপিতত্ত্ববিদগণ অনুমান করেন, এলাহাবাদ-

প্রশস্তির অক্ষর, দিল্লী-লৌহস্তম্ভলিপির অক্ষর এবং গুপ্তনিয়া পাহাড়ের লিপির অক্ষর প্রায় একই প্রকার। অতএব গুপ্তনিয়ার চন্দ্রবর্মাই গুপ্তরাজাদের সময়ে বর্তমান ছিলেন। এই অনুমান সমর্থনযোগ্য। তবে গুপ্তনিয়ার চন্দ্রবর্মাই যে সমুদ্রগুপ্তের সময়েই বর্তমান ছিলেন, তাহা সঠিকভাবে বলা যায় না। গুপ্ত-সম্রাটগণের “উপরিক”গণ মহারাজ আখ্যায় অভিহিত হইতেন। আমাদের মনে হয়, গুপ্তসম্রাটগণ এই দেশ জয় করিয়া দেশের শাসন-সৌকর্যার্থে যে-সমস্ত “উপরিক” পদবীযুক্ত শাসনকর্তা নিযুক্ত করিয়াছিলেন, চন্দ্রবর্মাই তাহাদেরই মধ্যে একজন। ইনি কোন্ সম্রাটের অধীনে “উপরিক” নিযুক্ত হইয়াছিলেন, জানা যায় না। তবে গুপ্ত আমলের অক্ষর দেখিয়া অনুমিত হয়, দেশ যখন সুশাসিত হইয়াছিল, মগধের শিক্ষা, দীক্ষা, সভ্যতা ও ধর্ম এদেশে যখন প্রভাব বিস্তার করিয়াছিল, চন্দ্রবর্মাই সেই কালের লোক। ৪৪৩ খ্রীষ্টাব্দে (গৌপ্তাব্দ ১২৪) রাঢ়ের উত্তর সীমায় গঙ্গার উত্তর তীরে পুণ্ড্রবর্ধন-ভূক্তিতে মহারাজাবিরাজ কুমারগুপ্তের অধীনে যে “উপরিক” ছিলেন, তাহার নাম চিরাতদত্ত। এই চিরাতদত্ত বর্তমান বরেন্দ্রের উত্তরাংশে কোটাবর্ষ-বিষয়ে কুমারমাতা বেরবর্মাকে শাসনকর্তা নিযুক্ত করিয়াছিলেন। ইহা হইতে জানা যায়, এদেশে সে সময় বর্মাই উপাধিধারী শাসনকর্তার অপ্রতুলতা ছিল না। যদি আমাদের অনুমান সত্য হয় তাহা হইলে বলিতে পারি চন্দ্রবর্মাই খ্রীষ্টীয় চতুর্থ হইতে পঞ্চম শতকের মধ্যে বর্তমান ছিলেন।

গুপ্তনিয়া পাহাড়ের প্রায় ১২ ক্রোশ পূর্বে পথরগা গ্রাম। ইষ্ট ইণ্ডিয়ান রেলপথে রাজবাড়ি স্টেশনের দক্ষিণে দামোদরের দক্ষিণ তীরে পাশাপাশি দুইটা গ্রাম,—অধুনা “পথরগা-পলাশডাঙ্গা” নামে পরিচিত। পথরগা সমৃদ্ধ পল্লী। পলাশডাঙ্গায় একটা উচ্চ ইংরাজী বিদ্যালয় এবং ডাকঘর আছে।

পথরগা গ্রামের প্রান্তস্থিত একটা উচ্চ ভূমিখণ্ড



আজিও “গড়ের-ডাঙ্গা” নামে পরিচিত। ডাঙ্গার উপরে কয়েক ঘর বাউরীর বাস, ইহাদিগকে লোকে গড়ের বাউরী বলে। ডাঙ্গার একদিকে এখন কতকগুলি ঘর মুসলমান বাস করে, তাহারই কাছাকাছি খানিকটা স্থান রাজবাড়ী নামে পরিচিত। বিশাল পরিখা মজিয়া গিয়াছে, তাহারই কিয়দংশে মাঝে মাঝে বাঁধ দিয়া লোকে পুষ্করিণী প্রস্তুত করিয়া লইয়াছে। তথাপি সেগুলি দেখিয়া পরিখার লুপ্তাবশেষ বলিয়া বোধিতে কষ্ট হয় না। পথরণায় প্রবাদ আছে, এখানে বহু পূর্বে একজন রাজা ছিলেন। প্রায় বিংশ পচিশ বৎসর পূর্বে পরিখার কিয়দংশের (বর্তমানে পুষ্করিণী) পক্ষোদ্ধার কালে চৌ বাচ্চা র আকারে সাজানো কতকগুলি প্রস্তরখণ্ড পাওয়া গিয়াছিল। প্রস্তরগুলি আমরা দেখিয়া আসিয়াছি। সেগুলি কোন মন্দির বা গৃহের অংশবিশেষে ব্যবহৃত হইয়াছিল বলিয়া মনে হয়।



পথরণায় প্রাপ্ত গুপ্ত-যুগের সিংহ-বাহিনী দেবী মূর্তি

গ্রামের যাত্রাসিদ্ধি ধর্মরাজতলায়, মনসাতলায় এবং অপর দুই একটি গ্রাম-দেবতার বেদীর উপর আমরা কয়েকটি মূর্তি দেখিয়া আসিয়াছি। তন্মধ্যে একটি গণেশ-মূর্তি, একটি সূর্য্য-মূর্তির ভগ্নাংশ, একটি বাসুদেব-মূর্তির পাদপীঠ ও ভগ্ন হস্ত ইত্যাদি, একটি জৈন তীর্থঙ্কর বা বুদ্ধমূর্তি, নাগফণাতলে উপবিষ্টা কোন দেবীর ভগ্নমূর্তি, একটি সিংহমূর্তি ও একটি অষ্টভুজা মহিষমর্দিনী মূর্তি উল্লেখযোগ্য। এতদ্ভিন্ন অনেকটা চৈতোর আকারে গঠিত একটি প্রস্তরস্তম্ভের চারিপার্শ্বে চারিটি ধ্যাননিরত উপবিষ্ট মূর্তি— প্রত্যেক মূর্তির নিম্নে দুইপার্শ্বে দুইটি করিয়া সিংহ— ইহা জৈন তীর্থঙ্করের মূর্তি, অথবা বুদ্ধমূর্তিও হইতে পারে।

মূর্তিগুলি প্রাচীন, তবে কত প্রাচীন নিশ্চয় করিয়া বলিতে পারি না। অষ্টভুজা মহিষমর্দিনী মূর্তি পাল-রাজত্বের শেষের দিকের অথবা সেন-রাজত্বের প্রথম আমলের বলিয়া মনে হয়। অপরাপর ভগ্নমূর্তিগুলি দেখিয়া কাল-নির্ণয় হয় কিনা সন্দেহ।

পথরণা হইতে তিনটি মূর্তি সংগৃহীত হইয়াছে, (১) একটি পোড়ামাটির নারীমূর্তি; শ্রীবুদ্ধ সুনীতিকুমার চট্টোপাধ্যায়ের মতে এটি কুয়াণ-যুগের, এমন কি তৎপূর্ব্ব কালেরও হইতে পারে। (২) একটি সিংহবাহিনীর ক্ষুদ্র প্রস্তরমূর্তি, নারী সিংহের উপর উপবিষ্টা, বামকোড়ে

একটি শিশু। বাম পাশে আরো দুইটি মূর্তি। সুনীতিবাবুবলেন, এটি গুপ্ত যুগের। শুনীলাম, ঐতিহাসিক রাজ বাহাদুর শ্রীবুদ্ধ রমাশ্রম চন্দ এবং বিদ্যুদী ঠেলা ক্রামরিশ প্রভৃতিও নাকি এই মত সমর্থন করিয়াছেন। (৩) একটি বাগীশ্বরী মূর্তি। এই মূর্তি চতুর্ভুজা। দক্ষিণ উর্দ্ধহস্তে সুধাপূর্ণ কলস, কিংবা একটি কমল, বাম

উর্দ্ধ-হস্তে পুস্তক, এবং অপর দুই হস্তে বীণা। এই মূর্তিটি কোন্ যুগের, সুনীতিবাবু অথবা অপরে এখনও ঠিকমত ধরিতে পারিতেছেন না, তবে প্রাচীন বলিয়া স্বীকার করিতেছেন। ক্ষুদ্র মূর্তির ভগ্নাংশ দেখিয়া যুগ নির্ণয় বিশেষজ্ঞগণেরই সাধ্যায়ত্ত। তথাপি এ কথা বলা চলে যে, স্থাপত্য বা ভাস্কর্য্যের কোন বিশিষ্ট রীতির অনুকরণ বহু দিন ধরিয়া চলিতে থাকে। এমনকি একস্থানে কোন শৈলী যখন ধ্বংসমুখে আসিয়া পৌছিয়াছে, অতঃস্থানে তখন সেই শৈলীরই হয়ত প্রথম অনুসরণ শুরু হইতেছে, এরূপও ঘটয়া থাকে। রাজ্য চলিয়া গেল, সমৃদ্ধ জনপদ ধ্বংস হইয়া গেল, বিপর্য্যস্ত দরিদ্র অধিবাসিগণ ভাগ্যকে ধিকার দিয়া পুরাতন রীতি-নীতি



কাঁড়াইয়া বাস্তব মাটি কামড়াইয়া পড়িয়া রহিল। যুগের পর যুগ বহিয়া গেল, তাহাদের অবস্থা ফিরিল না, তাহারা নূতনকে গ্রহণ করিতে পারিল না, ইতিহাসে দৃষ্টান্তের অভাব নাই। আবার পরবর্তী কেহ আসিয়া পুরাতনের আদর করিয়াছে, ছবছ পুরাতনেরই



পথরণায় প্রাপ্ত সরস্বতী-মূর্তি

নবমুদ্রি বটিয়াছে, এমনও দেখা গিয়াছে। স্মৃতির ভাঙাংশ দেখিয়া কোন বিশেষ যুগ নির্ণয় কতকটা নিরাপদ বলিতে পারি না। বড় জোর এই বলা চলে যে, এই মূর্তি এই যুগের ভাস্কর্যের স্মৃতিতে গঠিত।

পথরণায় যে মূর্তিগুলি দেখিয়া আসিয়াছি, এবং যে

মূর্তি তিনটি সংগৃহীত হইয়াছে, সেগুলি কতদিন পূর্বে কিরূপে আবিষ্কৃত হইয়াছিল, অথবা কেহ অত্র কোন স্থান হইতে বহন করিয়া আনিয়াছিল, স্থানীয় লোকে তাহার কোন সংবাদ বলিতে পারেন না। সংগৃহীত মূর্তি তিনটি মাটির উপরেই গ্রাম-দেবতার বেদীর মধ্যে পাওয়া গিয়াছে। পোড়ামাটির নারীমূর্তি ও চতুর্ভূজা বাগীশ্বরী বাগ্‌দী-পাড়ার মনসাতলায় এবং সিংহবাগিনী মূর্তি যাত্রানিধি ধর্মরাজতলায় ছিল। এই দুই স্থানেই আরো ভগ্নমূর্তি ও প্রস্তরখণ্ড পড়িয়া আছে। আমাদের মনে হয়, এগুলি পথরণা বা আশ-পাশের গ্রাম হইতেই সংগৃহীত। নানা কারণে অনুমান করিতে হয় যে, চন্দ্রবামার পরবর্তী কালে পাল এবং সেন রাজাদের সময়েও পথরণা সমৃদ্ধ জনপদ ছিল। শুভ্রনিয়া পাগড়ে অপর যে কয়েকটি ক্ষুদ্র লিপি আছে, সেগুলির পাঠোদ্ধার হইলে অনেক রহস্যের সন্ধান মিলিতে পারে। এদিকে ঐতিহাসিকগণের দৃষ্টি আকর্ষণ করিতেছি।

পথরণার দক্ষিণে “চাঁদাই” গ্রাম। “সিঙ্গাই” নামে একটা জলনালী (জোড়) ও “চকাই” গ্রামের নামানুসারে স্থানান্তরিত “চন্দ্রাবতী”, “সিংহাবতী,” এবং “চক্রাবতীর” সম্ভাবনা অনুমান করিয়াছেন—চন্দ্রবামা, সিংহবামা এবং চক্রস্বামীর স্মৃতি উহারাই রক্ষা করিতেছে, এইরূপই তাহার অনুমান। পথরণার আশ কোণের মতোই চন্দ্রাবতী ও সিংহাবতীর স্মৃতি। সিঙ্গাই আবার গ্রামও নয়, গ্রামের জল-নিকাশের বড় নালী। রাজধানীর মধ্যেই তাহা হইলে সিংহাবতী ও চন্দ্রাবতী দুইটি পাড়া ছিল, স্বীকার করিতে হয়। চক্রাবতীতে চক্রস্বামীর মন্দির থাকিলে শুভ্রনিয়ায় তাহার জ্য শিলা-লেখের প্রয়োজনীয়তা কেন হইয়াছিল, ভাবিবার বিষয়। গ্রাম উৎসর্গের প্রাচীন রীতি হ’ একপ ছিল না। লিপিতে কোন বিস্ময়পতি, বা পুষ্পপাল, বা শ্রেষ্ঠী, বা কুলিক বা কাষস্তু প্রভৃতি কুটুম্বীগণকে কোন সম্বোধন নাই। স্মৃতির এই সমস্ত অনুমানের সমর্থনযোগ্য আরো প্রমাণ চাই।

(৫) আমাদের মতে চক্রস্বামী বিষ্ণুর নাম



নহে, এবং লিপিতে কোন গ্রাম উৎসর্গের কথা নাই।

প্রত্নানুসন্ধান বিভাগের অগ্রতম অধ্যক্ষ পণ্ডিত শ্রীযুক্ত কাশীনাথ নারায়ণ দীক্ষিত মহাশয় “চক্র-স্বামিনে ধোসগ্রামোতি সৃষ্টঃ”—লিপির একাংশের এইরূপ পাঠ নির্ণয় করিয়াছেন। “ধোস”গ্রাম শুভুনিয়ার নিকটে পাওয়া যায় নাই। চকাই, সিঙ্গাই, চাঁদাই বাঁচিয়া থাকিলে তাহারও থাকা উচিত ছিল। আমাদের মনে হয় শুভুনিয়ার যে অংশে লিপি উৎকীর্ণ রহিয়াছে, পূর্বে সেই স্থানে একটি গুহা ছিল, এবং সেই গুহা বা উক্ত স্থানটী চক্রস্বামী নামক কোন সাধুকে উৎসৃষ্ট হইয়াছিল। এই সাধু হয়ত চন্দ্রবর্মার গুরু বা গুরুস্থানীয় ছিলেন। বিষ্ণুর সহস্র নামের মধ্যে অথবা কোন পুরাণ বা তন্ত্রাদিতে বিষ্ণুর “চক্রস্বামী” নাম পাওয়া যায় না।

দামোদরপুরে আবিষ্কৃত বৃহত্তপ্তের দ্বিতীয় তাম্রলিপি হইতে “কোকামুখ স্বামী” ও “শ্বেতবরাহ স্বামী” দেবতাদ্বয়ের নাম পাওয়া যায়। এই লিপির কাল আনুমানিক খ্রীষ্টীয় ৫ম শতকের শেষ ভাগ। এই দুই দেবতার মন্দির পুণ্ড্রবর্দ্ধন-ভুক্তির কোটীবর্ষ-বিষয়ের অন্তর্গত “হিমবন্ধিখর” নামক স্থানে প্রতিষ্ঠিত হইয়াছিল। মহারাজাধিরাজ ভানুগুপ্তের রাজ্যকালে (খ্রীষ্টীয় ৫৩৩-৩৪ অব্দে) শ্বেতবরাহস্বামীর মন্দির পুনঃসংস্কৃত হয়। শ্বেতবরাহ নাম পুরাণে পাওয়া যায়। “কোকামুখ” শব্দের অর্থ কি? কামশাস্ত্রের অপর নাম কোকশাস্ত্র। কোকামুখ কামদেব, কি বিষ্ণু, কি অপর কেহ—পণ্ডিতগণ তাহা নির্ণয় করিবেন। এই দুইটি নাম দেখিয়া চক্রস্বামী যে বিষ্ণুর অপর নাম হইতে পারে না, জোর করিয়া এ কথাও বলিতে পারি না। তবে সেকালে ব্যক্তিবিশেষেরও স্বামীযুক্ত নাম অনেক পাইতেছি। দ্বিতীয় চন্দ্রগুপ্তের মন্ত্রী নাম ছিল শিখরস্বামী। প্রথম কুমারগুপ্ত বরাহস্বামী নামক একজন ব্রাহ্মণকে ভূমিদান করিয়াছিলেন। বাঙ্গালার ধর্মাদিত্যের তাম্রলিপিতে গোপালস্বামী, বাসুদেব-

স্বামী ও সোমস্বামী নাম পাওয়া যায়। গোপালস্বামী শাসনকর্তা, বাসুদেবস্বামী ভূমিদাতা, এবং সোমস্বামী ব্রাহ্মণের পরিচয় পাই। গোপচন্দ্রের তাম্রলিপিতে শাসনকর্তা বৎসপালস্বামী ব্রাহ্মণ ভট্টগোমীদত্ত স্বামীকে ভূমি দান করিয়াছেন। সমাচারদেবের তাম্রশাসনে সূত্রতীকস্বামীর নাম পাওয়া যায়। চক্রস্বামী এইরূপ কোন ব্যক্তির নাম হওয়া আশ্চর্য্য নহে। উৎকীর্ণ চক্রটীকে দেখিয়া বিষ্ণুচক্র বলিয়াই মনে হয়। আমাদের অনুমান, চন্দ্রবর্মা অথবা চক্রস্বামী অথবা দুইজনেই বিষ্ণুর উপাসক ছিলেন; চক্রটী তাহারই প্রতীকস্বরূপ উৎকীর্ণ হইয়াছিল। ইহা “রাজমুদ্রার” মত ব্যবহৃত হইয়াছে কিনা তাহাও চিন্তার বিষয়।

বীরভূমের সীমান্তে মুর্শিদাবাদ জেলায় “গোকর্ণ” নামে একটি স্থান আছে। লোকে এখনো বলে, “গোকর্ণে কে কার কড়ি ধারে।” এইরূপ পথরণার নামও “পোকর্ণ” ছিল বলিয়া সন্দেহ হয়। পোকর্ণ সংস্কৃত রূপ ধরিয়া পুষ্করণা হইয়াছে। সমুদ্রগুপ্তের এলাহাবাদ-প্রশস্তিতে “বেঙ্গীনগর”, “এরগুপ্পর”, “কুহলপুর” প্রভৃতি নাম দেখিয়া মনে হয়, সেকালেও রাজধানীর নামে (ক্ষুদ্র ক্ষুদ্র?) রাজাদের পরিচয় দেওয়া রীতি ছিল। সূত্রাং চন্দ্রবর্মা আপনাকে “পুষ্করণাবিপতি” নামে পরিচিত করিয়া কাল ও দেশের রীতি ও প্রকৃতি বিরুদ্ধ কিছু করেন নাই। পরবর্ত্তী কালে রচিত সদ্ধাকরনন্দীর রামচরিতে এইরূপ নগরপুরের নামে পরিচিত সামন্তরাজগণের সাক্ষাৎ পাই। পথরণার সীমানা খুব বড় ছিল বলিয়া মনে হয় না।

শুভুনিয়া শৈলের সম্মুখভাগে, বাঁকুড়া হইতে আসিবার পথের ডাহিনে একটি ঝর্ণা আছে। প্রতি চৈত্র-সংক্রান্তিতে এই ঝর্ণার পাশে একটি মেলা বসে। এই স্থানের একটি মূর্ত্তিকে লোকে নরসিংহ মূর্ত্তি বলে। একখণ্ড প্রস্তরের উপরে একটি সিংহের প্রতিমূর্ত্তি। নীচে অসংখ্য কোন সৈনিক বা সেনাপতির



সম্মুখে একজন লোক পথ দেখাইয়া চলিতেছে, পশ্চাতে একজন ছত্রধারী, অশ্বারূঢ় মূর্তির মাথায় ছাত্তা ধরিয়া আছে। স্ত্রীনীতিবাবু বলেন, এই ধরণের মূর্তির নাম “বীরকল”। দাক্ষিণাত্যে এইরূপ প্রস্তর-মূর্তি প্রচুর আছে। যুদ্ধে কোন সৈনিক বা সেনানী নিহত হইলে এদেশে সেকালে এই ধরণের মূর্তি প্রতিষ্ঠিত করিয়া তাঁহার স্মৃতি রক্ষা করা হইত। ছাত্তাধারী এবং পার্শ্ববর্তী গ্রামে এইরূপ মূর্তি কয়েকটাই দেখিয়া বাসিয়াছি। এই মূর্তিগুলি কি দাক্ষিণাত্যপতি রাজেন্দ্র-চালের রাঢ়-অভিযানের স্মৃতি রক্ষা করিতেছে? বাঙ্গালার ইতিহাস আজিও লিখিত হয় নাই।

অথচ ইতিহাস না হইলে চলিবে না। নিজেকে চিনিতে এবং জানিতে হইলে ইতিহাস চাই-ই। অত্যাধুনিক জাতি-গঠনের কাজে, লক্ষ্য-নিরূপণে ও পথ-নির্দেশে পদে পদে ক্রটি-বিচ্যুতি ঘটিবে, বাধা আসিয়া জুটিবে। বাঙ্গালার ইতিহাসে পশ্চিম-বঙ্গের স্থান উল্লেখযোগ্য। বীরভূম, বর্ধমান, মেদিনীপুর এবং বাঁকুড়া আজিও যে-সমস্ত উপকরণ ইত্যন্তঃ ছড়াইয়া আছে, সেগুলি দেখিয়া সাজাইয়া গুছাইয়া লইতে পারিলে বাঙ্গালার ইতিহাসের প্রায় অর্দ্ধাংশের উদ্ধার সাধন হইতে পারে। আমরা এদিকে বাঙ্গালার তরুণ-দলের দৃষ্টি আকর্ষণ করিতেছি।

“আপনি খাইব, সুখ হইবে আর একজনের; আপনি পরিব, তুষ্ট হইবে আর একজন; আপনি ধনসঞ্চয় করিব, আর একজনের ভাবী হিতসাধন হইবে; এই ভাবটি বিবাহ-প্রণালী হইতে অতি সহজে এবং সাধারণতঃ জন্মিয়া থাকে। স্বার্থ এবং পরার্থ মিলাইয়া দেওয়া বিবাহ-সংস্কারের কার্য। বিবাহ দ্বারা স্বার্থবুদ্ধি সংশোধিত হইয়া পরার্থের সহিত একীভূত হয়—এইজন্যই বিবাহ অতি প্রধান ‘সংস্কার’।”

—ভূদেব মুখোপাধ্যায়



# ভারবাহী

শ্রীশৈলজানন্দ মুখোপাধ্যায়

ভবভূতি যে সত্য-সত্যই বন্ধ পাগল হইয়া গিয়াছে, সে কথা বৃষ্টিতে কাহারও বিশেষ দেৱী হইল না। কিন্তু সৰ্বনাশ, এত বড় একটা বিরাট সংসারের একমাত্র কর্ণধার ঐ ভবভূতি, — অতগুলি লোকের মুখে তাহাকেই ছুঁবেলা অন্ত জোগাইতে হয়, অথচ সে-ই কিনা আজ উন্মাদ হইয়া গেল। এমনি বিধাতার বিধান।

কিন্তু উন্মাদ সে হইল কেন? স্মৃষ্টি, প্রিয়দর্শন যুবক, এই সেদিনও তাহাকে হাসিয়া কথা বলিতে দেখিয়াছি, বিপদের সময় তাহারই পরামর্শ চাহিয়াছি, কিছুদিন আগেও যাহাকে আমাদের গ্রামের গৌরব বলিয়া মনে হইত, আজ আর তাহার কাছে সাহস করিয়া অগ্রসর হইবার উপায় নাই, বন্ধু বলিয়া আগের মত তাহার কাছে গিয়া দাঁড়াইলে সে আর চিনিতেই পারে না। কে-ই বা তাহার বন্ধু, আর কে-ই বা আত্মীয়, কে-ই বা স্ত্রী, আর কে-ই বা কণ্ঠা! এই দু'দিন আগে যাহারা ছিল তার সৰ্বাপেক্ষা প্রিয়, এখন আর যেন তাহাদের সঙ্গে ভবভূতির কোনও সম্বন্ধই নাই, সে যেন তাহার বাস করিবার মত একটা পৃথক্ জগৎ মনে-মনে তৈরি করিয়া লইয়াছে; সেখানে কে যে তাহার সাথী আর কে যে প্রিয়—কে জানে। তবু মনে হয় দিবারাত্রি তাহাদেরই সঙ্গে সে যেন বিড়্ বিড়্ করিয়া কথা বলিতেছে। ডাকিলে সাড়া দেয় না, না ডাকিলেও চীৎকার করে।

ভবভূতিকে দেখিলে চোখ ফাটিয়া জল আসে।

ডাক্তারকে সেদিন জিজ্ঞাসা করিয়াছিলাম, 'কেন এমন হ'ল বলুন দেখি?'

ডাক্তার তাহাদের বংশের বিবরণ জানিতে চাহিলেন। বলিলেন, 'ওদের বংশে কেউ কোনদিন পাগল ছিল কি?'

ছিল না আমি জানি। বলিলাম, 'না।'

তাহার পর ভবভূতিকে তিনি একদিন নিজে দেখিয়া গেলেন।

ডাক্তারকে সে বেশ ভালই চিনিত, কিন্তু সেদিন আর তাঁহাকে সে চিনিতে পারিল না। ডাক্তার তাহার কাছে গিয়া নমস্কার করিয়া দাঁড়াইতেই ভবভূতি চীৎকার করিয়া উঠিল, 'বেরোও ষ্টুপিড, পাড়ি কাঁহাকা! টাকা! টাকা! আমি বুঝি টাকার গাছ? টাকা যদি আমার কাছে না থাকে ত' তোর বাবার কি রে—!'

এই বলিয়া সে আপন মনেই বিড়্ বিড়্ করিয়া কি যেন বলিতে বলিতে হি হি করিয়া হাসিতে লাগিল।

ডাক্তারবাবু জিজ্ঞাসা করিলেন, 'কি বলছ, ভবভূতি?'

ভবভূতি প্রথমে সাড়া দিল না। তাহার পর অনেক ডাকাডাকির পর সে মুখ তুলিয়া চাহিল। চাহিয়াই হাত নাড়িয়া সুর করিয়া গান ধরিল—

'দিন ফুরালো আজিকে আমার ব্যাকুল বাদল-সাঁঝে।'

এবং তাহার পরের লাইন হইল—

'অলপ বয়সে পীরিতি করিয়া রহিতে নারিছু ঘরে।'

এমনি সব ভবভূতির অনেক কাণ্ডকারখানা ডাক্তারবাবু স্বচক্ষে দেখিলেন। দেখিয়া আমার আড়ালে ডাকিয়া লইয়া গিয়া জিজ্ঞাসা করিলেন, 'আপনি যদি দয়া ক'রে একটি কাজ করতে পারেন ত' ভাল হয়।'

বলিলাম, 'কি কাজ বলুন।'

ডাক্তারবাবু তাহার জীৱনের সমস্ত বৃত্তান্ত জানিতে চাহিলেন। বলিলেন, 'আগাগোড়া একটি কাগজে যদি আমার লিখে দিতে পারেন ত' কেসটা একবার ঠাটি করতে পারি।'

বলিলাম, 'ওকে সারিয়ে দিন, ডাক্তারবাবু, নইলে ওর সংসারে এই এতগুলি মাছুষ—'



কথাটা ডাক্তারবাবু আমাকে আর শেষ করিতে  
দিলেন না, বলিলেন, 'বুঝেছি।'

ডাক্তারের কথায় আশ্বস্ত হইয়া ভবভূতির জীবনী  
আমি যথাসম্ভব সংগ্রহ করিয়াছিলাম। কিন্তু তাহা  
কোনও কাজে লাগিল না। লেখাটা ডাক্তারবাবু পড়িয়া  
আমার গায়ের উপর ছুঁড়িয়া দিলেন। বলিলেন, 'রাবিশ,  
এসব সাহিত্য কর্তে তোমায় কে বলেছিল, হে  
ছোকরা? আমি যা চেয়েছিলাম, এ তা' নয়।'

কি যে তিনি চাহিয়াছিলেন, বুঝিলাম না। আবার  
যে নতুন করিয়া লিখিব তাহারও অবসর আর নাই।  
ভবভূতির পাগলামি আরও বাড়িয়াছে। সংসার ত'  
একরকম অচল বলিলেই হয়।

ভবভূতি সম্বন্ধে যাহা লিখিয়াছিলাম, তাহাই এখানে  
তুলিয়া দিলাম। উহা ত' কাহারও কোন কাজে লাগে  
নাই, স্বতরাং সাহিত্যের কাজে লাগিতে পারে বলিয়াই  
আমার বিশ্বাস।

ভবভূতিকে বাল্যকালে আমরা ভূতি বলিয়াই  
ডাকিতাম। এখন তাহার বয়স প্রায় পইত্রিশ, কিন্তু  
নাম তাহার সেই ভূতিই রহিয়া গিয়াছে।

ভূতির জীবনের সমস্ত ঘটনা বিস্তারিতভাবে  
বলিতে গেলে প্রকাণ্ড একখানা উপন্যাস হইয়া পড়িবে,  
কাজেই সে-চেষ্ঠা আমি করিব না। যথাসম্ভব  
সংক্ষেপে তাহার জীবনের কথা বলিতে চাই।

ভূতির বয়স যখন পনেরো-ষোলো, তখনকার  
কথাই বলি। ভূতি তখন ইস্কুলে পড়ে। গ্রাম  
হইতে ইস্কুল প্রায় মাইল-দুইএর পথ। সকলে  
মিলিয়া হাঁটিয়াই যাই, হাঁটিয়াই আসি। ইস্কুলে  
যাইবার আগে ভূতিকে এক-একদিন ডাকিতে

যাইতাম; সেদিনও গিয়াছিলাম। গিয়া দেখি,  
ভূতি তাহাদের সদর দরজার কাছটিতে বই-খাতা  
হাতে লইয়া স্নানমুখে দাঁড়াইয়া আছে, আর ঘরের  
ভিতরে মা তাহার চীংকার করিতেছেন। আমি  
যাইবামাত্র ভূতি বলিল, 'চল।' বলিয়াই সে আমার  
সঙ্গে বাহির হইয়া পড়িল।

জিজ্ঞাসা করিলাম, 'খেয়েছিস্?'

ভূতি বোধ হয় 'হা' বলিতেই যাইতেছিল, কিন্তু  
তাহা হইলে নেহাৎ মিথ্যা। বলা হয় বলিয়াই বোধ করি  
বলিল, 'না।'

ফিরিতে আমাদের সন্ধ্যা হয়। বলিলাম, 'সে  
কি রে! সন্ধ্যা পর্য্যন্ত না খেয়ে থাকবি?'

ব্যাপারটা যেন কিছুই নয় এমনভাবে ভূতি বলিল,  
'তাতে কি হয়েছে! রোজই ত' আমি এসে খাই।'

'কেন? সকাল-সকাল রান্না হয় না বুঝি?'

ভূতি কথা বড় কম বলে। অল্প দিন হইলে  
হয়ত' চুপ করিয়াই থাকিত, কিন্তু সেদিন তাহার  
কি হইয়াছিল কে জানে, কথা বলিল। ঈষৎ  
হাসিয়া বলিল, 'আজ আমাদের এখনও রান্নাই  
চড়েনি। ঘরে চাল নেই।'

অবস্থা তাহাদের ভাল নয় জানি, কিন্তু তাই বলিয়া  
রান্না চড়ে না, সে কথা কঁপনাও করিতে পারি নাই।  
শুনিয়া দুঃখ হইল। ভাবিলাম, আমাদের বাড়ী  
লইয়া গিয়া ভূতিকে খাওয়াই। কিন্তু তাহাকে  
আমি বাল্যকাল হইতেই চিনি। জানি, সে যাইবে  
না। কাজেই ছ'জনে নীরবেই পথ চলিতে লাগিলাম।  
খানিক পরে হঠাৎ জিজ্ঞাসা করিলাম, 'তোরা মা  
বুঝি ঐজন্তেই ঝগড়া করছিল?'

মা অর্থাৎ ভূতির বিমাতা। তাহার মা নাই।  
কথাটাকে ভূতি উড়াইয়া দিল। বলিল, 'না  
না, ও কিছু নয়, সেজন্তে কেন হবে? ও—এমনি।'

যাই হোক, বুঝিলাম—বলিতে সে চায় না।

গ্রামটাকে বাঁ-হাতি ফেলিয়া রাখিয়া ইস্কুলে যাইবার  
জন্ত মাঠের উপর দিয়া যে সোজা রাস্তাটা আমরা



আবিষ্কার করিয়াছিলাম, সবেমাত্র তখন আমরা সেই মেঠো পথ ধরিয়াছি, এমন সময় পশ্চাতে ডাক শুনিলাম, ‘ভূতোদা! ভূতোদা!’

হু’জনেই পিছন ফিরিয়া তাকাইলাম। দেখি, ভূতির বৈমাত্রেয় ভাইটা ছুটিতে ছুটিতে আমাদেরই দিকে আগাইয়া আসিতেছে। ছেলেটার নাম নিরঞ্জন। কাছে আসিয়া বলিল, ‘বাবা তোমায় ডাকছে, ভূতোদা।’

ভূতি জিজ্ঞাসা করিল, ‘কেন?’

নিরঞ্জন বলিল, ‘তা আমি কি জানি! আস্বে ত’ এসো, না আস্বে ত’ ব’লে দিচ্ছি—এলো না।’

ভূতি আমার মুখের পানে তাকাইল। তাকাইবার অর্থ—তুই আজ একাই ইস্কুলে যা, আমায় ফিরিতেই হইবে।

বলিলাম, ‘চল্ তবে আজ আমারও গিয়ে কাজ নেই। বাড়ীই ফিরে যাই।’

হু’জনেই ফিরিলাম।

ভূতি একটুখানি তাড়াতাড়ি আগে-আগে চলিতেছিল, তাহার পর নিরঞ্জন, তাহার পর আমি। সন্ধ্যোগ বুঝিয়া নিরঞ্জনকে ডাকিলাম, ‘শোন!’

‘কি?’

‘ভূতিকে শুধু দাদা বলতে পারিস্ না? ‘ভূতোদা’ ‘ভূতোদা’ কি?’

নিরঞ্জন বলিল, ‘বা-রে! ঐ ত’ ওর নাম।’

‘দাদাকে বুঝি নাম ধ’রে ডাকতে হয়?’

‘কি বলব?’

‘শুধু ‘দাদা’ বলবি। ‘ভূতোদা’ আবার বলে নাকি? ছি!’

নিরঞ্জন বলিল, ‘আজ্ঞে বেশ মশাই, তাই হবে।’

ছেলেটি পাকা শয়তান। ভূতির ভাই বলিয়া মনে হয় না। নিরঞ্জনকে চিনি। স্মৃতরাং বিখ্যিত হইবার কিছুই নাই। তবু কাছে পাইয়া মাথায় তাহার ঠাস্ করিয়া একটা চড় মারিয়া বসিলাম।

নিরঞ্জন একবার ‘উঃ’ বলিয়াই আমার মুখের পানে

তাকাইয়া বলিল, ‘ফুঁ দিয়ে দাও, নইলে চুল উঠ যাবে।’

খানিক দূর গিয়া ভাল করিয়া তাহার গায়ে হাত দিয়া জিজ্ঞাসা করিলাম, ‘হাঁরে নীক, তোর বাবা ওকে কিজন্তে ডাকছে রে?’

ভূতি তখন অনেকখানি আগাইয়া গিয়াছিল। নিরঞ্জন আমাকে সব কথাই খুলিয়া বলিল। হু’ তিন মাস ধরিয়া ভূতির ইস্কুলের বেতন দেওয়া হয় নাই। গত কয়েক দিন হইতে ভূতি তাহার বাবাকে সেই কথাই বলিতেছিল। আজ বলিয়াছিল, বেতন না দিলে সে পরীক্ষা দিতে পারিবে না। অথচ তাহার বাবার হাতে টাকা নাই। স্মৃতরাং মা তাহার বাবাকে একটা খুব ভাল বুদ্ধি শিখাইয়া দিয়াছে। এই মাসেই ভূতির বিবাহ দিতে হইবে এবং তাহা হইলে ইস্কুলের যাবতীয় খরচ আর তাহাদের দিতে হইবে না, ভূতির শ্বশুর দিবে। তাই তাহার বাবা ভূতিকে ডাকিয়া পাঠাইলেন। বিবাহ না হওয়া পর্য্যন্ত তাহাকে আর ইস্কুলে যাইতে হইবে না।

হাত নাড়িয়া চোখের ইসারা করিয়া কথাটা আমাকে নিরঞ্জন বেশ ভাল করিয়াই বুঝাইয়া বলিল। কিন্তু সেইখানেই বলা তাহার শেষ হইল না। পথ চলিতে চলিতে হঠাৎ এক সময় থমকিয়া দাঁড়াইয়া পিছন ফিরিয়া অত্যন্ত চুপিচুপি কহিল, ‘ভূতোদার ইস্কুলের মাইনে এতদিন কে দিয়েছে জানো?’

বলিলাম, ‘কে?’

গভীরভাবে নিরঞ্জন বলিল, ‘মা। গয়না বিক্রী করে’ দিয়েছে।’

তাহার পরেই ভূতির বিবাহ।

বিয়ে কি রে! আমরা ত’ অবাক! ভূতি কিন্তু চিরকালই কম কথা বলে। আমাদের প্রায় সে একবার হাসিল মাত্র।



কিন্তু তাহার বাবা রামলোচনের মুখে আমরা সবই শুনিলাম। বাগ্দিপাড়ায় হরি মিছিরের গোন্দারী দোকানের আটচালার একটা খুঁটি ঠেসে দিয়া রামলোচনকে প্রায়ই বসিয়া থাকিতে দেখা যায়। কেন যে তিনি সেখানে এমন করিয়া ঘণ্টার পর ঘণ্টা বসিয়া কাটান সে-কথা আমরা জানি, এবং জানি বলিয়াই ভূতিকে কোনদিন জিজ্ঞাসা করি নাই।

রামলোচন গাঁজা খান।

অবস্থা একা খান না। সন্ধ্যার আগে গ্রামের আরও অনেকেই শুধু ঐ একই প্রয়োজনে আসিয়া ছোটে এবং অনেক রাত্রি পর্যন্ত ঐখানে বসিয়া বসিয়া আড্ডা চালায়।

সেদিন ঐ আড্ডার মাঝখানেই রামলোচন বলিয়া বসিলেন, ‘মানুষ তাহ’লে আর কিজন্তে সময়ের ছেলে চায় বল দেখি, বিহারী! এই ত’, অবস্থা দেখেছ আমার এত খারাপ, দু’দিন পরে আবার দেখো, ভূতির বিয়েটা একবার চুকে যাক।’

বিহারী জিজ্ঞাসা করিল, ‘বিয়েতে কিরকম পাওনা হচ্ছে বল দেখি?’

রামলোচন হাসিয়া বলিলেন, ‘তা নগদে গয়না-গাটিতে প্রায় হাজার-দেড়েক টাকা। কম কি?’

কম যে নয় সে-কথা সকলেই স্বীকার করিল।

সুতরাং বুঝিতে পারা গেল, ভূতির বিবাহ রামলোচনের অভাব ঘুচাইবার জন্ত।

ভূতির তাহাতে আপত্তি করা চলে না।

আপত্তি সে করিলও না। বিবাহ নিষিদ্ধে চুকিয়া গেল।

কিন্তু ভূতির বৌ দেখিয়া আমরা ত’ আমরা, ধর্মস্বর্গ লোক একেবারে বৌএর পানে হাঁ করিয়া অকাইয়া রহিল। বৌ যেমন পাঁচপাঁচি সকলের হৈ তেমনি, কিন্তু লম্বায় চওড়ায় এত বড় যে,

দেখিলে মনে হয় ভূতিকে সে কোলে করিয়া সারা গাঁ-টা বারকতক ঘুরাইয়া আনিতে পারে।

বয়সে সে ভূতির চেয়ে বড় কিনা সে সন্দেহও অনেকে করিতে লাগিল, কিন্তু রামলোচন বলিলেন, ‘না হে না, দুঃখীর ঘরের মেয়ে ত’ নয় যে, না খেতে পেয়ে শুকিয়ে এতটুকু হ’য়ে যাবে! অমনি বৌ’ই আমি চেয়েছিলাম।’

ইহার উপর আর কথা চলে না।

তা যেমন শাশুড়ী, তেমনি বৌ।

শাশুড়ীর নাম লক্ষ্মী, আর বৌএর নাম সরস্বতী।

পৈতৃক যে কয় বিঘা ধানের জমি রামলোচন পাইয়াছিলেন, একমাত্র তাহারই উৎপন্ন ফসল হইতে তাঁহাকে সংসার চালাইতে হয়। বারো মাসের খরচ তাহাতে ভাল করিয়া চলে না। একান্তই যখন অচল হইয়া ওঠে লক্ষ্মী-বৌকে তখন তিনি বাপের বাড়ী পাঠাইয়া দেন। নিরঞ্জনকে লইয়া লক্ষ্মী-বৌ বাপের বাড়ী চলিয়া যায়। ভূতিকে বলেন, ‘তুইও তোঁর মামার বাড়ীতে দিনকতক থেকে আয় গে যা। আর আসবার সময় মামার কাছ থেকে কিছু চেয়ে আনি। বলিস্—ইশুলের মাইনেটা মাসে মাসে পাঠিয়ে দিও।’

এই ব্যবস্থাতেই বছরের পর বছর কাটিতেছিল।

কিন্তু এরকম সুব্যবস্থা সত্ত্বেও লক্ষ্মী-বৌএর কয়েকটি সোনার গহনা সেই যে বন্ধক পড়িয়াছে, রামলোচন এখনও তাহা ছাড়াইয়া দিতে পারেন নাই।

লক্ষ্মী-বৌএর কাছ হইতে রামলোচনকে তাহার জন্ত গজনাও কম সহিতে হয় না।

লক্ষ্মী-বৌ বলে, ‘অকস্মার ধাড়ি! মাগ-ছেলে পোষবার ক্ষমতাই যদি না থাকে ত’ বিয়ে করতে গিয়েছিলে কেন?’

রামলোচন গাঁজা খাইয়া চোখ দুইটা লাল করিয়া দ্বীপ দিকে একদৃষ্টে তাকাইয়া থাকেন, আবার কখনও বা হি হি করিয়া হাসেন।



লক্ষ্মী-বো বলে, ‘হাস্ছ কোন্ লজ্জায় শুনি! এই যে গয়নাগুলো আমার—’

গহনার কথা উঠিলে সহজে আর থামিতে চাহিবে না, রামলোচন তাহা জানেন। কাজেই হাঁ হাঁ করিয়া হাত নাড়িয়া তাহাকে থামাইয়া দিয়া বলেন, ‘চুপ কর লক্ষ্মী-বো, ভূতির বিয়েটা একবার দিতে দাও, বাস্, তোমার গয়না তখন যদি আমি না ছাড়িয়ে দিই ত’ গুণে সাত হাত নাকখৎ দেবো।’

তা নাকখৎ তাঁহাকে দিতে হয় নাই। ভূতির বিবাহ দিয়া সর্বপ্রথম তিনি লক্ষ্মী-বোএর গহনাগুলি ছাড়াইয়া দিয়াছেন, খড়ের ঘরখানা নূতন করিয়া ছাওয়াইয়াছেন এবং বাকি টাকা ভান্সিয়া ভান্সিয়া দিন তাঁহাদের এখন বেশ ভালই চলিতেছে।

খিড়্কির পুকুরে হাত ধুইতে গিয়া সরস্বতী সেদিন আছাড় খাইয়া পড়িয়া গেল। লক্ষ্মী বলিল, ‘প’ড়ে গেলে, বোমা? লাগেনি ত’?

সামান্য একটুখানি লাগিলেও বোমা ঘাড় নাড়িয়া বলিল, ‘না।’

লক্ষ্মী বলিল, ‘তোমার বাবাকে বোলো, বোমা, এবার যেন কিছু টাকা তিনি তোমার হাতে দিয়ে দেন। কিছু ইট পুড়িয়ে এই ঘাটটা তাহ’লে বাঁধিয়ে দেবো, বাছা। বর্ষাকালে তোমার তাহ’লে কষ্ট হবে না।’

সরস্বতী বলে, ‘বল্বে।’

লক্ষ্মী বলে, ‘আর শুধু ঘাট বাঁধালেই ত’ চলবে না, মা, মাটির ঘরে থাকা তোমার অভ্যেস নেই, তোমার জন্তে দালান-বাড়ী ত’ একখানি তোমার বাবাকে তৈরি ক’রে দিতেই হবে। তোমার শ্বশুরকে এবার আমি তোমার সঙ্গে পাঠিয়ে দেবো। তুমি হয়ত শুছিয়ে তোমার বাবাকে সব কথা বলতে পারবে না।’

সরস্বতী দেখিতে লম্বা-চওড়া হইলেও তখনও নিতান্ত ছেলেমানুষ। ঘাড় নাড়িয়া বলে, ‘হ্যাঁ।’

কিছুদিন ধরিয়া আকাশকুসুমের চাষ তাহাদের এমনি করিয়াই চলে।

ভূতি আমাদের সঙ্গে ইস্কুলে যায়। বোএর কথা তুলিয়া আমরা তাহার সঙ্গে হাসি-রহস্য করিতে ছাড়ি না। কিন্তু তাহার কি যে চুপ করিয়া থাকা স্বভাব, অনেক করিয়া বলিলে হয়ত’ একটুখানি হাসে।

কিন্তু তাহার পড়া আর বেশি দূর অগ্রসর হইল না, আর ছ’মাস ইস্কুলে থাকিলেই ভূতি ম্যাট্রিকুলেশন পাশ করিতে পারিত, কিন্তু লজ্জায় সে তাহার ইস্কুলে যাওয়া বন্ধ করিল।

ভূতির তখন বিবাহিত জীবনের দ্বিতীয় বর্ষ চলিতেছে। লজ্জা তাহার সেজ্ঞা নয়। লজ্জা এইজন্ম যে, ভূতির স্ত্রী সরস্বতী একটি কথ্য-সন্তান প্রসব করিয়াছে।

এই দু’বৎসরের মধ্যে ভূতির শ্বশুর তাঁহার কন্ঠার জন্ম দালান-বাড়ীও তৈরি করাইয়া দেন নাই, পুকুরের ঘাট বাঁধাইবারও কোন ব্যবস্থা করেন নাই। রামলোচন ও লক্ষ্মী-বো বৈবাহিকের উপর রাগ করিয়াছেন।

ভূতির মেয়েটি যখন ছ’মাসের শিশু, রামলোচন তখন একদিন নিজে গিয়া বোমাকে তাঁহার ঘরে লইয়া আসিলেন। এইবার কেমন করিয়া বৈবাহিক তাঁহাদের দুঃখ বুচাইয়া না দেন তিনি একবার দেখিবেন—এইরকম মনের ভাব।

সংসারে তখন তাঁহার অভাবের আর অন্ত নাই।

বাড়ী ফিরিয়া সেইদিন রাতেই রামলোচন কসিয়া গাঁজা টানিয়া আসিয়া সকলকে কাছে



ডাকিলেন। বলিলেন, 'বোমা এসো। ভূতি, তুইও  
আয়! আর তুমি—হ্যাঁ, তুমিও থাকো।'

এই বলিয়া তিনি সরস্বতীকে গুনাইয়া গুনাইয়া  
বলিতে লাগিলেন, 'আচ্ছা বোমা, এই ত' দেখছ মা  
আমার অবস্থা, ছ'বেলা হয়ত' ভাল করে' খেতেই  
পাবে না। কিন্তু মেয়ের এই এত কষ্ট দেখেও  
তোমার বাবা কি কিছুই করবে না?'

সরস্বতী হেঁটমুখে নীরবেই বসিয়া রহিল।  
কোনও কথা বলিল না।

লক্ষ্মী-বো বলিল, 'কেন করবে না? খুব করবে।  
মিন্সের দেবার ক্ষেমতা ত' নেই তা নয়!  
দেয় না শুধু তুমি বলতে পার না বলে'। কই  
এইবার একবার 'ভাল করে' বল দেখি।'

রামলোচন বলিলেন, 'আহা, সেই পরামর্শ  
কব্ধেই ত' ডাকলাম সবাইকে।'

লক্ষ্মী-বো বলিল, 'বেশ, তবে কালকেই একটি  
গাইএর কথা লিখে দাও। বল যে, গাইএর  
টাকা না পাঠালে নাতনী তোমার দুধ খেতে  
পাবে না।'

কিন্তু শুধু গাইএ রামলোচনের মন উঠিল না।  
বলিলেন, 'হ্যাঁ, তোমারও যেমন বুদ্ধি! শুধু একটি  
গাই হ'লেই তোমার দুঃখ বুচে যাবে? না, শোন,  
তার চেয়ে লিখে দিই—অবিলম্বে একশ' টাকা  
পাঠিয়ে দাও। না দিলে তোমার সঙ্গে ভদ্রতা  
রাখা আর চলবে না দেখছি।'

লক্ষ্মী-বো বলিল, 'সেই ভালো।'

সেই পরামর্শই স্থির হইল। ভূতি একটি কথাও  
বলিল না। পিতার আস্থানে যেমন সে নীরবে  
অ'সিয়া দাঁড়াইয়া ছিল, আবার তেমনি নীরবেই  
চলিয়া গেল।

রাত্রে ওদিকে তাহাদের দুই স্বামী-স্ত্রীতে কি যে  
কথা হইয়াছে কে জানে, পরদিন সকালেই দেখা গেল,  
ভূতি কোথা হইতে একটা গাই কিনিয়া আনিয়াছে।

গাই দেখিয়া রামলোচন জিজ্ঞাসা করিলেন,

'এ কি রে! গাই কোথায় পেলি?'

ভূতি বলিল, 'ত্রিশ টাকায় কিনে আনলাম।'

'টাকা কোথায় পেলি?'

'ওর কাছে ছিল।'

ওর অর্থাৎ সরস্বতীর।

ব্যাপারটা রামলোচন যে না বিশ্বিলেন তাহা  
নয়। গাইটার দিকে একদৃষ্টে তাকাইয়া থাকিয়া  
গম্ভীরভাবে বলিলেন, 'হঁ।'

লক্ষ্মী-বো ছুটিয়া আসিল, নিরঞ্জন আসিল।

রামলোচন বলিলেন, 'ওগো, শুনেছ? গাই  
কিন্তে তোমার বোমা যে টাকা বের করে'  
দিয়েছে।'

সরস্বতী তাহার মেয়েকে কোলে লইয়া একটুখানি  
দূরে দাঁড়াইয়া ছিল, লক্ষ্মী-বো বলিল, 'তুমি কেন টাকা  
দিলে, বাছা? গাইএর টাকা তোমার বাবার কাছে  
থেকে আদায় কর্তাম। তা বেশ করেছ, মা,  
আরও গোটা-দশেক টাকা আমায় আজ দুপুরবেলায়  
দিও। ঘরে একটি চাল নেই, পাচ টাকার চাল  
কিন্বে আর পাচ টাকায় আমার সেই চুড়িগাছটা  
বন্ধক আছে—ছাড়িয়ে আনব।'

সরস্বতী কি যেন বলিয়া মুখ ফিরাইয়া চলিয়া গেল।  
কিন্তু কি যে বলিল কিছুই ভাল শোনা গেল না।

দুপুরে আহারাদির পর লক্ষ্মী-বো সরস্বতীর  
কাছে হাত পাতিয়া বসিল। বলিল, 'কই দাও  
বাছা, দেখে আসি।'

সরস্বতী বলিল, 'কি?'

'ওমা! এ যে আকাশ থেকে পড়লে গো!  
সেই যে বললাম সকালে,—দশটা টাকা।'

সরস্বতী বলিল, 'সকালে যে বললাম, মা, টাকা  
ত' আমার কাছে আর নেই।'

লক্ষ্মী-বো গম্ভীর ভাবে খানিকক্ষণ চুপ করিয়া  
থাকিয়া বলিল, 'ভূতি বুঝি শিখিয়ে দিলে?'

সরস্বতী বলিল, 'না মা, তাঁর সঙ্গে ত' আমার  
এখনও দেখাই হয়নি।'



লক্ষ্মী-বৌ সেদিন আর কোনও কথাই বলিল না, কিন্তু তাহার পরের দিন দেখা গেল, তাহাদের রান্না চড়ে নাই, উনানটা পর্য্যন্ত না ধরাইয়া লক্ষ্মী-বৌ গুম্ হইয়া পা ছড়াইয়া চুপ করিয়া বসিয়া আছে।

সরস্বতী জিজ্ঞাসা করিল, ‘উনানটা কি আমি গিয়ে ধরাব, মা?’

‘কিজন্তে ধরাবে, বাছা, ঘরে চাল বাড়ন্ত।’ বলিয়া সে যেমন বসিয়াছিল তেমনি বসিয়াই রহিল।

ভূতি বাড়ী ছিল না, ফিরিয়া আসিয়া দেখিল, সব চুপ্‌চাপ, কোথাও কোনও সাড়াশব্দ নাই। রান্নাঘরটা একবার দেখিয়া আসিয়া উঠানে দাঁড়াইয়া আপন মনেই জিজ্ঞাসা করিল, ‘আজ আমাদের উনান ধরেনি কেন গো?’

ও-ঘর হইতে লক্ষ্মী-বৌএর জবাব আসিল, ‘কেমন করে’ ধরবে, বাছা! বাড়ীতে ভাতের চাল নেই আর নিজের মেয়েটি দুধ খাবে বলে’ গাই কিনে আনলে। এইবার মেয়েকে দুধ খাওয়াও আর বাপ-মা উপোস্ দিক্।’

আরও কি যেন সে বলিতে যাইতেছিল কিন্তু ভূতি আর কিছু না শুনিয়াই সেখান হইতে ঘরে চলিয়া গেল। সরস্বতী বসিয়া বসিয়া তাহার মেয়েকে আদর করিতেছিল। মুখ তুলিয়া বলিল, ‘কোথায় ছিলে এতক্ষণ? এদিকে রান্নাবান্না আজ কিছুই চড়েনি।’

ভূতি বলিল, ‘জানি। কিন্তু তোমার কাছে ত’ আর কিছুই নেই?’

সরস্বতী বলিল, ‘স্বচক্ষেই ত’ দেখলে।’

স্বামী তাহার ম্লান মুখে চুপ করিয়া দাঁড়াইয়া দাঁড়াইয়া ভাবিতেছে দেখিয়া সরস্বতী বলিল, ‘অমন মুখভারি করে’ দাঁড়িয়ে থেকো না বাপু, আমার একটা গয়না-টয়না নাও, নিজে কোথাও টাকাকড়ির জোগাড় করে’ কিছু চাল কিনে নিয়ে এসো।’

এই বলিয়া মেয়েকে সে তাহার কোল হইতে

নামাইয়া হাতের একগাছা সোনার চুড়ি খুলিয়া স্বামীর হাতে দিয়া বলিল, ‘নাও।’

সংসারে যাহাদের আয় বলিতে কিছুই নাই অথচ ব্যয় আছে, অভাব-অভিযোগ তাহাদের নিজ-নৈমিত্তিক। রামলোচনেরও সেই অবস্থা। রোজগার তিনি কখনই করেন নাই—এখনও করেন না। অভাব যখন দারুণ হইয়া উঠে, উনানে হাঁড়ি যখন সত্যি চাপে না, তখন হয় তিনি তাহার নিজের খণ্ডরের কিম্বা ভূতির খণ্ডরের নিন্দা করিতে বসেন। বলেন, ‘আশা দিয়ে দিয়ে ওরাই ত’ আমার সর্বনাশ করে’ দিলে।’

লক্ষ্মী-বৌ বলে, ‘খবরদার বলছি, আমার বাবার কথা তুমি মুখে এনো না। আমার বাবা তোমাকে অনেক দিয়েছে। পূজোর সময় যখনই গেছি, গুটিমুন্ধো একজোড়া করে কাপড় দিয়েছে, জামা দিয়েছে, যাবার-আসবার গাড়ী ভাড়া……এমন কে দেয় গো শুনি!’

রামলোচন বলেন, “না গো না, তোমার বাবার কথা বলিনি। বলছি আমার আগেকার খণ্ডরের কথা—ভূতির দাদা-মশাই। ভূতির মা তাঁকে গিয়ে একবার বললে, ‘বাবা, আমার ওখানে বড় কষ্ট হচ্ছে।’ তিনি বললেন, ‘কত টাকা হ’লে তোমার দুঃখ ঘোচে বল ত’, মা?’ ভূতির মা বললে, ‘হাজার পাঁচেক টাকা দাও, বাবা, আমি আপনার ঘর-বাড়ী জমি-জমা সবই তাহ’লে ঐ থেকেই করে’ নেবো।’ হেসে বললেন, ‘তাহ’লে পাঁচ হাজারের কম এবার আর তুমি খণ্ডরবাড়ী যাবে না দেখছি।’ তারপর কথা হ’ল যে, এক মাসের মধ্যে টাকাটা তিনি দিয়ে দেবেন। বাস্—সেই মাসেই ভূতির মা গেল মরে।”

সে-সব দিন আর নাই। সে আশা-ভরসাও ঘুচিয়াছে। এখন ভরসা একমাত্র ভূতির খণ্ডর।

কিন্তু ভূতি কিছুতেই তাঁহাকে বলিতে দিবে না।



রামলোচনের নেশাটা যেদিন একটুখানি বেশি হইয়া যায়, সেদিন হয়ত কথা শুনিয়া ভূতির উপর রাগ করিয়াই বলিয়া বসেন, ‘লবাবের ব্যাটা! স্বপ্নের কাছে চাইতেও লজ্জা! কুলীন আমরা—আমাদের চোদ্দ-পুরুষ স্বপ্নের কাছে চেয়ে এসেছে, তা জানিস্? তা’ বেশ, চাইতে পারবে না ত’—চালাও সংসার। আর ত’ ছোট ছেলেটি নও বাবা,—এখন উপযুক্ত হয়েছে।’

এই বলিয়া একটুখানি থামিয়া তিনি আবার বলেন, ‘আর আমাকেই যদি এই বয়েসে রোজগার করতে হয় ত’ বেশ, তাও বল, যাই, কোনও দূর দেশ পানে চলে’ যাই, গিয়ে বামুনের ছেলে ভাত বাঁধিগে।’

কথাটা শুনিয়া ভূতির চোখ দুইটা ছলছল করিয়া আসে। বাবা তাহার বহু দূর দেশে গিয়া ভাত বাঁধিয়া রোজগার করিবে! না, সে নিজেই এইবার চাকরির সন্ধানে কোথাও বাহির হইবে।

স্নানমুখে ভূতি সরস্বতীর কাছে গিয়া দাঁড়ায়। বলে, ‘শুনলে ত’? এই বয়েসে বাবাকে আমি ভাত বাঁধার চাকরি করতে দেবো না।’

‘তাহ’লে তোমাকেই বেরোতে হয়।’

‘কাল সকালেই বাড়ী থেকে যাব ভাবছি। কয়লাকুঠিগুলো একবার ঘুরে আসি।’

কিন্তু সরস্বতীর ইচ্ছা, স্বামীকে যদি যাইতেই হয় ত’ আর কিছুদিন পরেই যেন যায়। কারণ, তখন ঐতি মাস। যেমন রৌদ্রের তেজ, তেমনি অসহ্য গরম। সমস্তটা খারাপ। তাহার চেয়ে—জল পড়ুক, ঘাসত শ্রাবণের বর্ষায় মাটিটা একটুখানি ঠাণ্ডা হোক।

ততদিনের জন্ত আবার সে তাহার হাত হইতে একখোঁচা চুড়ি খুলিয়া দেয়। ঘরে আবার কিছুদিনের জিনিসপত্র আসে।

রামলোচন খুশী হইয়া বলেন, ‘দেখ্ছ গো, ও লক্ষ্মী-বৌ, দেখো! এতদিন ছিলাম বাপের ছেলে,

এখন আমি ছেলের বাপ। আমার আবার ভাবনা কিসের!’

তখন হইতে ভূতিকেই সব ভাবনা ভাবিতে হয়। যেন ভূতিরই সংসার।

এবার আমরা অনেকদিন পরের কথা বলিতেছি।

অনেকদিন—প্রায় ষোলো বৎসর।

রামলোচনের বয়স হইয়াছে। ভূতিকে দেখিয়া আর চিনিবার উপায় নাই। নিরঞ্জনর বিবাহ হইয়াছে। একটি ছেলেও হইয়াছে। লক্ষ্মী-বৌএর আরও দু’টি মেয়ে আর একটি ছোট ছেলে। হয় নাই শুধু সরস্বতীর। তাহার সেই যে সেই মেয়েটি—তাহার পর আর সন্তানাদি কিছুই হয় নাই। সেই মেয়ে তাহার বড় হইয়াছে। মায়ের মতই বাড়ন্ত গড়ন। দেখিতে অত্যন্ত সুন্দরী। নাম—অম্বুপমা।

বহুর-দেশে আগে ভূতি একটি চাকরি পাইয়াছে। চুকিয়াছিল পচিশ টাকা, এখন হইয়াছে পঞ্চাশ। আমাদের গ্রাম হইতে ক্রোশদুই দূরে নতুন যে কয়লার কুঠি খুলিয়াছে, সেইখানেই তাহার কাজ। রোজ সকালে উঠিয়াই সাইকেলে চড়িয়া তাহাকে কুঠি যাইতে হয়, তপুরে একবার থাইতে আসে, তাহার পর আবার যায়, বাড়ী ফিরিতে কোনদিন সন্ধ্যা হয়, কোনদিন রাত্রি।

তাও ভাগ্যিস্, ঘুরিয়া ঘুরিয়া সাতবেকে বলিয়া কহিয়া ঐ চাকরিটি ভূতি পাইয়াছিল তাই রক্ষা, তাহা না হইলে সংসারে আজকাল ঐ অতগুলি লোক,—কাহারও দুঃখ-কষ্টের আর সীমা থাকিত না।

সম্প্রতি দুঃখ-কষ্টে তাহাদের ঘুচিয়াছে বলিয়াই মনে হয়। কিন্তু রামলোচনের নেশা যেন একটুখানি বাড়িয়াছে। বাগ্দিপাড়ায় হরি মিছিরের গোলদারী দোকানের আটচালায় তাহাকে আর বড় একটা দেখা যায় না। বাড়ীর স্তম্ভে অশ্বখগাছের তলাটা ভূতি ইট দিয়া বাধাইয়া দিয়াছে। সেই বাধানো



রকের উপরেই সকাল-সন্ধ্যা। আজকাল রামলোচনের আড়ু বসে। সঙ্গী-সাক্ষরদ তাঁহার সেইখানেই আসিয়া জোটে।

তবে তাঁহার বয়েসের দোষেই হোক কিংবা নেশার গুণেই হোক, কাজে-কর্মে আজকাল তাঁহার একটুখানি ভুলচুক হইয়া যায়।

যেমন ধরুন—

ভূতি সেদিন তাহার কুঠি হইতে বাড়ী ফিরিবামাত্র জমিদারের কাছারি হইতে লোক আসিল খাজনার তাগাদায়।

ভূতি বলিল, ‘মাইনে এখনও পাইনি, দিন সাতেক পরে দেবো।’

জমিদারের লোক বলিল, ‘আজ্ঞে ছ’বছরের। গত বছরের খাজনাও আপনাদের দেওয়া হয়নি।’

ভূতি একটুখানি অবাক হইয়া গেল। বলিল, ‘ছ’বছরের? না, আমার ঠিক স্মরণ হচ্ছে, গত বছরের খাজনা ত’ আমি বাবার হাতে পাঠিয়ে দিয়েছি।’

‘আজ্ঞে না। বাবাকে আপনি জিজ্ঞাসা করে’ দেখবেন।’

রামলোচন তখন বাড়ী ছিলেন না। বাড়ী ফিরিলে ভূতি তাঁহাকে জিজ্ঞাসা করিল, ‘গত বছরের খাজনা কি আমাদের দেওয়া হয়নি, বাবা?’

রামলোচন চোখ বুজিয়া একবার চিন্তা করিলেন। তাহার পর ঘাড় নাড়িয়া বলিলেন, ‘কই আর হ’ল! তুই দিয়েছিলি ঠিক, কিন্তু তোর মা’র ব্রত-উদ্‌যাপনের সময় মেজ-বোমার সেই যে সেই গয়নাটা বন্ধক পড়েছিল, সেইটে দিতে হ’ল ছাড়িয়ে।’

আর বেশি কিছু বলিবার প্রয়োজন হইল না। ছ’বছরের খাজনা একসঙ্গে প্রায় তিরিশ টাকা দিতে হইবে, অথচ বেতন পাইবে পঞ্চাশ টাকা। ভূতির মাথাটা একবার ঘুরিয়া গেল। কোনোরকমে মুখ বুজিয়া সে তাড়াতাড়ি বাহিরের ফাঁক। বাতাসে গিয়া দাড়াইল।

কথাটা সরস্বতী বোধ করি শুনিতে পাইয়াছিল।

ভূতিকে এক সময় একা পাইয়া বলিল, ‘হ্যাঁগা, মেজ-বোঁএর গয়না বন্ধি ছাড়িয়ে না দিলে চলে না, আর আমার গয়নাগুলো? চাকরি পাবার আগে যা বন্ধক দিলে তা ত’ আজও ফিরল না।’

ভূতি বলিল, ‘যা গেছে তা গেছে, তার জন্তে আর দুঃখ ক’রো না।’

সরস্বতী বলিল, ‘তা না হয় হ’ল, কিন্তু অমুর বিয়ে? মেয়েটার দিকে একবার তাকিয়ে দেখেছ? যোলো পেরিয়ে গেল।’

কথাটা ভূতি বিশ্বাস করিল না। বলিল, ‘ধেং! যোলো পেরোবে কি রকম?’

সরস্বতী ম্লান একটুখানি হাসিয়া বলিল, ‘হিসেব করে’ দেখো।’

ভূতি চুপ করিয়া কি যেন ভাবিতে লাগিল।

এ ভাবনা যে কিসের সরস্বতী তাহা বুঝিল। বলিল, ‘টাকার কথা ভেবে আর কি করবে বল? সেই যে বলেছিলে—আপিস থেকে ধার নেবে।’

ভূতি বলিল, ‘ধার বোধ হয় পাব না। আপিসের অবস্থা ভাল নয়।’

সরস্বতী বলিল, ‘না পাও, আমার সমস্ত গয়না আমি বিক্রি করে’ দেবো। ভাল দেখে তুমি একটু ছেলে দেখো।’

এই সেদিনের সেই ছোট অল্পপমা ইহারই মধ্যে যে এমন সর্বাঙ্গসুন্দরী যুবতী হইয়া উঠিতে পারে, সে ধারণা ভূতির ছিল না। সেদিন সে তাহার পরিপুষ্ট দেহের পানে তাকাইয়া সহসা চমকিয়া উঠিল। সরস্বতীকে বলিল, ‘গয়না তুমি ঠিক করে’ রেখো, অমুর বিয়ে আমি এই মাসেই দেবো।’

যাই হোক, অল্পপমার বরের জন্ত ভূতিকে খুব বেশি হায়রান হইতে হইল না। চিরকালই তাহার ইচ্ছা ছিল, ভাল ঘর এবং ভাল বর দেখিয়া অমুর বিবাহ দিবে। শেষ পর্যন্ত হইলও তাহাই। হুগলী জেলার একটি ছোকরা



তাহাদের আপিসে চাকুরি করিত। তাহার ভাইপোটি সবে এই বৎসর বি-এ পাশ করিয়া আবার কি যেন পড়িতে আরম্ভ করিয়াছে। ছেলের বাবা মস্ত বড় উকিল। ছেলেটিও দেখিতে চমৎকার।

বিবাহের বন্দোবস্ত সেইখানেই সব ঠিক হইয়া গেল। সরস্বতী তাহার দু'হাতে দু'গাছি মাত্র চুড়ি রাখিয়া বাকি সমস্ত গহনা তাহার স্বামীর হাতে তুলিয়া দিল।

বিবাহের মাত্র আর পাঁচ দিন বাকি। গহনা বেচিয়া ভূতি টাকা সংগ্রহ করিয়াছে। বরযাত্রীদের খাওয়ানোর আয়োজনও মন্দ হয় নাই।

এমন সময় দেখা গেল, রামলোচন বাকিয়া বসিয়াছেন।

রাত্রে সেদিন তিনি বাড়ী ফিরিয়া নেশার ঝোঁকেই বোন করি চীৎকার করিতে লাগিলেন, 'বিয়ে বন্ধ করে' দাও!' 'বিয়ে বন্ধ করে' দাও!' ডাকিলেন, 'ভূতি, শোন! এতদিন চুপচাপ করে'ই ছিলাম, কিছু বলিনি, ভাবছিলাম ভূতির আক্কেলটাই দেখি। কিন্তু এবার ত' আর না বলে' থাকা গেল না!'

ভূতি হেঁটমুখে দাঁড়াইয়া রহিল। বলিল, 'কেন, কি হয়েছে, বাবা?'

রামলোচন বলিলেন, 'বৌমার কথা শুনে স্বার্থে আমি ঝগড়া হয়েছি, বাবা, কি হয়েছে না-হয়েছে এখন ত' তা বুঝবে না! তোমার অতবড় ঐ বোনের বিয়েটা বইল পড়ে' আর এখন বিয়ে দিচ্ছ কার? না—নিজের মেয়ের।'

রামলোচনের এ-পক্ষের মেয়েটি বড় হইয়াছে সত্য, দেখিতেও মন্দ নয়, কিন্তু অনুপমার চেয়ে সে প্রায় তিন বছরের ছোট। তাহার যদি হয় ষোলো ত' বুঁদির বয়স তেরো।

ভূতি সেই কথাই বলিল। বলিল, 'বুঁদি ত' অমুর েয়ে অনেক ছোট, বাবা!'

রামলোচন হাসিলেন। বলিলেন, 'তবে আর বলছি কেন! আরে, হাজার ছোট হোক, তবু পিসী ত'! পিসী থাকতে ভাইয়ের বিয়ে হয় কখনও? কেউ শুনেছে?'

ভূতি হেঁটমুখে দাঁড়াইয়াছিল, বলিল, 'ভেবেছিলাম আগে অমুর বিয়েটা হ'য়ে যাক, তারপর একবার সামলে নিয়ে—'

রামলোচন এবার হো হো করিয়া হাসিয়া উঠিলেন। 'তুই হাসালি, ভূতি! মেয়ের বিয়ে বলে' কথা, সামলে নেওয়া কি এতই সোজা! তার চেয়ে এ বিয়ে তুই বন্ধ করে' দে।'

কিন্তু তাহাদের সে পাকা কথা দিয়াছে, আগামী উনিশে তারিখে বিয়ে। এখন বন্ধ করিবে বলিলেই বন্ধ করা যায় না।

রামলোচন বলিলেন, 'তার চেয়ে এক কাজ কর—শোন। ঐ এক-খরচে দুটো বিয়েই সেরে ফেল। এইটাই ত' শেষ নয়, আবার ত' আর একটা বোন আছে এখনও! সেটাকেও ত' তোকেই পার করতে হবে।'

ভূতি তেমনি হেঁটমুখে দাঁড়াইয়া দাঁড়াইয়া কি যেন ভাবিল। বলিল, 'আচ্ছা তাই হবে বাবা, আপনি ভাববেন না, যান।'

এই বলিয়া তাহার বাবাকে সাঙ্ঘন্য দিয়া কথাটা বোধ করি ভাল করিয়া ভাবিবার জন্ত স্বার্থান্ধ ভূতি অগত্যা চলিয়া গেল।

ভূতি আজকাল একটি দণ্ডের জগুও ঘরে বাস করে না, সাইকেল লইয়া দিবারাত্রি বাহিরে বাহিরেই ঘুরিয়া বেড়ায়, কোথায় যে থাকে, কোথায় স্নান করে, কোথায় খায়, কিছুই বৃদ্ধিবার উপায় নাই। সরস্বতী জিজ্ঞাসা করে, অনুপমা জিজ্ঞাসা করে, কিন্তু ভাল করিয়া কেহই কোনও জবাব পায় না।

বিবাহের আগের দিন ভূতি জানাইল যে, বুঁদিরও বিবাহ হইবে স্তবরাং গাত্র-হরিদ্রা তাহারও হোক।



কথাটা শুনিবামাত্র লক্ষ্মী-বৌ রামলোচনের কাছে ছুটিয়া গেল। বলিল, ‘হ’ল ত’ এবার! ঐ নাও, শোনো কি বলছে।’

রামলোচন বলিলেন, ‘ঠিকই ত’ বলছে। কাল বিয়ে, আজ গায়ে হলুদ হ’বে না?’

লক্ষ্মী-বৌ দাঁত কিড়মিড় করিয়া বলিল, ‘গাঁজা খেয়ে খেয়ে তোমার কি আর বুদ্ধিসুদ্ধি কিছু আছে? জামাই দেখলাম না কিছু না, কোথাকার কোন্ বান্দর ধরে’ এনে কাজ সেরে দেবার মতলব করেছে বুঝতে পারছ না?’

রামলোচন বলিলেন, ‘না গো না, তা ও করবে না।’

লক্ষ্মী-বৌ একবার এদিক-ওদিক তাকাইয়া বলিল, ‘হ্যাঁ, করবে না! সং-বোনের ওপর দরদ কত!’

ঠিক সেই সময়েই ভূতি ঘরে ঢুকিতেছিল, রামলোচন জিজ্ঞাসা করিলেন, ‘হ্যারে, বুঁদির বিয়ে কোথায় ঠিক করলি বল দেখি? জামাইটি দেখতে শুনতে বেশ ভাল হবে ত’? দেখিস, বাবা, আমার বুঁদির মত মেয়ে যেন শেষে জলে না পড়ে।’

ভূতি অত্যন্ত ব্যস্ত হইয়া ঘোরা-ফেরা করিতেছিল। বলিয়া গেল, ‘আপনারা কিছু ভাববেন না, বাবা, সে ত’ আমি আগেই বলে’ দিয়েছি।’

অনুপমাকে বিবাহ করিবার জন্ত বর আসিল হুগলী জেলা হইতে। চমৎকার ছেলোট। বড়লোকের ছেলে। দেখিতে অত্যন্ত সুন্দর। অনুপমার সঙ্গে মানাইবে ভাল।

কিন্তু বিবাহের সময় যে-বাপারটা ঘটিয়া গেল তাহা যেমন অপ্রত্যাশিত, তেমনি অদ্ভুত।

রামলোচন জিজ্ঞাসা করিলেন, ‘আর-একটি জামাই কই এখনও এসে পৌছোল না ত’?’

ভূতি বলিল, ‘অমুর বিয়ে আজ বন্ধ করে’ দিলাম, বাবা, আজ বুঁদির বিয়েটাই হ’য়ে যাক।’

বুঁদির বর যে এত সুন্দর হইবে রামলোচন তাহা ভাবেন নাই। বলিলেন, ‘সেই ভাল।’

সুতরাং অনুপমার বরের সঙ্গে বিবাহ হইয়া গেল বুঁদির। অনুপমার বিবাহ সেদিন আর হইল না।

বরপক্ষের বলিবার কিছুই নাই। যাহা পাইবার কথা ছিল সবই তাঁহারা পাইলেন। বুঁদি-মেয়েটো দেখিতে নেহাৎ মন্দ নয়।

কথা সম্প্রদান করিয়া রামলোচন ভাঁড়ারের দরজায় বসিয়া বসিয়া তামাক খাইতে খাইতে ভাঁড়ার আগ্লাইতে লাগিলেন। ওদিককার কাজকর্ম মেজ-বৌকে সঙ্গে লইয়া লক্ষ্মী-বৌ নিজেই দেখাশোনা করিতেছিল। পাড়াপড়শী দু’চার জন মেয়েও আসিয়া ছিল। তাহাদেরই মধ্যে কে একজন জিজ্ঞাসা করিল, ‘তোমার বড়-বৌকে দেখছি না যে, লক্ষ্মী-বৌ? আর তার মেয়েটাই বা গেল কোথায়?’

লক্ষ্মী-বৌ বলিল, ‘কি জানি, মা!’ বলিয়াই সে তাহার কাছে আসিয়া হাত নাড়িয়া চোখ উল্টাইয়া ঈষৎ হাসিয়া বলিল, ‘সবই ত’ তোমরা জানো, মা, তবু কেন যে জিজ্ঞাসা করছ কে জানে!’

মেয়েটি বলিল, ‘ভুলে যাই, বাছা, মনে থাকে না। তোমার ব্যাভারে সং-শাওড়ী বলে’ ত’ আর মনে হয় না, মা, তাই আজ তোমার আনন্দের দিনে ও-পক্ষের বৌ-ব্যাটা না যদি আসে ত’ বড় দুঃখ হয়।’

আর-একজন তাহার টিপ্পনি কাটিল। বলিল, ‘তা আজকের দিনে বোমার কিন্তু ঘরে খিল দিয়ে পড়ে’ থাকটা ভাল হ’ল না, বাছা, তা তুমি যাই বল, আর তাই বল।’

যাই হোক, বড়-বউএর অভাবে ক্ষতি কিছুই হইল না। বিবাহ নিবিঘ্নেই চুকিল।

সরস্বতী এদিকে কাঁদিয়া কাঁদিয়া সারা!

অনুপমা বলে, ‘চুপ কর, মা, এর জন্তে তোমার এত কান্না কিসের?’



সরস্বতী কিন্তু কিছুতেই চুপ করিতে পারে না। কাদিতে কাদিতে বলে, ‘কেন যে কাঁদছি তা তুই কেমন করে’ জানবি, মা! ডাক দেখি একবার তোর বাবাকে! কাল থেকে আমার সঙ্গে তার দেখাই হচ্ছে না।’

দেখা সে ইচ্ছা করিয়া করিতেছে না কিনা তাই বা কে জানে।

যাই হোক শেষ পর্য্যন্ত দেখা একদিন হইল।

সরস্বতী কাদিল না, অনুপমার বিবাহের কথা তুলিল না, শূণ্যস্তীরভাবে ভূতির স্মৃতি হাত পাতিয়া বলিল, ‘দাও আমার টাকাকড়ি দাও, আমার গয়না দাও!’

ভূতি বলিল, ‘দেবো।’

‘দেবো নয়, এফুণি দাও। তোমার ঢালাকি আমি বুকেছি।’

ভূতি বলিল, ‘এফুণি কোথায় পাব? দেবো দিনকতক পরে। অনুর বিয়ের জোগাড় ত’ আমার করতেই হবে।’

সরস্বতী বলিল, ‘থাক আর অনুর বিয়েতে কাজ নেই, তার চেয়ে তোমার আর-একটা বোন আছে, তার বিয়ের জোগাড় করগে যাও।’ এই বলিয়া সে একটু থামিয়া আবার বলিল, ‘আমার সঙ্গে আমি তোমার হাতে তুলে দিয়েছি, স্বামী হ’য়ে এমন শত্রুতা করবে তা জান্তাম না। দাও, আমার সব করিয়ে দাও, অনুরকে নিয়ে আমি বাপের বাড়ী গলে’ যাব।’

ভূতি বুকিল—এগুলি রাগের কথা। জীবৎ করিয়া বলিল, ‘আচ্ছা তাই যেও, তোমার সবই আমি ফিরিয়ে দেবো।’

খসি দেখিয়া সরস্বতীর সর্কাস জলিয়া গেল। বলিল, ‘হাস্ছ কোন্ লজ্জায়! কবে দেবে বল।’

ভূতি বলিল, ‘এক সপ্তাহ পরে দেবো।’

সরস্বতী আর কোনও কথা কহিল না। হাঁসিল, এক সপ্তাহ সে নীরবে অপেক্ষা করিবে।

করিলও তাহাই।

সপ্তাহ শেষ হইবার আগের দিন বলিল, ‘কাল

তোমার দেবার কথা, মনে থাকে যেন। না দিলে আমি কিন্তু কিছু বাকি রাখিব না।’

কিন্তু এক সপ্তাহের মধ্যে এত টাকা সে দিবে কেমন করিয়া! ..... দিতে সে পারিল না।

সরস্বতী কিন্তু ‘দাও’ ‘দাও’ করিয়া জীবন তাহার অতিষ্ঠ করিয়া তুলিল। শেষে অনুপমাও তাহার মাকে বলিতে ছাড়িল না। বলিল, ‘তোমার কি বুদ্ধি-সুদ্ধি কিছু নেই, মা? বাবাকে চন্দিশ ঘণ্টা ওরকম করে’ বলে! মানুষটা পাগল হ’য়ে যাবে যে!’

সরস্বতী রাগিয়া বলিল, ‘তা হোক পাগল। তুই চুপ করে’ থাক।’

সেদিন রাতে অমনি স্বামীর স্মৃতি খাবার ধরিয়া দিয়া সরস্বতী বলিল, ‘এবার কি আমরা মায়ে-ঝিয়ে গলায় দড়ি দিয়ে মর্লে তুমি সুখী হও? আপিস থেকে দার করবে বলেছিলে, তাই কর না! মেয়েটার দিকে তাকিয়ে আমার যে গুম হচ্ছে না। ছি ছি, এমন হতভাগা স্বামীর হাতে তুমি আমায় দিয়েছ, ভগবান!’

ভূতি তাহাকে ভাল করিয়া বুকাইয়া বলিল, ‘তুমি এত অধীর হ’য়ো না, শোনো! আমার অবস্থাটা একবার বোঝো। টাকাকড়ি পাবার চেষ্টা করছি, কিন্তু এখনও কিছু পাচ্ছি না।’

সরস্বতী বলিল, ‘সৎ-মার গুটির কাপড় ত’ এল। কই তার বেলা ত’ না-পাওয়া হও না!’

ভূতি বলিল, ‘ও ত’ সামান্য কয়েকটা টাকা! বাবা বললেন, কাপড়-চোপড় কারও কিছু নেই, কি আর করি বল।’

সরস্বতী দাঁত কিড়মিড় করিয়া জবাব দিল— ‘কি আর বলব তোমাকে! ছি ছি ছি ছি, এমন স্বামীর হাতে থাকার চেয়ে মরা ভালো।—তাও যদি নিজের মা হ’ত!’

হাত নাড়িয়া ভূতি বেশ জোরে-জোরেই বলিল, ‘ওগো চুপ কর! গুন্টে পাবে যে! ছি!’

ততোধিক জোরে সরস্বতী চীৎকার করিয়া



উঠিল, 'না আমি চুপ করব না। আমি ওদের গুনিয়ে গুনিয়ে বলব। ওরা সং, ওরা—'

'আঃ, ফের চোঁচাচ্ছ?'

'হ্যাঁ, চোঁচাব বেশ করব। ওরা আমাদের শত্রু। ওদের মুখে ছাই দিতে হয়।'

ভূতির মত শাস্তিশিষ্ট নির্ঝরোদী মানুষও একথার পর রাগিয়া উঠিল। ভাতের গ্রাস হাত হইতে ফেলিয়া দিয়া বলিল, 'চুপ করবে না?'

সরস্বতী বলিল, 'কেন, ভয়ে নাকি? না, চুপ করব না।'

কিন্তু ভূতিও যেন এইবার দপ্ করিয়া জ্বলিয়া উঠিল। নিজেকে আর সে সম্বরণ করিতে পারিল না। হাতের কাছে ডালের বাটটা তুলিয়া লইয়া সজোরে ছুঁড়িয়া মারিল সরস্বতীর দিকে। বলিল, 'মর্ তবে।' বলিয়াই সে উঠিয়া দাঁড়াইল।

ওদিকে কাঁসার ঐ অত বড় বাট সরস্বতীর কপালে লাগিয়া ছিটকাইয়া সেটা ঝন্ ঝন্ করিয়া দূরে গিয়া পড়িল। অনুপমা বোধ করি কাছেই কোথাও দাঁড়াইয়া ছিল, শব্দ শুনিয়া ছুটিয়া যবে ঢুকিয়াই দেখে, মা তাহার দুই হাত দিয়া কপালটা চাপিয়া ধরিয়াছে আর তাহার আঙ্গুলের ফাঁকে পিচ্কারির মত ফিন্‌কি দিয়া কাঁচা রক্ত ছুটিয়া গিয়া খালার ভাতগুলোকে পর্য্যন্ত রাঙা করিয়া দিয়াছে।

অনুপমা অনেক করিয়াও তাহার মা'র কপালের রক্ত কিছুতেই বন্ধ করিতে পারিল না। বলিল, 'রক্ত যে বন্ধ হচ্ছে না, বাবা, কি করি?'

বলিয়া নিতান্ত অসহায় ভাবে পিছন ফিরিয়া তাকাইতেই দেখে, বাবা তাহার তখনও পর্য্যন্ত হতভম্বের মত এঁটো হাতে সেইখানে দাঁড়াইয়া দাঁড়াইয়া থব্ থব্ করিয়া কাঁপিতেছে, মুখ দিয়া তাহার কথা বাহির হইতেছে না, চোখ দুইটা জলে ছলছল করিতেছে।

তাহার পরদিন, প্রত্যহ যেমন যায়, সাইকেলে চড়িয়া

ভূতি তাহার আপিস যাইতেছিল, কোথায় কোন্ পথে ধারে ভিন্নগ্রামের শ্মশানে একটা মড়া পুড়িতে দেখিয়া সেইখানেই সে গাড়ী হইতে নামিয়া সেই দি পানে একদৃষ্টে কিয়ৎক্ষণ তাকাইয়া রহিল, এক আম-গাছের ছায়ায় বসিয়া বসিয়া খানিকক্ষণ গ গাহিল, তাহার পর আপন মনেই কি যেন বলি বলিতে বাড়ী ফিরিল।

রসিক গোয়ালী ভূতের ভাঁড় লইয়া ভিন্নগ্রামে বেচিতে যাইতেছিল, পথে তাহার সঙ্গে ভূতির দেখা। ভাঁড় দুইটি মাটিতে নামাইয়া রসিক তাহাকে একটি প্রণাম করিল, কিন্তু আশ্চর্য্য ব্যাপার, ভূতি বলিয়া উঠিল, 'হাঁরে রসকে, তুই আমার খাজনার টাকাটা কবে দিবি বল দেখি?'

রসিক ত' অবাক্!

খাজনার টাকা রসিকের পূর্বপুরুষেরাও ভূতিকে কখনও দেয় নাই। বলিল, 'আমার কাছে খাজনার টাকা...'

ভূতি বলিল, 'হ্যাঁ, না যদি দিস্ ত' আমি সন্মান করে' ফেলব বলে' দিচ্ছি! বাটি দিয়ে মাথা ফাটিয়ে রক্ত বের করে' দিতে পারি— হ্যাঁ।'

এই বলিয়া সে আর অপেক্ষা করিল না। সাইকেলের উপর চড়িয়া-বসিয়া সজোরে গাড়ী ছুটাইয়া দিল।

সেই তাহার পাগলামির প্রথম সূত্রপাত!

তাহার পর পনেরোটা দিন পার হইতে না হইতেই বন্ধ উন্মাদ!

\*

এই পর্য্যন্ত লিখিয়াই আমি ডাক্তারকে দিয়াছিলাম। ডাক্তার পড়িয়া ত' হাসিয়া খুন! বলিলেন, 'এ তুমি সাহিত্য ফলিয়েছ, এ আমি চাইনি।'

জিজ্ঞাসা করিলাম, 'কি তবে চেয়েছিলেন?'

ডাক্তারবাবু বলিলেন, 'সে তুমি বুঝবে না।'



তখনও আমাকে চুপ করিয়া বসিয়া-থাকিতে  
থিয়া ডাক্তারবাবু জিজ্ঞাসা করিলেন, 'এই জন্মই কি  
বহুত পাপল হয়েছে, তোমার বিশ্বাস?'  
চুপ করিয়া রহিলাম।

ডাক্তারবাবু বলিলেন, 'কখনো না। এর চেয়েও  
কত ভীষণ ঘটনা মানুষের জীবনে ঘটে' থাকে।  
আমার জীবনেই ঘটেছে। যদি শুনতে চাও ত' সন্ধ্যার  
পর এসো।'

## গল্প-প্রতিযোগিতা

### নিয়মাবলী

১। গল্প ফুলস্কেপ্ কাগজের ৯১০ পৃষ্ঠার  
মধ্যে হওয়াই বাঞ্ছনীয়। কাগজের এক পৃষ্ঠায়  
লেখিতে হইবে। বাঁদিকে এক ইঞ্চি পরিমাণ  
মার্জিন' (margin) রাখিতে হইবে।

২। গল্পের আখ্যানভাগ, লিখন-প্রণালী এবং  
ভাষা—সকল দিকেই বিশেষ লক্ষ্য রাখিয়া উহার  
বিচার করা হইবে।

৩। গল্পের সঙ্গে ভাল ছবি দিতে পারিলে  
সহায় জন্ম বিশেষ পুরস্কার দেওয়া হইবে। ছবি  
Drawing Paperএ বা Bristol Boardএ  
আঁকা যাইতে পারে। তুলি বা কলম ব্যবহার  
করা যাইতে পারে। কলমে আঁকিতে হইলে  
লাইনগুলি গাঢ় কালো রঙের এবং পরিষ্কার  
হওয়া দরকার।

৪। প্রেরিত গল্পের আবরণের (cover)  
উপরে "গল্প-প্রতিযোগিতা" লিখিয়া দিবেন।

৫। মনোনীত গল্প প্রকাশিত করিবার সম্পূর্ণ  
অধিকার "উদয়ন"-সম্পাদকের থাকিবে।

৬। অমনোনীত গল্প ফেরত পাইতে হইলে  
উপযুক্ত মূল্যের ডাকটিকিট পাঠাইতে হইবে।

৭। গল্প পাঠাইবার সময় "গল্প-প্রতি-  
যোগিতা"র কুপন পাঠাইতে ভুলিবেন না।  
নিজের নাম ও ঠিকানা কুপনের উপর স্পষ্ট  
করিয়া লিখিবেন।

৮। এ সম্পর্কে অন্যান্য জ্ঞাতব্য বিষয়  
সাধারণ নিয়মাবলীতে দেখিবেন।

৯। গল্প পাঠাইবার শেষ তারিখ ৩০এ জ্যৈষ্ঠ।

১০। প্রতিযোগিতা সম্বন্ধে সম্পাদকের  
বিচারই চূড়ান্ত বলিয়া মানিতে হইবে।

প্রথম পুরস্কার	...	...	৫০৮ টাকা
দ্বিতীয়	"	...	২৫৮ "
তৃতীয়	"	...	১৫৮ "
চতুর্থ	"	...	১০৮ "



# রয়েল বেঙ্গল টাইগার

শ্রীকুমুদরঞ্জন মল্লিক

বাঙলা দেশের সুন্দরী কাঠের জঙ্গলে  
কেমন ক'রে জন্মালি তুই বাঘ ?  
মেঘের দেশের অজানা কোন্ খোঙ্গলে  
সুপ্ত ছিল প্রচণ্ড এ দাপ !

\*

যেথায় ভীকু শশক ফিরে শঙ্কতে,  
লাফিয়ে বেড়ায়, দন্ত দেখায় হনু ;  
উঠল কেঁপে কানন যে তোর ডঙ্কতে,  
যেমন আরাব, তেমনি ভীষণ তনু !

\*

চক্ষু ও কি ? দীপ্ত অনল-কুণ্ড যে,  
ও কি নখর, ও কি দারুণ থাবা ;  
যেমন গ্রীবা, তেমনি ও তোর মুণ্ড যে,  
সিংহ সেও হচ্ছে দেখে হাবা !

\*

শক্তি বিপুল, বিপুলতর লক্ষ রে,  
ধনু সাহস ! আচ্ছা বুকের পাটা ;  
থাকিস্ ধরায়, শব্দে কাঁপাস্ অন্তরে,  
কণ্টকিত শঙ্কতে হয় গা'টা !

নায়েগার এ জল-প্রপাত মূর্ত কি ?  
লাগছে 'অঁধি' জীবন্ত এ যম বলি',  
সত্য প্রলয়-ঘূর্ণি সাথে ঘুরত কি ?  
দন্তে ধরি' ইন্দ্ররাজের দন্তোলি !

\*

বগরী-চরা পলি মাটির পৃথ্বী এ,  
জম্কে ছিল ধাতু, পাণ ও সর্ষপে ;  
বুঝতে নারি কোন্ খেয়ালীর কীৰ্তি এ,  
কে জান্ত এ বাঘের থাবার ভর স'বে ।

\*

ভীতু ভেতো ভাঙা দেশের শর-ক্ষেতে  
একি ভয়াল ভীষণতার ভাণ্ডারা,  
হায় রে ফণি-মনসার এ অর্ঘ্যেতে  
লক্ষ্মীরে আজ পূজ্লে এ কোন্ পাণ্ডারা !

\*

এ নয় ফুল আর প্রজাপতির দেশ শুধু,  
ভেবো না কেউ কেবল ফেউ আর ছাগ আছে;  
হেথায় জাগে লতার বৃকে ডাঁশ, মধু,  
মোদের বনে আজও এমন বাঘ আছে !





শ্রীবিষ্ণুপতি চৌধুরী, এম-এ

মেসের চারতলার উপরের ছোট্ট একরত্তি ঘর। তক্তপোষের ওপর চুপ ক'রে ব'সে আছি। হাতে কোনো কাজ নেই। আজ তিন বৎসর হ'ল বি-এ পাশ ক'রে বেরিয়েছি। মধ্যো মধ্যো কাজ জোটে—সে কিন্তু টেম্পোরারি গোছের—আজ আছে, কাল নেই। সম্প্রতি কয়েক মাস বেকার ব'সে আছি।

ভেতো বাঙ্গালীর বেতো শরীর,—সারাটা ছপ্পুর ঘুমিয়েও যেন আশ মিটছে না। চোখের পাতা দুটো বৃষ্টিতে-ভেজা চড়ুই-পাখীর ডানার মত জড়িয়ে রয়েছে। ঘুম ভেঙ্গেছে বটে, কিন্তু মনে হচ্ছে যেন জেগে জেগে স্বপ্ন দেখছি।

সুস্থের দেয়ালে কড়িকাঠের কাছ-বরাবর একটা টিক্‌টিকী একটা আরসোলাকে তাক করছে; আরসোলাটা আপন মনে আরামে ঝিমোচ্ছে। —বাছা রে! বিষ্ণুশর্মা সাধে লিখে গেছেন—“গৃহীত ইব কেশেষু মৃত্যুনা ধর্মমাচরেৎ।” শ্লোকখানি যেন আমার চোখের সামনে চার পা ছুঁড়ে জ্যাস্ত হ'য়ে দাঁড়াল।

হঠাৎ দেখি আরসোলাটা চোঁ ক'রে দেয়াল বেয়ে নীচের দিকে নেমে আসছে, আর টিক্‌টিকীটা তার পেছনে এঁকে বেঁকে ছুটেছে। হয়ত বা বেচারা পালাতে পারত—কিন্তু পারলে না;—মাম্বপথে মহাত্মা গান্ধীর ফ্রেমে-বাঁধানো ছবিখানা পথ রুদ্ধ ক'রে দাঁড়াল। “তারপর তুঁ-চারবার পাখার ঝটপট শব্দ এবং পরমুহূর্তেই সব ঠাণ্ডা। কাল বৈকালে মহাত্মাজীর ছবিখানি সখ ক'রে টানিয়ে-ছিলাম। কে জান্ত, অহিংস নীতির শ্রেষ্ঠ পুরোহিতের ছবি হিংসার সহায়তা করবে!

হঠাৎ কার ভাঙ্গাকণ্ঠের কাংস-ধ্বনিতে স্বপ্নভঙ্গ হ'ল।—দুয়ারের দিকে চেয়ে দেখি—রায়বাহাদুরের পেয়ারের খান্সামা বনমালী চৌকাঠের বাইরে গরুড় পক্ষীর মত হাত জোড় ক'রে দণ্ডায়মান।

সবিস্ময়ে জিজ্ঞাসা করলুম—“কি খবর, বনমালী? রায়বাহাদুর কলকাতায় ফিরলেন কবে?”

উত্তরে সে যা বললে তার সারমর্ম এই যে, রায়-বাহাদুর আজ তিন দিন হ'ল দেরাডুন থেকে কলকাতায়



ফিরেছেন এবং তাঁর বরানগরের বাগানবাড়ীতে আস্তানা গেড়েছেন। উপস্থিত আমার ডাক পড়েছে।

তথাস্তু!—বড়লোকের হুকুম,—তামিল না ক’রে উপায় নেই। বললুম—“আচ্ছা, তুমি এগোও,—আমি এখুনি যাচ্ছি।”

এই ফাঁকে রায়বাহাদুর নামক জীবটির সম্বন্ধে ছ’চার কথা ব’লে রাখি। রায়বাহাদুর ক্ষেমদাকিঙ্কর রায়চৌধুরী বাংলাদেশের একজন মাঝারি গোছের জমিদার। জমিদারির আয় নিতান্ত কম নয়। অথচ সংসারে ভোগ করবার কেউ নেই বললেই চলে। বয়স এখন ষাটের কিছু ওপর হবে। গোলগাল লোকটি—মাথাভরা প্রকাণ্ড টাক। বছর পাঁচেক হ’ল পত্নীবিয়োগ হয়েছে। একটি মাত্র পুত্র, তাও চিররুগ্ন,—সুতরাং জমার অঙ্ক দিন দিন বেড়েই চলেছে। ভদ্রলোকের নিজের কোন বাবুয়ানা বা বদ্‌খেয়াল নেই। সখের মধ্যে দু’টি জিনিষ এ পর্য্যন্ত আমার নজরে এসেছে,—একটি হচ্ছে সরকারী খেতাব অর্জনের বাসনা, আর একটি হচ্ছে লুপ্ত তন্ত্র-শাস্ত্রের পুনরুদ্ধারের জন্ত উৎকট চেষ্টা।

আজ বছর দুয়েক হ’ল এঁর কাছে কিছুদিন কাজ করেছিলুম। কাজ আর কিছুই নয়—রোজ ঘণ্টা দুই ক’রে ডিক্টেশন্ লেখা। রায়বাহাদুর তাকিয়া হেলান দিয়ে গড়গড়া টানতে টানতে তন্ত্র-শাস্ত্র সম্বন্ধে বক্তৃতা ক’রে যাবেন, আর আমাকে তাই লিখে যেতে হবে।—এই হচ্ছে কাজ। এইভাবে প্রায় একটা বছর কাজ চলেছিল। তারপর একদিন বই লেখা শেষ হ’ল।—রায়বাহাদুর বইয়ের নাম দিলেন “কুলকুণ্ডলিনী-রহস্য”! বই ছেপে বেরুতে আরও মাস দুই লেগেছিল। দেড় হাজার পৃষ্ঠার বিরাট অতিকায় গ্রন্থ—দ্বিতীয় মহাভারত বললেই হয়। এক কপি বই আমাকে উপহার দিয়ে বললেন—“শীগগিরই এর একটা ইংরেজী তর্জমা করব মনে করছি!—এসব জিনিষ পৃথিবীর লোকে যত পড়তে পায় ততই মঙ্গল,—বুঝলে কিনা!”

বললুম—“তা তো বটেই।”

তার পরই হঠাৎ একদিন জমিদার-পুত্রের শরীর খারাপ হ’ল। ডাক্তারের পরামর্শে রায়বাহাদুর সপুত্র দেরাছন যাত্রা করলেন। বছর খানেক পর আজ খবর পেলুম—ভদ্রলোক কলকাতায় ফিরেছেন এবং আমাকে ডেকে পাঠিয়েছেন।



বনমালী গরুড় পক্ষীর মত হাত জোড় ক’রে দণ্ডায়মান সন্ধ্যার কিছু পূর্বে বরানগরের বাড়ীতে গিয়ে হাজির হ’লুম। আমাকে দেখেই রায়বাহাদুর সোৎসাহে ব’লে উঠলেন—“এস এস, আছ কেমন?” উত্তরে কি বলতে যাচ্ছিলুম, তৎপূর্বেই একটা অতিকায় গ্রন্থ আমার দিকে এগিয়ে দিয়ে বললেন—“দেখেছ?”



মলাটের ওপরকার সোনার জলে লেখা ইংরেজী হরফগুলোর দিকে নজর পড়তেই অবাক হ'য়ে গেলুম,—বড় বড় অক্ষরে লেখা রয়েছে—“Mysteries of the Court of Kulakundalini.”

অতিকণ্ঠে হাসি সামলে বললুম—“খাসা নামকরণ।—কিন্তু এত অল্প সময়ের মধ্যে ইংরেজী তর্জমাই বা করলেন কখন, আর বই-ই বা ছাপালেন কখন?”

একটা চাপা গর্কের হাসি হেসে রায়বাহাদুর বললেন—“দেরাহনে এক রিটার্ড হেডমাষ্টার জুটে গেল। তাঁকে দিয়েই তর্জমা করালুম—শেষকালে আগাগোড়া অবশ্য নিজে দেখে দিয়েছি। নামকরণ কিন্তু আমার নিজের। তারিণীবাবু নাম দিয়েছিলেন Mysteries of Kulakundalini;—ও-নাম যে ভুল হ'ত তা নয়—কিন্তু কেমন যেন ঝাড়া-ঝাড়া ঠেকে—বুঝলে কিনা!—দেখ, এইটুকু সর্বদা মনে রাখবে যে, ব্যাকরণ-শুদ্ধ হ'লেই হ'ল না,—শব্দ-ঝঙ্কার একটা মস্ত বড় জিনিষ!—এই দেখ না, রেনল্ড-সাহেব যদি তাঁর বইয়ের নাম রাখতেন Mysteries of London, তাতে ক'রে কিছু ভুল হ'ত না তো!—কিন্তু তা না ক'রে তিনি যে তাঁর বইয়ের নাম রাখলেন—Mysteries of the Court of London, সে কেবল শব্দ-ঝঙ্কারের খাতিরে,—বুঝলে কিনা!”

অতিকণ্ঠে হাসি সামলে বললুম—“বাস্তবিক এটা এতদিন আমাদের মাথায় আসেনি।”

অত্যন্ত গভীর ভাবে রায়বাহাদুর বললেন—“মস্তিষ্কের পরিচালনা না করলে মাথা কি আপনি খুলবে, পরেশ?”

বললুম—“তা তো বটেই!”

উৎসাহ পেয়ে রায়বাহাদুর ব'লে যেতে লাগলেন—“তা ছাড়া তোমরা কোন জিনিষ ঠিক নজর ক'রে দেখ না। তুমি তো বি-এ পাশ করেছ, এমন কোন ইংরেজী ক্রিয়াপদের নাম কর দেখি—বা বাংলাভাষা থেকে নেওয়া।”

একটু ভেবে নিয়ে বললুম—“আজ কাল দু'একটা

দেশী ক্রিয়াপদ ইংরেজীতে চল হ'য়ে গেছে বটে,—যেমন ‘লুট করা’ কথাটার জায়গায় ইংরেজীতে আজকাল ‘loot’ শব্দটা অনেক সময় ব্যবহার হ'তে দেখা যায়।”

অত্যন্ত বিরক্ত হ'য়ে রায়বাহাদুর ব'লে উঠলেন—“আরে না না, ও তো হাল্ফিল্ ব্যাপার। আমি এমন ক্রিয়াপদের নাম করব যা কোন্ যুগে এদেশ থেকে ওদেশে গেছে তা ওরাও জানে না—আমরাও জানি না।”

বললুম—“তাই নাকি?”

বললেন—“হ্যাঁ!—এই ধর না, ‘অকাপাওয়া’ কথাটা তো খাঁটি দেশী শব্দ!”

বললুম—“সে-বিষয়ে সন্দেহ কি!”

বললেন—“আমি যদি এই কথাটাই ইংরেজী গ্রামারের বইয়ে ক্রিয়াপদরূপে ব্যবহৃত হয়েছে দেখাতে পারি—”

বললুম—“তাই নাকি!”

বললেন—“এখুনি দেখাচ্ছি দাঁড়াও!” কথাটা শেষ ক'রেই একটা স্কুলপাঠ্য ইংরেজী গ্রামারের ‘কন্জুগেশনে’র ‘চ্যাপ্টার’ খুলে আমার চোখের স্মৃখে মেলে ধ'রে বললেন—“দাগ-দেওয়া কথাটা প'ড়ে দেখ তো!”

অবাক হ'য়ে চেয়ে দেখি—লেখা রয়েছে—‘Occupy—Occupied—Occupied.’

কিছু বুঝতে না পেরে হাঁ ক'রে রায়বাহাদুরের মুখের পানে চেয়ে রইলুম। রায়বাহাদুর বললেন—“কেমন, পেলো তো?”—তারপর তিনি প'ড়ে যেতে লাগলেন—“অকাপাই—অকাপায়েড্—অকাপায়েড্।”

বলা বাহুল্য, হাসি চাপতে গিয়ে আমাকে সেদিন হেঁচে, কেশে, ঘাড় চুলকে ব্যতিব্যস্ত হ'য়ে উঠতে হয়েছিল।

রায়বাহাদুর বললেন—“চারদিকে একটু নজর রাখতে হয় হে—শুধু পড়াপাঠীর মত প'ড়ে গেলেই হয় না।”



কথাটা শেষ ক'রেই রায়বাহাদুর হঠাৎ ব'লে উঠলেন—“আর একটা শুভ সংবাদ আছে ; কিছুদিন হ'ল লাটসাহেবের সঙ্গে দেখা করবার অন্তিমতি প্রার্থনা ক'রে এক পত্র লিখেছিলুম,—প্রার্থনা গ্রাহ্য হয়েছে ; ১৭ই আগষ্ট দেখা করবার তারিখ পড়েছে। আজ হ'ল তোমার ১০ই জুলাই। তা হ'লে হাতে রইল মোটে একমাস ছ'দিন।—এর মধ্যে সব—”

কথাটা আর শেষ করা হ'ল না—হঠাৎ ব'লে উঠলেন—“এদিকে কিন্তু এক মহামুস্কিলে প'ড়ে গেছি হে ;—আমাদের গ্রামের এক ছোকরা আজ ক'দিন হ'ল স্বদেশী হাঙ্গামায় ধরা পড়েছে।”

বল্লুম—“তাতে আপনার বিপদ কোন্‌খানটায় তা তো বুঝতে পারলুম না।”

বিরক্ত হ'য়ে উত্তর দিলেন—“তাকে যে আমিই মাসহারা দিয়ে কলকাতায় লেখা-পড়া শিখতে পাঠিয়েছিলুম,—রাজদ্রোহীকে অর্থসাহায্য করা কতবড় অপরাধ তা জান ?—আমি অবশ্য না জেনে করেছি, কিন্তু পুলিশে কি তা শুনবে!”

এই সব আলোচনার পর ভূরিভোজন সেরে যখন মেসে ফিরলুম তখন রাত দশটা বেজে গেছে।

চার দিন পরে রায়বাহাদুরের সঙ্গে দেখা করতে গেছি। বেলা তখন পাঁচটা হবে। জমিদার-বাড়ীর দেউড়ি পার হ'য়ে উঠোনে পা দিয়েই শিউরে উঠলুম ;—দেখি উঠোনের পশ্চিম দিকের রকের উপর দেয়ালে ঠেস দিয়ে লাল পাগড়ীধারী এক পাহারাওয়াল। বিপুল নাসিকা গর্জ্জন পূর্বক নিদ্রা যাচ্ছে।—সে কি আওয়াজ !—পিলে চমকে যায়। মনে মনে ভয় পেলুম—পুলিশ কেন রে বাবা !—সেই স্বদেশী ছোকরাকে অর্থ-সাহায্যের জের নয় তো ?

ভয়ে ভয়ে বৈঠকখানা ঘরে প্রবেশ ক'রে

রায়বাহাদুরকে জিজ্ঞাসা করলুম—“ব্যাপার কি, মশাই, —বাড়ীতে পুলিশ কেন ?”

একটু মুচ্কে হেসে রায়বাহাদুর বললেন—“ও হচ্ছে আমাদের ঘাটির পাহারাওয়াল।—”

বল্লুম—“তা তো বুঝলুম—কিন্তু এখানে কেন ?”

বললেন—“ও রোজই একবার ক'রে আসে।”



পাহারাওয়াল। নাসিকা গর্জ্জন ক'রে নিদ্রা যাচ্ছে

বল্লুম—“রোজ আসে কেন ?”

হঠাৎ অত্যন্ত গম্ভীর হ'য়ে উঠে বললেন—“বনমালীকে পাগড়ী বাঁধা শেখাতে।”

কথাটা শেষ ক'রেই ডাকলেন—“বনমালী !”

সঙ্গে-সঙ্গেই বনমালী ভক্ত হুমানের মত জোড়করে স্তম্ভে এসে দাঁড়াল।

পাতলা লিক্লিকে লোকটি। আকাশ-প্রদীপের



বাণের মত বঁকে গেছে। বয়েস গোটা পঁয়তাল্লিশ হবে।

অত্যন্ত ভারী কণ্ঠে রায়বাহাদুর বললেন—“পাগড়ী বাঁধা শুরু করিসনি কেন এখনও?”

হাত জোড় ক’রে বলমালী বললে—“আজ্ঞে, আপনি যে হুকুম করেছিলেন—আজ থেকে আপনার সামনে পাগড়ী বাঁধা হবে।”

গলার স্বরটাকে আরও ভারী ক’রে তুলে রায়বাহাদুর বললেন—“আচ্ছা, ভকৎসিংকে এইখানে ডেকে আন, আর আমি যে আধথান্ শালু কাল কিনে এনেছি, ম্যানেজারবাবুকে বার ক’রে দিতে বল।”

কয়েক মিনিট পরেই আধথান্ শালু বগলে বনমালী এবং তৎপশ্চাৎ ভকৎসিং, ঘরে প্রবেশ করলে। রায়বাহাদুর বললেন—“দেখ ভকৎসিং, আজসে ঐ আধথান্ শালু বনমালীকে মস্তকমে বাঁধনে হোগা। পাগড়ী যত বড় হবে ইজ্জত ততই বদ্ধিত হোগা কি না।”

“জি!” ব’লে পাহারাওয়ালাপুঞ্জব শালুর থানের পাট ভাঙতে শুরু ক’রে দিলে। আধথান্ শালু,— চাড়্‌ডিখানি ব্যাপার তো আর নয়। যত খোলে ততই ঘেন মনে হয় কাপড় বেড়ে যাচ্ছে। দ্রৌপদীর বস্ত্র-হরণের কথা মনে প’ড়ে গেল। পাট-ভাঙ্গা যদিই বা অতিকষ্টে শেষ হ’ল পাগড়ী-বাঁধা আর শেষ হ’তে চায় না। একে বাঙ্গালীর মাথা—বাগ মান্তে চায় না—‘ট্র্যাডিসনে’র অভাব। তার ওপর আধথান্ কাপড়!—খানিকদূর অবধি এগোয়, তার পরেই হঠাৎ খুলে যায়। এমনি ক’রে বার বার সাত বার চেষ্টার পর অষ্টম বারে শেলাই ফোঁড় দিয়ে পাগড়ী অতিকষ্টে খাড়া হ’ল, কিন্তু মুকিল বাধ্‌ল বনমালীর। পাগড়ী খাড়া হ’ল বটে, কিন্তু পাগড়ীর ভারে বনমালী আর খাড়া হ’তে পারে না। একে লিক্লিকে পাতলা মানুষ তার ওপর ঐ আধথান্ কাপড়ের বিরাট পাগড়ী!

ভকৎসিং চ’লে যেতে রায়বাহাদুরকে জিজ্ঞাসা করলুম—“রোজই কি এমনি ক’রে পাগড়ী বাঁধা হয়?”

বললেন—“হ্যাঁ—রোজই!—এর জন্তে ভকৎসিংকে রোজ একটি ক’রে টাকা পারিশ্রমিক দিতে হয়।”

জিজ্ঞাসা করলুম—“এত খরচ ক’রে ওকে পাগড়ী-বাঁধা শেখাচ্ছেন যে বড়?”



পাগড়ীর ভারে বনমালী খাড়া হ’তে পারে না

বললেন—“জান না বৃদ্ধি?—লাটসাহেবের সঙ্গে দেখা করবার সময় বনমালী যে সঙ্গে থাকবে।”

কথাটা শেষ ক’রেই হঠাৎ অত্যন্ত চিত্তিতভাবে বললেন—“ঐ ব্যাটাকে নিয়েই তো ভাবনা।—ব্যাটা



সেখানে গিয়ে যদি ঘাবড়ে যায় ?” পরক্ষণেই বনমালীর দিকে চেয়ে বললেন—“কি রে, লাট-দরবারে গিয়ে ঘাবড়ে যাবিনে তো ?”

সে পাগড়ীটাকে মাথা থেকে একটু একটু করে খসাতে খসাতে বললে—“আজ্ঞে ঘাবড়াব কেনে—লাটসাহেবও মানুষ, আমিও মানুষ।”

রায়বাহাদুর হতাশ হ’য়ে বললেন—“ব্যাটা সর্বনাশ করলে দেখছি!” আমি তো অবাক—ভেবেছিলুম, বনমালীর সাহস দেখে রায়বাহাদুর খুশী হবেন—কিন্তু ফল হ’ল ঠিক উল্টো।

বললুম—“ভালই তো, মশাই—ওর যদি ভয় না করে সে তো সুখের কথা।” বললেন—“নাঃ—তুমিও দেখছি ওরই মতন মুখ্য হ’লে।”

বললুম—“কিছুই তো বুঝতে পারছিনে, রায়বাহাদুর।”

কিছুক্ষণ চুপ ক’রে ব’সে থেকে অত্যন্ত নিরাশ কণ্ঠে রায়বাহাদুর বললেন—“আরে বাপু, ভয়কে জয় করতে হয় ভয়ের সঙ্গে লড়াই ক’রে, ভয়কে এড়িয়ে গিয়ে নয়!—এ আমার কথা নয়!—একথা ‘বগলা-তন্ত্রের’ মধ্যে লিখেছে—বুঝেছ!”

বললুম—“জিনিষটা ঠিক বুঝতে পারলুম না।”

বিরক্ত হ’য়ে বললেন—“এসব কথা যদি এত সহজে বুঝবে তা হ’লে তো ‘কুলকুণ্ডলিনী-রহস্য’ তুমিই লিখে ফেলতে হে!” তারপর কিছুক্ষণ চুপ ক’রে ব’সে থেকে বললেন—“ব্যাপারটা খুলে বলি শোনো,—ও ব্যাটা যে বলছে লাটসাহেবও মানুষ, ও নিজেও মানুষ—সে কথা ঠিক—কিন্তু লাটসাহেব না দেখে ওকথা বলা আর লাটসাহেব দেখে ওকথা বলা এক জিনিষ নয়।—লাটসাহেবকে আমি ভয় করি না, একথা বললেই ভয় চ’লে যায় না। বরং লাটসাহেবকে আমি ভয় করি, একথা স্বীকার ক’রে একটু একটু ক’রে অভ্যাসের দ্বারা ভয়কে জয় করতে হয়।—তাত্ত্বিকরা সেইজন্মে ভূতের ভয়কে অস্বীকার না ক’রে অমাবস্তার রাত্তিরে—

শ্মশানে গিয়ে ইচ্ছে ক’রে ভূতের ভয়ে আঁৎকে উঠে, তবে ভূতের ভয়কে জয় ক’রে ফেলেন। ফাঁকি চলে না বাপু—সব জিনিষেরই সাধনা আছে।”

বললুম—“সে কথা ঠিক বটে।—”

সেদিনও মেসে ফিরতে অনেক রাত হয়েছিল।

এমনি ভাবে দিন যেতে লাগল। রোজই বৈকালের দিকে একবার ক’রে বরানগর ঘুরে আসি। উদ্যোগপূর্বক বেশ ঘট ক’রেই চলেছে। মাঝে আর সাত দিন মাত্র বাকী।—সবই প্রস্তুত। একখানা Mysteries of the Court of Kulakundalini দপ্তরীকে দিয়ে ভালো মরক্কো-লেদারে বাঁধিয়ে নেওয়া হয়েছে। একটা রূপোর ট্রে কেনা হ’য়ে গেছে। রায়বাহাদুরের পশ্চাৎ পশ্চাৎ ঐ রূপোর ট্রের ওপর মরক্কো-লেদারে বাঁধানো Mysteries of the Court of Kulakundalini খানা নিয়ে বনমালী যাবে। কাছাকাছি গিয়ে ট্রের ওপর থেকে বইখানা তুলে নিয়ে রায়বাহাদুর নিজহাতে লাটসাহেবকে উপহার দেবেন। ব্যবস্থা সব আগে থাকতেই ঠিক হ’য়ে আছে—এখন কেবল গেলেই হয়। এতদিনেও কিন্তু বনমালীর পাগড়ী কিছুতেই বাগ মান্ছে না—কেবল খুলে খুলে পড়ে। রায়বাহাদুরকে বলেছিলুম—“পাগড়ী ছোট ক’রে দিন!” রায়বাহাদুর বলেছিলেন—“তুমি দেখ, পরেশ, ঐ পাগড়ী আমি মাথায় ফিট ক’রে দেবো।”

প্রতিদিনের মত সেদিনও বৈকালের দিকে জমিদার-বাড়ী গেছি। কৈঠকখানা ঘরে ঢুকে দেখি—রায়বাহাদুর তাকিয়ায় হেলান দিয়ে মড়ার মত প’ড়ে রয়েছেন, আর পাশে ব’সে এক প্রবীণ করিরাজ নাড়ী পরীক্ষা করছেন। কয়েক সেকেন্ড পরে, পরীক্ষা শেষ ক’রে, মুখখানাকে বাংলার পাচো মত বঁকিয়ে কবিরাজ বললেন—“নাড়ী বড় দুর্বল।




সাত দিন আগেও তো দেখে গেছি—তখন তো এরকম নাড়ী ছিল না। সম্প্রতি কি কোন নূতন হৃশ্চিন্তা আপনার মাথায় ঢুকেছে? খবরদার, আমার কাছে কোন কথা গোপন করবেন না। প্রতিকারের বাইরে গিয়ে পড়লে তখন আর কোন উপায় থাকবে না।”

অত্যন্ত ক্ষীণ কণ্ঠে রায়বাহাদুর বললেন—“হৃশ্চিন্তার

আবার কিছুক্ষণ চূপ ক’রে থেকে কবিরাজ বললেন—“বড় বেনী হৃঃস্বপ্ন দেখেন কি?”

“আজ্ঞে দেখি।”

ঔষধ ব্যবস্থা ক’রে কবিরাজ চলে গেলেন। বাইরে গিয়ে জিজ্ঞাসা করলুম—“অসুখটা কি, কবিরাজ মশাই?”



কবিরাজ রায়বাহাদুরের নাড়ী পরীক্ষা করছেন

তো কিছুই দেখছি নে,—তবে চার দিন পর লাটসাহেবের সঙ্গে দেখা করবার কথা আছে—তারি জগে একটু ব্যস্ত আছি বটে।”

কবিরাজ শুধু বললেন—“হু”! তার পর কিছুক্ষণ চূপ ক’রে কি ভেবে নিয়ে বললেন—“রাত্রে কি হুনিয়া হয় না?”

পূর্ববৎ ক্ষীণ কণ্ঠে রায়বাহাদুর বললেন—“আজ্ঞে না।”

একটু হেসে কবিরাজ বললেন—“নার্ভাস্‌নেস্‌ আর কি!—ভয় হয়, লাটসাহেবের সামনে গিয়ে হার্টফেল না করেন।”

ঘরে ফিরে এসে দেখি রায়বাহাদুর চক্ষু বুজে প’ড়ে রয়েছেন—মুখটি কিন্তু অল্প অল্প নড়ছে—কি যেন বিড় বিড় ক’রে বকছেন। মুখের কাছে কান নিয়ে শুনি, তিনি ক্রমাগতই আওড়ে যাচ্ছেন—“জীব-জন্মে ভয় কি রে যার জগদম্বা অননী!”—হাসিও পেল,



হুঃখও হ'ল। বুলুম ভদ্রলোক প্রাণপণে সাহস সঞ্চয় করবার জন্যে আদাছোলা খেয়ে লেগেছেন। এখন 'জগদম্বা জননী' মুখ তুলে চাইলেই হয়।

'জগদম্বা জননী' সত্যিই মুখ তুলে চাইলেন। পরদিন গিয়ে দেখি কবিরাজের বড়ীর গুণেই হোক, আর জগদম্বার রূপা লাভ ক'রেই হোক, রায়বাহাদুর অনেকটা চাক্ষু হ'য়ে উঠেছেন।

জিজ্ঞাসা করলুম—“আজ কেমন আছেন?”

উত্তরে শুধু বললেন—“জীব-জন্মে ভয় কি রে যার জগদম্বা জননী।”

আবার কিছুক্ষণ চুপ ক'রে রইলেন। তার পর হঠাৎ ব'লে উঠলেন—“দেখ, একটা মতলব এঁটেছি।”

বললুম—“কিসের মতলব, রায়বাহাদুর?”

বললেন—“এখনও তো হাতে তিন দিন রয়েছে।”

বললুম—“আজ্ঞে হ্যাঁ।”

বললেন—“বনমালী ব্যাটার মাথা কামিয়ে দিলে হয় না?”

বললুম—“তাতে কি লাভ হবে, মশাই?”

বললেন—“আমার কথাটা আগে শেষ অবধি শোনই না ছাই।”

বললুম—“বলুন।”

কিছুক্ষণ চুপ ক'রে থেকে বললেন—“আজ যদি বনমালীর মস্তক মুগুন ক'রে দিই—তিন দিনে নিশ্চয়ই অল্প অল্প খোঁচা খোঁচা চুল গজাবে।”

বললুম—“তা গজাতে পারে।”

বললেন—“গজাতে পারে কি—নিশ্চয়ই গজাবে। তোমরা তো ব্রাহ্মণ হে!—উপনয়ন হয়েছিল তো তোমার।”

বললুম—“তা হয়েছিল বৈ কি!”

বললেন—“উপনয়নের সময় মস্তক মুগুন হয়েছিল তো?”

বললুম—“আজ্ঞে হ্যাঁ।”

বললেন—“দণ্ড-ভাঙ্গনের দিন, মনে পড়ে, উত্তরীয়

দিয়ে মাথা ঢেকে যখন গঙ্গানানে গেছে—তা উত্তরীয় মাথায় কি রকম কামড়ে ধরেছিল!”

বললুম—“মনে পড়ে বটে—উত্তরীয় খুলতে কে বেগ পেতে হয়েছিল।”

বললেন—“মনে করেছি, বনমালীর মাথাটা কামি দেবো। তা হ'লে হবে কি জান,—এই তিন দিনে বেশ খোঁচা খোঁচা চুল গজাবে, তাতে ক'রে ফল হবে এই যে, পাগড়ী বেশ মাথার সঙ্গে কামড়ে ধরবে—সহজে খুলবে না,—তুমি কি বল?”

কি আর বলব,—অবাক হ'য়ে লোকটার মুখের দিকে চেয়ে রইলুম,—মাথা বটে!

আধ ঘণ্টার মধ্যেই বনমালীর মস্তক-মুগুন ব্যাপার সমারোহে স্ফুটন হ'য়ে গেল। বেচারার সে কি হুঃখ, সখের বাবুরী চুল,—কতকালের সাধনার ফল। স্পষ্ট দেখলুম—বেচারার চোখ দিয়ে টস্ টস্ ক'রে জল পড়ছে। কিন্তু উপায় কি?—চুল আগে, না চাকরী আগে!

বাইরে গিয়ে বনমালীর সে কি আক্ষেপ!—আজও সে-কথা ভুলতে পারিনি। সে বললে—“বাবু, সব ঠিক ঠাক—আর পনেরো দিন পরেই দেশে গিয়ে বিয়ে করব, এই সময় কিনা মাথা মুড়িয়ে দিলে!”

বললুম—“এত বয়সে এখনও বিয়ে করিসনি?”

বললে—“দ্বিতীয় পক্ষ, বাবু,—পনেরো বছরের সোমোস্ত মেয়ে—নেড়া-মাথা দেখলে কি আর বিয়ে করতে রাজী হবে?”

দেখি, বেচারার হুঃখ বেয়ে জল পড়ছে।

আজ ১৬ই আগষ্ট। কাল বেলা দুটোর সময় লাট-দর্শন।

জিজ্ঞাসা করলুম—“আজ কেমন বোধ করছেন?”

বললেন—“দেখ, আশ্চর্য্য ব্যাপার—আজ আর আমার একটুও ভাবনা হচ্ছে না।—অথচ নির সংক্রান্তি।”



বল্লুম—“ভালই তো !”

বল্লেন—“কৈ, আমাকে দেখলে কি নার্ভাস হয়েছি বলে মনে হয় ?”

বল্লুম—“মোটাই না !”—মনে মনে কিন্তু বেশ খুশীতে পারছিলাম—ভদ্রলোক অত্যন্ত নার্ভাস হয়ে পড়েছেন।

রায়বাহাদুর বল্লেন—“দেখ, ভয় জিনিষটা হচ্ছে মনের ব্যাপার। মন যাদের নিজের বেশে—তারা ভয়কে অনায়াসে জয় করতে পারে। এই দেখ না, এতবড় একটা বিপদ মাথার উপর ঝুলছে—অত্তু কেউ হ’লে হয়ত শয্যা নিত—আমি কিন্তু দিব্যি নিশ্চিত হয়ে ব’সে আছি।” আমি কি বলতে যাচ্ছিলাম, বাধা দিয়ে বল্লেন—“আমি এক বর্ণও বাড়িয়ে বলছি নে, পরেশ !”

বিদায় নিয়ে চ’লে আসবার সময় বল্লেন—“কাল সকালের দিকে একবার এসো, পরেশ। যাবার সময় তোমাদের মুখগুলি একবার দেখে যাব।”

অতিকষ্টে হাসি সামলে বল্লুম—“আসব বৈ কি !”

পরদিন বেলা দশটার সময় গিয়ে দেখি রায়বাহাদুর সেজে-গুজে প্রস্তুত হয়ে ব’সে রয়েছেন। গায়ে প্রকাণ্ড এক শালের জোকা, মাথায় রেশমের বাঁধা পাগড়ী। আমাকে দেখেই বল্লেন—“এসেছ, তোমার জন্তেই অপেক্ষা করছি। এইবার তা’ হ’লে ‘ভুগ্গা’ ‘ভুগ্গা’ বলে বেরিয়ে পড়া যাক।”

সবিস্ময়ে বল্লুম—“এখন তো সবে দশটা ;—আপনার তো ছুটোর সময় দেখা করবার কথা।”

বল্লেন—“আহা বাজে বকে। কেন ?—আমরা তো আর এখন লাটসাহেবের কাছে যাচ্ছি নে।”

বল্লুম—“তবে ?”

বল্লেন—“আমরা এখন যাচ্ছি ইডেন্ গার্ডেনে।”

বল্লুম—“তার মানে ?”

বিরক্ত হয়ে বল্লেন—“বোঝ না, কাছাকাছি

থাকা ভাল, সময় হ’লেই স্ট্রট ক’রে চ’লে যেতে পারব।”

বল্লুম—এর ওপর আর কথা চলে না।

‘ভুগ্গা’ ‘ভুগ্গা’ বলে রায়বাহাদুর বেরিয়ে পড়লেন। আগে চলেছেন রায়বাহাদুর, পশ্চাতে গন্ধমাদন মাথায় বনমালী, সে এক অপূর্ণ দৃশ্য।



রায়বাহাদুর সেজে-গুজে প্রস্তুত

মোটর ছাড়বার পূর্বে ম্যানেজারবাবুর দিকে চেয়ে বল্লেন—“ভকৎসিংকে নিয়ে আপনি কখন যাচ্ছেন ?”

ম্যানেজারবাবু বল্লেন—“আপনি কিচ্ছু ভাববেন না, বারোটোর মধ্যেই আপনার কাছে গিয়ে পৌঁচোছি। প্যাগোডার তলায় থাকবেন তো ?”



রায়বাহাদুর বললেন—“হ্যাঁ!” তারপর আমার দিকে অত্যন্ত করুণ নয়নে চেয়ে বললেন—“ওবেলা একবার এসো!”

বল্লুম—“নিশ্চয়ই আসব!”

রায়বাহাদুরের মোটর ছেড়ে দিলে ম্যানেজার-বাবুকে জিজ্ঞাসা করলুম—“তকৎসিংকে নিয়ে যাবেন কেন?”

ম্যানেজারবাবু বললেন—“বুঝছেন না—এখন তো সব দশটা—এর মধ্যে কতবার পাগড়ী খুলে যাবে তার ঠিক কি!—বড়লোকের কাণ্ড, মশাই!”

সমস্ত দুপুরটা ছটফট করে কাটিয়ে বেলা পাঁচটা নাগাদ বরানগর অভিমুখে রওনা হ’লুম। বুক ছর্-ছর্ করছে—না-জানি কি শব্দে হয়। গেট পার হ’য়েই বনমালীর সঙ্গে দেখা। আমাকে দেখেই সে ছুটে এসে পা-ছুটো জড়িয়ে ধরে কাঁদতে শুরু করে দিলে।

বুকটা ছাঁৎ করে উঠল, তবে কি?—

কম্পিত কণ্ঠে জিজ্ঞাসা করলুম—“ব্যাপার কি, বনমালী?”

পা ছেড়ে দিয়ে উঠে দাঁড়িয়ে কাঁদতে কাঁদতে সে বললে—“বাবু, আমার সর্বনাশ হ’য়ে গেছে।”

কিছুই বুঝতে না পেরে বললুম—“কি হয়েছে, শিগ্গির খুলে বল!”

সে বললে—“আমার চাকরী গেছে, বাবু।”

ধড়ে যেন প্রাণ এল। বললুম—“বাবু ভাল আছেন তো?”

বললে—“তিনি তো শয্যা নিয়েছেন।—আমার কিন্তু কি হবে, বাবু?”

বললুম—“হয়েছে কি খুলে বল না!”

বললে—“বাবুর মুখে সব শুনবেন, হজুর!—আমার কোন কসুর নেই, শুধু শুধু চাকরি গেল।”

বললুম—“আচ্ছা, বাবুকে বুঝিয়ে বলব’খন—এখন ছেড়ে দে!”

বৈঠকখানা ঘরে ঢুকে দেখি—ঘর খালি—কেউ কোথাও নেই। বেরিয়ে আসছি, ম্যানেজারবাবুর সঙ্গে দেখা। আমাকে দেখেই তিনি বললেন—“এই যে, আপনি এসেছেন—বাবু আপনাকে অনেক ক্ষণ থেকে খুঁজছেন।—চলুন ওপরে।”

বললুম—“সন্ধ্যা না হ’তেই আজ ওপরে উঠেছেন যে বড়?”

বললেন—“শরীরের অবস্থা অত্যন্ত খারাপ।—কবিরাজ মশাই এইমাত্র ব’লে গেলেন—নাড়ী বড় ক্ষীণ।”

রায়বাহাদুরের তেতলার শয়নকক্ষে প্রবেশ করলুম। ভদ্রলোক শয্যার উপর হতাশ ভাবে প’ড়ে রয়েছেন,—“আমার সাজানো বাগান শুকিয়ে গেল” গোছের অবস্থা। বাড়ীর লোকে কেউ বাতাস করছে—কেউ পা টিপছে—কেউ কিছু করতে না পেরে শুধুই ভীড় বাড়চ্ছে।—সে এক হৈ-হৈ ব্যাপার! আমাকে দেখেই কাছে গিয়ে বসতে ইঙ্গিত করলেন।

কাছে গিয়ে ব’সে জিজ্ঞাসা করলুম—“লাটসাহেবের সঙ্গে দেখা হ’ল?”

ক্ষীণ অথচ উত্তেজিত কণ্ঠে রায়বাহাদুর বললেন—“আমার সর্বনাশ হ’য়ে গেছে, পরেশ!—বনমালী ব্যাটা সব নষ্ট করে দিয়েছে।”

বললুম—“কেন, কি হয়েছে?”

সে-কথার কোন উত্তর না দিয়ে দাঁতে দাঁত চেপে চাপা ক্রুদ্ধকণ্ঠে রায়বাহাদুর বললেন—“ব্যাটাকে আমি দেখে নেবো!”

বললুম—“কেন, সে কি-এমন অপরাধ করলে?”

একটু দম্ব নিয়ে রায়বাহাদুর বললেন—“সব শোন তা’ হ’লে;—এখান থেকে তো বেরোলুম। তোমাদের সামনেই ত দিবা গ্যাট গ্যাট করে মোটরে গিয়ে বসলুম। তখন পর্যন্ত নার্তাস্নানের নাম-গন্ধ পর্যন্ত ছিল না। তার পর ইডেন্ গার্ডেনে গিয়ে প্যাগোডার তলায় আশ্রয় নিলুম। তখন পর্যন্ত বেশ আছি। তার পর বারোটা নাগাদ



ম্যানেজারবাবু আর ভকৎসিং গিয়ে হাজির হ'ল—  
তখনো দিবি আছি।—ম্যানেজারবাবুর সঙ্গে কত  
কথা হ'ল—দিবি স্বাভাবিক অবস্থা।

“তার পর ক্রমে একটা বাজল। ভকৎসিং বন-  
মালীর মাথায় নতুন ক'রে পাগড়ী বাঁধতে বসল,—  
আমিও এদিকে তৈরী হ'তে লাগলুম।

“তখনো দিবি চাঙ্গা আছি।

“ক্রমে পোণে ছোটো হ'ল। ওদিকে বনমালীর  
পাগড়ী বাঁধাও শেষ হ'য়ে গেছে। নেড়ে-চেড়ে  
দেখলুম—পাগড়ী দিবি মাথায় কামড়ে বসেছে।  
ভাগ্যিস তিন দিন আগে মাথা কামানো হ'য়েছিল।  
সবই তৈরী—যাত্রা করলেই হয়।

“ছোটো বাজতে দশ মিনিটের সময় লাটসাহেবের  
গেটের সামনে হাজির হ'লুম। যথাসময়ে ডাক পড়ল।  
ম্যানেজারবাবু আর ভকৎসিং বাইরে মোটরে অপেক্ষা  
করতে লাগল। আমি আর বনমালী ভেতরে ঢুকে  
গেলুম।

“আমি আগে আগে চলেছি—পেছনে রূপোর ট্রের  
ওপর মরোক্কো-লেদারে বাঁধানো Mysteries of the  
Court of Kulakundalini নিয়ে বনমালী আসছে।  
এবার সেবার পার হ'য়ে শেষকালে লাটসাহেবের  
খাস্কামরার দরজার সামনে এসে তো হাজির হ'লুম।  
পরক্ষণেই ঘরে ঢুকতে হুকুম এল। সত্যি বলছি, পরেশ,  
তখন পর্যন্ত একটুও নার্ভাস হইনি।

“প্রকাণ্ড হল—চলেছি তো চলেইছি,—দূর থেকে  
দেখতে পাচ্ছি অনেক দূরে প্রকাণ্ড একটা উঁচু চেয়ারে  
লাটসাহেব ব'সে রয়েছেন। এগুতে লাগলুম,—মনে  
মনে কেবলই ডাকছি—মা জগদম্বা, শেষরক্ষে কোরো,  
মা !

“আর বোধ হয় হাত দশেক এগুলেই লাটসাহেবের  
সামনে গিয়ে উপস্থিত হই—এমন সময় হঠাৎ মনে প'ড়ে

গেল—বনমালী ব্যাটাকে তো দেখা হয় নি—ব্যাটা  
ঠিক আসছে তো ?

“সঙ্গে-সঙ্গেই পেছন ফিরে একবার তাকালুম।—  
তাকিয়ে যা দেখলুম—তাতে সমস্ত শরীর ঝিম্ ঝিম্  
করতে লাগল। মাথাটা টগ্ মন্ ক'রে উঠল, চারিদিক্  
অন্ধকার হ'য়ে এল। দেখি, বনমালীর মাথায় পাগড়ীর  
চিহ্নমাত্র নেই। সঙ্গে-সঙ্গেই নজর প'ড়ে গেল,—অতবড়  
হলধরের দরজা থেকে সুরু ক'রে যে পর্যন্ত আমরা চ'লে  
এসেছি, সমস্ত পথটি কে যেন শালু বিছিয়ে দিয়েছে।  
লাটসাহেবের দিকে ফিরে দেখি তিনি রুমাল মুখে  
দিয়ে হাসছেন।—মাথা ঘুলিয়ে গেল।—দিগ্বিদিক্-  
জ্ঞানশূন্য হ'য়ে তাড়াতাড়ি বনমালীর কাছে গিয়ে  
ট্রের ওপর থেকে Mysteries of the Court of  
Kulakundalini-খানা তুলে নিয়ে লাটসাহেবের হাতে  
দেবো ব'লে চলেছি, এমন সময় হঠাৎ থর্ থর্ ক'রে  
হাত ছোটো কৈপে উঠল ; সঙ্গে-সঙ্গেই অতবড় মোটা  
বইখানা ধপ্ ক'রে হাত থেকে খ'সে মেঝের ওপর  
প'ড়ে গেল।

“অতিকষ্টে নিজেকে সামলে নিয়ে মেঝে থেকে  
বইখানা তুলে নিয়ে লাটসাহেবের হাতে দিতে গিয়ে  
দেখি, মরোক্কো-লেদারের মলাটটি কেবল হাতে ঝুলছে—  
বইখানা মলাটহীন অবস্থায় মেঝের ওপর প'ড়ে  
রয়েছে।

“তার পর যে কি হ'ল, জানি না। চোখ  
চেয়ে দেখি নিজের শোবার ঘরে বিছানায় শুয়ে  
রয়েছি, আর কবিরাজ মশাই নাড়ী ধ'রে পাশে  
ব'সে রয়েছেন।”

এই অবধি ব'লেই রায়বাহাদুর চুপ করলেন ; তার  
পর হঠাৎ একসময় ব'লে উঠলেন—“আমার বুকটা কি-  
রকম যেন করছে, এখুনি কবিরাজ মশাইকে খবর  
দাও।”





## ভারতের লুপ্ত অতিকায় সরীসৃপ

শ্রীমুনিয় রায়চৌধুরী

কোটি কোটি বৎসর পূর্বে—মানবের জন্মেরও  
বহু যুগ পূর্বে—পৃথিবীর অবস্থা কি ছিল, কিরূপ  
শ্রেণীর জীব তখন পৃথিবীতে বাস করিত, তাহাদের



শ্রীমণীন্দ্রনাথ ঘোষ, বি.এস-সি (লণ্ডন),  
এ-আর-সি-এন্

প্রকৃতি এবং আকৃতি কিরূপ ছিল, এসকল বিষয়ে  
মানুষ বিজ্ঞানের সাহায্যে অনেক কথা জানিতে  
পারিয়াছে। সে-কালের গাছপালার ও লুপ্ত অতিকায়

জীবসকলের কথা লইয়া “Palaeontology” নামক  
শাস্ত্রই গড়িয়া উঠিয়াছে।

মাটির নীচে, প্রস্তরীভূত লুপ্ত উদ্ভিদ ও প্রাণীর অস্থি-  
কঙ্কালাদি অনেক স্থানে খনন করিয়া পাওয়া গিয়াছে,  
এবং সেগুলিকে ভালরূপে পরীক্ষা করিয়া ও সে-বিষয়ে  
গবেষণা করিয়া পণ্ডিতেরা নানা সিদ্ধান্তে উপনীত  
হইয়াছেন। লুপ্ত প্রাণীর সামান্য দুই-চারিটি অস্থি  
পাওয়া গেলেও বিশেষজ্ঞেরা সেই প্রাণীর চেহারা,  
স্বভাব, আকার প্রভৃতির বিষয় অনেক খবর বলিয়া  
দিতে পারেন। প্রস্তরের মধ্যে কোন্ শ্রেণীর লুপ্ত  
উদ্ভিদ ও জীবের চিহ্ন পাওয়া যায়, তাহা দেখিয়া  
প্রস্তরের বয়স নির্ধারণ করার উপায় বাহির করা  
হইয়াছে। আবার, প্রস্তর দেখিয়া লুপ্ত জীবের  
অস্থি বা চিহ্ন পাওয়ার সম্ভাবনাও তাঁহারা নির্ধারণ  
করিতে পারেন।

ভারতবর্ষে সেকালের জীব কিরূপ আকারের ছিল  
এবং কোথায় তাহারা বাস করিত, সে-বিষয়েও অনেক  
গবেষণা হইয়াছে ও হইতেছে। ১৯১৯ খৃষ্টাব্দে ডাক্তার  
সি, এ, ম্যাটলি নামে এক বিখ্যাত ভূতত্ত্ববিৎ পণ্ডিত  
জব্বলপুরের নিকটস্থ ‘বড়-সিমলা’ পাহাড়ে ‘ডাইনোসর’  
জাতীয় লুপ্ত অতিকায় সরীসৃপের অস্থি আবিষ্কার  
করেন। এ বৎসরেও তিনি জব্বলপুরে গিয়াছিলেন।  
তাঁহার সঙ্গে ছিলেন ভারতীয় ভূতত্ত্ব-জরিপ-বিভাগের  
শ্রীযুক্ত মণীন্দ্রনাথ ঘোষ। তাঁহাদের চেষ্টায় এবারও



‘ছোট-সিমলা’ নামক পাহাড়ে খননের ফলে কয়েকটি অতিকায় সরীসৃপের অস্থি পাওয়া গিয়াছে। ইহার মধ্যে, একটি জজ্বার হাড় লম্বায় ৪ ফুট ৩ ইঞ্চি, পায়ের দুইটি হাড় লম্বায় ২ ফুট ৮ ইঞ্চি করিয়া, সামনের পায়ের উপর দিকের হাড় লম্বায় ৩ ফুট, একটি পাজরের হাড় ২০ ইঞ্চি। এই জানোয়ার লম্বায় প্রায় ত্রিশ হাত ছিল। ১৯১৯ সালে যে অস্থি পাওয়া গিয়াছিল, তাহা ছিল আরো বড় জানোয়ারের—লম্বায় সে জানোয়ার ছিল প্রায় চল্লিশ হাত। এবারে যে জানোয়ারের অস্থি পাওয়া গিয়াছে, তাহার নাম দেওয়া হইয়াছে টাইটানোসরাস। এই জীবের চেহারা ছিল অনেকটা, গোসাপের শরীরে সাপের মাথা


ও লম্বা গলা বসাইলে ঘেরূপ হয়, সেইরূপ; তবে, আকারটি ছিল বিরাট। ইহারা উভচর ছিল—অর্থাৎ জলে-স্থলে বাস করিত; তবে, অধিকাংশ সময় জলেই কাটাইত। মস্তিষ্ক নিতান্তই ছোট ছিল এবং আয়ুরক্ষার বিশেষ কোন অঙ্গ ছিল না; সেজন্য জলে বাসই ইহাদের পক্ষে নিরাপদ ছিল।

এই সকল সরীসৃপের ‘ডাইনোসর’ নাম দেওয়া হইয়াছে (‘ডাইনো’ অর্থাৎ ভয়ানক, ‘সর’ বা ‘সরাস’ অর্থাৎ সরীসৃপ—কথাগুলি গ্রীক)। ইহাদের মধ্যে নানা জাতীয় সরীসৃপ আছে; আমিষভোজীও আছে। ভারতবর্ষেও আমিষভোজী ডাইনোসরের অস্থি পাওয়া গিয়াছে।

“জাতের যে এত অধঃপতন ঘটেছে, তার প্রধান কারণ, এই সব শক্তিমূর্তির অবমাননা করা। মনু বলেছেন, ‘যত্র নার্যাস্ত পূজ্যন্তে নন্দন্তে তত্র দেবতাঃ, যত্রৈতাস্ত ন পূজ্যন্তে সর্বাস্তত্রাফলাঃ ক্রিয়াঃ।’—যেখানে স্ত্রীলোকের আদর নাই, স্ত্রীলোকেরা নিরানন্দে অবস্থান করে, সে সংসারের—সে দেশের কখন উন্নতির আশা নাই। এই জগৎ এদের আগে তুলতে হবে—এদের জগৎ আদর্শ মঠ স্থাপন কর্তে হবে।”

—বিবেকানন্দ





[ 'উদয়নে' সমালোচনার জন্তু গ্রন্থকারগণ অনুগ্রহ করিয়া তাঁহাদের পুস্তক ছুইখানি করিয়া পাঠাইবেন ]

**দি ইনসিওরেন্স এণ্ড ফাইনান্স রিভিউ—**  
ম্যানেজিং এডিটর—ডাঃ এম্, সি, রায়। এডিটর—  
শ্রীমণীন্দ্রমোহন মৌলিক।—১৪, ক্লাইভ ষ্ট্রিট, কলিকাতা,  
হইতে প্রকাশিত। তৃতীয় বার্ষিকী সংখ্যার মূল্য এক  
টাকা।

ভারতীয় বীমা কোম্পানীদিগের বিশেষভা-  
রচিত এবং অতি-আধুনিক তথ্য সংবলিত প্রবন্ধগুলি  
আমাদের খুব ভাল লাগিয়াছে ; সম্পাদকীয় মন্তব্যগুলিও  
অত্যন্ত সারবত্তাপূর্ণ।

মিত্র

গত তিন বৎসর হইতে এই পত্রিকা দেশীয়  
ব্যবসাক্ষেত্রে ভারতীয় অর্থনীতি, ব্যাঙ্কিং, বীমা, শিল্প এবং  
অন্যান্য উপায়ে জাতি-গঠনের বিশেষ সহায়তা করিতেছে।  
সত্যকার অন্নসমগ্রার প্রতি ভারতীয়দের যাহাতে শৈথিল্য  
না ঘটে, তদুদ্দেশ্যে এই পত্রিকার অক্লান্ত পরিশ্রম  
আমাদের জাতীয় জীবনে এক নূতন আদর্শের প্রতিষ্ঠা  
করিয়াছে। শুধু সমগ্রা-সমূহের বিবৃতি লইয়াই ইহা ক্ষান্ত  
থাকে নাই, দেশের বিখ্যাত এবং বিশ্বস্ত অর্থনৈতিকদের  
এবং ব্যবসায়ীদের চিন্তার ফল এবং অভিজ্ঞতা সংগ্রহ  
করিয়া উন্নতির এবং কর্মক্ষমতার নূতন পথ আবিষ্কারে  
সহায়তা করিতেছে।

এই সংখ্যা বিখ্যাত লেখকদিগের প্রবন্ধে ও নানা  
প্রকার নূতন তথ্যে পরিপূর্ণ। অধ্যাপক বিনয়কুমার  
সরকার, অধ্যাপক দ্বিজেন্দ্রনাথ ঘোষ, অধ্যাপক রামচন্দ্র  
রাউ, যথাক্রমে বাংলার শিল্পোন্নতির উপায়, বিশ্বব্যাপী  
অর্থনৈতিক সঙ্কট এবং লণ্ডনের অর্থনৈতিক সম্মিলন  
সম্বন্ধে কয়েকটি হৃদয়গ্রাহী এবং সুযুক্তিপূর্ণ প্রবন্ধ  
দিয়াছেন। ব্যবসাক্ষেত্রে সর্বাপেক্ষা খ্যাতিনামা নেতৃবৃন্দের  
আশীর্বাচনের সমৃদ্ধি মস্তকে লইয়া সত্যি এই 'ফাইনান্স  
রিভিউ' গর্বান্বিত করিতে পারে।

**বঙ্গের বাহিরে বাঙ্গালী (তৃতীয় ভাগ)—**  
শ্রীজ্ঞানেন্দ্রমোহন দাস। ইণ্ডিয়ান পাবলিশিং হাউস,  
২২।১, কর্ণওয়ালিস্ ষ্ট্রিট, কলিকাতা, হইতে প্রকাশিত।  
দাম তিন টাকা। কাপড়ে বাঁধাই ; ৪৮২ পৃষ্ঠা।

এই পুস্তকের নূতন করিয়া পরিচয় দিবার কিছুই  
নাই। ইহার যে তৃতীয় ভাগ অবধি লিখিত হইল, তাহাই  
ইহার সুপ্রচারের পরিচয়। অলস ও ঘরমুখো বলিয়া  
বাঙ্গালী জাতির কুখ্যাতি আছে। কিন্তু এই অলস  
বাঙ্গালীই জীবিকার সন্ধানে বা নূতন দেশ দর্শনের  
মোহে ভারতবর্ষের সর্বত্র ছুটিয়া গিয়াছে, এবং অদমা  
সাহসে আপনার ভাগ্য গড়িয়া তুলিয়াছে। আলোচ্য  
পুস্তকে যে-সব বাঙ্গালীর জীবন-কথা পাওয়া যায়,  
তাঁহারা সকলেই উত্তমী, উৎসাহী ও কর্মশীল—অর্থাৎ  
তাঁহারা অলস বাঙ্গালীর ব্যতিক্রমস্থল। এইসব কৃতী  
বাঙ্গালীর জীবন বাঙ্গালী-সাধারণের দ্বারা পঠিত  
হইলে বাঙ্গালীর নৈরাশ্রময় জীবন আশাপূর্ণ হইয়া  
উঠিতে পারিবে।

শুশু





যে-সব সহৃদয় সাহিত্যিক ও কৃতবিদ্যা ব্যক্তি আমাদের 'উদয়ন'র সাফল্য কামনা করিয়া প্রীতিপূর্ণ পত্র দিয়াছেন, তাঁহাদের শুভ-ইচ্ছাই আমাদের একমাত্র পাথর। আমরা কৃতজ্ঞতার সহিত তাঁহাদের নাম উল্লেখ করিতেছি :—

মাননীয় লেডী অবলা বসু, মেয়র শ্রীযুক্ত সন্তোষ-কুমার বসু, ডাঃ শ্রীযুক্ত সুনীতিকুমার চট্টোপাধ্যায়, ডাঃ শ্রীযুক্ত কালিদাস নাগ, অধ্যাপক শ্রীযুক্ত চারুচন্দ্র বন্দ্যোপাধ্যায়, শ্রীযুক্ত কালিদাস রায় কবিশেখর, অধ্যাপক শ্রীযুক্ত প্রবোধচন্দ্র সেন, ষ্টেটসম্যান পত্রিকা-আফিস হইতে মিঃ ওয়াল্টার বাক্স, অমৃতবাজার পত্রিকা, আনন্দবাজার পত্রিকা, এড্‌ভান্স, লিবার্টি, বঙ্গবাণী, নবশক্তি, বীরভূম-বাণী, বাতায়ন, হিন্দু, জনশক্তি প্রভৃতি পত্রিকার সম্পাদকগণ, "পৃথিবীর ইতিহাস কার্যালয়" হইতে শ্রীযুক্ত ধীরেন্দ্রনাথ লাহিড়ী এবং এফ্‌, ডব্লু, হিলজার্স এণ্ড কোং হইতে মিঃ ই, এ, বেলামি, প্রভৃতি।

'উদয়ন' যে সাহিত্য-জগতে একটা কিছু অভিনব ব্যাপার করিবার জন্ত আবির্ভূত হইয়াছে, তাহা নহে। মধুসূদন, বঙ্কিমচন্দ্র, রবীন্দ্রনাথ প্রভৃতি যে সাহিত্যের সেবকমাত্র, 'উদয়ন'ও সেই বাংলা সাহিত্যের সেবা করিয়াই আপনাকে কৃতার্থ করিতে চাহে। সেবাকার্য্যে ক্রটি বিচ্যুতি ঘটা অসম্ভব নহে। সতর্ক ও সহৃদয় পাঠকগণ আমাদের লক্ষ্য-সাধনে সহায়তা করিবেন, এ ভরসা আমাদের আছে।

\* \*

সাহিত্যের সেবা অর্থে কেবলমাত্র বর্তমান

লেখকগণের রচনা সংগ্রহ ও তাহা দ্বারাই কাগজের কলেবর পূর্ণ করা আমাদের উদ্দেশ্য নহে। অবশ্য, যে-কোনো সাময়িক পত্রিকার এইটাই মুখ্য কাজ; তথাপি, সাময়িক পত্রিকার আর-একটি কার্য্য হইতেছে সাহিত্যের বিবর্তন-ধারার সহিত, তাহার অতীতের সম্পূর্ণতার সহিত বারংবার পাঠক-সাধারণের পরিচয় ঘটাইয়া দেওয়া। 'উদয়ন' সেই কার্য্যেও আপনাকে নিয়োগ করিতে চেষ্টা করিবে।

\* \*

বর্তমানে একশ্রেণীর পাঠক দেখা যায়, যাহারা রবীন্দ্রনাথ ও শরৎচন্দ্র পাঠ করিয়াই বাংলা সাহিত্য অধ্যয়ন শেষ করেন। তাঁহাদের মতে প্রাক-রবীন্দ্র-শরৎ বঙ্গসাহিত্য সাহিত্য হিসাবে গণ্যই নহে। অবশ্য, রবীন্দ্রনাথ ও শরৎচন্দ্রের প্রতিভাবলে যে বঙ্গসাহিত্য অতুল্য লাভ করিয়াছে, তাহাতে বিন্দুমাত্র সন্দেহ নাই। কিন্তু, মনে রাখা দরকার যে, জীবজগতে যেমন, সাহিত্য-জগতেও তেমনি ক্রমবিবর্তন আছে। ভিত্তি-শূন্য জীবন যেমন অসম্ভব, অতীত-উৎস-শূন্য সাহিত্যও তেমনি দুর্লভ। বঙ্গসাহিত্যের বয়স প্রায় হাজার বৎসর ধরা যাইতে পারে। এই হাজার বৎসরের মধ্যে তাহার যুগ-বিভাগও কম নহে। অল্প কয়েকটি নাম করিতে হইলেও দেখিতে পাই, রামাই পণ্ডিত, বিজয় গুপ্ত, চণ্ডীদাস-বিদ্যাপতি, কৃত্তিবাস-কাশীরাম, গোবিন্দদাস ও কৃষ্ণদাস কবিরাজ, মুকুন্দরাম, ভারতচন্দ্র, ঈশ্বর গুপ্ত, রঙ্গলাল ও মধুসূদন, বঙ্কিমচন্দ্র ও সঞ্জীবচন্দ্র, হেমচন্দ্র ও নবীনচন্দ্র, দীনবন্ধু ও ইন্দ্রনাথ, বিহারীলাল ও অক্ষয়-কুমার, গিরিশচন্দ্র ও দ্বিজেন্দ্রলাল—প্রত্যেকেই যুগ-



বিশেষের শ্রেষ্ঠ প্রতিনিধি। ইহাদের প্রত্যেকেরই সাধনায় বঙ্গসাহিত্য পরিপুষ্ট হইয়াছে। সুতরাং এই যে সেবকদল, ইহাদের সাধনার প্রতি লক্ষ্য রাখিয়া বঙ্গ-সাহিত্যের উন্নতির বিচার করিতে হইবে। রবীন্দ্রনাথ ও শরৎচন্দ্রের আবির্ভাব আকস্মিক কি না, এবং আকস্মিক না হইলে তাহা পূর্ববর্তী সাহিত্য-ধারার সহিত কি সম্বন্ধে আবদ্ধ, তাহা বুঝিতে হইবে। মুকুন্দরাম না থাকিলে ভারতচন্দ্র কতটা দাঁড়াইতে পারিতেন, ভারতচন্দ্র না থাকিলে কবিওয়ালারা কিরূপ উন্নতি লাভ করিতে পারিতেন, কবি-ওয়ালারা না থাকিলে ঈশ্বর গুপ্তের প্রতিভা কতটা খুলিত, এবং ঈশ্বর গুপ্ত না জন্মাইলে রঙ্গলাল, মধুসূদন ও বঙ্কিমচন্দ্রের সাধনা কতটা অগ্রসর হইতে পারিত, এবং মধুসূদন ও বঙ্কিমচন্দ্রের অভাবে রবীন্দ্রনাথ ও শরৎচন্দ্রের প্রতিভা কতটা বিকশিত হইতে পারিত, তাহা বিশেষ ভাবে ভাবিয়া দেখিতে হইবে। ইহাই হইবে সাহিত্যের যথার্থ বিচার। এই সাহিত্য-বিচারে অথবা সাহিত্যের অতীত ধারা ও অতীত গৌরবের সহিত বর্তমান সাহিত্যের সম্বন্ধ-নির্ণয়ে আমরা নিযুক্ত থাকিব।

বাংলা দেশের গ্রামে গ্রামে বাঙ্গালীর কীর্তি-কাহিনীর যে-সব অবশেষ তাহার ভগ্ন মন্দির ও শৈবালাচ্ছন্ন দীঘি প্রভৃতিতে আজও লুকাইয়া রহিয়াছে, তাহার পরিচয় সর্বসাধারণকে দেওয়া—সাহিত্য-পত্রিকার কর্তব্য। কেননা, দেশের ঐতিহ্যের অনুসন্ধান

সাহিত্যেরই একটা অঙ্গ। আমরা গতবারে এসম্বন্ধে দেশবাসীর নিকট আবেদন প্রকাশ করিয়াছিলাম, কিন্তু হুঃখের বিষয়—আমরা এ জাতীয় কোনো প্রবন্ধাদি এখনও পাই নাই। আমরা আশা করি, এবিষয়ে দেশ-বাসী আপনাদের কর্তব্য বুঝিতে পারিবেন, এবং দেশ-প্রেমিক ব্যক্তিগণ গ্রাম্য গৌরব-বস্তুর বিবরণাদি পাঠাইয়া আমাদেরকে বঙ্গ-ইতিহাস গঠনে সহায়তা করিবেন।

\* \*

স্বাস্থ্যরক্ষা বা শরীরচর্চা সম্বন্ধে ১০।১৫ বৎসর পূর্বে বাঙ্গালীর যে ঔদাসীন্ম ছিল, আজকাল ধীরে ধীরে তাহা দূর হইতেছে। ইহা একটা বিশেষ আশার কথা। আরও আশার কথা এই—ব্যায়াম-চর্চা যাহাতে সাধারণের মধ্যে প্রসারিত হয়, তাহার জন্ত সাধারণের মোটা মোটা চাঁদায় কলিকাতায় গোলদীঘির কাছে একটি বৃহৎ ব্যায়ামাগার প্রতিষ্ঠিত হইতেছে। এই ব্যায়ামাগার প্রতিষ্ঠিত হইয়া বাঙ্গালী বালক ও যুবকগণকে বলিষ্ঠ করিয়া তুলুক—ইহা আমাদের আন্তরিক কামনা। গত কয়েক বৎসরে বাঙ্গালী জাতির মধ্যে কয়েকজন বীর জন্মগ্রহণ করিয়া বাঙ্গালীর দুর্বলতার ব্যতিক্রমস্থল হইয়াছেন। তাঁহার হইতেছেন,—শ্যামাকান্ত, আশানন্দ, কর্ণেল সুরেশ বিশ্বাস ক্যাপ্টেন জিজিভেন্দ্রনাথ বন্দ্যোপাধ্যায়, ভীম ভবানী গোবর, প্রভৃতি। কেবল সাহিত্য নহে, কলাচর্চা নহে,—শারীরিক বল অর্জনেও বাঙ্গালীকে বিচলিত ভাবে ব্রতী হইতে হইবে।





উদ্বোধন — ১৩৪১



প্রেমের জয়  
( মর্দর মূর্তি )

শিল্পী — মিঃ জি, পাল







আশ্বিন

১৩৪১



দ্বিতীয় বর্ষ

ষষ্ঠ সংখ্যা

## মূলতানের সুরে

শ্রী ব্রজেন চন্দ্র সেন

প্রহর শেষের আলোয় রাঙা  
সেদিন চৈত্রমাস —  
তোমার চোখে দেখেছিলাম  
আমার সর্বনাশ।

এ সংসারের নিত্যখেলায়  
প্রতিদিনের প্রাণের মেলায়  
বাটে ঘাটে হাজার লোকের  
হাস্ত পরিহাস —  
মাঝখানে তার তোমার চোখে  
আমার সর্বনাশ।



আমের বনে দোলা লাগে  
মুকুল পড়ে ঝরে —  
চিরকালের চেনাগন্ধ  
হাওয়ায় ওঠে ভরে।

মঞ্জরিত শাখায় শাখায়  
মৌমাছিদের পাখায় পাখায়  
ক্লেবে ক্লেবে বসন্তদিন  
ফেলেছে নিঃশ্বাস —  
মাঝখানে তার তোমার চোখে  
আমার সর্বনাশ ॥

## দুর্গামূর্তি-পরিচয়

শ্রীবসন্তকুমার চট্টোপাধ্যায়, এম্-এ

সন্তানমাত্রই মাতৃমূর্তি দেখিতে ইচ্ছা করে। হিন্দু  
বে অগংজননী দুর্গার মূর্তি দেখিতে চাহিবে, ইহাই  
স্বাভাবিক। কিন্তু কাম, ক্রোধ, লোভ প্রভৃতির দ্বারা  
আমাদের দৃষ্টি আবৃত থাকে—সহস্র জন্মের অক্লান্ত  
কর্মরাশির সংস্কাররূপ অজ্ঞানাকারে আমরা নিমগ্ন  
থাকি। তাই অগংজননীর জ্যোতির্ময়রূপ আমরা  
দেখিতে পাই না। পরমকারুণিক ঋষি অগংজননীর  
মূর্তির পরিচয় দিয়া আমাদের সন্তান-জীবন ধন্য  
করিয়াছেন।

চণ্ডীর মধ্যম চরিত্রে দুর্গামূর্তির উৎপত্তি বর্ণিত  
হইয়াছে। মহিষাসুরের নেতৃত্বে অসুরগণ দেবসৈন্য  
পরাজিত করিয়াছে। ইন্দ্রিয় সুখ-ভোগের প্রবৃত্তিই  
অসুরবর্গ। শাস্ত্রীয় কর্ম করিবার প্রবৃত্তিই দেবগণ।  
সুখভোগের প্রবৃত্তিই আমাদের স্বভাবতঃ প্রবল, ওড়-

কর্ম করিবার প্রবৃত্তি অপেক্ষাকৃত ক্ষীণ। এতদ  
দেবাসুর-সংগ্রামে অসুরদেরই জয় হয়। দেবগণ ঐশ্বরিক  
শক্তির সাহায্য না পাইলে অসুরগণকে পরাস্ত করিতে  
সক্ষম হ'ন না। ঈশ্বরের কৃপালাভ করিলেই আমরা  
স্বাভাবিক সুখভোগম্পৃহা সংযত করিয়া শাস্ত্রনির্দিষ্ট  
কর্ম করিয়া শ্রেয়োলাভ করিতে সমর্থ হই। চণ্ডীতে  
উল্লেখ আছে যে, অসুরগণের নিকট দেবগণের পরাভব-  
বার্তা শ্রবণ করিয়া বিষ্ণু ও মহেশ্বর কোপ প্রকাশ  
করিলেন, তাঁহাদের বদন হইতে তেজ নির্গত হইল।  
ব্রহ্মার বদন হইতে এবং অপর দেবগণের শরীর হইতেও  
তেজ বহির্গত হইল। এই সকল তেজ একত্র সমবেত  
হইয়া অলস্ত পর্বতের স্তায় শোভা পাইল এবং ক্ষণপরে  
নারীদেহ ধারণ করিল—ইহাই দুর্গার মূর্তি। মহাদেবের  
তেজ হইতে মুখ হইল, বিষ্ণুর তেজ হইতে বাহ হইল,





দুর্গামূর্তি

উড়িষ্যার ভাস্কর-শিল্প অবলম্বনে গঠিত।

[ শিল্পী-শ্রীমতী পাল ।







ব্রহ্মার তেজে পদদ্বয় হইল, অপরাপর দেবতার তেজ হইতে কেশ, স্তন, জন্বা, উরু, নিত্য প্রভৃতি দেবীর বিবিধ অঙ্গ-প্রত্যঙ্গ সৃষ্ট হইল।

ঈশ্বরই ব্রহ্মা, বিষ্ণু ও মহাদেবের রূপ ধারণ করিয়া জগতের সৃষ্টি, স্থিতি ও পালন-ক্রিয়া সম্পাদন করেন। দেবগণ ঈশ্বরের আদেশ-অনুসারে নিজ নিজ অধিকারে ব্যবস্থান করিয়া জগতের বিবিধ শুভকর্ম সম্পাদন করেন। ব্রহ্মা, বিষ্ণু, মহাদেব এবং ষাণ্ডীয়া দেবগণের শরীর হইতে তেজ নির্গত হইয়া জগন্মাতার মূর্তি গঠিত হয়। ইহার অর্থ এই যে, জগতের ষাণ্ডীয়া শুভ-শক্তির একত্র সমাবেশ হইতেই জগৎজননীর আবির্ভাব। অমরগণকে ধ্বংস করাই তাঁহার আবির্ভাবের উদ্দেশ্য।

জননীই সন্তানের সকল প্রকার মঙ্গল সম্পাদন করেন এবং নিজ হস্তে সকল অনিষ্ট দূর করেন। অমর-বিনাশের জন্য জগৎজননীর দেহ সর্বপ্রকার অস্ত্রে সুশোভিত। এজন্তই মহাদেব তাঁহার হাতে শূল দিয়াছেন, বিষ্ণু চক্র দিয়াছেন, ইন্দ্র বজ্র দিয়াছেন, ব্রহ্মা কমণ্ডলু দিয়াছেন (কমণ্ডলুর পবিত্র জল-স্পর্শে অশুভ কর্ম করিবার প্রবৃত্তি তিরোহিত হয়), সূর্য্য জগৎজননীর সমস্ত রোমকূপ নিজ কিরণমালায় উদ্ভাসিত করিয়াছেন (সে আলোকের প্রকাশ হইলে আমাদের অজ্ঞান অন্ধকার বিদূরিত হয়, আর অশুভ কর্ম করিবার প্রবৃত্তি থাকে না), সমুদ্র অগ্নান-পঙ্কজের মালা দ্বারা মায়ের শির এবং বন্ধ সাজাইয়া দিয়াছেন (সে সৌন্দর্য্য একবার মাত্র নয়ন-পথে উদ্ভিত হইলে জগতের তুচ্ছ সৌন্দর্য্য আর চিত্ত আকৃষ্ট হয় না)।

এই প্রকারে সর্ব আভরণ এবং সর্ব প্রহরণ-ভূষিতা হইয়া জগৎজননী মুহূর্ত্তঃ অটুহাস্ত করিয়া উচ্চনাদ করিলেন। সে ধ্বনি শুনিয়া সকল লোক হুঙ্ক হইল, সমুদ্র কম্পিত হইল, পৃথিবী ও পর্ব্বতরাশি বিচলিত হইল। তাহার পর অমরগণের সহিত যুদ্ধ আরম্ভ হইল। অমরগণের কণ্ঠিত হস্ত-পদ-মুণ্ডে যুদ্ধ-ক্ষেত্র পূর্ণ হইল, তাহাদের শোণিত-স্রোতে রণভূমি প্রাণিত হইল। জগৎজননী আনন্দে নৃত্য করিতে

করিতে অমর সংহার করিতে লাগিলেন। সন্তানের অনিষ্টকারী শক্তি ধ্বংস করিয়া মায়ের স্বরূপ আনন্দ হয়, আর কিসে সেরূপ আনন্দ হয়? তাই ঋষি সেই সংগ্রামকে 'যুদ্ধ মহোৎসব' বলিয়াছেন।

মহিষাসুরের সকল সেনাপতি নিহত হইলে মহিষাসুর স্বয়ং যুদ্ধক্ষেত্রে অবতীর্ণ হইল। তাহার পরাক্রমে দেবীর সৈন্তগণ সংস্কৃত হইল। দেবী তাহাকে জালদ্বারা আবদ্ধ করিলেন, সে সিংহরূপ ধারণ করিল। দেবী সিংহের মস্তক কাটিয়া ফেলিলেন, সে পুরুষরূপ ধারণ করিল। দেবী পুরুষকে কাটিয়া ফেলিলেন, সে হস্তীরূপ ধারণ করিল। আমাদের অশুভ প্রবৃত্তিকে নির্মূল করা অভিপ্রায় করিল, সে প্রবৃত্তি মরিয়াও মরে না, নানা রূপ ধারণ করিয়া আমাদের মন্দ কর্ম করায়। অবশেষে অমররাজ পুনরায় মহিষরূপ ধারণ করিল। দেবী মধুপান করিয়া (অর্থাৎ অমরবধ-জনিত আনন্দে উন্মত্ত হইয়া) লক্ষ দ্বারা মহিষাসুরের উপর আরোহণ করিলেন, তাহার কণ্ঠ পদদ্বারা পীড়ন করিলেন, শূলের দ্বারা তাহাকে আঘাত করিলেন। তখন অমর নিজ মুখ হইতে পুনরায় নিষ্ক্রান্ত হইতে চেষ্টা করিল, দেবীর শক্তিতে তাহার সে চেষ্টা ব্যর্থ হইল, অর্ধনিষ্ক্রান্ত অবস্থায় অমর যুদ্ধ করিতে লাগিল। দেবী তরবারিদ্বারা তাহার শির কাটিয়া ফেলিলেন। দৈত্য-সৈন্তগণ হাহাকার করিয়া উঠিল, দেবগণ পরম আনন্দে উৎফুল্ল হইলেন এবং সুললিত স্বরে দেবীর স্তব করিতে লাগিলেন। ভাব-সম্পদে এবং ভাষার গৌরবে সে স্তব অতুলনীয়।

দুর্গা অমরসৈন্তের উপর চরম জয়লাভ করিয়াছেন, ঠিক সেই অবস্থায় মূর্ত্তি গঠন করিয়া বাঙ্গালী জগন্মাতার পূজা করে। ঐশ্বরিক শুভ শক্তির নিকট, অশুভ দানব-শক্তি পরাজিত। তাই দুর্গাপূজায় সাধকের আনন্দের সীমা থাকে না। বাঙ্গালীর পল্লীতে পল্লীতে, গৃহে গৃহে সে আনন্দধারা প্রবাহিত হয়। আবাল-বৃদ্ধ-বনিতা সে আনন্দে উৎফুল্ল। বর্ষাবারিপুষ্ট শ্রামল বৃক্ষপত্রাবলির উপর শরতের স্তবর্ণ রৌদ্রধারা



পতিত হইয়াছে; উজ্জল নীল আকাশ সৌরকিরণে উদ্ভাসিত হইয়াছে; নদীর জল নিম্নল হইয়াছে; পুষ্করিণী আলোকিত করিয়া পদ্মফুল ফুটিয়া উঠিয়াছে। মনে হয় সাধকের আনন্দ জল-স্থল-বায়ু পরিপূর্ণ করিয়াছে। বালক-বালিকা নূতন বস্ত্র পাইয়াছে। দরিদ্র তৃপ্তিকর ভোজন পাইয়াছে। প্রবাসী গৃহে ফিরিয়াছে। সানাইয়ের মধুর রাগিণী সকলের হৃদয়ের অন্তস্থল পুলকিত করিতেছে।

চণ্ডী-বনিত দুর্গামূর্তির উপর বাঙ্গালী কিছু নিজস্ব সাধনা-সম্পদ যোগ করিয়াছে। তাই বাঙ্গালী যে দুর্গামূর্তি নির্মাণ করে তাঁহার দক্ষিণে লক্ষ্মী ও গণেশ, বামে সরস্বতী ও কার্তিক। ইঁহারা সকলে মায়েরই পুত্র-কন্যা। যেদিন মা আমাদের ঘরে আসেন সেদিন ইঁহারাও সঙ্গে আসেন। জগৎজননীকে পূজা করিয়া সন্তুষ্ট করিতে পারিলে, ঐশ্বর্য্য ও সফলতা, বিজ্ঞা ও শৌর্য্য সকলই লাভ করা যায়। লক্ষ্মী ও সরস্বতী উর্কে, কার্তিক ও গণেশ নীচে। রমণীর প্রতি সন্মান প্রদর্শন হিন্দু-সভ্যতার বিশেষত্ব। লক্ষ্মী ও গণেশ দক্ষিণে, সরস্বতী ও কার্তিক বামে। ইঁহার কারণ ঐশ্বর্য্য ও সফলতাই শ্রেষ্ঠ; বিজ্ঞা এবং শৌর্য্য ঐশ্বর্য্য ও সফলতা লাভের উপায় মাত্র।

বাঙ্গালী আর একটি কাহিনী দ্বারা দুর্গাপূজা মধুর ও সরস করিয়াছে। দুর্গা পর্ব্বতরাজ হিমালয়ের কন্যা। তিনি চিরকাল পতিগৃহেই বাস করেন। কিছুকালের জ্ঞাও মাতা মেনকা কন্যাকে কাছে রাখিতে পারেন না। কেবল দুর্গাপূজার সময় মাত্র চারিদিনের জ্ঞা মেনকা কন্যাকে আপনার নিকট রাখিতে পান। কন্যা আসিবে বলিয়া মা দিন গণিতে থাকেন, অবশেষে কন্যা আসেন, চারিদিনের আনন্দ দেখিতে দেখিতে কাটিয়া যায়, বিজয়ার দিন মাকে আবার কাঁদাইয়া দুর্গা পতিগৃহে চলিয়া যান। যশোদার বাৎসল্য-স্নেহে আমরা দেখিতে পাই, পুত্রের প্রতি মাতার স্নেহকে হিন্দু-প্রতিভা ভগবৎপ্রাপ্তির সাধনারূপে পরিণত করিয়াছে; মেনকার বাৎসল্য-রসে দেখিতে পাই, বিবাহিতা কন্যার জ্ঞা মায়ের স্নেহকে ভগবৎপ্রাপ্তির উৎকৃষ্ট সাধনরূপে পরিণত করা হইয়াছে।

দেশ-বিদেশের বহু বিশ্ববিখ্যাত শিল্পীর অঙ্কিত চিত্র এবং ভাস্কর্য্য দেখিয়াছি কিন্তু নিরঙ্কর বাঙ্গালী শিল্পী জগৎ-জননীর মুখে যে পবিত্র সৌন্দর্য্য ফুটাইয়া তুলে, তাহার তুলনা কোথাও দেখি নাই। সন্তানের চক্ষে মায়ের মূর্তি ঘেরূপ মনোহর, বৃদ্ধি আর কিছুই সেরূপ নহে।





## রাজতন্ত্র বনাম প্রজাতন্ত্র

রাজরত্ন শ্রীবিনয়তোষ ভট্টাচার্য্য, এম্-এ, পি-এইচ্-ডি

আমরা হিন্দু, আমাদের কাছে রাজা নামে একটা বড়ই মোহ আছে, রাজা নাম আমাদের কাছে বড়ই প্রিয়, বড়ই শ্রুতিমধুর। প্রজারা রাজার নিকট হইতে যাহা পায় বা পাইবার আশা করে, তাহা অপর কোনরূপ শাসনতন্ত্রের নিকট হইতে পায় না। রাজতন্ত্র ছাড়া অস্ত্রাশ্রয় শাসনতন্ত্র প্রায়ই যন্ত্রের মত চালিত, কতকগুলি নিয়ম-কানুন বাঁধা আছে, সকলকে তাহাই মানিয়া চলিতে হইবে। যিনি শাসক তাঁহাকেও মানিতে হইবে, আবার যাহারা শাসিত হইতেছেন— তাঁহাদেরও মানিতে হইবে। কিন্তু এইরূপ বাঁধা-ধরা যন্ত্র-চালিত পুতুলের মত চলার নানা প্রকার বিষ আছে, তাহাতে প্রজাদের মন উঠে না, তাহারা অসন্তুষ্ট হয় ও চঞ্চল হয়, এবং এই চাঞ্চল্যের জন্ত রাজ্যের সমূহ ক্ষতি হয়।

এইরূপ যন্ত্রের মত কাজ করা ছাড়াও রাজার অস্ত্রাশ্রয় পালনীয় অনেক জিনিষ আছে, যাহা অস্ত্র কোনরূপ শাসনতন্ত্রে দেখা যায় না। সেকালে হিন্দুদের নিকট রাজা—“মহতী দেবতা হোষা নররূপেণ তিষ্ঠতি।” আবার হিন্দু ত্রিমূর্তির জায় সৃষ্টি, রক্ষণ ও ধ্বংসের একমাত্র অধিকারী। রাজার বাস্তবিক যে কি কাজ, শাস্ত্রকারেরা তাঁহাকে মালাকারের সহিত তুলনা করিয়া তাহা বেশ ভাল করিয়াই বুঝাইয়া দিয়াছেন। তাই শুনি—

উৎখাতান্ প্রতিরোপয়ন্ কুসুমিতান্

চিহ্নং লঘুন্ বর্জয়ন্

অত্যাচ্ছান্ নময়ন্ নতান্ সমুদয়ন্

বিপ্লেষয়ন্ সংহতান্।

ক্রুরান্ কণ্টকিনান্ বহির্নিরসয়ন্

মানান্ পুনঃ সেচয়ন্

মালাকার ইব প্রপঞ্চভুরো

রাজা চিরং নন্দতি ॥

“রাজা মালাকালের মত নানাপ্রকার কার্য্যপ্রপঞ্চ দেখাইয়া থাকেন। যদি কেহ উৎখাত হইয়া থাকে, তাহাকে তিনি পুনরায় রোপণ করেন; যদি কেহ কুসুমিত হইয়া থাকে, তাহার নিকট হইতে পুস্প-চয়ন করেন; যদি কেহ ছোট অবস্থায় থাকে, অবস্থানুযায়ী তাহাকে বড় করিয়া দেন; যদি কেহ অত্যন্ত বাড়িয়া উঠে, তাহাকে তিনি নামাইয়া দেন; যদি কেহ অবনত হইয়া যায়, তিনি তাহার অভ্যুদয় সাধন করেন; যদি অনেকে সজ্জবদ্ধ হয়, তিনি তাহাদিগকে বিভিন্ন করেন; অত্যন্ত ক্রুর ও কণ্টকিদিগকে দূরে নিক্ষেপ করেন; এবং পরিম্লানিত ব্যক্তিদিগের মুখমণ্ডল আশা-বারি সেচনে উদ্ভাসিত করিয়া থাকেন।

এইরূপ রাজাই আমাদের আদর্শ রাজা, রাজা আবার সকলেই সমান ন’ন, কিন্তু সে সকল রাজাদের কথা এখানে বলিতেছি না। উদ্দেশ্য এই যে, রাজার এই সকল প্রকারের কার্য্যপ্রপঞ্চ অপর কোনরূপ যন্ত্রচালিত শাসনতন্ত্রের নিকট হইতে পাওয়া যায় না, এবং পঞ্চাশ হইতে পারে না, তাহাই দেখানো।

উৎকট প্রজাতন্ত্রের আবির্ভাবে আমাদের প্রাচীন আদর্শ যে রাজতন্ত্র তাহা ক্ষুণ্ণ হইতে বসিয়াছে। তাই পুরাতন সংস্কৃত শাস্ত্র হইতে রাজতন্ত্র ও অস্ত্রাশ্রয় প্রকার শাসনতন্ত্রের পার্থক্য একবার দেখাইবার চেষ্টা করিব। তবে গোড়াতে একথা বলিয়া রাখার দরকার যে, কি রাজতন্ত্র, কি প্রজাতন্ত্র, কি অস্ত্রপ্রকার শাসনতন্ত্র—কোনোটাই একেবারে দোষবর্জিত নহে। এবং এ-বিষয়ে এমন কোনো শাসন-ব্যবস্থা থাকিতেই পারে না, যাহা সম্পূর্ণ দোষবর্জিত হইবে। কারণ পৃথিবীতে কোন জিনিষই আদর্শরূপে দেখা যায় না, তবে আমাদের বুদ্ধিশক্তিতে আমরা



একটা আদর্শ করানায় আনিতে পারি বটে, কিন্তু তাহার নিকটবর্তী হইতে পারি না। কারণ, এই অনিত্য সংসারের ইহাই আসল স্বরূপ।

পাটনার বিখ্যাত বিদ্বান এবং কৌশলী মিঃ কাশীপ্রসাদ জয়স্বাল সাহেব হিন্দু রাজনীতি শাস্ত্রের উপর একখানি অতি উপাদেয় গ্রন্থ রচনা করিয়াছেন। এই পুস্তক হইতে দেখিতে পাই প্রাচীন ভারতে নানা প্রকার শাসনতন্ত্র প্রচলিত ছিল, এবং ভারতবর্ষীয় পণ্ডিতগণ সকল প্রকার শাসনতন্ত্রকেই এক একবার চালাইয়া দেখিবার চেষ্টা করিয়াছিলেন। এই সকল শাসন-প্রথা নানা নামে পরিচিত ছিল। কাহাকেও বলিত ভৌজ্য, কাহাকেও বলিত স্বারাজ্য, কাহাকেও বা বৈরাজ্য, রাষ্ট্রিক, দৈরাজ্য, উগ্র, আয়ুধজীবী বা রাজত্ব ইত্যাদি নামে অভিহিত করিত। তাহাতে দেখি, রাজ-প্রধান, আমলা-প্রধান ও কুলীন-প্রধান এবং অন্যান্য সকল প্রকার শাসন প্রথাই বর্তমান ছিল। কিন্তু এক রাজপ্রধান তন্ত্র ছাড়া আর কোনটিই চলে নাই, এবং কোন দিগ্বিজয়ী রাজনীতি শাস্ত্রকার তাহা চালাইতে পারেন নাই। ইহা হইতে মনে হয় রাজপ্রধানতন্ত্রে যে সকল দোষ ছিল তাহা অপেক্ষা অন্তর্গত বৈদ্য দোষ বর্তমান ছিল বলিয়াই শেবোক্ত তন্ত্রগুলি বৈদ্যদীন আপনাদের স্বাতন্ত্র্য বজায় রাখিতে পারে নাই। নহিলে এইগুলিকে ছাঁটিয়া ফেলিয়া দিবার অন্ত কোন কারণ দেখিতে পাওয়া যায় না। যে সকল শাসনতন্ত্র পৃথিবীতে অব্যবহার্য্য বলিয়া ছাঁটিয়া ফেলা হইয়াছে এবং যাহা কালবশে আপনা হইতেই খসিয়া পড়িয়াছে, তাহারই দুই-একটি বর্তমানযুগে চালাইবার জ্ঞান প্রাপণ চেষ্টা চলিতেছে; বিলাতে তাহা চলিতেছে এবং আমাদের দেশেও যাহাতে এই সকল অব্যবহার্য্য প্রথা চলিতে পারে তাহার জ্ঞান সর্বত্র একটি ধূয়া উঠিয়াছে। ইহা ভাল কি মন্দ তাহা সম্পূর্ণ ভবিষ্যতের গর্ভে; এখন শেষ কথা কাহারও বলিবার অধিকার নাই এবং ভবিষ্যতে এই সকল প্রথাযুগ্মী শাসনতন্ত্র চালাইলে

দরিদ্র প্রজাদের যে কি হইবে, সুখ হইবে কি তাহারা দুঃখের অতল জলে ডুবিবে, তাহা একমাত্র পরমাত্মাই বলিতে পারেন। তবে ইতিহাস যদি দেখা যায় তাহা হইলে দেখা যাইবে, ধূয়া দেশে নানা প্রকার উঠে কিন্তু বাজে জিনিষ কখনই টিকে না।

প্রাচীন নীতিশাস্ত্রবিদ পণ্ডিতেরা রাজতন্ত্র ছাড়া অপর সকল প্রকার শাসন-প্রথাকেই অবজ্ঞা করিয়াছেন। গরুড়পুরাণোক্ত—নিম্নলিখিত শ্লোক হইতে তাহা স্পষ্টই বুঝা যায়—

অরাজকে ন বস্তব্যং তথা চ বহনায়কে।

স্ত্রীরাজকে ন বস্তব্যং তথা চ শিশুনায়কে ॥

(অধ্যায় ১৫১, শ্লোক ৬২)

“যে রাজ্যে রাজা নাই সেখানে বাস করিবে না; যেখানে বহুলোক কর্তা, সেখানেও না; যেখানে স্ত্রীলোক বা শিশু কর্তা সেখানেও বাস করিবে না।”

যেখানে রাজা না থাকে সে রাজ্যের নানারূপ বিপত্তি হইয়া থাকে। অরাজতন্ত্রে প্রজাদের যে বিরূপ অনিষ্ট হইয়া থাকে তাহা মহাভারত হইতে কয়েকটি শ্লোক উদ্ধৃত করিয়া দেখাইবার চেষ্টা করিব। মহাভারতে শান্তিপর্বে লেখে—

অরাজকেষু রাজ্যেষু ধর্মো ন ব্যবতিষ্ঠতে।

পরম্পরং চ খাদন্তি সর্বথা ধিগরাজকম্ ॥

(অধ্যায় ৬৬, শ্লোক ৩)

“যে রাজ্যে রাজা নাই তথায় লোকে নিজের নিজের কর্তব্য পালন করিতে পারে না। তাহারা পরস্পর পরস্পরকে ভক্ষণ করিয়া থাকে, অতএব সর্বথা অরাজক তন্ত্রকে ধিক্।”

নারাজকে জনপদে যোগক্ষেমঃ প্রবর্ততে।

ন চাপ্যরাজকে সেনা শত্রুণ্ বিবহতে যুধি ॥

(অধ্যায় ৬৭, শ্লোক ২৪)

“যে জনপদে রাজা নাই সেখানে শাসনের শৃঙ্খলা থাকে না এবং সেরূপ রাজ্যের সেনা যুদ্ধে শত্রুদিগের সহিত আঁটিয়া উঠিতে পারে না।”



বিপালাশ্চ যথা গাবো যথা চাতৃণকং বনম্ ।

অজলাশ্চ যথা নন্তন্তথা রাষ্ট্রমরাজকম্ ॥

( অধ্যায় ৬৭, শ্লোক ২৯ )

“যে রাষ্ট্রে রাজা থাকে না সেখানকার প্রজাদের অবস্থা পালকবিহীন গাভীর শ্রায়, তৃণহীন বনের শ্রায়, অথবা জলহীন নদীর শ্রায় হইয়া থাকে ।”

হরৈযুর্বলবন্তোহপি দুর্বলানাং পরিগ্রহান্ ।

হন্যাব্যাসচ্ছমানাংশ্চ যদি রাজা ন পালয়েৎ ॥

( অধ্যায় ৬৭, শ্লোক ১৪ )

“যেখানে রাজার দ্বারা প্রজারা পালিত না হয়, সেখানে যাহারা বলশালী তাহারা দুর্বলের সম্পত্তি অপহরণ করিয়া থাকে, এবং যদি সে বাধা দেয় তাহা হইলে তাহাকে মারিয়া ফেলিতেও কুষ্ঠিত হয় না ।”

যানং বস্ত্রমলঙ্কারান্ রত্নানি বিবিধানি চ ।

হরৈযুঃ সহসা পাপা যদি রাজা ন পালয়েৎ ॥

( অধ্যায় ৬৭, শ্লোক ১৬ )

“যেখানে রাজা প্রতিপালন না করেন, সেখানে দুষ্ট লোকে অপরের যান, বস্ত্র, অলঙ্কার এবং বিবিধ রত্নাদি জোর করিয়া অপহরণ করিয়া থাকে ।”

পতেদ্বহুবিধং শস্ত্রং বহুধা ধর্মচারিষু ।

অধর্ম্যঃ প্রগৃহীতঃ শ্রাত্তাদি রাজা ন পালয়েৎ ॥

( অধ্যায় ৬৭, শ্লোক ১৭ )

“যদি রাজা পালন না করেন, তাহা হইলে ধর্মচারী লোকের উপর নানাপ্রকার অস্ত্র-শস্ত্রাদি বণিত হয় এবং চারিদিকে অধর্মের প্রবর্তন হইয়া থাকে ।”

বধবন্ধপরিক্রেশো নিত্যমর্থবতাং ভবেৎ ।

মমত্বং চ ন বিদ্যেযুর্দি রাজা ন পালয়েৎ ॥

( অধ্যায় ৬৭, শ্লোক ১৯ )

“যদি রাজা পালন না করেন তাহা হইলে ধনী ব্যক্তির সর্বদাই বধ ও বন্ধনাদি দ্বারা পীড়িত হন এবং আমার বলিতে তাঁহাদের কিছুই থাকে না ।”

ন যোনিদোষো বর্তেত ন কুর্বিন বণিকৃপথাঃ ।

মজ্জেক্ষম'জ্জরী ন শ্রাত্তাদি রাজা ন পালয়েৎ ॥

( অধ্যায় ৬৭, শ্লোক ২১ )

“যদি রাজা না পালন করেন তাহা হইলে জনগণ পার্থক্য উঠিয়া যায়, কৃষি, বাণিজ্য ইত্যাদি নষ্ট হইয়া যায়, ধর্ম্য ডুবিয়া যায় এবং ত্রয়ী ধ্বংসপ্রাপ্ত হয় ।”

ন লভেদ্বর্মসংশ্লেষণং হতবিপ্রহতো জনঃ ।

হর্তা স্তৃষ্টেজ্জিয়ো গচ্ছেত্তদি রাজা ন পালয়েৎ ॥

( অধ্যায় ৬৭, শ্লোক ২৭ )

“যদি রাজা পালন না করেন, প্রজাদের মধ্যে যাহারা হত বা আঘাতপ্রাপ্ত হয় তাহারা বিদ্মুন্মাত্র শ্রায় বিচার পায় না; যে আঘাত করে সে বিনা শাস্তিতে স্তম্ভ ইচ্ছিয়া পলায়ন করে ।”

অনয়াঃ সংপ্রবর্তেরন্ ভবেদৈ বর্ণসঙ্করঃ ।

দুর্ভিক্ষমাবিশেজ্যাত্ত্বং যদি রাজা ন পালয়েৎ ॥

( অধ্যায় ৬৭, শ্লোক ২৯ )

“রাজা পালন না করিলে চতুর্দিকে অনীতির প্রবর্তন হয়, বর্ণ-সঙ্করের প্রাবল্য দৃষ্ট হয় এবং রাষ্ট্রে দুর্ভিক্ষ প্রবেশলাভ করে ।”

উপরে লিখিত প্রমাণগুলি হইতে স্পষ্টই দেখা যায়, রাজহীন রাষ্ট্র বাসের একেবারে অযোগ্য এবং সেরূপ জনপদে প্রজাদের বিপদ লাগিয়াই থাকে । অতএব যেখানে রাজা নাই সে রাজ্যে প্রজাদের সুখ-স্বাচ্ছন্দ্যও নাই, কোনরূপ সমাজবন্ধন নাই এবং শৃঙ্খলাও নাই । প্রজাতন্ত্র একপ্রকার রাজহীন শাসনতন্ত্র এবং তাহাতেও বিপদের সম্ভাবনা ঠিক যে রূপ উপরে বর্ণিত হইয়াছে সেইরূপ । কারণ, মহাভারতে দেখিতে পাই প্রথমে পৃথিবীতে প্রজাতন্ত্রই বর্তমান ছিল; কিন্তু যখন দেখা গেল প্রজাতন্ত্র সাধারণ লোকের সুখ-স্বাচ্ছন্দ্য বিধান করিতে অক্ষম তখন রাজতন্ত্রের প্রবর্তন হইল । রাজতন্ত্রের উৎপত্তি সম্বন্ধে নিম্নলিখিত শ্লোকগুলিতে মহাভারতের শাস্তি-পর্বে বর্ণিত বিবরণ পাঠকবর্গের নিকট উপস্থিত করিতেছি—

নিয়তস্ত্বং নরব্যাভ্র শৃণু সর্বমশেষতঃ ।

যথা রাজ্যং সমুৎপন্নমাদৌ কৃতযুগেহভবৎ ॥

( অধ্যায় ৫৮, শ্লোক ১৩ )

“হে নরব্যাভ্র ! পূর্বে কৃতযুগে কিরূপে রাজতন্ত্র



প্রবর্তিত হইয়াছিল তাহার বিবরণ অবহিতচিত্তে শ্রবণ করুন ।”

নৈব রাজ্যম্ রাজাসীম্ দণ্ডো ন চ দাণ্ডিকঃ ।

ধর্ম্মেণৈব প্রজাঃ সর্বা রক্ষান্তি স্ম পরম্পরম্ ॥

( অধ্যায় ৫৮, শ্লোক ১৪ )

“তখন রাজ্য ছিল না, রাজা ছিল না, দণ্ড ছিল না এবং দণ্ড বিধাতা কেহ ছিল না। প্রজারা সকলে পরস্পরে নিয়মবদ্ধ হইয়া পরস্পরের রক্ষাবিধান করিত ।”

পাল্যমানাস্থথানোহত্মং নরা ধর্ম্মেণ ভারত ।

দৈত্মং পরমুপাজগ্মুঃ ততস্তান্ মোহ আবিশৎ ॥

( অধ্যায় ৫৮, শ্লোক ১৫ )

“হে ভারত বংশোদ্ভব ! এইরূপ ভাবে পরস্পরের পালন করিতে করিতে ক্রমশঃ তাহাদের মধ্যে বিপত্তি দেখা দিল এবং তাহারা মূঢ়তার পরিচয় দিতে লাগিল ।”

তে মোহবশমাপন্না মনুষ্জা মনুষ্জর্ষভ ।

প্রতিপত্তিবিমোহাচ্চ ধর্ম্মস্তেষামনীনশৎ ॥

( অধ্যায় ৫৮, শ্লোক ১৬ )

“হে মনুষ্জশ্রেষ্ঠ ! তাহারা এইরূপ মূঢ়তা প্রকাশ করার জন্ত এবং তাহাদের নিয়মের প্রতি অশ্রদ্ধ হওয়ার তাহাদের নিয়মাবলী নষ্ট হইয়া গেল ।”

অগম্যাগমনং চৈব বাচ্যাবাচ্যং তথৈব চ ।

ভক্ষ্যাভক্ষ্যং চ রাজেন্দ্র দোষাদোষং চ নাতাজন্ ॥

( অধ্যায় ৫৮, শ্লোক ২০ )

“তাহারা অগম্যাগমন, রুঢ়ভাষণ, অভক্ষ্যাভক্ষণ এবং নানাপ্রকার অপরাধ হইতে বিরত থাকিতে পারিল না, ( এবং তাহাদের সমাজ ধর্ম্মের মুখে অগ্রসর হইতে লাগিল ) ।”

শাস্তিপর্কের আর একটি জায়গায় এই বিবরণ একটু অন্তভাবে দেওয়া আছে। তাহাতেও দেখা যায়, সর্বপ্রথমে পৃথিবীতে প্রজাতন্ত্রই প্রচলিত ছিল এবং প্রজারা কিরূপে আপনাদের রক্ষাবেক্ষণ করিত, কিরূপে তাহাদের মধ্যে প্রথম আইন তৈয়ারী হইল, এবং কিরূপে পরে আইনগুলি লোকে ভাঙিতে আরম্ভ করিল এবং তাহার জন্ত নানা উপজীবের সৃষ্টি হইল,

এই সকল বৃত্তান্ত কয়েকটি শ্লোকে অতি বিশদভাবে দেখাইয়া দেওয়া হইয়াছে। প্রজাতন্ত্র কিরূপে সমাজ-রক্ষণে অসমর্থ হইয়াছিল তাহা শাস্তিপর্কে যেরূপ বর্ণিত হইয়াছে, তাহা বোধ হয় অল্প কোন জায়গায় পাওয়া যায় না। প্রজাতন্ত্রের অবসানে প্রজাপতি ব্রহ্মা কিরূপে রাজার সৃষ্টি করিয়াছিলেন তাহার বৃত্তান্তও শাস্তিপর্কে উল্লেখ করা আছে। অতি প্রয়োজনীয় শ্লোকগুলি নিম্নে বিবৃত হইল—

অরাজকাঃ প্রজাঃ পূর্কং বিনেশুরিতি নঃ শ্রুতম্ ।

পরম্পরং ভক্ষ্যাস্তো মংস্তা ইব জলে কৃশান্ ॥

( অধ্যায় ৬৬, শ্লোক ১৭ )

“আমরা শুনিয়াছি কিরূপে রাজহীন প্রজারা আপনা আপনিই বিনষ্ট হইয়াছিল এবং কিরূপে তাহারা জলে বড় মাছ যেমন ছোট মাছ খাইয়া ফেলে, সেইরূপ আপনাদের মধ্যে একে অপরের ধ্বংস-বিধান করিয়াছিল ।”

সমেত্য ভাস্ততশ্চক্ৰুঃ সময়ানিতি নঃ শ্রুতম্ ।

বাক্শুরো দণ্ডপক্ৰমো যশ্চ স্তাংপারদারিকঃ ।

যশ্চ নঃ সময়ং ভিন্দ্যাৎ ত্যাজ্যা নস্তাদৃশা ইতি ॥

( অধ্যায় ৬৬, শ্লোক ১৮-১৯ )

“আমরা শুনিয়াছি তাহারা একত্র মিলিত হইয়া কয়েকটি নিয়ম তৈয়ারী করিয়াছিল; অর্থাৎ, যাহারা পক্ষযভাষী, যাহারা আঘাতকারী, যাহারা পরদারাসক্ত এবং যাহারা তাহাদের নিয়মভঙ্গ করিবে তাহাদের রাজ্য হইতে তাড়াইয়া দেওয়া হইবে ।”

বিশ্বাসার্থং চ সর্কেষাং বর্ণানামবিশেষতঃ ।

ভাস্তথা সময়ং কৃত্বা সময়েনাবতস্থিরে ॥

( অধ্যায় ৬৬, শ্লোক ১৯ )

“চারিঘণ নির্দিষ্টকালে সকলের মনে প্রত্যয় উৎপাদনের জন্ত তাহারা এইরূপ নিয়ম তৈয়ারী করিয়া পরে সেইরূপ নিয়ম অমুযায়ী চলিতে লাগিল ।”

সহিতান্তান্ততো অগ্নুর্নুখার্তাঃ পিতামহম্ ।

অনীখরা বিনশ্চামো ভগবদ্বীখরং দিশ্ ।

যং পূজয়েম সত্বয় যশ্চ নঃ প্রতিপালয়েৎ ॥

( অধ্যায় ৬৬, শ্লোক ২০-২১ )



“পরে (যখন নিয়মভঙ্গ হওয়ার অশান্তি হইতে লাগিল) তাহারা বিশেষ অসুখী হইয়া পিতামহ ব্রহ্মার নিকট উপস্থিত হইয়া বলিল, আমরা রাজ্য-বিহীন হইয়া বিনষ্ট হইতেছি, অতএব আপনি আমাদের একজন প্রভু দিন। তাঁহাকে আমরা সকলে মিলিয়া পূজা করিব এবং তিনি আমাদের প্রতিপালন করিবেন।”

উপরি লিখিত বিবরণটি চূড়ান্তভাবে মনুষ্যসংহিতাতেও পাওয়া যায় এবং ইহা হইতেও রাজ্যের উৎপত্তি কিরূপে হইয়াছিল তাহার একটা আভাস পাওয়া যায়। মনুষ্যে আছে —

অরাজকে হি লোকেহস্মিন্ সৰ্ব্বতো বিক্রতে ভয়াৎ ।

রক্ষার্থমশ্রু লোকশ্রু রাজানমশ্রুজৎ প্রভুঃ ॥

( অধ্যায় ৭, শ্লোক ৩ )

“যখন পৃথিবীতে রাজা থাকে না তখন সকলে যাত্ৰাঙ্গ অস্থির হয়। ভগবান সেইজন্য সকলের রক্ষার্থে রাজাকে সৃষ্টি করিয়াছিলেন।”

রাজতন্ত্র ও প্রজাতন্ত্র বেশ ভালভাবে তুলনা করিলে দেখা যায়, প্রজাতন্ত্রে একরূপ একটি বিশেষ দোষ আছে। তাহা রাজতন্ত্রে পাওয়া যায় না। এবং এই একটি দোষ এতই সাজ্বাতিক যে, সেই একটি কারণের জন্য প্রজাতন্ত্রের সাফল্য-সম্বন্ধে সন্দেহ আসে। সেটি মনুষ্যের অভাব। এই মনুষ্যগুণের অভাব প্রজাতন্ত্রে একরূপ বিশদভাবে প্রকাশ পায়, রাজতন্ত্রে সেইরূপ ওয়া সম্ভব নহে। রাজ্যের যাহা কিছু কার্য, যাহা হইতে করণীয়, যেমন যুদ্ধযাত্রাদি, প্রথমে বিশেষ লোকের হস্তে রাখিতে হয়। যদি তাহা অসময়ে প্রকাশ পায়, তাহা হইলে রাজ্যের সমূহ বিপদ এবং প্রভূত ক্ষতি হইতে পারে। রাজ্যের যাহা কিছু গোপনীয় কার্য তাহাকেই মন্ত্র বলিয়া থাকে। যাহাদের হাতে রাজ্য সুরক্ষিত থাকে তাহাদিগকে মন্ত্রী বলে, মন্ত্রগোষ্ঠাও মন্ত্রমণ্ডল। তাহারা মন্ত্ররক্ষণ করে এবং গোপন রাখে। তাহাই মন্ত্রী বা মন্ত্রগোষ্ঠা তাঁহাদের বলা হয়। রাজতন্ত্রে গুপ্তি কিছুতেই সম্ভবপর হয় না, কারণ

প্রজাতন্ত্রে প্রজারাই কর্তা, তাহাদের অসুখমতি ভিন্ন কোন বড় কার্য তাহাদের প্রতিনিধিদ্বারাও করিতে পারেন না। কাজেই যখন যুদ্ধ বিগ্রহাদি উপস্থিত হয়, তাহা প্রতিনিধি-সভায় উত্থাপন না করিলে উপায় নাই; সেইজন্য এই সকল গুরুতর ব্যাপার গোপন থাকে না এবং শত্রুতে সেই সকল খবর পাইয়া বিপদ আনয়ন করে এবং রাজ্যের ভিতরও প্রতিবাদীর দল ক্ষেপিয়া উঠে। ইহাতে শত্রুগণের সমূহ ক্ষতি হয়, সেনানাশ ও অর্থনাশও সেজন্য প্রচুর পরিমাণে ঘটতে পারে। এই সম্বন্ধে ঐতিহাসিক শাস্ত্র হইতে প্রমাণ নীচে উদ্ধৃত করিব। তাহা হইতে বুঝিতে পারা যাইবে নীতিবিদেরা মন্ত্রভেদকে কিরূপ ভয়ের চক্ষে দেখিতেন এবং মন্ত্রভেদে দেশের কি ভয়াবহ ক্ষতি হইতে পারে।

মন্ত্রমূলমিদং রাজ্যমতো মন্ত্রং সুরক্ষিতম্ ।

কুর্য্যাণ্ডথাহশ্রু ন বিহুঃ কৰ্মণামাকলোদয়াৎ ॥

( যাজ্ঞবল্ক্য স্মৃতি, আচারাদ্যায়, শ্লোক ৩৪৪ )

“রাজ্যের মূল মন্ত্রে নিহিত, অতএব মন্ত্র একরূপভাবে সুরক্ষিত করিয়া রাখিবে যে, যতদিন তাহা না ফলীভূত হয় ততদিন যেন কেহ জানিতে না পারে।”

মন্ত্রমূলং সদা রাজ্যং তুস্মাগ্নস্তঃ সুরক্ষিতঃ ।

কর্তব্যঃ পৃথিবীপালৈর্মন্ত্রভেদভয়াৎ সদা ॥

( বিষ্ণুধর্মোত্তর, খণ্ড ২, অধ্যায় ৬৫, শ্লোক ৩৫ )

“সদাই রাজ্য মন্ত্রমূল; সেইজন্য রাজারা মন্ত্র সুরক্ষিত করিয়া রাখিবেন এবং দেখিবেন যেন মন্ত্রের প্রচার অসময়ে না হয়।”

মন্ত্রবৎসাধিতো মন্ত্রঃ সজ্জাতানাং সুখাবহঃ ।

মন্ত্রচ্ছলেন বিনষ্টো বহবঃ পৃথিবীক্ষিতঃ ॥

( বিষ্ণুধর্মোত্তর, খণ্ড ২, অধ্যায় ৬৫, শ্লোক ৩৬ )

“যে মন্ত্র ঠিক মন্ত্রের স্তায় সাধিত হয়, তাহা জনসমূহের হিতজনক হইয়া থাকে। দুর্মন্ত্রের সাধনা করিয়া অনেক রাজা বিনষ্ট হইয়াছেন।”

অনভিজ্ঞায় শাস্ত্রাণি বহবঃ পণ্ডবুধ্যঃ ।

প্রাণলভ্যাকুসুমিচ্ছন্তি মন্ত্রেভ্যস্তরীকৃতাঃ ।



মজ্জিরূপা হি রিপবঃ সন্তাব্যাস্তে বিচক্ষণৈঃ ॥

(রামায়ণ, বৃদ্ধকাণ্ড, অধ্যায় ৬৩, শ্লোক ১৪)

“যদি একবারও পরামর্শ লওয়া হয়, শাস্ত্র না জানিয়া অনেক পশুবুদ্ধির মানব প্রগল্ভতা বশতঃ রাজকার্য্যসম্বন্ধে পরামর্শ দিয়া থাকেন। বিচক্ষণেরা তাঁহাদিগকে, মজ্জিরূপে দেশের শত্রু বলিয়া জ্ঞান করিবেন।”

ন চ মূর্খৈর্ন চানাতৈশ্চ তথা নাধার্মিকৈর্নৃপঃ ।

মজ্জং তু মদিতং কুর্ধ্যাস্তেন রাষ্ট্রে ন ধাবতি ॥

(বিষ্ণুধর্মোত্তরপুরাণ, খণ্ড ২, অধ্যায় ১৫১, শ্লোক ২১)

“রাজা কখনও মূর্খকে, অবিদ্বান্ ব্যক্তিকে, অধার্মিককে মজ্জের আশ্রয় দিবেন না। এইরূপ অযোগ্য ব্যক্তির সহিত পরামর্শ না করিলে সে মজ্জ রাষ্ট্রের অজ্ঞাত থাকে।”

রাজ্যং বিনাশমূলকং কথিতো মজ্জবিভ্রমঃ ।

নাশহেতুর্ভবেন্নমজ্জঃ কুপ্রযুক্তস্ত মজ্জবৎ ॥

(বিষ্ণুধর্মোত্তর, খণ্ড ২, অধ্যায় ১৫১, শ্লোক ২২)

“মজ্জ-বিষয়ক প্রমাদই রাজাদের বিনাশের মূলভূত কারণ। যদি মজ্জ কুপ্রযুক্ত হয় তাহা হইলে ছুই মজ্জজপের জায় তাঁহাদের নাশের কারণ হইয়া দাঁড়ায়।”

মজ্জ বিষয়ে এই কয়েকটি শ্লোকের উপর টীকা করা নিম্নরূপে। প্রজাতন্ত্রে যে সকল অতি প্রয়োজনীয় কার্য্য এবং অতি গোপনীয় কার্য্য তাহা অতি প্রকাশ্য সভায় বিবেচিত হইয়া থাকে, কারণ, তাহাতে প্রতিনিধিদের মত থাকা চাই। কোন দরকারী এবং ভাল কার্য্যও প্রতিনিধিরা কোন কারণে সমর্থন না করিলে, করিবার যো নাই। তাহা ছাড়া মতানৈক্য ত’ আছেই, দল বাধা-বাধিও আছে। কার্য্য যে দলের মনোমত হইল না, তাঁহারা চটিয়া রহিলেন এবং স্বেচ্ছা পাইলেই অস্ত্র প্রতিনিধি নিযুক্ত করিলেন, এবং প্রায়ই পূর্ব প্রতিনিধি বাহা করিয়াছেন তাহা উল্টাইতে লাগিলেন। ইহাতে রাজ্যের প্রগতি অত্যন্ত বাধাপ্রাপ্ত হইয়া থাকে এবং অশান্তি ও উচ্ছৃঙ্খলতার মাত্রা অত্যন্ত বাড়িয়া যায়। কয়েকজন

লোকের হাতে শক্তি কেন্দ্রীভূত হইয়া থাকে এবং তাহাদের ক্ষমতা অত্যন্ত বিস্তৃত হয়; তাহাদিগকে নীচে নামাইবার কোন লোক থাকে না। যদি কেহ তাহাদের কুনজরে পড়ে তাহাকে নানা প্রকারে উৎপীড়িত হইতে হয়।

রাজতন্ত্র সেই হিসাবে অনেক ভাল। রাজা তাঁহার রাজপ্রাসাদে, তাঁহার পূর্বপুরুষদিগের নির্দেশ ও অভিজ্ঞতা অনুসারে রাজপ্রাসাদের গভীর নির্জনতায় রাজ্যেরই জায় বর্দ্ধিত হইয়া থাকেন। তাঁহার দৃষ্টিও প্রজার জায় ক্ষুদ্র না হইয়া রাজ্যেরই জায় বিশাল হয়, সেইরূপ হৃদয়ও বিশাল হয়। ভোগে ও ব্যায়ামে তাঁহার শরীর শক্ত ও কণ্ঠ হয়; রাজশক্তি ও উৎসাহশক্তি বয়সের সঙ্গে সঙ্গে প্রবলবেগে প্রবাহিত হয় এবং তাহা প্রজার কল্যাণের কার্য্যেই সম্পূর্ণ ব্যয়িত হয়। তাঁহার নিকট সকল প্রজাই সমান, কেহ ছোট, কেহ বড় নহে। তাঁহার একমাত্র চিন্তা কিসে রাজ্য বিস্তৃত হয়, কিসে রাজ্যের দিন দিন শ্রীবৃদ্ধি হয়, কিসে প্রজারা সুখী হয় ও শান্তি থাকে। তাঁহার করুণা রাজ্যেরই জায় বড়, তাঁহার কার্য্য বিশাল, তাঁহার হাতে শক্তি ও সামর্থ্য কার্য্যে অল্পরূপে বিশাল এবং সেইজন্য তাঁহার কার্য্য কলীভূত হইয়া থাকে। একটি ক্ষুদ্র নগণ্য প্রজা যদি রাজার সিংহাসনে বসে, তাহা হইলে রাজ্যের বিশাল কার্য্য তাহার নগণ্য ক্ষুদ্র মন দিয়া করিবার যোগ্যতা কোথা হইতে আসিবে?

তবে একটা কথা, রাজতন্ত্রে রাজা যদি ভাল হ’ন তাহা হইলেই প্রজার সুখ। রাজা যদি অত্যাচারী ও উৎপীড়ক হ’ন তাহাতে প্রজাদের অশেষ দুঃখ। এই জন্য প্রাচীন রাজনীতিবিদেরা অনিয়ন্ত্রিত রাজতন্ত্রে পক্ষপাতী ছিলেন না এবং কি করিয়া রাজা অপ্রতিহত রাজশক্তি নিয়ন্ত্রিত হইতে পারে তাহা বিশেষ ভাবে চিন্তা করিয়াছিলেন। রাজার প্রত্যেক কার্য্যে ধর্মের একটা বিধান ছিল; তিনি বাহাতে অর্থ না করেন, অত্যাচার না করেন, সেই জন্য মানারূপ নিয়ম



বাধিয়া দিয়াছিলেন এবং বাহাতে মন্ত্রি-পরিষদের হাত দিয়া রাজশক্তি নিয়ন্ত্রিত হয় তাহারও ব্যবস্থা করিয়া ছিলেন। এককালে নিয়ন্ত্রিত রাজতন্ত্র ভারতবাসীদের মুখ ও শান্তি দিয়াছিল এবং তাহার সাকল্যে জগৎ বিস্থিত ও মুগ্ধ হইয়াছিল।

রাজতন্ত্রের পরীক্ষা করিতে হইলে দেখা দরকার, রাজা মন্ত্রি-পরিষদকে সম্রমের চক্ষে দেখেন কি-না এবং মন্ত্রি-পরিষদ রাজাকে সম্রমের চক্ষে দেখেন কি-না, অর্থাৎ কোন একটি অত্যাশ্রয় হুকুম করিতে রাজা ভীত হ'ন কি-না, কিংবা কোন অত্যাশ্রয় হুকুম প্রতিপালন করিতে মন্ত্রি-পরিষদ বাধা দিতে পারেন কি-না। যদি রাজা অত্যাশ্রয় হুকুম দিতে ভীত হ'ন এবং মন্ত্রি-পরিষদের সভ্যরা অত্যাশ্রয় হুকুম তামিল করিতে অস্বীকার করেন, তখনই

বুঝা দরকার যে, সেই শাসনতন্ত্র সর্বাঙ্গপেক্ষা উৎকৃষ্ট। শুনা যায়, অশোক রাজার মন্ত্রী রবিগুপ্ত রাজার কয়েকটি বৌদ্ধবিহারে দেওয়া অমূল্যসম্পদ অগ্রাহ্য করিয়াছিলেন। শুনা যায়, জুনাগড়ের রাজা রুদ্রদামনের মন্ত্রি-সভা সূদর্শন সরোবরের বাঁধ ভাঙ্গিয়া গেলে তাহার মেরামতের টাকা দিতে অস্বীকৃত হইয়াছিলেন এবং সেই জন্য মহাক্ষত্রপ রুদ্রদামন নিজের পকেট হইতে বিস্তর টাকা খরচ করিয়া সেই সরোবর মেরামৎ করাইয়া দেন। ইহাকেই বলে রাজতন্ত্র অথবা নিয়ন্ত্রিত রাজতন্ত্র। প্রাচীন রাজনীতিবিদগণেরা কখনও রাজার উচ্ছৃঙ্খলতার সমর্থন করেন নাই, বরং তাহার শক্তি কিরূপে নিয়ন্ত্রিত-প্রণালী ধরিয়া সাকল্য লাভে সমর্থ হয় তাহারই নির্দেশ করিয়া দিয়াছিলেন।

## বিভিন্ন দেশের সমাধির কথা

শ্রীকনক রায়

মৃত্যুর হাত এড়াবার সামর্থ্য আমাদের কারো নেই। তাই এই অপরিহার্য জিনিসটা নিয়ে আমাদের ভয়না-কল্পনারও অন্ত নেই। কোনো জিনিসের একটা সীমা-রেখা টানতে মানুষ সহজে রাজি হয় না। যে জীবনকে ঘিরে পৃথিবীর সব রকমের সুখ-দুঃখের ছন্দ লীলায়িত হয়ে ওঠে মৃত্যুর পর তার আর কিছুই থাকবে না—এ কল্পনাও মানুষের কাছে অসম্ভব। তাই মৃত্যুর পরেও একটা কাল্পনিক জীবনের জের টেনে চলবার ধারণা গ'ড়ে উঠেছে প্রায় সব দেশেই, সব সমাজেই এবং এই পারলৌকিক জীবনের কল্পনা থেকেই সৃষ্টি হয়েছে সম্ভবতঃ বিভিন্ন রকমের সমাধি-প্রণালী।

তা ছাড়া এই প্রথাগুলোর সঙ্গে হয়তো স্থানীয় আবহাওয়ারও খানিকটা সংঘর্ষ আছে। যে অল-

হাওয়ায় মৃতদেহের ষে রকমের ব্যবস্থা করলে দেশের স্বাস্থ্যের হানি না হয়, হয়তো নিজেদের অজান্তে সারেই সেইদিকে লক্ষ্য গিয়েছে মানুষের মনের এবং সংস্কার-ব্যবস্থাটাও গ'ড়ে উঠেছে কতকটা সেই অমুসারেই। মিশরে মৃতদেহকে মমি ক'রে রাখা হয়। এ পদ্ধতির মূলেও এই রকমেরই একটি হেতু আছে ব'লে অধ্যাপক ইলিয়ট স্মিথ প্রমুখ পণ্ডিতেরা মনে করেন। মিশরের মরুভূমির শুষ্ক আবহাওয়ায় মৃতদেহ সহজে নষ্ট হয় না—এই সহজে নষ্ট-না-হওয়া থেকেই, নষ্ট যাতে কিছুতেই না হ'তে পারে তারই পদ্ধতি আবিষ্কারের প্রচেষ্টার উদ্ভব। এই প্রচেষ্টার সাকল্যের ভিতর দিয়েই তারপরে উদ্ভব হয়েছে হয়তো এই ধারণার যে, সব মানুষেরই বধন দেহের উপরে সত্যিকারের একটা লোভ আছে, তখন তার



আত্মারও দেহের উপর লোভ থাকা অসম্ভব নয় এবং দেহের উপর যখন আত্মার লোভ আছে তখন যদি কবরের ভিতরে দেহটাকে ধ্বংসের হাত হ'তে বাঁচিয়ে রাখা যায়, তবে আত্মাও এসে আবার সেই দেহের ভিতরে আশ্রয় গ্রহণ করবে।

পেরুর জল-হাওয়ার অবস্থা মিশরের জল-হাওয়ারই অনুরূপ। তাই সেখানেও গ'ড়ে উঠেছে মিশরের মতো মৃতদেহ দিয়ে মমি করবার প্রথা। এই ভাবে পেরুতে মমির ভিতর দিয়ে মৃত দেহের ধ্বংস যখন বন্ধ হ'লো, তখন আবার শুরু হ'লো সেই মমি নিয়ে



দক্ষিণ রোডেসিয়ার কোনো পাহাড়ে অঙ্কিত মমির চিত্র। [চিত্রটি প্রাগ্ ঐতিহাসিক যুগের। এই চিত্র হ'তে প্রমাণ হয়, সেই প্রাচীনতম যুগেও রোডেসিয়াতে মমি করবার প্রথা বিদ্যমান ছিল। মাঝের বড় মূর্তিটি একজন রাজার। জানোয়ারের চর্মে দেহটি ঢাকা—মাথায় সিংওয়াল। মুখোমুখি। নীচের মূর্তিটি তাঁর রাণীর।]

উৎসবের ব্যবস্থা। পেরুর অনেক পরিবারে উৎসবের সময় তাই পূর্বপুরুষের মৃত দেহটা ব'ার ক'রে আনা হয় এবং কখনো কখনো তা নিয়ে তারা শোভা-যাত্রাও ক'রে থাকে।

কিন্তু অধিকাংশ স্থলেই মৃতদেহকে যারা ধ্বংসের হাত থেকে বাঁচিয়ে রাখে, তারা বাঁচিয়ে রাখে আত্মীয়-স্বজনের প্রতি একান্ত মমতাবশতই। মানুষের দেহটাই মানুষের কাছে তার জীবনের প্রতীক।

আর সেইজন্যই জীবনশূন্য দেহটার মায়াও মানুষ কাটিয়ে উঠতে পারে না। ফোটো তৈরী ক'রে তা প্রিয়জনের চেহারাটা সে চোখের সামনে ধ'রে রাখা চায়, মৃতদেহকে আরক প্রভৃতির সাহায্যে বাঁচিয়ে রাখা যায় তারও চেষ্টার সে কসর করে না।

প্রিয়জনের সমগ্র দেহের উপরে মানুষের এ যে মোহ তার অর্থ সহজেই বোঝা যায়, কিন্তু দেখে একটা অঙ্গকে ছিনিয়ে নিয়ে তার উপরে কোঁক দেওয়ার ভিতরে যে রহস্য আছে, তার অর্থ অত সহজে বোঝা যায় না। অথচ এ রকমের ব্যাপারও ঘটে থাকে অনেক দেশে। কতকগুলো দেশে মৃতদেহের এক একটা অঙ্গের প্রতি অতিরিক্ত রকমের মমতা দেখানো হ'য়ে থাকে। নিউজিল্যান্ডের মাওরীরা (Maori) তাদের দলপতির মৃত্যুর পর তার মাথাটা কেটে রেখে দেয়। বড় বড় উৎসবের সময় এই মাথাটা তারা ব'ার ক'রে আনে—এবং তখন একদফা চলে আবার তাদের শোকের সমারোহ। অষ্ট্রেলিয়ার কোনো কোনো অতি প্রাচীন অসভ্যদের ভিতরেও কতকটা এরই অনুরূপ একটা প্রথা বর্তমান আছে। সেখানে মা তার মৃত শিশু-পুত্রের অঙ্গের কোনো একটা অংশ নিজের সঙ্গে রেখে দেন। আন্দামানের অধিবাসীদের প্রথা আরো বিচিত্র। তারা মৃত আত্মীয়-স্বজনের হাড় দিয়ে মালা গাঁখে গলায় পরে। বর্তমান সভ্যজাতিদের ভিতরেও, ঠিক এতখানি না হোক, কতকটা এই ধরনের একটা প্রথা আছে। মৃত প্রিয়জনের চুলের একটা গুচ্ছ কেটে নিয়ে অনেকে 'লকেটের' ভিতর পুরে দেহের সঙ্গে ধারণ করেন।

পূর্ব আফ্রিকার কতকগুলি জাতির ধারণা যে, কেবল রাজ-রাজদারাই মৃত্যুর পরেও জীবনের জের টেনে চলে। সেইজন্যে তারা সাধারণ লোক তারা আর কোনো রকম সংকারের সৌভাগ্য লাভ করে না—তাদের দেহ কোপে-জ্বলে ফেলে দেওয়া হয়, পশু-পক্ষীদের আহার হবার জন্য। অধিকাংশ



আদিম জাতিরই বিশ্বাস যে, মানুষের মৃত্যুর পরের জীবনও ঠিক এইখানকার জীবনের মতোই, অর্থাৎ মৃত্যুর পরেও রাজ-রাজড়া যারা, তাঁরা রাজ-রাজড়াই থাকেন এবং সাধারণ লোক যারা, তারা থাকে সাধারণ লোকের মতো। এই ধারণার ফলে আদিম যুগের কোনো কোনো জাতির ভিতর রাজার মৃত্যুর পর তাঁর রাণী ও অমুচরবর্গকেও তাঁর সঙ্গেই মৃত্যুকে বরণ করতে হ'তো। পরলোকে রাজার সেবা-শুশ্রূষার ভোগ-বিলাসের যাতে অসুবিধা না হয়, সেই জন্য তাঁর মৃতদেহের সঙ্গেই সমাহিত করা হ'তো এদের মৃতদেহও। প্রাচীন জাপানেও এই প্রথাটার প্রচলন ছিল। মিকাডোর মৃত্যুর পর তাঁর অমুচরগণকে জোর ক'রে সমাহিত করা হ'তো তাঁর সঙ্গে। কিন্তু পৃথিবীতে সভ্যতার উদ্বর্তনের সঙ্গে সঙ্গে এ ব্যবস্থার বীভৎসতাও ধরা পড়ল তাদের কাছে। তাই পরবর্তী যুগে দেখা যায়, সত্যিকারের জীবন্ত মানুষকে জোর ক'রে সমাহিত করার পরিবর্তে মাটি দিয়ে মানুষের মূর্তি গ'ড়ে তাই সমাহিত করা হচ্ছে রাজার সমাধিতে তাঁর মৃত দেহের সঙ্গে।

মৃত দেহের সহিত জীবন-যাত্রার প্রয়োজনীয় জিনিসপত্র সমাহিত করার প্রথাও ছনিয়ার বহু আদিম জাতের ভিতরে লক্ষিত হয়। মিশরে এই প্রথাটা একেবারে চরমে এসে পৌঁছেছিল। কিছুদিন পূর্বে তুতানখামেনের কবর আবিষ্কৃত হয়েছে, তাতে দেখা যায়—জীবন-যাত্রার চেয়ে ঢের বেশী আড়ম্বরের সঙ্গে তিনি করেছিলেন তাঁর মরণ-যাত্রা। পোষাক-পরিচ্ছদ, যান-বাহন, খাট-পালঙ্ক, আহার-বিহারের অজস্র উপকরণে তাঁর সমাধি কক্ষটা ভরপুর হ'য়ে ছিল। মৃত্যুর পরেও মানুষের আত্মার উপভোগের জন্য এই সব জিনিসের প্রয়োজন—এই কল্পনা থেকেই যে এসব জিনিস মৃতদেহের সঙ্গে দেওয়া হয়, তাতে সন্দেহ নেই। কোনো কোনো জাতি আবার মৃতদেহের সঙ্গে দামী জিনিসপত্র সব ভেঙে ভেঙে সমাহিত করে। নিউগিনিতে কবরের ভিতর এই ধরণের

ভাঙা জিনিসপত্র রক্ষিত হবার বহু নিশানা পাওয়া যায়। জিনিসপত্রগুলো ভেঙে দেওয়া হয় কেন তা একটা সমস্তার বিষয়। সম্ভবত প্রথাটার উদ্ভব হয়েছে এই ধারণা হ'তে যে, মৃত আত্মার ব্যবহারে লাগ্‌বার যোগ্যতা যে সব বস্তু আস্ত এবং অবিকৃত আছে তাদের নেই। সুতরাং মৃত আত্মার সেবার জন্য জিনিস-পত্রগুলিকে ভেঙে ফেলে তাদের আত্মাকেও মুক্ত ক'রে দেওয়া দরকার।

এঙ্গোলা পভুগীজ পশ্চিম আফ্রিকার একটা স্থান। সেখানে কোনো বড় লোকের মৃত্যু হ'লে তাঁর কবরের চার ধারে চারটি ছাতা খোলা অবস্থায় রেখে দেওয়া হয়। তা ছাড়া বাসন-পত্র ভেঙে কবরে হাড়িয়ে দেওয়ার রেওয়াজ সেখানেও আছে। ভাঙার উদ্দেশ্য



ওরামাঙ্গারা গাছের উপরে  
মৃতদেহের সমাধি  
দিচ্ছে।

উই-এর টিপিতে মৃত  
ওরামাঙ্গার হাড়ের  
সমাধি।

ও কবরের ভিতরে রাখার উদ্দেশ্য সেই একই—মৃত আত্মার কাজে লাগার উপযোগী ক'রে তোলা।

প্রাচীন চীনে মৃতদেহের সম্মান কন্‌বার একটি অদ্ভুত প্রথা ছিল। বাপ-মার মৃত্যুর পর ছেলে অজস্র অর্থ খুড়িয়ে তাঁদের প্রতি সম্মান দেখাত। প্রথাটা এখনও লোপ পায় নি। তবে এখন আর সত্যিকারের অর্থ পোড়ানো হয় না, কতকগুলো মেকি নোট খুড়িয়ে এই নিয়ম পালন করা হ'য়ে থাকে। বাপ-মা পরলোকে যাতে কষ্ট না পান, সেজন্য তাদের সঙ্গে কিছু টাকা দিয়ে দেওয়াই হয়তো এর মূল উদ্দেশ্য। সুতরাং



পরলোকের সুখও টাকা দিয়ে কিন্তে পারা যায়—  
এ রকমের একটা ধারণাও হয়তো ছিল প্রাচীন  
চীনাদের মনে।

অষ্ট্রেলিয়ার কোনো কোনো অসভ্য জাতির ভিতরে  
মৃতদেহের সৎকারের ব্যবস্থা আরো অদ্ভুত। স্বাভাবিক  
মৃত্যুকেই তারা মনে করে যাত্রার কারসাজি। সুতরাং  
যখন ওরামাঙ্গাদের (warramunga) কোনো লোক এই  
ভাবে মারা যায় তখন প্রথমতঃ গাছের মাথায় সমাধিস্থান  
তৈরী ক'রে সেইখানে তারা তাকে সমাহিত করে।  
গাছে উঠে তার আত্মীয়-স্বজনেরা মাঝে মাঝে খোঁজ  
নিয়ে আসে মৃতদেহটার। কোনো পাখী বা জন্তু  
তাকে আহাৰ ক'রে যায় কি-না তার দিকেও লক্ষ্য  
রাখে। যে পাখী বা জানোয়ারকে তারা-দেখে



ওরামাঙ্গারা হাড় নিয়ে শোভা-যাত্রা করছে।

শব-দেহটাকে আহাৰ করতে সেই জানোয়ার বা  
পাখীকেই তারা মনে করে তার ছদ্মবেশী হত্যাকারী।  
কিন্তু এইখানেই শেষ নয়। যখন শবদেহের ভিতর  
হ'তে মাংস ও চামড়া নিঃশেষে মিলিয়ে যায়, হাড়গুলোই  
শুধু অবশিষ্ট থাকে, তখন সেই হাড়গুলোকে নামিয়ে  
এনে উই-এর টিপির ভিতরে তারা দ্বিতীয়বার তার  
সমাধি দেয়। কেবল একখানা হাড় তারা নিজেদের  
কাছে রেখে দেয়। এই হাড় নিয়ে করে তারা আত্মার  
মানবদেহে প্রত্যাবর্তনের উৎসব। তারা বিশ্বাস করে—  
এই ধরনের উৎসবের কালে মৃত আত্মা আবার ফিরে

আসে—কেবল পুরুষ যারা তারা হ'য়ে আসে নারী,  
আর নারী যারা তারা হ'য়ে আসে পুরুষ।

পৃথিবীর অধিকাংশ জাতি—তারা সভ্যই হোক আর  
অসভ্যই হোক—মৃতদেহের সম্পর্কে সাধারণতঃ দুটি প্রথা  
অবলম্বন ক'রে থাকে—হয় তাকে পুড়িয়ে ফেলে, না হয়  
কবর দেয়। যারা মৃতদেহকে কবর দেয় তাদের  
দেহের প্রতি একটা গভীর মায়ার আছে—তাই আত্মনে  
পুড়িয়ে তারা তাকে ধ্বংস করতে পারে না। যারা  
আত্মনে পুড়িয়ে ফেলে, অনেকে বলেন—তাদের সে  
প্রথার মূলে আছে ভূতের ভয়। মৃত আত্মা পাছে কোনো  
অনিষ্ট ক'রে—এই ভয়ে দেহটাকে পুড়িয়ে ফেলে  
তারা নিশ্চিন্ত হ'তে চায়। মতটি যে আংশিক সত্য  
তাতে হয়তো ভুল নেই। কিন্তু এ মত যে সর্বত্র সত্য  
নয় তাতেও সন্দেহ নেই। হিন্দুদের শবদেহ পুড়িয়ে  
ফেলার ভিতরে ভূতের ভয় ততটা নেই যতখানি রয়েছে  
আত্মাহীন দেহের প্রতি তার মোহশূন্যতার ভাব।  
আত্মাই যদি চ'লে গিয়ে থাকে তবে সে দেহটার কোনো  
দামই নেই, তাকে যত্ন ক'রে রেখে দেবার কোনো  
সার্থকতাই নেই—এই ধারণা থেকেই হিন্দুরা শবদেহ  
পুড়িয়ে ফেলে। তা ছাড়া মৃত আত্মার কল্যাণের  
জন্তুও তারা দাহ করে তাদের মৃতদেহকে। আত্মা  
দীর্ঘদিন যে দেহটার ভিতরে থাকে, হিন্দুরা মনে করে  
তার উপরেও আত্মার একটা টান থেকে যায়। তাই  
মৃতদেহটার চারপাশে আত্মা ঘুরতে থাকে মৃত্যুর  
পরেও। আত্মাকে এই মিথ্যা মোহের হাত থেকে  
মুক্তি দেওয়ার জন্তুও হিন্দুরা তাড়াতাড়ি মৃতদেহটা  
পুড়িয়ে ভগ্ন ক'রে ফেলে।

অপঘাতে বাদের মৃত্যু হয় তাদের মৃতদেহের  
সম্পর্কে প্রায় সব দেশেই নানারকমের কুসংস্কার  
আছে। আত্মহত্যা ক'রে যারা মরেছে, যারা খুন  
হয়েছে, অথবা বাদের কাঁসি দেওয়া হয়েছে তাদের  
দেহটা যে-কোনো রকমে নিশ্চিহ্ন ক'রে ফেলার  
রীতি অধিকাংশ দেশে প্রচলিত থাকতে দেখা যায়।  
কিছুকাল আগেও আত্মহত্যাকারীকে ইউরোপে ডেমাণা



বা চৌমাথার ধারে কবর দেওয়া হতো। আত্মহত্যা-কারীর আত্মা ক্রুর ও মানুষের পক্ষে অহিতকারী এই ধারণা থেকেই উদ্ভব হয়েছিল এই প্রথাটার। চৌমাথায় দাঁড়িয়ে আত্মা পথ হারিয়ে ফেলবে—যাদের সে হানি



হিন্দু-শবদেহের সংকার।

করতে চায় তাদের বাড়ীর সন্ধান পাবে না—এর মূলে ছিল এমনি ধরনের একটা বিশ্বাস।

ব্রহ্মদেশে একটা কথা আছে—মানুষ মরে এবং ফুজিরা নির্কীর্ণ-লোক প্রাপ্ত হয়। তাই ফুজিদের শেষযাত্রা জয়যুক্ত করবার জন্য হাজার হাজার টাকা তারা ব্যয় করে। গন্ধ-দ্রব্যে তার দেহকে সিন্ধু ক'রে রথে তুলে' দেওয়া হয়। রথের এই ব্যবহার তার জয়-যাত্রারই প্রতীক। তারপর সেই রথ এসে থামে মৃতদেহ রক্ষার উদ্দেশ্যেই নির্মিত একটা মন্দিরের কাছে। সংকারের জন্য একটা দিন স্থির করা হয় এবং সেই দিনটি না-আস। পর্যন্ত এই মন্দিরের ভিতরেই থাকে ফুজির শবদেহ। প্রকাণ্ড তোরণ গড়া হয়। তারপর সংকারের দিন উপস্থিত হ'লে মৃতদেহের সঙ্গে সঙ্গে মন্দির, তোরণ সমস্তই পুড়িয়ে ভস্মে পরিণত করা হয়।

শ্রামদেশের সমাধি-ব্যবস্থাটাও একটু বিচিত্র ধরনের; বিশেষত সেখানকার বড় ও সম্ভ্রান্ত পরিবারের

লোকদের। এই বিচিত্র পদ্ধতিটার পরিচয় পাওয়া যাবে কয়েক বছর পূর্বে রাজা ষষ্ঠ রামের অস্ত্যেষ্টিক্রিয়ায় যে সব রীতি-নিয়ম প্রতিপালিত হয়েছিল তার দিকে তাকালেই। একটি তাম্রাধারে কাঠের কক্ষিনের ভিতরে সংকারের পূর্বে চারমাস এই মৃতদেহটি পূরে রাখা হয়েছিল। একটি লম্বা রেশমের তারের এক প্রান্ত রাজার মাথার সঙ্গে সংযুক্ত ক'রে দেওয়া হয়, আর এক প্রান্ত থাকে সমাধি-মন্দের পাদদেশে একটি সুবর্ণ আধারের ভিতরে। পারলৌকিক-ক্রিয়ার সময় এই আধারে অবস্থিত তারের প্রান্তটি পুরোহিত গ্রহণ করেন নিজের হাতের ভিতরে।



নির্কীর্ণ পথ-যাত্রী ফুজির রথ ও সমাধি-ব্যবস্থা।

শ্রাম-বাসীদের বিশ্বাস এইভাবে পুরোহিতের সঙ্গে তারের দ্বারা সংযুক্ত থাকায় উপাসনার প্রভাব সঞ্চারিত হয় মৃতদেহের ভিতরে।



ছনিয়ার দূর-দূরন্তরের বহু জাতির সম্মিলন হ'য়েছে মানুষের অয়-বাতার স্পৃহা ভিতর দিয়ে। একদেশের লোক এসে জয় করেছে অন্তদেশের লোককে, তারপর সেখানে তারা আড্ডা গেড়ে বসেছে। এমনভাবে মিশ্রণের ভিতর দিয়ে অনেক দেশে উদ্ভব হ'য়েছে একাধিক সমাধি-পদ্ধতির। ভারতবর্ষে তাই মৃতদেহকে কবরও দেওয়া হয়, দাহও করা হয়। এই ভাবেই মেক্সিকোর আজটেক (Aztec) সাম্রাজ্যেও ছ'রকমের সমাধি-পদ্ধতি গ'ড়ে উঠেছিল। আজটেকরা ছিল সামরিক জাতি, সুতরাং মৃগয়ার দেবতা ছিলেন, তাদের দেবতা এবং তারা যাদের অয় করেছিল তারা ছিল কৃষি-প্রধান জাতি। তাদের দেবতা ছিলেন জলের বিনি অধিপতি অর্থাৎ বক্রণ। বিজ্ঞেতার পোড়াত তাদের মৃতদেহ এবং বিজিত যারা তারা দিত কবর তাদের মৃতদেহের। এমনি ভাবে সেখানে গ'ড়ে উঠল ছ'টো স্বর্গও — একটা তাদের জন্ত যারা শবদেহ পোড়ায়। এই স্বর্গের নাম হ'লো সূর্যালোক। আর একটা স্বর্গ গ'ড়ে উঠল তাদের জন্ত, যারা ডুবে মারা যেত অথবা শোধের মতো কোনো ব্যাধিতে ভুগে মারা যেত। এদের স্বর্গ হ'লো বৃষ্টি-দেবতার এলাকাভুক্ত। প্রাচীন

রীতি অনুসারেই তারা কবরে সমাহিত করত তাদের মৃতদেহ।

মৃত্যুর পরে আত্মার অবস্থান-সম্বন্ধে নানা দেশে নানা রকমের কল্পনা জট পাকিয়ে চলেছে মানুষের মনে। আর এই কল্পনার গতিকে মুক্তি দেবার জন্তই বিভিন্ন দেশে গ'ড়ে উঠেছে ভিন্ন ভিন্ন রকমের সংস্কারের পদ্ধতি। কোনো কোনো স্থানে এসব পদ্ধতি এত বিচিত্র যে, তা মনে বিশ্বাসের সঞ্চার করে। কেবল তাই নয়, মৃতের প্রতি যে মায়ার পরিচয় এইসব পদ্ধতির ভিতর দিয়ে পাওয়া যায় — তা জগতকে হুল'ভ শিল্প-সম্পদেও সমৃদ্ধ করেছে। প্রিয়জনের কবর বা ভাস্কর্য-স্তূপের উপরে চিরযুগের বিশ্বাসের বস্তু বহু সমাধি-স্তূপ গ'ড়ে উঠেছে। এইসব সমাধি-স্তূপের ভিতর দিয়েও এই পরিচয় পাওয়া যায় যে, যে-অনখর আত্মা স্বর্গে চ'লে যায় তার চেয়ে কম প্রিয় নয় মানুষের কাছে তার নখর মৃতদেহটা। স্থূল মাটির মানুষ, স্থূল দেহটার মায়ী কোনো যুগেই যে কাটিয়ে উঠতে পারে নি এবং কোনো যুগেই যে পারবে না, বিভিন্ন দেশের সমাধি-প্রথা ও সমাধি-স্তূপগুলি তারই মূর্ত প্রতীক হ'য়ে দাঁড়িয়ে আছে।

কার্তিকের 'উদয়ন' ৩ পূজার পূর্বেই প্রকাশিত হইবে।

কার্তিকের সংখ্যা গল্পে, প্রবন্ধে, কবিতায় এবং চিত্রে

বিচিত্র ও মনোরম হইবে।

বিজ্ঞাপনদাতারা প্ররান্বিত হউন



## রবীন মাষ্টার

ডক্টর শ্রীনরেশচন্দ্র সেনগুপ্ত, এম্-এ, ডি-এল্

[ পূর্বস্মৃতি ]

৯

তারপর পূজোর ছুটিতে যখন সে কলকাতা গেল, তখন একটা অভাবনীয় ঘটনা ঘটে' গেল।

'ইম্পিরিয়াল লাইব্রেরী'তে বসে সে পড়ছিল আর নোট করছিল।

যখন শেষ করে সে মুখ তুলে চাইলে তখন সে দেখতে পেল যে, তার সামনে বসে একটি মহিলা ঠিক তারই মত কতকগুলি বই নিয়ে পড়ছেন— ইকনমিক্সেরই সে সব বই।

কৌতূহলী দৃষ্টিতে মহিলাটির দিকে সে চাইলে। বোধ হয় চল্লিশ পঁয়তাল্লিশ বয়স হবে তাঁর—মাথার সামনের চুলগুলো পেকে গেছে। খুব শীর্ণ মুখ। মহিলাটি চোখ তুলে একবার চাইলেন—তাঁর চোখ দেখে মনে হ'ল চেনা-চেনা।

ট্রামে উঠতে গিয়ে রবীন দেখে, মহিলাটি এবং তার সঙ্গে একটি পুরুষ সেই ট্রামেই উঠলেন।

এতক্ষণে একটা কথা খেয়াল হ'ল তার—সেই মহিলা যেখানে নেমে গেলেন রবীন সেখানে তাঁর পছন্দ পছন্দ নামলে। তাঁর সঙ্গে ভদ্রলোকের কাছে গিয়ে ব'ললে, “একটা কথা জিজ্ঞেস করতে পারি কি?”

লোকটি ক্র কুঞ্চিত করে ফিরে চাইলে, ভাবলে, রবীন মাষ্টার এখনি ব'লবে যে, সম্প্রতি তার চাকরি গেছে, কিংবা দেশে ফিরে যাবার পরিস্থিতি নেই, কিংবা তিন দিন অনাহারে আছে, যেমন কলকাতায় প্রায়ই শুনতে পাওয়া যায় এমনি চেহারার লোকদের কাছে।

রবীন যখন সে কথা না জিজ্ঞেস করে, জিজ্ঞেস করলে, “আপনার সঙ্গে মহিলাটির নাম জানতে পারি

কি?” তখন যদিও ভদ্রলোকটির একটা উদ্বেগ কাটলো তবু এ প্রশ্নের স্পর্ধায় সে অবাক হ'য়ে উগ্রস্বরে ব'ললে, “তাতে তোমার কি দরকার?”

অত্যন্ত অপ্রস্তুত হ'য়ে রবীন মাষ্টার নিতান্ত কাঁচুমাচু হ'য়ে ব'ললে, “ঠিক, বড় অপরাধ হ'য়ে গেছে, মাফ করবেন—আমি ভেবেছিলাম, আমি একটি মেয়েকে চিনতাম উনি বুঝি—”

মহিলাটি এতক্ষণ তার দিকে তাকিয়ে শুনছিল, এখন সে হঠাৎ ব'লে উঠলো, “আপনি কি রবিবাবু?”

রবীন মাষ্টার হেসে ব'ললে, “হ্যাঁ, তা হ'লে আপনিই তড়িৎ!”

মহিলাটি এগিয়ে এসে রবীন মাষ্টারের হাত ধরে উৎকলন নয়নে তার মুখের দিকে চেয়ে ব'ললে, “কি সৌভাগ্য! আপনি এখানে কোথায় আছেন? কতদিন আছেন?”

রবীন উত্তরে হড়বড় করে অনেক কথা ব'ললে, তার রক্তে তখন নাচন লেগেছে।

তড়িতের স্বামী তখন ব'ললে, “আমার বেয়াদবীর সঙ্গে আমার মাফ করবেন। আমি চিনতে পারি নি।”

রবীন হো-হো করে হেসে ব'ললে, “এ আর বেয়াদবী কি? কথা নেই, বার্তা নেই রাস্তার একটা লোক আপনার স্ত্রীর নাম জানতে চাইলে, আপনি তাকে একটা চড় মেরে ব'সলেও কেউ দোষ দিতে পারতো না আপনাকে। আর আপনি চিনবেনই বা কি করে? আমার সঙ্গে তো দেখা হয় নি আপনার কোনো দিন।”

হেসে স্নেহে ব'ললে, “দেখা হয় নি বটে, কিন্তু



আমি আপনাকে বড় বেনী চিনি। ঠুর কাছে মুখে মুখে আপনার কথা এত বেনী শুনেছি যে, চোখে দেখে আপনার ভিতর নতুন কিছু পাব ব'লে আশা ক'রছি নে—শুধু চেহারা ছাড়া।”

তারা রবীন মাষ্টারকে টেনে নিয়ে গেল তাদের বাসায়। খাইয়ে দাইয়ে গল্পগোব ক'রে রাত বারোটায় যখন তড়িৎ নেমে এসে তাকে সদর দরজা থেকে বিদায় দিলে, সেখানে দাঁড়িয়ে অনেকক্ষণ কথা হ'ল তখন তাদের। শেষে তড়িৎ ব'ললে, “কাল সকালেই আসবেন, কিন্তু বাস-বিছানা নিয়ে। মাত্র তো আর পোনেরোটা দিন থাকবেন—এর ভিতর এক দণ্ডও আপনাকে ছাড়ছি নে।”

আনন্দে রবীন মাষ্টারের মাথাটা যেন ঘুরপাক খেতে লাগলো। যে পথ দিয়ে সে চ'লতে লাগলো সেটা ক'লকাতার, না দিল্লীর, না লণ্ডনের, জিজ্ঞেস ক'রলে তা সে ব'লতে পারতো না। কেন না তার মনটা চ'লছিল যে পথে তার চারদিকে স্মৃষ্টি ছিল তড়িৎ—আর কিছুই ছিল না।

স্মৃষ্টি পথ বা বাড়ী ঘর নয়, অনেক কিছুই তার মনের ভিতর থেকে লুপ্ত হ'য়ে গিয়েছিল। তার বয়স যে বাহান্ন, আর তড়িতের ছেচলিশ, তার যে একটি স্ত্রী এবং পুত্র-কন্যা আছে এবং তড়িতের একটি স্বামী এবং পুত্র-কন্যা আছে—সে সব পু'ছে গেল মন থেকে। তার মনে নাচতে লাগলো স্মৃষ্টি এই কথা যে, সে আর তড়িৎ আবার মিলেছে—তড়িৎ তাকে মহা সমাদর ক'রেছে। সেই ধ্যানে একেবারে মগ্ন হ'য়ে সে হাওয়ার উপর চ'লতে লাগলো।

তড়িৎ তাকে বলেছিল যে, সে এবং তার স্বামী দু'জনেই দিল্লীতে চাকরি করে। স্নকেশ ইণ্ডিয়া গভর্নমেন্টে কাজ করে। তড়িৎ সেখানকার মেয়েদের কলেজের অধ্যাপক। তারা কয়েকমাসের ছুটি নিয়ে ক'লকাতায় এসেছে। বড় ছেলে সঙ্গে আছে আর সব ছেলে-পিলেরা দেশে গেছে তড়িতের বাপ-মার সঙ্গে।

তড়িৎ পড়ায় ইকনমিক্স। শুনে রবীন মাষ্টার

ভারী আশ্চর্য্য হ'য়ে গেল—সে ব'ললে, “আশ্চর্য্য জে, আপনিও ইকনমিক্স চর্চা করেন আমারই মত।”

তড়িৎ সে কথার উত্তরে যা ব'লেছিল তা অনেক দিন পর্যন্ত রবীন মাষ্টারের মনে কিম্বদের সঙ্গীতের মত মধুরস্বরে ঝঙ্কারিত হ'য়েছিল। তড়িৎ হেসে ব'লেছিল, “আমার মনের গতি যে আপনার মতই হবে সে আর এত আশ্চর্য্য কি? আমার মনের সুর যে আপনিই বেঁধে দিয়েছিলেন। তার পর যেই সে যন্ত্র বাজাক তাতে ফুটেবে আপনারই সুর।”

ওঃ! এত আদর কি সহ করা যায়?

পরের দিন রবীন তল্লী-তল্লা নিয়ে তড়িতের অতিথি হ'ল। সেদিন কথায় কথায় স্ক্রুকের পর থেকে জগতে যে অর্থ-সমস্যা উপস্থিত হ'য়েছে সে কথা উঠেছিল। আলোচনাটা আরম্ভ হ'ল স্নকেশের একটা কথায়। রবীন তাতে কথায় কথায় এমন গোটা কয়েক কথা ব'ললে তাতে বোঝা গেল যে, এ সম্বন্ধে আধুনিক যত আলোচনা হ'য়েছে রবীন তার সঙ্গে অল্পবিস্তর পরিচিত। তারপর সেই সব আলোচনা ক'রতে ক'রতে রবীন তার নিজের আইডিয়া অনেকখানি ব'লে ফেললো। Planned Economy-র একটা আভাস দিলে। আর সে তার গ্রামের ভিতর ছোট-খাট ক'রে নিয়ত ধন-সৃষ্টির যে একটা স্কীম ক'রেছিল তার পরিচয় দিয়ে গেল।

তার কথা শুনে স্নকেশ বুঝলে রবীন পণ্ডিত এবং তার পাণ্ডিত্য সব ধার করা নয়, নিজে ভাববার এবং নতুন সৃষ্টি ক'রবার শক্তি তার আছে। আর তড়িৎ যেন আনন্দে, গর্বে একেবারে ফেটে প'ড়তে লাগলো।

তড়িৎ ব'ললে, “বলি নি আমি তোমায় যে, ঠুর মত পরিষ্কার মাথা আমি কারও দেখি নি? আপনি ঠিক সেই আছেন—wonderful!”

মনোজ লজ্জায় রবীন অধোবদন হ'য়ে গেল।

স্নকেশ ব'ললে, “আপনি ক'রছেন এই স্কীম আর সারে কাজ? কেমন কাজ হ'চ্ছে?”

স্মৃষ্টি অঙ্ককার ক'রে রবীন ব'ললে, “কাজ কিছুই



ক'রতে পারি নি। বরং গ্রামের লোকে সবাই আমাকে পাগলা গারমে পাঠাবার ব্যবস্থা ক'রছিল।”

সুকেশ হো হো ক'রে হেসে উঠল, কিন্তু তড়িৎ করুণ সহৃদয়তার সহিত ব'ললে, “আহা! আপনার বড় দুঃখ হ'য়েছিল নিশ্চয়।”

মান হাসি হেসে রবীন উত্তর ক'রলে, “ও সব আমার গা-সওয়া হ'য়ে গেছে।”

তড়িৎ একটা দীর্ঘ-নিঃশ্বাস ফেলে ব'ললে, “আপনি তবু কেন ঐ এঁদো গাঁয়ে প'ড়ে থাকেন মিছে?”

রবীন ব'ললে, “কোথায় যাব? ক'লকাতায় একটা চাকরির চেষ্টা ক'রেছিলাম। কিন্তু এখানে আমার মত বি-এ ফেলের অল্প জোটা ভার।”

সুকেশ ব'ললে, “ঠিক আপনার মত বি-এ কেল আছে কি কোথাও? আমার তো মনে হয় না।”

তড়িৎ ব'ললে, “তা ছাড়া কেমন ক'রে আসবেন আপনি? আপনার স্কুল আছে সেখানে। সে স্কুল যে আপনার প্রাণ। এখন কেমন চ'লছে সে স্কুল?”

আর একটা বড় ব্যথার জায়গায় যা প'ড়লো রবীনের। তড়িতের কাছে সে-কালে রবীন যে চিঠি লিখতো তার ভিতর স্কুলের কথা বোঝাই থাকতো। কেমন ক'রে স্কুলের প্রতিষ্ঠা হ'ল, কত কষ্ট ক'রে তোড়-জোড় সংগ্রহ হ'ল, কবে কত ছেলে এলো; কি আদর্শ, কি স্বপ্ন তখন রবীনের মাথায় খেলতো স্কুল সম্বন্ধে, শিক্ষার নূতন নূতন পদ্ধতি সম্বন্ধে, রবীন কবে কি ক'রেছে—এ সব কথা তড়িৎ তন্ন তন্ন ক'রে জানতে পেরেছিল রবীনের চিঠি থেকে। তাই তড়িৎ জানতো যে, রবীনের এ স্কুল সাধারণ স্কুলের মত নয়। রবীন বড় বড় আদর্শ নিয়ে নূতন প্রণালীতে তার গাঁয়ে প'ড়ে তুলবে এক নতুন Rugby, টমাস আর্নল্ডের মত। সে সব আদর্শ যে কোথায় উড়ে গেছে, সে স্কুল যে আর এখন রবীনের স্কুল মোটেই নয়, সে শুধু তার থার্ড মাস্টার—হিষ্টরী আর হাইজিন পড়ায়—সে সব কথা মুখ ফুটে ব'লতে রবীনের ক্ষমতা হ'ল।

সে ব'ললে, “বেশ চ'লছে।”

“এখন কত ছেলে আছে সেখানে?”

“তিন শোর উপর?”

“আচ্ছা—নীচু ক্লাসে এখন কোন্ প্রণালীতে পড়াচ্ছেন? Dalton plan-এ না আপনার ফ্রেবলের সেই সাবেক প্রণালীতে?”

সুকেশ ব'ললে, “তোমরা ব'লে গল্প কর, আমি একবার শ্রামবাজার ঘুরে আসি।”—ব'লে সে চ'লে গেল।

সুকেশ চ'লে যাওয়ায় রবীনের সঙ্কোচটা একটু ক'মে গেল। সে তখন মলিন মুখে ব'ললে, “ফ্রেবলও নয়, মণ্টেগরীও নয়, ডালটন তো নয়ই। আমাদের প্রণালীটি একটা অদ্ভুত খিঁচুড়ী—আমাদের ইনস্পেক্টার প্রভুর অপূর্ব সৃষ্টি।”

তড়িৎ অবাক হ'য়ে গেল। রবীনের আদর্শ থেকে এতটা পতনের কথা শুনে সে এতগুলো প্রশ্ন ক'রে গেল যে, শেষ পর্যন্ত রবীনের প্রকাশ ক'রতেই হ'ল যে, স্কুলের কার্য-প্রণালীর উপর তার কোনও হাত নেই, সে শুধু পড়িয়ে যায় যথাদিষ্ট।

কথাটা তড়িতের বুকে শেলের মত বাধলো। তার কাছে রবীন প্রাণ খুলে তার সব স্বপ্নের কথা, সব আশা-ভরসার কথা লিখেছিল। এই স্কুলটাকে কেন্দ্র ক'রে কত স্বপ্ন যে রবীনের মনে ছিল তা সে জানতো, আর জানতো যে, সেই সব স্বপ্নের সঙ্গে রবীনের সুখ-দুঃখ কত নিবিড়ভাবে জড়িত। তাই সে এ সংবাদ শুনে একেবারে স্তম্ভিত হ'য়ে গেল। কোনও কথা ব'লতে তার সাহস হ'ল না। সে অল্প কথা পাড়লো।

বেলা হ'ল দেখে তড়িৎ রবীনের স্নান ক'রতে ব'লে, ব'ললে, “আপনার ব্যাগের চাবীটা আমার দিন।”

রবীন ব'ললে, “চাবী তো নেই ব্যাগের।”

“তাই না কি!”—ব'লে তড়িৎ ব্যাগটা খুলতে গেল।

মহা আপত্তি ক'রে রবীন তাকে বাধা দিতে গেল।



তড়িৎ ব'ললে, “সকল ব'লছি, নইলে ভাল হবে না কিন্তু।”

ব্যাগ খুলে তড়িৎ দেখলে তাতে আছে কয়েকখানা পুরোনো বই—এগুলো রবীন কিনেছে, আর তার কয়েকটা নোটের খাতা, আর—একখানি ময়লা কাপড় ও একটা ফরসা জামা।

রবীনের দিকে চেয়ে সে ব'ললে, “এই না কি আপনার সব কাপড়-চোপড়।”

রবীন লজ্জায় মাথা নীচু ক'রে রইলো।

রবীনের খলি খুলে তড়িৎ দু'টো টাকা বের ক'রে নিয়ে তক্ষণি বড় ছেলেকে ডেকে তার হাতে লুকিয়ে পাঁচটা টাকা দিয়ে বাইরে পাঠালে। ছেলে বাইকে চ'ড়ে বেরিয়ে গেল। মিনিট পনেরোর ভিতর সে একজোড়া ধোয়া মিলের ধুতি, একজোড়া তোয়ালে, একজোড়া গেঞ্জি আরও সব জিনিষ নিয়ে এলো। সেই কাপড় ও গেঞ্জি এবং ব্যাগের ভিতরকার সেই ফরসা জামাটা নিয়ে তড়িৎ রবীনকে বাথরুমের পথ দেখিয়ে নিয়ে গেল এবং নিজে সেখানে সেই জামা কাপড় রেখে এলো।

এর পর তড়িৎ রবীনকে তাড়িয়ে বেড়াতে লাগলো। নাপিত ডেকে সে তার চুল কাটালে; দাড়ি ছাঁটালে; চেয়েছিল একেবারে কামিয়ে ফেলতে, কিন্তু ভেবে দেখলে অতটা হয়তো সহিবে না। স্নানের পর চিরুণী-বুরুশ এনে তাকে সে দেয় চুল আঁচড়াতে। রবীন অমনি যেমন তেমন ক'রে আঁচড়ে রাখে দেখে, একদিন সে নিজেই তার চুল-দাড়ি আঁচড়ে রীতিমত সুসভ্য চেহারা ক'রে দিলে। এতে রবীন এতই কুণ্ঠিত ও লজ্জিত হ'য়ে প'ড়েছিল যে, তার পর, পাছে আবার তড়িৎ এসে আঁচড়াতে বসে, তাই সে নিজেই ভাল ক'রে আঁচড়াতে লাগলো।

দরজির দোকানে তাগাদা অর্ডার দিয়ে তৈরী হ'ল রবীনের ছ'টা পাজাবী, আর এল একজোড়া ধুতি। তার দাম তড়িৎ বের ক'রে দিলে রবীনের মণিবাগ থেকেই কিন্তু তার সঙ্গে তড়িতের যে

কতটাকা গেল তা রবীন জানলো না। তাতে সে ব্যাগের গর্ভ এত ক্ষীণ হ'য়ে উঠলো যে, রবীনের বুক কেঁপে উঠলো। চল্লিশটে টাকা সে বহু কষ্টে সঞ্চয় ক'রে এনেছিল। এসেছিল সে খার্ড ক্লাশে, থাকতো একটা হোটেলের যেখানে দিন ছ'আনায় চলে। বাকী টাকা সে রেখেছিল বই কিনবে ব'লে। এই সব অপব্যয়ের ফলে সে বুঝতে পারলে যে, বই কেনা আর হবে না।

তাতে বুক কাঁপলো বটে রবীনের, কিন্তু অপূর্ণ কৃতার্থতায় ভ'রে উঠলো তার চিত্ত। তড়িতের এই সেবা পেয়ে তার বার বারই মনে হ'ল নিস্তারিণীর কথা। নিস্তারিণী না হ'য়ে তড়িৎ যদি তার স্ত্রী হ'ত, তবে তার জীবন কি না হ'তে পারতো!

ছপুর বেলায় খেয়ে দেয়ে তড়িৎ তাকে নিয়ে ‘ইম্পিরিয়াল লাইব্রেরী’তে যেতো। রবীন সঙ্গে যায় দেখে, সুকেশ আর তড়িতের সঙ্গে যায় না। তার যেতে হ'ত শুধু তড়িৎ একলা বেরুতে পারে না ব'লে। লাইব্রেরীতে সারাদিন কাজ ক'রে তারা বাড়ী ফিরবার বেলায় ঘুরে-ফিরে আসতো। রবীন তড়িকে দীক্ষিত ক'রে ফেললে পুরোনো বইয়ের দোকানে বই খাঁটার মস্ত্র। সেখানে অনেক সময় এত ভাল ভাল বই এত সস্তায় পাওয়া যায় দেখে অবাক হ'য়ে গেল তড়িৎ। অনেকগুলো বই কিনে ফেললে সে, নতুন বইও কতক কিনলে।

বাড়ী ফিরে তড়িৎ নিজে রান্না করে। তার পর ব'সে গল্প-গুজোব করে। রাতে খাওয়ার পর অনেক রাত পর্যন্ত তাদের গল্প-সল্প হয়।

রবীনের অন্তর যেন আনন্দে লাকাত্তে লাগলো। জীবনে যে এত সুখ, এত সৌভাগ্য, এত আরাম, এত আনন্দ সম্ভব তা সে কোন দিনও জানতো না।

একটি একটি ক'রে তার এক-কয় বৎসরের জীবনের সবগুলি কথা রবীন প্রকাশ ক'রে ফেললে তড়িতের কাছে।

একদিন গভীর রাতে রবীনের দুঃখের জীবনের



কাহিনী শুনতে শুনতে তড়িতের চোখ ভ'রে  
গেল জলে।

অনেকক্ষণ চুপ ক'রে থেকে সে ব'ললে, “এ সবে  
জন্মে দায়ী আপনি।”

জিজ্ঞাসু দৃষ্টিতে রবীন তার মুখের দিকে চেয়ে  
রইলো।

তড়িৎ তিরস্কার ক'রে ব'ললে, “আমি তো আপনার  
কাছে কোনো কথা লুকোই নি কোনো দিন, মনের  
ভাব প্রকাশ ক'রতে কিছুই বাকী রাখি নি। শেষে  
বি-এ পাশ ক'রবার পর যে চিঠি লিখেছিলাম  
মনে আছে? সে চিঠির কি জবাব দিয়েছিলেন  
আপনি?”

কি জবাব সে দিয়েছিল সে-কথা রবীনের খুব  
মনে ছিল। এ-কয়দিন ব'সে ব'সে সে শুধু সেই  
কথাই ভাবছিল। যদি সে সেই জবাব না দিয়ে  
অন্ত জবাব লিখতো! যদি লিখতো ‘আমি তোমাকে  
বিয়ে ক'রতে চাই।’ তবে, তার জীবন কি ধুতুই  
হ'য়ে যেতো!

আমতা আমতা ক'রে রবীন ব'ললে, “আর কি  
জবাব দেব?”

বেশ তীব্রতার সহিত তড়িৎ ব'ললে, “কি জবাব  
দেব? আপনি সত্যি বুঝতে পারেন নি যে, আমি  
কি জবাবের আশা ক'রেছিলাম, বোঝেন নি আমি  
ভাবছিলাম—কাকে পেলে আমার জীবন সার্থক  
হবে?”

রবীন ব'ললে, “হ্যাঁ, তা না, ঠিক বুঝি নি—কিন্তু  
ভেবেছিলাম তাই।”

“তবে? তবে, ঐ উত্তর দিলেন আপনি—আপনি  
কোন প্রাণে? জানেন, আপনার সেই চিঠি প'ড়ে আমি  
সাত দিন ধ'রে কেঁদেছিলাম!”

রবীন মাষ্টারের মনে যেন সহস্র কৃত্তিক দংশন  
ক'রে গেল।

সে শুধু ব'ললে, “আমার অদৃষ্ট!” তার পর ব'ললে,  
“সত্যি কথা ব'লবো? আপনার বি-এ পাশ ক'রবার

আগে অনেকবার ভেবেছিলাম আপনার কথা.....

বিয়ে ক'রবার সঙ্গতি তখন আমার ছিল না, কিন্তু  
ভেবেছিলাম যদি সঙ্গতি হয় তবে আপনাকে সে-কথা  
লিখবো। আপনি বি-এ পাশ ক'রবার পর ভাবলাম,  
এটা আমার পক্ষে ভয়ানক স্পর্ধার কথা হয়!”

চোখের উপর রুমাল চেপে ধ'রে তড়িৎ উঠে  
গুতে গেল।

রবীন বিছানায় গুয়ে গুয়ে ভাবতে লাগলো এই  
সব কথা। দুঃখ তার হ'ল খুবই, কিন্তু সব দুঃখ  
ছাপিয়ে তার একটা অদ্ভুত আনন্দ হ'ল যে, আজ  
এতদিন পরেও তড়িৎ তাকে ভালবাসে, আর সে কথা  
সে যত স্পষ্ট ক'রে পারে প্রকাশ ক'রেছে।

কোনও লাভ নেই তাতে। তাদের কারও জীবন  
এতে ঢেলে সাজা যাবে না। এখন তারা তাদের  
জীবনের দু'দিকে যত বন্ধন আছে সব ছিন্ন ভিন্ন ক'রে  
দিয়ে এ ভালবাসা সন্তোষ ক'রতে পারবে না—সে  
সন্তোষের কল্পনা মাত্রও রবীনের মনে এলো না, তবু  
একটা অপূর্ণ তৃপ্তি, একটা লোকাতীত আনন্দে তার  
সমস্ত অন্তর আচ্ছন্ন হ'য়ে গেল এ অমুভূতিতে। রবীন  
ভাবলে এই সত্যি ভালবাসা। অথচ সমাজের ইতিহাসে  
এই ভালবাসাটাকে একেবারে বাতিল ক'রে দিয়ে  
গ'ড়ে তুলেছে—বিবাহ!

পরের দিন রবীনের ফিরবার কথা। দু'দিন বাদে  
ভাই ফোঁটা, ভাই ফোঁটার পরের দিন স্কুল খুলবে।  
ভাই ভাই ফোঁটার আগের দিন যেতেই হয়। যেতে  
তার মন স'রতে চাইলো না, কিন্তু যেতে যে হবেই!

তড়িৎ কিন্তু বাগড়া দিলে যে, ভাই ফোঁটার আগে  
তার কিছুতেই যাওয়া হবে না। সে ব'ললে, “একদিন  
ছুটি নিন।”

এ কথা ভাবতে রবীনের ভয় হ'ল। একটি দিন  
ছুটি চাইলেও যে হেড মাষ্টার তাকে কি নাকাল  
ক'রবেন তার ভয়ে সে অস্থির হ'য়ে উঠলো।

তারপর তড়িৎ ব'সলো টাইম-টেবল নিয়ে হিসেব  
ক'রতে। হিসেবে দেখা গেল যে, ভাই ফোঁটার দিন



বিকেলের দিকে একটা ট্রেনে গিয়ে তিন জায়গায় চেপে  
ক'রে বাকী রাস্তাটা মোটরে গেলে রবীন গিয়ে বাড়ী  
পৌছুতে পারে, টায়টোর স্থলের টাইমের এক  
ঘণ্টা আগে।

এর পর আর আপত্তি চ'ললো না।

মহা আড়ম্বর ক'রে তড়িৎ রবীনকে ভাই ফোঁটা  
দিলে। আর ফোঁটার সঙ্গে সঙ্গে দিলে হুঁজোড়া ধুতি,  
ছ'টো পাঞ্জাবী, আর ছ'খানা চাদর।

খাওয়া-দাওয়ার পর যখন রওনা হবে তখন রবীন  
ব'লল, "এইবার আমার ব্যাগটা—"

তড়িৎ ব'ললে, "সেটা পাবেন না। ওটা থাকবে  
আমার কাছে। রবীন দেখতে পেলো যে, তার সঙ্গে  
গাড়ীতে উঠছে ঝকঝকে চামড়ার নতুন ছ'টো

স্বাটকেশ। একখানার ভিতর আছে তার কাপড়-  
চোপড় এবং একখানার ভিতর, তার স্ত্রী ও ছেলের  
জন্ম কাপড়-চোপড়, আর এতদিন তড়িৎ তার সঙ্গে সঙ্গে  
গিয়ে যত বই কিনেছিল—সে সব বই।

দেখে রবীনের চোখের জল উজ্জ্বলিত হ'য়ে উঠলো।

তড়িৎ তাকে গড় হ'য়ে প্রণাম ক'রে উঠে কেবলি  
চোখের জল মুছতে লাগলো।

খুব মৃদুস্বরে সে ব'ললে, "কোনও দিন ভাবি নি

যে, আপনার সঙ্গে দেখা হ'লে এত দুঃখ পাব। এত  
দুঃখে আছেন আপনি স্বপ্নেও ভাবি নি—ভাবতে বুক

ফেটে যায় আমার।"

চোখ মুছতে মুছতে রবীন গিয়ে গাড়ীতে উঠলো।

(ক্রমশঃ)

## নারী যার কেশে মেঘের থর

শ্রীহেমেন্দ্রলাল রায়

সাত সমুদ্র ভের নদী তেপাস্তরের পর,  
বসত করে সেই নারী যার কেশে মেঘের থর।  
ডান পাশে তার সোনার কাঠি, রূপোর কাঠি বাঁয়ে,  
রূপ ঝ'রে তার আলো ছড়ায় অন্ধকারের গায়ে—  
কালো তারি জ'মে হ'লো মৌক্তিক সুন্দর।

দূর বিদেশের রাজার কুমার কোথায় তুমি থাকো?  
তোমার চুমোর একটি রেখা তার ললাটে রাখো।  
চোখে তাহার দাঁও বুলিয়ে নীল-কমলের লেখা,  
বুকের মাঝে দাঁও ছলিয়ে ঘন চেউ-এর রেখা।  
পক্ষীরাজ ষোড়া তোমার শূন্তে মেলে ডানা,  
সেই ষোড়াতে চ'ড়ে তুমি তার কাছে দাঁও হানা।  
জাগিয়ে তোলা মুগ্ধ প্রিয়ার মূর্ছিত অন্তর।



## রবীন্দ্রনাথের উপা্যাস

ডক্টর শ্রীকুমার বন্দ্যোপাধ্যায়, এম্-এ, পি-এইচ্-ডি

8

‘চোখের বালি’ উপা্যাসে রবীন্দ্রনাথ ‘নৌকাডুবি’ অপেক্ষা অনেক দূর অগ্রসর হইয়াছেন। এখানে ঘটনা-বিত্তাস ও চরিত্র-বিশ্লেষণে লেখক অনন্তপূর্ণ গভীরতা ও কৌশল দেখাইয়াছেন। ‘নৌকাডুবি’র সরল-সহজ একটানা প্রবাহের সহিত তুলনায় এখানে পদে পদে সংঘাত ও গভীর ঘূর্ণাবর্তের সৃজন হইয়াছে। আকস্মিকতার স্থানে সূক্ষ্ম অচ্ছিন্ন কার্যাকারণ-শৃঙ্খলা প্রতিষ্ঠিত হইয়াছে—সমস্ত পরিবর্তনের স্রোত চরিত্রগত গভীর উৎস হইতেই প্রবাহিত হইয়াছে। মহেন্দ্র, বিনোদিনী, বিহারী ও আশা—এই চারিজন মিলিয়া তাহাদের চারিদিকে যে প্রবল ঘূর্ণীবায়ুর সৃষ্টি করিয়াছে তাহার মধ্যে প্রত্যেকেরই চরিত্র-গত বিশেষত্ব একটা বিশেষ-রকমের গতিবেগ আনিয়া দিয়াছে। ইহাদের পরস্পরের মধ্যে সম্বন্ধটী অত্যন্ত বিচিত্র ও জটিল এবং সেইজন্য সমস্ত অবস্থাটির ব্যাপক পর্যালোচনা অত্যন্ত দুর্লব ব্যাপার। মহেন্দ্র ও বিনোদিনীর গূঢ় আকর্ষণ-বিকর্ষণ-লীলাই এই ঘূর্ণীবায়ুর কেন্দ্রস্থ শক্তি; কিন্তু ইহার মধ্যে বিহারী ও আশাও তাহাদের সবল ও দুর্বল প্রতিক্রিয়ার দ্বারা নূতন জটিলতার সঞ্চার করিয়াছে। বিহারীর সবল একনিষ্ঠ চিন্তা বিনোদিনীকে আকর্ষণ করিয়াছে; ও তাহার অবজ্ঞানুচক কঠোর প্রত্যাখ্যান এই আকর্ষণকে অনিবার্য বেগ ও ব্যাকুলতা-মণ্ডিত করিয়া তুলিয়াছে। আবার বিহারীর মনের নিভৃততম কোণে আশার প্রতি যে গোপন অমুরাগের বীজ লুক্কায়িত ছিল তাহাই বিনোদিনীর ঈর্ষ্যাগ্নিতে নূতন ইন্ধন দিয়া তাহাকে আশা ও মহেন্দ্রের সর্বনাশ-সাধনে দৃঢ়প্রতিজ্ঞ করিয়াছে। আশার সরল বিশ্বাস ও স্বভাব-সিদ্ধ শিথিলতা মহেন্দ্র-বিনোদিনীকে অবসর ও সুযোগ প্রদান করিয়া বিপদকে ঘনীভূত করিয়াছে; ও বিহারীর

প্রতি তাহার বিবেচনাহীন প্রবল বিরাগ বিহারীকে কণ্ঠক্ষেত্র হইতে অপসৃত করিয়া মহেন্দ্র-বিনোদিনীর প্রেমাভিনয়কে একেবারে বাধা-মুক্ত করিয়া দিয়াছে। আশার প্রতি বিহারীর প্রেম মহেন্দ্রের উপর তাহার নৈতিক প্রভাব ক্ষুণ্ণ করিয়াছে ও বিহারীর কল্যাণ-কামী মধ্যস্থতাকে প্রকাশভাবে উপেক্ষা করিতে মহেন্দ্রকে উত্তেজিত করিয়াছে। এইরূপে এই চারি জনের ক্রিয়া-প্রতিক্রিয়াগুলি খুব সূক্ষ্ম ও জটিল শৃঙ্খলে গ্রথিত হইয়া একটা চমৎকার ত্রৈক্য ও সমন্বয় লাভ করিয়াছে।

এমন কি রাজলক্ষ্মী ও অন্নপূর্ণাও এই গ্রন্থি-সঙ্কলতার মধ্যে নূতন ফাঁস বোজনা করিতে সাহায্য করিয়াছে। রাজলক্ষ্মীর স্বার্থপরতা মহেন্দ্রের স্বার্থপরতার স্ত্রী-সংস্করণ মাত্র। মাতা-পুত্র উভয়েই এক ছাঁচে ঢালা—মাতার পুত্র-সর্বস্বতাই পুত্রের নিঃস্বার্থ অসংযত ভোগ-লিপ্সার মূল উৎস। রাজলক্ষ্মী সম্বন্ধে বিনোদিনীর মন্তব্য তাহার চরিত্রের উপর একটা অপ্রত্যাশিত, শিহরণ-কারী আলোকপাত করে—বধূর প্রতি ঈর্ষ্যাগ্নিতে হইয়া মাতা বিনোদিনীর দ্বারা পুত্রকে প্রলুব্ধ করিতে চেষ্টা করিয়াছিলেন। দুর্দম-অভিমান-প্রবণ রাজলক্ষ্মীই তাঁহার গৃহস্থানে বিষবৃক্ষ রোপণ করিয়াছিলেন এবং তাঁহার পুত্র সম্বন্ধে তীক্ষ্ণ দৃষ্টি ও সদা-জাগ্রত সূক্ষ্ম অমুভূতি যে মহেন্দ্র-বিনোদিনীর ক্রম-বর্দ্ধমান অমুচিত্ত ঘনিষ্ঠতা লক্ষ্য করে নাই—ইহা বিশ্বাস করা কঠিন। বধূর প্রভাব স্বহস্তে ধ্বংস করিয়া যখন তিনি সেই দুর্বল শৃঙ্খলের দ্বারা পুত্রের দুর্দমনীয় মনোবৃত্তিকে বাঁধিতে চেষ্টা করিয়াছেন, তখন সেই চেষ্টার মধ্যে একটা করুণ দিক আছে সন্দেহ নাই, কিন্তু মোটের উপর তাহা পাঠকের মনে সহানুভূতি অপেক্ষা তীব্র ব্যঙ্গভাবই উদ্বেক করে। অন্নপূর্ণার অবস্থা-সঙ্কটও এই জটিলতার



স্বত্র পাকাইতে সহায়তা করিয়াছে। অন্নপূর্ণা আশার মাসী বলিয়াই রাজলক্ষীর অভিমান-জালা বেশীর ভাগ তাঁহাকেই সহ্য করিতে হইয়াছে—অপক্ষপাত বিচার করিবার সাহস তাঁহার হয় নাই। মহেন্দ্রের লঘু অপরাধে আপনাকে দোষী সাব্যস্ত করিয়া তিনি সংসার হইতে দূরে চলিয়া গিয়াছেন এবং তাঁহার কাশীবাসের দ্বারাই মহেন্দ্রের গুরু অপরাধের দ্বার প্রণস্ততর করিয়া দিয়াছেন।

মহেন্দ্র ও বিনোদিনীর পরস্পর আকর্ষণ-বিকর্ষণ-লীলাই মনস্তত্ত্ব-বিশ্লেষণের দিক্ হইতে উপন্যাসের মধ্যে সর্কাপেক্ষা প্রয়োজনীয় অংশ। আশার প্রতি সর্বগ্রাসী, আত্মবিশ্বাসিকর প্রেমে মহেন্দ্র সর্বপ্রথম বিনোদিনীর অস্তিত্বকেই আমল দেয় নাই—তাহার সহিত সহজ ভদ্রতার সম্ভাষণটুকু করিতেও বিরত ছিল। আশাকে মহেন্দ্রের বিচ্ছেদ-অসহিষ্ণু প্রণয়ের নিকট কতকটা ছুপ্রাপ্য করিয়াই প্রথম বিনোদিনী বিরক্তিকরভাবে তাহার মনোযোগ আকর্ষণ করিল। তারপর আশার নির্বন্ধাতিশয্যে ও চতুরা বিনোদিনীর স্বেচ্ছাকৃত অকৃতায় মহেন্দ্র-বিনোদিনীর প্রথম পরিচয়ের আরম্ভ হইল। ইহার পর বিনোদিনীর কঠোর আত্ম-শাসনের নিকট মহেন্দ্রের ঔদাসীন্ধ্য কতকটা ক্ষুণ্ণ হইয়া আসিল, সে প্রেম নহে, কতকটা আত্মাভিমানের বশবর্তী হইয়াই বিনোদিনীর সহিত সম্বন্ধ ঘনিষ্ঠতর করিতে উত্তোষী হইয়া উঠিল। দেখিতে দেখিতে বিনোদিনী তরুণ দম্পতির প্রিয় সখী হইয়া উঠিল, তাহার হান্তরস-পরিহাস, মনোরঞ্জন-শক্তি ও সেবা-কুশলতার দ্বারা উহাদের প্রণয়ের অবসাদ ঘুচাইয়া তাহাকে নবীন-সঞ্জীবন-রসে ভরপুর করিয়া তুলিতে লাগিল। এখন পর্য্যন্ত মহেন্দ্রের মনে বিনোদিনীর প্রতি কোনরূপ অশুচিত আকর্ষণের সঞ্চার হয় নাই—সে এখনও তাহাকে আশার পশ্চাদ্বর্ত্তিনী করিয়াই দেখিয়াছে। কিন্তু এই সময় বিহারীর তীক্ষ্ণ সংশয়পূর্ণ দৃষ্টি একটু গোলযোগের স্বত্রপাত করিল। সকলের, বিশেষতঃ মহেন্দ্রের মনে একটা অপ্ৰার্থিত কদম্ব সম্ভাবনার

কথা জাগাইয়া দিয়া তাহার আত্মপ্রসাদের স্বচ্ছ প্রবাহ কতকটা পঙ্কিল করিয়া তুলিল। বিনোদিনীর কয়েক ফোঁটা অশ্রু-জলের কৌশলময় অভিনয়ের দ্বারাই এই সম্মেলনের প্রথম কলঙ্কস্পর্শ ধুইয়া মুছিয়া গিয়াছে।

ইহার পর মহেন্দ্রের সচেষ্টতার পালা—তাহার ঔদাসীন্ধ্য বিনোদিনীর সচেষ্ট অল্পসরণে রূপান্তরিত হইয়াছে। দম্ভমে চড়ুইভাতির আয়োজন এই নব-পরিবর্তনের প্রতীক্। এই দিনটী মহেন্দ্র, বিনোদিনী ও বিহারীর জীবনেতিহাসে একটা স্মরণীয় দিবস। এই দিনের ঘটনাবলীর ফলে বিহারীর মূল্য বিনোদিনীর চক্ষে শতগুণ বাড়িয়া গিয়াছে—বাল্য-স্মৃতির দূরদিগন্তের মায়াময়, শীতল প্রলেপে তাহার জঁজ্বা-কলুষিত খর-জ্বালাতপ্ত প্রণয়-বিকার কাটিয়া গিয়া প্রেমের স্বভাব-স্বিকৃতি প্রসন্নতা ফুটিয়া উঠিয়াছে এবং এই নবজাগ্রত প্রেমের স্থির অমুদ্রাস্ত আলোকে সে বিহারীকেই নিজ জীবনের পরম আশ্রয়-স্থল বলিয়া চিনিয়াছে।

এইবার মহেন্দ্র নিজ হৃদয়-তন্ত্রীতে সত্যকার টান অনুভব করিয়াছে, কিন্তু ইহাও ঠিক প্রণয় নহে, বিহারীর সহিত প্রতিদ্বন্দ্বিতা। বিহারীর নিকট পরা-জয়ের দিকারই তাহার সমস্ত শক্তিকে বিনোদিনীর হৃদয় জয় করিবার চেষ্টায় উদ্ভুদ্ধ করিয়াছে—বিনোদিনীকে ভালবাসিয়া নহে, তাহার উপর নিজ দখলী-স্ব সাব্যস্ত করার জন্ত। আশার প্রণয়-মোহ ছিন্ন হইয়া তাহার ক্রটি-অপূর্ণতার দিকে মহেন্দ্র প্রথম সজাগ হইয়াছে ও বিরক্তি-মিশ্রিত ভৎসনা মুখ্যপ্রেমের একশুরা কপোত-কূজনের মধ্যে একটু তীব্র বৈচিত্র্য আনিয়া দিয়াছে। শেষে মহেন্দ্র পলায়নে আত্মরক্ষার পথ অবলম্বন করিয়াছে। এই ক্ষণস্থায়ী বিচ্ছেদের মধ্যে আশার বেনামী বিনোদিনীর তিনখানি সুখা-হলাহল-মিশ্র প্রেমনিবেদন-লিপি মহেন্দ্রের অন্তর্দ্বন্দ্ব-বিক্ষুব্ধ হৃদয়ের মধ্যে বিবদিত্ব বাণের মতই বিঁধিয়াছে। মহেন্দ্র এক অজ্ঞাত-শব্দা-উদ্বেলিত হৃদয় লইয়া বিনোদিনীর সহিত বোঝাপড়া করিবার জন্ত ঘরে কিরিয়াছে। এইবার



মহেন্দ্র একনিষ্ঠ প্রেমের মর্যাদা ও কর্তব্যবুদ্ধি ভুলিয়া বিনোদিনীর নিকট প্রথম প্রেম-নিবেদন করিয়াছে। কিন্তু এ ভ্রান্তি মুহূর্তের দুর্বলতা মাত্র। প্রণয়-ভিষ্কার পর মুহূর্তেই তাহার সমস্ত অন্তঃকরণ এই দুর্বলতার বিরুদ্ধে বিদ্রোহী হইয়া উঠিয়াছে—তাহার ব্যাকুল-নিবেদনাত্মক কথা কয়টি প্রত্যাহার করিবার জন্ত সে প্রাণপণ চেষ্টা করিয়াছে ও বিহারীর নিকট তাহার আসন্ন পদস্থলনের সম্বন্ধে আবেগময় স্বীকারোক্তির দ্বারা নিজ অনুতাপের গভীরতা প্রমাণ করিয়াছে। বিহারীও আশার কল্যাণের জন্ত বিনোদিনীর নিকট উজ্জ্বলিত অনুনয়ের দ্বারা তাহার স্তম্ভ মহাবের ক্ষণিক উদ্বোধন করিয়াছে। বিনোদিনীর অশ্রু-গাঢ় আলিঙ্গন ও মহেন্দ্রের অস্বাভাবিক বেগে উৎসারিত-সোহাগ-নির্ভর যুগপৎ আশার উপর বর্ষিত হইয়া তাহাকে উভয়ের মধ্যে এক নিগূঢ় ঐক্য-রহস্তের অস্পষ্ট ইঙ্গিত দিয়াছে এবং এই সম্মিলিত শক্তির স্নেহাতিশয্যের প্রবেশধারী বিরুদ্ধতার ক্ষীণ আভাস তাহার হৃদয়-মনে এক অজ্ঞাত ভয়ের শিহরণ জাগাইয়া তুলিয়াছে।

তারপর মহেন্দ্রের দ্বিতীয় বার পলায়ন—এ পলায়ন ঠিক কাপুরুষের পৃষ্ঠপ্রদর্শন নহে, পুণ্যসঞ্চয়ের জন্ত গীর্থাভ্রা। কালীতে অল্পপূর্ণার অথও ধর্মবিশ্বাস ও গীর্বা কল্যাণ-কামনার উৎস হইতে প্রলোভন-জয়ের ক্রি আহরণের জন্তই এবার মহেন্দ্র গৃহ ছাড়িয়া গিয়াছে। আশার প্রতি অক্ষুণ্ণ প্রেম ও অবিচলিত বিশ্বস্ততার আশ্বাস লইয়াই সে ফিরিয়াছে। কিন্তু ইহা মনে সে একটা প্রকাণ্ড ভুল করিয়াছে। যে ঔষধ তাহার নিজের বিকার-গ্রস্ত মনের নিকট এত উপকারের হেতু হইয়াছে, সুস্থ আশাকেও সেই ঔষধের আশাদি দিবার আকাঙ্ক্ষা তাহার মনে জাগিয়াছে। আশাকে কালী পাঠাইবার প্রস্তাবে, তাহার ও বিহারীর মধ্যে বাবধানের এক নিষ্ঠুর, অতলম্পর্শ গহ্বর মুখ-পাদান করিয়াছে। বিহারী আশাকে ভালবাসে ও বিনোদিনীকে ভালবাসে না—এই দুইটি সুস্পষ্ট উক্তি তাহাদের পরস্পরের সম্পর্কে আবার প্রবলভাবে

আলোড়ন করিয়াছে—ইহার মধ্যে যতটুকু অন্তরাল ও অপরিচয়ের স্ফীক্সা ছিল নগ্ন সত্যের প্রথর আলোকে সেটুকুকে বিপর্যস্ত করিয়া দিয়া তাহাদের চারিজনকে অনাবৃত বিরোধের এক ছায়া-লেশহীন উষর মরুভূমির মধ্যে দাঁড় করাইয়া দিয়াছে।

আশার অনুপস্থিতির রক্তপথ দিয়াই মহেন্দ্রের জীবনে শনি প্রবেশ করিয়াছে। বিনোদিনীর অপরিমিত যত্ন ও আশ্রয় সেবাকুশলতার ভিতর দিয়া তাহার অমুক্ষণ সাহচর্য মহেন্দ্রের কষ্ট-নিরুদ্ধ হৃদয়াবেগকে অনিবার্য্য বেগে উদ্দীপিত করিয়াছে। তথাপি সে প্রাণপণ শক্তিতে আত্ম-সংবরণের চেষ্টা করিয়াছে, প্রলোভনের মুখের উপর দ্বার বন্ধ করিয়া দিয়াছে। কিন্তু যাহার মনের দ্বারে আত্মসংঘর্ষের অর্গল নাই, তাহার শয়ন-গৃহের দ্বার বন্ধ করা বিড়ম্বনা মাত্র। আর একবার শেষ চেষ্টার পর মহেন্দ্র সম্পূর্ণভাবে আত্ম-সমর্পণ করিয়াছে। বিনোদিনীও আত্ম-সমর্পণের শেষ সীমায় পা বাড়াইয়াই বিহারী-সম্বন্ধীয় কুৎসিত প্রেমবিক হইয়া এক মুহূর্তে তাহার উন্মুখতাকে প্রত্যাহার ও সঙ্কুচিত করিয়া লইয়াছে—ক্রোধের অগ্নি প্রেমের সজল বিহ্বলকে গ্রাস করিয়াছে। এই মুহূর্তটি মহেন্দ্র-বিনোদিনীর সম্পর্কে একটা চরম পরিণতির মুহূর্ত (crisis)। এখন হইতে মহেন্দ্রের প্রতি বিরাগ ও বিমুখতা বিনোদিনীর মনে বদ্ধমূল হইয়াছে, তাহার জন্ত প্রেমাত্মিনয়ের চলনাও সে বর্জন করিয়াছে। এই সঙ্কটময় মুহূর্তে বিহারীর আবির্ভাব ও তৎকর্তৃক বিনোদিনীর রূঢ় প্রত্যাখ্যান তাহাকে মহেন্দ্রের প্রেম-নিবেদনে সম্মত করিয়াছে সত্য, কিন্তু এই সম্মতির মধ্যে একফোঁটা প্রেম নাই, আছে শুধু যে সামাজিক ও নৈতিক শাসন বিহারীর মধ্যে মূর্তি পরিগ্রহ করিয়া তাহাকে তিরস্কারের স্পর্শ দেখাইয়াছিল, সেই স্পর্শিত তিরস্কারের প্রতি ত্রুষ্ক উপেক্ষা ও প্রকাশ্য বিদ্রোহ-বোষণ।

ইহার পর মহেন্দ্র-বিনোদিনীর সম্পর্কের মধ্যে, অপ্রত্যাশিতত্বের স্পর্শ মিলাইয়া গিয়াছে। আরও দুই-এক অধ্যায় বিনোদিনী মহেন্দ্রের অসংবৃত, লজ্জা-



সঙ্কোচহীন প্রণয়-নিবেদন সহ্য করিয়াছে সত্য, কিন্তু তাহার হৃদয় ইহাতে কোন সাড়াই দেয় নাই। মহেন্দ্রের সহিত সাক্ষাতের সময় সে রাজলক্ষ্মীকে শরীর-রক্ষীরূপে সঙ্গে লইয়াছে, মহেন্দ্রের উন্নত আবেগকে নির্জনতার কোন অবসর দান করে নাই। এখন হইতে সে মহেন্দ্রকে সম্পূর্ণরূপেই বিহারী-লাভের উপায় মাত্র রূপে ব্যবহার করিয়াছে, তাহাকে ভারবাহী গর্ভভের হ্রবস্থা অনুভব করাইয়াছে। লোক-নিন্দা, সমাজ-গঞ্জন সে স্পর্ধিত প্রকাশ্যতার সহিত বরণ করিয়াছে, কিন্তু বেচারী মহেন্দ্র লোক-চক্ষে অপরাধী হইলেও তাহার প্রকৃত প্রণয়ভাজনের সংবাদ বহির্জগতের নিকট সম্পূর্ণ অজ্ঞাত রহিয়া গিয়াছে। বিহারী কর্তৃক দ্বিতীয়বার প্রত্যাখ্যান তাহার প্রেমকে রক্ত-মাংসের মূল বাস্তবতা হইতে এক উদ্ভাস্ত-বিহ্বল, ধ্যানগম্য আদর্শলোকে লইয়া গিয়াছে। মহেন্দ্রের কার্মিক অনুবর্তনের ছদ্মবেশে তাহার মন বিহারীর অভিমুখে প্রণয়-অভিসারের অতীন্দ্রিয় পথ ধরিয়া উধাও হইয়াছে। এই যাত্রা-পথের চরমতীর্থ-প্রাপ্তি বর্ণিত হইয়াছে এলাহাবাদের ষমুনাভীরস্থ কুঞ্জবনে। এই গঙ্গা-ষমুনার সঙ্গম-স্থলে মহেন্দ্র ও বিহারীর সহিত বিনোদিনীর মুগ্ধমূর্ত্ত-পরিবর্তনশীল, অমুরাগ-বিরাগ-পঙ্কিল, ষাভ-প্রতিষাভ-নিষ্ঠুর, প্রত্যাখ্যান-নিবেদনের বিপরীত স্রোতে ঘূর্ণাবর্ত্ত-সঙ্কুল সঙ্কল্পের একটা শেষ মীমাংসা ও সমাধান সংঘটিত হইয়াছে। মহেন্দ্র তাহার সুদীর্ঘ মোহনিদ্রা অবসানে গায়ের ধূলা ঝাড়িয়া ক্রমা-স্বিচ্ছ মাতৃদৃষ্টির তলে আশার পার্শ্বে নিজ সঙ্কুচিত স্থান গ্রহণ করিয়াছে; বিনোদিনী নিজ উদ্দীপ্ত কামনার উপর বৈরাগ্যের ধূসর ছাই ছড়াইয়াছে ও রোমান্সের নায়িকার স্তায় প্রেমের সহস্র-ঝাড় রঙীন বাতি নিবাইয়া সেবার স্নান-স্তিমিত ঘুত-প্রদীপ হস্তে, এক চির-গোধূলি-ছায়াচ্ছন্ন রোগ-কঙ্কের অভিমুখে ধীরপদে অগ্রসর হইয়া আমাদের দৃষ্টিপথের অতীত হইয়া গিয়াছে।

চরিত্র-সৃষ্টির দিক্ দিয়া মহেন্দ্রই সর্বাপেক্ষা জীবন্ত ও পূর্ণাঙ্গভাবে চিত্রিত হইয়াছে। তাহার চরিত্রের

সমস্ত পরিবর্তনগুলি এক আতিশয্য ও অসংযমের ঐক্য-বন্ধনে গাঁথা। তাহার অপরিমিত মাতৃভক্তি ও পত্নীপ্রেম, বিনোদিনীর সহিত সম্পর্কে তাহার নিলজ্জ আতিশয্যেরই পূর্বসূচনা। তাহার পত্নীপ্রেম ও পর-নারী-আসক্তি—উভয়েরই মূলে আছে এক প্রবল আত্মাভিমান। ঈর্ষ্যা বৈধ ও অবৈধ উভয়বিধ প্রণয়েই তাহাকে উত্তেজিত করিয়াছে। আশার ব্যাপারে বিহারীকে এত সহজে হঠাইতে পারিয়াছিল বলিয়াই বিনোদিনীর হৃদয়-আকর্ষণ চেষ্টায় তাহার অবলম্বিত উপায় এত ভ্রান্তি-সঙ্কুল ও শেষ পর্য্যন্ত ব্যর্থতায় পর্য্যবসিত হইয়াছে। বন্ধুত্বের মর্য্যাদা রক্ষাই তাহার প্রেমের সিংহাসন-লাভের সোপান হইত, কিন্তু মৃত মহেন্দ্র নিজ উদ্দেশ্য সিদ্ধির প্রকৃষ্ট পথ ধরিতে পারে নাই। ঈর্ষ্যার দম্কা বাতাস বারবার তাহার প্রণয়-দীপটিকে কাঁপাইয়া গিয়াছে, তথাপি সে আপনাকে সংবরণ করিতে পারে নাই। বিনোদিনীর সহিত পরিচয়ের পূর্ব পর্য্যন্ত সমস্ত হৃদয়-ঘটিত ব্যাপারে মহেন্দ্র চাহিবা-মাত্র পাইয়াছে—একমাত্র বিনোদিনীর ব্যাপারেই তাহাকে যোগ্যতার পরিচয় দিতে হইয়াছে এবং এই পরীক্ষায় সে সম্পূর্ণরূপেই অকৃতকার্য হইয়াছে। সে যে সত্য সত্যই আন্তরিকতার সহিত চিন্ত-জয়ের চেষ্টা না করিয়াছে তাহা নহে এবং বিনোদিনী যে অনিবার্য্য বেগের সহিত তাহাকে আকর্ষণ করিয়াছিল, তাহাও ঠিক নয়—কিন্তু বিহারীর প্রতি বিনোদিনীর অমুরাগের সম্ভাবনামাত্রই তাহার সমস্ত আত্মদমন-চেষ্টাকে ছিন্ন-ভিন্ন করিয়া উড়াইয়া দিয়াছে। ‘আত্মাভিমান-মৃত্যু’ কথাটা মহেন্দ্রের সমস্ত চরিত্র ও ব্যবহারের উপর বড় বড় অঙ্করে মুদ্রিত হইয়াছে।

বিনোদিনীর চরিত্রে মূল বাস্তবতা ও উচ্চ আদর্শবাদ—এই দুইটা বিপরীত ধারার সংযোগ হইয়াছে। অবশ্য এই সংযোগ আটের অল্পমোদিত সম্ভব কি না, সে বিষয়ে সন্দেহের অবসর আছে। পিণ্ডাটী হইতে দেবীতে অতর্কিত পরিবর্তন রোমান্টিক উপজ্ঞানে অতি সাধারণ ব্যাপার। এখানে বিনোদিনীর



পরিবর্তন খুব অতর্কিত হয় নাই, মহেন্দ্রের প্রতি বিরাগ ও বিহারীর প্রতি উন্মুখতা তাহার চরিত্রে ধীরে ধীরে, অথচ নিতান্ত অনিবার্যভাবেই বিকাশলাভ করিয়াছে। একটা প্রচণ্ড-জ্বালাময় ঈর্ষ্যা তাহাকে মহেন্দ্রের সহিত প্রেমাভিনয় করিতে উত্তেজিত করিয়াছিল। তাহার সেবাকুশলতা মহেন্দ্রের ঔদাসীন্যকে পরাজয় করিবার অস্ত্রমাত্র; মহেন্দ্রের প্রতি তাহার হিতৈচ্ছা-প্রণোদিত কঠোর শাসন প্রেমের বাজার-দর উঁচু রাখিবার কৌশলময় প্রয়াস। তথাপি যদি সে মহেন্দ্রের চরিত্রে তাহার একান্ত-প্রার্থিত অটল নির্ভর ও বিশ্বস্ততা পাইত, তাহা হইলে তাহার চিত্ত-দুর্গে জয়-পতাকা উড়াইয়াই সে সন্তুষ্ট থাকিত, বিজয়িনীর গর্ভ প্রণয়িনীর অন্তরের মিলনাকাজ্জলকে হঠাৎ দিত। কিন্তু মহেন্দ্রের অন্তঃকরণে দৃঢ় ভিত্তির পরিবর্তে চোরাবালির আবিষ্কার করিয়া, তাহার একান্ত কৃতজ্ঞতা ও অস্থিরমতিত্বের পরিচয় পাইয়া তাহার মন মহেন্দ্রের উপর ক্ষণস্থায়ী বিজয়ের আশা পরিত্যাগ করিয়া বিহারীর শত-বন্ধাবাতে অক্ষুণ্ণ চরিত্র হৃদয়ের দিকেই আকৃষ্ট হইয়াছে। বিহারীকে সাহরণ-যোগা মণি বলিয়া চিনিতে পারিয়া সে মহেন্দ্রকে খলার পুতুলের মত ভাগ করিয়াছে। অবশ্য তাহার এই আভ্যন্তরীণ পরিবর্তনের কাহিনী বাস্তব বিশ্লেষণ অপেক্ষা কবি-কল্পনামূলক সহানুভূতি দ্বারাই পাঠকের মনে প্রবেশ করান হইয়াছে। গ্রন্থের শেষ দিক দিয়া বিনোদিনী কল্ললোকের অধিবাসিনী—সে সন্তব-বিশ্লেষণের পরিধি ছাড়াইয়া উদার অসীম ভাব-আজ্ঞা মুক্তপক্ষ বিহঙ্গিনীর স্তায় আরোহণ করিয়াছে। তাহার জীবনের শেষ সঙ্কল্পও রোমান্সের রঙ্গীন বাতাসে গুহুরিত হইয়াছে।

‘বিষয়ক্ষে’ নগেন্দ্র-কুন্দনন্দিনীর প্রেমের সহিত মহেন্দ্র-বিনোদিনীর প্রেমের তুলনা করিলেই রবীন্দ্রনাথ ও বঙ্কিমচন্দ্রের মনোভাব ও বিশ্লেষণ-প্রণালীর পার্থক্য স্পষ্ট হইবে। কুন্দের প্রেম অতি সলজ্জ ও কোচ-জড়িত-আবির্ভাব-অনভিজ্ঞ হৃদয়ের মুখ, আশ্র-

বিশ্বত সরলতাই ইহার প্রধান উপাদান। ইহার বর্ণনাও গীতিকাব্যোচিত উজ্জ্বলিত ভাবাবেগপূর্ণ, ইহার দৈনন্দিন ইতিহাস ও পরিণতি বিস্তারিতভাবে লিপিবদ্ধ নহে। বিনোদিনীর প্রেম সম্পূর্ণ বিভিন্ন প্রকৃতির—ইহা অতি সূচত্বর কৌশল-জ্বালাময় মায়া-বিস্তার। কুন্দ অনেকটা অজ্ঞাতসারে অগাধজলে কাঁপ দিয়াছে—বিনোদিনীর প্রত্যেক পদক্ষেপ সূচিস্থিত ও সূনিয়ন্ত্রিত। কুন্দের অন্ধ, মূঢ় আবেগের সহিত বিনোদিনীর সূক্ষ্ম পরিমাণ-বোধ ও ক্ষুদ্রতম ইঙ্গিতেরও ফলাফল সম্বন্ধে অতি পরিষ্কার, আবেশজড়িমারহিত অনুভূতি তুলনীয়। বঙ্কিমচন্দ্র বাল-বিধবার প্রথম প্রণয়-সঞ্চার কবিত্বময় আবেষ্টনীর মধ্য দিয়া নব-বধূর লজ্জারঞ্জিত আভাষ চিত্রিত করিয়াছেন; রবীন্দ্রনাথ পূর্ণবয়স্ক যুবতীর ঈর্ষ্যাধিক লোলুপতার, তাহার যত্ন-রচিত মায়া-নাগপাশের প্রত্যেকটি গ্রন্থির, প্রত্যেকটি ফাঁসের, সবিস্তারে বর্ণনা করিয়াছেন। ‘চোখের বালি’র পর হইতে বিধবা প্রেমের এক নূতন অভিনয়ে তৃতী হইয়াছে। বিনোদিনী হীরা ও রোহিণীর মনোরাজ্য-বহির্ভূত এক উচ্চতর, বিচিত্রতর মঞ্চ অধিকার করিয়াছে; সে অভয়া, কিরণময়ী ও কমলের পূর্ব-বর্তিনী ও পথ-প্রদর্শিকা।

বিহারীর ব্যক্তি-স্বাতন্ত্র্য ফুটিয়াছে অত্যন্ত বিলম্বে। গ্রন্থের প্রথম হইতে সে কেবল মহেন্দ্রের অনুচর ও উপগ্রহরূপে চিত্রিত হইয়াছে। তাহার বঙ্গপ্রীতি এত প্রবল যে, তাহার খাতিরে সে তাহার বাগ্দত্তা বধু পর্য্যন্ত বন্ধুকে তুলিয়া দিয়াছে। তাহার চরিত্র ও ব্যবহারের সর্বত্রই প্রায় বিরোধ-চিহ্নাক্ত (negative)। মহেন্দ্রের ত্রুটি-অপূর্ণতা ভাল করিয়া ফুটাইয়া তুলিবার জন্য বিহারীর চরিত্রে তদ্বিপরীত গুণগুলি আরোপিত হইয়াছে। এইরূপ রাহ-গ্রন্থ জীবন প্রায়ই ব্যক্তি-বিকাশের পক্ষে অনুকূল হয় না। কেবল-মাত্র এক বিনোদিনীই বিহারীকে মহেন্দ্র হইতে ভিন্ন করিয়া দেখিয়াছে, তাহার নিজস্ব ব্যক্তিত্ব আকর্ষণের দ্বারা বাহিরে আনিয়াছে। বিনোদিনী-সম্পর্কেও



বিহারী নিজ হৃদয়-ভাবকে আমল দেয় নাই, মহেন্দ্রের হিতৈষী বন্ধু হিসাবেই তাহার কার্যাবলীর বিচার করিয়াছে। কেবলমাত্র তাহার নির্জন কক্ষ-মধ্যে বিনোদিনীর নিশীথ-অভিসারই তাহার প্রসুপ্ত যৌবনকে জাগরিত করিয়াছে, সে মহেন্দ্রের আনুচর্য্য অস্বীকার করিয়া স্বাধীন জীবন-যাত্রার পথে বাহির হইয়াছে। বিনোদিনীর প্রেমের সুরা-পাত্র সে ওষ্ঠে স্পর্শ করে নাই, কিন্তু তাহার তীব্র গন্ধ তাহার মস্তিষ্কে প্রবেশ করিয়া তাহার রক্তকে উত্তলা ও মাতাল করিয়া তুলিয়াছে। এই অতর্কিত যৌবনোন্মেষই তাহার স্বাধীন ব্যক্তিত্বের ক্ষুরণ — বিনোদিনীকে বিবাহ-প্রস্তাব তাহার স্বাধীন সত্তার একমাত্র কার্য্য। তাহার চির-প্রবীণ কর্তব্যনিষ্ঠা ও সন্তো-জাগ্রত তারুণ্যের মধ্যে যে বিরোধ তাহার সমাধান নিতান্ত আকস্মিকভাবেই সম্পন্ন হইয়াছে। বিহারীর অকোন্মোষিত ব্যক্তিত্ব ও হৃদয়-সমস্তার সুলভ ও আকস্মিক সমাধান তাহাকে শেষ পর্য্যন্ত কতকটা অস্পষ্ট ও ছায়াময় করিয়া রাখিয়াছে।

আশার সম্বন্ধেও অনেকটা এই মস্তব্যই প্রযোজ্য। মহেন্দ্রের দুর্জয় বক্তা-প্লাবনের জ্বালায় অসঙ্গত হৃদয়বেগ ও বিনোদিনীর চক্কুজ্বালাকারী তীব্র রূপ-শিখার সম্মুখীন হইয়া সে অনেকটা ম্লান ও নিষ্ক্রিয় হইয়া গিয়াছে।

মহেন্দ্র-বিহারীর সম্পর্ক আমাদের একটি কথা স্মরণ করাইয়া দেয় যে, আমাদের সঙ্কীর্ণ পারিবারিক জগতে স্ত্রী-পুরুষের প্রণয় অপেক্ষা বন্ধুত্বই সাধারণতঃ অধিকতর জটিলতার সৃষ্টি করে। আমাদের রুদ্ধদ্বার-গবাক্স সামাজিক ব্যবস্থার মধ্যে এক বন্ধুত্বের ছিদ্রপথ দিয়া বাহ্য বিপ্লব বাঙ্গালী পরিবারে প্রবেশলাভ করিতে পারে। এক বন্ধুত্ব বা সহপাঠিত্বের দাবীতেই আমরা পরের অন্তঃপুরের অন্তর্গতি লজ্জন করিয়া ভিন্ন

পরিবারের সহিত একাত্মতা লাভ করিতে পারি। এখানে স্ত্রী-পুরুষের অসঙ্কোচ মেলা-মেশার সুযোগ যতই সঙ্কীর্ণ, বন্ধুত্বের প্রসার ও সম্ভাবনা ততই সুপ্রচুর। সেইজন্য বাঙ্গালা উপজাতি বন্ধুত্বের প্রাচুর্য্য অত্যধিক—অধিকাংশ ক্ষেত্রেই জটিলতা, বন্ধুত্বের মেহ-শীতল অথচ প্রতিযোগিতা-তীব্র ঘাত-প্রতিঘাত হইতেই উদ্ভূত। ‘গোরা’তে গোরা ও বিনয়, ‘ঘরে-বাইরে’ নিখিলেশ ও সন্দীপ, ‘গৃহদাহে’ মহিম ও সুরেশ, ‘দিদি’তে অমর ও দেবেন — এই উদাহরণ কয়েকটাই বাঙ্গালা উপ-জাতি বন্ধুত্বের উচ্চ দাবী প্রতিষ্ঠিত করিবার পক্ষে যথেষ্ট।

‘চোখের বালি’কে উপজাতি-সাহিত্যে নব-যুগের প্রবর্তক বলা যাইতে পারে। অতি আধুনিক উপ-জাতি বাস্তবতা যে বিশেষ অর্থে ব্যবহৃত হইয়া থাকে, এখানেই তাহার সূত্রপাত। নৈতিক বিচার অপেক্ষা তথ্যানুসন্ধান ও মনস্তত্ত্ব-বিশ্লেষণই ইহাতে প্রধান লক্ষ্য। ইহাতে যে প্রেম বর্ণিত হইয়াছে তাহা সমাজ-নীতির দিক হইতে বিগর্হিত—কিন্তু এই প্রেমের বিচারে কোন নীতিকথার আড়ম্বর নাই, আছে কেবল ইহার ক্রমপরিণতির পুঙ্খানুপুঙ্খ বিবরণ। এই প্রেম বাধা-প্রাপ্ত হইয়াছে কোন নৈতিক অনুশাসনে নয়, নিজের অন্তর্নিহিত শোভনতা-বোধ ও আত্মোপলব্ধির দ্বারা। আবার বিহারী-বিনোদিনীর প্রেমে প্রেমের সনাতন সৌন্দর্য্য ও মহিমা সগৌরবে বিঘোষিত হইয়াছে। লেখক প্রেমের প্রতি পুরাতন মনোভাব একেবারে বর্জন না করিয়া নূতন মনোভাবের স্পষ্ট আভাস দিয়াছেন। ‘চোখের বালি’ এই নূতন-পুরাতনের সন্ধি-স্থলে দাঁড়াইয়া এক হাতে বহুমুখ ও অপয় হাতে শরৎচন্দ্রের যুগকে এক নিবিড় ঐক্য-বন্ধনে বাঁধিয়াছে।

(ক্রমশঃ)



## বনলতিকা

শ্রীসরোজকুমার রায়চৌধুরী

সেই তখন হইতে এখন পর্য্যন্ত বনলতা সত্যসত্যই একটা কথাও কহে নাই। বস্তুতঃপক্ষে আহাৰাদির পর সেই যে শয্যাগ্রহণ করিয়াছিল, মাত্র ঘণ্টাখানেক পূর্বে উঠিয়াছে। তারপরে মেয়েদের বাহিরে বাহির হওয়ার পূর্বে প্রসাধন বলিয়া একটা ব্যাপার আছে। ঘণ্টাখানেকের অধিকাংশ তো তাহাতেই কাটিয়াছে। গাড়ী অপেক্ষা করিতেছে সংবাদ পাইয়া এইমাত্র নীচে নামিয়া আসিল। সকালবেলা তাহার সঙ্গে একটাও ভালো কথা কহি নাই। কেবল আঘাতই করিয়াছি। সে কথা ভাবিয়া সমস্ত দ্বিপ্রহরের মধ্যে একবারও চোখের পাতা বুজিতে পারি নাই। আপনাকে আপনি বারম্বার তিরস্কার করিয়াছি, কাজটা ভালো হয় নাই। হাজার হউক অতিথি। স্থির করিয়াছিলাম, নামিয়া আসিলে তরল পরিহাসে সে অপরাধ ধুইয়া ফেলিব। কিন্তু তাহার মুখের দিকে চাহিয়া থামিয়া গেলাম। বিষন্ন নয়। ক্রোধ, ক্ষোভ অথবা হঃখের চিহ্নমাত্রও ছিল না। আসন্ন যুদ্ধে নিশ্চিত মৃত্যুকে আলিঙ্গন করিবার পূর্বে মানুষের মুখ যেমন কঠিন হইয়া ওঠে, এ ভেমনি।

একখানি টক্টকে লাল রঙের শাড়ী পরিয়া বনলতা উপর হইতে তর্-তর্ করিয়া নামিয়া আসিল। ললাটে সিন্দূর-বিন্দু জল্-জল্ করিতেছে। আমার ছেলে-মেয়ে কয়টি সেইখানে দাঁড়াইয়া ছিল। তাহাদের একটা কথাও বলিল না। কটাক্ষে চাহিয়া একটুখানি হাসিল না পর্য্যন্ত। কিন্তু সে না হয় না-ই করিল — আমি জানি, ছোট ছেলে-মেয়ের উপর কোনোদিনই তাহার স্নেহ নাই—কিন্তু আমার জীকে একটা বিদায়-সম্ভাষণ জানানোও তো উচিত ছিল।

বেচারী সমস্ত কাজ ফেলিয়া এই জন্তই ছুটিয়া আসিয়াছিল। বনলতা তাহার দিকে মুখ ফিরাইয়া একবার চাহিল না পর্য্যন্ত। শুধু আমাকে একটা ঠেলা দিয়া বলিল — চলো।

প্রস্তুত হইয়াই ছিলাম। নিরীহ মেঘ-শাবকের মতো নিঃশব্দে তাহার পিছনে পিছনে গিয়া মোটরে বসিলাম।

মাত্র অল্প কিছুদিন পূর্বে আমার শোফারটা একটা বুড়া লোককে চাপা দিয়া পঞ্চাশ টাকা অর্থদণ্ড দিয়া ফিরিয়াছে। সেই থেকে তাহার সঙ্গে মোটর চড়িতে ভরসা পাই না। তবু তাহাকে ছাড়াইতে পারি নাই। একবার যে রাজদ্বারে দণ্ড দিয়া আসি-  
আছে তাহাকে নুতন করিয়া দণ্ড দিতে কুণ্ঠা হয়। তা-ছাড়া মোটর-চালনায় কুশলী না হইলেও লোকটা একেবারে অপদার্থ নয়। এমন চমৎকার রান্না অতি অল্পই খাইয়াছি। কিন্তু রান্নার কাজ সে কিছুতে গ্রহণ করিবে না। মোটর চালাইবে।

গাড়ীতে উঠিয়া মনে মনে হাসিলাম। সামনে আনাড়ী শোফার, যে কোনো মুহূর্তে, কিছু না হইলে, একটা ল্যাম্প-পোষ্টের সঙ্গেই ধাক্কা দিয়া বসিবে। পাশে বনলতা, রূপের আশ্রয় জালাইয়া বসিয়া আছে। যে-কোনো মুহূর্তেই দগ্ধ হইয়া বাইতে পারি। বোগাযোগ মন্দ হয় নাই। কেবল ভাবিয়া দেখি-  
লাম, এই একটিমাত্র ভরসা আছে যে, বনলতা কথা কহিবে না। মেয়েদের সঙ্গে গাড়ীতে বাইতে হইলেই ভয় পাই। সমস্তক্ষণ বকিয়া বকিয়া কানের পোকা আর রাখে না।

কিন্তু আমার সেই একটিমাত্র ভরসাও এক



মিনিটের মধ্যে ভূমিসাৎ হইয়া গেল। গাড়ীখানা আমার বাড়ী ছাড়াইয়া প্রথম মোড়টা বেকিতেই বনলতা আমার দিকে ফিরিয়া বলিল—আচ্ছা, নাস'দের জীবন-যাত্রার সঙ্গে তোমার কোনো পরিচয় আছে?

— আমার? না, ও-কাজটা কখনো করি নি।

বনলতা হাসিয়া ফেলিল। আষাঢ়ের মেঘাচ্ছন্ন ধুমুধমে আকাশ এক মুহূর্তে কোজাগরী রাত্রির মতো ঝলমল করিয়া উঠিল। আর আমি? কিন্তু আমার কথা থাক। কোনোদিকে ভরসা করিবার মতো কিছু রাখিয়া তো বাহির হই নাই।

বলিল—সে কথা জিজ্ঞেস করি নি। বলছি, ওদের সম্বন্ধে কিছু জানো তুমি?

বলিলাম—জানি। ওরা আছে বলেই হাস-পাতালে বিনা-পয়সার ডাক্তারের অত ভিড়। অভিজ্ঞতা সঞ্চয়ের অজুহাতটা নিতান্তই গৌণ। এমন কি আমার নিজেরই মাঝে মাঝে দুঃখ হয়, এম্-এ না প'ড়ে ডাক্তারী পড়লেই ভালো করতাম।

কৌতুকে বনলতার ক্র হ'খানি ফুলধমুর মতো নাচিয়া উঠিল। কহিল—তা হোক গে। সে ভয় করি না। ডাক্তারে আর তোমাদের চেয়ে বেশী কি বিরক্ত করবে?—

বলিয়া আমার বাঁ-হাতখানি কোলের উপর টানিয়া লইল। তাহাতে মৃদু চাপ দিয়া বলিল—মনে পড়ে না সে সব কথা?

— ক্রমাগত।

বনলতা অন্তরিক্তে চাহিয়া কি যেন শ্রবণ করিয়া মুখ টিপিয়া টিপিয়া হাসিতে লাগিল। তারপরে আমার দিকে ফিরিয়া একবার হাসিল।

বলিলাম—হাসছ যে?

কোনো উত্তর না দিয়া ছোট মেয়ের মতো বনলতা আমার হাতখানিকে তাহার দুই হাতের মধ্যে নাচাইতে লাগিল। অবশেষে হাতখানি ছাড়িয়া দিয়া বলিল—জানো, নাস'গিরি আমার মোটে ভালো লাগে না।

কথাটা আমি ভুলিয়াই গিয়াছিলাম। তাড়াতাড়ি বলিলাম—তাই তো বটে! তোমার নিজেরই যে এ সম্বন্ধে যথেষ্ট অভিজ্ঞতা আছে। কিন্তু নাস'গিরি ভালো লাগে না কেন?

— বড় একঘেয়ে জীবন। যেমন বাঁধাবাধি, তেমন একঘেয়ে। বিশেষ...বিশেষ...

বনলতা হাসিয়া ফেলিল। কহিল—ওই ডাক্তার-গুলো অতিষ্ঠ ক'রে তোলে। চিঠিতে, চিঠিতে..

আমি হুটুমি করিয়া বলিলাম—তাতে আর ক্ষতিটা হ'য়েছে কি?

বনলতা তাড়াতাড়ি আমার কথায় সায় দিয়া বলিল—না, সে অবশ্য তেমন বিশেষ কিছু নয়। কিন্তু এতো বানান ভুল করে!—বলিয়া খিল-খিল করিয়া হাসিয়া একেবারে আমার কাঁধের উপর মাথা রাখিল। নিজের গাড়ীতে বসিয়া এত হাসাহাসি করিতে আমার ভালো লাগিতেছিল না। কয়দিনই আমার নজরে পড়িয়াছে শোফারটা আমাদের ঝিরের সঙ্গে ফিস্ ফিস্ করিয়া কি যেন গভীর গবেষণা করিতেছে। যদি এই হাসা-হাসির ব্যাপারটা কোনো-ক্রমে ঝিরের মারফৎ গৃহিনীর কর্ণগোচর হয়, আমার আর রক্ষা থাকিবে না।

প্রসঙ্গ-পরিবর্তনের জন্ত জিজ্ঞাসা করিলাম—দিনে তোমার ঘুম হ'য়েছিল তো?

— ভালো হয় নি। কেন বলো তো?—বলিয়া বনলতা বিস্মিত-ভাবে আমার দিকে চাহিল।

হাসিয়া বলিলাম—সেই রকমই অনুমান করে-ছিলাম। তোমার মুখ দেখে মনে হ'য়েছিল, সমস্তরূপ কি যেন একটা গভীর বিষয় ভাবছিলে। যখন নেমে এলে তখনও, গাড়ীতে বসলে তখনও, অথচ তোমার চোখ দেখে...

বনলতা তীক্ষ্ণ দৃষ্টিতে আমার মুখের দিকে চাহিয়া-ছিল। বাধা দিয়া বলিল—না, না, আমার চোখ দেখে কিছু বোঝা যায় না। হ'চার রাত্রি আগলে আমার কিছু হয় না। রাত তো প্রায়ই আগতে হয় কি না।



জিজ্ঞাসা করিলাম—কি অত ভাবছিলে ?

হাসিয়া বলিল—সে অনেক কথা, তুমি বুঝবে না।

— বলতে আপত্তি থাকে তো থাক।

ক্লান্তস্বরে বনলতা বলিল—শুনে কি হবে ?

ভালোবাসার কথা নয়।

বনলতার কথা এবং কথার সুরে অত্যন্ত ক্ষুব্ধ হইলাম। মনে হইল, তাহার ধারণা, তাহার সুবন্ধিম হাসি, সুমধুর কথা, সুললিত গতি—শুধু এই সকলেরই সঙ্গে আমাদের সম্বন্ধ। আমরা যেন তাহার কাছে শুধু ভালোবাসার কথাই শুনিতে চাই। সকল মেয়ের সঙ্গে সকল পুরুষের সম্পর্কই যেন এই। পুরুষ যেন মেয়েদের হৃৎক, হৃচ্চিস্তা, হৃর্ভাবনার সঙ্গে কোনো যোগই রাখিতে চায় না।

হৃৎকিতভাবে বলিলাম—যা বলতে চাও না বনলতা, তা শোনবার আগ্রহও দমন করলাম। কিন্তু আমার সম্বন্ধে কেন যে এমন অবিচার করছ তা বুঝলাম না।

আমার কথায় বোধ করি কিছু আন্তরিকতা ছিল, যা হয়তো বনলতা আশা করে নাই। বড় বড় চোখ মেলিয়া তীক্ষ্ণদৃষ্টিতে আমার দিকে চাহিল।

সে দৃষ্টির উত্তরে একটু কটু কণ্ঠেই কহিলাম—মিথ্যে চেয়ে আছ, বনলতা, আমি অভিনয় করতে পারি না।

বনলতা লজ্জিতভাবে চোখ নামাইয়া লইল।

তাড়াতাড়ি বলিল—না, না, তা দেখছি না। আজকে, কেন জানি না, তোমাকে বজ্র ভালো লাগছে—সেই প্রথম দিনের মতো। তাই হৃৎকের কাহিনী শোনাতে ইচ্ছে হচ্ছে না। কি আবার ভাবব ? কিছুই ভাবি নি। ভাবছিলাম, যদি নাস'গিরি ভালো না লাগে ? কি করব তখন ? এ আমি প্রায়ই মাঝে মাঝে ভাবি। আবার তখনি ভুলে যাই। এই যে এসে পড়েছি। থামো থামো।

বনলতা দরজা খুলিয়া নামিয়া পড়িল। যাওয়ার সময় বলিয়া গেল—এখনি পালিও না যেন আমাকে মাঝ দরিয়ায় নামিয়ে দিবে। আগে দেখে আসি

এখানে হালে পানি পাওয়া যাবে কি-না। ফিরতে যদি একটু দেরীও হয়, তবু থেকে। বুঝলে ?

আমি একা বসিয়া আকাশ-পাতাল ভাবিতে লাগিলাম। বনলতা যে বাড়ীর মেয়ে তাহাদের ঐশ্বর্যের কথা কলিকাতা সহরে লোকের মুখে মুখে ফেরে। জীবনে হৃৎকের মুখ দেখে নাই। কিন্তু আজ আর সেখানে ফিরিয়া যাইবার উপায় নাই। তাহার বনলতার মুখদর্শনও করিবে না। তাহার প্রথম স্বামীর গৃহেই বা কোন্ অধিকারে ফিরিবে ? সর্বশেষে, তাহার দ্বিতীয় স্বামী,—কিন্তু সেখানকার দ্বারও সে নিজের হাতে রুদ্ধ করিয়া দিয়া আসিয়াছে। বনলতাকে আমি যতদূর জানি, চরম হৃদ্দিনেও সে কিছুতে সে-পথ মাড়াইবে না।

কিন্তু করিবেই বা কি ? যতদিন হৃৎকের সঙ্গে মুখোমুখি পরিচয় হয় নাই, ততদিন হৃৎ মুষ্টি অন্নের কথা ভাবিয়া কোনো প্রকার হৃচ্চিস্তাগ্রস্ত হইবার কারণও ঘটে নাই। ঘটিয়াছে এখন। মানুষকে যে কখনও কখনও সত্য-সত্যই দিনের পর দিন উপবাস করিবার মতো অবস্থায়ও পড়িতে হয়, এখন হয়তো সে বিশ্বাসও হইয়াছে। এখন আর তাই হৃচ্চিস্তারও শেষ নাই। কিন্তু গাড়ীর মধ্যে নিশ্চিন্তে বসিয়া থাকাও আর চলিল না। দারোয়ানটি ঘন ঘন খৈনি টিপিতেছে আর আড়চোখে আমার দিকে চাহিয়া দেখিতেছে। বনলতাকে সে এই গাড়ী হইতে নামিতে দেখিয়াছে। আমি যে তাহারই অপেক্ষায় বসিয়া আছি তাহা বুঝিয়া লোকটীর মন বেশ রসস্থ হইয়া উঠিয়াছে। এই অসময়ে হাসপাতালের সামনে গাড়ী দাঁড় করাইয়া অপেক্ষা করিয়া আছি, রাস্তার পথচারীরা পর্যন্ত যেন তাহা টের পাইয়া গিয়াছে বলিয়া বোধ হইতে লাগিল। যদি দেখিলাম, প্রায় পনেরো মিনিট হইয়া গিয়াছে। অস্থির হইয়া ভাবিতে ছিলাম, গাড়ী রাখিয়া খানিকটা রাস্তায় ঘুরিয়া আসিব কি না,



এমন সময় বনলতার রাঙা শাড়ীর একটি প্রান্ত নজরে পড়িল।

হ্যাঁ, বনলতাই বটে। এমন সুন্দর চলার ভঙ্গি আর কাহারও হইতে পারে না। চাপা হাসিতে তাহার সমস্ত মুখ উদ্ভাসিত হইয়া উঠিয়াছে। গাড়ীতে উঠিয়াই হুকুম দিল—গাড়ের মাঠ।—গাড়ী চলিতেই মুখে আঁচল চাপা দিয়া কেবল হাসিতে লাগিল।

—কি হ'ল?

বনলতার মনের কথা দেবতারাও জানেন না। শুধু বলিল—কিছুই নয়।—এবং সমস্ত রাত্তা অনর্গল বকিতে লাগিল। শব্দের পর শব্দ নর্তুকীর নুপুরের মতো বাজিতে লাগিল। অথচ কথা বলিবার জন্ত এতটুকু প্রয়াস নাই। চাহিয়া চাহিয়া দেখিতে লাগিলাম, রসে টুলটুলে রাঙা-রাঙা ছ'খানি ঠোট ঈষৎ বিতস্ত হইয়া যায়, আর অজস্র বাক্য রঙীন বৃষুদের মতো অক্ষুরন্ত শ্রোতে অনায়াসে বাহির হইয়া আসে। এই ভয়ই করিতেছিলাম। একটু আগে দুঃখ ও দুশ্চিন্তার যে সকল কথা বলিতেছিল তাহার আর চিহ্ন-মাত্রই নাই।

এক সময় বলিল—তোমাকে আজ আমার বড় ভালো লাগছে। এমন ভালো কোনো দিন লাগে নি।

এতক্ষণ পরে একটা কথা কহিবার ফাঁক পাইলাম। কহিলাম—কেন, আজকে আমার অপরাধ?

দাঁতে ঠোট চাপিয়া মুহূ হাসিয়া বনলতা বলিল—অপরাধ কোঁথাও আছে নিশ্চয়। ঠিক বুঝতে পারছি না। হয়তো আমারই অপরাধ, কিম্বা এই চমৎকার অপরাধের। সে যাই হোক, তুমি ডায়েরী রাখো তো?

—রাখি।

বনলতা এক হাতে আমার গলা জড়াইয়া ধরিয়া কানের কাছে মুখ আনিয়া বলিল—তাহ'লে তাতে লিখে রাখতে পারো, আজকে ১১ই জুলাই অপরাহ্নে, অন্ততঃ কয়েক মুহূর্তের জন্তেও বনলতা তোমাকে ভালোবেসেছিল। লিখে রাখতে পারো।

বনলতার কাছে জয়ের গর্জ করিবার কখনও অবকাশ ঘটে নাই। আজও সে সুষোগ হইতে বঞ্চিত হইলাম। তাহার মুখের একটা কথায় আমার চারিপাশের পৃথিবী বিপুল জনতা ও কল-কোলাহল লইয়া কোথায় ডুবিয়া গেল! চক্ষের পলকে দেহের শিরায় শিরায় কি যেন কি ঘটয়া গেল, আমি বাম হাতে তাহাকে বেঁচন করিয়া ডান হাতে তাহার মুখখানি আমার দিকে তুলিয়া ধরিলাম। বনলতা এতটুকু বাধা দিল না। চোখ বন্ধ করিয়া শুধু একবার বলিল—না, না।

হঠাৎ গাড়ীখানা একটা মোড়ের মাথায় ঘূর্ণ করিয়া থামিল। জন-কোলাহলময়ী কদর্যা পৃথিবী আবার চোখের সম্মুখে ভাসিয়া উঠিল। আমি বনলতাকে ত্রস্তে ছাড়িয়া দিয়া সরিয়া বসিলাম। ললাটে তখন বিন্দু বিন্দু ঘাম দেখা দিয়াছে। রুমাল দিয়া মুছিয়া ফেলিলাম।

কথা কহিবার শক্তি ছিল না। দারুণ পরি-শ্রমের পর প্রত্যেকটি শব্দ অবসন্ন হইয়া পড়িয়াছিল। নিঃশব্দে বসিয়া রহিলাম। এক সময় চাহিয়া দেখি, ও-প্রান্তে বনলতার সুকুমার তনুলতা এলাইয়া পড়িয়াছে। হৃদের কোণে মাথা রাখিয়া সে ঘুমাইয়া গেল, কি জাগিয়া আছে, বোঝা গেল না। কিন্তু আমার মনের মধ্যে যে কি ঝড় বহিতেছিল, সে আমিই জানি। তাহার অপরিমিত শ্রান্তি দেখিয়াও ক্ষমা করিতে পারিলাম না।

কঠোর কণ্ঠে কহিলাম—আমরা এত দুর্বল ব'লেই কি তুমি আমাদের নিয়ে যখন-তখন এমনিধারা খেলা কর?

—খেলা!

বনলতা যেমন ছিল তেমন পড়িয়া রহিল। শুধু মুখ ফিরাইয়া চোখ মেলিয়া চাহিল। যেন এই-মাত্র ঘুম হইতে উঠিল। আমার কথা শুনিতেই পার নাই। দেখিলাম, তাহার দুই চোখের কোণ বহিয়া দুই কোঁটা অশ্রু গালের উপর আসিয়া জমিয়াছে।



মুখে একটা আশ্চর্য্য মালিন্দ আসিয়াছে। আমার চোখে, আমার মস্তিষ্কে তখনও ষেটুকু স্বপ্ন ছিল, সে মুখের দিকে চাহিয়া নিঃশেষে উবিয়া গেল। বনলতা ঠিকই বলিয়াছিল, আমরা তাহার চোখের জল চাহি না, চাই হোঁটের হাসি। জীবনে এই প্রথম তাহাকে নিজের চেয়ে ছোট মনে হইল। তাহার জন্ম দুঃখে ও করুণায় মন ভরিয়া উঠিল।

বনলতা আবার জিজ্ঞাসা করিল — কি বলছিলে? খেলা? খেলা কি?

শাস্ত গম্ভীর কর্তে বলিলাম — খেলাই তো কর। কিন্তু যাক্ গে সে সব কথা।

গাড়ীখানা তখন ইডেন-গার্ডেনের ফটকের কাছে আসিয়া পৌঁছিয়াছে। শোফারকে খামিতে বলিয়া হুজনে নামিয়া পড়িলাম।

তখনও অফিসগুলির ছুটি হয় নাই। বাগানে ভিড়, বলিতে গেলে, মোটেই জমে নাই। কয়েকটি হিন্দুস্থানী বালক এক টুকরা খোলা মাঠের মধ্যে খেলা করিতেছিল। দুইটি কি তিনটি চানাচুরওয়াল কেবল আগুন জালিয়া ডালা সাজাইয়া বসিয়াছে। আর গাছের ছায়ায় বেঞ্চে একজন মাড়োয়ারী ভদ্রলোক হাঁটুর উপর কাপড় তুলিয়া একা বিমর্ষভাবে বসিয়া আছে।

আমরা একটি ছোট কুঞ্জের মধ্যে একখানি বেঞ্চে পাশাপাশি বসিলাম। নিঃশব্দে।

জিজ্ঞাসা করিলাম — কাদছিলে কেন?

ভীত চোখ মেলিয়া বনলতা বলিল — গাড়ীখানা হঠাৎ কেমন বিজী খামলো দেখলে না? বুকের ভেতরটা ছাঁৎ ক'রে উঠলো। কেমন ভয় পেয়ে গেলাম।

— তুমি ভয় পাও তাহ'লে?

বনলতা হাসিল। বলিল — পেলাম তো।

— এই প্রথম বোধ হয়?

— কি জানি। না, আর একদিন পেয়েছিলাম। আমার প্রথম স্বামী পিঠের ওপর চাবুকের পর চাবুক মেরেও ভয় খাওয়াতে পারে নি। কোনো দিন কেউ পারে নি। কেবল সেই একদিন পেয়েছিলাম। অনেকটা এই রকম। জীবনের দ্বিতীয় ফুল-শস্যার রাত্রে। (বনলতা হাসিল) আমি একটা সোফায় ব'সে ছিলাম, তোমার বন্ধু একগাছা মালা নিয়ে আমার একান্ত সন্নিকটে এসে দাঁড়িয়েছেন। হাত তুলে মালাগাছি আমার গলায় পরিয়ে দিতে যাবেন, ঠিক এমন সময় বাইরে দিয়ে কে যাচ্ছিল তার হাত থেকে একরাশ চায়ের পেয়ালা-প্লেট কন্-কন্ ক'রে পড়ে গেল। আমি চমকে উঠেছিলাম। এমন অশুভ বিজী আওয়াজ জীবনে কখনও শুনি নি।

বনলতা এইখানে বসিয়াই শিহরিয়া উঠিল।

জিজ্ঞাসা করিলাম — শুধু তুমি ভয় পেয়েছিলে? আর মোহন? সে ভয় পায় নি?

বনলতা ভ্রূ কুঞ্চিত করিল। বলিল — দেখ, তোমার এই বন্ধুটি আশ্চর্য্য মানুষ! ওর কথা জিজ্ঞেস ক'রো না। তোমাদের সকলকে আমি চিনি, জানি, বুঝি। কিন্তু স্পষ্ট স্বীকার করছি, শুঁকে আমি একবিন্দুও বুঝতে পারি নি। মাঝে মাঝে সন্দেহ হয়, উনি যেন' রক্ত-মাংসের মানুষই নন। সুখ-দুঃখ ব'লে যেন কিছুই নেই। সামান্য হাসি, সামান্য কথা, আস্তে চলা — সকাল থেকে সকাল পর্য্যন্ত সেই একই অব্যয়, অক্ষয় রূপ দেখে দেখে আমি পাগল হ'য়ে উঠেছিলাম। পালিয়ে তবে বাঁচি!

আমি বলিলাম — তবে অত তাড়াতাড়ি ওকে বিয়ে করতেই বা গেলে কেন? ভালোই যখন লাগে নি...

বনলতা সোজা হইয়া উঠিয়া বসিয়া বলিল — লাগে নি? আশ্চর্য্য লেগেছিল! শুধু শুঁকে বোঝবার জন্যে আমি বন্ধু-বান্ধব, পরিচিত প্রিয়জন, সমস্ত পৃথিবীর সঙ্গে সম্পর্ক ছেড়েছিলাম। কারও সঙ্গে দেখা পর্য্যন্ত করি নি। সে তো তুমি আনোই।



— জানি। তবে কেন ছেড়ে এলে ?

বনলতা বিষণ্ণভাবে বলিল — ওই তো বললাম, নইলে পাগল হ'য়ে যেতাম। আমি রক্ত-মাংসের মানুষ, শরৎ—পাথরের দেবতা নিয়ে কি করব বলো ?

বলিবার কিছুই ছিল না। বনলতা খরস্রোতা। কুটিল আবর্তে এবং উত্তাল তরঙ্গ-ভঙ্গে ছই কুল ভাঙ্গিয়া বহিয়া চলিতে চায়। সে কি পারে এক মুহূর্তে সমস্ত বেগ সংহত করিয়া ধ্যানমৌন নিস্তরূপ পাহাড়ের পাদমূলে দিনের পর দিন যুগ্ম স্তব-গুঞ্জন গাহিয়া চলিতে ? তাহারই বা দোষ কি ? ভগবান তাকে এমনি করিয়াই তো সৃষ্টি করিয়াছেন।

সত্যই তো। এ মেয়ে পাথরের দেবতা লইয়া করিবে কি ? মোহনকে তো আমি ছেলেবেলা হইতেই জানি। সে কখনও হাসে নাই, খেলে নাই, ছুটাছুটি, মারামারি করে নাই, জীবনে কাহাকেও একটা কটু কথা কহে নাই, পরিহাস করিয়াও একটা মিথ্যা কথা বলে নাই। কেবল রাত্রির পর রাত্রি আগিয়া রাত্তির বই পড়িয়া জ্ঞান-সঞ্চয় করিয়াছে, আর পরীক্ষায় ফার্স্ট হইয়াছে। সে পড়ার এখনও শেষ হইল না। আমি তো ভাবিয়াই অবাক হইয়া যাই, বনলতার খরস্রোতে সে আসিয়া পড়িলই বা কখন ? এই স্রোতে আমি এবং আমারই মতো আরও কত হতভাগ্য যখন কুটার মতো ভাসিতেছিলাম, সে তখন কাছেই কোথাও ছিল নিশ্চয়। নজর করিয়া দেখি নাই। দেখিবার মতো দৃষ্টিও তখন ছিল না। অকস্মাৎ সংবাদ পাইলাম, বনলতার সঙ্গে তাহার বিবাহ। সংবাদ নয়, একখানি নিমন্ত্রণ-পত্র। তৎপূর্বে কোনো দিন তাহার মুখে বনলতার কথা, অথবা বনলতার মুখে তাহার কথা শুনিয়াছি বলিয়া স্মরণ করিতে পারি না।

ছইজনেই আমার কাছে সমান রহস্যময়। যেমন মোহন, তেমনি বনলতা। এতদিনে কাহাকেও বুঝিতে পারিলাম না। একজন কথাই কহে না। আর একজন এত কথা কহে যে, কোন্টা তাহার

মুখের কথা, কোন্টা মনের কথা বুঝিবার উপায় নাই। বেশ মনে পড়ে, তাহাদের বিবাহের কথা শুনিয়া বিস্মিত হইয়াছিলাম, বার-বার নিজের অদৃষ্টকে খিকার দিয়াছিলাম এবং মোহনকে অজস্র গান দিয়াছিলাম এই বলিয়া যে, চিরদিন আমাদের সকলকে ডিঙাইয়া যে 'প্রাইজ' লইয়া গিয়াছে সে এখনও সদ্য ছাড়িল না !

বনলতা বলিতে লাগিল — দু'টি বৎসর কি ক'রে যে কেটেছে সে আমিই জানি। এক মুহূর্ত নিজেকে বিশ্রাম দিই নি। ভগবানকে জানবার জন্তে মানুষ যে রকম কৃচ্ছসাধন করে, তাই করেছি। তুমি বুঝে দেখ না, আমার মতো মেয়ে — বহু লোকের সঙ্গ, বহু কণ্ঠের কলরব, প্রত্যেক মুহূর্তে যা-হোক-একটা কিছু করার উত্তেজনা ছাড়া যার এক মিনিটও কাটে না—সে নিজেকে দু'টি বৎসর অন্তঃপুরের মধ্যে বন্দী ক'রে রেখেছিল। প্রত্যেকটি মুহূর্তে তাকে আরাম এবং আনন্দ দেবার জন্তে কী করি নি ? দারুণ গ্রীষ্মেও প্রত্যহ নিজের হাতে তার জন্তে বিশেষ একটা কিছু রান্না রেখেছি—কোনো দিন মুখে দিয়েছে কোনো দিন দেয় নি। তার পড়ার যরখানি দিন রাত্রি ঠাকুর-ঘরের মতো সাজিয়ে রেখেছি—একদিন চেয়ে দেখেছে ? সন্ধ্যা হ'লে নিজেকে কত রকমে সাজিয়ে তার কাছে গিয়ে দাঁড়িয়েছি, বই খেবে মুখও তোলে নি। একটিবারের অরে একটুখানি সিঁ দৃষ্টির প্রসাদ পাবার জন্তে কী ক'রেছি, আর কী ন ক'রেছি, শরৎ, ভাবতেও লজ্জায় মরে যাই।

বনলতা চুপ করিল।

আমি একটু থামিয়া বলিলাম — তোমাদের মধ্যে ঝগড়া হ'ত না ?

— ঝগড়া ? ওর সঙ্গে ঝগড়া করা যায় ভেবেছ ওর সঙ্গে ঝগড়া করা যায় না, ভাব করা যায় না, কি করা যায় না। কেবল নিষ্কাম সেবার হাত পাকাতে চলে।

বনলতা উত্তেজিত হইয়া উঠিতেছিল। কণ্ঠ



একটু সংযত করিয়া বলিল—ঝগড়া! ঝগড়া করলে তো বেঁচে যেতাম। ও যে কিছুই করে না, কেবল ঘন্টার পর ঘন্টা নিঃশব্দে ব'সে ব'সে বই পড়ে। আমি তাই পালিয়ে বেঁচেছি। অত্ন মেয়ে হ'লে আত্মহত্যা ক'রত।

একটি দুইটি করিয়া বাগানে ক্রমেই ভিড় জমিতেছিল। কোতুহলী পথচারীর দৃষ্টি আমাদের বিদ্ধ করিতে লাগিল। আসিবার সময় যে মাড়োয়ারী ভদ্রলোককে একাকী বিষণ্ণচিত্তে বসিয়া থাকিতে দেখিয়াছিলাম, সে দেখি ইহারই মধ্যে কখন উৎসাহিত হইয়া আমাদের পিছনে এমন একটি জায়গায় বসিয়াছে যেখান হইতে আমাদের দুইজনকে স্পষ্ট দেখা যায়। কথা কহিতে কহিতে বনলতা কখন অশ্রুমনস্ক হইয়া পড়িয়াছিল। আমাদের পায়ের কাছে হ্রদের জলে কয়েকটি পদ্মফুল ফুটিয়াছিল। কোটি কোটি পরাগকণা ঢেউ-এর তালে তালে তুলিতেছিল। বনলতা সেই দিকে চাহিয়া আপনার মনে কি যেন ভাবিতেছিল।

বলিলাম—ফুলের ওপর লোভ তোমার এখনও যায় নি দেখছি।

বনলতা ষাড় ফিরাইয়া একটুখানি হাসিয়া সেই দিকে দৃষ্টি নিবদ্ধ করিল। বলিল—ফেরার পথে নিউ-মার্কেট থেকে কতকগুলো ফুল কেনা যাবে, কেমন?

বনলতা ষাড় নাড়িয়া জানাইল—বেশ।

বুঝিতেছিলাম অতীত দিনের স্মৃতির ভারে তাহার মন ভারী হইয়া উঠিতেছে। প্রসঙ্গ পরিবর্তন করা প্রয়োজন। তবু আর কোনো কথা খুঁজিয়া না পাইয়া চুপ করিয়া গেলাম।

অনেকক্ষণ হইতে একটা প্রশ্ন আমার মনের মধ্যে ঘুরিতেছিল। কিন্তু এখনই তাহা জিজ্ঞাসা করা সমীচীন হইবে কি না, ঠিক করিতে পারিতেছিলাম না। অবশেষে সেই প্রশ্নই করিয়া বলিলাম।

ধীরে ধীরে জিজ্ঞাসা করিলাম—অপরিমিত ঐশ্বর্যের মাঝে তুমি যেমন ক'রে বড় হ'য়েছ সে

আমি জানি। আর আজ এমনই অবস্থায় এসে পৌঁছেচ যে, একটি দিন না খাটলে সে দিনের অন্নসংস্থান হবে না। আমার এই কোতুহল মেটাতে বনলতা, সমস্ত ঐশ্বর্য হেলায় পরিত্যাগ ক'রে এই দুঃখ বরণ ক'রেছ কিসের লোভে? কী সে বস্তু?

আমার প্রশ্নে সে চমকিয়া উঠিল। বলিল—আশ্চর্য! ঠিক এই কথাই আমি ভাবছিলাম। কিসের লোভে বলো তো?

আমি হাসিয়া বলিলাম—সে কি আমার জানবার কথা?

সে আবার হ্রদের দিকে দৃষ্টি নিবদ্ধ করিল। একটু থামিয়া অশ্রুটকণ্ঠে বলিতে লাগিল—আমিও জানি না। কিসের আবার লোভে! এই আমার প্রকৃতি। খুব সম্ভব, এই উচ্ছৃঙ্খলতা বাবার কাছ থেকে পেয়েছি। এ আমার রক্তের মধ্যে বইছে।

বনলতা দম লইবার জন্য একটু থামিল। আবার বলিতে লাগিল—কিছুই লোভে নয়। এমনি ছেড়ে দেওয়া। অকারণে ছেড়ে চলে আসা। জেঁকের মতো আগেরটাকে ধ'রে পরেরটাকে ছেড়ে দেওয়া নয়। হাতেরটাকে ছেড়ে দিয়ে স্রেফ হাওয়ার ওপর ভাসা। ভালো লাগে না। বাস। ছেড়ে দাও। এমনি একটার পর একটা ছেড়ে দেওয়া। কোনো কারণ নেই। কেবল ভালো লাগে না।

গভীর উদ্বেজনার তাহার সমস্ত দেহ অত্যন্ত দ্রুতবেগে স্পন্দিত হইতেছিল। কিন্তু এ অবস্থায় সাস্থ্যনা দেওয়া বৃথা জানিয়া চুপ করিয়া গেলাম। এই কুঞ্জের মধ্যে যে এতক্ষণ কাটিয়াছে বুঝিতে পারি নাই। চাহিয়া দেখি অপরাহ্নের সূর্য্য গোপুলির প্রান্তে আসিয়া ঠেকিয়াছে। সন্ধ্যা হয়-হয়।

হঠাৎ কোথা হইতে এক ঝলক হাওয়া আসিয়া আমাদের লতা-মগুপকে নাড়া দিয়া গেল। কতকগুলো শুকনা পাতা সর্কাদের উপর ঝুর ঝুর করিয়া ঝরিয়া পড়িল। আমি অতি সন্তর্পণে বনলতার দেহ



হঠাৎ করা পাতাগুলি ফেলিয়া দিতেছিলাম। কয়েকটি পাতা মাথার চুলে এমন ভাবে আটকাইয়া গিয়াছে যে, সহজে তোলা যায় না। সে কয়টি ফেলিয়া দিবার জন্য তাহার মাথাটি একটুখানি নিজের দিকে আকর্ষণ করিতেই পিছনে কে চোঁচাইয়া উঠিল, হায় হায়!

চমকিয়া চাহিয়া দেখি, সেই মাড়োয়ারীটা। মাড়োয়ারী ছাড়া এমন আর কে করিতে পারে! লোকটা এখনও ঠায় তেমনি করিয়া বসিয়া আছে, এবং সম্প্রতি উপরের নীচের দুইপাটি দাঁত বাহির করিয়া হাস্য করিতেছে। রাগে আমার সর্কান্ন জলিয়া গেল। বর্করটাকে শাস্তি দিবার জন্য উঠিতে যাইব, বনলতা হাত চাপিয়া ধরিল। দেখি এই রসিকতায় সে বেশ উৎকুল হইয়া উঠিয়াছে। মাড়োয়ারীর দিকে মুখ ফিরাইয়া তরলকণ্ঠে বলিল, —কেয়া বাবুজি, মিজাজ ঠিক হো গিয়া?

আনন্দে লোকটা উত্তর দিতে পারিল না। শুধু দুই হাত অঞ্জলিবদ্ধ করিয়া ষাড় হেলাইয়া সেলাম জানাইল। ভাবটা, আপহিঁকো মেহেরবাণী!

আমার ভালো লাগিতেছিল না। বিরক্তকণ্ঠে কহিলাম—চলো, চলো, এইবার ওঠা ষাক্।

—হ্যাঁ, চলো।—বলিয়া বনলতা আমার পিছন পিছন বাহির হইয়া আসিল। মাড়োয়ারীটার পাশ দিয়া আসিবার সময় একটা চঞ্চল কটাক্ষ হানিয়া বলিল—রাম-রাম বাবুজি। আব্ ঘর চলা বাইয়ে।

উত্তরে লোকটা কি বলিয়াছিল শুনিতে পাই নাই। হয়তো কথা বলিবার মতো অবস্থা তাহার ছিল না। কিন্তু এ কথা নিশ্চয়, বনলতার সম্বন্ধে তাহার ভালো ধারণা হয় নাই। এমন কি তাহার ঠিকানাটা না লওয়ার জন্য বাড়ী গিয়া অহুতাপও করিতে পারে। চাহিয়া দেখিলাম, বনলতার মুখে কয়েক মিনিট পূর্বেকার ছন্দিতার চিহ্নমাত্র নাই। যেন মেঘভার কোথায় অন্তর্হিত হইয়াছে।

বিস্মিত এবং বিরক্তকণ্ঠে বলিলাম—ছিঃ বনলতা, তুমি কী!

বনলতা বিন্দুমাত্র অপ্রস্তুত হইল না। লঘুকণ্ঠে হাস্য করিয়া উঠিল। বলিল—তুমি যা ভেবেছিলে তা নই। দেখলে তো!

ভৎসনা করিবার মতো উপযুক্ত বাক্য খুঁজিয়া না পাইয়া শুধু বলিলাম—আশ্চর্য্য!

বনলতা যেন একটু শাস্ত হইল। বলিল—তা না হয় হ'লাম। কিন্তু তুমি কী বল তো! এত jealous!

—Jealous! ওই লোকটা...

—হ্যাঁ, ওই লোকটা। কি ক'রেছে ওই লোকটা?

—কি ক'রেছে? একজন ভদ্রমহিলার সামনে...

—ভদ্র মহিলার!

বনলতা খোলা প্রাণে উজ্জ্বলিত হইয়া হাসিয়া উঠিল। এত জোরে যে, একটা কলেজের ছেলে দ্রুত ভ্রমণের মধ্যে থমকিয়া দাঁড়াইয়া ষাড় বাঁকাইয়া চাহিয়া দেখিল। বাঁ-দিকের খোলা জায়গায় দুইজন বৃদ্ধ ভদ্রলোক পায়চারী করিতেছিলেন। তাঁহারা পরস্পরের দিকে চাহিয়া অত্যন্ত দার্শনিকভাবে হাসিয়া যেমন পায়চারী করিতেছিলেন তেমনি করিতে লাগিলেন। আমি তাহার একখানি হাত চাপিয়া ধরিয়া টানিয়া গাড়ীতে আনিয়া বসাইলাম।

—ভদ্র মহিলার সামনে!—বনলতা বলিতে লাগিল—‘ভদ্র মহিলা’র মানে কি মশাই? Lady-র বাংলা তর্জমা তো? আমরা ভদ্রলোকের স্ত্রী ব কন্যাকে বিলিতি কেতায় বলি ‘ভদ্রমহিলা’। আর এদেশে প্রত্যেক মেয়েকেই ‘ভদ্রে’ ব'লে সম্বোধন করার প্রথা ছিল। পুরুষের কাছে যে-কোনো মেয়েই ভদ্রমহিলা। সেও বাজে কথা। আসলে নারী নারী, পুরুষ পুরুষ। এবং তাদের মধ্যে একটিমাত্র সম্বন্ধ, যে সম্বন্ধ চিরকালের এবং যা হওয়া উচিত। তা না, যত বাজে কথা! ভদ্রমহিলা!

বনলতা আমার কথাকে পরিহাসভরে নিতান্ত তাজিলোর সঙ্গে উড়াইয়া দিয়া খিল খিল করিয়া হাসিয়া উঠিল। আমি বিস্ময়ে ও বিতুষ্ট্যের হতবাক



হুইয়া গেলাম। বনলতাকে চিনিতে আমার বাকী নাই। কিন্তু তাহার আজিকার পরিচয় অতীতের সকল পরিচয়কে অতিক্রম করিয়া গেল। আমি স্তব্ধ হুইয়া বসিয়া রহিলাম।

বনলতা আপন মনেই বলিতে লাগিল—কবিতা ক'রে, আর বিগুহ বাংলায় ইনিষে-বিনিষে পরিষ্কার ক'রে মনের কথা বলতে গিয়ে আজ বিকেলটাই মাটি ক'রে ফেঁলেছিলাম! ভাগ্যিস্ আমার বাবুজি ছিল! বেশ লোক! খাসা লোক! একেবারে আদিম বর্ষের উল্লাসে চোঁচিয়ে উঠল...পরিষ্কার মাটির গন্ধ...কি ব'লে চোঁচিয়ে উঠল? ...হায় হায়! ...না-কি? বলো না? বলিয়া আবার কৌতুকভরে হাসিয়া উঠিল।

সন্ধ্যা হুইয়া গিয়াছে। কাছে, দূরে, আরো দূরে নীলাভ কৃষ্ণ মাঠের উপর শ্রেণীবদ্ধভাবে আলোকমালা জলিতেছে। প্রচুর আলো বহন করিয়া মাঝে মাঝে ট্রাম ছুটিতেছে। গঙ্গার জল কোথাও নিকষ কালো, কোথাও আলোর ঝলমল করিতেছে।

আমার হাতে একটা ঠেলা দিয়া বনলতা বলিল—এ আবার কোথায় চলেছ?

শোকারকে কোনো গন্তব্যের নির্দেশ দিই নাই। বলিলাম—জানি না।

—বাঃ! বেশ তো! নিউমার্কেটে যাবে না? ফুল কিনবে ব'লেছিলে যে! ভুলে গেছ?

শোকারকে নিউমার্কেটের দিকে যাইতে বলিলাম। বনলতা আমার দিকে স্নমুখ ফিরিয়া বসিল। আমার পাঞ্জাবীর বোতাম নাড়া-চাড়া করিতে করিতে বলিল—কি ফুল কিনে দেবে জানো? পদ্ম। একটিমাত্র পদ্মফুল। মৃণালভক্ত পদ্ম বুকের ওপর রেখে যুঁতে এত ভালো লাগে! সমস্ত মন, সমস্ত চিন্তা, আমার স্বপ্ন পর্যন্ত যেন স্তরভিত্ত হ'য়ে ওঠে! হাসছে যে!

বলিলাম—না না, হাসি নি। তোমার কবিতা শুনিছিলাম। আর ভাবছিলাম, একমিনিট আগে কবিতা করার কত নিম্না তুমি নিজেই করছিলে।

বনলতা অপ্রস্তুত হুইয়া হাসিয়া ফেলিল। বলিল—তাই না-কি? কি করব? অভ্যাস হ'য়ে গেছে। সভ্যতা আর ভদ্রতার কাছ থেকে এই তো পেয়েছি। স্মরণ পেলো আর ছাড়তে পারি না।

হঠাৎ এক সময় আবার বলিল—আচ্ছা, তোমার শ্রীকুমারকে মনে পড়ে? কবি শ্রীকুমার?

—পড়ে। সে কোথায় আছে বলো তো?

মাথা নাড়িয়া সে বলিল—জানি না। হঠাৎ তার কথা মনে প'ড়ে গেল। একদিন আমি তার কবিতার স্মৃতি করছিলাম। শ্রীকুমার হেসে বললে, এ আর কি কবিতা বনলতা দেবী, নিজেকে তো আর সর্বদা দেখতে পাচ্ছেন না, তা হ'লে বুঝতে পারতেন ভগবানের লেখা আসল কবিতা কাকে বলে। এবশ ব'লেছিল, না?

আমি হাসিয়া বলিলাম—চমৎকার ব'লেছিল।

—আচ্ছা, ও কি সত্যি কথাই ব'লেছিল, না কাঁকা কবিতা?

—সত্যি কথা। তামা-তুলসী নিয়ে শপথ করতে পারি।

—যাও! যত সব...বলিয়া ষাড় বাঁকাইয়া একবার নিজেই নিজেকে যতদূর সম্ভব দেখিয়া লইল।

বলিলাম—কেমন? বিশ্বাস হ'ল তো?

বনলতা অপ্রস্তুত হুইয়া হাসিয়া আমাকে ঠেলিয়া দিল। একটু পরে ম্লানকণ্ঠে কহিল—কিন্তু সে কেমন ক'রে হবে? আমি তো তেমন ভালো নই!

নিশ্চয়ই নয়। কিন্তু তাহার স্নমুখে দাঁড়াইয়া তাহার দিকে চাহিয়া কিছুতেই বিশ্বাস করিতে পারি না সে ভালো নয়, সে পবিত্র নয়। বলিলাম—কেন? মন্দই বা কি?

বনলতা নিজেই বোধ হয় নিজের কথার প্রতিবাদ খুঁজিতেছিল। আমার মুখের কথাটা সঙ্গে সঙ্গে লুকিয়া লইয়া বাঁ হাত দিয়া সমস্ত তর্ক হেলার উড়াইয়া দিবার ভঙ্গিতে বলিল—হ্যাঁ, হ্যাঁ! কিসের মন্দ! তুমিও যেমন! ভালো আর মন্দ! মানুষ কখনও মন্দ হয়?

মার্কেটে তাহাকে একটা ফুল কিনিয়া দিলাম।



মস্ত বড় পদ্মকুল। গাড়ীতে উঠিয়া সেটিকে লইয়া সে যে কি করিবে বুঝিয়া উঠিতে পারিল না। একবার মাথায় রাখে, একবার বুকে চাপিয়া ধরে, একবার গালে ছোঁয়ায়, একবার অধরে স্পর্শ করে। মৃণালটি বার বার বহু ভঙ্গিতে গলায় জড়ায়। ফুল পাইয়া বনলতা ছোট মেয়ের মতো আনন্দে অধীর হইয়া উঠিল।

বলিল—চমৎকার ফুলটি, না?

আবার বলিল—কতকাল যে পদ্মকুল দেখি নি তার ঠিক নেই। তিন বছরের বেশী।

—কেন?

—লক্ষ্মীতে পদ্মকুল হয় কি না জানি না। চোখে তো পড়ে নি। আর, তার আগে তোমার বন্ধুর কারাগারে। আমিও সেখান চাই নি, উনিও কোনো দিন দেওয়ার কথা ভাবেন নি। ব্যস, ফুরিয়ে গেল।

সে ফুলটি দিয়া আমার গালে আঘাত করিল। হাসিয়া বলিল—কেমন? খুব মিষ্টি, না?

—খুব মিষ্টি।

ক্র কুঞ্চিত করিয়া বনলতা বলিল—সুন্দর ফুলের আঘাতও মিষ্টি, বুঝলে?

হাসিয়া বলিলাম—তাই তো দেখছি।

পরম স্নেহভরে ফুলটিকে সে আবার বুকে চাপিয়া ধরিল—চমৎকার ফুল, না? Splendid! অনেক দিনের পরে দেখা, আমি একেবারে এর প্রেমে পড়ে গেছি, heels over head।

বনলতা ফুলটিকে একটি সুদীর্ঘ চুম্বন দিল। উজ্জ্বলিত হইয়া বলিল—Glorious! আজ নিশ্চয় তোমাকে স্বপ্ন দেখব। খুব চমৎকার একটি স্বপ্ন। কাল এসো, বলব কি স্বপ্ন দেখলাম। আসবে তো?

আমারও কেমন নেশা জমিয়া আসিতেছিল। বলিলাম—দেখব।

—না, দেখব নয়। নিশ্চয় আসবে। নিশ্চয়। আমি তোমার পথ চেয়ে বসে থাকব, সেই চাতকিনী না-কি বলে তারই মতন। তুমি নিশ্চয় আসবে। তোমার

গাড়ীখানা নিয়ে। কালকে পাঁচটার সময়, বুঝলে?

সে একটি করিয়া কথা বলে, আর ফুলটি দিয়া এক একবার করিয়া আঘাত করে। আমার শিরায় শিরায় বিদ্যুৎ প্রবাহ বহিয়া যায়। গাড়ীখানা তাহাদের হাসপাতালের কাছাকাছি আসিয়া পৌঁছিয়াছিল। বনলতা হঠাৎ আমার একখানা হাত চাপিয়া ধরিয়া বলিল—শোনো। তোমার কাছে টাকা আছে?

—কত?

—যা পারো। বিশ, ত্রিশ, চল্লিশ...আমার হাত একেবারে খালি হ'য়ে গিয়েছে।

নোট-কেসটা হইতে কয়েকখানা নোট বাহির করিয়া গণিয়া দিতেছিলাম। বলিল—ধাক, আর গুণতে হবে না। ওতেই হবে।

বনলতা ছোঁ দিয়া নোটগুলি তুলিয়া লইল। সেই মুহূর্তে গাড়ীখানা হাসপাতালের ফটকের মুখে আসিয়া দাঁড়াইল। সে নামিয়া পড়িল। স্বরিত পদে চলিয়া গেল। যাওয়ার সময় আর একবার বলিয়া গেল—কাল এসো কিন্তু।

মোটর বাড়ীর দিকে ফিরাইতে বলিয়া এক কোণে ঠেস দিয়া বসিলাম। আজ সমস্ত দিন একটা স্বপ্নের মতো কাটিয়া গেল। দুই পাশের চলমান বিপুল জনতা এবং কলিকাতার কদর্যতা দেখিয়া ভাবিতেই পারিতেছিলাম না যে, মাত্র কয়েক মিনিট পূর্বে পর্যন্ত বনলতা আমার পাশে বসিয়াছিল। তাহাকে যতই দেখিতেছি ততই বিশ্বয় বাড়িতেছে। আপনার রূপ-সম্বন্ধে সর্বসময় এমন সচেতন মেয়ে আমি দেখি নাই। এ কেবলই নিজের কথা ভাবে—নিজের অপরূপ রূপের কথা। মানুষের সঙ্গে ব্যবহারে কোথাও কুঠা নাই। জানে, তাহার পারে মাথা না নোয়াইয়া কাহারও উপর নাই। রূপ-সম্বন্ধে এই বিশ্বাস যে-দিন ভাঙিবে সেই দিনই ও মরিবে—তার আগে নয়। তার আগে ও এমনি করিয়াই ফিরিবে। শ্রোতের শৈবালের মতো—কোনো ঘাটেই ভিড়িবে না। তৈমুরলঙ্গের মতো। কেবল জয়ের পর জয়ই



করিবে। কোথাও সে বিজয়-গৌরব উপভোগ করিবার  
কৃত্য ছই দণ্ডের বেশী অপেক্ষা করিবে না। বলে,  
ভালো লাগে না। কিছুই ভালো লাগে না।  
কিন্তু বনলতার সম্বন্ধেও বেশীক্ষণ ভাবিতে পারিলাম

না। সমস্ত দিন আমার মায়ুর উপর ভীষণ টান  
গিয়াছে। সে ঘন্টে আমি ভিতরে ভিতরে পরিশ্রান্ত  
হইয়া পড়িতেছিলাম। মোটরের এককোণে মাথা  
রাখিয়া নির্জীবের মতো পড়িয়া রহিলাম।

## ভারতীয় নাট্যশাস্ত্রের গোড়ার কথা

শ্রীঅশোকনাথ ভট্টাচার্য্য, শাস্ত্রী, বেদান্ততীর্থ, এম্-এ, পি-আর-এস

গত বৈশাখ সংখ্যার ‘উদয়নে’র প্রবন্ধে ভারতের  
নাট্যশাস্ত্রোক্ত জর্জর-পূজা-পদ্ধতি সংক্ষেপে বর্ণিত  
হইয়াছে। বর্তমান প্রবন্ধে দেবভাষার আদি দৃশ্যকাব্য  
সংক্ষেপে কিছু বলা যাইতেছে।

ব্রহ্মার আদেশে দেবলোকে হর্ভেজ নব নাট্যগৃহ  
দেবশিল্পী বিশ্বকর্মা নির্মাণ করিলেন। পিতামহের  
সামপ্রয়োগে দেব ও দৈত্যগণের বিবাদ আপোষে  
মিটিয়া গেল। তাহার পর ব্রহ্মার উপদেশ অনুসারে  
বিষশাস্তির উদ্দেশ্যে নবনির্মিত নাট্যমণ্ডপে যথাবিধি  
রত্নদেবতাগণের ও জর্জরের পূজা সম্পাদিত হইল।  
অনন্তর মহর্ষি ভারত পিতামহকে জিজ্ঞাসা করিলেন—  
“দেব! আদেশ করুন, কোন্ দৃশ্যকাব্যের প্রয়োগ  
করিব?” ব্রহ্মা ‘অমৃতমহন’ নামক ‘সমবকারে’র  
অভিনয় করিতে আজ্ঞা প্রদান করিলেন। এ-অভিনয়  
এতই স্বাভাবিক ও মনোরম হইয়াছিল যে, দেবাসুরগণ  
ঠাহাদিগের পূর্ববৈর বিস্মৃত হইয়া একত্রে প্রাণ খুলিয়া  
আনন্দ উপভোগ করিয়াছিলেন। এই অমৃতমহন  
সমবকারকেই দেবভাষার আদি দৃশ্যকাব্য বলা চলে।  
ইহার রচয়িতা পিতামহ ব্রহ্মা স্বয়ং বলিয়া নাট্যশাস্ত্রে  
উক্ত হইয়াছে।

ইহার কিছুদিন পরে পদ্মযোনি ব্রহ্মা ভারতকে  
আহ্বান করিয়া বলিলেন—“অন্ত দেবাধিদেব  
মহাদেবকে নাট্য-প্রয়োগ দেখাইতে ইচ্ছা করিয়াছি।

অতএব, তুমি প্রস্তুত হইয়া লও।” ইহার পর ব্রহ্মা,  
অমরবৃন্দ ও ভারত সদলে মহাদেবের আবাসে গমন  
করিলেন। তথায় ত্রিলোচনের পূজাপূর্বক পিতামহ  
অভিনয়ের প্রস্তাব করিলেন। উমাপতি সানন্দে  
অভিনয়-দর্শনে সম্মত হইলেন। তদনুসারে হিমাচল-  
পৃষ্ঠে অমৃতমহন সমবকারের পুনরভিনয়ের আয়োজন  
হইল। সমবকারের সহিত ‘ত্রিপুরদাহ’ নামক একখানি  
‘ডিম’ও অভিনীত হইয়াছিল। নাট্যশাস্ত্রে উক্ত  
হইয়াছে যে, এই ত্রিপুরদাহ ডিমখানিও পিতামহের  
রচনা। অভিনয়-দর্শনে মহাদেব ও ভূতগণ পরম  
প্রীত হইয়াছিলেন। মহর্ষি ভারত নাট্যমধ্যে ভারতী,  
সাবিত্রী ও আরভটী বৃত্তির নিবেশ সমাগ্রপেই  
করিয়াছিলেন। পূর্বে দেবাধিদেবের নৃত্যদর্শনে কৈশিকী  
প্রয়োগের ইচ্ছাও ভারতের মনে জন্মিয়াছিল। আর  
সেই উদ্দেশ্যে কৈশিকীপ্রয়োগের উপযুক্ত উপকরণ  
প্রার্থনা করায় পিতামহ নিজ মন হইতে নাট্যগন্ধার-  
চতুরা অপ্সরোগণের সৃষ্টি করিয়াছিলেন (১)। কিন্তু  
সম্যগ্ উপদেশের অভাবে ভারত নাট্যমধ্যে স্পষ্টভাবে  
কৈশিকীপ্রয়োগ করিতে পারেন নাই। ভারতের এই  
ত্রুটিটুকু দেখিয়া দেবাধিদেব কৃপা-পরবশ হইয়া  
পিতামহকে বলিলেন—“হে মহামতি! আপনার

(১) ভারতীয় নাট্যশাস্ত্রের গোড়ার কথা,  
উদয়ন—প্রাবণ, ১৩৪০, পৃঃ ৩৭৮।



দৃষ্ট নাট্যাভিনয় অতি অপূর্ণ বস্তু। ইহা যশস্ত, পবিত্র, দ্বারা বিভূষিত। অতএব, পূর্বরঙ্গমধ্যে আপনি মঙ্গলকর ও বুদ্ধিবর্ধক। ইহা দেখিয়া আমি বড়ই ইহা নিবেশিত করিয়া দিন। এখন যে পূর্বরঙ্গ প্রযুক্ত আনন্দিত হইয়াছি। আমিও সন্ধ্যাসময়ে অঙ্গবিক্ষেপ হইতেছে, ইহা বৈচিত্র্যহীন হওয়ায় “শুদ্ধ পূর্বরঙ্গ” করিতে করিতে নৃত্য আবিষ্কার করিয়াছি (২)। নামে প্রচলিত আছে। নৃত্যের সহিত মিশ্রিত হইলে এই নৃত্য নানাবিধ করণসংযুক্ত অঙ্গহারসমূহের ইহা “চিত্র পূর্বরঙ্গ” নামে বিখ্যাত হইবে (৩)।

(২) মূলে আছে—“ময়াপীদং স্বতং নৃত্যং সন্ধ্যাকালে নৃত্যতা” (৪।১৩)। ইহার অর্থ—মহাদেব নৃত্যকলার স্বর্গা মাত্র, কর্তা নহেন। নৃত্য অনাদি। মূলে ‘নৃত্য’ এই পাঠ থাকিলেও অভিনবগুপ্ত তাঁহার টীকায় ‘নৃত্ত’ এই পাঠ ধরিয়াছেন। উভয়ের প্রভেদ—উদয়ন—শ্রাবণ, পৃ: ৩৭৮ ও অগ্রহায়ণ, পৃ: ২৬১ দ্রষ্টব্য।

(৩) নাট্য—রসাপ্রয়; নৃত্য—ভাবাপ্রয়; নৃত্ত—তাললয়াপ্রয় — দশরূপক মতে ইহাই সংক্ষিপ্ত ভেদ করণ—নৃত্তক্রিয়া, গাত্রসমূহের হস্তপাদ সমাযোগ। করণে স্থিতি ও গতি এ উভয়ই নিম্পাণ্ড। স্থিতিকালে—বিভিন্ন স্থান, পূর্বকালে পতাকাদি, আর গতিকালে—চারী, পূর্বকালে বিভিন্ন নৃত্যহস্ত, দৃষ্টি প্রভৃতি করণের অন্তর্ভুক্ত। দুইটি নৃত্তকরণে এক নৃত্তমাতৃকা নিম্পাদিত হয়। দুই, তিন বা চারি মাতৃকায় একটি অঙ্গহারের উৎপত্তি। অঙ্গহার—অঙ্গগণের অঙ্গটিতভাবে সমুচিত স্থান প্রাপণ। নাট্যশাস্ত্রের চতুর্থাধ্যায়ে ১০৮ করণ ও ৩২ অঙ্গহারের লক্ষণ দেওয়া আছে। পূর্বরঙ্গ—রঙ্গে যাহা পূর্বে প্রযুক্ত হয় তাহারই নাম পূর্বরঙ্গ। সভাপতি, সভা, গায়ক, বাদক, নটী, নট প্রভৃতি যাহাতে পরস্পরের অনুরঞ্জন দ্বারা আনন্দলাভ করেন তাহাই রঙ্গ।

এই রঙ্গ পূর্বে প্রযুক্ত হয় বলিয়া পূর্বরঙ্গ নামে খ্যাত—ইহাই ভাব-প্রকাশনকার শারদাতনয়ের মত। সাহিত্যদর্পণের মতে—নাট্যবস্তু প্রয়োগের পূর্বে রঙ্গবিষয় শাস্ত্রের জ্ঞান কুশীলবগণ যাহার অনুষ্ঠান করেন, তাহাই পূর্বরঙ্গ। অভিনবগুপ্ত সমাস ভাঙ্গিয়াছেন “পূর্বো রঙ্গে”। নাট্যশাস্ত্রের মতে পূর্বরঙ্গের উনবিংশতিটি অঙ্গ। উহার মধ্যে নয়টি যবনিকার অন্তরালে প্রযোজ্য—প্রত্যাহার, অবতরণ, আরম্ভ, আশ্রাবণা, বক্তৃপাণি, পরিঘটনা, সজ্জাটনা, মার্গাসারিত, আসারিত। দশটি যবনিকার বাহিরে প্রযোজ্য—গীতক, উত্থাপন, পরিবর্তন, নান্দী, শুকাবকুঠা, রঙ্গদ্বার, চারী, মহাচারী, ত্রিগত, প্ররোচনা। শারদাতনয় ২২টি অঙ্গের উল্লেখ করিয়াছেন—প্রত্যাহার, অবতরণ, আরম্ভ, আশ্রাবণ, বক্তৃপাণি, পরিঘটনা, সজ্জাটনা, মার্গাসারিত, শুকাবকুঠক, উত্থাপন, পরিবর্তন, নান্দী, প্ররোচনা, ত্রিগত, আসারিত, গীত, প্রবাহ, ত্রিসাম, রঙ্গদ্বার, বর্জমানক, চারি, মহাচারি। মোটের উপর প্রকৃত অভিনয়ের পূর্বে নাট্যের অঙ্গভূত—গীত, তাল, বাস্ত, নৃত্ত, পাঠ্য প্রভৃতির বাস্ত বা সমস্তভাবে যে প্রয়োগ করা হয় তাহারই নাম পূর্বরঙ্গ। এই পূর্বরঙ্গ চারি প্রকার—চতুরশ্র, ত্র্যশ্র, চিত্র ও শুদ্ধ। মতান্তরে (কোহলাদির মতে) ইহা ত্রিবিধ—শুদ্ধ, চিত্র ও মিশ্র। পূর্বরঙ্গের গীতক বলিয়া যে অঙ্গটি আছে, উহা এক প্রকার গীতবিধি মাত্র। উহার বিষয় দেবতাগণের স্ততিকীর্তন। এই গীতক যদি অঙ্গচালন ব্যতীত প্রযুক্ত হয় তাহা হইলে শুদ্ধ পূর্বরঙ্গের প্রয়োগ হইতেছে বুঝিতে হইবে। আর উহাতে যদি নৃত্তের সংমিশ্রণ থাকে, তবে উহা হইবে চিত্র পূর্বরঙ্গ। উক্ত পূর্বরঙ্গে মহাদেবের আবিষ্কৃত করণাঙ্গহারের প্রয়োগ কর্তব্য। আর স্বকুমার পূর্বরঙ্গে মহাদেবীর আবিষ্কৃত অঙ্গহার যোজনীয়। অভিনবগুপ্ত স্পষ্টভাবে এই মত প্রকাশ করিয়াছেন। পার্কতী যে স্বকুমার প্রয়োগকর্ত্তী তাহা নাট্যশাস্ত্রেও উল্লিখিত হইয়াছে (৪।২৫৭)। দশরূপককার বলেন যে, ভাবাপ্রয় নৃত্যে পদার্থাভিনয় বর্তমান। উহা ‘মার্গ’ নামে প্রসিদ্ধ। আর তাললয়াপ্রয় নৃত্তের নাম ‘দেলী’। নৃত্য ও নৃত্ত উভয়ই আবার দ্বিবিধ—মধুর ও উচ্চত। মধুর প্রয়োগের নাম ‘লাস্ত’ ও উচ্চতের নাম ‘তাণ্ডব’। শারদাতনয় বিবরণটি স্পষ্টভাবে বুঝাইয়াছেন। যাহা রসাত্মক তাহাই বাক্যার্থাভিনয়প্রধান। যাহা ভাবাপ্রয় তাহাই পদার্থাভিনয়াত্মক। নৃত্য ভাবাপ্রয়, নৃত্ত রসাপ্রয়। এ উভয়ই নাট্যের উপকারক।

শারদাতনয়ের মতে দৃশ্যকাব্য ত্রিশ প্রকার। তন্মধ্যে নাট্যাদি দশটি রূপক রসাপ্রিত ও বাক্যার্থাভিনয়প্রধান। অবশিষ্ট ডোবী প্রভৃতি বিংশতি রূপক ভাবাত্মক ও পদার্থাভিনয়প্রধান। অবশ্য



মহাদেবের এই কথা শুনিয়া ব্রহ্মা বলিলেন—  
“হে দেবাধিদেব! অঙ্গহারের প্রয়োগ আপনিই শিক্ষা  
দিন।” তখন মহেশ্বর তণ্ডু (অর্থাৎ নন্দীকে) সম্বোধন  
করিয়া বলিলেন—“তুমি ভরতকে অঙ্গহারপ্রয়োগ  
শিক্ষা দাও।” তদনুসারে তণ্ডু ভরতমুনিকে নৃত্যশিক্ষা  
দিলেন। তণ্ডুর নিকট ভরত শিক্ষালাভ করিয়া পূর্ব-  
রঙ্গের অঙ্গরূপে করণ-অঙ্গহার-রেচক-পিণ্ডীবন্ধসংযুক্ত  
অপূর্ণ তাণ্ডব নৃত্য যোগ করিয়া দিলেন। তণ্ডু প্রথম  
এই নৃত্যের উপদেশ দিয়াছিলেন বলিয়া নটরাজের  
আবিষ্কৃত নৃত্যের নাম হইল ‘তাণ্ডব’ নৃত্য (৪);  
পরে ইহাতে ভগবতীর আবিষ্কৃত সুকুমার অঙ্গহার-  
সম্পন্ন ‘লাস্ত’ নৃত্যও সংযোজিত হইয়াছিল। এইরূপে  
নৃত্য, নৃত্য, গীত ও বাস্তের সংযোগে দেবলোকের অভি-  
নয় ক্রমশঃ সর্বাঙ্গসুন্দর হইয়া উঠিয়াছিল।

সমবকার ও ডিম—শব্দ দুইটি একটু অপরিচিত

ঠেকিতে পারে। উহাদিগের সংক্ষিপ্ত লক্ষণ নিম্নে  
দেওয়া গেল।

সংস্কৃত আলঙ্কারিকগণ দৃশ্যকাব্যকে মোটামুটি  
দুইটি শ্রেণীতে বিভক্ত করিয়াছেন—(১) রূপক,  
(২) উপরূপক। রূপক আবার দশবিধ—(১)  
নাটক, (২) প্রকরণ, (৩) অঙ্ক (উৎসৃষ্টিকাক্স),  
(৪) ব্যাঙ্গ, (৫) ভাণ, (৬) সমবকার,  
(৭) বীথী, (৮) প্রহসন, (৯) ডিম, (১০)  
ঈহামৃগ (৫)।

উপরূপক আবার অষ্টাদশ প্রকার। অবশ্য এ সম্বন্ধে  
নানারূপ মতভেদ আছে। কিন্তু তাহা বর্তমান প্রবন্ধের  
আলোচ্য নহে। এইটুকু মাত্র বক্তব্যই পর্যাপ্ত যে,  
সমবকার ও ডিম—দুই প্রকার দৃশ্যকাব্যমাত্র।  
ইহাদিগের নাট্যশাস্ত্রোক্ত সংক্ষিপ্ত লক্ষণ এখানে দেওয়া  
গেল।

এই সংখ্যাত্তম লইয়া মতান্তর আছে। কিন্তু শারদাতনয় স্বয়ং পূর্বোক্ত মত পোষণ করিয়াছেন। তিনি বলেন  
যে, নটের কর্ম নাট্য, আর নর্তককর্ম পদার্থাভিনয়। নটকর্ম ও নর্তককর্ম—এ উভয়ই আবার নৃত্য-নৃত্যভেদে  
দ্বিবিধ। তাহার মধ্যে ভাবাশ্রয় (নৃত্য) ‘মার্গ’ নামে প্রসিদ্ধ ও তদ্রহিত (নৃত্য) ‘দেশী’। ডোঙ্গী, ত্রীগদিত  
প্রভৃতিতে পদার্থাভিনয়ের প্রাধান্য বলিয়া ঐ বিংশতি রূপকে ‘নৃত্য’র প্রকারভেদ বলা হইয়াছে। এই  
‘নৃত্য’র স্বরূপ—গীতের মাত্রানুসারে অঙ্গ, উপাঙ্গ ও প্রত্যঙ্গসমূহারা পদার্থাভিনয়। নাট্যাদি রূপকসমূহে  
যে ‘নৃত্য’ প্রযুক্ত হয় তাহার স্বরূপ—লয়তাল-সম্বন্ধিত অঙ্গবিক্ষেপমাত্র। আর অঙ্গপ্রত্যঙ্গাদির বিক্ষেপশূন্য  
যে অভিনয় তাহাই ‘নাট্য’। মোটের উপর নৃত্য নটাপ্রিত, রসপ্রধান ব্যাপ্তর; আর নৃত্য ভাবাভিনয়  
ও নটকাপ্রিত। নৃত্য ও নৃত্য—উভয়ই মধুর ও উচ্চ ভেদে দ্বিবিধ। মধুর ‘লাস্ত’ ও ‘তাণ্ডব’ উচ্চত।  
নট ও নর্তক মিলিয়া রসভাব সমাধুক্ত যে অঙ্গচালন করেন, সাহায্যে মার্গ (নৃত্য) ও দেশী (নৃত্য) মিশ্রিত,  
অঙ্গহার ও লয়গুলি সাহায্যে ললিতভাবযুক্ত ও কৈশিকী বৃত্তি ও গীতির সাহায্যে প্রাধান্য—তাহাই লাস্ত। আর  
সাধারণ করণ ও অঙ্গহারগুলি উচ্চত, বৃত্তি আরভটী—তাহাই তাণ্ডব। পূর্বরঙ্গে এ উভয়েরই প্রয়োগ  
হইত। আবার অন্তর বলিতেছেন—নৃত্যই তাণ্ডব ও নৃত্য লাস্ত। তালমান-লয়যুক্ত, উচ্চত অঙ্গহারসহ  
যে অঙ্গবিক্ষেপ মাত্র তাহাই তাণ্ডবনৃত্য। আর অমুক্ত অঙ্গহারের নাম লাস্তনৃত্য। লাস্ত চতুর্বিধ—  
‘লাস্তা, লতা, পিণ্ডী, ভেঙ্কক। তাণ্ডব ত্রিবিধ—চণ্ড, প্রচণ্ড ও উচ্চণ্ড।

(৩) কোন কোন স্থলে ‘তাণ্ড’ বা ‘তাণ্ডিন্’ পাঠ আছে। অভিনবগুপ্ত বলেন যে, ‘তণ্ডু’ শব্দই ঠিক।  
‘তণ্ডু’ হইতেই তাণ্ডব শব্দের ব্যুৎপত্তি অনায়াসলভ্য (নাঃ শাঃ ৪।২৬৭-৮)

(৫) ইহা নাট্যশাস্ত্রের মত। দশরূপক, সাহিত্যদর্পণ প্রভৃতিও এই মতের অনুসরণ করিয়াছেন।  
গুণচন্দ্র ও রামচন্দ্রকৃত নাট্যদর্পণের মতে দ্বাদশরূপক—উক্ত দশ রূপক ব্যতীত নাটিকা ও প্রকরণীকেও  
তিনি রূপক মধ্যে গণনা করিয়াছেন। নাট্যশাস্ত্রে অবশ্য নাটিকার লক্ষণও উল্লিখিত হইয়াছে। কিন্তু  
উহা নাটক ও প্রকরণের অন্তর্গত বলিয়া পৃথক্ সংখ্যা ধরা হয় নাই। দশরূপকেও ইহারই অনুসরণ  
দৃষ্ট হয়। ইহারা কেহই পৃথক্ উপরূপকের উল্লেখ করেন নাই। শারদাতনয় মোট ত্রিশ প্রকার রূপকের  
নাম করিয়াছেন। উপরূপক সংজ্ঞাটি তিনি ব্যবহার করেন নাই।



সমবকার — নানাবিধ বিষয় চারিদিকে ইতস্ততঃ সমবকীর্ণ হয় বলিয়া এই শ্রেণীর রূপকের নাম হইয়াছে ‘সমবকার’। ইহা দশরূপকের চীকাকার ধনিকের মত। নাট্যদর্পণের মতে — সঙ্গত ও অবকীর্ণ অর্থ (প্রসিদ্ধ ত্রিবর্গোপায়) দ্বারা গ্রথিত দৃশ্যকাব্যই সমবকার (৬)। ইহার বস্তুভাগ অতি প্রসিদ্ধ দেবাসুর-যুদ্ধবীজমূলক হওয়া প্রয়োজন। নাট্যকাহিনী রূপকের মত ইহাতেও আমুখ (অর্থাৎ প্রস্তাবনা—prologue) সন্নিবেশ কর্তব্য। মুখ, প্রতিমুখ, গর্ভ ও নির্বাহণ—এই চারিটি সন্ধি ইহাতে থাকিবে কিন্তু বিমর্শ সন্ধি থাকিবে না (৭)। প্রখ্যাত উদাত্ত চরিত্র নায়ক দেব ও দানব মিলিয়া দ্বাদশটি (৮)। ইহাদের প্রত্যেকেরই ভিন্ন ভিন্ন ফললাভের উল্লেখ থাকিবে (যেমন, সমুদ্রমহানে নারায়ণের লক্ষ্মীলাভ, ইন্দ্রের ঐরাবত, উচ্চৈঃশ্রবাঃ প্রাপ্তি ইত্যাদি)। সমগ্র

গ্রন্থখানির বিষয় অষ্টাদশ নাড়িকা পরিমিত সম নিম্পাত্ত হওয়া উচিত (৯)। অঙ্ক মোট তিনটি প্রথমার্ধে মুখ ও প্রতিমুখ সন্ধিদ্বয় থাকিবে, ও উৎ দ্বাদশনাড়ী পরিমিত হইবে। দ্বিতীয়ার্ধে গর্ভ সন্ধি—উহা চারি নাড়িকা পরিমিত। তৃতীয়ার্ধে নির্বাহণ সন্ধি (উপসংহার)—উহার স্থিতিকাল দুই নাড়ী। ভারত সাহিত্য ও আরভটী বৃত্তি যথাযোগ্য নিবেশিত হইবে কিন্তু কৈশিকী বৃত্তির উপভাস থাকিবে খুব অল্প বীররস হইবে অঙ্গী (প্রধান); রৌদ্ররসও প্রা পরিমাণে থাকিবে। অল্প রসগুলি অঙ্গরূপে অবস্থি করিবে। প্রতি অঙ্ক প্রহসনময় হওয়া প্রয়োজন বীথী নামক রূপকের নৃত্যগীতবহুল ত্রয়োদশটি ও আবশ্যকমত উপভাস্ত হইবে। বিন্দু ও প্রবেশ থাকিবে না (১০)। সমবকারের আর একটি বৈশি এই যে, উহাতে গায়ত্রী, উষিক্ প্রভৃতি সাধারণ

(৬) অর্থ—ত্রিবর্গোপায়। ত্রিবর্গ—ধর্ম, অর্থ, কাম।

(৭) প্রস্তাবনা, আমুখ—নাট্যশাস্ত্রমতে ইহা দ্বারা কাব্য প্রখ্যাপন হইয়া থাকে। নটী, বিদূষক বা পারিপার্শ্বিক রূপকের যে অংশে স্বত্বধারের (অর্থাৎ তৎসদৃশ গুণ ও আকৃতিবিশিষ্ট কাব্যস্থাপকের) সহিত আলাপ করিতে থাকেন, ও নিজ কার্যের বর্ণনাচ্ছলে বিচিত্র বাক্যের দ্বারা প্রকৃত বস্তুসূচনা করিয়া দেন, তাহাই প্রস্তাবনা বা আমুখ। সন্ধি—Junctures of the plot—এক (পরম) প্রয়োজনে অধিত ভিন্ন ভিন্ন কথাসংশের অবাস্তব এক প্রয়োজনসম্বন্ধই সন্ধি। সন্ধি মোট পাঁচটি।

(৮) উদাত্ত—মানবের তুলনায় দেব ও দৈত্যগণ স্বভাবতঃ ধীরোদ্ধত হইলেও স্বজাতি মধ্যে বাহারা ধীরোদাত্ত তাঁহারাই নায়ক হইবার যোগ্য। দ্বাদশ—তিন অঙ্কে দ্বাদশ নায়ক; অতএব, প্রতি অঙ্কে চারজন নায়ক। তন্মধ্যে একজন মুখ্য নায়ক, একজন প্রতিনায়ক, আর দুইজন দুই নায়ক-প্রতিনায়কের সহায়।

(৯) নাড়ী, নাড়িকা, নালিকা—ইহার পরিমাণ লইয়া বহু মতভেদ আছে। নাট্যশাস্ত্রে একস্থানে পাওয়া যায়—নাড়িকা=মুহূর্ত্ত (২০।৬৮); আবার অন্যত্র বলা হইয়াছে, নাড়িকা=অর্দ্ধ মুহূর্ত্ত (২০।৭২)। দশরূপকমতে—নাড়িকা=দুই ঘটিকা। সাহিত্যদর্পণেরও সেই মত। নাট্যদর্পণের মতে মুহূর্ত্ত=দুই ঘটিকা। ইহাতে ‘নাড়িকা’ শব্দের উল্লেখ নাই। তবে প্রথমার্ধে দুই মুহূর্ত্ত, দ্বিতীয় দুই মুহূর্ত্ত ও তৃতীয় অঙ্ক এক মুহূর্ত্ত পরিমিত করার উপদেশ আছে। ইহাতে বোধ হয়, নাড়িকা=ঘটিকা=অর্দ্ধ মুহূর্ত্ত। শারদাতনয়ের মতে নাড়িকা=এক মুহূর্ত্তের চতুর্থাংশ—“মুহূর্ত্তস্ত তুরীয়াংশো নাড়িকা ঘটিকাষষ্টি” (পৃ: ২৪৯)। প্রতাপরুদ্রের মতে—অঙ্কত্রয় যথাক্রমে তিন যাম, এক যাম ও অর্দ্ধ যাম পরিমিত। এ-সকল বিরুদ্ধ মতের সামঞ্জস্য করা নিতান্ত দুষ্কর কার্য। সাধারণ হিসাবে—এক যাম=এক প্রহর=তিন ঘণ্টা=সাত দণ্ড। এক মুহূর্ত্ত=৪৫ মিনিট। এক দণ্ড=এক ঘটিকা=চব্বিশ মিনিট। এক নাড়িকা (যদি মুহূর্ত্তাৰ্দ্ধ হয়)=চব্বিশ মিনিট।

(১০) রস—শৃঙ্গার, হাস্য, করুণ, রৌদ্র, বীর, ভয়ানক, বীভৎস, অদ্ভুত, (মতান্তরে) শাস ও বৎসল। প্রহসন শব্দটি এ-স্থলে স্বনাম প্রসিদ্ধ রূপককে বুঝাইতেছে না। ইহার অর্থ—হাস্যোদ্বেগ কর ঘটনা। বীথী—একাক্ষররূপক। পাত্র একটি অথবা দুইটি। নায়ক উত্তম, মধ্যম বা অধম প্রকৃতি বিশিষ্ট। মুখ-নির্বাহণ সন্ধি। শৃঙ্গার রসেরই প্রাধান্য কিন্তু অপর সকল রসই থাকিবে। পাঁচটি অর্থপ্রকৃতি ইহাতে থাকা উচিত। ইহার নৃত্যগীতবহুল ত্রয়োদশটি অঙ্ক—উদ্ভাত্যক, অবলম্বিত, অবতন্নিভ বা অবস্পন্দিত



অপ্রচলিত কুটিল ছন্দের বহুল প্রয়োগ থাকিবে। মতান্তরে — অথরা, শার্দূলবিজীড়িত প্রভৃতি বহুবচন ছন্দের সন্নিবেশ কর্তব্য; গায়ত্রী প্রভৃতির নহে। গায়ত্রী প্রভৃতির প্রয়োগ থাকিবে কি না — এ সম্বন্ধে দুইটি সম্পূর্ণ বিভিন্ন পাঠান্তর নাট্যশাস্ত্রে পাওয়া যায়। ইহার মধ্যে কোন্ পাঠটি গ্রহণীয়, তাহা বলা বড় কঠিন। আর থাকিবে তিন প্রকারের শৃঙ্গার, বিদ্রব ও কপট। এ স্থলে একটি প্রশ্ন উঠা খুবই স্বাভাবিক। পূর্বেই বলা হইয়াছে যে, কামোপভোগবহুলা কৈশিকী বৃত্তির স্থান সমবকারে প্রায় নাই বলিলেও চলে। অথচ এ স্থলে বলা হইতেছে যে, উহাতে ত্রিবিধ শৃঙ্গার থাকিবে। এ পূর্বাপর-বিরোধের সামঞ্জস্য হয় কিরূপে? নাট্যদর্পণে ইহার অতি সুন্দর সমাধান দেওয়া হইয়াছে। শৃঙ্গার বলিলে মাত্র কামকেই শুধু বুঝায় না। শৃঙ্গারের অর্থ বিলাসোৎকর্ষ। ‘বিলাস’ শব্দের মোটামুটি অর্থ শোভা। অবস্থিতি, উপবেশন, গমন, হস্তক্ৰনেত্রাদি কর্মের বিশেষ ভাবের নাম বিলাস। ইহা নায়িকার স্বভাবজ্ব অলঙ্কার। অথবা ধীর দৃষ্টি, বিচিত্র গতি ও সন্মিত বাক্যের নাম বিলাস। ইহা সাস্থিক নায়কের গুণ। অতএব, সমবকারে শৃঙ্গার থাকিলেও কৈশিকী বৃত্তি অতি অল্প পরিমাণেই বর্তমান। ত্রি শৃঙ্গার, ত্রিবিদ্রব ও ত্রিকপট — শব্দগুলি পারিভাষিক। ইহাদিগের ব্যাখ্যা নিম্নে প্রদত্ত হইল।

ত্রি-শৃঙ্গার—(১) ধর্মশৃঙ্গার, (২) অর্থ-শৃঙ্গার, (৩)

কামশৃঙ্গার। ধর্মশৃঙ্গার—ধর্মই ইহার হেতু ও ফল। যে স্থলে অভিলাষের মূল ধর্মে পর্যাবসিত, বাহার দ্বারা সংসারের বহুবিধ কল্যাণ সাধিত হয়, অর্থাৎ যে স্থলে কাম ব্রত-নিয়ম-তপস্তার দ্বারা সংযত, গুণবান্ অপত্যোৎপাদন বাহার মুখ্য উদ্দেশ্য, ও ইচ্ছিন্নমুখ যে স্থলে আত্মযজ্ঞিক ফল, তাহাই ধর্মশৃঙ্গার মধ্যে গণ্য হইবার যোগ্য। ধর্মপত্নী-সংযোগই এ স্থলে শৃঙ্গার শব্দের অর্থ। এই রূপ মনোমত ধর্মপত্নীলাভের হেতু দানাদিধর্ম্যামুষ্ঠান। পরদারবর্জন-রূপ ধর্ম ইহার ফল। শারদাতনয় ধর্মশৃঙ্গারের পাঠান্তর ধরিয়াছেন—ভোগ-শৃঙ্গার। অর্থ-শৃঙ্গার—অর্থই ইহার হেতু ও ফল। যে স্থলে অর্থের ইচ্ছাবশে বহুপ্রকারে কামোপভোগ সম্ভব হয়, অর্থাৎ যে স্থলে ইচ্ছিন্নতৃষ্ণির ফলে রাজ্য, সুবর্ণাদি ধন, শত্রু, বন্ধ প্রভৃতি নানাবিধ বিভবভোগ-স্বপ্নের উৎপত্তি দৃষ্ট হয়, তাহাই অর্থ-শৃঙ্গার। বেণ্ডাদিতে বিটাদি পুরুষগণ যে আসক্ত থাকে, অর্থই তাহার হেতু। সাধারণতঃ পণ্যাক্রমাগণ যে পুরুষামুরক্ত হয় তাহার ফল অর্থপ্রাপ্তি। অর্থ বলিতে প্রার্থনীয় পরোপকার প্রতিজ্ঞাপালন প্রভৃতি—এরূপ অর্থও নাট্যদর্পণে দৃষ্ট হয়। পরোপকারার্থ বিবাহাদি অর্থ-শৃঙ্গার মধ্যে গণ্য। কামশৃঙ্গার—“শৃঙ্গার” ও “কাম” শব্দের অর্থ (১) রতি ও (২) তদ্ধেতুক স্ত্রী-পুরুষাদি। কামই বাহার হেতু ও ফল তাহাই কামশৃঙ্গার। রতিরূপ কাম স্ত্রী-পুরুষাদি রূপ শৃঙ্গারের হেতু। আবার স্ত্রী-পুরুষাদিরূপ কাম রতিরূপ শৃঙ্গারের হেতু। এ স্থলে পরকীয়া বা কত্তা

সংপ্রলাপ, প্রপঞ্চ, নালিকা, বাকেলি, অধিবল, ছল, ব্যাহার, মুদব, ত্রিগত ও গণ্ড। অর্থপ্রকৃতি=প্রয়োজন-সন্ধিহেতু। সংখ্যায় পাঁচটি—বীজ, বিন্দু, পতাকা, প্রকরী ও কার্য। বিন্দু—কাব্য সমাপ্তি না হওয়া পর্যন্ত যদি অবাস্তব বিষয়ের (digression) দ্বারা প্রয়োজনের বিচ্ছেদ হয়, তবে বিন্দুই পুনরায় উহার অবিচ্ছিন্নতা সম্পাদন করে। প্রবেশক—একপ্রকার অর্থোপক্ষেপক। অর্থোপক্ষেপক পাঁচটি—বিকল্প, প্রবেশক, চুলিকা, অঙ্কাবতার ও অঙ্কমুখ। বিকল্প—অতীত ও ভবিষ্যৎ কথাস্থলের সংযোজক রূপকের অংশবিশেষ। নীরস অথচ সপ্রয়োজন ঘটনার সংক্ষিপ্ত বর্ণনায় ইহার বিশেষ প্রয়োজন। ইহা প্রথমাক্ষের আদিতে অথবা অঙ্কদ্বয় মধ্যে উপস্থাপ্ত হইয়া থাকে। একটি মধ্যমপাত্র বা মধ্যমপাত্রদ্বয় কর্তৃক প্রযুক্ত হইলে ইহা শুদ্ধরূপে পরিগণিত হয়, আর নীচ ও মধ্যম পাত্রদ্বারা প্রযুক্ত হইলে সর্গীয় আখ্যা লাভ করে। প্রবেশক—interlude ইহাও অনেকটা বিকল্পকের মত। কেবল অঙ্কের আদিতে প্রযোজ্য নহে। অঙ্কদ্বয় মধ্যে ইহার নিবেশ কর্তব্য। কেবল নীচপাত্র দ্বারাই ইহা প্রযুক্ত হয়। অতএব, প্রাকৃত ভাষাতেই প্রবেশক নিবদ্ধ হইয়া থাকে।



নারিকা; বেশা বা ধর্মপত্নী নহে। অবৈধ অভিরতি, কস্তাবিলোভন, দ্যুত, সুরাপান, মৃগয়া প্রভৃতি বাসন কামশৃঙ্গারের অন্তর্ভুক্ত। সাহিত্যদর্পণে ‘কামশৃঙ্গার’ শব্দের অর্থ করা হইয়াছে প্রহসন-শৃঙ্গার। এ অর্থ নাট্যশাস্ত্রাদিতে উক্ত হয় নাই। নাট্যদর্পণে উদাহরণ দেওয়া হইয়াছে ইন্দ্র ও অহল্যা সংবাদ। তবে এই প্রসঙ্গে প্রহসন (হাস্তোদ্দেককর ব্যাপার) সন্নিবেশ করিবার রীতি সর্বত্রই উক্ত হইয়াছে। এক একটি শৃঙ্গার এক এক অঙ্কে নিবেশনীয়। সাহিত্যদর্পণ ও নাট্যদর্পণের মতে কামশৃঙ্গার প্রথমোক্তই প্রদর্শনীয়। অবশিষ্ট দুইটির সম্বন্ধে কোন বাঁধাধরা নিয়ম নাই।

ত্রিবিদ্রব—বিদ্রব শব্দের অর্থ অনর্থ। যাহা হইতে ভয় পাইয়া লোক বিক্ষুব্ধ হয় (অর্থাৎ পলায়ন করে) তাহাই বিদ্রব। বিদ্রব নামে গর্ভ সন্ধির একটি অঙ্গ আছে। শঙ্কা-ভয়-ক্রাসকৃত সম্মমই বিদ্রব। দশরূপক ও ভাবপ্রকাশন উহা বিমর্শ সন্ধির অঙ্গ বলিয়া ধরিয়াছেন। বন্ধন, বধ প্রভৃতি এই বিদ্রবের স্বরূপ। নাট্যশাস্ত্রের মতে ত্রিবিধ বিদ্রব—(১) যুদ্ধজল-সম্ভূত, (২) বায়ু, অগ্নি, গজেন্দ্র প্রভৃতি সম্ভূত, (৩) নগরোপ-রোধজনিত। দশরূপকেও অনেকটা এইরূপ বিবরণ প্রদত্ত হইয়াছে—নগরোপরোধ, যুদ্ধ, বায়ু, অগ্নি প্রভৃতি বিদ্রব মধ্যে গণ্য। শারদাতনয় নাট্যশাস্ত্রের আক্ষরিক অনুবাদ করিয়াছেন মাত্র। নাট্যদর্পণের মতে ত্রিবিদ্রব, যথা—(১) জীবজ (যেমন হস্তী প্রভৃতি হইতে), (২) অজীবজ (যেমন শস্তাদি হইতে), (৩) জীবাঙ্গীভজ (যেমন নগরোপরোধ হইতে)। নগরোপরোধ প্রভৃতিতে চেতন ও অচেতন উভয়কৃত বিদ্রবই বর্তমান। সাহিত্য-দর্পণে ত্রিবিদ্রব লক্ষণ এইরূপই প্রদত্ত হইয়াছে—(১) অচেতন কৃত, (২) চেতনকৃত, (৩) চেতনাচেতন কৃত। কেবল চেতনাচেতনের উদাহরণ দেওয়া হইয়াছে—গজাদি। অবশ্য চেতনাচেতনের ব্যাখ্যা নাট্যদর্পণে যেরূপ উক্ত হইয়াছে তাহা সাহিত্যদর্পণের বিবরণ অপেক্ষা সমীচীন বলিয়া বোধ হয়। এই ত্রিবিধ বিদ্রবের মধ্যে এক এক প্রকার বিদ্রব এক একটি অঙ্কে প্রদর্শনীয়।

ত্রিকপট—শারদাতনয়ের মতে কপটের স্বরূপ মোহাত্মক ভ্রম। নাট্যদর্পণে ইহা আরও স্পষ্টভাবে বুঝান হইয়াছে। যাহা মিথ্যাকল্পিত, অথচ আপাত দৃষ্টিতে সত্যবৎ প্রতীয়মান হয় তাহাই কপট। নাট্য-শাস্ত্রের মতে ত্রিকপট, যথা—(১) গতিক্রমবিশিষ্ট (অর্থাৎ বস্তুর স্বভাবজনিত), (২) দৈববিহিত, (৩) শত্রুকৃত। কপটের দ্বারা সুখ ও দুঃখের উৎপত্তি হইয়া থাকে। দশরূপক মতে ত্রিকপট, যথা—(১) বস্তুস্বভাব কপট—কৃত্রিমপ্রকৃতির প্রাণী হইতে ইহা উৎপত্তি, (২) দৈবিক কপট—অগ্নি, বৃষ্টি, বাত্যা প্রভৃতি সম্ভূত, (৩) শত্রুজ—সংগ্রামাদিজনিত। শারদাতনয়-ত্রৈলোক্য মতে পোষণ করিয়া থাকেন। তবে তিনি সম্বন্ধে মতান্তরেরও উল্লেখ করিয়াছেন। সাহিত্য-দর্পণের মতে ত্রিকপট, যথা—(১) স্বাভাবিক, (২) কৃত্রিম, (৩) দৈবজ। নাট্যদর্পণে ত্রিকপটের এক নূতন ধরনের ব্যাখ্যা প্রদত্ত হইয়াছে। (১) বঞ্চাসম্ভূত কপট—যাহাকে বঞ্চনা করা হইতেছে তাহার যাঁ অপরাধ থাকে, তবে বঞ্চোক্ত কপট হইবে; (২) বঞ্চকসম্ভূত—যদি বঞ্চনীয় ব্যক্তি নিরপরাধ হয়, তাহ হইলে বঞ্চকোক্ত কপট হইয়া থাকে; (৩) দৈবসম্ভূত—যে স্থলে বঞ্চিত ও বঞ্চক উভয়েই নিরপরাধ, কেবল কাকতালীয়-ক্রমে একপক্ষ বঞ্চিত ও অপরপক্ষ বঞ্চক রূপে প্রতীয়মান হয়, তাহাই দৈবোক্ত কপট।

বিদ্রব ও কপটের মধ্যে পার্থক্য এই যে, কপটে দ্বারা জীবিত অবস্থায় বন্দীকরণ বা মোহ (প্রতারণা) সম্ভব হয়; আর বিদ্রব হইতেছে বন্দী বা প্রতারিত হইবার ভয়ে পলায়ন।

ত্রিশৃঙ্গার, ত্রিবিদ্রব ও ত্রিকপটের তিন তিনটি ভেদের এক একটি ভেদ এক এক অঙ্কে নিবেশনীয়—ইহা ত’ পূর্বেই বলা হইয়াছে। তন্মধ্যে কপট হইতেছে উপায়; বিপদের সম্ভাবনা দেখিলেই বিদ্রব বা পলায়ন; আর শৃঙ্গার হইল ফল।

অতএব, সমবকারে সংক্ষিপ্ত সহাস্ত ত্রিবিধ শৃঙ্গার, বিদ্রব, কপট থাকা প্রয়োজন। দেবানুর-শত্রুতাজনিত



যুদ্ধই ইহার মূল বস্তুভাগ। অলৌকিক নানাবিধ ঘটনার দ্বারা এই মূল বস্তুর পরিপূষ্টি-সাধন করা অবশ্য কর্তব্য। এইরূপ হইলেই রূপকখানি সহৃদয় দর্শক-সমাজের সন্তোষজননে সমর্থ হইয়া থাকে। নাট্যশাস্ত্রে ও ভাবপ্রকাশনে ইহার উদাহরণ স্বরূপ ‘অমৃতমহন’ নাম করা হইয়াছে। সাহিত্যদর্পণকার ‘সমুদ্ভূতমথন’ বলিতে বোধ হয় ইহাকেই লক্ষ্য করিয়াছেন।

সমবকারের ত্রায় ডিমও একপ্রকার রূপক। ইহার বর্ণনীয় বস্তু বা ইতিবৃত্ত অতি প্রসিদ্ধ হওয়া আবশ্যক। দেব, গন্ধর্ব্ব, যক্ষ, রক্ষঃ, মহোরগ, অসুর, ভূত, প্রেত, পিশাচ প্রভৃতি সকল জাতীয় পুরুষই ইহার নায়ক। নায়কের সংখ্যা ইহাতে ন্যূনাধিক ষোড়শ—সকলেই প্রখ্যাত ও উদাত্তচরিত্র—মতান্তরে ধীরোদ্ধত (অর্থাৎ মামুষ অপেক্ষা ইহারা উদ্ধত হইলেও স্বজাতির তুলনায় উদাত্তই বটেন)। শাস্ত্র, হাশ্র ও শৃঙ্গাররসবর্জিত। নাট্যদর্পণের মতে করুণ রসও ইহাতে বর্জনীয়। রৌদ্র রসই অঙ্গী; অপর রসগুলি অঙ্গ হইলেও বেশ দীপ্ত-ভাবেই থাকিবে। অঙ্ক চারিটি। সন্ধিও চারিটি। বিমর্শ সন্ধি ইহাতে নাই। শারদাতনয়ের মতে ইহাতে বিকল্পক ও প্রবেশক থাকিবে। সাহিত্যদর্পণের

মতে থাকিবে না। নাট্যদর্পণের মতে ইহাতে চুলিকা, অঙ্কাবতার ও অঙ্কমুখ নামক তিনটি অর্থো-পক্ষেপকের নিবেশ করিতে হইবে (১১)। নির্ধাত, চন্দ্র-সূর্য্যের গ্রহণ, উদ্ধাপাত, বাহু ও অঙ্গবুদ্ধ, বাহ্বাশ্ফোট, মায়া, ইন্দ্রজাল, উদ্ভাস্ত চেষ্টা, বহু পুরুষের পরস্পর সজ্জ্ব প্রভৃতি বিষয়ের বর্ণনা ইহাতে বিশেষভাবে সন্নিবিষ্ট করা কর্তব্য। অতএব, রচনামধ্যে সাস্বতী ও আরভটী বৃত্তির বাহুল্যই পরিলক্ষিত হইয়া থাকে। ভারতী বৃত্তির প্রয়োগও মধ্যে মধ্যে দেখা যায়। কিন্তু শৃঙ্গাররসবর্জিত বলিয়া ডিমে কৈশিকী বৃত্তির ব্যবহার নাই (১২)।

“অমৃতমহন সমবকার” ও “ত্রিপুরদাহ ডিম”— এই দুইখানি রূপকই স্বয়ং পিতামহ ব্রহ্মার রচনা— ইহা নাট্যশাস্ত্রে স্পষ্টই উক্ত হইয়াছে। দুর্ভাগ্যক্রমে দুইখানির একখানিও বর্তমানে আর পাইবার সম্ভাবনা নাই। শারদাতনয় আর দুইখানি ডিমের নাম করিয়াছেন—“ব্রহ্মোদ্ধরণ” ও “তারকোদ্ধরণ”। এই দুইখানির রচয়িতা কে, তাহার উল্লেখ শারদাতনয় করেন নাই। বলা বাহুল্য যে, দুইখানি ডিমই অধুনা লুপ্ত হইয়া গিয়াছে।

(১১) যবনিকার অন্তরাল হইতে উত্তম, মধ্যম ও অধম পাত্র কর্তৃক বিষয়ের সূচনার নাম চুলিকা। যে স্থলে রঙ্গমঞ্চে কেহ উপস্থিত থাকে না, কেবল নেপথ্যস্থিত পাত্রের দ্বারা অভিনেয় বিষয়ের সূচনা করা হয়, তাহারই নাম চুলিকা (চূড়া); ইহা অভিনেয় অর্থের শিখান্বিত। একটি অঙ্কের শেষে সেই অঙ্কের কথংশবিচ্ছেদ না করিয়া যদি নূতন অঙ্ক আরম্ভ করা যায়, তবে তাহাকে অঙ্কাবতার বলে। সমাপ্ত অঙ্ক ও আরম্ভনীয় অঙ্কের মধ্যে বিষয়গত ব্যবধান থাকিলেই বিকল্পক ও প্রবেশকের দ্বারা অঙ্কদ্বয়ের সংযোগ করা প্রয়োজন হয়। অঙ্কাবতাবে বিকল্পক বা প্রবেশকের দ্বারা অর্থ-সূচনার প্রয়োজন হয় না। ইহাতে পূর্বাঙ্কের পাত্রগুলি দ্বারাই পরবর্তী অঙ্কের প্রারম্ভ হইয়া থাকে। তাহা ছাড়া পূর্বাঙ্কের অবসানোক্ত কথংশ ও পরবর্তী অঙ্কের প্রারম্ভস্থিত কথংশ পরস্পর অবিচ্ছিন্নভাবে সংলগ্ন দৃষ্ট হয়। (মতান্তরে) যে অঙ্কে অল্প অঙ্কের বীজভূত অর্থের অবতারণা করা হয় তাহাই অঙ্কাবতার। অঙ্কের বিশিষ্টমুখ পূর্ব হইতেই যথায় সংক্ষিপ্ত করা হইয়া থাকে তাহাই অঙ্কমুখ। ইহা নাট্যশাস্ত্রোক্ত লক্ষণ। সাহিত্যদর্পণের মতে—যদি একটি অঙ্কে প্রসঙ্গক্রমে নানা অঙ্কের ও ভাবী ভূমিকাগুলির সূচনা করা হয়, তবে তাহাই বীজার্থখ্যাপক অঙ্কমুখ নামে অভিহিত হইয়া থাকে। দশরূপকাদিতে অঙ্কান্ত নামে একটি অর্থোপক্ষেপকের লক্ষণ দেওয়া হইয়াছে। পূর্বাঙ্কের অন্তে পাত্রপ্রবেশ করায় কথার্থবিচ্ছেদ হইলে যদি উত্তরাঙ্কের সূচনা ঐ নবপ্রবিষ্ট পাত্রের দ্বারা করা হয়, তাহা হইলে অঙ্কান্ত প্রয়োগ হইয়া থাকে।

(১২) বৃত্তিসম্বন্ধে সংক্ষিপ্ত আলোচনা পূর্বেই করা হইয়াছে। উদয়ন—শ্রাবণ, ১৩৪০, পৃ: ৩৭৭ ও অগ্রহায়ণ, ১৩৪০, পৃ: ২৬০-২৬১ দ্রষ্টব্য।



বর্তমানে মহাকবি ভাসের ( যিনি কালিদাসেরও পূর্ববর্তী ) রচিত একখানি অতি সুপাঠ্য সমবকার পাওয়া গিয়াছে উহার নাম “পঞ্চরাত্র” । মহাভারতের বিরাটপর্বীয় উত্তরগোব্ধের ঘটনা অবলম্বনে উহা রচিত । কিন্তু মহাকবি রূপকমধ্যে বহু নূতনত্বের সৃষ্টি করিয়াছেন ।

বৎসরাজ নামে একজন কবি “অমৃতমহন” নামক গ্রন্থমধ্যে মুদ্রিত হইয়াছে । ভাসের পঞ্চরাত্রও নামে একখানি সমবকার ও “ত্রিপুরদাহ” নামে ত্রিবাঙ্গম্ সংস্কৃত গ্রন্থমালায় মুদ্রিত হইয়াছে । একখানি ডিম নূতন করিয়া রচনা করিয়াছেন । অহুসন্ধিৎসুগণ ইচ্ছা করিলে দেখিতে পারেন ।

## আগমনী

শ্রীচন্দ্রশেখর আচ্য, এম্-এ

ভুবন ভরিয়া গেল, বনানী ভরিয়া গেল গানে,  
কে এলোরে, কে এলোরে, কে অতিথি এলো আজ ঘরে ।  
শরতের গুরু রাতে ঘোবন নেমেছে আজ স্বানে—  
সিক্তকেশে মুক্তা-ছাতি শিহরিছে কোতুকের ভরে !  
পাদস্পর্শে প্রক্ষুটিত গৃহাঙ্গনে শত শতদল,  
সায়রে নাচিল নীর, নীল ঢেউ করে টলমল,  
তট-তল্ল রোমাঞ্চিত, তুণে তুণে লাগে শিহরণ,  
গগনে পবনে ঝরে উচ্ছ্বসিত সঙ্গীত প্লাবন ।

আকাশ ভরিয়া গেল, নীলিমা ভরিয়া গেল শ্রোতে—  
আলোকের নির্ঝরার অপরূপ অযুত বরণে ;  
সুধা-ধারা ঝরে পড়ে সৌন্দর্য্যের উৎসমুখ হ’তে,  
কবি-প্রাণ স্খিৎ হ’ল নীল মেঘে প্রশান্ত গগনে ।

আকাশের বুক বেয়ে লঘুপঙ্ক মেঘের ভেলায়  
এলো কি শারদ-লক্ষ্মী, আনন্দিতা, অনিন্দ্য-লীলায় ।





## বাড় ও বৃষ্টি

শ্রীপ্রভাতকিরণ বসু, বি-এ

গঙ্গার একেবারে ধার হইতে চারতলা বাড়ী  
উঠিয়াছে, পশ্চিমের পাথরের কাজ।

চারতলার যে ঘর, তারই চারিদিকের জানালা  
খুলিয়া দিয়া নিশীথ আজ বর্ষা-উৎসব করিতে বসিয়াছে।  
নিশীথের কয়েকটা বন্ধু আসিয়াছে, বারকোশ-জাতীয়  
একটা বৃহৎ থালায় তেল-নুগ-মাখা মুড়ি আসিয়াছে,  
চিঁড়েভাজা, বেগুনী, পেঁয়াজী, কাঁচালুকা আসিয়াছে—  
আয়োজনের ত্রুটি নাই।

আকাশ ঘিরিয়া সজল কাজল মেঘ, বর্ষার গঙ্গা  
কূলে কূলে উচ্ছ্বসিত, ওপারে সারা বৎসর যে চড়া  
জাগিয়া থাকে আজ তার চিহ্ন নাই, খেয়া নৌকারও  
দেখা মিলিতেছে না, বজ্রার ক্ষেত, জনারের ক্ষেত  
ছাপাইয়া জল চলিয়া গেছে, আরো দূরে গ্রামের আভাষ  
দেখা যায়, তারও ওধারে অরণ্য—তারপর পাহাড়,  
পাহাড়ের গায়ে পাহাড় ধরিত্রীর স্তরঙ্গমালার মত।

অনাথের ছোট মেয়ে যখন গান ধরিয়াছে—

বাদল কুমুদু  
মাদল বাজে—

তখন আবার বৃষ্টি শুরু হইয়াছে—গঙ্গার গৈরিক  
বুকে, ওপারে শ্রাম-বন-প্রান্তরে। চেউখেলানো পাহাড়  
তখন আর দেখা যায় না, ছোট গ্রামখানিও আর  
চোখে পড়ে না।

তাকিয়াটাকে কাছে টানিয়া নিশীথ শুরু করিল—  
আমার ভালো লাগে—আজ ব'লে নয়, যখন কিছুই  
বুঝতাম না,—সেই খুব ছোট বেলা থেকে,—কি বলছি  
তোরা বুঝতে পাচ্ছিস্ ত' ? এই বৃষ্টি-ধারার ছন্দ—

রম রম রম রম  
রম রম রম রম—

এ যেন মানুষের গলায় সকল গানের চেয়েও মধুর—  
এ যেন indescribable !

সুদৃং বলিল, যখন বাঙলা বলছিন্ বাঙলাই  
বল না, বর্ষা-বর্ণনার মাঝখানে আবার বিদেশী বুকুনীর  
কি দরকার ?

নিশীথ বলিল, ঠিক বলেছি, I withdraw। কিন্তু  
ঠিক ক'রে বল দেখি, এদেশে নতুন বর্ষা এলে আমাদের  
কি সুদূর বাঙলা দেশের কথা মনে পড়ে না, যেখানে  
বর্ষা আরো মনোরম আরো মনোহর—

অনাথ বলিল—কাদা পাঁচ-প্যাঁচটা বাদ দিয়ে  
এবং কলকাতা সহরের কেরানীদের আফিস-যাত্রা-সমস্ত  
বাদ দিয়ে—certainly।

নিশীথ কৃত্রিম কোপের সহিত বলিল—নাঃ, তোরা  
নেহাৎ অ কবি—আমার কিন্তু আজ নাচতে ইচ্ছে  
করছে—তা তা থৈ থৈ—শিব-তাণ্ডব নৃত্য—

বৃন্দাবন চুপ করিয়া সব শুনিতেছিল, হঠাৎ ভয়  
পাইয়া উঠিয়া পড়িয়া বলিল, রক্ষে করো দাদা, ঐ মোটা  
দেহ নিয়ে—আগে আমরা নেবে যাই আর তুমি life  
insure ক'রে এসো—

তার কথায় ও ভঙ্গীতে ছোট মেয়ে অমলা অবধি  
না হাসিয়া পারিল না।

এই সময়ে বারান্দায় ছরু ছরু আওয়াজ পাইয়া  
সকলেই বাহিরে আসিয়া দেখিল নিশীথের ময়ূরটা তার  
বিচিত্র পেখম্ মেলিয়া দিয়া আকাশের দিকে যেন তার  
আনন্দ-নিবেদন পাঠাইয়া দিতেছে, সেই ছরু ছরু শব্দ  
যেন কয়েকটা নুপুরের ধ্বনি, সেই নীল শ্রামলের বাহার  
যেন কালিদাসের একটুকরা কাব্য। সকলেই মুগ্ধ  
চোখে দেখিতে লাগিল।



গঙ্গার স্রোত তখন ঘুরিয়া ঘুরিয়া চলিয়াছে, মেঘের  
পরে মেঘ জমিয়া আসিতেছে।

স্বপ্নে স্বপ্ন তুলিল—

হৃদয় আমার নাচেরে আজিকে  
ময়ূরের মত নাচেরে  
হৃদয়—

বৃন্দাবন তাহাকে একটা ধাক্কা মারিয়া ফরাসে  
বসাইয়া দিয়া বলিল, কান গেল রে তোর বেসুরো  
চীৎকারে—নাঃ, আজ দেখছি শেষ পর্য্যন্ত নিশীথের  
বাড়ীর খিচুড়ীটা খাওয়া কপালে নেই।

হাসি-উচ্ছ্বাস গল্প-গুজবে অন্ধকার সকালটা বেশ  
কাটিয়া গেল। বাড়ীর নীচে গঙ্গায় স্নান মারিয়া  
দ্বিতলের বড়-ঘরে সকলে খাইতে বসিল। নিশীথের  
স্ত্রী মুকুল নিজে রান্না করিয়াছে ঠাকুর থাকিতেও, এবং  
নিজেই পরিবেশন করিয়া সকলকে খাওয়াইল।

দিনটা সুন্দর শুরু হইয়াছিল, কিন্তু সুন্দর শেষ  
হইল না।

সকলে চলিয়া গেছে। বর্ষণ-ক্লান্ত দীর্ঘ দিবসের  
শেষে পশ্চিমের আকাশের অন্তরাগের ঝলমল শোভা,  
জলচিকণ দূরপল্লবচ্ছায়ায় নূতনের দীপ্তি আনিয়াছে,  
ধ্যানমোহন দৃষ্টি মেলিয়া নিশীথ যখন তাই দেখিতেছিল,  
হঠাৎ তার স্ত্রীর করুণ আর্তনাদ কানে গিয়া  
বাজিল। ছুটিয়া নীচে আসিয়া দেখিল পিছল উঠানে  
চলিতে গিয়া সে পড়িয়াছে এবং রীতিমত আহত  
হইয়াছে।

বর্ষার জলস্রোত সারাদিন ধরিয়া এইখান দিয়া  
বহিয়া গেছে।

তখন প্রকৃতির উপরে রাগ করিবার সময় নাই,  
ভাবিবারও সময় নাই, মুকুলকে তুলিয়া ধরিয়া সে  
উপরে লইয়া গেল এবং ঔষধ-পত্রের ব্যবস্থা করিতে  
ছুটিল।

বা-পাটা বিষম মচকাইয়া গেছে।

সাতদিনের চিকিৎসায়ও কোনো ফল হইল না,  
ব্যথা ক্রমশঃ বাড়িতেই লাগিল।

অগত্যা নিশীথ একদিন এক টাক্সা ভাড়া করিয়া  
সহরের বাহিরে যে জেনানা হাসপাতাল আছে, সেখানে  
মুকুলকে দেখাইতে চলিল।

আউটডোরে দেখিয়াই মেয়ে-ডাক্তার মত প্রকাশ  
করিল case serious, হাসপাতালে রাখতেই হবে,  
free ward-এই রাখো, cabin নিয়েই থাকো।

অগত্যা পর্দা-ওয়ার্ডে রাখাই ঠিক হইল। চারিধারে  
জেলখানার মত উঁচু পাঁচিল, অস্ব্যাম্পশ্চা মেয়েরাই  
patient, সেখানে পুরুষের প্রবেশাধিকার নাই।  
ডাক্তারকে অনেক বলিয়া-কহিয়া নিশীথ একটা সম্পূর্ণ  
আলাদা কটেজ ভাড়া লইল, যেখানে সে-ও থাকিতে  
পারে, তবে নির্দিষ্ট সময় ছাড়া সে বাহিরে আসিতে  
পারিবে না। দিনে মাত্র দু'বার, যখন চারিদিকের দরজা  
বন্ধ হইয়া যাইবে, তখন প্রয়োজন হইলে সে কটেজ  
হইতে বাহির হইয়া হস্পিটালের বাহিরে চলিয়া  
যাইতে পারে।

কড়া ব্যবস্থা। তার ওয়ার্ডের নম্বর চার।

রাণীগঞ্জের টালি ঢাকা প্রকাণ্ড একটা ঘর, দু'খানা  
স্প্রিং-এর খাট, একটা আলুনা, একটা টেবিল, দু'খানা  
চেয়ার, একটা দেয়াল-আলমারী ও আয়না—এই  
আসবাব।

ঐ ঘরেরই সঙ্গে সংযুক্ত বাথরুম।

ঘরের সামনে খানিকটা বারান্দা, তার পর ছোট  
একটুখানি প্রাঙ্গণ শ্রামল ঘাসে ঢাকা, কোণে রান্নাঘর।

বাসন-কোসন, হাঁড়িকুড়ি জিনিসপত্রে চারিধার  
-আচ্ছন্ন করিয়া নিশীথ যেন নূতন সংসার পাতিয়া বসিল।

সুভদ্রা বলিয়া একটি উড়িয়া মেয়েকে রান্নার  
কাজের জন্ত সঙ্গে আনিয়াছিল, সে তোলা-উলুনে কয়লা  
চাপাইয়া ধরাইতে বসিল।

ছ'টি নাস' আসিয়া বিছানা করিয়া দিয়া গেল,  
মেট্রন—সে ইয়োরোপীয়ান, আবশ্যকীয় কি কি দিতে  
হইবে তাহার ব্যবস্থা করিয়া দিয়া গেল।



টুক আটটার সময় ডক্টর তারাবান্ধ, মারাঠী মহিলা — নিজে আসিয়া রোগী দেখিয়া গেলেন এবং বলিয়া গেলেন, ভয়ের কিছু নাই।

তারাবান্ধ-এর বয়স হইয়াছে, বিলাত-প্রত্যাগতা— তাঁর কোয়ার্টার্স একেবারে ওধারে। মোটা মাহিনা পান।

হিন্দীতে অত্যন্ত মিষ্টি করিয়া patient-এর সঙ্গে কথা বলিলেন। আর বলিলেন—তুমারী আদমি যব হিঁয়াপর হায়, তব তো শোচনেকা ওঁর কুচ্ নেহি হায়—অর্থাৎ তোমার স্বামী কাছে আছে, ভাবনা কি?

সারাদিন ধরিয়া নার্সদের খবরদারী, ওষুধ খাওয়ানো, মাসাজিং, মালিশ...কুবি, জেন, শেলি, সোফিয়া, মিনেসিস্, পিয়ারা, কমলা প্রভৃতি হিন্দু মুসলমান খৃষ্টান কুড়িটি নার্স। বয়স সকলকারই কম, বেশী হইয়া গেলে অন্তত বদলি করিয়া দেওয়া হয় এবং হয় ত' সৌন্দর্য্য না হোক লালিতা ও স্ত্রী দেখিয়া নির্ধাচন করা হয়, যেন তাহাদের দেখিয়া রোগিনীদের মন প্রশান্ত হয় ভরিয়া ওঠে।

সহানুভূতিতে ভরা সুমিষ্ট কণ্ঠস্বর, মারাঠীদের মত আটসাঁট কাপড় পরিবার একটা বিশিষ্ট ভঙ্গী, সামনে আপ্রান ঝুলাইয়া মাথায় একটা রুমাল বাঁধিয়া অনাবৃত হুই বাহু মেলিয়া অক্লান্ত পরিশ্রম করিবার সহজ প্রবৃত্তি, সব কিছু মিলিয়া গুঞ্জবা যেন মৃষ্টিমতী!

—আপ্ ক্যায়সা হায়, বলিয়া বিছানার উপর ঝুঁকিয়া পড়িয়া প্রায় দিনের মধ্যে অসংখ্য বার, মাথায় হাত ঝুলাইয়া দেওয়া, পাশে বসিয়া বিগুচ্ উর্দুতে গল্প বলা,— প্রথম দিন হইতেই শুরু হইল।

পিছনের জান্না দিয়া দেখা যায় যে প্রকাণ্ড ঝাঁকড়া বটগাছ, তার বিস্তৃত শাখা-প্রশাখায় অসংখ্য পাখীর ডাক, তার ওপারে খোবী ও জমাদারদের ঘর,— একটা সুস্থ জগতের সাড়া পাওয়া যায়।

সন্ধ্যাবেলায় এদিকটা কেহ নাই, খালি গায়ে নিশীথ তার বিছানায় শুইয়াছিল। মুকুলও চুপ করিয়া শুইয়া

কি ভাবিতেছে, টেবিল-ক্যানটার একটানা ভেঁ। ভেঁ। শব্দ ঘরের নিস্তরতা ভঙ্গ করিতেছিল, সুভদ্রা রান্নাঘরে রুটি বেগিতে ব্যস্ত—এমনি সময় সুইচ্ টিপিয়া মেট্রন বলিল, গুড ইভনিং মিষ্টার ভট্টাচারিয়া।

উজ্জল আলোকে এক মেমের সামনে আপনার অর্ধ-নগ্নতায় নিশীথ সঙ্কুচিত হইয়া উঠিল এবং বিছানার চাদরটা ঝপ্ করিয়া তুলিয়া গায়ে জড়াইতে জড়াইতে বলিল, ইয়েস্—গুড ইভনিং।

মেট্রন বলিল, You don't feel any inconvenience, I suppose।

নিশীথ জোর দিয়া বলিল — না-থিং।

তারপর মেট্রন মুকুলের কপালের উপর হাত ঝুলাইয়া জিজ্ঞাসা করিল, ক্যায়সা হায়!

—আচ্ছা ত' মালুম্ হোতা হায়, লেকিন্ গোড়কা দরদ্ ত' ঐসি হায়—

—কম্ হো যায়গা—মচ্ছড় লাগ্ তা হায়? সঙ্গে সঙ্গে নিশীথের দিকে ফিরিয়া বলিল — I say I may arrange for a mosquito-curtain if you feel the necessity for it.

ইতিমধ্যেই মশার ভণ্ডনানি শুরু হইয়াছে, পাখার বাতাসের জন্ত সুবিধা করিতে পারিতেছিল না, কিন্তু মশারী খাটাইবার কোন ব্যবস্থা ছিল না বলিয়া নিশীথ ও-সমক্ষে কোনো উচ্চবাচ্য করে নাই। এরা আবার বলিয়াছে ঘরে পেরেক মারা যাইবে না।

কাজেই জানিতে চাহিল, মশারী ত' তাহারও আছে, টাঙাইবার বন্দোবস্ত কি করা যায়। মেট্রন বলিল সেজন্য ভাবিবার দরকার নাই। 'সিতারা, সিতারা বলিয়া ডাক দিতে একটি ঝি আসিয়া দাঁড়াইল, তাহাকে বলিয়া দিল আটটা বাঁশ আনিতে আর সুধাকে ডাকিয়া দিতে।

সুধা এবং মেট্রন এবং ঝি তিনজনে মিলিয়া X-এর মত করিয়া বাঁশ লাগাইয়া সুন্দর মশারী খাটাইয়া দিল, না হইল দড়ির দরকার না পেরেকের।



শুভ-রাত্রি জ্ঞাপন করিয়া মেট্রন চলিয়া গেল। সুধা একপাশে দাঁড়াইয়া রহিল, রাতের ডিউটি তার।

সুধা—সুধা নামটি বাঙ্গালীজনোচিত, চেহারা যেন ভাটিয়া মেয়েদের মত।

মুকুল বলিল, সমুচা রাত আপকী ডিউটি?

সুধা জবাব দিল—হ্যাঁ, সারা রাত, আর বলেন কেন, এ সপ্তাহটা এমনি যাবে তারপর ডে-ডিউটি।

নিশীথ বলিল—আপনি ত' বেশ বাংলা বলেন!

কলহাস্ত করিয়া সুধা জবাব দিল—আমি যে বাঙ্গালীর মেয়ে, মাতৃভাষা বলব তাতে ..... আপনি কি ভেবেছিলেন?

—আমি ভেবেছিলাম সবাই যেখানে অ-বাঙালী—

বাধা দিয়া সুধা বলিল—হ্যাঁ, আমি একলাই শুধু বাঙালী আছি এখানে।

তারপর মুকুলের বিছানার একপাশে বসিয়া সে অনেক কথাই বলিল, কোথায় কতদূর শীতলমল্ল্যার ধারে তার দেশ, পরসার জন্ত কোথায় আসিয়া পড়িয়াছে, তার বাপ-মা, ভাই-বোন সকলে আছে অথচ...

হয়ত একটু প্রেমের কাহিনী প্রচ্ছন্ন ছিল,— নিশীথের সন্দেহ হয়।

খুদামা—মাদ্রাজী নাস—আসিয়া সুধাকে ডাকিয়া লইয়া গেল, একজন রোগীর না-কি কি হইয়াছে।

খাওয়া-দাওয়ার পর রাত একটু বেশী হইয়াছে, বাহিরে অবিশ্রান্ত রুষ্টিধারার ঝুপ্‌ঝুপ্‌ শব্দ, নিশীথ অস্থূলকর্তে মুকুলের সঙ্গে গল্প করিতেছিল,—সুধা দরজার কাছে আসিয়া আদেশের স্বরে বলিল, ঠুকে এবার ঘুমোতে দিন—অস্থূল শরীর—

অপ্রস্তুত হইয়া নিশীথ চুপ করিল।

সকালবেলা সিতারা আসিয়া গল্প শুরু করিল—  
বেৎনাহি মরিজ্ লোক হিঁরাপর আতী হায়, সবকোই ভারী ভারী বক্শিশ্ দে যাতী, কোই বহৎসা কিমৎকা  
সুধা—কোই খানেকা গিরে পাঁচদশ রুপিয়া—কোই...

মুখ ধুইবার সরঞ্জাম লইয়া আসিয়া হেলেন বলিল—আবি ভাগো, ফজিরমে আকে দিক্ করতা হায় কোন্ কব বক্শিশ্ দে গিয়া.....পহেলে মজ্জ্ আরাম হোনে দেও, আখিরমে উসব বাত.....

ততক্ষণে সিতারা পলাইয়াছে।

সেদিন ডক্টর তারাবাদি মুকুলের পা পরীক্ষা করিলেন এবং বলিলেন অস্ত্র করা ছাড়া আর উপায় নাই। পরের দিন অপারেশন হইবে স্থির হইল, ক্যাষ্টের অয়েল হুঁড়োজ লিখিয়া দিয়া গেলেন। নাস'রা সকলে মিলিয়া আসিয়া অভয় দিয়া গেল, ভয় নাই এমন অপারেশন এখানে কত হইতেছে।

৬নং কটেজে থাকেন যে মোটা গিন্নী, তিনিও তাঁর বিপুল দেহ দোলাইয়া আসিয়া বলিয়া গেলেন, এই ত' আমার মেয়ের নির্মলারও অপারেশন হ'ল, বুকে—কি ভয়? কিছু ভয় নেই। নির্মলা এখন সেরে গেছে, আরত মা নির্মলা, লজ্জা কি—

তাঁর আর এক মেয়ে মিনা তখন দরজার সামনে আসিয়া গেছে।

নিশীথ বলিল, আপনাকে দেখলে আমার বৌদি'র কথা মনে পড়ে, অবিকল সেই রকম চেহারা আপনার। বলুন না বৌদি মেয়েকে আসতে—এসো মা, এসো, লজ্জা কিসের—

অল্প বয়স হইলেও নিশীথ খুব মা-মা করিতে পারে। নির্মলা আসিয়া ঘরে ঢুকিল। নিশীথ বলিল, বসো ঐ চেয়ারে, তুমি রুগী মানুষ, বসুন বৌদি আপনি ওটাতে, আর খুকি তোমার নাম কি? মীনা? বসো তুমি আমার পাশে—

হাসি-গল্পে সহজেই আলাপটা জমিয়া উঠিল। বৌদি গল্প করিতে লাগিলেন—ছেলেবেলায় তিনি সিমলে পাহাড়ে মানুষ, অন্য তাঁর নৈনিতালে, পেশোয়ারে অনেক বড় বয়স অবধি ছিলেন, বাপ তাঁর সৈন্ত-বিভাগে কাজ করতেন—

—বলব কি ঠাকুর-পো, আঙুর যে লোকে খায়



তা আমরা জানতুম না, এমনি ক'রে আমরা নষ্ট করতুম, দু'-এক মুঠো খেয়ে—আপেল, মনকা, মসুর, কিসমিস, আখরোট, আমরা যা খেয়েছি তোমরা বোধ হয় তা চোখেও দেখ নি—মোটা-গিন্নীর কথাগুলি যাকে বলে খুব 'পষ্টপষ্ট'!

দীনা আসিয়া মুকুলের চুল আঁচড়াইয়া দুইগাছা বিছুনী করিয়া দিয়া গেল। আর একবার হেলেন একডোজ ওষুধ খাওয়াইয়া দিয়া গেল।

দুপুরবেলাটা একদম চুপচাপ।

একবার কটেজ হইতে বাহির হইয়া সামনের বাগানে দাঁড়াইয়া নিশীথ দেখে, যে সকল রোগিনী অপেক্ষাকৃত সুস্থ তাহারা লম্বা বারান্দায় আসিয়া বসিয়াছে।

উত্তর ভারতের পর্দানশীন্ মেয়েরাই অধিকাংশ। হঠাৎ দেখিয়া মনে হয় বুঝি কোন্ বাদশাহের হারেমে আসিয়া পৌঁছিয়াছে। তাহাকে দেখিয়া সুলতানীরা কেহ বিশেষ লজ্জা করিল না, যে যেমন দাঁড়াইয়া অথবা বসিয়া ছিল, রহিল। ভাবটা যেন এই পর্দা-ওয়ার্ডের মধ্যে যে পুরুষকে প্রবেশাধিকার দেওয়া হইয়াছে, তাহাকে দেখিয়া পর্দা টানিবার প্রয়োজন নাই।

আকাশ নির্মেষ, কাঁচাসোনার মত রৌদ্র চারিদিকে হড়াইয়া পড়িয়াছে। পুরুষ দেখিতে পাওয়া যায় না, শুধু বিকালে দেখা-করিবার-সময় যখন শেষ হইয়া যায়, তখন বুড়ো দরওয়ান ঘণ্টা বাজাইতে বাজাইতে ওয়ার্ড হইতে ওয়ার্ডে ঘাইবার মুখে এ-ধার হইয়া যায়—মনেকক্ষণ ধরিয়া তার চক্কাটক চন্টন-ধ্বনি রহিয়া গিয়া বাজে।

অপারেশন-রুমের কাঁচ-ঘেরা স্ক্রীন-টাঙানো টেবিলের উপর যখন মুকুলকে শোয়ানো হইল, তখন নিশীথকে সে-ধারে ঘাইতে দেওয়া হইল না। সে একলা-ঘরে বসিয়া একখানা হাত-দেখা-শিক্কা লইয়া

অন্তমনস্ত হইবার চেষ্টা করিল। কিন্তু অন্তমনস্ত কি হওয়া যায় তার, যার জ্বর পায়ে অপারেশন হইতে চলিয়াছে!

চারিটি ঘাই যখন ছেঁচারে করিয়া মুচ্ছিতা মুকুলকে ৪ নং ঘরে লইয়া আসিল তখন নিশীথের বুকটা ছাঁৎ করিয়া উঠিল। মনে হইল যেন প্রাণ নাই। তবে কি?—

অপারেশন successful but the patient --  
না-না।

নার্সরা ধরাধরি করিয়া বিছানায় শোয়াইয়া দিয়া পাশে বসিয়া রহিল। খানিকক্ষণ পরে একটু বমি-ভাব হইতেই মুখের কাছে জেনু পট্টা আগাইয়া দিল।

মেট্রন আসিয়া খোঁজ করিল।  
ডক্টর তারাবাজি একটু পরে আসিলেন।

পনেরোদিন হইয়া গেল, পা কমিয়া আসিতেছে কিন্তু পিঠের শির-দাঁড়ায় যে বাধাটা অল্প-অল্প হইয়াছিল সেটা বাড়িতে লাগিল।

প্রথমে মনে করা গিয়াছিল, ওইবার দোষে হই-  
য়াছে, কিন্তু শেষে একদিন তারাবাজি অল্প সন্দেহ করিয়া বসিলেন।

X-Ray লইয়া নিশীথকে বাইরে ডাকিয়া পাঠাইলেন। বলিলেন—মেরুদণ্ডে ক্ষয়রোগ হয়েছে। প্ল্যাষ্টার অফ প্যারিসের বেন্ট ক'রে কোমরে বেঁধে রাখতে হবে, ঐ একমাত্র চিকিৎসা—

নিশীথ চারিদিক অন্ধকার দেখিল। বলিল—  
সারে ত'?

তারাবাজি বলিলেন—সারবে না কেন, কত সারছে।  
তবে সময় লাগে।

নিশীথ ব্যগ্র হইয়া প্রশ্ন করিল—কতদিন?

অচঞ্চলকণ্ঠে ডাক্তার জবাব দিলেন—বছর আড়াই  
ত' এরকম থাকতে হবে। তারপর খুলে দেখে—  
ভয় নেই এ-case তেমন serious নয়, আমরা কত  
দেখছি!



নিশীথ ঘরে ঢুকিয়া স্ত্রীর দিকে চাহিয়া ভাবিতে লাগিল, এই পুষ্টিত-যৌবন, নিত্যমুক্ত কল্পনায় ভরা সুস্থ মন, এই লইয়া সুদীর্ঘ দিন সুদীর্ঘ রাত্রি অহল্যা-পাশাণীর মত কাটাইতে হইবে? কাজে যার বিশ্রাম ছিল না, তাঁকে হইতে হইবে সম্পূর্ণ পরমুখাপেক্ষী! এ-কি বিধাতার নির্ভুর অবিচার! শান্তি দিবার আর কি লোক মিলিল না, এই ফুলের মত কোমল প্রাণের প্রয়োজন হইল!

তার চোখে জল আসিয়া গেল।

মুকুল জিজ্ঞাসা করিল—ডাক্তার কি বললে গো?

নিজেকে সামলাইয়া লইয়া নিশীথ বলিল—বললে কোমরের ব্যথার জন্তে একটা কোমর-বন্ধ পরতে হবে—

—কি, প্যারিস প্লাষ্টারের?

—হ্যাঁ। তুমি কি ক'রে জানলে?

মুকুল বলিল, তবে কি আমার থাইসিস্ হয়েছে পিঠে? নিশ্চয়। কি বললে বলো, কি রোগ?

—না-না, থাইসিস্ কেন? নিশীথ চাপিতে চেষ্টা করিল।

মুকুল বলিল, তুমি জানো না, আমি জানি, আমাদের পাড়ার হরিধন কাকার মেয়ের হয়েছিল। বাবাঃ, সে ত' তিন বছর পাথর হয়ে থাকতে হবে—

নিশীথ বলিল, সে সেরেছিল ত'?

—সারল ত' কিছু কতদিন পরে বলো। আমি অতদিন থাকতে পারব না, আমার কান্না পায়—কি বেন সব।

নিশীথ স্ত্রীকে সাশ্বনা দিতে বসিল—কেন ছেলে-মাঝুখী করছ মুকুল, তোমার ততদিন থাকবার দরকার না-ও হতে পারে! প্রথমেই রোগ ধরা পড়েছে, মুকুল জ্বাখো—

না, মুকুল দেখিবে না। তার ব্যথা কোথায়, সে কি নিশীথ জানে! সে যে স্বামীর কোনো কাজেই লাগিবে না, তাঁহার বুকের মধ্যে আশ্রয় লওয়াও যে তার হইবে না, পুণিমারাত্রি আসিবে যাইবে, গঙ্গার

বুকে বরষা ঝরিবে, দুঃসহ শীতের সন্ধ্যা কুয়াসা লইয়া নামিয়া আসিবে—তার শবরীর প্রতীক্ষা কবে শেষ হইবে? আজ ত' সবে শুরু। সে ভাবিতে পারে না।

এমনি সময়ে মোটা-গিল্লী আসিয়া বলিলেন, কাবুলের আসল খোবানী তোমরা খাওনি—

নিশীথ ধড়মড় করিয়া উঠিয়া পড়িল। মুকুল ঠিক হইয়া শুইল।

বিকালে দুই নম্বর কটেজে আসিয়াছে একটি মেয়ে আসন্ন-প্রসবা।

ছেলে না-কি বুকের দিকে ঠেলিয়া উঠিয়াছে, এমনি অবস্থায় ছত্রিশ মাইল রাস্তা লরিতে চড়িয়া এখানে আসিয়া পৌছিয়াছে।

সিসেরিয়ান অপারেশন করিতে হইবে, চার্জ পঞ্চাশ টাকার কম নয়, তার স্বামী ও শ্বশুর মেট্রনের সঙ্গে দর-দস্তুর করিতেছে, কুড়ি টাকায় করিয়া দিতে হইবে।

তবু free ward-এ থাকিবে না, ইজ্জত যাইবে, জমীদার-পুত্রবধূর ইজ্জত!

মেট্রন তিরিশে রফা করিয়া টাকাটা আগাম দিতে বলিল, শক্তুভোজীর দল জবাব দিল, আগে অপারেশন হোক, ছেলে না হোক অন্ততঃ রোগী না বাঁচিলে কি হইবে?

সেই অপারেশনের তোড়জোড় চলিতেছে, সেই ধারে সমস্ত নার্স চলিয়া গেছে।

মুকুলের ঘরে শুধু একলা আছে সুধা, কাল কোমর-বন্ধনী দেওয়া হইয়াছে। মুকুলের কিছুই ভালো লাগিতেছে না। জানালার ওধারের বটগাছের পল্লবের কাঁক দিয়া নির্মেষ আকাশের বেটুকু দেখে যায়, সে বেন নিস্তরঙ্গ একটি হ্রদের ছবি—অপরায়িত মলাইয়া-আলা আলোর তার জীবনীশক্তিও যে নিস্তরঙ্গ হইয়া আসিতেছে। এ কী জীবন?

প্রমীলারাজ্যের মত নার্স পরিবেষ্টিত কটেজে নিশীথের দিন মলাক্রান্তা হুন্দে চলে।



তাহাদের ঘরে যায়, মাছ ভাজিয়া পাঠাইয়া দেয়, মাংসের কোন্দা রাখিয়া খাওয়ায়।

নিত্য নূতন রং-এর শাড়ী পরিয়া যে এসিষ্ট্যান্ট লেডি ডাক্তারটি আসে তার ইংরাজী চমৎকার, নিশীথের সঙ্গে বেশ ভাব হইয়া গেছে, কোনোদিন তারও ওখানে চায়ের নিমন্ত্রণ থাকে।

ওদিকে আপিসের ছুটিও শেষ হইয়া আসে।

মুকুলকে বাড়ী লইয়া গিয়া কে দেখিবে, কে নাস করিবে এখন এই তার ভাবনা।

কয়দিন হইল মুকুল একটু গম্ভীর হইয়া গেছে।

সেদিন বিকাল বেলা হেলেন আসিয়া ম্যাজিক দেখাইয়া অন্তমনস্ক করিবার চেষ্টা করিল। কতকগুলো তাসের ম্যাজিক দেশলাইয়ের ম্যাজিক দেখাইয়া অবাক করিয়া দিল। তারপর একটা রুমালের ফাঁসের ম্যাজিক দেখাইল যাহাতে যত শক্ত করিয়াই হাত বাঁধা হোক, অনায়াসে খুলিয়া ফেলা যায়। সেইটা সকলের চেয়ে আশ্চর্য্য।

মিনেসিস্ ও রুবি মিলিয়া কিন্তু আর এক কাণ্ড করিল, একটা রুমাল লইয়া এমন করিয়া গেরো দিয়া দিল যে, হেলেন কিছুতেই খুলিতে পারিল না।

মুকুল তাড়াতাড়ি সেই রকম গেরো দিবার পদ্ধতি দেখিয়া লইল, ট্রেনে যারা চুরী করে তারা না-কি পিছন হইতে আসিয়া এই রকম করিয়া গলায় রুমাল বাধিয়া দেয়, যাহা হাজার চেষ্টা করিয়াও খোলা যায় না, খাসরুদ্ধ হইয়া লোকে মারা পড়ে, একটু শব্দও করিতে পারে না।

তাদের ম্যাজিকও কিছু শিখিল, কিন্তু দেশলাইয়ের ম্যাজিক হেলেন কিছুতেই শিখাইল না। ও বড় আশ্চর্য্য ম্যাজিক, রুমালের মধ্যে একটা চিহ্নিত দেশলাইয়ের কাঠি রাখিয়া উপর হইতে মচকাইয়া টুকরা টুকরা করিয়া ভাঙিয়া দাও, পরে আন্ত কাঠিটা বাহির হইয়া পড়িবে।

একবারের জায়গায় দশবার দেখাইল, তবু কেহই ধরিতে পারিল না। অবাক কাণ্ড।

এমনি সময় মেট্রন আসিয়া খবর দিল, দুই নম্বরের ঘরের যে পেশান্টটির পেট কাটিয়া ছেলে বাহির করা হইয়াছে সেই ছেলে ও প্রকৃতি ছ'জনেই মৃত আছে কিন্তু তাহাদের পুরুষরা এখন ডাক্তারের পায়ে জড়াইয়া ধরিয়া বলিতেছে, দশটাকার বেশী কিছুতেই দিতে পারিবে না, 'মাইবাপকে' মাফ করিতে হইবে।

নিশীথ গুনিয়াছিল ত্রিশ টাকায় রক্ষা হইয়াছিল। সে আশ্চর্য্য হইয়া গেল।

মেট্রন বলিল এ বিষয়ে বাঙালী বাবুরা খুব ভালো, যেমন মিষ্টার ভট্টাচারিয়া—পেমেন্টে কোনো গোলমাল নাই।

নিশীথ শুধু বলিল—Thank you so much for your kind compliments!

নিশীথ নার্সদের সঙ্গে ইদানীং অত্যন্ত হৈ-হৈ করে।

দিনরাত ঘরে বসিয়া আছে, খালি তাহাদের সহিত ফটিনটি। ঠাট্টা করিতে করিতে ছুটাছুটি, হাত-কাড়াকাড়ি, গায়ে পড়া—ওসব মুকুলের ভালো লাগে না। কিছু বলিতেও পারে না, কোনো কালে বলে নাই। চিরদিন সে ঠাণ্ডা স্বভাবের। তা-ছাড়া নিশীথেরও প্রকৃতি এ রকম ছিল না। মেয়েদের কাছ হইতে সে সব সময়েই দূরে দূরে থাকিত। মেয়ে-মহলে কোনো দিনই তাহাকে দেখা যাইত না।

আজ পুরুষ-বর্জিত নারী-রাজ্যে এতগুলি তরুণীর মাঝখানে পড়িয়া তাহার কি চিত্তবৈলক্ষণ্য ঘটিল? সচরিত্রতার যে আদর্শ ছিল, আজ কি তাহার সংযমের বাঁধ ভাঙিবার কারণ দেখা গেল?

আর মেয়েগুলোও ত'কম বাচাল নয়।

নার্সদের চরিত্র সম্বন্ধে সাধারণতঃ ভাল ধারণা কোনো দিনই মুকুলের ছিল না, আজ যেন তার মন তিস্ত হইয়া উঠিল।



ইচ্ছা হইল, মেট্রনকে সব খুলিয়া বলে, নার্সদের সং আচরণের তদারক করার ভার ত' তাহারই উপরে। কিন্তু পারিল না, নিশীথ যদি রাগ করে। একে ত' সে নিজে চিরদিনই ভীক, আজ একেবারে অসহায়, পরমুখাপেক্ষী।

নিশীথও বৃষ্টিতে পারিতেছে তাহার নিজের পরি-বর্তন ঘটতেছে। স্ত্রীকে ভয় করিবার তাহার কখনো প্রয়োজন হয় নাই, কিন্তু ষাহাতে সে আঘাত পায় এমন কাজ করিবার প্রবৃত্তিও ইহার আগে তাহার হয় নাই।

আজ বৃষ্টিতেছে সে সুস্থ সবল স্ত্রীকে সন্তুষ্ট করিয়া চলিত, শিশুর মত দুর্বল রুগ্ন স্ত্রীর প্রতি সে সমীহ-ভাব তাহার নাই। মনের অজ্ঞাতসারে তাহাকে সে অনুকম্পা করিতে শুরু করিয়াছে। মুকুলের রাগ-অভিমানের হ্রাস এখন তাহার আসিয়া যাইবে না।

নহিলে সন্ধ্যা হইতেই সুখা আসিতেই সে তাহার হাত ধরিয়া টানিয়া নিজের বিছানায় বসাইতে পারে, তাও মুকুলের সামনে?

এমন ঘটনা-সংস্থান কোনদিন সে কল্পনা করিতে পারিত? সে কি একবার ভাবিয়া দেখিয়াছে ছুরারোগ্য-রোগ-শয্যায় শায়িত তাহার সামনে অল্প কোনো পুরুষের সঙ্গে মুকুলের এমনি আচরণে তাহার মনের অবস্থা কি হইত?—যখন সে পশু, সেবা ও গুণ্ণা, অর্থ ও সামর্থ্য—প্রতিটি সাহায্যের জন্ত পরের মুখ চাহিয়া মৃত্যুকে সন্মুখে রাখিয়া প্রতিটি মুহূর্ত কাটাইতে হইতেছে, দেহ-মনের সেই চরম অসুস্থতার দিনে তাহার স্ত্রী তাহারই চোখের উপর অল্প এক পুরুষকে টানিয়া বিছানায় বসাইতেছে, অল্প অনেক পুরুষের সহিত খেলা-ধুলায় গল্প-আমোদে মত্ত, তখন নিজের হৃদয়ের সেই বিপরীত ভাব সে কি অনুমানে, অনুভূতিতে আনিতে পারে?

সে ভাবিবার তাহার সময় নাই, এরকম বাহা-বাহা তরুণী-সম্মিলন—প্রতিদ্বন্দ্বীহীন নিরলস প্রেম-

ভিনয় এবং সকলের চেয়ে বড় কথা—যেখানে সকলে কয়েকটি রৌপ্যমুদ্রার বিনিময়ে অনায়াসলভ্য—সেখানে বিবেকের সংঘর্ষের বুলি আওড়াইয়া লাভ নাই।

সুধাকে ধরিয়া বসাইতেই বসিয়াছে এবং গা-ঘেসিয়াই বসিয়াছে, লজ্জায় তাহার কাণ অবধি রাঙা হইয়া যায় নাই, আর একটি মেয়ে যে ঘরে গিয়া আছে তাহার অস্তিত্ব অবধি যেন সে লক্ষ্য করে নাই।

নিশীথ তার এলো খোঁপাটা টান মারিয়া খুলিয়া দিল, দুই হাত দিয়া খোঁপাটা ফিরিয়া বাঁধিতে বাঁধিতে সে বলিল—কি করেন?

নিশীথকে এ কি পৈশাচিক আনন্দ পাইয়া বসিল, সে কি মোম বাতির ক্ষীণ আলোকে দুর্ভাগিনী মুকুলের চোখ দেখিতে পাইতেছে না, যা একবার জলিয়া উঠিয়া জলে ভরিয়া গেল? সে একটি কথা কহিতে পারিল না। কিন্তু নিশীথ কি শয়তান না উন্মাদ?

বন্ধন বনাৎ—জানালা দরজা কাঁপাইয়া বড় উঠিল। হিমম্পর্শ ঠাণ্ডা হাওয়া ঘরের মধ্যে মাতা-মাতি করিতে লাগিল, সুখা উঠিয়া অল্প পেশাণ্টদের দেখিতে গেল।

নিশীথ মুকুলকে জিজ্ঞাসা করিল, ঠাণ্ডা বোধ হচ্ছে, জানলাটা বন্ধ ক'রে দোব?

মুকুল জবাব দিল না।

—অসুখ কর্ছে কিছু?

এবারেও কোন উত্তর দিল না।

না দিক্। অত খোসামোদ করিবার প্রবৃত্তি নিশীথের নাই। মাস-মাস এতগুলো টাকা খরচ করিতে হইতেছে এবং হইবে, তাই কি যথেষ্ট নয়? নিশীথের সন্দেহ হইল, বাড়াবাড়িটা হয়ত মুকুলের চোখে ভালো লাগে নাই। না-ই লাগুক। তাই বলিয়া বসিয়া বসিয়া ভাবিয়া ভাবিয়া সে কি পাগল হইয়া যাইবে?

ও যদি আজ মরিয়াই যায়, একটা ছেলে একট মেয়ে, তারা ত' দিদিমার কাছে আছে, সে আবার



বিবাহ করিবে। হাঁ, এবারে একটু দেখিয়া গুনিয়া করিবে, একটু অশ্রু রকমের।

মুকুলের মত নিখুঁত সুন্দরী খুব কম মেলে, মুকুলের মত গুণবতীও দুর্লভ, দীর্ঘদিনের সংসার-যাত্রা—দুই সন্তানের জননী, তাহার সম্বন্ধে এমন নিষ্ঠুর করুনা করা কিছুদিন পূর্বেও নিশীথের পক্ষে অসম্ভব ছিল।

রাত্রে মুকুল কিছু খাইল না, খাইতে ইচ্ছা নাই। কেহ জোর করিল না। একবার ডাক্তার আসিয়া-ছিলেন। মুকুল বলিল—একটু সদিভাব হয়েছে। রুমালে খানিকটা ইউক্যালিপ্টাস্ দিয়া গুঁকিতে বলিলেন—direct draught-টা যেন না লাগে।

রাত্রেই খাওয়া সারিয়া নিশীথ গুইয়া পড়িল, বারান্দায় ক্যাশিসের পর্দা নামাইয়া সুভদ্রা যেমন শোয়, গুইল।

মাঝে মাঝে বিদ্যুৎ চমকাইতেছে, ক্ষীণ তার আলো, ঝড়-জল, বটগাছের শাখাপ্রশাখার আন্দোলন, চারিদিকের বাগানের অসংখ্য গাছপালার সোঁ সোঁ শব্দ—জ্যোতিষময়ী রজনী, অথচ কি এক মায়ার মন্দির—এমন রাত্রেই অভিসারিকার পথ চাহিয়া বসিয়া থাকিতে ভালো লাগে, গুরু-গুরু আওয়াজের সঙ্গে বুকের ঢুক-ঢুক কম্পন, যে জগৎ চোখের সামনে হইতে মুছিয়া গেছে তাহাকে বিস্মরণের মোহে চঞ্চল হইয়া ওঠার স্বপ্ন—নিশীথকে ঠেলিয়া যেন বিছানা হইতে তুলিয়া দিল।

মুকুল ঘুমাইয়া পড়িয়াছে। টাইম্পিস্টার টিক-টিক শব্দ, দূরে কোন ঘরে নবজাত শিশুর কান্না... ঝড়ের ঝাপটা, বৃষ্টির ছাঁট—রহস্যময়ী রাত্রি।

আকাশে বাতাসে রিমঝিম রমঝম শব্দ—নিশীথ আজ ঘুমাইতে পারিবে না।

নিঃশব্দপদে সুধা আসিয়া দাঁড়াইল। অফুটকণ্ঠে বলিল, উনি ঘুমিয়েছেন?

তাহার সেই অতি আশ্চর্য বলা কথা নিশীথের কানে প্রেমের গুঞ্জরণের মত মনে হইল।

সে উঠিয়া দাঁড়াইয়া তেমনি অশ্রুচক্ষুরে বলিল, হ্যাঁ ঘুমিয়েছে। তুমি বোস।

আজ নিশীথের সকল সঙ্কোচ, সকল ভয় নিঃশেষ হইয়া মুছিয়া গেছে। সুধা বসিল, তাহার ভয়ও নাই, সঙ্কোচও নাই।

দেয়ালে টাঙানো দু'-গাছি যুঁইফুলের মালা—যা সে আজ গোধূলি বেলায় চৌক হইতে কিনিয়া আনিয়াছে—নামাইয়া আনিয়া সুধার খোঁপায় নিশীথ জড়াইয়া দিয়া পাশে বসিয়া পড়িল।

মুহু অথচ উগ্র সুরভি দেহকে মাতাল না করুক মনকে করে।

ঝোড়ো হাওয়া এলোমেলো ভাবে বহিতে লাগিল, মুকুলের মশারি হাওয়ায় ফুলিয়া ফুলিয়া উড়িতে লাগিল, মোমবাতিটার ক্ষীণ শিখা নিভিতে নিভিতে জলিয়া উঠিয়া জলিতে জলিতে নিভিয়া গেল।

তখন প্রবল বর্ষণ শুরু হইয়াছে।

একটা তীক্ষ্ণ তীব্র বিছাতের আলোক-রেখায় দেখা গেল সুধার দুইটা হাত আপনার হাতের মধ্যে লইয়া নিশীথ দাঁড়াইয়া উঠিয়াছে।

সুধা ছুটিয়া দরজার দিকে গেল, তাহার আঁচলটা খপ্ করিয়া ধরিয়া ফেলিয়া নিশীথ টান দিল। সঙ্গে সঙ্গে বাইরে স্নাইচ্ টিপিবার শব্দ হইল এবং আলো জলিয়া উঠিল।

রুবি আসিয়াছিল, ব্যাপারটা দেখিয়াই আলো নিভাইয়া দিয়া পাশে আসিয়া বলিল—৩ নম্বর কটেজমে চলিয়ে, উ ত' খালি হাঁয়। যেন তাহার কাছে ব্যাপারটা কিছুই নূতন নয়।

তাহার পরণে স্কাট এবং পায়ে হিল-উচু জুতা, সে এ্যাংলো-ইণ্ডিয়ান।

ঝড়ের মাতামাটিকে ছাপাইয়া তিনটি প্রাণীর



মাতামাতি রুক্ষভাবে হস্পিট্যাল কটেজের চিরস্তন প্রশান্তিকে আহত করিয়া ফিরিতে লাগিল।

বৃষ্টি পড়িতেছে। ছাতা লইবার জন্ত ঘরের মধ্যে ঢুকিয়া রুবি দেখিল বাতির আলো নিভিয়া গেছে।

এ সময়ে একবার রোগীকে দেখিয়া যাওয়া উচিত ভাবিয়া রুবি electric light জালিয়া দিল।

মশারি তুলিয়া দেখে patient ঘুমাইতেছে।

তাহার গলায় একটা রুমাল বাঁধা,—এ কি? এ যে সেই সর্বনাশা গ্রন্থি! সে নিজ-হাতে যা শিখাইয়াছে!

গায়ে হাত দিয়া দেখে ঠাণ্ডা। pulse নাই।

সে 'Oh God' বলিয়া চীৎকার করিয়া উঠিতে নিশীথ ও সুধা দু'জনেই বিছানার কাছে আসিয়া জিজ্ঞাসা করিল—কি ব্যাপার?

রুবি শুধু বলিল — Dead.

শত বজ্রের ধ্বনির মত শুনাইল — DEAD.

অতীত বর্তমান ভবিষ্যৎ তুলিয়া নিশীথ শুধু ভাবিতে লাগিল—সব শেষ, এত দ্রুত এবং এত অকস্মাৎ!

নিশীথ এতক্ষণে বুঝিল কি ঝড় যুকুলের বৃকে বহিতেছিল, বাহিরে প্রকৃতির ঝঞ্ঝার সঙ্গে হয় ত' তাহার তুলনাই হয় না।

রোগে মৃত্যু হইলে আফশোষ থাকিত না, এ যেন চিরজীবন ধরিয়া আফশোষ করিয়া জলিবার ব্যবস্থা করিয়া দিয়া সে চলিয়া গেল।

একদিন মূর্ছিতা তাহাকে যে ভাবে ট্রেচারে করিয়া

এই ঘরে আনা হইয়াছিল সেই ভাবে চারপাই করিয়া আজ ঘর হইতে বাহির করা হইল। নিশীথ শুধু দেখিল।

দুইজনে আসিয়াছিল, দুইজনে হাঁসপাতালের কটক পার হইয়া যাইবার কথা, তা হইল না। তাহার ক্ষণিকের সাজানো সংসার পশ্চাতে ফেলিয়া রাখিয়া, ক্ষণিকের অস্থায়ী প্রেমের অভিনয়ের স্মৃতি মন হইতে মুছিয়া ফেলিয়া একাকী নিশীথ গঙ্গার ঘাটের দিকে বাহির হইয়া গেল।

তখনো সকালের আকাশ অন্ধকার করিয়া বৃষ্টি ঝরিতেছে। সমৃদ্ধনগরীর অগণিত সৌধমালা গঙ্গার তীরতটে জলম্নাত হইতেছে।

যে বর্ষাকে নিশীথ চিরদিন ভালোবাসে আজ শোকের দিনে, দুঃখের দিনে তাহারো স্মরণ যেন হাহাকারে ভরা, তাহারো রিম্‌ঝিম্‌ রিম্‌ঝিম্‌ যেন বুকফাটা কান্নারই প্রতিধ্বনি।

চার নম্বর ঘর একেবারে খালি হইয়া গেছে।

সকালবেলা গয়লানী দুধ দিতে আসিয়া ফিরিয়া গেল। মোটা-গিন্নী আলু-বোধরার গল্প বলিতে আসিয়া অবাক হইয়া গেলেন।

ফিনাইল ঢালিয়া আবার নূতন রোগীর জন্ত ঘর পরিষ্কার করা হইতে লাগিল।

নাসাদের আজ কাজে মন নাই, সুধা ঘরে গিয়া খিল দিয়াছে। পর্দা-ওয়ার্ড চার নম্বরের সামনে দাঁড়াইয়া মেট্রন শুধু বলিয়া উঠিল—Poor Soul!





# বাংলা কবিতার ছন্দ

অধ্যাপক শ্রীপ্রবোধচন্দ্র সেন, এম্-এ

[ পূর্বসূচী ]

৩

রবীন্দ্রনাথের পরিভাষায় সাধু ছন্দের ওই ‘স্থিতি-  
স্থাপকতা’ গুণের ফলেই কবিরা প্রয়োজনমতো  
যেষ্ঠ যুগ্মধ্বনির আমদানী করতে পারেন। সাধু  
ছন্দের এই স্থিতিস্থাপকতা ও ভারবহনশক্তিকেই  
রবীন্দ্রনাথ অল্প ‘শোষণশক্তি’ বলে বর্ণনা করেছেন।  
কেননা এ-ছন্দ আপন প্রকৃতিটিকে বজায় রেখেও  
বহুল পরিমাণে ব্যঞ্জনধ্বনি শোষণ ক’রে নিতে পারে।  
যাহোক, এ-ছন্দের এই শক্তিটিকে স্থিতিস্থাপকতাই  
বলি আর ভারবহনশক্তি বা শোষণশক্তিই বলি,  
এর একটা সীমা কোথাও আছে অবশ্যই। এই  
সীমা কোথায় তার বিচার ক’রে দেখা যেতে পারে।  
রবীন্দ্রনাথ এই শক্তির লীলা দেখাবার উদ্দেশ্যে যে  
দৃষ্টান্তগুলি রচনা করেছেন তাই উদ্ধৃত ক’রে দিচ্ছি—

- (১) পাষাণ মিলায়ে যায় গায়ের বাতাসে
- (২) পাষাণ মূর্চ্ছিয়া যায় গায়ের বাতাসে
- (৩) পাষাণ মূর্চ্ছিয়া যায় অঙ্গের বাতাসে
- (৪) পাষাণ মূর্চ্ছিয়া যায় অঙ্গের উজ্বাসে
- (৫) সঙ্গীত তরঙ্গি’ উঠে অঙ্গের উজ্বাসে
- (৬) সঙ্গীত-তরঙ্গ-রঙ্গ অঙ্গের উজ্বাস
- (৭) হৃদ্যন্ত পাণ্ডিত্যপূর্ণ হৃঃসাধ্য সিদ্ধান্ত

প্রথম দৃষ্টান্তটিতে শব্দমধ্যবর্তী যুগ্মধ্বনি একটিও  
নেই। তারপর ক্রমে ক্রমে শব্দমধ্যবর্তী যুগ্মধ্বনি  
একটি একটি ক’রে বাড়ানো হয়েছে। সপ্তম দৃষ্টান্তটিতে  
সর্বমুদ্র ও-রকম যুগ্মধ্বনি আছে ন’টি। তার পর তিনি  
আর দৃষ্টান্ত রচনা করেননি। এর থেকে স্বভাবতই  
অসম্ভব হয় যে, রবীন্দ্রনাথের মতে একটি পরার-  
পঙ্ক্তিতে ন’টির বেশি শব্দমধ্যবর্তী যুগ্মধ্বনি সমাবেশ

করা সম্ভব নয়। এ-কথা স্বীকার করতেই হবে যে,  
একটি সাধারণ পরারের পঙ্ক্তিতে ন’টির বেশি শব্দ-  
মধ্যবর্তী যুগ্মধ্বনির সমাবেশ করা সম্ভবপর হ’লেও  
তা পাঠকের দস্ত এবং শ্রোতার কর্ণ কোনোটার পক্ষেই  
নিরাপদ হবে না। শুধু তাই নয়, উদ্ধৃত সপ্তম  
দৃষ্টান্তটিকেও উক্ত প্রত্যঙ্গ-দ্বয়ের পক্ষে সম্পূর্ণ নিরাপদ  
বলা যায় না। অস্তত এ-কথা বলা চলে যে, ব্যঙ্গ-  
কবিতায় এ-রকম ন’টি শব্দমধ্যবর্তী যুগ্মধ্বনি-ওয়াল  
পঙ্ক্তি ব্যবহার করা চললেও সাধারণ কবিতায় বোধ  
করি চলে না। যাহোক, উপরের সপ্তম দৃষ্টান্তটিকে  
আশ্রয় ক’রে অমূল্যধনবাবু যে সিদ্ধান্ত করেছেন  
সে-বিষয়ে ছয়েকটি কথা বলা প্রয়োজন। প্রথমেই  
ব’লে রাখছি আমার বিবেচনায় তাঁর এই সিদ্ধান্তটিও  
‘হৃঃসাধ্য’ ব’লেই মনে হয়। তিনি খুব জোরের সহিত  
সূত্র তৈরী ক’রে বিধান দিয়েছেন, “হ্রস্বীকরণের একটা  
সীমা আছে। একই পর্বে উপর্যুপরি মাত্র দুইটি  
যৌগিক অক্ষরের হ্রস্বীকরণ করা যাইতে পারে।  
কিন্তু যদি পর পর তিনটি যৌগিক অক্ষর থাকে  
তবে তাহাদের মধ্যে একটিকে দীর্ঘ ধরিতেই হইবে।”  
(বাংলা ছন্দের মূলসূত্র—১৮ নং সূত্র, পৃঃ ৯ এবং  
৩৪ দ্রষ্টব্য)। দৃষ্টান্তের সাহায্যে দেখা যাক তাঁর এই  
সিদ্ধান্তটি যুক্তিসহ কি না।—

(১)

তারি অন্তরালে

রহিয়া ‘অস্ব্যাম্পশ’, নিত্য চুপে চুপে  
ভরিছে সন্তানগৃহ ধনধান্য রূপে  
জীবনে যৌবনে।

—রবীন্দ্রনাথ, মানসী, অহল্যার প্রতি।



- (২) আবর্তিতা তৃণপর্ণ, 'ঘূর্ণাচ্ছন্দ' শূন্তে  
আলোড়িয়া,  
চূর্ণ রেণুরাশ  
মস্তক্রেম খসিছে হতাশ।  
—ঐ, কল্পনা, বৈশাখ।

- (৩) তুচ্ছ করে সম্মানের অভিমান,  
চিত্ত টেনে আনে  
বিশ্বের প্রাঙ্গণতলে তব 'নৃত্যচ্ছন্দ'র  
সন্ধান।

- \* \* \*
- আমার আহ্বান যেন অপ্রভেদী  
তব জটা হ'তে  
উত্তারি' আনিতে পারে নিৰ্বরিত  
রস-সুধা স্রোতে  
ধরিত্রীর তপ্ত বক্ষে 'নৃত্যচ্ছন্দ'-মন্দাকিনী  
ধারা,  
ভস্ম যেন অগ্নি হয়, প্রাণ যেন পায়  
প্রাণহার।  
—ঐ, নটরাজ ( বনবাণী ), উদ্বোধন।

- (৪) বিশ্বজয়ী বীর  
নিজেরে বিলুপ্ত করি' শুধু কাহিনীর  
'বাক্যপ্রান্তে' আছে ছায়া-প্রায়। কত জাতি  
'কীর্তিস্তম্ভ' রক্তপঙ্কে তুলেছিল গাঁথি  
মিটাতে ধুলির মহানুধা।  
—ঐ, পরিশেষ, বিশ্বায়।

- (৫) বীর-'কীর্তিস্তম্ভ' হয় গাঁথা  
লক্ষ লক্ষ মানব-কঙ্কাল-স্তূপে।  
—ঐ, বিচিত্রিতা, বাজা।

আর দৃষ্টান্ত বাড়াবার প্রয়োজন নেই। আশা  
করি অমূল্যাম্পত্ত, ঘূর্ণাচ্ছন্দ, নৃত্যচ্ছন্দ, বাক্যপ্রান্ত,  
কীর্তিস্তম্ভ প্রভৃতি শব্দে "পর পর তিনটি ব্রহ্ম বৌগিক  
অক্ষরের" ব্যবহার দেখে অমূল্যধনবাবু বুঝতে পারবেন  
যে, তাঁর সিদ্ধান্তটি অসাধ্য নয় এবং তাঁর এই মূলমন্ত্রটির

কিছুমাত্র মূল নেই। কেন-না উদ্ধৃত দৃষ্টান্ত-ক'টির  
ছন্দ ভুল হয়েছে, এ-কথা বলবার সাহস বোধ করি  
কারণ নেই। এই দৃষ্টান্তগুলির মধ্যে 'বাক্যপ্রান্ত'  
ও 'কীর্তিস্তম্ভ' সম্বন্ধে এই আপত্তি হ'তে পারে যে,  
এই শব্দ-দুটির মধ্যে পর পর তিনটি যুগ্মধ্বনি বা  
যৌগিক অক্ষর নেই, এদের আসল রূপ হচ্ছে বাক্য-  
প্রান্ত, কীর্তি-স্তম্ভ। অর্থাৎ এই শব্দ-দুটি সমাসের  
দ্বারা যুক্ত হ'লেও উচ্চারণে এরা বিযুক্ত। ইন্দ্রপ্রস্থ,  
ঝঙ্কারু, বঙ্গপ্রান্ত (শিবাজী উৎসব, পূরবী) প্রভৃতি শব্দ  
সম্বন্ধেও এরকম আপত্তি হ'তে পারে। কিন্তু আমার  
উচ্চারণে কীর্তিস্তম্ভ, বাক্যপ্রান্ত শব্দে পর পর তিনটি  
সংশ্লিষ্ট যুগ্মধ্বনি থাকে এবং তাতে আমি আবৃতিকালে  
কোনো অসুবিধা বোধ করি নে। আর, আমার বিশ্বাস  
কবিশঙ্করও এ-সব শব্দগুলিকে বিযুক্ত ভাবে উচ্চারণ  
করেন না। যদি করতেন তাহ'লে এই সব শব্দে  
মধ্যে অতি অনারাসেই একটি ক'রে বিভাগ-স্থচক  
হাইফেন-চিহ্ন বসাতে পারতেন। তা ছাড়া, ঘূর্ণা-ছন্দ  
ও নৃত্য-ছন্দ না লিখে তিনি যে এ-সব স্থলে সন্ধি  
নিয়ম অনুসরণ করেছেন তাতেই স্পষ্ট প্রমাণিত হ  
যে, তাঁর উচ্চারণে পর পর তিনটি সংশ্লিষ্ট যুগ্মধ্বনি  
থাকতে কোনো বাধা নেই। আর, 'অমূল্যাম্পত্ত'  
শব্দটির দ্বারা প্রমাণিত হয় যে, অমূল্যবাবুর এ  
মন্ত্রটি একেবারেই মূল্যহীন। তাঁর এই মন্ত্রটির যা  
কিছুমাত্র মূল্য থাকে তাহ'লে বাংলা বৌগিক বা  
পয়ারজাতীয় ছন্দ থেকে আত্মোৎসর্গ, যুদ্ধোত্তর  
তন্ত্রাচ্ছন্দ, রক্তঃশ্রেষ্ঠ, মন্দাক্রান্তা, অত্যাশ্চর্য্য, হর্ষোৎফুল্ল  
বিদ্যাবহি প্রভৃতি শব্দকে একেবারেই বাতিল ক'রে  
দিতে হয়। কিন্তু বাংলা দেশের কবিরা তাতে রাগি  
হবেন কি? আমি যদি সাহস ক'রে লিখি—

আঁকি দিল বিদ্যাবহি যুগান্তের দিগ্-দিগন্তরে  
মহামন্ত্র শিখা।

কিংবা—

তোমার সে আত্মোৎসর্গ স্বদেশ-সঙ্গীর পূজাধরে  
সে সত্যসাধন, ইত্যাদি



তাহ'লে অমূল্যধনবাবু কিংবা বাংলার কবি-সমাজ  
আমাকে ছন্দঃপাতন দোষে অপরাধী সাব্যস্ত  
করবেন ?

বাংলা ছন্দে “যৌগিক অক্ষরের হ্রস্বীকরণের” সীমা  
অর্থাৎ আমার পরিভাষায় সংশ্লিষ্ট যুগ্মধ্বনি সমাবেশের  
সীমার প্রসঙ্গটা যখন উঠেই পড়েছে তখন এই বিষয়ে  
যারেকটু অগ্রসর হওয়া যাক। দেখা গেল যে, যৌগিক  
পয়ার-জাতীয় ছন্দে পর পর তিনটি সংশ্লিষ্ট যুগ্মধ্বনির  
সমাবেশ করতে কোনো বাধা নেই। অবশ্য এ-কথা  
বলা নিশ্চয়োজ্ঞান যে, বাংলায় সংশ্লিষ্ট যুগ্মধ্বনি  
সচরাচর একাকীই থাকে; দুটি সংশ্লিষ্ট যুগ্ম-  
ধ্বনির একত্র সমাবেশ বিরলতর এবং তিনটির  
সমাবেশ আরও বিরল কিন্তু অপ্রাপ্য নয়। এইটেই  
বোধ করি অমূল্যধনবাবুর কথিত হ্রস্বীকরণের সীমা।  
কারণ যৌগিক ছন্দে তিনের অধিক সংশ্লিষ্ট যুগ্মধ্বনির  
একত্র সমাবেশ সম্ভব ব'লে মনে হয় না।

মাত্রাবৃত্ত ছন্দে যুগ্মধ্বনিকে প্রায় সর্বদাই বিশ্লিষ্ট  
ব'লে গণ্য করা হ'য়ে থাকে। সুতরাং এ ছন্দে সংশ্লিষ্ট  
যুগ্মধ্বনির প্রসঙ্গ আসে না। কিন্তু স্বরবৃত্ত ছন্দে  
যুগ্মধ্বনির উচ্চারণ প্রায় সর্বত্রই সংশ্লিষ্ট। এ কথা  
অমূল্যধনবাবুও স্বীকার করেন। এখন দেখা যাক  
এ ছন্দে সংশ্লিষ্ট যুগ্মধ্বনি-সমাবেশের সীমা কোথায়।  
প্রথমেই দেখতে পাই যে, যৌগিকের ত্রায় স্বরবৃত্তেও  
সংশ্লিষ্ট যুগ্মধ্বনি সচরাচর এককই থাকে এবং এইটিই  
এ ছন্দের সাধারণ রীতি। কিন্তু যৌগিক (অর্থাৎ সাধু  
পয়ার-জাতীয়) ছন্দে পর পর দুটি সংশ্লিষ্ট যুগ্মধ্বনি যেমন  
বহুল পরিমাণে ও সূচরূপে ব্যবহৃত হয়, স্বরবৃত্ত ছন্দে  
তমন হয় না। কিন্তু তা ব'লে স্বরবৃত্ত ছন্দে যে  
এরকম দৃষ্টান্তের অভাব আছে তা নয়। যথা—

(১) দৈবে হতেম | ‘দশম রত্ন’ | ‘নব রত্নের’ |

মালে

(২) ‘নব রত্নের’ | সভার মাঝে | ‘রৈতাম একটি’ |

টেরে

—রবীন্দ্রনাথ, কণিকা, সেকাল।

(৩) ‘শেষ বসন্তের’ | সন্ধ্যা হাওয়া | শতশৃঙ্গ | মাঠে  
উঠল হা হা | করি।

—ঐ, ঐ, পরামর্শ।

(৪) ‘জাস্তাম নাক’ | ‘চিস্তাম নাক’ | তোমার  
আমি | প্রিয়তমে

• • •

হঠাৎ তুমি | ‘পূর্বাজনে’ | উদয় হলে | ‘শরচ্ছন্দ’  
শাস্ত গরি- | মায়।

—দ্বিজেন্দ্রলাল, আলোখা, অষ্টাদশ চিত্র।

(৫) ‘সাম্রাজ্যেরি’ | স্বর্গ-সিঁড়ি | গড়্ছ তখন |

অতঙ্গ

—সত্যেন্দ্রনাথ, অল-আবীর, গঙ্গাহৃদি বঙ্গভূমি।

(৬) যাদের লাগি | ‘ধনুর্ভঙ্গ’ | যাদের লাগি |

লক্ষ্যবেধ

—ঐ, ঐ, মৃত্যু-স্বপ্নধর।

লক্ষ্য করলে দেখা যাবে উক্ত দৃষ্টান্তগুলিতে  
এগারোটি পর্কে পর-পর দুটি ক’রে সংশ্লিষ্ট যুগ্মধ্বনি  
আছে। আরও তলিয়ে দেখলে এদের মধ্যেও একটু  
পার্থক্য টের পাওয়া যাবে;—কতকগুলিতে (যেমন  
দশম রত্ন, শরচ্ছন্দ, ধনুর্ভঙ্গ) যুগ্মধ্বনিগুলি পর-পর  
স্থাপিত হ’লেও এদের দুই পূর্বার্কে বিভক্ত করা যায়, কিন্তু  
আর কতকগুলিতে (যেমন, নবরত্নের, শেষ বসন্তের,  
পূর্বাজনে, সাম্রাজ্যেরি) যুগ্মধ্বনি-দুটি একই পূর্বার্কে  
অবস্থিত। যৌগিক ছন্দে পর-পর দুটি সংশ্লিষ্ট যুগ্মধ্বনি  
ছন্দের ধ্বনি-গাভীর্য্য বৃদ্ধির সহায়তাই করে। কিন্তু  
স্বরবৃত্ত ছন্দে উপর্যুপরি দুটি সংশ্লিষ্ট যুগ্মধ্বনি বিশেষ  
সুখশ্রাব্য হয় না, বিশেষত’ যদি এদুটি একই পূর্বার্কে  
স্থাপিত হয়।

পূর্বে দেখিয়েছি যে, অমূল্যধনবাবুর নিষেধ-বিধি  
থাকা সত্ত্বেও বাংলা কাব্যের যৌগিক ছন্দে একই  
পর্কে পর-পর তিনটি সংশ্লিষ্ট যুগ্মধ্বনির দৃষ্টান্তের অভাব  
নেই। এখন আমরা দেখব বাংলা স্বরবৃত্ত ছন্দেও  
পর-পর তিনটি সংশ্লিষ্ট যুগ্মধ্বনির দৃষ্টান্ত আছে।



পূর্বোক্ত দ্বিতীয় দৃষ্টান্তটিতেই এর নিদর্শন আছে—যথা, রৈতাম একটি। এ দৃষ্টান্তটি হয়তো খুব সন্তোষজনক নয়। কারণ ছন্দ-সন্ধি বা metrical liaison-র নিয়ম অনুসারে এ পর্কেটিকে ‘রৈতামেকটি’ ব’লেও গণ্য করা যেতে পারে। ছন্দ-সন্ধি সম্বন্ধে এস্থলে বিস্তৃত আলোচনা নিম্নয়োজন। যাহোক, রবীন্দ্রনাথের ‘সেকাল’ (ক্ষণিকা) কবিতাটি থেকেই অত্র দৃষ্টান্ত দেওয়া যাক।

জীবন-তরী | ব’হে যেত | মন্দাক্রান্তা | তালে

এখানে ‘মন্দাক্রান্তা’ শব্দে পর-পর তিনটি সংশ্লিষ্ট যুগ্মধ্বনি আছে। তর্ক উঠতে পারে যে, এ শব্দটিকে দু-ভাগে বিচ্ছিন্ন ক’রে মন্দা-ক্রান্তা এ ভাবে উচ্চারণ করতে হবে। অতএব অত্র দৃষ্টান্তের সন্ধান দেওয়া যাক।—

(১) রোগের ধানের | শেষ রাখ না | ‘কলঙ্কের  
শেষ’ | রাখবে কি ?

—সত্যেন্দ্রনাথ, অত্র-আবীর, মৃত্যু-স্বপ্নস্বর।

(২) যাহার কাছে | ‘কইতাম নিত্য’ | গৃহ আধার  
| কোরে

চোলে গিয়ে- | ছে সে।

—দ্বিজেন্দ্রলাল, আলোখ্য, পঞ্চম চিত্র।

এখানে ‘কলঙ্কের শেষ’ এবং ‘কইতাম নিত্য’ এ দুটি পর্কে স্পষ্টই পর-পর তিনটি হ্রস্ব যৌগিক অক্ষর অর্থাৎ সংশ্লিষ্ট যুগ্মধ্বনি রয়েছে, একটিকেও দীর্ঘ ধরতে হয় না। অতএব এখানেও অমূল্যধনবাবুর মূল সূত্রটি খাটুচ্ছে না। শুধু তাই নয়। স্বরবৃত্ত ছন্দে একই পর্কে পর-পর চারটি সংশ্লিষ্ট যুগ্মধ্বনির দৃষ্টান্তও আছে। যথা—

(১) সে যদি তোর | থাকতো, খানিক | ‘আন্ধার  
কর্জিস্’ | শোবার আগে

দাবী কর্তিস্ | চুমা।

—দ্বিজেন্দ্রলাল, আলোখ্য, ষষ্ঠ চিত্র।

(২) অনেক বাক্য | হানাহানি

‘গর্জন বর্ষণ’ | অনেকখানি।

—ঐ, ঐ, সপ্তম চিত্র।

অতএব দেখতে পাচ্ছি যৌগিক ছন্দে পর-পর তিনটি সংশ্লিষ্ট যুগ্মধ্বনি এবং স্বরবৃত্ত ছন্দে একরূপ যুগ্মধ্বনি পর-পর চারটে পর্য্যন্ত ব্যবহার করা সম্ভব। কাজেই এই উভয় প্রকার ছন্দেই অমূল্যধনবাবুর বিধান টেকে না। তাঁর আরেকটি নিয়ম হচ্ছে এই। “স্বরাধাতু যুক্ত অক্ষরের পরবর্তী অক্ষরটি সেই পর্কাদের অন্তর্ভুক্ত হইলে নিত্য-হ্রস্ব হওয়া দরকার।” (বাংলা ছন্দের মূল-সূত্র, পৃঃ ৪০)। উপরের দৃষ্টান্তগুলি থেকেই বোঝা যাচ্ছে যে, তাঁর এই নিয়মটিও সর্বত্র প্রযোজ্য নয়। যাহোক, একথা বলা দরকার যে, স্বরবৃত্ত ছন্দে এক পর্কে চারটি সংশ্লিষ্ট যুগ্মধ্বনির সমাবেশ সুখশ্রাব্য নয় এবং তাই এ রকম দৃষ্টান্তও খুব বিরল; আর চার সিলেবল্ বজায় রেখে (পর-পর কিংবা বিচ্ছিন্নভাবে) তিনটি যুগ্মধ্বনি ব্যবহারের দৃষ্টান্তও বেশি নয়; তা-ছাড়া এ ছন্দে একই পর্কে, বিশেষত’ একই পর্কাদে, উপর্যুপরি দুটি সংশ্লিষ্ট যুগ্মধ্বনির দৃষ্টান্তও অপেক্ষাকৃত কম—কেন-না এ রকম সমাবেশ খুব শ্রুতি-সুখকর হয় না।

## ৪

এবার আমাদের মূল প্রসঙ্গে অর্থাৎ যৌগিক বা পয়ার-জাতীয় ছন্দের প্রসঙ্গে ফিরে আসা যাক। রবীন্দ্রনাথ ‘মানসী’তে দুয়েকটি কবিতায় সাধারণ পয়ার ছন্দে “যুক্তধ্বনিকে দুই মাত্রার গৌরব দিয়ে” একটি নবতন ছন্দ-রীতি প্রবর্তনের প্রয়াস করেছিলেন। অর্থাৎ ‘মানসী’র ওই দুয়েকটি কবিতাতেই আধুনিক কালে “মাত্রাবৃত্ত পয়ার” রচনার প্রথম প্রয়াস হয়েছে। “নিফল উপহার” ও “কবির প্রতি নিবেদন”, এই দুটি কবিতার মাত্রারীতির প্রতি লক্ষ্য করলেই একধার সার্থকতা বোঝা যাবে। “নিফল উপহার” কবিতাটির প্রথম দুটি লাইন হচ্ছে এই—

নিম্নে যমুনা বহে স্বচ্ছ শীতল

উর্কে পাষাণতট শ্রাম শিলাতল।

(মাত্রিক পয়ার)



কিন্তু এই ‘মাত্রিক পয়ার’ নানা কারণে রবীন্দ্রনাথের কানকে প্রসন্ন করতে পারেনি। তাই দেখতে পাই তিনি পরবর্তী কালে এই কবিতাটিকেই মাত্রিক ছন্দ থেকে যৌগিক ছন্দে রূপান্তরিত করেছেন। যথা —

নিম্নে আবর্তিয়া ছুটে যমুনার জল।  
হুই তীরে গিরি-তট, উচ্চ শিলাতল ॥

( যৌগিক পয়ার )  
—কথা ও কাহিনী।

মাত্রিক পদ্ধতির পয়ার রবীন্দ্রনাথের কানকে কেন প্রসন্ন করতে পারেনি এবং কেন তিনি এই কবিতাটির মাত্রিক পয়ারকে যৌগিক পয়ারে রূপান্তরিত করার প্রয়োজন বোধ করেছিলেন, সে বিষয়ে আমি অল্প একটি প্রবন্ধে বিস্তৃত আলোচনা করেছি (প্রবাসী — চৈত্র, ১৩৩৮, পৃ: ৭৭৯-৮১)। স্মরণ্য এ-স্থলে ও-বিষয়ের পুনরালোচনা নিম্প্রয়োজন। গত বৈশাখের “উদয়নে” রবীন্দ্রনাথ লিখেছেন, “অনতিকাল পরেই বোঝা গেল পয়ারের উপর এ আইন (যুগ্মধ্বনিকে দুই মাত্রা গণ্য করার) চালাবার কোনোই প্রয়োজন নেই। বিনা বাধায় লেখা যেতে পারে —

উন্মত্ত যমুনা বহে, আবর্তিত জল  
দুর্গম শৈলের তটে উদ্দাম উচ্ছল।”

( যৌগিক পয়ার )

তার এ-উক্তি থেকে মনে হ’তে পারে পয়ারে “যুগ্মধ্বনিকে দুই মাত্রার গৌরব” দেবার অর্থাৎ মাত্রিক পয়ার রচনা করার “কোনোই প্রয়োজন নেই।” কিন্তু এ-রকম ধারণা যে মোটেই সমর্থনযোগ্য নয়, তা বলাই বাহুল্য। ‘মানসী’র পর বহুকাল রবীন্দ্রনাথও মাত্রিক পয়ার রচনা করেননি। কিন্তু অপেক্ষাকৃত আধুনিক কালে তিনি মাত্রিক পয়ার ছন্দে অনেক সুন্দর সুন্দর কবিতা লিখেছেন। পূর্বোক্ত প্রবন্ধটিতে আমি বহু দৃষ্টান্ত যোগে এ বিষয়ের বিশদ আলোচনা করেছি। স্মরণ্য এ-স্থলে একটিমাত্র নিদর্শন দেখিয়েই ক্ষান্ত হব। যথা—

শ্রামঘন তমালের কুঞ্জে

পল্লবপুঞ্জে

আজি শেষ মল্লারে গুঞ্জে

বিচ্ছেদ-গীতিকা,

আজি মেঘ বর্ষণ-রিক্ত

নিঃশেষ বিস্ত,

দিল করি শেষ অভিযুক্ত

কিংগুক-বীথিকা।

—নটরাজ ( বনবাণী ), শেষ মিনতি।

শিশুপাঠ্য “সহজপাঠ” ( দ্বিতীয় ভাগ ) পুস্তক-খানিতেও ‘মাত্রিক পয়ারের’ অতি চমৎকার ছটি দৃষ্টান্ত আছে। একটু নমুনা দেখাচ্ছি—

(১) আমাদের ইস্কুল ছোটো হুই হুই,  
অঙ্কের বই ছোটো, ছোটো ব্যাকরণ।  
ঘণ্টা কেবলি দোলে ঢঙ, ঢঙ, বাজে—  
যত কেন বেলা হোক তবু থামে না যে।

(২) সাতকড়ি ভাজের মস্ত দালান,  
কুঞ্জ সেখানে করে প্রত্যাশে গান।  
‘হরি হরি’ রব উঠে অঙ্গন মাঝে  
ঝন্ঝনি ঝন্ঝনি ঝঞ্জনি বাজে।

অতএব দেখতে পাচ্ছি পয়ার ছন্দে ‘যুগ্মধ্বনিকে দুই মাত্রার গৌরব’ দেবার ‘কোনোই প্রয়োজন নেই’, এ-কথা বলা যায় না। বরং প্রয়োজন মতো পয়ারে যুগ্মধ্বনিকে দুই মাত্রার গৌরব দিয়ে অতি চমৎকার ছন্দ রচনা করা যায়। অর্থাৎ দরকার মতো যৌগিক পয়ার ও মাত্রিক পয়ার দুটোই চলে, কোনোটাকেই বাদ দেওয়া যায় না। দ্বৌ কর্তব্যো।

এই যৌগিক পয়ার ও মাত্রিক পয়ার ছাড়া আমাদের কাব্য-সাহিত্যে আরেক রকম পয়ারের প্রচলন আছে, তাকে রবীন্দ্রনাথের পরিভাষায় বলতে পারি ‘প্রাকৃত পয়ার’। এই প্রাকৃত পয়ারকেই আমার পরিভাষায় বলি স্বরবৃত্ত পয়ার। গত বৈশাখ মাসের ‘বঙ্গভী’-তে (পৃ: ৪২৬-২৭) রবীন্দ্রনাথ ‘বলাকা’র



ছন্দের জায় ‘পলাতকা’র ছন্দকেও ‘বেড়া-ভাঙা পয়ার’ বলে অভিহিত করেছেন। আর একথা বলাই নিষ্প্রয়োজন যে, ‘বলাকা’র হচ্ছে যৌগিক বা সাধু ছন্দের পয়ার আর ‘পলাতকা’র স্বরবৃত্ত বা প্রাকৃত ছন্দের পয়ার। সুতরাং দেখতে পাচ্ছি রবীন্দ্রনাথও বাংলা ছন্দের তিন শাখার এই তিন প্রকার পয়ারের অস্তিত্ব স্বীকার করেন। প্রবন্ধের গোড়াতেই এই ত্রিবিধ পয়ারের বিষয় আলোচনা করেছি। সুতরাং এ স্থলে এই ত্রিবিধ পয়ারের দৃষ্টান্ত দিয়েই এ প্রসঙ্গ সমাপ্ত করছি।—

(১) নিম্নে যমুনা বহে স্বচ্ছ শীতল।

উর্দ্ধে পাষণ তট শ্রাম শিলাতল ॥

(মাত্রিক পয়ার)

(২) উন্নত যমুনা বহে, আবর্জিত জল

দুর্গম শৈলের তটে উদ্গাম উচ্ছল ॥

(যৌগিক বা সাধু পয়ার)

(৩) নীচের পানে বয় যমুনা, স্বচ্ছ শীতল জল

দুর্গম ওই শৈল-তটে উদ্গাম উচ্ছল ॥

(স্বরবৃত্ত বা প্রাকৃত পয়ার)

‘বলাকা’ ও ‘পলাতকা’র ছন্দের প্রসঙ্গ যখন উঠেই পড়েছে তখন প্রয়োজন-বোধে এস্থলে একটি কথা বলে রাখতে চাই। “বাংলা ছন্দে রবীন্দ্রনাথের দান” নামক পুস্তিকায় (পৃ: ২৩-২৪) আমি লিখেছি, “ছন্দের ধারা যখন অক্ষরসংখ্যা ও পংক্তির অস্তিত্ব বিরামের তীরকে অতিক্রম করে পংক্তির পর পংক্তিকে প্রাবিত করে প্রবাহিত হ’তে থাকে, তখনও প্রতি ছত্রকে একটি নির্দিষ্ট অক্ষরসংখ্যার গণিতে আবদ্ধ করে রাখার কোনো আবশ্যকতাই থাকে না। এ তত্ত্বটি অমুভব করেই রবীন্দ্রনাথ প্রবহমান ছন্দে পংক্তি-নির্দিষ্ট অক্ষরসংখ্যার গণি দৃঢ়হস্তে ভেঙে দিতে কিছুমাত্র বিধাবোধ করেন নি।...‘বলাকা’র যে মুক্ত ছন্দের সন্ধান পাই তাতে এই কৃত্রিম বন্ধনের সম্পূর্ণ অবসান ঘটেছে।” আমার

এই উক্তির উপর অমূল্যধনবাবু মন্তব্য করেছেন, “অর্থাৎ তিনি বলিতে চান যে, মধুসূদন ও রবীন্দ্রনাথ যে run-on ছন্দে কবিতা লিখিয়াছেন, সেখানে একটা নির্দিষ্ট মাত্রায় পংক্তি রচনা করিয়া কেবলমাত্র একটা কৃত্রিম নিরর্থক রীতির দাসত্ব করিয়াছেন। এ কথা যুক্তিযুক্ত নহে।” (বিচিত্রা—শ্রাবণ, ১৩৩২, পৃ: ৮৬)। তৎপর তিনি আমার নানা প্রকার গুরুতর ‘ভ্রম’ প্রদর্শন করে দেখিয়েছেন যে, ‘বলাকা’ ও ‘পলাতকা’র ছন্দে পংক্তি-বন্ধনের মুক্তি ঘটেনি। এস্থলে এ বিষয় নিয়ে বিস্তৃত আলোচনা করার স্থান আমাদের নেই। রবীন্দ্রনাথ নিজে এ বিষয়ে কি বলেন, শুধু তাই দেখিয়েই আজ ক্ষান্ত হব। আমি যাকে বলি প্রবহমান (বা enjambed) ছন্দ, রবীন্দ্রনাথ তাকেই বলেছেন পংক্তিলজ্বক ছন্দ, আর অমূল্যধনবাবু তাকেই বলেছেন run-on ছন্দ। এই পংক্তিলজ্বক ছন্দের প্রসঙ্গেই রবীন্দ্রনাথ গত বৈশাখ মাসের ‘বঙ্গভী’-তে লিখেছেন, “অমিত্রাক্ষর ছন্দে সব প্রথমে পাক্ষির দরজা গেছে খুলে, তার ঘেরাটোপ হয়েছে বর্জিত। তবুও পয়ার যখন পংক্তির বেড়া ডিঙিয়ে চলতে শুরু করেছিল তখনো সাবেকি চালের পর্কশেষ-রূপে গণ্ডির চিহ্ন পূর্বনির্দিষ্ট স্থানে র’য়ে গেছে। ঠিক যেন পুরানো বাড়ির অন্দর-মহল, তার দেয়ালগুলো সরানো হয়নি কিন্তু আধুনিক কালের মেয়েরা তাকে অস্বীকার করে অনায়াসে সদরে ঝাতাঘাত করতে। অবশেষে হাল আমলের তৈরী ইমারতে সেই দেয়ালগুলো বাদ দেওয়া শুরু হয়েছে। চোদ্দ অক্ষরের গণি-ভাঙা পয়ার একদিন ‘মানসী’র এক কবিতায় লিখেছিলুম, তার নাম ‘নিফল প্রয়াস’। অবশেষে আরো অনেক বছর পরে বেড়া-ভাঙা পয়ার দেখা দিতে লাগল ‘বলাকা’র, ‘পলাতকা’র।” আমার পূর্বেদিত উক্তিটির সঙ্গে মিলিয়ে দেখলেই এ বিষয়ে আর বিন্দুমাত্রও সন্দেহ থাকবে না যে, ‘বলাকা’ ও ‘পলাতকা’র মুক্ত ছন্দ সত্যকে আমার কথার সঙ্গে রবীন্দ্রনাথের কথার কিছুমাত্র পার্থক্য নেই। আমি যাকে বলেছি চোদ্দ বা আঠারো



অক্ষরের পংক্তির গণ্ডি-ভাঙা ছন্দ, তিনিও তাকে গণ্ডি-ভাঙা বা বেড়া-ভাঙা পয়ার ব'লে অভিহিত করেছেন। অমূল্যধনবাবু কিন্তু 'বলাকা' ও 'পলাতকা'র ছন্দকে চোদ্দ বা আঠারো অক্ষরের পংক্তিতে সাজাতেই উৎসুক। কিন্তু তাও তিনি সর্বত্র পারেননি। যেখানে যেখানে পেরেছেন সেখানেও ব্যাপারটা কতকটা আকস্মিক এবং কতকটা তাঁর কষ্টপ্রয়াস-প্রসূত। যাহোক, 'মানসী'র গণ্ডি-ভাঙা পয়ার ছন্দের কবিতাটির নাম রবীন্দ্রনাথ বলেছেন 'নিষ্ফল প্রয়াস'। সম্ভবত অনবধানতা-বশতই তাঁর একটু ভুল হয়েছে, কেন-না 'মানসী'র 'নিষ্ফল প্রয়াস' নামক কবিতাটির ছন্দ চোদ্দ অক্ষরের বেড়া-ভাঙা পয়ার নয়। বেড়া-ভাঙা পয়ারে লিখিত কবিতাটির নাম হচ্ছে 'নিষ্ফল কামনা'। এই কবিতাটি সম্বন্ধেই আমি আমার পূর্বোক্ত পুস্তিকায় লিখেছি, "এ কবিতাটিকে বলাকার যুগের স-মিল মুক্তক ছন্দের অগ্রদূত মনে করা যেতে পারে।" (পৃ: ২৬)। ইদানীং "পরিশেষ" গ্রন্থখানিতে রবীন্দ্রনাথ অ-মিল মুক্তক ছন্দে আরও অনেকগুলি সুন্দর কবিতা রচনা করেছেন। দৃষ্টান্ত স্বরূপ 'আগন্তুক', 'জরতী', 'প্রাণ' প্রভৃতি কবিতার উল্লেখ করতে পারি। এসকল অ-মিল মুক্তক ছন্দের কবিতাকে মানসীর 'নিষ্ফল কামনা' কবিতার সমশ্রেণী-ভুক্ত ব'লে গণ্য করা যায়। এসকল কবিতায় অক্ষর বা পংক্তির বন্ধনের ত্রায় মিলের বন্ধনও ঘুচে গেছে। ধ্বনিগত ছন্দের মুক্তি এর চেয়ে বেশি অগ্রসর হ'তে পারে না। অতঃপর কবিতার মুক্তি ঘটেছে পুরোপুরি ভাবগত গণ্ডি-ছন্দের মধ্যে, 'পুনশ্চ' গ্রন্থে।

যাহোক, আরও লক্ষ্য করার বিষয় এই যে, 'পরিশেষ'র অ-মিল মুক্তক ছন্দের কবিতাগুলিতে শুধু যে পংক্তি-দৈর্ঘ্য ও মিলের বন্ধন থেকেই ছন্দের মুক্তি ঘটেছে তা নয়, সাধু ভাষার বন্ধন থেকেও ছন্দের মুক্তি

ঘটেছে। দৃষ্টান্ত মিলেই এই ভাষাগত বন্ধন-মুক্তির অর্থটা পরিষ্কার হবে।

সে না হ'লে বিরাতের নিখিল মন্দিরে  
উঠ'ত না শঙ্খধ্বনি,  
মিল'ত না যাত্রী কোনোজন,  
আলোকের সামমুখ ভাষাহীন হ'য়ে  
রইত নীরব।

—পরিশেষ, প্রাণ।

এখানে উঠ'ত, মিল'ত, রইত প্রভৃতি হ্রস্ব-মধ্য প্রাকৃত বাংলার ক্রিয়াপদগুলি বিশেষভাবে লক্ষ্য করার যোগ্য। উদ্ধৃত দৃষ্টান্তটির ছন্দের ঠাট হচ্ছে সাধু, কিন্তু ভাষার ঠাট হচ্ছে প্রাকৃত। এ ভাবে সাধু-ছন্দের ঠাটের মধ্যে প্রাকৃত বাংলা ব্যবহারের দৃষ্টান্ত বাংলা সাহিত্যে সর্বপ্রথম পাওয়া গেল এই 'পরিশেষ' কাব্য গ্রন্থ-খানিতে। এইটেও পরিশেষের অত্যাশ্চর্য বহু বৈশিষ্ট্যের মধ্যে একটি। যাহোক, বর্তমান প্রবন্ধে কবিতায় ব্যবহৃত ভাষার ঠাট সম্বন্ধে বিস্তৃত আলোচনা করার স্থান আমাদের নেই। এ উপলক্ষ্যে "বিচিত্রা" (পৌষ, ১৩৩৮, পৃ: ৭১৫) এবং "পরিচয়ে" (মাঘ, ১৩৩৮, পৃ: ৩৮৯) প্রকাশিত রবীন্দ্রনাথের দুটি প্রবন্ধের প্রতি পাঠকদের মনোযোগ আকর্ষণ করছি। যথাসময়ে এ বিষয়ে বিস্তৃত আলোচনা করব। যাহোক, 'মানসী'র 'নিষ্ফল কামনা' কবিতাটির ছন্দ অমিল মুক্তক বটে, কিন্তু ভাষা সাধু; আর 'পরিশেষ'র অমিল মুক্তক ছন্দের কবিতাগুলির ভাষার ঠাট প্রায় সর্বত্রই প্রাকৃত। এ পার্থক্যটুকু স্বরণীয়। অবশ্য 'পরিশেষ' অমিল মুক্তক ছন্দে রচিত কবিতায় সাধু ভাষা ব্যবহারের দৃষ্টান্তও আছে। উদাহরণ-স্বরূপ 'জরতী'-নামক কবিতাটির উল্লেখ করতে পারি। সুতরাং 'নিষ্ফল কামনা' ও 'জরতী'র মধ্যে যে সাদৃশ্য দেখতে পাই তা শুধু ছন্দোগত নয়, ভাষাগতও বটে।

( শেষ )



## চিত্র-লেখা

শ্রীগোপাললাল দে, বি-এ

অপরূপ রূপ রচনার লাগি বিধাতা নিজের ধ্যানের যোগে,  
সৃজিতা যে নারী চির মনোরমা ভূলাতে এ তিন ভুবন-লোকে,  
ঋষি দিল তারে পুণ্যের ফল, কবি দিল পায়ে পূজার ফুল,

অমুরাগময়ী ছবি অতুল।

তারই আলেখ্য লিখেছে শিল্পী তুলি-সম্পাতে টানিয়া রেখা,  
বহুভাবময়ী রস-কদম্ব, রূপবালা নাম—‘চিত্র-লেখা’।

নিটোলা গৌরী, মুকুতা-দশনা, পঙ্কবিশ্ব অধর পুটে,  
ঘন কুঞ্চিত কাজল চিকুর এলায়ে কপোল বেলায় লুটে,  
শশীকলা সম বিমল ললাট নীচে তার বাঁকা ভুরুর পাতি,  
আনত নয়নে রোমরাজি ছলে কমল যেন বা ভ্রমর-সাথী !

অতুল রাতুল কপোল দু’টি !

আলোকে ঝলকে কানে দু’টি ছল, পুলক পাথর পড়িছে লুটি !  
বেগুনীফুলের রঙ শাড়ীখানি, ধারে পুষ্পিত বনজলতা,  
বক্ষে আঙুলে প্রকোষ্ঠ ঘিরে রতন ভূষণ জড়িত তথা।  
দক্ষিণ করে লীলা-বিহঙ্গ; পয়োধর-মূলে চাপিয়া ধ’রে,  
বাম কর দিয়া চঞ্চুতে রাণী আহার যোগায় আদর ক’রে।  
অধরে, গ্রীবায়, কণ্ঠে, চিবুকে, কটিতট বেড়ি’ কক্ষে তারি,  
নব বসন্ত ছানি’ কি মাধুরী জড়ায়ে ছড়ায়ে বলিতে নারি !

নয়নে যেন বা কুমুদী-বিভা !

কে জানে চোখের আড়ালে—নিভতে, আরো সে মোহিনী রয়েছে কিবা !

\* \* \* \* \*

যতবার চাই মুখপানে তার, কত কথা কহে চিত্র-লেখা,  
নয়নের কোলে নবনী উথলে কপোলে জাগায়ে রক্ত-রেখা !

বলে বিরহিণী, ‘রে বুল বুল !

বল দেখি কবে আসিবে সেজনা ? ত্রিভুবনে যার নাহিক তুল !’

বেদনা-হরষ ছাপিয়া যায়,

জল ঢলঢল আঁখির কোণায়, খাস নিতে ভুল হয় বা হায় !

চোখ পালটিতে মনে হয় যেন প্রিয় সমাগমে বরষ পরে,

হাসিরাশি এই কাটিয়া পড়ে !



মাণিক-ঝরানো ঝুঁট-অধরে ধর ধর করে ছুইট বাণী,  
 'এতদিন পরে এলে প্রিয়তম? মনে কি পড়িল তোমার রাণী?'  
 এ কি দেখি? প্রেম লীলাভিনয়?  
 'ভালোবাসি কি না জানি না, জানি না।' তবু সে কথা কি গোপন রয়?

\* \* \* \* \*

হায় কোন্ জনা হেন সুভাগা, তোমার মনে যে বেঁধেছে বাসা?  
 অমৃত পশরা বহো কার তরে? কোন্ তাপসের পুরাবে আশা!  
 বলিবারে বাধে, সে-জনা কি...? ওই দিকে দিকে ছুটে রক্ত-রেখা,  
 নবনী বদন নত হ'য়ে নামে, স্তবকাবনত চিত্র-লেখা।  
 'মুখ তুলে চাও, এদিকে তাকাও; ওগো ভালো ক'রে নয়ন মেলো,  
 অমিয় সাগর তীরে বসি হায়, পিপাসায় যে গো পরাণ গেলো।'  
 পাষণ প্রতিমা! শুধু সেই হাসি মেরু-প্রভা সময় অধরে ফুটে,  
 নভোনীল, ধরা, অনল, অনিল, ছুটি চরণের ছায়ায় লুটে!  
 মহাভাবময়ী রহস্য-লতা! বিদায়-ব্যথা কি বাজিছে মনে?  
 'মোরে ছেড়ে কেন চলে যাবে প্রিয়?'—

এই ভাষা আগে নয়ন কোণে!

\* \* \* \* \*

ওগো কবি আমি, কেহ কোথা নাই, মুক যবনিকা বারেক তোলো,  
 কবি-শিল্পীর মানস ছহিতা, কি তুমি? কে তুমি? অধর খোলো।

\* \* \* \* \*

'আমি সেই নারী, অনাদি নূতন; রামধনু-রাঙা তোরণ বেয়ে  
 স্বরগ হইতে করিয়া পড়েছি, ধরণীর ধূলা রেখেছি ছেয়ে।  
 দেহের কলসে রূপের মদিরা, আঁখিতে আমার প্রহেলি-আলো,  
 নিখিল-চিত্তে কুহক লাগাতে অজানিতে তারে বেসেছি ভালো।  
 প্রহেলিকা আমি! তবুও বুঝি না আপন মনেরই কেমন ধারা,  
 বিজয়িনী আমি, সর্কসারা।

মেঘের বিজুরী বন্দী করেছে কনক-বলয়ে মাটির গেহ,  
 বারে বারে তাই ফিরে ফিরে চাই, মাহুকের প্রেমে বিকাই দেহ।  
 বাহুপাশে মোর মিলন যখন বিরহ তখন নয়নে ভায়,  
 মোর জীবনের চির ইতিহাস—রৌদ্র মেঘের খেলা সে হায়!'



## সংস্কার ?

শ্রীবিজয়রত্ন মজুমদার

### প্রথম পরিচ্ছেদ

হঠাৎ চোখে চোখ পড়িয়া গেল ; হু'জনেই হু'জনকে নয়ন ভরিয়া, বুঝি বা প্রাণ ভরিয়া দেখিয়া লইল ; নয়নে স্প্রকাশ গভীর বিশ্বয় অপমৃত হইয়া আনন্দ ও তৃপ্তিতে ভরিয়া গেল । অন্ধকার প্রেক্ষাগৃহের বিস্তৃত দর্শকের চক্ষুর সম্মুখে যবনিকা উঠিয়া, অত্যুজ্জ্বল রঙ্গমঞ্চ প্রকাশ পাইল । হু'জনের কালো চোখে আনন্দের আলোক ফুটিয়া উঠিল । হাসিতে মুখ উদ্ভাসিত করিয়া, অসিত কাছে আসিয়া জিজ্ঞাসিল, আপনি, কোথেকে ? কোথায় যাবেন ?

নীলা নমস্কার করিতে, অসিত অপ্রস্তুত হইয়া প্রতি-নমস্কার করিল । নীলা বলিল, আসছি লক্ষ্মী থেকে, যাবো কলকাতায় । আপনি কোথা থেকে, কোথায় যাবেন ? কেন, আপনি কি জ্ঞাস্তেন না, আমরা এখন লক্ষ্মী-এ থাকি ?

—জানি, বলিয়া অসিত ওয়েটিংরুমের বেহারাকে হু'খানা চেয়ার আনিতে ইঙ্গিত করিয়া জিজ্ঞাসিল, সঙ্গে কে ? সেন আছেন ?

—না, ছোট দেওর আছে । কলকাতায় বড়দার অস্থখের খবর পেয়ে ছুটছিলাম, পথে এই বিপদ ! তিনি ছুটি পেলেন না । আপনি কি কোন খবর পেলেন, ট্রেন চলবে কি-না ?

—৪৮-ঘণ্টার আগে ত' নয়ই ; তবে চেষ্টা চলছে, যত তাড়াতাড়ি ভাঙ্গন সারাতে পারা যায় ।

বেহারী হু'খানা চেয়ার আনিয়া প্ল্যাটফর্মে পাতিয়া দিল । অসিত নীলার দিকে একখানা অগ্রসর করিয়া দিয়া অহুরোধ করিল, বসুন ! তারপর কহিল, আমারও বিপদ দেখুন-না, কাল রাতে কলকাতায়

বিশেষ একটা জরুরী কাজ পড়েছে, অথচ যাবার উপায় নেই । লাইন ভাঙবার আর সময় হ'ল না ।

নীলা কিছুক্ষণ কথা কহিল না, তারপর ক্ষুব্ধ-করুণ-কণ্ঠে কহিল, আমি হয়ত দাদাকে আমার শেষ দেখাও দেখতে পাব না । দাদা কি আর আছেন !

নীলা বলিতে লাগিল, খুব বেশী অস্থখ । কাল রাতে একখানা, আজ সকালে একখানা টেলিগ্রাম এসেছে । শেষখানা ভীষণ—“কোন আশাই নাই, তবু এসো ।”—আর্দ্রকণ্ঠে কথাগুলো বলিয়া নীলা কোলের উপরে রক্ষিত ছোট ব্যাগটি খুলিয়া একখানা টেলিগ্রাম বাহির করিল । ভাঁজ খুলিয়া একবার পড়িয়া অসিতের প্রসারিত হস্তে দিল ।

অসিত বলিল, তাইত !

নীলা বলিতে লাগিল, পাঁচ ভায়ের এক বোন, আর সকলের ছোট, দাদা আমাকে কি ভালই বাসতেন ! স্তখে দুঃখে আমাকে না হোলে দাদার আমার একটি দিনও চলতো না । সেই দাদাকে একবার, শেষবার চোখের দেখাও হয় ত' দেখতে পাব না ।—তাহার কণ্ঠস্বরে অশ্রু জমিয়া উঠিয়াছিল ।

অসিত টেলিগ্রামখানা ভাঁজ করিতে করিতে বলিল, দেখবো কোনও উপায় করতে পারি কি-না ?

—কি করে পারবেন ? ট্রেন ত' চলছে না ।

—আপনি একটু বসুন, আমি পাঁচ মিনিটের মধ্যে আসছি । কিন্তু, দেওরটি ক্রোধা ?

—সে গেছে ষ্টেশন মাষ্টারের খোজে ।

—আমি আসছি বলিয়া অসিত উঠিল । বিদায় লইবার পূর্বে সেই চোখ দু'টিতে আবার চোখ পড়িল । বর্ষার স্বচ্ছমেঘের আবরণ ভেদ করিয়া পূর্ণিমার চাঁদ বেন কীর্ণ জ্যোৎস্নার মুহুমন্দ ধারা ঢালিয়া দিতেছে । এই



চাখ দু'টি, কত কাল, কত দীর্ঘকাল অসিতের অন্তরে  
রূপ সৃজন করিয়াছে, তাহা শুধু অসিতই জানে।  
নীলাও বোধ হয় জানিত; কিন্তু প্রকাশ নাই। অসিত  
চলিয়া গেল, কৃতজ্ঞতায় করুণ দু'টি চক্ষু তাহাকে দূর—  
প্রতি দূর, যতদূর দেখা যায়, অনুসরণ করিয়া চলিল।

নীলার দেবর ফিরিয়া আসিয়া বলিল, না বৌদি,  
কালকে রাত্রে আগের কোন আশা নেই। 'ত্রিচ'টা খুব  
বন্দী হয়েছে, বুঝলে না, আর এক জায়গায় নয়, দু'  
জায়গায়। এদিকে মোগলসরাই স্টেশনের থার্ড ক্লাশ  
যাত্রীঘরে যাত্রী আর ধরছে না। স্টেশন মাষ্টার তাদের যে  
কোথায় বসায়, কি করে, তা ঠিক করতেই পাচ্ছে না।

এ সবে কোন খবরের জ্ঞাত নীলার কোনই  
আগ্রহ ছিল না। সে নয়ন দুইটি পথে পাতিয়া  
সেই লোকটির প্রত্যাগমন প্রতীক্ষা করিতেছিল।  
দেবর বলিতে লাগিল, ঘণ্টা দুই পরে-পরে লক্ষ্মী-এর  
দিকে দু'খানা গাড়ী ছাড়বে বৌদি, ইচ্ছে করলে আমরা  
এখন ফিরতেও পারি। আমি বলছি কি, এখানে  
দু'দিন দু'রাত্রি পড়ে থাকার চেয়ে ফিরেই যাই চল।

নীলা নীরবে পথের পানে চাহিয়া রহিল। প্লাট-  
ফর্মেও অসাধারণ ভিড় জমিয়া গিয়াছে, দশহাত দূরের  
লোককেও দেখা যাইতেছে না।

দেবর বলিল, চা আনতে বলবো বৌদি ?

যত্নপরায়ণ দেবরটির আগ্রহাতিশয্যে বাধা দিতে  
নীলার কষ্ট হইতেছিল, কিন্তু যে লোকটি গিয়াছে সে  
যতক্ষণ না ফিরে, কিছুতে মন দিতেও সে পারিতেছিল  
না; বলিল, একটু পরে ঠাকুরপো।

বলিতে বলিতেই, অসিত আসিয়া উপস্থিত হইল।  
তাহার হস্ত-কুল মুখ দেখিয়া নীলার অন্তরে আশা  
ও আনন্দ যেন উদ্বেলিত হইয়া উঠিল। অসিত  
বলিল, উপায় হয়েছে। এইটি দেবর বুঝি ?

—হ্যাঁ। কি উপায় হোল ?

—একখানা মোটর আছে। এখন ছাড়লে, কাল  
বিকেল নাগাদ পৌছোন যায়। কিন্তু প্রায় সাতশ  
মাইল মোটরে দৌড়োতে কি আপনি পারবেন ?

—পারবো।

যুবাবয়স্ক দেবর কোতুহল-অধীর হইয়া কহিল,  
মোটরে কলকাতা ? ভাড়া মোটর ? কত ভাড়া  
লাগবে ?

—ভাড়া মোটর নয়।—নীলাকে বলিল, কিন্তু দেবী  
করলে হবে না। চা খাওয়া হয় নি বোধ হয়,  
আমারও না। ও রে পরমা, কেলনারে খবর দে,  
তিনটে কেক, কুটী-মাখন, চা—চট্ ক'রে।

নীলা কৃতজ্ঞ-হৃদয়ের ভার যেন বহিতে পারিতেছিল  
না; মধুর কণ্ঠে জিজ্ঞাসিল, মোটর এসে গেছে ?

—মোটর বাইরেই আছে। কানীর রাজার গাড়ী,  
আমি ঐ গাড়ীতেই এসেছি, আমার জিনিষপত্র  
গাড়ীতেই রয়েছে। রাজাকে একখানা 'তার' করে  
দিয়ে জানিয়ে এলুম শুধু। সে সব ঠিক আছে, তার  
জন্তে নয়, আমি ভাবছি, মোটর ঝাঁকানির কষ্ট  
আপনার সহবে কি ? যে শরীর আপনার।

নীলার মুখে হাসি ফুটিল, চোখে বুঝি খানিক  
দুঃখমিও দেখা দিল; বলিল, কি যে বলেন, তার ঠিক  
নেই। কি হয়েছে আমার শরীরে ! আমি খুব শক্ত,  
তা জানেন না বুঝি ? দেখতে রোগা, কিন্তু কখনও  
আমার অসুখ হয়েছে শুনেছেন কি ?

অসিত স্নেহ-দৃষ্টিতে গুসই কৃষ্ণজু স্নিগ্ধকোমল  
দেহটিকে দেখিয়া লইয়া ধীরকণ্ঠে বলিল, অসুখ না  
হওয়াই ত' ভাল। আমাকে দু'মিনিট মাপ করুন,  
মুখ হাতগুলো ধুয়ে ফেলি, চা আসছে।

সে চলিয়া যাইতে, দেবর জিজ্ঞাসিল, উনি কে  
বৌদি ?

নীলা একটু অশ্রুমনস্ক ছিল, শুনিতে পায় নাই।  
দেবর দ্বিতীয়বার প্রশ্ন করিতে, ভাবমধুরস্বরে কহিল—  
বিশেষ বন্ধু।

দেবর বলিল, মোটরেই যাবে না-কি বৌদি ?

নীলা বলিল, ওমা, যাব না আবার ! অমন  
সুবিধে কেউ ছাড়ে ! তুমি কি করবে, ঠাকুরপো,  
যাবে, না কিরবে ?



—তুমি যা বলবে ?

—ফিরেই যাও তুমি, কি হবে মিছে কলেজ কামাই করে ?

দেবর কিয়ৎকাল চুপ করিয়া রহিল, পরে বলিল, কি বলবো দাদাকে, ঠুর নামটা ত' বল্লে না ?

নীলা বলিল, আমি চিঠি লিখে দিচ্ছি, চিঠি দিলেই হবে। ঠুর নাম অসিতবাবু।

দেবর সম্ভবতঃ প্রসন্ন হইল না। তরুণ যুবকটি স্তন্দরী বউদিদির পরম অনুরাগী, ভক্ত। স্তন্দরী বউদিদির দেবররা তাহাই হয়।

### দ্বিতীয় পরিচ্ছেদ

মাইল-পোষ্ট দেখিয়া ঘড়ি, কাগজ-কলম লইয়া হিসাব করিতে করিতে স্থির হইল, রাত্রি এগারটা আন্দাজ গয়া পৌছান যাইবে। রাত্রিটুকু সেখানকার ডাক বাঙলোয় নৈশ আহার সারিয়া বিশ্রাম লইয়া শেষ রাত্রে আবার ষ্টাট দিলে, বাকি চারশত মাইল আট ঘণ্টায় অতিক্রম করা যাইতে পারিবে। পাঁচ ঘণ্টা হয় নাই, তিন'শ মাইল পার হওয়া গিয়াছে, গয়া পৌছিতে বড় জোর দুই ঘণ্টা দেবী। রাত্রি ৯টা বাজিয়াছে, আকাশের এক কোণে ছোট একখানি চাঁদ হাসিতেছে। শান্ত প্রকৃতির চক্ষুতে যেন তন্দ্রা নামিয়াছে। নীলা যত জোরেই প্রতিবাদ করুক, যতই অস্বীকার করুক, শ্রান্তি ও ক্লান্তি তাহার সর্বোচ্চ অধিকার করিয়া বসিয়াছে; চক্ষু চাহিতেও আর পারিতেছে না। অসিত খাশো ভরিয়া চা আনিয়াছিল, একবার তাহাও খাওয়া হইয়াছে, তবুও ক্লান্তি দূর হইতেছে না। মনের জোর না-কি নীলার কম ছিল না, তাই সে এখনও বসিয়া থাকিতে পারিয়াছে, অল্প কেহ হইলে, পারিত না। বারবার অনুরোধ করিয়া বিফল হইয়াও অসিত আবার অনুরোধ করিল, তুমি একটু শোও নীলা, পা ছ'টো জুড়ে ছুড়ের ওপর রেখে, আমার এইখানে মাথা রেখে একটু শুয়ে পড়।

—না, না, কিছু দরকার নেই, আমি বেশ আছি আমার একটুও কষ্ট হচ্ছে না।

অসিত তাহার একখানি হাত ধরিয়া ফেলি আদরের স্বরে বলিল, তুমি বেশ বল্লেই হবে! শো! বলছি।—বলিয়া অসিত হাত ছাড়িয়া, তাহার মাথা ধরিয়া নমিত করিবার চেষ্টা করিতে লাগিল। নীলা প্লক-বস্তুত বীণাধ্বনির মত বলিল, সত্যি আমার কোন কষ্ট হচ্ছে না।

অসিত এবার মিনতিভরা কণ্ঠে বলিল, না-হচ্ছে ভালই, তবু তোমায় শুতে হবে। লম্বীটি, একটুখানি শুয়ে পড়।

অগত্যা নীলা জড়সড় হইয়া শুইয়া পড়িয়া চক্ষু মুদিল। তাঁদের আলোর কুপণতা ছিল না, অবিরল ধারায় নামিয়া মুখখানিকে স্নান করাইতে লাগিল। অসিত দুইহাতে তাহার বিক্ষিপ্ত কেশগুলিকে সরাইয়া দিতে দিতে ডাকিল, নীলা ?

নীলা আবেশভরে কহিল, কি ?

—রাগ করছ ?

—কেন ? রাগ করবো কেন ?—সে যে রাগ করে নাই সেইটুকু বুঝাইবার জন্যই, অসিতের কোলে মাথাটার চাপ দিল।—‘আপনি’ ছেড়ে ‘তুমি’ বলছি, তাতে রাগ করছ না ত' ?

—না। ও ত' আমার ভালই লাগে। কেউ আপনি বল্লেই আমার বরং রাগ হয়। মনে হয় আমি মস্ত একটা ভারিথকে লোক হয়ে পড়েছি।

অসিত আস্তে আস্তে নীলার গুল্ল কপালটিতে হাত বুলাইতে বুলাইতে বলিল, নীলা আমি আজ যেন একটা স্বপ্ন দেখছি।

নীলা যুহু মধুর কণ্ঠে প্রশ্ন করিল, কিসের স্বপ্ন ?

অসিত বলিল, আমার বহুকালের স্বপ্ন, বহুদিনের সাধনা আজ যেন সত্য হতে চলেছে, নীলা ! তোমাকে যে কোনদিন আমার এত কাছে পাবো, তা ত' আমি ভাবতেও পারতুম না। সত্যি নীলা, তুমি এত কাছে



আমার কোলে মাথা দিয়ে শুয়ে আছ, আমার মনে হচ্ছে, এ ঘেন সত্য নয়, স্বপ্ন।

নীলা উঠিবার চেষ্টা করিতে, অসিত মাথাটিকে চাপিয়া ধরিয়া বলিল—না, উঠতে পাবে না।

নীলা চুপ করিয়া গুইয়া রহিল।

অসিত বলিল, মুখে বলবার স্বযোগ কোনও দিন হয় নি—হবার সম্ভাবনাও ছিল না—দৈব আজ আমার সহায়। আজ বলতে ইচ্ছে করছে, তোমার জানাতে ইচ্ছে করছে নীলা, আজ কতকাল, কতকাল ধরে আমার মন তোমাকেই চেয়েছে। কোনদিন কোন সাড়া পায় নি, তবু আমার মন তোমাকেই চেয়েছে। তখন তোমার বিয়ে হয় নি, তোমাদের স্কুলের পথে দেখা হোত—মনে আছে?

—আছে।

—তারপর তোমার বিয়ে হয়ে গেল। তুমি আমারই এক বন্ধুর ঘর আলো করতে গেল। তুমি অতের গী, আমার কেউ নও, কোনও সম্পর্ক নেই, সবই ত' জ্ঞানম নীলা—তবু প্রতিদিন, প্রতি রাত্রি আমার মন তোমাকে কামনা করতো।

নীলা জিজ্ঞাসিল, কত বাজলো?

অসিত হাতঘড়ি দেখিয়া বলিল, সাড়ে ন'টা। কিন্তু, তোমার কাছে এসব কথা ব'লে কি অত্যাচার করছি, নীলা? তা যদি হয়, আর বলবো না। তুমি বিরক্ত হলে, নীলা?

নীলার স্বর পূর্ববৎ স্নিগ্ধ, মধুর, বলিল—না, বিরক্ত হই নি ত'।

নীলার বিরক্তি-সম্ভাবনায় অসিতের ভাব-ধারা ছিন্ন হইয়া গিয়াছিল। সে এক মিনিট চুপ করিয়া থাকিয়া, অত্যন্ত ধীরকণ্ঠে কহিল—একটা কথা জিজ্ঞেস করব, নীলা?

—কি?—স্বর বড় উদাসীনতায় ভরা।

স্নিগ্ধ অসিত নীলার মুখের পানে চাহিয়া বলিল, তুমি কি কোনদিন বুঝতে পারতে না, নীলা?—নীলাকে নিরন্তর দেখিয়া আবার বলিল, আমার মুখ কোনও

দিন সে কথা বলতে সাহস পায় নি, কিন্তু আমার চোখ কি সে কথা বলে নি তোমাকে? আমার মনের ভাষা, আমার অন্তরের কথা কি কোনদিন তুমি বুঝতে পার নি, নীলা?—নীলা তথাপি কথা বলিল না; অসিত ক্ষুব্ধকণ্ঠে কহিল—বলবে না, নীলা? বল। বলবে না? বলবে না?—নীলার কোমল করণুট দু'টি টানিয়া লইয়া তাহার হাতের মধ্যে চাপিতে চাপিতে আবার বলিল—বলবে না, নীলা? বেশ, ব'লো না।

নীলা বলিল, কি বলবো?

—আমার ভালবাসা কি কোনদিন তোমার মনকে স্পর্শ করে নি, নীলা?

নীলা বলিল, আপনি কি স্মরণ ক'রে কথা বলতে পারেন। আচ্ছা, আমি পারি নে কেন?

—জানি নে। কিন্তু, আমার কথার উত্তর কই?

—আমি উঠে বসি,—বলিয়া নীলা উঠিয়া বসিল।

অসিত কিছুক্ষণ চুপ করিয়া রহিল। চাঁদ মাথার আরও উপরে উঠিয়াছে, দূরে অন্ধকার-শির পর্বতমালা আকাশের প্রান্ত চুম্বন করিয়া আছে, গাড়ী নক্ষত্রবেগে ছুটিতেছে। উভয়েই নীরব। কিন্তু অসিত নীরবতার মধ্যে স্বস্তি পাইতেছিল না। আজ তাহাকে প্রলাপে পাইয়া বসিয়াছে। নীলার কোলের উপর হইতে তাহার একখানি হাত টানিয়া বলিল—নীলা, চিরদিনই কি আমার তুমি বাইরে ফেলে রাখবে? মনের কোণে একটুখানি স্থানও কি তুমি আমার দেবে না?

নীলা সাগ্রহে কহিল, বন্ধুর স্থান ত' মনের মধ্যেই।

অসিত বলিল, শুধুই বন্ধু?

নীলা ভাবগদগদকণ্ঠে কহিতে লাগিল, আমার বন্ধু বলতে একমাত্র আপনিই আছেন। কলেজে পড়ার সময় থেকে আলাপ পরিচয় অমেরের সঙ্গেই হয়েছে, বিয়ের পরও যে না হয়েছে তা নয়, কিন্তু বন্ধুর আসন চিরদিন আপনার। আর সে আজ নয়, বিয়ের অনেক আগে, বন্ধুর প্রাণ্য স্নেহ-ভালবাসা আমি মনে মনে আপনাকেই দিয়েছি।



—কিন্তু ঐ-টুকুমাত্র ? আমি যে অনেক বেশী আশা করি, নীলা ।

—তার বেশী যে আমার দেবার নেই, অসিতবাবু । — বলিয়া অসিতের মুঠার মধ্য হইতে হাতখানি মুক্ত করিয়া লইয়া ক্রমাল দিয়া চোখ দু'টা, অথবা মুখখানা মুছিয়া ফেলিল । মুখে মাথায় ধূলাবালির কি অস্ত ছিল !

অসিতের বুকখানায় কে যেন হাতুড়ী দিয়া আঘাত করিতে লাগিল । আকাশ-ভুবন, নদ-নদী, স্থাবর-জঙ্গম তাহার নয়নে ও মনে যেন ঝাঁ ঝাঁ করিতে লাগিল । সে যে আর কোনো দিন মুখ তুলিয়া চাহিতে পারিবে, কোনো কালে কথা বলিতে পারিবে, এমন ভরসা তাহার রহিল না ।

নীলা পথের ধারের স্নিগ্ধ-জ্যোৎস্না-করণ দৃশ্যাবলীতে চক্ষু নিবদ্ধ করিয়া বসিয়াছিল । অনেকক্ষণ রহিল, তারপরে আর যেন পারিল না, কণ্ঠস্বরে বিখের মধু নিঃশেষে ঢালিয়া দিয়া বলিল, দেবতার কাছে মানুষ যেমন তার সব উজাড় ক'রে দেয়, আমিও যে সেই ভাবে নিজেকে উজাড় ক'রে দিয়ে ফেলেছি, আমার বলতে যে আমার আর কিছু নেই !

অসিত বলিল—কিছুই দিতে পার না, নীলা ?

নীলা নতমুখে, নতআননে নম্র-মধুর অস্পষ্টকণ্ঠে কহিল, কিছু কি আর আছে আমার ? কতই বা বয়স তখন ? কি-বা জান্তুম পৃথিবীর ? তখন যতটুকু পেয়েছিলুম, তাইতেই বিভোর হ'য়ে গেছিলুম । মনে হয়েছিল, তার বেশী পাওয়ার আর কি থাকতে পারে ? তাই ভেবে, সবই না দিয়ে ফেলেছিলুম ! সারা জীবন দিয়েই গেছি, বিনিময়ে কি পেয়েছি-না-পেয়েছি, কি পাব-না-পাব, সে ভাবনা কি কোনো দিন করেছিলুম । জানি, দিতে হয় ; প্রাণ-মন বলত, দিতে হয় ; সংস্কার ব'লে দিত, দিতে হয় ; শিক্ষা দিত, দিতে হয় — দিয়েই চলেছি । নিজেকে নিঃস্ব, রিক্ত ক'রে দিয়েই চলেছি ।

অসিতের স্বপ্ন ভাঙ্গিয়া বাইতেছিল । নির্নিমেষ

দৃষ্টিতে সে নীলার মুখের পানে চাহিয়াছিল । নীলা কথা শেষ করিয়া, বুকফাটা একটা দীর্ঘনিঃশ্বাস ফেলিয়া যখন চুপ করিল, অসিত এই বলিয়া নিজেকে ধিক্কার দিতে লাগিল যে, কেন সে মরুভূমিতে তৃষ্ণা-নিবারণ করিবার ব্যর্থ-চেষ্টায় উদ্ভত হইয়াছিল ? এক নিমেষে নির্ভাবতী এই নারীর নির্ভার তলে সে যে তৃণাদপি তুচ্ছ হইয়া গেল, ইহা মনে করিয়া তাহার কাছে সমস্তই বিস্বাদ বলিয়া মনে হইতে লাগিল । অসিত নিজের মনে বলিল, আর না ! যা হইবার হইয়াছে, তপস্বিনীর তপস্তায় বিঘ্ন উৎপাদন করা হইবে না ।

### তৃতীয় পরিচ্ছেদ

হঠাৎ নানারকম শব্দ করিয়া নিঃশ্বাস ফেলিয়া, হাওয়া ছাড়িয়া মোটরের ইঞ্জিন বন্ধ হইয়া গেল । অসিত ড্রাইভারকে জিজ্ঞাসা করিয়া কোন সড়ন্তর পাইল না । চালক নামিয়া, বনেট খুলিয়া, নানাভাবে ইঞ্জিন পরীক্ষা করিয়া সন্দেহ প্রকাশ করিল, সম্ভবতঃ পেট্রোল আসিতেছে না । কিন্তু তাহা ঠিক নহে । অনেক চেষ্টা করিয়াও গাড়ী চালান গেল না । নীলা কোলের উপরে মাথা রাখিয়া ঘুমাইয়া পড়িয়াছে বলিয়া অসিত নিজে নামিতে পারিতেছে না । এমন বিড়ম্বনায় আর কেহ কোনো দিন পড়িয়াছে কি ? যাহার ভালবাসাই তাহার কাম্য, সে ভালবাসে না জানিয়াও, তাহার স্মৃগুণ দেহখানির উপরে এত মায়া, এত মমতা, এত যত্ন, এত স্নেহও যে হৃদয়ে সঞ্চিত থাকিতে পারে, এর চেয়ে বড় বিড়ম্বনা আর কি হইতে পারে ?

নীলা হঠাৎ উঠিয়া বসিয়া বলিল, গরী এসে গেছি বুঝি ?

—না । গরী এখনও প্রায় বাইশ মাইল দূর । রাস্তায় গাড়ী খারাপ হয়ে গেছে ।

নীলা সজরে বলিল, উপায় ?

অসিত কহিল, নিরুপায় ! মনে হচ্ছে সকাল পর্যন্ত এই ভেপান্তরের মাঠেই পড়ে থাকতে হবে ।



নীলা সভয়কণ্ঠে কহিল, সে-কি ! এই মাঠের মধ্যে ? একলা একলা ? এই অন্ধকারে !—তখন চন্দ্র ডুবিয়া গিয়াছে, আকাশে যেন মেঘও জমিয়াছে।

—একলা কৈ ? চার চারটে প্রাণী রয়েছে, ভয় কি, নীলা ?

নীলা কোন কথা না বলিয়া মুখটি বিষণ্ণ করিয়া রহিল ; অসিত স্নানকণ্ঠে কহিল, আমার জন্তে তোমার আর কোন ভয় নেই, নীলা। সে অভয় তোমাকে আমি দিয়ে রাখছি।

নীলা হাসিয়া বলিল, আপনাকে ভয় ? বন্ধুকে ভয় ? আপনি বুঝি ভাবেন, ইংরিজি ‘ফ্রেণ্ড’ শব্দটার বাঙ্গলা তর্জমা ক’রে ‘বন্ধু’ বলি আপনাকে ? তা কিন্তু নয় ; শাশানে, মশানে, রাজদ্বারে, সম্পদে, বিপদে যাকে বিশ্বাস করা যায়, সে-ই বন্ধু। আপনি আমার সেই বন্ধু।

অসিত আবার সংযম হারাইতে বসিল ; আবার নীলার একখানা হাত টানিয়া লইয়া, হাতের মধ্যে চাপিতে চাপিতে বলিল, ঐ-কি শেষ কথা, নীলা ? যা বলেছো, তার পরে আর কিছুই কি তুমি বলবে না ? একটি শব্দ, একটি কথা, তা কি বলবে না ?

নীলা কথা কহিল না। অসিত হৃদয়হীন নয়। যে ভালবাসিতে জানে, ভালবাসিতে পারে, সে কখনই হৃদয়হীন হয় না। নীলার অন্তরের দ্বন্দ্বের সুর যেন তাহার অন্তরেও ধ্বনিত হইতেছিল, তাই সে বেদনার্জ কণ্ঠে বলিল, সে-কি একান্তই অসাধ্য, নীলা ?

নীলা কথা বলিল না, অন্ধকারেও দেখা গেল, মাথাটি নীচু করিয়া নীলা ষাড় নাড়িয়া নিঃশব্দে শুধু জানাইল, অসম্ভব। নীলার শতচেষ্টা বার্থ করিয়া একটি ক্ষুদ্র দীর্ঘনিশ্বাস অসিতের হাতের উপরে করিয়া পড়িল।

ড্রাইভার জানাইল, গাড়ীর ব্যাধি গুরুতর, রাত্রে সারাইবার সম্ভাবনা নাই। অসিত কাছে কোনো গ্রাম-ট্রাম আছে কি-না সন্ধান করিবার জন্ত দ্বারবান ও ড্রাইভারকে পাঠাইয়া দিল। নীলা নির্বিকারচিত্তে অন্ধকার দেখিতেছে, অসিত বলিতে লাগিল, ফাষ্ট

ইয়ারে পড় তখন, একদিন চৌরঙ্গীর মোড়ে কলেজের গাড়ী ভেঙ্গে গেছিল, মনে আছে, নীলা ?

—তা আবার নেই ! আপনি সেইপথ দিয়ে যাচ্ছিলেন, আমাদের তিনজনকে টান্সিতে তুলে বাড়ী পৌঁছে দিয়েছিলেন। সুলতা, নন্দিনী, আমি।

—তোমায় সকলের শেষে পৌঁছে দিই, না ?

নীলা উদাসীনের মত বলিল, তা হবে !

হতাশাক্ষুরে অসিত বলিল, ‘তা হবে !’ তার মানে, — মনে নেই। কিন্তু প্রত্যেকটি কথা আমার মনে আছে। সেইদিন থেকে আজ পর্যন্ত, যে ক’টি কথা তুমি বলেছ, আমি মুখস্থ বলতে পারি। বোটানিক্সে তোমরা কলেজের মেয়েরা পিকনিক করছিলে, সেই রাস্তাটায় কতবার আমার মোটর পাক্ খেয়েছিল, তা আমি আজও বলতে পারি, নীলা ! শেষকালে তুমি অকস্মাৎ চেয়ে দেখলে, আমি গাড়ী থামিয়ে নেমে প’ড়ে, তোমাদের তুলে নিয়ে বেড়াতে যেতে চাইলুম। তুমি আর একটি মেয়ে উঠলে।

—হ্যাঁ, সে মীতু।

—সেদিন কি বলেছিলে, বলব ? বলেছিলে, আপনার সঙ্গে বেড়াতে বড় ভাল লাগে।

—সে-কথা আজও বলতে পারি, সেটা সত্যি কথা। বিষের পরে হয় নি বটে, কিন্তু আগে ! কত বাধা বিষ অতিক্রম ক’রে, কত ছলে, কতদিন ত’ বেড়িয়ে নিয়েছি।—হঠাৎ গন্তীর হইয়া নীলা একমুহূর্ত চুপ করিয়া রহিল, তারপর আবেগ-উজ্জ্বলিত কণ্ঠে বলিয়া উঠিল, যে যা চায়, সে বোধ হয় তা পায় না। দেখুন না, আমার বোহিমিয়ান লাইফ ভাল লাগে, তাই আমি চাই, আমার অদৃষ্টে জুটল ঠিক তার উল্টো।

অসিত বলিতে লাগিল, আমি এককালে কবিতা লিখতুম, লোকে বলে, ভাল লিখতুম...

—আমিও বলি। আপনার অনেক কবিতা আমি মুখস্থ বলতে পারি। একটা শুনবেন ?



অসিত সাগ্রহে কহিল, বল গুনি।

“নারী কহে, ‘নর, তুমি বড়ই সুন্দর।’

“‘তুমিই সুন্দরী নারী’ কহিতেছে নর।

“‘কেহই সুন্দর নহে’ কহে প্রেম ধীরে,

“‘আমি যদি বাসা নাহি বাঁধি বন্ধ:নীড়ে।’”

অসিত বলিল, ও-কথা তুমি বিশ্বাস কর ?

—কোন কথা ? — স্বরে আগ্রহের একান্ত অভাব।

সে-ষে প্রশ্নটা এড়াইয়া যাইতে চায়, তাহা বুঝিয়া অসিত বলিল, থাক।

নীলাও সে প্রশ্ন উত্থাপন করিল না। আবার উভয়ে অনেকক্ষণ চুপ-চাপ। অসিত বলিল, তোমার কত কষ্ট হচ্ছে, নীলা, না হ’ল খাওয়া, না পেলে একটু বিশ্রাম করতে। খাওয়া যা জুটবে সে ত’ জানাই আছে, একটু ঘুমোবে ?

—না, বলিয়া সে একসঙ্গে গোটা কত হাই তুলিল। অসিত বলিল, আমি ড্রাইভারের সীটে বসি গে, তুমি পা ছ’টো ছড়িয়ে একটু শুয়ে পড়। বলিয়াই অসিত দ্বার খুলিয়া নামিয়া পড়িল। নীলা বলিল, আপনিও একটু শুন্ না।

—সে কি হয় ? এই অজানা জায়গা, অন্ধকার রাত্রি, ছ’জনে ঘুমোন ঠিক হবে না। তুমি ঘুমোও, আমি তোমার ঘুমন্ত মুখের পানে চেয়ে ব’সে থাকি।

নীলা হাসিয়া বলিল, দেখবেন, পাগল হয়ে যাবেন না যেন। বিজ্ঞেরা বলেন, চাঁদের দিকে চেয়ে চেয়ে মানুষ চন্দ্রাহত বা পাগল হয়। আমার মুখ যেমনই হোক, নারীর মুখের তুলনাই হচ্ছে চন্দ্র, কবি লোককে তা ত’ আর বলতে হবে না। সেই জন্তেই সাবধান করে দিচ্ছি।—বলিয়া সে গুইয়া পড়িল।

অকস্মাৎ অধরে দাহ অনুভব করিয়া নীলা শশব্যস্তে উঠিয়া বসিয়া চারদিকে চাহিতে লাগিল। অসিত পা-দানে বসিয়া একাগ্রদৃষ্টিতে তাহার পানে চাহিয়া রহিয়াছে। নীলা আপনাকে সতর্ক করিয়া লইয়া হাসিয়া বলিল, বা বলেছি ঠিক তাই হ’ল ত’ ? Moon struck ?

অসিত নীলার কোলের উপরে মাথা গুঁজিয়া বলিতে লাগিল, জানি না, জানি না, জানি না। ও জানি, তোমাকে আমার চাই-ই চাই।

অসিতের চোখের পানে চাহিয়া নীলা মনে মনে সমস্ত হইয়া উঠিলেও মুখে মৃদু হাসি আনিয়া বলিল, আপনি উঠে বসুন।—বলিয়া সে নিজের সোজা হইয়া উঠিয়া বসিয়া আবার বলিল, পায়ের কাছে বসতে নেই, উঠে আসুন।—নীলা অসিতের মাথাটার হাত বুলাইতে বুলাইতে বলিল—ছিঃ, উঠুন।

অসিত উঠিয়া বসিল। কিয়দূর হইতে কতকগুলি লোকের কথা শুনা যাইতেছিল। নীলা বলিল, বোধ হয় ওরা ফিরছে।

অসিত কোনো কথা বলিল না।

নীলা জিজ্ঞাসা করিল, কত বাজল ?

—ছ’টো।

—মোটো ?—তাহার স্বর অসীম নৈরাশ্রবাক্যক।

অসিত বলিল, তোমার বড় কষ্ট হল, না নীলা ?

—না, কষ্ট আর এমন কি !

—তুমি আর একটু ঘুমোবে ?

—ঘুম হয় কৈ ?

—কেন, এতক্ষণ ত’ হচ্ছিল।

—আমি বুঝি ঘুমিয়েছি ? আমি ত’ চুপ ক’রে মটকা মেরে পড়েছিলুম।—বলিয়া হাসিতে লাগিল। অসিত কি বলিতে যাইতেছিল, বলা হইল না। ড্রাইভার, দ্বারবান গ্রামের ছইজন লোকের মাথায় মুড়ি, মুড়কী, লাড্ডু, জলের কলস প্রভৃতি চাপাইয়া সেইখানে আসিয়া উপস্থিত হইল। খাণ্ডে রুচি কাহারও ছিল না, ছই-এক গ্লাস করিয়া জল খাইয়াই ইহারা নৈশ-ভোজন সমাধা করিয়া গেল। মাইল-খানেক দূরে পুলিশের দকাদারের কোঠাবাড়ীতে সাহেব ও মেমসাহেবের জন্ত শয্যা প্রস্তুত হইয়াছে জানা গেলেও আর নড়াচড়া করিতে ইচ্ছা বা আগ্রহ তাহাদের হইল না। ছই বন্টা রাত্রি বাকী আছে, এইখানেই কাটাইয়া দিতে পারা যাইবে, শেষ পর্যন্ত



তাহাই নির্ধারিত হইল। দ্বারবান ও ড্রাইভার দুয়বর্তী এক বৃক্ষতলে মুরাঠা (পাগড়ী) মাথায় দিয়া শুইতে গেল।

নীলা অসিতকে বলিল, এইবার আপনি একটু শুয়ে পড়ুন।

অসিত বলিল, না।

নীলা বলিল, শরীর খারাপ হবে যে।

—হোক। শরীর ত' কারণে অকারণে সকলেরই খারাপ হয়, না-হয় আমারও হবে। আজকের রাত্রি আমি শুয়ে নষ্ট করতে পারব না।

—তবে গল্প বলুন।

—তুমি বল, আমি শুনি।

—আমি! আমি কি বলব? কি-ই বা জানি, বলুন।

আমি বেতাল পঞ্চবিংশতিও শুনতে চাই নি, গোমারের ইলিয়াড শোনার ইচ্ছেও আমার নেই, তোমার নিজের গল্প বল।

নীলা হাসিয়া বলিল, আমার নিজের গল্প?

—হ্যাঁ। বিয়ের পরের গল্প। বল।

নীলা বলিল, বিয়ের পরের গল্প। ক'বছর কলকাতায় ছিলুম, সে ত' আপনি জানেন। তারপর লন্ডনে এলাম। সেইখানেই থাকি, ঘর-সংসার করি। খিদে পেলে খাই, ঘুম পেলে ঘুমুই। কথা কইবার লোক পেলে কথা কই, না-পেলেও, নিজের মনেই বক্-বক্ করি। তারপর, দাদার অসুখের খবর পেয়ে কলকাতা যাচ্ছিলুম—সে ত' দেখলেনই। আর ত' কিছু নেই, বলবার। তার চেয়ে আপনি বলুন, আপনার গিন্নীর কথা, ঘর-সংসারের কথা।—বলুন। আচ্ছা, আপনি আপনার স্বীকে খুব ভালবাসেন? তিনি যা চান, তাই দেন, যেখানে যেতে চান, নিয়ে যান, না?

অসিত আস্তে আস্তে বলিল, হ্যাঁ।

নীলা জিজ্ঞাসিল, আর তিনি?

—তার কথা তিনি জানেন, আমি জানি নে।

নীলা হাসিয়া বলিল, বুঝতে পারেন না বুঝি?

অসিত বলিল, চেষ্টা করি নি। বোঝবার সময় পাই নি।

নীলা সহাত্রে বলিল, দশ বছরের মধ্যে সময় পেলেন না?

—সময় চাই নি, তাই পাই নি। সময় চাইবারও সময় আমার ছিল না, নীলা। আমি এই দীর্ঘ সময় আর একজনের সুন্দর মুখখানি, স্বপ্নমাখা চোখ দু'টি, তুলিতে আঁকা ক্র দু'খানি, মধুঢালা হাসিটি, পদ্মের পাতার মত পা দু'খানি ভেবেই কাটিয়েছি; আর ভেবেছি, আমার অগাধ ভালবাসার খবর সে জানে, জানে, বোঝে। কে সে লোক, জান, নীলা?

নীলা ভয়ে আড়ষ্ট হইয়া ঘাড় নাড়িয়া মৃত শব্দ করিল, উহ।

—সে তুমি। তুমি, তুমি, তুমি! নীলা, তুমি আমার ভালবাসা, তুমি আমার ভালবাসা, তুমি আমার ভালবাসা।

নীলা আকাশের পানে চাহিয়া, সচকিতে বলিয়া উঠিল, আজকের রাত কি আর শেষ হবে না?

অসিত অন্ধকারেও একবার অন্তরভেদী দৃষ্টি ফেলিয়া নীলাকে দেখিতে চেষ্টা করিল, তারপর মাথাটা নীচু করিয়া অতি ধীর সংযতকণ্ঠে কহিল, এই রাত্রি বিফলে যাবে, নীলা?

নীলা বলিল, কি করবো?

—একটি কথা বল, একটি কথা। এই রাত্রি মধুময়ী হবে নীলা, অন্ধকারে ঢাকা আকাশ স্বচ্ছ হয়ে উঠবে, একটি কথা, একটিবার, বল নীলা। বলবে না?

নীলা কথা কহিল না।

অসিত বলিতে লাগিল, যদি কখনও একবিন্দু ভালবেসে থাক, নীলা, একবিন্দু করুণা তোমার মনে থাকে, একটিবার বল।

—কি বলবো?

অসিত কাকূতিভরা কণ্ঠে কহিল, একটিবার বল, ভালবাসি। একটিবার, শুধু একটিবার।



নীলা বলিল, আমি ত' বলেছি আপনাকে, আমার দেবার কিছুই নেই। আপনি আমার বিশ্বাস করুন। আমার কিছুই নেই।

অসিত বলিল, তবে কি আমার এতকালের ধারণা সবই ভুল? কোনদিন কি একটুও ভালবাস নি? আই-এ পাস ক'রে তুমি বন্ধু-বান্ধবদের নিজের হাতে রেঁধে খাইয়েছিলে, মনে আছে?

অতীতকালের স্মৃতি কতই মধুর! বিগত দিনের কথায় নীলার অন্তরদেশ সহসা মাধুর্য্যে ভরিয়া উঠিল; বলিল, আছে বৈ কি! আমার কলেজের মেয়েরা আর আপনি!

অসিত বলিল, একখানি নীল রঙের সিল্কের রুমাল উপহার দিয়েছিলে, মনে আছে?

—আছে।

সে রুমাল আমার আজও আছে। তার কোণের 'ন' অক্ষরটি আজও স্পষ্ট আছে। অনেক ঝড়-ঝাপ্টা সেই রুমালখানির উপর দিয়ে বয়ে গেছে, কিন্তু তাকে নষ্ট করতে পারে নি।

নীলার মুখে যুঁহু হাসি ফুটিয়া উঠিল।

অসিত হঠাৎ নিজেকে সম্বৃত্ত করিয়া কহিল, হয়ত আমারই ভুল। মিষ্ট ব্যবহার, মিষ্ট হাস্য, সম্বন্ধ আতিথেয়তা, কিন্তু সে সবও কি ভুল? সে সবও কি মিথ্যা?

নীলা সতেজে বলিল, না-না, সে কেন মিথ্যা হবে? নারী-জগৎ নিয়েই যখন জন্মেছি, মিষ্ট ব্যবহার ছাড়া নারীর আর কি আছে? হাসি? ও আমার রোগ। না হেসে আমি পারি নে। আতিথেয়তা? বাঙ্গাল দেশের কোন্ মেয়ে না অতিথিকে যত্ন করে, বলুন তো?

অসিত আপনার মনে বলিতে লাগিল, তাই কি! এ সবে মধ্য হৃদয় ছিল না? কি জানি!

নীলা কথাগুলো শুনিয়াছিল, হৃৎকের সহিত বলিতে লাগিল, হৃদয় আপনারা কাকে বলেন জানি নে; হৃদয় কি প্রজ্ঞা করে না? হৃদয় কি ভক্তি করে না?

হৃদয় কি যত্ন করতে চায় না? আমি মূর্খ স্ত্রীলোক, বুঝি না। কিন্তু এটুকু বুঝি, নারী যাকে একবার প্রজ্ঞা করেছে, ভক্তি করেছে, কোনদিন তাকে অপ্রজ্ঞা বা অভক্তি করতে পারে না। কিছুতেই না। ভালবাসার কথা আলাদা। ভাল, নারী একজনকে, আর একটিবারই, বাসতে পারে। ফিরে পাক-না-পাক, প্রতিদানের আশা থাক-না-থাক, একবারই, একজনকেই সে ভালবাসে।

পূর্বাকাশে বর্ণ-বৈচিত্র্য-বিকাশ দেখা যাইতেছিল, অসিত সেই দিকে চাহিয়া কথাগুলো শুনিতেছিল। হঠাৎ বীণাধ্বনি স্তব্ধ হইল, অসিতেরও যেন মোহ ভাঙ্গিয়া গেল। নীলার মুখের দিকে চাহিয়া দেখিল, নীলার শাস্ত করুণ মুখের উপরে আকাশের বর্ণনাহীন বর্ণচ্ছটা আসিয়া পড়িয়াছে, তাহার করুণ নয়ন দু'টি আকাশ ভেদ করিয়া ঐ আলোকের উৎস দেখিতে গিয়াছে। আকাশ আরও পরিষ্কার, পৃথিবী আরও স্পষ্ট হইয়া উঠিল। অসিত বলিল, নীলা, কালরাত্রি প্রভাত হয়েছে, সুপ্রভাত বলতে পারি কি?

—সুপ্রভাত ত' বটেই! বলিয়া সে যুগ্ম কর উচ্চ করিয়া নমস্কার করিয়া বলিল, প্রভাতে বন্ধুর মুখ দর্শন, তাও যদি সুপ্রভাত না হয়, কবে হবে আর?

অসিত অপরাধীর মত বলিল, আমায় ক্ষমা করতে পারবে কি?

নীলা হাসিয়া বলিল, আমি ত' রাগ করি নি যে ক্ষমা করতে হবে।

অসিত ভাবিয়া পাইল না, নারী-চরিত্রের রহস্য তাহার কাছে অজ্ঞাত থাকিয়াই গেল। এ ভালবাসে না, ভালবাসা লইতেও চায় না, অথচ তাহার নারীত্বের, সতীত্বের অবমাননাকারীর উপর ক্রোধও তাহার নাই!

প্রভাত হইবামাত্র গাড়ীও চলিল। জলের পাইপের ছিপিটি কোন্ ঝাঁকানিতে খুলিয়া গিয়া জল নিঃশেষ হইয়া বাওয়ার গাড়ী বন্ধ হইয়া গিয়াছিল। সহজেই মোব থরা পড়িয়া গেল।



বেলা হইলে পথের ধারে একটি স্টেশনে গাড়ী থামাইয়া প্রাতঃরাশ খাওয়া হইল। বেহারের পার্কতা প্রদেশ, পাহাড়, মাঠ, ষাট, জল, পথ, ছাদ, মাটি, বালি সব তাতিয়া উঠিয়াছে। সারা রাত্রির অনিদ্রা, নীলা গাড়ীর ছাদের দেওয়ালে মাথা রাখিয়া নিজীবের মত বসিয়াছিল, অসিত জিজ্ঞাসিল, কি ভাবছ নীলা ?

—কৈ! কিছু ভাবি নি ত'!

—না, তুমি ভাবছ? কি ভাবছ, কাল রাত্রেই কথা ?

—না, না,—বলিয়া সে হাসিয়া উঠিল। সে হাসি প্রভাত বেলায় সূর্য্যের রশ্মির মত উজ্জল, মধুর, পার্কতা-নির্বিরণীর মত নিঃশব্দবর্ষী।

পরমুহূর্ত্তে বলিল, দাদাকে দেখে ফিরতে ত' হবেই ক'দিন পরে, তখন কি আপনার সময় হবে আমার লক্ষ্যে পৌঁছে দেবার ?

অসিত তাহার মুখের পানে চাহিয়া জিজ্ঞাসিল, এর পরেও, তুমি আমার সঙ্গে একলা যেতে পারবে, নীলা ?

উজ্জ্বলিত হাতে নীলা বলিল, বা রে! তা কেন পারবো না? বন্ধুর সঙ্গে যাবো, তাতে ভয়টা কিসের ?


অসিত কথা বলিল না। গাড়ী ছুটিতে লাগিল। ড্রাইভার এক সময়ে একটা মন্দিরের উচ্চ চূড়া দেখাইয়া সহর্ষে কহিল, হজুর বুধ-গয়া !

নীলা বলিল, এইবার হিসাব ক'রে দেখুন না, কখন কলকাতা পৌঁছোব ?

—দেখি।—বলিয়া অসিত টাইম-টেবল, খাতা-পেন্সিলের সন্ধান করিতে লাগিল।

নীলা বলিল, গয়া পৌঁছে আগে আপনি স্নান ক'রে নেবেন, বুঝলেন? মুখ-চোখ আপনার যা শুকিয়ে গেছে! সারারাত না-শাওয়া, না-শোওয়া, কম কষ্ট গেছে আপনার !

অসিত মুখ ফিরাইয়া কথাগুলো যে বলিতেছে তাহার পানে চাহিয়া দেখিল। সে মুখ অসীম স্নেহে, অপরিমিত আত্মীয়তার রসে সঞ্জীবিত, উদ্ভাসিত।





# ভারতের রূপ-মূর্ছিত কন্দর

শ্রীযামিনীকান্ত সেন

কাল্পনিক আখ্যানে যাহুকরের মায়া স্তম্ভস্ত গুহা-  
গহ্বরকে উন্মুক্ত ক'রে অগণিত ঐশ্বর্য দেখিয়েছে।  
কখনও বা কোন ছুঁতগা তার ভিতর বন্দী হ'য়ে ঢুকে  
বেরিয়ে আসবার মায়ামন্ত্র ভুলে গেছে। ভূগর্ভের  
বিভীষিকা এমনি ক'রে মানুষের চিত্তকে আচ্ছন্ন

জড়িত হ'য়ে গেছে পিরামিডের অন্তরালের রচনাদি।  
সেই শ্রেণীর রূপ-সৃষ্টি মৃত্যুভয়ে জর্জরিত মিশর নিজের  
ভীতি-রোমাঞ্চের চিহ্ন রেখে গেছে মাত্র—আনন্দ-  
স্বপ্নের নয়। আনন্দের মূর্ছনা দেখতে হ'লে এ সব ক্ষেত্রে  
ভারতের দিকে চোখ ফেরাতে হবে। ভারতের



এলিফেন্টা-গুহা — ত্রিমূর্তি ও অর্ধনারী

করেছে। খ্রীষ্টীয় সভ্যতাও মাটির ভিতর গুহা রচনা  
করেছে ভীক অস্তরকে আক্রমণ হ'তে রক্ষা করতে।  
অস্তরের সৌন্দর্য্য-স্বপ্নকে সূনির্ম্মিত গুহাভ্যন্তরে আনন্দের  
রূপ দেওয়া জগতে খুব কম সভ্যতার পক্ষেই সম্ভব  
হয়েছে। মিশরীয় সভ্যতার পরলোক-কল্পনার সহিত

শিল্পী-মনের সৌন্দর্য্যের অভিব্যক্তি মর্ম্মর-রূপ ধারণ  
করেছে—ভারতের গুহা-স্থাপত্যে। এ শ্রেণীর রচনা  
জগতে অতুলনীয় বললেও অত্যাঙ্কি হয় না।

বস্তুতঃ ভারতের রচনাই এ ক্ষেত্রে অপরাধের  
স্থান গ্রহণ করেছে। এলোরার কৈলাস-সম্বন্ধে কোন




ইউরোপীয় লেখক বলেন — “Kailash is probably the finest and grandest monolithic excavation in the world. No written description can adequately portray the stupendous work entailed in this temple.”

Burgess সাহেবও স্বীকার করেছেন—“Kailash which is certainly the most magnificent

ঐশ্বর্য্য ও অবয়বের পারিপাট্য—সকল বিষয়েই নিভৃত কন্দরে নিহিত এ সমস্ত রূপ-স্বপ্ন অদ্বিতীয়।

পাথরের পাহাড় কেটে রূপের স্বপ্ন মূর্ত্ত করা সাধারণ মানুষের কাজ নয়—মহামানবের পক্ষেই এ শ্রেণীর চেষ্টা সফল প্রসব করতে পারে। আধুনিক বিজ্ঞানগর্ভে স্ফীত পশ্চিমের সমগ্র স্থাপত্য-কৌশলও



এলোরা গুহা — ইন্দ্রসভা

rock-cut temple in India.” বলা বাহুল্য ‘India’ কথাটির পরিবর্তে ‘World’ শব্দটি প্রয়োগ করলে উক্তিটি আরও সুষোভন হ’ত।

বস্তুতঃ ইউরোপে রোমক বা গ্রীক মন্দির বা মধ্য-যুগের গির্জাগুলি সমগ্র বা অংশের দিক থেকেও এ সমস্ত অসুরাশ্রয় সৌধ-স্বপ্নের সাধনা ও সমাপ্তির ব্যাপক চেষ্টার সহিত তুলনীয় হ’তে পারে না। স্তম্ভের বৈচিত্র্য, মূর্ত্তির

এ রকমের একটা সৃষ্টিকে পাহাড় কেটে বের করতে সক্ষম হবে কি-না জানি না। আশ্চর্য্যপাত্ত একটা পাথরের পাহাড়কে স্নানিপূর্ণ হাতে কেটে মোমের মত গ’ড়ে তুলতে হয়—তাতে মন্দিরের অসংখ্য অবয়ব গ’ড়ে তোলা ও মূর্ত্তির সীমাহীন ব্যঞ্জন প্রতিকলিত করাও দরকার। এ যুগের বা কোন যুগের ভারতেতর সাধনা তা সম্ভব করতে পারে নি।



হুঁ-একটা মর্ম্মর-গর্ভ মন্দির রচনার ভারতীয় সাধনা পর্য্যাবসিত হয় নি। বিহারের লোমশখ্যির গুহা, উড়িষ্যার উদয়গিরি ও খণ্ডগিরি, কাথিওয়ারের অনন্ত-গুহা, জুনাগড়, ধানুক, তলাজ গুহা, সুবিখ্যাত কার্লি গুহা, ভজের গুহা, বেদস-গুহা, জুনারের গুহা, নাসিকের গুহা প্রভৃতি অসংখ্য গুহাভাস্তরের কীর্তি-সমূহ সকলের চিত্ত হরণ করে ও বিশ্বয় জন্মায়। এ সমস্তের অলঙ্করণ, খিলান ও স্তম্ভাদি এমনি সুন্দর ও মৌলিক যে, একালে এ সব গ'ড়ে তোলার ধৈর্য্য বা সাধ্য কারও নেই। এর ভিতর সাধারণতঃ এলোরা, এলিফেণ্টা, কার্লি ও অজান্তা জগদ্বিখ্যাত হ'য়ে পড়েছে।

সময়-বিচারের দিক্ থেকে আলোচনা করলেও বিস্মিত হ'তে হয়। রাজগীর ও বরাবরের গুহা খ্রীষ্টপূর্ব ২৫০ শতকের রচনা। জুনাগড় প্রভৃতির কাল তারই পরবর্তী। বোম্বাইর পূর্বাঞ্চলের তাজ, বেদসা ও কার্লী গুহার সময় খ্রীষ্টপূর্ব ১৫০ হইতে ১০০ খ্রীষ্টাব্দ পর্য্যন্ত। মহাকাল ও এলিফেণ্টার সময়, এর কিছু পরে। বাগগুহার সৌন্দর্য্য-সৃষ্টির কাল হচ্ছে খ্রীষ্টাব্দ ৩০০। অজান্তার অনির্ব্বচনীয় সস্তারের রচনাকাল হচ্ছে ২০০ খ্রীষ্টাব্দ হ'তে ৭০০ খ্রীষ্টাব্দ পর্য্যন্ত কিংবা আরও কিছু বেশী। এলোরার সৃষ্টির সময় হচ্ছে ৪৫০ খ্রীষ্টাব্দ হ'তে ৭০০ খ্রীষ্টাব্দ পর্য্যন্ত। কাজেই দেখা যাচ্ছে খ্রীষ্টপূর্ব ২৫০ শতক হ'তে খ্রীষ্টাব্দ ৮০০ পর্য্যন্ত প্রায় হাজার বছরের একটা অলৌকিক সৃষ্টিধারা ভারতবর্ষে চ'লে এসেছে এ সমস্তের নির্মাণ-বিধিকে নিয়ন্ত্রিত ক'রে। এমনি ক'রে সহস্র বর্ষের এ শ্রেণীর রূপমরীচিকা ভারতীয় রসবোধকে চরিতার্থ ক'রে এসেছে — এ গৌরব সামান্য নয়।

যে দেশে ভূপোবনের নিভৃত নিঃশব্দতা ও কোলাহলহীনতা ধ্যানের অমূল্য ব'লে বিবেচিত হ'ত— অরণ্যের নীরব অঙ্গে যে সাধনা গভীর তত্ত্বজ্ঞানকে জন্মদান করেছে — সে দেশে ধর্ম্মজীবনের নিভৃত অন্তরাল যে একটা মাদকতা সৃষ্টি করবে তাতে বিস্মিত

হবার কিছু নেই। শত্রুর আক্রমণ হ'তে আশ্রয়কার জন্ত এ সব সৃষ্ট হয় নি। কাজেই কোন সুগুপ্ত বিভীষিকা হ'তে এ সমস্ত সৌন্দর্য্য-সৃষ্টি জন্মলাভ করে নি। পার্থিব বন্ধন ও লৌকিক আবেষ্টন হ'তে এ-সমস্ত সৃষ্টি সুদূরে রক্ষিত হয়েছে; অপার্থিব রূপ-সস্তারেই এ-সমস্ত রচনা মণ্ডিত। এ-সমস্ত গুহায় হিন্দু, বৌদ্ধ ও জৈন এ-তিনটি প্রধান সাধনা নিজেদের অসীম উৎসাহ, অন্তহীন চেষ্টা ও সিদ্ধির পরিচয় রেখে গেছে।


কার্লীর গুহা বোম্বাই-পুনা রাজপথের হুঁমাইল উত্তরে অবস্থিত। G. I. P. রেলওয়ের Malavli স্টেশন হ'চ্ছে সব চেয়ে নিকটবর্তী। এই চৈত্যাটি কারও মতে হ'চ্ছে — “the largest and finest, as well as, the best preserved of its class”। এটি খ্রীষ্টপূর্ব ১০০ শতকের রচনা। কার্লি-গুহার অভ্যন্তর ভক্তদের নিবিড় শ্রদ্ধার উদ্বেক করে। প্রথম গুহার চৈত্যাটি সৌন্দর্য্যো, গাভীর্য্যো ও বিপুলতায় এক আশ্চর্য্য-সৃষ্টি। বাইর হ'তে আলো সঞ্চারের কায়দাও অতি মৌলিক। হাদের গুণ একটা জায়গা দিয়ে আলো এসে সমস্ত ঘরকে প্রাবিত ক'রে দেয়—সারি সারি সুগঠিত স্তম্ভ ও ধনুকাকারে তৈরী শীর্ষভাগ, তাতে এক অপক্লপ শ্রীতে উদ্ভাসিত হ'য়ে উঠে। চৈত্যাটির হাদের কাঠের পাঞ্জরা-গুলি অতি প্রাচীন। এতকাল পর্য্যন্ত এ-সব কি ক'রে সুরক্ষিত আছে তা বর্তমানে হেরালি হ'য়ে দাঁড়িয়েছে। অমূল্যবোধ ও রাসায়নিক যন্ত্রাদি-সাহায্যে পরীক্ষিত হয়েও এ-শ্রেণীর জলভ কাঠের স্বরূপ ভালরকমে বোঝা যায় নি। প্রকৃত-তত্ত্ব বিভাগের রাসায়নিক লিখেছেন—“I have examined the bits of wood under the microscope and have noticed that a black shining deposit fills the cavities between the grains. Moreover the wood appears to have been scorched by fire ..... The tarry matter has evidently become oxidized and therefore resists the action of solvents... I might also mention



that wooden objects 5000 years old have also been found..."।

ভারতের প্রাচীন যে কোন স্থটির ভিতরই এমন এক-একটি আশ্চর্য্য ব্যাপার পাওয়া যায় যা অতীত দেখতে পাওয়া যায় না। পাঁচ হাজার বছর প্রাচীন কাঠের খবর কোন চৈতোর অভ্যন্তরে পাওয়া একটা সামান্য ব্যাপার নয়।

বৈচিত্র্য দেখে মুগ্ধ হয় না, তাদের মতে ত্রিমূর্তি হচ্ছে— "a perfect specimen of art"। গৌরব, গান্ধীর্ষ্য ও বিরাটত্বের একরূপ সংহত নমুনা জগতের কোথাও আছে কি-না সন্দেহ। অর্ধনারী মূর্তিও অতি সুগঠিত ও সুসম্পন্ন। ভারতীয় শক্তিতত্ত্ব শুধু দেবী রচনার যে শিল্পীদের উৎসাহিত করেছে তা নয়—যুগ্ম-রূপ রচনার নানা মৌলিক উপায়ও নির্দেশ করেছে।



রামেশ্বরের মন্দির — এলোরা

বোম্বাই বন্দরের এলিফেণ্টা-গুহা মন্দিরগর্ভ মন্দিরের একটা সুপরিচিত নমুনা। ভারতবর্ষে প্রবেশের পথে অবস্থিত বলে এ-গুহার আলোচনা ইউরোপীয় দর্শক-গণের বড়ই প্রীতিকর। এলিফেণ্টা গুহার 'ত্রিমূর্তি' ভারতীয় ভাস্কর্য্যের একটা মুকুটমণি এবং তারই সংলগ্ন অর্ধনারীশ্বর মূর্তি এবং অস্ত্রাশ্রয় মূর্তি-সকল সৌন্দর্য্যে অতুলনীয়। যারা ভারতীয় দেবতার বহু অঙ্গ-সংযোগের

শুধু অদ্বৈত মূর্তি নয় বা দ্বৈত মূর্তিও নয় — দ্বৈতাদ্বৈত মূর্তি রচনার একটা চরম দৃষ্টান্ত হচ্ছে এই 'অর্ধনারীশ্বর-মূর্তি'। অষ্টটন-ষটন-পাটনসী শিল্প-লীলা এ-মূর্তিটিতে হর-পার্বতীর এমন এক অনির্বাচনীয় রস উদ্ঘাটিত করেছে তা জগতের আর কোথাও পাওয়া যাবে না। বহুকাল পর্য্যন্ত মূলদৃষ্টি বৈদেশিকগণ এ-মূর্তিকে amazon সজ্জা দিয়ে তৃপ্তিলাভ করেছে ; বস্তুতঃ এরূপ



ছবিখ্যায় অধিকাংশ ভারতীয় সৃষ্টিই পীড়িত। এলিফেণ্টা মন্দিরের স্তম্ভগুলি অতি নিপুণভাবে খোদিত। মন্দিরের তিনটি প্রবেশদ্বার আছে। ভিতরে ঢুকেই সেকালে ইউরোপীয় পর্যটকগণ চমকিত হ'ত; সব চেয়ে বিস্ময়ের বিষয় হ'ত মন্দিরের অস্তুত দেবতা ছ'টি। কারণ ইউরোপীয় ব্যবহার-বিধিতে এ-শ্রেণীর ছ'টি দেবতাই জগতে অপরিজ্ঞাত এবং আশ্চর্য্য। তিনটি মস্তকযুক্ত দেবতা বা অর্দ্ধ-শরীর-যুক্ত দেবতা ইউরোপের মতে শরীর ও গণিত শাস্ত্রকে ব্যঙ্গ করেই রচিত হয়েছে। ওদের নিকট ছ'টিই দুর্বোধ্য ছিল। এ-যুগেও বহুশীর্ষ দেব-দেবীকে ইউরোপ অমুকুল চোখে দেখতে পারে না। কিন্তু সমস্ত মন্দিরটির প্রশস্ত প্রাঙ্গণ, প্রকাণ্ড স্তম্ভগুলির বিচিত্র শ্রেণী প্রভৃতি সকলের চোখেই নিদাঘ রজনীর স্বপ্নের মতই মনে হ'ত। সন্ধ্যার পরে অনেকেই মশাল হাতে নিয়ে এ-গুহাটিতে উপস্থিত হ'ত — তাতে রক্তিম আলো প'ড়ে ত্রিমূর্তির চারিদিকে একটা বিপুল মরীচিকার সৃষ্টি হ'ত। সুসভ্য বর্তমান যুগে বোম্বাই বন্দরের অনতিদূরে এই মর্ম্মর-গর্ভ দেবমন্দির, গম্বু-প্রাণ সমগ্র পাশ্চাত্য সৌধ-বিজ্ঞাকে পরিহাস ক'রে দণ্ডায়মান। রহস্য, স্বপ্ন ও কল্পনায় অমুপ্রাণিত দেব-পরম্পরা কর্তৃক অধ্যুষিত এলিফেণ্টা-গুহা ভারতের প্রান্ত হ'তেই সংগ্রাম ঘোষণা করেছে যান্ত্রিক সভ্যতার ইতর-বুদ্ধিবাদের বিরুদ্ধে। ফেরো-কনক্রিটের লঘু বাহবা ও লৌহপঞ্জরের অলীক আশ্রয় অন্তঃসারহীন এ-যুগের নগরকে এলিফেণ্টার অদূরেই রচনা করেছে। সব যখন মুছে যাবে, বোম্বাইর রথচক্রঘর্ষর-কোলাহল যখন ধূলি-সুষ্টিত হবে তখনও এলিফেণ্টা হ'তে রূপলোকের বাণী ধ্বনিত হ'বে অন্তমিত আধুনিকতার শ্মশানের উপর। ভারতবর্ষ নেপথ্যে তাই সমস্ত রক্ষা করেছে কয়েকটা দীপশিখা নিজের মর্ম্ম-কন্দরে—সকল যুগের ও দেশের মুচ্ছিত সৌন্দর্য্যের প্রাণপ্রতিষ্ঠা করতে।

মর্ম্মর-মুখর এলোরা জগতের একটা বিস্ময়ের বস্তু।

সমগ্রভাবে এই সমস্ত মর্ম্মর-কন্দরে কৃতিত্ব উদ্ঘাটন করা এ সামান্য পরিসরে সম্ভব নয়। অসাধারণ মনোবা, কালজয়ী নিষ্ঠা, অক্লান্ত পরিশ্রম ও অভয় ধৈর্য্য—এই সাধন চতুষ্টয়ের সঙ্গমে শৈলগর্ভে এই ঐন্দ্রজালিকসৃষ্টি সম্ভব হয়েছে। পূর্বেই বলা হয়েছে কৈলাস মন্দিরকে ইউরোপীয়েরা জগতের “the finest and grandest monolithic excavation” ব'লে থাকে। এ-প্রশংসা সামান্য নয়। কোন ইউরোপীয় ভাবুক বলেন—


“All commentary grows pale before the magnificent ruins of the temples of Elura, which more than any other ruins confuse the human imagination. At the sight of these astounding edifices the development of the plastic arts and of public religious luxury amongst the Hindus, receives the most striking attestation in the magnificence of these temples in the infinite diversity of their details and the minute variety of the carvings.”

মানবের কল্পনাশক্তিকেও বিমূঢ় করতে পারে এমন সৃষ্টির মূলে আছে এক অলৌকিক প্রেরণা, যা ভারতীয় সাধনাকে সার্থক ক'রে তোলে। এই শ্রেণীর সৃষ্টির ভিতর শুধু অজান্তাই একটা সমুচ্চ স্থান অধিকার করেছে। কিন্তু অজান্তাতে আছে শুধু বৌদ্ধ নিদর্শন—এলোরায় হিন্দু, বৌদ্ধ ও জৈন—ভারতীয় সভ্যতার স্বচ্ছ স্ফটিকের এই তিনটি ফলকই উন্মুক্ত। হাজার বছরের ঐতিহাসিক সৃষ্টি যখন অজান্তায় পরিসমাপ্ত হয়, প্রায় সে সময়ই এলোরার মন্দির-সৃষ্টির ঝঙ্কার উঠে। এ-আন্দোলনে ভারতীয় চিন্তের সকল দিকে সাড়া পড়ে। হিন্দু-দেব-দেবীর বিচিত্র রূপলীলা, বৌদ্ধ-সাধনার মূর্ত পরিণাম, জৈন-ধর্ম্মের মহাহ'তম আদর্শ মর্ম্মরিত হয়ে উঠল এলোরার রূপ-সাধনায়। এলোরা এল ভারতের আকাশে রূপসী অঙ্গরীর মত—হাতে নিয়ে অলৌকিক রূপাধা—ত্রিশ কোটি ভারতবাসী তা গ্রহণ ক'রে ধস্ত হয়ে গেল।

অজান্তা, বরভূধর, সীচি, ভারহট ও নেপালে



বহুশীর্ষ নাগের যে প্রভা-তোরণ দেখতে পাওয়া যায়, নেপালেই এ-শ্রেণীর রচনার দৃষ্টান্ত পাওয়া যায়। বলা  
এলোরার বৌদ্ধ-রচনায় তা নেই। অপরদিকে তন্মোক্ত প্রয়োজন হীনযানের বিগুহ তত্ত্ব উত্তর ভারতে ক্রমশঃ  
শক্তিদেবীদের এক নূতন প্রেরণা দেখে বিস্মিত মহাযানবাদের সমন্বয়ী (Synthetic) আবর্তে পড়ে



অজান্তা গুহা—ভাস্কর্য ও স্থাপত্য-শ্রী

হ'তে হয়। তাত্ত্বিক যোগাচার্যাদের প্রাধান্য এককালে লুপ্ত হয়ে যায়; তাতে ক'রে অসংখ্য বুদ্ধ ও  
ভারতে কিরূপ বলিষ্ঠভাবে বর্তমান ছিল এলোরার বোধিসত্ত্বের কল্পনা হয়। নব্য তন্ত্রবাদের প্ররোচনায়  
ভাস্কর্য হ'তে তা প্রমাণ পাওয়া যায়। ইদানীং শুধু সৃষ্টি হয় অসংখ্য দেবদেবী; বোধিসত্ত্ব-কল্পনায় সে-সব



দেবী অপরিহার্য হয়ে উঠে। এরূপে রূপস্ফটিক চক্রবাল ক্রমশঃই বিরাট হয়ে উঠে। ভারতবর্ষে এলোরাতেই এই ভাবচক্র অধ্যয়নের সুযোগ পাওয়া যায়। এলোরা এ-তিনটি ধর্মসাধনের সহায়ক হওয়াতে এখানে একটা বিশিষ্ট রূপচক্র-স্ফটিক উদ্ভূত ফলপ্রসূ হয়েছিল। ক্রমশঃ হিন্দু দেব-সংগ্রহের প্রাচুর্য্য, বৌদ্ধ দেব-জগতের বৈচিত্র্য ও জৈন তীর্থঙ্করের দেশকালজয়ী রূপ-সম্পদ এলোরার মন্দির-চিত্রশালায় ভারতীয় সভ্যতার প্রতিভূ রূপে কলিত হয়ে উঠেছে।

এলোরা নিজামরাজ্যে অবস্থিত একটি গ্রামের নাম — আরজাবাদ হ'তে চৌদ্দ মাইল দূরে অবস্থিত। এক সময় জায়গাটি তীর্থস্থান ছিল। এলোরা-গুহাগুলি এই গ্রাম হ'তে আধমাইল দূরে উত্তর হ'তে দক্ষিণে বিস্তৃত। গুহাগুলি প্রায় এক মাইলের অধিক দীর্ঘ জায়গাকে বেষ্টিত করে আছে। উত্তরদিকের গুহা-গুলি জৈনদের, দক্ষিণদিকের বৌদ্ধদের — এ-দু'টির মাঝখানে হিন্দু-গুহাগুলি উৎকীর্ণ হয়েছে। বৌদ্ধগুহার সময় হচ্ছে খ্রীঃ ৪৫০ হতে খ্রীঃ ৭০০ পর্য্যন্ত। এর ভিতর বারোটি পৃথক অংশ আছে—তাদের নানা নামে অভিহিত করা হয়। বৌদ্ধ-গুহাগুলির ভিতর বিশ্বকর্মা গুহা, হিন্দু-গুহার মাঝে কৈলাস এবং জৈন-গুহার ভিতর ইন্দ্রসভার কিছু আলোচনা করলেই এলোরার অনির্বচনীয় ঐশ্বর্য্য উদ্ঘাটিত করা হবে।

বৌদ্ধ-স্ফটিক ভিতর বিশ্বকর্মাগুহাকে শ্রেষ্ঠ রচনা বলা যেতে পারে। ইহার ভিতরকার চৈত্যাটির আয়তন দৈর্ঘ্য প্রায় ৮৫ ফিট এবং ব্যাপ্তিতে প্রায় ৪৫ ফিট। অবলোকিতেশ্বরের একটি সুবৃহৎ মূর্তির ছ'দিকে আছে দু'টি সুগঠিত অপরূপ মূর্তি।


হিন্দু গুহাগুলির ভিতর কৈলাস মন্দিরই সব চেয়ে বেশী প্রসিদ্ধি লাভ করেছে। Burgess সাহেবের মতে—“It is by far the most extensive and elaborate rock-temple in India.” মন্দিরের পশ্চাতে যে বারান্দা আছে তা প্রায় ১২০ ফিট দীর্ঘ; দক্ষিণ দিকের পূর্বাংশ ১১৪ ফিট দীর্ঘ—তাতে অনেক-

গুলি মূর্তি আছে—যেমন দুর্গা, বিষ্ণু, বরাহ, ত্রিবিক্রম, নরসিংহ, শিব, অর্জুনারী প্রভৃতি। পূর্ব দিকের বারান্দা ১৮৯ ফিট দীর্ঘ—তাতে শিবের নানা মূর্তি আছে যেমন নটরাজ শিব, শিবধূজ্জটি, ভৈরব, বিষ্ণু, শিব-পার্বতী প্রভৃতি—উত্তর দিকের বারান্দায় শিবের বহু মূর্তি এ মন্দিরের কৈলাস নাম সার্থক করেছে। কৈলাস মন্দিরটি সম্পূর্ণভাবে জমাট পাথর কেটে রচনা করা হয়েছে। প্রাঙ্গণটি ২৭৬ ফিট দীর্ঘ ১৫৪ ফিট বিস্তৃত। কৈলাস মন্দির রচনায় শতাধিক বর্ষের প্রয়োজন হয়েছে সন্দেহ নেই। ভারতবর্ষে মিউজিয়ামে মূর্তি বা মূর্তির ভগ্নাবশেষ রাখবার ব্যবস্থা ছিল না—বস্তুতঃ এরকম এক একটি মন্দিরই বিরাট চিত্র ও মূর্তিশালা স্থানীয় হ'য়ে থাকত। হাজার হাজার দর্শক সমবেত হ'য়ে সৌন্দর্য্যের এই নন্দনরাজ্যে রসাস্বাদে চরিতার্থ হ'ত। অধ্যাত্ম-সাধনের শ্রেষ্ঠস্থানের সহিত সঙ্গম হ'ত সৌন্দর্য্য-চর্চার চরম ক্ষেত্র।

এলোরার জৈন-গুহার ভিতর ইন্দ্রসভার নাম সুপরিচিত। ইন্দ্রসভার বামভাগে খচিত হাতীগুলি ভারতীয় ভাস্কর্য্যের অতি চমৎকার নিদর্শন। কালের নিষ্ঠুর আক্রমণে গলিত ও ভগ্ন হলেও এখনও গুহাটির অপরূপ ত্রী চিত্তহরণ করে। প্রায় এক মাইল ব্যাপী এই বিস্তীর্ণ গুহাশ্রেণী ভারতীয় সংস্কৃতির একটা সংহত রূপেতিহাস রেখে গেছে, যা নিঃশব্দে অধ্যয়ন ও হৃদয়ঙ্গম ক'রে দর্শকগণ মনে করে—বাস্তবিকই একটা বিরাট তীর্থসঙ্গম হ'ল। আধুনিক কালে সমগ্র পৃথিবীর দর্শকগণ এসে ভারতের প্রাচীন সাধনা ও সিদ্ধির পরিচয় পেয়ে বিস্মিত হয়ে যাচ্ছে। কৈলাস মন্দিরের বিরাট খোদিত মন্দির-রচনার পেলব কিংখাবের ত্রী আছে। অসাধারণ ভাস্কর্য্য পরিচয়ে কারও মনে কিছুমাত্র সংশয় থাকে না যে, একাকী বারা করেছে তাদের ইচ্ছাশক্তি অটুট ও অটল ছিল এবং তারা সমস্ত ধনরত্নের বিনিময়েও কালজয়ী সৌন্দর্যালোকের বার্তা উদ্ঘাটিত করতে কৃতসংকল্প হয়েছিল। যে গুহা শুধু সাধকের একাকিত্বের জন্য প্রসিদ্ধি লাভ করে—সে গুহার



ভিতর জনতার বিরাট স্রোত সঞ্চারিত ক'রে সার্থক হয়েছিল তাতে ক'রে শতবর্ষের সাধনা মুহূর্তে সকল ও পূত করা হয়েছে ভাগবতী কঙ্কণার নিকট বহুমুখী হ'য়ে জন্মদান করেছিল এই পাষাণী স্তম্ভরীকে— মানবচিত্তের নিবেদন। পাষাণীও অহল্যারূপ ধারণ রক্ষ স্তূপের আন্তরণ ভেদ ক'রে অলঙ্করণে শিঞ্জিত



কৈলাস মন্দির — এলোরা

করেছিল ভগবানের পাদস্পর্শে। এলোরার ক্রোড়েও দেহলতা ও কিরীট-কেয়ূরে মূর্ছিত তারুণ্যের লোকজরী কোন মাহেন্দ্রক্ষেপে নিঃশব্দে সে পাদস্পর্শের সঞ্চার লাভিতা নিয়ে। ভারতের অধ্যাত্ম ইতিহাসের



ক্রোড়ে এমনভাবে নব নব সৌন্দর্য্য-সঙ্গমে চিত্ত  
অভিভূত হয়ে পড়ে। “যোগঃ ভোগায়তে মোক্ষায়তে  
চ সংসারঃ”—কুলার্ণব-তন্ত্রের এ উক্তি সার্থক হয়ে উঠে  
সৌন্দর্য্যের এই অপকৃপ রূপ-তীর্থে। শুধু যোগীমাত্র নয়  
ভোগীও একান্ত সন্তুর্ণনে দেবলীলার অশ্রান্ত মর্ম্মর  
অভিনয় দেখে তৃপ্ত হয়।

গোয়ালিয়র রাজ্যও এ শ্রেণীর মর্ম্মরগর্ভ সৃষ্টি  
হ’তে বঞ্চিত হয় নি। বাঘ-গুহা ইতিমধ্যেই সুদর্শন  
চিত্রাবলির জন্ম বিখ্যাত হয়ে পড়েছে। অজান্তা,  
বাঘ, শ্রীগৃহ প্রভৃতি জায়গায় প্রাচীন ভারতীয় চিত্র-  
কলার নমুনা পর্য্যাপ্তভাবে পাওয়া গেছে। গোয়ালিয়র  
রাজ্য বহু ব্যয়ে বাঘ-গুহার চিত্রাবলি প্রকাশ ক’রে  
ভারতীয় সৌন্দর্য্য-রস-পিপাসুদের ধন্যবাদ অর্জন  
করেছে। গুহাটি Malwa হ’তে পঁচিশ মাইল দক্ষিণ-  
পশ্চিমে; বাঘ নদীর উপর শুধু এই পাহাড়টিই দাঁড়িয়ে  
আছে। উচ্চতায় পাহাড়টি ১৫০ ফিট—মোটরযানের  
সাহায্যে খুব কাছে যাওয়া সম্ভব হয়েছে। সম্প্রতি  
গোয়ালিয়র গবর্ণমেন্ট এই গুহাটির সৌষ্ঠবের জন্ম বিশেষ  
চেষ্টা করছেন।

এ প্রসঙ্গে উড়িষ্যার উদয়গিরি ও খণ্ডগিরির উল্লেখ  
না করলে এ শ্রেণীর দেব ও দেবায়তনের প্রসঙ্গ  
অসম্পূর্ণ থাকবে। এসমস্ত গুহা অতি প্রাচীন।  
অনন্ত-গুহা ভারতের সমসাময়িক বলে মনে হয়।  
হাতী-গুম্ফার সামনের উৎকীর্ণ লিপি ফাগুসনের  
মতে খ্রীষ্টপূর্ব ৩৫০ শতকের। এ প্রসঙ্গে ফাগুসনের  
একটা উক্তি উদ্ধৃত করা প্রয়োজন মনে করি—

“The important lessons, we are taught by  
the peculiarities of the Hathi Gumpha, are the  
same that can be gathered from the exami-  
nation of the caves in Bihar. It is that all  
the caves used by the Buddhists or held sacred  
by them anterior to the age of Asoka: are  
mere natural caverns unimproved by art.  
With his reign the fashion of chiselling  
cells out of the living rock commenced and

was continued with continually increasing  
magnificence and elaboration for nearly 1000  
years after his time.”

উদয়গিরির রানী-প্রাসাদ (রানী-কা-মুর), গণেশ-  
গুম্ফা ও হাতী-গুম্ফা সুপ্রসিদ্ধ। ভারতীয় শিল্পী যে  
চমৎকার ও স্বাভাবিক হাতী খোদাই ক’রতে পারে  
গণেশ-গুম্ফা তার দৃষ্টান্তস্থল। রানী-প্রাসাদের সুদীর্ঘ  
মূর্ত্তিফলক সহজেই দৃষ্টি আকর্ষণ করে। জয়বিজয়-গুহা  
ও স্বর্গপুর-গুহার উল্লেখ না করলে উদয়গিরির প্রসঙ্গ  
অসম্পূর্ণ থাকবে।

ভারতে বহু বিচিত্র মর্ম্মর-গর্ভ মন্দির থাকলেও  
নানাকারেণে অজান্তা ধরুপ সকলের মন হরণ করেছে  
এমন কোন সৃষ্টিই করতে পারে নি। অজান্তাও  
নিজামরাজ্যে অবস্থিত — হায়দ্রাবাদের অধিপতি এ-  
হিসেবে অতি ভাগবান্। প্রাচীন ভারতের শ্রেষ্ঠ  
সম্পদগুলির তিনিই প্রভু। অজান্তা, আরঙ্গাবাদ হ’তে  
৬০ মাইল উত্তর-পশ্চিমে এবং Bhusaval-এর ৩৫  
মাইল দক্ষিণে।

প্রায় ২৫০ ফিট উঁচু অর্ধচন্দ্রাকারে সন্নিবিষ্ট দীর্ঘ  
মর্ম্মর-শৈলকে উৎকীর্ণ ক’রে অজান্তার স্বপ্ন-জগৎ রচিত  
হয়েছিল। ফরাসী রাষ্ট্রপতি Clemenceau অজান্তা দেখে  
অবাক্ হয়ে যান এবং অল্পকাল পূর্বে নর্ত্তকী প্যাভলোভা  
অজান্তার রূপ-চাক্ষুস্য দেখে বিস্ময় প্রকাশ করেন।  
গুহাগুলি প্রায় ৬০০ গজ বিস্তৃত — চারিদিকের  
আবেষ্টনীর ভিতর এই বহুমুখ মর্ম্মর-বিধান সমগ্র  
ভারতের ললাটে তিলক-স্থানীয় হ’য়ে আছে। চিত্রকলা,  
ভাস্কর্য্য ও স্থাপত্যের অপূর্ব সংহতিতে অজান্তার রূপ-বার্তা  
জগতের নিকট অভূতপূর্বভাবে প্রকট হয়েছে।

অজান্তা-গুহাগুলিকে নম্বর দিয়ে শ্রেণীবদ্ধ করা  
হয়েছে—এ শ্রেণী প্রাচীনত্বের দিক্ হতে করা হয় নি।  
নবম ও দশম গুহাধর অতি প্রাচীন, ১০০ খ্রীষ্টাব্দ  
এ-দু’টির রচনাকাল—প্রথম ও দ্বিতীয় গুহা পরবর্ত্তী  
কালের ( ৬২৭ খ্রীঃ—৬২৮খ্রীঃ ) সৃষ্টি। এ দু’টি  
কালের ভিতরেই অজান্তার উনত্রিশটি গুহা রচিত।



নানন্দা প্রভৃতির ছায় অজাস্তাও একটা শিক্ষা ও শিল্প-কেন্দ্র ছিল। বস্তুতঃ সেকালের অধ্যয়ন ও ধ্যান-গৌরব পারিপার্শ্বিক অমুকুল আবেষ্টনের ভিতরই প্রদীপ্ত হ'ত।

অজাস্তা-গুহার উনবিংশতি গুহার সম্মুখভাগ হ'তে অজাস্তার মূর্তিকলা ও স্থাপত্য-প্রতিভার একটা ধারণা করা যায়। নবম ও দশম গুহার চিত্রাবলিই হচ্ছে প্রাচীনতম। ভারতীয় চিত্রকলা ও ভাস্কর্য্যকে এতটা তিরস্কার সহ্য করতে হয়েছে এবং হচ্ছে যে, এ প্রসঙ্গে বিদেশী আলোচকের স্বীকারোক্তি উদ্ধৃত করলেই মনে হবে, কোন বিশিষ্ট রূপালোচক এ সমস্তের প্রতি পক্ষপাত দেখায় নি। অজাস্তার নবম ও দশম গুহার প্রাচীনতম আলেখ্য সম্বন্ধেই একজন ইউরোপীয় সমজ্ঞদারের উক্তি উদ্ধৃত করছি। বলা প্রয়োজন, ইউরোপের রিনেসাঁস যুগ তখনও কালের গর্ভে অজ্ঞাত অবস্থায় ছিল এবং খ্রীষ্টীয় কলার প্রাথমিক যুগের উদ্ভট রচনার সবেমাত্র সূত্রপাতটুকু হয়েছিল। ইউরোপীয় রসিক বলেন —“Taken as a whole.....the art, even at this early age, had reached an advanced state of development exhibiting perfected execution and draftsmanship. The oldest paintings of Ajanta represents an art of maturity not the first efforts of individuals groping in the darkness of inexperience but the finished work of a school of artists trained in a high art manifesting great and ancient tradition.”

অন্ততঃ আর হুঁচার শ' বছরের পূর্ববর্তী পরিপক্ব অভিজ্ঞতা না থাকলে এ রকম চিত্রকলা সম্ভব হয় না। বস্তুতঃ নানাদিক হ'তে অজাস্তার চিত্রাঙ্কন অপরাধের। চৈনিক, পারসিক ও অন্যান্য চিত্র-সম্পদ অজাস্তার লীলা-তুলিকার ছন্দ-গৌরবে মলিন হয়ে যায়। শুধু দেব-দেবীর ছবিনয় সামাজিক জীবনের অসংখ্য প্রতিবিম্ব, শোভাযাত্রা, নৃত্য, দেবসেবা, সামাজিক অস্থান প্রভৃতি অসংখ্য রচনার দৃষ্টান্তে বিস্তৃত হ'তে হয়। প্রত্যেকটি রচনার ত্রী ও শালীনতা সকলকে মুগ্ধ ক'রে দেয়।

অজাস্তার রূপ-জালে বাস্তবতার ছায়াপাতও সকলকে আকর্ষণ করে। আর একটি অমরজ্ঞ মহিলার উক্তি (Lady Herringham) উদ্ধৃত করতে হয়। তিনি অজাস্তার রূপেদ্বিতিকে চৈনিক ও জাপানী চেষ্টার অনেক উর্দ্ধে অবস্থিত বলে মনে করেন —“The outline is in its final state firm but modulated and realistic and not often like the calligraphic sweeping curves of the Chinese and Japanese. The drawing is on the whole like the medieval Italian drawing. The artists have a complete command of postures. Their knowledge of the types and positions, gestures and beauties of hands is amazing.”

এ সব প্রশংসা সামান্য নয়। লেডি হেরিংহাম ইউরোপীয় সভ্যতায় দীক্ষিতা, তিনি শুধু বাইরের দিক হ'তে বিচার ক'রে এতটা উজ্জ্বলিত হয়েছেন। ভিতরের দিক হ'তে অজাস্তার চিত্রকলার বিচার অতি যৎসামান্যই হয়েছে। বস্তুতঃ অজাস্তার চিত্রকলার রীতি অতি সুনিবদ্ধ ও সমন্বয়ী—চৈনিক চাতুর্য্য বা জাপানী লঘুতার মত কোন চেষ্টা দ্বারা এ বিরাট মহাকাব্য কোথাও আহত হয় নি। বর্ণ, রেখা ও বর্তনের অসামান্য সংযোগে ভারতীয় সৌন্দর্য্য-সৃষ্টি এক অপরূপ লাভ্যা লাভ করেছে। বস্তুতঃ আধুনিক চিত্রকরগণও যুক্তকরে অজাস্তার রূপ-প্রপাত হ'তে প্রেরণা লাভ করতে উৎসাহিত হয়েছে।

এ সমস্ত মর্ম্মর-স্মৃতিতে লৌকিক রূপ-বিভ্রাসের সঙ্গে সঙ্গেই অলৌকিকেরও একটা সর্বাভিভাবী ব্যঞ্জন্য হয়েছিল, যা জগতের ইতিহাসে এখনও অপরাধের হ'য়ে আছে। অজাস্তা-গুহার রূপমূর্চ্ছিত মন্দিরের এ আখ্যান বিবৃত না হ'লে ভারতীয় সংস্কৃতির ভূয়িষ্টদানের কথাই বলা হয় না। অজাস্তার কারুণ্যে বিকশিত ভগবান্ তথাগত এক অভূতপূর্ব সৃষ্টি—জগতের কোন চিত্রসৃষ্টিই রূপার্ণিত এ বুদ্ধের সহিত তুলিত হ'তে পারে না। অজাস্তার মা ও মেয়ের পেলব-সৌকুমার্য্য এ শ্রেণীর সকল চিত্র-চেষ্টাকে হতভী ক'রে দেয়। মাতৃস্নেহের কমনীয়তার সহিত সজ্জত হয়েছে ভগবান বুদ্ধের



চরণতলে অঘাতিত আত্মসমর্পণের মাধুর্য্য। এমনি ভাবে এই অমর গুহার রচনা একটা অনির্কচনীয় মারাজাল সৃষ্টি করে সকলের তৃপ্তিবিধান করেছে।

অজাস্তার মুকুরহস্তে রাণীর প্রসাধন দৃশ্য, রাজকীয় শোভাযাত্রা প্রভৃতি এক একটা অসীম মানবেতিহাসের বাহন হয়ে একাল পর্য্যন্ত সত্যিকারের রসবিস্তার করে সকলের চিত্তরঞ্জন করেছে। তাই অজাস্তার হৃদস্পন্দনের সহিত বিশ্বের চিত্ত-বেপথু সহজেই সমতান হয়ে উঠে। বস্তুতঃ একটা ক্ষুদ্র গুহার পরিসরে মানব হৃদয়ের যে ব্যথা, অমুরাগ, ত্যাগ ও ভোগের দীপশিখাচয় প্রজ্জ্বলিত রাখা হয়েছে, তা কোন বিশিষ্ট স্থান ও কালের নয়—তা অগণিত জনতার অসীম জীবনযাত্রারই অঙ্গ-স্থানীয় এবং নিরবধি কালের হিল্লোলিত প্রগতিরই স্রোতক।

অজাস্তার ভাস্কর্য্য, সৌকুমার্য্য ও পারিপাট্য অনবদ্য মাধুর্য্যে মণ্ডিত। নাগরাজ ও মহিষীর সুরচিত দৃশ্যে যে দুর্লভ মুখশ্রী বিকশিত করা হয়েছে তা যে কোন মূর্ত্তি-কলার পক্ষে গোববস্থানীয়। অতি সহজ ও সরল অঙ্গ-ভঙ্গীকে এমনি নিপুণ কলা-কৌশলে উপস্থিত করা হয়েছে যে, অনেক সময় সত্যিকার ব্যাপার বলে ভুল হয়—অথচ সে সব পশ্চিমের মত model রেখে নকল করার উৎসাহ হ'তে রচিত হয় নি। অজাস্তায় সাপের ফণা দিয়ে রচিত প্রভা-তোরণ সৌন্দর্য্যে রত্নখচিত প্রভা-তোরণকেও হার মানিয়ে দেয়।

এমনি করে নিভৃত কন্দরে ভারতবর্ষ রেখে গেছে এক অদ্ভুত মর্ম্মরের আল্পনা—যার প্রতি রেখাবর্ত্তে আদিকালের ভারতের প্রাণ-স্পন্দন অম্লভব করা যেতে পারে। ভারতের সর্ব্বত্র প্রতিষ্ঠিত এবং লোকচক্ষুর অন্তরালে রচিত এই সমস্ত মর্ম্মরগর্ভ-সৃষ্টি কোন ইতর দৃষ্ট বা বাহ্যিক অপেক্ষা করে নি। একান্তভাবে মানুষের অন্তর-গুহার ভাবাবেগে যে জগৎ উখিত হয়ে বার বার লীন হয়, যা সকল চক্ষুর দৃষ্টি হতে দূরে থেকে স্পষ্টভাবে জীড়া করে সে গুহারই প্রতিক্রমক হয়েছে

এ সমস্ত মর্ম্মর গুহা। ভারতের মর্ম্মর-বক্ষে উঠেছে এ সমস্ত ভাবের ঝড়—অন্তরের গভীরতর নীড়ে রচিত হয়েছে এ সমস্ত মর্ম্মর কথা। লোকচক্ষুর অন্তরালেই কুল ফোটে, সমুদ্রে প্লাবনবেগ উপস্থিত হয়—ভারতীয় সৃষ্টির বিচিত্র প্রেরণা ভারতীয় সভ্যতার অন্তরতম প্রকোষ্ঠেই প্রাণবান হয়ে উঠেছে। কাজেই এ সমস্ত মর্ম্মর মন্দির, মর্ম্মর দেবমূর্ত্তি এবং লীলায়িত বর্ণ-ব্যাঞ্জনা অন্তরলোকের বার্ত্তাই বহন করে এনেছে। ভারতবর্ষকে অধ্যয়ন করতে হ'লে এ সমস্ত মর্ম্মর-পুঁথির পাঠোদ্ধার করতে হবে। পশ্চিমের হাতে কাজ ছেড়ে দিয়ে নিশ্চেষ্ট থাকলে চলবে না।

বস্তুতঃ এ সমস্ত মর্ম্মর-রূপকে আছে ভারতীয় সংস্কৃতির ইতিহাস যা একাল পর্য্যন্ত আলেয়ার মত সকলের দৃষ্টিকে বিভ্রান্ত করে এসেছে। ভারতীয় কন্দর ভারতের অন্তর্মুখীন সভ্যতার চরম দান—এ দানকে বহিমুখীন পশ্চিমের তুল্যদণ্ডে পরিমাপ করতে যাওয়া বৃথা—ভারতবর্ষের বিরাট সৌন্দর্য্য-সত্তার পরিক্রমার পদে পদে একথা মনে হয়।

বলা বাহুল্য, ভারতের রূপমুচ্ছিত-কন্দর-মন্দির দুহস্তের অঙ্গুরীয়কের মত বার বার সমগ্র বিশ্বতির অতল জলধিগর্ভে একটা নূতন অভিজ্ঞানের প্রতীক্ষায় আছে। সে অভিজ্ঞানে ভারতীয় তত্ত্ব ও সংস্কৃতি একটা নূতন রূপে প্রদীপ্ত হবে। ইউরোপের ক্ষণভঙ্গুর বহিমুখীন রূপসঙ্কর তখন ভারতীয় রূপায়ণী প্রতিভার সাহায্যে প্রাত্যহিক মৃত্যুর হাত হ'তে উদ্ধার পাবে। দিন দিন নূতনের সন্ধান ও প্রত্যাখ্যান—নেতি নেতি বলে প্রতি যুগের চিন্তাস্রোতকে বিসর্জনের উৎসাহ তখন মন্দীভূত হয়ে আসবে; এ সংস্পর্শে প্রাচীনই নবীন হয়ে উঠবে প্রতিমূর্ত্তিতে—নূতন ফ্যাসান ও হাবভাবের জন্ত হা-হতাশ করতে হবে না এবং অতীতের জন্ত প্রাত্যহিক শ্মশান-সৃষ্টি করারও প্রয়োজন হবে না। সে গুহ-মূর্ত্তিই ভারতবর্ষের রূপলক্ষী ভূবনেশ্বরীরূপে উদ্ভাসিত হবেন।



# চণ্ডীদাস-প্রসঙ্গ

শ্রীহরেকৃষ্ণ মুখোপাধ্যায়, সাহিত্য-রত্ন

প্রাচীন বাঙ্গালা-সাহিত্যে যে দুইটি নায়িকা সর্বজন-পরিচিত, বাঙ্গালার যে দুইটি নায়িকার অপকৃপ-চিত্র গাথায় ও গানে বাঙ্গালীর চিত্তপট অধিকার করিয়া-আছে—তাহার একটি গৌরী, অণ্টা রাধা। উভয়েই রাজকন্যা, রাজ-ঐশ্বর্যের মাঝে সুখের কোলে লালিতা, কিন্তু প্রেমের জ্ঞাত ইহাদের যে তপস্যা, যে ত্যাগ, যে দুঃখবরণ—সত্যি তাহা অতুলনীয়। পুরাণে, মঙ্গল-কাব্যে, গ্রাম্য-গীতি-গাথায় এই দুইটি নায়িকার মহনীয় চরিত্রের যে বর্ণন-বৈচিত্র্য, ভিন্ন ভিন্ন ধারার বিভিন্ন প্রবাহের যে সাবলীল ভঙ্গিমা, কালে কালে কবি-হৃদয়ের সেই কল্পনা-বিলাস, সেই মানসোল্লাসের রহস্য-বিকাশ আজিও আলোচিত হয় নাই। হয়তো ভাষায় ইহার অভিব্যক্তি হয় না, অন্ততঃ আমাদের তাহা সাধ্যাতীত। তথাপি এই যে প্রয়াস ইহা জিজ্ঞাসার সূচনা মাত্র, সিদ্ধান্ত-স্থাপনা নহে। চণ্ডীদাসকে চিনিতে হইলে প্রাচীন বাঙ্গালা-সাহিত্যের পরিচয়ের প্রয়োজন আছে। রাধার কথা জানিতে হইলে গৌরীকে উপেক্ষা করা চলিবে না।

বাঙ্গালীর সাহিত্য-সাধনায় পশ্চিম-বঙ্গের তথা রাঢ়ের দান উল্লেখ-যোগ্য। অতীতের রাঢ়ীয়-সাহিত্যই প্রাচীন বাঙ্গালা-সাহিত্য। বাঙ্গালা-সাহিত্যের আদিম-অবস্থার সবিশেষ পরিচয় পাওয়া যায় না। একদিকে চর্যা-পদ, অন্যদিকে শ্রীগীত-গোবিন্দ—এই দুইটি ধারায় ইহার যে সংস্কৃত রূপের পরিচয় পাই, তাহা হইতে বিশেষ কিছু অনুমান করা চলে না। চর্যা-পদ এবং শ্রীগীত-গোবিন্দের পরেই মঙ্গল-সাহিত্যের যুগ। এই মঙ্গল-সাহিত্যে গৌরী একটি বিশেষ স্থান অধিকার করিয়া আছেন। পুরাণের হরগৌরী কথাই শিবায়ন বা চণ্ডী-মঙ্গলের অন্ততম উপজীব্য।

গঙ্গাশ্রী-সামু হিমাচলের উপকণ্ঠে সতীহার। শিব তপস্যায় জ্ঞাত গুণাগমন করিয়াছেন। পর্বতরাজ

পার্বত্য প্রথায় আতিথ্য দান-পূর্বক তনয়া পার্বতীকে তাঁহার পরিচর্যায় পাঠাইয়াছেন। কিশোরী গৌরী মনে মনে মহাদেবকে পতিত্বে বরণ করিয়া কার্যমনো-বাক্যে অতিথির প্রসন্নতালাভে প্রয়াস পাইতেছেন। ভোলানাথ কিন্তু অটল অচল, উমার অতুলনীয় সৌন্দর্য্য তাঁহার সমাধি-ভঞ্জে সমর্থ হইল না। অপর্ণা আপনাকে ধিকার দিয়া তপশ্চরণে মনঃ সংযোগ করিলেন, রাজকন্যা যোগিনী সাজিলেন। যোগীরাজ তাঁহার তপস্যায় তুষ্ট হইয়া অবশেষে তাঁহাকে গ্রহণ করিতে বাধ্য হইলেন। ধরণী ধৃত্য হইল, পুরুষ-প্রকৃতির শুভ-সম্মিলনে বিধাতার সৃষ্টি সার্থকতা লাভ করিল। পুরাণের হর-গৌরী-কথার ইহাই সংক্ষিপ্ত চিত্র।

শ্যামান ধাঁহার আবাসভূমি, ভাস্কর্য্য ধাঁহার অঙ্গ-ভূষণ, নর-করোটি কণ্ঠহার, পর্বতরাজ-নন্দিনী সেই গরলাশন স্মারিককে পতিত্বে বরণ করিয়াছেন। দাম্পত্য প্রেমের এই মহনীয়-মাধুর্য্যে মহাকবি কালিদাসও মুগ্ধ হইয়া-ছেন। তাঁহার কল্পলোক-বিজয়িনী কল্পনা যেন ইহার মহিমা বর্ণন করিতে গিয়া পরাজয় স্বীকার করিয়াছে। কবি যেন নিতান্ত অতৃপ্তির সঙ্গেই বলিতেছেন—

“এবমিচ্ছিস্বপ্নমুখম্ব বস্ম নঃ সেবনাদমুগ্ধীত মন্থবঃ।

শৈলরাজভবনে সহোময়া মাসমাত্র মবসদ বৃষধ্বজঃ ॥”

কিন্তু কবির লেখনী কল্পাগতপ্রাণা, কল্পাস্থে স্মৃধিনী জননী মেনকার আশ্রয়চিন্তের একটি পরিতৃপ্ত চিত্র অঙ্কিত করিয়াছে—

“নীলকণ্ঠ পরিতৃপ্ত যৌবনাং তাং বিলোকা

জননী সমাশ্বসং।

ভর্তৃবল্লভতয়া হি মানসীং মাতুরস্যাতি শুচং বধূজনঃ ॥”

কুমারসন্তবে কুমার-জননীও আলেখ্য আশ্র-সার্থকতার সমুজ্জল।

পুরাণকারগণ ভিন্ন ধারা অবলম্বন করিয়াছেন।



উমার উপস্থাপনা এবং ভাগের মহিমা তাঁহাদের নিকট এতই বিরাট-রূপে প্রতিভাত হইয়াছে যে, তাহার তুলনায় মহাদেবের মহত্ত্ব যেন একান্তই অকিঞ্চিৎকর। পৌরাণিক—শঙ্করীর জগৎ স্বর্ণ-কাশী নির্মাণ করিয়াছেন। অধিকাংশেখানে ত্রিলোক-পালিকা, অখিলের অন্নদাত্রী, অন্নপূর্ণা। বিশ্বেশ্বর কাশীশ্বরীর সম্মুখে ভিক্ষাপাত্র-হস্তে দণ্ডায়মান, তিনি বিশ্বেশ্বরীর নিকট বিশ্বের জগৎ অন্ন-ভিক্ষা করিতেছেন।

কালিদাসের রচনা এবং পুরাণের বর্ণনায় তুলনা চলে না। তথাপি সংক্ষেপতঃ এ-কথা বলা চলে যে, কবি যে সৌন্দর্য্য ও মাধুর্য্যকে রূপ দিয়াছেন, পুরাণ-কার তাহাকেই জীবনে বরণ করিবার সাধনার সন্ধান দান করিয়াছেন। মঙ্গল-কাব্যের কবি কিন্তু অগ্ৰদিক্ দিয়া অগ্রসর হইয়াছেন। মঙ্গল-কাব্যের হরগৌরী দেবতা হইয়াও মানব-মানবী অথবা সে-কালের বাঙ্গালার গৃহস্থ-দম্পতীর ছদ্মবেশধারী দেবতা। দরিদ্রের সংসার, সম্ভান-সন্ততি লইয়া স্বামী-স্ত্রীর একরূপ স্বচ্ছন্দেই দিন চলিয়া যায়। ভালবাসা আছে, কিন্তু ভাষা নাই। দশবার ভালবাসি বলিয়া প্রকাশের প্রয়োজনীয়তাও নাই। অসঙ্কুলতা আছে, মাঝে মাঝে অসচ্ছন্দ্যও দেখা দেয়, অমুযোগ-অভিযোগে দাঁড়ায়, মান হয় তো অভিমানের কঠোরতার সীমা ছাড়াইয়া যায়। কিন্তু প্রভাতের মেঘ, অধিকক্ষণ স্থায়ী হয় না। গর্জন করে প্রচুর, সময়ে অসময়ে বর্ষণও কার্পণ্য করে না, কিন্তু পরক্ষণেই পূর্বাঙ্কের তরুণ-আলোকে সমস্ত সংসার ঝলমল করিয়া উঠে। সেই আলোকানুবিদ্ধ বৃষ্টিকণায়, হাশোজ্জ্বল অশ্রুবিন্দুতে একখানি মুখ বড় অপূর্ণ হইয়া দেখা দেয়। আপন আইয়তীর চিরস্বরূপ দুইগাছি শত্বেজ জগৎ কত গৃহ-লক্ষ্মীর কত নিশীথে নৈশ উপাধান সিন্ধু হইয়াছে, বিশ্বেশ্বরী আপনার বক্ষে অসংখ্য নারীর সেই পুঞ্জীভূত বেদনা বহন করিয়া ভিখারিণী সাজিয়াছেন। নারী যেখানে গৃহের সর্বময়ী কত্রী, আপনতোলা স্বামীকে লইয়া সে সংসারে তাহার দুঃখের মধ্যেও যে আনন্দ, যে গৌরব,

‘হরগৌরীর কোন্‌লে’, ‘দুর্গার শাঁখা পরা’ প্রভৃতি প্রাচীন গাথায় তাহারই একটা আভাস পাওয়া যায়। স্বেচ্ছাবৃত দারিদ্র্যের দৃষ্ট-মর্যাদাবোধ যেদিন বিলাসকে ঘৃণা করিত, অভাবকে অগ্রাহ্য করিতে জানিত, ইহা সেইদিনেরই প্রতিচ্ছবি। স্বামী-গৌরবে গরবিনী দরিদ্র ব্রাহ্মণ-পণ্ডিতের স্বরণী যে-দিন রাজ-রাণীর গৌরব স্পর্ধা করিত, ইহা সেইদিনেরই বিলুপ্ত-প্রায় চিত্র। কাব্য এবং জীবনের ইহাই হর-গৌরী মিলন।

একটা উদাহরণ দিই। প্রাচীন বাঙ্গালা-সাহিত্যের অনেক গানে ও গাথায় মহাদেবকে আমরা ক্রমক্রমে দেখিতে পাই। শূন্য-পুরাণে ইহার একটা অতীত চিত্রের লুপ্তাবশেষ রহিয়া গিয়াছে। শিবায়ন বা শিবমঙ্গল কাব্যগুলিতে শিবের চাষের বিস্তৃত বর্ণনা পাওয়া যায়। ইহার কোন পৌরাণিক মূল আছে কি-না জানি না, এবং মঙ্গলকাব্যের মধ্যে ইহার তেমন সামঞ্জস্যও দেখিতে পাই না। অথচ পল্লী-সাহিত্যে ইহা একটা বিশিষ্ট স্থান অধিকার করিয়া আছে। বহুদিন পূর্বে রায় বাহাদুর ডক্টর দীনেশচন্দ্রের ‘বঙ্গভাষা ও সাহিত্যে’ ইহার একটা ব্যাখ্যা পড়িয়াছিলাম। রায়বাহাদুর না-কি কোন দুইজন ইউরোপীয় পণ্ডিতকে শিবের চাষের অমুবাদ শুনাইয়াছিলেন। অমুবাদ শুনিয়া তাঁহারা প্রায় কাঁদিয়া ভাসাইয়াছেন। একজন এমনও বলিয়াছিলেন যে, “ভক্ত এখানে নিজের জগৎ কিছু চাহিতেছেন না। নিজের সুখ-দুঃখ ভুলিয়া আরাধ্যের সুখে দুঃখে আপনাকে হারাইয়া ফেলিয়াছেন।” যে দেশের অধিকাংশ ব্যক্তি দেবতাকে অনিবেদিত দ্রব্য গ্রহণ করেন না, যে দেশে দেবোদ্দেশ্যে দ্রব্য ভাগের নামই যজ্ঞ, সেই দেশের ভক্ত যদি নিজে খাটিয়া-খুটিয়া-উপার্জন করিয়া আরাধ্যকে না খাওয়াইয়া জোয়ালে যুতিয়া দেয়, চাষ করিয়া খাইতে বলে, তবে তাহাতে কষ্ট-রোমা ও বিশ্বয়াবিষ্ট হইবার কি আছে, বুঝিতে পারি না। আমাদের মনে হয় পুরাণের সঙ্গে পল্লীগাথার শিবের কৃষিকার্য্যের



একটি সঙ্গতি আছে। পুরাণের শিব অন্নপূর্ণার নিকট অন্নভিক্ষা করিতেছেন। ভিক্ষা নিজের জন্ত নহে, বিশ্বের জন্ত। অন্নপূর্ণার হাত হইতে অন্ন লইয়া, সেই অন্ন বিশ্বে বিলাইবার ভার লইয়াছেন ভিক্ষুক শব্দর। দেবতা নিজ-হস্তে ছয়াতে ছয়াতে দান করিয়া ফিরিতেছেন, পুরাণে এমন কল্পনা কচিৎ দেখিতে পাওয়া যায়। দেবতার যাহা দেয়, তিনি তাহা যজ্ঞের মধ্য দিয়াই দান করিয়া থাকেন। দেবতা-মানবে আদান-প্রদানের সেতুই হইল যজ্ঞ। এককালে কৃষিও যজ্ঞরূপে পরিগণিত ছিল। যে-কালে বাঙ্গালী যাত্রা, বালি, স্নমাত্রায় বাণিজ্য-যাত্রা করিত, সে-কালেও পল্লীবাসী স্পর্শা করিয়া বলিত, ‘লঙ্কার বাণিজ্য ক্ষেতের কোণা’। মঙ্গলকাব্যের কবি শিবের অন্ন বিলাইবার উপায়-স্বরূপ কৃষিকর্মের কল্পনা করিয়া ছিলেন। তাই পুরাণের শিব মঙ্গলকাব্যের শাখত কৃষক। মঙ্গলকাব্যের শিব কৃষিকর্ম করিয়াছেন, বাঙ্গালার কবির প্রতিষ্ঠার জন্ত। বিশ্বেশ্বর এইরূপেই বিশ্বে অন্ন বিলাইয়া বিশ্বের কৃষক-কুলকে ধৃত করিয়াছেন। পুরাণে এবং মঙ্গলকাব্যে এই যে পার্থক্য, ইহাই মঙ্গলকাব্যের বৈশিষ্ট্য।

সাধারণতঃ মঙ্গলকাব্যের দুইটি ধারা। একটা ধারায় দেবতা আপনার বিরুদ্ধ-ভক্তকে নানা উপায়ে বশীভূত করিয়াছেন, যেমন চণ্ডীমঙ্গলের ধনপতি সদাগর, মনসা-মঙ্গলের চাঁদ সদাগর। অপর ধারায় দেবতা বিরুদ্ধ-ভক্তের বিনাশ-সাধন করিয়া স্বীয় ভক্তকে জয়যুক্ত করিয়াছেন, যেমন ধর্মমঙ্গলের ইছাই ঘোষ। শিবায়নের তৃতীয়-পন্থা। শিব গৌরীর পরামর্শে চাষ করিয়াছেন, গৌরী শাঁখা পরিতে চাহিলে শাঁখারীর ছদ্মবেশে ছলনা করিয়াছেন। গৌরী তাঁহাকে বাগ্‌দিনী বেশে ছলনা করিলে তিনি তাঁহাকে চিনিতে পারেন নাই, পরন্তু বাগ্‌দিনীর সৌন্দর্য্যে ও বাক্‌বৈদগ্ধ্য মুগ্ধ হইয়া তাঁহাকে স্বীয় হস্তের অনুরী দান করিয়াছেন। ইহা হর-গৌরীর দাম্পত্য লীলারই একতর চিত্র। মাঝখানে বাগ্‌দিনীকে লইয়া একটু পরকীয়া প্রসঙ্গ আসিয়া পড়িয়াছে।

শিবায়নে এবং গ্রাম্য-গাথার মেনকার চিত্রও ভিন্ন রূপ। ভিখারীর করে কণ্ডা সম্প্রদান করিয়া মেনকার উদ্বেগের অবধি নাই। তিনি উমাকে আনিবার জন্ত হিমাচলের নিকট নিত্য অহুযোগ করেন। বাঙ্গালার ‘পূজা’ বলিতে যাহা বুঝায়, বাঙ্গালীর সেই সার্কজনীন উৎসব—‘দুর্গোৎসব’ উমার পিত্রালয়ে আগমন। ‘আগমনী’ গান বাঙ্গালী কবিরই সৃষ্টি, তাহার কোন পৌরাণিক মূল পাওয়া যায় না। মঙ্গলকাব্যের ভিত্তিতে কবির আসরে ইহার সূচনা, কবিওয়ালাগণ ইহার রচয়িতা। অহুসন্ধান করিয়া দেখিলে হরগৌরী কথার এইরূপ ভিন্ন ভিন্ন ধারার সন্ধান পাওয়া যায়।

রাধাকৃষ্ণ-লীলা-কথারও কয়েকটি ভিন্ন ভিন্ন ধারা আছে। শ্রীমদ্ভাগবত কৃষ্ণ-কথার সর্বপ্রধান আধার হইলেও তাহাতে রাধার নাম নাই। শ্রীমদ্ভাগবতের মত বিষ্ণুপুরাণ এবং হরিবংশেও রাধার নাম পাওয়া যায় না। শ্রীমদ্ভাগবতে যিনি প্রধানা গোপিকা—বাহার নাম গান্ধার্বিকা, ব্রহ্মবৈবর্ত ও পদ্ম-পুরাণে তিনিই শ্রীরাধা। ব্রহ্মবৈবর্ত-পুরাণে রাধার অপর নাম চন্দ্রাবলী, তাহার প্রতিপক্ষা নাগিকার নাম বিরজা। পদ্ম-পুরাণে রাধা এবং চন্দ্রাবলী পরস্পর প্রতিদ্বন্দ্বিনী নাগিকা, দুই প্রধানা যুথেশ্বরী। ব্রহ্মবৈবর্তপুরাণে শারদ-রাসের কোন ঐঙ্গ নাই, হেমন্তে কাত্যায়নী পূজার পর বাসন্ত-রাসের উল্লেখ আছে। পদ্ম-পুরাণ শরত ও বসন্ত দুই কালেই রাসের বর্ণনা করিয়াছেন এবং বাসন্ত-রাসের কারণ ও বৎসরের নির্দেশ দিয়াছেন। ইহা হইতে শ্রীমদ্ভাগবত ও ব্রহ্মবৈবর্ত দুইটি পৃথক ধারার সন্ধান পাইতেছি এবং পদ্ম-পুরাণে এই দুই ধারার সামঞ্জস্যের প্রয়াস দেখিতেছি।

তন্মধ্যে রাধাকৃষ্ণের কথা আছে। রাধা-তন্ময় বাসুদেবের ত্রিপুরাসুন্দরী সাধনের কথা পাওয়া যায়। গোপী-লীলার প্রধানা সাহায্যকারিণী রূপে পদ্ম-পুরাণ, এই ত্রিপুরাসুন্দরীর বর্ণনা করিয়াছেন। বোধ হয় ত্রিখণ্ডের বৈষ্ণব-সম্প্রদায় ত্রিপুরাসুন্দরীর উপাসনা করিতেন। ত্রিখণ্ডের কবি কবিরঞ্জনর একটি পদে



এইরূপ ভণিতা পাওয়া যায় — “ত্রিপুরা চরণ কমল-মধুপান, সরস-সঙ্গীত কবিরঞ্জন গান ॥” রাধা-তন্ত্রে পরস্পর প্রতিপক্ষরূপে রাধা ও চন্দ্রাবলীর নাম উল্লিখিত হইয়াছে। এই তন্ত্রে জটীলা, কুটীলা, ললিতা, বিশাখা, শ্রীদাম সুদাম প্রভৃতির নামও পাওয়া যায়। রাধা-তন্ত্রে বাসুদেবই শ্রীকৃষ্ণ। তিনি মহামায়ার অংশ স্বরূপিণী পদ্মিনী রাধিকার সাহচর্যে মহাবিষ্ঠা-সাধনে সিদ্ধিলাভ করিয়াছেন।

কবি জয়দেবের শ্রীগীত-গোবিন্দের সঙ্গে ব্রহ্মবৈবর্ত-পুরাণের বিশেষ ঐক্য লক্ষিত হয়। ব্রহ্মবৈবর্তে যে বাসন্ত-রাসের কথা পাই, শ্রীগীত-গোবিন্দের তাহাই প্রধান বর্ণনীয় বিষয়। অনেকে শ্রীগীত-গোবিন্দের প্রথম-শ্লোকে ব্রহ্মবৈবর্তের ছায়া দেখিতে পান। কিন্তু আর একটা দিক্ দিয়া বিচার করিলে মনে হয় পদ্ম-পুরাণ বা রাধাতন্ত্রোক্ত সাধন-পদ্ধতির সঙ্গেও শ্রীগীত-গোবিন্দের একটা সম্বন্ধ আছে। জয়দেব বলিতেছেন—  
“\* \* \* শ্রীবাসুদেব রতি-কেলি কথা সমেতমেতং  
করোতি জয়দেব কবিঃ প্রবন্ধম্ ॥” কাব্যে তিনি রাধাকৃষ্ণ-লীলা কথা বর্ণন করিতেছেন, কিন্তু মুখ-বন্ধে বলিতেছেন — “শ্রীবাসুদেব রতি-কেলি”। যাহা হউক শ্রীগীত-গোবিন্দে আমরা রাধাকৃষ্ণ-লীলার যে ধারার সন্ধান পাই, চণ্ডীদাসের শ্রীকৃষ্ণ-কীর্তনে তাহারই প্রভাব পরিলক্ষিত হয়।

বড়ু চণ্ডীদাসের সময় আজিও নির্ণীত হয় নাই। মহামহোপাধ্যায় স্বর্গীয় হরপ্রসাদ শাস্ত্রী মহাশয় এবং তাঁহার মতামতসারে অপর কেহ কেহ চণ্ডীদাসকে রাজা গণেশের সম-সাময়িক বলিয়া মত প্রকাশ করিয়াছেন। সম্প্রতি সুপ্রসিদ্ধ ঐতিহাসিক পণ্ডিত শ্রীযুক্ত নলিনীকান্ত ভট্টশালী মহাশয় কবি কৃষ্ণিবাসকে লইয়া গণেশের রাজ সভায় উপস্থিত হইয়াছেন। ভট্টশালী মহাশয়ের অনুকূলে রায় শ্রীযুক্ত বোগেশচন্দ্র বিজ্ঞানিধি বাহাদুরও কৃষ্ণিবাসের জন্ম-সময় পিছাইয়া দিয়াছেন। মাঘ মাস পূণ্য কি পূর্ণ জানি না, কিন্তু কৃষ্ণিবাসকে গণেশের সভায় আসন দিলে চণ্ডীদাসকে লইয়া একটু

গোলযোগে পড়িতে হইবে। খ্রীষ্টীয় পঞ্চদশ শতকের প্রথম পাদে যদি কৃষ্ণিবাস রামায়ণ রচনা করিতে থাকেন, তাহা হইলে ঋবানন্দের কারিকায় বোধ হয় তাঁহার স্থান হইবে না, কিন্তু কারিকায় তিনি ছিলেন বলিয়া শুনিয়াছি। আমরা এখন কোন্টী সত্য ধরিব? পূর্ণ মাঘ মাস, না ঋবানন্দ? বড়ু চণ্ডীদাসকে কৃষ্ণিবাসের পূর্ববর্তী বলিয়া মানিতে হইবে। কারণ একই সময়ে একদেশে সেকালের দিনে রামায়ণ ও কৃষ্ণ-কীর্তন রচিত হওয়া অসম্ভব ছিল। কেন তাহা বলিতেছি।

সে সময় দেশে মঙ্গলকাব্যের যুগ চলিতেছিল। ধর্ম্মমঙ্গল, মনসামঙ্গল, চণ্ডীমঙ্গল এবং শিবায়ন রচিত হইয়া গিয়াছে, দেশের কবিগণ পরের পর গতানুগতিক ভাবে একই ধারা অনুসরণের চেষ্টা করিতেছেন। পল্লীতে পল্লীতে সেই সমস্ত মঙ্গলগীতি গীত হইতেছে, এমনই দিনে চণ্ডীদাসের আবির্ভাব। তখনও পর্য্যন্ত রাধাকৃষ্ণ-লীলা লইয়া কোন মঙ্গলকাব্য রচিত হয় নাই। সে সময় মঙ্গল-গানের মত লোকগীতিরূপে আর এক ধরণের গান বহুল প্রচার লাভ করিয়াছিল, ঝুমুর গান। চণ্ডীদাস এই ঝুমুরের ধারায় মঙ্গল কাব্যের অনুসরণে এক অভিনব কৃষ্ণ-মঙ্গল রচনা করিলেন— (সাহিত্য পরিষদ প্রকাশিত) তথাকথিত শ্রীকৃষ্ণ-কীর্তন। শ্রীকৃষ্ণ ভগবান, কিন্তু তিনি শ্রীরাধার প্রেমলাভের জন্য ব্যাকুল। শ্রীরাধার মাহুঘী লীলা, রাধা জানেন না যে, তিনি কৃষ্ণের চিরসুতনী প্রিয়া, যেন মঙ্গলকাব্যের বিদ্রোহী ভক্ত। কিন্তু কৃষ্ণের তাঁহাকে না হইলে চলিবে না, তাই তিনি তাঁহার মনোহরণের জন্য তাঁহার ভালবাসার জন্য লালায়িত। শিবায়নের শিব দেবতা, পার্শ্বতী দেবী, তাঁহারা লীলার জন্য মাহুঘের ছদ্মবেশ ধরিয়াছেন। শিব বাগ্‌দিনীর ছদ্মবেশে পার্শ্বতীকে চিনিতে পারেন নাই, বাগ্‌দিনী কিন্তু জানিয়া শুনিয়াই আসিয়াছিলেন। কৃষ্ণকীর্তনের রাধা-কৃষ্ণ ছদ্মবেশধারী নহেন, তাঁহারা মাহুঘ হইয়া মাহুঘের মধ্যেই জন্মিয়াছেন এবং কৃষ্ণ তাহা জানেন, রাধিকা



তুলিয়াছেন। একদিকে মঙ্গলকাব্য ও শিবায়ন এবং অত্রদিকে ঝুমুর গানের সম্পর্ক পাতাইয়া রঙ্গ-বাজ, উত্তর-প্রতিউত্তর। সম-সাময়িক সমগ্র ভাবধারা এবং রচনাভঙ্গী আয়ত্তে আনিয়া এই যে রাধা-কৃষ্ণ লীলার অভিনব সৃষ্টি, এই যে দানখণ্ড, নৌকাখণ্ড, ভারখণ্ড প্রভৃতি ইহাই চণ্ডীদাসের বৈশিষ্ট্য, আর এই বৈশিষ্ট্যের জন্মই চণ্ডীদাস মহাকবি। দানখণ্ড হইতে রাধা-বিরহ পর্য্যন্ত এই যে লীলাবিলাসের ক্রম-পারম্পর্য্য, এই যে সৃষ্টি, পুষ্টি ও পরিণতি, এই যে বিপ্রলম্ব রসের পূর্ব্বরাগ, মান, করুণ ও প্রবাসের লীলা-বৈচিত্র্য, সেকালের সাহিত্যে বাস্তবিকই ইহা অনন্ত-সাধারণ, অপূর্ব্ব, অনিন্দ্যসুন্দর।

কৃতিবাসের মৌলিক রচনার শক্তি ছিল না। কৃষ্ণ-কীর্তন রচিত না হইলে তাঁহার পক্ষে রাম-মঙ্গলের ধারণা করা কঠিন হইত। তিনি বাল্মীকির অনুবাদ করিয়াছেন, কিন্তু রামকে মঙ্গলকাব্যের ছাঁচে ঢালিয়াছেন, ভক্তের ভগবানরূপে গড়িয়া তুলিয়াছেন। মাঝে মাঝে নিজের কল্পনার সঙ্গতি রক্ষার জন্ত দুই-একটি উপাখ্যান রচিয়া জুড়িয়া দিয়াছেন। তথাপি একথা সত্য যে গতানুগতিক হইলেও কৃতিবাস সে কালের একজন অতীতম শ্রেষ্ঠ কবি।

চণ্ডীদাসের বৈশিষ্ট্য অতীতরূপ। শ্রীকৃষ্ণ রাধার জন্ত দানী সাজিয়াছেন, নাবিকের কার্য্য করিয়াছেন, অবশেষে মথুরার হাটের পথে দধি-দুগ্ধের ভার বহিয়াছেন। শিব কৃষক, তাই কবি তাঁহাকে দিয়া বাগ্দিনার আদেশে জল সেচন করাইয়াছেন। ভারখণ্ড লীলা তাহা অপেক্ষাও মধুরতর। দানখণ্ডে শ্রীকৃষ্ণ রাধাকে বলিতেছেন—“আপন অঙ্গের লখিমী হইয়া তোলে না চিহ্নসি অনন্ত মুরারী।” ভারখণ্ডে বলিতেছেন—“তিন ভুবনে রাধা আক্ষে অধিকারী। বাছিয়া সে পালি রাধা আক্ষাকে ভারী ॥ \* \* \* \* কংস বধিবারে মোএ কৈলো অবতার। এবে কি বহিব আক্ষে তোর দধিভার ॥” কিন্তু অবশেষে তাঁহাকে তার কক্ষে করিতে হইয়াছে।

“লড়িলা জনার্দন      কাক্সে লয়া ভার  
দধি বিকে মথুরার রাজে।  
দেখি সব দেবাগণ      খলখলি হাসে লো  
ভাবে মজিলা দেবরাজে ॥”

শ্রীকৃষ্ণ জানেন তিনি কে, দেবাগণ জানেন তাঁহার স্বরূপ কি, তথাপি তিনি প্রেমের দায়ে ভক্তের অন্ত ভার বহিয়াছেন। এইরূপ মানুষী লীলার রচনা-মাধুর্য্যই চণ্ডীদাস মহাপ্রভুকে মুগ্ধ করিয়াছিলেন, এই জন্মই “কৃষ্ণের মতেক খেলা সর্ব্বোত্তম নরলীলা ॥”

দানখণ্ড নৌকাখণ্ডের কথা সনাতন গোস্বামীর বৃহত্তোষণী টীকায় পাওয়া গিয়াছে। পরবর্ত্তী কৃষ্ণ-মঙ্গল প্রণেতৃগণ এবং বৈষ্ণব-কবিগণ দানখণ্ড নৌকাখণ্ডের পালা রচনা করিয়াছেন। ‘প্রেমামৃত’ নামক একখানি সংস্কৃত পুঁথি পাওয়া গিয়াছে। পুঁথিখানি শ্রীপাদ গোপালভট্ট গোস্বামী অথবা শ্রীমন্ মহাপ্রভুর রচিত বলিয়া প্রবাদ শুনিতে পাওয়া যায়। এই পুঁথিতে ‘বসনচোখা’, ‘ভারকাণ্ড’, ‘নৌকাকাণ্ড’, ও ‘দানখণ্ড’ লীলার উল্লেখ পাই। ইহা হইতে অনুমিত হয় শ্রীরাধা-কৃষ্ণ-লীলার ভারকাণ্ড বা ভারখণ্ড, নৌকাখণ্ড ও দানখণ্ড লীলা প্রাচীনকালে প্রচলিত ছিল। ‘প্রেমামৃত’ শ্রীকৃষ্ণ-কীর্তনের পরবর্ত্তীকালে রচিত বলিয়া মনে হয়। ইহার কোন পৌরাণিক মূল পাওয়া যায় না। দুই-একটি ভণিতাহীন পদেও ভারখণ্ড লীলার উল্লেখ পাইয়াছি। ঢাকা বিশ্ববিদ্যালয়ের ১১৫৫নং পুঁথির ১০ (খ) পৃষ্ঠায় এই ভণিতাহীন পদটি পাওয়া গিয়াছে—

“রাধার পিরীতে মন মজাইতে নিজ কাক্সে লয়া ভার।  
মথুরা যাইতে দুত্তর তরীতে নায়া হয়া করি পার ॥  
এত লঘু কাজ করি ত্রজমাঝ কিছই না ভাবি দুখ।  
মোরে রসবতী ভালবাস অতি এই মনে বড় সুখ ॥”

মাধবাচার্য্যের শিষ্য কৃষ্ণদাস প্রণীত একখানি ‘কৃষ্ণ-মঙ্গল’ বঙ্গীয়-সাহিত্য-পরিষদ কর্তৃক প্রকাশিত হইয়াছে। কৃষ্ণদাস প্রায় চারিশত বৎসর পূর্ব্বে বর্ত্তমান ছিলেন। কৃষ্ণদাস সুস্পষ্টরূপে ভারখণ্ডের উল্লেখ করিয়াছেন।



এত বিড়ম্বন তুমি কৈলে গোপীকার ।  
অখন চলহ বিকে কান্ধে করি ভার ॥  
গোপীর বচনে কৃষ্ণ ভার কান্ধে করি ।  
বাহু নাড়া দিঞা যত চলিল সুন্দরী ॥  
বিচিত্র বাহক তাহে রঙ্গিলের শিখা ।  
কৃষ্ণ কান্ধে দিঞা ভার চলিলা রাধিকা ॥

যাহারা বাঙ্গালা সাহিত্যের আলোচনা করিয়াছেন, তাঁহারাই জানেন কৃষ্ণমঙ্গলের আলোচনা পারম্পর্য্যে চণ্ডীদাসের পরই ‘গুণরাজ খানের’ শ্রীকৃষ্ণ-বিজয়ের নাম করিতে হয়। তাহার পর মাধবাচার্য্যের শ্রীকৃষ্ণমঙ্গল। মাধবাচার্য্য বিষ্ণুপ্রিয়া পিতৃব্য-পুত্র। তাঁহার ‘কবি-বল্লভ’ উপাধি ছিল, শ্রীধাম বৃন্দাবনের গোস্বামী-পাদ-গণের নিকট হইতেই তিনি উপাধি প্রাপ্ত হইয়াছিলেন। এককাল যাহা বিজ্ঞাপতির নামে চলিয়া আসিতেছে সেই সুপ্রসিদ্ধ—“সই কি পুছসি অমুভব মোয়, সোই পিরীতি অমুরাগ বাখানিতে তিলে তিলে নূতন হোয় ॥” পদটী মাধবাচার্য্যের রচিত। কৃষ্ণমঙ্গলে ‘মাধবাচার্য্য’ ভণিতা আছে, কিন্তু এই পদ শ্রীধাম বৃন্দাবনে কবিবল্লভ উপাধি পাওয়ার পরে লেখা। গুণরাজ খানের শ্রীকৃষ্ণ-বিজয়ের সঙ্গে কৃষ্ণ-কীর্তনের ভাষা ও ভাবগত ঐক্য শ্রীযুক্ত সুকুমার সেন মহাশয় বঙ্গীয়-সাহিত্য-পরিষদ পত্রে প্রকাশ করিয়াছেন। মাধবাচার্য্যের সঙ্গে চণ্ডীদাসের ঐক্য আরো সুস্পষ্ট। কৃষ্ণকীর্তনে অনেক স্থলে রাধা নিজেকে ‘এগার বরষের বালী’ বলিয়াছেন। আট-চারি বরষের কথাও আছে। মাধবাচার্য্যের শ্রীকৃষ্ণ-মঙ্গলের দানখণ্ডে রাধা বলিতেছেন—

দ্বাদশ বৎসর বয় এই মোর হয় নয়  
বারো বৎসরের চাহ দান ।  
কি আর করহ হঠ কুবোল বলিলে শঠ  
সভা মাঝে পাবে অপমান ॥

(হস্তলিখিত পুঁথি)

কৃষ্ণকীর্তনে রাধা কৃষ্ণকে ভাগিনের বলিয়া সম্বোধন করিয়াছেন। ‘হরিবংশ’ রচয়িতা ‘ভবানন্দ’ ভিন্ন আজ পর্য্যন্ত কোন বৈষ্ণব কবি দানখণ্ড, নৌকাখণ্ডের পদে

বা অস্ত্র এই সম্বন্ধ গ্রহণ করেন নাই। মাধবাচার্য্যের রাধা বলিতেছেন—

আপনার অপমণ করহ আপনি ।  
তুমি যশোদার পুত্র আমি মাতুলানী ॥  
(হস্তলিখিত পুঁথি)

নৌকাখণ্ডে মাধবাচার্য্য মাঝ-যমুনা বিহার বর্ণনা করিয়াছেন, রাধার সঙ্গে চন্দ্রাবলীও আছেন, অবশ্য সেখানে দুইজন পৃথক যুগ্মস্বরী।

মাধবাচার্য্যের কৃষ্ণমঙ্গলে রাসের পূর্বে—

এই সব রূপে হরি লইয়া গোপীগণ ।  
দেখায়ে দেখায়ে ভ্রমে সব বৃন্দাবন ॥

কৃষ্ণকীর্তনের বৃন্দাবন খণ্ডের কথা স্মরণ করাইয়া দেয়। মাধব চিরকুমার ছিলেন। কিন্তু তৎপ্রণীত রাসে গোপীগণের কাকূতি, নবোটার সঙ্কোচ এবং বিহার, কৃষ্ণকীর্তনের সঙ্গে তুল্যরূপ। মাধবের রাধা গোপীগণ সঙ্গে মথুরার হাটে দধি-দুগ্ধ বিক্রয় করিয়া আমলকী আদি কিনিয়া আনিয়াছেন। শ্রীমন্ মহাপ্রভু এই গ্রন্থখানি অমুমোদন করিয়াছিলেন, মাধব পুরীধামে গিয়া এই গ্রন্থ মহাপ্রভুকে অর্পণ করেন। সুতরাং বুঝা যাইতেছে চণ্ডীদাসের দানখণ্ড নৌকাখণ্ডাদি মহাপ্রভুর এবং তাঁহার পার্শ্বদ সনাতনাদির যে অমুমোদন লাভ করিয়াছিল, তাহাতে বিশ্বাসের কিছুই নাই। শ্রীপাদ রূপ গোস্বামীর ভাগিকা দানকলী-কৌমুদী গ্রন্থে দধি-দুগ্ধ বিক্রয়ের কথা নাই। সে গ্রন্থে ভাগুরী মূনির যজ্ঞে কৃষ্ণ-বলরামের মঙ্গল কামনায় মূনিগণের ঘোষণামত স্মৃত দেওয়া হইয়াছিল মাত্র এবং শ্রীকৃষ্ণ সেই অবসরেই দানলীলার অনুষ্ঠান করিয়াছিলেন। পরবর্ত্তী রূপানুগ গোপীগণ—যেমন রাধামোহন ঠাকুর প্রভৃতি দধি-দুগ্ধ বিক্রয়ের কথা অনভিজ্ঞের উক্তি বলিয়া উপেক্ষা করিয়াছেন।

রাধাতত্ত্বের উল্লেখ পূর্বে করিয়াছি। এই সংস্কৃত গ্রন্থে নৌকাবিলাস লীলায় চন্দ্রাবলী, বিশেষ করিয়া রাধা যে ভাবার কৃষ্ণকে সম্বোধন করিয়াছেন, কৃষ্ণ কীর্তনের ভাষা তাহা হইতে এতটুকু আপত্তিকর



নহে। কৌতূহলী পাঠক রাধাতন্ত্রের ২৪।২৫।২৬ পটল পাঠ করিয়া দেখিবেন। শ্রীকৃষ্ণ বলিতেছেন—

ক্রমে বিক্রমণে চৈব গমনাগমনে তথা।

যমুনা জল পানেচ পারে বা রোহণে তথা ॥

অহং দানী সদা ভদ্রে যৌবনস্ত তথা প্রিয়ে ॥

যমুনা জলপানে দান গ্রহণ কৃষ্ণ-কীর্তনের যমুনা-ধণ্ডের কথা স্মরণ করাইয়া দেয়।

শ্রীমহাপ্রভু পুরীধামে কাশীমিশ্র ভবনে গস্তীরার গুপ্তকক্ষে স্বরূপ দামোদর এবং রামানন্দ রায় এই দুইজন অন্তরঙ্গ-ভক্তের সঙ্গে দিবা-রাত্রির অধিকাংশ সময় চণ্ডীদাসের পদ আশ্বাদন করিতেন। খেতরীতে ঠাকুর নরোত্তমের বিগ্রহ-প্রতিষ্ঠার উৎসবে খ্রীষ্টীয় ১৫৮২ অব্দে বাঙ্গালার প্রথম-বৈষ্ণব-সম্মিলনে চণ্ডীদাসের পদাবলী গীত হইয়াছিল। তাহার পরও খেতরীতে বিগ্রহের সম্মুখে—

বৎসর ভরি সংকীর্তন হয় অনিবার।

দেখিয়া পাষণ্ডীর মনে লাগে চমৎকার ॥

(প্রেমবিলাস, ১৯ বিলাস)

প্রেম-বিলাস রচয়িতা স্বচক্ষে সেই উৎসব দর্শন করিয়াছিলেন এবং অল্প সময়েও খেতরী গিয়া এই সঙ্কীর্তন শুনিয়া আসিয়াছিলেন। কাহার কাহার রচিত গ্রন্থ বা পদ গীত হইত, প্রেমবিলাসে তাহার বর্ণনা আছে। নিত্যানন্দ দাস বলিতেছেন—

সঙ্কীর্তনের কথা কহিব বা কত।

শুনিয়া পাষণ্ডীগণের দ্রবি গেল চিত ॥

প্রথমে করয়ে গান চৈতন্ত মঙ্গল।

তার পর হয় গান শ্রীকৃষ্ণ মঙ্গল ॥

পরে হয় গোবিন্দের গৌর কৃষ্ণ লীলা গান।

নরোত্তমের গানে সবার জুড়ায় পরাণ ॥

বিজ্ঞাপতি চণ্ডীদাসের কৃষ্ণলীলা গানে।

যে শুনে হয় তে তার মন আর প্রাণে ॥

চৈতন্তমঙ্গল লোচনদাস রচিত এবং কৃষ্ণমঙ্গল মাধবাচার্য্য প্রণীত। ইহা হইতে জানা যায়, খ্রীষ্টীয় ষোড়শ শতকের শেষের দিকেও চণ্ডীদাসের গান বৈষ্ণব সমাজে প্রচলিত ছিল। খ্রীষ্টীয় সপ্তদশ শতাব্দীর মধ্যভাগে রচিত শ্রীধণ্ডের কবি গোপাল দাসের রসকল্পবল্লীর অধুনা

প্রচলিত সকল হস্ত-লিখিত পুঁথিতে কিন্তু চণ্ডীদাসের নাম পাওয়া যায় না। কলিকাতা বিশ্ববিদ্যালয়ের পুঁথিতে বড়ু চণ্ডীদাসের নাম ও পদ আছে। কিন্তু ঢাকার যাহ্নবরের পুঁথিতে ও শ্রীধণ্ডের পুঁথিতে (চণ্ডীদাসের (১) ভণিতাহীন পদ আছে,—) নাম নাই। তাহার পরে সংকলিত বিশ্বনাথ চক্রবর্তীর ক্ষণদা-গীতচিন্তামণিতে চণ্ডীদাসের কোন পদ বা নাম পাওয়া যায় না। পদামৃত-সমুদ্রে চণ্ডীদাসের পদের সংখ্যা সাতটী, অথচ বৈষ্ণবদাসের পদ-কল্প-তরুতে এই পদের সংখ্যা প্রায় তিনশত, আজিও এসব সমস্তার মীমাংসা হয় নাই। বাঙ্গালার দুইটী বিশ্ব-বিদ্যালয়, এবং সাহিত্য-পরিষদ ও তাহার শাখাসমূহ আরো অধিক পুঁথি সংগ্রহের দ্বারা এই সমস্তার মীমাংসা করিতে পারেন। তরুণ সাহিত্যিকগণও ইচ্ছা করিলে তাঁহাদের সমবেত অমুসন্ধান ইহার কোন কিনারা করিতে পারেন।

চণ্ডীদাস যে দুইজন ছিলেন তাহা প্রমাণিত হইয়া গিয়াছে। অবস্থা ষে রূপ দাঁড়াইয়াছে, বুঝিবা আরও একজনকে খুঁজিয়া বাহির করিতে হয়। কতকগুলি পদ যে অত্রের রচিত, সেগুলি গোলমালে চণ্ডীদাসের নামে চলিয়া গিয়াছে, তাহারও প্রমাণ পাইয়াছি। আমাদের মনে হয়, অল্প কবিও কেহ কেহ ইচ্ছা করিয়াই চণ্ডীদাস নাম দিয়া পদ রচনা করিয়াছিলেন। তিনজন চণ্ডীদাস থাকিলে, অপর দুইজনের মত তাঁহারও কোন সন্ধান পাওয়া যাইত। আমরা যতদূর অনুসন্ধান করিয়াছি, তাহাতে দুইজনেরই পরিচয় পাওয়া গিয়াছে। নিম্নে তিন রকমের তিনটী পদ উদ্ধৃত করিয়া দিলাম। যাহার এতটুকু রসবোধ আছে তিনিই বলিবেন যে, ইহা কখনই একজনের রচনা হইতে পারে না। তিনটী পদে তিনজন কবির রচনা সুস্পষ্ট। সর্বপ্রথম কৃষ্ণ-কীর্তনের একটী পদাংশ উদ্ধৃত করিলাম।

বড়াই গো কত দুখ কহিব কাহিনী।

দহ বলি কাঁপ দিল সে মোর শুকাইল লো

মুই নারী বড় অভাগিনী ॥

বড়ু চণ্ডীদাস, কৃষ্ণকীর্তন, রাধাবিরহ, ৩৪৪ পৃঃ



(১) প্রচলিত পদাবলীর পদ, ভণিতায় বড়ু চণ্ডীদাস নাম নাই, কিন্তু ইহা বড়ু চণ্ডীদাসের পদ—বিরহ ॥

ধিক্ রহু জীবনে পরাধিনী যেহ ।  
তাহার অধিক ধিক পরবশ নেহ ॥  
এ পাপ কপালে বিহি এহি সে লিখিল ।  
সুখার সায়র মোরে গরল হইল ॥  
অমিয়া বলিয়া যদি ডুব দিহু তায় ।  
গরল ভেদিয়া কেন উঠিল হিয়ায় ॥  
নীতল বলিয়া যদি পাষণ করি কোলে ।  
পিরীতি অনল তাপে পাষণ যে গলে ॥  
ছায়া দেখি বসি যদি তরু-লতা-বনে ।  
জলিয়া উঠয়ে তরু লতা পাতা সনে ॥  
যমুনার জলে যদি দিএ যাঞা কাঁপ ।  
পরান জুড়াবে কি অধিক উঠে তাপ ॥  
চণ্ডীদাস কহে দৈব গতি নাহি জান ॥  
পিরীতি অমিয়া রসে বধএ পরান ॥

( সাহিত্য পরিষদের নুতন সংস্করণের পাঠ )

(২) দীন চণ্ডীদাসের পদ, কিন্তু বড়ু চণ্ডীদাস ভণিতা আছে — বিরহ ।

হায় রে দারুণ বিধি । ছাড়াইলে গুণনিধি ॥  
যে এত দিল তাপ । তারে ধরু বহু পাপ ॥  
এত কি সহিতে পারি । বিরহে এ তহু মরি ॥  
তিলেক দিবার সাধ । এ-সুখে দিলে কি বাদ ॥  
কবে পাপ তার মেলি । পুন সে করব রস কেলি ॥  
আর কি হেরব মুখচন্দ্র । ভাসব সকল দম্ব ॥  
পুন হরি মিলব মোর । পিয়ায়ে করব নিজ কোড় ॥  
পুন কি করব রাস কেলি । নব নব গোপী হব মেলি ॥  
বাঁশী কি শুনব কানে । বাব বৃন্দাবন পানে ॥  
যমিয়া চন্দন মালা । কারে দিব আর গলা ॥  
বড়ু চণ্ডীদাস কয় । তিলেক না কর ভয় ॥

( বসুমতী সাহিত্য মন্দির হইতে প্রকাশিত জীবনী

ও প্রতিভা বিশ্লেষণ-সহ সমগ্র সটীক পরিবর্জিত সংস্করণ মহাকবি চণ্ডীদাস পদাবলী । )

বসুমতী সংস্করণে এই পদটী আসল চণ্ডীদাসের বলিয়াই গৃহীত হইয়াছে । আশা করি পাঠক পদটির ভাষা, ভাব, ছন্দ একটু মনোযোগ দিয়া দেখিবেন ।

(৩) বড়ু চণ্ডীদাসের ভণিতাযুক্ত—কিন্তু ভাবে, ভাষায় কোনোরূপ মিল নাই । এই পদে বিশেষ দ্রষ্টব্য ‘কপোত নামেতে পাখী’ । যছনাথ দাসের ‘সংগ্রহ-তোষণী’ গ্রন্থের মধ্যে বৃন্দাবনের কেলী-কুঞ্জের কপোতের কথা আছে । এই কপোত একজন বৈষ্ণব পদকর্তারূপে জন্মিয়াছিলেন । ‘সংগ্রহ-তোষণী’তে তাহার সাধন-সঙ্গীর কথাও পাওয়া যায় । এটীও মাথুর বিরহের পদ ।

সখি কহিও তাহার পাশে ।

যাহারে ছুঁইলে                      সিনান করিয়ে

সে মোরে দেখিয়া হাসে ॥

কার শিরে হাত দিয়ে ।

কদম্ব-তলাতে                      কি কথা কহিলে

যমুনার জল ছুঁয়ে ॥

বৃন্দাবন আছে সাখী ।

যদি মনে লয়                      আর এক আছে

কপোত নামেতে পাখী ॥

বোল নিঠুরের আগে ।

যাহার লাগিয়া                      যে জন মরয়ে

সে বধ কাহারে লাগে ॥

বড়ু চণ্ডীদাস ভণে ।

যাহার লাগিয়া                      যে জনা কাঁদয়ে

সে তারে পাসরে কেনে ॥

( সাহিত্য পরিষদের নব প্রকাশিত সংস্করণ )

বলিতে ভুলিয়াছি কৃষ্ণ-কীর্তনে ব্রজবৈবর্তের  
প্রভাব স্কম্পট । ব্রজবৈবর্তের মত কৃষ্ণ-কীর্তনেও  
চন্দ্রাবলী রাখারই অপরাধ নাম । জীগীত-গোবিন্দের তো  
কয়েকটা পদের অম্লবাদই রহিয়াছে ।



# কতো

শ্রীঅমিয়কুমার ঘোষ

১

সন্ধ্যা হইতেই উমার আবার জ্বর আসিল।

তাড়াতাড়ি হাতের দু'-একটা কাজ সারিয়া আসিয়া সে বিছানায় শুইয়া পড়িল। শুইয়া পড়িয়া গায়ে বেশ নিবিড় করিয়া কাঁথাটা টানিয়া দিল। তবুও শীত ভাঙ্গিতে চায় না!... পুরান ম্যালেরিয়া জ্বর—আবার যখন চাপিয়া ধরিয়াছে, সহজে ছাড়িবে বলিয়া তো মনে হয় না!... কাঁপুনীও কম নয়! পা-দু'খানি বকের কাছে শুটাইয়া নিয়া ঠক্ ঠক্ করিয়া কাঁপিতে থাকে। জরের কোঁকে দুই চোখ দিয়া টস্ টস্ করিয়া জল গড়াইয়া পড়ে।

হরিহর বাহির হইতে বেড়াইয়া আসিবার পর দরজাটা ঠেলিতেই হঠাৎ খুলিয়া গেল দেখিয়া একটু চট্টয়া উঠিল।

—হ্যাঁ রে, উমি! ভর সন্ধ্যা বেলা দরজা খুলে রেখে দিয়েচিস্? হতভাগীর যদি কোন আক্কেল আছে। যাক্, নিষে যাক্—যা দু'-একটা ষটি-বাটি আছে।

কিন্তু চেষ্টামেচির পরেও যখন উমার কোন সাড়া-শব্দ পাওয়া গেল না, তখন হরিহর একটু বিস্মিত হইল।

পা ধুইয়া দাওয়ায় উঠিয়া পড়িয়া ঘরে ঢুকিতেই দেখিল উমা বিছানায় জরে কাতরাইতেছে। একবার তাহার মাথায় হাত দিয়া উষ্ণতা পরীক্ষা করিয়া সে বাহিরে আসিয়া দাঁড়াইল।

আপনমনে সে একবার বলিল—মেয়েটার আবার জ্বর হোলো।

তখনই ঘরের চালাটার উপর ছড়-ছড় করিয়া বৃষ্টি আসিল। হরিহর এটাকে কিন্তু ভালভাবে লইল না। অপ্রসন্ন মুখে সে একবার আকাশের দিকে

তাকাইয়া লইয়া বলিল—আশ্বিন মাস শেষ হ'তে গেল, এখনো খালি বৃষ্টি আর বৃষ্টি! দূর হ'!...

তার পর হঠাৎ সে চুপ করিয়া গেল। পুরান স্মৃতি আবার মনে পড়িল বুঝি! তাহার মনে পড়িল সেই রাত্রে কথো—হ্যাঁ, সে বছরটাও ঠিক এমনি বর্ষা! আশ্বিন মাসের মাঝামাঝি তাহার স্ত্রী কমলা, তখন কোলের দু'টা মেয়ে শশী আর উমাকে রাখিয়া মারা গেল। বাড়ীতে অন্ত কেহ ছিল না। চাকরের কাছে ছোট মেয়ে দু'টাকে রাখিয়া সে আর তাহার বড় ছেলে বিপিন দুই ক্রোশ দূরে পোড়া-দহের শ্মশানঘাটে উপস্থিত হইয়াছিল। মাত্র দু'জন লোক তাহারা—অত বড় একটা প্রাপ্ত-বয়স্ক নারীর মৃতদেহ কি দু'জনে বহিয়া লইয়া যাইতে পারে? পথে যে কতবার শব্দধার নামাইয়া জিরাইয়া লইতে হইয়াছিল, তাহার ঠিকানা নাই। অনেক কষ্টে যদিও তাহারা শ্মশানঘাটে পৌছাইয়াছিল কিন্তু শবদেহ চিতায় চড়াইয়া দিবার পর এমনিভর অকস্মাৎ বৃষ্টি আসিয়াছিল। তাহারা বাপ্বেটার চিতা হইতে জল ছেঁচিয়া ছেঁচিয়া ক্লাস্ত হইয়া পড়িয়াছিল। শেষে বৃষ্টি থামিলে পরের দিন দ্বিপ্রহরে তাহারা শব দাহ করিয়া ফিরিয়াছিল।

...আজিকার বর্ষার সহিত এই কাহিনীটা আবার তাহার মনের দ্বারে আসিয়া আঘাত করিল—কিন্তু বিপিন এখন কোথায়?

হরিহর মাথাটা একবার ঝাড়িয়া লইয়া ঘরে আসিয়া ঢুকিল। পুরানো কথা ভাবিয়া আর সে নিজেকে দুর্জল করিবে না।

ঘরে ঢুকিয়া সে বলিল—হ্যাঁ রে, উমি, একটু



সাবু তৈরী করে আনবো? সাবু ঘরে আছে তো?

উমা কাঁপিতে কাঁপিতে বলিল—না, বাবা! কিছু খাব না। তুমি আর একখানা কাঁথা আমার গায়ে দিয়ে চেপে ধরো না। বড্ড শীত! উ-হু...

হরিহর তাহার গায়ে কাঁথাখানি বেশ করিয়া চাপিয়া ধরিয়া বসিয়া রহিল।...

২

কয়েকদিন কাটিয়া গেল কিন্তু তবুও উমার জ্বর ছাড়িল না। ছাড়িবে না যে, তাহা হরিহর জানিত। এমনি ভাবের পোড়া জ্বরে তো ওর মাও একদিন গিয়াছে, হয়তো ওকেও যাইতে হইবে!...

ছপুর বেলা হরিহর রান্না-ঘরের দাওয়ায় বসিয়া ভাত রাঁধিতেছিল। সে আজ নিজের হাতে যে কাজ করিতেছে, পনেরো বৎসর পূর্বে যদি সে তাহা স্বপ্নে দেখিত, তাহা হইলেও বিশ্বাস করিতে পারিত না। কিন্তু সমস্তই ভাগ্যের বিপর্যয়। একদিন যখন একটা একটা করিয়া তাহার স্ত্রী, পুত্র, কন্যা—সবাই মারা গেল তখন সে চাকরি-বাকরি ছাড়িয়া এই উমাকে বুকে চাপিয়াই সেই মর্মান্তিক শোক ভুলিয়া যাইবার চেষ্টা করিয়াছিল। উমার উপরে হরিহরের আর একটা মেয়ে ছিল। তার নাম ছিল শশী। তাহার অপঘাত মৃত্যুর কথা এখনও মনে পড়িলে সে বিহ্বল হইয়া পড়ে। মেয়েটির বয়স ছিল তখন বছর সাত-আষ্টেক। বেশ মোটা-সোটা স্বাস্থ্যবতী মেয়েটি। দিঘীর জলে স্নান করিতেছিল, হঠাৎ পা পিছলাইয়া গিয়া বাঁধানো ঘাটটির শেষ-খাপটির তলায় গিয়া পড়িল। জলে ডুবিতে ডুবিতে মেয়েটি চিৎকার করিয়া উঠিয়াছিল—“বাবা! বাবা গো! ডুবে গেলুম!” হরিহর ঘাটের পাশে ঝোপটিতে বসিয়া বাঁশ চাচিয়া চাচাড়ি তৈয়ারী করিতেছিল। হঠাৎ তাহার চিৎকার শুনিয়া যখন দৌড়াইয়া গিয়া তাহাকে তুলিতে যাইবে,

ঠিক তখনই ঘাটের উপর ধড়াস করিয়া সে নিজে পড়িয়া গেল। পড়িয়াছিল ভীষণভাবে। তাহার খান্না সামলাইয়া লইয়া উঠিতে উঠিতে মেয়েটি জলে ডুবিয়া গেল। সে উঠিয়া জলে কাঁপাইয়া পড়িয়া এ-ধার ও-ধার খুঁজিল—কিন্তু তাহাকে আর পাইল না। শেষে জাল ফেলিয়া যখন তাহাকে তুলিল, তখন তাহার আর সাড়া ছিল না।

রাঁধিতে রাঁধিতে বেশীক্ষণ চুপ করিয়া বসিয়া থাকিলে হয়তো এই সমস্ত কথা হরিহরের মনে পড়িয়া তাহার ছপুরটা মাটি হইয়া যাইত। কিন্তু যাক, সে বাঁচিয়া গেল। তাহার ভাগিনের আশু উঠানে আসিয়া বলিল—হ্যাঁ গা, মামা, উমার না-কি আবার অসুখ?

হরিহর বলিল—হ্যাঁ, তুই জানলি কি ক’রে? তা এত বেলায় এলি। খাওয়া-দাওয়া হয় নি বোধ হয়? দাঁড়া তোর জন্তেও আরও ছমুঠো ফুটিয়ে নিই।

হরিহর আর ছুঁটা চাল ধুইয়া হাঁড়িতে ছাড়িয়া দিয়া বলিল—তাই তো রে, মামার বাড়ী এলি, শুধু ভাত খেয়ে যাবি! দাঁড়া আর একটা তরকারি করি।

এই কথা বলিয়া সে রান্না-ঘরের দাওয়া হইতে নামিয়া আসিয়া উঠানের মাচাটি হইতে একটা লাউ পাড়িয়া আনিতে গেল। কিন্তু লাউ পাড়িতে গিয়া হঠাৎ আবার কোমরের পুরাতন বেদনাটা বুকি কেমন খচ্ খচ্ করিয়া উঠিল। হরিহর বলিল—ও রে, আশু, দে বাবা দে, লাউটা পেড়ে দে। আবার কোমরের বেদনাটা এল বুকি। এটা কবে প্রথম হয় জানিস? তোদের মনে নেই সেই বেবার শশী জলে ডুবে গেল—সেবার সেই ঘাটে প’ড়ে গিয়ে...

লাউ পাড়িয়া আনিতে আনিতে পাড়ার আরও ছুঁটা ছেলে আসিয়া উঠানের ভিতরে দাঁড়াইল। ইহারা প্রায়ই ছপুরে আসিয়া হরিহরের সহিত গল্প করিয়া যায়। সে তাহাদের তাহার নিজের গত জীবনের কত কাহিনী শুনায়। তাহারা এই লোকটির জীবনে নিয়তির নিষ্ঠুর পরিহাসের কথা মুখ-বিশ্বরে শুনিয়া যায়। মনে মনে তাহারা ভাবিতে থাকে এই লোকটির জীবন



অতখানি বিয়োগান্ত হইয়াও তাহার গতি-পথে বিবাগী-  
স্রাতধারার বস্তা আসিল না কেন ? সে কি বাঁধের  
ফলের মত আপনার কুহকে পড়িয়া আপনিই আবদ্ধ  
হিয়াছে !

লাউ কুটিতে কুটিতে এই রকমেরই একটা কথা  
কুটিতে হরিহর বলিল—শুধু ঐ মেয়েটার জন্তেই  
হ' বাড়ীতে থাকা। তা নইলে এতদিন কবে বেরিয়ে  
পড়তুম।

তারপর বুকের উপর হাত চাপড়াইয়া বলিল  
—জানলি আমার এখানটা কতো শক্ত ! শোন  
হবে—যেবার বিপিন মোলো—তাও কোথায় গিয়ে  
মোলো শোন, ফরাসডাকায়—খণ্ডরবাড়ী গিয়ে।  
অতভাগা ছেলে আমার সঙ্গে ঝগড়া ক'রে গিয়ে  
খণ্ডরবাড়ী প'ড়েছিলো। হঠাৎ একদিন রাতে হার্টফেল  
ক'রে মরেচে খবর পেলুম। আপনি গিয়ে সৎকার  
ক'রে এলুম। কিন্তু যাক, তারপর আবার কি  
হোলো শোন। দু'-চার দিন যেতে-না-যেতেই একদিন  
দেখি আমার অনেকদিনের পোষা কুকুরটাকে সাপে  
কামড়েচে। বিষে তার গা একেবারে নীলবর্ণ হ'য়ে  
উঠেচে ! আমি কি করলুম জানিস ? আর কোনো  
কথাবার্তা না ব'লে পা-র খড়মটা না তুলে খটাখট  
তার মাথায় মারতে লাগলুম। যা দু'-তিন দেবার  
পর কুকুরটা এমন কেঁউ কেঁউ ক'রে মুখখানা  
করলে যে, আর মারতে মায়া লাগছিল। কিন্তু  
আর দু'ঘণ্টা বাঁচলেই তো কুকুরটারই যন্ত্রণা ! তাই  
একেবারে চোখ বুজিয়ে ফেলে খটাখট খড়ম  
চালাতে লাগলুম। কেঁউ কেঁউ করতে করতে অত  
দিনের পোষা প্রভু-ভক্ত কুকুরটা আমারই হাতে  
মারা গেল। তোর এ-কাজ পারতিস ? হেঁ-হেঁ,  
হেঁ-হেঁ.....

কথাটা বলিয়া হরিহর অসভ্যের মত হাসিতে  
লাগিল। কিন্তু এ-হাসি তীরের ফলার তীক্ষ্ণতা নইয়া  
ঐ ছেলেগুলির বুকে বিঁধিতে লাগিল।

আশ্চর্য্য লোকটার বুকের বাঁধন।

৩

উমার বিবাহ হইয়াছিল নয় বছরে এবং বিধবা  
হইয়াছিল বারো বছরে। তারপর আজ ছয় বৎসর  
সে পিতার নিকট আছে।

হরিহর তারপর উমাকে আর খণ্ডরবাড়ী পাঠায়  
নাই।

সে লোকের নিকট বলিয়া বেড়াইত—ছোটলোক !  
শালারা ছোটলোক ! তা নইলে ছেলেটার অমন  
ভেতরে ভেতরে ব্যামো আমাদের কাছে ঢাকা দিয়ে  
রেখেছিল ! আমরা ভাল মানুষের মত মেয়ে দিলুম।  
আর তিনটা বছর যেতে-না-যেতেই বিধবা হোলো !

তা হইবে। উমার খণ্ডররা ছোটলোক হইবে  
হয়তো। কিন্তু হরিহর অতখানি ভদ্রলোক হইয়াও  
মেয়েটাকে কেন ম্যাগেরিয়ার হাত হইতে বাঁচাইতে  
পারিতেছে না—সেই কথাই সবাই পরিতাপের সহিত  
গল্প করিয়া থাকে।

• • • • •

উমার অশুখটা দিন দিন বাড়িয়া যাইতেছিল।  
পেটটি প্লীহায় ভরিয়া গিয়াছিল। অর ছাড়িবার নাম  
নাই।

উমা সেদিন হরিহরকে বলিল—হ্যাঁ, বাবা, ওষুধটা  
যে অনেকদিন কুরিয়ে গেছে। আর একটা আনো না।

হরিহর বলিল—হ্যাঁ, কি, ঐ কুইনিনটা ? ওতে  
অর আর সারলো না যখন, তখন আর কিনে কি হ'বে ?

সে বলিল—না সাক্ষক, দু'একদিনের জন্তে অরটা  
একবার ছেড়ে গিয়েছিলো তো ?

হরিহর বলিল—গিয়েছিলো ? তা এবারও যে  
সেরে যাবে তার কি মানে আছে ? তার চেয়ে  
তুই এক কাজ কর, তুলসী পাতার রস মধু দিয়ে খা।  
আমাদের দেশী ওষুধ। এর থেকে ভাল ওষুধ আর  
নেই। সর্বরোগে ধ্বংসরি।

এই কথা বলিয়া হরিহর হঠাৎ তুলসী পাতার  
খোঁজেই হয়তো বাটার বাহির হইয়া গেল।



পথে যাইতে যাইতে পাড়ার অনেকের সহিত তাহার দেখা হয়। কেউ কেউ জিজ্ঞাসা করে — হ্যাঁ, খুড়ো, উমা কেমন আছে ?

উমার অবস্থার কথা সে সবিস্তারে বলিয়া শেষে বলিল—অসহ্য যন্ত্রণা ! তোরা তা চোখে দেখতে পারবি নে। আমি বলি, নারায়ণ যদি ওকে এই বেলা কোলে তুলে নেন তো ও বেঁচে যায়।

কথাটা বলিয়া সে একটু হাসিয়া মনকে হাক্কা করিতে চায়। কিন্তু হাসিতে গিয়া হঠাৎ সে কাঁদিয়া ফেলিয়া বলিল—কিন্তু আমার কি হবে বলতো ? ও তো ড্যাং-ড্যাং ক’রে চলে যাবে—আমি কার মুখ চেয়ে বেঁচে থাকবো ?

তারপর আপনাকে সামলাইয়া লইয়া হন হন করিয়া সে আপনার পথে চলিয়া যায়।

সেদিন আশু দেখিল তাহার মামা কোথা হইতে দুই-তিনটা বাঁশ আনিয়া উঠানের একধারে রাখিয়া দিয়াছে। কারণ জিজ্ঞাসা করিলে, হরিহর তাহার কানের কাছে মুখ আনিয়া বলিল — চুপ্, চুপ্, জানিস্ না বুঝি ? উমার যে কাল থেকে হাত পর্যন্ত ফুলেচে। হাত ফুলে আর বাঁচে না, বুঝতে পারচিস্ ? রাত-বিরেতে কখন ‘দরকার’ পড়বে — তখন তাড়াতাড়ি জোগাড় করতে কষ্ট হ’বে। ও-রি ওপর চ্যাটাই বিছিয়ে দু’জন কি চারজনে কাঁধে নিয়ে যাবার মত ক’রে নেবো ‘খন। জানিস্ তো রাত্তির বেলা যদি কেউ আসতে না চায় ? তুই আর আমি ছাড়া আর ত’ কেউ নেই।

আশু তাহার মামার কথা শুনিয়া অবাক হইয়া গিয়াছিল।

## ৪

হরিহর ঠিকই বলিয়াছিল। ইহারই চার-পাঁচ দিন পরে একদিন সন্ধ্যায় .....বে অপরিসীম সুখের ভক্ত

অত তোড়জোড়, অতখানি উদ্বেগ, সেই মুহূর্তই আসিয়া উপস্থিত হইল।

কাশিতে কাশিতে উমা চোখ কপালে তুলিয়া শো নিঃশ্বাস ফেলিল।

শোকে বিহ্বলভাবে হরিহর বসিয়া রহিল। আশু গিয়া পাড়া হইতে তিন-চারজন ছেলে ডাকিয়া আনিল। তাহারা আসিয়া বাঁশ বাঁধিয়া চ্যাটাই বিছাইয়া বেশ একটা শবাধার তৈয়ারী করিয়া লইল। তাহার পর বিছানা-স্বক শবদেহ আনিয়া তাহার উপর শোয়াইয়া দিল।

মুহম্মান শোকে, ব্যাকুল কণ্ঠে হরিহর বলিল—দাঁড়া বাবা ! দাঁড়া, তোরা একটু। আমিও কাঁধ দেব। সবাইকে কাঁধে করে দিয়ে এসেচি, আমার মাকেও কাঁধে ক’রে নিয়ে যাব ...

এই বলিয়া সে উঠিয়া দাঁড়াইতে গেল। কিন্তু তখনই ‘উঃ’ করিয়া বসিয়া পড়িল, আবার কোমরের পুরাতন বেদনাটা বুঝি চাপিয়া ধরিল। সে বহু চেষ্টা করিল কিন্তু কিছুতেই উঠিতে পারিল না। অশেষ চেষ্টার পর সে মাটিতে বসিয়াই বলিল—নিয়ে যা, বাবা ! আমার মাকে তোরাই নিয়ে যা, আমার আর যাওয়া হোল না...

ছেলেরা সবাই শবদেহ কাঁধে করিয়া ‘হরিবোল’ ধ্বনি করিতে করিতে বাহির হইয়া গেল।

হরিহর ঠায় মাটিতে বসিয়া রহিল। শেষকালে তাহার এ কি দুর্বলতা আসিল ? কিন্তু দূরে নিশ্চয় রাত্রি যতই ‘হরিবোল’-ধ্বনি শোনা যাইতে লাগিল, ততই তাহার কোমরের ব্যথাটা বুঝি বৃদ্ধি বৃদ্ধি আসিয়া তাহার পাঁজরাগুলিকে মোচড়াইয়া ধরিতে লাগিল। সে মৃতের মত তার বেদনা-বিহ্বল বৃদ্ধি হাত বুলাইতে বুলাইতে সেই খানেই মাটির উপর ঢলিয়া পড়িল।



## “জ্যোতির্ময় কর বঙ্গ”

শ্রীশ্যামাপ্রসাদ মুখোপাধ্যায়, এম্-এ, বি-এল্

আজ এই সভার সভাপতিরূপে বরণ করিয়া আপনারা আমাকে যে সম্মান দেখাইয়াছেন, সে জন্ত আমার আন্তরিক ধন্যবাদ জানাইতেছি। আপনারা স্নেহাক হইয়া আমাকে আজ আহ্বান করিয়া অযোগ্যকে যোগ্যতার মর্যাদা প্রদান করিয়াছেন— ইহাতে আর কিছু না হউক, একথা সপ্রমাণ হইল যে, স্নেহের অসাধ্য কিছুই নাই।

বাঙ্গালার কথা-সাহিত্যের যোগ-সিদ্ধ পুরুষ শরৎচন্দ্র যে সংবর্দ্ধনার কর্ণধার, এবং বঙ্গ-সাহিত্যের সব্যসাচী রায়বাহাদুর জলধর সেন যে সংবর্দ্ধনার পাত্র, সেই সংবর্দ্ধনা শুধু আজ এখানে সমবেত আমাদের নহে— সমগ্র বাঙ্গালী জাতির সংবর্দ্ধনা।

চিরদিন দারিদ্র্যের সহিত সংগ্রাম করিয়া যাহারা শুধু সেবার আনন্দের জন্তই বঙ্গ-ভারতীর সেবা করেন, প্রকৃত-হৃদয়ে দুঃখ-কষ্টকে বরণ করিয়া লয়েন, তাঁহারা যে বাঙ্গালীর কত আদরের পাত্র, কত শ্রদ্ধার পাত্র, কত গৌরবের পাত্র, তাহা ভাষায় প্রকাশ করার যোগ্যতা আমার নাই। রায়বাহাদুর জলধর সেন আমাদের সেই আদরের, সেই গৌরবের বস্তু—তাঁহাকে আমি অস্তরের অভিবাদন জানাইতেছি।

তাঁহার অল্প শত বৎসরের সাধনা বাঙ্গালী সাহিত্যের উজ্জল পৃষ্ঠায় সুবর্ণ-অক্ষরে লিখিত থাকিবে। ‘সোমপ্রকাশ’, ‘গ্রামবার্তা’, তথা ‘হিতবাদী’, ‘বসুমতী’ ও ‘ভারতবর্ষ’ প্রভৃতি পত্রিকা তাঁহার প্রথম যৌবন ও পরিণত বয়সের অক্লান্ত সেবার প্রকৃষ্ট নিদর্শন চিরদিন ধারণ করিয়া রহিবে। তাঁহার সরস সুখ-পাঠ্য উপজ্ঞাস-গুলি, বিশেষতঃ তাঁহার ‘হিমালয়-ভ্রমণ’—সহজ ও প্রাথমিক রচনা-শক্তির পরিচয় বহন করিয়া বাঙ্গালার ঘরে ঘরে চির আদৃত থাকিবে। তাঁহার ভাষা, তাঁহার বর্ণনার প্রাঞ্জলতা, বিশেষতঃ তাঁহার লিখিবার নিজস্ব

ভঙ্গি — বাঙ্গালার নরনারী-সমাজে তাঁহাকে চিরস্মরণীয় করিয়া রাখিবে।

আজ এই আনন্দ-যজ্ঞে আপনাদের উপস্থিতিতে সত্যই আমি আনন্দে অভিভূত ও আশায় উৎফুল্ল হইয়াছি। সকল জিনিষেরই একটা সীমা আছে— কিন্তু আশার সীমা নাই; আশা চায় বিশ্বকে গ্রাস করিতে, জগৎকে করতলগত করিতে। আমিও সেই স্বপ্ন দেখিতেছি। আমার আনন্দ—আমাদের বাঙ্গালী ভাষা একদিন বিশ্ব জয় করিবে—করিবেই করিবে। কেন এমন আশা, তাহা নিবেদন করিতেছি।

আমার পিতৃদেবের জীবন-ব্যাপী আশা ও চেষ্টা এত দিনে সফল হইতে চলিল। বিশ্ববিদ্যালয়ের প্রবেশার্থী ছাত্রদিগকে—আমাদের বাঙ্গালার বাঙ্গালী ছেলে-মেয়েদের আর অনুবাদ করিয়া মাকে ডাকিতে হইবে না, মাকে ‘মা’ বলিয়া ডাকিতে পারিবে। বিশ্ববিদ্যালয়ের প্রবেশার্থী ছাত্রদিগকে স্বীয় মাতৃভাষায় শিক্ষা দেওয়া হইবে কিন্তু ইহাতে আনন্দ যতটা, চিন্তা তদপেক্ষা শতগুণ অধিক। শুধু ম্যাট্রিকুলেশনে ইহার পরিসমাপ্তি নয়, হওয়া উচিতও নহে। এমন দিন আসিবে—আমাদের জীবদ্দশাতেই আসিবে— যখন ক্রমে অস্ত্রান্ত উচ্চ ও উচ্চতর শিক্ষা-পদ্ধতিতেও বঙ্গভাষাকে আপন সিংহাসনে সুপ্রতিষ্ঠিত দেখিতে পাইব। কিন্তু, বঙ্গগণ, কোথায় সে রাজ-সিংহাসন? কোথায় সেই সিংহাসনের বিশ্বকর্মার দল? এক জনের কাজ নহে, অসংখ্য বিশ্বকর্মার প্রয়োজন। সে রাজ-সিংহাসন গঠনে বহু শিল্পীর আবশ্যক। আমি আজ তাঁহাদের সাদরে ও সসম্মানে আহ্বান করিতেছি। আমাদের এখন গ্রন্থের প্রয়োজন। মনস্বী সাহিত্য-সেবীদিগকে এখন অস্ত্রদিকে মনঃসংযোগ করিতে হইবে। শুধু পরীক্ষার নিমিত্ত নহে, বিশ্বের শিক্ষণীয় সকল




বিষয়েই নানাবিধ পাঠ্য-গ্রন্থ প্রণয়ন করিতে হইবে। বাঙ্গালা ভাষায় নানাবিধ গ্রন্থের অভাব আমরা বোধ করি। সর্বসাধারণের গ্রহণ-যোগ্য নানা বিষয়-সম্ভারে বঙ্গভাষাকে শ্রীসম্পন্ন করিতে হইবে। পাঠ্য পুস্তক না থাকিলে শুধু শিক্ষার নিয়ম-পুস্তকে বাঙ্গালাকে শিক্ষার বাহন করিয়া রাখিলে ভাষার উন্নতি-সাধন হইবে না।

ইউরোপীয় ভাষায় যেমন আছে—ইংরাজিতে যেমন Every Man's Library Series অথবা Benn's Series আছে—সেইরূপ বঙ্গভাষাতেও নানারূপ সুলভ 'সিরিজ' পুস্তক-প্রণয়নের সময় আসিয়াছে। যাহার যতটা ক্ষুধা, তাঁহাকে তদনুসারে খাণ্ড জোগাইতে হইবে। ধাপে ধাপে, ধীরে ধীরে মাতৃ-মন্দির গড়িয়া তুলিতে হইবে। বিশ্বের দরবারে শুধু কবিতার বা প্রণয়-গীতিকার অথবা উপন্যাস ও গল্পলহরীর অলঙ্কারে মাকে সাজাইলে চলিবে না। জননী ভারতীর একটি বিশেষণ ঋষিরা দিয়াছিলেন, 'সর্বাভরণ-ভূষিতা'—একথা ভুলিলে চলিবে কেন? সর্ববিধ আভরণে—ইতিহাস, বিজ্ঞান, দর্শন, রাজনীতি, অর্থনীতি, সমাজনীতি প্রভৃতি সকল শ্রেণীর সাহিত্যের অলঙ্কারে মাকে সাজাইতে হইবে। সাজাইয়া তুলিবার দৃঢ়-সঙ্কল্পে হৃদয়-মনকে বলিষ্ঠ করিয়া একাগ্রমনে কার্যে অগ্রসর হইতে হইবে। আমার পিতৃদেব

বলিতেন—“সঙ্কল্পে যদি দোষ না থাকে, মনে যদি কলঙ্ক না থাকে, শত সহস্র ঐরাবতেও আমরাগকে প্রতিহত করিতে পারিবে না—মামুষ ত' কোন্ ছায়া” স্মরণ্য বাঙ্গালা সাহিত্যের এই পুনর্গঠন-কার্য্য ছুঁর বা অসাধ্য ভাবিয়া ছাড়িয়া দিলে চলিবে না। বাঙ্গালীর নিকট ছুঁর বা অসাধ্য বলিয়া কোন কাজ কোন দিন পরিত্যক্ত হয় নাই। তাই আমার সনির্বন্ধ অনুরোধ—বঙ্গের সাহিত্যিকবৃন্দ, বাঙ্গালার তরুণ-প্রবীণ লেখকবৃন্দ, কিছু দিনের জন্ত বঙ্গের সারস্বত-সৌধ সর্বাদয়স্বন্দ করিয়া তুলিতে বন্ধপরিকর হউন। শুধু সুকোমল কুসুমাস্ত্রত নিষ্কণ্টক পথ ধরিলে চলিবে না, এখন আমরাগকে কিছু কাল মায়ের সেবার জন্ত কটিন, বন্ধুর, দুর্গম পথে বিচরণ করিতে হইবে। শুধু ভিত্তি, শুধু ছাদ বা শুধু সোপানে সৌধ হয় না—এই সকলের সমবায় সৌধ নিশ্চিত হয়। সেইরূপ শুধু কবিতা, শুধু গল্প, আপাত-মধুর রসাল বিষয়ের বর্ণন বা উপন্যাসেই একটি সুসম্পন্ন সাহিত্যের সৌধ গঠিত হয় না। সর্ব-বিষয়ের সমবায় আবশ্যক। আপনাদিগকে সেই দিকে অবহিত হইতে প্রার্থনা করি। আশুন, আমরা সকলে সমবেতকণ্ঠে প্রার্থনা করি —

“এই বঁর, হে বরদে, মাগি শেষবারে —  
জ্যোতির্ষ কর বঙ্গ ভারত-রতনে।”

‘জলধর-সমর্চনা’র গঠিত।





# মাণিকমালা

## শ্রীসাবিত্রীপ্রসন্ন চট্টোপাধ্যায়

বলার ছিল অনেক কথা, হ'ল না কিছু বলা,  
খুঁজিতে পথ হারানু দিশা, বন্ধ হ'ল চলা।  
আকাশ হ'তে আলোরে বৃথা' রাখিতে চাই ঘরে,  
বনের মৃগ লুকাই বনে, কেমনে রাখি ধ'রে ?  
নয়ন-মন রঙীন করে' ইন্দ্রধনু ওঠে—  
দখিনা বায় কখন হায় কনক-চাঁপা ফোটে,  
কখন আসে, কখন যায়—না পাই কোনো দিশা,  
শাওন-ঘন গগন-তলে জাগিয়া থাকে তৃষা।  
পথের ধারে বসিয়া থাকি, আঁচল ভরা ফুল  
সন্ধ্যাতারা খসিয়া পড়ে—বুঝিতে পারি ভুল।

সে দিন কথা বিনায়ে মালা গাঁথিব আশা করি'  
প্রভাত হ'তে নাহি হ'তে চলিছু পথ ধরি'—  
কোথায় ফোটে কুঞ্জবনে মনের কথাগুলি  
মিষ্ট বায় কোথায় হায় উঠিছে শাখা হুলি',  
হৃদয়ে পাখী কোথায় না-কি বেঁধেছে তার বাসা,  
হৃদয় হ'লে—খেলার ছলে শুনিব তারই ভাষা।  
তুলিতে ফুল করিব ভুল, ফুটিবে হাতে কাঁটা  
চোখের জলে মিলন হ'লে ভুলিব বেদনাটা।  
চয়ন-দুখ ভাগ্য-লেখা, নয়ন-সুখ ভালো,  
ফুলের রঙ দেখিতে চাও, হৃদয়-ঝারি ঢালো।  
পূর্ণ চাঁদ পাতুক কাঁদ মেঘের অবসরে  
লীলা-কমল উঠুক ফুটে মানস-সরোবরে।

গোপনে বীজ বপন করি' যতনে আঙিনায়  
কুসুম-শোভা দেখিব ব'লে যে-জন থাকে হায়,  
হয়ত কভু মনের আশা সফল করি' তার  
একটি ছ'টি কুসুম ফোটে—নয়ত বারেবার।

সকাল-সাঁঝে আমি যে চাহি নানান ফুলের মেলা,  
ফুলের পানে চাহিয়া থাকি পড়িয়া আসে বেলা।  
সন্ধ্যা হ'লে সন্ধ্যামণি, রাতের সখী হেনা  
বাসর-ঘরে আমারে কভু ডাকিতে ভুলিবে না ;  
আমার সাথে আসিবে কেবা কথা-বলার সাথী  
তেপান্তরের মাঠ পেরোতে পোহায়ে যাবে রাত।  
পথের শেষে যুগ্মতী নদী, বহিয়া গেছে বামে,  
সাত-মহলা রঙ-মহলের সোপান সেধা নামে।  
রাজ-কন্ঠা নাইতে নামেন—সঙ্গে অনেক সখী,  
তেপান্তরে ডাকছে চখা—যুগ্মতী তীরে চখী।  
কুচ-বরণ রাজকন্ঠার মেঘ-বরণ কেশ  
ঝিঁঝির সুরে সাপ-খেলান বাঁশীর সুরাবেশ।  
মেঘ-ডমুরী শাড়ীর আঁচল লুটিয়ে পড়ে ভূঁয়ে  
কমল ফোটে কঠিন শিলায় কোমল চরণ ছুঁয়ে।  
তরুলতায় রঙ ধ'রে যায় ডাইনে বামে তার  
ততক্ষণে যুগ্মতী নদী একলা হ'লাম পার।

রাজকন্ঠা অবাক হ'য়ে মুখ চেয়ে কি ভাবে  
মিষ্টি হেসে শুধায়—“হ্যাঁ গা, কোথায় তুমি যাবে ?”  
আমি বলি,—“অ—নে—ক দূরে ;—আসল কথা বলি'  
মনের কথায় ফুল ফোটাতে একলা পথে চলি।  
কুঁড়ির মাঝে মৌন রহে—কত গোপন কথা,  
হাওয়ায় চলে কানাকানি, সেই ত' ফুলের ব্যথা।  
গন্ধ-মধুর কদর রেখে, আদর করে' ফুলে  
হে রাজবালা, গাঁথ্বে মালা, আপন হাতে তুলে ?”  
রাজবালা কয়—“কথার মত কইতে পারে কথা—  
মাহুষ হয়ে বুঝতে পারে ফুলের ব্যাকুলতা,  
জানে কুঁড়ির চঞ্চলতা, বোঝে ফুলের হাসি  
এমন যে-জন তার দরশন নিত্য অভিলাষী।”




রাজ-কন্ডা শিলাসনে, কমলাফুলের দল  
অন্তমনে কাটেন নখে, নয়ন ছলছল,  
কি যেন তার হারিয়েছিল—সাবেক কালের কথা,  
আজকে হঠাৎ পড়ল মনে, কোথায় কিসের ব্যথা !  
কি যেন সে কুড়িয়ে পেল' তেপান্তরের মাঠে  
খেলতে এসে হারিয়ে গেল—ঘুম্ভী নদীর ঘাটে ।  
হঠাৎ শুনে আমার কথা, চমক ভেঙ্গে চায়,  
হারিয়ে-যাওয়া হৃদয়-রতন কুড়িয়ে বুঝি পায় !

রাজার বালা মাণিকমালা, হাতের রতনচূর  
কণ্ঠশোভা রত্নমালা করলে না-মঞ্জুর ।  
সখীর হাতের ফুল-গহনায় সাজিয়ে দেহলতা,  
সঞ্চারিণী পল্লবিণী, কইলে আবার কথা,—

“আমি রাজার ফুলগরবী, ফুলসোহাগী মেয়ে—  
কুঞ্জবনে আপন মনে বেড়াই নেচে গেয়ে ।”

ফুলের ব্যথা গোপন ছিল কুঁড়ির মাঝে কবে,  
ভেবেই আকুল স্নগন্ধ ধন কে-ই বা তাহার ল'বে,  
কখন বা তা'র দল ঝ'রে যায় তাইত ফোটাফুল  
গোপন স্নখে রঙীন হয়েও শঙ্কা-সমাকুল ।  
ফোটোর সময় কখন আসে, কখন চ'লে যায়,  
স্বপন দেখে মাণিকমালা ফুলের বেদনায় ।  
রাজার বালা ফুল বাগিচায় ফুলের ফসল তোলে  
জানে না সে দখিন হাওয়া কখন কুঁড়ি খোলে,  
মাণিকমালার গলায় দোলে তাজা ফুলের মালা  
স্বপন কখন সত্য হ'ল জানে না রাজবালা ।





# নারীর মন

শ্রীঅরবিন্দ দত্ত

[ পূর্বানুষ্ঠান ]

## তৃতীয় পরিচ্ছেদ

বৈষয়িক একটি প্রয়োজনীয় মোকদ্দমার কারণে হরিশকে সহরে বাইতে হইয়াছিল। ফিরিয়া আসিয়া দেখিল, প্রতিভা আসিয়াছে।

বিবাহের সময় ক্ষণিকের দ্রুত-দৃষ্টিটায় সে একটুখানি যাহা পাইয়াছিল তাহা স্বপ্নের মত, এখন চাহিয়া দেখিল প্রতিভার দেহের উপর দিয়া যেন রূপের বস্তা বহিয়া চলিয়াছে। ডাগর চক্ষু'টি যখন ভাবাবেশে মুদিত থাকে তখন উৎকর্ষ আর সীমা থাকে না। যখন খুলিয়া যায়, মনে হয় সকলই মিলিল। মিলিতে আর কিছুই বাকী রহিল না। এ ছাড়া পিতার পরিচর্যার স্থলে প্রতিভার কৰ্ম্মকুশল হাত-দু'খানি যেন মধুর ছন্দে লীলা করিয়া চলিয়াছে। হরিশ শ্রদ্ধার চক্ষে এই সকল লক্ষ্য করিতেছিল আর সঙ্গ-লাভের লালসায় জাগিয়া জাগিয়া ঘুমাইতেছিল।

কমলকৃষ্ণ নিজে জানিতেন, ডাক্তারও বলিয়া গেল, ঔষধ অপেক্ষা শুশ্রূষার গুণেই তাঁহার দেহের পীড়া সহসা তাড়ান সম্ভব হইল। আজ তিন দিন তাঁহার বেশ ভালই বাইতেছে। জ্বর সম্পূর্ণ ছাড়িয়া গিয়াছে। দুর্বলতা ভিন্ন অন্য কোন উপসর্গও দেখা যায় না। প্রতিভার এখন আর সে ঘরে বসিয়া বসিয়া রাত্রি জাগিয়া কাটাইবার প্রয়োজন নাই। বিমলাকে দিয়া নিস্তারিণী হরিশের ঘরে পুত্রবধূর শয়নের ব্যবস্থা করিয়া দিলেন। প্রতিভা আহত হইল। এই সেবার কার্যে সে বেশ আনন্দ পাইতেছিল। মনে করিল, হয়ত রাত্রির বেলা সময়মত ঔষধ

পড়িবে না। হয়ত যখন কোন কিছু প্রয়োজন হইবে শান্তুড়ী তখন ঘুমাইয়া পড়িবেন। কিন্তু সে নূতন মানুষ, লজ্জায় কোন প্রতিবাদ করিতে পারিল না।

মাতার অমুমতিক্রমে বিমলা ইহাদের ঘরটি সাজাইয়া-গুছাইয়া শয্যা-রচনা করিয়া রাখিয়া আসিল।

আজ আবার অনেকদিন পরে যুগ্ম-শয্যার উপর বাইয়া উঠিয়া বসিতে হরিশের সৰ্ব্বপ্রথমে তাহার প্রথম পক্ষের স্ত্রী লতিকার ছড়িয়ে-পড়া এলোচুলগুলির কথা মনে পড়িল। হরিশ তুলনা করিয়া দেখিত, জুড়ী মিলিত না। আজ আবার সে সকল কথাই ধীরে ধীরে তাহার মনে পড়িতে লাগিল।

প্রতিভার খাওয়া শেষ হইলে বিমলা তাহাকে সঙ্গে করিয়া ঘরে ঢুকাইয়া দিয়া চলিয়া আসিল। এ ঘরে সে এই প্রথম পা দিল। যন্ত্রের রোগের জন্তে সময় এত অল্প ছিল যে, সকল ঘরগুলির সহিত তখনও পর্যাপ্ত সে পরিচয় করিয়া লইতে পারে নাই। ঘরে ঢুকিয়া দেখিল, টেবিলের উপর আলোটি প্রদীপ্তভাবে জলিতেছে। স্বামী শুইয়া পড়িয়াছেন, নিদ্রা যান নাই। দ্বারের দিকে চক্ষু নিবদ্ধ করিয়া এক একবার চম্কাইয়া উঠিতেছেন। শয্যার দিকে আগাইয়া বাইতে তাহার লজ্জা হইল।

দেওয়ালে অনেকগুলি সুবৃহৎ তৈল-চিত্র টাঙান ছিল। সে কৌতূহলবশে পায়-পায় সরিয়া একে একে সেইগুলি দেখিতে লাগিল। নিস্তারিণীর চিত্রটির কাছে আসিয়া থামিয়া বাইতে, হরিশ শয্যা হইতে নামিয়া তাহার পার্শ্বে আসিয়া দাঁড়াইল। বলিল, “এঁদের সকলকে চিনতে পারছ প্রতিভা?”



প্রতিভা সলজ্জমুখে নিঃশব্দে কহিল, “এখানা চিনেছি, মায়ের চেহারা। এ চেহারা এখন আর নাই। স্বাস্থ্য অনেক খারাপ হয়ে পড়েছে।”

তারপর আর একটু সরিয়া গিয়া আর একখানা চিত্রের উপর অঙ্গুলি নির্দেশ করিয়া বলিল, “এখানাও চিনেছি—কিন্তু চিনতে পারা যায় না। আহা! রোগে প’ড়ে বাবার কি শরীরই হয়েছে।”

হরিশ সঙ্গে সঙ্গে ফিরিতেছিল। বলিল, “আমার বিষের সময় সেই যে টেলিগ্রাম পেয়ে চ’লে এলাম, মনে পড়ে? সেই রোগেই ওঁকে জখম করেছে। এখন আর দু’টি দিন ভাল যায় না।”

প্রতিভা কহিল, “কিন্তু দেহে তেজের উজ্জ্বল বেশ আছে। বিশ্রাম আর খাওয়া-দাওয়ার দিকে দৃষ্টি রাখতে পারলেই ওঁর স্বাস্থ্য আবার ফিরে আসবে।”

হরিশ হাসিয়া বলিল, “এবার গজ-কাঠির মাপে প’ড়ে গেছেন—কিছু কমতিও নেই, বাড়তিও নেই—এবার যদি সেরে উঠতে পারেন।”

প্রতিভা লজ্জায় মুখ নীচু করিল।

তারপর ঘুরিয়া গিয়া অল্প দেওয়ালে বিমলার ছবিখানাও চিনিল। বিমলার স্বামীর খানা এবং আরও কয়েকখানা চিনাইয়া লইল। পরিশেষে একখানা যুক্ত-চিত্রের সম্মুখে আসিয়া দাঁড়াইতে চকু দু’টি অপলক হইয়া গেল। ইহার একটি হরিশের—অপরটি এক অপরিচিতার। হরিশ দাঁড়াইয়া—আর তাহার পদপ্রান্তে এক অর্দ্ধাবগুষ্ঠিতা নারী হাঁটু গাড়িয়া যুক্ত করে বসিয়া—রূপে, রেখায়, ছন্দে দু’টি হৃদয় যেন এক করিতেছে। সে শক্তিতভাবে আঙুল উচাইয়া যুগ্মেরে জিজ্ঞাসা করিল, “ইনি কে?”

পুরাতন বিশ্বত কাহিনীর অস্পষ্ট প্রতিবিম্ব এখানা। উভয়ের মধ্যে আজ পারাপারের ব্যবধান। পরিবর্তন অনেকই ঘটয়াছে। কিন্তু সে-দিনের সেই বসিবার ভঙ্গীটি—প্রীতি-শ্রদ্ধা ঢালিবার হেলিয়া-পড়া মনটি—প্রাণে প্রাণে নিঃশব্দিত হইবার অন্তরতম প্রার্থনাটি—প্রতিবিম্ব ঠিকমতই বিদ্যুত হইয়া আছে। তাহার

আর পরিবর্তন ঘটে নাই। এখন আবার অপর এক অমুসন্ধিৎসু নারীর সম্মুখেও সমস্ত সঙ্কোচ কাটাইয়া উঠিয়া ঠিক সে সেইরূপ অপরিবর্তনীয় হইয়াই রহিল। চোখে, মুখে অন্তরের ঠিক সেই উদ্বেলিত আবেদনই জাগ্রত করিয়া রাখিল—

“তুমি আমি এক দোহে

নিখিল বিখেতে আজ

মিথ্যা আর সবি।”

জীবন উৎসর্গ করিবার ইহার এই স্বতঃস্ফূর্ত রূপটি প্রতিভার বেশ ভাল লাগিল। সে পুনর্বার জিজ্ঞাসা করিল, “কে ইনি, বললে না ত’?”

হরিশ এবার কুণ্ঠিতভাবে বলিল, “উনি সম্পর্কে তোমার দিদি হ’ন।”

“বয়স ত’ খুবই কম। দিব্য শাস্ত-শিষ্ট ভাল মানুষটি। চেহারা দেখেই বুঝেছি, অন্তরে কোন গুণেরই অভাব নেই—সৌভাগ্যেরও সীমা নেই ওঁর।”

বাস্তবিকই চিত্রটির প্রতি শ্রদ্ধায় ও বিশ্বাসে সে এতই মুগ্ধ হইয়া গিয়াছিল যে, আলেখ্যখানা যে আত্ম-নিবেদনের ছবি, সে বিশ্বত হইল। বলিল, “মুখখানা দেখলে মনে হয় অত্যন্ত সহজ মানুষ, মনে কোন খুঁৎই নেই। স্বামীর কাছে থাকেন বুঝি?”

হরিশ কথা বলিল না।

প্রতিভা বলিল, “এ যাত্রা আমার বেশী দিন থাকা হবে না। অম্বলের অম্বলের জন্ত বাবা সেই যে এক সাধুর সঙ্গে কোথায় চ’লে গেলেন, এ পর্য্যন্ত কোন খবরই দিলেন না। এবার শুনা যাচ্ছে হিমালয়ের সন্নিকটে না-কি সাধুর সেই আশ্রম। দাদাকে ত’ ব’লে এসেছি, নিজেই চলে যেতে। আমি না গেলে কি তাঁর উদ্ভৃগ হবে?”

হরিশ এ সংবাদ জানিত। সে চুপ করিয়া রহিল।

প্রতিভা বলিয়া চলিল, “বাবার জন্তে মনে আদৌ শাস্তি পাই না। মায়ের অভাব তিনি কোনদিন আমাদের জানতে দেন নি। তারপর বিয়ে না হ’তে



হমের কপালটি গেল পুড়ে, এখন বাড়ীতে থাকাই যা।” তারপর তৈল-চিটটির দিকে দৃষ্টি দিয়া সে হিল, “এখানে থাকতে থাকতে একবার আনাও না কে। কি শাস্ত আর সরল চক্ষু দু’টি! আমার খতে ভারি ইচ্ছা হচ্ছে।”

মিনিট দু’য়েক বিষমুখে হরিশ যেন তন্ময় হইয়া গেল। তারপর নিঃশ্বাস ছাড়িয়া বলিল, “উনি এখন আনা-নেওয়ার বাহিরে। শুধু পটখানায় আমাদের কাছে সর্বস্ব হয়ে আছেন।”

এ বন্ধন-মুক্তির সংবাদে প্রতিভা কেমন হতাশ হইয়া ভাসিয়া পড়িল। কিছুক্ষণ শুক হইয়া দাঁড়াইয়া থাকিবার পর সে মাটির উপর হাঁটু গাড়িয়া বসিয়া বারম্বার মাথা নোওয়াইয়া এই ধ্যান-মগ্না কিশোরীর প্রতি শ্রদ্ধা প্রকাশ করিতে লাগিল। যখন উঠিয়া দাঁড়াইল, হরিশ তাহাকে দুইহাতে জড়াইয়া ধরিতে গেল।

উর্দ্ধস্থ ছবিখানার দিকে আর একবার মুখ তুলিয়া গাহিতে, এবার কিন্তু প্রতিভার দৃষ্টি হরিশের দণ্ডায়মান প্রতিটির দিকে সহসা খুলিয়া গেল। বিহ্বলবেগে ফিরিয়া দাঁড়াইয়া কম্পিত স্বরে সে অক্ষুট ধ্বনি করিয়া উঠিল। বলিল, “তোমারই ত’ পায়ের নীচে ব’সে—” আর কিছু মুখের বাহির হইল না। ওষ্ঠ দু’খানা নড়িয়া উঠিল মাত্র।

হরিশ বলিল, “পায়ের নীচে এ ভাবে আর কে ব’সে থাকতে পারে, প্রতিভা? তুমি কি এখানে এসেও কিছু শোন নি?”

প্রতিভা এবার বেশ সচেতন হইয়া উঠিল। কিন্তু তাহার মাথা ঘুরিতে লাগিল। পৃথিবীর এক প্রান্ত হইতে আর এক প্রান্ত পর্য্যন্ত যেন টলমল করিয়া উঠিল। কাঁপিতে কাঁপিতে মাটির উপর বসিয়া পড়িল।

হরিশ হতবুদ্ধি হইয়া ব্যস্তভাবে তাহার কম্পিত দেহ হাই-বেঞ্চে ধরিয়া ফেলিল। কণিকের মধ্যে মনে কত স্নেহ জাগিল। মুখে শুধু বলিল — “এত কাঁপছে কেন, প্রতিভা?”

“জগতে দুঃখ আছে — দন্দ আছে; গ্রহ-নক্ষত্রের খেলাও আছে—কিন্তু তাহা যে এমন আকস্মিক আর এমন অচিন্তিত, প্রতিভার জানা ছিল না। আপনাকে মুক্ত করিয়া লইয়া সে বিরক্তির স্বরে কহিল, “আমাকে ছুঁয়ো না তুমি।”

মুহূর্তের মধ্যে কি যে ঘটয়া গেল, হরিশ বিস্মিত, ভীত ও সম্বস্ত হইয়া উঠিল। প্রতিভা এক পার্শ্বে সরিয়া গিয়া নভ-মস্তকে দাঁড়াইয়া রহিল। আর এমন শিষ্ট-শাস্ত বিবেচক মেয়েটি কেন যে এমন করিতেছে, ইহার ভাবভঙ্গী দেখিয়া হরিশের প্রাণ উড়িয়া গেল।

প্রতিভা দেখিল, বেখানকার ভূমি আশ্রয় করিয়া ধরিতে তাহার লাতা রমেশ বেশ শুছাইয়া পাঠাইয়া দিল, সে স্থানে অপর এক নারীর অধিকার বিস্তীর্ণ। যে দাবী লইয়া সে উপস্থিত হইল, তাহা প্রব নয়—সত্য নয়। তাহার দুই চক্ষু জলে ভরিয়া উঠিল। মাথা উন্নত করিয়া আর একবার ছবিখানার দিকে সে চাহিল। দেখিল, চক্ষু দু’টি তেমনই স্নিগ্ধ—অন্তরটি তেমনই প্রার্থনারত। যুগ যুগ ধরিয়া এই মহা খেলাঘরে অভেদাঙ্গ্যরূপে খেলিয়া যাইবারই প্রার্থনা। ইহাকে নিরাশ করিবার দাবী উঠাইতে গেলে সমস্ত যুক্তিই দুর্বল হইয়া পড়িবে।

কিন্তু একটু আগে সে যেন শুনিয়াছে, ইনি এখন অদৃশ্য কোন্ জগতের। তা তিনি যে জগতেরই হউন না কেন, ছবিটি দেখিলে কে বলিবে ইহা শরীরী নয়? কে বলিবে ইহার প্রতি শিরাদিতে রক্তের স্রোত প্রবাহমান নাই? এত রঙ, এত রূপ, এত রস বাহাকে আশ্রয় করিয়া ধরিয়া আছে, তাহাকে হারাইয়া ফেলিয়াছি, কে ভাবিতে পারে? যুগান্তের হরিশের দিকে ষাড় ফিরাইতে তাহার বেদনাতুর চক্ষু দু’টি সম্মুখবর্তী খাটের উপর গিয়া পড়িল। দেখিল, পরিচ্ছন্ন শয্যার উপর দুই প্রস্থ বালিস। কুলদানীতে দুই পার্শ্বে দু’টি কুলের তোড়া। আতর-গোলাপের সুদ্ব গন্ধ বাতাসের সঙ্গে ভাসিয়া আসিতেছে। সম্মুখের ওই প্রার্থনারত পতিপ্রাণা নারীর কেশের কত সুগন্ধি—চোখের কত



প্রেমাত্র—মান-অভিমানের কত কি নিদর্শন শয্যার প্রতি অঙ্গে বোধ করি এ পর্য্যন্ত জড়াইয়া আছে। সেই শয্যার উপরে আর ওই দুই উৎকণ্ঠিত চক্ষুর সম্মুখে নির্দয় পুরুষটি অপর এক নারীর সঙ্গে আজ আবার না-জানি কত কি বিচিত্র অভিনয়ই করিবে! বোধকরি এমন একদিন গিয়াছে যেদিন সত্যই এই মানুষটি এই শয্যারই উপর বসিয়া স্বামী-স্ত্রীর অচ্ছেদ্য বন্ধনের কথা তুলিয়া অবাধে জানাইয়া দিয়াছিল যে, এ প্রেম অপর কাহাকেও দিবার নয়, এ প্রণয় শিথিল হইবার নয়—আর ইহার কিশোর-চিত্ত চঞ্চল হইয়া উঠিয়াছিল। আজ আবার অপর এক নারীর সঙ্গে সেই অভিনয়ই চলিবে। বিমলা যে তাহাকে পাতা কাটিয়া চুল বাঁধিয়া দিল, কানে চুণীর ছুঁটি ছল পরাইয়া দিল, এই বেশ আর এই মন লইয়া ঘরে ঢুকিবার প্রাকালে জল-স্থল, অন্তরীক্ষ কেন কাঁপিয়া উঠিল না? পৃথিবী কেন ক্রোধে জলিয়া উঠিল না? আর যিনি পটখানায় যে লোকটির নিকট সর্ব্বস্ব হইয়া আছেন, এ দৃশ্যে তাঁহারও বা কেন ধ্যান ভাঙ্গিয়া গেল না? চারিদিককার এই বিপুল রিক্ততার মাঝখানে কেন বা তিনি এমন রসের ডুবারিরূপে আত্মস্থ হইয়া রহিলেন? কণ্ঠাগত ক্রন্দন চাপিতে চাপিতে হঠাৎ সে দ্বার উন্মুক্ত করিয়া বাহির হইয়া গেল। যতক্ষণ দেখা গেল, ইহার ঋজু গতির দিকে তাকাইয়া এবং যখন আর দেখা গেল না, সেই বিরাট শূন্যতার দিকে দৃষ্টি-নিবদ্ধ করিয়া হরিশ অভিভূত হইয়া বসিয়া রহিল।

### চতুর্থ পরিচ্ছেদ

খণ্ডের ঘরের নিকট বাইরা সে দেখিল, ভিতর হইতে কবাক বন্ধ। অপর ঘরগুলিও তাই। সকলে যে বাহার ঘরে গুইয়া পড়িয়াছে। পুরী নিঃশব্দ—মৃত। শুধু স্বপ্নব্যাপী গাঢ় অন্ধকার জীবন পাইয়া নির্লিপ্ত বৈরাগীর মত ধ্যানস্থ। তখন পা টলিতেছিল,

দাঁড়াইয়া থাকিবার উপায় ছিল না। বুকের মধ্যে সংঘাত বাজিয়া রক্ত যেন নাচিয়া নাচিয়া উঠিতেছিল। দেহ রক্ষা করিবার মত একটু স্থান অবিলম্বে না মিলিলে হয়ত সে চলিয়া পড়িবে। অথবা গভীর স্তম্ভি ভাঙ্গিয়া সহানুভূতিপূর্ণ অন্তরে কেহ যদি তাহার দিকে ছুটিয়া না আসে, হয়ত সে আত্মনাদ করিয়া কাঁদিয়া উঠিবে। সে রেলিং আশ্রয় করিয়া দূর আকাশে নক্ষত্রালোকের দিকে শুক চক্ষু দু'টি নিবদ্ধ করিয়া রহিল। কিন্তু এই বর্ষরতার বিরুদ্ধে হাত দু'টি যুক্ত করিতে আগ্রহ হইল না। লজ্জা ও খর্ব্বতার মাথা কেমন হেঁট হইয়া পড়িল। পরের দেওয়া দুর্গতি ও অপমানের জ্বালা এমন ভীত যেন পঙ্কর চিরিয়া বসিতেছিল।

হরিশ যখন বাহিরে আসিল, পূর্বদিকে শুকতার জলিতেছিল। জ্যোৎস্নার আলোকে দেখিল প্রতিভা ভূতাবিষ্টের গ্রাস বারাগ্রার রেলিং-এ ঠেসান দিয়া বসিয়া আছে। তাহার গন্তীর মূর্তির দিকে চাহিয়া চতুর্দিকের ঘন-অন্ধকারও যেন ভয় পাইয়া সরিয়া দাঁড়াইয়াছে। চক্ষু দু'টি মহাসমুদ্রের মত অস্থির, উদ্বেল। রক্ত-ওঁ কাঁপিতেছে। সামান্য একটা তুচ্ছ উপলক্ষ্য লইয়া এতদিনের সাগ্রহ প্রতীক্ষাকে এমন ধূলির সহিত মিশাইয়া দিতে চাহিতেছে, তাহার মতো শিক্ষিতা মেয়ের মনের এ শোচনীয় অবস্থা স্মরণ করিয়া হরিশের দুঃখ হইল। সে ধীরে ধীরে আসিয়া মৃদুস্বরে আহ্বান করিল, “ঘরে এস, প্রতিভা! কোন্ দিক দিয়ে কে যেনে ফেলবেন, আমাকে আর লজ্জা দিও না।”

সে কথা বলিল না। ফিরিয়াও চাহিল না। সজল দৃষ্টি ভূপৃষ্ঠে নিবদ্ধ করিয়া স্থির হইয়া বসিয়া রহিল।

হরিশ দাঁড়াইয়া দাঁড়াইয়া উত্তেজিত হইয়া উঠিলে লাগিল। কিছু রক্তমাংসের দেহ নয়, দেওয়ালের একখানা পট, তাহার সঙ্গে সম্পর্কই বা কি? কাগজে উপর তুলির আঁচড় সহিতে পারিতেছে না, এ কেমন মেয়ে? বাহিরের ভীতি ত' বেশ! যেন জর জন্মান্তরের সঞ্চিত কণ্ঠ-পিপাসা ইহার বুকে! অন্তরে স্বতঃস্ফূর্ত প্রেম-ভক্তি বন্টন করিয়া যাওয়া ইহা



নিত্যকালের ধর্ম! ক্রোধ চাপিয়া সে আরও বারকয়েক সাধ্যসাধনা করিল। অবশেষে অপারগ হইয়া নিজের ঘরে সে ফিরিয়া চলিয়া গেল এবং দরজা খোলা রাখিয়া বালিস বুকে চাপিয়া ধরিয়া শয়্যার উপর পড়িয়া রহিল।

প্রতিভার গা দিয়া ঘাম ঝরিতেছিল। কেমন অসহ্য বেদনাও বোধ হইতেছিল, কে যেন হৃদপিণ্ডটি শক্ত মুঠায় চাপিয়া ধরিয়াছে, ছাড়িতে চাহিতেছে না। এমন একটি ব্যাপার নিরুপদ্রবে দুই পক্ষের যোগ-সংযোগে বেশ হাসিমুখেই নিষ্পন্ন হইয়া গিয়াছে! পিতার প্রতি তাহার অভিমান হইল। তিনি গৃহে থাকিলে এমন হইতে পারিত না। ভ্রাতার উপর ক্রোধ জন্মিল। আর যে লোকটি ছাদনাতলায় আঙুলে আঙুল ঠেকাইয়া মিলনের ভিত্তি দৃঢ় করিয়া লইবার অধিকারে রাত্রির এই ঘনাক্ষকারে নিজের ঘরে আশ্রয় করিয়া গেল, তাহার উপর সমস্ত চিন্তা বিতৃষ্ণায় ভরিয়া উঠিল।

পিতার কাছে শিশুকাল হইতে সত্যকে সে শ্রদ্ধা করিতে শিখিয়াছে। কর্ণে মগ্ন পাইয়া আসিয়াছে— স্বামী শুধু ইহকালের নয় — পরকালেরও সেই একমাত্র দেবতা। মৃত্যুর সঙ্গে সঙ্গে এ-বন্ধন ছিন্ন হয় না। একই পতি কালে কালে তাহারা পাইয়া থাকে। হী যদি স্বামীর অর্দ্ধাঙ্গিনী — পবিত্র সংযোগের যে যুগ্ম-চিত্র এইমাত্র সে টাঙান দেখিয়া আসিল, সে কি তাহাতে যোগ দিয়া ইহাকে দশমিকে আকার দিবে? তাহার ইচ্ছা হইতেছিল সেই মুহূর্ত্তে পিতার নিকট ছুটিয়া যায়। যাইয়া জিজ্ঞাসা করে—এ-সকল মিথ্যা-সংস্কার রক্তের মধ্যে কেন গাঁথিয়া দিয়াছিল? তুমি দেবতা — বল, আমাকে বাঁচাও।

সংসারের এ অত্যাচার, এ অভিনয়, কিছু নূতন নয় — নিতাই চোখে পড়িতেছে, বেদনাও দিতেছে। কিন্তু নিজের জীবনে আজি তাহার এই বেদনা অতি আশ্চর্যরূপে সচেতন হইয়া উঠিল।

সমস্ত রাত্রি বারাণ্ডায় বসিয়া কাটাইবার পর

উঠিয়া দাঁড়াইতে গিয়া পা টলিতে লাগিল। দেহে যেন রক্তের কণিকামাত্র নাই। চোখে মুখে জলের ঝাপটা দিয়া স্থলিত দেহে সম্মার্জনী লইয়া বাহিরের বারাণ্ডা-গুলি ধুইয়া মুছিয়া পরিষ্কার করিতে সে লাগিয়া পড়িল। রাত্রে ঘোর তখনও কাটে নাই।

সর্বপ্রথমে নিস্তারিণী দ্বার খুলিয়া বাহির হইলেন। এই অবসরে সে তাড়াতাড়ি শব্দরের ঘরের মধ্যে যাইয়া ঢুকিয়া পড়িল। কমলকঙ্কণের ঘুম ভাঙ্গিয়া গিয়াছিল। দেহ স্তব্ধ হইলে তিনি এতক্ষণ উঠিয়া পড়িতেন। সে করিল, “রাত্রে বেশ ঘুমুতে পেরেছেন, বাবা?”

তিনি বলিলেন, “হ্যাঁ, মা! বেশ ঘুম হয়েছে, কোন কষ্টই হয় নি।”

সে-ঘরটিও সে ধুইয়া মুছিয়া জ্বিনিষপত্র গোছাল করিয়া চারিদিকে বেশ চেতনা সঞ্চার করিয়া দিল। শব্দরের শয়্যাটি পাল্টাইয়া দিয়া বাসি বিছানার কতক বা কাচিয়া কতক এমনই রোদ্রে শুকাইতে দিল। তারপর তেল মাখায় দিয়া স্নান করিতে গেল।

বিমলার উঠিতে বেলা হইয়াছিল। ছেলেটির খেজমত খাটিয়া এতক্ষণে সে একবার পিতার নিকটে আসিল এবং মাটির উপর বসিয়া পড়িয়া ছেলেকে লইয়া আদর করিতে লাগিল।

ইতিমধ্যে প্রতিভা রান্নাঘর হইতে জল গরম করিয়া লইয়া উপরে আসিল। ঘোমটা অল্প টানা, বস্ত্রের আড়াল হইতে ভিজা চুলের আগার দিকটা দেখা যাইতেছিল। হাতে জলের বালতি, বামহস্তের বাহুর উপর একখানা তোয়ালে। বিমলা তাহাকে দেখিয়া চমকাইয়া গেল। দেখিল, ইহার আগরণ-ক্লিষ্ট মুখে অটল বেদনার চিহ্ন। মুখের সে নিত্যকার হাসি ফুটি ফুটি করিয়া যেন মধ্যপথে হারাইয়া যাইতেছে। সে বলিল, “এ কি বো! এক রাত্রিরে শরীর অর্ধেক হ’য়ে গেছে, চোখের পাতায় কালি পড়েছে, এ কি চেহারা ক’রেছে?”

কমলকঙ্কণ ব্যস্তভাবে চক্ষু ফিরাইয়া দেখিলেন। সত্যই ত’ দেহখানা অত্যন্ত শীর্ণ দেখাইতেছে। সবেমাত্র স্নান



সারিয়া আসিলেও চক্ষু ছুঁটি দিয়া যে অজস্র অশ্রু ঝরিয়া পড়িয়াছে এমন একটা স্থির বেদনার লক্ষণ ধরা পড়ে।

এ বাড়ীর সকলেই জানে গতরাত্রি স্বামীর সঙ্গে তাহার এক বিছানায় কাটিয়াছে। হয়ত জাগিয়াই কাটিয়াছে — বিমলার কথায় লজ্জায় সে মাথা হেঁট করিল।

কমলকৃষ্ণ এ সঙ্কোচ-ভাব লক্ষ্য করিলেন। আর্জকণ্ঠে বলিলেন, “শরীরের আর অপরাধ কি? এসে অবধি মায়ের ত’ হাত, পা, চোখের — কোনটিরই বিশ্রাম নেই।”

খাটের রেলিং-এর গায়ে একটি বালিস উঁচু করিয়া দিয়া প্রতিভা বলিল — “জল জুড়িয়ে গেল, বালিসটার একটু ঠেস দিয়ে বসতে পারবেন, বাবা? গা’টা পুঁছে দিতাম।”

কিন্তু ইহার মুখখানা গতকালও ত’ এমন শুষ্ক, এমন ব্যথায় ভরা ছিল না। তাঁহার এই গুঞ্জাবা ছাড়া কি অপর আরও একটি ক্লান্তির দিক আছে, যে পথে দেহের রক্ত-মাংস অতি শীঘ্র এবং গোপনে এমন জল হইয়া চলিতেছে? সংশয়ে তাঁহার চিত্ত আচ্ছন্ন হইয়া উঠিল।

তিনি ধীরে ধীরে উঠিয়া বালিস ঠেস দিয়া বসিলেন। গরম জলে তোয়ালে ডুবাইয়া নিঙ্ড়াইয়া প্রতিভা তাঁহার গা-হাত-পা, বেশ করিয়া মুছাইয়া দিল এবং বস্ত্র ত্যাগ করিতে একখানা কাপড় কোঁচাইয়া হাতের কাছে ধরিয়া দিল। কমলকৃষ্ণ জিজ্ঞাসা করিলেন, “আজ সেবার ব্যবস্থা কি করেছ, সাবু?”

প্রতিভা অল্প হাসিয়া কহিল, “ডাক্তার এখনি আসবেন। দেখা যাক, কি বলেন।”

ডাক্তার আসিয়া হুধ-পাঁউরুটির ব্যবস্থা করিয়া গেলেন। প্রতিভা অধিকন্তু তাহাতে কিস্মিস্ ছড়াইয়া দিয়া পথ্য করাইল। উচ্ছিষ্ট খালা-বাটি লইয়া বাহিরে আসিতেই সে দেখিল, হরিশ জামা-জুতা পরিয়া বাহির হইয়া গেল। বাসন ক’খানা নির্দিষ্ট স্থানে রাখিয়া দিয়া এই অবসরে সে একবার তাহার

ঘরে ঢুকিল এবং সেই চিত্রটির সন্নিকটে আসিয়া দাঁড়াইল। দেখিল, কিছুই বদলায় নাই। বসিবার সেই সে ভদ্রী—অপরের পাদমূলে বাঁচিয়া থাকিবার সেই সে প্রার্থনা! কি সংশয়হীন নির্ভরতা বলিল, ধন্য তুমি দিদি! প্রার্থনা করি তোমার এ সাধনা সার্থক হউক! কিন্তু নিজের দেহ-মন, বিবেক-বুদ্ধি, জন্ম-জন্মান্তরের স্থিতিতে অপরের সঙ্গে একীভূত করিয়া দিবার যে একমাত্র সত্যকথা—প্রত্যেক নারীই অন্তরে অন্তরে অনুভব করিয়া শেষ-বিদায় লইতেছে, তাহা কি সামান্য? যদি সামান্যই হয়, যেরূপ দূরে তুমি সরিয়া গিয়াছ মন-প্রাণও সেইরূপ সরাইয়া লও। কি লুকু আশ্বাসে আর পায়ের তলায় বসিয়া কাটাইবে? হাত খুলিয়া লও, তোমার শাস্তি আশ্রুক! ইহকাল-পরকাল জড়াইয়া এই রহস্যময় মায়ার অনন্ত কোতুকে ধ্যানস্থ ইন্দ্রিয়সকল একাগ্র করিয়া রাখিয়াছ, তাই গুনিতে পাও নাই বিসর্জনের করুণ-রাগিনী কোন্ সময় কানের কাছে বাজিয়া গিয়াছে। ইহার পরেও যদি তুমি এমনি যুক্ত-করে ইহার পদপ্রান্তে বসিয়া বসিয়া অমূল্য সময় অযথা কাটাইয়া দাও, তোমার অমর্যাদা হইবে।

সে ভূমিতলে মাথা নত করিয়া পুনর্বার বলিতে লাগিল — আমার অপরাধ নিও না, ভাই! নিজের স্বার্থের জন্ত এ কথা বলি নাই। সংসারে নারীর যাহা অমূল্য সম্পদ — সেই সর্বশ্রেষ্ঠ বিত্ত তোমার কাড়িয়া লইব না। নারী আমি—নারীর মনের খবর আমি ত’ বুঝি? অন্তর্গামীর উপরে যাহাকে আসন দিয়াছ—যাহার প্রাণের যোগ লইয়া চোখের পলক হারাইয়াছ — সেই সত্য যিনি এড়াইয়া চলিলেন, তোমার পবিত্র মূর্তি দেওয়ালে টাঙাইয়া রাখিয়া অপমান করিবার কি অধিকার তাঁহার আছে? দিদি! ভগবান তোমাকে নিরাপদ করুন—নির্ভর করুন। তোমার পবিত্র শয্যাটির উপর আমি জানিয়া-গুনিয়া লোভ করি নাই—তোমার নির্জন আলয়ে আমি জানিয়া-গুনিয়া প্রবেশ করি নাই। আমাকে ক্ষমা কর।



সে পুনর্ব্যার ইহার পদ-প্রান্তে মাথা নত করিল। দ্বারের ফাঁক দিয়া বিমলা কিন্তু একান্ত সন্নিহিতে দাঁড়াইয়া এ সকল দেখিতেছিল। সে ঘরে ঢুকিয়া বলিল, “অত মাথা কুট্ছ কার পায়ে? আমাদের রাধা-গোবিন্দের পায়েও ত’ অমন ক’রে মাথা ঠুকতে কাকেও দেখি না! তুলির আঁচড় দেখেই ভুলে গেলে? আচ্ছা সতীন-ভক্ত মেয়ে ত’ তুমি?”

প্রতিভা লজ্জায় ঘাড় নত করিল। বলিল, “সত্যি দিদি! ওঁর পায়ে আপনাকে বিলিয়ে দিতে ইচ্ছা করে। তা ছাড়া ওঁর কাছে একটা গুরুতর অপরাধও আমার আছে।”

শেষের কথাটি বলিয়া ফেলিয়া সে কিছু কুণ্ঠিত হইয়া পড়িল এবং কি দিয়া ইহাকে আড়াল করিবে, ভাবিতে লাগিল।

বিমলার কিন্তু সুর বদলাইয়া গেল। সে বলিল, “আমি সকালবেলা হুঁজনার চোখ-মুখের কালি দেখে বুঝতে পেরেছিলাম। সকল ছেড়ে সুদূর স্বর্গে যে চ’লে গেল, তার সম্বন্ধে আর কথা কি! সতীন এমনি জিনিষ বটে। কিন্তু ওই মানুষটিকে যদি জীবন্ত কাছে পেতে, পাশাপাশি কাজ-কর্ম ক’রে যেতেও আটকাত না। কি বোঁ যে গেছে আমাদের, সাতখানা গাঁ খুজলেও অমনটি আর মিলবে না। এত শীঘ্র চলে যাবে জানতে পেরেই বোধ করি সমস্ত বাড়ীটার সে আপনাকে এমন ক’রে ছড়িয়ে রেখে গেছে।”

এই বলিয়া সে হাত ধরিয়া তাহাকে উঠাইয়া লইয়া মৃত্যু বধূটির হাতের নিদর্শন ঘরে ঘরে দেখাইয়া লইয়া বেড়াইতে লাগিল। দেওয়ালে টাঙান কার্পেটের উপর কত রকমের লেখা। একটির উপর প্রতিভার মন আকৃষ্ট হইল। লেখা ছিল—

“হং জীবিতং, স্বমসি মে হৃদয়ং দ্বিতীয়ং  
হং কৌমুদী নয়নয়োঃমৃতং স্বমঙ্গে।”

প্রতিভা ভাবিল—ইহাই তাহার অন্তরের কথা। সমস্ত নারী-জাতির মনের কথাই এই।

বিমলা তারপর দেখাইল, কার্পেটের উপর অঙ্কিত কত রকমের পাখী, কুকুর, বিড়াল, হরিণ, দেব-দেবীর প্রতিমূর্তি। তারপর দেখাইল, পুঁতির কাঁপি, পুঁতির বাস্ক, পুঁতির কলম-দানি, কড়ির খেলনা। ভেলভেটের বরাসন, ভেলভেটের তাকিয়া—কত কারুকার্য তাতে খচিত রয়েছে। মাটির ছাঁচ, বাস্কের ঘেরাটোব, বালিসের ওয়াড়, কালর, আরও কত কি—বাহা চোখে পড়িতেছিল, দেখাইয়া যাইতে লাগিল।

এ সকল দেখান শেষ হইলে তাহারা আবার পূর্বের স্থানে আসিয়া উপবেশন করিল। বিমলা বলিল, “হতভাগী চ’লে গেল! বেঁচে থাকলে হয়ত তোমার আসার কোন প্রয়োজনই হ’ত না। যদি বা আসতে—চোখের কোণে এমন কালি পড়ত না।”

প্রতিভার বৃকে স্বভাবতঃ একটা আঘাত লাগিতে পারিত। কিন্তু তাহার এই অভিশপ্ত বিফল জীবনটি অতঃপর যে কতজনের চক্ষে, কত রকমে দেখা দিবে তাহার বোধকরি সীমা-পরিসীমা নাই। তাই সে উপেক্ষা করিয়া গেল। বিমলার ছেলে পঞ্চু দ্বারের কাছে দাঁড়াইয়াছিল, সে ঘাইয়া তাহাকে ক্রোড়ে তুলিয়া লইয়া বৃকে চাপিয়া ধরিল। বলিতে লাগিল, “আচ্ছা, খোকনকে জিজ্ঞাসা করি, ওর মনেত কোনও পাপ নেই। বলত খোকনমণি! এক দিনের জঁঘায় কি চোখের পাতায় কালি পড়ে?”

পঞ্চু বলিল, “মা আমাকে কাজল পরিয়ে দেয় নি।”

“তা দেবেন কেন? ছেলের আদর-যত্ন করতে তোমার মা কতই জানেন। চল, আমি তোমাকে কাজল পরিয়ে দোব।”

পঞ্চুকে ক্রোড়ে লইয়া সে বিমলার ঘরে চলিয়া গেল এবং গামছা দিয়া হাত-পা মুছাইয়া কাজল পরাইতে বসিল।

(ক্রমশঃ)



## পাশ্চাত্য প্রতিভা

### জর্জ বার্নার্ড শ

#### শ্রীঅমরেন্দ্রনাথ মুখোপাধ্যায়

একদা একটি অভিনয়ের আসরে বার্নার্ড শ-কে বক্তৃতা দিতে বলা হয়। অমরোধ্য অমুসারে যবনিকার পরদা সরিয়ে তিনি দর্শকদের স্রুক্ষে উপস্থিত হ'তেই সমগ্র জনতা উজ্জ্বলিত কণ্ঠে তাঁর জয়ধ্বনি ক'রে উঠলো। কয়েক মিনিট পরে কলরোল শেষ হ'লে সহসা শোনা গেল পিছনের গ্যালারি থেকে একটি দর্শক দাঁড়িয়ে উঠে, মুখের অদ্ভুত আওয়াজ ক'রে, বার্নার্ড শ-কে বিদ্রূপ করছে!

জনতা ক্ষুব্ধ, ক্ষিপ্ত হ'য়ে উঠলো। কিন্তু বার্নার্ড শ নির্বিকার। মৃদু হেসে তাকে উদ্দেশ্য ক'রে ব'ললেন—  
My friend! I quite agree with you; but what are we two against so many?

এমনি ধরণের সরস ও সপ্রতিভ উক্তির জন্ত বার্নার্ড শ পৃথিবী-প্রসিদ্ধ। শুধু সরস উক্তিই নয়, মাঝে মাঝে তিনি আচম্বিতে এমন কঠিন কথা বলেন, যা নিয়ে সারা জগতে রীতিমতো আন্দোলন প'ড়ে যায় — Every man above forty is a scoundrel — তাঁর এই কথাটি নিয়ে বহুদিন পৃথিবীময় তুমুল বাদ-প্রতিবাদ চলেছিল। এমনি ধরণের আরও অনেক বচনই তাঁর মুখ দিয়ে নির্গত হয়েছে।

একবার এক সুন্দরী-শ্রেষ্ঠা নটী তাঁকে এক পত্রে লিখেছিলেন—“যদি আপনার সঙ্গে আমার বিবাহ হ'ত, তা'হলে আমার দেহ-সৌষ্ঠব এবং আপনার মস্তিষ্ক নিয়ে যে ছেলে জন্মাতো সে হ'ত পৃথিবীর আদর্শ।”

উত্তরে বার্নার্ড শ লিখেছিলেন—“কিন্তু তা তো না-ও হ'তে পারতো! সে-ছেলে যদি আমার দৈহিক সৌষ্ঠব এবং তোমার মস্তিষ্ক নিয়ে জন্মাতো, তা'হলে সে কি হ'ত?

ক্লান্ত সন্ত্যভাষণে এবং প্রচলিত সমাজ-বিধির ক্রমাহীন

সমালোচনায় জর্জ বার্নার্ড শ-র লেখনী বা জিহ্বা কোনদিন কুণ্ঠিত হয় নি।

অনেকের ধারণা বার্নার্ড শ পুরোপুরি আইরিশ, তা নয়। তাঁর পূর্বপুরুষগণ স্কটল্যান্ডে বাস করতেন। তৃতীয় উইলিয়মের রাজত্বকালে তাঁরা আয়ারল্যান্ডে গমন করেন।

১৮৫৬ খ্রীষ্টাব্দের ২৬-এ জুলাই ডাবলিন শহরে বার্নার্ড শ ভূমিষ্ঠ হ'ন।

তিনি তাঁর পিতার একমাত্র পুত্র। ছেলেবেলায় তিনি ছিলেন যারপরনাই অলস ও অপদার্থ (তাঁর নিজের কথা)। পনেরো বছর বয়সে তাঁকে এক অফিসে কেরানীর কাজে ভর্তি ক'রে দেওয়া হয়; কিন্তু সে কাজে তিনি মোটেই মনোযোগ অর্পণ করতেন না। তাঁর দিনমানের বেগীর ভাগ সময় তখন ডাবলিন্ জাতীয় চিত্রাগার কিনা সাধারণ গ্রন্থালয়ে অতিবাহিত হ'ত। তখন তাঁর জীবনের উচ্চাকাঙ্ক্ষা ছিল—“কেমন ক'রে আমি মিকালেন্জেলোর মতো ছবি আঁকতে পারবো।”

পাঁচ বছর পরে তিনি লণ্ডনে তাঁর মায়ের কাছে চ'লে আসেন। শিল্পে ও সঙ্গীতে তাঁর মা ছিলেন একজন মনস্বিনী মহিলা; বার্নার্ড শ বলেন যে, তাঁর মায়ের কাছ থেকেই তিনি শিল্প-জ্ঞান এবং মানসিক শক্তি লাভ করেছেন।

লণ্ডনে এসে তিনি লিখতে শুরু করলেন। কুড়ি বছর মাত্র বয়স, মুখে দাড়ি-গোঁফের রেখা দেখা দিয়েছে (তখন থেকেই তিনি স্থির করেছিলেন যে, গণ্ডদেশে তিনি কখনো স্কুর চালনা করবেন না), অপরিচিত, অনভিজ্ঞ এবং জীবন-সম্বন্ধে নিরতিশয় কৌতূহলী



লেখক তখন থেকেই প্রচলিত সামাজিক প্রতিষ্ঠানগুলির সম্বন্ধে তাঁর তীব্র মতামত প্রকাশ করতে লাগলেন।

অতি অল্পদিনের মধ্যেই তিনি আবিষ্কার করলেন যে, প্রায় সকল বিষয়েই চলিত মতবাদের সঙ্গে তাঁর মতের মিল নেই; কিন্তু তাতে তিনি বিচলিত হলেন না, সদৃশ বিশ্বাস করলেন, তাঁর মতই সত্য, অন্য সকলে ভ্রান্ত।

এতখানি আত্মবিশ্বাস নিয়ে বোধ করি আর কোন সাহিত্যিকই তাঁর লেখক-জীবন আরম্ভ করেন নি। বার্গাড শ-র বিশ্বাস ছিল যে, তাঁর মধ্যে প্রতিভার দীপ্তি আছে, সাধারণের অনেক উর্দ্ধে তিনি, এবং সে-কথা, আজ না হোক, দু'দিন পরে পৃথিবীর লোক নিশ্চয় উপলব্ধি করবে।

নাট্যকার বার্গাড শ-কে জানতে হ'লে তার আগে সংস্কারক বার্গাড শ-কে জানা দরকার; কারণ, সংস্কারকের ভিতর দিয়েই নাট্যকার বিকাশ লাভ করেছে। অনেকের মতে, বার্গাড শ প্রথমে প্রচারক, পরে নাট্যকার,—কথাটি ভিত্তিহীন নয়।

ইতিমধ্যে কয়েক বছরে তিনি অনেকগুলি উপন্যাস রচনা করেছিলেন কিন্তু কোন প্রকাশকই তাদের প্রকাশ করতে রাজী হয় নি। ন-বছর ধ'রে লেখকের কাজ ক'রে তিনি উপার্জন করেছিলেন—নব্বই টাকা। অনেকে তাঁকে লেখা-সম্বন্ধে নানা রকম অশ্লীল উপদেশ দিলে, কিন্তু সে-সব কথায় কর্ণপাত না ক'রে তিনি একভাবেই তাঁর কলম চালিয়ে চললেন।

এই সময় তাঁর জীবনে এক বিরাট পরিবর্তন এলো। 'কারিংটন ষ্ট্রীট মেমোরিয়াল হল'-এ আমেরিকান প্রচারক হেনরি জর্জ বক্তৃতা করছিলেন। বক্তৃতার বিষয় ছিল—“প্রগতি ও দারিদ্র্য”। বার্গাড শ সেই সভায় উপস্থিত ছিলেন। এই ঘটনাটিই বোধ করি তাঁর জীবনের সবচেয়ে গুরুত্ব-বিশিষ্ট ঘটনা; সেই দিনই তিনি প্রথম উপলব্ধি করেছিলেন যে, তাঁর এতদিনের যুগান্ত “সামাজিক চেতনা” সেদিন পরিপূর্ণ-

রূপে জাগ্রত হয়েছে; এতদিন তিনি শুধু নিজের এবং পারিপার্শ্বিক অবস্থার সঙ্গে যুক্ত করছিলেন, সেদিন দেখতে পেলেন মানব-সমাজের অখণ্ড রূপটি, তাঁর দৃষ্টির সম্মুখে প্রথম প্রতিভাত হ'ল—সেই সমাজের অসংখ্য দোষ-ত্রুটি, অগণিত অনৌচিত্য।

তিনি তখন নিজে সংস্কারক ও প্রচারক হবার সঙ্কল্প করলেন; আবিষ্কার করলেন যে, তাঁর অদৃষ্টে মহানগরী লণ্ডনকে শিক্ষিত করবার ভার পড়েছে; (তাঁর নিজের কথা); সুতরাং, সেই দিন থেকে তিনি প্রত্যেক সভায় যোগদান করতে লাগলেন এবং মনের ভীষণ লাজুকতা সত্ত্বেও শ্রোতৃমণ্ডলীর কাছে তাঁর তীব্র মতবাদ প্রচার করতে লাগলেন।

সময় সময় বক্তৃতা দিতে উঠে তাঁর পা টলতে থাকতো, বুক কাঁপতো—মনে হ'ত যেন এখুনি প'ড়ে যাবেন; বক্তৃতার কথা যেতেন ভুলে, প্রতিপাল্য বিষয় কিছুতেই মনে আসতো না। কিন্তু সে-সব সত্ত্বেও তিনি যা বলতেন শ্রোতার। সে গুলি বিশেষ উপভোগ করত। কিছুদিনের মধ্যে, শুধু জনসভায় নয়, পথ-প্রান্তে এবং পার্কগুলির ভিতরেও তিনি শ্রোতৃবর্গের কাছে একজন পরিচিত শক্তিমান বক্তারূপে সমাদৃত হ'তে লাগলেন।

বক্তৃতার দ্বারা প্রচার-কার্যের প্রতি তাঁর ছিল অদম্য আগ্রহ। একদা এক বর্ষণ-সিক্ত রবিবারের অপরাহ্নে তিনি বক্তৃতা দেবার জন্ত 'হাইড পার্কে' উপস্থিত হলেন। কেউ তার বক্তৃতা শোনবার জন্ত সমবেত হ'ল না, শুধু দু'জন পাহারাওয়াল। তাঁর আশে-পাশে ঘুরতে লাগলো, —তাদের প্রতি এই হুকুম ছিল যে, যদি সেই কুখ্যাত বক্তা আইনের গতি পেরিয়ে কোন কথা বলে, তা'হলে তৎক্ষণাৎ তাঁকে যেন গ্রেপ্তার করা হয়। ভীত বা দমিত না হ'য়ে বার্গাড শ তাদের কাছেই বক্তৃতা স্লক ক'রে তাদের সাগ্রহ মনোযোগ আকর্ষণ করলেন।

এই সব বক্তৃতা তিনি দিতেন — জনসাধারণের চিত্তকে উদ্বুদ্ধ করবার জন্তে; তাঁর মতের সঙ্গে তাদের



মতের মিল না হোক, কিন্তু তারা সেই সকল মতামত নিয়ে আলোচনা করুক, তারা ভাবতে শিখুক, তাদের চৈতন্য জাগ্রত হোক—এই ছিল বার্নার্ড শ-র উদ্দেশ্য। সে উদ্দেশ্যে তিনি অনেক পরিমাণে সফলকাম হয়েছিলেন।

১৮৮৪ সালে বার্নার্ড শ ফেবিয়ান সমিতিতে যোগদান করেন; কয়েকজন সমাজ-বিজ্ঞানের ছাত্র ও চিন্তাশীল মনীষী ব্যক্তি এই সমিতি গঠন করেছিলেন। বার্নার্ড শ এই সমিতিতে প্রবেশ করে অতি শীঘ্রই তাকে একটি শক্তিশালী প্রতিষ্ঠানে পরিণত করলেন। এই সমিতি থেকে প্রকাশিত বক্তৃতাবলী ও পুস্তিকাগুলি দেশের মধ্যে বিশেষ প্রভাব বিস্তার করেছিল এবং এঁদের দ্বারা প্রচারিত কয়েকটি সমাজ-সংস্কার-সম্বন্ধীয় প্রস্তাব আইনের দ্বারা বলবৎ করা হয়েছিল।

জন-সাধারণের এবং সমাজের কাজে আত্মনিয়োগ করবার পর বার্নার্ড শ উপন্যাস রচনা পরিত্যাগ করলেন, কিন্তু তাই বলে তাঁর সাহিত্য-চর্চা ব্যাহত হল না,—সাংবাদিক ও সমালোচক হিসাবে তাঁর নাম দেশ-বিদেশে ছড়িয়ে পড়তে লাগলো। সেই সময়, তাঁর নামের প্রসার দেখে যে প্রকাশকেরা একদিন তাঁর রচনা অমনোনীত করেছিল, তারাই এসে সেগুলির জন্তে তাঁর দরজায় ধর্না দিতে লাগলো।

রবার্ট লুই স্টিভেন্সন্ তখন খ্যাতির চরম শিখরে; তিনি বার্নার্ড শ-র উপন্যাস “Cashel Byron's Profession” সম্বন্ধে একটি বিশেষ কোতূকাবহ মত প্রকাশ করেছিলেন; অত্যাশ্চর্য্য কথার মধ্যে এই কথা-গুলিও ছিল—

“A combination of struggling, overlaid, original talent and blooming gaseous folly ...”

পরে স্টিভেন্সন্ রীতিমতো বার্নার্ড শ-র ভক্ত হ'য়ে দাঁড়িয়েছিলেন।

বার্নার্ড শ-র সমালোচক-জীবনের সবচেয়ে গৌরবময় সময় হচ্ছে ১৮৯৫ থেকে ১৮৯৮ খৃষ্টাব্দ; সেই সময়

Saturday Review-র পাতায় তিনি নিয়মিতভাবে তদানিস্তন-কালের কৃত্রিম, প্রাণহীন এবং অপদার্থ নাটক-গুলির উপরে তাঁর বিষাক্ত বাক্যবাণ নিক্ষেপ করতে লাগলেন। প্রচার করতে লাগলেন যে, ঐ-সকল হাতকর উদ্ভট ও অস্বাভাবিক নাটক নিয়ে আনন্দে নেচে ওঠা ইংরাজ দর্শকের পক্ষে নিরতিশয় লজ্জাকর অজ্ঞানতা; নাটকের মধ্যে ইবসেন যে বুদ্ধি ও মানসিক শক্তির পরিচয় ফুটিয়ে তুলেছেন, তাকে উপলব্ধি করবার সময় এসেছে, এবং সেই সঙ্গে এসেছে দোষে গুণে তৈরী মানুষকে সমবেদনা-সহকারে বোঝবার দিন।

বার্নার্ড শ তাঁর প্রথম নাটক রচনা করেন একা ও স্বাধীনভাবে নয়—আর একজনের সহযোগিতায়। তাঁর নাম উইলিয়াম আর্চার—তখনকারদিনের একজন লক্ষ-প্রতিষ্ঠ সমালোচক।

কথা ছিল আর্চার সরবরাহ করবেন গল্পাংশ এবং শ রচনা করবেন সংলাপ। প্রথমে কাজ বেশ ভালো-ভাবেই অগ্রসর হয়েছিল এবং শ নাটকের দুই তিন অঙ্ক সমাপন করেছিলেন; পরে, কি কারণে জানা নেই, আর্চার আর গল্পাংশ দিয়ে শ-কে সাহায্য করতে রাজী হলেন না এবং শ-ও তাঁর অসমাপ্ত নাটক বাক্স-বন্দী ক'রে রাখলেন।

উক্ত ঘটনার সাত বছর পরে ইন্ডিপেন্ডেন্ট থিয়েটারের সভাপতি বার্নার্ড শ-কে একটি নূতন ধরনের নাটক লিখে দেবার জন্ত অহুরোধ করেন—ঐ থিয়েটারে, প্রচলিত সাধারণ শ্রেণীর নাটকের চেয়ে অপ্রচলিত ও অসাধারণ শ্রেণীর নাটকের চাহিদা ছিল বেশী। কাজেই বার্নার্ড শ-কে তাঁরা নাট্যকার হিসাবে যোগ্যপাত্র বিবেচনা করলেন এবং বার্নার্ড শ-ও তাঁদের মনোবাঞ্ছা পূর্ণ করলেন। নাটক সৃষ্টি হ'ল—Widowers' Houses!

যথাসময়ে নাটকখানি পাদ-প্রদীপের স্তম্ভ-দৃষ্টি লাভ করলে। অভিনয়ের সঙ্গে সঙ্গে তুমুল সমালোচনার রোল উঠলো, বেশীর ভাগই বিকৃত সমালোচনা। অনেকেই নাটকখানি দেখে ক্ষুব্ধ এবং বিস্মিত হ'ল।



কিন্তু সবচেয়ে আশ্চর্য্য ও ক্ষুদ্র হলেন আর্চার; তিনি দেখলেন যে, বার্নার্ড শ-কে তিনি যে সুখাস্তক প্রণয়-কাহিনীর গল্পাংশ যুগিয়েছিলেন সেই গল্পাংশটিই এই নাটকে বিকৃত ও বীভৎস রূপে দেখা দিয়েছে; তার মধ্যে তাঁর কল্পিত সেই সুচারু সৌন্দর্য্য-সৃষ্টির লেশমাত্র নেই, আছে নাগরিক-সভ্যতার আবরণহীন তীক্ষ্ণ সমালোচনা, আছে বাড়ীওয়ালীদের প্রতি কটাক্ষ—আছে বাস্তবতার তিস্ত-রুদ্ধ রসে পরিপূর্ণ দৈনন্দিন জীবন-যাত্রার এক নীরস চিত্র।

সেই নাটকের পর সমালোচক ও সংস্কারক বার্নার্ড শ-র লেখনী বাধা-বন্ধহীন উন্মত্ত-আবেগে ছুটে চ'লল; তাঁর কলমের সেই তীব্র হলাহল সাধারণ দর্শকরা গলাধঃকরণ করতে সক্ষম হ'ল না। কিন্তু তাতে তাঁর জরূপ নেই; আরও দু'খানি “unpleasant plays” রচিত হ'ল—The Philanderer ( ১৮৯৩ ) এবং Mrs. Warren's Profession ( ১৮৯৩ )! শেষোক্ত নাটক-খানিকে শুধু জনসাধারণ নয়, সরকার পর্য্যন্ত বরদাস্ত করলে না; সেন্সর কর্তৃক তার অভিনয় বন্ধ ক'রে দেওয়া হ'ল। নিউ ইয়র্কে একদল অভিনেতৃ-সঙ্ঘ ঐ নাটকখানি অভিনয় করেছিল ব'লে পুলিশ কর্তৃক ধৃত হয়েছিল। ১৯২৪ সালে নাটকখানির বিরুদ্ধে নিষেধাজ্ঞা প্রত্যাহার করা হয়।

১৯০৫ খৃষ্টাব্দে রয়েল কোর্ট থিয়েটারে Man and Superman প্রথম অভিনীত হয়; নাটকখানি সম্বন্ধে বলা হয়েছিল—“the most ambitious effort of Shaw during that period।” এই নাটকের প্রাণ-চঞ্চল গতি, রসাল বাস্তবিক এবং সর্বোপরি মানব-সমাজের প্রতি নাট্যকারের সুগভীর ও সুতীব্র মতামত-গুলি জনসাধারণের কাছে তাঁর আসন সুপ্রতিষ্ঠিত করেছিল। Man and Superman কিছুদিন পর্য্যন্ত সারা সভ্য-জগতে বিপুল চাঞ্চল্য জাগিয়ে তুলেছিল। ঐ নাটকখানিকে এখনো পর্য্যন্ত বার্নার্ড শ-র “the most

characteristic of his many dramas” ব'লে অভিহিত করা হয়।

একমাত্র কবি-গুরু রবীন্দ্রনাথ ছাড়া জীবদ্দশায় কোন সাহিত্যিকই এতখানি যশ ও সম্মান লাভ করতে পারেন নি এবং জীবিতাবস্থায় অত্র কোন লেখকই বোধকরি এতখানি সমালোচনা ও আলোচনার পাত্র হ'য়ে ওঠেন নি।

প্রায় চল্লিশ বছর ধ'রে জগতের লোক বার্নার্ড শ-র কাছ থেকে বহু প্রকারের উদ্দীপনশীল উক্তি শুনে তাঁর সম্বন্ধে নানা ধরনের মতামত প্রচার করেছে। জগতের কাছে তিনি এক অদ্ভুত ধরনের মানুষ ব'লে পরিচিত। তাঁর মানসিক বিশেষত্বের কথা আমরা তাঁর লেখার মধ্যে পাই; ব্যক্তিগত জীবনে তাঁর বৈশিষ্ট্য হচ্ছে এই যে, তিনি নিরামিষাণী, ধূমপান-বিরোধী, মাদকদ্রব্য-স্পর্শ-দ্রোহী এবং তিনি অনেক সময়ে ট্রেনে বা বাসে ভ্রমণকালে তাঁর নাটক লিখে থাকেন। হার্ড-ফোর্ডশায়ারে তাঁর “দেশের বাড়ী”; সহরের বাস-ভবনের ঠিকানা হচ্ছে Adelphi Terrace, London। বার্নার্ড শ বিবাহিত; তাঁর স্ত্রী বর্তমান এবং তিনি নিঃসন্তান।

একমাত্র রবীন্দ্রনাথ ছাড়া বার্নার্ড শ-র মতো এত বয়স পর্য্যন্ত এতখানি মানসিক সক্রিয়তা সচরাচর দেখা যায় না। আজো তাঁর লেখনী অশ্রান্ত গতিতে ছুটে চলেছে, আজো নব নব ভাব এবং রস-সৃষ্টির ক্ষমতায় তাঁর শক্তি অব্যাহত ও অতুলনীয়।

বার্নার্ড শ-র রচনা সম্বন্ধে একটি সমালোচনা কিছুদিন পর্য্যন্ত শোনা গিয়েছিল—মানুষকে তিনি না-কি স্রীতির চোখে দেখেন না; মানুষের প্রতি তাঁর ভালো-বাসা নেই, নেই সহানুভূতির স্পর্শ। কিন্তু তাঁর Saint Joan নাটকখানি সেই সমালোচনাকে মিথ্যা প্রতিপন্ন করেছে। “সেন্ট জোয়ান”-এর মধ্যে তিনি যে সত্য প্রচার করেছেন, সে সত্য সীমা ও কালের মধ্যে গণ্ডিবদ্ধ নয়—সে সত্য শাশ্বত। মানুষের প্রতি



অন্তরের অকৃত্রিম ভালোবাসার দীপ্তিতে “সেন্ট জোয়ানে”র প্রতিটি ছত্র উজ্জ্বল হ’য়ে উঠেছে।

তাঁর মতের সঙ্গে অনেকেরই মিল হয় না বটে, কিন্তু তিনি যে একজন অসাধারণ প্রতিভাবিশিষ্ট ব্যক্তি, একথা বোধ করি কেউই অমান্য করতে পারে না। তাঁর দুর্লভ রচনা-শক্তি এবং অলোকসামান্য প্রতিভা স্পষ্টিত মহিমার সঙ্গেই যেন সারা বিশ্বের স্বীকৃতি অর্জন করেছে।

সমাজ-সাম্যবাদের অগ্র-নায়ক রূপে বার্নার্ড শ তাঁর লেখনীর সাহায্যে সারা জগতে তুমুল আন্দোলনের সৃষ্টি করেছেন। অনেকে বলেন তিনি হচ্ছেন—  
Propagandist first ; dramatist afterwards !

বর্তমান সমাজ-সম্বন্ধে তিনি অসংখ্য তীব্র এবং চিন্তা-গভীর বাণী প্রচার করেছেন এবং যে নাটকখানির মধ্যে তাঁর লেখনীর এই দিকটি স্বভাবসিদ্ধ বৈশিষ্ট্যের সঙ্গে সব চেয়ে তীব্রভাবে প্রবাহিত হয়েছে, সে নাটক-খানির নাম—Man and Superman।

বার্নার্ড শ-কে যারা তাঁর লেখার মধ্যে দিয়ে বুঝতে চান তাঁদের পক্ষে এ নাটকখানি অপরিহার্য।

এই নাটকখানির মধ্যে নাট্যকার এক অসাধারণ সমাজ-বিদ্রোহীর চরিত্র সৃষ্টি করেছেন। তেজের দীপ্তিতে, ভাবের অভিনবত্বে এবং বাচনের ওজস্বিতায় সে সৃষ্টি যেমন ছন্দময়, তেমনি বিশ্বয়কর। তাঁর নাম জন ট্যানার। সে সমাজের প্রচলিত নিয়ম-কাছন মানে না। সে বলে, “The first duty of manhood and womanhood is a Declaration of Independence ; the man, who pleads his father’s authority, is no man ; the woman, who pleads her mother’s authority, is unfit to bear citizens to a free people...”।

জন ট্যানার বিদ্রোহী ; তার লক্ষ্য ধ্বংস ; “I shatter creeds and demolish idols” ; তার মত হচ্ছে, “Construction cumbers the ground with institutions made by busy bodies : Destruction clears it and gives us breathing space and

liberty !” কিন্তু তাই ব’লে নির্দাণ এবং ধ্বংসের সঙ্গে সৃষ্টি এবং হত্যাকে যেন এক করা না হয় ; জন ট্যানার সৃষ্টিকে সম্মান করে ; হত্যাকে করে ঘৃণা। জন ট্যানার-কে ভালো ক’রে বুঝতে হ’লে, The Revolutionist’s Hand-Book and Pocket Companion নামে সে যে বইখানি লিখেছে এবং যেখানি নাটকের শেষে সংযুক্ত ক’রে দেওয়া হয়েছে, সেখানি পড়া দরকার। তার মধ্যে Maxims for Revolutionists ব’লে একটি অধ্যায় আছে। সেই অধ্যায় থেকে কয়েকটি মতবাদ তুলে দিলাম। এদের দ্বারা ট্যানারকে কতকটা বুঝতে পারা যাবে—

The Art of Government is the Organisation of Idolatry.

A fool’s brain digests philosophy into folly, science into superstition and art into pedantry. Hence University education.

The vilest abortionist is he who attempts to mould a child’s character.

He who can, does. He who cannot, teaches.

Marriage is popular because it combines the maximum of temptation with the maximum of opportunity.

When a man wants to murder a tiger, he calls it sport ; when the tiger wants to murder him, he calls it ferocity. The distinction between Crime and Justice is no greater.

Property, said Proudhon, is theft. This is the only perfect truism that has been uttered on the subject.

Beware of the man whose God is in the skies.

কিন্তু এই বিদ্রোহী-বীর শেষ-পর্যন্ত রমণীর জীবনী-শক্তি এবং নারীকে উপেক্ষা করতে পারলে না ; শেষ পর্যন্ত নারীর দুর্নিবার্য আকর্ষণের কাছে তাকে ধরা দিতে হ’ল। বিবাহ যার কাছে ছিল “apostasy, profanation of the sanctuary of my soul, violation of my manhood, sale of my birthright, shameful surrender,.....” — সেই



বিদ্রোহীকে শেষ পর্য্যন্ত নারী জয় করলে! সমস্ত নাটকখানির মধ্যে নর-নারীর অন্তর্লোকের এই চিরন্তন সংগ্রামের সুর ধ্বনিত হয়েছে।

যে মেয়েটি মনে মনে ট্যানারকে বিবাহ করবার সঙ্কল্প করেছিল, তার নাম য়ান্। অক্টেভিয়াস্ নামে একটি যুবক য়ানকে পূজা করত, কিন্তু য়ান তাতে তৃপ্তি পেতো না—তার মন ছিল ট্যানারের দিকে। ট্যানার য়ানের মনোভাবকে প্রশ্রয় তো দিতই না, বরং সময়-অসময়ে কটু-কথার দ্বারা তাকে আহত করত এবং শেষে একদিন তার কাছ থেকে পরিত্রাণ পাবার জন্তে দেশান্তরে পালিয়ে গেল।

কিন্তু কিছুতেই কিছু হ'ল না। শেষ পর্য্যন্ত য়ানই জয়লাভ করল; ট্যানার সখেদে চিৎকার ক'রে উঠলো—*The Life Force. I am in the grip of the Life Force!*

তারপর ট্যানার শেষবারের মতো চেষ্টা ক'রে ব'ললে—য়ান, তুমি কেন অক্টেভিয়াসকে বিবাহ কর না! সে তো তোমায় ভালোবাসে!

য়ান বলে—অক্টেভিয়াস বিবাহ করবে না। *Man like that never marries!* তারা যোগ্যও নয়।

অবশেষে ট্যানার আর নিজেকে নিরুদ্ধ ক'রে রাখতে পারলে না; য়ানের হ'হাত ধরে তাকে নিজের দিকে আকর্ষণ ক'রে ব'ললে—*What have you grasped in me? Is there a father's heart as well as a mother's?*

য়ান সে উত্তেজনা বেশীকণ সহ করতে পারলে না; সে মূর্ছিতা হ'য়ে পড়ল। অত্যাশ্চর্য লোকজন এসে

পড়বার পর তার মূর্ছা ভঙ্গ হ'লে সে ব'ললে—I have promised to marry Jack!

সকলে তখন ট্যানারকে অভিনন্দন জানাতে লাগলো; ট্যানার হু'-একবার ব'ললে বটে, সে এর জন্ত মোটেই দায়ী নয়, তাকে ফাঁদে ফেলা হয়েছে; কিন্তু তার অত্যাশ্চর্য প্রলাপের মতো এ-কথাতেও কেউ কণ-পাত করলে না। সে সুখী হয়েছে বলে সবাই আনন্দে মুখর হ'য়ে উঠলো। তখন ট্যানার য়ানের হাত ধ'রে গভীর ভাবে ব'ললে—“আমি নিশ্চয় ক'রে বলছি, আমি সুখী হই নি। য়ানকে সুখী দেখাচ্ছে, কারণ সে জয়লাভ করেছে। এ তার জয়ের আনন্দ। কিন্তু আসলে আজ অপরাহ্নে আমরা যে কাজ করেছি তার দ্বারা আমরা সুখকে বিসর্জন দিয়েছি, মুক্তিকে বিসর্জন দিয়েছি, জীবনের শান্তিকে বিসর্জন দিয়েছি এবং সর্বোপরি বিসর্জন দিয়েছি অজ্ঞাত ভবিষ্যতের স্বপ্নময় সম্ভাবনা! আমি ইচ্ছে করি না যে, এই সুযোগে আমার খরচে মত্তপান ক'রে আমার ‘বন্ধুরা’ অসংলগ্ন এবং অসার কথার দ্বারা আনন্দ জ্ঞাপন করতে থাকুক।”

এই বলে সে কেমন ক'রে তাদের বিবাহিত জীবন যাপন করবে, কি ভাবে তাদের বাড়ী-ঘর সাজাবে, বন্ধুদের উপহারগুলি বিক্রি ক'রে তার অর্থ দিয়ে কি পদ্ধতিতে তার পুস্তক প্রচার করবে, বিবাহ-সভায় কে কে উপস্থিত থাকবে এবং তখন ‘বরের-সাজ’ না পরিধান ক'রে সে কি রকম সাধারণ পোষাক পরিধান করবে—এই সকল বিষয়ের সুদীর্ঘ বিবরণ দিতে লাগলো।

বলা বাহুল্য, তার কথা শুনে উপস্থিত সকলেই হেসে হেসে শ্রান্ত হ'য়ে পড়ল।





# প্রতিযোগিতার গল্প

[ তৃতীয় পুরস্কার ]

বুদ্ধদ

শ্রীঅতুলচন্দ্র ভট্টাচার্য, বি-এ

প্রদীপের স্তিমিত আলোকে বসিয়া ঘরের বধূটি সেলাই করে। অনেকক্ষণ হয় সন্ধ্যা হইয়া গিয়াছে। ছ'জনের সংসার—সামান্য কাজ, সহজেই সম্পন্ন হইয়া যায়। অতঃপর তার প্রচুর অবসর। স্বামী কোথায় গিয়াছে, ঠিকানা নাই। বাড়ীতে আর কোন লোক নাই। সहरতলীর এই অংশ এখন নির্জন হইয়া উঠিয়াছে। শুধু পাশের বাড়ীর পাতানো-দিদির স্ন-উচ্চ হাসি মাঝে মাঝে কানে ভাসিয়া আসে।

জানালার কাছে ডালিম গাছটার অসংখ্য লাল ফুল ফুটিয়াছে। বাহিরেও জ্যোৎস্নার আর অন্ত নাই। কেবল গৃহের মধ্যে এই কেরোসিনের আলোটা প্রচুর ধূমোদগীরণ করিয়া অপ্রচুর আলো বিকীর্ণ করিতেছে।

তারপর রাত্রি আরও গভীর হইবে.....স্বামী আসিবে। নিঃশব্দে উঠিয়া সে তাহাকে ভাত বাড়িয়া দিবে। আহারান্তে তামাক দিয়া হয়ত তাহারই শয্যার একান্তে বসিয়া চাহিয়া থাকিবে। কেহই তাহার সহিত কথা কহিবে না। স্বামীর সে অবসর নাই, যাত্রার 'প্রোগ্রাম' চিন্তা করিতে করিতে ঘুমাইয়া পড়িবে, না-হয় ক্লাবে চলিয়া যাইবে।...মেঝের উপর আঁচল পাতিয়া বধু শয়ন করিবে, দেখিবে, জ্যোৎস্না কমিয়া আসিতেছে আর ডালিম গাছের ফুলগুলি সেই স্বল্পালোকে স্বপ্ন-পুরীর ক্ষুদ্র ক্ষুদ্র পরী-কণ্ঠা বলিয়া ভ্রম হইতেছে।

পাশের বাড়ীর দিদি ডাকে, "চাক্র!"

"যাই দিদি।"

দোর খুলিয়া সে আসিয়া দাঁড়ায়, "কি দিদি?"

"এখনও ফিরে আসে নি?"

চাক্র বুঝিতে পারে না, বলে—"কে?"

"কে আবার, নেকী! তোর স্বামী, নগেন!"

চাক্র বলে, "না।"

এ ত' তাহার নিত্য-নৈমিত্তিক ব্যাপার! রান্না-বান্না শেষ করিয়া দীপ জালিয়া স্বামীর অপেক্ষায় ঘণ্টার পর ঘণ্টা বসিয়া থাকা, সে ত' অনেক দিন হয় আরম্ভ হইয়াছে।

দিদি বলে, "তোদের কাণ্ডই ঐ!...মায়া নেই, মমতা নেই, ভালবাসা নেই। আমাদের বাপু সে হবার উপায় নেই, আপিসের ছুটি হ'ল কি সটান বাড়ী চ'লে এলেন।"

চাক্র নিঃশব্দে চাহিয়া থাকে। কি-ই বা বলিবার আছে? দিনের পর দিন অবহেলা-অবজ্ঞা কুড়াইয়া কুড়াইয়া সে যে তাহারই ভারে পীড়িত হইয়া পড়িল। আর তাহারই পাশে দিদির প্রেম-পরিপূর্ণ স্বচ্ছন্দ-জীবন, সে প্রত্যাহ প্রত্যাহ করিয়া আসিতেছে।

দিদি বলে, "যা, খেয়ে-দেয়ে গুয়ে থাক গে, চাক্র! কোথায় কোন্ আড্ডায় গাঁজা-গুলি খেয়ে প'ড়ে আছে, না-হয় যাত্রা ক'রতে গেছে, হয়ত আসবেই না!"

ইহাও সত্য। কতদিন সে সারারাত্রি জাগিয়া বসিয়া রহিয়াছে। অবশেষে রাত্রি যখন প্রভাত-প্রায়, সে আঁচল বিছাইয়া ঘুমাইয়া পড়িয়াছে, স্বামী আসে নাই।...

চাক্র চলিয়া আসে। সে ভাবিয়া পার না, কেন এমন হয়। একজন প্রতীক্ষা করিয়া বসিয়া থাকে, আর একজন...



অথচ একদিন ছিল... প্রথম যখন বিবাহ হয়। চাকর ত' তখন ছোট বধূটি। শয্যায় আসিয়াই ঘুমাইয়া পড়িত। নগেন কত গল্প করিত—সম্ভব-অসম্ভব দেশ-বিদেশের কত গল্প! শুনিতে শুনিতে চাকর ঘুম চলিয়া যাইত—রাত্রি গভীর হইত।...বালিকা স্বামীর কণ্ঠ-লগ্ন হইয়া দুই-একটা অসম্ভব প্রশ্ন করিয়া বসিত। নগেন হাসিত, চাকর হাসিত—আর ঘরের আলোটাও যেন আনন্দে হাসিয়া উঠিত।...

আজও সেই আলো আছে, সেই ঘর আছে, চাকরও ত' তেমনি আছে, শুধু নগেনই এখন আর তেমন নাই।

হায়, মানুষের কেন পরিবর্তন হয়? পরিবর্তন হয় ত', এত সহজে কেন? এত সহসা কেন?

চাকর তার জবাব খুঁজিয়া পায় না।

সেলাইটা পড়িয়া থাকে।

ওই যে ডালিম গাছটা ফুলে ফুলে ভরিয়া গিয়াছে, উহার উপর আসিয়া ছ'টা পাখী বসিত। রোজ ছোট ছ'টা টুনী পাখী উহার ডালে টিন্-টিন্ করিয়া নাচিয়া বেড়াইত। চাকর রাঁধিতে রাঁধিতে দেখিত, আর ভাবিত, ওরা যেন আর টুনী পাখী নয়, একটা পাখী চাকর আর একটা নগেন—সংসার-ডালে অমনি আনন্দে নাচিয়া বেড়াইতেছে। আনন্দ যেন সর্বদা দিয়া থুটাইয়া পড়িতেছে।

সন্ধ্যাবেলা চাকর নগেনকে টুনী পাখীর ইতিহাস বলিয়া দিয়াছিল।

নগেন হাসিয়া আর কুল পায় নাই, বলে, “পাগলী!”

চাকর কথা বলে না, কিন্তু খুশী হয়।

পরদিন এক সময় সে দেখে, নগেনও নিবিষ্টমনে সেই পাখী-দুইটার দিকে চাহিয়া আছে। চাকর হাসিয়া ওঠে, নগেনও হাসে।

চাকর মনে পড়ে, অতঃপর রোজ পাখী ছ'টা আসিত, রোজ তাহারা ছ'জনে খাবার দিত আর ঝগড়া করিত।

চাকর বলিত, “ওইটা তুমি!”

নগেন সেই পাখীটাই দেখাইয়া বলিত, “উহঁ! ওটা তুমি!”

“ইস্! ওটা তুমি-ই! দেখছ না, কেমন ছুটু!”

নগেন কৃত্রিম ক্রোধে বলিত, “কি, আমি ছুটু? আচ্ছা, নাম যখন কিনলামই, তখন.....” সে দুই হাতে চাকরকে আলিঙ্গন করে।

এমনি রোজ।...নগেন ইচ্ছা করিয়া পাখী চিনিতে ভুল করিত, আর ঝগড়া করিত।

তারপর একদিন দুইটা পাখী না আসিয়া একটা আসিল। চাকর কাঁদিয়া বলিল, “ও গো, চাকর বেঁচে নেই.....!”

নগেন চমকিয়া ওঠে—বলে, “বালাই!”

“না গো না, সত্যি, দেখে যাও তুমি —” সে ডালিম গাছটা দেখাইয়া দেয়।

সত্যি একটা পাখী নাই।...

চাকর বালিকার মত কাঁদিয়া বলে, “চাকর নেই, চাকর নেই, মরে গেছে।”

নগেন তাহাকে বুকে টানিয়া লয়; তাহার শির চুষন করিয়া বলে, “এই যে চাকর —”

কিন্তু চাকর সেদিন সারাদিন কাঁদিয়াছে। সেদিন সে রাঁধে নাই, খায় নাই, নগেন নিজে রাঁধিয়াছে, চাকরকে সাধিয়াছে। সারা সময় তাহার নিকটে বসিয়া তাহাকে সাশ্রনা দিয়াছে, “চাকর, টুহু...”

রাত্রি গভীর হইয়াছে। ঘুমে চাকর চোখ ভাঙ্গিয়া আসিতেছে। পাশের বাড়ীর দিদির কথাবার্তাও বন্ধ হইয়াছে।

মেঝেতে অঁচল পাতিয়া চাকর ঘুমাইয়া পড়ে।

ভোর রাতে নগেন ফিরিয়া আসিল। চক্ষু রক্তবর্ণ, সারারাত্রি যাত্রা করিয়া এক্ষণে সে ফিরিয়া আসিয়াছে।

নিদ্রিত পত্নীকে পা দিয়া সজোরে ঠেলিয়া বলে—

“ওঠ, হারামজাদী ভাত দে...”

চাকর খড়-মড় করিয়া উঠিয়া বসে। চোখ রক্তবর্ণ হইতে রক্তবর্ণ হইতে ভাত বাড়িয়া স্বামীর সামনে রাখিয়া দেয়।



নগেন ভাতে হাত দিয়াই টেঁচাইয়া ওঠে, “এঃ, একেবারে ঠাণ্ডা!”

চারু বলে, “রাত ত’ কম হয় নি!”

“কি? মুখে মুখে তর্ক? হারামজাদী! চাই আমি গরম ভাত একুণি!”

চারুও রাগিয়া ওঠে, বলে, “ইস্, মাইনে করা বাঁদী কি-না, রাত তিনটের গরম ভাত রাঁধো!”

ক্রোধে নগেনের মুখ দিয়া কথা বাহির হয় না। ডালের বাটিটা সজোরে ছুঁড়িয়া মারিয়া ঝড়ের মত বেগে বাহির হইয়া যায়।

চারুর কপালটা কাটিয়া গিয়াছে। সে স্তব্ধ হইয়া বসিয়া পড়ে, ভাবে, টুনী পাখীটা যেদিন মরিয়া গিয়াছিল, সেদিন সে রাঁধে নাই, খায় নাই, নগেন নিজে রাঁধিয়াছে, তাহাকে সাধিয়াছে, সারাক্ষণ তাহার কাছে কাছে থাকিয়া তাহার মাথায় হাত বুলাইয়া বলিয়াছে, “কেঁদ না চারু, কেঁদ না টুন্সু...”

আর একদিন।

দিদি ডাকে, “চারু!”

“কি দিদি?”

“আজ থিয়েটারে যাব, বাবু পাশ এনেছেন, যাবি চারু?”

চারু কোনোদিন থিয়েটার দেখে নাই। আনন্দে হাসিয়া ফেলে, বলে, “যাব দিদি।”

“আচ্ছা যা, কাজ-কর্ম শীগ্গির সেরে নে!”

চারু চলিয়া আসে। চট করিয়া উঠুনে আশুন দেয়। বাসন-পত্র মাজিয়া আনে। আজ আর সে নিজের জন্ত রাঁধিবে না। তাহা হইলে দেবী হইয়া যাইবে। শুধু নগেনের উপযুক্ত ভাত রাঁধিয়া ঢাকা দিয়া চলিয়া যাইবে।

দিদি মাজিয়া শুজিয়া আসিয়া ডাকে, “কি রে চারু, হোল তোর?”

“এই যাই দিদি।”

চারু হাত ধুইয়া বাহিরে আসিয়া দিদির দি চাহিয়া থাকে, বলে, “মুখে কি মেখেছ দিদি?”

“পাউডার।”

“কোথায় পেলে দিদি?”

তাহার অজ্ঞতার দিদি হাসিয়া ফেলে, বলে, “পাব আবার কোথায়, নেকী? বাবু এনে দিয়েছেন।”

“আর চোখে?”

“অঞ্জন। বাবু এনেছেন।”

“আর ক্রমালে?”

“এসেন্স। ও রে বোকা, তাও বাবু এনেছেন, রোজই আনেন, প্রেম-উপহার...” দিদি মুচকিয়া হাসে।

“তোমায় খুব ভালবাসেন তিনি, না দিদি?”

“খু—ব!”

“তবে আবার পাউডার মাখো কেন?”

“সুন্দর দেখায়।”

“তাতে কি হয় দিদি?”

“তাতে আরও ভালবাসেন...এখন যাবি ত’ চল।”

চারু দীর্ঘনিঃশ্বাস চাপিয়া বলে, “না দিদি, আমি যাব না, তুমি যাও।”

দিদিরা চলিয়া গিয়াছে। চারু আসিয়া তাহার তোরঙ্গ খোলে। প্রথম জীবনের, প্রথম যৌবনের কোনো প্রেম-উপহারও কি তাহার বাক্সে নাই?

কাপড়ের ভাঁজে ভাঁজে খান-দুই চিঠি পাওয়া যায়। নগেন লিখিয়াছিল; চারু পড়ে, “প্রাণের টুন্সু...” আবার সেই টুনী-পাখীটার কথা।...

সে চুপ করিয়া বসিয়া থাকে, তাহার চোখের সামনে এই সন্ধ্যার অন্ধকারে বিগতদিনের সুখ-স্মৃতি মুক্তি ধরিয়া নাচিতে থাকে। সারারাত্রি গল্প করিয়া তাহার ভোরের দিকে ঘুমাইয়া পড়িত, সকালে যখন ঘুম ভাঙিত, চারু চুপি চুপি পলাইয়া যাইত, নগেন টেরও পাইত না। তারপর একদিন যখন ঘুম ভাঙিল, সে উঠিতেই চলে টান পড়িল। নগেন জাগিয়া খিল খিল করিয়া হাসিয়া ফেলিল, আজ আর চারু ঠকাইতে পারে



হাই। সে যখন ঘুমাইয়া পড়িয়াছে, নগেন তাহার খোপা  
লিয়া সেই চুলের গোছা নিজের গলায় জড়াইয়া  
রাখিয়াছে। সুতরাং ভোরে চাকু উঠিবার চেষ্টা  
করিতেই তাহারও গলায় টান লাগিয়াছে, চাকু  
লাইতে পারে নাই।

তোরঙ্গের মধ্যে একটা সেমিজ পাওয়া গিয়াছে।  
নগেনেরই দেওয়া উপহার। তাহার বর্ডারে লেখা  
যাছে, 'এন-সি'—নগেন আর চাকু।

একদিন নগেনও চাকুকে উপহার দিয়াছে।

আবার তাহার চোখের সামনে সৃষ্টি হুলিতে থাকে,  
সেই প্রথম যৌবন...অগাধ প্রেম...নগেন আর চাকু...  
চাকু আর নগেন...গ্রীষ্মের গল্প-মুখর বিনিময় রজনী...  
চৈতি হাওয়া...ফুলের গন্ধ...পাখীর ডাক...ঝাউ গাছের  
শব্দ শব্দ...বটগাছের ঝর-ঝরানি গান...সকাল-  
সন্ধ্যা অবিরাম আনন্দ... উদ্দাম প্রেম...পরিপূর্ণ  
জ্যোৎস্না...আর থাকিয়া থাকিয়া বিরহী পাখীর  
মিনতিপূর্ণ ক্রন্দন...‘বউ কথা কও’...‘বউ কথা কও’...

তাহার চিন্তা-স্রোতে বাধা পড়ে। নগেন আসিয়াছে,  
বলে, “চাকু, যাত্রা শুনতে যাবি?”

চাকু মাথা নাড়িয়া বলে, “না।”

“চল না চাকু, আমার পাঠ আছে, পবন-কুমারের  
পাঠ দেখবি ‘খন।’”

চাকু তবু বলে, “না।”

নগেন ইতস্ততঃ করিয়া বলে, “চাকু, একটা টাকা  
দিবি?”

টাকা, গহনা চাহিবারই হল মাত্র। চাকু তাহা  
জানে। আজও তাহার গায়ে প্রহারের দাগ খুঁজিলে  
পাওয়া যায়। যে দুই-একখানা গহনা ছিল, স্বামী  
গহা দিয়া ক্লাবে নাম কিনিয়াছে। আজও আবার  
প্রয়োজন পড়িয়াছে।

আজ সামান্য গহনা লইয়া ঝগড়া করিতে তাহার  
প্রবৃত্তি হইল না, ঘৃণা বোধ হইল। নিঃশব্দে হাতের  
একখানি চুড়ি খুলিয়া ফেলিয়া দিল।

নগেন চলিয়া গিয়াছে।

চাকু দীর্ঘনিঃশ্বাস ফেলিয়া চাহিয়া দেখে, কেহ  
কোথাও নাই—একটু হাসি, একটুখানি খুশী, সামান্য  
একবিন্দু করুণা, কৃতজ্ঞতা—কিছু না। প্রয়োজন শেষে  
সে চলিয়া গিয়াছে।

শূন্য উঠানটা খাঁ-খাঁ করে।

অনেক রাত্রে চাকু টের পাইল, দিদি স্বামীর সহিত  
ফিরিয়া আসিয়াছে তারপর আরও ষণ্টা খানেক সে  
তাহাদের গল্প-গুজবের শব্দ শুনিল। অবশেষে সব  
নিষ্পন্ন, নিস্তব্ধ...

হয়ত নগেন এখন পবন-কুমারের পাঠ বলিতেছে।  
রাবণ-বধ... দুর্ভাগিনী মন্দোদরী ধূলার লুটাইয়া  
কাঁদিতেছে...সীতার উদ্ধার হইয়াছে...অদূরে চিতার  
ধোঁয়ায় শত শত রাক্ষস বধু সীমন্তের সিন্দূর মুছিয়া  
একদৃষ্টে চাহিয়া আছে।...

এমনি করিয়া দিন যায়।

সকাল হইতে সন্ধ্যা সুনির্দিষ্ট কাজ। রাঁধার পরে  
খাওয়া, খাওয়ার পরে রাঁধা। আর কোনও কাজ  
নাই। জীবনে আর কোনও প্রয়োজন নাই। মেহ  
নাই, প্রেম নাই, ভালবাসা নাই—কিছু নাই।

জীবনটা একটা ফাঁকি?

স্বামী আসে কিংবা আসে না, তাহাতে কিছু যায়  
আসে না। যদি-বা কচিং আসে, ছ’টা ভাত পাইয়াই  
সন্তুষ্ট হইয়া ফিরিয়া যায়।

তারপর সারাদিনই চাকুর অবসর।

যখন দশটা বাজে, চাকু দোরের আড়ালে বাইরা  
চুপি চুপি দাঁড়াইয়া থাকে। দিদির স্বামী এখন আপিসে  
যাইবে। দিদি সঙ্গে সঙ্গে দোর পর্যন্ত আগাইয়া দিতে  
আসে। তাহার হাতে পানের খিলি, স্বামীর মুখে  
পুরিয়া দেয়, অতঃপর স্বামী যখন চলিয়া যায়, দিদি  
শূন্যমনে ছদ্মধরিয়া দাঁড়াইয়া থাকে।

চাকু নিঃশব্দে সরিয়া যায়।

তারপর যখন ছ’টা বাজে, আবার দিদি দোর



গোড়ায় আসিয়া দাঁড়ায়, তাহার মুখে পাউডার, চোখে কাজল, চোটে পান, পায়ে আলতা।

স্বামীর সহিত চোখা-চোখী হইতেই সে হাসিয়া ওঠে।

চারু শক্ত হইয়া দাঁড়াইয়া থাকে। তাহার স্বামীও একদিন তাহাকে ভালবাসিত, তাহার পায়ে কাঁটাটা বিঁধিলে, সে ব্যথা স্বামীও অনুভব করিত। সে-ও যাবার কালে ছুয়ারে দাঁড়াইয়া বিদায় দিত, আবার যখন ফিরিয়া আসিত, তাহাকে সাদরে অভ্যর্থনা করিয়া লইত।

কিন্তু তাহার অমন সাজ-সজ্জা ছিল না, মুখে পাউডার ছিল না, কাপড়ে আতর ছিল না, আলতা পরিত কি-না, তাহাও আর স্মরণ নাই...

চারু একদিন কাপড়-সেমিজ ভাল করিয়া কাচাইয়া তোরঙ্গে তুলিয়া রাখিল। সে মনে মনে এক সঙ্কল্প আনিয়াছে।

চারুর দিদি আজ স্বামীর সহিত বায়স্কোপে গিয়াছে। তাহাদের বাড়ী খালি, চারুর কাছে চাবি রাখিয়া গিয়াছে।

বাক্স হইতে বাহির করিয়া চারু ধোপা-বাড়ীর সেমিজ-কাপড় পরিল। তারপরে দিদির স্বামী যে ঘরে থাকে, চাবি দিয়া সেই ঘর খুলিয়া ড্রেসিং টেবিলের সামনে দাঁড়াইয়া সে একবার নিজের মূর্তির প্রতি চাহিয়া দীর্ঘ নিঃশ্বাস ফেলিল।

যাক্, আজ সে একটবার দেখিবে, আজ পাউডার মাখিবে, আতর ছিটাইবে, আলতা পরিবে। তারপর যখন সাজিয়া-গুজিয়া দাঁড়াইবে, নগেন কি একবারও ফিরিয়া দাঁড়াইবে না? একবারও ফিরিয়া কি তাহার সুন্দর মুখখানির দিকে চাহিয়া দেখিবে না? সে দেখা যত ক্ষণিকের হউক, সে দৃষ্টি যতটুকু মৌন প্রশংসার হউক, তবু...তবু...

সে পাউডার মাখিতে থাকে। চুলটা ভাল করিয়া বাঁধিয়া আতরের শিশি হাতে নিতেই আয়নার দিকে

চাহিয়া সে স্তব্ধ হইয়া দাঁড়ায়, শিশিটা হাত হইতে পড়িয়া ভাঙ্গিয়া যায়।

দিদির স্বামী বিলাসবাবু আসিয়া তাহার পিছনে দাঁড়াইয়াছে। বিলাসবাবু হাসিয়া বলে, “বাঃ... ফাইন...”

চারু সরিয়া যায়, সে চক্ষু বুজিয়া এই প্রকাণ্ড লজ্জার হাত হইতে পরিত্রাণ পাইবার বার্থ চেষ্টা করে।

বিলাসবাবু আবার বলেন, “সুন্দর...”

সে চারুর হাত ধরিয়া ফেলে।

চারু আহত হইয়া সবলে হাত ছিনাইয়া লয়, বলে, “ছিঃ!”

“ভয় কি চারু? কেউ নেই, তোমার দিদি বাথরুমে কাপড় ছাড়ছে...”

চারু সিঁড়ি দিয়া নামিতে নামিতে নিজ মনে বারম্বার শিহরিয়া বলে, “ছিঃ, ছিঃ...”

নিজের ঘরে আসিয়া সে রূপ করিয়া বসিয়া পড়ে। সৃষ্টিটা আবার তুলিতে থাকে, সব গুলাইয়া যায়, দিদির কথা মনে হয়, নিজের কথা মনে হয়, স্বামীর কথা মনে হয়।

সে স্থির করিল, আজ সে মরিবে। অদূরে ঐ-বর্ষার নদী কূলে-কূলে ভরিয়া গিয়াছে, উহারই তলদেশের সুনিবিড় অন্ধকারে সে তাহার স্বামী-প্রেম-বন্ধিত জীবনটার অশেষ দৈন্ত, অশেষ লজ্জা লুক্কায়িত করিবে।

কেবল যাইবার আগে সে একবার দেখিয়া যাইবে বলিবে, “এই দেহটায় তোমারই অধিকার ছিল, তুমি ফিরিয়াও চাহিলে না, পর-পুরুষে তাহা কামনা করিল।” জিজ্ঞাসা করিবে, “একদিন তুমি ভালবাসিয়াছিলে আর সে প্রেম কোথায় গেল, কাছাকে দান করিলে?” বলিবে, “আজ যাবার কালে কি তোমার কিছুই দিবার ছিল না, একটু প্রেম, একটু স্নেহ, কিছুই কি আর অবশিষ্ট নাই?” দেখিবে, মরণকালেও সে একবার আগের মত স্নেহভরে প্রেম-পরিপূর্ণকণ্ঠে ডাকে কি-না, “চারু! চারু! শুধু একবার, একটবার। তারপর এই অসার জীবনে



বিসর্জন দিবে, নদীর ওই ষোলা-জল—উহারই অন্তল-গর্ভে সে আশ্রয় ভিক্ষা করিবে।

সন্ধ্যা হইয়া আসিল চারু উঠিল না, তেমনি বসিয়া রহিল। আজ আর সে রাঁধিবে না। নগেন আসিয়া তাহাকে বকিবে, হয়ত মারিবে, মারুক! তাই বা মন্দ কি? যে হাতে একদিন সে আলিঙ্গন করিয়াছে, আজ সেই হাতেই সে নিশ্চয়মভাবেই প্রহার করুক, যে খোঁপায় একদিন সে স্বহস্তে ফুল পরাইয়া দিয়াছে, তাহা খুলিয়াই সে আজ অশেষ নির্যাতন করুক, যে-মুখে সে একদা প্রেম-গুঞ্জন শুনিয়াছে, তাহাতেই সে আজ তিরস্কার-বাণী শুনিয়া যাক...

তারপরে যখন সে মরিবে কাহারও কিছু আসিবে যাইবে না। মা ধরিয়া এক কোঁটা চোখের জলও ফেলিবে না। শুধু নদীর জল বারেকের জন্ত শিহরিয়া উঠিবে, তারপরে সংসার তেমনি চলিতে থাকিবে।

হয়ত আবার একদিন আর একটি নববধু এই ঘরে এই স্থানে আসিয়া দাঁড়াইবে, সেই উন্মাদ প্রেম, সেই অদূরন্ত স্নেহ, সেই স্ত্রীবিড় অমুরাগ, সেই মোহ, সেই সব .....

আলো আর জ্যোৎস্নার সামনের নদীর জল চিকমিক করিবে, অশ্রুগাছে পাখীর কোলাহল থামিয়া যাইবে, রাত্রি গভীর হইবে, ঘুমে বধুর চোখ জড়াইয়া আসিবে, এমন সময় হঠাৎ ভূতুমপাখী কর্কশকণ্ঠে ডাকিয়া

উঠিবে, বধুর ঘুম টুটিবে, ভয়ে ভয়ে স্বামীর বুকে মুখ লুকাইবে।

ঝাড়বের বনে শিশু উঠিবে, ডালিম গাছে ফুল ফুটিবে, হয়ত আবার দুইটা টুনী পাখীও আসিবে, বসিবে, নাচিবে।

তারপর? তারপর আর সে ভাবিতে পারে না, পরের জীবন তাহার বড় ছুঃখের, বড় দৈন্তের। সে অগাধ প্রেম কোথায় মিলাইল, সে স্বচ্ছন্দ জীবন কোথায় লুকাইল? স্বামীর পরিবর্তনের সে কাহিনী যেমন ক্রুত, তেমনি সংক্ষিপ্ত, তাহাকে 'না' করিবার আর কোনো উপায় নাই।...

ভাবিতে ভাবিতে সে ধূলায় লুটাইয়া পড়ে। অবিশ্রান্ত অশ্রুজল ভেদ করিয়া দৃষ্টি তাহার ভবিষ্যতের অন্ধকারেও ডানা মেলে, সে দেখিতে পায়, নগেন আবার বিবাহ করিয়াছে, তাহাদের জীবন আড়ম্বরপূর্ণ, কোলাহলময়, তাহার মত শূন্য নয়, ব্যর্থ নয়, রিক্ত নয়। তাহাতে প্রেম আছে, ভালবাসা আছে, স্নেহ আছে, পরস্পরকে পাইবার মধ্যে আনন্দ আছে। সে মাটিতে বার বার কপাল ঠুকিয়া বলে, “হে ঈশ্বর! তাই হোক, তাই হোক, যে আসিয়া আমার স্থান অধিকার করিবে, সে যেন আমার মত ছুঃখ না পায়, সে যেন আমার মত স্বামী-প্রেমে বঞ্চিত না হয়,” তাহার জীবন ভরিয়া দাও, হুঁহাত দিয়া ভরিয়া দাও, দিদির মত স্বামী-প্রেম নহে, আমি যেমন পাইয়াছিলাম, যেমন হারাইলাম, তাকে দাও! তাকে দাও!.....”





# শতাব্দী পর

শ্রুর দেবপ্রসাদ সর্বাধিকারী, কে-টি, সি-আই-ই

‘অন্ত—অন্ত শতাব্দেবা’—হইবেই হইবে। আজ না হয় কাল, না হয় পরশু, না হয় শতবর্ষ পরে। আজ যেমন আসিয়াছে, কাল তেমনি আসিবে, পরশু আসিবে। এইরূপে আজ, কাল, পরশু করিয়া অন্ত অতীত হইবে। তারপর আসিবে অন্ত, আবার অন্ত। এইরূপে একের পর এক করিয়া শতাব্দও আসিবে।

‘জন্মনা জায়তে মৃত্যুঃ’ শুধু এই কথার সঙ্গেই ‘অন্ত, অন্ত শতাব্দেবা’ কথার প্রয়োগ শুনিতে পাওয়া যায়, কিন্তু শুধু তাহা নয়—অন্ত প্রসঙ্গেও একথা বলা যায়। অন্ধের পর অন্ধ আসে, আসিবে—বাহারা থাকিবে তাহার। এই চক্র-বিবর্তন দেখিবে, হয়ত, ঘটনা পরম্পরা শতাব্দও দেখিবে।

শুধু আজ-কাল নয় বহুদিন, যুগ-যুগান্ত ধরিয়া মানব এই অন্ত-পরিবর্তন লক্ষ্য করিতেছে, বুঝিবার চেষ্টা করিতেছে। বড় বড় ঘটনার পরিমাণ অন্ত ধরিয়া হওয়া অসুবিধা, শতাব্দী ধরিয়াই হয়। ছোট-খাট কথা, খুঁটি-নাটির কথা পরিমাণের অন্ত শতাব্দ নির্ধারণ প্রয়োজন হয় না—‘আখবরী’ গজ-কাটীর প্রয়োজন হয় না। প্রয়োজন হইলেই বা তাহা মানে কে, গণে কে? যার যত মনের পরিমাণ সেই পরিমাণই তার পারিপার্শ্বিক ক্ষুদ্র বা বৃহৎ বস্তুর পরিমাণ; আজকাল জ্ঞান-বিজ্ঞানের রাজ্যে যে বিষম বিপ্লব-ঝড়বাত সদৃশ যে ভীষণ নর্তনের আরম্ভ হইয়াছে, তাহার মাপ-কাটা প্রাচীনের হাতে ত’ নাই-ই, আধুনিকের হস্তে তাহা খুঁত হওয়াও সম্ভব নয়। (Sir James Jean) শ্রুর জেমস্ জীন এবার্ডীন নগরে ব্রিটিশ এসোসিয়েশনের বার্ষিক সভায় যে প্রাকৃতিক লোম-হর্ষণ ব্যাপারের বিবৃতি করিয়াছেন, তাহার পরিমাণে অন্ত শতাব্দ কেন শত মুহূর্তই যথেষ্ট হইবে।

সাধারণ সভায় প্রবন্ধে বা বক্তৃতায় সে বিবৃতি দূরে থাক, ধারণাই অসম্ভব। সাধারণ গজ-কাটীর পরিমাণে বাহারা অভ্যস্ত তাঁহারা করেন এবং করিবেন—কবি রবীন্দ্রের পঞ্চাশৎ জন্মতিথি উৎসব, তাঁহার জয়ন্তী উৎসব, তাই দেখাদেখি নলিনী পণ্ডিত মহাশয়ের পঞ্চাশৎ বর্ষ প্রবেশের উৎসব, শ্রুর রাজেন্দ্রনাথ মুখোপাধ্যায়ের, প্রিন্সিপ্যাল গিরিশচন্দ্র বসুর, রায়-বাহাদুর জলধর সেনের, বরোদার গায়কোয়াড়ের ষাট বৎসর রাজ্যাভিষেকের উৎসব, মাদ্রাজের দেওয়ান বাহাদুর নাটি-সেন সাহেবের অধিকতর বয়ঃপ্রাপ্তির উপলক্ষে জয়-জয়ন্তী পর্যায় যথেষ্ট চলিতেছে, আরও চলিবে—বক্তা ছুটিতে সহজে থামে না।

অন্ত প্রকারের এবং প্রকরণের জয়ন্তীর অভাব নাই। রাজা রামমোহন রায়ের শত-বার্ষিক তিরোধান-তিথি-পূজা হইয়াছে—তদুপলক্ষে নিম্নম প্রত্ন-তাত্ত্বিক-হস্তে তাঁহার চরিত্র-মহাত্ম্যও ছিন্ন ভিন্ন হইয়াছে।

রামকৃষ্ণ পরমহংস দেবের শত-বার্ষিকী জন্মতিথির পূজাও হইয়াছে। বাঙ্গলা দেশের উচ্চশিক্ষার পথ-প্রদর্শয়িতা ‘ওরিয়েন্টাল সেমিনারী’ বিদ্যালয়ের শত বার্ষিক জন্মোৎসব তদানীন্তন বাঙ্গলার লাট শ্রুর ষ্ট্যানলি জ্যাক্সন মহোদয়ের শাসন-কালে পাঁচ বৎসর পূর্বে হইয়া গিয়াছে। পাঁচ বৎসর পরে সেই কথা স্মরণ করিয়া পুণ্য জন্মোৎসবের দিনে সেমিনারীর সভাপতিরূপে সেমিনারীর চিহ্ন—নিদর্শন (symbol)-স্বরূপ অক্ষর বট রোপণ করিয়া ধৃত হইয়াছি। এবার বড় আকারের জয়ন্তী-পূজা হইবে—কলিকাতা মেডিকেল কলেজের শত-বার্ষিক উৎসব উপলক্ষ্য করিয়া। বাঙ্গলা দেশের লোক-শিক্ষা এবং লোক-হিতকর প্রতিষ্ঠান-স্থাপন-ক্ষেত্রে কলিকাতা মেডিকেল কলেজের শত-বর্ষ পূর্বে জন্ম একটা বিশেষ স্মরণীয় দিন। সে স্মৃতি-পূজার হোতা,



ঔষধিক, উদ্ভাতা এবং পুরোহিতবর্গ আহত হইয়াছেন, কৃষকের জন্ত বৃত্ত হইয়াছেন, সমবেত হইয়াছেন। ইতি-ফল্গবা নিকারনের জন্ত পরামর্শ-সভা স্থাপন করিয়াছেন। হাতে এই স্বরণ-যোগ্য দিনের স্বরণ স্বরণ-যোগ্য গাবে হয় তৎসম্বন্ধে চেষ্টার ক্রটি হইতেছে না এবং ইতে পারিবে না, রাজা-প্রজা মিলিয়া, ধনী-নিধন মিলিয়া লোকহিত-কামী মাত্রেই উৎসব সাফল্যের উপকরণ-সংগ্রহে প্রবৃত্ত। এই সাধু ও বরেন্দ্র চেষ্টা জগৎ-কুপায় জয়যুক্ত হউক এবং এই উৎসব-যজ্ঞ উপলক্ষ্য করিয়া বৃহত্তর লোকহিত চেষ্টার মহীকূহের বীজ রোপিত উক। আন্তর্জাত-চেষ্টা এদেশে নূতন নয়, বহু প্রাচীন। ঐ অপরূপ আয়ুর্বেদ-বিজ্ঞান ভারতের সাধনার অন্ততর শ্রেষ্ঠ উপকরণ ও উপাদান তাহারই মূলমন্ত্রগুলি আরব-জগতের পথে গ্রীস ও রোমের মারফৎ তমসচ্ছন্ন রোপের মধ্য-যুগ উদ্ভাসিত করিয়াছিল। এখন সেই একীর্ণ জ্যোতিঃ ভারতে আবার ফিরিয়া ভারতীয় মেদান ও আয়ুর্বেদ-শাস্ত্রকে দিকার দিবার চেষ্টাও করিতেছে। সর্ব বিষয়েই এখন যুগ-পরিবর্তন-ধর্ম্মানুসারে 'রূপরিবর্তন' অবশ্যজ্ঞাবী। সে ভ্রংশ না করিয়া, যতীতের জন্ত বৃথা না কাঁদিয়া, ভবিষ্যতকে উজ্জলতর করিবার কামনায় ভারতবর্ষে ইংরাজী প্রণালীতে এলো-প্যাথিক চিকিৎসা-শাস্ত্র প্রচলনের ইতিহাসের আলো-না অসাময়িক ও অপ্ৰয়োজনীয় হইবে না।

যে সংস্কৃত শিক্ষা ও শিক্ষালয় এখন অনাদরের না উক উপেক্ষার বস্তু হইয়া দাঁড়াইয়াছে, তাহাকেই কেন্দ্র এবং উপলক্ষ্য করিয়া এদেশের নব-প্রচলিত এলো-প্যাথিক মতে চিকিৎসা শাস্ত্রের সূত্রপাত হয়। তারপর পাশ্চাত্য বিদ্যালয়েও ইহা আংশিক প্রচলন হয়, প্রাচীন ক্ষতিতে চিকিৎসার প্রয়োজন অল্পবিস্তর পরিমাণে সেই সময় অল্পভূত হইয়াছিল এবং সংস্কৃত ও দেশীয় ভাষার সাহায্যেই সেই প্রয়োজন সাধিত হইত। সভ্য সমাজের যাদিম যুগের উপযোগী প্রায়োগিক চিকিৎসার ব্যবস্থা প্রচল ছিল না। আয়ুর্বেদ-বিজ্ঞানের আলোচনার সেই দেশীয় ভাষায় এলোপ্যাথিক চিকিৎসা-শাস্ত্রও

অল্পবিস্তর আলোচনা হইত। যে ইষ্ট ইণ্ডিয়া কোম্পানী পার্লামেন্টের এবং ইংলণ্ডের জনসাধারণের চক্ষে ধূলি দিবার জন্ত সমগ্র ব্রিটিশ অধিকারভূক্ত ভারতবর্ষে শিক্ষার ব্যবস্থার জন্ত লক্ষ টাকা মঞ্জুর করিয়াছিলেন তাঁহাদের নিকট ইহার অধিক আর কি আশা করা যাইতে পারে? এখানে একটু রহস্ত-উদ্ঘাটনের চেষ্টা করা যাক। ১৮৩৫ খৃষ্টাব্দে সংস্কৃত কলেজের প্রচলিত চিকিৎসা-শাস্ত্র অধ্যয়নের পথ বন্ধ হয়। সংস্কৃত এবং দেশীয় ভাষা-সাহায্যে যেখানে শুধু আয়ুর্বেদীয় নয়, পাশ্চাত্য চিকিৎসা-শাস্ত্রেরও শিক্ষার আয়োজন হইত, শত বর্ষ ধরিয়া সেখানে চিকিৎসা-শাস্ত্র-শিক্ষা সম্বন্ধে আর উচ্চবাচ্য হয় নাই। এই শতবর্ষে এলোপ্যাথিক চিকিৎসা-শাস্ত্র-শিক্ষা চরম না হউক পরম উৎকর্ষ লাভ করিয়াছে। এই শতবর্ষে মেডিকেল কলেজ এবং মেডিকেল কলেজ হাসপাতাল স্থাপনের পর ধীরে ধীরে আরও কত চিকিৎসায়তন ও আরোগ্য-নিকেতন উদ্ভূত হইয়াছে। নানা শাখা-সম্বলিত মেয়ো হাসপাতাল জন্মিয়াছে, শস্ত্রনাথ পণ্ডিত হাসপাতাল জন্মিয়াছে, দুইটা মাড়োয়ারী হাসপাতাল জন্মিয়াছে, কারমাইকেল কলেজ হাসপাতাল জন্মিয়াছে, ক্যাথল মেডিকেল স্কুল হাসপাতাল, গ্রাশাল স্কুল হাসপাতাল জন্মিয়াছে, কলিকাতা মেডিকেল স্কুল হাসপাতাল, চিত্তরঞ্জন সেবাসদন, হাওড়া হাসপাতাল জন্মিয়াছে, সহরের ও সহরতলীতে এবং মফঃস্বলে ছোট-বড় অনেক স্কুল ও হাসপাতাল জন্মিয়াছে, State Faculty of Medicine জন্মিয়াছে — যুগ-পরিবর্তনের সঙ্গে সঙ্গে জন্মিয়াছে হাকিমী এবং ইয়ুনানী বিদ্যালয় এবং হাসপাতাল; জন্মিয়াছে একাধিক এবং সুপরিচালিত আয়ুর্বেদীয় বিদ্যালয় এবং চিকিৎসালয় এবং জন্মিয়াছে কলিকাতা হোমিওপ্যাথিক কলেজ এবং হাসপাতাল।

কিন্তু যে সংস্কৃত কলেজকে কেন্দ্র এবং উপলক্ষ্য করিয়া ১৮২২ হইতে ১৮৩৫ খৃষ্টাব্দ পর্য্যন্ত দেশীয় এবং বিদেশীয় চিকিৎসা-শাস্ত্রের আলোচনা এবং শিক্ষা হইত এবং প্রাথমিক শিক্ষার জন্ত ৩৬টা রোগীর শয্যার (bed)



ব্যবস্থা ছিল, সেখানে ১৮৩৫ খৃষ্টাব্দ হইতে চিকিৎসা-শাস্ত্র শিক্ষার দ্বার রুদ্ধ হইয়া গেল। ১৮৬৯ হইতে ১৮৭৩ খৃষ্টাব্দ পর্য্যন্ত আমি হিলাম সংস্কৃত কলেজের ছাত্র। জ্যেষ্ঠতাত শ্রীযুক্ত প্রসন্নকুমার সর্বাধিকারী ছিলেন অধ্যক্ষ বা প্রিন্সিপ্যাল। সেই সময়ে পণ্ডিত ঈশ্বরচন্দ্র বিদ্যাসাগর মহাশয়ের সাহায্যে অধ্যক্ষ সর্বাধিকারী মহাশয় বিশেষ চেষ্টা করিয়াছিলেন যে, পুনরায় আয়ুর্বেদ-শিক্ষার যেন প্রচলন হয়। স্বর্গীয় বরেন্দ্র কবিরাজ ব্রজেননাথ সেনগুপ্ত মহাশয় ছিলেন জ্যেষ্ঠতাত এবং পিতৃদেবের বহু স্নেহাস্পদ বন্ধু, তাঁহার উৎসাহ এবং উত্তেজনা ছিল এই চেষ্টার মূলে। আমার সতীর্থ বিহারীলাল সেনগুপ্ত (পরে কবিরাজ) এবং অত্যাশ্রিত বৈদ্য ও অবৈদ্য-ছাত্র আয়ুর্বেদ-অধ্যয়নের প্রার্থী ছিলেন। সে চেষ্টা কিন্তু বিফল হয়। বহুকাল পরে যখন সরকার বাহাদুরের আমন্ত্রণে আমার সংস্কৃত-শিক্ষা-সংস্করণ সভার সভাপতিত্বের গৌরব এবং সৌভাগ্য ঘটে তখনও এই চেষ্টার স্মৃতি পুনরায় হয় এবং সাফল্যের ভিত্তি স্থাপন হয়। রহস্তের এবং আশার বিষয় এই যে, আগামী বৎসরে (১৯৩৫) মেডিকেল কলেজ স্থাপনের শত-বার্ষিকী উৎসব সম্পন্ন হইবে, কলিকাতা হোমিওপ্যাথিক কলেজ এবং হাসপাতালের প্রসারণের আয়োজন হইবে। সেই ১৯৩৫ সালে হইবে সংস্কৃত কলেজের টোল-বিভাগে আয়ুর্বেদ শাস্ত্র পঠন-পাঠনের পুনঃ প্রতিষ্ঠা। এই রহস্তের মধ্যে ভগবানের গুহ্য ইঙ্গিত উপলব্ধি না করিয়া থাকা যায় না। কেবল শাস্ত্র-পাঠ হইবে না প্রায়োগিক শিক্ষার ভিত্তিতে এই পঠন-পাঠনের ব্যবস্থারও আয়োজন হইবে। এই বৎসরই রাজ-রাজেশ্বর পঞ্চম জর্জের সিংহাসনাধিরোহণের পঞ্চবিংশতি বার্ষিক উৎসব অর্থাৎ এই রক্তত জুবিলী এবং শত-বার্ষিকী উৎসব দেশের এবং সমাজের মঙ্গল নিদান হউক। এই উৎসব উপলক্ষে মনে রাখিতে হইবে যে, রোগ-চিকিৎসা ও আর্ন্ত-সেবার ব্যবস্থা দেশের লোক-সংখ্যার অনুপাতে নিতান্ত অপ্রচুর। আজ অমর কবির অমর গাথায় উল্লিখিত সপ্ত-কোটি-কণ্ঠ বাজিয়ায় নাই সত্য। দৈবহুর্কিপাকে

বিধাতার অভিশম্পাতে সেই সপ্ত-কোটি আজ পঞ্চ-কোটিতে পরিণত। সরকারী নিয়মানুসারে যে চিকিৎসা-প্রণালীর সমাদর এবং আইন-সঙ্গত প্রচলন সেই এলোপ্যাথিক চিকিৎসার চরম ছাড়-পত্রধারী মেডিকেল গ্রাজুয়েট এ পর্য্যন্ত হইয়াছে মাত্র চার হাজার। ইহার মধ্যে কতজন বাঁচিয়া আছেন, কতজন ইহলোক ত্যাগ করিয়াছেন এবং দেশ-দেশান্তরে চিকিৎসা-কার্যে নিযুক্ত আছেন তাহার সংখ্যা-পরিমাণ নাই। নিম্নতর ছাড়-পত্রধারী আরও কয়েক হাজার হইয়াছে, সর্বশুদ্ধ মোট আট হাজারের অধিক নয়। পাঁচ-কোটি নরনারী ও শিশুর নানাবিধ এবং ক্রম-বর্দ্ধমান জটিল রোগের চিকিৎসার ভার আইন-সঙ্গত নিয়মের আট হাজার চিকিৎসকের উপর ন্যস্ত। যাহারা কবিরাজি হাকিমি ও হোমিওপ্যাথিক চিকিৎসাকে চিকিৎসা বলিয়াই মানেন না, হাতুড়েগিরি বলিয়া উপেক্ষা ও অশ্রদ্ধা এবং নির্যাতন সমর্থন করেন তাঁহারা এই অনুপাত পর্যালোচনা করিয়া বিস্মিত এবং চিন্তিত হইবেন। এই শতবার্ষিকী উৎসব উপলক্ষ্য করিয়া দরিদ্র-দেশে লোকহিতকর এবং লোকের অবস্থানুযায়ী চিকিৎসা প্রণালীর প্রসার ও চিকিৎসক সংখ্যার বৃদ্ধির প্রয়োজনীয়তা উপলব্ধি হইলে এই উৎসবের সাফল্য ও সার্থকতা হইবে।

আর্ন্তজাণ আশ্রম এবং হাসপাতালের সংখ্যা-সম্বন্ধেও এই উক্তি প্রযোজ্য। নানা চিকিৎসা প্রণালী-অনুমত যে হাসপাতালের কথা উপরে উল্লিখিত হইল তাহাও প্রয়োজনীয়তার অনুপাতে নিতান্ত অপ্রচুর এবং উপস্থিত হাসপাতালগুলিতে যে আয়োজন এবং ব্যবস্থা আছে তাহাও নিতান্ত অপ্রচুর। বহুদিন কারমাইকেল কলেজ হাসপাতাল, ভগবান দাস বগলার মাড়োয়ারী হাসপাতাল, যামিনীভূষণ ঐষ্টাঙ্গ আয়ুর্বেদ বিভাগের হাসপাতাল, কলিকাতা হোমিওপ্যাথিক কলেজ হাসপাতাল এবং রেকিউজ হাসপাতালের সহিত ঘনিষ্ঠ সম্পর্কের বলে আমি উচ্চকণ্ঠে এবং অকুতোভয়ে এই কথাই বলিতেছি। পূর্বে লোকের চিকিৎসার জন্য হাসপাতালে



হাইবার বিক্রেতে যে দৃঢ়-সংস্কার ছিল, এখন তাহা সম্পূর্ণ তিরোহিত হইয়াছে। সকল সম্প্রদায়েরই ধনী, নিধন, অভিজাত এবং অন্ত্যজ—স্ত্রী-পুরুষ কাহারও এখন হাসপাতালে যাইতে দ্বিধা নাই বরং হাসপাতালে প্রবেশাধিকারের জন্য মারামারি পড়িয়া যায়। লোকে টাকা-পয়সা দিতে স্বীকার করিয়াও সে অধিকার খোঁজে, কারণ লোকের অর্থবল কমিয়া আসিতেছে। গৃহে স্ম-চিকিৎসার ব্যবস্থা অতি অল্প লোকেই করিতে পারে এবং লোকের মনে দৃঢ় প্রতীতি হইয়াছে যে, হাসপাতালে মরিতে যাইতে হয় না—বরং শাস্ত্রীয় মতে যতদূর সম্ভব স্ম-চিকিৎসার ব্যবস্থা হয়।

পঞ্চাশ বৎসর পূর্বেকার মেডিকেল কলেজ এবং বর্তমান মেডিকেল কলেজে আশ্চর্য্য জনমের তফাৎ। মেডিকেল কলেজে পিতৃ-প্রদর্শিত পথে পাঠের ইচ্ছা আমার সম্পূর্ণ ছিল। ১৮৭৮ খৃষ্টাব্দে শব-বাবুজী ও মিউজিয়ামের আকার প্রকার দেখিয়া উর্দ্ধ্বাসে পলায়ন করিতে হয়। উর্দ্ধ্বাসে পলাইয়া ঘড়িওয়াল প্রেসিডেন্সি কলেজের দ্বারে একনিঃশ্বাসে পৌঁছলাম। ভ্রাতা সুরেশপ্রসাদ ছিলেন দৃঢ়প্রতিজ্ঞ যাহা আমি পারিলাম না, তিনি জোর করিয়া বরণ করিলেন, এবং ফলে হইলেন ভারত-বরেণ্য অন্ত-চিকিৎসক লেফটেনেন্ট কর্ণেল এবং এম্-ডি। বেঙ্গল এম্বুলেন্স-এর, বেঙ্গল ডবল কোম্পানী, বেঙ্গলী রেজিমেন্ট এবং কলিকাতা ইউনিভার্সিটি কোর প্রভৃতি বাঙ্গলার সামরিক কীর্তির প্রতিষ্ঠাতা ও প্রাণস্বরূপ হইলেন ও আরও হইলেন সহযোগীগণ-সাহায্যে বেলগাছিয়া কারমাইকেল কলেজের প্রতিষ্ঠাতা।

কলিকাতা মেডিকেল কলেজের সর্বাধিকারী বংশের সুরেশপ্রসাদ তৃতীয় পুরুষের ছাত্র। তাহার পূর্বে কৃতী ছাত্র ছিলেন বৃগেড সার্জেন এবং নেভেল সার্জেন পূজ্যপাদ পিতৃদেব রায় বাহাদুর স্বর্ধ্যকুমার সর্বাধিকারী, তাঁহার খুল্লভাত মেডিকেল কলেজের পুরাতন ভার্ণাকুলার ডিপার্টমেন্টের ছাত্র ছিলেন। তাঁহার পৌত্র নিখিলপ্রসাদ সর্বাধিকারী, মেডিকেল কলেজের সর্বাধিকারী বংশের

চতুর্থ পুরুষের ছাত্র। সুরেশপ্রসাদের জ্যেষ্ঠ সহোদর সত্যপ্রসাদ ও কনিষ্ঠ সহোদর সুনীলপ্রসাদ এবং খুল্লভাত নরেন্দ্রকুমার বহুকাল মেডিকেল কলেজে পড়িয়াছিলেন—খুল্লভাত-পুত্র শচীন্দ্রপ্রসাদ ও তৎপুত্র ক্ষিতীশচন্দ্র তথাকার কৃতী ছাত্র। দৈবঘটনায় সুরেশের পুত্র কনকচন্দ্র ও ভ্রাতৃপুত্র বিমানচন্দ্র মেডিকেল কলেজে প্রবেশ না করিয়া কারমাইকেল কলেজে প্রবেশ করিলেন। উভয় কলেজের সঙ্গেই বংশের বন্ধন অচ্ছেদ্য, চারি পুরুষ ধারাবাহিকভাবে যে বংশের বংশধরগণ ছাত্র স্বীকার করিয়াছেন এবং কৃতী ছাত্র হইবার সৌভাগ্য লাভ করিয়াছেন, তাঁহাদের কলিকাতা মেডিকেল কলেজের সহিত যাহাকে ‘রক্তের টান’ বলে তাহা জন্মিয়াছে। অতএব এই শত বার্ষিকী উৎসবের সার্থকতা তাহাদের নিত্য কাম্য। এই অমূল্যভূতির বশবর্তী হইয়া এই উৎসবের সাফল্যের জন্য যথাসম্ভব চেষ্টা আমার স্বতঃসিদ্ধ কর্তব্য।

সরকারী ব্যবস্থায় এবং কলিকাতার জন-সাধারণ-সভায় স্থিরীকৃত মন্তব্য অনুসারে মেডিকেল কলেজ হাসপাতালে অসম্পূর্ণ কার্য্য সম্পন্ন করিবার উদ্দেশ্যে জন-সাধারণের নিকট প্রয়োজনীয় গৃহ-নির্মাণ-কল্পে প্রায় তিন লক্ষ টাকা চাঁদা তুলিতে হইবে। কিঞ্চিদধিক দুই লক্ষ টাকার প্রতিশ্রুতি পাওয়া গিয়াছে, আর এক লক্ষ টাকা সংগ্রহ হওয়া বিশেষ কষ্টকর হইবে বলিয়া বোধ হয় না। ইচ্ছা করিলে দেশ বিদেশে ছড়ান মেডিকেল কলেজের কৃতী ছাত্রগণই এই টাকা অল্প দিনের মধ্যেই তুলিয়া দিতে পারেন। চারহাজার ছাত্র গড়ে পঞ্চাশ টাকা দিলেই এই কার্য্য সমাধা হইতে পারিবে। এ দাবী অন্তায় নয়, কোনও কৃতী ছাত্রই এ দাবী অস্বীকার করিতে পারিবেন না এবং করিবেন না। সে-দিন বঙ্গবাসী কলেজের একজন পূর্বতন ছাত্র তাঁহার নিজের পদোন্নতির উপলক্ষ্যে অধ্যক্ষ গিরিশচন্দ্র বসুর নিকট এক হাজার টাকা পাঠাইয়া দিয়া মাতৃ-শ্রম পরিশোধের কথঞ্চিৎ চেষ্টা করিয়াছিলেন। এ দেশের



স্কুল কলেজের ইতিহাসে এরূপ ঘটনা নিতান্ত বিরল নয়। প্রেসিডেন্সি কলেজের হল-নির্মাণের জন্ত পূর্বতন তিনজন ছাত্র লর্ড কারমাইকেলের শাসন সময়ে তিন হাজার টাকা দিতে প্রস্তুত হইয়াছিলেন, কিন্তু আর সাতানব্বুই হাজার টাকার ব্যবস্থা না হওয়াতে প্রেসিডেন্সি কলেজের হল এখনও অনিশ্চিত। মেডিকেল কলেজ হাসপাতালে নানা বিভাগে নানা উন্নতি সাধিত হইয়াছে এবং সে বিষয়ে জনসাধারণ যথেষ্ট আনুকূল্য করিয়াছেন।

অপূর্ণ কার্যের পূর্ণতা সাধনের জন্ত বহু ব্যয়ে অনেক জমিও ক্রয় করা হইয়াছে। এই শতবার্ষিকী উৎসবকে চিরস্মরণীয় করিবার জন্ত যে নব-গৃহ নির্মাণের প্রস্তাব হইয়াছে তাহা নিশ্চিত হইলে সরকারী তহবিল অর্থাৎ সাধারণ প্রজার তহবিল হইতে বার্ষিক ব্যয়ভার নির্বাহের জন্ত পঁচিশ হাজার টাকার প্রতিশ্রুতিও পাওয়া গিয়াছে। অতএব প্রয়োজনীয় বাকী এক লক্ষ টাকার সংগ্রহে অকৃতকার্য হইলে হাসপাতালের সমূহ ক্ষতির সম্ভাবনা। আকস্মিক দুর্ঘটনা প্রতিকারের জন্ত এবং বাহিরের রোগী চিকিৎসার জন্ত (Casualty Ward and Out-door Department) সুব্যবস্থার দারুণ অভাব সকলেই অনুভব করিয়াছেন। সেই অভাব মোচন প্রয়াসে শত-বার্ষিকী উৎসব উপলক্ষ্যে এই প্রশংসিত

প্রস্তাব উপস্থিত হইয়াছে এবং এই প্রস্তাব সুচারুরূপে কার্যে পরিণত করিবার উদ্দেশ্যে সমগ্র চিকিৎসক সম্প্রদায় ও জনসাধারণের সাহায্য সান্নিধ্য প্রার্থনা করা হইতেছে।

ইহাতে শুধু উৎসবের সার্থকতা হইবে তাহাই নহে, সর্বসাধারণের প্রভূত উপকারের সম্ভাবনা বলিয়া তাহাদের এ বিষয়ে মনোযোগ আকর্ষণ করিবার চেষ্টা হইতেছে।

এইটুকু করিলেই এ বিষয়ে সাধারণের কর্তব্য পালন শেষ হইবে না। এই উৎসব উপলক্ষ্যে ভাবুক মাত্রেরই প্রতীতি হইবে যে, দেশে আর্ন্ত-ভ্রাণ ও আর্ন্ত-সেবার ব্যবস্থা নিতান্ত অপ্রচুর। আরও প্রতীতি হইবে যে, এই সেবার সম্যক্ অনুষ্ঠানের জন্ত শুধু এলোপ্যাথিক প্রণালী নয়, কবিরাজী, ইউনানী ও হোমিওপ্যাথিক চিকিৎসা প্রণালীর পরিপূষ্টি ও পোষকতা অবশ্য কর্তব্য এবং গবর্ণমেন্ট ও প্রজাপক্ষকে বন্ধপরিচর হইয়া সে কর্তব্য পালনে তৎপর হইতে হইবে। সকল শ্রেষ্ঠ উৎসবেরই উদ্দেশ্য যে, উৎসব উপলক্ষ্য করিয়া পারি-পার্শ্বিক অবস্থার সম্যক্ উন্নতির চেষ্টা হয়। এ ক্ষেত্রে সে উদ্দেশ্য নিতান্ত পরিষ্ফুট, শুধু প্রস্তাবিত গৃহ-নির্মাণ করিলেই সমগ্র সাধারণ কর্তব্য পালন করা হইবে না। পারিপার্শ্বিক উন্নতিরও প্রয়োজন এবং নানা বিষয়ে পুষ্টি ও প্রসারেরও সম্যক্ প্রয়োজন।





# সফলতা

## প্রীত অলুপা দেবী

[ পূর্বস্মৃতি ]

১৬

নীতের কুশাশাচ্ছন্ন স্নান রাত্রি; মনে হইতেছিল সমস্ত নৈশ প্রকৃতির গায়ের উপর কে যেন একখানা মোটা চাদর ঢাকিয়া দিয়াছে। আকাশে হয়ত একটু জ্যোৎস্না আছে, নক্ষত্রের চিরদিনের মত দীপ্তির অভাব নাই, কিন্তু অল্প অল্প মেঘের সমাবেশে সেখানেও পৃথিবীর মতই আচ্ছন্ন অবস্থা, যেন সব থাকিয়াও কিছু নাই—স্নান, শ্রীহীন, ছায়াচ্ছন্ন।

সর্সানী সারারাত ঘুমাইতে পারিল না। যতই ভাবিলে না বলিয়া স্থির করে, ততই যেন ঘুরিয়া-ফিরিয়া আজকের পাওয়া সেই চিঠি ছ'খানার কথাই তার মাথার ভিতরে ঘুরপাক খায়—“ইহার কাছে আমার যেন একটা বিশেষ দায়িত্ব আছে বলিয়াই আমি অনুভব করি।”—এই কথাগুলো তার কানের তারের মধ্যে যেন মূহুরবে বাজিয়া উঠিতে থাকে। সত্যই কি তাই আছে? দায়িত্ব যদি তার কাছে উহার সত্যই থাকে, তবে সর্সানীরও কি তাঁহার কাছে কোন দায়িত্বই নাই? সর্সানী মনে মনে হঠাৎ এক সময় যেন কতকটা ব্যাকুল হইয়া উঠিল। সত্যই কি তাদের পরস্পরের মধ্যে একটা দায়িত্ব জন্মিয়া গিয়াছিল? সত্যই কি এ কথা ঠিক? সর্সানী বিছানার উপর উঠিয়া বসিল, শুইয়া শুইয়া আর যেন ভাষা যায় না। কে যেন তার বুকটাকে চাপিয়া ধরিতেছে। তার বুকটা যেন ভারি হইয়া উঠিল। হয়ত এ কথাটা নিছক মিথ্যা। নয়, হয়ত এর ভিতর যানিকটা সত্যও আছে। অন্ততঃ দেশাচার ও শাস্ত্রাচার

এই কথাটাই বলিবে। এ দেশে এক সময় বাগদত্তা কন্যাকে বিবাহিতা হিসাবেই ধরা হইত। কোন কোন শ্রেণীর ব্রাহ্মণের মধ্যে বাগদত্তা কন্যার বাগদত্ত-পতি-বিয়োগে তাহাকে “আজীবন” ব্রহ্মচর্যা পালন করিতে হইত, তবে সাধারণভাবে বাগদত্তারা পঞ্চ-আপদ ঘটিলে অশ্রুত পরিণীতা হইতে পারিতেন। সর্সানী ঈষৎ চঞ্চল হইয়া উঠিল। তার ব্যাপারটা কিন্তু সেদিক দিয়াই যায় নাই, তার বাগদত্ত-পতি, নষ্ট, মৃত, প্রব্রজিত ইত্যাদি কিছুই নহেন—এ অবস্থায় তাদের মধ্যে হয়ত একটা দায়িত্ব থাকিয়াই গিয়াছে। অবশ্য এটা সর্সানীর দিক দিয়াই, কারণ এই বিবাহের বাধা সে-ই সৃষ্টি করিয়াছিল। তার বাগদত্ত-বেচারীর ইহাতে কোনই অপরাধ ছিল না, সেই হেতু দায়িত্ব তার দিক হইতে না থাকারই কথা, তথাপি যে তিনি এখনও নিজেকে তার কাছে এমন করিয়া আবদ্ধ রাখিতে চাহিতেছেন, এর ভিতরে সত্যই একটা অস্বাভাবিক ও অনন্তসাধারণ চিন্ত-বৃত্তির পরিচয় পাওয়া যাইতেছে। এমন তো কই সে আর কখন শোনে নাই?

সর্সানী তার গায়ে-জড়ানো রাগ-খানা খুলিয়া ফেলিয়া একটু নড়িয়া-চড়িয়া বসিল। তবে কি, সে ইহারই প্রস্তাব অনুমোদন করিয়া লইবে? তবে কি—

গভীর সংশয়াকুলচিত্তে সে নিজের অন্তরের অভ্যন্তরে চকিত দৃষ্টি নিক্ষেপ করিল। না, আর হয় না। সেই অজানা, অদেখা বাগদত্তের অন্ত কোনই সক্ষম তো কই তার অন্তরের অন্তস্তলেও উকি দিয়া দেখিতে



পাইল না? বরঞ্চ এত বড় লজ্জার ও গ্লানির কথা মুখে তো নহেই, মনের ভিতরও যেন তার স্থান না পায়। ভগবান তার মনটাকে এই দুর্কলতার পাপ হইতে মুক্ত করুন। এ কি তার এতদিনকার গর্বের প্রতিশোধ? নাঃ, এটাকে সে হৃৎস্বপ্নের মতই ভুলিয়া যাইবে।

সে আন্তর্ভাবে চোখ বুজিল। এ কি, এত দিনের এই চির-শূন্য-চিন্তা-শব্দদলে আজ সহসা এই অতর্কিত ভাবে এ কার মূর্তি এমন অনধিকারে ফুটিয়া উঠিতে চায়? ধিক্! ধিক্ সর্কাণীর এমন দুর্কল মনকে! না না, এ কখন হইতেই পারে না। জোর করিয়া সর্কাণী তার এ অনধিকার প্রবেশকে বাধা দিয়া ফিরাইবে। মিষ্টার ব্যানাজ্জী তার ভগ্নিপতি, ডালির বর, বাস্—এই পর্যন্ত! তার নিম্পৃহ ভোগ-লালসা-শূন্য সংযত-জীবনে সে কোন দিনই বাহিরের দুর্দৈব ডাকিয়া আনিবে না, বরং তার চেয়ে সেই প্রত্যাখ্যাত বাগদত্তকেই মনে মনে স্বামীর আসনে বসাইয়া তাঁহার প্রতি অবিচলিত নিষ্ঠায় বহিসংসারের অত্ম সমস্ত আকর্ষণকে দূরে সরাইয়া দিয়া আদর্শ সতীর মতই জীবনের দিনগুলো কাটাইয়া দিবে। ডালির হাসিমুখে যেন এতটুকু ছায়াপাত না হয়। কিন্তু হায়, কাহাকে সে স্মরণ করিবে? সে তো তাঁকে একবার চোখের দেখাও দেখে নাই। তা হোক, নাই বা দেখিল। ঠাকুর-দেবতাদের কি দেখা যায়? সেই রকম একটা কাল্পনিক মূর্তি গড়িয়া লইলেই চলিবে।

অবসাদ-ক্লান্ত দেহ বিছানায় লুটাইয়া দিয়া সে গায়ের উপর গরম চাদরটা টানিয়া দিল, তার পর নীরব-স্তব্ধ হইয়া পড়িয়া থাকিতে থাকিতে কোন্ সময় অদূরগত কেনালের অশ্রান্ত জল-কল্লোলের সমতান গুনিতে গুনিতে ঘুমাইয়া পড়িল।

১৭

শীত খুব জোর করিয়াছে। মেঘ ও বৃষ্টি যেন সৃষ্টিটাকে বিলুপ্ত করিয়া দিবার ষড়যন্ত্রে নিযুক্ত। চারিদিক ঘেরিয়া কুয়াশার জাল, আকাশে চাঁদ ওঠে কি-না

ভাল করিয়া জানাও যায় না, তারার মালার জো দেখাও নাই, আর সত্য কথা বলিতে গেলে বলিতে হয়, দেখার লোকই বা কই? ঘরে ঘরে দোর-জানালা বন্ধ; পর্দা টানা; অনেকেরই ঘরের মধ্যের চিমনিতে, যাদের তেমন ব্যবস্থা নাই তাদের মাটির ‘বর্সিতে’ আগুন জালিয়া ঘর গরম রাখার ব্যবস্থা করিতে হইয়াছে।

স্বপ্নের দুর্কল স্বাস্থ্য এতটা শীতের প্রতাপ সহ্য করিতে পারিতেছিল না। এত ষত্ন, এত সাবধান, অথচ কোন্ সময় একটুখানি ঠাণ্ডা বাতাস লাগিয়া যায়, সর্দি করে, কাশি ও হাঁচি হয়, সর্কাণী ভয়ে আঁৎকাইয়া উঠে। তার মনের ভিতরটা কে জানে কেনই সর্বদা একটা ‘হারাই-হারাই’-ভাব জাগিয়া উঠিতেছিল। বাপকে ছাড়িয়া সে আজ-কাল আর বেশিক্ষণ নীচেও নামে না, পিসির ও বাপের পীড়া-পীড়িতে যদিও বা নামে, একটুকু না যাইতেই উপরে উঠিয়া যায়, ছলে ছুতায় বাপের কাছে কাছেই ঘোরে ফেরে। কে যেন তার ভয়ানক মনের ভিতর উঁকি দিয়া দিয়া বলিয়া যায়, আর খুব বেশিদিন নয়। অসম্বরণীয় মর্ম্বস্তদু আবেগে তার বুকের মধ্যের রুদ্ধ রোদন গলার কাছে ঠেলিয়া উঠিতে থাকে, অসহ্য ব্যথায় তার বুকেটা যেন ফাটিয়া পড়িতে চায়। এই বাবা যদি তার না থাকেন, তবে এত বড় একটা বিশাল বিশ্বের বুকে সে একা একা থাকিবে কি লইয়া? একথা তার ভাবিতেও প্রবৃত্তি হয় না, আবার না ভাবিয়াও যেন উপায় নাই, কে যেন তাকে জোর করিয়াই ভাবায়। ভাবিতে গেলে তার মাথা ঘুরিয়া যায়, চোখে সে চারি দিক অন্ধকার দেখে, আবার জোর করিয়াই নিজেকে নিজে সাস্থ্য দিয়া মনকে শক্ত করিয়া লয়, ভাজিয়া-পড়া চিত্তকে আশ্বাসে আশ্বস্ত করিতে চাহিয়া বুঝাইয়া বলে—এমন কি কখন হয়? আমার মা, ভাই, বোন—কেউ নাই। বাবা কি কখন এত শীঘ্র যেতে পারেন? কক্ষণো না! গভীর আশ্বাসে ও অপরিণীম সাস্থ্যনার সূত্রে মন-প্রাণ ভরিয়া



উঠে। সর্বগীর অনেক সময় মনে হইত, বাপকে লইয়া সে না হয় দেশে ফিরিয়া যাইবে, সেখানে এতটা শীত তো নাই; কিন্তু সুরঞ্জনের সে ইচ্ছা ছিল না। তিনি হয়তো মনে মনে কি স্থির করিয়া লইয়াছিলেন, মুখে কিছুই অবশ্য বলেন নাই; কিন্তু ভাবে জানা যাইত যে, এখানেই তিনি এখনো থাকিতে চান। হয়তো নিজের শরীরের অবস্থা বুঝিয়াই একমাত্র অসহায়্য কণ্ঠ্যকে তার পৃথিবীর এই অবশিষ্ট আত্মীয়্যার নিকট হইতে অপস্থত করিতে তাঁর মায়া সরিতেছিল না। মেয়ে বাকুল হইয়া যখনই অনুযোগ তুলিত যে, এখানকার শীত সহ্যে না, দেশে যাওয়া যাক। তখনই মৃগহাস্তে তাকে শাস্ত করিতে চাহিয়া স্বভাবসিদ্ধ মৃদুকণ্ঠেই উত্তর দিতেন, “এ তোমার ভ্রম! হয়তো দেশে গেলে আরও বেশী ভেঙ্গে পড়বো, কেন ভয় করচ? এখানে তো বেশ আছি।”

সর্বগী বৃত্তিত পিসিমার সঙ্গে ছাড়িয়া আবার নিজেদের সেই নিরালা নির্জনবাসে ফিরিয়া যাইতে বাবা তার ভয় পাইতেছেন। তা সত্যকথা বলিতে গেলে বলিতে হয়, তারও কি দেবদেবের এই আনন্দ-পূর্ণ সংসারটা ছাড়িয়া নিজেদের সেই ভূতাহত প’ড়ো বাড়ীটার নিরানন্দ জীবনের মধ্যে ফিরিয়া যাইতেই কোন আগ্রহ ছিল? কিন্তু তার নিজের কোনো ব্যক্তিত্বকেই তো সে কোনোক্রমে প্রশ্রয় দিতে চাহে না, তার বাপ যেমন করিয়াই হোক, ভাল থাকিলেই হইল।

এখনই ‘টাল-মাটালে’র মধ্যে শীত কাটিয়া বসন্তকাল আসিয়া গেল। গোলাপ-লতার আপ্রাস্ত কুড়ি ফুটিয়া উঠিল, লুকট গাছে কমলা রংয়ের ফলের থোলোগুলি পথচারীর দৃষ্টিকে আকর্ষণ করিতে লাগিল। ‘ইউক্যালিপ্টাসে’র সরলোন্নত দেহ পুরাতন তৃকুলাকে জীর্ণবস্ত্রের মতই অবলীলাক্রমে পরিত্যাগ করিয়া নূতন স্বকে দেহ শোভাবর্জিত করিয়া তুলিল, চারিদিক হইতে উৎসবের সাড়া পড়িয়া গেল।

এ-দিকে উৎসবের সাড়া শুধু বাহিরেই নয় গোলাপ-সুন্দরীর বাড়ীতেও তাহারই একটা অমুষ্কৃতি চলিতেছিল। মিঃ ব্যানার্জী ডালিকে বিবাহ করিতে সম্মতি প্রদান করিয়াছেন। যদিও কাজের জ্ঞান তিনি এ তিন মাস ধরিয়াই দেবদেবের অনুপস্থিতি, কিন্তু তার জ্ঞান এ-বাড়ীতে আসন্ন প্রায় বিবাহোৎসবের আয়োজন কিছু কম পড়িতেছিল না। বিবাহ এখান হইতেই হইবে। বরের বাপ একলাই দেশ হইতে বিবাহের সময় আসিবেন এবং বিবাহান্তে বর-কনেকে দেশে লইয়া গিয়া বৌ-ভাত সমাধা করিবেন। বিবাহের দেনা-পাওনা সম্বন্ধে কথাবার্তা কহিতে গিয়া সুকুমার মিঃ ব্যানার্জীর কাছে ভীষণ তাড়া খাইয়াছে। তিনি বলিয়াছেন, বর-কনের জোড়-শাড়ী এবং কনের ছ’গাছি শাঁখা ভিন্ন আর যদি কোন কিছু দেওয়া হয়, তাহা হইলে তিনি বিবাহ সভা হইতে উঠিয়া যাইবেন। প্রতিজ্ঞা করিয়া সুকুমার স্বীকৃতি দিয়াছে যে, সে ইহার একটুও ব্যতিক্রম কোন মতেই ঘটতে দিবে না। অবশ্য মেয়ের বিবাহে খরচ না করিতে পারিলে মেয়ের পক্ষ বাঁচিয়া যায়, কিন্তু তাই বলিয়া এতটা বাড়াবাড়িও কিন্তু পছন্দ করা যায় না। সাধ্যমত নিজের মেয়েটিকে সকলেই ধন-রত্ন-সম্বিতা করিয়াই সম্মদান করিতে ইচ্ছুক থাকে, সাধ্যাতীত পীড়নটাকেই এড়াইতে চায়। গোলাপসুন্দরীর এই এক মেয়ে, তিনি ছঃখিত হইলেন, নিজেই একদিন ছেলেটিকে ডাকাইয়া কথাটা তুলিলেন। বলিলেন, তুমি তো চাইছ না আমার যদি সাধ্য থাকে আমি কেন দোব না? বিশেষ দেশে তো তোমার পাঁচজন আছে, তাঁরাই বা কি বলবেন?

ভবিষ্যৎ জামাতা দৃঢ় করিয়া ষাড় নাড়িলেন, উত্তর করিলেন, “আমি সুকুমারকে যা বলবার ছিল বলেছি।”

বিরক্ত হইলেও গোলাপসুন্দরী আর কোন আপত্তি তুলিতে ভরসা করিলেন না। বেশী নিংড়াইলে লেবু



তিক্ত হইয়া যায়, সেই প্রবাদ কথাটাই হয়ত তাঁর মনে পড়িয়া গেল।

তারপর স্কুমার সর্বাঙ্গীর্ণ সহিত পরামর্শ করিয়া এই প্রকার বন্দোবস্ত করিল, বিবাহের দিন ডালি শাড়ী ও শাঁখা পরিয়াই ক'নে সাজিবে, তারপর বিবাহ হইয়া গেলে বৌ-ভাতের জন্ত যখন সে শশুর-বাড়ী যাইবে, স্কুমারকে তো সঙ্গে যাইতেই হইবে, সে গহনাপত্র লইয়া গিয়া বৌ-ভাতের দিনে 'বৌ-দেখানি' বলিয়া বোনকে পরাইয়া দিলে জামাই-এর তো আর ফেরৎ দেওয়ার হাত থাকিবে না!

অনেক খুঁৎ খুঁৎ করিয়া অবশেষে গোলাপসুন্দরী নিরুপায়ে ইহাতেই সন্মত হইলেন। তবে এ দিকে খরচ কম হইবে বলিয়া বিবাহের দিন লোক খাওয়ানোর ও অত্যাগ্র আয়োজনের একটু বিশেষ-ভাবেই ব্যবস্থা স্কুমার করিতে ইচ্ছুক হইল। তাই এক দিকে শীতের জড়তা কাটিয়া আসার সঙ্গে সঙ্গেই বাড়ীতে বিবাহোৎসবের স্থচনা দেখা দিয়া সকলকেই একটুখানি উৎসাহিত করিয়া তুলিল। এমন কি, সুরঞ্জনের নিরানন্দ চিত্তেও যেন এই শুভ-কার্যের আনন্দোচ্ছলতার একটুখানি উজ্জ্বল লাগিয়া গেল। স্বভাবতঃ মুহূর্ত্তাধী ও সর্ব-নির্লিপ্ত মাতুল প্রসন্নোজ্জ্বল মুখে ডালিকে কাছে ডাকিয়া সুগভীর মেহমত্রে তার মাথার উপর একখানি হাত রাখিয়া মনে মনে আশীর্বাদ করিলেন। সর্বাঙ্গী বলিয়া উঠিল, "ওকে তো আইবড়-ভাত দেবার উপায় নেই, বৌ-ভাতেই না হয় হোল,—আমরা কিন্তু একস্মৃষ্টি মুক্তোর গহনা আর খুব ভাল একটা বেনারসী সাড়ী দোব, কেমন বাবা?"

মুহূর্ত্ত হাশ্বে সুরঞ্জন উত্তর দিলেন, "বেশ তো মা, তাই দিও।"

তারপর অত্যন্ত সন্তর্পণে একটা প্রচণ্ড দীর্ঘশ্বাসকে তিনি ভিতরে ভিতরে দমন করিয়া লইলেন। হয়ত সঙ্গে সঙ্গেই মনে পড়িল, ক'খানা সামান্য গহনার জন্তই আজ তাঁর মেয়ের এই দুঃখ!

১৮

দুঃখ শীতের কনুকে হাওয়ায় হাড়-কাঁপানো, কুয়াশা-ভরা কঠিন দিনগুলো কাটিয়া চৈত্র-শেষের বাসন্তী দিন দেখা দিয়াছে। পুঞ্জীকৃত অশ্রু-বাপের মত সমুদয় কুয়াশার জাল ছাড়াইয়া দীপ্ত স্বর্ণচ্ছটায় চারিদিক সুপ্রসন্ন ও স্নিত হইয়া উঠিয়াছে। নাতিশীতোষ্ণ মন্দ-মধুর হাওয়া অজস্র প্রস্ফুট গোলাপের সৌরভে গভীর ভারাক্রান্ত। গাঢ় শব্দ কমলা রংয়ের লুকট ফল গুল্লে গুল্লে গাছগুলোকে যেন আলোক-স্তম্ভের মতই সর্বলোকলোচনীভূত করিয়া তুলিয়াছিল। দলে দলে মেয়ে-পুরুষ প্রতি সন্ধ্যায় ছায়া-মধুর পুষ্পগন্ধামোদিত প্রশস্ত রাজপথে ইচ্ছাস্থখে বিচরণ করিয়া ফিরিতেছিল, আমোদ-আলাপের গুঞ্জে, তরল কলহাশ্রে পথিপার্শ্ব গৃহবাসিগণ চকিত হইয়া চাহিয়া দেখিতেছিল।

বিবাহের দিন নিকটতর হইয়া আসিতেছিল, সকলেই আনন্দে মগ্ন; কিন্তু ইহারই কাঁকে কাঁকে সর্বাঙ্গীর্ণ ভিতর ভিতর কি যেন একটা পরিবর্তন ক্রমশই প্রবলতর হইয়া উঠিতেছিল। ইহাকে যতই সে অগ্রাহ্য করিতে যায়, ততই যেন সে তাহাকে দুর্বল করিয়া ফেলিয়া তাহার 'পরে' নিজের অধিকার বিস্তৃত করিয়া তুলিতে থাকে। তার এই বৈচিত্র্যময় ঘটনাবলি অদ্ভুত জটিল জীবনেরই কয়েকটা বৎসর ধরিয়া যেখানটীতে আসিয়া দাঁড়াইয়া পড়িয়াছিল তারপর আর যে সেখানকার দলবঁধা জলস্রোতকে ঠেলিয়া ফেলিয়া তার এই জীবন-তরী উজান বাহিয়া কোন্ নির্দিষ্ট নদীপথে বাহির হইয়া পড়িবে—এ যেন সে কল্পনাও করিতে পারিতেছিল না। এই সেদিন পর্য্যন্ত সে জানিত, সুখ-দুঃখ সম্বন্ধে মন তার নির্বিকার হইয়া গিয়াছে—এমন কি সে পুরাণেরই একটা পুরাতন শ্লোককে মনে মনে আঙড়াইয়া এ বিষয়ে নিজের মনকে বেশ একটা শক্ত নজির দিয়া রাখিয়াছিল—"সুখং দুঃখং ন কোহপিদাতা" ইত্যাদি—

কিন্তু কেন ইদানীং একটা এই মন-গড়া অবাচিত



হৃৎকের নেশা মনকে পাইয়া বসিতেছে, তা সে জানে না। কিসের জন্ত এই হৃৎ-বোধ তার মধ্যে দেখা দিল? নিজের উপর তার এই হৃৎ-ক্লান্ত মনটা যেন নিদারুণ বিতৃষ্ণায় বিরূপ হইয়া উঠিল। না, ছিঃ, কিসের এ দুর্বলতা! যে বাপের মুখ চাহিয়া তাঁর সন্তোষ বিধান করিতে পারে নাই, আজ কে বিশ্বাসঘাতকতা করিয়া নিজের সুখ খুঁজিতে বসিল। মরুময় জীবনের একপ্রান্তে স্বপ্নজাল-মণ্ডিত স্বর্গোদ্ভানের মতই অপুষ্ট লতা-শুল্ক-পত্র-পুষ্প সমাচ্ছন্ন হরিৎ শ্রী-র যে সমাবেশ দেখা দিয়াছিল নিশ্চয় রুক্মিনীতের জলন্ত লুকুটি দিয়া সে তাদের ভাল করিতে চাহিল, একান্ত বিতৃষ্ণ অবহেলায় ঘণার সহিত মুখ ফিরাইয়া লইল। না — ডালির বর তার ছোট ভগ্নিপতি মাত্র, তার 'পরে এই যে মনোভাব, এ শুধু স্নেহ কখনও প্রেম নয়। তার মন কি এতই দুর্বল, নিশ্চয়ই না। এমন সময় ডালি কোথা হইতে দুর্দান্তভাবে ছুটিয়া আসিয়া তার পিঠের উপর কাঁপাইয়া পড়িল, আবদার-ভরা, আদর-গলানো অভিমানের সুরে কহিল —

“বাবা রে বাবা! যে দিকে যাবো কেবলই শিল্প-চর্চা হচ্ছে! আমি যে এর ভিতর কোথায় যাই, ভেবেই পাই না!”

বাস্তবিকই ডালির বিবাহের জন্ত বরের জুতা-আসন ইত্যাদি কতকগুলি আবশ্যকীয় শিল্প-জাত দ্রব্য লইয়া সর্বাঙ্গীরা পিসি-ভাইঝিতে লাগিয়া রহিয়াছে, এখনও তাদের বসিবার ঘরের একটা কোচের উপর ডুবিয়া বসিয়া সর্বাঙ্গী একটা কার্পেটের আসনের ঘর কালো পশম দিয়া ভরাইতেছিল, মুখখানা গম্ভীর করিয়া বলিল — “তুমিও এর ভেতর ঢুকে পড়ো বাইরে থাক্‌চো বলেই না মুন্সিল!”

ডালি চোঁট উল্টাইয়া কহিল, “ইস, আমার বয়ে গেছে, আমার ভারি গরজ কি-না!”

সর্বাঙ্গীর সূচের পশম ফুরাইয়াছিল, নূতন পশম পরাইতে পরাইতে ষাড় না তুলিয়াই উত্তর করিল, “তোয় না তো গরজটা কার, শুনি? আমরা যে

দয়া ক'রে দিচ্ছি ব'লেই না, না হ'লে হাতে সূতো বেঁধেই না তোকে এইসব তৈরী করতে লেগে যেতে হতো, না?”

ডালি ঝঙ্কার করিয়া উঠিল, “আহা গো! তা আর নয়! কেন এইসব বরকে না পরালে বুঝি বিষে আইন-সিদ্ধ হয় না? না, মহাভারত অশুদ্ধ হয়ে যায়? হ্যাঁ সবুদি! তুমি বুঝি তোমার বরের জন্তে নিজেই সব ক'রেছিলে? নিশ্চয় ক'রেছিলে, না হ'লে আমায় বলছো কেন?”

সর্বাঙ্গীর সূচের সূতা পরানো হইয়া গিয়াছিল, সে অর্ধসমাপ্ত আসনখানার উপর পশমের টোপ তুলিতে তুলিতে হাসিয়া কহিল, “দূর! আমার আবার বর কে?”

ডালিও হাসিয়া কহিল, “কেন, সেই আধখানা বর, যার জন্তে আজও উদাসিনী হ'য়ে রয়েছ, সেই! আবার কে?”

সর্বাঙ্গী এবার হাসিল না, বরং দেখিতে দেখিতে তার প্রফুল্ল-স্মিত-মুখ ঈষৎ শ্লান হইয়া আসিল, তাদের উপর একখণ্ড হালকা পাতলা মেঘ আসিয়া পড়িলে যেমন দেখায়, তার সহাস্র সুন্দর মুখখানাকে তেমনই দেখাইল।

কি একটা অজ্ঞাত গোপন মনোবৃত্তির আবেগে বুকটা সুগভীর দীর্ঘশ্বাসের ভারে ঈষৎ ফুলিয়া উঠিল, কিন্তু সেই আকস্মিক জাগিয়া-ওঠা মানসিক দুর্বলতাকে সবলে ঠেলিয়া ফেলিয়া মুখের উপর একটা সচেষ্ট হাসির আভাস টানিয়া আনিয়া সে সহজভাবেই উত্তর দিল, “তবেই দেখ, আমি ও-সব করি নি ব'লেই না, আধখানা বরের কনে হয়ে র'য়ে গেলাম। মহাভারত অশুদ্ধ হয়-না-হয় দেখচো তো?”

ফস্ করিয়া সর্বাঙ্গীর হাত হইতে কার্পেটের টুকরাটা টানিয়া লইয়া ডালি ব্যগ্রতা দেখাইয়া বলিয়া ফেলিল, “না, বাপু! তা হ'লে আমি একুণি ছ'চার কোঁড়ও অন্ততঃ বুনে দিচ্ছি, তোমার মতন আধখানা-বরে আমার চলবে না, আমার পুরোপুরি সবটাই চাই।”

আবারও একটা চাপা দীর্ঘশ্বাস সর্বাঙ্গীর বুক ঠেলিয়া



গলার গোড়া পর্যন্ত উঠিয়া আসিল। একান্ত বিমনা-  
ভাবেই সে যেন কলের মতই উচ্চারণ করিয়া গেল,  
“সবটাই তোকে দিলুম।”

অসঙ্গতি তার কানে ঠেকিল না, ঠেকিলে নিশ্চয়ই সে  
হাসিয়া উঠিয়া কোনো-না-কোনো একটা বেকাস প্রস  
করিয়া বসিত, তাহাতে সংশয় নাই। হয়তো বলিয়া

ডালি কথাটা বলিয়া ফেলিয়া নিজের লজ্জায় নিজের  
বিত্রত হইয়া পড়িয়াছিল, তাই সর্বগীর কথার এই

বসিত, “এটাও কি তোমার দখলে এসে গেছিল  
না-কি? (ক্রমশঃ)

## জীবনের তাঁত

শ্রীসুকোমল বসু

জীবনের তাঁত বুনে চলিয়াছে ময়ূরপঙ্খী সাড়ী

আধেক উজল—আধেক আঁধার ভারী।

সুখ-দুঃখের টানা-পড়েনেতে ভাই

আটকিয়ে গেছে আমাদের পরমাই!

আশার লম্বা মোটা সূতোগুলি পাক্ খেয়ে খেয়ে এসে

ছিঁড়ে সরু হ'য়ে মাকুর বুকতে মেশে।

আকাজ্জা যত জট্ বেঁধে যায়—ছিঁড়ে দিতে হয় তাই

নাগাল পাওয়া ও পরিমিত সূতো—তার বেশী কাজ নাই।

জন্ম-মৃত্যু হ'বারে আঁচল—তারই বুক চলে খেলা

প্রাণ ধারণের মেলা।

জীবনের তাঁত আমাদেরই হাতে চলিছে ভীষণ জোরে

মাকুর লাটু বন্ বন্ ক'রে ঘোরে।

খোলতাই রং ভাঁজে ভাঁজে যবে চক্ মক্ ক'রে ওঠে

আমাদের হৃদি-সরোবরে ফুল ফোটে

মরা কালো রং যবে দেয় ফের উঁকি—

নিরাশায় ভাই আমরাই পড়ি ঝুঁকি'।

ময়ূরপঙ্খী সাড়ীর আঁচলে টানা-পড়েনের মত

আঁধারে হৃদয় ম'রে যায় ফের আলোতে সমুন্নত!

মেকী ধারণা বা ছোট হ'য়ে যায় ঠাসা-বুনানীর চাপে

লম্বা-আশার সূতো ছিঁড়ে যায় স্ফুটাবনার মাপে।

ময়ূরপঙ্খী সাড়ীর মতই আলো-আঁধারের খেলা

জীবনের হাতে—এই নিয়ে চলে মেলা!

সুখ-দুঃখের টানা-পড়েনেতে ভাই

আটকিয়ে গেছে আমাদের পরমাই।




# কালিম্পঙ ও সিক্কিমে কয়েক দিন

শ্রীবিশ্বনাথ মুখোপাধ্যায়, বি-এল্

[ পূর্বস্মৃতি ]

তিস্তা-ব্রিজ হইতে কালিম্পঙের রাস্তায় অর্ধমাইল আন্দাজ গিয়া বাঁ দিকে গ্যাণ্ডটকের রাস্তা। ‘অটোমো-বাইল এসোসিয়েসনে’র সৌজন্যে রাস্তা ভুল করিবার সম্ভাবনা নাই—ঠিক মোড়ের উপরেই সাক্ষেতিক চিহ্ন দ্বারা রাস্তা নির্দেশ করিয়া দিতেছে। বিপজ্জনক রাস্তায় সতর্ক করিবার সাইন-বোর্ডও দেওয়া আছে। যাইতে বহুদূর পর্য্যন্ত ‘ত্রিশূল মার্ক’ পোষ্ট দেখিলাম—গ্যাণ্ডটকের ১০।১৫ মাইল আগে হইতে আর দেখিলাম না—বোধ হয় এসোসিয়েসনের লোক গ্যাণ্ডটক পর্য্যন্ত পৌছায় নাই। রাস্তা অপরিসর, মাত্র একখানি মোটর যাইতে পারে—৫০০।৭০০ গজ দূরে দূরে রাস্তা একটু চওড়া করিয়া দুইখানি গাড়ি একত্রে যাওয়ার স্থান রাখা হইয়াছে। ‘ষ্ট্রিয়ারিং’-এ বসিলে এ-দিক ও-দিক চাহিয়া দেখা আর চলে না। রাস্তা বরাবর সিঙ্টাম্ (সিক্কিম্ রাজ্য) পর্য্যন্ত তিস্তার ধারে ধারে গিয়াছে। উপরে রাস্তা—৫০০।৭০০ ফুট নীচে তিস্তার ভীষণ গর্জন, গাড়ীর চাকা ২।১ ফুট স্থানচ্যুত হইলেই একেবারে নদীগর্ভে! প্রাকৃতিক শোভা-সৌন্দর্য্য উপভোগ করার ভাগ্য ‘ড্রাইভারে’র হয় না। তবে ৪।৫ মাইল পরে পরেই গাড়ী দাঁড় করাইয়া, হয় ইঞ্জিনের জল ঠাণ্ডা করা, নয় ব্রেকব্যাণ্ডে জল ঢালার প্রয়োজন হইয়া পড়িতেছিল। স্মরণ্য তাহার ফাঁকে ফাঁকেও প্রকৃতির নৈসর্গিক শোভা দেখিবারও সুযোগ ঘটিতেছিল। রাস্তার ধারে শালবন দেখিয়া মনে হয় শিকারের স্থান। কয়েক মাইল দূরেই তারখোলা ফরেষ্ট বাংলো। সেখানে খবর পাইলাম, দার্জিলিং-এর ডেপুটি কমিশনের ও কালিম্পঙের সবডিভিসনাল অফিসার প্রমুখ্যে সাহেব-স্বারা এখানে মাঝে মাঝে শিকারের তল্লাসে আসিয়া থাকেন।

রংপো ব্রিটিশ রাজ্যের সীমানা। সেখানে রংনি নদী উত্তর-পূর্ব হইতে আসিয়া তিস্তার সহিত মিশিয়াছে, নদীটি দুই রাজ্যের সীমানায় প্রবাহিত। রংনি নদীর উপর রোপ-ব্রিজ, গাড়ী চলিলে ব্রিজটি ছলিতে থাকে। নদীর ধারেই ব্রিটিশ থানা। শুধু দারোগা



তিস্তা নদীর ধারে রাস্তা

ও শুধু সিপাহীরা আমাদের সঙ্গে আলাপ-পরিচয় করিতে ব্যস্ত হইয়া পড়িল। প্রফুল্ল মজুমদার বন্দুকটি এইখানে ‘ডিপজিট’ রাখিয়া একখানি রসিদ সংগ্রহের ব্যবস্থা করিলেন। কারণ সিক্কিম্ রাজ্যে বন্দুক লইয়া যাইবার পাশ আমাদের ছিল না। বিদেশীয় খেতাব-দেব সিক্কিম্ রাজ্যে যাইতে হইলে পাশ থাকা দরকার।



ভারতীয় 'কাল-আদমির' পক্ষে সে নিয়ম নাই শুনিয়া মনে একটু আনন্দ হইল। দেখিলাম কয়েক জন রংনি নদীতে মাছ ধরিতেছে—খবর পাইলাম যে এ-স্থানে মহাশোল মাছ ধরিবার জন্য অনেকের গুভাগমন হয়।

ব্রিজ পার হইয়া সিক্কিম-রাজ্যে পৌছিলাম। শুনিয়াছিলাম এখানে না-কি সিক্কিম-পুলিস গাড়ী এবং জিনিষপত্র খানাতল্লাসী করে—উদ্দেশ্য 'চুঙ্গি' আদায় করা। সিক্কিম রাজ্যের প্রথা একটু নূতন রকমের। ব্যবসায় করিবার অধিকার নিলামে ডাকিয়া এক একজনকে দেওয়া হয়। একজন সিগারেট বিক্রয়ের



মহারাজার উদ্ভানে বসিবার স্থান — সিক্কিম

অধিকার নিলামে ডাকিয়া লইয়াছেন। তিনি ভিন্ন আর কেহ সিক্কিম রাজ্যে সিগারেট আমদানী করিতে পারিবেন না। অবশ্য বিক্রয় করিবার দাম রাজার ভরফ্ হইতে ধার্য্য করিয়া দেওয়া হয়। কাপড়, জামা, জুতা, টোটা-বারুদ ইত্যাদি যাবতীয় জিনিষের জন্য এই প্রথা। সীজমামবাবুর ট্যান্নি গাড়ীতে

একজন খাঁ-সাহেব ছিলেন। আলাপে জানিলাম, তিনি সিক্কিমের যাবতীয় চামড়ার ঠিকা লইয়াছেন এবং তাহারই তদারকে গ্যাঙ্কট্ফ যাইতেছেন। যে কোন কারণেই হউক আমাদের গাড়ীতে পুলিস আসিল না, খানাতল্লাসীও করিল না। রংপো পোষ্ট অফিসে, বাঙ্গালী মাষ্টারবাবু ও বাঙ্গালী ছেলে-মেয়ে দেখিয়া মনে আনন্দ হইল। রংপোতে বহু বেহারী আস্তানা গাড়িয়াছেন, আমরা ডোমিসাইলড্, স্বনাম-খণ্ড কেদারবাবুর ভাষায় বলিতে গেলে 'ধেমো-শালিক'। তাঁহারা সকলেই সুখে আছেন। একখানি নূতন ডঙ্ক গাড়ী তাল-তোবড়া অবস্থায় দেখিয়া মনে আতঙ্ক হইল, শুনিলাম ড্রাইভারের একটু পান দোষ ছিল। কমলালেবুর প্রচুর আমদানী দেখিলাম, পাইকারও অনেক—সবই চালান হইয়া যায়। রাস্তায় যাইবার সময় কমলালেবুর বাগান এবং ২১টা গাছে লেবু ফলিয়া থাকিতেও দেখিলাম। বহু কুলি দলে দলে কমলালেবুর ঝাঁকা লইয়া নীচে নামিতেছে। বহু চেষ্টাতেও কমলালেবু কিনিতে পারিলাম না। রংপো হইতে রাস্তা বরাবর চড়াই, সময়ে সময়ে সেকেণ্ড-গিয়ারও ফেল করে। তিস্তার ধারে ধারে 'সাঁকো খোলা' পার হইয়া সিংটাম পৌছিলাম।

সিংটাম একটি ছোট ব্যবসায়ের স্থান। এখানেও কয়েকটি বেহারীর দোকান দেখিলাম। জল হাওয়া এখানকার বড় খারাপ। মশার উৎপাতও না-কি খুব বেশী। এখান হইতে দার্জিলিং পদব্রজে যাওয়ার একটি রাস্তা আছে। পাছে মশা কামড়ায়, এই ভয়ে সেখান হইতে শীঘ্রই রওনা হওয়া গেল। এবার তিস্তা ছাড়িয়া অন্ত্র নদীর ধারে ধারে চলিলাম, জিজ্ঞাসা করিয়া জানিলাম, এ নদীটিকেও না-কি রংনি বলে। শ্রামভঙ্ পর্ধ্যন্ত নদীর ধারে ধারে রাস্তা, পথে ছোট একটি টানেল (Tunnel)—দেখিয়া কালকা-সিমলার রাস্তা মনে পড়িল। শ্রামভঙ্ হইতে গ্যাঙ্কট্ফ রাস্তাটি অপেক্ষাকৃত ভাল ও পরিসর, রাস্তার উন্নতি-করে চেষ্টারও ব্যবস্থা দেখিলাম।



সিক্কিম রাজ্যের ভিতরের রাস্তা হইলেও ইংরেজ সরকারের কর্তৃত্বাধীনে। কারণ এই রাস্তাটি একেবারে তিব্বত পর্য্যন্ত গিয়াছে। গ্যাঙ্‌টক পৌছিতে আমাদের প্রায় সন্ধ্যা হইয়া আসিল বাজারের উপর পৌছিতেই অনেক লোক গাড়ী ঘিরিয়া দাঁড়াইল, বুঝিলাম বাঙ্গালীদের আগমন কদাচ কখনও হয়। ডাকবাংলা আগেই অল্প কোন ভদ্রলোক রিজার্ভ করিয়া রাখিয়াছিলেন। বাজারের সকলে মিলিয়া আমাদের বাসোপযোগী একটি বাড়ী দেখিতে বাস্তু হইলেন। দু'টি বাঙ্গালী মুসলমান দেখিয়া তাঁহাদের সঙ্গে বাঙ্গালায় কথাবার্তা বলিয়া আনন্দ পাইলাম। তাঁহাদের নিকট খবর পাইলাম যে, বাজারের নীচেই স্থল মাষ্টার শ্রীযুক্ত রমেশচন্দ্র সেন মহাশয়ের বাসা — সেইখানেই থাকার ব্যবস্থা করা হইল। রাত্রে খাওয়া-দাওয়ার পর কথাবার্তায় বুঝিলাম যে, বাহ্যিক শক্ত আবরণের ভিতরে মাষ্টার মহাশয়ের প্রাণ আছে এবং তাহার সাড়াও মাঝে মাঝে পাওয়া যায়।

গ্যাঙ্‌টক—সুন্দর পরিপাটি সহর, রাস্তাগুলি পরিষ্কার, একটা পরিচ্ছন্নতার আভাষ সর্বত্র দেখিতে পাওয়া যায়। সিক্কিম রাজ্য আয়তন বা রাজস্ব ছোট হইলেও রাজ-নৈতিক হিসাবে বেশ important। ৬৭ লক্ষ টাকা রাজ্যের আয়—সমস্ত টাউনটিতে ইলেক্ট্রিক আলো, স্থানীয় পাহাড়ী লোক ছাড়া অল্প কাহারও নিজস্ব বাড়ী নাই। যে কয়খানি ভাল বা বাসোপযোগী বাড়ী আছে সমস্তই রাজার। প্রশস্ত রাস্তার দুই ধারে ছোট বাজার এবং সেই রাস্তার উপর সপ্তাহে ২ দিন করিয়া হাট বসে। সকালে চা খাওয়ার পর সহর দেখিতে বাহির হওয়া গেল। মহারাজার নাম স্যর্ টাসি নাম গয়াল—মহারাজার প্রাসাদে আসিয়া প্রাইভেট সেক্রেটারির নিকট আমাদের 'কার্ড' দিয়া মহারাজার সহিত সাক্ষাৎ করিবার অভিলাষ জ্ঞাপন করিলাম। প্রাইভেট সেক্রেটারি রেপক্ কাজি — সমাদরে আমাদের সঙ্গে আলাপ করিলেন, ওনিলাম পালি-ভাষার বহু পুরাতন গ্রন্থ এখানে বৌদ্ধ-মন্দিরগুলিতে রক্ষিত আছে এবং সময়ে

সময়ে কলিকাতা হইতে অনেক শিক্ষিত লোক এখানে শুভাগমন করিয়া থাকেন। প্রাইভেট সেক্রেটারি, মহারাজাকে জিজ্ঞাসা করিয়া সাক্ষাতের সময় নির্ধারণ করিবেন বলিয়া প্রতিশ্রুত হইলেন। আমরা সেখান হইতে চিফ্ জজ রূপনারায়ণবাবুর বাড়ী আসিলাম। এককালে তিনি আমাদের সতীর্থ ছিলেন—ডেরাইসমাইল থা সহরে ওকালতি করিতেন। তাঁহার নিকট আচার-ব্যবহার, আইন-সম্বন্ধীয় ব্যাপার জ্ঞাত হইলাম। সেখানে কোন পাণ্ডুলিপি আইন নাই। রাজ্যটি ৬৮টি এলাকায় বিভক্ত।



গ্যাঙ্‌টকের পথে 'টানেল'

প্রত্যেক এলাকা ১ জনের সহিত নির্ধারিত ক'রে ১৫ বৎসরের জন্ম ইজারা দেওয়া আছে। ইজারাদারগণ নিজ নিজ এলাকার মধ্যে জজের কাজ করেন। তাঁহাদের আপিল চিফ্ জজের নিকট হয় — চূড়ান্ত আপিল মহারাজার নিকট হইয়া থাকে। এলাকাদার জজগণ ৪ ভাগে বিভক্ত। ফাষ্ট ক্লাস জজদের ১ মাস পর্য্যন্ত কয়েদ দিবার অধিকার আছে, বাকীগুলির কেবল



জরিমানা করিবার ক্ষমতা আছে। জরিমানার টাকা অর্দ্ধেক রাজার খাজনা-খানায় আসে, বাকী অর্দ্ধেক এলাকাদারদের প্রাপ্য। এই অদূরদর্শী প্রথার বিরুদ্ধে আমরা সকলেই মত প্রকাশ করিলাম—চিফ্ জজও ইহার পক্ষপাতী নন জানাইলেন। রাজ্যের ব্যাঙ্কার (Banker) একটি মাড়োয়ারী ‘ফার্ম’ সরকারী রাজস্ব ঐ ব্যাঙ্কের মারফতে আদায় হয় ও খরচ-পত্রও ব্যাঙ্ক হইতে হইয়া থাকে। রাজকীয়



• মহারাজার প্রাসাদ ও ডাক বাংলো যাইবার পথ

কার্যের জন্ত সেক্রেটারিয়েট আছে। Mr. C. E. Dudley স্থানীয় ‘টাসি নাম গ্যাল’ হাই ইংলিশ স্কুলের হেড মাষ্টার এবং মহারাজার জেনারেল সেক্রেটারি। মহারাজার আরও দুইটি সেক্রেটারি আছেন, একটি রায় সাহেব রেণকু কাজি অপরটি গ্যালসন্ কাজি, রাজ্য-সম্বন্ধীয় কাজ-কর্ম এই সেক্রেটারি ত্রয় মহারাজার নির্দেশ অনুসারে করিয়া থাকেন। বিচার-কার্য চিফ্ জজের

এলাকা, তাঁহার ফাঁসি পর্য্যন্ত দিবার ক্ষমতা আছে, তবে তাঁহার capital punishment-এ আস্থা নাই। চল্লিশ জন কয়েদী রাখিবার মত জেল আছে। Warder এবং জেলের অফিসাররা আলিপুর সেন্ট্রাল জেল হইতে শিক্ষা পাইয়া আসিয়াছে। আমরা যেদিন গ্যাণ্ডটক পৌছিলাম, সেদিন চারিটি কয়েদি জেল হইতে পলাইয়াছিল। স্কুলের Boy Scouts তিনটিকে গ্রেপ্তার করে। চতুর্থটির সন্ধান তখনো মিলে নাই। Jailor আনন্দ সহকারে জেলের ভিতর-বাহির আমাদিগকে দেখাইলেন। ব্যবস্থা ভালই দেখিলাম, কয়েদীর সুখ-স্বাচ্ছন্দ্যের প্রতি নজর আছে। পূর্ণিয়া জেলে নন-অফিসিয়াল ভিজিটরের কাজ বহুদিন করিয়াছি। কয়েদীদের প্রতি জেলার এবং ওয়ার্ডারদের সহৃদয়তা দেখিয়া বেশ আনন্দ হইল।

বৈকালে রেণকু কাজি স্বয়ং আসিয়া খবর দিয়া গেলেন যে, মহারাজার সহিত পরদিন সকাল আটটার সময় সাক্ষাৎ হইবে। ইচ্ছা ছিল, বাঙ্গালী বেশে মহারাজার নিকট যাই। কিন্তু রমেশবাবুর ইচ্ছানুসারে ইংরাজী পোষাক পরিয়াই যাইতে হইল। মহারাজার সম্মানের জন্ত ‘খাদা’ (Scarf) উপঢৌকন দিবার প্রথা শুনিলাম। পাঁচ টাকা মূল্যে দুইখানি ‘খাদা’ লইয়া রাজ-দর্শনে গেলাম। যাইয়া শুনিলাম মহারানী ‘গুমা’ (Monastery)-র কাজে ব্যস্ত। আমাদেরই ভুল হইয়াছিল, পূর্বে প্রাইভেট সেক্রেটারিকে বলি নাই যে, আমরা মহারানীর সহিতও সাক্ষাৎ-অভিলাষী। মহারাজাকে একখানি ‘খাদা’ উপহার দিলাম। তাঁহার সহিত অনেক কথাবার্তা হইল। ভূমিকম্পে আমাদের দেশে কিরূপ ক্ষতি হইয়াছে, তাহা শুনিয়া মহারানী বিশেষ দুঃখিত হইলেন। সিক্কিম রাজ্যেরও বহু ‘গুমা’ (Monastery) ভূমিকম্পে নষ্ট হইয়া গিয়াছে, এ কথাও জানাইলেন। প্রাসাদটি ছোট, কিন্তু ছবির মত সুন্দর। ফুল বাগানটি সুশোভন এবং সুরক্ষিত। প্রাসাদের পশ্চাতেই ‘গুমা’। মহারানী সেইখানেই কাজকর্ম করিতেছিলেন — ভূমিকম্পে ‘গুমা’টি নষ্ট হইয়া



গিয়াছে। প্রাইভেট সেক্রেটারি 'গুয়া'র প্রত্যেক অংশ  
ব্রহ্মসহকারে দেখাইলেন। নীচেই সেক্রেটারিয়েট এবং  
দরবার-হল। মহারাজা এখানে এলাকাদারদের  
লইয়া দরবার করিয়া থাকেন। প্রাসাদের সামনে  
চওড়া রাস্তা — ডাকবাংলা পর্য্যন্ত গিয়াছে।  
ডাকবাংলার পাশেই 'হোয়াইট্ হল' ক্লাব।  
ক্রাবে টেনিস্, বিলিয়াড্ প্রভৃতি খেলার ব্যবস্থা  
আছে। সরকার মহাশয় ও তরফদার মহাশয়  
(খুল মাষ্টার) ক্লাবের মেম্বর—রমেশবাবুর সে বালাই  
নাই। তাঁহাদের ও চিফ্ জজের আগ্রহে রোজই  
বৈকালে ও সন্ধ্যায় ক্লাবে সময়টা মন্দ কাটিত না।  
মনে গরু ছিল যে, পূর্ণিয়া স্টেশন ক্লাব (লেখকই তাহার  
সেক্রেটারি) মফঃস্বলের ক্লাবের মধ্যে অধিতীয়।  
পাহাড়ীদের ক্লাব দেখিয়া গরু একটু আঘাত লাগিল।  
ভূতপূর্ব Political Agent 'হোয়াইট্' সাহেবের স্মৃতি-  
কল্পে চাঁদা করিয়া ক্লাব-ঘরটি তৈয়ারী হইয়াছে।  
এখানকার পাহাড়ীরা দুই ভাগে বিভক্ত—তিব্বতী  
এবং ভুটিয়া। মহারাজা তিব্বতী আভিজাত্য গৌরব  
কড়ায়-গণ্ডায় বজায় রাখিয়া থাকেন। ভুটিয়ারা নিম্ন  
শ্রেণীর মধ্যে গণ্য হয়। স্ত্রীলোকদের মধ্যে এক-  
কালীন একাধিক বিবাহ প্রচলিত আছে। এক  
সংসারের ৪৫ ভাই মিলিয়া একটি স্ত্রীলোক বিবাহ  
করিয়াছে, এরূপ দৃষ্টান্তও বিরল নহে। বিবাহের  
কোন নিয়ম বা প্রথা নাই। চিফ্ জজের নিকট  
শুনিলাম যে, অনেক সময় বিবাহিতা স্ত্রী কি-না নির্ধারণ  
করিতে তাঁহাকে বেশ বেগ পাইতে হইয়াছে এবং  
ইদানীন্তন এইরূপ প্রশ্ন উঠিলে স্ত্রীলোকটির নিকট  
বাড়ী, ঘর, বাস, পেটুরা ইত্যাদির চাবি আছে কি-না  
খোজ লইয়া থাকেন এবং যদি থাকে তবে তাহা  
বিবাহের স্বপক্ষে প্রমাণ বলিয়া গ্রহণ করেন।

আইন-ব্যবসায়ী হইয়া আইনের বিরুদ্ধে মত প্রকাশ  
করা চলে না, তবে যদি কেহ বলেন যে, বহু আইনের  
দেশে বাস করিয়া নাগ-পাশের বন্ধন অনুভব করিতে  
হয়, তাঁহাকেও দোষ দেওয়া যায় না। দশ আজ্ঞার  
(Ten Commandments) পরিবর্তে ১০১২০ হাজার  
আইনও (Acts) আমাদের দেশে শাস্তি আনিতে  
সক্ষম হইতেছে না।

এখানেও Tuberculosis-এর হাজায়া দেখিলাম।  
সাধারণ দরিদ্র লোক ভাল খাদ্য পায় না, কিন্তু চা এবং  
সিগারেটের চলন খুব বেশী। Scottish Mission-এর  
মেম সাহেব তাঁহার কার্যা সে দেশেও করিতেছেন,  
একটি মেয়েদের স্কুলও স্থাপন করিয়াছেন। শব-সংস্কারের  
প্রথা অল্পত। শব-বাহকেরা সংস্কারের পর ধরাশায়ী  
না হওয়া পর্য্যন্ত মৃত্যুপান করিয়া থাকে। নেপাল,  
ভূটান, তিব্বত এবং ব্রিটিশ ভারতবর্ষের মধ্যস্থলে থাকার  
জন্ত সিক্কিমের রাজনৈতিক গুরুত্ব খুব বেশী। Mr.  
Williamson, I. C. S. এখানকার Political  
Agent। তাঁহার বাড়ী এবং চতুর্দিকের সীমানা একটি  
পাহাড়-চূড়ার সমস্ত অংশ লইয়া। তাহার চারিদিকে  
কাঁটা তার দিয়া ঘেরা। মাঝে মাঝে "Trespassers  
will be prosecuted" সাইন বোর্ড দেওয়া আছে।  
মহারাজার প্রাসাদে এসব কিছুই হাজায়া নাই।

এখান হইতে তিব্বত সীমানা পর্য্যন্ত যাওয়ার বেশ  
সুবিধা আছে। গ্যাঙটক্ হইতে 'কাপু'নাঙ্' ১০ মাইল।  
সেখানে ডাকবাংলা আছে আবার ১০ মাইল পরে  
'চান্দু'তেও ডাকবাংলা আছে। 'চান্দু' হইতে  
তিব্বতের সমতলভূমি (Tibetan Plateau) দেখিতে  
পাওয়া যায়। পদব্রজে কিবা ঘোড়া ভিন্ন 'চান্দু'  
যাওয়ার আর কোন উপায় নাই। 'চান্দুর' নিকটে  
'নাখুলা' পাস পার হইয়া তিব্বত যাইতে হয়।



# ডানপিটে

শ্রীবিভূতিভূষণ বন্দ্যোপাধ্যায়

১

যে সময়ে আমাদের গল্পের সুরু, কানীতে তখন উৎকৃষ্ট লাচ্চাদার রাবড়ি পাঁচ আনা সের বিক্রয় হইত, ল্যাংড়া আম টাকায় এক পণ, মহিষের দুধ টাকায় পাকি বারো সের।

বাংলা ১২৮৭-৮৮ সালের কথা।

কানীতে তখন স্কুল-কলেজ বেশী ছিল না, সহরের বসতি আরও ঘিঞ্জি ছিল, তেলের আলো জলিত রাস্তায়, অত্যন্ত অপরিষ্কার ছিল সহরের অবস্থা, গাড়ী-ঘোড়া ছিল কম। বড়ুয়া মঙ্গলের মেলায় সময় গঙ্গার ধারে ধনীদেব ছ'চারখানা নতুন ধরণের ভিক্টোরিয়া কি কিটন দেখা যাইত। একা ও স্প্রিং-বিহীন টাঙা ছিল প্রধান সঞ্চল, সহরের বাহিরে উটের গাড়ী চলিত।

গণেশ-মহল্লাতে তখন রামজীবন চক্রবর্তীর খুব নাম ও প্রসার-প্রতিপত্তি। কমিসারিয়েট বিভাগে বড় চাকুরিতে তিনি বেশ ছ'পয়সা রোজগার করিয়াছিলেন, তবে হাতে রাখিতে পারিতেন না। সেকালের রীতি অল্পস্বামী তাঁর কানীর বাড়ীটা ছিল একটা হোটেল-খানা। চাকুরি-প্রয়াসী বা অক্ষয় ও নিরাশ্রয় আত্মীয়-স্বজন ও স্ব-গ্রামের লোকের ভিড়ে বাড়ীতে পা দিবার স্থান থাকিত না।

রামজীবনবাবুর চার ছেলে, বড় তিনটি ভয়ানক ডানপিটে, স্কুলে যাবার নাম করিয়া পথে মারামারি করিত, বুড়ি উড়াইত, স্কুলের সময়ট কাটাইয়া ছুটির সময়ে বাড়ী ফিরিত। ইহাদের উপযুক্ত সঙ্গীও জুটিয়াছিল দশ-বারোজন পাড়ার ছেলে, সকলেই সমান ডানপিটে, সমানই তাদের বিভার্জন-স্পৃহা। স্কুলের সময় দল বাঁধিয়া বাড়ী হইতে বাহির হইয়া হয়তো সহরের বাহিরে পথের ধারের এক বড় পেয়ারা বাগানে ঢুকিয়া কল

ছিঁড়িয়া খাইয়া ফেলিয়া, ছড়াইয়া নষ্ট করিয়া বেলা চারটার পরে বাড়ী ফিরিত। কোনোদিন বা সারনাথের পথে কোথাও চড়াইভাতি করিতে গেল। মাসের মধ্যে পনেরোদিন এই রকম চলিত।

গণেশ-মহল্লাতে প্রেমচাঁদ মুখুয্যে নামে নদীয়া জেলার একজন বৃদ্ধ ব্রাহ্মণ কানীবাস করিতেন। তাঁর এক পিতৃমাতৃহীন ভাই-পো তাঁর কাছে থাকিয়া নামে বিভাভ্যাস করিত। কাজে সে ছিল উপরোক্ত ডানপিটে স্কুল-পালানো ছেলের দলের একজন চাঁই সঁদস্ত। ভাতুপুত্রটির নাম সতীশ, রং টকটকে গৌরবর্ণ, একহারা চেহারা, নতুন স্প্রিং-এর মত তার সমস্ত দেহের একটা দৃঢ়তা, বাঁধুনী ও স্থিতিস্থাপকতা ছিল। নতুন নতুন বদ্মাসি ফন্দী আঁটিবার বুদ্ধিতে ও সাহসে দলের সকলেই তার কাছে হার মানিত।

ফলে এই দলটির লেখাপড়া যাহা হইবার হইল, তারপর যখন সখের থিয়েটারের ধুম কলিকাতা হইতে কানী গিয়া পৌছিল, এদের দল কানীতে নব আন্দোলনের প্রতিভা ও প্রাণ-স্বরূপ হইয়া মহা উৎসাহে নিজেরাই বড় বড় কাগজে সিন্ আঁকিয়া বেলের আঠা দিয়া জুড়িতে লাগিল। নিজেরাই ষ্টেজ বাঁধিল এবং ঘণ্টা-মার্ক। সবেদার সাহায্যে রাজা, উজির সাজিয়া নাটকাভিনয় সুরু করিল।

বহর পাঁচেক পরে প্রেমচাঁদ মুখুয্যের লীলা-প্রাপ্তি ঘটিল, গণেশ-মহল্লার রামজীবনবাবুও গবর্ণমেন্ট পেন্সনের মাস কাটাইলেন। তাঁর ছেজেরা পৈতৃক অর্থ ভাগ-বাটোয়ারা করিয়া লইয়া ভায়ে ভায়ে পৃথক হইল। সতীশ নিরাশ্রয় ও কপর্দকশূন্য অবস্থায় এখানে-ওখানে ঘুরিতে ঘুরিতে জুটিল গিয়া নেপালে।

নেপালে যে কি করিয়া সে দরবার হাসপাতালে



কম্পাউণ্ডারী পাইয়া চাকুরিতে ও চিকিৎসা ব্যবসারে দু'পয়সা রোজগার করিতে লাগিল, যে সতীশ ইংরাজি স্কুলের তৃতীয় শ্রেণীর গণ্ডি ছ'তিন বৎসরেও ডিঙাইতে পারে নাই, সে কি করিয়া দুব্বহ ইংরাজীতে লেখা ডাক্তারী বই আয়ত্ত করিয়াছিল, সামান্য বেতনের কম্পাউণ্ডার হইয়া সে কি ভাবে অবসর সময়ে রোগী দেখিয়া চিকিৎসা ব্যবসারে বেশ নাম করিয়া ফেলিয়াছিল—সে সব খবর দিতে পারিব না। কিন্তু প্রাক্টিসে সে বাস্তবিকই সুনাম অর্জন করিল, বিশেষ করিয়া অল্প চিকিৎসায়। ভালো ও নিপুণ অল্প-চিকিৎসকের যে যে গুণ থাকা দরকার—সাক্ হাত, সাক্ চোখ, সাহস, সতর্কতা, প্রকৃতিস্থতা, অবিচলিত বিচার-বুদ্ধি—এ সবগুণ তার ধীরে ধীরে বাড়িতে লাগিল—সঙ্গে সঙ্গে পসারও।

সতীশ নেপালে আসিয়া স্থানীয় স্কুলের জনৈক শিক্ষকের কন্যাকে বিবাহ করিয়াছিল। শিক্ষকের নাম মৃত্যুঞ্জয়বাবু, বাড়ী নদীয়া জেলা মেহেরপুরে। পাঁচ বৎসর অন্তর বৃদ্ধ পিতাকে দেখিতে একবার করিয়া দেশে যাইতেন। বিবাহের দুই বৎসর পরে বাংলা ১৩০৭ সালে তাঁহাদেরই সঙ্গে সতীশ বাংলাদেশে অনেককাল পরে ফিরিয়া আসিল ও সর্বপ্রথম কলিকাতা সহর দেখিল। পৈতৃক বাসস্থান যে গ্রামে ছিল, সেখানেও একবার গেল। বাংলাদেশে আসিয়া সতীশের মনে হইল যে, মায়ের মুখ সে ভাল মনে করিতে পারে না, ধোঁয়া ধোঁয়া অম্পষ্ট সামান্য একটু মনে পড়ে, যেন মেঘলা দিনের দিবানিজার স্বপ্ন—সে মায়ের স্নেহ সারা দেশটাতে ছড়াইয়া পড়িয়া যেন সাগ্রহে তাহার প্রত্যাবর্তনের প্রতীক্ষার পথ চাহিয়া বসিয়া আছে। গ্রামে আসিলে গ্রামের তো কেহ তাহাকে চিনিতেই পারে না, কারণ সে গিয়াছিল নিস্তান্ত ছেলেবেলাতে—দশ-বারো বছর বয়সে। পৈতৃক ভিটা খুঁজিয়া বাহির করিতে বেশ পাইতে হইল, কারণ এমন দুর্ভেদ্য বন-জঙ্গলে ঢাকিয়া পড়িয়াছে যে, বাহির হইতে চিনিয়া লওয়াই কষ্টকর।

গ্রামের সকলেই আসিয়া ধরিয়া বসিল যে, তাহাকে দেশে ষরবাড়ী করিতে হইবে—এখানে বাস করিতে হইবে। ইহার মধ্যে প্রতিবেশীর পুত্রের উপর নিছক নিঃস্বার্থ ভালবাসা ছিল না, তাহা বলাই বাহুল্য। দেশে মোটে ডাক্তার নাই, সতীশের মত একজন নামজাদা ডাক্তার গ্রামে বসিয়া প্রাক্টিস করিলে গ্রামের লোকের সুবিধা বড় কম নহে—চক্ষুজ্ঞার খাতিরে অন্ততঃ গ্রামের লোকের কাছে সে তো আর ভিজিট লইতে পারিবে না?

সেবার সতীশ ভিটার মায়া কাটাইয়া ফিরিয়াই গেল নেপালে। গেল বটে, কিন্তু দেশের মায়া তাহাকে পাইয়া বসিয়াছিল—পরের বৎসরই সে পুনরায় শীতকালে ছুটী লইয়া গ্রামে ফিরিয়া পৈতৃক ভিটার বনজঙ্গল কাটাইয়া সেখানে টিনের ষর তুলিয়া ফেলিল। ছুটি ফুরাইলে আবার কণ্ঠস্থানে ফিরিল সেবারও।

কিন্তু দেশের মায়া একবার পাইয়া বসিলে তাকে কি ছাড়ানো সহজ? চন্দ্রগিরি, উদয়গিরির দুর্গম গিরিসঙ্কট পার হইয়াও নদীয়া জেলার ক্ষুদ্র গ্রামের ডাক নেপালে গিয়া পৌছিয়াছিল। পর বৎসর সতীশ চাকুরিতে ইস্তফা দিয়া স্ত্রী-পুত্রসহ সে দেশে আসিয়া বসিল ও গ্রামে প্রাক্টিস শুরু করিল।

সে আজ বত্রিশ বছর পূর্বের কথা। তখন অলিভে-গলিতে এম্-বি পাশ ডাক্তার হয় নাই, আজ-কালকারের মত পাশ-করা ডাক্তার খুঁজিয়া মেলানো দুর্ঘট ছিল। নিকটবর্তী নরহরিহরপুরের বাজারে তখন ষাহুরাম শাকরা ছিল দেশের মধ্যে বড় ডাক্তার।

ষাহুরাম বাদে একজন মুসলমান হোমিওপ্যাথ, একজন কবিরাজও ছিল। ইহারা গেল প্রবীণের দলে। তরুণের মধ্যে কানাইলাল রায় কলিকাতা হইতে কিসের একখানা সার্টিফিকেট আনিয়া ডাক্তার সাজিয়া বসিয়াছিল।

সতীশ আসিয়াই প্রাক্টিস জমাইয়া ফেলিল। সে



উপরোক্ত হাতুড়েলের অমুকরণে নরহরিপুরের বাজারে ডাক্তারখানা খুলিয়া আধহাত লম্বা হরকে নিজের নামের সাইনবোর্ড ঝুলাইল না, বা রোগীর বাড়ী আসিয়া স্থানীয় অগ্রাণু ডাক্তারদের নিন্দাবাদ করাও অভ্যাস করিল না। গ্রামের বাড়ীর একখানা ঘরে ঔষধ রাখিত, আলাদা ডিসপেন্সারিও ছিল না—রোগীরা আসিয়া বসিত সতীশের বাড়ীর সামনে বটতলায়, তাহাদের বসিবার স্থানের পর্য্যন্ত কোনো ব্যবস্থা ছিল না।

কিন্তু এ-সব সত্ত্বেও সতীশের বাড়ীর সামনে বটতলায় রোগীর ভিড় দিন দিন বাড়িয়া চলিল। দিনে-রাতে স্নানাহারের সময় নাই, সাত-আট ক্রোশ দূরের গ্রাম হইতেও রোগী দেখিবার ডাক আসিতেছে, গরুর গাড়ীতে রোগী দেখিয়া বেড়াইতে বেড়াইতে সতীশ হাঁফাইয়া পড়িল। প্রতিদিন সকালে নিজের বাড়ীতে গড়ে তিন-চারটা সার্জিক্যাল কেস্ লাগিয়াই আছে।

ব্যাপার দেখিয়া ষাহুরাম একদিন কানাই ডাক্তারকে ডাকিয়া বলিল, “এত রুগী এ-দেশে ছিল কোথায় এতদিন হে?” গত বিশ বৎসরের মধ্যে ষাহু ডাক্তার এত রোগীর ভিড় কখনো দেখে নাই এ-অঞ্চলে।

বেগতিক বুঝিয়া কবিরাজটি একদিন জিনিষ-পত্র বাঁধিয়া অন্ত্র সরিয়া পড়িল। কানাই দরজির দোকান খুলিবার জন্য সুবিধামত দোকান ঘরের সন্ধান করিতে লাগিল। ষাহু স্বাক্ষর অথ কোনো উপায় ছিল না এ-বয়সে। আগেকার দু’পাঁচটা বাঁধা পুরানো ঘর ও পূর্ব-সঞ্চিত সামান্য কিছু টাকার জোরে কোনো রকমে টিকিয়া রহিল মাত্র।

২

সতীশের দু’টি ছেলে ও ছোট একটি মেয়ে। মেয়েটির হঠাৎ একদিন ভয়ানক জ্বর হইয়া পড়িল। নিজের বাড়ীতে নিজে চিকিৎসা করা যায় না বলিয়া সতীশ ষাহুরাম স্বাক্ষরকে ডাকাইল। ষাহুরাম দেখিয়াই বিষমমুখে বলিল, তাই তো মুখ্যে ম’শায়, এ তো

ভয়ানক রোগ, আপনিও বোঝেন, আমিও বুঝি, এ-রোগ তো এখানে সারবার নয়। এখন অল্প সবাইকে তফাৎ করুন, ছোঁয়াছুঁয়ি না হয়, ডিপ্‌থিরিয়া বড় সাংঘাতিক ব্যাপার কি-না?

ষাহুরাম প্রাণপণে ক’দিন দেখিল, কিছুই করা গেল না। তৃতীয় দিনে মেয়েটি মারা পড়িল।

এই ব্যাপারের পর হইতে সতীশের স্ত্রীর সামান্য মস্তিষ্ক-বিকৃতি ঘটিল—আপন মনে বকুনি, ইহাই দাঁড়াইল উপসর্গ। নয় তো অল্প সবদিকে কোনো অপ্র-কৃতিস্থতার চিহ্নও নাই, সংসারের কাজ-কর্ম, স্বামী-পুত্রের যত্ন—কিছুই মধ্যে কোনো ক্রটি নাই।

সতীশ বড় দমিয়া গেল। হাতে পয়সার জোর ছিল, কিছুদিন প্র্যাক্টিস্ বন্ধ রাখিয়া এখানে-ওখানে ঘুরাইয়া আনিল সকলকে, পূর্ববঙ্গে স্বস্তরবাড়ী গিয়া রহিল কিছুদিন, কলিকাতায় আসিয়া ডাক্তার-কবিরাজ দেখাইল, তখনকার মত উপশম না হইল যে, এমন নয়। কিন্তু দেশে আসিয়াই ‘যথা পূর্বং তথা পরং।’

বড় ছেলেটির বয়স বারো, সে তিন ক্রোশ দূরবর্তী রামনগরের হাইস্কুলের বোর্ডিং-এ থাকিয়া পড়াশুনা করিতেছিল। ছোট ছেলেটিকেও এবার সতীশ সেখানে রাখিয়া দিল।

এ-সব বাংলা ১৩১২ সালের কথা।

তারপর যেমন অন্ত পোচজন মানুষের দিন যায়, সতীশের দিনও তেমন ভাবে যাইতে লাগিল।

রোগী দেখা, টাকা রোজগার, সংসার প্রতিপালন।

ছেলেরা বড় হইল। বড় ছেলেটির নাম বিনয়, সে আই-এস-সি পাশ করিয়া মেডিকেল কলেজে ডাক্তারী পড়িতে লাগিল। সতীশ পুত্রবধূর মুখ দেখিবার জন্য এই সময় তাহার বিবাহও দিল। ছোট ছেলে তখনও স্কুলের ছাত্র, সে তার দাদার চেয়েও মেধাবী এবং সুবুদ্ধি। ইতিমধ্যেই নানাস্থান হইতে তাহার বিবাহের সম্বন্ধ যাতায়াত করিতেছিল।

এসব গেল বাহিরের ব্যাপার। সতীশের মনের বড় অদ্ভুত পরিবর্তন হইতে লাগিল ধীরে ধীরে। পনেরো-



ষোল বৎসর ধরিয়া সে এই গ্রামে এবং পার্শ্ববর্তী অঞ্চলে ডাক্তারী করিতেছে—এই পনেরো-ষোল বৎসরের জীবন নিত্য একঘেয়ে — রোগী-দেখা, খাওয়া, ঘুমানো—ভূষণ দাঁ-এর দোকানে বসিয়া মাঝে মাঝে গল্প-গুজব, সংসারের বাজার-হাট করানোর ব্যবস্থা করা—দিনের পর দিন, মাসের পর মাস, বৎসরের পর বৎসর—একঘেয়ে, এক রকম জীবন-ধারা, বৈচিত্র্য নাই, পরিবর্তন নাই, নতুনতর অনুভূতির কোনো আসিবার পথ নাই কোনো দিক্ দিয়া। কিন্তু সতীশ এ বিষয়ে খুব সচেতন নয়, জীবনে তেমন আর আনন্দ নাই, এ কথা এক-আধবার তাহার মনে যে না উঠিয়াছে এমন নয়—কিন্তু এ লইয়া ভাবিতে সে বসে নাই কখনো, ভাবিবার সময়ও পায় নাই।

কিন্তু ক্রমে এ কথাটা তাহার মনের মধ্যে উকি মারিতে লাগিল। হয়তো নিস্তরু দুপুরে বিলের পাশের পথ দিয়া গরুর গাড়ীতে আরামে সে ভিন্-গাঁয়ে রোগী দেখিতে চলিয়াছে। মাঠের ধারে ধারে ঘুঘু পাখীর ডাকে কিম্বা বিলের গভীর জলে বাগ্‌দী ছেলেকে ডোঙা চড়িয়া মাছ ধরিবার দৃশ্যে — সে দেখিত সে হঠাৎ অন্তমনস্ক হইয়া কানীতে যাপিত বাল্যজীবনের কথা ভাবিতেছে...রাম রাম সাহু হালুইকরের দোকানে লছমী বলিয়া সেই মেয়েটা থাকিত—এতকাল পরেও তার সে গলার স্মৃতি স্মরণ যেন প্রাণে লাগিয়া আছে...একবার সে, রামজীবনবাবুর বড় ছেলে বাদল, তাঁর ভায়ে নরু — তিনজনে জঙ্গম বাড়ীর বারোয়ারী আসরে সিদ্ধি খাইয়া কি কাণ্ডটাই করিয়াছিল।...

নেপালে একবার কর্ণেল খড়্গ সম্ভের জঙ্গ রাণা বাহাদুরের কন্যার বিবাহেতে নিমন্ত্রিত হইয়া গিয়াছিল। গিয়া দেখিল খাওয়া-দাওয়ার ব্যবস্থা নাই—একটা মোড়কের মধ্যে মসলা ও সুপারি—আর একটা মোড়কে পাচটী টাকা। সতীশ কর্ণেল বাহাদুরের দেওয়ানকে বলিল—টাকা কিসের? নিমন্ত্রিত হয়ে এসে টাকা নেওয়া আমরা অপমানজনক মনে করি। দেওয়ান বলিল—এখানে এই নিয়ম। না নিলে কর্ণেল চটে পাবেন।

সতীশ রাগ করিয়া বলিল—চ'টে আমার কি করবেন তিনি? চাকরি নেবেন? নিন—আমি এখন ইস্তাফা দিতে রাজি আছি, টাকা কখনই নিতে পারবো না।

গোলমাল শুনিয়া রাণা বাহাদুর নিজের আসিয়া ব্যাপারটা অত্যাধিকার মিটাইয়া দিলেন। চাকুরি তো যাওয়া দূরের কথা, সেই মাসেই সতীশের দশ টাকা বেতন বৃদ্ধি হইয়াছিল।...

গত পনেরো বৎসর ধরিয়া সতীশ তো অনবরত সকলের কাছেই কানী আর নেপালের গল্প করিয়া আসিতেছে। তাহার সমবয়সী লোকদের কাছে, দেশের বন্ধুদের কাছে, রোগী ও রোগীদের আত্মীয়-স্বজনের কাছে — কিন্তু সে শুধু বাহাদুরী লইবার জন্ত, সে কত দেশ বেড়াইয়া কত অভিজ্ঞতা সঞ্চয় করিয়াছে, কত বড়মানুষী করিয়াছে, কত বড় বড় লোকের সমাজে মিশিয়াছে—তাহা সাড়ম্বরে জারি করিবার জন্ত। এবার কিন্তু সে সব জীবনের স্মৃতি একটা অস্পষ্ট বেদনার মত তাহার মনে আসিয়া উদয় হইতে লাগিল—কি যেন একটা জিনিস চির-কালের জন্ত হারাইয়া গিয়াছে, আর কোনো দিন তাহার সাক্ষাৎ মিলবে না, সতীশের এই এত বড় পসারের বিনিময়েও না, মর্জিত অর্থের বিনিময়েও না, কোনো কিছুতেই না।

এ গ্রামের জীবনও ক্রমে নিরানন্দ হইয়া উঠিতে লাগিল। সতীশ গ্রামে আসিয়া এ গ্রামে যে কয়টা সুখের স্মৃতি, দুঃখের দুঃখী প্রবীণ আত্মীয় স্থানীয় লোক পাইয়াছিল, এ পাড়ায় অধিকাংশ রায়, শ্রামাকান্ত গাঙ্গুলী —ও পাড়ার বৃদ্ধ গোসাই মশায়—এঁরা একে একে মারা গেলেন।

আবার মাসের শেষে বাহুরাম শাকুরার রোগ-শয্যা-পার্শ্বে সতীশের ডাক পড়িল।

বাহুরামের বয়স হইয়াছিল প্রায় পঁচাত্তর বৎসরের কাছাকাছি, গত দশ বৎসর অর্থাভাব ও দারিদ্র্যের সঙ্গে যুদ্ধ করিয়া বাহুরামের স্বাস্থ্য একেবারে ভাঙিয়া



পড়িয়াছিল। সতীশ বুলিল এই বয়েস, তার উপর ডবল নিউমোনিয়া রোগ, যাহুরামও বিছানা ছাড়িয়া আর উঠিবে না। যাহুরামও নিজে সেটা খুব ভাল করিয়াই বুঝিয়াছিল—ক্ষীণকণ্ঠে বলিল, মুখুষ্যে মশায়, ওষুধ আর কি দেবেন, পায়ের ধুলো দিন। একটা কথা বলি, নাতিটার উপায় করতে পারলাম না, দুই-দুইটা ছেলে মারা গেল—ওই টুকু বংশের মধ্যে শিব-রাত্রির সন্ধ্যা, ওকে আপনার চরণে দিয়ে গেলাম। কম্পাউণ্ডারীতে ভর্তি ক'রে নেবেন আপনার ডাক্তার-খানায়—বহর তিনেক দেখে-শুনে শিখলে তবুও অণু চাষা-গাঁয়ে গিয়ে হাতুড়েগিরি করেও ছোটো খেতে পারবে।

সতীশের চোখ জলে ভরিয়া আসিল ভগ্নহৃদয় বৃদ্ধ চিকিৎসকের অন্তিম শয্যাপার্শ্বে বসিয়া। সে আশ্বাস দিল, এ বিষয়ে তাহার দ্বারা যতদূর সাধ্য সে করিতে ক্রটি করিবে না। যাহুরাম এমন পরসার রাখিয়া যায় নাই, যাহাতে তাহার শ্রদ্ধের খরচ নির্বাহ হইতে পারে—সতীশ নিজে শ্রদ্ধ-সংক্রান্ত যাবতীয় ব্যয়ভার বহন করিল। নাতিকে নিজের ডাক্তারখানায় আনিয়া কাজ শিখাইতে লাগিল, খুচরা কিছু দেনা ছিল বৃদ্ধের, তাহারও একরূপ সাময়িক মীমাংসা করিয়া দিল।

এই সময় সতীশের নিজের সময়েরও পরিবর্তন দেখা দিল। ছোটছেলের কলেজের খরচ, বড়ছেলের ডাক্তারি পড়ার খরচ—এদিকে কি জানি কেন রোগীর সংখ্যা কমিতেছে। স্থানটা কি হঠাৎ স্বাস্থ্যনিবাস হইয়া উঠিল না-কি? সঞ্চিত অর্থে ক্রমশঃ হাত পড়িতে লাগিল—এবং সাধারণতঃ যাহা ঘটিয়া থাকে, একবার সঞ্চিত অর্থে হাত যখন পড়িল, সে হাতকে আর গুটানো গেল না—বৎসরের পর বৎসর ক্রমশঃ খরচ বাড়িয়াই চলিয়াছে—আয় তেমন নাই, হাতের টাকা নিঃশেষ হইতে এ অবস্থায় কতদিন লাগে?

সতীশ অমাতুলিক পরিশ্রম করিতে লাগিল। আর ছোটো বহর—বিনয় মাতুল হইলে আর কিসের ভাবনা? এ অঞ্চলে এম্-বি পাশ করা ডাক্তার ক'টা আছে?

কখনো যে সব গ্রামে দশ টাকা ভিজিটের কমে সতীশ যায় নাই—এখন চার টাকা লইয়াও সেখানে যাইতে হইতেছে। নিজে দুধ খাওয়া ছাড়িয়া দিল—বাড়ীর চাকরকে জবাব দিল। খরচ কম পড়িবে বলিয়া স্ত্রী ও পুত্রবধূকে কলিকাতায় পাঠাইয়া ছেলেদের বাসা করিয়া দিল—নিজে দেশে হাত পুড়াইয়া রাখিয়া খাইয়া এবং সারাদিন টো-টো করিয়া গ্রামে গ্রামে রোগী দেখিয়া যাহা পায়, প্রতি সপ্তাহে কলিকাতার বাসাতে বিনয়ের নামে মণিঅর্ডার করে।

৩

বিনয় এম্-বি পাশ করিয়া যুদ্ধে গেল।

সতীশের দুঃখ যুঁচিল এতদিনে।

গ্রামের মধ্যেও একটা সাড়া পড়িল না এমন নয়। এ অঞ্চলে এম্-বি পাশ করা ডাক্তার এই প্রথম। তাহার উপর বিনয় আবার গবর্নমেন্টের চাকুরি পাইয়া সুদূর মেসোপোটামিয়ায় গিয়াছে। সেদিন না-কি ছোটখাটো একটা খণ্ড যুদ্ধে আরবদের গুলী বিনয়ের কানের পাশ কাটাইয়া বাহির হইয়া গিয়াছে, পরসে কি এমনি হয়? বিনয় পত্রে এ ঘটনাটি বাবাকে জানাইয়াছিল। নরহরিপুরের বাজারে ভূষণ দী-এর পুরানো আঙুটা আর ছিল না—কারণ পনেরো বৎসর হইল ভূষণ মরিয়া গিয়াছে—তবুও এ দোকানে, ও দোকানে বসিয়া সতীশ গর্কের সঙ্গে পুত্রের চিঠি হইতে যতটুকু সে দেশের খবর পায়, তারই সাহায্যে যুদ্ধের গল্প করে।

সঙ্গে সঙ্গে বলে—কিন্তু আমাদের নেপালে যখন প্রাইম মিনিষ্টারের বাড়ীর সামনের সরদানে প্যারেড হোত, তাতে আমরা যুদ্ধের কৌশল সবই দেখেছি। মেসিন্ গান? ও তো আমাদের সময়েই প্রথমে নেপালে এল...আমাদের কাছে ও সব নতুন নয়—

অর্থাৎ নেপাল ও সতীশের যৌবন—ইহারা কাহারও কাছে পরাজয় স্বীকার করিবে না। সব ছিল নেপালে। হ'-চারবার মোটা টাকার মণিঅর্ডার পাইয়া



সতীশ মহা উৎসাহে বাড়ী নতুন করিয়া তৈরী করিবার কল্প মিস্ত্রী লাগাইল। ছেলে বড় ডাক্তার হইয়া ফিরিয়া আসিতেছে, সাহেবী মেজাজ এখন তার—এ ধরণের বে-মেরামতী পুরানো বাড়ীতে থাকিতে তাহার কষ্ট হইবে। সতীশ ছেলের উপযুক্ত মত বাড়ীর পুনরায় সংস্কার করিতে অনেক টাকা ব্যয় করিয়া ফেলিল। এইখানে ডাক্তারখানা হইবে, এইটি হইবে ছেলের বসিবার ঘর, এইটি নাতিদের পড়িবার ঘর।

হঠাৎ মেসোপোটেমিয়া হইতে বিনয়ের পত্র আসা বন্ধ হইয়া গেল। দু'দশ দিন করিয়া মাসখানেক কোনো খবর নাই—সতীশ অত্যন্ত ধৈর্যশীল, সে নিজে অটল থাকিয়া স্ত্রী ও পুত্র-বধূকে নানা মিথ্যা স্তোক-বাক্যে ভুলাইয়া রাখিবার চেষ্টা করে, ক্রমে গ্রামময় গুজব রটিয়া গেল বিনয় আর নাই, যুদ্ধে মারা পড়িয়াছে।

বিনয়কে গ্রামের সকলেই ভালবাসিত, তাহার সুন্দর চেহারা ও মধুর ব্যবহারের গুণে বিনয়কে কেহ পর ভাবিত না। এ দুঃসংবাদে চোখের জল ফেলিল না, এমন লোক নাই গ্রামে। সতীশের সহ্য করিবার শক্তি দেখিয়া সকলে অবাক হইয়া গেল, তাহার মুখে একদিন কেহ কোনো দুর্বল কথা শুনি নাই — চোখে জল দেখা তো দূরের কথা।

জ্যেষ্ঠ মাস। ভীষণ গরম। মুখ্যে বাড়ীর তেঁতুল-তলার সামনে একখানা ভাঙা গরুর গাড়ীর উপর বসিয়া পাড়ার নিষ্কর্ম্য যুবকেরা আড্ডা দিতেছে — এমন সময়ে সাইকেলে মোড়ের মাথায় সাহেবী-পোষাকে কাহাকে আসিতে দেখা গেল।...বিনয়।...

মুখ্যে গিন্নী স্নানান্তে শিব-পূজা করিতে বসিয়া-ছিলেন, পূজা ফেলিয়া ছুটিতে ছুটিতে পথের ধারে আসিলেন অর্থাৎ তাহার পায়ের বাতের দক্ষণ যতটুকু ছোটো তাঁর পক্ষে সম্ভব হয় ততটুকু বেগে বিনয়কে বুকের মধ্যে জড়াইয়া কাঁদিয়া ফেলিলেন, যুবকেরা সকলে বলিল, আচ্ছা ভয় দেখিয়েছিলেন বিনয়-দা, বেশ যা হোক —

বিছ্যৎবেগে গ্রামের সর্বত্র বিনয়ের প্রত্যাবর্তনের সংবাদ প্রচারিত হইবার সঙ্গে সঙ্গে সতীশ ডাক্তারের বাড়ীর উঠানে সব পাড়ার লোক ভাঙিয়া পড়িল। বিভিন্ন পাড়ায় সেদিন সন্ধ্যায় গ্রামের মেয়েরা হরিল্লুট দিল।

৪

বিনয় যুদ্ধ হইতে আসিয়া প্রথম প্রথম গ্রামেই বসিয়াছিল — তারপরে সে মহকুমায় গিয়া বসিয়াছে। এত পসার এ অঞ্চলে কোনো ডাক্তারের কেহ কখনো দেখে নাই।

সতীশও ডাক্তারী করিত স্ব-গ্রামেই কিন্তু ছেলে আসিবার সঙ্গে সঙ্গে তাহার পসার কমিয়া গেল, সবাই বিনয়কে চায়, সতীশকে কেহ বড় একটা ডাকে না। সে সকলকে গর্বের সঙ্গে বলে, তা তো হবেই, বিনয় এসেচেন। অত বড় ডাক্তার, আমরা তো সেকলে কোয়াকু, ওঁদের কাছে কি আমরা —

পরাজয়েরও সুখ আছে, গর্ব আছে।

সতীশ একদিন হঠাৎ আবিষ্কার করিয়া ফেলিল, সে বুদ্ধের দলে পড়িয়া গিয়াছে। গণেশ-মহলায় সে ডানপিটে সতীশ — ঠাসা বন্দুকের এক গুণ্ডে অসিচাঁটের ও-পারের চরে যে তিনটা পাখী মারিয়াছিল, মনে আছে, বড়ুয়া মঙ্গলের সময় আলোকিত বজ্রার পাশ দিয়া ডুব সাঁতার দিতে দিতে কাহাদের আলোকোজ্জ্বল বজ্রা —

বাক, সে সব পুরানো কান্ডুলি খাটিয়া লাভ কি? মোটের উপর সতীশকে সবাই এখন 'বুড়োকর্তা' বলিতে শুরু করিয়াছে, এটা সে লক্ষ্য করিল; বিশেষতঃ বিনয় ফিরিয়া আসিবার পর হইতে।

নাতিরা স্থলে পড়ে। সতীশের ছোট ছেলে কিন্তু ভাল হইল না। সে কলেজ ছাড়িয়া দিয়া এতদিন বাড়ীতেই বসিয়াছিল — এইবার দাদার ডাক্তারখানায় কম্পাউণ্ডারী আরম্ভ করিল।



জলের স্রোতের মত বৎসর কাটিয়া যাইতেছে। দেখিতে দেখিতে বিনয়ের প্রত্যাবর্তনের পর সাত বৎসর কাটিল।

এই সাত বৎসরে অনেক পরিবর্তন ঘটিয়া গেল সতীশের জগতে। বিনয় কুসঙ্গে পড়িয়া ঘোর মাতাল হইয়া উঠিয়াছে — পরসূ যথেষ্ট রোজগার করে কিন্তু হাতে রাখিতে পারে না। কাহাকেও মানে না। যুদ্ধে গিয়াই সে মদ খাইতে শিখিয়াছিল। আগে বাপকে ভয় করিত, লোক-সম্মানের ভয় রাখিত। এখন বয়স বাড়িবার সঙ্গে সঙ্গে বাপকে আর তেমন মানে না।

সতীশ স্ব-গ্রামেই থাকিত। প্রথম প্রথম পুত্র-বধূরা গ্রামের বাড়ীতেই থাকিত। ক্রমে তাহারা চলিয়া গেল বিনয়ের বাসায়। সতীশের স্ত্রীর সেই উন্মাদ রোগ একেবারে কখনো সারে নাই, এই সময় বেশী করিয়া দেখা দিল। সেই জন্তই মাকে বিনয় দেশের বাড়ীতে রাখিয়াছিল। কিন্তু এতদিন সর্বদা দেখাশুনা করিত, গুজ্জবা ও চিকিৎসার ক্রটি কখনো করে নাই।

ক্রমে ক্রমে কিন্তু মাকেও সে অবহেলা করিতে লাগিল। একমাসেও একবার মাকে দেখিতে আসে না, অথচ সে মোটর কিনিয়াছে। এই ন' মাইল পথ আসিতে কতক্ষণ লাগে ?

গুধু পানদোষ নয়, আত্মবলিক অনেক উপসর্গই জুটিয়াছে বিনয়ের। স্ত্রী-পুত্রকেও যত্নশীল দেখে, সংসারের জ্ঞান্য খরচের টাকা রাজে কোথায় গিয়া ব্যয় করিয়া আসে, কেহ জানে না। প্রায়ই সারারাত্রি বাহিরে কাটায়। মাঝে মাঝে দিনমানেও ডাক্তারখানায় বসে না। পসার কমিতে লাগিল, রোগীরা আসিয়া কিরিয়া যায়। বৃদ্ধ বয়সে সতীশ ঘোর অর্থকষ্টে পড়িল। বিনয় বাপ-মাকে মাঝে মাঝে টাকা যে না দেয় এমন নয়, কিন্তু তাহাতে সতীশের চলে না। ছোট ছেলেটা দাদার অবস্থা দেখিয়া নিজের স্ত্রী-পুত্র লইয়া খণ্ডর-বাড়ী চলিয়া গেল, সে-ও বাপ-মায়ের বিশেষ কোনো সন্ধান লয় না।

সন্ধ্যাবেলা বসিয়া বসিয়া তামাক খাইতে খাইতে

সতীশ অন্তমনস্ত ভাবে এই সব কথাই ভাবিতেছিল, এমন সময়ে উঠানে কাহাকে আসিতে দেখা গেল।...

—কে ?

—আমি পটল, দাদা।

সতীশ খুসি হইয়া একগাল হাসিয়া হুক-হাতে উঠিয়া দাঁড়াইল।

—আয়, পটল ! আয় আয়, —

পটল বিনয়ের বড় ছেলে দিব্যেন্দুর ডাক নাম। গৌরবর্ণ, স্ত্রী, চোদ্দ-পনেরো বছরের হাত্মমুখ বালক। নাতিদের জন্ত বৃদ্ধের মন কেমন করে সর্বদা — কিন্তু তাহারা বড় একটা এদিকে পা দেয় না। অপ্রত্যাশিত ভাবে নাতিকে আসিতে দেখিয়া সতীশ যেন আকাশের চাঁদ হাতে পাইল।

—তোরা বাবার খবর কি রে, পটল ?

দিব্যেন্দু অপরাধীর মত দৃষ্টিতে চাহিয়া বলিল—সেই একই রকম, দাদা। বরং আরও বেড়েচে।

পরে সে দাগ দেখাইল, মাতাল অবস্থায় বাবা কি একটা শক্ত এ্যালজেরার অঙ্ক কসিতে দিয়াছিল, সে পারে নাই বলিয়া ছড়ি দিয়া মারিয়াছে। হুঁজনে বসিয়া অনেক কথা হইল। সতীশ বলিল—বোস্ পটল, রংগি গে গিয়ে, খাবি কি নৈলে ?

সতীশের স্ত্রী এখন সম্পূর্ণ পাগল, এক ঘরে একা দিনরাত শুইয়া থাকে, আপন মনে বিড়্ বিড়্ করিয়া বকে, কাজকর্ম করা দূরের কথা, না খাওয়াইয়া দিলে খায় না। সতীশ বলিল—এক একবার মনে হয় পটল, আবার প্র্যাক্টিস্ শুরু করি। কিন্তু এখন আর কেউ আমার ডাকবে না। ত্রিশ বছর আগে যখন এসেছিলাম এ দেশে, তখন তেমন ডাক্তার ছিল না। এখন নরহরিপুরের বাজারেই তিনটে ক্যামেল পাশ, একটা এম্-বি। ওদিকে তো বিনয় রয়েছে, অমল রয়েছে, শ্রামবাবু — সবাই এম্-বি। আমাকে আর কে ডাকবে ?

দিব্যেন্দু বলে—ভেবে না দাদা। আমি পাশ



ক'রে যখন চাকরি করবো, তখন তোমার আর এ দশা থাকবে না।

সতীশ উৎসাহের সহিত বলে—আমার কান্না পাঠিয়ে দিস্, পটল। কতকাল দেখিনি—এই গুন্বি তবে, আমরা কি করতাম সেখানে?

দিব্যান্দু জ্ঞান হইয়া পর্য্যন্ত কান্নার গল্প, নেপালের গল্প অনেক শুনিয়াছে ঠাকুর দাদার মুখে। একই গল্প পঞ্চাশবার সে শুনিয়াছে অন্ততঃ। মুখস্থ বলিতে পারে। তবুও বৃদ্ধ ঠাকুরদাদাকে খুসি করিবার জন্য বলিল—বল না, দাদা! চন্দ্রগিরি পার হবার সময় সেবার নেপালের পথে সেই কি হয়েছিল?

দিব্যান্দু কখনো নেপাল দেখে নাই, কিন্তু ঠাকুরদাদার মুখে আজন্ম বর্ণনা শুনিয়া শুনিয়া চন্দ্রগিরি, রত্নগিরি, রক্সৌলের যে পশুপতিনাথ-মেলায় দৃশ্য—এসব তাহার মানসপটে সুস্পষ্ট রেখায় ও বর্ণে রূপ গ্রহণ করিয়াছিল। চোখ বুজিলেই এ সব যেন সে দেখিতে পায়।

সকালে উঠিয়া দিব্যান্দু চলিয়া গেল।

সতীশ বলিল—তোমার বাবাকে বলিস্ দিকি পটল, জুতো এই জুখ, একেবারে নেই—জাণ্ডেলটা সেই তোমার বাবার দরুণ, সেবার বাসা থেকে এনেছিলাম, তা ছিঁড়ে গিয়েচে।

দিব্যান্দু যাবার সময় বলিয়া গেল—এ-সব কথা আমি বলেছি, বোলো না যেন বাবাকে, দাদা। তা হলে বাবা পিঠের ছাল ভুলবে আমার—

দিব্যান্দু চলিয়া গেলে বৃদ্ধ আবার পুরাতন দিনগুলির স্বপ্ন দেখিতে থাকে। আজকাল হাতে কাজকর্ম একেবারেই নাই—এ ধরনের অলস জীবন সে বাপন করে নাই কখনো—আপন মনে বসিলেই সেই সব কথাই মনে আসে।

গাঙুলি বাড়ীর আম্রাকালী ছুটি কচি শসা হাতে পৈঠাতে উঠিয়া বলিল—গাছে হয়েছিল জ্যাঠাবাবু, যা ব'ললে দিবে আর।

আঁচলের মুড়োর বাঁধা কি একটা জিনিস খুলিতে খুলিতে বলিল—আর এই ক'টা—

সতীশের মনের নিরানন্দভাব অন্তর্হিত হইয়া গেল। আগ্রহ উজ্জল চোখে আম্রাকালীর আঁচলে বাঁধা জ্বরের দিকে চাহিয়া বলিল—কি রে ওতে? মটর-ডালের বড়ি! বাঃ বাঃ—দে, রাধ্ এখানে, মা।

সতীশ চিরকাল খাইতে ও খাওয়াইতে ভালবাসে। আজকাল অভাবে পড়িয়া গিয়াছে, অমন উপার্জন-কম ছেলে থাকিতেও নাই—তাই গ্রামের মেয়েরা ভাল জিনিসটা বাড়ীতে হইলে সতীশকে মাঝে মাঝে পাঠাইয়া দেয়।

আম্রাকালী চোন্দ-পনেরো বছরের সুন্দরী মেয়ে—উপরি উপরি চারটি কস্তার জন্মগ্রহণের পরে বাপ-মা পঞ্চম ও সর্বকনিষ্ঠ কস্তাটির ওই নাম রাখিয়াছিল, নামের সঙ্গে তার চেহারার কোনো সম্পর্ক নাই। সে হাসিয়া বলিল—আপনার হাতের সেই কলারের ডাল রান্না কখনো ভুলবো না জ্যাঠাবাবু। মেয়ে-মানুষে অমন রাঁধতে পারে না।

সতীশ খুসি হইয়া উজ্জল মুখে বলিল—কবে খেলি রে, আম্রা?

আম্রাকালী ষাড় ছলাইয়া বলিল—বা রে, এই তো ভাদ্রমাসে আরাধ্য দিন? তারপর ঘরের দিকে চাহিয়া বলিল—জ্যাঠাইমা কেমন?

—ওই এক রকম, ওর আবার ভালো আর মন্দ। ওরই জন্তে তো কোথায় বেতে পারি নে আম্রা। নইলে কান্নাতে গেলে একটা পেট চলে যায়। আর কান্নাময় আমার বন্ধু-বান্ধব—তা ওর অবস্থা হবে, ওকে দেখবে গুন্বে কে, সেই জন্তেই তো আছি আটকে। নইলে আমার আবার ভাবনা? এই গুন্বি, কান্নাতে আমরা কি করতাম?

তারপর কান্নার গল্প আরম্ভ হয়। আম্রাও এসব গল্প ইতিপূর্বে শুনিয়াছে, কিন্তু গল্প শুনিতে সে ভালবাসে, বিশেষ করিয়া জ্যাঠামহাশয়ের মুখে। সে রোয়াকের পৈঠার উপর বসিয়া পড়ে। কান্নার কথা হইতে



হইতে কখন নেপালের কথা আসিয়া পড়িয়াছে হুঁজনের কেহই লক্ষ্য করে নাই, হঠাৎ আমরা উঠানের দিকে ভীত চোখে চাহিয়া বলিল—জ্যাঠাইমা কোথায় বেরিয়ে যাচ্ছে যে!—

—ধর, ধর, মা, ধর—নিরে আস। নাঃ, জালালে বাপু।

আমরা দৌড়িয়া উঠিয়া গিয়া শীর্ণদেহ, রক্তকেশ, বকুনি-রত জ্যাঠাইমার হাতখানা খপ্ করিয়া ধরিয়া ফেলিয়া বলিল—এসো জ্যাঠাইমা, কোথায় যাচ্ছ, এসো—

—একেবারে ঘরের মধ্যে নিরে যা, মা। নাঃ, আমার হয়েচে যতো বিপদ; তা ইয়ে আমরা, কলায়ের ডাল রাঁধবো এখন মা, আজ ছপুয়ে আমার এখানে ছুটো খান্ এখন।

পরের বছর হইতে বিনয়ের পসার একেবারেই কমিয়া গেল। দশ-বারো বছর আগের ব্যাপার আর ছিল না, এখন এক মহকুমার টাউনের উপর তিনজন এম্-বি। পানদোষ ও উচ্ছৃঙ্খলতার জন্য ভদ্র-গৃহস্থের বাড়ীতে তাহাকে কেহ আজকাল ডাকে না, তা ছাড়া রোগীরা আসিয়াও ডাক্তারের দেখা পায় না।

তাহার পর দেখা দিল পৃথিবী-বাসী মন্দা। পাটের বাজার একেবারে পড়িয়া গেল। রোগ হইলেও আর লোকে ডাক্তার দেখাইতে পারে না। বিনয় মহা অর্থ-কষ্টের মধ্যে পড়িল। সে লোক খারাপ নয়, হাতে পয়সা থাকিলে যতক্ষণ খরচ করিতে না পারে, ততক্ষণ তাহার মনে শান্তি হয় না, উদার দিলদরিয়া মেজাজের মানুষ। বাবাকে সে ইচ্ছা করিয়া যে অবহেলা করে তা' নয়, বাবা এত ঘনিষ্ঠ, এত সুপরিচিত যে, তাহার সম্বন্ধে সে কোনো খেয়ালই করে না। সতীশ মুখ ফুটিয়া কখনো ছেলেকে জানায়ও নাই তাহার অসচ্ছলতার কথা, পাছে ছেলেকে বিব্রত হইতে হয়।

এই অবস্থায় একদিন বিনয় পিতার সহিত দেখা করিতে আসিল। সতীশ অপ্রত্যাশিত ভাবে ছেলেকে দেখিয়া মহাব্যস্ত হইয়া উঠিল। সারা বাড়ীর মধ্যে একখানা চেয়ার কি টুল পর্যন্ত নাই, ছেলেকে বসিতে দেয় কিসে যে।

বিনয় বলিল—থাক বাবা, থাক, আমি এই যে বেশ বসেছি।

সতীশ ব্যস্তস্থরে বলিল—উঃ, যেমে একেবারে—দাঁড়াও একটু চা করে আনি। ভাড়াটে মোটরে এলে কেন? তোমার গাড়ী কোথায়?

—গাড়ী আছে, ইঞ্জিন্ খারাপ হয়ে গেছে, মেরামতের জন্য একমুঠা টাকা দরকার, হাতে পয়সা কোথায়? কাজেই গাড়ী গ্যারেজে পড়ে।

—পটল কোথায়?

—কলকাতাতেই আছে। ওর পড়াশুনার যে কি করি? মেসে তো একগাদা টাকা খরচ, তিন মাসের মেসের দেনা বাকী। কলেজের মাইনেও হুঁমাস পাঠাতে পারি নি।

পিতা-পুত্রে অনেকক্ষণ পরামর্শ হইল। তিন জায়গায় খরচ বিনয় তো আর চালাইতে পারে না। দেশের বাড়ী, টাউনের বাসা এবং দিব্যেন্দুর মেস ও কলেজের খরচ। কি এখন করা যায়।

বিশেষ কিছুই মীমাংসা হইল না। উঠিবার সময় বিনয় কুণ্ঠিত ভাবে বাবাকে ছুঁচী টাকা দিতে গেল। ছেলের গুঞ্চ ও চিন্তাকুল মুখ দেখিয়া বৃদ্ধ টাকা ছুঁচী প্রাণ ধরিয়া লইতে পারিল না। বলিল—রেখে দাও এখন, সোমবারে দস্তিঘাটা থেকে ডাক এসেছিল, কিছু পেরেচি। তোমার মোটরের ভাড়াও তো লাগবে আবার?

গ্রামের একটা ছেলে রেলের কাজ করিত, ছুঁচী লইয়া দেশে আসিয়া প্রায়ই সন্ধ্যাবেলা সতীশের কাছে পর করিতে আসিত। একদিন সতীশ বলিল—চাখো



উমাপদ, ভাবচি কি জানো? তোমার জ্যাঠাইমাকে ওর বাপের বাড়ীতে রেখে আমি কাশী চ'লে যাই। একজন লোকের কাশীতে বেশ চলবে। নইলে এদিকে সবই তো গুলে—বিনয় বড় মুন্সিলে পড়েচে, রুগী-পস্তুর নেই, ডাক নেই—এই বাজারে ছ'টো সংসার চালানো কি সোজা কথা রে, বাবা? আমরা চ'লে গেলে, ও তবু খানিকটা খোলসা হয়,...তা ছাড়া কাশীতে আমার বন্ধু-বান্ধব ভর্তি, আহা, কত কাণ্ডই করেচি সব এক সময়, কাশীতে কাকে না চিনি?

উমাপদ আবাল্য এ সব গল্পের সঙ্গে পরিচিত, সে বলিল—পাগল হয়েচেন? আপনার ছেলেবেলার আমলের তারা কি আর কেউ এখন আছে ভাবচেন? সে সব কি—

সতীশ কথাটা পছন্দ করিল না, বাধা দিয়া বলিল—তুমি কি ক'রে জানলে নেই? আমাদের সে ডানপিটে দলের ছেলে হঠাৎ মরবার নয় জেনো ('ছেলে' কথাটা অসতর্ক মুহুর্তে মুখ দিয়া বাহির হইয়া গেল)—সব আছে—হেঁ-হেঁ হঠাৎ আমরা মরচি নে। তুমি জানো না, আমাদের সে দলের কথা—গুনবে তবে?

উমাপদ ব্যস্ত হইয়া বলিল—ইয়ে, জ্যাঠামশায় আর একদিন বরং এসে—আজ একটু কাজ আছে—উঠি এখন।

দিন পনেরো পরে সতীশ একদিন কাশী ষ্টেশনে হুগুর বেলা নামিল। জীকে মেহেরপুরে ছোট শালার কাছে রাখিয়া আসিয়াছে। আসিবার সময় বাড়ীর চাবিটা আন্নাকালীর হাতে দিয়া আসিয়াছে, বিনয় আসিলে দিবার জন্ত। ছেলেকে কোন খবর দেয় নাই—কেন মিছামিছি তাকে বিব্রত করা?

কাশীতে নামিয়া সতীশ মনে একটা অপূর্ণ উৎসাহ ও উত্তেজনা অনুভব করিল—বাল্যের সেই কাশী! এত দিন কি করিয়া ভুলিয়াছিল সে! বাংলা দেশের

একটা অঙ্গল-ভরা ছোট পাড়া-গাঁয়ে জীবনের ত্রিশটা বছর—

সারাদিন ধরিয়া সে কাশীর পথে পথে ঘুরিয়া বেড়াইল। পঞ্চগঙ্গা ঘাটে স্নান করিল, বিশ্বনাথ দর্শন করিল। বাল্যের দিনগুলির সঙ্গে জড়িত যে সব জায়গায় একদিনের মধ্যে পায়ের হাঁটিয়া যাওয়া সম্ভব, তাহা সে বড় বাদ দিল না।

কিন্তু ধীরে ধীরে তাহার মনে হইতে লাগিল—কাশী, তাহার সে চল্লিশ বছর আগেকার কাশীকে সে বেন খুঁজিয়া পাইতেছে না, সে কাশী কোথায় গেল? এ কাশীকে তো সে চেনে না।

গণেশ-মহল্লায় পুরাতন সঙ্গীদের সন্ধান কেহ জানে না, কেবল রামজীবনবাবুর মেজোছেলে পতিতপাবন পৈতৃক বাটীতে এখনও বাস করিতেছে। পতিতপাবন সতীশকে দেখিয়াই চিনিতে পারিল। বলিল, সতীশ-দা, তোমার চেহারা তো এখনো বেশ আছে! আমারও ধরো এই বাষট্টি হোল, আমি তোমার চেয়ে বড়ো হয়ে গেছি—মানে, অস্থলের অস্থখে আমার—এতদিন ছিলে কোথায়?

নানা পুরাতন দিনের গল্প হইল। পতিতপাবনের অবস্থা ভাল নয়, ব্যবসায় বার বার ক্ষতিগ্রস্ত হইয়া সর্বস্বাস্ত হইতে বসিয়াছিল। তারপর উপরি উপরি ছ'টি উপযুক্ত ছেলে মারা গিয়াছে। ছোট ছেলেটি রেশমের কাপড়ের ব্যবসা করে বিশ্বনাথের গলির মধ্যে—তাতেই কোনোরকমে চলে। ভাইগুলির মধ্যে কেবল ছোট ভাইটি বাঁচিয়া আছে, পাটনাতে খণ্ডর-বাড়ী বাসা বাঁধিয়াছিল, বহুদিন হইল সেখানেই আছে।

সন্ধ্যাবেলা সতীশ দশাখমেধ ঘাটে চূপ করিয়া বসিল। সন্মুখের হাসিমাখা, কত অজানা তরুণমুখ—গান...আনন্দের উজ্জ্বল...দিব্যান্দুর কথা মনে পড়িল। দিব্যান্দু বলিয়াছিল—দাদা, আমি চাকুরি করলে তোমার ভাবনা থাকবে না। দিব্যান্দু জানে না যে, তাহার দাদা লুকাইয়া কাশী চলিয়া আসিয়াছে। এই দশাখমেধ ঘাটে, এই সন্ধ্যাবেলা বেন প্রত্যেক



বালকেই মনে হইতে লাগিল দিব্যেন্দু। দিব্যেন্দু না  
সে পঞ্চায় বহর আগেকার নিজে?

আম্মাকালীর মুখ মনে পড়িল — যখন গল্প  
গাড়ীর পাশে দাঁড়াইয়া ঘরের চাবিটা তার হাতে  
দিয়াছিল, সে সময়কার তার ছলছল চোখ দু'টি মনে  
পড়িল।

নাঃ, সে ডানপিটে সে আর নাই। কালীও  
তার কাছে আর কিছুই না। তার সে কালী হারাইয়া  
গিয়াছে।

রাত্রে ঘুম হইল না কতরাত পর্য্যন্ত। শুইয়া শুইয়া  
ঠিক করিল সে ফিরিয়া যাইবে। আম্মাকালীর জন্ত  
কালীর কোটা লইতে হইবে, ছেলেমানুষ, খুসি হইবে  
এখন। দিব্যেন্দুর আমার উপযুক্ত খানিকটা সিঁদ,

পতিতপাবনের কাছে ধারে লইয়া গেলেই হইবে, কি  
দাম পাঠাইবে। ভাল পট...বোমা ছবি ভালবাসে।

কিন্তু সকালে উঠিয়াই সে পতিতপাবনকে বলিল—  
তুমি একটা উপকার করো ভাই আমার। তোমা  
এখানে আর ক'দিন থাকবো? তুমি একটা বাজা  
সরকারি গোছের কাজ জুটিয়ে দাও দিকি আমার  
অভাবে রাঁধুনি গিরিতেও রাজি আছি। খুব ভা  
রাঁধতে পারি, দেখে নেবে তারা।

নাঃ, সে ছেলেকে বিব্রত করিতে ফিরিবে না  
ছেলে পারিয়া উঠিবে কেন? শেষে কি দিব্যেন্দু  
কলেজের পড়া বন্ধ হইবে? বোমার গহনা বন্ধ  
দিতে হইবে, ছিঃ —

একটা পেটের জন্ত কালীতে আবার ভাবনা?

## গান

শ্রীজগদীশচন্দ্র সেন মজুমদার


আজও আমার হয় নি সারা  
তোমার পূজা মোর দেউলে।

হেলায় হেলায় গেল বেলা  
নিঠুর তুমি রইলে ভুলে।  
আকাশ ধরা আলোক হারা,  
তিমির ঘন স্বপন ভরা,  
গন্ধহারা বরণ-মালা  
সন্ধ্যা বেলায় শুকনো ফুলে।

মনোহরণ বেশে,  
দাঁড়াও যদি বন্ধু আমার  
কছু পথের শেষে—

বন্দনা গান হবে গাওয়া  
পূর্ণ হবে চাওয়া পাওয়া  
দিনের শেষে শেষ আরতির  
প্রদীপ খানি ধরব তুলে।





## কাফীতোড়ী—দাদিরা

রাজা পদে কে দিল মা এত জবা ফুল,  
রাজা জবা হার মেনেছে, তোমার চরণ ছ'টি সকল রঙ্গের মূল।  
তোমার অরূপ রাশি, প্রকাশিছে অমর জ্যোতিঃ,  
ত্রিভুবন জন তব গুণ গানে, হয়েছে আকুল ॥

কথা, সুর ও স্বরলিপি—সঙ্গীতনায়ক শ্রীগোপেশ্বর বন্দ্যোপাধ্যায়, স্বর-সরস্বতী

• ১' • ১' • ১'

{ রা | মা পা দা | পা সাঁ গা | দা পা দা | মপা মজা রা | জা মা মা | পা - ১ } { গা |  
রা | জা প দে | কে • দি | ল মা • | এ ত • • | • জ বা | ফু ল } { রা |

• ১' • ১' • ১'

গা ধা মা | পা দা সাঁ গা | দা পা - ১ | ১ ১ } ১ | ১ পা দা | মপা মা - ১ |  
জা জ বা | হা র মে | নেছে • | • • } • | • তো মার | চ র ৭ |

• ১' • ১'

জা রা - ১ | সা রা মজা | ১ মা মা | পা - ১ ||  
ছ টি • | স ক • | ল রঙ্গের | মূল ||

• ১' • ১' • ১'

{ মা | পা দা গা | সাঁ সাঁ নসাঁ | সাঁ সাঁ - ১ | ১ ১ পা | দা গা সাঁ |  
তো | মা র অ | রূ প • • | রা শি • | • • প্র | কা শি ছে |

১' • ১' ১' • ১'

সাঁ রাঁ গা | দা পা - ১ | (১ ১) } পা জাঁ জাঁ | রাঁ সাঁ রাঁ | গা সাঁ গা |  
অ ম র | জ্যোতি • | • • } ত্রি ভূ ব | ন জ ন | ত ব গু |

• ১' • ১' • ১'

দা পা পা | ১ ১ মজা | মা পা পা | পদা পসাঁ সাঁ গা | দপা মজা রসা | ৭ সা - ১ ||  
৭ গা নে | • • হ | রে ছে আ | কু • • • • • | • • • • • | • • সা ||




## তান

- ১। গ্‌সা রমা পদা | গ্‌সাঁ র'জাঁ র'সাঁ | গদা পমা পদা | গ্‌সাঁ গদা পমা |  
 অ . . . . . | . . . . . | . . . . . | . . . . . |
- গ্‌জরা সা |  
 . . .
- ২। র'জাঁ র'সাঁ র'সাঁ | গ্‌সাঁ গদা পমা | পদা গ্‌সাঁ র'জাঁ | র'সাঁ গদা পমা |  
 গ্‌জরা সা |  
 . . .
- ৩। গ্‌সা রমা পদা | দা পা - ১ | ১১ মপদা | মপা মজা - ১ |  
 অ . . . . . | . . . . . | . . . . . | . . . . . |
- সরা - ১ - ১ জা সা - ১ | গ্‌সা রমা পদা | মা - ১ - ১ |  
 . . . . . | . . . . . | . . . . . | . . . . . |
- পা ধা গা | সাঁ স'গা দপা | মজা রসা |  
 . . . . . | . . . . . | . . . . . | . . . . . |

## অন্তরার তান

- ৪। মা | পা দা গা | সা সাঁ নসাঁ | সাঁ সাঁ - ১ | গদা পদা গ্‌সাঁ |  
 তো | মা র অ | ক প . . . | রা শি . . . | ই . . . . . |
- ১১১ | পদা গ্‌সাঁ র'জাঁ | জ'রাঁ স'গা দপা | দা মা মা |  
 . . . . . | . . . . . | . . . . . | . . . . . |
- পা গদা গা | সাঁ সাঁ নসাঁ | সাঁ সাঁ - ১ | ইত্যাদি সমস্তটি  
 মা র অ | ক প . . . | রা শি . . . | গাইতে হইবে।





[ 'উদয়নে' সমালোচনার জন্য গ্রন্থকারগণ অনুগ্রহ করিয়া তাঁহাদের পুস্তক দুইখানি করিয়া পাঠাইবেন ]

**বিশ্বকোষ—**(২য় সংস্করণ) প্রাচ্যবিজ্ঞানমহার্ণব  
শ্রীযুক্ত নগেন্দ্রনাথ বসু মহাশয় কর্তৃক সম্পাদিত। ৯নং  
বিশ্বকোষ লেন হইতে শ্রীবিজ্ঞাননাথ বসু কর্তৃক প্রকাশিত।  
প্রতি সংখ্যা মূল্য—১০ আনা।

'বিশ্বকোষ' দ্বাদশ সংখ্যা পর্য্যন্ত আমাদের হস্তগত  
হইয়াছে। ছাপা, ছবি, কাগজ উৎকৃষ্ট। অতি  
কঠিন বিষয়ও লেখার শৃঙ্গে সহজ বোধ হইয়াছে।  
জানিয়া আনন্দিত হইলাম যে, নগেন্দ্রনাথের কৃতী  
পুত্র শ্রীমান বিজ্ঞাননাথের তত্ত্বাবধানেই বিশ্বকোষের  
প্রকাশ-কার্য্য এত দ্রুতগতিতে অগ্রসর হইতেছে ও  
সমস্ত বিষয় এমন সুশৃঙ্খলভাবে পরিচালিত হইতেছে।  
সঙ্কলন-সৌষ্ঠবও সহজেই দৃষ্টি আকর্ষণ করে।  
আমরা বিশ্বকোষের ভবিষ্যৎ-সম্বন্ধে আশাবিত হইয়া  
যন্ত্রির নিঃশ্বাস ফেলিলাম। ভরসা করি বড়দিনের  
পূর্বে প্রথম খণ্ড সম্পূর্ণ দেখিতে পাইব। এই সুন্দর  
বিরিট অভিধানখানি বাজারের তথা আমাদের  
গৌরবের ও গর্বের বস্তু। সুতরাং ইহার কোন এক  
খণ্ড পাইতে বিলম্ব হইলে অধীর হইয়া উঠি। আমরা  
সর্বাস্তঃকরণে বিশ্বকোষের সাফল্য কামনা করিতেছি।

**সোনার কাঠি—**শ্রীমণীন্দ্রলাল বসু। প্রকাশক—  
সরস্বতী লাইব্রেরী, ৯নং রমানাথ মজুমদার ষ্ট্রীট,  
কলিকাতা।

মণীন্দ্রলাল শব্দ-শিল্পী। শব্দ চয়নে ও সুন্দর সুস্বক  
বাক্য গঠনে তাঁর মত সুনিপুণ শিল্পী আধুনিক  
লেখকদের মধ্যে বেশী নেই। এ বইখানিতে ছেলেদের

জন্ম লেখা দশটি গল্প আছে—প্রথম গল্প 'সন্দেশের  
দেশে' অনেকদিন আগে 'প্রবাসী'তে বার হ'য়েছিল।  
মণীন্দ্রলালের মিষ্টি হাতের ও কল্পনার পরিচয় এ  
গল্পটির ছত্রে ছত্রে। কয়েকটি গল্প হান্স এডারসনের  
গল্পের ভাব অবলম্বনে লেখা। বইখানির কাগজ ও  
ছাপা ভাল। যাদের জন্যে এ বই লেখা—তাঁরা প'ড়ে  
অত্যন্ত খুসি হবে সন্দেহ নেই। প্রচ্ছদপটখানি সুদৃশ্য।

শ্রীবিভূতিভূষণ বন্দ্যোপাধ্যায়

**ডাউন দিল্লী এক্সপ্রেস—**শ্রীঅচিন্ত্যকুমার  
সেনগুপ্ত প্রণীত। প্রকাশক—শ্রীশান্তিরাম বন্দ্যোপাধ্যায়  
বেঙ্গল বুক সোসাইটি—১৮৩, ধর্মতলা ষ্ট্রীট, কলিকাতা,  
মূল্য—চারি আনা।

একটি ছোট গল্প—৫৬ পৃষ্ঠায় সম্পূর্ণ। রাজপুতানা  
হইতে কলিকাতা ফিরিবার পথে ৪-Down Express-এ  
নায়ক শ্রামলকৃষ্ণ গান্ধুলীর প্রেম-চর্চা। গল্পাংশের  
মধ্যে সম্ভাব্যতা এত অল্প যে, গল্প পড়িবার spell  
সহজেই ভাঙিয়া যায়।

লেখক খুব তাড়াতাড়ি গল্পটি লিখিয়াছেন বলিয়া  
মনে হয়—তাই ভাবার দিকে বিশেষ দৃষ্টি দিতে পারেন  
নাই। যথা, 'মুখটাকে মাগুয়ের করবার জন্যে'—  
অর্থবোধ হয় না। 'মুখটাকে মাগুয়ের মুখের মত  
করবার জন্যে'—বলা লেখকের উদ্দেশ্য। 'হুয়েকটি  
বিদেশী মেয়েই বা না-কোন্ সে দেখেছে' (২৩ পৃঃ)—  
আমরা বলি না। বলি, 'হু-একটি বিদেশী মেয়েই বা  
কোন্ না সে দেখেছে।' 'ভাজার-ডালনার, মাছে-  
মাংসে একেবারে একটা পক্ষত প্রমাণ' (২৪ পৃঃ)



বলি না—বলি, ‘ভাজার-ডালনার, মাছে-মাংসে একেবারে পূরিত প্রমাণ।’ ‘আশুন গেছে সর্সাদীণ নিভে’ (৩১ পৃঃ)—over smart ভাষা—‘সর্সাদীর আশুন নিভে গেছে’ বলিলেই সুষ্ট হয়।

কতকগুলি প্রাদেশিক শব্দের অর্থ বুঝিতে পারা যায় না—কথাগুলি হয়ত পূর্ববঙ্গে চলিত আছে। যথা—কারিক মেরে, (২২ পৃঃ), ধারে-পারে, (২৬ পৃঃ) সিজিল-মিছিল (৩৬ পৃঃ), বেমোড়ে (৫০ পৃঃ)।

মুদ্রাকর প্রমাদ বহু—দুই একটি হাতাকর। ‘নাসারক্কে’র বদলে ‘নামারক্কে’ এবং ‘নাসারক্কে’ (১৬ পৃঃ), ‘খুরজা’ (Khurja Junction) স্থলে ‘খুজরা’! (২২ পৃঃ)।

Mail হইল ‘মেইল’, কিন্তু Train কেন ‘ট্রেইন’ নয়? (৩ পৃঃ) wait হইল ‘ওয়েইট’ (৪৮ পৃঃ) কিন্তু Suitcase ‘সুটকেইস’ কেন? (৫০ পৃঃ)।

লেখক সুপরিচিত সাহিত্যিকার। তজ্জগুই এত কথা বলিতে হইল।

শ্রীঅবনীনাথ রায়

মাটির মেয়ে—শ্রীরাসবিহারী মণ্ডল। প্রকাশক—সিটি লাইব্রেরী, ৪৪ নং কৈলাস বোস ষ্ট্রীট, কলিকাতা। দাম দুই টাকা।

এই উপন্যাসখানিতে লেখক নায়ক-নায়িকার পথ বড় চমৎকারভাবে খোলসা ক’রে দিয়াছেন। দেবেন মুদীর দোকান করে এবং অনিলের বাড়ীতে থাকে। সকাল থেকে প্রায় সমস্ত দিনই থাকে মুদীর দোকানে এবং দেবেনের স্নানরী তরুণী স্ত্রী মনোরমা ওরফে পটল থাকে বাসাতে—যে বাসাতে মেডিকেল কলেজের তরুণ স্ত্রী ছাত্র অনিল থাকে একা, এবং যার বাপ নেই, মা নেই, ভাই বোন নেই,—একটা বুড়ী পিসী, মাসীও নেই। এই হোল data—এখন আরম্ভ করুন। এই data থেকে আরম্ভ করলে কোথায় না পৌঁছনো যেতে পারে! অলমতি বিস্তরণ।

পটলের চরিত্র বেশ কৌতূহল জাগায় পাঠকের মনে। অত্যন্ত খেলো ও সস্তা-ধরণের রস সকলেই গ্রহণ করতে পারে। এও তেমনি। এ ধরণের উপন্যাস রচনার সার্থকতা কি বোঝা যায় না। গ্রন্থকারের ভাষাটী বেশ ঝরঝরে।

শ্রীবিভূতিভূষণ বন্দ্যোপাধ্যায়

সাকী ও সুরা—শ্রীবীরেন্দ্রনাথ ভট্টাচার্য্য, এম্-এ, বিজ্ঞানপ্রণীত ও শ্রীবরদাপ্রসাদ চট্টোপাধ্যায়, বি-এ কর্তৃক পূর্ববী সাহিত্য-পরিষদ, খড়দহ, ২৪ পরগণা হইতে প্রকাশিত। দাম—ছয় আনা।

কবিতার বই। ভোগের, যৌবনের আর উন্মাদনার কবিতা—অতি আধুনিকতার সুরে ভরা। যাহারা অতি আধুনিকতার ভাবধারাকে পছন্দ করেন, এ বই তাঁহাদের ভালো লাগিবে, যাহারা বিপরীত-পন্থী, রুচি আহত হইবার দরুণ তাঁহাদের একেবারেই ভালো লাগিবে না। অক্ষর গণিয়া যে ছন্দ রচনা, সে নীতি এ বইয়ে সব জায়গায় অমূল্য হইয়া নাই এবং অনেক কবিতায় প্রাদেশিকতাও আছে যথেষ্ট পরিমাণ। এ সকল ছাড়িয়া দিলে অনেক জায়গায় কাব্য ও ভাবুকতার খাঁটি পরিচয় পাওয়া যায়। আমাদের মনে হয় অতি-আধুনিকতার মোহ অতিক্রম করিতে পারিলে সাহিত্য-ক্ষেত্রে এই নবীন অতিথির দ্বারা স্থায়ী কিছু হইতে পারে।

শ্রীপ্রভাতকিরণ বসু

তুমি আর আমি—শ্রীমুখীর মিত্র প্রণীত দাম—আট আনা। প্রকাশক—পি, সি, সরকার এণ্ড কোং। ২নং শ্রামাচরণ দে ষ্ট্রীট, কলিকাতা।

কবিতার বই—আটশটি সনেটের প্রায় সব ক’টিই ছন্দে, রসে, ভাষায় চমৎকার হয়েছে। সব ক’টিই নতুন সুরে গাঁথা প্রেমের কবিতা, ‘তুমি আর আমি’র একান্ত নিজস্ব ব্যাপার। সনেটগুলি সব কবি-প্রিয়াকে উদ্দেশ্য ক’রে লেখা। তিনি সত্যিকারের বারী



—রক্ত-মাংসে গড়া নারী হওয়াই সম্ভব, কিন্তু অতনুও হ’তে পারেন, কারণ কবির কথায় তিনি—“কবির অন্তরলক্ষী তুমি সে ছলনা।”

কিন্তু অতনু তিনি ন’ন, কবির সঙ্গে তার মিলন হয়েছে বহু বার এবং বিচ্ছেদও হয়েছে প্রতি বার। তাই তিনি না-পাওয়া, অথচ সেই ক্ষণিকের মিলনকে অরণীয় ক’রে রাখবার জন্তে লিখেছেন—“তুমি আর আমি”।

শ্রীরবীন্দ্রনাথ বন্দ্যোপাধ্যায়।

অঞ্জলি—শচীন সেন প্রণীত। প্রাপ্তিস্থান—ডি, এম, লাইব্রেরী, কর্ণওয়ালিস ষ্ট্রিট, কলিকাতা। দাম দেড় টাকা।

অঞ্জলি উপন্যাস এবং অতি-আধুনিক যুগের যে সাহিত্য সেই সাহিত্যের উপন্যাস, অর্থাৎ এ গ্রন্থের নর-নারী সকলেই শিক্ষিত, তারা পরস্পরের সহিত মেলামেশার বাহু-বিচার রাখে না, তারা ভালোবাসে একজনকে এবং বিয়ে করে আর একজনকে। তা ছাড়া তাদের দেহ তাদের মনকে চালায়, না তাদের মন চালায় তাদের দেহকে সে কথাটাও জোর ক’রে বলা কঠিন।

কিন্তু তা হোক, তবু উপন্যাসখানি নানাদিক দিয়েই উপভোগ্য হ’য়ে উঠেছে। গ্রন্থের ভাষার ভিতর আছে একটা অনাড়ম্বর স্বচ্ছতা এবং চরিত্রগুলির ভিতরে আছে মানসিক দ্বন্দ্বের ঘাত-প্রতিঘাত। এই স্বচ্ছতা এবং ঘাত-প্রতিঘাতের সমন্বয়ই এনে দিয়েছে গ্রন্থখানিতে একটি চমৎকার রস-মাধুর্য। পাত্র-পাত্রীগুলির ভিতর এই যে ঘাত-প্রতিঘাত—এ ঘাত-প্রতিঘাত emotion ও intellect-এর। এদের মনে আছে বুদ্ধির উজ্জল দীপ্তি, কিন্তু দেহ মুয়ে পড়েছে emotion-এর উদ্দামতার কাছে। হুতরাং সংঘর্ষ অপরিহার্য। এই সংঘর্ষে যে সব চরিত্রের সৃষ্টি হয়েছে তা যে পাঠকের মন স্পর্শ করবে তাতে আর বিচিত্র কি?

অতি আধুনিক সাহিত্যের বিরুদ্ধে প্রধান অভিযোগ এই যে, উপন্যাসেও তাঁরা পরিবেশন করতে চান নিহক intellectualism-এর বুকনি, অর্থাৎ এমন কতকগুলি

ধার করা জিনিস, যা তাঁরা নিজেরাও হয়তো হজম করতে পারেন নি। আর তারই ফলে তাঁদের উপন্যাসও হ’য়ে ওঠে কতকগুলো শুষ্ক তর্কের বোঝা মাত্র। তর্কের দ্বারা ‘হাঁ’-কে ‘না’ করার ভিতরে বুদ্ধির খেলা আছে এবং হয়তো খানিকটে তৃপ্তিও আছে। কিন্তু সে তৃপ্তি কতকটা অ্যামিতির জটিল সমস্যা (problem) নিয়ে মাথা ঘামানোর মতো ব্যাপার। তাতে বুদ্ধির তৃপ্তি হয় বটে, কিন্তু হৃদয়ের তৃপ্তি হয় না। হৃদয়ের খুশী অল্প রকমের জিনিস। কাব্যের রস ও অ্যামিতির জট খোলার রস—এক রকমের জিনিস নয়।

অঞ্জলির গ্রন্থকার উপন্যাসের এই গোড়াকার কথাটা ভোলেন নি ব’লেই তাঁর এই গ্রন্থখানিতে intellectual নর-নারীর ভিতরেও emotion-কেই তিনি দিয়েছেন প্রাধান্য। তা না হ’লে অঞ্জলির মরবার জন্ত কিছু-সাধনা করবার কোনো প্রয়োজন ছিল না, বিজয়ের বিলাতে পালাবার কোনো হেতু ছিল না এবং সুবীর যার emotion-এর ধার সবচেয়ে কম ধারবার কথা, তারও কারাবরণ করবার কারণ ছিল না। তাঁর এই গ্রন্থে হাঁকা intellectual type শুধু রাবেয়া। কিন্তু তাকে intellectual type না বলে criminal type বলাই ঠিক। আর সেই জন্তই তার চরিত্রেও একটা আকর্ষণ এসে গেছে, হয়তো গ্রন্থকারের অজ্ঞাতসারেই।

এখানে এ গ্রন্থ সম্বন্ধে আমার আর একটামাত্র কথা শুধু বলবার আছে এবং সে কথাটা অবাস্তব কথা। বতটা মনে পড়ে, সম্ভবত শচীন বাবু তাঁর প্রবাসের পত্রেরেই বলেছিলেন—বাংলাদেশের সব চেয়ে বড় দুর্ভাগ্য যে, তার সমাজ-ব্যবস্থায় নর-নারী বহুভাবে মিশ্রণের সুযোগ পায় না—মিশ্রণেই সেটা ধ’রে নেয় লোকে যৌন-সম্বন্ধের ব্যাপার।

এটা যে দুর্ভাগ্য তাতে সন্দেহ নেই। কিন্তু সেই দুর্ভাগ্যের হাত শচীন বাবুও এড়াতে পারে নি তাঁর এই গ্রন্থে। অনেকগুলো নর-নারীকে তিনি টেনে



এনেছিলেন বন্ধুত্বের একটা গতির ভিতরে। কিন্তু তাদের সকলের সম্বন্ধই শেষের দিকে বন্ধুত্বের কোঠা ছাড়িয়ে গিয়েছে। এটা যে তাঁর স্বেচ্ছাকৃত ব্যাপার তা নয়। যে complex নর-নারীর সম্বন্ধের ভিতর এই জটিলতা এনে দিয়েছে, তাঁর মনও নিজের অজ্ঞাতসারেই জের টেনে চলেছে সেই complex-এর। সুতরাং ব্যাপারটা শুধু সামাজিক ছুঁড়াগ্য নয়, তার চেয়েও ঢের জটিল জিনিস—একথা মনে করবারও হয়তো কারণ আছে।

কিন্তু আগেই বলেছি গ্রন্থের সঙ্গে সে কথার কোনো সম্বন্ধ নেই। শুধু সম্বন্ধ যে নেই তা নয়, এই complexই এ যুগের উপজ্ঞাসের বনিয়াদ, সুতরাং জোর করে যদি এর হাত থেকে তিনি তাঁর চরিত্রগুলিকে মুক্তি দিতে চেষ্টা করতেন তবে তাই হ'তো অস্বাভাবিক, তা তাঁর গ্রন্থের সৌন্দর্য্যেরও হানি করত।

উপজ্ঞাস বলতে যে একটা ঘটনা-বহুল বিচিত্র কাহিনীর ছবি আমাদের মনে হয়, সে রকমের কোনো কাহিনী নেই এ গ্রন্থে, কিন্তু যে কাহিনী হৃদয়ের কঁাকে কঁাকে রক্তের ধারা ঝরিয়ে যায়, সে কাহিনীর আমেজ পাওয়া যায় এর অনেক জায়গায়। অর্থাৎ গল্পের দিক দিয়ে নয়, রসের দিক দিয়ে এখানি যে একখানি ভালো উপজ্ঞাস হ'য়ে উঠেছে তাতে ভুল নেই।

শ্রীহেমেন্দ্রলাল রায়।

**ফরাসী-বিপ্লব** — শ্রীযুক্ত রেজাউল করিম, বি-এ প্রণীত। কলিকাতা 'বর্ষণ পাবলিশিং হাউস' হইতে প্রকাশিত। 'মহামায়া প্রেসে' মুদ্রিত। মূল্য—এক টাকা।

সভ্যতার সংঘর্ষে পাশ্চাত্য দেশসমূহে পুরাতন ভাব-ধারার যে পরিবর্তন ঘটে তাহার ফল ব্যর্থ রাষ্ট্র, সাহিত্য ও সমাজে প্রকাশ পায় 'রিনেসাঁ', 'রিকরমেশন্' ও 'ফরাসী বিপ্লবে'। বিশ্ব-নিখিলে সাম্য, মৈত্রী ও স্বাধীনতার প্রতিষ্ঠা অর্থাৎ মানুষকে সকল বস্তুর কাটাইয়া তার জন্মগত অধিকার দিবার প্রয়াস প্রথম প্রকাশ পায় এই ফরাসী-বিপ্লবের ব্যাপারে। এ বিপ্লব একদিনের ক্ষণমাত্রের কলে ঘটে নাই—মানুষের

উপর মানুষের উৎপীড়ন বহুশতাব্দিক বৎসরে যে নির্ণয় মূর্তি পরিগ্রহ করে—যে উৎপীড়নে মানুষের মন desperate হইয়া পড়ে—অভিজাত-তন্ত্রের স্বার্থ-বিলোপে দৌরাণ্যে সাধারণ-সমাজ বিলোপের পথে চলিয়াছিল—চারিদিককার সামঞ্জস্য বিনষ্ট হইতে বসিয়াছিল নৈসর্গিক ক্ষেত্রে এমনি বিরোধ-সামঞ্জস্যে ভূগলে যে দারুণ চাঞ্চল্য পুঞ্জিত হয় এবং যে চাঞ্চল্যের ফল ভূকম্প ঘটে—তেমনিভাবেই এ বিরোধ করাসী সাধারণ-জনের চিন্তে পুঞ্জিত হইয়া বিপ্লবে আত্মপ্রকাশ করে। এই বিপ্লবে কতখানি পীড়ন, কতখানি মুক্তি সাধনা, একদিকে কতখানি স্বার্থ অপরদিকে কতখানি মনুষ্যত্ব—রেজাউল করিম সাহেবের রচিত গ্রন্থখানি পড়িলে তাহার সুস্পষ্ট পরিচয় পাই। এ গ্রন্থ ঐতিহাসিক তথ্যের নিপুণ সমাবেশ—এবং সে তথ্য সরল প্রাঞ্জল বর্ণনা সত্যই উপভোগ্য হইয়াছে বইখানির ছাপা-কাগজ পরিষ্কার, বহিরবয়ব মনোরম

শ্রীসৌরীন্দ্রমোহন মুখোপাধ্যায়

**তাইত!**—(ছোটদের গল্পের বই)—শ্রীহেমদাকান্ত বন্দ্যোপাধ্যায় প্রণীত। ৫৪-৩ নং কলেজ ষ্ট্রীট, কলিকাতা হইতে শ্রীবনুদাকান্ত বন্দ্যোপাধ্যায়, বি-এ কর্তৃক প্রকাশিত। মূল্য—চার আনা।

শিশুদের নিকট গল্প বলিবার ভঙ্গি গ্রন্থকারের আছে—তার পরিচয় এই বইখানির মধ্যে পাওয়া যায় শিশুরা যে এই বইয়ের গল্পগুলি পড়িয়া আনন্দ ও তৃপ্তি পাইবে, তাহাতে সন্দেহ নাই। গল্পের চিত্রগুলি সুন্দর হইয়াছে। একখানি দ্বি-বর্ণ চিত্র বইখানির সৌন্দর্য্য বাড়াইয়াছে।

বইখানির প্রচ্ছদপট আঁকিয়াছেন গ্রন্থকার নিজে। ছাপা, কাগজ ও বাঁধাই ভাল। বইখানির ভিতর-বাহিরের সৌন্দর্য্যের তুলনায়, ইহার মূল্য অল্প বলিতে হইবে।

শ্রীবিনয় দত্ত।





## বন্টার রুদ্ধ লীলা

বন্টার রুদ্ধ লীলা এবার ভারতবর্ষের বহুস্থানে দেখা দিয়েছে। এত বেশী স্থান নিয়ে এত ভয়ঙ্কর রকমের বন্টা ভারতবর্ষে আর কখনো হয়েছে কি না সন্দেহ। বাংলা, বিহার, আসাম—তিনটি প্রদেশই এবার বন্টার প্রকোপে বিপন্ন। বাংলার রাজসাহী, নদীয়া, মুরসিদাবাদ ও মালদহের অবস্থা বিশেষ শোচনীয়। বহু গ্রাম জলমগ্ন, স্ত্রী-পুরুষের দাঁড়ানোর স্থান নেই, শতশত নর-নারী অনাহারে মৃত্যুর প্রতীক্ষায় দিন গণ্ছে। সুতরাং বলাই বাহুল্য অর্থ, আশ্রয়, খাদ্য, বস্ত্র—সমস্ত জিনিষেরই এখন অজস্র প্রয়োজন। প্রত্যেক-বারেই এ-গুলো এসেছেও পর্যাপ্ত পরিমাণে সহৃদয়, পরহৃৎ-কাতর লোকদের কাছ থেকে। কিন্তু এ বারের বিপদ হ'য়েছে এই যে, সাহায্য তেমন পাওয়া যাচ্ছে না কোনোস্থান থেকেই। সেবা-সমিতি অনেক স্থানেই গড়ে উঠেছে, সাহায্যও চাচ্ছেন তাঁরা সকলের কাছেই। কিন্তু জন-সাধারণের ভিতরে বিশেষ জাগছে না সাহায্য করবার সাড়া।

এ সাড়া না আগবার কারণ হয়ত দেশের অর্থ-নৈতিক দুর্দশা। তা ছাড়া উপর্যুপরি কতকগুলো দুর্ঘটনার চাপেও হয়ত মানুষের মন খানিকটে এ-সব সম্পর্কে নিঃসাড় হ'য়ে গেছে। কিন্তু তা হ'লেও বিপদ এত বড় যে, সমস্ত আর্থিক দুঃবস্থা ও নিঃসাড়তাকে অতিক্রম করেই সাহায্য করবার জন্ত অগ্রসর হবার প্রয়োজন আজ দেখা দিয়েছে। দেশের এতগুলো লোককে মৃত্যুর মুখ হতে বাঁচাবার জন্তই আজ আবশ্যক

হ'য়েছে যার বা সাধ্য তার সেই রকমের দান করবার। আমরা সকলের দৃষ্টি এই মহাবিপদের দিকে আকর্ষণ করছি। এত বড় বিপদের সময়েও যদি দেশের লোক দেশের লোকের সম্বন্ধে উদাসীন হ'য়ে থাকে, তবে তার মত দুর্ভাগ্য আর হ'তেই পারে না।

## পরলোকে অতুলপ্রসাদ

গত ২৬শে আগষ্ট অতুলপ্রসাদ সেন লক্ষ্মী সহরে পরলোকের পথে যাত্রা করেছেন। মৃত্যুর সময় তাঁর বয়স হ'য়েছিল মাত্র ৬৩ বৎসর। অতুলপ্রসাদের নাম ছোট-বড়, নর-নারী নির্বিশেষে প্রায় সব বাঙালীর কাছেই পরিচিত। বাংলা গানে তিনি এমন কতকগুলো সুর সংযোগ করেছিলেন—যা যেমন নতুন তেমনি মধুর। এই গানের ভিতর দিয়েই তিনি পরিচিত হ'য়ে উঠেছিলেন সব বাঙালীর কাছে। কিন্তু সঙ্গীতের এই অসাধারণ পারদর্শিতাই তাঁর প্রতিভার একমাত্র বিকাশ ক্ষেত্র ছিল না। শিক্ষা, রাজনীতি, সাহিত্য, আইন—নানা দিক দিয়ে অতুলপ্রসাদের প্রতিভা অনন্তসাধারণতার কোঠায় গিয়ে পৌঁছেছিল। তিনি লক্ষ্মী 'বারের' একজন বড় আইনজীবী ছিলেন। আইনের ক্ষেত্রে তাঁর প্রতিষ্ঠাও ছিল প্রচুর। আর সেই জন্তই বাঙালী হ'য়েও তিনিই ছিলেন 'আউথ-বার এসোসিয়েসনের' প্রেসিডেন্ট। শিক্ষার দিক দিয়েও তাঁর সম্মান ও প্রতিপত্তি লক্ষ্মী সহরে সামান্য ছিল না। লক্ষ্মী বিশ্ববিদ্যালয়ের ভাইস চ্যান্সেলারের পদ গ্রহণের জন্তও তাঁকে অমরোধ করা হয়, কিন্তু নানা কারণে



তিনি তা প্রত্যাখ্যান করেন। রাজনীতি ক্ষেত্রে অতুল-  
প্রসাদ ছিলেন উদার-পন্থী। 'ভ্রাস্ত্রাল লিবারেল  
ফেডারেশনের' সভাপতির পদেও একবার তাঁকে  
বরণ করা হয়।

প্রভৃতি তাঁর কতকগুলি গান চিরদিনই বাংলা  
ভাষার অলঙ্কার হয়ে থাকবে। উত্তর ভারতের মাসিক  
পত্র 'উত্তরা' তাঁরই আগ্রহে এবং সম্পাদনায় প্রথমে  
প্রকাশিত হয়। উত্তর-বঙ্গ-সাহিত্য-সম্মিলনীর প্রতিষ্ঠার



স্বর্গীয় অতুলপ্রসাদ সেন

সাহিত্যের দিক দিয়েও অতুলপ্রসাদের একটা বিশিষ্ট  
স্থান আছে।

“উঠগো ভারত-লক্ষী উঠা দি অগত-অন-পূজা”

মূলেও রয়েছে তাঁরই চেষ্টা, পরিশ্রম ও আন্তরিকতা।  
সুতরাং তাঁর মৃত্যুতে বাংলার যে একটা বড় ক্ষতি হ'ল  
তাতে সন্দেহ নেই।



বাংলার বাইরে বাঙালীর প্রতিষ্ঠা আজ নেই বললেও বিশেষ অত্যাঙ্কি হয় না। প্রায় সব প্রদেশ হ'তেই বাঙালীকে উচ্ছেদ করবার চেষ্টা চলেছে। এই চেষ্টার বিরুদ্ধে দাঁড়িয়ে যারা বাংলার বাইরেও বাঙালীর সম্মান ও প্রতিপত্তি বজায় রেখেছিলেন—অতুলপ্রসাদ ছিলেন তাঁদেরই অন্যতম। সুতরাং অতুলপ্রসাদের বিয়োগে বাংলার সাহিত্যেরই শুধু ক্ষতি হ'লো না, তাঁর মৃত্যুতে বিদেশে বাংলার প্রতিষ্ঠারও হানি হ'লো এবং সে হানিও উপেক্ষার যোগ্য নয়।

অতুলপ্রসাদকে গত বৎসর আমরা শেষবার যখন দেখি তখনও জরার প্রভাব আমরা তাঁর ভিতরে দেখতে পাইনি। হাস্তময়, ক্ষুণ্ণিময় চেহারা—যে চেহারা যৌবনের সঙ্গেও বেমানান হয় না। মৃত্যু অপরিহার্য, তা সকলের কাছেই আসবে, কিন্তু অতুলপ্রসাদের কাছে সে এসেছে অত্যন্ত অসময়ে—একান্ত আকস্মিক ভাবেই। এই আকস্মিকতার দুঃখই এই চিরবিদায়ের ব্যথাকে এত বেশী তীব্র করে তুলেছে বাঙালীর কাছে। আমরা অতুলপ্রসাদের পরলোকগত আত্মার কল্যাণ কামনা করি।

### নারী-ধর্ষণ

নারী-ধর্ষণের সংখ্যা বাংলায় ক্রমেই বেড়ে চলেছে। এই বৃদ্ধির কথা নিয়ে এবং এ-ব্যাপারে আমাদের ও কর্তৃপক্ষের উদাসীনতার কথা নিয়ে আমরা ইতিপূর্বেও অনেকবার আলোচনা করেছি। সম্প্রতি ঢাকায় বাংলার অস্থায়ী গবর্নর শ্রী জন উডহেড পুলিশদের পুরস্কার-বিতরণ সভায় যে বক্তৃতা দিয়েছেন তার ভিতর দিয়েও এর গুরুত্বটা পরিস্ফুট হ'য়ে উঠেছে। তিনি বলেছেন—“যে বিশেষ অপরাধের কথাটা গতবৎসর শ্রী জন এণ্ডারসন বিশেষ ভাবে উল্লেখ করেছিলেন তা নারীদের বিরুদ্ধে অপরাধ। বিষয়টা এখনও উদ্বেগের কারণ হ'য়ে আছে। আমি উদ্বেগের সঙ্গে লক্ষ্য করেছি যে ১৯৩৩ সালেও এই অপরাধের সংখ্যা বেড়েছে।...পুলিশ এমন অনেক কিছুই করতে পারেন

যাতে এই ঘণিত দুর্কর্ম অশুষ্টি না হ'তে পারে। আমার সন্দেহ নেই যে আপনারা এ-সম্বন্ধে ইতিমধ্যেই সচেতন হ'য়ে উঠেছেন। কিন্তু তা' হ'লেও এ সম্পর্কে আপনাদের কর্তব্য সাধনে এখনও ঢের উন্নতির অবকাশ রয়েছে। এ-ব্যাপার বাংলার গুরুতর কলঙ্কে পরিণত হ'তে চলেছে। সুতরাং আমি আশা করি যে সমস্ত পুলিশ কর্মচারীই এ কলঙ্ক দূর করবার জন্য সমবেত ভাবে চেষ্টা করবেন।”

নারী-ধর্ষণের এই ব্যাপারটি নিয়ে আলোচনা ও আলোচনা যে কম হচ্ছে তা নয়। কেবল আলোচনা ও আলোচনায় এ কলঙ্ক দূর করা যদি সম্ভব হ'ত তবে এতদিন তা নিঃশেষে দূর হ'য়ে যেত। তা যখন হয়নি তখন এর প্রতিকারের জন্য প্রয়োজন আরো কঠোরতর ব্যবস্থা অবলম্বনের। সে ব্যবস্থা অবলম্বন করতে পারে একমাত্র পুলিশ কর্মচারী এবং বিচার-বিভাগের কর্মচারীরাই। পুলিশ যদি তৎপরতার সঙ্গে প্রত্যেকটি ঘটনার তদন্ত করেন, কেবল অপরাধীকে নয়, অপরাধীকে যারা সাহায্য করে তাদের সকলকেও আইনের হাতে সমর্পণ করবার ব্যবস্থা করেন এবং অপরাধীর দণ্ড যদি এ রকমের হয় যে, তাতে অপরাধটা সম্বন্ধেই একটা ভীতির সৃষ্টি হয়, তবে অপরাধের বহর যে স্বাভাবিক নিয়মেই ক'মে আসবে তাতে সন্দেহ নেই।

এই ধরনের অপরাধে যারা অপরাধী তাদের বেত্রদণ্ডে দণ্ডিত করা হবে কিনা গবর্নমেন্টের কর্তৃপক্ষদের ভিতর তাই নিয়ে চলছে আলোচনা। বেত্র দণ্ডের ভিতর খানিকটা বর্ধিততা আছে, সুতরাং সবক্ষেত্রে তার সমর্থন করা চলে না। কিন্তু এসব অপরাধ বেরূপ বর্ধিত তাতে তার প্রতিকারের জন্য যদি খানিকটা বর্ধিততার আশ্রয় নেওয়া হয়, তবে তাও সমর্থনের অযোগ্য হবে বলে আমাদের মনে হয় না। তা ছাড়া লোকের মনে এ অপরাধের গুরুত্ব সম্বন্ধে একটা ভীতির ভাব আগিয়ে তোলার উপাদান আছে শুধু এই বেত্রদণ্ডের ভিতরেই বা কারাদণ্ডে নেই। চোখের উপরে যদি অপরাধীকে



বেত্রদণ্ডে অর্জরিত হ'তে দেখে, তবে যারা এ ধরনের অপরাধ করতে চায়, অপরাধ করবার আগে বার কয়েক দণ্ডের গুরুত্বের কথাও তারা ভেবে নেবে। অনেক দুর্দান্ত পশুকেও সায়েন্টা করা হয়েছে বেত্রাঘাতের দ্বারা—এ উদাহরণ পশু নিয়ে যারা নাড়া চাড়া করেন তাঁরা জানেন।

কিন্তু এ সম্বন্ধে দায়িত্ব কেবল গবর্নমেন্টেরই যে আছে তা নয়, আমাদের নিজেদের দায়িত্বও কম নয়। আমরা নিজেরা যদি সমাজের এই মানির সম্বন্ধে সচেতন ও অসহিষ্ণু হ'রে না উঠি তবে পুলিশের কাছ থেকেও তা আশা করতে পারিনে। সমাজ যে এ-সম্বন্ধে সম্যক সচেতনতার পরিচয় দেয় নি, তা বলাই বাহুল্য।

### শব্দ-বিজ্ঞান সম্মিলনে বাঙালী অধ্যাপক

১৯৩৫ সালের জুলাই মাসে লণ্ডনে দ্বিতীয় আন্তর্জাতিক 'ফনেটিক' সম্মিলনের অধিবেশন হবে। এই সম্মিলনে যোগদানের জন্য ডক্টর সুনীতিকুমার চট্টোপাধ্যায় কলিকাতা বিশ্ববিদ্যালয়ের প্রতিনিধি মনোনীত হ'য়েছেন। ভাষা-বিজ্ঞানে ডক্টর সুনীতিকুমার প্রগতি পণ্ডিত। আমাদের ভরসা আছে 'ফনেটিক' কন্ফারেন্সে তিনি যে জ্ঞানের ও পাণ্ডিত্যের পরিচয় দেবেন তা বাংলার গৌরব বৃদ্ধি করবে।

### পরলোকে শ্রু চারুচন্দ্র ঘোষ

গত ২৪শে ভাদ্র শ্রু চারুচন্দ্র ঘোষ পরলোকে গমন করেছেন। চারুচন্দ্র বাংলার কৃতী সন্তানদের অমৃতম। তিনি কলিকাতা হাইকোর্টের জজ ছিলেন, কয়েকবার অস্থায়ীভাবে প্রধান বিচারপতির আসনও অলঙ্কৃত করেছিলেন। বিচারে নিরপেক্ষতা এবং দূর-দর্শিতা তাঁর জজিয়তির সময়টাকে গৌরবময় করেছে। দেশের প্রতি তাঁর একটা গভীর ভালোবাসা ও মমত্ববোধ ছিল। দেশের সেবা তিনি অনেক রকমে

ক'রে গেছেন। তবে সে সেবার ভিতরে অযথা উদ্ধাস ছিল না। বাইরে তা প্রকাশ করবার লোভও তিনি সম্বরণ ক'রে গেছেন আশ্চর্য্য রকমের সংযমের দ্বারা। শ্রু চারুচন্দ্র এশিয়াটিক সোসাইটির প্রেসিডেন্ট নির্বাচিত হয়েছিলেন। হাইকোর্টের জজিয়তি ত্যাগের পর তাঁকে শাসন-পরিষদের সদস্যপদে নিযুক্ত করা হয়। কিন্তু স্বাস্থ্য ভেঙ্গে পড়ায় তিনি সে পদ ত্যাগ করেন। মৃত্যুর সময় তাঁর বয়স মাত্র ৬০ বৎসর হয়েছিল। রাজকার্য্য হ'তে অবসর নেওয়ার পর দেশের নানা



শ্রু চারুচন্দ্র ঘোষ

রকমের কল্যাণের কাজে তিনি আত্মনিয়োগ করবেন—দেশ তাঁর কাছ থেকে এই জিনিসটাই আশা করছিল। তাঁর এই আকস্মিক মৃত্যুতে সেই আশাটাই ব্যর্থ হয়ে গেল। পরিণত বুদ্ধি ও গভীর অভিজ্ঞতা নিয়ে যখন কাজ করবার সময়, তখনই বাংলার জ্যোতিষ্ক যারা তাঁরা ধসে পড়েন। এ দুর্ভাগ্য বাংলার সহজ দুর্ভাগ্য নয়। আমরা চারুচন্দ্রের পরলোকগত আত্মার উদ্ধৃতি কামনা করি। তাঁর শোক-সন্তপ্ত পরিবারের



এই গভীর শোকে আমরা আন্তরিক সমবেদনাও জ্ঞাপন করছি।

### জাপানের হরিজন-প্রীতি

ইয়োকোহামার ব্যবসায়ীরা ৩৮৯২ টাকা সংগ্রহ করে মহাস্বাক্ষরী কাছে পাঠিয়ে দিয়েছেন হরিজনের কাছে তাঁর অভিপ্রায় অনুসারে ব্যয় করবার অনুরোধ জানিয়ে। অর্থের দিক দিয়ে অঙ্কটা খুব বড় নয়, কিন্তু এই দানের ভিতরে হরিজনদের প্রতি সহানুভূতি ও সমবেদনার যে পরিচয় আছে তার দাম ঢের—তা উপেক্ষার যোগ্য নয়।

### সর্প-দংশনের চিকিৎসার পুরস্কার

সর্প-দংশনের ভাল ঔষধ এখনও আবিষ্কৃত হয় নি। ইউরোপে, আমেরিকায় তবু সর্প-দংশনের ঔষধ তৈয়ারীর চেষ্টা চলেছে, কিন্তু ভারতবর্ষে ঔষধের পরিবর্তে ব্যবহৃত হয় সাধারণতঃ ওষার মন্ত্র। অনেক সময় তাতে আশ্চর্য্য রকমের সফল দেখা যায় বটে, কিন্তু তার উপরে বিশ্বাস ও নির্ভর করা কঠিন। কারণ বিজ্ঞানের পদ্ধতির সঙ্গে তার মিল খুঁজে পাওয়া যায় না। বোম্বাই-এর হাক্কিন ইনষ্টিটিউট সাপের বিষের প্রতিষেধক তৈরীর চেষ্টা করছেন বিজ্ঞান-সম্মত উপায়ে। তাঁরা এই সব মন্ত্র-তন্ত্রের উপরে বিশ্বাস করেন না। তাঁরা বলেন—ও শুধু বুদ্ধক্লি। কেবল তাই নয় তাঁরা ওষাদের রীতিমত দ্বন্দ্ব-যুদ্ধে আহ্বান করেছেন ১০ হাজার টাকার একটা পুরস্কার ঘোষণা করে। বানরকে সর্প-দষ্ট করে তাঁরা ওষাদের দেবেন আরোগ্য করতে। মন্ত্রের দ্বারা যদি কোনো ওষা তাকে আরোগ্য করতে পারে, তবে তাকে ১০ হাজার টাকা পুরস্কার দেওয়া হবে। এ যুগ বিজ্ঞানের যুগ। বিজ্ঞানের কষ্টিপাথরে যে শক্তি ঝাঁট বলে প্রমাণ না হ'ল এ যুগের লোক তার উপরে কখনো আস্থা স্থাপন করতে পারবে না। সম্প্রতি আমেদাবাদ মিউনিসিপ্যালিটিতে

ডাঃ গৌরিশঙ্কর নামে একজন ওষা মন্ত্র-শক্তির দ্বারা সর্পাঘাতের চিকিৎসার জন্য চাকুরী প্রার্থী হয়েছিলেন। মাহিয়ানা চেয়েছিলেন মাসিক ৪০ টাকা মাত্র। কিন্তু আমেদাবাদের মিউনিসিপ্যালিটি রাজি হ'ন নি। ডাক্তার গৌরীশঙ্কর বা তাঁর মত দ্বারা সর্প-মন্ত্র-বিশারদ তাঁরা হাক্কিন ইনষ্টিটিউটের এই ১০ হাজার টাকা পুরস্কারের প্রতিযোগিতায় নামতে পারেন। জরী হ'তে পারলে অর্থের দিক দিয়ে তাঁদের লাভ ত আছেই, তা' ছাড়া একটা প্রাচীন পদ্ধতিকে বিজ্ঞানের মাপ কাঠিতে ফেলে যাচাই করে নেবার সুবিধেও হবে তাতে। বৎসরে ৫০৬০ হাজার লোক ভারতবর্ষে সাপের কামড়ে মারা যায়। সুতরাং এর একটা বিজ্ঞান-সম্মত প্রতিকার-পদ্ধতির আবিষ্কার যে আবশ্যক তা বলাই বাহুল্য।

### শিক্ষার্থীণী ভারত-মহিলার বিলাত-গমন

কুমারী সরলা দেশাই বি-এ, কুমারী বিজা নেহেরু বি-এ, শ্রীমতী মন্দাকিনী ত্রিলোকেকর এম্-এ, প্রমুখ কয়েকটি মহিলা উচ্চতর শিক্ষা লাভের জন্য বিলাত যাচ্ছেন। এঁরা সকলেই কালী হিন্দু-বিশ্ববিদ্যালয়ের ছাত্রী। এঁদের কারো উদ্দেশ্য সংবাদপত্র সেবা সম্পর্কে ডিপ্লোমা লাভ করা, কারো বা উদ্দেশ্য শিক্ষা-সম্পর্কে ডিপ্লোমা লাভ। আমরা এঁদের সকলেরই পরিপূর্ণ সাফল্য কামনা করি। বিদেশ থেকে জ্ঞান আহরণ করে এনে, ভারতের উপযোগী করে যদি তাঁরা তা' দেশের ভিতর পরিবেশন করতে পারেন, তবে তাতে দেশেরও উপকার হবে, তাঁদের শিক্ষাও সার্থক হবে।

### মেডিক্যাল কলেজের শতবার্ষিকী

১৮৩৫ সালে কলিকাতা মেডিক্যাল কলেজ প্রতিষ্ঠিত হয়। সুতরাং ১৯৩৫ সালে তার শতবর্ষ পূর্ণ হবে। এই শতবার্ষিকীটি বিশেষ ভাবে পালন করবার উদ্দেশ্য নিয়ে সম্প্রতি একটি সভা হ'য়ে গেছে। শ্রর বিজয়প্রসাদ সিংহ রায় সভাপতির আসন অলঙ্কৃত করেছিলেন।



মেডিক্যাল কলেজের শতবার্ষিকীর সত্যিকারের উৎসব হচ্ছে—মেডিক্যাল কলেজের এমন কোনো একটা উন্নতি করা, যা দেশের লোকের চিকিৎসা-সম্পর্কে বড় রকমের কোনো সমস্যার সমাধান করবে। সেই ধরনেরই একটা প্রস্তাবও করা হয়েছে। প্রস্তাব হয়েছে—এই উপলক্ষ্যে আকস্মিক দুর্ঘটনায় আহত লোকদের চিকিৎসার জন্য একান্ত আধুনিক যন্ত্রপাতি ও চিকিৎসার সাজ-সরঞ্জাম-যুক্ত একটি ওয়ার্ড বা বিভাগ গড়ে তোলা হবে। তাতে ৪০টি রোগীর স্থান থাকবে। প্রস্তাব করা হয়েছে, কিন্তু এ-প্রস্তাবকে বাস্তবরূপ দান করতে হ'লে অর্থের প্রয়োজন। চিকিৎসাগারটি গড়ে তুলতে প্রয়োজন হবে ২,৬৭,০০০ টাকা, এবং এর খরচ চালাতে দরকার হবে বৎসরে ২৫,০০০ টাকা। গবর্ণমেন্ট বাৎসরিক খরচের এই ২৫,০০০ টাকা দিতে রাজি আছেন যদি সৌধ-নির্মাণ ইত্যাদি বাবদ যে ২,৬৭,০০০ টাকার আবশ্যক হবে তা জম্ম-সাধারণের চাঁদার টাকা হ'তে সংগ্রহ করা যায়।

মেডিক্যাল কলেজের অতীত ইতিহাসের দিকে যদি তাকানো যায় তবে এই টাকা সংগ্রহ খুব কঠিন ব্যাপার বলে মনে হয় না। মেডিক্যাল কলেজের বহু অংশই সাধারণের দানের অর্থে তৈরী হয়েছে। যে জমির উপর মেডিক্যাল কলেজের প্রধান সৌধটি অবস্থিত সে জমি দান করেছিলেন ৩ম তিলক শীল। ৩চুণীলাল শীল, শ্রীমাচরণ লাহা প্রমুখ দানবীরদের দানের অর্থে গড়ে উঠেছে চুণীলাল শীল ডিস্পেন্সারী, ইডেন হাসপাতাল, শ্রীমাচরণ লাহা চক্ষু-চিকিৎসালয়। একটি ছাত্রী-নিবাস গড়ে তোলার জন্য কাশিমবাজারের মহারানী স্বর্ণময়ী দান করেছিলেন দেড় লক্ষ টাকা। দারবজের মহারাজাধিরাজ শ্রী রামেশ্বর সিংহ হাসপাতালের উন্নতির জন্য একবার ২০ হাজার টাকা দান করেন। পাইকপাড়ার রাজা প্রতাপচন্দ্র সিংহ,

মিসেস মোজেল এজরা, শ্রীমতী নিস্তারিণী দেবী, বলদেব দাস বিরলা, রাজা দেবেন্দ্র মল্লিক, দ্বারকানাথ মিত্র প্রমুখ অনেকের দানের অর্থেই মেডিক্যাল কলেজের এই এত বড় দেহটা গড়ে উঠেছে। সুতরাং চেষ্টা করলে এই ২,৬৭,০০০ টাকা তুলতে খুব বেশী বেগ পেতে হবে ব'লেও আমাদের মনে হয় না। বস্তুত: আমাদের এ ধারণার ভিত্তর যে ভুল নেই গোড়াতেই তার নিশানাও দেখা দিয়েছে। এর মধ্যেই লক্ষাধিক টাকার প্রতিশ্রুতি পাওয়া গিয়েছে। কাশিম বাজারের কুমার কমলারঞ্জন রায় ৫০ হাজার টাকা, রায় বাহাদুর মুন্সুফলাল তাপুয়িয়া ২০ হাজার টাকা, শ্রী হরিশঙ্কর পাল এবং তাঁর ভ্রাতা মি: হরিশোহন পাল ২০ হাজার টাকা, মি: জগদীপ প্রসাদ ভট্টাচার্য ১৫ হাজার টাকা, কর্ণেল ডব্লিউ, এম, ক্রাডক ১ হাজার টাকা, ডক্টর বিমলা চরণ লাহা ১ হাজার টাকা এবং মি: জে, সি, শীল ১ শত টাকা দানের প্রতিশ্রুতি দিয়েছেন। বাদ বাকি টাকাও পেতে খুব বেশী বেগ পেতে হবে বলে মনে হয় না।

যে ওয়ার্ডটি গড়ে তোলার চেষ্টা হচ্ছে, তার প্রয়োজন যে খুবই তাতে সন্দেহ নেই, আকস্মিক দুর্ঘটনায় আহত লোকদের চিকিৎসার জন্য মেডিক্যাল কলেজের যে ঘরগুলো ব্যবহৃত হয় তাতে চিকিৎসা বিজ্ঞানের আধুনিক উন্নতির কোনো ছাপই নেই। কোনো রকমে তাতে কাজ চালিয়ে নেওয়া হয়—এই মাত্র। কিন্তু কলিকাতার মত এত বড় সহরের Emergency Ward যে ঢের বেশী উন্নত ধরনের হওয়া সম্ভব তা বলাই বাহুল্য। সুতরাং আমরা আশা করি, দান-বীরদের দানের দ্বারা প্রয়োজনীয় অর্থ সহজেই সংগৃহীত হবে এবং মেডিক্যাল কলেজের শত বার্ষিকী উৎসব এই প্রস্তাবিত ওয়ার্ডটির প্রতিষ্ঠার ভিত্তর দিয়েই মিলার হকেন।



# শারদীয়া সংখ্যা সচিত্র



বিষয়	লেখক	পৃষ্ঠা
বিশ্বকবি রবীন্দ্রনাথের বাণী	কবির হস্তাক্ষর	২৭০
অভিবাদন		২৭১
কথাশিল্পী শরৎচন্দ্রের পত্র	শ্রীশরৎচন্দ্র চট্টোপাধ্যায়	২৭৩
প্রেম ...কবিতা...	শ্রীযতীন্দ্রমোহন বাগচী	২৭৬
হাফেজ ...অনুবাদ...	শ্রীশৈলজানন্দ মুখোপাধ্যায়	২৭৭
টুনটুনের প্রেম ...চিত্রাভিনয়...	টুনটুন	২৭৮
চিরগোপন ...কবিতা...	শ্রীদিলীপকুমার রায়	২৮০
শরৎচন্দ্র ...বিবৃতি...	রায় শ্রীজলধর সেন বাহাদুর	২৮১
শারদ প্রভাতে ...কবিতা...	শ্রীকালিদাস রায়	২৮৩
গান ...গান...	কাজি নজরুল ইসলাম	২৮৪
পূর্ণকাম ...কবিতা...	শ্রীনরেন্দ্র দেব	২৮৭
উজ্জীবন ...কবিতা...	শ্রীরাধারাণী দেবী	২৮৭
গল্প না কবিতা ...গল্প...	শ্রীরমেশচন্দ্র সেন	২৮৮
হিসাব নিকাশ ...কবিতা...	শ্রীঅমরুপা দেবী	২৯১
গান ... " ...	শ্রীশিবরাম চক্রবর্তী	২৯১
প্রচার ... " ...	শ্রীপ্রিয়দর্শনা দেবী	২৯১
অসময়ে ... " ...	শ্রীহাসিরাশি দেবী	২৯৬
দীপান্তরের চিঠি ...গল্প...	শ্রীপ্রভাবতী দেবী সরস্বতী	২৯৭
বাণী ...রূপক...	শ্রীমণীন্দ্রকুমার সিংহ	৩০০
বোধনে বিজয়া ...গল্প...	শ্রীনীহার দেবী	৩০৭
বন্দীকায়া ...কবিতা...	শ্রীদিলীপ দাশ গুপ্ত	৩১১
বেণু ... " ...	শ্রীরামকৃষ্ণ দেবশর্মা	৩১১
নাট্যসাহিত্য ...প্রবন্ধ...	শ্রীমণীন্দ্রনাথ সিংহ	৩১৬
মমতাজ ...কবিতা...	শ্রীকনকলতা ঘোষ	৩২০
মিটমাট ...গল্প...	শ্রীগিরিজাকুমার বসু	৩২১
উপসংহার ... " ...	বন্দে আলী মিন্না	৩২৩
মনন্দা ... " ...	শ্রীআশালতা দেবী	৩২৮
জানবাসার স্মৃতি ... " ...	শ্রীঅমরপূর্ণা দেবী	৩৩৪




# শাব্দীয় সংখ্যা সচিত্র প্রচারক.....

বিষয়	লেখক	পৃষ্ঠা	বিষয়	লেখক
বিজ্ঞাপনের ছিদ্ৰ...প্রবন্ধ...শ্রীজ্ঞানেন্দ্রনাথ মিত্র		৩৩৯	১...প্রবন্ধ...শ্রীবাঙালীচরণ বাঙাল	
মাছুষ পাখীরা...কবিতা...শ্রীবিরামকৃষ্ণ মুখোপাধ্যায়		৩৪০	সংস্কার...গল্প...শ্রীশেফালি রায়	
কেন...গল্প...শ্রীরাসবিহারী মণ্ডল		৩৪১	পত্রলেখা...প্রবন্ধ...শ্রীপ্রণব রায়	
ভালবাসিবার ধারা...রূপক...শ্রীরাজেন্দ্র মিত্র		৩৪৮	পল্লীব্যাখা...কবিতা...শ্রীকেদার বন্দ্যোপাধ্যায়	
জননী আসে...কবিতা...শ্রীমানারাগী দেবী		৩৫৩	বাসর...গল্প...শ্রীমনোমোহন ঘোষ	
রোম্যান্স...গল্প...শ্রীধীরেন্দ্রলাল ধর		৩৫৫	প্রাচ্য প্রচার শিল্পে বাঙালীর দান...শ্রীপরমানন্দ রায়	
নারী প্রগতি...পত্র...শ্রীসুনীলকুমার ধর		৩৬৩	পরকীয়া প্রেম...প্রবন্ধ...শ্রীপ্রচণ্ড মিত্র	
চন্দ্র ও পৃথিবী...কবিতা...শ্রীকৃষ্ণধন দে		৩৬৫	ব্যাচিলর...[ গল্প নয় ]...শ্রীকৃষ্ণেন্দু ভৌমিক	
চিত্র পরিচালক...প্রবন্ধ...শ্রীধুমলোচন		৩৬৭	শরৎ রাণী...কবিতা...শ্রীক্ষণপ্রভা দেবী	
মেঘদূত...কবিতা...শ্রীশ্যামাপদ চক্রবর্তী		৩৭১	নারী প্রকৃতির প্রতীক...শ্রীকমলা দেবী	
আমারে বাসিলে ভালো ..."....শ্রীমৃণাল সর্বাধিকারী		৩৭২	দশভূজার পরিকল্পনা.....সম্পাদক	
			মন্তব্য.....	



## দি বঙ্গশ্রী কটন মিলস লিঃ

প্রতিষ্ঠাতা :- আচার্য্য স্যার পি, সি, রায়



কলিকাতা হইতে ৭ মাই  
দূরে সোদপুরে বঙ্গ  
নির্ম্মানারক্ক বিরাট  
পরিদর্শন করিয়া বাঙ্গাল  
কৃতিত্বে আশ্চর্যান হউন  
যাবতীয় সম্পূর্ণ আধু  
মেসিনারীর অর্ডার দেও  
হইয়াছে। বিস্তারিত বি  
রণ ও অংশ বিক্র  
এজেন্সীর জগু আবে  
করুন।

নির্ম্মানারক্ক মিলবাটার অভ্যন্তরীণ এক অংশের দৃশ্য

জেনিটর্ড আঃ— ১৩৭নং ক্যানিং স্ট্রীট, কলিকাতা।



স্থাপিত  
১৮৯৬  
সাল

ভারতে সর্বপ্রধান ও  
প্রাচীনতম জাতীয়  
প্রতিষ্ঠান

ভারত ইনসিওরেন্স

সর্বোচ্চ বোনাস

আজীবন বীমা  
প্রতি হাজারে ২৫%

মেয়াদী বীমা  
প্রতি হাজারে ২১%

উদ্ধৃত্ত তহবিল  
Accumulated Funds  
১,৭৩,০০,০০০/-

প্রদত্ত বীমার পরিমাণ  
৯৭,০০,০০০/-

কোম্পানী লিঃ

নরনারী নির্বিশেষে  
সকলকে সর্বপ্রকার

জীবন বীমার

সুবিধা প্রদান

করে

এইচ, চক্রবর্তী

ম্যানেজার


“ভারত ভবন”

চিত্তরঞ্জন এভিনিউ, কলিকাতা

ফোন—২১০৩ কলিকাতা।



—প্রচারক—



অপরাজেয় কথাশিল্পী  
— শ্রীযুক্ত শরৎচন্দ্র চট্টোপাধ্যায় —



## = কথাশিল্পী শরৎচন্দ্রের পত্র =

শ্রীঅতুলানন্দ রায়—

সম্পাদক,—প্রচারক।

কল্যাণীয়েষু,

শ্রাবণের 'পরিচয়' পত্রিকায় শ্রীমান দিলীপ কুমারকে লিখিত রবীন্দ্রনাথের পত্র— সাহিত্যের মাত্রা—সম্বন্ধে তুমি আমার অভিমত জানতে চেয়েছো। এ চিঠি ব্যক্তিগত হলেও যখন সাধারণ্যে প্রকাশিত হয়েছে তখন এরূপ অনুরোধ হয়ত করা যায়, কিন্তু অনেক চারপাতা জোড়া চিঠির শেষ ছত্রের 'কিছু টাকা পাঠাইবা'র মতো এরও শেষ ক'লাইনের আসল বক্তব্য যদি এই হয় যে ইয়োরোপ তার যন্ত্রপাতি ধনদৌলত কামান-বন্দুক মান-ইজ্জত সমেত অচিরে ডুববে, তবে অত্যন্ত পরিতাপের সঙ্গে এই কথাই মনে করবো যে বয়েস ত অনেক হলো ও-বস্তু কি আর চোখে দেখে যাবার সময় পাবো।

কিন্তু এদের ছাড়াও কবি আরও যাদের সম্বন্ধে হাল ছেড়ে দিয়েছেন তোমাদের সন্দেহ তার মধ্যে আমিও আছি। অসম্ভব নয়। এ প্রবন্ধে কবির অভিযোগের বিষয় হলো ওরা 'মত্ত হস্তী' 'ওরা বুলি আওড়ালে' 'পালোয়ানি করলে' 'কসরৎ কেরামত দেখালে' 'প্রব্রম সলভ করলে' অতএব ওদের ইত্যাদি ইত্যাদি।

এই কথাগুলো যাদেরকেই বলা হোক সুন্দরও নয়, শ্রুতি সুখকরও নয়। শ্লেষ-বিদ্রূপের আমেজে মনের মধ্যে একটা ইরিটেশান আনে। তাতে বক্তারও যায় উদ্দেশ্য ব্যর্থ হয়ে শ্রোতারও মন যায় বিগড়ে। অথচ, ক্ষোভ প্রকাশও যেমন বাজুল্য প্রতিবাদও তেমনি বিফল। কার তৈরি-করা-বুলি পাখীর মতো আওড়ালুম, কোথায় পালোয়ানি করলুম, কি 'খেল' দেখালুম ত্রুঙ্ক কবির কাছে এ সকল জিজ্ঞাসা অবাস্তব। আমার ছেলে বেলার কথা মনে পড়ে। খেলার মাঠে কেউ রব তুলে দিলেই হলো অমুক গু মাড়িয়েছে। আর রক্ষে নেই,—কোথায় মাড়ালুম, কে বললে, কে দেখেচে, ওটা গু নয় গোবর—সমস্ত বুখা। বাড়ী এসে মায়েরা না নাইয়ে, মাথায় গজাজলের ছিটে না দিয়ে আর ঘরে ঢুকতে দিতেন না। কারণ, ও যে গু মাড়িয়েছে! এও আমার সেই দশা।

'সাহিত্যের মাত্রা'ই বা কি আর অন্য প্রবন্ধই বা কি এ কথা অস্বীকার করিনে যে কবির এই ধরনের অধিকাংশ লেখাই বোঝবার মতো বুদ্ধি আমার নেই। তাঁর উপমা উদাহরণে আসে কল-কজা, আসে হাট-বাজার হাতী, ঘোড়া জন্তু-জানোয়ার—ভেবেই পাইনে মানুষের সামাজিক সমস্ত্য, নর-নারীর পরস্পরের সম্বন্ধ বিচারে ওরা সব আসেই বা কেন এবং এসেই বা কি প্রমাণ করে। শুনতে বেশ লাগ-সই হলেই ত তা' যুক্তি হয়ে ওঠে না।





একটা দৃষ্টান্ত দিই। কিছুদিন পূর্বে হরিজনদের প্রতি অবিচারে ব্যথিত হয়ে তিনি প্রবর্তক-সংঘের মতি বাবুকে একখানা চিঠি লিখেছিলেন। তাতে অনুযোগ করেছিলেন যে ব্রাহ্মণীর পোষা বিড়ালটা এঁটো মুখে গিয়ে তাঁর কোলে বসে তাতে শুচিতা নষ্ট হয় না—তিনি আপত্তি করেন না। খুব সম্ভব করেন না, কিন্তু তাতে হরিজনদের সুবিধা হলো কি? প্রমাণ করলে কি? বিড়ালের যুক্তিতে এ কথা ত ব্রাহ্মণীকে বলা চলে না যে যে-হেতু অতি নিকৃষ্ট জীব বেরালটা গিয়ে তোমার কোলে বসেছে তুমি আপত্তি করো নি, অতএব, অতি উৎকৃষ্ট-জীব আমিও গিয়ে তোমার কোলে বসবো তুমি আপত্তি করতে পারবে না। বেরাল কেন কোলে বসে, পিপড়ে কেন পাতে ওঠে এ সব তর্ক তুলে মানুষের সঙ্গে মানুষের ত্রায় অত্যাচার বিচার হয় না। এ সব উপমা শুনতে ভালো, দেখতেও চক্চক্ করে কিন্তু যাচাই করলে দাম যা ধরা পড়ে তা অকিঞ্চিৎকর। বিরাট ফ্যাক্টরির প্রভূত বস্তু-পিণ্ড উৎপাদনের অপকারিতা দেখিয়ে মোটা নভেলও অত্যন্ত ক্ষতিকর এ কথা প্রতিপন্ন হয় না।

আধুনিক কালের কল-কারখানাকে নানা কারণে অনেকেই আজকাল নিন্দে করেন রবীন্দ্রনাথও করেছেন—তাতে দোষ নেই। বরঞ্চ, ওইটেই হয়েছে ফ্যাশান। এই বহু-নিন্দিত বস্তুটার সংস্পর্শে যে মানুষগুলো ইচ্ছে বা অনিচ্ছে এসে পড়েছে তাদের সুখ-দুঃখের কারণ-গুলোও হয়ে দাঁড়িয়েছে জটিল—জীবন-যাত্রার প্রণালীও গেছে বদলে, গাঁয়ের চাষাদের সঙ্গে তাদের ছবছ মেলেনা। এ নিয়ে আপশোষ করা যেতে পারে কিন্তু তবু যদি কেউ এদেরই নানা বিচিত্র ঘটনা নিয়ে গল্প লেখে তা' সাহিত্য হবে না কেন? কবিও বলেন না যে হবে না, তাঁর আপত্তি শুধু সাহিত্যের মাত্রা লঙ্ঘনে। কিন্তু এই মাত্রা স্থির হবে কি দিয়ে? কলহ দিয়ে না কটু কথা দিয়ে? কবি বলেছেন স্থির হবে সাহিত্যের চিরন্তন মূল নীতি দিয়ে। কিন্তু এই 'মূল নীতি' লেখকের বুদ্ধির অভিজ্ঞতা ও স্বকীয় রসোপলব্ধির আদর্শ ছাড়া আর কোথাও আছে কি? চিরন্তনের দোহাই পাড়া যায় শুধু গায়ের জোরে আর কিছুতে নয়। ওটা মরীচিকা।

কবি বলছেন, “উপন্যাস সাহিত্যেরও সেই দশা। মানুষের প্রাণের রূপ চিন্তার স্তূপে চাপা পড়েছে।” কিন্তু প্রত্যুত্তরে কেউ যদি বলে “উপন্যাস সাহিত্যের সে দশা নয়, মানুষের প্রাণের রূপ চিন্তার স্তূপে চাপা পড়েনি চিন্তার সূর্যালোকে উজ্জ্বল হয়ে উঠেছে” তাকে নিরস্ত করা যাবে কোন্ নজীর দিয়ে? এবং এরই সঙ্গে আর একটা বুলি আজকাল প্রায়ই শোনা যায় তাতে রবীন্দ্রনাথও যোগান দিয়েছেন এই বলে যে “যদি মানুষ গল্পের আসরে আসে তবে সে গল্পই শুনতে চাইবে যদি প্রকৃতিস্থ থাকে।” বচনটি স্বীকার করে নিয়েও পাঠকেরা যদি বলে হাঁ, আমরা প্রকৃতিস্থই আছি কিন্তু দিন-কাল বদলেছে এবং বয়েসও বেড়েছে সুতরাং, রাজপুত্র ও ব্যাঙ্গমা-ব্যাঙ্গমৌর গল্পে আমাদের আর মন ভরবে না, তাহলে জবাবটা



যে তাদের দুর্বিনীত হবে এ আমি মনে করিনে। তারা অনায়াসে বলতে পারে গল্পে চিন্তা-শক্তির ছাপ থাকলেই তা' পরিত্যাজ্য হয় না কিম্বা বিস্তৃত গল্পলেখার জন্তে লেখকের চিন্তাশক্তি বিসর্জন দেবারও প্রয়োজন নেই।

কবি মহাভারত ও রামায়ণের উল্লেখ করে ভীষ্ম ও রামের চরিত্র আলোচনা করে দেখিয়েছেন 'বুলির' খাতিরে ও দুটো চরিত্রই মাটি হয়ে গেছে। এ নিয়ে আমি আলোচনা করবো না কারণ, ও দুটো গ্রন্থ শুধু কাব্যগ্রন্থই নয়, ধর্মপুস্তক ত বটেই হয়ত বা ইতিহাসও বটে। ও দুটি চরিত্র কেবলমাত্র সাধারণ উপন্যাসের বানানো চরিত্র নাও হতে পারে, সুতরাং সাধারণ কাব্য-উপন্যাসের গজকাঠি নিয়ে মাপতে যেতে আমার বাধে।

চিঠিটায় ইনট্যালেক্ট শব্দটার বহু প্রয়োগ আছে। মনে হয় যেন কবি বিদ্যে ও বুদ্ধি উভয় অর্থেই শব্দটার ব্যবহার করেছেন। প্রেম শব্দটাও তেমনি। উপন্যাসে অনেক রকমের প্রেম থাকে, ব্যক্তিগত, নীতিগত, সামাজিক, সাংসারিক আর থাকে গল্পের নিজস্ব প্রেম, সেটা প্লটের! এর গ্রন্থিই সবচেয়ে দুর্ভেদ্য। কুমার-সম্ভবের প্রেম, উত্তর কাণ্ডে রামভদ্রের প্রেম উল্লেখ হাউসের নোরার প্রেম অথবা যোগাযোগের কুমুর প্রেম এক জাতীয় নয়। যোগাযোগ বইখানা যখন বিচিত্রায় চলছিলো এবং অধ্যায়ের পর অধ্যায় কুমু যে হাঙ্গামা বাধিয়েছিল আমি ত ভেবেই পেতুম না ঐ দুর্দর্শ প্রবলপরাক্রান্ত মধুসূদনের সঙ্গে তার টগ-অফ ওয়ারের শেষ হবে কি করে? কিন্তু কে জানতো সমস্যা এত সহজ ছিল—লোডি ডাক্তার মীমাংসা করে দিলে একমুহূর্তে এসে। আমাদের জলধর দাদাও প্রেম দেখতে পাবেন না, অত্যন্ত চটা। তাঁর একটা বইয়ে এমনি একটা লোক ভারি সমস্যার সৃষ্টি করেছিল কিন্তু তার মীমাংসা হয়ে গেল অল্প উপায়ে। ফৌস করে একটা গোখরো সাপ বেরিয়ে তাকে কামড়ে দিলে। দাদাকে জিজ্ঞাসা করেছিলুম এটা কি হল? তিনি উত্তর দিয়েছিলেন, কেন সাপে কি কাউকে কামড়ায় না?

পরিশেষে আর একটা কথা বলবার আছে। রবীন্দ্রনাথ লিখেছেন, “ইবসেনের নাটক গুলি ত একদিন কম আদর পায়নি কিন্তু এখন কি তার রঙ ফিকে হয়ে আসেনি, কিছুকাল পরে সে কি আর চোখে পড়বে?” না পড়তে পারে কিন্তু তবু এটাও অসম্ভব প্রমাণ নয়। পরে এমনও হতে পারে ইবসেনের পুরনো আদর আবার একদিন ফিরে আসবে। বর্তমান কালই সাহিত্যের চরম হাইকোর্ট নয়।

তোমাদের শুভাকাঙ্ক্ষী—

শ্রীমতী ১৫ চন্দ্রশেখর



# প্রেম



শ্রীযতীন্দ্রমোহন বাগচী

অনাদৃত দীর্ঘ নাম—তারেই সংক্ষিপ্ত মিষ্ট করে'  
ডাকিত যে সুধাকণ্ঠে দরদের একান্ত আদরে,  
সে আজি নির্বাক মৌন—মরণের কঠোর শাসনে ;  
মধুর আহ্বানটুকু—এ শ্রবণ তাও নাহি শোনে !  
দেহে মনে অন্ধ আমি ! মনে হ'ত তবু ঐ ডাকে  
আমার অন্তরবাসী প্রাণ-বধু কান পেতে থাকে  
দীর্ঘ দিন দীর্ঘ রাত্রি শুনিতে সে আশ্র-পরিচয় ;  
অন্ধ আঁখি মর্ম্মমাঝে সংগোপনে মানিয়া বিশ্বয়  
ফুটিয়া উঠিত তা'র মধুর মুখপদ্মপানে—  
করুণার গন্ধে ভরা—সত্য-মিথ্যা কেবা তার জানে !  
অবজ্ঞার পক্ষে বাস, অশ্রদ্ধায় কাটে বারমাস ;  
তারি মাঝে ক্ষণে ক্ষণে লভিতাম আশ্রার আভাস ।  
এই কি তোদের প্রেম ? অন্ধেরে যা' করে চক্ষুশ্রান,—  
প্রাণে যা অমৃত বর্ষে,—নন্দনের আনে যা' সন্ধান !





# হাফেজ

অনুবাদক—শ্রীশৈলজানন্দ মুখোপাধ্যায়

তোমায় ভালবাসি বন্ধু—

এ ভালবাসার বিনাশ নাই।

অন্তরের অন্তরতম নিভূতে যাকে ধরে' রেখেছি, সময়ে  
তোমানে যাকে লালন করেছি,—তার আর পালাবার পথ  
কাথায়?

আমার এই দেহের প্রতিটি রক্তকণা তোমায় চায়,—  
তোমার স্পর্শ চায়, তোমার আলিঙ্গন চায়! অগ্নিবর্ণ তোমার  
দেহের রশ্মিতে অন্তরের জ্যোতির্ময় আমার সমুজ্জ্বল হয়ে  
ঠুক।

তোমারই আগমন প্রতীক্ষায় প্রাণ যে আমার আগ্রহে  
সম্মত হয়ে আছে প্রিয়তম,—একে মস্ততা বল আর যাই বল,  
মি এসো, তুমি এসো!

সর্বনাশা এ ভালবাসার যত্ন নেই, নইলে হয়ত শাস্তি  
পতাম।

ভালবাসার তীব্র বহিঃ হয়ত আমার মাতৃস্বপ্নে ছিল,—  
জীবনের প্রথম উষায় হয়ত তাই পান করেছি বন্ধু! আশা  
নই,—এ অগ্নি নির্ঝাপিত হবার আশা আর নেই।

হতে পারে,—নির্ঝাপিত হবে হয়ত জীবনের সেই শেষ-  
ক্ষণ।

কিন্তু অনাদিকাল থেকে তোমার জন্তে এই যে ব্যাকুল  
প্রতীক্ষা আমার,—এরও কি শেষ নেই বন্ধু?

বিরহের এ বিষ-যন্ত্রণার কি চিকিৎসা হয় না নাকি?

চিকিৎসায় যত বেশি যত্নবান হই যন্ত্রণা যেন তত বেশি  
বাড়ে।

এ শহরে আমি বুকি প্রথম!

বিরহ-যন্ত্রণার যে সকরুণ আর্তনাদ সর্বপ্রথম গগন স্পর্শ  
করেছিল সে কার কর্ণনিঃসৃত জানো?

—আমার।

আমারই এই ব্যথিত বঞ্চিত হৃদয় মছন করে' প্রিয়  
উদ্দেশ্যে সন্ধ্যার একটি বাণী ফুটেছিল।—‘এসো প্রিয় আমার,  
এসো বন্ধু এসো!’

আজও সে আস্থানের প্রতিধ্বনি জাগে—

জাগে প্রতি রজনীর নিদ্রাহারা নীরব নিশীথে, বায়ু-  
হিল্লোলে কেঁপে কেঁপে ধূল আকাশের খিলানে ঘুরে  
বেড়ায়।

আমি কেঁদেছি। জিন্দানদীর তীরে বসে' আমি কেঁদেছি  
তোমার উদ্দেশ্যে! জিন্দার প্রবহমান স্রোতে আমার  
লবণাক্ত অশ্রুজল মিশে আছে,—ইরাক-প্রদেশের কুবিক্কে  
উর্কর হবে।

দেখেছি প্রিয়তম, ইরাকের তীরে বসে' তোমাকে আমি  
দেখেছি।

অশ্রুসিক্ত আমার এই চোখের দৃষ্টি দিয়ে তোমার  
অনিদ্যামুন্দর মুখখানি আমি যেন চুরি করে' দেখেছি বলে  
মনে হয়।

চাঁদের মতন মুখ গো সখী, চাঁদের মতন মুখ আর মেঘের  
বরণ চুল!

এসো বন্ধু, এসো!

হয়ত আসবে না...হয়ত এলো না। জীবন আমার  
বৃথাই কাটলো বন্ধু!


তবু চাই—চাই—আমি চাই!

মরণের পরও যদি এসো প্রিয়তম,—হাফেজের সমাধি-  
মস্তিকায় তোমার চরণ-চিহ্ন যদি পড়ে কোনদিন, তোমার ওই  
অতীব নিষ্ঠুর ছুটি চরণ চুষনের আশায় সমাধি-গর্ত হ'তে  
হাফেজের মৃত আত্মা মাথা তুলে উঠবে।


অবিনশ্বর প্রেম যে আমার যত্নগ্রন্থী!




# টুনটুনর প্রেম!




ঠাকুমা কি সুন্দর!



“ঠাকুমা, বিয়ে করবি?”



করবি! রাজী? কি মজা!




পুরুত ডাকি?





বর !!!




“মার দিয়া কেলা, ছয়ো দাদা !”



মান—“ছেড়ে দাও—শেষে ঠাকুমা কিনা—হ্যাঃ”

আলোক-চিত্রশিল্পী—শ্রীমুখাংশুশেখর ভট্টাচার্য্য ]



হতাশ প্রেমিক সন্ন্যাসী !

[ বসুমতীর সৌন্দর্যে ।





# চিরগোপন

( উর্দু গজল হইতে )

= শ্রীদিলীপকুমার রায় =

অস্তরে মোর রয় সে-প্রিয়—

তায় তবু হায়

মিলল কই ?

নয়ন তারায় রাজে—নয়ন

দেখতে সে-ভায়

শিখল কই ?

চুঁড়ছ দিবস রাতি সারা

বিধে চির-সাথী-হারা ;—

সব দেউলে তার প্রতিমা—

প্রাণ প্রতিমায়

দীপ্ল কই ?

লুকিয়ে প্রেমের দীপ্ত ঝুরি

ঝরিয়ে করে চিস্ত চুরি ;—

গহন হিয়ায় রয় মনচোর—

মন তবু তায়

চিন্ল কই ?

ভোর কি আমার হবে নিশা ?

রইবে কি নীরবে দিশা ?

নিখিল ঘেরি' রয় সে-প্রিয়—

তায় তবু হায়

মিলল কই ?





# শরৎচন্দ্র

রায় শ্রীজলধর সেন বাহাদুর

শিরোনাম দেখে পাঠক-পাঠিকাগণ মনে করবেন না  
য, আমি এই শরদাগমে চন্দ্রের সৌন্দর্য্য ও অতুলনীয়  
শক্তি দেখে মুগ্ধ হয়ে কবিত্ব প্রকাশ করতে বসেছি।  
নয় বন্ধু, তা নয়। কবিত্বের 'ক' অক্ষরও কোন দিন  
আমার এই অতি কঠোর নীরস গত হৃদয়ে প্রবেশ লাভ  
করতে পারেনি—যৌবনকালেও নয়, আর এ বৃদ্ধ বয়সে  
নয়-ই। আমি তামা-তুলসী-গঙ্গাজল স্পর্শ ক'রে বলতে  
পারি, আমার এই সুদীর্ঘ জীবনে আমি কোনদিন এক  
কবিতা লিখতে পারিনি। প্রথম যৌবনে, আর



শ্রীজলধর সেন

কালের যেমন হ'য়ে থাকে, আমারও একবার কবিতা  
লিখবার সাধ হয়েছিল। কিন্তু, কাগজ কলম নিয়ে ব'সে  
লেখলাম, এ আমার কর্ম নয়। তখন 'Poets are born,  
not made' এই মহাবাক্যের মহাসত্য সম্যক উপলব্ধি  
ক'রে সেই যে ও-পথ ত্যাগ করেছিলাম, ভ্রমক্রমেও আর  
সে পথে পদার্পণ করিনি। সুতরাং মাতৈ, প্রচারকের সহৃদয়  
পাঠক-পাঠিকাগণ, আমি 'চন্দ্রাহত' (Moon-Struck)  
ইনি—শরৎকাল, শারদীয়া পূজার সম্বন্ধে একটি কথাও

বলব না; আমি যে শরৎচন্দ্রের কথা বলব, তিনি স্বস্থ  
শরীরে, খোসমেজাজে, বহাল তব্বিতে বর্তমান; ক্ষুধার্ত্ত  
সম্পাদকগণের জালায় অস্থির হ'য়ে তিনি, এমন যে শিবপুর,  
তা ছেড়ে তুর্দান্ত রূপনারায়ণের তীরে এক জঙ্গলের মধ্যে  
কুটীর বেঁধে বাস করছেন। তবে শুনেছি এবং দুই-চারবার  
দেখেছিও, সেখানেও প্রাণীর দল ধাওয়া করতে ছাড়েন  
না—কদল নেহি ছোড়তা! আমিও তাঁদের মধ্যেরই এক-  
জন, এ কথা গোপন করব না।

আমি সেই শরৎচন্দ্রের—শ্রীমান শরৎচন্দ্র চট্টোপাধ্যায়ের  
কথাই বলব। কি বলব, তার একটু আভাসও এখনই  
দিয়ে রাখছি। কেহ হয়ত মনে করছেন, আমি এতকাল  
পরে বৃন্দ শরৎচন্দ্রের উপভাস গল্প প্রভৃতি সম্বন্ধে আলোচনা  
করব, নির্মম কশাইয়ের শাণিত ছুরী হাতে নিয়ে শরৎচন্দ্রের  
মৃষ্ট নরনারীদিগের অস্থি-চর্ম-মেদ-মাংস ছাড়িয়ে, যাকে  
সাধুভাষায় বিশ্লেষণ বা সমালোচনা বলে, তাই করব।  
তা নয় বন্ধু, তা নয়—কশাইগিরি আমার ব্যবসায় নয়।  
আমি বৈষ্ণবের ছেলে, ও-সব কাটাকাটি, বলিদান আমি  
কোনদিন দেখতেই পারিনি—নিজ হাতে করা ত দূরের  
কথা। সে সব কিছুই আমি বলব না;—আমি কি বলব  
জানেন? শরৎচন্দ্রের সঙ্গে আমার যেদিন প্রথম সাক্ষাৎ  
হয়, সেইদিনের কথা,—সেই স্মরণীয় ঘটনা। অতএব  
আপনারা নিঃশঙ্কচিত্তে আমার অনুসরণ করতে পারেন।

মালও মনে নাই, মাসও মনে নাই, বারও মনে নাই—  
অত সব মনে ক'রে যদি রাখতে পারতাম তাহ'লে ইতি-  
হাসের অধ্যাপকই হ'তে পারতাম। থাক, সে কথা।  
তবে, সে যে আঠারো বৎসর আগের কথা, তা বেশ মনে  
আছে।

একদিন অপরূহ তিনটার সময় 'ভারতবর্ষ' অফিসে  
ব'সে কাজ করছি, এমন সময় একটি বন্ধু এসে বললেন  
"দাদা, শরৎবাবু দুই মাসের ছুটি নিয়ে রেঙ্গুন থেকে



কলিকাতায় এসেছেন।” এ সংবাদটা আমি জানতাম না। তাঁকে জিজ্ঞাসা করলাম “তিনি কবে এসেছেন? কোথায় আছেন? তাঁকে একবার দেখতে ইচ্ছা করে।”

বন্ধু বললেন “সেই খবরইত আপনাকে দিতে এসেছি। আমি এইমাত্র দেখে এলাম তিনি ‘যমুনা’ আফিসে বসে আছেন। এখন যদি যান, তা হ’লে তাঁর সঙ্গে দেখা হ’তে পারে।”

‘যমুনা’ আফিস তখন আমাদের আফিসের খুব নিকটে ছিল। কর্ণওয়ালিস স্ট্রীটে শ্রীমানী বাজারের সম্মুখের ফুটপাথের উপর এখনও একটা ছোট দোতলা বাড়ী আছে। সেই বাড়ীর দোতলার একটা ঘরে ‘যমুনা’ আফিস ছিল। আমি তখনই বন্ধুকে বললাম ‘ভাই, তুমি পাঁচ মিনিট অপেক্ষা কর। আমি কাগজপত্রগুলো গুছিয়ে রেখে এখনই তোমার সঙ্গে যাচ্ছি।’ শরৎচন্দ্রকে দেখবার জন্ত তখন আমার এমনই আগ্রহ হয়েছিল।

একটু পরেই বন্ধুকে সঙ্গে নিয়ে ‘যমুনা’ আফিসে গেলাম। দেখি ‘যমুনা’ সম্পাদক শ্রীমান ফণীন্দ্রনাথ পাল এবং আরও দুই একজন বসে আছেন; আর বসে আছেন সামান্য কাপড়-চোপড়-পরা কৃশকায় একটা যুবক। আমার বুঝতে দেবী হোলো না যে এই যুবকই শ্রীযুক্ত শরৎচন্দ্র চট্টোপাধ্যায় মহাশয়—এখন যাকে আদর করে ‘শরৎ’ ব’লে ডাকি, তুমি বলে সম্বোধন করি।

আমরা ঘরের মধ্যে অগ্রসর হ’লেই শ্রীমান ফণীবাবু উঠে বললেন “এই যে দাদা এসেছেন।”

এই কথা শুনে শরৎচন্দ্রও চেয়ার থেকে উঠে বললেন “দাদার সঙ্গে আমার নতুন করে পরিচয় করাতে হবে না, আমি গুঁর বহু দিনের পরিচিত।” এই ব’লে আমাকে তাঁর পাশের একখানি চেয়ারে নিয়ে বসালেন।

আমি ত অবাক! ‘রামের স্মৃতি’ ‘বিন্দুর ছেলে’র লেখক শরৎচন্দ্র চট্টোপাধ্যায় যে আমাকে এভাবে অভ্যর্থনা করবেন, একথা আমি স্বপ্নেও ভাবিনি। কোন দিন দেখা নেই, অথচ প্রথম সাক্ষাতেই কত দিনের পরিচিতের মত

কথা একেবারে ‘দাদা’ ব’লে সম্বোধন! আরও আশ্চর্যের কথা এই যে, তিনি বললেন তাঁর সঙ্গে আমার অনেক দিনের পরিচয়! আমি ত কিছুতেই এ রহস্য ভেদ করতে না পেরে, কি যে বলব, ঠিক করতে পারলাম না।

আমার এ বিব্রত ভাব শরৎচন্দ্রের দৃষ্টি এড়াতে পারল না। তিনি বললেন “দাদা, পরিচয়ের কথাটা তা হ’লে খুলে বলি। আপনি তার কিছুই জানেন না; তাই আশ্চর্য বোধ করছেন। আচ্ছা, আপনার বোধ হয় মনে আছে যে, কয়েক বৎসর আগে আপনি একবার কুস্তলীন পুরস্কারের রচনার পরীক্ষক হয়েছিলেন।”

আমি বললাম “হ্যাঁ, আমি পরীক্ষক হয়েছিলাম।”

শরৎচন্দ্র বললেন “আপনি সেবার ‘মন্দির’ নামে একটা গল্পকে প্রথম স্থান দিয়েছিলেন।”

আমি বললাম “প্রায় দেড়-শ গল্প এসেছিল, তার মধ্যে ‘মন্দির’ গল্পটা আমার সব চাইতে ভাল লেগেছিল। তাই সেটাকে আমি প্রথম পুরস্কারের উপযুক্ত ব’লে মত প্রকাশ করেছিলাম। আরও মনে পড়ে, সেই লেখাটার উপর ছোট একটু মন্তব্য লিখেছিলাম, এই লেখক যদি চর্চা রাখেন, তা হ’লে ভবিষ্যতে যশস্বী হবেন। কিন্তু, আমার বেশ মনে আছে, সে গল্পের লেখক শ্রীমুরেশ্বরনাথ গঙ্গোপাধ্যায়, ভাগলপুর।”

শরৎচন্দ্র হেসে বললেন “সে গল্পটা আমিই লিখে আমার মামা সুরেনের নাম দিয়ে পাঠিয়েছিলাম। সুতরাং আপনার সঙ্গে যে আমার অনেক দিনের পরিচয়, সে কথা কি ঠিক নয়।”

আমি বললাম “অতি ঠিক কথা। এর চাইতে বড় পরিচয় আর হ’তে পারে না।”

আমার তখন ভারি মুগ্ধ হলাম। প্রথম দর্শনেই ত শরৎ আমাকে ‘দাদার’ পদে প্রমোদন দিলেন। আমি তখন কি করি, তাঁর সঙ্গে ‘আপনি’ ব’লেই কথা বলব, না ‘তুমি’ বলব, ঠিক করতে পারছিলাম না। ‘আপনি’ ‘তুমি’ এড়িয়ে কতক্ষণ কথা বলা যায়। তীক্ষ্ণবী শরৎচন্দ্র সে কথা বুঝে



পেরে সহাস্ত্র মুখে বল্লেন ‘দাদা সঙ্কোচ করবেন না। আমি আপনার ছোট ভাই। আমার সঙ্গে ‘তুমি’ বলেই কথা বলুন।’

সেই দিন দশ পনের মিনিটের মধ্যে শরৎচন্দ্র আমাকে তাঁর পরমাশ্রয় ক’রে নিলেন—আমি হ’লাম তাঁর ‘দাদা’ আর তিনি হ’লেন আমার কাছে “শরৎ”।

এমনই করে পরকে আপন করতে জানেন বলেই শরৎচন্দ্র আজ দেশমাতৃ কথা-শিল্পী—কথা-সাহিত্যের সম্রাট! এরই জন্তই শরৎচন্দ্রকে আমি ভালবাসি, শ্রদ্ধা করি।

আজ এই দুর্গোৎসবেব সময়, বিশেষ অসুস্থ শরীরে এই কয়টি কথা বলেই আমি শরৎচন্দ্রের প্রতি আমার গভীর স্নেহ, অপরিমেয় শ্রদ্ধা নিবেদন করলাম।


## শারদ প্রভাতে

শ্রীকালিদাস রায়

আজ শরতের পূর্ব গগনের ছয়ার খুলে  
সাদা মেঘের পরে উষা দাঁড়িয়েছিল ঘোমটা তুলে।  
পাখীর গলায় কি কাকূতি!  
কুঞ্জসভায় কি আকূতি!  
আমন্ত্রণী বহি পবন দোলা দিল হিরণ চূলে,  
হায়—গগন ছেড়ে ধরায় ধূলায় নামূল উষা ক্ষণিক ভূলে।  
ধরায় নেমে কোথায় গেল উষারাগী?  
কোথায় গেল কুঞ্জ শোভা কোথায় পাখীর ব্যাকুল বাণী?  
মিলাইল স্বপন কোথায়  
দিবাদাহের তপ্ত ব্যথায়?  
দাগ রেখেছে পাতায় পাতায় কারা ব্যথার অশ্রু হানি?  
শুধু—তড়াগ বুকে চিহ্ন রেখে গেছে উষার পাতৃধানি।







—নজরুল ইসলাম—

ভৈরবী—দাদরা

তুমি ভোরের শিশির রাতের নখন-পাতে ।

তুমি কান্না পাওয়াও কাননকে গো

ফুল ঝরা প্রভাতে ॥

তুমি ভৈরবী সুর উদাস বিধুর

অগীত দিনের স্মৃতি স্মদূর,

তুমি ফোটার আগের ঝরা মুকুল

বৈশাখী হাওয়াতে ॥

তুমি কাশের ফুলের করুন হাসি মরা নদীর চরে,


তুমি শ্বেত-বসনা অশ্রুমতী উৎসব-বাসরে ।

তুমি মরুর বুকে পথ-হারা

গোপন ব্যথার ফলুধারা

তুমি নীরব বীণা বাণীহীনা

সঙ্গীত সভাতে ॥






ॐ প্রচারক ॐ



≡ জীবন ও মৃত্যু ≡



ॐ প্রচারক ॐ



≡ বুদ্ধ দেব ও অম্মাপালি ≡





MADE IN INDIA

# রাজপ্রাসাদ হইতে পণকুতীর্ষে

সর্বত্রই গৃহিণীগণ

এলুমিনিয়মের বাসন

নিত্য নিয়ত ব্যবহার করেন।

কারণ ইহা দেখিতে সুশ্রী, ওজনে—হাল্কা, মূল্য—  
নামমাত্র, আগুনে ফাটে না, পড়িলে ভাঙ্গে না  
টেকে অনেকদিন।

এলুমিনিয়ম

বাসনের মধ্যে  
“ক্রাউন” মার্কাই  
অকৃত্রিম-বিশুদ্ধ  
ও সর্বশ্রেষ্ঠ।



বিখ্যাত “ক্রাউন” এলুমিনিয়ম কারখানা, বেলুড়, কলিকাতা।

জিওনলাল (১৯১৯) লিমিটেড্


১১, ক্লাইভ ষ্ট্রীট, কলিকাতা।

কারখানা—কলিকাতা,  
বোম্বাই, রেঙ্গুন, মাদ্রাজ।

শাখা—বোম্বাই, রেঙ্গুন, মাদ্রাজ  
রাজমহেন্দ্রী, কাশী, গুজরানওয়ালা

::: ফোন—১৮৭ কলিকাতা :::

এলুমিনিয়মের পুরাতন বাসন আমরা ক্রয় করি।





# বাঙলায় বাঙালী পরিচালিত

বঙ্গ-গৌরব একটি প্রাচীন বীমা প্রতিষ্ঠান !!

সুদীর্ঘ ২৩ বৎসর পূর্বে দেশ সেবায় আত্মনিয়োগ করিয়া  
অতীবধি অক্ষুণ্ণ মর্যাদায় বীমা ব্যবসায় পরিচালন করিতেছে



পৃষ্ঠপোষক

দারভাঙ্গার

মাননীয় মহারাজ কুমার

## পরিচালকগণ

শ্রীযুক্ত বনোয়ারীলাল রায়, জমিদার ও ব্যাংকার, ভাগ্যকুল।

অধ্যাপক শ্রীযুক্ত নৃপেন্দ্রচন্দ্র বন্দ্যোপাধ্যায়, এম-এ,

রায় যোগেশচন্দ্র বন্দ্যোপাধ্যায় বাহাদুর

অবসর প্রাপ্ত ডিপুটি পোষ্ট মাস্টার জেনারেল, কলিকাতা

রায় ভুবনমোহন গাঙ্গুলী বাহাদুর

অবসর প্রাপ্ত পুলিশ সুপারিন্টেন্ডেন্ট

শ্রীযুক্ত রসিকমোহন ভট্টাচার্য্য এম, এ, বি এল

অবসর প্রাপ্ত ডিষ্ট্রিক্ট ও সেশন জজ।

অধ্যাপক শ্রীযুক্ত বিনয়েন্দ্রনাথ বন্দ্যোপাধ্যায় এম, এ,

বিদ্যাসাগর কলেজ।

শ্রীযুক্ত কুমুদকান্ত সেন; উকীল।

শ্রীযুক্ত চিত্তাহরণ মুখোপাধ্যায় (ex officio)

একুপ সম্ভ্রান্ত পরিচালক

সভ্য বৈশিষ্ট্যের পরি-

চায়ক নহে কি?

ককককককককককককককককক

এজেন্সী নিয়মাবলী অত্যন্ত সরল ও সুবিধাজনক

অতাই এই কোম্পানীর সহিত যোগদান করুন।

বেঙ্গল মারকেটাইল লাইফ ইন্সিওরেন্স কোং লিঃ

ম্যানেজিং এজেন্টস :- যুথাক্তি এণ্ড ফ্রেণ্ডস্ লিঃ, ২৪, ষ্ট্র্যাণ্ড রোড, কলিকাতা।



## পূর্ণকাম

শ্রীনরেন্দ্র দেব

তোমার পরম প্রেমে পূর্ণ আজি অন্তর আমার  
হে মোর অন্তরলক্ষ্মী ! অনন্ত আনন্দ পারাবার—  
উদ্বেলিত চিত্ততটে ; অঙ্গে অঙ্গে তরঙ্গ হিল্লোল  
এ জীবন তরণীতে আন্দোলিয়া দেয় ঘন দোল !

তোমার অঞ্চলবাসে সমীরণ উল্লাস চঞ্চল—  
কেশর কুন্তল গঞ্জে সুরভিত কুঞ্জে পুষ্পদল ;  
নগনে কল্যাণ দৃষ্টি সৃষ্টি করে নব দিব্যালোক  
অধরে অমৃত-হাস্য মুছে দেয় সর্ব দুঃখ শোক ;  
কমল চরণ স্পর্শে হর্ষে কাঁপে রোমাঞ্চিত ধরা  
অন্তঃহীন নভোশীর্ষে উচ্ছ্বসিত জ্যোতির পসরা !

মর্ষের মানসী ষাণ্ড মূর্তি ধরি দেখা দেয় এসে ;  
পূর্ণ করে প্রণয়ীতে পরিপূর্ণ প্রাণে ভালোবেসে—  
যৌবনের স্বপ্নমায়া আঁকে চোখে কল্পনা-অঙ্কন,  
নিখিলের রূপরাগে জাগে নিত্য সৌন্দর্য্য নূতন !  
সেদিন মিলন-মুগ্ধ হৃৎ-গর্ভ বিধাতা আপনি  
মানব দুয়ারে মাগে দেবতা-তুল্য প্রেমমণি !

দেবালয়, লিলুয়া

১৭-৫-৪০



## উজ্জীবন

শ্রীরাধারানী দেবী

তপ মরু সম তার শুক রুক প্রাণ নির্যাসিনী  
ভরা ভাদ্র নদী হেন হ'ল আজি পূর্ণ পয়ঃস্বিনী ।  
প্রাণিয়া ত'কুল বহে উচ্ছ্বসিত সঞ্জীবনী নীর  
আনন্দ সিদ্ধর পানে । --মঠৈধর্ম্যময়ী পৃথিবীর  
সমস্ত সম্পদ আজি প্রজ্জীভূত হল ধীরে ধীরে  
নব সঞ্জীবিত তার প্রাণ-সুধা তরঙ্গিনী তীরে !  
কপ রস গন্ধ গীত স্পর্শ শুধু ভরে নাট সাজি,  
অন্তরের রসলোকে নব নব অস্ত্রভূতি রাজি  
নিত্য তার চিত্তখানি অস্তিত্ব করে ক্ষণে ক্ষণে !  
উথলিয়া ওঠে সুধা অক্লান্ত সারা দেহে মনে ।  
ভরিয়া অমৃত পাত্র অহোরাত্র আনন্দের ধারা  
ঝরে তার মর্ম্মরন্ধ্রে । নবমূর্ত্য নবচন্দ্র তারা  
নৃত্য করে বড়ঝড় নিত্য নব উল্লাস লীলায় ।  
জীবনের অন্ধ অমা পূর্ণিমায় আপনি মিলায় ॥



# গল্প না কবিতা ?

শ্রীরমেশচন্দ্র সেন বি, এ

প্রকাশ বিছানার উপর হইতে চেয়ারের দিকে হাত বাড়াইয়া একটা খাতা আমার হাতে দিয়া বলিল...এইটে পড়ে দেখবেন, ডাক্তার বাবু।

আমি তার দিকে প্রগল্ভচক দৃষ্টিপাত করিলে সে বলিল... ওটা একটা গল্প।

“তুমি গল্প লেখ না কি ?”

“না এইই আমার প্রথম গল্প আর এইই শেষ।”

আমি বলিলাম...পাগল না কি ? সুস্থ হ’য়ে ওঠ আরও অনেক লিখতে পারবে।

প্রকাশ অবিশ্বাসের হাসি হাসিল। বিক্রপ-মিশ্রিত এ হাসি ডাক্তারদের পরিচিত, চিকিৎসকের উপর, চিকিৎসা-শাস্ত্রের উপর বিশ্বাস হারাইয়াই মানুষ শুধু এমন করিয়া হাসিতে পারে।

তাকে অনেক প্রবোধ দিলাম, টেম্পারেচার কমিয়াছে, কাসি নাই, হৃদযন্ত্রের কার্য দুর্বল বটে কিন্তু ঔষধে কাজ হইয়াছে।

আর কথা শেষ হবার আগেই রোগী দেয়ালের দিকে মুখ ফিরাইয়া গেল।

গাড়ীতে কাগজ না পড়িয়া গল্পটা পড়িতে আরম্ভ করিলাম। ছোট গল্প, বড় বড় হাতের লেখার পৃষ্ঠা দশেক মাত্র। একটা সাধারণ প্রেমের কাহিনী, নায়ক রঞ্জন এম, এ পরীক্ষা দিয়া ডিষ্ট্রিক্ট টাউনে ফিরিয়াছে। তার বাবা সেখানে মাঝারি রকমের উকীল।

রঞ্জন প্রাতে তাস খেলে, এগারটা আন্দাজ ঘণ্টা খানেক সাঁতার কাটে, আহাের পর নিদ্রা দেয়, তারপর বাহির হয় বেড়াইতে। কোনদিন যায় মাঠে, কোনওদিন যায় সাহিত্য সেবকদের আখড়ায়, কিন্তু সময় কিছুতেই কাটে না। অলস দিনগুলি একটার পর একটা আসে, নিতান্তই বৈচিত্র্যহীন, একেবারে রোমান্স-বিবজ্জিত।

এই সময় একদিন তার বাবা বলিলেন...এডিশনাল জজ মিষ্টার সেন ধরেছেন তাঁর মেয়ের ইংরেজীটা তোমায় একটু দেখে দিতে হবে। সে আসচে বার বি, এ, দেবে।

টিউশনি করার ইচ্ছা কোনদিনই রঞ্জনের ছিল না, কিন্তু ফোর্থ ইয়ারের মেয়ে পড়ানোর একটা লাক্সারি (Luxury) আছে তাই সহজেই স্বীকৃত হইল।

রঞ্জনের ছাত্রী মায়া নিখুঁত সুন্দরী নয়, কিন্তু যৌবনের স্নিগ্ধ লাবণ্য ও বুদ্ধি শ্রীমণ্ডিত তার চেহারা, গড়ন ভাল, রং উজ্জ্বল শ্যাম।

তারপর উপন্যাসে যাহা হয়, উপন্যাসের চেয়েও বেশী করিয়া জীবনে যাহা ঘটে তাহাই ঘটিল।

রঞ্জনের মনে হইল মায়ার সঙ্গে তার সম্বন্ধ জন্ম-জন্মান্তরের। অবশ্য এ ঘটনার পূর্বে রঞ্জন জন্মান্তর বাদে বিশ্বাস করিত না।

রঞ্জন মনে করে মায়ার প্রতি তার এই আকর্ষণের একটা রহস্য আছে হয়ত’ শত শত বছর আগে তারা কোনও পল্লীভূমির স্নিগ্ধনদী-তটে খেলিয়া বেড়াইত। সে ছিল রূপকথার রাজকুমার, মায়া ছিল স্বপ্নরাজ্যের পরী !

এম, এ পরীক্ষার ফল বাহির হইল। রঞ্জন ফার্স্ট ক্লাস পাইয়াছে তবে পজিসনটা ভাল হয় নাই।

মায়া জিজ্ঞাসা করিল...কি করবেন এখন ?

‘ভাবছি বি, সি, এন্স দেব।’

‘আই, সি, এন্স নয় কেন ? বি, সি, এন্স এর পক্ষে খরচা চালানোই ত মুশ্কিল।

পাকা একজন বি, সি, এন্স-এর মেয়ের মুখে কথাটা শুনিয়া রঞ্জন মুগ্ধ হইল। এই হাই-আইডিয়াল তার প্রেমিকারই উপযুক্ত।

তবে ছুখের বিষয় আই, সি, এন্স এর বয়স রঞ্জনের ছিল না।



বি, এ পরীক্ষার পরের কথা। চারদিক হইতে মায়ার হৃদয় আসিতেছে। এডিসনাল জজের একমাত্র সম্মান সে, পের হাতে পয়সা আছে, পাত্র কোনটী ব্যারিষ্টার, কোনটী লাত ফেরত ডাক্তার, কেহবা জমিদার তনয়। এদের জন্য রঞ্জন ডাল পড়িয়া মাত্র, গেরস্ত ঘরের ছেলে। দের সঙ্গে নিজকে তুলনা করিয়া সে একটু দমিয়া গেল।

মায়া ইহা লক্ষ্য করিয়াছিল, সে একটু হাসিয়া বলিল... 'মিত' আর Chattel নই, লেখাপড়া করেছি। বে' তে আরও সম্মতির দরকার।

এর পর আর রঞ্জনকে পায় কে? সে পড়িতে লাগিল গুণ উৎসাহের সহিত।

এই সময় বি, এর ফল বাহির হইল। ডিস্টিংসন নাওয়ায় মায়া একটু ক্ষুব্ধ হইয়াছিল।

রঞ্জন বলিল...এম,-এতে ওটা পুষিয়ে নেবে। আমি আমাকে...

মায়া হাসিয়া বলিল...ফাষ্ট ক্লাস পাইয়ে দেবে? তা না! এদিকে বাবার বদলীর ভকুম এসেছে জান? কবারে সিলেটে ডিক্টেটর চার্জ নিয়ে।

পিতার পদোন্নতিতে মায়া খুবই উৎফুল্ল হইয়াছিল, কিন্তু নীর থকরটা রঞ্জনের ভাল লাগে নাই। তবু সে বলিল লই হল। এবার হাইকোর্টে অফিশিয়েটিং এর চাম্... না। 'ওঁর ত' রিটারার হওয়ার অনেক দেরী।

ভাবী শ্বশুরের ভবিষ্যতে হাইকোর্টে জজিয়তী করার ায় তরুণ মনের আনন্দ যতখানি তার চেয়ে অনেক বেশী ধর সেই ভাবী জজের কন্ঠার সঙ্গে আশু নিশ্চিত বিরহ। ন এই বিরহের আশঙ্কায় মুগ্ধিয়া পড়িল।

মায়া ইহা লক্ষ্য করিয়া কয়দিন একটু বিজ্ঞপ করিল, কিন্তু বার দিন বলিয়া গেল সে রঞ্জনের জন্ত অপেক্ষা করিবে, সি, এস এর ফল বাহির হইলে মায়া নিজেই কথাটা পুন করিবে তার পিতার নিকট। মি: সেন না বলেন না।

কয়েকমাস পরের কথা। বি, সি, এস এর তখনও কিছু বার্কী। রঞ্জনের পিতার নামে এক নিমন্ত্রণ পত্র আসিল। শরীর বিবাহ, পাত্রের নাম তপন চাকলাদার।

নামটা রঞ্জনের পরিচিত, চাকলাদার, ইয়া, ইয়া, তপন চাকলাদারই বটে—রঞ্জনদের বছর পাঁচেকের সিনিয়র, রেলের একজন এ, টি, এস। এসিট্যান্ট ট্র্যাফিক সুপারিন-টেণ্ডেন্টের মাইনেটা মোটা, ভবিষ্যত ভাল, একটা ইম্পিরিয়ল সার্ভিস। বাহা হোক মায়ার ইম্পিরিয়ল সার্ভিসের পত্নী হওয়ার আশাটা তবু মিটিয়াছে। তবে আই, সি, এস—তবু যা'হক দুধের সাধ ঘোলে মিটিবে।

সেই ডাকেই আরও একখানা চিঠি অসিয়াছে মায়ার বিবাহের চিঠি আসায় সেখানা এতক্ষণ চেখে পড়ে নাই।

কিন্তু এ যে মায়ারই চিঠি, সেই পরিচিত হস্তাকর।

রঞ্জন আগ্রহের সহিত চিঠিখানা পড়িল। মায়া লিখিয়াছে সে যেন কিছু মনে না করে। বাধ্য হইয়াই সে এ বিবাহে সম্মতি দিয়াছে। তার বেশী প্রকাশ করিতে সে অক্ষম।

রঞ্জনের মনে হইল কী নির্লজ্জ ধুষ্টতা। কি প্রয়োজন ছিল তার এই চিঠি লিখবার? এ যেন Adding insult to injury.

বাধ্য হইয়াছে সে এই বিবাহে সম্মতি দিতে...বা: বেশ...হাসিতে হাসিতে রঞ্জন চিঠিখানা টুকরা টুকরা করিয়া ছিঁড়িয়া ফেলিল।

রঞ্জনের আর বি, সি, এস দেওয়া হয় নাই। পরীক্ষার পূর্ন হইতে আজ প্রায় এক বৎসর সে অশ্রুধে ভুগিতেছে, জ্বর, কাশি, রক্তবমন।

জ্বর যখন তার মস্তিষ্কে আচ্ছন্ন করিয়া ফেলে তখন বেদনাক্রান্ত বুক চাপিয়া ধরিয়া সে ভাবে মায়ার কথা। সে জানে, বোঝে যে এটা Silly—এরকম Platonic প্রেমের কোন মানে হয় না—তবুও তাকে ভাবিতে হয়।

প্রকাশ গল্প শেষ করিয়াছে এই বলিয়া...

বসে আছি, ওগো মানসী প্রিয়া তোমারই স্মৃতি নিয়ে সেই দিনটার প্রতীক্ষায়...

আমার নীরব বেলা

সেই তোমার সুরে সুরে

ফুলের ভিতর মধুর মতো

উঠবে পুরে



আমার দিন ফুরাবে যবে  
যখন রাত্রি আঁধার হবে...

গল্প শেষ করিলাম এতদিন প্রকাশকে প্রবোধ দিয়াছি যে রোগ তার যত্ন নয়, সে সারিয়া উঠিবে। মুখে সে কোনও প্রতিবাদ করে নাই, ছ'একদিন হাসিয়াছে মাত্র। কিন্তু এমন গুছাইয়া, সুন্দর করিয়া খুব কম রোগীই ডাক্তারকে জানাইয়াছে যে মিথ্যা আশ্বাসে সে ভোলে নাই।

সঙ্গে সঙ্গেই মনে হইল মায়ার কথা। এরূপ কত মায়া যে কত মানুষকে বাধা দিয়াছে তাদের লঘু চপলতা দিয়া তার ত' সীমা সংখ্যা নাই। কত রোগ শয্যার পিছনে যে এরূপ ইতিহাস আছে কে তার খবর রাখে? অথচ প্রেমের এই খেলা নারী জীবনের একটা আনন্দ।

সমস্ত দিনটা মন খারাপ হইয়া রইল—শুধু মনে পড়িতেছিল প্রকাশ, তার রোগ, তার প্রেম, মায়া—এই সব কথা।

পরদিন প্রকাশ প্রশ্ন করিল,

‘গল্পটা পড়েছেন?’

‘হ্যাঁ’

‘কেমন লাগল?’

‘ভাল।’

খানিকক্ষণ পরে সে কহিল—‘অনেক সম্পাদকের সঙ্গেই ত’ আপনার পরিচয় আছে। লেখাটা যদি একটা কাগজে ছাপিয়ে দিতে পারেন।’

‘আচ্ছা দেখব।’

প্রকাশ বলিল...গল্পটা ট্রাস হয়েছে তা’ জানি, নিতান্ত বাজে। তবু একবার...আরও কি যেন ওর বলিবার ছিল। একটু থামিয়া কথাটা ঘুরাইয়া বলিল...দেখবেন যেন ছাপাটা দেখে যেতে পারি...

আমি বলিলাম...কি যে বাজে বল। আচ্ছা, এতে কি অটোবায়োগ্রাফিক্যাল টচ্...

প্রকাশের দাদা আমার ক্লাসফ্রেণ্ড। কথাটা জিজ্ঞাসা করিয়া নিতান্তই সঙ্কুচিত হইলাম।

কথাটার সে কোন জবাব দিল না একবার স্থির দৃষ্টিতে আমার দিকে চাহিল মাত্র।

তিনমাস পরে গল্পটা দক্ষিণায় বাহির হয়, প্রকাশের তখন অর্ন্তিম অবস্থা। পড়িবার তখন সামর্থ্য ছিল না, ছ’লাইন পড়িলেই অন্ধকার হইয়া আসে।

সে বলিল...একটা ঠিকানায় একখানা কাগজ প দিতে পারেন? তার পর আঙ্গুল নাড়িতে নাড়িতে কী... কহিল...নাম প্রতিমা দেবী, ঠিকানা, হা তাই ত...নিউ আলিপুর না, না নিউ রোড পি-চার ডব্লিউ।

তার পর আর প্রকাশের সঙ্গে দেখা হয় নাই। আমি পিলজঙ্গে গিয়াছিলাম, ফিরিয়া আসিয়া শুনিলাম প্রকাশো মৃত্যু হইয়াছে।

কাগজখানাও ফেরৎ আসিয়াছিল, কভারের উপরে লেখ মালিকের সন্ধান পাওয়া গেল না। যাহা হোক প্রকাশে এই গল্পটা আমার নিকট চিরদিনই প্রহেলিকার মত রহিয়া গিয়াছে। খবর নিয়া জানিয়াছি টিউসনি সে কখন করে নাই। নিউ রোডেও কোন প্রতিমা দেবীর সন্ধান মিলে নাই তবে গল্পটা যে প্রকাশের একান্ত অমূল্য ত্রিভুজ লেখা সে সন্দেহে আমি স্থির নিশ্চিত ছিলাম।

মাস কয়েক পরে, প্রকাশের কথা যখন আর একটা বড় মনে পড়ে না সেই সময় তার বাবার একখানা চিঠি পাইলাম, সঙ্গে একটা কবিতা। প্রকাশের বাবা অল্পবয়সে করিয়াছেন কবিতাটী কোনও কাগজে ছাপাইয়া দিতে। কবিতাটির নীচে তাঁর নিজের হাতে লেখা...মৃত্যুর তিনদিন পূর্বে রচিত।

কবিতায় প্রকাশ তার বৈচিত্র্যহীন জীবনের জ্ঞান আক্ষেপ করিয়াছে। সেই গতানুগতিক কলেজ যাওয়া মেস জীবন বায়স্কোপ দেখা এ ছাড়া কিছুই সে করে নাই।

জীবনে প্রেম সে করে নাই। নারী তার জীবন পথে আসিয়াছে মাতৃরূপে, ভগ্নীরূপে। আর সেইটাই বোধ হয় তাদের সত্যকার রূপ।

প্রেমিকারূপে তার জীবনপথে কেহ আসে নাই, না আসিয়া ভালই হইয়াছে...কারণ ঐরূপটাই নারী জীবনের সবচেয়ে ক্ষণস্থায়ী দিক। এইরূপ আরও অনেক ‘কিছু’।

আজও মনে পড়ে প্রকাশের রোগশীর্ণ পাণ্ডুর মুখখানি। গল্পটা তার নিজের জীবনের ইতিহাস কিনা আমার প্রশ্নের উত্তরে তার স্থির অচঞ্চল দৃষ্টি।

ক্ষয়রোগে ভুগিয়া ভুগিয়া জীবনে নারীর অভাবকে সে তার গল্পে একটা মূর্তি দিয়াছিল মাত্র?

কোনটা সত্য প্রকাশের গল্প না কবিতা?



## হিসাব=নিকাশ

= শ্রীমতী অনুরূপা দেবী =

হিসাব-নিকাশ করতে বসে অবাঁক হলেম হায়  
জমার চেয়ে খরচ বেশী, দেনা বেড়েই যায়।  
হায় কি লজ্জা ছি ছি, একি ! জমার খাতায় শূন্য দেখি,  
খরচ খাতার সবটা ভরা, কি যে এর উপায়।  
সন্ধ্যা নামে ঔষধ কালো, জ্বালতে এখন হবেই আলো,  
শুধু-হাতে অসময়ে ধার কি পাওয়া যায় ?  
হিসাব-নিকাশ করতে গিয়ে ঠেকে গেলান দায়।

## গান

শ্রীশিবরাম চক্রবর্তী

ওগো কেঁদনা গো সখি কেঁদনা !  
বুধা বাঁহপাশে বেঁধনা !  
দুইটা জীবন  
লভিল মিলন,  
কণিক মিলন যদিও—  
তবে কেন মিছে বেদনা !  
মোরা যৌবন শিখা জ্বালায়ে  
বাসনা নিয়েছি গালায়ে !  
আসে যদি ঘুম  
অমৃত চুম্ব  
রবে জাগি চির স্বপনে—  
অমর কণিক-সাধনা !

## প্রচার

শ্রীপ্রিয়ম্বদা দেবী বি এ,

শরৎ-আকাশ স্নানীল প্রসার  
সোনার আলোক ধারা,  
নভোমণি আজ কি করে প্রচার  
কি বলে আপন হারা ?  
দুঃখ শোক থাক, সে যেমন আছে  
তবুও হাসিছে ধরা —  
সেফালি ফুলের, কুন্দের কাছে  
পরিমলের পসরা।  
বহুকরা সার্থক নিজ নাম  
করি চলে চিরদিন।  
মুখের হাসি যে রাজে অবিরাম,  
অস্তুর বেদনা—দীন ॥





৮ই আশ্বিন...রবিবার...দেবীর বোধন

৯৫ ” সোমবার...ষষ্ঠ্যাদি কল্লারম্ভ

১০ই " মঙ্গলবার...সপ্তমী পূজা

১২ই " বৃহস্পতিবার...বিজয়া...

শারদীয় পূজায় ও উৎসবে প্রয়োজনীয়  
স্বদেশী যাবতীয় প্রকারের স্মৃতি ও সিল্কের  
ধুতি :: শাড়ী :: জামার থান,  
হাল্ ফ্যাসানের ও আধুনিক ডিজাইনের

তৈয়ারী বা অর্ডারি জামা অনুল

ক্রয় করিবার পূর্বে একবার

আমাদের “জিনিষ ও দর” দেখিবেন।

## স্মারক আশুতোষ বিল্ডিংস্

## কলেনজ ঝাঁট, কলিকাতা

- কোন -


২১.৭৮—বড়বাজার ।

স্বদেশী বস্ত্র ও পোষাকের  
 অন্যতম প্রতিষ্ঠান ।



# নিত্য জ্ঞানে ও প্রসাধনে প্রাইড অফ ইণ্ডিয়া

সাবান ব্যবহার করলে ভারতীয় শিল্পের  
চরমোৎকর্ষ প্রত্যক্ষ করে আপনি  
গৌরবানন্দ উপভোগ করবেন।



বর্ণ শ্রীবর্ধনে ইহার অসীম ক্ষমতা স্বীকার করতেই হবে।

## অরোরা সোপ ওয়ার্কস

৫৫, ক্যানিং স্ট্রীট :: :: কলিকাতা






শ্রীহাসিরাশী দেবী

ওগো অভিমানি !  
 এতদিনে সরাইয়া যবনিকাখানি  
 দেখাইলে ছিন্ন বীণা তার  
 গীতিসভা না ভাঙিতে লভিয়াছে ধূলার আশ্রয় ;  
 বসন্তের শেষ উপহার  
 না শুধাতে দ্বারে তব গর্জিয়াছে দুর্ভাসার ক্রুর পরিহাস  
 লৌহকরাঘাত সম। নেভা দীপ আনন্দ উচ্ছ্বাস  
 ডুবিয়াছে বিষাদের মরণ-সাগরে  
 চিরদিন,---চির রাত্রি তার।  
 আজি এই অসময়ে এই অবেলায়  
 দিনান্তের ক্লান্ত--মৌন ধূসর ছায়ায়--  
 কী তোমা বুঝাব' বন্ধু ? সাধনার বাণী কই মোর !  
 এ কণ্ঠ যে স্বর হারা, ফুরিয়েছে নয়নেরও লোর।

এতদিনে শুনাইলে তোমার ও গানখানি আজ  
 পাষণ-বেদীর মূলে ! এতদিনে দিগে এলে  
 পূজাফুল-সাজ  
 প্রাণহীন মূর্তি পূজিতে ? কী কহিব,  
 কী বুঝাব কারে !  
 দেবশূন্য দেবালয় ত'রে ওঠে ব্যর্থ হাহাকারে--  
 কই--কই দেবতা আমার,--  
 পদচিহ্ন কোথা গেল তার !

ভগ্নবস্ত্র শুষ্ক ফুলদলে  
 নিত্য দাও ডালি পদতলে  
 পাষণ মূর্তির ! নিত্য জ্বলি ব্যথাতুর নয়ন-বর্তিকা  
 ভিক্ষা চাহ দয়ার কণিকা  
 তারই কাছে !

প্রাণহীন মূর্তি শুধু হাসে,--  
 তোমার প্রার্থনা কাদে অনন্ত আকাশে ॥



Speaking recently  
**Advance** remarks : -  
 .....Sj. Manindra  
 Nath Sinha has al-  
 ready made a fame  
 as a dramatist and  
 his latest contribu-  
 tion has established  
 his reputation be-  
 yond dispute.....

জনপ্রিয় নাট্যকার  
 শ্রীমণীন্দ্রনাথ সিংহ বি, এস-সি প্রণীত  
 ত্রয়াক্ষ সামাজিক মনস্তত্ত্বমূলক নাটক  
**কালবৈশাখী**  
 ( রঙমহলে অভিনীত )  
 দৈনিক ও সাময়িক পত্রিকাসমূহ কর্তৃক উচ্চ প্রশংসিত  
 মূল্য আট আনা  
 প্রাপ্তিস্থানঃ- গুরুদাস চট্টোপাধ্যায় এণ্ড সন্স,  
 বরেন্দ্র লাইব্রেরী এবং প্রধান প্রধান পুস্তকালয়।

... কালবৈশাখীর  
 আখ্যান ভাগ রমণীয় ও  
 শিক্ষাপ্রদ।...  
 বঙ্গবাণী -  
 ...মণীন্দ্রবাবুর লেখা  
 ভাল ও নাটকীয় ঘটনা  
 স্থাপনের কৌশল বেশ  
 জানা আছে।...  
 -হুমুতি-





# দ্বীপান্তরের চিঠি

শ্রীপ্রভাবতী দেবী সরস্বতী



অনেককাল পরে আজ কলমটাকে তুলে নিয়েছি।

মনে ভেবো না লিনা, তোমায় পত্র লিখবার উদ্দেশ্য নিয়েই লিখতে বসেছি। এ আজ আমার খেয়ালের ঝোঁক মাত্র, কারণ আমার পত্র যে তোমার কাছে গিয়ে পৌঁছাবে না তা আমি জানি।

তবু লিখছি বলেছি তো—এ আমার খেয়ালের বিলাপ মাত্র। অনেকদিন পরে হঠাৎ মনে হল আমি ছোটলোকদের সঙ্গে মিশে ছোটলোকের কাজ করলেও



শ্রীপ্রভাবতী দেবী সরস্বতী

ব্যতিক্রমই আমি ছোটলোক ছিলাম না। একটা দিন ছিল বৈদিন—যাদের সঙ্গে মিশে আজ তাদেরই একজন হয়ে আমার জীবন কাটাতে হচ্ছে, ওদের ছোটলোক বলেই ঘৃণা করতুম, ওদের এড়িয়ে চলতুম—যেন ওরা কোনক্রমে আমার নাগাল না পেতে পারে।

আজ আমি ওদের পর্যায়ে গিয়ে দাঁড়িয়েছি। কেবল মাত্র মানুষ হিসাবে ওরা যেটুকু দাবী করে যেটুকু পায়, আমি ভদ্রসন্তান ও উচ্চশিক্ষা পেয়েও কেবল সেইটুকুরই দাবী করতে পারি।

মানুষ আমি, কেবল মানুষ। ভদ্রসন্তান উচ্চশিক্ষিত নই, আমি কেবলমাত্র মানুষ।

কতদিনের জন্ম এসেছি জানো—যাবজ্জীবন, অর্থাৎ কুড়ি বছর। তা থেকে কয়টা বছর বাদ দিলেও ষোলটা বছর নিশ্চয়ই হবে। ষোল বছর বাদে যখন ফিরব, তখন দেখব দেশ বদলে গেছে।

গিয়ে দেখব—যাদের এতটুকু দেখে গেছি তারা এক একটা সংসারের কর্তা হয়েছে, তারা তখন খেলবে না, তারা গম্ভীরভাবে বসে সংসারের হিসাব নিকাশ করবে।

ছয় বছর গেছে, বাকী এখনও দশ বছর।

উঃ, কি করে যে আরও দশটা বছর কাটবে আমি তাই ভাবছি।

কাল রাতে তোমায় দেখেছিলুম—

সেই ছোটবেলার মত তুমি আমার কাছে ছুটে এসেছিলে, কত কথাই বলেছিলে।—

যুম ভেঙ্গে সেই কথাই ভাবছিলুম, আর সেই পূর্ব স্মৃতিই আজ আমায় লেখার প্ররুতি এনে দিয়েছে।

এখানে এসে সব ভুলে গেছি, এটা কোন মাস,—ইংরাজী সেপ্টেম্বরের শেষ, বাংলা আশ্বিনের প্রথম নিশ্চয়ই।

বাংলায় এতদিন পূজার উৎসব পড়ে গেছে।

প্রবাসীর দল বাড়ী ফিরছে, তাদের বুকে আনন্দ, মুগ উজ্জ্বল—কতকাল পরে তারা বাড়ী ফিরছে, তারা তাদের আত্মীয়স্বজনদের দেখতে পাবে।

একদিন আমিও বাড়ী ফিরতুম অমনি আশা আনন্দ নিয়ে। আমার দেশ আমায় ডেকে কোলে নিত, তার আহাৰ্য্যে পানীয়ে আমায় পরিতৃপ্ত করত।

সাগরমাঝে এই দ্বীপে বসে আমি দেশের স্বপ্ন দেখছি। পূজো এসেছে।

আমাদের বাগানের একপাশে স্থলপদ্ম গাছটা ফুলে ভরে



উঠেছে, শিউলি করে আজও তলা বিছায়। সকাল হওয়ার সঙ্গে সঙ্গে পাড়ার ছেলেমেয়েরা প্রভাতের এক বলক আলোর মত ছুটে আসে হাসি ও আনন্দের বন্য বইয়ে দিয়ে। কত ফুল তারা পাড়ে—কুড়ায়, কত ফুল তাদের পায়ের চাপে দলিত হয়।

বাজে ফুলগুলো আজও বাতাসে তেমনি দোলা খায়, বাঁশঝার ছুইয়ে পড়ে, মাথা গুইয়ে গাকে যেন প্রণাম করে।

চলে যেতে শ্রান্ত পাখী সেই বাঁশের আগায় বসে দোলা খেয়ে যায়, তাদের কোলাহলে নীরব বনতল সরব হয়ে ওঠে। আর এখানে ?

সবই একঘেয়ে। ভিখারী খঞ্জনী বাজিয়ে আগমনী গান গায় না।

গা তোল গা তোল রাণী

তোর হারা উমা এলো ওই।

একঘেয়ে জীবনযাত্রা চলেছে—এর আর শেষ নেই।

নীল আকাশে সাদা বকের মত টুকরো টুকরো যে সাদা মেঘগুলো ভেসে যাচ্ছে—ওগুলো নিশ্চয়ই বাঙ্গলায় চলেছে। নির্বাসিত যক্ষের মত ওর পানে চেয়ে বসে থাকি, ওর বুকে যদি আমার সব কথা লিখে দিতে পারতুম।

ওরা স্বাধীন,—কত দেশের কত কথা নিয়ে আসছে, কত দেশের উপর দিয়ে বয়ে চলেছে। আমি যদি ওদের মত স্বাধীনতা পেতুম।

জলে ঘেরা এই দেশটুকু, যে দিকেই যাই—যে দিকেই চাই, দেখতে পাই অগাধ জল, ওর মাঝে সুখের রাজ্য পদ্ম তো ফোটে না।

স্বপ্ন মনে জাগে, কিন্তু তাতে শান্তি নেই, সুখ নেই, আরও ব্যথা জাগে মাত্র।

ছয়টা বছর আগে এমনি একটা দিনে আমি এখানে এসেছি, সেই কথাটাই আজ থেকে থেকে মনে পড়ছে।

আশ্চর্য্য জগতের লোক আমায় সন্দেহ করলে, তারা বললে আমি চুরি করি, ডাকাতি করি, নরহত্যাও করেছি, তুমিও কি করে সে কথা বিশ্বাস করলে বল দেখি ?

একখানা পত্র তুমি আমায় দিয়েছিলে, সে পত্রের কথা আজও আমার মনে আছে।

তুমি স্পষ্টই লিখেছিলে— আমি যে এরকম তা তুমি জানতে না সেই জন্তই আমায় তখনও শ্রদ্ধাভক্তিটুকু দর করে দিয়েছিলে। যখন বুঝলে আমি এরকম প্রকৃতি লোক তখন আর আমার সঙ্গে তোমার কোনও সম্পর্ক নেই, আমি যেন ভবিষ্যতে আর তোমার সঙ্গে সম্পর্ক না রাখি।

তথাস্তু—তোমার কথাই মেনে নিলুম।

অবশ্য দোষ আমার ছিল তার জন্তে যাবজ্জীবনের জন্তে দীপান্তরে পাঠানো ঠিক উচিত বিচার হয়নি। স্বদেশ-সেবারত নিয়েছিলুম, তার জন্তে দলে পড়ে অনেক কাজই করেছি, কিন্তু নরহত্যা করিনি।

বিচার অবশ্য হল—সে বিচারের ফল এখানে আসা।

( ৪ )

হ্যাঁ, আজ আমার সে জন্ত দুঃখ নেই।

একদিন আমায় ভালবাসতে—বলেছিলে আমায় ছাড়া আর কাউকে বিয়ে করবে না। সেদিন তুমি জানতে পার নি আমি কি ?

ভালোবাসা—বিশেষ যে ধরনের ভালোবাসার কথা তুমি বলেছিলে, এতটুকু একটু খুঁত পেয়েই তা মন হতে মুছে যায়, একেই তোমরা বল ভালোবাসা ?

আমি জানতুম সেই ভালোবাসা—যার জন্তে পুরাণে সীতা কষ্ট জেনেও রামের সঙ্গে বনে গিয়েছিলেন, বিপদসঙ্কল জেনেও পদ্মিনী আলাউদ্দীনের শিবিরে গিয়েছিলেন, যে ভালোবাসার জন্তে একদিন মেয়েরা জহরব্রত করতেন, কিন্তু এর সঙ্গে সে সবার তুলনা হয় কি ?

আজ কোথায় তুমি আর কোথায় আমি ; সেই যে একদিন প্রাণপূর্ণ ভালোবাসার কথা বলেছিলে তারই বা কি শোচনীয় পরিণাম।

আজ তুমি অন্তের পরিণীতা স্ত্রী, সংসারে প্রবেশ করেছ, সুখী হয়েছ—

আর আমি হত্যা না করেও হত্যাকারীর শাস্তি বহন



[illegible]





= শ্রীমণীন্দ্রকুমার সিংহ =

বাঁশি কি বলে জানো? মুখের কাছে মুখ রেখে বলে ওগো কে কোথায় অচেনা পথিক আছো, ছুটে এসো, আমি তা'দের ভালবাসবো।

সে দূরের প্রাণীকে আপন কোরে নেয়, তার নিঃস্বার্থ অসীম ভালোবাসা দিয়ে। তাদের ভালবাসা পাবার অপেক্ষায় থাকে না, কারণ সে জানে ভালবাসা পাবার জন্য যে ভালবাসা, তা' পাপ, তা' নিফল।

কিন্তু তার বুকের যে ব্যথা, যে বেদনায় তার বুক ঝাঁঝ হয়ে গেছে তার খোঁজ রাখ কি? খুব সম্ভব রাখো না, তার কারণ তার হৃদয়ের ব্যথা তার কথার সুরেই চাপা প'ড়ে যায়—তোমাদের ভাববার সময় দেয় না। সত্যি কথা, যেমন সুন্দরী রমণীর নিটোল মুখের ওপর ভাসা বড় বড় দুটো কালো চোখের ভেতর দিয়ে বেরিয়ে-আসা অকপট হাসি। নয় কি? তার হৃদয়ের ব্যথা যতটুকুই বা যে কারণেই হোক না কেন, সে কথা ভাববার আগেই চোখের সামনে ফুটে ওঠে তার অশ্রুসিক্ত মুখের অপূর্ণ রূপ।

শ্রামের মুখের ওপরই সে কত মিনতি ক'রে ব'লেছিল, ওগো, আর আমায় ব্যথা দিও না। সারা জীবন দিয়ে দিয়েই নিঃস্ব হ'য়েছি, পা'বার দাবী কি আমার কিছুই নেই? সারা জীবন এমনি কোরেই কাঁদবে? ঠিক সেই সুরেই আকাশ-বাতাসের ভেতর দিয়ে আর একজনের গভীর মর্মভেদী নিঃশ্বাস সংসারের কাজের গণ্ডী থেকেও বেরিয়ে এসে শ্রামের কাণে রণিত হ'ত।

তবু শ্রাম তাকে কি ব'লে বোঝায় জানো? বলে, জীবনে পাওয়াটাই কি সব? দেয়ার চেয়ে পাওয়া জিনিষ-টাই কি বড়, বাঁশি।

বাঁশি বলে, না—না, আমি বলিনে। বগুচি দিতেই কি চিরকাল হবে, পেতে হবে না একটুও?

শ্রাম বলে, দিতে যে এসেচে তাকে দিতেই হবে, পাওয়ার

দিকে চাইলে তার চ'লবে না। দিয়ে-দিয়েই একদিন দেখবে যে অসীম পাওয়া পেয়ে গেছো তার ইয়ত্তা নেই, তখন সে পাওয়ার দিকে চেয়ে নিজেই বলবে যে এতোর দরকার তোমার মোটেই ছিল না, তখন কিন্তু সে পাওয়া জিনিষ নিয়ে কোথাও যাবার এতটুকু পথ খুঁজে পাবে না।

রাধা-নামে-সাধা-বাঁশি তারপরে আর বলবার কিছু খুঁজে পায়নি। আজীবন তেমনি কৈদে কৈদেই গান গেয়ে বিশ্বের রাজপথ দিয়ে চ'লেচে। যমুনার সর্কান্দে যেসব একদিন কাজের ভেতর দিয়ে মিশে গিয়েছিল সে সুর আজো অক্ষুণ্ণ অস্পষ্ট কানের কাছে ধ্বনিত হচ্ছে।

তার সর্কান্দ মধুরতায় ভরা। তার জগেই আলোর সঙ্গে ছায়া'র মিলন হয়েছিল, কিন্তু তার মাধুর্যের স্বাদ এখনে পায়নি একজন, সে-আঁধার। আলোর সঙ্গে আঁধারের মিলন তার সুরে এখনো হ'য়ে ওঠেনি,—আঁধার পালিয়ে বেড়ায়, আলো তার পিছনে ছোটো, কোন দিন আঁধারের নাগাল সে পেলো না। প্রকৃতি হেসে বলে, বাঁশি এইখানেই কেবল তোমার পরাজয়!

বাঁশি বলে, কি ক'ব্ব ভাই। যার কাছে নিজেরে স'পে দিয়েছি, নিঃশেষিত ক'রে দেয়ার ভেতর দিয়েই সে বিছোটা কখন হারিয়ে ফেলেছি। তাকে কত বলি আমার সে বিছোটুকু ফিরিয়ে দিতে, কিন্তু সে কি বলে জানো ভাই! বলে, ছিঃ, দিয়ে কি আর ফিরিয়ে নিতে আছে? আমি লজ্জায় মরে যাই, আর চাওয়া হয় না, সেই জগেই এইখানে আমার পরাজয়।

জীবের হৃদয়ের ভেতরে সুর-দেওয়া ক'টা তার বাঁশি আছে, তা'তেই যখন বাঁশির সুরের পরশ লেগে অপূর্ণ ওজন ভেসে ওঠে তখন মনের বাঁধনটি ছাড়া সবই আলগা হ'য়ে যায়। মন হয় তখন সবার আপন, তাকেই তখন নিঃস্ব



ব্রহ্মার ভেতর দিয়ে দীর্ঘশ্বাসের সঙ্গে ব'লতে শোনা যায়  
—কী করণ !

—বাশি, বাশি ! তোমার এ চলা-পথের শেষ কোথায় ?

—শেষ ? সে এক দেশে যেখানে মাছুষের সর্বাঙ্গ  
দুঃস্থ ভরা। এদেশে তো কেবল মুখের মধুরতাই বজায়  
থাকে চায়। মাঝে মাঝে আমার দুঃখ হয় যে এই নিয়েই  
রা বড় বলে পরিচয় দেয় কি করে। কিন্তু ঘুণা এদের  
রিনা, অথচ তাদের মানতেও মনে বাধা পাই ?

—তোমার এ চলা-পথ কি দিয়ে তৈরি বাশি ?

—এপথ ছন্দ, সুর, আর মধুরতায় ভরা। এই পথেতেই  
কদিন প্রকৃতির সঙ্গে দেখা হয়েছিল। সমস্ত তার সঙ্গে  
কদিন থেকেই বোঝাপড়া হয়ে গেছে। আচ্ছা, মন তুমি  
কি আমায় ভালবাসো ?

—বাসিনা ! তোমার ছন্দের তালে তালেই আমার  
যা নামা, তোমার পরশই আমার জীবন, তোমায় আমি  
ভালবাসি না ?

—আমার ঐচ্ছলে ঢাকা আছে বলেই কি আমায় তুমি  
ভালবাসো, এর বেশী আর কিছু নয় ?

—এর চেয়ে বড় আর কি জীবনে আশা ক'রব ! আঁধার

পথে আলো দিয়ে আমার হাত ধরে যখন চল তখন যে জিনিষ  
আমি পাই তা' ক'জনে আজ পর্যন্ত পেয়েচে, বাশি ?

নিশান্তে যখন উদীয়মান সূর্যের আভায় পূর্বদিক রাঙা  
হোয়ে ওঠে, গাছে গাছে যখন প্রকৃতির বীণা বেজে ওঠে  
বাতাস যখন গায়ে গন্ধ মেখে ঘুরে বেড়ায় তখন বাশি  
বিছানার পাশে এসে ধীরে ধীরে ডেকে বলে, ওঠো, ওঠো—  
বেলা হয়ে গেল যে। আজকে যে তোমার অনেক কাজ  
রয়েচে।

এক ঝলক ফুলের হাওয়া নাকের উপর দিয়ে ব'য়ে যায়।

বাশি আবার বলে কইগো উঠলে না যে !

মনের ঘুম ভাঙে। উঠে দেখে বাশি চলে গেছে,  
চীৎকার ক'রে ডাকে, বাশি—বাশি—

দূর মাঠে রাখাল বাশি বাজিয়ে গরু চরাতে যায়, সেখানে  
থেকে সুর ভেসে আসে, এখন আর না, রাত্রিতে ঘুম  
পাড়ানোর সময় আসবো।

ক্রমশঃ কোলাহলে বিশ্বে সাড়া পড়ে যায়। কাজের  
গাঁথা মালা আজো কেউ শেষ করতে পারেনি, কবে পারবে  
তাও জানিনে, কিন্তু প্রত্যেকটি কাজ সেই মালায় এক এক  
কোরে নিঃশব্দে গোপনে গাঁথা হয়ে যায়।



## আমাত ১৩৪০-এ অষ্টম বর্ষ আরম্ভ

বাংলার ও বাংলার বাহিরের শিক্ষিত সমাজের পাঠযোগ্য একমাত্র সচিত্র সাহিত্য-পত্রিকা।

বার্ষিক মূল্য

মনিঅর্ডারে ৩০ টাকা

# উত্তরা

বার্ষিক মূল্য

ভিঃ পিঃ-তে ৩৫০ আনা

আধুনিক শ্রেষ্ঠ নবীন লেখকদের গল্প ও কবিতা, প্রবীণ শ্রেষ্ঠ মনীষী লেখকদের প্রবন্ধাবলী — প্রতিমাসে নিয়মিত প্রকাশিত  
বাংলা-সাহিত্যের এমন কোন খ্যাতনামা লেখক নাই যাহার রচনা 'উত্তরা'র পৃষ্ঠা একাধিকবার অলঙ্কৃত করে নাই।  
এরূপ অল্প মূল্যে এত শোভন, সচিত্র—রস-পিপাসু চিত্তকে পরিতৃপ্ত করিতে পারে, অল্প কোন মাসিক পত্রিকা আছে কিনা

আপনি গ্রাহক হইয়া তাহার বিচার করুন।

উত্তরা কার্যালয়, বেনারস



# নিপুণতম শিল্পীগণের

সুদীর্ঘ সাধনায় : : : : : : : :

যাহা কিছু সুন্দর—যাহা রমণীয় : :



সুতি ও সিল্কের কাপড়, জামা, থান

অননুকরণীয় অনুপম প্রসাধন দ্রব্যাদি—সাবান, কেশতৈল,  
সেণ্ট, লোসন, স্নো, আইভরির নানাবিধ দ্রব্যাদি, ষ্টেশনারী,  
হোসিয়ারী, ফটোর ক্যামেরা ও সাজ সরঞ্জাম

আপনার

= যাহা কিছু প্রয়োজনীয় =

পূজায় ব্যবহার করিতে বা উপহার দিয়ে  
আপনার প্রিয়জনকে সন্তুষ্ট করিতে : : :  
যাহা চান তাহাই আমাদের ফৌরসে পাইবেন।  
স্থানে স্থানে ঘুরিয়া শ্রান্ত না হইয়া একই  
স্থান হইতে সমস্ত সংগ্রহ করুন।


## ইন্টারন্যাশনাল ফোর্স

মিত্য প্রয়োজনীয় দ্রব্যাদির বৃহত্তম প্রতিষ্ঠান।

১৭১-এ, হারিসন রোড, কলিকাতা।

( হারিসন রোড ও চিংপুর মোড়ের নিকটে )

ফোন—২২২৩ বড়বাড়ার।







= রংচিতে অন্তিম শয্যায় =

ই ১৭৭৫...মজ

মৃত্যু...১৯৩৩



---

---

# আমোদ প্রমোদ উৎসব

ইত্যাদি জীবনে প্রয়োজন

কিন্তু ততোধিক প্রয়োজন

## ভবিষ্যতের জন্য সঞ্চয়

রোগ দুর্বলতা, অক্ষমতা অভাব অনাটন,

মৃত্যু মানব জীবনে বিরল নয় !!

### ওইরূপ অবস্থায় আপনার স্ত্রীপুত্রকন্যার

জন্ম কোন ব্যবস্থা করিয়াছেন কি ?

ব্যবস্থা না করিয়া থাকিলে

অঢুই সহজ ও সরল সত্তারূপে

## “ফ্যামিলি প্রাভিশন”

### সোসাইটির সভ্য হউন।

ভবিষ্যতের কোন দুর্ভাবনা থাকিবে না।

আপনার অবর্ত্তমানেও আপনার প্রিয়জন ও  
পরিবারবর্গ অন্ন বস্ত্রের কষ্টে পাইবে না।

বিশেষ বিবরণের জন্য পত্র লিখুন।

বিশেষ লাভজনক সংস্থা ‘এজেন্ট’ প্রয়োজন

## ফ্যামিলি প্রাভিশন ইনসিওরেন্স সোসাইটি লিঃ

২১৯, ওল্ড চিনাবাজার স্ট্রীট, কলিকাতা।

ফোন ২৫৪১ কলিঃ।

---

---



# বোধনে বিজয়া

( গল্প )

শ্রীনীহার দেবী

সুতারার পিত্রালয়ে প্রতি বৎসর আনন্দময়ীর আগমনের দিন বসে, সুতারাকে লইবার জন্ত প্রথম প্রথম পিতা আসিতেন; ইদানীং ভ্রাতারা আইসে, অনেক সাধ্য সাধনা রিয়া শৈলেন্দ্রের মত টলাইতে না পারিয়া ক্ষুণ্ণ মনে প্রস্থান করে। সুতারা আশাভঙ্গের মনস্তাপে অন্তরালে অশ্রু সঞ্জন করিত ক্ষণেক; কিন্তু পরক্ষণেই স্বামীর স্নেহাদরে। অশ্রু শুকাইয়া যাইত। আজ এক বৎসর শৈলেন্দ্র লাজরে ভুগিতেছে, প্রাণপণ যত্নেও সুতারা তাহার দ্রুত দূর গতি রোধ করিতে পারে নাই, তাই সে দিন জ্যেষ্ঠ তার মুখের উপরই শৈলেন্দ্রের অজুমতি সত্বেও বলিয়া যাচ্ছে যাইবে না। কথাটা শৈলেন্দ্রের কানে কদিন চিড়ায় নাই, তাই চতুর্থীর দিম প্রভাতে যখন মাতা, পুত্রের দলইয়া আসিলেন, শৈলেন্দ্র জিজ্ঞাসা করিল “মা ওরা বপুরে চলে গেছে;”

মাতা উত্তর দিলেন “না।”

সবিস্ময়ে শৈলেন্দ্র কহিল “সেকি আমি বড়দাকে মত ঘেঁচি, কেন যাবে না?”

জননী যত্নেই বলিলেন “তুই মত দিলেই কি হয় বাবা, ঘনবার বোমাকে পাঠাসুমা এবার তুই বিছানায় পড়ে— কি কখন আমোদ করতে যেতে পারে শৈল?”

বিরক্ত উত্তেজিত স্বরে শৈলেন্দ্র কহিল, “হ্যাঁ, আমার বিশ্বাস করেছে বলেই তো সে যাবে, আমি ভাল থাকলে তার আনন্দের অভাব হৌত না কিন্তু এ অবস্থায় আমি তাকে আনন্দ দেবো; এবার তাই পাঠাতে রাজী হয়েছি। আমার মৃত্যুপথ-যাত্রী ছেলের সঙ্গে তাকে নিরানন্দের মধ্যে

পিষে মারবার অধিকার তোমাদের কারুর নেই, আমি তাকে পাঠাবোই।”


পুত্রের বাক্যে আহতা জননী আপন মনে বলিলেন “জানিনা বাছা, এখনকার ছেলেদের মন মেজাজই আলাদা। আমাদের কালে সোয়ামীর এমন ব্যামোর দিনে বউকে কোথাও—” বাকিটা আপনার উত্তেজনাপূর্ণ কণ্ঠস্বরে ডুবাইয়া শৈলেন্দ্র কহিল “তোমাদের কালের ব্যাখ্যা নীচে গিয়ে বামুনদির কাছে কর গে মা; আমার ভাল লাগে না শুনতে, তাকে পাঠিয়ে দাওগে, আমি তাকে পাঠাবোই।”

দীর্ঘকাল রোগযন্ত্রণা ভোগের জন্ত শৈলেন্দ্রের স্বভাবটা বড় খিটখিটে হইয়াছিল; একটুতেই উত্তেজিত হইয়া পড়ে, ডাক্তার বলিয়াছেন রোগীকে আদৌ উত্তেজিত করিবে না, তাই জননী দ্বিরুক্তি না করিয়া বাহির হইয়া গেলেন। ..... কিয়ৎক্ষণ পরেই প্রভাতের স্নিগ্ধ হাসিটুকু আপন অধরে ভরিয়া সত্যসত্য সুতারা মূর্ত্তিমতী উষার মত আসিয়া শৈলেন্দ্রের শয্যাপার্শ্বে দাঁড়াইল, পত্নীর সুন্দর লাবণ্যবিচ্ছুরিত মুখের পানে চাহিয়া পরিতৃপ্তিভরা হাস্তে শৈলেন্দ্র বলিল “সু আজ তোমায় ভারী সুন্দর দেখাচ্ছে, বাপের বাড়ী যাবে বলে খুব আনন্দ হচ্ছে নয়?” সহাস্তে সুতারা বলিল “আমি বাপের বাড়ী যাব না; শিব ছাড়া কি শিবানী কখন পিত্রালয়ে আসেন? পত্নীর স্নিগ্ধ উত্তরে অঁকারে উত্তেজিত হইয়া শৈলেন্দ্র কহিল “কি যাবে না; মা বুঝি তোমায় যেতে বারণ করেছে? না ওসব হবে না, আলবৎ যেতে হবে, কেন মরা আগলাবার কেউ কি আর নেই যে—!”





HOMELY  
COMFORTS  
AND  
CONVINIENCES



# TOWER HOTEL

AN IDEAL ESTABLISHMENT

Tele :- TARHOTEL,

Phone :- 915 B. B.

সিট রেন্ট সহ  
দৈনিক চার্জ  
৮, ৬, ৫,  
২৥০ ও ২ টাকা  
মাসিক বোর্ডারদের  
চার্জ বিশেষ  
সুবিধাজনক

থেকে সুবিধা  
থেকে ভ্রান্তি

রাজা মহারাজা, জমিদার, ব্যবসায়ী সম্ভ্রান্ত ভদ্র  
মহোদয় ও মহিলাগণের বসবাসের আদর্শ  
নিকেতন। ইলেক্ট্রিক লাইট, পাখা ও আসনাব  
পত্রে সুসজ্জিত আলো বাতাস পূর্ণ বক্ষ সুদক্ষ  
অধ্যক্ষের তত্ত্বাবধানে সাদর অভ্যর্থনা, যত্ন ও সেবা-  
পরায়ণ ভৃত্য, রুচিকর, স্বাস্থ্যপ্রদ আহাৰ্য্য  
পরিষ্কার পরিচ্ছন্নতায় অদ্বিতীয়।

## টাওয়ার হোটেল

২৭, আপার সারকুলার রোড, কলিকাতা।

শিয়ালদহ নর্থ ষ্টেশনের সম্মুখে।

ফোন

২১৫

বড়বাড়ার



স্বামীর বাক্যে বাধা দিয়া ধীরস্থরে স্মৃতারা বলিল, “তুমি তা মরা নও”।

বিরক্তিতে বদন বিকৃত করিয়া শৈলেন্দ্র কহিল “দেখ তোমাদের এই মিথ্যে কথার মুসীমানা একবারে সহ করতে পারি না, খবরদার বলছি ওরকম মিথ্যে বলোনা, জীবন্তের কাছে শুনি এক গলাবাজী ছাড়া ?

স্মৃতারা হাসিয়া ফেলিল, “তোমার গলাবাজীই তো মরণ করছে তুমি মরে যাওনি বেঁচে আছ, শুধু বেঁচে থাকাই আমাদের চেয়ে সজীবতা তোমার মধ্যে আছে।”

চীৎকার শিশুর মত আগ্রহ ব্যাকুলকণ্ঠে শৈলেন্দ্র কহিল, “কি সত্যি? আচ্ছা স্মৃ, তোমার কি বিশ্বাস আমি যার ভাল হয়ে যাবো?” গাঢ় স্বরে স্মৃতারা জবাব দিল “যার ভাল হবেনা তো কি এমনি শুয়ে থাকবে নাকি?”

অসম্মতভাবে শৈলেন্দ্র ক্ষণেক নীরব রহিল, স্মৃতারা হানায় বসিয়া স্বামীর শীর্ণ ললাটে হাত বুলাইতে লাগিল, “না মুখ ফিরাইয়া পত্নীর পানে চাহিয়া শৈলেন্দ্র কহিল, “স্মৃ, আমার মনে হয় আমি বাঁচবো কিন্তু তোমাকে দিয়ে।”

মন হাশ্বে স্মৃতারা কহিল, “নাগো তাও কি হয়, তোমায় লে আমি কোথাও যেতে পারি না।”

শৈলেন্দ্র কহিল, “আচ্ছা তুমি অগন কণ্ঠে হাসলে কেন? আমার কি মনে হয়।”

স্মৃতারা বুঝিল স্মৃচতুর স্বামীর নিকট তাহার দুর্বলতার ক্ষিৎ ধরা পড়িয়াছে—কিন্তু না, কিছুতেই তাঁহার নিকট লতা প্রকাশ করিবে না সে। আপনার চিত্তবল দিয়া যাকে সজীবিত করিবে, ভরসা দিবে। মন আননে শাশ্বত হাশ্বে বিহ্যৎদীপ্তি ফুটাইয়া বলিল “তোমার মনে কি গো?”

বিস্ময়ে শৈলেন্দ্র কহিল “আমি মরে যাবো।” পরিহাস-লকণে স্মৃতারা বলিল, “ওমা এত ভীতু তুমি, মরণকে ধর না মুখে ভয় করে নাকি? আমি কিন্তু একটুও ভয় না।”

“কেন করনা স্মৃ?”

স্মৃতারা কহিল, “সে ভারী মজার কথা, আমার বড় মরণে ভয় ছিল, একবার আমাদের স্থলে সাবিত্রী “প্রে” হয়, আমি তাতে যমের পাট নিয়েছিলুম”—মধ্যপথে বাধা দিয়া শৈলেন্দ্র কহিল, “তোমার কিন্তু মোটেই যমের মত চেহারা নয়।” হাসিয়া স্মৃতারা বলিল, “তা জানি, এখন শোন না মজার কথা, যমের ভূমিকায় নেমে অবাধ অধিকার পেয়ে মৃত্যু ভয় আমার সেই যে কেটে গেছে—এ-পর্যন্ত আর একটুও ভয় হয় না।”

একটা গভীর নির্ভরতার শ্বাস গহনান্তর শৈলেন্দ্র বলিল, “তুমি যখন স্বয়ং যমরাজ তা’হলে তোমারই হৃদয়-কারাগারে আমায় বন্দী করে রাখবে নাকি?”

হাসিয়া স্মৃতারা বলিল, “যদি তাই করি?” গভীরতর তঁপির অবসাদে চক্ষু মুদ্রিত করিয়া শৈলেন্দ্র বলিল, “তা যদি করো আমি তোমায় কি দেবো স্মৃ?”

স্মৃতারা মনে মনে বলিল, “ওগো তোমার আকাঙ্ক্ষা যেন সত্যি হয়, আমি যেন তা করতে সক্ষম হই।”.....

( ২ )

পরদিন শারদ পঞ্চমী, নিদ্রাভঙ্গে স্মৃতারা দেখিল স্বামী উঠিয়া বসিয়াছেন, আনন্দে তাহার বাক্য সরিল না। সারা দিন রাত্রি সে তাহার সজাগ আঁখির দৃষ্টিতে স্বামীর জীবন স্পন্দনটুকু কালের কঠিন কবল হইতে রক্ষা করিবার জন্য উদ্গ্রীব হইয়া থাকে, হুনিয়াকে সে ভুলিয়াছে—বিধ সংসারের সকল সচলতাকে ডুবাওয়া অহোরাত্র তাহার চক্ষের সম্মুখে জাগিয়া থাকিত শৈলেন্দ্রের রোগপাতুর বিবর্ণ মুক্তি-খানি, সেই স্বামী আজ উঠিয়া বসিয়াছেন, এ যে কি অপরিমিত অব্যক্ত আনন্দ তাহা প্রকাশের ভাষা নাই... ছুটিয়া স্বপ্নের গৃহদ্বারে করাঘাত করিয়া আনন্দ-উদ্বেল কণ্ঠে স্মৃতারা ডাকিল, “মা”—গৃহমধ্য হইতে শঙ্কাকুল প্রত্যুত্তর আসিল, “কি হয়েছে বোনা।”

“মা আজ উঠে বসেছেন তিনি”—দড়াম করিয়া খিল খুলিয়া স্বপ্ন ঠাকুরাণী বাহিরে আসিয়া বলিলেন, “চল মা বাছাকে একবার দেখে আসি।” উত্তরে শয়নকক্ষে আসিয়া দেখিল পালকে বসিয়া শৈলেন্দ্র খোলা জানালার পানে



চাহিয়া আছে। নিকটে আসিয়া মাতা ডাকিলেন “শৈল।” প্রসন্ন হাস্তে ফিরিয়া শৈলেন বলিল “মা।” যুক্তকর ললাটে স্পর্শ করিয়া জননী বলিলেন “মাগো আমার মুখ রেখেছ মা।” বধূর পানে চাহিয়া বলিলেন, “এটা টাকা শৈলর কপালে ছুঁইয়ে রাখো তো মা, জগজ্জননী মুখ তুলে চেয়েছেন সপ্তমীর দিন মার ষোড়শোপচারে পূজা দেবো।”

শৈলেন বান্ধ ভরে বলিল “তোমার ঐ মাটির খড়ের প্রতিমার মধ্যে মা আছে না হাতী, তোমার বউ যদি না থাকতো কেমন উঠে বসতুম দেখা যেত, সবার পূজার আগে ওর পূজা করা উচিত, বুঝলে।”

আনন্দে গর্কে স্মতারার দুই চোখে অশ্রু ভরিয়া উঠিল। মাতা জীব কাটিয়া বলিলেন “দূর তাও কি হয়, মা যে সাফাৎ দয়াময়ী, তিনিই দয়া করে তোকে ফিরিয়ে দিলেন, সোয়ামীর সেবা তো সকলেই করে।”

বিরক্তস্বরে শৈলেন কহিল—“সকলে করে কিন্তু ওর মত পারে না, মিথ্যে তুমি তিনি তিনি করো না মা; তা’তে তোমার সামনের ঐ জাগ্রত প্রতিমার অপমান করা হয়।”

মাতা পুত্রের এই অসম্ভব প্রলাপোক্তিতে ক্ষুব্ধ হইয়া চুপ করিলেন। স্মতারা বাক্স হইতে টাকা বাহির করিয়া স্বশর হাতে দিল। পুত্রের ললাটে ভক্তিভরে স্পর্শ করাইয়া সে টাকা তিনি বধূর হস্তে ফিরাইয়া দিয়া বলিলেন “প্রাতঃ বাক্য কর মা, যে মার পা বুকের রক্তে ধুয়ে দিবি।” সম্বোধে চীৎকার করিয়া শৈলেন কহিল “কেন? কিসের জন্তে ও বুকের রক্ত দেবে, এমনি প্রাণপাত করে আমার বাঁচিয়েছে তোমরা সেই মহত্বের পুরস্কার দেবে ওর বুকের রক্ত নিয়ে তা কখন হবে না।”

মাতা বিপন্নভাবে বধূর প্রতি চাহিলেন স্মতারা ইঙ্গিতে জানাইল সে শপথ গ্রহণ করিয়াছে, স্বশর গ্রহণ করিলে সে বুঝাইয়া শৈলেনকে শাস্ত করিবে। স্বম্নেহে পুত্রের প্রতি চাহিয়া জননী বলিলেন “মেলিনস্ ফুড্‌টা কি আনবো রে?” শৈলেন কহিল “যাও।” মাতা উঠিয়া গেলেন, স্মতারা আসিয়া শৈলেনের শয্যাপার্শ্বে বসিল, সম্নেহে তাহার রোগশীর্ণ হাত দুটা মুঠার মধ্যে ভরিয়া বলিল, “আচ্ছা একটুতে

অত উত্তেজিত হও কেন বলতো?” শৈলেন কহিল “উত্তেজিত হবো না, এ যে অন্ডায় আবদার! আমাকে সারানো তুমি, আর তোমার বুকের রক্ত খাবে মাটির পুতুল।”

তিরস্কারপূর্ণ স্বরে স্মতারা কহিল “ছিঃ ও কথা বলতে নেই, দেবী কখন কি দেহী হন? তিনি যে দেহাতীতা ঐ যে মাটির কাঠামোর মধ্যে তাঁর অর্চনা করে মাঝে মাঝে বিধান তো মাঝুঘেরই দেওয়া, নচেৎ দেবী সর্বভূতে অর্চনা জাননা কি?”

তাচ্ছিল্যের স্বরে শৈলেন কহিল “তা হোনগে দেবী: খুসী, তুমি কেন বুক চিরে রক্ত দেবে?” স্বামী উত্তরোত্তর উত্তেজিত হইতেছে দেখিয়া স্মতারা তাহাকে শাস্ত করিয়া উদ্দেশে বলিল, “আচ্ছা বেশ আমি রক্ত দেবো না।”

শৈলেন বলিল, “না আমি তোমার ঐ মিথ্যে স্তোকবাবে ভুলছি না, সত্যি বলো দেবে না?”

হাসিয়া স্মতারা কহিল, “এই দেখ ছেলেমাঝুঘের ম আবদার, বলেছি তো দেবো না।” তথাপি আপন হে বজায় রাখিয়া শৈলেন বলিল “না সত্যি করে বলো দে কি না?”

“না দেবো না”—বলিয়াই স্মতারা সম্বস্তা হইয়া জি কাটিল। দেবীর নিকট অঙ্গীকার করিয়া শেষে স্বামী কাছে সত্য করিল, মনে মনে শিহরিয়া বলিল, “অপরাধ লই না মা, আমি তোমায় বক্ষ-রক্ত দিব, আমার অবুঝ স্বামী সাস্তনার মিথ্যা বাক্যদানের দ্রুটি আমার ক্ষমা কর মা।”

( ৩ )

.....গভীর রাত্রে—হঠাৎ শৈলেনের ঘুম ভাঙি গেল। চক্ষু মেলিয়া দেখিল অফুরন্ত জ্যোৎস্নাধারায় ক ভরিয়া গিয়াছে, তাহার শিয়রে বিনদ্র চক্ষে বসিয়া স্মতা পাখা করিতেছে। দূরের একটা ঘড়িতে টং টং করি তিনটা বাজিল। টেবিলের উপর “এলার্ম” ঘড়িটা দ্রুততায় টিক্ টিক্ করিতেছে, স্মতারার পানে চাহিয়া বলিল, “এম করে নিত্য জাগলে যে অস্বখে পড়বে স্ব।” স্মতারা ত্র প্রতিবাদ জানাইয়া বলিল, “এই মাত্র আমার ঘুম ভেঙে পো উঠে দেখি তুমি বড্ড ঘেমেছ, তাই একটু হাওয়া দিদি



সারারাত জাগিনি তো!—জ্যোৎস্নালোকে শৈলেন্দ্র তীক্ষ্ণ-দৃষ্টিতে পত্নীর পানে চাহিল—নিদ্রাহীন ক্লান্তিবিহীন আয়ত-নেত্রে তার কোথাও সত্ত্ব সুপ্তিভঙ্গের স্বানিমা নাই, জ্যোৎস্নার মতই শান্ত-ওজ্জ্বল্যে কমলীয় স্নিগ্ধতার আঁখি তারকা প্রশান্ত স্থির। শৈলেন্দ্র ক্ষণেক নীরব থাকিয়া কহিল, “কিসের বাজনা বাজছে এত রাত্রে সু?”

সুতারা কান পাতিয়া শুনিল শারদ সপ্তমীর বোধনধ্বনি। কহিল, “মায়ের বোধনের বাজনা।”

“আচ্ছা সু পরশু বলেছিলে বাপের বাড়ী যাবে না, আজ বিকেলে মা বললে যাবে। কেন বলতো?”

“মার পূজো দিতে।”

অসহায়কণ্ঠে শৈলেন কহিল “কিন্তু তুমি গেলে আমি এক মুহূর্ত্ত বাঁচবো না।”

হাসিয়া সুতারা কহিল, “তবে যে বলেছিলে আমায় সেদিন জোর করে পাঠাবে? তাই আমি ঠিক করেছি এখন আসবো না।”

সমস্ত অশ্রুস্রবর্ণেরে শৈলেন কহিল, “না সু তুমি এসো, আমার শরীর তো এখনও ভাল সারেনি, মোটে দু’দিন একটু ভাল আছি, তুমি পূজো দিয়েই চলে এসো।”

সম্মতিসূচক শির সঞ্চালন করিয়া স্বামীর বাক্যের প্রতিদান করিল সুতারা, “আচ্ছা। বেশ পূজো দিয়েই চলে আসবো।”

“বা’রে কাল যে বলেছ পূজো দেবে না।”

অসমমনকা সুতারা কহিল, “কই তাতো বলিনি, বলেছি বুকের রক্ত দেবো না।”

হঠাৎ শৈলেন্দ্র প্রশ্ন করিল, “আচ্ছা সু যদি রক্ত তুমি না দাও দেবী তোমার উপর কষ্ট হবেন না?”

অসমমনা সুতারা জবাব দিল—“না।”

চিন্তিতস্বরে শৈলেন কহিল, “আমার কিন্তু মনে হচ্ছে তিনি কষ্ট হবেন। কেন এমন মনে হচ্ছে সু?” স্বামীর শেষের ব্যগ্র ব্যাকুল কথাটার সুতারার চমক ভাঙিল। তাহার মুখের পানে চাহিয়া বলিল, “কি বলছো?”

একবার সতয়ে চারিদিকে দৃষ্টিপাত করিয়া শৈলেন

বলিল, “তোমার বুকের রক্ত না দিলে দেবী তোমায় ক্ষমা করবেন না সু। কেন এমন মনে হচ্ছে বলতো?” সুতারার মুখ অন্ধকার হইয়া গেল, সতয়ে শৈলেন ডাকিল “সু!”—উদাস নেত্রে স্বামীর মুখের দিকে চাহিয়া সুতারা কহিল “কি? তুমি অত গম্ভীর হয়েছ কেন?”

সুতারা এবার হাসিয়া বলিল, “আমার গম্ভীর্ণ্য তুমি দেখতে পার না কিন্তু তুমি কেন গম্ভীর হও বলতো?”

স্বানকণ্ঠে শৈলেন কহিল, “সু তুমি হাসছো না কাদছো? আমার বড় ভয় করছে সু? সুতারা!” চন্দ্রালোকে স্বামীর রক্তশূন্য পাংশু মুখের বিবর্ণতা লক্ষ্য করিয়া সুতারা সত্রাসে চমকিয়া তাহার মাথাটা আপন অঙ্গে তুলিয়া লইল। গভীর মমতা ভরে তাহার শীর্ণ গণ্ডে আপনার পুষ্ট কপোল স্থাপন করিয়া স্নিগ্ধস্বরে বলিল, “ভয় কি, আমি তো তোমার কাছে আছি।”

শৈলেনের মনে হইল পত্নীর উষ্ণ নিঃশ্বাস পতনের শব্দে একটা বাবধানের বিরাম প্রাচীর গড়িয়া উঠিতেছে, ভীত স্থলিতকণ্ঠে সে বলিল, “সু এ কি হচ্ছে, তুমি কই?”

সুতারার বিধ্ব ভূবন আঁধারে ভরিয়া গেল, তাড়াতাড়ি স্বামীর মনিবন্ধে হাত দিয়া নাড়ীর গতি পরীক্ষা করিল কই না; কোথাও তো বিকৃতি ঘটে নাই, তবে? বক্ষের উদ্ভাপ লইল দিবা উষ্ণ, তবে কেন এমন হইয়া পড়িলেন, গভীর অশ্রুগাগ সিক্ত স্বরে সুতারা বলিল “তোমার কি কষ্ট হচ্ছে?”

টানিয়া টানিয়া জড়িত স্বরে অবসাদ গ্রন্থের মত শৈলেন উত্তর দিল “কষ্ট কিছুই নয় আমার মনে হচ্ছে তোমার কাছ থেকে আমার কে ছিনিয়ে নিচ্ছে তুমি আমাকে যেতে দিও না সু, তোমায় ছেড়ে আমি যেতে চাই না।” স্বামীর কাতরোক্তিতে ভীত হইয়া সুতারা অধিকতর আবেগে তাহার রোগক্ষীণ তনুখানি জড়াইয়া ধরিয়া পূর্ববৎ স্নিগ্ধ স্বরে কহিল, “আমি তো তোমায় যেতে দিব না, কেন এত অধীর হচ্ছে?” একটা গভীর আরামের শ্বাস লইয়া চক্ষু মেলিয়া শৈলেন বলিল, “দেখ সু, আমার কেবলি ভয় হয় যদি কেউ তোমার কাছ থেকে আমার সরিয়ে নেয়। এই ছোট্ট বুকের অফুরন্ত



মমতার স্পর্শ থেকে যদি কেউ বঞ্চিত করে তাহ'লে আমি কি করে থাকবো ?”

( ৪ )

শান্ত উজ্জল সপ্তমীর নবাবুণাতা পূর্বাকাশে ফুটিয়া উঠিয়াছে। পূজা বাড়ীর ঢাকের শব্দে বহু পূর্বেই স্তারা জাগিয়াছিল। শৈলেন তখনও নিদ্রিত। অতঃপূর্বে নেত্রে স্বামীর স্তম্ভ-সমাচ্ছন্ন মুখের পানে চাহিয়া চাহিয়া তাহার মনে হইল সেই তরুণ সুকুমার কান্তি, রোগের অত্যাচারে কতখানি বিমলিন হইয়াছে, কিন্তু আশ্চর্য্য সেই শিশু স্নেহভাষ্যের আজিও বিন্দু পরিবর্তন ঘটে নাই। গত কল্যাকার রাত্রির সভয় উক্তি এবং পরিতপ্তির বাণী মনে পড়িয়া গেল, দেবীর অনিষ্ট সাধনের কথাও মনে জাগিল, যুক্ত করে বলিল “মা তোমার ইচ্ছাই পূর্ণ কর মা” আকুতির ভাষা জানাইতে তাহার বাক্য সরিল না। পথে কে আনন্দ পরিপূর্ণ উচ্ছসিত কণ্ঠে গাহিয়া চলিয়াছে, “সোনার আলোয় ঝিকমিকি মা আজি ঐ আসে।”

স্তারা বাহিরের পানে চাহিল। সত্যই শরতের সোনালী রোদ ঘন গাছের পাতার ফাঁকে ফাঁকে ঝিকমিক করিতেছে কিন্তু মায়ের ছুপুর ধ্বনির শব্দ কই? আগমনীর সাড়াই বা কোনখানে? স্তারার মনে হইল সমস্ত প্রকৃতি

যেন বেদনায় আর্তনাদ করিতেছে, আজ সপ্তমী কিন্তু বোধনের গান বিসর্জনের কারুণ্য লইয়া তাহার কর্ণে বহুত হইতেছে কেন? স্তারা পথের পানে চাহিল, রাজপথে অবাধ জনশ্রোত। দেবী দর্শনাকাজ্জল সন্ধ্যার মুখে একটা আগ্রহভরা আনন্দের চিহ্ন, পথের ধলা উড়াইয়া একখানা মোটর দ্রুতগতিতে ছুটিয়া গেল, উন্মত্ত যুবক-কণ্ঠের আনন্দোচ্ছ্বাস গভীর আর্তনাদের মত আসিয়া স্তারার কর্ণে বাজিল, সভয়ে চমকিয়া স্বামীর পানে চাহিয়া স্তারা দেখিল তাহার নিঃশ্বাস দ্রুততালে পড়িতেছে। তাড়াতাড়ি নাড়া দিয়া ডাকিল, “ওগো”

শৈলেন চাহিল, দৃষ্টি ঘোলাটে বাকবদ্ধ। আর্তনাদের ডাকিয়া উঠিল, “মা!”—বহুর আর্তনাদের শব্দ ছুটিয়া আসিলেন, স্তারা স্বামীর মুখের কাছে মুখ লইয়া অশ্রুজড়িতভাবে বলিল, “কি কষ্ট হচ্ছে গো বল?”

শৈলেনের দৃষ্টি পত্নীর মুখের উপর প্রশান্ত স্থির, বুকের ক্ষীণ স্পন্দনটুকু থামিয়া গিয়াছে; জননী চীৎকার করিয়া উঠিলেন “শৈলরে!”—দূরে পূজা বাটীতে সপ্তমী পূজার প্রারম্ভে ঢাক বাজিয়া উঠিল এবং সেই ঢাকের শব্দে স্তারার আর্তনাদ মিশিল, “এমনি করে আমার বোধনে—বিজয়া করলি মাগো !!!”

বাজারে সর্বত্রই  
পাওয়া যায়  
ইহা নির্দোষ ও  
স্বাস্থ্য বর্ধক।



স্বাস্থ্য বর্ধক দেখিয়া লইবেন

লক্ষীদাস প্রেমজী  
১৬৭৬৮, লোয়ার চিংপুর  
- রোড, কলিকাতা।  
ফোন ৩৬৬০ কলি:



## বন্দী-কায়া


শ্রীদিলীপ দাশগুপ্ত

আমি কি গো মুহূর্তের ভোগের পূজারী ?  
নিঃশ্ব অশ্রুবারি  
তাই বুঝি ধরাতটে ক্রন্দনের মত  
বিষাইয়া চলে মোর পরাণের ক্ষত !  
যত আশা বাধি  
—লভিয়াছে তারা শুধু অনন্ত সমাধি !  
বিরহ-বিহ্বলা-স্নান আমার অন্তর  
রহে নিরন্তর ।  
কল্পনারে ফেলে দূরে যে রিক্ত বাস্তব  
তিলে তিলে জাগাইলো বীতংস-উৎসব :  
ছন্দোময় সক্রমণ শোক  
গুমরিয়া কেঁদে কেঁদে খোঁজে পরলোক ।  
হাইঃ হাইঃ হাইঃ হাসি পায় হে মোর ঈশ্বর  
তুমি নিরন্তর,  
বাধিয়া রেখেছ মোরে বেদনার সুরে  
দেহ অন্তঃপুরে ।  
শাপত্রষ্ট দেব আমি, মুক্তি চাই । লাক্ষিত কমল  
মেলি শতদল  
হেসে কুটি কুটি শুধু কহে “মুক্তি চাও ?  
বাণীহারী মঞ্জুসুরে গুঞ্জরিয়া চুম দিয়া যাও ।”  
আয়ুর তিথারী মোর মৃত্যুর নিঃশ্বাস  
ঘনমান নীলিমার নিবিড় উচ্ছ্বাস  
সদা উত্তরোল  
মন-সাহারায় নাহি তরঙ্গ কল্লোল ।

## বেণু

শ্রীরামকৃষ্ণ দেবশর্মা

বহুদিন হ'লো দ্বাপরে একদা বেজেছিলে তুমি মোহন বেণু !  
মাতায়ে বিশ্ব, নিঃশ্ব পরাণে ছড়িয়ে তোমার গন্ধ-রেণু ।  
এখনো সে সুর থাকিয়া থাকিয়া বাজিয়া উঠিছে ব্রজের বৃকে  
দিকে দিকে তব যশের বার্তা ঘোষিছে বিরহী ধরার মুখে,  
কৃষ্ণে তোমা হারিয়ে চুপে কেলিকদম্ব কাঁদিছে আজো  
যমুনা বক্ষ ফাটিছে ত্রায়া, —এসো আজি নব ছন্দে বাজো ।  
এসো এসো আজি সাথে লয়ে তব বাদকের সেই মিষ্ট বাণী  
প্রলয়-গগনে কালো জলদের সিংহনাদের অন্ত জানি  
মুছাও এ ঘোর কালিমা আমার, —আঁধারের ঘন দীর্ঘকারা  
ভেঙে দাও যত কঠোর বাঁধন নিষ্ঠুর পন্থা ডুবাও জলে  
পদতলে দলি' সমাজ-শাস্ত্র, বেজে উঠো কোথা রাধিকা ব'লে  
ধ্বনিয়া উঠুক সুর তব আজি সুরুরে নিকটে অগ্রে পাছে  
চমকি উঠুক নিখিল বিশ্ব, জাম্বুক এখনো কৃষ্ণ আছে ।  
স্বৈচ্ছাচারীরা বুকুক আজিকে সাক্ষ তাদের রুদ্রলীলা,  
হুদ্দিন আজি আসুক ঘনায়ে হাসুক যাত্রী তীর্থশিলা  
গোকুলে আজিকে নাচুক নন্দ যশোদার সাথে হৃষ্ট মনে  
ছুটুক ধবলী শ্যামলী রাখাল বৃন্দাবনের কুঞ্জবনে  
নব বসন্তে আবার গোপিনী উঠুক শিহরি অন্তঃপুরে  
জাগুক পুন সে বিমলাশাস্তি হে বেণু তোমার নবীন সুরে ।





# ইষ্ট এণ্ড ওয়েষ্ট ইন্সিওরেন্স কোং, লিঃ

হেড অফিস :—ইষ্ট এণ্ড ওয়েষ্ট বিল্ডিংস, এ্যাপালো স্ট্রীট, বোম্বাই।

ইষ্টার্ন ইণ্ডিয়া

৩ ও ৪ নং, হেরার স্ট্রীট, কলিকাতা।

ডিভিশন ব্রাঞ্চ :—

## এই কোম্পানীকৃত ব্যবসার গতি বৃদ্ধি—

মুতন কাজ = ১৯৩২ সনে ১৯৩১ সন হইতে শতকরা ১৮ টাকা পরিমাণে বৃদ্ধিত। ১৯৩১ সনে ১৯৩০ সন হইতে শতকরা ৩৬ টাকা পরিমাণে বৃদ্ধিত।

১৯৩৩ সনে প্রথম ছয়মাসে, পূর্ববঙ্গের প্রথম ছয় মাস অপেক্ষা শতকরা ৫০ টাকা কার্যবৃদ্ধি হইয়াছে।

১৯৩৩ সনের ডিসেম্বর মাসের পর পুনরায় অ্যালুয়েশন হইবে এবং বীমাকারীগণ তাঁহাদের পলিসির উপর লাভের অংশ পাইবেন।

বর্তমান ইন্টারিম প্রফিট (লাভ) প্রতি হাজারে বাৎসরিক ১৫ টাকা। এই ডিসেম্বরের অ্যালুয়েশনের ফলে এই প্রফিট (লাভ) আরও বৃদ্ধি হইবার বিশেষ সম্ভাবনা।

এই কোম্পানীর প্রতিনিধিগণের বিশিষ্ট সুবিধাজনক সত্তাদির জ্ঞান নিম্ন ঠিকানায় আবেদন করুন :—


বি, মুখার্জী, জেনারেল সেক্রেটারী।

ইষ্ট এণ্ড ওয়েষ্ট ইন্সিওরেন্স কোম্পানী লিঃ। ৩ ও ৪, হেরার স্ট্রীট, কলিকাতা।

পূর্ববঙ্গ ও পশ্চিম বঙ্গের প্রতি জিলার জ্ঞান  
বিশ্বস্ত ও কর্মঠ এজেন্ট প্রয়োজন।  
মাসিক বেতন ও কমিশন দেওয়া হয়।



মাপনোশা  
সুজাত



বানবজ্ঞ

— কবিরাজ —

এন, এন, সেন এণ্ড কোং লিঃ  
কলিকাতা



# নাট্য সাহিত্য

— শ্রীমণীন্দ্রনাথ সিংহ বি, এস সি —

উইলিয়ম আর্চার নাট্য-সাহিত্য সম্বন্ধীয় একটি পুস্তকে লিখেছেন “যে কারণেই হোক ১৭২০ খ্রীষ্টাব্দ হ’তে ১৮২০ খ্রীষ্টাব্দ পর্যন্ত পাশ্চাত্য নাট্য-সাহিত্য ছিল ধসর মরুভূমির মতো এবং গোল্ডস্মিথ ও শেরিডানের রঙ্গনাট্য ছিল সে যুগের মরুদ্বীপ।”

শেরিডানের ও গোল্ডস্মিথ দু’জনেই ছিল আয়ারল্যান্ডের অধিবাসী কিন্তু দু’জনার জীবনের ধারা ছিল ভিন্নমুখী। গোল্ডস্মিথ পেয়েছিল প্রতিপদে বাধা ও দুঃখের প্রাচুর্য



শ্রীমণীন্দ্রনাথ সিংহ

আর শেরিডান পেয়েছিল সুখ ও সফলতার প্রাচুর্য। শেরিডানের রচিত নাটকগুলি অল্প আয়সেই রঙ্গমঞ্চে অভিনীত হ’য়েছিল কিন্তু গোল্ডস্মিথের নাটকগুলির সে সৌভাগ্য ঘটে নি। শেরিডানের যশঃ-শিখা জলে উঠবার সঙ্গে সঙ্গেই গোল্ডস্মিথের যশঃ-দীপ নিভে গেলো। সে যাই হোক নাট্য-রচনার খ্যাতি দু’জনেই পেয়েছিল প্রচুর পরিমাণে।

গোল্ডস্মিথ ও শেরিডান যেন এঁসেছিল প্রদীপের নিভে’ যাবার পূর্বের উজ্জলতম দীপ্তি নিয়ে, কারণ তাঁদের মৃত্যুর

পর যে অন্ধকার ছেয়েছিল পাশ্চাত্য নাট্য-সাহিত্যকে সে অন্ধকার বিদূরিত হয় নি এক শতাব্দী কাল।

মৃত নাট্য-সাহিত্যকে পুনরুজ্জীবিত করেন ইব্‌সেন ইব্‌সেনের জন্মভূমি নরওয়ে; কিন্তু তাঁর কর্মজীবনের অধিকাংশ সময় কেটেছে বিদেশে।

জীবনের প্রারম্ভে প্রায় ছয় বৎসর কাল ইব্‌সেন স্বদেশে “শ্রাশনাল থিয়েটারের” পরিচালক ছিলেন। সেই সময়ে তিনি অনেকগুলি নাটক ও তাঁর প্রথম সামাজিক বাঙ্গ-নাট্য “লাভস্‌ কমেডি” প্রকাশ করেন। শেষোক্ত নাটকটিতে তিনি জনসাধারণের নিন্দার পাত্র হ’ন। দুর্ভাগ্যক্রমে কিছুকাল পরেই “শ্রাশনাল থিয়েটার” দেউলিয়া হয়ে পড়ে; এই সব নানা কারণে ইব্‌সেন স্বদেশে জীবনযাপন তাঁর পক্ষে অসম্ভব ভেবেই জন্মভূমি পরিত্যাগ করেন ও প্রায় সুদীর্ঘ আটশ বৎসর প্রবাসে অতিবাহিত করেন। তাঁর কবি-প্রতিভা বিশেষভাবে সমাদৃত না হ’লেও ইব্‌সেনের কবিত্ব-শক্তি প্রচুর পরিমাণেই ছিল। “ব্যাণ্ড” “পীয়ার জীন্ট” এই দুই কবিতাই সে বিষয়ে সাক্ষ্য দেবে।

ইব্‌সেন ছিলেন স্বাধীনতার সমর্থক। “ডলস্‌ হাউস নাটকে পুরুষের অধীনতাপাশ হ’তে নারীর মুক্তির দাবী তিনি কোরেছেন। তিনি সামাজিক বা রাজনৈতিক প্রতিষ্ঠানকে শ্রদ্ধার চোখে দেখতেন না, কারণ তাঁর মতে এ গুলি হচ্ছে পূর্ণ স্বাধীনতার পথে বাধা। বিশিষ্ট মনীষি মতে, ইব্‌সেনের নাটকগুলি সম্পূর্ণ থিয়েটার-উপযোগী হ’লেও ফরাসী নাট্যকার জুইব বা সারডুর নাটকের মতে কলাসম্মত নয়। ফরাসী নাট্যকাররা নাটকের খিওরির দিকে লক্ষ্য রাখতেন বেশী কিন্তু ইব্‌সেন “খিওরির” সাহায্য নিয়েছেন ততটুকু, যতটুকু নাটকটি গড়ে তোলবার জন্য প্রয়োজন।

এ সম্বন্ধে বাদাম্বাদ যাই হোক না কেন, ইব্‌সেন



টাসাহিত্যে নবধারার প্রবর্তক এবং তাঁর নাটক রচনার গাঢ়তায় যে সম্পূর্ণ অভিনব ও সুন্দর সে বিষয়ে কোন মতবৈধ নই।

ইব্‌সেনের সমসাময়িক নাট্যকার স্টিগবার্গের টারচনার খ্যাতিও খুব কম নয়। শিল্পী এবং ভাবুক সাবে ইব্‌সেনের চেয়ে অনেক নীচে স্টিগবার্গের আসন। কিন্তু বিপরীত মতবাদী বোলেই সে যুগে তিনি ইব্‌সেনের সমকক্ষ হিসাবে প্রসিদ্ধিলাভ করেছিলেন। পূর্বেই বলেছি, ইব্‌সেন যেমন ছিলেন স্বাধীনতার সমর্থক, স্টিগবার্গ ঠিক তেমনই ছিলেন স্বাধীনতার বিপক্ষবাদী। স্বাভাবিক প্রতিকূলে পাড়ি দিয়ে ইব্‌সেন যে-খ্যাতি সে-যুগে জয় করেছিলেন, স্টিগবার্গের অকূলে পাড়ি দিয়ে স্টিগবার্গ এই খ্যাতিই সে যুগে অর্জন করেছিলেন। কালের কষ্টি-পথের তাই আজ নিরূপিত হয়ে গেছে কে ছিল উভয়ের মধ্যে শ্রেয়তর? স্টিগবার্গ পেয়েছিলেন তখনকার অন্যতম সমাজের সহানুভূতি আর ইব্‌সেন পেয়েছিলেন নিন্দা। সমাজ-প্রদত্ত এতখানি বৈষম্য দূর কোরে ইব্‌সেন যে স্টিগবার্গের সমকক্ষ নাট্যকার বোলেও পরিগণিত হয়েছিলেন, তা শুধু তাঁর অসাধারণ প্রতিভার বলে।

উভয়গণ্যতঃ স্টিগবার্গের সামাজিক জীবন বড় সুখের ছিল না—তাঁর তিন স্ত্রী তাঁকে পরিত্যাগ করেন। মনে হয়, এই কারণেই তিনি ঘোর নারী-বিদ্বেষী হয়ে পড়েন। তিনি নারীকে মানুষের মধ্যেই গণ্য কোরতেন না, তাঁদের স্বাধীনতার দাবী তাই তিনি উপেক্ষাই করেছেন।

গোল্ডস্মিথ এবং শেরিডানের মৃত্যুর পর ইংরাজী নাট্য-সাহিত্যের দুর্দশা হয়েছিল চরম। গোল্ডস্মিথ ও শেরিডানের মৃত্যুর প্রায় সত্তর বৎসর পরে আর আর্থার পিনারো নামক একজন নট কয়েকখানি উৎকৃষ্ট নাটক রচনা করেন। পিণ্ডেটের উপযোগী হিসাবে তাঁর নাটকের সমাদর আজো আছে এবং ইংরাজী নাট্যসাহিত্যে তাঁর দান চিরদিনই বিদিত হবে। সেই সময়ে সঙ্গীতবহুল নাটক রচনায় মিঃ জেন্স বিশেষ কৃতিত্ব প্রদর্শন করেন। তাঁর নাটকের

সুখ্যাতি অনেকেই কোরেছেন এবং এমন কি মেথিউ আর্লওয়ের মতো কূট সমালোচকও তাঁর নাটকের ভূয়সী প্রশংসা কোরেছেন। আর পিনারো ও মিঃ জেন্স, এই দুই নাট্যকার, ইংরাজী নাট্য-সাহিত্যকে সমৃদ্ধ কোরে গেছেন তাঁদের রচনার প্রাচুর্য্য এবং সুগম কোরে গেছেন পরবর্তী নাট্যকারদের অত্যাধুর্গম পথ।

তারপর ইংলণ্ডের নাট্যাকাশ দীপ্যমান হয়ে ওঠে যার অপূর্ণ প্রতিভার উজ্জ্বলতম আলোয় তিনি হোচ্ছেন মিঃ বার্নার্ড শ। শেরিডানের পর এতো বড় ইংরাজী নাট্যকার আর হয়নি। আশ্চর্য্যের বিষয়, গোল্ডস্মিথ, শেরিডান এবং বার্নার্ড শ, যারা ইংরাজী নাট্যসাহিত্যের অপূর্ণ বিকাশ দেখিয়েছেন, তাঁরা সকলেই জাতিতে আইরিশ। নাট্যকার হিসাবে প্রতিপত্তি লাভ কোরতে মিঃ বার্নার্ড শ'কে প্রচুর বাধাবিপত্তি অতিক্রম কোরতে হয়েছিল। তাঁর প্রথম অভিনীত নাটক সাধারণের প্রশংসা লাভ কোরতে পারেনি। নাট্যকার-রূপে তিনি সমাদৃত হন যখন তাঁর বয়স প্রায় পঞ্চাশ। এর পূর্বে অনেক নাটকই তিনি পুস্তাকাকারে প্রকাশিত কোরেছিলেন, কিন্তু তখনও পর্য্যন্ত মাত্র দু'একখানি ব্যতীত অধিকাংশ নাটকের রঙ্গমঞ্চের আলো দেখবার সৌভাগ্য ঘটেনি—এমন কি আজো তাঁর রচিত অনেক নাটক অনভিনীত অবস্থায় আছে।

মিঃ বার্নার্ড শ'র সমসাময়িক যুগে অপর যে সব নাট্যকার প্রসিদ্ধি লাভ করে মিঃ গল্‌স্‌ওয়ার্দি, মিঃ বার্কার, মসিয়ে ব্রায়ান্স, মিঃ শেক্স ও আর জেমস ব্যারি তাঁদের মধ্যে অন্যতম।

মসিয়ে ব্রায়ান্স সম্বন্ধে মিঃ বার্নার্ড শ' বলেন যে ইব্‌সেনের মৃত্যুর পর তাঁর শূণ্য সিংহাসনের দাবী কোরতে পারে একমাত্র মসিয়ে ব্রায়ান্স। উপরি উক্ত অধিকাংশ নাট্যকারদের নাটকীভূত বিষয় হোচ্ছে সমাজ ও তার সংস্কার-মূলক সমস্যা। মিঃ গল্‌স্‌ওয়ার্দির নাম এ-দেশে অজানা নয়। এঁদের মধ্যে আর জেমস ব্যারির খ্যাতিই সর্বাধিক এবং তাঁর মত :—



“জীবন সত্যই রহস্যপূর্ণ—কিন্তু জীবনকে যে বুঝতে শিখেছে মৃত্যু তার কাছে জীবনের মতোই রহস্যপূর্ণ।”

\* \* \* \*

পাশ্চাত্য নাট্য-সাহিত্য ও তার ক্রমবিকাশ (বিশেষ করে ইংরাজী নাট্যসাহিত্য) সম্বন্ধে এতো কথা বোললাম কারণ, ইংরাজী নাট্যসাহিত্যের সঙ্গে বাঙলা নাট্যসাহিত্যের যোগসূত্র আছে। বাঙলা রঙ্গমঞ্চ ও নাট্য-সাহিত্য গড়ে উঠেছে ভবত পাশ্চাত্য পদ্ধতির অনুসরণে। আমার মনে হয়, সভ্যতার বিকাশ বা ক্রমোন্নতি দেশ, কাল পাত্র ভেদে ভিন্ন না হোয়ে একটি রীতিই অনুসরণ করে। তাই ওদের উন্নতির পরিপন্থী যে সব বাধা দেখা দিয়েছিল এদেশেও পর্যায়ক্রমে সেই সব বাধা বিপত্তি আসবে; আর তার সমাধান হ'বে ঐ একই উপায়ে।

অস্বীকার করবার উপায় নেই, যে আমাদের নাট্যসাহিত্য দুর্বল ও দরিদ্র। কিন্তু সাহিত্যের অগ্ন্যন্ত ফেত্র কাব্য বা উপন্যাস ততো দুর্বল নয়। যদিও কাব্য ও উপন্যাস গড়ে উঠেছে অধিকাংশ ক্ষেত্রেই পাশ্চাত্য রীতি অবলম্বন করে। তবে আমাদের নাট্যসাহিত্যের অবিকাশের প্রকৃত কারণ কি?

আমাদের আধুনিক নাট্যসাহিত্যের জন্ম হয় ঊনবিংশ শতাব্দীতে। উত্তরাধিকার-সূত্রে প্রাচীন ভারতীয় নাট্যগ্রন্থ থেকে কোন আদর্শ সংগ্রহ করবার সৌভাগ্য না হওয়ায়, তদানীন্তন নাট্যসাহিত্যকে সৃষ্টির প্রেরণা সংগ্রহ কোরতে হোয়েছিল সমসাময়িক পাশ্চাত্য নাট্যসাহিত্য হ'তে। ছুরদৃষ্টক্রমে পাশ্চাত্য নাট্যসাহিত্য সে যুগে ছিল দুর্বল এবং অসার। ফলে জন্মগত অধিকার রূপে যে দৌর্ভাগ্য আমাদের নাট্যসাহিত্য পেয়েছিল, সে দৌর্ভাগ্য হ'তে মুক্তি সে আজো পেলো না। যে-সময়ে উপন্যাসকে বা কাব্যকে এইরূপ আদর্শ সন্ধান কোরতে হ'য়েছে, সে-সময়ে পাশ্চাত্য উপন্যাস বা কাব্য প্রচুর পরিমাণে সমৃদ্ধ ছিল। কিন্তু সৌভাগ্যবশতঃ কালক্রমে যখন পাশ্চাত্য নাট্যসাহিত্যে যুগান্তর এলো, তখনো এ দেশের নাট্যসাহিত্য-সেবীরা প্রাণপণে আঁকড়ে রইলো সেই অচল যুগের রীতি পদ্ধতি। হৃৎধের বিষয়

বিংশ শতাব্দীতে নাট্যরচনা কোরতে গিয়েও গিরিশচন্দ্র, ক্ষীরোদপ্রসাদ, দ্বিজেন্দ্রলাল প্রভৃতি সেক্ষপীয় নাট্যরীতি অনুসরণ কোরলেন। গিরিশচন্দ্র ও ক্ষীরোদপ্রসাদ যদি সমসাময়িক যুগের নাট্যপদ্ধতি অনুসরণ কোরে নাটক রচনা কোরতেন তবে বোধ হয় আমাদের নাট্যসাহিত্য একপ লক্ষ্যহারা হোত না। গিরিশ বা ক্ষীরোদ-প্রতিভার পক্ষে যা' সম্ভব ছিলো, প্রতিভা-বর্জিত নাট্যকারের প্রচেষ্টায় তা' সম্ভব নয়। ইদানীং কেউ কেউ ইবসেনীয় নাট্যরীতি অনুসরণ কোরে নাট্যরচনা কোরেছেন বটে, কিন্তু সেই সব নাটকের ভাবধারাও সঙ্গে সঙ্গে হ'য়ে উঠেছে সম্পূর্ণ বিদেশী। তাই সমাদর তারা পেলো না। অনুসরণের ব্যর্থ প্রয়াসে কোন সফল হ'বে না। পাশ্চাত্যের রীতি পদ্ধতির সঙ্গে প্রাচ্যের ভাবধারার সুসামঞ্জস্য থাকা চাই। আধুনিক নাট্যকারের লক্ষ্য থাকা চাই আজকের বাঙলার প্রধান সমস্যা কি এবং তার সমাধান কি? নাটকের বিষয় হওয়া চাই সম্পূর্ণ আধুনিক আর তা'র সঙ্গে থাকা চাই নবতম রীতি পদ্ধতি।

রীতি পদ্ধতি নিয়ে কথা উঠতে পারে যে এ বিষয়েই বা অনুসরণ স্পৃহাকে প্রশ্রয় দেওয়া হ'বে কেন? আমাদের নাট্যসাহিত্যের রীতি পদ্ধতি কেনই বা হ'বে বৈদেশিক? এ সম্বন্ধে বোলতে চাই যে আজ পর্যন্ত আমাদের নিজস্ব কোন পদ্ধতি গড়ে ওঠে নি। সম্পূর্ণ এদেশের উপযোগী বিভিন্ন পদ্ধতি গড়ে তোলাবার মতো শক্তিমান নাট্যকার কোথায়? আর একটা কথা রীতি বা পদ্ধতিতে আদর্শ প্রদানের প্রচলন চলে আসছে যুগ যুগ হ'তে। এবং সেই পদ্ধতি অবলম্বন কোরে যখন আমাদের অগ্ন্যন্ত সাহিত্য এতো দ্রুত উন্নতি কোরতে পেরেছে তখন সেই রীতি পদ্ধতি অনুসরণ কোরে আমাদের নাট্য-সাহিত্যই বা উন্নতি কোরতে পারবে না কেন? আসলে গলদ হোচ্ছে নাট্যকারদের সৃষ্টি-শক্তির অভাব।

\* \* \* \*

বাঙলার প্রথম মুদ্রিত ও অভিনীত নাটক হোচ্ছে রামনারায়ণ তর্করত্ন প্রণীত “কুলীন কুল-সর্বস্ব”। সম্রাট



এর পূর্বের রচিত এবং মুদ্রিত নাটকের সন্ধান পাওয়া গেছে, কিন্তু তাদের অভিনয়ের কোন ইতিহাস পাওয়া যায় না। তাই “কুলীন কুল সর্বস্ব” প্রথম অভিনীত নাটক হিসাবে সৌভাগ্যের দাবী আজো করে। এর পর, বিষদ আলোচনা করে প্রবন্ধের দৈর্ঘ্য বাড়াতে চাই না। তবে, এর পর যাদের নাটক রঙ্গমঞ্চে অভিনীত হ’য়ে গেছে, মাইকেল, দীনবন্ধু, গিরিশচন্দ্র, অমৃতলাল, ক্ষীরোদপ্রসাদ, দ্বিজেন্দ্রলাল, অপরেশচন্দ্র প্রভৃতি তাঁহাদের মধ্যে গ্যাতি মর্জুন কোরেছেন।

আমাদের নাট্য সাহিত্যের ছরবছর কথা স্মরণ করলেই মনে হয় যে শৈশবাবস্থা আজো সে অতিক্রম করেনি। আমাদের নাট্য-সাহিত্যে গৈরিশ যুগের সঙ্গে রাজী নাট্য-সাহিত্যে গোল্ডস্মিথ যুগের একটা সামঞ্জস্য আছে বলেই মনে হয়।

ইংলণ্ডের সে যুগের শেরিডান ও গোল্ডস্মিথের প্রতিভার আলোর মতোই বাঙলার অরুণা অন্ধকারাচ্ছন্ন নাট্যসাহিত্যে উদ্ভাসিত হ’য়ে আছে গিরিশচন্দ্র ও ক্ষীরোদপ্রসাদের প্রতিভার আলোয়। শেরিডান ও গোল্ডস্মিথের মৃত্যুর পর, পাশ্চাত্য নাট্য-সাহিত্যের যে দুর্দশা ঘটেছিল গিরিশচন্দ্র ও ক্ষীরোদপ্রসাদের মৃত্যুর পর আমাদের নাট্য-সাহিত্যে সেই দুর্দশারই সূচনা হোয়ে গেছে।

\* \* \* \*

বাঙলার এই মৃতপ্রায় নাট্য-সাহিত্যকে পুনরুজ্জীবিত কোরতে পারে হয়তো ও-দেশীয় ইব্‌সেনের মতো প্রতিভা-সম্পন্ন কোনো নাট্যকার। জানি না, এই ধীসম্পন্ন বাঙলার নাট্যকারের আবির্ভাব হ’বে কবে?—শত বর্ষের অপেক্ষার পর কিম্বা অদূর ভবিষ্যতে?

—\*—



স্বাদে, বর্ণে, গন্ধে জগদ্বিখ্যাত  
দেশবাসীর দ্বারা প্রস্তুত  
সদ্য বাগান হইতে আনীত

**মিলটনের চা**  
পান করুন



**উচ্চ কর্মশানে এবং বেতনে সর্বত্র এজেন্ট আবশ্যক।**

**মিলটন হাউস।**

**সেল অফিস:-**  
৩৪৮ নং অপার চিংপুর রোড  
(বিডন বাগানের পশ্চিম)

**হেড অফিস:-**  
৪৩-১, ষ্ট্রাও রোড,  
কলিকাতা

**এবার পূজায়**

প্রতি এক পাউণ্ড

**চাষের**

ক্রেতাগণকে

একটি মূল্যবান

উপহার

বিতরিত হইবে।

আপনাদের

পদধূলি

**একান্ত প্রার্থনীয়**

শাখা :- ৩৪৮, অপার চিংপুর রোড, বিডন পার্ক  
৩৩, ফারিসন রোড, (আমহাট জংগন) ৭৪-১, ক্লাইভ স্ট্রিট,



# মমতাজ

শ্রীকনকলতা ঘোষ

কি প্রেমে সম্রাটে মুগ্ধ করেছিলে তুমি মমতাজ ?

বিশ্বয়ে বিমুগ্ধ মোরা তাই ভাবি আজ ।

রাজকীয় ভালবাসা কত নারী পায়

সহসা আসিয়া তাহা হৃদিনে মিলায়,

সে শুধু রূপের মোহ সৌন্দর্য্য বিলাস

মুহূর্ত্তে আগত প্রেম অকুরে বিনাশ ।

চিরদিন এই লোকে জানে

রাজা বাদশার প্রেমে মিথ্যা বলে মানে,

কিন্তু তুমি মহীয়সী তাজ

যে প্রেম লভিয়াছিলে সত্য তাহা অতি সত্য

কত প্রেম তার কাছে আজো পায় লাজ ।

সম্রাটের প্রাণভরা উচ্ছ্বসিত প্রেম

তোমাতে আশ্রয় করি

পেয়েছিল সত্যের সন্ধান,

প্রেম যথা সত্য তথা প্রেমিক প্রেমিকা

এক আত্মা এক মন প্রাণ ।

ধন্য তুমি সম্রাজ্ঞী মমতাজ—

একথা বুঝিয়ে ছিলে নিজ প্রাণ দিয়া

সত্য প্রেম লভেছিল সাজাহান রাজ

তোমার নিকটে

বেঁধেছিলে পবিত্র প্রণয় ডোরে ভারত সম্রাটে ।

ধন্য তুমি রাণী

সার্থক জীবন তব ধন্য তব পরিহাস বাণী ।

তুমি যবে ধরা হতে লইলে বিদায়

প্রতিশ্রুতি নিয়ে এক অপূর্ব্ব সুন্দর

পরিহাস ছলে,

প্রণয় পরীক্ষা তায় হইল রাজার

জয়ী হল সম্রাটের সত্যপ্রিয়ী প্রেম

তব প্রেম স্পর্শ লভি হৃদয়ের তলে ।

সপ্তদশ বর্ষ ধরি বিশ হাজার লোক

পৃথিবীর সপ্তাশ্চর্য্য সমাধি মন্দির তব

করিল রচনা সেই মমতাজ-মহল,

সাজাহান সম্রাটের শোক অশ্রুজল ।

পবিত্র মিলন-স্মৃতি রাখিল উজ্জল

তঁাহার—তোমার

রহিল অমর হয়ে প্রেম দুজনার

এ মর ধরায় ।

তার পর কত কাল গেছে চলে

বিস্মিত জগতবাসী মুগ্ধ চক্ষে চায় আজো

শ্রদ্ধাভরে করে নমস্কার

ভাবে মনে ধন্য সেই প্রেমিক প্রেমিকা

যাহাদের প্রেম—

মর্ম্মর পাষাণে করে প্রাণের সঞ্চারণ ।

রাজ্ঞী মমতাজ—

অতীতের শুনি ইতিহাস, সাক্ষী দেয় আগ্রার “তাজ,”

গৌরবে পুলকে হর্ষে তোমাতে স্মরণ করি আজ ।

স্বামীকে জিনিয়াছিলে আপনাকে বিলাইয়া দিয়া

তাই হয়েছিলে তাঁর অন্তরের দেবী

জীবনে মরণে চির প্রেমময়ী প্রিয়া ।

স্মৃতির সন্মান তব, “তাজ”

করিয়াছে প্রেমময় স্বামী, প্রতিশ্রুতি করেছে

পালন মহারাজ ।

এই সত্য যুগে যুগে রহিবে জাগিয়া

কালের অতল গর্ভে মিথ্যা সব যাবে তলাইয়া

যতদিন রবে হেথা প্রেমের সন্ধান

তোমরা উভয়ে রবে প্রত্যক্ষ প্রমাণ,

আদর্শ হইয়া রবে তোমাদের প্রেম

যার কাছে মান জ্যোতিঃ মণিময় “সিহাসন হেম ।”

কত ব্যর্থ প্রেমিকের নয়নের জল


হতাশার তপ্ত দীর্ঘশ্বাস

অর্ঘ্যরূপে লভিতেছে নিশিদিন মান

প্রেমের গৌরবে পূর্ণ “সমাধি-মন্দির” তব

“মমতাজ-মহল” ।





# মিট মাট

= শ্রীগিরিজা কুমার বসু =

ভাই পদ্মা,

তুমি ঠিকই লিখেছ। আমার হার হ'য়েছে। একদিন নী-র জন্তে তোমাদের ওখানে যেতে চাইনি। আজ তারই জন্তে সেই জায়গায় যাবার জন্তে মন উন্মথ হ'য়ে উঠেছে। তোমার একটা কথা কিন্তু ভুল। আমি রাগ ক'রে যেতে গাইনি, তা নয়—নী-র প্রতি একান্ত অমুরাগ বশতঃই গাইনি। ইতি—তোমার ছো...দা।

শ্রীচরণেশ্ব,

ছো...দা, আপনার চিঠি পেলুম। একটা কথা জানতে চাইছি ক'রুছে ব'লবেন কি? আমাদের প্রতি সদয় হ'য়ে যে আপনি আসছেন না, আসছেন মেজ্‌দির টানে তা জানি। কিন্তু অল্পদিনের মধ্যে আপনার এই পরিবর্তনের কারণটা ব'লতে পারছি না। ইতি—স্নেহের পদ্মা।

ভাই পদ্মা,

পরিবর্তন কিছুই আমার হয়নি। নী-কে তোমাদের সকলের চেয়ে বেশী ভালোবাসি এবং সেও সব চেয়ে আমাকেই ভালোবাসে এ-কথা তোমরা বরাবরই জানো। তোমরা আমাকে বার বার ক'রে আহ্বান ক'রেছিলে। আমি তার উত্তরে তোমাদের জানিয়েছিলুম যে আমি কিছুতেই যাবো না, যাবার বিশেষ বাধা আমার আছে। কি বাধা তাও ব'লেছিলুম। তোমাদের এই সোজা কথাটা বারবার মতো বুদ্ধি ছিল না যে নী-র আহ্বান পাবার অপেক্ষাতেই আমি ছিলাম। ইতি—তোমার ছো...দা।

শ্রীচরণেশ্ব,

ছো...দা, বুঝলুম। মেজ্‌দি নিজে যাওয়ার কলে, আপনার সব মান অভিমান চুকে গেছে। আমরাও তো ওখানে ছিলাম। ক'টা কথা আমাদের সঙ্গে ক'রেছিলেন?

ভালোবাসার কম বেশী আছে তা যদি মানতেই হয়, একজন ডাকেনি ব'লে, আমাদের সকলের আমন্ত্রণকে আপনি তুচ্ছ ক'রেছেন, এটা যে বড্ডো বাড়াবাড়ি, তাও মানতে হবে। ইতি—স্নেহের পদ্মা।

ভাই পদ্মা,

তোমরা এখানে ছিলে। আমার পক্ষে, নাম মাএ। তুমি আর তোমার দিদি দিনরাত গল্প-উপকাসের বইতে মুখ গুঁজড়ে প'ড়ে থাকতে। ভালোবাসা বা কৃতজ্ঞতার কথা তুলছিই না কিন্তু ভদ্রতা ব'লে যে একটা জিনিস আছে তা তোমাদের কেউ শেখায়নি। নী-ও বই প'ড়তো খুব, কিন্তু বইকে সে আমার চেয়ে মনোযোগ-যোগ্য ব'লে কখনো ভাবেনি। তার বোন্‌ যে তোমরা সে কথা মনেই হয় না। ইতি—তোমার ছো...দা!

শ্রীচরণেশ্ব,

ছো...দা, যে যারে দেখতে নারে সে হেরে তার চলন বাঁকা। একদিন ব'লতেন “নী-র রকমটা কি? একখানা চিঠি লেখে না, চিঠি লিখলে জবাব দেয় না, আদব কায়দা কি কিছু সে জানে না? আর আজ যুঝতে ফিঝতে “তোমার মেজ্‌দির কাছে থেকেও তোমরা এমন অসত্য হ'লে কেন? ‘নী-কি চমৎকার ক'রে কথা বলে’, ‘নী-না থাকলে এক দণ্ডও কোনোখানে থাকা যায় না।’ আপনার নী-নয় নারী-কোহিনুর, আমরা তা ব'লে টিন বা রাঙতা নেহাৎ নই। ইতি—স্নেহের পদ্মা।

ভাই পদ্মা,


লক্ষীটি, মেজ্‌দিকে হিংসে করোনা। বিধাতা তোমাদের সবার চেয়ে রূপে, গুণে তাকে শ্রেষ্ঠ ক'রে গ'ড়েছেন—সে জন্তে তাকে তো অপরাধী ক'রতে পারো না। আর, সকলকে



সমান কেউ ভালোবাসতে পারে না। সব ছেলেমেয়েকে সমানভাবে মা-ও ভালোবাসতে পারেন না। যে মা বলেন তিনি তাঁর ছেলেমেয়েদের সবাইকে একই রকম ভালোবালেন, তিনি মিথ্যা কথা বলেন। ব'ল্বে, মহাপ্রভু তা'হলে বিশ্বজনকে প্রেম দিতেন আর দিতে ব'লতেন কি ক'রে? মহাপ্রভু সবাইকে প্রেম দিতে ব'লেছিলেন, সত্যি—কিন্তু ঠিক সমান দিতে ব'লেছিলেন, এ কথা জানি না। তা ছাড়া মহাপ্রভু পড়েন দেবতার পর্যায়ে, আমাদের মাপকাঠিতে তাঁকে মাপো না। ইতি—তোমার ছো...দা।

শ্রীচরণেষু,

ছো...দা, আপনার সঙ্গে তর্ক ক'রবার শক্তি আমার নেই। আপনি তো ব'লতে চান যে মেজ'দিকে, যারপর নেই। আপনি ভালোবাসবেন এবং আমরা যেন ছিটে ফেঁট পেয়েই খুসী থাকি? তাই হোক। আপুনা হ'তে য পাওয়া যায়, তাই ভালো। ভিতারীর বৃত্তি গ্রহণ ক'রবো না। ইতি—স্নেহের পদ্মা।




গিনি স্বর্ণের  
অলঙ্কার-নির্মাণ

# সুর ব্রাদার্স এণ্ড কোং


পান কম দেওয়া  
আমাদের বিশেষ

২০৮৪, কর্ণওয়ালিস স্ট্রীট, কলিকাতা


—দেশব্যাপী অর্থসঙ্কট-হেতু বর্তমানে সমস্ত জিনিষের মজুরী কম করা হইয়াছে—



১। এনগ্রেভ শাঁখা—হাতীর দাঁতের শাঁখার উপর গিনি সোনার এনগ্রেভ পাত মোড়া দেখতে বেশ ক্যান্সি ও মজবুত। মূল্য প্রমাণ ১৭৮ মাঝারি ১৫০, ছোট ১৩



২। সোনার মুখ তারপ্যাচ বালা—হস্তিদন্তের ফ্রেমে সোনা জড়ানো ও সোনার হাড়র মুখ দেওয়া। মূল্য প্রমাণ ২৭০০ সস্তা হইলে—২৩০০।



৪। আংটি, মূল্য ১৫৮ ৩। ইয়ারিং ১৩৮ হইতে উর্ধ্বে।  
টাকা হইতে উর্ধ্বে।

৫। আংটি ১৫৮  
হইতে উর্ধ্বে।




বিশেষ টুটুয়া—এতদ্ভিন্ন বাবতীর সোনার গহনা, জড়োয়া গহনা ইত্যাদি বিক্রয়ার্থে প্রস্তুত থাকে। অর্ডার দিলে অতি অল্প সময়ে যত্নের সহিত সাপ্লাই করি। প্রত্যেক জিনিষের সহিত গ্যারান্টি দিয়া থাকি, ব্যবহারান্তে পানমরা বাহন দিয়াই আমাদের জিনিষ গিনি সোনার বাজার দরে ক্রয় করি। মকঃবলে ভিঃ-পিতে মাল পাঠাই। ৮০ আনার ট্রান্সপসহ পত্র লিখিলে সচিৎ বৃহৎ ক্যাটালগ পাঠাইয়া থাকি।



# উপসংহার

বন্দে আলি মিয়া—

অখিল বাঁড়ুয্যে যে একদিন দেশের বড় একটা নেতা বা আর কিছু হবে এবিষয়ে কোনই সন্দেহ ছিল না। দিনাজপুর জেলায় ধরাইল গ্রামে তার বাড়ী। স্কুলে থার্ড ক্লাসে যখন পড়ে তখন হ'তেই স্বদেশী লোকের সাথে মেলামেশা আরম্ভ করে। বাড়ীতেই এক আখড়া তৈরী করে'—বাঁশের



বন্দে আলি মিয়া

প্যারালাল্ বাবে ব্যায়াম করে' শরীরের উন্নতি করলে! বৃকের ছাতি চল্লিশ ইঞ্চি। মাথার চুল আগে পাছ সমান ছাঁটা। খন্দর পরে, জুতা পায়ে দিত না। তার জীবনের মূল মন্ত্র—ভারতের স্বাধীনতা লাভ। যার জন্য চাই ব্যায়ামসমিতির পস্তন এবং স্বদেশিতার বীজ ছড়িয়ে দেয়া—গ্রামে গ্রামে প্রতি বাঙ্গালী নরনারীর তরুণ প্রাণে। তার আলমারীতে জমা হচ্ছিল যতরাজ্যের স্বাধীনতা প্রচেষ্টার বই। অখিল নিজের আত্মশক্তিতে বিশ্বাস করতো—এবং দেশের জন্য একটা কিছু করে যাবে প্রাণ দিয়ে শক্তি দিয়ে; দেশ জননীর বেদী যুগে... প্রভৃতি কতো কি ভাবতো বসে বসে।

ম্যাট্রিক পাশ করে অখিল কলকাতা বঙ্গবাসী কলেজে এসে ভর্তি হলো—কিন্তু সভাসমিতি বক্তৃতা প্রচার-কার্য ইত্যাদি নিয়ে এত মেতে গেল যে পড়াশুনায় তার মন বসে না।

কিছুদিন পরে এলো স্বদেশী আন্দোলনের বন্যা। দেশের নেতারা কাজে নেমে গেলেন। কি ভাবে নাম করা যায় সেজন্য অনেকেই নিজের নিজের দল পাকিয়ে ফেলেন। খবরের কাগজে একদলের নেতা অন্য দলের নেতাকে গালাগালি দিয়ে নিজের খ্যাতিবৃদ্ধি করতে লাগলেন। তরুণ আর তরুণীর দল কলকাতার মহল্লায় মহল্লায় স্বদেশী প্রচারে মন দিলে।

একদিন একদল কাঁচা পাকা বয়সের কতকগুলি স্কুল কলেজের মেয়েছেলে নিয়ে আলীপুর কোর্টের উকিল গোকুল সেন গোলদীঘীর পারে সভা করে বক্তৃতা করতে লাগলেন মর্ম্মস্পর্শী, জালাময়ী ভাষায়—“এস এস ভাইবোন এস তরুণ আর তরুণী, দেহ প্রাণ—চাই মুক্তি, মোচন কর দেশ-মার শৃঙ্খলভার।” স্কুল কলেজের ছাত্রদের ভিড়ে বক্তৃতার জালাময়ী ছন্দে ও উত্তাপে আসর গরম হয়ে গেল, ঘন ঘন বন্দে মাতরম্ আর শহায়া গান্ধীর জয়ধ্বনি হতে লাগল.....তিন চারটি মেয়েও বক্তৃতা দিলে। পাকা উকিল চতুর স্বদেশীনেতা নগ্নপদে হাঁটু পর্যন্ত আট-পোরে খন্দর পরে খালিগায়ে একটি বেঞ্চের উপরে দাঁড়িয়ে একবার গম্ভীরভাবে চারিদিকে লক্ষ্য করলেন। তরুণ তরুণীরা স্বেচ্ছাসেবক বাহিনীতে নাম দিতে লাগল। আমাদের অখিল বাঁড়ুয্যের মন গোকুল সেনের বক্তৃতায় প্রক্কা ও ভক্তিতে আত্মতৃপ্ত হয়ে উঠলো। সে লাফ দিয়ে বেঞ্চে উঠে সপ্তমে স্বর চড়িয়ে আরম্ভ করলে—“এস মোর ভাইবোন; মার ডাকে দাও সাড়া, আমরা আজ কুকুরের চেয়েও হীন” ইত্যাদি বলে সে একটা বই বের করে রাশিয়ার বিপ্লব সম্বন্ধে অনল উদ্দীপকী বক্তৃতা দিলে। শ্রোতারা ঘন ঘন করতালি আর হর্ষধ্বনি করতে লাগল। গোরবে প্রশংসায় অখিলের মুখখানা লাল হয়ে উঠল।

গোকুল উকিল কী ভেবে অখিলের 'পর আকৃষ্ট হয়ে তাকে সঙ্গে করে বাড়ী নিয়ে গেলেন। রাত্রে ত্রিশ চল্লিশ জন যুবক এবং গুটি পঁচিশ মেয়ে এসে জমল। গোকুল বাবু বললেন, “দেখ আমি অনেক বক্তৃতা যাবৎ স্বদেশী ক'রে আসছি, ছেলে মেয়েদের মুখ দেখেই বলতে পারি—কার ক্রিয়াকর্ম্মপ্রচেষ্টা, শক্তি প্রাণসম্পন্ন আছে। আমার বিশ্বাস তোমার দ্বারা অনেক কাজ হবে। তবে দেখ বাপু শুধু কাজ করেই যাবে আর একটা পুরস্কার পাবে না, এ আমি



সহ করতে পারি না। আমি আর তেমন বড় কি একটা মেতা, দেশের যারা প্রধান প্রধান পাণ্ডা—তঁরাই দেখু নাম করতে চায় আগে;—যার তরে অবৈধ উপায়ে কত কীর্তি করেন। কানভ্যাসিং, শ্রেফ, কানভ্যাসিং! কাগজে ঘরের কুৎসা প্রচার করা।... আর ঠ্যা রাজনীতি! এর মধ্যে নেই সাধুতা, ধর্ম, নীতির ঐক্য! যার যখন খুসি ইচ্ছামত সুর বদলাতে পারে নিজের মতলব হাসিল করবার জন্ত।”

অখিল মুখ নীচু করে বললে—“আজ্ঞে যা বলছেন সত্যি; কিন্তু কথা হচ্ছে—আমার আদর্শ তা নয় কাজ করে যাব। মা'র মুক্তির জন্ত বৃকের রক্ত পর্যন্ত দেবো। অন্যায়কে সহ করতে পারব না।” একটু চুপ করে থেকে গোকুল বাবু বললেন—“ওঃ বুঝতে পারলুম তোমার অবস্থা। আচ্ছা বেশ, এখন থেকে তুমি আমার বাড়ীতেই থাক—তোমার দ্বারা আমার অনেক কাজ হবে। ভাল কথা; তুমি বোধ হয় প্যারেড্ ড্রিল্ এসব জানো?... বেশ তাহলে আমিও একটা লেডি ভলেন্টিয়ার লীগ গঠন করব,—তুমি হবে এর মেজর। আমাদের একটা মেজর পোষাকও আছে; কাল সেটাই তোমাকে দেয়া যাবে।”

একটু পর মহিলা সমিতির সম্পাদিকা কুন্তলা দেবী এসে হাজির হলেন। বললেন—“নমস্কার গোকুল বাবু, এইমাত্র আপনার চিঠি পেয়ে এলুম।”

কুন্তলা দেবী বাল-বিধবা। বয়স চব্বিশ পঁচিশ, তবে দেহে এখনো লাবণ্য আছে। যৌবন যেন স্থির হয়ে রয়েছে। একটু ঢেউ লাগলেই যে আবার কুলকুল করে উজ্জল হয়ে ছুটেতে থাকবে—এ বিষয়ে কোন সন্দেহ নাই। গোকুল বাবু চায়ের বাটীতে চুমুক দিয়ে বললেন—“আমার ইচ্ছা কি জানেন? আপনি হাতীবাগান কংগ্রেসের সভানেত্রী হন,—আমি সহকারী থাকব। কারণ, চাঁদা তুলতে গেলে মেয়েছেলে না হ'লে সন্নিধি হয় না। আপনার উপরেই ভর রইল, পাড়ার স্কুল কলেজের মেয়েদের রিক্রুইট করা। মানে কথা হচ্ছে আমি না হয় বক্তৃতা মধ্যে দাঁড়িয়ে লম্বা বক্তৃতা দিতে পারি কিন্তু অন্যর মহলে ঢুকে মেয়েদের মাঝে প্রোপাগান্ডা করা অসম্ভব। সেই যে জমিদার গিন্নী

হেমবালা দত্ত—বুঝলেন? খুব টাকা আছে। কালকে একবার যাবেন? যদি হাত করা যায়—আর যদি বলচি কেন হাত করাই চাই, নইলে আমাদের চলবে কেন? টাকা নইলে কংগ্রেস চলবে না, স্বেচ্ছাসেবক-সেবিকাদের খরচ যোগান চাইতো? অথচ, নিজের গাঁট হ'তে দেবার মতন শক্তি আমার নেই। এর আগে দুবার লোকমান দিয়েছি—আর নয়। তবে মুশ্কিল হ'য়েছে নবীন চক্ৰোত্তীকে নিয়ে। সেই আমার বদনাম গেয়ে বেড়ায়।”

কুন্তলা দেবী বললেন—“কোন নবীন চক্ৰোত্তী? ওই যে মুনসেফ কোর্টের উকিল? সে যে এখন মস্তবড় দেশ-নাযক! রোজ রোজ কাগজে তার প্রশংসা বের হচ্ছে।

গোকুলবাবু মুখ বিকৃত করে বললেন—“তা হবে না কেন, পয়লা নম্বর ম'কার ভক্ত, বেঙ্গাদের নিয়ে চাঁদা তুলে বেড়ায়,—আর পিকেটিং করে?—সেকী পারতো, শুধু বউটাকে তালিম দিয়ে ঠিক করে প্রথম প্রথম সভা-সমিতি করতো। মেয়েলোকের স্টোলের লাড়া—তুচারটা কথা যাই ফুটত, শ্রোতার দল মুগ্ধ হ'য়ে হাততালিতে সভা গরম করে তুলত।... তাইতো আমিও বলছি আপনি আমার সহায় হ'ন—জ'জনার সহযোগে একটা চমৎকার বস্ত্র গড়ে তুলব।”

\* \* \* \*

অখিল অতঃপর হাতীবাগানে গোকুল উকিলের বাড়ীতেই আস্তানা গাড়লে। দু'তিন বেলা ব্যায়াম করে খাওয়া-দাওয়া হয় খুব ভাল। স্বাস্থ্যের উন্নতি হ'তে লাগল তার চেহারা স্বভাবতই সুন্দর—যাকে বলে সুপুরুষ; বয়স একুশ বাইশ—তার উপর এতদিন সে দস্তুর মত কৃচ্ছ সাধন করে ব্রহ্মচর্য রক্ষা করে এসেছে। নিরামিষ, হবিষ্কার ভোজন আচার আচমন, ভোরবেলা স্নান সন্ধ্যা—রাত্রে খালি কক্ষ পেতে শোয়া ইত্যাদি! অর্থাৎ সে কামিনীকানন উপেক্ষা করে চলাই যৌবনের ও জীবনের চরম সার্থকতা মনে করে আসছে। এখন তার বৃকের মাপ চুয়াল্লিশ ইঞ্চি—মস্তব্য ফিগার। বাড়ীর উড়ে চাকরটা ভোরবেলা আধপোয়াটা কাঁচা সরষের তেল সর্ব্বাঙ্গে ডলে দেয়। লেডী ভলেন্টিয়ার লীগে পঞ্চাশজন সৈনিকা নাম দিয়েছিল—এর মধ্যে চব্বিশ




স্কুল কলেজের বালিকা ও যুবতী, কেউ বা যুবতী আখ্যা প্রাপ্তির বাহিরে। মানে পঁচিশ বছরের পর বাংলার মেয়েদের যৌবন থাকে না। বিশেষ তথা কলেজ প্রভৃতি মেয়েদের বি, এ, পাশ দিতে দিতে দেহে আর কিছু থাকে না। এর বাকী দশজনের মধ্যে চারজন বালবিধবা, একজন মিশট্রেশ পাচজন কুলবধু। তিন হাত লম্বা বাঁশের লাঠী এল, থাকী খন্দরের মিলিটারী পোষাক, ইত্যাদি কিছুই বাদ গেল না। কতগুলি ঘোঁড়া খাওয়ার অভাবে মৃতপ্রায় হ'য়েছিল, গাড়োয়ান বেচারীরা কিছু কিছু পেয়ে গোকুল উকিলের কাছে ভাড়া দিলে। একটা মিলিটারি ব্যাণ্ড হ'লো—মেয়েরাই বাঁশী, ঢাক, করতাল বাজিয়ে প্রাণে স্পন্দন ছুটাতে লাগল—“আর কারে করি ভয়, বল জয় জয় জয়।” অখিল ঠাডুঘো দিনরাত খেটে খেটে মেয়েদের প্যারেড শেখাতে লাগল। লেফ্টে, রাইট, লেফ্ট রাইট, কুইক মার্চ, হন্ট—থাকী খন্দরের ইউনিফর্ম—বুকের হাতকাটা ইউনিফর্ম, গানে হাফ প্যান্ট—বুকের উপর বুলানো ব্যাজ, ভারতমাতার বি, ত্রিবর্ণ রঞ্জিত পতাকা। অখিল সন্মোচ বোধ করে

মেয়েদের হাত, গলা, পিঠ, পা—ইত্যাদি স্থান স্পর্শ করতে। অথচ না করলেও চলে না, ড়িল শেখাতে হবেই। দেশের জন্য এরা আত্মোৎসর্গ ক'রেছে। প্রয়োজন হ'লে এরাই হাসিমুখে করবে মরণকে আলিঙ্গন। কখন কখন অখিলের রাগ হয়, এত ব'লেও এদের মনে থাকে না।

সেদিন ভোরবেলা মার্চ আরম্ভ হ'য়েছে—পাশের একটা পোড়ো বাড়ীতে। একটা মেয়ে—নাম তার অম্পমা, বেগুনে পড়ত প্রথম শ্রেণীতে। বয়স মোল সতেরো;—এই লীগের মধ্যে সেই সবচেয়ে সুন্দরী। কিন্তু ড়িল সে একটুও শিখতে পারলে না। মেজর অখিল ঠাডুঘো পোষাক প'রেছে—পায়ে মিলিটারি বুট, মাথায় হ্যাট, মাটের বুকে একশো কার্তুজের ঘর, কোমরে সোর্ড ঝোলানো। বাঁশী ফুংকার করতেই মেয়েরা ব্যাণ্ড-বাত্ত আরম্ভ করলে। তার তালে তালে বুকের রক্ত চাঙ্গা হ'য়ে নাচতে লাগল—গানের মাঝখানে হঠাৎ অখিল গিয়ে অম্পমার শরীরে খব জোরে একটা ঝাঁকানি দিলে। এতদিনে কি শিক্ষা হ'লো!...অখিলের কম্পিত আঙ্গুলের

## শীকারের সময় আগত প্রায়



বন্দুকাদি ক্রয়কালে  
সুশ্রুততা, উৎকর্ষতা  
ও প্রাচুর্যের জন্য

আমাদের দোকানে  
পদার্পণ করুন,  
কিষা পত্র লিখুন।

## নরসিংচন্দ্র দাঁ এণ্ড কোং

= বন্দুক বিক্রেতা =

৯, ড্যালহাউসী স্কোয়ার ইষ্ট  
কলিকাতা

ব্রাঞ্চ :—রাণীগঞ্জ  
বর্ধমান ( ই, আই, আর )



গাঢ় নিপীড়নে অল্প ফিক্ ক'রে একটু হেসেই লজ্জায় মুখটা নীচু করলে।

\* \* \*

মেজর অখিল বাঁধুঘো ভোরবেলা উঠেই মেয়েদের মার্চ করায়। সেই হাতীবাগান লেডিজ্ লীগ গড়ের মাঠে মার্চ করতে করতে চলল। সবাকার আগে আগে মেজর বাঁধুঘো—পিছনে কলেজের মেয়ে সৈনিকার দল...তারপর গোকুল উকিল ত্রিবর্ন রঞ্জিত কংগ্রেস পতাকা আকাশে উড়িয়ে চললেন। গোকুল উকিল বললেন—“চল একবার পতিতা পল্লীর ভিতর দিয়ে মার্চ করা যাক।”

তারা সোনাগাছির পথ দিয়ে মিলিটারি বাজনা বাজিয়ে চলল। পতিতার ছুটে এলো—কেউ কেউ বারান্দার উপর হ'তে লাজ ও পুষ্প বরিষণ করতে লাগল। গর্বে আনন্দে গোকুল উকিলের চক্ষু উজ্জ্বল হ'য়ে উঠল।

গড়ের মাঠে আরো তিন চারিটি দল মার্চ ও কুচকাওয়াজ করছিল। একটি হ'লো নবীন চক্কোস্তীর। নবীন চক্কোস্তীর সেনাবাহিনীতে ফুলবাগানের আসমানতারা সানাই ফুঁকছিল। গোকুলবাবু হেসে হেসে কুস্তলা দেবীকে বললেন—“দেখলেন শালার কাণ্ডটা? ফুল বাগানের মাগীদের নিয়ে মজেছে...অথচ এর মত এত বড় নেতা আর কেউ নেই।”

রবিবারে দুপুর বেলায় গোকুল উকিলের বাড়ীতে স্বদেশী নেতাদের এক বৈঠক বসল। নেতা ও নেত্রীগণ কার্যপদ্ধতি নিয়ে অনেক আলোচনা ও সোরগোল করতে লাগলেন। পিকেটিং মতা ও বিদেশী বস্ত্র বর্জন, আদালত বর্জন, গ্রামে গ্রামে স্বদেশী মন্ত্র প্রচার, চরকা প্রতিষ্ঠান, সভা-সমিতি, কংগ্রেস অধিবেশন ইত্যাদি বাছা বাছা স্বদেশী কথাগুলির আলোচনা ও তর্কবিতর্ক চলতে লাগল। কোন্ নেতা কংগ্রেসের নামে চাঁদা তুলে নিজে বড় বাড়ী করছে—কে গিন্নীর জন্ত গহনা তৈরী করছে, কে আবার তলে তলে এম, এল, সি, বা রায়বাহাদুর হবার চেষ্টা করছে ইত্যাদি।

পরদিন গোকুল উকিলের দল মিছিল সহকারে গ্রে টাট ও চিংপুর অঞ্চলে স্বদেশী মন্ত্র প্রচার করতে চললো।

অখিল একটা বস্ত্র হারমনিয়ম লাল ফিতায় পিঠে ও কোমরে ঝুলিয়ে বাজাতে লাগল। তার সাথে সাথে অল্প প্রভৃতি মেয়েরা গান গেয়ে চলল—

“এস এস বোন দেশের মুক্তি লাগি' মায়ের চরণ পূজায় পতিতা তোমরা মহৎ অতীব জননী আজ তোমারে চায়।”

পতিতার কেউ সোনার হার, বালা, কলী, নোট, টাকা, পয়সা যার যা সাধ্যমত দিতে লাগল। গোকুল স্নেহদৃষ্টিতে এগুলির ভালুয়াশন করতে লাগলেন এবং তিনি ও কুস্তলা দেবী একটা লাল খদ্দেরের চাদরের দুই দিকে ধ'রে আঁচল প্রসারিত করলেন। গোকুলের চোখ বেয়ে জল ঝরতে লাগল। অখিল ভাবলে—সত্যি লোকটার প্রাণ আছে...কোটে যাওয়া ছেড়েছে, আর দেশের জন্ত দিন রাত কী খাটুনি! অনেকগুলি পতিতাও এসে দলে যোগ দিয়ে গান ধরলে। পতিতাদের নিয়ে গোকুলবাবু শ্রামবাজার ভদ্রপল্লিতে গান করতে করতে ঢুকে পড়ল। পুরমহিলারা যথাসাধ্য সোনার গয়না ও টাকা পয়সা নিক্ষেপ করতে লাগল। আট পৌরে ছ'হাত খদ্দর পরা আলীপুর কোটের নামজাদা উকিল গোকুল বাবুর চোখের জলে রাজপথে বচা বহিতে লাগল। অনেক ভদ্রলোক ভাবলে—“লোকটা সত্যিকার দেশভক্ত, অক্লান্ত-কর্মী, কিভাবে নিজের স্বার্থ বলিদান দিয়েছে। সাধে কী আর এত নাম ডাক হ'য়েছে?” কেউ ভাবলে—“লোকটা ডাहा জুয়াচোর, সব ভণ্ডামী, যখন ধর পাকড় আরম্ভ হবে, তখনই লেজ গুটিয়ে পগার পার। দোতলা, তিনতলার উপর হ'তে জননী ও ভগিনীরা শঙ্খ বাজিয়ে গোকুলের অভিযানকে আশীর্বাদ জানালেন। কয়েকটা ফুলের মালা শোভা পেতে লাগল তাঁর গলে। বেলা তিনটার সময় সদলে গোকুল বাবু ঘরে ফিরলেন। এবং স্নানাদির পর সকলে উঠানে ও দালানের রোয়াকে ব'সে এক সাথে আহারে মন দিল। ঠিক তখন গোকুল বাবু মধ্যাহ্নে দাঁড়িয়ে বক্তৃতা আরম্ভ করলেন—“আজকে চোখের সামনে আমি যে দৃশ্য দেখতে পাচ্ছি তার তুলনা নেই। আমরা ভুলে গেছি উচ্চ নীচ, ছোট বড়, ধনী দরিদ্র। স্পষ্ট



শ্রের কোন কথা নেই। মহামিলনক্ষেত্র আজ...  
বগে আমার কর্তরোধ হ'য়ে আসছে। আমরা যদি  
এভাবে ভাই ভগিনী হয়ে এক মনে এক প্রাণে এক সুরে  
মিল রেখে চলতে পারি, তাহ'লেই আমাদের যাত্রা জয়যুক্ত  
হবে। ভারতমাতার ভালে স্বাধীনতার জয়টাকা প্রভাতের  
তরুণ তপনের মত উজ্জ্বল হ'য়ে উঠবে। সেদিন আর বেশী  
দূর নয়—বল ভারতমাতা কী জয় ও গান্ধীজি কী জয়।”  
পরে জনতা বলে উঠল—“বাঙলার রাষ্ট্রনায়ক গোকুল উকিল  
কী জয়।”

এই বিরাট জয়ধ্বনির মধ্যে প্রবেশ করলো—তিন  
চারজন লোক। একজন বললে—“মশাই বাটপারি,  
ছ্যাচুরী খুব শিখেছেন দেখছি! বেশী মাতালদের নিয়ে  
নেড়ানেড়ির দল গড়ে স্বদেশী নেতা সেজে নাম করার সখ,

আর ঘরের সিঁদুক বোঝাই করা—একী কারো অজানা?...  
কোন আক্কেলে আপনি ঘরের কুমারী মেয়ে আর বৌ  
ঝিদের এনে এদের সর্বনাশ করতে ফাঁদ পেতেছেন?  
অত যদি সখ হয়—নিজের মেয়েকটিকে পথে নামিয়ে  
দিন—তারা দিকি স্বরাজ করবে!” অমু খেতে বসেছিল  
অখিল খাবারের থালাটা তার সামনে নিয়ে এলো। অমুর  
মুখখানা পলকের মধ্যে ফ্যাকাশে হ'য়ে গেল। তার  
কাকা এসে হাত ধরে বললে—“ওঠ, ওঠ, চলে আস।”  
বলেই তাকে হাত ধরে টেনে নিয়ে বাইরে চলে গেল।

গোকুল বাবু ভঙ্কার দিলেন—“এত বড় আশ্পর্কী,  
আমার বাড়ীতে ট্রেস্পাস করে, ভদ্রমহিলাদের অপমান।”  
অখিলের হাত থেকে থালাটা ঝুনাৎ ক'রে রোয়াকে  
পড়ে গেল।



*The Bengal Autotype Co*



**PHOTO ENGRAVERS  
DESIGNERS & ART PRINTERS  
HALF-TONE & LINE BLOCK MAKERS  
EXPERTS IN  
TRI-COLOUR REPRODUCTION**

Prompt Delivery Price Reasonable  
213 CORNWALLIS St. CALCUTTA. PHONE No 3793 B. B.





শাল তমালের পিছনে ধীরে ধীরে চন্দ্রিকার আভাস পাওয়া গেল। যমুনার মৃদু কলরব আরতিরধ্বনি থামার সঙ্গে সঙ্গেই স্পষ্ট হ'য়ে উঠল। বেতসের বন ধীর বাতাসে জলের উপর ছুয়ে ছুয়ে প'ড়তে লাগল। কোন্ একটা পাখীর নীড় লক্ষ্য ক'রে উড়ে যাওয়ার শব্দ, তারপর আবার বনচ্ছায়াতল নিস্তব্ধ।

অরিন্দম ব'ললে, 'আমায় ক্ষমা কর সুনন্দা। অপরাধ তোমার নয়, আমারই।'

স্থিরদৃষ্টি অরিন্দমের মুখের উপরে স্থাপিত ক'রে তরুণী প্রশ্ন ক'রলেন, 'অপরাধ কিসে অরিন্দম?'

'এই যে তোমায় প্রত্যাখান ক'রলুম।'

'তার জন্তে দুঃখ কিসের? হয়তো আমি ভুল বুঝে-ছিলুম। তা হোক, এতে কুণ্ঠিত হবার কিছু নেই। মুহূর্তের দুর্বলতায় তোমাকে জানবার লোভে আমি মিছে কথাও তো ব'লতে পারি।'

ব্যথিতস্বরে অরিন্দম ব'ললে, 'না সুনন্দা, আমি জানি তোমার কথা মিথ্যে নয়। আমার দোষ নিও না, আমাকে ক্ষমা কর।...সুনন্দা, তোমাকে যে আমি চিরদিনই সব বাসনার অতীত ব'লে জানি, আজ আমায় এমনরূপে দেখা দিও না।...তোমাকে ভালোবাসি, কিন্তু প্রিয়ার রূপে যে কল্পনা ক'রতে পারি না; আমার দোষ নিও না সুনন্দা।'

অনেকক্ষণ চুপ ক'রে থেকে সুনন্দা ব'ললে, 'চিত্রালীর কাছে প্রতিশ্রুত আছি, তোমাকে নিয়ে যাব। ব'লে যাই, পূর্ণিমা রাতে অমিতাভের মন্দিরে সে আসবে, তার হাতের মালায় তোমাদের মিলন হবে। পূর্ণিমা রাতে অমিতাভের রত্নমন্দিরে, মনে থাকে যেন।'

ধীরপদে সুনন্দা চ'লে গেল। রত্নপুত্রের কার্কে নীরব বনবীথিকে সচকিত করে তুললে।...নিমেষমুখ বনস্থলী আবার নীরব হ'য়ে গেল।

অরিন্দমের ব্যথাভরা দৃষ্টি বনপথের ধূলিলীন একছড় পুষ্পমালায় নিবদ্ধ ছিল,—কয়েক নিমেষ আগের দেওয়া সুনন্দার উপহার।

ধূপ ধূনা অগুরু চন্দনের গন্ধে কক্ষতল মন্দির। একা একটা ক'রে দীপ নিভে আসছে।

চিত্রালীর কম্পিত হাতের পুষ্পমালা অরিন্দমের রত্নমালা সঙ্গে বিনিময় হ'য়ে গেছে। আচার্য্যদেব আশীর্বাদ ক'রে নবদম্পতীকে নির্জ্জন আলাপের অবসর দিয়ে সরে গেছেন।

রত্নদীপালোকে উদ্ভাসিত কক্ষতলে অরিন্দম আ চিত্রালী দাঁড়িয়েছিল। সামনের প্রাঙ্গণে সুনন্দা অপেক্ষ ক'রছিল, অরিন্দমের।...

কখন অশান্ত বাতাসে মন্দিরের দীপ নিভে গেছে।...

মন্দির মুখরিত ক'রে দ্বিপ্রহরের ঘোষণা হ'য়ে গেল চমকিত অরিন্দমের বাহুপাশ বেপমান চিত্রালীর কণ্ঠে শিথিল হ'য়ে এল।

'আবার কবে দেখা হবে?'—চিত্রালীর স্বরে ব্যথিত কম্পন, নয়নে অশ্রুর বাদল।

খেত উত্তরীয়ে প্রান্তে তার অশ্রুধার মুছিয়ে দিত চোখ চুসন ক'রে অরিন্দম ব'ললে, 'সুনন্দা জানে।...এ চোখের কোণ হাসির ছটায় পূর্ণ থাকবে সে চোখের কোণে অশ্রুরেখা। এ আমায় বড় ব্যথা দিচ্ছে চিত্রা।'



চিত্রালী অরিন্দমের প্রশস্ত বৃকের উপর মাথা রেখে  
'ললে, 'আমার বড় ভয় করে যে।'

গভীর স্নেহে তার মাথায় হাত রেখে অরিন্দম শুধু  
'ললে, 'চিত্রালী!'.....

দূরে অলক্ষ্যে সুনন্দার চোখ সহসা জলে ভ'রে উঠল।  
কটা তীব্র চোখের দীর্ঘশ্বাস সংবরণ ক'রতে গিয়ে তার  
হৃদয় একবার কম্পিত হ'য়ে উঠল।.....

চন্দ্রালোকিত বনপথ। ছুজনে ফিরছিল। অরিন্দম ব'ললে,  
নন্দা, চিত্রা বড় অধীর হয়। তাকে একটু বুঝিয়ে।'

'তুমিই কেন বোঝালে না?'

'তাকে আমি ব'লেছি। তবুও তুমি বুঝিয়ে। তোমার  
থায় সে বড় বিশ্বাস করে।'

'কি ব'লব?'

সদাচ্ছ অধীরতায় অরিন্দম ব'ললে, 'ব'ল, অরিন্দমের  
জলখানী চিত্রালী।'

মৃতকণ্ঠের উত্তর শোনা গেল, 'আচ্ছা'। হয়তো কণ্ঠের  
কঁপে উঠেছিল, মুহূর্তের জন্তে আবার হয়তো চোখে

জল এসেছিল। তবু—না, সুনন্দার বেদনা শুধু সুনন্দারই  
জানবার। বাইরের প্রয়োজন তার নেই।

... ..

বিহারের প্রধান আচার্য্য সুনন্দাকেই অত্যন্ত ভালো  
বাসতেন। সুনন্দার বাহিরে সৌন্দর্য্য ছিল, অন্তরের  
মাধুর্য্যও ছিল অপূর্ণ। চিত্রালীর কাছে তার পরাজয়—  
এই বেদনা তার অন্তরকে আরো অপূর্ণ মাধুর্য্যময় ক'রে  
তুললে।.....

নিম্নক নগরীর বাতি নেতার সঙ্গে সঙ্গে নদীজল কল্লোল-  
উজ্জল হ'য়ে উঠত। এক এক রাতে সে নদী তীরে ফিরে  
যেত। তার আধঘুমন্তরা চোখের উপর কেবলই ভেসে  
উঠত—যমুনাতীরের বেতস বনের ধলায় প'ড়ে তার হাতের  
মালা, আর অরিন্দমের হাতে জড়ানো চিত্রালীর দেওয়া  
বরমালা।

সে হয়তো ভুলে গেছে, তার স্মৃতির বেদনা আজো  
তাকে ধ্যানের আনন্দ দেয়, অন্তরলোককে চিরজ্যোতির্ময়  
ক'রে তোলে।

## গান

= শ্রীশ্বেতকুমার মুখোপাধ্যায় =

জগা তোমার নূতন যেথায় আয়োজন কি থাকবে মনে ?  
নত্যা চেনার চিত্ত যেথায় আকুল হয় গো মধুর স্বনে।

বাজবে আমার হৃদয় পুরে,  
ব্যাকুল করা নূতন সুরে,  
ভোলার ব্যাথায় কাঁদবো শুধু,

প্রিয়ার আশে নিরঞ্জে ?

তৈ দিন ত দূর ছিলে না, আজকে তুমি হও সুদূর ;  
তার সমাধি-বুকে তোমার বাজাও বীণা সুর মধুর ;

আশা, আমার আজ নিরাশা,

করলে মোরে সাতার-ভাসা

গীতি তোমার ইমন সুরে—

মিলিয়ে গেল সমীরণে।

## গান

= শ্রী অখিল নিয়োগী =

( শ্রাম ) আর ত যাবে না কোলে—

জিবে তোর রাঙা রক্ত মাথা গো—

গলে দেখি নর-মুণ্ড দোলে !

স্বামী দেহ' পরে রাখিলে পা'থানি—

কোন নামে শ্রামা তোমারে বাখানি—

রাক্ষসী মাতা জানি জানি তবু—

তোর নামে কেন এ-মন ভোলে !





# প্রত্যেকটিই প্রয়োজনীয়

ও প্রিয় প্রসাধন সামগ্রী !!

## কামিনিয়া তৈল

Regd.

ভারতীয় উপকরণে প্রস্তুত, বর্ণনাতিত গুণসম্পন্ন মহামুগন্ধি  
কেশ তৈল। “কামিনিয়া” ব্যবহার করিলে রুক্ষ অনমনীয়  
কেশরাশিও কোমল কুঞ্চিত হইবে।

মূল্য প্রতি বোতল ১/- ... ৩ বোতল ২।৬০



সাবানের বাজারে  
মুগাস্তকার সাবান।

কামিনিয়া হোয়াইট রোজ সাবান

মূল্য—৬০/- বাস্ক।

দিলবাহার সাবান

মূল্য—৬০/- বাস্ক।

চন্দন সাবান

(Sandal Soap)

মূল্য—৬০/- বাস্ক।

ল্যাভেণ্ডার সাবান

মূল্য—১/- বাস্ক।

প্রত্যেকখানিই কোমল স্নিগ্ধ

মুগন্ধ ও অতুলনীয়।



## অটো দিলবাহার

(Regd.)

ভারতীয় রুচি ও তৃপ্তির

অমূল্য মনোরম গন্ধ

এসেন্স।

২ আউন্স শিশি ১।০

১ ড্রাম..... ৬০

## কামিনিয়া স্নো

অমূল্য প্রসাধন সামগ্রী

ব্যবহারে স্বকের কোমলতা,

বর্ণশ্রী ও সৌন্দর্য্য বর্ধন করে।

মূল্য ৬০

সর্বত্রই পাওয়া যায়

কারণ ইহা সকলেরই প্রিয়।

এ্যাংলো ইণ্ডিয়ান ড্রাগ এণ্ড কেমিকেল কোং,

পোঃ বক্স ২০৮২ বোম্বাই (২) ও ৭২, ক্যানিং স্ট্রীট, কলিকাতা





ॐ প্রচারক ॐ



≡ দৃষ্টিদান ≡




ॐ প্রচারক ॐ



≡ মাতৃরূপিনী ≡






পুষ্টি ও বলকারক পথ্য

# ডোঙ্গরের বাল্যমৃত

সর্বত্র পাওয়া যায়


ইহা

কঠিন বা তিক্ত  
খাওয়া নয় ।  
শিশুরা খাইতে  
ভালোবাসে



ইহা

স্বমিষ্ট ও স্বস্বাদু  
সিরাপ বিশেষ,  
শিশুরা সানন্দে  
পান করে




— প্রস্তুতকারক —

কে, টি, ডোঙ্গরে এণ্ড কোং, গিরগাঁও, বোম্বাই

- কলিকাতার এজেন্টস্ -

এস, কুশলভাঁড় এণ্ড কোং, ৫৫, ক্যানিং স্ট্রীট, কলিকাতা







চলছিলো সে আপনার মনেই। চোখের দৃষ্টি ছিল তার আপনার সম্মুখস্থ পথে। তখন এসেছিল সে আধপথে। বাড়ী এখন বহুদূরে। এখনও তাকে অতিক্রম করতে হবে সুদূর বিস্তৃত শ্যামল মাঠ। তখন অস্তরবি নীল আকাশটাকে লাল আলোকে রাঙিয়ে দিয়েছিলো। ওর সেই ক্লান্তিমাখা মান মুখখানার পরে এসে পড়েছিলো, সেই অস্তরবির বিদায় আলো। চলছিলো সে দ্রুত চরণে। ওর সাধ্যমতই। ও তার বাড়ী থেকে বেরিয়েছিলো সেই অরুণোদয়ের সাথে সাথেই। কোনও প্রকারে দু'চারটি বাসী ভাত মুখে গুঁজে বেরিয়ে ছিল কাজের পথে। পরিশ্রান্ত দেহটাকে বাড়ীতে বয়ে নিয়ে যেতে যেতে, ধরার বৃকে সাঁজের আঁধার ঘনিয়ে আসবে। বাড়ীতে বুকভরা আশা নিয়ে তার ছোট ছোট তিনটি শিশু বাগ্নেনেত্র পথের পানে চেয়ে আছে—তাদের জননীর আসার প্রতীক্ষায়। ওর এই অক্লান্ত পরিশ্রমের প্রয়োজন কি? যার ঘরে আছে দেব বছরের কোলের শিশু বালক। সেত অনায়াসে পারে' পরের মুখের পানে চেয়ে থাকতে! বিশেষ করে সে ত রমণী, সেত পারেই। অনায়াসেই সে পারে সে তার স্বামীর মুখের পানে চাইতে। ও কি পারে নিশ্চিন্তে আপনাকে কাজের মধ্যে ডুবিয়ে দিতে। যার শিশু বালক স্তনপানের উপযুক্ত। উপায় কি! করতেই হবে তাকে কাজ। কারণ স্বামী তার একজন কুলী। কামায় সে চারি আনা, ছয় আনার উর্দ্ধে কোনও দিনই নয়। সংসারে দেয় ইচ্ছামত। আপনার সুখ বিলাসের জন্তে খরচ করে যদি বাঁচে। সরদা সবই বুঝতে পারে। নির্বিকারে সয়ে যায়। কথা বলা দরকার মনে করে না। বিয়ের ছমাস পরে থেকে আপনার চেষ্টায় কাজ খুঁজে খুঁজে

জোগার করে নিয়েছিলো। ভগবানের দয়ায় আজ দশ বৎসর সে একটা না একটা কাজ করেই। এতদিন সে কাজ করতো পরম নিশ্চিন্তে। কারণ তার মা থাকতো তাদের বাসার পাশেই। এতদিন তার প্রথম ও দ্বিতীয় সন্তান দুটির জন্তে কোনও ভাবনা ছিল না। দু বছর হোলো তার মা মারা গিয়ে, কোলের শিশুটিকে নিয়ে মহা বিব্রত হয়ে পড়েছে। দিন কয়েক সে নিয়ে গিয়েছিলো তার কোলের ছেলেটিকে তার কর্মস্থানে। কিন্তু বালক পারলোনা সহিতে সেই দুপুরের অসহনীয় রৌদ্র-বহি। একদিন সে মুখচোখ লাল করে দেহ এলিয়ে দিল ধরার কোলে। তখন ডাক্তার এসে বলেছিলেন এত রদুবে কচি ছেলে রাখা জায় সম্ভব নহে। তারপর দীর্ঘ দিনটা কি তার বৃকের হৃদে চলে! কাজেই সরদার বাধ্য হয়ে কোলের ছেলেটি আট বছরের মেয়েটির জিম্মায় রেখে কাজে যেতে হয়। সেই গ্রামে দু'চার ঘর ভদ্র লোকের বাস আছে। তাঁরা ওকে কত সহানুভূতি দেখিয়েছেন, কতজন পয়সা দিয়ে দয়া দেখাতে গিয়েছেন। কতজন মুখের মিষ্টি কথা বুলিয়েছেন, তোমার কি কাজে যাওয়া সাজে, ওই ছোট ছেলেটি ফেলে। আর ওই হৃদয়ের মেয়ে পারে কি সংসারের খুটিনাটি কাজ করতে, আবার ছেলে ধরতে। সরদা বড় একটা কারো কথার বেশী জবাব দিতোনা। "ই্যা আর না"—এই দুটি কথাই সে সব সময়েই ব্যবহার কোরতো। সে জানে জগতে অস্তুর কথামত চলতে গেলে, শেষে নিজেকেই দুঃখের বোঝা বহিতে হবে। এ ঘটাই দুঃখ হোক না কেন তবু স্বাধীনতা আছে। তার স্বজাতির নিজের মনেই এই অতুত মেয়েটির কথা ভাবতো। কেউ আবার কখনও কখনও বলতো;





গড়া করে, মারামারি করে খসমের কাছে আদায় করে  
নিবি পয়সা। সরদা কেবল এই কথা শুনে আপনার মনে  
গমতো। তাদের জবাব দিতো—“আচ্ছা”—বস এই  
পর্যন্তই। সেদিন বড়বাবু তাকে তাঁর বাড়ী নিযুক্ত করতে  
স্বৈচ্ছিকেন, সে সম্মতও হয়েছিলো, কিন্তু ও যখন শুনলো  
কাজে দয়া করে কাজ দিতে চাইছেন, সে তখনই সে কাজ  
ত্যাগ করলো। সে জানে—ভালভাবেই জানে,  
তো অল্পগ্রহপ্রার্থী হতে নেই, হলেই চিরকাল, চিরদিন  
তার মন যুগিয়ে চলতে হয়। কারও অল্পগ্রহ ভিক্ষা নেওয়ার  
ইতে না থেয়ে শুকিয়ে মরা ভাল—তার মতে। সে  
কদিন খবর পেলো সেখানকার একজন ভদ্রলোক তাকে  
ইছেন, ছেলে খেলানোর কাজের জন্য। সে তখনই  
য়ে গিল্লীর সাথে কথাবার্তা কয়ে কাজটা ঠিক করে  
লা—কাল সকাল থেকে যাবার। পাঁচ টাকা মাহিনা  
খাওয়া পড়া আছে। শুনে তার মনটা বেশ ফুল হয়ে  
ঠিকলো। যদিও অর্থের দিক দিয়ে নয়। কারণ সে  
নে আট আনা, দশ আনা কামায়। তবে সে নিতে  
ঠিকলো সাদরেই। কেননা বাড়ীর সন্নিকটে বাড়ী।  
লেমেয়েগুলিকে চোখের সামনে রাখতে পারবে। তার  
। আট বছরের মেয়েটারও পরিশ্রম একটু উপশম হতে  
পাবে। বাড়ীর কাছে বাড়ী হবে, এক আধবার ছুটি  
বেই, এক আধবার এসে বাড়ীর কাজ কিছু কিছু সারতে  
পাবে। লক্ষ্মী কি পারে? যদিও সে এতদিন করেছে।  
লে বালতী বালতী জল তোলা কুয়া থেকে। ঘর নিকান,  
পা-বাগা, কাপড় কাচা, তারপর ভাইটিকে ধরা,  
ক খাওয়ানো নাওয়ানো। সন্ধ্যাবেলা সরদা কোলের  
লটিকে বুকের মধ্যে জড়িয়ে নিয়ে শুয়েছিলো। কাল  
লে কাজে যাওয়ার কথা মনে করতেই, মনটা আনন্দে  
চ উঠছিলো। হৃদয়সাগরে আনন্দের বাণ ডাকছিলো  
থিয়ে। লক্ষ্মী পাশে শুয়েছিলো। সে বললো “হ্যাঁ  
বিহান ত তু উ কোঠিমে কামমে যায়গা, ভাইয়া তোরা  
পারবেগা। হাম যায়গা মাটি উঠানো কামমে। আচ্ছা না

মাই?” পরম সোহাগভরে, আপনার বাহর মালা জননী  
কণ্ঠে পড়িয়ে দিলো। সরদা একটু মলিন হাসি হাসলো। এ  
হাসি আনন্দের হাসি নয়। বড় ব্যথায় আপনার অজানিতে  
যে হাসি অধর কোণে দেখা যায় সেই হাসি। লক্ষ্মীর  
রুক্ষ চুলগুলির ভেতর অঙ্গুলি সঞ্চালন করতে করতে,  
ব্যথা-বিজড়িত কণ্ঠে সরদা বললো “না বেটি তু কামমে নেহি  
যানে সাকেনা। হামই ওত্না দূর যানে বুক যাতা”—।

\* \* \* \*

কতদূর আরও কতদূর এখনও ত অনেকটাই পথ।  
আহা ছেলেটা বোধ হয় ক্ষিদেতে ছটফট করছে। ওই  
হৃদয়স্থ ছেলেকে কি আর লক্ষ্মীর সাধ্য ছপ খাওয়ানো।  
আজ যেন সন্ধ্যা দেবী খুব তাড়াতাড়ি তাঁর আঁচল বিছিয়ে  
দিলেন ধরার বুকো। না। তা নয়। সন্ধ্যাদেবী আপনার

## পূজার উপহার কবিতা পুস্তক

বাহির হইতেছে

দিলীপকুমারের “অনামী”

স্ববীন্দ্রনাথের নামকরা

৪৫৬ পৃষ্ঠারও অধিক। চারিখণ্ড একত্রে : প্রথম  
খণ্ড : অনুবাদ **Shakespeare, Shelley, Browning**  
**Keats, Blake, Goethe, Baudelaire, কালিদাস**  
**ভবভূতি, মীরাবাই, কবীর শ্রীঅন্ন-**  
**বিন্দ-র কবিতা হইতে।**

দ্বিতীয় খণ্ড : কবিতা।

তৃতীয় খণ্ড : পত্রগুচ্ছ **শ্রীঅন্নবিন্দ, মোল্লী**  
**রাসেল A. E., স্ববীন্দ্রনাথ, শরৎচন্দ্র,**  
**মলিনীকান্ত, বুদ্ধদেব, অশালতা, সুভাষচন্দ্র,**  
**স্ববীন্দ্রনাথ প্রভৃতির ঔৎসুক্যকর।**

চতুর্থ খণ্ড : “মা”-র প্রার্থনার অনুবাদ।

পঞ্চম খণ্ড একত্রে। মূল্য ৩/- মাত্র।

প্রাপ্তব্য—২০৩১১১ কর্ণওয়ালিস ষ্ট্রট, **গুরুদাস**  
**লাইব্রেরী কলিকাতা।**



নির্দিষ্ট সময়েতেই দেখা দিয়েছেন। ওই দোকানদারটা  
দিল দেবী করে আজ। যাই তাড়াতাড়ি। সে তার  
গমনগতি আরও বাড়িয়ে দিল।

কুটার-দ্বারে, ব্যাকুল হৃদয়, পথের পানে চেয়ে আছে—  
লক্ষ্মী, রুহুয়া, আর কুছমী। রুহুয়া তার বোহিনটিকে  
ব্যতিব্যস্ত করে তুলেছে, একাদিক্রমে কৈদে কৈদে।  
লক্ষ্মী যত রকম সাঙ্ঘন্যার বাণী জানে সে সব ব্যবহার করেও  
আজ সে রুহুয়ার কাছে হার মেনে গেল। সে উৎসুক-নয়নে  
চেয়ে আছে সুদূর বিস্তৃত সবুজ মাঠের দিকে। আর রুহুয়া  
হাত-পা গুলি দিদির মাথায় পিঠে সজোরে ছুড়ে চীৎকার  
আরম্ভ করে দিল, সে অবিশ্রান্ত ভাবে কঁাদতেই লাগলো।  
কিন্তু সে যে কঁাদছিলো, তাতে তার কোনও ক্রটি নেই।  
সে যে মধুমাখা বাণী শোনার আশায় ব্যাকুল প্রতীক্ষায়  
ছিল, সবার আগে তার শ্রবণেই পশেছিল সেই বাণী।  
তাই সে আর ধৈর্য্য ধরতে পারেনি। শরতের রৌদ্রের মত,  
তার মুখখানায় স্নিগ্ধ মধুর হাসি ফুটে উঠলো। ক্ষণকালের  
মধ্যেই আবার বর্ণণ। সে ভেবে পেলোনা, হাসবে কি  
কঁাদবে। আনন্দ যে ধরে রাখতে পারছে না, কিন্তু অভিমানও  
এসে দাঁড়াচ্ছে তার পাশে, কেন মা এতো দেবী করে এলো।  
বাঁপিয়ে পড়লো মায়ের কোলে। সরদা তার পরিশ্রমের ভার  
ক্লাস্তি মাখা, দেহখানা এলিয়ে দিল, দাওয়ার পরে, শিশুটিকে  
বক্ষে নিয়ে। লক্ষ্মী একখানা পাখা নিয়ে বাতাস করতে  
লাগলো। কুছমী এক গেলাস জল এনে মাকে দিল।  
সরদার প্রাণে শান্তিবারি সেচন করল। দুই বোনের সেবা।  
কিন্তু তার ক্লাস্তি আগেই মুছে গিয়েছিলো তাদেরই পরশে।  
তাদেরই হাসিতে।


“মায়ী এতনা দেবী ভয়া কাহে আজ, আর উধার কাঁহা  
গিয়াতা?” কুছমী জিগেস করলো।

সরদা উঠে বসল, আঁচলের গিড়ো খুলতে খুলতে  
বললো, “ওই বাবুকো নোকার ফিন্ বোলানো গিয়াতা,  
ই সাবাস্তে একদফে মূল্যাকাত করুকে আয়া সামঝায়কে  
বাল্ দিয়া হাম কাম নেহি করেগা রোজ রোজ দিগ্দারী  
গম্ভা আছা নেহি লাগ্ভা।”

## পূজার বাজারে

আশাতীত মূল্যহ্রাস  
প্রিয়জনকে উপহার দিবার

সুবর্ণ সুযোগ!!



২৫০

ও

৪১০


জুরচ লিভার হাতঘড়ি

সস্তায় কিস্তি মাত্ : : এই মূল্যে একরূপ অত্যন্তম ঘড়ি  
কল্পনাতেই ছিল। দীর্ঘকাল স্থায়ী, সঠিক সময়  
নিরূপক সুদৃশ্য মনের মত ... এক সঙ্গে এটির  
অর্ডার দিলে প্যাকিং বা ডাক ব্যয় লাগে না।

গান্ধী লিভার হাতঘড়ি

৫১০

মাত্র



এক সঙ্গে দুটির অর্ডার দিলে প্যাকিং খরচা লাগিবে  
না। নির্দোষ সঠিক সময় রক্ষক, মনোরম দীর্ঘকাল  
স্থায়ী ও অটুট কাচবিশিষ্ট একরূপ সম্ভ্রান্ত ঘড়ি এত  
অল্প মূল্যে এইই প্রথম।

অমনোনািত হইলে মূল্য ফে:৭ দেওয়া হয়।

অদ্যই অর্ডার প্রেরণ করুন।

বিলম্বে নিরাশ হইবেন।

প্রিন্সলি ইন্ডিয়া ওয়াচ কোং

পোষ্ট বক্স নং ১ (Sec. P C.)

কলিকাতা।



চারটে মুরকীর মোয়া রুতুয়া কুছ মী লক্ষ্মিয়ার হাতে দিল।  
সেই বোন তিনটির অধর কোণে খুসির হাসি উছলে পড়লো।  
নিষিদ্ধে তিনজনে আহারে মনোযোগ দিল। তখন সরদা  
তাকে ডুবিয়ে দিল আবার আপনার বাড়ীর কাজে।

\* \* \* \*

ছ'চার মাস পরের কথা।

তখন অপরাহ্ন। দুপুরের রৌদ্রের তাপ ধীরে ধীরে  
কোমল হয়ে আসছে। সরদা বসে আছে তাদের দাওয়ার  
উপরে। তার মনটা ছিল তখন গভীর বেদনায় ভরা।  
সেই বেদনার ছায়া, তার মুখখানার পরে স্পষ্টভাবেই  
দেখা দিয়েছে। সেখানকার মাজিষ্ট্রেটের আদরের ডহিতা  
ইলা দেবী এল সরদার কুঠীতে। তার দুটি হাত ধরে নাচতে  
নাচতে এলো কুছ মী আর তরুয়া।

ইলা বললো, “কিরে সরদা, আজ কাজে যাস্নি? মুখ  
মন শুকনো কেন? অসুখ করেনি ত! চল মেলা দেখে  
যাস্নি”। চপলকণ্ঠে কথার বরণা খুলে দিয়ে ইলা জিজ্ঞাস্য  
মনে চেয়ে রইলো, তার মুখের পানে।

সরদার কণ্ঠ রুদ্ধ হয়েছিলো। মুখ হতে বাণী সরছিলো  
না। সেই ক্ষণকালের মাঝেই আঁখি হতে বিগলিত ধারায়  
দেখ অশ্রু বরে পড়ল।

ইলা বললো, ব্যাপারটা নিশ্চয়ই গভীর; তা না হলে  
সরদার চোখে জল! সে নিস্তিকারে সয়েছে সংসারে  
কত দুঃখ, কত দৈন্ত, কত নির্যাতন, কত লাঞ্ছনা, কেউ  
ধনও তার চোখে এক ফোঁটা জল দেখেনি। বরং  
দেখে তার পরিবর্তে, তার মুখে তেজের দীপ্তি, আর  
মজার হাসি, আর তাচ্ছিল্যের ভাব। কেবল এই গ্রামের  
মো একটি মেয়ে তার মনের পরিচয় পেয়েছিলো মাত্র ছ' এক  
সের আলাপেই। ইলা মসৌরি বোর্ডিঙে থাকে। তিন  
সের ছটীতে পিতার কাছে বেড়াতে এসে, এই সরদার মন  
করে নিষেছিলো। ইলা বুঝেছিলো, এই মেয়েটি ছোট  
করে ভালও, হৃদয় তার উচু। ব্যবহার তার বড়ই মধুর।  
তার সব চাইতে ভাল লেগেছিলো, তার সেই—শান্ত শ্রামল

মুখের উপর যে কমনীয়তার মাধুর্য্য বিরাজ করতো। তাদের  
ছ'চারদিনের আলাপেই তারা উভয়ে উভয়কে প্রীতির বাঁধনে  
বঁধে ফেলেছিলো। সরদার মনে যে সঙ্কোচের ভাবটা ছিল,  
সেটাও ইলার হাসিতে, গল্পতে কেটে গিয়েছিলো তার মন  
থেকে। ইলার সাথে, সরদার সাক্ষাৎ হত রোজই, সরদার  
কর্মস্থানে। ইলা প্রত্যহ সাক্ষ্য-ভ্রমণ সাক্ষ্য করতো, সরদার  
কাজের জায়গায়। তারপর উভয়ে উভয়ে গল্প করতে করতে  
বাড়ীর পথে ফিরতো। এমনি ভাবে তাদের আলাপটা  
বেশ ঘনিষ্ঠভাবে হয়ে উঠেছিলো। অদূরে দাঁড়িয়েছিলো  
লক্ষ্মিয়া। ইলা ব্যথা-ভরা চোখে তার দিকে চাইলো।

লক্ষ্মিয়া ভারি গলায় বললো, “আজ মেলা আছে কিনা,  
তাই না বলেছিলো, মেলা থেকে আমাদের কিছু কিনে দেবে,  
মার বাস্তুতে চার আনা পয়সা ছিল, মা দেখলো সেটা হারিয়ে  
গিয়েছে। তাই মার দুঃখ হয়েছে।

ইলা বললো ব্যথা পাবারই কথা। হঠাৎ তার মনটা  
ফুল হয়ে উঠলো, একটা কিহুদিন আগের ঘটনা স্মরণ  
হতেই। কিন্তু সে মোটেই ব্যথা পেলো না পয়সাটা  
হারানোর জন্তে। বরং তার মুখ হাসিতে উদ্ভাসিত হয়ে  
উঠল। সে এসে সরদার কণ্ঠালিঙ্গন করে, অশ্রুসিক্ত আঁখি  
দুটি আপন কন্ডালে মুছিয়ে দিয়ে, স্মিতহাস্তে ঠোঁটদুটো  
রঞ্জিত করে বললো, “দিদি মনে নেই সেদিন যে আমি তোমার  
কাছে লটারীর টিকিট কেনার পয়সা চাইলাম, তুই ত ওই  
টিনের বাস্তুটা থেকে দিয়েছিলি, মনে এসেছে এখন।”

বিস্মৃত কথা মনে আসতেই, সরদা ফিক করে হেসে  
ফেললো লাজরক্তিম অধরে।

“সে বললো, চল ইলি সাঁঝ হয়ে আসছে মেলা থেকে ঘুরে  
আসি আজকে তোমার একটা টাকা খরচ করিয়ে ছাড়ব।”  
চপলকণ্ঠে ইলা বললো, “দেখ, আগে কে কার পয়সা  
আজ খরচ করায়, এই নে তোমার সেই চার আনা পয়সার  
পরিবর্তে, ভগবান তোকে যা মিলিয়ে দিয়েছেন।

সরদা গভীর বিস্ময়ে, অপলকে চেয়ে রইল, যে হাজার  
টাকার নোট ইলা গুণেই চলেছিলো—তারই পানে।



স্বিচ্ছ

হেডেন্সা

**HADEN'S**  
**PILES**  
RADICALLY CURES  
SOLE AGENTS FOR INDIA, BURMA & CEYLON  
S. KUSHALCHAND & Co.  
CALCUTTA, BOMBAY, MADRAS  
CHEMISTS & DRUGGISTS  
SOLD BY ALL

অর্শের  
মহৌষধ



# বিজ্ঞাপনের ছিদ্র

শ্রীজ্ঞানেন্দ্রনাথ মিত্র

প্রায়ই শুনিতে পাই বিজ্ঞাপনদাতারা অমুযোগ করেন যে বিজ্ঞাপন দ্বারা উপযুক্ত ফল পান না, এই অমুযোগ এত বেশী হইতেছে যে এ সম্বন্ধে সকলের বিশেষ ভাবে দৃষ্টি দেওয়া আবশ্যিক। আমাদের দেশের ব্যবসায়ীগণ অনেকের ইহা সম্যক উপলব্ধি করিয়াছেন যে বিজ্ঞাপনের দ্বারা যাহা ব্যবসায় সফলতা লাভ করিতে পারা যায় কিন্তু অসংখ্য এই অমুযোগ—কেন?

কোন কোন স্থলে দেখা যায় বিজ্ঞাপনদাতা নিজেই নিজের বিজ্ঞাপন সম্বন্ধে বিশেষ যত্নশীল থাকেন না—টাকা লাভ লোকে বলে—তাই বিজ্ঞাপন দেন—কিন্তু কি ভাবে—কথায় কেন বিজ্ঞাপন দেন সে বিষয়ে সংবাদ রাখা বিশেষ প্রয়োজনীয় মনে করেন না—আবার তাঁহাদের অনেকেই স্থানে সেখানে গল্প করেন—এত টাকা বিজ্ঞাপনে খরচ করলাম—কই ফল ত পেলাম না। ফল পেলেন না তাঁহাদের নিজের বিজ্ঞাপনের প্রতি উদাসীনতার জন্য—তাঁহারা কতি বিদেশী ব্যবসায়ীর বিজ্ঞাপন পাঠ করেন—দেখুন কি ভাবে তাঁহারা বিজ্ঞাপন করে—কি রূপ উপযুক্ত স্থানে কেমন কর ও সজ্জিত লেখা তাঁহাদের বিজ্ঞাপনে—তাহার জন্য হই না যত গ্রহণ করা হইয়াছে, এই কারণেই ত তাঁহারা ত দূরদেশ হইতে এখানে ব্যবসায় প্রসার করিতে সমর্থ হইছেন। এক এক সময় দেখা যায়—দারুণ গ্রীষ্মের দিনে বিজ্ঞাপনের বিজ্ঞাপন চলিতেছে ইহাকে কি বিজ্ঞাপন করা হইবে?

এই জগতই বিজ্ঞাপন করিতে হইলে বিশেষজ্ঞের উপর নির্ভর করা উচিত। তাঁহারা ঠিক করিয়া দিবেন যে কি রূপের বিজ্ঞাপন কোথায় কোন সময় দেওয়া উচিত। বিজ্ঞাপনের ভাষা কিরূপ হইবে এবং সাজান বা কেমন করা উচিত। বিজ্ঞাপনদাতাগণকে উপরিউক্ত সাহায্য দান

করিবার জন্য বিজ্ঞাপন-এজেন্ট আবশ্যিক। কিন্তু দুঃখের বিষয় আজকাল এত বেশী এজেন্ট গজাইয়াছেন যে তাঁহারা পরস্পরের মধ্যে দাম কাটাকাটি লইয়া বাস্তবিক বিজ্ঞাপনদাতাগণকে প্রকৃত সাহায্য দানে বিমুখ। এইরূপ এজেন্টগণকে সংবাদপত্র কিংবা বিজ্ঞাপনদাতা কেহই যদি কাজ করিতে না দেন ভাল হয়। সংবাদপত্র সকলের দেখা উচিত যে তাঁহাদের এজেন্ট বলিয়া ঐহারা পরিচয় দিতে চাহেন তাঁহাদের সত্যই বিজ্ঞাপন লিখিবার এবং বিজ্ঞাপনদাতাগণকে উপযুক্ত সাহায্য দানের ব্যবস্থা আছে কিনা। আর সকলের চেয়ে বেশী দেখা দরকার বিজ্ঞাপনদাতাগণের। নিজের তরফ হইতে যে এজেন্ট আসিয়া নিজ অংশ হইতে দাম কমাইয়া দিয়া কাজ লইতে চায় তাহাকে একেবারে বিদায় করা আবশ্যিক, কেননা সে ঐরূপ করিয়া কখনও উপযুক্ত সাহায্য করিতে পারে না। বরং ভাল বিজ্ঞাপন লিখিবার জন্য “ডিজাইন” করিবার জন্য যদি আবশ্যক হয় “সার্ভিস ফি” দিয়া উপযুক্ত এজেন্টের হস্তে বিজ্ঞাপনের ভার দেওয়া লাভজনক। বিজ্ঞাপন এজেন্সী বিভাগে শিক্ষিত লোকের বড়ই অভাব তাঁহারা যদি এদিকে আসেন বোধ হয় বেশ উন্নতি করিতে পারেন।

এতক্ষণ গেল বিজ্ঞাপনদাতার ক্রটির কথা কিন্তু ইহাও দেখা যায় যে, সূচাক্রমে বিজ্ঞাপন দিয়াও আশাচর্য ফল পাওয়া যাইতেছে না। ছিদ্র কোথায়? অমুসন্ধানে জানা যায় যে বাজারে বড় পরিমাণ বিজ্ঞাপিত আসল জিনিষের বদলে নকল চালান হয়। অর্থাৎ যাহারা ট্রেড মার্ক, লেবেল বা প্যাকেট নকল করে আইনের সাহায্যে দণ্ডিত হয় কিন্তু কখন কি ভাবে নকল হইতেছে তাহার প্রতি সর্বদা সতর্ক দৃষ্টি রাখা কর্তব্য। কিন্তু আর এক প্রকার আসলের বদলে নকল যাহা বাজারে প্রত্যহ চলিতেছে



তাহার জন্ত সকলের সমবেত চেষ্টা করা উচিত। প্রায়ই দেখা যায় যে প্রকৃষ্টরূপে বিজ্ঞাপিত কোন জিনিষের জন্ত চাহিলেই তাহার পরিবর্তে নকল আর একটি দেখাইয়া জবাব দেয়—এইটি নিন প্রায়ই একরকম অনেক সুবিধা প্রকৃতি এবং এইরূপে নকল জিনিষটি ক্ষেতাকে জোর করিয়া চাপাইয়া দেওয়া হয়। খুবই কম লোক আছেন যাহারা দোকানদারের দালালীতে না ভুলিয়া সেই জিনিষটির জন্ত ধরিয়া বসেন এবং না পাইলে ফিরিয়া যান। এইরূপে বিজ্ঞাপনের অনেক ফললাভ ব্যবসায়ীর ঘটিয়া উঠে না। এই উপদ্রব অনেক ব্যবসায়ী হিদানীঃ সম্যক উপলব্ধি

করিয়াছেন এবং স্ব স্ব দ্রব্য বিক্রয়ের জন্ত পৃথক পৃথক দোকান খুলিতেছেন। কিন্তু মনে হয় যে ব্যবসায়ীগণের সমবেত চেষ্টা অর্থের সুবিধার দিক হইতে এবং শীঘ্র কার্য-কারিতার দিক হইতেও বিশেষ ফলপ্রসূ হইবে। এ কারণ ব্যবসায়ীগণকে অসুরোধ করা বাইতে পারে যে তাহারা বিজ্ঞাপনের দোষ না দিয়া ছিদ্র কোথায় বুঝিবার চেষ্টা করিবেন। এবং সেই ছিদ্র সংশোধন করিতে পারিলেই ফল পাইবেন। নতুবা ছিদ্র-বিশিষ্ট পাত্রে জল রাখিবার ভ্রান্ত—বিজ্ঞাপনে অর্থব্যয় ব্যথা হইবে।

## মানুষ-পাখীরা

শ্রীবিরামকৃষ্ণ মুখোপাধ্যায়

পাখীরা সাঁঝের বেলা উড়ে যায় কোন্ পারে !

পাখীরা সাঁঝের বেলা উড়ে যায় ওই পারে ;

শ্রমভারী পাখাতরে

আকাশের পথ ধরে

মিশে যায় ঘননীল নীলিমার একধারে ;

—কোন্ ধারে ?

স্বাধীন জগতে তার প্রাণ-প্রিয় কুলা-ঘারে ।

মানুষ-পাখীরা সব একে একে কোথা যায় !

মানুষ-পাখীরা সব একে একে উড়ে যায় ;

জীবনের ধূলি ঝেড়ে

পরিচিত পথ ছেড়ে

কোথা যে উখাও হয় জানে না তা' নিজে যায় ;

—তবু যায়,



পৃথিবী-পিঙ্গরখানা খোলা পেয়ে নীড়ে যায় ।

মানুষ-পাখীরা সব নিকরোশ নীড়ে যায় ।





—স্বদেশী শিল্পীর—  
শ্রেষ্ঠ অবদান !!



A  
U  
R  
O  
R  
A

শিশির সোপ ওয়ার্কস্।  
যশোর রোড্, ৪৪ দমদম্।






যত্নস্নানে ও প্রসাধনে

বিত্ত প্রীতি ও তৃপ্তি সম্পাদক

হীশূর চন্দন সাবান


ব্যবহার করুন



সোল এজেন্টস:-

অমৃত লাল ওঝা এণ্ড কোং  
৪নং লায়ন্স রোড, কলিকাতা।














ভোর হ'তেই পাখীর কলরবের সঙ্গে জেগে ওঠে তার মাজের স্বপ্নার ! ভোরের হালকা বাতাসে কঁপে কঁপে স সুর শূন্যে মিলিয়ে যায়, তন্দ্রার আবেশের মতো ! ম্লান সকলেই সে সুরের সাথে পরিচিত, সকলেই জানতো তকগুলো শুকনো তার নিংড়ে বের করচে, ঐ অপক্লপ সুরের রেশ, সুবোধের সুনিপুণ আঙুল !

সে কাজ করে চকের মোড়ের ঐ দোকানে। চকের মাঝে হিন্দু-মুসলমানের দোকান। সুবোধকে জানে না, কাকে চেনে না, তাদের মাঝে এমন একজনও ছিল না। কলেই তাকে ভালোবাসে, সকলেই তার বাজনার প্রশংসা করে। প্রভাতের আলো ফুটে উঠতেই সে বাজনা বন্ধ করে কাজ শুরু করে, সে কাজের শেষ হয় গভীর রাত্রে। সেই মাঝে সময় ক'রে খাওয়া-দাওয়া করতে হয়, বিশ্রামেরয়োজন হ'লে অবসর মত এসরাজটি কোলে নিয়ে বসে। মাজের মাঝে গুন্ গুন্ ক'রে গান গায়, কখনও নিজের মজাতে গলা ছেড়ে দেয়। কাজে উৎসাহ অদম্য, ক্লান্তি নই, অবসাদ নেই যন্ত্রের মতো কাজ ক'রে চলেচে। মানন্দে মুগ্ধখানি উদ্ভাসিত ! সুললিত কণ্ঠে অপূর্ব সঙ্গীত ! সুরের রেশে বন্ধ ঘরের বাতাস আগ্রহে কাঁপতে থাকে। প্রতিফলিত খরিকদারদল উন্মুখ হ'য়ে তার গান শোনে। সে গান কবুগার সুরের মতো অব্যাহত আনন্দে তার কণ্ঠ থেকে বের পড়ে। তার গানের ছন্দে গাঁথা বাঙলার শস্ত্রভরা গঠের শামলতা, ছায়ানিবিড় বনানীর মর্মরতা, কুলভাঙ্গা টট্টনীর চঞ্চলতা ! কবে সে বাঙলা ছেড়ে দিল্লীতে এসেচে, মাজে সে ভুলতে পারেনি তার বাঙলা মায়ের সুশ্রামল হাস্যকোমল অঞ্চলের মাদকতা, সময়ে অসময়ে মন তার ছুটে যায় সেই সুদূর পল্লীর বুকে ! কী গভীর সে ব্যাকুলতা !

গানের উচ্ছ্বাসের সঙ্গে তার চোখে-মুখে ফুটে ওঠে, কী সে আগ্রহ-ব্যাকুল কাতরতা ! মন যেন উদাস হ'য়ে ছুটে যায়, সীমাহীন অনন্তের পানে, সে যেন নিজেকে ধরে রাখতে পারে না। বুকফাটা কান্নার রেশের মতো গানের সে আন্তরিক শ্রোতার বুকে আছড়ে প'ড়ে তাদের আকুল ক'রে তোলে।

বাঙালীর ছেলে সে, কবে যে সে বাঙলা ছেড়ে দিল্লীতে এসেচে তার ইতিহাস কারুর জানা নেই। তবে আজো তার মনে পড়ে সেই কোন্ বাল্যকালে তার পিতা তাকে সঙ্গে নিয়ে দিল্লীতে এসেছিল চাকরী করতে। তারপর সহসা একদিন নিঃসহায় তাকে বিশ্বের পথে একা ছেড়ে দিয়ে পিতা তার চোখ বুঁজলে আর সে এই প্রবাসে বড়ের পাখীর মতো একটা নিরাপদ স্থান খুঁজে বেড়াতে লাগল।

বাঙলার কথা বলতে পেল সে যেতে উঠতো, বাঙলা ও বাঙালীর কথা শুন্তে পেল গর্বে তার দেহখানা রোমাঞ্চিত হ'য়ে উঠতো, নিজেকে সে পরিপূর্ণভাবে ছেড়ে দিতো, কল্পনার হাতে, কত স্বপ্ন দেখতো সবুজ ঘাসের মধুমল পাতা বাঙলার মাঠ ! নদীর তীরে, বটের ছায়ে রাখাল বালকের বাঁশীর ধ্বনি, মর্মরিত বনবীথির গন্ধবাকুল আহ্বান !...এমনি সব আকুল করা স্বপ্নের ঘোরে সে অভিভূত হ'য়ে থাকতো।

ঘনিষ্ঠভাবে যে-ই তার সঙ্গে মিশেচে, সে-ই তার অন্তরঙ্গতার মাঝে সন্ধান পেয়েচে তার ব্যাকুল বুকের বেদন-ব্যথা। সে যখন প্রাণ দিয়ে গাইতো বাঙলার গান, যখন বাঙলার কথা বলত, তখন তার মুখের চেহারা এমনি বদলে যেতো দেখলে মনে হতো তার অন্তরায় একটা অব্যক্ত কাতরতায় ছটফট করছে, খাচার বন্দী পাখীর মতো সে যেন লুকনয়নে ঐ অসীম, অব্যাহত আকাশ-বুক



# —রেডিয়াম ক্যাষ্টর অয়েল—

নিত্য ব্যবহার্য কেশ রসায়ন



রুগ্ন নিম্প্রভ কেশরাজি অতি দ্রুত সম্ভাবিত  
করিয়া শির-শোভা বর্দ্ধন করে।

কলিকাতা বিশ্ববিদ্যালয়ের ব্যবহারিক রসায়নের অধ্যাপক  
ডাঃ এইচ, কে, সেন, এম-এ, পি-আর-এস, ডি-আই-সি, ডি-এস-সি,  
( লণ্ডন ), বলেন—

রেডিয়াম ল্যাবরেটরী কৃত—রেডিয়াম ক্যাষ্টর অয়েল পরীক্ষা করিয়াছি।  
ইহা বিশুদ্ধ উদ্ভিজ্জ তৈলে প্রস্তুত। ইহাতে ধনিজ তৈল কিম্বা কেশের পক্ষে  
অনিষ্টকর কোন পদার্থ পাই নাই।

কিছুদিন যাবৎ রেডিয়াম ক্যাষ্টর অয়েল নিয়মিত ব্যবহার করিতেছি।  
ইহার গন্ধ সুমিষ্ট। ইহা বাস্তবিকই মস্তিষ্ক স্নিগ্ধকর ও কেশবর্দ্ধক।

ভারতের জনপ্রিয় অঙ্গরাগ

## রেডিয়াম স্নো

ত্বকের পরশ কোমল এবং বর্ণ সমৃদ্ধল রাখিতে


— অদ্বিতীয় —



সৌন্দর্য-চর্চায় অবশ্য ব্যবহার্য স্নেহ-অঙ্গরাগ

## রেডিয়াম ক্রীম

ত্বকের স্বাস্থ্য ও সৌন্দর্য সংরক্ষণে অতুপম। নিত্য ব্যবহারে  
ত্বকের বাবতীয় অস্বাস্থ্যকর উপসর্গ বিদূরিত করিয়া ত্বকের  
পরশ কোমল ও মসৃণ করে এবং কাস্তি বৃদ্ধি করে।



সর্বত্র পাওয়া যায়

প্রস্তুতকারক :—

রেডিয়াম ল্যাবরেটরী

কলিকাতা

সোল এজেন্টস :—

বসাক ক্যান্ট্রী

৩নং, ব্রজলাল ষ্ট্রিট, কলিকাতা



পানে চেয়ে আছে। চোখে মুখে তার ফুটে উঠতো  
সকরণ সজলতা!

যদি কেউ জিগগেস করতো, তুমি দেশে ফেরোনা  
কেন সুবোধ?

সুবোধ দীর্ঘাশ ফেলে উত্তর দিতো, পয়সা পাবো  
কোথা, সে কি এখানে? পথ খরচ কি কম? তারপর  
কিছু পয়সা হাতে না নিয়েও তো দেশে যাওয়া চলে না?

সন্ধ্যার অস্পষ্ট অন্ধকারে দোকান ঘরের ভিতরে বসে  
সুবোধ এসাজের তারের বৃকে ছড় টেনে একটা করুণ  
কগিলী বাজাচ্ছিল। দোকানের সামনে পথবাহী যাত্রীর  
দল ভিড় করে দাঁড়িয়ে বাজনা শুনছিল। সুবোধ বাজাচ্ছিল  
ভেতরের ঘরে, বাইরে হাতে সে ঘর দেখা যায় না।

দোকানের সামনে এসে দাঁড়ালো একথানা টাঙ্গা।  
টাকাপানা সামনে দাঁড়াতেই ভিড় সরে গেল, টাঙ্গা হাতে  
নিয়ে একটি মেয়ে সোজা দোকানের ভিতর ঢুকে গিয়ে  
প্রথম না চেয়ার টেনে নিয়ে বসলো।

হিন্দুস্থানী চাকর লছমন সামনে এসে সেলাম ক'রে  
দাঁড়াতেই মেয়েটি বললে, এক বোতল মিঠাপানী। চাকরটা  
ভেতরে যেতেই সুবোধ তার সঙ্গে বাইরে এসে দাঁড়ালো।  
সুবোধকে দেখেই মেয়েটি দ্বিধা হেসে বললে, আপনিই  
কি বাজাচ্ছিলেন?

—আজ্ঞে হ্যাঁ।

—তা আপনি বাজনা বন্ধ ক'রে উঠে এলেন কেন?  
কি মনে কিছু না করেন তো সত্যি বলি, আমি আপনার  
বাজনা শোনার লোভেই দোকানে এসেছি, মিঠাপানীর  
লোভ নেই।

সুবোধ সলজ্জ দৃষ্টি দিয়ে মেয়েটির মুখের পানে চাইলে।  
কি যে বলবে ভেবে পেল না।

মেয়েটি হাসিতে ঠোট ভিজিয়ে বললে, এই পথে যেতে  
যদি আরো ক'বার আপনার বাজনা শুনেছি, কিন্তু  
কখনো ক'রে ভেতরে আসতে পারিনি। আজ আর

লোভ সামলাতে পারলুম না। আপনার পুরবীর ঐ করুণ  
বাক্য মনের মাঝে এমনি একটা আবেশ এনে দিলে যে  
আমি না এসে থাকতে পারলুম না। ভারী চমৎকার  
আপনার হাত! আপনি কার কাছে শিখলেন এ বিদ্যে।

মুহূ হেসে বিনয়ের সুরে সুবোধ বললে, কী বা জানি  
যে শিখব'।

মেয়েটি হেসে দীর্ঘায়ত চোখে কটাক্ষ হানলে।

এমনিভাবে অপরিচয়ের আড়াল ভেঙ্গে এই মেয়েটির  
সাথে সুবোধের পরিচয়ের সূত্রপাত।

মেয়েটির নাম হীরা। দিল্লীর প্রসিদ্ধ বাইজী হীরাবাঈ।  
তার অপরিমিত তরুণ রূপযৌবনের খ্যাতিতে দিল্লী শহর  
উন্মথর। যার মুখের এক টুকরো কাসি বা সুকণ্ঠের একটু  
সাদা পাবার জন্য অজস্র অর্থ নিয়ে কত শত ধনী তার  
দ্বারস্থ হয়, সেই হীরার আজ এমনি অযাচিত আলপে  
সুবোধ বেশ একটু বিস্মিত হ'য়ে গেল।

সম্পূর্ণ একটি সন্ধ্যার আলাপে সুবোধের মনে হ'তে  
লাগল, এ-যেন তার কতদিনের চেনা, একে যেন সে চেনে  
বহুদিন হ'তে। চির-চেনার মতোই সে এলো অপরিচয়ের  
আগল ভেঙ্গে, মিলন-কাতর বৃকে তার চির-জাগ্রত, চির-  
শঙ্কিত কামনা নিবিড় হ'য়ে উঠলো। সুবোধের সারা দেহে  
পুলকের রোমাঞ্চ জেগে উঠল—দেহের রক্ত শিবু শিবু  
ক'রে মাথার পানে ঠেলে উঠতে লাগলো।

স্বপ্নের মতো হীরাকে আশ্রয় ক'রে সুবোধের দিন কাটে  
স্বপ্নের ঘোরে। হীরা তার কাছে এসরাজ শেখে।  
বিকেলের দিকে সুবোধ আসে হীরার বাড়ীতে। হীরার  
সজ্জিত ঘরের মূল্যবান আসবাব পত্রের দেখে সে বিমূঢ়-বিস্ময়ে  
চেয়ে থাকতো, তার সুপ্রশস্ত, সুকোমল শয্যার ওপর বসতে  
সে সঙ্কোচ বোধ করতো। কিন্তু হীরার সসম্মম অন্তর্ধান,  
তার দরদী হৃদয়ের সকরণ সহানুভূতির স্পর্শে সুবোধের  
সঙ্কোচ গেল কেটে। সে যতক্ষণ হীরার কাছে থাকতো  
ততক্ষণ মন তার এক অলৌকিক স্বপ্নরাজ্যে বিচরণ করতো।  
একটা তীব্র নেশার ঘোরে তার চেতনা লুপ্ত হ'য়ে আসতো,  
মূর্ছার তরঙ্গ এসে হু-হুস্বাসে তাকে গ্রাস করে ফেলতো।







ক্রমে সে অভ্যস্ত হ'য়ে উঠলো। হীরার সঙ্গে স্বচ্ছন্দ যত্নশীলভাবে। অসহিষ্ণুতা, উন্মাদনার আবরণ গেল কেটে। আস্তে আস্তে নেশার মতো আলাপের এই সহজ ধরাটিকে সে বেশ আয়ত্ত্ব ক'রে ফেললে, পরিপূর্ণ হৃদয়ে!

হীরা ডাকে, ওস্তাদ!

সুবোধ উত্তর দেয়, বাইজি!

—তুমি শুধু ঐ স্বদেশী গান গাও কেন?

সুবোধ এস্রাজে সুর বাঁধতে বাঁধতে উত্তর দেয়, দেশকে ভালোবাসি বলে। তার কর্ণস্বরে এতটুকু আগ্রহ প্রকাশ পেলে না।

হীরা মুহূর্ত্ত মোন থেকে জিজ্ঞেস করলে, তুমি নিজের দেশকে ছাড়া আর কিছু ভালোবাস না ওস্তাদ?

উত্তরে সুবোধ শুধু হীরার মুখের পানে চেয়ে হাসে। হীরার সমস্ত মুখখানা লাল টকটকে হ'য়ে ওঠে। সুবোধের মনে হলো, ভয়ানক সুন্দর ঐ লজ্জারক্ত মুখ!

পরমুহূর্ত্তেই দেখা গেল, হীরা মাথা নীচু ক'রে চুপচাপ ব'সে অকারণে মাথার বিছনীটা টানাটানি করচে।

এস্রাজে সুর বেঁধে সুবোধ হীরার হাতে সেটা তুলে দিয়ে বলে, সেই 'ছায়ানট'-খানা বাজাও।

হীরা নিশ্চয় কণ্ঠে উত্তর দিলে, ভালো লাগছে না, তুমি একখানা বাজাও, আমি শুনি।

সুবোধ তীব্র দুইচোখ বিফারিত করে এস্রাজটা কোলে হুলে নিলে।

সুবোধ এস্রাজে ঝঙ্কার তুললে। উঃ! কী করুণ সে সুর! যেন একটা অসহ্য যন্ত্রণায় কে আর্তনাদ ক'রে উঠলো। সুবোধ যেন ক্রমশঃ অচেতন হ'য়ে বাজনার মধ্যে ডুবে গেল। অমুভূতি নেই, চেতনা নেই, সব নিমেষে তার চেতনা হ'তে নিশ্চিহ্ন হ'য়ে মুছে গেল। ভুলে গেল, সে নিজেকে, নিজের অস্তিত্বকে, পার্শ্বোপবিষ্টা রূপসী হীরার অস্তিত্বকে! মুক্ত পাখীর মতই সে যেন কণ্ঠে গানের ঝঙ্কার হুলে শূন্যের পর শূন্য অতিক্রম করে চলেছে।

বাজনার মাঝেই একসময় হীরা বললে, উঃ! এতো

করুণ সুরও তুমি বাজাতে পারেনা। ভারি কান্না! পায় আমার। অথচ কান্না আমি মোটেই পছন্দ করি না।

অপ্রস্তুত হ'য়ে সুবোধ তার পানে চায়। হীরা বলে, আজ বাজনা থাক, তার চেয়ে তোমার দেশের কথা বল, শুনি।

সুবোধের মুখে ভুবড়ী ছোটে। সে অনর্গল ব'লে যায় তার দেশের কথা। তার দেশের মাধুঘের কথা—তাদের সভ্যতার ইতিহাস।

হীরার মনে হয় তার বর্ণনার কাহিনী যেন সচল ছবির মতো তার চোখের সামনে দিয়ে শাঁ শাঁ ক'রে ছুটে চলে গেল।

হীরা রুদ্ধনিঃশ্বাসে তার মুখের পানে চেয়ে থাকে। উত্তেজনার আতিশয্যে তার মুখখানা আকর্ণ রাঙা হ'য়ে উঠেছে। ব্যগ্র ভূটি চোখ সজল, ভারী হয়ে আসছে। সসকরণ দীর্ঘশ্বাসে দীর্ঘায়ত বুকখানা কঁপে কঁপে উঠছে।

হীরা জিজ্ঞেস করলে, তোমার দেশকে যদি তুমি এতো ভালোবাস ওস্তাদ, তুমি দেশে যাওনা কেন?

সুবোধের বিবর্ণ ঠোঁটের ফাঁকে ফুটে ওঠে নিশ্চয় হাসির রেশ।

গভীর দীর্ঘশ্বাস ফেলে সে উত্তর দিলে, গৃহহারা পথের ভিখারীকে গৃহের স্বপ্ন দেখিয়ে লাভ কি বাইজী!

হীরা সকাহর অস্থিরতার সুরে বললে, সত্যি ওস্তাদ, আমি ঠাট্টা করিনি। বল, যদি তুমি তোমার দেশে ফিরতে চাও, আমি তার ব্যবস্থা ক'রে দেব।

বিস্ময়ে হীরার মুখের পানে চেয়ে সুবোধ বললে, সে সৌভাগ্য কি কখনো আমার হবে?

—কেন হবে না? বল তুমি যেতে চাও, আমি আজই তার ব্যবস্থা করব'।

—কী ব্যবস্থা করবে বাইজী, আমার যে এক কপর্দকও সঙ্গতি নেই। আমার চলবে কেমন করে? আমি কি নিয়ে ফিরবো?

—তার ব্যবস্থা আমি করব'।

একটা অপূর্ণ জ্যোতিতে সুবোধের মুখখানি উদ্ভাসিত হ'য়ে উঠলো।



বাইজীর ঘরে বিরাট জলসা। সুবোধের ডাক এলো। শহরের সম্রাস্ত্র ধনীর দল হীরার গৃহে সমবেত। সুবোধ সজ্জিত হয়ে আসরে গিয়ে বসলো। হীরা সুবোধকে নিজের ওস্তাদ বলে তাদের সাথে পরিচয় করিয়ে দিলে এবং তাদের জানিয়ে দিলে যে ওস্তাদের সম্মানার্থ এই জলসার আয়োজন। তিনি বহুদিন পরে গৃহে ফিরবেন।

হীরার নৃত্যগীত শুরু হলো। সুবোধ এস্রাজে সুর তুললে। দর্শকেরা সুবোধের বাজনায় মুগ্ধ হ'য়ে তাকে প্রচুর পুরস্কার দিলে।

উৎসব শেষে, গভীররাত্রে সুবোধ যখন ফিরবে, হীরা এসে তার হাততুখানি ধ'রে বললে, তোমাকে ওস্তাদ ব'লে পরিচয় দেওয়া সৌভাগ্যের কথা।

পরদিন হীরা বললে, কালকের জলসায় আশাতীত উপার্জন হয়েছে। এইবার তুমি ঘরে ফিরবার আয়োজন কর। আর তোমায় আটকে রাখতে চাইনি।

সুবোধের মুখে ঠিক তেমনি একটা করুণ হাসি ফুটে

উঠল, প্রাণ-শক্তি নিভে আসবার ঠিক পূর্বক্ষণে যেমনি হাসিতে মুমূর্ষুর মুখখানা উদ্ভাসিত হ'য়ে ওঠে।

দিন ঠিক হলো। সুবোধ দেশে ফিরবে। হীরা তারই আয়োজনে ব্যস্ত।

হীরার বাড়ী হ'তেই সে যাত্রা করবে। অপরাহ্নে ট্রেন। পরিচিত অপরিচিত অনেকেই এসে জমেচে হীরার বাড়ীর বাইরে, তাকে বিদায় সম্ভাষণ জানাতে।

যাত্রার আয়োজন শেষ ক'রে, সাজ-গোছ ক'রে সুবোধ বাইরে এলো সকলের কাছে বিদায় নিতে। মুখে তার অন্তমনস্ক গাভীরা, —একটা অমুভূতিহীন চেতনার মাঝে যেন সে মগ্ন হ'য়ে আছে। চোখে একটা অস্বাভাবিক দীপ্তি, মুখে ক্ষীণ নিস্প্রাণ হাসির আভাস।

একে একে সকলের কাছে বিদায় নিয়ে সুবোধ ভেতরে গেল হীরার কাছে বিদায় নিতে। ক'জন অন্তরঙ্গ বন্ধু বাইরে অপেক্ষা করতে লাগল তার সাথে ষ্টেশনে যাবে বলে। সকলেই ম্লান, স্তিমমান।

## সম্রাটের পূজার

যদি প্রিয়জনের হাসিমুখ দেখিতে চান তবে  
'বম্বে বরোদা' পলিসি

উপহার দিন

নূতন পরিচ্ছদের আনন্দ সাময়িক ;

"বম্বে বরোদা" পলিসি আপনার শাস্তি

ও প্রিয়জনের চির নিরুদ্বেগের কারণ।

বিশেষ বিবরণের জ্ঞান নিম্ন ঠিকানায় অনুসন্ধান করুন

চীফ্ এজেন্ট

বম্বে বরোদা এ্যাসুরেন্স কোং লিঃ

২, লাক্সমী রেঞ্জ :: কলিকাতা।



বেলা বাড়ছে। ট্রেনের সময় এগিয়ে আস্চে, অথচ  
বোধের দেখা নেই। বন্ধুরা বাইরে হ'তে তাগিদ দিচ্ছে,  
আর মোটে বিশ মিনিট বাকি!

--পনের মিনিট!

--স্ববোধ ফেরে না!

--ব্যাপার কি? বাইরে সকলে উদ্বিগ্ন হ'য়ে উঠছে।  
এখানে পথ বেয়ে স্টেশন গিয়ে গাড়ী ধরবে কেমন করে?  
মোটে পনের মিনিট বাকি! এখন—মোটরে গেলে ট্রেন  
পতে পারে।

বন্ধুর দল উঁচু গলায় ডাক দিলে।

উত্তর নেই!

সকলে মুখ চাওয়া-চাওয়ি করতে লাগল।

ভেতর হ'তে সহসা একটা অস্ফুট কলরব ভেসে এলো।

কলে উৎকর্ণ হ'য়ে শুনলে।

যেন কার চাপা কান্না!!...ভেতরের কলরব বেড়ে  
উঠলো।

বাইরের প্রতীক্ষীমান লোকগুলি অধীর হ'য়ে ভেতরে  
দুকে গেল। ভেতরে গিয়ে তারা যা দেখলে তাতে  
তাদের বুকের স্পন্দন গেল থেমে!

হীরার সজ্জিত ঘরের সামনে খোলা বারান্দায়, তার  
কোলের ওপর স্ববোধের প্রাণহীন নিস্পন্দ দেহটা লুটিয়ে  
পড়ে আছে। তার উন্মিলিত চোখের নিস্পন্দ দৃষ্টি  
হীরার মুখের পরে স্থির হ'য়ে গেছে।

সকলে রুদ্ধশ্বাসে কাঠ হ'য়ে স্ববোধের মুখের পানে চেয়ে  
রইলো। তাদের সপ্রশ্ন মিলিত দৃষ্টি যেন হীরাকে জিজ্ঞাসা  
করতে চায়: কেন এমন হলো? কেন?

হীরার বেদনাচ্ছন্ন সজল চোখেও সেই সপ্রশ্ন সঙ্কেত:  
এমনভাবে আমার কাছে বিদায় নিলে,—কেন গো, কেন?

অভিনব  
আয়োজন

==শারদীয় উৎসবে==

অভিনব  
সমাবেশ

ব্যবহার বা উপহার প্রদান

করিবার উপযোগী বস্তুাদি

বেনারসী, তসর  
গরদ, মটকা  
মারাঠী, কাবেরী  
ইত্যাদি

মুর্শিদাবাদ সিঙ্কের  
মনোরম ছাপানো শাড়ী  
ও অন্যান্য কাপড়

—:0:—

স্বদেশী মিলের  
ও তাঁতের ধতি  
শাড়ী, ঢাকাই  
প্রভৃতি

খরিদ করিবার পূর্বে দয়া করিয়া একবার আমাদের দোকানে পদার্পণ করিবেন।

ওল্ড-ফ্রেণ্ডস সোসাইটি

৮৭-২, কলেজ ষ্ট্রট, আশুতোষ বিল্ডিংস, কলিকাতা।

সকলের অর্ডার সম্বন্ধে সত্বর ভিঃ পিঃতে প্রেরিত হয় ::: পাইকারগণের জন্য বিশেষ বন্দোবস্ত আছে





# ভালবাসিবার ধারা

[ রূপক ]

= শ্রীরাঙ্গেন্দ্রমিত্র =

পথ হারানো পথিক—

গভীর রাত্রি। গভীর বন। পথিক একলা চলে।  
পায়ে পা' জড়িয়ে আসে। শ্রান্ত, ক্লান্ত, তবু পথের শেষ  
নেই। অশেষ পথ। পথ চলার বিরাম নেই।

সামনে পিছনে নিবিড় তরুশ্রেণী—নীরব, নিথর,


কোথায় যায়, কেন যায় ও জানে না। কি

আকর্ষণে?...কোন ভবিষ্যত সুখের আশায় কে জানে!

মনের কোণে কেবল এই প্রশ্নই ওঠে কিন্তু উত্তর পায় না।

ক্লান্তিতে পথিকের দুটি চোখের পাতা বুয়ে পড়ে

আধখোলা চোখে গাছের পাতার ফাঁক দিয়ে আলোয়



শ্রীরাঙ্গেন্দ্রমিত্র

মস্তমুগ্ধ যেন। গাছের পাতার ফাঁক দিয়ে কোজাগরী  
পূর্ণিমার মস্ত চাঁদ চোখে পড়ে। চাঁদের দৃষ্টি ছড়িয়ে পড়ে  
আকাশে—ভুবনে, প্রান্তরে বনে। বাতাসে বাতাসে কোন  
অজানার আহ্বান ভেসে বেড়ায়—গাছের ফাঁকে ফাঁকে  
আলিঙ্গনে বন্ধ আলো-ছায়ার লুটিয়ে পড়া নীরব নিবেদনের  
মত—শ্রান্ত, ক্লান্ত, ঘুমন্ত। তবু পথিক চলে—নিঃসঙ্গ,  
একলা।

আকাশের দিকে তাকিয়ে ভাবে—পৃথিবীতে আজ  
আলো, এত বাতাস, ফুলের স্রবাস, পাখিয়ার গান—এ  
কোন মূল্যই কী ওর কাছে নেই?...ওর কী আজ এ  
আনন্দ নেই!...সত্যিই দুনিয়ায় ও বড় একা, বড় অসহ  
ওর এই তরুণ বয়স...নবীন যৌবনের কী প্রয়োজন  
তবে!...শুধু পথ চলই কী ওর জীবন কাটবে!...  
কী ওর হবেনা কোন দিনই!...





শ্রাস্ত, ক্লান্ত পথিক গাছের তলে বসে পড়ে—পায়ে  
নার সরু পথটির ধারে—যেখানে কৃষ্ণচূড়া গাছটি উপুড় হয়ে  
পড়ে থাকে।

পথিক ভাবে গালে হাত দিয়ে। বুকে ওর অসহ  
বেদনা...ও আর চলতে পারে না। আঁখির পাতায় ঘুম  
জড়িয়ে আসে।

পথিকের তন্দ্রা যায় ছুটে। বাতাসে ভেসে আসে গানের  
ভূট কলি—

“আজ ভুবনের ছয়ার খোলা

দোল দিয়েচে বনের দোলা

কোন ভোলা সে ভাবে ভোলা

খেলায় প্রাঙ্গণে—”

পথিকের আনমনা মন এক অপূর্ণ ছন্দে নেচে ওঠে,  
আর কেঁপে ওঠে বনের লতাপাতা, বনের ঘাসগুলিও  
যেন.....।

গানের সুরে পথিক মাতাল হয়ে ওঠে। ভাবে—  
এসর বনের কোন মায়াবিনীর মায়াজাল নয় তো!...

ওকেই জড়াতে চায়...ওকেই পথ ভুলিয়ে নিজের আবর্তের  
মধ্যে টেনে নিতে চায় যে! না!...না!...ও যাবে না...  
কখনোই যাবে না...ফাদে ধরা দেবে না।


কিন্তু শেষ পর্যন্ত থাকতে পারে কই?...সুরের এ-কী  
প্রবল টান...এ-কী মোহ!...পথিক উঠে দাঁড়ায়।

বনের এক প্রান্তে উন্মুক্ত আকাশের তলে ঘাসের ওপর  
নাচে আর গান গায় একটি মেয়ে। সুন্দরী! চোখ  
ফেরানো যায় না। জড়ানো খোঁপাটির মধ্যে অতি  
আলতোভাবে কয়েকটি কৃষ্ণচূড়া জড়ানো...কানের দুপাশে  
ভূট পলাশ...গলায় এক গাছি বক্ষুলের মালা। গভীর  
রাত্রি। গভীর বন। সুন্দরী মেয়েটি নাচে আর গান  
গায়। ও নাচে অপরূপ নাচ! সবুজ পাতলা শাড়ীর  
আড়ালে মুকুলিত ভূট রাঙা ফুল কেঁপে ওঠে নৃত্যের তালে  
তালে। মনে হয় ওর তরুণ অঙ্গের সব মাধুরীটুকু গানের  
সুরে চাঁদের আলোয় যেন—ভেসে চলেছে



## নিত্য জ্ঞান ও প্রসাধনে তৃপ্তিপ্রদ সাবান অঙ্গরাগ বাথ সোপ

মানের আনন্দ ও বর্ণশ্রী বর্ধন  
করিয়া দেহ সুরভিত করে।



### অঙ্গরাগ

রূপ ও লাভণ্য বর্ধনে অতুলনীয়  
সুগন্ধিযুক্ত অল্পময় সাবান।

### ফেনকা সেন্টিং স্টিক

কৌর কর্মে অপরিমিত তৃপ্তিপ্রদ।

যাদবপুর সোপ ওয়ার্কস্,  
২৯ নং, ষ্ট্র্যাণ্ড রোড, কলিকাতা।



নিজেকে লুকিয়ে রাখলে চলে না আর। ঝোপের  
অড়াল থেকে পথিক সামনে এসে দাঁড়ায়। নাচ গান  
থেমে যায়।

মেয়েটি বলে “কে ?...”

—“আমি পথিক। তুমি ?”

“তোমার নাম নেই বুঝি—মেয়েটি জিজ্ঞেস করে।

—“আমি মুকুল। তোমার—”

—“আমি মল্লিকা। কী করে এলে তুমি এখানে।  
এই বিজন বনে তোমার ভয় করে না ?”

—“না। তোমার গানের সুরের টানে আকুল প্রাণে  
তোমার কাছে ছুটে এলেম। থামলে কেন ?—আর একটিবার  
গান গাও—দাঁড়িয়ে শুধু শুনবো, এর বেশী কিছু চাইনে  
মল্লিকা !...”

“এর বেশী কিছু চাইনে মল্লিকা”

মল্লিকা হাসে; মধুর সে হাসি। বলে—“কে তুমি

আমায় নাম ধরে ডাকলে—এ-কী তৃপ্তি—ডাকোনা আ  
একবার !

মুকুল ডাকে বার বার। ডেকে সাধ মেটে না যে  
তারও। অপলক চোখে মল্লিকা তাকিয়ে বলে—“কত শ্রী  
তুমি হয়েছেো পথচলে !...কেন চলো ?...চলেছো কোথায়—  
কেউ আর নেই বুঝি ?

মুকুল বলে—“ছিল না যে কেউই...তাই তো চলো  
দীর্ঘকাল ধরে বুঝি তোমারই সন্ধানে—আজ তোমারে  
পেয়ে আমার সেই কথাই মনে হচ্ছে মল্লিকা ! তরু  
যৌবনের নিজের চাওয়াকে আপন বুকে পাবার এ যে বি  
মোহময় আকর্ষণ বুঝে উঠতে পারিনে”। মুকুল মল্লিকা  
একটা হাত ধরে।

মল্লিকা বলে—“এ-কী তুমি আমায় ছুঁলে ?

মুকুল অস্তে হাত ছেড়ে দেয়।

“রাগ করলে ?—মল্লিকা জিজ্ঞেস করে।

## দেশব্যাপী প্রতিদ্বন্দ্বিতার মধ্যেও=

উচিত যুলো, অফুরন্ত ষ্টক

আধুনিক রুচির নূতন ডিজাইন

আমাদের বিশেষত্ব

=====

যদি প্রকৃত বাজার দরে জামা ও কাপড় খরিদ করিতে চান তবে  
অন্যত্র খরিদ করিবার পূর্বে আমাদের দোকানে পদার্পণ করুন।

# কলিকাতা নিউফ্রেণ্ডস মোসাইট

: ২৪, গ্রে স্ট্রিট :: শোভাবাজারের মোড় :: কলিকাতা।



—“না”।

মুকুল বলে—“তোমার হাতটি আমার মুঠোর মধ্যে দাও  
১, আমি খেলা করি, আমার সুখ হয় তাতে খুব।”

কী সুন্দর ওর বলার ভঙ্গী! ভালাবসার সুর!...

মল্লিকা নিজের হাতটি এগিয়ে দেয়।

মুকুল ওর হাতটি মুঠো করে ধরে। মল্লিকার এই স্পর্শ  
মুকুলের বড় ভাল লাগে। এ স্পর্শের স্বাদ ওর কাছে সম্পূর্ণ  
নতুন, এ সুখের সাথে ও কোনকালে পরিচিত নয়। এ সুখের  
স্বাদ মুখে বলবার নয়...এর কোন রূপ দেওয়া যায় না...  
ভাষা ভেঙে পড়ে...শুধু নিস্তব্ধ, নিথর চাঁদনি রাতে খোলা  
ষাকশের তলে হাতে হাত দিয়ে একে বোঝা যায়, ঝিরঝিরে  
ঠাণ্ডা বাতাসে বসে। শরতের ঠাণ্ডা বাতাস গায়ে এসে  
লাগে মল্লিকারই স্নিগ্ধ নরম হাতটি বুলনোর মত। মল্লিকার  
ছোওয়া পেয়ে ওর সমস্ত শিরা-উপশিরা কেঁপে ওঠে...ও  
চল হয়ে ওঠে। বলে—“আজ তোমাকে পাবার আনন্দের

মন ভরে উঠেছে; তুমি এত সুন্দর, এত করুণ, এত সুরময়!  
আমি এই পৃথিবীকে প্রণাম করি! এ সুখের সংজ্ঞা দেওয়া  
যায় না”

মল্লিকা কোন কথা কয় না।

মুকুল ভাবে—ও প্রথম প্রেমের ব্রীড়ায় সঙ্কুচিত হচ্ছে  
বুঝি বা!...“তুমি এত হালকা ছোটটি!”—মুকুল বলে—  
“তোমাকে কেউ এর আগে ভালবেসেছে মল্লিকা?...কেউ  
কী তোমায় এমনি বাহুর মধ্যে নিয়ে জড়িয়েছে...এমনি  
...এমনি করে?”

“না”—ও খুব আন্তে বলে।

ওদের জীবনের এই ভোর বেলা...তরুণ ওদের দেহ-মন  
...নিঃশ্বাসে ওদের বুক ছলছে।


আশে-পাশে হাওয়ায় গোছা গোছা কাশফুল ছলে ওঠে,  
সরসর কেঁপে ওঠে গাছের পাতা। পথ দিয়ে কে বাণী  
বাজিয়ে চলে যায়—



পাইকারী ও খুচরা দরে


সুস্বাদু = সুগন্ধ

পাতা ও গুঁড়া



আমাদের দোকানে

সর্বদাই পাইবেন



এলায়েন্স টি কোং

৮সি, লালবাজার স্ট্রীট : : : কলিকাতা



“মম যৌবন নিকুঞ্জে গাহে পাখী  
সখী জাগো, সখী জাগো—”

প্রিয়াকে জাগাবার সাধনায়...প্রিয়াকে বুকে পাবার  
জন্তু কার তরুণ মন এমন চাঁদনি রাতে কৈঁদে ফিরচে—

“জাগো নবীন গৌরবে  
জাগো বকুল সৌরভে—”

নিজের প্রিয়াকে ঘুম হ’তে জাগিয়ে বুকে পাবার কী  
আকুলতা!

মুকুল তাই ভাবলো। মুকুল বলে—“মল্লিকা, আমিও  
এমনি বহু রাত কৈঁদে কৈঁদে ফিরে আজ তবে তোমায়  
পেয়েছি—নিজের প্রেমকে পাবার জন্তু এষে কী আকুলতা,  
ভালবাসার এ কেমন ধারা বুঝিনে। জগতে পাপ নেই,  
দুঃখ নেই, বন্ধন নেই, সীমা নেই, কিছুই নেই; দুঃখ, পাপ,  
বন্ধন সবই ওই একমাত্র কামনার হয়রানি। প্রেমের সুখ  
অসীম। চাওয়ার আকুলতাই অতৃপ্তি। খুঁজে খুঁজে  
বেড়ানো, যতই পাও তবু সুখ নেই, তাই যা’ সহজ, তাই হয়ে  
ওঠে দুর্গম, দুর্লভ—তাই প্রেমের জন্তু মানুষের এত  
হাহাকার।”

\* \* \* \*

রাত শেষ হয়ে আসে—

পূর্ণিমা চাঁদ আকাশের গায়ে ঢলে পড়ে। মল্লিকা  
মুকুলের একটা হাত নিজের অধরে ছুঁইয়ে নিয়ে বলে—“এবার  
যাই...”

মুকুলের মুখ শুকিয়ে ওঠে। ওকে ছাড়তে মুকুলের মন  
চায় না। মুকুল বলে—“যাবে?...আর কী থাকতে পারো  
না?...তোমার হাতের মধ্যে হাতটি রেখে তোমাকে পাশে  
নিয়ে যদি জীবনের প্রত্যেকটি রাত কাটতো!...ভালবাসার  
সুখ বড় ক্ষণিক—না মল্লিকা?”

মল্লিকার মুখে স্নান হাসি।

ওর মনে হয়—ওদের দু’জনে যেন কতকালের পরিচয়—  
দু’জনে কত ভাব! তাই যাবার বেলায় ওর মনেও বেদনা  
জাগে। তবু ধীরে ধীরে বলে যায়—“ভালবাসার সুখ বড় ক্ষণিক  
বলেই তাই তোমার কাছে আমার এত আদর...তাই আমি  
এত সুন্দর তোমার কাছে—”

—“কিন্তু মল্লিকা প্রথম ভালবাসা এ ছাড়তে মন  
না। বড় দুঃখ তাতে। প্রথম ভালবাসা বড় মধুর। ও  
মৃদু কম্পন...সঙ্কুচিতা লজ্জিতা প্রথম প্রিয়ার যেন মল  
চাউনি, একটি ইসারা শুধু, তাই এত মিষ্টি।”

মল্লিকা আর একবার ওর হাতটি নিজের অধরে ছুঁই  
নিয়ে বলে—“যাই তবে—”

ধীরে ধীরে ভোরের বাতাস বয়ে যায়। শিউলে ব  
নবকিশলয়, নবপল্লবের সাড়া পড়ে গেছে—মৃদু বাতা  
এক একটি করে ফুল মাটিতে ঝড়ে পড়ে। এবার  
ফুলের গৌরবময় অবসান। ফুল সারারাত ধরে মন  
গন্ধ বিলিয়ে ভোরের নূতন আলোর স্পর্শ পেয়েই আ  
ঝরে যায়; একটি রাতের জন্তু সুগন্ধ রঙের তুলি বু  
দেয়। অস্থায়ী বলেই তার এত আদর। মুকুল  
কথাই ভাবছিল প্রেমের সুখও ফুলের মতই। অল্প সম  
মধ্যেই সে সার্থক হয়ে ওঠে, ক্ষণিকতার মধ্যেই প্রে  
নিবিড়তা অছুত্তব করা যায়, তারপর-ই তার অবসান, যা  
পালা—এই যাওয়া বুঝি আটকানো যায় না!...

মুকুল বলে—“ক্ষণিকতার মধ্য দিয়ে যে নিবিড়  
পেলেম—এ স্মৃতিটুকু চিরদিন অ-মলিন থাকবে।”

মল্লিকা শুধু হাসে। “সবাই তাই বলে—আবার ভু  
যায়”—মল্লিকা বলে।

মুকুল মল্লিকাকে ধরে রাখতে পারে না। মল্লিকা  
গেল। মুকুল অঁপলক দৃষ্টিতে চেয়ে থাকে ওর  
পথটির দিকে—মল্লিকা একটু একটু করে আবছা আ  
মধ্যে মিলিয়ে যায়—আর দেখা গেল না। মুকুল দুঃ  
চোখ ঢাকে, বাতাসে তখনো মল্লিকার শেষ গানের  
বাজে

—“বরষা ধীরে ধীরে  
ভুলে যাবে জানি—”

মুকুল উত্তেজিত, অথচ দুর্বল। মুকুলের মনে  
কে যেন ওকে চুম্বন করছে, ঠোঁটে ওর পরশ এ  
লেগে আছে। তরুণ যৌবনের আবার সেই আ



দ্বা-মাথা ভারী হয়ে আসে। ও চোখ বুজে তারই  
নের প্রতীক্ষা করে। মুকুল চাঁদটির দিকে তাকায়;  
ল ভাবে—ওকে যদি চিরদিনের মত পেতাম খুব সুখী  
তম—ওকে সব চেয়ে ভালবাসতুম...ওর জন্তই আমার  
ই আকুলতা, তবু ওকেই ভালবাসি।

মুকুল অস্পষ্টরূপে সেই নামটা উচ্চারণ করে—“মল্লিকা!  
মল্লিকা!”

ওর কথা মনে করে হৃদয় স্পন্দিত হয়। মুকুল হাঁটু-  
ড়ে বসে শিশিরভেজা ঘাসের ডগা চুষন করে—এই আশা  
র যেন মুকুল ওকে পায়।

মুকুল ভাবে—কেন এমন হয়?...এই বুঝি ভালবাসার  
রা?...ভালবাসার এই বুঝি ধর্ম!...কত ক্ষণস্থায়ী এই  
প্রেমের সুখ!...

পথচারী বাতাস ওর মাথার চুলে হাত বুলিয়ে দিয়ে  
যায়।

মুকুল বলে—“কে?”

কেউ না। বাতাস। কী অতীন্দ্র বেদনায় ও জ্বলছে।

মুকুল আবার সেই পথ হারানো পথিক। ও উঠে  
দাঁড়ায়। এ পথ চলার বুঝি বিরাম হবে না কোনদিন!...

আবার সেই দুর্গম পথ। পিছনে ফেরবার প্রয়োজন  
নিঃশেষ!...আবার সেই একা একা পথ চলা—“কেপা  
খুঁজে খুঁজে ফেরে পরশ পাথর”—আবার সেই খোঁজার  
সুর।

বনের পথ ধরে পথিক আবার একলা চলে—

—শেষ—



## “জননী আসে”

= শ্রীমানারাক্ষী দেবী =

কটি মেথলা উড়িয়ে ওই শারদাকাশে,  
জননী আসে ওরে জননী আসে।

পরি উষার সিঁথি শ্বেত ললাট পরে  
লয়ে স্নেহের অমিষ্টা রাশি নয়ন ভরে;  
তম জড়িয়ে শ্রামল অঙ্গবাসে,  
জননী আসে ওরে জননী আসে।  
আজ আকাশ কোলে মার মধুর হাসি  
ওই বাতাসে বাজে তাঁর বোধন বাঁশি

আজি ভ্যালোক ভ্যালোক ভরি নীরব ভাষে  
জননী আসে ওরে জননী আসে।  
কচি ঘাসের বুকে মার আঁচল দোলে  
ঘন অলক গোলা ওই মেঘের কোলে,  
তাই প্রাণের পরশে আজ জীবন হাসে  
জননী আসে ওরে জননী আসে।





বহু কোটি টাকা মূলধন,

তদুপযুক্ত মজুত টাকা,

## ন্যস্ত অর্থবিনিয়োগের বিজ্ঞানসম্মত ব্যবস্থা

—মিতব্যয়িতা—

এই স্তম্ভ চতুষ্টয়ের উপর নিউইঞ্জিয়ার স্থায়িত্ব ও নিরাপত্তার দৃঢ় প্রতিষ্ঠা

চার কোটি  
টাকার  
বনিয়াদ

### জীবনবীমা বিভাগের কাজের খতিয়ান

প্রতিষ্ঠা ১৯২৯

১৯২৯-৩০	...	...	৩৯ লক্ষ টাকা
১৯৩০-৩১	...	...	৭১ লক্ষ টাকা
১৯৩১-৩২	...	...	৮৮ লক্ষ টাকা
১৯৩২-৩৩	...	এক কোটি পাঁচ লক্ষ টাকা	
অন্য যে কোনও কোম্পানীর প্রথম, দ্বিতীয়, তৃতীয়, এবং চতুর্থ বৎসরের কাজের পরিমাণ হইতে বেশী।			

ছয় কোটি  
টাকার  
দাবী মিটানো  
হইয়াছে।

জীবনবীমা, অগ্নিবীমা, নৌবীমা, দুর্ঘটনাবীমা প্রভৃতি  
সমস্ত প্রকার বীমার প্রস্তাব গ্রহণ করা হয়।


খাঁটি ভারতীয় এবং পৃথিবীর অন্যতম অতিকায় বীমা প্রতিষ্ঠান

## দি নিউ ইঞ্জিয়া এসিওরেন্স কোম্পানী লিমিটেড

হইতে বীমাপত্র ক্রয় করিয়া নিজের এবং পরিবারবর্গের  
ভবিষ্যৎ সম্বন্ধে সম্পূর্ণ নিশ্চিত হউন।

কলিকাতা অফিস—১০০, ক্লাইব স্ট্রীট।





রবীনের বিয়েটা ঘটে রোমান্টিকভাবে, তারই কাহিনী  
লি:

রবীনের একটু পরিচয় দি আগে—

রবীন কবি নয়, গায়িক। তবে সাধারণ প্রেমের কাহিনী  
কোন দিনই লেখেনি, সে লেখে ডিটেক্টিভ গল্প—  
রম্যাকর রহস্যময় কৌতুহলোদ্দীপক। তা' কবি নাহলেও  
বীন মাথায় ঝাকড়া ঝাকড়া চুল রাখে, টিলা হাতা পাঞ্জাবী  
পরে, চুরট খায়, চশমাও আছে একজোড়া—তা তাকে  
নিয়মিত সবই—চেহারা মোটের উপর মন্দ নয়। তার উপর  
মুঠের ঘেরও একটু মেয়েলী মিহিছের রেশ পাওয়া যায়।

কিন্তু এত গুণ থেকেও ভগবান তাকে একদিকে  
করলেন। বি-এ ডিগ্রীটা সে বিশ্ববিদ্যালয়ের কাছ থেকে  
লাভ করতে পারলো না হ'বছরেও। এই বি-এ পাশ না  
লাভের দুঃখ তো শুধু ফেল-করার দুঃখ নয়, তার চেয়ে বড়  
দুঃখ নুকিয়ে ছিল তার মনের কোণে। প্রেমের কাহিনী না  
লেখলেও সে প্রেমে পড়েছিল, গাঁয়ের জমিদার-কন্টার সঙ্গে।  
তার উপর কথা প্রসঙ্গে জমিদার হরিচরণ বাবুর মুখে এমন  
কথাও সে শুনেছিল, যে ভাবী জামাতা হিসাবে জমিদার  
শিষ্ট এমন এক পাত্র চান, যার অন্ততঃপক্ষে বিলাত থেকে  
রিটার্ন হয়ে আসার যোগ্যতাটুকু থাকবে। তা রবীন  
শা করেছিল যে, বি-এটা পাশ করে বিলাত থেকে ঘুরে  
যাবে একবার, তা ব্যারিষ্টার না হয়ে একটা পি-এইচ-ডি  
ও ফিরবে—রাগুকে তার পাওয়া চাই, আর তার সঙ্গে  
গুণা চাই যৌতুকস্বরূপ হরিচরণ বাবুর জমিদারীটা। কিন্তু  
আশা মনেই রইল, ছবার ফেল করিয়ে বিধাতা সে  
শায় বাদ সাধলেন।

কিন্তু তা বলে প্রেম তো আর বাধা মানবে না, কাজেই  
তার মরিয়া হয়ে সে চেঞ্জে যাবার উদ্দেশ্যে বেরিয়ে পড়লো

বাড়ীতে অজুহাত দেখালো উপরি উপরি পরীক্ষার পড়ায়  
শরীর মন দুই ভেঙে পড়েছে, একটু হাওয়া না বদলালে  
স্বাস্থ্য বুঝি আর থাকে না।

মা বললেন—একাই যখন যাবি পুরীতে যা, রাগুরা আছে।

পুরীতেই সে যাচ্ছিল, তবু বললো—দেখি—হু-একটা  
জায়গা ঘুরে যেখানে ভালো বুঝবো, সেখানেই থাকবো দিন  
কতক।

কিন্তু কোন জায়গা না ঘুরে রবীন একেবারে পুরীতেই  
এলো। অনর্থক বাজে ঘুরে লাভ কি, এবার সে রাগুর  
বাবার সঙ্গে পাকা কথাই কইবে।

হরিচরণ বাবু তো রবীনকে পেয়ে খুব খুসী। রবীনকে  
তিনি আশৈশব পুত্র নির্দিশেষে স্নেহ করেন তার উপর  
বি-এ পরীক্ষায় ফেল করার জন্ত রবীন তাঁর সঙ্গে দেখা  
করেনি বছর খানেকের ওপর। এমদিন পরে রবীনকে  
কাছে পেয়ে তাঁর আনন্দ হবারই কথা। আরো আনন্দ যে  
রবীন লেখক হবার চেষ্টা করছে। রাগুর কাছে রবীনের  
অনেক লেখা তিনি দেখেছেন, পড়েছেনও। তাঁর বিশ্বাস  
কবে একদিন রবীনের লিখন-প্রতিভা বাংলার সাহিত্য  
আকাশে জ্যোতির মত জ্বল জ্বল করে জ্বলে উঠবে।  
রবীনের অসামান্য প্রতিভায় হরিচরণ বাবুর অসামান্য বিশ্বাস।  
রবীনকে উৎসাহ দিয়ে তিনি বললেন—বাংলা দেশে  
শিক্ষিতের সংখ্যা শতকরা সাতজন, আর শিক্ষিতদের  
শতকরা একজনও লিখতে জানে না। জন শতকের মধ্যে  
ভালো লিখতে পারে একজন মাত্র—তুমি সেই একজন,  
তোমার মধ্যে সে প্রতিভা আছে, একদিন তোমার নাম  
হবেই, তোমার লেখা তো আমি পড়েছি!

রবীন শোনে, হরিচরণ বাবুর মুখের পানে তাকিয়ে  
একটু গর্বের হাসি হাসে।



# PHENOLATES

CHEWING GUM LAXATIVE

নিয়মিত ব্যবহারে পাকস্থলী  
পরিষ্কার থাকে, শরীরের  
আভ্যন্তরিক সুস্থতা ও  
পরিচ্ছন্নতার ফলে

বর্ণশ্রী বার্দ্ধিত হয়



ফিনোলেটস্

ব্যবহারে  
মাথাধরা, শিরঃপীড়া প্রভৃতি  
আরোগ্য হয়। অজীর্ণ বা  
কোষ্ঠ কাঠিষ্ঠ রোগে  
ভুগিতে হয় না।

ফিনোলেটস্

চর্করীষ্ম রেচক বটিকা

গ্রীষ্মপ্রধান দেশোপযোগী

ইহা তিক্ত বা বিরক্তিকর নয়। অত্যধিক উগ্র নয়। একরূপ নির্দোষ,  
নিরাপদ ও মৃদু অথচ শক্তিশালী রেচক বটিকা প্রকৃতই বিরল; নিশ্চিন্ত  
মনে শিশুদিগকেও সেবন করানো যায়। প্রতি শিশি ১০ মাত্র।


এ্যামেরিকান প্রোডাক্টস্ কোম্পানী লিঃ

ব্যালার্ড এণ্টেট, অমরুত বিল্ডিংস, বোম্বাই।

কলিকাতার এজেন্টস্:-

বি, এ, ব্রাদার্স এণ্ড কোং

১১, এজরা স্ট্রীট, কলিকাতা।





রবীন্দ্রকে নিয়ে হরিচরণ বাবুর মজলিশ আরো জন্ম জন্ম  
রে।

বাড়ীর ভিতরেও রবীন্দ্রের খাতির কম নয়, রাণু তাকে  
নিমন্ত্রণের পর নিমন্ত্রণ করে খাওয়ায়, তার লেখা গল্পের  
সমালোচনা করে। নানা কথাই হয়। এই নিমন্ত্রণের  
দোকান পড়ে রবীন্দ্রকে হোটেল খাওয়া ছাড়তে হয়েছে।  
দেখে শুনে মনে হয় অন্তঃপুরের অন্তরঙ্গতা যেন বাহিরের  
মজলিসকে ছাপিয়ে গেছে।

—এমনি ভাবেই দিন কাটে।

বলি বলি করেও ঠিক মত ভূমিকা ভেঁজে রাণুর সম্পর্কে  
কোন কথাই হরিচরণ বাবুর কাছে রবীন্দ্র সুবিধা করে  
দেতে পারে না। কোনদিনই, হরিচরণ বাবুকে একলা  
খাওয়া যায় না কোন সময়েই। অন্তরে রাণু তো সব সময়  
কাছে কাছে আছে আর বাহিরে একবার এসে বসলে হয়  
গাড়ির পাঁচজন এসে জুটবে, যাবার নামটী কর্কে না।  
খায় কথায় নানান কথা তুলবে—পরচর্চা রাজনীতি  
আজনীতি সাহিত্য কিছুই বাদ যায় না! তাদের জেঁকে  
সতে দেখে রবীন্দ্র মনে মনে ক্রুদ্ধ হতে থাকে।

সেদিন বিকালেও এমনি আলোচনা চলছিল সাহিত্য  
নিয়ে।—

ওদিক থেকে নরেনবাবু বলে উঠলেন—আজকাল  
কদল ছোকরা লেখক গজিয়েছে, বিলাতী বয়ের তর্জমা  
দে তারা যা খুসী তাই লেখে, নিজের অভিজ্ঞতা  
ক অবজ্ঞারভেদন কিছুই তাদের নেই—শুধু অমূল্যবাদ  
দ্রা বিদ্যে।

কথাটা হরিচরণ বাবুর মনের মতই হয়েছিল, বললেন—  
ঠিক, তাদের কবলে পড়ে আজ আমাদের সাহিত্যের  
অভিজ্ঞতা আদর্শ, নীতি সব নষ্ট হতে বসেছে—

ওপাশ থেকে মুরুব্বিয়ানার স্বরে প্রবোধবাবু বললেন—  
কণ সাহিত্যিকের সামনেই তরুণ দলের নিন্দে? এক-  
করের রায় দিলে তো আর চলবে না, ওদের ব্যক্তব্যটাও  
লতে দাও। বলুন না রবীন্দ্রবাবু, আপনাদের কথা  
আপনিই বলুন—

এই কটাক্ষের পরেও চুপ করে থাকা শক্ত। রবীন্দ্র  
বললো—দেখুন অভিজ্ঞতা বা অবজ্ঞারভেদন ব্যক্তিগত  
কথা, আসল লোকটাকে না জেনে তার অভিজ্ঞতা কদর,  
অবজ্ঞারভেদন কি রকম ধারণা করা শক্ত—

বাধা দিয়ে প্রবোধবাবু বললেন—বেশ তাহলে আমরা  
ব্যক্তিগত কথাই বলি। আপনি তরুণ দলের একজন,  
আপনাকে আমরা জানি, আপনি এই যে এত গোয়েন্দার  
গল্প লেখেন, চুরী বা গোয়েন্দাগিরী সম্বন্ধে আপনার কোন  
বিশেষ অভিজ্ঞতা আছে বলে তো আমার মনে হয় না!

এমন ভাবে আক্রান্ত হবার প্রত্যাশা রবীন্দ্র করেনি। সে  
প্রথমে একটু বিব্রত হয়ে উঠলো, তারপর ঘুরিয়ে জবাব দিলে  
—এরকম স্বতঃসিদ্ধ ‘মনে না হওয়া’ ভুল, আমার অভিজ্ঞতা  
আছে কিনা তার প্রমাণ নির্ভর করছে পরীক্ষার ওপরে,  
আপনারা ইচ্ছা করলে আমায় পরীক্ষা করে দেখতে পারেন।

কথাটা ঠিকই—পরীক্ষা করলেই তো এ ব্যাপারের  
নিষ্পত্তি হয়ে যায়, আর কথার কি আছে। কিন্তু পরীক্ষা  
করা চলে কেমন করে কোন বিষয় উপলব্ধি করে, তাহাই  
সমস্তার কথা। সকলেরই মূখরতা শুক হোল পরস্পর মুখের  
পানে তাকিয়ে রইল অস্ত্রের প্রশ্নের সমাধানের প্রত্যাশায়,  
কিছুকাল চুপ করে থাকার পর নিম্ন কণ্ঠে ত’একটা প্রস্তাব  
উঠলো বটে, কিন্তু অস্ত্রের মনঃপুত না হওয়ায় মধ্য পথেই  
চাপা পড়ে গেলো। শেষে তাদের দিক থেকে সমাধানের  
কোন সম্ভাবনো না দেখে নরেনবাবু বিষয় নির্দাচনের ভার  
দিলেন রবীন্দ্রেরই ওপরে।

তর্কের খাতিরে কথাটা বলে ফেলে রবীন্দ্র চিন্তিত হয়ে  
পড়েছিল, কি করে প্রমাণ করে নিজের মর্গ্যাদা রক্ষা করবে  
তাই সে এতক্ষণ চিন্তা করছিল এখন বিষয় নির্দাচনের ভার  
তারই উপরে পড়ায় তার মনটা অনেকটা হাল্কা হয়ে গেলো,  
মিনিট ছ’দুটেক সে ভাবলো, সহসা ওপর থেকে রাণুর গানের  
রেশ ভেসে উঠতেই বিদ্যুৎ ক্ষুরণের মত একটা কথা রবীন্দ্রের  
মনে উঠলো, সে বললো—আপনারা যখন আমারই ওপর  
পরীক্ষার ভার দিলেন, তখন আমার দিক থেকেই বলি,—  
গোয়েন্দার গল্প আমি লিখি, তার মধ্যে গোয়েন্দার চেয়ে  
চোরের কার্যতৎপরতাকে আমি প্রাধান্য দিই বেশী, সেই জন্য



চৌর্য্যবৃত্তির অভিজ্ঞতাই আমি দেখাতে চাই। আপনারা নিজেদের মধ্যে একজনকে নির্দিষ্ট করুন তার বাড়ী থেকে নির্দিষ্ট সময়ের মধ্যে একটা মূল্যবান সম্পত্তি আমি অপহরণ করবো, তবে এই সর্তে যে সে জিনিষটার উপর মালিকের আর কোন দাবী থাকবে না, সেটা আমায় দিয়ে দিতে হবে একেবারে।

আবার পরস্পরের মুখ চাওয়া-চাইয়ের পালা। এমন ধারা চৌর্য্যবৃত্তির দায়িত্বকে তার নিজের বাড়ীতে স্বেচ্ছায় কে আহ্বান করবে তাহাই সমস্যা। নরেনবাবু কিন্তু এই সমস্যার সমাধান করে দিলেন, বললেন—এ দায়িত্ব হরিচরণ বাবুরই নেওয়া উচিত। রবীন্দ্রকে তিনি ছেলেবেলা থেকেই জানেন, যা যাবে তা' একেবারে অজানা অপাত্রে যাবে না।

হরিচরণবাবুর কোন কথাতেই না বলতে শেখেননি, রাজী হলেন। রবীন্দ্রের মুখে হাসি দেখা দিল। সকলে স্বস্তি বোধ করলো।

তারপর পরীক্ষার কাল নির্দিষ্ট হোল—সাতদিন, সাত দিনের মধ্যে রবীন্দ্রের যা করার করতে হবে।

একটির পর একটী দিন কাটে।

রবীন্দ্র আগেরই মত আসে যায়, ভিতরে বাহিরে তা আগের মতই অব্যাহত গতি।

হরিচরণবাবু বসে থাকেন নীচের ঘরে, রবীন্দ্রের ওপা তীক্ষ্ণদৃষ্টি রাখেন ঢুকতে বেরোতে। বাড়ীর কি চাকরদের জানিয়েছেন বাজীর কথা, রবীন্দ্র সামনে পড়লে তা আপাদমস্তক তারাপ্ত একবার চোখ বুলিয়ে নেয়। এ সতর্কতা দেখে রবীন্দ্রের মুখে হাসির একটা ক্ষীণ রেশ লেগে থাকে।

শেষে ষষ্ঠ দিন কেটে গেলো।

সপ্তম দিন সকালে রবীন্দ্র রাণুকে গিয়ে বললে মত থাকে যেন আজই শেষ দিন।

রাণু তখন স্নান করে এসে সত্তা ভিজে চুলগুলো পিঠে



**Indo Balm**  
BEST FOR PAINS

**ইণ্ডোবাম সর্বপ্রকার বেদনার মহৌষধ**

বাত, কটিবাত, পৃষ্ঠবেদনা, মাথাধরা, সর্দি প্রভৃতি মুহূর্তে

বিদূরিত হয় :: :: :: :: ব্যবহারে জালা যন্ত্রণা নাই।

প্রস্তুতকারক—কমিক ব্রাদার্স, বোম্বাই।

এজেন্টস্ :—এস, কুশলসাঁদ এণ্ড কোং, ৫৫নং, ক্যানিং ষ্ট্রীট, কলিকাতা।



উপর ছড়িয়ে দিচ্ছিল, একটু হেসে বললে—জানি কিছু...

রবীন কি একটা বলতে যাচ্ছিল কিন্তু বাধা পড়লো, টিক সেই সময় হরিচরণ বাবু চাকরের কাঁধে বাজারের ধামা নিয়ে সেখানে এসে পড়লেন রবীনের আর বলা হোল না। হরিচরণ বাবু তাকে বাজার করতে ধরে নিয়ে গেলেন, লেনেন চল হে চল, বাজারে তো যাওনি কোনদিন বাজারটা বেরিয়ে আসবে চল—

রবীনের অন্তরের কথা অন্তরেই রইল।

সন্ধ্যার দিকে হরিচরণবাবু কতাসহ সমুদ্রের ধারে একটু দণ্ডা খেতে বেরিয়েছিলেন। পিছনে ঘনায়মান অন্ধকার সমুদ্রের দিখলয়ের রক্তাভ ঔজ্জ্বল্য ধীরে ধীরে স্থগিত করে দিলে। অন্ধকারভীতা জলকহারা আলোর আশায় বেরাশ্বরে ছুটাছুটি করছে, তাদের আর্ন্ত উচ্ছ্বাসের বেদনায়

জলও চঞ্চল হয়ে উঠছে, তট-ভূমির উপর আছড়ে পড়ে পড়ে তাদের বেদনা জানাচ্ছে মাটি মা'য়ের কাছে—ছল্ ছল্ ছল্ করে গুমরে ওঠার বিরাম নেই। এই আর্ন্ত জলোচ্ছ্বাস মনকে আচ্ছন্ন করে, অনন্ত আলোক রশ্মির আকাঙ্ক্ষায় চিত্ত ব্যগ্র হয়ে ওঠে।

সুদৃঢ়ভাবে হরিচরণবাবু রাণকে নিয়ে বেড়াচ্ছিলেন সহসা রবীন কোথা থেকে ছুটে এসে বললো—চলুন, এখনি চলুন, পুলিশে আপনার খোঁজ করছে, আপনার বাড়ীর জিনিষপত্র সব তছনচ করে দিলে আপনাকে থবর দোব বলে এসে আমি তো খুঁজে খুঁজে হায়রান, চলুন—

পুলিশ! তার বাড়ীতে! হরিচরণ বাবুর মাপার মধ্যে কেমন যেন গোলযোগ বেধে যায়, কি করবেন প্রণমে তিনি বুঝতে পারেন না হতবাক হয়ে রবীনের মুখের পানে তাকিয়ে থাকেন কতক্ষণ।



## মায়ের পরমানন্দ !

বুদ্ধিমতী মহিলাগণ  
স্বাস্থ্যের জন্য সর্বদাই  
“লোধরা”  
সেবন করেন।  
কারণ “লোধরা” সেবনে  
জননী ও সন্তান  
উভয়েই স্বাস্থ্য ভালো থাকে।  
কেশরী কুটিরম, মাদ্রাজ।  
= এজেন্টস =  
এস, কুশলচাঁদ এণ্ড কোং  
৫৫, ক্যানিং স্ট্রীট, কলিকাতা।





রবীন বোঝে, দম দিয়ে বললে—চুপ করে দাঁড়িয়ে রইলেন যে, চলুন, ওরা এসেছে এক বোমাডের খোঁজে আপনি নাকি তাকে আপনার বাড়ীতে লুকিবে রেখেছিলেন ছুটে চলুন একবার—

কয়েক পা গিয়েই ফিরলেন, রাগু যে পড়ে রইল পিছনে, এই সন্ধ্যাবেলা তাকে একা ফেলে রেখে যাওয়া তো ঠিক হবে না। রবীন যেন তাঁর মনের কথাটা বুঝতে পারলো, হরিচরণবাবুর সঙ্গেই সে চলে আসছিল, থেমে বললো—মিছে দেরী করবেন না, রাগুর জন্তে ভাববেন না, ওকে আমি নিয়ে যাচ্ছি আপনি এগোন—

হরিচরণবাবু আর সেখানে দাঁড়ালেন না। হরিচরণ বাবুর দৃষ্টির অন্তরালে যেতেই রাগুর হাত ধরে রবীন বললে— আমরা আর ওদিকে গিয়ে কি করবো, এসো আমরা এদিক দিয়ে চলে যাই—

রাগু একটু ইতস্ততঃ করে বললো—কিন্তু...

রবীন বললো—এখনও তোমার কিন্তু? এখন যদি তুমি আমার সঙ্গে না যাও তাহলে তোমায় পাবার আশা আমার চিরজীবনের মত ছাড়তে হবে কিন্তু তা আমি পারবো না, আমি তোমায় ভালবাসি—তোমায় আমার চাই—

রবীনের কথায় রাগু লাল হয়ে উঠল, দৃষ্টি নাড়িয়ে নিলো। রবীন তার হাতখানা ধরে আকর্ষণ করতেই সে যন্ত্রচালিতের মত এগিয়ে গেলো, যেতে যেতে রবীন বললো— আমার সঙ্গে যেতে তোমার ভয় হচ্ছে, কিছুনা, একটা রাত কোন রকমে ঠিক কাটিয়ে দোব, না হয় বাজারের পাশে উড়েদের যাত্রা হচ্ছে তাই দেখিগে চল হাসতে হাসতে রাত কেটে যাবে—এছাড়া আর উপায়ই বা কি বল?

রাগু কোন উপায়ই বললো না চুপ করে রবীনের সঙ্গে অগ্রসর হোল শুধু।

ফিরে এসে হরিচরণ বাবু পুলিশের চিহ্নও দেখতে পেলেন না। চাকরকে ডেকে জিজ্ঞেস করে জানলেন রবীনের কথা সর্বৈব মিথ্যা, ব্যাপারটা তাঁর কাছে রহস্যময় বলে মনে হোল। রবীনের উপর বিরক্তিতে হরিচরণবাবুর মুখ বিকৃত হয়ে উঠলো।

নরেনবাবু বেড়িয়ে ফিরছিলেন, অন্ধকার বৈঠকখানা সামনে অমনভাবে হরিচরণ বাবুকে দাঁড়িয়ে থাকতে দেখে থমকে দাঁড়ালেন, জিজ্ঞেস করলেন—কি হরিচরণ বা অমন করে দাঁড়িয়ে যে? চলুন ভিতরে বসিগে—

অশ্রুমনস্কের মত হরিচরণবাবু বললেন—আমায় এক ঠকানোর উদ্দেশ্য কি বলুন তো?

—কে ঠকালে আপনাকে?

নরেনবাবুর জেরার মুখে হরিচরণবাবু একে একে বয়ে ফেললেন সব কথা।

নরেনবাবুর বুদ্ধির দোষ দিতে আজ পর্যন্ত কেউ পারেনি, সব শুনে আসল ব্যাপারটা বুঝতে তাঁর দেরী হোল না একটুও, হরিচরণ বাবুকে বললেন—তাইতো, ছোকরার কোন মতলব আছে,—আজকেই বাজীর শেষ দিন। আমার কেমন ভালো মনে হচ্ছে না, শেষে আবার রাগুকে নিয়েই না সরে পড়ে, চলুন দিকি একবার সমুদ্র তীরে দেখিগে—

দুজনে আবার সমুদ্রতীরে ফিরে এলেন, অনেক খোঁজাখুঁজি করলেন কিন্তু রবীন কি রাগু কাউকেই দেখা গেলো না। হরিচরণবাবু গুম হয়ে বাড়ী ফিরলেন।

প্রতিদিনকার অভ্যাস মত সে রাতেও একে একে পরিচিতেরা এসে মজলিশ জমাট করে তুললো। কিন্তু কাকুর মুখেই কথা নেই, যদিবা কেউ দু-একটা কথা বলে, তাও অত্যন্ত নিঃশব্দে ফিস্ ফিস্ করে। ব্যাপারটা সকলেই জেনেছে, নরেনবাবু দু'পাচ কথায় ঘটনাটী শুনিয়ে দিয়েছেন সকলকে।

চুপচাপ আর কতকণ বসে থাকা যায় কিছুকণ বাদে সকলে উঠি উঠি করছে সহসা একটা ছেলে এসে জিজ্ঞেস করলে—এইটে কি হরিচরণবাবুর বাড়ী?

—হ্যাঁ, কেন?

—চিঠি আছে—বলে ছেলেটা একখানি খোলা চিঠি নরেনবাবুর হাতে দিলে। খোলা চিঠি, নীচে রবীনের নাম সহই দেখে নরেনবাবু বললেন—ছোকরা আবার একখানা চিঠি লিখেছে হরিচরণবাবু—শুনুন, পড়ি: -



প্রকোষ হরিচরণবাবু ও তাঁহার বন্ধুবর্গ সমীপেষু  
বিনয় নিবেদন,—

আজ বাজীর শেষ দিন, আমার প্রতিভা প্রমাণের জন্ত  
হরিচরণবাবুর সব চেয়ে প্রিয়, তাঁর একমাত্র কন্যা রাণুকে  
অপহরণ করেছি। এখন আপনাদের সন্ত মত আমার  
অপহৃতাকে আমার হাতে সমর্পণ করুন, বংশ মর্যাদা ও পাত্র  
হিসাবে আমি অযোগ্য নই—ইতি—

বিনীত  
রবীন...

এতক্ষণে সকলের মুখে হাসি ফুটলো—ছেলেটা ভারী  
ফন্দিবাজ তো!

হরিচরণ বাবু এতক্ষণ উৎখ্রীব হয়ে গুনছিলেন এবার  
জিজ্ঞাস করলেন—দেখুন তো কোথেকে লিখেছে, ঠিকানা  
দিচ্ছে?

চিঠিতে ঠিকানা ছিল না, যে বালকটা চিঠি এনেছে  
তার কাছে ঠিকানা পাওয়া যাবে ভেবে তার খোঁজ করতে  
দেখা গেলো চিঠি পড়ার ফাঁকে কোন সময় সে চলে গেছে।

একটু বাদে সে রাত্রির মত মজলিশ ভেঙে গেলো।

সারা রাত উদ্বেগে হরিচরণবাবু ঘুমোতে পারলেন না।  
একমাত্র মেয়ে সে কিনা শেষে এই করলো, আর রবীন  
তাকে তিনি শৈশব থেকে স্নেহ করে আসছেন, সে এমন  
ভাবের সেই স্নেহের প্রতিদান দিলে। বংশের এই কলঙ্ক  
তিনি চাপা দেবেন কেমন করে? কিন্তু তাঁর রাণু আর  
রবীন কি এতটা নির্দম হতে পারবে তাঁর উপর? মনে  
তো হয় না, এখুনি হয়তো তারা ফিরে আসবে সামান্য একটা  
বাড়ী উপলক্ষ্য করে একটা রহস্য করছে বৈ তো নয়!.....

কিন্তু রাণু ও রবীন ফিরলো না, সারা রাত তাদের  
আগমন প্রতীক্ষায় হরিচরণবাবু জেগেই রইলেন।

পরদিন সকালে যথাসময়ের অনেক আগেই সকলে  
একে একে হরিচরণবাবুর বৈঠকখানায় এসে জড় হলেন।  
বেলা তখনও বেশী হয়নি। হরিচরণবাবু আধ-শোয়া  
অবস্থায় বিমর্ষমুখে বসে ছিলেন, সকলেই তাঁর মুখ থেকে  
কিছু শোনার প্রত্যাশায় স্তব্ধ হয়ে বসে আছেন এমন সময়  
রাণুকে নিয়ে রবীন এসে দাঁড়ালো দরজার সামনে।  
তারপর ঘরের ভিতরে এসে হরিচরণবাবুর পদধূলি নিয়ে  
রবীন সমবেত সকলকে উদ্দেশ্য করে বললো—আপনারা  
এবার প্রমাণ পেলেন তো, যে তরুণ সাহিত্যিকদের বুদ্ধি  
ও প্রতিভা আপনাদের চেয়ে অনেক বেশী। এখন  
আপনাদের প্রতিজ্ঞা আপনারা রক্ষা করুন।

কথাটা উপস্থিত সকলের গায়ে বিষ ছড়িয়ে দিলেও  
তখন প্রত্যুত্তর দিবার মত কিছুই ছিল না।

রাণু ও রবীন হরিচরণ বাবুর মনে কষ্ট দেওয়ার জন্ত  
তাঁর কাছ থেকে ক্ষমা চেয়ে নিলো, হরিচরণ বাবুর মুখের  
প্রসন্নতা আবার ফিরে এল।

তখন না হলেও পরে হরিচরণ বাবু তাঁর কথা রেখে-  
ছিলেন, রাণুর সঙ্গে রবীনের বিয়েটা সেখানে না হলেও  
হয়েছিল কোলকাতায় ফিরে এসেই। নিমন্ত্রণের ভূয়ী-  
ভোজন থেকে আমরাও বাদ যাইনি।

এইটুকুই রবীনের বিবাহের রোম্যান্স!

## পূজার প্রিয়জনকে উপহার দিবার মতো

বর্তমানে বাংলা সাহিত্যে সর্বশ্রেষ্ঠা

মহিলা কবি

শ্রীমাতারানী দেবীর

নূতন কবিতা বই

সীথি-মোর—মূল্য ১৮

সর্বজন প্রশংসিত

সীল্য-কমল—মূল্য ১১০

প্রত্যেকখানি পুস্তক

ভাব সম্পদে, রচনা গৌরবে,

গঠন সৌকুমার্যে অভিনব

প্রত্যেকখানিই বাংলা

সাহিত্যের অপূর্ণ  
সম্পদ

গুরুদাস চট্টোপাধ্যায়

এণ্ড সন্স, ২০৩-১-১,

কর্ণওয়ালিস ট্রাট, কলিকাতা

মরেন্দ্র দেবের

অভিনব কাব্যগ্রন্থ সচিত্র

বসুধাকলা—মূল্য ২৮

উচ্চশ্রেণীর উপন্যাস

খেলায় পুতুল—২৮

মাদুঘর—২৮





ছেলে মেয়েদের মুখের হাসি  
পূজার সোনা আনন্দ !!

চতুর্থ  
বর্ষ

# ছোটদের বার্ষিকী

১৩৪০

সম্পাদক—শ্রীযতীন্দ্রমোহন বাগ্‌চী

এবারকার পূজার সর্বশ্রেষ্ঠ উপচার

নানা রঙ্গে বিচিত্র চিত্র ভূষিত

মূল্য—মাত্র পাঁচ সিকা


## ছোটদের বার্ষিকীর লেখক লেখিকাগণঃ—

বিশ্ব কবি রবীন্দ্রনাথ ঠাকুর  
শ্রীযুক্ত অবগীন্দ্রনাথ ঠাকুর  
রায় জলধর সেন বাহাদুর  
" খগেন্দ্রনাথ মিত্র বাহাদুর  
ডাঃ সুনীতিকুমার চট্টোপাধ্যায়  
কবি কালিদাস রায়  
শ্রীযুক্ত চারুচন্দ্র দত্ত  
" গিরিজাকুমার বসু  
" প্রমথ চৌধুরী

শ্রীযুক্তা অনুরূপা দেবী  
" প্রভাবতী দেবী সরস্বতী  
" প্রিয়ম্বদা দেবী  
" সুখলতা রাও  
শ্রীযুক্ত কুমুদরঞ্জন মল্লিক  
" দক্ষিনারঞ্জন মিত্র  
শ্রী বিষ্ণু রক্ষা  
শ্রীযুক্ত বিজয়রত্ন মজুমদার .  
ইত্যাদি ইত্যাদি ।

পপুলার এজেন্সী :—১৬৩, যুক্তারাম বাবু ষ্ট্রীট, কলিকাতা ।





শ্রীশুনীলকুমার ধর

স্মৃতিভাস,

জবাব না পেয়ে রাগ কোরেছ নিশ্চয়, নইলে চিঠি লিখতে ত' তুমি কখনও এত দেরী করো না! কিন্তু যে প্রশ্নের জবাব চেয়ে চিঠি লিখেছিলে, ঠিক ফেরৎ ডাকে তার উত্তর পাঠালে, তুমি যে আমার উপর চিঠি না লেখার চেয়ে একটুও কম রাগ কোরতে না, এই যা সাহসনা। কিন্তু কিছু না লিখলে রাগ ভাঙানোর কোন কৈফিয়ৎ-ই তখন নেই, তখন বাধ্য হ'য়ে আমাকে যা হোক কিছু লিখতে হবে বৈকি! তবুও বলছি, দোহাই তোমার, রাগের মাথায় ভুল বুঝো না!

নারী-প্রগতির কথা বলতে গেলেই প্রথমে মনে পড়ে স্বাধীনতার কথা। নারীর স্বাধীনতার কথা। অথচ ঘরে বসেই আমরা কেহই স্বাধীন নই। যারা বলেন বাইরের স্বাধীনতা ভিন্ন ঘরের স্বাধীনতা আসে না কিংবা ঘরের স্বাধীনতা ভিন্ন বাইরের স্বাধীনতা আসে না—তাদের কেহই অস্বীকার করেন না, কিন্তু আমার মনে হয় এই কলহের জগতই আমরা আজো অনেক পিছনে পড়ে আছি—সবদিক দিয়ে! এই দেব-দেবীভুল ও পুরুষের স্বৈচ্ছাচার শাস্ত্রের দেশে খবর শীঘ্রই যে এ কলহ মিটেবে তা আমার মনে হয় না। কিন্তু এমন মজা যারা শাস্ত্রের (মত) দোহাই দিয়ে ঘরকে air-tight কোরে রাখতে চান, তাঁরা কোন দিনই স্বীকার কোরতে চান না যে, ঐ শাস্ত্রেই আছে—যে ঘরে নারীর স্বাধীনতা নগ্নাঙ্গ আছে, অবরোধের বেদনায় নারীর অশ্রু ও বাদুড়িমির মাটি সিক্ত করে না, সেই ঘরেই ভগবানের অবিভাব সম্ভব! কিন্তু আসল কথা কি জানো, শাস্ত্র ঐ সব উত্তরের সত্যকারের নজির নয়। আর তা না হওয়াই স্বাভাবিক, কেননা বন্ধনের প্রবৃত্তিই তখনকার (শাস্ত্রকারদের সময়) মানুষকে শাস্ত্ররচনায় প্রবৃত্ত কোরেছিল। আর এ

প্রবৃত্তির মূলে ছিল instinct (পাশবিক) দরজা বন্ধ রাখলেই ঘরের পবিত্রতা রক্ষা হয় এই মোটাবুদ্ধিই তাদের ছিল কিন্তু বন্ধ ঘরের আবহাওয়া দূষিত হয়ে মানুষের মনকে আক্রমণ করে এ বৈজ্ঞানিক তথ্য তাদের জানা ছিল না। তাই একাধিপত্যের স্বযোগ পাওয়া দেশে পুরুষ তার নিজের সুবিধামত শাস্ত্র তৈরী কোরেছে!

আমরা যতই আধ্যাত্মিক ও ভাববাদী হই না কেন আমাদের এই শাস্ত্রগুলো যতদিন না সময়োপযোগী করে বদলে নেওয়া যাচ্ছে ততদিন আমরা আসলে জড়বাদী থাকবো। এবং এই জন্তেই এদেশের পুরুষ আবেগভরে যাকে দেবী ব'লে নিজের ঘরে ও হৃদয়ে বরণ করেছে তাকেই একদিন পদাঘাত কোরতে এতটুকু কুণ্ঠাবোধ করে নি। পুরুষের প্রয়োজন অনুসারে নারী দেবী ও দাসী হ'য়েছে।

পুরুষদেব গালাগালি দিচ্ছি ব'লে মনে মনে তোমার খুব আনন্দ হ'লেও, তুমি যে মুখ ফুটে একে সমর্থন কোরবে না তা আমি জানি। হাজার হোলেও তুমি এদেশের মেয়ে, স্বামী দেবতা!

কিন্তু নারীকে বন্দিনী সেবাদাসী কোরে পুরুষের সে অস্বস্তাপ হয় নি এমন নয় কিন্তু এ অস্বস্তাপের আশ্রয়ে, সে অবিধ্বাসের নাপকে হত্যা কোরতে পারে নি ব'লেই, যে মুহূর্তে অস্বস্তাপ কোরেছে তার পর মুহূর্তেই আবার পদাঘাত কোরতে তার এতটুকু সঙ্কোচ হয় নি। যার উপর নির্ভর করে চ'লে তাকেই বিশ্বাস করা সম্ভব কিন্তু এদেশের পুরুষ কোনদিনই নারীর উপর কোন বিষয়ে নির্ভর কোরে নিশ্চিন্ত হ'তে পারেনি। তাই নারীকে সে নিজের অস্তিত্ব অস্থাব সম্পত্তির পর্যায়ে ফেলেছে।

এদেশের নারী যে চিরকালই আজকের (ধরো বছর কতক আগ পর্যন্ত) মত জড়-পুটলী ছিল না এর প্রমাণ কিন্তু অসংখ্য পাওয়া যায় তবুও সে স্বাধীনতা হারিয়ে সে





যে কেমন কোরে সংসারের এক কোনে অত্যন্ত কুণ্ঠিতভাবে আশ্রয় নিলে, শুধু আশ্রয় নিলে নয়, নিজকে পরগাছার মত পরাধীনতায় অভ্যস্ত কোরে ফেললে, এ এক আশ্চর্য্য ব্যাপার! এর জন্তে পুরুষ প্রধানতঃ দায়ী হ'লেও নারীকে একেবারে “কিছু জানে না”র পর্যায়ে ফেলতে পারিনে। তবে এটাও ঠিক আজ পর্য্যন্ত যারা বাইরে থেকে এসে ভারতের বন্দি নারীর দুর্দশায় সাক্ষ্য নেত্র হ'য়ে সমবেদনা জানিয়েছে, সাহায্য করবার চেষ্টা কোরেছে—তাদের সাহায্য করবার ভঙ্গীতে আড়ম্বরেয় কোন অভাবই নেই কিন্তু আন্তরিকতা যে এক বিন্দুও নেই এ কথা যে কোন বিদেশী বা বিদেশি-নারী লেখা ভারতে নারী প্রগতির ইতিহাস পড়লেই বুঝা যায়। আর নারীর স্বভাবগত দুর্বলতাও পরাধীনতার সুযোগ নিয়ে এদেশের যে সব পুরুষ সংস্কারকরা এগিয়ে গিয়ে বলেছেন—“অসহায় নারী, আমার কথা শোন—নীতি অনুসরণ করো, তোমাকে অবরোধের কারাগার থেকে মুক্ত কোরে বিস্তৃত আকাশের তলায় এনে দাঁড় করাব; তোমার পায়ের তলায় থাকবে স-সাগর। পৃথিবী আর সামনে থাকবে মুক্ত জীবন, সচ্ছন্দ জীবন”,—তাদের সহৃদয়তার প্রতি সন্ধিহান না হ'য়ে নারী যতবারই আত্ম-সমর্পণ কোরেছে পুরুষের হাতে ততবারই নারী আন্দোলন ব্যর্থ হয়েছে। তাই আজকের নারী যদি মুখ ফুটে ব'লেই থাকে—‘থাক বাপু; ঢের হ'য়েছে’, সেটা হয়ত খুব কর্কশ শোনাবে পুরুষের কানে কিন্তু অন্মায় ও অসঙ্গত হবে না। তবে পুরুষের দয়ার কর্তৃত্বকে অবজ্ঞা কোরে ফিরিয়ে দেওয়ার সাহস আজও হ'য়েছে কিনা, সে কথা বিবেচ্য।

পৃথিবীতে অনেক জিনিষই অল্প আর একজনের মধ্যস্থতায় পাওয়া যায়—তাতে বিপদও কম কিন্তু স্বাধীনতা এমনি জিনিষ, একে অল্পের সাহায্যে আয়ত্ত্ব করা গেলেও আয়ত্ত্ব রাখা সব সময় সম্ভব হয় না। স্বাধীনতাকে

আয়ত্ত্ব কোরতে গেলে প্রচুর সাহস ও আত্মবিশ্বাসের দরকার এবং ভারতের বিংশ শতাব্দীর আলোক প্রাপ্তা ও শিক্ষিতা নারীর (বিশেষ কোরে বাংলার) কতক পরিমাণে আত্মবিশ্বাসী হ'য়ে উঠলেও এতদিনের মর্জ্জাগত ভীকৃত ও সঙ্কোচের পিছুটান যে কাটিয়ে উঠতে পারেনি এ কথা বোলতেই হবে। আর এ ভয় ও সঙ্কোচকে যে নারী কোনদিনই সম্পূর্ণভাবে কাটিয়ে উঠতে পারবে এমন মনে হয় না, এর জন্তে দায়ী তার anatomy, পুরুষের সাহায্যের উপর সম্পূর্ণ নির্ভর কোরলে নারী কতদিনে প্রাপ্য স্বাধীনতা পাবে (সমান অধিকারের কথা উঠতেই পারে না) এবং একেবারে পাবে কি না, সে বিষয়ে সন্দেহ আছে—তাই পুরুষের উপর সম্পূর্ণ নির্ভর কোরলে যেমন চলবে না তেমনি একটু আলাগা পেয়েই পুরুষকে টেকা দিতে যাওয়া হবে অত্যন্ত হাস্যকর। পুরুষের হাত ধরেই নারীকে উঠে দাঁড়াতে হবে কিন্তু পরে দাঁড়াবার শক্তি থাকার দরকার। সীতা-সাবিত্রীর কথা আজ আমাদের দেশে কেবল উপাস্ত্র উপাখ্যান হ'য়ে দাঁড়িয়েছে। বিংশ শতাব্দীর মেয়েরা হয়ত সীতার অগ্নি পরীক্ষার কথা বিশ্বাস কোরতে পারবে না, না পারাই স্বাভাবিক, কেননা, আগুণ দহনই করে। আর মরা মাছুষকে বাঁচিয়ে তোলা যে কোন মতেই সম্ভব এ কথা এ বৈজ্ঞানিক যুগের কেহ বিশ্বাস কোরবে ব'লে মনে হয় না। আদর্শের দিক থেকে সীতা সাবিত্রীর তুলনাই হয় না কিন্তু বর্তমান শতাব্দীতে তাকে modify করা দরকার।

ঘর ভাঙে ভাঙুক। সহজলভ্য স্বাচ্ছন্দ্য, পরিমিত জীবন যাপনের মোহ ও অশুচিতার শুচিবাই না কাটাতে পারলে (তোমাদের পক্ষে এ কথা উচ্চারণ করাও পাপ, কি বলো?) ভারতের নারী-আন্দোলন কোন দিনই সফল হবে না। আত্মাভি দিতে হবে কৈকি!







## চন্দ্র ও পৃথিবী

= অধ্যাপক শ্রীকৃষ্ণধন দে এম-এ =

তোমারে বেসেছি ভালো, এই শুধু মোর অপরাধ,  
আর কিছু নহে দেবি !...এ কলঙ্ক তোমারি লাগিয়া  
ললাটে আঁকিয়া গর্কে সারানিশি রয়েছি জাগিয়া  
সুন্দর নীলাকাশতলে । প্রেম মোর ছুটেছে অবাধ  
শান্ত জ্যোৎস্নার রূপে । যৌবনের পূর্ণ আশীর্বাদ  
সর্বদা উথলে তব, আমি শুধু রয়েছি চাহিয়া  
তোমারি মুখের পানে,—কটীতটে উঠিছে গাহিয়া  
তরঙ্গমেঘলা মৃদু, পাতিয়াছে অপরূপ ফাঁদ  
কানন বৃন্তলরাশি, হৃদয়ের অফুরন্ত সাধ  
উচ্ছ্বসিত-রূপে-গানে দিকে দিকে গেছে ছড়াইয়া,  
ভূষার বসনে তব গিরিস্তন রেখেছ ঢাকিয়া  
আকুল সরম ভরে । সহিয়াছি শত অপবাদ,—  
তবু আজ মোর পানে কণিক চাহিয়া দেখ রাণি,  
মেঘের গুণ্ঠন আর দিওনা দিওনা মুখে টানি' !





# নিত্য জ্ঞানে ও প্রসাধনে

না হ'লেই চলে না

## বিশ্বনাথ তৈল

পরিষ্কৃত, বিশুদ্ধ ও অবিমিশ্র

তিল তৈল ও অমুপমেয়

সুগন্ধি সার এবং কেশ-বর্ধক

চুল্লভ মসলার সমাবেশে

এক অপূর্ব

অদ্বিতীয়

বশ তৈল

## সুশীল মালতী

মনোরম গন্ধ

কমনীয়তা বর্ধক

বিশিষ্ট রকমের

অঙ্গরাগ

## তাম্বুল-বিহার

২নং

পান বা তামাকের

সঙ্গে খাইবার

অতি উপাদেয়

—মসলা—

ভারতীয় রুচি ও

শ্রীতির অনুযায়ী

সুগন্ধি-দ্রব্যাদির

সুপরিচিত

প্রতিষ্ঠান—

## কিশোরী লাল ক্ষেত্রী

পোস্ট বক্স নং ১১৪০৭ :: ৩, বিডম ষ্ট্রিট, কলিকাতা।





# চিত্র পরিচালক কা'দের হওয়া উচিত

শ্রীধুমলোচন

বোম্বাই ও পাঞ্জাবের গণ্ডী ছাড়িয়ে ভারতীয় ফিল্ম-শিল্প ব্যবসায়ের উর্বর ক্ষেত্র যে আজ বাংলা পর্যন্ত বিস্তৃতি লাভ করেছে এটা বাংলার জনসাধারণের কাছে খুবই আশাপ্রদ; কারণ অল্পসময়ের মধ্যে এই নবজাত ব্যবসা-শিল্পের ক্রমবর্দ্ধমান জীবনী ও স্বাস্থ্যের ওপর বাংলার অনেক নরনারীর অল্পসময়ের সমাধান নির্ভর করেছে।

সব গন্তব্যের মত এই ফিল্মশিল্প ব্যবসায়েরও এমন একটা দৃষ্টিপথ আছে যা সরল, সুগম ও নিরাপদ; তবে সেটা জানা কা বা জানবার আগ্রহ থাকা চাই। এরও একটা বিজ্ঞান-মতাদিক আছে যেটা নিজের ব্যক্তিগত স্বার্থের অধীকার করাতে এই না বরং স্বীকার করে নিলে তার মূল্য পাওয়া যায়।

বাংলার নামসর্বস্ব অসংখ্য চিত্র প্রতিষ্ঠানের মধ্যে যে উই একটির ভিত্তি সত্যিই ব্যবসা-বুদ্ধি, অর্থ, উত্তম ও অধাবসায়ের ওপর প্রতিষ্ঠিত তাঁরা পর্যন্ত এই যথানির্দিষ্ট পথে চলতে রাজী নন।

অভিজ্ঞতা বোলে জিনিষ আমাদের দেশে নেই। বিশেষ কোরে সাহিত্য ও ফিল্ম-শিল্প-ক্ষেত্রে। কে অভিজ্ঞ এবং কে নয় ভাবতে গিয়ে ভাবনার সূত্র হারিয়ে ফেলি। যারা দেশে বা বিদেশে থেকে কোন এক বিশেষ বিষয়ে আংশিকভাবে কিছুমাত্র অভিজ্ঞতা অর্জন করেছেন, তারা আসরে অবতীর্ণ হোয়েই সর্বজ্ঞ বিধাতা পুরুষ সেজে বসেন। একাধারে ডিরেক্টর, প্রডিউসার, সিনারিও লেখক, এডিটর কেউ বা ক্যামেরাম্যান পর্যন্ত। এঁদের প্রত্যেকেরই যে এক একটি বিশেষ বিভাগ ও স্বতন্ত্র কর্মপদ্ধতি আছে তা এঁরা স্বীকার করতে চান না।

চান না প্রধানতঃ এইজন্য যে প্রতিষ্ঠান কর্তৃপক্ষ উপযুক্ত অর্থ সরবরাহ করেন না তাঁদের। তাঁরা একজন লোকের কাঁধে লাঠী রেখে বাজী মাং করতে চান। বিশেষজ্ঞরাও পকেটে পয়সা পেলে তবে এক একটা 'খেল' দেখাতে থাকেন। দোষ তাঁদেরও বিশেষ দেওয়া যায় না। সপরি-

বারে হাওয়া খেয়ে তো আর ফিল্মশিল্পের বৈজ্ঞানিক দিক নির্ণয় করা ঘটে ওঠে না দিনের পর দিন। কাজেই—

কিন্তু এটাও তাঁদের স্বরণ রাখতে হবে যে যোগ্য ক্ষেত্র সৃষ্টি করতে হবে তাঁদের নিজেকে, শুধু আজকের জন্ত নয়, অনাগত উজ্জল ভবিষ্যতের জন্ত।

এখন দেখা যাক, কোন কোন বিভাগে ভারতীয় চিত্র-প্রতিষ্ঠান কর্তৃপক্ষ সাধারণতঃ দৃষ্টি দেন না। প্রথমতঃ পরিচালন বিভাগ (Directing)।

চলচিত্র প্রতিষ্ঠানের মধ্যে পরিচালকই (Director) হচ্ছেন একমাত্র দায়গ্রস্ত কর্ণধার যার হাতে উৎপন্ন চিত্রের শুভাশুভ ও সাফল্য নির্ভর করে। পরিচালক নির্বাচনে, প্রধানতঃ প্রতিষ্ঠানের নিম্নোক্ত বিভিন্ন বিভাগীয় ব্যক্তিগণই মনে হয় সর্বাপেক্ষা যোগ্যতর। সহকারী পরিচালক (assistant directors) লেখক (Writers) সংযোজক (Cutters) এবং যন্ত্রী (Cinematographers)।

প্রযোজকের (Producers) চাহিদা মত চিত্র-গ্রহণ (Shooting) পরিচালনার দায়িত্বে প্রয়োজন মত নিজের স্বজন-প্রতিভার (Creative Spirit) আংশিক বিকাশ দেখিয়েও সহকারী পরিচালক নিজেকে যোগ্যতর প্রতিপন্ন করতে পারেন কিন্তু অধিকাংশ ক্ষেত্রে তিনি তা করেন না। নিজের ঘড়ি ধরা কাজটুকু সেয়ে নিতে পারলেই তাঁর ছুটি। এতে শুধু নিজেদের ফাঁকি দেওয়া ছাড়া আর কিছু লাভ হয় না। তিনি লেখাও শেখেন না, ছবিতে কাঁচি চালাতেও শেখেন না—ক্যামেরা ম্যানের কাজ তো নয়-ই। এঁদের উন্নতির পথে বাধা এইখানেই।

লেখকরা পরিচালকের অনেকখানি সহায়। আক্ষি গল্পাংশ রচয়িতার কথা বলছি না—যারা সিনারিও লেখেন। নিজের গণ্ডীটুকু ছাড়াও তাঁর যথেষ্ট দূরদর্শিতার (Visualization) প্রয়োজন কিন্তু সব সময়ে তা দেখতে পাওয়া যায় না। তাঁরা শুধু কথার পর কথার মালা গেঁথেই চলেন।





পারিপাশ্বিক অবস্থার ঞ্জমোন্নতি সাধনে তিনি কিছুই করেন না। তবে একটা জিনিষ তাঁরা আংশিকভাবে আপনা হতেই শেখেন যাকে বলে সংযোজনা (Cutting) তার প্রাথমিক অবস্থার খানিকটা। পক্ষান্তরে ফটোগ্রাফী সম্বন্ধে তাঁর কোন জ্ঞান-ই সাধারণতঃ থাকে না।

সংযোজকরাই (Cutter) সত্ত্বর পরিচালকের কর্ম-পদ্ধতিটুকু আয়ত্ত্ব করতে পারেন কারণ পরিচালকের কাজ নিয়ে তাঁরাই বেশী নাড়াচাড়া করেন। যন্ত্র-শিল্প-বিজ্ঞানের (Mechanical) সূক্ষ্ম শিক্ষণীয়টুকু তাঁরা আয়ত্ত্ব করেন আর আয়ত্ত্ব করেন পরিচালকরা তাঁদের প্রতিভার যে বিশেষ স্পর্শটুকু ছবিতে দেন সেইটুকু। কিন্তু ছবি তোলবার সময় তাঁরা পরিচালকের সাহচর্যের সৌভাগ্য পান না।

যে কয়জন্মার কথা বলা হ'ল এঁদের মধ্যে পরিচালকের পাশে থেকে প্রত্যেকটি বিষয় বিশেষভাবে পর্যবেক্ষণ করবার সুযোগ ও সুবিধা পান সহকারী পরিচালক। লেখকরা তাঁর আফিসে বসে শুধু ক্যামেরা বিভাগের থিওরী নিয়ে মাথা ঘামান আর সংযোজকরা ল্যাবরেটরীতে বসে পরিচালকের টেকনিক জ্ঞান নিয়ে গবেষণা করেন।

সহকারী পরিচালক চিত্র-গ্রহণের সমগ্র ব্যাপারটিতে পুরোধা হ'য়ে থাকেন। যা কিছু কার্য্য সবই তাঁর চোখের সামনে ঘটে। তবে তিনি ক্যামেরার ওপর সব সময় সবিশেষ নজর রাখতে পারেন না, আর বোধ হয় সব সময়ে সম্ভবপরও হয় না; তা না হোক, তাঁর দৃষ্টিশক্তি সমগ্র ছোট্ট বড়ো ব্যাপারের ওপর সজাগ থাকে।

এখম যন্ত্রীর (Cinematographer) কথা ধরা যাক।

প্রকৃতপক্ষে তিনিই চাক্সস কর্মকর্তা। পক্ষান্তরে পরিচালকের পাশাপাশি থেকে আগাগোড়া তিনি কাজ করে যান। অধিকন্তু পরিচালকরা অনেক সময় তাঁর ওপর অনেকখানি নির্ভর করে থাকেন।

যন্ত্রী নিজের কান ছটিকে অবাধ মুক্ত করেও নিঃশব্দে কাজ চালাতে পারেন, যাতে করে তিনি অভিনেতাদের প্রতি পরিচালকের সতর্কবাণী বা উপদেশ, অভিনেতাদের কথোপকথন প্রভৃতি শুনে সে বিষয়ে জ্ঞানলাভ করতে



হিন্দুস্থানি রেকর্ড

## ‘হিন্দুস্থানের’ রেকর্ড

সেপ্টেম্বর মাসে প্রকাশিত নূতন রেকর্ড।  
১০" ডবল সাইডেড লাইট গ্রীণ লেবেল, প্রত্যেকখানির মূল্য ২।

### শ্রীমতী গোপালী বাল্য

এচ ১১০৬৯ } বনে কাঁদে বুলবুলি  
H 11069 } পাখী তুই কার পূজাতে

### শ্রীমতী কনকলতা (কালিদাসী)

এচ ১১০৭০ } কেন এলে আমার বলে  
H 11070 } তুমি শুধু নাই কাছে

### শ্রীমতী মনোরমা

এচ ১১০৭১ } তুলিয়ে দোব তোমার গলায়  
H 11071 } মেল আঁখি চেয়ে থাকি

### শ্রীযুক্ত অমিয় সন্ধ্যাল

এচ ৭২ } কাল নয়নে আর  
H 72 } ভুল না মন তারে

### শ্রীযুক্ত সত্যেন্দ্রনাথ চক্রবর্তী (অন্ধ গায়ক)

এচ ১১০৭৩ } মলয়া আয়রে ছুট  
H 11073 } মলয়া তুই ছুসনে মোরে

### শ্রীযুক্ত নলিনীকান্ত লাহেড়ী

এচ ১১০৭৪ } বাজিয়ে বীণা আসবে যখন  
H 11074 } অচেনা সুরের মদির মোহে

### শ্রীযুক্ত অনুপম ঘটক

এচ ১১০৭৫ } চোখের জলে পূজবো এবার  
H 11075 } আজি এ শারদ বিজয়া গোধূলি

### শ্রীযুক্ত বিনয়চন্দ্র চাটোজ্জী

এচ ১১০৭৬ } ষ্টেসনো মেশো বিভ্রাট  
H 11076 } পেটুক ভজা

### শ্রীযুক্ত খগেন্দ্র ও নগেন্দ্র দে

এচ ১১০৭৭ } ম্যাগোলিন ও বাঁশী  
H 11077 } \*৩

### হিন্দুস্থান মিউজিকাল প্রডাক্টস্

এণ্ড ভ্যারাইটিস্ সিণ্ডিকেট লিঃ, কলিকাতা।

আপনার নিকটস্থ হিন্দুস্থান ডিলারের নিকট শ্রবণ করুন এবং হিন্দুস্থান গ্রামে কান মেশিন ও মনোপ্রকাশিত টর্ক ও হিলি রেকর্ডের তালিকা চাহিয়া পাঠ



পারেন। নিত্যনূতন কথোপকথন ( Dialogue ) শুনে তিনি নিজে ওবিষয়ে বেশ ভালরকমই অভিজ্ঞতা সঞ্চয় করতে পারেন।

চলচ্চিত্র প্রতিষ্ঠানে এমন কোন দ্বিতীয় ব্যক্তি নেই, যিনি এমন ঘনিষ্ঠভাবে পরিচালকের সমগ্র কার্যপদ্ধতি পর্যবেক্ষণ করবার সুযোগ ও সুবিধা পান এবং সেই সঙ্গে নগ্ন চিত্র নাট্যটির কার্যতঃ বিকাশ দেখতে পান, যেমন পারেন—যম্মী ( Cinematographer )। এক্ষেত্রে যদি কোন শিক্ষিত মেধাবী যম্মী, যার কতকগুলি নরনারীকে পরিচালনা করবার ক্ষমতা আছে, স্বীয় কার্যদক্ষতায় নায়াসে কোন প্রতিষ্ঠানের পরিচালক পদে বৃত্ত হতে পারেন।

খুঁজলে এমন দৃষ্টান্ত খুবই পাওয়া যাবে, যেখানে যম্মী পরিচালকরূপে সুপ্রসিদ্ধ হয়েছেন। Carl Freund পাঁচ তের ওপর ছবি তুলে সম্প্রতি পরিচালক হয়ে বসেছেন, যিনি Rouben Mamoulian এখন পরিচালক হ'য়ে নিজের ব্যাপ্যতার বিশেষ পরিচয় দিচ্ছেন।

যিনি ক্যামেরার কার্য-কৌশল প্রণালীর মূল্য বোঝেন, যোষা বিষয়ের গুরুত্ব জানেন, দৃশ্য-সজ্জায় প্রয়োজনীয় নগ্নীর প্রত্যেকটি যাহার নথদর্পনে, অভিনেতাদের প্রবাস্তি-ব্যক্তি থেকে জানালায় পরদা টাঙানর পটুই পর্যন্ত যার অচুশীলনে সহজসাধ্য হয়েছে এমন যম্মী পরিচালকের আসন দাবী করলে তাঁকে অস্বীকার করবে কে ?

একজন যম্মীর পক্ষে যে যে গুণ থাকলে তিনি পরিচালক হতে পারেন তা হচ্ছে : (১) পর্যবেক্ষণ পটুতা বা সূক্ষ্ম দূরদৃষ্টি ( observation ) (২) সৃজন প্রতিভা ( creative ability ) এবং (৩) নাটকীয় জ্ঞান ( a sense of the dramatic )।

পর্যবেক্ষণ পটুতার গুরুত্ব সম্বন্ধে আমরা পূর্বেই একটু বলেছি। যম্মী বা অপর যে কেউ হোন এই দূরদৃষ্টি বা পর্যবেক্ষণ পটুতা না থাকলে এক্ষেত্রে তাঁর কোন স্থান নেই। যিনি দেখে শিখতে পারেন না তিনি কিছুই শিখতে পারেন না।

জড়ভাবাপন্ন ব্যক্তিদের স্বতন্ত্রভাবে শেখানর সময় ফিল্ম-শিল্প ব্যবসায়ে নেই।

যম্মীর পক্ষে সৃজন প্রতিভা একান্ত প্রয়োজনীয়। সেজন্য প্রতিভাধররা সঙ্গে সঙ্গে আলোচ্যায় নূতন রসভোক্তের করতে থাকেন, ইচ্ছামত ক্যামেরায় angle দেন।

পরিচালক হোয়ে তিনি এ সকল কাজতো করবেনই, তাছাড়া কতকগুলি নরনারীকে তাদের ভাবাভূতি দিয়ে লীলায়িত করে তোলেন, গল্প ও আখ্যায়িকার টুকরো ও অগাধ উপকরণের ভাণ্ডার নিয়ে। যদি কোন যম্মী স্বীয় প্রতিভার বিকাশ দেখিয়ে পরিচালক হোতে পারেন তো তিনি দেখবেন যে তাঁর ধারণা, তাঁর যুক্তি, তাঁর স্বপ্নকে মূর্তি দেবার কি সুযোগ-ই না তাঁর হাতে এসেছে এই ছবি তৈরী করার ভেতর দিয়ে—।

নাট্যজ্ঞান বা নাটকীয় রসবোধ ও কম দরকারী নয় তাঁর পক্ষে। এবং এইটুকুরই ওপর যম্মী-পরিচালকের সাফল্য নির্ভর করে। কাজের সময় তাঁর যম্মী-মনটুকু ক্যামেরা নিয়ে কাজ করে যাবে এবং বাকীটুকু পরিচালক রূপে কাজ করে যাবে নাটকীয় বস্তুতন্ত্র নিয়ে।

যে যম্মী-পরিচালক কর্মপদ্ধতির পেছনে সজাগ দৃষ্টি না রাখে, চলচ্চিত্রের নাটকীয় রসবোধ যার ধারণায় সহজ ভাবে ধরা না পড়ে, তিনি কখনো পরিচালক হবার যোগ্যতা অর্জন করতে পারবেন না। এই যুক্তিগুলি বারবার কার্যক্ষেত্রে প্রমাণিত হয়েছে।

ভূতপূর্ব যম্মী এমন অনেক পরিচালকের ছবি দেখা গেছে যা ফটোগ্রাফিতে উৎকৃষ্টতর হয়েও শুধু নাটকীয় সন্ধিক্ষণগুলির কলা-সম্মত সুপ্রকাশ না হওয়ায় দর্শক সাধারণের মাত্র নিন্দাই কুড়িয়েছে। সম্প্রতি এমন যম্মী-পরিচালকও দেখা গেছে, যিনি কলা-কুশলী প্রথম শ্রেণীর নট-নটী, উৎকৃষ্ট গল্পাংশ হাতে, পেয়েও সন্তোষজনক ছবি তৈরী করতে পারেন নি। অবশেষে পরিচালক বদল করে, ভাল দৃশ্যগুলির চিত্র পুনর্গ্রহণ ক'রে তবে সে ছবিকে বাজারে প্রকাশ করতে হয়েছে।

এটা জানা কথা, যে যখনই কোন সুনিপুণ যম্মী



পরিচালকের আসনে বসেন, তিনি যন্ত্রীর সঙ্গে একযোগে কাজ তো করবেনই তা ছাড়া চিত্র-পরিচালনার সুদূরলভ কৌশলটুকু তাঁর নথ্যদর্পনে থাকবে তাঁদের চেয়ে ঢের বেশী রকম যারা ভিন্ন পথ হ'তে এসে পরিচালক হয়েছেন।

চিত্র-নাট্যোক্ত চরিত্রের প্রত্যেক নট-নটীকেই একবার ক'রে ফটোগ্রাফীক 'ব্রেক' করানো দরকার এবং প্রত্যেক অভিনেতা বা অভিনেত্রীর সুষ্ঠু বা সুন্দর ভঙ্গীগুলি নজীব স্বরূপ ছবিতে ধরে রাখা দরকার এবং প্রত্যেক Backgroundটা পর্যন্ত finally সাজিয়ে নিয়ে মহলা দিলে খারাপ ছবি তোলার দরুণ সমস্ত Productionটা মাটি হয় না। এবং এ ব্যাপারগুলি ভিন্ন-পথগত পরিচালক অপেক্ষা যন্ত্রী-পরিচালকের নিকট বেশী করেই প্রত্যাশা করা যায়।

যন্ত্রী বা যন্ত্রী-পরিচালক যিনিই হউন না কেন কর্ম-জীবনে সাফল্যলাভ করতে হ'লে এই স্বজন প্রতিভার (creative

ability) একান্তভাবে অমুশীলন করতে হবে। তবে এই অমুশীলন স্পৃহা সম্পূর্ণ ব্যক্তিগত।

যদি যন্ত্রী দরদ ও বুদ্ধি দিয়ে নিজের কাজ করে যেতে পারেন এবং সঙ্গে সঙ্গে পরিচালক ও অন্যান্য সহকর্মীদের কাণ্যপদ্ধতির ওপর সজাগ দৃষ্টি রেখে তাঁদের 'হাতের পাচ্' টুকু আয়ত্ত্ব করতে পারেন, আজ না হোক দু'দিন পরে পরিচালকের আসনে বসতে তাঁর ডাক আসবে-ই।

আমরা একথা বলছি না যে ভিন্ন পথগত চিত্র-পরিচালকরা যন্ত্রী-পরিচালকদের অপেক্ষা সবক্ষেত্রেই হীনবোধ, স্বল্পপ্রতিভাশীল বা অপার কিছু। আমরা শুধু এই কথাই বলতে চাই যে দায়িত্বপূর্ণ পরিচালকের সম্মানজনক আসন লাভের জন্য একমাত্র যন্ত্রীই বোধহয় সর্বাধিক নিকটতর ও যোগ্য ব্যক্তি। \*

\* Carl Laemmle, Jr এর শব্দ থেকে।

অভিনব সুযোগ

সস্তার চুড়ান্ত

## কলেজ এম্পোরিয়মেই

যাবতীয় মনিহারী, পারফিউমারী ও হোসিয়ারী দ্রব্যের বিপুল আয়োজন...

সাধারণের সুবিধার জন্য সর্বপ্রকার ফাউন্টেন পেন মেরামতীর নব প্রতিষ্ঠান

বিনীত—


কলেজ এম্পোরিয়ম

৬৩নং কলেজ স্ট্রীট ( মার্কেটের সম্মুখে )

ষ্টেশনমাস, পারফিউমারী ও হোসিয়ারী দ্রব্য বিক্রেতা

বিশেষ দ্রষ্টব্য—আমাদের গ্রাহকদিগকে নব-বৎসরের ১৯৩৪ সালের সুন্দর ক্যালেন্ডার উপহার দিব। ১লা ডিসেম্বর হইতে কার্ড দেওয়া হইবে।





যে দিন মরিল যক্ষ রামগিরিশিরে,  
 আমি ছিছু মৃত্যুশয্যাপাশে ।  
 বিরহী বন্ধুরে মোর বার বার ক'রেছিছু মানা ;  
 বলেছিছু—  
 'তোমার বন্ধের বহি সঙ্গোপনে বন্ধেই জলুক,  
 কি হবে তা' মেঘেরে জানায়ে ?  
 পাঠায়োনা অলকায় দূত করি তা'রে ।'  
 শোনে নাই ।

উড়িল যক্ষের মেঘদূত  
 মধুর দাক্ষিণ্যভরা দক্ষিণ-সমীপে পক্ষমেলি' ।  
 শত গিরিগুরু আর কান্তারে প্রান্তরে আর নগরে সজল ছায়া ফেলি'  
 যক্ষের ভবন শিরে শেষে বুঝি হ'লো উপনীত ।  
 যক্ষের ব্যথার গান হয়তো শুনালো তার অলকাবাসিনী দয়িতারে  
 তারাতুর মেতুর মল্লারে  
 মন্দাক্রান্তা তালে ।  
 তা'রপর একদিন উৎকণ্ঠিত বিরহীর কাছে  
 ফিরে এলো ।  
 সমবেদনার ছলে নয়নের কোণে অশ্রু আনি  
 প্রচ্ছন্ন আনন্দভরে মেঘ তা'রে শুনাইল বাণী—  
 'হায়, যক্ষ, মোর গান কেহ শুনিল না ।'  
 কণেক নীরব রহি কহিল আবার—  
 "বাতায়ন মুক্ত ছিল :  
 হেরিলাম দীপোজ্জ্বল গন্ধিত শয়নকক্ষে তব  
 ফেন-শুভ্র পুষ্পাকীর্ণ কোমল পেলব শয্যাতে  
 পুরুষের বন্ধোলীন প্রিয়ারে তোমার ।"





কাঁপিয়া উঠিল যক্ষ ! মেঘ কহে—

‘জানোইতো

অতল-রহস্যময়ী নারী।

নারীর চরিত্র আর পুরুষের ভাগ্যলেখা স্বয়ং বিধাতা নাহি জানে।”

ভাঙিয়া পড়িল যক্ষ, পলকে সে চূর্ণ হ’য়ে গেল।

যে-স্বপ্নের স্বর্গ রচি রে’খেছিল অতি সাবধানে,

তা’র সীমাচ্যুত যক্ষ কোথায় আশ্রয় পাবো বলো ?

অন্তরে বাহিরে অন্ধকার ;

যাত্রাপথ সমাকীর্ণ সূচীমুখ কণ্টকে কণ্টকে,

জাগরণে বাস্তবের দাহ,

তন্দ্রা ক্ষত বিষাক্ত স্বপনে।

নিমেঘে বিরহী যক্ষ মৃত্যুমাঝে মিথ্যা হ’য়ে গেল।

## আমারে বাসিলে ভাল

— সনেট —

= শ্রীমৃণাল সর্বাধিকারী এম্-এ =

সে দিন ধরণী ছিলো মধুর উজ্জ্বল,

প্রাণ ছিলো প্রেরণার আনন্দ আগার—

দৃষ্টি ছিলো নয়নের অসীম অপার

মন ছিলো কল্পনায় অধির চঞ্চল ;—

বক্ষে ছিলো রাগ রক্ত প্রেমের স্বপন ;

ধর্মীর রক্ত-নৃত্য আবেগ কম্পন

জাগাইত অভিনব কামনা ইন্ধন

বহাইত দেহগনে পুলক তখন

রমণীর রূপ-ভূষা সে যৌবন দিনে.

স্বজিত যে উন্মাদনা আমারি এ প্রাণে

হে কলাগি, শুচিতায় নিলে তারে জিনে।


শাস্ত করি দিলে তুষা চুষনে আল্পেষে,

ভরি দিলে হৃদি মোর প্রশান্তির গানে,

আমারে বাসিলে ভাল নির্ভয়ে অক্লেষে।







## —শ্রীবাঙালীচরণ বাঙাল—

জীবনের পথে চলতে চলতে হুঁচোট খেয়েও পড়তে তো  
হয়, যে ভাবেই যে পড়ে যাক পতনের আঘাত লাগেই লাগে...  
প্রাণ পায়...ক্ষণকালের জন্ত তখন জাগে প্রাণে পতনের  
বিস্ময়...আঘাতে আহত মন বিদ্রোহী হয়ে বলে...এ ঘানি  
কিবা না আর...পথ বদলে চল...উঠবে চল...সবাই যে  
লেখে চলার গৌরব নিয়ে...গৌরব করার পথে। পড়েইছো  
এই প্রথম একটা ভুলের দুর্ভাবনা দমন করতে আরও  
এই আরও অপরাধে মগ্ন হয়ে...উঠা কি যায়না তবুও ?

...পথের ঝাঁকে থমকে সে ভাবে। সেই ঝাঁক যে  
ঝাঁক, ঝাঁক তো বলে না কোন দিকে চলে গৌরব !!  
হানী চোখে জমে প্রাণের কামনা যত...অমুতাপ বহি জলে  
বেদনার্ত চোখে। আঁখি ছেয়ে থাকে শ্রান্ত যৌবনের অশান্ত  
শ্রম মায়া...জীবনের মায়া বড় কিম্বা বড় জীবনের ক্ষণিক  
নাস কাম ?

...জীবন তো চায় গতি...সে যে চির চঞ্চল গতিশীল...  
সে না সে কোন ঝাঁকে...কারও ভয়ে...কারও মমতায়।  
যতে আপনভোলা মায়ার কাঙাল মন বাধা দেয় জীবনের  
পথে চলার সময়...পথে পথে কত মায়া কাম্বা কঁাদে মন  
কতবার লুটায় ধরায়...লুটায় চরণে চলমান জীবনের  
যে দিতে সে চায় !! ফিরে যেতে চায় যেখানে পেয়েছে  
...ফিরে গিয়ে দেখে নিতে চায় মন বেদনাদায়কে...  
যে দিতে চায় ব্যথা যে দিয়েছে তাকে...ভুলে যায় সেওতো  
যে পথে, অবিরাম গতিশীল তার ও যে জীবন...নেইতো  
যেখানে সে ছিল...পেছনে সে পড়ে অথবা চলেছে  
গ, ব্যথা সে দিয়েছে কি সে আপনার গোপন ব্যথার  
কয় গেছে ব্যথার্ত ভাষায়...ব্যথা তার দান কিম্বা সেই  
আঘাতের প্রতিদান...বুঝে কি ব্যথিত জন ?

...পথে চলে চলন্ত জীবন...চলা শুধু চলা...চলাই তো  
বেঁচে থাকা, চলা শেষ জীবনের শেষ...জীবন বিকৃত নয়...  
জীবন জীবন...কলুষ কালিমা তারে করেনা অচল...কালো  
ছাপ থাকে দেহে, কালো হয় মন...কালো অন্ধকারে চোখ  
ডেয়ে থাকে...জীবন তখনও চলে...পথে যারা দেয় বাধা  
তাদের সকল ফেলে চলে যেতে চায়...এই ঠেলে ফেলা,  
ফেলে পথ চলা স্বপ্নের মাঝে পরিচয় হয় কত পথিকের সনে,  
জানা হয় কত যে অজানা...পথে চ'লে অজানা জানার দলে  
মাত্র কয়জনে মনে হয় যেন কত জানা...কারও মুখ মনে  
আনে কত কথা...অতীত দিনের ; ক'জনারে মনে হয় পূর্ব-  
পরিচিত...মুহূর্তের আলাপে কেহ হয় যেন কত আপনার...  
কোথায় কে দেখেছে কারে, কোথা থেকে এলো সে  
আবার...কিসে সে আপন...কেন মন চায় তারে নিরালায়  
ডেকে কয় সব বেদনার কথা...জীবনের কথা, তারে বলে  
যেন হবে বেদনা মোচন...বলে যেন পাবে সাহসনা...কে  
সেই অজানা পথের চেনা...কেন এতো মনের আপন...  
চলা পথে ব্যথা সে দিয়েছে মনে অথবা পেয়েছে ব্যথা,—  
বেদনাদায়ক কিম্বা ব্যথিত সে জন ? তারে বলে বেদনা  
জ্ঞাপন করা হয় কিম্বা হয় আঘাতের প্রতিশোধ নেওয়া ?

ব্যথিতের প্রাণে বাজে ব্যথার বেদনা...হৃদিতন্ত্রি শিহরিয়া  
উঠে তার ব্যথার্ত দৃষ্টির আঘাতে অজ্ঞাতে...ব্যথিতেরে  
করে সে আপন...সনজ্ঞানে সনব্যথি জনে সনবেদনার  
বুকে তুলে নেয়...স্থান দেয়...সাথে নিয়ে চলে...কাণ পেতে  
তার কথা শুনে...কতবার কঁাদে তার সনে...ব্যথিত সে,  
আঘাত পেয়েছে সেও...প্রাণে তাই জাগে তার বেদনার  
করণ কাকলি...চোখে অসে জল...দীর্ঘশ্বাসে বুক ফুলে  
উঠে...সশব্দে ধ্বনিয়া উঠে হৃদস্পন্দন...সেই জল বায়ু নাহি  
সমতানে কয়—“তোরা এক...ওরে তোরা পরস্পর মিলে





পথ চলে বেদনারে কর জয়...জীবনেরে কর দুর্জয়...উন্নয়নে কর দৃঢ়পণ...ব্যথিত জীবন পথে বেদনার সাথে হয়েছে যে আত্মপরিচয় অবজ্ঞেয় নয় যে তা ; এইতো মিলেছে পথ..... জীবনের নিঃশব্দ প্রগতি শক্তি পায় নিগূঢ় ব্যথায়"...অগ্নি জল বায়ু তার অতীত পুড়িয়ে নব সাজে নব রূপে নবীন জীবন গড়ে...সে জীবন ভোরে থাকেনা কালিমা, অতীতের মানি কিম্বা স্থিতির তাড়না।" সে নব জীবন লোভে লুক্কায় ব্যথিত পতিত আর্ন্ত অনাশ্রিত অধীর জীবন...

আঁখি জল ঝরে...করজোড়ে মিনতি জানায় স্বপ্ন পথহারা...পথিক দাঁড়ায় পাশে...ক্ষণকাল ভাবে শক্তি তার আছে কিম্বা নাই—নিজে চলে অচলেরে চালিয়ে নিতে...বিচার বিবেক বোধ ছেয়ে ফেলে আর্ন্ত মানবতা...বাড়ায় সেহাত...অচল অশক্ত পায় চলমান জীবনের বিজলী পরশ...সে পরশ গতির পরশ...সে পরশে ফিরে আসে চলার হরষ...

চলে তারা...অশ্রু মুছে ব্যথা মানি ভুলে...শক্তি, গতি, উন্নতির আনন্দে মাতাল যেন...অচলেরে চালিয়ে নিয়ে চলমান করে তার শক্তি ক্ষয়, প্রতিভার অপব্যয় কিম্বা মানে মানবের প্রাণের নির্দেশ ?

পথের পথিক চলে...পাশের বসতি থেকে কতজন কত কথা কয় ; কেউ কয়...ওই যে চলেছে দু'জন...কোথা যাবে ওরা...এলো কোথা থেকে...দু'জনার চলা যেন বড় অসমান ? রূপ লক্ষ্য গতি, ফিরে চেয়ে দেখা...চলে যেতে থামা...সবই কেন এত অসমান ? পেছনের জন যেন ফিরে চায়, বারবার দেখে কতদূরে এলো, কেন এলো, কেন ছেড়ে এলো—কতকাল ধরে যেখানে সে ছিল সে স্থান থেকে, মন তার যেন করে হায় হায়, যেন ছুটে ফিরে যেতে চায়...সেই পুরানো প্রাক্ষনে যেখানে ছিলনা কেবলি চলা, পথ ইঁটা, এত পরিশ্রম...অদূরে বা দূরে কি রয়েছে কোথা ছিল না 'অজানা যখন...পুরানো জানার প্রতি এমনই মায়াবী বঁধ...অজানারে জানার ব্যগ্রতা নাই...পথ চলে এগিয়ে চলতে তার এতটুকু আগ্রহ যেন নাই...আছে শুধু দুঃসহ শ্রম...এরূপ চলায় যেন তৃপ্তি নাই...শুধু বিরক্তিই আছে।

অন্তজন...সেই-ই আগে চলে...পেছনের জনে

দেখিয়ে চলে সে পথ...সেও থামে, সেও ফিরে চায় পেছনে পায়ের ধ্বনি নীরব যখনই হয়...তার দৃষ্টি ফে

বলে.....“এরকম দাঁড়ালে কি চলে...চল চল দাঁড়িয়ে কি ভাব..... অজানা পথের রেখা চলেছে অশেষ.....সীমাহীন শ্রান্তিহীন... পেছনে সে পড়ে



নেই কারও মমতায়, চলেছে সে আগে। ভালো না পেছনে পড়া...থেমে ভাবা... ফিরে ফিরে দেখা...যখন যে পথেই চলা; থামা ভাবা ফিরে দেখা দুর্বলতা শুধু... অতীতের মোহ...উন্মেষের অভাব বুঝায়।

ভালো যদি নাই লাগে...উন্মেষের এতই অভাব যদি, শ্রান্তি যদি ভেঙে দেয় চলার আগ্রহ শক্তি তবে চলা কেন... বড় কথা বলাই বা কেন...?

সঙ্গী বলে...শ্রান্ত আঁখি তুলে—“সবাই ভাবো কি পাশ কঠোর তোমারই মত...অতীতের মায়া দোষনীয়, তবু একদিন অতীতও যে ছিল—অজানা অজ্ঞেয় ভবিষ্যতেরই মতো প্রেরণাদায়ক...তবে কেন অতীতেরে এত অস্বন্দর ভাবো !! কেন তবে অতীতেরে অতীত না ভেবে ভবিষ্যত জ্ঞান মনে কর !! মুহূর্ত পূর্বের পথ পড়েছে পেছনে, সম্মুখে অশেষ পথ যুক্ত তারি মনে। অচ্ছেদ্য অশেষ পথে—অশ্রান্ত জীবন চ'লে কতটুকু করেছে অতীত—কতক্ষণ থাকে ভবিষ্যত... প্রতি পলে অতীতের কোলে ভবিষ্যত মূর্ছা যায় সংক্রামক ব্যাধির মতো বর্তমান যে মুহূর্তে তারে স্পর্শ করে। বরেন্দ্র, শোভন যদি ভাবো এই ক্ষণজীবী ভবিষ্যতে, এত গর্ব এতই আনন্দ কর মহামারীসম খল মারাত্মক বর্তমান লয়ে, দিতে কি পার না শুধু অতীতেরে এতটুকু স্নেহ, একটু সহানুভূতি, গৌরবের প্রীতি অংশ তার !!! একি নয়—মিথ্যাময় আত্ম পরিচয়, নয় কৃতব্রতা, রূঢ় অবিচার ?”






= শ্রীশেফালি রায় =

সরলা সত্যই ছিল সরলা...অনেক সময় তাঁর নির্দোষ সরলতার দরুণ কেহ কেহ বলতো 'বোকা'...গ্রাহ্যও সে মরতো না, কখনও কখনও প্রত্যুত্তরে শুধু বলতো...“আছি বোকা বেশ আছি তা তোমাদের কি?” তার সরল ছেলেমানুষী ভাব স্বভাবের জন্য পাড়ার সবাই তাকে স্নেহ করতো।...আদর ‘করে’ ডেকে হ’ক না হ’ক কথায় রাগিয়ে রগড় দেখতেও ছাড়তো না।

বিয়ে হ’ল সরলার...বর পূর্বেরই পরিচিত...হুঁজনার ভাব হ’ল খুব...পাড়াপড়শীরা বলতো “কেমন সরি, বলিনি... হ’বি তুই ভাতার সোহাগী...” স্বামীর আদরিণী হ’বার ভবিষ্যতবাণী পাড়ার সবাই যখন তখনই সরলাকে শুনাতে... কারণ...সরলার নাকের ডগাটা সব সময়ই ঘেমে থাকতো খব। নাকের ডগা ঘামা নাকি মেয়েদের স্বামীর আদরিণী হবার নির্দেশ...বিয়ের পূর্বেও ঘামতো...বিয়ের পরে সবাই জোর করে বার বার বলতো...সরলা কেবলই নাকের ডগাটা রগড়ে দেখতো ঘেমেচে কি না...কপাল থেকে সিঁদুরও পড়ে নাকের উপর...ওটাও নাকি আর একটি বিশেষ লক্ষণ। সরলার নাকি দুটোই দেখতে পাওয়া যায়...সরলার বুক ফুলে ওঠে যতবার সে অপরের মুখে শোনে...যতবার সে নাকের ডগাটা রগড়ে দেখে।

প্রাতঃস্নানের পর কপালে সিঁদুরের টিপু পরবার সময় মনের আবেগ বশতঃ হাত কেঁপেই হ’ক বা খুব পুরু করে’ সিঁদুর পরবার জন্তই হোক, সরলার নাকের উপর সিঁদুর পড়তোই,—আর দেহের স্বাভাবিক কোন বিশিষ্ট উষ্ণতার জন্তই হোক বা বারংবার হাতে রগড়ানোর জন্তই হোক— নাকের ডগাটা ঘামতোও মন্দ নয়...


সরলা এই লক্ষণ দুটি বিশ্বাস করতো প্রাণে প্রাণে। সরলার স্বামী কালাচাঁদ—যখনই আদর করে বলতো ভালোবাসার কথা...যখনই বড়াই করতো বলে’ তার প্রেমের কথা...সরলা অপরূপ অঙ্গ ভঙ্গিমায় হেলে দুলে... তর্জনীতে নাগের ডগাটা নির্দেশ করে’ শুধু বলতো... “ঘামে যে, সিঁদুরও পড়ে... জানো না !!”




শ্রীশেফালি রায়

অমনি সে নাকের ডগাটা রগড়ে সিক্ত সিঁদুরে আঙ্গুলটা রঙিয়ে—কালাচাঁদের চোখের সামনে ধরে বলতো... “দেখছো।...ঘামে সিঁদুরে লালে লাল”...টেনে টেনে এমন দৃঢ় আত্মপ্রত্যয়সূচক স্বরে সে বলতো যে কালাচাঁদ সগর্বে সরলাকে বুকে টেনে নিয়ে—বলতো...“তাই তো এতো ভালবাসি তোমায়, না—?” সরলা হাত নেড়ে মাথা হুলিয়ে আড় চোখে চেয়ে বলতো...“নিশ্চয়ই”





ভারতের গৌরব




# কে.সি.বসু & কোম্পানীর বিস্কুট ও বালী

I have used K. C. Bose's BARLEY and BISCUITS and I am very pleased to find that they are really very good in quality.

Their quality of BARLEY is of well worth recommendation. I do not think there is any further necessity of prescribing the foreign packed Barley for the patients.

**Sd. M. A. Ansari.**  
Delhi

11-4-1933



36, Wellington Street,  
Calcutta.

1st. August, 1933.

I have used K. C. Bose's Biscuits and have prescribed Barley prepared by them. I am glad to say that they have improved their products immensely and have successfully met a much-felt need.

**Sd. B. C. Roy.**  
M. D., M. R. C. P. (Lond.),  
F. R. C. S. (Eng)

দীর্ঘ পঞ্চাশ বৎসর অভিজ্ঞতার উপর প্রতিষ্ঠিত

= বহু দুপ্রসিদ্ধ চিকিৎসক কর্তৃক অনুমোদিত =



শিশুর খাদ্য ও রোগীর পথ্য

= ভারতে সর্বপ্রথম ও সর্বপ্রধান কারখানা =

## শ্যামবাজার শ্যাম বিস্কুট ও বালীফ্যাক্টরী



কলিকাতা





পাড়ার বিন্দি সেদিন রগড় করিতে বললে—কই সরি নাকটা শুকনো যে রে—ব্যাপার কি ?

সরলা চমকে উদ্ভাস্ত ভাবে নাকে হাত দিয়ে চট করে নাকটা দেখে নিয়ে গম্ভীর ভাবে বললে—“তোমাদের কথা শুন্যে যেন ছিরি নেই—এইতো ঘামানো রয়েছে—কই শুকনো—এসব ভাল মন্দ কথা নিয়ে তোমরা যখন তখন রগড় করোনা বলে দিচ্ছি—ওসব আমার ভাল লাগে না—শুকনো যেদিন থাকবে সে দিন আমিই সবার আগে টের পাবো—দিনে দু’শবার আমি নিজেই ডগাটা হাতিয়ে দেখি।”

—সেদিন সকাল থেকেই খুব ঠাণ্ডা। পশ্চিমে হাওয়ায় শীতের কনকণানী—গায়ে কাঁটা দেয়—একটা জমির মামলায় দু’দিন দিন থেকে কালাচাঁদ খুব ব্যস্ত—উকীল মোস্তারের বাড়ী ঘুরে বেড়ায়—সরলার সঙ্গে বেশী কথা কইবার ফুরসত নেই—সরলা জানেনা কিসে এতো ব্যস্ত তার স্বামী—ভাবে “বাড়ীতেই থাকেন না যে বেশীক্ষণ—ব্যাপার কি ? ভালো কথা তো নয়।”

সরলা অত্যন্ত উদ্বেগাকুল হয়ে উঠলো। মাঝে একবার কালাচাঁদ বাড়ী এসেছে মামলার কি দলিল তাড়াতাড়ি নিয়ে যেতে। দলিল খানি অনেক কষ্টে খুঁজে বার করার পর কালাচাঁদ সরলাকে বলে যাচ্ছিল—“আমার ফিরতে দেরী হবে আজ, তুমি আমার জন্ত অপেক্ষা করোনা, খেয়ে দেয়ে গুয়ে পড়ো।”

সরলার মনে প্রবল দ্বন্দ্ব জেগে উঠলো—কালাচাঁদের প্রত্যেকটা কথার সঙ্গে সঙ্গে গম্ভীর ভাবে বস্তুভেদী দৃষ্টিতে মাথা নেড়ে বললো—হঁ।

কালাচাঁদ বিস্মিত হয়ে জিজ্ঞাসা করলো, “কি হলো—এ আবার কি রকম ?”

কালাচাঁদের বড়ই তাড়াতাড়ি ছিল ; সে একটু রেগেই বললো—“কি ছেলেমানুষী হচ্ছে—কাজের সময় একি ? কি হয়েছে, কি ?”

সরলা মুখ বাকিয়ে অপরূপ ভঙ্গিতে ঘাড় নেড়ে বললো—“তাইতো, হয়েছে কি—মশায়ের যাওয়া হচ্ছে কোথায়—বড্ড তাড়া বে !”

“তাড়ার কাজ হলে তাড়াতাড়ি করবো না ? এ আবার কি নূতন খেয়াল তোমার ?”

“খেয়াল—হঁ খেয়ালই তো ; বটেই তো, বলি, যাওয়া হচ্ছে কোথায় ? আজকাল কণে অকণে কোথায় ডুবে থাকা হচ্ছে,—শুনি !”

কালাচাঁদের তাড়া ছিল খুব—মামলার দরুন মেজাজটাও ভালো ছিল না বড়—এবার সে রেগে গেল—রাগত স্বরেই বললো—“বলছি কাজ আছে—বড্ড তাড়াতাড়ি—আর ততই তুমি বকাচ্ছে খামোকা—ভালো লাগে সবই যখন মন মেজাজ ভালো থাকে—”

সরলাও রেগে যাচ্ছিল খুব—বললো, “মন মেজাজ আমারও খুব ভালো বইকি ! সময়টা ভালো—কপালটা ভালো—স্বামীটি তার চেয়েও ভালো—”—বলেই সরলা চকিতে একবার নাকের ডগাটা রগড়ে হাতের আঙ্গুল ক’টা নিরীক্ষণ করে দেখলো—শুকনো !!!—নাকটা ঘামেনি আদৌ। মেজাজটা ভালো না থাকার দরুন—সিঁদুরের ফোঁটাটাও দেওয়া হয়নি রীতিমতো,—সিঁদুরও পড়েনি নাকের উপর !

কালাচাঁদ আর দেরী করতে পারছিল না। উকীল যদি বেরিয়ে যায়—তাকে কাগজপত্র আজই দেখানো দরকার, এ সময় সরলার একদম ব্যবহার সে কিহতেই সহ’স্ত্রে সহ্য করতে পারছিল না। “মাথাটা একদম বিগড়ে গেছে”—বলে কালাচাঁদ ক্রুদ্ধভাবে বেরিয়ে যাচ্ছিল। মামলার দলিলটা কালাচাঁদের হাত থেকে ছোঁ মেরে ছিনিয়ে নিয়ে সরলা ছুটে শোবার ঘরে গিয়ে দরজায় খিল দিল। কালাচাঁদ পেছন পেছন গিয়ে বন্ধ দরজায় বার বার আঘাত করে ডাকতে লাগলো—“ওগো পোল, আমার দেরী হয়ে যাবে—জরুরী কাজ, শেষে সব পণ্ড হবে, সর্কনাশ হবে—”

সরলা ভিতর থেকে গর্জে গর্জে বলতে লাগলো—“সর্কনাশ হ’ল, দেরীতে পণ্ড হ’ল তো আমার ভারি ব্যয় গেল !! আমার যে সর্কনাশ হচ্ছে তার খবর কে রাখে—”

কালাচাঁদ বাইরে থেকে বললো, “কি সর্কনাশ হচ্ছে তোমার, কি পাগলামো করছো ? এ সময় এসব ছেলেমানুষী



ভালো লাগে না।...খোল দরজা...দাও দলিলটা...কাজ  
সেরে ফিরে আসি—তারপর যতো পার বকো আর ঝাকামো  
কোরো...”—কালচাঁদ এবার রেগে গেছে...দরজায় ঘা  
দিয়ে চেষ্টা করে ডাকলো—“খোলনা দরজা...শুনছো...”

সরলা পার্শ্বের একটা জান্না খুলে গরাদের ফাঁকে হাত  
বার করে হাত নেড়ে বললে—“আজ আরতো নয়ই,  
বুঝি আগে ব্যাপারটা ভেবে চিন্তে, কাল দেখা যাবে।”

কালচাঁদ রাগের মাথায় চেষ্টা করে উঠলো, “কোথাকার  
মাথা পাগলা বোম্বটে বউ গা? কাল মামলা আজও  
উকীলকে দলিল না দেখালে আমার যে মাথা বিকিয়ে যাবে!  
এখনও বলছি দাও, আমি যাই তারপর তুমি দোর বন্ধ  
করে যত পার লম্বা বন্ধ কর।”

“এত বোকা মেয়ে মনে কোরো না, চোখ কাণ খালি  
তোমারই নেই”—বলেই সরলা আর একবার তার  
নাসিকায় হাত বুলিয়ে দেখলো; শীতের কণকণে হাওয়া  
একটু জোরেই বইছিলো তখন, নাকের ডগাটা শুকনোই  
ছিল তখনও, সরলার চোখ ফেটে জল বার হচ্ছিল প্রায়;

ত ডাড়াড়ি সশব্দে সে খোলা জান্নাটাও বন্ধ করে অন্ধ-  
কার ঘরের মেঝেয় বসে পড়ল। মাথার উপরে বড় ঘড়িটার  
টিক টিক শব্দের চেয়েও জোরে যেন সরলার বুকের ভিতর  
থেকে দ্রুত হৃদস্পন্দন ধ্বনিত হচ্ছিল।

রুদ্ধ দ্বারের বাহিরে কালচাঁদ কিছুক্ষণ নিষ্ফল আক্কেশে  
গর্জে গর্জে তখন হতাশভাবে সিঁড়ির উপর গুম হয়ে  
বসেছে। কাল মামলা। জমির ব্যাপার, দলিলপত্রগুলো  
আজই এতক্ষণে উকীলকে দেখানো উচিত ছিল, এতক্ষণে  
নিশ্চয়ই উকীল বাবু বেরিয়ে গেছেন; উপায় কি হবে—  
কালচাঁদ কিছুই ভেবে ঠিক করতে পারছিলো না। রাগে  
দুঃখে আক্কেপে তার মাথা কিম্ব কিম্ব করছিল, হাত পা  
অবশ হয়ে আসছিল এক একবার ভাবছিল দরজাটা ভেঙ্গে  
ঘরে ঢুকে খুব ছ’ কথা শুনিয়া দিয়ে দলিলটা জোর করে  
নিয়ে বেরিয়ে পড়ে...পাড়ার লোক কি মনে করবে কি  
জানি, কালচাঁদ তাও ভাবছিল। একবার ভাবলে, “অমন  
বিনয় করে বলে দেখি”—পর মুহূর্তেই তার মন বিদ্রোহী হয়ে  
চেষ্টা করে উঠলো, “কেন, কিসের জন্তু, জমিজমা বায় যাক

## পূজায় প্রয়োজনীয়

মাননীয় পোষাক ও বস্ত্রের জন্য

# ইষ্ট বেঙ্গল সোসাইটিতে

একবার পদার্পণ করিতে অনুরোধ করি। আপনার মনোমত স্বদেশী  
মহাপ্রকার সূতি ও সিল্কের কাপড় আমাদের নিকট পাইবেন।

— বস্ত্র বিভাগ —

১নং মজাপুর ষ্ট্রীট,

:: ::

২৭-২, কলেজ ষ্ট্রীট,

:: ::

২নং মজাপুর ষ্ট্রীট,

—পোষাক বিভাগ—

৮৭-২, কলেজ ষ্ট্রীট,  
কলিকাতা।

ফোন

৩৫৩—বড়বাজার  
৩৯৮—পার্ক।

—ব্র্যাঞ্চ—

জগদ্বার বাজার,  
উদ্যানপুৰ।



এই কৌতলে বোকাটাকে নাকি মিনতি করে বলবো,—  
রম, কথখনো না।”

গালে হাত দিয়ে বসে কালাচাঁদ আকাশ পাতাল  
ভরতে লগলো।

দরজা জ নালা বন্ধ ঘরটার ভিতরে বসে বসে সরলার  
হৃদয় বোধ হলো... মনের দুঃখে এতক্ষণ সে নাকের কথাটাও  
ভুলে গেছে। হঠাৎ অভ্যাসমত মাথা তুলিয়ে নাকটায় হাত  
দিয়ে ঘম্মাক্ত সরলার ললাট গুণ্ড নাসিকাগ হতে টম্ টম্  
হয়ে ঘেদবিন্দু ঝড়ে পড়লো মাটির উপর। সরলা একলা  
ঘরে অমন মনেই চোঁচিয়ে উঠলো,—“ফাঁড়া কেটেছে রে,  
চা গেলে।”

ঘম দিয়ে সত্যিই যেন সরলার জ্বর ছেড়ে গেল, তাড়া-  
হুড়ি জানলাটা খুলে হাত-আরশীটা চোখের সামনে  
রে সরলা দেখলে ঘামে তার ললাটের সিঁহর গলে বেয়ে  
গেছে নাকের উপর দিয়ে। বারংবার অন্ধকারে নাকের

ডগা রগড়ানোয় সারা নাকমুখময় লেগে গেছে গোলা সিঁহর  
—আরশীটা ছুঁড়ে ফেলে সশব্দে দরজাটা খুলে বেরিয়ে এসে  
কালাচাঁদের পেছন থেকে হাত বাড়িয়ে দলিলটা তার  
কোলের উপর ফেলে দিয়ে সরলা বললো—“নাও গো,—  
এখনই যাবে, না খেয়ে নেবে —?”

অপকৃত দলিলটা সাগ্রহে সজোরে দুহাতে চেপে ধরে  
কালাচাঁদ রুগ্ন বিরক্ত ভাবে বললো,—“মাথা ঠাণ্ডা হলো,  
এমন বিটলে মেয়েও দেখিনি আর, এখন কেন দিলে—”

সরলা একটা অবোধ্য শব্দে এক গাল হেসে ত্রিভঙ্গ  
ভঙ্গিমায় দাঁড়িয়ে ঘম্মাক্ত নাসিকাটার প্রতি তর্জনী নির্দেশ  
করে—“দেখছো” বলেই সহসা ব্যগ্র বাজতে কালাচাঁদের কণ্ঠ  
বেষ্টন করে আনন্দাতিশয্যে শির সঞ্চালন করে হেসে পাশে  
গড়িয়ে পড়লো।

কালাচাঁদ প্রথমটা নির্বাক থেকে সরলার মুখের দিকে  
তাকিয়ে হেসে উঠলো হো হো শব্দে—“কি বিপদ !!!”

## জীবন বীমায় যুগান্তর !!

নির্বিঘ্নে

সংস্থান ও

স্বচ্ছলতার

অপূর্ব

সমাবেশ

১৫. ২০, ২৫ বৎসরের, মেয়াদে  
পাঁচ হাজার টাকার বীমা করিলে  
আপনার অবর্তমানে আপনার পরিবার বর্গ  
প্রতি বৎসর ৫০০/- করিয়া পাইতে থাকিবেন

আবার মেয়াদকাল পূর্ণ হইলে  
৫০০০/- টাকাও পূরা পাইবেন।

বিশেষ বিবরণের জন্য পত্র লিখুন

—কিছা সাক্ষাৎ করুন—

মডার্ণ ইন্ডিয়া লাইফ এ্যাসুরেন্স কোং লিঃ

এম, সেন

সুপারিটেণ্ডেন্ট

৫ ও ৬ হেয়ার ষ্ট্রিট

কলিকাতা

জে, এম, দেব গুপ্ত

অর্গ্যানাইজার



# পত্রলেখা

শ্রীপ্রণব রায়

ভাবছিলাম, একখানা চিঠি লিখব।

এখন শরৎকাল। সহরের রুম্ম কাঠির ওপরেও অপূর্ণ একটি প্রসন্নতা ছড়িয়ে পড়েছে। আকাশ সমুদ্রের মতো গাঢ় নীল, বাতাসে চঞ্চলতা। ভাবলাম, খুব সুন্দর একখানা চিঠি লিখব। কাকে লিখব, সেটা নিতান্তই গোপন; চিঠি-লেখাই আজকের মুখ্য উদ্দেশ্য। কি লিখব? যা-খুশী-ভাই; শরৎকালের এলোমেলো হাওয়ায় আমার জানলার সামনে ওই নিমগাছটা যেমন অকারণ মর্ম্মরে মুখর হ'য়ে উঠেছে, তেমনি। কথার যে ছোট ছোট ঢেউগুলি আমার মনের মধ্যে উদ্বেল হ'য়ে উঠেছে, ভাষায় ও'দের কল্লোলকে প্রকাশ করতে চাই।

জীবনে এমন অবকাশ কদাচিৎ আসে—এমন নিশ্চিন্ত, নিরালা ছুটির অবকাশ। কৃপণের মতো এই অবকাশটুকু উপভোগ করতে ইচ্ছে হচ্ছে! গল্প কবিতা লিখে এই ছুটির বেলা না-ই-বা নষ্ট করলাম! দিনমানের কাজের ভিড়ের ফাঁকে ফাঁকে গল্প লেখার পরিমিত অবসর জুটবে কবিতা লেখার জন্তে রয়েছে রাত্রির রহস্যময় নৈঃশব্দ্য।

কিন্তু আজকের এই অবকাশ, সকালের আলোর মতো নিজের মনকে মেলে ধরবার অবকাশ। আজকের অবকাশ ইন্টারভ্যাল নয়,—ছুটি। তাই ভাবলাম, ১৩৪০ এর দোসরা আশ্বিনের 'আমি'কে বাঁচিয়ে রেখে যাব, অকাজের কথায় পুষ্পিত দীর্ঘ একখানি পত্রে।

বাস্তবিক, চিঠি লেখার রেওয়াজ আজকাল আর নেই বললেও চলে,—আমাদের এখনকার চিঠি লিপি নয়; ক্রী প্রেস বা এ, পি'র টেলিগ্রাম! নিছক ঘটনা বা কাজের কথায় ঠাসা, আগাগোড়া তরাত! যেন মিলের আটহাতি মোটা কাপড়, কারুকার্য খচিত বারোহাতি মসলিন নয়। কাজের কথার চাপে অকাজের আনন্দ পড়েছে মারা।

চিঠি লেখা আজকাল একটা মৃত আর্ট। বাংলা সাহিত্যে চিঠি লিখিয়ে মাত্র একজন,—তিনি রবীন্দ্রনাথ। শ্রীযুক্ত প্রমথ চৌধুরী প্রভৃতি নাম-করা সাহিত্যিকরা বা' লিখেছেন, তা' ঠিক চিঠি নয়, পত্রাকারে প্রবন্ধ। বাংলা সাহিত্যে 'ছিন্নপত্রের' সঞ্চয় মাত্র একখানি।

এমনকি, ইংরেজি সাহিত্যেও—পত্রসম্পদে যে সাহিত্য সবচেয়ে সমৃদ্ধ—চিঠি আজকাল বিরল। আজ শেলীও নেই, হ্যারিয়েটও নেই, কীট আর ফ্যানীই বা কোথায়? ল্যান্স, কাউপার, ওয়ালপোল'এর যুগও গত হয়েছে। ব্যক্তিগত আত্মপ্রকাশের বদলে সার্বজনীনতাই এ-যুগের লক্ষণ। জনতার সঙ্গে নিজেকে মিশিয়ে দিয়ে, গণবাণীর সঙ্গে কণ্ঠ মেলানোই এখনকার নীতি।

ইংরেজি সাহিত্যে পত্রযুগ শুরু হয়েছিল সেই পঞ্চদশ শতাব্দী থেকে।

এর আগে চিঠি লেখা ছিল বিলাসিতা। কেন না, কাগজ কলম প্রভৃতি লিখন-সরঞ্জাম এখনকার মতো সস্তা ছিল না এবং চিঠি পাঠানোও ছিল রীতিমত ব্যয়সাধ্য ও ছফর ব্যাপার! তা' ছাড়া অক্ষর পরিচয়ের অভাব তো ছিলই।

পঞ্চদশ ও ষোড়শ শতাব্দীর খান কয়েক পুরানো চিঠি এখনও সঞ্চয় করে' রাখা হয়েছে। সাহিত্যের দিক থেকে তত না হ'লেও সেই চিঠিগুলির ঐতিহাসিক মূল্য যথেষ্ট। সেগুলি থেকে পঞ্চদশ ও ষোড়শ শতাব্দীর ইংরেজ-সমাজের জীবন ধারা সম্বন্ধে স্পষ্ট একটা ধারণা জন্মায়।

এলিজাবেথীয় যুগ কাব্য ও নাটকের যুগ। কিন্তু সে যুগের চিঠি খুব কমই পাওয়া যায়। এমন কি শেক্সপীয়ার' এর চিঠি ছেঁড়া টুকরোগুলোও কালের হাওয়ায় কোথায় উড়ে' গেছে! Stratford-on-Avon'এর সেই মনীষীর



মধ্য-জীবনের কোনো কথাই আমরা জানতে পারলাম না। চিন্লাম শুধু নাট্যকার শেক্সপীয়ারকে।

চিঠি সাহিত্যের পর্যায়ে স্থায়ী আসন পেল সপ্তদশ শতাব্দীর মধ্যভাগে। বিশপ হল এবং জেমস্ হাওয়েল পি-লিখনকে আটেরই একটা শাখা বলে' প্রমাণ করলেন। ত্রিসের সমাধিক্ষেত্র ছেড়ে চিঠি এল আটের রূপায়-ন। জেমস্ হাওয়েলকে বলা হয় : 'Father of epis- tary literature. একখানা চিঠিতে তিনি চিঠি লেখার তত্ত্বলিকে সুন্দর করে' ব্যাখ্যা করেছেন। চমৎকার চিঠি লেখার মূলে হাওয়েলের মস্ত একটা সুবিধে ছিল। তাঁর জন্ম অথও অবসর। জীবনের যে সময় তিনি তাঁর বিখ্যাত চিঠিগুলি লিখেছিলেন, সে-সময় রয়্যালিষ্ট বন্দীরূপে তিনি ছিলেন কারাগারে।

অষ্টাদশ শতাব্দীতে আর্ট হিসেবে চিঠির চরম উৎকর্ষ দেখা যায়। তবে, মাঝে মাঝে এই আর্ট এত artificial হয়ে উঠে যে, চিঠির অবস্থা হ'ত টবে-পোতা পাতাবাহারের মতো। কষ্টকল্পনা, বাছা বাছা কথার আড়ম্বর এবং নিজের প্রথর বর্ণচ্ছটায় চিঠি হ'য়ে পড়ত ছদ্মবেশী অভিনেতার মতো কৃত্রিম। সহজ মনের যোগ যেত নষ্ট হ'য়ে, নকল জগতের ভণিতাই হ'য়ে উঠত প্রধান। তবে, ইংরেজি সাহিত্যের বেশীর-ভাগ ভালো চিঠিই এই সময় লেখা হয়। এর কারণ হচ্ছে, সে-সময়কার জীবনযাত্রা চিঠিপত্র লেখার জন্য অস্বাভাবিক ছিল। তখনকার জীবনযাত্রা এখনকার মতো সংগ্রাম হ'য়ে ওঠেনি, এবং লোকের অবকাশ ছিল না। তা' ছাড়া, ইকনমিক কারণও ছিল; চড়া মূল্যে, ডাক-সরবরাহের অত্যধিক ব্যয় এবং জনসাধারণের Standard of living স্তর যখন যখন চিঠি লেখবার ন উপায় ছিল না, তখন মাত্র একখানা চিঠি ভালো করে' লিখে লিখতে লোকে সারা দিনমান কাটিয়ে দিতে পারত।

তা' ছাড়া সংবাদপত্র তখন ছিল সংখ্যায় বিরল এবং দামও ছিল চড়া। প্রচারের অসুবিধা বশতঃ খবর ছিত অনেক দেয়ীতে। ফলে, বহুদিনের সঞ্চিত সংবাদ ম করত পত্রদূত। তখন প্রবাসী বন্ধু বা আত্মীয়ের সঙ্গে

আলাপের একমাত্র মধ্যস্থ ছিল চিঠি; তাই অধিকাংশ চিঠিই হ'ত সুলিখিত।

John Wishart পুরাণে ইংরেজি চিঠির যে চরিত্রিক বের করেছেন, তা'র ভূমিকায় তিনি সত্যিকার ভালো চিঠির সংজ্ঞা নির্দেশ করেছেন এই বলে :—

A really letter is more than a bundle of news, it is the expression of the writer's nature. All unconsciously while he is thinking only of his letter and his correspondent, he is drawing a likeness of himself.'

অর্থাৎ, সত্যিকার ভালো চিঠি নিছক সংবাদ সমষ্টি নয়; লেখকের মনের ও প্রকৃতির প্রতিবিম্ব। চিঠির মধ্যে লেখক নিজের অজ্ঞাতসারে নিজেকে অনেকখানি ধরা দিয়ে ফেলে।

চিঠি ছাড়া অল্প কোনো রচনার মধ্যে আত্মগোপন করা লেখকের পক্ষে অসম্ভব নয়, তাঁর নায়ক-নায়িকাকে লোক-লোচনের সামনে এনে নিজে তিনি নেপথ্যে বাস করতে পারেন। কিন্তু চিঠিতে লেখকের সঙ্গে আমাদের ব্যক্তিগত পরিচয় ঘটে, তাঁর সঙ্গে হয় যেন মুখোমুখি দেখা!

একটা দৃষ্টান্ত দেওয়া যাক। চার্লস্ ল্যান্স—ইংরেজি সাহিত্যে ল্যান্সের মতো চমৎকার চিঠি-লিখিয়ে তিন-চার জনের বেশী নেই—গত ১৮০১ খৃষ্টাব্দে ৩০শে জানুয়ারী তারিখে কবি ওয়ার্ডসওয়ার্থকে যে চিঠি লেখেন, তা'র একস্থানে তিনি লিখেছেন :—

'The lighted shops of the Strand and Fleet Street; the innumerable trades, tradesmen and customers, coaches, waggons, play-houses; all the bustlex and wickedness round about Convent Garden; the very women of the Town the watchman, drunken scenes, rattles; life awake, if you awake, at all hours of the night; the impossibility of being dull in Fleet Street; the crowds, the



very dirt and mud, the sun shining upon the houses and pavements..... all these things work themselves into my mind and feed me, without a power of satiating me.

'The wonder of these sights impels me into night-walks about her (London) crowded streets, and I often shed tears in the motley Strand from fulness of joy at so much life.....'

উদ্ধৃত কয়েকটি ছত্রে townsman ল্যান্সকে আমরা সহজেই চিনে নিতে পারি। ওয়ার্ডসওয়ার্থকে লেখা এই চিঠিখানি পড়তে পড়তে আমরা মনশ্চক্ষে দেখতে পাই, ফ্লীট ষ্ট্রিটের জনতার সঙ্গে মিশে একটি লোক চলেছেন, উঁচু কলাওয়ালা লম্বা ওভারকোট তাঁর গায়ে। তিনি ল্যান্স। আমরা বেশ বুঝতে পারি, অসংখ্য সৌধ, বিপনী, ক্ষেতা-বিক্ষেতা, জলযান, কলরব ও চীৎকার, নাগরিকা এবং নৈশ রহস্য নিয়ে লন্ডন-নগরী ল্যান্সের জীবনে কী অদ্ভুত মোহ রচনা করে'ছিল।

'ছিন্নপত্র' পড়তে পড়তে প্রকৃতি-প্রেমিক রবীন্দ্রনাথের যে অন্তরঙ্গ পরিচয় আমরা পাই, তাঁর কোনো উপজ্ঞাসে তা' পাই কি?

এই ধরনের চিঠি সম্বন্ধে Wishart সাহেব বলেছেন :—

'To read such letters is to enter into the life of days gone by, to accompany the writers in their business

and in their pleasure, to know their friend and to look at the world as they know it through their eyes.'

অর্থাৎ, এইসব চিঠি পড়তে পড়তে আমরা বিগত দি ফিরে যাই, লেখকদের জীবনের নিভৃত আনন্দোন্মত্ত আমরাও যেন আমন্ত্রিত হই, তাঁদের দৃষ্টি দিয়ে পৃথিবী দেখি, চিনি।

আমরা হে-যুগে বাস করছি, সেটা হচ্ছে যন্ত্র-সত্ত্ব যুগ, ট্রাম-বাস-ট্যাক্সির যুগ, 'age of crowd' বলতে পারি

জীবনে আমাদের দেখা দিয়েছে নব নব সমস্যা, বেড়ে কাজ, সেই অল্পপাতে আমরা জীবনের অবসরকে করে সংক্ষিপ্ত। 'সময় নেই' এইটেই হ'ল বিংশ শতাব্দীর জীবন সংজ্ঞা। সুতরাং চিঠি লিখা কখন? আমরা কি Scrappy notes এবং তা' যথাস্থানে পৌছতে কতক্ষণ বা লাগে? বিজ্ঞানের বাহাদুরীতে দুনিয়াময় টেলিগ্রাম তার বসেচে, চলেছে 'এয়ার মেল'।


ভূজপত্রের কাজলের মসী দিয়ে চিঠি লেখার যুগ হয়েছে। তা'র স্থান এখন অধিকার করেছে লেটার প্যা ফাউন্টেন পেন, কার্বন পেপার, রেমিটনের মেশিন যতটা সময় সংক্ষেপ করা যায়! পারতপক্ষে, আল ফোনেই সেরে নি, নেহাৎ যদি লিখতে হয়, তবে বড়-ডে লিখি 'কেমন আছ? ভালো আছি।'

জীবনে আমাদের কথাও ফুরিয়ে এসেছে।

এটা আশ্বিন মাস। নীল আকাশে আর কাশের ঝ শরৎ এনেছে ছুটির বার্তা, আমাদের কর্মব্যস্ত জীবনে সেই ছুটির খবর পৌছল কই?







শ্রীকৈদারনাথ বন্দ্যোপাধ্যায়


ঘনুপুর গ্রামে,  
বিকট রবে চোমকে সবে,—  
মোটর এসে থামে।  
হঁকে রেখে কৌঁচা দিয়ে গায়,—  
জেলার সাযের ভেবে  
হরিশ সভয়ে দাঁড়ায়।  
শব্দ শুনে ছেলের পাল  
বেরয় যেন নরক হতে  
চলন্ত কঙ্কাল।  
কমাল টিপে নাকে  
মুখ বাড়ালেন অভয় মিত্তির,  
খোঁজেন যেন কাঁকে।  
“এই যে হরিশ, খবর কি?”  
“প্রাতঃপ্রণাম বেশ আছে সব,  
টাকায় দেড় সের ঘি!”  
“হা হা” হাসি, “বেশ বেশ,  
খবর নিতে এলুম,  
যাক, নেই ত’ কারো ক্লেশ?”  
“আজ্ঞে না, পায়নি অস্ত্র স্বাদ  
জন্মবধি, বেশ আছে তাই।  
ও-কথা দিন বাদ।—  
“আপনি কেমন বললন,  
চৌরঙ্গিতে কষ্ট নেই তো?  
ঘুরে দেখবেন চলুন।—  
“আছেন তো দু’ দিন?”  
“আরে বাপু সে কি হয়?  
দেখনা এই কটিন্।

“ডি-ভি-সনে ভোট দান,  
বড়রা হাঁ করে আছেন,  
তাদের জয়েই মোদের মান।—  
“প্রজাদের সব ডাকো,  
পূজোর কিস্তি মিটিয়ে  
দিবী নির্ভাবনায় থাকো”  
“খেতে পায় না, সব পড়ে’ যে জরে!”  
“টাকায় দেড় মে ঘি থাকতে,  
তবু ওজোর করে?  
“যে মরে সে মরুক,  
পাওনা আমার মিটিয়ে দিয়ে;  
সম্মতে হয় মরুক।  
“বাজে কথা আর  
শুনচেন না অভয় মিত্তির।  
যা যা আছে, যার  
“করুক এনে হাজির,—  
গরু বাচুর হাল্ যোং  
যা আছে যে পাজির।”  
“গাড়িখানা রাপি  
(চলবে না এ ইটু কাদায়)  
চলুন একবার ডাকি  
“দেপি তারা কে কি কয়,  
ক’-কৈড়ে ঘি রাখে,  
হাড়-পাজি সব হয়।  
“দেখাও হবে পিসিমাকে,  
থাকেন পপ চেয়ে;  
সেরে ফেলুন এই ফাঁকে।”



“গরতে বল ‘নাকি !  
 দুর্গন্ধ সে গ্যাসের ডিপোয়  
 কিছুক্ষণ থাকি—  
 বাঁচে নাকি লোকে ?”  
 “পিসিমা তো রয়েছেন,  
 দেখচিও এই চোখে।”  
 “এন্-এন্-সির মূল্য, --  
 ভাবলে বুঝি  
 হরে’ শাস্তের তুল্য !”  
 নাক সিঁটকে ইক্যালিস্টস্ শূঁকে  
 “আর না—শরীর যেন কেমন” ;

এক দাগ ঢেলে মুখে  
 “চলনুম, চাই বুধবার।  
 পঞ্চমীতে দাবুজিলিং,—  
 সাড়ে সাতশো দরকার—  
 “না না, শুনতে চাই না কিছু ;--  
 —সোফেয়ার পার্ক-স্ট্রীট”।  
 চাইলেন না আর পিছু।  
 এ-ওর মুখ চাই,  
 সবাই বললে ভাই  
 “মা দুর্গা আর নাই” !



খেলাধুলায়



কাজে কর্মে একপ টেঁকসই ঘড়িই প্রয়োজন, কোন  
 প্রকারে বাঁকানি লাগিলেও ইহার কিছুই হইবে না।

তিন বৎসরের গ্যারান্টি দেওয়া হয়

মূল্য রোল্ডগোল্ড কেস—৫৬

নকল লইবেন না। জয়কালীন ডায়ালের উপর  
 ‘Angora’ নাম দেখিয়া কিনিবেন।

এস, এইচ, মমতাজুদ্দিন

১৩১, রাধাবাজার স্ট্রীট, কলিকাতা।

## ঘড়ির ব্যবসাতে যুগান্তর !!

আধুনিক স্টাইলের অভিনব


**ANGORA এ্যাঙ্গোরা ANGORA**

আম্বাতে অটল অটুট থাকিবে

অতি উচ্চ ধরনের লিভার কলকজা, ১৫টি জুয়েল বিশিষ্ট :

ইহার কাঁচ কখনও ভাজিবে না।

দেখিতে সুশ্রী—সুদীর্ঘকাল স্থায়ী নির্দোষ সঠিক সময় নিরূপক।







# বাসর

= শ্রীমনোমোহন ঘোষ বিদ্যাবিনোদ =

বোসে তার রূপ ও যৌবনের মঞ্জুশ্রীকে তুলি দিয়ে নিংড়ে যেন  
কাগজ ধোরে রাখে।...

ফেরবার সময় হাতে পায় আশাতীত অর্থ।...

বান্ধবী বলে...কেমন, পারবে তো?...

সে ঘাড় নেড়ে অক্ষমতা জানায়।

পাছাবাসের বান্ধবীদের অগ্ন্যগ্ৰহে তার দিন কাটছিল...

কিন্তু তারা মুখ ফিরিয়ে নিলে।

সে ভিক্ষায় বেরলো।...

সহরের রাস্তায় সুন্দরী তরুণীর ভিক্ষা পাওয়া কঠিন নয়  
কিন্তু অপমানের।

অনাহারই বরণ কোবুলে সে।

রূপ স্মান হয়ে আসে, শীর্ণ যৌবন দীর্ঘশ্বাস ফেলে...  
তবু প্রাণটুকুকে ধোরে রাখবার জন্তে পাছশালার দীর্ঘ  
সোপানশ্রেণীর একপাশে শুয়ে যাত্রীদের পানে মেয়েটির  
সে-কী করুণ দৃষ্টিপাত!...

বান্ধবীদের জীবন যাত্রার লীলা-বিলাস স্মরণ কোরে  
এক একবার মন লুক্ক হয়ে ওঠে!...কত সহজেই না সে  
সৌভাগ্যকে জয় কোরতে পারত...তার অপরূপ সৌন্দর্য  
দিয়ে! কিন্তু...হায় রে মানুষের মন!

অবশেষে একজন এলো...সে শিল্পী।

বিগত-রূপ-বৈভবের কঙ্কাল দেখে সে শিউরে উঠলো।  
সাগ্রহে...পরম যত্নে নিয়ে এলো তাকে স্বচ্ছন্দের শাস্তি-  
মন্দিরে। সাধক যেমন কোরে তার আরাধ্যা দেবীকে প্রসন্ন  
ক'রে নেননি কোরেই শিল্পী মেয়েটির সান্ত্বনা ও প্রসন্নতা  
কামনা করতে লাগলো সেবা-যত্ন ও প্রীতির নৈবেদ্য সাজিয়ে  
দিনের পর দিন-রাত্রি ধরে।

শিল্পী যেন তার স্বপ্নদৃষ্টা মানসীকে খুঁজে পেয়েছে আজ  
রক্ত মাংসের ভেতর দিয়ে...বিরহ তমসার পারে...চেতনার  
রমণীয় প্রভাষে!...

গরীবের ঘরের মেয়ে হোলেও রূপে যৌবনে অতুলন  
ঐশ্বর্যবতী ছিল সে। ষোলটি পরিপূর্ণ বসন্ত যেন নিজেদের  
মস্ত রস-মাধুর্য্য নিঃশেষে নিংড়ে তারি ভেতর আত্মপ্রকাশ  
কারে পরিতৃপ্ত হয়েছিল।...

কিন্তু দারিদ্র্য তাকে টেনে রাস্তায় নামিয়ে দিলে।

মা-বাপ মুখ ফুটে কিছু বলেন নি। তাঁদের মুখে  
ভয়ের দায়ভারের অনিচ্ছুক সহিষ্ণুতা অসম্ভব কোরে সে  
নজে জীবিকার চেষ্টায় সহরের কর্ম-কোলাহলের মধ্যে  
দুঃখিয়ে পড়লো। কিন্তু সে বৃথাই!...

হাতের সঞ্চয় শেষ হয়ে আসে। পাছশালার  
রূপোপজীবীনি তরুণীর দল নিত্য আসে, নিত্য যায়...বলে  
চলো আমাদের সঙ্গে...তোমার অভাব কি?...

সে যায় না।...মুহূ হেসে ভাবে...অভাবই কি জগতে  
বড়ো?...

দিনের সঙ্গে সঙ্গে নিরাশাও বেড়ে যায়...অভাব তীব্রতর  
হয়ে ওঠে।...

তরুণী বান্ধবী বলে...দিন চলবে কেমন কোরে?...  
অজ্ঞ আমার সঙ্গে চলো...কায়িক পরিশ্রমের কাজই তোমায়  
দেবো...তাও যদি না পারো...ঘরে ফিরে যেও! মা-বাপের  
কোলেই অনাহারে মোরবে।...

শিল্পীর চিত্রাগার। তরুণী বান্ধবী দেহের গুণ্ডন ফেলে  
দিয়ে শিল্পীর সামনে বিভিন্ন ভঙ্গীমায় তার তচ্ছলতাকে  
লীলায়িত কোরে তোলে...আর শিল্পী প্রহরের পর প্রহর





স্বাস্থ্য ফিরে এলো...রূপ লাবণ্যযুক্ত হলো...আর যৌবন?...সে ত ঘুমিয়ে ছিলো !

অপরিচয়ের অন্ধকার কেটে গিয়ে শিল্পী ও তার মানসীর চিত্তাকাশে কুটে উঠলো একটি স্নিগ্ধ সৌহার্দের আলো... রূপে রমণীয়, রসে প্রানবন্ত...গন্ধে সুরভিত !

দিনগুলি কাটে সুর-মধুর একটি গানের ছন্দের মতো !

দুঃখের দিনের ইতিহাসটুকু অকপটেই মেয়েটি শিল্পীর কাছে প্রকাশ কোরতে, শিল্পী বললে...আমার সাহায্য তুমি নেবে তো ?...

বন্ধুর মিনতি তার মন অস্বীকার কোরতে পারলে না। প্রতিদানের গর্ভে সে করে না...এখন চায় আত্ম-নিবেদনের সুযোগ !

মানসীকে সামনে বোসিয়ে শিল্পী তার পট ও তুলিকা নিয়ে বসলো !

এক একখানি চিত্র শেষ হয়...অর্থ আসে...যশ আসে...তবু শিল্পীর মনে হয়...যতটুকু পাওয়া উচিত এ যেন ততটুকু নয়...!

বোললে...এবার বসনের মায়া ঘোচাও বান্ধবি...লজ্জার বিনিময়ে তোমায় আমি অমরতা দেবো...।

বান্ধবীদের প্রথম অনুরোধ মনে পড়লো !...

সেই দেহ আছে...রূপ-লাবণ্য-যৌবনশ্রী এখন বিকশিত হোয়েছে সমৃদ্ধতর হোয়ে কিন্তু সেই মনটি আর সে খুঁজে পেলো না !

ঠিক কৃতজ্ঞতা নয়...যেন একটু দুর্বলতা !

লজ্জা-নম্র মৃদুহাসি দিয়ে সে বন্ধুর অনুরোধ অভিনন্দিত কোরলে।...

প্রহরের পর প্রহর, দিনের পর দিন...শিল্পী যেন শব-সাধনায় বোসেছে !

আর মেয়েটি...মানসলোকের আদর্শ তার, বিবসন দেহ-খানিতে ভঙ্গীমা দিয়ে দাঁড়িয়ে থাকে সামনে...মুখের পানে চেয়ে...সরম-সহজ-গভীরে অবকাশের আকাজক্ষায়।

গ্রীষ্মের পর বর্ষা...তারপর শরৎ...শীত ঋতু বিবর্তিত হয়...শিল্পীর সাধনা ক্রমশঃ গভীর থেকে গভীরতর হোয়ে ওঠে।

সাধনার অন্তরালে সিঁদ্রির দুর্দম আকাজ্জা শিল্পীর অন্তরে সজাগ হোয়ে থাকে...। আর কুছসাধনার সমাপ্তিতে মেয়েটির মনে জেগে থাকে এমন একটি রসার্দ্র অমুভূতি...যা তার উত্তর জীবনকে যেন রমণীয় করে তুলবে...এই দরদী শিল্পীকে কেন্দ্র কোরে...।

# ইউনাইটেড ইণ্ডিয়া লাইফ

এন্সুরেন্স কোং লিঃ ॥

ভারতীয় জীবনবীমা কোম্পানী সমূহের মধ্যে সর্বপ্রথম

কম্পাউণ্ড রিভারশনের বোনাস

ঘোষণা করিয়াছেন

আজীবন বীমা.....২২।০

চুক্তি বীমা.....১৮।

চিত্তরঞ্জন এডিনিউ-তে কোম্পানীর নিজস্ব বিশাল অট্টালিকা নির্মাণ হইতেছে

১নং লায়ন্স রেঞ্জ

বঙ্গ, বিহার, উড়িষ্যা ও আসামের চীফ এজেন্টস,

কলিকাতা।

চৌধুরী, দত্ত এণ্ড কোং।



কিন্তু দেহের প্রতি এই ইচ্ছাকৃত ঔদাসিন্য তাকে দিনের পর দিন দুর্বল কোরে দিলে এবং একদিন ব্যাধির তাড়নায় শিল্পীর ব্যগ্র বাতবন্ধনের ভেতর লতিয়ে পোড়লো জ্ঞান হারিয়ে...। শিল্পীর তুলিকা বন্ধ হোল।

সহস্রভূতির একটি সম্মেহ আগ্রহ নিয়ে সে বোসে থাকে তার মানসীর রোগশীর্ণ দেহখানিকে কোলে নিয়ে... চেয়ে থাকে অপলকে তার চোখ-মুখের পানে... অমুচ্চারিত কোন ভাষার আভাস প্রত্যাশায়।

মানসী যেন আজ তার নবতর আকর্ষণের বস্তু হোয়ে দাঁড়ালো... অন্তর্লোকে দিব্যবিভায় মূর্তি নিয়ে।

...কিন্তু ধোরে রাখা গেল না।

অসম্ভাবিত রূপে পথের পাশে থাকে কুড়িয়ে পাবার সৌভাগ্য হোয়েছিল... জীবনের অসতর্ক মূলভেঁ তাকে আবার হারিয়ে ফেলে শিল্পী নিজেকে অত্যন্ত অসহায় ও রিক্ত মনে কোরলে।

বৈরাগীর মন নিয়ে সে পথে এসে দাঁড়ালো তার নিকৃদ্দিষ্টা মানসীর পরিচিত পদচিহ্নের সন্ধানে... অনন্ত পথ ধরির মাঝখানে।...

বহুকাল কেটে গেছে!...

মানসলোক থেকে হারানো প্রিয়ার স্মৃতি একেবারেই হারিয়ে ফেলেছে শিল্পী... দেশান্তরের হাওয়ায়... ঐশ্বর্য্য বিলাসের মাঝখানে। দিনের পর দিন, তুলিকার টানে কত ছবি গড়ে উঠলো... দেশ-বিদেশে কত প্রচার হোলো...।

অর্থ আসে... যশ আসে... কিন্তু আশ্চর্য্য মানুষ, আর তার মনের অসুভূতি!...

অভিজাত এক বান্ধব সাক্ষাৎ কোরতে এলো শিল্পীর সঙ্গে... তার লোক-বাহিত চিত্রাগারে...।

শিল্পী তখন সেখানে ছিলো না।...

আগন্তুক বিস্মিত হোয়ে দেখছিলো শিল্পীর অসাধারণ সৃজন প্রতিভা... নিপুণ তুলিকার দরদভরা আঁচড়ে মুক মূর্তি-গুলি কেমন সজীব হোয়ে ফুটে রয়েছে... কক্ষের চারিদিকে... অপরূপ রূপে! তাদের সম্মিলিত দৃষ্টিতে... নিখাসে... অশ্রুত গুঞ্জে সে জনবিরল কক্ষ যেন মুখর হোয়ে রয়েছে... যন্ত্রদৃষ্ট কোন রহস্যলোকের মতো।

সহসা লক্ষ্য পড়লো... আবরণ-মণ্ডিত কোন দীর্ঘ-পরিত্যক্ত বিশাল চিত্রাবয়বের প্রতি... ধূলি মলিন... বিবর্ণ... বিগত-গৌরব বিলাস-সামগ্রীর মতো!

আবরণ সরিয়ে আগন্তুক স্তব্ধ হোয়ে গেলো! কোম রূপসী তরুণীর দেহপ্রমাণ নগ্ন চিত্র।... অসমাপ্ত তবু যেন তার বুকের স্পন্দন অচ্যুতব করা যায়... ওষ্ঠাগ্রের শব্দহীন ভাষা অন্তরে অন্তরনিয়া ওঠে... লাবণ্যের উষ্ম তরঙ্গ শব্দায়মান হয়...! আনন্দে... শ্রদ্ধায়... গৌরবে আগন্তুকের চিত্ত ভেঁরে উঠলো... অকারণে আঁধি ছ'টি অশ্রু-সজল হোয়ে এলো। পরিমার্জিত কোরে চিত্রখানি প্রবেশ পথের সামনে রেখে সেশিল্পীর অপেক্ষা কোরতে লাগলো।...

চিত্রাগারে প্রবেশ কোরে শিল্পী আর্ন্তনাদ কোরে উঠলো!... একান্ত অনিচ্ছায় যে ধরণীর কাছ থেকে বিদায় নিয়েছিলো, মরণের ওপার থেকে বিচ্ছেদ-বিধুরা সেই প্রেমসী তার, রক্ত মাংসের মায়াগম্বী দেহ নিয়ে আবার তার উষ্ণ আলিঙ্গনে ফিরে এলো না কি?

ওগো হারানো দিনের মনের কামনা আমার...!

...শিল্পী ছবির বুকে ঝাঁপিয়ে পোড়তে গেল.....

আগন্তুক বন্ধু এসে বুকে চেপে ধোরলে... বোললে... এত যদি অদীরতা... একে মুক্তি দাওনি কেন?

শিল্পী বোললে... পারিনি... কাল হারিয়ে তার ছায়া নিয়ে মনকে সাস্থ্য দিতে পারিনি কিন্তু বিশ্বস্তি আগল ঠেলে নিজে যে অতর্কিতে এসে অন্তরে প্রবেশ কোরলে আজ... বলো বন্ধু... তাকে নিবারণ করি কি কোরে?...

বন্ধু বোললে... কোন প্রয়োজন নেই! আসন যেখানে যার স্মৃতিষ্ঠ হোয়েছে... সেখানে তাকে মুক্তি দেওয়াই ভালো! ছবির সমাপ্তি দাও... তোমার তুলিকায় সে বেঁচে থাকুক...।

আবিষ্টের মতো শিল্পী শুধু বোললে... তবে তাই থাকুক...!

নব প্রণয়ীর মতো মানসীর মূর্তি বুক নিয়ে বহুকাল পরে শিল্পী আবার তার সাধনমন্দির অর্গলবন্ধ কোরলে...।... \*

\* "La Source"-এর জন্ম কাহিনী থেকে।



# সুন্দর মুখের জয় সর্বত্রই !



একথা আজ সবাই জানেন যে সুন্দর  
মুখের শ্রী রক্ষা করতে এবং  
অসুন্দর মুখ সুন্দর করে  
তুলতে পারে

## ওটিন

রাত্রে মাত্র পাঁচ মিনিট নিয়মিত রূপে

## ওটিন ক্রীম

ব্যবহার করলে অচিরেই  
এর উপকারিতা ও অসীম  
ক্ষমতা প্রত্যক্ষ করবেন।

রাত্রে ওটিন ক্রীম এবং দিনে ওটিন স্নো ব্যবহার করুন

ওটিন মুখ কোমল নিশ্চল ও সুন্দর করে।  
আর সারাদিনের ধূলা ও রৌদ্রের মলিনতা ও  
তাপ দাহ হতেও তা' রক্ষা করে। চর্মের  
কোমল শ্রী রক্ষা করতে ওটিন অতুলনীয়।

নিম্নোক্ত কুপনটি কেটে ছয় আনার ডাক টিকেট সহ  
পাঠালেই পরীক্ষার্থে আপনার ঠিকানায় ওটিন ক্রীম,  
স্নো, সাবাস, পাউডার, মাখা পরিষ্কার করবার ওটিন  
সম্পূর্ণ নমুনা এবং ওটিন বিউটি বুক প্রেরিত হবে।

= কুপন = P.C.

নাম .....  
ঠিকানা .....

**THE OATINE CO.,** 17, PRINSEP STREET,  
CALCUTTA.



শারদীয় সংখ্যা প্রচারকঃ—



চিত্রাভিনেত্রী—শ্রীমতী কমলা বালা দেবী ।





## প্রাচ্য প্রচার শিল্পে বাঙালীর দান

শ্রীপরমানন্দ রায় ।

মনমোহন দাদার জেদ আমাকেও একটা কিছু লিখতেই হ'বে। আমি কি লিখবো, বিশেষ করে এই সংখ্যায়! কবিতা লিখতে কলম ভাঙবে, সাহিত্যের সঙ্গে তো মোটেই সখ্যতা নেই। কাজ করি প্রচার শিল্পের তারও প্রথম ভাগই শেষ হয়নি এখনও !!

সাহস ক'রে প্রচার শিল্প সম্পর্কেই দু'চার কথা বলি ।


সৌন্দর্য্যমুগ্ধাঙ্গী বর্তমান যুগের নরনারী.....সর্বত্রই মাতুষ এখন সৌন্দর্য্য সন্ধান করে.....সৌন্দর্য্যের প্রতি আকৃষ্ট হয়.....মাতুষের বদন ভূষণ আহাৰ বিহার অধ্যয়ন, ক্রীড়া কৌতুক সব কিছুর মধ্যেই মাতুষ চায় সৌন্দর্য্য পরিবেশন করতে, সৌন্দর্য্য সন্তোষ করতে। মাতুষের চারদিকেই যেন চাকুশিল্পের প্রতিযোগিতার বিরাট মঞ্চ..... অশেষ রূপায়তন ।

যুগান্তরীণ বৈশিষ্ট্যের প্রভাব এ যুগের অন্ততম শিল্প.....প্রচার শিল্পকেও এক বিশিষ্ট রূপ দান করেছে, অপর পক্ষে মাতুষের বর্তমান রুচি ও অভিরুচিও পাঠ্য কি দর্শনীয় প্রচার বার্তাকে রূপবান দেখতে চায়। এই রূপ প্রসাদনের সাধনা এবং রূপ দর্শনের দাবী প্রাচ্য প্রচার শিল্পকেও কম উন্নত করে নাই।

প্রায় আট বৎসর পূর্বে আমি যখন এই প্রচার কার্যের শিক্ষা নবিশী আরম্ভ করেছিলাম তখন থেকে এই আট বৎসর প্রচার বার্তাবাহী পত্রিকা বড় কম দেখিনি এবং এই প্রচার শিল্পের আত্ম-প্রসাদনও বড় কম লক্ষ্য করিনি। বেশী দিন পূর্বের কথা নয়, প্রাচ্য প্রচার শিল্পের কোন বিশিষ্ট প্রাচ্য রূপ ছিল না বললে বোধ হয় মিথ্যা বলা হ'বে না। বিজ্ঞাপনের বৃক্কে প্রাচ্যের বিশিষ্ট রূপ ও রসধারা ফুটিয়ে তুলেছেন প্রথম বোধ হয়.....বাঙলার অন্ততম শিল্পী শ্রীযুক্ত চাকু রায়.....সেই রূপ ও বৈশিষ্ট্যের রুষ্টি সাধন বিশেষ ভাবে করেছেন বাঙলার অপর যশস্বী শিল্পী শ্রীযুক্ত সেন.....বাঙলারই গৌরবগয় প্রতিষ্ঠান বেঙ্গল কেমিক্যালের প্রচার কার্যে।.....বোধ হয় 'অণুর' প্রচার কার্যেই প্রথম। এর কোন ক্রমিক ইতিহাস নেই কাজেই হয়ত শিল্পীর স্থান নির্দেশ অসম্ভব হবে না।

..... কিন্তু একথা সত্যই সত্য যে প্রাচ্য দেশজাত জব্যাদির বিজ্ঞাপনের একটি বিশিষ্ট প্রাচ্যরূপ দান করেছে বাঙালী শিল্পী। এই বিশিষ্ট প্রাচ্যরূপ ও চিত্রাদির জন্ম বিদেশীদের কাছে ইহার আর কোন পরিচিতির প্রয়োজন হয় না। যে কোন ভাষায় মুদ্রিত হলেও প্রচার পত্রের এই প্রাচ্য স্বভাব ও রূপের জন্ম ইহার বৈশিষ্ট্য ধরা পড়ে। প্রাচ্যের প্রচার শিল্পের এই উন্নতি ও রূপ সম্পদ—বাঙালীর দান !!!





## সাহিত্যে পরকীয়া প্রেম



= শ্রীপ্রচণ্ড মিত্র =

“দ্বিজ চাঁওদাস কয়, সেদিনই জানিবে

পীরিতি কেমন জালা—”

কবি পরকীয়ার কাছ হতে এই পীরিতের জালা  
যাছিলেন। পরকীয়া প্রেম যত জালাময়ই হোক তবু  
দীর্ঘ প্রেম বড় মধুর। মানুষ পরকীয়ায় এমন কী সুখ  
জানিবে যার জন্ত মানুষ বিশেষ ভাবে কবির। এত  
না। কবি এবং লেখকরা পরকীয়ায় পিছু কেন  
। ভাবে ধাওয়া করে কী জানি!...সকল দেশে...  
কালে সব সাহিত্যেই দেখা গেছে পরকীয়ার প্রতি  
দের লোভ যথেষ্ট। এই পরকীয়া প্রেমের জন্ত  
কে কলেজ থেকে; বায়রণকে দেশ থেকে তাড়িয়ে  
ছিল। তাঁরা কোনোদিন ঘরের স্ত্রীকে নিয়ে কাব্য-  
রস পাননি। আমি স্বীকার করি কবিদের রসবোধ  
হ। সেই জন্তই দেখি—কবি দাঁষ্টে নিজের স্ত্রীর চেয়ে  
“লরা”কেই অস্তরে স্থান দিয়েছিলেন বেশী। আর  
দেশে—চণ্ডিদাস বলেছেন,—

“রজকিনীরূপ                      কিশোরী স্বরূপ

কামগন্ধ নাহি তায়।”

“কামগন্ধ” নয় নাই থাকুক এ নিয়ে তর্ক করতে বসলে  
অনেক কথা বলতে হবে তবে এখানেও সেই পরকীয়া  
রজকিনীর রূপবর্ণনা। এর পর বিজ্ঞাপতিরও যে এ অপবাদ  
ছিল না এমন বলতে পারিনে। সংস্কৃত কাব্যের একমাত্র  
উপজীব্য অভিসার আর বৈষ্ণব কবিদের পরকীয়া প্রেম  
একচেটে। ‘শকুন্তলা’ নাটকে যে নারীকে প্রেমিকা বলা  
হয়েছে সে স্ত্রী নয়। কালিদাস অমর ‘মেঘদূত’ গ্রন্থে  
যক্ষপ্রিয়াকে কোনস্থানে “স্ত্রী” বলেননি; প্রিয়া হলেই যে  
স্ত্রী বুঝতে হবে এমন কোন কথা নেই—বিশেষ ভাবে  
কবিদের প্রিয়া। বিশ্বসাহিত্যে “ওমর খৈয়াম” এর তুলনা  
হয়না, ওমর জীবনকে ভোগ করতে চেয়েছেন “সুরা” এবং  
“সাকী” নিয়ে; কিন্তু “সাকী” স্ত্রী নয়। “সাকী” বললে  
স্ত্রীকে বোঝানো—পাছশালার পানাগারে যে তরুণী  
অভ্যাগতদের সুরা পরিবেশন করে সে-ই ‘সাকী’। রসিক  
কবি দ্বিজেন্দ্রলালও বলেছেন—

“কী সুধেরই হতো পৃথিবীয়ে

যদি অন্ত সবাই হতো আমার স্ত্রীরে—”

এতেও সেই পরকীয়ার কথা...





তারপর এযুগে তরুণ ভাষীদের পরিচয় নূতন করে দেবার প্রয়োজন নেই—তঁারা তো পথে ঘাটে আফিস যেতে... কলেজ যাবার পথে ট্রাম বাসে...পাশের বাড়ীর ছাদে জানলায়—অনবরতই প্রেমে পড়ছেন—তার কোন হিসেব নিকেশও নেই। এযুগের মাসিক-সাপ্তাহিক প্রকাশিত গল্প-কবিতা পড়লেও তার প্রমাণ পাওয়া যায়।

পরকীয়া প্রেমে এই দুর্দমনীয় আকর্ষণ কেন—এর কোন কৈফিয়ৎ দেওয়া যায় না—কোন যুক্তিও নেই—তবে এইটুকু বুঝি যাকে পাওয়া যায় না—তাকে ভালবাসাই বুঝি প্রেমের ধারা—রবীন্দ্রনাথও বলেছেন—“যত তোরে নাহি বুঝি তত ভালবাসি”; ছুস্পাপ্যের জন্ত এই হাহাকার মানুষের জীবনে চিরন্তন চলে আসছে। চলবেও চিরদিন। পরকীয়া প্রেমও সেই ছুস্পাপ্য এবং দুর্ভোধ্য বস্তু যার নাগাল সহজে পাওয়া যায় না।—তাই মানুষের জীবনে এত ব্যাকুলতা, এত হাহাকার। কাম-কামনা প্রেম-প্রণয় সবারই অন্তরে আছে—সাধারণ

মানুষেরও যে পরকীয়ার প্রতি আকর্ষণ থাকে না এমন কথা বলি না; তবে সাধারণ মানুষ না পাবার কথা চিন্তা ব্যথা অন্তরে গোপন করে রাখে; কিন্তু কবির নিজের ভাষা আছে। নিজের চাওয়াকে না পাওয়ার ব্যথা যত কঠোরই হোক এবং তা’ প্রকাশ করতে যত লজ্জাই থাকুক, কবি ভাষায় ব্যক্ত করে তার একটা রূপ দিয়ে পাঠকের চোখের সামনে ধরে দেয়। সেই জন্ত পরের স্বীকৃতি দুর্দমনীয় আকর্ষণের নজীর সকল দেশের, সকল কালের সব সাহিত্যেই আছে এবং দেখা গেছে পরকীয়া প্রেমে হতাশ হয়ে কিম্বা পরকীয়া প্রণয়ের সুখ অন্তরে উপভোগ করে কবি তার যে রূপ ভাষায় দেয়—তাই আবার সাহিত্যের অমূল্য সম্পদ হয়ে ওঠে।

আমরা সাধারণ মানুষ, আমাদের চোখে পরের স্বীকৃতি প্রতি লোভ,—অন্ঠায় এবং অশোভন; এটা সমর্থন করতে সাধারণ মানুষের চক্ষু লজ্জায় বাধে। কিন্তু কবিদের রক্ত সক্ষম দেখে সমর্থন না করেও উপায় নেই। কবি


# দি বেঙ্গল সুইং মেশিন কোং লিঃ

ডেইজি সুইং মেশিনের সোল এজেন্টস্

হেড অফিস :—

৬২, ক্লাইভ স্ট্রীট,  
কলিকাতা

আমাদের নিকট সেলাই-কল সংক্রান্ত যাবতীয় সরঞ্জাম পাওয়া যায়। আমরা যে কোন পুরানো সেলাই কল খরিদ বিক্রয় করি এবং নূতনের সহিত পরিবর্তন করিয়া দিই



সো রুম :—

১৪৫, কর্ণওয়ালিস স্ট্রীট,  
কলিকাতা

আমরা, যে কোন প্রকার সেলাই-কল মেরামত করিয়া নূতনের স্থায় করিয়া দিই। দর অত্যন্ত সুলভ। পরীক্ষা প্রার্থনীয়।

## ডেইজি সেলাই-কল

সগদ মূল্যে অথবা ভাড়া পাওয়া যায়।

উপযুক্ত বেতনে অথবা কমিশনে আমাদের কোম্পানীর সেয়ার, কল ও কলের সাজ সরঞ্জাম মকঃফলে ও কলিকাতায় বিক্রয় করিবার জন্ত প্রভাব সম্পন্ন এজেন্ট প্রয়োজন; সম্মত আবেদন করুন।



প্রাণ। কবি নারীর সৌন্দর্য্য মন্দিরের মুগ্ধ পূজারী।  
দৃষ্টিতে যে মিলনসুখ পাওয়া যায়—সে সুখে কবির মন ভরে  
যায়—তাই পরকীয়া প্রিয়া কবির কাছে এত সুন্দর।  
দৃষ্টিও সে মিলনে তৃপ্তি আসে না, অতৃপ্ত বাসনার একটা দীর্ঘ-  
নিশ্বাস ব'য়ে আনে। সেই বৈষ্ণব কবির কথা—

“লাথ লাথ যুগ হিয়ে হিয়ে রাখছ

তবু তুই জুড়ন না গেলি।”

সকলের জীবনেই এই এক কথা।

এই অতৃপ্ত বাসনার দীর্ঘনিশ্বাস সব কবিকেই ফেলতে  
যেছে। সেইজন্যই হয়ত কবিদের মধ্যে অধিকাংশই  
প্রেমের কবি। বায়রণ প্রথম যৌবনেই যদি কুমারী চণ্ডীর্থের  
দিকে প্রত্যাখ্যাত না হতেন তাহলে কখনই কলমের ডগায়

না পাবার ব্যথাকে অমন সুন্দর-রূপ দিতে পারতেন না—  
“I am Suffering the tortures of the lost.”

শেলীও যদি এলিজা জেকিন্সের প্রেমে হতাশ না হতেন  
তাহলে কী করে তার কলমে বেরবে—“She hits upon  
the gravest Secret of my life.” নিজের কাম্যকে  
না পাবার ব্যথা বড় যন্ত্রণাদায়ক। শেষ পর্যায়ে এলিজা  
জেকিন্সের জন্ম আত্মহত্যার বাসনাও তাঁর মনে এসেছিল।  
তাই কবি অতৃপ্ত বাসনার দীর্ঘনিশ্বাস ফেলে—ভাষায় সেই  
ব্যথার যেরূপ দিয়ে গেছেন—সেইগুলোই আজ হয়েছে  
সাহিত্যের অপূর্ণ বস্তু। পরকীয়া প্রেমের রীতিই এই রকম  
সেখানে না পাবার তৃপ্তিটাই বেশী তাই সাহিত্যে পরকীয়া  
প্রেমের একটি বিশেষ মূল্য আছে—অস্বীকার করবার  
উপায় নেই!

—শেষ—

ভারতের প্রাচীনতম বীমা কোম্পানীতে যোগদান করুন

## বম্বে মিউচুয়াল

লাইফ্, এসিওরেন্স সোসাইটি লিমিটেড

স্থাপিত—১৮৭১ সাল

সোসাইটির বিশেষত্বঃ—

- ১। প্রিমিয়ামের হার কম,
- ২। পলিসির সর্ব সর্বল এবং উদার,
- ৩। আর্থিক অবস্থা অতুলনীয়,
- ৪। কারণ বিশেষে পলিসির পরিবর্তন,

- ৫। স্থায়ীভাবে অক্ষম হইলে তাহার ব্যবস্থা,
- ৬। প্রত্যেক বীমাকারীকে বোনাস দিবার গ্যারান্টি,
- ৭। মারাত্মক সম্পত্তি ও লভ্য  
বীমাকারীদেরই প্রাপ্য।

প্রতি বৎসর ১০০০ টাকার লভ্যাংশ

মেয়াদী বীমায় ২১ ও

আজীবন—২৬

এজেন্টদিগকে বৎস পরম্পরায়

উচ্চহারে কমিশন

দেওয়া হয়।

নিম্নলিখিত ঠিকানায় আবেদন করুনঃ—

দস্তিদার এণ্ড সন্স,

চীফ এজেন্টস্, বম্বে মিউচুয়াল লাইফ্, এসিওরেন্স সোসাইটি

১০০নং ক্লাইভ স্ট্রিট, কলিকাতা।



# ব্যাচিলর

= শ্রীকৃষ্ণেন্দু ভৌমিক =

চমৎকার সকালবেলা। পরিপূর্ণ অবকাশ। কি করা যায়, তা'ই ভাবছিলাম। হাতের কাছে রয়েছে Vicar of wakefield খানা,—অন্যমনস্কের মতো পাতা ওন্টাচ্ছিলাম। কয়েকটা লাইন চোখে পড়ে' গেল। তা'র বাংলা তর্জমা করলে দাঁড়ায় এই : “বরাবরই আমার মত এই যে, যাঁরা বিবাহ করে' একটি সমগ্র পরিবারের শিক্ষা ও লালনের ভার গ্রহণ করেছেন, অবিবাহিত ব্যক্তি—জাতি গঠন সম্বন্ধে যা'রা মুখে অনেক কথা বলে' থাকে,—তা'দের চেয়ে তাঁরা সমাজের ঢের বেশী কল্যাণ সাধন করতে পারেন।...”

এই পর্য্যন্ত পড়েই মনে মনে বলে উঠলাম : “থাম হে বন্ধু, থাম। ফস্ করে' আমাদের বিরুদ্ধে এত বড় চার্জশীট দাখিল করে' বোসো না। বিচার একতরফা হয় না। আমাদেরও জবানবন্দী শোনো”।

ব্যাচিলর যা'রা তাদের সুবিধে অনেক। (বারম্বার ‘অবিবাহিত’ কথাটি লেখার চেয়ে ইংরেজি ‘ব্যাচিলর’ শব্দটি ব্যবহার করাই ভালো মনে করি। কেননা, বাংলা ‘অবিবাহিত’র চেয়ে ইংরেজি ‘ব্যাচিলর’র গাভীর্ষ ও গভীরতা ঢের বেশী।)

হ্যাঁ, বলছিলাম, ব্যাচিলরদের অনেক সুবিধা। ব্যাচিলর জীবন যাপন একটা অভিজাত বিলাসিতা। সুতরাং, মুসোলিনী যে আমাদের ইতালীয়-বন্ধুদের উপর ট্যাক্স ধাৰ্য্য করবে এটা কিছু বিচিত্র নয়। আমাদের জীবন অতি-আধুনিক সাহিত্যের ভাষার মতো স্বচ্ছন্দ, প্রখর ও দ্রুত-বেগশালী। আমাদের জীবনে স্পীড আছে,—বিংশ শতাব্দীর সঙ্গে সমানে পাল্লা দিয়ে আমরা ছুটেছি; কেননা, ললনারূপ কোনো লগেজ আমাদের নেই! যখন কোন বিবাহিত বন্ধু অহেতুক শুভাকাঙ্ক্ষা জানিয়ে আমাদের বলেন : “কদ্দিন আর ব্যাচিলর থাকবে হে? এইবার দেখে শুনে”...তখন কণ্ঠিত লালুল শূঙ্গালের হিতোপদেশ স্মরণ হয়।

মুক্তপক্ষ পাখীর মতো আমাদের স্বচ্ছন্দগতি জীবনের পানে তাকিয়ে ওরা চায় পিঞ্জরের মোহে আমাদের ভুলিয়ে দিতে। আচ্ছা, ধরা যাক, বিবাহ ব্যাপারটা অত্যন্ত রোমান্টিক, মধুর, সুন্দর। স্বীকার না হয় করলাম (তর্কের খাতিরে), বিবাহিত ব্যক্তির এক নতুন সোণার খনির সম্ভান পেয়েছে। তারপর? বিবাহিত বন্ধু নিরন্তর তারপর আর কি? রোমান্সের স্বপ্ন গেছে ‘ডেস্‌ডেন্‌ চায়না’র মতো চুরমার হয়ে, মাধুর্য্য হয়েছে বিবাদ, সুন্দর হয়েছে সাধারণ! এক কথায়, প্রেম হয়েছে গার্হস্থ্য জীবনের নামাস্তর।

তার চেয়ে ঢের ভালো দু'চোখে নবাবিকৃত সোণার খনির স্বপ্ন নিয়ে জীবনের পথাতিবাহন। সে-স্বপ্ন কখনো টুটবে না।

তোমাদের জীবন, বন্ধু, মিউনিসিপালিটীর রাস্তাধরা, বাঁধা, পরিমিত। তোমাদের গতি নির্দিষ্ট। ভাগ্যের কাছে তোমরা আত্মবিক্রয় করেছ। আর আমরা? আমাদের জীবন রহস্যময় বিস্তীর্ণ প্রান্তর, আমাদের গতি আমরা নিজে নিয়ন্ত্রণ করি। আমরাই আমাদের জীবনের বিধাতা!

আমরা অবিবাহিত, ইচ্ছা করলে বিবাহিত হতে পারি। কিন্তু বিবাহিতের কোমার্ধ্য কাঁঠালের আমসন্দের মতোই অসম্ভব। তোমরা মুদ্রিত রচনা, বিবাহ একটা মুদ্রাকর প্রমাদ। তোমাদের জীবনের পাতায় ডাইভোর্সের শুদ্ধিপত্র জুড়ে, দিতে পার বটে, কিন্তু মুদ্রিত ভুল তাতে ঢাকা পড়ে না। তোমরা বড় জোর বিপদ্বীক হ'তে পার, but a widower is a widow for all that.

কবি বলেছেন : “সংসার পথ সঙ্কট অতি কণ্টকময় হে!”

বিবাহিত সংসারী যা'রা, তা'রা সন্ধ্যায় কর্মস্থল থেকে ফিরে আসে পরিচিত ও পুরাতন গৃহকোঠারে। ছোট



ছেলেটা চোঁচাচ্ছে, বড় খুকীর জ্বর, গয়লার তাগাদা, মূদীর বিল এবং রুদ্ধশ্বাস ঘরে গৃহিণীর নিয়ত অভিযোগ। এই তো সংসার—বিবাহিত জীবন! ঘরে ঘরে এই ছবি, বলিগঞ্জের বাসিন্দাদের সংখ্যাই বা কটি?

কোনো রাতে ফিরতে যদি দেরী হ'ল, তবে কথাই নেই। দেখা যায়, কর্তা হয় থিয়েটারের হাণ্ডবিল পকেটে গিয়ে, নয়ত মনে মনে ভয়ানক বিস্ময়কর একটা ম্যাকসি-ডেস্ট'-এর গল্প রচনা করতে করতে ঘরে ফিরছেন।

সন্ধ্যার পর আমরা বাড়ীতে ফিরি, তখন পরিপূর্ণ বিশ্রাম। নির্জল ঘর, সুখ উদ্ভূত শয্যা এবং চুরুটের বাস। বেশী রাত হ'লে, গভীর রজনীর মায়া-মাধুর্য্য কপোল-কম্পিত কৈফিয়তের দৃষ্টিভঙ্গিতে আমাদের কাছে বিহীন হ'য়ে যায় না। পত্নীরূপ পেত্নীর আতঙ্ক আমাদের রাত্তিকে দুঃসপ্নময় করে তোলে না।

এইই ব্যাচিলর-লাইফ!

বেশ বুঝতে পারছি, আমার অসফল বড় কাজল-আঁখি বক্তৃতা হয়ে উঠেছে—অমুরাগে নয়, রাগে। কিন্তু পেত্নী বলেছি পত্নীকে, নারীকে নয়। আমার অসফল কাণাকাণি শুনতে পাচ্ছি: “হতাশ প্রেমিক আর কি! সেই যে কে বলেছিল, দ্রাক্ষফল টক,” ইত্যাদি।

কিন্তু দ্রাক্ষার মর্যাদা বোঝে শুধু ব্যাচিলর। তার জীবনের সুরাপাত্র নিঃশেষ হয়ে যায় না, নব নব সুধারসে নিয়তপূর্ণ। নারী-প্রেমের অযথা নিন্দা আমরা করি না। নিন্দা করি, তা'র যে একটি মাত্র নারীর মোহে তার প্রেমকে করেছে সঙ্গীর্ণ।

আকাশের মতো এই অনন্ত বিস্তীর্ণ প্রেম, এই প্রেমই যুগে যুগে কাব্যের প্রেরণা যুগিয়েছে। স্মরণ করো বঙ্কু, মিল্টন্ “প্যারাডাইস লষ্ট” লিখেছিলেন, যখন তিনি বিবাহিত এবং স্ত্রীর সঙ্গে বিচ্ছেদ যখন ঘটল, তখন—প্যারাডাইস্ রিগেন্ড!!

## কবি বন্দে আলৌ মিয়ার

মহানামতীর চর (কাব্যগ্রন্থ)—১১

(রবীন্দ্রনাথের ভূমিকা সম্বলিত। ইহার একটি কবিতা এবারের আই-এ সিলেক্সানে স্থান পাইয়াছে)

কল্মিনতা (কাব্যগ্রন্থ)—১১

(পল্লীর কবিতা এমন দরদ দিয়া কেহ আর ইতিপূর্বে লিখিতে পারেন নাই)

অনুরাগ (কাব্যগ্রন্থ)—১১

(কবির শ্রেষ্ঠ কবিতার সংগ্রহ)

অস্তাচল (উপন্যাস)—১০

(অভিনব চরিত্র-সৃষ্টি)

বিভ্রম (উপন্যাস)—১১০

(মনস্তত্ত্বের এমন সূক্ষ্ম বিশ্লেষণ আর কোথাও নাই)

আমানুল্লাহ (নাটক)—১১

(‘আফগানিস্তান’ের রাষ্ট্র বিপ্লবের বিবরণ)

প্রত্যেকখানি পুস্তক কবির স্বহস্তে অঙ্কিত রঙিন প্রচ্ছদ-পটে সুরঞ্জিত ও চমৎকার ছাপা এবং বাঁধাই। প্রিয়জনকে উপহার দেওয়া চলে।

প্রাপ্তিস্থান—ডি, এম, লাইব্রেরী,

৬১নং কর্ণওয়ালিস স্ট্রীট, কলিকাতা।





# শরৎ-রাণী

বলাকার একতারাতে—

বাজিয়ে এ কোন সুর জাগানি,  
সোণার রথে এলো কে আজ  
নিয়ে শ্রামল প্রভাত থানি ?  
সবুজ বনের ধানের ক্ষেতে  
বসলো ও-কে আসন পেতে ?  
পাশেতে তার কেয়া ফুলের  
ফুটলো কিবা ধূপের দানি !  
কেশের রাশি এলিয়ে মেখে  
এলো এ কোন স্বপন-রাণী ?



= শ্রীক্ষণপ্রভা দেবী =

কাশের বনে বসন রেখে

দিঘীর বুকে নামলো চানে,  
কালো জলে রক্ত কমল  
ফুটলো, চেয়ে আকাশ পানে।  
দুর্বাদলে শিউলি-ঝরা  
কার পা দু'টি আলতা পরা ?  
ভিজ়ে চোখে উতল সায়ক  
বিজ়লীতে কে চিন্তে হানে ?  
প্রাণের দ্বারে বরণ করি  
শরৎ ওগো ঋতুর রাণি !

সর্বপ্রকার লাইন, হাফটোন উড, ইলেক্ট্রো  
ব্লক, কপার প্লেট, রবার ষ্ট্যাম্প প্রভৃতি ও অত্যুৎকৃষ্ট  
ছাপার কার্যাদির জন্য সুপ্রসিদ্ধ ও বিশ্বস্ত

**অরোরা আর্ট প্রেস**

১৮, ছুতারপাড়া লেন,

কলিকাতা

পোঃ—বি-বি-দাস



# শারদীয় সংখ্যা “প্রচারক”




অন্যান্য সংখ্যার ন্যায়  
মোহাম্মদী প্রেসেই

ছাপা হয়ে'ছে

“প্রচারক”

অত্যন্ত “ছাপার” পরিচায়ক নয় কি ?

মোহাম্মদী প্রেস ১১, আপার সারকুলার রোড, কলিকাতা  
ফোন—২৬৮০ বড়বাজার



সাইকেল ট্রাই-সাইকেল

সাজ-সরঞ্জাম

ও তৎসংক্রান্ত

যাবতীয় প্রয়োজনীয়

সামগ্রী

সবই পাইবেন।

সুর ও সৌন্দর্য্যে অমূল্য


হারমোনিয়াম ও গ্রামোফোন

আমাদের নিকট পাইবেন।

নিউ ইংলিশ সাইকেল ষ্টোরস্

৩৪, বেন্টলি স্ট্রিট, কলিকাতা

ফোন—৫৬০ কলি।





## —নারী-প্রকৃতির প্রতীক—মা আনন্দময়ী—

শ্রীকমলা দেবী


বারংবার ভেবেছি অনেক দিন ; কত বিনোদ রাত্রি জেগে ভেবেছি ;  
সংবাদপত্রে যে দিন সতী যশোদা-অপহরণের মর্যাস্তিক কাহিনী প'ড়লাম, যে দিন  
সতী সাবিত্রীর গীত কাহিনী প'ড়লাম সে দিনও ভেবেছি, প্রত্যেক দিন ভোরের  
কাগজগুলো যখন পড়ি তখনও ভাবি...এ দেশটা এখনও অতল জলে ডুবে না  
গিয়ে শস্ত্রশ্রামলা সূফলা রয়েছে কি ক'রে ! এখনও এদেশের বুকে বাজ পড়ে  
পুড়ে ছাই হয়ে যাবনি কেন !!! .....

...সতীর উপর অত্যাচার তো দূরের কথা, একটা কলুষ দৃষ্টিও তো বিধাতা সহ করেননি...সতীকুলরাণী সীতা  
অপহরণের ফলে সোণার লঙ্কা পুড়ে ছাই হয়েছিল, দ্রৌপদীর অভিশাপে কুরুবংশ নির্মূল হয়েছিল, পদ্মিনীর অপমানে  
আলাউদ্দীন জাহাঙ্গীরে গিয়েছিল, খিলিজি সাম্রাজ্য ধ্বংস হয়েছিল, হেলেনের জন্ত ট্রয় ধ্বংস হয়েছিল...বিধাতা কোনকালেই  
তো সতী রমণীর প্রতি নৃশংস অত্যাচার সহ করেননি। এমন কি, অশ্বত্থাশ্রমীর নির্যাতনকে হার মানিয়ে সতী সাবিত্রী মৃত  
সত্যবানকে ফিরিয়ে এনেছিলেন, সতী বেড়লা গণিত শব্দ-শব্দ থেকে লক্ষীন্দরকে জাগিয়ে তুলেছিলেন...সতীর সাধনা কখনও  
ব্যর্থ হয়নি, সতীর অভিশাপ থেকে কেউ তো মুক্তি পাবনি !!...তবে ?...

তবে নিত্য এই পাশবিকতা, সতী নারীর প্রতি এই রোমাঞ্চকর অত্যাচার, নারী নির্যাতন...সমস্ত বাঙালি  
আজ যা' যেন সূর্যোদয়ের মতো নিত্যকার সত্য সংবাদ...সত্ত্বও কেমন ক'রে এ দেশটা বেঁচে আছে, নিশ্চেষ্টে নির্দ্বিকার-  
মন দেশবাসীও বেঁচে আছে...তাই ভেবে পাইনে।

আজ সকালে অনেকগুলো কাগজের শারদীয় সংখ্যায় মা আনন্দময়ী দেবী দশভূজার চিত্র দেখে আর লেখক,  
সম্পাদকপণের কবিতা প্রবন্ধ পড়ে হটাৎ মনে এলো.....তাই, তাই সৎসরের পাপের প্রায়শ্চিত্ত হয়ে যাব—শুধু তিনটি  
দিনের অকপট মাতৃ-পূজা.....

বাঙালি নর নারীর প্রতি যত অবজ্ঞাই না দেখাক, বাঙালী ব্যক্তিত্বের দল নারী-নির্যাতন করে যতই  
না পশু-বৃত্তির পরিচয় দিক এই তিনটি দিন সবাই তারা নারী প্রকৃতির প্রতীক মা আনন্দময়ী দশভূজা ছুঁগাকে "মা" বলে  
ডাকে, নর তার সর্বস্ব অক্ষমতা, সমস্ত অপরাধ সরল ভাবে স্বীকার ক'রে নারী-শক্তি বা মহাশক্তির পায়ে কমা ভিক্ষা করে ;  
সন্তানের ডাকে স্নেহময়ী নারীর বুকে মাতৃ হৃদয়ে উঠে.....নির্যাতিতা নারী-শক্তি তখন সন্তান চিন্তে কামোদ্ভূত হানব  
মহিষাসুর রূপ পাশবিকতাকে পদদলিত—নিহত ক'রে সন্তানকে পরিব্রাজ করেন। মায়ের শুভেচ্ছায় বর্ধমান হিম-করণ  
কঙ্কাল বাঙলা শারদ শোভায় ফুটে উঠে--ফুলে ফলে নব কিশলয়ে !!'







৩য় বর্ষ :::: মহালয়া :::: ৩রা আশ্বিন  
১০ম সংখ্যা :::: মঙ্গলবার :::: ১৩৪০ সাল

### ...দশভূজার পরিকল্পনা...

বৎসরান্তে আবার মা আসচেন, সুদীর্ঘকাল সন্তান তাঁর এই শুভাগমনের অপেক্ষা করেছে কত না আগ্রহে, কত উৎসাহে !! বাঙলায় এইতো একটা যোগ, সর্বপ্রকারে পরাধীন পর্য্যদস্ত বাঙালীর ঘরে এইতো একটা সত্যিকার উৎসব...বৎসরান্তে এই একবার...মাত্র তিনটি দিন। এই তিনটি দিন তিন রাত্রি মা তাঁর প্রবাসী ছেলেকে কাছে পাবে, সগী তাঁর স্বামীকে কাছে পাবে ; সুদীর্ঘ বিচ্ছেদ বিরহ বেদনার শেষে এই তিনটি দিন থাকবে না কারোও কোন আক্ষেপ...কোন ব্যথা।

মাতৃ কি অপরূপ, মাতৃমূর্তি কি অপরূপ, মাতৃস্নেহ কি অপরূপ, মায়ের সম্মিথানে কি তৃপ্তি...কোন ব্যথা কোন কণাই তো এই মিলনানন্দকে বিকল করে দিতে পারে না !! কোন অভাব কোন গ্লানিই তো এই মাতৃপূজা ব্যাহত করতে পারে না !!

এই তিনটি দিন তিন রাত্রি ছেড়ে এর পূর্বের রাত্রিশেষে পরের প্রত্যয়ে যে বাঙালী হিন্দু শত অভাব, নির্যাতন ক্রেশের নিষ্পেষনে আর্ন্তনাদ করে, অপরিদ্রীম রিক্ততার বেদনায় ম্রিয়মান হয়ে থাকে তাদের কারও মুখে এতটুকু ক্রেশ-কালিমা কেউ দেখবে না তো !! কোনও ঘরে দীনতার মর্শ্মোচ্ছাস কেউ শুনবে না তো !! শয্যাশায়ী রুগ্ন, মুমূর্ষু পর্য্যন্ত কি এক অজ্ঞেয় উৎসাহ ও উজ্জীবনার শক্তিতে উঠে ব'সে রোগজীর্ণ পাণ্ডুর মুখে হেসে মাকে প্রণাম করে অবনমিত শিরে, সন্তানকে কোলে নেয় ত'হাত ব'ড়া'য়ে, প্রিয়কে বুকে ধরে ব্যগ্র বাস্ত বেষ্টনে.....

আনন্দময়ী জননীর পরিকল্পনা, সর্ববিষাদ-বিবাদ-বেদনা বিনাশক মাতৃপূজার পরিকল্পনা করেছিলেন যেই হিন্দু তাঁদের ঘরে জীবন্ত মাতৃস্বরূপিণী নারী ছিল প্রক্বেয়া...ছিল চিরমঙ্গলময়ী, শক্তি আনন্দ প্রদায়িণী.....

মনে হয় মঙ্গলময়ী দশভূজার পরিকল্পনা করেছিলেন তাঁরা নারীর দশরূপ-দর্শনে—জননী নারী, ভগ্নী নারী, ভাতৃজায়া নারী, পত্নী নারী, কন্তা নারী, পুত্রবধূ নারী, ব্রতচারিণী নারী, সেবাব্রতে নারী, পরিচর্যায়া নারী, শক্তিরূপিণী নারী—এই দশমূর্তি প্রত্যক্ষ ক'রে তাঁরা দশভূজারূপে মাকে অভিনন্দিতা করেছিলেন। ঘরে ঘরে তখন নারীর এই দশরূপ দশ শক্তিতে হিন্দুকে উজ্জীবিত করতো, হিন্দুর সর্ব-অভাব মোচন করতো, সর্বদুঃখ হরণ করে আনন্দ বর্ষণ করতো। হিন্দুর সংসার নারীর সেই দশরূপের রূপায়তন। ঘরে ঘরে আজ সেই দশমূর্তির অভাব বলেই বৃদ্ধি হিন্দুস্তান আজ নিরানন্দময়, হিন্দু এমন অধঃপতিত...অধোমুখ। নারীর ওই দশরূপের বোধন গাও হিন্দু, নারীর প্রতি অবজ্ঞা পরিত্যাগ কর, নারী নির্যাতন পরিত্যাগ কর, নারীকে ওই দশরূপে জাগিয়ে তোল, ওই দশরূপকে অভিনন্দিত কর, আনন্দময়ী দশভূজা দুর্গা তোমার ঘরে চিরবিরাজ ক'রবেন, এই তিন দিনের আনন্দ, এই তিনটি দিনের শক্তি-শান্তি-উৎসাহ অটুট থাকবে চিরকাল !!!...





## = মন্তব্য =

### গডরেজ ও বয়েসের ষ্টীলের আসবাব

ভারতীয় শিল্পের যে কতদূর উন্নতি হইয়াছে তাহার অন্ততম নিদর্শন বোম্বাইয়ের গডরেজ কোম্পানীর ষ্টীলের আসবাব ও সিঙ্ক। গডরেজ নিৰ্ম্মিত উক্ত সমুদয় জিনিষ কোন অংশেই শ্রেষ্ঠ বিদেশীয় জিনিষের চেয়ে নিকৃষ্ট নয়। গডরেজের বিরাট কারখানা দেখিলে বিশ্বয় লাগে। উহা ইউরোপ, আমেরিকা প্রভৃতি স্থানে বৃহত্তম কারখানা সমূহের আধুনিকতম যন্ত্রপাতি প্রভৃতিতে সুসমৃদ্ধ।

গডরেজ কারখানার বাড়ী বর্তমানে ৭০,০০০ বর্গফুট স্থান লইয়া অবস্থিত এবং ওই কারখানায় এই তুদিনেও ৭০০ শিল্পী ও শ্রমিক স্থায়ীভাবে নিযুক্ত। এই কারখানার ষ্টীলের আসবাব, সিঙ্ক প্রভৃতি অত্যন্তকৃষ্ট ধরনের হয় বলিয়াই ভারতের সর্বত্র ওই সমুদয় সমাদৃত হয় এবং চাহিদাও বেশী। আমরা এই ভারতীয় প্রতিষ্ঠানের উন্নতি ও প্রসার কামনা করি।

### “গান্ধী” হাতঘড়ি।

প্রিন্সলি ইণ্ডিয়া ওয়াচ কোম্পানীর “গান্ধী” হাত ঘড়ি

আমরা মোহাম্মদিয়া হাত ঘড়ি হইতে এত দেখি সুদৃষ্ট সন্দেহ নাই। সমস্ত সিন্ধগণের এই অপেক্ষায় হৃদয়ান ঘড়ির জায় নির্দোষ। এক কথায় ঘড়িটি বেশ।

### ব্যবসায় ধনী-সন্তান -

ব্যবসায় বাণিজ্যে ধনী সন্তানগণের কৃপাদৃষ্টি আম বরাবরই আকর্ষণ করিয়াছি। দেশস্থ ধনী যুবকগণ ব্যবস ক্ষেত্রে নামিলে দেশের অভাব অনেকাংশে যুটিয়া যা নিরন্ন দেশবাসী শ্রমিকগণ বাঁচে। সম্প্রতি বাগবাজ মদনমোহনের সেবাইত বিখ্যাত মিত্র পরিবারের শ্রীম রাজেন্দ্র মিত্র ইলেকট্রোপ্লেটিং প্রভৃতি কাজের এক কারখানা খুলিয়া সংসাহস ও শিল্পাভিমানের প্রকৃত পরি প্রদান করেছেন—স্বয়ং রাজেনবাবুর তত্ত্বাবধানে কারখানা কাজকর্ম ভালোই চলিতেছে।

### রূপের দেশালী লেখক—“রূপ”

প্রচারকে “রূপের দেশালী” লেখক সহৃদয় সুহৃদ শ্রীযু রণধীর আইচ মহাশয় অস্বস্ত থাকায় এবার শারদীয় সংখ্যা তিনি লিখিতে পারেন নাই। আমরা সত্ত্বর তাঁহার আরোগ্য কামনা করি। মা আনন্দময়ী তাঁহাকে সুস্থ করিয়া শারদী আনন্দে যোগদান করিতে সমর্থ করুন।

## = পূজায় সিল্কের ছাপাসাড়ী =

বেনারসী, তসর, গরদ, মটকা ও স্বদেশী সকল প্রকার তাঁতের কাপড় প্রভৃতির বিরাট প্রতিষ্ঠান।

আমাদের বিশেষত্ব :—সকলপ্রকার কাপড় প্রতিযোগিতায় বাজার অপেক্ষা কম দামে এবং ১ জোড়া পর্য্যন্ত মিলের কাপড় গাইটের দরে দিয়া থাকি। অনুগ্রহপূর্ব্বক পদার্পণ করিতে অনুরোধ করি।

আপনাদের চিহ্নানুগ্রহকাজক্ষী :—

# বেঙ্গল ফ্রেণ্ডস সোসাইটি

১৫৩নং, আপার চিংপুর রোড, (শোভাবাজার)

কলিকাতা।





মিস্ সুলতানা—ইনি ইষ্ট ইণ্ডিয়া ফিল্ম কোম্পানীর হিন্দি বই বিদ্রোহ এবং বিমাতায় অভিনয় করিয়াছেন।









একাদশ বর্ষ

অগ্রহায়ণ, ১৩৪২

অষ্টম সংখ্যা

## মায়ের প্রাণ

শ্রীশরৎচন্দ্র চট্টোপাধ্যায়

প্রত্যেক দিনই অভাবের তাড়নার মধ্যে সে জাগিয়া উঠে। উঠিয়া শুনে সেই একই সুরে বাঁধা গান—নাই, নাই। মুখে কিছু না বলিতে পারিলেও বুকে সে কতখানি ক্রির আত্মাদের লালসায় পাগল হইয়া উঠে, তা জানেন ধু তার অন্তর নিবাসী মুক পাষণ নিষ্ঠুর ভগবান। 'মা! সাধনার ফল স্বর্গের আলো ছেলেপুলেগুলিকে দিয়াই আনিয়া সে যখন পেট পূরিয়া তাদের খাইতে পারেন না, তখন এ বাঁচিয়া থাকা কেন?

কিন্তু সে অবস্থায় বেশীক্ষণ থাকিতেও সে পারে না। হিগী শুনাইয়া দিয়া গিয়াছে, 'এত অভাবের সংসারে ছেলে মান কেন, এই উঠেই যে খেতে চাইবে কি দেব তাদের? 'ও কি একটা, তুলিয়ে রাখব—গণ্ডার গণ্ডার। মা যার কপা মেই, বস্ত্রের খুব আছে...তা তাতে লোকের

কি, তারা ত অফিস আদালতে বেরুবে, মর শালী তুই...। সারাদিন কি করে যে কাটে, তা আমিই জানি...বলি ধান কিছু কিনে দাও, তা সে কথা কানে শুনলে যে মহা-পাতক হবে।'

পল্লীগ্রাম। ধান কিছু কিনিয়া দিলে অনায়াসে মুড়ী তৈয়ার হইতে পারে তা সে জানে। সতী মুখে যতই বলুক, গতর খাটাইতে এতটুকু আলস্য সে যে করে না, কথাটাও বড় ঠিক...কিন্তু দৈনিক সব ধরনের হিসাব মিলাইতে গিয়াই না সে ফাঁপরে পড়ে,—চাল নাই, দাল নাই, গরুর খড় নাই, এত নাইএর ভিতর একটার অনাটন মিটাইতে সে ভরসা পায় না, আবার নূতন কিছু হাঙ্গামা জুটাইয়া কাজ কি? আর ত তার বাঁধা ধরা কিছু নয়, পল্লীগ্রামের রেজেন্টারী অফিসের মুহুরী, মকল



জুটাইতে পারে, তবেই দু পয়সা। নহিলে...সে নহিলে কথাটা ভাবিতেও গা শিহরিয়া উঠে।

সেদিন দিনের কাজ সারিয়া আসিয়া সে বলিল, “শুনছ গা! আজ বেমকা গোটা পঁচিশ টাকা পাওয়া গেছে, কি করা যায় বল ত? কাহন কত খড় কিনে চণ্ডীমণ্ডপটা ছাওয়াই, না নবনে যা বলছিল তাই শুনি। ভেবে কুল-কিনারা কিছু পাচ্ছি না, তাই তোমার কাছে যুক্তি নিতে এলাম।”

সতীর সদা পুরুষ মুখখানা হঠাৎ তৃপ্তির আনন্দে কোমল হইয়া আসিল। ধীরভাবে স্বামীর কথাগুলো শুনিয়া সে বলিল, “নবনে কি বলে?”

শীতল চক্রবর্তী আশ্বাসের একটা নিশ্বাস ফেলিল; কেন না, ভাবিবার অংশী একজন সে আজ পাইয়াছে। দারিদ্র্যের রুদ্ধ তাড়নে সতীর দৈনিক মেজাজটাকে এতটাই রুদ্ধতায় ভরাইয়া রাখে যে, নিজের স্নেহ-ভালবাসার পাওনাটা কোন দিনই সে সেথায় আশা করিতে পারে না; তা বলিয়া দোষও সে দেয় না—দিনের সকল দিকের ছেঁড়া সূতায় জোড়াতাড়া দিয়া যাহাকে চলিতে হয়, তার পক্ষে এ ভাব কত বড় যে স্বাভাবিক সে তা জানে; আর জানে বলিয়াই তার দেওয়া সকল পুরুষ কঠোর ভাষাগুলো নির্কির্বাদে সে হজম করিয়া যায়। কোনদিন, কোন ছলে প্রতিবাদ সে তুলে না। আজ সেই পত্নীর মুখে শাস্তি কোমল ভাব দেখিয়া আনন্দ উৎসাহে প্রাণ তার ভরিয়া উঠিল...

ধীরকণ্ঠে সে বলিল, “নবনে বলে, চক্রবর্তী-মশাই, রায়েরা পুকুরটা জমা দিতে চায়, তুমি নাও, বকরায় তোমার আমার করা যাবে। জমির খাজনা জমিই দেবে চক্রবর্তী-মশাই, সে জন্যে ভেব না, অভাবের সংসারে ছেলেপুলে-গুলো ভাতের পাতে মাছ খেতে পাবে সেইটেই কি বড় লাভ নয়?”

চিন্তিত ভাবে সতী জিজ্ঞাসা করিল, “জমা কত?”

“তা বড় বেশী নয়, আমি যদি নিই ত বছরে গোটা ষাটেক টাকায় ওরা ছেড়ে দিতে পারেন...”

খানিকক্ষণ কি চিন্তা করিয়া সতী বলিল, “যে চাপ

তোমার মাথায় ভগবান চাপিয়েছেন, তারি জ্বালায় পাগল কাজ নেই সাধ করে আর ভাগ জুটিয়ে...”

“তা হ’লে...অমলীর সে চুড়ী ক’গাছা কি আছে...এ সুযোগে পার ত কিনে নাও, একসঙ্গে একদিনে এতগুলো টাকা যে কখন হাতে আসবে, আমার পক্ষে তা স্বপ্ন। আ সে স্বপ্ন সত্য হয়েছে, বাকী শুটুকুও...”

“না, শীত আসছে ছেলেপুলেগুলোর দোলাই এক-আখানা করে কিনে দাও, আহা বাছারা ছেঁড়া কাপড় গা বেঁধে বেঁধে ক’বছর বেড়িয়েছে...”

“আমি বলি তা নয়, ক’বছর যা চলে এসেছে, আজ তাই চলতে পারে, আমার ঘরে এসে গায়ে ত কোনদিন কিছু উঠলো না...না না, আপত্তি করো না, অমলী ডাকাই...”

“গায়ে গয়না পরবার ব্যয়স আর আমার নেই। সা ছেলের মা, লজ্জা তোমার কিছু না থাকতে পারে, আমি আছে—বেঁচে থাক ওরা সাত ভায়ে! সাত দিক খে যখন আসবে, তখন...”

“অত আশা করো না গিন্নী, মনে রেখ আজকালকা ছেলে ওরা...”

“যাও, আমার ছেলেপুলের নিন্দে আগার সামনে তুঁ কবো না—তোমার মুখ থেকে এলেও আমি সইব না।”

## ছই

“দেখ, দেখ মা, কতগুলো মাছ ধরে এনেছি, তবু বাঁ তার ভাল ছিপটায় আমায় হাত দিতে দেবে না...”

মাছ দেখিয়া অন্তরে আনন্দ হইলেও সতী তা মুখ প্রকাশ করিতে পারিল না, একটু রুদ্ধস্বরে বলিল, “কা পুকুরে মরতে গিয়েছিলি হতভাগা, এমনি গাল দিয়ে তু ভাগিয়ে দেবে...?”

“ইস্, দিলেই হ’ল কি না! গাল রাস্তায় পড়ে রয়েছে, মুখ নেই আমি দিতে পারব না?”

মায়ের মুখে প্রসন্ন একটু হাসির রেখা ফুটিতে ফুটিতে মিলাইয়া গেল। গভীর মুখে সে বলিল, “বড় মন



কি নয়, লোকের পুকুর ওজাড় করতেও করবি, গাল ধতে তারাই থাকবে !”

নন্দলাল বিকৃত মুখে বলিল, “তা থাকে বই কি । জটের ল থেকে ধরে আনলেও মাছগুলো যদি তাদের পুকুরের দূর—থাকে না ?”

আশঙ্কায় শিহরিয়া উঠিয়া মাতা কহিল, “জটের ল ? বলিস কিরে হতভাগা, একা সেই ততদূরে গেলি !...”

“বাব না ! তোমার খোড়, ডুমুর, কলমী শাক রোজ খেতেই এমন ত কোন কথা নেই !...”

সতী আর কিছু বলিল না, আস বঁটি লইয়া উঠানের ছাই গাদার নিকটে গিয়া মাছ কুটিতে বসিল । দাওয়ার এক পাশে বসিয়া তার হাতের কাছে দৃষ্টি রাখিতে রাখিতে সহসা উত্তেজিত কণ্ঠে নন্দলাল বলিয়া উঠিল, “থাক ত মাত্র হবেনা, অত কুচুচ্ছ কেন ?”

মা হাসিয়া বলিল, “বেলা দুটো হতে পারে, কিন্তু দুখ ত আর একটা নয়, শত্রুরের মুখে ছাই দিয়ে সবাই ত ধরে ?”

“কেন, কেন, থাকে কেন ? ধরতে যেতে পারে না ! ননা, আমি ধরে এনেছি, আমি একা থাক, কারকে ভাগ দিতে পারব না ।”

ওসনা মাথা কণ্ঠে মা বলিল, “ছি বাবা, দেব না কি বলতে আছে, তুমি বড়, সব বিষয়ে বড় হতে হবে । তোমারি ত সব কচি কচি ভাই...”

নন্দলাল বারবার মাথা চালিয়া বলিতে লাগিল, “না না, মোক্ কচি কচি ভাই, জন্মে পর্যন্ত আমি কেবল ভাগ নিয়েই আসছি, কেন না আমি নিরেট বোকা । না, এবার থেকে আর বোকা থাকব না, যেখান থেকে পারে ওরা নিয়ে আসুক । এবার থেকে পুরোপুরি আমি ভোগ-দখল করব, ও ভাগাভাগিতে আর আমি নেই ।”

মাতার অন্তর কাঁপিয়া উঠিল । কিয়ৎকাল পূর্বেই সে না পুত্রগর্বে প্রতিবেশিনীকে বলিয়া আসিয়াছিল, “আমার সাত ছেলে, ভাবনা কি ? সাতজনে সাত হুঁতী আনবে, ভাগাভাগি করে থাকে । ওরা মাথা চাড়া

দিয়ে উঠলে এ দৈন্ত দুর্দশা আর আমাদের থাকবে না ।”

কিয়ৎকাল পরে স্থিত হাশ্বে মাতা কহিল, “আচ্ছা, ভাগ্যেদের না দিস্ তোর, ওকে ত দিবি...”

দাঁতমুখ খিঁচাইয়া পুত্র উত্তর দিল, “কেন, কেন দেব কেন, আমায় ছিপে হাত দিতে দেয়...”

“বেশ, তাকে না দিস্, আমি মা হই, এত কষ্ট কচ্ছি আমায় ত দিবি ?”

এবার আর প্রতিবাদ তুলিতে না পারিয়া পুত্র নন্দলাল খানিক ‘গুম’ হইয়া বসিয়া রহিল । তারপর নিজ হাতে কতকগুলো মাছ আলাদা করিয়া দিতে দিতে সে গাঢ়কণ্ঠে বলিয়া উঠিল, “এই নাও । এই, এই, আমার সামনে বসে খেতে হবে কিন্তু ; বকরা নিয়ে ছেলেপুলেকে খাওয়াবে, তা হতে দিচ্ছি না ।”

পুত্র গৌরবে মাতার অন্তর আবার ক্ষীত হইয়া উঠিল । আস হাতের কথা এক প্রকার ভুলিয়া গিয়া নিজ বাছ বেষ্টনীর ভিতর সে তাহাকে টানিয়া লইয়া মুখ চুষন করিল ।

## তিন

বৎসর কয়েক পরের কথা । নন্দলাল বাজার হইতে ফিরিয়া আসিয়া জিনিষগুলো দাওয়ার উপর রাখিতে রাখিতে বলিল—“অবাক কল্লে মা, দু বেলায় দেড়পো দাল উঠিয়ে দিলে ! এমন বেমক্কা খরচ যদি কর, তোমার সংসার চালাতে আমি পারব না ।”

কাচুমাচু মুখে সতী বলিল—“কি করব বাবা, আর ত তরকারী কিছু নেই, কাজেই দালটা একটু বেশী গুঠে...”

“গুঠে উঠুক, তোমরা চালাও, আমায় কিছু বল না, তোমার কুপুসিদের পেট চালাতে আমি পারব না ।”

মা কথা কহিল না, নীরব ধৈর্যের আশ্রয়ে পুত্রের এতবড় অলুযোগের ধাক্কাটা সে সহ করিল । মাস-কতক হইল নন্দলাল পিতার সহিত মুহুরীগিরির কাজে বাহির হইতেছে । রেজিষ্টার দীননাথবাবু এ স্বল্পবয়স্ক ব্রাহ্মণ মুহুরীর দিকে একটু স্নেহের টান দেখানয় পিতার



অপেক্ষা আয়টা তার দ্বিগুণ। অনেক আবেদন নিবেদনের ফলে আজ তিনদিন হইল সংসারের তরিতরকারীগুলোর ভার সে নিজের ক্ষেপে লইতে স্বীকৃত হইয়াছে।

খানিক চুপ করিয়া থাকিয়া নন্দলাল হঠাৎ কোপপূর্ণ মনে গজিয়া উঠিয়া বলিল, “আচ্ছা, হঠাৎ বাবু! এমন নবাব হলেন কোথেকে তা বল ত? এতদিন ত লক্ষা-গোলা জলে চলত, আমিও ত তোমাদের তাই খেয়েই এত বড়টা হয়েছি—আজকাল তা আর রোচে না কেন?”

সহসা উত্তেজিত হইয়া মাতা বলিয়া উঠিল, “কেন, কেন, কচবে কেন তাই বল, তোরা দুই বাপ বেটায় রোজগার করছিস না, চিরকাল আমি সেই লক্ষা গোলা তেঁতুল গোলা ভাত খেতে যাব কেন?”

পুত্র দাঁত মুখ খিঁচাইয়া বলিল, “যেমন ভাগ্য নিয়ে এসেছ! তার বেশী চাও—পাবে কোথায়? ....আমার রোজগারের কথা বলছ, দুদিন পরে আমার নিজের সংসার ত বাড়বে, তখন তোমাদের মুখ চেয়ে থাকতে গেলে ত চলবে না, কাজেই বলা। অত হাত বাড়িও না রাশ টান...নইলে আমার আর কি, পরে নিজেদেরই পস্তাতে হবে!”

হঠাৎ ঘরের ভিতর হইতে বাহিরে আসিতে আসিতে শীতল চক্রবর্তী বলিল, “সেই ভাল নন্দলাল, এ কুপুষ্টির জন্তে মিছে পয়সা উড়িয়ে কিছু লাভ নেই, তুমি আলাদা হয়ে পড়ো...”

সতী তাড়াতাড়ি বাধা দিয়া বলিল, “কি বলছ তুমি, পাগল হলে!”

শীতল চক্রবর্তী বেশ শাস্ত কণ্ঠেই বলিল, “পাগল হই নি গিন্নী, পাছে হতে হয় তার জন্তেই সাবধান হচ্ছি; তবু ওদের দুটো দুটো চারটে মুখ দু বেলায় যদি কমে কতটা হান্ধাই হবে।”

“ছিঃ, তুমি কি! ছেলের উপর রাগ...”

বাপ বিষাদভরা হাসি হাসিয়া বলিল, “তা নয় গিন্নী, শেতল বড় শেতল! তাই ছেলের মুখে এত কথা শুনেও অপর ছেলেগুলোকেও এখন থেকে ঘাড় ধরে না বিদেয় করে দিয়ে তাদের পুষতে চাচ্ছে। ভয় নেই, ও নেমকহারামের

দল কেউ তোমার আপনার হবে না। বিদেয় কর গিন্নী, বিদেয় কর। কাল সাপ যখন ফণা তুলেছে, ছোবলাবেই তার আগে আরও দুধকলা দিয়ে, পাপের হাত থেকে নিস্তার হও।”

“কি বলছ তুমি,—ছেলে পাপ...”

“পাপ বলে পাপ, মহাপাপ...আগের দিনে বল ত বটে, ছেলে হয়ে পুণ্য নরক হতে ত্রাণ করে। আজকালের দিনে কিন্তু তা নয়—উল্টে ছেলে ভূমিষ্ট হওয়ার সঙ্গে সঙ্গে সাত শ' নরক হাঁ করে গেলবার জন্তে...”

রাগত কণ্ঠে সতী বলিয়া উঠিল, “ছেলে একটা কি না কি কথা বলেছে ত অমনি গায়ে বিষ ছড়িয়ে গেল! এত হিংসা যদি তোমার, আর পাঁচজনকে নিয়ে আদালতের কাজ চালাও কি করে?...”

শীতল হাসিল। তারপরে বড় শাস্ত কণ্ঠে বলিল, “অবুঝ, তাকে আর কি বোঝাব গিন্নী! এই বেলা অকুছ ছাড়তে পারতে, ভালই হ'ত, এরপর অনেক দন্ধাতে হবে কিন্তু বুঝা বলা! একটা কথা ও ঠিকই বলেছে, ভাগ্য কপালের লিখনের জন্তে নারায়ণকে যখন পাথরে লুকিয়ে শনির দাঁত সহ্য করতে হয়েছে, তখন তুমি আমি কো ছার!”

\* \* \*

বড় ছেলে নন্দলাল পিতৃআজ্ঞা পালনে অবহেলা করে নাই। একটা শুভদিন দেখিয়া অকৃত্র বাসা বাড়িয়াছে শোনা যায়, লক্ষীছাড়ার ঘর ছাড়িয়া লক্ষীও না কি তাহা উপর কৃপা করিয়াছেন। পুত্রের এ ব্যবহারে শীতল চক্রবর্তী যত হাসিয়াছে, লক্ষী তত ‘গুম’ হইয়া গিয়াছে।

## চার

আরও কয় বৎসর কাটিয়া গিয়াছে।

দিনটা রবিবার। রেজিষ্টারী অফিস বন্ধ। শীত চক্রবর্তী উঠানে বসিয়া ছেঁড়া গায়ের কাপড়খানি ঝিকঝিক করিতেছিল। শীত আসন্ন প্রায়, এখানিকে ছোড়া তাড়া ব্যবহার যোগ্য না করিয়া লইলেই নয়।



সতী বোধ হয় বাহিরে কি কাজে গিয়াছিল। ফিরিয়া হাসিয়া বলিল, “শুনছ, সুরো আমাদের ঘোষেদের বড় আন বাগানটা জমা নিয়েছে।”

“এবে আর কি, যেখানে যত নোড়াছুড়ি আছে তার দিগ্গিরি চড়াও। আমি কিন্তু আগেই বলে রাখছি, ও বাগান জমা নেওয়া নয়, তোমার আমার জালানোর সমিধ সংগ্রহ।”

“দেখ, মিছে বকো না। ছেলেপুলের কাজ এত মোড়ামীর চোখে দেখাটা কিন্তু এক চোখোমীর কাজ।”

ঠিক এক সপ্তাহ পরে মেজ ছেলে সুরসুদন নিকটে হাসিয়া বলিল, “এটা কিন্তু বড় অগ্রায় মা, বাগান নিয়েছি তোমার ছেলেদের ছটোপুটি করবার জন্তে নয়, যাকে তাকে নিয়ে আবাগেরা যাবে...”

“গিন্নী! গিন্নী! ভারত শুনেছ, ওই যে হিন্দু নারীর পরম শিক্ষার বই গো! শুনেছ, না শুনে থাক ভাল করে শুনে নাও, ইহজন্ম ত বটেই, পরজন্মের কিছুকাল পর্য্যন্ত কথাগুলো স্মরণ থাকবে...”

“দেখুন, এই জন্তেই বড় দা আলাদা হয়েছেন। ভাল কথা বলতে এলে আপনি যদি এমন করেন...নাচার!”

“আলাদা হয়ে পড়ো সুরো, আলাদা হয়ে পড়ো, এমন যোগ আর পাবি না রে...গিন্নী গিন্নী, বলেছি ত, সমিধ সংগ্রহ, এ আর কিছু নয় সমিধ সংগ্রহ।”

সুরসুদন কাষ্ঠ হাসি হাসিয়া বলিল, “না, আপনাদের ব্যবহারটা নেহাৎ ইয়ে...ওর মুখে শুনেতে পাই পেট পূরে খেতেই পান না...বড় দা’ কতদিন বলেছেন, বেরিয়ে আয়। এতদিন তা পারি নি কর্তব্য ভেবে,—বেশ আপনি নিজের যখন আজ সে কর্তব্যের বাধান ছিঁড়ে দিয়েছেন, আমি করব কি! ভাল কথা, লোকে জিজ্ঞেস করতে এলে এই কথাই বলবেন...”

সদর্পে সুরসুদন সে স্থান ত্যাগ করিয়া গেল।

হাসিয়া শীতল চক্রবর্তী বলিল, “দেখেছ গিন্নী, একটা একটা করে থসছে! পাখী খুঁটে খেতে শিখেছে আর কেন, এইবেলা মানে মানে বাকীগুলোর মায়া পার যদি কাটিয়ে ফেল! কেউ থাকবে না, বুঝলে, কেউ থাকবে না! উড়তে না পারার ওয়াস্তা, শুধু উড়তে না পারার ওয়াস্তা! ডানায় ভর দিয়ে মুক্ত বাতাসে যেতে আসতে যেদিন পারবে, সেদিন তুমি, তুমি বলে আর পুঁছবে না, তাই বলি সময় থাকতে মায়া ছাড়।...”

সতী বিষাদভরা হাসি হাসিয়া বলিল, “তা হয় না—আমি যে মা! তোমারি মুখে ত চণ্ডীর ব্যাখ্যায় শুনেছি, মায়া হয়ে মা আমার এমনি মায়ার আসন ছড়িয়ে রেখেছেন, ক্ষিদেয় বুক জলে গেলেও ঠোঁটের আগার দানাটা ঘেটবার উপায় নেই, মুখে নিয়ে কচি বাচ্চার মুখে পৌঁছে দিতেই হবে...বুঝছ, এ আমাদের কর্তব্য, এই মায়া, আর এ আছে বলেই আমরা মা। তা ছাড়া, ওরা ত অগ্রায় কিছু করে নি—ছেলেমানুষ আমাদের বোঝা কাঁধে বইতে যদি নাই পারে, দোষ দেওয়া চলে না ত। আশীর্বাদ কর—ওরা সুখী হোক। আমার তুমি রইলে ভাবনা কি বল?”

“বুঝেছি, বুঝেছি সতী, এতদিন পরে বুঝেছি তোদের আসন কেন এত উচু! কেন শাস্ত্র, ব্যাখ্যার হিসাবে বলে গেছে, ‘জননী জন্মভূমিষ্ঠ স্বর্গাদপি গরিয়সী!’ শুধু এই জন্তে, শুধু এই জন্তে, পৃথিবীর সৃষ্টির বিশেষ সব ধ্বংসের মুখে নেমে যেতে পারে—কিন্তু না, মা নয়! যদি কিছু থাকে এই মা থাকবে। “আজ নতুন আলো জালিয়ে দিলে সতী! না, এভাবে এমন করে মা শব্দটার অর্থ কোনদিনই আমি করতে পারি নি, পারতুম না, পারব না। ঠিক ঠিক, মা, মা-ই থাকবে!...”

সতী কোন কথাই বলিতে পারিল না, নীরবে স্বামীর পায়ের ধূলা তুলিয়া মাথায় দিল।

শ্রীশরৎচন্দ্র চট্টোপাধ্যায়



## দু' দিনের পরিচয়

শ্রীকুমারেন্দ্র আচার্য, বি-এ

বালীগঞ্জের মোড়ের কাছে একটা ট্যাক্সী-চালক পাঞ্জাবী মুসলমানের সহিত একজন রমণীর বাক্য-বিনিময় শুনিয়া একটা বড় বাড়ীর গেট খুলিয়া একজন যুবক বাহির হইয়া আসিল। সে সটান গাড়ীর ঠিক সম্মুখে আসিয়া দাঁড়াইয়া হিন্দীতে বলিল, “এঁদের কোথায় নিয়ে যাবি?”

গাড়ীর মধ্য হইতে একজন প্রোচা রমণী বলিলেন, “আমাদের মিছিমিছি অনেক ঘুরিয়েছে বাবা। লোকটাকে ভালো ব'লে মনে হ'চ্ছে না।”

যেমন করিয়া ঘোড়ার রাশ ধরিয়া ঘোড়াকে দাঁড় করাইয়া রাখে, তেমনি মোটরখানার হেড্‌ লাইটের উপর হাতখানা রাখিয়া যুবকটী বলিল, “আপনারা দয়া ক'রে একটু নামুন ত'?”

গাড়ী হইতে একটা অন্ধাবগুষ্ঠিতা প্রোচা, একটা তের চৌদ্দ বছরের বালিকা এবং তাহারই হাত ধরিয়া একটা ন' দশ বছরের ছেলে নামিয়া ফুটপাথের উপর দাঁড়াইল। যুবকটী কোনো কথা জিজ্ঞাসা করিবার পূর্বেই প্রোচা রমণীটি বলিলেন, “আমরা আসছি বাবা, এলাহাবাদ থেকে। বিশেষ এক কাজেই কোলকেতায় এসে পড়েছি। একজন আত্মীয়ের বাড়ী যাবো। আমরা বারমাস এলাহাবাদেই থাকি—সেইখানেই আমাদের ঘর বাড়ী, কোলকেতার পথ ঘাট বাড়ী চিনি নে।”

যুবকটি তখন ট্যাক্সী-চালকের সহিত কথাবার্তা কহিতে বাস্ত ছিল। অনেকক্ষণ বাক্য-বিনিময়ের পর, তাহার ব্যায়ামপুষ্ঠ ঘুঁসিটা বেশ জোরেই ড্রাইভারটার উপর লাগাইয়া দিল। এমন জোরে লাগাইল যে, অতবড় দীর্ঘ বপুখানি অনায়াসেই রাস্তার উপর লুষ্ঠিত হইয়া পড়িল। তারপর অদূরবর্তী একজন পাহারাওয়ালাকে ডাকিয়া তাহার হস্তে তাহাকে সমর্পণ করিয়া সে ফিরিয়া চাহিয়া দেখিল, বালিকাটির দুটা সুন্দর

আয়ত চক্ষু যেন অজস্র ধারায় তাহার উপর অশ্রুর অকৃত্রিম শুভেচ্ছা বর্ষণ করিতেছে। যুবকটী বলিল, “আপনারা কোথায় যাবেন? আপনাদের আত্মীয়ের বাড়ী কোথায়?”

প্রোচা রমণীটি বলিলেন, “আহিরীটোলায়। কত নন্দন রে শুভা?”

বালিকাটি তীক্ষ্ণস্বরে উত্তর করিল, “তা আমি কি জানি?”

প্রোচাটি বলিলেন, “এমন বিপদেও মাতুষে পড়ে বাবা! তার ওপর, সঙ্গে একটা পুরুষমাতুষও নেই। এলাহাবাদ থেকে কোলকেতা পর্য্যন্ত ট্রেনে আমাদের লোক ছিল। আর হাওড়া ষ্টেশনেও লোক থাকবার কথা ছিল। তাকে আগে খবর দেওয়া হয়েছিল। সেও চিঠিতে জানিয়ে ছিল যে, ইয়া, সে, এই ট্রেনে হাওড়ায় থাকবে। কেন যে সে আসতে পারে নি তাও বুঝতে পারছি না বাবা, হয় ত' অস্থখ বিষুখই বা করলো? একখানা ট্যাক্সী করলুম। কিশোর বললে, আর শুভাও বললে, ‘আহিরীটোলার গেলেই বাড়ীর পথ চিনে নিতে পারবে।’ কিন্তু গেরো ছাখো বাবা! ট্যাক্সীওয়ালাটা যে আমাদের কোথায় নিয়ে এলো—”

আকস্মিক দুবিপাকে অনেকের মুখই অমন খুলিয়া যায়। প্রোচা রমণীটির বোধ হয় তাহাই হইল। তিনি আরো বলিতে যাইতেছিলেন, কিন্তু যুবকটী বাধা দিয়া বলিল, “সে সব কথা পরে শুনবো 'খন্। এতো রাত্রে আজ ত' আর আহিরীটোলায় সেই আত্মীয়ের বাড়ী খোজা হ'তে পারে না। আজ আমার বাড়ীতে থাকুন। তারপর কালকে আমি বাড়ী খুঁজে আপনাদের পাঠিয়ে দেবো। আসুন। এই মুটিয়া, ইধার আও।”

জিনিষগুলি মুটের মাধ্যমে দিয়া তাহার তাহার বাড়ীতে



চলিল। যাইতে যাইতে যুবকটি বলিল, “যদি কিছু মনে  
ন করেন। ছেলেটি আপনার—”

মুখের কথা না ফুরাইতেই প্রোটা বলিলেন, “ও আমার  
বন্ধু, আমার ওই শুভা ওর বড় বোন। তোমার  
মিটি কি বাবা?”

—“আমার নাম চন্দ্রকান্তি মুখুযো।”

বাড়ীর ভিতর দোতলায় তাঁহাদের লইয়া গিয়া চন্দ্র  
কোনো সুন্দর প্রশস্ত ঘর খুলিয়া দিল। এবং তাহাদের  
জিনিসপত্রগুলি ঘরের কোণে গুছাইয়া রাখিল। তারপর  
তাহাদের বিছানা বাধা লগেজের উপর বসিয়া পড়িয়া  
বলিল, “আজ রাত্রে কিন্তু কোন উপায় দেখছি না—  
দোকানের খাবারই খেতে হবে।”

সন্ধ্যাস্তে প্রোটাটি বলিয়া উঠিলেন, “না বাবা, আমরা  
খা খেয়েছি। বর্জ্যমানে খাবার-দাবার খাওয়া হয়েছে।  
পেট এখনো দম্‌দম্‌। আর আমার ত' রাত্রে—বিধবার  
খাওয়া—”

চন্দ্র পা দুলাইতে দুলাইতে বলিল, “আপনার না হয়  
কিধে নেই, কিন্তু এই ছেলেমানুষকে দোকানের খাবার  
খেয়ে রাতটা থাকতে হবে। বড্ড কিধে পেয়েছে, না  
কিশোর?”

বালকটি সত্যিই হোক আর লজ্জার খাতিরেই হোক,  
স্বভাবাবে ঘাড় নাড়িয়া জানাইল যে, সে মাসীমার কথার  
বশবর্তী করে। শুভার দিকে চাহিয়া বলিল, “ছোড়দি'র  
কিধে পেয়েছে ঠিক।”

শুভা হাসিয়া ছোট ভাইয়ের পিঠ চাপড়াইয়া মৃদুকণ্ঠে  
বলিল, “না না।”

রমণীটি বলিলেন, “তা বাবা, এতবড় বাড়ী  
তোমাদের খালি দেখছি কেন?”

চন্দ্র বলিল, “আমাদের বাড়ীশুদ্ধ সকলেই পশ্চিমে  
গিছে হাওয়া পেতে। শুধু আমি আর আমার এই বোন  
যাছি একজামিন ব'লে। সেই জন্যে ত' আরো মুখিল—

খাওয়া-দাওয়ার ভারী অস্ববিধে। একে ত' আমি উড়ে  
বামুনের হাতের রান্না খেতে পারি না—যার তার হাতের  
ছাই-পাশ রান্না কোনোকালেই খেতে পারি না—  
তার ওপর আমাদের বামুনের ছ' দিন হ'ল জ্বর হয়েছে।  
এ ছ' দিন এক রকম উপোস ক'রেই আছি।”

প্রোটাটি বলিলেন, “কেন, তোমার বোন রেঁধে দিলেই  
ত' পারে? তুমি দুটো রেঁধে ভাইকে দাও না কেন মা?”

কনক হাসিয়া উঠিল, “দিই ত'—কাল রেঁধে দিই নি  
দাদা তোমাকে? কি করবো বলুন? দাদার মুখখানি  
এমন, রান্না একটু যদি কম-বেশী হ'লো ত', বাস্‌। আর  
মুখে করা চলবে না।”

চন্দ্র বলিল, “সে আড়ম্বর কত, জানেন? পাকশিক্কা  
ব'লে একখানা বই কিনে আনালুম। সেইখানা হাতে  
ক'রে আমার কক্ষিষ্ঠা বোন ত' রান্না ঘরে ঢুকলো। তার  
পর শুভুন। বইখানা দেখে দেখে ত' রান্না করতে  
লাগলো। বইয়ে যেমনটি লেখা, ঠিক তেমনটি করে রান্না  
করা চাই কি না? ‘কুড়ি মিনিট নাড়াচাড়া করিতে  
হইবে’, ত' ঘড়ির কাঁটা ধ'রে ঠিক কুড়ি মিনিট খস্টি দিয়ে  
অনর্গল নাড়া, ‘আঁধ কাঁচা হুন্ ত', নিক্টি দিয়ে ওজন ক'রে  
নেওয়া ইত্যাদি কোনো ক্রটিই হ'লো না। অর্ধেক রান্নার  
পর—আমারও দুর্ভাগ্য, কনকিরও দুর্ভাগ্য—বইয়ের  
পাতাটা হঠাৎ উণ্টে গেলো। মহামুখিল! সে আর  
খুঁজে পাওয়া যায় না। ছ'জনে পড়ে পাচ-ছ' মিনিট ধ'রে  
খুঁজে বের করলুম। তারপর কড়ার দিকে চেয়ে কন-  
কিকে গুপ্তসো উঠোনে রাখতে বললুম। কেন না, ঝিয়ের  
ছাইয়ের দরকার হয়। তারপর—”

সকলেই হাসিতেছিল। শুভা একটা অসংবরণীয়  
হাসির প্রাবল্য রোধ করিতে গিয়া ভয়ানক  
কাসিতে লাগিল। চন্দ্র বলিল, “সেদিন কিন্তু  
কনকির ওপর ভারী রাগ হ'য়েছিল—পোড়ারমুখী  
এমন অপদার্থ! সত্যি, রান্না একটা শিল্প এ মনে ক'রে  
প্রত্যেক মেয়েরই জিনিসটা রীতিমত শেখা উচিত—  
আমি ত' তাই মনে করি। মেয়েমানুষ রাখতে জানে  
না—কথাটা বড্ড মর্মান্তিক! কেমন, নয়, বলুন?”



প্রোটাটি হাসিয়া বলিলেন, “তা বই কি বাবা।” তারপর শুভার দিকে ফিরিয়া স্নেহে বলিলেন, “কাল সকালে দুটো রোঁধে খাওয়াস্ ত’ শুভা।”

এমনি অনেক রাত ধরিয়া অনেক কথাবার্তা গল্পগুজব হইল, যা জীবনে প্রথম এবং হয় ত’ বা শেষ পরিচয়ে বড় একটা হয় না, এবং হওয়াও হয় ত’ বা উচিত নয়। তাঁহারা ভুলিয়া গেলেন, তাঁহারা পথহারা, ওই যুবকটির অকৃৎসার উপর সকল রকমেই নির্ভরশীল, এবং চন্দ্রও ভুলিয়া গেল, তাঁহারা তাহার একদিনের আশ্রিত, পরদিন হইতে হয় ত’ আর জীবনে কোনোদিনই সাক্ষাৎ ঘটিবে না।

পরদিন সকালে চন্দ্র ডাকিল, “মাসীমা।”

ডাক শুনিয়া শুভা বিস্মিত দৃষ্টিতে চন্দ্রের মুখের দিকে চাহিল। মাসীমাও বিস্ময়, প্রশংসা এবং স্নেহমাখানো চোখ দুইটা অমলের মুখের উপর সংযুক্ত করিলেন। তিনি যে এক রাত্রে ওই হৃদয়বান শিক্ষিত যুবকটির এত আপনার হইয়া গিয়াছেন, এই অপ্রত্যাশিত স্তম্ভবাদ তাঁহার নারী হৃদয়ে একটা অনির্বচনীয় অমৃত সিক্কন করিল। ডাকিলেন, “কেন বাবা?”

—“কাল রাতে কোনো অশ্রুবিধে হয় নি?”

—“না বাবা।”

—“কিন্তু এ বেলা খাওয়া-দাওয়ার কি ব্যবস্থা করবে মাসীমা?”

—“সে ব্যবস্থা আমিই সব ক’রে দিচ্ছি বাবা। তোমার কিছু ভাবতে হবে না। শুভা রাঁধবে খন। যা ত’ মা, ঘান করে এসে দুটো চড়িয়ে দে—তোমার চন্দ্র দাদাকে দুটো রোঁধে—”

‘তোমার চন্দ্র দাদাকে’ কথাটা মাসীমা চন্দ্রের প্রতি এবং তাহারও প্রতি স্নেহাতিশয্যেই উচ্চারণ করিয়াছিলেন, কিন্তু শুভা মাসীমার ওই নিশ্চয়োজন স্নেহের প্রাবল্যটুকু মনে মনে ক্ষমা করিতে পারিতেছিল না। তড়িৎ-স্পৃষ্টের

মত সে তাহার আনত মুখখানা মাসীমার দিকে ফিরাইয়া চাহিল, কিন্তু ওই প্রোটা রমণীটি সে পথের ধার দিয়া গেলেন না। তিনি স্নেহ দৃষ্টিতে শুভার দিকে চাহিয়া বলিলেন, “যা না মা, করবি কখন? শুন্‌ছিস, চন্দ্র আজ ক’দিন রান্নার অভাবে খায় নি?”

শুভা আর কোনো কথা না কহিয়া দীরে দীরে উঠিয়া চলিয়া গেল। চন্দ্র শুভার মাসীমার সঙ্গে সেইখানেই বসিয়া কথাবার্তা কহিতে লাগিল। খানিক পরে শুভা স্নান সারিয়া সিন্ধু বস্ত্রে আদিয়া দাঁড়াইল। চন্দ্র প্রকৃতপক্ষে শুভাকে কাল হইতে একবারও ভাল করিয়া দেখে নাই। আজ যখন শুভা অকুণ্ঠিত চিত্তে তাহার সম্মুখে দাঁড়াইল, তখন সে চোখ দুইটাকে ফিরাইতে পারিল না—শুভাকে এমনই শিশির-স্নাত ফুলটির মত সুন্দর দেখাইতেছিল। শুভা উনানের ধারে বসিয়া গেল, আর কনক তাহাকে সাহায্য করিতে লাগিয়া গেল। উনান ধরাইতে অনর্গল ফুঁ দিয়া যখন শুভা রান্নাঘরের বাহিরে আসিল, চন্দ্র দেখিল, ধোঁয়ায় তাহার মুখ চোখ লাল হইয়া উঠিয়াছে। এই শরণাগত ভদ্রপরিবারবর্গকে সে আজ তাহার এমন হীন কাজে লাগাইয়াছে—বিশেষতঃ, এই ছোট মেয়েটিকে—এই আত্মগানিতে তাহার অন্তরটা পরিপূর্ণ হইয়া উঠিল। ইহার মাসীমার মুখে শুনিয়াছিল, এ এলাহাবাদে একজন মস্ত বড় উকীলের মেয়ে। নিজ হাতে রান্না করা, উনান ধরানো, হয় ত’ কেন, নিশ্চয়ই অভ্যাস নাই। অথচ, ইহাদের অসহায় অবস্থার স্বেযোগ লইয়া সে এই কাজই করাইয়া লইতেছে। নিজেদের বাড়ীতে গিয়া হয় ত’ এ কথা সকলের সঙ্গে গল্প করিবে। তাঁহারা ভাবিবেন, একজন অভদ্র ব্যক্তির বাড়ীতে ইহারা আসিয়া পড়িয়াছিল। ছি ছি ছি!

শুভাকে লক্ষ্য করিয়া বলিল, “কি দরকার ছিল নিজে উনুন ধরাবার? ঝিকে বললেই ত’ হতো?”

চন্দ্রকে লক্ষ্য করিয়া শুভা জবাব দিল, “উনুন মাসীমা ধরিয়ে দিয়েছেন।”

শুভা সবই করিল। রান্নাবান্না ত করিলই, এমন



কি চন্দ্রের ঠাইটা পর্য্যন্ত করিল। কনক কতবার তাহাকে সাহায্য করিতে চাহিয়াছে, কিন্তু সে তা'তে স্বীকৃত হয় নাই।

চন্দ্র আহায়ে বসিল। বসিয়াই লক্ষ্য করিল, এই বৃদ্ধ কার্গাটার ভিতর, অর্থাৎ ঠাই করার ভিতরও কেমন কেটা পারিপাটা, একটা সৌষ্ঠব রহিয়াছে। আসনটি পরিষ্কার পরিচ্ছন্ন, জলের গেলাসটা কেমন বা ঝকঝক করিতেছে। তারপর কুণ্ঠিতপদে যখন ওই বালিকাটা সম্মুখে থালা হাতে করিয়া পরিবেশন করিতে আসিল, তখন তাহার মুগ্ধদৃষ্টি বারেকের জন্য শুভার সুন্দর মুখ-খনির প্রতি সংগৃহীত হইল। ছুভিক্ষের ক্ষুধা লইয়া সে মাত খাইল। কনককে ডাকিয়া বলিল, “কনক, পোড়ার-ফুটি, রান্নাটা ওর কাছ থেকে শিখে নে। কোনো কাজের দলি নে তুই।”

তপূরবেলা আহিরীটোলায় সে তাহাদের আত্মীয়ের সন্ধানে গেল। গেল অবশ্য শুভার মাসীর তাগাদায়। সে জানিত, আজ কোনোমতেই সেই আত্মীয়ের সন্ধান বাহির করিতে পারিবে না, এবং একথা জানিত বলিয়াই সে সন্ধান বাহির করিতে পারিল না। কারণ, এ বেলা শুভার হাতের রান্না খাইবার অসংবরণীয় প্রলোভনের দ্বারা তাহাদের আত্মীয়ের সন্ধান করা কাজটা শুধু অসম্ভব নহ, ক্ষতিকরও। সন্ধান হইলেই তা' তাহারা চলিয়া যাইবে।

বিকালবেলা ফিরিয়া আসিয়া নিজের পড়িবার ঘরে ঢুকিয়াই সে থমকিয়া দাঁড়াইল। দেখিল, শুভা একপাশা চেয়ারে বসিয়া বই পড়িতেছে। ঘরের মেঝেতে তাহার ছায়া পড়াতে শুভা ফিরিয়া চাহিল, তারপর ধীরে ধীরে ঘরের বাহির হইয়া গেল। চন্দ্র ঘরের মধ্যে ঢুকিয়া বিম্বিত হইল। একবেলার মধ্যে ঘরটির রূপ যেন বদলাইয়া গিয়াছে। ঘরের মেঝে ঝকঝক তক্তক্ত করিতেছে—টেবিলের উপর বইগুলি সুন্দরভাবে গুছানো, কলমদানীতে কলমগুলি সাজানো। এমন কি, দেয়ালে ঝুলানো নিজের কটাপানা, যা' দু' বৎসরের ধূলা ও ঝুলে আচ্ছন্ন হইয়া

ছিল, সেটি পর্য্যন্ত আজ এক অজ্ঞাত হস্তের নৈপুণ্যে পরিষ্কার হইয়া গিয়াছে। টেবিলের কাছে গিয়া দেখিল, রঘুবংশ খোলা। এই বইটাই সে পড়িতেছিল। পাতা উন্টাইয়া দেখিল, নাম লেখা কুমারী শুভা চট্টোপাধ্যায়। এত অল্প বয়সে সে রঘুবংশ পড়ে। বইয়ের পাতার পাশে ছোট ছোট করিয়া লেখা নোটগুলি পড়িয়া দেখিল তাহার সংস্কৃতে জ্ঞান খুব ভালই। চেয়ারখানির উপর বসিয়া পড়িয়া চন্দ্র ভাবিতে লাগিল। ভাবিতে লাগিল, শুভার কথা। যেদিক দিয়াই বিচার করিতে লাগিল, দেখিতে পাইল, কৈশোর-যৌবনের সম্মুখীন দণ্ডায়মান ওই অনিন্দ্য বালিকা মূর্তিটি এক ভবিষ্যমান নারীর সমস্ত রহস্যময় লইয়া তাহার চোখের সম্মুখে উজ্জ্বল হইয়া উঠিতেছে।

কাল রাতে রাস্তার উপর সেই টাক্সীর দুর্ঘটনা—তারপর শুভা ও তার মাসীমার তাহাদের বাড়ীতে আসিয়া পড়া—সমস্তটাই তাহার কাছে একটা মস্ত বড় রহস্য—শুধু রহস্য নয়, বেদনার কারণও বটে। দু' দিন আগে জগতে যাহাদের অস্তিত্বের কথাও সে অবগত ছিল না, তাহারা আজ তাহাদের বাড়ীতে তাহাকে রাধিয়া খাওয়াইছে; তাহাকে এবং সেও তাহাদিগকে, আপনার করিয়া লইয়াছে। আবার কাল এই তিনটি কণিকা বিশ্বসংসারের জনসমুদ্রে কোথায় চিরকালের জগৎ অদৃশ্য হইয়া যাইবে! দু' দিনের আসা, দু' দিনের যাওয়া, এই বহুপ্রচলিত সরল সত্যটুকু সে আজ বড় মর্যাদাসিকভাবে উপলব্ধি করিল।

“—চন্দ্র, বাবা, আহিরীটোলার কোনো খবর পেলে না?”

“—কেন মাসীমা?”

“—না মাসীমা। কালকে দেয়ন ক'রে পারি খুঁজে বার করবো।”

“—তাই করো বাবা, শুভা ভারী ব্যস্ত হয়েছে।”

“—ও, তা' ত' হবে।” তারপর সপ্রতিভ হইয়া বলিল, “ও একটু ব্যস্ত হতেই পারে—বেচারীকে হাড়ি পর্য্যন্ত ধরতে হচ্ছে।”

কথাগুলি শুভাকে শুনাইবার অল্পই চন্দ্র বলিয়াছিল;



কারণ দোরের পাশে শুভাও দাঁড়াইয়াছিল। মাসীমা হাসিয়া উঠিলেন। তারপর শুভার দিকে চাহিয়া বলিলেন, “তুইই বল না?”

—“কি মাসীমা?”

—“আমার শুভা বলছে, তা’ নয়। ওর বাড়ীতে সব কি ভাবছে, সেই জন্তেই ব্যস্ত হয়েছে। বলছে, মাঝে মাঝে এসে না হয় বেঁধে খাইয়ে যাবে।”

চন্দ্র হাসিয়া বলিল, “এটা প্রতিশ্রুতি বলে মনে ক’রে নিতে পারি ত’?”

অক্ষুট এবং সম্মিত উত্তর আসিল, “হ্যাঁ।”

পরদিন চন্দ্র সমস্তদিন ঘুরিয়া তাহাদের সেই আহিরী-টোলার আত্মীয়ের সন্ধান বাহির করিল। যে ভদ্রলোকটির ঠেগনে অপেক্ষা করিবার কথা ছিল, তিনি হঠাৎ কি একটা রোগে সেইদিনই শয্যাশায়ী হইয়া পড়িয়াছিলেন। তারপর সুস্থ হইয়া শুভাদের খোজ করিতেছিলেন, কিন্তু এই দু’দিন কোনো সন্ধানই পান নাই। তারপর যখন চন্দ্র আসিয়া তাঁহাকে সংবাদ দিল যে, তাহারা তাহাদেরই বাড়ীতে সসন্মানে রহিয়াছেন, তখন তিনি চন্দ্রকে মাথায় কিংবা কোথায় রাখিবেন তাহার কোনো কিনারা করিতে পারিলেন না, এবং সাক্ষ্যনেত্রে হৃদয়বান যুবকটির উপর অস্ত্রের অজস্র অকৃত্রিম আশীর্বাদ বর্ষণ করিলেন। চন্দ্র তাঁহাকে সঙ্গে করিয়া তাহাদের বাড়ীতে লইয়া আসিল।

বিকালবেলা চন্দ্র তাহার পড়িবার ঘরে একেলাটি চুপ করিয়া বসিয়াছিল। শুভাদের সেই আত্মীয় ভদ্রলোকটি আসিয়াছেন। আজ রাতে তাঁহারা চলিয়া যাইবেন। চন্দ্র পড়ায় মনোনিবেশ করিতে পারিতেছিল না। তাহার মনের মধ্যে বেদনার সহিত এই কথাটি বারংবার ঘুরিয়া মরিতেছিল, “কে ইহাদের মাথার দিব্য দিয়া আসিতে বলিয়াছিল, আর কেই বা এমন করিয়া চলিয়া যাইতে বলিয়াছিল?”

শুভার মাসীমা ঘরে ঢুকিয়া বলিলেন, “আজ বিকালে আমরা যাচ্ছি। তোমাকে অনেক কষ্ট দিলুম, তুমি

আমাদের জন্তে অনেক করেছো বাবা—তোমাকে আব কি ব’লে আশীর্বাদ করবো?”

চন্দ্র মুখ তুলিয়া দেখিল, শুভা আনতমুখে মাসীমার পিছনে দাঁড়াইয়া। সেও বোধ হয় ওই কৃতজ্ঞতাটুকু নীরবে জানাইতেই আসিয়াছিল। হাসিয়া বলিল, “লাভ ত আমারই—আপনার আশীর্বাদ পেলুম! আমি আর আপনাদের কি করেছি? করেছেন বরঞ্চ আপনারা। আপনারা দু’দিনে আমাদের বাড়ীটাতে একটা শ্রী এনে দিয়েছেন। দেখুন ঘরটার দিকে চেয়ে—কি ঘরই ছিল, আর কি হয়েছে—যেন হাসছে।”

মাসীমা নিরতিশয় আত্মপ্রসাদের সহিত বলিলেন, “শুভাই আমার শ্রী। ও যেখানে পা বাড়ায়, সেইখানেই শ্রী আপনাই ফুটে ওঠে।”

শুভা আরক্ত মুখখানা উচু করিয়া মাসীমার দিকে চাহিল। একটা কথার উত্তরে কথা ক্রিপণ শুনাগ, তা’ না ভাবিয়া-চিন্তিয়া স্নেহের প্রাবল্যে মাসীমা এইভাবে অনেক কথাই যার তার কাছে বলিয়াছেন, এবং শুভা ইহার জন্ত কতবার সরল-হৃদয়া রমণীকে সতর্ক করিবার জন্ত বেশী কথা কহিতেই নিষেধ করিয়া দিয়াছে। কালও চন্দ্রের সম্মুখে এই ধরণের একটা কথা বলিয়াছেন, আজও শুভা যে ভয় করিতেছিল, ঠিক তাই হইল। চন্দ্র না থাকিলে হয় ত’ সে মাসীমাকে ইহার জন্ত বকাবকি করিত, কিন্তু নিরুপায় হইয়া আরক্ত মুখখানা নত করিয়া পায়ের বুন্ধানুষ্ঠে ঘরের মেঝে খুঁটিতে লাগিল।

চন্দ্র শুভার এই মনোভাবটুকু বুঝিল। কথা ঘুরাইবার জন্ত বলিল, “সত্যি, আপনাদের যেন ভগবান পাঠিয়ে দিয়েছিলেন দু’টি অন্নদান করতে। দু’টি উপবাসীর মুখে আপনারা অমৃত দিয়ে গেলেন—অমৃত, কিছুমাত্র অতৃপ্তি করছি নে।”

মাসীমা শুভার আপাদমস্তক স্নেহপূর্ণ দৃষ্টি বুলাইলেন। বলিলেন, “তোমার রান্না আমার চন্দ্রের বড় ভাল লেগেছে। এলাহাবাদ ফিরে যাবার আগে আর একদিন এসে বেঁধে চন্দ্রকে খাইয়ে যাস ত’ মা?”

চন্দ্র একটা প্রত্যুত্তরের আশায় শুভার আনত মুখখানার



দিকে চাহিল। শুভা কোনো কথা বলিল না; শুধু একটা দমতি-বাক্যক হাসির রেখা তাহার ওষ্ঠে একবার স্মুরিত হইয়া উঠিল। কনক দাদার পাশেই ছিল। বলিয়া উঠিল, “সত্যি, আজ আপনারা যাচ্ছেন, আপশোষ হচ্ছে যে, যাকিরে এলে মাকে এই রত্নটী একবার দেখাতে পারলুম না। আমি বলছি আজকে আর কালকে এই মাত্র আর ছুটো দিন যদি—”

মাসীমা বাধা দিয়া বলিয়া উঠিলেন, “না না, আর এক মুহূর্তও নয়। কি কুক্ষণেই ঘরের বাইরে পা দিয়েছিলুম, এমন বিপদ মাহুষের হয়! শুভার বাবা একজন মস্ত উকীল, মস্ত লোক, আমাদের খুঁজে পাওয়া যাচ্ছে না বলে তিনি হয় ত' এতক্ষণ কত কি কচ্ছেন!” বলিয়া তিনি ওই কাল্পনিক বিপদের কথা স্মরণ করিয়া সত্যসত্যই শিহরিয়া উঠিলেন।

চন্দ্র নিজেই তাঁহাদের বিছানা-পত্বর, স্টকেস ও ট্রাক গুছাইতে লাগিল। শুভার বইগুলি বেশ করিয়া ঝাড়িয়া মুছিয়া তুলিল। দেখিল, নানান রকম সংস্কৃত বই, এবং এমনো কোনটাতে সুন্দর অক্ষরে লেখা কুমারী শুভা চট্টোপাধ্যায়। শুভা পাশেই ছিল। তাহাকে একটা কথা দ্বিচ্ছাসা করিতে বড় কৌতূহল হইতেছিল—কি অযাচিত হইয়া কথা বলিবার জগুই কথা বলটা কেমন দেখাইবে ইহা ভাবিয়া সেই কৌতূহলটুকু সঞ্চার করিল। তার চেয়েও আর একটা বড় কথা, সে তাহাকে কি বলিয়া সম্বোধন করিবে ‘আপনি’ না ‘তুমি’। অনেক ভাবিয়া চিন্তিয়া, মনের ভিতর অনেক আখড়াই দিয়া, শুভার দিকে চাহিয়া বলিল, “এগুলো কি পড়ার বই?”

শুভা একটা কাপড় পাট করিতে করিতে উত্তর দিল, “হ্যাঁ।”

“—কোন পড়ার? ইন্টার মিডিয়েট না—”

“—না, মধ্য।”

চন্দ্র আর কোনো কথা না বলিয়া জিনিষ-পত্বর গুছাইয়া দিয়া নিজের ঘরে আসিয়া শুইয়া পড়িল। আজ বিকালের পূর্বেই তাঁহারা চলিয়া যাইবেন! ঘরের টেবিলের উপর

সুবিমল বইগুলির দিকে চাহিয়া ভাবিল, আবার ছ' দিন পরে বইগুলি তেমন ছড়ানো এলোমেলো হইয়া থাকিবে, আর কেউ ত' পরিপাটি করিয়া সাজাইয়া রাখিবে না? ঘরের মেঝে অমন সুন্দর পরিষ্কার করিয়া দিবে না? অথচ ওই শুভা মেয়েটির অস্তিত্ব ছ' দিন আগে সে জানিত না, ছ' দিন পরেও হয় ত ভুলিয়া যাইবে। আকাশে বিদ্যুৎ প্রকাশের মত তাহার অকিঞ্চিৎকর জীবনের উপর এই যে একটা আকস্মিক রহস্যের স্মরণ হইয়া গেল—ইহা ক্ষণিক হইলেও, হয় ত' স্মৃতিটুকু জীবনের শেষ প্রান্ত পর্যন্ত বহন করিতে হইবে!

বিদায় মুহূর্তে শুভা প্রণাম করিতে গেল। চন্দ্র প্রতিবাদ করিবার চেষ্টা করিবার পূর্বেই বালিকাটি আনতমুখে তাহার দুই পা স্পর্শ করিয়া উঠিয়া দাঁড়াইল। চন্দ্রও হেঁট হইয়া মাসীমার পা দু'খানি স্পর্শ করিল। মাসীমা সিক্তচক্ষে চন্দ্রের চিবুক স্পর্শ করিলেন।

তখনো বালীগঞ্জ এভিনিউ নির্জন। ট্যাক্সীখানার চলিয়া গেল। যতক্ষণ দেখা যায়, ততক্ষণ চন্দ্র ট্যাক্সীখানার দিকে চাহিয়া রহিল। মনে হইল, উহার তাহার অন্তর-পথ বাহিয়া অমনি করিয়া অদৃশ্য হইয়া গেল।

সেই দিনই রাত্রে চন্দ্রের বাড়ীর সকলে পশ্চিম হইতে আসিয়া হাজির হইলেন। মা কিন্তু সর্বাগ্রে ছেলেকে একটা সুসংবাদ দিব্য প্রলোভন সংবরণ করিতে পারিলেন না। বলিলেন, “চাঁদু, পশ্চিমে তোর একটা বিয়ের যোগাড় ক'রে এলুম। এলাহাবাদ কোটের উকীলের মেয়ে। চমৎকার মেয়েটি! রূপে গুণে! এখনও পড়ে—গান-বাজনা, শিল্প—আর রাষ্ট্র, সে কি সুন্দর তা' কি বলবো তোকে! আমাকে একদিন নেমস্তন্ন পর্যন্ত করে খাইয়েছিল।”

“আমি সামনের মাসেই বিয়ে দেবো—কথা দিইছি, যদি তোর দাদার মেয়ে পছন্দ হয়। তাঁরা দিন তিনেক হলো ওই জগুই কোলকাতায় এসেছেন।”

চন্দ্র মুঢ় দৃষ্টিতে কনকের দিকে চাহিল। কনকও হতবুদ্ধির মত দাদার চাহনির অর্থ নির্ণয় করিতে লাগিল।

শ্রীকুমারেন্দ্র আচার্য্য



# সাপের জাত

ডাক্তার শ্রীকার্তিক শীল

নিদারুণ গ্রীষ্মের পর সন্ধ্যা মাথায় করিয়া এক পশলা বৃষ্টি বেশ একটা শান্ত উন্মাদনার সৃষ্টি করিয়াছিল।

হঠাৎ বৃষ্টি আসিয়া পড়ায়, অভয় সাজগোজ করিয়াই পাথরের টেবুলের সামনে একখানি চেয়ার টানিয়া পাখা খুলিয়া বসিয়া নিবিষ্টচিত্তে কী যেন ভাবিতেছিল।

অল্প কিছু পূর্বে কে যেন ধূপদানে ধূপটি জালিয়া দিয়া গিয়াছে—মনমাতান স্বপ্নে চারিদিক ভরিয়া উঠিয়াছে। অভয় হঠাৎ ধূপদানটি টানিয়া লইয়া জলন্ত ধূপটির মুখে ফুঁ দিয়া খেলা করিতে লাগিল। কিছু পরে একখানি প্যাড টানিয়া লইয়া বসিল।

বোধ করি সে কবিতা লিখিতেছিল—মন তখন তাহার কোন্ রাজ্যে বিচরণ করিতেছিল বলা কঠিন, কিন্তু তাহারই চেয়ারের অদূর পার্শ্বস্থিত কোঁচখানির উপর ‘ধপাস’ করিয়া পতনের একটা শব্দে সে বিসদৃশভাবে চমকিয়া উঠিল—তাহার ভাবের বাঁধ ভাঙিয়া গেল। মুখ ফিরাইয়া দেখিল, পত্নী স্নেহা। সদ্য প্রসাধন শেষ করিয়া লোভনীয় সাজে আপনাকে সজ্জিতা করিয়াছে। পরণে তার আধুনিক রুচিসম্মত মার্জেন্টা রং-এর সিল্কের ছাপা শাড়ী—হাতে সদ্য-আহরিত টকটকে লাল একটা স্বরহৎ গোলাপ—পায়ে শাদা জরির ষ্ট্র্যাপ লাগানো ক্রেপসোল্‌ স্যাণ্ডেল।

কলমটি টেবুলের উপর রাখিয়া পত্নীর দিকে ফিরিয়া হাসিমুখে অভয় বলিল : কি ব্যাপার, বৃষ্টি মাথায় করে কোথাও চললে না কি ?

স্নেহা সে-কথার কোন উত্তর না দিয়া হস্তস্থিত গোলাপটি আপনার গালে বুলাইতে লাগিল। কিছু পরে ধীর গম্ভীর কণ্ঠে বলিল : আমি শুধু একটা কথা তোমাকে জিগেস করতে চাই।

অভয় বিহ্বল দৃষ্টি মেলিয়া পত্নীর দিকে খানিক চাহিয়া রহিল। পত্নী আর কোন কথা বলিল না দেখিয়া বলিল : কি বলো ?

গোলাপটির পাপড়িগুলি এক একটা বিচ্ছিন্ন করিতে করিতে স্নেহা বলিল : এই রকমই চলবে না কি ?

—কি রকম ?

গাম্ভীর্য্য দ্বিগুণ বাড়াইয়া স্নেহা বলিল : তাও খুলে বলতে হবে ? রকমটা কি সত্যিই তুমি জানো না ?

অভয় আশ্চর্য্য দৃষ্টিতে তাহার প্রতি চাহিয়া রহিল। কিছু পরে ঈষৎ তীক্ষ্ণকণ্ঠে বলিল : আজ তোমার কী হয়েছে বলো ত ?

স্বামীর ক্ষুদ্রতায় বিচলিতা হইয়া বোমার মতো ফাটিয়া স্নেহা বলিল : হবে আবার কি ? দুপুরে কলেজ থেকে ফেরবার সময় ট্যাক্সিতে করে আর কাকে নিয়ে এসেছিলে শুনি ?

কতকটা শান্ত হইয়া অভয় বলিল : ও, হতভাগা মেয়েটা বুঝি এসে লাগিয়েচে তোমায় ? ইয়ারে ঝুতু—

সপ্তম বর্ষীয়া কন্যা ঝরুণা—ওরফে ঝুতু, বোধ করি অদূরেই কোথাও খেলা করিতেছিল। পিতৃ আশ্রানে ঝাঁকড়া ঝাঁকড়া চুল দোলাইয়া ঘটনাস্থলে আসিয়া উপস্থিত হইল।

গম্ভীরকণ্ঠে স্নেহা বলিল : ওটুকু মেয়ের ওপর অত তর্কী কিসের ? ঝুতু তুমি যাও, খেলা কর গে।

ঝুতু একবার পিতার এবং একবার জননীর মুখের দিকে চাহিয়া অপরাধীর মতো ধীরে ধীরে বাহির হইয়া গেল।

নিম্নকণ্ঠে অভয় বলিল : মেয়ে জাতটাই ভগবানের একটা গোলমালে সৃষ্টি। গুগুগোল পাকাতে এদের ঘুড়ি আর কেউ নেই। তারপর স্নেহাকে লক্ষ্য করিয়া বলিল : কেন, তোমায় বলি নি, আমাকে ‘ম্যাসিষ্ট’ করবার জন্তে ছায়াকে হাসপাতাল থেকেই ‘ম্যালটু’ করেছে। ওর-ও বাড়ী ত এইদিকে, তাই আমার ট্যাক্সিতেই এসেছিল।

অকুণ্ঠ করিয়া স্নেহা বলিল : শুধু হাসপাতালে, না



দাঁড়ে-ও 'গ্যাসিষ্ট' করবার জন্তে বড়সাহেব ব্যবস্থা করে দিয়েছেন? সেখানে তবু দরজা জানলা খোলা থাকে, দাঁড়ে কি সেগুলোও বন্ধ করে 'গ্যাসিষ্ট' করবার কথা কি?

—দরজা জানলা বন্ধ ছিল, একথা তোমায় কে বলেছে? ঝুঁকু? হ্যাঁয়ে—

বাধা দিয়া সুলেখা বলিল : কেবল ওকে নিয়ে পড়ছ কেন? ও কিছুই বলে নি আমায়। আমি নিজেকে কি বলি, না কালী? ঝুঁকুর মুখে খবর পেলে তুমি কিরিত। দিব্য ভেতরে আসতে দেবী হচ্ছে দেখে, বাইরে কি করছ দেখার জন্তে গিয়ে দেখলে, দরজা বন্ধ ভেতর থেকে জান্নার গলার আওয়াজ আসছে—মাঝে মাঝে হাসির রস-ও চলছে।

ব্যাপারটা লঘু করিবার উদ্দেশ্যে অভয় হাসিয়া বলিল : ও, এই। হাঁ হাঁ, আজ হাসপাতালের একটা রুগীর রক্তস্রবের কথা আলোচনা হচ্ছেল বটে। কিন্তু জানলা বন্ধ ছিল, এ কথা তোমায় কে বললে? দরজা ত শুধু ভেদন ছিল।

দ্বিগুণ বিরক্তির সুরে সুলেখা বলিল : থামো, থামো, থামিয়েছে। আমি সব বুঝি।

ছায়ার সহিত অভয়ের কোন গূঢ় সম্পর্ক ছিল কি না বলাকঠিন, কিন্তু পত্নীর কথায় হঠাৎ তীক্ষ্ণকণ্ঠে অভয় বলিল : তোমাদের 'বোঝা'র মানে করতে আমি্যিত ছেলেমানুষ, অনেক বড় বড় দার্শনিক পণ্ডিত পর্যন্ত হেরে গেছেন। কেজন পুরুষের পাশে একজন মেয়েকে দেখলেই—

বিপুল জোরে বাধা দিয়া সুলেখা বলিল : তোমার মুখ ও কথা শোভা পায় না। তারপর টেবুলের পাথরের উপর হাত ঠুকিতে ঠুকিতে রুদ্ধ রোষে সে হাতের একগাছা শাখা গুঁড়া করিয়া ফেলিল।

তাহার একখানা হাত ঈষৎ চাপিয়া ধরিয়া অভয় বলিল : ও কি হচ্ছে? সত্যি, আমি দেখছি তুমি দিন দিন ছেলেমানুষ হচ্ছে। যাক—কতকগুলো টাকার ক্ষতি করবার তা' ত হোল—আর কি বক্তব্য আছে বলো কি?

রাগিলে সুলেখার জ্ঞান থাকিত না। রুদ্ধরোষে ফুলিতে ফুলিতে গম্ভীর কণ্ঠে সে বলিল : আমি এখুনি বায়োস্কেপে যাব।

বিশ্বয়ের সুরে অভয় বলিল : এখন বায়োস্কেপে যাবে কার সঙ্গে?—কোথায়?

—কার সঙ্গে আবার? ঠাকুরপোর সঙ্গেই যাব। কোথায় যাব তা' এখনো ঠিক করি নি, তবে যেখানকার টিকিট পাব, সেইখানেই ঢুকে পড়ব।

—তা' ছ'টার শো ত কোন্‌কালে আরম্ভ হয়ে গেছে, এখন গিয়ে আর কি হবে?

অকুটিপূর্ণসুরে সুলেখা বলিল : ছ'টা অনেক আগে বেজে গেছে তা' আমি জানি, আমরা সাড়ে ন'টার টিপে যাব।

দ্বিগুণ বিশ্বয়ে অভয় বলিল : সাড়ে ন'টার টিপে! তোমার মাথা খারাপ হলো না কি? অজ্ঞের কিসের বয়েস—ওর সঙ্গে এতরাত্রে যেতে চাও তুমি কোন্‌ ছঃসাহসে!

—বি-এ পড়বার মতো বুদ্ধি হয়েছে যে ছেলের, তাকে তুমি এখনো হয় ত নিজের কোন স্বার্থের খাতিরে ছেলে-মানুষ করে দেখতে পারো, কিন্তু আমি বলব, সে আমায় আগলাবার সম্পূর্ণ উপযুক্ত হয়েছে।

গম্ভীরকণ্ঠে অভয় বলিল : কিন্তু আমি বলছি—না, যাওয়া হবে না।

উচ্ছ্বসিত রোমে সুলেখা বলিল :—একথা বলবে তা' আমি জানি। কিন্তু এখুনি যদি সেই নার্স মার্গী এসে বলত, চলুন, বায়োস্কেপে যাওয়া যাক, তা' হ'লে বিনা দ্বিধায় মোটরে উঠে গায়ে গা ঠেকিয়ে বসে হয় ত গাড়ীতে 'স্টার্ট' দিতে বলতে।

অভয় হঠাৎ যেন একটু দমিয়া গেল। পরে সামলাইয়া লইয়া বলিল : দেখ, বড্ড 'লিমিট' ছাড়িয়ে যাচ্ছ। আমি কিছু শুনতে চাই না। তোমার কোথাও যাওয়া হবে না এখন। যেতে হয় কাল আমার সঙ্গে যেও।

হঠাৎ কোচ্ ছাড়িয়া লাকাইয়া দাঁড়াইয়া সুলেখা বলিয়া উঠিল : তোমার মতো অমন সঙ্গীর্ণ মনের লোকের সঙ্গে



যাওয়ার চাইতে আমার মতে শুধু বায়োস্কোপে কেন, কোন যায়গাতেই না যাওয়া ভালো।—বলিয়া রিষ্টওয়াচটা খুলিয়া টেবিলের উপর সজোরে ছুঁড়িয়া দিয়া ঘরের বাহির হইয়া গেল। ঘড়িটি অভয়ের গায়ে লাগিয়া টেবিলের উপর ছিটকাইয়া পড়িল।

পত্নীর আচরণে নিতান্ত ক্রুদ্ধ হইয়া অভয় 'গুম' খাইয়া বসিয়া রহিল,। পরে দাঁতে দাঁত চাপিয়া বলিল :—যাবার মত দিলেই খুব বড়-মনের লোক হতুম নিশ্চয়।...পর মুহূর্তে কি ভাবিয়া প্যাড্ মুড়িয়া একটা কোট টানিয়া গায়ে দিতে দিতে বাটীর বাহির হইয়া পড়িল।

\* \* \*

স্বলেখা ছাদের হাতায় বারান্দায় দাঁড়াইয়া সমস্ত দেখিল। সে উপস্থিত থাকিলে এবং তাহারই চোখের সম্মুখে স্বামী এইরূপ অবহেলা দেখাইয়া চলিয়া যাইবে, ইহাকে কিছুতেই তার মন প্রশ্রয় দিতে চাহিল না—সে কিছুতেই সহ্য করিতে পারিল না।

তাহার বিবাহের প্রায় একবৎসর পূর্বে তাহার মাতুল অজিত ম্যাট্রিক পাশ করিয়া উচ্চ শিক্ষার্থ বিলাতে গিয়াছিল—দীর্ঘদিন পরে প্রবাস হইতে আজ ঘরে ফিরিয়াছে। তাহার নিকট যাইবার জন্যই স্বলেখা প্রস্তুত হইয়া আসিয়াছিল। মাঝে হইতে হঠাৎ কি হইয়া গেল! কিন্তু মুহূর্তে সে নিজেকে স্থির করিয়া লইল। এই অজিতকে কেন্দ্র করিয়াই সে স্বামীকে সমুচিত শিক্ষা দিবে মনস্থ করিয়া অজয়কে একখানি গাড়ী ডাকিতে বলিয়া দিল। অজয়ের নিকট এ সম্বন্ধে সে কোন কথা লুকাইল না এবং তাহাকে এখনি মাতুলালয়ে রাখিয়া আসিতে হইবে এ কথা-ও বলিল।

দাদাকে অজয় যথেষ্ট ভয় করে। অথচ, বৌদিকেও কম ভালবাসে না। তাই সমস্যায় পড়িয়া জিজ্ঞাস্ব-নেত্রে সে বৌদি'র মুখের দিকে চাহিয়া রহিল।

তাহার পাঞ্জাবীর একটা প্রান্ত ধরিয়া খেলা করিতে করিতে স্বলেখা সহাস্যে বলিল : ভয় নেই গো, ভয় নেই তোমার। এ-খবরটা, অর্থাৎ, তুমি যে আমায় নিয়ে যাচ্ছ এ-কথাটা যাতে সম্পূর্ণভাবে অপ্রকাশ থাকে, সেই চেষ্টাই

তোমাকে করতে হবে। আমার কাছ থেকে এ খবর কেবলবে না, সে-সম্বন্ধে নিশ্চিন্ত থাকো। তিনি কি নিশ্চয়ই তোমায় আমার কথা জিগেস করবেন, তখন বলা, গাড়ী ডাকিয়ে কোথায় চলে গেছি—রামদাসকে সেইরকম শিখিয়ে যাব। আমার এক মামা বিনে গেছেন এইমাত্র তিনি জানেন—কখনো তাকে চোখে দেখেন নি। তা' ছাড়া, মামা যে ফিরেছে, সে খবরও তিনি জানেন না। অতএব নির্ভয়ে তুমি আমায় পৌঁছে দি যেতে পারো। ট্যাক্সি করে যেতে-আসতে আর ক সময় লাগবে?—অবশ্য তার মধ্যেই যদি উনি ফিরে আসে এবং হাতে-নাতে পথে আমাদের আবিষ্কার করে সে হলো স্বতন্ত্র কথা।

ইহার পরিণাম কি হইতে পারে না ভাবিয়া নিত্য কৌতূহলের বশেই শেষ পর্য্যন্ত অজয় বলিল : যে তা' হ'লে একখানা ট্যাক্সি ডেকে আনি, কি বলুন?

ট্যাক্সি আসিলে কন্যাকে লইয়া, বহুদিনের পুরাতন ভৃত্য রামদাসকে একটু টিপিয়া দিয়া স্বলেখা অজয় সহিত গাড়ীতে চাপিয়া বসিল।

'বউমা'র এই লুকোচুরির কোন হেতু খুঁজিয়া ন পাইলে-ও বৃদ্ধ রামদাস রাজায় রাজায় যুদ্ধের পরিণামে প্রভাব মনে মনে কল্পনা করিয়া শেষ পর্য্যন্ত শূন্য বাড়ি আগ্লাইতেই মনোনিবেশ করিল। দাদাবাবুর জীবন যাত্রার পথে কোথায় যেন একটা খটকা আসিয়া উপস্থিত হইয়াছে বুঝিতে তাহার ছাপায় বছরের অভিজ্ঞ জীবন বিলম্ব হইল না।

\* \* \*

স্বলেখাকে আরো একটু বেশীরকম ক্রুদ্ধ করিবার মানসে একটা জরুরী কাজের অছিলায় ছায়াকে লইয়া ইচ্ছা করিয়া একটু বেশী রাত্রেই অভয় বাড়ী ফিরিল। চির প্রথামত রামদাস দ্বার খুলিয়া দিল।

ছায়াকে দেখিয়া অভয় বলিল : চলুন, আপনি ওপরে বসবেন চলুন। বাইরে ঘরে আর এত রাতে বসে কা নেই। আমি একটু শুধু জলটল খেয়ে নেব। ততক্ষণ আপনি ওদের সঙ্গে গল্প করবেন 'খন।



অপত্য ছায়া তাহাকে উপরে অনুসরণ করিল। স্নেহ উপরেই আছে এবং তাহার কার্য্য-কলাপ দেখিবার নিশ্চয় এখনও জাগিয়াই আছে কল্পনা করিয়া নিত্য অবাস্তবভাবে উচ্চকণ্ঠে অভয় বলিল : নিশ্চয়ই যেন আপনার খুববেশী অসুবিধা হবে না। এই ভ্রুটি খাটুনিটুকু যাতে আপনার পুরোমাত্রায় উত্তল হইতে পারে বাবস্থা কাল করে দেব।...

দ্বার ভেজান ছিল—ঠেলিতেই খুলিয়া গেল। 'সুইচ' পিয়া আলো জালিয়া বিছানার দিকে না চাহিয়াই অভয় করিয়া চলিল : আপনি ততক্ষণ একটু খাটের ওপর বসুন, আর কষ্ট হয় ত, না হয় একটু গড়িয়ে নিন্।—বলিয়া আড়-চোখে বিছানার দিকে চাহিল। আন্তরিক অভিপ্রায় এই যে, তাহাদের আলাপে স্নেহা ক্রোধে ফুলিতে থাকুক। কিন্তু শূন্য শয্যা দেখিয়া হঠাৎ তাহার বুকটা বারেকের জ্ঞান যেন 'ছাৎ' করিয়া উঠিল। সুতর ক্ষুদ্র স্থানটুকুও খালি পড়িয়া রহিয়াছে।

এক মুহূর্ত্তও বিলম্ব না করিয়া ঝড়ের বেগে সে পাশের দরজার অজয়ের অনুসন্ধানে গেল। দ্বার ঠেলিয়া দেখিল, ভিতর হইতে বন্ধ। আরো একটু দমিয়া গিয়া ডাকাডাকি করিয়া তাহাকে তুলিল। তাহার মুখে পত্নীর যে তব্ব সংগ্রহ করিল, তাহাতে সে মোটেই স্নেহী হইতে পারিল না। বৌদি'র ইচ্ছিত মতো অজয় বলিল : অভয়েরই এক বন্ধুর সহিত তাহার যাইবার কিছু পরে বৌদি' বায়োস্কোপ দেখিতে না কোথায় যেন চলিয়া গিয়াছেন।

অভয় তখন ছুটিল ভূত্য রামদাসের কাছে। বেচারী তাহার ময়লা বিছানাটি ঝাড়িয়া-ঝুড়িয়া মাত্র পুনর্বার শয়নের যোগাড় করিতেছে, অভয় ক্রুদ্ধকণ্ঠে জিজ্ঞাসা করিল : ইয়ারে, তোর বৌমা কোথায় ?

কয়েক ঘণ্টা পূর্ব্বের বৌমার সতর্ক বাণী তাহার স্মরণ-পাপ আসিয়া উপস্থিত হইল। বুদ্ধ রীতিমত ভয় পাইয়া থত-থত থাইয়া বলিল : তিনি মোটরে করিয়া চলিয়া গিয়াছেন, সব বে কোথায় গিয়াছেন, তাহা সে সঠিক জানে না।

সংবাদ শুনিয়া অভয় একেবারে নিরাশ হইয়া পড়িল। বৌদি'র সংবাদ-পড়ে মেয়েদের দুঃসাহসের ধরূপ নমুনা সে

আজ কয়দিন হইতে পাইতেছে, তাহাতে স্নেহা সম্বন্ধে কতগুলি কুচিন্তা আসিয়া একযোগে তাহাকে অস্থির করিয়া তুলিল।

\* \* \*

মাতুল হইলেও অজিত স্নেহা অপেক্ষা বয়সে কয়েক মাসের ছোট। তাই তাহাদের সম্পর্ক ঠিক মামা ভামীর মত ছিল না; অর্থাৎ, কথাবার্তায় আচরণে তাহারা ঠিক সমান নিয়ম মানিয়া চলিত না।

খাওয়া-দাওয়ার পর স্নেহা মাতুলকে চাপিয়া ধরিল : মামা, তুমি বিলেত থেকে ঘুরে এয়েছ, আজ বাদে কাল কোন অফিসের বড়সাহেব হয়ে বসবে, তখন ছকুম চালাবার অনেক লোক পাবে, আজ পাঁচ মিনিট মাত্র আমার ছকুম শোন, এই শুধু আমার মিনতি।

তাহার পিঠে আস্তে একটি চাপড় মারিয়া অজিত বলিল : এই ক'বছরেই অনেক কথা শিখে গেছিস স্নেহা—আগে যে মুগ দিয়ে কথা বেরোত নারে তোর ? তা' বেশ, আজ রাত্তিরের জন্মে তুই-ই না হয় আমার মনিব হ'।

হাসিয়া স্নেহা বলিল : রাজী ত ? তবে শোন। প্রথম নম্বর আমাকে এখনি আমাদের বাড়ী পৌঁচে দিতে হবে। পৌঁচে দেবে বটে, কিন্তু সেখানে আজ আমার মামা হ'তে পারবে না। সে খিলখিল করিয়া হাসিয়া উঠিল।

অজিত লাকাইয়া বাধা দিয়া বলিয়া উঠিল : তবে কি তোর চাকর হবে না কি ?

অকুটী করিয়া স্নেহা বলিল : দ্যেৎ ! চাকর কেন হবে ? হবে আমার বন্ধু, যাকে বলে 'ফ্রেণ্ড'।

হাসিয়া অজিত বলিল : ব্যাপার কি বল দিকি ! অভয়কে 'এপ্রিল ফুল'-টুল করবার মতলব করেছিস না কি ? তোর কথা শুনে আমার বিলেতের ঐ দিনকার স্মৃতি মনে পড়ে যাচ্ছে।

বাধা দিয়া স্নেহা বলিল : দোহাই তোমার মামা, সে না হয় আর একদিন শুনব, আজ তুমি আমার কথাগুলো শোন লক্ষ্মীটি।

গভীর হইবার ভান করিয়া অজিত বলিল : বেশ, তাই



না হয় হবে। তবে আমি তৈরী হয়ে নি কি বল? শুধু তোমার 'ফ্রেণ্ড' হলেই হবে ত, না শেষ পর্যন্ত শান্তিস্বরূপ অভয়ের সঙ্গে মল্লযুদ্ধ লাগিয়ে দেওয়ার ব্যবস্থা করেছিস? বিলেতে মেয়েদের যা' সব কীর্তি স্বচক্ষে দেখেচি—

বাধা দিয়া সুলেখা বলিল : ফের বিলেতের কথা? বলেছি না, ও সব কথা আর একদিন শুনব।

\* \* \*

ভৃত্য রামদাসের নিকট হইতে বিদায় লইয়া উৎকণ্ঠা-পূর্ণ চিত্তে অভয় পুনরায় উপরের ঘরে আসিল। ছায়া তখনও খাটের একপ্রান্তে স্থির হইয়া বসিয়া আছে।

এমন সময় অজিতকে লইয়া সুলেখা ধীরপাদক্ষেপে উপরে আসিয়া পাঁচিলের আড়ালে আবছা অন্ধকারে দাঁড়াইল। অভয় ঘরে ঢুকিতেই ছায়া তীক্ষ্ণকণ্ঠে বলিল : দেখুন ডাক্তারবাবু, আপনার কাছে কাজ করছি বলে যে আপনি এমন করে আমায়...এ আমি একবারও ভাবতে পারি নি। পেটের দায়ে এবং স্বার্থের খাতিরে কাজ করতে বেরিয়েছি বলেই যে আপনার স্ত্রী আছেন বলে ওপরে নিয়ে এসে আরায অপমান করবেন, তা' হবে না। আমি আর এক মুহূর্ত এখানে দাঁড়াব না। দরকার হ'লে আপনার ব্যবহারের কথা ওপরওয়ালাকে জানিয়ে চাকরীতে ইস্তফা দেব। তবু—

ঠিক সেই সময় সুপরিচিত খিলখিল হাসির শব্দে তাহার মুখের কথা মুখেই মিলাইয়া গেল।

—আমুন রমেনবাবু, আমার স্বামীর সঙ্গে আপনার আলাপ করিয়ে দিই।—বলিয়া অজিতের হাত ধরিয়া টানিতে টানিতে ঘরের ভিতর আনিয়া উপস্থিত করিল।

অবাক-বিশ্ময়ে ছায়া এবং অভয় তাহার মুখের দিকে চাহিয়া রহিল।

সুলেখার মুখে চোখে যেন হাসি উছলিয়া পড়িতেছে। এ যেন এক অদ্ভুত প্রহসন!

পুতুলের মতো অজিত আসিয়া পাশে দাঁড়াইতেই, অভয় কটমট করিয়া পত্নীর মুখের দিকে চাহিল।

বিন্দুমাত্র না দমিয়া সুলেখা বলিল : ইনিই সম্ভবতঃ

তোমার হাসপাতালের সেই নার্স? তা' রাতদুপুরে ব্যাপার কি, কোন অসুখ-বিসুখ...

খতমতভাবটা একটু সামলাইয়া উচ্ছ্বসিত রোমেই অভয় বলিল : ব্যাপার আমার?—না, তোমার? এ আমি কোনদিন কল্পনাও করি নি সুলেখা!

বিদ্রূপের স্বরে সুলেখা বলিল : কিন্তু করাই উচিত ছিল। অস্তুতঃ, নিজের দিকটা ভেবে দেখলে এ ক্ষণে অত দুঃখ-ও থাকত না।

এতবড় খোঁচাটা নীরবে হজম করা ছাড়া পথ ছিল না। সত্যই বড় দুঃখে অভয় দীর্ঘনিশ্বাস ফেলিয়া বলিল : আজ কার মুখ দেখে উঠেছিলুম জানি না, বিনা দোষে তোমাদের দু'জনার চোখেই আমি অপরাধী হয়ে রইলুম! আমাকে ভুল বুঝে রাগ করে তুমি গেল বন্ধু নিয়ে হাওয়া খেতে, আর ভাগ্যে এত সব ছিল বলেই বোধ করি, আমি-ও তোমাকে আরো রাগাব কল্পনা করে নিতাম অপ্রয়োজনে এমন সময় ঠুকে এখানে এনে হাজির করলুম। তুমি নেই দেখে উনিও...

সুলেখা ধীরে ধীরে অগ্রসর হইয়া বলিল : থাক, আর দুঃখ করতে হবে না তোমায়। দরজার পাশে দাঁড়িয়ে ওঁর সব কথাই শুনেছি, আর শুনে অবধি মনে মনে লজ্জাও পাচ্ছি। তোমার ভুল উনি বুঝতে পেরেছেন, সে জন্ত উনি তোমায় ক্ষমা করবেন। আমার অজিত মামার নাম ত শুনেচ, ইনি আমার সেই অজিত মামা। আজই সকালে উনি বিলেত থেকে ফিরেচেন। দেখা করতে যাবার জন্তে সকালেই আমাদের দু'জনকে নেমস্তম্ন করে গিয়েছিলেন। তুমি ত কোন কিছু না বলে রাগ করে কোথায় যেন চলে গেলে, অগত্যা আমিই নেমস্তম্ন রক্ষা করতে গেছলুম। যাক, এখন তাড়া তাড়ি উঠে একটা বড় গোছের পেট্রাম করে ফেলো দিকি!

অবাক-বিশ্ময়ে অভয় অজিতের দিকে চাহিয়া রহিল। উচ্ছ্বসিত হাসিতে ঘর মাতাইয়া অজিত বলিয়া উঠিল : তুই বিলেতের মেয়েদের-ও হার মানিয়ে দিলি সুলি! সাথে কি কবিরী তোদের নাম দিয়েচেন—'সাপের জাত!'

শ্রীকান্তিক শীল



# সন্ধ্যার অতিথি

## শ্রীতারাকুমার সান্যাল

বর্ষন-মুখর সন্ধ্যা। সারা প্রাবৃতীকাশ কাজল মেঘে ছাওয়া। পল্লব ভরে ওঠে বৃষ্টির জলে। আঁকা-বাঁকা হিম্বর্ণ গতি পল্লী-পথ ডুবে যায়। দমকা হাওয়ায় তরু-শীর্ণ ঝপ—প্রথম-প্রায় ভীকু কুমারীর মত।

সে ভূর্যোগে অপরিমীম এক শূন্যতা কঁাদে বাইরের আকাশে বাতাসে। আলো কোথাও নেই...সব অন্ধকার—তুঙ্গ ভিজে মাটির গন্ধ ভেসে আসে সজল বাতাস বেয়ে। প্রলয়ের দূত যেন নেমে আসে এতদিনের পৃথিবীকে চূর্ণ-বিচূর্ণ করে দিতে তার নির্দিষ্ট গ্রহণ দিয়ে। মাতৃয়ের সমস্ত কণ্ঠস্বরও শোনা যায় না সেদিন।

কবিগুলোর ওপর রাগ হয়। এর মধ্যে সৌন্দর্য্য তরু খুঁজে পায় কোথায়। এর চেয়ে কোলকাতা ত' তের ভাগ—থাকুক সেখানে পাটের কল,—থাকুক বাড়ীর পাশে বিরাট কারখানা,—তবু মৃত্যুর মত এমন নীরবতা সেখানে নেই—এমন ভয়াবহ স্তব্ধতা নেই—এমন সীমা-হীন শূন্যতা নেই।...

ধীরে ধীরে ডাকি—ছলারীর মা, চায়ের জল চাপিয়েছ কি?—উত্তর আসে—না বাবু; ছলারী না ঘুমোলে ত' হবার উপায় নেই। কিন্তু ছলারী ঘুমোয় না। অগত্যা বলে উঠি—ওকে আমার কাছে দিয়ে তুমি চা করো।

ছলারী আসে। ছোট একটা ছেলে। চুল-গুলো গভীর কালো—শিশু-স্বলভ সারল্য সারা মুখে ছড়িয়ে যায়। তাকে বসিয়ে দিই ছোট চৌকীখানার 'পরে—যেখান হতে দেখা যায় বাইরের বিরাট, কালো আকাশটাকে—জানলার গরদ ধরে সে দাঁড়ায় তার কচি পায়ে ভর করে। বাইরে তখন চলে ভৈরবের প্রলয় লীলা। ঝাউ-গাছগুলো ঝড়ে ভিজে যায়,—নারকেল গাছ ছলে ওঠে—সে তাই দেখে নিশ্চলক নেত্রে।

ঘরের মধ্যেটা পুঞ্জ অন্ধকারে ভরা। ধীরে ধীরে উঠে

আলো জ্বলি,—সারা ঘর সে আলোয় হাসে। রাত জাগা একটা পাখী কঁাদে ওঠে সন্ধ্যার সুরে—সে সুর দূর হতে দূরান্তরে মিলিয়ে যায়।

ঝিমুনি লাগে আমার তন্দ্রালস চোখে। পেছন ফিরে বসি। স্তব্ধতায় সে ঘর ভরা—কেবল ছলারীর চকলতায় সে স্তব্ধতা ভেঙ্গে যায় মাঝে মাঝে। দু' তিনটে মিনিট কেটে যায় এই ভাবে।

হঠাৎ ছলারী যেন ডুকরে কঁাদে ওঠে—কে যেন তার কণ্ঠ-রোধ করে। সে অক্ষুট তীব্র আর্ন্তনাদ কঁাদে বেড়ায় আকাশে বাতাসে।

আমার তন্দ্রা ছুটে যায়—নিমিষে পেছন ফিরি। কিন্তু একী! কার অদ্ভুত কালো ছায়া-মুষ্টি চলে বেড়ায় যেন। কে যেন জানলার কাছ ঘেসে দাঁড়ায়—কার দৃঢ় ভুজ বন্ধনে যেন ছলারী কঁপে ওঠে। দু'খানা হাত জান্না দিয়ে এসে তার কণ্ঠ রোধ করে যেন।...বুঝি অশরীরী কোনও প্রেতাশ্বা এ। আশঙ্কায় আমার মুখ শাদা হয়ে যায়—কাগজের মত। তবু সাহসে ভর করে বলে উঠি—কে ওখানে...?

লাঠানের খানিকটা মুহূ আলো বাইরে বিকীর্ণ হয়। সে ক্ষীণালোকে দেখা যায়—স্পষ্ট এক মাতৃয়ের মুখ—কোঠরাগত নিশ্চিন্ত তার চোখ জলে ওঠে অস্বাভাবিক ঔজ্জল্যে—লম্বা চুল,—মুখের শ্রী নষ্ট হয়ে যায় অসংখ্য গৌল-দাড়িতে। সে মুখখানা হেসে ওঠে। বলে—অতিথি,—ভেতরে যেতে পারি কি?

আমার প্রায়-স্পন্দন-হীন বক্ষ আবার সজাগ হয়ে ওঠে এই সামান্য কথায়। অস্পষ্ট কম্প-স্বরে বলে উঠি—আমুন। সে প্রবেশ করে ধীরে ধীরে। ভিজে লম্বা চুল বেয়ে জলধারা গড়ায়। একগাল হেসে সে বলে—জান্নী-পাড়ায় যাব মশায়! দু'কোশ বই ত' নয়—কিন্তু



যে ঝড় জল—যেতে আর দিলে কই, তার উপর  
অঙ্ককার...

অশরীরী প্রেতায়া তবে নয়, মানুষ, আমারি মত  
মানুষ সে...আমারি মত জাগ্রত হৃৎপিণ্ড তারও অন্তরে  
কম্পিত হয়। দুঃখে-সুখে আমারি মত কাঁদে, হাসে—  
আমার মত বিস্মিত হয় ওঠা-নামার বৈচিত্র্যে। আঃ, কী  
তৃপ্তি! অনাবিল আনন্দে বুক ভুলে ওঠে। নিঃসঙ্গ জীবনে  
দুঃখ কথা কইবার সঙ্গী পাই। ঝিমিয়ে-আসা মন ক্ষণিক  
সঙ্গ লাভের আনন্দে উৎসাহ-শীল হয়ে ওঠে। ভাবি কত  
ভুলেই না ভরা মানুষের এই চোখ। সারা দেহে  
আনন্দের হিম্মোল বয়ে যায়।...

হেঁ, হেঁ, বিড়ি আছে মশায়—সে বলে ওঠে।

উঠে বসি, সিগার-কেশটা এগিয়ে দিই। বলি—তা’  
ভিজ্ঞে জামাটা খুলে টাঙ্কিয়েই দিন্ না—শুকোণ্ ততক্ষণে  
—তুলারীর মা, চা তোমার হল, দু’কাপ নিয়ে এস  
শীঘ্রি।

এঁা, চা। তা’ ভাল মশায়—বলে সে চারিদিকে  
চায় চঞ্চল ভাবে। ছেলেটি কী আপনার—তুলারীকে  
নির্দেশ করে সে বলে ওঠে।

আজ্ঞে না,—বাড়ীর ঝির,—আমি বিবাহই করি নি।

করেন নি...বেশ, বেশ মশায়...করবেনও না। ওর  
মত পাপ ছুনিয়াতে আর নেই। শেষে আমার মত  
অবস্থাও তা’ হতে পারে বিয়ে করে...তা এ কি আপনার  
বসত বাড়ী? সে বলে ওঠে।

আজ্ঞে না, আমার বাড়ী কোলকাতায় কালীকিষণ  
লেনে। হুপ্তাখানেক হল বদলী হয়ে এসেছি এখানে।

তুলারীর মা ঘরে ঢোকে—চায়ের পেয়ালা নিয়ে।  
বলে উঠি—তুলারীকে ভেতরে নিয়ে যাও—এখানেই হয় ত  
ধুমিয়ে পড়বে।

হেঁ, হেঁ, আমার একটা ছেলে ছিলো মশায়—ঠিক ওই  
রকমই—তাই তো ওকে আদর করছিলাম বাইরে থেকে  
—কিন্তু কৈদে ফেললে ও ভয় পেয়ে। শুনবেন আমার  
কাহিনীটা—সে বলে ওঠে। দু’চোখ তার জলে ভরে  
যায়—কপোল বেয়ে গড়িয়ে পড়ে সে অশ্রু-ধারা।

সহানুভূতির স্বরে বলি—শুনবো, কিন্তু চা-টা জড়িয়ে  
যেতে পারে,—আগে খেয়ে নিন।—

অতিথি শুরু করে—

পাগল আমি নই মশায়, কিন্তু এ তারি পূর্নাবস্থা।  
পাগল হলে কোনও কষ্ট থাকে না মানুষের—সব সে ভুলে  
যায়, নিজের নামও। ভোলার নেশা তাকে পেয়ে বসে।  
কিন্তু এ অবস্থাটাই বড় ভয়ানক,—তা হোক, হেঁ হেঁ,  
শুনুন মশায়।

জাদীপাড়ায় আমার বাড়ী ছিল। বাপ কিংবা মা  
কেউ তখন বেঁচে নেই। এত বড় পৃথিবীতে আমি তখন  
একা, নিতান্তই একা, সম্বল কিছু নেই—খাকার মধ্যে ছিল  
অকৃত্রিম বন্ধু সলিল, অবস্থা তার ভালই। হাত পেতে  
দাঁড়ালাম তার কাছে।

বিমুখ আমায় করলে না—সে যাত্রায় বেঁচে গেলুম তার  
সাহায্য আর অনুকম্পা পেয়ে—মনে মনে তাকে অনেক  
ধন্যবাদ জানাই।

ছোটো বছর কেটে যায়। আমার অবস্থার উন্নতির  
শুরু হল। অমনি ছুটে এল পাড়াপড়শীর দল। বিয়ের  
জন্তে তাগিদ শুরু করে নিত্যই। ভাবি—কথাটা মন্দ নয়  
—একঘেয়ে জীবনে বৈচিত্র্য কিছু দরকার—তা চাই  
রোগ-দুঃখে দেখবে কে?

সলিল মেয়ে দেপে আসে,—পছন্দও হয়।

ফাস্তুনেই শুভপরিণয় শেষ হয়ে যায় চাঁপাডাওয়ার  
যমুনার সঙ্গে।

তারপর কী সুন্দর আর মধুর লাগলো এই  
জীবনটাকে। জীবনকে সুন্দর করে দেখা সেই আমার  
প্রথম আর সেই আমার শেষ। দিনগুলো আনন্দেই  
কাটে। সলিলকে ভুলি নি তা বলে। সে প্রেতাই আসে  
আমার কাছে আর কলহাস্তে আমাদের বাড়ী আনন্দ-  
মুখর করে তোলে। তার সরল অকৃত্রিম ব্যবহারে  
যমুনারও ভালবাসা গিয়ে পড়ে তার ওপর।



সলিল বলে ওঠে,—আচ্ছা বৌদি, যেদিন তোমায় দেখতে যাই অমন করে হেসে পালালে কেন?

কি জানি কেন যমুনার মুখ আরক্ত হয়ে ওঠে।

সে তামাসায় আমিও যোগ দিই,—বলি,—জানিস না কি, বর চিনতে যে তোর বৌদি ভুল করেছিল। সলিল হাসে,—আমিও হাসি। যমুনা কিন্তু চটে যায়। রাগে চোখ দুটো লাল করে আমার দিকে তাকায়—কী সুন্দর দেবী!

এমনি হাসি-তামাসার মধ্যে দিয়ে দুটো বৎসর গড়িয়ে যায়।

একদিন আমার এক পুত্র-সন্তান ভূমিষ্ট হয়। মনোমগ্ন আনন্দে দেহের তন্ত্রীগুলো বেজে ওঠে। শিশু বেড়ে শশীকলার মত। কত রঙীন কল্পনা দোলা দেয় মনে। আমি বলে উঠি—যমু, পূজো ত আসছে, খোকাকে কিছু পোষাক নিয়ে আসি কোলকাতা থেকে, দু একটা কাপড়ও সেরে নেব অমনি। সে মায়া দেয়। পরের কক্ষণেই বেরিয়ে যাই। কিন্তু ছুদও তিষ্ঠতে পারি না দেখানে—খোকার মুখটা বারবার মনে পড়ে যায়। তার মনে-আধো ভাষা কানের চারপাশে বাজতে থাকে মিষ্ট ধ্বনি। অগত্যা ফিরেই আসি দুদিন পরে।

রাঙামাটির পথ বেয়ে চলি। রাজচিহ্ন ঘেরা আমার ঘোড়াটা দেখা যায়। ভাবি—যমুনা হয় ত' তুলসীমন্ডে প্রদীপ জ্বালয় এখন। খোকা জেগে আছে হয় ত'—আমায় দেখে ঘুম ছুটে আসবে মাতালের মত অসংলগ্ন পা ফেলে।

ঘরে বীরে বাড়ীতে প্রবেশ করি, নিখর, নিষ্পন্দ সব। কীট নিমিষে কঁপে ওঠে। ডাকি—যমু। উত্তর আসে না। কেবল প্রতিধ্বনি আমায় ব্যঙ্গ করে। সন্ধ্যার তিমির হাহারবে গড়াগড়ি দেয় শূন্য প্রাঙ্গণের পরে। সীমাহীন রিক্ততা গুমরে কঁাদে জমাট অন্ধকারের মাঝে।

কথাগুলো শেষ করে অতিথি হাঁপিয়ে ওঠে। কণ্ঠস্বর ভারী হয়ে যায়। সজল চোখের ছবিন্দু অশ্রু গড়িয়ে পড়ে শিশির শিশিরকণার মত।—কই, জল ত ধরলো না এখনও,

—ধরবেও না বোধ হয়;—হেঁ হেঁ, যদি অমুমতি করেন ত' এখানেই আজকের রাতটা—সে বলে ওঠে।

ঘড়িতে তখন নটা বাজে।

আমার মনও সহানুভূতিতে ভরে যায়। বেশ ত' আপনার অসুবিধে না হলে মাঝের ঘরটা ছেড়ে দিতে পারি—ওই যে ছলারীর মা'র পাশের ঘরটা,—কিন্তু তারপর কি হল,—আমি জিজ্ঞাসা করি।

—তারপর হেঁ, হেঁ,...বুঝতে পারেন নি বুঝি, আমার অকৃত্রিম বন্ধু সলিলের সঙ্গে সে পালিয়েছে—আমার খোকাকে নিয়ে। কত খুঁজেছি আমার খোকাকে,—কিন্তু আজও পাই নি। এবার কান্না রোধ করবার সামর্থ্য তার থাকে না। ছোট ছেলের মত হাউহাউ সে কঁাদে।

রাত গভীর হয়ে ওঠে। মাঝের ঘরে বিছানা পাতা হয় নবাগতের জন্তে। আমার চোখ ঘুমে ভারী হয়ে আসে। শুয়ে শুয়ে ভাবি এই অরম্ভদ জীবনেতিহাস। ভাবি—সংসারে এমন অনেক লোকই আছে—গভীর আঘাতের সংস্পর্শে এলে যারা প্রায় পাগল হয়ে ওঠে। একটু স্নেহ-অনুকম্পার প্রত্যাশী হয়ে যারা ঘুরে বেড়ায়, কিন্তু কে খোজ রাখে তাদের। ভাবতে ভাবতে ঘুমিয়ে পড়ি কখন।

ভোরের সোণালী রোদে তখন ঘর ভরে ওঠে। বিহঙ্গ কলকণ্ঠে মুগ্ধ হয়ে ওঠে চারদিক। গত রাতের দুর্ঘ্যোগের স্মৃতি মনেও থাকে না। কী একটা কোলাহলে জেগে উঠি। ঘুম ভেঙ্গে যায়। কার গেন কাতর ক্রন্দনে বায়ু-স্তর ভারী হয়ে ওঠে।

তাড়াতাড়ি ছুটে যাই। এ কণ্ঠস্বর ছলারীর মা'র। আমার মাথা ঘুরে যায়—শিরায় শিরায় রক্ত ছোটো। কী বীভৎস, কী করুণ সে দৃশ্য! কে ছলারীকে যেন কণ্ঠরোধ করে মেরেছে। আঙ্গুলের রেখাগুলো ত' স্পষ্ট ফুটে ওঠে। ছলারীর মা কঁাদে অঝোর দারায়।

মাতালের মত টলতে টলতে বেরিয়ে যাই। অনেক



লোকজনে সে স্থান ভরে যায়। পারলেন না মশায় ধরে রাখতে—ইনসপেক্টর বলে ওঠে আমায় দেখে।

বিমূঢ়ের মত ভিজ্ঞাসা করি,—কাকে ?

কেন, পাগ্‌লা পাতঞ্জলকে,—রামদীন,—কটা খুন করুলো একে নিয়ে ? পাঁচটা না ?—ইনসপেক্টর বলে ওঠে।

—হ্যাঁ বাবু পান্ঠো—মল্লিকবাবুকে লেডকা ; এক,—পঞ্চানন বাবুকে ; দো,—আউর...

চৈচিয়ে উঠি—পাগলা পাতঞ্জল !—কে সে ?

—চেনেন্‌ না তাকে, মাথায় লম্বা লম্বা চুল,—বাঁদিকের জ্বর ওপর কাটা দাগ। ক্রোশ ছুয়েক উত্তরে থাকে। লোকে বলে তার একটা ছেলে ছিলো—ভালবাসতো তাকে প্রাণের চেয়েও—তারই বউ না কি ছেলেটাকে নিয়ে পালিয়ে যায়—সেই শোকে সে পাগল। কথা-বার্তায় বোঝবার উপায় নেই কিন্তু। বেশ কথাবার্তা কইবে। কিন্তু ছেলেপুলে দেখলেই ওই রকম ভাবে মেরে রাখে—খুনের নেশা জেগে ওঠে। নিজের ছেলে হারিয়েছে, অপরের দেখলে হিংসে হয়—তাই ভাবে এদেরই বা থাকে কেন তবে।...চেনেন্‌ না বুঝি তাকে ? ইনসপেক্টর বলে ওঠে।

—চিনি, আমি তাকে চিনি—এ ত' পাতঞ্জল নয় এ যে আমার সন্ধ্যার অতিথি ! ঝড়ের বেগে ছুটে যা মাঝের ঘরে। হাহা করে ঘর-খানা হেসে ওঠে।... অতিথি নেই।

গত সন্ধ্যার একটা ছবি ভেসে বেড়ায় আমার চোখে সামনে—

দুলারী দাঁড়িয়ে থাকে জানুলার ধারে—নীরব নিম্পন্দ সব...বাইরে ঝড়বাতাসের তুমুল মাতামাতি কার কালো ছায়া-মূর্তি ঘুরে বেড়ায়—প্রকাণ্ড ছ'খানা হাত এগিয়ে আসে তার কণ্ঠরোধ করতে।

আমার মাথাটা ঘুরে ওঠে। বিশ্বয়ে নির্বাক হয়ে তাকিয়ে থাকি অর্থহীন ভাবে। শুধু দুলারীর মার অন্তর্ভেদী কাঁদনের স্বর আমার কানের চার পাশে বেজে ওঠে—ফিরে আয়, তুই ফিরে আয় ... !

শ্রীতারাকুমার সাহা





## চোর

### শ্রীকালীপদ চট্টোপাধ্যায়

নিরুপম নিশীথের কালো অন্ধকার। পল্লীপ্রান্তের নিরানু কুটীরখানি সেই কৃষ্ণতায় নিজেকে ঢাকিতে পারিয়া একটু স্বস্তির নিশ্বাস ফেলিতে পারিয়াছে। যাহোক তবু, কয়েক ঘণ্টার জ্ঞাও নিজের জীর্ণ দরিদ্র দেহখানিকে লোকচক্ষুর ব্যর্থ কুটিল করুণা হইতে—তাচ্ছিল্যের—নিন্দার করুণা হইতে সে বাঁচাইতে পারিল তো।

যদি ভাবা যায় যে, ওই ঘরখানির ভিতরে পাতা আছে এক শয্যা, না ভাবিয়া যার বিশেষণ দেওয়া যায় 'দুঃখফেন-নিভ', আর সেই শয্যার কোলে নিঃস্বপ্ন নিদ্রায় রহিয়াছে কোনো এক খেয়ালী লক্ষপতি, তবে তা হবে খাপছাড়া বলনা। এবং সত্যই যদি তাই হয়, তবে সে হয় রীতিমত 'রোমান্স'।

কিন্তু কুটীরের ভিতরের বিনিত্র বেকার যুবকটি—আপনার রূপের এবং অর্থের অতি দৈন্ত লইয়া রোমান্সের স্বপ্নও কোনোদিন দেখার দুঃসাহস সে করে না।

দীনেশের ঘুম পাইতেছিল না। পাওয়া অসম্ভব। দুইদিন ধরিয়া উদরে শুধু মাত্র সলিলের শূন্যতা লইয়া ঘুমাইতে কেহ পারে? দুইদিনই,—আজ রাত্রিটা কাটিয়া গেলেই পরিপূর্ণ দুইদিন সে উপবাসী। পরশু রাত্রে নিজের শেষ পয়সাখানি দিয়া সে চিঁড়া কিনিয়া খাইয়াছে। মুড়ি নয়—মুড়কী নয়—চিঁড়া, কারণ তা বেশীক্ষণ পেটে থাকিবে।

কিন্তু এক পয়সার সে চিঁড়া কোন্‌কালে পেটের আগুনে নিঃশেষে দগ্ধ হইয়া গিয়াছে। তারপর যতবার হুধার তীব্রতা অসহ্য হইয়া পড়িয়াছে, ততবারই সে শুধু জল খাইয়াছে—শুধু জল। আর কিছু না। এই জল পাওয়ার জন্য ভগবানকে যত দিয়াছে, তার বেশী ধন্যবাদ দিয়াছে সে পুকুরের মালিককে। কারণ জলের জন্য তিনি

পয়সা নেন না। নেন না কেন? দীনেশ বিস্মিত হয়। এবং তার চেয়েও বেশী করিয়া সে ধন্যবাদ দিয়াছে দেশের শাসককে, কারণ জলের উপর 'ট্যাক্স' বসাইয়া পুকুরের মালিককে তার দার দাম নিতে তিনি বাধ্য করেন নাই। অসীম দয়া!

পুকুর যার দয়া তাঁর সত্যই আছে। তা না হইলে নিজের ভুখাকাতর দেহখানিকে দীনেশ রাখিত কোথায়? অনেক জায়গায় ব্যর্থ ঘুরিয়া এখানে আসিয়া মাসিক তেরো টাকা মাহিনায় কাপড়ের কলের কুলি-গিরিটি জুটাইতে পারিয়া তারী ভাবনায় সে পড়িয়া গিয়াছিল, থাকিবে কোথায়।

এ ভদ্রলোক তখন তাঁর শূণ্য বাগানবাড়ীর জীর্ণ কুটীরখানি তাকে থাকিতে দিয়াছেন। দীনেশ বসিয়া গিয়াছে। দুইমাস হইল চাকরীটি তার নিতান্ত বিনা কারণেই গিয়াছে। কর্মচারী কমাইয়া মিলের কর্তৃপক্ষ ধরচ কমাইয়াছেন। হাজারো টাকা যেখানকার আয়, মাসিক তেরো টাকা বেশী ধরচ করিয়া দীনেশকে প্রাণে বাঁচার সুযোগ দিলে কি এমন ক্ষতি তাঁদের হইত, তা সে বুঝে না।

গত কালও সে ম্যানেজারের সঙ্গে দেখা করিয়াছে। তিনি তাঁর পুরাতন পরিচিত বহু-উচ্চারিত সেই জবাব দিয়াছেন, চাকরী খালি নাই এবং সম্বর-ভবিষ্যতে খালি হওয়ার সম্ভাবনাও একেবারে নাই। দীনেশ সারা দিনের উপবাসী, তা শুনিয়াও চারটি পয়সাও তাঁর হাতে উঠে নাই।

যাদের আছে তাঁরা, যাদের নাই তাদের উপরে এত নির্দয় কেমন করিয়া হইতে পারে! আশ্চর্য! পেটের ক্ষুধার নাড়িতুঁড়ি যখন জলিয়া পুড়িয়া থাকে হইয়া যাইতেছে, তখনো মুখ ফুটিয়া লোকের দ্বারে তিকা চাওয়ার মত



দুঃসাহস কেন সে করিতে পারে না, একথা ভাবিয়াও দীনেশ কম বিস্মিত হয় না।

আজিকার সন্ধ্যা পর্য্যন্তও কাহারো কাছে সে হাত পাতিতে পারে নাই, হয় তো ক্ষুধার দাহন সীমা ছাড়াইয়া যায় নাই বলিয়াই। এখন, কোনো লোকের দেখা মিলার সম্ভাবনা এখন নাই। থাকিলে, এ অবস্থায় দীনেশ হয় তো যার তার কাছে হাত পাতিয়া বলিতে পারিত,— একটা পয়সা দয়া করে আশ্রয় দিন, থিদেয় আমি মরে যাচ্ছি। কিন্তু জনহীন রাতে কোথায় মাছুয়। ভিখারী আসার সম্ভাবনাই বা কোন পুণ্যকামী এখনো জাগিয়া আছে? কেহ নাই।

উঃ! আর সে পারে না। ক্ষুধায় সে মরিয়া যাইতেছে। তাই বা যাইতেছে কই? মরিলে তো বাঁচিত সে, বাঁচিত।

কষ্টে সে বিছানার উপর উঠিয়া বসিল। অন্ধকারে হাতড়াইয়া হাতড়াইয়া ঘরের কোণে গেল। মাটির কলসীতে জল আছে। এক গেলাস ঢালিয়া লইল। ঢক ঢক করিয়া নিঃশেষে গিলিয়া ফেলিল। পেটের ভিতর একটা মোচড় খাইয়া গেল। এবং একটু পরেই বমি হইয়া সব জল বাহির হইয়া গেল। মাথা ঘুরিয়া উঠিল। ভগবান! জল, বিনা পয়সার জল তার পেটে থাকিবে না?

দীনেশের ভয় হইল। সত্যিই সে মরিয়া যাইবে? অথচ একটু আগেই সে মনে করিয়াছিল, মৃত্যুর চেয়ে বড় কাম্য এ অবস্থায় তার আর থাকিতে পারে না কিছু।

হতভম্ব হইয়া কতক্ষণ সে বসিয়া রহিল। কিছুই ভাবিতে পারিল না। মাথার ভিতর কতগুলি পোকা যেন কিলবিল করিয়া ঘুরিতেছে। নড়িবার কোনো চেষ্টাও সে করিল না। হাত-পা ছাড়িয়া বসিয়া রহিল।

জল, শেষে জলও সে খাইতে পারিবে না?

আবার একগ্লাস জল সে ঢালিল। ধীরে ধীরে একটু একটু করিয়া খাইতে লাগিল। তার মনে হইয়াছিল একবার যে, খালিপেটে অতগুলি জল একেবারে খাইয়াছিল বলিয়াই বমি হইয়াছে। ধীরে ধীরে সবটুকু জল

সে খাইয়া ফেলিল। তারপর চূপ করিয়া বসিয়া রহিল, এবারে অবস্থাটা কিরূপ দাঁড়ায় তাই অনুভব করিতে চাহিল। নড়িল না। পাছে নড়াটাই যদি বমি হওয়ার একটা কারণ হইয়া দাঁড়ায়। ওই জলটুকুকে তার সবখানি চেষ্টায় পেটের ভিতর জমাইয়া রাখিতে চাহে। বাঁচিতে চাহে সে।

কতক্ষণ কোনো উপদ্রব দেখা গেল না। একটু পরেই কিন্তু পেটে মৃদু বেদনা সে অনুভব করিল। সে উঠিয়া দাঁড়াইল। বিছানায় আসিল। পেটের তলায় বালিশ চাপা দিয়া উপুড় হইয়া শুইয়া পড়িল। তাতে একটু আরাম পাওয়া গেল। ক্রমে ব্যথাটা আর বোধ হইল না এবং দীনেশের দুটি চোখ পাতলা একটু ধূমের আমেজে মুদিয়া আসিল।

কতক্ষণই বা? পনেরো মিনিট। তারপরই সে জাগিয়া গেল। কেমন অস্বস্তি বোধ করিয়া সে উঠিয়া বসিল। হঠাৎ আবার বমি হইয়া সবগুলি জল পড়িয়া গেল। বিছানা ভাসিয়া গেল। একটু সামলাইয়া নাচে নামিবার অবকাশটুকুও সে পাইল না।

বমি করিয়া দীনেশ হাঁপাইতে লাগিল। ইচ্ছা হইল চীৎকার করিয়া কাঁদিয়া উঠে। সত্যি কি বাঁচিবে না? কি খাইয়া বাঁচিবে?

কি করিবে—এখন সে করিবে কি? কি করা উচিত? কে বলিয়া দিবে। কিছু ভাবিয়া স্থির করার মত অবস্থা নয় তখন।

অনাহারে মৃত্যু কি রকম? আর কতক্ষণ পরেই তার দেহটি নিঃসাড় হইয়া পড়িবে না কি। তারপর হয় তো নিঃশ্বাসও পড়িবে না। পরদিন যদি কেহ কোন কাষে আসে এদিকে, তবে আবিষ্কার করিবে যে দীনেশ মরিয়াছে। তারপর তার মৃতদেহটিকে গোর দেওয়া হইতে পারে অথবা গঙ্গায় ভাসাইয়া দেওয়া হইবে হয় তো। আর, কেহ যদি না দেখিতে পায়, তবে তার শবদেহটি এই ঘরের ভিতরে—এই বিছনার উপরে পচিয়া গলিয়া থাকিবে। শিয়াল কুকুরে মহাআনন্দে তা কাড়িয়া ছিঁড়িয়া খাইবে।



দৃশ্যটি কল্পনা করিতে তার সারা শরীর কাঁটা দিয়া উঠিল।

মা বাবা দীনেশের নাই। ভাইবোন আত্মীয়স্বজন নাই এখন হয়তো ভাবিয়াই পাইতেছে না যে, কেন সে দুইমাস ধরিয়া টাকা পাঠান বন্ধ করিয়াছে। চাকরী যাওয়ার পরে সে একখানি চিঠিও বাড়ীতে লেখে নাই। নিশিয়া লাভ নাই। তার বেকারত্বের দুঃখ বুঝার কেহ সেখানে নাই।

কিন্তু এমন করিয়া সে মরিতে পারে না। অসম্ভব। আর সে এমনই বা কেন? নিজের উপরে তার রাগ হইল। পেটের ক্ষুধায় যখন মরিয়া যাইতেছে, তখনো লোকের কাছে চাহিতে কেন সে পারে না!

দীনেশ উঠিয়া দাঁড়াইল। কিন্তু এত রাত্ৰিতে সে যাইবে কোথায়? বাজারে খাবার দোকান অনেকক্ষণ বন্ধ করিয়া ফেলিয়াছে নিশ্চয়। গোলা থাকিলেই কি বাকীতে সেখানে খাবার পাওয়া যাইবে? যাইবে না? দোকানদার কি এত নিষ্ঠুর যে, দুই দিনের উপসী জানিয়াও কিছু তাহাকে খাইতে দিবে না।

দীনেশ বাহির হইয়া পড়িল।

দুই দিনের উপবাসী। কি অকর্মণ্য শরীর তার? কত রাজবন্দী যে কত দিন ধরিয়া অনশনে থাকে, তারা তো মরে না। আর দুই দিনেই সে মরিয়া যাইবে?

কিন্তু রাজবন্দীর অনশনে থাকিতে পারে, একটা উত্তেজনা থাকে বলিয়া। দীনেশ কিসের উত্তেজনা লইয়া থাকিলে। উপার্জনহীন জীবনে কোন উত্তেজনা নাই। নিরাশার শীতলতায় এমনি সে মরিয়া থাকে। তাই দুদিনের উপবাসকে সে সহিতে পারিতেছে না।

আর দিনের পর দিন অনাহারে থাকিয়া নাকের ডগায় নিশাসটুকু লইয়া বাঁচিয়া থাকায় তাহার কি লাভ? তার চাইতে কিছু খাবার পাইয়া চাঙ্গা হইয়া উঠিতে পারিলে পাঁচ জায়গায় চাকরীর অনুসন্ধান করিয়া দেখিতে পারে সে।

দীনেশ চলিতে লাগিল। দুর্বল শরীর। পা উঠিতে

চায় না। না, আরো দুর্বল হইলে তার চলিবে না। নূতন চাকরীর খোঁজ তাকে করিতে হইবে।

পথের দুইপাশের বাড়ীগুলি নিঃশব্দ ঘুমন্ত। এসব বাড়ীর লোকগুলি কি নিশ্চিন্তেই না ঘুমাইতেছে। দীনেশের মত দুর্দশায় পড়িয়া ঘুমাইতে পারে না বলিয়া কেহ জাগিয়া নাই।

খাবার দোকানে যাইয়া দোকানীকে হাঁকডাক করিয়া যদি জাগাইয়া তোলা সম্ভব হয়, সে খাবার দিবে কি? যদি না দেয়—

একটা কাঁচা বাড়ীর সম্মুখে আসিয়া দীনেশ দাঁড়াইল। মিলে যখন সে কাজ করিত, তখন এ বাড়ীতে একদিন খাওয়ার নিমন্ত্রণ পাইয়াছিল সে। এ বাড়ীর একটি ছেলেও মিলে কাজ করিত। অল্প মিলে এখন ভাল কাজ সে পাইয়াছে। তার বিবাহে এ মিলের সব বাঙালী কর্মচারীকে সে নিমন্ত্রণ করিয়াছিল।

সেদিনকার ভোজ্যগুলির দৃশ্য মনে ভাসিয়া উঠিতেই দীনেশের ক্ষুধা যেন হাজারগুণ বাড়িয়া উঠিল।

আচ্ছা, ওদেরকে ডাকিয়া জাগাইলে কেমন হয়? জাগাইয়া যদি সে পাইতে চায়, তবে কি দিবে না ওরা? যদি জানায় যে, দুইদিনের সে উপবাসী তবু দিবে না, নিশ্চয়ই দিবে। বাঙালী কি এত নিষ্ঠুর হইতে পারে?

বাড়ীটির চারিদিকে প্রাচীর নাই। কাঁটাতারের বেড়া আছে। বড় বড় কাঁচা ঘরগুলি—করগেট টিনের চাল। অবস্থা মন্দ নয় ওদের। পাকা বাড়ী করিতে পারে শীঘ্রই। বাঁশের তৈয়ারী ফটক খুলিয়া দীনেশ বাড়ীতে ঢুকিল।

কোন দিকে টু শব্দটি নাই। ঘরগুলিও যেন ঘুমাইতেছে। সম্মুখে গিয়াই বাঁদিকে ওদের রান্নাঘর। নিমন্ত্রণে আসিয়া দীনেশ দেখিয়াছে।

ওই ঘরের এককোণে নিশ্চয়ই রহিয়াছে একটি হাড়ী—সে পিতলের হোক আর এলুমিনিয়ামেরই হোক। মাটিরও হইতে পারে। তার আশেপাশে আছে তিন চারিটি



লোহার কড়াই, কয়টি বাটি, হাতা, খুস্তী—এমনি রান্নার সব সরঞ্জাম।

দৃশ্যটা দীনেশ যেন দেখিতে পাইতেছে।

হাড়িটির মুখের ঢাকা খুলিলেই দেখিতে পাওয়া যাইবে চারুটিখানি ভাত তার তলায়। বাঙালীর বাড়ীর হাড়িতে, দীনেশ জানে, একজন লোকের ভাত অন্ততঃ থাকেই। আর একটি কড়াইতে হয়তো ঢাকা আছে একটু তরকারী; আরেকটিতে একটু মাছের ঝোল।

মাছের ঝোল।

দীনেশ ডাকিয়া উঠিল,—কে আছেন বাড়ীতে?

আর না ডাকিয়া সে থাকিতে পারে নাই। কিন্তু ক্ষীণ কণ্ঠ। কেহই সাড়া দিল না। সেই একটুখানি শব্দে নিখর নিশীথ থম্‌থম্‌ করিয়া উঠিল। ভয়ে ছম্‌ছম্‌ করিয়া উঠিল দীনেশের মন। চুপ করিয়া সে দাঁড়াইল খানিকক্ষণ।

ক্ষুধা। তার কাছে ভয় মানিল পরাজয়। ওই ঘরের হয়তো ওই কোণটিতে আছে ভাত তরকারী—

তার মনে আসিল নূতন ভাবনা। না, ওদেরকে ডাকিয়া জাগাইয়া কাজ নাই। এত রাতে ঘুম ভাঙার বিরক্তিতে দীন-বাৎসল্য তাদের যদি ঢাকা পড়িয়াই যায়?

আর একটুও শব্দ না করিয়া দীনেশ পা টিপিয়া টিপিয়া আগাইয়া চলিল—রান্নাঘরের দিকে।

জাগিয়া কেহ নিশ্চয় নাই। থাকিলে তার ডাকে লাড়াই দিত। দীনেশ খাইতে আরম্ভ করিলে কেহ যদি টের পাইয়া যায়? যাইলেই বা। অতখানি ক্ষুধা লইয়া একজন লোক তাদের বাড়ীতে দুটি ভাত খাইতে দেখিলে মনে তাদের দয়ার উদয় হওয়াই তো উচিত। আর তাদের স্বজাতিই দীনেশ।

হাতড়াইতে হাতড়াইতে ভাতের হাড়িতে তার হাত ঠেকিল। পুলকে অন্ধকারে দুটি চোখ তার জলিয়া উঠিল। ভগবান!

আ-স্তে, খু-উ-ব আ-স্তে হাড়ির মুখের ঢাকা সরাইয়া সে ভিতরে হাত দিল। সত্য তার অনুমান। ভাত আছে অনেক।

তরকারী? যদিও এ দারুণ ক্ষুধা লইয়া তরকারীর খোঁজ করা তার পক্ষে সম্ভব নয়; তবু তরকারীর খোঁজ সে করিল। মিলিয়া যায় যদি তো সোনায়ে সোহাগা।

মিলিল। পাশে একটি ধামার তলায় একখানি ছোট রেকাবীতে—এনামেল করা লোহার রেকাবী, তা বুঝা গেল—পাওয়া গেল দুইটি তরকারী। কি তরকারী কে জানে? তরকারী—ভাতকে মুখরোচক করিয়া তোলার দুইটি উপাদান—বাস্!

দীনেশ সেই রেকাবীতেই ভাত তুলিয়া লইল। ক্ষুধা রেকাবীতে যা ধরিল তা ছাড়া হাড়ির মুখের সরায় করিয়াও লইল। তাকে যে অনেক খাইতে হইবে। কি প্রচণ্ড তার ক্ষুধা!

ভাত তরকারী উত্তুনশাল হইতে একটু তফাতে লইয়া রাখিয়া সে খাইতে বসিল।

একটা তরকারী একটু খারাপ হইয়াছে। হোক। খারাপ-ভাল দেখার অবস্থা তার নয়। গপাগপ কয় গ্রাস সে গিলিল।

তৃপ্তি—আঃ, কি তৃপ্তি!

একটু খাবার জল হইলে ভাল হয়। সে এদিক ওদিক চাহিতে লাগিল। কাছেই—হাতের নাগালের মধ্যে কি একটা অন্ধকারে একটু চক্‌চক্‌ করিতে লাগিল। ঘটি বা গেলাস বা এমনি কিছু হইতে পারে। দীনেশ হাত বাড়াইল।

হাত ঠেকিয়া কি কতগুলি বাসন-কোসন পড়িয়া ঝন্‌ঝন্‌ করিয়া উঠিল। তার বুকের ভিতর খচ্‌ করিয়া উঠিল।

—কে—কে! সঙ্গে সঙ্গেই রব উঠিল। বেশী দূর হইতে নয়। সেই ঘরের ভিতর হইতে। রান্নাঘরের যে সে বাড়ীর বি শোয়, তাহা দীনেশের জানা থাকা সম্ভব নয়।

দীনেশ কাঁঠ হইয়া বসিয়া রহিল। ভয়ে সে ছুঁচা



পলাইতেও পারিল না। -মনকে সে বুঝানর চেষ্টা করিল যে, তার অবস্থা জানিলে দয়াই ওদের হইবে। কিন্তু কার দৃষ্টি হাত তার বুকের ভিতরের স্থপিণ্ডটিকে এমন জোরে ঝড়াইয়া ধরিয়াছে, নিশ্বাস তাহার রুদ্ধ হইয়া আসিতে গিয়াছে।

হু—অ—ং করিয়া দিয়াশলায়ের কাঠি জলিয়া উঠিল। রাপড়িল দীনেশ। ঝি প্রাণপণে চীৎকার করিয়া উঠিল, —চোর—চোর! মুহূর্ত্ত কয়েক। তারপরেই হুড়হুড় ধরিয়া বাড়ীর লোক সব ছুটিয়া আসিল।

হাতে হাতে চোর ধরার উত্তেজনা দীনেশের নিজের খাটা কাহারো কানে গেল না। হিড়হিড় করিয়া সবাই দিকে টানিয়া আনিয়া উঠানে। তারপর যে প্রহার চলিল, এমন দুর্বল দেহে তারপরেও মানুষের বাঁচিয়া থাকা দূরত্বের দৃঢ়তার বিস্ময়কর প্রমাণ।

মার খামিতে একজন বলিয়া উঠিল,—এ যেন চেনা চেনা ঠেকছে?

দীনেশের আশা হইল। এতক্ষণে চিনিতে পারিয়াছে যাহোক। আরেকজন লোক আলোটি তার মুখের কাছে

ধরিয়া বেশ করিয়া দেখিয়া বলিল,—এ যে ঠাকুরবাগানের লোকটি হে।

দীনেশের আশা, এবার জোর পাইল। মিথ্যা আশা কিন্তু। একজন মন্তব্য প্রকাশ করিল,—কাপড়ের কলটা হয়ে চোর-ছ্যাঁচোড়ে গাঁ ভরুতি হয়ে গেল দেখছি।

দীনেশের কান ধরিয়া আগের লোকটি বলিল,—চুরি করবার আর জায়গা পাও নি বাপধন। যে গাঁয়ে থাকে, শেষে সেই গাঁয়েই চুরি? চলো এবার থানায়।

দীনেশের এবার আশার ধারা গেল উল্টা দিকে। যাক, জেল যদি হয় তো খাইয়া বাঁচিতে অন্ততঃ পারিবে সে।

প্রবীণ গোছের একজন লোক তখন গল্প ফাঁদিয়াছেন—কেমন করিয়া চোরেরা আজকাল গেরস্তের ভাত আগে মারিয়া পেটঠাণ্ডা করিয়া তারপর চুরি করে এবং কতবড় সেয়ানা আজকাল চোরেরা হইয়াছে—তাই লইয়া।

শ্রীকালীপদ চট্টোপাধ্যায়





## প্রতীকার শেষ

শ্রীপ্রকাশ বসু

পূর্বাঙ্গিগন্তে উদয়োদ্যত রবির মৃদুল আভায় একরাশ সাদা পালকের মতো হালকা মেঘ গোলাপী হয়ে উঠল। ভোরের বাতাস পুষ্প পরিমলে ভরা,—ভোরের আকাশ নিশার শেষ আর প্রত্যুষের মিলন মুহূর্তটির লঙ্কানিবিড় অকর্ণিমায় রঙীন।

অর্ণবের ঘুমের ঘোর তখনো কাটে নি—অন্ত ঘরে কণিকা তার মধুর তরুণ কণ্ঠে প্রভাতী ধরেচে। তার গানের স্বর অর্ণবের তন্দ্রালস কাণে স্বপ্নস্নিগ্ধ মধুরিমায় ভরে উঠছিল, সে ভাবছিল—“যদি পৃথিবীটা শুধু ঘুমে জাগরণে মেশা প্রভাতী গানের স্বরে ভরা হতো—” কিন্তু সন্মুখেই পড়ে আছে দীর্ঘ নিরানন্দ অলস দিনটি। তার মুখে অতৃপ্তি ও ক্লান্তির রেখা ধীরে ফুটে উঠল।

খানিক পরে যখন সে নীচে নেমে এল, তখন কণিকা বিচিত্র চিত্র আঁকা সৌখীন পেয়ালায় চা ঢালছিল; অর্ণব বলে,—“বোদি, আজ সকালে ত বেশ গাইছিলে; আমার ভারি মিষ্টি লাগছিল!”

অর্ণবের দাদা অসিতরঞ্জন ঈষৎ হেসে খবরের কাগজ-খানা নামিয়ে রেখে বলেন,—“তোরা ত ভাল লাগবেই—আমার এদিকে ভোরের ঘুমটা একেবারে মাটি—”

বেচারী কণিকার শুভ্র ললাট অকর্ণাভ হয়ে উঠল; সে বাঁ হাতে অবাধ্য চুলগুলি কাণের ওপর থেকে সরিয়ে দিয়ে, অসিতের পেয়ালা শূন্য দেখে বলে,—“আর এক পেয়ালা ঢেলে দেবো?”

অসিত মৃদু হেসে বলেন,—“ঘুম ডাঙানোর কতি-পূরণ স্বরূপ?” বলে দাঁড়াতে দাঁড়াতে পুনরায় বলে উঠলেন—“থাক, অন্তরিক দিয়ে পূরিয়ে নেবো।” বলে বেরিয়ে গেলেন বেড়াতে।

অর্ণবও প্রাতঃরাশ শেষ করে ওপর ডলায় নিজের বস্ত্রাবধি করে চলে গেল।

আজ কিছুদিন এঁরা বাংলা ছেড়ে এই স্বদূর বিদ্যে এসেছেন। এখানে আসার কারণ, একঘেয়ে বাংলা থেকে তাঁদের মন তিক্ত হয়ে উঠেছিল, তাই যদি এ স্বদূর বিদেশে কিছু নূতনত্ব পাওয়া যায় এই আশায়।

অর্ণব ওপরে তার ঘরের জানলার পাশে দাঁড়ি বাইরে দেখলে,—সামনে সুপ্রশস্ত লাল রাস্তাটা ছদিকে অনেক দূর চলে গেছে। খানিক দূর অন্তর অন্ত ছবির মতো স্বন্দর এক একটা বাংলো; আর তাতে মাঝে মাঝে দু একটা বড় স্বদৃশ অট্টালিকা,—চারিদিকে প্রাচীর দেওয়া, বাগানে ঘেরা, অসংখ্য তরুলতায় সবুজ সাজানো।

অর্ণবদের নিজেদের বাড়ীখানিও এই প্রকার এক স্বরম্য অট্টালিকা। অর্ণব তখনো সেখানে দাঁড়িয়েছি—কণিকা নিঃশব্দে ওপরে এসে বলে উঠল,—“কি দেখ হচ্ছে ঠাকুরপো।”

সে ফিরে দাঁড়িয়ে ঈষৎ হেসে বলে,—“কই? বিশেষ কিছুই তো নয়!”

কণিকা তার নিবিড় ডোমরা কালো চুলের গুচ্ছ আঙ্গুলে জড়াতে জড়াতে, জানলার কাছে সরে এসে বলে,—“ঠাকুর পো, বলতে পারো, সামনের ঐ বাংলোটি কাদের? কেউ ত নেই—থাকলে কিন্তু বেশ হতো!”

অর্ণব অন্তমনস্ক ভাবে বললে,—“না, জানি না ওটা কার বাংলো।”

অসিত, কণিকা ও অর্ণব কয়েক দিন হল এখানে এসেছেন। অসিতের সদা-প্রস্তুতচিত্ত কিছুতেই অগ্রহণ হয় না। তিনি সকাল সন্ধ্যা বেড়িয়ে বেড়ান বাছোয়তির জন্ত। সন্ধ্যার অভাব তার কোথাও হয় না; এখানেও তিনি অনেকগুলি বন্ধু আবিষ্কার করে কলেচেন। কিন্তু কণিকা সে অভাব একটু বোধ করছিল। তবে অর্ণবের



কথা স্বতন্ত্র,—তার এক জ্যোৎস্নাময় ছাড়া বোধ হয়  
দ্বিতীয় বন্ধু আর কেউ ছিল না। আর সেও এখন  
কলকাতায়; কাজেই দীর্ঘ দিনগুলো তার নিতান্তই  
দুঃসহ হয়ে উঠেছে।

সেদিন সে ওপরের বসবার ঘরে একটা বড় সোফায়  
আরামে হেলান দিয়ে একটা মাসিক পড়ছিল, কিন্তু তার  
মন ছিল অন্য দিকে। সে ভাবছিল অনেকদিন আগেকার  
কথা,—তার মুখে বিষন্ন হাসির আভাস ফুটে উঠল।...

তরুণ জীবনের প্রভাতে,—উজ্জ্বল সূর্যের সেই প্রথম  
তরঙ্গে—এমন একটি সময় প্রায়ই আসে, যখন ফাল্গুনের  
সুজের উন্মেষের সঙ্গে, আকাশের আলো আর বাতাসের  
নিঃসরণের সঙ্গে, হৃদয়ও বসন্ত মাধুরীতে পূর্ণ হয়ে ওঠে।  
তখন শুকাত্রয়োদশীর জ্যোৎস্না প্রাবনের মাঝে, স্বচ্ছ  
প্রভাতের স্নিগ্ধ শ্রামলতার মাঝে, স্তব্ধ প্রদোষের গভীর  
শান্তির মাঝে, স্তম্ভের সহিত আত্মার প্রথম পরিচয় হয়।  
তরুণ অর্ণব কৈশোরের প্রান্তে উপনীত হয়ে একদিন  
অকস্মাৎ এই পরিচয়ে বিম্মিত ও মুগ্ধ হয়ে গেল।

—কিন্তু জগৎ কঠোর বাস্তবতায় পূর্ণ; সোনালী স্বপন  
গোধূলির স্বর্ণরাগের মতো অচিরে বিলীন হয়; রেখে যায়,  
—একটা পুঞ্জীভূত অন্ধকার, যেটা জ্যোতিরুৎসবের পরেই  
বড় দুঃসহ হয়ে ওঠে।...অর্ণবের সম্বন্ধেও এ নিয়মের  
ব্যতিক্রম হল না। তীব্র বিরক্তি ও অতৃপ্তি তার মন তিক্ত  
করে তুলল।

## দুই

যখন অসিতরা এখানে এলেন, তখন জ্যোৎস্নারও  
মাসবার কথা ছিল। কিন্তু কোন কারণে তার আসা হল  
না; ঠিক হল দিন কতক পরে সে আসবে।

সেদিন নিকলে কোন খবর না দিয়েই জ্যোৎস্না হঠাৎ  
এসে পড়ল। রাতে খাওয়ার পরে সবাই ওপরে ড্রয়িংরুমে  
এসে বসেছে। কণিকা আপন মনে গিয়ানো বাজাচ্ছে;  
অসিত জ্যোৎস্নার কাছ থেকে কলকাতার আধুনিকতম  
বয়সগুলি জেনে নিচ্ছেন। অর্ণব বসেছিল এক পাশে;

একটু পরে সে জানলার পাশে সরে এসে হঠাৎ বলে উঠল,  
—“বৌদি, এদিকে এসো একবার।”

কণিকা উঠে এলে অর্ণব বলে,—“ওই বাংলোয়  
আলো জলুচে দেখ্‌চো?—নিশ্চয়ই আজ বিকেলে কেউ  
এসেচেন।”

অসিত তাদের দিকে চেয়ে বলেন,—“ব্যাপার কি?”  
কণিকা তাঁকে ব্যাপারটি জানালে, তিনি বিজ্ঞভাবে  
হেসে বললেন,—“ওটা ত আমাদের মুরারীবাবুর বাংলো,  
তিনিই এসেচেন সম্ভবতঃ।”

কণিকা বললে,—“মুরারীবাবু কে?”

অসিত বললেন,—“তিনি বাবার বন্ধু; এখন চাকরী  
থেকে অবসর নিয়েছেন, তাই বোধ হয় এখানে এসেচেন  
বেড়াতে।”

অর্ণব বললে,—“হাঁ বুঝেছি,—আমি তাঁকে আমাদের  
বাড়ীতেই বোধ হয় বার কতক দেখেছি।”

কণিকা গল্পের সাধী পাবার আশায় মনে মনে উৎফুল্ল  
হয়ে উঠেছিল; তার উৎসাহ এরি মধ্যে প্রায় অর্ধেক  
কমে গেছে—বৃদ্ধ মুরারীবাবুর সঙ্গে ত গল্প করা চলে না,  
অস্তুতঃ তাঁর স্ত্রী বা অন্য কোন আত্মীয় থাকলেও হতো—  
কণিকা তাই ভাবছিল।

জ্যোৎস্না হঠাৎ বলে উঠল,—“চাখো অর্ণব, আমার  
এতক্ষণে মনে পড়েছে,—আমি যখন ষ্টেশনে নামি, তখন  
আমার পাশের ফাষ্ট ক্লাশ কম্পার্টমেন্ট থেকে একজন বৃদ্ধ  
ও একটি তরুণী নামলেন। তাঁরাই হয়ত এসেচেন  
ওখানে—”

কণিকার নির্ঝাপানুখ আশা দীপ আবার জলে  
উঠল, অসিত জ্যোৎস্নাকে বললেন,—“ঐ বৃদ্ধটিই মুরারী-  
বাবু—”

অর্ণব কপট গাঙ্গীর্যের সহিত মুহূর্তে জ্যোৎস্নাকে  
বললে,—“তুমি যে আমায় ভাবিয়ে তুললে হে—আমাদের  
বাড়ীর পাশেই এক তরুণী!—জ্যোৎস্না, আমি তোমার  
অন্ত চিন্তিত, বিশেষ বধন—”

অর্ণবের কথা শেষ করতে দিল না, জ্যোৎস্নার হৃপুট  
হাতের একটি বিশিষ্ট আঘাত অর্ণবের পিঠে গলপে পড়ল।



সে উচ্চহাস্যের সহিত বললে,—“আচ্ছা, আচ্ছা, দেখা যাবে, কে কার জন্ত চিন্তিত!”

অর্ণবের মস্তব্যটুকু অসিতের কাণে যায় নি,—হঠাৎ উচ্চ হাসি ও একটা শব্দ শুনে, মুখ থেকে সিগারেট নামিয়ে তিনি জিজ্ঞেস করলেন,—“কি হল?”

জ্যোৎস্না অতি ভাল মানুষটির মতো বললে,—“না, বিশেষ কিছু নয়—”

তার পরদিন বিকেলে সবাই বেড়াতে বেরিয়ে তাদের পাশের বাংলোর সামনে দিয়ে যাচ্ছে, এমন সময় হাত্তোজ্জ্বল প্রফুল্ল মুখ একজন যুবক ও একটি তরুণী বাংলা হতে বার হয়ে অসিতদের সামনে এসে পড়ল। কণিকা বিস্মিত হয়ে ডেকে উঠল,—“লহরী!—”

লহরী তখনও তাকে দেখে নি, পরিচিত কণ্ঠে নিজের নাম শুনে চমকে চাইতেই সে কণিকাকে দেখতে পেল।

অসিতরঞ্জন তাদের বললেন,—“তোমরা খুব আশ্চর্য্য হয়ে গেছ, না—?” তারপরেই কণিকাকে বললেন,—“তোমার বন্ধু ও কলেজের সহপাঠী লহরী যে মুরারী-বাবুরই কন্যা, তা আমি জানতুম,—কিন্তু তুমি নিজে তা জানতে না; তাই আমি ইচ্ছে করেই কিছু বলি নি—বিশেষ অন্তায় করি নি—কি বল লহরী? চিহ্ন, তুমি ফিরলে কবে? আমি জানতুম তুমি এখনো অক্সফোর্ড-এ।”

চিহ্ন এতক্ষণ অনেকগুলি বিষয়ের ধাক্কাই নির্বাক হয়ে গেছিল, এখন সে সহাস্রমুখে বললে,—“সম্প্রতি সেখানের পড়া শেষ করে কল্কাতা এসে বাবার অস্থিত হেতু এখানে এসেছি।” তারপর জ্যোৎস্নার দিকে চেয়ে বললে,—“দেখুন, আপনাকেও আমি চিনি; স্কটিস চার্চ কলেজে আই-এস-সি পড়বার সময় আপনাকে দেখিছি আমাদের সঙ্গে পড়তে।”

জ্যোৎস্না হেসে বললে,—“আমারও ঠিক তাই মনে হচ্ছে।”

অসিত মুরারীবাবুর কথা জিজ্ঞেস করায় চিহ্ন বললে,—“বাবা আজ আর বেরলেন না—আমাদের বললেন একটু ঘুরে আসতে।”

খানিক পরেই সবাই গল্প জুড়ে দিয়েচে দেখে অসিত রঞ্জন বললেন,—“যখন এইখানেই দেখা হয়ে গেল, তখন একসঙ্গেই যাওয়া যাক।”

অর্ণব এতক্ষণ নীরবে একপাশে দাঁড়িয়ে ছিল; সকল অগ্রসর হলে সেও সকলের পশ্চাতে চলল।

ঘণ্টা দুই পরে যখন তারা ফিরল, তখন সবাই আলাপ বেশ সহজ হয়ে এসেচে,—অর্থাৎ চিহ্ন ও জ্যোৎস্না পুরাণে বন্ধুর মতোই গল্প করতে করতে আগে আগে চলছিল; লহরী, কণিকা ও অসিতরঞ্জন তাদের পশ্চাতে অর্ণব একলা সবার শেষে।

### তিন

চিহ্নদের সাথে এদের ঘনিষ্ঠতা যেরূপ দ্রুতবেগে বেড়ে উঠল, তা কল্কাতায় গত কয়েক বৎসরের আলাপেও হতে পারে নি, বাংলার বাইরে, বিদেশে, এরকম হঠাৎ পাণ্ডা বন্ধু যদি বাড়ীর পাশেই আবিষ্কৃত হয়, তবে সে সৌন্দর্য্য আর কল্কাতার বিরাট কর্মকোলাহলের মধ্যে কেতাদুরস্ত ভঙ্গি। রক্ষার তফাৎ অনেক।

দুপুরবেলা অসিতদের ড্রয়িংরুমে প্রায় রোজই এ তরুণ তরুণীদের বৈঠক বসে। হাসি কোলাহল, গান গল্পে জমাট মজলিসের আর অফুরন্ত বেড়ানোর মধ্যে দিনগুলি বেশ কেটে যাচ্ছে।

...এতদিন কণিকাই পিয়ানো বাজাত,—অর্ণব নিতে সেতার। লহরী এসে অবধি পিয়ানোর ভারটা কণিকারই ওপর দিয়েচে, অর্ণব আর লহরী দুজনে রোজ দুপুরে নূতন নূতন স্বর বাজায়। কিন্তু গান গাইবার বেলা, এক জ্যোৎস্না জাড়া আর কেউ অব্যাহতি পায় না প্রথম দিন জ্যোৎস্নাকে অস্বরোধ করায় সে বলেছিল, যে তাকে গাইতে বললে সে কল্কাতা ফিরে গিয়ে কালোরাং এর কাছে শিখে আসবে।

প্রবাসের দীর্ঘ দিনগুলি অর্ণবের কাছে এখন আর কর্মহীন নিরানন্দ কালি নিয়ে উপস্থিত হয় না।

একদিন বিকেলে রোদের তেজ কল্কাতার আগেই



জ্যোৎস্না আর চিন্ময় গুপ্ত, যড়যন্ত্র করে অনেক দূরে একটা জায়গায় যাবার জন্ত বেরিয়ে পড়ল। তারা ভাল করেই জানত যে, মেয়েদের নিয়ে বার হলে অর্ধেক পথেই সন্ধ্যা হবে। কাজেই তারা বুদ্ধিমানের মতো সরে পড়েছে। অর্ধেক সন্ধ্যা নিতে জ্যোৎস্নার সাহস হল না। কারণ অত ক্রোশ মাঠ জঙ্গল ভেঙ্গে, দুটো বর্ণা পার হয়ে সেখানে যাবার কথা শুনলে, অর্ধব তার প্রতি এমন দু'একটি মধুর বিশেষণ প্রয়োগ করত, যে, শেষে সবাই ভাবতো সত্যিই বুঝি জ্যোৎস্নার মাথার গোলমাল হয়েছে।

আরো খানিক পরে রোদ কমলে অসিত একজনের বাংলায় ব্রীজ খেলতে গেলেন।

জ্যোৎস্না ও চিন্ময়ের খোঁজ করে তাদের কোন উদ্দেশ্য পাওয়া গেল না। তখন অর্ধব, বোদি ও লহরীর খোঁজে এসে দেখলে তারা মুরারীবাবুর বাংলোর বারান্দায় বসে বেশ নিশ্চিন্তভাবে গল্প করছে। সে বলে,—“জ্যোৎস্না, দাদা, চিন্ম, সবাই যে যার সরে পড়েছে—আর তোমাদেরও তো কোথাও যাবার উদ্যোগ দেখছি না; আমি একটু ঘুরে আসি।”—এই বলে সেও বেরিয়ে পড়ল।

সন্ধ্যার পর বাড়ী ফিরে অর্ধব দেখলে বাড়ীটা তখনো নিস্তক। সে বুঝলে দাদা বা ওরা দুজন, কেউ ফেরে নি। সে ওপরে বসবার ঘরে এসে দেখলে কণিকা খোলা জানলার ধারে বসে আছে। তার স্নিগ্ধ মাধুর্য্য ঢালা স্বন্দর মুখে ঈষৎ হাসির আভাস। তার খোলা চুল বাতাসে উড়ে কপালের ওপর এসে পড়েছে। অনেক কৌতুক খেলার খনি বড় বড় টানা চোখ দুটি চেয়েছিল দূরে আকাশের পানে,—সেখানে লক্ষ তারা দীপালী জ্বলে দিয়েছে। লহরী টেবিলের সামনে দাঁড়িয়ে একটা উপগ্রাস নিয়ে তার পাতা ওন্টাচ্ছিল। অকণ রঙে রঙীন রেশমের ঝালরে ঢাকা আলোর লালিমা তার শুভ্র ললাটে মুহু আদরের স্পর্শ এঁকে দিয়েছে।

অর্ধব দরজায় দাঁড়িয়ে মুহূর্তের জন্ত তার দিকে চেয়ে, —ঘরের নিস্তকতা চকিত করে ডাকলে,—“বোদি, চুপ্চাপ, সব কি হচ্ছে?”

লহরী তার অতর্কিত প্রবেশে চমকে উঠে উপগ্রাসখানা বন্ধ করে সরে এল। অর্ধব ঈষৎ হেসে বলে,—“বোদি, বলতে পারো, লোকে আমার দেখে মাঝে মাঝে চমকে ওঠে কেন?”

লহরী অপ্রতিভ হয়ে অপরাধীর মতো রান মুখে বলে,—“সেটা অবশ্য আপনার দোষ নয়; দোষ লোকেই। আমি অশ্রমস্ক ছিলুম বলে হঠাৎ আপনাকে আসতে দেখে—”

“যথোচিত অভ্যর্থনা করতে পারি নি”—এটুকু কণিকা শেষ করে দিল।

লহরী বলে উঠল,—“কি যে বলো তুমি”—তারপর অর্ধবকে বলে,—“তাই আপনাকে আসতে দেখে চমকে উঠেছিলুম।”

অর্ধব বললে,—“যাক,—ওদের ফিরতে বোধহয় দেয়ী হবে; ততক্ষণ একটু বাজানো যাক আসুন।”

যখন তারা দুজনে রবীন্দ্রনাথ রচিত—“আমার ব্যথার পূজা হয় নি সমাপন”—গানখানির স্বরপুঞ্জ ঘরখানি ভরিয়ে তুলেছে, তখন অসিত নিঃশব্দে ওপরে এসে কণিকার পাশে সোফায় বসলেন।

## চার

লহরীর ছুটি ফুরিয়ে এসেছে,—হুদিন পরেই তার কলেজ খুলবে,—কাল মুরারীবাবুরা কলকাতায় ফিরে যাবেন।

অসিত এখনো কিছুদিন থাকতে চান। অর্ধব আর জ্যোৎস্না এম্-এ পাশ করে অবধি বড় কিছু করছে না, তাদেরো ফিরে যাবার কোন তাড়াতাড়ি নেই।

কিন্তু অর্ধবের এক একবার মনে হচ্ছিল, তাদেরো ফিরে গেলে ভাল হতো।

আসন্ন বিদায়ের সম্ভাবনায় সবাই একটু বিষণ্ণ হয়ে উঠেছে। দুপুরবেলা অর্ধব বসবার ঘরে গিয়ে দেখলে, বোদি একলা পিয়ানো বাজাচ্ছে—আর কেউ সেখানে নেই। জিজ্ঞেস করে সে জানলে যে চিন্ম, জ্যোৎস্না ও



অসিত মুরারীবাবুদের জন্ত একখানা কম্পার্টমেন্ট রিজার্ভ করিতে ঠেগনে গেছেন। লহরীর কথা জিজ্ঞেস করিতে বৌদি বলে,—“সে বোধ হয় যাবার আয়োজনে ব্যস্ত—তা তুমি একবার দেখে এসো না; যদি বিশেষ ব্যস্ত না থাকে তবে ধরে নিয়ে এসো।”

কণিকা লহরীকে দেখে বললে,—“কি গো, যাবার আমোদে আমাদের ভুলে গেলে না কি?”

প্রহর স্নেহের আঘাতে লহরীর মুখ স্নান হয়ে এল; অর্ণব তাড়াতাড়ি বললে,—“না, উনি দু একটা চিঠি লেখা শেষ করেই আসছিলেন—আর আমিও ঠিক সেই সময় গিয়ে পড়লুম।”

কণিকা মুহূ হেসে বলে উঠল—“লহরী তোমাকে ওকালতির কিছু দক্ষিণা দিয়েচে বুঝি?”

### পাঁচ

কাল লহরীরা চলে গেছে। অর্ণব ভাবছিল,—“কাল যখন তাদের বিদায়ের পূর্ব মুহূর্তে চিন্ময়দের অহুরোধে একটা গান গাইছিলুম, তখন একজনের গভীর দৃষ্টি নিবিড় কালো পল্লবের আড়ালে সজল মাধুর্যে ছলছল করছিল। একটিবারমাত্র তার দৃষ্টি আমার চোখের ওপর রেখে সে নিজের নয়ন আনত করলে।...কিন্তু কিসের এ অশ্রু?—কেন?”

প্রায় একমাস কেটে গেল। অর্ণবের মনে আজ একটা কথা তাকে উত্যক্ত, অশান্ত করে তুলেচে, সে সদাই ভাবচে—“কিন্তু সে কি—? নাঃ, এর একটা মীমাংসা চাই,—অনিশ্চিতের ঘূর্ণীদোলায় আমার যে হৃৎস্পন্দন বন্ধ হবার যোগাড় হয়েছে!”

মাস তিনেক পরে তারা কল্কাতায় ফিরল। জ্যোৎস্না এখন একটা প্রোফেসারী পেয়েচে স্কটিস্ চার্চ কলেজে, এখন সে আর একটা গুরুতর কাজের সন্ধান করেছে।... কাল কণিকা ও অসিতরজন দুজনেই চিন্ময়দের সঙ্গে দেখা

করিতে গেলেন; অর্ণব যায় নি...একটা কাজের ওয়র দিয়েছিল। সেদিন কণিকা একলা লহরীর কাছে গিয়ে ছিল, সেদিনও অর্ণব যায় নি। কি একটা সঙ্কোচ তার দেখা করাটা প্রতিদিনই পিছিয়ে দিতে চায়!...

সেদিন বিকেলে অর্ণব বেড়াতে যাবার জন্ত নেমে আসবার উদ্যোগ করুচে, এমন সময় চিন্ময়দের ‘ডঙ্ক-কার’ খানা তাদের দরজায় এসে থামল।...অর্ণব একটু বিপদে পড়ল, এতদিন না দেখা করার কি সঙ্গত কারণ সে তাদের দেখাবে?—সে যখন নিঃশব্দে ড্রয়িংরুমে প্রবেশ করল তখন চিন্ময় অসিতের সঙ্গে প্রকাণ্ড তর্ক জুড়ে দিয়েচে লহরী তাকে দেখেই মুহূ অহুযোগের স্বরে বলে উঠল,—“আচ্ছা, আপনি একদিনও আমাদের ওখানে যান নি কেন বলুন তো?”

অর্ণব তার কোন উত্তর খুঁজে না পেয়ে বলে,—“আপনার একজামিন-এর পড়ার ব্যাঘাত হবে বলে আমি আর বিরক্ত করিতে যাই নি।”

মুহূ হেসে লহরী বলে,—“আপনি ত দেখচি খুঁ পরার্থপর! আমি কি সারাদিনই বই হাতে করে বসে আছি না কি? তা ছাড়া আমাদের একজামিন তো শেষ হয়ে গেছে কবে!”

অর্ণব তখন তার স্বচ্ছদরণের স্মৃতিগুলির নিত্য অযোগ্যতা দেখে বলে ফেলে,—“আচ্ছা, যাব একদিন,—পাছে পড়ার ব্যাঘাত হলে দোষ দেন, এই ভয়েই এতদিন যাই নি—”

কণিকা সেই সময়ে হঠাৎ সেখানে এসে পড়ে বলে উঠল,—“না, তা ভালই করেছে;—কিন্তু, রাগ কোরো না ঠাকুর পো, সেদিন অত করে সাধলুম যাওয়া হল না, আ এখন লহরীর সঙ্গে চুপিচুপি পরামর্শ হচ্ছে—”

সেই দিন রাতে, ভেতলার বারান্দায় একটা ইরি চেয়ারে শুয়ে অর্ণব তার অমীমাংসিত সমস্তাটির সমাধানে চেষ্টা করছিল। কিন্তু কোন রকমেই কোন উত্তর পাওয়া গেল না। সে মনে মনে হির কয়লে—উত্তর তার জাই-ন



নিশ্চিতের সাধনায় নিজেকে সে ভুলিয়ে রাখতে আর রাজী নয়।

সহসা মাথায় কার কোমল স্পর্শে চমকে ফিরে দেখলে—বৌদি! কণিকা বললে,—“ঠাকুরপো, বসে বসে কি এত ভাবনা হচ্ছে?—যুমোতে যাও, অনেক রাত হয়ে গেছে—”

পিতৃগৃহ হতে নূতন সংসারে এসে অবধি কণিকা এই আপন ভাবে মগ্ন দেবরটির সমস্ত ভার স্বেচ্ছায় নিজের হাতে নিয়েছিল; সে পিতার একমাত্র কন্যা; ভাই ছিল না বলেই ভ্রাতৃস্নেহ কি, তা সে জানত না। অর্ণবের বিষণ্ণ-সুকুমার মুখ সহজেই তার স্পষ্ট ভ্রাতৃস্নেহ জাগিয়ে তুলল। জননীর মৃত্যুর পর প্রায় বার বৎসর পরে, আবার প্রভাত হতে সন্ধ্যা অবধি ছোটবড় প্রতি বিষয়টিতে স্নেহ-প্রবণ নারীহস্তের আন্তরিক যত্নের স্পর্শ বুঝতে পেরে অর্ণবের মন নবাগতা-বৌদির ওপর সঙ্কতজ্ঞ শ্রদ্ধায় ভরে উঠল। তাদের অকপট বিমল সৌজন্য অসিতরঞ্জনকে এক গুরুতর চিন্তা থেকে মুক্তি দিলে। তিনি ভেবেছিলেন যে, তার ভাইটি যেমন জগৎ সংসার থেকে দূরে সরে যায়, তেমনি যদি নিজের বৌদির সান্নিধ্য হতেও নিজেকে দূরে রাখে, তবে সে বেচারী এই নিঃসঙ্গ আত্মীয় বন্ধু শূন্য সংসারে কি করে দিন কাটাবে? কিন্তু অর্ণব, জনসংঘ থেকে দূরে থেকেও, লোকচরিত্রের অতি সূক্ষ্ম বিশ্লেষণ করতে পারত; সেটা তার অভিজ্ঞতার ফল নয়,—তীব্র অন্তর্দৃষ্টির স্বাভাবিক শক্তি মাত্র! তরুণী কণিকার কোমল মতো অগ্নান সৌন্দর্যের আড়ালে যে একখানি অগ্নি অগ্নান স্নানর হৃদয় লুকানো আছে তা সে কদিনের পরিচয়েই বুঝেছিল; তাই সে, তার স্নেহের বন্ধনে নিজেকে ধরা দিয়ে অনেক দিন পরে একটা তৃপ্তির নিশ্বাস ফেলেছিল।

### ছয়

লহরীই সহাস্ত মুখে অর্ণবকে অভ্যর্থনা করে নিয়ে গেল। চিন্ময় বাকী ছিল না, জ্যোৎস্না তাকে টেনে নিয়ে গেছে। মুরারীবাবু গেছেন তাঁর প্রাত্যহিক সাধ্যানুসারে,

লহরী ঈর্ষ্য হেসে বললে,—“আপনি যে এত শীর্ণ-শিথিল কথাটা রাখবেন তা আমি ভাবি নি।”

অর্ণব অশ্রুমনস্কভাবে বলতে যাচ্ছিল—“কেন?” কিন্তু তা না বলে অল্প ছু একটা কথার পর যখন সে বললে—“আজ তবে আসি, চিহ্নকে বলবেন আর একদিন আসব, যেন সে রাগ না করে—”

তখন লহরী আশ্চর্য হয়ে বলে উঠল,—“বেশ লোক তো আপনি! ঘরে ঢুকে দাঁড়িয়ে দাঁড়িয়েই চলে যেতে চান—সে হচ্ছে না, দাদা তা হলে আমায় বেজায় বকবে—আপনি বসুন, আমি এখুনি আসছি—”

অর্ণব অগত্যা একটা চেয়ারে বসে পড়ল, একটু পরেই লহরী নিজের হাতে প্রচুর আহাৰ্য্যপূর্ণ একটি রেকাবী নিয়ে এল।

অর্ণব মনে মনে স্থির করলে, আজ যখন তাকে সেখানে বসতেই হল, তখন সে তার অমীমাংসিত উত্তরটা না নিয়ে কিছুতেই উঠে না।—তা সে যার সাহায্যেই হোক!—কিন্তু নানারকমের গল্প করে ঘণ্টাখানেক কাটিয়েও বেচারী অর্ণব কিছুতেই ঠিক করতে পারলে না কথাটা কি করে তোলা যায়। নিজের একপ বিরাট অজ্ঞতায় তার নিজের লজ্জা হচ্ছিল। অনেক কষ্টে অনেকক্ষণ পরে সে হঠাৎ বলে ফেললে,—“দেখুন, আমি একটা সমস্য়ায় পড়েছি—”

লহরী হেসে বললে,—“যার মীমাংসা আপনি করে উঠতে পারছেন না!”

অর্ণব খুব গম্ভীর হয়ে বললে,—“ঠিক তাই। শুধু একটা লোক সে সমস্য়াটির মীমাংসা করতে পারে—”

লহরী উৎসুক হয়ে জিজ্ঞেস করলে,—“কে?”

অর্ণব কয়েক মুহূর্ত নীরব থেকে তার অস্বাভাবিক উজ্জল চোখের দৃষ্টি লহরীর মুখের ওপর রেখে বললে,—“তুমি।”

লহরী অত্যন্ত অবাক হয়ে শুধু বললে,—“আমি?”

এমন সময় চিন্ময় ঘরে ঢুকে বলে উঠল,—“জালো, ক্রেণ্ড, কতক্ষণ! আজকাল যে ডুমুরের ফল হয়ে গেছে। ব্যাপার কি? তারপর—?”

অর্ণব বললে,—“তোমাদের মত রাজামাহমুদের সঙ্গে



আমাদের কি পোষায়? এই তো প্রায় দু'তিন ঘণ্টা বসে আছি, কতকণে হজুরের শুভাগমন হবে, এ অধমের সাথে সাক্ষাৎ করবার জ্ঞাত।

দু'এক কথা কইতে কইতে চিন্ময়ের সঙ্গে কিছুক্ষণ গল্প করে অর্ণব চলে গেল, সে চলে গেলে পর লহরী সেইখানে অনেকক্ষণ বসে রইল।—সে অর্ণবের সমস্যার কথাটা ভাবছিল, কিন্তু কোন অর্থই সে বুঝতে পারলে না। হঠাৎ তার মনে পড়ল, অর্ণবের একটি কথা,—“তুমি”—সেই একটি কথাই আধার পথে বিজলী চমকের মতো পথিকের পথ নির্দেশ করলে।

### সাত

দু'একটা অপ্রত্যাশিত ঘটনায় অর্ণবের সমস্যাটি অন্ততঃ কিছুদিনের জ্ঞাত তোলা রইল। লহরী আই-এ পরীক্ষায় কৃতিত্বের সহিত পাশ করেছে। চিন্ময় সঙ্গীক চলে গেছে রেজুনে একটা চাকরী পেয়ে।

এদিকে জ্যোৎস্নার সঙ্কলনটা সফল হয়েছে,—স্কটিস্ চার্চ কলেজের কৃতি ছাত্রী রমলা দেবী, যাকে সে এতদিন কলেজে পড়িয়ে এসেছে, তারই সাথে শুভ-পরিণয় হয়েছে। জ্যোৎস্না তাই আজকাল সময়াভাবে অর্ণবের ওখানে বড় একটা যেতে পারে না।

নিঃসঙ্গ অর্ণব নিজের ওপর আর অনেকেরি ওপর অভিমান করে দীর্ঘ দেশ ভ্রমণে বার হ'ল।...তারপর অনেক দিন কেটে গেছে। অনেক প্রভাত, মধ্যাহ্ন সূর্য্য কিরণে জলে উঠে স্তিমিত সন্ধ্যার অন্ধকারে নিবে গেছে।

লহরী সেই দূর পশ্চিমে, তাদের বাংলার বারান্দায় বসে কত কি ভাবছিল। মুরারীবাবু খাওয়া শেষ করে শয্যায় আশ্রয় নিয়েছেন। চিন্ময় প্রায় মাসখানেক হল রেজুন থেকে সপরিবারে ফিরে এসেছে। সে নীচের একটা ঘরে বসে রেজুন আফিসের কি একটা কাজ করছে। লহরী একটা চিঠি হাতে করে নীচু বেতের চেয়ারটার এসে বসল। জান সিন্ধু এলো চুলের ওজ্জ্বল তখনো তার জ্বলন্ত মন। কালো রেশমের মতো অজস্র, দীর্ঘ, নরম

চুলের রাশি তার পিঠের ওপর ও দুহাতের ওপর ছড়িয়ে পড়ে মাটিতে লুটিয়ে পড়েছে।

চিঠিখানা কণিকার! সে লহরীকে নিয়মিত চিঠি দিয়ে এসেছে; শেষ চিঠিতে সে লিখেছিল,—“ঠাকুরপোর দেশভ্রমণও এখনো ফুরোয় নি—কবে হবে তাও জানি না। ঠিক কথা,—তোমাকে কি কখন সে চিঠি লেখে না? কারণ সে আমার চিঠিতে তোমার কথা জিজ্ঞেস করে পাঠায়...”

লহরী উত্তরে লিখেছিল,—“আমাকে কেন লিখবেন তিনি? আমার সঙ্গে পরামর্শ করে কি তাঁর দেশভ্রমণ শেষ হয়ে যাবে?”

কণিকা চিঠিখানা পড়ে মনে মনে হেসে বলেছিল,—“তা হতেও পারে।”

গত বৎসর প্রবাসে যখন কণিকার সঙ্গে অনেকদিন পরে দেখা হয়ে গেল, সেই সময়ে সেখানেই কবে একদিন কণিকা তার দেবরটির অস্বাভাবিক গাঙ্গীর্ষ্য ও চিন্তা-প্রবণতার কথা প্রসঙ্গে নিতান্ত পরিহাসের ভাবেই লহরীকে বলেছিল,—“তুমি যখন সামনে থাকো, তখনই শুধু, ঠাকুরপো গাঙ্গীর হতে ভুলে যায়!”

সঞ্চিত অভিজ্ঞতা রাশির নিম্নে যাদের চিত্ত প্রবীণ হয়ে উঠেছে, তাদের চেয়ে স্বভাব কোমল তরুণ হৃদয়ের উদ্যত সহানুভূতি যে অধিকতর উচ্ছ্বসিত, আগ্রহ ব্যাকুল হয়ে উঠবে—সে তো খুবই স্বাভাবিক!...কাজেই সেদিন লহরী সে কথাটা শুধু পরিহাসের ভাবেই নিতে পারলে না। তার নিতান্ত অনভিজ্ঞ চিত্ত একটা অসম্ভব রকমের প্রতিজ্ঞা করে ফেললে। সে মনে মনে বললে—“আমিই তবে ওই মুখে চিরদিনই হাসির রেখা ফুটিয়ে রাখবো—”

আজ এই দূর প্রবাসে বসে ধূসর আকাশের দিকে চেয়ে, সে সেই কথাটাই ভাবছিল—হায় রে! আজ তার প্রতিজ্ঞা সে কি করে রক্ষা করছে। আজ তার নিজের মুখে কে হাসি ফোটার!

তার দৃষ্টি সজল হয়ে উঠল। সহসা চিন্ময়ের আস্থানে চমকে উঠে সে কণিকার অপঠিত চিঠিখানায় মনোনিবেশ করল।



### কাউ

ট্রেনের জানলার ওপর মাথাটা রেখে অর্পব বসেছিল। সে বাংলায় ফিরে চলেচে; আজ তার বসন্তে ইচ্ছে হচ্ছে, —“ওগো, আর না—আর না; সর আশাই তো ছেড়ে দিয়েছি—”

একটি বড় ষ্টেশনে এসে ট্রেন থামল। অর্পব মাথাটা বাড়িয়ে গ্যাস-পোটে লেখা ষ্টেশনের নামটি দেখলে;— দেখলে, এটা সেই বহু পুরাতন ষ্টেশন, এখানে নেমেই তাদের সেই পশ্চিমের বাড়ীতে যেতে হয়। এখানে অনেককণ গাড়ী থামে, তাই সে প্লাটফর্মে বেড়াবার জন্ত নেমে পড়ল।

চিন্ময় কোন কোনদিন বিকেলে ষ্টেশনে বেড়াতে আসে—আজও এসেছিল। হঠাৎ অর্পবকে ষ্টেশনে দেখতে পেয়ে ক্ষতপদে তার কাছে এসে বলে উঠল—“অর্পব যে!—কোথেকে?”

সে বিস্মিত দৃষ্টি তুলে চিন্ময়কে দেখে সাগ্রহে তার দিকে কর প্রসারিত করে বললে,—“তুমি এখানে আবার কবে এলে?”

—“কেন, লোকে কি আর আসে না?—কিন্তু তুমিও তো এসেচ?”

—“না, আমি কলকাতা যাচ্ছি!”

—“সত্যি না কি?...ওসব হচ্ছে না। যখন আমার হাতে ধরা পড়েচ, তখন সহজে ছাড়চি না। এখন আপাততঃ কলকাতার প্রাসাদে না গিয়ে এই গরীবের হুটীরে—”

অর্পব জড় শব্দিত হয়ে উঠল; বললে,—“তাও কি হয় না কি? কতদিন পরে বাড়ী যাচ্ছি!”

চিন্ময় এবার হেসে বললে,—“তা ঠিক!—মাস মাসে যখন তাঁরা অপেক্ষা করতে পেরেচেন, তখন আরও ছুটার দ্বিগুণ কিছু এসে যাবে না। ওহে বলো না, কি নামিয়ে নেবে, সময় হয়ে এল যে!”

অর্পব কলকাতা ফিরেচে।

বসন্ত প্রভাত। ডকবীধির শাখার শাখার, মূর্ছিত

সবুজ পাতার আড়ালে পাখীগুলি প্রাণের সবটুকু আনন্দ তাদের ক্ষুদ্র কর্তে ভরে তুলেচে। দখিণ বাতাসের সঙ্গে অসংখ্য সন্ধ্য ফোটা ফুলের স্নিগ্ধ গন্ধ ভেসে আসে।

অর্পব তার পুষ্পোদ্যানের পথে পথে বেড়িয়ে তরল হীরের মতো ভোরের শিশিরে ভেজা নিবিড় লাল গোলাপ তুলছিল। অধরে তার মুখ হাসির রেখা,—মেঘলা দিনের বর্ষণের পর, দিনান্তে বৃষ্টি ধোওয়া অল্পান রোদটুকুর মতোই মধুর! তার আয়ত নয়নের গভীর দৃষ্টি তৃপ্তির আনন্দে উজ্জল;—বিষাদের কণাগুলি অশ্রু লেখায় ধুয়ে গিয়ে আজ হাসির আলোয়, মণিকণার মতো দীপ্ত হয়ে উঠেচে! তাদের বিচ্যুরিত আভা অর্পবের চোখের কোলে আলোর অঞ্জন এঁকে দিয়েচে।

ককতলে পাতা নরম পুরু কাজকরা কার্পেটের ওপর লঘুপদক্ষেপে একটুও শব্দ না করে একটি তরুণী অর্পবের পড়বার ঘরে এসে দাঁড়াল। দেখলে, টেবিলের ওপর অর্পবের একটা ডায়েরী পড়ে রয়েছে,—বেগুনী ডেলুভেটে বাধানো, সোণার বন্ধনী আঁটা, একখানি খাতা, মলাটের ওপর ঠিক মাঝখানে সোণার জলে আঁকা লহরীর বুকে একটি সুসজ্জিত অর্পব, যেন সমতালে নাচছে! ঈষৎ হেসে, সে খাতাখানা খুলতেই সামনে পড়ল—দশই অক্টোবর।

তারিখটা দেখে সে পড়তে আরম্ভ করলে;—

“মঙ্গলবার!...দীর্ঘ একটি বৎসর পরে। কতদিন নির্বাসন দূর প্রবাসে বিনিস্র নিশীথে, আমি কত প্রকারে সেই একই কথাটির উত্তর পেতে চেষ্টা করেছি।... যার হৃদিনের পরিচয় আমার নিরানন্দ নিকষে সোণার রেখা এঁকে দিয়েচে সে কি?... কতবার ভেবেছি আমি যাবো, —যাবো—আমার আশ্রয়ানা বলা কথাটা শেষ করে একটা উত্তর নেবো—কিন্তু একটা অনিশ্চিত আশঙ্কা, একটা ব্যর্থতার ভয়, বিরাট কালো অন্তত ছায়ার মতো আমার সামনে এসে দাঁড়িয়ে আমার উদ্যত উদ্ভীষ চরণ, উৎকর্ষ উৎসুক লেখনী স্থগিত করেছে।

“আজ আবার দেখা হবে...অনেকদিনের পর। শত



শত চিন্তার ফেনিল আবর্তনময় উদ্বেল তরঙ্গ সংঘাত আমার হৃদয় দ্রুত স্পন্দিত করে তুলেচে।

“...মুরারীবাবু সন্মুখ সাদর অভ্যর্থনায় আমার সমস্ত সঙ্কোচ ঘুচিয়ে দিলেন; তাঁর উদার হৃদয়ের সরল আন্তরিকতা অমল জলের মতোই স্বচ্ছ,—কোথাও এতটুকু কৃত্রিমতা নেই।

“...অনেক চেষ্টা করেও লহরীর ব্যবহারে বা অভ্যর্থনায় অপ্রত্যাশিত পরিচিত অতিথির আগমনজনিত স্বাভাবিক আনন্দের আভাটুকু ভিন্ন আর কিছুই আবিষ্কার করতে পারলুম না।”

পাঠিকা পাতা উন্টে ফেললে।—

“বুধবার! দুপুরবেলা; লহরী এসে বললে,—‘এতদিন ঘুরে ঘুরে কি দেখলেন বলুন।’ মুরারীবাবু এর মধ্যে নিদ্রামগ্ন হয়েছেন। চিন্ময় বিশেষ কোন কাজের জন্য ঘণ্টাখানেকের অবসর চেয়ে নিয়েচে। অনেকক্ষণ গল্প করে কেন জানি না, হঠাৎ বলে উঠলুম,—‘আজ সন্ধ্যার ট্রেনেই বাড়ী যাচ্ছি।’

“কুড় একটি নিমিষের জন্য লহরীর হাস্যোজ্জ্বল মুখ নিশ্চিহ্ন হয়ে গেল। কিন্তু তখনই সে স্বাভাবিক পরিহাসের স্বরেই বললে,—‘কল্কাতা যাবার জন্তে বুঝি এতদিন পরে মনটা অত্যন্ত ব্যস্ত হয়ে উঠেচে।’

“আমি বললুম,—‘ব্যস্ত মোটেই নয়। আমি অনায়াসে এখানে মাসখানেক কাটিয়ে দিতে পারি—’

“লহরী বলে উঠল,—‘তবে থাক্‌চেন না কেন?’—

“কেন থাক্‌চি না? —এ যে বিষম প্রশ্ন! কয়েক মুহূর্ত নীরব থেকে আমি আমার ব্যথিত দৃষ্টি তার শাস্ত হৃদয় কালো চোখের ওপর রেখে বললুম,—‘ওন্‌তে চাও?’

“বিস্মিত, চকিত লহরীর কণ্ঠ থেকে আপনিই বেরিয়ে এল, একটি ছোট অস্পষ্ট—‘হ্যাঁ’—কিন্তু পর মুহূর্তেই নিবিড় রক্তিমায় তার আকণ্ঠ রঞ্জিত হয়ে গেল।

“আমি বললুম,—‘তবে শোন; তোমাকে একদিন আমার একটা অমীমাংসিত সমস্যার কথা বলেছিলাম,—

মনে আছে?—আমার এখানে না থাকবার কারণ, সে প্রশ্ন আজও অমীমাংসিত, কেন না তার উত্তর নির্ণয় করতে তোমারি ওপর।—’

“লহরীর হাত দুখানি তার কোলের ওপর বাতালে শিউরে ওঠা পাতার মতো কাঁপছিল। তার শুভ্র নলাটে শ্বেদবিন্দু চন্দন লেখার মতো ফুটে উঠল। আমি অগ্রসর হয়ে তার কম্পিত হাত দুখানি আমার তপ্ত মুঠির মধ্যে চেপে ধরলুম। একটু বাধা দেবার শক্তি তার ছিল না,—সে অবসন্ন হয়ে আসছিল। আমি অহুনের স্বরে বললুম—‘আজ আমার অনেকদিন অপেক্ষা করে থাকা কথাটা উত্তর দেবে, লহরী?’

“সে চমকে চোখ তুললে; তার মুখ কুঙ্কম লালিমায় রাঙা হয়ে উঠে শুভ্র যুথিকার মত শাদা হয়ে গেল।

“আমি আবার বললুম,—‘লহরী, উত্তর দেবে না আমার পথের শেষ,—প্রতীক্ষার শেষ, কি এখনো হয় নি এবার আর বাংলায় একা ফিরুচি না, হয় তোমায় সঙ্গে নেবো, নয়, যে পথে এসেছি, সেই পথেই ফিরব।’

“একটি দীর্ঘ মুহূর্ত সোৎসর্গ অপেক্ষায় কেটে গেল। তারপর গলানো মণির মতো, অজস্র শুভ্রোজ্জ্বল অশ্রুধারা তার চোখ হতে আমার হাতের ওপর ঝরে পড়ে তাদের পুষ্পমাল্যের মতো সাগ্রহে বেষ্টন করে ধরল। বজ্রাত্তরার মতো পুলক প্রাবনে আমার বিগত বর্ষচয়ের সমগ্র তিক্ত ক্লান্তি, বিরক্তি, অতৃপ্তি নিঃশেষে ধুয়ে গেল,—রেখে গেল একটা সিক্ত সরলতা! ধীরে লহরীকে আমি আমার বাহু বেষ্টনের মধ্যে বন্দী করলুম।

“...সেদিন ফাল্গুনী পূর্ণিমা;—সন্ধ্যালগ্নে আমাদের শুভ পরিণয় হয়ে গেল!—স্নিগ্ধ শুভ জ্যোৎস্নায় আকাশ বাতাস ভরে গেল! মুরারীবাবু আমাদের মস্তকে ধান দুর্কা দিয়ে আশীর্বাদ করলেন; বললেন,—‘তোমাদের যাজাপথ শুভ মঙ্গললোকে উদ্ভাসিত হয়ে উঠুক!’”



## বুদ্ধির দৌড়

শ্রীপদ্মা বন্দ্যোপাধ্যায়

দুপুরবেলা খাওয়া দাওয়া সেরে, একখানা নভেল নিয়ে সবমাত্র প্রতিমা শুয়েছে;—এমন সময় কানে এলো—“কৌদি ঘুমিয়েছ না কি?”

স্বর খুবই পরিচিত! প্রতিমা ধড়মড় করে উঠে পড়ল! ভেজান দরজা ঠেলে পরিমল ঘরের ভেতর থেকে বললে—“কী ব্যাপার—ঘুম?”

প্রতিমা হেসে বললে—“ঘুম কোথা ভাই? এইতো বেখেয়ে উঠলুম! বসো—”

“হ্যাঁ বসছি” বলে পাটের ওপর বসে—পরিমল বাঁ হাতের কব্জিতে বাঁধা ঘড়িটার দিকে চেয়ে বললে—“এই খেয়ে উঠলে মানে? বেলা দুটো বাজে—”

প্রতিমা জবাব দিলে—“সংসারের কাজ সেরে উঠতে মেনি দেবী হয়েই থাকে! তারপর তুমি—এই রণরণে দুপুরে কোথায় বেরিয়েছ?”

একটা তাক্কিলোর হাসি হেসে পরিমল বললে—“তুমিও যেমন বৌদি। আমরা হচ্ছি কুলী কাছারি মানুষ, রোদুর বিষ্টি দেখতে গেলে চলে?”

প্রতিমা বললে—“নাঃ, তা কি আর চলে? একেবারে লোহার শরীর কোরে এসেছ; তবু যদি না একমাস আগে ইন্সুয়েঞ্জাতে ভুগতে।”

হো হো করে হেসে পরিমল বললে—“ইন্সুয়েঞ্জা দ্বার একটা অশুখ? যাক—পিসিমা কোথায়?...”

প্রতিমা বললে—“মা এই খেয়ে দেয়ে ওঘরে শুয়েছেন। কন—দরকার আছে কিছু?”

পরিমল বললে—“না, পিসিমাকে কোন দরকার নেই! তোমার ও বাড়ীর খবর কি?”

ও বাড়ী অর্থাৎ প্রতিমার বাপের বাড়ী। বৌদি কঁক করে হেসে কলে বললে—“হাঁ গো হাঁ, তুমি যার খা ভিজেস কোরছ সে ভাল আছে—রিণা ভাল আছে।

একটু অপ্রস্তুত হয়ে পরিমল বললে—“বা রে, আমি বুঝি তার কথা ভিজেস করছি? তোমার বাবা মা কেমন আছেন—”

বৌদি বললে—“থাক মশাই, থাক—আর বেশী কৈফিয়ৎ দিতে হবে না! আগে তো কই কখন ফুলেও তাঁদের খবর নাও নি। আর আজ যেই রিণার সঙ্গে বিয়ের ঠিক হোল অমনি তাঁদের খবরের জন্তে ব্যস্ত হয়েছ, কেমন? আমি কচি খুকী, না?”

পরিমল ঘাড় হেঁট করে হাসতে হাসতে বললে—“নাঃ, তোমাকে নিয়ে আর পারা গেল না। সোজা কথাকে এমন বাঁকা করে ধরো।”

প্রতিমা হেসে ফেলে বললে—“ঐ ভাই আমার কেমন দোষ। যাক, হাতে ওটা কি বই?”

পরিমল বইখানা প্রতিমার হাতে দিলে,—একখানা পাতা উলটিয়েই সে আবার ফিক করে হেসে ফেললে, বললে—“ব্যাপার কি ঠাকুরপো! গহনার ক্যাটলগ নিয়ে ঘুরছ?”

পরিমল একটু হতাশভাবে বললে—“না, তোমার দ্বারা হবে না দেখছি! কোথায় ভেবেছিলাম তোমার ‘হেল্প’ একটু নেবো, তা তুমি যা ঠাটা স্বক করেছ তার ঠেলায় দেশ ছেড়ে পালাতে হোল।” বলে সে উঠে দাঁড়ালে।

প্রতিমা তাড়াতাড়ি এগিয়ে এসে তার হাতটা ধরে বললে—“থাক, আর রাগ কোরতে হবে না! আচ্ছা, আমি আর ঠাটা কোরব না,—এখন বল—কি করতে হবে বলছিলে।”

পরিমল বসে পড়ে বৌদির মুখের দিকে খানিকক্ষণ তাকিয়ে রইল।

প্রতিমা বললে—“বল না কি বলছিলে?”



পরিমল একটু হাসলে, পরে বললে—“নাঃ, শুনলে তুমি খেপাবে!”

বৌদি কথাটা আদায় করবার জন্যে একটু গম্ভীর হয়ে বললে—“না, তুমি বিশ্বাস করো আমি কিছু বলব না!”

পরিমল বৌদির মুখের দিকে চেয়ে বললে—“কিন্তু খবরদার আর কাউকে বোলতে পারবে না! এমন কি পেসাদ দা'কেও নয়। সে শুনলে আর আমার কোলকাতায় থাকতে দেবে না!”

বৌদি বললেন—“না গো না—তুমি নিশ্চিন্ত থাক!”

পরিমল এবার ইতস্ততঃ করে বললে—“ঐ বইখানার ভেতর থেকে—একটা আংটি আর একটা ক্রচের ডিজাইন তোমার বোনকে পছন্দ কোরে দিতে বলবে! কাল তুমি ও বাড়ী যাবে আমি জানি! আমি দিন দুয়েক পরে বইখানা তোমার কাছ থেকে আনিবে নেবো।

বৌদি এতক্ষণ অনেক কষ্টে হাসি চেপেছিল; এইবার হেসে ফেললে, বললে—“ওঃ এই ব্যাপার! আর এরই জন্যে এত দিবা, এত সন্ধ্যা!”

পরিমল বললে—“সে যাই হোক, কিন্তু খবরদার! যদি আর কাউকে বোলো—তা হলে মজা দেখবে, কিন্তু! আমি সব ভেস্তে দেবো।”

বৌদি বললে—“কি ভেস্তাবে শুনি?”

পরিমল বললে—“আসল জিনিষ—অর্থাৎ বিয়ে!”

ঠোটটা একটু উল্টে, অবজ্ঞার স্বরে বৌদি বললে—“ইস! ভারি মুরোদ! দৌড় আমার জানা আছে!”

আরও আধ ঘণ্টা থেকে পরিমল উঠে পড়ল।

পরিমলের বাবা জ্ঞানদা চাটুর্ঘ্যের অবস্থা খুবই ভাল! কোলকাতায় প্রকাণ্ড বাড়ী, দুখানা মোটর, চাকর-চাকরানীতে বাড়ী ভর্তি! নদীয়ার কাছে তাদের মস্তবড় জমিদারী আছে! কোম্পানীর কাগজ ও ব্যাঙ্কের টাকার পরিমাণও বিশিষ্ট রকমের!—তার ওপর সম্প্রতি তিনি কোলকাতার ‘নটরাজ থিয়েটার’টির স্বত্ব কিনে নিয়েছেন! পরিমল তার ‘ফাইন্যান্সিয়াল সেক্রেটারী।’ তা ছাড়া, পরিমলের নিজেরও একটা ‘হার্ডওয়ার বিজনেস’ আছে—তার আয়ও বেশ মবলক ধরণের! সংসারে জ্ঞানদাবাবুর

স্ত্রী, একমাত্র ছেলে পরিমল ও একটা মেয়ে মায়া।—মায়া বিয়ে আজ তিন বছর হ'ল হয়ে গেছে। সে খুব বাড়ীতেই আছে, খুব বাড়ী এলাহাবাদে!

প্রতিমার স্বামী প্রসাদ পরিমলের পিসতুতো ভাই। কিন্তু মামাতো পিসতুতো ভাই হলেও দুজনের ভেতর প্রীতি ছিল অটুট! এবং উভয় উভয়ের সঙ্গে ব্যবহার কোরত ঠিক অন্তরঙ্গ বন্ধুর মত। ফলে প্রসাদ দুবছরের ব্যাধি হলেও পরম্পরের ভেতর হাসিঠাট্টা ইয়ারকি অবোধে চলত।

প্রসাদের বিয়ে বছরখানেক হলো হয়েছে! প্রতিমার একান্ত ইচ্ছা ও চেষ্টাতে তার মেজ বোন রিণার সঙ্গে পরিমলের বিয়ের ঠিক হয়েছে! অবশ্য এই ইচ্ছার পেছনে ছোট একটু ইঙ্গিত ছিল—সেটা পাত্র ও পাত্রী উভয়ে প্রতি উভয়ের গোপন অনুরাগ।—

বিয়ের প্রায় সবই ঠিক, কেবলমাত্র আশীর্বাদ, আ দিন স্থির টুকুই বাকী। সেটা কেবল প্রতিমার বাবা অফিসের ছুটি পাওয়ার ওপর নির্ভর করছে। তা হলে এটা ঠিক যে, সপ্তাহ খানেকের মধ্যেই সব পাকাপাকি হ'ল যাবে।

প্রতিমার বাপের বাড়ীতে আসার দুদিন পরে বিকেল বেলা—তার দাদামশাই এলেন। দাদামশাই থাকে শিবপুরে। খুব কমই এখানে আসেন।

প্রতিমার মা নানান কথার পর, রিণার বিয়ের খবর সবিশেষ দিলেন। দাদামশাই একটু খুঁৎখুঁতে মাফুস সব শুনে তিনি বললেন—“দেখ মা, সব ভাল, কিন্তু ঐ। বললে ছেলে থিয়েটারে প্লে করে—”

কাছেই প্রতিমা বসেছিল, সে বললে—“না দা! সে কেন প্লে করতে যাবে। সে সেক্রেটারী, টাকাকড়ি ব্যবস্থা সে করে—”

দাদামশাই বললেন—“তা হলেত আরও ভাল। টাকার যদি হাতে থাকে, তা হলে আরও ভয় পা পিছলোবার।”

প্রতিমা মুখটা একটু ভার করে বললে—“না দা! ঠাকুরপো সে ধরণের ছেলে নয়। সিগারেট পর্যন্ত খায় না, তার সম্বন্ধে অন্য কিছু ভাবাই অন্তায়।”

দাদামশাই বললেন—“আরে পাগলী, আমি কি বলি











দেখারাপ! হাজার হলেও এ বিয়ের ব্যাপার। ভাল কোরে সব খবর নিতে হবে! ঐ থিয়েটারের লোকদের দ্বাৰা চরিত্র প্রায়ই বিগড়ে থাকে! বাইরে থেকে দেখলে কিছু বোঝা যায় না! ভেতর থেকে খবর নিতে হয় খুব ভাল কোরে! আর তোর ত সব এক বছর বিয়ে হয়েছে! তার ওপর সে থাকে কোলকাতায় আর তোরা থাকিস বেহালায়! কতটুকু খবর তার রাখতে পারিস বল?”

প্রতিমা আশ্চর্য্য হয়ে বললে—“আমি এক বছরের ঠিক খবর জানতে পারবো না—আর আপনি দুদিনে কি করে সব ঠিক খবর যোগাড় কোরবেন?”

দাদামশাই হেসে বললেন—“ঐ তো মজারে! এই কোরেই ত মাথার চুল পাকালুম!”

এমন সময় রিণা একহাতে এক কাপ্‌চা, অপর হাতে এক ডিস্‌জলখাবার এনে দাদুর সামনে রেখে বললে—“নিদ্‌দাদু, এখন তর্ক রেখে একটু গলাটা ভিজুন দেখি! তখন থেকে বক্বক্ব করে গলাটা শুকিয়ে গেছে!—” বলে একটু হাসলে।

দাদু হো হো করে হেসে উঠে বললেন—“খুব ভাল ছিঁস্! দেখ না, একজন ত তার দেওরের নিন্দে শুনে গাটা লাল! তা তোর মুখটা কি রকম দেখি—চতুর্দশী না মনাবজা?” বলে চায়ের বাটিটা তুলে নিলেন।

\* \* \* \*

ছ’দিন পরে, সন্ধ্যার সময় প্রসাদ দা’ পরিমলের ঘরে গিয়ে বললেন—“ওরে ছোঁড়া, এই নে তোর ‘ইষ্টি কবচ’ এর ভেতর ‘মার্ক’ করে দেওয়া আছে!” বলে তার সামনে সন্ধ্যার ক্যাটলগটা ফেলে দিলেন।

পরিমলের মুখটা লাল হয়ে উঠল! সে বললে—“না, বৌদির এটা ভারি অন্যায়! আমি পইপই করে কাউকে বালতে বারণ করেছিলাম!”

মুখটা একটু ভেংচে প্রসাদ দা’ বললেন—“তা আর কারবে না!—তা না হলে ফুঁটি হবে কেন। এর মধ্যে থেকে গয়না পছন্দ করান হচ্ছে! বীদর কোথাকার।—”

লাফিয়ে উঠে পরিমল, প্রসাদ দা’র মুখে হাত চাপা দিয়ে

বললে—“আরে, চুপ করো। পাশের ঘরে মা রক্কোছেন—শুনতে পাবেন যে—”

নির্বিকার ভাবে প্রসাদ দা’ বললেন—“শুনতে পাবেন বলেই বলছি! মামীমাকে তাঁর গুণধর পুত্রের কীষ্টি একটু পরিচয় না দিলে আমার যে পাপ হবে।”

হাত ছুটো যোড় করে পরিমল বললে—“দোহাই তোমার! আর কখনও কিছু তোমার কাছে লুকোব না।”

এবার প্রসাদ দা’ শাস্তভাবে বললেন—“আচ্ছা, এবার তোমায় ক্ষমা করা গেল, কিন্তু ভবিষ্যতে অন্যথা করলে—বুঝবে মজা! যাক্ এক কপ্‌চা আনাও!”

পরিমল ডাকলে—“যহু।”

চাকর এসে দাঁড়াল!

পরিমল বললে—“চা হচ্ছে, না?”

যহু বললে—“আজ্ঞে হাঁ।”

পরিমল বললে—“শীগ্‌গির দু কপ্‌চা নিয়ে আয় দেখি,—আমায় এখুনি বেরুতে হবে।”

প্রসাদ দা’ জিজ্ঞেস করলেন—“কোথায় বেরুবে?”

“থিয়েটারে।”

প্রসাদ দা’ বললে—“আজকে ত সোমবার। প্লে নিশ্চয় নেই।”

পরিমল বললে—“না, প্লে জন্তো নয়! জন চারেক নতুন অ্যাকট্রেস্‌ নেওয়া হবে, আজ তাদের ‘ট্রায়েল’ হবে।”

ইতিমধ্যে চা এসে গিয়েছিল। চায়ের কাপে চুমুক দিতে দিতে প্রসাদ দা’ বললেন—“হঁ।” একটু পরে আবার বললেন—“ট্রায়েল দেবে তাতে তোমার যাবার প্রয়োজন?”

পরিমল বললে—“বাঃ, আমার যাবার দরকার নেই?—মিটিং হবে, আমি সেক্রেটারী, আমার অপিনিয়ন দিতে হবে।—কত মাহিনেয় নেওয়া যেতে পারে; এই সবের মীমাংসা করতে হবে।”

গম্ভীরভাবে প্রসাদ দা’ বললেন—“বটে! আমি কিছু বুঝি না, না? রোসো রিণাকে গিয়ে বোলতে হচ্ছে যে—ছোকরা ঘন ঘন থিয়েটারে যেতে আরম্ভ করেছে!...”

হো-হো করে হেসে পরিমল বললে—“ওঃ! খুব লোক



তুমি! তোমার অসাধ্য কিছু নেই! কিন্তু ভয় নেই; বাবাও সেখানে থাকবেন! তাঁর সঙ্গেই যাচ্ছি!”

এমন সময় চাকর এসে খবর দিলে—“দাদাবাবু গাড়ী তৈরী,—বাবু ডাকছেন!”

দুজনে উঠে পড়ল!

\* \* \* \*

দিন চারেক পরের কথা।

সেদিন বুধবার। বউবাজারের সার্পেন্টাইন লেনের ভেতর দাদামশাই ঢুকলেন! খানিকটা এগিয়ে গিয়ে একটা বাড়ীর রোয়াকে কতকগুলি ছোকরাকে বসে গল্প করতে দেখে জিজ্ঞাসা করলেন—“এখানে বীরেন রায় কোন্ বাড়ীতে থাকেন? যিনি নটরাজ থিয়েটারে প্লে করেন?”

একটি ছোকরা তাঁর দিকে চেয়ে বললে—“বীরেনবাবু? ঐ সামনের বাড়ীতে থাকেন!” বলে আঙ্গুল দিয়ে খান তিনেক পরের একখানা বাড়ী নির্দেশ করে দিলে।

দাদামশাই এগিয়ে গিয়ে,—সদর দরোজা দিমে ঢুকতেই দেখলেন—একখানা সাজান ঘর, আর ভেতরে দুজন ভদ্রলোক বসে রয়েছেন!

দরজার সামনে দাঁড়িয়ে দাদামশাই তাঁদের জিজ্ঞাসা করলেন—“বীরেনবাবু আছেন কি?”

ভদ্রলোক দুটির মধ্যে একজন সহাস্তে বললেন—“ভেতরে আসুন! আমারি নাম বীরেনবাবু!”

দাদামশাই খুসী হয়ে ভেতরে ঢুকলেন!

বীরেনবাবুর বয়স দেখলে মনে হয়, বছর চল্লিশ। রঙ শ্রামবর্ণ, দাড়ীগোফ কামান, স্ত্রী চেহারা; চোখে কালো ‘সেলুলয়েডে’র চশমা!

অপর যে ভদ্রলোকটি বসেছিলেন, তাঁর বয়েস বীরেনবাবুর তুলনায় অনেক অল্প,—বছর পঁচিশ হবে। তবে রঙ খুব ফরসা আর বেশ সুপুরুষ!

বীরেনবাবুই নিস্তব্ধতা ভঙ্গ করে বললেন—“আপনি কোথা থেকে আসছেন?”

দাদামশাই যুত করে বসে, পকেট থেকে একটা পুরোনো ‘সেভিং টিক’-এর কোঁটা বের করলেন, এবং তার

ভেতর থেকে একটা বিড়ি বার করে ধরিয়ে বললেন—“আমি আসছি শিবপুর থেকে; কিন্তু তা বললে আপনি বুঝতে পারবেন না। আমি একটা খবর জানবার জন্তে এসেছি।”

বীরেনবাবু উৎসুকভাবে তাঁর দিকে চেয়ে বললেন—“বেশ বলুন! আমি সাধ্যমত ‘ইনফরমেশন’ দেবার চেষ্টা করব!”

দাদামশাই বললেন—“জ্ঞানদাচরণ চট্টোপাধ্যায় আপনাদের থিয়েটারের মালিক না?”

বীরেনবাবু ঘাড় নেড়ে বললেন—“আজ্ঞে হ্যাঁ।”

দাদামশাই বললেন—“তাঁর এক ছেলে পরিমল বলে, —ঐ থিয়েটারে কাজ করেন না?”

বীরেনবাবু বললেন—“হ্যাঁ—করেন, তিনি ঐ থিয়েটারের সেক্রেটারী।”

দাদামশাই এবার একটু হেসে বললেন—“আমি ঐ পরিমলবাবুর সহস্র কতকগুলি খবর জানতে চাই!” ঐ বলে অর্থপূর্ণ দৃষ্টিতে তার দিকে চাইলেন।

বীরেনবাবু এবার একটু নড়ে চড়ে বসে বললেন—“বেশ! কিন্তু আপনি তাঁদের খবর জানতে চান—তার কারণটা একটু ভেঙ্গে না বললে ত কিছু বুঝতে পারছি না!

দাদামশাই তাঁর সাদা দাড়ি ও গোঁফের ফাঁক দিয়ে একটু হেসে বললেন—“নিশ্চয়ই, বলব বই কি! অর্থাৎ,—জ্ঞানদাবাবুর ছেলে—ঐ পরিমলের সঙ্গে আমার একটা নাতনীর বিয়ের কথাবার্তা হচ্ছে!”

বীরেনবাবু এবার একগাল হেসে বললেন—“তাই বলুন, আমি এতক্ষণ অন্ধকারে ঘুরছিলুম।” বলে অপর ঘুবকটির দিকে চাইলেন!

সেও উৎকর্ণ হয়ে এঁদের কথাবার্তা শুনছিল! বীরেনবাবুর মুখের দিকে চেয়ে সে একটু হাসলে!

বীরেনবাবু আবার আরম্ভ করলেন—“আপনি তা হলে পরিমলবাবুর দাদাশুভ্র হবেন—কেমন? বেশ, এবার কি কি জানতে চান, বলুন! ছেলেটির চরিত্র কেমন? স্বভাব কেমন? এই না?” বলে দাদামশাইয়ের দিকে চাইলেন।



দাদামশাইও একগাল হেসে দাড়িতে হাত বুলোতে বুলোতে বললেন—“ঠিক তাই।”

বীরেনবাবু বলে যেতে লাগলেন—“আমি যতদূর জানি পরিমলবাবু পাত্র হিসাবে খুব ‘ডিজায়ারএবল।’ অতি ধনীত স্বভাব, আর চরিত্র নিষ্কলঙ্ক!—একটা সিগারেট পর্যন্ত খায় না। ভারি তোখোড় ছেলে—এই বয়সেই দু দুটা কারবার ‘ম্যানেজ’ করছে! মানে—এক কথায় ছেলেটা অতুলনীয়!” বলে সেই যুবকটির দিকে চেয়ে বললেন—“কেমন হে, ঠিক বলি নি?” সঙ্গে সঙ্গে একটু হাসলেন।

উত্তরে সে বললে—“হ্যাঁ, ‘জাষ্ট এণ্ড ইমপাশিয়েল।’”

কিন্তু কথাটি সে এমন একটা ভঙ্গীতে বললে, যার মানে—ব্যঙ্গ অথবা প্রকৃত—হুইই ধরা যায়।

বীরেনবাবু কি বলতে যাচ্ছিলেন,—বাধা দিয়ে যুবকটি বললে—“বীরেন দা’, দশটা বাজে; আমায় এখুনি উঠতে হবে। ‘কাইগুলি’ সেই ‘ম্যানেসক্রিপ্’টা এনে দিন।”

বীরেনবাবু বললেন—“আচ্ছা, দিচ্ছি এনে।” তারপর দাদামশাইয়ের দিকে চেয়ে বললেন—“আপনার আর কিছু জানবার থাকে ত বলুন? তার বিষয় সম্পত্তির খবর সব জানেন আশা করি?”

দাদামশাই বললেন—“হ্যাঁ, তা জানি, অগাধ পয়সা। —না, আর কিছু জানবার আমার নেই? তবে একটা কথা—” বলে একটু ইতস্ততঃ করে আবার বললেন—“আপনার এই খবরের ওপর সম্পূর্ণ নির্ভর করতে পারি ত?”

বীরেনবাবু দাদামশাইয়ের দিকে চেয়ে দৃঢ়ভাবে বললেন—“নিশ্চয়ই?” সঙ্গে সঙ্গে চোখটি ফিরিয়ে যুবকটির দিকে চাইলেন।

মনে হলো উভয়েরই ঠোঁটের কোণে একটা চাপা হাসি পেলা করে গেল। দাদামশাইয়ের তীক্ষ্ণদৃষ্টিতে সেটা এড়ানো না।

দাদামশাই বিদায় নেবার একটু পরেই—যুবকটির হাতে এক তাড়া খাতা দিতে দিতে সহাস্যে বীরেনবাবু বললেন—“একবার ভাবলুম বুড়োকে দিই সব ফাঁস করে।”

যুবকটিও হেসে বললে—“হতো মন্দ নয়। যাক, আমি তা হলে এখন উঠি।” বলে সে বেবিয়ে পড়ল।

বউবাজার ষ্ট্রীটের ওপর ট্রাম ‘ষ্টপে’র কাছে এসে যুবকটি দেখলে দাদামশাই দাড়িয়ে রয়েছেন! কাছে গিয়ে সে বললে—“ট্রামের জন্তে দাঁড়িয়ে রয়েছেন?”

দাদামশাই ফিরে যুবকটিকে দেখে বললে—“এই যে আপনি? হ্যাঁ, ট্রামের জন্তেই।”

যুবকটি বললে—“কতদূর যাবেন? শিবপুর?”

দাদামশাই বললেন—“না, একবার কালীঘাটে যাব—সেইখানেই আমার মেয়ের খণ্ডর-বাড়ী! আপনি কত দূর?”

যুবকটি বললে—“আমায় একবার ধর্মতলায় যেতে হবে, তারপর থিয়েটারে।”

দাদামশাই বললেন—“আপনিও থিয়েটারে কাজ করেন না কি?”

যুবকটি সহাস্যে বললে—“আজ্ঞে হ্যাঁ—আমি একজন আর্টিষ্ট।”

দাদামশাই বললেন—“বটে! তা আপনার নামটি জানতে পারি কি?”

যুবকটি বললে—“বিলক্ষণ! আমার নাম নলিনী-রঞ্জন চাটুর্ঘ্য।

এমন সময় একখানি ট্রাম এসে দাঁড়াল। নলিনীবাবু, দাদামশাইকে বললে—“আজ্ঞে, ওঠা যাক।”

দুজনেই কাষ্ট ক্লাসে উঠলেন। একটু পরে নলিনীবাবু দাদামশাইকে জিজ্ঞাসা করলে—“তারপর, পরিমলবাবু সম্বন্ধে সঠিক খবর পেলেন ত?” বলে একটু হাসলে।

দাদামশাই বললেন—“কেন বলুন ত নলিনীবাবু,—কিছু কি—” বলে তার দিকে উৎসুক ভাবে চাইলেন।

নলিনীবাবু একটু হেসে বললে—“বীরেনবাবু সবই বলেছেন, তবে একটু কাপড় পরিয়ে—এই যা তফাৎ।” বলে অর্থপূর্ণ দৃষ্টিতে দাদামশাইয়ের দিকে চাইলে।

দাদামশাই আগ্রহের সঙ্গে বললেন—“মানে?”

নলিনীবাবু এবার একটু কুণ্ঠিত ভাবে বললে—“দেখুন, সব ভেঙ্গে বলতে গেলে আপনার হয়ত লাভ হবে



প্রচুর, কিন্তু সঙ্গে সঙ্গে আমার একটু ক্ষতির সম্ভাবনা রয়েছে।”

দাদামশাই যেন ভারি আশ্চর্য্য হয়ে গিয়েছিলেন! বললেন—“ভেঙ্গে বললে আপনার ক্ষতির সম্ভাবনা আছে, তার মানেটা আমি ঠিক ধরতে পারছি না।”

নলিনীবাবু একটু হেসে বললেন—“বুঝতে পারলেন না? অর্থাৎ, কথাটা আমি বলেছি তা যদি প্রকাশ হয়, তা হলে আমার চাকরীটি রাখা দুষ্কর হবে।”

দাদামশাই ব্যস্তভাবে বললেন—“পাগল হয়েছেন। এ খবর তৃতীয় ব্যক্তির কানে উঠবে না। আমায় ব্যাপারটা খুলে বলো ভাই—” বলে নলিনীবাবুর হাতটা চেপে ধরলেন!

হাতটা আশ্বে আশ্বে ছাড়িয়ে নিয়ে, বিনীতভাবে নলিনীবাবু বললেন—“আমায় অত করে বলতে হবে না। আপনাকে ভালমামুষ দেখে আমি নিজেকে থেকেই তো বলতে চাইলুম। বিশেষ করে একটা মেয়ের সারাজীবনের সুখ দুঃখ নিয়ে যখন কথা।—কেমন নয় কি?”

দাদামশাই সোৎসাহে বললেন—“নিশ্চয়ই। এ হিন্দুর বিয়ে, একবার হয়ে গেলে আর বদলাবার কোন উপায় নেই। হাজার ছেলে বদ্ হোক আর খাণ্ডী জ্বাল হোক—।”

নলিনী বললেন—“ঠিক তাই। এ যেন গাছ থেকে ফল পড়ার মত। একবার বোঁটা থেকে ফলটা খসে পড়লেই হোল,—তারপর হাজার চেষ্টা করুন আর কিছুতেই সে ফল বোঁটায় লাগাতে পারবেন না। যাক, পরিমলবাবুর আসল ইতিহাসটা তা হলে শুন।” বলে সে চারিদিক একবার চেয়ে নিলে যে, পরিচিত কেউ আছে কি না,—তারপর অতিনিম্নস্বরে দাদামশাইকে সবিশেষ শোনাতে! শুন্তে শুন্তে দাদামশাইয়ের একবার করে চোখ দুটা বড় হয়ে উঠছিল এবং বেশ বোঝা যাচ্ছিল যে, তিনি নলিনীবাবুর এই কথাগুলোকে বিশ্বাসযোগ্য ও নির্ভরযোগ্য বলেই যেন গ্রহণ করেছেন!

কথা শেষ করে নলিনীবাবু বললেন—“শুনলেন ত!”

দাদামশাই দাড়িতে হাত বুলোতে বুলোতে বললেন—

“ঠিক! আপনি যা বললেন তা খুবই সত্যি এবং সম্ভব বলেই মনে হচ্ছে!”

নলিনীবাবু সহাস্তে বললেন—“বীরেনবাবুর কাছে সব শোনবার পর, আপনার মুখ দেখে মনে হলো, আপনি সব বিশ্বাস করতে পারেন নি—কেমন, নয়?”

দাদামশাই বললেন—“ঠিক ধরেছ! আমরা হাজার হলেও বুড়ো মানুষ, লোক ঘেঁটে ঘেঁটে চুল পেকে গেল আমাদের চোখে ধুলো দেওয়া কি সহজ হে।” বলে একটা গর্জিত দৃষ্টিতে নলিনীবাবুর দিকে চাইলেন!

নলিনীবাবুও বেশ উৎফুল্ল ভাবে থিয়েটারী ভঙ্গীতে বললেন—“নিশ্চয়ই! আমাদেরও দেখুন না, ‘সাইকোলজিক্যাল পার্ট প্লে’ করে করে এমন একটা ‘পাওয়ার’ এনে গেছে যে, লোক দেখলেই বলে দিতে পারি তা মনের কথা।”

ট্রামখানা ততক্ষণে এস্প্রানেডে এসে পৌঁছে গিয়েছিল! নামবার মুখে নলিনীবাবু বিনীত ভাবে আবার বললেন—“দেখবেন দাদামশাই, আমার নামটা যেন প্রকাশ না হয়।”

দাদামশাই ব্যস্তভাবে বললেন—“আরে, না না, এ খবর তৃতীয় ব্যক্তির কানে উঠবে না। তুমি নিশ্চয় থাক। তোমায় ধন্যবাদ ভাই নলিনী না পরিমল—বিবোলব!” বলে সহাস্য দৃষ্টিতে পরিমলের দিকে চাইলেন, ...পরিমল শুক্ন হয়ে গেল!

মাথার ওপর আচমকা একটা লাঠি মারলেও বোঝা হয় পরিমল অতটা চমকাত না, যতটা সে দাদামশাইয়ের কথায় চমকে উঠল! দাদামশাই তা’ হলে আগাগোড় তাকে চিনে এসেছেন, আর সে আহাম্মকের মতন চালাকী করুতে গিয়েছিল! ওঃ! কি ঠকানটাই দাদামশাই আর তাকে ঠকালেন! তারপর এই খবর বৌদিদের কাছে উঠবে, রিণা শুন্বে, প্রসাদ দাঁ শুন্বে! সে আর ভাবতে পারলে না!

দাদামশাই তার দিকে চেয়ে মুহু মুহু হাসছিলেন। পরিমল যেন সম্বিতহারা হয়ে গিয়েছিল, লজ্জায় মাথা তোলবার পর্যন্ত সামর্থ্য ছিল না।



পরিমল আশ্বে আশ্বে জিজ্ঞাসা করলে—“আপনি কখনো গোড়া থেকেই চিনতে পেরেছিলেন?”

দাদামশাই হাসতে হাসতে বললেন—“ই্যা হে চালাক সা। বীরেনের সঙ্গে আমার আজকের চেনা নয়। চলবেলা থেকেই সে মাতুষ হয়েছে শিবপুরে, বুঝলে? আর তোমাকে চিনলুম তোমার অফিসে গিয়ে, তুমি বগা আমায় দেখ নি। তারপর বীরেনের বাড়ীতে গিয়ে তোমার দেখে, একটু রগড় করতে ইচ্ছা হলো, আর বীরেনও দেখলুম তাতে বেশ যোগ দিলে। আর বলও একবারে চমৎকার!”

এতক্ষণে পরিমলের চোখের সামনে থেকে যেন একটা দা সরে গেল। উঃ, বীরেন দা' কী ছুট! পরিমল দাদামশাইয়ের পায়ের ধুলো নিয়ে বললে—“হাজার হলেও

—আমরা কাঁচা, আপনাদের পাকা বুদ্ধির সঙ্গে পারবো কেন? কিন্তু দোহাই দাছ, একথাটা যেন ওখানে প্রচার করবেন না। তা হলেই আমার আর রক্ষে নেই।”

হাসতে হাসতে দাদামশাই বললেন—“বটে! কিন্তু আশ্বাস খুব দিতে পারছি না।—”

এমন সময় কালীঘাটের ট্রাম এসে দাঁড়াল। দাদামশাই বসে পড়ে বললেন—“তা' হলে চললুম ভাই।—আর একটা ভাল পাত্রটাত্র পাওত খবর দিও। ওখানেত আর নাতনীটার বিয়ে জেনে শুনে দিতে পারি না, কি বল?”

লজ্জায় পরিমল খাড়া হেঁট করে রইল;—কথা বলবার শক্তি পর্য্যন্ত সে হারিয়ে ফেলেছিল। তার কান ছোটো লাল হয়ে উঠলো!.....

শ্রীপদ্মা বন্দ্যোপাধ্যায়

## বিচিত্র-বার্তা

প্রকৃতির একটা অমূল্য সম্পদকে মানবের ভূত্বরূপে বহার করিবার জল্পনা-কল্পনা চলিতেছে। আশা করা য় অদূর ভবিষ্যতে ভগবান বিবস্বান মাতুষের সেবায় যিনিয়োগ করিবেন। বিজ্ঞানের জয়যাত্রার যুগে রূপনা বাস্তবে পরিণত হইতেছে। বৈজ্ঞানিক বলেন যে, প্রতি একর জমিতে যে পরিমাণ সূর্য্যতাপ অপচয় হয়, দ্বারা সাতহাজার তিনশত অশ্বশক্তির একটা ইঞ্জিন চলিতে পারে।

\* \* \*

সূর্য্য তেজকে কিন্তু এ পর্য্যন্ত কেহই মানবের কার্য্যে

নিয়োজিত করিতে সমর্থ হন নাই। প্রায় সতের শত বৎসর পূর্বে গ্রীসের মহামানব আর্কিমিডিস কয়েক খণ্ড কাঁচের সাহায্যে বিশ্ববিজয়ী রোমের নৌবহর ভাঙিয়া দিয়াছিলেন। সতের শত সাতচল্লিশ খৃষ্টাব্দে এক ফরাসী বৈজ্ঞানিক তিনশত খণ্ড কাঁচের সাহায্যে দুইশত ফিট দূরবর্তী এক বনে অগ্নি-সংযোগ করিয়াছিলেন। ইহার পর জার্মানীর ড্রেসডেন নগরে এক বৈজ্ঞানিক কতকগুলি দর্পণ চক্রাকারে সন্নিবিষ্ট করিয়া একটা সৌরতাপ-যন্ত্র প্রস্তুত করেন। ইহাতে একরূপ তাপ কেন্দ্রীভূত হইত যে, দুই সেকেন্ডের মধ্যে যে কোন দ্রব্য গলিত হইয়া জলবৎ দ্রব হইয়া যাইত।





মায়া

শ্রীক্ষণপ্রভা দেবী

জ্যৈষ্ঠ মাস। সন্ধ্যা উতরে গেছে। কোলকাতার ভীষণ হট্টগোলময় একটা রাস্তা। ‘কুলপি বরফ’, ‘বেলফুল মালা’ ইত্যাদি চীৎকারে পাড়া মুখরিত। প্রতীপ বসে আছে নিজের ঘরে, কিন্তু মন তার ছুটে চলে গেছে কোনও এক ছায়া স্ননিবিড় শাস্ত্র পল্লীর নিভৃত কুটীর প্রান্তে। থেকে থেকে উৎসুক চোখে রিষ্টওয়াচের পানে চাইছে আর নিঃশব্দে হাতের চুরুটটা নিঃশেষ করছে। পাশে তার বেডিং, স্মটকেন্স, ফ্রাক্স, মেডিসিন বাক্স ইত্যাদি ছড়ান রয়েছে। এমন সময় ঘরে ঢুকল তার প্রিয় বন্ধু অলর্ক। মুহূর্তে হাসিতে মুখখানি উজ্জ্বল করে সে শুধালে, “কি হে যোগী,—কার ধ্যানে মগ্ন, নামটা শুনতে পাই নে?”

চমকে উঠে প্রতীপ বললে, “আরে, অলর্ক যে! কবে, বাড়ী থেকে ফিরলি ভাই? আমার একটা বিশেষ জরুরী কাজে আজ বিদেশ যেতে হচ্ছে।”

অলর্ক বললে, “আয়োজন দেখে তাই ত বুঝছি; কিন্তু কোথায়?”

প্রতীপ পকেট থেকে একখানি চিঠি বার করে অলর্কের হাতে দিলে। অলর্ক পড়তে লাগল—

“শ্রীচরণেশ্বর,

প্রতীপ দা’, তুমি কেমন আছ? আশা করি ছোট বোনটিকে একেবারে ভুলে যাও নি। আজ দীর্ঘ পাঁচ বৎসর

পর আমার চিঠি পেয়ে তুমি হয় ত আশ্চর্য্য হয়ে যাবে, কিন্তু এই বিধাতার লীলাক্ষেত্রে আশ্চর্য্য হবার কিছুই নেই। মানুষের জীবনের কখন যে কি মুহূর্ত আসে, তা কেউ বলতে পারে না। আমার জীবনে এসেছে এখন ভীষণ অভূত মুহূর্ত, যা তুমি কল্পনাও করতে পারবে না। উপযুক্ত চিকিৎসা অভাবে আজ পাঁচদিন হ’ল, আমার বুক ছেঁড়া খুকুমণি আমায় ফাঁকি দিয়ে পালিয়ে গেছে থোকাটা ভুগছে। স্বামীর শরীর ভাল নয়। এই ভীষণ দারিদ্র্য সংগ্রামের সঙ্গে আমি একলা আর যুঝতে পারছি নে ভাই। তুমি ডাক্তার, শুনেছি খুব নাম করেছে, আমায় তুমি আগে বড় স্নেহ করতে, সেট অধিকারে আর আমার এই বিপদের দিনে তোমায় ডাকছি। আগে ছুটি ভাইবোনে ছিলাম ত বেশ, একসঙ্গে কলেজ যাওয়া সিনেমা যাওয়া, গল্প করা, তারপর ভাগ্যের মোড় গেলে ঘুরে, তুমি দিলে সমুদ্রে পাড়ি, আর আমার ভাগ্য আমায় দান করলে, একটা অজানা অর্চনা নবীন বন্ধু, তারপর আরও অনেক কিছু—কিন্তু থাক ভাই, আর লিখব না। নিশ্চয় করে এস, মোটে দেবী কোর না। প্রণাম নিও। ইতি,

অভাগিনী  
প্রবাহিনী



চিঠিখানি শেষ করে অলর্ক প্রতীপের হাতে ফিরিয়ে দিয়ে বললে, “মনে পড়েছে। সেই প্রবাহিনী চৌধুরী, তোর পড়ীতে রোজ কলেজ আসত? আহা, সত্যি বড় দুঃখ হয় ভাই তোর জন্য! তুই কি আজই যাবি?”

প্রতীপ বললে, “নিশ্চয়! কিন্তু কেন জিগোস রেছিস?”

অলর্ক বললে, “ওই গ্রামে আমার এক মামা আছেন। তুই যদি কাল যেতিস, তা’ হলে কিছু কিনে দিতুম তাঁর জন্য! তিনি আমায় বড় ভালবাসেন। একটা দিন অপেক্ষা করবি ভাই?”

স্নিগ্ধকণ্ঠে প্রতীপ বললে, “তাতে কি হয়েছে ভাই, কালই তবে যাব।”

রাত্রি তখন প্রায় বারটা। ছোট্ট একটা ষ্টেশনে ট্রেন যেতেই, প্রতীপ নেমে পড়ল। নীরব নিস্তরুণ প্লাটফর্ম। ওদূরে কেরোসিনের বাতিগুলি ঠিক প্রহরীর মত দাঁড়িয়ে আছে। না আছে একটা কুলী, না আছে ভাড়াগাড়ী, কেবাবে অজ পাড়গাঁ। প্রতীপের মনটা মুসড়ে গেল। এক হাতে টর্চ আর একহাতে স্কটকেস নিয়ে সে নহ্ন করে গাঁয়ের ভিতর ঢুকে পড়ল। সহসা তার পিছন থেকে একটা মেয়ে বললে, “ও পথ ভুল প্রতীপ দা”, মিলে যেও না। উঃ, আমি কতক্ষণ অপেক্ষা করছি আমার জন্য!”

চমকে উঠে প্রতীপ বললে, “এ কি প্রবাহিনী, তুমি! এখানে একলা গাছতলায় দাঁড়িয়ে, সঙ্গে কেউ আসে নি?”

প্রতীপ কিছুতে বিশ্বাস করতে পারছিল না যে, সে যেকোনো সত্যিই প্রবাহিনী। কিন্তু বিশ্বাস তাকে করতেই দিল। একবার যাকে সমস্ত মন প্রাণ দিয়ে চেনা যায়, গকে কি কখনও মানুষ ভুলতে পারে? খিলখিল করে হাসে উঠে প্রবাহিনী বললে, “ভয় পেয়েছ, নয় প্রতীপ দা? আমি না এলে তুমি কেমন করে বাড়ী চিনে যেতে বল ত? ঠিকানাটাও লোকে আনে ত। ষাক, এস আমার সঙ্গে।”

তার পিছনে যেতে যেতে টর্চ ফেলে প্রতীপ তাকে

লক্ষ্য করতে লাগল। দেখল, প্রবাহিনী অনেকখানি রোগা হয়ে গেছে। চুলগুলি বড় রুক্ষ। বাতাসের সাথে সমান তালে নাচছে। কিন্তু তার চিঠিখানি যে সে আনে নি প্রবাহিনী তা বললে কি করে? পকেটে হাত দিতেই সে শিউরে উঠল, তাই ত ও কি অশ্রুঘ্যামী। তার মনে কেমন যেন একটু সন্দেহ হতে লাগল। সেই নির্জন আধার পথে তার সঙ্গে যেতে কি জানি কেন তার গাটা ছমছম করে উঠল। প্রবাহিনী ভদ্রঘরের কুলবধু হয়ে এত রাত্রে পথে বেরুল কেমন করে? পরক্ষণেই মন বলে উঠল, “না না, সে কি কখনও হতে পারে? প্রবাহিনী যে তাকে ভালবাসে, সে ভালবাসা স্বর্গের নন্দন কাননের পারিজাত পুষ্পের ন্যায় চির সুগন্ধময়, চির পবিত্র, চির অমর। রাত্রে পাড়গাঁয়ে চলা অনভ্যস্ত প্রতীপ পথে কষ্ট পাবে বলে, সে সমস্ত সন্ধ্যা ভীতি ত্যাগ করে তাকে নিতে এসেছে।”

প্রতীপের চিন্তাজাল ছিন্ন হোল, “ও কি প্রতীপ দা, তুমি যে একেবারে পিছিয়ে গেলে, তাড়াতাড়ি পা চালাও—”

প্রতীপ লজ্জিত হয়ে ছুটতে শুরু করে দিল। বললে, আমি আর পারছি না প্রবা, আর কতদূর যেতে হবে?”

একটা দেবদারু গাছের নীচে দাঁড়িয়ে প্রবাহিনী বললে, কষ্ট হচ্ছে প্রতীপ দা? কিন্তু আমার কষ্ট যদি জানতে!”

তা বটে! নিজের সুখ-স্বাচ্ছন্দ্যের কথাটা তার এতবড় করে দেখা উচিত হয় নি। লজ্জিত হয়ে সে বললে— “তোমার ছেলেটি কেমন আছে প্রবা? কর্তার কাছে তাকে রেখে এসেছ বুঝি?”

প্রবাহিনী হেসে উঠল। কী অস্বাভাবিক সে হাসি! হঠাৎ তার মনে হোল ভারী করুণ স্বরে কে যেন ফুঁপিয়ে ফুঁপিয়ে কাঁদছে। সে ভয়চকিত দৃষ্টিতে চারদিকে চাইতে লাগল, কিন্তু কিছুই দেখতে পেল না। ভীষণ অন্ধকার। মনে হচ্ছে যেন, একটা বিকট দৈত্য তার কালো ডানায় সমস্ত আলো লুকিয়ে রেখেছে। শুধু ঝোপের ভিতরকার ঝিঁঝিঁ পোকের অবিপ্রান্ত গান শুনে তবুও একটু ভরসা



হয়, মনে হয় পৃথিবীর চেতনা বুঝি এখনও সম্পূর্ণ লোপ পায় নি। বিনিয়ে বিনিয়ে সেই করুণ কান্না প্রতীপকে পীড়া দিতে লাগল। সে প্রবাহিনীকে ডাকতে চাইল, কিন্তু গলা দিয়ে স্বর ফুটল না। পিপাসায় কণ্ঠ তালু শুক। কম্পিত হাতে টর্চটা জ্বালতেই তার উজ্জ্বল আলোয় প্রতীপ স্পষ্ট দেখলে—অদূরে দাঁড়িয়ে প্রবাহিনী কঁাদছে। কোলে তার একটি সুন্দর শিশু।

এ শিশু কোথা থেকে এলো! প্রবাহিনীর সঙ্গে ত কেউ ছিল না। ভাল করে আর একবার দেখবার আগেই হাতটা শিথিল হয়ে টর্চটা মাটিতে পড়ে গেল।

প্রতীপ ভয়ে চীৎকার করে উঠলো, “প্রবা, প্রবাহিনী!”

প্রবাহিনী মুহূর্তে বললে, “কি প্রতীপ দা’, এই ত আমি রয়েছি। ভয় পেলে না কি? আমি মেয়ে মানুষ, আমার ভয় হয় না, তোমার এত ভয়।”

সত্যিই ত! প্রতীপ নিজেকে সংযত করে নিলে। মনের দুর্বলতা কত মিথ্যা বিভীষিকাই না সৃষ্টি করে! সে ধীরে ধীরে টর্চটা মাটি থেকে তুলে নিয়ে বললে, “সত্যিই ভয় পেয়েছিলুম প্রবা, তুমি যখন সঙ্গে রয়েছ, আর ভয় করব না আমি।”

প্রবাহিনী বললে, “সহরে লোক, পাড়ারগায়ে ত আস নি কখনও, ভয় পাবারই কথা। প্রথম আমি যখন শ্মশুর-বাড়ী ঘর করতে আসি, তখন তোমার চেয়েও বেশী ভয় ছিল আমার। তখন রাস্তায় বেরুন ত দূরের কথা দাওয়ায় পর্যন্ত একলা বেরুই নি। আচ্ছা প্রতীপ দা’, কোলকাতায় এখন তেমনি ট্রাম চলে, তেমনি মটরের ছড়াছড়ি হয়, মেয়েরা তেমনি পড়তে যায়। এ কবছরে সব যেন আমি ভুলে গেছি।”

ছোট কথাটির মধ্যে যে জীবন-যুদ্ধে পরাজিতার কতবড় বেদনা লুক্কায়িত আছে, তা বুঝতে প্রতীপের বাকী রইল না। সে, সে কথা না তুলে অন্য কথা পাড়ল, বললে, “জামাইবাবু কি করেন প্রবা?”

“করেন না, করতেন বল! বেশী কিছু নয়, পাড়ারগায়ে লোক যা করে, জমি-জিরেং ভোগদখল, গল্প-গুজব, তাস-

পাশা। আর জমীদারের সেরেস্ভায় হিসাব নবীশি। কাটছিল মন্দ না, বেশ ছিলুম।”

“তারপর...”

“তারপর কোথা থেকে এল কাল জর, চাকরী গেল, হাতে পয়সা না থাকলে যা হয়ে থাকে, ‘ঋণং কৃত্বা ঘৃতং পিবেৎ’ আর কি! কিন্তু ঘিও জুটল না, লাভে জমিগুলো অন্তের ঘরে উঠল। তোমার ত অনেক পয়সা, লোকজনও ত রেখেছ, ঠেকে কি তোমার ওখানে নিয়ে গিয়ে রাখতে পার না। বলতুম না, ভুগে ভুগে এমন হয়েছে, বোধ হয় আর বাঁচবেও না। তুমি না দেখলে...”

প্রতীপ হেসে বললে, “যদি তোমার না কষ্ট হয়, আমার আপত্তি নেই নিয়ে যেতে।”

“কষ্ট, আমার?” প্রবাহিনীর হাসির শব্দ প্রতীপের কানে এসে বাজল। সে বললে, “আঃ বাঁচলুম! কথা দিলে ত প্রতীপ দা’?”

“দিলাম বই কি প্রবা!”

প্রবাহিনী একটা জরাজীর্ণ পোড়োবাড়ীর সামনে এসে দাঁড়াল। বললে, “এই আমার বাড়ী। তুমি সামনের ফটক দিয়ে ঢোক।”

প্রতীপ বললে, “তুমি!”

“বৌ যে, খিড়কী দিয়ে যেতে হয়, জান না”—বলে মুহূর্তে প্রবাহিনী অন্ধকারে মিলিয়ে গেল।

প্রতীপ দাঁড়ালো। সে বাড়ীতে জনমানব বাস করে বলে বিশ্বাস করা দায়। থমকে সে কয়েক মিনিট চেয়ে রইল। তারপর দরজা খোলা দেখে ধীরে ধীরে অত্যন্ত সঙ্কুচিত পদে গৃহ মধ্যে প্রবেশ করল। সিঁড়ির পাশে একটা ছোট কুঠুরী—তাকে ঠিক ঘর বলা চলে না—তাতে একটা আমকাঠের তক্তাপোষের উপর একটা জীর্ণ ককালসার মূর্তি বসেছিল। ঘরে আলো ছিল না। প্রতীপ টর্চের সাহায্যে তাকে আবিষ্কার করলে। ঘরে ঢুকে সে বিনীত কণ্ঠে জিজ্ঞাসা করলে, “আপনার নাম কি দিলীপ বাগচী?”

দিলীপ তার পানে চেয়ে সম্মতিসূচক ঘাড় নাড়লে।



তার মুখ দেখে মনে হয়, বয়স বড়জোর বছর ত্রিশের বেশী নয়। চেহারা এককালে বোধ হয় সুন্দরই ছিল, কিন্তু এখন তার ছাইয়ের মত গায়ের রং, হাড় বার করা নাক, কোটরাগত চোখ, ভাঙ্গা গাল—দেখে মনে হয়, একটা অতি সুন্দর মন্দিরের ভগ্নাবশেষ। প্রতীপ বললে, “নমস্কার।”

ঠিক তেমনইভাবে বসে দিলীপ হাত তুলে প্রতি  
নমস্কার করে বললে, “আপনার নাম?”

“শ্রীপ্রতীপ চৌধুরী।”

দিলীপ সোজা হয়ে উঠে বসে বললে, “কি বললেন, প্রতীপ চৌধুরী? আপনি কি কোলকাতা থাকেন? গল্পার কি আপনি?”

প্রতীপ বললে “হ্যাঁ তাই।”

সে বুঝতে পারলে প্রবাহিনীর কাছে দিলীপ তার  
খা শুনেছে।

সহসা দিলীপ উঠে দাঁড়িয়ে বললে, “আপনি এসেছেন, শতাই এসেছেন? কিন্তু অস্তুতঃ কালও যদি আসতেন! সে আপনাকে দেখলে বড় খুসী হ’ত।”

সবিস্ময়ে প্রতীপ বলে উঠল—“হ’ত কি বলছেন !”

“ঠিকই বলছি ডাক্তারবাবু, সে আপনাকে একবার দেখবার আশায় শেষ মুহূর্ত্ত পর্য্যন্ত পথ পানে চেয়েছিল। চলুন এখন একবার তার কাছে, তবু যদি সে শাস্তি পায়।”

দিলীপের নির্দেশমত বাইরের বারান্দার সামনে এসে দাঁড়াতেই প্রতীপ চীৎকার করে উঠল। দিলীপ বললে—  
“ও ঠিকই করেছে ডাক্তারবাবু, বিনা চিকিৎসায়, বিনা পথ্যো-নিজের চোখের ওপর যার ছেলে মেয়ে মরে, তার পক্ষে এর চেয়ে আর ভাল ব্যবস্থা কি হতে পারে বলুন। আজ সকালে এ দৃশ্য দেখা থেকে কেবলই ভাবছি, এ ভাল হয়েছে, এ ভালই হয়েছে!—“বলতে বলতে তার কণ্ঠে আর ভাষা সরল না।

প্রতীপ আর একবার দৃষ্টি তুলতেই দেখলে—বারান্দার  
ছেলেদের খাটানো দোলনার দড়িতে প্রবাহিণীর দেহলতা  
হুলছে। সুন্দর মুখখানি—বীভৎস—ভয়াবহ হয়ে উঠেছে!...

পরদিন দিলীপকে নিয়ে প্রতীপ কলকাতা রওনা হ'ল।  
চোখে রইল অফুরান অশ্রু !


## শ্রীকৃষ্ণপ্রভা দেবী

## বিচিত্র-বার্তা

তিনিমা মাথা ঘুরিয়া যায়, প্রায় ৫০০০০০০০০০০০  
টাকা মূল্যের স্বর্ণ পড়িয়া আছে, অথচ তাহা ভোগ করি-  
বার কোনই ব্যবস্থা নাই। মানবের কল্যাণে এ বিপুল  
সম্পদকে নিয়োজিত করিবার উপায় এ পর্যন্ত আবিষ্কৃত  
হয় নাই। যিনি এ কার্য্য করিবেন, তিনি পৃথিবীর শ্রেষ্ঠ  
ধনী হইবেন সন্দেহ নাই—কিন্তু ‘হ ইজ্ টু বেল্ দি  
ক্যাট?’ অর্থাৎ, ঘন্টা বাঁধে কে? সমুদ্র জলে এই স্বর্ণ  
মিশ্রিত আছে।

যুক্তরাষ্ট্রের কোন টেলিফোন কোম্পানী ঠিক বেলা  
তিন ঘটিকার সময় প্রত্যেক টেলিফোনে ডাকিয়া বলে যে,  
যদি আপনার কিছু ক্রয়-বিক্রয় করিবার প্রয়োজন হয়,  
নূতন চাকরের প্রয়োজন হয়, কোন জিনিষ হারাইয়া  
থাকে, কোন হারাণ জিনিষ পাইয়া থাকেন, যদি কোন  
বিপদ-আপদের সম্ভাবনা থাকে, তবে টেলিফোন কোম্পা-  
নীকে সংবাদ দিবেন। আমরা সকল কাজ ফেলিয়া  
আপনাদের সহায়তা করিব।





## আলো ও ছায়া

[ পূর্বানুসরণ ]

শ্রীবৈদ্যনাথ বন্দ্যোপাধ্যায়

### ভেরো

হাওড়া স্টেশনের নিকট গাড়ীটা আসিয়া যখন দাঁড়াইল, তখনও সরষু হ'ল হয় নাই। গাড়োয়ানের ডাকে অজয়ের সংজ্ঞা ফিরিয়া আসিতেই সে সরষুর দিকে চাহিয়া বলিল—গাড়ী স্টেশনে এসে পৌঁছেছে—আমরা কোথায় যাব সরষু?

প্রশ্নটা যত সোজা, উত্তর দেওয়া কিন্তু ততটা নয়। সরষুর মুখ হইতে অক্ষুটকণ্ঠে শুধু বাহির হইয়া আসিল—কোথায় যাবো?

কাল রাত্রি হইতে আজ এই কতক্ষণ পর্যন্ত সে শুধু ভাবিয়াছে কোথায় যাইব? কোথায় গেলে তাহার চিন্তার অবসান হইবে। কিন্তু প্রশ্নই জাগিয়াছে—উত্তর মিলে নাই। পৃথিবীর মধ্যে আশ্রয়-স্থল তাহার আর যে কোনস্থানে আছে ইহা সে ভাবিয়া পায় নাই।

ভূপালীর কথা বারবার মনে হইয়াছে—কিন্তু শেফালীর অফুরন্ত স্নেহধারা হইতে বঞ্চিত হইয়া আর একজনকে হারাইবার সাহস তাহার হয় নাই, তথাপি বোধ হয় সে ভূপারই কথা স্মরণ করিয়াই হাওড়া স্টেশনের উদ্দেশে গাড়ী ভাড়া করিয়াছিল।

মধ্যপথে কি জানি কেন হঠাৎ মনে হইল সেখানে যাওয়া তাহার হইবে না। তবে সে যাইবে কোথায়?

গাড়োয়ান হাঁকিল—এখানে গাড়ী আর কতক্ষণ দাঁড়াবে বাবু, না নামলে পুলিশে ফাইন করে দেবে।

তাই ত! সরষু তাড়াতাড়ি নামিয়া পড়িল। তারপর অজয়কে নামাইয়া লইয়া গাড়োয়ানকে ভাড়া চুকাইয়া দিয়া স্টেশনের দিকে ধীরে ধীরে অগ্রসর হইয়া চলিল।

মনে পড়িল—পিতার কথা। জীবনের যাত্রাপথের শেষ সীমায় আসিয়া ব্যাচারী শ্রান্ত অবসন্ন হৃদয়েই বিশ্বনাথের পদপ্রান্তে আশ্রয় লইয়াছেন।

তাঁহাকে বিব্রত করিবার কল্পনাও তাহাকে চঞ্চল করিয়া তুলিল। কিন্তু তাঁহাকে ছাড়া সে এ দুর্দিনে দাঁড়াইবেই বা কোথায়? অজয়ের মুখখানির প্রতি দৃষ্টি পড়িতেই মমতার বেদনায় তাহার সারা অন্তর হাহাকার করিয়া উঠিল! শিশুর যত অসহায় এই লোকটার প্রতি দৃষ্টি যে তাহাকে দিতে হইবেই। নিজের দিকটা না হয় নাই ধরিল—কিন্তু অজয়কে লইয়া একটা স্থানে আশ্রয় না লইলেই যে নয়।

মেয়েদের টিকিট ঘরের সামনে আসিতেই সহসা সে দাঁড়াইয়া পড়িল। তারপর কাশীর দুইখানা টিকিট কিনিয়া লইয়া—প্লাটফর্মের দিকে অগ্রসর হইল। আর বিলম্ব নাই, এখনই বেনারসগামী একখানি গাড়ী ছাড়িবে। রেলের নির্দেশসূচক লাল আলোটা জলিয়া জলিয়া সাধারণের



নিকট গাড়ী ছাড়িবার সময়টা প্রতি মুহূর্তেই স্পষ্ট করিয়া মনে পড়াইয়া দিতেছে।

জনশ্রোতও উন্মত্তবেগে সেইদিকে ছুটিয়া চলিয়াছে। সরযুও অজয়কে লইয়া সে জন-প্রবাহের মধ্যে মিশাইয়া গেল। তারপর একখানি ইন্টার ক্লাশের কামরায় ঢুকিয়া পড়িয়া অজয়কে একটা ফাঁকা জায়গা দেখিয়া বসাইয়া নিজে তাহার পার্শ্বে বসিয়া পড়িল। অজয় এতক্ষণ কথা কহে নাই, এইবার কহিল, বলিল—কাশীতে আমরা কোথায় যাব সরযু?

হাসিতে চাহিয়া সরযু বলিল—বাবার কাছে যাবো অজয় দা'।

অজয় কি বুঝিল, কে জানে! সে আর কথা কহিল না।

ঘণ্টা দিয়া গাড়ী ছাড়িয়া দিল।

\* \* \*

রাত্রি গভীর হইয়া উঠিয়াছে। এবং রাস্তার দূরত্ব অস্বাভাবিক যাত্রী সংখ্যাও হ্রাস হইয়া আসিয়াছে। অবশিষ্ট যে কয়জন গাড়ীর মধ্যে আছে, তাহারাও নিদ্রাস্থ অশেষবেগে ব্যস্ত।

অজয় শুধু উন্মত্ত জানালা-পথ দিয়া নিঃসীম আকাশ ও অস্পষ্ট পৃথিবীর মধ্যে যোগসূত্র গাঁথিবার চেষ্টা করিতেছিল। আর একটা জানালায় মুখ দিয়া সরযুও চাহিয়া আছে। প্রকৃতির সহিত তাহাদের অন্তরও যেন মূক হইয়া গিয়াছে। অন্তরের অন্তরালে কি কোন ঝড় উঠিয়াছে, কে জানে!

সহসা একটা দীর্ঘনিশ্বাসে সরযুর দৃষ্টি ফিরিয়া যজ্ঞের দিকে পড়িল। সে দেখিল, একরাশ চোখের জলে তাহার সারা মুখখানি ভাসিয়া চলিয়াছে। সরযু কহিল—সারারাত বসে থাকলে শরীর খারাপ হয়ে যাবে অজয় দা', হুমি শুয়ে পড়।

অজয় কথা কহিল না। সরযু নিজে আর একটু গরিয়া গিয়া তাহাকে স্থান করিয়া দিতে দিতে বলিল—শুয়ে পড় লক্ষীটি, সারারাত বসে থেকে অস্থব্ব হলে কে সপথে বল ত? এই ত কালও দেখেছি তোমার পাটা

গঙ্গগঙ্গ করছে। ও কি, ছেলেমানুষের মত চোখে জল কেন! আমরা মেয়েমানুষ কঁাদতে পারি, তাতে লজ্জাও নেই, কিন্তু তোমার কঁাদলে কি চলে? ছিঃ! কথা শোন! শোও, শুয়ে পড়, জায়গাই নেই শোবার? নাই রইল, কোলেই মাথাটা থাক—বলিয়া সরযু পরম যত্নে অজয়কে জোর করিয়া শোয়াইয়া দিল।

এবারও অজয় কথা কহিল না। শুধু তাহার চোখের জল প্রবলবেগে বাহির হইয়া আসিয়া সরযুর উপাধান সিক্ত করিয়া দিতে লাগিল।

সরযু আর বাধা দিল না, তাহার মৌন বেদনার নীরব সাক্ষী হইয়াই যেন বাহিরের দিকে চাহিয়া বসিয়া রহিল।

\* \* \*

নির্দিষ্ট সময়ে বেনারস স্টেশনে আসিয়া গাড়ী থামিল। অল্প যাত্রীদের সহিত সরযুও নামিয়া পড়িল। অধিকাংশ লোকই বাবা বিশ্বনাথের চরণ দর্শন মানসে চঞ্চল! সরযুর সে বালাই ছিল না, সে সবার পশ্চাতে ধীরে ধীরে স্টেশন হইতে বাহিরে আসিয়া দাঁড়াইল।

একটা একাওয়ালা সরব চীৎকারে দৃষ্টি আকর্ষণ করিতে না পারিয়া তাহার সম্মুখে আসিয়া কুলীর মাথা হইতে মোটটো একরূপ ছিনাইয়া লইয়া গাড়ীতে তুলিতে তুলিতে—চলিয়ে মায়াবী, বাঙালী ধর্মশালায় এখনই পৌছে দেব আমি—বলিয়া একরূপ জোর করিয়াই তাহাদের গাড়ীতে তুলিয়া লইল।

সরযু বলিল—ধর্মশালায় নয়, 'গণেশ মহাজ্ঞান' নিয়ে চল তুমি।

গণেশ মহাজ্ঞান উদ্দেশ্যে গাড়ী ছুটিল।

সরযুর মন তাহার পূর্বেই শুধু গণেশ মহাজ্ঞান নয়, তাহার একান্ত পরিচিত একখানি গৃহে গিয়া উপনীত হইয়াছে।

রাস্তার নিকটেই তাহাদের বাড়ী। সেইখানে আসিতেই, গাড়ী দাঁড় করাইয়া সরযু তড়তড় করিয়া নামিয়া পড়িল। এবং অজয়কে সেইখানে অপেক্ষা করিতে বলিয়াই একেবারে গলির মধ্যে ঢুকিয়া গেল। যখন বাড়ীতে পৌছিল, তখন বৃদ্ধ সত্যজিৎবাবু বারান্দায় বসিয়া



গীতার কি একটা অধ্যায়ের মধ্যে ডুবিয়া যাইতে চাহিতেছিলেন। কিন্তু দৃষ্টির সন্নতা প্রযুক্ত বারবার তাহা ব্যাহত হইতেছিল। সরযু তাহার চরণে লুটাইয়া পড়িতেই, কে? কে? বলিয়া তিনি চমকিয়া উঠিলেন।

আমি সরযু! চিন্তে পারছেন না বাবা?

ওঃ সরযু। সব ভাল ত মা, অমর কই? তাকে বাইরে দাঁড় করিয়ে রেখে এসেছি বুঝি? না, তোকে নিয়ে আর পারা গেল না। যা যা, না থাক, আমিই তাকে নিয়ে আসছি। চোখের আর সে জোর নেই মা, যে, ছুটে যাবো। বলিয়া বৃদ্ধ ধীরে ধীরে উঠিয়া দাঁড়াইতে চাহিলেন। সরযু বাধা দিয়া বলিল—সে আসে নি বাবা। আপনি ব্যস্ত হবেন না।

সে আসে নি! বৃদ্ধ বিস্ফারিত নয়নে একবার ভাল করিয়া কন্ঠাকে পরীক্ষা করিয়া দেখিয়া স্বস্তির নিশ্বাস ফেলিয়া বলিলেন—তবে একা তুই কেমন করে এলি মা? ঝগড়া করেছি বুঝি?

একা নয়, অজয়বাবু সঙ্গে এসেছেন। দাঁড়ান, তাকে গাড়ী থেকে নিয়ে আসি আমি বলিয়া তাহার শেষ কথা উত্তর না দিয়াই সরযু সে স্থান ত্যাগ করিয়া গেল।

বৃদ্ধ তাহার গমন-পথটার দিকে অর্থহীন-দৃষ্টিতে চাহিয়া রহিলেন।

### চৌদ্দ

পরিচয়-পর্কট। কোন রকমে সমাধা হইয়া গেল। বৃদ্ধ সত্যজিৎ কন্ঠার অসুস্থরোধ সত্ত্বেও আর বাড়ী বসিয়া রহিলেন না; বাজার করিতে বাহির হইয়া পড়িলেন। ঘণ্টাখানেক পরে যখন ফিরিলেন, তখন একা নহে, সঙ্গে একটা চাকর ও তাহার মাথায় একরাশ আনাঙ্গ-পত্র, চালদাল, নানাবিধ প্রয়োজনীয় জিনিষে ভরা।

সরযু কহিল—এ কি করেছেন বাবা? একেবারে সব বাজার ঝেঁটিয়ে এনেছেন যে।

সত্যজিৎ বলিলেন—ঝেঁটিয়ে কোথায় মা, যা নইলে

একেবারেই চলবে না, তাই নিয়ে এলাম। দু'চার দিন ত থাকবি এখানে—ঘরে যে কিছুই নেই।

সরযু হাসিতে চাহিয়া বলিল—এখনই তাড়াতে চান কেন বলুন ত? দু'চার দিন কেন, দু'চার বছর থাকব বলেই ত এখানে এসেছি আমি।

ক্র কুঞ্জে বৃদ্ধের চোখের চশমা দুইটা নামিয়া আসিয়া ছিল—তিনি সেটাকে যথাস্থানে সংরক্ষিত করিতে করিতে বলিলেন—অধিকার হারিয়েও অধিকার করবার মোহ রাখার নামই যে দুঃখ মা, অমরের হাতে যেদিন তোকে তুলে দিয়েছি, সেদিন থেকে তুই তারই। আমার কল্পনাও থাকা উচিত নয়।

আচ্ছা সে তখন বোঝা যাবে, থাকে কি না। এখন রান্নার যোগাড় করি ত!

সরযু ভাঁড়ার ঘরের দিকে চলিল।

চাকরটাকে মাগীজীর আদেশ মত কাজ করিবার উপদেশ দিয়া বৃদ্ধও বাড়ী হইতে বাহির হইয়া পড়িলেন।

তিনি যখন ফিরিলেন, তখন মধ্যাহ্নকাল অতীত প্রায়। সরযু ঘর হইতে বাহিরে আসিয়া বলিল—বেশ লোক যা হোক, এখনও ঘুরছেন, কখন থাকেন বলুন ত। বড় হয়ে বকুতে পারি না কি না, তাই বাড়িয়ে তুলেছেন।

হাসিতে চাহিয়া বৃদ্ধ কহিলেন—আমার জন্তে বটে আছি? তাও ত বটে, আমার বলে যাওয়াই উচিত ছিল। আমি খাব না মা, মিসিরজীর কাছে এই ত খেয়ে আসছি আমি।

সরযুর মুখে সপাং করিয়া কে যেন একটা চাবুৰ মারিল। পাণ্ডুর মুখ দিয়া সহসা তাহার কোন ভাষাই প্রথমটা বাহির হইল না, বহুকষ্টে ঢোক গিলিয়া ধীরকণ্ঠে সে বলিল—মিসিরজী!

হ্যাঁ মা, শেষের দিন কটার সেই ত সঙ্গী আমার। নিজের করবার শক্তিও নেই, উৎসাহও নেই। মিসিরজী...

ওঃ বলিয়া অল্প কোন কথা না শুনিয়াই সরযু ঘরের মধ্যে ঢুকিয়া গেল। বৃদ্ধ খানিক চুপ করিয়া দাঁড়াইয়া রহিলেন, তারপর ধীরে ধীরে দরজার নিকট আসিয়া



দেখিলেন, অজয়কে একখানি আসনে বসাইয়া সরযু ভাত রাখিয়া খাওয়াইয়া দিতে স্বরূপ করিয়াছে।

তাঁহাকে দেখিয়া অজয় একটু ইতস্ততঃ করিতেছিল, বলিল—সরযু না থাকলে না খেয়েই মরতে হ'ত কাকাবাবু, এমনই করে ও আমাকে বাঁচিয়ে রেখেছে। কিন্তু কি লাভ এ বেঁচে থাকায়!

লাভ লোকসান পরে বোঝা যাবে, এখন খাও ত!

না মা, একটু গড়াতে হবে, নইলে শরীর টেকবে না। বলিয়া সত্যজিৎবাবু বাহির হইয়া গেলেন। একটা মগ্নমগ্নতার ছাঁয়া যেন তাঁহার সারা মুখখানির উপর থেলা করিতে লাগিল, কিন্তু সেদিকে লক্ষ্য করিবার অবসর এখন সরযুর ছিল না। সে অভুক্তকে আহার করাইতে যত্ন রহিয়া গেল।

\* \* \*

দিন দুই কাটিয়া গিয়াছে। সরযু বলি বলি করিয়াও সত্যজিৎবাবুকে তাহার বর্তমান জীবনের কথা বলে নাই। ততকটা পিতার মনে বেদনা না দিবার জন্যও বটে, আবার ততকটা ঠিকমত সে অবসর তাহার মিলে নাই বলিয়াও বটে। কেন না, সকল সময়ই বৃদ্ধ ফাঁকে ফাঁকে থাকিয়া-ছেন। পিতার এই মায়াজয়ের প্রচেষ্টা দেখিয়া সরযু কখন আসিয়াছে, কখন সহানুভূতিতে তাহার সারা অন্তর ভারী হইয়া উঠিয়াছে।

বহুদিন হইল মা স্বর্গারোহণ করিয়াছেন। একটা ঘাই ছিল, সেও নাই। জ্ঞাতি কুটুম্ব বলিতে অনেকে যাচ্ছেন সত্য, কিন্তু নিজের সংসার লইয়াই তাঁহার। ব্রত! তাঁহার প্রতি দৃষ্টি দিবার অবসর তাঁহাদের কাপায়? অমর অবশ্য তাঁহাকে নিজের কাছে রাখিতে বাধ্য ছিল, কিন্তু তিনি কোন মতেই রাজীহন নাই। টুংগের নিকট কি চিরদিন থাকা চলে! তিনি জোর করিয়াই পেনসনের টাকা কয়টা সম্বল করিয়া কয় বৎসর হইল কানীতে আসিয়া উঠিয়াছেন, এবং ওপারের জবাব-দিহির জন্য প্রস্তুত হইতেছেন। এপারের মায়া এড়াইবার এই যে প্রচেষ্টা, ইহাকে উপেক্ষা করাও ত যায় না।

কিন্তু ইহা ছাড়াও যে আর একটা দিক থাকা সম্ভব, তাহা সরযুর মনেও পড়ে নাই। যখন পড়িল, তখন সে বিষ্ময়ে বিমূঢ় হইয়া বসিয়া থাকা ছাড়া অল্প কোন পছন্দই খুঁজিয়া পাইল না।

সত্যজিৎ বাড়ী ছিলেন না, পিওন আসিয়া তাঁহার নামের একখানি চিঠি দিয়া গেল। বাবাকে চিঠি লিখিবার মত কে আছে ভাবিয়া না পাইয়া কৌতূহলবশে সরযু লেফাফাখানি হাতে লইতেই চঞ্চল হইয়া উঠিল। পত্রখানি কলিকাতা হইতে আসিয়াছে এবং ইহা লিখিয়াছে যে অমর, তাহাতে আর সন্দেহ নাই। সে এখানে চিঠি লিখিল কেন? কি তাহার প্রয়োজন!

হিতাহিত জানশূন্য হইয়াই সরযু পত্রখানি খুলিয়া ফেলিল। অমরই লিখিয়াছে বটে। পড়িতে পড়িতে সরযুর মুখ পাণ্ডুর হইয়া উঠিল।

বৃদ্ধ সত্যজিৎবাবুর প্রশ্নের উত্তরে সে জানাইয়াছে :—আপনার কন্ঠার সহিত আজ বৎসরাধিক আগার কোন সম্বন্ধ নাই। তাহাদের খবর লইবার কৌতূহলও আমার অল্প। তবে কয়দিন পূর্বে তাহারা আমার এখানে আসিয়াছিল—কিন্তু একান্ত কর্তব্য বোধেই তাহাদের এখানে রাখিতে পারি নাই।

প্রণত

অমর

অনর্থক হরপগুলার উপর চোখ রাখিয়া সরযু অনেকক্ষণ বসিয়া রহিল। কতবার যে সেখানি পড়িল, তা সে নিজেই জানে না। তারপর ধীরে ধীরে সেখানি পিতার শয্যা রাখিয়া দিয়া সে বাহিরে আসিয়া দাঁড়াইল।

খানিক কি ভাবিয়া চাকরটাকে ডাকিয়া বলিল—দুখানা ঘর দেখে দিতে পার লছমন?

লছমন উনানে আগুন দিয়া আসিয়া সবে দাঁড়াইয়াছে। সে বলিল—কানীতে ঘরের ভাবনা কি মা, এখনই দেব, কিন্তু কার জন্য?

দরকার আছে—অল্প কাজ আমি করে নেব খন, তুমি ঠিক করে এস, বুঝেছ? ভাড়া তিন চার টাকার বেশী না হলেই ভাল হয়।



লছমন ঘাড় নাড়িয়া ধীরে ধীরে ঘর হইতে বাহির হইয়া গেল।

অজয় বলিল—ঘর কি হবে সরযু?

সরযু হাসিতে চাহিয়া বলিল—যেতে হবে না আমাদের? বা রে, আপনার লোকের কাছে বারমাস থাকতে আছে না কি?

অজয় ব্যস্তভাবে কহিল—কিন্তু এমন আশ্রয় ছেড়ে যাওয়াও যে উচিত নয় সরযু! তা ছাড়া, উনিই বা কি মনে করবেন!

মনে কি করিবেন সে কথা না ভাবিলেও এস্থান ত্যাগ করা যে উচিত নয় ইহা কি সরযু জানে না, কিন্তু কতবড় দুঃখে যে আজ তাহাকে যাইতে হইতেছে ইহা প্রকাশ করিবার স্বেযোগও যে তাহার নাই। কণ্ঠরোধ হইয়া আসিয়াছিল, প্রাণপণ প্রয়াসে নিজেকে সংযত করিয়া লইয়া সে বলিল—তবু যেতেই হবে অজয় দা', আপনার লোকের বাড়ী তিনদিনের বেশী থাকতে নেই, তাতে মান্য থাকে না। সত্যি নয় কি? বলিয়া সে কোন রকমে ফিক্ করিয়া হাসিয়া ফেলিল।

প্রতিবাদ করিবার শক্তি অজয় হারাইয়া ফেলিয়াছে, কাজেই সে চুপ করিয়া গেল।

\* \* \*

সারা বাড়ীটার মধ্যে যেন কি একটা বিপ্লব সূত্র হইয়াছে। বৈকালের দিকে সত্যজিৎবাবু যখন ঘর হইতে বাহির হইলেন, তখন একটা প্রবল ঝঞ্ঝার আলোড়নে তাঁহার সমস্ত অন্তর বিধ্বস্ত হইয়া গিয়াছে। মুখখানি শুষ্ক, বিবর্ণ; দুইদিন পূর্বেও তাঁহার শরীরে যে শক্তি ছিল, আজ যেন কে তাহা নিঃশেষে হরণ করিয়া লইয়াছে। একান্ত পথ না চলিলে নয় বলিয়াই যেন তিনি প্রতিদিনকার মত বৈকালিক ভ্রমণে বাহির হইতেছেন।

সরযু আসিয়া সম্মুখে দাঁড়াইল। সত্যজিৎ উদা অর্থহীন দৃষ্টিতে সরযুর মুখের পানে চাহিয়া থমকি দাঁড়াইয়া পড়িলেন।

সরযু মুহূর্তে কহিল—আপনি বেড়িয়ে ফিরে এ হয় ত দেখা নাও হতে পারে, তাই পায়ে ধুলোটা নি রাখি বলিয়া সে হেঁট হইয়া তাঁহার পায়ে হাত দিতে গেল কিন্তু সত্যজিৎবাবু ত্রস্তে খানিকটা পিছাইয়া গেলেন সরযু সবিষ্ময়ে মুখখানি তুলিয়া একবার পিতার হৃদয়ে অন্তস্থলটা অবধি দেখিয়া লইতে চাহিল। তাঁহার ক্ষমাহী মুখের উপর দৃষ্টি পড়িতেই সে সোজা হইয়া উঠি দাঁড়াইল। তারপর ধীরকণ্ঠে বলিল—আপনি আমা ছোঁয়া খান্ নি, হয় ত তার যোগ্যও নই, কিন্তু পায়ে ধুলো নেবারও কি অধিকার নেই আমার?

বৃদ্ধের জলদগন্তীরকণ্ঠ হইতে শুধু উচ্চারিত হইল—না

সরযু এতটুকু বিচলিত হইল বলিয়া বুঝা গেল না। ধীরকণ্ঠে বলিল—অজয়বাবুকে লছমন নতুন বাড়ীতে রাখতে গেছে, সে এলেই আমি চলে যাবো, ততক্ষণ যা না অপেক্ষা করতে পারেন, চাবীটা...

বোধ করি দৃষ্টি শক্তিটা আরও ক্ষীণ হইয়া পড়িয়াছিল তাই কোন মতে পথ চিনিয়া চলিতে চলিতে বৃদ্ধ বলি উঠিলেন—মিশিরজী, হাঁ, মিশিরজীর কাছেই পাঠি দেও ওটা।

বৃদ্ধ বাড়ী হইতে বাহির হইয়া গেলেন।

সরযু শূন্য আকাশটার পানে চাহিয়া একবার হাসিল তারপর ধীরে ধীরে ঘরগুলিতে চাবী দিয়া নিজেকে অবশিষ্ট বাঁধা পুটলিটা লইয়া সদর দরজার সামনে আসিয়া লছমনের জন্ত অপেক্ষা করিতে লাগিল।

ক্রমশঃ

শ্রীবৈদ্যনাথ বন্দ্যোপাধ্যায়



## মা

### শ্রীঅপূর্বকৃষ্ণ ভট্টাচার্য্য

প্রথমে গ্রামের ভিতর একটু চাকলোর সৃষ্টি হইয়াছিল, কিন্তু কালের অশ্রান্ত শ্রোতে ক্রমে ক্রমে তাহা বিলীন হইল। পরমাকে কেন্দ্র করিয়া নানা প্রসঙ্গ উত্থাপিত হয়। কেহ বলেন—“সোমন্ত মেয়ে স্বশুর-বাড়ী ঘর কর্ত্তে গিয়ে স্বামী ত্যাগ করে চলে এলে কি রকম কি রকম যেন ঠেকে।”

কেহ বা বলেন—“বিয়ের সময় নিশ্চয়ই কেউ মন্দ করেছে।”

অনেকের মতে ও সব বাজে কথা, ভিতরে কিছু আছে। পুনরায় কথা উঠে—“ওর স্বামী যে দুর্ব্যবহার করতে পারে, এত বিশ্বাস হয় না। সংসারে আর কেউ নেই, থাকলেও বা বোঝা যেত তারাই পীড়ন করে।”

পল্লী-মেয়েদের ধারণা যখন স্বামী উচ্চশিক্ষিত, সহরে থাকে, গভর্ণমেন্ট চাকুরী করে, দেখতে-শুনতেও ভাল, তখন একরূপ ব্যাপার তাহার দ্বারা ঘটতে পারে না। উহাদের মধ্যেও আবার অনেকে বলেন—“ঈশ্বরের ইচ্ছে যতাব তো কিছু নেই, কোলকাতায় বাড়ী আছে, মোটা ভাত, মোটা কাপড়ের সংস্থান আছে, তবে কেন এ রকম হয়।”

হুই একজন বৃদ্ধা বলেন—“বোধ হয় ওর সহর ভাল লাগে না।”

হুই একজন প্রৌঢ়া বলেন—“না তা' নয়, মা ছেড়ে থাকতে পারে না, ওর মায়ের ঐ ত একটি মাত্র মেয়ে।”

সারাদিন কাজের মধ্যে থাকিয়াও সরমার মা এবং বউদিদি স্বামী কর্ত্তক প্রত্যাখ্যাতা সরমার জন্য চিন্তাকুল।

উভয়ের মধ্যে কথাবার্ত্তা চলে। মা বলেন—“বুঝলে বউমা, আমার মেয়েরও দোষ আছে। বরের সঙ্গে বনিয়ো-সনিয়ো ঘর না করলে মেয়ে-ছেলের অশেষ দুর্গতি।

সব পুরুষই যে এক রকম প্রকৃতির হবে, তার ত কোন মানে নেই। স্থরেন যা' না পছন্দ করে, তা' করবার কি দরকার?”

বউদিদি বলেন—“তোমার জামায়েরও দোষ আছে মা। অতটা বাই কিছু পুরুষের ভাল নয়।”

মা বলেন—“ছেলেবেলা থেকেই ও কেমন যেন স্বাধীন প্রকৃতির। দেখেছি, যার তার সঙ্গেই কথাবার্ত্তা বলা ওর একটা অভ্যাস। কত বুঝিয়েছি, বকেছি, অবাধ্য মেয়েকে আর কত শাসন করা যায়? বড় হয়েছে, বেশী কিছু বলতেও পারি না—”

প্রত্যুত্তরে বউদিদি উত্তেজিত হইয়া কহিলেন—“তা' বলে কোন শিক্ষিত ভদ্রলোক সামান্য ব্যাপারে স্ত্রীকে বাড়ী থেকে তাড়িয়ে দেয় না। আজ যদি আমাদের পয়সা থাকতো তেমন—”

মা কথা শেষ হইবার পূর্বেই কহিলেন—“পয়সা থাকলেই কি 'মা' কেলেকারী করা উচিত, না সবাই তা' করে—”

শ্রাবণের ধারার মত মায়ের চোখ দিয়া অনর্গল অশ্রুপাত হয়। আষাঢ় সন্ধ্যার কাজল মেঘের মত মুখখানি লইয়া বউদিদি আবার সংসারের কাজে চলিয়া যান।

সরমা ভাবে—“মরণ ছাড়া আর তার জুড়োবার স্থান কোথায়?”

সারা দিনরাত ধরিয়া তাহার কাতর স্নান মুখখানি কুটীর প্রাঙ্গণে অন্ধকারকে যেন মূর্ত্ত করিয়া রাখিয়াছে, অশ্রু-নদীর সজল গাথা শুনাইয়া বুঝি বাউল বাতাস বনে বনে ফিরিতেছে। সে ভাবে—“সত্য তার মরণই মঙ্গল!”



পরক্ষণে আবার মনে হয়—“কি তার অপরাধ! মরবেই বা কেন? কি এমন অস্বাভাবিক ব্যাপার হয়েছে, যাতে করে তাকে নিয়ে এত চোট? কারো খায় না, পরে না, কারো কথায় থাকে না—তবু কেন সবাই তার কথা আলোচনা করে? ভালই হোক আর মন্দই হোক, লোকের তা’তে কি?”

অবসর পাইলেই মা আসিয়া বলেন—“আমার পেটের মেয়ে হয়ে শেষে তুই শত্রু হাসালি—বাপ-পিতামোর নাম ভোবালি। আজ যদি কর্তা বেঁচে থাকতেন ত কিছুতেই তোকে ক্ষমা করতে পারতেন না।”

সরমা চুপ করিয়া থাকে। বউদিদি বলেন—“স্বামীর ঘর করতে পারলে না ঠাকুরঝি! ছি ছি, স্বামী যা’ অপছন্দ করেন তা’ না করলেই পারতে! একরাশ টাকা দিয়ে তোমায় বিয়ে দেওয়া গেল, শেষে এই সর্বনাশ করলে? এখনও যে দেনা শোধ যায় নি?”

অন্তরে প্রচণ্ড আঘাত পাইয়া সরমা স্তানমুখে কহিল—“তুমি কি বলতে চাও বউদি”—স্ত্রী আর ক্রীতদাসী এক?”

বউদিদি বলিলেন—“কিছুই বলতে চাই না, তোমার মত নভেল-পড়া নভেলী মেয়েদের সঙ্গে তর্ক করে কোন লাভই হবে না—নভেলের ক্রিয়া যে তোমার মধ্যে প্রকাশ পাচ্ছে, তা’ বেশ বুঝতে পেরেছি। তবে কি জানো, স্বামী ভিন্ন নারীর আপনার বলতে কেউ নেই! সেই স্বামীর কাছ থেকে তুমি যখন চলে এসেছ, তখন তোমার স্থান যে কোথায় হবে ভেবে পাই না।”

এই কথার পর সরমা আর কোন কথা কহিল না।

দিনের পর দিন চলিয়া যায়, মানসিক যন্ত্রণায় অধীরা তরুণী কিছুতেই চিন্তের শৈথিল্য আনিতে পারে না। কেহই তাহাকে সাহায্য দেয় না। সে আপন-মনে বলে—“এবার বোধ হয় পাগলই হয়ে যাব।”

তাহার তপ্ত দীর্ঘশ্বাসে বনের পাদপশ্চগী শিহরিয়া উঠে, পাখীর কুজন ধামিয়া যায়, নদীর জল ফুলিয়া ফুলিয়া তীরে আছড়াইয়া পড়ে।

কত রজনী সরমা বিনিত্র অবস্থায় ঘাপন করিয়াছে

এবং ঈশ্বরের নিকট প্রার্থনা করিয়াছে—“এবার আমায় তোমার কাছে ডেকে নাও ঠাকুর!”

ঈশ্বর কিন্তু সাড়া দেন না—তিনি কি নিষ্ঠুর!

নদীর ধারে মালক-ঘেরা পর্ণ-কুটার সরমার পিত্রালয়। আশপাশে দুই-একখানি করিয়া কুটার ইতস্ততঃভাবে বিক্ষিপ্ত। মধ্যে বাঁশবন ও আম্রকুঞ্জ। পিতা জীবিত নাই। একটি মাত্র ভ্রাতা, তাও বিদেশে চাকুরী করেন। এই ঘটনার সংবাদ পাইয়া তিনিও বিশেষভাবে মর্মান্বিত। বউদিদি তাহার পত্র দেখাইলেন। সমস্ত বৃত্তান্ত শুনিয়া সরমা কহিল—“বুঝেছি বউদি’, পৃথিবীতে আমার আপনার বলতে কেউ নেই! সম্পর্কীয় দেওরের সঙ্গে সিনেমায় গিয়েছি, থিয়েটারে গিয়েছি—এইতো আমার অপরাধ! বলি কেউ কি তা’ যায় না? তা’তেই মহাভারত অন্তর্ভুক্ত হয়ে গেল—”

বউদিদি কহিলেন—“ঠাকুরজামাই ও সব পছন্দ করে না, এটা ত বোঝা উচিত—”

সরমা অশ্রু সংবরণ করিতে পারিল না, একটু প্রকৃতিস্থ হইয়া কহিল—“আমাকে সে বিশ্বাস করতে পারলে না—ঈশ্বরের নামে শপথ করলুম, তবু না। তার আমি কি করতে পারি বলো ত? এখানে এলাম, তোমরাও আমাকে অবিশ্বাস করছো—বিচার করে’ বলো কি আমার অপরাধ!”

ঘরে তখন টিকটিকির শব্দ উঠিল—“ঠিক, ঠিক!”

মা পার্শ্ববর্তী ঘর হইতে সব শুনিয়া তাহার সম্মুখে আসিয়া কহিলেন—“তুমি যে বরাবরই বেহায়া কি না, তারই পরিণাম। এখন কেঁদে কি হবে? চরিত্রে অপবাদই যে মেয়েদের মস্ত বড় কলঙ্ক—”

সরমা নীরব হইল। বাপের বাড়ীতেও সহানুভূতি না পাইয়া সে আরও আঘাত পাইল। সে আপন-মনে বলিতে লাগিল—“কি করে আবার তার কাছে ফিরে যাবো! গলাধাক্কা দিয়ে বাড়ী থেকে বের করে দিয়ে দরজায় খিল দিতেই ত মনের যুগায় চলে এসেছি—সে ও



আমার আমার ঘরে নেবে না! আমাকে যদি খুন করতো, বিষ খাইয়ে মারতো, তাও যে ছিল ভালো।”

জীবনের ভবিষ্যৎ সম্বন্ধে সরমা বিশেষ চিন্তাতুর। নারী-জীবনের স্বাধিকার না থাকিলে সবই বিড়ম্বনা। প্রশ্ন উঠে—বাস্তবিকই কি নারী-জীবনের স্বাধিকার আছে? তাহার মন বলিয়া উঠিল—“স্বাধিকার আছে কি না দেখা যাক, এমনভাবে আর থাকা চলে না।”

গ্রামটা ঘুমাইয়া পড়িয়াছে; মধ্যে মধ্যে শিবা ও সারমেয় সম্প্রদায়ের কোলাহল উঠে মাত্র। কতিপয় বাছুরের পক্ষ তাড়নার অশ্রুট শব্দ অন্ধকার রজনীর শুক্ল হৃদয় বিদীর্ণ করিতেছে। সরমা একাকী বাটী হইতে বাহির হইল। পথ বাহিয়া সে চলিল ষ্টেশনের দিকে—উদ্দেশ্য কি তাহা কিছুই স্থির হয় নাই, তবে কলিকাতায় কিরিয়া না গেলে কোন মতলবই ঠিক করিতে পারিতেছে না। জনহীন প্রাস্তর অতিক্রম করিয়া সে যখন ষ্টেশনে পৌঁছল, তখন রাত্রি দুইটা। টিকিট কাটিবার সাহস হইল না, পাছে ষ্টেশন-মাষ্টার তাহাকে সন্দেহ করিয়া ট্রেনে না উঠিতে দেন। কিয়ৎক্ষণ পরে ট্রেন আসিল। একটি তৃতীয় শ্রেণীর খুব ছোট নিম্নজরন কামরার দরজা খুলিয়া দেখিল, কেহ নাই; কেবল একটি ভদ্রলোক বিছানা গাতিয়া শুইয়া আছেন। সম্ভবপূর্ণ সে তাহাতে উঠিল। ঘন ঘন ভয় হইতেছিল—ভদ্রলোক কিরূপ প্রকৃতির, তাহা কি জানে! আবার ভাবিল—“সর্বস্বতার আর কিসের ভয়? ভাবনার মধ্যে দিয়েই ত তার চলার পথ। এখনই ভয় পেলে চলবে কেন?”

দরজা খোলার শব্দ পাইয়া ভদ্রলোকটি চাহিয়া দেখিলেন—একটা পরমা সুন্দরী তরুণী একাকিনী ট্রেনে উঠিতেছে, সঙ্গে কেহই নাই। একটু আশ্চর্যান্বিত হইয়া তিনি উঠিয়া বসিলেন। সরমা পার্শ্ববর্তী বেকে গিয়া বসিল। ট্রেন চলিতে শুরু করিল।

অনেকক্ষণ নীরবে কাটিয়া গেল। ভদ্রলোক কিছুতেই কাঁতুহল দমন করিতে পারিতেছিলেন না। এত রাত্রে

একা কোন বাঙালী ভদ্র রমণী যে বাড়ীর বাহির হইতে পারে, ইহা তাঁহার কোনমতেই বিশ্বাস হইতেছিল না। অবশ্য প্রগতি-উপাসিকা দু’দশজন আজকাল দেখা যায় বটে, কিন্তু তাহাদের গোত্রে ইহাকে ফেলা কোনমতেই যায় না; কেন না, লজ্জা, ভয় এবং অনভ্যস্ততার সমস্ত লক্ষণই ইহার মধ্যে সুস্পষ্ট বিদ্যমান। তবে? নিশ্চয়ই কোন বিপদে পড়িয়া ইনি এভাবে যাইতে বাধ্য হইতেছেন—কিন্তু কি সে বিপদ?

স্থির থাকিতে না পারিয়া সহসা তিনি সরমাকে প্রশ্ন করিয়া বসিলেন—“আপনি কোথায় যাবেন?”

সরমা কোন উত্তর দিল না।

—“অপরিচিতা কোন স্ত্রীলোককে প্রশ্ন করা উচিত নয়, তবু করছি এই কারণে যে, আমার মনে হচ্ছে আপনি বড় বিপন্ন। যদি আমার দ্বারা আপনার কোন সাহায্য করা সম্ভব হয়, আমি করতে প্রস্তুত আছি। আপনি আমাকে নিজের ছেলের মতই বিশ্বাস করতে পারেন।”

মূহুর্তে সরমার বুক হইতে যেন একখানা ভারী পাথর খসিয়া গেল।

তাহার নিকট হইতে ভদ্রলোকটি ক্রমে ক্রমে সমস্ত কথাই জানিয়া লইলেন। সরমা জানিতে পারিল, তিনি ‘সিউয়িং মেশিন কোম্পানী’র একজন বিশেষ পদস্থ কর্মচারী।

তিনি কহিলেন—“বেশ ত আপনি যদি স্বাধীনভাবে থাকতে চান, আমি সে ব্যবস্থা করে দেব। আপনাকে আমাদের ‘লেডি ক্যানভাসার’ করে নেব। উপরন্তু, গৃহস্থ-বাড়ীর মেয়েদের সেলায়ের কাজ শেখালে বেশ দু’পয়সা রোজগারও করতে পারবেন।”

সরমা যেন আকাশের চাঁদ হাতে পাইল। তথাপি সসঙ্কোচে বলিল—“কিন্তু এখন আমি থাকব কোথায়? বুঝতেই ত পেরেছেন, আমার আর কোথাও জায়গা নেই।”

ভদ্রলোকটি হাসিয়া বলিলেন—“তার জন্যে ভাবতে হবে না আপনাকে। উপস্থিত আমার বাসাতেই উঠবেন; তারপর ধীরে-সুস্থে একটা ব্যবস্থা করে নিলেই হবে।”



সরমা ঘাড় নাড়িয়া জানাইল,—আচ্ছা।

দীর্ঘ দশবৎসর পরের কথা।

মধ্যাহ্নকাল। একখানি দ্বিতলবাড়ীর একটি সুসজ্জিত কক্ষে বসিয়া দুইটা স্ত্রীলোক কথোপকথন করিতেছিল। একজনকে আমরা চিনি—সে সরমা। অণুজন অপরিচিতা।

অপরিচিতা বলিল—“একজিবিশনে বেড়াতে গিয়ে ত আপনার কথায় মেশিনটা কিনে ফেললুম, এখন শিখতে পারলে হয়।”

—“শিখতে পারবেন বই কি। আমি ত রইলুম। কোন ভাবনা নেই আপনার। আজকে—”

—“আবার আপনি। বললুম না আমাকে মাধুরী বলেই ডাকবেন। এত পারেন, আর আমার নামটা মনে রাখতে পারেন না? তারপর আপনার গল্প বলুন। স্বামী তাড়িয়ে দিলেন, বাপের বাড়ী চলে গেলেন, তারপর—”

—“আবার তারপর।”

—“তারপরই ত গল্প, বলুন না শুনি।”

“মরায় উচিত ছিল, কিন্তু মরতে পারলুম না, ইচ্ছা হ’ল না। মেয়েরাও মাছুষ কি না ভগবানের বিচারে, তাদেরও স্বাধিকার বজায় রেখে বেঁচে থাকা চলে কি না দেখতে একদিন রাত্রে বেরিয়ে পড়লুম। সত্যি মাধুরী, মেয়েরাও মাছুষ, তাদেরও বাঁচার প্রয়োজন আছে—নইলে রেলের অমন মহাপ্রাণের দেখা পাব কেন! তাঁর দয়ায় পেলুম এখানে চাকরী। কিন্তু এসব শুনে তোমার কি লাভ ভাই?”

—“ছনিয়াটাকে তুমি বুঝি শুধু লাভ আর লোকশান খতাবার যন্ত্র বলেই জেনে নিয়েছ দিদি? তাই কেবল তারই খোঁজ করছ।...ভাল কথা, কাল আসা চাই কিন্তু। কাল থেকে কাজ শিখতে হবে। বাজে বাজে ছুটো দিন কেটে গেল। এরপরও হয় ত বাজেই যাবে, তবু—”

—“দোষ ত তোমারই বোন, বেশ, কাল সকাল সকালই আসব। বাজে গল্প তুললে বকুনি খেতে হবে কিন্তু।”

হাসিয়া সরমা উঠিয়া পড়িল।

মাধুরী অর্থহীন-দৃষ্টিতে তাহার গমন-পথের দিকে চাহিয়া রহিল।

সরমা না চিনিলেও প্রথম পরিচয়েই মাধুরীর বুদ্ধিতে বাকী ছিল না যে, সে তাহার কে। বিনা অপরাধে বহিষ্কৃত হওয়ায় স্বভাবতঃই সরমার জন্ত একটা মমতা মাধুরীর বুকে জমা হইয়াছিল। এমন কি, শুধু এই কারণেই অদ্যাবধি স্বামীর সহিত সে প্রাণ খুলিয়া ঘর পর্য্যন্ত করিতে পারে নাই। কারণে অকারণে নিজে দণ্ড হইয়াছে, সুরেনকেও দণ্ড করিয়াছে।

আজ সেই সরমাই তাহার ঘরে নিজে আসিয়া হাজির হইয়াছে। আশ্চর্য্য আর কাহাকে বলে!

কিন্তু কি অমায়িক তাহার ব্যবহার, কি ভদ্র তাহার গতিবিধি।

ইচ্ছা করিয়াই আজ আর মেশিনটা মাধুরী তুলিয়া অণুত্র চাপা দিয়া রাখিল না। সুরেন্দ্র কলেজ হইতে বাড়ী ফিরিয়া মেশিনটা যাহাতে দেখিতে পায়, এমনই করিয়া রাখিয়া দিল।

সুরেন্দ্রনাথ কলেজ হইতে ফিরিয়া সন্মুখে সেটাকে দেখিয়া বিস্ময়ে অবাক হইয়া গেল।

মাধুরী হাসিয়া বলিল—“এটা কিনে আনলুম। কাল থেকে একজন মেয়ে-মাষ্টারও এঁরা দিয়েছেন। মাসে পনের টাকা করে দিলেই চলবে।”

সুরেন অপ্রসন্ন-মুখে কহিল—“আবার খরচ! মেয়েটা বড় হচ্ছে, তার বিয়ের কথা ভাবছ না কেন মাধুরী! দেনার দায়ে সেদিন বাড়ীখানা বিক্রী হয়ে গেল, এখনও বুঝে না চললে—”

—“পথে বসতে হবে। কিন্তু আমি তার কি করব? যা’ গ্রাম্য তাই করি। এর কমে কোন ভদ্রলোক ঘর করতে পারে।”

—“তা বটে!” বলিয়া সুরেন চুপ করিয়া গেল।



হয় ত প্রথমা পত্নীর কথা এখন মাঝে মাঝে সুরেনের মনে পড়ে। দোষটা তাহার যত বড় করিয়া সে দেখিয়াছিল, ততটা না দেখিলেও মহাভারত অন্তর্ভুক্ত হইত না ভাবিয়া সে অসুতপ্ত হয়—কিন্তু উপায় কি?

বন্ধুদের বিশেষ অসুরোধে সে দ্বিতীয়বার দারপরিগ্রহ করিয়াছে। তাহার শূন্যঘর পূর্ণ হইয়াছে সত্য, কিন্তু দ্বিতীয় পক্ষের স্ত্রীর দ্বারা অস্ত্রের অভাব মোচন হয় নাই।

এ স্ত্রী অতি আধুনিক। এবং স্বাধীন প্রকৃতির। সুরেনের কোন অস্তিত্বই সে স্বীকার করে না। তবু একদিন সুরেন বলিয়াছিল—“দেখো, যার তার সঙ্গে থিয়েটার বায়স্কোপে যাওয়া, ট্রামে চেপে মাঠে হাওয়া খাওয়া ভাল নয়; অস্ত্রতঃ, গেরস্থ-ঘরে চলে না।”

মাধুরী উত্তর দিয়াছে—“তবে ভাল কি শুধু ভগবানের দেওয়া আলো-বাতাস না নিয়ে ‘থাইসিসে’ মরা?”

সুরেন বলিয়াছিল—“ও তোমার ভুল ধারণা মাধুরী, এতদিন ত মেয়েদের ওসব রোগ ছিল না।”

—“তাই তার প্রয়োজনও হয় নি। এখন হয়েছে, কাজেই তার ব্যবস্থা করতে হবে। আমি যা’ ভাল বুঝব করব, ইচ্ছে হয় ঘর কর, না হ’লে অন্য ব্যবস্থা করতেও ত তুমি খুব পটু—সরমার মত বদনাম দিয়েই না হয় বিদেয় করো একদিন।”

লৌহ-শলকার মত কথাগুলো সুরেনের অস্তঃস্থলে গিয়া বিঁধিয়াছে, কিন্তু সে একটা প্রতিবাদও আর করে নাই। সত্যের আঘাত বুঝি মানুষকে এমনই করিয়াই পঙ্ক করিয়া ফেলে।

কয়দিনের শিক্ষায় মাধুরী শেলাই সম্বন্ধে কতটা শিক্ষিতা হইয়াছিল বলা যায় না, তবে সরমার হঠাৎ অর হওয়ায় তাহা ভুলিয়া যাইতেও বিলম্ব হয় নাই। সরমা পত্র-দ্বারা জানাইয়াছিল—তুই-চারিদিনের মধ্যে পথ্য পাইলেই সে আসিবে, তবে সেখানে গিয়া সে যেন তাহাকে বদনাম না দিতে পারে, সে বিষয় নজর রাখা চাই, ইত্যাদি...।

কিন্তু যেদিন পথ্য পাইয়া সে মাধুরীর বাড়ী আসিয়া হাজির হইল, সেদিন মাধুরী শয্যা লইয়াছে।

সুরেন অচৈতন্য স্ত্রীর মাথায় আইস্‌ব্যাগ চাপাইয়া চুপ করিয়া বসিয়াছিল। সরমাকে দেখিয়াই সে শিহরিয়া উঠিল। অশ্রুট-কণ্ঠে বলিল—“সরমা, তুমি এখানে!”

সরমা বজ্রাহতের মত খানিক চুপ করিয়া রহিল। তারপর ধীরকণ্ঠে বলিল—“ওর অসুখ জানলে আস্তাম না, ভাল হলে খবর দিতে বলবেন। সেলাই শেখাতে এসেছিলাম আমি।”

কিন্তু তাহার চলিয়া যাওয়া হইল না। ঠিক সেই সময় একটু চৈতন্য হওয়ায় মাধুরী চোখ চাহিতেই সরমাকে দেখিতে পাইল। বলিল—“আমার পাশে বসো না দিদি!”

সুরেন ধীরে ধীরে সে ঘর ত্যাগ করিয়া গেল। সরমা মাধুরীর শয্যাপার্শ্বে বসিয়া পড়িল। তখনও তাহার মুখের কঠোরতা মিলাইয়া যায় নাই। সেদিকে লক্ষ্য করিয়া মাধুরী হাসিয়া বলিল—“ধরা পড়ে রেগে গেছ, না? কিন্তু বোন্‌ বলে যখন স্বীকার করে নিয়েছ, তখন আর ফেল্‌বে কেমন করে বল ত?”

হাসিতে চাহিয়া সরমা বলিল—“ফেল্‌বে কেন, পাগল! আগের সরমা কবে মরে গেছে—তার বিষয় কোন কিছু নিয়ে মাথা ঘামার সময়ও নেই, উৎসাহও নেই। এখন আমরা দু’টি বোন্‌ আছি বই ত নয়। কিন্তু হঠাৎ অর করে’ বস্‌লি কেন বল ত?”

—“কেন আবার, তোমাকে জ্বালাব বলে!” বলিয়া মাধুরী হাসিল।

সরমা তাহার তপ্ত ললাটে হাত বুলাইতে বুলাইতে বলিল—“জ্বালানো ত পরে, এখন নিজের ত জল্‌ছিস্‌, বেশ, তা’ হ’লেই হ’ল।”

মাধুরী আর কথা কহিল না। বোধ হয় কথা কহিবার শক্তি তাহার লোপ পাইয়া আসিতেছিল বলিয়াই সে নীরবে পড়িয়া রহিল।

সরমা একবার তাহার মুখের পানে চাহিয়া অনেকক্ষণ কি ভাবিল, তারপর আপনাকে অসীম বলে সংযত করিয়া লইয়া ঘর হইতে বাহির হইয়া গেল।



দিন কয়েক পরের কথা।

সেদিন রাতে মাধুরী স্বরেনকে কহিল—“তুমি যতই আমায় লুকোও না কেন, ডাক্তাররা নিশ্চয়ই আমায় জবাব দিয়েছে। এ যাত্রা বোধ হয় বাঁচবো না। আমি ভাবছি কি জানো, মেয়েটা ছ’বছরের মাত্র। ওকে মানুষ করে বড় করে তুলতে অনেক দিন লাগবে। তুমি ত একা মানুষ করতে পারবে না—শিশুপালন মেয়েরা ভিন্ন পুরুষদের দ্বারা অসম্ভব। আর বিয়ে করতে যেয়ো না; তা’তে মোটেই সুখী হবে না—বরং সরমাকে বুঝিয়ে-সুঝিয়ে ঘরে নিয়ে আসি। ও এতদিন বাইরে বাইরে কাটালো—এর জন্ত দায়ী কে? তুমিই ত। ও ত তোমার বিবাহিতা স্ত্রী। একদিন অগ্নি সাক্ষ্য করে দেবতার সামনে শপথ করেছিলে—ওকে নিয়েই সংসার-ধর্ম পালন করবে। সে শপথ ভঙ্গ করেছে, তা’তে তোমার মস্ত বড় পাপই হয়েছে।”

স্বরেন তাহার কথা শেষ হইতে না দিয়া চোখের জল মুছিতে মুছিতে বলিল—“ও কথা থাক মাধুরী, তুমি ভাল হয়ে ওঠো। তা’ ছাড়া, সরমা কি আর এ ঘরে আসবে? ও যে ভারী জেদী মেয়ে—”

মাধুরী বলিল—“সে ব্যবস্থা আমি করবো খন। তবে তুমি আর তার সঙ্গে অসম্ভাবহার করো না, তাকে ঘৃণা করো না। বাইরেটা ছেড়ে দিয়ে বিশ্বাস করো, সত্যি সুখী হবে।”

আর না আসিবার সঙ্কল্প করিয়া এ বাড়ী ত্যাগ করিয়া গেলেও অদৃশ্য আকর্ষণের টান সামলাইতে না পারিয়া সরমা আবার একদিন মাধুরীর শয্যাপাশে আসিয়া দাঁড়াইল। মাধুরী বলিল—“কেমন পারলে না এসে? বোনকে ভোলা সহজ কি না? ও গো শুনছ? কে এসেছে

দেখো” বলিয়া স্বরেনকে ডাকিয়া মাধুরী তাহাকে সরমার পাশে বসাইল।

সরমা আপত্তি করিতে যাইতেছিল। মাধুরী কহিল—“হাজার হোক ও ত তোমার স্বামী, যদি বা ভুলে বা পাঁচজন বন্ধুর পরামর্শে তোমার সঙ্গে ছর্ব্যবহার করে থাকে, তার কি ক্ষমা নেই? নারী হয়ে পুরুষের মত কঠোর হয়ো না। তা’ ছাড়া—অনাথা এই মেয়েটা, এর ওপরও কি তুমি দয়া করবে না দিদি?”

সরমা শেষের কথাটায় অশ্রু সংবরণ করিতে পারিল না।

মাধুরী পরম যত্নে মেয়েটাকে বুকের উপর তুলিয়া লইল। বলিল—“আমার ডাক এসেছে—চলে যাচ্ছি। আমার কোলের মেয়েটাকে তুমি মানুষ করো—আজ হ’তে তুমিই ওর মা! সংসারের কিছুই জানে না, আমার কথা ওর স্মরণও হবে না, ও জানবে—তুমিই ওকে পেটে ধরেছ। এই স্বামী, এই সংসার তোমারই—মাঝে একটা ব্যবধান ঘটেছিল মাত্র! মনে ভেবো ওটা স্বপ্ন!”

“হঠাৎ মাধুরীর দম বন্ধ হইয়া আসিল। সে আর কিছু বলিতে পারিল না।

আজ সরমা মা হইয়া সংসার দখল করিয়াছে।

ইহাই তাহার পরম তৃপ্তি! সিন্ধার কোম্পানীকে জানাইয়া দিয়াছে—সে আর চাকুরী করিবে না এবং বাহিরের সমস্ত সংশ্রব হইতে দূরে থাকিবে। সর্ব্বহারা নারী আজ সে নয়—আজ সে মাতৃস্বের আসন পাইয়াছে এবং ইহাই লাভ করিবার জন্ত বৃদ্ধি তাহার অন্তরের অন্তরালে ছিল গোপন সাধনা।

শ্রীঅপূর্বকৃষ্ণ ভট্টাচার্য্য



## মোটর ডাকাতি

ডাক্তার শ্রীঅনিলচন্দ্র দত্ত, এল্-এম্-এফ্

### পিস্তল ক্রয়

একটি যুবক—সুশ্রী, সুবেশ, বলিষ্ঠ, সুপুষ্ট ও সুদীর্ঘ—  
ভ্রমলোক কি? যুবক কোন দোকান হইতে একটি পিস্তল  
কিনিল; অন্ত্য প্রয়োজনীয় কয়েকটি জিনিষও লইয়া ধীর-  
স্থিরপদে এস্প্র্যানেড জংশন অভিমুখে চলিল।

মাঘ মাস। বেলা একটা পঞ্চাশ। এস্প্র্যানেড জংশনের  
এস্প্র্যানেড হোটেল হইতে অপর একটি সমবয়স্ক যুবক  
বাহির হইয়া তাহাকে বলিল, “নীহার, ওয়ান ফিফ্টি।”

হাতের ঘড়ি দেখিয়া প্রথম যুবক নীহার বলিল,  
ওয়ান ফিফ্টি—তারপর সব ঠিক? আজই যাচ্ছ  
সুবোধ?”

“হাঁ, এখানে আর ভাল লাগছে না, কোন সুবিধেও  
হ’ল না, আজই পালাব।”

“কোথায়?”

“কানপুরে প্রথমে, তারপর দেখা যাবে।”

“একা?”

“দারোগা মনোহর রায় পেছু নেবে মনে হয়।”

“দারোগা?”

“আমার পরম আত্মীয়।”

নীহার হাসিয়া একখানি ট্যাক্সির দিকে লক্ষ্য করিল—  
গাড়ীখানি তাহাদের দিকে ধীর গতিতে আসিতেছিল।  
ট্যাক্সি থামাইয়া সুবোধকে টানিয়া সে গাড়ীর নিকটে  
উপস্থিত হইল।

“আরে, একেবারে ট্যাক্সি! যা’ কথা ছিল, তার কি  
হ’ল?”

“আজ নয়, অপর জায়গায় অন্য কাজ আছে; আজ  
নতুন কাজে যাব।”

“কোথায়?”

“গোপীমোহন বহুর লেন, বাগবাজার।”

“হঠাৎ?”

“ওঠ, বলছি।” বলিয়া নীহার সুবোধকে লইয়া

গাড়ীতে বসিল। সফর দুইজনকে লইয়া ছুটিল—পশ্চাতে  
বসিয়া দুইবন্ধু যুক্তি করিল, সিগারেট পুড়াইল।

সুবোধ জিজ্ঞাসা করিল, “পিস্তলটার দাম কত?”

নীহার দাম বলিল।

“বেশ সস্তা। তারপর, তোর হঠাৎ এ নতুন  
প্ল্যানটার উদ্দেশ্য?”

“খুব গভীর বা’ মারাত্মক এমন কিছুই নয়—একটা  
খেয়াল।”

### বাড়ীর ভিতরে

গোপীমোহন বহুর লেনে একখানি সুদৃশ্য দ্বিতল  
বাড়ীর সম্মুখে ট্যাক্সি থামিয়া গেল। সুবোধ জিজ্ঞাসা  
করিল, “এই বাড়ী?”

“হাঁ, দেখছিস না নম্বর?”

“তা’ বটে, কার নাম লেখা সাইনবোর্ড রয়েছে না?”

“হাঁ, এস্ ঘোষ—বি.এল্। এই অল্প ক’দিনেই  
ট্যাব্লেট পর্যন্ত আটকান হয়ে গ্যাছে দেখছি।”

“বেশ, তুই তা’ হ’লে যা’, আমিও সরে পড়ি, কাজ  
আছে অনেক।”

“কি কাজ?”

“দারোগার সম্মান রাখতে হবে; সে সত্যই যায় কি  
না জানা চাই—সেইমত ব্যবস্থা করতে হবে আমায়।”

“আচ্ছা যা’।”

ট্যাক্সি হইতে নামিয়া দুইজনে দুইদিকে চলিয়া গেল—  
সফরকে নিকটেই কোন সুবিধামত স্থানে অপেক্ষা করিতে  
বলিয়া নীহার সম্মুখস্থ বাড়ীর মধ্যে নির্ভয়ে প্রবেশ করিল  
—নিতান্ত পরিচিতের মতই তাহার গতি।

### মোটর ডাকাত

ভোজপুরী বিশালবপু ষারোয়ান পথরোধ করিল।

“আপ কোন ছায়, কাঁহা যাতে হেঁ?” বলিয়া সন্দিগ্ধ দৃষ্টিতে  
নীহারের মুখের দিকে চাহিল।



“ভিতরমে; বড়ী বহিনসে মূলাকাং করনেকে লিয়ে।  
স্বরেনবাবু মেরা বনহুঁই হায়।”

একগাল হাসিয়া দ্বারবান পথ ছাড়িয়া বারান্দায়  
যেখানে রোদ্দ আসিতেছিল, সেখানে গিয়া নিজার আয়ো-  
জন করিতে লাগিল।

বেলা প্রায় তিনটা। বাড়ীতে পুরুষেরা কেহই নাই।  
গৃহকর্তা কোটে ও ছেলেরা স্কুলে। থাকিবার মধ্যে  
গৃহিণী ও তাঁহার দুই-তিনটি কন্যা। বড় মেয়ে নীহার-  
বালা আই-এস-সি পড়িতেছে; শরীর অল্প খারাপ থাকায়  
আজ দুই-তিনদিন কলেজ যায় নাই।

যুবক নির্ভয়ে ভিতরে প্রবেশ করিল। কত সহজে  
মামুষ এই সব নিরীক্ষা দ্বারবানদের প্রতারণিত করিতে  
পারে চিন্তা করিয়া মনে মনে হাসিল। উপরে উঠিবার  
সিঁড়ি নিকটেই দেখিতে পাইয়া স্থিরচিত্তে উপরে উঠিতে  
লাগিল—পকেটের জিনিষগুলির মধ্যে দু’-একটি বাহির  
করিয়া হাতে লইল। সম্মুখেই সিঁড়ির দরজা বন্ধ থাকিতে  
দেখিয়া ডাকিল, “বড়দি’—আমি নীহার।”

চমকিত হইয়া গৃহিণী কন্যাকে বলিলেন, “কে ডাকছে  
তোকে, দেখ ত নীহার।”

ঘরের সম্মুখের দালানের উপর মাদুর পাতিয়া গৃহিণী  
কন্যাদের লইয়া রোদ্দে শুইয়াছিলেন। কন্যা নীহারবালা  
একপাশে একখানি চেয়ারে বসিয়া ‘রোমিও জুলিয়েট’  
নাটকের রসস্বাদ করিতেছিল—অবিবাহিতা সে।

মাতার কথায় তাহার চমক ভাঙিল। বই রাখিয়া  
আগন্তুককে দেখিতে গেল। সিঁড়ির রুদ্ধ দরজা খুলিয়া  
‘মামাবাবু’ বলিতে গিয়া তাহার বাক্যলোপ হইল।  
উন্মুক্ত দরজা পথে দাঁড়াইয়া পিস্তল হস্তে এক যুবক।  
ভদ্রবেশধারী দুর্দান্ত দস্যকে দেখিয়া ভয়ে সে চীৎকার  
করিয়া উঠিল।

মোটর ডাকাতির কথা সেই সময় প্রায়ই শুনিতে  
পাওয়া যাইত—সংবাদ-পত্রে নীহারবালা এরূপ অনেক  
ঘটনার বৃত্তান্ত পড়িয়াছে—ছুটিয়া গিয়া সে মাতাকে বলিল,  
“মা, সর্বনাশ হয়েছে! মামা নয়, কোন খারাপ লোক—  
মোটর ডাকাত!”

“এঁয়া! এঁা! বলিস কি! ও মা!” গৃহিণী মহা আত-  
চীৎকার করিয়া উঠিলেন। ছোট মেয়েরা ঘুম হইতে উঠি  
ক্রন্দন জুড়িয়া দিল।

“আরে, পালাও কেন? ব্যাপার কি?” বলিয়া যুব  
তেমনই ধীরপদে গৃহিণীর নিকট অগ্রসর হইল—পিছ  
তাহার দক্ষিণ হস্তেই ছিল।

তারপর—?

গৃহিণীর ভয়ার্ত চীৎকারে চিন্তিত যুবক ভ্রুকু  
করিয়া তাঁহার নিকট গিয়া দাঁড়াইল। নীহারবালা ত-  
আর সেন্থানে ছিল না, শয়ন-ঘরে প্রবেশ করিয়া কাঁপিতে  
কাঁপিতে একখানা চেয়ারে বসিয়া পড়িল। সম্মুখ  
টেবিলের একটা পেরেকের খোঁচায় তাহার শাড়ীর একাং  
ছিঁড়িয়া গেল।

বাড়ীর ভিতর ক্রন্দন ও চীৎকার, সূদূর বাহি-  
ভোজপুরী দ্বারবানের তুমুল নাদিকা গর্জন সমানে চলিয়  
ছিল।

কাঁপিতে কাঁপিতে শুষ্ককণ্ঠে গৃহিণী কোনরূপে বলিলে  
“বাবা, প্রাণে মের না! পিস্তলটা পকেটে রাখ—আমাদে  
প্রাণ ভিক্ষা দাও! সোণাদানা যা’ খুসি নিয়ে যাও।”

তিনি সঙ্গে সঙ্গেই হার, চুড়ী, বালা ও একগো-  
চাবি যুবকের দিকে ফেলিয়া আর আত্মসংবরণ করি-  
পারিলেন না, অজ্ঞান হইয়া মাদুরের উপর পড়ি-  
গেলেন। শিশুরা ভয়ে চূপ করিল।

অধিকতর কুঞ্চিত করিয়া যুবক নিমিষে একবা-  
হাত-ঘাড়ির দিকে লক্ষ্য করিল—গৃহকর্তার তখনও আদি-  
বার সময় হয় নাই। একবার চারিদিক চাহিয়া গহনাগুলি  
এক এক করিয়া তুলিয়া একস্থানে জমা করিল  
তারপর—?

তরুণীর দ্বারা

দারোগা মনোহর রায় খানায় বসিয়া রিপোর্ট লিখি-  
তেছিলেন। হঠাৎ তাঁহার টেলিফোন বাজিয়া উঠিল  
‘রিসিভার’ লইয়া তিনি ডাকিলেন, “হ্যালো, কে আপনি?”

“আমি উকিল এস ঘোষের বাড়ী থেকে কথা বলছি।”



“আমি মনোহর রায়। শ্রামবাজারের সাব ইন্সপেক্টর।  
নিস থানা থেকে বসছি।”

“আপনি যত শীগ্গির পারেন লোকজন নিয়ে  
আমাদের সাহায্য করুন। কোন এক ভদ্রবেশধারী দুর্দান্ত  
দস্যু পিস্তল দেখিয়ে আমাদের গহনা-পত্র নিয়ে যাবার জন্ত  
এসেছে—একখানা ট্যাক্সিও বাড়ীর বাইরে দেখেছি।  
বাড়ীতে পুরুষ কেউ নেই—আমুন, শীগ্গির।

“মোটরে এসেছে? মোটর ডাকাত?”

“তাই। সাংঘাতিক লোক—দুর্দান্ত দস্যু।”

“নিশ্চিত থাকুন—আমরা যাচ্ছি—আপনার নাম-  
ঠিকানা।”

নাম ও ঠিকানা বলিয়া তরুণী টেলিফোন ছাড়িয়া  
দিল। জানালা দিয়া পুনরায় বাহিরের ট্যাক্সিখানি একবার  
দখিয়া লইল। তারপর হঠাৎ তাহার চক্ষের সম্মুখে বিরাট  
কক্ষার জমিয়া উঠিল—চেতনা লোপ হইল—টলিতে  
লিতে সে শয্যায় গিয়া শয়ন করিল।

#### দারোগার হাতে

পিস্তল প্রভৃতি পকেটে রাখিয়া চিন্তিতমনে ধীরপদে  
যুবক দ্বিতলের সিঁড়ি দিয়া নীচে নামিতে যাইতেছিল,  
ঠাৎ কোলাহল শুনিয়া এবং কয়েকজন লোকের সিঁড়িতে  
পরে উঠিবার পদশব্দে বিস্মিত হইয়া একপাশে একটা  
দোর নিকট গিয়া সে দাঁড়াইল—আগন্তকেরা যাহাতে  
সহাকে দেখিত না পায় এই ইচ্ছায় সে ঐরূপে আত্ম-  
পাশপন করিতে চেষ্টা করিল বোধ হয়।

কিন্তু বৃথা চেষ্টা। দারোগা মনোহরবাবুর কুটিল  
ক্ষের স্ত্রেন দৃষ্টিতে যুবকের কলকৌশল নিমিষেই ব্যর্থ  
হইল। দারোগা তাহার গলদেশে হস্তার্পণ করিলেন—সঙ্গী  
নষ্টেবল তিনজন ও সমস্ত নিয়োখিত ভোজপুরী  
বরকক তাহার চতুর্দিক বেষ্টিত করিয়া দাঁড়াইল।  
লায়নের আর পথ রহিল না।

ক্রুদ্ধ হইয়া যুবক বলিল, “কে মশায় আপনি? এ-  
বে আমার অপমান করতে সাহস করছেন—এর ফল  
জানেন? ভদ্রলোককে এরূপ অপমান?”

হাসিয়া দারোগা বলিলেন, “তা’ বটে—ভদ্রলোক নব্ব

ওয়ান! রামজী, হাতকড়ি লাগাও—দেখো, যেন ভদ্র-  
লোকের অপমান করো না!”

“সাবধান দারোগাবাবু, এখনও আপনাকে নিবেদ  
করছি, অপমান করবেন না আমাকে—আমি দস্যু বা  
ডাকাত নই।”

“বালাই, যাট! আপনাকে দস্যু বলে কে—আপনি  
হলেন গ্যাড়াতলার পকেটমারের খুড়তুতো ভাই! দস্যু  
করে এখন থানায় চলুন, খুব খাতির করা যাবে সেখানে।  
এখানে কেন এসেছেন?”

“ভুল হয়েছিল—দিদি এই বাড়ীতেই থাকেন, এই মনে  
করেই এসেছিলাম—অন্ত উদ্বেগে আসি নি।”

“এই রকমেই যে আপনারা দিদির বাড়ী, পিসী, মাসী  
সকলের বাড়ীই গিয়ে থাকেন তা’ জানি। এখন তবে দস্যু  
করে একবার শুল্লুর-বাড়ীই না হয় চলুন। মোটর ত  
বাইরেই আছে।”

“চলুন। তবে জানবেন—এর জন্ত আপনাকে ক্ষমা  
চাইতে হবে—আমি চোর-ডাকাত কিছুই নই।”

“ঠিক কথা, ঠিক কথা। রামজী, লে চল শালাবাবুকো।”

ভোজপুরী দ্বারবান হঠাৎ গজ্জিয়া উঠিল, “শালা  
বদমাস—মারকে ছাত্ত বানা দেঙ্গে।”

#### উকিলের জেরায়

প্রবীন ও বিজ্ঞ উকিল সুরেন ঘোষ সেই সময় বাড়ী  
আসিয়া পড়িলেন। তাহার আগমন জানিয়া গৃহিণী উঠিয়া  
বসিলেন। কত শয়ন-ঘর হইতে বাহিরে আসিল। কক্ষার  
মুখে আনন্দ সমস্ত শুনিয়া তিনি বন্দীর নিকট  
উপস্থিত হইলেন।

দালানের চেয়ারে বসিয়া সুরেনবাবু জিজ্ঞাসা করিলেন,  
“যুবক, তোমার নাম?”

“শ্রীপ্রেমনীহার বসু।”

“লেগাপড়া কিছু করেছ?”

“হাঁ, বৎসামান্য। গত বৎসর ইংরাজীতে এম্-এ  
পরীক্ষায় প্রথম হই।”

নীহারবালা বাপের নিকট আসিয়া দাঁড়াইয়াছিল।  
দুর্দান্ত দস্যু এম্-এ পরীক্ষায় ইউনিভার্সিটিতে প্রথম



হইয়াছে—নামটাও সে শুনিয়াছিল কি ? বিম্বিতা কুমারী  
কণেকের জন্ম যুবকের দিকে চাহিল—ভদ্রবেশধারী  
দুর্দান্ত দস্যুর এই প্রশান্ত জ্যোতির্ময় চেহারা ! সত্যই  
কি এ দস্যু—যদি সত্য না হইত ! নীহারবালা আর  
একবার দেখিল ।

সুরেনবাবু প্রশ্ন করিলেন, “এ বাড়ীতে আসবার  
কারণ ?”

“দিদির সঙ্গে দেখা করবার জন্ম ।”

“আগে আর এ বাড়ীতে এসেছিলে ?”

“না, দিদির। আজ ক’দিন হ’ল কোলকাতায়  
এসেছেন—তাঁরা লাহোরে থাকেন ।”

“তাঁরা যে এ বাড়ীতেই এসেছেন, তা’ কিসে জানলে ?”

“দিদি লিখেছিলেন ।”

“—নং গোপীমোহন বসুর লেন এই ঠিকানাই  
দিয়েছিলেন ? তোমার ভগ্নীপতির নাম ও পেশা কি ?”

“শ্রীসৌরেন্দ্রনাথ ঘোষ, বি-এল—লাহোরের উকিল ।”

“সৌরেন ! সেই আমুদে সৌরেন তোমার ভগ্নীপতি !  
হাঁ, সে লাহোরেই গেছে বটে । বেশ মোটা, স্ত্রী  
চেহারা—নয় ?”

“হ্যা—আপনি চেনেন ?”

“সে কথা যাক—পিস্তল প্রভৃতি এনেছিলে কেন ?”

“ভাঞ্জে-ভাগ্নীদের দেবার জন্ম । ও সব খেলার জিনিষ—  
টিনের ।”

“দেখি ?”

সুরেনবাবু পিস্তল চাহিলেন, কিন্তু দারোগাবাবু তাহা  
নিয়ম-বিরুদ্ধ বলিলেন । এসব মারাত্মক জিনিষ এখন  
বাহির করিতে দেওয়া উচিত নয় বলিতে যাইতেছিলেন,  
কিন্তু উকিলের ধমকে আর কিছু বলিলেন না । পিস্তল  
দেখিয়া সুরেনবাবু চকিত কণ্ঠকে লক্ষ্য করিয়া বলিলেন,  
“এতেই ভয় পেয়েছিলে মা ?”

কণ্ঠা পিস্তলটাকে বিশেষভাবে দেখিয়া লইল ।

মিনতি

যুবক যেরূপ ধীর ও নিশ্চিন্তমনে উত্তর দিতেছিল,  
তাহাতে দারোগাবাবু নিতান্ত বিম্বিত এবং উকিলের

উপর বিরক্ত হইতেছিলেন । নীহারবালা লজ্জিত  
সঙ্কচিতা হইয়া মাঝে মাঝে সেই দুর্দান্ত দস্যুর দিকে  
চাহিয়া ভাবিতেছিল—সত্যই কি সে দস্যু !

সুরেন উকিল হঠাৎ প্রশ্ন করিলেন, “তুমি বিবাহ  
করেছ ?”

মোটর ডাকাত বিবাহিত কি না তাহা জানিবার  
প্রয়োজন কি ? বিজ্ঞ ও প্রবীণ উকিলের এই অসংল  
প্রশ্নে দারোগাবাবু নিতান্ত বিরক্ত হইলেন ; কিন্তু নীহার  
বালা তাহার সমস্ত শ্রবণ-শক্তিকে কেন্দ্রীভূত করিয়া  
উত্তরের অপেক্ষায় রহিল—‘হাঁ’ কিংবা ‘না’ এই দুয়ের  
প্রভেদ কত ! হু’টি অক্ষরের কত শক্তি !

যুবক বলিল—“না ।”

পিতা হঠাৎ কণ্ঠার মুখের দিকে চাহিলেন ; কণ্ঠ  
বুঝিল না পিতা কি দেখিতেছেন—ধীরস্বরে কাতর কণ্ঠে  
কুমারীর মুখ হইতে বাহির হইল, “হাতকড়ি খুলে দাও  
বাবা, খুলে দাও ।”

মিনতি দস্যুর জন্ম ।

নীহারবালা

মনোহরবাবু ইতস্ততঃ করিতেছিলেন, এমন সময় হঠাৎ  
অপর একটি যুবক সেই বাড়ীতে আসিয়া উপস্থিত হইল  
তাহার সহিত একটি বৃদ্ধ ভদ্রলোক ছিলেন । একজনে  
চাপরাশী দুইজনকে দারোগাবাবুর নিকট লইয়া গেল ।

যুবক দ্রুতগতিতে সিঁড়ি দিয়া দ্বিতলে উঠিয়া  
দারোগাকে দেখিয়া বলিল, “মনোহর দা’, করেছেন  
কি—কা’কে হাতকড়ি দিয়েছেন, খুলুন—খুলুন ।”

বন্দী যুবক আগন্তকের দিকে চাহিয়া মুহূর্তান্তে বলিল,  
“কে, সুরোধ ?”

“হাঁ ভাই । দারোগার সন্ধানই আমি গিয়েছিলাম,  
ধানায় শুনলাম সব ঘটনা—তাই তৎক্ষণাৎ তোমার বাবাকে  
নিয়ে আমি এখানে এসে পড়লাম ।”

“বাবাকে নিয়ে ?”

বৃদ্ধ ভদ্রলোক ততক্ষণে উপরে উঠিয়াছেন । তাঁহাকে  
দেখিয়া দারোগাবাবু চক্ষের নিমেষে বন্দীকে মুক্ত করিয়া  
বিশ্বাসে বলিয়া উঠিলেন, “আপনি, কেদারবাবু !”



রাখবাহার কেদারনাথ বসু পুলিশ বিভাগে বহুকাল কার্য করিয়া পুলিশ সুপারিন্টেন্ডেন্ট হইয়াছিলেন। কিন্তু দারুণ বাত ব্যাধিতে একবারে পঙ্গু হওয়ার কয়েক বৎসর পরে কার্য হইতে তাঁহাকে বাধ্য হইয়াই অবসর লইতে হইয়াছিল। তিনি অনেকেরই পরিচিত ছিলেন।

“শুনলাম আমার ছেলেকে আপনারা ডাকাত মনে করে বন্দী করতে এসেছেন, কাজেই আসতে হ’ল।”

উকীল সুরেন ঘোষের আদেশক্রমে ভৃত্য একখানি চেয়ার আনিয়া কেদারবাবুকে বসিতে দিল। চেয়ারে বসিয়া তিনি সুরেনবাবুকে সকল ঘটনা জিজ্ঞাসা করিলেন। সুরেনবাবু সমস্ত কথা বলিলেন—তাঁহার অল্পপস্থিতিতে নীহারের আগমন, পিস্তল প্রভৃতি অপরিচিত যুবকের হস্তে দেখিয়া কন্যার সতর্কতা ও পুলিশকে টেলিফোন করার কথা বলিয়া তিনি একবার কন্ঠার দিকে চাহিলেন। কেদারবাবুও দেখিলেন। লজ্জিতা ও সঙ্কুচিতা নীহার-বালা মাথা নত করিয়া দাঁড়াইয়া রহিল।

### শান্তির আয়োজন

সুবোধ বলিল, “নীহারের সঙ্গে আমি আজ তিনটার ম্যাটিনিতে বায়োস্কোপ দেখবার জন্য একটা পঞ্চাশ মিনিটে এস্প্রানেড হোটেলের সম্মুখে দেখা করবার বন্দোবস্ত করি। নীহার সময় মতই আসে; কিন্তু তার মতের পরিবর্তন দেখি। সে বলে, বায়োস্কোপে সে যাবে না। তার দিদি তাকে অনেকদিন আগে তাঁর সঙ্গে দেখা করতে লিখেছেন, কিন্তু এতদিন সে কথা তার মনে ছিল না—আজ হঠাৎ মনে হওয়ায় সে দিদির বাড়ী যাবে বলে কিছু খেলনা আর ওই টিনের পিস্তলটা ছয় আনায় কিনেছিল। বায়োস্কোপ যাওয়া বন্ধ হওয়ায় এবং আমারও এই অঞ্চলে বাড়ী বলে’ নীহার আমাকে নিয়ে ট্যাক্সি করে’ বাগবাজারে তার দিদির বাড়ীতে আসে। বাড়ীর নম্বর যা’ আমায় নীহার বলেছিল, তা’তে এই লেনের ঠিক এই বাড়ীখানাই বোঝায়।”

কেদারবাবু জিজ্ঞাসা করিলেন, “মনোহরবাবুর কাছে গিয়েছিল কেন?”

“উনি আমার আত্মীয়। তা’ ছাড়া, আজ কোন তদন্তের

জন্য রাত্রির ট্রেনে রাণীগঞ্জ যাবেন শুনেছিলাম, তাই সঠিক সংবাদ জানবার জন্য যাই। আমাকেও আজ রাত দশটার গাড়ীতে কানপুরে একটা কাজের চেষ্টায় যেতে হবে। ভেবেছিলাম, একসঙ্গে যাব দু’জনে।”

সুরেনবাবু জিজ্ঞাসা করিলেন, “আপনার জামায়ের এখানকার ঠিকানা কি?”

“আহম্মুক ছেলে রাস্তার ভুল করেছে মশায়! বাড়ীর নম্বর ঠিক এই বটে, তবে সৌরেন থাকে গোপীনাথ দেয় লেন, বউবাজারে, আর বাবু এসেছেন গোপীনাথ দেয় লেন, বাগবাজারে। ইংরাজিতে এম্-এ পাশ করেছেন, দে আর বসুর তফাৎ কি আর সাহেবদের মনে থাকে মশায়!”

উকিলবাবু বলিলেন, “আমাদের সকলেরই ভুল হয়েছে। আমার সাইন বোর্ডে ‘এস্-ঘোষ—বি-এল্’ লেখা আছে, আপনার জামাইও নামের পরিচয়ে, ‘এস্ ঘোষ বি-এল্—কাজেই নীহারের ভুল হওয়ার আশ্চর্য্য কিছুই নেই।”

“একটুও না—জেল যাওয়াও আশ্চর্য্য নয়! এস্ ঘোষ দেখলেই ভগ্নীপতি ভাববেন, এতেই বা আশ্চর্য্যের কি আছে!”

“যাক, আমাদের ক্ষমা করবেন কেদারবাবু। প্রথম দিকে ঘটনাটা যেরূপ দাঁড়িয়েছিল, তা’তে আমাদের বিশেষ দোষও নেই।”

“বিলক্ষণ, দোষ নেই আপনার তা’ মানি। কিন্তু আপনার ওই মেয়েটি বড় দোষমুক্ত নন—উনিই যত নষ্টের গোড়া—সব গুণগোল ত ওই বেটীই করেছে। একটা ভাল লগ্ন দেখে আমি বেটীকে রীতিমত শাস্তি দেবার আয়োজন করছি শীগ্গিরই।”

“আমরা আপনার শাস্তি ঘাড় পেতে নিচ্ছি কেদারবাবু। এ রকম উপযুক্ত পাত্র—”এই বলিয়া সুরেনবাবু কন্ঠার দিকে চাহিলেন।

কিন্তু কন্ঠা কোথায়? নীহারবালা পলাইয়াছে—পিতার কথায় নিমেষে সেই ভদ্রবেশী দুর্দান্ত দস্যুর প্রতি সতৃষ্ণ দৃষ্টিপাত করিয়াই, উচ্ছ্বসিত, সমর্পিত হৃদয় লইয়াই কন্ঠা পলাইয়াছে। পলায়ন বুঝি বন্ধনেরই পূর্বাভাস!

শ্রীঅনিলচন্দ্র দত্ত



• ‘স্মৃতি শুধু জেগে রয় অতীত কাহিনী কয়’

## ভ্যালেন্টিনো স্বরণে

শ্রীবিষ্ণু মুখোপাধ্যায়


আকর্ণ লম্বা দু'টা টানা চোখ ক্রমেই ঘোলাটে হয়ে এল। চাউনির মধ্যে চেতন মাহুষের বক্তব্য যেন প্রায় শেষ হয়ে এসেছে—কপালে বিন্দু বিন্দু ঘাম। যন্ত্রণার সাড়া সারা শরীরের কোন কোন অঙ্গে তখনও নাড়া দিয়ে যাচ্ছে—হু'জন ডাক্তার মাথার পাশে দাঁড়িয়ে, একজন নাড়ি দেখছেন। ডাক্তারদের পাশেই ইন্জেক্সনের দরকারী জিনিষ-পত্র তৈরী করে', চার-পাঁচজন নার্স ইজিতের অপেক্ষায় সশক্তিত হয়ে রোগীর মুখের দিকে চেয়ে দাঁড়িয়ে রয়েছে। রুডির বিশ্বস্ত ম্যানেজার জর্জ উল্য়ান কানের কাছে মুখ নিয়ে গিয়ে কি যেন একটা বলবার চেষ্টা করলেন—কিন্তু প্রয়াস তাঁর বোধ হয় ব্যর্থ-ই হ'ল—কানের কথা মনে আর পৌছল না।

হঠাৎ ঘরের নিস্তব্ধতা ভঙ্গ করে' রুডলফ হোহো করে' হেসে উঠলেন—বোধ হয় বাঁচাবার এই ব্যর্থ প্রয়াসে, ডাক্তারদের উদ্দেশে এটা তাঁর বিদ্রূপেরই হাসি। স্তিমিত চোখ দুটো আবার যেন বাইরে আসতে চাইল—দৃষ্টি তাঁর এলোমেলো—কার দিকে যে তিনি চাইছেন, কি যে চাইছেন, কিছুই বোঝা যায় না। হাসির পর থেকেই অনর্গল তিনি কি বক্তৃতা আরম্ভ করলেন। সচেতন মাহুষ সে কথার 'খেই' খুঁজে পায় না, মানে বোঝে না। ডাক্তার-রা বলে 'ভিলিরিয়ম।' ভাষা কখনো ইংরাজী, কখন ইতালী—কোনটার সঙ্গে কোনটার যোগ নেই—অথচ, প্রত্যেকটার মানে আছে।

তখন রাত বারটা বেজে গিয়েছে।

অবিশ্রাম রাত্র জাগরণের পরিশ্রমে পরিশ্রান্ত বৃদ্ধ উল্য়ান মাথায় আইস্‌ব্যাগ ধরে' তখনও বসে'—যদি সংজ্ঞা ফিরে আসে এই আশায়। অতর্কিতে চোখ দিয়ে বৃদ্ধের হু' ফোটা জল গড়িয়ে এল—তাঁর মনে হ'ল ভ্যালেন্টিনো যেন চুপ করলেন—জ্ঞান যেন তাঁর ফিরে এসেছে—তিনি যেন উল্য়ানকে কি বলতে চাইছেন, বলতে পারছেন না।

ধীরে ধীরে তিনি ভ্যালেন্টিনোর মুখের কাছে তাঁর মুখটা নিয়ে গেলেন। দৃষ্টি অপলক! চাউনির মধ্যে যন্ত্রণার কোন চিহ্ন নেই—দীর্ঘাকার বিরাট রোমীয় পুরুষ যেন তাঁর সারা শরীরটাকে আজ মন থেকে মুক্ত করে' হংস-ধবল গদির বিছানায় বহু যুগের বিশ্রাম নিতে নিজেকে এলিয়ে দিয়েছেন। কয়েক সেকেণ্ড সেই অদ্ভুত চোখ দুটোর দিকে চেয়ে থাকতে থাকতে হঠাৎ একটা আতঙ্ক উল্য়ানের ভেতর থেকে চীৎকার করে উঠল—একবার তিনি



যেন ছুটে পালাতে চাইলেন, পরক্ষণেই আবার ভ্যালেন্টিনোকে জড়িয়ে ধরতে গেলেন—পাশেই হু'জন না তখনও অপেক্ষা করছিল, তারা বৃদ্ধকে ধরে' ফেললে—ডাক্তার-রা বাঁ পাশের ঘর থেকে ছুটে এল—উল্য়ান সাধারণ মাহুষের মতই চীৎকার করে' কেঁদে উঠলেন।

পলিক্লিনিক হাসপাতালের করুণ বারটা ঘণ্টা দশ মিনিট আগেও নিকটস্থ জনসাধারণকে রাতের বয়স সম্বন্ধে সব করে' দিয়েছে। কিন্তু তারপরই সেই কুয়াসাক্ষর গভীর রাতে এক ভীতিপ্রদ করুণ আর্জনাৎ 'চার্লস বেলের' ভেতর দি আকাশ বাতাস ভরিয়ে নিকটস্থ সকলেরই কানে কা



বলে দিয়ে গেল—‘আজ আর ভ্যালেন্টিনো নেই।’ শয্যা-পার্শ্বে প্রেমিকা প্রেমিককে আতঙ্কে বেষ্টন করে’ চমকে উঠল—দলে দলে নিউইয়র্ক সহরের শিল্পী, দার্শনিক, পণ্ডিত, মূর্খ, ধনী, দরিদ্র একইভাবে হৃৎস্পন্দে ঘুম ভেঙে পলিক্লিনিক হাসপাতালের রুদ্ধ দ্বারে গিয়ে বিশ্বপ্রেমিক-কে দেখবার জন্য কত কাকুতিই না করতে লাগল। তারপর অদর্শনের হতাশায় চোখের জলে বুক ভাসিয়ে হাজার হাজার লোক মুক্ত আকাশের তলে, পথের ধারে বাকী রাতটুকু অতি সহজভাবেই শারীরিক অস্বস্তিকে অস্বীকার করেই কাটিয়ে দিয়েছিল।

পরদিন, মঙ্গলবার।

ধীরে ধীরে প্রভাতের আলো জানুয়ার ফাঁক দিয়ে ঘরের ভেতর এসে চিত্র-জগতের অল্পমকে দেখবার আশায় আকুল হয়ে উঠেছে, কিন্তু শোকে সারা আকাশ আজ মুহমান। আলোর দেবতার চোখ দু’টি জলে ভরে’ উঠল—সঙ্গে সঙ্গে দু’-একফোটা বৃষ্টি হয়ে গেল। আকাশে বাতাসে, পথে ঘাটে একটা হারানোর স্বর, একটা হাহা শব্দ, একটা বিনাদের গান অতি অল্প সময়ের মধ্যেই সারা এমেরিকাকে আচ্ছন্ন করে’ ফেললে। নগর থেকে গ্রামে, গ্রাম থেকে গ্রামান্তরে একটা পাগলা হাওয়া সশব্দে ‘নেই, নেই’ বলে’ বয়ে গেল।

বিভিন্ন নগর হ’তে, পল্লী হ’তে, মেয়ে-পুরুষ, শিশু-যুব-বৃদ্ধ হাজারে হাজারে পথ ঘাট ছেয়ে ফেলেছে। রূপকুমার ও রূপকুমারীদের আনন্দ উচ্ছ্বসিত মায়াপুরী হলিউড যেন কোন্‌ যাদুমন্ত্রে, কোন্‌ রূপার কাঠির স্পর্শে অচেতন শুক মুহমান হয়ে পড়েছে। হাসপাতালের ভেতর ও বাহিরে লক্ষাধিক লোকের জনতা, পুলিশের স্তম্ভিককে তুচ্ছ করে’ রুডিকে শেষ দেখবার আশায় শবের সঙ্গ নিয়েছে। হাসপাতাল থেকে উনপঞ্চাশ স্ট্রীটে একটাস’ চার্ট য়েতে পথের দু’ ধারে বাড়ীগুলিকে ফুলে ভরিয়ে দেওয়া হয়েছে—পথে মাছুষ আর মাছুষ।

একদিন যে ছরস্তু ছেলে সারা পৃথিবীটাকে তোলপাড় করে’ ফেলার আনন্দে, নিত্য-নূতন রংয়ের স্বপ্নে মগ্নুল হয়ে দেশ ছেড়ে আটলান্টিকের অপর পারে নূতন জগতের

খোজে অকুল সমুদ্র-যাত্রা করেছিল—আজ সে আবার হলিউড এমেরিকা ও সারা পৃথিবীর বাধন ছিঁড়ে প্রেম-প্রীতি, প্রিয়-অপ্রিয় সব তুচ্ছ করে’ কোন্‌ অজানা দেশে যাত্রা করেছে তা’ কে বলতে পারে!

বাল্যে টরেন্টের সেনাস্কুল ‘দ্য স্টে এ্যাঙ্গেলরি’তে এবং পরে পেরুজোয়ার ‘কলেজিয়ো ডেলাসিপেএঞ্জা’ থেকে কর্তৃপক্ষ দ্বারা বিতাড়িত ভ্যালেন্টিনো—জেনোয়ার কৃষি-বিদ্যালয়ে অধ্যয়ন কালের উচ্ছ্বল ভ্যালেন্টিনো—ভাগ্য পরীক্ষার আশায় মটিকালোঁতে জুয়া খেলায় সর্বস্বাস্ত ভ্যালেন্টিনো—দুঃখ দরিদ্র্যাতায় উক্ত্য, চাকরীর জন্তে পেট ভরে’ দু’বেলা দু’টা খাবার জন্তে অনিশ্চয় পরিজ্ঞানে পরিজ্ঞান ভ্যালেন্টিনো এবং তারপর শেষ চূড়ান্ত প্রশংসিত, পৃথিবীর চিত্র-জগতে শ্রেষ্ঠ উচ্ছল তারকা ভ্যালেন্টিনো আজ সব যুক্তি-তর্ক, স্বপ্ন-দুঃখ, স্নানাম-দুর্নাম ও মান-অভিমানের বাইরে।

মামুষ এমনি করেই একটা উপলক্ষকে অবলম্বন করে’ চলে’ যায়। কিন্তু পশ্চাতে যা’ কিছু রেখে যায়, তাই হয়ে ওঠে তখন তার অবস্ফুটমানের পুঁজি বা সঞ্চয়। দীর্ঘ ন’টি বছর কেটে চলেছে, কিন্তু আজও ইউরোপ এবং এমেরিকার ছায়া-চিত্র-জগতের নরনারী ও জনসাধারণ চক্ষিণ-এ আগষ্টের কথা স্মরণ করে—আজও প্রতি বৎসরের ঐ দিনটিতে স্বপ্নের অলকানন্দা, সকল রূপ-রস-গন্ধের নন্দনকানন হলিউডের কিয়র-কিয়রীরা সেই অপকূপের বিরহ চিন্তায় ঠিক তেমনি করেই চমকে ওঠে এবং সমবেত হয়ে, বেভারলি পাহাড়ের ওপর ভ্যালেন্টিনোর ‘কটেজ’টি ও গির্জার গোড়া থেকে শেষ পর্যন্ত পথটি শাদা ফুলে ভরিয়ে তোলে, তাঁর মৃত আত্মার প্রতি প্রণাম ও প্রীতি প্রদর্শন করে।

মৃতের প্রতি প্রণাম নিজেদের গৌরবই বৃদ্ধি পায়। অতীত গৌরব স্মরণে নিজের স্মৃতিই মার্জিত হয়—আর গুণী-জীবনের আলোচনায় জাতি, সমাজ ও শিল্পের উন্নতি হয়। আজ আমি ভারতবাসী, তথা বাঙালীর তরফ হ’তে প্রেমিক শিল্পীর প্রতি আমাদের হৃদয়ের গভীর প্রণাম তাঁর এই বাৎসরিক স্মৃতি-উৎসবে, পৃথিবীর সকল দেশের সঙ্গে সমানভাবেই সেই অজানা দেশে পাঠালাম।

শ্রীবিষ্ণু মুখোপাধ্যায়



# বেতারে কিশোরীদের নাট্যাভিনয়

সঙ্গীতাচার্য্য শ্রীযুত নারায়ণচন্দ্র মুখোপাধ্যায়ের

পরিচালনায়


‘প্রহ্লাদ-চরিত্র’ নাট্যাভিনয়ে

বাগবাজার-পল্লীর

‘ব্যোমকালী-বালিকা-সঙ্ঘ’

সজ্জের বালিকাগণ প্রত্যেকেই সম্ভ্রান্তবংশীয়া ও অল্প-বয়স্কা। গত শুক্রবার, ত্রিশ-এ আগষ্ট বেতার অভিনয়ে ইহারা বিশেষ প্রতিষ্ঠালাভ করিয়াছে।

সঙ্গীত-শাস্ত্রে অভিজ্ঞ ও সঙ্গীত শিক্ষাদানে সুনিপুণ, সুকণ্ঠ গায়ক নারায়ণ মুখোপাধ্যায়ের নাম তাঁহাদের অবিদিত নাই। কলিকাতা ও সহরতলীর বিভিন্ন সংস্থা ও বহু



বালিকাদের পরিচয়—কুমারী সবিতা মুখোপাধ্যায়, কুমারী শিবানী মুখোপাধ্যায়, কুমারী ঈশানী মুখোপাধ্যায়, কুমারী বাসন্তী চট্টোপাধ্যায়, কুমারী জ্যোৎস্না চক্রবর্তী, কুমারী মাধবী চট্টোপাধ্যায়, কুমারী প্রতিভা বন্দ্যোপাধ্যায়, কুমারী রেণুকা মজুমদার, কুমারী প্রতিমা সেনগুপ্তা, কুমারী শোভারানী রায়, কুমারী আরতি সেন, কুমারী লতিকা মুখোপাধ্যায়, কুমারী অলকা সেন, প্রভৃতি।

ঐহারা সঙ্গীতবেত্তাদের সংবাদ রাখেন, আধুনিক

বিশিষ্ট পরিবারে সঙ্গীতাচার্য্যরূপে ইনি সুপরিচিত। এই উৎসাহী, মিষ্টভাবী, অমায়িক স্বরশিল্পী বাগবাজার-পল্লীর অনেকগুলি সম্ভ্রান্ত পরিবারের কিশোরী কস্তাদিগকে লইয়া এই নির্মল সঙ্গীত সম্মেলির প্রতিষ্ঠা করিয়াছেন। বালিকা-সকলেই নারায়ণবাবুর ছাত্রী। তাঁহার কস্তা কুমারী সবিতা মুখোপাধ্যায়ও এই সজ্জের অন্তর্ভুক্ত। ‘প্রহ্লাদ-চরিত্রে’ ‘করাদু’র ভূমিকায় ইহার অভিনয় নির্মূল হইয়াছিল বলিলে অত্যাধিক হয় না।



গম্পালহরী



প্রার্থনা

জুয়েল অফ ইণ্ডিয়া প্রেস, কলিকাতা









# গঙ্গানন্দ

সম্পাদক—শ্রীশরৎচন্দ্র চট্টোপাধ্যায়

দশম বর্ষ

পৌষ, ১৩৪১

নবম সংখ্যা

## পরশর

শ্রীবজ্রাচার্য্য

—জেলায় নিবিড় বনমধ্যে নদীতীরে একটি মন্দির। এক স্থবির পূজারী মন্দির-সংলগ্ন কুটীরে বাস করেন। লোকালয় হইতে বহুদূরে এই ক্ষুদ্র অথচ অতি সুন্দর মন্দির কেন নির্মিত হইল ইহা জানিবার আকাঙ্ক্ষা স্বতঃই মনোমধ্যে উদ্ভিত হয়। পূজারীকে জিজ্ঞাসা করায় তিনি কোন কথা বলিলেন না। তাঁহার নয়নযুগল হইতে দরবিগলিত-ধারায় অশ্রু বিগলিত হইল। বুঝিলাম, কোন করুণ কাহিনী পট্টাতে নিহিত আছে। পুনরায় জিজ্ঞাসা করিয়া বৃদ্ধের মনে ব্যথা দেওয়া ভ্রোচিহ্নিত হইবে না ভাবিয়া নিবৃত্ত হইলাম। কিন্তু কৌতূহল এতই উদ্দীপিত হইল যে, আমি নিত্যই সেই বৃদ্ধের সহিত আলাপ করিতে যাইতে লাগিলাম। প্রায় একমাস পরে বৃদ্ধ স্বতঃপ্রবৃত্ত হইয়া আমার আকাঙ্ক্ষার নিবৃত্তি করিলেন। কিন্তু আমাকে প্রতিজ্ঞা করাইলেন যে, জেলার নাম বা মন্দিরের অবস্থান কাহাকেও

যেন প্রকাশ না করি। পূজারীর নাম-ধাম ত গোপন করিতে বাধ্য। তিনি চান অজ্ঞাতবাস; স্বেচ্ছায় যিনি লোকালয় ত্যাগ করিয়াছেন, আবার তাহার সহিত তাঁহার সংস্রব কেন? তবে কেহ যদি আমার মত ঘটনা-চক্রে তাঁহার মন্দিরে যান, তবে নিজের অভিজ্ঞতা হইতে বলিতে পারি যে, আগন্তুক পাইবেন তাঁহার বৃকডরা ভালবাসা, অনন্ত সহানুভূতি এবং অসীম আত্মনির্ভরতা। আমার মত কাঙাল যাত্রীর পক্ষে সে সঞ্চয় অল্প কম নহে।

তুই

তিনি বলিলেন—এটা প্রাণের কথা। মনে করিয়াছিলাম, কাহাকেও বলিব না; কিন্তু সে প্রতিজ্ঞারক্ষা করিতে পারিলাম না। ভগবান আমায় মার্জনা করুন।

আমার শ্রীর সাংঘাতিক পীড়া হইয়াছে এই সংবাদ পাইবামাত্র আমি কোনরূপ বিবেচনা না করিয়া গৃহাভি-



মুখে যাত্রা করিলাম। কর্মস্থান হইতে আমার বাসাবাটী প্রায় ষাট মাইল পার্শ্বতা বনপথ। 'যান, একখানি মোটর সাইকেল। সেদিন পূর্ণিমা। শুভ্র জ্যোৎস্নায় ধরণী প্লাবিত। আন্দাজ আট ঘটিকার সময় যাত্রা করিয়াছিলাম। পথ-পার্শ্বস্থ বনশ্রেণী অতি ভয়াবহ, ব্যাঘ্র-ভল্লুকাদি হিংস্রজন্তু সমাকুল। অন্ত কোন সময় হইলে আমি কিছুতেই একাকী রাত্রিকালে বাটী আসিবার সংকল্প করিতে পারিতাম না। সেদিন কর্তব্যের তাড়নায় আমি সম্পূর্ণরূপে ভয় বিসর্জন দিয়াছিলাম।

বলা বাহুল্য, আমি অতি দ্রুতবেগে সাইকেল চালাইতে ছিলাম। প্রায় দুইঘণ্টা চলিয়া আসিয়া সহসা পথিপার্শ্বে দুইটা উজ্জ্বল আলোক দূর হইতে দেখিতে পাইলাম। বহু বার ঐরূপ আলোক দেখিয়াছি, স্মৃতিরাং ভুল হইল না। দূরে একটি প্রকাণ্ড ব্যাঘ্র বসিয়া রহিয়াছে সন্দেহ নাই। কি করিব? সাইকেল থামাইব, কি চালাইব? ভাবিবার সময় পাইলাম না। সহসা সাইকেলের 'ব্রেক' টিপিয়া নামিয়া পড়িলাম। সম্মুখে বিশালকায় ভীষণ ব্যাঘ্র।

আমি অভিভূত। ব্যাঘ্রটি স্থিরনেত্রে আমার দিকে তাকাইয়া রহিল। আমি ত তাহার চক্ষু হইতে অন্তরীক আমার দৃষ্টি ফিরাইতে পারিলাম না। প্রায় অর্দ্ধঘণ্টাকাল ঐরূপ অবস্থায় অতিবাহিত হইয়া গেল; পরে ব্যাঘ্র অতি মন্থর গতিতে বনাভিমুখে গমন করিতে আরম্ভ করিল। আমি যেন ব্যাঘ্রকর্তৃক আকর্ষিত হইয়া মস্তমূগ্ধের স্থায় তাহার অনুসরণ করিলাম। কেন করিলাম তাহা জানি না।

### তিন

অতি নিবিড় বন। কিন্তু ব্যাঘ্রের পশ্চাৎ যাইতে আমার বিন্দুমাত্র ভয় হইয়াছিল বলিয়া মনে হয় না। কতক্ষণ অনুসরণ করিয়াছিলাম, স্মরণ হয় না; তবে অনুমান পনের হইতে বিশ মিনিট হইবে। চলিতে চলিতে ব্যাঘ্রটি স্থির হইয়া একটি বৃক্ষতলে বসিল এবং পুনরায় আমার দিকে তাকাইল। এবার আমি ব্যাঘ্রের দিকে না তাকাইয়া নিশ্চিন্তমনে চারিপার্শ্ব দেখিয়া লইলাম। যে বৃক্ষতলে আমরা অবস্থিত, তাহা হইতে একটি মধুর গন্ধ আসিতে-

ছিল; অথচ ফুল কি ফল কিছুই দেখিতে পাইলাম না। স্থানটি বেশ পরিষ্কার। দেখিতে পাইলাম বৃক্ষতলে কি নড়িতেছে! অগ্রসর হইয়া দেখি, একটি নবজাত মন্থর মানব শিশু। লাল সূতায় বাঁধা একটি ঝুলি বৃকের উপর রহিয়াছে। আমি তৎক্ষণাৎ তাহাকে বৃকে তুলিয়া লইলাম। সেই মুহূর্ত্তে কি যেন স্বর্গীয় স্মৃতি ও শান্তির বৈদ্যুতিক তরঙ্গ আমার প্রতি শিরায় ছুটিয়া গেল—তাহা বর্ণনার অতীত। কি করিব ভাবিতেছি, এমন সময় ব্যাঘ্রটি চলিতে আরম্ভ করিল। অগত্যা শিশুটিকে বক্ষে ধারণ করিয়া আমিও তাহার অনুসরণ করিলাম। যথাকালে ব্যাঘ্র আমার পরিত্যক্ত মোটর সাইকেলের নিকট আমাকে উপস্থিত করিল এবং নিমেষে বনমধ্যে প্রবেশ করিল।

### চার

রোমাঞ্চকর বিষয়ে আমি কিয়ৎকাল অভিভূত হইয়া ছিলাম। শিশুর উষ্ণ ও কোমল স্পর্শ আমার কর্তব্যজ্ঞান ফিরিয়া আসিল। পরিধেয় কামিজ উন্মোচন করিয়া শিশুকে আবৃত করিলাম। পরে কিঞ্চিৎ প্রকৃতিস্থ হইয়া একহস্তে শিশুটিকে বক্ষে চাপিয়া ধরিলাম, ও অপর হস্তে মোটর সাইকেল চালাইলাম। দুই ঘণ্টার পথ ধীরে ধীরে অতিক্রম করিতে আধঘণ্টা সময় লাগিল। যখন গৃহে পৌছিলাম, তখন রোদ্দ উঠিয়াছে। সংবাদ শুভ, স্ত্রী ভাল আছে। গত রাত্রে বিশেষ ভয়ের কারণ ছিল, ভগবানের রূপায় তাহা অতিক্রম করিয়াছে। এখন সেবা ও চিকিৎসার উপর নির্ভর করিয়া যথাসময়ে আরোগ্য হইবে, সে বিষয়ে কোন সন্দেহ নাই। আমার বিধবা ভগ্নীর নিকট শিশুকে অর্পণ করিলাম। আমি নিশ্চিন্ত হইলাম। বিশ্রামান্তে স্ত্রীকে শিশুর কথা বলিলাম ও শিশুটিকে দেখাইলাম। সে স্মৃতি হইল না। যাহা হউক, সে তখন নিজের পীড়ার জ্বালায় অস্থির, শিশু সম্বন্ধে তাহার স্মৃতিমত কি তাহা জিজ্ঞাসা করিবার প্রয়োজন বুঝিলাম না। ভাবিলাম, স্ত্রীর অসন্তোষ আর কিছুই নহে—অসুস্থতার অভিব্যক্তি মাত্র। শিশুর বক্ষে যে ক্ষুদ্র ঝুলিটি ছিল। গৃহে কপাট বন্ধ করিয়া নিভৃতে তাহা পরীক্ষা করিলাম।



ঝুলিটা সাধারণ মোটা খকরের। ভিতরে এক চতুষ্কোণ ফিলক কাপাস তুলার ভিতর রক্ষিত। দেখিলাম, স্বর্ণ-রকের মধ্যভাগে উভয় পৃষ্ঠে একটি একটি ওঁকার খোদিত। দৃষ্টান্তে তর্জনী ও বৃদ্ধাঙ্গুষ্ঠের সাহায্যে ঐ ওঁকারে চাপ দিযামাত্র চতুষ্কোণ হইতে চারিখানি ক্ষুদ্র তালপত্র বাহির হইল। বুঝিলাম, ভিতরে স্প্রিং-এর সাহায্যে অতি ক্ষুদ্রকায় চারিখানি তালপত্র ধৃত আছে। ওঁকারে চাপ দ্বন্দ্ব করিবামাত্র ঐ পত্র চারিখানি আবার চতুষ্কোণ ফিলকে লুকাইয়া হইল। অতি সূক্ষ্ম সূচ দিয়া রক্তবর্ণ রকের তালপত্রে লিখিত শ্লোক চতুষ্টয়। আতসী কাচ সাহায্যে পাঠ করিলাম। মহা বিস্ময়ে সর্বশরীর রোমাঞ্চিত হইয়া উঠিল। শ্লোকগুলি দেবনাগরী হরফে লিখিত।

মাতৃবাদ এইরূপ—

প্রথম পত্র।—

ওঁ। পরাশর হইতে পরাশর। বৈয়াক্রপাদ গোত্র। পিতৃগ, আয়্যাস্য আঙ্গিরস প্রবর। ইচ্ছামৃত্যু। দেব-তর্পণী জীবন। ওঁ ॥

দ্বিতীয় পত্র।—

ওঁ। মহা ঐশ্বর্যময়, দেবদ্যুতি, দিব্যকাস্তি। শয্যায়ে রত্নরাজি। পালক তাহার ভোগাধিকারী। ওঁ ॥

তৃতীয় পত্র।—

ওঁ। কলুষিত জীবন পালনে অনধিকারী। পবিত্র-পুত্র স্বর্ণফলক আদর্শে তাহার পরীক্ষা। ওঁ ॥

চতুর্থ পত্র।—

ওঁ। শিশু ক্ষমাশীল, কিন্তু অভিমানী। তাহার স্নানমাত্র দেবদূত আসিয়া লইয়া যাইবে। তন্মুহূর্ত্তে লব্ধ ঐশ্বর্য ও শাস্তির অনধিকারী। ওঁ ॥

দিবারাত্রি আবৃত্তি করিয়া চারিটা শ্লোক কণ্ঠস্থ করি-  
য়া। বাড়ীতে শালগ্রাম শিলার সিংহাসনে, শালগ্রামের  
পাতলে লুকাইয়া রাখিলাম।

পাঁচ

এই ঘটনার পর আমার দিনগুলি বেশ সুস্থলে যাইতে  
গিল। স্ত্রী আরোগ্যলাভ করিলে আমি সপরিবারে  
স্থানে চলিয়া আসিলাম। সংসারে আমার স্ত্রী, দুই

বৎসরের এক পুত্র, বিধবা ভগ্নী ও নবাগত শিশু। শিশুটার  
ভার দিদিই লইয়াছিলেন। আমার স্ত্রী প্রথম হইতেই  
শিশুটিকে স্নেহের চক্ষে দেখিত না। সে সর্বদাই বলিত,  
“কোন হতভাগিনীর সন্তান আমার সোণার চাঁদ সন্তানের  
অকলাণ করিতে আমাদের সংসারে আসিয়াছে। আমি  
নিতান্ত আহাম্মক, তাই ও পথের পরিত্যক্ত শিশুকে নিজ  
গৃহে স্থান দিয়াছি। সুতরাং, তাহাকে যে স্থান  
হইতে আনা হইয়াছে, সেই স্থানেই রাখিয়া আসা  
হউক।” আমি প্রতিবাদে কলহ করিতাম না; নীরবে  
শুনিয়া যাইতাম। বুকটা সজোরে কম্পিত হইত;  
ভগবৎসমীপে প্রার্থনা করিতাম—“হে ঈশ্বর, যেন কর্তব্য  
পালনে সক্ষম হই, যেন ক্রটি না হয়, অভিমানী শিশু যেন  
আমাকে ছাড়িয়া না যায়।” অভিযোগসত্ত্বেও আমার স্ত্রী  
শিশুটিকে যথাসাধ্য সেবা করিত; সময়ে সময়ে কোলে  
লইয়া আদর করিত; বলিত, “আচ্ছা, যখন আসিয়াছে  
থাক; যদি আমার পেটেরই হইত। নটুকে (আমার  
পুত্রের নাম) দাদা বলিবে; নটুর খেলার সাথী হইবে।”  
ইত্যাদি। যেদিন একরূপ দেখিতাম, সেদিন আমি  
স্বস্তির নিশ্বাস ছাড়িয়া বাঁচিতাম। কিন্তু আদর অপেক্ষা  
অনাদরের সংখ্যা বাড়িয়া যাইত। আমি ও দিদি কাতর  
হইয়া পড়িতাম। ইহার উপর যদি নটুর অসুখ হইত ও  
পক্ষ (নবাগতের ডাকনাম—পরশরের অপভ্রংশ) ভাল  
থাকিত, তাহা হইলে সংসার অগ্নিময় হইয়া উঠিত। নিত্য  
পূজা করিবার সময় আমি সেই স্বর্ণফলকখানি চন্দনচর্চিত  
করিয়া বক্ষে ও মস্তকে ধারণ করিতাম। ইহাতে আশ্বস্ত  
হইতাম বটে, কিন্তু অমঙ্গল আশঙ্কাজনিত আমার বক্ষ  
স্পন্দন নিবারিত হইত না। প্রায়ই দুঃস্বপ্ন দেখিতাম।  
দিদি ও আমার স্ত্রী মাঝে মাঝে দুঃস্বপ্ন দেখিয়া কাঁদিয়া  
উঠিত। একদিন স্বেযোগ বুঝিয়া (আমার স্ত্রী অত্যন্ত  
ক্রুদ্ধভাবা, প্রায়ই ক্রোধবশতঃ মূর্ছা যাইত) তাহাকে  
বুঝাইলাম যে, পক্ষকে অযত্ন করিলে আমরা সবংশে নষ্ট  
হইব; কেন না, পক্ষ দেবশিশু। কতক সফল ফলিল;  
আদর-বন্ধ চলিতে লাগিল। কিন্তু বেশ বুঝা গেল, পক্ষ  
প্রতি স্ত্রীর স্নেহ-ব্যবহার শুধু আমার ও নটুর মরণ ভয়ে,



প্রাণের টানে নহে। এমনি করিয়া মানসিক অশান্তিতে দিন যাইতেছিল। আমার কাঠের ব্যবসায়; তাহাতে বিস্তর লাভবান হইয়াছিলাম। অতি অসম্ভব উপায়ে পক্ষর আগমনের ছয়মাসের মধ্যে আমার উন্নতি হইয়াছিল। কি উপায়ে যে অত অল্প সময়ের মধ্যে আমার যশ, মান, ও অর্থ বর্দ্ধিত হইয়াছিল, তাহা ভাবিয়া পাই না। আমার কৃপণ স্বভাব নহে; দুই হস্তে মনের স্থখে অর্থব্যয় করিয়াও আমার যথেষ্ট উদ্ধৃত হইত। বোধ হয় একটু মাদকতা আসিয়াছিল; কেন না, আমি আমার উন্নত অবস্থা আরও উন্নত করিতে সচেষ্ট হইলাম। লক্ষ টাকা ব্যবসায়ে ফেলিলে আশ্চর্য্য লাভ হইবে এই লোভে টাকা কি করিয়া সংগ্রহ করা যায়, তাহা ভাবিতে লাগিলাম। দুই-তিনদিন ক্রমাগত ভাবিয়া সহসা একদিন স্বর্ণফলকের দ্বিতীয় পত্রের কথা মনে হইল—“পালক রত্নরাজির অধিকারী।” কালবিলম্ব না করিয়া আমি রাত্রে সেই বনপথে যাত্রা করিলাম। যেখানে আমার ব্যাজের সহিত সাক্ষাৎ হইয়াছিল, সেইস্থানে দূরত্ব-জ্ঞাপক একটি প্রস্তর ছিল। আমি নির্ভীকচিত্তে সেই রাত্রে একাকী বনমধ্যে প্রবেশ করিলাম। যথাকালে সেই পরিচিত অগন্ধময় বৃক্ষের তলে উপনীত হইলাম এবং যেস্থানে পক্ষ পড়িয়াছিল, সেই স্থান একটি বৈজ্যতিক আলোক সাহায্যে স্থির করিয়া লইলাম। সামান্য খনন করিবার পর একটি লৌহময় বলয়যুক্ত প্রস্তরখণ্ড পাইলাম। বিনাক্রেশে তাহা অপসারিত করিয়া একটি তাম্রময় কলস প্রাপ্ত হইলাম। তাহার ভিতর অগণ্য মণিমাণিক্য। যত পারিলাম থলিতে ভরিয়া লইলাম। কলসটি যে কত গভীর তাহা স্থির করিতে পারিলাম না; কেন না, মণিমাণিক্য ভেদ করিয়া উপর হইতে তাহার তলে হস্ত পৌছিল না। কলসটিকে উপরে উঠাইতে পারি নাই। প্রস্তর ও মৃত্তিকায় স্থানটি পূর্ব্ববৎ করিয়া চলিয়া আসিলাম। সে রাত্রে যাহা আনিয়াছিলাম, তাহা বিক্রয় করিয়া সাতলক্ষ টাকা পাইলাম।

### ছয়

পার্থিবস্থ কানায় কানায় পূর্ণ। এই স্থখের উপর পক্ষ কথা কহিতে ও হাঁটিতে শিখিয়াছে। কিন্তু নটুর শরীর

কি জানি কেন রুগ্ন হইয়া পড়িল। হুতরাং, স্ত্রীর মত অর্থের দিক্ ভিন্ন, অপরদিকে পক্ষ ‘কুলক্ষুণে ছেলে।’ হু তাহাকে বিষনয়নে দেখিতে এবং সময়ে সময়ে প্রহার পর্য্যন্ত করিতে লাগিল। এই সময় আমি স্বর্ণফলক খানি বাহির করিয়া উত্তমরূপে ধোত করিলাম। শুদ্ধ দিয়া মজ্জিত করিয়া দেখিলাম, তাহাতে আমার মুখে প্রতিবিম্ব পড়িয়াছে। কাচের আর্শিতে যেমন নিখুঁত দেখা যায়, ঠিক সেইরূপ নিখুঁত দেখা গেল। চকিতে দেখিলাম—আমার বদনমণ্ডল কালিমামাখা, চক্ষু কোটারাবিষ্ট লোলচর্ম্ম, যেন বৃদ্ধের বদন। এ কি শরীর! শিহরিয়া উঠিলাম। তবে কি আমার কলুষ-জীবন? পক্ষ কি চলিয়া যাইবে? আর আমি—অর্থাৎ, আমার অমন অর্থপ্রসূ ব্যবসায়, আমার স্ত্রী, নটু, দিদি ও আমি এই এতগুলির সমষ্টি কোথায় যাইবে? চলতি ব্যবসা—আমার বৃক্ষের রক্ত, ইহ নষ্ট হইলে আমি বাঁচিব না। বনের ভিতর রত্নরাজি—অসামান্য ধনের অধিকারী! পক্ষর অস্বর্ধ্যানের সঙ্গে সঙ্গে তাহা হারাইব। স্ত্রী, নটু ও দিদির জীবন—বিশ্বাস কি! আমি? সকল ভোগের ভোগী আমিই কি থাকিব? এ সকল অনর্থের মূলে কিনা একটি সন্তান পালনে অযত্ন-কলুষ! সন্তান পালন কি এতই কঠিন কার্য্য? সর্ব্ব ত্যাগ করিয়া পক্ষকে বৃকে লইয়া অন্য কোথাও যাই ন কেন? নীরবে নিভৃত নিশীথে কাহাকেও কিছু না বলিয়া আমি গৃহ ছাড়িয়া পলায়ন করি না কেন? একটি শিশুর সেবা করিতে আমি সক্ষম নই। সেই রাত্রে স্ত্রীকে বিশেষ করিয়া বুঝাইলাম যে, আমার গৃহে দেবশিশুর অপমান ঘটিলে, আমার কাঠের গোলা ভস্মসাৎ হইবে, আমি আত্ম-ঘাতী হইব, হয় ত নটুর অকল্যাণ হইবে। বিস্তর বাদান্বেষ হইল; স্ত্রী বুঝাইতে চেষ্টা করিল যে, আপদ-বালাইকে গৃহে না আনিলে ত এ সব কথা হইত না। কি কাজ অর্থে? নটুকে লইয়া গরীব হইয়া থাকিলেও সুখী হইতাম। ইত্যাদি। শেষে মিটমাট হইল। স্ত্রী যথাসম্ভব যত্ন করিবে; গালাগালি দিবে না; প্রহার করিবে না; তবে সে লোক দেখান আদর-যত্ন করিতে পারিবে না; আমিও ‘খুঁটিনাটি’ দোষ ধরিব না। পরদিন স্বর্ণফলকে মুখ দেখি



নাম, পরিষ্কার দেখিতে পাইলাম না। তারপর প্রতি দিন দেখিয়াছি, কখনও পরিষ্কার দেখিতে পাই নাই। সর্বদাই বিকৃত, সর্বদাই কালিমাগাথা নিজের বদনমণ্ডল দেখিয়াছি। যাতনায় ছটফট করিয়াছি; অথচ, বাহ্যিক কোন কিছু প্রতিকারের চেষ্টা করি নাই। পরকে বুকে লইয়াছি; তাহার হাসিমুখ দেখিয়া মনে করিয়াছি, সে আমার সব দোষ ক্ষমা করিয়াছে। পরু কাদিতেছে শুনিলে, আমি যথাসাধ্য তাহার প্রতিবিধান করিতাম। দিদি ত তাহার জন্ম প্রাণ বিসর্জন করিতে পারিতেন।

### সাত

পরু ষোড়শ মাসে পদার্পণ করিল। ঘোলকলায় পরিপূর্ণ চাঁদ যেমন সুন্দর, বোধ হয় তাহা অপেক্ষা শতগুণ সুন্দর এই দেবশিশু। প্রতি অঙ্গবিক্ষেপে তা'র মাধুর্য্য ক্ষরিয়া পড়িত। গান ও ছন্দের যদি কোন আকৃতি থাকে, মনে হয় পরুর আমার প্রতি স্পন্দনে তাহা ছড়াইয়া পড়িত। কি সন্মোহিনী শক্তি এই ষোড়শ মাসের বালকের! এমন লোক নাই যে, পরকে স্পর্শ করিয়া মুগ্ধ না হইত। শিশু শুধু কল্যাণ বিতরণ করিত; 'হরিবোল' বলিলে দুই হস্ত মস্তকে উত্তোলন করিত। কীৰ্ত্তন শুনিতে শুনিতে করতালি দিয়া 'বাহবা' বলিত। কত অনিদ্র রজনী আমি এই দেবশিশুর অলৌকিক কথা ভাবিয়াছি; তাহার অনিন্দ্যসুন্দর মুখের দিকে তাকাইয়া কতক্ষণ তন্ময় অবস্থায় কাটাইয়াছি; নিজের স্বার্থের কত অসীম চরিতার্থতা-সাধন স্বপ্ন দেখিয়াছি। আমার মান, যশ, অর্থ পরুর জীবনের সঙ্গে জড়িত; সেই পরকে অবজ্ঞা—অসম্ভব! অথচ সত্য !! স্ত্রী যে একেবারে অবাধ্য তাহা নহে, তবুও কি যেন মোহজালে জড়িত—কোথা হইতে অনাদরের প্রবল বজ্রা; আমার সুখ শান্তি ভাসাইয়া দিল।

### আট

সেইদিন সংক্রান্তি; ৮ সত্যনারায়ণ পূজা। নটু পূজার ঘরে চুপ করিয়া বসিয়া আছে। পরু কিন্তু ছটামি

করিয়া বেড়াইতেছে। দিদি ও আমার স্ত্রী পূজার আয়োজন করিতেছে। দিদি মাঝে মাঝে হাস্যমুখে পূজার ঘরে আসিতে বারণ করিতেছে; পরু কিন্তু শুনিতেছে না। হঠাৎ সে গৃহমধ্যে প্রবেশ করিয়া কতকটা সিম্মি মুখে দিল এবং পরক্ষণেই একটি কলা তুলিয়া লইয়া মূখমধ্যে প্রদান করিল। আমার স্ত্রী বোধ হয় মনে মনে বিরক্ত হইয়া এতক্ষণ স্তব্ধ ছিল, কিন্তু এইবার দৈর্ঘ্যের চরমসীমায় উপনীত হইয়া পরুর গণ্ডে ভীষণ চপেটাঘাত করিল। পরু মুক্তকণ্ঠে কাদিতে অক্ষম হইয়া তৎক্ষণাৎ নীলবর্ণ হইয়া গেল এবং দেখিতে দেখিতে মুচ্ছিত হইয়া পড়িল। দিদি কাদিয়া উঠিল। আমি উর্দ্ধ্বাশ্রমে বাহির হইতে ছুটিয়া আসিলাম এবং স্বর্ণফলক বাহির করিয়া নিজের মুখ দেখিলাম। উঃ, কি ভীষণ বিকৃত মূর্তি! এ কি মানব না রাক্ষস? রাক্ষসই বাটে;—এত রক্তধারা দুই ওষ্ঠে? এতবড় চক্ষু? এত বৃহৎ মূখমণ্ডল? এ কি আমি? উন্মত্তের মত ছুটিয়া পরকে বক্ষে ধারণ করিলাম। তাহার পর বাহ্যিক সংজ্ঞা হারাইয়া ছিলাম। দেবদূত আসিয়া পরকে দাবী করিয়াছিল; আমাকে স্বীকার করিতে হইয়াছিল যে, আমি অধম, অকৃতী, সম্ভ্রান পালনে অযোগ্য। অর্থে ও সামর্থ্যে সর্বাত্মক বলীয়ান হইলেও, অবহেলার কলুষ সম্ভ্রানের অকল্যাণ সাধন করে। দেবদূত বলিল, “হতভাগ্য, তোর প্রতি রূপা-পরবশ হইয়া আমি তোকে পৃথিবীর ঐশ্বর্য্য দিয়াছিলাম। বল, বুদ্ধি, বিদ্যা সবই তোর ছিল, কিন্তু অভ্যাসদোষে কার্য্য-কুশলতা হারাইয়াছিস। এত সতর্কতা সত্ত্বেও তুই তাহা প্রয়োগ করিতে অক্ষম হইলি! তোরই মত মন্দভাগ্য কোটি কোটি নরনারী সম্ভ্রান কামনা করিয়া সম্ভ্রান লাভ করে—কিন্তু কই, পালনে যত্ন কোথায়? তোরা অগ্রাণের উপাসনা করিস্—প্রাণের যত্ন শিখিস্ নাই। ঈশ্বর শিশুর অপমান সহ করেন না; আমরা তাই অপমানকারীর বুক হইতে লক্ষ শিশু দৈনিক কাড়িয়া আনি। সম্ভ্রান হারাইয়া হাহাকার সকলেই করে, কিন্তু এতটা বিসর্জন দিয়াও প্রকৃত শিক্ষালাভ কাহারও হয় কি? বুঝে দেখ, নারায়ণকে দূরে কেলিয়া তোরা কি না আজ কলার পূজা করিলি! ধিক !!”



নয়

দিদি বলিল, আমি পরকে বুকে লইয়া সংজ্ঞাহীন হইবার পর এক তেজঃপুঞ্জ কলেবর সন্ন্যাসী আসিয়া তাহাকে লইয়া গিয়াছেন। কেহ বাধা দিতে সাহসী হয় নাই; সকলেই মস্তমুগ্ধের মত চাহিয়াছিল। তাহার পর কতদিন বিগত হইয়াছে, সেই বনে কতবার গিয়াছি, কিন্তু সেই বৃক্ষ আর চিনিতে পারি নাই। সুগন্ধ এখন আর সেই একটি গাছ হইতে বাহির হয় না; সারা বনটী ভরা সুগন্ধ। কাজেই আর পথ চেনা যায় না; বনে আসিলেই কোথায় কোন্ পথে চলিয়া যাই, তাহা স্থির হয় না। এখন মনে হয়, প্রতি বৃক্ষতলেই পর শুইয়াছিল, তাই প্রতিবৃক্ষতলে ধনরত্ন আছে। উঃ, সারা বনটাই ত রত্নরাজিতে পূর্ণ! এখন কিন্তু একটি কাণাকড়িও প্রাপ্তির উপায় নাই। যেখানেই খনন কর শুধু মৃত্তিকা; সে প্রস্তরও নাই, তাম্র কলসও নাই। আমার ব্যবসার কি হইল? স্ত্রী, নট ও

দিদি কোথায়?—আর থাক—সে সব কথা নাই বা শুনিলে।

দশ

এই মন্দিরটী করিয়াছি। ভিতরের বিগ্রহ একটি ষোড়শমাসের শিশুমূর্ত্তি। বক্ষে স্বর্ণহার, হস্তে স্বর্ণবলয়, মস্তকে কুঞ্চিত কেশকলাপ। বিগ্রহ দোলায় স্থাপিত। পূজার উপকরণ জল ও কমলালেবু, যাহা পর ভালবাসিত। যে একান্ত-মনে নিম্নলিখিত মন্ত্রে বিগ্রহকে দোল দেয়, তাহার সর্বকামনা সিদ্ধ হয়—

“আমার মত্ত মনের মধুপ সে যে,

চিত্ত দোলায় নিত্য দোলে;—

দোল—দোল—দোল—দোল—দোলা।”—\*

ওঁ

বজ্রাচার্য্য

\* সত্য ঘটনা অবলম্বনে লিখিত।





## স্পর্শমণি

শ্রীউপেন্দ্রনাথ বিশ্বাস

একমাত্র মেয়ে।

হুধে-আলতা রং, টানা টানা চোখ, জোড়া ভুরু, ভোমরা কালোচুল, মুক্তোর মত শাদা দাঁত, রক্ত-রাঙা ঠোঁট, মৃণালের মত বাহু, চাঁপার কলির মত আঙুল—যেন শিল্পীর প্রতিমা। কোথাও খুঁত নাই—এতটুকুও নাই। যে দেখে, সেই চেয়ে থাকে—চোখ ফেরাতে পারে না—চেষ্টা করলেও পারে না। চেয়ে চেয়ে চাইবার তৃষ্ণা যেন আর মেটে না—বেড়েই চলে।

মা নিভাননী সদাই মারমুখো। হাড়িপানা মুখখানা ভার করে' গম্ভীর গলায় বলেন—বাবা, মেয়ে ত নয় যেন দিঙ্গি!—সংসারের কাজকর্মে এতটুকু ইচ্ছে নেই—আছে কেবল পাড়ায় পাড়ায় টো টো করে' 'টল' দিয়ে বেড়ান। কেন রে বাপু, তুই হলি মেয়ে, সংসারের সব কাজকর্ম দেখ বি—আমি মা, অস্থখ শরীর নিয়ে একা পেরে উঠি নে, আমার স্থখ-স্থবিধার দিকে তাকাবি, তা' না বেড়াবি কেবল পাড়ায় পাড়ায় টো টো করে'—তার আবার না আছে সকাল, না আছে সন্ধ্যা।

বুড়ী মহিম—স্কুলের মাষ্টার। ছাত্রদের 'হোম টাস্কে'র পাতার ভুল সংশোধন করতে করতে বলেন—কেন সকাল-সন্ধ্যায় ইলাকে অমন করো? পাঁচটা নয়, সাতটা নয়, মোটে ঐ একটা মেয়ে—কোনদিন টুপ করে' সরে' যাবে, তখন বন্ধুর জন্তে কাউকেও পাবে না—মাথা কুটলেও না।

মহিমের কথায় নিভাননীর চোখ জলে ছলছল করে' ওঠে। বলেন—ইলা কি শুধু তোমারই মেয়ে—আমার কি সে কেউই নয়—আমি কি তাকে এতটুকুও ভালবাসি নে—কেবলি বকি?

—আমি ত তাই দেখি—মহিম বলেন।

নিভাননী বলেন—তা' হ'লে, আজ থেকে আমি যদি

আর ইলার সম্বন্ধে কিছু বলি তবে—আবদার দিয়ে দিয়ে মেয়েটাকে ঘা' করে' গড়ে' তুলেছ—সারাদিন স্কুলে থাক, তোমার ত আর শুনতে হয় না কিছু—দিনের মধ্যে পঞ্চাশ দফা নালিশ শুনতে হয় আমাকে। কেউ এসে বলে—গাছে উঠে পেয়ারা পেড়েছে, কেউ বলে—বাতাবী লেবু গাছে আর একটাও রাখে নি তোমার মেয়ে, কেউ বলে—তোমার মেয়ে ত দেখলাম সতীশ মালোর সঙ্গে সাঁতার দিচ্ছে 'পাগলা দহে'—এমনি আরও—

—আরও আছে নাকি?—মহিম জিজ্ঞাসা করেন।

—হ্যাঁ—কাল ত শুনলাম মেয়ে আমার রোজ সকাল-সন্ধ্যায় রায়েদের মদনের কাছে ছোরা, লাঠিখেলা শিখছে—নিভাননী উত্তর করেন।

—সে ত বেশ ভালই—আজকাল যে রকম নারী-হরণের সংবাদ পাওয়া যায়, তা'তে শুধু মেয়েদের কেন, মেয়ের মায়েদেরও যদি স্ত্র্যযোগ স্ত্রবিধা হয় তবে ও সব কিছু কিছু শিখে রাখা ভাল—তুমিও একটু একটু শিখে নিয়ে না ইলার কাছে—বলা যায় না, বিপদ কখন কৌনদিক দিয়ে আসে—মহিম হাসতে হাসতে বলেন।

—তোমার ওই অলঙ্কণে হাসিই মেয়ের ভবিষ্যৎটা ঝর-ঝরে করে' তুলছে—আরও তুলবে। জান না ত, সেদিন 'দহে' যেতে দেখি, মদনদের বাগানে মদন আর ইলা দু'জনে লাঠিখেলা অভ্যাস করছে। কোনদিন শুনবে—নিভাননীর কথা শেষ হয় না।

ধমক দিয়ে মহিম বলেন—যেদিন শুনবে, সেদিন শুনবে—এখন কাজ থাকে ত মুখ বুজে কাজ কর গে।

নিভাননী নিঃশব্দে সংসারের কাজে মন দেন।

ইলাকে নিয়ে নিভাননীর ও মহিমের এইরূপ বাক্-



বিতণ্ডা এই প্রথম ও নতুন নয়। রোজই হয়, কোন কোন দিনে আবার দু'বারও হয়।

ইলার সহিত দৌড়ঝাঁপে কেউ পারে না, গাছে ওঠার কারও কাছে সে হারে না, সাঁতারে সে প্রমাণ করে' দিয়েছে যে, তারও সঙ্গে এঁটে উঠতে হ'লে মাণিক মালোকে পুনর্জন্ম নিয়ে আসতে হবে। কুস্তীতে নাকি মদনও এক-একদিন তার কাছে হেরে যায়।

মেয়ের এই তথাকথিত দোষগুলি নিভাননী মুখ বুজে হজম করতে চান না—চাইলেও পারেন না।

মহিম কিন্তু পারেন বলেই মেয়েকে মধো মধো প্রশংসাও করেন।

ইলাকে নিয়ে মহিম ও নিভাননীর বাকবিতণ্ডার প্রথম ও প্রধান কারণ এইটাই। সংসারের কাজকর্মের মাকে সাহায্য করা না করাটা একটা উপলক্ষ্য মাত্র।

মহিম বলেন—ইলাকে আজ দেখতে আসবে।

—কোথা থেকে—নিভাননী জিজ্ঞাসা করেন।

—রতনপুর থেকে। হরিশ মুখুয়ার ছোট ছেলে—এইবার ডাক্তারী পাশ দিয়েছে—মহিম উত্তর করেন।

—বেশ ভালই—পূর্বপ্রতিজ্ঞা রক্ষা করবার জন্য এ সম্বন্ধে বেশী কিছু জিজ্ঞাসা না করে' নিভাননী বলেন।

সেই রাতে হরিশ মুখুয়ার ছোট ছেলে মেয়ে দেপে যায়।

নিভা জিজ্ঞাসা করেন—কি বলল, পছন্দ হয়েছে ত?

—বলল—চিঠি পাবেন—মহিম উত্তর করেন।

—তার মানেই পছন্দ হয় নি—নিভাননী বলেন।

—তাই বুঝি বলল যে—বেশ মেয়ে—আশ্চর্য্যাব্বিত হ'য়ে মহিম বলেন।

—ওই রকমই বলে। আমার বোনের বিয়ের সময় ওরকম কত জায়গা থেকে মেয়ে দেখতে এল, বলে' গেল—বেশ মেয়ে, গিয়ে চিঠি দেব—কিন্তু চিঠি আর কোন জায়গা হতেই আসে না—নিভাননী বলেন।

—তা' তোমার বোন আর ইলা?—আকাশ আর

পাতাল তফাৎ। তোমার বোনকে দেখে যারা বেশ বলেছে, ইলাকে দেখলে তারা খুব বেশ বলত—মহিম বলেন।

—ইলা ত তোমার খুব বেশ, কিন্তু গুণগুলো ত তার একটাও খুব বেশ নয়, তাই বোধ হয় তাদের পছন্দ হয় নি—নিভাননী বলেন।

—তা' না হোক, দেশে কি আর ছেলের অভাব?—মহিম বলেন।

—দেশে মেয়েরও অভাব নেই—ছেলেরও নেই। কাজেই ইলার অভাবে হরিশ মুখুয়ার ছোট ছেলে অবিবাহিত নেই। আর তার অভাবে ইলাও 'আইবুড়ো' নেই।

ইলার বিবাহ হ'য়ে যায়।

স্বামী সামান্য চাকুরে—তার তথাকথিত দোষগুলির কথা জেনে-শুনেই তাকে বিবাহ করে—তার অপ-রূপরূপে মুগ্ধ হ'য়ে—নিজে পছন্দ করে'।

ইলা স্বস্তর-বাড়ী আসে।

এতদিনের অভ্যাস কাটিয়ে ওঠা তার কাছে হ'য়ে ওঠে দুঃসাধ্য নয়, অসাধ্য।

দেবর সোমনাথের সঙ্গে ছাদের ওপর সকাল সন্ধ্যায় সে ছোরা খেলে, লাঠি ঘোরায়।

সোমনাথ ম্যাট্রিক পরীক্ষা দিয়ে পাশের খবরের আশায় এবং অপেক্ষায় এতদিন বাড়ীতে বসেছিল। ফাষ্ট ডিভিসনে পাশের খবর পেয়ে সে কোলকাতায় যায়—বোনের বাড়ী থেকে কলেজে পড়বে বলে'।

মেয়ের বাড়ী বেড়াবার জন্য খাণ্ডীও যান—সোমনাথেরই সঙ্গেই।

মহা মুন্সিলে পড়ে ইলা।

মুন্সিল আসান করে, দেবেন—পাশের বাড়ীর একটা ছেলে। ইলাকে সে বোদি' বলে' ডাকে—ইলার স্বস্তর-বাড়ী তার গতি অবাধ, অপ্রতিহত।

সোমনাথের অভাবে দেবেনই হয় তার ছোরা, লাঠি-খেলায় প্রতিদ্বন্দ্বী, কুস্তি লড়ার গুরু, সাঁতারের সঙ্গী।



মাস যায়।

শান্তী ফিরে আসেন। দেবেনের সঙ্গে বধূর অত নিষ্ঠুরতা তাঁর চক্ষে বিসদৃশ ঠেকে। ছেলেকে ডেকে বলেন—হাঁরে, বউ ত নিজে পছন্দ করে' আন্লি—বলি গরস্ত ঘরের মেয়ে ত, না—

—কেন মা?—ছেলে জিজ্ঞাসা করে।

—বৌ-ঝিদের পাশের বাড়ীর ছেলের সঙ্গে অত নিষ্ঠুরত কিসের? হ'লই না হয় বৌদি' বলে—

—কার সঙ্গে? ছেলে জানতে চায়।

—ওই দেবেনের সঙ্গে। সেদিন দেখি—

কথা অসমাপ্ত রেখে মা আবার বলেন—ওকে পাঠিয়ে ও বাপের বাড়ী, আমি আবার তোরা বিয়ে দেব।

—দেবেনের সঙ্গে অত মিশো না, মা রাগ করেন—মা বলে।

—তা' জানি; কিন্তু রাগটা মিথো ও অত্যাচার তা'ত মিথ্যে—ইলা বলে।

—আমি জানি, কিন্তু মা ত বোঝেন না। তুমি যেনের সঙ্গে ছোরা খেল, সাঁতার দাও, মা ভাবেন—

অমলের কথা বন্ধ করবার জ্ঞে ইলা বলে—তা' কেন, বয়ে গেল। আমার মা এতদিন ভেবে ভেবে যার তিকার করতে পারেন নি, তোমার মা সামান্য এই দিনে তা' কি করে করবেন—

—তা' এক কাজ করি চল—দিনকতকের জ্ঞে তোমাকে আমার বাপের বাড়ী রেখে আসি—মাও জীবনের বাকীটা গীতে কাটাতে কাটাতে করছেন অনেক দিন থেকেই—তোমাকে বাপের বাড়ী রেখে, মাকে কাশীতে থাকার একটা বন্দে করে' দিয়ে আবার তোমায় নিয়ে আসব—অমল বলে।

—সত্যি কথাটা বলতে বুঝি মুখে বাধে, না? আমি ছুঁনি নি ভেবেছ? তা' নয়, সব শুনেছি—আমায় বাড়ী টিয়ে দিয়ে আর একটা বিয়ে করতে চাও—এই ত। তা' টা কেন, তুমি যদি পাঁচ-পাঁচটা বিয়ে করে' ফেলো, ও আমি আমার অভ্যাস ছাড়তে পারব না—একটাও—কিছুতেই না—ইলা বলে।

—সত্যিই আমার উদ্দেশ্য তা' নয়—আমায় তুমি মিথো বুঝো না ইলা—আমায় তুমি ভুল বুঝো না—অমল বলে।

—সত্যি মিথোয় দরকার নেই—আমায় পাঠিয়ে দাও বাবার কাছে—দিনকতক আমি একটু হাঁক ছেড়ে বাঁচি—ইলা বলে।

এক বছর পরের কথা।

ইলা সম্মান-সম্ভবা। কিন্তু স্বভাব তার এখনও বদলায় নি—এতটুকুও না। এখনও সে পাড়ার সমবয়সী ছেলেমেয়েদের সঙ্গে দৌড়োদৌড়ি করে, গাছে চড়ে তাদের পেয়ারা লেবু পেড়ে দেয়। তাদের সঙ্গে বাজী রেখে পাল্লা দিয়ে সাঁতার কাটে।

মা বলেন—ইলা, এখনও কি তোরা দ্বিধাপনা যাবে না—আজবাদের কাল যে ছেলের মা হবি।

—বলেছি মা, আমি না মলে কেউ আমায় ওসব ছাড়তে পারবে না—তা' সে ছেলেই হোক, আর যেই হোক—মাতৃস্নেহের মহান দায়িত্বে অনভিজ্ঞা ইলা বলে।

—তুই মরুবি মর, কিন্তু পেটেরটা ত বাঁচাবি, না সেটাকেও মেরে ফেলবি—মা বলেন।

—মলে আর আমি কি করব—ইলা উত্তর করে।

—কি আর করবে? করতে তোমায় কিছুই হবে না—কেবল থাকতে হবে চুপ করে', স্থিরভাবে, শান্ত হ'য়ে—আর ছাড়তে হবে তোমার গাছে চড়া, সাঁতার কাটা, লাঠি-পেলা, দৌড়ঝাঁপ দেওয়া—মা বলেন।

—তা' পারব না মা, তা' পারব না—মাথা ছুলিয়ে ইলা বলে।

মা বলেন—মরু মরু, সব তা'তেই মেয়ের যেন আদি-পোতা!

মরণ কারও হুকুমের চাকর নয়, বললেই কাউকে নিয়ে যাবে লোকচক্ষুর অন্তরালে, পরপারে।

কাজেই ইলার মা বললেও ইলা মরে না—তার যে ছেলে হয়, সেও নয়।

মাস পুরিয়া যায়।



অমল ইলাকে নিতে আসে। তার মা জীবনের বেড়ান অভ্যাস—এখন দেখছি সেটা একেবারে বাকীটা তীর্থক্ষেত্রে কাটাবার জন্যে কাশীবাসী হয়েছেন।

অনভ্যাস করে' ফেললে।

ইলা উত্তর করে—দেখা যাবে বিকালে।

স্বাস্থ্য-প্রদর্শনী—আর তারই সঙ্গে ছোরা, লাঠিখেলা ও যুগুৎসু কৌশল অমলদের ওখানে হয়। সেবারও হবার সময় এগিয়ে আসে।

সভানেত্রী হবার জন্য সকলেই অনুরোধ করেন ইলাকে।

ইলার ওসব বিষয়ে পারদর্শিতার কথা সকলেই শুনেছেন দেবেনের মুখে এবং কিছু অতিরঞ্জিতই শুনেছেন।

ইলা প্রথমে প্রত্যাখ্যান করে। বলে—পারব না, সময় কম।

শেষে সকলের অনুরোধে বলে—অন্য কাউকে অনুরোধ করুন, আমার উপর ভরসা করবেন না—কিন্তু যদি সময় করে' উঠতে পারি, তবেই যাব, নইলে নয়।

অমল বলে—এবার প্রদর্শনী শুন্ডি তোমার সভানেত্রীত্ব হবে, যাবে ত ?

—তাই ত ভাবছি—ভদ্রলোকের মেয়েরা সব অনুরোধ করে গেলেন—ইলা উত্তর করে।

—যাবে বই কি—অমল উত্তর করে।—নিশ্চয়ই যাবে—তোমার ত ছেলেবেলা থেকে পাড়ায় পাড়ায়

বিকাল হয়।

ইলাদের বাড়ীর সামনে মোটর থামে। সহরের সব বড় ঘরের মেয়ে-বোরা আসে। বলে—চলুন ইলা দি'।

—আমার যাওয়া হবে না ভাই—ইলা বলে।

—আপনি একটু অমুমতি দেন না—একজন মেয়ে ঘরের ভেতর গিয়ে অমলকে বলে।

—আমার ত অমুমতি দেওয়াই আছে—অমল বলে।

—তবে আর কি, চলুন ইলা দি'—আর একজন মেয়ে বলে।

—আমার যাওয়া হবে না দিদি, মিছে কেন আপনার দেরী করছেন—আর কাউকে দেখুন—ইলা বলে।

বিফল হ'য়ে সবাই ফিরে যায়।

অমল বলে—যাও না, অতগুলো বড়লোকের বৌ-ঝিরা অত করে' অনুরোধ করছে।

ইলা তেড়ে ওঠে—কি যে বল, এখুনি গোকাল ঘুং থেকে উঠবে—তা'কে পাওয়াতে হবে—বাছার আমা গা-টাও যেন একটু গরম গরম হয়েছে—তুমি বরং চা করে' একটা হোমিওপ্যাথি ওষুধ নিয়ে এস দিকি।

উপেন্দ্রনাথ বিশ্বাস





## অভিশপ্তা

শ্রীপূর্ণশশী দেবী

পূৰ্ণ-প্রকাশিতের পর

### তিন

রেখা উঠুনে তরকারী চড়িয়ে দিয়ে ময়দা মাখছিল।  
তরী ওপরে গেছে বিছানার পাট সারতে।  
বাইরে অন্ধকার ঘোরালো হয়ে এসেছে, গুঁড়ি গুঁড়ি  
পড়ছে বৃষ্টি।

এলোমেলো হাওয়াটা সহসা থমকে গিয়ে যেন রুদ্ধ  
নশ্বাসে প্রতীক্ষা করছে—একটা অনিবাধ্য, আসন্ন  
যোগের জন্ত। রেখার অন্তরও আজ মেঘাচ্ছন্ন।

কলের পুতুলের মত হাত দু'খানা চালিয়ে নিয়ে গেলেও  
মন দিতে পারছিল না কোনো কাজেই। উদ্বেগ,  
শান্তি, অশুশোচনা ভোগ করছে সে এখানে এসে পর্যন্ত,  
চির-সহিষ্ণু শাস্ত প্রকৃতি তা'র আজকের মত এমন  
তক অধৈর্য্য হয় নি তো কোনোদিন। আজ কি হ'ল  
খার ?

ঘরের মধ্যে একটা তীব্র আলোকছটা ঝকঝকিয়ে  
ঠেই রেখা সচকিত হয়ে দেখলে—বাগানের দিকের  
খানা জানলায় ছাতা মাথায় 'টর্ক' হাতে মিহির—সে কি  
খনো সন্দেহ নি ?

রেখা ভরিতে জানলার কাছে গিয়ে জিজ্ঞাসা করলে—  
ই?—তুমি গেলে না ?

—হ্যাঁ, যাচ্ছি এইবার। বলছিলুম কি—আমার  
ঘরে যদি দেরী হয়—

—দেরী না করলেই ভালো,—আকাশের গতিক যে  
কম,—বৃষ্টিও তো পড়ছে—এর পর যদি বেশী—

—হোক না, ঝড়-বৃষ্টি, বজ্রপাত যাই হোক—আমাকে  
তেই হবে যে!—না গিয়ে কি পারা যায় ?—হ্যাঁ পা ?—

টর্কটা উচু করে ধরে, রেখার মুখপানে তাকিয়ে মিহির  
হ হু হু হাসতে লাগল।

কী নিষ্ঠুর—অথচ কী মধুর সে হাসি! চটল নয়নের  
আবেশময় চাহনীতে কী মাদকতা তার!

অমন রূপ, যা' দেখলে সহজে চোখ ফেরে না—প্রসাধনে  
আবো সুন্দর উজ্জল হয়ে উঠেছে যেন।

সিঁদুর পাঞ্জাবী, সিঁদুর চাদর, ভুরভুর করছে  
হাস্তহানার মোহময় মিষ্ট স্বগন্ধে। কালো কুচকুচে  
রেশমের মত সুবাসিত চুলগুলি স্তরে স্তরে নেমে গেছে  
ভ্রল ললাটের দুইদারে। রক্ত-রাঙা চুনী দেওয়া আংটিটা  
তার স্বর্গীর স্বগঠিত আঙুলটীতে কী চমৎকার  
মানিয়েছে!

সুন্দর! অপরূপ!—

কিন্তু, এই নয়ন-মন-বিমোহন সৌন্দর্যের অধিকারী যে,  
তার হৃদয় কি বিধাতা গড়েছেন শুধু পাথর দিয়ে ?

একটা উতল দীর্ঘশ্বাস চাপ্তে গিয়ে রেখার বুকখানা  
তুলে উঠল।

—রাগ করলে ? না রাগ করো না রাণী!—আমি যত  
শীগগির পারি কিরব,—তবে যদি কথটা বলা যায় না তো,  
তাই বলছি, দেরী হয়ে গেলে তোমরা আমার অপেক্ষায়  
জ্বগে বসে থেকো না যেন,—বুলে ? তোমার শরীর  
এমনই ভাল নয়, আচ্ছা, চললুম তা' হ'লে—

হু' পা গিয়ে আবার পেছিয়ে এসে আলোটা রেখার  
দিকে তুলে মিহির পুনরায় বললে—যাই তবে ? হ্যাঁ গো ?

—যাও না! আমি কি বারণ করছি ? যাও!

—আহা! যাও বলতে নেই লক্ষ্মী! বলো, এসো!

রেখার অগ্রসর মুখের পানে মধুর দৃষ্টিপাত করে,  
একটুখানি মুচুকে হেসে মিহির চলে গেল।

সেইদিকে চেয়ে চেয়ে রেখার বুকের তটে তটে ছাপিয়ে



পড়া অবরুদ্ধ মর্মবেদনা সহসা উজ্জ্বল হয়ে উঠল দু'টা নয়ন পথে।

তরী রান্নাঘরে ঢুকেই বললে—ও দিদিমণি, কি করো? তরকারীটা পুড়ে যায় যে।

রেখা অরিতে বাছ দিয়ে মুখ চোখ যথাসম্ভব মুছে ফেলে তরকারী দেখতে এলো।

তরী আধুমাখা ময়দাটা ঠিক করতে করতে রেখার আরক্ত ছলছল চোখ দু'টির দিকে আড়ে আড়ে তাকিয়ে জিজ্ঞাসা করলে—দাদাবাবু এখন গেলেন নাকি?

—হ্যাঁ।

—একটু সকাল করে ফিরতে বলে দিলে তো?

—হ্যাঁ।

তরীর যেন ছটফটানি ধরেছিল—রেখাকে কি একটা বলবার জন্তে এবং জানবার জন্যেও।

কিন্তু এই মিতভাষিনী, ধীর প্রকৃতি মেয়েটি,—ধানমগ্না তাপসীর মত নিজের চারিধারে এমন একটা গাভীরোর আবরণ রচনা করে রাখে যে, তার মনের সন্ধান পাওয়া সহজ কথা নয়।

তবু যতটা পারা যায়—মিহিরের প্রতি তরীর মনের ভাব যেমন হোক রেখার যথার্থই শুভকামনা করে সে। রেখার দুঃখ তাকে বাথা দেয়, তাই তখনকার মত চুপ করে গেলেও খানিক পরে লুচি বেলতে বেলতে সে আবার বললে—তুমি একটুকু শক্ত হও দিদিমণি! নইলে দাদাবাবু যেরকম বাড়াবাড়ি করছেন—তাতে...শেষকালে তোমাকে গেরাছিই করবেন না হয় তো।

—না করুক গে! মানুষের ইচ্ছার ওপর কারুর জোর নেই তো! রেখা গভীর-মুখে অনাগ্রহের ভাবে বললে।

তরী সাহস পেয়ে বললে—জোর কারুর না থাক, তোমার তো আছে? এই আজকের কথাই বলছি, উনি কোথায় গেল তা' জেনেও মানা করলে না একটাবার, তুমি জোর করে বলতে যদি—

—কি দরকার জোর-জবরদস্তি করে? অবুঝ তো নয় যে, তাকে ধরে-বঁধে...না, সে আমি পারব না।

—কিন্তু ভুগতে হবে যে তোমাকেই দিদিমণি!

—ভুগতে হয় ভুগব, এসেইছি তো ভুগতে! নই এ রকম—রেখা মুখখানা ফিরিয়ে নিয়ে কড়ায় ঘি ঢাল লাগল। তার কণ্ঠস্বর গাঢ়, কিন্তু অকম্পিত।

তরী অবাক হয়ে ভাবে—এ রাগ না অভিমান? যা হোক, মেয়েটি কি চাপা বাপু! বলে 'বুক ফাটে তো ম ফাটে না।' সে হ'লে মনের জালায় খুনোখুনী কাণ্ড কে বসত হয়তো, মেয়েমানুষ সব সইতে পারে, কিন্তু এ কি স করা যায় গা? আর কণ্ঠার আক্কেলকেও বলিহারী বলি কোথায় তাড়াতাড়ি দু'হাত এক করে দেবে—তা' নয় বুড়োর যত সব ভিটুকেলমি! যাক, এখন এই কার্টি মাসটা কোনোরকমে পেরিয়ে গেলেই, বাস্—

তরীর মনের কথা মুখে ব্যক্ত হয়ে পড়ল—এই কার্টি মাসটা গেলে বাঁচা যায় বাপু!

—কেন?

তরী বিশ্বয়ের সহিত বলে উঠল—ও মা! কে আবার? সামনের অঘ্রাণেই তো তোমাদের বিয়ে।

বিয়ে? হায়! এ তার উদ্বাহ না উদ্বন্ধন? ফাঁসী ব্যবস্থা তো হয়েই রয়েছে, কেবল গলার ফাঁস দিতে বাকি—তা'ও হবে এবার?...কিন্তু এ ফাঁস যদি সে টেনে ছিঁড়ে ফেলে দেয় জোর করে...এটুকু শক্তি কি নেই তার কেন থাকবে না?

মনের দুর্বলতা নিঃশেষে ঝেড়ে ফেলে, এ মরীচিক মায়া-মোহ সবলে কাটিয়ে রেখা যদি আজই এই মুহূর্তে এখান থেকে চলে যায়, তাকে ধরে রাখতে পারে কে? তো নাবালিকা নয় যে, তার ইচ্ছার বিরুদ্ধে...

—টাকাগুলো দস্ত-মশায় না ছাড়েন—যাক গে! নিজের জীবিকার্জনের যোগ্যতা তার আছে তো? তবে নারীকে এ লাঞ্ছনা অপমান সহ্য করে সে এখানে পড়ে থাকে আর কেন? কিসের আশায়?

না, এ বন্দীত্বের বন্ধনে আর নয়—ঢের হয়েছে। সে আর থাকবে না, বেরিয়ে পড়বে। এ দিক্কার একটু হেস্তনেস্ত করে আজকালের মধ্যেই—

রেখার চোখের জল শুকিয়ে গেল। তার বেদনা



কক্ষণ চিতে বেজে উঠল একটা বিদ্রোহের রক্ত স্রব। তরী  
ঠিক বলেছে—একটু শক্ত হও—শক্তই সে হবে এবার।

\* \* \*

—জ্যাঠামশায়!

কর্ত্তা আহালাদি সেরে বিছানায় শুয়ে ঘুমোচ্ছিলেন না,  
ঝিমোচ্ছিলেন, আফিমের মাত্রাটা আজকে যেন একটু বেশী  
হয়ে গিয়েছিল, অবশ্য সেটা ইচ্ছা করেই,—বাদলার দিন!

নেশার ঘোরে দত্ত-মশায় খেয়াল দেখছিলেন—  
লোচন মণ্ডলের কাছে প্রাপ্য স্ত্রী ও আসলে টাকাটা  
আদায় করতে না পেরে তার বন্ধকী বাড়ীখানা ও বিঘাটাক  
জমী তিনি নিলামে চড়িয়েছেন। লোচন কিছুতে  
ছাড়েনা, কর্ত্তার হাতে পায়ে ধরে সে কাকুতি-মিনতি  
করছে আর মাসখানেক সময় দেবার জন্ত। লোচনের বড়  
ছেলে নবীন নিষ্ফল আক্রোশে ক্রোধে এসে গাল-মন্দ করেছে  
—খাচ্ছেতাই ভাবে! ছোটলোকের ছেলের এত বড়  
আস্পর্ক! দত্ত-মশায় অসহ্য হয়ে রাগে কাঁপতে কাঁপতে  
—ব্যাটাচ্ছেলে পাজি নচ্ছার কোথাকার!—যত বড় মুখ  
নয়, ততবড় কথা! বলে যেই তার গালে ঠাস করে একটা  
চড় মারতে গেছেন—অমনি রেখার ডাকে চমক-ভাঙ্গা হয়ে  
তিনি ত্রস্তে বলে উঠলেন—কে? কে?

—আমি। আপনার দুধ নিয়ে এলুম।

রেখার হাত থেকে দুধের বাটী নিয়ে কর্ত্তা জিজ্ঞাসা  
করলেন—মিহির গেল নাকি?

—হ্যাঁ; অনেকক্ষণ।

—সকাল করে ফেরে, তবেই—নইলে মুন্সিল আর  
কি?—একে অন্ধকার রাত, তায় বাদল বৃষ্টি। কাছে-  
পিঠে এমন কেউ নেই যে, ডাক দিলে সাড়া দেবে। গ্রাম-  
স্বদ্ধ জানে বুড়ো ব্যাটা টাকার কুমীর।—বুড়োর লোহার  
সিন্দুকের ওপর সব শালার নজর। হাবাতের ব্যাটারা  
জানে না তো—কত কষ্টে বুকের রক্ত জল করে তবে  
টাকার মুখ দেখা যায়। হিংস্রটের দল সব—গেরস্বর  
ঘরে দু'বেলা দু'টি চড়তে দেখলেই বুক ফেটে মরে, যো  
পেলে এরাই গলা টিপ্তে ছাড়বে নাকি?

খালি বাটীটা নামিয়ে রেখে রেখা জিজ্ঞাসা করলে—  
মশারিটা ফেলে দেব?

—না না, এখনি কি! মিহির যতক্ষণ না ফেরে  
আমার তো ঘুম হবে না—ঘুমোনো উচিতও নয়।

—কিন্তু ওঁর তো কিছু ঠিক নেই,—দেবীও হ'তে  
পারে, বলে গেছেন—ওঁর অপেক্ষায় জেগে বসে থাকবার  
দরকার নেই।

—হুঁ। দরকার নেই!—উনি তো বলে খালাস—  
তারপর? এদিককার ঠেলা সামলায় কে? কবে যে বুদ্ধি  
হবে! আরে বাপু, দিনে দিনে ঘুরে বেড়াও না যত ইচ্ছে,  
তা' বলে রাত বেড়ানো—এমন কি বন্ধুতা? আর  
তোমাকেও বলি বাছা, তুমি যদি একটু শাসন নিয়মে  
রাখতে ওকে—

—আমি! আমি করব শাসন?

—হ্যাঁ হ্যাঁ, তুমি! নয় তো কি পাড়ার লোকে  
আসবে ওকে সামলাতে? কি বুদ্ধি দেখো! লেখাপড়া  
শিখেছ না—ছাই!

রেখা চুপ করে রইল। দত্ত-মশায়ের কথার পিঠে  
কথা সে কোনোদিনই বলে না। আজ যেটুকু বলেছে,  
নেহাত গায়ের জালায়। যত দোষ তারই!

রেখার নির্ঝাক ক্ষুদ্র মুখের পানে তাকিয়ে কর্ত্তা গলার  
স্বর খাটো এবং মাধ্যমত মোলায়েম করে বললেন—  
বোকা মেয়ে! তোমার ভালোর জন্তেই বলি, এরপর  
ভুগতে হবে তো তোমাকেই? এই যে আজকাল গিদির-  
পুরে ঘন ঘন যাওয়া-আসা করছে, দিন নেই রাত নেই—  
এর মানে কি? তুমি তো জানো না, ও সেখানে যায়  
কিসের লোভে—

—জানি!

বলবে না মনে করেও কথাটা রেখার মুখ থেকে  
বেরিয়ে গেল অসতর্কে।

—জানো? তা' হ'লে মানা করো না কেন? আঁ?

—বারণ যদি কেউ না শোনে—

—আলবৎ শুনবে! শুনতে যে হবেই তাকে! ঘরের  
বউ তুমি—আরে, আজ না হলেও দু'দিন বাদে হবে তো?



রেখার বৃকের ভেতরটা টনটন করে উঠল, ইচ্ছা হ'ল বলে—না! এ বন্ধনে ধরা দিতে সে আর চায় না; চায় নিষ্কৃতি, মুক্তি!

কিন্তু উত্তর রসনা তাড়াতাড়ি সংযত করে এ অপ্রিয় প্রশ্ন আরও অগ্রসর হবার আশঙ্কায় সে চলে যাচ্ছিল, দত্ত-মশায় বললেন—তরী গেল কোথায়?

—রান্নাঘরে, খেতে বসেছে বোধ হয়। কেন? কিছু চাই না কি?

—কিছু না, ওকে বলে দিও, ওপরে আসবার আগে একবার গোয়াল-ঘরটা ও আলো ধরে বেশ করে দেখে সদরে আর খিড়কীর দোরে তাল দিয়ে আসে যেন। মিহির এসে ডাকলে খুলে দিলেই হবে। বৃষ্টি এখনো পড়ছে, না?

—খুব অল্প, টিপ্ টিপ্ করে। তবে রাত্তিরে হয় তো বেশীরকম —

—এঃ! তবেই তো গোল দেখ্‌চি। মিহির কখন ফিরবে কি জানি। তরীকে ভালো করে বলে দিও, বৃষ্টি? আমি তো জেগেই আছি, তবু সাবধানের বিনাশ নেই।

রেখা চলে গেল কর্তার আদেশ পালন করতে। কিন্তু তরী তো নীচেই নেই, রান্নাঘরে খিল দেওয়া, সে গেল কোথায়? পুকুরে না কি? আলোটাও নিয়ে গেছে। কী ঘুটুঘুটে অন্ধকার! ওঃ! রেখার গা-টা ছম্‌ছম্ করে উঠল যেন।

সে তাড়াতাড়ি ফিরে চলল ওপরে। কিন্তু সিঁড়ির কয়েক ধাপ্ উঠেই দেখতে পেলো বাগানের দিকে একটা আলো। আলোটা আস্‌ছিল—বাগানে যে একখানা বড় চালাঘর আছে, তারই একটা ঘুলঘুলি দিয়ে। মেঘাচ্ছন্ন রাত্রির গাঢ় আধারের মধ্যে আলোটা বড় উজ্জ্বল ও তীব্র দেখাচ্ছে। ও ঘরে কে? তরী নাকি?

### চার

রাত ন'টা কি সাড়ে ন'টা হবে।

পল্লী এরই মধ্যে নিশ্চুতি। দত্ত-মশায়ের আশে-পাশে কেবল দরিদ্র চাষী ও শ্রমিকদের বাস। দিবসব্যাপী কঠোর

পরিশ্রমে ক্লান্ত তারা, সকাল সকাল যা' হোক ছুটো খেয়ে নিয়ে প্রদীপ নিবিয়ে শুয়ে পড়েছে যে যার কুটারে।

প্রকৃতি নিরুন্ম নিশ্চুত। শুধু বাতাসের সন্সনানি, আর এলোমেলো বায়ুবেগে এখানে ওখানে ছড়িয়ে পড়া ছোট ছোট বৃষ্টি বিন্দুর টুপ্‌টাপ শব্দ শোনা যায়।

রেখা তার ঘরের সামনে খোলা ছাদে দাঁড়িয়ে, ঠিক স্বাভাবিক অবস্থায় নয়। তার কেশ-বেশ বিপর্যস্ত, শ্বাস-প্রশ্বাস অসম্ভব দ্রুত, সমস্ত দেহটা কেঁপে উঠছে থেকে থেকে। ভয়ে, রাগে, কি উত্তেজনায়—কে জানে!

চারিদিক অন্ধকার কালো মিশ্‌মিশে। বাগানের সে আলোটাও আর দেখা যায় না তো! রেখা সেদিককার পাঁচিলে 'ভর' দিয়ে যতদূর দৃষ্টি যায় দেখলে—না, সে আলোটা আর নেই, কি জানি কখন—

যাক্ গে! সে চায় না—আর চায় না! না—না! এ 'না' যে কিসের বিরুদ্ধে তা' বোঝা যায় না, শুধু একটা আপত্তি, প্রবল আপত্তি রেখার আহত উত্তেজিত অন্তরে বিপ্লবের সূচনা করে বল্‌ছিল—না—না—না!

বাতাসেও সেই শব্দ—বাগানের উঁচু গাছগুলো আধারের কালি মেখে অশরীরী ছায়ামূর্তির মত যেন মাথা নেন্‌ড়ে বলে উঠছে—না—না—না!

একটা উচ্ছ্বসিত তপ্ত দীর্ঘশ্বাস রেখার মর্শ্ব মথিত করে বেরিয়ে গেল। না, সে আর সহিতে পারে না, আর থাকতে পারে না, সে চলে যাবে, পালিয়ে যাবে—এই অন্ধকারে গা ঢাকা দিয়ে চুপি চুপি, কেউ জাম্বু না, কেউ দেখবে না!

কোথায় যাবে? যে দিকে হু' চক্ষু যায়! পালাবার এমন সুযোগ যদি আর নাই পাওয়া যায়! যদি—

কিন্তু কেন? এমন করে লুকিয়ে চোরের মত পালাতে যায় সে কেন? কিসের ভয়ে? কাল দিনের আলোয়, জিনিস-পত্র সব নিয়ে সকলের সামনে গেলে তাকে আটক করে রাখতে পারে কে?

মিহির...আঃ! সেই প্রিয়, অতি প্রিয় নাম!—আজ মনে আনুতও রেখার দেহ মন শিউরে উঠল যেন! উৎকর্ষ, উন্মুখ হয়ে সে অন্ধকারেই চেয়ে রইল—সেই বাগানের ঘর—



নার দিকে,—ও কি! ওখানে আবার আলো জ্বলে  
কি? নাঃ, ও একটা নক্ষত্র—কালো মেঘের ফাঁক থেকে  
কি মেরে চুপি চুপি কি যেন দেখছে। অমন করে শিউরে  
ঠেছে ও কি দেখে? ওঃ! তারটা কি মস্ত!—কী  
জ্বল অন্তর্ভেদী ওর দৃষ্টি!

সেদিকে চেয়ে রেখার বুকটা কেঁপে উঠল গুরগুর  
রে। আবার,—ওদিকে, কে যেন চীৎকার করে না?—  
ঃ! কাছেই কোথায় একটা নিশাচর পাখী ডানা ঝট্-  
টিয়ে ডেকে ওঠে,—তীব্র কর্কশস্বর তার—কা'র বুক-ফাটা  
পাৰ্তনাদের মত।

কিসের একটা অজানিত শব্দায় আপাদ-মস্তক কণ্টকিত  
য়ে রেখা স্বরিতে চলে এলো ঘরে ভেতর।

তরীর দেখা নেই তখনো।

উত্তেজনার পর অবসাদ অনিবার্য। রেখা তা'ব ক্লান্ত  
বশপ্রায় দেহ বিছানায় এলিয়ে দিতেই চোখ দুটো  
দিয়ে এলো,—তজ্রা ঠিক নয়, কেমন আচ্ছন্ন মত  
গব।

সেই অবস্থাতেই তার কাণে গেল—কান্নার শব্দ। এবার  
নয়, সত্যই,—নারীকণ্ঠের বড় আর্ন্ত ব্যাকুল সে রোদন,  
—ওঃ! অমন করে কে কান্দে গো? এ যদি স্বপ্ন হয়?  
প্রথমটা মনে হ'ল তাই, কিন্তু আচ্ছন্ন ভাবটা কাটিয়ে চোখ  
গুড়ে চেয়ে দেখবার পরও যে...

শব্দটা আসছে যেন বাগানের দিক থেকে,—ক্রমশঃ  
মাছে,—আরো কাছে, নীচে থেকে ওপরে। কে ও?  
তরী কী? তরী কান্দে কেন? রেখা ধড়মড়িয়ে উঠে  
দেখতে গেল। এমন সময় ছাদের ওপর ধড়াস করে জ্বরে  
একটা শব্দ হ'ল...খুব ভারী জিনিস পড়বার মত। সঙ্গে  
সঙ্গে গোড়ানী। সঙ্গে গলাটা টিপে ধরলে মানুষ যেমন  
কথা বলতে না পেরে গৌ গৌ করে—ঠিক তেমনি।

রেখা শব্দব্যস্তে হেরিকেনটা হাতে তুলে ঘর থেকে  
বেরিয়ে এসে দেখলে সিঁড়ি থেকে উঠতেই ছাদের ওপর  
পড়ে—তরীই বটে, উপুড় হয়ে মুখ খুঁড়ে—প্রসারিত  
হাত দু'খানা মুষ্টিবদ্ধ করে...হাত দুটোতে ও কি! রক্ত  
নাকি? কাপড়েও তো—

উঃ! এ যে টকটকে লাল তাজা রক্ত! কী সর্বনাশ!  
তরী! ও তরী! তরীর কি হ'ল? জ্যাঠা-মশায়  
ও জ্যাঠা-মশায়! দারুণ আতঙ্কে রেখার গলা থেকে শব্দ  
যেন বেরোয় না, তবু সে চীৎকার করে উঠল প্রাণপণ  
শক্তিতে।

—বাপুরে বাপু! কি হ'ল তোমাদের? অমন করে  
চোঁচামেচি লাগিয়ে দিয়েছ কেন?

বলতে বলতে দত্ত-মশায় বেরিয়ে এলেন।

—ও কে, তরী আছাড় খেলে বুঝি?—আঃ! যা'  
হুড়মুড় করে চলে ঝড়ের মত। কোথায় লাগল?

কাছে এসেই তিনি চমকে উঠলেন—এত রক্ত!  
বাপ রে! এ রক্ত বেরোয় কোথেকে? কপালটা কেটে  
গেল না কি? আলোটা রেখে দত্ত-মশায় রেখাকে বললেন  
—একটু ধর তো একে সোজা করে দেখি, চোটটা  
লেগেছে কোথায়—

রেখা ধরবে কি তার সমস্ত শরীর কাঁপছিল থরথর  
করে। হাত পা সব ঠাণ্ডা অবশ হয়ে আসে যেন।

দত্ত-মশায় ধমক দিয়ে বললেন—তুমি যে ভয়েই 'কাঠ'  
হয়ে গেলে। ধরো না একটু।

রেখার সাহায্যে তরীকে কোনোমতে সোজা করে  
শোওয়ানো হ'ল। কিন্তু কই?—তার কপালে, মুখে, নাকে,  
মাথায়, জগম তো কোনোখানেই নেই! তবে এ রক্ত  
এলো কি করে? দত্ত-মশায় আলোটা তরীর মুখের কাছে  
ধরে ডাকতে লাগলেন—তরী! ও তরী!—কথা কসনে  
কেন রে? কি হ'ল তোর, কোথায় লাগল, বল না?

তরী কথা বলবে কি? সে মূর্ছিত। চোখ দুটো  
তার আপ-চাওয়া শিবনেত্রের মত—দাঁতে দাঁত লেগে  
গেছে। গলার মধ্যে কেমন একটা বিশ্রী শব্দ হচ্ছে।

—আমার ঘরের ছোট বালুতীটা নিয়ে এসো দেখি—  
মুখে-চোখে খানিক জলের ঝাপটা দিলেই জ্ঞান হবে 'খন।

তাই করা হ'ল, কিন্তু তরীর জ্ঞানোন্মেষের কোনো  
লক্ষণই নেই।

—একি হ'ল জ্যাঠা-মশায়? রেখা কান্দো কান্দো হয়ে  
বললে।



দস্ত-মশায় জু দুটো কুঁচকে উদ্বিগ্নভাবে বললেন—  
কে জানে। ছুঁড়ীর মিরগী আছে নাকি? কিন্তু  
রক্তটা...আচ্ছা, ওর হাত দুটো ধুইয়ে দেখ তো, যদি  
বঁটাতে হঠাৎ কেটে ফেলে থাকে।

তরীর রক্তমাখা ঠাণ্ডা হাতখানা হাতে ঠেকতেই রেখা  
ভয়ানক চমকে উঠল বিদ্যুৎস্পৃষ্টের মত। সে শোণিত  
স্পর্শ তার শিরায় শিরায় একটা প্রবল শিহরণ জাগিয়ে  
তুললে নিমেষে।—উঃ! আমি পারব না জ্যাঠা-মশায়,  
আমার বড় ভয় করেছে। এ রক্ত, এত রক্ত কার?   
বলতে বলতে তরীর হাতখানা ছেড়ে দিলে।

দস্ত-মশায় মহা বিরক্তিভরে বলে উঠলেন—  
সরো। আমি ধুয়ে দিচ্ছি, তুমি জল ঢেলে দিতে পারবে?  
না, তাতেও ভয় করবে? আচ্ছা বামেলায় পড়েছি  
যা' হোক।

কম্পিত করে তরীর রক্তাক্ত হাতে জল ঢালতে গিয়ে  
রেখা বারবার শিউরে উঠে অশ্রুট স্বরে বললে—এত  
রক্ত! উঃ! এত রক্ত কেন?

বাস্তবিক এ রক্ত লাগল কেমন করে? হাতে তো  
কাটাকুটি দূরের কথা—এতটুকু আঁচড়ের চিহ্নও দেখা যায়  
না, আশ্চর্য্য!

বৃষ্টিটা মাঝে থেমেছিল, আবার আরম্ভ হ'ল। এবার  
বেশ বড় বড় ফোঁটায়। বাইরে থাকা আর চলে না।  
বিদ্যুৎও চমকাচ্ছে ঘন ঘন। দস্ত-মশায় ব্যস্ত হ'য়ে বললেন—  
একে টেনেটুনে ঘরে নিয়ে গিয়ে ফেলি, নইলে ওর  
সঙ্গে সঙ্গে আমরাও ভিজে মরব যে। একটু পারবে  
ধরতে? কেবল পা দুটো—

এবার রেখা আর না বলতে পারলে না। দু'জনে ধরা-  
ধরি করে তরীর অবশ শিথিল দেহটা কষ্টে-স্বপ্তে এনে ফেলা  
হল দস্ত-মশায়ের ঘরে। তখনো সে অচৈতন্য, কেবল  
মুষ্টিবদ্ধ হাত দু'খানা টিলে হয়েছে মাত্র।

—এখনো ছ'স হ'ল না? কি হবে গো!

রেখা তরীর গায়ে আস্তে ঠেলা দিয়ে মুখের ওপর  
ঝুঁকে পড়ে ডাকলে—তরী! ও তরী! কি হ'ল তোমার,  
বলো না? —ও তরী!

তরীর ঠোট দু'খানা ঈষৎ নড়ে উঠল, মুখ না  
খুলেই দাঁতে দাঁত চেপে গৌঁ গৌঁ করে কি যেন বলতে  
চেষ্টা করলে,—বোঝা যায় না কিছু, কিন্তু রেখার মনে  
হ'ল সে যেন বলছে—দা—দা—বা—বু—

—কি বলছ তরী? অ'্যা!

তরী আর সাড়া দিলে না। গোঙানীও বন্ধ হয়ে গেল  
তার। একটা অনির্দেশ অমঙ্গল আশঙ্কায় সমস্ত ব্যাকুল  
হয়ে রেখা দস্ত-মশায়ের দিকে তাকিয়ে কাতরভাবে বললে  
—কি হবে জ্যাঠা-মশায়? এর যে এখনো জ্ঞান হ'ল  
না।...একবার ডাক্তারকে ডেকে দেখালে—

—হ্যাঃ!—ডাক্তার ডাকব না আর কিছু।—টাকা-  
গুলো আমার ফালতু এসেছে কি না? একটীবার নাড়ী টিপে  
চারটা টাকা অস্ততঃ...আর এই অন্ধকার দুর্ঘ্যোগের রাতে  
বন-বাদাড় ভেঙে ডাক্তার ডাকতে যাবেই বা কে, শুনি।  
আমার অত গরজ নেই। দস্ত-মশায় ভয়ানক বিরক্ত  
ও উত্থাপিত হয়ে উঠেছিলেন। দুশ্চিন্তা তো ছিলই। তা'  
ছাড়া, তরীর সঙ্গে এতক্ষণ ধ্বস্তাধ্বস্তি করে—বুড়ো মানুষ  
তো! আফিসের নেশাও তাঁর ছুটে গিয়েছে তখন।

রেখা তাড়া খেয়ে চুপ করে গেল। কিন্তু স্থির হতে  
পারল না এক মিনিট। সে অতিমাত্র 'উদ্বিগ্ন' সহিত  
একবার মূচ্ছাহতা তরীর বুকের স্পন্দন, নাকের নিঃশ্বাস  
পরীক্ষা করে, আবার মুখে হাত দিয়ে দেখে দাঁতকপাটা  
খুলেছে কি না।

তার ব্যাকুলতা দেখে দস্ত-মশায় অপেক্ষাকৃত নরমভাবে  
বললেন—অত ঘাবড়াচ্ছ কেন বাছা। মিরগী রোগে  
এমন ধারা হয়ে থাকে, তুমি দেখো নি তাই, খানিক বাদে  
আপনিই জ্ঞান হবে।

—কিন্তু রক্ত, এ রক্ত কিসের। রেখা ত্রস্তে জিজ্ঞাসা  
করলে। বিবর্ণ পাংশু মুখে তার বিভীষিকার ছায়া স্পষ্ট।  
তার মুখের পানে এক মুহূর্ত্ত হতবুদ্ধির মত ফ্যালফ্যাল  
করে চেয়ে থেকে দস্ত-মশায় ছস করে একটা লম্বা নিঃশ্বাস  
ফেলে বললেন—কি জানি বাপু! আমি তো মহা  
ফ্যাসাদে পড়ে গেলুম একে নিয়ে! কোথায় কি করে রক্ত



মেখে এলো। বাড়ীতে এমন কেউ নেই যে...মিহিরও তো এলো না এখনো,—ক'টা বাজল দেখ দেখি।

রেখা ঘড়ীর দিকে তাকিয়ে বললে—সাড়ে এগারোটা।

—ওঃ! এত রাত হ'য়ে গেছে।—তা' হ'লে রাত্তিরে ঘুম ফিরছে না সে। থাক্—যা' দুর্ঘোষ! আমি একবার নীচে গিয়ে দেখে আসি, দোরতাড়া সব 'হাট্' করাই রয়েছে বোধ হয়। কে কোথা থেকে ঢুকে...

তখন রুষ্টি পড়ছে বেশ। দত্ত-মশায় গায়ে মাথায় একখানা মোটা চাদর জড়িয়ে, একহাতে মোটা একটা ধানের লাঠি, আর অণ্ড হাতে লণ্ঠন নিয়ে যাচ্ছিলেন। রেখা সহসা ছুটে এসে তাঁর হাত চেপে ধরল—আমিও যাব জ্যাঠা-মশায়! আমাকেও নিয়ে চলুন।

—কোথায় গো?

দত্ত-মশায় সবিস্ময়ে জিজ্ঞাসা করলেন।

রেখা ব্যগ্রতার সহিত রুদ্ধপ্রায় কণ্ঠে বললে—নীচে। আপনার সঙ্গে আমিও একবার...আপনার পায়ে পড়ি জ্যাঠা-মশায়।

—বাবা রে বাবা! একি জালায় পড়লুম গো? এরা আমাকে আজ পাগল না করে' আর ছাড়বে না দেখছি! না, থাক গে—আমার আর কোথাও গিয়ে কাজ নেই। রান্নাঘরে বাসনগুলো রয়েছে, তাই...তা' যাক্ গে সব চায়ে নিয়ে, আমার কি? আমি তো আর বৃকে করে' নিয়ে যাব না সব? থাকলে তোমাদেরই...

দত্ত-মশায় ঘরের দোরগোড়ায় লাঠি চাদর সব রেখে দিয়ে ফিরে এলেন বকুতে বকুতে। রেখা একান্ত অসহায়ভাবে তরীর শিয়রে এসে বসে' পড়ল 'ধপ্' করে'।

—ওখানে আর বসতে হবে না, তুমি শুয়ে পড়ো এবার। গামকা রাত জেগে অস্থখ বাঁধিয়ে বসো, তারপর ডাক্তার, আর আন্ ওষুধ!—একে এমনি তো রোজ অস্থখ লেগেই আছে তোমার!

দত্ত-মশায়ের ঘরের পাশেই রেখার ঘর। মাঝখানে একটা দরজাও আছে। দত্ত-মশায় সেই দরজাটা খুলে দিয়ে

রেখার ঘরের বাইরের দিক্কার দোর-জানলা সব বন্ধ করে এসে বললেন—ওঠো, শোও গে যাও।

—না জ্যাঠা-মশায়, আমি এখন শুতে পারব না, তরীর জ্ঞান হ'লে—

—আরে, জ্ঞান ওর হবেই—এতক্ষণ হয়েও থাক্বে—হয়তো ঘুমুচ্ছে, নয়তো বজ্জাতি করে মট্কা-মেরে পড়ে আছে আবাগী! নাড়ীতো বেশ টন্টনে রয়েছে দেখলুম—কোনো ভয় নেই। তুমি শুয়ে পড়ো। অমন ভাবে 'কাঠ' হয়ে বসে থেকে—শেষে তুমিও 'ফিট্' হ'য়ে পড়ো যদি, তবেই তো চিত্তির! মরতে হবে আমাকেই তো? আজকাল্কার মেয়েদের যে কথায় কথায় 'ফিট্'! যাও, ওঠো বলছি।

রেখা উঠল না। তার বিপন্ন আর্ন্তভাব দেখে দত্ত-মশায় বললেন—ভয় করবে? আচ্ছা, তা' হ'লে আমার বিছানাতেই গড়িয়ে পড়ো, আমি তো এখন শুতে পারব না, দোরটোর সব খোলা—তারপর মিহির যদি এসেই পড়ে—

ঘরের কোণে একখানা বেতের ইজিচেয়ার রাখা ছিল কবেকার—সেইটে তরীর কাছে টেনে নিয়ে লাঠিটা হাতের গোড়ায় রেখে দত্ত-মশায় বসলেন।

রেখা আর বসতে পারছিল না, সে আন্তে আন্তে উঠে বিছানার একধারে শুয়ে পড়ল—বিপর্যস্ত অবসন্ন দেহমন নিয়ে।

রুষ্টি এবার মুঘলদারে পড়ছে।

তীব্র তড়িৎ শিখা থেকে থেকে ঝিলিক্ মারছে—অন্ধকার আকাশের নিকস কালো বিশাল বুকখানা ছ'পান্ করে' চিরে দিয়ে। ঝোড়ো হাওয়া গৌঁ গৌঁ করে ছুটছে—দিক্‌বিদিকে। ওঃ, কী দুর্ঘোষ!

এই দুর্ঘোষের মধ্যে মিহির যদি আসে...আসবে কি? যদি...যদিই সে আর না আসে...এই বিভীষিকাময়ী করাল রাত্রি...

—কড় কড় কড়াং!



কি ভয়ানক !—এ বজ্রপাত কোথায় হ'ল কি জানি।  
 রেখার বৃকের ভেতর ধড়াস্ করে' উঠল সজোরে।  
 চকিতে মনে পড়ে গেল মিহিরের সেই হাসি আর কথা—  
 —যাও বলতে নেই লক্ষ্মী ! বলো এসো !  
 রেখা হঠাৎ ধড়ফড়িয়ে উঠে বসল। দত্ত-মশায় জিজ্ঞাসা  
 করলেন—কি হ'ল আবার ?  
 —বাইরে কে চোচিয়ে উঠল না ?  
 থানিক উৎকর্ণ হয়ে দত্ত-মশায় বললেন—  
 —কই ? ও তো বাতাসের শব্দ ! তুমি জেগে জেগেই  
 স্বপ্ন দেখছ নাকি ?  
 —তরীকে আর একবার...  
 —আবার ! বলছি চুপ করে' শুয়ে থাকো একটু, তা'  
 নয়। জালিয়ে পুড়িয়ে খেলে আমাকে আজ ছটোতে মিলে !  
 বাবারে বাবা ! এমন জানলে মিহিরকে আমি ছেড়ে  
 দিতুম নাকি ! না হয় রাগই করত একটু।  
 তরী তখনো নিঃসাড়ে পড়ে। তার শ্বাস-প্রশ্বাস  
 অনেকটা স্বাভাবিক। হাত-পায়ের সে আড়ষ্টতাব আর  
 নেই—এইটুকু তফাৎ।

### পাঁচ

—কর্তাবাবু গো !  
 ভোর হয়েছে। রাতের দুযোগ কেটে গেছে  
 নিঃশেষে। দারুণ উদ্বেগ ও ছশ্চিন্তায় ক্রমাগত ছটফট  
 করতে করতে গভীর ক্লান্তিতে রেখা কোন্ সময় ঘুমিয়ে  
 পড়েছিল। দত্ত-মশায় চেয়ারে বসেই ঢুলেছেন সারারাত।

শেষ রাত্রে তজ্রাটুকু বেশ জমে এসেছে, তজ্রা ঘোরে তিনি  
 স্বপ্ন দেখছিলেন—ঘরে যেন চোর চুকেছে, একজন না  
 দু'-দু'জন। ইয়া লম্বা চৌড়ে। গৌটাগৌটা চেহারা, তাদের  
 ইয়া দাড়ি গৌফ ! একজন লোহার সিন্দুকের ভারি  
 তালাটা ভাঙবার চেষ্টা করছে, অগ্নাজন দত্ত-মশায়ের লাঠি  
 গাছটাই বন্ধুকের মত উচিয়ে ধরে' ভয় দেখাচ্ছে তাঁকে—  
 কী সর্বনাশ !

ভীষণ আতঙ্কে তিনি যখন প্রাণপণ চেষ্টা করে  
 টেঁচাতে পারছিলেন না, সেই সময় স্বপ্নের ঘোর তাঁর  
 কেটে গেল তরীর আর্ন্তনাদে।

রেখা আগেই জেগে উঠেছে, কিন্তু তার মুখে একটা  
 শব্দ নেই, চোখেও পলক নেই !

—আঃ ! কি করিস্ বাপু ? চৌপর রাত চোখে-পাতা  
 এক করতে দিলি না—আবার এখনো...

দত্ত-মশায় চোখ মেলে সোজা হ'য়ে বসতেই তরী—  
 কর্তাবাবু গো ! দাদাবাবুকে দেখো—


বলতে বলতে ডুকরে কেঁদে উঠল।

—কে ? কে ? মিহির ? কই, কি হয়েছে তার ? অ  
 গেল যা ! কাঁদিস্ কেন আবাবী ? বল না ?

—কি আর বলব গো ! তোমরা শীগগির করে' চলে  
 গো ! দাদাবাবু...

ক্রমশ

পূর্ণশশী দেবী





## সমবেদনা

শ্রীমতিলাল দাশ

ছোট স্রহর। মাহুযে মাহুযে পরিচয়ে গভীর আত্মীয়তার স্পর্শ না মিলিলেও কুংসা ও নিন্দার স্পর্শ সকলকে এক করে। যে জাতি বড়, সে অপরকে ঈর্ষা করে না—অপরের সহিত প্রতিযোগিতা করে। আমরা যতকল্প। অপরকে ধুলায় নামাইয়া দস্ত করিতে পারিলে আমাদের আর আনন্দের সীমা থাকে না।

জাতীয় চরিত্রের এই অন্ধকার যবনিকা আমাদের আখ্যাত স্রহরটিকেও সজ্জিত করিতে ভোলে নাই।

হরেনবাবুর বাড়ীতে আড্ডা বসে—তাস, দাবা ও পাশাখেলার হুল্লোড় চলে। নবাগত আমাকে ভবেশবাবু টানিয়া লইয়া গেলেন।

মজলিস বটে! আনন্দও উচ্ছল হইয়া সকলকে তৃপ্ত করে—কিন্তু কি সংকীর্ণতার পরিসর! আমাদের আশে-পাশে যে বৃহৎ জগৎ ভাবের দোলায় ঢুলিতেছে—তার কোনও দোলা যেন এখানে পৌঁছে না। আত্মতৃপ্তি—কিন্তু সে তৃপ্তির পিছনে ত প্রচণ্ড অবসাদ—স্ববিপুল ক্লৈব্য।

বসিয়া খোস-গল্প শুনিতেছি, এমন সময় আসিলেন একটা অপরিচিত ভদ্রলোক—প্রৌঢ়, কিন্তু মুখ-কান্তি সৌম্য। মাহুযটিকে দেখিলে শ্রদ্ধা হয়। ভদ্রলোক বলিলেন—“হরেন দা’—আসাম-বস্ত্রার জন্ত কিছু করার দরকার।”

‘ছ-তিন নয়’ এবং ‘কচে বারো’র দল মুখ তুলিয়া চাহিয়া খেলায় মনোনিবেশ করিল। ‘ত্রিজের’ খেলোয়াড়েরাও বিরক্ত-দৃষ্টি হানিয়া খেলিতে লাগিল। হরেনবাবু বলিলেন—“দেখুন, অপ্রিয় কথা আমার মুখে নাই বা শুনলেন।”

আমি অবাক হইয়া চাহিয়া রহিলাম। ব্যাপার কি বুঝিলাম না। হরেনবাবু বিরক্তিতা কোনও মতে ঢাকিয়া বলিলেন—“আপনি জাতি-ধর্ম ধ্বংস করেছেন—তবু

আপনার লজ্জা নেই—আপনার সঙ্গে কেউ আর এখন কাজ করবে না।”

ভদ্রলোকের মুখ লজ্জায় আরক্ত হইয়া উঠিল, কোনও প্রকারে আপনাকে সামলাইয়া লইয়া বলিলেন—“কিন্তু এত সামাজিকতা নয়, হরেনবাবু।”

—“সামাজিকতা হোক না হোক—আপনার মত কালাপাহাড়ের সঙ্গে কেউ চলবে না—কোনও কাজেই নয়।”

পাশাডুরা চীৎকার করিয়া উঠিল—“কখনই নয়—চালো বারো পোয়া তেরো।”

‘ত্রিজ’ যাহারা খেলিতেছিল, তাহারাও বলিল—“যা’ বলেছেন—কখনই নয়।”

ভদ্রলোক কথা কহিলেন না, ধীরে ধীরে চলিয়া গেলেন। মজলিসে নিন্দার শতমুখী-ধারা বহিতে লাগিল।

ফিরিবার পথে ভবেশবাবুকে জিজ্ঞাসা করিলাম—“ব্যাপার কি জানেন নাকি?”

—“জনার্দন চৌধুরীর কথা বলছ ত। লোকটা খুব কর্মী—ওর ঘরোয়া জীবন নিয়েই শুধু নিন্দে। কতকটা জানি বটে—কিন্তু সে এক মহাভারত! আজ নয়, আর একদিন বলব।”

কৌতূহল উদগ্র হইলেও চুপ করিয়া রহিলাম। ভবেশবাবুকে বিরক্ত করা চলে না। গৃহের আত্মগত্য তাঁহার জীবনের মূলমন্ত্র—সেখানে কোনও বিবর্তন বাধাইতে সাহসী নই—আর রাত্রিও সত্যি অধিক হইয়াছিল।

কিন্তু রাত্রে ঘুমের ঘোরে সৌম্য ও তেজস্বী মুখপানি যেন বারেবারে চোখের সম্মুখে ভাসিতে লাগিল—নানা অসংলগ্ন স্বপ্ন-ঘটনা রচনা করিয়া আমার নিদ্রায় ব্যাঘাত জন্মাইল।



ভাদ্রের ভরানদী ।

কুল ছাপাইয়া উদ্দাম জলরাশি নাচিয়া নাচিয়া খেলা করিতেছিল । বেড়াইতে বাহির হইয়াছিলাম, ছোট সহরটির প্রাণ এই নদী ।

ওপারে ধানের ক্ষেত জলে ডুবিয়া গিয়াছে—যতদূর দৃষ্টি চলে জলে জলাকার । মাঝে মাঝে দু'-চারিটি বনস্পতি শ্যামল শাখা মেলিয়া দাঁড়াইয়া আছে । নদীকূলে দাঁড়াইয়া এই সৌন্দর্য্য দেখিতেছিলাম ।

কাল রাত্রির দেখা সেই অপরিচিত ভদ্রলোকটি নমস্কার করিয়া বলিলেন—“আপনি এখানে নূতন এসেছেন ?”

অমায়িক আচরণ । অন্তরে প্রশ্ন জাগে—যার চরিত্র এত মধুর, লোকে তাকে পাষণ্ড কেন বলে ?

বলিলাম—“হ্যাঁ, দু'-চারদিন এসেছি ।”

—“আসবেন, এই নদীতীরে বেড়াবেন—এটা খুব ভালো বেড়ানোর যায়গা ।”

—“বন্ধুর কতদূর কি করলেন ?”

অপ্রতিভ হইয়া ভদ্রলোক আমার মুখের দিকে চাহিলেন । তারপর প্রশ্ন করিলেন—কাল মজলিসে আপনি ছিলেন ?”

—“হ্যাঁ, গিয়েছিলাম ।”

—“তা' হ'লে ত সবই জানেন ।”

—“কিন্তু সহরে ত আরও মানুষ আছে—”

আমার প্রশ্নের অর্থ হৃদয়ঙ্গম করিতে না পারিয়া ভদ্রলোক বলিলেন—“কিন্তু যারা সহরের গণ্যমান্য, তাঁরাই যখন কিছু করবেন না—”

—“আমি অবাক হচ্ছি, ঠাণ্ডা কেন এমন করছেন ?”

—“ওঁদের খুব দোষ নেই, ওঁরা রাগ করতে পারেন ।”

—“কিন্তু কেন ?”

—“শুন্তে চান ?”

—“অবশ্য আপনি যদি কিছু মনে না করেন ।”

—“বেশ চলুন, কাছেই আমার বাড়ী—সকালবেলায় একটু গল্প শুন্বেন ।”

আমি বলিলাম—“আপনাকে বিরক্ত করা হবে : ত ?”

—“না, মোটেই নয়—তবে আমার মুখে আমা ইতিহাস শুনলে আপনিও জনগ্রহণ না করে আমা বাড়ী থেকে ফিরবেন ।”

—আপনার ইতিহাস জানি নে, তবে মনে রাখবেন—সংসারে মানুষে মানুষে তফাৎ আছে । কিন্তু আপনা সাথে আগে পরিচিত হ'য়ে নেই । আমার নাম—“সরিংকুমার সোম । আমি এখানে ডাক্তার হ'য়ে এসেছি ।”

—“নমস্কার সরিংবাবু । আমার নাম—জনাদ্দ চৌধুরী ।”

—“তা' জানি । শুনেছি—আপনি সত্যকার কর্মী ।”

—“সত্য মিথ্যা জানি নে, কায করেছি—কিন্তু আ বোধ হয় করতে পারব না ।”

ভদ্রলোককে উৎসাহিত করিবার জন্য তাঁহার সহিত চলিলাম ।

সুন্দর সুদৃশ্য কুটীর ।

ফুল ও পাতাবাহার গাছের কেয়ারিতে অগ্নন একাং মনোহর দেখাইতেছিল । অনুমান, ষোল-সতের বৎসরের একটা তরুণী ফুলের বাগানে ফুল তুলিতেছিল—আমাদিগকে দেখিয়া ভিতরে চলিয়া গেল ।

ইজিচেয়ারে বসিলাম । জনাদ্দনবাবু বলিতে লাগিলেন—“যাকে ফুলের বনে দেখলেন, তিনিই এই নাটকের নায়িকা । আমি তখন চাকরী করি—পোষ্ট অফিসের কেরাণী । কিন্তু কেরাণীর কাজ করলেও মনে তখন আশা ও উৎসাহ ছিল, তাই ঘরের খেয়ে বনের মোষ তাড়ানোর খেয়াল ছিল ।

—“সেবার এই সহরে কলেরার বেজায় হিড়িক—রাত্রিদিন লোক মবুছিল—কে কা'কে দেখে, কে কার সেব করে ।

—“আমি একটা সেবা-সমিতি গড়লাম—উদ্ধার যা বাপ কলেরায় আক্রান্ত হ'ল । গরীব বামুন—পুরুতগিরি করে' কোনও রকমে কাল কাটান—বিপদে কেউ তাঁর



হায় ছিল না। সমিতি থেকে তাঁদের শুক্রবার ব্যবস্থা হ'ল—কিন্তু ফলে মহামারী উদ্ধার মা বাপকে এক রাত্রেই নিয়ে গেল। উদ্ধা তখন দু'-তিন বছরের শিশু।

—“সহরের এক প্রান্ত থেকে অপর প্রান্ত পর্যন্ত সকলকে অমরোধ করলাম। কেউ এই শিশুর ভার নিল না। তাই আমার ঘরেই তাকে আশ্রয় দিলাম।

—“আমার ঘরেই উদ্ধা মামুষ হ'ল—কিন্তু আমি ছোট জাত—আমার জলচল নয়—তাই আমার ভাত জল খেয়ে উদ্ধারও জাত গেল।

—“উদ্ধা দিনে দিনে বেড়ে উঠল—ওর বিয়ের জন্ত যথেষ্ট চেষ্টা করলাম—কোথায়ও ওর বিয়ে দিতে পারি নি। আমার স্ত্রী পাঁচ-ছ' বছর হ'ল নিঃসন্তান অবস্থায় মারা গেছেন। উদ্ধাই সেই থেকে আমার সংসার চালাচ্ছিল।

—“নিরুপায় হয়ে উদ্ধাকে বললাম—বাংলাদেশের কেউ তোকে বিয়ে করবে না—চল, কাশী যাই—সেখানে অল্প দেশের কারও হাতে তোকে সমর্পণ করে' আমি দায়মুক্ত হবো।

—“উদ্ধা দৃষ্টকণ্ঠে বলল—‘আপনার ঘর ছেড়ে আমি কোথাও যাবো না।’

—“আমি বললাম—‘বলিস কি—বিয়ে না হ'লে তোর উপায় কি হবে—হিঁদুর মেয়ের বিয়ে না হ'লে যে চলে না।’

—“উদ্ধা বলল—‘তা' জানি নে, আমি কোথাও যাব না।’

—“আমি অনেক বুঝিয়ে ওকে কিছুতেই রাজি করাতে পারলাম না—তারপর একদিন আবিষ্কার করলাম—ও আমাকে ভালবেসেছে।

—“এ ভালবাসা শ্রদ্ধায় কি কৃতজ্ঞতায়—তা'বলতে পারি নে। প্রৌঢ় বয়সে এ ভালবাসাকে স্বীকার করতে কিছুতেই সম্মত হ'তে পারি কি—কিন্তু উপায়সূত্র না দেখে শেষে উদ্ধাকে আমি বিয়ে করেছি।

—“কিন্তু আপনাকে সত্য করে বলছি—এ বিয়ের পেছনে কোনও পীড়ন ছিল না, কোনও লোভ ছিল না।’

আমি স্তম্ভিত বিশ্বয়ে বক্তার সত্যদীপ্ত মুখের দিকে

চাহিলাম। পরে ভাবাবেগে বলিলাম—“আপনি আমার শ্রদ্ধার অঞ্জলি নিন—আপনি সত্যিই দেবতা।”

জনার্দনবাবু বলিলেন—“বলেন কি! আমি অত্যন্ত অধম—অতিশয় দীন।”

—“না—না, আমি আপনার কথার প্রত্যেক বর্ণ বিশ্বাস করছি—আপনি পরিণয়ের বান্দনে না বান্দলে এই তরুণীর কি দশা হ'ত জানেন?”

—“জানি বলেই ত দুঃসাহস করতে সাহসী হয়েছি।

ওর আশ্রয় ছিল বারবনিতার গৃহে কিংবা কারও গৌরবময় রক্ষিতার আসনে—”

—“খাটী কথা বলেছেন। সেদিনও কাগজে পড়-ছিলাম—অসবর্ণ বিবাহের ধর্মপত্নী সমাজে চলে না—কিন্তু রক্ষিতায় কোনও দোষ নেই—তার কারণ, সমাজ জীর্ণ ও গলিত।”

—“কিন্তু আপনার গায় মহৎপ্রাণ ক'জন আছেন—”  
আমরা সমাজে নির্ধ্যাতিত—আমরা সমাজের কাছে বিতাড়িত।”

আমি আগ্রহের সহিত বলিলাম—“আর কেউ না খান্, আমি আপনার বাড়ী খাব। আজ থেকে আপনি আমার বন্ধু। ভয় করবেন না জনার্দনবাবু,—নির্ধ্যাতনই জীবনের পরিচয়। মৃত যারা, তারাই স্বস্তিকে বরণ করে—জীবন্ত প্রাণ আঘাত খায়, আর আঘাত জয় করে—সেইখানেই তার মহত্ত্ব।”

—“তা' হ'লে চা করতে বলি।”

—“বলবেন বই কি, কিন্তু শুধু চা-য় চলবে না বলছি।”

জনার্দনবাবু হাসিতে হাসিতে বাড়ীর ভিতর গেলেন। ফিরিয়া আসিয়া বলিলেন—“আপনার কথায় উদ্ধা খুব খুসী হয়েছে—ওর জীবন বড় একলা কাটছে।”

—“আপনার অনুমতি হয় ত আমার স্ত্রী আসবেন—বৌদিকে বেড়াতে নিয়ে যাবেন। বক্তার কথাটা ভুলবেন না—লেগে পড়ুন, পেছনে আমরা আছি।”

জনার্দনবাবু অপরিসীম আমন্দে অভিভূত হইলেন। আমি মনে মনে অত্যন্ত আত্মপ্রসাদ অনুভব করিলাম। সংসারে এমনই সহানুভূতি, এমনই সমবেদনার কাজে যে কি অপরিসীম তৃপ্তি, কি অনন্ত শান্তি লুকানো আছে, মামুষ তাহা জানিয়াও জানে না।

মতিলাল দাশ



## টাদা

রায়বাহাদুর শ্রীচরুচন্দ্র মুখোপাধ্যায়, বি-এ, ও-বি-ই

বৈশাখ মাস। দারুণ গ্রীষ্মে চারিটি যুবক কলিকাতার রাস্তার ধারে একটি বাড়ীর ঘরে বসিয়া বৈদ্যাতিক পাখার হাওয়া খাইতে খাইতে ‘ব্রিজ্’ খেলিতেছিল। সকলেই খেলায় তন্ময়; কারণ, নন্দ ও নরেশের ‘গ্রাণ্ড প্ল্যান্’ লাভ হইবার উপক্রম হইয়াছে। দু’জনেই বাল্যাবধি সহপাঠী ও বন্ধু এবং উভয়ের মধ্যে ভ্রাতৃত্বাব সম্পূর্ণভাবে বিরাজমান।

‘গ্রাণ্ড প্ল্যান্’র ব্রাহ্মমূর্ত্তে রাস্তার দিকের দরজার কড়া হঠাৎ কে নাড়িতে লাগিল। খেলোয়াড়েরা অত্যন্ত বিরক্ত হইল। খেলা শেষ করিয়া দরজা খুলিয়া দিবে স্থির করিল; কিন্তু ‘ফায়ার ব্রিগেডে’র ঘণ্টার মত সজোরে অনর্গল কড়া নাড়ার শব্দে বাধ্য হইয়া নন্দ উঠিয়া দরজা খুলিতে গেল। দরজা খুলিয়া নন্দ পিছাইয়া আসিয়া বলিল—“ও, আপনি? কি চান?” প্রশ্নের উত্তর দিবার পূর্বেই এক তরুণী ঘরের ভিতর উপস্থিত হইলেন। তাঁহার পরণে খন্ডরের সাড়ী ও ব্লাউস এবং পায়ে সাঙাল। মস্তক হইতে গন্ধা ও যমুনার মত দুইটি বেণী দুই স্বক্ক দিয়া বহিয়া বক্ষদেশে পড়িয়া তাহার শোভাবর্দ্ধন করিতেছে। বয়স প্রায় সতের-আঠার বৎসর। প্রকৃত স্নন্দরী না হইলেও যৌবন-স্বলভ গঠন ও মুখশ্রীতে রমণীকে স্নন্দরী দেখাইতেছিল। ঘরের ভিতর আসিতেই বাকী তিনবন্ধু তাস ছাড়িয়া উঠিয়া দাঁড়াইল। বাহিরের উষ্ণবায়ু হইতে আপনাদিগকে রক্ষা করিবার জন্ত নন্দ দরজা বন্ধ করিয়া তরুণীকে বসিতে বলিল। তরুণী বলিলেন—“উঃ, কি গরম! তারপর আপনারা তাসে এত ব্যস্ত যে, দরজা খুলতেই চান না।” নন্দ বলিল—“আমরা ত জানি না আপনি এসেছেন।” সকলেই হাসিয়া উঠিল, যেন পূর্ব হইতেই রমণীর আগমনের সংবাদ জানিবার উপায় ছিল। তরুণী বলিলেন—“আপনারা বোধ হয় শুনে থাকবেন বেহারে ভীষণ ভূমিকম্প হয়েছে।” নরেন বলিল—“সে বিকট সত্যটা আমরা

ত অনেকদিনই মেনে নিয়েছি।” নন্দ জিজ্ঞাসা করিল—“আপনি কি ভূমিকম্পের ভুক্তভোগী?” তরুণী বলিলেন—“না, আমি ভুগি নি, তবে যারা ভুগেছেন, তাঁদের সাহায্য করা আমাদের কর্তব্য।” সকলেই একবাক্যে বলিয়া উঠিল—“নিশ্চয়ই!” তরুণী তখন ধীরে ধীর ব্লাউসের ভিত হইতে একখানি রসিদ-বহি বাহির করিয়া বলিলেন—“আমরা টাদা তুলছি, আপনাদের কিছু দিতে হবে।” নন্দ বাড়ীর মালিক, স্ততরাং সে বাস্তু হইতে একটি টাক বাহির করিয়া দিল। তরুণী নন্দর নাম ও ঠিকানা লিখিয়া রসিদ দিলেন। অপর তিনজন বন্ধুর নিকট টাক চাওয়াতে তাহারা বলিল যে, তাহারা তাস খেলিতে আসিয়াছে, কাজেই সঙ্গে কিছু আনে নাই। তরুণী তাসের দিকে লক্ষ্য করিয়া বলিলেন—“আপনারা ‘ব্রিজ্’ খেলছেন। যে রকম তন্ময় হয়ে খেলছিলেন তা’তে মনে হয় টাকা বাজী রেখেই খেলছিলেন; স্ততরাং সঙ্গে নিশ্চয়ই কিছু থাকবার কথা।” বন্ধুরা পরস্পরের মুখ চাহিয়া হাসিতে লাগিল। নন্দ বলিয়া উঠিল—“আপনি সি আই-ডিতে কাজ করেন নাকি?” তরুণী হাসিয়া বলিলেন—“হয় ত ভবিষ্যতে করতে পারি। এখন থেকে একটু বিদ্যে শেখা ভাল।” তখন তিন বন্ধুই পকেট হইতে একটু করিয়া টাকা বাহির করিয়া দিল। তরুণীও তাহাদের রসিদ দিলেন। পিপাসার জন্ত এক গেলাস জল চাহিলেন নন্দ বলিল—“শুধু জল খাবেন কেন? এত বেলা হয়েছে রোদে এসেছেন, একটু মিষ্টি ও জল খান না?” তরুণী বলিলেন—“তা’ দিন। সেইসকালে এককাপ চা খেয়ে বেরিয়েছি, এখনও পেটে কিছু পড়ে নি।” নন্দ ভিতর হইতে একখালা খাবার ও ঠাণ্ডা জল লইয়া আসিল। তরুণী ধন্যবাদ দিয়া তাহার সদগতি করিয়া উঠিলেন। বাহিরে যাইবার পরই নরেন বলিল—“ওরে, মেয়েটা আমা-



যে ঠিকানা লিখে নিয়ে গেল, কি জানি কিছ  
আছে কি না। ওর নামটা রসিদেই দেখা  
কিন্তু ঠিকানাটাও জেনে নিলে হয় না?” সকলেই  
—“ঠিক।” নন্দ তাড়াতাড়ি রাস্তায় ছুটিয়া গিয়া  
বলিল—“আপনি ত আমাদের নাড়ী-নক্ষত্র জেনে  
নিজের ত কিছুই বলেন না। আপনার ঠিকানা?”  
—“বিদ্যাসাগর কলেজ—আই—এ, সেকেন্ড ইয়ার  
সমর—“সে ত হ’ল কলেজের ঠিকানা, আমাদের  
ঠিকানার বদলে আপনার কলেজের ঠিকানা দিলে  
কেন? বাড়ীর ঠিকানা কি?” তরুণী—“সাত নম্বর  
রা রোড।” নন্দ তাঁহাকে ধন্যবাদ দিয়া সকলকে  
বলিয়া দিল। একজন বন্ধু বলিল—“আচ্ছা,  
তাকা যে ভূমিকম্পে অভাবগ্রস্ত লোকের কাছে ঠিক  
ব, তা’ বিশ্বাস কি? আর একজন বলিল—“রসিদে  
‘অনাথ-সভা’র নাম আর ঠিকানা আছে, না হয় সেখানে  
দেখা যাবে।” নন্দ—“লোককে অত অবিশ্বাস কর  
যদি পেটের দায়ে মেয়েটা এই দুপুর রোদে ভিক্ষেই  
পাকে, তাতেই বা কি হয়েছে?” নরেন—“সেটা কিন্তু  
হবে। ভিক্ষে চাইলে অমন যুবতীকে আমরা নিশ্চয়  
দিতাম; তবে মিথ্যে ভূমিকম্পের নাম নেওয়া ভাল  
সকলেই আবার ‘গ্রাণ্ড প্ল্যানে’ মন দিল।

## দুই

চ-সাতদিন পরে নন্দ ‘অনাথ-সভা’র অফিসে  
তা। একটা ভদ্রলোক খাতাপত্র লইয়া হিসাবে ব্যস্ত  
। নন্দ তাঁহাকে নিজের রসিদ দেখাইয়া জিজ্ঞাসা  
—“মশায়, রেবা বোস যে ভূমিকম্পের টাকা আদায়  
কর, সে টাকা আপনি পেয়েছেন কি?” ভদ্রলোক  
রসিদ দেখিয়া বলিল—“না, এখনও টাকা পাই নি।  
চেকবই কুরিয়ে গেলে একেবারে সব টাকা জমা  
।” নন্দর মনে সন্দেহ হইল, হয় ত নরেনের কথাই  
তরুণী টাকাটা নিজেই বোধ হয় লইয়াছে।  
আবিষ্কারের জন্য নন্দ সাত নম্বর মাথাভাঙ্গা  
দিকে চলিল।

## তিন

রোড নামে অভিহিত হইলেও বাস্তবিক পক্ষে মাথা-  
ভাঙ্গা একটা গলি। নম্বর দেখিতে দেখিতে সাত নম্বর বাড়ীর  
সম্মুখে নন্দ পৌছিল। বাড়িটি ছোট, কিন্তু দেখিতে  
অতি স্বন্দর। উপরের জানালাগুলিতে বেশ ‘হেম-  
করা’ রঙ্গীন পরদা দেওয়া। সদর দরজা বন্ধ। তরুণী  
যে রূপ সজোরে নন্দর বাড়ীর দরজার কড়া নাড়া দিয়া-  
ছিলেন, নন্দ ততোধিক জোরে কড়া নাড়িতে লাগিল।  
উপর হইতে কোমল কণ্ঠের প্রশ্ন আসিল—“কেও?” নন্দ  
কি উত্তর দিবে ঠিক করিতে পারিল না। যদি বলে—  
“আমি নন্দ।” রমণী তাহাকে কি করিয়া চিনিবেন? কত  
লোকে টাকা দিয়াছে, প্রত্যেকের নাম কি তাঁহার মনে  
আছে? কাজেই নন্দ প্রশ্নের উত্তরে—“এই আমি”  
বলিতেই রেবা জানালা দিয়া মুখ বাড়াইয়া নন্দকে  
দেখিলেন এবং নীচে আসিয়া দরজা খুলিয়া নন্দকে  
জিজ্ঞাসা করিলেন “কি খবর?”

নন্দ—“এই এ রাস্তা দিয়ে যাচ্ছিলাম, ভাবলাম—  
একবার আপনার সঙ্গে দেখা করে’ যাই। আর খোঁজ  
করি ভূমিকম্পের জন্য কত টাকা আদায় করেন।”

রেবা—“আপনার রসিদটা দেখি।” নন্দ পকেট হইতে  
রসিদ বাহির করিয়া দিল। তিনি হাসিয়া বলিলেন—  
“আপনি ত খুব সাবধানী। এক টাকা টাকা দিয়ে সঙ্গে সঙ্গে  
রসিদটা নিয়ে ঘোরেন। ভয় হয়েছে বুঝি, টাকাটা আমি  
খেয়েছি কিনা।” নন্দ—“না—না—সেজ্ঞে নয়। আপনি  
যদি আমায় চিন্তে না পারেন, সেজন্য রসিদটা এনেছিলাম।”

রেবা—“আর লুকোচ্ছেন কেন? এখানে আসবার  
আগে ‘অনাথ-সভা’র অফিসে গিয়ে খোঁজ করেছেন—  
আমি যে টাকা নিয়েছি, সেটা জমা দিয়েছি কিনা।”

নন্দ আমতাআমতা করিতে লাগিল। রেবা বলিল—  
—“দেখুন, এইমাত্র সভার সেক্রেটারী আমাকে ফোন্  
করছিলেন যে, একশ’ চুয়াত্তর নম্বর রসিদের মালিক এসে  
জিজ্ঞাসা করছিলেন যে, আমি যে টাকা তুলেছি, সেটা জমা  
দিয়েছি কিনা।”

নন্দ অত্যন্ত লজ্জিত হইয়া বলিল—“কি জানেন,



বন্ধুদের মধ্যে কেউ কেউ আপনাকে সন্দেহ করছিল, সেইজন্তে আমি আপনার সততা সম্বন্ধে একটু খোঁজ করতে গিয়েছিলাম। আমার মন্দ উদ্দেশ্য ছিল না।”

নন্দর ছুরবস্থা দেখিয়া তরুণী বলিলেন—“থাক, ঢের হয়েছে, আর কৈফিয়ৎ দিতে হবে না। এখন দয়া করে’ ওপরে চলুন। আমাকে পেটপুরে খাইয়েছেন, সেটা কি আমি ভুলতে পারি।”

### চার

বাড়ীর ভিতর আসিয়া নন্দ দেখিল—একতালায় দু’টি ঘর। একটিতে এক ভদ্রলোক নিদ্রিত। উপরে তিনটি ঘর। বেশ পরিষ্কার, পরিচ্ছন্ন।

নন্দকে যে ঘরে রেবা বসিতে বলিলেন, সেটি বিলাতী ‘ড্রইংরুমের’ মত সাজান। তরুণী এক শ্রোতা স্ত্রীলোককে ডাকিয়া আনিয়া নন্দকে বলিলেন—“ইনি আমার মা।” আর নন্দকে দেখাইয়া মাকে বলিলেন—“ইনি নন্দবাবু। সেদিন চাঁদা তুলতে গিয়ে এঁরই বাড়ীতে খুব খেয়েছিলাম।” তারপর তিনজনে বসিয়া বাক্যালাপ করিতে লাগিলেন। রেবার মাতার উত্তরে নন্দ বলিল যে, সে এম-এ পাশ করিয়া আইন পড়িতেছে। কলিকাতায় বাড়ী। সংসারে একমাত্র বিধবা মা আছেন এবং তাহাদের সংসারের অবস্থাও সচ্ছল। নন্দও জানিল, রেবারা প্রবাসী, কলেজে পড়িবার জন্ত তাহার কলিকাতায় আসা। নীচে যে ভদ্রলোক নিদ্রিত অবস্থায় ছিলেন, তিনি রেবার গৃহশিক্ষক। খানিকক্ষণ পরে উঠিয়া গিয়া রেবা একথান্না মিষ্টান্ন আনিয়া নন্দকে খাইতে অহুরোধ করিলেন। বলা বাহুল্য, নন্দ হঠাৎ অহুরোধ রক্ষা করিল। কক্ষের একপাশে একটা আমেরিকান অর্গান দেখিয়া নন্দ রেবাকে জিজ্ঞাসা করিল—“আপনি কি গান করেন?” রেবা বলিলেন—“ই্যা—আজকাল গান না জানলে যে মেয়েদের শিক্ষাই সম্পূর্ণ হয় না।” নন্দর অহুরোধে রেবা গান গাহিলেন। নন্দ চক্ষু ও কর্ণ বিস্ফারিত করিয়া শুনি—শুনিয়া মুগ্ধ হইল। ভাবিতে লাগিল—এবার বুঝি চিরকুমার-ব্রত ভঙ্গ হয়। বিদায়ের সময় রেবা বলিলেন—“মাঝে

মাঝে আসবেন। তবে বিকেলবেলা আসবেন সন্ধ্যার পর বড় ব্যস্ত থাকি।” বলা বাহুল্য, অহুরোধে পুলকিত হইয়া ‘তথাস্থ’ জানাইয়া ফিরিল।

### পাঁচ

দুই মাস কাটিয়া গিয়াছে। নন্দর ‘কোর্ট’ খুব ক্ষিপ্ৰগতিতে চলিতেছে। একদিন বৈকি বাড়ী যাইবার সময় একটা গরুর গাড়ীর সন্নিবাহিসিকলে অকস্মাৎ ধাক্কা লাগায় তাহার গ পৌছিতে সক্ষ্য হইয়া গেল। বাড়ীর সম্মুখে আ ভাবিতে লাগিল—ভিতরে যাইবে কিনা। না ভাল; কারণ, রেবার গৃহকার্য্যে বিঘ্ন হইতে পা সক্ষ্যার পর আসিতেও ত নিষেধ ছিল। আবার এতদূর আসিয়াছে, আর যখন আজ আসিবার কথা তখন না হয় ক্ষমা চাহিয়া একবার দেখা করিয়াই এই ভাবিয়া কড়া নাড়িতে লাগিল। বৃদ্ধা মাজিতে মাজিতে উঠিয়া আসিয়া দরজা খুলি নন্দ তাহাকে জিজ্ঞাসা করিল—“তোমার দিদি করছেন?” ঝি বলিল—“একজন বাবু এসেছেন, সঙ্গে যা’ করেন, তাঁর সঙ্গেও তাই করছেন।”

নন্দ, বাবুর নাম জিজ্ঞাসা করায় বুড়ী বলিল—“নরেনবাবু।” নরেনের নাম শুনিয়া নন্দ স্তম্ভিত ঝিকে জিজ্ঞাসা করিল—“কতদিন থেকে নরেনবাবু আসছেন?” ঝি বলিল—“তুমিও যতদিন ধরে ও বাবুও ততদিন থেকে আসছেন। তুমি বিকালে আর উনি সন্ধ্যার পর আসেন।”

নন্দ দুঃখে ও রাগে ফুলিতে লাগিল। ভাবিল—গিয়া রেবার এই অদ্ভুত আচরণের কারণ জিজ্ঞাসা নরেনের সঙ্গে ঘনিষ্ঠ প্রবৃত্ত হয়। কিন্তু ভাবিয়া ও পরের বাড়ীতে একটা কাণ্ড হইয়া গেলে পরে অত্যন্ত হইবে। তখন সে রাগে ফুলিতে ফুলিতে রাত্তার নরেনের নিজমণের অপেক্ষায় পায়চারি করিতে



## ছয়

নন্দ যখন পথে পদচারণা করিতে করিতে অত্যন্ত ক্লান্তি অনুভব করিল, তখন নরেনকে রেবার বাড়ী হইতে বাহির হইতে দেখিল। একটু অন্ধকারে দাঁড়াইয়া নরেনের দিকে সে চাহিয়া রহিল। এই বন্ধুদ্বয়ের মিলন দুই ইঞ্জিনের ‘কলিসনে’র মত ভয়ঙ্কর হইয়া উঠিবার উপক্রম হইল। নরেন নিকটে আসিয়া নন্দকে দেখিয়া জিজ্ঞাসা করিল—“কি নন্দ, কোথায় যাচ্ছ?”

নন্দ—“আমি যেখানেই যাই, তুমি রেবার বাসায় কি করতে গিয়েছিলে? ছিঃ, তোমার ওপর অশ্রদ্ধা হ’য়ে গেল।”

নরেন—“এই যে টাদার টাকাটা দিয়েছি, সেটার কি খেঁজ করতে গিয়েছিলাম।

নন্দ—“তা’, দু’মাস ধরে’ ঐ এক টাকার খোঁজ হচ্ছিল? তুমি ভয়ানক মিথ্যাবাদী আর নীচ।”

নরেন—“বেশ করেছি, যদি রেবার বাড়ী দু’মাস ধরে’ গিয়ে থাকি, তোমার কি ক্ষতি করেছে?”

নন্দ—“ওরে গাধা, আমি যে দু’মাস ধরে ওর সঙ্গে কোর্টসিপ্ করছি।”

নরেন—“তবে নীচ তুমিও। তুমি যখন কোর্টসিপ করতে গিয়েছিলে, সে কথা কি আমাকে বলেছিলে? আর মেয়েটা কি দাগাবাজ! সেও ত কিছু বলে নি।”

ক্রমেই বাদামুবাদ উচ্চৈঃস্বরে হইতে লাগিল। একজন পাহারাওয়াল আসিয়া বলিল—“এ বাবু, তোমলোক ভদ্র আদমী, সড়কপরিবাহী কঁাহে তক্রার করতা ছায়, পাঁচ আইনমে গলান দেছে।” পাড়ার দুই-চারিজন লোকও বন্ধুদ্বয়ের বিবাদে তামাসা উপভোগ করিতেছিল। পাহারাওয়ালার আধিভাবে তাহারা ধীরে ধীরে সরিয়া পড়িল।

## সাত

আট-দশদিন তাসের আড্ডায় না যাইয়া নরেনের ডিসপেন্সিয়া হইবার উপক্রম হইল। এই সময়ের ভিতর কোন বন্ধুই রেবার বাসায় যাইতে সাহস করে নাই;

কারণ, সেখানে বন্ধুদ্বয়ের পুনরায় মিলন হইলে আইন-ভঙ্গ হইয়া যাইতে পারে। অনেক ভাবিয়া নরেন স্থির করিল—বাল্যবন্ধুর সহিত বিবাদের একটা আপোষ মীমাংসা করাই ভাল।

নন্দও তাসের আড্ডায় নরেনের অভাব বোধ করিতে-ছিল। হঠাৎ নরেন আজ আড্ডায় হাজির হওয়াতে নন্দ আশ্চর্য হইল! অগ্ন্যাগ্ন আড্ডাধারী জিজ্ঞাসা করিল—এত দিন নরেন অনুপস্থিত ছিল কেন? নন্দর ভয় হইল, হাটের মাঝে বুঝি নরেন হাঁড়ী ভাঙ্গিয়া দেয়। কিন্তু প্রত্যাশমতি নরেন বলিল—“শরীর ভাল ছিল না।” এই বলিয়া নন্দকে পাশের ঘরে লইয়া গিয়া বলিল—সে ভাবিয়া স্থির করিয়াছে যে, একটা স্ত্রীলোকের জন্ত বাল্যবন্ধুর সহিত মনোমালিগ্ন রাখা উচিত নয়; “অথচ, রেবার মত রত্ন দুই বন্ধুর ভিতর একজনেরই লাভ হওয়া উচিত। দুই মাস পরিশ্রমের ফলে তাহাদের দুইজনেরই আইনের পড়া অনেক পড়িয়া গিয়াছে। কয়দিন ভাবিয়া সে এই জটিল ব্যাপারের এক সহজ সমাধানের পন্থা ঠিক করিয়াছে; অর্থাৎ, দুইবন্ধু একসঙ্গে গিয়া রেবাকে জিজ্ঞাসা করিবে—তিনি কাহাকে সত্যি ভালবাসেন। কারণ, এ ব্যাপারে বন্ধুদের অপেক্ষা রেবারই দোষ বেশী। যাহাকে বেশী ভাল কি সত্যি ভালবাসেন, তিনি তাহাকেই বাসায় প্রবেশাধিকার দিলে সকল দিক্ দিয়াই মঙ্গল হইবে, আর বন্ধুদ্বয়ের মনেও আক্ষেপের কোন কারণ থাকিবে না। নরেনের এই সমাধান নন্দের যুক্তিসঙ্গত মনে হইল। স্থির হইল যে, সেই দিনই সম্মুখাবেলা দুই বন্ধু এই মোকদ্দমার মীমাংসার জন্ত রেবার বাড়ী যাইবে এবং তাহার চিন্ত-সাগর মন্বন করিয়া দেখিবে, কাহার ভাগ্যে গরল এবং কাহার ভাগ্যে সুখা উঠে।

## আট

গোধূলি-লগ্নে দুই বন্ধু রেবার বাড়ীর দিকে যাত্রা করিল। পথে যাইতে যাইতে স্থির হইল যে, নন্দ যখন রেবার বাড়ী আগে গিয়াছে, তখন সে তাহার বন্ধুতা



আগেই করিবে। সে সময় নরেন কথা কহিতে পারিবে না। সেইরূপ নরেন যখন তাহার প্রার্থনা জানাইবে, তখন নন্দও বোবার মত চুপ করিয়া বসিয়া থাকিবে। শেষে রেবা রায় প্রদান করিবেন। এই কার্য-তালিকা স্থির করিতে করিতে দুইজনে রেবার বাড়ীর সম্মুখে উপস্থিত হইল। কড়া নাড়িবার পর বুড়ী ঝি আসিয়া দরজা খুলিয়া বন্ধুদের দেখিয়া নাসিকা ও দ্রুত কুঞ্চিত করিয়া বলিয়া উঠিল—“ও মা, এতদিন পরে তোমরা কোথেকে!” নন্দ—“কাজে ব্যস্ত ছিলাম। তাই আসিতে পারি নি। দিদিমণি কি করছেন?” ঝি—“ও মা, তাও বুঝি জান না? দিদিমণি ত পরশু খণ্ডর-বাড়ী গেছে।” নরেন—“সে কি! তোমার দিদিমণি ত বল-তেন তিনি কুমারী।” ঝি—“হাঁ, হাঁ, বিয়ের আগে সব মেয়েই ত কুমারী থাকে।”

নরেন—“তোমার দিদিমণির আবার বিয়ে কবে হ’ল?”

ঝি—“ও মা, কি হবে গা! এই আজ চারদিন হ’ল। তোমাদের বুঝি পস্তর দেয় নি?”

দুই বন্ধু একেবারে অবাক! নরেন জিজ্ঞাসা করিল—  
“কার সঙ্গে বিয়েটা হ’ল?”

ঝি—“ঐ যে বাবুটা দিদিমণিকে পড়াতেন, আ এখানে থাকতেন—তার সঙ্গে।”

নরেন—“দেখ নন্দ, আমাদের দু’মাসের পরিশ্রম কি রকম বৃথা হ’ল!”

বুড়ী ঝি দম্ভবিহীন মুখমণ্ডল বিস্তারিত করিয়া হাসিয়া বলিল—“ও, তোমরা দু’মাস খোসামোদ করেই মেয়ে মন পাবে ঠিক করেছিলে—আর ওই মাষ্টারবাবু দু’বছর মাইনে না নিয়ে পড়িয়েছে আর খোসামোদ করেছে। তাঁ ত বক্শিস চাই।”

এই বলিয়া হাসিতে হাসিতে বুড়ী দরজা বন্ধ করি-  
দিল।

পথে আসিতে আসিতে নন্দ বলিল—“তা’, আমাদের চাঁদার টাকার গতি কি হ’ল, সেটা না হয় একবার ‘অনা-সভা’র অফিসে গিয়ে খোঁজ করা যাক।”

নরেন রাজী হইল না। বলিল—“থাক, আর দরকা নেই। ওই চাঁদা দিয়েই ত আমাদের এত লাভনা।

চরুচন্দ্র মুখোপাধ্যায়





## এম্‌নিই হয়

শ্রীবৈদ্যনাথ কাব্য-পুরাণতীর্থ

খাসা এক পশলা ঝুটি হ'য়ে গরম কেটে গেছে।  
আষাঢ়ের সকাল। না শীত, না গ্রীষ্ম—বেশ উপভোগের।  
সরোজ বসেছিল—তার ঘরের সামনে ছাদের উপর।  
নীচেই নিকটে একটা ফুলের বাগান। স্নিগ্ধ সজল হাওয়া  
তারই গন্ধ বহন করে' সরোজকে মাতাল করে' তুলেছিল।  
ইজিচেয়ারে হেলান দিয়ে আধশোওয়াভাবে সে আপনার  
মনে হাসছিল।

মল্লিকা এসে ডাকল—“বলি চা-টা খাবে কি?”

চেয়ার থেকে না উঠেই ঘাড় ফিরিয়ে সরোজ বলল—  
“নিশ্চয়—নিশ্চয়!”

—“তবে ওঠ” বলে' এগিয়ে এসে মল্লিকা স্বামীর  
মুখের পানে চেয়ে বলল—“ও কি! তুমি আজ আপন-মনে  
অত হাসছ কেন?”

—“হাসছি।” বলেই কথাটা সরোজ ঘুরিয়ে নিল—  
“তুমি রয়েছ সামনে। আমি কি আর না হেসে পারি?”

মল্লিকা একটু বিরক্তির ভান করে' বলল—“কেন,  
আমি কি সঙ—তাই আমাকে দেখে অত হাসছ?”

—“আহা! ঠোঁট ফুলোও কেন? তোমাকে যদি সঙ  
বলি, আমি কি হই?”

সরোজের কথায় মল্লিকা বেশ খুসিই হ'ল। মনে মনে  
হার স্বীকারও করে' নিল। হাসি চেপে বলল—“সত্যি বল  
না, কেন হাসছ?”

মুখের হাসিকে চোখে বদলি করে' সরোজ বলল—  
“নেহাতই শুন্তে হবে? আচ্ছা শোন—চামেলীকে নেমস্তন্ন  
করতে হবে।”

—“তা'তে আর হাসির কি আছে?” তারপর মল্লিকা  
একটি ছোট দীর্ঘনিশ্বাস কেলে বলল—“আহা! তাকে  
আর কেন?”

বাধা দিচ্ছে সরোজ বলল—“সেও হাসবে।”

ছুংখের সুরেই মল্লিকা উত্তর দিল—“তার হাসি যে  
আটকে গেছে।”

—“খুলে যাবে—খুলে যাবে!”

মল্লিকা বলল—“হাসলেও সেটা প্রাণের হাসি  
হবে না।”

সরোজ বলল—“তা' না হোক, তবু সেটা হাসি। তাকে  
নেমস্তন্ন করে' পাঠাও, সেও হাসবে—হ্যাঁ, তাকেও হাসতে  
হবে। না হেসে কি শেষকালে মারা যাবে?”

### ছুই

চামেলী আর মল্লিকা মায়ের পেটের ছুই বোন।—  
পিঠোপিঠি, কাজেই ভাবটা ঠিক সময়সী সখীর মত।  
কিন্তু অদৃষ্টের পরিহাস রোধ করবে কি করে'? ছুই  
জনেরই ভাল ঘরে ভাল বরে বিয়ে হ'লেও ফল এক হ'ল  
না। মল্লিকা স্বামী-সৌভাগ্যবতী হ'ল। সামান্য একটু  
কারণে চামেলীর স্বামী তার সঙ্গে সমস্ত সম্বন্ধ ত্যাগ করল।

চামেলীর স্বামী' রমণীমোহন লোক মন্দ নয়। তবে  
কবি মানুষ—কিছু খেয়ালী। একটুতেই তার মন মুসড়ে  
পড়ে' বুক ভেঙে যায়। সহিষ্ণুতা বলে' কিছু তার ছিল না।  
তুচ্ছ কারণেই স্বপ্নর-নন্দিনীর সঙ্গে সঙ্গে স্বপ্নর-বাড়ীর সহিত  
সে অসহযোগ করে' বলল।

প্রায় বছর তিনেক আগে—তখন চামেলীর বয়স বারো  
কি তেরো, তার ভাই তাকে নিতে এসেছিল বাপের বাড়ী  
থেকে।

রমণী বালিকা চামেলীকে প্রশ্ন করল—“আমাকে ফেলে  
চলে' যেতে তোমার মন কেমন করবে না।”

রমণী যা' শুনবে আশা করেছিল—সাধারণ নায়িকারা  
এ সব সময়ে যা' বলে' থাকে—চামেলী তার কিছুই বলল  
না। সে শুধু বলল—“না, একবার ঘুরে আসি।”



রমণী তবু আশায় বুক বেঁধে আবার প্রশ্ন করলে—  
“আমায় ছেড়ে থাকতে তোমার কষ্ট হবে না?”

এবার আশার ফল ফলল বটে, কিন্তু মন ভরল না।  
চামেলী বলল—“হ্যাঁ, মন একটু খারাপ হবে। কিন্তু  
দাদা যখন নিতে এসেছেন—তুমি আর অমত করে না।  
অনেকদিন বাপের বাড়ী যাই নি।”

রমণীর কবি-কোমল হৃদয় ব্যথিত হ’য়ে উঠল। তার  
জন্তে মন খারাপ—শুধু ভদ্রতা হিসাবে—কিন্তু আন্তরিক  
টান তার বাপের বাড়ীর উপর। সে একবার ভেবে  
দেখল না—সেইটেই যে স্বাভাবিক। যেখানে জীবনের  
অধিকাংশ সময় কাটান গেছে, যেখানে অনাবিল স্নেহ  
প্রথম জীবন হ’তে আজ পর্য্যন্ত সমানে পেয়ে আসছে,  
সেখানকার প্রতি যদি আন্তরিক টান না হয়, সেটা ত  
অকৃতজ্ঞতার লক্ষণ।

কথা সেদিন এই পর্য্যন্ত হয়েছিল। তারপর যাওয়ার  
আগে কিশোরী চামেলী স্বামীকে প্রণাম করে’ আর একবার  
বিদায় চাইল। এবারে রমণীর অভিমানে ব্যথিত চিত্ত  
আর বাধা দিল না। এই ঘটনায় যে কালো মেঘের সৃষ্টি  
হ’ল, আর একদিনের এই রকম আর একটি ছোট ঘটনায়  
তার থেকে বর্ষণ দেখা গেল। ফলে রমণীদের বাড়ী থেকে  
বেচারী চামেলী ভেসে চলে’ যেতে বাধ্য হ’ল—বাপের  
বাড়ীতে।

তখনও পূর্বের ঘটনার মাস কেটে যায় নি। রমণী  
চামেলীকে নিতে এসেছে। ছোট একটি মেয়ে, মাত্র  
কয়দিন বাপের বাড়ী এসেছে, এরই ভিতরে ফিরিয়ে নিয়ে  
যাওয়ার তাড়া সকলের ভাল ঠেকল না। চামেলীর বাবা  
বলে’ ফেললেন—“বাবা, তোমার বাবার কি দু’দিনও সবু  
সইল না? মাত্র আজ ক’দিন এসেছে—এরই ভিতরে  
নিতে পাঠালেন?”

রমণী শব্দের কথার কোনও উত্তর দিল না। কিন্তু  
সে মনে মনে চটল। ব্যাপারটা হচ্ছে—তার বাবার  
হয় তো সবু সইত, কিন্তু সবু যে তারই নয় না।

এর উপর আবার রাতে চামেলী নিজেও আরো  
কিছুদিন তাকে বাপের বাড়ী রাখবার জন্য রমণীর নিকট

জিদ ধরল। রমণী প্রশ্ন করল—“কই, তোমার দিদি তো  
বাপের বাড়ী থাকে না?”

অজ্ঞাতসারেই চামেলীর মুখ থেকে বার হ’ল—“আগে  
দিদির মত হই, আমিও বাপের বাড়ী থাকবো না।”

রমণী আর কিছুই বলল না। অভিমান-ভরে সে চলে’  
গেল। চামেলী ভাবল—দেখা হ’লে সাধলেই রাগ পড়ে’  
যাবে।

### তিন

কিন্তু সেই দেখাটা আর হ’ল না। রমণীর বাবা  
আর চামেলীর বাবার মধ্যে একটু মনের অমিল পূর্ব  
হ’তেই ছিল, এইবার সেটা রমণী ও চামেলীর ভিতরে  
প্রকাশ পেল। কাজেই ব্যাপারটা সুরু মোটা ছোটো তারে  
জড়িয়েই গেল।

এদিকে চামেলী তার দিদির মত বয়সও পেল, দিদির  
মত মনোভাবও তার গড়ে’ উঠল; অথচ, তাকে বাপের  
বাড়ীই থাকতে হ’ল এবং সে তার জন্তে দিন দিন ব্যথিতও  
হ’য়ে উঠল।

সমবয়সী সখীদের ভিতরে দু’-একজন তাকে রমণীকে  
চিঠি লিখতে বলল। কিন্তু তা’ সে পেরে উঠল না।  
খোসামোদ করে’ নিজের স্থান সংগ্রহ করে’ নেওয়া, আর  
যেচে অপমান স্বীকার করা, দুই-ই এক কথা। ছি ছি!  
তাও কি কখনো হয়? না—যে স্বামী তার মনের কথা  
না বুঝে মুখের বলাটাকেই বড় করে’ নিলেন, তাঁর কাছে  
সে নত হ’তে পারে না।

রমণীর মা ছেলের পুনরায় বিয়ে দিতে চান। রমণী  
অবশ্য সে বিষয়ে কোন কথাই বলে না। তার মন আর  
নতুন বিয়ে করতে চায় না। বিয়ের কথা উঠলেই তার  
চামেলীর সেই ছোট্ট কচি স্নন্দর মুখখানি মনে পড়ে।  
ব্যথায় বুকটা টনটন করে’ ওঠে। ছি ছি, সে করেছে  
কি! হাতের লক্ষী পায়ে ঠেলেছে! সে বাপ মার কাছে  
লজ্জার মাথা খেয়ে চামেলীকে নিয়ে আসার প্রস্তাব করতে  
পারে না, আবার বিয়েতেও অমত করে না। ভরসা—  
যদি তার বিয়ের কথা শুনে তার শব্দের চামেলীকে তাদের



বাড়ী রেখে যান। বিয়ের আলোচনায় তার ভরসা ছিল—কিন্তু তার বাপ বিয়ের কথায় রাজী হন না। তাঁর অবশ্য অল্প উদ্দেশ্য ছিল। এই জীবিকা-সমস্যার দিনে একজনের দুই বিয়ে কিছুতেই করা উচিত নয়। চিরদিন কখন ফল থাকে না। তার ফলে দুই বোয়ের ছেলেপুলে হ'তে আরম্ভ করলেই চক্ষুস্থির! তাদের মাহুষ করে' তুলতে আর বিয়ে দিতেই সর্বস্বাস্থ্য। যদি স্বীকার করেও নেওয়া যায়—বিবাদ চিরদিনের মতই রয়ে যাবে—তা' হলেও মাসোহারা টানতে হবে। মাস-মাস মাসোহারা টানাটাও হজ বা প্রীতিপ্রদ নয়। তার চেয়ে কিছুদিনের পর চামেলীর বাপ আপনিই দাঁতে কুটো করে' মেয়ে রেখে গুয়ার পথ পাবেন না। তিনি সেই ভরসাতেই আছেন।

### চার

চামেলী আর মল্লিকা গল্প করছিল। অনেকদিন রে দুই বোনের দেখা। সুখ-দুঃখ, হাসি-কান্নার অনেক ছুই গল্পে চলছিল। এমন সময় সরোজ সেখানে প্রবেশ করল কণ্ঠে সুরের লহর তুলে—

“সন্ধ্যাবেলার চামেলী আর সকাল বেলার মল্লিকা,  
আমায় চেন কি?”

চামেলী পাদপূরণ করে' দিল—

“আমি পথভোলা এক পথিক এসেছি।”

সরোজ হেসে বলল—“এ কিন্তু ‘পথভোলা পথিক’  
।। মাঝে মাঝে মল্লিকা-কুঞ্জে এর দেখা পাওয়া যায়।  
কি—”

অকুটি করে' মল্লিকা বলল—“খামো! কি যে বলো  
খামুও কিছুই যদি ঠিক থাকে।”

চামেলী জিজ্ঞাসা করল—“হাতে ওটা কি দাদাবাবু?”

গভীর-কণ্ঠে সরোজ বলল—“এটা একটা পর্দা।”

হঠামির হাসি হাসিয়া মল্লিকা বলল—“তা'তো  
কিটেই পাচ্ছি। ওতে কি হবে?”

—“হবে গো, হবে—অনেক কিছু হবে।” বলে' সরোজ  
তে লাগল। বিরক্তি-পরিপূর্ণ-স্বরে চামেলী বলল—  
দাদাবাবুর বয়স হচ্ছে, তবু এই বুড়োবয়সে এত ঢঙ-ও  
কি?”

মুখের কথা কেড়ে নিয়ে সরোজ বলল—“বুড়ো আমি  
হ'তে যাব কেন? বুড়ো হোক তোমার সেই বেরসিক,  
অবলা অত্যাচারী—বিভ্রমবিলাসী রমণীমোহন। যার কুঞ্জে  
কোনদিন কোনও বসন্তের কাকের সাড়া—কোনও শ্রাবণের  
জোয়ার ধারা আসে নি।”

মল্লিকা একটা তীব্র কটাক্ষ করল। যেন সে মহা-  
দেবের কটাক্ষে কামদেবের মত সরোজকে ভস্ম করতে  
চায়। সরোজ তা' গ্রাহ্যও করল না, মুখ টিপে-টিপে  
হাসতে লাগল।

চামেলী আবার বলল—“বলুনই না, পর্দার কি হবে?”

সরোজ উত্তর দিল—“তোমরা মেয়েমাহুষের জাতটা  
কি রাশ পাতলা বলো তো? একটা কথা শুন্তে ইচ্ছা  
হয়েছে, আর একটুও স্বর সহিছে না—ওটা এই  
দরজাটাতে দিতে হবে।”

একটা ইঙ্গিতের, হাসির আড়াল দিয়ে মল্লিকা বলল—  
“এতদিন পরে আবার ও খেয়াল হ'ল কেন?”

—“শোন, কাল আমার জনকতক বন্ধু এখানে থাকেন,  
তাঁরা এলে গ্রামোফোনে গান দিতে হবে। পর্দানশীন  
চামেলী বিবি পর্দার অন্তরালে বসে' গান করবেন, আর  
আমি স-বন্ধু এই বারান্দায় বসে' সেই গানের রস উপভোগ  
করবো।”

—“ওঃ! এই জগে সাত তাড়াতাড়ি আনা হ'ল।”  
বলে' মল্লিকা হঠাৎ উঠে গেল।

সরোজ কাগজ কলম নিয়ে নিমজ্জিতের ফর্দ করতে বসে'  
গেল। ফর্দে রমণীর নামও বদ পড়ল না। এবং তাকে  
বিশেষ করে লিখল—“যদিও তুমি আমাদের সঙ্গে সমস্ত  
বন্ধন ছিন্ন করেছ, তবু লিখছি—কাল সন্ধ্যায় রবীন্দ্রনাথ  
অমুগ্রহ করে' এখানে কবিতা ‘রিসাইট’ করবেন—তোমার  
আসা চাই-ই।”

### পাঁচ

সঙ্গীহীন জীবন আর রমণী বইতে পারছে না। সে  
ক্রমেই শ্রান্ত হ'য়ে পড়ছিল। কি যে তার হারিয়েছে—কি  
যে তার নেই—সে তো তা' জানে—তবু তাকে কিরিয়ে



নিতে পারছিল না। বাধা দিচ্ছিল তা'তে সঙ্কোচ, অদম্য লজ্জা আর পুরুষত্বের অভিমান।

কিছুই তার ভাল লাগে না। আলমারি থেকে বাধান খাতাখানা টেনে নিয়ে নিজেরই লেখা কবিতার দু'টি লাইন পড়ল—

“এমনি মধুর রাতে সুখ-স্বপ্নিত যায় যায়,

বঁধু মোরে বলেছিল—কাল যাব কালনায়।”—

কিন্তু আর ভাল লাগল না। দু'লাইন পড়েই খাতা-খানা টান দিয়ে টেবিলের উপর ফেলে দিল। তারপর আপনার মনকে শুনিয়েই যেন অস্পষ্টস্বরে বলে' উঠল—  
“না, আর পারা যায় না।”

তার মনও যেন বলে' উঠল—আচ্ছা, এক কাজ করলে হয় না? সরোজের কাছে যাও। তার হাত-পা ধরে' বলো গে—আর যে পারছি নে দাদা! তুমিই এর একটা বিহিত করো।

এমন সময় পিয়ন এসে বলল—“বাবু চিঠি?”

চিঠি পড়েই রমণীর বুকখানা আনন্দে নেচে উঠল। ঘড়ি দেখল—পঁচিশ মিনিট পরেই একখানা ট্রেন আছে। জামা গায়ে দিয়েই সে রাস্তায় এসে দাঁড়াল। সেই সময় একখানা ট্যাক্সি মোড় ফিরছিল। সে তা'তে চেপে বসে' বলল—“চালাও—হাওড়া স্টেশন।”

সরোজের বাড়ী বালি। রবীন্দ্রনাথ যে কেমন করে' হঠাৎ বালিতে কবিতা আবৃত্তি করতে সম্মত হ'লেন, তা' ভেবে দেখবার অবসর তার ছিল না। টিকিট কেটে ট্রেনে চেপে বসে' সে মনে মনে তর্জমা করতে শুরু করে' দিল—সে কি করে কথাটা সরোজের কাছে পাড়বে।

**ছয়**

আকাশে মেঘে ভরা।

সন্ধ্যার আলো জলে উঠেছে। আসর জম্জমাট। বন্ধুরা প্রায় সবাই এসেছেন। বাইরে খোস-গল্প চলছে।

পর্দার ভিতরে চামেলী গ্রামোফোনের তোড়জোড় সব ঠিক করছিল।

বাইরে তখন বৃষ্টি নেমেছে। চামেলী গ্রামোফোনে দম

দিচ্ছিল। সেই শব্দে রমণী সজাগ হ'য়ে উঠল। তবে কি রবীন্দ্রনাথ কলে আবৃত্তি করবেন? তাই এই যবনিকা? এ যড়যন্ত্র! সে আর থাকতে পারল না, সরোজকে প্রশ্ন করল—“আচ্ছা, ও-ঘরে যদি ঠাকুর-ম'শায় আছেন—তবে পর্দা টাঙানো কেন?”

সরোজের হাসি ঠেকানোই অসম্ভব হ'য়ে উঠল। তবু সে অনেক কষ্টে নিজেকে সংযত করে' বলল—“লোকের সামনে তিনি আজকাল আবৃত্তি করেন না। তার উপর সব চেয়ে বড় কথা—তিনি পত্নী-ত্যাগীকে দেখা দেন না।”

রমণী সরোজের কথা বিশ্বাস করতে পারল না। সে পর্দা ঠেলে ঘরে প্রবেশ করল। ঠিক সেই সময় চামেলী রেকর্ডে পিন দিল। ঠাকুর কবির অনবদ্য কণ্ঠের আবৃত্তি শোনা গেল, আর সঙ্গে সঙ্গে আষাঢ়ের আকাশের বাঁ ভেঙ্গে জলের বান ভেসে এল—

“বহুদিন হ'ল কোন্ ফাস্তনে

ছিহ্ন আমি তব ভরসায়।

এলে তুমি ঘন বরষায়।”

এই অপ্রত্যাশিত মিলনের জন্ম তারা কেউ প্রস্তুত ছিল না। ঘন বরষার আসা তাদের চিরস্বপ্নী ভরসা সত্য করে' তুলল। তারা ভুলে গিয়েছিল, বাইরের অনেক গুলি লোক তাদের এই মিলন উপভোগ করছে।

আবৃত্তি থেমে গেছে। পিন তার অধিকারের বাইরে পড়ে' ঘ্যার্‌ঘ্যার করছিল। বাইরে থেকে ডেকে সরো বলে' উঠল—“আবৃত্তি: কিন্তু অনেকক্ষণ থেমে গেছে।”

সঙ্গে সঙ্গে সে ঘরে ঢুকে সুর করে' বলে' উঠল—

“সন্ধ্যাবেলার চামেলী গো, সকালবেলার চামেলী

তোমার হ'ল কি?

লাজ-সমুচিত কণ্ঠে রমণী বলল—

“আমি পথভোলা এক পথিক এসেছি।”

বাইরে হাসির হাঙ্গামা এবং পাশের ঘরে চাপা হাসি গুলন শোনা গেল।

**বৈদ্যনাথ কাব্য-পুরাণতীর্থ**



# অনুভূতি

## শ্রীপাঁচুগোপাল মিত্র

বীণা আমার উপর রাগ করিয়াছে...আর আমার উপর রাগ করিয়াই আমার জ্ঞাত বালিশের ঝালুর দেওয়া গাড়া তৈয়ার করিতে আরম্ভ করিয়া দিয়াছে। ওর রাগ দেখিয়া আমি মজা পাই, আমার হাসি লাগে।...

ও যখনই আমার উপর অভিমান করে, আমার যাহা প্রিয় সেই কাজগুলিই করিতে চায়।

একদিন যেমন—

কতদিন ধরিয়া বলিয়াছিলাম—আমার পড়ার ঘরটা গুছাইয়া দিতে।...গুছাইয়া রাখিতে আমি কোনদিন পারি না।...এলোমেলো, ওলট-পালট হইয়া পড়িয়া থাকে, অথচ দরকারের সময় তখনচ করিয়া সমস্ত ঘর খুঁড়িয়া ফেলিবার জোগাড় করি; তবুও কাজের জিনিষ খুঁজিয়া পাই না। কিন্তু সে স্বভাব আমার কোনদিনও শোধরাইল না।

যাই হোক, আমার কথার উত্তরে ও সবেগে ঘাড় গুটিয়া বলিয়াছিল, আমার দ্বারা হবে না। মাগো, এত নাংরা মানুষ থাকতে পারে! তোমার ও 'ডাষ্টবিন' আমি ঘাঁটতে পারবো না।

ওর আলগা বাঁধা মাথার চুলগুলো ঘাঁটিয়া আলুথালু করিয়া দিয়া বলিয়াছিলাম, তুমি তো আমার ঘরের রাণী—আমার 'ডাষ্টবিন'-টাই না হয় একদিন সাফসুফ করে তোমার খাস্কামরা বানিয়ে দিয়ে এলে। বীণা উত্তর দিয়াছিল, আমার দায় পড়েছে। আজ গুছিয়ে দিই, আর গল তুমি সব জঞ্জাল করে এসো। দরকার কি বাপু আমার বাজে পরিশ্রম করে।

অথচ ওর ঘরটায় দেখো—

সাজানো-গোছানো। চমৎকার ধবধবে পরিচ্ছন্ন ঘরানাটি। ঘরের মেঝে, দেয়াল, ছাতের সিলিং পৰ্য্যন্ত একটু ধুলো ঝুল নাই। ড্রেসিং টেবলে চুলের দড়ি

থেকে চিরুণী, স্নো, পমেড, হেয়ার অয়েল, পাউডার, সেন্ট্‌দিব্যা সাজানো। দেয়ালে ছবি, বারান্দায় ফুলের টব—সব তক্তকে পরিষ্কার।

আলমারীর বই, রাইটিং টেবলের প্যাড, কালী, লেটার পেপার, এনভেলাপ্‌কোনটাই ওলট্‌পালট্‌ নাই।

সত্য কথা বলিতে কি, দেখিলেই চোখ জুড়াইয়া যায়।

আমাকে তো কিছুতেই হাত দিতে দেয় না। যা দরকার—চাহিয়া লইতে হয়।...

যাই হোক, সেদিন বিকালবেলায় বেড়াইয়া আসিয়া আমার ঘর খুলিয়া দেখি, রাগের চোটে বীণা আমার ঘর পরিষ্কার করিয়া দিব্য সাজাইয়া গিয়াছে—এমনিই সুন্দর করিয়া যে, আমার মনে হইয়া গেল একটা কবিতা লিখিয়া ফেলি; কিম্বা বসিয়া বসিয়া গান গাহি—যদিও দুইটার কোনটাতেই আমার আদপেই দখল নাই।

বীণার আজিকার রাগের কারণ আমি ওর সঙ্গে সারা-দিন মিশি নাই। ছপুর্বে আমার এক বন্ধু আসিয়া ছিল, তাহাকে লইয়া মাতিয়াছিলাম। তারপর দু'জনে সিনেমায় গিয়া তাহাকে 'গুড্‌নাইট' করিয়া রাত্রি সাড়ে নয়টার পরে বাড়ী ফিরিয়া দেখি প্রিয়া আমার ঠোট ফুলাইয়া বসিয়া আছেন।

খেয়াল হইয়া গেল—রাগের কথাই বটে। সারাদিন তো দূরের কথা, রোজ বিকালে ওর সাথে যে বেড়াইতে যাই, তাও আজ হয় নাই।

কৈফিয়ৎ কাটাইতে বলিলাম, অনেকদিনের দেখা—তারপর ওই-ই জোর করে ধরে নিয়ে গেল—তাই আর এড়াতে পারলুম না। তারপর একটু হাসিয়া বলিলাম, আর তোমার সঙ্গে তো সমস্ত রাতটাই পড়ে আছে।

একটা ঠোটও নড়িল না, উপরন্তু ওর মাথাটা আরও



মনোযোগের সহিত নীচু হইয়া গেল বালিশের ওয়াড়ের ওপর—যেখানে দুটো লতা বুনিয়া তাহারই ভিতর আমার নামের প্রথমার্ধ ও বসাইতেছিল—মণি। বলিলাম, এত যত্ন ক’রে নামটা বসান, ত্রুণে কি কোথাও যদি ওই বালিশ নিয়ে আমি ঘুমোই—যারা আমায় চেনে না তারা ভাববে মণি বুঝি আমারই প্রিয়তমার নাম।

তবুও কোন উত্তর না পাইয়া অবশেষে মনে মনে হাসিয়া ওর ড্রেসিং টেবলের কাছে গিয়া চিরুণীটা হাতে তুলিয়া লইয়াছি, ও ধড়মড় করিয়া আসিয়া আমাকে সরাইয়া দিয়া বলিল, ব’লেছি কোনদিন ওসবে হাত দিও না, তবু দেবে।

আমি একেবারে বিছানায় গিয়া শুইয়া পড়িলাম। তারপর বলিলাম, ও তুমি আছো—আমি এত কথা ব’লছিলাম, কিন্তু কেউ উত্তর দেয় না দেখে ভাবছিলাম—ঘরে বুঝি লোক নেই।

ইহার উত্তরে শুনিলাম, ঠাকুর খেতে দাও।

বুঝিলাম আজিকার মানের পালা সহজে তো যাইবেই না, আর রাত্রিটাও সম্ভবতঃ চুপচাপ ঘুমাইয়া কাটিবে।

মনে মনে বন্ধুবরের উপরও রাগ হইয়া গেল। কেনই বা সে আমায় সিনেমায় টানিয়া লইয়া গেল।

ঠাকুর রোজকার মত দু’জনের খাবার একসঙ্গেই দিয়া ছিল। আজ কিন্তু একজনকেবল পাশে থাকিয়া আমার খাওয়ার তদারকে রহিল, আর আমি চুপচাপ খাইয়া চলিলাম।...

একই বিছানায় দু’জনে শুইয়া—অথচ অভিমানিনী প্রিয়া আমার মাঝখানে একটা মস্ত পাশ বালিশ দিয়া আমাদের দু’জনার সংস্পর্শের অবরোধ গড়িয়া দিয়াছে, যেটা অল্প অল্পদিন অনাবশ্যক বোধে ও নিজেরই দূরে সরাইয়া দেয়। মান-ভঞ্নের পালা আমারই। বলিয়া চলিলাম, আমি জানি আমার বীণ আমায় সারাদিন না পেয়ে কত দুঃখ পেয়েছে। কিন্তু ভাই, আমি কি ইচ্ছে ক’রে তোমায় কষ্ট দিই! ঘটনা-চক্রে হ’য়ে যায়। এই দেখো, তুমিও তো মাঝে মাঝে এক-একদিন তোমার

বন্ধুদের নিয়ে গল্প-গুজব কর, তাদের বাড়ী বেড়াতে যাও—

কোন উত্তর পাইলাম না। ও দেয়ালের ধারে কাত হইয়া শুইয়া রহিল।...

বলিলাম, যাক্ গে—কাল দু’জনে ‘রূপবাণী’তে যাওয়া যাবে। নতুন ফিল্মটা দেখে আসা যাক্—কি বল?

তারপর ওর দিকে ফিরিয়া ওর গায়ে হাত দিলাম—ইচ্ছা, ওকে আমার দিকে টানিয়া ফিরাইব।

শুনিয়াছি, গোখরো কি কেউটে সাপের লেজের পা দিলে তাহার সবেগে মাথা চাড়া দিয়া ফুলিয়া উঠে। দেখি নাই, কিন্তু দেখিলাম। (তাদেরই মত বোধ হয়) লাফাইয়া উঠিয়া বিছানায় বসিয়া বীণা আমার দিকে চাহিয়া বলিল, তোমার মতলবখানা কি, আমায় ঘুমুতে দেবে না?

বলিলাম, কোনদিনই তো এত সকাল সকাল ঘুমোও না। বলিল, না চৌপোর রাত কেবল তোমার সঙ্গে মাতামাতি করি। হাসিয়া বলিলাম, সেটা তো আর আইন-বিরুদ্ধ নয়, আর তোমার আমার বয়েসের কারো অবাক্তনীয়ও নয়।

বলিল, তোমার সঙ্গে আমার বাজে বকবার ক্ষমতা ও প্রবৃত্তি দুই-ই নেই। দোহাই তোমার, আমায় আর বিরক্ত করো না।...তারপর পুনরায় সেইভাবেই শুইয়া পড়িল যেভাবে শুইয়াছিল।

হাল ছাড়িয়া দিলাম। বুঝিলাম, সহজে আজ আর রাগ কাটিবে না। মনকে প্রবোধ দিলাম, আমাকেও রাগ করিতে হইবে; দরকার নাই খোসামোদ করিয়া।...

পরদিন সকালবেলা ঘুম ভাঙিয়া দেখিলাম—আমার শয্যা-সজ্জিনী নিত্যকার মতই আগে আগে বিছানা ছাড়িয়া গিয়াছে। উঠিয়া মুখ ধুইয়া খবরের কাগজ হাতে লইতেই চাকর চায়ের টেবিলে চা আনিয়া দিল, কিন্তু চা ঢালিবার নিত্যকার সাথীটি আসিল না। মধুই চা ঢালিতেছিল। বলিলাম, তোদের মা কোথায় মধু? মধু বলিল, ও ঘরে চা খাচ্ছেন, আর কার্পেটে পশম বুনছেন। ইচ্ছা হইল, চায়ের ট্রে-শুক ছুঁড়িয়া দিয়া আমিও খুব রাগ করিয়া বসি। কিন্তু চা আমি কিছুতেই না খাইয়া থাকিতে পারি না ও



নষ্ট করিতে চাহি না।...কাজেই পেয়ালা টানিয়া লইয়া মধুকে বলিলাম, দেখ, তোকে আট আনা বকশিস্ করব, তুই তোর মাকে ব'ল্ গে যা' বাবু রাগ ক'রে চা ফেলে দিয়েছেন, খান্ নি। আর এখানে খানিকটা লিকার ঢেলে দিস্।

মধু একগাল হাসিয়া বলিল, সে আমি সব ঠিক ক'রে দিচ্ছি বাবু।

তাহাকে আট আনা দিয়া কাগজ লইয়া পড়ার ঘরে চলিয়া গেলাম। কিন্তু যাওয়াই আমার রুথা হইল—কেহ সাধিতেও আসিল না, বা আমার জন্ত নতুন তৈরী চা লইয়াও আসিয়া পৌঁছিল না। পরে শুনিয়াছিলাম, বুদ্ধিমতী গৃহিণী আমার নিজের আরও আট আনা দিয়া মধুর নিকট হইতে আসল কথা বাহির করিয়া লইয়াছিলেন।... লাভে হইতে মধুর লাভ হইল নগদ এক টাকা। একেই বলে, 'কারো সর্বনাশ, আর কারো পৌষ মাস।'

বেলা দশটা—

উঠিলাম। অগ্নিনি এতক্ষণ বোধ হয় প্রায় পঞ্চাশ-বার বীণা আমার কাছে আসিত, আমার পাশে আমার গায়ে ঠেস্ দিয়া বসিয়া একসঙ্গে আমার সহিত কাগজ পড়িত, গুন্‌গুন্ করিয়া গান গাহিত...আমি ওর সঙ্গে পড়িতে পড়িতে, গল্প ও গান করিতে করিতে ওর পায়ের উপর আমার পা তুলিয়া দিতাম, খুন্‌হুটী করিতাম, তারপর ওর গালে 'কন্' করিয়া চুমু খাইয়া লইতাম।

ও আমার গায়ে হেলিয়া পড়িয়া আমার গায়ে চিমটা কাটিয়া দিত। আমি হয় ত প্রত্যুত্তরে ওর খোঁপাটা খুলিয়া দিয়া চুল এলাইয়া দিতাম। সমস্ত চুলের রাশি আমার মুখ চোখ ঢাকিয়া নামিয়া পড়িত।...

ওর কেশের সুরভি এখনো আমার নিঃশ্বাসে ভাসিতেছে।...

স্মরণ করিয়া পূর্ব-পূর্বদিনের মতই আমি গল্প-মাতাল হইয়া উঠিতেছি।

ওকে তেমনি করিয়াই সন্নিহিত পাইবার কামনা-বিধুর নিকে লইয়া আমি উঠিলাম। ঘরে গিয়া পৌঁছিলাম।

দেখি, ও বাধকম হইতে আসিয়া ভিজা চুল আঁচড়াই-

তেছে। আমাকে একবার আড়ে দেখিয়া লইল, তারপর আমার দিকে পিছন ফিরিয়া যেন আপন খেয়ালেই মত্ত হইয়া গেল। আমি পিছন হইতে ওর চোখ দু'টি টিপিয়া ধরিলাম, কিন্তু আজ আর ও অগ্নিনিহার মত দু'টি হাত দিয়া আমার গলাটা ধরিয়া নীচে ওর কাঁধের কাছে টানিয়া নামাইল না। হাতের চিরুণী হাতে রাখিয়াই বিরক্তির ভঙ্গীতে দেহ ছুলাইয়া বলিল, আঃ, চুলটাও বাঁধতে দেবে না ছাই! বলিলাম, লক্ষ্মী রাণী, আমায় আর কষ্ট দিও না ভাই। এমন ধারা বোবা মেরে আর আমি থাকতে পারি না।

তারপর ওর চোখ ছাড়িয়া দিলাম। ও কোন উত্তর দিল না—আপন মনেই নিজের কাজ করিতে লাগিল। আমার অসহ্য হইয়া উঠিল, এমন কি কান্নাও আসিতে লাগিল। এরকম দীর্ঘ মৌনতা আমাদের মধ্যে কোন-দিনও থাকে নাই, এমন কি ওর কোন রাগেও নয়। ইচ্ছা হইল, মাপই না হয় চাইয়া বসি।

তবু যদি কথাতেই হয়—

বলিলাম, পরশুদিন কি লজ্জাটাই পেয়েছিলুম রাস্তায় বের হ'য়ে। যে দেখে সেই ঠাট্টা ক'রে ব'লছিল—

“ছুঁয়ো না ছুঁয়ো না বঁধু, ওইখানে থাকো,  
মুকুর তুলিয়া চাঁদ মুখখানি দেখো।”

কুমাল দিয়ে মুখ মুছে দেখি, কপালে, গালে সিঁদুরের দাগ।

ও ব'ল্লে, তা' তোমাদের সময় অসময়ের আবেগের ঠেলায় তো আর বাঙালীর মেয়ে হ'য়ে আমাদের লক্ষণ, আচার বন্ধ ক'রতে পারি নে।...আর তা'তেও যদি আমাদের দোষ হয়, শাস্তি দাও—আমরা তো তোমাদের পায়ে পড়া দাসী ছাড়া আর কিছুই নই। আমাদের অপরাধ তো পদে পদে।...

বলিলাম, বীণ, তুমি যে আমায় এমন ক'রে আঘাত দেবে, আমি কখনও ভাবতে পারি নি। তুমি বলো, আমি কোনদিন তোমার সঙ্গে এরকম কোন ব্যবহার ক'রেছি।...



না ক'রে থাকো, কর ।...আমরা তো তোমাদের দয়ার  
প্রত্যাশী জীব ।

আমার মন ক্ষুব্ধ হইয়া উঠিল । ওর এ রকম কথা আমি  
কোনদিন শুনিতে পারি না ।

বউ—ও আমার সাথী, জীবনের প্রীতি, আনন্দ, সুখ,  
দুঃখ, প্রমোদের সমভাগিনী ।...ওকে আমি কোনদিন হেলা-  
ফেলা করিতে চাহি না । ওদের বিষন্ন মুখ দেখিতে কিংবা  
নিজেকে ওদের কাছে মস্ত করিয়া রাখিয়া কোন ভয়ের  
পূজা আমি পাইতে চাহি না ।

বলিলাম, ছি বীণা, তুমি এত নিষ্ঠুর ; আমায় এমন  
ক'রে পরের মত বেদনা দিয়ে কাঁদাতে চাও । বেশ...  
তা'তে যদি তুমি সুখী হও, আমার আপত্তি নেই ।

সত্যিই আমার অন্তর বড় ব্যথাতেই আজ খান্  
খান্ হইয়া গেল । একটা দিন না হয় বন্ধুর সঙ্গে গল্প  
করিয়াই বেড়াইয়াছি, তার জন্ত এত কঠিন...

আমি কোন কথা আর না কহিয়া চুপ করিয়া বিছানায়  
বসিলাম । তারপর শুইয়া রহিলাম নীরবেই ।

বীণা ওর কাজগুলো একে একে সব শেষ করিয়া  
ফেলিল । তারপর আমার জামাটা ঝাড়িয়া দিল, কাপড়-  
গুলো কোঁচাইয়া আল্‌নায় ঠিক করিয়া রাখিল । কোঁটা  
খুলিয়া সিগারেট বাহির করিয়া আমার কেসে ভরিয়া  
দিল । তারপর বাহির হইয়া গেল—বোধ হয় রান্নাঘরেই ।

খানিক বাদে ফিরিয়া আসিয়া ঘরে দাঁড়াইল । তারপর  
বিছানায় আমার কাছে আসিয়া কহিল, যাও, চান ক'রে  
এসো ।

আমার অভিমান হইল । আমি তো চান করিব না,  
খাইব না...আমার কি রাগ দুঃখ নাই ! উত্তর করিলাম  
না ।

ও পুনরায় বলিল, ওঠো, শুন্‌চো !

বলিলাম, খাবো না ।

খাবে না ।

না ।

কেন ?

ইচ্ছে নেই ।

রাগ ক'রেছো ।

রাগ আমি কার ওপর ক'রতে যাবো ।

আমার চোখ ছলছল করিয়া উঠিল । ও বলিল,  
তবে ?

এমনি ।

ও আমার পাশটাতে বসিয়া বলিল, আচ্ছা, 'পিস্'  
ওঠো এবার ।

আমি চুপ করিয়াই রহিলাম । ও বলিল, দেখো, তুমি  
আমার কাছে না থাকলে ঠিক এমনিই আমার কষ্ট হয় ।  
আমি চাই, তুমি সব সময়েই আমার পাশে পাশে থাকো ।  
যাক্, আর বেলা ক'রো না । ঠাকুরের রান্না হ'য়ে গেছে,  
তোমার জন্ত আমি নিজে আজ কালিয়া রেঁধেছি, ওঠো ।  
তারপর ওর গালটা আমার গালের উপর রাখিল, ওর  
সোণার হাত দু'খানি দিয়া আমার চুল টানিয়া দিতে  
লাগিল । আমি আর পারিলাম না ।...

গল্প, স্পর্শে আমার মিলন-বিরহী আত্মা পীড়িত হইয়া  
উঠিল ।...ওকে আমি আমাব বুকের উপর সজোরে টানিয়া  
লইলাম । আমারই মুখে ও মুখ মিলাইয়া পড়িয়া রহিল  
প্রায় পাঁচমিনিট । তারপর ফিক্ করিয়া হাসিয়া আস্তে  
আস্তে বলিল, ছাড়ো সিঁদূর লাগ্‌বে ।

বলিলাম, লাগুক ।...

পাঁচুগোপাল মিত্র





## গোয়ালিয়রে একদিন

শ্রীশরদিন্দু চট্টোপাধ্যায়

দুই বন্ধুতে সেবার উত্তর ভারত ভ্রমণ করতে করতে আগ্রায় এসে পৌঁছলাম। আগ্রার দ্রষ্টব্য স্থান সব দেখা প্রায় শেষ করে' সেদিন দুপুরে আহারাদির পর হোটেলে আমাদের ঘরে বসে' নব-পরিচিত আর একজন বোর্ডার স্ব—বাবুর সঙ্গে ভ্রমণ-সংক্রান্ত নানা বিষয় আলাপ-আলোচনা হ'তে হ'তে স্থির হ'য়ে গেল যে, পরদিন প্রাতে আমরা গোয়ালিয়র দেখতে যা'ব। তৎক্ষণাৎ 'টাইম টেবল' বের করে' ট্রেনের সময় দেখা ও যাত্রার আনুসঙ্গিক অগাধ আয়োজন করা শুরু হ'ল। গোয়ালিয়র যেতে হ'লে আমাদের খুব প্রত্যাশে উঠে আগ্রা ক্যান্টন-মেন্ট স্টেশনে গিয়ে দিল্লী থেকে বোম্বাইগামী জি-আই-পি রেলের মেন লাইনের ট্রেন ধরতে হবে। স্টেশনের পথটিও নিতান্ত কম নয়। সেইজন্যে বিকেলে বেরিয়ে একটা টাঙ্গা ঠিক করে' আসা গেল। শীতকাল। রাত থাকতে সহজে বিছানা ছেড়ে ওঠা সম্ভব হবে না বুঝে ঘড়িটাতে 'আলাম' দিয়ে সন্ধ্যার পরই তাড়াতাড়ি শুয়ে পড়লাম।

পরদিন। তখনও রাত রয়েছে। তারকা-কণ্টকিত আকাশের নীচে দিয়ে 'মল্ল রোড' ধরে' আমাদের টাঙ্গা এখন ছুটে চললো, শেষ রাত্রির আব'ছা অন্ধকারে মনে হ'ল রাজাহানের আগ্রা যেন 'মমতাজের বিরহে ধ্যানমগ্ন হ'য়ে আছে। যাই হোক, ট্রেন যথাসময়ে এলে আমরা তা'তে

উঠে বসলাম। আগ্রা ক্যান্টন থেকে গোয়ালিয়র মাত্র সাড়ে তিন ঘণ্টার পথ; স্বতরাং, সেখানে বেলা সাড়ে আটটার মধ্যেই পৌঁছে যাওয়া গেল।

পথে উল্লেখযোগ্য তেমন কিছু দেখি নি; তবে করদ-রাজ্য ঢোলপুরের স্টেশনটা পড়েছিল বটে। মোরার রোড আর গোয়ালিয়র স্টেশনের মধ্যবর্তী একস্থানে ট্রেন থেকেই দেখলাম, 'গোয়ালিয়র পটারি ওয়ার্কস'-এর কারখানা। তারপর চোখের সামনে সহসা ফুটে উঠলো সুনীল আকাশের পটভূমির উপর সহস্র কীর্তি-স্মৃতি-বিজড়িত গোয়ালিয়র দুর্গ উচ্চ পর্বতের ওপর সগর্বে মাথা তুলে দাঁড়িয়ে আছে। দূর থেকে তা'র সেই বিরাট স্মহান সৌন্দর্য্য দেখে কত কথাই মনে পড়লো...এই দুর্গেই এক-দিন স্বাধীন হিন্দুরাজ্যের বিজয় বৈজয়ন্তী উড়েছিল... মারহাট্টা রাজারা একদিন এইখান থেকেই সমস্ত উত্তর ভারত জয়ের স্বপ্ন দেখেছিলেন। এই দুর্গ কখনও পড়েছে মোঘলদের হাতে, কখনও রাজপুতদের হাতে। একবার একে অধিকার করেছে তোমর-বংশীয় রাজারা, একবার দাস-বংশীয়েরা। আবার কখনও এসেছে স্বর-বংশীয় মুসলমান রাজা সেরশাহের অধিকারে, কখনও গোহাদের হিন্দু জাঠ রাণাদের কর্তৃত্বাধীনে। কিন্তু গোয়ালিয়র দুর্গের কথা স্মরণ হলেই যার অপূর্ব বীরত্বে গৌরব বোধ করি



তিনি ঝাঁসির অলোকসামাগ্রা বীর রাণী লক্ষ্মীবাই। অনেক প্রবল ঝগড়া সহ্য করার পর গত আটচল্লিশ বছর এই দুর্গ সিদ্ধিয়ার হাতে আছে। অবিলম্বে আমরা এর ভেতরে গিয়ে ভালো করে দেখতে পাব ভেবে কোঁতুহলে অধীর হ'য়ে উঠলাম।

গোয়ালিয়র ষ্টেশনের অদূরে একটি ধর্মশালার খোঁজ পাওয়া গেল। বাড়ীটি বেশ বড়, ঘরও অনেকগুলি; কিন্তু বন্দোবস্ত মোটেই সন্তোষজনক নয়। অনেক খোঁজাখুঁজির পর এক নগ্নগাত্র, নগ্নপদ, কৃষ্ণকায়, মলিন ও স্বল্পবসনতুষ্ট খঞ্জব্যক্তি এসে নিজেকে ধর্মশালার 'মাণিজোড়' (অর্থাৎ ম্যানেজার—'মাণিজোড়' নয়) বলে পরিচয় দিয়ে অতি রুঢ়ভাবে জানিয়ে দিলে, 'ঠাই নাই, ঠাই নাই, ছোট এ তরী।' অর্থাৎ, কিনা সোজা ভাষায়, স্থানান্তাব। তবে আমরা যদি ইচ্ছা করি, তা' হ'লে সেই ধর্মশালার একাধিক দেয়াল আলমারির একটিতে আমাদের জিনিষ-পত্র, কাপড়-চোপড় তাল দিবে রেখে বিশ্রামাদি করতে পারি। 'পড়েছি মোগলের হাতে—' ইত্যাদি প্রবচন স্মরণ করে' আমরা অগত্যা একটি দেওয়াল আলমারিই অবশেষে দখল করলাম ও তাড়াতাড়ি সেই ধর্মশালার কুপের জলে স্নান সেরে নিলাম। পরে অবশ্য ঘুরে ঘুরে আমরা সমস্ত ঘরগুলি দেখেছিলাম। অনেক গুলিই তালাবদ্ধ। আর বাকীগুলির কোনটিতে স্থানীয় চানচুরওয়াল। তাঁর ভাঁড়ার সাজিয়েছেন, কোনটিতে মিঠাইওয়াল। 'পারমেন্টে স্টেটেলমেন্ট' করেছেন বলেই বোধ হ'ল। অবশ্য এঁদের সঙ্গে আমাদের অতিথিবৎসল 'মাণিজোড়ের' যে কোনরকম আর্থিক 'স্টেটেলমেন্ট' হয়েছিল, এ রকম সিদ্ধান্ত করা সু—বাবুর অজ্ঞায় বই কি।

যাই হোক, স্নান সেরে বেরিয়ে পড়লাম অদূরবর্তী 'পার্ক হোটেলে'র উদ্দেশ্যে। একটি রমণীয় উদ্যানের মধ্যে এই প্রাসাদোপম হোটেলটি। এ দিকটাকে 'লঙ্কর' বা 'নিউ গোয়ালিয়র' বলে। হোটেলের ম্যানেজার যুক্ত-প্রদেশীয় একটি শিক্ষিত অমায়িক ভদ্রলোক। তাঁর তদারকে খুব তাড়াতাড়ি আমাদের আহাৰ্য্য প্রস্তুত হ'ল ও

আহাৰ্যাদির পর একটি টাঙ্ক ভাড়া করে' আমরা ফোর্টের অভিমুখে চললাম।

ফোর্টের মধ্যে যেতে অনেকগুলি গেট অতিক্রম করতে হয়। আমরা প্রথমে 'আলমগিরি গেট'র সম্মুখে গিয়ে টাঙ্ক থেকে নামলাম। পাশেই দুর্গের বাইরে দেখলাম 'জুম্মা মসজিদ।' এই মসজিদ আর 'আলমগিরি গেট' বাদ শাহ আওরঙ্গজীবের সময়ে নির্মিত হয়; আবার কা'র মতে মসজিদটি জাহাঙ্গীরের আমলে তৈরী।

স্বারীকে যৎকিঞ্চিৎ দর্শনী দিয়ে দুর্গের মধ্যে প্রবেশ করা হ'ল। কিছুদূর অগ্রসর হবার পর দক্ষিণ দিকে পড়লো 'গুর্জরীমহল'। বহুতোরণ বিশিষ্ট প্রস্তরনির্মিত এই দ্বিতল প্রাসাদটি দুর্গের মধ্যে একটি অন্যতম দ্রষ্টব্য জিনিষ। রাজা মানসিংহ তাঁর প্রিয়তমা গুর্জরী রাণী মৃগনয়নার জন্তে এই সুন্দর প্রাসাদটি নির্মাণ করিয়েছিলেন উপস্থিত এটি 'আরচিওলজিক্যাল মিউজিয়াম'-রূপে ব্যবহৃত হচ্ছে। আমাদের বর্তমান যুবরাজ ১৯২২ সালে যখন গোয়ালিয়রে যান, সেই সময় তিনি এই মিউজিয়ামটি স্বারোদঘাটন করেন।


'গুর্জরী মহল' পেছনে রেখে আমরা ক্রমোচ্চ পথ ধরে হাঁপাতে হাঁপাতে ওপরে উঠতে লাগলাম। কিছুদূর এইভাবে গিয়ে সকলেই বিশেষ তৃষ্ণার্ত হওয়ায় একা একা লোকের নির্দেশে পাশেই একটি গুহার মতন অন্ধকারাচ্ছন্ন স্থানে সঞ্চিত সুশীতল জলপান করে' বিশেষ তৃপ্তি বোধ হ'ল। শুন্লাম, উহা নাকি ঝরণার জল।

সমস্ত দুর্গটির মধ্যে আমরা যতগুলি বুইং গেট অতিক্রম করেছিলাম তা'র মধ্যে 'হাতিয়া গেট' দুইটি বিশেষ উল্লেখযোগ্য। দুইটি গেটই সম্ভবতঃ রাজা মানসিংহের আমলে নির্মিত হয়েছিল। 'হাতি গেটে' সম্মুখে আগে পাথরের হাতি শোভা পেতো, সেই জন্তেই নাম হয়েছে 'হাতিগেট' বা 'হাতিপৌর।' প্রতি গেটটি চমৎকার কারুকার্যমণ্ডিত।

ফোর্টের মধ্যে অন্যতম প্রধান সৌধ 'মানমন্দির।' কি স্থাপত্যকৌশলে, কি শিল্পসমৃদ্ধিতে অথবা পরিকল্পনা পারিপার্শ্যে এর অবিস্বাদী প্রেষ্ঠ্য স্প্রতিষ্ঠিত। সেই



গল্পনহরী —



নগ্ন সৌন্দর্য্য

জুয়েল অফ ইণ্ডিয়া প্রেস, কলিকাতা।

গ্রীসিয়ান ভাস্কর্যের আদর্শ।







কোন সুদূর অতীতে কোন অজ্ঞাতনামা অধচ স্থনিপুণ শিল্পীর হাতে এর সৃষ্টি, কিন্তু দেখলে মনে হয় এসব কারুকার্য বোধ হয় খুব বেশীদিন হয় নি শেষ হয়েছে। পাথরের টালির ওপর নানারঙের এনামেল করা ফুল, লতাপাতা প্রভৃতির রঙীন প্রতিকৃতি দেখলে সহসা তা'দের কৃত্রিম বলে' বিশ্বাস করতে যেন বাধে। হাঁস, ময়ূর, হাতি প্রভৃতির ছবিগুলিই বা কী চমৎকার! অনেকগুলি বিরাট গেট পার হ'য়ে হঠাৎ এর সামনে এসে দাঁড়াতেই দর্শকের মনে হয় কোন এক সুগভীর ব্যক্তির মুখ হঠাৎ যেন সুমধুর হাসির ছটায় উদ্ভাসিত হ'য়ে উঠেছে। এই চারতলা বাড়ীটি দুই মহলে বিভক্ত। বাহির মহলে থাকতো রাজভৃত্যরা, আর ভেতর মহলে রাজা সপরিবারে। নীচের দু'টি তলা ভীষণ অন্ধকার; আমাদের টর্চ ছিল, তাই সেখানে যাওয়া সম্ভব হয়েছিল। শুনলাম, দুর্গ যখন মোগলদের অধিকারে ছিল, তখন এই সব অন্ধকার কুঠরি-গুলিতে অপরাধীরা বন্দী থাকতো। 'মানমন্দিরে'র গাইড আমাদের একটি কক্ষ দেখিয়ে বললে—সেই কক্ষে সম্রাট্ আওরংজীব তাঁর সহোদর ভাই মোরাদকে বন্দী করে' রেখেছিলেন। মোরাদ খুব জনপ্রিয় ছিলেন। সেই জন্তে বাইরের লোকের সাহায্যে দড়ির একটি মই লাগিয়ে একরাতে তিনি যখন পালাবার যোগাড় করছিলেন, সেই সময়ে তাঁর সামান্য অসাবধানতায় অসতর্ক নিদ্রিত প্রহরীদের ঘুম ভেঙে যায় ও তাঁর চেষ্টা ব্যর্থ হয়। এর পর আওরংজীব শত্রুর শেষ রাখা ঠিক নয় বুঝে চক্রান্ত করে' তাঁর মস্তকটি দেহবিচ্যুত করেন ও তাঁর শবদেহ ঐ দুর্গের মধ্যেই একস্থানে প্রোথিত করা হয়। অকুস্থানে দাঁড়িয়ে অসহায় বন্দী রাজভ্রাতার সেই নিষ্ঠুর হত্যার কথা শুনে যুগপৎ ভয় ও ক্রুরতার দুই বিরুদ্ধ হৃদয়ানুভূতিতে বিচলিত হ'য়ে পড়তে হয়।

'মানমন্দিরে'র ওপর তলায় 'শিসু মহল' নামে যে বিচিত্র কক্ষটি আছে, সেখানকার পাথরের ঝিলিমিলিগুলি শিল্প-সৌন্দর্য্যে অমূল্য। এই ঝিলিমিলিগুলির মধ্য দিয়ে রাজ-পরিবারের পর্দানশীন মহিলারা পথচারী পুরুষের দৃষ্টিপথে না পড়েও বাইরের সাধারণ দৃষ্ট উপভোগ করতেন।

'মানমন্দিরে'র একজায়গায় প্রাচীরগাত্রে একাংশ দেখিয়ে গাইড বললে—সেইখান দিয়ে পূর্বে তিনটি সুদীর্ঘ গুপ্তপথ ছিল; এখন সেই পথের প্রবেশমুখ বন্ধ করে' দেওয়া হয়েছে। পূর্বকালে শত্রুপক্ষ দুর্গ অবরোধ করলে, যখন দুর্গরক্ষার আর কোন উপায় থাকত না, তখন দুর্গাধিপতি তাঁর বিশ্বস্ত পার্শ্বচরদের সঙ্গে এই সুড়ঙ্গ দিয়ে গুপ্তভাবে দুর্গত্যাগ করতেন। এই তিনটি পথের মধ্যে একটি নাকি ছিল আগ্রা পর্য্যন্ত ও আর একটি নারওয়ার পর্য্যন্ত। তৃতীয় পথটির বিষয় গাইড বিশেষ কিছু বলতে পারলো না।

রাজা মানসিংহের (আকবরের সেনাপতি নয়) নাম থেকেই 'মানমন্দিরে'র নামকরণ। ইনি রাজকার্য্যে নিপুণ, আমোদপ্রিয়, দয়ালু, গুণগ্রাহী ও কবি ছিলেন। এঁরই আমলে 'গুজরী মহল', 'মানমন্দির' প্রভৃতি অনেক-গুলি বিখ্যাত কারুকার্য্য-সম্বিত সৌধ নির্মিত হয়েছিল। সেগুলি দেখলে বেশ বোঝা যায়, কারুশিল্প তাঁর কত প্রিয় ছিল।

'মানমন্দির' শেষ করে' আমরা এগিয়ে চললাম। এক-স্থানে 'জহরকুণ্ড' নামে একটি বড় পুষ্করিণী দেখলাম। এই কুণ্ডটির নামের সঙ্গে একটি অতি ক্রুর ঐতিহাসিক ঘটনার স্মৃতি জড়িত আছে। পরিহার-বংশের শেষ রাণা সারঙ্গদেবের অধিকারে তখন এই দুর্গ ছিল। দাস-বংশের বিখ্যাত রাজা আলতমাশ বহু সৈন্যসহ এই পথে দিল্লী যাচ্ছিলেন। গোয়ালিয়র দুর্গের সমৃদ্ধির কথা শুনে তিনি দুর্গ আক্রমণ করেন। রাণা সেই আক্রমণ প্রতিরোধ করার যথাসাধ্য চেষ্টা করেও যখন দেখা গেল দুর্গ মুসলমানদের হস্তগত হওয়া অবধারিত, তখন পুরনারীরা সকলে মিলে এইখানে 'জহরকুণ্ডে'র অনুষ্ঠান করেন ও সেই যজ্ঞগ্নিতে আত্মাহুতি দেন। বর্তমান নারী-ধর্ম্মের যুগের দুর্ব্বলান্যন্য অত্যাচারিতা নারীদের সঙ্গে সে সময়কার তেজোদীপ্তা মহীয়সী নারীদের তুলনা করে' বিশ্বয়ে ও প্রজায় মাথা নত করতে হয়। বলা বাহুল্য, সেইবারই আলতমাশ দুর্গ জয় করেন।

'জহরকুণ্ডে'র নিকট সুদীর্ঘ প্রাচীর-বেষ্টিত যে স্থানটি



এখন 'বারুদখানা'-রূপে ব্যবহৃত হচ্ছে, ঐখানেই সম্রাট জাহাঙ্গীর ও সাজাহানের প্রাসাদ ছিল। এখন সাধারণের ঐ প্রাসাদ দর্শনের উপায় নেই।

দুর্গের মধ্যে কতকগুলি উল্লেখযোগ্য মন্দির দেখলাম। তা'র মধ্যে 'তেলীর মন্দির' উচ্চতম। মাদ্রাজের দিকে যে বিশেষ ধরনের মন্দির দেখা যায়, এটিও অনেকটা সেই রকম দেখতে। প্রস্তরনির্মিত এই মন্দিরটিতে সূক্ষ্ম কারু-কার্যও আছে। চতুর্ভূজ মন্দিরটি পাহাড়ের গা কুঁদে তৈরী। এটি 'বিষ্ণুমন্দির।' 'সূর্য্যমন্দির' আর 'চতুর্ভূজ মন্দির', এই দু'টি ঐতিহাসিক তত্ত্বানুসন্ধীদের বিশেষ আদরের জিনিষ; কারণ, এই মন্দির দু'টিতে অনেক ঐতিহাসিক তত্ত্ব উৎকীর্ণ আছে। কিন্তু কারুকলা আর স্থাপত্যবিদ্যার চরমোৎকর্ষ যেমন দেখা যায় 'শাস-বহু মন্দির' দু'টিতে, এমন আর কোন মন্দিরে নয়। দু'টি মন্দিরের মধ্যে ব্যবধান খুব বেশী নয়; একটি অপরটা হ'তে বৃহত্তর। শোনা যায়, শামুড়ী-বউ থেকেই নাকি 'শাস-বহু' নামের উৎপত্তি;—যেটি বড় সেটা শামুড়ী, যেটা ছোট সেটা বউ। মতান্তরে—'সহস্রবাহু' কথাটি কালক্রমে 'শাস-বহু'তে দাঁড়িয়েছে। কিন্তু 'সহস্রবাহু' নামই বা কেন হ'ল তা'ও বুঝলাম না; কারণ, দু'টিই বিষ্ণুমন্দির। প্রসঙ্গক্রমে বলা যেতে পারে, উদয়পুরেও এই রকম দু'টি মন্দির আছে, তা'দের নামও 'শাস-বহু মন্দির।' গোয়ালিয়র দুর্গের বৃহত্তর 'শাস-বহু মন্দির'টির চূড়া সম্ভবতঃ বাবরের আজ্ঞাতেই ভেঙে ফেলা হয়েছিলো; কারণ, এই পরধর্ম্মদ্রোহী, অরসিক সৌন্দর্য্যজ্ঞানরহিত বাদশাহটির শ্রী-অসহিষ্ণুতার পরিচয় অনেক জিনিষ থেকেই পাওয়া গেল। দুর্গে ওঠবার পথের ধারে জৈন তীর্থঙ্করদের বহু অনিন্দ্যসুন্দর বিশাল প্রস্তরমূর্ত্তি দেখেছি। তাঁ'দের কোনটির মুখ টেঁচে ফেলা, কা'রও নাক, কা'রও হাত-পা ভেঙে তাঁ'দের শ্রীহীন করে' রেখেছে। এইসব বর্করোচিত অত্যাচারের দৃষ্টান্ত দেখলে মন দারুণ বিতুষায় ভরে' ওঠে। 'শাস-বহু মন্দির'ের ভেতরে উৎকীর্ণ বহু মূর্ত্তিও অসীম ধৈর্য্যসহকারে ঐভাবে নষ্ট করা হয়েছে। শেষে তা'তেও সন্তুষ্ট না হ'য়ে ভেতরটা সমস্ত চূণের প্রলেপ দিয়ে ঢেকে দেওয়া হয়েছিল। পরে সেই প্রলেপ অনেক কষ্টে

পরিষ্কার করে' বড় মন্দিরটিতে ভাস্কর্য্য-শিল্পের নিদর্শন যা' আছে, তা'রই ঐশ্বর্য্যে সৌন্দর্য্যসলিঙ্গুর মন পুলকিত হ'য়ে ওঠে। মন্দিরের ভিতর ঢুকতে যে বৃহৎ দরজাটি—কী সুন্দর তা'র পরিকল্পনা!...সকলের নীচে গরুড়ের মূর্ত্তি, তা'র ওপরে বিষ্ণু একক। সর্ব্বোচ্চে ব্রহ্মা, বিষ্ণু ও শিব এই ত্রিদেবের মূর্ত্তি। মন্দির অভ্যন্তরে গিয়ে ছাদের কারুকর্ষ্যের দিকে নির্ব্বাক বিস্ময়ে চেয়ে থাকতে হয়। কতবড় কুশলী শিল্পী ছিল তা'রা, যা'রা এই কঠিন পাথরের ওপর এইসব অপূর্ব্ব নক্সা এঁকে গেছে। কী অপরি-সীম ধৈর্য্য ছিল তা'দের!

দুর্গের ওপর থেকে একবার বাইরের দিকে চেয়ে গোয়ালিয়রের 'প্যানোরমিক ভিউ' দেখলাম। সমস্ত সহরটি যেন ছবির মতন মনে হ'ল।

এই সব দেখতে দেখতে বেলা দ্বিপ্রহর অতীত হ'য়ে গেল। আর মোটের ওপর দুর্গের প্রধান দ্রষ্টব্যগুলি প্রায় সব দেখাও হ'য়ে গেছে। স্মরণার্থ আবার বিলম্ব না করে' আমরা দুর্গ ত্যাগ করলাম।

টান্কা বাইরে দাঁড়িয়েই ছিল। তা'তে করে' দুর্গ থেকে প্রায় সিকি মাইল পূর্বে মহম্মদ ঘোষের সমাধিস্থল দেখতে গেলাম। এটিও এখানকার একটি অন্যতম দ্রষ্টব্য জিনিষ। মহম্মদ ঘোষ ছিলেন সম্রাট বাবর, হুমায়ুন ও আকবরের সমসাময়িক সূফী-সম্প্রদায়ভূক্ত একজন বিখ্যাত ফকির। হিন্দু-মুসলমান নির্ব্বিশেষে সকলেরই ইনি বিশেষ প্রিয় ছিলেন। সম্রাট'রা পর্য্যন্ত এঁকে শ্রদ্ধার চক্ষে দেখতেন। একজন সুগায়ক বলে' এঁর যথেষ্ট প্রসিদ্ধি ছিল। এঁর বিষয়ে অনেক অলৌকিক জনশ্রুতির প্রচলন আছে। সম্রাট বাবর একবার কর্ণপীড়ায় খুব ভুগছিলেন। মহম্মদ ঘোষ তাঁর কাণে শুধু মন্ত্র পড়েই নাকি তাঁর অসুখ সারিয়ে দেন। এই সমাধি-মন্দিরটির চারিদিকে চতুষ্কোণ অলিন্দ; মাঝখানে আসল সমাধি-কক্ষটি অবস্থিত। সূক্ষ্ম কাজ করা পাথরের একাধিক নিখুঁত জাফরির জন্তে এই সৌধটির খুব নাম আছে। এর বৃহৎ গম্বুজটি শুন্লাম, এককালে নীলরঙে এনামেল করা ছিল, কিন্তু কালচক্রের নিপেষণে এখন সে এনামেল আর নেই। এর পাশেই



দেখলাম সম্রাট্ আকবরের 'নবরঙ্গ-সভা'র উজ্জ্বলতম রত্ন, মহম্মদ ঘোষের প্রিয় শিষ্য, স্বনামধন্য গায়ক ও কবি তানসেনের সমাধি-ভূমি। তানসেন একজন গোড়ীয় ব্রাহ্মণের ছেলে হ'য়েও পরে কোন অজ্ঞাত কারণে মুসলমানধর্ম অবলম্বন করেছিলেন। অতি সাধারণ এই স্থানটি অল্প হিসেবে তেমন দ্রষ্টব্য না হ'লেও, সমগ্র ভারতবর্ষে খুব কম ভারতীয় গায়ক-গায়িকাই আছেন, যারা এই স্থানটিকে বিশেষ ভক্তির চক্ষে না দেখেন। এটিকে গায়ক-যশঃপ্রার্থীদের তীর্থ বললেও খুব বেশী বলা হয় না। এর পাশেই একটি তেঁতুলগাছ আছে। তা'র পাতা গায়কেরা অতি ভক্তিভরে চর্ষণ করে' থাকেন—এই বিশ্বাসে যে, তাঁদের গলা বেশ ভাল হবে। অবশ্য এই সব শুনে আমরা তিনজনেও মুঠো মুঠো তেঁতুলপাতা চিবিয়ে ছিলাম; ( যদিও গায়ক এ বদনাম কোন নিন্দুকই আমাদের দিতে পারবে না) কিন্তু সম্ভবতঃ ভক্তির ঘাটতি পড়া-তেই, দাঁত টকে' যাওয়া ছাড়া আর কোন ফল হয় নি।

যাই হোক, এবার আমরা এস্থান ত্যাগ করে' টাঙ্গায় চড়ে 'মতিমহল' আর 'জয়বিলাস-প্রাসাদ' দেখতে চললাম। সুবিস্তীর্ণ হাতার মধ্যে এই দু'টি প্রাসাদ আধুনিক স্থাপত্যের নিদর্শন। প্রাসাদ দু'টি ভূতপূর্ব মহারাজা জয়াজিরাও সিদ্ধিয়া নির্মাণ করিয়েছিলেন। বর্তমান মহারাজা 'জয়-বিলাস'-প্রাসাদে বাস করেন। নির্দিষ্ট সময়ের পরে যাওয়ায় 'জয়বিলাস-প্রাসাদে' প্রবেশের ছাড়পত্র আমরা যোগাড় করতে পারলাম না; বাইরে থেকে দেখেই মনকে সন্তোষ দিতে হ'ল। তবে 'মতিমহল'র ভেতর ঢুকেছিলাম—রাজপ্রাসাদ যেমন হওয়া উচিত, এক কথায় এটিও তেমনি। সম্মুখেই অতিথি-অভ্যাগতদের বিশ্রামের স্থান। তারপর একটি সুপ্রশস্ত বহিকক্ষ—বহু মূল্যবান, আধুনিক রুচি-সম্মত ফার্নিচারে সাজানো। শুনলাম, এটিই নাকি 'কাউন্সিল-হাউস।' একটি রাজভৃত্য আমাদের সঙ্গে করে' ওপরে নিয়ে গেল। ওপরের একটি কক্ষে খুব বড় বড় আয়না আর ভূতপূর্ব রাজা আর রাজকুমারের প্রমাণ আকারের অয়েলপেন্টিং ছবি দেখলাম। হঠাৎ দেখলে মনে হয়

রাজার সশরীরে সামনে দাঁড়িয়ে আছেন। এই ঘরটিতে রাজা একান্ত বিশ্বাসী পারিষদদের নিয়ে রাজ্যশাসন-সংক্রান্ত জটিল বিষয়ে গুপ্তমন্ত্রণা করে' থাকেন। ছাদে উঠে আর একবার দূর থেকে দুর্গের সাধারণ দৃশ্য উপভোগ করা গেল। 'মতিমহল'র একপাশে সরকারী দপ্তরখানা—বিভিন্ন বিভাগের অফিসের সারি চলে' গেছে।

এখান থেকে পায়ে হেঁটে 'কিং জর্জ গার্ডেন'র উদ্দেশে চললাম। পথে একস্থানে দেখলাম, রেলের লাইন পাতা। খোঁজ নিয়ে জানা গেল, সেটি 'গোয়ালিয়র লাইট রেল'র একটি লাইন। এই রেলে করে' গোয়ালিয়র রাজের গ্রীষ্মাবাস 'শিবপুরী' অনেকে দেখতে যান।

প্রাসাদের হাতা ও একটি প্রশস্ত রাজপথ অতিক্রম করে' আমরা একটি অনতিবৃহৎ চিড়িয়াখানার সামনে এসে পড়লাম। এখানকার বাঘ আর সিংহ রাখবার একটু বিশেষত্ব দেখলাম। খোলা জায়গায় একটি পাকা ঘর—তা'র চারিদিকে গড়ের মতন কাটা, জলে ভর্তি, আর এই সমস্তটা লোহার উঁচু রেলিং দিয়ে ঘেরা। ব্যাঘ্র, সিংহ ইচ্ছামত কখনও ঘরের মধ্যে যাচ্ছে, কখনও বাইরে এসে জলের ধারে বিচরণ কচ্ছে।

'জর্জ গার্ডেনে' যখন আমরা পৌঁছলাম, তখন সূর্য্য অস্ত গেছে। ছায়ায় সমস্ত উদ্যানটি পরিভ্রমণ করা গেল। কোলকাতার লোকের কাছে উদ্যানটি অল্প কোন হিসেবে খুব চিত্তাকর্ষক না ঠেকলেও, একটি জিনিষ খুব ভাল লাগবে নিশ্চয়—অস্ততঃ, আমাদের ত লেগেছিল। উদ্যানটির মধ্যে হিন্দুদের একটি মন্দির, মুসলমানদের মসজিদ, শিখদের গুরুদ্বার, আর খ্রিয়োজফিষ্টদের জগু একটি উপাসনা-গৃহ আছে। গোয়ালিয়র রাজের এবং বিশেষ করে' এই উদ্যানের নির্মাতা স্বর্গীয় মহারাজা জয়াজি-রাও সিদ্ধিয়ার সর্ব ধর্মের প্রতি সমান শ্রদ্ধার এটি একটি উজ্জ্বল দৃষ্টান্ত। সন্ধ্যাসমাগমের সঙ্গেই গুরুদ্বারে আরম্ভ হ'ল তবলা এবং সারেঙ সহযোগে মধুর ভজন, হিন্দু মন্দিরে সারেঙ, তবলা ও মন্দিরাযোগে মধুর গীত ও দেবারতি, আর মসজিদ থেকে শোনা গেল নামাজের জন্তে



মুয়াজ্জীনের আজান। সমস্তদিন ঘোরাঘুরির পর শ্রান্ত দেহে সেদিন সেই উদ্যানের একটি বেঞ্চে বসে' অনন্ত আকাশের অপূর্ণ বর্ণস্বপ্ন দেখতে দেখতে, স্ব স্ব ধর্মবিশ্বাস-মতে সর্বনিমস্ত। পরমেশ্বরের উদ্দেশে সকলের অন্তরের এই ভক্তি-নিবেদনটুকু বড় মধুর লেগেছিল।

শ্রান্ত চরণযুগল আর চলতে চাইছিল না। কিন্তু বন্ধুবরের আগ্রহাতিশ্যের কাছে আমার কোন আপত্তি খাটলো না। ট্রেনের দেয়ী ছিল; সুতরাং, ততক্ষণ দেশটাকে একটু দেখতে বার হওয়া গেল। তখন দোকানে দোকানে ইলেকট্রিক আলো জলে' উঠেছে। দেখলাম, সদর রাস্তাগুলি প্রায়ই বেশ প্রশস্ত; কিন্তু সহরের একটু

অভ্যন্তরে রাস্তাগুলি অনতিশরিসর ও জনবহুল। কিন্তু 'লঙ্করে'র দিকটা বেশ পরিষ্কার পরিচ্ছন্ন।

শ্রান্তপদে আমরা আবার ধর্মশালায় ফিরলাম। রাত্রি তখন আটটা বেজে গেছে। কোনরকমে বারান্দায় একটা সতরঞ্চি পেতে 'ক্ল্যাট্' হ'য়ে পড়লাম। যখন পাজোখান করলাম, তখন ট্রেনের সময় খুব বেশী নেই; সুতরাং, দোকান থেকে পুরী-তরকারী ইত্যাদি কিনে 'জলযোগ করে' গোয়ালিয়রের স্বতিটুকু মনের মধ্যে ঝালিয়ে নিতে নিতে স্টেশন অভিমুখে রওনা হওয়া গেল।

শরদিন্দু চট্টোপাধ্যায়





## রাত বারোটোর রোমান্স

শ্রীবিধায়ক ভট্টাচার্য্য

[ যে সব বাড়ীতে দুইখানি ঘর লইয়া গৃহস্থালী সম্পূর্ণ, তাহারই যে কোন একটিতে এই গল্প ঘটয়া উঠিতে পারে। রাত্রি প্রায় বারোটো। ঘর জুড়িয়া বিছানা পাতা— তাহারই উপর গুটি পাঁচেক সন্তান লইয়া মহামায়া শুইয়া আছে। চুণ-বালিখসা ঘরটির মতই তাহার যৌবনের চেহারা। বেশ বোঝা গেল—সে ঘুমায় নাই। মাঝের ছেলেটাকে বোধ হয় মশা কামড়াইতেছিল—সে ঘুমের ঘোরে বারকতক কাঁকে ঘেন ‘শালা’ ‘শালা’ বলিয়া চুপ করিল।...কিছুক্ষণ পরে মহামায়া উঠিয়া গিয়া জানালার ধারে দাঁড়াইল। নাঃ, নির্জন রাস্তার ও প্রান্ত অবধি সতীশের চিহ্নমাত্র নাই।...মহামায়া মুখ নয়, বিবাহের পূর্বে সে বাপের বাড়ীতে দস্তুরমত লেখাপড়া শিখিয়াছিল—তাই এত রাত অবধি স্বামী বাড়ী না আসায় সে হাঁউ-মাউ না করিয়া—নীরবে প্রতীক্ষা করিতে লাগিল।... দুই বৎসর বয়সের কোলের ছেলেটা হঠাৎ কাঁদিয়া উঠিল। মহামায়া ফিরিয়া গিয়া শুইয়া পড়িল।—অনেকক্ষণ ধরিয়া একটি পরিপূর্ণ নীরবতা।...ঘরের বাহিরে দরজায় ধাক্কা পড়িল—মহামায়া ধড়মড় করিয়া উঠিয়া দরজা খুলিয়া দিতেই প্রবেশ করিল সতীশ। ]

মহামায়া—( সতীশের পিছনে আসিতে আসিতে )  
ওরে ক্যাবলা, এই দেখ্ তোর পিতা স্বর্গে বাড়ী এয়েছেন।  
হেদিয়ে মরছিলি হারামজাদা, এইবার উঠে পেন্নাম কর।

সতীশ—(মুহূর্ত্তে) আঃ, কী কোরছ! জেগে উঠবে  
দে!—

মহামায়া—ও মা, সত্যিই তো।

[ সতীশ জামা-কাপড় ছাড়িয়া বাহিরে গিয়া মুখ-হাত  
ধুইয়া আসিল—এবং ধীরে ধীরে ঘরের কোণে ঢাকা দেওয়া  
ভাতের ঢাকনী তুলিয়া খাইতে বসিল ]

মহামায়া—আপিস থেকে হেঁটে আসতে হ’ল বুঝি?

সতীশ—( খাইতে খাইতে ) না।

মহামায়া—আজও কি বন্ধুর অস্থখ করেছিল?—  
( সতীশ নীরব )—আহা! আজকালকার দিনে এমন  
বন্ধু কি কেউ পায়? আপিস থেকে বাড়ী না ফিরে, খাওয়া  
নেই দাওয়া নেই—বন্ধুর বিছানায় কাঁদো-কাঁদোমুখে রাত  
বারোটো অবধি বসে’ রইল।—এমন একটা বন্ধু আমাদের  
কপালে জোটে না গা?

সতীশ—কেন ব্যাজ্‌ব্যাজ্‌ কোরছ। বন্ধুর অস্থখ  
করে নি।

মহামায়া—করে নি? কী করে’ জানবো বল! মুখ্য-  
স্থখ্য মানুষ—আর একদিন যেমন বুঝিয়েছিলে—আজও  
তাই মনে করে’ বসে’ আছি।—তা’ কী হয়েছিল তবে  
আজকে?

সতীশ—( মরিয়া হইয়া )—বায়স্কোপে গিয়েছিলাম।

মহামায়া—কোথায়?

সতীশ—বায়স্কোপে।

মহামায়া—বায়স্কোপে? ( স্থির দৃষ্টিতে সতীশের প্রতি  
চাহিয়া ) আচ্ছা, আমার বয়স কত হ’ল?

সতীশ—কেন? বয়সের কি কথা আছে এতে?

মহামায়া—না না, শুনি। কত হ’ল বয়স আমার?  
পাঁচ ছেলের মা আমি তা’ জান?

সতীশ—জানি বৈকি।—

মহামায়া—তবে? ও সব দাঙ্গা তুমি আর কাকুর  
কাছে দিও—আমার কাছে নয়, বুঝলে? ( একটু পরে )  
বায়স্কোপ তো সাড়ে ন’টায়। ছ’টা থেকে কোরছিলে কী?  
( সতীশ নীরব। ) ন্যাকা চৈতন! বোকা বুঝোচ্ছেন  
আমাকে!

[ সতীশের পাওয়া হইয়া গিয়াছিল। সে উঠিয়া



বাহিরে গিয়া মুখ ধুইয়া আসিল—এবং বাক্যব্যয় না করিয়া নিজের স্থানটিতে গিয়া শুইয়া পড়িল। ]

মহামায়া—( নিজের মনে ) চাল নেই, চুলো নেই, তিরিশ টাকার ক্যারানী, তার আবার ফুটি কত?—বায়স্কোপের—হানোর—ত্যানোর—যেন বাপের দেওয়া জমিদারী আছে। ( একটু পরে ) কোথায় গিয়েছিলে বলো। ( সতীশ নীরব ) মিথ্যা কথা বলতে মুখে একটু বাধে না, না? ( উঠিয়া সতীশের পাশে গিয়া বসিল ) বলো—কোথায় ছিলে এতক্ষণ?

সতীশ—বললাম তো বায়স্কোপে।—

মহামায়া—ফের মিথ্যে কথা বলছো? ছ'টা থেকে কোরছিলে কী তবে?

সতীশ—প্রশান্তর বাড়ী গিয়েছিলাম।

মহামায়া—কার বাড়ী?

সতীশ—প্রশান্তর।

মহামায়া—সে আবার কে?

সতীশ—আমার স্কুলের বন্ধু।

মহামায়া—গায়ে এসেঙ্গ দিলে কে?

সতীশ—তারই বউ।

মহামায়া—দেখতে ভাল বুঝি? বড়লোক, না?

সতীশ—হ্যাঁ।

মহামায়া—তাই তো বলি। তা' কি রকম জম্‌লো তার সঙ্গে?—

সতীশ—তার মানে?

মহামায়া—এমনিই বলছি। বড়লোক বন্ধুর বউ—অল্পবয়স—দেখতে ভাল—আর যায় কোথায়! অমনি গিয়ে হুমুড়ি খেয়ে পড়েছ?

সতীশ—ছোটলোকের মত ইতরোমো করে না।

মহামায়া—( রাগিয়া ) ইতরোমো আমি করছি—না তুমি কোরছ? বুড়োখেড়ে মিন্‌সে, পাঁচ ছেলের বাপ, লজ্জা করে না তোমার বন্ধুর বোয়ের সঙ্গে পীরিত করতে?

সতীশ—( ধম্‌কাইয়া ) চুপ কর।

মহামায়া—( চীৎকার করিয়া ) কেন চুপ করবো? রাত বারোটা অবধি বাবু বাইরে প্রেম করবেন—আর

ঘরে আছে বাদী—ভাত নিয়ে জেগে বসে থাকবে, না?

সতীশ—থামবে?

মহামায়া—না। দেবে একদিন যখন জুতো পেটা করে—তখন বুঝবে। ফর্সা মেয়ে দেখলে আর রক্ষে নেই।

সতীশ—( ঠাসু করিয়া জ্বরী গালে একটা চড় বসাইয়া দিল ) ষ্টুপিড কোথাকার—যা' মুখে আসে তাই। সেই তখন থেকে ঘ্যানোর ঘ্যানোর—যেন আমার গার্জ্জন।

[ ছোট ছেলেটা হঠাৎ প্রবলবেগে চোঁচাইয়া উঠিল। কাদিতে কাদিতে মহামায়া গিয়া নীরবে তাহার পাশে শুইল। ছেলেটার বোধ হয় ক্ষুধা পাইয়াছিল, খাদ্যবস্তু পাইতেই সে চুপ করিল ]

সতীশ—গেছি একদিন বায়স্কোপে, তার কৈফিয়ৎ দিতে দিতে প্রাণ বেরিয়ে গেল। তা'তেও রক্ষে নেই—মুচি-মুদ্‌ফরাসের মত মুখ খারাপ! যত কিছু বলি না—ততই যেন মাথায় চড়ে বসে। ফের যদি শুনি কোনদিন এরকম কথা—লাথি মেরে মুখ ভেঙে দেবো।

[ মহামায়া কোন উত্তর দিল না। সতীশও ক্লান্ত হইয়া পড়িয়াছিল। কাজেই ঘরটির মধ্যে নিশ্বাস-প্রশ্বাসের আওয়াজ স্থম্পষ্ট হইয়া উঠিল।... অনেকক্ষণ পরে। বোধ হয় দুই ঘণ্টা কি তাহারও বেশী সময় কাটিয়া গিয়াছে। আচম্‌কা ঘুম ভাঙিয়া সতীশ বিছানার উপর উঠিয়া বসিল। সে একটা দুঃস্বপ্ন দেখিতেছিল, যে, মহামায়া মরিয়া গিয়াছে। জ্বরী দিকে চাহিয়া দেখিল—সমস্ত শরীরে একটি ক্লান্তভঙ্গী বিস্তার করিয়া সে ঘুমাইতেছে। হঠাৎ জ্বরী জন্ত সতীশের বুকের মধ্যে কী রকম করিয়া উঠিল। আহা বেচারী! সারাদিন খাটিয়া খাটিয়া ছেলেপিলের ঝঙ্কি-ঝঙ্কাট পোহাইয়া রাত্রিবেলায় স্বামীর সঙ্গে একটু ভাল কথা কহিবার জন্ত কত আশা করিয়া থাকে—নাঃ, মারাটা তাহার উচিত হয় নাই। আর সে সিনেমায় যাইবে না।...সতীশ উঠিয়া ধীরে ধীরে গিয়া ঘুমন্ত মহামায়ার পাশটিতে বসিল। অত্যন্ত সন্তর্পণে তাহার কপালের উপর হইতে চুলগুলি সরাইয়া দিল। তারপর ডাকিল ]

সতীশ—মায়া!

মহামায়া—(অভ্যাসবশতঃ ঘুমের ঘোরে উত্তর দিল) উ।



সতীশ—এদিকে ফিরে শোও তো, লক্ষ্মীটি!

মহামায়া—(ঘুমের ঘোরে) কেন?

সতীশ—দরকার আছে। শোন। (মহামায়া চোখ মেলিয়া চাহিল) দেখ—ইয়ে—সেদিন যে তুমি সেফ্টিপিনের কথা বলেছিলে—সেই যে রূপোর ওপর মিনে করা—আজকে দেখে এলাম। ছ'রকম আছে, বুঝলে। একরকম হচ্ছে ছ'দিকে ছোটো ময়ূর আর মাঝখানে—(মহামায়া পাশ ফিরিয়া শুইল) শুন্ছো?

মহামায়া—না।

সতীশ—কী না? সেফ্টিপিন্ চাই না তোমার?

মহামায়া—না।

সতীশ—আচ্ছা, এত রাগ তোমার কিসের জন্তে। বোকে কি কেউ মারে না, বকে না নাকি?—ঘর-সংসার করতে গেলে এ রকম হ'য়েই থাকে।

মহামায়া—সে আমি জানি। তোমাকে বক্তৃতা দিতে কেউ ডাকে নি। তুমি শোও গে।

সতীশ—তুমি যদি এই রকম ব্যবহার কর আমার সঙ্গে—তা' হ'লে আমি সহ্য কোরব না বলে' দিচ্ছি।

মহামায়া—কী কোরবে শুনি?

সতীশ—কী কোরব মানে? যা' হয়—রোজ এই রকম রাত বারোটায় বাড়ী ফিরবো—দেখি তুমি কী কোরতে পার।

মহামায়া—আগে থেকে সাফাই গেয়ে রাখবার কোনই

দরকার নেই। আমি জানি, আজ থেকে ফিরতে তোমার রোজই বারোটাই হবে। এবার একবার তোমার ঞ্জের বন্ধুর বৌয়ের নামটা বলো—শুনে খুশি হই।

সতীশ—আবার?

মহামায়া—(চটিয়া) কী আবার? ভয় দেখাচ্ছে। তুমি কা'কে? ও সব চোখ রাঙানী অশ্রু জায়গায় দেখিও।

সতীশ—ফের মার খেতে ইচ্ছে আছে নাকি?

মহামায়া—তা' তো মারবেই। পরের বৌয়ের পেছনে পেছনে কুকুরের মত হাংলাপনা করে' বেড়াবে তুমি—আর তা' বলতে গেলেই আমাকে মার খেতে হবে। বুড়ো শালিকের সাধ কত!

[ হঠাৎ সতীশ ফেপিয়া গিন্না বিপুলবলে মহামায়ার চুলের গোছা চাপিয়া ধরিল। মহামায়া পাগলের মত পাখার বাঁট দিয়া সতীশের হাতের উপর আঘাত করিল। সতীশ ঠাস্ ঠাস্ করিয়া মহামায়াকে চড় মারিতে লাগিল। মহামায়া চীৎকার করিয়া কাঁদিয়া উঠিল। কান্নার শব্দে ছোট ছেলেটা জাগিয়া উঠিয়া চৈতাইতে লাগিল। এবং এই গুণ্ডগোলে আর সব ক'টি ছেলেমেয়ে বিছানার উপর উঠিয়া বসিয়া সমস্বরে কান্না জুড়িয়া দিল। সতীশ উঠিয়া গিয়া জানালার ধারে বসিয়া একটা বিড়ি ধরাইল। রাস্তার গ্যাসের আলো তাহার মুখে পড়িয়াছিল। দেখা গেল—সে মুখ অত্যন্ত নির্দিকার। ]

বিধায়ক ভট্টাচার্য্য







## জীবিত ও মৃত

শ্রীমনীন্দ্রচন্দ্র সাহা

অজয় চিঠিখানি লইয়া আবার পড়িতে লাগিল—

...অনেকেই জানে, তুমিও হয় তো মনে কর ছরস্তু  
ক্ষয়রোগ আমাকে ধীরে ধীরে মৃত্যুর কোলে টেনে নিচ্ছে...  
জীবনের এই সুন্দর প্রভাতে, অফুরন্ত তৃষ্ণা নিয়ে আমি  
চলেছি কোন্ অজানা অন্ধকারময় জগতের ভয়াবহ স্থানে  
— এই ছরারোগ্য ব্যাধির জগতই!...সত্যিই কি তুমি তাই  
বিশ্বাস করো? একবার স্বচ্ছন্দ চিত্তে, নিজের বুকের  
উপর হাত রেখে, নিজের বিবেককে জিজ্ঞাসা করে' কি  
উত্তর দিতে পারবে?...জানি কোন ফল নেই, জীবনের  
প্রতিটি মুহূর্ত্ত যেমন তোমার অবিমিশ্র ঘৃণা ও অবজ্ঞায়  
কেটে গেছে, এই মৃত্যুপথ-যাত্রীর বেদনাকাতর শেষ  
দীর্ঘনিশ্বাসটীও তেমনি তোমার নিষ্করণ শীতল সমবেদনাও  
পাবে না জানি...তবুও আজ মনে কত কথাই উদয়  
হয়। এই ছরস্তু উন্মাদ অস্তরের প্রতিটি স্পন্দন আজ  
যেন বড়ই ছরস্তু হ'য়ে উঠেছে। এতদিন নিজেকে চোখ  
রাঙিয়ে শাসন করে এসেছি, কিন্তু আজ বড় দুর্বল...  
আজ আর নিজের উপরও আমার শাসন নেই।...নিষ্ফল...  
পরিবর্তে একটা অসহ্য গাঢ় বেদনা...বুকভরা একটা  
আর্তনাদেই হয় তো ফেটে পড়বে জানি, তবুও আজ  
জানতে ইচ্ছে হয়, অত ভালবেসে...অত স্নেহ, মায়ামমতা  
দেখিয়ে এই তুচ্ছ বালিকার শাস্ত মনে কতবড় যে

মায়ার স্বপ্ন সৃষ্টি করেছিলে—সে কি মিথ্যা, শুধু কি  
অভিনয়?...

স-পত্র অজয়ের হাতখানা থরথর করিয়া কাঁপিয়া উঠিল।  
বাহিরে হেমন্ত সন্ধ্যার অন্ধকারময় আকাশ-পটে  
অকাল মেঘের আড়ম্বরের অন্ত ছিল না। ছরস্তু বাতাসের  
দাপাদাপি মাতামাতি কাল-বৈশাখীকেও যেন হার  
মানাইয়া দিতেছিল। নিঃসাড় পল্লী আতঙ্ক-স্তব্ধ। বিদ্যুতের  
দীর্ঘশিখা বজ্রহুঙ্কারে সেই আতঙ্ক-কম্পিত পল্লীর বুকে  
কখন কখন কোন ভয়াবহ দুঃস্বপ্নের মতো চকিতে খেলিয়া  
যাইতেছিল। অজয় খোলা জানালা দিয়া বাহিরের এই  
উন্মত্ত প্রকৃতির দিকে চাহিতেই অকারণে সে আর একবার  
শিহরিয়া উঠিল। অকস্মাৎ তাহার বিন্মত-প্রায় কৈশোরের  
স্মৃতি তুলিয়া উঠিল। মনে পড়িল, এমনি এক সন্ধ্যা!...  
লেখাদের গ্রামেরই খানায় তখন অজয়ের পিতা ভারপ্রাপ্ত  
কর্মচারী। খানার পাশেই বাড়ী—একবারে গায়ে গায়ে  
মেশামিশি। লেখার বয়স তখন কতই বা—এই তের কি  
চোদ্দ! অথচ ঐ একটু মেয়েই কেমন করিয়া অজয়ের  
যৌবন-সুধাকুল অস্তরকে উন্মাদ করিয়া দিল। ভবিষ্যতের  
কোন কথাই মনে পড়িল না—সংসারানভিষ্ট এই দুইটি  
তরুণ প্রাণ আপন তুলিয়া পরস্পরের অস্তর লইয়া স্বর্গ সৃষ্টি  
করিল। সে কত আশা—কত আনন্দ! সুখের কি গভীর



উন্মাদনা! আকাশের কি সুনিবিড় অমৃতভূতি! ...একটা  
স্বপ্ন—আদিও নাই, অন্তও নাই। অবিচ্ছেদ্য আশার  
কি গাঢ় মোহ!

...সেই কাল-সন্ধ্যা!

সন্ধ্যার অন্ধকার জমিয়া জমিয়া দৃষ্টির অচল হইয়া  
উঠিল। সেই গাঢ় তমিস্রায় ঢাকা আকাশ ভরিয়া কখন  
যে আরও মেঘ জমিয়াছে, কে-ই বা তাহা জানে!  
অকস্মাৎ মেঘ গর্জিয়া উঠিল—তিমির-ঘন আকাশের বুক  
চিরিয়া বিদ্যুতের একটা তীব্রশিখা আপন-ভোলা দুইটা  
প্রাণীকে চমকিয়া দিয়া আবার কোন অতল কালোয়  
তলাইয়া গেল। পাগল বাতাস কোথা হইতে হায় হায়  
করিয়া উঠিল।...

অজয় লেখা শিহরিয়া উঠিল।

কে জানে কেন লেখার অন্তর ছলিয়া উঠিল। কালো  
চোখ দুইটা আপনা-আপনি জলে ভরিয়া উঠিবার উপক্রম  
করিল। অজয়ের ডান হাতখানি মুঠার মধ্যে লইয়া গাঢ়স্বরে  
লেখা কহিল—সত্যি যাবে অজয়...হয় তো আর দেখা হবে  
না।

একফোঁটা জল তাহার বেদনা-কাতর চোখ দুইটা  
হইতে গড়াইয়া পড়িল। গাঢ় অন্ধকারে অজয়ের তাহা  
চোখে পড়িল না, কিন্তু স্বরের সেই করুণ আবেগটুকু  
অপূর্ব মাধুর্য্য মাদকতায় অজয়ের অন্তর ভরিয়া দিল।  
অজয় লেখাকে উন্মাদের মতো বৃকের উপর চাপিয়া ধরিয়া  
তাহার তুলতুলে নরম ঠোঁট দুইটির উপর নিজের কম্পিত  
ওষ্ঠ চাপিয়া উন্মত্ত-কণ্ঠে কহিল—পাগলি!...লেখা যে  
অজয়ের ঘরের লক্ষ্মী...লক্ষ্মীহীন হ'য়ে সে কি একদিনও  
থাকতে পারে?

লেখার মুগ্ধকণ্ঠে ভাষার সঞ্চার হইল না। শুধু তাহার  
কম্পিত তনুখানি অজয়ের উষ্ণম্পর্শে যেন অনাস্বাদিত  
পুলকধারায় ধীরে ধীরে ঘুমাইয়া পড়িল...একটা মধুর স্বপ্ন,  
তাহার সেই সুখ-নিদ্রিত চক্ষু পল্লবে বারেবারে ফুটিয়া  
উঠিতে লাগিল।...

...সেই সুখ-সন্ধ্যা...সেই কাল-সন্ধ্যা...তাহাদের জীবনে  
দ্বিতীয়বার আর আসে নাই। কতদিন গিয়াছে...কত

হেমন্তের মেঘ-ভারাক্রান্ত আকাশ বিগত দিনের সুখ-স্মৃতি-  
বেদনায় নীরবে নিষ্ফল অশ্রুবর্ষণ করিয়া চলিয়া গিয়াছে,  
কত বসন্ত প্রভাতের আনন্দ সমারোহ এমনি একটা দিনের  
কথা মনে করিয়া অকস্মাৎ বিষাদ-স্তব্ধ হইয়া একটা গাঢ়  
দীর্ঘশ্বাস ফেলিয়া উন্মাদ হইয়া গ্রীষ্মের বুকফাটা হা হা  
দীর্ঘশ্বাসের মধ্যে চেতনা হারাইয়া ফেলিয়াছে...শোকাবুল  
বরষার মেঘ-গাঢ় সজল আকাশ - অজস্র চোখের জল  
ফেলিয়াছে...কতদিন কতবার...

বাহিরে দীর্ঘশীর্ষ নারিকেল বৃক্ষটা দাউদাউ করিয়া  
জলিয়া উঠিয়া বজ্র ফাটিয়া পড়িল।...

অজয় সচকিত হইয়া চোখের জল মুছিয়া কম্পিত হস্তে  
আর একবার পত্রখানি আলোর নিকট তুলিয়া ধরিল।...

...জীবনের অজস্র ক্ষণগুলি অত্যন্ত সংক্ষিপ্ত হ'য়ে  
এসেছে। ভয় হয়, যখন এই চিঠি তুমি পাবে—ওঃ!  
আজ মরণকে পেয়েও মরতে কতো ভয় করছে! অথচ এত  
দিন ধরে শুধু মনে মনে একেই ডেকে এসেছি...আজ শেষ  
দিনে পৃথিবী আমায় পাগল করে' তুলেছে...তোমার স্মৃতি  
আমাকে লোভাতুর করেছে...বুকজোড়া অনন্ত পিপাসা...  
অথচ উপায় নাই—উপায় নাই! কোন এক সময়ে সব  
শেষ হ'য়ে যাবে!...কিন্তু...না, কি-ই বা হ'বে...সবই বুঝি,  
তবুও আজ আর পারছি নে.. এই শেষ সময়টায় এই ছেলে-  
মানুষীই যেন আমাকে পাগল করেছে!...একবার কি  
আসতে পার না...তেমনি কাছে বসে', তেমনি মাথাটা  
বৃকের উপর চেপে ধরে' ঠোঁটখানা এই মৃত্যুপথ-যাত্রীর  
শীতল ওষ্ঠের উপর রেখে, তেমনি গাঢ়স্বরে—সেই অতীত  
দিনের মতো একটীবার...শুধু একটীবার লেখা বলে'  
ডাকতে পারো না?...কিছু না, শুধু শুনবো—সেই  
মোহময় স্বরের সুর-সমারোহ...সব গিয়েছে—কেবল  
এইটুকু—একটীবার—শুধু একটীবার...

অজয়ের হাত হইতে পত্রখানি ঝলিত হইয়া পড়িল।  
একটা দমকা বাতাস সমস্ত ঘরখানিকে সবেগে নাড়িয়া দিয়া  
একটা বিজ্রপের মতো অজয়ের কাণের কাছে ফাটিয়া  
পড়িল।



অজয় ধমকিয়া দাঁড়াইল। সম্মুখের দিগন্তবিস্তৃত তরুলতা ছায়াবিহীন রৌদ্রতপ্ত ধূসর প্রান্তরের দিকে চাহিয়া তাহার শ্রান্ত ক্লান্ত পা দুইখানি যেন ভাঙিয়া পড়িল। অথচ এই মাঠটা পার হইতে পারিলেই লেখাদের গ্রাম। অজয় অসহায় করুণ-নেত্রে দিগন্তের সেই অস্পষ্ট সারি সারি কালো অচিন গাছগুলির দিকে একদৃষ্টে চাহিয়া রহিল—উহারই পর লেখাদের সাদা ধবধবে বাড়ী। ছোট একটা দীর্ঘশ্বাস ফেলিয়া শ্রান্তভাবে অজয় পাশের অশথ-ছায়ায় বসিয়া পড়িল।

কতক্ষণ। ঝিঝিঝি বাতাস অজয়ের ক্লান্ত দেহের উপর গভীর আলস্যে ছড়াইয়া পড়িতেছিল—শ্রান্ত চোখ দুইটা গভীর ঘুমে জড়াইয়া আসিতেছিল।

অজয়!

শিহরিয়া উঠিয়া অজয় চোখ মেলিয়া চাহিয়া বিষ্ময়ে স্তব্ধ হইয়া গেল। তাহার অসাড় কণ্ঠ হইতে একটা ভয়ানক অস্পষ্ট স্বর বাহির হইয়া আসিল—লেখা!

লেখা মাথা দুলাইয়া হি হি হি হি করিয়া তীব্র হাসি হাসিয়া উঠিল। উঃ! সে কি হাসি! অজানিত ভয়ে অজয়ের সর্বশরীর কাঁটা দিয়া উঠিল। তাহার অপলক চোখ দুইটাতে একটা ভীষণ আতঙ্ক যেন মূর্ত হইয়া উঠিল। অজয় কথা কহিতে পারিল না।

ললিত ঝঙ্কার তুলিয়া লেখা কহিল—চিন্তে পারচো না...তা' পারবে কেন? শেষের কথাগুলি যেন গাঢ় বেদনা-ভরা!

অজয় ভয়ে ভয়ে চোখ তুলিল। কথা কহিতে চাহিল, কিন্তু তাহার কণ্ঠ যেন কে সবলে রুদ্ধ করিয়া দিয়াছে—শুধু ঠোট দুইখানি বারকয়েক নড়িয়া উঠিল মাত্র।

লেখা আবার হাসিয়া উঠিল। সেই হাসি! অজয়ের দেহের প্রতিটা লোমকূপ দিয়া সেই তীব্র-করুণ ভীষণ হাস্যের সঙ্কল্প ভীতি সর্ব্বাঙ্গে ছড়াইয়া পড়িয়া যেন গাঢ় হিমে জমিয়া উঠিল! সর্বশরীর ব্যাপিয়া শব্দ-স্পর্শ-জ্ঞান-হীন ভয়াবহ নিঃসাড়তা...একটা দীর্ঘশ্বাস ফেলিবার একটু আশ্বিনাদ করিবার ক্ষমতাও নাই!

লেখা সরিয়া বসিল। তাহার লীলায়িত কমনীয় তরুর

প্রত্যেক অঙ্গ সঞ্চালনে—নিঃসীম শীতলতা ঝরিয়া পড়িতে লাগিল। উঃ, সে কি কনকনে ঠাণ্ডা! অজয় যেন জমিয়া গেল!

করুণ হাসিয়া উচ্ছ্বসিত-কণ্ঠে লেখা কহিল—চিন্তে পারচো না?—আমি যে তোমারই লেখা! অকস্মাৎ লেখা আশ্বিনাদ করিয়া ফাটিয়া পড়িল। উঃ, সে কি করুণ ক্রন্দন! অজয় জলধারা বর্ষণ করিয়া বেদনা-ম্লান চোখ দুইটির শীতল দৃষ্টি ফেলিয়া লেখা কহিল—ওগো, কেন আগে এলে না...এলেই যদি, তবে কেন দুটোদিনও আগে এলে না? তা' হ'লে...কথাটা আর শেষ করিতে পারিল না। অসমাপ্ত কথার মাঝেই আবার সে আশ্বিনাদ করিয়া কাঁদিয়া উঠিল।

অজয়ের ভয়ত্রস্ত মনে একটু একটু করিয়া সাহস সঞ্চার হইতেছিল। ভীত অস্পষ্ট কণ্ঠে সে ডাকিল—লেখা!...

—পেরেচো? পেরেচো...সত্যি আমায় চিন্তে পেরেছো? আমি তো ভেবেছিলুম...লেখা তাহার মৃণাল ভুজবল্লরী দিয়া অজয়ের কণ্ঠ জড়াইয়া ধরিল। সাপের চেয়েও হিম-শীতল সে স্পর্শ নিকরুণভাবে অজয়ের মাংসের ভিতর যেন কাটিয়া বসিল। অজানিত ভয়ে আবার তাহার চেতনা বিলুপ্ত হইয়া আসিতেছিল, কিন্তু যৌবনের গর্ব্ব অকস্মাৎ জ্বলুটি করিয়া উঠিল। সে ক্লেপিয়া গেল নাকি? লেখাকে ভয় কি? অসুস্থ শরীরে বাড়ী ছাড়িয়া এতদূর আসিবার সঙ্গত কারণ নাও থাকিতে পারে—কিন্তু অর-বিকার অসম্ভবকে সম্ভব করে। কে জানে লেখার...কিন্তু যদি তাই হয়...যদি মরণের...একটা অবিশ্বাসের কঠিন হাসি তাহার ঠোঁটের উপর দিয়া মিশাইয়া গেল।

কতকটা পরিষ্কার কণ্ঠে কহিল—তোমার চিঠি পেয়েই এসেছি।

লেখা তাহার চোখের গম্ভীর দৃষ্টি মেলিয়া চাহিল। অজয় একবার একটু কাঁপিয়া উঠিল। কিন্তু পরক্ষণেই অভিমান-ক্লম-স্বরে কহিল—অন্ডায় না হয় আমারই হয়েছে—কিন্তু তুমিও তো দু'দিন আগে চিঠি দিতে পারতে? ভুল আমি যতই করতে পারি—কিন্তু এও তো



জ্ঞান তোমার ডাক অবহেলা আমি করতে পারি না—পারি কি ?

লেখার চোখ দুইটা ছলছল করিয়া উঠিল। অম্পষ্ট অশ্রু-গাঢ়-স্বরে কহিল, পার না...কিন্তু অভিমানই আজ আমায়...

বল হরি হরিবোল !...বল হরি হরিবোল...

অস্তুহীন প্রাস্তরের একদিক হইতে সেই ভয়াবহ চীৎকারের ভীষণতা সহসা উভয়কে সচকিত করিয়া দিয়া গেল।

লেখা চঞ্চল হইয়া উঠিল। করুণ চোখ দুইটির মিনতি-ভরা দৃষ্টি নিখর হইয়া আসিল। ব্যাকুল-কণ্ঠে সে কহিল, অজয়, আমি যাই...আমি...

অজয় তাহার মৃত্যু-শীতল হাতখানি চাপিয়া ধরিল। সেই ভয়াবহ শীতলতায় তাহার শরীর আর একবার শিহরিয়া উঠিল। তাহার কণ্ঠের স্বর আবার রুদ্ধ হইয়া গেল।

বল হরি হরিবোল !...বল হরি হরিবোল !...

লেখা অজয়ের হাত ছাড়াইয়া তীরবেগে উঠিয়া দাড়াইয়া ব্যাকুল-কণ্ঠে কহিল, আর না—অজয়...অজয় আমায় যেতে হ'বে...যেতে হ'বে...অজয়...হি হি হি হি !—ব্রহ্মপদে লেখা সম্মুখের সঙ্ক্যার গাঢ় তিমিরাবৃত প্রাস্তরের মধ্যে কোথায় মিলাইয়া গেল। শুধু তাহার কণ্ঠের তীব্র হাস্য অজয়কে ভীত স্তব্ধ করিয়া দিয়া গেল।

সেই নিঃস্বক প্রাস্তরের বক্ষ ভেদ করিয়া কতকগুলি অম্পষ্ট কণ্ঠের শব্দ শোনা যাইতে লাগিল এবং অনতি-বিলম্বে পাশের আতা ঝোপের পাশ হইতে কয়েকটা লণ্ঠনের বাতির তীব্র আলোকরশ্মি অজয়ের চোখ মুখের উপর আসিয়া পড়িতেই তাহার চেতনা যেন ফিরিয়া আসিল।

বল হরি হরিবোল ;...বল হরি হরিবোল !...

অশান-যাত্রীর দস একবারে অজয়ের সম্মুখে আসিয়া পড়িল এবং লণ্ঠনের উজ্জ্বল আলোকে প্রতি দৃষ্টি পড়িতেই অজয় চীৎকার করিয়া উঠিল—ভবতোষবাবু !

একটা প্রৌঢ় ভদ্রলোক অগ্রসর হইয়া আসিয়া লণ্ঠনটা

উচু করিয়া ধরিয়া পলকমাত্র অজয়ের দিকে চাহিলেন, পরক্ষণেই উচ্ছ্বসিত আবেগে কাঁদিয়া ফেলিলেন—লেখা...

অজয় বিকট আর্তনাদ করিয়া উঠিল—লেখা...

ভবতোষবাবু চোখের জল মুছিতে মুছিতে অশ্রুভারা-ক্রান্ত-কণ্ঠে কহিলেন—নেই ! অজয়—নেই !...আমার লেখা নেই !...মৃত্যু-সময় মা আমার তোমার কথা কতবারই না বলেছে...তোমাকে দেখবার জন্মে, উঃ, মায়ের আমার সে কি কাকুতি ! কাল্মার ক'দিন বিরাম ছিল না...কৈদে কৈদে মা আজ অপরাধে...

তারপর ভবতোষবাবু কি বলিলেন না বলিলেন, তাহা অজয়ের ভয়স্কন্ধ কর্ণে প্রবেশ করিল কিনা বোঝা গেল না। শুধু একটা ভয়াবহ আর্তনাদ রাত্রির বক্ষ ভেদ করিয়া দূর-দূরান্তের ঘুমন্ত পক্ষীশিকুলে পর্য্যন্ত আতঙ্কে জাগাইয়া দিয়া কোথায় বিলীন হইয়া গেল। অজয়ের চেতনা-বিহীন দেহ সেইখানে লুটাইয়া পড়িল।

কয়েক মাসের দীর্ঘ ব্যবধানে অজয়ের মন হইতে হয় তো সেই দিনের সেই ভয়াবহ চিত্র—লেখার শেষ-যাত্রার একান্ত করুণ দৃশ্য মিশাইয়া গিয়াছে। তাহার দৈনন্দিন সহজ জীবন-যাত্রায় সে সব কথার আর যেন কিছু ধরাছোঁয়া যায় না। লেখা মরিয়া যেন প্রমাণ করিয়া দিয়াছিল—অজয়ের নিকটেও সে মরিয়াছে।

অতীব বিচিত্র এই মানুষের মন। ইহার সুখ-দুঃখের ইহার অমুরাগ-বিরাগের, ইহার বিরহ-মিলনের, ইহার আকাজক্ষা-বিতৃষ্ণার ইতিহাস আরও বিচিত্র। মনোরাজ্যে এই যে দুইটা বিপরীত ভাব দ্বারার নিরন্তর বিপ্লব—ইহা লইয়াই মানুষের জীবন। তাই মানুষ যখন অত্যন্ত প্রিয়জনকেও অনায়াসে ভুলিয়া যায়, কেহ তাহাতে বিস্মিত হয় না। আকাজক্ষিত বস্তুকে যখন সে ঘৃণাভয়ে উপেক্ষা করে, কেহ তাহাতে কথা বলে না—ইহাই মানুষের মন। এক সময় যাহাকে পাওয়ার জন্য পাগল হয়, তাহাকেই আর এক সময় ভুলিবার জন্য তাহার ব্যাকুলতার আর অস্ত থাকে না।

অজয় লেখার মৃত্যু-সমাধির উপর যবনিকা টানিয়া



দিবার জন্মই বোধ করি অকস্মাৎ বিবাহের চেষ্টায় উঠিয়া পড়িয়া লাগিয়াছিল—অথচ, এই কাজটাই আজ কয়েক বৎসরের মধ্যে কেহ সম্ভবপর বলিয়া মনে করে নাই।

বিবাহ বাড়ী—আনন্দ-মুখর।

উৎফুল্ল অজয় নিরাল ঘরে একাকী বসিয়া থাকিয়া অধীর আগ্রহে বোধ হয় শুভ-মিলনের প্রিয় মুহূর্তটির অপেক্ষা করিতেছিল।

বাহিরে তখন ফাস্তনের আকাশ জুড়িয়া রূপালী জ্যোৎস্নার হাসি আর ধরিতেছিল না। গাছে গাছে কচি পাতাগুলি আনন্দে চিক্‌চিক্‌ করিতেছিল। আশ্রমকুলের মৃদু মধুর গন্ধে চতুর্দিক পরিপূরিত। জ্যোৎস্না-বিলাসী কোন একটা পাপিয়া আকাশতলে মন্দির-কণ্ঠে গাহিয়া গেল—পিয়া—পিউ—পিউ—

অজয়!

অকস্মাৎ কাহার ক্ষীণকণ্ঠের আহ্বানে চমকিয়া মুখ তুলিতেই পলকে অজয়ের মুখ ছাইয়ের মত সাদা হইয়া গেল। তাহার বিস্মিত অপলক চোখ দুইটির দৃষ্টিতে গভীর ভীতি বিরাজ করিতে লাগিল।

হি—হি—হি—হি! লেখা খিলখিল করিয়া হাসিয়া উঠিল। তাহার কণ্ঠের হাসিতে প্রেতলোকের ভয়াবহ আতঙ্ক অজয়ের প্রতি রক্তকণায় বিচ্ছুরিত হইয়া তাহার বক্ষের ক্ষীণ স্পন্দনটুকুও বৃদ্ধি বা চিরতরে স্তব্ধ করিয়া দিল।

দুইটা ভয়ত্রস্ত চোখের দৃষ্টি মেলিয়া অজয় পাথরের মূর্তির মত লেখার অসাড় অনড় দেহ এবং বরফের স্তায় সাদা মুখের দিকে চাহিয়া রহিল।

লেখা 'স্বপ্ন' করিয়া অজয়ের পাশে বসিয়া পড়িল। একবার পলকহীন চোখের দৃষ্টি মেলিয়া অজয়কে দেখিয়া লইয়া লেখা কহিল—স্বমতি আমার চেয়েও স্থল্লরী, না?...তাকে ভালবাস, না? ভাল বৃদ্ধি খুব বাসো—খু-উ-ব?

লেখার কণ্ঠের সেই বিকৃত স্বর অজয়ের বরফের মত জমিয়া যাওয়া হৃৎপিণ্ডের উপর আর্জনাৎ করিয়া আছড়াইয়া

পড়িল। অজয় কোনরূপে তাহার ভয়-চকিত দৃষ্টি দিয়া চাহিয়া দেখিল—লেখার চোখ দুইটা অশ্রু-সজল—তাহার সাদা মুখখানির উপর বেদনা স্পষ্ট!

অজয় কি বলিতে গেল—কিন্তু অনেক চেষ্টাও করিয়া বলিতে পারিল না।

লেখা অকস্মাৎ সেই আগের দিনের মত আবদারের স্বরে বলিতে লাগিল—আমাকে কি বিয়ে করতে পারতে না...পারতে না? কয়েক মুহূর্ত অজয়ের চোখের দিকে সে অপলক দৃষ্টিতে চাহিয়া রহিল। তারপর স্থগভীর একটি দীর্ঘশ্বাস ফেলিয়া কাতর-কণ্ঠে কহিল—তবে আমায় ভুলিয়েছিলে কেন...কেন আমায় স্পর্শ করে' আমার অন্তরে কামনা জাগিয়েছিলে...কেন উন্মাদ বাসনার সৃষ্টি করে'—আকণ্ঠ পিপাসা দিয়ে—আমার বুকে আগুন জ্বলে দিয়েছিলে?...আমি তোমার কি করেছিলুম—কেন তুমি আমায় মিষ্টি কথায় ভুলিয়ে আমার জীবনটা নষ্ট করে' দিলে?—আমাকে...লেখা দুই হাত দিয়া মুখ ঢাকিয়া হাউ-হাউ করিয়া বুকভাঙা কান্না কাঁদিতে লাগিল।

অবসন্ন ভয়-কম্পিত শ্রবণ হস্ত লেখার মাথার উপর রাখিয়া অজয় অশ্রুট-কণ্ঠে কহিল—লেখা!

—লেখা? কে লেখা—তোমার লেখা মরেছে—মরেছে...হি-হি-হি-হি!...লেখা মরেছে! যাও, তার মরণের চিতায় স্বমতির আবাহন কর গে!...তুমি স্থল্লী হও—স্থল্লী হও!...তার কণ্ঠস্বর ক্ষীণ হইতে ক্ষীণতর হইয়া বাতাসে মিলাইয়া গেল।

অজল চমকিয়া ভাল করিয়া চোখ মেলিয়া চাহিতেই দেখিল—কেহ নাই—আগের মতই সে একা বসিয়া আছে। শুধু একটা দমকা বাতাসে লেখার অট্টহাস্য চারিদিকে ছড়াইয়া পড়িতেছিল।

তবে কি লেখা আসে নাই?...এ তাহার দুর্বল মস্তিষ্কের কল্পনাশ্রুত একটা ভয়ানক দৃশ্য!...

কিন্তু তাহার ভয়-চকল দৃষ্টির সম্মুখে লেখার রক্তহীন বরফের মতো সাদা মুখখানি যেন উজ্জল হইয়া ফুটিয়া উঠিল।



স্মৃতি ঠিক বৃষ্টিতে পারে না তাহার স্বামীর কি অস্থ। জর নাই—ব্যাধিক কোন রোগ লক্ষণও তাহার সতর্ক দৃষ্টিতে পড়ে না; অথচ, অজয় দিন দিন শুকাইয়া উঠিতেছে। তাহার সমস্ত মুখ চোখে যেন একটা স্থগভীর আতঙ্ক পরিষ্কৃত। আহারে স্থখ নাই, নিদ্রায় শান্তি নাই—সমস্ত দিনব্যাপিয়া কি যেন সে দেখে তাহার ব্যাকুল-নেত্রের বিহ্বল-দৃষ্টি কি দেখিয়া শিহরিয়া উঠে! স্মৃতি মিনতি করে, কতকথা জিজ্ঞাসা করে, অজয় শুধু শ্রান হাসে। কিছু বলে না।

স্মৃতির ভারি দুঃখ।

অপরাহ্নের শ্রান সূর্যালোকটুকু নিভিয়া আসিতেছে।

অজয় বারান্দায় একথানা ইজিচেয়ারে গা ঢালিয়া দিয়া পড়িয়াছিল। স্মৃতি চায়ের বাটী আনিয়া তাহার হাতে দিয়া কহিল—চা খেয়ে নাও।

অজয় স্মৃতির সাজসজ্জার দিকে বারেক স্থিত-দৃষ্টিতে চাহিয়া পরিহাস করিয়া কহিল—অভিসারে না কি?

স্মৃতির স্মৃগৌর মুখখানি ডালিম ফুলের মতো আরক্ত হইয়া উঠিল। দুই চোখের চঞ্চল হাসিভরা দৃষ্টিতে অজয়কে পাগল করিয়া দিল। সে কহিল—যাও!

অজয় হাসিয়া কি উত্তর দিতে যাইতেছিল, অকস্মাৎ তাহার হাত দুইটা সবেগে কাঁপিয়া উঠিয়া চায়ের বাটীটা স্থলিত হইয়া সানের উপর পড়িয়া গিয়া চুরমার হইয়া গেল। সমস্ত মুখখানা মড়ার মত সাদা হইয়া গেল—তাহার সমস্ত শরীর ধবধব করিয়া কাঁপিতে লাগিল।...

স্মৃতি স্বামীর আকস্মিক ভাবান্তর লক্ষ্য করিয়া আতঙ্ক-দৃষ্টিতে চতুর্দিকে চাহিতে লাগিল। কিন্তু কিছুই দেখিতে পাইল না—অথচ কেমন একটা বিহ্বলতা তাহার কর্তব্য-বুদ্ধিকে পর্য্যন্ত যেন বিপর্য্যস্ত করিয়া দিল—কি যে করিবে, তাহা সে বৃষ্টিতে পারিল না।

অকস্মাৎ ইঞ্জিনের তীব্র ‘হইশিলে’র মতো স্তম্ভীকর ঝটকাস্যে স্মৃতির পদনখর হইতে মস্তকের কেশ পর্য্যন্ত যেন ভয়ে শিহরিয়া খাড়া হইয়া উঠিল। সে কাঁপিতে কাঁপিতে মেঝের উপর বসিয়া পড়িল।

হি-হি-হি-হি!—এই বৃষ্টি নতুন বউ!...লেখার ছায়া-

মূর্ত্তি ধীরে ধীরে স্মৃতির সম্মুখে আসিয়া দাঁড়াইল। তাহার কর্ণভেদ করিয়া একটা বিকৃত স্বর ফুটিয়া উঠিল—  
বাঃ, বেশ স্মন্দরী তো!...না অজয় দা’, ঠকো নি...কিন্তু ...কিন্তু ওকি অমন করে’ বসে’ রয়েছে কেন? এস দু’জনে পাশাপাশি একবার দাঁড়াও, আমি দেখি।..  
অজয় গৌ গৌ করিয়া উঠিল এবং পরক্ষণেই একটা বিকট আর্ন্তনাদ করিয়া ইজিচেয়ার হইতে গড়াইয়া মাটিতে লুটাইয়া পড়িল।

স্মৃতি ভয়ে আতঙ্কে প্রাণপণ চীৎকার করিয়া উঠিল—কিন্তু মনে হইলে বৃষ্টি সে চীৎকার সে নিজেই শুনিতে পাইতেছে না। আবার চীৎকার করিয়া উঠিল। আবার ...জোরে...আরও জোরে...হাঘরে, কে যেন তাহার গলাটা আজ একেবারে বন্ধ করিয়া দিয়া গিয়াছে।...শুধু তাহার কাণ দুইটির পাশে একটা বিকট হাসি বারেবারে ফাটিয়া পড়িতে লাগিল।

সমস্ত শুনিয়া স্মৃতি স্তম্ভীকর নিশ্বাস ফেলিয়া শ্রানকণ্ঠে কহিল—বেশ, লেখাকে বিয়ে করলে না কেন?

অজয়ের চোখ দুইটা সজল হইয়া উঠিল। কহিল—  
লক্ষ্মায় বাবাকে বলতে পারি নে। মা থাকলে হয় তো...  
তারপর বাবা মারা যাবার পর আর কোন বাধাই ছিল না.....কিন্তু.....

লেখা সংশয়-ব্যাকুলকণ্ঠে কহিল—কিন্তু কি?

অজয় উদাস-কণ্ঠে কহিল—ঐ কিন্তটা আঙ্গু আমি ভাল করে’ বৃষ্টিতে পারি নি। নিজের কপালের দোষ ...দুরদৃষ্ট...নইলে.....

বাধা দিয়া স্মৃতি কহিল—কিন্তু লেখাও তো এসব জানতো—তোমার মিলনের পথে কতো বাধা। না জানলেও বিস্তারিত তোমার লেখা উচিত ছিল।

অজয় তেমনিভাবে কহিল, লিখেও ছিলুম সব—ও আমাকে কোনদিন অবিশ্বাস করে নি—আমার একটা কথা উপর নির্ভর করে’ ও মরণ পর্য্যন্ত বরণ করিতে পারত। এ শিক্ষা আমিই ওকে দিয়েছিলুম—সে শিক্ষা মিথোও হয় নি.....আমার কথা উপর বিশ্বাস করে’.....



—কিন্তু অমন করে ম'লো কেন? তুমি তো তাকে কখনও প্রত্যাখ্যান করে নি?

—তা' করি নি। কিন্তু এরই মধ্যে মামা এসে এক গোল বাধালেন। মামীমার কোন্ বোনের এক রূপসী মেয়ে—কথাটা আর গোপন রইলো না।

—অজয়ের দুই চোখ বহিয়া কয়েক ফোটা জল গড়াইয়া পড়িল। স্মৃতির চোখও শুক রহিল না।

বাহিরে তখন সুনীল আকাশ জুড়িয়া রৌদ্র চিক্‌চিক্‌ করিতেছে। সেইদিকে কিয়ৎকাল নির্নিমেষ নেত্রে চাহিয়া থাকিয়া অবশেষে মুখ ফিরাইয়া অপেক্ষাকৃত পরিষ্কার কণ্ঠে অজয় কহিল—তোমার ভয় করুছে, না স্মৃ?

স্মৃতি চমকিয়া উঠিল। স্নান হাসি টানিয়া কহিল—তুমি থাকতে ভয় কি?

অজয় ঝুঁকিয়া পড়িয়া স্মৃতির হাত ধরিয়া টানিয়া প্রায় বৃকের কাছে আনিয়া তাহার স্নান মুখ উঁচু করিয়া তুলিয়া ধরিয়া পরিহাস-তরল-কণ্ঠে বলিল—এই মুখখানা.....কিন্তু সবটা শেষ করিতে পারিল না। অজয়ের গায়ে গাত্র স্পর্শ হওয়ায়—স্মৃতি চমকিয়া উঠিয়া কহিল—এ কি! এ যে পুড়ে যাচ্ছে—জর হয়েছে নাকি? বলিয়া ভাল করিয়া তাহার কপালের উষ্ণতা পরীক্ষা করিতে গিয়া মনে মনে শিহরিয়া উঠিল।

অজয় স্মৃতির ভাব দেখিয়া হাসিল। কহিল—ও তো আমার রোজই হয়—একটুতেই তোমার যে ভয়.....

কিন্তু স্বামীর কথায় স্মৃতির মনের ভয় গেল না। বৃকের ভিতর যেন কেমন হা হা করিয়া উঠিল। স্বামীর তো পূর্বেও জর হইয়াছে—কিন্তু অস্তরের মধ্যে এখন হাহাকার তো সে কোনদিন শুনিতে পাই নাই।

আতঙ্ক-কম্পিত-কণ্ঠে সে স্বামীকে কহিল কিসে যে তোমার হাসি আসে—রেধোকে পাঠিয়ে দি'—ডাক্তার আহুক।

অজয় আবার হাসিল। নানাভাবে স্মৃতিকে প্রবোধ দিল—সামান্ত একটু জর—জরও ঠিক নহে, মাত্র গাটা একটু গরম হইয়াছে। এ তো সবারই হয়—এরই জন্য অতো উতলা কেন? তেমন কিছু হয়, না হয় ভোরে.....

কিন্তু তাহার সমস্ত কথা ওলট-পালট করিয়া দিয়া রাজ্বেই ভীষণ জর তাহাকে পাগল করিয়া দিল। ভোরে ডাক্তার আসিল—ঔষধের ব্যবস্থা হইল। চারিদিকে হলহুল পড়িয়া গেল। দেব-দেবীর কাছে স্মৃতি মাথা কুটিতে লাগিল—কিন্তু অজয়ের অবস্থা ক্রমশঃ যেন খারাপের দিকে যাইতে লাগিল। দিবারাত্রি জ্ঞান নাই—কি যে ভুল বকিতেছে...

স্মৃতি বুঝিল, তাহার কপাল পুড়িয়াছে। জোর করিয়া লেখার স্বামীকে সে দখল করিয়াছিল, আর কিছু নয় লেখাই আজ সেই দখল উল্টাইতে বসিয়াছে। ঔষধ-পত্র ডাক্তার-কবিরাজে এ রোগের কিছু করিতে পারিবে না। বাহার জিনিষ সে লইতে আসিয়াছে—মানুষ কি করিয়া ঠেকাইবে।

দেবতার অঙ্গনে অসহায় স্মৃতি মাথা কুটিতে লাগিল।...

সন্ধ্যা অনেকক্ষণ উত্তীর্ণ হইয়া গিয়াছে। গাঢ় তিমিরে চতুর্দিক আচ্ছন্ন! দূরে, নিকটে, লতাপাতার গাঢ় কালে ছায়ায় ছায়ায় অশরীরি আত্মার মতো জোনাকীগুলি জলিয়া জলিয়া ঘুরিয়া ঘুরিয়া বেড়াইতেছে।

স্মৃতি দীর্ঘকাল তুলসী-মঞ্চ মাথা কুটিয়া গলগলীকৃত বাসে উঠিয়া দাঁড়াইল। তাহার দুইটা চক্ষু অশ্রুপ্লাবিত-স্ফীত। কোমল বুকখানি অব্যক্ত ক্রন্দনোচ্ছ্বাসে কখন কখন কাঁপিয়া উঠিতেছে।

স্মৃতি উঠিয়া অনন্ত আকাশের দিকে চাহিয়া অলস দেবতার উদ্দেশে অস্তরের সমস্ত বেদনা ঢালিয়া দিয়া অশ্রুধারায় প্রার্থনা করিল—হে ভগবান, আমাকে নাও... ঠেকে নিরাময় করো—ওকে শাস্তি দাও!.....

—স্মৃতি, বোস!

একটা চাপা কিস্‌ফিস্‌ তাকে স্মৃতি চমকিয়া ফিরাই দাঁড়াইয়া শিহরিয়া উঠিল। লেখার সমস্ত শরীর কেন গাঢ় অন্ধকারের সহিত লেপিয়া একাকার হইয়া দিয়াছে—



শুধু দুইটা চোখের স্বতীত্ব দৃষ্টি এই গাঢ় অন্ধকারে তাহার অস্তিত্ব প্রমাণ করিয়া বিদ্যুতের মতো জ্বলিতেছে।

স্মৃতি 'কাঠ' হইয়া গেল। তাহার হাত পা সমস্ত যেন অবশ ঠাণ্ডা হইয়া জমিয়া গিয়া একেবারে মাটির সহিত আঁটিয়া গেল।

লেখা একটু সরিয়া আসিল। মিনতি করিয়া কহিল—স্মৃতি, বোন, আমাকে ভয় কর কেন? যাক, অজয় কেমন আছে?

স্মৃতির সাহস ফিরিয়া আসিল। কেমন একটা ক্রোধে, একটা অজানিত জিঘাংসায় তাহার অন্তর বিষাইয়া উঠিল। লেখা যে মানুষ নয়—তাহাকে যথেষ্ট ভয় করিবার আছে একথা স্মৃতি একেবারে ভুলিয়া গেল। শুধু তাহার মনে হইল, লেখা তাহারই মতো নারী, সে তাহার স্মৃতির সংসার নষ্ট করিতে আসিয়াছে...তাহার সোণার সংসারে আগুন লাগাইতে বসিয়াছে...তাহার স্বামীকে...

ক্রোধ-কম্পিত-কণ্ঠে স্মৃতি কহিল—দিন দিন তাকে চুষে খেয়েই ফেল্ছো, শুধু জীবনটুকু—সেও তো আজ...

লেখা যেন কেমন হইয়া গেল। তাহার কণ্ঠ দিয়া আজ সেই অটুহাসি ফাটিয়া পড়িল না। যেন মানুষের ত্রায় কাতর-কণ্ঠে কহিল—কি করেছি আজ...নিতে এসেছি...

স্মৃতি দাঁতে দাঁত রাখিয়া রুদ্ধস্বরে কহিল—তাই সর্বনাশী—রাঙ্কসী...

লেখা হাসিয়া উঠিল—বড় শ্রান সে হাসি—বড় করুণ! কহিল—সর্বনাশী—রাঙ্কসী...তাই—তাই বোন, তাই। কি চোখেই ওঁকে দেখেছিলুম, মরেও ভুলতে পারলুম না! ওঁর সর্বনাশ করলুম, তোমার করলুম, নিজের ...তারপর হঠাৎ ব্যাকুলভাবে কহিল—কিন্তু সত্যিই কি বাঁচবে না দিদি...

স্মৃতির চোখেও কি জানি কেন জল আসিয়া পড়িল। রাগ করিয়া ষাহাকে বকিবে, জু'কথা শোনাইয়া দিবে মনে করিয়াছিল, তাহারই ব্যাকুল অশ্রু-কাতরস্বরে তাহার কোমল নারী-হৃদয় কেমন কাঁদিয়া উঠিল। স্মৃতি নিরুত্তরে অন্তরিক্তে মুখ ফিরাইয়া অশ্রু মুছিতে লাগিল।

লেখা অধৈর্য হইল। কাঁদিয়া কহিল—স্মৃতি!

স্মৃতি আঁচল দিয় চোখ মুছিয়া গাঢ়স্বরে কহিল—বাঁচবে...যদি তুমি আর না আস...আর না তাঁকে দেখা দাও...

লেখার সমস্ত মুখখানির ওপর অব্যক্ত যন্ত্রণা, অপরিসীম বেদনা ফুটিয়া উঠিল। স্মৃতি কাতর হইয়া উঠিল। গল্পে সে অনেক শুনিয়াছে, রূপ-কথায় অনেক পড়িয়াছে, কিন্তু অশরীরি আশ্রয় এই বিরহ-মলিন

মুখের অবর্ণনীয় কাতরতা আজ সত্য-সত্যি চক্ষে দেখিল। সে অপরিসীম বেদনায় নির্বাক বিষ্ময়ে লেখার মুখের দিকে শুক্ক হইয়া চাহিয়া রহিল।

লেখা কতকটা আত্মগতভাবেই যেন অতিকণ্ঠে উচ্চারণ করিল—আর তাঁকে না দেখা দিই...স্মৃতি, বোন, তাই হ'বে। আর আসবো না—বুক ফেটে গেলেও আর দেখা দেবো না। ওঁকে দেখো দিদি...ও যে...কিন্তু এই ফুল দু'টি—ওর কপালে ছুঁইয়ে ওর বালিশের তলায় রেখে দিও...না-না-না, এ খারাপ কিছু নয়—দেবতার নির্দ্বন্দ্ব—এতেই ও সেরে যাবে—মনের ভয় কেটে যাবে...একবার দিদি...না...না...আর নয়...তুমি স্থপী হও ভাই!...

স্মৃতি সভয়ে দেখিল—অকস্মাৎ যেমন অতল কালো অন্ধকার হইতে লেখা ভাসিয়া উঠিয়াছিল, তেমনি সেই অতল অন্ধকারে চক্ষের পলকে মিশিয়া গেল—তাহার চিহ্ন মাত্র নাই...শুধু সেই ফুল দুইটা লেখার আগমনের সাক্ষীরূপ তখনও তাহার হাতের মধ্যে তেমনিভাবে ধরা আছে।

অজয় সারিয়া উঠিল।

সেই হইতে আর লেখা আসে নাই। কতদিন গিয়াছে—কত রাত্রির অন্ধকার বৃকের উপর দ্রুত মেঘ ঝড়-বৃষ্টির সাথে মাতামাতি করিয়াছে, ঘরের ভিতর হইতে স্মৃতি কাণ পাতিয়া কি শুনিয়াছে, কখন কখন ভয়ে শিহরিয়া উঠিয়াছে। 'অজয় হাসিয়া স্মৃতিকে বৃকের মধ্যে চাপিয়া ধরিয়া সোহাগভরা-কণ্ঠে বলিয়াছে—কি ভীতু! বাইরে ঝড় হচ্ছে, বৃষ্টি পড়ছে তারই শব্দ। আর তুমি কি না—স্মৃতি তাহা বিশ্বাস করে নাই। তাহার কর্ণে কর্ণে লেখার বুকফাটা ক্রন্দোনঙ্কাস ভাসিয়া উঠে—তাহার সুদীর্ঘ দীর্ঘশ্বাস সে যেন আজও স্পষ্ট শুনিতে পায়। বাহিরে বাতাসের গোঁড়ানি—বৃষ্টির ঝমঝম শব্দে স্মৃতি শিহরিয়া উঠিয়া মনে করে—লেখাই বৃষ্টি তাহার অতৃপ্ত হৃদয়ের মক-তৃষ্ণা লইয়া এই বাড়ীটার চারিদিকে অমন করিয়া কাঁদিয়া কাঁদিয়া ঘুরিয়া বেড়াইতেছে!...

ভীতা স্মৃতি তন্দ্রা-জড়িত চক্ষে আরও ভয়ে স্বামীকে জড়াইয়া ধরিয়া শিহরিয়া উঠে।...

মণীন্দ্রচন্দ্র সাহা



# পুরাতনের পরিচয়

## সে কালের দারোগার কাহিনী

চোর বড়, ন', দারোগা বড় ?

চোরের অমুসন্ধান শক্তি যে কত তীক্ষ্ণ এবং অব্যর্থ, তাহা ঠাঁহারা সে কর্মের কর্মী নহেন, তাঁহারা সম্যাকরূপে অমুধাবন করিতে পারেন না।

আমাকে একজন অতি বিশ্বস্ত ভদ্রলোক বলিয়াছিলেন, যে তাঁহার বাসস্থানের নিকট এক গ্রামে ইদাজোলা নামক একজন অতি বৃদ্ধ মনুষ্য ছিল; তাহার বয়স প্রায় আশী বৎসর হইয়াছিল। পূর্বে সে এমন চোর ও ডাকাইত ছিল, যে তাহার জীবনের অধিকাংশ কাল জেলখানায় অতিবাহিত হইয়াছিল; ইদা যখন কারাগার হইতে মুক্ত হইত, তখন সে অগ্ৰাণ্য কয়েদিদিগকে বলিয়া আসিত যে “ভাই দেখিস্, তোরা যেন আমার ভাতের হাঁড়িটা নষ্ট করিস্ না, আগি শীঘ্রই ফিরিয়া আসিতেছি”। বাস্তবিকও সে জেলখানা হইতে নির্গত হইয়া, কখন দশ পনের দিবস এবং অধিক হইলেও দুই তিন মাস বাহিরে থাকিয়া, পুনরায় দুষ্কর্ম করিয়া কারাবদ্ধ হইত। অবশেষে বৃদ্ধ বয়সে শক্তিহীন হইয়া সে চুরি ডাকাইতি হইতে ক্ষান্ত হয়। এই সময় তাহার ঈপানী কাশীর পীড়া হওয়াতে এবং কবিরাজে ভাল পুরাতন ঘৃত ব্যবহার করিতে পরামর্শ দেওয়াতে, ইদা ঐ পুরাতন ঘৃতের জন্য সেই ভদ্রলোকটির নিকট আসিল; তিনি জানিতেন যে তাঁহার নিকট ঐ দ্রব্য নাই, তাহাতে ইদা বলিল যে “কি ঠাকুর? আপনি আমাকে কি জন্য প্রবঞ্চনা করিতেছেন? আমি নিশ্চয় জানি যে আপনার ঘরে যেমন পুরাতন ঘৃত আছে, এমন অল্প কোন স্থানে নাই”। তাহাতেও তিনি সেই বিষয়ে অনভিজ্ঞতা প্রকাশ করাতে, ইদা জোলা তাঁহার কথা বিশ্বাস করিয়া বলিল যে “আপনি যদি সত্য সত্যই পুরাতন

ঘৃতের বিষয় অনবগত থাকেন, তাহা হইলে আপনি যাইয়া আপনার অমুক ঘরে অমুকদিগের কোণের নিকট মাটি খুঁড়িয়া দেখুন, এক ভাঁড় বহুকালের ঘৃত পাইবেন”। গৃহস্বামী সেইস্থানে অমুসন্ধান করাতে যথার্থ ঘৃত আবিষ্কৃত হইল। ইদা কহিল, যে সে অবগত ছিল, যে সেই ভদ্রলোকের পিতামহ তাঁহার নিজের পীড়ার জন্য সেইস্থানে ঘৃত পুরাতন করিবার জন্য একটা ভাঁড়ে মাটির মধ্যে এক সের ভাল গাওয়া ঘৃত পুঁতিয়া রাখিয়া ছিলেন। দেখুন গৃহস্বামী নিজে যাহা জানিতেন না, তাহা ভিন্ন গ্রামের একজন চোরে জানিত। ইহা ত গেল আমার শুনা কথা, চক্ষে যাহা দেখিয়াছি, তাহাও বড় সামান্য নহে। বিবৃত করিতেছি; কৃষ্ণনগরের পূর্ব প্রান্তে এক বেটা কুষ্ঠ ব্যাধিগ্রস্ত যুগী ছিল; দেখিতে দরিদ্র, দুই খানা পুরাতন জীর্ণ চালা ঘর মাত্র তাহার বিত্ত, এবং পরিবারের মধ্যে কেবল এক বিধবা ভগিনী। লোক দেখান দুই এক জোড়া নূতন কাপড় বিক্রয় করিয়া জীবন ধারণ করিত। প্রতিবাসীরাও সকলে তাহাকে বিত্তহীন এবং ধনহীন বলিয়া জানিত, কিন্তু একজন চোর জানিতে পারিয়াছিল, যে “ইহার ধুকড়ির ভিতর খাসা চাউল আছে”। একরাত্রে দশ পনের জন অস্বধারী মনুষ্য তাহার গৃহ আক্রমণ করিয়া লইয়া যায়। প্রাতে আমার নিকট সংবাদ আসিলে আমি ঘটনার স্থানে যাইয়া যুগীর ঘর বাড়ীর অবস্থা দেখিয়া প্রথমে বুঝিতে পারিলাম না যে নিকটে অনেক সজ্জতিপন্ন লোকের বাড়ী থাকিলেও ডাকাইতেরা কি জন্য সেই সকল বাড়ী পরিত্যাগ করিয়া এমন দরিদ্রের বাড়ী ডাকাইতি করিতে আসিল। যুগীও প্রথমে আমার নিকটে সকল



কথা ভাঙিয়া বলিল না; কিন্তু তাহার ভগিনীর পরামর্শে সে অবশেষে প্রকাশ করিল, যে অগ্ন্যন্ত স্থানে তাহার কাপড়ের ব্যবসা আছে এবং তদ্বারা সে অনেক নগদ সম্পত্তি আহরণ করিয়া তাহার এই দুই ভাঙ্গা গৃহে মাটির ভিতর গোপন করিয়া রাখিয়াছিল এবং ডাকাইতেরা তাহা জানিতে পারিয়া প্রায় সহস্রাধিক টাকার মূল্যের বস্ত্র ও সোণা রূপার গহনা ও নগদ টাকা লইয়া গিয়াছে, কিন্তু কোন্ ব্যক্তির দ্বারা এই কার্য্য হইয়াছে, তাহা সে বলিতে পারে না। ডাকাইতেরা মুখে কালী চূণ মাখিয়া আসিয়াছিল সূতরাং সে কাহাকেও চিনিতে পারে নাই।

যদিও এই ডাকাতি ক্রমশঃ নগরের একপ্রান্তে হইয়াছিল তথাপি নগরের সীমানার মধ্যে হওয়াতে আমার ও অধিবাসীগণের অত্যন্ত আতঙ্ক হইল; ভাবিলাম যে এই কার্য্যের কর্তাদিগকে ধৃত করিতে এবং শাস্তি দিতে না পারিলে, তাহারা যে পুনরায় অগ্ন্যন্তে এবং অগ্ন্যন্তের বাড়ীতে হস্ত প্রসারণ করিবে না, তাহা কে বলিতে পারে? অতএব আমার চর অগ্ন্যন্তদিগকে বিশেষ করিয়া অনুসন্ধান করিতে আদেশ করিলাম। আমি প্রত্যহ দুই বেলা যুগীর বাড়ীতে যাইয়া তাহার প্রতিবাসীদিগের মধ্যে অনেক অনুসন্ধান করিতাম কিন্তু দুই তিন দিবস নিষ্ফলরূপে কাটিয়া গেল, কিছুই করিতে পারিলাম না। এক দিন প্রাতে আমি যুগীর বাড়ী ঐরূপ যাইতেছিলাম, দেখিলাম যে নেওটিয়া সেখ নামক একজন প্রতিবেশী পথের মধ্যে আমাকে দেখিয়া বিলক্ষণ সঙ্কচিত চিত্তে অগ্ন্যন্ত দিকে যাইবার চেষ্টা করিল। যদিও আমি বেশ জানিতাম যে দারোগা দেখিলে ইতর লোক স্বভাবত সঙ্কচিত হইয়া অগ্ন্যন্ত পথ অবলম্বন করিতে চেষ্টা করে, তথাপি সেই সময়ে নেওটিয়ার ঐরূপ ভীকৃত্যব দেখিয়া আমার মনে হঠাৎ এক প্রকার সন্দেহ হইল। তাহাকে ডাকিয়া সে কি জ্ঞাত আমাকে দেখিয়া পলায়ন করিতেছে, জিজ্ঞাসা করাতে সে ভালরূপে আমার কথার উত্তর দিতে অসমর্থ হইল এবং আমার বোধ হইল, যেন তাহার কথাগুলি তাহার গলায় বাধিয়া থাকিতেছে, মুক্তকণ্ঠে কথা কহিতে পারিতেছে না। আমি তাহাকে কিঞ্চিৎ রাগান্বিতভাবে “কোথায় যাইতেছিস্”

বলিয়া জিজ্ঞাসা করাতে সে মাটির দিকে তাকাইয়া বলিল “যে মহারাজ আমি চুরি করি নাই”। আমার সঙ্গে আমার প্রধান গোয়েন্দা বুদ্ধু বরকন্দাজ ছিল; সে নেওটিয়ার কথা শুনিয়া “ঠাকুর ঘরে কে? না আমি কলা খাই নে; তুই চুরি করিস্ নাই, তবে কে করিয়াছে রে ব্যাটা? চল আমার সঙ্গে থানাতে চল, এখনি দেখাইয়া দিব, কেমন তুই চুরি করিস্ নাই” বলিয়া সে নেওটিয়ার হাত ধরাতে নেওটিয়া আমার পা ধরিয়া বলিল যে “দোহাই দারোগা মহাশয়! আমাকে মারিবেন না, আমি যাহা জানি বলিতেছি”! ইত্যাদি বাক্য প্রয়োগ করিয়া সে তাহার অপরাধ স্বীকার করিল এবং তাহার ঘর হইতে অপহৃত দ্রব্যের সে যে অংশ পাইয়াছিল, তাহা বাহির করিয়া দিতে সম্মত হইল। আমরা যুগীকে সঙ্গে লইয়া নেওটিয়ার গৃহে যাওয়াতে, তাহার ঘরের মধ্য হইতে একটা বড় হাড়ীতে চাউল দ্বারা আচ্ছাদিত কয়েক জোড়া নূতন বস্ত্র বাহির করিয়া দিল এবং যুগীও তাহা তাহার দ্রব্য বলিয়া চিহ্নিত করিল। নেওটিয়া যে সকল ব্যক্তির নাম করে, তাহাদের সকলের নিকট অপহৃত দ্রব্য পাওয়া গেল এবং সকলেই বলিল যে চিত্রশালী নিবাসী মুন্সী সেখ নামক এক ব্যক্তি তাহাদের সন্দার ছিল এবং অপহৃত সোণা রূপার অধিকাংশ দ্রব্য তাহারই নিকট আছে।

মুন্সী সেখ খানায় ধৃত হইয়া আসিবামাত্রই তাহার অপরাধ স্বীকার করিল এবং বলিল যে তাহার নিকট কোন অপহৃত দ্রব্য নাই, তবে তাহার সঙ্গীগণ তাহাদের নিজ নিজ অপরাধ লাঘব করার উদ্দেশ্যে তাহার নাম করিয়াছে। ফলে মুন্সীর ভাবগতিক দেখিয়া বোধ হইল, যে সে যাহা বলিয়াছে, তাহাই যথার্থ, প্রবঞ্চনা নহে। আমি তাহার কথাগুলি যথাবিধি লিপিবদ্ধ করিয়া সেই লিপিসহ তাহাকে মাজিষ্ট্রেট সাহেবের নিকট পাঠাইয়া দিলাম।

তখন বি পামর নামে একজন যুবা সিভিলিয়ান মাজিষ্ট্রেট ছিলেন। তিনি বহুকাল পশ্চিমাঞ্চলে থাকিয়া এইবার প্রথমে বাঙ্গালায় আসিয়া ছিলেন। বাঙ্গালা ভাষার ক অক্ষরও তিনি জানিতেন না, কিন্তু হিন্দিতে তাহার বিলক্ষণ দখল ছিল। চরিত্রও খুব তেজস্বী ছিল।



প্রজাদিগের যাহাতে শান্তি হয় এবং বদমায়েস এবং কুচরিত্রের লোকেরা যাহাতে দমন থাকে; তৎপ্রতি তাঁহার বিশেষ দৃষ্টি ছিল। তিনি এক দিবস রাত্রি দুই প্রহরের সময় অশ্ব পৃষ্ঠে সমস্ত কৃষ্ণনগর ভ্রমণ করিয়া থানায় উপস্থিত হইলেন এবং নগরের কোন স্থানে কোন গোলমাল দেখিতে না পাইয়া সন্তোষ প্রকাশ করিলেন, এক অশ্বের উপরে বসিয়া তিনি এক ঘণ্টা কাল আমাকে নানাপ্রকার উপদেশ দিলেন। তাহার মধ্যে একটি উপদেশ তিনি বারম্বার উল্লেখ করিয়া আমাকে স্মরণ করিতে বলিয়াছিলেন এবং তাহা এই যে “Daroga, never show your teeth before you bite.” অর্থাৎ “দারোগা কামড়াইবার পূর্বে কখন দাঁত দেখাইও না”।

এই মাজিষ্ট্রেটের নিকট আমি মুল্লীকে তাহার একরার সহিত প্রেরণ করিয়াছিলাম। আইনের নিয়ম ছিল এবং তাহা অস্বীকার সকল মাজিষ্ট্রেটকে অনুসরণ করিতে দেখিয়া-ছিলাম, যে থানা হইতে অভিযুক্ত ব্যক্তি স্বীকৃত কিম্বা অস্বীকৃত জবাবের সহিত একবার মাজিষ্ট্রেটের নিকট থানা হইতে প্রেরিত হইলে, সে তাঁহার সম্মুখে যাইয়া সেই জবাবের পোষকতা করুক, কিম্বা না করুক, সে আর থানায় পুনঃপ্রেরিত না হইয়া, হাজতে প্রেরিত হইত কিম্বা জামিন দিয়া শেষ বিচার পর্যন্ত মুক্ত থাকিতে পাইত। কিন্তু পামর সাহেবকে তাহার বিপরীত করিতে দেখিলাম। মুল্লী সেখকে কাছারি পাঠাইবার কিছুকাল পরেই দেখিলাম, যে বরকন্দাজ তাহাকে লইয়া পুনরায় থানায় আনিল এবং প্রকাশ করিল যে সাহেবের নিকট মুল্লী উপস্থিত হইয়া তাহার অপরাধ অস্বীকার করাতে, তিনি বিরক্ত হইয়া আমলাদিগকে বলিলেন, যে “দারোগা, আমার নিকট কি আসামি পাঠাইয়াছে? এ দেখিতেছি, একরার করে না; তবে ইহাকে আমার নিকট পাঠাইবার আবশ্যক কি ছিল? ইহাকে পুনরায় থানায় পাঠাইয়া দেও”। তখন আমি বুঝিলাম, যে মুল্লী সেখকে আমি যেরূপ সরল ব্যক্তি মনে করিয়াছিলাম, সে সেরূপ নহে; অতএব তাহাকে ধুব করিয়া প্রহার করিতে বরকন্দাজদিগকে শিখাইয়া দিলাম। পর দিবস প্রাতে মুল্লী পুনরায় কাছারিতে যাইয়া বখাৰ্খ

কথা বলিতে চাহিবাম, আমি তাহাকে পুনরায় সাহেবের নিকট প্রেরণ করিলাম, কিন্তু পুনরায় মুল্লী তঞ্চকতা ব্যবহার করাতে সাহেব তাহাকে আবার আমার নিকট পাঠাইয়া দিলেন। মুল্লীকে এইরূপ উপযুগুপরি দুইবার তঞ্চকতা ব্যবহার করিবার কারণ জিজ্ঞাসা করাতে, সে ব্যক্ত করিল যে “আমি জানিতাম, যে পুলিশ-আমলারা আসামিকে একরার করাইবার নিমিত্ত থানায় যজ্ঞাণা দিয়া থাকে, কিন্তু একরার করুক কিম্বা না করুক, মাজিষ্ট্রেট সাহেব তাহাকে হাজতে প্রেরণ করেন এবং হাজতে গেলে আসামির কারারুদ্ধ থাকা ভিন্ন অত্র কোন কষ্ট কিম্বা আলা যজ্ঞাণা থাকে না। আরও আমি জানিতাম যে শুদ্ধ একরার করাইবার এবং চোরা মাল পাওয়ার নিমিত্ত পুলিশ আমলারা অভিযুক্ত ব্যক্তিকে যজ্ঞাণা দিয়া থাকেন, আসামী একরার করিলে কিম্বা মাল বাহির করিয়া দিলে, তাহাকে থানায় কোন কষ্ট পাইতে হয় না। অতএব আমি থানায় আসিবা মাত্রই একরার করিয়াছিলাম এবং আপনিও তজ্জগত প্রথমে আমাকে কোন কষ্ট না দিয়া কাছারিতে চালান করিয়া দিয়াছিলেন। আমি মনে জানিতাম, সেইখানে যাইয়া অস্বীকার করিলে আমার থানার একরার বুখা হইয়া যাইবে এবং আমি হাজতে প্রেরিত হইব; কিন্তু আমার কপালে তাহা ঘটয়া উঠিল না, সাহেব দুইবার আমাকে থানায় পুনঃপ্রেরণ করিয়াছেন। নূতন রকমের আইন হইয়াছে না কি? নচেৎ কেন এইরূপ হইল! যাহা হউক, সাহেব আমাকে আপনার নিকট পাঠাইয়া দিয়াছেন, আপনার যাহা করিতে হয় করিয়া দেখুন”। আমিও তাহাকে বরকন্দাজের পারদে এক দিন এক রাত্র সম্পূর্ণরূপে উপবাসী রাখিলাম, কত ছিদং করিলাম এবং তাহার প্রতি আর যে সকল ব্যবহার করিলাম, তাহা একগুণে লিখিতে লজ্জা বোধ হয়। হা পরমেশ্বর! সেই সকল নিষ্ঠুরাচরণের নিমিত্ত বুঝি আমি এই বৃদ্ধ বয়সে তাহার কল ভোগ করিতেছি! “বরমের ভিক্ষা তরু তলে বাস” তথাপি যেন ভক্তসন্তানেরা পুলিশের চাকরি না করেন !!!

এইরূপ দুই তিন দিক দরিয়া ব্যবহার করিলাম, কিন্তু



মুন্সী সেখ অটল হইয়া রহিল। খাইতে না পাইলে, খাইতে চাহে না এবং প্রহার করিলে নিষেধ করে না। অবশেষে আমি বিরক্ত হইয়া এক নির্জন সময়ে মুন্সীকে হিত বাক্য প্রয়োগ করিয়া নানা প্রকার বুঝাইলাম এবং বলিলাম যে “দেখ মুন্সী, আমার নিজের ইচ্ছার বিরুদ্ধে এইরূপ ব্যবহার করিতেছি, কি করিব, যখন মাজিষ্ট্রেট সাহেব ছাড়েন না, তখন তোর একরার করা ভিন্ন আর কোন উপায় নাই”। তাহাতে মুন্সী সেখ যে উত্তর করিল তাহা শুনিয়া পাঠকগণ অবশ্যই আশ্চর্য্য হইবেন এবং সে কত বড় দরের চোর তাহাও বুঝিতে পারিবেন। এত দীর্ঘকাল পরে, আমার তাহার বাক্যগুলি ঠিক স্মরণ নাই, মর্ম্ম প্রকটন করিতেছি শ্রবণ করুন। “আমি নূতন কিম্বা কাঁচা চোর নহি, আমার এক্ষণে প্রায় চল্লিশ বৎসর বয়স হইল কিন্তু ইহার মধ্যে আমি চুরি ডাকাইতি ভিন্ন অন্য কোন কর্ম্ম করি নাই, অতএব ভালরূপে আমি জানি, যে আমি নিজে অপরাধ স্বীকার না করিলে কিম্বা মাল বাহির করিয়া না দিলে, আমার সহস্র সঙ্গী তাহাদের স্বীয় অপরাধ স্বীকার করিয়া আমার প্রতি দোষারোপ করিলে, জজ কিম্বা মাজিষ্ট্রেট সাহেব আমার কিছু করিতে পারিবেন না, আমি সেই জন্ত কখনও একরার করি নাই এবং তন্নিমিত্ত কখনও দণ্ডনীয় হই নাই। আমি অনেক জেলায় বড় বড় গুরুতর মোকদ্দমায় ধৃত হইয়া অনেক দারোগার হস্তে মার খাইয়াছি, কিন্তু এ পর্য্যন্ত কোন দারোগা আমাকে একরার করাইতে পারেন নাই”। এই স্থানে সে তাহার জাহুর কাপড় উঠাইয়া কএকটা কাল দাগ দেখাইয়া বলিল যে “এই দেখুন যশোর জেলার এক ব্যাটা পাপিষ্ঠ মুসলমান দারোগা তামাকের গুল পোড়াইয়া আমার জাহুতে চাপিয়া ধরিয়াছিল। আমার জাহুর মাংস চড়্‌চড়্‌ করিয়া পুড়িয়া দুর্গন্ধ বাহির হইল, আমি চীৎকার করিয়া ক্রন্দন করিয়াছিলাম বটে কিন্তু একরার করি নাই। পাবনার বিখ্যাত মৌলবী ওয়াসফুদ্দীন দারোগা এক্ষণে ডিপুটী মাজিষ্ট্রেট হইয়াছেন; তিনি আমার হস্তের নখের ভিতর কাঁটা ফুটাইয়া দিয়াছেন, তাহাতেও তিনি কৃতকার্য্য হইতে পারেন নাই; আর অস্ত্রান্ত কত দারোগার কাছে কত প্রকার যন্ত্রণা ভোগ

করিয়াছি, তাহা আমি কত বলিব! কিন্তু কেহ আমাকে দিয়া একরার করিয়া লইতে পারেন নাই। এক্ষণে আপনার হস্তে পড়িয়াছি, দেখি আপনিই বা কি করিতে পারেন? আপনারও বড় নাম শুনিয়াছি, দেখিব যে চোর বড়, কি দারোগা বড়? কিন্তু আপনি ক্রব জানিবেন যে মারপিট করিয়া আমাকে পরাস্ত করিতে পারিতেন না, প্রহার আমার শরীরে বিলক্ষণ সহ হয়, তবে অস্ত্র কোন যন্ত্র দ্বারা যদি আপনি চোর অপেক্ষা বড় হইতে পারেন, তাহা অনায়াসে চেষ্টা করিতে পারেন”। এই কথোপকথনের পরে মুন্সীকে যন্ত্রণা দেওয়া অনর্থক বিবেচনা করিয়া আমি বরকন্দাজদিগকে নিষেধ করিয়া দিলাম কিন্তু সমস্ত রাত্রি আমার মনে ঐ চিন্তা জাগরুক রহিল। ভাবিলাম যে এই দম্ভ্য ব্যাটা যদি আমাদের হস্তে নিকৃতি পাইয়া যায়, তাহা হইলে বড় লজ্জা ও বিপদের বিষয়। লজ্জা আমার, বিপদ সমাজের।

পর দিবস বুধবার থানায় গ্রাম্য চৌকিদারেরা হাজিরা দিতে আসিয়াছিল; তাহার মধ্যে মুন্সীর নিজ গ্রামের চৌকিদারকে দেখিয়া হঠাৎ আমার মনে কি এক ভাব উদয় হওয়াতে, আমি তাহাকে মুন্সীর পরিবারের সংবাদ জিজ্ঞাসা করিলাম। তৎপরে সে কহিল যে মুন্সীর বিবাহিতা স্ত্রী তাহাকে পরিত্যাগ করিয়া বহু কাল হইল স্থানান্তর চলিয়া গিয়াছে এবং মুন্সী তাহার পরিবর্তে আর একটা স্ত্রী লোককে নিকা করিয়া চিত্রশালী গ্রামের প্রান্তে এক ঘর উঠাইয়া তাহাকে লইয়া বাস করে। মুন্সীর বাড়ীতে কেবল তাহার মাতা থাকে। এই সংবাদ শুনিবামাত্র আমি সেই চৌকিদারের সঙ্গে একজন বরকন্দাজ পাঠাইয়া মুন্সীর নিকার স্ত্রীকে থানায় আনিতে আদেশ করিলাম। সন্ধ্যার কিছু পূর্বে সেই স্ত্রী লোকটি থানায় উপস্থিত হওয়াতে দেখিলাম, যে সে ভদ্র লোকের মেয়ের স্ত্র্য দেখিতে সুন্দরী এবং বয়সও কুড়ি বাইশ বৎসরের অধিক নহে; ক্রোড়ে একটি ছয় মাসের শিশু কন্যা। মুন্সীর স্ত্রী আমাকে দেখিয়া আমার পায়ের উপরে পড়িয়া ক্রন্দন করিতে লাগিল এবং আমার প্রশ্নের উত্তরে বলিল যে “আমি বিলক্ষণ বুঝিতে পারিয়াছি যে, মুন্সী বদমায়েন,



নিকার আগে জানিতে পারিলে আমি কখন তাহাকে বিবাহ করিতাম না, মুন্সীর মাতাই সকল অনর্থের মূল এবং সেই জন্ত আমার শান্তির সহিত আমার বনিবনাও না হওয়াতে মুন্সী আমাকে গ্রামের বাহিরে স্বতন্ত্র ঘর করিয়া দিয়াছে ; আমি মুন্সীকে চুরী ডাকাইতি করিতে নিষেধ করিয়া থাকি বলিয়া সে আমার নিকট সকল কথা গোপন করে। আমার কন্ঠার মাথায় হাত দিয়া বলিতেছি যে আমি কিছুই জানি না, আমার শান্তীকে আপনি ধরিয়া আনিয়া খুব শান্তি দিলেই সকল কথা তাহার নিকট জানিতে পারিবেন। এই স্ত্রী লোকের কথার উপরে আস্থা করিয়া তাহাকে ভাল স্থানে রাখাইয়া মুন্সীর মাতাকে আনিতে পাঠাইলাম। পর দিবস সকাল বেলায় মুন্সীর মাতা আমার নিকট উপস্থিত হইলে দেখিলাম, যে তাহার ক্লিষ্টা শরীর, চক্ষু কোটরস্থ ; সরল অন্তঃকরণ বিশিষ্ট স্ত্রীলোক বলিয়া বোধ হইল না। তাহার নিকট মুন্সীর স্ত্রীকে উপস্থিত করিলে উভয়ে ভারি বাগ্যুদ্ধ আরম্ভ করিল। শান্তীকে বৌ চোরণী এবং বৌকে শান্তী বোকা বলিয়া অভিযোগ করিতে লাগিল। অবশেষে মুন্সীর স্ত্রীকে স্থানান্তর করিয়া তাহার শান্তীকে ধমকাইতে লাগিলাম এবং থানায় তুড়ুমের নিকট টানিয়া লইলাম। তুড়ুম জিনিসটা কি, তাহা বোধ হয় আমার পাঠকগণের মধ্যে অনেকে জানেন না। তুড়ুম শব্দ ফরাসিস ভাষা, ইংরাজিতে ইহাতে stocks বলে। দুইখানা লম্বা ভারি কাষ্ঠ এক দিগে শক্ত লোহার কজা দ্বারা আবদ্ধ, অগ্নি দিক খোলা ; কিন্তু ইচ্ছা করিলে শিকলের দ্বারা বন্ধ করা যায়। এই খোলাদিগের মাথা ধরিয়া উপরের কাষ্ঠকে উঠান নামান যাইতে পারে। প্রত্যেক কাষ্ঠেই কয়েকটি অর্ধ চন্দ্রের গ্রায় এমন ভাবে ছিদ্র করা আছে যে একখানা কাষ্ঠের উপরে দ্বিতীয় খানা পাতিলে, দুই ছিদ্রে একটা গোলাকার ছিদ্র হয়। আসামিকে বসাইয়া কিম্বা গুয়াইয়া তাহার দুই পা একখানি কাষ্ঠের দুই ছিদ্রের ভিতরে রাখিয়া উপরের কাষ্ঠ দ্বারা তাহা চাপা দিলে পা সম্পূর্ণরূপে আবদ্ধ হয় এবং আসামি আর নড়িতে পারে না। বিশেষ কষ্ট দেওয়ার মানস থাকিলে, পার্শ্ববর্তী দুই ছিদ্রে পা না

দিয়া এক ছিদ্র মধ্যে রাখিয়া অন্তরের দুই ছিদ্রে পা আটকাইলে মানুষের অত্যন্ত ক্লেশ হয়। রাত্রিকালে দুরন্ত আসামিদিগকে নিশ্চিন্তরূপে আবদ্ধ রাখিবার নিমিত্ত সকল থানাতেই ইহার এক একটা তুড়ুম ছিল। মুন্সীর মাতাকে এই তুড়ুমের নিকট আনিয়া তাহার উপরিভাগের কাষ্ঠটা টানিয়া উঠাইয়া নিম্ন কাষ্ঠের উপরে ছাড়িয়া দিলাম ; তাহাতে বন্ করিয়া একটা শব্দ হওয়াতে মুন্সীর মাতা কাঁপিয়া উঠিল এবং আমিও তাহাকে রাগান্বিতভাবে বলিলাম যে “দেখ বেটা, তুই যদি এই যুগীর দ্রব্যগুলি বাহির করিয়া না দিস তাহা হইলে, এই তুড়ুমের মধ্যে এক ফুকর অন্তরে তোর পা আটকাইয়া ফেলিয়া রাখিব এবং সমস্ত দিন তোকে প্রহার করিব”। মুন্সীর মাতা আমার রাগান্বিত ভাব দেখিয়া কাঁপিয়া কাঁপিয়া বলিল যে “বাবা, তাহা হইলেত আমার মুন্সী মারা যাইবে।” সন্তানের প্রতি মাতার যে কি গাঢ় স্নেহ, তাহার ইহাই একটি উজ্জল দৃষ্টান্ত। সম্মুখে যন্ত্রণার এক ভয়ানক যন্ত্র, পশ্চাতে যমদূতের গ্রায় দারোগা এবং বরকন্দাজেরা তাহাকে যৎপরোনাস্তি অবমাননা করিতে এবং যন্ত্রণা দিতে প্রস্তুত হইয়া দণ্ডায়মান, তথাপি মুন্সীর মাতার মনে মুন্সীর যাহাতে অমঙ্গল না হয়, তাহাই প্রবল চিন্তা। মুন্সীর মাতার মুখে এইরূপ বাক্য শুনিয়া আমি তাহাকে অনেক আশা ভরসা দিলাম। স্ত্রী লোকের এবং সাধারণ লোকের মনে ধারণা আছে যে, ক্ষতিগ্রস্ত ব্যক্তি যদি ক্ষতিকারককে শাস্তি দিতে না চাহে, তবে আদালত তাহাকে মুক্তি দিতে বাধ্য। আমি ইহা জানিয়া মুন্সীর মাতাকে বলিলাম যে “যুগী আমাকে বলিয়াছে যে সে তাহার সমুদয় দ্রব্যগুলি পাইলেই সন্তুষ্ট হইবে কোন আসামিকে সে শাস্তি দেওয়াইতে চাহে না। আমার কথা বিশ্বাস না হয় আমি যুগীকে ডাকাইয়া আনিয়া মোকাবেলা করিয়া দিব”। ভাগ্যক্রমে যুগীও সেই সময়ে থানায় উপস্থিত ছিল। সে আমার ইঙ্গিত মতে মুন্সীর মাতাকে ঐরূপ আশ্বাস দিল ; কিন্তু চোরের মা শুদ্ধ বাক্যের উপরে নির্ভর না করিয়া বলিল যে “তবে যুগী সেতাবর কাগজে একখানা দরখাস্ত দাখিল করুক।” অনভিজ্ঞ লোকে ষ্ট্যাম্প কাগজকে



সেতাব্বর কাগজ বলে। আমি তৎক্ষণাৎ আমার বাস হইতে এক তক্তা ফুলিফেপ্ কাগজ বাহির করিয়া মুন্সীর মাতাকে তাহার মধ্যে জলের মার্কা দেখাইয়া প্রতীত করিলাম, যে যথার্থ উহা ষ্ট্যাম্প কাগজ এবং তাহা আমার নায়েব দারোগার হস্তে অর্পণ করিয়া তাহার দ্বারা মুন্সীর মাতার অভিপ্রায় অনুযায়ী দরখাস্ত লিখাইয়া, তাহাকে পাঠ করিয়া শুনাইয়া, যুগীর দ্বারা দস্তখত করাইয়া লইলাম এবং আমরাও কয়েক জন তাহাতে সাক্ষী স্বরূপে স্বাক্ষর করিলাম। জীলোকটির মনে তখন বিশ্বাস হইল, যে অপহৃত মাল বাহির করিয়া দিলে মুন্সীর কোন ক্ষতি হইবে না। এবং তখন সে মাল দিতে সম্মত হইয়া নায়েব দারোগার সঙ্গে চিত্রশালী যাত্রা করিল।

এই পর্য্যন্ত মুন্সী সেখ এই সকল ঘটনার বিন্দু বিসর্গও অবগত হইতে পারে নাই। মুন্সীর মাতা থান হইতে বাহির হওয়ার পরক্ষণেই আমি বরকন্দাজি গারদে-যাইয়া মুন্সীকে বলিলাম যে “কেমন মুন্সী, এখন ত মাল পাইলাম, তুই দিলি না কিন্তু তোর মা দিতে চাহিয়াছে, এখন তোরা যায়ে পোয়ে ফাটক খাটিবি”। এই কথা শুনিয়া মুন্সী অবাক হইয়া তাহার মাতাকে দেখিতে চাহিল; আমি তাহাকে দ্বারে আনিলাম। কোতয়ালীর সম্মুখস্থিত রাজ-বহুটি অতি সরল, থানার দ্বারে দাঁড়াইয়া উত্তর দক্ষিণ উভয় দিকে অনেক দূর দৃষ্টি হয়। মুন্সীকে যখন দ্বারে আনিলাম, তখন তাহার মাতা প্রায় পাঁচশত হাত (যাহারা সেই স্থান দেখিয়াছেন, তাহারা বুঝিতে পারিবেন, যে পুরাতন কলেজের হাতার পূর্বদক্ষিণ কোণের নিকট) গিয়াছে। মুন্সী তাহার মাতাকে চিনিয়া বলিল যে “এখন কি হইবে মহাশয়! আমার মাতাকে কি প্রকারে বাঁচাইব”! আমি বলিলাম “এক উপায় আছে, তুই যদি এখন নিজের মাল বাহির করিয়া দিয়া সাহেবের নিকট যাইয়া একরার করিস, তাহা হইলে তোর মা বাঁচিতে পারে, কেমন মুন্সী, তোর মাকে ফিরাইব না কি? মুন্সী ক্ষণকাল ভাবিয়া বলিল যে “না ফিরাইবার দরকার নাই। ও ভ চোরের মা, সে যে সহজে মাল বাহির করিয়া দিবে, এমন কথা আমার মনে লয় না, যাহা হউক আর কিছুকাল

বিলম্বই টের পাইব। এখন গাঙের মাঝে ডেউ দেখিয়া কিনারায় নৌকা ডুবাইলে, কি পুরুষ হইবে? বিশেষ আপনি সত্য কি মিথ্যা বলিতেছেন তাহা আমি কেমন করিয়া বুঝিব, চলুন এখন থানায় ফিরিয়া যাই।” মুন্সী এমনই শক্ত চোর, যে সে কিছুতেই বিশ্বাস করিতে পারিল না যে, তাহার মাতা এমন কাঁচা কর্ম করিবে। বেলা চারটার সময় নায়েব দারোগা মুন্সীর মাতাকে ও একটা বড় পুরাতন কাল হাড়ীর মধ্যে অপহৃত যাবতীয় সোণা রূপার দ্রব্য ও নগদ টাকা গুলি সম্মুখে আনিয়া, ব্যক্ত করিল, যে, যে কোশলে সকল দ্রব্য গোপন করা হইয়াছিল, তাহাতে উহারা দুই জন ভিন্ন আর কাহারও তাহা আবিষ্কার করার ক্ষমতা ছিল না। গ্রামের বাহিরে একটা মাঠের মধ্যে এক শিমূল ও থিঙ্কুর গাছের তলে, মাটির একটা অদৃশ্য গহ্বর আছে তাহার মধ্যে হাড়িটা উপুড় করিয়া রাখিয়া সকলের উপরে পাতা ও ঘাসের চাপড়া আচ্ছাদন করিয়া রক্ষিত হইয়াছিল। মুন্সীকে ডাকিয়া দেখাইলাম, সে দেখিয়া কপালে করাঘাত করিয়া আমার পা দুইখানা ধরিয়া তাহার মাতাকে রক্ষা করিতে বারম্বার প্রার্থনা করিতে লাগিল এবং বলিল যে “এখন আপনি যাহা বলিবেন, তাহা আমি সমুদায় করিব”। আমি তাহার মাতাকে অব্যাহতি দিতে সম্মত হইয়া বিস্তারিত রূপে তাহার দ্বারা একরার লিখাইয়া লইলাম এবং মুন্সী দ্রব্য বাহির করিয়া দেওয়ার কথাও তাহাতে স্বীকার করিয়া লইল। মাজিষ্ট্রেট সাহেব তখন আঙা ঘরে আঙা গেলিতে ছিলেন; মুন্সী তাহার নিকট উপস্থিত হইয়া সকল কথা স্বীকার করিল এবং তিনিও সন্তুষ্ট হইয়া মুন্সীর প্রার্থনা মতে সেই রাত্রিটা তাহাকে ফাটকে প্রেরণ না করিয়া, থানায় রাখিতে আদেশ করিলেন। সমস্ত রাত্রি মুন্সী তাহার মাতা ও স্ত্রীর সহিত কথাবার্তা কহিয়া অতিবাহিত করিল এবং পর দিবস প্রাতে কান্দিতে কান্দিতে তাহাদের নিকট বিদায় লইয়া জেলখানায় গেল। যাইবার সময় তাহাতে আগাতে এইরূপ কথোপকথন হয়; —  
মুন্সী। দারোগা মহাশয় আমার নিয়ম ভঙ্গ করিলেন। আমার পায়ে কখনও বেড়ী উঠে নাই এইবার



উঠবে। আমি এখন দেখিতেছি, যে আপনি  
দারোগাই বড়।

দারোগা। দারোগা বড় নহে, ধর্মই বড় মুন্সী সেখ !

মুন্সী। ঠিক বলিয়াছেন, এবার যদি খোদার মেহের-  
বাণীতে ফাটক খাটিয়া প্রাণ লইয়া বাড়ী আসিতে  
পারি, তাহা হইলে আর চুরি ডাকাইতি করিব  
না।

দারোগা। সব সে ওহি ভাল।

মুন্সীর সাত বৎসরের জন্ত নির্কাসনের সহিত কারা  
বাসের দণ্ড হয়।\*

\* 'নবজীবন' তৃতীয় ভাগ, সপ্তম সংখ্যা, মাঘ,

১২৯৩

### নিবেদন—

গল্প-লহরীর প্রাবণ সংখ্যা সব ফুরাইয়াছে। যদি কেহ  
অনুগ্রহ করিয়া উহা আমাদের বিক্রয় করেন, তাহা হইলে  
আমরা ওই সংখ্যা চার আনা দিয়া কিনিতে পারি।

সম্পাদক—







## জন্ বোলস্

[ গল্পের মত ]

শ্রীমণিকুমার গঙ্গোপাধ্যায়

আজ একটা গল্প শুুন।

১৯১৮ সালের জুলাই মাস। ফ্রান্সের সীমানায় আমেরিকার গুপ্তচর বিভাগের তাঁবু পড়েছে। একদিন সকালবেলা তেতাল্লিশ নম্বর গুপ্তচর 'জন্ বোলস্' পায়চারি করতে করতে তারের বেড়ার ধারে পাহারা দিতে ব্যস্ত।

ঠিক তারের বেড়ার উন্টোদিকে একটা দোতলা বাড়ী—তার বাসিন্দা এক সুন্দরী যুবতী। গুপ্তচরেরা তার নাম দিয়েছে 'ম্যাডাম এক্স।' জন্ বোলস্‌র সঙ্গে মেয়েটির প্রথম থেকেই ভয়ানক ভাব। যখনই দু'জনের চোখাচোখি হয়—মেয়েটি একটু হাসে। জন্ বেচারিও একটু না হেসে পারে না। কখনও কখনও দু'জনের ভেতর জার্মান বা ফরাসী ভাষায় দু'-একটা যে কথাও হয় না এমন নয়।

কর্তাদের কাছ থেকে বোলস্‌র ওপর হুকুম ছিল মেয়েটির ওপর লক্ষ্য রাখা। কিন্তু অনেক সময়েই কাজে তা'হ'য়ে উঠতো না। মাঝে মাঝে মেয়েটি তার বাগানের টাটকা ফল ছুঁড়ে দিত—আর বোলস্‌ও কুড়িয়ে নিয়ে তা'তে কামড় দিতে এক মিনিটও দেরী করতো না। মনে মনে তখন সে ভাবতো, মেয়েটি শত্রুর মত ভয়ঙ্কর গুপ্তচরই হোক না—বাগানে কসল ফলাতে তার জোড়া নেই।

যতই কেন না মেয়েটির সঙ্গে কথা বলুক আর তার কলে কামড় কসাক—বোলস্‌র চোখ সব সময়েই সজাগ থাকতো। কেউ যেন না তাকে দেখতে পায়।

জন্ বোলস্‌ নিজেই পরে বলেছে—সত্যিই মেয়েটিকে সন্দেহ করবার কারণ ছিল। সে যেন আমাদের তাঁবুর ভেতরকার খবর জানতে চাইতো। প্রায় সব সময়েই মেয়েটিকে দেখতাম তার বাড়ীর জানালায় কিবা বাগানের বেড়ার ধারে দাঁড়িয়ে আছে—একদৃষ্টে আমাদের তাঁবুর ভেতর চেয়ে। হয়তো বা সে জার্মানদের, আমাদের গুপ্তচরের সংখ্যা বা ওই রকম কিছু জানাতে চাইতো। মেয়েটির বাড়ীর চারপাশে অধিকাংশ সময়েই আমরা পরিচিত কোন না কোনও জার্মান চরকে দেখতাম—আমরা তাদের ওপর লক্ষ্যও রাখতাম। এমন কী কখনও কখনও তার বাড়ীর জানালায় নানারঙের সাজেতিক কাপড়ের পতাকাও উড়তো। আর এসব না থাকলেও আমাদের তাঁবুর ওপর তার বিশেষ মনোযোগই তো সন্দেহের পক্ষে যথেষ্ট ছিল।

আমি আশা করতাম যে, মেয়েটি আমার কাছ থেকে গুপ্তচর বিভাগের সব সংবাদ জানবার চেষ্টা করবে। তাই তখন প্রায় প্রত্যেকদিনই রক্ষী বদল হওয়া সবেও কর্জু-পক্ষের বিশেষ অত্মমতি নিয়ে থেকে গেলাম। আমার মনে কেন কে জানে মেয়েটির রহস্য জানবার প্রবল ইচ্ছা হয়েছিল। মেয়েটির কাছে কৈফিয়ৎ দিলাম যে, আমার কোনও পূর্বপুরুষ জার্মান থাকার দরুণ—আমাকে সন্দেহ করে' এখানে নজরবন্দী রাখা হয়েছে। ওরা ভেবেছে আমি জার্মানদের ওপর অতুরক্ত।



“কিন্তু ওরা তোমায় এখানে রাখলে কেন?” মেয়েটা জিগ্গেস করলে। “মানে—এটা একটা বাজে কোণ্‌গেস জায়গা—এখানে থাকতে জার্মানদের কোনও সাহায্য বা ফরাসীদের কোনও ক্ষতি করতে পারবো না এই আর কী!”

কিন্তু আমার এইসব কথার স্বেযোগ নিয়ে মেয়েটা সে-রকম কোনও কথাই তুললে না। আমাদের সম্বন্ধে কোন প্রশ্ন জিগ্গেসও করলে না। কেবলমাত্র আমার দিকে একদৃষ্টে চেয়ে রইলো—কী মোহময় তার চোখ দু’টি! মেয়েটা চোখ নামাতেই আমি তার মাথা থেকে পা পর্যন্ত একবার তীক্ষ্ণভাবে চোখ বুলিয়ে নিলাম। কিন্তু আমি তখন জানতাম না, দূর থেকে কেউ এই ব্যাপার দূরবীণের ভেতর দিয়ে লক্ষ্য করছে।

কিন্তু খুব শীঘ্রই তা’ জানতে পারলাম। দু’টি ভদ্রলোক একদিন আমার সঙ্গে দেখা করতে এলেন—সাধারণ পোষাক পরা। তাঁরা যে সৈনিকদলের এতে কোনও সন্দেহ ছিল না—কিন্তু জার্মান কি ইংরেজ তা’ বুঝতে পারি নি। তারা আমায় জিগ্গেস করলেন—ওই মেয়েটার সঙ্গে আমার বন্ধুত্বের মানে কী?

একজন আমায় স্পষ্ট বললেন—“দেখো, আমাদের সঙ্গে চালাকী করো না—আমরা তোমায় ওই বদমায়েস গুপ্তচর মেয়েটার সঙ্গে কথা কইতে দেখেছি। সে তোমায় কি একটা ছুঁড়ে দিয়েছে পর্যন্ত। আমরা গুপ্তচর বিভাগের গোয়েন্দা—আমাদের কাছে কিছু লুকিয়ে না—সব খুলে বলো দেখি।”

কিন্তু আমি তাদের তথুনি সব বুঝিয়ে দিলাম—তারাও তা’ বিশ্বাস করলে।

...এইভাবে দিন যায়—এমন সময় মেয়েটার কাছ থেকে আমার নিমন্ত্রণ এল। বাড়ীর মধ্যে মেয়েটার ব্যবহার, আদর-যত্ন দেখে আমার দৃঢ় ধারণা হলো—সে জার্মানদের গুপ্তচর। তার বাড়ীটা এমন একটু বিশেষভাবে সাজান-গোছান ছিল যে, আমার ধারণা দৃঢ় হ’ল। তার ব্যবহার দেখে মনে হয়—এই মেয়েকে অল্প কিছু হওয়ার চেয়ে গুপ্তচর হওয়াই মানায় ভাল। কিন্তু আমি তাকে তখন সন্দেহ-ই করেছি—তার চরিত্রের অন্তর্দিক—ব্যব-

হারের অল্প বিশিষ্টতার দিকে চোখ দিই নি। আমার সেই মেয়েটার গুপ্তচর হওয়া সম্বন্ধে অতি বিশ্বাসই তখন আমার জীবনে একটা ভীষণ ভুলের কারণ হয়েছিল।

একটু চেষ্টাতেই জানলাম মেয়েটার বাবা ছিলেন জার্মান, স্বামী ছিলেন এক ফরাসী ভদ্রলোক—তিনি যুদ্ধে মারা গেছেন। আমি একবার দোতলায় যেতে চাইলাম—সব কিছু ভাল করে’ দেখবার জন্তে। আমাদের তাঁবুতেই বা মেয়েটা কি দেখে আর কা’কেই বা সে কাপড় উড়িয়ে সঙ্কেত করে।

খানিক বাদেই দোতলায় গেলাম...কিন্তু ঘরে ঢুকেই যা’ ঘটলো—আমি তখন স্বপ্নেও তা’ কল্পনা করতে পারতাম না। মেয়েটা অসঙ্কোচে আমায় প্রেম-নিবেদন করলে।

ক্রমশঃ সব পরিষ্কার হ’য়ে গেল—সব কিছু সন্দেহ আর ফন্দী গেল হাওয়ায় মিলিয়ে। মেয়েটা যুদ্ধে বিধবা হয়েছে—একা থাকে—জীবনে কিছু উত্তেজনা চায়। আমাদের মত যুবকদের সম্বন্ধে হয়তো তার একটু মোহ ছিল—তাই সে জানালা থেকে আমাদের দেখতো—অনুসরণ করতো না—আমাদের হাত নেড়ে ডাকতো—আর প্রলুব্ধ করবে বলে’ রঙীন কাপড়-জামা টাঙিয়ে দিত—সেগুলো সাক্ষাতিক নিশান নয়। ঠিক এই খবরই পরে গোয়েন্দা অফিস জানতে পারে—তাকে ধরে’ আনবার পর। আরও আশ্চর্যের বিষয়—তার কাছে যে সব জার্মান গুপ্তচর আসতো, তারা তাকে সন্দেহ করতো আমাদের দলভুক্ত বলে।

এরপর জন বোল্‌সের সঙ্গে আর মেয়েটার দেখা হয় নি। কিন্তু দুঃখের কথা মেয়েটা জানলে না—বোল্‌সের মনের কথা—কেন সে তার প্রেম-নিবেদনে সাড়া দেয়নি। মেয়েটা আর জন বোল্‌স হ’জনে হয়তো এখন রয়েছে পৃথিবীর হু’প্রান্তে। মেয়েটার কথা আমরা কি-ই আর জানি! কিন্তু জন বোল্‌স এখন বিশ্ববিখ্যাত তারকা অভিনেতা—তার গান শুনে কে না মুগ্ধ হয়। কে জানে সেই দুর্ভাগ্য মেয়েটা তার ছবি দেখতে গিয়ে পুরানো দিনের কথা একবারও ভাবে কিনা!

মণিকুমার গঙ্গোপাধ্যায়



## ফ্রেড্রিক মার্চ

কুমারী অলকা দেবী

চিত্র-জগতের খাতায় এ নামটি খুব বেশী পরিচিত না হলেও, এ-লোকটার অন্তর্নিহিত তীক্ষ্ণ প্রতিভা সম্বন্ধে কোন চিত্রামোদীরই জানতে বাকী নেই এবং এ-কথা মুক্তকণ্ঠে স্বীকার করতে আমরা বাধ্য যে, তাঁর এই আত্ম-প্রতিষ্ঠা এবং এত অল্প সময়ের মধ্যে আত্মপ্রকাশের জন্য দায়ী একমাত্র তিনি নিজেই। আর সেই জন্যই খুব বেশী পুস্তকে অভিনয় না করেই তিনি আজ এত শীঘ্র 'ষ্টার'-শ্রেণীভুক্ত হ'য়ে গেছেন। ১৯৩২ অব্দে 'ডক্টর জেকিল এণ্ড

হুগে 'ব্যারেটস্ অফ্ উইমপোল ষ্ট্রীট।' ছবিখানি 'মোবে' উপস্থিত দেখান হচ্ছে। এই বইখানিতে ইনি নন্দা শিয়ারার সঙ্গে এত সুন্দর অভিনয় করেছেন যে, চোখে না দেখলে তা' সম্যক উপলব্ধি করা অসম্ভব। এ'র অভিনয়ে এইটুকু বিশেষত্ব যে, ইনি খুব সাংঘাতিক এবং গুরুত্বপূর্ণ অংশ বিশেষে এমন চমৎকার 'হিউমার' ঢুকিতে দিতে পারেন, যা' সত্যিই প্রশংসনীয়। এমনও শোনা যায়, ডিরেক্টর-মহাশয় এ'কে হয় ত বল্লেন : 'কাট'—অর্থাৎ,



FREDRIC MARCH and NORMA SHEARER in "SMILE THROUGH"

ফ্রেড্রিক মার্চ ও নন্দা শিয়ারার 'স্মাইলিং থু' নামক পুস্তকে

মিঃ হাইড' নামক পুস্তকখানিই তাঁকে সম্মানের এতখানি উচ্চশীর্ষে উন্নীত করেছে।

এ'র সর্বশেষ পুস্তক, অর্থাৎ সব চেয়ে আধুনিক ছবি

খামো, তোমার বক্তব্য শেষ হয়েছে। উনি তখন সমযোপ-যোগী এমন একটা কথা উচ্চারণ করে 'সীন' থেকে বেরিয়ে যান, যা' দর্শকদের কাছে অত্যন্ত আমোদের বিষয় হ'য়ে



ওঠে—অথচ চিত্রের সৌন্দর্যের এতটুকু হানি হয় না। ঠিক এইটুকু বললেই চিত্র-জগতে মার্চ কতবড় অভিনেতা এবং তাঁর ওজন কতখানি তা' অনায়াসেই বুঝতে পারা যায়।


মার্চের আর একটা বিশেষ গুণ যে, ইনি খুব ভাল 'এ্যাক্ট' করতে পারেন। এই 'এ্যাক্টিং'-এর ওপর ঝোক তাঁর ছেলেবেলা থেকে। স্কুল এবং কলেজ-জীবনে তিনি কত যে আবৃত্তি করেছেন এবং কত পারিতোষিক পেয়েছেন তা' বলা যায় না, তবে এই থেকেই তাঁর বরাবরের অভিনয়-প্রীতির কথা বুঝতে পারা যায়। এই অভিনয় জিনিষটা ছেলেবেলা থেকে তাঁর হৃদয়ে এমন নিবিড়ভাবে গেঁথে গিয়েছে যে, প্রত্যেক দৃশ্যে ঢোকবার এবং বেরুবার মুহূর্তটিকে পর্যাস্ত তিনি মূর্ত করে' তুলতে পারেন। এই কথাটা যে মোটে অত্যাশ্চর্য নয়, তা' 'ব্যারেটস্ অফ্ উইমপোল স্ট্রীট' বইখানি-ই ভালরূপ প্রমাণ করে' দেবে।

এবার এর নামের রহস্যের কথা একটু বলবো। এঁর নাম যে কি করে' ফ্রেডিক্ মার্চ হ'ল, তা' একটু ভেবে দেখবার বিষয়। এঁর নাম ছিল ফ্রেডেরিক বিকেল্ এবং এর মার নাম ছিল মার্চার। ইনি যখন প্রথম স্টেজে পা দিলেন, তখন নামের প্রথম দিকটা ছোট করে' করলেন ফ্রেডিক্ এবং বিকেল্ তুলে মা'র নামের প্রথমাংশ জুড়ে করে' নিলেন মার্চ। সেই থেকে অর্থাৎ মাত্র ১৯৩২ সাল থেকে তিনি হচ্ছেন : ফ্রেডিক্ মার্চ এবং এই ছদ্মনামেই আজ তিনি অপৰ্যাপ্ত যশের অধিকারী।

যতদূর দেখা যায় ফ্রেডিক্ অভিনয় করবার প্রেরণা নিয়েই যেন জন্মেছেন। কেন না মাত্র আট বৎসর বয়স থেকেই তিনি বেশ উচ্চাঙ্গের আবৃত্তি করতে

পারতেন। তাঁর বয়স যখন দশ কি এগারো, তখন একদিন ক্লাসের কতকগুলি ছেলে নিয়ে তিনি একখানি বই আবৃত্তি করেছিলেন। তা'তে অধিকাংশ প্রধান চরিত্র একা তাঁকেই অভিনয় করতে হয়েছিল। ষোল বৎসর বয়সে ইনি একজন 'গ্রাজুয়েট' হন এবং ব্যাকিং পড়তে শুরু করেন। এদিক দিয়েও যথেষ্ট প্রতিভা দেখিয়ে তিনি এক ব্যাকে একটা চাকরী নেন। কিন্তু চাকরী তাঁর মনঃ-পূত হ'ল না, তিনি অবসর সময়ে থিয়েটার প্রভৃতিতে অভিনয় করেও কিছু কিছু উপায় করতে লাগলেন। এই দুইদিকে আবদ্ধ থেকেও কিন্তু তিনি লেখাপড়ার নেশা ত্যাগ করতে না পেরে উইন্ কন্সিন্-এর বিশ্ববিদ্যালয়ে উনিশ বছর বয়সে প্রফেসরের পদ গ্রহণ করেন। তখন তাঁর কাজ হ'ল দিনে প্রফেসরি এবং রাত্রে থিয়েটার করা। তাঁর অভিনয় দেখে 'পেইং দি পাইপার' পুস্তকে বাড়তি হিসেবে অভিনয় করবার জন্তে 'হলিউড' থেকে তাঁকে আহ্বান করা হয়। ক্রমান্বয়ে কৃতিত্ব দেখিয়ে শেষে 'ডক্টর জেকিল' পুস্তকে তিনি তাঁর প্রতিভার শ্রেষ্ঠত্ব প্রমাণ করেন এবং 'ষ্টার'-শ্রেণীভুক্ত হন। তাঁর শেষ এবং সম্পূর্ণ নূতনতম 'ব্যারেটস্ অফ্ উইমপোল স্ট্রীট' পুস্তকে অভিনয় সত্যিই অসাধারণ। শুধু অভিনেতা নয়, তিনি একজন খুব ভাল খেলোয়াড়। সব রকম খেলাই তিনি বেশ ভাল খেলতে পারেন। অভিনয়ের মধ্য দিয়ে ইনি কুমারী এল্‌গ্‌রিক্‌কে জীবনের অর্দ্ধাঙ্গিনীরূপে লাভ করেন। উপস্থিত তাঁর একটা মেয়ে হয়েছে—বয়স তার মাস ছয়েক এবং নাম হচ্ছে পেনীলোপ্।

কুমারী অলকা দেবী





# চিত্র-জগতের পঞ্চশস্য

শ্রীপ্রতিভা শীল

আমাদের দেশের অভিনেতা-অভিনেত্রীদের সম্বন্ধে অনেক কথাই বলতে আমাদের ইচ্ছে করে, কিন্তু সেগুলি এতই মামুলি-ধরণের এবং সংক্ষিপ্ত যে, তা' দিয়ে সাধারণের মনে কোন বৈশিষ্ট্য আনতে পারে না। কাজেই বিলেতী অভিনেতাদের নিয়েই আলোচনা করতে হয়।

চেষ্টার মরিস প্রত্যহ তাঁর বাড়ীর পুকুরে কি শীত, কি গ্রীষ্ম দশবার করে' পারাপার হন।

লীও ক্যারিলো তাঁর প্রাতরাশ 'সান্টামণিকা' পোতা-প্রয়ে তাজা মাছ ধরেই সম্পন্ন করে' নেন।

ম্যারগা লয় 'ঈভলীন প্রেন্টিস' নামক পুস্তকে অভিনয় করতে নেবে মস্তব্য করেছেন, চেহারা ফেরাবার একমাত্র পন্থা উপায় হচ্ছে দু'বেলা খুব জোরে জোরে হাঁটা। এতে নাকি চিত্রে তোলবার উপযোগী চেহারা হয়। আমরা একথা ছেলেবেলা থেকেই শুনেছি, তবে অভিনেতাদের দিক থেকে হয় ত এর কোন উপকারিতা আছে। নৈলে একজন নামকরা অভিনেতা এরকম মস্তব্য করেন কেন?

ডিরেক্টর উইলিয়ম হাওয়ার্ড কোনরকম ফ্যাসাদে পড়লে বা মনে দুঃখ হ'লে বেশ জোরে জোরে শিশু দেন। তিনি নাকি বলেন : এই শিশু হচ্ছে 'কবরের বাঁশি!' (!!)

সবাক-চিত্রে যোগ দেবার পূর্বে রবার্ট ইয়ংকে প্রো সাড়ে চারবছর থিয়েটারে ছোট ছোট চরিত্রে অভিনয় করতে হয়েছে।

রোমন্ নোভারো তাঁর এক ভগ্নীর সঙ্গে নাকি আঠারো বছর পরে দেখা করেছেন। তবে দেখাটা সামাজিক ধরণের নয়। তিনি 'দি নাইট ইজ ইয়ং' পুস্তকে অভিনয় করবার জন্তে মেক্সিকো যান। হঠাৎ দর্শকদের মধ্যে তাঁর ভগ্নীকে দেখতে পান। নোভারো

সাহেবের ভগ্নী-প্রীতি যে প্রশংসনীয় একথা আমরা মুহূর্তে স্বীকার করতে বাধ্য।

ক্লার্ক গ্যোবল্ একদিন তেলের কলে কাজ করেছেন। অথচ আজ তিনি একজন উচ্চদরের অভিনেতা। বার্লোক্কোপের যুগ এসে কতজনের ভাগ্যচক্র যে কতদিকে ঘুরিয়ে দিয়েছে, তা' ভেবে দেখলে মাথা গরম হ'য়ে ওঠে।

আমাদের দেশের মেয়েরা (অবশ্য অতি আধুনিক নয়) স্বামীকে একখানা চিঠি লিপ্তে ঘরের আনাচে-কানাচে, ছাদের আলসে প্রভৃতি নির্জন স্থান খুঁজে বেড়ান এবং যদি-ও দয়া করে' লেখেন তাও ন'মাসে-ছ'মাসে একখানি। কিন্তু এলিজাবেথ এ্যালান তাঁর লগুনহিত স্বামীর জন্ত ডায়েরীর আকারে দৈনিক চিঠির একখানি বই করেছেন।

'নিউ থিয়েটার'র 'ভূমিকম্পের পরে' বইখানি শীঘ্রই পরদার বুক ফুটে উঠবে। বডুয়া-মশায় 'দেবদাস'কে চলচ্চিত্রে রূপ দিতে বিশেষ ব্যস্ত।

ডিরেক্টর ধীরেন গাঙ্গুলী 'বিরোধী' পুস্তক নিয়ে মেতে উঠেছেন। শোনা যাচ্ছে, বইখানির উর্দু এবং বাংলা দু'টা সংস্করণই হবে।

'রাজনটী বসন্তসেনা' গত পনেরই ডিসেম্বর 'চিত্রা'র পাদ-প্রদীপের বুক ফুটে ওঠবার কথা ছিল। কিন্তু তারিখ পাল্টে বাইশ-এ নাকি তিনি দেখা দেবেন শোনা যাচ্ছে। আবার তারিখ পাল্টাপাল্ট না হলেই ভাল।

'কালী ক্রিয়ে'র কর্মকর্তারা 'পাতালপুরী' দেখাবার জন্তে বিশেষ ব্যস্ত। এই 'পাতালপুরী' গল্পটা নাকি কয়লার খনি নিয়ে শ্রীযুক্ত শৈলজানন্দ মুখোপাধ্যায়ের লেখা!

ডিরেক্টর প্রফুল্ল ঘোষ-মশায় 'পোষাপুত্র' বইখানি স্থগিত রেখে 'হরিশ্চন্দ্র' বই তুলছেন। শোনা যাচ্ছে বইখানির তামিল এবং বাংলা দু'টা সংস্করণই নাকি হবে।

প্রতিভা শীল



## পুস্তক সমালোচনা

১. মধুচ্ছন্দা ( কবিতার বই ) শ্রীঅপূর্বকৃষ্ণ ভট্টাচার্য্য প্রণীত।

প্রকাশক—গুরুদাস চট্টোপাধ্যায় এণ্ড সন্স, ২০৩।১।১, কর্ণওয়ালিশ স্ট্রীট, কলিকাতা। দাম পাঁচ টাকা। কাগজ, ছাপা ও বাঁধাই মনোরম।

এই সংগ্রহের অধিকাংশ কবিতাই সাময়িক পত্রিকাদিতে প্রকাশিত হইয়াছিল। বইখানি পড়িয়া আমরা আনন্দ পাইয়াছি। এইখানি লেখকের প্রথম পুস্তক। সর্বাপেক্ষা সুখের কথা বইখানির কোথাও আড়ষ্ট ভাব নাই, বেশ সুন্দর স্বচ্ছগতি। কোন কোন কবিতায় রবীন্দ্রনাথের ছাপ পড়িলেও কবির প্রতিভা অস্বীকার করা চলে না। লেখকের হাত মিষ্ট।

২। স্রোত ( উপন্যাস ) শ্রীভুবনমোহন মিত্র প্রণীত।

প্রকাশক—‘নারায়ণ-সাহিত্য-মন্দির’, ৮, রাধামাধব গোস্বামী লেন, বাগবাজার, কলিকাতা। দাম—দেড় টাকা। কাগজ, ছাপা ও বাঁধাই চিত্তাকর্ষক।

কয়েকটি গল্প লিখিয়াই লেখক উপন্যাস রচনায় হাত দিয়াছেন। প্রথম লেখা হিসাবে এখানি মন্দ হয় নাই। প্রথমটা অমনোযোগের সহিতই বইখানি পড়িতে আরম্ভ করিয়াছিলাম, কিছুদূর অগ্রসর হইতেই কিন্তু পাঠের আগ্রহ বেশ বাড়িয়া গেল। লেখকের প্রকাশভঙ্গী সুন্দর। ভাব ও ভাষা মন্দ নহে। উপন্যাস-প্রিয় পাঠকদের ইহা ভালই লাগিবে। প্লটের দিকে লেখকের আর একটু দৃষ্টি রাখা উচিত ছিল।

৩। নারীর রূপ ( উপন্যাস ) শ্রীহরিপদ গুহ প্রণীত।

প্রকাশক—‘বরেন্দ্র লাইব্রেরী’, ২০৪, কর্ণওয়ালিশ স্ট্রীট, কলিকাতা। দাম—দেড় টাকা। কাগজ, ছাপা ও বাঁধাই আধুনিক রুচিসঙ্গত।

বহুদিন হইতে লেখক বিভিন্ন পত্রিকায় গল্প লিখিয়া হাত পাকাইয়াছেন। এই উপন্যাসখানি যখন ধারাবাহিক-রূপে ‘পঞ্চপুষ্পে’ বাহির হইতেছিল, তখনই আমরা মাসের পর মাস পরম আগ্রহে ইহা পড়িয়া গিয়াছি। লেখকের বলিবার ক্ষমতা অতি চমৎকার। ভাষা সহজ,

সরল—কোথাও বড়-একটা অমসৃনতা লক্ষিত হইল না। ইহার সুন্দর গতি সহজেই পাঠকের চিত্ত মুগ্ধ করিয়া দেয়। সব চেয়ে বড় কথা—ইহার চরিত্রগুলি জলন্ত ও জীবন্ত। তাহারা সর্বদা চক্ষের সম্মুখে ঘুরিতেছে ফিরিতেছে। অতএব তাহাদের সহিত আমাদের পরিচয়-লাভে এতটুকুও বাধা ঘটে না। এই তারুণ্যের যুগে লেখক যে নিজেকে হারাইয়া ফেলেন নাই—সর্বত্রই সংঘর্ষের পরিচয় দিয়াছেন, ইহা কম বাহাদুরীর কথা নহে। বইখানি আমাদের খুবই ভাল লাগিয়াছে—এক নিশ্বাসে পড়িয়া শেষ করিয়াছি।

৪। জামাই-ই-চোর—( শিশু-সাহিত্য ) শ্রীনীরেজনাথ মুখোপাধ্যায় প্রণীত।

প্রকাশক—শ্রীযতীন্দ্রনাথ মুখোপাধ্যায়, ৭৮, কাশীপুর রোড, বরাহনগর, দাম ছয় আনা।

ছেলেদের কয়েকটি গল্পের সমষ্টি।

যাহাদের জন্য লেখা, বইখানি তাহাদের বেশ ভালই লাগিবে। ভাষা অতি সহজ। যাহারা দ্বিতীয় ভাগ শেষ করিয়াছে, তাহারা অনায়াসেই এখানি পড়িয়া যাইতে পারিবে। সবগুলি গল্প পড়িয়া অতিবড় গভীর লোক ও হাসি চাপিয়া রাখিতে পারিবেন না। ছেলেদের তো ভাল লাগিবেই—এমন কি, তাহাদের দাদা-মহাশয়দেরও মন্দ লাগিবে না।

### শ্রীবাণার বাহন

সি, কে, সেনের জবাকুসুম ডায়েরী—আমরা একখানি ‘জবাকুসুম ডায়েরী’ উপহার পাইয়াছি। ডায়েরীখানি সুন্দর ও চিত্তাকর্ষক। একখানি প্রথম শ্রেণীর ডায়েরীতে যাহা থাকা আবশ্যক, ইহাতে তাহার কিছুই অভাব নাই। আমরা উত্তরোত্তর ইহার স্মরণ ও উন্নতি কামনা করি।

ভ্রম-সংশোধন—প্রেসের ভৌতিক স্পর্শে ‘স্পর্শমণি’ গল্পের লেখক শ্রীজিতেন্দ্রভূষণ বিশ্বাসের স্থলে শ্রীউপেন্দ্রনাথ বিশ্বাসের নাম বসিয়াছে। আশা করি লেখক-মহাশয় আমাদের এই অনিচ্ছাকৃত ত্রুটি মার্জনা করিবেন।

গল্প-সহরী সম্পাদক



সাক্ষাৎকার



‘রেড মনিং’ চিত্রের একটি দৃশ্য  
স্টেফি ডুনা।







## বিংশ শতাব্দীর অদ্ভুত আবিষ্কার

ডাঃ শীলের

- ১। ফেব্রোবেন—সর্ববিধ জ্বরের মহৌষধ, একদিনে জ্বর ছাড়ে। পথ্যাপথ্যের বিচার নাই।
- ২। রিংলার—সর্ববিধ চর্মরোগের অব্যর্থ মহৌষধ। একদিনে খোস, পাঁচড়া, দাদ আরোগ্য হয়। জ্বালা করে না।
- ৩। অলক-শোভা—সর্ববিধ শিরোরোগ-নাশক মহাসুগন্ধিযুক্ত ভৈষজ্য কেশ তৈল। প্রত্যক্ষ উপকার।
- ৪। গণোরিয়া-কিওর-ট্যাবলেট—সর্ববিধ ধাতুরোগের মহৌষধ। প্রত্যক্ষ ফলপ্রদ। বিফলে মূল্য ফেরৎ দেওয়া হয়।
- ৫। নার্ডিনা ট্যাবলেট—সর্ববিধ পুরুষ-হীনতার অদ্বিতীয় মহৌষধ। এক মাত্রায় আশাতীত ফল পাওয়া যায়।

বিস্তারিত বিবরণের জন্য আজই ক্যাটলগ্ চাহিয়া পাঠান।

ডি, বেরিসিল্ এও কোং

অফিস:—৮, রাণী রোড, কাশীপুর, কলিকাতা  
হেড অফিস—১৬, রামচন্দ্র মৈত্র লেন, কলিকাতা

## গ্রহের ফের

এড়াইতে হইলে মাতার প্রত্যাদেশপ্রাপ্ত কুণ্ডলী কবচ ধারণ করা কর্তব্য। বিশেষতঃ, যাহাদের জন্মাস আরণ, ভাদ্র, অগ্রহায়ণ ও ফাল্গুন, বর্তমান বর্ষ তাহাদের বিশেষ শুভ নহে। ভক্তিসহকারে কবচ ধারণে সর্বরকম বিপদের হাত হইতে মুক্তিলাভ করা যায়। ভক্তিসহকারে মন্ত্রপুতঃ কবচ ধারণে মোকদ্দমায় জয়লাভ, চাকুরী প্রাপ্তি, কার্যোন্নতি, ছুরারোগ্য ব্যাধির শান্তি, সৌভাগ্য লাভ, ব্যবসা-বাণিজ্যে উন্নতি, শত্রুদিগকে বশীভূত ও পরাভূত করা, কলেরা, বসন্ত, প্লেগ, কালাজ্বর প্রভৃতি মহামারীর হাত হইতে আত্মরক্ষা, ও অকাল মৃত্যু হইতে নিষ্কৃতি লাভও অনায়াসে করা যায়। বঙ্গানারী পূজবতী হয়, ভূতপ্রেত, শিশিচ, উন্মাদ, চোর ও অগ্নিতর হইতে রক্ষা পাইবার অসাধারণ। ইহা ধারণে কুপিত গ্রহ সুশাসন হয়, তাহা সন্তান প্রদান হইয়া থাকে।

**অনিল-স্প্রো**

এবং  
অনিল  
থোস  
পাউডার  
লাবণ্য বর্ধক  
স্বদেশী প্রসাধন  
—স্ব স্ব—  
ইহা ব্যবহারে মুখ মণ্ডলকে অপূর্ণ  
শ্রী মণ্ডিত করে।  
**সর্বত্র পাওয়া যায়**

অনিল পারফিউমারী ওয়ার্কস  
৩৯ নং, রাজবল্লভ ষ্ট্রীট  
কলিকাতা।

অনিল-স্প্রো  
পাউডার  
লাবণ্য বর্ধক  
স্বদেশী প্রসাধন  
—স্ব স্ব—  
ইহা ব্যবহারে মুখ মণ্ডলকে অপূর্ণ  
শ্রী মণ্ডিত করে।  
**সর্বত্র পাওয়া যায়**

সাত দিন  
প্রয়োগে  
আরোগ্য  
হয়

মেডিকেল বিভাগ ৩৯নং রাস্তা রাজবল্লভ ষ্ট্রীট, কলিকাতা।

রোমাঞ্চকর ডিটেক্টিভ উপন্যাস

**চীনের মানুষ**

শ্রীমুখীকুমার সেন প্রণীত

আনন্দবাজার বলেন—“এই কোতূহলোদ্দীপক ডিটেক্টিভ উপন্যাসখানি পূর্বে রহস্য-চক্রে ধারাবাহিকভাবে প্রকাশিত হইয়াছিল। ইহা নানারূপ চাক্ষুসকর রহস্যময় ঘটনায় পূর্ণ। ইহার ডিটেক্টিভ উপন্যাস ভাল বাসে। তাহার বইখানি পড়িয়া যথেষ্ট আনন্দ লাভ করিবেন। ছাপা, বাধাই ভাল, মূল্য সুলভ...”

Advance বলেন—“This little thriller details the adventures of Fing-su, the Chinese adventurer from Yunan, in Calcutta, his amazing escapes and final capture by a Bengali detective...the story will be gulped and swallowed with quick despatch, as by the present reviewer”.

খ্যাটিকে ছাপা, ১২৭ পৃষ্ঠার সম্পূর্ণ ও সুদৃশ্য প্রচ্ছদপটে সজ্জিত  
মূল্য আট আনা মাত্র


লেখকের—

**সিমন দেবতার কোপ**

শ্রীমুখীকুমার সেন প্রণীত



গানে আনন্দ!  
যদি পেতে চান,  
"মেলোডিনা"  
বাজান -



স্বর মাধুর্য্যে শ্রেষ্ঠ ও হৃদয়গ্রাহী

- সচিব ক্যাটালগের জন্য লিখুন -  
পি. বাণা এও কোং  
৩ নং লোয়ার চিপের রোড, কলিকাতা

জ্ঞানে ও প্রসাধনে

অরুণি  
স্নিগ্ধ

কেশবর্দ্ধক  
মস্তিষ্ক স্নিগ্ধকারক

এবং  
বিশুদ্ধ

# মঞ্জুলিকা কেশ তৈল

অতি খাঁটী তিল ও ক্যাষ্টর তেলের সহিত ভূমরাজ ক্যান্ডারাইডিন ও অগ্ন্যন্ত ছুপ্রাপ্য আয়ুর্বেদীয় উপাদানযোগে সম্পূর্ণ নির্ভরযোগ্য তৈল।

চুল পড়া, মাথা ধরা বন্ধ হয়, মাথা ঠাণ্ডা রাখে। ব্যবহারে চুল অতি ঘনকৃষ্ণ হয় ও নূতন চুলের উদ্গম হয়। প্রতি ঘরেই ব্যবহার হইতেছে।

অগ্ন্যন্ত তেলের মত ইহাতে চুলধ্বংসকারী খনিজ তৈল নাই। একবার ব্যবহারেই উপকারিতা বৃদ্ধিতে পারিবেন।

আপনার প্রিয়জনের মুখে হাসি ফুটাইতে আপনার নিকটস্থ দোকান হইতে আজই এক শিশি "মঞ্জুলিকা কেশ তৈল" কিনুন। স্বদৃশ্য এবং সু-উপকারিতায় সর্বশ্রেষ্ঠ।

—সর্বত্র পাওয়া যায়—

প্রাইড অব ইণ্ডিয়া কেমিক্যাল ওয়ার্কস্

৭-এ, মুসলমানপাড়া লেন, কলিকাতা।





একাদশ বর্ষ

পৌষ, ১৩৪২

নবম সংখ্যা

## দর্পের সমাধি

শ্রীমতী সরযুবালা গুহ

আমি বন্ধা! শিশু মুখের মাতৃ-সন্তাষণ আমার মত  
অভিশপ্তা ভাগ্যহীনীর জন্ম নয়।

আমারই তাঁবেদার ঝি-চাকর, আশ্রিত, প্রজ্ঞা সবাই  
সভয়ে আপন আপন শিশুক দূরে টানিয়া লইয়া যায়।  
আমি বুঝি সব, কিন্তু বলিতে পারি না কিছুই।

তিনটি ছেলে পথের ধারে খেলা করিতেছিল। কি  
মধুর তাহাদের বাল্য-চপলতা! দূর বাতায়ন পার্শ্বে আমি—  
হাঁ, দেওয়ালের আবরণীর মধ্যে আত্মগোপন করিয়া।  
তাহারা নিম্নে, এতটা ব্যবধান, কিন্তু সে ব্যবধান  
দূরত্বের সৃষ্টি করিতে পারিতেছিল না—যেন হাত বাড়াই-  
লেই আমি কোলে লইতে পারি।

পারি কি? নিজের অন্তরের নিকট এ প্রশ্নে আমি  
পরাজিত। বুকের ভিতর হইতে নির্মম বাণী তন্মূহর্ত্তে

আমাকে ভালরূপে সজাগ করিয়া দেয়; মনে পড়ে—আমি  
কি?

একটি খেলনা, তাই লইয়া বিবাদ—“ওরে বাছা,  
ঝগড়া করিস নি—এই নে টাকা, কিনে আন।”

চিলের মত তাহাদের মায়েরা আসিয়া ‘ছেঁ’ মারিয়া  
আমার সম্মুখ হইতে ছেলেদের দূরে লইয়া পলাইল।  
আমার দেওয়া দানে কেহ ক্রক্ষেপও করিল না।

বাথায় বুক ভাঙ্গিয়া পড়িতেছিল, তথাপি ইহাই যে  
আমার একান্ত পাওনা বোধে মুখ বুজিয়া বুক চাপিয়া  
খাসরোধ করিলাম।

—“ও কি, ও কি, ও কি গো, আহা! দুধের শিশু,  
কি অপরাধ তার ভগবান। আমি রাক্ষসী, হতভাগিনী।  
পাইক, পাইক, দরোয়ান।”



কিন্তু আমার হুকুম আর ত কেহই শুনবে না—তবে কি, তবে কি শিশুটী কেবল স্পর্শ দোষেই মারা যাইবে।

—“রক্ত, রক্ত, ওঃ, কি রক্ত! এত রক্ত ওই শিশু দেহে থাকতে পারে কি? ও গো, রক্ষা কর, রক্ষা কর! আমার পাপের দণ্ড আমিই ভোগ করব! শিশু ও বমনে ক্লান্ত; আর না, আর না, হে ভগবান!”

চোখের উপর দেখিতে হইল যুত্মার করাল ছায়া ধীরে ধীরে শিশু কোরকটীকে চিরদিনের জন্য লুকাইয়া ফেলিল।

সবার অমরোপ রাগিতে হত্যা দিয়াছিলাম।

আশ্রিত অমৃতগতেরা বুঝাইয়া দিল—না, দয়াল বৈষ্ণনাথ কোনদিন কাহারও বাসনা অপূর্ণ রাখেন না। এতবড় রাজ্যের রাণী আমি, পুত্র অভাবে শেষে কি পরে দাস্তবৃত্তি অবলম্বন করিব?

গর্জিতা! অর্ধমদ আমায় মনুষ্যত্বের বাহিরে টানিয়া ফেলিয়া দিয়াছিল। আমি ভাবিতাম, এই বুঝি জ্ঞান্য পথ। হুকুম যাহারা করে তাহারা ভাবে না, ভাবিতে পারে না, সেই হুকুম সে নিজের কতটা প্রতিপালন করিতে সক্ষম—পদমর্যাদা বাধা দেয়।

জাক-জমকের সহিত দেবতার পায়ে ভিক্ষার অঞ্জলি দিতে আসিলাম। সঙ্গে কিংখাপ-মকুমল, হীরা-মাণিক, লোক-লঙ্কর যাহা আসিল তাহাতে চক্ষু ঝলসিয়া যায়। কান্দাল ভাব ত দূরের কথা—অবাক হইয়া লোকজন বিস্ময়ে চাহিয়া থাকে।

দেবতার পশ্চাতে চরণামৃতের স্থান; হিন্দু মতে অতি পবিত্র। ঘৃণায় আমার কিন্তু কমনোদ্বেগ হইল। শত কলস জলে স্থান মার্জনা করাইয়া মকুমলের শয্যায় প্রসাদ কামনায় শয়ন করিলাম। শত দাসদাসী চতুর্দিক ঘেরিয়া পাহারায় রহিল।

চিরদিন উপবাসে অনভ্যস্ত। ধনলোভী পুরোহিত ধনী যজ্ঞমানের ঘন রাগিতে ব্যবস্থা দিলেন—চরণামৃত পান, দেবতার প্রসাদ-ভোজন, ভোজনের মধ্যেই গণনীয় নহে।

প্রথম দিন কাটিয়া গেল দেবতা রাজ-আদেশের বাধা নহেন দেখিয়া মনে বিরক্তি ধরিল।

দ্বিতীয় দিন অল্প কোন্ দেশের অধিপতি পূজা দিতে আসিলেন। বিশ লক্ষ বিঘদল তাঁহার সঙ্কল্প। শুনিয়া মনে হইল, সামান্য বিশ লক্ষে নাম কিনিতে চায়। থাক, প্রতিশোধ পরে দিব—আশী লক্ষে ওর সঙ্কল্প যদি না ভূমিস্বাং করিতে পারি, তবে আমার রাণী পদবীই রখা!

দূরে কে যেন কাহাকে বলিল—“এমনি করে কি হতে দেয় না কি বোন্—এর নাম কি কায়মনে ডাকা? আড়-চোখে বেলপাতার চূপড়ী গুন্ছে শুধু। মাগী উঠে যায় না কেন?”

আমার হুকুমে মেয়েটীর শান্তির ব্যবস্থা হইল।

একটা একটা করিয়া বিশলক্ষ গণিয়া শেষ করা অসম্ভব। না, পাণ্ডারা তাহা করেও না; সাজির মাপ আছে, তাহাতেই কম-বেশী হিসাব হয়। সঙ্কল্পচ্যুত হইবার ভয়-ভাবনা মোটেই থাকে না।

অতবড় উঠান কেবল সাজিতেই ভরিয়া গেল। তন্দ্রার ঘোর আসায় বুঝিলাম না, পরে কি হইল। চক্ষু খুলিতেই দেখি সম্মুখে পাতার পাহাড়। ষাঁড়ে খাইতেছে। ছেলেরা চারিদিক বেড়িয়া লুকাচুরী খেলা খেলিতেছে।

হুকুম দিতে যাইতেছি—পাতা তুলিয়া শিবগঙ্গা বুজাইয়া দিক; আমার বাতাস রোধ করা কেন?

মুখের কথা মুখেই রহিয়া গেল—একটা তাল পাকান বেলপাতার ছুটি আসিয়া সবেগে আমার কোলে পড়িল।

অলিয়া উঠিলাম। আমার আদেশে জমাদার এক অতি স্বকুমার শিশুর কান ধরিয়া নিকটে আনিয়া দাঁড় করাইল। হয় ত পাণ্ডাদের পুত্র, নয় ত অন্য কাহারও সন্তান। কিন্তু সে সময় উত্তেজনা অন্ধ করিয়াছিল—নহিলে অমন মনোহর কমনীয় দেহে কি করিয়া বেজ-প্রহারের আদেশ দিয়াছিলাম।

নিমকের চাকর নিমকহালাল হয়—না, এ কেজ্জেই বা তাহার ব্যতিক্রম হইবে কেন? কিরকর অকরে অকরে আমার দণ্ডদেশ প্রতিপালন করিল।



উপবাস-ক্লিষ্ট দেহ আবার নিজার ক্রোড়ে ঢলিয়া পড়িল।

স্বপ্নে স্পষ্ট দেখিলাম—এক বৃদ্ধ ব্রাহ্মণ—অত বয়সের লোক জীবনে কোনদিন দেখিয়াছি বলিয়া স্মরণ হয় না। পায় পায় নিকটে আসিয়া প্রশ্ন করিল—“হ্যাঁ গা, এখানে যা' চাও না, তার জন্তে লোক দেখান শুয়ে থাকা কেন?”

মনে হয় স্বপ্নেই বলিলাম—“চাই না মানে? কে এ কথা বললে তোমায়?”

বৃদ্ধ হাসিয়া বলিল—“কেন গা, বলতে হবে কেন? এত পেয়েছ, পেয়ে শাস্ত হবে কোথায়, না যে দিলে, তাকে দিলে দণ্ড! একজন নয় গো, শতজন কঁাদলেও তোমার কোলে ছেলে পাবে না!”

আমি হাসিলাম। বলিলাম—“আমি রাণী, সাধারণে চায় ভিক্ষা, আমরা করি আদেশ। প্রহার যদি পুরস্কার হয়, তারই বদলে প্রার্থিত বিনিময় করতেই হবে, নচেৎ শাস্তির হাত হ'তে তোমারও রক্ষা নাই। বলো, দেবে কি না—বলো?”

বৃদ্ধ হাসিয়া বলিল—“দিলাম। তোমার নিজের কোলে ত নয়ই, পরের কোলের ছেলেকে যদি কোলে তুলতে যাও, সে তৎক্ষণাত্ রক্ত-বমনে—”

আর শুনিতে পারিলাম না, চীৎকার করিয়া উঠিলাম—না, না গো, এতটা নিষ্ঠুর হয়ো না! আমি সেই ছেলেকে

খুঁজে এনে পুতুল খেলনা দিয়ে সন্তুষ্ট করব। ছেলের জাত বই ত নয়, ভুলে যাবে।”

অদ্ভুত হাসি হাসিয়া বৃদ্ধ বলিল—“পারো, চেষ্টা করে দেখো—ছাড়বে কেন?”

উত্তেজিত-কণ্ঠে বলিলাম—“সামান্য একটা পাণ্ডাদের ছেলে, যার বাপ-পিতামহ চোদ্দ পুরুষ লোভী, তাকে লওয়াতে পারব না—বলো কি ঠাকুর?”

পাহারাদার চীৎকার শুনিয়া ছুটিয়া ‘মা মা’ ডাকে তন্দ্রার কুহক দূর করিয়া চেতনা ফিরাইল।

বহু অশেষণেও পাইলাম না, সারা ধাম তন্ন তন্ন করিয়া প্রহরী দল খুঁজিয়া ফিরিল, কিন্তু বুখা চেষ্টা! সে বালককে অত ছেলের মধ্য হইতে কেহুই বাছিয়া বাহির করিতে পারিল না।

জনকয়েক বালক দূরে দাঁড়াইয়াছিল। জিজ্ঞাসায় বলিল—“সে ত রোজ আসে; আমাদের সঙ্গে খেলা করে, কত কি এনে খেতে দেয়। জিজ্ঞেস করলে কিন্তু নাম কি বাড়ী কোথায় বলে না; হেসে ছুটে পালায়।”

সেই অবধি আর আদেশ কাহাকেও করিতে পারি না। জমাদার দয়াল সিংয়ের খসিয়া পড়া হাত দেখাইয়া স্পষ্টত সকলে বলে—“তোমার আদেশে ওই ত গতি, আর কাজ নেই—থাক।”

শ্রীমতী সরযুবালা গুহ





## স্মৃতি

শ্রীমতী কনিকা বসু

—“রোজই তাকে রাস্তায় ঠিক আমার জান্নার সামনে অপর দিকে ফুটপাথের ওপর বসে থাকতে দেখি। তার দেহটা শীর্ণ, পরণের কাপড়খানি শতছিন্ন তালি দেওয়া, মুখখানি শুকিয়ে গেছে, চোখ দু’টা ছলছল করছে, মাথার চুলগুলি রুক্ষ—বোধ হয় অনেক দিন হ’তে তেলের স্বাদ পায় নি। অত দারিদ্র্যের মধ্যেও তার আভিজাত্যের গৌরব পরিস্ফুট রয়েছে। বয়স তার দশ কি এগারো হবে।

—“তার মুখখানি যেন কত চেনা, সে যেন কত আপন, কিন্তু তবুও তাকে ডেকে কোন কথা জিজ্ঞাসা করতে পারি না। কিন্তু আজ প্রতিজ্ঞা করে জান্নার ধারে বসলাম—ওকে ডাকবোই ডাকবো। কিন্তু কাজে তা’ আর হয়ে উঠলো না। আজ বিকেল হতেই বৃষ্টি নেমেছে। আমি জান্নার ধারে বসে আছি—কিন্তু সে আসে নি।

—“সেও এমনি এক বাদলার দিন। সে আমাদের পাশের বাড়ীতেই থাকতো। দেখতাম যে, আমি যেখানেই থাকি না কেন, মনে হ’ত, যেন একঘোড়া কালো চোখ আমাকেই খুঁজে বেড়াচ্ছে। তখন বয়স আমার একুশ কি বাইশ হবে, আর তার পনেরো কি ষোল। দেখতে তাকে মন্দ নয়। লম্বা টানা চোখ, ঘোড়া ডুরু, ছিপছিপে গড়ন, গায়ের রং ফরসা—মোটের ওপর সে সুন্দরী। তারা আমাদের বাড়ীর পাশে আসবার কিছুদিন বাদেই দেখি যে, আমাদের বাড়ীতে তাদের আসা-যাওয়া আরম্ভ হয়েছে। মাঝে মাঝে সে একাই আসতো এবং আমার পড়ার ঘরে আমার বই-খাতা ঘাঁটতো। মাঝে মাঝে আমার বইগুলো নিয়ে পিয়নের কাজ করতো। তাদের মধ্য থেকে ছোট ছোট চিঠি পেতাম। তা’তে তার নাম জান্নাম রাণী। তার সঙ্গে মাঝে মাঝে আমার পড়ার ঘরে দেখা হয়ে যেত। দুটো কথা বলেই সে বেরিয়ে যেত।

—“এই রকম ভাবেই তার সঙ্গে আমার আলাপ। আমিও তার সঙ্গে চিঠি বিনিময় করতাম। এই আলাপ ক্রমে ভালবাসায় পরিণত হলো। যত দিন যেতে লাগল, তত যেন তাকে পাবার জন্য আমার মন ব্যস্ত হ’য়ে উঠতে লাগলো। ক্রমে ক্রমে তার যৌবনের উপর কলঙ্কের রেখা টেনে দিলাম। তারপর জানাজানির কিছুদিন বাদে শুন্লাম, সে বাড়ী ছেড়ে বেরিয়ে গেছে। আশ্বে আশ্বে আমিও একদিন বেরিয়ে পড়লাম। সে আজ বছর দশ কি এগার হবে।

—“তারপর একদিক মেঘলা করে আছে, কিন্তু বৃষ্টি নেই। আজ দেখলাম, সে চুপ করে অন্তরিকে চেয়ে কি ভাবছে। আমি জান্নাটি খুলতেই সে আমার সামনে এসে একটুকরো কাগজ দিলে। কাগজটির ওপর দেখলাম আমার নাম। আশ্চর্য্য বোধ হলো! ছেলেটিকে জিজ্ঞাসা করলাম—‘তোমাকে কে দিয়েছে?’

—“সে বললে—‘মা।’

—“আমি জিজ্ঞাসা করলাম—‘তোমার মা কোথায় থাকেন?’

—“আমার বাড়ীর সামনে একটা অন্ধকার ছোট গলির দিকে আঙুল বাড়িয়ে বললে—‘ওইখানে।’

—“আমাকে চিন্লেন কি করে?’

—“আমি জানি না, আমাকে শুধু দিতে বল্লেন।’

—“তোমার মায়ের নাম কি?’

—“বলতে বারণ আছে। একটু তাড়াতাড়ি আসুন, মায়ের বড় অসুখ—বোধ হয় বাঁচবেন না।’

—“আমি তাড়াতাড়ি অফিসের ছাড়া জামাটা পরে চটা ঘোড়া পায়ে গলিয়ে বললাম—‘চলো।’

—“সে আমাকে পথ দেখিয়ে নিয়ে যেতে লাগলো; আমিও চললাম।



—“কিছুক্ষণ পরে একটা খোলার ঘরের সামনে এসে হাজির হলাম। সে আশ্বে আশ্বে দরজা ঠেলে ভেতরে প্রবেশ করলে। আমাকে ডাকলে। আমি প্রবেশ করে দেখলাম যে, ঘরের মধ্যে একটা হারিকেন জ্বলছে। অপর দিকে দেখলাম যে, একটা জীর্ণ বিছানার ওপর একটা রমণী শুয়ে আছে। দেখে মনে হয়, পূর্বে তার সৌন্দর্য ছিল, এখন আর তার কিছুই অবশিষ্ট নেই। রমণী ঘুমোচ্ছিল। আমাদের গৃহ-প্রবেশের শব্দে জাগরিত হয়ে জিজ্ঞাসা করলে—‘পতু, বাবা, এলি?’

—“হ্যাঁ মা। সেই বাবুটী এসেছেন।’

—“এসেছেন? কই বাবা, ডাক না তাঁকে।’

—“গলার স্বরটা পরিচিত হলেও কিছু বুঝতে পারলাম না। আশ্বে আশ্বে তার জীর্ণ বিছানার একপাশে বসলাম। রমণী জিজ্ঞাসা করলে—‘তুমি এসেছ?’

—“তারপর একটু থেমে আবার বললে—‘আমি জানি তুমি আসবে, তাই তোমাকে ডেকেছি। আমার অনেক কথা—’

—“আমি বিস্ময়ে চেয়ে দেখলাম যে, সেই রমণীই আমার যৌবনের রাণী! সে আমার বিস্মিত চাহনির দিকে চেয়ে স্নান হেসে বললে—‘চিন্তে পারছো না? আমি তোমার রাণী। এবার হয়েছে?’

—“আমি রাণীকে বাধা দিয়ে বললুম—‘রাণী, আমার এত কাছে থেকেও তুমি এতদিন আমাকে খবর দাও নি? আমি যে সেই পাপেরই প্রায়শ্চিত্ত করছি। এখনও আমি তোমার আশায় বসে আছে। আজও আমি অবিবাহিত। বলো রাণী, কেন এরকম ভাবে নিজেকে মৃত্যুর মুখে এগিয়ে দিলে—আমায় কেন খবর দাও নি? আমি কি আস্—’

—“রাণী বাধা দিয়ে বললে—‘যা’ হবার তা’ হয়েছে। এখন শোনো—সেই আমি বাড়ী থেকে বেরিয়েছি, তারপর দীর্ঘ দশ বৎসর কেটে গেছে। দু’দিন বাদে আমি তোমার বাড়ীর কাছে গিয়ে শুন্লাম যে, তুমিও না কি বেরিয়ে পড়েছ। আমার তখন দুঃখ হলো—কেন তোমাকে খবর

দিই নি। কিন্তু পরক্ষণেই আমার মনে হলো যে, হয় ত মিথ্যা কথা। তুমি বড়লোকের ছেলে, তুমি কি দুঃখে বেরোতে যাবে—বড়লোকের কুৎসা ত সহজে রটে না। কিছুদিন বাদে হাসপাতালে পতু হলো। সেখানে মাস-খানেক থেকে শরীরে বল পাবার পরই আমি ছেলেকে নিয়ে বেরিয়ে পড়লাম। ভদ্রলোকেব মেয়ে আমি। কি করি—লজ্জার মাথা খেয়ে একজনের বাড়ী চাকরী নিলাম। তারপর আজ দীর্ঘ দশ বছর তাদেরই অন্নজলে পতুকে মাহুষ করেছি। ওকে লেখাপড়া শিখিয়েছি। আর আমি না খেয়ে খেয়ে মৃত্যুর মুখে এগিয়ে গেছি। এখন তুমি যদি ওকে—’

—“আমি বাধা দিয়ে বললাম—‘তোমার কোন ভাবনা নেই। তুমি শুন্য থাকো।’

—“পতুকে তার মায়ের কাছে বসিয়ে আমি ডাক্তার ডাকতে বেরিয়ে গেলাম।

—“পতু মাকে জিজ্ঞাসা করলে—‘মা, উনি কে? তুমি ওকে ডেকেছিলে কেন?’

—“মা বললে—‘পতু, উনিই তোমার বাবা। আমি ত মরে যাব, তুমি ওঁর কাছে থাকবে। ওঁকে অমানুষ করো না। এতদিন...’

—“আর তাকে কথা শেষ করতে হলো না।


—“কাশান্ত আরম্ভ করলো এবং মুখ দিয়ে চাপ চাপ রক্ত উঠতে লাগল। কিন্তু সে কাশিরও শেষ হলো যখন, তার দেহটাও তখন নিশ্চল পাথরের মত হ’য়ে গেল। পতু আছাড় গেয়ে মায়ের বুকের ওপর পড়লো এবং সঙ্গে সঙ্গে জ্ঞান হারাল।

—“অল্পক্ষণের মধ্যেই আমি ডাক্তার নিয়ে ফিরে এলাম। ঘরের মধ্যে ঢুকে সেই দৃশ্য দেখে স্তব্ধ হয়ে গেলাম।

—“রাণীর শীতল বুক থেকে তখন ধীরে ধীরে তার স্মৃতিটা তুলে বৃকে জড়িয়ে ধরলাম। এই আমার জীবনের সম্বল রাণীর দেওয়া স্মৃতি!...”

শ্রীমতী কণিকা বসু





## ভালো ও ছায়া

[ পূর্বানুসরণ ]

শ্রীবৈদ্যনাথ বন্দ্যোপাধ্যায়

### পটনেরো

তুলিব বলিলেই যদি ভোলা সম্ভব হইত, তাহা হইলে বোধ করি সংসারে এত বিপর্যয়ের সম্ভাবনাই থাকিত না।

যতটা সহজ এবং সরলভাবে অমর বর্তমান জীবনটাকে টানিয়া লইয়া যাইতে চাহিল, ঠিক ততটা কেন, তাহার কণামাত্রও সে সফল হইল না। সরযুর এই নিলিপ্ত ব্যবহারটুকই তাহাকে পরীক্ষাপেক্ষা বিচলিত করিয়া তুলিল। মনের গহন তলে ধুমান অনেকদিনের অনেক কথাই তাহার স্পষ্টতর হইয়া উঠিল।

বিবাহের পর ফুলশয্যার রাত্রে যে কয়টি কথা স্বামী জ্ঞীর মধ্যে একান্ত অকারণেই উঠিয়াছিল, আজ কারণের দিনে তাহাই তাহাকে সর্ষাপেক্ষা বিব্রত, বিভ্রান্ত করিয়া তুলিল।

সেদিন অজ্ঞকে লইয়াই ছিল তাহাদের আলোচনার বিষয়। অমর উচ্ছ্বসিত কণ্ঠে বন্ধুর প্রশংসাবাদ করিয়াই ক্ষান্ত হয় নাই, পত্নীও যাহাতে সর্ষাস্তঃকরণে ওই আত্ম-ভোলা লোকটির প্রতি সদয় ব্যবহার করে তাহার অন্তরীতিমত অঙ্গীকার করাইয়া লইয়া ছাড়িয়াছে।

সরযু লাজুক মেয়ে নয়—বুদ্ধিতে, বিদ্যায়, সর্ষবিষয়ে আদর্শস্থানীয়া। স্বামীর এই অহেতুক উচ্ছ্বাসের ফল যে

ভাল নাও হইতে পারে ইহা ধরিতে তাহার বিলম্ব হয় নাই। সে বেশ দৃঢ়কণ্ঠেই ইহার প্রতিবাদ করিয়াছিল। বলিয়াছিল—মানুষের মন বড় চঞ্চল, তাই আজিকার যাহা সত্য, কালিকার পক্ষে প্রয়োজনে তাহাকে মিথ্যা বলিয়া দাঁড় করাইতে সে এতটুকু ইতস্ততঃ করে না। বিশেষ, মেয়েদের লইয়া যে কত ঘটনা ঘটে, তাহার ত কথাই নাই। বাহিরের বন্ধুত্ব বাহিরে বাহিরেই মানায়, অন্তঃপুরে না ঢুকানই মঙ্গল।

কিন্তু অমর তাহা স্বীকার করে নাই। কিংবা মানুষ সে, ও দুর্বলতাকে না মানাই তাহার ধর্ম বলিয়া প্রচার করিয়াছিল। বিশেষতঃ, অজ্ঞকে লইয়া কোন প্রশ্ন উঠিতে পারে ইহা সে কল্পনায়ও আনিতে চাহে না।

তথাপি সরযু বলিয়াছিল—শতাব্দী গোরব লইয়া বাদ-বিতণ্ডার অন্ত নাই। আজও বহু বিগত শতাব্দীকেই মানুষের চরম উন্নতির দিন বলিয়া অনেকে পূজা করিয়া থাকেন। উপমা দিতে হইলে, রাম রাজত্বের উল্লেখ হইতে বিলম্ব হয় না। সীতার অগ্নি-পরীক্ষাকেই সমাজ ধর্মের জলন্ত সাক্ষ্য বলিয়া নাক নড়িয়া উঠে। তা' ছাড়া, সত্যকথা বলিতে কি, আচারে-ব্যবহারে, পোষাকে-পরিচ্ছদে উন্নতি হইলেও মানুষ যে দুর্বল প্রকৃতিকে জয় করিতে পারিয়াছে ইহা সত্য নহে, এবং কোনদিনে



কোন কালেও যে পারিবে না, ইহা স্থির নিশ্চিত। তবু যদি অমর জ্বল করে, তাহাতে সে প্রতিবাদ করিতে পারে না—কেন না, মহাভারতে যুধিষ্ঠির পাশা খেলায় তাহাদের মূল্য নিরূপণ করিয়া দিয়া গিয়াছেন; বর্তমান যুগে তাহার পরিবর্তনের অঙ্কুরও দেখা যায় নাই। তবে স্বামী-দেবতার কথা রাখিবার সঙ্গে সঙ্গে আজ তাহাকেও প্রতিজ্ঞা করিতে হইবে যে, অজয়ের সহিত মেলামেশা লইয়া কোনদিন কোন কারণেই সে কোন কৈফিয়ৎ দিবে না। অমর সকৌতুকে বলিয়াছিল—তথাস্তু!

সেদিনকার সেই সরযু আজও তেমনই আছে—কিন্তু অমরের সে স্থখ আজ কোথায়?

শেফালীর নিকটও স্বামীর হৃদয়-বিপ্লবের কথা লুকান ছিল না, তাই সরযুদের প্রসঙ্গ অত্যন্ত প্রসঙ্গে দূরে সরাইয়া রাখিলেও অমৃত্যুতাপের তাহার অন্ত নাই। সেই ত স্বেচ্ছায় এ বিপদ ডাকিয়া আনিয়াছে। স্বামীর নিতান্ত অনিচ্ছায় কেনই বা সে জোর করিয়া এতবড় কাণ্ড ঘটাইয়া বসিল। বসিল যদি ত, শেষ পর্য্যন্ত ধরিয়া রাখিতেই পণ করিল না কেন?

অমরের সেবায় তাহার অন্তর চিরজাগ্রত ত ছিলই, তাহার উপর আরও সহস্রগুণ সজাগ করিয়া তুলিয়াছে। সে হৃদয়ের অপূর্ণ অংশটুকু ছ' হাত দিয়া, যেন সে এক মুহূর্ত্তেই পূর্ণ করিয়া দিতে চায়। কিন্তু তাহা যে কোন-ক্রমেই তাহার দ্বারা সম্ভব নয়, তাহা বুঝিতেও তাহার বিলম্ব হয় না।

তাই সেদিন যখন পূর্বেই যত আনন্দপূর্ণ-কণ্ঠে আসিয়া অমর তাহাকে ডাকিল—শেফা! তখন শেফার সারা অন্তর কি এক অপূর্ণ রসে বিভোর হইয়া গেল। সে দীপ্ত দৃষ্টি তুলিয়া স্বামীর গানে ফেলিয়া বলিল—কি?

—ও কি সত্যি?

—কি সত্যি গা?

—কান্তর মা যা' বললে—

আবীর রঙে শেফার গাল দু'টি কে যেন 'খপ' করিয়া আসিয়া ছোপাইয়া দিয়া গেল। সে কাপড়ের খুঁটটা নাড়িতে নাড়িতে বলিল—ও মা, এরই মধ্যে, বলে দিয়েছে!

তোমার ছেঁড়া জামাটা না হয় আস্তই হ'ল—গরীব বামুনটাকে দিয়েছিলুম তাই—

অমর শেফাকে বুকের কাছে টানিয়া আনিয়া বলিল—সে অত বোকা নয় যে, একটা জামার খবর আমায় দেবে। আমায় খবর দিয়েছে—

সই-এর ছেলের অম্প্রাশনের নেমস্তম্ভের খবর বুঝি? তা'—

—তা' বলতে ভুলে গিয়েছিলে, না? না, সে ও কথা বলে নি, সে বলেছে তোমার নিজের ছেলের—

—ওঃ, তাই বুঝি খানিক আগে আমাকে একখানা নোট দেখিয়ে গেল। বলে, বাবু দিয়েছে, আর হাসে...

—তা' দিতে হবে বই এক শেকা। আমাদের বংশধর আসছে, তার সম্মানের জন্ত এটুকু না করলে সে কি আর রক্ষে রাখবে?

—তা' বটে বলিয়া মুগ টিপিয়া হাসিয়া শেফা বলিল—কিন্তু যে আনছে, তাকে কি দেবে ত কই বললে না?

—ওঃ, তা' বলা হয় নি বটে এতক্ষণ। তার জন্তে এনেছি যে বলিয়া পকেট হইতে একছড়া নেক্লেস বাহির করিয়া অমর শেফালীর সম্মুখে ধরিল।

মুক্তাগুলি যেন ঝকঝক করিয়া তুলিয়া উঠিল। শেফা পরম বিস্ময়ে স্বেণ্ডলার দিকে চাহিয়া চাহিয়া বলিল—ভারী, ভারী চমৎকার কিন্তু! কত নিলে গা?

—কত আর—পাঁচশো।

—পাঁ—চ—শো। ও মা, এতগুলো টাকা নাহক্ খরচ করে এলে।

—কব্বলাম বই কি, তবে এ আমার টাকা নয়।

—তোমার নয়?

—হ্যাঁ গো। আজ কাস্তর মা যখন বেকবায় মুখে খবর দিলে, তখন পকেটে যা' ছিল তাকে তাই দিয়ে দিলুম বটে, কিন্তু মনে মনে প্রতিজ্ঞা করলুম—যদি বেশী কিছু পাই, তা' হ'লে তোমার জন্তে যা' হোক একটা কিছু আনতেই হবে। যা' পাব আজ—তোমার। দেখি শেফুরাণীর বরাত বলে ত ষেরিয়ে পড়লুম। তারপর না দেখা না শোনা হঠাৎ একেবারে পাঁচশো টাকা আগুড়ি দিয়ে এক জমিদার তার



একটা 'কেস্' আমাকে বুঝিয়ে দিয়ে গেলেন। অনেক টাকার দাবী 'কেস্'টা ও শক্ত, তা' হোক—এ 'কেস্' আমি জেতাবই! একেবারে বেণীমাধব দস্তুর দোকান থেকে এটা নিয়ে এসে বাড়ী উঠেছি। একটু জলখাবার বন্দোবস্ত কর শেফা। জমিদারের ছেলে, তায় মুন্সেফ— 'কেস্' সম্বন্ধে আলোচনা করতে এখানে আজ সন্ধ্যার পরই আসছেন; তাঁকে একটু যত্ন-আর্পিত করা ত উচিত।

কাজের কথায় শেফালীর অন্তরটা যেন নাচিয়া উঠিল। সে বলিল—নিশ্চয়! কিন্তু বাজারের খাবার একটাও আনা হবে না, সব আমি করব—কি বলো?

—বেশ ত!

শেফালীর উৎসাহ কিন্তু মুহূর্তেই শিথিল হইয়া গেল। সে বলিল—কিন্তু...

—আবার কিন্তু কি শে—

—আমরা পাড়ার্গেয়ে মানুষ, আমার রান্না পছন্দ হবে ত—

—না হ'লে তাঁরই বরাত মন্দ বলতে হবে। আমি ত আগেই বলেছি শেফা, তোমার হাতে খাবার ভাগ্য সকলের থাকে না—দেখলে না, একদিনও থাকতে পারলে না, সরে পড়তে হ'ল। এ ধর্মের সংসার শেফা, এখানে ভগবানের দয়া না পেলে কেউ সেঁধুতে পারবে না।

কোথা হইতে কোথায় গিয়া কথাটা দাঁড়াইল শেফালীর তাহা বুঝিতে বিলম্ব হইল না। কিন্তু কি বলিবে তাহাও স্বেপ্রথমটা ঠিক করিতে পারিতেছিল না, তাই খানিক ইতস্ততঃ করিয়া বলিল—ও কথা বলো না। আর যাই হোক, তিনি দিদি, গুরুজন, তাঁর নিম্নে শুনলেও আমার পাপ হয়!

—হওয়াই ত উচিত কিন্তু সত্যি কথা ত নিম্নে নয় শেফা, বরং মিথ্যে কথাকে সত্যি করে ধরে নিলে নিম্নে আছে! ক' দিন আমিও ওসব ছাইপাঁশ ভেবে মাথা গরম করেছিলুম। আজ ঠিক করেছি, অন্মায় যা' তা' চিরদিনই অন্মায়—তাকে কোন কিছুই মোহেই প্রাণ দেওয়া উচিত নয়। যেমন করেই হোক, তার স্মৃতি পর্যন্ত মন

থেকে মুছে ফেলতে হবে। যাক ও কথা, তোমায় কি কি আনিতে দিতে হবে বলো ত?

শেফালী মনে মনে হাসিল কি না কে জানে! কিন্তু মুখে সে ভাব প্রকাশ করিল না।

সে প্রসঙ্গ যতটা চাপা পড়ে, ততই ভাল ভাবিয়া তাড়া-তাড়ি কাগজ লইয়া স্বামীর সহিত পরামর্শ করিতে বসিয়া গেল।

কিন্তু তাহার চেষ্টাকে মিথ্যা প্রতিপন্ন করিয়া দিতে বিধাতা পুরুষ কৃপণতা করিলেন না।

### ষোল

সন্ধ্যার পর অতিথি সমাগমে সারা বাড়ী যেন চঞ্চল হইয়া উঠিল। চাকরটা অকারণে একবার উপর একবার নীচে করিতে লাগিল।

কৌতূহল দমন করিতে না পারিয়া শেফালীও একবার আড়াল হইতে জমিদারের ছেলেটিকে দেখিয়া গেল।

মোকদ্দমার কথাবার্তা শেষ হইল। জলযোগ-পর্বটা না সারিয়া কোনমতেই বিদায় লওয়া সম্ভব নয় বুঝিয়া অতিথি বাধ্য হইয়া অমরের সহিত উপরের ঘরে আসিয়া বলিল।

শেফালীকে সত্যিই রন্ধনে দ্রোপদী বলা চলে। এই সন্ধ্যা সময়ের মধ্যে সে যে আয়োজন করিয়া তুলিয়াছে, তাহাতে অমর পর্যন্ত বিস্ময় অতুভব করিল।

খাইতে বসিয়া অতিথি কণ্ঠও বারবার মুখর হইয়া উঠিতে লাগিল।

খাওয়া প্রায় শেষ হইয়া আসিয়াছে, এমন সময় হঠাৎ একটু ইতস্ততঃ করিয়া অতিথি বলিল—দেখুন অমরবাবু, এখানে আসা পর্যন্ত একটা কথা আপনাকে জিজ্ঞাসা করব বলে ভাবছি, কিন্তু অশোভন হবে ভেবে জিজ্ঞাসা করতে সাহস করি নি। যদি ভরসা দেন—

অমর সাগ্রহে বলিল—বিলক্ষণ, সচ্ছন্দে বলুন আপনার কি বলবার আছে। কিন্তু হবার কি আছে এতে।

অতিথি মাথায় হাত বুলাইতে বুলাইতে বলিল—এখানে আসা থেকে আমার সব যেন কেমন গোলমাল হয়ে



যাচ্ছিল—এখন ওপরে এসে খেতে বসে আরও গুলিয়ে যেতে বসেছে। এমন করে ত রাঁধতে পারতেন বলে একজনকে আমি জানি—তিনি সরযু দি'। মাপ করবেন, কুমুমপুর গ্রামে গিয়ে আমার তাঁর সঙ্গে দৈবচক্রে আলাপ হয়। আনন্দের বিষয়—এই বাড়ীর ঠিকানাই তিনি আমাদের দিয়েছিলেন। বলেছিলেন—এখানে এলেই তাঁর দেখা পাব। এরপর কোন চিন্তাই আসত না, কিন্তু ক'দিন আগে আমার জ্বর একখানা চিঠি এই ঠিকানায় এসেছিল, সেখানা ফেরৎ পাওয়ায় মুঞ্চিলে পড়েছি। আরও মুঞ্চিলে পড়েছি এই ভেবে—সরযু দি' এখানে থাকলে আমার সঙ্গে দেখা করতেন না, এ কথা বিশ্বাস করাই শক্ত। আরও একটা কথা মনে হচ্ছে—অজয় দা'ই বা কোথায়? দিদি ত তাঁকে ছাড়া এক মিনিটও থাকতে পারেন না! আহা, বেচারীর দু' হাতই...

অমরের মুখখানি মড়ার মত শাদা হইয়া গিয়াছিল। মহসা তাহার নিজের অজ্ঞাতেই মূগ দিয়া বাহির হইয়া গেল—ছুটো হাতই...

—তাও বুঝি জানেন না? কলে কাজ করতেন, একদিন অসাবধানে ছুটো হাতই ঠুঁর কলের মধ্যে ঢুকে গিয়েছিল—অনেক বলে-কয়ে হাজার তিনেক টাকা কোন রকমে আদায় করা গেছিল। যাক, কোথায় গেলেন বলুন ত?

আর্জুকণ্ঠে অমর বলিল—জানি না।

—জানেন না? এখানে কি আসেনও নি না কি—আশ্চর্য!

বাহিরের দরজাটা নড়িয়া উঠিল। অমর সেদিকে লক্ষ্যও করিল না। দৃঢ় পরিষ্কার কণ্ঠে বলিল—কিন্তু কুলটাকে রাখা সম্ভব নয় বলেই তারা এখানে থাকতে পারে নি।

—কুলটা! অসীমের হাত হইতে খাবার খালার উপর পড়িয়া গেল। সে ততোধিক দৃঢ়কণ্ঠে বলিল—অসম্ভব! আপনি কি বলছেন, সরযু দি' কুলটা...অথবা একজনের নামে এমন করে বলা উচিত নয়—আপনি আপনার কথা অত্যাচার করুন অমরবাবু।

—কিন্তু সে একজন নয়, সে আমার স্ত্রী! মিথ্যা বলা আমার স্বভাব নয়। ওই যে অজয়ের কথা বললেন, ও ছিল আমার বন্ধু, অন্তরঙ্গ বন্ধু, ওরই সঙ্গে অনেক দিন হ'ল বাড়ী ছেড়ে গেছে। এসব রোঁধেছেন, আমার এ বাড়ীর সত্যকার গৃহিণী যিনি, তিনিই। যদি খেতে অসুবিধা হয়, অসুরোধ করুব না—তবে কিছু না ফেলে গেলেই বেশী আনন্দিত হব। কেন না, তিনি আপনার জন্তে অনেক—

—না না, ফেলে যাব কেন, খাচ্ছি আমি বলিয়া অসীম মাথা হেঁট করিয়া খাইতে লাগিল। কিন্তু তাহার অন্তরে যে প্রবল ঝড় বহিতে শুরু করিয়াছিল, তাহার সম্মুখে দাঁড়াইয়া থাকিবার মত শক্তি তাহার ছিল না—কোন মতে সবগুলো খাইয়া ফেলিয়া সে উঠিয়া দাঁড়াইল। তারপর কোন রকমে ভদ্রতা বজায় রাখিয়া বাহিরে আসিয়া উন্নতের মত জনস্রোতের মধ্যে আপনাকে মিলাইয়া দিয়া তিস্ত চিন্তার হাত এড়াইবার চেষ্টা করিতে লাগিল।

অকস্মাৎ এমন একটা বিসদৃশ ঘটনা যে ঘটিতে পারে এজ্ঞাত কেহই প্রস্তুত ছিল না—বিশেষ করিয়া শেফালীর সারা শরীর যেন লজ্জায় ভাঙিয়া যাইতে চাহিতেছিল। সে প্রাণপণ প্রযত্নে স্বামীকে প্রতিরোধ করিতে চাহিয়াও যখন পারিল না, তখন ঘর হইতে বাহির হইয়া গিয়া অনেকক্ষণ বারান্দায় নির্জনে চুপ করিয়া দাঁড়াইয়া রহিল। তারপর সন্তর্পণে চোরের মত যখন এক সময় ঘরের মধ্যে প্রবেশ করিল, তখনও পাষাণ মূর্তির মত অমর খাটের উপর বসিয়া আছে। তাহাকে দেখিয়াই সে বলিয়া উঠিল—তুমি শুনেছ শেফা, অজয়ের ছুটো হাতই কলে কুটো গেছে। এখনো চন্দ্র-সূর্য্য উঠছে, এতবড় অত্যাচার সহ্য হবে কেন?

শেফালী কথা ত কহিতে পারিলই না, কোনদিকে ঘাড় নাড়িবে ঠিক করিতে না পারিয়া চুপ করিয়া দাঁড়াইয়া রহিল।

ক্রমশঃ

শ্রীবৈদ্যনাথ বন্দ্যোপাধ্যায়



## বন্টার পরে

শ্রীকালীপদ চট্টোপাধ্যায়

সবাই বলে, আমার মাথা খারাপ হয়ে গেছে, না ?  
না না, কে বলেছে ? বেশ ভালো আছো তুমি ।  
আমি শুনেছি, কালকে কারা বলাবলি করছিল ।  
তোমরা ভেবেছিলে, আমি তখন ঘুমিয়ে পড়েছিলাম ।  
তুমি ঘুমোও ।  
কিন্তু মাথা খারাপ হয়ে গেলে কি সব কথা মনে  
থাকতো ? আমি তো কিছুই ভুলি নি । সব বলতে পারি,  
সব মনে আছে—একটির পর একটি— সব ।  
তা' তো থাকবেই । তুমি ঘুমোও ।  
ঘুমোতে চাইতো । ঘুম যে আসে না । চোখ  
বুজলেই সব কিছু চোখের সামনে ভেসে ওঠে ।  
কথা কোয়ো না । দুর্বল হ'য়ে পড়বে ।  
তোমরা দেখো, আমি ঠিক বেঁচে যাবো ।  
তা' তো যাবেই । তুমি ভাল হ'য়ে উঠবে ।  
তোমরা আমাদের বাঁচাতে এসেছো, না ? শুনেছ,  
বন্টার জলে আমরা মারা যাচ্ছি, তাই ছুটে এসেছো ।  
তোমরা খুব ভালো । খুব দয়া তোমাদের । কিন্তু কেন  
এলে ?  
যাদের বাঁচাতে এসেছো তারা তো বাঁচতে চায় না ।  
কি নিয়ে তারা বাঁচবে—বানের জলে আত্মীয়-স্বজন  
স্ত্রী-পুত্র সব হারিয়ে বেঁচে থাকতে কি ইচ্ছে হয় ? আচ্ছা,  
মরে গেলে কি তাদের দেখা পাওয়া যাবে ?—খোকার  
—মণির—এদের ?

বাইরে বিষ্টি হচ্ছে, না ?

হ্যাঁ ।

সেদিনও বিকেলে এমনি বিষ্টি হচ্ছিল । নদীর জল  
ফুলে উঠেছিল । চারদিকে জল ছড়িয়ে পড়েছিল ।  
অল্প জল, পায়ের পাতাও ডোবে না ।

কথা কোয়ো না । এইতো চোখ বুজেছিলে । আবার  
বোজো তো ?

বুজেছিলাম । সন্ধ্যাবেলায় জল আরো বেড়েছিল ।  
বেশী নয় । আমাদের উঠোনেও ওঠে নি । গাঁ-গুদ  
লোকই ভেবেছিল জল আর বাড়বে না । চারদিকে কত  
দিন ধরে বিষ্টি হয় নি । আর ওইটুকু বিষ্টিতেই নদী ক্ষেপে  
উঠবে, তা' কেউ আন্দাজ করতে পারে ?

তুমি কথা কইলে আমি চলে যাবো, বুঝলে ?

রাগ করো কেন ? কথা বললে সত্যি আমি  
মরবো না ।

সন্ধ্যার একটু পরেই খেতে বসেছি । আমরা  
আগ্রাভিরেই খাই । বেশী রাত করলে বড়ডো তেল  
পোড়ে । গরীব মানুষ । খাওয়া হয়ে গেছে । বাইরে  
আঁচাতে এলাম । দেখি, ও মা, জল উঠোনে উঠেছে ।

তুমি কি বকবক করে বকবেই শুধু ?

না । হাড়িকুঁড়ি, বাসন-কোসন সব মণি মাচায় তুলে  
রাখলো । তারপর তাড়াতাড়ি খেয়ে নিল । আমরা শুয়ে  
পড়লাম । জল ঘরের ভিত পর্যন্ত উঠবে ভাবিও নি ।  
ভেবেছিলাম, নদীতে জোয়ার এসেছে । নেমে যাবে একটু  
পরেই । বাদলার দিন । ঘুম এলো চেপে ।

বেশ তুমি কথাই কও । আমি চললাম ।

না না, যেয়ো না । বেশ, এই চূপ করছি ।

দুপুর রাতে হঠাৎ জেগে গেলাম, বুঝলে । চারদিকে  
লোকজন চৈত্যাচ্ছে । শুনে পেলাম—বান আসছে—বান  
আসছে । শিউরে উঠলাম ।

আগে কি মোটেই বুঝতে পারো নি—বান আসবে  
বলে ।



নাঃ, কক্কণো তো দেখি নি বান। এ গাঁয়ের কেউও ত দেখে নি। কি করে বুঝবো? ভেবেছিলাম, জোয়ারের জল। একটু বেশী জোয়ার হয়েছে।

তারপর?

মেঘের ডাকের মত শব্দ শুনে পেলাম। সে শব্দ আর থামে না। ক্রমেই এগিয়ে আসতে লাগলো। তাড়াতাড়ি খোকাকে বুকে তুলে নিলাম। আচম্কা জেগে সে কঁদে উঠলো। মণির হাত ধরে এক টান মারলাম। ধড়মড়িয়ে সে উঠে দাঁড়ালো। তার হাত ধরে টেনে উঠোনে এসে দাঁড়ালাম। সামনের দিকে চেয়ে দেখলাম, পাহাড়ের মত কালো একটা ছায়া ছুটে আসছে—অনেকখানি জুড়ে। হুঁদিকে তার সীমা নেই। কী তার হুকার! বুকি ঠাওরাতে পারলাম না। সময় কোথায়?

খোকাকে বুকে চেপে ধরলাম—খুব জোরে। মণির হাত ধরে নিয়ে গেলাম নারকোল গাছটার গোড়ায়। ধরলাম—গাছটা জড়িয়ে ধরে থাকো—শক্ত করে। কিছুতেই ছেড়ে না।

তাই সে করলো। দেখতে পেলাম, ভয়ে সে কাঁপছে। খোকাকে বুকে করেই আমিও জড়িয়ে ধরলাম গাছটা। আমার চাপ খেয়ে খোকা চৈচিয়ে উঠলো।

জল এসে পোড়লো। মণির একটা আর্ন্তনাদ শুনলাম, আর কিছু না। তারপর কি হলো বলবার ক্ষমতা নেই। আমি আটকে আসতে লাগলো। গাছ ছেড়ে দিলাম। খোকাকে ছাড়লাম না। পা বাড়িয়ে নিয়ে হাতড়ে দেখলাম মণি নাই। সে ভেসে গেছে—জলের সঙ্গে ভেসে গেছে!

সর্বনাশ! আমিও যে গল্পে মেতে উঠেছি। কৈদো না ভাই, কৈদো না। লক্ষ্মী ভাইটি, কৈদো না।

কাদবো না। তুমি বিয়ে করেছো বাবু? কর নি, না? তবে কেমন করে বুঝবে? বুঝবে না। মণি যে আমার কি ছিল, তা' বুঝবে না। তাকে আর দেখতে পলাম না। আমার আশপাশ দিয়ে কত জীলোক ভেসে গেছে—কিন্তু মণিকে আর দেখতে পেলাম না!

সে হয় তো বেঁচে আছে। ভাল করে খোজ করলে পাওয়া যাবে। তুমি ভাল হয়ে ওঠো। তোমায় সঙ্গে করে খোজ করবো। আমরা তো চিনি নে। কথা কোয়ো না। তা' হ'লে তাড়াতাড়ি ভাল হয়ে উঠবে। একটু ঘুমোবার চেষ্টা করতো।

পাওয়া যাবে? ভালো করে তুমিই খোজ কর না বাবু। তার মাথার চুল বেঁকা বেঁকা। সিঁথের মাঝখানে একটা ফোড়া কাটার দাগ আছে। গায়ের রঙ ফর্সা। কপালের বাঁদিকে একটা তিল আছে—

না, পাওয়া যাবে না। তোমার মুখ দেখে আমি বুঝতে পারছি—মণিকে আর পাব না। আচ্ছা, কোথাও দেখেছো বৃষ্টি তার মরা দেহটা পড়ে আছে? আর গাঁয়ের লোক বৃষ্টি বলছিল যে, ও মশি?

আমি কিছু বোলবো না। তুমি চুপ করে ঘুমোও।

আচ্ছা, আমি চুপ করছি। তুমি বলো।

না, আমি ঘরে থাকলে তুমি কিছুতেই চুপ করবে না।

যেয়ো না—যেয়ো না। আচ্ছা যাও। বুঝছি, তুমি থাকতে পারছো না এখানে। কিন্তু মণিকে যদি দেখতে পেয়ে থাকো, একবার বলো। তার দেহটা সংকার করা হয়েছে শুনেও যে আমি শান্তি পাব। সে নেই, তাতো আমার মনই বলছে।

\* \* \*

ও কি?

ওমুখ খাও।

না। জানো বাবু, আমার খোকা মরবার সময় একটু ওমুখ পায় নি।

খাও।

না। ওমুখ খেয়ে আমি কার জন্তে বেঁচে উঠবো?

ইচ্ছে করে না বাঁচা যে পাপ ভাই।

হোক পাপ। আমার বুকে যে আগুন জ্বলছে, পাপ কি তার চেয়ে বেশী করে পুড়িয়ে দিতে পারবে আমায়। খাও, লক্ষ্মীটি।

তুমি অমন করে কেন বলো। আমি তোমার কে? কেন আমায় বাঁচাবে? না, খাব না ওমুখ।



তুমি রাগ করছো? আচ্ছা দাও; খাচ্ছি ওষুধ।

এই তো ভাল মানুষ।

খোকাকে বুকে করে আমি ভেসে যাচ্ছিলাম, বুঝলে? খোকার তখন জ্ঞান নাই। আমি আর পারুছিলাম না। ভগবানের দয়া। দয়া! যাক্। দেখলাম, কাছে গিয়ে ভেসে যাচ্ছে একখানা তক্তপোষ। উঠে বসলাম তার ওপর। খোকাকে কোলের উপর শুইয়ে দিলাম।

কথা কোয়ো না।

কিছুতেই খোকার জ্ঞান হয় না দেখে আমি কঁদে ফেললাম।

চুপ করো।

তক্তপোষে উঠেছিলাম সকালবেলা। আমার সারা দিনের কান্না বোধ হয় ঈশ্বর শুনতে পেলেন। বিকেলবেলা খোকার জ্ঞান ফিরে এল।

ঈশ্বর! ঈশ্বর কি সত্যি আছে বাবু?

একটু ঘুমোবার চেষ্টা কর না।

\* \* \*

রাত তখন শেষ হয়ে এসেছিলো। চারদিকে অথৈ জল। তার মাঝে তক্তপোষের উপর বসে আমি ভাসছি। আমার কোলে খোকা ছটফট করছে। তার ভেদবমি আরম্ভ হয়েছে তখন। কলেরা। বুঝতে পারলাম। বন্টার ওই জল সারাদিন সে খেয়েছে। তেঁষ্টা পেলেই খেয়েছে। তার চেয়ে ভাল জল কোথায় পাবে?

আবার বুঝি কথা কইতে আরম্ভ করলে।

কলেরা হ'ল তার। আমিও তো খেয়েছি সে জল— আমার কেন হলো না?

একটু থামো না। বকে বকে মাথা যে গরম করে তুলেছ। ঘুম আসবে কেমন করে?

আমার কোলে খোকা ছটফট করতে লাগল। জল জল বলে সে চৈঁচাতে লাগল। অনবরত চীৎকার। সে জল কি কলেরা রোগীকে দেওয়া যায়? না দিয়েও পারলাম না। না দিলে সে গড়িয়ে তক্তপোষের ধারের দিকে চলে যায়—জলের দিকে। একফোঁটা ওষুধ পাবার তো উপায় নেই।

সেই জলই খেতে দিলে?

তবে আর কি দেবো? জানি সে জলে অপকার করবে। অশিক্ষিত একেবারে নই আমি বাবু। চাষা হলেই কি মুখ হয়? কিন্তু বুঝলাম, বাঁচবে না। ভাবলাম, মরার সময় জল না পেয়ে যাবে কেন? ভগবানের দেওয়া সেই অথৈ জল আজলা আজলা তাকে খাওয়াতে লাগলাম বাবু।

উঃ!

পরদিন দুপুরবেলা সে আর জল খেতে চাইল না। আর চাইবে না কোনদিন। আমার কোলের ওপর সে মরে গেল—আমার চোখের সামনে!

কঁদো না ভাই। ও সব মনে করে কি হবে?

আর আমি এখন ওষুধ খাচ্ছি। জল খাচ্ছি। উঃ! খোকা! খোকা! ফিরে আয়! ওরে, ফিরে আয়! ভাল জল তোকে খেতে দেবো। ওষুধ খাইয়ে বাঁচিয়ে তুলব তোকে। আয় বাপ্ আমার, আমার কোলে আয়! ওরে ফিরে আয়—

ডাক্তারবাবু! ডাক্তারবাবু! শীগ্গির আহ্নন একবার। আবার প্রলাপ বকছে। কি যে করি!\* খালি কথা কইবে।

শ্রীকালীপদ চট্টোপাধ্যায়



## বড় দিন

শ্রীব্রহ্মদাস গোস্বামী

নদীর ধারে কাঠুরীদের পল্লী।

চারধারে ঝোপ-ঝাড়, বন-জঙ্গল। মাঝখানে ছোট এক এক ফালি উঠান ঘিরে গুটিকতক ঘর। মাটির দাওয়া, খড় দিয়ে ছাওয়া—তাও পর্যাপ্ত নয়। চালের ওপর কোথাও বা একটা কুমড়া, লাউ বা শশার মাচা। এই ঘরগুলোয় বাস করে পাঁচ সাত ঘর কাঠুরে স্ত্রী-পুরুষ, ছেলেমেয়ে, বালক-বৃদ্ধ সকলে মিলে। তাদের গৃহস্থালীর আসবাব ছ'-চারটে মাটির হাড়ী-কলসী, পিতল-কাঁসার ছ'-চারখানা বাসন-কোসন, ছেঁড়া ময়লা কাঁথা, কাপড়-গামছা, আর গৃহস্থের পোষ্য ছ'-একটা গরু-ছাগল, কুকুর-বিড়াল নিয়ে।

তেল পুড়িয়ে আলো জালবার সঙ্গতি নেই তাদের কারুরই; তাই ভগবানের দেওয়া আলোর সদ্যবহার করে তারা পুরামাত্রায়। সকলেরই সেরে নিতে হয় সন্ধ্যার আগেই তাদের গৃহস্থালীর কাজকর্ম, খাওয়া-দাওয়া। তারপর পুরুষেরা হয় ত দড়ি পাকায়, কিংবা সখ কারো নেহাৎ বেশী হ'লে, সামর্থ্য ও সঙ্গতি থাকলে মাছধরার জাল বোনে, নয় ত ছ'-চারজন একত্র বসে একটু-আধটু গাল-গল্প করে। তাও নিজেদের স্থখ-দুঃখেরই কথা—স্বপ্ন আয়ে অভাব মেটে না তাঁরই কথা। তিন-চার মাইল দূরের সহরের বাবুদের কথা—যারা সস্তাই শুধু খোঁজে, গরীবের দুঃখ-বেদনার কথা কিছুতেই বুঝতে চায় না একটুও। যে বাবুরা চায় ছ' আনার কাঠ ছ' পয়সায় কিন্তে, যারা বোঝে না তার কি করে ছ'পয়সা, ছ' আনায় চাল মিলবে, বোঝে না যে, পরিবারে তার ছ'টি লোক খেতে—বুড়ো মা, তিনটি ছেলে, আর তারা স্বামী স্ত্রী—তাদের মুখে দিতে ছ' আনার চাল পর্যাপ্ত নয়। যে বোঝা বইতে তার হয় গলদঘর্ম, সেই বোঝাই মনে হয় না বাবুদের কাছে যথেষ্ট বড়। রোজের পর রোজ সেই একই কথার পুনরা-

বৃত্তি করে, আর দা-কাটা তামাক টানে, নয় ত বসে বসে ঝিমোয়।

কেউ যদি ছ'-পাঁচসের ধান কেনবার সংস্থান করতে পারে, তবে মেয়েরা পাতার জালে তাই সিক করতে বসে; নয় ত চেটাই বিছিয়ে ছেলেমেয়েগুলিকে নিয়ে শুয়ে পড়ে। সারাদিনের খাটুনির পর চোখ আসে ঘুমে জড়িয়ে। ছেলেমেয়েগুলি স্বপ্ন করে বিরক্ত করতে। ভাইবোনের সেই চিরন্তন রেষা-রেষি, বাগড়া-নালিশ, মান-অভিমান।

‘মা ফের এদিকে বলছি’—হয় ত বললো একটা ছেলে।

তার আবদারে ঘুম-জড়ান চোখেই মা হয় ত নিলে তাকে কোলের কাছে একটু টেনে; অমনি আর একটির হ'ল অভিমান এবং স্বপ্ন কান্নার। মা এর ওপর রাখে একটা হাত, তার ওপর আর একটা, তখন হয় ত ঘুমন্ত কোলের ছেলেটা ওঠে কঁদে, মাই দিতে হয়। এর মাঝেই হয় ত অণু ছেলে ছোটো পড়লো ঘুমিয়ে, কিংবা করলো স্বপ্ন নিজেদের মধ্যেই ঝগড়াঝাটি, মারামারি। ছোট ছেলেটাকে ঘুম পাড়াতে না পেরে মা হয় ত ওঠে ধমকে, নয় ত উঠে দেয় লাগিয়ে যা কতক ছোটোরই পিঠে। ওঠে কান্নার কলরোল। কোন মা হয় ত বলে রূপকথা—জ্যাছনা রাতে নদীর বুকে চাঁদের আলো মিলে সৃষ্টি করে তার ‘ব্যাকুগ্রাউণ্ড’—সুন্দর। তারপর একে একে সবাই পড়ে ঘুমিয়ে, চন্দ্রতারা থাকে তাদের দিকে চেয়ে।

আধভাঙ্গা এবড়োখেবড়ো পাঁকাটির বেড়ায় ফাঁকের অস্ত নাই; ওপরে আলো ফুটতে-না-ফুটতেই ঘরের ভেতর ছড়মুড় করে ঢোকে; তাই ঘরের অধিবাসীদের চোখ কচলে বিছানা ছেড়ে ধড়মড় করে উঠতে হয়—গৃহস্থালীর দিনের কাজ আরম্ভ করবার সূত্রপাতে। অবশ্য-কৃত্য নিত্যকৃত্যের সঙ্গে সঙ্গে মেয়েরা ছোটো ঘাটে জলের



কলসী নিয়ে, ছেলেরা নিয়ে চলে তাদের পোষা গরু-বাছুর, ছাগল-ভেড়া যা' থাকে দু'-একটা। সকালেই উঠুন ধরিযে হয় ত চা দিতে হয় চাপিয়ে, দুটো ভাতে ভাত বা আর কিছু ; নয় ত পাস্তা কি দু'টা মুড়ী খেয়ে পুরুষেরা চলে যায় নিজের কাজে। একেবারে কিছু না খেয়ে কি করে কাটবে ওদের সারাটা দিন—প্রথমে বনে কাঠ কাটতে এবং সেখান থেকে তিন মাইল দূরে সহরে নিয়ে বিক্রী করবার চেষ্টায় ঘুরতে। সহজে যদি বিক্রী হয়, তবে ত কোন কথাই নাই, পয়সায় যেমন কুলায় চাল-ডাল এবং অন্যান্য অত্যাবশ্যক সওদা যথাসম্ভব সেরে ফিরে চলে বাড়ীর দিকে। বিক্রী যার হয় না, সে ঘোরে সহরের পথে পথে যতক্ষণ না তার পা ওঠে অবাধ্য হয়ে, সূর্য্য না পড়ে পশ্চিম গগনে ঢলে। শেষটায় বেচতে তাকে হয়ই—দাম যাই হোক। নইলে ছেলেপিলে থাকেই বা কি, আর ফিরবেই বা কি করে মাথায় বয়ে অতবড় বোঝার ভার সারাদিনের পর ক্ষুধার্ত ক্লান্ত দেহে। ফিরে গিয়ে হয় ত দেখবে মেয়েরা বসে আছে দিনের কাজ শেষ করে পথের দিকে তাকিয়ে, আর ছেলেগুলির চলছে তখনও দাপাদাপি।

এই তাদের সংসার, এত সামান্য তাদের অভাব। এমনি ভগবানের বিচিত্র লীলা যে, কেউ কুটোটি পর্য্যন্ত না নেড়ে দিবি চর্য্যচর্য্য লেহপেয় দিয়ে উদর পূর্ণ করছে, আর কেউ হয় ত সারাদিন খেটেও পার্বে না একমুটো চালের সংস্থান করতে। আর কিছুই চায় না তারা, নদীতে জল আছে, গাছে পাতা আছে, কুমড়া আছে, লাউ আছে, শশা আছে, হয় ত আটদিন আগে যে মুন কেনা হয়েছিল, তারও খানিকটা এখনও আছে—আরও দিন দু'-তিন বোধ হয় তাতেই চলবে, এক ফোঁটা দুধ—তাও ঘরে হয়, সময় থাকলে মাছও দুটো ধরা যায়। কিন্তু তাও জোটে না, এই ত তাদের দুঃখ।

স্ত্রী পুরুষে ঝগড়া হয়, মান-অভিমান চলে। ক্ষুধার সময় ক্রোধের উদ্বেক হয় সহজেই, তাই কোনদিন দেয় লাগিয়ে ঘা কতক পরিবারের পিঠেই।

এমনি চলতে চলতে এল তাদের সেদিন—যেদিন বছর বছরই আসে বর্ষার প্রারম্ভে। যেদিন পাহাড়ে নদীটাতে ঢল আসে হু হু করে নেমে, ভেসে আসে অজস্র কাঁচা শুকনা ছোটবড় গাছ, কাঠ। জল নদীর বুক ছাপিয়ে উপচে ওঠে, তলিয়ে দেয় আশপাশের ছোট বড় গাঁগুলি দু'-একদিনের মত।

এদিনটা তাদের বড় দিন, বড় সুখের দিন। এদিন জমা কাঠ ধরে যে যত বেশী পুঁজি করে রাখতে পারবে, তার হবে তত বেশী সুবিধা, ততবেশী অর্থাগম। হয় ত বা তারই থেকে দু' পয়সা বাঁচিয়ে সে দিতে পারবে পরিবারকে একখানা রুপার গয়না বা ছেলেকে একখানা রঙিন দোলাই। এই দিনটার দিকে চেয়ে তারা মাসের পর মাস দেয় কাটিয়ে, আশা নিয়ে, অপূর্ণ আকাঙ্ক্ষা নিয়ে—যা' হয় ত হবে না পূর্ণ কোনদিনই। তবু আশায় থাকে।

ভোর হ'তে-না-হ'তেই ছেলে-বুড়ো, মেয়ে-পুরুষ জমল এসে নদীর পারে খেয়াঘাটার সামনে—নিতান্ত অসমর্থ ছাড়া যার কেউ রইল না তাদের ঘরে। সমস্ত পাড়াটা হয়ে গেল শুষ্ক এবং জনশূন্য।

আগের রাত্রি থেকেই টিপ্‌টিপ্ করে বৃষ্টি পড়ছিল। সকাল থেকেই স্রু হ'ল ঝড়ের মাতন, বৃষ্টির জোরও বাড়তে লাগল ক্রমে। তা'তে নূতনত্ব নেই কিছুই, এমনই হয় বরাবর।

দুর্ঘ্যোগের দিনে মাঝি মাত্র একবারটি পারে যাবে—সরকারী 'ডাক' পার না করলেই নয়। এপার থেকে ওপার এবং ওপার থেকে এপার—নইলে ঘাট হয়ে যাবে বেহাৎ। সকাল থেকেই পারার্থীরা এসে জমতে থাকে—সেই খেয়ার প্রত্যাশায় থাকে বসে। সন্ধানী মুড়কীওয়ালারা চিঁড়ে-মুড়কী নিয়ে এসে উপস্থিত হয়—বিক্রীও হয় মন্দ নয়, দরও পায় বেশ।

নিষ্কর্মা লোকগুলার কাজ থাকে না; কর্ম্মী যারা, তাদের অনেকে সেদিনের মত নিষ্কর্মা। সবাই এসে জড়ো হয় ঘাটের পাশে উঁচু টিলাটার ওপর। কারও মাথায় থাকে ছাতা, কারও বা শুধু গামছাখানা ডাঁজ করা, আর



কেউ বা নিতান্তই নগ্নশির—তার চুল বেয়ে ঝরে পড়ে রুটির জল, মুখ বুক সব একাকার করে দিয়ে ।

সেখান থেকে ভাটির দিকে দেখা যায় বাঁকের মাথায় অদূরে কাঠুরে-পল্লী, ক্ষেত-খামারে, নদীর চড়ায় জল খইখই, কাঠুরেদের উঠানেও জল উঠি উঠি করছে । মাঝে মাঝে শোনা যায় গৃহবদ্ধ পালিত পশুদের দূরগত অনতিস্পষ্ট করুণ প্রশ্ন—ঘরেই কি থাকবে আজ আমরা বদ্ধ ! কিন্তু আজ সময় নেই তাদের মালিকদের সেদিকে কান দেবার, আজ তাদের বড় দিন ।

যেমনই দেখতে পায় আসছে ধরবার মত একটা গাছ বা কাঠ ভেসে, অমনি বলিষ্ঠ সবল পুরুষের দল ঝাঁপিয়ে পড়ে নদীর জলে—ধরবার আশায় যেতে থাকে স্রোতের অনুকূলে জোরে সাঁতরে । ছুঁতে পারলেই স্বয়ং জন্মে যায় । যে ছোঁয়, সে তাতে দড়ি বেঁধে ফেরে ; অপরে ফেরে আগেই । ঝগড়া-ঝাটা হয় না, মারামারি ধরাধরি হয় না, সন্দেহ যদি কখনও হয়, মীমাংসা হয় তার সহজেই, আদালত পর্যন্ত গড়ায় না । পুরুষেরা দড়িটা নিয়ে সাঁতরে ফেরে পারের দিকে ; স্রোতে তাদের ঠেলে ভাটির দিকে । পারের লোকগুলি থাকে তার সঙ্গে দৌড়তে । দড়িটা পারে পৌঁছে দিয়েই তারা থালাস । তারা করে বিশ্রাম, অপেক্ষা করে আবার নদীর বুক ঝাঁপিয়ে পড়বার আশায় । ততক্ষণ অগ্নেরা সেগুলি পারে টেনে তুলে স্তৃপীকৃত করে । ক্ষুধার সময় এক ফাঁকে দু'টি কিছু মুখেও দিয়ে নেয় ।

এমনি চলেছে সকাল থেকে—যেমন চলেছে বছরের পর পর বছর খেয়াঘাটের জমায়েৎ পারার্থীদের সামনে কাঠুরে-পাড়ার অধিবাসীদের জীবন-যুদ্ধের এক পর । ভেসে যায় পোকা-মাকড়, সাপ-খোপ নদীর স্রোতের সঙ্গে তীর বেগে—যেমন ভেসে যায় গাছ ও কাঠ । বোধ হয় ভেসে আসছে একটা বেড়াল—শোনা যাচ্ছে তার অতি করুণ মিউমিউ শব্দ । ক্রমে অস্পষ্ট স্পষ্টতর । বোধ হয় কেমন করে জলে পড়ে গেছে । অই দেখা যাচ্ছে, একটুকুরো কাঠ আঁকড়ে, পারের থেকে দূরেও নয় বেশী । একদল ঝাঁপিয়ে পড়ে তাকে তুলে আনল ।

কয়েকজন পারার্থী পারের একটা জায়গায় দাঁড়িয়ে জটলা করছিল । একজন চোঁচিয়ে উঠল—‘ভাঙন ধরেছে !’

সবাই উঠল এক সঙ্গে চমকে । ছুটল প্রাণের ভয়ে—আর ভাঙন-ধরা শিথিল মূল প্রকাণ্ড চাপড়াটা হঠাৎ এতগুলো মানুষের ছুটে চলার নাড়া সামলাতে অসমর্থ হয়ে লোকগুলো পালাবার সঙ্গে-সঙ্গেই ধসে পড়লো ।

‘নদী যেন আজ রাক্ষসী হয়েছে । খেয়েছিল এখনই এতগুলি লোককে’—তারা বলাবলি করছিল ।

দুপুরের কাছাকাছি রুটি এল ধরে, খামূল বাতাসও, কিন্তু নদীর জল কমবার কোন লক্ষণ দেখা গেল না । ‘ডাক’ এসে ততক্ষণ পৌঁছেছে । লোকগুলি উঠেছে খেয়াতে । গুণদড়ি বেঁধে খেয়া নৌকো টেনে নিয়ে চলেছে উজানের দিকে—অস্তুতঃ এক মাইল উজান ঠেলে না গেলে ওপারের ঘাটে যাবে না নৌকো লাগানো । সাঁতার কাঠুরেরাও চলেছে সে নৌকোয় দেখতে যদি পায় সংগ্রহ করবার মত কাঠ, তা’ হ’লেই তারা লাফিয়ে পড়বে জলে । কাঠুরেদের দৃষ্টি উজানের দিকে নদীর জলে, পারার্থীদেরও অনেকের ।

একটা কাঠ আসছে ভেসে ।

বেশ বড় । অই যাচ্ছে দেখা—অই পড়লো বলে এসে নৌকোর সামনে । শাল কাঠই হবে হয় ত, দামী কাঠ । ডাল নেই, পাতা নেই, তীরের মত সোজা, জলের ওপর ভেসেও নেই বেশী ।

চলতে লাগল জল্পনা-কল্পনা—হয়ে গেল গাছটার দামও আন্দাজ ।

চোখের পলক ফেলতে-না-ফেলতেই গাছটা এসে পড়লো নৌকোর সামনে । পড়লো সব ক’জন কাঠুরে একযোগে লাফিয়ে । পারার্থীদের এবং কাঠুরেদের আত্মীয়-স্বজনের সমবেত দৃষ্টি পার থেকে হয়ে রইল নৌকো এবং ওদের উপর নিবদ্ধ । দেখতে-না-দেখতে স্রোতের টানে গাছটা গেল প্রায় পাঁচশ হাত ভাটির দিকে ভেসে । বোধ হয় গাছ এবং কাঠুরেদের মধোর ব্যবধান এখন আর দশ হাতও নয়—কিন্তু ভেসে যাচ্ছে তারা তীরের বেগে । তিনজন কাঠুরে গেছে এলিয়ে—তারা কাঠটাকে অই ধবল বলে ।

হঠাৎ গাছটা উঠল নড়ে, খাড়া হয়ে উঠল পিঠে এক সার বর্ষাকলকের মত কাঁটা, তারপর সেকেণ্ডখানেকের মধ্যে একটা ভীষণ তোলপাড় ! পারার্থীরা এক সঙ্গে চোঁচিয়ে উঠল—‘কুমীর, কুমীর !’

শোনা গেল দূরগত বুকফাটা কান্নার অস্পষ্ট একটা সম্মেলিত আর্ন্তধ্বনি—আর দেখা গেল, যে দু’জন কাঠুরে একটু পিছনে ছিল, তাদের তীরে পৌঁছাবার একটা প্রাণপণ আগ্রহ ।

কতটুকু সময়ই বা, কিন্তু তারই মাঝে নদীবদ্ধ আবার শাস্তভাব ধারণ করেছে—যেন কিছুই ঘটে নি ।

বিস্মিত স্বরু করুণার্জ পারার্থীদের নিয়ে খেয়া নৌকো চলতে লাগলো পারের দিকে ।

শ্রীকৃষ্ণদাস গোস্বামী



## ছায়া ও কালোক

সঞ্জয়

[ চিত্র ও রঙ্গমঞ্চের জনপ্রিয়তা উত্তরোত্তর প্রবলভাবে বাড়িয়া যাইতেছে। গল্প-লহরীর পাঠক-পাঠিকার সুবিধাকল্পে এই স্তম্ভের সৃষ্টি করা হইল। দেশী ও বিলাতী সমস্ত নূতন ছবির এবং থিয়েটারের নূতন পুস্তকের আলোচনা বিশদভাবে ইহাতে দিব্যর চেষ্টা করা হইবে। সুপরিচিত 'সঞ্জয়' এই স্তম্ভ নিয়মিত লিপিবার ভার গ্রহণ করিয়াছেন। গঃ লঃ সঃ ]

থিয়েটার বায়স্কোপের কথা লিখতে গেলে প্রথমেই একটা ভয় হয় যে, অভিভাবকরা মনে করেন, আমাদের এই লেখাই না কি পতঙ্গের মতো ছেলে-পিলেকে আকর্ষণ করে। এই কথার মূলে কতোখানি সত্য, তার বিচার তথাকথিত ছেলে-পিলে ছাড়া আর কারুর পক্ষেই সম্ভব নয়। তার আরো একটা প্রমাণ কোলকাতায় 'মেট্রো-সিনেমা' খোলা হবার সঙ্গে-সঙ্গেই, কাগজে ছবির কোন অভিমত বেরোবার আগেই যে রকম দর্শক সমাগম হয়েছে এবং হচ্ছে, তখন আর এ বিষয়ে আমাদের কিছু প্রতিবাদ করবার প্রয়োজন থাকে না।

'মেট্রো-সিনেমা' থাস য়ামেরিকান কোম্পানী। তাঁরা টাকার জোরে কারুরই তোয়াক্কা রাখেন না। শোনা যাচ্ছে ওগানকার প্রতি জিনিষটা বিদেশী; দেশী কোন জিনিষেরই তাঁরা সংস্পর্শ রাখবেন না। এমন কি, অজ্ঞাত থিয়েটার বায়স্কোপের মতো কোন 'ট্রেড-শো'-ও করবেন না। তাঁদের ছবির নাকি ও-সবের কোন প্রয়োজন হয় না। কিন্তু আশ্চর্যের কথা এই যে, দশ দিন আগে পর্যন্ত যখন 'মোবে'র তত্ত্বাবধানে ছিল, তখন অবধি ও-সবের প্রয়োজন ছিল। দেশটা তবু য়ামেরিকা নয়—কোলকাতা। কিমার্শ্যম অতঃপরম্।

ফুল ফোটে যদি মনের বনে!—কোলকাতায় দেখছি বড়দিনের আমেজ লেগে সমস্ত থিয়েটার বায়স্কোপ মেতে উঠেছে। যেন বড়দিনের পরবটা খ্রীষ্টানদের ছেড়ে হিন্দুদেরই একচেটে হয়ে উঠবে! প্রথমতঃ থিয়েটারের কথাই ধরা যাক—শিশিরবাবুর 'নাট্য-মন্দিরে' তাঁর 'রীতিমত নাটক', 'মিনার্ভায়' 'শিবাজ্জুন', 'নাট্য-নিকেতনে' 'নরদেবতা', 'রঙ-মহলে' 'চরিত্রহীন' এবং 'রূপ-মহলে' 'আবুলহাসান'—প্রত্যেক জায়গাতেই নতুন নাটক খোলা হয়েছে ও হচ্ছে। বায়স্কোপ প্রতিষ্ঠানগুলির ত কথাই নেই, তাঁরা নিত্য নতুন ছবি নিয়েই মেতে আছেন—তার সঙ্গে নতুন নতুন বাড়ীর পরিকল্পনা-ও চলেছে। আমরা সকলের ইচ্ছাই পূর্ণ হোক, এই প্রার্থনা করি।

'ইষ্ট ইণ্ডিয়া ফিল্ম' কোম্পানীর মিঃ চামেরিয়া এবং মিঃ বি, এল, থেম্কা মিলিতভাবে 'প্যারাডাইস' সিনেমা প্রতিষ্ঠা করছেন। ছ'জনাই লক্ষ্য না কি 'মেট্রো'-কে-ও উচিয়ে যাবার। তাঁদের চেষ্টাও সফল হোক।

'বিশ্ব-শতাব্দী' চিত্রের বিখ্যাত পরিচালক ড্যারিক জাম্বুক য়াবিসিনিয়া যুদ্ধকে কেন্দ্র করে 'জিভ্রান্টার' নামে একখানি ছবি তুলছেন, খবর পাওয়া গেছে।

শিশু অভিনেত্রী শার্লি টেম্পলকে 'ক্যান্টেন অ্যান্ডয়ারী' নামক ছবিতে নীজই দেখা যাবে। একজন আলোকচিত্র-রক্ষী একখানি বিধ্বস্ত জাহাজ থেকে একটি মেয়েকে রক্ষা করার গল্পের ঘটনা নিয়েই বৃষ্টি এই বইখানির গল্প লেখা হয়েছে।

নতুন বইগুলি দেখে, আমরা সংখ্যায় বিশ্বভাবে আলোচনা করবার ইচ্ছা রইল। আজ এই পর্যন্ত।

কবির কথাই মনে পড়ে: 'শীতের হাওয়ায় বসন্ত-

সঞ্জয়



## ঋণ-শোধ

জীবনবিহারী গোস্বামী, এম-এ

বড় রাস্তার ধারে সরু গলি, ভিতরে পশ্চিম মুখে অনেক দূরে চলিয়া গিয়াছে, রাস্তার মোড় হইতে গলির শেষ সীমা দেখা যায় না। দু'ধারে খানকতক পাকাবাড়ী তারপর খানকতক মাঠকোঠা, তারপরে খোলার ঘরের বস্তি। বস্তিতে বাস করে হরেক রকমের মানুষ। মেয়েরা সকালে উঠিয়া সরকারী কলের কাছে জটলা করে, চোঁচা-মেচি করে, পুরুষেরা উঠিয়া কেহ যায় চটকলে, কেহ যায় পাটের গুদামে, কেহ বড় রাস্তায় পান-বিড়ির দোকানে। সন্ধ্যাবেলা ঘরে ফিরিয়া খায়-দায়, নেশা করে, হস্তা করিয়া গান-বাজনা করে, কোনদিন বা মেয়ে-পুরুষে ঝগড়া, গালি-গালাজ করে, এ ওকে পিটাইয়া দেয়—আবার দু'দণ্ডেই ভাব হইয়া যায়। এমনই জীবনযাত্রা কতদিন ধরিয়া চলিয়া আসিতেছে তাহার ঠিক নাই।

গলির মোড়ে একটা গ্যাসপোষ্ট, তাহার পরে দু'ধারে যে কয়েকখানি পাকাবাড়ী—তাহার বাসিন্দারা সন্ধ্যাবেলা সাজগোজ করিয়া শীর্ণ মুখে রঙ মাখিয়া নিকেলের গহনা গুলিকে 'আসো' দিয়া মাজিয়া ঘসিয়া ঝকঝকে করিয়া পান চিবাইতে চিবাইতে গলির মোড়ে আসিয়া দাঁড়ায়, কেহ বা আবার একটা বিড়িও ধরাইয়া লয়। কাহারও বা দু'একঘণ্টার পরই দাঁড়াইবার কাজ মিটিয়া যায়, কাহাকেও বা অনেক রাত্রি অবধি অপেক্ষা করিতে হয়, অনেকে আবার ক্ষুণ্ণমনে বকিতে বকিতে একাই ঘরে ফিরে।

প্রথম শীতটা পড়িয়াছে, সেদিন সকাল হইতে সারাদিন টিপিটিপি বৃষ্টি পড়িতেছিল, পথ কাঁদায় ভক্তি হইয়া গিয়াছে; অসময়ের বর্ষণে সমস্ত প্রকৃতি যেন একটা দারুণ অস্বচ্ছন্দের সৃষ্টি করিয়াছে। সন্ধ্যার দিকে একটু ধরণ হইয়াছিল, রাস্তায় পথিকেরা চলিতেছিল সভয়ে, কখন কোন্

মোটরের তীব্রগতি কাদা ছিটাইয়া জানা কাপড় নষ্ট করিয়া দেয়। সন্ধ্যার একটু পরেই মালতী প্রসাধন সারিয়া গলির মোড়ে গ্যাসপোষ্টটার কাছে আসিয়া দাঁড়াইল। রাস্তায় জনশ্রোত ছুটিয়া চলিয়াছে—গাড়ী ঘোড়া মোটর বাসের যাতায়াতের বিরাম নাই; ফুটপাতে চলিতে চলিতে কেহ কেহ মালতী ও তাহার সঙ্গিনী-দিগের দিকে দৃষ্টিপাত করিয়া মাইতেছে। ও ফুটপাতে একটা রেপ্টুরেন্ট—নানান ধরণের লোক যাইতেছে আসিতেছে, বসিয়া আড্ডা জমাইতেছে।

এমন করিয়া রাত্রি বাড়িতে লাগিল—মালতী দাঁড়াইয়া দাঁড়াইয়া ক্রমে ক্রমে হতাশ হইয়া পড়িতেছিল—না, আজ আর তাহার ভাগ্যে কিছুই রোজগার হইল না। মধ্যে মধ্যে একটা দমকা জলো বাতাস আসিয়া হাড়ের ভিতর পর্য্যন্ত কাঁপাইয়া দিতেছিল।

রাত্রি প্রায় বারটা বাজিতে চলিল—দোকান পশারী ঘর বন্ধ করিয়া বাড়ী ফিরিল, তাহার সঙ্গিনীরাও যে বাহার ঘরে ফিরিয়া গেল। মালতী একা দাঁড়াইয়া রহিল। এক একবার তাহার মনে হইল ঘরে ফিরে, কিন্তু তখনই মনে পড়িল হাত একেবারে কপর্দক শূন্য, আজ কিছু না হইলে কাল উপবাস দিতে হইবে। কিন্তু পথের ও চেহারা দেখিয়া আশ্রয় যে কিছু হইবে বলিয়া তাহার মনে হইল না—শীতের ঠাণ্ডা হাওয়ায় অনেকক্ষণ দাঁড়াইয়া তাহার অত্যন্ত কষ্ট হইতেছিল।

আরও দশ-পনের মিনিট অপেক্ষা করিয়া অনাগত ভবিষ্যতের উপর কালিকার ভার দিয়া সে গৃহে ফিরিবার উপক্রম করিতেছে, এমন সময় দেখিল দূরে একটা লোক চলিতে চলিতে আসিতেছে;—মালতীর মনে একটু আশা হইল। ভাবিল,—ও যদি সব মদে উড়াইয়া না থাকে, তাহা হইলে কালিকার ধরনের একটা উপায় হইবে।



লোকটী একটু অগ্রসর হইতেই মালতী গ্যাসপোষ্টের তলা ছাড়িয়া একটু রাস্তায় নামিয়া আসিল—তাহার পর হাতের চুড়িগুলি একটু নাড়াচাড়া করিয়া, একটু কাশিয়া, পথিক-দের দৃষ্টি আকর্ষণ করিবার চেষ্টা করিল। লোকটী তাহার প্রায় কাছে আসিয়াই পড়িয়াছে এবং বোধ হয় ছাড়াইয়া যাইতেও পারে, মালতী মরিয়া হইয়া একটু আগাইয়া গিয়া মৃদুকণ্ঠে ডাকিল—“আমুন না।”

লোকটী তাহার কথা শুনিতে পাইল বোধ হয়; কারণ, থমকিয়া দাঁড়াইয়া তাহারই দিকে অগ্রসর হইয়া আসিল ও টলিতে টলিতে আসিয়া পড়িল একেবারে মালতীর গায়ের উপর। মালতী একটু মরিয়া আসিয়া গ্যাসপোষ্টের কাছে দাঁড়াইল—লোকটী পড়িতে পড়িতে সামলাইয়া লইয়া মালতীর মুখের দিকে চাহিয়া বলিল—“আজ তিনদিন কিছু খাই নি, সোজা হ’য়ে দাঁড়াতে পারছি না।”

মালতী অগ্রসর হইয়া লোকটির মুখের দিকে চাহিয়া দেখিল একটা সতের-আঠার বৎসরের ছেলে, মুখখানি অতি সুকুমার, দারিদ্র্য ও উপবাসের চিহ্ন তাহাতে যেন ফুটিয়া রহিয়াছে, গায়ে একটা মোটা কাল ছেঁড়া অলিষ্টার—দূর হইতে তাই তাহাকে অত বড় দেখাইতেছিল। ছেলেটী মালতীর মুখের দিকে কাতর ভাবে চাহিয়া আবার বলিল—“যদি কিছু দেন দয়া করে, আর ক্ষুধা সহ্য করতে পারছি না।” এই বলিয়া ছেলেটী সেইখানেই বসিয়া পড়িল।

মালতী এতক্ষণ স্থির হইয়া দাঁড়াইয়া কি ভাবিতেছিল—তাড়াতাড়ি সে ছেলেটীর কাছে গিয়া হাত ধরিয়া তাহাকে উঠাইয়া বলিল—“এস আমার সঙ্গে।”

দোতালায় নিজের ঘরে লইয়া গিয়া সে ছেলেটিকে বসিতে বলিল, তারপর তাহার পাশের ঘরের দরজায় গিয়া দাঁড়াইল, সেখানে তখন নারকীয় কাণ্ডের অভিনয় হইতে ছিল, মালতী দরজায় একটু শব্দ করিয়া ডাকিল—“কুসুম।”

দুই একবার ডাকে সাড়া মিলিল না, তখন সে একটু উচ্চ কণ্ঠেই ডাকিল—“কুসুম।”

—“কে?” বলিয়া একটা কিশোরী দরজা খুলিয়া বাহিরে আসিয়া বলিল—“কে মালতী দিদি? কি মনে করে? আজ যে একা—ঘরে কেউ নেই?”

মালতী বলিল—“না।”

কুসুম বলিল—“তা’ ডাকছ কেন? কি দরকার?”

মালতী নিম্নকণ্ঠে বলিল—“একটা টাকা ধার দে না ভাই—বড় দরকার।”

বিস্মিত কুসুম বলিল—“টাকা! এত রাতে কি হবে?”

মালতী বলিল—“অত খোঁজ দিতে পারি না, দিস ত দে—শীঘ্র শোধ করে দেব।”

কুসুম ঘরে ফিরিয়া গিয়া একটা টাকা আনিয়া মালতীর হাতে দিতেই সে সিঁড়ি দিয়া নামিয়া গেল, কুসুম অবাক হইয়া তাহার দিকে চাহিয়া রহিল—তাহার পর নিজের ঘরে ঢুকিয়া পড়িল।

মালতী রাস্তায় নামিয়া সম্মুখের স্ট্রেরেণ্ট হইতে কিছু খাবার ও এক পোয়া গরম দুধ কিনিয়া লইয়া তাড়াতাড়ি নিজের ঘরে ফিরিয়া আসিয়া দেখিল ছেলেটী দেওয়ালে ঠেস দিয়া চোখ বুজিয়া বসিয়া আছে, চোখের কোণ দিয়া তাহার জল গড়াইতেছে। তাহার মুখের দিকে চাহিয়া নিজের অজ্ঞাতসারেই মালতী একবার বলিল—“আহা!”

একটা এনামেলের ডিসে খাবারগুলি সাজাইয়া দিয়া দুধটা একটা কাঁচের গেলাসে ঢালিয়া সে ছেলেটীর মাথায় নাড়া দিয়া ডাকিল—“শুনছ, খেয়ে নাও।”

ছেলেটীর বোধ হয় তজ্জা আসিয়াছিল, চম্কাইয়া উঠিয়া চাহিতেই দেখিল সম্মুখে সাজান খাদ্য। সে একবার কৃতজ্ঞতার দৃষ্টিতে মালতীর দিকে তাকাইয়া নিশ্চুপে সব খাবার ও দুধটা খাইয়া ফেলিল। মালতী একদৃষ্টিতে তাহার খাওয়া দেখিতেছিল। ছেলেটী খাওয়া শেষ করিয়া জলপান করিয়া একটা তৃপ্তির নিশ্বাস ফেলিল—“আঃ!”

মালতীর মুখখানা আনন্দে উজ্জল হইয়া উঠিল। খাওয়ার পর ছেলেটী স্থস্থ হইয়া বলিল—“আপনি আজ



আমাকে বাঁচালেন, তিন দিন পেটে কিছু ছিল না, শুধু কলের জল খেয়েই কাটিয়েছি, আজ ত মনে করেছিলাম রাস্তাতেই মরে পড়ে থাকুব—তা’ আর হোল না—আপনি আমায় সে অপমৃত্যু থেকে রক্ষা করলেন—”বলিয়া ছেলেটি একটু ম্লান হাসি হাসিল।

তাহার কথা শুনিতে শুনিতে মালতীর দুই চক্ষু জলে ভরিয়া উঠিয়াছিল—সে অল্প দিকে তাকাইয়া চোখ মুছিয়া লইয়া বলিল—“এখন ত স্বস্থ হয়েছ, তা’ হ’লে বাড়ী যাও—যেতে পারবে ত ? থাক কোথায় ?”

ছেলেটি হাসিয়া বলিল—“রাস্তায়।”

মালতী সব বুঝিল, বুঝিয়া বলিল—“তা’ হ’লে এখন কি করবে ?”

ছেলেটি উঠিয়া দাঁড়াইয়া বলিল—“ওই ফুটপাথে কোন জায়গায় শুয়ে থাকবো ’খন।”

চম্কাইয়া উঠিয়া মালতী বলিল—“এত শীতে ফুটপাথে শুয়ে থাকবে ? মারা যাবে যে ?”

ছেলেটি একটি দীর্ঘশ্বাস ফেলিয়া বলিল—“পনের দিন ত এইভাবেই কাটছে, মারা ত এখনও যাই নি—আর তাই যদি হয়, তার আর উপায় কি ? ঘর যার নেই, পথই যে তার সম্বল।” এই বলিয়া ছেলেটি দরজার দিকে অগ্রসর হইল।

মালতী দাঁড়াইয়া একটু ভাবিল, তারপর বলিল—“আচ্ছা, দাঁড়াও।”

ছেলেটি ফিরিয়া দাঁড়াইতে মালতী নিজের বিছানার দিকে তাকাইল, তারপর ছেলেটির কাছে গিয়া তাহার হাত ধরিয়া আনিয়া নিজের বিছানার উপর বসাইয়া দিল—তাহার পর আলুনা হইতে তাহার একখানা ধোয়া কাপড় আনিয়া দিয়া বলিল—“এইটা পরে শুয়ে পড়।”

ছেলেটি বিস্মিত হইয়া তাহার মুখের দিকে চাহিয়া বলিল—“সে কি ! আপনি কোথায় শোবেন ?”

—“সে হবে ’খন, তুমি শুয়ে পড় ত দেখি ?”

তিনদিনের পর খাদ্য পেটে পড়ায়—ছেলেটির চক্ষু ঘুমে জড়াইয়া আসিতেছিল, সে আর কথা না বলিয়া কাপড় ছাড়িয়া বিছানায় শুইয়া পড়িল—

মালতী পরম যত্নে একান্ত মমতার সহিত লেপটা তাহার গায়ে ঢাকিয়া দিল। কিছুক্ষণের মধ্যেই ছেলেটি নিশ্চিন্তে ঘুমাইয়া পড়িল। ঘরে আলো জলিতেছিল। মালতী অনেকক্ষণ চুপ করিয়া নিদ্রিত ছেলেটির মুখের দিকে স্থির দৃষ্টিতে চাহিয়া রহিল ; পাশের ঘরে ঘড়িতে ঢং করিয়া একটা বাজিয়া গেল—মালতীর চেতনা ফিরিয়া আসিল শুইতে হইবে, সে তাহার বিছানার দিকে চাহিল, সেখানে যথেষ্ট স্থান আছে, কিন্তু লেপ যে একটা ? খানিকক্ষণ ইতস্ততঃ করিয়া সে শয্যার একপাশে শুইয়া পড়িল ও লেপটির একপ্রান্ত টানিয়া গায়ে দিল।

## দুই

পরদিন প্রভাতে ছেলেটির ঘুম ভাঙ্গিবার পূর্বেই মালতী উঠিয়া পড়িল ; হাত মুখ ধুইয়া কাপড় কাচিয়া ঘরে আসিয়া দেখিল ছেলেটি উঠিয়া নিজের কাপড় জামা পরিতেছে ; মালতীকে ঘরে ঢুকিতে দেখিয়া বলিল—“এবার আমি যাই, কাল রাত্রে আপনাকে অনেক কষ্ট দিয়েছি।”

মালতী বিশেষ কিছু বলিল না, ছেলেটি দরজা পার হইয়া যাইতেই মালতী ডাকিয়া বলিল—“তা কোথায় যাচ্ছ এখন ?”

ছেলেটি বলিল—“দেখি, যদি কোথায় কোন কাজের সুবিধা করতে পারি, ক্ষুধা ত আছে ?”

মালতী হাসিয়া বলিল—“তা’ আছে বৈকি ? এত সকালেই সেটা পেয়েছে না কি ?”

ছেলেটিও একটু হাসিয়া বলিল—“না, তা’ না পেলেও পাবে ত এক সময়।”

মালতী বলিল—“যখন পাবে, তখন দেখা যাবে ’খন, এখন বসো দিকি একটু—”

ছেলেটি ফিরিয়া আসিয়া মালতীর কাছে দাঁড়াইল—পূর্ণঘোবনা মালতীর পাশে রোগা ছেলেটিকে নিতান্তই ছোট দেখাইতেছিল। তাহাকে দাঁড়াইয়া থাকিতে দেখিয়া মালতী বলিল—“দাঁড়িয়ে রইলে যে, বসো না। এই



দেখো, কি ভুলো মন, একটা রাত্রি বাস করলে, তবুও নামটা জানা হ'ল না।" তারপর স্নিগ্ধ কণ্ঠে বলিল—  
“তোমার নাম কি ভাই?”

ছেলেটা অনেকদিন এমন মমতাপূর্ণ কণ্ঠস্বর শুনে নাই, সে বিস্মিত দৃষ্টিতে মালতীর মুখের দিকে চাহিয়া বলিল—  
“আমার নাম অরুণ।”

—“বা, বেশ নামটা ত! তা' অরুণ, তোমার কি কেউ নেই?”

—“না।”

—“তুমি এখানে এলে কি করে—এ সহরেই কি তুমি বরাবর আছ?”

—“না, মাত্র তিনমাস হ'ল এসেছি।”

—“তার আগে কোথায় ছিলে?”

অরুণ দেওয়ালে ঠেস দিয়া মেঝেতে বসিয়া পড়িয়া বলিল—“আচ্ছা, সব বলছি, শুমন।”

অরুণ বলিতে লাগিল—

—“বাস আমাদের পাড়ারগাঁয়ে। ছোটবেলায় আমার বাপ মা মারা যান, দাদামশাই আমায় মানুষ করেন; বাপ মা মরা ছেলে বলে দাদামশাই একটু বেশীই আদর দিতেন, তারই ফলে ছেলেবেলায় লেখাপড়া ভাল করে শিখি নি। দাদামশাই ছিলেন একজন শিল্পী, তিনি খুব ভাল ছবি আঁকতে পারতেন, ছোটবেলায় তাঁর সাহায্যে এসে ওদিকে আমারও বেশ একটু ঝাঁক গিয়েছিল। তারপর হঠাৎ একদিন খুব ঠাণ্ডা লাগায় অসুস্থ হ'য়ে দাদামশাই শয্যা নিলেন—শয্যা ছেড়ে তিনি আর উঠলেন না। সে আজ প্রায় বছরখানেকের কথা। মরবার আগের দিন আমায় ডেকে বললেন—‘অরুণ, তোমার জন্তে ত কিছু সম্বল রেখে যেতে পারলাম না দাদা—আমার অবশেষ-মানে তোমার বড় কষ্ট হবে যে রে!’

—“তাঁর দু'চক্ষু দিয়ে ছুঁ করে জল ঝরতে লাগল, আমারও চোখ শুকনো ছিল না। আমার আবাল্যের সহচর একমাত্র আশ্রয়স্থল আজ আমায় ছেড়ে যাচ্ছেন। আমার মনে তখন কি হচ্ছে—তা ত' বুঝতেই পাচ্ছেন। নিজের বেদনা ঢেকে রেখে তাঁর চোখ মুড়িয়ে দিয়ে

বললাম—‘তুমি ভেব না দাদু, পুরুষ আমি, আমার উপায় ঠিক করে নেব।’

—“দাদু যেন একটু আশ্বস্ত হলেন, তারপর বললেন—  
‘দেখো, সহরে আমার একজন বন্ধু আছেন, তিনি একজন নামজাদা চিত্রকর। আমার বাস্কে তাঁর নামে একখানা চিঠি লিখে রেখেছি, আমার মৃত্যুর পর সেখানা নিয়ে তাঁর কাছে গেলে তিনি তোমার একটা-না-একটা ব্যবস্থা করে দেবেন—তাই যেয়ো যেন।’

—“পরের দিন ভোরবেলা তাঁর মৃত্যু হোল। তাঁর যা কিছু সামগ্র্য পুঁজি ছিল, তাই দিয়ে আমার ছ'মাস কোন্-রকমে চলে গেল—তারপর হঠাৎ একদিন সেই চিঠিখানার কথা মনে পড়ে গেল। দেশের বাড়ী ঘর দোর বেচে হাতে কিছু টাকা নিয়ে মাস তিনেক হ'ল এই সহরে এলাম—ঠিকানা খুঁজে দাদামশাইয়ের বন্ধুর বাড়ী গেলাম—গিয়ে শুন্লাম, মাসখানেক আগে তাঁরও মৃত্যু হয়েছে।

—“চক্ষে অন্ধকার দেখলাম। অপরিচিত স্থান—কোথায় যাই, কি করি ভেবে পেলাম না। হাতে যা' টাকা ছিল, তাই দিয়ে একটা হোটেলে একখানা ঘরভাড়া করে থাকতে লাগলাম আর কোন চাকুরীর চেষ্টা করতে লাগলাম। হাতে যা' ছিল ক্রমে ক্রমে ফুরিয়ে গেল, হোটেলের ভাড়া বাকী পড়ল, ম্যানেজার আর থাকতে দিলে না, বার করে দিলে। তারপর থেকেই পথে পথে ঘুরছি—কোনদিন খাও জুটছে, কোনদিন জুটছে না, কলের জল খেয়েই কাটাচ্ছি—আমার কালকের অবস্থা ত দেখেছেন?”—বলিয়া অরুণ একটু মৃদু হাসিল।

মালতী এতক্ষণ তার কাহিনী শুনিতেন, তাহার চক্ষু দু'টা জলে ভরিয়া আসিয়াছে, অরুণ তাহা স্পষ্ট দেখিতে পাইল। অপরিচিতা নারীর করুণা দেখিয়া তাহারও চোখে জল আসিল। মালতী বলিল—“যতদিন কিছু না কাজের সন্ধান করতে পার এখানেই থাক, বুঝলে ত?”

মালতী উঠিয়া কক্ষান্তরে গেল। অরুণ চুপ করিয়া বসিয়া রহিল।



সারাদিন অরুণের এক প্রকারে কাটিল—রাস্তায় রাস্তায় ঘুরিয়া সন্ধ্যার সময় ফিরিয়া আসিয়া সে দেখিল—মালতী বেশভূষা করিয়া কোথায় চলিয়াছে। অরুণকে দেখিয়া বলিল—“এই যে এসে পড়েছ, ভালই হয়েছে—তোমর কথাই ভাবছিলাম—আমায় এখনি বেরতে হবে। তুমি ভাই খুব পয়মস্ত, অনেকদিন এতটা রোজগার হয় নি; এই নাও দুটি টাকা, যা’ ভাল লাগে কিনে খেও আর এই ঘরে শুয়ে থেকো। আমার আসতে হয় ত অনেক রাত হবে—কোন জিনিষ নিয়ে সরে পড়ো না যেন।” এই বলিয়া একটু হাসিয়া সন্মুখে অরুণের চিবুকটা নাড়িয়া দিয়া ঘূর্ণি হাওয়ার মত মালতী বাহির হইয়া গেল। অরুণ অবাক হইয়া তাহার দিকে চাহিয়া রহিল।

রাস্তায় মোটরের শব্দ শুনিয়া জানালা দিয়া বাহিরে চাহিয়া দেখিল, একখানি বৃহৎ মোটরে মালতী ও আরও চার পাঁচ জন লোক হাসিতে হাসিতে কোথায় চলিয়াছে। অরুণ জানালা ধরিয়া চূপ করিয়া দাঁড়াইয়া রহিল। একটু রাত্রি বাড়িলে অরুণ কিছু খাবার আনিয়া খাইয়া লইল, তাহার পর মালতীর জন্ত অপেক্ষা করিয়া থাকিতে থাকিতে কখন যে ঘুমাইয়া পড়িল, তাহা সে জানে না। মালতী ও তাহার সঙ্গীরা তখন পুলিশের হাজতে।

পরদিন সকাল বেলা শয্যাভ্যাগ করিয়া অরুণ দেখিল, মালতী আসে নাই। সে বিষম ভাবনায় পড়িল। পরের ঘর, অপরিচিত সে—সে কি করিবে? এমন সময় বাড়ী-ওয়ালী আসিয়া তাহাকে মুক্তি দিল। সে মালতীর ঘরে তালী চাবি বন্ধ করিয়া অরুণকে চলিয়া যাইতে বলিল। অরুণ ধীরে ধীরে আবার রাস্তায় আসিয়া দাঁড়াইল—সম্মল মালতীর দেওয়া টাকা দুইটির কিছু অংশ।

### তিন

পনের বৎসরের পরের কথা।

প্রসিদ্ধ আর্টিষ্ট অরুণ গুপ্ত তাহার সুসজ্জিত ড্রয়িং রুমে বসিয়াছিল—বেলা প্রায় সাতটা, চাকর আসিয়া টেবিলের উপর এক পেয়ালা গরম চা ও সেদিনের কাগজখানা

রাখিয়া গেল; মিঃ গুপ্ত চায়ের পেয়ালায় চুমুক দিয়া চকের সম্মুখে কাগজখানি মেলিয়া ধরিল। পাশে ছোট টিপয়টার উপরে একটা পিতলের ফুলদানিতে এক ছোড়া তাজা ফুল মালি কখন রাখিয়া গিয়াছে; একটা সুমিষ্ট স্নিগ্ধ গন্ধে ঘরটা ভরিয়া উঠিয়াছে। অদূরে শ্বেতপাথরের টেবিলের উপর একটা চিনে মাটির সুন্দর বুদ্ধমূর্তি; তারই পাশে একটা ধূপদানিতে দু’টা সুগন্ধি ধূপ পুড়িয়া পুড়িয়া গন্ধ বিলাইতেছে। দেওয়ালে অরুণের অঙ্কিত নানা রকমের সুন্দর সুন্দর ছবি—কোনটা মা ও ছেলের, কোনটা প্রণয়ী প্রণয়িনীর, কোনটা বা একটা ঝড়ের দৃশ্যে ঝড়ের মাঝে পাখা মেলিয়া একটা পাখী উড়িয়া যাইতেছে—নিপুণ শিল্পীর রেখার টানে টানে পাখীটা কি গতিচঞ্চল হইয়া উঠিয়াছে! দেওয়ালের ঝারে বড় বড় দুটি আলমারি; তাহাতে নানা প্রকার বই। ঘরের মধ্যস্থলে প্রকাণ্ড টেবিল; তাহার চারিদিকে সাজান কয়েকখানা গদি-আঁটা চেয়ার। তাহারই একটাতে বসিয়া মিঃ গুপ্ত চা পান করিতেছিল এবং সংবাদ-পত্র পড়িতেছিল। পড়িতে পড়িতে এক স্থানে তাহার দৃষ্টি আকৃষ্ট হইল। মনযোগের সহিত সে স্থানটা পড়িতে লাগিল—“অভিনেত্রীর শোচনীয় পরিণাম। আমরা বিশ্বস্তৃত্রে অবগত হইলাম, সহরের প্রসিদ্ধ অভিনেত্রী মালতী বান্ধবের সহসা মস্তিষ্ক বিকৃতি ঘটয়াছে। গত একমাস হইল মালতীর গৃহে চোর চুরিয়া তাহার যথাসম্পদ লইয়া যায়, পুলিশে সংবাদ আসে, কিন্তু পুলিশ আজ পর্যন্ত চুরির কোন কিনারা করিতে পারে নাই। ডাক্তার অভিমত দিয়াছেন—টাকার কথা ভাবিতে ভাবিতে না কি তাহার মাথা ঝারাপ হইয়া গিয়াছে—চিকিৎসার্থ তাহাকে হাসপাতালে পাঠান হইয়াছে।”

সংবাদটির নীচে অভিনেত্রীর একটা হাফটোন ফটো দেওয়া হইয়াছে।

মিঃ গুপ্ত ভাল করিয়া ফটোটা দেখিতে লাগিল। তাহার পর কাগজটা টেবিলের উপর রাখিয়া অনেকক্ষণ ধরিয়া কি চিন্তা করিল, তাহার পর সোফারকে মোটর আনিতে হুকুম করিল।



হাসপাতালে গিয়া অরুণ ডাক্তারের সহিত সাক্ষাৎ করিল। তাহার নিকট শুনিল, রোগিনী পূর্বাশ্রমে অনেক ভাল আছে। হঠাৎ মানসিক আঘাতে ঐরূপ হইয়াছিল—সারিতে কিছু দিন লাগিবে; তবে লাগিলেও একেবারে সুস্থ হইবে না, যত্ন করিয়া সেবাশ্রম করিলে রোগ আর বাড়িতে পারিবে না, ইহা নিশ্চয়।

অরুণ, ডাক্তারের কথা শুনিয়া বলিল—“আচ্ছা, ডাক্তারবাবু, আমি যদি একে বাড়ী নিয়ে গিয়ে চিকিৎসা করাই? তা’তে আপনাদের কিছু আপত্তি আছে কি?”

ডাক্তার বিস্মিত হইয়া তাহার দিকে চাহিয়া বলিলেন—“আপত্তি? না, তেমন কিছু আপত্তি নেই, তবে রোগ যে একেবারে সারবে, তা’ বলতে পারি না। তা’ ছাড়া, এ রকম রোগীকে বাড়ী নিয়ে গিয়ে নিজেরাই যে বেশী বিব্রত হয়ে পড়বেন।”

অরুণ বলিল—“তা’ হোক, আপনাদের আপত্তি নেই ত?”

ডাক্তার বলিলেন—“না।” তারপর জিজ্ঞাসা করিলেন—“আচ্ছা, রোগিনী কি আপনার কেউ হন?”

অরুণ চুপ করিয়া রহিল। তাহার পর তাহার মুখ উজ্জল হইয়া উঠিল—সে ধীরকণ্ঠে বলিল—“উনি আমার মা।”

মালতীকে লইয়া অরুণ বাড়ী আসিল এবং চিকিৎসা ও শুশ্রূষার বিশেষ ব্যবস্থা করিয়া দিল। অনেক দিন হইয়া গিয়াছে। মালতীর মাথা এখনও বেশ সারে নাই; তবে অরুণের বাড়ীতে সে বেশ সুখে স্বচ্ছন্দে আছে—তাহার মনে লাগিয়া আছে অরুণ তাহার কোন পূর্ব প্রণয়ী। \*

শ্রীবনবিহারী গোস্বামী

\* মোপাসার ভাবানুসরণে

## নানাকথা

### সাহিত্য-রসিক

অনেক রকম চুরির খবর পাওয়া যায়—কিন্তু মা সবস্বতীর জন্ত চুরি বোধ হয় এই প্রথম শোনা গেল। সম্প্রতি পুলিশের রূপায় খবর পাওয়া গিয়াছে, চব্বিশ পরগণার বরাহ-নগরের পালপাড়া সাধারণ গ্রন্থাগার হইতে ইংরাজি ও বাংলা মিলাইয়া প্রায় একশত ত্রিশখানি বই চুরি হইয়াছে। ঘরে অগ্ন্যগ্ন অনেক মূল্যবান জিনিষ-পত্র থাকা সত্ত্বেও চোর মহাপ্রভু সে দিকে দৃষ্টিপাত পর্যন্ত করেন নাই।

### জাগ্রত দেবতা

সাহীবাগের নিকটস্থ একটি হিন্দুমান মন্দিরে কয়েকটি চোর চুরি করিতে আসিয়াছিল—কিন্তু মন্দির চত্বরে প্রবেশ করিতে না করিতেই একজন দেবতার কোপে পড়িয়া সেই মুহূর্তেই মৃত্যুমুখে পতিত হয়। অগ্ন চোরেরা শক্ত ঠাঁহ দেখিয়া দে চম্পট। হিন্দুমানজী যে অমর এ কথা আর একবার ভাল করিয়া প্রমাণ হইয়া গেল।

### বিজ্ঞান-প্রিয়।

বিজ্ঞানের যুগ পড়িয়াছে। কাজে কাজেই সকল বিষয়েই বিজ্ঞানের দৃষ্টি এদিকে পড়িবে বই কি। সম্প্রতি একটি খবর পাওয়া গিয়াছে—বিলাতে অবশ্য কিছুই নয়, কিন্তু এদেশে—অভিনব বলিতে হইবে। গত বিশ-এ নভেম্বর চন্দ্রনগরের একটি বাড়ী হইতে না বলিয়া জিনিষ-পত্র লইতে আসিয়া লৌহগরাদে ও তালা অস্টি-এসিটেলিন গ্যাসের আগুনে গলাইয়া—চোর মহাশয়রা সচ্ছন্দে গৃহ-প্রবেশ করিয়াছিলেন এবং মালপত্র লইয়া প্রস্থান করিয়াছেন।

### যৌতুক-কৌতুক।

এখানে বিবাহে যৌতুক ফাঁকি দিলে বরকে সম্প্রদান আসন হইতে উঠাইয়া লইয়া যাওয়া হয়—বিবাহ হইয়া গেলে অনেকে লাঞ্ছনা-গঞ্জনা, বড় জোর তাহাকে ত্যাগ করিয়া প্রতিশোধ লওয়া হইয়া থাকে। কিন্তু নিউগিনি সহরের এক ব্যাচারী ‘পাপুয়ান’ বর নববধূর জন্ত যথারীতি যৌতুক দেয় নাই বলিয়া সেখানকার মিমিকা গ্রামের তিন জন ‘পাপুয়ান’ (আফ্রিকাবাসী এক আদিম জাতি) তাহাকে হত্যা করিয়া ভক্ষণ করিয়াছে।



## ছায়ার মায়া

শ্রীফণীন্দ্রনাথ দাশগুপ্ত

পাঁচ নম্বর ডাউন ট্রেনখানা চলিয়া গেল। মহাদেব স্বস্তির নিশ্বাস ফেলিল।

রৌদ্র নাই, বর্ষা বৃষ্টি নাই, গাড়ীর শব্দ শুনিলেই ফ্লাগ লইয়া বাহির হইতে হইবে—অম্নি করিয়া হাত উঁচু করিয়া নাড়াইতে হইবে—এর আর বিরাম নাই।

এগার বছর ধরিয়া সে এই গেটম্যানের কাজ করিতেছে। সেই একটানা একঘেষে কাজ—খাটের কোণ হইতে সমস্ত গোল করিয়া পাকান ফ্লাগখানি বাহির করিয়া নাড়ান, গেট খোলা, বন্ধ করা, কাজ সারিয়া সামান্য খাওয়া, ছারপোকায় ভর্তি পানের পিচ ও চূণের দাগওয়ালা ছোট্ট একটা ভাঙ্গা খাটিয়ায় আরও ছোট্ট একটা কুঠুরীতে রাত কাটান, নিতান্ত বৈচিত্র্যবিহীন—সামান্য কুলির দৈনন্দিন মামুলী জীবনে অস্বাভাবিক নহে।

বুকিং অফিসের সামনে প্রকাণ্ড একটা কাঠের বোর্ডে বড় বড় হরপে লেখা—ঝুম্‌ঝুম্‌পুর।

ষ্টেশন হইতে পোয়াটাক রাস্তা দূরে মহাদেবের ছোট কুঠুরী। সেই কোন নাক্কাতার আমলে একবার চূণকাম করা হইয়াছিল। বর্ষায়, রৌদ্রে এখন যে তাহার কোন রং হইয়াছে তাহার নামোল্লেখ করা এক দুর্লভ ব্যাপার।

ষ্টেশন হইতে দূরে থাকিলেও মহাদেবকে খাতির করিত সকলেই। আপদে বিপদে তাহার সাহায্য পায় নাই এমন লোক ষ্টেশনে খুব কমই আছে। কুলি হইতে বাবুরা পর্যন্ত তাহার সেবা পাইয়া থাকে।

মহাদেবের কুঠুরীর পাশেই প্রকাণ্ড লোহার গেট। মাঝ দিয়া গেটের এপাশ হইতে লাইনের ওপাশ দিয়া বড় রাস্তা চলিয়া গিয়াছে সেই দূরের কুসুমপুর পর্যন্ত। কুঠুরীর পিছনে কতকগুলি পান বিড়ির ও মিঠাইয়ের দোকান।

পাঁচ নম্বর ট্রেনটাকে মহাদেব বড় ভালবাসিত। এইটী চলিয়া গেলে বেশ খানিকটা সময় সে লম্বা ছুটি পায়।

আজ কয়েকদিন হইতে তাহার আবার গান শিগিবার প্রচণ্ড সখ হইয়াছে। পিছনের পানের দোকানের এক ছোকরা একটা অল্পদামী হারমোনিয়াম লইয়া দিনরাত ‘হাঁ’ করিয়া মাথা নাড়াইয়া টেঁচাইতে থাকে—“বিনোদিনী, আজ তুমি যেও না যমুনা—”

শেষের কথাটির উপর অসম্ভব রকমের টান দিয়া, সুরের নানারকম গিটকিরি কাটিয়া ছোকরা আশে পাশের লোকগুলিকে নানা শ্রেণীর রস পরিবেশন করিয়া থাকে।

অবশেষে সেই হইয়াছে মহাদেবের সঙ্গীত শিক্ষক।

পাঁচ নম্বর ট্রেনটা চলিয়া গেলে ঘরে তালা খারিয়া সে মহানন্দে পানের দোকানে হাজির হইয়া হাসিয়া বলে, “আজকে দাঃ সা—রে—গা—মা—টা শেষ করে দিতেই হবে।”

ছোকরা বিদ্যুটে লালচে দাঁত বাহির করিয়া পান চিবাইতে চিবাইতে বলে, “তোমার মত ছাত্তোর—বুঝ্লে মহাদেব দা’, আমি আর দেখি নি। কি উগ্গ! তুমি শিখতে পারবে।”

ছোকরা নিজেকে প্রকাণ্ড একটা তানসেন ঠিক করিয়া নিয়াছে। অবশ্য মহাদেবও দুই এক সময় তাহার অদ্ভুত গিটকিরি শুনিয়া তাহাকে একটা বড় রকমের গায়ক ঠিক করিয়া, নিজেকে এমন গুরুর চেলা ভাবিয়া গর্বও অনুভব করিয়া থাকে।

হঠাৎ ঠাণ্ডা লাগিয়া মহাদেবের বড় একটা অস্থপ



বাধিয়া গেল। রেলের ডাক্তার আসিয়া দুইদিন দেখিয়া গিয়া বাবুদের বলিয়া গেলেন—“অস্থখ বড় সুবিধার নয়। আত্মীয় থাকুলে এখনি খবর দিন।”

বাবুরা জমাদারকে এ বিষয় দেখিতে বলিয়া কর্তব্য মুক্ত হইলেন।

পোর্টার, পয়েন্টস্ম্যান, রেলের কুলিরাও মহাদেবকে ভালবাসিত, শ্রদ্ধা করিত। উপকার তাহারা ত' কম পায় নাই। দেশে আত্মীয় বলিতে বউ লক্ষ্মী আর পাঁচ বছরের ছেলে ছোটকা ছাড়া মহাদেবের আর কেউ ছিল না। সুতরাং কুলিরা মিটিং করিয়া বউ ছেলেকে দেশ হইতে আনাহবার প্রস্তাব করিল। এই বিষয়ে মহাদেবকে জিজ্ঞাসা করিলে ক্ষীণ স্বরে যুট্ট প্রতিবাদ করিয়া সে বলিয়া ছিল, “আমার এগন কীই বা হয়েছে, ও দু'দিনেই সেরে যাবে। মিছিমিছি কত ভাবনা নিয়ে ছুটে আসবে ওরা। হয় ত' কঁাদতে কঁাদতে শরীরটাই মাটি করবে। সামান্য অস্থখে ওদের বড় ভাবনা চিন্তা হয়।”

তথাপি তাহার ক্ষীণ প্রতিবাদ অগ্রাহ্য করিয়া কুলিরা দেশ হইতে বউ ছেলেকে আনাইল।

সহকর্মীদের সাহায্যে, লক্ষ্মীর সেবায় মহাদেব সে যাত্রা কোনক্রমে কাটাইয়া উঠিল।

কয়েকদিন বাদেই মহাদেব সুস্থ হইয়া গেল। লক্ষ্মী তাহার পা জড়াইয়া বলিল, “আর আমাদের দেশে যেতে বলো না! বিদেশে, বিভূঁয়ে একা একা তোমায় আমি থাকুতে দিত পারুবো না। কত কি বিপদ আসে, তা' কি কেউ বলতে পারে। এত খাটুনী, রাঁধা, বাসন মাজা—না গো না, আমি পারুবো না!”

মহাদেব প্রথমে আপত্তি করিল, “অতটুকু ঘরে থাকার ভয়ানক অস্থবিধা, তা' ছাড়া, ছেলেটা অসম্ভব রকমের ছুরন্ত—কবে যে কি করে বসে! এ লাইনে মানুষ গরু প্রায়ই গাড়ী চাপা পড়ছে, না লক্ষ্মী, তোদের থেকে কাজ নেই।”

লক্ষ্মী কিন্তু সকল অস্থবিধা সহ্য করিতে রাজী—ছেলেকে সে বাহির হইতে কখনও দিবে না, কাঁদিয়া কাটিয়া অবশেষে সে মহাদেবকে রাজী করাইল।

দিন বেশ যায়। পাঁচ নম্বর ট্রেন যাইবার পর মহাদেব আড্ডায় আর যায় না। লক্ষ্মীর কাছে বসিয়া গল্প করে, ছেলে লইয়া খেলা করে—বেশ আনন্দেই মহাদেবের সময় কাটিয়া যায়।

পাঁচ নম্বর ট্রেন সন্ধ্যায় আসে। সেইটী চলিয়া গেলে মহাদেব লাইনের ওপাশের রাস্তার বাঁ পাশে যে প্রকাণ্ড দীঘিটা আছে, তাহাতে চিরদিনের অভ্যাসমত একটা ডুব মারিয়া সা—রে—গা—মা—র স্বর ভাঁজিতে ভাঁজিতে বাসায় ফেরে।

ঘরে আসিয়া দেখে কেরোসিনের ডিবে জ্বলিতেছে। একখানা ভাঙ্গা কেরোসিন কাঠের পিড়ি পাতিয়া লক্ষ্মী কাজকর্ম সারিয়া বসিয়া আছে। মহাদেব আসিলে তবে গরম ভাত হাঁড়ি হইতে বাড়িয়া দিবে। ঠাণ্ডা ভাত আবার মহাদেব খাইতেই পারে না।

ছোটকা এত বড় বাঁদর, কোথা হইতে মুখে চুণকালি মাখিয়া আসিয়াছে, লক্ষ্মীর সামনে অদ্ভুত মুখভঙ্গী করিয়া বলে, “ভুন্বে মা।”

ভুনিয়া মহাদেব ত' হাসিয়াই খুন।

খাইতে বসিয়া কত গল্প, কত হাসি! ছোটকা স্থির হইয়া থাকিতে পারে না। তাহার আবার বাবার সহিত খাইতে না বসিলে চলিবে না—একগ্রাস ভাত মুখে লইয়া এখানে ওখানে দৌড়াইয়া যায়। একবার হয় ত' হঠাৎ ঘরের বাহির হইয়া গেল।

পয়েন্টস্ম্যান পঞ্চানন তাহার লাল আলো জ্বলাইয়া লাইনের ওপাশ দিয়া বাড়ী ফিরিতেছে। ছোটকা তাহাকে চোঁচাইয়া বলিল, “এই পঞ্চানদা, মা যা' পুঁটি ঝাল রেঁধেছে! খাবে ত' এসো এখুনি। আর শোন, কাল আমরা সব যাক্ছি মহেশের মেলায়—মারুবল ত' পাঁচটা কিনবোই—”

পঞ্চাননের অত কথা ভুনিবার সময় নাই, হাসিয়া দুই একটা কথার উত্তর দিয়া সে হয় ত' বহুদূরে চলিয়া গিয়াছে, কিন্তু ছোটকার তখনও কথা শেষ হয় নাই, “কাল



রাতে এসো, বাঁশী বাজিয়ে শোনাব। আমার জন্ত দুটো মাকাল ফল এনো ত পক্ষা দা'—ভারি সুন্দর দেখতে—”

ঘরের মধ্যে লক্ষ্মী মহাদেবকে বলে, “দেখছে। ছেলেটার কাণ্ড! বড্ড লক্ষ্মীছাড়া—”পরে ছেলের উদ্দেশ্যে কড়াস্বরে বলে, “এই ছোট্কা।”

“উ।”

“ঘরে আয় শীগ্গির হতচ্ছাড়া, এঁটো মুখে বাইরে দাঁড়িয়ে আর ইয়ার্কি মারতে হবে না—আয় বলছি।”

ছোট্কা আসিয়া বাপের সামনে ‘হাঁ’ করিয়া দাঁড়াইল। মহাদেব একটু মাছ ভাত মুখে পুরিয়া দিতেই আবার বাহির হইয়া যাইতেছিল, এমন সময় প্রচণ্ড একটা কিল অকস্মাৎ তাহার পিঠে পড়িল।

মহাদেব ‘হাঁ হাঁ’ করিয়া উঠিল, “তোমার বড্ড বাড়াবাড়ি, ছেলেমানুষ—”

“ছেলেমানুষকে কি করতে হয় না হয় সেটা আমি ভাল বুঝি।” লক্ষ্মী রাগিয়া বলে।

মহাদেব চুপ করিয়া যায়; ভাবে, হয় ত’ ইহাতে তর্ক করিবার কিছুই নাই।

ছোট্কা তখন মহাদেব লাইনের ধার দিয়া ঘুরাইয়া আনে। ছোট্কা কান্না থামাইয়াছে; কারণ, বাবা নিজেকে বলিয়াছে, মেলায় লক্ষ্মীকে নেওয়া হইবে না, একা সে বাপের সহিত যাইবে। কিন্তু বাপের সঙ্গে এমন একটা রফা শেষ পর্য্যন্ত তাহার মনঃপুত হয় নাই। মাকে সঙ্গে না লইলে চলে না। মনটা বড় খুঁতখুঁত করিতে থাকে; সে ঝড় ফিরাইয়া বলিল, “মা-টাকে নেওয়া যাক্ গে—বুঝ্লে বাবা, কেবল একটা জিলিপী তুমি আমায় বেশী দিও, তা’ হলেই হবে।”

মহাদেব হাসিয়া বলে, “সেই ভাল।”

পাঁচ নম্বর ট্রেনটা বড্ড বেশী দমে চলে। মানুষ গরু কত যে কাটিয়া চলে, তাহার আর ইয়ত্তা নেই। সেইদিন রায়েদের জুঁটা মস্ত বলদ কাটা পড়িল, ঐ ত গত শুক্রবারে জমাদার পুরাণকেষ্টের অভাব জোয়ান ছেলেটা লাইন পার

হইতে গিয়া মরিল—নাঃ, মহাদেব বাক্যমারি করিয়াছে উহাদের আনিয়া। ছোট্কা মোটে কথা শুনে না, দৌড়াইয়া দৌড়াইয়া ঐ লাইনের দিকে যাইবেই, কবে কি করিয়া বসে।

লক্ষ্মীর উপর ছেলের ভার দিয়া মহাদেব নিশ্চিন্ত হইতে পারে না। সকল সময়েই নিজেকে চোখে চোখে রাখে। ভয়ে সে বেশীক্ষণ বাহিরে আসিতে পারে না; হয় ত হঠাৎ একটা মালগাড়ী আসিয়া পড়িবে—গাড়ীর ত আর অস্ত নাই।

লক্ষ্মী বলে, “তুমি এত ভেব না ত।”

বাধা দিয়া মহাদেব ব্যস্ত হইয়া বলে, “না—না, তুই বুঝিস্ না, আমার বড্ড ভয় করে।” পরে অম্বনয়ের স্বরে লক্ষ্মীর হাত ধরিয়া বলে, “স্তোর এত কাজ করতে হবে না। তুই ওকে খুব চোখে চোখে রাখবি, বলা ত বায় না, এই ত সেদিন...”বিড়বিড় করিয়া আরও কি বলিতে বলিতে আকাশের পানে চাহিয়া সে প্রণাম করিতে থাকে।

গাড়ী আসিবার সময় হইলে সে বারবার লক্ষ্মীকে বলিতে থাকে, “তুই এই দোরগোড়ায় বোস, ও ঘেন বেঞ্চতে না পারে।” পরে ছেলেকে আদর করিয়া বলে, “পাগলামী করিস্ নি বাবা, গাড়ী আসবার সময় বেরোস্ বুঝি? কথা শুন্লে,—দেখ্, এই এত বড় একটা নাট্ট কিনে দেব।”

গেট বন্ধ করিয়া ক্যাগ নাড়িতে নাড়িতে সে বারবার দুয়ারের দিকে চাহিতে থাকে—কোন্ ফাঁকে আবার লক্ষ্মীকে ডিঙাইয়া বাহির হইয়া না আসে।

গাড়ী চলিয়া গেলে ঘরে আসিয়া ছোট্কা দেখিলে তবে সে শান্তি পায়।

ভোরের ট্রেনটা চলিয়া গিয়াছে। মহাদেব গিয়াছিল ষ্টেশনে। ফিরিবার পথে ছেলেবেলার বন্ধু বিষ্টুর সাপে হঠাৎ দেখা। সেই অধিকা গুরু পাঠশালায় হাতে মুগে কালী মাগিয়া লুকাইয়া ছুইজনে কত কামরাড়া, বেতফল খাইয়াছে ...নষ্টচক্রে রায়ে নকুড় ঠাকুরের বাগানে বাতালী লেব,



শশা চুরি...সেই বালাবন্ধু বিষ্টের সাথে দেখা। বিষ্টে আজ-কাল ইলেকট্রিক মিস্ত্রীর কান্দ করে। গল্প করিতে করিতে দেবী হইয়া গেল। বিষ্ট বড় ব্যস্ত, আর একদিন আসিবে বলিয়া সে কাজে চলিয়া গেল। এত বেলা হইয়া গিয়াছে তাহা মহাদেবও টের পায় নাই। একটা অজানা আশঙ্কা লইয়া সে ঘরের পানে ছুটিল।

বাসার ধারে আসিয়া দূর হইতেই সে ডাকিয়া উঠিল, “ছোট্কা—এই ছো—”

লক্ষ্মী বাসন মাজিতেছিল, ময়লা হাতে সে বাহির হইয়া বলিল, “খাবারের দোকানীর ছেলে মন্থুর সাথে একটু বাজারে গেছে। বড় কান্নাকাটি করছিল—তা’ যাক্ গে না, ছেলেমানুষ—”

মহাদেব রাগিয়া উঠিল, “তুয়ারি, বারণ করলেও শুনবি নে তোরা—” ঘরে না ঢুকিয়া সে বাজারের দিকে ছুটিল।

মন্থু দোকানে বসিয়া প্রকাণ্ড একটা ‘হাঁ’ করিয়া মুড়ির মোয়া চিবাইতেছিল। মহাদেব ঘাইয়া জিজ্ঞাসা করিল, “হাঁরে মন্থু, ছোট্কা কোথায় রে?”

মন্থু খানিকটা মোয়া গলাধঃকরণ করিয়া ঢোক গিলিয়া কহিল, “এইখানেই ত আমরা খেলছিলুম, তা’ ছোট্কা বললে, ভাল খেলার জিনিষ আনবে। ইদিকে সে ছুটে গেছে।” হাত বাড়াইয়া বাজারের দক্ষিণের পচা পুকুরটা সে দেখাইয়া দিল।

মহাদেবের সর্কশরীরটা কাঁপিয়া উঠিল। এখনও কোন ট্রেন আসে নাই, তথাপি সে দৌড়াইয়া লাইনটা দেখিয়া তবে পচা পুকুরের দিকে ছুটিয়া গেল।

বাজারের দক্ষিণে যে পুকুরটি পচা পুকুর নামে খ্যাত, তাহা যে কে কখন করিয়াছিল কেহই তাহা বলিতে পারে না। বৃষ্কেরাও বলিয়া থাকেন যে, ছেলেবেলা হইতে তাহারাও ঐ একই রকম দেখিতেছেন। জলের উপর কলমীলতার ধাপ এত পরিমাণে জমিয়াছে যে, জল দেখিবার উপায় নাই। কলমীর ফুল, অস্ফীল বুনো লতার

লাল নীল ফুল ধাপের উপর, পাড়ের উপর ফুটিয়া আছে। চারিদিকের পাড়ে দাঁড়াইবার উপায় নাই—বেত কচুর ঝোপে ভরিয়া গিয়াছে। কেবলমাত্র মদনের দোকানের পিছন দিয়া ঐ স্ফি পথটুকু ধরিয়া ঘাটে নামা যায়।

মহাদেব হাঁপাইয়া আসিয়া দাঁড়াইল। চারিদিকে ভয়ে ভয়ে ব্যগ্রভাবে তাকাইতে লাগিল—নাঃ, কোথাও জন-মানব নেই। মহাদেবের চোখ দিয়া জল বাহির হইল। দম বন্ধ করিয়া সে চোঁচাইয়া ডাকিল, “ছোট্কা!”

কেমন একটা বিস্ত্রী প্রতিশ্রুতি আসিল মাত্র। জ্ঞান-শূন্য হইয়া আবার সে চোঁচাইয়া উঠিল, “ছোট্কা—”

ও পাড়ের কলমীর ডগাগুলি নড়িয়া উঠিল, তাহার ঝোপ হইতে ক্ষীণকণ্ঠে উত্তর আসিল, “এই—”

মহাদেব বন-বাদাড় ভাঙ্গিয়া উর্দ্ধ্বাশে দৌড়াইল। ও পাড়ে গিয়া দেখে প্রকাণ্ড প্রকাণ্ড কলমী ডগার ঝোপের একটা কাঠের গুঁড়ির উপর বসিয়া ছোট্কা নিশ্চিন্ত মনে কলমীর ফুল ছিঁড়িতেছে—পাশে স্তূপীকৃত করা রহিয়াছে কলমীর ফুল।

গালের উপর ‘ঠাস’ করিয়া এক চড় মারিয়া মহাদেব তাহাকে বলিল, “লক্ষ্মীছাড়া ছেলে, এর মধ্যে মরতে এসেছ কেন? সাপখোপ থাকে এর মধ্যে জানিস? ফের যদি আসবি, তবে মেরে খুন করবো।”

রাগের মাথায় আরও কয়েকটা চড় চাপড় মারিতে মারিতে মহাদেব তাহাকে টানিয়া লইয়া চলিল।

পথে ছোট্কার এই অবস্থা দেখিয়া মন্থু হি হি করিয়া হাসিতে লাগিল। ছোট্কার কী রাগ! বাপের অঙ্গশো তাহার দিকে কটমট্ করিয়া চাহিয়া মন্থুকে প্রতিশোধ নিবার ভয় দেখাইল। পরে আবার কাঁদিতে কাঁদিতে বাপের সহিত চলিল।

বাসায় আসিয়া ছোট্কার ক্রন্দন আরও বাড়িল। মহাদেব রাগের মাথায় বলিল, “কিছু খেতে দিস নে আজ, দেখুক না মজাটা!”

লক্ষ্মী সায় দিয়া বলিল, “ককনো না, খেতে দেবো আবার!”

কিন্তু সন্ধ্যার অন্ধকারে মহাদেবকে চুপিচুপি ছোট্কা



কাকে একথানা পাউরুটি দিতে দেখিয়া লক্ষ্মী হাসিয়াই  
বাঁচে না।

কয়েকদিন ধরিয়া ছোট্কা ভীষণ বায়না ধরিয়াছে যে,  
গাড়ীকে নিশান দেখাইবে। মহাদেব বিরক্ত হইয়া  
সেদিন তাহাকে লইয়া গেল। গাড়ীর শব্দ পাইলে মহাদেব  
ছোট্কােকে জাপটাইয়া ধরিয়া ভয়ে ভয়ে দাঁড়াইয়া রহিল।  
ছোট্কার কী আনন্দ! দূর হইতে গাড়ীটা ‘ভস্ ভস্’ শব্দ  
করিতে করিতে আসিতেছে। ছোট্কা নিশান ঘুরাইতে  
লাগিল—আঃ, কী আরাম! গাড়ীর মধ্যে কতকগুলি ছোট  
ছেলেমেয়ে বাহিরে মুখ বাড়াইয়া দেখিতেছিল, তাহাদের  
দিকে ছোট্কা জিব বাহির করিয়া অভূত মুখভঙ্গী করিল—  
করিয়াই কী হাসি!

মহাদেব তাহাকে যুহু আঘাত করিয়া বলিল, “ছিঃ,  
অমন করতে নেই!”

ছোট্কার আজ বুক ফুলিয়া উঠিল—ভারি না কাজ,  
তার আবার ভয়!

আটটা বাজিয়া গেল। পাঁচ নম্বর গাড়ীটা বড় লেট্  
করিতেছে। কুলি-মহলে নানারকম গুজব উঠিল।  
মাতঙ্গর পোটার আস্ত আসিয়া বলিল, “নয়ানগঞ্জের ওপাশে  
ট্রেনখানা আউট লাইন হয়েছে, আজ আর রাতের মধ্যেও  
আসছে না।”

গুজবটা খুব প্রবল হইয়া উঠিল।

মহাদেবও খবরটা শুনিয়া আসিল, এখন আর মালট্রেন  
আসিবার সম্ভাবনা নাই। বাসায় আসিয়া লক্ষ্মীকে বলিল,  
“আমরা একটু ময়নামতীর হাটে চন্ডাম লক্ষ্মী। দেখি,  
ছোট্কার জন্য যদি একটা জামা কিনতে পারি। এ পর্যন্ত  
ছেলেটা একটা জামাও পরতে পারে নি, আজ দেখি যদি  
পারি।”

নষ্টী পার হইয়া তবে হাটে যাইতে হয়, তাহারা  
চলিয়া গেল।

ছোট্কার আজ মহা আনন্দ! বাবা নাই বাড়ীতে,  
মা কাজে ব্যস্ত,—তাকে আজ পায় কে! কতদিন বাবার  
সহিত বেড়াইতে বাহির হইয়া সেই দূরের লাইনের পশে  
নীল চক্রবর্তীর মাঠে ছেলেদের সে খেলা করিতে  
দেখিয়াছে। বড় ইচ্ছা তাহার হয় উহাদের সহিত একটু  
ছুটাছুটি করিয়া বেড়ায়—কী যে আনন্দ তাহাতে! কিন্তু  
বাবার এত ভয় যে, কিছুতেই ছাড়িতে চাহে না। আজ  
মহা সুযোগ! লুকাইয়া সে বাহির হইয়া পড়িল।

পথ ত আর কম নয়। কোনরকমে সে মাঠে আসিয়া  
পৌছাইল। মহানন্দে মালকোঁচা মারিয়া সে ছেলেদের  
সহিত ‘বুড়ির চি’ খেলিতে গেল। ছোট্কা যে দৌড়াইতে  
পারে—বাপরে! সব ছেলেরা ত অবাক! একদিনেই  
নাম কিনিয়া ছোট্কা সর্দার খেলোয়াড় হইয়া গেল।  
ছোকরার দল তাহাকে ঘিরিয়া বলিল, “এই ভাই ছোট্কা,  
রোজ আসবি ত?”

ছোট্কা ঘাড় নাড়িয়া জানাইল—“নিশ্চয়ই।”

হঠাৎ দূরে গাড়ীর শব্দ শুনা গেল। ছোট্কা খেলা  
থামাইয়া চাহিয়া দেখে, পাঁচ নম্বর ট্রেন ছ হ করিয়া ছুটিয়া  
আসিতেছে। সর্দানাশ! নিশান দেখাইবে কে? বাবা ত  
সেই দূরের হাটে, মা ত পারিবেই না—তবে হ্যাঁ, সে নিজে  
পারিবে—ভারী না কাজ!

ছেলেমানুষ হইলেও ছোট্কা বাবার বিপদ বুঝিল।  
হিতাহিত জ্ঞান তাহার নাই, সোজা পথ ভাবিয়া লাইনের  
মাঝ দিয়াই সে ছুটিয়া চলিল। গাড়ীর পূর্বে সে নিশ্চয়ই  
পৌছাইতে পারিবে। নিতান্ত ছেলেমানুষ! বুঝিতে  
পারে নাই যে, তাহার দুইখানি ছোট পায়ে চাহিতেও ঐ  
দানব-যন্ত্রের পাগুলি কত শক্তিশালী! ছোট্কা পিছন  
কিরিয়া গাড়ীর ও তাহার মধ্যে দূরের ব্যবধান মনে মনে  
মাপিয়া ভাবিল—নিশ্চয়ই আগে পৌছাইবে। ভীষণ বেগে  
সে দৌড়াইতে লাগিল।

কিন্তু দানব-যন্ত্র যে হঠাৎ একবারে পিছনে আসিয়া



পড়িয়াছে—তাহার উষ্ণ হাঁপ ছোট্কার পিঠে লাগিতেছে—দম যেন বন্ধ হইয়া যায়। লাইন হইতে সে সরিবার চেষ্টা করিল, কিন্তু পারিল না। তাহার পা যেন আটকাইয়া গিয়াছে। নিজের বিপদ সে এইবার বুঝিতে পারিল। হতভাগ্য শিশু বিকট ভয়ে মায়ের আশ্রয় প্রার্থনা করিল, “মা—মা!”

মায়ের সাধ্য নাই তাহাকে অঞ্চলতলে লুকাইয়া আজ ঝাড়াইয়া রাখে! নিষ্ঠুর যন্ত্রটা একটুও দ্বিধা বোধ করিল না, তাহার কোমল দেহের উপর দিয়া অমন পাষাণের ভার চাপাইয়া দেহটাকে ছিন্ন ভিন্ন করিয়া গেল।

পাশের রাস্তা দিয়া হাট ফেরৎ লোকের দল চলিয়াছে। লাইনের উপর সদ্য কাটা শিশু দেখিয়া তাহার আগাইয়া আসিল। ক্রমশঃ ভীড় বাড়িতে লাগিল, সঙ্গে সঙ্গে নানা গবেষণাও চলিতে লাগিল।

অন্ধকার ঘনাইয়া আসিয়াছে, মহাদেব ছুটিয়া চলিল। আজ তাহার মনে একটা তৃপ্তি আসিয়াছে; কারণ, ছোট্কার বহু-আকাজ্জিত একটা রঙিন জামা আজ কিনিতে পারিয়াছে। পথে বিষ্টুর সহিত আবার দেখা, সে কাজে চলিয়াছিল। বলিল, “মহাদেব যে, হাট থেকে ফিরুছো দেখছি। তোমার নিশেন দেখালে কে তবে?”

মহাদেব ভয়ে ভয়ে জিজ্ঞাসা করিল, “নিশেন—কেন?”

বন্ধু বলিল, “বাঃ, এই ত কিছু আগেই তোমাদের পাঁচ নম্বর ট্রেন চলে গেল, বড্ড লেট করেছে আজ। আরে শুনেছ মহাদেব, এদিকের কোন্ লাইনের উপরে একটা নেহাৎ বাচ্ছা না কি কাটা পড়লো—তোমাদের এদিকে এসব বড্ড বেশী।” বলিতে বলিতে বিষ্টু আগাইয়া চলিল।

মহাদেবের সর্কশরীরে যেন ভূমিকম্প হইয়া গেল। তাহার পা আর চলিতে চাহে না—দৌড়াইতে গেলে পড়িয়া যায়। আছাড় খাইতে খাইতে মাতালের মত হইয়া সে ভীড়ের কাছে আসিয়া দাঁড়াইল। পাশের একটা

লোককে চুপিচুপি অপরাধীর মত গুহকণ্ঠে সে জিজ্ঞাসা করিল, “কে?”

ঠোট উল্টাইয়া লোকটি বলিল, “চিন্তে ত পারছি নে, দেখো না এগিয়ে।”

আগাইয়া দেখিবার সাহস তাহার নাই। দুর্বল পা দুইটা দেহের ভার আর বহিতে পারিল না, ‘ধপ্’ করিয়া সে ভীড়ের পিছনে বসিয়া পড়িল।

রেলওয়ে কুলীর দল আসিয়া পড়িয়াছে, এইবার আর চিন্তে কাহারোও বাকী রহিল না। জমাদার আগাইয়া মহাদেবকে ধরিল, “কী আর করবি ভাই, সবই অদেপ্ত! আয়, এদিকে আয়।”

মহাদেব টলিতে টলিতে তাহার পিছন পিছন চলিল।

সেই লাল পেড়ে ধুতিখানা মালকোঁচা মারা রহিয়াছে... গলার কবচটা ও পাশে গিয়া পড়িয়াছে... দেহটা খেঁতলাইয়া গিয়াছে—মহাদেব উন্মাদের মত একটা ভীষণ চীংকার করিয়া পড়িয়া গেল।

কুলীর দল মৃতদেহটাকে লইয়া চলিয়া গেল। জমাদার মহাদেবের জ্ঞান কোন রকমে ফিরাইয়া তাহাকে বাসার দিকে লইয়া চলিল। পথে কোন কথা মহাদেব কহিল না, মধ্য মধ্য উন্মাদের মত চৈতন্য উঠে—মুখ দিয়া অদ্ভুতভাবে ফেনা পড়িতেছে—চোখ দুইটা অসম্ভব রকমের লাল! পাগল হইয়া যাইবে না ত!

বেচারী মা! খবরটা সেও পাইয়াছে। এক মাত্র পুত্র, কাদিয়া কাদিয়া হাঁপাইয়া গিয়া জ্ঞান হারাইয়া পড়িয়া আছে। মনুকুর মা, দিদি, ওরা সব সান্ত্বনা দিতে আসিয়াছে। জ্ঞান একটু হইলেই তাহাদের ঠেলিয়া লক্ষ্মী দৌড়াইয়া বাহির হইতে যায়। পুত্রশোক! এক মাত্র পুত্রের মৃত্যু!

রাত্রি অনেক হইয়াছে। মহাদেব মাটিতে পড়িয়া। ওপাশে লক্ষ্মী গোঁয়াইতেছে—তাহার উষ্ণ নিশ্বাস, মহাদেবের মুখে আসিয়া লাগে। কিসের একটা ছায়া হাত





রেডিও পিকচার্সের বিখ্যাত অভিনেত্রী—সিড্‌নি ফক্স।







ইসারায় ডাকে যে—হ্যা, ঐ ত মহাদেবকেই ডাকে।  
খাটের তলা হইতে ছোট্টকার টিনের ভেঁপু, কাঠের  
ঘোড়া, রঙিন জামা যেন শূন্যে নাচিতেছে—এই যে তার  
চোখের সামনে, একেবারে সামনে। ঘরের কোণ হইতে  
কে যেন ডাকিয়া উঠিল—“বাবা—!”

মহাদেব কান পাতিয়া শুনিল।

বাহিরে ভীষণ দুর্ঘোণ। ঝুমঝুম করিয়া মুষলধারে  
বৃষ্টি অজস্র ধারায় পড়িতেছে। ঝড়ের অশ্রান্ত হুকার  
যেন সমগ্র ঝুমঝুমপুরটাকে আজ উল্টাইয়া ফেলিবে।  
ঘুটঘুটে অন্ধকার, কড়কড় করিয়া মেঘের ভীষণ আর্তনাদ  
—উপযুক্ত লগ্ন! আবার যেন কোণ হইতে কে বলিয়া  
উঠিল, “বাবা—!”

মহাদেব লাফাইয়া উঠিল। চৈতাইয়া ডাকিল, “লক্ষ্মী,  
উঠে আয়।”

লক্ষ্মী প্রহর করিল না, যজ্ঞচালিতের মত সে উঠিল।  
স্বামীর সহিত সেই দুর্ঘোণে ঘরের বাহির হইয়া গেল।

গেঁয়ো জুড়ি পথ দিয়া বনবাদাড় ডাকিয়া তাহারা  
দুইজন চলিয়াছে—তাহাদের চলার পথ যেন শেষ হইবার  
নয়। বিছাতের আলোয় তাহাদের দেখা যায় দূরে—বহুদূরে  
মাঠের মাঝে। ক্রমশঃ মৃষ্টি অস্পষ্ট হইয়া আসিল—আর  
দেখা গেল না। কোন্ অনিশ্চিত ঐ ছায়ার আহ্বান আজ  
তাহারা শুনিল—কোন্ ছায়ার মায়ায় আজ তাহারা ঘরের  
মায়া কাটাইল—কে জানে!

শ্রীফণীন্দ্রনাথ দাশগুপ্ত





## অদর্শনে

শ্রীআশুতোষ ঘোষ, বি-এল্

কর্মস্থল হইতে প্রত্যাবর্তন করিয়াই নীলাম্বু শুনিলেন, পত্নী নীলিমা, বন্ধু স্কুমারের সহিত মটর চড়িয়া কোথায় বাহির হইয়া গিয়াছেন।

খানিক হতভম্বের মত দাঁড়াইয়া থাকিয়া ভূত্য পদকে প্রশ্ন করিলেন,—কিছুই বোলে গেল না, কোথায় যাচ্ছে তারা?

মাথা চুলকাইতে চুলকাইতে পদ উত্তর করে,—কি কোরে জানব বাবু, আমায় তো বলে যান নি, মা-ঠান।

—তুই জিজ্ঞেস করুলি না কেন?

—আজ্ঞে, আমার ঘাড়ে ক'টা মাথা যে, এই কথা জিজ্ঞেস কর্তে যাব? সেদিন আপনি অফিসে ছিলেন, ফিরিতে আপনার রাতও হয়েছিলো। ওই কি বলে, সন্ধ্যাবেলা কোথা থেকে তাড়াতাড়ি হাঁপাতে হাঁপাতে এসেই মা-ঠানকে বলেন,—ইঞ্জিরিতে কি দু'-একটা কথা—বলতেই পাঁচ মিনিটের মধ্যেই তিনি তৈরী হয়ে বেরিয়ে পড়লেন। আমি একটু দূরে দাঁড়িয়ে ছিলাম,—মা-ঠানকে হঠাৎ না-বলা, না-কওয়া সন্ধ্যাবুর সঙ্গে চলে যেতে দেখে শুধুলাম,—কোথা যাচ্ছেন বাবু আপনারা, আমাকে বোলে যান,—বাবু শুধুলে বোলতে হবে। অমনই সন্ধ্যাবু নাক মুখ পাকিয়ে ধমকে উঠলেন, বলেন কি,—তুই চাকর, চাকরের মত থাকবি, তোর অত কথায় দরকার কিরে উল্লুক। গোটা দুই ঘুসি মারতে পেলে ছাড়েন না, এমনই তরা ভাব আর কি! কি বোলব বাবু, আমার সেদিন যা' দুখ-খু হয়েছিলো, ইচ্ছে করছিলাম,—

বলিয়াই পদ নীরব হইল।

নীলাম্বু সাগ্রহে পুনঃ প্রশ্ন করিলেন,—তারপর?

—তারপর তাঁরা দু'জনা বেরিয়ে গেলেন। আপনি বাবু বাড়ী আসবার এক ঘণ্টা আগে তাঁরা ফিরেছিলেন,

মা-ঠান বলেন,—বাবু ফেরবার আগেই যখন ফিরে এইছি, তখন আর তোর জেনে দরকার কি,—কোথায় গেছিলুম। যা' বোলতে হয় বাবুকে আমরাই বোলব অখন। তুই চুপ থাক। তা' বাবু, ওই কি একদিন, অমনই দ্বারা কদিনই না হয়েছে।

—অ্যা! বলিস্ কি? কই এদিন তো আমায় কিছু বলিস্ নি?

বলিতে বলিতে নীলাম্বুর মুখ সহসা বিবর্ণরূপ ধারণ করিল।

—আপনার কাছে কি নিরাদা যেতে ফুরুৎ পেয়েছি বাবু। আপনি ঘরে থাকলে, মা-ঠানের ফরমাস্ মারতেই আমার সময় ফুরিয়ে যায়।

'ওঃ' বলিয়াই নীলাম্বু ইজিচেয়ারে সর্কান্দ এলাইয়া দিলেন। মুখের ঘর্মটুকু পর্যন্ত মুছিতে তাঁহার হস্ত দুইটা উঠিতেই চাহিতেছিল না যেন।

নীলাম্বুর অসহায়ভাব দেখিয়া ব্যথিত পদ ত্বরিত-গতি ফ্যান্টা খুলিয়া দিল। ক্যাচ-ক্যাচ শব্দে ফ্যান্টা মনোবেদনা প্রকাশ করিয়া অবিরত ঘুরিতে লাগিল।

অফিসের স্বৈদ-সিক্ত পোষাক ছাড়া হইল না। নীলাম্বু যেন গভীরাতকে ডুবিয়া গেলেন।

অতি মৃদুভাবে পদ প্রশ্ন করিল,—চায়ের জল চড়াই গে বাবু?

নীলাম্বু ঈষৎ নড়িয়া চড়িয়া বলিলেন,—হ্যাঁ, যা'। তুই এখনো দাঁড়িয়ে আছিসু যে?

পদ কি ভাবিতে ভাবিতে চলিয়া গেল,—বলা যায় না।

নীলাম্বু ভাবিতেছিলেন, তিনি কী 'গুপ্তী' কাজই না করিয়াছেন শ্রী-স্বাধীনতা-সম্মেলন সভা হইয়া ওপবিবাহ করিয়া। আবার শুধু তাই? সভ্যগণের অমুরোধে অমন



স্বশীলা পত্নী নীলিমাকেও তৎসজ্জের সভ্যাশ্রয়ীভূত করিয়া? ছিঃ!

বেশী দিন নয়, একটা বৎসর পূর্বে যে নীলিমা তাঁহাকে পতিত্বে বরণ করিয়া আপনাকে ধন্য বলিয়া জ্ঞাপন করিয়াছিল, সে-ই আজ পুরুষ বন্ধুদিগের সহগতি-বিধি সম্বন্ধে গোপন রাখে এবং রাখিতে চেষ্টাও করে। কেন? বংশদণ্ডের কোন্স্থলে ঘে ঘণ ধরিয়াছে, তাহা নীলাম্বু ভাবিয়াই পাইলেন না।

পদ চায়ের সরঞ্জাম সমূহ আনিয়া টেবিলে রাখিল। নীলিমার পরিবর্তে আজ পদ চায়ের জল ঢালিয়া চা প্রস্তুত করণে রত হইল। বিপরীতমুখী চেয়াবখানা শূন্য দেখিয়া নীলাম্বুর বুকখানার ভিতর যেন 'হা হা' করিয়া উঠিল। তাঁহার মনে হইতে লাগিল,—তাঁহার হাহা-কারের বিনিময়ে বন্ধু স্বকুমার নীলিমাকে লইয়া কী আনন্দেই না মূর্ত্ত্তগুলি কাটাইতেছে?...

চায়ের কাপে দুই এক চুমুক দিবার পর মস্তিষ্কটা সতেজ হইলে তাঁহার মনে পড়িল,—স্ত্রী-স্বাধীনতা-সজ্জের তিনিও একজন সভ্য। তাঁহার পক্ষে স্ত্রী-স্বাধীনতার বিরুদ্ধ একরূপ চিন্তার প্রশ্রয় দেওয়া উচিত হয় নাই?... পদকে ডাকিয়া তিনি বলিলেন,—তোমার মা-ঠান এলে বলিস্ নি যে, আমি তাঁর খোজ নিচ্ছিলুম,—তিনি গেছেন কোথায়।

ভূত্য 'ফ্যান্সফাল্' করিয়া তাঁহার দিকে তাকাইয়া রহিল।

নীলাম্বু একটু উচ্চকণ্ঠে পুনরায় বলিলেন,—বুঝেছিচ্ তো? না, শুধু শুধু বোকার মত 'হা' কোরে তাকিয়ে থাকবি।

কলের পুতলিকার গায় সে অক্ষুটভাবে উত্তর করিল—হা।

### দুই

অতঃপর চা পানের পর একাকী ওই নির্জন বাটীতে কি করা যায়?—নীলাম্বু তাহাই ভাবিতে লাগিলেন। তাঁহার মনে তখন জাগিতেছিল,—স্ত্রী-স্বাধীনতা

আন্দোলনের পরিণাম কি এমনইতর অশাস্তিকর, না তাহার সন্ধীর্ণ চিত্তের জন্মই তিনি শুধু অশাস্তি উপভোগ করিতেছেন? সহসা তাঁহার মনে পড়িয়া গেল,—স্ত্রী-স্বাধীন আমেরিকা ও ইউরোপের কথা। সেখানকার পুরুষরাও তো বিবাহের নামে শত হস্ত পিছাইয়া পড়ে বটে, কিন্তু তাহার কারণ কি, ওই জন্মই, না অন্য কিছু?

একঘোড়া চড়ুই পক্ষী কিচিরমিচির করিয়া কলহ করিতে করিতে সহসা তাঁহার শয্যার উপর গিয়া পড়িল। তাহাদিগের কলরবে আকৃষ্ট হইয়া দৃষ্টিপাত করিতেই নজরে পড়িল,—শয্যার পড়িয়া থাকা একখানা রঙিন ছাওবিলে। দূর হইতে বড় বড় অক্ষরের লেখা দেখা যাইতেছিল,—'স্বপ্নরূপ টকি'।

অরিং-গতি উঠিয়া পড়িয়া ছাওবিলখানা হস্তগত করিয়া তিনি পাঠ করিলেন,—'স্বপ্নরূপ টকি'তে গ্রেটা-গার্কোর 'ফ্রেণ্ডস্ কিম্' নামক উচ্চ-প্রশংসিত অপূর্ণ রোমান্টিক ছবি অদ্য হইতে প্রদর্শিত হইতেছে।

'ফ্রেণ্ডস্ কিম্' নামক উপাখ্যানখানা তাঁহার পড়া আছে। সিনেমা বক্সের উপর অক্ষকারে বসিয়া বন্ধুর সহিত বন্ধু-পত্নীর প্রণয়োপাখ্যান হইতে গল্পটি আরম্ভ। কে যেন তাঁহাকে বলিয়া উঠিল,—ছিঃ!

পদকে হাঁক দিয়া ডাকিলেন। জিজ্ঞাসা করিলেন,—হ্যারে, এ কাগজখানা এখানে কে আনল রে?

—আজ্ঞে, বাবু, আমি তো আনি নি। মনে পড়ে সবুবাবুর হাতে অমনিতির রঙিন কাগজ একখানা ছিল।

নীলাম্বুর মনের ফাঁকে সহসা যেন বিদ্যুৎ খেলিয়া গেল। বলিয়া উঠিলেন,—ওঃ!

তাঁহার স্থির শরণা জন্মিল,—ঠিকই হইয়াছে, উহার দুইজনে ওই ছবিখানা দেখিতে তিনটার 'শো'য় নিশ্চয়ই গিয়াছে।

রিষ্টওয়াচটার দিকে তাকাইয়া দেখিলেন,—সন্ধ্যা প্রায় পৌনে ছ'টা বাজে, এতক্ষণে তো 'শো' শেষ হইবারই কথা। তবে?...

'শো' দেখিবার পরই হয়ত তাহারা আর কোথাও বেড়াইতে গিয়া বসিবে। আর তিনি একটা সুন্দর সন্ধ্যা



একাকী বৃথাই নষ্ট করিবেন। তাঁহার বুকখানা যেন সহসা টন্টন্ করিয়া উঠিল।...

কিন্তু কোথায় গেলে তাহাদিগের সাক্ষাৎ পাওয়া যাইতে পারে? তাঁহার ইচ্ছা হইতেছিল, এই মুহূর্তেই নীলিমাকে ধরিয়া জিজ্ঞাসা করেন,—তাঁহার সঙ্গ-বিবৰ্জিত হইয়া ‘টকি’ দেখার আনন্দটুকু কী সম্পূর্ণ উপভোগ করিতে পারে, না সত্যই করিয়াছে সে?

ক্ষিপ্ৰহস্তে ধূতি পিরহান্ পরিয়া ছড়ি হস্তে ট্যাক্সি ডাকিয়া নীলাম্বু ‘স্বপ্নরূপ টকি’র উদ্দেশ্যে যাত্রা করিলেন।

### তিন

ট্যাক্সিখানা ‘টকি’র দ্বারদেশে উপস্থিত হইবামাত্র তাঁহার যেন মনে হইল—সুকুমার নীলিমার কোমল বাহু ধারণ করিয়া ফুটপাথের অপর পার্শ্বস্থ একটা মটরে গিয়া উঠিয়া বসিল। ‘ফ্রেণ্ডস্ কিস্’ ‘শো’ দেখিবার পরই ঐরূপ বাহুদেশ ধারণ! দেহের সমস্ত রক্ত যেন তাঁহার মাথার উপর চন্ট্‌চন্ট করিয়া চড়িয়া বসিল।

সুকুমারদিগের গাড়ী হইতে নীলাম্বুর গাড়ীর মধ্যে বিস্তর মটর, রিক্সাদির ব্যবধান। তদুপরি ট্রাম, বাস পার্শ্বদেশ হইতে ঘনঘন যাতায়াত করিতেছে। ফুটপাথের উপর দিয়া পদব্রজে যাইতে গেলেও বিস্তর পথচারীদের জনতা সহ্য করিতে হয়।

‘শো’টা যে মাত্র কয়েক মিনিট আগে শেষ হইয়া গিয়াছে, তাহা তাঁহার আর বৃথাই বাকী রহিল না। তবু ভাল যে—দেখা পাওয়া গিয়াছে। কিন্তু বড়ই বিসদৃশ অবস্থার মধ্যে যে!

জনতার মধ্যে চীৎকার তুলিয়া ডাকা বড়ই অভদ্রতা-জনক,—নীলাম্বু মস্তকের উপর সিঁদুর রুমালখানা উড়াইয়া নীলিমাদের দৃষ্টি আকর্ষণের চেষ্টা করিলেন। কিন্তু বৃথা! বোধ হইল নীলিমার একবার দৃষ্টি পড়িল বা, কিন্তু সে গ্রাহ্যও করিল না।

‘হুড’-ফেলা অন্ধকারময় মটরের গদীর উপর উভয়ে বসিয়াই সহসা যেন অটহাস্ত করিয়া উঠিল।

এ কী স্বেচ্ছাকৃত বিক্রম,—না তাঁহার অস্তিত্বের

অসম্ভাবনায় উভয়ের মধ্যস্থ প্রাণখোলা আনন্দ-বিকাশ? কে জানে!

নীলাম্বু স্বচক্ষে দেখিলেন,—নীলিমা যেন হাসিতে উছল হইয়া সুকুমারের গায়ের উপর প্রায় ঢলিয়া পড়িয়াছে। কী বিড়ম্বনা! এটুকু পর্য্যন্তও তাঁহাকে দেখিতে হইল!

ভদ্রতার মাথা খাইয়া নীলাম্বুর মুখ হইতে সহসা বাহির হইয়া গেল,—সুকুমার! সুকুমার!

জনতার দৃষ্টি সহসা তাঁহার দিকে আকৃষ্ট হওয়ায় মস্তক অবনত করিয়া জনতা ঠেলিয়া তিনি অগ্রসর হইতে চেষ্টা করিলেন। মনে হইতেছিল,—তিনি জনতার চাপে ওই দণ্ডেই নিষ্পেষিত হইয়া যাইবেন।

হ্যাঁ, এতক্ষণে তাঁহার অস্তিত্বটুকু তাহাদিগের মনে জাগিয়াছে নিশ্চয়ই। ওঃ ‘ফ্রেণ্ডস্ কিস্’ কী জঘন্য ছবিই না হইবে উহা!

নীলিমাদের গাড়ী ধরিবার পূর্বেই, ‘ঘস্ ঘস্ গৌ—ও’ শব্দে গাড়ীখানা সহসা দৃষ্টির বাহির হইয়া গেল।

এতক্ষণে ফুটপাথের জনতা কিঞ্চিৎ পাতলা হইয়া আসিয়াছিল। সজোরে সম্মুখস্থ দুই একজনকে ঠেলিয়া আসিয়াই তিনি একটা ট্যাক্সিতে উঠিয়া পড়িলেন। ট্যাক্সি-চালক সরোষ আদেশ শুনিল,—চালাও, ঐ নীল মটর ধরা চাই।

মোড় ঘুরিবার পূর্বেই নীলিমাদের গাড়ী দৃষ্টি বহির্ভূত হইল। ট্যাক্সি-চালক প্রশ্ন করিল,—উ গাড়ী তো ভাগা, আন্সি কাঁহা যায় গা?

নীলাম্বু উত্তর করিলেন,—পোলক্ স্ট্রীট—নং ...

### চার

যথাসময়ে সুকুমারের বাটীর দ্বারদেশে আসিয়া গাড়ী থামিল। তিনি ক্ষিপ্ৰপদে মটর হইতে নামিয়া পড়িলেন।

সুকুমার অবিবাহিত;—একাকী একটা ভূত্যসহ নীচের দুই কামরা ঘর ভাড়া লইয়া বাস করেন। উপরের কোঠাগুলিতে বাড়ীওয়ালা জগদীশবাবু সম্মীক বাস



করেন। জগদীশবাবুর ঘরগুলি বিজলীবাতির আলোয় আলোকময়; কিন্তু স্বকুমারের ঘরগুলি শুধু অন্ধকারময় নহে,—তাঁহার সদর দ্বার পর্য্যন্ত ভিতর হইতে বন্ধ।

এইবারে উহারা যাইবে কোথায়? নিশ্চয়ই সন্ধ্যার অন্ধকারে উহারা এইখানেই লুকাইয়া আছে। আবার শুধু তাই? হয়ত নিষিদ্ধ প্রেমালাপও চলিতেছে বা! কী উৎসব্ধকর ও 'টকি'গুলা! আজই কি না তাহাদিগকে ওই ছবিগানা দেখাইয়াছে তাহারা? কী ভয়ানক!

কম্পিতকণ্ঠে নীলাম্বু হাঁকিলেন,—স্বকুমার! স্বকুমার! স্বকুমার! 'কাক্স পরিবেদনা',—কেই বা সাড়া দেয়?

বটে! তাহারা অন্ধকারে লুকাইয়া প্রেমালাপ করিবে, আর তিনি কি না বাহিরে দাঁড়াইয়া দাঁড়াইয়া শুধু মুহূর্ত্ত গণিবেন?

সরোষে ভীম-শব্দে তিনি পুরাতন কবাট জোড়াটার উপর হস্তপদ চালাইতে লাগিলেন। বেচারী কবাট!

লাথি-কিল চড়-ঘুসির চটাপট শব্দে জগদীশবাবু দোতলার জানালা হইতে হাঁকিলেন,—কে? কে? কে মশাই আমার দরজা-জানালা ভেঙ্গে ফেললেন?

সহসা সচকিত হইয়া নীলাম্বু স্থির হইয়া উত্তর করিলেন,—এই দেখুন না মশাই, স্বকুমারবাবু ঘরে লুকিয়ে বসে আছেন,—এত ডাকছি তবু উত্তর দিচ্ছেন না।

সরোষে জগদীশবাবু উত্তর করিলেন,—জবাব দিচ্ছেন না বোলে মশাই, আপনি আমার কবাট জোড়াটা ভেঙ্গে ফেলবেন না কি?

উভয়ের কথা কাটাকাটিতে ইতিমধ্যে পথে দু'-একটা লোক জমিতে স্ক্রু করিল। রাস্তার অপর পার্শ্বস্থ ফুট-পাথের উপর বসিয়া স্বকুমারের ভৃত্য মিঠু কোন্ দেশ-ওয়ালার সহিত আলাপ করিতেছিল। জনতা জমিতে দেখিয়া সেও আসিয়া পড়িল। নীলাম্বুকে মিঠু চিনিত; সে তাঁহাকে অভিবাদন করিয়া সম্মুখে দাঁড়াইল।

মিঠুর অভিবাদনও বুঝি বা স্বকুমারের শিখান অভিনয় মাত্র।

সন্ধ্যাে কম্পিত-কণ্ঠে নীলাম্বু বলিলেন,—দরজা খোল, তোর বাবুকে এখনই চাই।

মিঠু ত্বরিত-গতি অন্তলোকের বাটীর ভিতর দিয়া গিয়া সদরের দ্বার ভিতর হইতে খুলিয়া দিতে দিতে বলিল,—বাবু তো সেই ছুটোয় বেরিয়েছেন, এখনও ফেরেন নি হুজুর। বোস্বেন কি?

মিঠুর অপেক্ষা না করিয়াই নীলাম্বু 'সুইচ' টিপিয়া আলো জালিলেন। যেন বড় পরিশ্রম হইয়াছে, এই অচ্ছিন্ন স্বকুমারের শয়ন-কক্ষে প্রবেশ করিয়াই আবার একটা 'সুইচ' জালিলেন। শয্যার দিকে তাকাইয়া বুঝিলেন,—উহা রচিত হইবার পর এ যাবৎ পর্য্যন্তই অ-কলুমিত রহিয়াছে। তবে?

ইতিমধ্যে জগদীশবাবু উপর হইতে হাঁকিলেন,—মিঠু! অ মিঠু! বাবুটীক বসিয়ে রাখ, আমি যাচ্ছি, গিয়ে দেখতে চাই উনি কত বড় লোক—আমার দরজা জোড়টা ভাঙলেন কেন, আর কতখানি?

স্বকুমারের কক্ষ দুইটা তীক্ষ্ণ দৃষ্টিতে পর্য্যবেক্ষণ করিয়া তাঁহার মনে হইল,—নীলিমারা এখানে নাই। অতএব আর বৃথা অপেক্ষা করিয়া লাভ কী? ইতিমধ্যে জগদীশবাবু হাঁক-ডাক শুনিয়া তাঁহার ভয় হইল,—কি জানি, ভদ্রলোক আসিয়া এখনই যদি কোনও হাঙ্গামা সতাই বাধাইয়া বসেন।

নীলাম্বু ত্বরিত-পদে স্বকুমারের গৃহ হইতে রোয়াকে নিষ্ক্রান্ত হইলেন এবং সদর-পথে অবতরণ করিবার জন্ত উচ্চত হইয়াছেন, ঠিক এমন সময়ে জগদীশ নীচে নামিয়া আদিয়াই তাঁহাকে চলিয়া যাইতে দেখিয়া বিরাট বপু আন্দোলিত করিয়া ছুটিতে ছুটিতে বলিলেন,—দবু, দবু, লোকটা পালায়। পুলিশ! পুলিশ!

নীলাম্বু আর যায় কোথায়? তিনিও ছুটিতে আরম্ভ করিলেন।

জগদীশবাবু ছুটিতে গিয়া রোয়াকের উপরিস্থ পিচ্ছিল রসাল আশ্রবীজের উপর পা দিয়াই ভীষণ শব্দে পড়িয়া গেলেন। তাঁহার দেহে বিষম চোট লাগিল। অর্ধফুট-স্বরে কিন্তু বলিতেছিলেন,—পুলিশ! পুলিশ! শা' পালায়...

এতক্ষণে নীলাম্বু গাড়ীতে উঠিয়াই চম্পট দিয়াছেন।



খানিকদূর ট্যাক্সিখানা উর্দ্ধ্বাসে ছুটিবার পর চালক জিজ্ঞাসা করিল,—কাঁহা যায় গা বাবু?

স্বাধীনতা-সঙ্ঘের সভ্য হইলেও নীলিমার কাণ্ড-কারখানা তাঁহার চিন্তে একটা অকরণ বিশ্রীভাব জাগাইতেছিল এবং তত্পরি সহসা একটা বিসদৃশ অবস্থা-বিপর্যয়ের মধ্যে তাঁহাকে রণে ভঙ্গ দিয়া পলাইতে হইয়াছিল বলিয়া তাঁহার উত্তপ্ত মস্তিষ্কে যেন ‘বিস্মৃতিয়াসে’র লীলা চলিতেছিল। কী ভীষণ দাহকর আব সে!

বাটা ফিরিয়া গেলে জগদীশ যদি পুলিশ-সহ আসিয়া তাঁহাকে ধরে,—তাহা হইলে? ভাবিয়া তিনি স্থির করিতে পারিলেন না,—কোথায়ই বা যাওয়া যায়। আবার মটর-চালক প্রশ্ন করিল,—কাঁহা যায় গা?

জোভে, দুঃখে, ভয়ে উত্তপ্ত মস্তিষ্কপ্রসূত বাণী বাহির হইয়া গেল—চুলোয়!

মোটর-চালক পাঞ্জাবী,—মাত্র কয়েক মাস হইল দেশ হইতে কলিকাতায় আসিয়াছে। চুলো কথাটা কয়েকবার শুনিয়াছেও সে। চুলোকে সে চুল্লীর সামিলই করিয়া রাখিয়াছে। কয়েকটা বাঙ্গালী ড্রাইভারকেও সে নিমতলা ঘাটের চুলোয় যা’ বলিতে শুনিয়াছে। অতএব সে আর বাক্যব্যয় না করিয়া নীলাম্বুর আদিষ্ট চুলোর দিকে গাড়ী চালনা করিয়া দিল।

যথাসময়ে নিমতলা ঘাটের সম্মুখে আসিয়াই সে গাড়ী চালনা বন্ধ করিয়া দিয়াই বলিল,—বাবু, চুলামে আয়া।

রাত্রির অন্ধকারে মুখ বাড়াইয়া নীলাম্বু ঠাহর করিতে চেষ্টা করিলেন, কিন্তু স্থানটা সম্যক হৃদয়ঙ্গম করিবার আগেই অন্ধমনস্কভাবে বলিয়া উঠিলেন,—এ আবার কোন্ চুলোয় রে?

—কহে বাবু, নিমতলা ঘাটকা চুল্লী?

এত অশাস্তির মধ্যেও নীলাম্বুর ওষ্ঠদ্বয় হাস্তে বিক্ষারিত হইয়া গেল। চালক ভাবিল,—এমন সময়দার না হইলে কী ট্যাক্সি চালান যায়?

সময় কাটাইবার জন্ত নামিয়া পড়িয়াই সর্ব্ব দুঃখ-প্রশমক, মহাসাম্যকর ভাগিরথী-বিদ্যোত পুত স্থান দেখিতে নীলাম্বু চলিলেন।

চালক গাড়ীর ‘ষ্টার্ট’ বন্ধ করিয়া ছায়ায় মত তাঁহার পশ্চাৎ পশ্চাৎ চলিল,—কি জানি, সম্ভ্রান্ত হইলেও আরোহী যদি কদলী প্রদর্শন করে।

চিন্তামগ্ন নীলাম্বুকে নিশ্চল থাকিতে দেখিয়া, চালক পার্শ্বে আসিয়া তাগিদ করিল। নীলাম্বু আবার ফিরিলেন। মটর আবার নিক্রন্দেণ যাত্রায় চলিল।

পথে চালক আবার প্রশ্ন করিল—কাঁহা যায় গা, বাবু?

এবার আর নীলাম্বুর চুলোয় যাইতে বলিতে সাহস হইল না। পথের আলোয় রিটেওয়াচ নির্দেশ করিল রাতি দশটা।

নীলাম্বু ভাবিলেন, তখনও বাটা প্রত্যাগমন করা নিরাপদ নহে, পুলিশ আসিয়া ধর-পাকড় করিলে জাগ্রত প্রতিবাসীদের মধ্যে ছলস্থূল বাধিয়া যাইবে। নীলাম্বু বলিলেন,—আমহাঁষ্টে ষ্ট্রীটে চলো, সুনীলবরণ উকীলবাবুর বাড়ী।

## পাঁচ

.....উকীলবাবু যখন বৈঠকখানার লোকদিগকে বিদায় দিয়া বিশ্রামের জন্ত অন্দর প্রবেশের চেষ্টায় ছিলেন, এমন সময়ে ‘গুড্ ইভিনিং’ বলিয়া নীলাম্বু প্রবেশ করিলেন।

কলেজের সহপাঠী বন্ধুর সহিত শিষ্টাচারে খানিকটা সময় ব্যয়িত হইবার পর, নীলাম্বু বলিলেন,—দেখো ভাই, আজ এক বন্ধুর বাড়ীতে গে তার সদর ভেতর থেকে বন্ধ দেখে, অনেক ডাকবার পরও সাক্ষা না পেয়ে দরজায় খুব ধাক্কাধাক্কি করি, ফলে পুরাণো কবট জোড়াটা ভেঙ্গে যাওয়ার মতন হোয়ে ওঠে, এই না শুনে দোতারা থেকে বাড়ীওয়ালা ছুটে আসে পুলিশ, পুলিশ করে—আমি পালাই। ছোটবার সময় বাড়ীওয়ালা ভাই পা পিছলে পড়ে গে বিস্তর চোট খেয়েছে, দূর থেকে দেখি রক্তও বেরুচ্ছে। চেনা বন্ধুর চাকরটা আমার বাড়ী চেনে। কাজে ভয় হচ্ছে,—পুলিশ না এসে আমার বাড়ী ঘেরাও কোরে বসে থাকে। ভয়েতে ভাই আমি বাড়ীর ধারে মোটে যেতেই পাচ্ছি না। পথে পথে মোটরে খুব বেড়াচ্ছি—শুধু এখন উপায় কী কি করা যায়, বল?



—ওঃ, এই? এ আবার একটা ‘কেস’—এর জন্তে আর ভাবনা কি বন্ধু? তোমার সে বন্ধুটি যদি থানায় গে নালিশ করেন, তবেই ‘কেস’ হলে হতে পারে। নয়ত এমনে তো পুলিশ আসবেই না, কারণ তুমি তো বাড়ী-ওয়ালাকে ফেলে দাও নি যে, তার নালিশে পুলিশ তোমায় ধর্ত্তে আসবে?

—তা’ বন্ধুটি এখন কি করেন তা’তো বুঝতে পারছি না। তা’ ভাই, তুমি এক কাজ কর, আমার সঙ্গে একবারটা আমার বাড়ী চল—মোটর তো সঙ্গেই আছে আমার। যদি কোন পুলিশ হাঙ্গামা হয়, তুমি থাকবে দেখবে এখন। তুমি ব্যবসাদার মানুষ, তোমার ‘ফি’টা আমি দিয়ে দিবো নিশ্চয়ই,—সে বিষয়ে কিস্ত করবার কিছু নেই মনে রেখো।

—ওঃ নীলু! তোমার কাছ থেকে যদি ফি না নিলে আমার ব্যবসা অচল হয়, তা’ হলে বরং ব্যবসাটা তুলে দিলেই ভাল হয় না? তবে সময়টা বড় অসময়, এখন আমি বিশ্রাম করতে যাচ্ছিলুম এই ঘা’—খাওয়া হয় নি এখনো।

—তা’ বুঝেছি তোমার কষ্ট হবে এ সময়ে। তা’ বন্ধুর জন্তে আধঘণ্টাটাক সময় নষ্টই কর এই আমার অনুরোধ, কি আর বলব বল? তুমি বন্ধু বলেই তোমার কাছে এলুম, নয়ত ফি দিলেও এত রাত্রে হয়ত কেউ যেতে চাইবে না ভাবলুম। তুমি আমার অনুরোধটুকু রাখবে, এটুকু আশা করতে পারি।

—তবে আর কি কোরব বল। বন্ধুর অসময়ে দেখার নামই হচ্ছে যখন বন্ধুত্ব, তখন চলই দেখা যাক।

উভয়ে মটরে গিয়া উঠিলেন।

### ছয়

বাটীর সম্মুখে গাড়ী দাঁড়াইলে নীলাধু অগ্রে নামিতে সাহস করিলেন না, সুনীলবরণকে এক রকম জোর করিয়া নামাইয়া দিয়াই, গাড়ীর অন্ধকারে চুপিচুপি বলিলেন,—তুমি বরং চারিদারটা ঘুরে দেখে এস, কেউ কোথাও আছে কি না।

বন্ধুর খাতিরে উকীলবাবুটিকে গোয়েন্দাগিরিও করিতে

হইল। কিছুক্ষণ পরে সুনীলবরণের আস্থানে নীলাধু গৃহ-প্রবেশ করিলেন। পশ্চাৎ হইতে মটর-চালক হাকিল,—বাবু, ভাড়া?

ফিরিয়া দেয়াশলাই কাঠি জালিয়া নীলাধু দেখিলেন—মতের টাকা চোদ্দ আনা।

ওঃ, এতগুলি টাকা ভাড়া উঠিয়াছে! সঙ্গে তো তাঁহার এত টাকা নাই। একমাত্র নীলিমার কাছেই মাহিনার টাকা সমস্ত জমা পড়ে। সে যদি এতক্ষণে নাই-ই আসিয়া থাকে?—

মোটর-চালককে আশ্বাস দিয়া বন্ধুকে বৈঠকখানা-ঘরে বসাইয়াই নীলাধু চলিলেন নীলিমার অন্বেষণে। পথে পদের সহিত তাঁহার সাক্ষ্যৎ। নীলাধু উৎকণ্ঠিত কণ্ঠে জিজ্ঞাসা করিলেন,—তোর মা-ঠান ফিরেছেন?

—আজ্ঞে হাঁ।

—কখন?

—আপনি চলে যাবার আধঘণ্টা বাদেই।

ওঃ, তবে ‘শো’ দেখার পরই ফিরিয়াছে সে। তবে তিনি বুখাই স্কুয়ারের বাটী গিয়া অনর্থক একটা ফ্যাসাদ জুটাইয়া বসিয়াছেন, ফলে কপালে ঘটিয়াছে পুলিশের জন্ত উৎকণ্ঠা এবং অর্থদণ্ডও? হায়!

ইজিচেয়ারে শায়িতা, উপন্যাস-পাঠে-রতা নীলিমাকে দেখিয়া নীলাধু প্রশ্ন করিলেন,—এই যে! তুমি এখনও ঘুমোয় নি যে?

নীলিমা নিকন্তর। তাঁহার মুখভঙ্গী দেখিয়া মনে হইল,—তিনিও যেন অস্বতর্পে ফুসিতেছেন। ইতিমধ্যে মটর-চালক হাকিল,—বাবু, ভাড়া?

মটর-চালকের তাড়নায়, অস্ত্র প্রসঙ্গ নীলাধুর মনের মধ্যেই রহিয়া গেল। নীলাধু বলিয়া ফেলিলেন,—শীগগির গোটা পঁচিশ টাকা দাও তো মটর ভাড়া দেবো, কাল তোমায় দেবো অর্থন।

নীলিমার ক্ষীত অধর দেশ সহসা বিস্ফারিত হইল। নীলাধু সরোষ গর্জন শুনিলেন,—এখানে কি টাকার গাছ পোতা আছে যে, রাত বারোটা পর্য্যন্ত ইয়াকি মেয়ে, অধীরাকে নে ‘জয়-রাইড’ কোরে আসবেন বাবু, আর আমি



গুণব তার খরচ? লজ্জা করে না? চলে যাও আমার সম্মুখ থেকে।

—হা ভগবান্! এই বদনাম ছিলো আমার কপালে? কোথায় আমি তোমার আর স্নকুমারের খোঁজে সারা কোল্কেতাগয় ঘুরে বেড়িয়েছি, আর কোথায় কি না, বদনাম দিচ্ছ অধীরার সঙ্গে ‘জয়-রাইডে’ রাত কাটিয়েছি বোলে?

অধীরা হইতেছে,—নারী-স্বাধীনতা-সঙ্ঘের অপর একজন পুরাতন কুমারী-সভা। এই অধীরার সহিতই নীলাম্বর বিবাহের পূর্বে রীতিমত কোর্টসিপ্ চলিতেছিল বলিয়া বাজারে গুজব। পরে নীলাম্বর নিষ্ঠাবান্ হিন্দু পিতার আগ্রহাতিশয্যে তাঁহার পরিণয় সজ্জাঠন হয় নীলিমার সহিত। নীলিমা ছিলেন,—নিতান্ত নিষ্ঠাবান্ হিন্দু গৃহস্থের সুরূপা কন্যা। বিবাহের পর, সংজ্ঞার সভ্যা হইয়া তাহার ওই রূপই পরিণতি ঘটয়াছিল।

নীলিমা বলিলেন,—তুমি শপথ কোরে বলছ যে, অধীরার সঙ্গে জয়-রাইডে কাটাও নি এতক্ষণ?

না, না, না। এই দিকি গাল্ছি,—না। বিশ্বাস করো। ভাল বিপদ! আবার কি না উলটা চার্জও!

নীলিমা নীলাম্বর আপাদমস্তক তীক্ষ্ণ পর্যবেক্ষণ করিয়া বলিলেন,—তোমার দিকি আমি বিশ্বাসই করি না। একগলা গঙ্গাজলে বসে বসেও,—না।

মটর-চালক পুনঃপুনঃ ‘হণ’ দিয়াও ফল না পাইয়া পুনরায় চীৎকার করিল,—বাবু! বাবু! বাবু!

বাক্যব্যয়ে কাল কৃটাইবার অবসর না পাইয়া নীলাম্বর ঝটতি চেক বইখানা বাহির করিয়াই বৈঠকখানা ঘরে ছুটিলেন। কি জানি চেক বইখানা শুদ্ধ যদি নীলিমা কাড়িয়া লয়েন রাগের মাথায়!

পঁচিশ টাকার একখানা চেক সুনীলবরণের নাম বরাবর লিখিয়া দিয়া নীলাম্বর বলিলেন,—ভাই, বাড়ীতে এসেও সত্যি সত্যি বিপদে পড়েছি। আমার স্ত্রী বলেন, আমি না কি কোন্ এক কুমারীকে নিয়ে ‘জয়-রাইডে’ বেড়িয়ে বেড়িয়েছি। সেইজন্তে মটর ভাড়াটুকুও দেবেন না। কাজেই এ বিপদের সময় তোমার বন্ধুতার দোহাই

দিয়ে তোমার ওপর নির্ভর করছি। শুধু তুমি আজকের ওই ড্রাইভার বেটাকে কোনও গতিকে,—নিজের কাছ থেকে টাকা দিয়ে বিদেয় কোরে দাও। কাল সকালে চেকখানা ভাঙ্গিয়ে নিও এখন।

বৈঠকখানার পার্শ্বে আসিয়া নীলিমা আড়ি পাতিয়া এতক্ষণ সব শুনিতেছিলেন। সহসা উভয়ের সম্মুখে আসিয়া নীলিমা বলিলেন,—আপনি যেই হোন না কেন মশাই, আপনাকে ঠুর বন্ধু বোলেই মনে কোরে জিজ্ঞেস করছি,—আচ্ছা, বলুন দেখি এত রাত্তির পর্যন্ত কোনও ভদ্র লোক পথে পথে শুধু শুধু ঘুরে বেড়িয়ে অত টাকা মটর ভাড়া দেয়, যদি না সঙ্গে কোনও স্ত্রীলোক থাকে?

সুনীলবরণ হোহো করিয়া উচ্চৈঃস্বরে হাস্য করিয়া উঠিলেন, তৎপরে বলিলেন,—মিসেস্ চন্দর, আমি আপনার স্বামীর বাল্যবন্ধু, আমি জানি, উনি সেরকম প্রকৃতির লোকই নন।

নীলিমা,—তবে কি বোলতে চান,—আমারই যত দোষ?

সুনীলবরণ,—না, তা বলব কেন?—শুনেছি না কি আপনারা উভয়েই নারী-স্বাধীনতা-সঙ্ঘের সভ্য।

নীলিমা—হ্যাঁ, তা’তে আর হয়েছে কী?

সুনীল,—তাই যদি হয়, তবে অপর নারীর স্বাধীনতা সম্বন্ধে বাধা দেওয়াও যে আপনাদের উভয়ের পক্ষে অন্যায়, সজ্জা নিয়ম বিরুদ্ধ, এটা ঠিক নয় কি?

নীলিমা—তাই বোলে কি বোলতে চান,—আমার বর্তমানে, আশায় অপমান কোরে উনি অন্য নারীতে অতুরক্ত হবেন, আর আমি চূপ থাকব?

সুনীল—আমি জানি, আজকের রাতে উনি ওরকম কোনও দুর্কার্যে লিপ্ত ছিলেন না। তবু যদি উনি সত্যিই ওরকম কিছু করেন, তা হলেও সঙ্ঘের নিয়ম ভঙ্গ কোরে আপনার ওরূপ যস্তব্য প্রকাশ করা উচিতই হয় না—বুঝেই দেখুন না? আমি অশিশি আপনাদের সঙ্ঘের নিয়ম-কাছন সব জানলেও, ওর সভ্য নই,—এই-ই যা আমার দুর্ভাগ্য!

—বাধা দিয়া নীলাম্বর বলিলেন,—(বন্ধুর দিকে



তাকাইয়া ) দেখলে তো ভাই আমি কি তোমার সম্মুখে, ওর অবাধ স্বাধীনতা সম্বন্ধে কোনও দোষারোপ করেছি ?

সুনীল,—ওঃ, তবে তুমিও ওই রকম একটা দোষারোপ মিসেস্ চন্দরের ওপর দিতে চাও ; অন্ততঃ, মনে মনেও এখন বুঝেছি ট্যাক্সি ভাড়ার কারণটা কী ?

নীলাম্বু মুষ্টি-বদ্ধ করিয়া বলিলেন,—মনে মনে চাইলেও আমি পুরুষ বন্ধুর সম্মুখেও অন্ততঃ আমার স্ত্রীর নামে কোনও দোষারোপ করতে চাই নে,—দোষারোপ করাটাকে আমি আত্ম-অপমানকর বোলেই মনে করি।

ইতিমধ্যে মটর-চালক আবার হাঁকিল। সুনীলবরণ উঠিয়া পড়িয়াই যাইতে যাইতে বলিলেন,—দেখুন, আপনারা উভয়েই ওই সজ্জটা ত্যাগ করুন, তবে যদি পরস্পর পরস্পরের বিশ্বাসটুকু ফিরে পান। সজ্জটা যুবক-যুবতীদের ছেলেখেলা বই আর কিছু আমার মনেই হয় না। বিশুদ্ধ দাম্পত্য-প্রেমের পক্ষে ওটা শুধু অপমানজনক নহে,—ওটার হস্তারকও।

নীলাম্বু সাগ্রহে বলিলেন,—তুমি যা' বলেছ ভাই। ওই অতগুলো টাকার বিনিময়ে আমিও আজ এই সত্য-টুকুর অভিজ্ঞতা লাভ কোরেছি। ভগবানকে ধন্যবাদ !

সজ্জ-ত্যাগে নীলাম্বু যদি অধীরার সঙ্গ বিচ্যুত হয়েন, তাহা হইলে নীলিমার পক্ষে মন্দই বা কি ? সেও তো একটা বিরাট অশান্তি হৃদয়ে পোষণ করে।

নীলিমাও সানন্দে বলিলেন,—বেশ ত, আমিও সজ্জ ত্যাগ কোরতে খুব রাজী আছি—যদি উনি শপথ করে বলেন যে, ভবিষ্যতে অধীরার সঙ্গে আর তেমন করে অন্তরঙ্গতা রাখবেনই না উনি ?

তাই হবে নীলু তাই-ই হবে। এসো, বড্ড রাত হয়েছে, বলিয়া নীলাম্বু নীলিমার হস্তধারণ করিয়া সুনীলবরণকে বিদায়-জ্ঞাপন করতঃ অন্তঃপুরে প্রবেশ করিলেন। নীলিমার অদর্শনে যে মেঘ নীলাম্বুর চিত্তে জমাট হইয়াছিল, তাহা বুঝি এতক্ষণে উড়িয়াই গেল...

পথে যাইতে যাইতে সুনীলবরণের মনে প্রশ্ন জাগিতে-ছিল—সভ্যতার পূর্ণ আলোক পাইয়া এবং স্বাধীন প্রেমের সুযোগ লাভ করিয়াও এই সব দম্পতী সাংসারিক শাস্তি-লাভ করিতে পারেন না কেন, ইহাই আশ্চর্য লাগে !

শ্রীআশুতোষ ঘোষ





## বাতাস দিল দোল

শ্রীশচীন্দ্র বসু

এমন অনেক ঘটনা জগতে ঘটে থাকে দৃশ্যতঃ যার কোনো কারণ নেই,—জল পড়া, পাতা নড়ার মত যা সহজ নয়। নভেলের অনেক ব্যাপার আমরা অসম্ভব বলে বিশ্বাস কোরতে চাই না, কিন্তু অনেক সময় চোখের সামনে এমন কিছু ঘটতে দেখা যায়, যা তার চেয়ে অবিশ্বাস্য, তার চেয়েও অহেতুক। যে জিনিষকে আমরা স্বর্গীয় বলে অভিহিত করে থাকি, হৃদয়ের কোমলতম অংশে যার স্থান, তার ফল যে কি রহস্যময় ও অচিন্ত্যনীয় হতে পারে একটি ঘটনায় আমি তাই বোলব। এখন স্পষ্ট অনুভব কোরতে পারি জীবনের স্বপ্ন শাস্ত্র প্রবাহের নীচে এমন অনেক আবর্ত আছে, যার খোঁজ আমরা নিজেরা জানি না, অথচ যা আমাদের ভাগ্য পরিচালনা করে।

তের চৌদ্দ বছর যখন বয়স,—সেই যখন কণিকা চ্যাপ্টা লম্বা বেগীটা কাঁধের ওপর দিয়ে বুকের ওপর ফেলে ভুরুর এক সুন্দর ভঙ্গীসহকারে নেচে বেড়াতে,—তখন থেকে মর্মরের সঙ্গে তার আলাপ। যৌবনের সঙ্গে সঙ্গে তার বালোর সে উচ্ছলতা কমে এসেছে। হয়তো বা কতকটা মর্মরের স্পর্শের প্রভাবে সে উৎসব এবং উদ্বেলতায় ততটা পছন্দ করে না। কোথাও বড় বেশী সে যায় না এক কলেজে ছাড়া। যখন বাড়ীতে বসে কাপড়ে ফুলতোলা বা ‘সঞ্চয়িতা’ থেকে টুকরো টুকরো কবিতা পড়া আর ভালো লাগে না, তখন সে চলে আসে মর্মরের কাছে। মর্মর থাকে সহরের এক অনাখ্যাত প্রান্তে একটা কাঠের বাড়ির দোতালার একটা একটা ঘরে। ঘরের একদিকে তার সামান্যতম আসবাব-পত্র নিতান্ত অগোছালভাবে ছড়ানো আর একদিকে দু’-তিনটি ছোট টুল, একটা ইঞ্জেল, তুলি, রং আর ক্যান-ভ্যাস। ঘরের সামনে ছোট্ট একটি বারান্দা। যেখান থেকে

দেখা যায় ধুলোভরা রাস্তাটা আর দূরের ধূম উদ্গীরণী কারখানার চিমনী। কণিকা যখনই আসে, দেখে ও বসে বসে তুলি চালাচ্ছে অথবা হয়তো জানালা দিয়ে চেয়ে আছে; তখন তার চোখ দু’টি দেখলে মনে হয় যেন ওর সমস্ত আত্মা ও ছড়িয়ে দিচ্ছে জগতে ওই চোখের মধ্য দিয়ে। তার চেহারা পাখিব অর্থে দেখতে গেলে সুন্দর নয়, মাঝারি রকম তার দৈর্ঘ্য, সাদা ফ্যাকাশে রং, তেলহীন চুলগুলি নিজেদের খুসীমত অবিগুস্ত হয়ে আছে। কিন্তু তার চোখ! আঃ, সে যখন চোখ তুলে তাকায়, তখন অন্তত মুহূর্তের জন্য নিজেকে ভুলে যেতে হয়,—তা’তে আকাশের স্নানীল কারুণ্য আর সমুদ্রের অতল রহস্য। তার এত সব যাবার জায়গা থাকতে কণিকা এখানেই অসতে ভালো-বাসে, অনেক সময় মর্মর টের পায় না তার আগমন, টের পেলে একটু হেসে বলে, বোসো—তারপর আবার নিজের কাজে মন দেয়।

কণিকা ঘরের ভেতর ঘুরে বেড়ায়, হয়তো বিছানাটা ঝেড়ে আবার পেতে দেয়, কাপড়টা কুঁচিয়ে রাখে, ওর আঁকা ছবিগুলি খুঁজে খুঁজে বের করে দেখে, অথবা হয়তো বসে থাকে শুধু চুপ করে। বেশী কথা কেউ বলে না, বেশী শব্দ কেউ করে না। এখানে এলে তার মনে হয়,—সে যেন বিশাল এক মাঠের প্রান্তে দাঁড়িয়ে অপর প্রান্তে সূর্যাস্ত দেখছে, আর কোথা থেকে যেন আসছে মৃদু ধূপের গন্ধ,—অজানিত অবাস্তব কোনো উৎস থেকে।

প্রভাতের সঙ্গে মর্মরের চেনা ছাত্রজীবনের আরম্ভে; মাঝের কয়েকটা বছর বাদ দিয়ে যৌবনের আরম্ভে পড়াশুনার ক্ষেত্রেই আবার তারা একত্রিত হয় এবং নিজেদের সম্পূর্ণ অলঙ্কিতে ওরা পরস্পরকে বন্ধু বীলে স্বীকার করে নেয়। কোনোদিন ওরা নিজেদের সে



মনোভাব অপরের কাছে উচ্চারণ করে নি, কিন্তু রক্তের উষ্ণ স্রোতে এক অদ্ভুত আকর্ষণ তারা অনুভব কোরতো। বাল্য-বন্ধুত্বের ভঙ্গুরতা ছাড়িয়ে এসে তারা বয়স্কতার প্রগাঢ় আত্মীয়তায় প্রতিষ্ঠিত হোলো।

তারপর মর্ষর চলে এলো তার কাঠের ঘরে, তার ক্যানভাস আর তুলির কাছে। প্রভাংশু এসে বোললো, চলুম বিদেশে বছর তিনের জন্ত, চিঠি লিখো।

মর্ষর বোললো, তার চেয়ে চিঠি না-লেখাটাই আমাদের মনে রাখার সূত্র হোক।

—ঠিক বলেছো, প্রভাংশু বোললো, চিঠি না-লিখলে যদি ভুলে যাই তো সে-ভোলায় দোষ নেই।

অনেকক্ষণ আকাশের দিকে চেয়ে থেকে অনামনস্ মর্ষর বোললো, ভোলা কি এত সহজ।

তার তিন বছর পর প্রভাংশু ফিরলো, সরকারী চাকরী পেল, কোলকাতায় বাসা কোরলো। কাঠের ঘরে মর্ষরের সঙ্গে সে দেখা কোরতে এল, তারপর প্রায় প্রতিদিনই সে আসতে লাগলো। সাধারণ বলা-কওয়া যখন শেষ হোলো, এল নিস্তরঙ্গতার পালা; দু'জনে বসে থাকতো চুপচাপ, আর তখন প্রভাংশু অনুভব কোরতো সেই পুরোণো আকর্ষণ, সেই রক্তের উষ্ণ তীব্র স্রোত যা তাকে ভাসিয়ে নিতো। এক-এক সময় সে অবাক হয়ে চেয়ে থাকতো মর্ষরের দিকে; ভাবতো, ও কি বুঝতে পারে, ও কি টের পায় এই রক্তের সূক্ষ্ম টান! কিন্তু মর্ষর চিরদিনের মতই নীরব, রহস্যময়।

এমনি এক সময় সে দেখলো কণিকাকে,—ধূপের গন্ধের মধ্যে নিজেকে মিশিয়ে দিয়ে যে স্নান সূর্যাস্ত দেখছে।...কণিকা চমকে উঠলো, পশ্চিমের লাল আকাশটা রংএর ভারে যেন ফেটে পড়তে চায়; উঃ কি উজ্জল, কি তীব্র সে রং! শারীরিক কোনো যন্ত্রণার মত সেই রং তার চোখকে আঘাত কোরলো, তার শাস্তি প্রাত্যহিক ধ্যান থেকে সে জেগে উঠলো। তার প্রতি দিনের গোধূলির সূর্যাস্ত দেখার ভেতর এ অতিজ্ঞতা তার হয় নি,—এত রং, এত তীব্রতা, এই আঘাত, এই জেগে ওঠা, এ তার কাছে নতুন। তার ধ্যান থেকে সে জেগে

উঠে দেখলো এই তীব্রতা, এই বিরাট উত্তেজনা সে এর আগে অনুভব করে নি।

আর প্রভাংশু যেন চলতে চলতে হঠাৎ ধাক্কা খেয়ে থমকে দাঁড়ালো। কোলাহলমুখর রাজপথ দিয়ে যেতে সে হঠাৎ এসে পড়লো কোন্ অজানা রহস্যময় রাস্তায়, যেখানে কোনো উৎসব নেই, চাকলা নেই, জনতা নেই,—মেখানে চোখের সামনে প্রাস্তরের শেষে স্নান সূর্য্য অস্ত যাচ্ছে। সে মুগ্ধ হোলো, কিন্তু এক অদ্ভুত আশঙ্কায় বিমর্ষ হয়ে উঠলো। এ কি যত্নের জগতে সে এলো! কিন্তু না, সে বাঁচাবে, এই স্রিয়মান অস্ত-জগতকে সে তার প্রাচুর্য্য দিয়ে বাঁচাবে, তার বাঁচার স্পর্শ দিয়ে সে এখানে উৎসব গড়ে তুলবে।

মর্ষর তখন কণিকার ছবি আঁকছে, তার প্রাণের সবটুকু রং দিয়ে। সামনের টুলটায় কণিকা বসেছিলো, তার হঠাৎ নড়ে ওঠা দেখে সে ফিরে তাকিয়ে দেখলো দরজায় প্রভাংশু দাঁড়িয়ে। সাধারণভাবে সে ওদের দু'জনের পরিচয় করে দিলো।...

...মর্ষরের ছবি আর অগ্রসর হচ্ছে না, কণিকা আজ কাল আর তত আসে না। কেন আসে না, ভাববার সময় তার নেই,—হয়তো পড়া শুনো, হয়তো সময়ভাব। সে সব চিন্তা মর্ষরের মনকে কোনদিন পীড়িত করে নি, কণিকাকে সে সূক্ষ্ম নৈর্ব্যক্তিকভাবে মেনে নিয়েছে।

দিন কতক পর একদিন সন্ধ্যায় এল কণিকা, গুরু চোখ দুটো যেন একটু অস্বাভাবিক স্নান। কিছুক্ষণ চুপ করে থাকার পর বোললো, তুমি কি রাগ করেছো?

—কেন?

—এ ক'দিন আসি নি বলে?

—না-না, মর্ষর হেসে বোললো, তারপর ছবির ঢাকনাটা তুলে বোললো, এসো।

—না, আজ থাক, আজ থাক, তুমি এখানে এসে বোসো।

মর্ষর ফিরে এলো, কণিকা দু'হাতের ভেতর মুখ ঢেকে বসে রইলো। অনেকক্ষণ পর এক অদ্ভুত সন্দেশে মর্ষর ডাকলো, কণিকা।



কণিকা মুখ তুললো; তার শুভ্র মুখের ওপর চোখের জলের ধারা বয়ে গেছে, ঝড়ে আহত পদ্মের মত। রুদ্ধ স্বরে সে বোললো, মর্মর, আমি তোমায় ভালোবাসি।

মর্মর বিষময়হীন ভাবহীন চোখে ওর দিকে তাকিয়ে রইলো, কোনো কথা বোললো না, তার দেহ যেমন ছিল, তেমনি নিশ্চল রইলো।

—মর্মর, বিশ্বাস করো আমি তোমায় ভালোবাসি, অনেক দিন থেকে। তুমি আমাকে ছেড়ে দিও না, তা' হলে আমি মরে যাবো, তুমি আমায় ধরে রাখো। ও রকম করে চেয়ে আছে কেন, আমার ভয় করে। কথা বোলছো না কেন? বলো, কিছু বলো। আমি তোমায় ভালোবাসি মর্মর, তুমি কি শুনতে পাচ্ছে না? আঃ, তুমি কি স্বপ্নর করে আমার ছবি একেছো! ও ছবিটা আমায় দেবেতো, বলে কণিকা ছবিটার দিকে এগিয়ে যাবার জন্য পা বাড়ালো।

ঘরে অন্ধকার জমছে, আলো জ্বালা হয় নি। এতক্ষণ মর্মর পাথরের মত শুদ্ধ হয়েছিল, এবার সে ওর দু'হাত ধরে ওকে আবার বসালো। কতক্ষণ সে আবার বসে রইলো চুপ করে; তার চোখ বুজে এলো অপরিণীত বেদনায়, দাঁত দিয়ে সে নীচের ঠোঁট চেপে ধরলো। কিন্তু তারপর সে ফিরে এলো নিজের মধ্যে, ওকে কাছে টেনে আনলো, ওর কাপড়ের আঁচল দিয়ে সাবধানে ওর মুখ মুছে দিতে লাগলো। এবার আর কণিকা চেপে রাখতে পারলো না, ঝাঁপিয়ে পড়লো ওর কোলে উচ্ছ্বসিত কান্নায়। বোলতে লাগলো, আমায় ক্ষমা করো মর্মর, ক্ষমা করো।...

আর ওর চুলে হাত বুলাতে বুলাতে খুব আন্তে মর্মর বোললো, কেন কাদো কণিকা, কোনো ভয় নেই। ও আমার অনেকদিনের বন্ধু, ওকে আমি বড় ভালোবাসি। কোনো ভয় নেই তোমার, কোনো ভয় নেই।

আর কান্নায় অর্গলহীন স্রোতের ভেতর থেকে কণিকা শুধু বোলতে থাকলো বারবার, আঃ, তুমি কি ভালো মর্মর, তুমি কি ভালো।...

প্রভাংশুকে মর্মর সেদিনের পর আর ভালো করে দেখে নি। এর ভেতর সে এসেছেও কম, আর যখন এসেছে তখন বেশীক্ষণ থাকে নি। যেটুকু থেকেছে বিশেষ কোনো কথাই সে বলে নি, এসেই যাবার জন্য ছটফট করেছে। মর্মর লক্ষ্য না করে পারে নি ওর অশ্রুমনস্ক-ভাব, ওর কপালে কুঞ্জন-রেখা, ওর অপেক্ষাকৃত নিশ্চিন্ততা। ধৈর্য্যসহকারে সে অপেক্ষা করেছে হয়তো প্রভাংশু কিছু বোলবে, হয়তো ওর ভেতরকার চাপা কষ্টটা প্রকাশ করে নিজেকে হালকা কোরবে, কিন্তু প্রভাংশু শুধু কতক্ষণ অস্বাভাবিকভাবে ইতস্তত করে ফিরে গেছে।

প্রভাংশুর জীবনে তখন এসেছে সবচেয়ে বড় সন্ধিক্ষণ। এ পর্যন্ত তাকে কোনোদিন বিশেষ চিন্তার মধ্যে আসতে হয় নি। কৃতকার্য্যতাকে আদর্শ করে সে এ পর্যন্ত মন্থন-ভাবে চলে এসেছে; কিন্তু এখন, যেখান থেকে সে সবচেয়ে কম আশা করেছিল সেখান থেকে এলো বাধা, এলো দ্বিধা। মর্মরের কাছে সব খুলে বলাই এক-একবার সে সঙ্কল্প করেছে, কিন্তু সন্দেহ তাকে সেদিকে অগ্রসর হতে দেয় নি। যে উষ্ণ সূক্ষ্ম আকর্ষণ সে রক্তের মধ্যে অনুভব কোরতো, শুধু তার ওপরই নির্ভর কোরতে সে ভরসা পায় না। মর্মর কি এতদিন পরেও এমন কঠিন সন্ধিক্ষণেও তাকে ভালোবাসতে পারবে? সে বিশ্বাস কোরতে পারে নি। আর যদিও মর্মর এখনও ঠিক আগের মতই থেকে থাকে, পরস্পরের সেই অদৃশ্য আকর্ষণ যদিই বা এখনও সে অনুভব করে, তবু এ রকম অভাবিত সমস্তার কি সে নির্বিকার থাকতে পারে? আর যাই হোক, মানুষের মনোবৃত্তি প্রতি মানুষের মধ্যে থাকাই স্বাভাবিক। এবং এই কঠিন 'প্যাশন'কে মানুষের পক্ষে জয় করা সহজ নয়। কাজেই প্রভাংশু বারবার ফিরে এসেছে। কিন্তু এখন সে দ্বিধাধ্বস্ত এমন চরমে এসে পৌঁছেছে যে, একটা কিছু তাকে কোরতেই হবে। তার হৃদয়ের উদ্বেল স্রোতকে সে আর ঠেকিয়ে রাখতে পারছে না, তার সমস্ত শক্তি ক্ষয় হয়েছে, এখন তাকে আত্মসমর্পণ কোরতেই হবে। মানুষ জীবনে অন্তত একবার এমন প্রতিজ্ঞা করে



যা সে না রেখে পারে না, এখন এসেছে সেই সময়। এখন সে সমস্ত প্রাণ দিয়ে অনুভব করে যে, জগতে এমন কিছু নেই যা দিয়ে ভালোবাসাকে আটকে রাখা যায়, এমন কিছু নেই যার জন্ত সে ভালোবাসা ত্যাগ কোরতে পারে। না, না—তাকে পেতেই হবে। হয়তো এ নিতান্ত স্বার্থপরতা, কিন্তু এতে অগৌরব নেই,—কারণ সে মানুষ, দেবতা নয়। এ পাওয়া সব স্বার্থের অতীত,—এ না হ'লে তার বাঁচা অর্থহীন। আর নয়, এবার তাকে নির্দ্বয় হতে হবে, তাকে দাবী কোরতে হবে, এখন মর্ম্মরকে তার দরকার।

সেই যে সেদিন কণিকা এসেছিল সন্ধ্যায়, তার দিন-কয়েক পর মর্ম্মর বিকেলে রাস্তায় বেরুলো এমন সময় প্রভাংশুর সঙ্গে সে মুখোমুখি এসে পড়লো; থম্কে যেয়ে প্রভাংশু শুধু বোললো, এই যে!

তারপর রাস্তা দিয়ে হাঁটতে হাঁটতে মর্ম্মর হঠাৎ বোললো, ক্ষিধে পেয়েছে, খাওয়াবে প্রভাংশু?

প্রভাংশু একবার তার মুখের দিকে তাকিয়ে বোললো, স্নো।

একটা ভালো হোটেলে ওরা যখন এসে বোসলো, তখন সন্ধ্যা হয়ে গেছে। কিছুক্ষণ নিঃশব্দে খাওয়ার পর মর্ম্মর বোললো, আমি আজ তোমার ওখানে যাচ্ছিলাম।

প্রভাংশু বোললো, আমিও যাচ্ছিলাম তোমার কাছে,—তোমাকে একটা কথা বোলতে হবে।

মর্ম্মর বোললো, তার আগে আমার কথাটা শেষ কোরতে দাও। তারপর একটু নীরব থেকে টেবিলের দিকে চোখ রেখে বোললো, প্রভাংশু, তোমার কাছে এ পর্যন্ত কোনোদিন কোন অসুযোগ করি নি, কিন্তু আজ একটা কোরবো। আমার খুব ইচ্ছা তুমি এ কথাটা রাখো।

প্রভাংশু এতক্ষণ ঠিক এই ভয়টাই কোরছিল, বোললো, তোমার অসুযোগ রাখতে পারলে আমি নিজেকে ভাগ্যবান মনে কোরবো, কিন্তু এমন অনেক জিনিস আছে যা নিজের জন্তও মানুষ কোরতে পারে না; যাশা করি তেমন অসুযোগ তুমি আমায় কোরবে না।

মর্ম্মর এ কথার সোজা জবাব কিছু দিল না, অনেকক্ষণ

সে চেয়ে রইলো মাটির দিকে, তারপর হঠাৎ তার চোখ তুলে তাকালো প্রভাংশুর দিকে, মৃদুস্বরে বোললো, প্রভাংশু, তুমি কণিকাকে বিয়ে করো।

প্রভাংশু চমকে তাকালো ওর দিকে, কিন্তু মর্ম্মরের চোখ যেন ওর এ দৃষ্টির জন্ত প্রস্তুত হয়েছিলো,—সে-চোখের দিকে চেয়ে প্রভাংশু তার চোখ নামিয়ে নিল।

শাস্ত্র অকৃত্রিম স্বরে মর্ম্মর বোলতে লাগলো, ওকে আমি ছোটকাল থেকে জানি, আমি বুঝতে পেরেছি ও তোমায় ভালোবাসবে। আর তোমাকেও একথা বোলতে পারি যে, ওর মত মেয়ের ভালোবাসা পাওয়া তোমার পক্ষে কম গৌরবের কথা নয়,—তুমি সে গৌরব হারিও না। ওকে তুমি বিয়ে করো, যত তাড়াতাড়ি পারো ওকে তুমি বিয়ে করো, এতে তোমরা সুখী হবে। আর জেনো, এ বিয়েতে আমার চেয়ে সুখী কেউ হবে না। বলো, প্রভাংশু, বলো, আমার কথা রাখবে,—বলে সে তার হাতটা এগিয়ে দিল।

অনেক, অনেকক্ষণ পর এক অদ্ভুত স্বরে প্রভাংশু বোললো, আমায় একটু সময় দাও।

পরদিন বিকালের ডাকে মর্ম্মর তার প্রশ্নের জবাব পেল :

—মাপ কোরো মর্ম্মর, তোমার অসুযোগ রাখতে পারলাম না,—আর মাপ কোরো এই তোমায় না বলে চলে যাওয়া। কিন্তু এর জন্ত বোধ হয় আমি দায়ী নই। মর্ম্মর, তুমি যদি দেবতা না হয়ে মানুষ হতে, তুমি যদি তোমার বন্ধুত্বের বাইরে নিজের স্বতন্ত্র অস্তিত্ব কোনোদিন টের পেতে, তুমি যদি পৃথিবীটাকে ঠিক পৃথিবী বলেই দেখতে পারতে,—তা'হ'লে হয়তো আমি বাঁচতে পারতাম, তোমার কণিকাকে বিয়ে কোরতে পারতাম। কিন্তু তুমি অত্যন্ত নিষ্ঠুর এবং অমানুষিকভাবে অমানুষ। মর্ম্মর কেন তুমি এত উদার হতে গেলে? তুমি কি ভাবো আমি জানি না তুমি কি নিদাক্ষণ কষ্টে সেদিন ও কথাগুলো বলেছিলে? কিন্তু কথা দিয়েই কি সব ঢাকা যায়! কোনো একটা ক্ষেত্রে মানুষ নিজেকে প্রকাশ না করে



পারে না। তাই তুমি যখন ওর ছবির ওপর তুলি বোলাতে, তখন তুমি আমার কাছে ধরা দিয়েছো।

—দুঃখ কোরো না মর্মর, আমাদের তিনজনের একসঙ্গে বাঁচা সম্ভব নয়। চলে যেয়ে আমি যদি তোমার ত্যাগের সামান্যতম প্রতিদান দিতে পেরে থাকি, তবে সেটুকুই আমার সার্থকতা। তুমি আমায় ভালোবেসেছিলে, সেজন্য তোমায় ধন্যবাদ,—কিন্তু তুমি যদি পৃথিবীর মানুষ হতে, তুমি যদি মানুষের মত ভালোবাসতে, তা'হ'লে হয়তো তোমায় আরো ধন্যবাদ জানাতে পারতুম। ইতি।

...তারপর সন্ধ্যা এলো, এলো রাত। ভাষাহীন, নীরব অন্ধকারে ছায়ায় একটা প্রেতের মত সে বসে রইলো,—মাঝরাতে ক্ষীণ একটা চাঁদের হাল্দি আলো, জানলা দিয়ে তার পায়ের কাছে পড়লো,—তারপর আশু আশু তাও সরে গেল। তারপর আকাশের তারারা স্নান হোলো, রাত্রি হোলো শেষ। তখন সে উঠলো।

বিকেলের আলো যখন শেষ হয়ে এসেছে, তখন কণিকা এলো। আজ অনেকদিন পর তার বড় ইচ্ছে হয়েছিল, অজানা উৎসহতে আসা ধূপের গন্ধের ভেতর দাঁড়িয়ে প্রাস্তরের শেষে স্নান সূর্যাস্ত দেখার। কিন্তু ঘরে এসে সে দেখলো তার চেহারা বদলে গেছে; ওর বাক্স আর বিছানা বাঁধা রয়েছে, সেই বছরদিনের পরিচিত আত্মীয়তা যেন কোথায় হারিয়ে গেছে।

দু'জনে দু'জনের চোখের দিকে কিছুক্ষণ তাকিয়ে রইলো,—দু'জনেই বুঝলো কিছু বলার আর কোন প্রয়োজন নেই। তারপর মর্মর চিঠিটা দিল ওর হাতে। কিছুক্ষণ পর কণিকা বোললো, আচ্ছা, আমায় ফেলে কোথায় চলেছো?

অনেকক্ষণ পর মর্মর কথা বললো,—যেন বহু যুগ সে কথা বলে নি, তার স্বর যেন তার অজ্ঞাতে বেরিয়ে এলো কোন্ সন্মোহিত অবচেতনা থেকে,—কোথায় যাবো সেকথা জিজ্ঞাসা কোরো না। এতদিন করেছি শুধু শিল্পের সাধনা, এবার কোরবো মানুষ হওয়ার তপস্যা।...হয়তো ও ঠিকই বলেছে, হয়তো আমি ওকে বড় বেশী ভালোবেসেছিলাম, হয়তো সেজন্যই ওকে হারাতে হোলো। কিন্তু সত্যিই কি তা'তে আমি স্বখী হতাম না? তোমাকে দোষ দিই নে কণিকা, তুমি আমায় এত ভালোবেসেছো যে, তাতেই আমি সন্তুষ্ট ছিলাম। আমার শিল্পকে, আমার সাধনাকে তুমি ভালোবেসেছিলে। কিন্তু পুরুষ যেমন শুধু একটা সাধনাকে আশ্রয় করে বাঁচতে পারে, স্ত্রীলোকে তা পারে না। তাই তুমি যখন ওকে ভালোবাসলে, তখন আমার সব ব্যথার মধ্যেও আমি বিন্মিত হই নি। ওর ছিল স্বাস্থ্য, ছিল রূপ, ছিল বাঁচার স্বাচ্ছন্দ্য এবং সম্পদ;

তোমার কাছে তার প্রয়োজনও কম নয়। তাই আমি চেয়েছিলাম তোমাদের স্বখী কোরতে আমার সবটুকু দিয়ে। কিন্তু ও তা নিল না, ফিরিয়ে দিল,—কারণ পৃথিবীতে জন্মে মানুষ হয়েই সে থাকতে চেয়েছিল।...হয়তো আমারি ভুল, হয়তো আমি ওকে বড় বেশী ভালোবেসেছিলাম।

—যা হবার তা'তো হোলো, কিন্তু তুমি কেন চলে যাচ্ছো?


—কেন যাচ্ছি তা নিজেও জানি না ভালো করে, কিন্তু মনে হচ্ছে যেন আমাকে যেতেই হবে।

কণিকা একটু চুপ থেকে আবার বোললো জানলার বাইরের দিকে চেয়ে,—এই একদিনের ভেতর আমার অনেক অভিজ্ঞতা হয়েছে। আমি ওকে ভালোবেসেছিলাম ঠিক, সে ভালোবাসায় ফাঁকি ছিল না; কিন্তু একদিন আমাকে আবার তোমার জন্ত অমৃত্যু কোরতে হতো; কারণ, আমি ভালোবেসেছিলাম তোমাকে, তোমার সাধনাকে, তোমার এই ঘরকে,—যেখানে তোমার আত্মাকে আমি স্পর্শ কোরতে পারি। সে ভালোবাসাকে আমি আজ আরো বেশী করে অমৃত্যু কোরছি,—আজ যদি তোমাকে হারাই, তবে কি নিয়ে বাঁচবো? মর্মর, তুমি যদি চলে যাও তা'তে কার কি লাভ হবে? তুমি কি মনে করো সে তা'তে তৃপ্তি পাবে? আমাদের জীবনে দুঃখের অভাব নেই, তার ওপর আর মিছিমিছি বাড়িয়ে লাভ কি? যা চলে গেছে, যাকে আর ফিরে পাওয়া যাবে না, তার জন্ত চিরদিন বসে থাকলেও কোন লাভ নেই।...মর্মর, এমন কি কিছু নেই, যা দিয়ে আমি তোমায় তৃপ্ত কোরতে পারি, একটু শাস্তি দিতে পারি?

কণিকা মর্মরের একটা হাত টেনে নিয়ে মুখ তুলে তার দিকে তাকালো। মর্মর দেখলো, ওর চোখে এবং গালে জলের ফোঁটা চক্চক কোরছে। অনেকক্ষণ পর সে বোললো, সত্যিই কি তুমি আমায় চাও? কণিকা কোনো কথা না বলে ওর হাতটায় তার ঠাণ্ডা ভিজ্জে গালটা রাখলো।

—বেশ তাই হবে, মর্মর বোললো, শুধু আমার সন্দেহ ছিলো তুমি এখনও আমাকে চাইবে কি না। আজ আমার মনে হচ্ছে, যেন তোমাকে আরো বেশী ভালোবাসতে পারবো। হয়তো ওর চলে যাওয়াটা ভালই হোলো, হয়তো তা আমাদের ভালোবাসার আশীর্বাদ। আমার মনে যে বনানী স্তব্ধ হয়েছিল, হয়তো এ না হ'লে তা জাগরণে মর্ম্মরিত হয়ে উঠতো না।





কুমারী সুজাতা বন্দ্যোপাধ্যায়

## ସାମ୍ରାଜ୍ୟ କିଛି ?

“कानमेई यथन, आर्टिक कर्राओ ना—”



“আইন তা’ বলে না দিদি। দোষের সাজা, অপরাধের দণ্ড বিদ্রোহের শাসন আইন করবে—কিন্তু বিনা কারণে না কারুর একগাছি চুল পর্য্যন্ত সে নষ্ট হতে দেবে না।”

নির্বাক দৃষ্টিতে হতাশভাবে চাহিয়া অমলা তরুণের কথা শুনিতোছিল। হঠাৎ বলিল, “কিন্তু দাদা, শ্রামাপোকা পুড়ে মরতেই জন্মায়, সেই রকম এও ত?”

তরুণ স্মিতহাস্তে বলিল, “এক কাপ চা নিয়ে আয় দিদি। পাপী জাহান্নামে যাক, আমার ঘরে শান্তি আনন্দ বিরাজ করুক।”

“এটা কিন্তু তোমার মুখস্ত কথা দাদা, বুকের প্রার্থনা নয়। চা আনছি, খেয়ে ফাঁদ পাততে ছোট, যা’ তোমার চিরদিনের কাজ। বেড়াল ইঁদুর ধরব না বলে হবিষ্যির হাঁড়ী চড়ালে কেউ বিশ্বাস করে?”

অমলা হাসিতে হাতে বাহির হইয়া গেল এবং মিনিট কয়েক বাদেই তৈরী চায়ের পেয়ালা হাতে পুনরায় ঘরে আসিয়া ঢুকিল।

সবেমাত্র অরুণ ট্রে হইতে চায়ের কাপটা মুখে তুলিয়াছে, গম্ভীর পদবিক্ষেপে একটা লোক নিকটে আসিয়া দাঁড়াইল। মাথার কাপড়টা ঈষৎ টানিয়া দিয়া অমলা উঠিয়া দাঁড়াইল। আগন্তুক ধীরকণ্ঠে বলিল, “এ ভাবে অতিথিকে প্রত্যাখ্যান করলে আপনার গৌরব খুব বেশী যে বাড়বে না, এ আমি জ্যোতিষের অঙ্ক না পেতেও বলে দিতে পারি অমলা দিদি। সুতরাং এক পেয়ালা চা খেতে খেতে খোস মেজাজ তরুণ ভায়ার সঙ্গে ছোটো বিষয়-কর্মের কথা কয়ে নেওয়া যাক।”

তরুণ ধীরকণ্ঠে বলিল, “কবে ফিরলে সোলেমান? খবর কি?”

লোকটা তাচ্ছিল্য-ভঙ্গীতে বলিল, “আজই। খবর খাসা-আবার ব্যবসা করছি। ওই যে নেমস্তন্ন-পত্র এসে গেছে দেখছি—বলিয়া তারখানি হাতে তুলিয়া লইয়া সোলেমান একবার হোহো করিয়া হাসিল।

তরুণ দারুণ বিষ্ময়ে সোলেমানের মুখের দিকে চাহিল। হৃষ্টকারী এমন করিয়া কথা বলিতে পারে না কি? ধীরকণ্ঠে বলিল, “কাজ ধরলে কোথায়?”

সোলেমান হাসিয়া বলিল, “সে খোঁজের ভারটুকু তোমারি ওপর ছেড়ে দিলুম বন্ধু। কাজটা এমন কিছু শক্ত ত হবে না; বিশেষ, তোমার পক্ষে। কিন্তু খবরটা পাওয়াই হ’লে শক্ত; তাই তাড়াতাড়ি ছুটে এলুম জানাতে। হাজার হোক বন্ধুলোক, কি বলো, হেঁ-হেঁ-হেঁ!”

তারপর চঞ্চল চক্ষে চারিদিকে একবার চাহিয়া লইয়া বলিল, “সিরাপ খাবে তরুণবাবু? বেশ ভাল তাজা জিনিষ। আজ পর্য্যন্ত যে ক’টা বেরিয়েছে, সবার সেরা। খাবে না, কেন? এক চুমুক, তাও নয়। বেশ, তবে এর গুণাগুণটা বলে যাই শোন। পানে দেহ ঠাণ্ডা, স্নিগ্ধ ত হবেই, আর একটু গোলাপী নেশা। এইটুকুই আমার আবিষ্কার—বুঝলে, হৃদোর দারগা, বড় দারগা, এমন কি পুলিশ-সাহেবকে পর্য্যন্ত চাকিয়ে সার্টিফিকেট নেবার ব্যবস্থা করেছি। রইল বোতলটা, কি বলো? না না, লজ্জা কি? আমি ভাল জানি, পাপ কাজ তোমরা যতটা বুক ঠুকে, বগল বাজিয়ে কর, আমরা পেশাদারী হয়েও তার সিকির সিকিকে আমল দিতে পারি না। আচ্ছা, আসি তা’ হ’লে। ধন্যবাদ বন্ধু, ধন্যবাদ!”

সোলেমান চলিয়া গেল। দ্বারের আড়াল হইতে বাহির হইয়া অমলা বলিল, “এ কে দাদা, বুকে একটুও ভয়ডর নেই—পাপীর মন সব সময় ভয়-কাতর, তারা লুকিয়ে ফেরে, এ যে একেবারে উন্টো।”

তরুণ মুখ ঈষৎ কুঞ্চিত করিল; বাহ্যিক আকৃতিতে কিন্তু অন্তরের সঠিক ভাব ধরা পড়িল না।

দ্বারে বেল বাজিয়া উঠিল। চেয়ার ছাড়িয়া উঠিবার কষ্টটা পর্য্যন্ত স্বীকার না করিয়া তরুণ হাঁকিল, “আমুন।”

একজন পল্লীগ্রামের ব্রাহ্মণ-পণ্ডিত লোক ভিতরে ঢুকিয়া বলিল, “দেখুন, একবার তরুণ গোয়েন্দাকে ডেকে দিতে পারেন—আমার বড় বিপদ মশায়, বড় বিপদ!”

অমলা বলিল, “কেন, কি কথা বলুনই না, ওই ত উনি আপনার সামনেই বসে রয়েছেন।”

তরুণ ধীরকণ্ঠে বলিল, “উনি জানেন। আমার আমার সঙ্গে ওর বহুদিনের জানাশোনা, আজ নতুন নয়।”

মুহূর্ত্তের অন্ত লোকটা যেন অপ্রতিভ হইয়া গেল।



পরমুহূর্তেই নিজেকে সামলাইয়া লইয়া আরম্ভ করিল, “এই যে, ভাল ত, নমস্কার। ই্যা তা’ জানি বই কি মশায়, স্বনাম-ধন্য পুরুষ, তাই জ্ঞেই ত ছুটে আসা। ই্যা যা’ বল্ছিলুম, আপনি না হ’লে ভাইপোটার কোন গতিই ত হয় না দেখছি। পরের মোটর নিয়ে বেরিয়েছে, এখনো ফিরল না।”

তরুণ মুহূর্তেই হাসিল মাত্র, কোন উত্তর দেওয়া আবশ্যক মনে করিল না।

অমলার জিজ্ঞাসায় প্রোঢ় বলিতে লাগিল, “কি আর বলি মা, সবই করে কাল গুণে। ভাইপোটা কোলকাতায় ছিল, দু’দশপয়সা আনছিলও, কোথাকার শনি আছতি বলে মেয়েটার চিঠি পেয়ে ছুটে এল। আমায় বল্লে, এক-বার রায়েদের মোটরটা দিতে হবে কাকা। অতশত কি জানি, দেখছেনই ত বামুন-পণ্ডিত, গ্রাকাবোকা মানুষ। দাদার ওই এক ছেলে, বংশের ছুলাল নীলমণি, কাজেই আবদার রাখতে হ’ল। তা’ বাবুদের জানাইও নি। গাড়োয়ান হীরাসিং মানে-গণে, ভক্তি করে, তাকেই মাথায় হাত দে পাঠিয়েছিলুম। এত বেলা হ’ল, না এল ছেলে, না এল গাড়োয়ান—এল এই চিঠিখানা, কি করি বলুন ত?”

হাত বাড়াইয়া তরুণ পত্রখানি লইয়া পড়িল—

“কাকা,

“জীবনের মত আছতি পরের হইয়া যাইবে, আমি তা’ সহ্য করিতে পারিব না। বড়লোকের মেয়ে হইলে কি হয়, আমার মতেই তার মত। আমি—আমরা উভয়ে বিবাহ-বন্ধনে আবদ্ধ হইতে মনস্থ করিয়াছি। তবে কাজটা আপাততঃ গোপনেই নিষ্পন্ন করিতে চাই। তুমি এস—আজ সন্ধ্যায় পত্রবাহক তোমায় সঙ্গে লইয়া আসিবে। খবরদার লোক জানাজানি যেন না হয়—হইলে আমি মহাবিপদে পড়িব। সঙ্গে কিছু টাকা সংগ্রহ করিয়া আনিতে ভুলিও না। তোমার অসিত”

তরুণের মুখে এখন সেই স্থির গম্ভীর হাসি। বলিল, “আপনি আমার সঙ্গে নিতে চান—কেমন?”

ভদ্রলোক কথাটা যেন লুকিয়া লইয়া কহিল, “ঠিক

ধরেছ বাবা, ঠিক ধরেছ, হাজার হোক রাজবুদ্ধি! রাজ-কর্মচারী হলেই যে রাজবুদ্ধি ধরে, তরুণবাবু তোমাতেই তার প্রমাণ! এই নাও বাবা, পায়ের ধুলো দিচ্ছি, মাথা পেতে নাও। তা’ হ’লে ঠিক গোধূলির সময়ই আসবে, কি বল বাবা?”

তরুণ হাসিয়া বলিল, “কিন্তু চিঠি যে এনেছে, আমাকে ত সে চায় না, সঙ্গে থাকলে যদি না নিয়ে যেতে চায়?”

হতাশা-জড়িত-কণ্ঠে প্রোঢ় লোকটা বলিল, “তাও ত বটে, কথাটা ত ভেবে দেখা হয় নি। কি হবে তবে?”

তরুণ থানিকক্ষণ কি ভাবিল। তারপর বলিল, “আচ্ছা, আপনি যান, আমি দু’ঘণ্টা বাদে আপনার সঙ্গে দেখা করব। একটা উপায় ভাবা চাইত, যাতে আমি সঙ্গে গেলেও কারুর সন্দেহ না হয়।”

প্রোঢ় বলিল, “হয়েছে বাবা, হয়েছে। শুভ-বিবাহের কাজে নাপিত চাই ত। তুমি সেই নাপিত হয়েই আমার পিছু নিলে—বলো না, মন্দ যুক্তি কি?”

ব্রাহ্মণ চলিয়া গেলে তরুণ হাই তুলিয়া বলিল, “এ কে জানো অমু, সোলেমানের চর।”

অমলা শিহরিয়া উঠিয়া বলিল, “তবু তুমি ওর সঙ্গে যেতে স্বীকার করলে?”

তরুণ উদাস-কণ্ঠে কহিল, “কি করি দিদি, এ গোয়েন্দা-গিরির ধারাই যে এই।”

## দুই

নিঃশব্দে পত্রবাহকের সঙ্গে দুইজনে নদীতীরে আসিয়া দাঁড়াইল। স্থানটা এত নির্জন যে, নিজেদের পদশব্দে মানুষ চমকিয়া উঠে। নদীগর্ভে বড় বড় কাঠ, ভেলা, সংখ্যা কত গণিয়া শেষ করা যায় না। কোন স্থানে প্রকাণ্ড স্তূপ, একটা আধার আবর্জনার মত দণ্ডায়মান, আবার কোন স্থানে ইতস্ততঃ বিক্ষিপ্ত।

পল্লীগ্রামের প্রোঢ় লোকটা বলিল, “দেখছ নাপিত ভায়া, এর পেছনে যদি গাদাখানেক লোক লুকিয়ে থাকে, নেহাৎ আশ্চর্য্যও নয়। আর তারা যদি হঠাৎ বেরিয়ে এসে



মুখ চেপে ধরে, 'হাঁ' করে থাকা ছাড়া উপায়ই থাকবে না। দেখো ভায়া, পা ফেলে ফলে এসো। আরে বাবা, একটা হাত-লঠনও সঙ্গে নিতে দিলি না, নিলিও না, এখন বলো ত এমন বিপদে কি মানুষে পড়ে?"

পথপ্রদর্শক অশুট-স্বরে কতকগুলো কি কথা বলিল, বুঝা গেল না।

কাকা লোকটী বলিল, "শোন কথা, ভাইপোর বিয়ে বলে কি চোখ জালাতে হবে না কি? কিন্তু বিয়ের পর যখন গিন্নীর নামে 'হোংকা' এসে পড়বে, তখন? ও কি, ও কি!"

মুখের কথা শেষ হইল না। জনকয়েক গুপ্ত আক্রমণকারীর অতর্কিত আক্রমণে অতি সহজেই কাকা-মশায় মাটির উপর লুটাইয়া পড়িতে বাধ্য হইল। সঙ্গের নাপিত কিন্তু অত সহজে ধরা দিল না; বোধ হয়, সে পূর্ক হইতেই আক্রমণ প্রতীক্ষা করিতেছিল। এবার হাতের মোটা-গোছের লাঠিগাছটা হঠাৎ 'গুপ্তি'তে রূপান্তরিত হইয়া আত্মপ্রকাশ করিল।

কিন্তু পিছনের একটী লোক যে এমনভাবে আসিয়া তাহাকে কায়দায় ফেলিতে পারে, তাহা তাহার বুদ্ধির না হোক, কল্পনার অতীত ছিল—কাজেই হুমড়ি খাইয়া সম্মুখের দিকে পড়িয়া যাওয়ার সঙ্গে সঙ্গে সে আত্ম-সমর্পনে বাধ্য হইল।

কাকাবাবু তখনও অকথা ভাষায় গালি পাড়িতে ছিল। সেই অবস্থায় আততায়ীর দল হাতে পায়ে বাঁধিয়া তাহাদের লইয়া একখানি ডিকিতে চড়িয়া বসিল। নাপিতের ক্ষৌর-কার্যের পুঁটলি হইতে একঘোড়া পিস্তল বাহির হইয়া পড়িল। দেখিয়া লোকগুলো হাসিয়া প্রায় বেদম হইয়া পড়িল। বলিল, "কি তরুণবাবু, পিস্তল দিয়ে দাড়ি কামাও না কি?"

তরুণের মুখে কিন্তু একটিও ভাষা ফুটিল না। সে যেন মূক; লোকগুলার কায়দায় পড়িয়া সে যেন ভয়ে বোবা হইয়া গিয়াছে। শত হাস্য-পরিহাসের বৃশ্চিক দংশন অগ্নান-বদনে সহ্য করিতে দেখিয়া একজন বলিল, "হ্যা, তা'

সংযমী বটে! আধখানা কথা পাছে বাজে খরচ হয়ে যায়, ভায়ার সেদিকেও নজর আছে।

তীরে অন্ধকারে কে একজন লুকাইয়া গেল। দস্যু-দলের সতর্ক চক্ষুকে কিন্তু প্রতারণিত করিতে সে পারিল না। উপর্যুপরি কয়েকবার গুলি ছোঁড়ার পর চঞ্চল হইয়া তাহারা প্রশ্নের পর প্রশ্নে বন্দীদ্বয়কে উদ্ধাস্ত করিয়া তুলিল। কাকাবাবু তখন প্রাণখোলা হাসি হাসিয়া বলিল, "শেষে আমার ওপরেও তোরা বিশ্বাস হারালি?"

দলের একজন গম্ভীর-কণ্ঠে বলিল, "কর্তার হুকুম কি মনে নেই হামিদ? তিনি বারবার বলে দিয়েছেন, 'ডান হাতের কথা, বাঁ হাত যেন না জানতে পারে'—মনে নেই?"

\* \* \*

সোলেমন অভ্যর্থনার স্বরে বলিল, "আসুন বাবু, আসুন! এত শীগ্গির যে আপনাকে অতিথি পাব, সে আশা কোনদিনই করি নি।"

তিন-চারজন অমুচর ছুটিয়া আসিল। তাহাদের মধ্যে আমাদের পূর্ক-পরিচিত কাকাবাবুকে ধমক দিয়া সোলেমন বলিল, "অতিথির হাতের দড়ি দাও খুলে দাও। অতিথি বন্ধু, এ কি কথা!"

সেলাম বাজাইয়া হামিদ তরুণের হাতের বন্ধন কাটিয়া দিল বটে, কিন্তু একটা দারুণ উৎকর্ষা-জড়িত ভয় তাহাকে যে ভীষণ পীড়িত করিয়া তুলিতেছিল, তাহা তাহার মুখ দেখিয়া অন্ত সকলের এবং সোলেমানের বৃষ্টিতে বাকী রহিল না। সে হাসিয়া বলিল, "তরুণ আমাদের সে লোকই নয়; বিশেষ, হিন্দু-শাস্ত্রের মত অতিথি নারায়ণ। ওর সেবাই আমরা করে যাব, ভয় করব না। চা নিয়ে আয়রে; কিছু মিষ্টি, কলাও যেন সঙ্গে থাকে। ভাল বামুনের তৈরী লুচি-তরকারী কিছু আনাব কি? জাত মারব না ভয় নেই। হ্যা, একটা কড়ারে এখানে থাকতে হবে, খাবে-দাবে, ক্ষুষ্টির জন্ত যা' কিছু চাও পাবে—কিন্তু নজরবন্দীতে। তেতালার অংশ সব তোমায় ছেড়ে দেওয়া যাচ্ছে। সেখানে থেকে পালাবার চেষ্টা মানে—মৃত্যু, বুঝলে?"

বন্দীর দৃষ্টি গৃহখানির হৃদয় এক অংশে পড়িল। একটি



ফুলের মত মেয়ে শয্যা-শায়িতা। অল্প একখানিতে একজন স্ত্রী যুবক হতচেতন। তাহার দৃষ্টি অনুসরণ করিয়া সোলেমান হাসিয়া উঠিল। বলিল, “বুঝলে না, ওরাই বিয়ের বর কনে—কথাটা একেবারে মিথ্যা নয়। কিছু দূরে আমাদের একটা ঘাট আছে, সেইখানটায় মোটর উণ্টে যাওয়ায় মেয়েটা জ্ঞান হারায়। বর কনেকে ঘাড়ে নিয়ে আমাদের ঘাটিতে রেখে গিয়েছে। কি ফুলজান, চা? আচ্ছা আচ্ছা, তুলে নাও তরুণ ভায়া, মেয়েলোকের অপমান করো না। বাঃ, ইয়া, এই ত চাই! যাও ফুলজান, কিছু খাবার, বড় পরিশ্রম হয়েছে—”

অপাঙ্গে হাসিয়া ফুলজান বাহির হইয়া গেল। তার মদালস দেহের দিকে অতৃপ্ত নয়নে চাহিয়া থাকিয়া সোলেমান বলিল, “এটি আমারি ভাই-সাহেব, আপকা মেহেরবানসে। যদি চাও এক-আধ রাত সেবা করতে পারে—না না, আমার আপত্তি মোটেই হবে না। আচ্ছা, দাও না, আমিই নাগিয়ে রাখছি।”

তরুণ শয্যা-শায়িতার দিকে চাহিয়া বলিল, “তারপর?”

সোলেমান বলিল, “ইয়া, বলি। বর চললেন ডাক্তার ডাকতে, আমার ঘাটদার পড়লেন বিপদে; কি যে করবে ঠিকই করে উঠতে পারলে না—ভেবে চিন্তে মেয়েটাকে কাঁধে নিয়ে এখানে এসে হাজির। হাজার হোক মানুষের প্রাণ ত, অস্বীকার করি কি করে বলুন? আল্লার জীব, কাজেই আশ্রয় দিতেই হ’ল। এদিকে বর ডাক্তার ত পেলেই না, কনেও না—ফিরে এসে খালি বাড়ীখানার ওপরেই মহা তন্দী। শেষে নিজের ক্রোধ চাপতে নিজে জ্ঞানহারা। কি আর করি, মেয়েটার খাতিরে ওকেও রাখতে হয়েছে। তোমায় বলি সাহেব এই ছাতির কথা, ও আসমানের বিবিকে আমি সাদী পর্য্যন্ত করতে রাজী! হ্যাঁ বটে বটে, তোমার বড় মেহনৎ হয়েছে, একটু বিজ্ঞান দরকার। যাও, এই বাবুকে তেতালা দেখাও।”

ঘরখানি ঘুরিয়া তরুণ সব কিছু পাইল। নানা শ্রেণীর গল্প-উপন্যাস, কালী-কাগজ-কলম, দুগ্ধফেননিভ শয্যা—পাইল না শুধু মুক্তির কোন আশা। সম্মুখে ত নয়ই,

পশ্চাতে ঠিক বাড়ীর গা ঘেঁষিয়া নদী; স্তরাং, সে পথেও পলায়ন অসম্ভব।

খানিক আনমনে বসিয়া বসিয়া সে চঞ্চলহস্তে কয়েক-খানা কাগজে কি লিখিল, তারপর বাতায়ন-পথে একে একে সেগুলি নীচে ফেলিয়া দিল। কেহ দেখিল কি?

একটা সফটজনক ধূমে খাসরোধ অবস্থায় কিছুকালের মধ্যেই সে বিছানায় এলাইয়া পড়িল; সঙ্গে সঙ্গে একটা পৈশাচিক হাসিতে দিক মুখরিত হইয়া উঠিল।

### তিন

কে বা কাহারো ঘরের নিকট হতচেতন এক স্ত্রী যুবককে শোয়াইয়া দিয়া পলাইয়া গিয়াছিল। প্রাতে চাকরের মুখে খবরটা শুনিয়া অমলা নিজেই বাহিরে আসিয়া দাঁড়াইল। দাসী ভারতী ত ভয়েই অস্থির। কান্নাভরা স্বরে বলিল, “তোমরা দরজা দাও গো। ভাল বুঝছি না, কাদের গড়া তার ঠিক নেই, কাজ কি বাপু ছুঁয়ে-লেপে।”

অমলা ধমক দিয়া বলিল, “তোমর কাজে তুই যা’ ত, একটা লোকের প্রাণের চেয়ে কি আমাদের ছোঁয়া-লেপাটা এতই বড়।”

দাসী কাচুমাচু মুখে বলিল, “না তা’ বলছি না, তবে কাজ কি বাবু পরের খুন ঘাড়ে নিয়ে। দাদাবাবু থাকতেন, আলাদা কথা। খুনেগুলো এবার যদি আসে, আমাদেরই হয় ত খুন করে রেখে যাবে। তার চেয়ে হাসপাতালে খবর দাও, টেনে নিয়ে যাক—বাঁচে বাঁচল, মরে ঝুপাট পোয়াতে হবে না।”

কথাটা অমলার মনে লাগিল। সে তৎক্ষণাৎ কলেজে ফোন করিল। তারপর প্রাথমিক শুশ্রূষার জন্য বড় এক গামলা জল লইয়া বসিল। চেঁচা করিয়াও নাড়ী পাওয়া গেল না; বক্ষের স্পন্দনও নয়। কিন্তু কি জানি কেন অমলা তথাপি আশা ছাড়িতে পারিল না।

পাড়ার বৃদ্ধা ডাক্তার ধরণীবাবু কি কাজে তখন বাড়ীর নিকট দিয়া যাইতেছিলেন, অমলা তাহাকে ডাকিয়া বলিল, “একে একবার দেখুন ত, আমার বোধ হচ্ছে মরে নি।”

ধরণীবাবু অতি অমায়িক লোক। হাসিতে হাসিতে



নিকটে আসিয়া বয়সোচিত কয়েকটা রসিকতার পর তিনি পরীক্ষায় বসিলেন। কিছু পরেই কিন্তু মুখ কাল করিয়া উঠিয়া দাঁড়াইয়া বলিলেন, “না দিদি, এতে আর কিছু নেই।”

দাসী ভারতী হাউমাউ করিয়া উঠিল। অমলা কিন্তু এক দাবড়িতে তাহাকে ধামাইয়া দিয়া বলিল, “কিন্তু দাদা, দেহটায় হাত দিয়ে দেখুন, এত গরম।”

ডাক্তারবাবু বলিলেন, “তা’ হয় দিদি, ইঞ্জেকসনে অনেক সময় দেহের তাপকে অস্তুতঃ ঘটা কতকের জন্তেও ধরে রাখতে পারে। তবে একটা কেম্‌জানি—খানিকটা সূতো নিয়ে আয় ত ভারতী। এই যে কাপড় থেকেই নড়ছে যেন—ঠিক ঠিক নড়ছেই ত। আচ্ছা, দেখি ঘাড়। ঠিক দিদি, এমনি কেম্‌ আমি আরও দেখেছি। শপথ করে বলতে পারি, এ মরে নি—”

ঠিক এই সময়ে ‘এম্বুলেন্স কার’ আসিয়া পড়ায় ডাক্তারের অভিজ্ঞতার কথাটা আপাততঃ চাপা পড়িয়া গেল। পরম উৎসাহে ধরণীবাবু যুবকের দেহ গাড়ীতে তুলিয়া দিয়া বলিলেন, “তরুণ যখন নেই, আমি নিজেই যাচ্ছি দিদি। কিছু বলতে হবে না। সে থাকলেও যেতুম; কারণ, এ ‘কেসে’র অভিজ্ঞতা আর কারুর থাক না থাক আমার আছে যে—হ্যাঁ হ্যাঁ, প্রাণপণ চেষ্টা করা হবে বই কি—তবে দিদি, প্রমাই ভগবানের হাত।”

গাড়ী চলিয়া গেলে সকলে ভিতরে আসিয়া কিন্তু অবাক হইয়া গেল। এত বড় কাঠের সিন্ধুকটা এমনভাবে ফেলিয়া গেল কে? একজনের কাজ ত এ নয়ই, অথচ সবার চোখে ধূলা দিয়া নিঃশব্দে এটা ফেলিয়া কি ভাবে যে পলাইল, আশ্চর্য।

সিন্ধুকটার উপরে এবথানা কাল পরদায় আবরণী, তার পরেই মোটার কাচের ডালা। পরদা সরাইয়া সকলে একযোগে চীৎকার করিয়া উঠিল, “এ যে দাদাবাবু!”

অমলা অস্থির চরণে ফোনের নিকট ছুটিয়া গেল। সহরের সর্বশ্রেষ্ঠ ডাক্তারের ঠিকানা-পরিচয়-পুস্তিকায় একবার শত্রু খুঁজিয়া লইয়া ডাকিল। ঠিক সেই সময় কে

একজন তার হাত চাপিয়া ধরিয়া বলিল, “খামো, কা’কে চাও?”

অমলা সর্পিনী মত গর্জিয়া দাঁড়াইয়াই চমকিয়া উঠিল—এই ত তরুণ দা’ তবে? উত্তর দিবার পূর্বে আর একবার ছুটিয়া সিন্ধুকটার নিকটে আসিয়া দাঁড়াইল—এ কি, এক মানুষ কি করিয়া একযোগে দুইস্থানে থাকিতে পারে! জিজ্ঞাসু-নয়ন তুলিয়া সে নবাগত তরুণের মুখের দিকে চাহিল।

কিন্তু তরুণ নিজেই তার এ রহস্য ভেদ করিয়া দিল। বলিল, “ও, বিনোদকে বুঝি তারা এই অবস্থায় পাঠিয়েছে। আগেই আমি সেটা বুঝেছিলুম, তাই নিজে যাই নি। ক’দিন ধরে আমার অধীনে শিক্ষানবীশি করতে ও ঘুরে বেড়াচ্ছিল। এ ক্ষেত্রে এক টিলে দুই পাখী মারবার লোভ সামলাতে পারি নি, কাজেই ওকে আমি সাজিয়ে পাঠিয়েছিলুম—কিন্তু নিশ্চিন্ত থাকতে পারি নি, নিজে গেছলুম তাদের ঘাটি আগ্লাতে।”

অমলা একটা বিস্ময়মুচক শব্দ করিয়া বলিল, “কিন্তু তাদের ঘাটির খোজ—”

তরুণ হাসিয়া বলিল, “বুঝেছি, আমার কথায়ও তোমার সন্দেহ যায় নি অমলা। ঠিক ত, এত সহজে মনেই যদি নেবে, তবে আমার দিদির পদে আমিই বা তোমায় মেনে নেব কি করে। এই দেখো, মাথার ডানদিকের এ জড়ুল তোমার পরিচিত, কিন্তু ওর নেই। আর এই বুকের ডানদিকের কাটা দাগ, ওর দেখো নিশ্চিহ্ন। কেমন, এবার বিশ্বাস হ’ল বোধ হয়? এবার আমার খবর দিই, শোন।”

অঙ্গুলী নির্দেশে বিনোদের অসাড় দেহটা দেখাইয়া দিয়া অমলা বলিল, “আমার কিন্তু মনে হয়, শোনার আগে এর একটা ব্যবস্থা করা দরকার। ঠিক অমনি অবস্থায় আর একটি ছোকরাকে ওরা পাঠিয়েছিল; ডাক্তার-দাত্তর মারফতে তাকে হাসপাতালে পাঠিয়েছি।”

তরুণ ধীরকণ্ঠে বলিল, “এর ব্যবস্থাও তাই করা দরকার। ফোনটা তুমিই করে দাও। সঙ্গে সঙ্গে আরও একটা কাজ—পুলিসের বড় সাহেবকে জানাও, হু’জন



বিশ্বাসী শক্তিমান ইন্সপেক্টরের অধীনে ঘাটজন সশস্ত্র পুলিশ প্রহরী এখনই চাই।”

অমলা বিস্মিত-দৃষ্টিতে তাহার মুখের দিকে চাহিল, কিন্তু কথা অমাত্য করিল না। পুলিশের কর্তার নিকট হইতে উত্তর আসিল, “এতলোক আপনি নিয়ে কি করবেন?”

তরুণ বলিয়া দিল, বলো, “এলে বলব।”

জবাব আসিল, “কিন্তু মাপ করবেন, একজন অপরিচিতা স্ত্রীলোকের অধীনে এতটা ‘ফোর্স’ কিছু না ছেনে ছেড়ে দিতে আমি ভরসা করি না।”

তরুণ শুনিয়া বলিল, বলো, “আমি তরুণ গোয়েন্দার ভগ্নী; এ ছাড়া, অণ্ড কিছু বলতে পারি না। যদি আমার প্রার্থনা-মত কাজ না করেন, খুব কম দণ্ড জোর টাকার জন্তে আপনি গবর্ণমেণ্টের নিকট দায়ী হবেন।”

উত্তর আসিল, “তিনি কোথায়—তরুণবাবু?”

তরুণ শিখাইয়া দিল, বলো, “শত্রুরা তাঁকে জ্ঞানশূণ্য অবস্থায় বাড়ীতে পাঠিয়েছিল, এইমাত্র হাসপাতালে পাঠিয়ে দিয়েছি।”

অপর পার্শ্ব হইতে দ্বিধা-জড়িত প্রশ্ন আসিল, “আপনি কি মনে করেন, এমন বিপদের মুখে আপনাকে ছেড়ে দেওয়াটাই আমার বুদ্ধিমানের কাজ হবে?”

“বেশ দেবেন না, ফল আপনিই ভুগুন।”

“আমি নিজে আপনার সঙ্গে যেতে চাই, কোন স্বাপত্তি আছে?”

“কিছু মাত্র না। আপনি বারাকপুরে নদীর পারে লোকজন নিয়ে অপেক্ষা করবেন। একখানা সাধারণ বজ্রার জন ত্রিশেক লক্ষের ওপর শুধু কড়া নজর রাখবেন। আমি না যাওয়া পর্যন্ত খবরদার কোন কথা বলবেন না।”

### চার

সৈনিকের পরিচ্ছদে সত্য-সত্যই সেদিন অমলাকে বড় সুন্দর মানাইয়াছিল। ধীরপদে সে যখন মোটর হইতে নামিয়া পিস্তল হাতে ছ’-একপদ অগ্রসর হইয়া চলিল,

তখন কালো আঁধারের মধ্য হইতে কে একজন অশুট-কণ্ঠে কি বলিয়া সম্মুখে আসিয়া দাঁড়াইল। অমলা ভয় ত পাইলই না, বরং বেশ একটু তীব্রকণ্ঠে বলিল, “এমনি করেই কি আপনারা খবরদারী করবেন?”

লোকটা চঞ্চল হস্তে মাথার টুপি নামাইয়া তাহাকে অভিবাদন করিল। বলিল, “কি করি, আমরা যে আঁধারে?”

অমলা বেশ একটু বাঁজাল-কণ্ঠে বলিল, “কিন্তু ওদিকে যে লরী বোঝাই শেষ হ’য়ে এল। জানেন, এই মেকী টাকা একবার যদি তারা বাজারে ছড়িয়ে দিতে পারে, আপনার সুনাম থাকা কতটা দায় হ’য়ে পড়বে?”

“কিন্তু আপনি ত অক্ষুণ্ণে তা’ আমায় জানতে দেন নি—এখন উপায়?”

তাহার বিব্রতভাব দেখিয়া অমলার হাসি চাপিয়া রাখা দায় হইয়া পড়িল। বহুকণ্ঠে সে ভাব দমন করিয়া সে বলিল, “লোক এনেছেন? কই, কোথায় তারা?”

“ওই দিকে কতক ওই ঝোপটার আড়ালে, কতক ওই পল্টুনের নীচে আঁধারে।”

চঞ্চল চক্ষে একবার চারিদিকে চাহিয়া অমলা মাল বোঝাই লরীখানি হইতে লুকাইত পুলিশ-প্রহরীদের দূরত্ব পরীক্ষা করিয়া লইল। তারপর যেন একটু নিরাশ হইয়াই ফিরিয়া কহিল, “দেখুন, কেবল আপনাতে আমাতে এই সামনের লোক ক’টাকে আটকাতে হবে, পারবেন?”

“আমার দিক্ পেকে আমি অস্বীকারের কোন কারণ দেখছি না—কিন্তু আপনি মহিলা, এতবড় বিপদের মুখে—”

প্রতিবাদ মাত্র না করিয়া অমলা অগ্রসর হইয়া গেল।

অতি সহজেই ভারবাহীগণকে অপূর্ণ কোণে করায়ত্ত করিয়া তাহারা বোঝাই লরীর দিকে অগ্রসর হইয়া গেল। গাড়ীতে তখন দুইজনের অধিক তত্ত্বাবধারণকারী না থাকায় অতি সহজেই তাহারা তাহাদেরও আয়ত্তে আনিয়া ফেলিল। তারপর অশুট-স্বরে অমলা বলিল, “এখন মোল আনা বিপদ মাথার ওপর ঝুলছে, নিজেদের সম্পূর্ণ নিরাপদ ছেনেই ওরা এতটা অসতর্ক হ’তে পেরেছে। কিন্তু—ও কি!”



দ্রুত লোকগুলোর মধ্য হইতে সহসা একজন চিলের মত আওয়াজ করিয়া উঠিল। প্রায় সঙ্গে সঙ্গে সূদূর মসী-আধার ভেদিয়া বহুসংখ্যক নিশাচর পক্ষীর সক্রোধ ধ্বনি শোনা গেল।

সতর্ক অমলা কিন্তু মুহূর্তকালও বিলম্ব করিল না, বোঝাই লরীর চাকার মধ্যে আত্মগোপন করিয়া ডাকিল, “ও কি এখনো দাঁড়িয়ে, পানিয়ে আসুন শীগগির এই দিকটায়।”

কিন্তু তৎপূর্বেই আততায়ীর গুলিতে ছমড়ি থাইয়া সম্বোধিত লোকটি পড়িয়া গেল। প্রাণের মায়া তুচ্ছ করিয়া অমলা বাহির হইয়া আসিতেছিল, হঠাৎ ‘দাদা’ ডাকে চকিত হইয়া সে ফিরিয়া চাহিল—দেখিল, আসল অমলা তাহারি অনতিদূরে।

যুদ্ধের একটা অভিনয় মাত্র হইল। সতর্ক প্রহরীর দল এমনভাবে দগ্ধাদলকে ঘিরিয়া ফেলিল যে, ভয়ে বিশ্বয়ে যুগপৎ তাহারা উপস্থিত কর্তব্য পর্য্যন্ত বিস্মৃত হইল। তারপর সমান তালে তাল রাখিয়া ক্রমাগত পিছু হটিয়া যাইতে লাগিল। ঠিক এই সময়ে একজন উচ্চতন কর্ম-চারী একদল অশ্বারোহী সৈন্তের সহিত ঘটনাস্থলে আসিয়া পড়ায় তাদের পশ্চদ্বাবন গতিও রুদ্ধ হইয়া গেল। তখন চক্রাকারে বসিয়া যুদ্ধ করা অথবা আত্মসমর্পণ ছাড়া আর গতি রহিল না।

সোলেমানকে ছাণ্ডক্যাপ পরাইয়া পুলিশ-সাহেবের আনন্দ দেখে কে।

তিনি অমলার সহিত ‘ছাণ্ডসেক্’ করিতে হাত বাড়াইলেন।

অমলাও অসঙ্কোচে হাত বাড়াইয়া দিল। কিন্তু হাতে হাত পড়িতেই সাহেব চমকিয়া উঠিলেন—“ও ইউ—”

“ইয়োর মোষ্ট অবিভিয়েন্ট সারভেন্ট স্তার” বলিয়া মাথা হইতে পরচুলার বোঝা খুলিয়া ফেলিতেই তরুণকে চিনিতে পারিয়া সাহেব হোহো শব্দে হাসিয়া উঠিলেন।

সোলেমান একবার শিহরিয়া উঠিল।

তরুণের দৃষ্টিতে তাহাও এড়াইল না। সে ধীরভাবে ফিল, “চমকবার কারণ নেই বন্ধু, তোমার নিমন্ত্রণ আমি

বন্ধুভাবেই গ্রহণ করেছিলাম। তুমি আশা করেছিলে, আমাকে শেষ করে দিয়ে নিশ্চিন্ত মনে কারবার চালাবে— তা’ আর এ যাত্রা হ’ল না। এরপর যদি বেঁচে থাকো, আর শ্রীঘর থেকে ফিরে আসতে পারো, আবার দেখা হবে বই কি? দুঃখ কি! কিন্তু ওসব কথা কইবার সময় পরে অনেক পাবো। এখন বরটাকে ত আমার বাড়ী চালান করে দিলে, কনে কোথায়?”

সোলেমান উত্তর দিল না; উত্তর দিল ফুলজান। বোধ হয় মেয়েটির প্রতি সোলেমানের অনুরাগ তাহার প্রাণে পর্য্যন্ত টান দিয়াছিল। সে বলিল, “ওই নৌকার মধ্যেই চোর-কঠুরিতে আছে।”

সোলেমান আগুনবর্ষী দৃষ্টিতে ফুলজানের দিকে চাহিল। কিন্তু ফুলজান তাহা গ্রাহ্যের মধ্যেও আনিল না। সে বলিল, “চলুন তরুণবাবু, আমি দেখিয়ে দিচ্ছি।”

তরুণ হাসিয়া তাহার অনুসরণ করিল। অমলা পাশেই ছিল, তাহাকে লক্ষ্য করিয়া তরুণী বলিল, “চল্, দিদি, এতটা ছুটে যখন এসেছি, তখন মেয়েদের সত্যিকার যা’ কাজ, তাই তোকে দিয়ে করিয়ে নি।”

ফুলজানের নির্দেশমত নৌকার মধ্যে প্রবেশ করিতেই একটা কাঠের ঘরের মধ্যে একটা মেয়েকে দেখা গেল। সে যেন পায়াল প্রতিমা!

তাহাকে অমলা সঙ্গে করিয়া বাহিরে লইয়া আসিল।

পুলিশ-সাহেব একটা বর্ণামুখে দিয়া আনমনে টানিতে-ছিলেন। মেয়েটিকে দেখিয়া সবিস্ময়ে বলিয়া উঠিলেন— “হাউ ইজ্ দিজ্?”

তরুণ সংক্ষেপে বলিল, “মাহুস চুরী সার।”

\* \* \* \*

পাঠক হয় ত ভুলিয়া যানু নাই। অমলার যত্নে এবং পল্লী-ডাক্তারের চেষ্টায় নকল তরুণ ও আসল বর হাস-পাতালে থাকিয়া সুস্থ হইয়া ফিরিয়া আসিয়াছে। শুধু ফিরিয়া আসা নয়, মেয়েটির সঙ্গে অমলার উদ্যোগে তরুণের বাড়ীতেই বিবাহ-পর্বটা সমাধা হইয়া গিয়াছে।

সেদিন রবিবার। অমলা ও সূধা বসিয়া বসিয়া গল্প



করিতেছিল। তরুণ ঘরে ঢুকিয়া বলিল, “সোলেমানের দশ বৎসর জেল হয়ে গেল অমু।”

দশ বৎসর!

“হ্যাঁ। কেন, কম হলেই ভাল হ’ত বুঝি? তোর দেখছি ওটার ওপর ভারী দরদ—ব্যাপার কি বল ত?”

“দরদীই ত, ও ছিল বলেই ত তোমাদের পেলুম। সে যাক। কই দাদা, বললে না যে বড়, এবার কি করে এত সহজে ওকে ধরলে—”

তরুণ হাসিয়া বলিল, “তাও তোর জানা চাই, না অমলা। একটু উপস্থিত বুদ্ধি খাটাতে পেরেছিলুম বলেই কাজটা অতি সোজা হয়ে গিয়েছিল।

“বুড়ো বামুন সেজে যখন লোকটা এল, তখনই বুঝেছিলুম, ওরা একটা ফন্দী এঁটেছে। ওর সঙ্গে যাওয়া সমূহ বিপদ; কিন্তু না গেলে ত সব জানা যাবে না—তাই বিনোদকে তরুণ গোয়েন্দা সাজিয়ে তার সঙ্গে ভিড়িয়ে দিয়ে নিজে খুব গোপনে ছায়ায় মত তাদের অনুসরণ করলুম। তরুণ বরা পড়ল—আমিও আর একটু হ’লে পড়েছিলুম আর কি! কাণের পাশ দিয়ে ভোঁ ভোঁ করে ক’টা গুলি বেরিয়ে গেল। যাক, তারা বেশীদূর এগুলো না, তাই রক্ষে!

“বিনোদকে নিয়ে গিয়ে তারা তাদের আড্ডায় তুললে। বন্দী করে তেতলার ঘরে রেখেছে বিনোদ তা’ লিখে জানুলা দিয়ে ফেলে দিতেই আমি তা’ ছেনে সরে পড়লুম।


ইচ্ছে ছিল, তখনই পুলিশে গিয়ে খবর দি’, কিন্তু বাড়ী ফিরতে-না-ফিরতেই দেখি তাকে একেবারে মারবার সামিল করে পাঠিয়েছে। ওকে ত হাসপাতালে পাঠান হ’ল, তারপর ত সবই জানিস। শত্রুপক্ষ যখন চিরশত্রু বধ করে পরম নিশ্চিন্ত, তখন তোর পোষাক পরে আমি ছুটেছি তাদের ধরতে।

“খোজ নিয়েছিলুম, তাদের গুপ্তচর পুলিশের লোক সেজে আমাদের সব খবরাখবর সোলেমানকে জানাচ্ছে—তাই পুলিশের কাছেও আমার বেঁচে থাকার কথা গোপন করেছিলুম। ওখানে গিয়ে সর্বপ্রথমই সেই লোকটাকে নিজের কাছে টেনে নিলুম। সে এতটা হতভম্ব হয়েছিল যে, তারই সাহায্যে একরকম বিনা রক্ত-পাতেই নৌকো পর্য্যন্ত অধিকার হ’য়ে গেল।

“রক্ষীরা জানত, সে তাদেরই লোক এবং তার শিক্ষামতই তারা এটাকে একটা খেলা মনে করে নিয়েছিল বলে বিশেষ কোন বাধা দেয় নি। যখন বুঝলে, তখন নিরুপায়। পুলিশ-সাহেবের সঙ্গে তুই পর্য্যন্ত মুদ্রা নেমে গেছিস! দাদাকে বাঁচাতে হবে ত?”

অমলা ফিক্ করিয়া হাসিয়া ফেলিল। তাহার মুখখানা লজ্জায় লাল হইয়া উঠিল।

কুমারী সুজাতা বন্দ্যোপাধ্যায়







## রেশম-কুঠি

শ্রীমণীন্দ্রচন্দ্র সাহা

ভূতের অস্তিত্ব অপ্রমাণ করিবার জন্য সাঁহারা আহা-  
নিদ্রা পরিত্যাগ করিয়া রাশি রাশি প্রমাণ-প্রয়োগ ও অজস্র  
যুক্তি-তর্ক অবতারণা করিয়া থাকেন, তাঁহারা চিরকাল  
ধরিয়া তাহাদের মতবাদ লইয়া থাকুন, ইহাতে আমার  
কোন আপত্তি নাই বা তাহাদের অধিকারে হস্তক্ষেপ  
করিয়া অনধিকার চর্চাও করিতে চাহি না। কিন্তু আমি  
যাহা দেখিয়াছি, তাহা বলিতে দোষ কি? যদি দোষই  
না থাকে, তবে ইহাও বলিয়া রাখি যে, আমি ভীক নই।  
বয়স আমার সবে মাত্র বত্রিশ—যদিও বাঙ্গালীর আয়ুর  
দিক্ দিয়া ইহা প্রৌঢ়ত্বেরই সীমা নির্দেশ করে, তথাপি  
নিজের সম্বন্ধে উহা আমি মোটেই স্বীকার করি না। দেহ  
ব্যাপিয়া আজিও যৌবনের জোয়ারই চলিতেছে—ভাটা  
ধরে নাই এখনও। ইহার উপর আমি পাড়াগায়ে—  
বন-জঙ্গল আমার বিশেষ পরিচিত। আষাঢ়ের নবঘন  
কাজল মেঘে নিঃসীম অন্ধকারাচ্ছন্ন রাত্রিও দেখিয়াছি—  
সেই অন্ধকারাচ্ছন্ন দৃষ্টি-অচল পল্লীবুকে আমি নির্ভয়ে  
একাকী বেড়াইতে কখনও সঙ্কোচ বোধ করি নাই।  
ভূত শব্দের অর্থ কি তাহাও বুঝিতাম না, এবং  
উহা আছে কি নাই অত তর্ক-প্রমাণ না করিয়া  
'নাইকেই' 'কায়েমমোকাম' করিয়া লইয়াছিলাম।  
আপনারা যেমন ভূত শুনিলেই নাসিকা কুঞ্জন করেন,  
ঠোঁটের কোল বাহিয়া কি রকম একটা হাসি বাহির হইয়া

আসে—চোখ দুইটা বহিয়া তুচ্ছ-তাচ্ছিল্য উছলিয়া  
আমারও তাই পড়িত। রাত্রির গম্ভীর অন্ধকারে অতি  
পথ লক্ষ্য করিয়া শ্মশানের বৃকের উপর দিয়া কত  
ও পাড়ার থিয়েটারে যোগ দিতে গিয়াছি এবং নিশ্চি-  
রাত্রিতে একাই বাড়ী ফিরিয়াছি—একটুও মনে কখন  
সঙ্কোচ আসে নাই। কিন্তু...

যাক্... আসল কথাটাই বলি—

গ্রীষ্মের ছুটি প্রায় ফুরাইয়া আসিয়াছে। অকস্ম  
বন্ধু তারানাথ আসিল। বিস্মিত কম হইলাম না। সে  
যে আসিতে পারে, তাহা ধারণা করা ত দূরের কথা  
কল্পনা করাও যায় না। ধনীর ছেলে—সহরের ত্রিসীম  
বাহিরে পা দেয় না। পাড়াগাঁর নাম শুনিলেই ত্রাস  
চোখে-মুখে কেমন একটা আতঙ্ক ফুটিয়া উঠে।  
ম্যালেরিয়া মূর্তি ধরিয়া যেন তাহাকে গ্রাস করিয়া ফেলে।  
কখন যদি আমাদের এখানে আসিবার জন্য প্রস্তাব করি  
সে এমনভাবে সরিয়া পড়ে যে, কথাটার মাঝখানে  
আমাদিগকে দাঁড়ি টানিয়া দিতে হয়। তারানাথ...

আনন্দাতিশয্যে বন্ধুকে দুইহাত দিয়া বৃকের ধু  
জড়াইয়া চাপিয়া ধরিলাম। কহিলাম, হঠাৎ তোমাকে  
দুর্ভিক্ষ দিলে কে?...  
দুর্ভিক্ষ! বন্ধু স্নিগ্ধ হাসিয়া কহিল, কল্পনায় ত

দুর্ভিক্ষ! বন্ধু স্নিগ্ধ হাসিয়া কহিল, কল্পনায় ত



করিতেছি। এইবার পল্লী-মায়ের সত্যিকার রূপ দেখে  
দশ বৎসর ...

দশ মানাথ কবি।

তারপর কয়েকটা দিন তারানাথ আমাদের গইয়া  
দেখা দাঁদোড়ি আরম্ভ করিয়া দিল।

দিগন্তে বিলীয়মান মাঠভরা সবুজ ধান দেখিয়া বন্ধু  
উচ্ছ্বসিত হইয়া উঠিল, মেঘ-কালো ইক্ষুক্ষেতগুলির সাগর-  
ক দোলান ঢেউ দেখিয়া তারানাথ আনন্দে গলিয়া গেল,

বাবলা গাছের শ্রামল ছায়ায়, আকাশচুম্বী তালগাছের  
অপাতায় পাতায় বন্ধু পল্লী-মায়ের কত কি রহস্য আবিষ্কার  
করিয়া ফেলিল, পাখীদের কলতানে বন্ধু কত কি স্বরের

ছানা অনুভব করিল—এমন কি, শিবাকুলের তারস্বরে  
বুঝে ফাটারে সন্ধ্যার সর্ব অভ্যর্থনা কল্পনা করিয়া তারানাথ  
যাও বড় এক কবিতা লিখিয়া ফেলিল।

যাও কবি তারানাথ মুগ্ধ হইয়া গেল।

সং

ত.

আ আকাশ-পট বিবিধ বর্ণে অম্লরঞ্জিত করিয়া সূর্যদেব  
দিগন্ত গিয়াছেন। দিবাশেষের বিদায় মুহূর্তেই গাঢ়  
তবদনায় পল্লী স্তব্ধ। পল্লী-বধূরা অনেকক্ষণ জল লইয়া

ফেরিয়া গিয়াছে—নদীজল সীমাহীন ব্যাথায় আত্মহারা।  
বন্দীর ধারের পথটি ক্রমশঃ যেন জনবিরল হইয়া উঠিয়াছে।  
জান্না তারানাথকে সঙ্গে করিয়া আসিয়া নদীর ধারে আসিল।

ক্যা নামিয়া আসিল। ও পারের পরিত্যক্ত রেশম-কুঠির  
গণস্পর্শী চিমনীটার পাশে স্থান ছায়া ঘনাইয়া উঠিল।

জানাকীরা ঝাঁকে ঝাঁকে পল্লী-মায়ের অঙ্গান্তরণে হীরার  
টি পরাইয়া দিয়া গেল। দূরে নিকটে পল্লী-মন্দির হইতে  
জ্ঞারতির কি মধুর নিনাদ ভাসিয়া আসিতে লাগিল।

তারানাথ মন প্রাণ দিয়া সন্ধ্যার এই নয় মৌল্য  
ভব করিল। তারপর ক্ষুদ্র একটি নিশ্বাস মোচন  
রয়া কহিল, বড় দুঃখ হচ্ছে শিবু, যে, এই সব ছেড়ে

ত হবে—পল্লীর রূপ এতদিন কল্পনাই করেছি, চোখে

নি যে, কত স্নন্দর! বিলাসিনী নগরী এর কাছে

হুই নয় শিবু...প্রাণহীন, প্রকৃতির স্নেহস্পর্শ সেখানে

নাই, মানুষের হাতেগড়া সহস্র কৃত্রিমতা সেখানে নিয়তই  
বিমুক্ত করে তোলে—এমন করে স্মৃতি-মৌল্য মন প্রাণ  
ভরে দেয় না...

কহিলাম, থাকো না আরও দু'দিন। কলেজ  
খোলবার ত দেরী এখনও অনেক...

অকস্মাৎ ওপারের রেশম-কুঠিটি দাউ দাউ করিয়া  
জলিয়া উঠিল। তারানাথ লাফাইয়া উঠিল। তাহাকে হাত  
ধরিয়া টানিয়া বসাইয়া বলিলাম, বোসো, ও আগুন নয়।

সেই অগ্নির লেলিহান শিখা বাড়িয়া বাড়িয়া তখন  
আকাশ ছুঁইয়া ফেলিয়াছে। উজ্জল আলোক প্রভাবে  
ওপারের এপারের সমস্ত স্থান দিনের তায় প্রতিভাত হইয়া  
উঠিয়াছে।

আগুন নয়! তারানাথের দুই চোখ দিয়া সীমাহীন  
বিস্ময় ঝরিয়া পড়িতে লাগিল।

আমি মূঢ় হাসিয়া কহিলাম, না...ও ভূতের কাণ্ড!

ভূতের কাণ্ড! জীবনে তারানাথ যেন এতবড় আশ্চর্য্য  
কথা শুনে নাই। কহিল, ভূত!...ভূত আবার আছে  
না কি?

কহিলাম, আছে কি নাই তা' জানি নে, কিন্তু ওই  
আগুন জলছে এখানে প্রায় আশী বছর ধরে। এই সময়টায়  
বেশী জলে। লোকে বলে ওটা ভূতের কাণ্ড...

তারানাথের চোখ মুখে অবজ্ঞার হাসি ফুটিয়া উঠিল।  
তাচ্ছিল্যভরে কহিল, পড়ে শুনে তুইও একটা আস্ত ভূত  
হয়ে গেছিস শিবু...ওটা যে একটা বাষ্প...ভুলে গিয়ে  
বুঝি ভূতের ভয়ে তুইও ভূত হয়ে গেছিস।...

সঙ্গে সঙ্গে কথাটা ফিরাইয়া লিলাম, আরে ছোঃ, আমি  
না কি তাই মনে করি—তুই ক্ষেপেছিস তারা! কিন্তু  
পাড়ার কেউ মানে না ওসব—তা'রা বলে, ওখানে ভূত  
থাকে এবং তারা বিশ্বাস করেও খুব। জায়গাটায় বড়-  
একটা কেউ যায় না এবং ঐ পরিত্যক্ত কুঠির ভেতরে  
অনেকে যে অনেক শোচনীয় অভিজ্ঞতা লাভ করেছে, ইচ্ছে  
করলে তুইও অনেক শুনতে পাবি। তুই হয় ত হেসে  
উড়িয়ে দিবি, কিন্তু শুনতে শুনতে তোর গা শিউরে উঠবে  
নিশ্চয়।...



কথাটাকে তেমন আমল না দিয়া তারানাথ কহিল, লোকের শোনা কথায় কাজ কি...চল না, একবার ঘুরে আসি...বলিয়া তারানাথ সোৎসুক দৃষ্টিতে আগার দিকে চাহিল।

বৃকের রক্তটা একবার 'ছলাৎ' করিয়া উঠিল। মনে হইল, কাজ কি বিপদ টানিয়া—ভূত আছে কি নাই তাহা লইয়া আমার কি? প্রত্যক্ষ করিতে গিয়া যদি...পরক্ষণেই যৌবনের রক্ত এক ধাক্কা দিয়া সকল দৌর্বল্য সরাইয়া দিল। কহিলাম, স্বচ্ছন্দে।

মূর্ত্তমধ্যে দুই বন্ধুর মধ্যে এই অভিযানের পরামর্শ ঠিক হইয়া গেল।

ও পাড়ায় থিয়েটার হইতেছিল। থিয়েটারের নাম করিয়া মা'র নিকট বিদায় লইলাম।

রাত্রি এগারটা বাজিয়া গিয়াছে। আকাশ-পটে থাকিয়া থাকিয়া মেঘ জমিয়া নিঃসীম নিঃছিদ্র অন্ধকারে পৃথিবী ঢাকিয়া ফেলিয়াছে—পথের রেখাটী পর্যন্ত অবলুপ্ত। সমস্ত পল্লী অচেতন—কোথাও যেন প্রাণের স্পন্দনটুকুও অনুভব করা যায় না। শুধু নির্জন পথ বহিয়া নিরালা বাতাস বোধ করি সঙ্গীহারা হইয়াই হাহা করিয়া ছুটাছুটি করিতেছে।

টর্চে আলো ফেলিয়া দুই বন্ধু পাশাপাশি চলিয়া-ছিলাম—মুখে কাহারও কথা ছিল না। আসন্ন অভিযানের ভবিষ্য অভিজ্ঞতার সহস্র বিচিত্র কল্পনা উভয়ের মনে প্রাণে যেন গাঢ় স্তব্ধতা সঞ্চার করিয়াছিল। পথের রেখা কোথাও সক্র, কোথাও অনতিবিস্তৃত—দুই ধার হইতে সহস্র লতাগুল্য দুই বাহু বিস্তার করিয়া পথটিকে যেন ঢাকিয়া ফেলিয়াছে। চলিতে চলিতে কখন কখন ইহাই আমাদের গায়ে আসিয়া পড়িতেছিল এবং বাধা পাইয়া সবেগে আন্দোলিত হইতেছিল। ঘুমন্ত দু'-একটি পান্থ হয় ত বা দু'-একটি শৃগাল সাড়া পাইয়া তারম্বরে ডাকিয়া উঠিয়া তীরবেগে ছুটিয়া পলাইতেছিল। তারানাথ

চমকিয়া উঠিয়া হাতের বন্ধুকটী দৃঢ়মুষ্টিতে চাপি ছিলে, থমকিয়া দাঁড়াইয়া পড়িতেছিল।

হাসিয়া তাহাকে কহিলাম, এমন করে ভূত ঘোর না কি রে তারা—তার চেয়ে বাড়ী ফিরে চল ভাই, 'বই' মায়ের ছেলে, শেষটায় বিঘোরে...

ও—বলিয়া নিজের খেয়ালেই তারানাথ আবার প. বহিয়া চলিল।

পারঘাটে নৌকা বাঁধা ছিল—পার হইতে অনুবিধা হইল না। ধীরে ধীরে আসিয়া কুঠির নীচে দাঁড়াইলাম। গাঢ় অন্ধকারে বন-জঙ্গলে ঢাকা অতীতের পরিত্যক্ত সেই কুঠি যেন এক বিরাটাকার দৈত্যের মত বলিয়া মনে হইল। অন্ধকারে কিছুই দেখা যায় না—দূরে, নিকটে অচ্ছেদ্য অন্ধকার-সমুদ্রের কৃষ্ণ-তরঙ্গগুলি তুলিয়া তুলিয়া আসিয়া সেই পরিত্যক্ত কুঠির গায়ে পুঞ্জীভূত হইয়া সমস্ত স্থানটিকে বিভীষিকাময় করিয়া তুলিয়াছে।

তারানাথ অনেকক্ষণ ধরিয়া চাহিয়া চাহিয়া কহিল, ভূত থাকবার জায়গা বটে!

অনেক কষ্টে ভিতরে যাইবার একটা পথ বাহির করিলাম। সক্র পথ, মানুষ চলাচল না থাকায় নিজেই চিহ্নটী পর্যন্ত হারাইয়া ফেলিবার উপক্রম করিয়াছে। ফণিমনসা ও কাঁটা গাছগুলিকে বাঁচাইয়া সেই পথ দিয়া চলাচল করা আরও কঠিন। তবুও চলিলাম। বোধ করি একটা সাপ নিশ্চিন্ত আরামে পড়িয়াছিল ত অকস্মাৎ সাড়া পাইয়া 'সড়াৎ' করিয়া পলাইয়া লুকাইয়া গেল। শিহরিয়া উঠিয়া লাফাইয়া উঠে পিছাইয়া গিয়া কহিলাম, ভূতে না হোক, সাপ ফেলে দেখছি...কি যে তোমার খেয়াল তারা...

বন্ধু ফিরিয়া দাঁড়াইয়া অঙ্গুলি সঙ্কেত করিয়া মোজা রাস্তা দেখাইয়া দিয়া কহিল, বাড়ী যা' শিবু—মা'র ছেলে...ভয় করিস্ ত এই লাইটটাও নিয়ে যা'। আমি আর না দেখে ফিরছি নে...

ওরে বাবারে, এ যেন ভীষ্মের প্রতিজ্ঞা! লজ্জিত হইয়া কহিলাম, আমাকে এতই ভীক ভেবেছি না কি?

ততক্ষণ আমরা কুঠির অন্ধনের ভিতরের ছোট ইলা



করিতেছি। বারান্দার উপর আসিয়াছি। ঘরটা ছোট।  
দশ বৎসর চতুর্দিক ছাইয়া ফেলিলেও অত্যাশ্চর্য্যভাবে ঘরটা

দশ দিকে বাঁচাইয়া সগর্বে দাঁড়াইয়া আছে। আশীবছর  
ইল কুঠিটি পরিত্যক্ত বলিয়া প্রবাদ, কিন্তু দেখিয়া তা'  
দেখা নে হয় না। অব্যভে হয় ত ধূলা, শুষ্ক পাতা ইত্যাদি  
কোথাও কোথাও জমিয়া উঠিয়াছে, কিন্তু বাসের অযোগ্য  
এখনও হয় নাই। পলেশ্বরার রং ধূম-মলিন হইলেও  
ক এখনও ঘরটা নগ্নগাত্র হইয়া দাঁত বাহির করে নাই।

তারানাথ নিশ্চিন্ত হইয়া কহিল, ঘুমোনা যাবে যা'  
আ হোক।

কা তারানাথ ও আমি হলের ভিতর প্রবেশ করিলাম।  
ফয়েকটা চামচিকা উড়িয়া গেল। তারানাথ হাসিয়া  
বুঝে ছিল, ওদের আজ বনবাস.....

যাও আমি হাসিয়া বলিলাম, ওদের, না আমাদের.....

যাও তারানাথ প্রত্যুত্তরে হাসিল মাত্র।

স বগলের সতরঞ্চটা পাতিয়া লইয়া তারানাথ আরাম  
ত করিয়া বসিয়া পড়িল এবং দাবার ছক্কা পাড়িয়া লইয়া  
আ কহিল, ছ'পাটা খেলা যাক শিবু—ভূত দেখতেই যখন আসা,  
দি তখন জেগেই থাকতে হবে—ঘুমুলে হয় ত আর দেখা  
ত হবে না।

বাহিরে তখন জোরে বাতাস বহিতেছিল এবং ছিটে-  
বন্দী টা বৃষ্টির ছাট আসিয়া ভিতরের অনেকটা ভিজাইয়া  
জা... দরজা ভেঙাইয়া দিয়া আসিয়া তারানাথের  
ক্যা নাহি। বায় মনোমগ্ন হইয়া করিলাম।

গণস্পর্শী র মধ্যেই আমাদের খেলা বেশ জমিয়া উঠিল।  
জানাকী তখন যে বাড় আর বৃষ্টিতে ভয়ানক পাল্লা  
টি যাচ্ছে, আমরা যে বাড়ী নাই—জনমানবহীন নদীতীরের  
তদিনের পরিত্যক্ত এই কুঠিতে ভূত নামক অজানা কোন  
য়ানক অশরীরী আত্মার খোঁজে আসিয়াছি—এসব কিছুই  
নে হইল না। আমরা যেন শুধু খেলার নেশাতেই  
জিয়া গিয়াছিলাম।

কতক্ষণ এইরূপভাবে কাটিয়াছিল তাহা মনে নাই, হঠাৎ  
দেখি হইল, কে যেন ক্ষত বারান্দা অতিক্রম করিয়া এই-  
কি আসিতেছে। দুইজনে উৎকর্ণ হইয়া উঠিলাম। বলিতে

লজ্জা নাই, বীর বলিয়া যত বড়াই করিয়াই থাকি, অকস্মাৎ  
কি জানি কি এক অস্বস্তিতে মন ভরিয়া উঠিল।

চলিবার শব্দ বেশ বোঝা যাইতেছিল এবং উহা।  
মামুষের, তাহাতেও আমাদের কোন সংশয় রহিল না।  
শব্দটা ঠিক একইভাবে কয়েকবার সমস্ত বারান্দাটা আড়  
আড়িভাবে চলাফেরা করিতে লাগিল। মনে হইল, কে  
যেন অস্থিরভাবে বারান্দায় পায়চারি করিতেছে।

তারানাথ মুহূর্ত্তে সজাগ হইয়া উঠিল। বন্দুকটা তুলিয়া  
লইয়া সে উঠিয়া পড়িবার উপক্রম করিল। বাধা দি  
কহিলাম, তাড়াতাড়ি কি.....দেখা যাক.....

তারানাথ বিরক্ত হইয়া বসিয়া পড়িল।

শব্দটা আশ্বিয়া আমাদের দরজার নিকট থমকিয়া  
দাঁড়াইল। মনে হইল, যেন ঘরে প্রবেশ করিবে কি ন  
তাহাই ভাবিয়া ইতস্ততঃ করিতেছে।

উভয়ে উভয়ের দিকে দৃষ্টি-বিনিময় করিয়া নিঃশব্দে  
প্রস্তুত হইয়া লইলাম।

বোধ হয় এক সেকেন্ডেরও কম—দরজাটা ধীরে ধীরে  
খুলিয়া গেল। এবং সেই খোলা-পথের দিকে চাহিয়া উভয়ে  
বিস্ময়ে শুক্ক হইয়া গেলাম।

খোলা দরজার উপর ভর দিয়া আসিয়া দাঁড়াইল এবং  
তরুণী—তদ্বী বলিলেও অত্যুক্তি হয় না। বয়স তাহার  
চন্দ্রিকা কি পচিশ—কিন্তু সমস্ত অঙ্গ বহিয়া যৌবনের যে  
শ্রী লীলায়িত হইতেছে, তাহার নিকট বয়সের কথা মনেই  
পড়ে না।

মনে হইল, সে যেন এতক্ষণ নিজের চিন্তাতেই বিভোর  
ছিল—আমাদের প্রতি লক্ষ্যই পড়ে নাই। অকস্মাৎ এই  
দিকে দৃষ্টি পড়িতেই আতঙ্কে সে অক্ষট চীৎকার করিয়া  
উঠিল এবং মুহূর্ত্তে বাহিরের গাট অন্ধকারে ক্ষত অদৃশ্য  
হইয়া গেল।

তারানাথ দিক করিয়া হাসিয়া উঠিল। নিশীথ অভি-  
সারিকা.....এই তোদের ভূত, ছোঃ.....

অবিশ্বাস করিতে পারিলাম না।

আবার দাবা লইয়া বসিলাম। কয়েক মিনিটের বাধা  
পড়ায় খেলা আর তেমন জমিয়া উঠিল না।



চতুর্দিক আলোকিত ও কম্পিত করিয়া অদূরে একটা বাজ পড়িল। এবং তাহারই আলোকে সচকিত হইয়া মুখ তুলিয়া দ্বারপথে চাহিতেই এবার বিষ্ময়ে নহে, ভয়ে আড়ষ্ট হইয়া উঠিলাম।

কয়েক মিনিট আগে যেখানটায় তরুণী দাঁড়াইয়াছিল, ঠিক সেইখানটায় দাঁড়াইয়া এক ছাটকোট পরিহিত সাহেব—তাহার সর্মাঙ্গ যেন পুড়িয়া ছিঁড়িয়া গিয়াছে... বিকৃত মুখের উপর কোটরাগত চক্ষু দুইটা শুধু ভয়ানক নহে, বীভৎস!

যৌবনের মিথ্যা গর্ব লইয়া যে সাহসটুকু এতক্ষণ আমাদেরকে জাগাইয়া রাখিয়াছিল, এইবার বৃষ্টিতে পারিলাম তাহা একবারেই মাটির সঙ্গে মিশিয়া গিয়াছে। মুখ তুলিয়া যে ভাল করিয়া চাহিব, সে ক্ষমতাটুকুও আর নাই।

সাহেব সেইখানে দাঁড়াইয়া প্রশ্ন করিল, কে টোমরা?

সেই গুরুগম্ভীর স্বরের আওয়াজে উভয়েই শিহরিয়া উঠিলাম। মাতুষ যে এত গম্ভীরস্বরে কথা বলিতে পারে এবং তাহার শব্দ এমন হিমস্পর্শে বুকের চাঞ্চল্যকেও স্তব্ধ করিয়া আনে, তাহা কখন অনুভব করি নাই।.....

সাহেব আবার বলিল, কে টোমরা?

তারানাথ বোধ করি এইবার উত্তর করিতে চাহিল, বেশ লক্ষ্য করিলাম তাহার অসাড় ঠোঁট দুইখানি এইবার নড়িয়া উঠিয়া ঈষৎ বিভক্ত হইল, কিন্তু ঐ মাত্র, গলা দিয়া একটা 'রা'ও বাহির হইল না।

সাহেবের চোখে মুখে যেন অবজ্ঞার হাসি ফুটিয়া উঠিল, ভয় নেই, বলো...

জোর করিয়া কহিলাম, ভয় আমরা করি না...

সাহেব হাসিয়া বলিল, তা' জানি, কিন্তু এখানে?

মরিয়া হইয়া চোখ মুখ বুজিয়া বলিয়া ফেলিলাম, ভূত দেখতে...

ভূত দেখতে! সাহেব হোহো করিয়া হাসিয়া উঠিল। সে হাসি আর থামিতে চাহে না। তারপর অকস্মাৎ গম্ভীর হইয়া কহিল, যা' নেই, তা' নিয়ে তোমাদের এত মাথা ব্যথা কেন?

তারানাথ বোধ করি এতক্ষণে সাহস সঞ্চয় করিয়া

লইয়াছিল। এইবার বলিল, তুমিই বা কি কবে মরিয়া আসলে সাহেব?

সাহেব যেন আশ্চর্য হইল। কহিল, আ, আর এইখানেই থাকি... তারপর কণ্ঠস্বর ঈষৎ নামাইয়া কহি যা' ঠাণ্ডা পড়েছে... এক কাপ্ চা পেলো তোমরা নিশ্চয় খুসী হ'বে...

চা! এই পরিত্যক্ত কুঠিতে চা! কিন্তু কথাটা মনেও আসিল না। তারানাথ অত্যন্ত খুসী হইয়া কহিল, তার চেয়ে আনন্দের কিছু হ'বে না... দিতে পার সাহেব...

খুউব! এস না ওধারের ঘরে—সব ঠিক আছে।

সাহেব কিরিয়া চলিল। এবং তাহার সাথে তারানাথ ও আমি উঠিয়া চলিলাম। খেলার সরঞ্জাম সেইখানেই পড়িয়া রহিল, টর্চের কথা মনে হইল না; এমন সাহসে যাহার বল করিয়া আজ আসিয়াছিলাম, সেই বন্ধুকে কথাও মনে পড়িল না। হায়রে বন্ধু!... কাজের সমস্যা এমনি করিয়া মাতুষ নিজের অতি প্রয়োজনীয় জিনিষটা ভুল করিয়া ফেলিয়া যায়।

সাহেবের অনুসরণ করিয়া হলঘরের পূর্ব সীমান্তে ছোট কুটুরীতে আসিয়া উভয়ে সীমাহীন বিষ্ময়ে দিশাহারা হইয়া পড়িলাম। আরব্য উপন্যাসে আলাদীনের কণ্ঠস্বর পড়িয়াছি—কিন্তু মনে হইল, ইহার কাছে সে যেন বিদ্যমান নহে। ছোট ঘরটি বিশেষ করিয়া সুসজ্জিত। রাশি রাশি চেয়ার-টেবিলে ঘরখানি পরিপূর্ণ। একটু দৃষ্টি করিলে বেশ বোঝা যায়—ঘরখানি মজলিসের জন্যই ব্যবহৃত হয়।

সাহেবের ইঙ্গিতে শুভ্র আস্তরণে ঢাকা একটি টেবিলে নিকট চেয়ারে বসিয়া পড়িলাম—ইতঃপূর্বে কে টেবিলে উপর চা ও চায়ের সরঞ্জামাদি রাখিয়া গিয়াছে। কিন্তু তাহা আমাদের চোখেই পড়িল না। শুধু ঘরখানি এবং অপূর্ণ সজ্জা—অদূরে টেবিলের উপরকার সদ্যকোঁস-ফুলের গন্ধ, সাহেবের শিথিল মধুর হাসি সবগুলি মিশ্রিত যেন আমাদেরকে আচ্ছন্ন করিয়া ফেলিল।

সাহেব বিনীত মধুর কণ্ঠে কহিল, অসময়ের অতিথি

হয় ত তোমাদের কষ্ট হবে...



করিতেছি। মুখ দিয়া অসংলগ্ন উক্তির তায় বাহির হইল, দশ বৎসর

দশ হব বলিল, শুধু এক কাপ চা ভিন্ন ত আর কিছু প্যারি নি...তারপর যেন একটু চঞ্চল হইয়া উঠিয়া দাঁড়াইল, আচ্ছা, তোমরা বসো—আমি আসছি...বলিয়া হেব দ্রুত অদৃশ হইল।

সাহেব চলিয়া গেল। আমরা সেইখানে দুইজন শুকনো হইয়া বসিয়া রহিলাম। টেবিলের উপর চা-ভেজা জলের বরফি ধূম কুণ্ডলী করিয়া করিয়া উপরে উঠিয়া আসিয়া যাইতে লাগিল, কিন্তু উহা টানিয়া লইয়া পান করা দিবার আগহ আমরা অনুভব করিলাম না। কতকটা

হাচ্ছমের তায় নিজেদের অস্তিত্ব ভুলিয়া সাহেবের চলা-বুকের দিকে চাহিয়া নীরবে বসিয়া রহিলাম।

আর একবার বিদ্যুৎ ঝলকিয়া উঠিল। বিকট আর্ন্তনাদ করিয়া আকাশ ফাটিয়া পড়িল।

ঠিক সেই সময় পাশের ঘর হইতে এক মর্ম্মস্বদ আর্ন্তনাদ ভাসিয়া আসিয়া কানে বাজিল।

আ দুইজনে চমকিয়া উঠিলাম।

দ্বি-আবার সেই করুণ, যন্ত্রনা-কাতর আর্ন্তনাদ—আবার—তারবার! এবার আরও স্পষ্ট, আরও সঙ্করুণ!

উভয়ের জান ফিরিয়া আসিল। উভয়েই লাফাইয়া বন্দীরা বাহিরে আসিলাম এবং পাশের ঘরের দিকে সবেগে দাঁড়াইলাম।

ছুটিয়া আসিয়া দেখিলাম, ঘরটির দরজা ভিতর হইতে

কিন্তু বন্ধদ্বার গৃহের ভিতর হইতে একটা অশ্রাস্ত মর্ম্মস্বদ ক্রন্দনধ্বনি মুহূর্ত্তে আমাদের কাছে বিচলিত হইয়া তুলিল। তারানাথ ছুটিয়া গিয়া দরজার কড়া

প্রাণপণে কয়েকবার টানিল খুলিতে পারিল না। এরপর কয়েক মিনিট ধরিয়া সবেগে কড়া ধরিয়া নাড়িতে লাগিল—কোনই ফল হইল না। অবশেষে চীৎকার করিয়া ক্রিতে লাগিল—সে শব্দ শুধু বাহিরের বিকট বিপর্যয়ের

গতা আরও একটু বাড়াইয়া তুলিল মাত্র। দে-আমি ধৈর্য্য হারাইয়া ফেলিয়াছিলাম। ছুটিয়া গিয়া দরজার উপর সবুট পদাঘাত করিলাম। দরজায়

কাণ রাখিয়া উৎকর্ণ হইলাম—কিন্তু কিছুই বুঝিতে পারিলাম না। গৃহাভ্যন্তরের সেই অস্পষ্ট আর্ন্তনাদ তখনও তেমনি কানে বাজিতেছিল।

এইবার দুইজনে একসঙ্গে দরজার উপর সবেগে পদাঘাত করিতে লাগিলাম। জীর্ণ দরজা কয়েক মুহূর্ত্তে সে আঘাত সহ্য করিয়া এক সময় ভাঙ্গিয়া পড়িল এবং সেই ভাঙ্গা পথে ঘরের ভিতর চাহিয়া আমরা উভয়ে একসঙ্গে বিকট চীৎকার করিয়া উঠিলাম।

দেখিলাম, সেই ক্ষণ-দেখা মেয়েটি একপাশে অসাড় অনড় পাথরের মূর্ত্তির মত দাঁড়াইয়া রহিয়াছে। তাহার মুখের রক্ত যেন কে নিঃশেষে শুমিয়া লইয়াছে, চোখ দুইটি নিম্প্রভ-দৃষ্টি, হিম-শীতল, অচঞ্চল। শুধু সেই অসাড় মুখের প্রতিটি রেখায় আতঙ্ক যেন মূর্ত্তি পরিগ্রহ করিয়া ফুটিয়া উঠিয়াছে। অদূরে সাহেবের সেই বীভৎস দেহ হিংস্র শিকারী পশুর ন্যায় হঠাৎ ঝুঁকিয়া পড়িয়াছে। তাহার দুইটি চোখের দৃষ্টিতে ঘৃণিত তীব্র লালসা যেন আগুনের মতো ঝরিয়া পড়িতেছে। তাহার বামহস্ত ঈষৎ নমিত, কিন্তু উত্তোলিত দক্ষিণ হস্তের মূর্ত্তিতে দৃঢ়াবদ্ধ পিস্তলটি বোধ করি মেয়েটির ক্ষণ একটু অব্যাহতাকেও ক্ষমা করিবে না... ..

উভয়ে শিহরিয়া দুই পা পিছাইয়া আসিলাম।

কিন্তু সাহেব পলকে ঘুরিয়া দাঁড়াইল। এবং উদ্যত পিস্তলটি আমাদের দিকে লক্ষ্য করিয়া শুষ্ক নিঃস্পন্দ কণ্ঠে কহিল, যাও.....

সেই শব্দের ধ্বনি শিরায় শিরায় ভূমিকম্পের ধ্বনির মত অশ্রুভূত হইল এবং মুহূর্ত্তে অক্ষর সশব্দ স্পন্দনকেও নিস্তব্ধ করিয়া দিল। ব্যাপারটা চোখের পলকে অস্বাভাবিক করিয়া লইতে কষ্ট হইল না। পলকে তীব্র অশ্রুশোচনায় অস্তুর ভরিয়া উঠিল। নিজেদের অবিমুখ্যাকারিতায় নিজেরাই ক্ষেপিয়া উঠিলাম.....হায়, বন্দুকটিও যদি কাছে রাখিতাম!..... তারানাথ গোয়ার এবং প্রাণের মমতা কিছু ওর আছে বলিয়া মনে হয় না। তাই সাবধান করিয়া দিবার জন্য অলক্ষ্যে তাহার পিছনে একটু ঠেলা দিলাম। কিন্তু সে অক্ষিপণ্ড করিল না। সে যেন



ক্ষেপিয়া গিয়াছিল। তাহার মুখের ভাব পলকে পলকে পরিবর্তিত হইতেছিল এবং ইহাই লক্ষ্য করিয়া আমি অন্তরে কি যন্ত্রনাই যে অনুভব করিতেছিলাম.....

সাহেব আবার হিম-কণ্ঠে চীৎকার করিয়া উঠিল, যাও.....

কিন্তু কথা শেষ করিতে পারিল না। তারানাথ আমাকে পর্য্যন্ত বাধা দেওয়ার স্বযোগ না দিয়া বাথের মত সাহেবের ওপর লাফাইয়া পড়িল—সাহেব পলকে সরিয়া দাঁড়াইল। তারানাথ নিজেকে সঙ্গে সামলাইতে না পারিয়া সবগে গিয়া দেওয়ালের উপর আছড়াইয়া পড়িল—তাহার মাথাটা সজোরে প্রাচীর গাত্রে ঠকিয়া গেল।

সে হৃদয়-ভেদী আর্তনাদ করিয়া উঠিল মাত্র, তারপর ঘাড় গুঁজিয়া সেইখানে নিষ্পন্দ হইয়া পড়িয়া রহিল।

সাহেব হিঃহিঃহিঃ শব্দে হাসিয়া উঠিল। সেই তীব্র হাসির রূঢ় শব্দে আমার অন্তরের ভিতরটা তুহিনের মত জমিয়া উঠিল—মুখ ফুটিয়া যে একটা আর্তনাদ করিব, সে ক্ষমতাও রহিল না।

সাহেব আসিয়া আমার অত্যন্ত নিকটে দাঁড়াইল। একবার মাত্র আমার দিকে তাহার অচঞ্চল হিম-শীতল দৃষ্টি নিক্ষেপ করিল। তারপর সে সজোরে আমার কজি চাপিয়া ধরিল। আমি শিহরিয়া উঠিয়া চোখ বুজিলাম। ওঃ, সে কি স্পর্শ! —একটুও যেন সে হাতে রক্ত নাই, জীবনের স্পন্দন যেন সেখানে অনুভব করা যায় না। কাঠির মত কঠিন হাড়ের বরফ-স্পর্শ আমার চামড়ার উপর যেন কাটিয়া বসিল।

আমার বুকের স্পন্দনও যেন থামিয়া আসিল, পা দুইটা অবশ হইয়া ক্রমে ক্রমে বরফের মত ঠাণ্ডা হইয়া মেঝের সঙ্গে জমিয়া গেল—ক্ষুদ্র প্রাণটুকুও বুঝি এইবার.....

যখন জ্ঞান ফিরিল, দেখিলাম, তারানাথ তখনও ঘরের কোণে তেমনি ঘাড় গুঁজিয়া পড়িয়া আছে। সাহেব ও সেই মেয়েটি অদৃশ্য—ঘরের দরজা বন্ধ।

উঠিতে গেলাম, পারিলাম না। কে যেন সারা অঙ্গ-

প্রত্যঙ্গের উপর ভারী পাথর চাপাইয়া দিয়া গিয়াছে। সেইখানে পড়িয়া থাকিয়া বিকল ইন্দ্রিয়গুলিকে আয়ত্বাধীনে আনিয়া সমস্ত ঘটনাটি আর একবার পর্যালোচনা করি গিয়াও কম আশ্চর্য্য হইলাম না। জগতে অত্যাশ্চর্য্য ঘটনা অভাব নাই এবং বহু মানুষ্যের জীবনেই অকস্মাৎ বিচিত্র ভাবে সেগুলি উপস্থিত হয়; কিন্তু কয়েক ঘণ্টার কৃত্রিম যবনিকার অন্তরালে আমাদের অদম্য কৌতূহল যাহ আবিষ্কার করিল, বোধ করি জগতে তাহার আর তুলনা নাই।

বাহিরে তখন অবিরাম মুষলধারে বৃষ্টি পড়িতেছিল—ঝড়েরও বিশ্রাম ছিল না! সঘন পত্রবিশিষ্ট দার্কণ, ঝাউগাছগুলির অসহায় করুণ হা-হতাশ বিস্তীর্ণ বিভীষণ, চতুর্দিক ভারী করিয়া তুলিতেছিল—অদূরের বাঁ ঝাড়ের কর্কশ আর্তনাদ একটা ভয়াবহ দুঃস্বপ্নের মত সমস্ত ইন্দ্রিয়কে ভীত সন্ত্রস্ত করিয়া তুলিতেছিল। দরজা-জান্দু, লার ফাঁকে ফাঁকে বিদ্যুৎ বিকাশ পৃথিবীর রাত্রির বীভৎস রূপ উল্লেখ করিয়া দেখাইতেছিল, পরক্ষণেই বোধ কলজায় শিহরিয়া উঠিয়া আবার অতল অন্ধকারে মূহুঢ়াকিতেছিল। ঘরে একটাও আলো নাই—অথচ কোথা হইতে কোন অদৃশ্য আলোকধারা সমস্ত কক্ষতল দিনে দায় উজ্জ্বল করিয়া রাখিয়াছিল।

অকস্মাৎ সহস্র সহস্র কণ্ঠ সেই বাড়ীটার চতুর্দিক কলরব করিয়া উঠিল—কাহাকে ছিনাইয়া লইবার জন্য তু আক্রোশে সমস্ত স্থানটী যেন চমিয়া ফেলিতে লাগিল। ইহাদিগকে প্রতিহত করিবার জন্য ভিতরে কোন আত্মা জন চলিতেছিল কি না জানি না, তবুও রাত্রির অন্ধকার কাঁপাইয়া বাহিরের বিচিত্র কলরবের ভয়াবহ শব্দকে পর্য্য অতল করিয়া দিয়া কোথা হইতে অবিশ্রান্ত উদ্‌হাসি তীব্রবেগে ফাটিয়া পড়িতেছিল—হাঃহাঃহিঃহিঃহিঃ.....

শিহরিয়া উঠিলাম। চোখের সামনে যেন মরু ছায়া ঘনাইয়া আসিল। মৃত্যুর দূতগুলা বোধ করি রাত্রি এই ভীষণতার স্বযোগে আমাদের কুক্ষিগত করি জনা ক্ষেপিয়া উঠিয়াছে—এ তাহারই কলরব। ভয়ে চে



কাজিয়া আসিল—আতকে অক্ষুট আর্তনাদ করিয়া দশ উঠিলাম। বাকুল চক্ষু দুইটা অকস্মাৎ জলভারী হইয়া উঠিল। বুকের ভিতর আদি বেদনা সহসা কাঁদিয়া উঠিল কেন আসিয়াছিলাম.....মাকে ফাঁকী দিয়াছিলাম..... দেখা বুলিয়াছিলাম.....

বসিয়া বসিয়া কম্পিত চিত্তে মৃত্যুর অপেক্ষা করিতে-  
ছিলাম। বাহিরের অস্পষ্ট কলবর, মৃৎ গজ্জন যেন ক্রমশঃ  
কম্পিত ও অসহ হইয়া উঠিল—হাসির স্নানিরও বিশ্রাম  
নাই...মেয়েটির আর্ত কণ্ঠস্বর অসহায়ের মত কাঁদিয়া  
আদিয়া ফিরিতে লাগিল...

কাঁদা সহসা মনে হইল, এই বিপদায় বোধ করি সেই মেয়ে-  
ক লইয়াই—বোধ করি সেই মেয়েটিকে ছিনাইয়া  
বুকের বাঁক জন্মাই বাহিরে সহস্র সহস্র কণ্ঠ উন্মাদ হইয়া উঠি-  
য়া ও ছ। এই মেয়েটি পাশের গ্রামেরই হয় ত আর পাঁচজনের  
যাতে যথেষ্ট আনন্দে সংসার করিতেছিল—কল্পনায়, কত কি  
স্বপ্নের আনন্দে নিজের ক্ষুদ্র গৃহস্থানির বুকের উপর সে স্বর্গ-  
ত্যাগ স্থাপন করিয়াছিল—অদূর ভবিষ্যতের অনাগত দেব-  
আশুপ্তির কলতানে বোধ করি তাহার বুক ভরিয়া গিয়া-  
ছিল...একদিন হয় ত সাহেবের লোলুপ দৃষ্টি সেই সংসারের  
তরুণের গিয়া পড়িল। শত সহস্র প্রলোভন হয় ত মেয়েটিকে  
চলিত করিতে পারে নাই...কিন্তু সাহেবের উদ্দাম  
বন্দনা প্রতিনিবৃত্ত হয় নাই...তারপর একদিন  
জানিত...

অকস্মাৎ বাহিরের সহস্র সহস্র কণ্ঠ বিকট রবে গজ্জন  
করিয়া উঠিল—বাড়ীখানা যেন সেই শব্দে খরখর করিয়া  
উঠিল—ওধারের ঘর হইতে হয় ত সাহেব মরিয়া  
উঠিল। সহসা সহস্র পিস্তল বন্দকের গম্ভীর নিগোষে  
ম বাহিরের বিকট গজ্জন মুহূর্তের জল অতল হইয়া  
ছিল।

তারপর সমানে চলিল সেই গজ্জন আর সাহেবের  
কট অট্টহাস্যের সহিত অবিশ্রান্ত বন্দকের গম্ভীর স্নানি...  
হিরে মৃত্যুর আর্তনাদ যেন সক্রম হইয়া উঠিল।

সাহসে ভর করিয়া উঠিলাম। দীরে দীরে গিয়া  
জানালার পাশে দাঁড়াইলাম। জানালার একটি পাকি

ভাঙ্গা ছিল—সেই ছিদ্র-পথে বাহিরের তরল অন্ধকার  
আমার দৃষ্টি মুহূর্তে নিশ্চিহ্ন করিয়া মুছিয়া দিল।

কিছুই চোখে পড়িল না...শুধু মৃত্যুর আর্তধ্বনির  
সীমাহীন ভয়—আমাকে আচ্ছন্ন করিয়া ফেলিতে লাগিল।

ফিরিয়া আসিয়া জানালার পাশে অবসন্ন দেহে বসিয়া  
পড়িলাম। তারানাথের অচেতন দেহের দিকে তাকাইয়া  
তাকাইয়া দুইটি চোখ জলে ভরিয়া গেল। তীব্র বেদনায়  
অন্তর কাঁদিয়া উঠিল—কেন তাহাকে প্রতিনিবৃত্ত করি  
নাই...কেন আসিতে দিয়াছিলাম...সাহস দিয়াছিলাম...  
সঙ্গে আসিয়াছিলাম...যদি উহাকে ফিরাইয়া লইয়া যাইতে  
না পারি...কি বুলিয়া একা ফিরিব...কি বুলিয়া...

সত্য-সত্যই এইবার আকুল হইয়া কাঁদিয়া ফেলিলাম।  
একবার মনে হইল, উঠিয়া গিয়া দরজাটা ভাঙ্গিয়া দিই—  
দিয়া তারানাথকে লইয়া ঐ সহস্র বিপদায় ভরা আতঙ্কিত  
অন্ধকারের বুক চিরিয়া চলিয়া যাই...

সহসা বিপুল বিজয়োল্লাসে চতুর্দিক পরিবাপ্ত হইল।  
সহস্র সহস্র কণ্ঠ একসঙ্গে চাঁৎকার করিয়া উঠিল, মরেছে—  
মরেছে—মরলা মরেছে...বেশ হয়েছে...দে—দে—ঐ সঙ্গে  
সাহেবকেও আবশ্যে চিতায় তুলে...একা যাবে কেন ও...

সেই বিকট চাঁৎকারে বোধ করি সাহেবও আর্তনাদ  
করিয়া উঠিল...

তারপর গম্ভীর নিস্তরঙ্গতা...

বাহিরের বাড়ি খামিয়া গিয়াছে, বৃষ্টির আর শব্দ  
শোনা যায় না, বাউগাছগুলি বোধ হয় নিকট বেদনায়  
অচেতন হইয়া পড়িয়াছে—ক্লান্ত পৃথিবী গাঢ় ক্লান্তিতে  
সবেমাত্র চোখ বুজিয়াছে...

কিন্তু এই গাঢ় নিস্তরঙ্গতা যেন দ্বিগুণ ভয়ে আমার  
বুকের উপর চাপিয়া বসিল—মনে হইল, এ বুনি আর  
একটা ঝড়ের লক্ষণ! বাহিরের সহস্র নিস্তরঙ্গ কণ্ঠ বোধ  
করি আর একটা কল্পনাভীত ভয়াবহ যড়যন্ত্রের পরিকল্পনা  
করিয়া নিজেরা নিজেরাই শিহরিয়া উঠিতেছে.....

অকস্মাৎ দাউ দাউ করিয়া ও ধারের ঘর জলিয়া উঠিল  
—তারপর বারান্দা—আগুনের লেলিহান শিখা বাড়িয়া  
বাড়িয়া ক্রমশঃ আসিয়া বোধ করি আমাদের জানালার



উপর দীরে দীরে বিস্তারিত হইয়া পড়িল। বাহিরের হাজার হাজার কণ্ঠ নীরব হইয়া গিয়াছিল, কিন্তু বোধ করি ওধারের ঘরে আবদ্ধ সাহেব একাই প্রাণভয়ে সহস্রকণ্ঠে আর্ন্তনাদ করিয়া দাপাদাপি করিতেছিল।

আগুনের উত্তাপ তীব্র অনুভব করিতে লাগিলাম। ওধারের জানালা আগুনে পুড়িয়া খসিয়া পড়িল—সেই দ্বারপথ দিয়া আগুনের দীর্ঘ প্রলম্বিত তপ্ত জিহ্বাগুলি শুধু আমাদের জগ্গই বুঝি উন্মাদ হইয়া উঠিল। আতঙ্কে কাঁপিয়া উঠিলাম। কি করিয়া এই আগুন হইতে উদ্ধার পাইব—তারানাথকে উদ্ধার করিব ভাবিয়া পাইলাম না—কিংকর্তব্যবিমূঢ় হইয়া পড়িলাম।

অসহা—অসহা—অসহা—দালানের বরগাগুলি জলিয়া উঠিল। কোন্ সময় বোধ করি পুড়িয়া খসিয়া পড়িয়া জীবন্তে সমাধি দিবে। ভয়ে, আতঙ্কে, ঘরময় ছুটাছুটি করিতে লাগিলাম। কোনো দিক দিয়া বাহির হইবার উপায় নাই। ওধারের জানালা-পথ দিয়া তীব্র আগুনের শিখা ঘরে আসিতেছে—এধারের দরজাও জলিয়া উঠিল। অবর্ণনীয় উত্তাপে সমস্ত ঘর পরিপূর্ণ হইয়া গেল—আর পারি না—অঙ্গ-প্রত্যঙ্গ যেন জলিয়া উঠিয়া পুড়িয়া যাইতে লাগিল—পিপাসায় কণ্ঠতালু শুকাইয়া আসিল—চোখ দুইটা ফাটিয়া বাহির হইয়া আসিতে চাহিল...অকস্মাৎ বুকে বল আসিল—এমনভাবে কাপুরুষের মৃত্যু... সমস্ত শরীর ঝাঁকি দিয়া উঠিল...বিপদের কথা ভুলিয়া গেলাম। দুই হাত দিয়া তারানাথের অচেতন দেহ তুলিয়া লইয়া সদর দরজাভিমুখে ছুটিলাম.....

সেই মুহূর্তে দরজা পুড়িয়া খসিয়া পড়িল—একটা বিরাট আগুনের শিখা আসিয়া যেন আমাদের দিকে ডুবাইয়া দিল। প্রাণভয়ে পিছনে হটিয়া গেলাম—কয়েক মুহূর্ত সম্মুখের দিকে চাহিবার মত শক্তিই রহিল না।

এইবার ভাল করিয়া চাহিতেই ভয়ে আর্ন্তনাদ ক...  
উঠিলাম—সেই দ্বারপথে অজস্র আগুনের শিখার :  
সাহেব দাঁড়াইয়া—তাহার সর্বাঙ্গ পুড়িয়া গিয়াছে—অ...  
ফোঁকা সর্বাঙ্গ ব্যাপিয়া ভয়াবহ বীভৎসতায় ফুই...  
উঠিয়াছে—চোখ দুইটা কোটর ছাড়িয়া যেন গালের উ...  
ফুটিয়া উঠিয়াছে—নাকের চিহ্নমাত্র নাই—চোয়াল দুই...  
কোথায় অদৃশ্য হইয়া গিয়াছে—শুধু দুই পাটা দাঁত.....  
তাকান যায় না.....

সাহেব বিকট রবে হাসিয়া উঠিল, হিঃহিঃহিঃহিঃ  
সেই বিকট হাসি যেন আর খামিতে চাহে না  
আগুনের ত্রায় স্বেচ্ছায় প্রলম্বিত হইয়া সরীসৃপের গতি  
আমার শিরা উপশিরা বহিয়া সেই হাসির সঙ্কল্প ভী।  
হিমম্পর্শে বুকের উপর বরফের মত জমিয়া উঠিল  
আমার কণ্ঠ হইতে একটা ক্ষীণ আর্ন্তনাদ মাত্র ফা...  
পড়িল, মা—মাগো.....

তারপর.....

পরদিন অনেক বেলায় ঘুম ভাঙিল। একটা ভয়াবহ  
দুঃস্বপ্নের স্মৃতি ও বেদনা লইয়া চোখ মেলিলাম  
দেখিলাম, তারানাথ ইতঃপূর্বেই উঠিয়া আমার দিচ্...  
সকরণ দৃষ্টি নিষ্ক্ষেপ করিয়া শুক্ক হইয়া বসিয়া আছে।  
দীর্ঘ দীর্ঘ উঠিয়া পড়িলাম—সভয়ে একবার চতুর্দিক চাহিল  
কিন্তু নিজের চোখ দুইটিকেও বিশ্বাস করিতে পারি...  
না।.....রাত্রির সেই বিশাল ভয়াবহ অগ্নি ত দূরের  
এক ফোঁটা ছাইও দেখিলাম না। আমরা যে ঘরে  
প্রথম বসিয়াছিলাম, সেই ঘরে, সেই বিছানার উ...  
বসিয়া আছি। দাবার ছকটা এখনও তেমনি সাজ...  
আছে; এমন কি, বন্দুকটা পর্যন্ত কেহ নাড়ে নাই—  
সমস্ত রাত্রি ব্যাপিয়া.....

শ্রীমণীন্দ্রচন্দ্র ৮





## শূন্য মন্দির মোর !

দক্ষিণারঞ্জন দত্ত, বি-এস-সি

নাম তার মেরী। মা বিলিভী, বাপ দেশী। দুই জাতির  
বুকে হিমিশ্রমে তার জন্ম,—দুই জাতির সৌন্দর্য্য দিয়েই গড়া।  
যাও—দুধে আলতা দেওয়া তার গায়ের রঙ, পাতলা ঠোঁট,  
যাও—চোখ, নীল আকাশের মত উজ্জল গভীর তার চোখের  
তার। তার অজান্তলম্বিত বেণী নাই, কিন্তু চুলের ভেতর  
যেন নদীর বুকের দোলায়মান ঢেউ খেলে চলেছে।

আ—তার হাসি অপক্লপ, চাহনি অপরাধেয়।  
দি—এমন যে সে!—একদিন যেন আকাশের বৃক চিরে  
ত—শিশুর রথে বের হলো।

তখন বায়ুস্রোতের ভয়ানক চলতি। মেয়ার কোম্পানীতে  
বন্দী হাড়জোড় লেগে গেছে ফিল্ম তুলতে। নতুন, নতুন  
জা—ফিল্মে নতুন নতুন অভিনেত্রীর দরকার। কত কত  
মন্দরী এসেছে—রূপ-যৌবনের ঢেউ তুলে। মেরীও এক-  
জন এলো।

ফিল্মে মেরীর খুব নাম হয়েছে। এমন একটিং, রূপের  
কিষ্ট কেউ আর করতে পারে নি। এমন উন্মাদনা, মাদকতা,  
হাহের আবেশ কেহ কখনও আর আনে নি।

সকলে জানেন, এ রূপের স্রষ্টা তরুণ অভিনেত্রীর নাম  
মেরী। উর্দুশীর পরশ বুকে লাগিয়ে দিয়ে যেন জানিয়ে দিল  
স মেরী।

ফুল যখন পাপড়ীর পর পাপড়ী মেলে ফুটে ওঠে, তখন  
তার দল ছুটে যায় মধু লুটতে। বসন্তের সূর্য্যমা যখন  
লাগে, কোকিল ডাকে, হাওয়ায় দোল খায়, তখন  
গর চলে অভিসারে।

মেরীর চলচল ভরা যৌবনের আশ্রানে তেমনি দেশ  
বিদেশের কত ভ্রমর ছুটে এলো, কেউ দূর হ'তে অর্ঘ  
দিল,—তুমি সুন্দর, তুমি অপক্লপ, তুমি মদুময়।

যারা তাতে তুষ্ট নয়, তারা এলো মেরীর পরশ পেতে  
তাকে বুকে নিতে। মেরী হাসল।

মেরীর এই ভক্তের দলে এমন কেউ ছিল না—যার  
পথে পথে খুরে বেড়ায়। যাদের প্রাণে সহ্য আছে, কিন্তু  
ভাগ্যের দোসে শুষ্ক জীবন, কক্ষ দেহ, তারা হয় ত দূরে  
অতি দূরে স্বপ্নের মাঝে স্বপ্নময়ীকে নিয়ে মত্ত ছিল।

বাস্তব জগতে তাদের এগিয়ে আসা সম্ভব নয়,—  
হাস্তেও পারে না।

যারা এলো, সবাই দর্শীর ছল্লাল, লক্ষীর বরপুত্র—  
প্রাসাদের ক্ষীর সর নবনীতে গড়া, অল্পপম রূপ লাবণ্যময়  
মেরীকে ঘিরে দেখতে দেখতে শির, ঐশ্বর্য্যের গঙ্গার  
হাট বসল।

ভক্তের দলে রূপের ঢেউ তুলে মেরী যখন নাচত, তখন  
তারা মুগ্ধ হয়ে যেত।

কাছে এসে হাত ধরে কথা কইলে আপনা ভুলত।

রাঙ্গা ঠোঁট ছ'খানির উফ পরশ লাগিয়ে দিলে মাতাল  
হয়ে উঠত, বুকের মাঝে অসীম তৃষ্ণা জাগত।

আর, আর সে?...বিজলীর মত চমক দিয়ে চলে  
যেত।

চাহিদা যখন বেশী হয়, দামও চড়ে তেমনি। উচুহারে  
'বিট' তুলে মেরীও তেমনি অন্ধের পর অন্ধ ঘুরতে



লাগল। কিন্তু কোন অঙ্কে সে ধরা দিলে না—দামিনীর মত শুধু ক্ষণিকের চমক লাগিয়ে ছুটে চলল।

ইন্ডের চেয়ে বড়, কুবেরের চেয়ে ধনী, কন্দর্পের চেয়ে অনূপম তরুণ নাগর ওয়াট আসল। মেরী ছুটে এসে তার হাত ধরল—এস প্রিয়তম!



পাওয়ার মাত্রা যে আমার কানায় কানায় উপরে পড়ছে।

\*

\*

\*

এমন করে দিন চলতে লাগল।

পরে এমন একদিন আসল, যখন মেরীর অফুরন্ত পাওয়া থামল, থামল তার সচ্ছন্দ সাবলীল গতি!

পাওয়া যখন থামে, তখন পুঞ্জিতে হাত পড়ে। গতি যখন থামে, কল-কঙ্কায় তখন মরুচে ধরে।

মেরীরও তাই হলো। যে যৌবন একদিন উদ্দাম হয়ে ছুটোছুটি দেখতে দেখতে তা'তে ভাটার টান পড়ল। যে রূপ একদিন চোখ ধাঁধা দিত, দেখতে দেখতে তা' ফেঁকা হয়ে এলো।

মেরী পমেটম মাখত, ঠোঁটে র লাগাত, পাউডারের গেলিসে হাতমু ভরিয়ে দিত...

কিন্তু দিনের পর দিন যেতে যেতে এমন একদিন আসল, যখন প্রেমিক তার সর্বস্ব দিয়েও তাকে ধরে রাখতে পারলে না।

কেউ যদি বলত,—মেরী এ তোমার বেশ বেসাতি, বেশ! মেরী হেসে তার জবাব দিত,—মন্দ কি? গতিহীন স্থবির হ'তে যাব কেন, ছন্দবিহীন হয়ে কেন তলিয়ে যাব?...

...আমার এ ঠেঁটের পরশ ত একার নয়। এ দেহের ছোঁয়া ত একার চাওয়া নয়। এ আলিঙ্গনে একজনকে কেন বাঁধব?

...এ রূপের দোলায় দোল খাবে কত নাগর। কত ভ্রমর করবে এ মুখের মধুপান।

...এ জীবনের এই ত উপভোগ, এই ত চাওয়া।

কিন্তু সেরূপ আর ফোটেই রূপের আলোতে চৌদিক ঝলসে কই?

আয়নার কাছে দাঁড়িয়ে কত ঢঙের মহলা দিত সে—যদি আবার ফিরে আসে সেদিন, ফিরে আসে রূপ-যৌবন!

সব বুঝি বুঝায় যায়! ব্যর্থ হয়ে যায় তার সন্নিহিত যা' যায় আর বুঝি তা' ফেরে না!

এখন কেউ যে আর আসে না! যে দোরে একদিন প্রেমিকের ভীড় ছিল, আজ সে দোরে কেউই নেই যাকে দেখতে শত চক্ষু উন্মুগ হ'ত, কেউই আর তা' তাকিয়ে দেখে না। যার পরশু পেতে কত শতজন যে আসত, আজ কেউই তার কাছে ঘেঁসে না—দূরে স যায়।

ক্রমে মেরীর যৌবনে পুরো ভাটা পড়ল—পুঁজি যা' কিছুই আর তার রইল না।



লহরী]

শূন্য মন্দির মোর!

[ পৌষ

লচর্ম, শিথিল দন্ত, পক্কেশা মেরী! ভুইয়ে পড়ল  
জু দেহ, চোখ বসে গেল, স্বর হ'ল রুক্ষ।  
রী তা'তেও দম্ভ না—উঠে গড়ে লাগল লোকের  
গাব করতে।



কিন্তু কোথাও কিছুই তার নেই, কাকেও সে কোন-  
দিন ভালবাসে নাই, ভালবাসার গৃহ বাঁধে নাই, যে  
এসেছে, তাকে ফতুর করে তাড়িয়েছে।

এখন সে একক, একক—কেউই তার নেই।

...সব হারিয়ে সে ভাবতে আরম্ভ করেছে, যদি তার  
স্বামী থাকত, ছেলেমেয়ে হ'ত—বুক ফুলিয়ে বলতে পারত  
এরাই এখন তার সব।

এ ভরা দুদিনে, এ রক্ত-দহন অদৃষ্টের তীব্র পরিহাসে  
আবার হয় ত মাথা তুলে দাঁড়াতে পারত।

নিজের বুক ভাটার টান পড়েছে, ক্ষতি কি? একটা  
সুন্দর সঠাম সাবলীল ভঙ্গিমা ত পেছনে পড়ে রইল।

নিজেকে হারিয়েছে, দুঃখ কিসের? নিজের পুঁজিতে  
এ ত গড়ে উঠেছে—নয়নাভিরাম নন্দন কানন। নিজেকে  
নিঃশেষে এঁকে দিয়েছে ভবিষ্যতের বই পর্বতে পরতে।

প্রেমের অতিথিকে একদিন তীব্র পরিহাস করে-  
জ কোমর বেঁধে বার হলো তাকে খুঁজে আনতে।  
গুজোর ফুল একদিন পায়ের তলায় নাড়িয়ে ছিল,  
র উপর তাইতাই নেচেছিল, মনপ্রাণে লেগে  
ফুল কুড়তে, সে বেদীতে আলপনা দিতে—কিন্তু  
আর হয়ে ওঠে না।

যি একজন বালকের কাছে এগুতে সে ডাইনি বৃড়ী  
কিয়ে উঠল, এক যুবক তীব্র হাসি হাসল, এক  
হুতুতি প্রকাশ করল।

একবারে ভেঙে পড়ল—না, কিছুই নেই আর  
আজ সে নিঃশেষে দেউলিয়ে!

র যখন এম্‌নি, তখন ভেতরের দিকে দৃষ্টি পড়ল  
কছু গড়েছে কি না!

র রিক্ততায় যখন পাষণ চাপিয়ে দিল, তখন  
গীর মধ্যে তাকাল, কোথায় কোনো আশ্রয় আছে  
বাহিরের নগ্নতায় আঁতকে উঠে নিজের মধ্যে  
গল কোথায় কোন সজীবতা মেলে কি না।



মেরী আজ বুঝতে পেরেছে তার ভুল—কি ভুলই না  
সে করেছে! অতীতের পুঁজি তার অতীতেই ফুরিয়েছে,



ভবিষ্যতের সম্বল শুধু ভিক্ষার ঝুলি—যাতে কোনদিন কাণাকড়িও পড়বে না।

আজ সে বুঝতে পারছে কেমন করে সম্বল কুড়তে হয়, নিজেকে বিলিয়ে দিয়ে বড় হ'তে হয়—যাতে করে সংসারের, সমাজের, বিশ্বের আনন্দ উপচে পড়ে।

সতৃষ্ণ নয়নে দেখছে সে তার বাড়ীর আশেপাশে ঘোণেফাইন, ইরা, মীরা, আলেকজেন্দ্রিয়া—কত কত জন কেমন আনন্দের সহিত ঘর-করুণা করছে।

তারা সংসারী। ছেলেমেয়ে আছে; ছেলে মেয়ের ছেলে মেয়েতে ঘর ভরেছে।

ওরা ত শুধু ছোট ছেলেমেয়ে নয়—যেন হীরের টুকরো। ওরা ত শুধু কলরব করে না—আনন্দের কল্লোল তোলে। বুড়ো ঠাকুরমাকে ঘিরে যেন আনন্দের মেলা বসিয়েছে।

ওদের ছেলেমেয়েরা যখন 'মা মা' করে বুকে ঝাঁপিয়ে পড়ে, তখন কি আনন্দের বজ্রাই না বয়ে যায়! কি অমৃতই না বর্ণিত হয়!

তারও বড় ইচ্ছা হয় 'মা' ডাক শুনতে। ওই, ওই অমন করে ছেলেমেয়েকে কোলে-পিঠে, বুকে নিতে।

কিন্তু কাকে নেবে সে—কেই বা তার আছে। ওরা যে পর, পর, তাকে দেখে দূরে সরে যায়, ডাইনি বুড়ী বলে হাততালি দেয়।

আপন পরে এমনি তফাৎ। ওঃ! ওঃ!

ও পাড়ায় ইলা থাকত। মৃত্যুশয্যায় তার ছেলে-মেয়েরা কি সেবাই করেছে! বিদায়-বেলায় তাদের কি মর্মভেদী কান্না!

মরবার সময় বুড়ীর জ্ঞান ছিল। সম্ভানের বিয়োগ-বিধুর মুখ দেখতে দেখতে ওদের উষ্ণ চুষন সাথে নিয়ে সে চোখ বুজেছে।

তারপর কত বৎসরই না কেটে গেল। তার ওই দিনে ছেলেমেয়েরা সমাধি-স্থানে ভীড় করে—পাজায়, নীরবে অশ্রুর অর্ঘ্য দেয়।

সুন্দর তাদের স্মৃতির পূজা! কি সুন্দর ইলা মাতৃত্বের দ্বারে সম্ভানের এই শ্রদ্ধা-তত্ত্বি নিবেদন!

কিন্তু মেরীর? যাবার বেলায় কে কাদবে 'মা মা' কে দেবে তাকে বিদায় চুষন? বছরের পর বছর কে তার স্মৃতির তর্পণ?

ভাবতে ভাবতে নীরব অশ্রুতে তার বুঝ যায়।

\* \* \*

দিন যায়, রাত আসে। জগতের এই চির অ একদিন সুবাইকেই যেতে হবে। মেরীরও যাবা এলো।

তার পয়সা ছিল, ডাক্তার, নাস, বয়, মেথর মিল্ল। মিল্ল না কেবল এতটুকু স্নেহাতুর বুক, এক বিয়োগ-কাতর মুখ।

বুকচেরা নিশাস ফেলে সে শেষ চোখ বুজল।

\* \* \*

সমাধি-স্থানের এক কোণায় তারও স্থান হয়েছে যেন দয়া কবে লিখে দিয়েছে—'শুভ্র মন্দির মোর!'

বছরের পর কত বছর গেল। উদাস হাৎ কালো পাথরের গা ঘেঁষে বুঝি বা করুণ সুরে ওই আজও গানে খুঁজে বেড়ায়।

দক্ষিণারঞ্জন

